

35216/D

H. vi
man

MANUSCRIPT

OF THE HISTORY OF THE

WILLOUGHBY

OF THE

WILLOUGHBY

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

42550
46124

J O. J A C O B I

MANGETI,

MEDICINÆ DOCTORIS,

& Serenissimi ac Pōtentiss. REGIS PRUSSIÆ Archiatri;

BIBLIOTHECA

CHIRURGICA,

SIVE

Rerum ad ARTEM MACHAONICAM quoquō modō spectantium

THESAURUS

ABSOLUTISSIMUS;

QUO OMNĒS PRORSUS HUMANI CORPORIS AFFECTIONES;

Chirurgi Manum, aut aliam aliquam ejusdem Operam exposcentes,

Ordine Alphabeticō explicantur;

ET PER CURATIONES, OPERATIONES, CONSILIA, OBSERVATIONES, AC CADAVĒRUM

Anatomicas inspectiones, è variis, iisque prastantissimis Autoribus, Veteribus ac Recentioribus petitas;
abundē; imō & curiosē tractantur. *(cum FIGURIS aeneis necessariis.)*

TOMUS SECUNDUS



GENEVAE,

Sumptibus GABRIELIS DE TOURNES & FILIORUM.

KONINKL.
BIBLIOTHEEK
TESHAGE.

M. D. C. C. X X I.



1867

MAY 1867

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED

RECEIVED



RECEIVED

CATALOGUS LIBRORUM MEDICORUM &c.

Apud GABRIELEM DE TOURNES, & FILIOS, Bibliopolas
GENEVENSES venales prostantium.

- A**lberti Introductio in universam Medicinam 4. 1718.
 — Semiologia 4. 1719.
 Agricola de Re Metallica fol. *Basilea*. 1657.
 Aldrovandi Ornithologia fol. *figur.* *Bononia* 1681.
 — Dendrologia fol. *figur.* *ibid.* 1668.
 — de Animalibus Insectis fol. *figur.* *ibid.* 1638.
 — de Piscibus & Cetis fol. *figur.* *ibid.* 1638.
 — de Quadrupedibus, digitatis Viviparis, & de Quadrupedibus digitatis Oviparis fol. *figur.* *ibid.* 1635.
 — de Quadrupedibus solipedibus fol. *figur.* *ibid.* 1639.
 Actuarius de Urinis 8. *Trajecti*.
 Argenterii Opera Medica fol. *Hanovia* 1610.
 Arculanus de febribus 4. *Pavarii* 1686.
 Alexander de Medicamentorum naturâ, viribus, & compositione 4. *Ffurti* 1604.
 Anatomia Vessingii cum notis Blasii 4. *figur.* 1695.
 A Campi commentaria in libros Galeni de differentiis Februm 4. *Neapoli* 1642.
 Albertus Magnus de Secretis mulierum 12. *Amst.* 1701.
 Albinzi Bibliotheca Chemica 8. *Geneva*.
 Appini fasciculus Dissertationum Academicarum 8. 1718.
 Aphorismi Hippocratis illustrati a Dieterico 4. *Giesâ* 1656.
 Amari fructus Medicinæ ex variis Galeni locis decerpti 12.
 Augerii Epistolarum Medicinalium totius 3. fol. *Venetis* 1607.
 — de Ratione curandi per sanguinis missionem fol.
 Arcani magni Philosophorum revelator 12. *Geneva*.
 Augurelli Chrysopsia, seu Tractatus de Auro 12.
 Bibliotheca Medico-Pract. Mangeri fol. 4. vol. *Geneva* 1695.
 — Anatomica Ejusdem fol. 2. vol. *figur.* *Geneva* 1699.
 — Chemica Ejusdem fol. 2. vol. *figur.* *Geneva* 1702.
 — Pharmaceutica Ejusdem fol. 2. vol. *figur.* *Geneva* 1704.
 — Chirurgica Ejusdem fol. 4. vol. *figur.* *Geneva* 1721.
 Boneti Polyalthes sive Thesaurus Medico-Practicus fol. 3. vol. *Geneva* 1696.
 — Sepulchretum, sive Anatomia Practica fol. 3. vol. *Geneva* 1700.
 — Medicina Septentrionalis fol. 2. vol. *figur.* *Geneva* 1686.
 — Ejusdem pars 2da separatim fol. *figur.* 1687.
 — Labyrinthus medicus extricatus 4. *Geneva*.
 Bauhini Historia Plantarum fol. 3. vol. *figur.* *Ebroduni* 1650.
 — Pinax Theatri Botanici 4. *Basilea* 1671.
 Baglivi Opera Medica 4.
 Barbette Opera Medica Anatomica & Chirurgica 4. *Geneva* 1704.
 — Chirurgia 12.
 Bayle Physica 4. 3. vol. cum *figuris*. 1703.
 — de Apoplexia 12. *Tolosa* 1677.
 — Problemata Physica & Medica 12. *Haga* 1678.
 — Dissertationes Physicæ 12. *Haga* 1678.
 — Medicæ 12. *Haga* 1678.
 Barchusen Elementa Chemiæ 4. *figur.* *Lugd. Bat.* 1718.
 — Aeromata 8. *Trajecti* 1703.
 — Pyrotophia curiosa 4.
 — Pharmacopæus Synopticus 8. *Lugd. Bat.* 1712.
 — Compendium Ratiocinii Chemicum more Geometricarum concinnatum 8. 1712.
 Baldus de humanarum propensionum differentis 4. *Bononia* 1664.
 Baricelli hortulus Genialis 16. *Geneva* 1620.
 Bartholdi Opera Medica 4. 1717.
 Balthasar Diatribe de Dosibus medicamentorum 8. 1719.
 Bartholini Thomæ Anatomia 8. *figur.*
 — Acta Medica & Philosophica Hafniensia, Annorum 1671-72. 74. 75. 76. 77. 78. 79. 4. *Hafnia*.
 — varia alia scripta.
 Bauschius de Lapide Aemate & Aetite 8. *Lipsia* 1665.
 — de Cæruleo & Chrysocolia 8. *Iena* 1668.
 Bellinus de Urinis & pulsibus de Missione Sanguinis, de Febribus &c. 4. 1717.
 — Opuscula aliquot Medica &c. 4. *Lugd. Bat.* 1714.
 — Exercitationes Anatomicæ de Structura & usu renum & de gustus organo 4. *Lugd. Bat.* 1711.
 Beccheri Physica subterranea 8. *Ffurti* 1713.
 — Edippus Chymicus 8. *Ffurti* 1716.
 — Experimentum Novum ad Curios. de Minera Arenaria Perpetua, &c. 4. *Londini* & 8. *Lipsia* 1680.
 Bergerus de Thermis Carolinis 4. 1709.
 Bennet Theatrum Tabidorum 8. *Lugd. Bat.* 1714.
 de Bils Inventa Anatomica Antiquo-Nova 4. *Amst.* 1692.
 Blanchardi Opera Medica, Theoretica, Practica & Chirurgica 4. 2. vol. 1714. *Lugd. Bat.*
 — Anatomia 8. *figur.* *Lugd. Bat.* 1695.
 — Lexicon Medicum 8. *Lugd. Bat.*
 Bidloo Anatomia fol. *figur.*
 — Opera omnia Anatomica - Chirurgica 4. *figur.* *Lugd. Bat.* 1715.
 Blasii Zootomia, seu Anatomie hominis, brutorumque variorum 8. *Amst.* 1677.
 — Observationes Medicæ rariores 8. *Amst.* 1677.
 — defensio Plempii contra Primerosium 4. *Amst.* 1659.
 — Medicina curatoria 8. *Amst.* 1680.
 — Observationes Anatomicæ Selectiores. 12. cum *fig.* *Amst.* 1667.
 — Anatomie Medullæ Spinalis, & nervorum inde provenientium 12. *figur.* *Amst.* 1666.
 Boyle Roberti Opera Philosophica, Chymica, &c. 4. 4. vol. cum *figuris* *Geneva* 1714.
 Bohn Circulus Anatomicus 4. *Lipsia* 1710.
 — de Officio Medici 4. *Lipsia* 1704.
 — de Renunciatione Vulnerum 4. *Lipsia* & 8. *Amst.*
 — dissertationes Chymico Physicæ 8. *Lipsia* 1696.
 Borrichii lingua Pharmacopæorum 4. *Hafnia* 1670.
 — Hermetis Egyptiorum & Chemicorum sapientia 8. *Hafnia* 1674.
 Botalli Opera omnia 8. *Lugd. Bat.* 1660.
 Bonaventura de Partu fol. *Ffurti* 1601.
 Boërhave Institutiones Medicæ & Aphorismi 8. 2. vol. 1721.
 — Materia medica 12. *Londini* 1718.
 Vanden Bossche Historia Medica 4. *Brux.* 1639.
 Boudevyns Ventilabrum Medico Theologicum 4. *Antverp.* 1666.
 Blondel Theriatarum Aquiligranensium & Porcetaniarum Descriptio 12. *Ultrajecti* 1685.
 Bicañi Manuale Medicorum 12. *Geneva*.
 Beguini Tyrocinium chemicum 8.
 Boëti de Boot, Florum, herbarum, ac fructuum selectiorum icones, & vires pleræque hactenus ignotæ, 8. cum *figuris*. *Brugis* 1640.
 Boccone Icones & descriptiones rariorum Plantarum 4. *figur.* *Londini* 1674.
 Breynius de Plantis fol. *figur.* *Gedani* 1678.
 Braceschi Alchymia 8. *Hamb.* 1673.
 Bravo Opera Medica fol. 5. vol. *Lugd.* 1671.
 Brunii Glandula Duodeni 4. *Ffurti* 1715.
 Broeckuyten Œconomia corporis animalis 4. 2. vol. *Amst.* 1683.
 Bravii Resolutiones & Consultationes Medicæ 4.
 Brovyne Myographia Nova, sive Musculorum omnium accuratissima Descriptio fol. *figur.* *Amst.* 1694.
 Briggs Ophthalmographia, sive Oculi ejusque partium Descriptio Anatomica 8. *Cantabrigia* 1676.
 Brunneri experimenta nova circa Pancreas 8. *Lugd. Bat.* 1709.
 Burckard medicus Gravissimus 8. 1716.
 Buñeri Thesaurus Medicinæ 4. *Geneva* 1697.
 — Hippocrates Contractus 3. *Edimburg.* 1685.
 Cardani Opera omnia Philosophica, Mathemat. Astronom. Medica & Philologica fol. X. vol. *Lugduni* 1663.
 — Opus Novum fol. *Basilea* 1582.
 Castelli Lexicon Medicum 4. *Lipsia* 1713.
 — idem 8. *Roterdam* 1651. & 12. *Tolosa* 1669.
 Camerarii Medicina Conciliatrix 4. *Ffurti* 1714.
 — Eclecticæ Medicinæ ac physicæ specimina quædam Miscellanea ad Amicos &c. 4. *Ffurti* 1713.
 — Sylloge memorabilium Medicinæ & mirabilium naturæ Arcanorum 8. 1683. & 12. 1630.
 Casserius de quinque sensibus fol. *Ffurti* 1610.
 a Campi de differentiis Februm 4. *Neapoli* 1642.
 a Castro de universa muliebrium morborum Medicina 4. 1689.
 — Medicus policitus 4. *Hamb.* 1662.
 — Tractatus de naturâ & causis pestis quæ anno 1596. Hamburgum affligit 4.
 Casti Lapis Philosophicus 4. *Oxonia*.
 Carl Therapia Praxeos Medicæ 4. *Hala* 1718.
 — Specimen historię Medicæ 4. *Hala* 1719.
 — Lapis Lydius Philosophico-Pyrothecnicus 8. *Ffurti* 1704.
 Carpozovius de sexus sequioris Gonorrhæa 8. *Lipsia* 1718.
 Catalogus Plantarum circa Cantabrigiam nascentium 8. *Cantabrigia* 1660.

Catalogus Amœnissimi horti Patavini 8. 1713. *Patavii*.
 — Medicamentorum simplicium & compositorum Basileæ
 usitatorum 12. *Basileæ* 1646.
 Cassii cogitata de auro, & ejus natura, generatione, affecti-
 bus &c. 8. *Hamb.* 1685.
 Celsus de Re Medica 8. 12. & 16. *var. edit.*
 Chabrai Stirpium Icones, sive de Plantis fol. *cum fig. Ge-
 neva.* 1678.
 Chymica Vanhus seu Chymia aurifodina 4.
 Charleton exercitationes de Nominibus Animalium fol. *figur.*
Oxonia 1677.
 — *Economia Animalis* 12.
 C. H. E. D. relatio de itinere suo Anglicano & Batavo ann.
 1706. 1707. facto qua variæ ad Anatomiam; Chirurgiam,
 Botanicam, & mater. medic. spectantes observationes si-
 stuntur 8. *Amst.* 1711.
 Claudini Empyrica Rationalis fol. 2. vol. *Bononia*.
 — Responsiones & Consultationes Medicæ 4 *Taurini* 1628.
 — Tractatus de Natura & usu Thermarum 4. *Ffurti* 1660.
 — de Ingressu ad Infirmos 4, *Venetis* 1690.
 — Opuscula 8. *Ffurti* 1673.
 Clauderi Methodus balsamandi corpora &c. 4. *Altemb.* 1679.
 — Inventum Cinnabarium 4. *Iena* 1684.
 — dissertatio de Tinctura universalis, vulgò Lapis Philo-
 sophorum dicta 4. *Altemb.* 1673.
 Clerici Danielis Historia naturalis & Medica latorum Lum-
 bricorum intra hominem & alia Animalia nascentium &c.
 4. *cum figuris Geneva* 1715.
 Cleveri Specimen Medicinæ Sinicæ &c. 4. *Ffurti* 1682.
 Collectanea Chymica Thomasoni 4. *Ffurti* 1693.
 Cockburn de Virulenta Gonorrhœa 8. *Lugd. Bat.* 1716.
 — *Economia Animalis* 12.
 Cohausen de Phosphoris 8. *figur. Amst.* 1717.
 Coberi Observationes Medicæ 4. *Helmstad.* 1685.
 Conringius de Hermetica Egyptiorum vetere, & Paracelsico-
 rum nova Medicina 4. *Helmstad.* 1648.
 — de calido innato, sive igne animali 4. *Helmstad.* 1647.
 Commelini Prælia Botanica, ad pu licas Plantarum exo-
 ticarum demonstrationes &c. 4. *fig. Lugd. Bat.* 1703.
 — Catalogus Plantarum indigenarum Hollandiæ 12.
Amst. 1683.
 Costeri affectuum corporis humani Theoria & Praxis 4. 1675.
 de Comitibus metallorum ac metallicorum Naturæ Operum
 Elucidatio 8. *Colonia* 1665.
 — de liquore Alchæst; Lapide Philosophorum, sale vo-
 latili &c. 12. *Ffurti* 1664.
 Cole de febribus intermittens 8. *Londini* 1693.
 Collectanea Pharmaceutica, seu Apparatus ad novam Phar-
 macopæam à Penicher 4. *Paris* 1695.
 Cosmopolita historia Naturalis 12. *Lugd. Bat.* 1686.
 Cozzandus de Magisterio Philosophorum 12. *Geneva* 1684.
 Cratonis Consilia Medica 8. *Ffurti* 1671.
 Crucii observationes de Quæstis in arte Medica fol. *Venetis* 1622.
 Crollii Basilica Chymica 8. *Geneva* 1658.
 Dale Pharmacologia, seu Mantuæ ad materiam medicam
 8. *Brema* 1696. & *Londini* 1693.
 Davillonii commentaria in Medicinam Severini 4. *Roterl.* 1668.
 Deusingius de mundiopificio, Discursus physicus 4. *Groning.* 1647.
 — de Anima humana dissert. Philos. 4. *Hardervici* 1644.
 — varia alia scripta.
 De Dondis Promptuarium Medicinæ fol. *Venetis* 1676.
 Denstonii Pan-sophia Enchirætica, seu Philosoph. Univers.
 Experimentalis 12. *Norimb.* 1682.
 Diemerbroeck Opera omnia Anatomica & Medica 4. 2. vol.
cum figuris, Geneva 1688.
 — Opera Medica separatim 4.
 Dionis Anatomia 8. *cum figuris* 1696.
 Dioscoridis Opera fol. *gr. lat. Ffurti* 1598.
 Dillenii Catalogus Plantarum circa Gießen nascentium 8. *fig.* 1719.
 Dispensatorium Collegii Medici Norimbergensis fol. 1666.
 Dolæi Opera Medica & Chirurgica fol.
 Donckers idea febris Petechialis 8. *Lugd. Bat.* 1686.
 Drake Vindiciæ contra Præmorsum 4. *Londini* 1641.
 Drebelius de Natura Elementorum; & de Quinta Essentia
 12. *Geneva* 1628.
 Drelincurtius de Liehosis 8. *Lugd. Bat.* 1711.
 — Stadium Appollinare Montepelicense 12. *Lugd. Bat.* 1680.
 — de partu Otimæstui Vivaci 12. *ibid.* 1680.
 — Oratio legubris super misero Civitatis Leydenfis statu
 12. *ibid.* 1680.
 — Apologia Medico-Romana 12. *ibid.* 1671.
 — Prælium Anatomicum 12. *ibid.* 1680.
 — Libitinæ Tropæa cum appendice 12. *ibid.* 1680.
 Duretus in Coacas Hippocratis fol. *Geneva* 1665.
 Ettmulleri Opera Medica fol. 3. vol. *Ffurti*.
 Elsholzius de Phosphoris 4. *Berolini* 1681.
 Entii Opera Medico Physica 8. *Lugd. Bat.* 1687.
 Endeleichii Carmen de moribus Boum 8. *Lugd. Bat.* 1715.
 Eresii historia Plantarum fol. *Amst.* 1646.

Fabricii Hildani Opera Medica & Chirurgica fol. *cum fig. Geneva*
 — Observationes & Epistolæ Chirurg. Med. 4. *Ar-
 gent.* 1713.
 Fabricii ab Aquapendente Opera omnia fol. *Lipsia* 1687.
 Faber de Plantis & de Generatione Animalium 4. *Norimb.* 1677.
 — Strychnomania 4. *Augusta* 1677.
 Fernelii Opera Medica fol. & 8. *Geneva* 1679.
 Ferrarii Hesperides fol. *Roma* 1646.
 Feynei Medicina practica 4. *Lugd.* 1650.
 Ferrerii methodus medendi 8.
 Feltman de cadavere inspiciendo 4. *Brema* 1691.
 — de Dea Podagra 8. *Brema* 1693.
 Felicis Epistola ad Marcellum Malpighium de ovis Cochlearum
 cum Harderi Epistolis aliquot &c. 8. *Augusta* 1684.
 Fieni de signis medicis 4. *Lugd.* 1664.
 Filcheri corpus Medicinæ Imperialis 3. *Herbipoli* 1680.
 Flud de Fluctibus integrum morborum mysterium f. *Ffurti* 1631.
 — Historia utriusque Cosmi fol. 2. vol. 1617.
 — Clavis Philosophiæ & Alchymicæ fol. *Ffurti* 1633.
 Flora Malabarica, sive Horti Malabarici Catalogus a Com-
 melino fol. *Lugd. Bat.* 1696.
 Foresti Opera Medica fol. 4. vol. *Rothomagi* 1653.
 Fonseca in Aphorismos Hippocratis 4. *Patavii* 1678.
 De la Font dissertationes de Veneno pestilenti 12.
 — de Hydrope 12. 1697.
 Fracastorii Opera Philosoph. & Medica 8. *Geneva.* 1637.
 Franci Castorologia 8. *Augusta* 1685.
 — Trifolii Fibrini historia 8. *Ffurti* 1701.
 — de Unguibus 4. *Iena* 1696.
 Franchimont Lithotomia, sive de Calculo renum & Vesicæ
 8. *Pragæ* 1683.
 Fraundorfferi Tabula Smaragdina Medico-Pharmaceutica 8.
Norimb. 1713.
 Freund de Febribus 8. *Amst.* 1717.
 Freni Libri Chirurgici XII. 4. *Ffurti* 1669.
 Frickius de Venenarum virtute 8. *Vlma* 1701.
 Fromman de Hamorrhoidibus 12. *Norimb.* 1677.
 Frizimelicæ liber de Balneis metallicis artificio putandis 8.
Norimb. 1679.
 Furstnati de morbis eorumque signis 8. *Amst.* 1712.
 Fuchsi Metoposcopia & Ophthalmoscopia 8. *Argent.* 1615.
 Galenus de affectuum locorum Notitia fol. *Paris* 1543.
 — de naturalibus facultatibus fol. *Paris* 1546.
 — Campi Historiales *cum notis* Symphoriani Campigii
 fol. *Basileæ* 1532.
 — Operum Epitome; fol. *Lugd.* 1643.
 — varia alia scripta.
 — Galeni & Hippocratis Opera gr. lat. fol. 13. vol. *Paris*
 1679. *cum figuris*.
 Garcia disputationes Medicæ *cum observat.* Ferrioli fol.
Burdigala 1628.
 Gaukes Praxis Chirurgico-Medica 8. *Amst.* 1708.
 Gaukes Dissertatio de Medicina 8. *Amst.* 1712.
 Gallarati Systema Renovatum Physiologiæ Medicæ 12. *Lugd.* 1677.
 Gavetus de Febribus 12. *Geneva* 1700.
 Gansii Coralliorum historia 12. *Ffurti* 1669.
 Gerbesii Chronologia Medico Practica & de Morbis compli-
 cati 4. *Ffurti* 1713.
 Geijeri Trieta Medica de Cantaridibus; de Montibus Conchi-
 feris & Glossopetris & de Dictamno 4. *figur. Ffurti* 1687.
 Gender de Fermentis 8. *Amstel.* 1689.
 G. bri Arabis Chymia 8. *figur. Dantisci* 1682.
 Gieswein Hodegus Medicus, sive Systema universæ Materiæ
 Medicæ, 8. *Ffurti* 1676.
 Gesneri Historiæ Animalium, Libri quinque fol. 2. vol. *figur.*
Ffurti 1620.
 Giunii Arcanum Acidularum 12. *Amst.* 1682.
 Glissonii Tractatus de Ventriculo, & Intestinis &c. 4. *Londini*
 1677.
 — de Natura Substantiæ energetica, seu de vita
 Naturæ, ejusque tribus primis facultatibus 4. *Londini* 1672.
 — Anatomia Hepatis 12. *Amstel.*
 — Opera Medico-Anatomica 12. 3. vol. *Lugd. Bat.* 1697.
 Gladbach Praxis Medica 8. 1711.
 Goelike Historia medicinarum universalis 8. *Ffurti* 1717.
 Goris Mercurius Triumphator 8. *Lugd. Bat.* 1717.
 Goedartius de Insectis 8. *figur. Londini* 1685.
 Gockelius de Peste & Venenis 8. *Augusta* 1669.
 — Consilia & Observationes Medicinales 8. *Augusta* 1683.
 — Consiliorum & Observationum novarum Centuriæ duæ
 4. *Vlma* 1707.
 Grebneri Medicina Vetus & Nova 4. *Lipsia* 1696.
 Grimbergh Observationes Medicæ 12. *Amst.* 1689.
 Grulingius de Triplici in Medicina Universalis Evacuationis
 genere 4. *Lipsia* 1671.
 — Medicina Practica 4. *Lipsia*
 — Curationes & Observationes Medicæ 4. *Lipsia* 1668.
 — Florilegium Hippocrateo-Galeno-Chymicum 4. *Li-
 psia* 1645.



JOH. JAC. MANGETI
BIBLIOTHECÆ
CHIRURGICÆ
LIBER QUARTUS

*De Affectibus & Operationibus Chirurgicis à Litera
D incipientibus.*



ECUSSORIVM INSTRV-
MENTVM. *vid. in Tropa-*
no, sub titulo CRANII
FRACTURÆ.

DEDOLATIO

*Dedolatio apud Galenum significat Cranii incisionē
cum amissione substantiæ de qua in Cranii Fracturis.*

DELIGATIO *per Fascias vid. sub titulō.*
FASCIATIO.

DEGLUTITIONIS VITIA.

LÆDITUR deglutitio quando 1. impeditur, sive
imminuitur & aboletur, vel quando depravatur.
1. œsophagi ex parte: 2. stomachi seu orificii ventri-
culi superioris culpâ.

Œsophagi vitium est; (1.) quando musculorum
3. paria, fauces sui ampliacione efformantium, unâ
cum sphynctere paralyti resolvuntur, (2.) quando ipsa
musculosa ejus tunica simili malo corripitur. De po-
steriori vid. Villis. Pharm. rat. vol. I. pag. 11. de
priori Tulpus lib. I. observat. 42. (2.) quando angu-
statur nimis, sive hoc fiat (a) vel à tumoribus tam pro-
priis, quàm partium vicinarum. Illud quando inflâmatur
Synanchi, aut quando scirrhuso tumore obsidetur, aut
quando à caruncula excrecente vitatur. Exemplâ quo-
rum vid. Rhod. observ. 46. 47. cent. 2. Hoc quando consil-
læ, aspera arteria, aut uvula intumescunt, inflammantur,
&c. Sive hoc fiat (b) 2. ab arcta nimis clausura, & stri-
ctura fibrarum ejus, idq; nunc ex spâsmo sive convulsio-
ne, quo pertinent hypochondriaci subinde, non secus ac
mulieres hystericae, gulæ adstrictionem & contracturam
per nervorum spâsmos ob consensum patientes, quod alii
ex vaporibus stypticis ex hypochondriis elatis fauces
stringentibus male derivant, nempe pertinent hæ gulæ
stricturæ ab utero; cujus mentionem facit Hel-

mont. Tr. Asth. & Tussis §. 31. Hinc etiam in Epileptico paroxysmo difficillima aut nulla potest esse deglutitio. Nunc ex illarum nimia exsiccatione in febribus ardentibus continuis. Quo suo modo etiam pertinet defectus salivæ, deglutitionem plus minùs impediens, nunc ex illarum ab assumptis constrictione & corrugatione, quo Hochstetteri facit observat. decad. 3. cap. 5. adstrictio gulæ ex potu vini malvatici, in quo radix consolid. major, infusa fuit Sive illud fiat (g) 3. ab obstructione, propter deglutita varia aut majora in faucium isthmo sive principio œsophagi hærentia, ubi boli majores, nux Perlica ovum gallinaceum, &c. aut acuta gulæ infixæ, ibique tam sui insolita præsentia, quàm propter dolorem, & hujus occasione inflammationem aut abscessum, deglutitionem impediens, v. gr. ossicula, spinæ piscium, aciculæ gulæ infixæ.

Orificium superius ventriculi sive stomachus in culpa est quando rite licet, per œsophagi iter demissa, nihilominus admittere debita recusat, id quod fit imprimis, quando quacumq; occasione irritatus sive lacepsus, contumacius se stringit & claudit, adeoq; assumpta ulterius progredi impedit, id quod fit, (a) quando vel inflammatum, vel velut excoriatum; aut plus minus exculceratum, vel tumore quocumq; à priori nullo modo cognoscibili, obsessum fuerit, quo facit curiosa & notabilis observatio Willisii Pharm. rat. vol. I. p. 45. (b) quando copiosiores, plus minus aciores, flatus in ejusdem angustis inclusi fuerint, quorum inimica præsentia utrumque, speciatim superius, orificium ad pertinacem sui stricturam irritatur. Unde assumpta non nisi difficulter admittit; aut admissa eadem copiosi flatus eructantes insequuntur, eaque plus minus simul unâ rejiciuntur, quo facit non inelégans observat. Rivieri II. de morbis infrequent. Idem Plateri observat. l. I. pag. 223. (g) Quando quacumque de causa nauseat, aut assumenda horret ventriculus, nam & sic orificium claudit, non assumptu us

sibi hostilia. Hac ratione familiare est febricitantibus, quælibet liquida aut esculenta fluida deglutire, sed carnes, ova frixa, vel similia pertinaciter respuere, & oblata nullo modo, aut non nisi difficulter admittere.

Pertinet huc Amat Lusitan. cent. 6. cur. 49. ubi post secretum sanguinis, & assumptorum vomitionem, deglutienti omnimoda difficultas etiam aquæ, sola vini assumptione salva. conf. *Hildan. cent. 5. observ. 34.*

Depravata tandem deglutitio est, 1. quando liquida difficulter, solida facile, & contra deglutiuntur, de quorum affectuum theoria in Philosophicis, ubi de deglutitione pluries actum 2. quando in eodem assumptorum vel solidorum vel liquidorum genere, quædam facile, quædam difficulter, quædam omnino non deglutiri possunt. De ejus ratione ex superioribus, speciatim ex nausea ventriculi jam constat.

Quoad Prognosin.

Igitur deglutitio quò magis vel minus tollitur, eò magis periculum vitæ imminet. A paralyti musculorum faucium nata difficilis deglutitio periculosum & difficulter curabile malum est. Quod si ob spirituum moventium defectum, & ad id insignem virium resolutionem, prout in acutis interdum accidit, malum evenit pessimum signum, & mortis futuræ indicium, si cum sonitu, quasi in lagenam vacuum decidat porus. In vulneribus si accadat ex convulsione deglutitio læsa, periculosum, sicut alias convulsiones faucium in acutis periculosius, in chronicis minus. Si à tumoribus per se quidem, & ex interna causa naturali oriatur malum pro tumorum vel facile vel difficulter, vel omnino non curabilium naturâ, prognosin facilis est. Sic v. gr. ex ulcere œsophagi cancroso omnimoda, adeoque lethalis deglutienti in potentia. Sic ob œsophagum cartilagineum factum deglutitio penitus abolita: *Ann. 3. M.C. pag. 26.* adeoque lethalis.

Deglutitæ res alienæ in faucium isthmo vel hærent, vel extra hunc, vel ad ventrem tandem descendunt. Dum in faucibus hærent, præter inimicam sui præsentiam interdum simul dolorem excitant, unde tumor, inflammatio, abscessus, iique vel lethales, de quo vid. *Hild. cent. 1. observ. 35.* Item *cent. 5. observ. 35.* ex officulo œsophago infixio, tumor, dolor, febris, inflammatio, mors: Vel hoc rupto abscessu rei peregrinæ cum pure excretionem, aut descensum faciunt. Confer item *Hild. cent. 1. observ. 35.* ubi mulier officulum devoratum, quod pene suffocabatur, septimo tandem die, excitata suppuratione, ejecerit: Vel per alia plus minus vicina loca, exitum sibi quærunt. Quo facit exemplum notabile *Parei lib. 24. cap. 29. Chirurgia,* de graminis ramulo deglutito, qui postea integer per intercostale spatium erupit. Item *Hild. cent. 1. observ. 33.* ubi spina piscis gutturi biennium infixa, post, excitato abscessu, in extrema colli parte extracta. Dum verò ad ventriculum quocumque modo descendunt, vel inferius per anum successivè denuo excluduntur: dum v. gr. quidam metu, ne in itinere spoliaretur, 6. ducatos deglutivit, eosque post aliquot dies; injecto clythere abstergente, sine noxa rursus reddidit, teste *D. Michael.* Vel dum fistula deglutita tertio die sine noxa per alvum fuit reddita, auctore *Barolino cent. 1. hist. anat. 59.* Vel in stomacho pertinacius hærentes, varia mala inferunt, dum v. gr. pylorum obstruunt, quæ obstructio, si consumacior fuerit, mortem comitem trahit, auctore *Kircking. in specileg. Anatom. observ. 1.* Confer etiam *Hildanum cent. 6. observ. 5.* Quò etiam pertineant aciculæ, quarum quædam sine periculo, quædam cum summo periculo de-

glutitæ observantur, conf. *M.C. Ann. 4. pag. 77.* Vitri frustula aut annulus, cujus asperitate excitatam dysenteriam notat *Zacutus Lusitan. lib. 2. Med. Princ. hist. 84.* Cæterorum huc facientium affectuum prognosin ex dictis facilis est.

Cura.

Pro causarum varietate, & mali inde nati diversitate, etiam variat. Paralysis partium deglutitioni inservientium curatur per decoctum salviæ in vinò, & continendo in ore vel infusionis thymi vel decoctum salviæ & crucæ gargarizatum, aut in ore contentum egregium est. Nux molchata masticata & deglutita est egregia ol. succini distill. aut ol. destill. anisi saly. guttatim intra fauces assumpta, sunt efficacissima. Essentia castorei, spir. cerasorum nigrorum, liliorum convallium, spir. theriacal. cum essentia castorei juncti; Item aqua anhaltina est egregia, illinatur collum ac nucha ol. lumbric. terrestr. costin. ol. destill. succin. anisi. lavendul. & S. Tumores harum partium, si quidem cogniti fuerint, quales sint, more talium tumorum curari debent. Clausura faucium & Oesophagi à spasmo, aromaticis & nervinis, blandis opiatis additis, tam internis quàm externis curanda. Si à vitio hypochondriorum per acidum absorbentia & opiate, item castoreata. Sin ab exsiccatione in febribus, interne mucilag. sem. cydon. cum aq. sperm. ran. extracta est egregia. Externè unguent. Zacuti ad hunc affectum, compositum ex unguento filii Zach. unguento rosato, resumptiv. ol. amygdal. dulc. violar. & mucilaginibus cum lacte muliebri Salivæ defectus potù præferim vini, vel cerevisiæ secundariæ refarcitur: Item *crystalli frustula* in ore circumacta, salivæ copiam nonnihil provocant. Assumpta externa pro sua varietate oppositis curanda, ut in illo *Hochsteiteri* exemplo, propinato aceto strangulatio & faucium angustia sublata fuit.

Quoad res alienas deglutitias, sed intra œsophagi superiorem tractum adhuc hærentes, eę quanto ocyus iterum artificiosè eximendæ veniunt, vel ad ventriculum, si innocuæ sunt; detrudendæ, cui fini inservit, vel instrumentum *Villif. Pharm. rat. vol. 1. pag. 45.* aut *Hildani cap. 1. observ. 31.* Quòd si his modis non succedat negotium, instrumentis res tentanda, in quem finem vel forcipes rostris longis, vel instrumentum *Hildani cent. observ. 36.* aut hujus succedanea *cent. 6. observ. 34.* Vel candela cerea, vel spongiola cum filo, it. pro aciculis *Hamulus Hildan. cent. 6. observ. 36.* Adhibetur ol. amygd. d. & saccharum in forma electuar. ante pastum, ut dolor per oleum leniri, per saccharum verò ulcus fortè præsens abstergi possit.

Quòd si aciculæ, vitri frustula, spinæ piscium, aliæve acutiora per deglutitionem in ventriculum penetraverint, opera danda, ut hæc sine noxa per inferiora tandem excludantur. In quem finem propinetur puls aliquanto spissior ex oryza, vel milio, vel panico, ita quidem, ut aliquandiu æger à potu abstineat, ut i a per hujusmodi spissiora involuta res deglutitæ acutiores sensim ex ventriculo per intestina ulterius promoveri queant.

In stomacho si fuerit vitium, priori ex causa, vel mala ejus methodicè curandæ, vel instrumento *Willys. Pharm. rat. vol. 1. pag. 45.* utendum. Si ex secunda causa carminantia interna & externa propinanda, infra de inflammatione stomachi præstatioenda. Quoad tertiam causam stomacho gratis & acceptis insistendum, ventriculus nondum cogendus.

Depravata deglutitio, cum quædam curabilis, quædam non curabilis sit, illa verò nervorum ex vitio speciatim oriatur, partim ex dictis vel suo loco dicendis. curatio manifesta erit. *Michael Etmull. Colleg. Pract. lib. 1.*

Consultationes.

De Lasa Deglutatione. Pro Adm. Reverend. Patiente.

Patiens Adm. Reverend. annorum 66. temperamenti à naturæ ortu calidi & humidî, habituq; medio-criter carnosî, duodecim abhinc annis hernia hydrocele laboravit, ex qua quotannis arte educebantur sex circiter libræ aquæ. Anno præsentî ab hac liberatus, conqueri cœpit sex ab hinc mensibus de lasa deglutatione cum solidorum, tum liquidorum; siquidem ubi primum duos vel tres bolos deglutiverit, replentur ei fances, & œsophagus pituita viscida albicante, in quibus tantam angustiam parit, ut nil prorsus deglutire valeat. Quod si vim sibi tunc inferat, dolor intensissimus suboritur, cujus ratione assumpta evomit, dum copia pituitosæ materiæ; nec quicquam appetit; imo nec panem, nec cibos ex pasta deglutire potest, carnem verò paucissimâ copiâ, & minutissimè incisam. Propterea extenuatus de agendis consultit.

Ex hac historia constat, Adm. Reverend. Patientem lasam habere deglutationem, ac proinde œsophagum esse partem principaliter lasam, à Latinis gulam, & ab Hippocr. fistulam vocatam à linguae radice ad os ventriculi pertingentem, cum ex omnium consensu deglutationis munus œsophago à natura demandatum sit. Tripliciter autem lasa est deglutitio, deperdita, scilicet, imminuta, & depravata est. Deperdita, ratione panis, & aliorum solidorum ciborum, quos nullo modo deglutire potest; imminuta, ratione carnis, & aliorum in minutissimas partes incisorum; & depravata, ratione doloris intensissimi provenientis ex violenta deglutatione. Cum autem deglutitio dupliciter laedi possit, per essentialem scilicet affectionem, & per consensum cum aliis partibus. In casu præsentî œsophagus utroq; modo afficitur; atq; essentialis ipsius affectus compertissimus est ex dolore, *Ubi enim dolor, ibi morbus*, Affici etiam per consensum patet ex inappetentia. Appetitus namque est actio oris ventriculi. Et cum œsophagi morbus triplex esse possit, intemperies scilicet, mala compositio, & soluta continuitas; ex enarratis ab egro Adm. Rever. constat esse morbum in mala compositione, obstructionem scilicet factam à materia pituitosa, crassa, viscida, albicante, quæ ad instar globi, ubi deglutationis canalem ita ocludit, ut propterea usum ciborum intermittere cogatur. Non tamen perfecta est ea obstructio, alioquin neque liquida deglutirentur; cui tamen junctam esse censeo intemperiem humidam fibrarum transversarum œsophagi, ob quam non possunt ita constringi, ut cibos solidiores detrudere possint ad ventriculum, concurrente laxitate oris ipsius ab eadem materia producta, cujus causâ non fit ipsius corrugatio, appetitum ciborum præcedens. Dolor autem fit à violenta solutione continui tunicarum ab eodem cibo facta.

Ac propterea causa præcipua, hujus affectus est copia pituitosæ materiæ, cum à capite fluentis, intemperie frigida, & humida laborante. hæc ætate in primis ultimi senii, tam à ventriculo frigidiori quam par sit, non sine consensu imbecillioris jecoris, quod loco sanguinis serosam materiam generat, quæ antehac ad scrotum conflavit, & hydrocelen produxit; nunc verò ad partem affectam recurrens eam magis humectat, & relaxat. His ergo sic constitutis, cum neque in ventriculo chylus, neque in jecore sanguis

sufficienti copia generari possit, nemini mirum videri debet, quod subsequuta sit macies, & totius corporis imbecillitas.

Ex his cuilibet in arte versato compertissimum esse potest, quam difficile sit præsentem affectum, hac ætate, & hoc virium languore, superare: ut propterea metuendum sit, ne in marasimum senilem labatur æger, & fato cedat. Non tamen superfedendum est medicis pætidis, ut vita saltem longius protrahatur.

Quare materia fluens à capite derivanda; à ventriculo, & jecore revellenda ad infernas partes, fluxa sensibilibiter, & insensibilibiter, evacuanda; viscerum, intemperies corrigendæ contrariis; & viribus consulendum. Quibus intentionibus satisfaciendum remediis Chirurgicis, Pharmaceutis, & Diætericis.

Ex Chirurgicis tres præsidiorum materiæ locum habent, cauteria, cucurbitulæ, & picationes. Sanguinis missioni nullus locus, cum potius infundendus, quam effundendus esset. Duos fonticulos inurendos censeo, alterum quidem sinistro brachio, pro derivatione scil. alium verò interno femori, pro revulsione à ventriculo, & jecore, & revocatione serositatis ad scrotum. Quam ob causam setaceum per illud transmissum profuturum censeo. Neque ex his emissariis majoris maciei imminet metus; evacuant enim materiam excrementitiâ, non alimentalem. Rubificans applicatum futuræ coronali fluxionem revellet, & exsiccat. Cucurbitulæ cum flamma infra ventriculum, attractionem cibi sollicitabunt. Picationes eidem ventriculo bis in die administratæ sanguinem alliciendo, juvabunt coctionem: imò non præter rem censeo applicare vesicans infra scapulas, ad evocandam, & digerendam materiam in œsophago contentam.

Pharmaceutica sint alvum subducentia, per clysteres, qui admittant hieram pictam Galeni, cum melle ros. simpl. oleo rutaceo, & decoctione betæ, mercurialis, malvæ, & flor. chamæmeli; mox & validiores, paratos ex hiera Pachii, vel Logadii, cum decoctione symphyti; utriusque centaurei, colocyntidis, nodulo inclusæ, addito electuar. de benedicta laxativa; alternis clysteribus nutrientibus, ex vitellis ovorum, carne contusa, & jure caponis. Licet enim clysteres medicamentosi non pertingant ad intestina tenuia, cum ab ipsorum facultate non attrahantur; renutrientes tamenimenti inopiâ attrahi possunt, atq; ita nutrite. Interim per os ex usu erunt attenuantia, & incidentia; oxymel nempe simplex, scilliticum, ad attenuandam materiam, vomituque expurgandam, quibus addi potest modicum farinae lupinorum vel fabarum, quò diutius hæreant, & magis detergant, vomitu provocato oxymelite simplici, & succo raphani cum mulla. Mox exhibeatur mulla, vel aqua Terutiana, pro majori deterfione; præscriptis interim rotulis ex tribus piperibus, vel ex radice iridis in ore detinendi. Applicetur extrinsecus supra vertebrae unguentum Agrippæ, vel Martiatum; vel fiat inunctio cum oleis de castoreo, rutaceo, & theriacâ antiquâ. Caput evacuandum per errhina, non per masticatoria, ne majori cum impetu fluat materia ad œsophagum: idèd succus betæ, radix cyclaminis, agaricus in lacte dissolutus, vel etiam pulvis nicotianæ præscribatur in curationis progressu. Quum verò œsophagus minoti pituitæ copia redundabit, exhiberi poterit mel. ros. solut. cum aqua Terutiana, tres vel quatuor dies; moxque reliqua materia insensibilibiter digerenda, & partes affectæ erunt exsiccandæ decocto ex ligno Indico, salsa parilla, & modico sassafras, cum jure columbæ, additis symphyto, betonica, stæchade, salvia,

& origano, cum spiritu terebinthinæ, vel spiritu vi-
tricoli. Quod si deglutire poterit, paretur bolus ex ca-
storeo, & trochiscis cypheos: pergatque in usu ipsius
plures dies.

Victus sit attenuans, incidens, ac valde nutriens.
Propterea fiat confusum ex pulpa caponis cum pista-
ciis, succo citri, & cinnamomo: fiat consumma-
tum ex capone asso, adperso succo citri, & caryo-
phyllis: intinctus item ex petroselino, pane assato,
pistaciis, & pulpa perdicis, concedantur carnes, &
piscis saliti minutim incisi, ferculaque nutrientia.
Vinum sit generosum, sed pauca copia. Atque pa-
rum & sæpè nutriendus est patiens, & in cibis fa-
miliariter utatur melle Hispano, vel Cretico, quod
in senibus non difficulter in sanguinem vertitur. Sic
enim sperandum est fore, ut vita protrahatur & vi-
res conserventur. *Bened. Silvatic. Consil. & Respons.
Medic. Gent. 2.*

*De Solidorum Deglutione laesa, & Motu
colli impedito. Pro Illustrissimo Comite.*

Duo sunt Affectus Comitum Illustrissimorum, tumor sci-
licet scirrhusus glandularum faucium, solidorum de-
glutitionem prohibens; & motus impeditus colli, &
scapularum, cum aliquo dolore accedente, & re-
cedente, magisque vel minus intenso.

Quorum uterque dependet à catarrho, qui à capite
fluxit ad partes affectas, crassiori quidem ad glandu-
las, ubi in scirrhum conversus, tenuiori verò, & fluxi-
liori ad tendinosas, & musculosas partes colli, & sca-
pularum. Quo sanè catarrho abundat Comes Illustris-
simus, qui copiosus congeritur in ipsomet capite, cum
per modum generationis, ratione humiditatis exceden-
tis, tum per modum receptionis, ab imbecillo ventri-
culo, & à venoso genere; tertio, quia suppressus,
ob antiquam narium angustiam, propria excremen-
ta non expurgantium. Collectus autem in capite, lique-
factus est à calore ex motu, & insolatu contracto, flu-
xitque ad partes subcutaneas colli primò, deinde & sca-
pularum, ubi ab ambientis frigidityte detentus, stipa-
tis porositatibus cutis est, causa læsionis motus, &
doloris prædictarum partium.

Affectus equidem non adeò facilis curationis in hac
senili ætate, & hoc inæquali anni tempore: non tamen
incurabilis, quoad motus impedimentum. Glandularum
verò intumescuntiam quod spectat, aliis utique reme-
diis curari non poterit, quàm amputatione alterutrius
ipsarum, quæ non difficulter fieri poterit, quoniam tu-
mor est externus, & non amplius, ad radices linguæ
hærens: tunc enim ligata radice glandulæ filo sericeo,
amputari potest torrice: prout mihi non semel
feliciter successit. Atque tunc hæc operatio, fieri debe-
bit, quando deglutitio & respiratio erit graviter læsa,

Cæterum hoc affectu nunc prætermissio, si agitur
de difficultate motus, hæc curabitur digerendo mate-
riam fluxam, divertendo fluentem, atque prohibendo
regenerationem similis, per correctionem inteinperici,
jam peracta universali totius corporis evacuatione, de
qua propterea non est quod pluribus agamus.

De peculiari capitis evacuatione difficultas aliqua
occurrit: credimus tamen caput expurgandum esse etiam
per os; siquidem tumor ille scirrhusus indicat nullam
amplius fluxionem adesse. Tentanda quin etiam est ex-
purgatio per nares, eas laxando oleo amygd. dulcium,
& alliciendo materiam tabaco pulverizato attracto, &
insufflato. Per futuras quoque insensibiliter expurgabi-
tur frictionibus, pectinationibus, & similibus. Hisque
peractis decoctum præscribetur ex medulla ligni san-
cti, & salsa, cum visco quercino. Opus est enim vali-

do medicamento, attenuante, & ventriculum robo-
rante: quod omnium maximè præstabit lignum Indi-
cum, parato decocto cum carne, renutritionis cujus-
dam causâ. China enim debilius est virium, *santala*
subadstringunt, & refrigerant, quibus non admodum
opus in hac ætate: si permitteretur Terebinthina Cy-
pria, esset accommodata. Sudor interim allicietur dolio-
lis, vel cucurbitis repletis aqua fervida, alterata salvia,
rore marino, stœchade, maorana, calamento, car-
duo sancto, & similibus. A quo inungatur occiput, &
scapulæ oleo laurino, rutaceo, de castoreo, & cha-
mæmelo, superposita lana succida, vel pelle agnina,
quam continuo gestabit, excepto tempore sudoris.

His remediis speramus fore, ut Illustrissimus Pa-
tiens xx. dierum spatio circiter pristinam sanitatem re-
cuperet, si præsertim jungatur congrua victus ratio. Cir-
ca quam notandum est, quod abstinencia à vino conse-
ret: cujus loco in usu erit secunda illa aqua decocti,
parata ex coriandris. Quoad purgantia, laudamus gene-
rosiora, puta pulverem hermodactylatum sæpè repeti-
tum, vel jalappam, vel mechoacam, cum pilulas non
possit deglutire. Et hæc est nostra opinio de affectu
præsenti. *Idem ibidem.*

*De Sublata Panis Deglutione. Ad Perillu-
strem Hieronymum Odasium Medicum
Brixiensem.*

Ex doctissima dissertatione constat, Nobilem Pa-
tientem quinquagenarium, mediocris constitutionis,
habitus sanguinei, cum bilis subdominio, dum cum
sodalibus cibum sumeret, atque panem attritum de-
glutiret, motum quandam circa os ventriculi per-
sensisse, panemque ad fauces regestum fuisse, atque
ejus frustulum, quod hæserat in faucibus rejectum,
quod toties contigit, quoties ipsum ingerere tenta-
vit; ac proinde nunquam panem deglutire potuisse,
sive solum, sive cum potulentis, huncque affectum
sex menses perdurare; quamquam panem summope-
re appetat, cæteris alimentis cum liquidis tum soli-
dis deglutitis; ita tamen, ut solida gravitatem ali-
quam circa os ventriculi inferant, qua levatur, dum
liquidorum beneficio præcipitantur, solo pane etiam
cum liquidis superbibitis vomitu rejecto, cibo ali-
quo suavi cum liquido, tum solidiori aliquando de-
glutito. In ciborum assumptione observantur, à pri-
mo, vel secundo bolo deglutito eructationes nido-
rulentæ, quibus resolutis progreditur in assumptione
cibi, quæ etiam extra illud tempus aliquando super-
veniunt. Quod si in deglutione impedimentum ali-
quod observat, subsistit aliquantulum, atque tunc e-
rumpunt flatus, materiamque catharrhalem aliquando
expuit insipidam, ac deinde pergit in cibi usu: nun-
quam tamen panem deglutire potest. Persentit ali-
quando ardorem in ore ventriculi, nullo observato
tumore in visceribus naturalibus. Multa frustra hæ-
tenus fuerunt administrata, lenientia, præparantia,
purgantia, & alterantia, cum interna, tum externa,
sanguine misso ex jecoraria, & hæmorrhoidibus, stil-
licidium ventriculo ex oleis, frequentes clysteres: &
tandem dejectorii usu, multa bilis copia fuit evacua-
ta, vehemensque syncope supervenit; æstus causa
aquam endiviæ quandoque cum juvamento sumpsit;
quod nullum fuit in panis deglutione. Propterea
quæritur præsentis affectus causa, & quibusnam me-
dicis præidiis superari possit.

Quod ut fiat, supponam tanquam verissimum cum
Viro Præclarissimo, flatulentam materiam à ventri-
culo erumpentem, & pituitosam, quæ à capite con-
fluxit,

fluxit, ciborum descensum remorari posse. A flatibus namque repelluntur, & à pituita crassitie retardatur solidorum descensus, quousque potulentorum usu auxilio es fuerint redditi. Quam ob causam gravitatem inferunt in ore ventriculi. Suspiciari quin etiam possumus, adesse humiditatem excedentem in œsophago; impediens validam constrictionem fibrarum ejus transversarum, cibos ad ventriculum detrudentium. Verum cur panis neque solus, neque cum liquidis deglutiri possit, perobscurum censeo. Respondere, quidem possemus cum Galeno, & Hippocrate, panem esse viscidioris, & magis glutinosæ substantiæ, quam alia assumpta; hæc tamen visciditas, & lentor est qualitas, quæ in pane semper inest, & nihilominus antehac deglutiebatur absque impedimento. Verum quidem est, quod tunc non aderat ille renixus in passo, qui nunc apparet, quoniam neque tanta flatuum copia, neque adeo copiosa pituita observabatur: at tamen flatus erumpunt, & pituita cum sponte, tum medicamentorum beneficio sæpius fuit deterfa, & expurgata, & nihilominus nunquam successit panis deglutitio, ac fortè alia assumpsit viscida & lenta ut cryzam, far, cibos ex pasta, limaces, & similia à quibus impedimentum nullum accidit. Ac proinde in eam concedo sententiam, quod hoc proveniat ab antipathia ventriculi, & aversione specifica ab ipso pane, non verò aliorum assumptorum. Plures etenim sunt, quibus à specificis quibusdam assumptis afficitur ita ventriculus ut non solum ea revomant, sed etiam graviora superveniant ipsis accidentia. Aliqui enim abominantur Allium, teste Julio Alexandrino, Secundo de Tenda sanitate, Cap. 13. qui scribit, novisse se, qui ita allium aversabatur, ut nunquam, illud comederit; quod & ego fide mea possum testari de Nob. nostro Patavino Anaxarte Pigna, cui propterea cum ab amicis invitato ad comedendum accipenserem piscem variis modis præparatum, & conditum, cum patinis allium affricum esset, interdictum illi fuit ejus esu. Refert Amatus Lusitanus, Stephanum Surdastrum Hispanum à piscibus adeo abhorruisse, ut si cum aliis cibariis eo inscio ipsi exhibiti fuissent, in animi angustias, compressiones cordis cum vomitu, alviq; dejectione incideret. Petrus Apopenensis, referentè Matthæo de Gradi, lac ira abominatus, ut nec illud comedentes sine nausea videre posset. Brasavola in Lib. secundum Hipp. de Ratione Viæ in Acutis, comm. 4. hæc scribit: *vidimus Illustriissimam Iuliam Tarraconensem, Frederici Regis Neapolitani filiam natu minorem, quæ carnes edere non poterat; imò nec gustare. Si enim bolum in os immittebat, in gravissimam incidebat syncopen, ac vehementem clamorem edebat, in terram procidens volutabatur, idque hora semis spatium contingebat, deinde ad se redibat.* Alii abhorrent à caeseo, & eo quidem quocunque modo sumpto, alii seorsum ab aliis alimentis, atque alii eo vereri non recenti delectantur. Aliis acetum vomitum excitat; ut mulieri Burgundæ; aliis sedat. Nec solum in assumptis alterationes observantur, sed etiam absque iis. Scribit enim Autor v. Epidem. Hippoc. adscripti, historiam 79 affectionis Nicanoris, qui cum ad portum progrediretur, tibicinem sonantem cum audiret horis nocturnis, præ timore vix se sustinere poterat, interdum autem eundem audiens nihil commovebatur. Aliam jocosam sympathiam rerum Scalliger de Subtilitate ad Cardanum, Exerc. 344. Reguli Valconis Equitis, qui dum viveret, auditu phormyngis sono, urinam illico emittere cogebatur, quæ quendam ex turba aspersit; qui ridiculam illi molitum est unctionem: pone accumbentem adduxit cecum quendam cum phormyngæ, cujus ut solebat, sono permotus, ibi sub mensa in clarissimorum convivantium sodalicio quin pedes permeieret, continere sese non potuit. Qui-

nimò nec defuerunt alii vinum averfantes, alii panem ipsum raro comedentes: inter quos liceat mihi referre Patrem Cœrus Augustinianorum Excalceatorum, nunc Præfectum Cœnobii Viennæ ex Nob. Familia de Ramersthal, olim S. Cæs. M. puerum nobilem, nunc verò ætatis annum 40. excedens, qui nunquam panem quocunque modo coctum degustare potuit nec in præsentia potest, & in primis à pane calido abhorret. A pane autem calido ventriculum quam maxime affici asseruit Hippoc. Secundo de Ratione Viæ in Acutis text. 34. Cur autem facta sit hæc panis abominatio in casu præfenti, si quis querat, respondere possum cum Scaligero Exerc. 274. de subtilitate ad Cardanum; *Harum rerum causas neque ego scio, neque scire labores tu: sapientià vera est nolle nimis sapere.* Addam nihilominus duas causas ab Hippoc. assignatas; Secundo Acutorum citato; quarum prima est, repentina præter consuetudinem panis deglutitio; Secunda æstu ventriculi Prima habetur ex morbi historia, dum referunt juxta Italici sermonis vim, quod in convivantium consuetudine, dum vellet comedere, assumpto pane, eum manducasse, & deglutisse, sed cum sensisset quandam commotionem circa os stomachi, rejectum esse panem. Ex quibus colligitur, à pane confectum deglutito lationem aliquam in ore ventriculi subsecutam esse, cujus sensus semper exquisitus primam renovat molestiam, ideoq; panis rejicitur. Secunda habetur illis verbis historia, quod eructationes sunt nidolentæ, dejectiones biliolæ, & quod insignis æstus percipitur in ore ventriculi; atq; ita panis attritus, conversus in naturam recipientis rejicitur tanquam ventriculo infensus; cum habeamus ex eodem Hippocr. Secundo Acutorum citato, quod panis calidus assumptus maximam turbationem facit in ventriculo, sitim infert, & repentinam plenitudinem inducit. Has ergo ob causas, præter occultas, panem deglutire non potest, quamquam ipsum appetat, ex memoria delectationis ab ipso perceptæ, quando ventriculus erat naturaliter constitutus. Plus enim potest præsentia objecti molestiam inferentis quam memoria præteritæ oblectationis. Ita usu venit in aliis omnibus naturaliter abominabilibus, quod tunc tantum aversionem inducunt, quando sunt præsentia, & actualiter operantur.

Ex his apparet, difficillimam fore præsentis affectus curarionem, non tamen impossibilem. Quoties enim cumque expurgatus fuerit ventriculus ab excrementis biliolis, discussisque flatibus, ac tandem æstuans ventriculi intemperies refrigerantibus temperata, convalescet æger.

Purgatio propterea ex Viri Præclarissimi consilio instituenda. Atq; inter ea quæ proposita sunt, valde commendando fonticulum dextro femori inustum. Aquas Carafianas tanquam deterforias quam maxime laudo, cum dejectoriis triduum potui datas ad libras tres circiter. Aquarum usu aquas Vienneses in agro Lucensi, vel nostras Beatæ Virginis, vel aquas Ficuncellæ in agro Senensi, vel etiam Nocerianas summo opere profuturas existimo. Copiosè bibantur quindecim dies circiter, cum diureticis non dulcibus: puta emulsione sem. melonum, cremore tartari, & spiritu vitrioli, vel salis, incipiendo à libris sex, & singulis diebus addendo libram, ad tredecim usq;: mox singulis diebus libram subtrahendo, ad libras sex, præmissa parca cœna, quod facilius permeent. Quod si libere fiat, ut spero, cum hypochondria bene habeant, supersedebit quindecim dies ipsarum usu plus minus ad libitum: atque iterum ipsas assumet. Nil enim magis extinguet æstum ventriculi: sintque aliquando dejectoriæ, cum majori dosi cremoris tartari, ita namque excitabitur appetitus, juxta Hippocr. in Epidemiis: Aqua vorax, & vigilæ voraces. Caput interim Erhinis purgetur: hepatis refrigerantia

refrigerantia applicentur: alvus continuò lubrica servetur. Ventriculo nil extrinsecus apponendum; quoniam à jecoris refrigerio ventriculus roboratur. Panis interim siligineus variâ formâ aniso, fœniculo, & coriandro condiatur. Et hæc in medium quæ afferrem habuit, committendo omnia prudentiori alicujus judicio. Obiit autem sex mensibus à morbo, impedita deglutione omnium solidorum, vel liquidis ipsis dissolutorum. *Idem ibidem.*

Rarissimus affectus, in quò æger cibum quamvis solidum & durum, absq; difficultate: Potum non sine suffocationis metu deglutiebat.

Soloduri cuidam sexagenario, Domino Urso Roucheti nomine, cujus etiam in aliis ad te literis mentionem feci, quum catarrhus ad sinistrum latus delapsus esset, non tantum paralysis istius lateris sequuta est; verum etiam deglutitio adeò depravata fuit, ut liquida omnia, præsertim vinum non sine suffocationis metu deglutire posset: reliqua verò quamvis solidissima facillimè, ad ventriculum descendebant. Quum itaque liquida sorbere non posset, & solidis non satis nutriretur, tandem ad summam imbecillitatem, lapsusque virium pervenit. Ego tertio Aprilis Anno 1620. ad ipsum vocatus, primò pilulis (quas facillimè deglutiebat) corpus leniter leviterque expurgavi: deindè omnia quæ ad vires instaurandas requirebantur, exhibui. Et quia, ut dictum est, liquida, imprimis vinum sine suffocationis metu sorbere non potuit, juscula utcumque spissa præparavi, additis vitellis ovorum: pro potu lac amygdalarum dedi. Latus resolutum oleis convenientibus & aquis appropriatis inunxi. Collo sacculum ex radicibus, herbis, & floribus resolventibus & corroborantibus, in aquâ coctis, applicui. Hinc cum Symptomata omnia multum imminuta fuissent, & latus resolutum serè restitutum esse videretur: liquida quinetiam facilius quam antea sorberet: quæ supererant facienda, domesticis administranda reliqui. Verum enimverò non diu post meum abitum, quum catarrhus iterum inopinanter ad latus sinistrum & laryngem decidisset, omnia deteriora evaserunt: catarrhus enim denuò, maximo cum impetu ad latus sinistrum & laryngem delapsus est, & de novo paralyin induxit: quapropter cum nihil liquidi deglutire posset, nec solidis satis reficeretur corpus, vires quinetiam propter longitudinem morbi (antea enim femoris os sibi fregerat, quemadmodum aliàs ad te scripsi, neque penitus à fracturâ restitutus fuerat, cum paralyi corriperebatur) prostratæ essent, brevi naturæ debitum persolvit.

Porro Vir Amplissime, quænam hujus affectus tam rari tamque difficilis fuerit causa, pro summo ingenii tui acumine, nobis quæso expone. Ego sedem mali in Epiglottide, illamque simul & adjacentes partes in ipso quoque momento, cum paralyi corriperebatur, humore viscido imbutas fuisse, existimo. Hinc Epiglottide cum laryngem asperamque arteriam exactè obtegere non posset, facile fieri potuit, ut liquida, & imprimis vinum, quia tenuium est patium, ad ipsam arteriam asperam pervenerit; & suffocationis metum excitaverit; duriuscula verò ratione crassitie & ponderis, operculum asperæ arteriæ depressoerint, & proindè sine difficultate ad ventriculum pervenerint. Est & alia causa quæ mortem acceleravit, nimirum aër frigidus, qui, non satis obturatâ asperâ arteriâ suo operculo, facile ad pulmonem perveniebat, & calorem vitalem præter modum refrigerabat.

Quantum autem aër frigidus hoc modo, cum impetu & in copiâ ad pulmones delatus, facultatem vitalem prosternat, in morbo etiam meo expertus sum.

Cum enim propter vehementissimam tussim, epiglottis tandem quoque ita labefactata fuisset, ut asperam arteriam non satis promptè obtegeret; & tussiendo, aut etiam oscitando aër frigidus ad pulmonem perveniret, vires protinus ad lipothymiam ferè usq; prostratæ fuerunt. Tandem necessitas me edocuit, ut tussiendo, linteo calido (quod continuò in promptu habebam) nonnunquam quoque volâ manus os obtegerem, tussiendoque auram calidam ex linteo attraherem. Hoc enim modo lipothymia multò minùs sequebatur. His vale, Vir Amplissime, & me, ut facis, amare perge. Rapiam Bernæ, 30. Aprilis, 1621. *obs.* 37. *Gul. Fabricii Hildani.*

Anatomica inspectio.

Vir honestus 56. circiter annos natus in tantam incidit deglutiendi difficultatem, ut cum aliquid in ventriculum exinanitum ingerendum pro vita conservanda veniret, non tantum solida viam sibi in medio œsophago præclusam invenirent, sed etiam liquidorum illac transitus adeò impeditus foret, ut plures conatus qualibet vice per horæ ad minimum quadrantem essent impendendi, subsequenter etiam ingestorum quæ à parte læsa ad fauces usque restagnabant vomitionibus, antequam guttula una aut altera sibi viam aperiret in ventriculi concavum, quò demum peracto aliquid liquidi ulteriùs absorbere imò pulcem tenuiorem ex lacte & farina aut pane confectam vorare valebat. Nec aliquid in subsidium poterant vel instrumenta Chirurgica ordinaria, vel alia quæcunque à nobis excogitata, quin vitam sic miseram per annum & dimidium transgerit, tandemque marasmo, nulla tamen adveniente febre, præterquam ultimis diebus, confectus obierit. Cadavere in casus tam rari causam relegendam aperto, vidimus tuberculum in parte œsophagi media eo latere quo trachæ arteriæ adjacet situm, non equidem admodum magnum, sed quod in cancerosum quid jam abierat, lividum enim atque etiam saniosum, varicosisque vasis refertum apparebat. Unde satis constitit non tantum tumoris corpore viam impeditam fuisse, sed etiam succo stiptico inde continuo quasi transudante œsophagum eâ parte contractum non parum alimento transgressuro, obstitisse. Similem propè historiam proponit Clariss. Willis Pharmaceutices rationalis parte prima sect. 3. cap. 3. his verbis. Vir robustus & aliter satis sanus, à longo tempore vomitu crebro laborans, comesta quæque sæpius, etsi non semper, mox rejicere solebat: Tandem victis omnibus remediis morbus in eum statum devenit; ut valde esuriens comederet ille, donec œsophagus ad gulam usque impleteretur, dein nihilo in ventriculum illabente, ingesta quæque cruda regerere; Cum pharmacis nihil juvantibus præ fame summe elanguesceret, & propediem interire periclitaretur, instrumentum ei instar virgulæ, è pinna cetacea, cum spongiæ fibula apici ejus affixa parabam; hoc ægotans statim à cibo & potu assumptis gutturi, unaque œsophago immittens, alimenta secus restagnatura in ventriculum, orificio ejus reserato, detrudebat: atque hujus ope per sedecim annos pabulum quotidie sumit; eademque adhuc machina utitur, & etiamnum vivit valetque, secus inedia periturus. Procul dubio in hoc casu os stomachi, sive à tumore, sive à paralyi semper oclusum, nihil, nisi violenter reseretur, in ventriculum admittit.

Deglutitio impedita à Broncocele Vesophagum utrinque constringente, & tumore atheromatoso ejusdem Vesophagi.

Lectissima Virgo, annos præter propter quadraginta nata, postquam variis morbis ac præcipuè affectibus

ſibus phthiſicis, per plurium annorum decurſum, conſtituta fuiſſet. Eò tempore quò ab iis omnibus evaſiſſe, & valetudine ſatis integrâ frui credebatur, in deglutiendi aliqualem difficultatem incidit, quæ per menses ſenſim aucta, cum adjunctâ feбри de lentarum genere, ei; ſubinde Intermittentium ſpuriarum paroxyſmis intermiſtis; nihil prorsùs ad mali eradicationem facientibus ſelectioribus remediis intùs & extra adhibitis, tandem poſt annum & dimidium in abſolutam impoſſibilitatem aliquid deglutiendi incidit: unde neceſſarium fuit injeçtò per ſyphonem alimentò eam ad tempus enutrire, die 25. Julii anni 1717. inter loquendum, & dum ipſi injeçtio enutrens parabatur, ſubitò ſuffocata obiit. Die ſubſequentē 28. horis matutinis, cum morbi ſedem attentius inda-garemus ſub muſculis colli reperiēbamus glandulas thyroideas utrinq; non parum tumefactas ac induratas, imò interius ita protenſas, ut non tantùm œſophagi latera comprimerent, ſed etiam ſubtus exporreçtæ, eum undiq; circumcingerent; larynge interea, niſi ad latera, omnino liberò. Oeſophagum præterea, vidimus quaſi ſcinthoſum, & ſix circiter lineas craſſum, ab eâ ipſius parte qua tracheæ annulo quarto uſq; ad annulum nonum ſubjacebat, & per totum hunc tractum à glandulis tumefactis indiviſibilem. In eâ œſophagi tumefacti extremitate quæ tracheæ annulo nono ſubjacebat, interiùs aderat tumor atheromaticus, magnitudinem ovi gallinacei minoris æquans, œſophagi canalem omnino obſtruens, & è quò recenter diſruptò effuſa fuerat in ventriculum uſq; materia quaſi ſebacea, ſeu potiùs cerebrum alicujus animalis excoctum referens, qualis e iam erat tota illa quæ in hòc inferiori tumore con-cludebatur. Ex eâ autem effuſione procul dabo enarra- est ſubita ſuffocatio, & mors promptè advocata in debiliſſimò ſubjeçtò, ac innumeris affectionibus, imò & inedia prægreſſâ, jam prorsùs attritò.

DENTALIS LAPIS. vid.

DENTIUM MORBI.

De quibus jam per

*Curationes, Consultationes & Observationes
ex variis.*

*De Variis Dentium Affectionibus ex Clariff. Antonio Nuck.
ac Jo. de Doloze Dentium.*

Inter alias corporis noſtri partes, intolerabili aliquando dolore affectas, ptimas ſanè tenent Dentes, qui varias ob cauſas tantis non rarò afficiuntur cruciatibus, ut patiens (omnibus incaſſum adhibitis medicamentis) doloris acerbiffimi impatiens, eundem ampliùs perſerre non poſſit.

Huic incommodo, ut ſuccurreret Ars Chirurgica, Inſtrumentum, quò dolor hic momento citiùs, & quaſi incantamentò tolli poſſet, excogitarum Inſtrumentum hoc *Cauterium actuale* eſt, quod ignitum *Antiragium* leniter tangit, & cutim, unà cum ſubiacentibus nervulis, à ſecundo p ri vertebrali oriundis, adurit.

Ut autem tutius hæc Operatio abſolvatur, cannula ſive vagina neceſſaria erat, quæ cauteri in dictum transmittens, impedimento eſſe poſſet, ne latera auris viciniora ledantur.

De Dentium Extractione.

Dentium Extractio feliciter ut ſuccedat, unusquiſque Operationem hanc inſtitutus, exactam eorum ut & alveolorum habeat notiſſiam, perquam neceſ-

fariam exiſtimamus. Magna ſiquidem uti inter Dentes ſic & alveolos obſervatur differentia. *Dentium minimi* unicàq; tantùm radice donati *Incifoſes, Longiſſimi Oculares & Canini, Craſſiſſimi Molares* appellantur, pro quibus etiam duò, tres vel quatuor radices, totidèmq; alveoli numerantur.

Gaudet quoq; dentes ſuis valis ſanguineis patitur & nervoſis: Sanguinea videlicet arterioſa à Carotid., Venòſa à Jugulari, Nervòſa à nervis oculorum moto-riis & guſtatoriis accipiunt, quæ per peculiaria foramina illos ingreditur. *Minora* tamen vaſcula *Inciferibus, numeroſiora Molaribus*, (quorum quolibet radix ramum accipit) *majora Caninis, maxima vero Ocularibus* dentibus ſunt deſtinata.

Quibus conſideratis haud difficile colligitur, cur quidam dentes faciliùs, quidam verò difficiliùs & cum periculo extrahantur.

Ad hanc autem Operationem debite exercendam varia requiruntur inſtrumenta: Aliis enim dentes Canini & Incifoſes, aliis Oculares, aliis Molares & Sapientiæ, aliis deniq; dentium fruſta & fragmenta evelluntur.

Inſtrumentorum huic ſcopo convenientium ſequentia potiſſimum in uſu ſunt:

1. *Pedes Caprini.*
2. *Roſtrum Corvini.*
3. *Forcipes dentaria varia.*
4. *Pelicanus.*
5. *Dentiſcalpium.*
6. *Trulla.*

Antequam verò Extractio inſtituatur, explorandum an vacillet dens, vel carie ſit conſumptus, imò an etiam poſſit aut debeat extrahi benè perpendendum. Dede cori namq; Chirurgo eſſet, nec parum ejus fama detrimenti caperet, ſi ſine ſucceſſu Operationem inſtitueret, ſpecialim ubi ad Principes, Magnates & Matronas deliciores vocaretur.

Præterea, quoniam Symptoma aliquod uigens, moleſta ſcilicet hæmorrhagia dentium extractioni ſubinde ſupervenire ſolet, Stypticum medicamentum neceſſariò ad manus eſſe debet, *Lintum* v.g. *carpum* vel ſolum, vel ſucco *Citri* madefactum. Vel

℥. *Fungum* (Belg. *Boviſt*) eiùſq; particulam extra-
lli *denis alveolo* inmitte. Vel

℥. *Lintum Viſum* (Belg. *Tintel*.) Vel

℥. *Pulv* aut *Caput mori. Viuriol.* Vel

℥. *Chartam Emporeticam* oleo *Viurioli* madidam, hanc ſicca, ſiccata iterum madefac, madefactam denno exſicca, hocq; ter quaterve repeſe, imm charta hujus ſiccata & preparata potiunculam parti ſanguinem fundenti admove.

Si verò hiſce non cedat hæmorrhagia, cauterium adhibendum.

Ut itaq; extractio feliciter procedat, gingivâ ab ipſò dente ſeparatorio inſtrumento prius ſeparanda, (ni jam ante à Scorbutò conſumptâ fuerit) quia aliàs gingivæ firmiter aliquando dentibus adnatæ dilacerantur. Mox *Pede Caprino*, ſi ex *Inciferiis* fuerit ex alveolo dens expellitur. *Ocularis* aut *Caninus* *Forcipe Dentaria* vulgari extrahitur, quamvis aliquando (ubi cariei notâ impreſſa conſpicitur) hujus extractio *Pelicano* feliciter peragatur.

Dentes verò *Molares anteriores* convenientiùs *Pelicano* cum *brachiis rectis*, *Molares poſteriores* *Pelicano* cum *brachiis curvis* melius evelluntur. Ad Dentium denique fruſta extrahenda *Roſtrum Corvini* potiſſimum convenit.

Gravidis aut nunquam aut rariffimè dentes ſunt evellendi, præprimis *Oculares*, quòd factus oculorum viſioſus aliquando exinde fuerit affectus.

Subinde Dentes extra ſeriem prominentes, oblique verſus interna aut externa naſcuntur. Horum prominentiæ

prominentiæ tantillum limâ corrigendæ, non tamen eo usque auferendæ, ut dentis cavum in conspectum prodeat, ne intolerabilis Odontalgia exinde propululans, patientem nimis excruciet. Idem malum facile supervenire solet, si *Forcipe incisoria* Operatio hæc instituat.

De Dentium mobilitate, Casu, & Dentibus Artificialibus.

Mobiles sæpe fiunt dentes, vel quod gingiva laxior reddita, dentibus firmiter non adhæreat, vel eadem acri quodam humore ad alveolos usque consumptâ denudentur, minusque stabiles reddantur.

Quo in casu gingivæ blandioribus astringentibus Antiscorbuticis permixtis roborandæ, quale est medicamentum *Etmulleri* sequens,

℞. Radic. Bistort. ℥℞.

Flor. Ros. rubr. ℥ij.

Balaust. Div.

Alum. ust. ℥ijss.

M. cum S. q. Spirit. Cochlear. Vel

℞. Herb. Scord. sic. p. j.

Myrrh. opt. ℥ss.

Alum. Ust. gr. vj.

Coq. leniter in Vini alb. Gall. ℥ijj.

Colat. ℥ij. add. Mell. alb. opt. ℥ijj.

Spir. Vin. Caphur. ℥ijss.

Cochlear. ℥j.

M. F. oris & gingivarum collutio.

Hæc mixtura in plevisque oris vitiis à Scorbuto oriundis magnæ quoque est efficaciz. Vel

℞. Herb. Salv.

Rorismarin.

Flor. Ros. rubr. aa. p. j.

Myrrh. opt. ℥j.

Alum. Ust. ℥j.

Carioph. N. vj.

Coq. in Vin. Gall. & aq. Chalybeat. aa. ℥ij.

Colat. ℥ijj. add. Mell. Ros. ℥vj.

Spir. Cochlear. ℥j. M.

Ad corroborandas gingivas, dentisque dealbandos Matronæ quædam Parisienses sequenti pulvere, ut secreto utuntur.

℞. Off. Sep.

Corall.

Cremer. Tart.

Lapid. prun. aa. ℥ijss.

Bol. Rubr.

Pulv. Rosar. rubr. aa. ℥j.

M. F. Pulvis, quo dentes quotidie fricentur.

Præter gingivam malè affectam duplici de causa Dentes cadunt: vel quod à semine (sive nevo dente) dens alveolo expellatur, vel quod ob vasa sanguinea malè affecta, nutrimento destitutus, decidat.

In priori casu totum opus naturæ relinquendum; In posteriori verò (quum sermoni articulando Dentes multum auxiliantur) *Artificiales* conficere, & in deperditi dentis locum substituere, sæpius necessarium.

Nihil quidem frequentius, quàm ex *Ebore* eisdem conficere, confectos alveolis immittere, filoque serico aureove vicinis dentibus adalligare. Verùm quum hi brevi temporis spatio, & à saliva & à cibo potuve assumpto notabili flavedine tingantur; rectius ex *Hypopotami dente* conficiuntur, præprimis si cortex ejus exterior in vero colore superbiat: Hæc enim si adfuerit, ad aliquot annos ejusmodi dentes naturali adbedine illibata semper remanentes, gestare possunt.

Si omnes maxillæ inferioris dentes nullò remanente decidant, integra dentium series ex frustò eburneo,

vel *Hypopotami dente* conficienda erit, atque intra labium ita disponenda, ut motâ maxillâ inferiore, eadem quoque moveatur, cibusque ore assumtus quodam modo adhuc comminui possit.

Dentium morbi ex Clariss. Michaelis Etmullero

Dentium vitia sunt si deficient, si vacillent, si stupore aut dolore afficiantur.

Deficiunt dentes, vel proprio vel alieno, gingivarum vitio, infra, ubi de dentium vacillatione, prolixius explicando. Proprio vitio, dum evelluntur, aut excutuntur à quavis causa externa, vel alterantur, ut tanquam minus viventes non amplius cum gingiva viva cohærere queant, sed sponte sua decident. Ut enim mortificatum, v. gr. cariosum os, cum vicinis partibus, vita communi & propria pro ratione spiritus influi & insiti gaudentibus, uniri nequit, sed necesse est, ut excidatur & separetur, quo cum viro esse partes subjacentes molles, viventes, consolidatione debita, nutrimento mediante uniri denuò queant: ita & dens minus vitalis non jungitur amplius gingivæ, sed ab hac separatus excidit, idque.

1. Si mortuus fuerit propriæ ætatis, adeoque senii sui ratione, de quo videatur *Helm. alimenta Tartari insonia* §. 25.

2. Si ab externis nimis lædatur & vitietur ut sunt nimis frigida, aut copiosius assumpta dentibus inimicissima, & quæ senium eorum accelerant, item nimis calida, dentes & gingivas quasi ambutendo alterantia, eaque vel crebrius assumpta, vel dentibus admoda, à quibus successive ita penetrantur & arrodonantur dentes, ut frustulatim tandem excidant. Quod facit perversa plurium consuetudo, dolores dentium vel aceto simplici vel per coctionem medicato curantium, à quibus stupefiunt non solum omnino dentes, & insensibiles sic fiunt subtiliores illorum intimæ fibrillæ, sed & ipsi dentes simul mortificantur & corroduntur.

3. Nimis viscida & glutinosa dentibus inimica sunt, ut sunt omnia dulcia, saccharum, ficus, uti & caseus &c. hæc ipsa enim, ut prompte & tenaciter dentibus adhærendo, transpirationem eorundem propter necessariam nutritionem impediunt, ita & successive a corem attrahunt qui continuata sui adhæsione, successive eosdem alterat, hinc & lac, & quælibet lacticiuia, ob hanc rationem inimica dentibus observantur, eò usque ad sui corruptionem sive cariem & successivam deficientiam disponere. Hæc ipsa gingivas simul plus minus alterando, & laxiores flaccidiores reddendo, indeque nutrimentum pro dente, per gingivas transmittendum, corrumpeudo, ipsos dentes insigniter ledere valent.

4. *Cariæ* denique plus minus exesi dentes à lapide dentali sive lithodonto obsessi seu sordibus variis inquinati, nigrique ac foetidi redditi, minus firmiter gingiva cohærent sed successive decidunt. Quæ posteriora vitia non nisi ex vitiata dentium nutritione privata, undecumque primitius orta, originem ducunt. In quem finem noto, nutrirî dentem, non solum per propria sua vascula, arteriolas & venulas, circa sui radicem implantatas, sed lateraliter etiam, ex adhærentibus ipsis gingivis, unde & tam firmiter earum quousque sani sunt, est nexus, ut dens sive osseum concretum, ex se indolens, quousque gingivis investitur, acutissimi tamen sit sensus? adeo mutæ vitæ & nutritionis dentes sunt participes.

Ac sanè particularis, ac præ aliis partibus, propria dentibus est nutriendi ac augmentandi ratio, adeo ut, cum continua attritione necessario imminuantur, nisi

nisi nova eaque continua augmentatione reparentur, brevi penitus absumerentur. Quod ulterius ex eo patet, quod uno evulso vel elapso, vicini utrinque se dilatare magis soleant, & ex opposito ipsi respondens oblongari nonnihil, & prioris spatium aliquantulum subintrare observetur.

Cariem igitur dentis quod attinet, hæc est *arrosio dentis*, nunc major, nunc minor, qua insensibiliter substantia ejus absumitur, & nunc successivè excavatur, nunc altero latere pederentim consumitur, donec successivè magis corrosus frustulatim excidat. Inchoat malum ut plurimum in parvo puncto extrinsecus quod nigrescit primitus, hinc foraminulum aperitur, sicque ad interiora ejus penetrat, quæ quò teneriora ac molliora, indeque faciliùs dissolubilia, eò promptius absumuntur, & dentem cavum reddunt. Conjungitur tunc, ad interiora, ubi penetraverit corrosio, dolor, nunc major nunc minor, prout radicem dentis nervæam diversimodè simul arrosit. Ex corrosio ita dente nata sanies, ubi per dentis foraminulum relictum, seu per fistulam, liberum spatium effluendi haud nata fuerit, sed interiora magis ac radicem dentis unum alterumve, speciatim in maxillaribus, vitiaverit, acrimonia sua nunc gingivam, nunc ipsam maxillam rodit & præsertim per illa hujus foramina, per quæ vasa in dentes subeunt, sensim extra effluit, & tubercula, nunc in gingivis, nunc sub maxillis, excitat, quæ tandem exesa saniosum acre liquamen fundunt. Et licet cutetur tale tuberculum & excitatum ulcusculum, subinde tamen, quoties ex carioso dente sub nutritione vitiata nova sanies generatur, recidivat, & interdum in fistulam vel gingivæ, sive maxillæ, degenerat, adeo ut talia curari nequeant, nisi dens læsus evulsus fuerit. Fœtorem etiam subinde dentes carioli inferunt, halitum oris insipientem præsertim si major fuerit eorum excavatio, ut alimenta carnosæ retenta in eadem putredinem attrahere queant. Imò ex nutrimenti dentis carioli proprii corruptione, aut alimentorum masticatorum in iisdem retentorum putredine, vermes in eorum cavitatibus generantur, gravissimorum dolorum aliorumque malorum autores.

Causa cariei est læsa dentis quacunque occasione nutritio sive gingivarum vitiatarum, & à contiguo dente abscedentium, indeque ejus lateralem nutritionem impredientium, (unde scorbutici, gingivæ vitio, omnium frequentissimi cariem patiuntur) eveniat causa, sive ipse dens sub nutrimenti assimilatione, aut hujus successiva transpiratione frustratus ex illius corruptela, & in acidum corrosivum degeneratione, cariem pederentim contrahat. Acidum itaque ex nutrimento dentis degenerato, tandem corrodens cariem inducit. Causæ remotæ rationem habent, tum omnia dentes alterantia supra allegata, quàm infra circa gingivas, alleganda.

Quoad lapidem dentalem sive lithodonton (ut vulgò ex varia, persuasione vocant Tartarum dentium;) hujus ortum & genesis optime delineavit *Helmont. Tract. alimenta Tartari insontia* §. 22. nempe nutrimentum dentium laterale ex gingivis depravatum, sub sui perfecta cum dente assimilatione frustratum & vitiatum, sicque in excrementitiam plus minus naturam degenerans, adhærescit saltem, superficie tenus denti, ibique quia jam ad duritiem dentalem ex aliquali sui pro nutriendo dente alteratione, determinatum fuit, ad indurescentiam quasi lapideam dentalem, coagulatur saltem, & talem, plus minus tamen friabilem duritiem acquirit, simulque quicquid mucilaginis ciborum ac potuum imbibetis, simul secum fortiter indurat. Nunquam igitur sanæ gingivæ

& quæ cuspiduli figura ad dentis medium assurgunt, hancque firmo complexu retinent, dentalem hunc lapidem generare solent, bene autem laxæ, flaccidæ, cruentæ, minusque aptè dentibus adhærentes, adeoque externis injuriis ad sensilem dentis partem aditum permittentes, nec commodum nutrimentum suppeditantes, sed potius etiam laudabile pervertentes, hoc malum inducunt. Par omnino est ratio sordidorum, nigtorum aliove modo male coloratorum dentium: quicquid enim hic subest vitii, nonnisi productum morbosum ex frustrata ac depravata privata dentium nutritione enatum, sive externa illa supra circa dentium casum, memorata speciatim viscida & dulcia primam occasionem suggererint, sive gingivarum morbosus status, alterando nutrimentum dentium, & vitiando lateralem ejus nutritionem, in causa fuerit. Sanè ut scorbuticis nil equè saniliare est, ac gingivarum varias subire passiones, speciatim cruentam flacciditatem, ita & in talibus dentium nigrities & sordities frequentissima est. Nigrities sanè dentibus adhærens, quid nisi extravenari ex gingivis, plus minus corrupti, & acore infecti cruoris dentibus adhærentis vestigium est; à cujus hostili præsentia, ut irritantur gingivæ, & inviscantur dentis pori, ita ex facili hinc acescentia erosio & cariei successivus progressus. Juxta læsionem gingivarum & dentium lætio, indeque sordium excrementitiarum pluralitas ac veritas æstimanda; Hinc & ab inunctione Mercuriali pro cura luis venereæ similive concitata salivatione, uti notabiliter vitiantur gingivæ, ita nigrescere subito, & pluribus sordibus inquinari observantur dentes.

Quoad Curas.

Dentes excidentes aut deficientes reparare, solius naturæ est, quæ in junioribus, per recentium dentium subnascentiam priores alveolis suis extrudit, & defectum ita restituit. Quamdiu itaque dentium novorum primordia & quasi semina inter gingivas restitant recondita, novi dentes, post priorum defectum renasci facile possunt; id quod non tantum genuini sive sapientiæ dicti dentes comprobant, sed quod etiam interdum in senectute dentes renati observari fuerint. Arti quod relictum est, saltem defectus illos naturæ nonnihil supplere, artificiales dentes, ex ebore, vel dente hyppopotami, fabricatos in istorum locum substituendo, pro loquela saltem gratia, non autem pro melioris masticationis beneficio. Equidem exempla quædam prostant dentium sanorum ex homine recentè revulsum, in proprios vel alienos alveolos denuò insertorum firmier cum gingiva coalitorum, tanquam si nunquam dens defuisset, ita ut etiam masticatio fortis hoc modo perfici potuerit. Sed quoniam adeò incerta res nondum confirmata est, eam in medio relinquo. Vid. observat. Schenckii pag. 202. ex Paræo l. 1. c. de dentib. Item Riverium in observ. comm. pag. 357. vel 615. Borell. lib. 2. observ. 10. p. 18.

Quoad cariosos dentes, equidem præsentissimum remedium est carioli evulsio, interdum etiam necessarium, si longius processerit caries, cum facile aliàs contiguus dens contagio cariolo infici, & hinc idem malum contrahere possit. Ut taceam, confirmatam cariem, alia ratione quàm evulsione, curari non posse. Quamdiu verò vel nondum edusque processerit malum, vel propter pericula, sub dentium evulsione interdum observata, hæc nimis metuatur, remediis res tentanda est, cariei progressum ulteriorem inhibendo.

Evulsio appropriato peragitur instrumento ac succedit eo melius, quo minus firmiter dens hæserit, & quo magis idem vacillaverit. Quo autem disponatur ad facilem, magis & minus dolentem, evulsionem, remedia quædam à nonnullis adhiberi solent, verbi gratia, Tithymali succus denti inditus: aut si ex eo sale & ammoniaco formentur globuli, aut cum farina triticea fiat pasta, & cavitati dentis indatur.

Præter tithymali lac alia ex simili lactearum genere, pari virtute pollent: ut lac ficulneum farinæ admistum, vel ex lacte tithymali cum farina triticea subacta fiat pasta, quæ frixa in pinguedine ranæ facit dentes sine dolore cadere: vel farinæ siliginis miscetur cum lacte cataputiæ, instar pulvis, indatur denti cavo, sicque aliquandiu permittatur, brevi sic cadere affirmant. Succus pariter chelidonii majoris, cavis dentibus inditus, eos frangit & ejicit. Pinguedo item ranarum viridium, dentibus affricata, aut iisdem indita, dentium casum promovet, nempe coquantur ranæ in olla vitreata, affusa aqua communi, & pinguedo quædam innatabit, quæ dentis evulsionem promovet.

Vel \mathcal{V} . Gumm. ammon. sem. hyoscyam, succi ejusdem an. \mathfrak{z} i β . Mistis addatur Pinguedinis ranæ viridis ac ceræ parum F. unguent. denti extrahendo applicandum vel indendum.

Cariæi verò ulterior progressus per artem, & medicamenta inhibetur, efficacissime imprimis per inustionem dentis carioli in loco carioso cum cauterio actuali, sive ex ferro, sive ob subtilitatem commodiorem, ex argento vel auro facto, quo facto auro foliato dens cavus repleatur. præservatur enim sic à majori putredine & corruptione: vel ex cera cum mirra probe subacta, vel potius ex cera viridi, propter admistam æruginem, impleatur dentis carioli excavatio. Ipsa myrrha denti indita, egregia est in hoc casu. Confer hæc River. in observat. communic. pag. 309. ubi refertur, quod dentes terebinthina impleantur, & cauterio actuali dens inuratur in carie. Loco actualis cauterii, ubi necessum visum fuerit, potentiale adhibeatur: Sic aqua fortis denti carioso admota vel spiritus vitrioli ad gutt. 1. vel 2. bombaci inditæ, ac denti adhibitæ, mirè corrosionem juvare & præservare dicitur. Item Zingiber in oxymelite coctum, & in cavernam dentis immissum, præservat corruptionem coralliorum pulvis denti cavo inditus, vel ossa sepiæ, item camphora cariæi ulteriorem progressum inhibent: vel ex pulvere coralliorum alborum cum melle rosato ad consistentiam linimenti crassioris redacto dentibus illitum cariem inhibet.

Fœtorem dentium ablata caries sponte curat: si minus gallia moschata cum cypero & mastiche mista, denti cavo indatur. Tollitur & fœtor dentium, si abluuntur aqua in quâ sal armoniacum solutum, post prandium & cenam.

Vermes ex dentibus elicere subinde necesse est. Præstat hoc optimè Sabina in vino decocta & in ore retenta, quæ copiosius vermes elicit. Fumus item seminis hyoscyami specificus est, per infundibulum susceptus ore, mirabiliter vermes expellit. Confer. Act. Med. hæf. volum. 1. pag. 209. Suffitus item sive fumus ex fructu halicacabi contuso, cum cera mixto, facta exinde pasta, & in laminam ferream ignitam injecta, fumum suggerit, quo ore excepto, catervatim vermes cum spuro copioso rejecti, & crudelissimi dolores sopiti, observati fuerunt. Spiritus sulphuris quoque dentibus cum bombace inditus vermes optimè necat, & dolorem inde oriundum placat, vel ex pulvere gallarum, cum succo rad. pyrethri imprægnato paratur remedium, quod denti in-

ditum vermes expurgat seivum cervinum quantum contra vermes dentium valeat. Vid. Bartholinus centur. 3. histor. 96.

Quoad Tophos (sive Lithodonton) dentium eorumque sorditiam & nigrificam, ne ab his dentium caries, crebrior dolor, aut præmaturus casus superveniat, cura instituenda venit, per ea, quæ sordes dictas abstergere, vitiosum earum acium, gingivis & dentibus hostile, absorbere & hinc blanda adstrictoria vi gingivarum tonum roborare valent: quod si longius processerit malum, & tenacior mucus dentes vitiaverit, potenter incidentia & dissolventia, & quidquid heterogenei fuerit absummentia & quasi exdentia adhibenda erunt, habendo semper respectum ad scorbutum plus minus. Convenient igitur in leviori malo ossa sepiæ, CC. ust. mandibul. luc. pisc. testæ ovorum calcin. cinis majoran. rorismarin. urina calida, cum qua fricentur subinde dentes & gingivæ: Tartarus calcinatus aut parum salis tartar. ust. &c.

Duriora subjecta lapidea ex silicibus, pumice, &c. vitanda sunt, quia crebriori usû gingivas atterere & absumere valent, ut rectè monet Zvvelferus in Pharm. reg. pag. 101. nisi ubi fortius agendum: tunc enim paulo tamen rariùs adhibita, talia minus nocent, Exempli loco sit farina virginea Mynsich. egr gie dentes dealbans, & à tartaro corrosivo purgans.

Hisce modò dictis convenienter radix Irid. Flor. additur, præsertim quod & ipsa conveniat propter odoris gratiam, propter quem ultimum finem non inepta. Paratis dentifriciis aliquot guttæ olei destill. caryoph. aut lign. Rhodii possunt addi. Quod si dictis pulveribus color purpurascens conciliandus, Coccionigliam in aqua aluminis solvamus, & soluto aspergamus pulverem, qui exinde rubescit, sed leni admotus igni idem purpurascit. Quod si pettinacius fuerit malum, sordes tenaciores, obstinata nigrities firmitus dentibus impacta, ac firmitus conglutinata lithodontes, optimum remedium est spiritus salis cum melle ad gratiam saporis, vel quantum placet mistus, & ita gingivis illitus. Spiritus vitrioli suspectus est, cujus loco oleum sulphuris in aqua communi dilutum, vel cum inelle rosato subactum adhiberi potest. Pertinet huc opiata Borelli cent. 2. observ. 65. ad gravius malum præsertim conveniens. Non incommodum est, si recipiatur vinum, cui permisceatur spiritus sulphuris, ut acefcat, huic immitte radicula polypodii per 24. horas, hunc sicca & utere pro dentifricio, firmat, mundat, & candorem iisdem inducit. Et ea quæ de spiritu vitrioli refert Riverius in libro sexto prax. capite secundo, potius spiritui salis, quàm spiritui vitrioli applicanda veniunt. Quod etiam facit ejusdem liquor ex auro usto, hic egregie conveniens citato loco.

Pulvis dentifric. Principissæ Altenburgensis.

\mathcal{V} . Oss. sepiæ, CC. ust. pumic. præp. an. \mathfrak{z} ij. moschi \mathfrak{z} j, M. F. pulv. cui adspargatur spir. rosar. \mathfrak{z} ss. & sicca. Interim!

\mathcal{V} . Gran. cherm. Santal. rubr. an. spir. vini q. s. pro extrahendo Tinctura, qua irora aliquoties prædictum pulverem, & sicca. Non incommodum est hujusmodi pulveribus dentifricis sal armoniacum subinde addere, dentibus, gingivæ, ac omnibus oris partibus imprimis conveniens.

Quod attinet dentes vacillantes sive minus firmiter gingivis connexos hoc vitii contrahunt propriâ vel alienâ, gingivarum culpâ. Propria eadem est, sed in minori saltem gradu, quæ & dentes decidere penitus & cadere facit, de quo superius sufficienter actum. Aliena gingivarum culpa consistit in eo, quod fibrosa illarum caro vel mollis, sive flaccida, vel simul

simul tumida, vel etiam nonnihil exulcerata, adeoque omnibus his casibus plus minus cruenta similes vadat. Rarum est, quod in Schenckii collectis observat. libro primo capite de dentibus pag. 200. refertur, ex defluxione in dentium alveolos, hos gypsea pituita interdum impleri, ut dentes extrudantur. Suspicio tamen non tam ex defluxione, quam lapidis sive topi dentalis uberiori incremento, potius vitium hoc ortum traxisse. Ita vero mala gingivarum oriuntur frequentissima saliva, vel in genere acrioris, vel in specie scorbutico sapore, sive vitioso acriale inquinata culpa, à qua tenuis fibrarum gingivarum resolvitur & emolliri penitari eadem, & plus minus successivè, non raro sensili admodum cum pruritù croli assolent, vasculis sanguinis unà per diastasin vitiatas, sanguinem paulatim fundentibus.

Postea & mercurii usus, tam in salivatione excitanda, & hinc aciori & præternaturalis cujusque copiosioris salivæ profluvium, quam facili pro usu cosmetico applicatus, ordinatio gingivam valde opere laxare, & omnes dentes hinc mobiles quasi reddere solet.

Quod si ulterius procedat negotium vitari magis gingivæ, exulcerari profundius, absuri eadem, vel corrumpi etiam, & ad gangrenam disponi assolent. Malum, quod in genere Scorbutus appellatur.

Quod si firmior paululum gingivarum fuerit textura relaxata, eadem nihilominus sanguinem uberius in se recipit, & spuria intumescit & excrecit carne laxa, flaccida, & sordida, & facili ad tactum cruorem stillante in gingivarum hinc dicta excrecentia sive dentium superincarnatione.

Ut igitur moveantur hæc mala, præmissâ debitâ radice morbosæ internæ curatione, gingivæ flaccidæ, tumidæ, cruentæ adstringendæ, exulceratæ absorbentibus, & mundificantibus ac adstringentibus consolidandæ, corruptæ & plus minus gangrenatæ, ab ulteriori mali progressu præservandæ. Conveniunt igitur Flor. ros. rubr. flor. aquileg. & ex his paratum unguentum de aquil. ad scorbut. oris præsertim proficuum. Descriptio prostat in Tilemanni materia Medicin. CC. & ebur. ust. Lacca & Myrrha alumin. tam crudum quam ustum lap. canceror. fol. quercus, ligustri, radix iteos, flor bistort. tormentill. flor. malvæ arborecent. nascitur aqua ruta, salvia, Rosmarin. Ex his v. l. sunt Pulver. demirificii, cujus exemplum vide in Barthol. Centur. 6. histor. 54. vel ex iisdem sit decoctum verbi gratia, Ruta in vino decocta, quo calidissimo os eluatur, egregia est contra hos affectus scorbuticos. Salvia. item Rosmarin. decocta in aqua cum paucis additis alumine, egregius est Gargarismus ad dicta dentium vitia vel.

℞. Herb. salv. Man. ij ss. flor. malv. hortens. rubr. Man. j. rad. polypod. unciam sem. Fiat decoctio in lib. j. aqua fontana colatur. adde mellis rosat. 3 i ss. alum. ust. 3 j. lapid. prunell. 3 iij. terr. sigillat. 3 j. M. F. Dentiluvium.

Pertinet huc Gargarismus de Tormentilla Mynsicht. pag. 403. Decoctum ad gingivas roborandas Poterui in pharmac. pag. 313. Si quoque aliud quid, certe Myrrha & lacca in istis gingivarum vitiis sunt præstantissima. Huic Tinctura laccae associari solet. Nam sola Myrrha crebrius Masticata præservat egregiè contra scorbutum oris. Tinctura laccae prostat, pag. 46 Armament. Myns. & Conf. M. C. Ann. 6. App. 26. B. D. Michaelis tincturam laccae ita parabat.

R. Phlegm. vitrioli q. v. in quo dissolve alumin. q. s. soluta & mista infunde laccae pulverisatæ donec tingantur M. Porro ulterius mel rosaceum cum spi-

ritu salis tantillo usque ad gratum acorem imprægnatum, omnia ulcera & putredinem partium in ore sanat, si præsertim ex scorbutico originem ducant. In specie si simul cum decocto salviæ subinde abluantur gingivæ. Egregium quoque est linimentum Hartmanni ad hos gingivarum affectus, quod d. scribit in prax. chymiatr. pag. 123. Sed cui non incommode Myrrha addenda venit, ad imitationem Senn. in prax. lib. 3. p. 5. f. 2. cap. 7. pag. 635. Cui simile est elegans linimentum contra oris & gingivarum scorbutum, quod habet Deckerus. in comm. in prax. Barbett. pag. 156. Cujus loco possit etiam recipi.

℞. Alum. crud. 3 i ss. flor. aquileg. fol. salv. an. 3 ij. Rad. ireos fl. 3 iij. Myrrh. elect. 3 ij. c. f. q. mell. ros. F. linimentum egregium ad vacillationem dentium scorbuticam, vel.

℞. Rad. bistort. 3 i ss. flor. ros. rubr. 3 i ss. Balauft. 3 j. Aluminisusti 3 ij.

Inprægnetur largiter spirit. cochlear. qui ad oris scorbutum est egregius. Hinc in excrecentia gingivarum scorbutica, succus cochlear. cum alumine ustomistus perquam egregius est. Sicuti ad hæc ipsa gingivarum vitia ex scorbutico nullo cedit verticalaris; cujus decoctum cum alumine & melle nobile experimentum est, gargarisando usurpatum. Vid. M. C. Ann. 6. pag. 50. In Dighe Medic. Experiment. part. 2. pag. 78. Idem egregius est mistura pro his gingivarum malis ex aq. calc. viv. cum alumine crud. & ust. ac rad. ireos flor. quod in mentem revocat aliam non inconvenientem misturam, efficacissimam in scorbutico oris, nempe cremorem aquæ calcis vivæ supernatantem saliformem.

℞. Hujus cremor. 3 iij. Gumm. lac. 3 ij. Vitrioli Cypri. gr. vi. aq. rosar. salv. an. 3 i ss.

Solve calore leni, ut probè inprægnetur à lacca, eo laventur gingivæ probatum est. Ac merito extollitur usus, lacca: Nam B. D. Michael aliquando putredinem gingivarum scorbuticam, tantam ut gangrenam minaretur, & propter insensissimum fatorem nemo juxta ægrum commorari posset, per solam tincturam laccae, præmissis internis universalibus, feliciter restituit. Juxta laccam hanc nobilissima est Myrrha, verbi gratia.

℞. Fol. salv. alumin. ust. maxill. lucii piscis calcinat. Myrrh. rubr. an. 3 i ss. Mell. q. s. pro linim. ad fricandos dentes.

Quod si efficacius postuletur, aliquot gutt. spirit. salis imprægnetur.

In graviore malo ulterius procedendum est, atque sic, præter linimentum Hartmanni, supra laudatum, ad unguentum Ægyptiacum melle rosato probè permistum, deveniendum, pro graviore exulceratione, aut inde metuendis malis gingivarum curandis.

℞. Alum.usti, salis armoniaci, an. 3 j. Mastic. thur. an. 3 ss. M. F. Pulvis.

Affricandus gingivis, postea quàm ante & post decocto salviæ, tormentill. ac ros. rubr. os elotum fuerit. Imò interdum aquâ forti gravior gingivarum luxuries sedanda. Confert item Linim. Senn. l. 2. prax. par. 1. cap. 16. pag. 52. Aut denique aqua viridis ex viridi æris, paucis auripigm. alumine & quibusdam vulnerariis, addito melle in aquam infusus & decoctis, hic commodè adhiberi possunt, quò affricatæ gingivæ à luxurie, flacciditate & putredine detendantur, e.g. sit vel aqu. virid. Hartm. Pr. pag. 110. Vel aq. virid. Plateri cujus descriptio prostat in fine observationum ejus.

Stupore; tandem sive Hemodia affici dicuntur dentes, sicque masticationem impedire, quando speciales doloris genere afficiuntur, post acida vel assumpta, vel vomitum rejecta.

Cui affine malum est *Algor Dentium*, dum frigoris attackū notabiliter alterantur dentes, nempe acidum & frigus inimicissima existunt dentibus, unde illorum nimia impressione afficiuntur fibre illorum interiores, & quasi iritantur, ut à cujusvis objecti actione specialis quidam dolor in dentibus percipitur, masticationis negotium insigniter impediens.

Curat stuporem dentium portulaca recens masticata, caseus tam recens quàm vetustus, adeoque alcali manifestiori dives. Siliqua caracea masticata, item, calidum ovi vitellum, ad duritiem coctum applicatum. Omnium optimum calida urina applicata; Algorem quod attinet spir. vini dentibus affricus, vel panis calens masticatus, vel vitellum ovi assatum, calidè masticatum; item theriaca dentibus affricata huic malo medetur.

Dentium morbi ex Clariss. Joh. Harthmanno

In stupore dentium fricentur dentes stupidi sale, vel masticetur pannus laneus vel pilosus pileus.

In nigredine dentium evitanda, præsertim evitetur acetum & cibi admodum calidi.

Removeatur item sæpius adnatus Tartarus & impuritates dentium, colluendo os à sumpto cibo, cum vino.

Deinde nigredo & colores dentium fædi hoc modo commodè auferuntur.

℥. Aq. fontanam, dilue in eadem spiritum Vi-
triol. vel aquam seu spiritum aluminis q. s. ne scilicet nimium acescat. Cum hoc lavamento quotidie manè & vespere cum Lacinia lanea frica dentes diligenter, deinde eosdem frica cum magisterio Corallo-
rum vel cum hoc pulvere.

℥. Mandibularum Lucii piscis, Corall. albi. CC. usti, aluminis usti, radices ireos ʒss. sal. gemmæ ʒj. M. F. pulvis.

Nigredo dentium & linguæ, ex esu ceraforum vel myrtillorum extemplo tollitur substitui candelarum sulphurearum, *Schvveffelstecken*, faucibus tamen propter fumos nocivos occlusis.

(Nota, sordes & nigredinem dentium statim ac facile quidem spiritibus acidis detergi, sed, si sæpius iis utamur, facile dentes ut alcali osseum erodi fragileque factos postea tanto majori nigredine & squalore infici, propterea in his affectionibus dentium commendatum habeas saccharum aluminis, de quo paulò infra, aut per se aut cum pumice corallive rubris præp. commixtum ut dentifricium adhibitum.)

Mobilitatem dentium aufert peculiare & specificum remedium seq.

℥. Gland. ʒj, gallar. ʒss, aluminis usti, succi acaciæ an. ʒss, fol. rosarum rubrarum M ss. Coque cum vini rubri ℥ij, ad casum unius pollicis, postea cola. Cum hoc decocto sæpius quotidie eluantur dentes, rursum figuntur & immobiles redduntur.

Odontalgiam ex quacunque causa ortam ex quadam specifica proprietate tollit radix lapathi acuti (ante germinationem vere collecta præstat, mihi familiaris) exsiccata & denti dolenti applicata.

Idem præstat, sed remissiùs rad. lappæ quæ dolores subito aufert, humoremque superfluum extrahit magis.

Si fiunt dolores ex destillationibus, decocto rad. urticæ majoris, alii decocto cum pauxillo nucis moschatae rasæ & croci in vino adusto & acet. ana parato & calidè in ore, locove dolente retento humores illapso mitabiliter extrahunt: ab initio quidem videtur dolor augeri, sed paulò post mitigatur & desinit.

Idem præstat decoctum Guajaci cum vino & aqua paratum. In eodem casu præstat decoctum serpilli (in primis si ex destillatione) vel ejusdem aqua gargarizando nempe cum iidem.

(Dolores dentium propediem sedat aspersum sequens. *Saccharum Aluminis*.)

Rec. Aluminis crudi ℥ij. vel iij. & per retortam in arena lento igne phlegma abstrahe, quo facto cessa, & refrigeratâ retortâ phlegma redde exsiccato alumini, cumque per 24. horas in digestionem B. V. steterint, phlegma iterum abstrahe, qui labor cohobandi, digerendi & phlegma abstrahendi septies repetatur. Tum post ultimum phlegmatis egressum, illud quod in fundo retortæ remansit, in cella humide & frigido aëri expositum in liquorem abeat, qui filtratus & per 12. dies in cineribus igne lento digestus demum per cucurbitam in cineribus ad siccitatem usque omni humiditate exuatur. Remanet in fundo saccharum Aluminis.)

Si dentes sunt cavi & dolent, vel etiam citra cavitatem in dentibus dolentibus præstans est ol. Caryophyllorum, in cuius scil. ʒj. Camphoræ ʒss. solutus fuerit. Hujus compositi gut. j. vel altera in gossypio (præsertim quod cum mosco fuit) cavo denti immissa vel etiam dolenti alioquin applicata, omnem dolorem aufert.

Externum est laudanum opiatum in forma pilularum dentibus illitum vel inditum, vel externè (in genis) cum unguento alabastrino (gr. j. laudani ad ʒj. unguenti) dissolutum. It. cum Emplastro de mastice & cera.

(Subitaneum est remedium persicaria contrita & denti dolenti applicata, vel ut pilula efformata cavo dentis imposita.)

Dentes corrosos juvat suffumigium ex semine Hyoscyami per tubulum vel tritorium ad dentem dolentem factum.

Dentes cariosi evelluntur promptiùs, si duobus digitis madefactis, ac inspersis pulvere ex lacertis aquaticis exenteratis & in clibano calcinatis aliquandiu prehendantur. Lacertæ colliguntur Aprili & Majo.

Sic etiam dens ex maxilla mortui evulsus, & cum radice sua dentem cariosum sæpius tangens, tandem post aliquot dies frustulatum dentem cadere facit.

Laxitati, putredini & exfioni gingivarum à proprierare quadam Aquilegia mederi videtur. Potest autem indè tale compositum fieri:

℥. Pulveris fol. aquilegiæ, salviæ, menthæ crispæ, Nucis Moschatae ana ʒss, Aluminis usti ʒj, mellis purissimi ʒiv. Mel incalescat ad ignem & leniter decoquendo desumetur, deinde pulveres prædicti cum melle adhuc calente sensim aspergendo misceantur & servantur ad usum. Hòc ungento illinantur gingivæ bis quotidie (NB. Decoctum summitatum rubi idæi etiam valet hîc) quòd si cibus capiendus est, eluatur os aquâ prunellæ vel infusò nasturtii aquatici in vino (in primis in scorbuto.)

Ad mundificationem autem gingivarum putrescentium maximè valet aqua illa viridis mea composita secunda, de qua supra in Narium affectibus, ozæna nimirum.

Dolor dentium, quia plerumque fit à capitis defluxionibus, ideoque in curatione ipsius statim ad ea accedendum, quæ fluxionem inhibent. Unde statim temporibus applicandum Emplastrum de Gummi Elemi, vel etiam Mastiche factum, quod antequam applicetur, calefiat optimè.

Inter scapulas applicetur cucurbita magna sine scarificatione.

Hinc statim ad repellentia materiam fluxumque evacuantia confugiendum, qualia sunt galla matura in acet. cocta, ita ut acet. in ore supra dentem dolentem detineatur calidè per horam ss vel j.

Hinc ad topica, anodyna ex proprietate occulta dolorem tollentia progrediendum.

Quod si continuus sit dolor hisce non cedens, sed ab aliqua intemperie vel capitis vel totius corporis, aut copia materiæ ad caput fluentis, & inde ad dentes, capiti simul providendum tum evacuantibus, tum alterantibus & confortantibus medicamentis, tum etiam toti corpori.

Topicorum quibus vel solis sæpius dolor omnis auferitur sequentia sunt præstantia.

Laudanum opiatum cujus gr. iij. cum gut. ij. spir. Vitrioli denti dolenti applicentur, simulque pil. j. in corpus assumatur: Dolor sopitur, applicato etiam Emplastro ad tempora, & si opus, cucurbitulis.

Similis planè effectus est oleum ex buxo destillatum.

℞. Serrati buxi q. l. & repleantur 3. partes retortæ vitreæ, retortam in cineres loca & destilla oleum & liquorem aqueum igne primùm lentò, postremùm fortiori, & tandem summo, & destillabit oleum. Idem oleum rectiùs per descensum aut per vesicam destillatur. Hujus olei (è buxo)

℞. Gr. iij. & cum vino, si affectus à frigida defluxione veniat, aut cum acet. si à calida. M. Contineat æger mixturam dictam in ore, post aliquid tempus exspuat. Si dolor nondum cessabit, repetatur, donec ad sextam vicem, tandem abluat os vino aut aceto, & sedabitur dolor.

Idem pulvis gallarum in succo radicis pyrethri decies vel 12. imbibitus & exsiccatum cum fermento, M. F. globulus parvus qui denti dolenti impositus dolori medetur, dentes firmiores reddit, vermiculos in ipsorum cavernis genitos necat, fluxiones omnes ad gingivas delapsas extrahit.

Tandem ultimum in omni & acerrimo dolore per fugium, applicare vesicatorium post aures & cervici.

Exterius inungi possunt maxillæ oleo amygdalarum dulcium, & tumori applicetur emplastrum de meliloto. Si intus in ore ad apostema tendat dolor; fiat cataplasma ex ficu assata cum farina tritici. Si aperiatur, dissolvatur mel rosatum in aqua plantaginis, atque eo abluatur os.

Dentium Morbi ex Clariss. Lucâ Tozzi.

Dolent sæpiissimè Dentes in radicibus, ubi membrulæ, & nervuli diffunduntur, à sanguine, vel lymphæ eas partes pertingente, æcri, acida, salsa, aut aliter præter naturam affecta; unde interdum etiam tument mandibulæ, & gingivæ; quin & dentes carie, ipsæ verò erosione, ulcerationeque inficiuntur, & cum scalpuntur, vel cibus manditur, nonnihil sanguinis stillant. Tantus autem; ac talis dolor quibudam accidit, ut impatientes mortem sibi adscriverint; quamobrem maximis tormentis annumerari potest ex Celso.

Inter dolorem sedantia, illiusque causam corrigentia omnium præstantissimum perhibetur à Roderico à Fonseca oleum buxi, si in foramen dentis una vel altera gutta injiciatur: quod etiam à Samuele Formio confirmatur, & modus illud extrahendi describitur, apud Riverium in *observationibus eidem ab illo communicatis*. Idem quoque præstari dicitur ab oleo caphuræ pari modo in dentis foveam instillato. At Iulius Cesar Claudinus extollit oleum Terebinthinæ chimicè paratum cum pulvere camphoræ. Camphoram ipsam in aceto modicùm elixam adhibet Montagnana; itemque opium: Thonerus solam camphoram: & Rulandus oleum camphoræ gossipio exceptum; vel etiam oleum ligni heraclei, quo præterea humores ibidem stagnantes educi, vermes dentibus innatos necari, & causam quamcunque doloris adimi, ait. Alibi quoque laudat aquam solani, cum oleo vitrioli romani ad acidum saporem usque permistam. Radices sambuci in Aceto, & vino deco-

ctas singulare experimentum inquit esse Raymundus Mindererus apud Gaullingium. Decoctum Nicotianæ, & florum chamameli tepidum ore detentum commendatur Io. Heurnio, & Riverio; & Cardilucio illud Sabinæ. Atque Foresto radix lapathi acuti concisa, & supra dentem dolentem appositâ: quam etiam magnificat Hartmannus, qui præsentaneum quoque fatetur esse remedium oleum caryophyllorum cum quinta parte camphoræ. Essentiam similiter saturejæ mirificè dolores dentium sedare tradit P. Io. Faber si aliquot guttis dens dolens & gingiva perfricetur infusâ, etiam in auribus guttulâ. Mirum est quod refert Helmontius se vidisse os brachii bufonis statim primo contactu odontalgiam tollere: & contactu dentis hominis senio extincti, dolentem dentem excidere. At admirabilius, quod memoratur à Borellò: allium contusum cum momento salis pollicis admotum vesicas excitando, aquam educere, & dolorem dentium fugare. Bursâ pastoris pinstitâ, & inditâ auribus, sicut & natò betonica (jussimodi dolorem aliquando destitisse fertur ab eodem; itemque lapide imperiali dicto denti dolenti imposito: conficitur autem is ex sale petra, & alumine fufis cum aliqua portione sulphuris; atque cerebro purgando, visui acuendo, & nervis opticis detegendis plurimùm conferre dicitur. Sale fraxini arteriæ temporum applicito curatum dolorem dentium vidit D. leseq. apud Riverium: & pice Burgundica cum pulvere nucis odoratæ, Borellus. Magnetem cælo sereno in pulverem redigit Tacchenius, deindeque in calcem, donec viridescat; postmodum miscet cum farina, vino, & tragacantho in formam rotularum, & denti laboranti utiliter imponit ex Grulingio.

Ad extrahendos verò dentes dolentes absque ulla Chirurgi opera, scribit Riverius efficacissimum esse hel-leborastrum, si eo dens affectus confricetur. Et Franciscus Ioël. dissolvendum ait gummi ammoniacum, aut galbanum cum lacte esulæ; vel hyoscyami, ac decoquendum lento igne donec lac absumatur; residuum verò in globulos redactum dentium foraminibus indendum per noctem: mox sine dolore dentes eximi posse subdit. Idem & ego aliquando usu gummi hederæ arboreæ factum vidi: cujus decoctum cum rore marino in posca, tepidum ore detentum dolentibus dentibus mederi notat Heurnius.

Si verò stupeant dentes, ut ab acidis, creduntur prodesse portulaca mansa, cera, succus glycyrrhizæ, amygdalæ, avellanæ. At quicquid calet, certò hæmodiam tollere experimur; unde panis calens, vinum calidum, præcipue si in eo ebullierit salvia, rosmarinus, piper, pyrethrum, aliudve simile; aqua etiam ardens optima observatur. Febr. Academicus curiosus fumum absinthii supra prunas injecti ore exceptum, dolorem, & stuporem dentium prohibere docet. Et Hartmannus eos sale fricari jubet.

Ad dentes insuper erosos valde prodesse suum odontalgicum scribit Crollius ad granum unum denti admotum cum gossipio. Et Fridericus Hofmannus spiritum salis adhibet. Olea etiam & essentia omnium aromatum aliis sunt in usu, sed præsertim caryophyllorum; itemque spiritus vini cum modico camphoræ. Quod si præterea gingivæ ulcerentur, & sanguinem stillent, commendantur antiscorbutica medicamenta, infusiones, pulveres, & spiritus Nasturtii; cochleariæ, beccabungæ, salviæ, menthæ, & aquilegiæ, quam cæteris præfert Hartmannus. In usu præctico sunt pulveres, & conditura baccharum myrti, rosarum rubrarum, Coralliorum, myrobalanorum. Sed alkalia acutiora præstantiora existimantur; Et si fortassè tumeant gingivæ, ficus assus intrinsecus admotus præsentaneum remedium dicitur ab Hartmanno, & Borellò.

Si dentium mobilitas accesserit sequens decoctum expertum, ait Hartmannus, quod habet: gland. 3j. gallar. alum. usti, & succ. acac. singul. 3ss. fol. ros. punic. m. ss. decoq. in lib. ij. vini rubr. & servetur ad usum. Eo autem sæpius dentes eluendos præcipit. Aliud commendat Zecchius, quod paratur ex mell. 3ss. sandarachæ, seu vernic. ammon. alum. scissilis, & thur. singul. 3ss. bull. j. in aquæ vitæ 3ij. acet. alb. 3j. deinde col. & add. croc. g. ij. & cum gossypio eo dentes, & gingivæ fricentur. Non solum, inquit hic Auctor, mobiles dentes confirmat, & roborat, verum etiam congelatos in pristinum statum restituit, dolorem sedat, & rheuma desiccatur, Tincturam enuloticam Curandi Frommanni describit Grulingius; cujus vires summas esse fatetur in dentium mobilitate, & gingivarum putredine. Hunc etiam opiatam efficacissimam testatur Borellus ad dentium radices carne obducendas; dentesque firmandos, & dealbandos. Conficit autem illam ex modico aluminis cum uncia una olei sulphuris, & condituræ florum buglossi, vel rosarum uncias sex. Mox detergo dentium tartaro, ope scalpelli lignei opiatam prædictam admoveo. Præstat itidem Aqua descriptione Porree ad dentes confirmandos, quæ mobiles stabiliri, & exesos carne repleri ait. Firmandis quoque, & dealbandis dentibus optimum dicitur oleum vitrioli à Montano, & Foresto, si nimirum eo dentes refricentur; sed aliquoties in usum relato, exitus acta non probavit.

Vermes denique dentium radicibus hærentes permuntur decocturâ corticum fraxini, & radicum urticæ, Auctore Jo. Cratone. Et Thomas Bartholinus sibi à Rustico quodam Empirico communicatum refert mirabile remedium ad vermes extrahendos: & dolores mitigandos: nempe serum cervinum linteum exceptum, ad ignem liquatum, & gingivis impositum.

Dentium morbi ex Clariss. Theod. de Mayerne.

In dentium dolore primò videndum est quænam sit istius causa, & secundum varia causarum genera varia & apposita remedia sunt adhibenda. Dentes dolere solent. 1. ab humorum in eos & partes adjectas influxu, licet dentes ipsi non sint vitiosi. Hoc casu ante omnia purgetur patiens hydragogis fortioribus; hinc enim humores vel pituitosi, vel serosi, per sedem educti à dentibus derivantur, unde eorum dolor protinus cessat. Revulsio etiam per cucurb. vel vesic. prodest. Vel 2. à Catarrho in dentes cariosos; vel concavos delabente. Hic etiam purgatio imprimis utilis est; at topica sæpè etiam sunt necessaria, eaque sæpius opiatæ. Ut.

℞ Olei Caryoph. still. 3ss. dissolve camph. 3j. adde tinct. opii cum optim. spir. vitr. prius digesti, deinde cum vin. sp. extract. & ad mellag. reduct. 3ij. tinctur. croci 3ss. Ambr. gris. 3j. Mosch. gr. v. m. serv. in pyxide argentea bene clausa, vel vitro latiusculi orificii vesicâ occluso. Urgente dolore intingatur gossypium & indatur concavo denti.

Aqua hæc Crollii magnæ est efficacæ.

℞ Origan. serphyl. saly. mentastr. hydropiperis, seu persicar. rasur. guajac. ras. tamariisc. & buxi, ana m. j. affunde spiritum vini opiatum, id est à præparatione Laudani residuum, ad eminentiam quatuor digitorum. Extrahatur infusione tinctura. De hoc spiritu tincto tantillum in ore teneatur parte illâ ubi sunt dolentes dentes, postea iterum expuatur. Reiteretur si opus sit. Si dens sit concavus, gossypium intinctum imponatur.

Vel fistulæ tabaci circa tubi medium indatur filo ferreo aliquid gossypii aut linamenti carptis; caput tubi repleatur pulvere tabaci pro more, accendatur, & totus fumus exsugatur donec pulvis redigatur in cineres; frangatur tubus, & eximatur gossypium o-

leo tabaci madens, quod indatur denti cavo: illico cessat dolor.

Sic oleum stillatitium buxi denti cavo instillatum dolorem compescit certo experimento.

Remedium sequens non fallit.

℞ Lithanthracum pinguium partes tres, sulphuris vivi partem unam, pulverizentur simul in mortar. stann. & distillantur in retorta lento igne: primò exhibit fuliginosa substantia nigra & pinguis, tunc auge ignem, & exhibit aliquid unctuosum, quod seorsim clausum reservetur; postea separa oleum à liquore: oleum rectifica; serva; applica cum bombace.

Trochisci seq. cavis dentibus inditi mirè dolorem sedant.

℞ Sem. opii 3j. Sem. hyoscyam. 3ij. styrac. calamit. mastich. ana 3ij. pyrethr. piperis longi ana 3ss. Castor. croci ana 3j. camphor. gr. v. opii præparati 3ss. m. & cum balsamo Peruv. q. s. f. massa, ex qua trochisci.

Denique hæc aqua nulli secunda est.

℞ Succ. allii 3ij. opii 3ij. caryophyll. 3ij. vini Malvatici vel Canarini 3j. macerentur per quattriduum, deinde f. distillatio ad siccitatem in B. vaporoso vel sicco. Aquæ stillatit. adde camphor. per vini spiritum solutæ 3ss. Mercur. anodynus in opt. vin. sp. soluti 3vi. m. serva vase optimo clauso, applic. denti erosio è gossyp. Mercurius anodynus hic est.

℞ Merc. sublimat. q. v. huic affunde aqu. fact. ex nitr. i. & vitriol. ij. q. s. & f. cohobatio decies aut duodecies, donec instar olei fluat, & in frigido crystallizetur: crystallos spir. vini solve exhalâ ad siccitatem; solve iterum, exhalâ ad pelliculam, & in cella ut a. e. crystalliza.

N. B. Ut fætor ab opio removeatur (docente Saladino) pistetur 3j. opii cum duobus capitibus allii; deinde distilletur hæc mixtura per alembicum: De istâ aquâ detur in potu secundum discretionem, qui mirabiliter provocat somnum & erit sine fæto. Quod pulchrum secretum non est omnibus revelandum.

℞ Opii 3ij. castor. 3j. croci 3ss. addito paucis balsamo Peruviano nigro, f. massa, ex qua turundæ, quæ involutæ syndone rattiss. indantur auri lateris dolentis.

℞ Mass. istius 3ij. mastich. cum vin. spir. emollit. 3j. gum. elemi & racamahac. ana. 3ss. m. f. Emplastrum, cujus portio extendatur in holoserico, & applicetur arteriis temporalibus ad fluxionem inhibendam.

3. Dentes aliquando dolent à vermibus qui in iis geniti eos exedunt. Hi enecantur vel ab aquâ Mercuriali suprâ præscriptâ, vel ab Aloë suprâ laudatis medicamentis admixtâ.

Si dolor (undecunque oriatur) nullis remediis cedat, dens dolens ferro extrahendus est: quam operationem si præ metu refugiat æger, tentetur medicamentum empiricum sequens ad dentes sine dolore evellendos.

℞ Ranas virides arboreas quot voles, has in sufficienti roris Majalis quantitate probè obturato vase vitreo in cinere vel arenâ locato; tandiu fac coquere donec liquentur & aquæ fiant: hanc in fimo equino vel balneo inter serraturam abiernam putrefac, & supernatantem oleosam pinguedinem, quoties apparuerit, corneo cochleari, aut ligneo aufer; nulla amplius adveniente, reliquam ut inutile abjice. Hæc allesta pinguedo dentes à suis radicibus vellit, adeò ut si fœnum hac illinatur bos aut equus hoc fœnum vorans in ipso præsepi dentes amittat. Linitur lignellum hoc unguento, & circum dentem ducitur, qui statim à tali illitu postea facillè separatur.

Consultationes.

Dolor ille dentium, qui te tam immaniter exercet, à frigida destillatione originem habet, quæ à sinistra capitis parte in maxillam ejusdem

dem lateris, & dentis nervos, interdum usque ad omoplatas decumbit.

Ad hujus præcautionem primò cohibendus est catarrhus, causaque ejus penitus circumcidenda. Id autem fiet his catapotis semel in mense devoratis, vel hac portione, si æstas sit aut calida aëris constitutio. Sequenti die à prima purgatione tonsum caput his seminibus in duplicato linteo conclusis fricabitur, idque fiet spacio duodecim aut quindecim dierum, quibus elapsis purgabitur corpus ut prius. Dein postridie caput maximeque pars ejus sinistra, pauxillo aquæ vitæ singulis matutinis temporibus fovebitur, asperso pilis, post solum, sequenti pulvere. Interea dentium ratio habenda: quibus deterfis ter aut quater in die longè à cibo sumpto, retineatur in ore & manducetur hoc masticatorium, ad pituitam è roto cerebri corpore, maximè ex ejus ventriculis, per infundibulum in os & palatum attrahendam. Deinde hoc decocto sapissime in die gingivæ abluantur.

Interim cibus boni succi vescendum, sobriè vivendum: abstinendum ab humidis; vitandum frigus capitis, dentium & pedum.

Remedia infra scripta diu ac diligenter continuanda, quia morbus est inveteratus.

℞. Mass. pilularum cochiarum & de agarico, Pilularum assaiereth. an. ℥j.

℞. Aquarum salviæ & betonicæ, vini albi an. ℥j. In quibus infunde rheubarbari electi, Agarici trochiscati an. ℥j. In expressione dissolve diaphanici ℥ij. Syrupi capillaris ℥i. Fiat potio purgans.

℞. Milii ℥ij. Salis communis ℥i. Seminis anisi & feniculi an. ℥ij. baccarum Lauri contusarum ℥j. fiat pulvis tenuissimus. Inpergatur naso capiti.

℞. Pyrethri, Staphisagriæ, Gingiberis, Cardamomi, Caryophyllor. Styracis calamitæ ana ℥i. Fiat pulvis subtilissimus ad usum dictam.

℞. Mastiches ℥j. Radicis Pyrethri ℥i. Cubearum ℥ij. Incorporentur in forma solida cum melle anthosato: fiat masticatorium.

℞. Salviæ minoris man. j. foliorum myrti man. f. Mastiches conquassatæ ℥i. Bulliant simul in vini albi & aquæ fontanæ an. ℥i. coletur & reserve-tur in phiala pro collutione oris. *Joh. Fernclius consilior. Medic. 5.*

Dn. Egidius Heidemann, Senator Colbergen-sis optimè meritis, compater & amicus meus honorandus dolore dentium punctorio ac profundo afficiebatur, adeò vehementi, ut aliquot noctes in somnes duceret, sapor in ore falsus, acris & subamarus deprehendebatur cum aliquali totius corporis æstu & siti.

Resolutio.

Causam hujus odontalgiae, humorem ex bile & sero mixtum esse, sapor indicat falsus, acris & subamarus, non minus ac ipse dolor punctorius, qui vehementior quidem est & profundus, quatenus materia circa nervulum in radicibus dentium & membranam eorundem internam nerveam hæret.

Humores itaque serosi & biliosi addentes confluentes revellendi & repellendi, qui verò jam influxere discutiendi & evacuandi, imprimis autem dolor, tanquam symptoma urgens, mitigandus.

Prescripti hoc nomine anodyna quædam & narcotica, sotirellam scilicet parvam Mindereri, & laudanum opiatum cum spiritu vitrioli.

Revulsionis gratiâ cucurbitulas scarificatas scapulis & brachiis apposuit: à phlebotomiâ enim prorsus abhorrebat.

Hinc vesicatorium Riverii post aures applicui; fronti & temporibus ad intercipiendam fluxionem em-

Bibl. Chirurg. Tom. II.

plastrum adstringens ex bolo, mastiche, & ovi albumine, induxi.

Interea & collutiones oris ex repellentibus & adstringentibus usurpatæ:

℞. Fol. myrth. plantag. acetos. ana m. ss. Rad oxy-lapath. tormentil. ana ℥ij. flor. rosar. rubr. balanst. ana p. j. Cort. granator. ℥ij. Incis. & conquassat. coq. ex aqu. plantag. & aceto q. s. & colent pro collutione oris.

Ad evacuationem humoris serosi & biliosi præbui potiunculam:

℞. Rhabarb. opt. ℥ij. Cinam. acut. 3ß. infund. per noct. in aqu. cichor. ℥i. Endiv. ℥j. Manè colentur. add. syr. de cichor. c. Rhabarb. 3vi. pulv. Gi-lapp. gr. ix. M. F. potiuncula.

Sub noctem magna ex parte remisit dolor, manè ad reliquias materiæ discutiendas & absorbendas commendavi aquam rosamarinæ & salviæ cum tantillo aceti florum lavendulæ. Calorem totius & sitim restinxi lulapio quod sic componitur.

℞. Aq. cichorii acetos. Endiv. ana ℥ss. Syr. berber. ℥ij. flor. pap. Rhead. ℥ij. spir. vitrioli q. s. ad grat. aciditat.

His methodicè adhibitis ab immani cruciatu liberatus est vir optimus, quem ut porro saluum & insperstem divina præstet clementia devotè precor. *Baldass. Timæus casuum Medicin. lib. I.*

Adolescent 15. annorum, temp ramento pituitoso præditus, cum à validiore exercitio excalesactus, nudo capite se aëri frigido & ventolo diutius exposuisset in atrocissimum maxillæ sinistri lateris plurimum dentium incidit dolorem, usque ad capitis interiora & superiora se extendentem, quo diu noctuque continuo infestatur. Nullus in gingivis aut maxilla exteriorum tumor, nulla rubedo aut inflammatio apparent. Sentit è dente quodam molari excavato serosum, salum, acrem, ac instar glaciei frigidum humorem in os exstillare.

1. Hujus ægri affectio Medicis *Odontalgia & Dentium dolor* appellatur.

2. Causa antecedens sunt humores pituitosi ac frigidi in toto corpore collecti, qui à majore calore exercitio conquiescent in vapores attenuati, sicque copiosiores ad caput delati, à causa præcatartica, scilicet frigore externo, non tantum ob pororum occlusionem intus detenti, verum etiam in liquorem serosum, & ob crudicatem salum atque acrem rursus condensati sunt, qui cum ad vias excrementorum cerebri evacuationi dicatas non decurreret, sed ad sinistri lateris maxillares dentes deflueret, acerrimum ibi dolorem excitavit.

3. Frigidum, serosum, ac salum esse hunc humorem ipse æger lingua satis percipit ex guttulis per excavatum dentem in os delabentibus.

4. Dolor autem inde fit, quod nervulus cavitati cujusque dentis molaris insertus una cum perioestio quo cavitas & radix investitur, ab acro humore eroditur, ab ejusque summo frigore (quod nervis maximè inimicum) male afficitur.

5. Dolor autem sursum usque ad capitis interiora extenditur, quia nervuli dentium cavitatibus inserti, sunt propagines terii & sexti paris; iis igitur male affectis, non est mirum totos illos nervos usque ad capitis interiora dolere: imò credibile est hunc frigidum & acrem humorem per cranii foramina, ex quibus nervi illi egrediuntur, secundum nervorum istorum longitudinem usque ad dentes defluere; sicque non tantum eas particulas, quæ radicibus dentium inseruntur, sed integros nervos secundum longitudinem à cranio usque ad dentes à dicto humore affligi.

B 2

6. Nullus

6. Nullus autem tumor est in exteriori maxilla, quia humor ille, unde fluxio procedit, non est copiosus, sed paucus & acer. Neque etiam tumor fit in gingivis, quia humor in iis non diu subsistit aut colligitur, sed paulatim per excavati dentis foramen in os effluit.

7. Nulla etiam rubedo præter naturam aut inflammatio in gingivis aut maxilla apparet, quia licet humor defluens sit acer, est tamen actu & potentiâ frigidus, ita ut inflammatio aliave calida intempies ab eo produci nequeat.

8. Atrox hic dolor, licet in parte sit ignobili, atque hinc minoris momenti esse videatur, tamen contemnendus non est, cum propter summam crudelitatem, & continuas quas inducit vigilias, humoremque & spirituum commotionem, facile delirium, convulsionem periculosissimam, aut febrem validam inducere possit. Ac proinde illius curatio differenda non est.

9. In curatione primò imminuenda est causa antecedens, mox continens, ac procatartica statim removenda, dolor sedandus, & caput corroborandum.

10. Corpus igitur purgetur cum pulveris diatrybi aut diacarthami drach. j. aut cum his pilulis:

Rec. Massæ pilul. cochiarum, autearum, ana scrup. j. diagridii gr. iv. Cum pauxillo syrupi de stœchade, fiant pil. vii.

11. Ad humoris in cerebri ventriculis contenti evacuationem hoc errhinum in nares attrahatur:

Rec. Succus mercurialis, majoranæ, ana unc. s. beta unc. j. s. Misce pro errhino. Hujus loco æger hoc pulvere sternutatorio subinde uti poterit:

Rec. Rad. pyrethri, hellebori albi, fol. majoranæ, ana scrup. j. piperis nigri gr. v. fiat pulvis.

12. Ad capitis corroborationem, pororum apertionem, & frigidi humoris dissipationem, præparetur hoc capitium:

Rec. Fol. rosmatini, majoranæ, salviæ, ana m. s. flor. lavendulæ, meliloti, rosarum rubr. ana p. j. nucis moschatæ, gariophyllorum, ana scrup. ij. thutis, mastichis, ana drach. j. fiat pulvis grossus, è quo in tenui serico consuatur s. art. capitium.

13. Temporibus utrinque imponatur hoc emplastrum:

Rec. Thutis, mastichis, ana scrup. j. sagapeni, racamaccæ, ana scrup. j. s. Misceantur, & extendantur in serico nigro: fiantque duo emplastra rotunda.

Interea etiam exhibeantur condita & apozemata cephalica, ex majorana, rosmatino, salvia, betonica, conserva anthos, salviæ, aliisque similibus confecta. Tabaci etiam fumus per fistulam communi modo sumptus non erit inconveniens.

14. Æger os sæpe colluat hoc decocto calido:

Rec. Radic. oxylapathi unc. j. pæoniæ maris unc. s. Herb. majoranæ, salviæ, hyssopi, thymi, betonice, rosmarini, ana m. j. Sem. fœnic. anisi, ana drach. ij. vini q. s. coquantur s. art. ad lib. j. pro collutione.

15. Post collutionem denti excavato cum peria ex gossypio immittatur guttula una olei origani, aut gariophyllorum. In summo dolore interdum etiam pauxillum spiritus vini in ore ad dentes affectos detineatur, quod tamen non est sæpe faciendum, ne gingivæ inde lædantur.

16. Interea etiam ad humorum diversionem summa cum utilitate vesicatorium post aurem, atque in cervice applicabitur, & locus diu apertus servabitur.

17. His omnibus non juvantibus, in summa doloris atrocitate exhibeatur sub vesperam pilula ex laudani opiatu gr. iij. aut tres pilulæ ex massæ pilularum de cynoglossa gr. xij. aut dentur philonii romani scrup. ij. vel iij.

18. In victu sit aer calidus & siccus, viteturqueturbulentus, pluviosus, imprimis aquilonius. Cibi condiantur cum cephalicis calefacientibus; fugiantur au-

tem omnia salta, acrida, acida, & ea quæ caput vaporibus replent, ut alliamporum, raphanus, &c. Potus sit cerevisia mediocris notæ. & vinum tenue. Somnus longior. Exercitium mediocre, & alvus facilis sit.

Observationes.

Vir quidam literatus gingivarum laxitate & dentium carie affectus, scripta quædam medica evolvens, fortè incidit in Consilium Crætonis 72. ubi hæc habentur: Ad dentium putredinem & eariem vix ulla res melior est, quàm spiritus vitrioli: paulo post & Horstii tractatum de Scorbuto relegit, ubi sectione. 2. Thesi 15. hæc existunt. Dentibus vacillantibus optimum est remedium spiritus vitrioli cum melle rosato mixtus, quantum ad intensam aciditatem sufficit: Inungantur gingivæ & aliæ oris partes affectæ, singulis diebus ter. Remedio itaque huic à Medicis celeberrimis tantoperè laudato confusus, singulis diebus spiritum vitrioli cum melle rosato gingivis & dentibus illinivit. Sed pœnitendo admodum eventu: Brevi enim consumptis gingivarum carnibus & laxatis alveolis, dentes, quos primores appellamus, tam superiores quàm inferiores exciderunt, reliqui molares subsistere quidem, sed à medicamento acrimonia aded corrosi, ut ciborum masticationi parum sufficerent.

Rectius olim hæc de re judicasse videtur Joël, cuius tomo sexto sect. 2. p. 137. hæc sunt verba: Parum benè consulunt, qui spiritum vitrioli crebrius dentibus illinire docent. Etsi enim eos candidissimos efficiat, tamen crebrior ejusdem usus eos calcinat & friabiles reddit: Baldass. Timæus casum Medicin. lib. I.

Dentium dolor ploratû solutus.

Nobilissimus Dn. Richardus Froreich, Hæreditarius in Czarny Damerovv, amicus meus specialis, ultra semestrem dentium dolore interpolato & per intervalla recurrente miris modis vexabatur, tentata variâ remedium genera tam interna quàm externa, sed frustra, subinde enim recruduit dolor, tandem inter acerbissimos cruciatus plorare cœpit, aded effusè ut ultra horam à fletu sibi temperare non posset. Exindè dolor penitus remisit, absque ullâ in hunc usque diem recidiva.

Resolutio.

Dentium hunc dolorem ab humore tenui & seroso excitatum nullum est dubium, is fletû solutus & per lachrymas tam copiosè promanantes, effusus, doloris immunitatem, sublata scilicet causâ, dentibus attulit, secundum illud Poëtæ (ut inter lachrymas etiam joculari liceat.)

Expletur lachrymis, egeriturque dolor. *Idem. ibidem.*

Filia N. de intolerabili dentium dolore conquerebatur, qui per aliquot menses continuos duraverat, nec ullis topicis aliisque assumptis medicamentis dispelli potuerat. Consului ut per aliquot dies cubitum itura deglutiret duas pilulas, pisi magnitudinis, ex sola Aloë lucida confectas, nec quicquam superbibere. Hoc cum ter quaterve fecisset, dolor cessavit, neque deinceps rediit. *Isbrand. de Diemerbr. in Observ. & Curation. Medic.*

Cornelia Jacobi mulier robusta dentium dolore vehementissimo cum dimidii capitis dolore laborabat: Huic tale vomitorium exhibui.

℞. Vitri. antimon. pulver. gr. xxi. vin. alb. 3v. Fiat maceratio per noctem. Manè coletur vinum per chartam emporeticam & detur pro haustu. Hinc plurima biliosa, pituitosa, ac tenacia evomuit, aliquot etiam secessus habuit. Nocte sequenti bene dormivit, & cessavit dentium, dolor, neque rediit. *Idem ibidem.*

Dens cancro affectus.

In Sacris Ægyptiorum literis si quid auditum, aut arcanum luci proditum ac revelatum ostendere quis vellet, inquit *Pier.* Hieroglyph. l. 28. de Cancro, Pagurum & ejus generis pilices. vel testacea; quæ latebris gaudent, facie obsita figurabat. Ego hodie ubi obscurum infantis Hebræi casum, cancro non ab similem, ad illius causæ indaginem Naturæ curiosus propono, ab eorundem ingeniorum splendore, & toto orbi cognita eruditione illi faciem adponi exopto. Erat hic puerulus unius anni, corporis emaciati, coloris ad lividum inclinantis, in quo anteriores aliquot dentes naturaliter albicantes erupere, mox prodeunte alio reruso in mandibula sinistra, qui rotus quantus niger conspectui sese offerebat: hoc etiam si intuentes parentes, ut inauditum, & nunquam visum admirati essent, cum tamen nullam molestiam puero inferret, per integrum fere annum nullo adhibito consilio tolerarunt. Sed ubi alios proximos mandibulæ sinistræ dentes, pari atro colore inficere, tumor dolorosus parti accedere cœpisset, ad malum debellandum Chirurgum sollicitarunt: Is non cognito affectu varia adhibuit, etiam tumorem scarificavit, infelici sane successu, non tantum gingivam sed & totam genam sinistram exulcerando. Anxio Chirurgus, parentes me in consilium vocare coacti sunt, Examinatis examinandis Cancrum primo occultum, nunc per intempestive, & immoderate adhibita exulceratum, ulcus certe malignum, sordidum, livens, & cacoëthicum aspectu horrendum esse deprehendi: Facto prognostico de gravi & periculoso morbo, in quo est repugnantia in via Naturæ, & quod Cancrum confirmati & exulcerati nulla fere curatio (maxime ubi commode excindi vel exuri non valet) meliusque fuisse eum occultum non curasse, curati enim citius intereunt, non curati verò longiori tempore vivunt, teste Hippocr. 6. Aphor. 30. nam Cancrum non exulcerati medicamentis resolventibus facile exulcerari possunt, quæ ulcera, ut ab atrabilario humore provenientia incurabilia esse dixit idem Hippocr. Nihilominus ne misellus infans omni auxilio destitueretur, præter Dietam modice humectantem & refrigerantem, (aderat enim socia lenta febricula) palliativa ordinavi, quæ ipsi cancro blandiri, eumque lenire possent, ut ita minori cum molestia vitam transigeret, ceu est Aqua ad Cancrum *Chalmersii*. Henrici III. Gall. Regis Chirurgi peritiss. quod ulcus foveretur & ablueretur, appposito deinde Emplastro Saturnino *Minsichti*; Sed ulcus pertinax & rebelle, imò de sua natura insuperabile, superari non potuit, quod sensim serpendo musculum temporalem affecit, & convulsionem inducendo mortem acceleravit; Mirabilis certe hæc fuit observatio, & forte inaudita, Cancrum radices suas tanto temporis spatio in hoc solo dente sparsisse, nec alios statim dentes affecisse: quod factum puto ob nutrimentam dentis depravatam, quod provida natura, quamdiu potuit, retractum servavit, abhorrens sui interitum.

Cancer hic à Dente oriundus, non fuit caries, nulla enim caries solido denti aderat, nec ista tumorem excitat, ut musculosas partes occupat: Neque fuit Gangræna, ea enim est imperfecta mortificatio ad necrosin, seu principium & via ad corruptionem, quæ ad plures menses absque vicinarum partium sphacelo & corruptione perdurare non potuisset. *Galenus* l. 2. de Arte curat. ad *Glaucanem* cap. 5. *Celsus* l. 5. suæ Medic. c. 38. & alii. *Matth. Franc. Hertoli.*

Odontalgia à Verme excitata.

Quidam Odontalgia immani ac periodica vexatus sensit in dente quid saliens per remporum intervalla, *Bibl. Chirurg. Tom. II.*

cui remedia plura incassum adhibita: Abrasa demum carie dentis in vasculum subjectum vermem exspuit, qui capite ad caudam reflexo saltus varios iteravit, foramine insigni, per quod exierat vermis in dente conspicuo: Qui vermes suffitu hyoscyami, seu cervino gingivis imposito, aliisque è dente elicitos pro fibrillis habent, ab experimento hoc sæpius laudati *Tyson* aliter erudiantur. *Oligeri Jacobai.*

De Mirabili quadam Odontalgia, & Innocua Opiatorum continuatione.

Nobilis & honesta fœmina, à longo tempore valetudinaria, ob suppressos menses & regurgitationem sanguinis ad superiora, hæmorrhagia narium, quandoque satis enormi, sæpius afflicta, cum duritie laterum, inflatione ventriculi, pedumque tumore, ante duos annos convenientibus tractata remediis, & imprimis ex *Acidularum Egranarum* usu; penitus convaleuit, & per integrum annum optime se habuit. Præterita autem æstate ex mœsticia & fletu largiori, dentium acquisivit dolorem, quem uno vel altero medicamento adhibito suppressit. Non multò post tamen recruduit malum, miris stipatum symptomatibus. Nam quotidie circa vesperam rediere dolores, quorum prodromus fuit materia quædam crassa, viscida, sanguinolenta inter dentem caninum primumque molarem in maxilla sinistra superiori effluens: hanc excipit limpidissima pituita, continuo stillans, adeò copiosa ut vasculum satis magnum impleverit, cum cruciatibus tota nocte durantibus. Observavi, quo sputum limpidius eò acriores fuisse dolores; illo cessante, remisisse etiam istos. Adhibui quæ concipere poteram, revellentia, repercutientia, appropriata, sed omnia frustra. Nihil magis conduxit quam *Laudanum Opiatum*, quo dolores & fluxus istius pituitæ suppressi, somnusque procuratus optimus. Dum hæc ita fiunt, in oculo sinistro extrinsecus naturaliter constituto, omnia apparere duplicata, sine quidem dolore, sed cum magna molestia: applicatis vesicatoriis restitutus visus in integrum, quem tamen elapsis aliquot septimanis penitus in eodem oculo amisit, itidemque exiguo temporis spatio elapso recuperavit, perseverantibus in eodem statu doloribus. Dentes quos inter hæc materia effluxit sine labe erant, alterum tamen eorum, quia vacillare videbatur, evelli curavi, absque ullo emolumento. Tandem omnium pertæsa, solis, me licet quam maxime dissuadente, inhæsit opiat, sumendo illa quotidie. Sic allevata Mense Decembri *Viennam* concessit, unde mihi ante sex vel septem septimanas scripsit, quod in illum usque diem quotidie, antequam cubitum eat, bolo ex granis tribus *Laudani cum Confect. Alkerm.* parato utatur, quo vel una vice omisso, statim percipiat dolores majores. *Caroli Raygeri.*

De Vermibus Dentium.

Quemadmodum nulla ferè corporis humani pars, quam nobilis etiam illa sit, existit, quam non aliquando à vermibus infestatam observarint Scriptores Medici; ita neque dentes ab iis immunes sunt, quippe qui, carie exesi excavatique, huic ex putredine enatæ soboli nidum sat commodum præbent.

Quales eos observaverit *Excell. Dn. D. Joh. Nicolaus Pechlinus*, P. P. *Kilonensis*, & Collega curiosus honoratissimus. *Observatio* 24. superius exhibita ostendit. Nobis, ut paulò post dicemus, alia prorsus species sese obtulit, nosque dubios fecit, utra eorum *Sinonum* nomine, quo vermes dentium, *Battæo Syriac. monacho* olim ob nimiam inedia enatos, vocari docet *Forstonus*; *Hist. Nat. de Insectis* l. 3. c. 2. art. 3. p. 184. appellanda sit.

Acutissimorum verò dolorum vermes hi omnes causa existunt, adeò ut de necandis & tollendis iis meritò solliciti sint Practici: & præ reliquis varia commendat *Sennertus Med. Pract. lib. I. cap. 10. pag. 26.* Quibus jure meritò annumerandum censeo mucum, seu chyli reliquias interiori tunica ventriculi suilli adhærentes, qui licet sordidum quadantenus, & delicatioribus fortassis abominabile sit remedium, vulgo tamen nostratibus crebris experimentis est commendatissimum.

His ipsis diebus Fœmina, intra lares meos habitans, doloribus acutis lancinantibus dentis maxillaribus excavari vexabatur, qui, licet medicamentis sopirentur, subinde recrudescabant. Tandem suavis alterius fœminæ, ut est istud hominum genus in talibus consilii promptissimi, rorellæ foliola conglobata denti cavo, remisit tunc dolenti, indit. Malum! subito dolores in immensum exacerbantur adeò, ut ob eorum vehementiam saltem non ad insaniam redigeretur. Commodum autem accidit, ut in vicinia portum culinæ destinatum eviscerari audiret: Auxilii ergo, quod alia vice in simili dolore senserat, adhuc memor, lanionem adit, & mucum, pyloro ventriculi adhærentem, calentem avide petit, cumque lintheolo exceptum, formulâ noduli, dolenti denti imponit. Post breve tempus titillationem gingivæ percipiens, nodulum ex ore eximit, atque vermes plurimos lintheolo adhærentes invenit, pluresque alios cum phlegmate viscido exspuit: dolore paullo post sopito.

Vermes hos aquâ ablutos mihi ostendebat, qui, lumbricorum more variè se contorquentes, aliquandiu adhuc vivebant. Latum pollicem longitudine ferè omnes æquabant, tenuissimum netricum filum crassitie vix superantes; coloris, dum vivebant, incarnati, mortui verò & arescentes magis tufescebant. Per microscopium inspecti egregiè intestinorum lumbricos referebant, utrinque in acutum rostrum desinentes, corpore ex annulis innumeris coagmentato pellucido, rubello intestinulo per cutim transparente.

Cæterum ut muco isto vermes dentium inescatos & ex cavernis suis elictos vidimus: ita olim *D. Ræslerus*, vermem crus perforantem interna ventriculi suilli pellicula evocatum observavit *Observ. 312. anni 3. Eph. Germ.* dubio procul ob congenerem quandam putredinis odorem, quem tunica ista, multoque magis mucor ex dapibus, quibus præprimis gaudet amica luto sus imbibit. *Gottfredi Schulzii.*

Vermis Odontalgicus.

Horrida olim morborum exempla nunc tandem suffragante experienciâ credibilia fieri compertum est. Vermes in solido durissimoque corpore generari res visa supra fidem: at postquam Lapidum quoque corruptelas & detrimenta à vermibus excitari innotuit, etiam de verminosâ Dentium carie observata narratibus fides negari non poterit. Mirari autem usque subit, qui molliculum & penè invisibile vermiculi rostrum tam solidi durique corporis perforare substantiam possit: perforat tamen, & à basi ad radicem usque cylindrico foramine pertusum dentem solo doloris indicio commonstrat: neque enim ante demolitione animalculi constabit, quàm transmissio corpore sensiles nervorum fibras attigerit. Enim verò tum immanissimos cruciatus parere mobilis rostri petulantia solet, & in abdito latenti impune grassandi libertas est, non facilè alio quàm Dentis jacturâ coercenda. Sed quod & quale illud rostrum? Sanè plusquam Corneum & annulati corporis impulsu vibratum vel ferro par; neque enim aliter tanta ossis duricies superari pos-

se videtur. Major autem de origine & natalibus hujus animalculi difficultas. In Dentium cavernis, ubi ciborum reliquæ hospitari solent, putredinem esse, quæ spiritu animata in vesiculas sese induat, ideâ aliqua operante, articulatas vermemque referat, mobile animal, tralaticium est. Sed unde prima vermiculi exordia, quando nulla adhuc caries in Dentibus conspicienda, aut quis ille in integro solidoque Dente foraminis cylindrici auctor? Nimirum oblitæ sunt plerumque Dentium bases, qua alvearibus insiguntur, muco quodam albo, quem qui oris amant nitotem, aliquoties de die, imprimis autem manè, detergere solent, apratis in hunc usum Radicis Althææ fibris. Hic ipse mucus nuperis *Leevenhoeckii*, mirifici in explorandis minimis *Mystagogi*, Observationibus totis quantus verminosus deprehensus, & fortè ex hac classe aut tribu est, qui deinde oberrans rostri aliqua prærogativâ impulsus Dentem corripit, erodit, tandemque miserum os notis doloribus crudelissimè exercet. Cum autem mihi quoque exemplum vermium ejusmodi objectum sit, operæ pretium me facturum esse existimo, si, quid mihi obtigerit, recenseam. Vetula erat tabifico & propemodum corrosivo Scorbuto affecta, quæ tandem inter alia Symptomata præter meam expectationem in deploratam incidit Odontalgiam nullis planè remediis, neque optimis, cedentem. Solet nempe ludibrium Artis esse Dentium dolor, & magis sæpe anilibus, superstitionis vulgaribusque subigi remediis, quàm exquisitis, delectis, &, ut alibi vocant, Canoniciis. Adeò nihil hic conceptæ formulæ aut excogitatissima remedia juvare videbantur. Anicula autem, sive asperitate doloris seu casu adacta, Mel, quod fortè in propinquo erat, cuiusque aliàs utum suspectum habebat, delibare audacius cœpit, & ne consilium temeritati deesse videretur, ruinosi dentium cavitatibus petulanti linguâ inferre. Hic ubi medicaminis inconsultò assumpti prænam expectabat, augmentum doloris, præter opinionem alia accidunt; nam vix horæ momentum, cum dolore se remittente notat intolerandam in summâ linguâ pruritinem, quam ut à fluore acrisalfo oriri credidit, tentata manu medela, reperit tandem volubiles passim vermiculos numero quinque. Accersi me protinus jubet tam exilium monstrorum foruita domitrix; vixque intraveram ædes, cum illa gaudio perfusa atque à doloribus libera tum lufum fortunæ mirabilem, tum vilis remediis successum operosè explicat. Postquam autem nudam oculorum aciem, tandem & armatam admoveere cœpi; inveni eos pediculis planioribus, si seriem pedum annulatamque corporis formam exceperis, sanè quàm similes multò saltem concinniores, quàm quos in Ovium Hepate comperit experientia vulgusque Lanionum in Italia *Biscoli* vocat, à Francisco Redi, Nobili Aretino, illo de Insectis libro, depictos. Illi autem Vermiculi unde nati, quo ovo, semine aut putredine educti? Figuratum ibi rotundulumque & oviforme corpus hæsisse, quod sese deinde accessu Archæi alicujus in Vermiculum refinxerit, nequidquam credas, jam verò etiam superstitis escæ ramentafeminio ante aliquo aut ovulo animata in planum tandem figuratumque animal excrevisse est cur dubitemus. An potius ex Scorbuto dentium Tartaro Spiritus, vel Ideæ seminalis unde raptæ commercio vivaces & ampullatæ vermium vesiculæ, tandem etiam rostratæ pedatæque emerferint; penes alios judicium esto. Quomodo deinde tantum creaverint dolorem? Utrum sugendo trahendoque Hirudinum instar, nam dolorificæ suctionis speciem persensisse se ægra significabat? An verò mordendo & vellendo fibrillarum nervearum extrema, quæ excelsæ cavitatis fornici impendent, si movè ulla denticulorum vis in tantâ exilitate fingi possit? Id verò constat, Vermes, qui in vultu sæpe nidum ponunt pustularum specie, ip-

sis sese

lis iete cutis & glandulosi contextus potis intulisse, subinde etiam fusco aut nigro capitulo emicare doloremque si quem excitant, aut pruriginem, ad feri. salioris affluxum inquieto articulorum motu efficere. Sed quod de Verme Odontalgico monui, utrum ad alios quoque dolores & Auris illos quos immanes sæpe notavimus, & Dentium istis vel pares aut majores, transferri possit, non antè dixerim, quàm in Ceruminibus quoque non aliter ac in Dentium illo mucos, Vermes enasci experientiâ compertum sit. Memini tamen in corrupto utriusque auris Cerumine analogi quid vidisse; corpuscula certè erant ampullata & figuratà alia aliis incumbentia; sed quod vitali motu, attrita fortè & refrigerata, destituerentur, non statim temerario sensui accedere opinio debuit. At cum in Pipere, in Calce, & acerrimis quibusque rebus, nasci vermiculi possint; ceruminum illa materia, mitis sæpe & putulenta, verminationem non abnuet, & sic etiam novis dirissimisque doloribus scenam parare poterit. Nicol. Pechlin. in Observat. Physico-Medicis.

A Dentium dolore Maxilla Caries.

Neque ideo omnis dentium dolor à Verme rependus; aut particulare contingens universali enunciatò equiparandum; quando tot iterum aliæ causæ rægædiæ huic ineundæ materiam præbere possint. Est Sanguis, Serum, Pus, sunt alia, plerumque tamen corrosiva, quæ eundem illum dolorem creare queunt, quid quod statuum ex hac parte sit immunitas. Atque hinc adeo est, quod in nullo admodum morbo tanta sit medicamentorum varietas, tanta farrago, atque in ipso hoc, si partem æstimes, exili sane morbo. In Fœminis sæpe Sanguis sive ab Utero seu aliunde in caput inque dentem redundat sola sanguinis missione revocandus. Aliis Serum copiosè destillat, nerveisq; dentium filamentis acrimonia, eaque salsa aut acida, insultat; aliquando & frigore Ammoniacali, nunc & æstuoso calore aut vicina aut destina Lympha infestat. Aliquando etiam à sordibus & dentium mucilagine, cui ipsi vermes innasci non improbabile est & jam vidimus, orta aciditas atrocissimis doloribus ansam præbet. Hæc ego mucilagine universos interni atque incrustati dentes vidi, nec ante dolorum requiem fuisse, quàm acri adstringenteque Decocto comminuta visci lamellati aut membranæ instar recederet. Hic certe acor est putredine natus, & ut Ossium texturæ nihil est acido hostilius, ita Caries quoque ab uno illo nasci plerumque solet; atque ita feralis ille dolot ab impuritate oris, ab ascendentibus ciborum reliquiis originem sæpe trahit. Sit Vermis, qui denti allapsus foramen figat penetretque, sed in hoc deinde foramen abdita ciborum reliquiæ putredinem & ex illa acrimoniâ concipient adeò Nervorum filamentis Dentiumque radicibus infestam. Possè verò etiam lympham, illam glandulosæ Gingivarum carnis sobolem, tam internecina subinde acrimonia imbui, ut omnem à Medicamentis temperiem recuset, & tandem cum tempore carniū texturam ipsotumque imprimis ossium terebret permolatque, nec ante desinat, quàm rodendo suam ipsius infregerit acrimoniā, Observationibus puto constare. Ostendit mihi Pharmacopœus & doctus & Artis suæ peritissimus spongiosas tubulatasq; maxillæ inferioris laminas complures, quas acrimonia lymphæ sæpius per aliquot hebdomadas sævientis sedibus suis extruserat exulcerata carne, mox iterum sedata ferocia cocunte. Notus mihi aliàs, qui Fistulam aluerit in Gingiva inferiore prope dentem primum molarem; fundebat illa semper aliquid putide taniei, quā sufflaminata dici non potest, quantis doloribus excrucietur; adeò nunquam de consolidando hoc vulnere fuit sollicitus. Sed

quæ illa lymphæ ferocia, aut, si mavis, *ιδιόσυρπια* non carnes tantum sed & ossa, spongiosa illa & tubulata maxillarum, narium vicinæque de palci illæ dentibus, quod in atrocissima illa Scorbuti, Stomacacæ specie; in Lue Venerea non sine horrore vidimus. *Idem ibidem.*

Alveoli dentium ob varias causas penitus consumti, unde dentium vacillatio & casus.

Affectui in Observatione 76. descripto; puta ossium diminutioni, jure merito annumeranda est talis alveorum dentium in nihilum redactio, in qua ne vestigium quidem eorum relinquitur, unusquisque tanquam ex tripode dictum, pro certo habet alveolos seu præsepiola dentium evulsionem aut casum spontaneum neutiquam manere aperta. Cui opinioni calculum quoque oppono: Ast verò quid proprie in illa commutatione eveniat, non satis unanimiter eloquuntur Anatomicorum Coryphæi. Curiosus partium & structuræ corporis indagator Thomas Bartholinus hæc nobis reliquit in sua anatomia cap. 9. fol. 720. Aliquando *obliterantur & contringuntur* (de dentium differit alveolis) *dentibus cadentibus vel evulsis*. In senio non rarò amissis dentibus alvei oblitterantur, & circuitus acutiores facti, durig; ut in senibus ad manducandum dentium vices subeant. Adrianus Spigelius super hæc re ita inquit: *Tot sunt cava, quot dentes, cum quilibet primum erumpens sibi proprium ac peculiare condit præsepiolum, concidens etiam secum unà alveolum suum perdat, ita ut ne vestigium quidem maneat*. Joannes Riolanus in sua Anthropographia hæc habet: *Dente evulso, nisi novus succedat, ita constringitur & occidatur alveolus, ut ipsius nullum remaneat vestigium*.

Horum neminem refutare animus est, sed potius eorum observationibus illustrandis hæc addere; nempe non solum alveolos in senio oblitterari, & circuitus acutiores & duriores fieri ad manducandum, aut alveolos occidere, aut concidere; sed præterea in multis ita in nihilum redigi, ut, mirum visum? maxilla tam superior quàm inferior tantum spatii in profunditate amittat, quantum occupavere alveoli: ita ut ne quidem minimum digitum lata maneat inferior, superiorq; ad nasum ferè usque deficiat, Hinc foramina pertranscunt rano nervi quarti paris, (ut cum antiquis loquar destinata,) non in antica & laterali maxillæ inferioris parte, sicuti in maxillis quæ dentibus alveolisque omnibus instructæ sunt, inveniuntur, verum in summo maxillæ inferioris. Hinc etiam maxilla superior tantum amittit de sua altitudine, ut inter os & nasum latitudo calami scriptorii vix intercedat. Causam istius destructionis aut potius totalis annihilationis alveolorum, soli attritioni in masticandis cibis non possumus adscribere, sæpe enim videmus dente uno evulso alveolum ipsius ita aboleri, dentibus proxime aditis alveoli attritionem cohibentibus. Imò non rarò in nihilum rediguntur alveoli ante dentium casum aut evulsionem, unde vacillantes dentes maxillis solummodo coherent gingivarum & membranarum beneficio; & gingivis quoque deficientibus eos soli membranæ adhærentes deprehendi. Frustra itaque in tali constitutione, dentium remedia ad firmiorem cohesionem quarunt homines totum malum scorbutò attribuentes, & nil minus quàm defectum alveolorum suspicantes: Noli interim credere, Lector benevole, hoc malum nemini contingere, nisi ætate provectioribus; memini me hoc in triginta solum annos natum vidisse, qui aliquot ex anterioribus dentibus ita vacillantes aliquamdiu gestarat, donec nullis proficientibus remediis antiseo buticis facillimè eos solis digitis evelleret. In aliquibus (ut dixi) etiam observavi, simul cum alveolis gingivas perire, & per solas tunc membranas

dentes maxillis adhærere, idque tum laxè, ut ne quidem libere comedere possint afflicti, imò à linguæ mortu in locutione tanquam fluctuantes sese moveant dentes. Dixi superius, eorum alveolos in masti-cando cibo ab attritione sola non aboleri, neq; etiam puto eos semper pellicula ossea claudi, aut concidere, vel occacari, verum in nonnullis senibus in totum aboleri & in nihilum redigi, quemadmodum arteriæ umbilicales, sætu in lucem edito, sæpè in tenuem degenerant membranam, ac si nunquam arteriæ existissent; sic & mammae in senectute sæpenu-mero in totum exarescunt. Itaque si perquam tenues sint à natura facti alveoli, evulsis aut elapsis denti-bus non habent unde repleant cavitatem, & propterea maxillæ ita diminuntur. Si vero aboleantur alveoli antequam dentes exciderunt, nullam aliam agnosco causam, quam scorbuticam affectionem, & tartaream materiam dentes obsidentem; unde non solum gingivæ, verum etiam alveoli sensim sensimque consumuntur. *Frideric. Ruysch. Observat. Anatomic. Chirurgic. Centur.*

DEPILATIO. *vid.* PILO RUM
DEFLUVIUM.

DERBIA *vid.* IMPETIGO.

DIÆRESIS *vid.* sub titulo OPERA-
TIONES CHIRURGICÆ.

DIGITORUM COALITUS,

Contractio, & Digitus sextus.

Curationes.

Nostro consilio digitorum coalitus cura à fet-ro tantum, eoque à prudenti Artifice admini-strato, sequenti modo expectari potest. Cum unio-nis hujus inconvenientis vinculum sit tenue, nec mul-tis valis sanguineis majoribus aut tendinibus inter-mixtum, sed solâ cute contextum sit, facilè cura suc-cedit. Hoc enim in casu uno ictu, acuta fœssice in-cidi potest cutis carnosæ paries integerrimus, excis-sis utrobique superfluis digitorum novorum quasi fundamentis. Non opus hic est ligno, triangulari, ad imitationem Plateri *Mantiss. Observation. 43.* Nec scalpello quò uti solet. *Hieronimus ab Aquapenden-te Parte secunda Chirurg. cap. 101.* Hic tamen asterisco notandum venit monitum *Celeberrim. Ronhuys Observ. 10. p. 41.* quoddè deligentur digiti in novam cohesionem proni, quod optimè, institutis ligaturis, ac medicamentis idoneis, præcaveri potest. Sic quo-que cura coalitus digitorum feliciter cessit, testanti-bus *Ephem. nostr. Ann. 6. Observ. 58. Joan. Dolaus Encyclop. Chirurg. ration. lib. 7.*

Sexti digiti cura, me arbitro, in ejus ablatione consistit, & optimè perficitur abscissione cum ferro, novaculâ scilicet, ligaturâ prius institutâ, & hoc po-terit fieri in infantibus. Legimus enim in *Ephem. Germam. Ann. 6. & 7. Observ. 118.* Cum infans tertiam septimanam tantum complevisset, ligaturâ prius in-stitutâ; digitum firmiùs adhærentem novaculâ absci-derunt Chirurgi, mox alterâ die absque ligatura ali-um adhuc digitum amputarunt, quod sine magno do-lóre & sanguinis profusione factum, & vulnera fa-cilè sanata sunt, ita ut vix vestigium relictum fue-rit. Confer *Clar. Riedlini Observ. p. m. 187.* Sunt qui exemplo Plateri test. *Obs. 42. Mantiss.* à resectione

abstinent, usque infantes adultiores facti sunt, sed non videmus ob quam rationem id omitti debeat, cum di-gitus tantum quasi petiolo pendeat, & exiguus sit, is institutò anabrochismo facilè curari potest, hoc est ligaturâ cum filo sericeo instituta; hinc enim digitus superfluous marcescit & decedit, postmodum facili ne-gotio medicamentis congruis penitus sanari potest. In adultioribus verò digitus sextus commodè cum ferro quod Germani *ein Messel* dicunt, extirpari potest. *Idem ibidem.*

Observationes.

De Digitorum Contractione.

Anno 1596. Isaacus Gotteran de Perroy, adduxit ad me Lausannam filium suum Michaëlem, 14. men-ses natum. Is autem sexto mense ætatis manu dextrâ in prunas ceciderat: Hinc index, medius, annularis, & auricularis unâ cum externa metacarpi parte, adeo combusti fuerunt, ut apices horum digitorum usque ad primam articulationem deciderint. At quia pater cu-rationem imperitis commiserat, digiti omnes, (excepto pollice) cum cute metacarpi quasi in globum congluti-nati fuerant. Septimò mense post absolutam curationem, adducunt ad me puerum parentes Lausannam, auxili-umq; meum implorant. Purgatò itaque corpore, mannâ ex jusculo exhibita, topica & Chirurgica sic institui. Primò sequenti decocto emollienti, & unguento per dies aliquot usus sum.

℞. Rad. alth. cum toto, rad. bryoniæ, lilior. alb. añ. ʒj. flor. chamom. meliloti, hyperici, chamæpit. chamædr. añ. m. ʒj. sem. fœnigr. lini añ. ʒj. coquant. in jusculo pedum & capitis vervecis aut vituli pro fœ-tu. Postea inunxi totam manum & brachium sequen-ti unguento.

℞. Unguenti dial. h. ʒj. axung. human. gallinar. anser. ursi, añ. ʒij. succi lumbricor. ʒss. M. F. unguen-tum. Tandem manum involvi emplastro de mucilagi-nibus. His nervi & callositas ex cotrugata cute meta-carpi & digitorum, in externâ manus parte concreta, satis emollita. Hinc callum inter digitos & metacarpum novacula excidi, digitos item separavi. Deinde insperâ pulverem nostrum ad sanguinem sistendum, & albumina ovorum mista cum aqua rosacea, & plantaginea oleoque rosaceo, applicui. Defensivum quoque ad carpum adhibui, & totum brachium oleo rosaceo, myrtillorum, & lumbricorum inunxi. Postero die sequens digestivum filamentis suavibus supra incisiones posui, & brachium, ut antea, supra dictis oleis inunxi.

℞. Terebinth. lotæ in aq. rosac. & plantag. ʒj. olei rosac. & de vitell. ovor. añ. ʒij. croci ʒss. vitel-lum unius ovi. M. Quinto die apposui sequens instru-mentum, ex ligno fabricatum, & incæpi paulatim at-trahere digitos ad naturalem situm. Hoc instrumentum componitur ex ferulâ, latâ tribus digitis in latitudine positis, ejus longitudinis ut à carpo ad cubitum ferè usque pertingat. Secundò ex baculo rotundo pollicis crassitie, qui ferulæ firmiter affixus est: mediò autem hujus bacul. exsurgunt 4. clavi rotundi ex ligno fabri-cati. Habet item ferula fibulas duas, & lora duo, quo-rum beneficio instrumentum brachio alligatur. Alli-gato itaque instrumento, & undique linteis, stupis, aut gossypio bene munito, habui in promptu di-gitalia ex pelle fabricata, quæ extremitatibus, digito-rum apposui, deinde filo ipsis appensò, digitos deorsum attraxi; & clavis baculo descripto affixis alliga-vi, atque singulis diebus magis magisque incurvavi. Id autem ut eò melius fieret, brachium & manum superiori unguento, quotiescunque vulnera tractabam inunxi.

inunxi. Ne autem digiti denuò conglutinentur, laminas plumbeas digitis interponebam. His paulatim digiti ad naturalem situm reducti fuerunt. Interim vulnere quoque consolidavi & cicatrizavi, non quidem iis quæ valde exsiccant, sed iis quæ simul emolliendi vim habent medicamentis. Atque sic Divinò favore manus in integrum restituta fuit. *Guilielm. Fabric. Hildanus Observat. Chirurg. Cent. I.*

Post diuturnum colicum morbum, & resolutiones contractionesque secutas in manibus & pedibus in Nobili quodam Sene remanserunt in utraque manu contracti digiti, internodiis duobus exterioribus adeo astrictis, ut incurvari in volam manus digiti nulla vi extendi amplius possent. Multis usus remediis, & thermis, nihil profecit, durante & jam per biennium perseverante malo, meo tandem utens consilio; hoc pacto curationem inchoavi, purgato prius decenter corpore per triduum vino cathartico nervis simul accommodato; dextræ manui sequens Emplastrum applicui.

℞. Gummi ammoniac. ʒij. galban. opoponac. bdellian. ʒj. dissolv. in aq. vitæ, adde Styrac. calamit. ʒss. axung. anser. medull. cruris vituli an. ʒj. thuris ʒij. rad. Ireos. ʒj. hermodact. ʒj. latic. & resinæ communis an q. s. f. Emplastrum, super alutam extendi & manus interiori sedi universæ applicetur, & in plicaturam astrictorum digitorum imprimatur. Fuit Emplastrum scissum in partes tot, quot digiti erant, chirothecæ instar, singulis digitis petii obvolutis, ut exactè illis jungeretur. Postea pittacium ex panno duplicato formatum, firmiter impressum, & asserculum panno involutum transversim collocatum, & omnia fasciâ probè coercita sic ut Emplastrum undique se digitis incurvatis accommodaret, eosque nonnihil extrorsum premeret, totam noctem sic collocatam retinuit, aliquotque noctibus continuavit, manè verò hisce impedimentis, singulis digitis plumbeam massulam chorda plana appensam, quæ illos sensim extenderet, gestavit, substitui insuper manè usus est ex trochiscis sequentibus carbonibus ignitis impositis, parato,

℞. Marcaf. ʒi β. myrrh. mastich. an. ʒij. Storac. benjoin. an. ʒj. rad. Ireos ʒβ. cum laricæ, F. trochisc. hisce vix duin octiduo usus est, cum digitos, premendo tamen eos, extendere posset. Emplastrum rursus sinistræ quoq; manui, tribus noctibus tantum apponens, eos etiam digitos jam cedere nonnihil sensit, quibus ad me scriptis, jussi ut articulorum roboris causâ, bis aut ter manum decocto Salvæ in lixivio, in quo chalybs extinctus esset, foveret, usq; horum pergeret: & ut utramque manum digitosque ante Emplastri appositionem hoc unguento illiniret.

℞. Ol. Lumbric. Lilior. an. ʒij ss. ol. chirin. irin. an. ʒss. Lithargyr. ʒj. coq. parum, adde gummi ammoniac. in aq. vitæ solut. ʒj. Styrac. ʒij. latic. ʒβ. ceræ q. s. f. unguentum, Interea licet omnia in melius tenderent spesque esset integræ restitutionis, nolens amplius apud nos subsistere, thermas adiit Piperinas, Sed irritò conatu, nam earum usu, digiti amplius astringi potius quam relaxari ceperunt. *Felix Platerus, Observ. lib. I. pag. 147.*

DIORTHOSIS. *vid. sub titulò* OPERATIONES CHIRURGICÆ.

DRACUNCULI.

Dracunculi Vena Medinensis nomine ab Avicenna donati, propterea quòd Medina urbis Arabia incolæ familiaris afficiant, fusè describuntur à veteribus

Medicis Paulò Aeginetâ, Aëtio, Actuariò de Notis verò hic jam sufficiant quæ de illis accuratissime dissertit Clariss. Hieron. Welschius.

Dracunculus seu Vena Medinensis lumbricus quidam est, qui proprio suo seminio generatus, sive cum sanguine, sive latice & humore, ut vocant, secundariò, ad partem quandam subcutaneam delato, ejusque calore naturali, aut si quis ita velit, etiam putredinis socio, formam sive animam in ipso latentem excitante. unde primò exiguus, sensim in longitudinem illam insignem, quamdiu licet, auctus, atque idcirco in sinus variè flexus, nihil aut parum molestiæ adfert, sed tandem seu alimenti copiosioris defectu, seu loci angustia, seu aliâ quâunque de causa, egressum meditatus cutem lacessit, in qua adfluxu ichoris melancholici teroso sanguini permixti pustula exoritur, quæ deinde inrumpens, vesicam, seu phlyctenam contrahit, atque mox perforatâ, sive exulceratâ, dracunculo viam aperit, qui tunc exerto capite paulatim prolabitur, neque cessat continè protendi. Hæc ille; quibus sanè nihil adjiciamus in morbo nobis prorsus ignoto, ac de quo magnum ipsum non puduit Galenum sic scribere: *In quodam Arabia loco (ut aiunt) in tribus hominem dracunculi vocati nascuntur, nervosi natura, colore crassitudineque lumbricis similes. Multos sane audivi qui se vidisse eos dicerent, ipse verò cum numquam viderim, neque de ortu, neque de essentia ipsorum quicquam exactè consi ere possum.*

Partes affecta ab istis lumbricis, secundum Welschium, mentem Avicennæ explicantem, est musculosa caro, tum crurum, tum brachiorum, tum laterum, idque non tantum in hominibus, sed etiam in equis &c.

Differunt à Crinonibus de quibus suo loco, quod illi crassitudinis sint tantum capillaris, atque breviores, hi verò crassiores ac aliquando plus quam ulnæ integræ longitudinis. A verme de quo in *Affectione Bovina* quod ille varias corporis partes pererret ac obambulet, hi verò in ea in qua creati sunt parte consistant, donec suo tempore caput exerendo è nido suo, retrahantur. Quomodo præterea ab aliis discriminentur vermibus, sive umbilicalib. quales ex Camerario supra cap. de Crinonibus, descripsimus, sive intestinalibus &c. per se patet.

De *Causis* Dracunculorum hic quædam è præfato Welschio adducimus, scilicet è pituita viscosa & tenaci nasci, eo propè modo quo pili in viis generantur urinariis, unde morbus, nascitur qui *Trichiasis* vocatur, quæ pituita ab alimentis congeneribus, qualibus Arabiæ incolæ utuntur, crassis nimirum ac viscidis, sufficitur. De modò autem quò animetur in vermes viventes, ejusmodi materia, jam mentem suam aperuit in morbi descriptione idem Clar. Welschius.

Signa morbi Diagnostica ex eadem satis patent descriptione, si addamus ex Avicenna ab ipso Welschio explicatò. Si materia ex qua generantur ac aluntur Dracunculi mitior, & præcipue pituitosa fuerit, nullum ferè, aut valdè obtusum dolorem faciunt; si verò acrior sit illa materia, calidior, ichorosa & melancholica; exquisitum illi dolorem excitant. De *Prognosi* hæc habet Avicenna. *Etiam si uno in corpore quadraginta ferè, aut quinquaginta locis obtingat Dracunculus, curatione tamen evadit.* Unde, ut concludit Welschius, appareret affectum nequaquam lethalem esse: Imò nec valdè periculosum, si modò dextrè & decenter tractetur. Nimirum nisi aut violenta extensione in parte cui adheret Dracunculus, Idolor atque inflammatio excitetur, aut ipse etiam abrumpatur, nihil magni mali minatur.

minari solet, tum enim relicta in corpore particula, repente, magnoque cum dolore atque periculo lumbrici in minorem, contorquebitur: mox etiam putrescens, ichoresq; aut humores acres in partes nervosas exstillans, gravissima symptomata, atq; imprimis convulsionem excitabit, quam ipsa tandem mors excipere consuevit.

Curatio Dranculorum seu Venæ Medinensis ex Avicenna ejusq; Commentatore Doctissimo welschio duplex est, *Præservatoria* una, *Curativa* altera. Pro præservatione vitanda est regio in qua generatur; cum enim morbi endemii ea sit conditio, ut toto illius terræ tractu, quam occupat, causam suam omnibus communem faciat, ut non fore ullam certiore præservationem quam locum fugere clarum est. Sin autem id commodè fieri non possit, saltem à cibis abstinendum ex quibus gigni creditur. Quinam tamen illi sint non explicat Avicenna, Alzaravius omnia olea, omnesq; fructus illic vitare jubet, ubi vena exiens sive proserpens generetur; hæc enim esse ait, è quibus produci solear. Ebn. Jezla autem pisces sigillatim enumerat, & lenticulas cum aceto, dactylis, aliisq; similibus indirect. morb. tabul. partic. 7. §. 1. Nihil enim dactylis crudis, coctisque, recentibus pariter, passisque toto Oriente & Africæ Asiæque tractu universo frequentius in cibo. Joan. Colle Comm. in Avicennam, omnia cibaria potiusque calidiores omnes commemorat, adustos, vitiosos, falsos, ut aquam falsam, carnem salitam, pisces, brassicam, betam, spinaciam, aliaque quæcunque chylum acrem, acidum, acutum & melancholicum gignunt. Viua item nimis potentia, vapida, crassa, & excrementitios humores generantia. Præterea vult Avicenna ut oppugnandæ causæ morbi antedecedanæ evacuetur vitiosus sanguis, secta vena basilica, aut saphena. Item intus ad expurgationem humoris adhibet syrupum myrobalanorum, decoctum epithymi, pilulas coccias, ac tryphæram cum fena & fumaria paratam: quibus omnibus addit humectationem corporis cibis humectantibus, balneis &c. Hæc de præservativa; Morbi præsentis expugnationem quod spectat illa sic instituitur. Cum vestigium lumbrici, seu Dracunculi apparuerit, membri refrigeratione uti conveniet, per cataplasmata refrigerantia, qualia fieri possunt adhibitis succis frigidis expressis cum sandalis & caphora, imò post corporis purgationem, per hirudines quoque loco applicitas. Succos expressos frigidos sigillatim ceu vulgò notos non enumerat Avicenna nec quisquam alius recenset præter unum Berta paleam, qui succum sempervivi, vermicularis, & herbæ apottemarum, quæ faba crassa, seu crassula ac telephium est, nominat. Addi possunt, commentante Welschio, quoque alii, ut lactucæ, nymphææ, parietariæ, alsiues, portulacæ, lenticulæ, polygoni, oxalidis, umbilici veneris, capreolorum vitis, & maxime tussilaginis, cujus virtutes omnibus inflammationibus planè singulares & eximie compertæ sunt. Cataplasma quoque Matthiæ Naldii ex farin. lupin. orob. lentium, myrrh. aloë, croco, & ol. absinth. nec non oleo ex fol. absinth. abroton. matric. sem. acetos. sanron. & ol. laurin. compositum, satis commodum contemni non debet, & si ipsum adfectum nunquam vidisse aut curasse ex scriptis illius satis appareat. Nimirum quæcunque vermibus inimica sunt etiam dracunculis adversantur. Sin autem istæ eludat, jamque prodierit, tunc convenit ei præparare aliquid, cui adligeretur, & supra quod blande & paulatim convolvatur, ita ut sic usq; ad finem sui sine disruptione exeat. Ad hoc autem optimum est plumbi bacillum quod præterquam quod dracunculo convol-

vendo aptum sit, ejus ponderis fiat necesse est quod ei trahendo non abruptendo sit satis. De pondere bacilli nihil amplius Avicenna, sed illud explicat Alzaravius dum ex barbaro interprete sic habet. Si dracunculo jam aliquid exierit, non valet ingeniarior, nisi ut attrahatur, si est parvus, quousque egrediatur totus, & si est longus ligetur in extremitate ipsius arundo plumbea cum pondere 3j. & deducatur in ipsum quicquid exierit de eo, & caveat ne vena detruncetur. Alii pondus illius faciunt à 3j. ad 3ij. imò etiam alii ad 3j. veniunt. Verum pro diversa Venæ Medinensis crassitie aut robore, pondus illud ex Medici solertiâ & ingenio variandum est. Figura debet esse cylindrica. Summa verò cura sit in exitu Dracunculi facili reddendo, quod sit fulciendo membri cui insidet imbecillitatem & rarefaciendo illud irrigationib. ex aqua calida, & mucilaginis, refrigerantib. oleisq; emollientibus, frigiditate aut subtili calore præditis, & quæcunque ad egressum illis simili ratione facili reddendum idonea sunt. Ac tandem si videatur apertione opus esse, ut integra prodeat Vena Medinensis, nihilque sit quod prohibeat, aperiatur, & extrahatur. Sin verò exitus ejus commemorata extractione non reddatur facilis, & apertio non sit possibilis, butyro putrefacies, tota enim putrescit, atque egreditur. In hoc negotio Aërius Cornatio interprete ait. Quod si Dracunculus sponte progrediens facili extrahi poterit, nihil amplius faciendum est. Si ad suppurationem vertetur, à cataplasmatibus & aquæ multæ ac olei irrigatione non est discedendum. Nos verò & emplastrum è baccis lauri post cataplasmatum à fatinis, mulso & oleo ablationem imponere solemus. Facta verò suppuratione, cutis per longitudinem secetur, & dracunculus denudatus auferatur, & cutis ligamenti inditis disparetur, & reliqua curatio suppuratoria adhibeatur, ita ut animali suppurato & extracto ulcus incarnetur, & ad cicatricem perducatur. Incisio, quæ aliquando necessaria, duplex est, una dracunculo integro extrahendo, altera quæ abrupto tantum conveniat. De illa sic Avicenna: Maxime verò si secetur locus à Vena Medinensi longinquior, ibique immisio subtus specillò depellatur, & frictio dum egreditur cum sale paulatim & blandè continetur. Ubi enim cum ipsa ita actum fuerit, tota egreditur. Posteriores incisionem ideam Avicenna his exponit verbis: Quod si rumpatur, sese occultet, nullum dubium esto quin aperiiri debeat, ita ut denudè capiat, deinde leniter extrahatur, & locus ut vulnera solent, percuretur.

Atque hæc de Dracunculo seu Vena Medinensi dicta sunt: in cujus ulteriorem explicationem Observationes demùm aliquot à Clariss. Welschio in suo de Venæ Medinensi tractatû à variis adductas, adjungemus.

Observationes.

Æthyops maris præfecti servus, juvenis 28. annorum, cum primum ex Memphi Ægypti celebri civitate Thessalonicem advectus esset, illico de cruris dolore conquestus est, in quo juxta talum primò ulcus excitatum est, in quo venæ modo caput conspiciebatur, quod advertentes Turcæ morbum cognoverunt, periculosum esse in Ægypto & India, ac reliquis regionibus quibus innascitur, significarunt, quæ Arabes præcipuè Avicenna, Venam Medenam, fen. 3. lib. 4. appellari tradit, veluti Avenzoar & cæteri hujus doctrinæ homines, quibus morbus hic satis cognitus & familiaris erat: Pro cujus curatione accersitus Medicus Parahyas linguæ Arabicæ doctus, ita orsus est.

est. Primò debita victus ratione proposita, partem extremam venæ, aut verius nervosæ cujusdam substantiæ subtili ligno alligavit, quam paulatim ligno trahabat rotabatque, adeo ut ad ejus ultimam partem, h. e. ad trium cubitorum longitudinem post multos dies pervenerit. Unde Æthyops à doloribus & angustis, morbove ipsi liberatus est, nullo supraposito cataplasmate concoquendi vim habente, aut calida superfusione aliqua, quæ ex Sorano & Leonide ultimis verbis lib. 4. suæ Medicinæ huic morbo auxilium tradit. *Amatus Lusit. Cent. 7. Curat. 64.*

Hollandus quidam è penuria Rupellam delatus, de dolore, inflammatione, & tumore in utroque malleolo conquerebatur, rem Chirurgus defert, monetque ut de vermibus cogitaret. Id factum. Inflammationi succurrebat cerato Galen. 14. Meth. med. 3. descripto, cui parum basilici miscebatur. En duos quasi vermes, aut nervos, ex utroque malleolo unum, prorumpentes. Hos Chirurgus sensim protraxit, usque dum æger de dolore conquereretur, tum in nodum, quod extractum erat, replicando concinnavit, de die in diem opus idem repetendo, usque dum planè exciderit. Istud quicquid fuerit nervi, aut ligamenti, aut vetinis, nunquam vitæ alicujus specimen exhibuit. Longum erat pedes quinq; : convaluit. *Antonius Guenotius Parisiensium Medicus & Chirurgus, referente Welschio è suis adversariis à schedis Versungianis petitis.*

Montalbanum è Rupellæ penuria homo allatus jam descripto morbo laborans, sed non ita feliciter curatus: Dum enim rei istius p. n. extractioni nimia violentia operam dedit Chirurgus, eam dirupit, unde inflammatio, dolor, convulsio, & 24. horarum spatio ipsa mors sequuta. Aperto cadavere, periosteum inflammatum deprehensum est, cui planè adhærebat istud, quicquid fuerit, funiculi instar juxta malleolum in gyros quinq; vel sex contorquebatur, inde rectà ad genu porrigebatur, quo in loco iterum in circulos reflexum, tandem ad os Coccygis ferè, aut saltem Ischii protendebatur. *Idem, eodem referente Welschio.*

Ad littus cui nomen Capocors, sive promontorium Corsicum, quidam correptus tanquam febris, primò horrore concussus est, calore succedente, totoque corpore pustulis erumpentibus, valde exiguis, quæ tamen omnes, probè operito mox iterum discussæ evanescere. Delatus igitur in proximum pagum, cui nomen Agrara, haut procul à Castello Sancti Georgii, seu arce Nigritis Mina dicta, circa malleolum in tibia dextra duas pustulas erupisse advertit, quæ vesiculas contrahentes mox rumperentur, & vermis sive dracunculus ibidem latitans caput suum exereret, non majus quam aciculæ, est, quod ideo à Chirurgo Batavo captum, pennæque medio parumper fissæ insertum, deinceps quotidie circumvolveudo eò usque extrahebatur, donec dolorem aliquem percipisset. Ita unius bidui spatio integer paulatim eductus, prodiit, alter verò abruptus tumorem cruris doloresque maximos excitavit. Qui integer prodierat longitudinem ulnæ nostratis superabat, tenuis erat ad instar chordeæ testudinariæ, coloris dum recens erat albi, exsiccatum autem nonnihil flavescens, qui tensus etiam ad instar fidium sonabat. Chirurgus morbi istius nondum satis peritus erat, ideoque unguenrum basilicon & emplastrum palmeum applicuit, quibus tamen solis curationem feliciter absolvit. Nigri illius regni incolæ aliàs ligno utuntur exiguo ad extrahendum, & reliquum curant solo oleo palmarum, sive coccorum, quod habent copiosissimum. Triennium illic transiegit, antequam morbum hunc contraxisset, qui toti regioni familiarissimus ex aquis præcipue in cibos potumque assumptis oriri creditur. *Georg. Hieron. Welschius ex communicatione Joan. Abrab. Heinzelii Patricii Augustani qui ultra decennium in Guinea regno vitam duxit.*

Qui in Guineam navigat, & in Castello S. Georgii de Mina habitant, cujus districtus ad aliquot miliaria extenditur, toto corpore vermibus adfligi solent, magis tamen Æthiopes incolæ, quam Germani advenæ. Notatu autem dignum est, si quis tantummodò præternaviget pruritus in cute sentire, maximè in brachiis & cruribus, frequentissimè verò in femore. Tunc oritur vesicula, unius, in quibusdam tamen trium pistorum magnitudine. Hæc aurem nisi à verme ipso pertundatur, ubi Chirurgi satis maturam judicant, (sunt autem ejus rei peritissimi) aperiri debet. Mox prodeunt pili gemini, albi, & capite adnati, qui idèò barba vermis dicuntur. Vesica ipsa aqua distenta est: tum vermis quotidie mane & vesperti extrahitur. In partibus corporis musculosis, si articuli ferè longitudine promineat sæpe accidit ut unico tractu educatur. Longitudine ulnam, aut etiam sesqui cubitum, exæquant, nivei coloris & frigidissimi, quamvis ex carne calidâ exeant. Tenuis ad instar fili, alii tamen ut funiculi. Crassiores venenosissimi & pessimi existunt, valdeque difficulter extrahuntur. Inferiori crurum parte sæpius nervis & venis circumvolvuntur, atque tum quidem educi nequeunt: sed abrumpuntur. Abruptis autem tumor ingens in pedibus, suppuratus, & copiosam materiam concludens, donec tandem fonticulus excitetur, aut scalpello foramen fiat, quo plures quandoque alyntos redduntur, magnisque doloribus afficiuntur. Ipse ego, cum illic degerem, tribus ejusmodi laboravi, duobus scil. in dextro & uno in sinistro crure. Primus dextri pedis in ipsa planta enatus erat; quò 14. dies decubui, neque ambulare potui, donec tandem disruptus exaresceret. Alter infra malleolum ad digitos usque protensus, ideoque magnis cruciatibus & ulcerationibus curatus est. Tertius itidem sub talo sinistro, cum ad dimidii cubiti longitudinem prodisset, disruptus retrocessit in tibiam, quæ idèò insigniter intumuerat, ut 4. menses integro ægrotarem. Nec enim nisi sectione curari potuit, quò tempore nec stare, nec ambulare poteram, sed necesse habebam ab Æthiope perpetuò gestari, Stolarchæ nostri coquus 30. ejusmodi vermibus diutius excruciatum est, per semestre integrum decumbens, ut plerique de vita ejus desperarent, tribus enim aut quatuor curatis, mox alii exoriebantur. Quamquam verò pauci repellantur, qui absque hoc morbo ex illis locis redeant, vicissim tamen pauci occurrent, qui tam multis, ac coquus iste adfligantur. Sanatus autem & ipse est, ut me discedente, etiam ulterius restiterit. Æthiopes se ipsos sic curant: Ubi vermem digiti longitudine extraxerint, abscindunt & oleo palmæ illinunt, foliumque recens ejusdem arboris emplastri loco superimponunt: tumorem quoque, postquam apertione facta, materiam purulentam & ichorodem effluere permiserint, ita persanare solent: Postquam aqua ex pipere aliisque herbis satis acris redita eluunt, imponunt deinde oleum palmeum cum folio ad mitigationem. Atque hoc remediò ad omnia ulcera utuntur, *Michael Hemmershamius Noricus Itinerarii Guineens. vernaculâ linguâ conscripti cap. 13.*

Lara urbs magna est bene structa, murisque fortissimis cincta summo montis apice sita. In illa mercatus est, quo varia mercium genera venum comportantur, magnæque illic fructuum copia reperitur. Sed aqua prava, insalubris, putredinum & morborum graviorum ac lethalium causa existit. Ex hac aqua, ad Gometon usque se extendente, ut scribunt, vermes quidam longissimi generantur, qui cruribus humerisque excrescunt, rotundi, congyrati, & in carne occulti. Quamprimùm animadverti concipiunt, aperitur locus, ut caput vermis capi

capi possit. Tum ligneolo diffisso captus circumplicatur sive convolvitur, sex sæpe pedes longitudine excedens: parum tamen quotidie sic extrahitur, donec totus sensum prodierit. Cautè tractandus est, si enim abrumperetur, portio in carne residua, ulcus periculosum efficeret. Medicina contra hanc aquam vitiosam est vini providentia, vel saltem abstinencia à potu aquæ illius, antequam cum cura per pannum transcolata fuerit. *D. de Bourges in descriptione Gallica itineris ab Episcopo Berytiensi in Sinas suscepti.*

Peregrini imprimis qui Guineam appellant, corripuntur vermibus in corpore genitis: imò & Æthiopes non tantum albi, sed etiam nigri prope Meinam, locisque vicinis, cum tamen ii qui 25. miliaribus orientem versus habitant, huic malo non sint obnoxii. Vermes isti, quos lingua vrenaculâ *Ierion* vocant, non omnibus, qui eò tendunt sed quibusdam tantum manifestantur. Sunt enim qui iis laborant, dum in litore aurifero degunt, alii in reditu demum, & iterum alii post iter peractum, etiam 4. 5. 6. imò & 12. mensibus, infestantur. Sunt vicissim, qui ter litus illud adierunt, & tamen nunquam de his vermibus quidquam audiverunt. Nonnulli congressui causam assignant, alii singularis cujusdam piscis esui, vermibus scatentis. Alii natationibus & balneationibus in aqua frigida adscribunt. Quidam à nimio vini palmei potu, vel esu panis miliacei, *Candrarum*, originem trahere dicunt. Sed omnes istæ rationes parum vero conionæ videntur: quia, qui nec cum mulieribus rem habuerunt, nec pisces panesve illorum degustarunt, nec vinum palmeum biberunt, nec frigidam marinam aquam ingessi sunt, verminum tamen hoc morbo adfecti fuerunt, cum è contrario plures in terra illa, etiam cum meretricibus viventes, vinoque palmeo sæpius inebriati, nihil hujus mali pertulerint. Verosimilius idcirco fuerit, ex singulari quadam aëris malignitate, aut aquæ potu, nasci, quam Nigri illic ex quodam fonte petunt, Albisque vendunt. Verum quidem est peregrinos multos in litore aurifero aquæ plus nimis bibisse, qui nunquam morbo correpti: sed hi navibus suis infra Mouream appulerunt, non Acaræ, aut aliis locis, Qui enim Moureæ appellant, vel aquam multam bibunt, citius vermibus laborant, quam qui Acaræ, aut superioribus loci. Variis modis invadit hic adfectus: Alios scil. cum febris, vel horrore febrili, alios cum imbecillitate, lipothymia aut anxietate magna, quosdam etiam cum delirio. Primum se manifestat vesicula exigua, sive pustula, mor sui pulicis similis, vel tumor, in quo vermis inter cutem & carnem sæpe etiam videri potest, vel efflorescentia quædam sanguinea cum symptomatibus similibus. In carnosa maxime parte crurum, brachiorum, genuum & narium, imò præcipue in omnibus partibus carnosiss, quandoque etiam in scroto, quo maximos dolores creat, quæquam etiam interdum hic loci non doleat. Sunt qui trimestri integro iis molestantur, alii è contrario, vix tribus septimanis. Alii etiam aliis plures. Quidam unum tantum, nonnulli una vice etiam 10 habent. Variæ sunt longitudinis & magnitudinis. Alii duas ulnas exæquant, alii unam tantum, alii denique unâ etiam breviores sunt. Quidam crassi, ad instar fidiæ crassiorum, alii tennes, ut filum sericum. Multi non credunt vivere, sed pro nervis corruptis habent, nec vermes esse putant. Sed motu, quem exitu ostendunt, diversum comperitur. Curatio rarè instituitur, antequam vermis ipse exitum parer; aut caput exferat. Tunc enim capitur, & tenetur, ne retrocedat. Sensum postea extrahitur tamdiu, donec ulterius prodire cesser. Ira parumper quiescere sinunt, donec denuò prodire in-

ciat. Quidquid extraxum est, ligno cuidam exiguo circumvolvitur, ne in corpus retrò meet. Sic verò trahendo ex intervallis pergitur, donec totus omnino egressus fuerit. Si justò tardius trahatur, haut rarè abrumpi solet, & tum plerumque vulneris inflammatio subsequitur. Exeundo etiam plerumque multum saniei secum defert. Nigri manum non admovent, sed cicurari sinunt, vulnusque aquâ salsâ eluunt. Optima curatio est, corpus à putrida sanie, mundare, & vulnus butyro recenti insulso inungere. Locus quò vermis se manifestat, ante omnia, semper caleat, necesse est, custodiendo illum diligentissime ab omni frigoris sensu. Nisi enim id probe observetur, intumescit plaga, & inflammatur. *O Dapperus in Africa descriptione ex Isaaci Vossii Manuscriptis.*

DROPAX *De eo vid. Bibliotheca nostra Pharmaceutica.*

DURÆ MATRIS VULNERA *Vid. sub titulo VULNERA.*

DYSURIA & ISCHURIA. *vid. sub titulo URINARUM MORBI.*

Finis Libri Quarti.

BIBLIOTHECÆ CHIRURGICÆ

Liber Quintus.

De Affectibus & Operationibus Chirurgicis à Litera E. incipientibus.

ECCHYMOA *Vid. CORNEÆ MORBI.*

ECTROPIUM *Vid. PALPEBRARUM VITIA.*

ELEPHANTIASIS.

Elephantia totius substantiæ morbus est, contagiosus, occultus, venenatus, ferè elephantis corio ac tergori cutem haud abimilem reddens, unde & nomen accepit. Habet igitur corporis elephantici forma fere elephantis naturæ similia multa. Ut elephas nulli animali similis est, sic neque hic morbus, alii cuquam. Ille omnia animalia magnitudine & crassitie superat: hic morbus non solum genere maximus est, sed laborantes etiam efficit seipsis majores & crassiores, totumque corpus in tumorem attollit. Quæ ratione nonnulli hunc definiunt tumorem præter naturam, qui totum corpus in speciem elephantis immutat: non quod tumor unus in corpore sit, sed multiplex & inæqualis, & per universum corpus huc illuc dispersus, intus à visceribus factio initio, & progressionem usque ad extimam cutem continuata. Summa corporis elephantici pars crebras maculas, crebrosque tumores, & tubercula; verrucis persimilia habet, quorum rubor in lividum aut atrum colorem paulatim convertitur. Et omnes quidem elephantis maculis multis leviter extruberantibus aspersi notatique sunt, & livido cinereoque colore toto corpore obscurantur, nocti & morti pene similes. Ad hæc summa elephantici cutis inæqualiter crassa & dura, quasi squammis quibusdam exasperatur, ac interdum finditur, rimisq; dehiscit. & elephas quidem corium habet asperum, crassissimum, duris extruberantibus inæquale, & scissuris multis, scimitis

ac sulcis prælongis intersectum atq; inaratum. Elephantice capilli & supercilia & barbæ pili vel excidunt, vel in lanuginem extenuantur rarissimam. Et elephas rarissimam lanuginem, non pilos, aut setas toto corpore gerit, præter animalium morem. Denique frigoris impatientissimus est elephantia conflatus, & elephantess quidem hyeme, aut regione frigida contremiscunt, horrent, & intermoriuntur, nisi tota hyeme calido in loco contineantur, & vino generoso reficiantur. Quæ causa est, ut in frigidis regionibus, nec nascantur, nec aliunde advecti diu vivere possint. Timent digiti in pedibus, ac pedes penes similes evadunt elephantum pedibus: unde nonnulli vitium elephantiasim appellatum volunt. Archigenes tamen à magnitudine morbi, sicut ante proposui.

Sunt & qui morbum hunc leonem aut leontiasim appellent, à buccis & superciliis, in his non minus quam in leone protuberantibus, ac flexili mole præditis, seu ob tumidæ frontis dilatationem ad similitudinem rugosæ pellis superciliorum leonis. Aut denique quod non minus horrendum & formidabilem, quam leonis aspectum præ se ferant elephantiasis laborantes.

Satyrasis etiam nonnullis appellatur, quod iisdem malæ cum rubore attollantur, & musculis maxillaribus veluti convulsionem patientibus, mentum ipsum efficta quadam ad satyrorum formam similitudine dilatetur, aut ob inexplabilem impudentemque coeundi, qua hi continenter jactantur libidinem. Hac enim fabulosa Poëtæ satyros exardescere memoriæ prodiderunt. Habent igitur faciem satyris persimilem, & concubitum vehementer appetunt atque concupiscunt. Dicitur & herculeus, quoniam eo nullus major est, neque contumacior: & magnus quidem est potestate morbus, quod ad mortem inferendam potentissimus sit atque omnium longe efficacissimus. Nempe à mortis causa ducit originem, quæ primigenii est humidi ab alieno calore depopulatio præpropæra, quam terrena omnium partium siccitas consequitur.

Contagiosus vero morbus existit elephas, idque magis quam lues venerea. Non enim, ut illa solo impuro vel concubitu, vel attractu, sed etiam inquinati aëris inspiratione contrahi vulgo fertur. Inquinatur autem aër quem inspirando trahimus, ulcerum virulentorum fœtore, & corrupta spiritus exhalatione. Quod si aliquando neque ex parentum semine, neque ex alterius inquinati contagione, sed ex proprio intimoque vitio generatur, non idcirco contagiosorum morborum numero expungenda est elephantiasis, non enim contagiosus morbus, ex solo ortu primo, sed ex invadendi serpendique modo & ratione spectatur.

Occultus autem morbus dicitur, quod diu intus delitescat, priusquam se prodatur, nec ullam insignem sui conjecturam notumve ipsius principium exhibeat, ut qui à manifesta humorum intemperie, aut putredine oriuntur, & quod neque dolor, neque febris, ullave alia aperta atque inusitata affectio ante hominem incessat: neque in corporis summis partibus representetur per initia, ut protinus eum videre quis possit, & venienti occurrete ac resistere. In visceribus namque abditus fomes succenditur, ibique sævit, dum interiorum victor, in superficie tandem exardescat. Non igitur ut rectè scripsit Archigenes, tum gigni morbum hunc existimandum est, quum ad cūtem tumores prorumpunt, sed potius perfici. Prima enim mali labe in jecore & liene residet, atque inde vitium serpit, pares in internis visceribus tumores excitans, qui in externis postea apparent.

Venenatus quoque censetur elephas. Non enim terrenus & melancholicus humor, toto etiam corpore

exuperans, vel bilis flava, vel ex iis genita atra, prius hunc infligit, quam venenatam quandam malignitatem ac perniciem asciverit, quæ tum universi corporis humores, tum partium solidarum substantiam polluat & labefactet. Hujus rei argumenta sunt, melancholia morbus & mania, in quibus at a bilis toto corpore diu redundare potest sine elephantiasis, & febris quartana, tum intermittens, tum continua, in qua melancholicum humorem putrescere fatemur nullo elephantiasis periculo.

Elephantiasis causæ, aliæ externæ & evidentes, aliæ antecedentes, aliæ proximæ continentisque dicuntur. In externis numerantur, diurni & exurentes solis ardores, longa & perperam suscepta inedia, victus tenuis, siccans & exalfaciens, decocti gnajacini usus diurnus & intempestivus, vini generosioris & meracioris potus: esculenta ac potulenta, quæcunque vel bilem flavam exurunt & extorrent, aut crassum & melancholicum succum procreant, ut bubula, cervina, asininave caro, & reliqua ejus classis omnia, quæ alibi particulatim enumerata sunt. Deinde salamenta omnia & pipere aut alio aromate condita. Postremo legumina plurima, ut lentescæ, fabæ. Hæc enim omnia crassi pravique sunt succi.

Secundum locum tenet alterius inquinati contagio, quæ sive concubitu, sive accubitu, sive assidua vitæ consuetudine comparetur, idcirco elephantiam infligit, quod ex elephantico corpore perniciose quadam qualitas pariter cum humore, vapore aut spiritu transferatur in integrum corpus, cujus non solum humores, sed partes etiam omnes sensim pervadat atque contamine. In evidentibus primum ac præcipuum locum sibi vindicat vitiosa alterius aut utriusque parentis elephantia laborantis constitutio. Nam si fortè parentum alter quum genuit elephantia tenebatur, factus profecto ei nascetur elephanticus, tanta est diviniæ procreatrix facultatis energia, ut in semine intemperato ac prorsus impuro consistens, corporis partes vel ex impura materia fingat & efformet. Si nondum elephantia parens quum genuit, tenebatur, sed in eam duntaxat propensus erat atque proclivis, si lius eadem ætate qua parens, elephantia præhenderetur, eritque elephantia hæreditarius morbus elephantico parentum semine genitus. Fieri tamen posse arbitror, ut quemadmodum Aërius scriptum reliquit, non omnino contagiosæ sint successione hujus affectionis in omnibus, quum videlicet alterius parentis integræ valetudine præditi semen in conceptione vincit.

Mulierem quæ instantibus aut profluentibus mensibus conceperit, fœtum edere in elephantiam proclivem Avicennas literis prodidit, non admodum verisimili opinione. Multis namque orbis tractibus nunquam grassari deprehensa est elephantia, in quibus tamen sæpe profluentibus mensibus mulieres concipere verisimile est. Et in hac nostra Gallia, quæ parum mensibus repurgantur, vix alio quam ipsius purgationis tempore concipiunt, citra ullam in elephantiam propensionem. Secundo loco sunt mensium & hæmorrhoidum diurnarum suppressio, aut varicum, in quas natura sese exonerare consueverat, sectio, vel ustio. Deinde jecoris calida & sicca intemperies bilem flavam cumulans, quæ diu cohibita in atram faciliè degenerat, & venenatam perniciem indisplicetur, quam toti impartitur, ac communicat. Animi mœiores, & perturbationes, quæ melancholicum & terrenum humorem adaugere possunt. Frequens iracundia, quæ bilem flavam in atram ustione commutat.

Antecedentes causæ putantur bilis flava, sanguis, melancholicus humor, & pituita salsa. Hi enim humores quum supra modum torrentur, in atram bilem degenerant, quæ diu coercita sensim ac tempore venenata labe inficitur. Nam venenum in nobis sponte

gigni posse, Pelopis auctoritate confirmat Galenus, & experientia docet in epilepsia, suffocatione uterina, aliisque ejus classis affectibus.

Proxima contineturque elephantia causa terrenus & melancholicus est humor, virus perniciemque adeptus, quod pustulae maxime demonstrant, duræ, siccae, lividae, purpureæ, inæqualis cutis durities extruere nigrescens. Hic autem humor malignam ac venenatam qualitatem unctione indispiscitur, quam tum visceribus, tum aliis partibus omnibus sensim imperititur, ac communicat. Illa vero semel inquinata, non nisi terrenum quendam & melancholicum succum, vel ex purissimis alimentis postea proferunt, ejusdem veneni participem: quo partes deinceps imbutæ ac enutritæ, tempore similem nanciscuntur naturam, fitque elephantia totius substantiæ morbus, & universi corporis velut cancer quidam. Totum igitur corpus in elephantia ita afficitur, ut ipsa quoque ossa vitari dicantur, quod ipsa etiam impuro fruuntur succo. Verum prima ac præcipua mali labe in jecore residet, è quo postea cum sanguine in totum spargi propagarique solet.

Quæ sponte proprioque vitio nulla alterius inquinari contagione invadit elephantia; viros quàm sceminas sapius & crudelius exercet, atque inter illos, rursus frequentius, qui crassum, lentum & melancholicum sanguinem, aut salam pituitam congerunt. Ac proinde qui victu ad hujusmodi procreandos humores idoneo utuntur, sapius, quàm qui contrario.

Quamplurimos enim in Alexandria elephantia conspurcari propter victus rationem, & regionis fervorem, ex veterum monumentis accepimus. Illic enim elixata farina, & lentibus, & cochleis, & multis salsamentis, & nonnulli ex ipsis, à nimis carnibus & aliis quibusdam cibis, qui crassum & melancholicum succum generant, vescuntur. At in Germania & Misina rarissima hæc affectio videtur. Et apud Scythas lactis potatores nunquam ferè apparuit. Deinde qui vel otio torpescunt, vel cibo & potu nimio sese ingurgitant, vel inedia, vel violenta exercitatione, quæ sæpe humores adurit, vel cibos in ventriculo corrumpit, præsertim in calida & sicca regione utuntur, non raro in elephantiam incidunt.

Nationum igitur alia familiarem agnoscunt morbum hunc, ut Ægyptus & Judæa. Alia vix novere, ut Germania & Scythia & olim Italia. Alia inter utraque media. In universum æstuosis regionibus, quàm temperatis, & frigidis, frequentior. Quanquam sunt qui extreme frigidis ac gelidis familiarem esse contendunt, quod prohibita transpiratione, coercitoque calore humores exurantur.

Quod ad ætates pertinet, quum nec pueri, nec adulescentes, humorumque dixi vitiis pateant, elephantia vix eos, sponte sine seminis labe invadit, sed ætate florentes, vel etiam provectiores. Vix etiam ullus eunuchus hoc morbo tentatur. Qua ratione nonnullos legimus sibi testes executisse, ne ea ignorantie labe aspergerentur. Sed & qui elephantio parente progeniti sunt, raro in elephantiam ante pubertatem incurrunt, si prudenter se gerant atque contineant, Eadem de mulieribus, quæ singulis mensibus naturæ lege purgantur: deque viris, quibus statis temporibus hæmorrhoides fluunt, vel insignes vaices, in tibiis sanguinem profundunt, sententia ferenda.

Antequam in externis corporis partibus certæ elephantia notæ se prodant, ingens corporis segnities, & ignavia motusque difficultas, exercet, spiratio tarda & difficilis evadit, alvus sicca & adstricta est, urinæ jumentorum lotiis simillimæ, albæ, crassæ & turbidæ sunt. Expitatio gravis & fœtida, ructus continui, ipsi

etiam ægroto non parum molesti, alitudo cruditas. Appetitus nec integer est, nec omnino prostratus, digestio facilis, tanquam in suum ipsius alimentum morbo raptim attrahente, propterea inferioris ventris siccitate laborant. Impetus in venerem intensus, in somnum propensio. Insomnia merus & mœstitiæ plena, velut & animi mores, qui subdoli quoque & vafri existunt. Vitii causa foras emigrante, maloq; ad cutem progrediente, malæ crassiores sunt, & pro floido ac vivido colore, livido rubore tinguntur, & tumores in facie extuberant. Plerumque enim in facie hæc lues erumpens, tanquam ignis de specula procul conspicuus effulget. Hinc humore multo perfusa cutis sensim crassior, durior, asperior, decoloratioq; redditur, & crebras maculas, crebrosque tumores habet: & aliis quidem nigricat aut livescit, quibus melancholicus succus, aliis flavescit, quibus bilis flava, aliis albicat, quibus pituita salsa, vel in atram bilem degeneravit, vel atræ bili permixta est, aliis ex rubro livescit, quibus crassus sanguis unctione nigrescit, atque in atram bilem depravatur: unde quatuor elephantia differentia constitui possunt. Alia enim subrubicunda dicitur, quæ à sanguine melancholico & livido profecta est, & mitior esse solet. Alia alba à melancholico humore pituitæ salis admixto, vel potius à pituita salsa nitrosa & acri, & hac minus deturpari ac dishonestari ægi solent.

Alia nigra ex vera atra bile (quæ omnium pessima & fœdissima existit: In hac enim corpus universum tandem ulceribus scatet, & extrema putredine consumpta plerumq; nullo sensu decidunt. Alia subflava, quæ à bile flava præassata, & in atram degenerante fit. Hæc per initia quidem mitis, tandem fervida & pessima evadit. Primum autem in facie, aut in manibus, aut in pedibus elephantia signa comparent, natura quoad licet vitia longissime à corde, & hepate propellente in corporis extrema, minime tamen expurgante, ob humoris crassitiem & cutis densitatem: deinde verò & in reliquo corpore pullulant. Eadem de causa in extremis corporis partibus sensus paulatim hebescent, tandem plane torpescit, inestq; frigus perpetuum, maxime vero in pedibus, & tibiis calore in præcordiis coercito, ubi noxiæ materiæ scaturigo & focus latitat. Motus verò semper per initia integer, in quibusdam etiam ad obitum usque servatur: in aliis tandem depravatur vel prorsus aboleretur: maxime verò in pedibus & tibiis. At frigoris & stuporis sensus toto morbi decursu fatigat, sed magis eo ingravescente. Tum temporis depravata in omnibus partibus concoctiones & assimilationes fiunt, qua ratione tubercula plurima verrucarum instar, alia juxta alia succrescunt, & tumores alii juxta alios exurgunt, melancholici humoris exuperantiam natura foras extrudente, quæ in cute concrevit. Primum quidem, ut supra positum est, in fronte & reliqua facie, quoniam exhalatio omnis sursum facillime fertur, præsertim ad faciem, in qua venulae multæ obliterantur. Deinde etiam in manibus, & reliquo corpore. Pedes, suræ, manus & facies, elephantia facile intumescunt, interdum quoq; & reliquum corpus, quod intolerabilis gravitatis sensu semper premitur & torpescit. Labra sensim adeo crassescunt ac prominent, ut invertantur, eorum parte inferiore livescente. Nares resine evadunt, & extrinsecus atris tuberculis scabræ: intus verò alarum crassitie obstruuntur, & rimis disceptæ, atq; ferè intus ulceratæ crustulas nigras atque cruentas excutunt. Quibus ex causis olfactus ferè concidit. Venæ temporum distentæ sunt, & quæ sub lingua conspiciunt apparent, livido, nigro, & fæculento sanguine turgent. Lingua verò ipsa grandinosis varis extuberat, velut & palatum verrucosis tuberculis.

tuberculis. Aures extenuantur rubentq; admixto nigrore, ulcera in earum basis sunt, è quibus sanies defluit, ac pruriunt, aut obstructæ sunt & elephantice, ut solito grandiores esse videantur. Oculi caliginosi, in orbem coguntur, aliò atq; alio colore notantur, plerunque tamen candidum ex rubro flavescit, miraque crassitie quasi ungue obtegatur. Supercilia pilis nudantur, prominent, crassa, prædura, ac fere callosa evadunt, deorsum versus pondere vergunt. Color lividus aut ater est. Episcenium vehementer contrahitur, dum tandem oculos contegat, ut irascentibus leonibus accidit, unde & leonina hæc affectio forte vocitata est. Pili in toto corpore præmoriuntur, dein sensim defluunt. sed primum supercilia, & palpebræ, & mentum & pubes glabrescunt. Dein rara in capite evadit casaries, intempestivi cani, & calvitium subito ingruunt. Horrenda denique evadit partium omnium deformitas. Nam si qui pauci pili remanent, hi magis dedecent, quam qui defluerunt. Totius corporis habitus sic commutatur, ut multi alarum instar, prominentes scapulas habeant, & mutato faciei colore, characteri & mole auribus retortis satyros referant. Pedum plantæ & calnea rimis profundis & asperis intersecta sunt, manuum pedumque digiti siccitate dehiscunt, unguesque sinduntur ac dilacerantur. Totius corporis cutis exarescit, atque fœda eaque sicca scabie exasperatur: sæpius cum pruritu, nonnunquam sine hoc. Malo ingravescente, alimento quidem privatur corpus, ipsaque musculorum caro absimitur, sensimque liquefit, sed crassescens tamen cutis rugis asperis magis ac magis exaratur. Ad hæc quæ primum stupida cutis erat, sensu omnino destituitur, manente motu, ut ne infixa quidem acicula dolorem moveat, neque aspersa fervens aqua exurat. Observavi tamen in quibusdam pedum motum cum sensu perisse, & in quodam alterius brachii: qui tamen restitui sunt. In omnibus spontaneæ insunt lassitudines, & singula membra quantumvis exigua, inusitata & intolerabili gravitate premuntur. Quin etiam corpus omnia gravatim fert, non illuvie delectatur, non cibo, non jejuniis, non motu, non quiete. Ab omnibus enim morbus alienus est. Somnus exiguus & brevis est: vigilia pejor, mala sua cogitans, vox raucescit, crassifaceta, exasperataque grandinosis variis arteria & gutture. Neque enim, ut recte scripsit Areteus, inopinabile est omne corpus talibus scatere tuberculis, quandoquidem & suillæ carnes, elephantice grandinis plenæ sunt. Spiratio difficilior multo quamdudum evadit, & nonnulli circa somnum sic afficiuntur, ut præforcari, strangulatique videantur. Spiritus totiusque corporis exhalatio fœtore molesta est. Pulsus exiguus, imbecillus, creber, rardus. Tumores malarum, menti, digitorum, aliarumque partium, in fœdida & virulenta, eaque fœda ulcera degenerant, gravisque putredo omnia contaminat, dum aliis nasus, aliis manuum aut pedum digiti: nonnullis etiam pedes ac totæ manus de corpore excident. Neque enim elephantia prius perimit à turpi vita, sævisque cruciatibus liberans, quam membratim dilaceratus homo sit, sed longava est, quemadmodum & elephas animal. Aliter atque aliter in hisce habet appetentia, non obtrusa, sed gustatus atq; qualitatibus expers est, nullaque edendi aut bibendi delectatio. Angusto pusilloque animo fiunt, neque præ vitæ amore vitam relinquere & contemnere possunt, neque calamitatem generoso alioque animo perferre, verum seipsos condemnantes sese occultant, & hominum notorum consortia, conspectusque fugiunt. Non tamen omnia in omnibus, sed alia in aliis symptomata deprehenduntur, ut est peculiaris cujusque corporis natura, vitæ lex, & grassantis ve-

neni pernicies. Et quo graviora insunt, eo savior elephas judicandus est. De elephantie signis plus satis, nam quæ ex urinis ac sanguine petuntur, incerta sunt omnia atque fallacia.

Quum morbis quo dissolvantur, vel paria, vel majora esse remedia oporteat (quod enim super infirmis que morbo est, hunc quidem minuire, eaq; ratione juvare, sed nec prorsus tollere, nec profligare potest nemini mirum videri debet, si nulla remedia a veteribus excogitari potuerunt, quæ elephantem iugens malum expugnare, ac funditus excindere queant. Neque enim in parte una, aut viscere uno inhærescit, neque aut intus duntaxat labes occulitur, aut extra tantum prorumpit, neque humores solum, mollesque corporis partes leviter afficit, sed in penetralibus totum hominem occupat, & extrinsecus totum amplectitur, in solidas quasque partes, atque in ossa ipsa ita sese insinuans ac penetrans, ut propriam illarum substantiam prorsus immutet. Triste profecto & visu terribile spectaculum. Quod ubi ad summum malignitatis suæ fastigium conscendit, tum stabilem ac firmam in ipsis visceribus & solidis partibus sedem collocat, ut omnino dimoveri, divellique non possit. Hic igitur perniciem differre non auferte, vitam in longius tempus protrahere, & morbi sceditatem emendare, non funditus ejus causam excindere licet.

At si ad novam & adhuc orientem elephantiasin curandam, idonea victus ratio, & medicamenta quæ mox referam, conferantur, salutis spes tandem affulgebit, præsertim si ex improba victus ratione, vel ex alterius inquinari contagione, non ex parentum semine malum originem habet. Nam quum ex elephantico semper vitium contractum est, etiam si adhuc oriatur, de ægri tamen salute spes omnis abjicienda, nostris tamen remediis morbus coerceri reprimique potest. Sunt autem ex iis, qui vitium ex prava victus ratione, vel inquinati alterius contagione, non ita pridem contraxerunt curatu faciliores, quibus à bile flava, aut à pituita salsa, aut à crasso sanguine superaffatis, proxima mali causa orta est. Quæ à bile originem trahit, savioribus quidem symptomatis urget, & neglecta citius premit, quam quæ à melancholico succo in atram bilem converso proficiscitur: ideoque majorem curandi rationem postulat, sed facilius remediis cedit & obsequitur. Quibus testes vel natura defunt, vel execti sunt, ii vix unquam elephantia tentantur, si Archigeni credamus. Sed nec jam prehensis aliunde præsentius remedium, quam ex testium excisione affulget. Quoquot enim execti sunt, tanti mali discrimen effugiunt, si modo temperatam eamque frigidam & humidam victus rationem in posterum tenuerint: hancque veterum complures, ut omnium intissimam curandi rationem sequutos esse comperio. Legibus cautum est ne cum sanis versentur elephantiaci: nec injuria, mea quidem sententia. Licet enim ex iis, qui elephantia laborantibus perpetuo assiderent, neminem hætenus sola inspiratione eodem virio contaminatum videre poruerim: observavi tamen halitus graveolentia, ulcerum fœtore, & tetra totius corporis expiratione illorum bonam constitutionem tandem labefactari.

Quanquam igitur elephantia perinde atque luis venereæ virus humore quodam non spiritu, pro vehiculo utitur, sine quo vix consistere, aut in alios commigrare, & parem affectum parere queat: ideoque vel concubitu, vel accubitu, vel osculo, vel alio impuro attrectatu opus est, ut contagionis seminaria celeriter in alios commigrent: quoniam tamen inspiratione sic aërem inficiunt elephantici, ut assidentibus omnibus gravis & morbidus sit, recte eos à reliquorum societate leges sejunxerunt.

Qui elephantiam curare aggreditur, humores præter naturam in corpore collectos primum educere debet, deinde contractam intemperiem & terrenam siccitatem veneni participem emendare. Quæ dum fiunt & in corpore jam genita tubera ferro excindenda, aut caustico medicamento exedenda & ulcera illinc relictæ, vel sponte nata, tergenda, implenda, atque cicatrice obducenda, & alia symptomata corrigenda sunt.

Remedia ergo in genere sunt, initio quidem, incremento, & quandiu humor effervescent, refrigerans & humectans vitæ lex: ubi vero deferbuerit, & calor elanguescere cœperit, temperata, vel paulo calidior. Purgatio frequens, venæ sectio ex intervallis repetita. Balneum aquæ dulcis, litus ex hydrargyro, aut certe cataportia ex eo ipso & auro, alia alexipharmaca varia. Cornua seu cucurbitæ. Caustica & cutem detergentia, atq; faciem illustrantia: quorum omnium usum particularim expediam à victus ratione orsus.

Incipiente morbo victus ratio imperanda, quæ refrigerandi & humectandi facultatem habeat. Calida enim & sicca est morbi causa, quæ per contraria profligari postulat: plus tamen aut minus, pro humoris morbum committentis, & corporum differentiæ. Convenient igitur frequentes sorbitiones ex pullis gallinaceis, & vitulina carne, quibus sub finem coctionis, acida & refrigerantia olera adjiciantur, oxalis, atriplex, portulaca, viola, buglossum, borrago, lactuca, scariola, plantago, uva acerba, oxyacantha, aliaq; ejusdem classis, quæ atra bilis calorem & siccitatem temperant, malignitatemque infirmitatis. Ebur, & cornu cervinum siccitate quidem aliquantum obesse videri possunt, sed veneni perniciem oppugnant & infringunt: maxime vero cervinum cornu, ideoque & sorbitionibus incoquitur, & cibis utiliter permiscetur, qui illius siccitatem corrigant. Carnes boni succi & coctu faciles, elixæ optimæ sunt, si suprapositis herbis condiantur. Conceduntur & assæ, si cum omphacio aut alio condimento acidulo earum fervor retundatur. In id primas tenent mali punici, aut citrii, vel medici succi. Sequitur oxalidis succus, omphacium & acetum: quibus aqua rosæ aliquando commode adjicitur. Item ova sorbilia & pisces euchymi. Cremor hordei amygdalino lacte exceptus, & cum saccharo rosaceo coctus, omne alimentum genus anteit profecto, seu bonitas succi, seu coctionis facilitas, seu calidæ & siccæ, ustæq; bilis contemperatio quæritur. De lacte asinino eadem ferè sententia est. Vacationibus igitur necessariis præparato corpore, invicem modò hordeatum, modò lac asinum, pro jentaculo sit, præsertim per æstatis ardores, & in elephante quem atra bilis à flava genita procreavit, aut certe alternis mensibus usurpentur. Quinetiam qui ex hordeo panis conficitur, utilis est, terget, refrigerat, alvum liberam efficit, & alimentum corpori præstat non contemnendum.

Vitentur salsamenta omnia, & aromaticis condita, aliaque omnia potulenta & esculenta, quæ bile ferventem sanguinem procreant, veluti cœpe, allium, porrum, sinapi: deinde bubulæ, cervinæ, asininæ, suillæ, leporinæ carnes, caseus vetus, aliaque cibi omnes, qui terrenum ac melancholicum succum progignunt. Item legumina omnia, & quæ difficile coquantur, & flatu, quibus elephantici maxime premuntur, proferunt. Nisi forte per morbi initia quum fervidus calor omnia exurit. Tum enim & mala carpentula cruda & pira christiana cum saccharo esse licet, & lactucam ac portulacam in acetariis, ut tantum fervorem restringant, maxime verò melones & reliquos fructus horarios ejusdem generis, vel

cerasa acida. Capparum usum etiam veteres in acetariis concedunt.

Potus esto non merum, quod invalescentem partium siccitatem foveat, & humores exurat, non cerevisia, quæ crassi succi copiam aggerat, non aliud denique potulenti genus, quod ferocientem elephantiam causam exasperet: sed vel pomaceum, limpidum, pellucidum, optime defæcatum, nec acidum, nec prædulce, pari etiam aquæ porzione dilutum, vel hordei & passarum decoctum, vel vulgaris prisana. Quod sequitur, decoctum humorum fervorem restringere & malignitatem occulta proprietate reprimere atque obtundere potest. Ideoque in hac curatione omnibus aliis antecellit, quandiu insiti caloris vires frigida nullo negotio vincere, ac concoquere possunt. His enim languescitibus decocto frigida detrahère præstat.

℞. Saniculæ, buglæ, plantaginis, pimpinell. calendul. ulmariz, singul. p. j. scobis eburnæ, cornu cervini, utriusque ʒj. passarum purgat. glycyrrhizæ rasæ, utriusque ʒij. hordei p. j. Coquito in aqua ʒviii. dum duæ decesserint. Decoctum percolatum, & syrupo violato conditum usui reponito. Eisdem vires habet quod sequitur.

Cichorii radices tres quatuorve unciz, cum passarum pari pondere, aquæ ʒviii. coquantur, dum sex solùm supersint. Tum glycyrrhizæ purgatæ rasæ sescuncia, hordei pugillus, scobis eburnæ, cornu cervini & sem. fœniculi, singul. ʒj. adjicitur. Ferveant omnia rursum dum libra una absumpta fuerit: dein olla ab igne remota, perfrigeratum decoctum colo trahatur, quod per se vel cum syrupo violacei momento in vicem vini usurpetur. Plantago & lactuca recte inferitur tum sorbitionibus, tum decocto, modò descripto, dum fervet humor & exurit. At inclinante ac fatisciente natura frigida omnia marcescentem insitum calorem convellunt, & flatu gignunt, sæpe etiam febrem movent. Pimpinella quod venenatæ pernicipi obluetur, neque frigore aut calore obsit, omni morbi tempore tuto usurpatur, velut & borrago, sanicula, calendula & bugla, quod putredini advenientur, Hordei solius decoctum (aqua hordei vulgo appellatur, & palato non ingratum, & retundendo incipienti morbo aptissimum existit. Commode in eo mali punici acidi aut subdulcis granula imponuntur, & in vicem sacchari glycyrrhiza ac uvæ passæ.

Bene faciet & potus divinus, qui pro aquæ coctæ, vel decocti hordei libris singulis succi mali citrii unciam, & sacchari unam habeat unciam cum cinnamomi pauxillo: sed tandem ventriculo officit. Si fortè ingrata hæc displicebunt omnia: aqua simplex optima usurpetur, quæ tamen affecta ætate & remissione calore noxia putanda est, cujus loco aq. sacch. & modico cinnamom. condita conceditur. Inedia quum biliosas materias imprimis commoveat & accendat, atque grassantem clanculum partium siccitatem promoveat, jure inter res huic morbo infestissimas habeatur. Invalescente putredine ac calore fatisciente potus diligendus, qui spiritus instauret, vires foveat, serpentem putredinem arceat, & vitam in quam longissimum fieri poterit, tempus proferat: cujusmodi est qui sic habet.

Capus & frustum vituli aquæ libris decem coquitur, dum sex supersint: sub finem adduntur veronicæ utriusque, bugloss. borrag. asclepiad. pimpinell. calendul. saniculæ, symphyti majoris & minoris, plantag. scariolæ singulorum M j. rad. pentaphyll. veronicæ coronariæ, sem. cardui, scobis eburnæ, & cornu cervi, singulorum ʒss. Colatum jus in vitream ollam inditur, ut in duplici vase aqua proluciat, quæ saccharo

saccharo & santal. citrini momento condita usui apta sit. Cibus igitur sit paulo plenior, sed euechymus & coctu facilis, isque bis die potius quam semel sumatur. Nova enim esca continenter corpori applicata spatio temporis antiquam vacationibus jam minorem factam, obscurat atque infringit.

Vehemens omnis exercitatio, quæ sudorem elicit imprimis noxia est, ut & duræ corporis frictions, & quæcunque vel corpus exiccant, vel humores inflammant & torrefaciunt. Adde & fomenta omnia sicca, & natationes in mari aut sulphureis & aluminosis aquis. Dein & unctiones omnes siccandi facultate præditas, & vinum absynthites (quod tamen à vomitione aliquando, & ubi cruditas urget tuto dari potest.) Hæc enim omnia aliaque ejus generis invalescentem partium solidarum siccitatem diuturno aut frequenti usu foveant, & mortem accelerant: quemadmodum & ira, & mæror, & reliqua omnia animi pathemata, quæ humores exurere, & calorem insitum labefactare, atque atterere possunt. Somnus diurnus elephantiasis perniciosus est, nocturnus autem apertissimus, post justum à cæna intervallum. Deambulatio lenta commoda, velut & frictio lenis, subductis alvi fecibus redditæque urina. Hæc quidem refrigerans & humectans victus ratio, quandiu fervet humor, vigetque calor insitus, alieno tamen æstivante tenenda: maximè verò in eo elephante, qui ab atra bile quam flava procreavit, profectus est. Nam quum ita jam exusta ac retorrída sunt omnia, ut cinis duntaxat super sit frigidior, in calore & frigore temperata alimenta necessaria sunt, alioqui labefcente calore insito ac pene jam extincto, quæ ab eo fiunt concoctiones frustantur, aggerunturque flatus & cruditates, quæ corpus mire lacessunt. Qui eo miseriam jam præcipientes acti sunt, sumptu potulento aut esculento refrigerante, febre tentari solent, donec nata inde cruditas evicta sit: qui tamen morbi initio calidis tum alimentis, tum medicamentis valde offendi videntur. Itaque pro morbi progressionem, ætatis & temperamenti differentia, aliaque medendi opportunitate prudenter immutanda victus ratio. Hæc tamen sciri velim, calidior & siccior victus, quam humidior & frigidior graviolem noxam ab elephantiasis contrahi. Inclinate ergo natura, vini sed diluti usus concedendus, alimenta temperata, euechyma ac concoctu facillima deligenda, imperandaque sunt, quæ à languidiore calore nullo negotio confici, concoquique possint. Fugienda etiam acida omnia, nisi saccharo aut cinnamomo condiantur. In iis nulla tentari debet curatio, quæ morbi causam excindat. Illic enim symptomatum impetum retundere, ac perniciem differre, non morbum radicitus evellere licet. Idonea victus ratione præscripta, in humorem qui naturæ molesti sunt & graves, præparationem & vacationem incumbere oportebit. Sed quoniam tres omnino sunt corporis regiones, à quibus excrementa arte educuntur, priusquam crassus & feculentus sanguis, venis majoribus coercitus agitetur, quæ in prima corporis regione coacervata sunt, eluenda, expurgandaque, primum quidem clystere, deinde cathartico blandiore: cuiusmodi sunt cassiæ atramentum, rhabarbarum, & senna, & quæ ex iis fiunt compositiones catharticæ. Si quis tamen, ubi plenitudo inest, ante usum cathartico-rum sanguinem mittat, nullam gravem noxam accersiverit. Avicennas Græcorum imitatione venæ sectionem quum ex usu est, purgationi præmittit, nec ante octavum ab ea diem purgare aggreditur. Purgat autem per hieram diacolyntidos, vel per apozemata, aut catapôcia, quæ helleborum, scammonium, lapidem cyaneum, pulpam colocynthidos, & aloen habeant,

à quibus in huiusce morbi initio, ob cruditatem, lentorem & crassitiam humoris abstinendum censemus, ne magna sequatur perturbatio. Ille satis esse putat, si semel aut bis quoque anno validis huiusce pharmacis purgentur elephantiasis: nos mitioribus sæpius repetitis, sensum cacochymiae sentinam melius, tutiusque exhausti didicimus: illorum tamen usum turgente materia haudquaquam repudiamus.

Archigenes primas purgationis molitur colocynthidis pulpa in catapotia redacta, qua tamen serofos humores, qui atræ bili, veluti frænū aliquid injiciunt, & pituitam potius detrahi comperimus melancholia retorrída intus resistente. Itaque primo curationis huius die, alvus clystere proluenda, postridie vero, purgans medicamentum, quod nulla perturbatione ventriculum, primas venas & intestina sordibus exoneret, propinandum: tertio die venæ incidenda in cubito dextro conspicua: postero die secanda & interna sinistra si vires valent: sin minus, bidui interjectio iis recreandis aptior fuerit. Detrahendi autem sanguinis modum, vires & vasorum plenitudo præscribent. Oportebit & in malleolis, post aliquot dies venas tundere, deinde & in fronte. Ut semel dicam, sæpe & multum, & variis ex locis in hoc affectu sanguinem mittere operæ pretium est. Reviviscit namque elephantiasis calor detracto puri & fervente sanguine hæcque quasi sarcina levatum, corpus multo alacrius evadit. Exigua quippe sanguinis pars, in elephantiasis optima est, quæ naturæ in alimentum cedat, reliqua verò plurima. Hanc repetita evacuatione detrahente, illam familiari ac bono alimento adaugere oportebit. Habendus tamen modus in evacuando, dandaque erunt intervalla, quæ recreandis viribus satis sint, & quo magis progrediente morbo vires imminuuntur, eo minus sanguinis detrahendum. Interea dum sanguinis detractiones fiunt, si durior alvus diutius subsisterit, alternis diebus solvenda, aut etiam ducenda, vel cassiæ atramento, vel juscūlo purgatorio, vel clystere, aut vicissim modo hoc, modo illo. Sanguine quantum opus erit detracto, duo scopi supersunt, ad quos medici consilium omne, curaueque dirigitur, purgatio & commutatio. Purgatio quidem ejus quod sic vitium fecerit, ut pristinam integritatem recipere non possit. Commutatio verò, cum humorum, tum partium nostri corporis sic venenata labe inquinatarum, ut tamen in pristinam bonitatem revocari, reduci que possint. Arte igitur sensum educenda quæcunque à naturali sit tū ita recesserunt, ut nullis remediis restitui queant. At vero immutandum quicquid emendari atque corrigi posse videbitur. Educetur autem lecta vena, cathartici, cucurbitis, cornubus, balneis, unguentis & emplastris digerentibus aut suppurantibus. Venæ sectio noxium quidem humorem demit & vacuat, sed una cum eo utiles spiritus & humores puros in sanis detrahit, eaque ratione vires dissolvit, & nativi caloris robur atterit: at in elephantiasis, ubi fere totus sanguis venenatam putredinem concepit, si intervallis repetatur, nihil nocuerit quandiu vires valebunt. Purgans tamen medicamentum id duntaxat detrahit, quod naturæ prorsus ineptum atque inutile est, relicto utili alendo corpori idoneo, quod immutantibus emendetur, si quod substantiæ aut qualitatis exiguum vitium contraxerit. Qui circum viscera & in venis majoribus sedundat crassus ac feculentus humor, (ejusmodi esse solet, qui huiusce morbi materia censetur) nec per sudores evacuari, nec cæca transpiratione digerī, nec vomitione facile ac tuto excludi, sed sola alvi purgatione & venæ sectione detrahi potest. Porro horum remedium usum multiplex ac varius existit, nam modo purgantibus &

immutantibus confusis atque permixtis, eodem die purgatio & commutatio adhibentur, modo vicissim purgatio & immutatio tentatur. Noxios igitur humores eodem die præparare ac purgare possunt syrupi & apozemata, quæ præter sennam, agaricum & elleborum, radices, herbas, semina, ac flores habeant, quibus attenuandi, incidendi, aperiendi, humectandi, refrigerandi, putredinem inhibendi, atq; atræ bilis perniciem edomandi, infringendique facultas insit. Sed his alternis duntaxat diluculis, aut quarto quoque die locus erit, ne quotidiano usu ventriculo ac visceribus (quorum robur ad morbi longitudinem tueri operæ pretium est) ulla vis & noxa inferatur. Diebus verò interjectis, præparantibus, & immutantibus pugnabimus. Immutant autem quod emendari potest, & præparant quod purgatione excludi postulat, cardiaca refrigerantia, humectantia, bilem utramque & crassam pituitam attenuantia, incidentia, & vias purgationis aperiuntia medicamenta, zuparii, apozematis, syrupi, sorbitionis, opiata, tabellæ, pulverisve forma: quorum materia medico exercitato notissima est. Adde & unguenta & balnea, & alia quæcunq; in id usus comprobavit. Veteres ellebori nigri obolos tres cum scrupulo scammonii in sero lactis asinini dissolvebant, ac frequenter præbebant elephantiasis. Purgato dein sæpius corpore vomitiones proritabant, primum quidem à cibo deinde etiam ieiunio, idque interdum per raphanos, interdum per album veratrum. Sed effrænis nimis & periculosa, ac nihilominus parum efficax isthæc medendi ratio deprehensa est. Purgatio per elleborum ante balnearum usum, & exquisitam præparationem magna molestia minimum proficere comperi. Vomitio nec materiam crassam circum viscera, & in venis in hærescentem detrahens, nec genitam intemperiem emendare, nec malignam morbi perniciem infrangere potest: mucosam duntaxat ventriculi pituitam & bilem multas cruciatibus evellit. Multo igitur sit satius, si nigra & teterrida bilis cassia, rhabarbar. & senna haud satis strenue detrahi videatur, ellebori nigri momentum, apozematis, & syrupis purgantibus, quæ sennam & rhabarb. habeant incoquere, hisque semel aut bis in hebdomade alvum ducere. Est autem purgantium, & præparantium quæ modo proposui, usus vicissim repetendus, dum alimenti penuria morbis fatigetur, ipsæ vero corporis vires alacriores evadant. Nec negligenda etiam in cibis medicamentosa purgatio, quibus diebus validiora cathartica non porriguntur. In prunorum damascenorum decocto colo transfuso, aut in jure pingui sennæ semuncia recte incoquitur, cum buglosso, borrag. oxalide, & hyssopi ac thymi paucillo. Excolatum dein decoctum horis duabus cibis præmittitur. Hæc dum fiunt, si vel tubercula, vel latæ quædam maculæ livido rubore cutem deturpent, siue sensus in his jam perierit, siue integer adhuc & incolumis persistit, primum foru & unguento emollienda, deinde discissa cute cornua suctoria identidem adhibenda, quæ parti tenacius impactum, & hærentem sanguinem exugant atque extrahant. Sic illa fronti, genis, cervici, brachiis, manibus, aliisque minoribus partibus, commode insunt, oreque exugitur, quicquid in parte redundat humoris alieni. Cornua suctoria quum defunt, nec cognitus est admovendi modus, cucurbitulæ sufficiantur, etiam multo imbecillius trahant. Post cornua altius rursus discindenda tubera, & catheterico medicamento, aut etiam caustico exterenda, absumendaque sunt. Latæ maculæ scalpelli cuspide discissæ, mercurio sublimato in populeo unguento dissoluto radicitus exeduntur. Idem sed imbecillius ac minore molestia præstat pulvis mercurii, vel solus vel unguento rosato exceptus, ne-

que validioribus opus esse comperio ad omnes elephantiorum vetulosas pustulas, si quis prudenter uti noverit. Maculæ emplastro è cantharidibus, fermento & sapone nigro facile abolentur. Hoc enim vesicas latas tenui sero turgidas exiccat, quibus ruptis effusioque humore, mortua epidermis à vera & crassiore cute divulsa, facile nulloque negotio vel excidit, vel eximitur. Tumque si locus nimium extuberat cathetericum unguentum imponitur, quod illam reliquis adæquare possit. Quo quum ventum est, cicatrix inducitur. Si non extuberat, contractus ardor unguento rosato demulcetur, dein cicatrix contrahitur. Jam vero quum primum istorum præsidiorum usu toti corpori provisum fuerit: balneum tepidum ex remollientium decocto apparandum, in quibus die elephantiasis infideat, mane quidem ante epulas horis duabus, & vespere ante cœnam horis totidem. Hoc in biduum asservari potest integrum, & semel in hebdomade instaurari, donec remittant, aut prorsus evanescant omnia luis hujus symptomata. Ea caurione, ut neque in ipso balneo sudor cieatur, aut diffusa è corpore. Hic enim calidioris balnei nota est. Sit igitur justo tepore moderatum balneum, ne calidius morbi causam (quæ sudoribus, præ nimia crassitie tolli nequit) exasperet.

Vespere post balnei egressum corpore resiccato, illicus ex hydrargyro adhibetur & postidie balnei, catharticum propinatur, quod fustum, liquefactumq; humorem in alvum rapiat. Singulis ergo hebdomadibus balneum innovari debet ad biduum, & semel quoque die à balneo corpus unguento ex argento vivo in lecto perungi: dein sumpto cibo euechymo & eupipto, somnus si accedat excipiendus nulla sudoris profusione. Non enim partium solidarum substantiam hydrargyri litu liquefacere, & in sudores, aut mucosum sputum depravare, sed earum siccitatem humectantibus emendare ac corrigere, & refrigerando fervorem retundere consilium est. Ideoque si bis inuncto corpore sputatio aut dysenteria imminere sentiantur, semel duntaxat in hebdomade postea inungatur, & impendens sputatio propinato cathartico coerceatur, ne corpus quod humefacere consilium est, nimio exiccet opere. His quæ dixi remediis, tribus mensibus continuatis, tametsi morbus in totum nondum erit abactus, fatigatæ tamen naturæ duorum triumve mensium remissionem concedere operæ præstium fuerit: ea lege ut interea octavo quoque die, & syrupo, aut alio cathartico, quicquid de quotidianis alimentis corrumpitur, detrahat, & balneum singulis mensibus biduo saltem usurpetur citra hydrargyrum. Interim asinini, aut caprini, aut si ne hoc quidem suppetit, vaccini lactis quinq; sexve uncia quoque diluculo exsorbendæ adjecto saccharo rosaceo, cuius usu atræ bilis pernicies coerceatur. Recreatâ natura, si nondum prorsus deleta erunt elephantica symptomata ad principium suprapositæ curationis reflectere oportebit, omniaque suo ordine facere, velut ante positum est, præterquam quod multo religiosius sanguis mittetur. Idque bis, ter, quaterve his, quæ dixi intervallis repetere operæ pretium fuerit, si ex descriptis præsidiis profectus evidens quæritur. Maligna hujus morbi natura, tenaciter adeo visceribus, aliisque partibus solidis inhærescit, ut in plerisque, nisi sæpius repetito remediorum usu, funditus non excindatur. Aliis igitur annus unus ad curationem satis est, qui neque ex parentum semine vitium contraxerunt, neq; diu tentati sunt, aliis, quibus extrinsecus acceptum vitium jam diu inhæret, vix anni satisfaciunt: aliis, qui vel hæreditario hoc vitio, vel ascititio; sed inveterato tenentur, in totam vitam continuanda, quæ postea tradetur curatio.

Una elephantia præ aliis longis morbis remediorum varietate ac vicissitudine gaudet. Suntque in hoc affectu, si quo in alio, ab omnibus fere remediis induciæ quædam & intermissiones sæpe ægro concedendæ, deinde & resumptio, & ad priora reditio, & novorum remediorum admotio adeo necessaria, ut cum vix unquam convaliturum credam, qui in unico remedio quamlibet generoso spem salutis collocarit.

Alia curandi ratio superiori affinis, sed faciliior.

Præparato qua dixi ratione corpore, neglecto litu ex hydrargyro, catapotia usurpanda, quæ calidam & siccam viscerum ac solidarum partium intemperiem emendare, omnium humorem ferociam & perniciem reprimere, obstructions viscerum solvere, & earum causam sensim expurgare, atque idcirco elephantiam profligare solent. Cujusmodi sunt, quæ sic habent.

℞. Argenti vivi ℥ss. cum panis adhuc calentis medulla, manibus diu subige, ut in eam plumbaginem deponat, purgatum dein hydrargyrum succi limonum momento, & olei de myrrha arte Chymica deprompti ℥ss. exacto miscero. adjecta terebinthinæ venetæ aqua ros. elotæ ℥j. tum adde auri purissimi, eodem artificio Chymico in tenuissimum polinem redacti, vel si desit, foliorum auri ℥j. ambarris ℥j. pulveris electuarii, diamargar. frigidi & electarii trium fantalor. simplicis, utriusque ℥ij. fingito massam, cui sequentis magmatis ℥i (℥. ad) misce.

℞. Foliorum sennæ electorum lbj. rhabarbari in frustula dissecti ℥iv. rad. arefactæ ellebori nigri nostratis ℥j. diem unum cœnostagmate macera, quod dein exime ac sepone, atque aliud affunde, idque rursus exactis duodecim horis expressum cum prio e miscro, & vitreo vase exceptum in diplomate exhalare curato, atque relictum magma ad usum servato. Hujus compositionis ℥ss. dabitur quindecim alternis diluculis, tribus horis ante cibum: idque alternis mensibus, interjecto balneorum, & aliorum omnium præsidiorum descriptorum usu.

Recens orta elephantia quæ gentilitio jure comparata non sit, his remediis profligatur. At quæ vel hæreditario jure successit; vel inveterata est, nullo unquam remedio penitus excinditur. Hæreditaria quippe naturæ & seminis vitio, quod ars nulla emendare potest, committitur. Inveterata vero quoniam partium solidarum substantiam in sui naturam prorsus jam immutavit, nullo amplius remedio vincitur. Præstat tamen in rebus angustis, arctisque, veletiam deploratis, aliquod experiri remedium, quam in certam desperationem, ægrum præcipitem dare. Humanum enim est, & plenum benevolentiae signum, in summis etiam malis ad experimentum usque progredi, ut difficilem affectum, si non omnino tollamus, certe leniamus & compescamus, sic tamen ne vulgo dedecore afficiantur præsidia, quæ multis fuisse salutis. Itaque in utrisque tentetur modo tradita curatio, si calor natiui robur supererit. Elephantia hæreditaria aut inveterata causam, si radicitus non tollit, eam saltem infringit ac debilitat, perniciem si prorsus non aufert, illam certe differt, vitamque prorogat, plerumque in longissimum tempus, & morbi fœditatem obscurat. Sed ut erit natiui caloris robur, & corporis natura, hydrargyri modus in unguento, quod in egressu balnei aliquando adhibebitur, veniet decernendas, veluti & in catapotiiis. In omnibus quidem naturis ac corporum generibus, idem remedium, sed non eodem modo

usurpandum fuerit. Qui viribus valent, ac firmo corporis habitu præditi, neque ætatis florem egressi sunt, eis non raro multa & frequens hydrargyrosis, quæ ad sputationes usque progredieretur, sed citra sudorum profusionem præseus auxilium, opemque attulit: qui vero senilem jam ætatem assequuti, viribusque fracti, rheumatismis allicti, oppressique sunt, nihil aut parum adjumenti ab hydrargyro percipiunt. Quum enim frigidus & humidus sit hydrargyrosus, frigidum sentim corpus calore nativo qui supererat extincto, morti celeriter addicit. Incipiente igitur, increscente & vigente elephanticonum calore, non vanis titulis famigeratum ex viperis remedium, non theriaca, non ferrum, non ignis, non aliud denique ullum præsidium hydrargyro secundum deprehendetur. Quod ne temere dictum videatur, meæ opinionis longo jam usu & experientia confirmata, rationem paucis, ut mos est, expediam.

Elephantia admodum siccus & terrenus morbus est: argentum vivum summo humore præditum, quum partium tenuitate omnia permeet, indurata omnia mollic, laxat & humectat. Acris, exustus & malignus humor est, qui elephantem parit, argentum vivum tum frigore, tum alia occulta proprietate & efficientia, acrium omnium humorum fervorem retundere, & maligni atem, feritatemque infringere deprehenditur. Elephantia non externas tantum corporis partes attingit, sed solidarum etiam substantiam labefactat. Argentum vivum maxima partium tenuitate præditum, non in extrema cute hæret, sed ad viscerum, & solidarum partium substantiam usque pervadit ac penetat, omnia ex æquo ferre suis viribus afficiens, atque efficaciter immutans. Itaque prudenter, ut jam præmonui, corporum generibus, & natiui caloris robori, appetur hydrargyri modus, & justis cancellis circumscribatur utendi ratio. Hic enim grassantem solidarum partium siccitatem remorari, atrabilarii humoris incendium restinguere, feritatem cohibere, & invalescentem putredinem arcere potest.

De venæ sectione idem esto judicium. Neque enim in deploratis, quorum languent jam vires, fatiscitque calor insitus, tam sæpe mittendus sanguis fuerit, tamque copiose, quam in recens contaminatis, qui & virium robore valent, & sanguinis plenitudine tenentur. Mittendus tamen justo intervallo quum putredo nimium in venis invalescens, perniciem accelerabit, ut sublata putrentis sanguinis sarcina, reliquum languescens calor facilius concoquat.

Cætera omnia quæ elephanticonis convenire dixi remedia, vix unquam ulla noxa, maximo fere profectu semper à prudenti & rerum usu perito medico usurpantur. Tenendus tamen vel in his modis, quæ semper salutaria deprehenduntur, concedendaque naturæ intervalla, & veluti quædam remediorum induciæ, feriæque, quo repetita illam prostea magis velut nova afficiant atque immutent. Itaque non modo semel in hebdomadæ melanagogo medicamento alvum ducant, sed etiam clysteribus sæpe illam solvant, atque etiam interdum sorbitione purgante quæ borraginis, buglossi, oxalidis, oxylapathique folia habeat cum sennæ semiuncia, & thymi atque hyssopi pauxillo. Sæpe laxantibus atque emollientibus balneis insideant. Sanguinem quoque mense, aut si ætas jam valde inclinat, tertio aut quarto quoque mense, aut saltem vere & autumnò detrahant, plus minusve, ut feret plenitudinis, putredinis & virium ratio.

In loco habitent salubri, temperato, lucido; æstate media, solis ardoribus minime expósito; sed ad septentrionem apetto, nam hyeme meridianum solem habere præstat, frigidis hisce regionibus.

Cibus utantur boni succi & facilis concoctionis, iisque temperatis, si jam inclinat ætas ac restinctus est bilis atque fervor: refrigerantibus verò & humectantibus, si nondum morbi calor defervuit. Vinò in omnem vitam abstineant, aut certe ad sexagesimum annum usque, tumque eo quam dilutissimo utantur. Calfaciencia & siccantia alimenta, & medicamenta omnia declinent, nec se inedia conficiant, iracundiam cohibeant, mœrorem metumque pellant, cupiditates, sollicitudinesque omnes detrahant, & perturbationes, concitatosque animi affectus coerceant, atque moderentur. Cardiaca quæ venenatæ labi obluantur, frequenter usurpent, opiata, conditi, pulveris, electuarii, aquæve stillatiæ forma, idque mane, & ante epulas, vel sub horam somni, interdum & cum epulis: quorum omnium compositiones postea trademus.

Qui elephantico semine progeniti sunt, non subito concidunt, sed sensim invalescente putredine corumpuntur, membratim dilacerantur, tandemque intereunt. Hic varias humorum mutationes ac multiplices morbi & naturæ conflictus observare licet. In his primum faciei cutis crassescens vividum colorem amittit, atque ex rubro livescere incipit, quod symptoma antevertere, atque arcere expedit, alienæ materiæ, (quam è venis ac visceribus natura sese exonerans eo pepulit) vacuatione, balneis aquæ dulcis tepefactæ, in qua emollientes, laxantes, ac tergentes stirpes decoctæ fuerint, victu humectante & refrigerante, fotu emolliente & rarefaciente, unguento molliente, rarefaciente & tergente, admotis cucurbitulis, aut cornu suctorio post scarificatum, unguento ex hydrargyro corpori post balnei egressum illito. Si malum nihilominus serpit, brevi tubera erumpunt, primum quidem in facie, dein in tibiis, manibus, aliisque partibus. Hæc scalpello discissa catheterico medicamento radicitus exeduntur, deinde cicatrix inducitur. Progrediente tempore cutis quibudam faciei locis mire crassescens, maxima deformitate in tumorem attollitur, cui color inest ex rubro nigrescens ac pellucens. Hæc scalpello vulnerata feculentum sanguinem fundit, qui etiam cucurbita, vel cornu suctorio, majore vi elicitur. Emplastro dein catheterico quicquid inæqualiter intumuit ac supercrevit, exeditur, atque adæquatur, cicatrix tandem contrahitur. Neque enim verendum, vel supercilia, vel frontem, vel genæ particulam sic vulnerare, atque reliquis quæ non ita intumuerunt, æquare, quum relicta ex ulcere cicatrix, multo quam reliqua curis venustior esse soleat. Ulcera quæ sponte vel in tibiis, vel in aliis partibus nascuntur, sanguinis fæculenti & corrupti eò decumbentis soboles sunt. Ideoque purgato corpore à sanguinis missione, curatio ineunda. Mittitur autem primum quidem incisa vena, quæ fluxionis fontem exhauriat, dein quæ ab ipsa parte derivet ac vacuet. Hinc pars incidenda satis altis plagis, ut multus ex ea sanguis extillet, adhibendæque cucurbitulæ: postremo ulcus aliorum more curandum.

Commune est in omnibus ulceribus, quæ in hoc morbo sponte emergunt, post vacuationes universales, & derivationem, ex affecta parte, altis sectionibus, partem ipsam cadendam esse, ut adhibito cornu suctorio, aut cucurbita, sanguis ipsi impactus extrahatur, dein catheterico medicamento quicquid vel occaluit, vel supercrevit, vel nimis intumuit, vel aliud inemendabile vitium contraxit, absumatur: postremo ulcus aliorum more & carne impleatur, & cicatrice obducatur quam elegantissima.

Morbo ingravescente sæviora symptomata emergunt. Primum igitur sensus in externis partibus hebescit,

inestque frigus tere perpetuum. Quæ symptomata etsi nullis auxiliis funditus tolluntur, leniri tamen solent, & periculum differri: primum quidem ea curatione quam supra retulimus: deinde topicis medicamentis, quæ frigidum & crassum humorem parti insertum digerere, crassescentem cutim emollire, laxare ac levigare, & insitum ipsius partis calorem fovere atque erigere possint. Cujusmodi est oleum quod sic habet.

Sigillum Mariæ, radix bryoniæ, & althææ, prunis vino albo & oleo sensim incoquantur, dum vinum absumptum sit, oleum dein exprimitur, quo pedes, tibiæ & manus, si stuporis & frigoris sensus inerit quoque vespere inunguntur. Benefaciet & fortius digerens, rarefaciens, & corroborans, ex malva, violaria, sem. lini, rad. althææ, origano, sampsucho, salvia, anagallide, ros. rub. omnibus sacculo conclusis, & aqua ac vino albo incoctis.

Quum jam eo miseriæ ventum est, ut putredo hominem membratim dilaceret, infelix sed unicum solatium superest, quicquid sic vitiatum est, vel medicamentis exedere, vel ferro rescindere, vel urere. Exscinduntur, vel vicissim exutuntur minutulæ partes, quas putredo cadaverosa tabefacit, & ulcera illinc relicta aliorum more curantur: in corporis trunco cathetericis potius locus est.

Oculorum membranæ sensim crassescentes, visus obscuritatem inducunt: remedium est, fotus emolliens, rarefaciens & discutiens. Collyrium tergens, attenuans & siccans, aquæ, pulveris, syrupi unguentive speciei. Fotus fiet ex malva, violaria, euphrasia, fœniculo, semine lini, sacculo conclusis, & aqua ac vino albo decoctis. Collyrium ejus qui ægrotabitur naturæ & vitii magnitudini aptum comparabitur ex myrrha & ætugine, ovi albumine coctione indurato, conclusis, & loco humido reconditis, dum aqua viridis extillaverit: cui syrupus de absinthio, aquæ stillatiæ, euphrasiæ, fœniculi & plantaginis, ea temperatione miscebuntur, ut citra vehementiorem dolorem efficaciter attenuet crassescentes membranas, & sordes omnes abstergat. Acriori remedio opus est quum membranulæ ex majore oculi angulo enatæ pupillæ obtendantur, aciemque perstringunt, qualia sunt quæ ad pterygium trahuntur. Bufæ vivus olla fictili exceptus exurit: tenuissimus pulvis in oculum afflatus, pterygium concoquit, & in pus deducit. Sed quum adhibetur refrigerans remedium, extrinsecus oculo superponendum, ne ejus acrimonia, dolorem & inflammationem pariat.

Malo invalescente, sic elanguescit insitus calor, ut in omnibus corporis partibus frustrentur concoctiones, multaque serosa excrementa colligantur, maxime vero in capite, quæ sæpe in thoracem tanto impetu decumbunt, ut asthma suffocationis periculo horrendum, sæpe etiam febrem accerlant. Interdum in oculos irruunt, & disruptis eorum membranis, repentinam cæcitatem inducunt, aut inter eas intercepta, implacabiles dolores cient, ac prorsus obcecant, oculis protuberantibus, ac pene exertis. Presentaneum auxilium affert sanguis celeriter missus, phlegmagogum atque hydragogum confestim datum atque repetitum, dein concoquentia & tenuis victus ratio.

Quum nares præ alarum crassitie, ac crustulis, quæ illic adnascuntur, obstruuntur, primum crustulas excutiet molliens, tergensque decoctum, dein siccitatem leniet, & crustas denno adnasci prohibebit butyrum salis expers, aut certe oleum amygdal. dul. recens expressum rudicula & linæolo, vel calamo intromissum illitumque.

Concubitum

Concubium elephantici maximopere concupiscunt, nec eo interdici debent, quum & corpus refrigeret, & mœrentem illorum animum demulceat. Quoniam tamen nimis frequens vires solvit, pro ratione ætatis & naturæ ægrotantis in eo modus adhibendus.

Qui descriptorum remediorum efficacia integram valetudinem recuperaverit, ne recollectis in corpore noxiis excrementis, mali radix tandem aliquando revirescat, omni opera prohibeat. Itaque cibus eucharystis uti conveniet, vel temperatis, vel paulo frigidioribus & humidioribus, vino omnino sibi interdici, vel eo quàm dilutissimo uti, calidis & siccantibus alimentis omnibus vitatis, falsis quoque & aromaticis omnibus, porris, cæpis, alliis, sinapi, & reliquis omnibus, à quibus abstinendum esse in superiori curatione præcepimus. Loca incolant, æstate quidem frigida & humida, hyeme verò paulo sicciora & calidiora. Ad hæc aliis atque aliis medicamentis melanagogis, alvus intervallis ducenda. Habenda sæpe & medicamentosa in cibo ratio.

Vere ineunte & autumnio vena secanda est, aut etiam sæpius, si quando ulla plenitudine corpus tenebitur. Sæpe & cardiaca, quæ venenatæ morbi malignitati resistunt & oblucentur, usurpanda venient, opiata, conditi, pulveris, electuarii solidi, syrupi, aquæve stillatitiæ formâ. Biduo etiam quoque mense, balneum comparandum æstate præferim, & in eo his die desidendum, quæ methodo supra posuimus, adhibita in exitu, corpore tamen prius r. siccato hydrargyrosi, velut ante præceptum est. Alioqui catapoti's ex Sole, & Mercurio supra descriptis, ex intervallis utendum.

Fama est elephanticum quendam vitæ pariter ac morbo finem imponere quarentem, viperam in musti dolium irrepsisse, conspicatum, extincta in eo vipera, sese multo ad satietatem, semel atque iterum ingurgitasse. Cujus vi post virulentas vomitiones, ebrietas, profundusque sopor morti haud dissimilis obrepfit. Quibus tandem discussis, imprimis pili defluerunt omnes, & ungues exciderunt, dein omnia in ambitu membra corporis contabuerunt, denique certum exitum in propinquo videbatur, quum ex reliqua quadam virium scintilla, natura hominem redintegrans, alias carnes enutrivit, ungues novos, & nitidam formam instauravit, ac vetus corium, ceu serpentis senectam exuit. Ita habet fabula non admodum verisimilis quidem, sed cujus tamen imitatione, antiqui elephantia curationem ad occultam viperarum proprietatem retulerunt, de aliis remediis desperantes. Occultam proprietatem dixi, propterea, quod qualitatibus manifestis elephantia causam augent potius quam infringant. Nam vel Galeni testimonio, manifestæ ac generales qualitates carniū viperarum sunt, exsiccare valenter, digerere medicriter, & exsiccare. Atra autem bilis, quæ hujus luis causa est, calida & sicca quum sit, per contraria retundi postulat. Vere potissimum elephantiorum curationem aggrediuntur, primumque corpus in aliorum fere omnium diuturnorum morborum modum identidem purgant: deinde venam secant, si vires ferunt: hinc ad viperas se convertunt, quas alii aliter apparare solent. Omnes in hoc conveniunt, caput & caudam ut abscondant, dein interanea omnia ac cutem etiam ipsam eximant, postremo corpus ipsarum exquisitè eluant. Quidam, quod casu contingit imitatione confirmantes, in vini generosi dolium illas conjiciunt, ac sinunt dum suffocentur, dein vinum ægris nescientibus propinant. Alii medicinam ex viperis confectam, quam theriacam vocant, sæpius adhibent. Alii sale theriaco utuntur, quod vivis viperis cum quibusdam aliis medicamentis in fictili no-

vo combustis comparatur. Alii viperas ipsas comedunt in pastillos redactas. Alii illas in linguillarum modum apparatus exhibent. Atque hoc omnibus commune est, viperis tandiu utendum esse, dum elephantia vel in lepram abeat, vel in totum desinat, in tenues auras distans per cutem afficta. Galenus elephantios aliquot ita se percussisse gloriatur: quin & incipientem morbum sola catharsi & phlebotomia, vere & autumnio præscripta profligasse atque propulsasse se venditat. Cujus auctoritatem tot seculis confirmatam, etsi non repudio, vix tamen quid de hoc remedii genere censuerit Fernelius, quidque partim dum is Lutetia floreret, partim post ejus obitum expertus sum, perpetuo si entio involvere possum. Elephantios multos veterum imitatione quum viperarum usu restituere maxima methodo studuisset Fernelius, nemini in tota vita, ut erat in votis successit: quod cum mihi indicasset, & à remediis omnibus siccantibus abstinendum non esse monuisset, veterum medicorum auctoritatem ejus opinioni anteponendam ratus, & illorum pollicitis nimium fortè addictus: theriacam elephantiosis multis, quæ methodo illipræcipiunt, præbui, sed nullo prorsus profectu: quæ res effecit, ut viperas ipsas aliter atque aliter apparatus experiri aggressus sim, quas tamen nihilo plus opis asserere comperi.

Paucos (fateor) post dies cutis extrema squammas & furfures remittit, tanquam elephas in lepram degeneret, videturque juvare per initia hoc remedii genus, si solius cuticulæ rationem habeas, sed neque viscerum constitutio, hocce modo melior fieri, neque verrucosa tubera intermori, neque crassescens cutis deformitas emendari solet: sed elephanticum virus, post viperarum usum, è visceribus multo majore quàm unquam impetu in cutim remeans, omnia symptomata sic exasperat, ut aucta putredine membrarum dilacerentur ægri teterrimo fœtore. Neque enim pastilli theriaci, neque venenatæ viperarum carnes, quovis modo præparatæ, siccæ & terrenæ partium constitutionem corrigere possunt, sed omnia depravare, atque venenatæ perniciæ inficere. Si quis tamen veterum auctoritati tantum tribuit, ut Fernelii & meam hanc experientiam universis medendi legibus consentaneam suspectam habeat, ei facile sit, quæ ratione illi præcipiunt, viperarum usum experiri. Tutissimam utendi rationem hanc tradunt recentiores.

Viperas præparatas in aqua cum hordeo decoquiro, quo postea gallinæ alantur dum implumes evadant. His ergo gallinis elephantici alendi sunt, donec comæ ac pili defluant omnes, & crassior cutis squaminas ac furfures remittat.

De proximæ elephantia causæ temperamento multi inter se non parum dissentiunt. Galenus melancholicum quidem humorem elephantiam progignere passim confirmat: sed quum ampla significatione id nominis Latini usurpent (nam & de proprie dicta atabile, acerrimo & ardentissimo humore, qui & corpus rudit, & terram fermentat, & de melancholico succo frigidior, qui sanguinis veluti fœx & limus est, dici solet) haud facile assequi posse putant, quo in significato melancholici humoris nomen in procreatione elephantis accipiat. Sunt qui eum comment. in Aphor. 2. lib. 4. succum melancholicum frigidum, proximam elephantia causam his verbis facere existiment. In atra, inquit, bile totius corporis color ad nigritiem tendit, pustulæ nigrae fiunt ex ejus colore. Et quicumque morbi ex ejus fiunt exuperantia, multitudinem melancholici humoris manifesto indicant, quemadmodum cancer, elephas, quartanus circuitus ex melancholico humore generantur. Si Galeni sententia

sententia, inquit, quartanus circuitus & elephas ex eodem fiunt humore, quartanus autem circuitus non raro ex propria dicta atra bile perniciosissimo humore, sæpe vero ex melancholico succo frigidior & terreno originem habet, & elephantem ab eodem sapius fieri, oriturque necesse fuerit. At libro de atra bile aliter sentire videtur hac sententia. Verum alia quoque plerisque non febricitantibus in cute crassescente, siccescenteque exanthemata provenire videmus, cum melancholici humoris redundantiam natura ad extimas partes pellit, quo genere, is quem elephantem nuncupant, continetur. Ubi autem tale quidpiam simul cum febre exoritur, humor melancholicus, qui in cutem abcessit, facit eum quem carbonem appellant. At si citra febrim decumbat, sitque cum sanguine conjunctus, gignere elephantem potest: si solus sit in principio quidem tumorem atrum producit, sed progressu temporis in cancerum definit, cum utique corrosa cute acrior sit magisque malignus, cum mitior sine ulcere, latentem cancerum efficit. Evidens enim est hos affectus omnes, præcipue cancerum, ex humore melancholico gigni. Cancerum, inquit, carbunculum & elephantiam, ab uno & eodem humore fieri tradit Galenus: at carbunculus à maligna atra bile fieri, contrahique alibi dicitur, quare & elephas: Contra tamen, qui calidus est humor melancholicus carbonem, qui non est ejusmodi, cancerum & elephantiam gignit ex Galeno. Eodem etiam libro eum affirmare tradunt, subrubros elephantem, ab atro humore qualitatibus mitioribus prædito, sanguinique admisto, procreari: & si inveterarint, nigriores reddi. Quod ut componatur dissidium, atram bilem ex humore melancholico nuper genitam, humoris melancholici nomen & appellationem idcirco veteribus etiamnum retinere crediderim, quod nondum plane incaluerit, nec pristinis qualitatibus omnino spoliata sit. Procedente vero tempore quum manifeste jam incaluit, sævioraque symptomata invexit, proprium atram bilem nuncupari: tamen eadem utriusque forma, eademque sit species: sic enim videtur sentire libro de tumoribus præter naturam. Elephas, inquit, affectus melancholicus est, cujus prima origo ex melancholico sanguine est, spatio vero temporis copiosior, quam sanguis atra bilis redditur: quo tempore corpus jam male & graviter olet, turpeque & deformatum videtur, & aspectu horrendum, atque interdum etiam exulceratur. Hunc affectum, quum incipit, satyriasmus vocant, quod satyris aspectu similes elephantici evadant.

Atra igitur bilis proxima est omnis elephantiam causa, sed quæ quum vel ex succo melancholico ac feculento sanguine, vel ex bile vitellina, vel ex nitrosa pituita exustis ac torrefactis, non ita pridem habuit originem, illorum etiamnum appellationem interdum retinet. Neque me iudice, immerito, quod suæ procreationis initio nondum late ab humore à quo nuper genita est, dissideat. Frigida quidem videtur atra bilis Galeno, quia terrestris, non tamen caloris expers, quemadmodum nec cinis, nec etiam acetum. Jam Arabum de ea iudicium ac sententiam inquiramus.

Avicennas auctor est elephantiam partium solidarum substantiam, qualitatibus vitæ nostræ è diametro repugnantibus & insensis, continenter immutare ac pervertere. Quod si verum est, frigidam & siccam statuere oportet elephantis causam (calore namque & humore vita nostra fovetur, contineturque:) Quibus perspicuum est, frigidum & siccum è diametro opponi. Elephantia, Avicennæ est bilis atræ per universum corpus profusio, qua membrorum temperamentum, forma & compositio labefacta-

tur: unde tandem continuitatis solutio, & partium casus & fœda ulceratio sequatur. Ad hæc melancholicum humorem ustum non prius elephantem parere tradit, quam refrigerit, & inveteratas, diuturnasque obstructions non aliam ob causam elephantiam inurere, quam quod minime ventilatus calor natus præfocetur, unde & refrigeratur & crassescit sanguis, eique gignendæ idoneus fit. Postremo in elephantiam sanguinem non raro circum articulos congelari, & pulsus imbecillum iis idcirco esse dicit, quod facultas sit imbecilla, & exigua necessitas, frigidus ut pote morbo fatigante. Principem hunc scholæ Arabicæ sequuti recentiores fere omnes, elephantis causam frigidam & siccam esse prodiderunt, atram bilem non prius eam inferre dicentes, quam absumpta omnino fluxili, liquidaque ejus substantia, calor tandem prorsus dissipetur atque divanescat, terrena duntaxat eaque siccissima ejus parte cineri haud absimili superstiti. Idque perinde esse atque quum succensus ignis absumpto prorsus ligni humore, quo terrenæ ejus partes inter se junctæ cohærebant, evanescit, & extinguitur, siccissimum duntaxat cinerem pro ligno relinquens, quem accenso ligno, si conferas, frigidum existimes. His igitur auctoribus frigidus & siccus humor elephantiam progignit.

Ego vero (si de re tam controversa meam dicere sententiam licet) facile efficiam, ut hoc composito dissidio inter veteres concordia coeat, vel si dogma eligendum est, Græcorum potius sententiæ subscribendum sit. Quanquam acerrima ac calidissima atra bilis, quæ corpus rodere, & terram fermentare creditur, à frigido & sicco melancholico succo, temperie ac specie recedit atque dissidet: sæpe tamen veteres illam melancholici humoris appellatione designant & insigniunt: sive quod illa metu & mœstitia, aliisque melancholicis perturbationibus animum mentemque percellat & exagitet, perinde atque melancholicus succus frigidior, sive quod suæ procreationis initio, dum nondum vehementer incaluit, accensaque est, haud multum à feculento sanguine discreper, ut nec quum siccescens de suo calore non parum deperdiderit. His ergo ex causis, veteres maximeque Galen. elephantiam quæ reipsa nunquam aliunde quam ab atrabilario humore indecumque genitus sit, proficiscitur, sæpe à melancholico succo aut humore nasci tradunt, & Avicennas frigidum morbum esse prodidit.

Quanquam autem elephantiam omnis origo, ab atra bile ducitur, ea tamen pro affectorum corporum natura, & humoris è quo orta est, affectione, non parum & invadendi, serpendique modo, & symptomatis variat. Ut enim quæ elephantemprehenduntur corpora, minime ante hanc, melancholica, ut ita loquar, erant omnia, sed alia sanguinea, alia biliosa, alia melancholica, alia pituita falsa perfusa, alia ex iis mista: sic certe neque atra illa bilis ex uno eodemque humore perpetuo nascitur, sed interdum à succo melancholico, frigido & sicco, interdum à bile flava in vitellinam versa, interdum à nigrosa pituita originem habet. Quæ igitur ex frigido & sicco, eoque melancholico succo exusto procreatur atra bilis, quoniam ejus humoris, à quo non ita pridem ustione genita est, naturam conditionemque etiamnum redoler, diutius occultitur, nec nisi sensim lenteque tandem in externas partes erumpit: quo quum ventum est, elephantem levioribus symptomatis conspicuum profert: quem nonnulli frigidam causam habere idcirco dixere, quod manifesta caloris symptomata nulla statim corpori intentet nec incuriat. Quæ vero ab adusta flava bile sit, causæ suæ naturam redolens, multo tenuioribus partibus quum sit, brevi contami-

vilceribus, in extremitate corporis ocius exardescit, savissimæque incendii symptomata, nisi occurratur, inducit, quæ sui causam calidam esse manifestò demonstrant. Medio quodammodo se habet, quæ à falsa pituita proficiscitur. Quæ vero à sanguine fervidiore exusto proxime ad eam, quæ à præassata sit flava bile accedere deprehenditur: ut quæ à feculentò & crassiore, ad eam quam à melancholico humore fieri diximus. Quod autem proponunt nonnulli, quum jam consue serpendo processit elephantia, ut exhausta humida atra bilis substantia, cui calor insidebat, soli ejus cineres frigidiores supersint, ardoris, incendiique omnia symptomata tum remittere, morbumque frigidam causam habere, plane falsum est. Licet enimusti ligni cineres minime eum retinent calorem, quem vel ejus flamma, vel carbonēs exhibebant: sunt tamen integris rebus, à quibus demanarunt multo calidiores. Quod vini fæces demonstrant, quæ usque longe calidiores, acrioresque evadunt. Tantumque abest, ut vel atra bilis, aut nonnullarum aliarum rerum cineres frigidi judicari possint, ut etiam frigidorum quorundam cineres, non parvam unctione acrimoniam, caloremque conquirant, & assequantur, sicut experientia nos docuit, qua compertum est frigidissimi ac humidissimi argenti vivi cineres, catheticos, acres, urentesque esse. Ad hæc si frigida & sicca est elephantia causa, cur cedo non solum elephantiorum tubercula exedantur, & in profunda ulcera serpendo degenerent, sed etiam partium ipsarum extrema, vel humoris acrimonia absumpta pereant, vel corrupta, & putredine carieque confecta excidant? Non enim frigidus & siccus humor melancholicus, vel frigida & humida pituita, illorum possint esse operum causa: nisi immutata specie in alterius humoris naturam commigrarint. Quod igitur dictitant nonnulli, atram bilem per initia elephantia calidam, absumpta tandem liquida & fluente ejus parte, frigidam evadere, minime permutata specie, absurdum plane centeri potest. Habent enim singuli humores proprium & peculiare temperamentum, quod superstitie forma nunquam depercat. Calida enim semper bilis flava, calida & atra, ut pituita semper frigida, frigidusque semper melancholicus humor. Hæc tamen bilis alia calidior, frigidiorque interdum hæc, quam illa pituita censetur. Nisi forte putrescens, per febres pituita, quoniam incalescit manente forma, istius axiomatis veritatem convellat, atque labefactet. Sed hanc impermissam, veterum nonnulli vix unquam putredine sic incalescere censuerunt, ut febrem accersat, febres omnes biliosas arbitrati: quorum opinioni subscripsit Fernellius. Nec si putrescens incalescat, amplius pituitæ nomine insignitur, sed ejus humoris, in quem putrescens degenerat.

Elephantia itaque omnis calidam causam habet; quæ tamen caloris, siccitatisque ratione, pro corporis affectu, & humoris, è quo profecta est, natura, proque morbi tempore, non parum varia est. Quod & veterum auctoritate doceri potest, qui non alia ratione castrandos censuerunt elephanticos, quam quod testes vim maximam caloris, fervoremque in universum corpus effundant, qui elephantia causam exasperer.

Pomaceum è succo malorum dulcium maturitatem assequutorum, satis defecatum; satisque maturum, tenue, subflavum, & limpidissimum, quale in Neustria copiosum ferunt agri Constantini, elephanticiis & melancholicis ab atrabilario humore adeo salubre est, ut omne potionis genus bonitate vincat. Quod me longo usu, ratione duce comperiisse profiteor, & complures melancholicos hypochondriaco, quibus jecur & mesenterium morbo causam dederant,

ejus ope restituisse. Nam & tetros melancholiae vires, multò quam tyrapus è succo pomorum efficacius discutit, & cordi lætitiā adfert, & viscerum atque humorum siccitatem, ferinamque qualitatem omnem demulcet ac contemperat, & alimentum copiosum corpori præstat, & assuetis gratissimum existit. At pyræum omne & pomaceum, è malis acidulis expressum, vel vetustate coalescens, noxium existit, perinde atque omnia cruda & acidula vinā vulgo vidia appellata. Repudiandum & pomaceum, quod ex malis dulcibus expressum dulce quidem existit, sed nondum satis concoctum: multoque magis quod fecibus protus non depositis turbidum & crassum persistit, nec inclarescit donec acescat, qualia fere sunt in pingui Algæ solo nata. Copiosius quidem alimentum corpori suppeditant, & agricolis ac fossoribus expetuntur, sed quia obstructions pariunt, crassique succi copiam aggerunt, tum sanis tum agris noxia putanda sunt. Cotent igitur Medici, ut elephantici & hypochondriaci, quibus jecur & mesenterium (quod tere fit) vitio causam præbent, tenue, subflavum, pellucidum, beneque matutum pomaceum, pro generosissimo remedio veteribus quidem incognito, sed nunquam satis laudando, in vicem vini usurpent, quod tamen calidæ & siccae naturæ, præsertim vero æstate, aqua quadraute diluent.

Aliud gratum & innoxium poculenti genus, temperatis, aut non ita calidis naturis ex usu.

℞. Aquæ purissimæ ℥vj. scobis santali citrini ʒj. sacchari alb. ʒv. fervefacito horam dimidiam vase argenteo, aut in olla nova. Colo postea trajicito.

Aliud fervente magis humore commodius.

Habet aquæ purissimæ ℥vi. sacchari alb. ʒiv. scobis santali citrini ʒj. hordei integri P. j. succi mali medici acidodulcis ʒij. Conserveant aliquantisper, dein percolato, & utitur. Vulgus prisanam vulgarem, vel hordei decoctum semine fœniculi conditum, usurpet, vel certe (modo ventriculi & præcordiorum ratio toleret) purissimam & limpidissimam aquam.

Potus nonnullis divinus appellatus, calidis omnibus naturis, in calidis morbis omnibus utilis, si valet ventriculus.

℞. Aquæ optime ℥vi. sacchar. ʒv. succi limonum ʒj. (plus minus pro ventriculi & caloris nativi robore, aut imbecillitate & agrotantis palato) scobis santali citrini ʒj. Bulliant horam dimidiam, tum adjicito cinnamomi ʒss. colato & utitur.

Alii sacchari plus minusve inferunt. sumpta indicatione ab agrotantis natura, ætate, consuetudine, anni tempore, & partium nutritioni dicatarum constitutione.

Alius in elephante bilioso, fervente etiamnum circum viscera humore, commodior, sed insuavior.

℞. Radicum cichotii agrestis, uvarum passarum purgatarum, glycyrrhizæ singulorum ʒij. hordei integri P. j. scobis eburnæ & corn. cervini, sem. fœniculi, santal.

fantal. citrini, singul. ʒß. conserveant horam dimidiam in lb viii. aquæ, dein decoctum transcoletur. In magno ardore plantago & lactuca recte inferuntur.

Quum partium putredo invalescit, fervente etiamnum humore, profectu majore usurpatur, quod hic habet poculentum.

℥. Radicum cichorii agrestis, uvarum passarum purgatarum, glycyrrhizæ, singulorum ʒij. hordei integri P.j. saniculæ, bugulæ, pimpinellæ, calendul. ulmarizæ, plantag. lagopi, singulorum P.j. scobis eburnæ, & cornu cervini, fantal. citrini, singulorum ʒj. sacchari ʒvj. succi mali citrii ʒij. Coquito in aquæ lb viii. ad lb vj. decoctum, percolatum seponito, & utitor. Quum calor natus elanguescere incipiet, frigida detrahentur.

Destillatum instaurans magnatibus extra epulas in vini vicem ex usu affecta ætate & viribus labascens.

Vituli frustum & carnem capi in libris xvi. aquæ purissimæ, elixato dum viii. duntaxat libræ superfiat: adde sub finem veronicæ, utriusq; bugloss. borragin. pimpin. saniculæ, calend. bugulæ utriusq; plantag. scoriolæ, singulorum Mj. rad. tunicis & tormentillæ, seminis cardui, scobis eburnæ, & cornu cervini, singulorum ʒij. in colato jure, rursus adjicito conservæ buglossi, borraginis, violarum, nymphææ, ana ʒiij. conservæ ocellorum seu caryophyllorum nostratium ʒij. omnia in ollam vitream indito, ut in duplici organo aqua proluciat. quæ saccharo vel Syrupo è limonibus, aul violaceo & cinnamomi momento condita, usui apta sit.

Et his quidem, aliisque ejus generis potionibus, quas ex tempore & pro re nata, prudens & exercitatus medicus instituere poterit, elephantiasis occurreretur. Jam purgationum formulæ describendæ.

℞. Polypodii querni, seminis cartami, radicem cichorii & oxalidis, uvarum passarum purgatarum, foliorum sennæ, singulorum ʒss. coquito igne remisso horæ quadrantem, dein adde bugloss. borrag. lupul. scolopendriæ. ceterach. adianti, fumarizæ, epithymi, singulorum P. j. conservar. bugloss. borrag. & viol. an. ʒij. seminis fœnicul. & melonum an. ʒss. conserveant rursus aliquantisper, dein in decocto percolato tepido, macera horis duabus rhabarb. optimi ʒij ss. cinnamomi ʒss. in eodem expresso dissolve syrupi è fumarizæ ʒj. fiat potus mane sumendus hora quinta.

Si hoc ægre movetur cathartico Elephanticus, Catholici descriptionis Fernelii ʒj. remiscebitur.

Bolus si magis arridebit, esto hujusmodi.

℞. Atramenti cassiæ recens extracti ʒij. sem. fœniculi pulverisati gr. vi. Syrupi violati pauxillum.

Vel sic.

℥. Medullæ cassiæ recenter extractæ, Catholici descriptionis Fernelii, utriusque ʒj. syrupi violati ʒj. misce, præbeto mane tribus horis ante cibum.

Vel sic.

℞. Cassiæ recenter purgatæ ʒjss. rhabarb. pulverisati ʒjss. sem. melonum mundatorum & contusorum ʒss. sem. fœniculi, gr. iv. Syrupi violar. modicum, fiat bolus

Si undique tenues etiam humores detrahere expediat, confectiois Hamech. ʒij ss. inferentur, rhabarbato quidem detracto, si effrenis purgatio metuitur, sin minus eo etiam relicto.

Apozema primas corporis sedes expurgans, venarum infarctus melius expedit.

℞. Rad. petroselin. fœniculi, & apii, in aceto horis vi. maceratarum, singulorum ʒjss. rad. cichorii ʒij. rad. oxylapathi, oxalidis, asparag. & graminis, singulorum ʒss. foliorum sennæ ʒij. rad. hellebori nostratis præparatæ ʒij. Coquito in aqua ad doses tres, adde sub finem pimpinellæ, bugloss. borrag. endiviæ, scariol. lupulorum, omnium capillarium, fumarizæ, singulorum manipulum ss. florum cordi dicatorum, mentæ, epithymi, hyssopi, singulorum p. j. seminis fœniculi, coriandri præparati & melonum, singulorum ʒj ss. In colato decocto dissolve, syrupi è chichorio simplicis ʒiv. Clarificetur & condiatur ʒjss. cinnamomi, & ʒj. fantal. citrini.

Alius parandorum apozematum modus, quo nihil virium coctione deperit.

Omnia modò descripta simplicia medicamenta, in ollam argenteam aut terrenam induntur, cum eo aquæ modo quem superesse volumus, (ferè tamen apozema ad tres doses aquæ ʒvi. habet) olla dein luto philosophico obliata, in caldarium ferventis aquæ collocetur, ut horas tres conserveant omnia: ubi olla à lebate summo refrigerit, decoctum collo trajicitur: & syrupus aut saccharum additur, ut in tres aut quatuor doses alternis diluculis sumendas dividatur apozema.

Detracto helleboro, strenue quidem melancholiam detrahet, sed nec à cerebro, nec à venis majoribus satis efficaciter.

Syrupus solemnus.

℞. Polypod. rad. oxylapathi, oxalidis, cichorii, bugloss. & borrag. uvarum passarum, glycyrrhizæ, singulorum ʒj. quinque capillarium, bugloss. borraginis, scariolæ, endiviæ, chamædryos, singulorum M. j. Coquito in aqua ad lbj. Decoctum colo trajetum in ollam inditur, dein adjiciuntur foliorum sennæ purgatorum ʒvi. rad. hellebori nostratis præparati, seminis fœniculi, anisi & melonum, singulorum ʒß. agarici albi, rhabarbari selecti, contusi singulorum ʒss. succorum endiviæ, fumiterræ, malorum redolentium, bugloss. borrag. aquæ rosarum, ʒij. florum cordi amicorum, foliorum mentæ, hyssopi, origani, melissæ, singulorum p. j. epithymi ʒss.

Olla luto philosophico obliata, in duplici organo (balneum mariæ vocant) fervere sinitur horis quatuor. Decoctum denique colatum cum duplo sacchari perpuratum, in syrupum coquitur, in vase duplici, olla obliata: dosis ʒij. aut ʒij ss. aut ʒiij. cum pari portione decocti borraginis & glycyrrhizæ, bis, ter, quaterve mense.

Opiata.

℥. Uvarum passarum purgatarum, uvarum corinthiacarum, jujubarum, singulorum ʒjss. polypodii querni, glycyrrhizæ, utriusque ʒss. foliorum sennæ ʒiv. radicem bugloss. borraginis, & lupulorum, singulorum ʒj. coquito in aqua bugloss. igne remisso, ad lbj ss. dein adde utriusque bugloss. utriusque asplenii, adianti utriusque, singulorum M. ss. florum cordi amicorum &

& nymphaeae, singulorum p. j. sem. fœniculi, coriandri præparati, utriusque ℥ij. in decocti libra colorajecta, dissolve sacchari optimi ℔ij. Coquito in syrupum, cui adde conservarum buglossi, borraginis & viol. exquisitè contritarum, singulorum ℥iij. conservæ rosarum ℥i℔. conservæ ocellorum, qui & caryophil. ℥ij. sem. 4. frigidorum majorum mundatorum, sem. fœniculi, coriandri præparati, singulorum pulverisatorum ℥i℔. santal. citrini, cinnamomi pul. utriusque ℥℔. atramenti cassiæ ℥iv. fiat opiata mollis, ut ex cochleari vorari possit, cujus dosis erit ℥i℔. aut ℥ij. mane duabus horis ante cibum. Acrem ac ferinam omnium humorum qualitatem frequenti usu domat ac demulcet, viscerum & humorum siccitatem temperat: quicquid ventriculorum & intestina obsidet, strenue detrahit, simulque primas venas & viscera ipsa, obstructione liberat, earumque partium im puritatem sensim ac blande in alvum deducit & expurgat.

Huc pertinet syrupus saporis purgatorius, à Mesue descriptus, & syrupus è cichorio compositus, cum ℥iv. rhabarb. pro libris singulis: hujus, aut illius, si tria cochlearia opiatae superdantur. plenior, nec tamen molestior erit effectus. Dantur per se ab ℥ij. ad ℥iij. idque ex cochleari, cum aquis cardiachis. Catholicum à Fernelio descriptum invalescentibus cruditatibus, & crascentibus humoribus commodissimum.

Ius pulli purgatorium.

℥. Decocti pulli gallinacei, & virulinae carnis ℥viii. in quo macera per noctem foliorum fennae mundatæ ℥℔. mane bulliant horam dimidiam, igne valde remisso: dein in percolato decocto, rursum fervere facito borraginis Mj. buglossi oxalidis, an. p. j. origani, hyssopi, thymi, singulorum paucillum; decoctum percolatum, & præbeto tribus horis ante epulas. Si radicis nostratis hellebori præparatæ ℥j. inferetur, melancholicum humorem validius detrahit, nec nocuerit, modò ex longioribus intervallis repetatur. Simplex enim modò descriptum, semel aut bis quaque hebdomada tuto usurpatur, velut & opiata.

Præparantia melancholicum humorem, quibus inter purgationum vices utendum erit.

Accipe radicem apii, petroselini, & fœniculi, in acetum maceratarum horis vi. uvarum passarum purgatar. glycyrrhizæ, radicem buglossi, borraginis, lupulorum & cichorii, polypodii querni, visci querni, corticis radicem capparis, & tamarisci, singulorum ℥℔. coquito horam integram in olla nova, dein inferito buglossi, borraginis, endiviæ, scariolæ, fumarizæ hepaticæ, utriusque asplenii, adianti utriusque, singulorum M. j. conservæ florum violarum, borraginis, buglossi, nymphaeæ, epithymi, singulorum ℥℔. quatuor sem. frigidorum majorum, sem. endiviæ, lactucæ, fœniculi dulcis, singulorum ℥ij. in decocti libra dissolve syrupi è succis descripti ℥iv. Syrupi Byzantini ℥ij. parato apozema clarum & conditum ℥j℔. santal. citrini, & ℥j. cinnamomi. Præbeto ℥iv. ante singulos pastus, idque in triduum ante singulas catharthes. Convenit quum pars humorum fervet & exurit, pars verò jam retortida, contumaces obstructiones invexit, quas solvere tetros vapores discutere, cordis arcem ab iis tueri, & incendium internum restinguere, consilium est.

Aliud in elephante bilioso superiore, nisi obstructiones multæ insint aprius, incipiente, augescente & vigente, bilis retortidæ fervore: Eo enim represso, alia

præparatione opus est, quæ postea tradetur.

℥. Rad. cichorii sylvestris ℥ij. radicem oxalidis, lupul. buglossi, borraginis, uvarum passarum, polypodii, singulorum ℥℔. glycyrrhizæ ℥ij. coquito igne remisso horam unam: dein adde utriusque asplenii, utriusque buglossi, utriusque adianti, lupul. fumarizæ, endiviæ, scariol. plantaginis, singulorum M. j. conservæ, buglossi, borraginis, violarum, nymphaeæ, epithymi, singulorum ℥℔. quatuor seminum frigidorum majorum, seminis fœniculi & endiviæ, coriandri præparati, scobis eboris, & cornu cervi singulorum ℥ij. in libra decocti, percolati dilue syrupi de endivia, descriptione Fernelii ℥iv. paretur apozema conditum, santali citrini ℥j. & cinnamomi ℥iv.

Syrupus è succis, melancholicum humorem & bilem atram demulcens.

℥. Succorum depuratorum utriusque buglossi, & pomorum redolentium, singulorum ℔℔. succorum oxalidis, lupul. & endiviæ, singulorum ℥ij. sacchari albi ℔℔. Perpurcato ovorum albuminibus agitatiss, atque in syrupum coquito, cinnamomi & santali citrini, utriusque ℥j. f. conditum. In quem dein nodulum qui isthæc contineat, diu macerari fines.

℥. Croci ℥℔. granorum tinctoriorum ℥j. ambaris cinericii coloris gr. vj. ligni aloes ℥j. fiat nodulus.

Ulus tempore, miro profectu inseritur tenuissimus pulvis auri præparati, pondo ℥j. mane præsertim duabus horis ante epulas: vorandus autem ex cochleari, ne quid auri pereat bis, terve in hebdomade.

Syrupus alius qui, dum tetros melancholici humoris vapores strenue discutit, cordi etiam jucunditatem atque hilaritatem, & incensis atque conflagentibus humoribus refrigerium præstat.

℥. Sacci cerasorum rotundorum, rubicundorum & acidulorum, bene maturorum ℔i℔. succorum buglossi & borraginis, utriusque ℥vi. in quibus macera noctem integram florum ocellorum, seu caryophyllorum nostratium ℥i℔. Mane expressis & adjectis floribus, alios rursum indito, quos exactis horis 24. exprimas & abjicias eandemque operam tertio aut quarto repetito: in expressis, tandem succis sacchari par pondus diluito, ligni deinde aloes & santal. citrini momento adjecto perpurgatum præsidium in Syrupum coquito.

Si succi fumarizæ ℥vi. inferatur, insuavius, sed adversus melancholicum humorem efficacius remedium fuerit.

Syrupus de endivia à Fernelio descriptus, locum habet in elephante bilioso, quamdiu incendio conflagent viscera.

℥. Conservæ florum caryophyllorum nostratium ℥vj. conservæ florum utriusque buglossi ℥iij. conservæ rosarum, & nymphaeæ, utriusque ℥i℔. conservæ florum viol. ℥ij. pulv. elect. diamarg. frigid. ℥j. scobis cornu cervi, eboris, & coral. singulorum ℥℔. auri præparati ℥i℔. ambar. gr. vi. syrupi è succis supra descriptis q. s. Conficito opiata, utitor. mane, & sub horam somni, quum tetros bilis atræ vapores discutere, & cordi lætitiâ conciliare est animus.

Si propria ac peculiaris ægri natura, aut humorum exuperantium qualitas, aut anni tempus, præsidium, quod magis refrigeret, postulare videbitur, conservæ florum cichorii rectè inferetur; sin contra, quod magis concoquat, ac flatum discutiat, conservæ helenii, mentæ, & florum rorismarini, singulorum semuncia.

℞. Radicis siccae helenii, uvarum passarum, glycyrrhizæ singulorum ℥ij. polypod. quercini, corticis radicis capparis & tamaricis, singulorum, ℥ss. coquito igne remisso, in aqua purissima, ad ℔j. adde sub finem coctionis asplenii, utriusque sicci p. ij. & quum ab igne summoventur, absynthii vulgaris succi p. i. conservæ viol. bugloss. borraginis, nymphaeæ, & epithymi, singulorum ℥ss. In colato decocto, dissolve syrupi de succis suprapositi ℥iv. Hoc apozemate ante pastus utendum fuerit ex intervallis, quum flatus & cruditates invalescent. Cruda mire concoquit, crassa enim attenuans, & serosa ac tenuia coctione incrassans, flatus discutit, viscera obstructionibus liberat & corroborat, tetros melancholici humoris vapores discutit & mitigat: ut semel dicam, morbis omnibus à cruditate & frigida causa, aut viscerum imbecillitate natis, supra opinionem opitulatur, & tamen nihil calore nimio exurit; sed præparatus humor melanagogo medicamento ex intervallis repetito detrahendus.

Si fortè à jecoris siccitate & fervidioris bilis acervo metus est, ne repetito hujus apozematis usu insolescant, (quod tamen in senibus calore insito jam effecto & frustrata concoctione minime pertimescendum esse comperi) sylvestris cichorii radicis ℥ij. commodè inferentur, & opportune interjicietur purgatio. Huc pertinent Syrupus de Epithymo, Syrupus de asplenio, & Syrupus Byzantinus, & multo efficacior, qui sic habet.

℞. Rad. helenii siccae ℥iv. macera horis vi. in succis utriusque bugloss. dein adde omnium capill. epithymi, singulorum M. j. conservæ florum caryophyl. bugloss. borraginis, rosarum, singulorum ℥ss. fervefacito igne valde remisso horam dimidiam, adjecta aqua sufficienti: tum imposito absynthii sicci vulgaris p. j. & ab igne summovento: in expressione dissolve sacchari albi ℔j. Coquito in syrupum conditum, ℥i℔. cinnamomi, & ℥j. santal. citrini.

Ufus erit ante pastus ex cochleari ℥i℔. pro dosi, ad imminuentem ex utriusque visceris obstructione & imbecillitate, hydropem, cruditatem, atque ad omnem insiti caloris à frigida causa languorem. Cruda enim & crassa omnia concoquit & attenuat, frigida & serosa coctione incrassat, flatus discutit, fuliginosos atrox bilis vapores dissipat, viscerum obstructiones expedit, ventriculi jecoris, cordis, & pulmonum robur tuetur, augetque.

Remediorum cardiacorum & alexiteriorum forma.

℞. Conservæ caryophyl. seu ocellorum, bugloss. borraginis, violarum, nymphaeæ, rosarum & cichorii, singulorum ℥ij. auri in tenuissimum pollinem redacti, vel auri foliati, ℥j. scobis eboris, & cornu cervini, coralli. unedonum, scobis cornu unicornis, singulorum ℔j. ambar. optimi grana vi. Syrupi de succis q. s. fiat opiata, utenda mane ante epulas ℥j. aut ℥i℔. pondere.

℞. Conservæ florum bugloss. borraginis, caryophyl. nymphaeæ & cichorii ana ℥j. mithridat. theriacis, utriusque ℥i. scobis cornu cervini ℥j. Syrupi de nymphaea q. s. fiat opiata. Præfertur in re tenui, quod minori constet, & facile patetur, præsertim si calor jam deferbuit: nam æstuante etiamnum humore, quæ sic habet commodior erit.

℞. Conservæ florum cichorii ℥ij. conservæ florum nymphaeæ, bugloss. borraginis, rosar. singulorum ℥j. rasuræ cornu cervi ℥j. conservæ ocellorum ℥j.

seminum quatuor frigidorum majorum purgatorum, singulorum ℥ij. Syrupi de succis, descripti q. s. fiat opiata.

℞. Scobis cornu cervini & eboris, unedonum, ossis à corde cervi singulorum ℥i℔. coral. ℥ss. auri præparati aut bracteolarum ipsius ℥i℔. ambar. ℔ss. conservæ caryophyl. & borraginis ana ℥ss. sacchari rosar. sextuplum, fiat conditum.

Aliud in re tenui.

℞. Scobis cornu cervini ℥j. scobis eboris, coral. margaritarum splendorum, singulorum ℥j. conservæ bugloss. borraginis, nymphaeæ, ocellorum & cichorii, singulorum ℥ij. sacchari ros. q. s. fiat conditum. Inclinate calore, incalescentibus autem cruditatibus, mithridatii & theriacis utriusque ℥j. inferetur; usus erit ex cochleari ante pastus, atque etiam sub horam somni.

Detractis conservis ex utroque condito, pulvis fiet ex cochleari, ut conditum, ante pastus vorandus.

℞. Radicis tormentil. scobis cornu cervini & eboris, margarit. corall. singulorum ℔j. scobis cornu unicornis, ℔ss. pulv. elect. diamargarit. frigidi, & de gemmis utriusque ℥j. sacchari alb. diss. in aqua ros. ℥vi. fiat elect. per tabellas pond. ℥iij. quarum usus erit ante pastus.

Aquæ stillatitiæ, quæ ad frænandam luis venereæ perniciem præscriptæ sunt, hæc etiam locum habere possunt: Alterutrus autem ℥ij. cum syrupi violacei ℥j. opiata, aut condito, aut tabellæ superdabuntur, quæ tamen sequitur peculiariter, elephanticum virus domat, ac serpentem putredinem inhibet, deploratis præcipuè ad protrahendam vitam frequentî usu commodissima.

℞. Utriusque veronicæ, bugloss. borraginis, betonicæ, plantaginis, faniculæ, buglæ, lagopi, ulmarie, calendulæ, symphiti minoris, florum hyperici, & sambuci, cacuminum centaurii minoris, pimpinellæ, singulorum Mij. Contundito omnia, dein in ollam novam indito permittis, quæ sequuntur.

℞. Scobis cornu cervini ℔ss. scobis eboris ℥ij. radicis tormentil. runcis, dictamni, singulorum ℥j. Conservarum nymphaeæ, cichorii, ros. bugloss. borraginis, singulorum ℥iv. aquarum stillatitiarum cardui benedict. agrimonii, scabiosæ, succisæ, singulorum q. s. ut superemineant. Harum tamen loco præstantissima est aqua à sanguine humano, e plethoricis bene habentibus secta vena detracto, & à sero secreto elicitæ.

Omnia olla conclusa ac luto philosophico obsignata in balneo Mariæ triduum macerantur, dein in alembicum vitreum conjiciuntur, ut aqua eliciatur, dosi ℥iij. cum ℥j. Syrupi violacei. Aqua à fecibus humanis elicitæ multis profuisse creditur, cujus tamen nullum feci periculum. Sed pane hordaceo atque hordeatis vulgo appellatis eam vesci oportere tradunt, è cuius stercore elicietur: saccharo, aut syrupo accommodato, & santal. momento condiri debet, & mane ægris nescientibus propinati.

Fotus emolliens & rarefaciens.

℞. Radicum altheæ & liliorum, sem. lini, rad. helenii recentis, singulorum ℥ij. malvæ violaris, parietariæ, acanthi, anagallidis, meliloti, chamæmeli, singulorum M. j. fiant duo sacculi, ferveant in æquis partibus aquæ & vini albi, ad fotum partis.

Unguentum emolliens, rarefaciens ac detergens cutem.

℞. Violariæ, mucaginis, sem. lini, & radicum altheæ extractæ in decocto meliloti & chamæmeli ℥iv. butyri salis expertis, ol. è sigillo Mariæ, & bryonia quod postea tradetur, singulorum ℥iij. ol. è myrrha elicti ℥ß. concinnetur linimentum, quo mox à foru pars illinatur.

Fotus emolliens, rarefaciens, & discutiens oculis ex usu crassescens membranarum.

℞. Fœniculi viridis, chelidoniæ, euphrasiæ, chamæmeli, meliloti, malvæ, violariæ singulorum M. j. sem. fœniculi & lini, rad. altheæ singulorum ℥ss. absynthii sicci p. j. Confice sacculos, quos in aqua & vino albo fervefacies ad fotus oculorum.

A foru aqua instilletur hujusmodi.

℞. Chelidoniæ, euphrasiæ, fœniculi, symphiti minoris, faniculæ, singulorum M. vi. sem. fœniculi cum aqua euphrasiæ macerati ℥j. Contusa omnia cum mellis libra, fimo equino in olla nova obruantur dies vi. dein aqua arte chemica eliciatur.

℞. Tutia præparata ℥ss. aluminis usti, vitrioli usti, utriusque grana iv. sacchari candi. ℥ss. lapidis calaminaris sexies usti & extincti aceto, & postremo in aqua fœniculi ℥j. conficito pulverem tenuissim. tergendis & absumendis oculorum albuginibus, & attenuandis crassescens membranarum commodissimum.

℞. Succorum chelidoniæ, euphrasiæ, & fœniculi, singulorum ℥ij. sacchari candefacti ℥iv. vitrioli usti grana vi. Coquantur in syrupum oculis instillandum ex intervallis.

℞. Unguenti de tutia ℥ss. cui adde vitrioli usti, aluminis usti, utriusque grana ij. saponis alb. ℥j. conficito linimentum.

℞. Calcis vivæ ℥ß. fecis vini siccæ & calcinatæ ℥iv. diluito in lixivio claro cineris filicis & corricis fraxini, dein sæpius transcolato, ac tandem per feltum lixivium elicto limpidum, denique vase æneo ad mellaginem coquito. Elephantica omnia tubercula exterit.

Aliud dolore molestius.

℞. Sublimati ℥j. pul. mercurii ℥ß. unguenti rosæ, descriptionis Mesues paulum, ut fiat linimentum.

Discissa tubercula in crustam indurat, qua decidua adæquate parti cicatrix inducitur.

Alius emplastri forma.

℞. Vitrioli calcinati, auripigmenti usti, utriusque ℥ij. emplastri de cerussa ℥ß. malaxentur simul cum unguento rosæ Mesue, fiat emplastrum, cujus portiuncula, discissis elephanticonum tuberculis, præmunita, refrigerant, & emplastico præsidio vicina, ne medicamenti acrimoniam & fervorem sentiat, imponetur.

Emplastrum quod maculas Elephanticonum cutem deturpantes extirpat.

℞. Cantharidum pul. ℥ß. saponis nigri q. s. ut unguenti fiat consistentia cum aceto modico, imposito ac finito dum vesica extuberet, superdato tamen

emplastico remedio, quod vesicatorium contineat.

Simplicia ad balneum Elephanticonum.

℞. Malvæ, violariæ, parietariæ, acanthi, singulorum M. iv. fumiterræ, morsus gall. utriusque M. iv. radicem altheæ, sem. lini, utriusque ℥ij.

Unguenta Elephanticonis à balneo illinienda.

Succi fumiterræ ℥ß. aqua rosæ ℥iv. rad. serpentariæ majoris ℥ij. Coquito dum radix contrabuerit, & succus pene assumptus sit: terito, dein adde axungie porci butyri recentis, axungie capreoli, singulorum ℥iv. hydrargyri præparati ℥iij. Caphuræ ℥ij. fingito linimentum.

Vel sic:

℞. Butyri recentis salis expertis, axungie porci purgatæ, utriusque ℥iv. eluito sæpius in succo fumiterræ, vel si hyems est, in aqua rosarum, dein addito, ac diligenter permisceto argenti vivi perpurgati ℥ij.

Catapotia ex hydrargyro quæ retorrída bilis, & omnium acrium ac malignorum humorum ferociam domant & compescunt, eosque sensim expurgant, nullo ventriculi incommodo.

℞. Argenti vivi cum panis adhuc calentis mica, manibus ut plumbagine deponat ac expurgetur, diu subacti ℥iij. longa agitatione exactè misceto cum succi limonum momento, & olei è myrrha deprompti, semuncia adjecta terebinthinæ Venetæ, aqua rosæ elotæ ℥ß. his postea adde auri purissimi præparati in tenuissimum pollinem, vel si id desit foliorum auri ℥ß. ambaris ℥j. pulv. elect. Diamargaron g. frigidi & triasantalon simpl. utriusque ℥ij. aloes ℥i. fingito massam cum sequenti magmare.

℞. Foliorum sennæ integrorum ℥ß. j. rhabarb. in frustula dissecti ℥iv. rad. arefactæ & tussæ, hellebori nigri nostratis ℥j. diem unum macerato in œnostagmate, quod dein exprimito & vitreo vase exceptum adjecta sacchari parti portione in diplomate exhalare finito, dum magma mellaginem referat. Remedii hujus dosis fuerit ℥ß. aut ℥ij. quindecim alternis diluculis, tribus horis ante cibum catapotiorum specie.

Calidis naturis commodius erit, quod sic habet.

℞. Hydrargyri à plumbagine repurgati ℥j. exactè misceto atque extringito in æquis paribus syrupi de limonibus & de succo salviæ, adjecta terebinthinæ in aqua rosæ elotæ ℥ß. dein adde elect. Diamargariton frigidi & triasantalon utriusque ℥ij. pul. elect. tragacanthi frigidi ℥i. myrrhæ, croci, gentianæ, ana ℥j. rhabarb. pul. ℥iij. Aloës lotæ in aqua endiviæ ℥i. auri præparati ℥j. fingito massam, addendo ambaris moschi optimi, utriusque grana vi. syrupi de stœchad. q. s.

In re tenui aurum detrahatur.

Omnium remediorum Elephanticonum vires superat catharticum nostrum metallicum, acrem omnem ac ferinam humorum omnium qualitatem ac malignitatem mirè obtundens, ac nihilominus blandè adeò alvum solvens, ut pueris & prægnantibus tuto dari possit. Constat ex hydrargyro & auro

sic permittis atque immutatis longa maceratione, ut vim catharticam assequantur. Una autem & eadem opera & pituitam, ac crassos omnes humores expurgat, & eulidam ac siccam viscerum constitutionem emendat, datur granotum sex pondere. Hoc remedium Cadomi præparat Petrus Philippus, olim nobilis Typographus. *Julius Palmarius de Morbis contagiosis lib. 4.*

*Curationes, Consultationes, Observationes
& Anatomica inspectiones
ex variis.*

Curationes.

Elephantiasis seu elephantica lues, est tantum involucri corporis aliqua cutemque imprimis, eamque certis duntaxat in locis possideat, tamen ægerrimè, licet primum illa incipiat, præcaveri, multò minùs si confirmata sit, curari poterit, præsertimque si hæreditaria sit. Necdum qui eam curarunt, hætenus inventi fuerunt, quamvis ii qui psozam, falsò, ab imperitis pro elephantiasi habitam, curarunt, se elephantiasim sanasse, gloriantur. Quæ licet ita sint, tamen non negligenda hæc lues, statimque ab initio huic, omnibus artibus occurrendum, & si penitus impediri nequeat, saltem ut protrahatur quàm diutissime fieri poterit, cura adhibenda. Atque ubi vitia eruperint, hisce delendis incumbendum, ne ægris si invalescant, tandem exitium pariant, cum nisi id fieret diu sæpè possent supervivere. Dein & cum deformitatem summam hæc vitia creent, ut minùs suspecti, diutius in hominum consortio versari queant, cura interdum palliativa illis quoque adhibetur. Quam magnates à Medicis sæpè magnis promissis efflagitant.

Curatio elephantiasis duplici modo instituitur: Primum generatim toti huic morbo accommodata, postea particulatim vitiis tantum illius inde natis.

Generalis Curationis scopus in eo consistit, si fieri possit, ut causam hujus luis, venenum scilicet illud evacuantibus educamus & qualitatem venenatam inde natam emendemus: Verum cum quæ peculiari quadam vi id efficiant, vel certis evacuationibus, ut in lue venerea, in hac non sint hætenus inventa, eoque modo in curatione illius procedere nequeamus; Curationis methodus plerumque vitiis hisce pravis, quæ nascuntur delendis, accommodatur. Et proin cura non adeò absimilis huic, quæ in psoza perversa, aliisque pravis maculis, pustulis ulceribusque malignis usurpari solet, in elephantiasi quoque instituitur, sequentibus modis.

Purgationes prout corpus humoribus superfluis, vel excrementis scatere cognoscimus, instituuntur, cum eas causæ venenatæ accommodare nequeamus, quam tamen ad melancholicum humorem educendum plerique dirigunt, præcipueque ea quæ illius excretionem moliantur, seligunt, permiscendo, illius humoris acrimoniam suâ humiditate & frigiditate conterperantia, quæ cum & aliis acribus salis & biliosis pertinacibusque humoribus expurgandis competant, uti in cæteris vitiis externis inde genitis, in scabie perversa & in lue venerea, sic & in hac lue, in qua & hæc plerumque congeruntur, locum habebunt. Quibus corpora hæc præcautionis loco & ne augeatur malum, veris & Autumnii tempore unâ vice vel pluribus purgamus: Interdum & intermediis temporibus, si impuritas cordis illud requirat.

Perficitur autem hoc ritè: Primum levioribus communia excrementa eluendo: Ut injectione Clysternis stimulantis, qualia passim describuntur, eaque quæ in melancholiæ verè cura descripta sunt, hinc quoque possunt competere.

Vel datur eo nomine Cassia, Catholicon, Tryphera persica, vel Saracenica, Diasena dissoluta cum aquis convenientibus, vel decocto cicerum, aliove, vel cum Sero Caprino.

Vel ℥. Rhabbarbari infusi in aqua Endiviæ, vel sero lactis 3j. vel ʒiv. Syrupi rosarum solutui ʒiβ. Cassiæ vel Catholici, vel Tryphere persicæ ʒβ. aquatum Buglossi, fumarie q. s. fiat potio.

Horum loco vomitus aliquando, cum, ut minùs excrementa coacerventur, juvet, in consue is provocandus, tum levioribus sumptis, tum etiam fortioribus, Hellebori præsertim usu concitatus.

Præparatio ante purgationem humorum præmittitur, cum syrupis, ut violarum vel fumarie simplic Buglossi, Endiviæ; Vel etiam fumarie composito, Nymphaeæ, de Cucurbitis, dissolutis cum aquis fumarie, Lupulorum, Buglossi, Endiviæ, Cichorii, Acetosæ, &c. Aromatis. pulvere Trionfanti, vel santalis.

Vel hoc decocto: ℥. Buglossi utriusque cum radicibus M. ij. rad. Graminis, Asparagi, Liquiritiæ ana ʒij. cort. Cappari, Tamaricis ana ʒj. Herb. Endiviæ, Cichorii, Lactucæ, Capill. ana M. j. florum cordial. Cicerum rubr. ana P. j. quatuor semin. frigid. Major 3vi. Sem. anisi ʒij. Passul. mund. ʒij. fiat decoctio & in ʒiijβ. dissolve de syrupis prædictis, q. s. vel adde saccharum, aromatis. Trionfantaloni: Pro ʒ. vel 6. vicibus.

Vel utatur Julepo præparante in Melancholiæ cura exposito:

Qui ℥. Syrup. viol. borrag. &c.

Aut eo qui ℥. Succorum Buglossi utriusque de Pomis redolentibus.

Vel decocto quod ℥. Rad. Buglossi utriusque.

Purgamus post præparationem progressam sequentibus:

℥. Rhabarb. infus. in aqua Endiviæ ʒj. Agarici trochisc. infus. in syr. ros. sol. ʒij. Confect. Hamech. vel Diasenæ sol. ʒiij. Syrupi viol. ʒiβ. dissolv. cum aqua fumarie, Lupulorum, &c.

Vel detur, Bolus: ℥. Catholici ʒβ. Conf. Hamech ʒij. de succo Ro. ʒj. cum saccharo, fiat Bolus.

Aut hæc potio: ℥. Herbarum cum radicibus Buglossi alterutrius, vel Cichorii aut Endiviæ, foliorum fumarie, summitat. Lupuli ana Mβ. seminum Endiviæ, Portulacæ, Melonum, Citri ana ʒβ. Anisi ʒj. florum Cordial. P. j. passul. mund. ʒj. Prunorum num. v. pulp. Tamarind. ʒβ. Radic. liquit. Polypod. ana ʒj. Foliorum Sennæ mund. 3vi. Epithymi ʒij. adde sacchari, q. s. fiat potio. Possunt infundi Myrobalani vel Rhab. vel electuaria in ea dissolvi.

Horum loco dari possunt purgantia in Melancholiæ cura descripta;

Ut potio quæ ℥. Catholici ʒj. &c.

Vel quæ ℥. Sennæ, Polypodii, &c.

Vel Pilulæ ibidem propositæ.

Præparamus & purgamus interdum simul hoc Apozemate:

℥. Radic. Graminis, Asparagi, Rusci, cortic. Cappari, Fraxini, Tamaricis ana ʒij. Temperentur in vino acidulo, vel addito pauco Aceto, radic. liquiritiæ ʒiij. Rad. Enulæ ʒj. Herbarum cum radicibus Buglossi, utriusque Cichorii, Acetosæ, Lapathii ana Mj. Herbarum fumarie, Lupuli, Mercurialis, Scabiosæ, Capillarium ana M. ij. Herb. Endiviæ, Dentis Leonis seu rostri porcini, lactucæ, Hepaticæ, Lenticulæ

Lenticulæ aquat. ana M. j. Betonice, Thymi, summit. Rosmar. Chamæpit. Chamædr. ana M. ss. Florum Cordialium, Geniæ, Tamaricis, Nenuphar. ana P. j. Semin. quatuor frigid. Majorum ℥j. quatuor seminum frigid. Minorum ℥ss. Sem. Acetosæ ℥ij. Sem. anisi ℥iij. Sem. fœniculi ℥ij. Cicerum rubr. p. j. Passularum enucleat. ℥ij. ss. Prunorum n. x. Jujub. Sebesten. ana par. v. Tamarind. ℥j. Polypodii quern. ℥iv. Senne ℥iij. Seminis Carthami conquass. ℥iij. Epithymi ℥vi. Coquantur omnia in aqua cum radicibus, earumque infusione ut dictum, addendo sacchari q. s. aromatiz. Santalo citrino, cinamomo. vel pulvere Trionfantalon, vel Diamarg. frigid. Pao 5. vel 6. vicibus.

Per vices purgationes instituuntur, alias continuando per aliquot dies, alternis, ternis, quaternive semel, vel bis usurpando, prout corpus excrementis redundare videmus.

Syrupi, in hanc rem parantur, qui ad usum diutius conservari possunt; Componiturque ex apozemate predicto purgante & preparante convenienter talis. Recipiendæ radices, herbas, flores, fructus, semina uti illic demonstratum, atque addendo Tamarind. ℥ij. Polypodii ℥vi. Foliorum Senne. quart. j. ss. Seminis Carthami conquass. ℥iij. Epithymi ℥j. Hellebori nigri ℥ss. factaque decoctione in f. q. colaturæ, infundendo Myrobal. citrin. indurum conficcat. oleo amygdal. dulc. ana ℥iij. Rhabbarbari ℥ss. Spicæ ℥ss. Cinamomi ℥j. Agarici trochiscati ℥v. factaque expressione, miscendo syrupi rosarum solutivi ℥iv. Sacchari ℥ss. & decoquendo ad consistentiam syrupi; Cujus decens quantitas per se, vel cum jute Cicerum, aut sero lactis, vel decocto Mercurialis exhibeatur, vel cum aquis convenientibus.

Ex succis sic fiet; ℞. Rad. Polypod. liquiritiæ ana ℥iij. foliorum Senne ℥iv. Seminis Carthami conquass. ℥iij. ss. Epithymi ℥vi. Tamarind. ℥ij. passul. ℥j. Semin. Anisi ℥ij. fiat decoctio in sero Caprino & in colaturæ ℥iij. adde succorum fumaricæ, Lupulorum, Buglossi alterius, scabiosæ, Lapathii ana ℥iij. Iterum decoquantur & despumentur, addendo Sacchari ℥ss. coquatur ad consistentiam, aromatizetur Santalis & cinamomo ad usum. Si succus Mercurialis addatur, erit efficacior.

Hellebori dilutum seu decoctum, ut ipsius acrimonia minuatur, aliqui sic parant. Fit decoctum in aqua ex endivia, cichorio, Buglossio, utroque, atque in ℥vi. colaturæ infunditur Hellebori nigri radic. incisorum ℥iij. ss. & post macerationem aliquam decoquitur ad consumpt. duarum patrum. Et de tertia dantur ℥iv. cum syrupi viol. ℥ss. continuando per aliquot vices.

Epithymi pulverem ad ℥ij. cum sero Caprino per mensis spatium & ultra propinant. Operabitur melius si pulveris & Epithymi, & Sennæ ana ℥j. Tartari ℥ss. Sacchari Candidi ℥j. cum sero detur, aliquandiuque continuetur, quibus & alia ut Turbith addi possunt, & quæ grata sunt, pauca aromata. Quæ rectius quam pulvis Diasenæ, quem alias commendant, propinantur.

Electuarium gratum laxans: ℞. Pulpæ Cassiæ fistularis ℥iij. Pulpæ Tamarindorum ℥iij. Pulpæ passul. majorum & Prunorum dulc. rob. de Pomis redolentibus ana ℥j. Syrupi violac. & Ros. solutivi ana ℥iij. Diagrydii ℥ij. Subtilissime triticum Sacchari Candi ℥ss. Turbith. ℥iij. Pulv. rad. Liquirit. & Cinamomi ana ℥iij. ss. Misce in formam electuarii: Capiat ℥ij. experiundi primum gratia, postea plus minusve prout operatio successerit.

Medicamentosum saporem magis habebit, si omisso Diagrydio, & Turpeto, hisce pulpis Catholicon,

Typheram, syrupum rosarum solut. cum infus. Rhabbarbari addas; Item pulv. Rhabbarbari, Sennæ. Vel fortiora solutiva elect. ut de succo rosarum, Hamech, Diasenam, de Citro similiaque.

Convenient & in eisdem usus ejusmodi per vices usurpatæ purgationes, in melancholicæ cura expolite: ut apozema vel syrupus ex succis parata; vel vinum aut electuarium: Pulvis item.

Uti & alia aliqua, quæ in cura scabiei perverse fuerunt, declarata ut serum lactis cum permissione aliorum; Syrupi item usuales decoctaque purgantia. Ex succis paratus syrupus, dein & vina purgantia. In primisque Infusum vel decoctum Hellebori porionellæque aliæ, electuaria & pilule, quorum illic meminimus.

Multa quoque in lue venerea exposita purgantia, maxime quæ in acrum humorum redundantia illic competere diximus hic quoque usurpari poterunt.

Finita purgatione visceribus robur additur, exhibitione conservarum rosarum, Buglossi utriusque Cichorii, Violarum, Capill. Nenuph. vel tabul. Diarrhodon, Trionfantalon Diamargaritonis; vel Theriacæ, cum conferva Buglossi similibusve.

Sanguinis detractio per venam sectam, Veris & Autumnii temporibus, cum generales purgationes sunt, ante horum usum institui solet, ad generalem totius corporis evacuationem faciendam, cum aliquin per eam semina hujus luis, quibus sanguis invenis, uti ostendimus infectus non est, tolli nequeant, atque eo nomine minimè institui debeat. Fitque hæc in brachio atque in plethoricis mox quoque sequentibus diebus in manu vel pede: Vulgò si sepius phlebotomia utantur, hac malum precaveri posse creditur; Cum tamen per eam corpore exhausto, lues citius & amplius invaleseat. Temere quoque ut vulgatæ opinioni satisfiat, sanguis, ut ex eo lues hæc cognoscatur, dum examini sistuntur, emittitur & censetur.

Scarificationem singulis mensibus repetitam, in scapulis, tibiis, adhibitis insuper cucurbitulis, convenire admodum credunt; vel etiam sanguifugas illic adhibitas.

Menses movere, si tardi vel omnino suppressi sint, valde utile; venâ Malleoli sectâ, aliisve illud præstantibus.

Hæmorrhoides provocare in primis quoque conveniens, applicitis in podice sanguifugis, aliisve admodum.

Ustio per Cauteria actualia & potentialia, si forte extremum hoc remedium aliquid efficere posset, aliquando tentatur, non solum in brachiis aut tibiis, ut magis consuetum, sed & in capitis superficie quandoque facta.

Castratio in virili sexu à veteribus in desperatis interdum instituebatur; idque forte quoddam per eam totius corporis temperamento immutato, in iis sic effeminatis redditis, atque aliam planè constitutionem adeptis, morbum hunc facilius cessurum, crederent. Quo remedii genere eo minori cum difficultate sunt usi, quod elephantis alioquin ne alios inficiant, congressus interdictus sit, & illis sublata virilitas nullum afferat in ea functione ipsis non necessaria incommodum; utque etiam eo nomine & coitu arcerentur, quam ut sic curarentur.

Alteramus ipsorum corpora, ut si fieri possit in meliorem statum ducantur: Verum cum intemperies, non manifesta, ratione hujus luis se patefaciat, non quæ certa qualitate contraria illi resistent, possunt illi opponi: Sed usurpantur plerumque quæ acrum humorum proventum impediunt, eosque

contemperant. Dein & cum observatur in ejusmodi corporibus siccitas, ariditasque & consumptio quædam; quæ humectando reficiendoque corpora ejusmodi, restaurent reficiantque, plerumque ipsis præscribuntur. Inter quæ multa ex illis quæ in hectica competere diximus, hæc quoque possunt convenire: uti & sequentia.

In Aëre puro, non valdè fervescente, sed temperatioris versentur, sintque procul ab illis qui hac lue infecti sunt, semoti.

Cibus euchymus ex carne juniorum animalium, jusculis, ovis, lacticinis, oleribus, fructibusque humectantibus & temperatis: Ut in hecticis & consumptis convenit.

Ranarum uti & Astacorum fluviatiliū & Testudinum aquaticarum & nemoralium carnes comestæ, uti in hecticis sic, & hæc probantur.

Potus sit aqua vel vinum non nimium potens vel dilutum: Interdum & lac caprinum bibant, aliaque decocta in hectica exposita.

Medicamenta varia quæ refrigerant & humectant seu temperata sunt, atque acres humores contemperant, hinc inde in aliis vitiis externis descripta, hæc quoque possunt competere. Uti & illa quæ in febre hectica describuntur: Julepi, Syrupi, Aquæ, Confectiones, Condituræ.

Inter reliqua hoc electuarius maximè illis conveniet:

Quod ℞. Conf. florum Buglossi utriusque ʒi ss. florum Cichorii, Violarum, Nymphææ & Rosarum ana ʒj. Capill. Vener. Rosinar. ana ʒss. Rad. Buglossi condit. ʒj. specierum Trionfantalon vel Diarrhodon, Diamarg. frigid. ana ʒss. trochiscorum de Camphora ʒj. cum syrupo de Pomis redolentibus, misce.

Superbibat aquas Fumariæ, Lupul. Buglossi utriusque, Endiviæ, &c.

Alia multa quæ hepati conveniunt & lienī quorum vitio sanguinem immundum genitum lui huic occasionem præbere putant, propinant, & foris simul hisce visceribus applicant, passim in morbis ipsorum ab intemperie calida & obstructione progressis descripta. Quæ tamen nisi hæc viscera manifestè sic affecta cognoscamus, inutiliter plerumque usurpantur.

Antidota quædam quæ peculiari vi elephantiasi contraria esse creduntur, præ cæteris commendantur, suntque sequentia.

Viperarum carnem quocunque modo assumptam, in primis elephantiasi resistere, plerique statuunt. Alii etiam aliorum Serpentum cujuscunque generis, etiam cæcorum usu, cutem cum vitiis illi adnatis abscedere posse, ex eo colligunt, quod cum ejusmodi serpentes exuvium quotannis exuant, hoc ab innata illorum carni vi procedere, & proin etiam in homine idem operari posse, existimant.

Exhibetur autem hæc caro ipsis, præparata variis modis: Alias cocta in jure aliquo convenienti cum sale, uti anguillarum caro, pelle etiam, uti in illis, prius detracta, aut alioquin per coctionem derafa, capiteque & caudâ amputatis, & exenteratis visceribus: sic enim, cum se anguillas comedere, illis persuadeatur, minùs à cibo hoc abhorrebunt. Licet & aliter sic coctam & dein incisam, aliove modo conditam, ut minùs eam agnoscant, præparatione possimus efficere. Cujus usû cutem squamarum, instar certis in locis vitiatis abscedere, alioqui prodiderunt.

Sufficit & jus interdum, in quo caro hæc coxerit, ut illud sorbeant, vel unâ cum carne comedant. In quo præter sal, semen Anisi, Anethum decoqui possunt;

alii etiam Mentham addunt vel Portum.

Syrupus ex Jure prædicto Serpentum, addito Saccharo, Cinamomo, aliquando coquitur, ut ad usum diutius asservari possit: Eaque formâ sæpius exhibetur.

Alii, si Gallinæ carne serpentum tamdiu donec penæ illis decendant, saginentur, & postea coctæ comedantur, idem præstare docent.

Sunt qui & Vinum in quo vipera extincta fuerit, propinatum præbent.

Exiccata quoque caro viperarum, ut diu ad usum servari, & cum non passim vipera inveniantur, etiam alio transmitti queat, in trochiscos redigitur. Ad quos parandos sumitur caro ipsarum tantum, abjectis uti dictum etiam extremitatibus & visceribus, atque cum Anetho & sale in aqua coquitur, postea tunditur, & cum panis triticeī incis quarta parte in pastam cum jute subigitur, indeque in Pastillos formatur atque exiccatur: Talesque Pastilli, trochisci de Therio quo nomine viperas Græci appellant, vel de vipetis nominantur. Licet è serpentibus aliis eodem modo paratos, æquè efficaces esse aliqui judicent.

Hi autem trochisci rariùs per se, sed cum consensu permixti usurpantur. Quales in electuario supradicto descriptæ fuerunt. Cui & si trochiscorum horum ʒj. vel plus addatur, efficacius reddetur. Dein & cum hi trochisci Theriacam subeant, eam propter ipsos, vel quia aliàs venenis resistit, huic veneno adversatur, Elephantiasis quoque exhibent.

Astacorum fluviatiliū, cancrorum vulgò dictorum carnem, eadem vi quâ & serpentum operari ex eo quod uti illi exuvium sic & cancri testam quotannis mutant, colligunt, nec solum vi reficiente, quâ & prodesse diximus, sed & hac potissimum operari, putant.

Herinacei terrestres carnem exiccatam seu assam in cibis quoque exhibet Dioscorides & Salamandram aliis medicamentis miscet: Quæ si quid in hac lue possunt, proprietate quâdam illud moluntur.

Sanguinem humanum à recenter jugulato, bibitum, profuisse, historiarum aliquarum, si non potius fabularum sint, testantur: Aquam inde destillatam similiter probant.

Cornu Cervi & Eboris rasuram elephantiasi, ut & aliis venenis resistere aliqui docent. Imprimisque magnatibus, unicornu, ut pretium augeatur, commendant, magni faciunt.

Smaragdi pulvis exhibitus aliquibus magni fit.

Lepræ perfectam curam Chymici pollicentur, per legitimum usum Auri potabilis, Tincturæ Antimonii exaltatæ, Tincturæ veræ & genuinæ Coralliorum, adhibitis specificis purgantibus, inter quæ extollunt, Arcanum Corallinum, Mercurium dulcem, pilulas Antimoniales per secessum tantum purgantes; Clarissimus D. Hartmannus Viridelli, & Essentiæ sulphuris vitrioli dulcissimæ usum, in cura lepræ in sua præxi Chymiatrica docet & commendat.

Externa remedia, quibus in generali elephantiasi utimur, sunt Balnea, si fortè illorum continuo usû vis illa venenata & maligna cuti membranisque impressa, auferri atque extirpari posset, & si hæc lues maturè præcaveri, aut etiam si jam invaluerit, curari; Vel saltem per hæc in delendis tuberculis, ulceribus & cutis scabritie, quousque hæc deformitas palliari. Suntque ejusmodi balnea vel naturalia vel artificialia.

Naturalia balnea sunt aquarum dulcium calefactarum, quæ certis temporibus corpore prius & postea quoque bene purgato, frequenter usurpata; Veris & Autumni temporibus, ante & post prandium; in iis sedendo,

sedendo, perseverando in usu horum per tot dies, donec cutis efflorescat, rursusque sanetur, de hac causa maligna in superficie cutis latente, multum demere possunt.

Thermæ Naturæ calidæ validius id præstant, Sulphuræ præsertim, quales sunt in Helvetia nostra, in Argovia Badenses, in Valesia Brigenfes, aliæve alijs in locis, quæ uti scabiem cujuscumque generis, vi singulari, uti in ea dictum, sanant, sic & in lue hac eadem vel malignam illius vim absolvere, vel tantum vitia inde nata, si non penitus, saltem ex parte delere possunt; si diu illis, uti alias fieri solet, utantur. Eoque nomine ad has thermas non solum cum de hac lue constat, sc. ut malum celare aliquandiu possint conferunt, sed & cum de ea adhuc dubii sumus, post examen, eò, an fortè aliqua inde sequutura esset mutatio, illos ablegamus.

Artificialia balnea humida in quibus sedeant, illisque uti de naturalibus dictum, diu utantur, ex aqua fiunt, in qua varia, quæ eadem rarefaciendo & detergendo pravos succos absumant, decoquuntur. Qualia sunt ex radicibus cum foliis, Althæa, Lapathum, Ebulus, Enula: radices item Ari, Serpentariæ, Cucumer agt. Bryoniæ, Cyclaminis, Iridis, Raphani, Hellebori utriusque, Liliorum; Item herbæ unâ cum radicibus, Malva, Buglossum utrumque, Cichorium, Endivia, Sonchus, Beta; Item Abinthium, folia item Sennæ, fumariæ, Lupuli, Scabiosæ, Saponariæ, Parietariæ, Violariæ, Hepaticæ, Lenticulæ aquaticæ, Senecionis, Acerosæ, Agrimonis, Artemisiæ, Plantag. Polytrichi, Hederæ utriusque Chelidonii utriusque, Nymphææ, Tamaricis; Flores Chamomill. Melilori, Sambuci. Deia & favæ aliæve legumina. Furfur macrum, Semina Lini, Fœnugræci, & Cucurbitacei generis.

Hiscæ plerumque sulphur, Alumina vel Sal addunt, maxime ubi jam aliquoties leviori decocto usi fuerint.

Adduntur & alia, fortè artium causâ, Primulæ veris, chamæpitys. Item odoratæ plantæ, ut Calamintha, Rosmarinus, Lavendula; sunt qui & quinque Aperitivas radices addant.

In scabie perversa exposita balnea humida non multum ab hisce differentia, hic quoque locum habere possunt: Imprimisque efficax illud quod Gypsum cum alijs recipit. Uti & decocta quædam, quibus maculas vitiosas ablui debere, in illâ ostendimus, pro balneo hic usurpari poterunt.

In sanguine humano si sedeant, eoque balnei vice utantur, profuisse quibusdam, historiæ aliquæ testantur.

Sicca balnea in aëre calefacto, cum nimum corpus accendant, & violenter ad superficiem corporis, humores propellant, non ita probantur. Possumus tamen & illis, ex suffitâ decoctionis balnei humidis, leviter calefactis & tepidatis, aliquando corpus, antequam balneo humidum intretur, ut hoc melius operetur, sic disponere.

Illitiones variæ quoque extrinsecus pro generali etiam cura hujus luis fiunt, in corpore hinc inde ubi præsertim cutis pustulosa, ulcerosa & scabra tumidaque occurrit, ad vitia hæc tollenda, & si fieri posset, malignam illam impressam qualitatem aliquo pacto auferendam. Fiuntque ex illis quæ vi exiccante detergenteque illud agant, additis insuper iis, quæ proprietate quadam id efficere posse existimantur, qualia à Serpentum genere desumpta existunt, sic axungiam illorum inunctam; idem quod carnem ipsorum assumptam, præstare posse, putant, nimirum ut cutis inde cum vitis illi adnatis abscedat. Uti & oleum in quo caro Serpentum coxerit,

vel serpens vivus suffocatus fuerit: Carnem ipsam coctam aliqui inunctionibus quoque miscent.

Ex prædictis itaque tale fiat Unguentum.

℞. Radic. serpentar. utriusque, Asphodeli vel liliorum, Enulæ campanæ, Betæ, croci sarivi ana ℥ij. pistentur optimè oleo rosaceo omphacino. adde unguenti Citrini ℥ss. Axungia Serpentis ℥ij. Terebinth. ℥ss. Olei de frumento vel vitellis ovorum ℥i℥. Olei de Tartaro ℥ij. Sulphuris vivi, Nitri ana ℥ij. Lithargyrii vel cerussæ ℥ss. Boracis usti ℥vi. Tutie præpar. Sarcocollæ nutritæ, thuris ana ℥ij. Mucilaginis sem. lini ℥ij. Succo lapathi, fumariæ, limonum, ana ℥ij. Agitentur invicem in formam nutriti: Ungantur partes scabre, ulcerosæ & pustulosæ.

Vel fiat tale: ℞. Succorum Limonum, vel arant. vel citri, Lapathi, fumariæ, scabiosæ, Enulæ camp. ad ℥ij. Aceti ℥ij. Aquæ vitæ ℥j. Olei rosaceo omphac. Myrtillorum vel Mastichini ana quart. j.℥. coquantur ad succorum consumpt. addendo olei vitellorum ovorum ℥ij. de Tartaro ℥i℥. Saponis gallici ℥ij. Axungia serpentis ℥iv. Pomatæ ℥ij. Fellis tauri vel hirci ℥ss. Mucilaginis sem. psyllii vel lini ℥ij. Mellis ℥i℥. Radic. Ari vel serpent. cucumer. agrest. cyclaminis, Ireos, ana ℥ij. Hellebori utriusque ℥ij. seminis staph. agt. Raphani ana ℥j. Boracis & Tartari usti ana ℥ss. Sulphuris vivi ℥ij. Ossis sepis ℥ij. Cochlearum terrestr. cineris ℥j. Camphoræ ℥i℥. Lithargyrii tutiæ & cerussæ ana ℥i℥. Agitentur diligenter & fiat linimentum: Pro partibus affectis in corpore.

Hiscæ & alia addi possunt, veluti oleum de frumento, de semine raphani, oleum in quo coxerit serpens, succus cyclaminis; item Nitrum.

Posset & argentum vivum hisce unguentis addi, quod licet venenatam illam vim in elephantiasi, uti in lue venerea, minimè extirpet, & proin non cam uti illam sanet, tamen quia vitia hæc externa in cute, in utriusque admodum emendare solet, ob eam causam illis quandoque misceri poterit, non tamen eâ quantitate aut ea ratione, præsertim si generaliores fiant inunctiones, qua luis venereæ venenum expellit, non possit hoc in elephantiasi præstare, sed saltem ad vitiorum ablationem opitulari, & proin in particularibus, quæ tantum ut pustulis adhibentur remediis, rectius usurpatur. Quod si tamen generalibus etiam inunctionibus permiscere velimus, poterimus prioribus unguentis primò præsertim, argenti vivi ℥j. addere.

Vel tale cum eo linimentum parare;

℞. Unguenti Citrini quartarium j. Olei ovorum ℥j. Olei de Tartaro ℥ss. Argenti vivi dissoluti cum pauca terebinth. & unguento prædicto. ℥ss. Succo Limonum vel arantiorum ℥i℥. Boracis ℥ij. Radic. serpentariæ vel ari, lapathi & asphodeli vel liliorum, parum tostorum & contus. & cum prædictis mistorum ana ℥ij. Misce.

Si prædictis linimentis & unguentis theriaca Andromachi & oleum Juniperi admisceantur valde, augebitur ipsorum virtus & operatio.

Particulares applicationes, vitis tantum adhibentur, à lue hac prodire solitis, ut licet lues hæc sanari nequeat, saltem vitia hæc minus deformant aut noceant. Usurpanturque tum in vitis externis, si forte ea delere vel aliquo pacto imminuere aut obliterare, ut minus appareant, possint, ut pustulis & ulceribus internis, in Dyspnæa, atque oculorum Pellicula.

In pustulis externis, tuberculis, aliisque tuberositatibus cutis, tum in facie ubi magis patent, tum aliis in locis, applicantur remedia; Fiuntque ex illis quæ exiccando, detergendoque potissimum illud agant,

vel vi potentiore & caustica. Quâ ratione & curis nigredinem in cosmeticis & maculas & pustulas rubras aliasve pravas, ut vitilignes simileque deleri, in ejusmodi vitiis ostendimus. Quæ remedia externa illic exposita, tam leviora, quàm fortiora, uti & interdum caustica illic enarrata, cum pustulæ delendæ sunt, hîc quoque locum in ejusmodi vitiis tollendis habere possunt: Quæ variis modis & formis applicantur.

Ex illis quæ nondum erodunt, aquæ destillatæ ad faciem plerumque usurpantur. Qualis hæc est.

℞. Sulphuris ℥vi. Tartari calcinati ℥ij. salis nitri, vitri crystallini calcin. ana ℥j. Thuris, Myrrhæ, ana ℥ij. Camphoræ ℥j. Succu Lapathi, ℥iv. Succu Limonum ℥ij. Aquæ rosarum, florum fabarum vel florum Nymphææ aut Plantag. ad ℥vj. destillentur.

Alia aqua: ℞. Tartari calcinati quartar. j. Boracis ℥ss. Thuris vel Mastiches ℥ij. Sacchari candi ℥j. Camphoræ ℥j. pulveris, & subigantur cum mucilagin. Seminis psyllii vel infus. Gummi tragacanth. factis cum aqua flor. fabarum vel nenuphar. ℥vi. albumin. ovorum agitatis num. 3. succu Limonum vel Arantiorum ℥ij. vel iij. Destillantur in Alembico.

Aliæ aquæ quoque idem præstare possunt in discoloratione, inter cosmetica expositæ efficaciores, quæ urinam, tartarum, sublimatum cum cæteris recipiunt, vel ex pluribus componuntur & in pustulosa rubra facie, descriptæ aquæ, imprimisque illæ quæ Lithargyrium & tartarum cum aliis admittunt. Dein & in maculis aliis diversorum generum ibidem declarata aquæ ex variis compositæ & cum tartaro effectæ.

Liquor albus, quo instar lactis virginalis uti possunt, ad illinendam faciem alve tubercula.

℞. Lithargyr. ℥ij. Aceti albi ℥vi. Succu Limonum vel arantiorum ℥ij. Aluminis vel salis gemmæ ℥ij. Tartari calcinati ℥ss. Camphoræ ℥j. Macerentur & agitentur sæpè, ad usum, vel coquantur parum, si statim eo uti velimus.

Vel sulphuris, salis nitri & Crystalli seu vitri Crystallini tenuissimè triti aquæ portiones, parum coquantur, in aceto forti albo: Et cum colatura facies illinatur.

Alii liquores in facie pustulosa in discolorationibus descripti cum sulphure, vel lactei ex lithargyrio parati, horum loco usurpari poterunt. Uti & lac virginalis in maculis aliis ibidem declaratum.

Inunctiones privatis partibus adhibentur variæ, quales in discoloratione copiosè sunt expositæ, ut in cosmeticis, unguentum citrinum, quo facies illinitur, potissimum, paratum uti illic descriptum fuit. Dein & in pustulosa rubra facie, propositæ ex variis concinnatæ: Uti & in aliis maculis illic descriptæ, ex succis plantarum, aliisque inde petitis, & ex oleo vitellorum ovorum & tartari, aliisque cum helleboro factæ; Item ex sanguine leporis & fellibus. Inter quæ Capræ sylvestr. fel in elephantiasi probat Dioscorides, oleum lacertæ etiam hîc magni fit.

Aliud ad pustulas valde efficax unguentum.

℞. Aloës ℥ij. Radic. Asari ℥j. Hellebori utriusque ana ℥ss. Seminis Staphis. Agr. ℥j. Colocynthid. ℥ss. Fellis auri q. s. fiat linimentum.

Ex argento vivo, in discolorationem uti & in luis veneræ maculis & pustulis enarratæ illitiones, hisce quoque vitiis appositæ; admodum opitulatur, quæ inde peti possunt.

Aliqui hoc remedium extollunt: Ova duo vel tria macerentur in Aceto forti tamdiu, donec testa consumatur, postea contundantur, addendo quartam partem illius aceti; misceaturque pulvis Thuris, Pro facie inungenda. Si saponem nigrum vel aliud addas, efficacius erit.

Caustica quibus ad pustulas delendas utimur, in discolorationibus copiosè fuerunt in macularum cura exposita, ex sublimato plerumque preparata. Uti & caustica, quibus in elephantiorum vitiis delendis quoque uti possemus.

Vel fiat talis illitio. ℞. Unguenti Citrini, olei de Tartaro an. ℥ss. succu limonum ℥j. sublimati ℥ss. axung. Serpentis vel gullinæ ℥ss. fiat linimentum: Pro facie.

Sunt qui vermes natos in serpente sub terra defosso colligunt, eosque siccatos cum Cantharidum a quo pondere & acri aceto subigunt, atque in unguentum redigunt.

Ablutiones faciei fiunt, ut unguenta aliaque ablueamus, ex decocto fursuris macri, fabis conquassatis, illarumve Corticibus, cineribus, oryza, Hordeo, lupinis confractis saltem non in farinam redactis, ne passa cum decoquitur, fiat, sicuti & decoctum pro facie illustranda, in cosmeticis fieri diximus. Cui decocto & flores Fabarum, Nenupharis addi possunt, & Malum arantium in frusta dissectum prius.

Vel lavetur facies aliis aquis, ut florum fabarum vel decoctis, in facie tuberosâ rubrâ, vel fuscâ, in cosmeticis & maculis expositis.

In ulceribus externis, serpentibus, callosis, multa ex illis remediis, quæ pustulis convenire diximus, juvare poterunt. Vel utimur illis quibus alia prava ejusmodi ulcera curari, in doloribus exposuimus:

In pilorum casu topicis præsidii in pilorum defluvio in deformationibus prolixè expositis, illud quoque vitium avertere studebimus.

In pustulis internis & ulceribus inde natis, narium, palati, faucium, non alia remedia, quàm quæ in cæteris harum sedium ulceribus, in doloribus descripta sunt, quoque adhibentur. Uti & sic columella exesa sit, raucedoque inde proveniat, sicuti in utroque hoc affectu quoque ostensum, procedendum.

In dyspnæa & raucedine, pulmonum affectorum causa, quæ in illis affectibus cura describitur, etiam hîc adhibebitur. Et si narium obstructarum causa difficulter aërem attrahant, illic quoque, quid agendum, declaratum fuit.

In oculis enascens pellicula carnea rubra, ne pupillam obtegat, & cæcitatem pariat, mature quantum & quandiu fieri poterit, impediendum, idque non alia ratione, quàm ea, quæ in panniculi oculi cura, in visus læsionibus, tum si alias ob causas, tum ob hanc luem eveniat, fuit copiosè descripta. Quod si palpebrarum accedat rubedo, xerophthalmia vel scabrities, eodem quoque modo in illis, uti in aliis illorum ejusmodi affectibus, procedendum. *Felix Platerus Praxeos Medic. T. 3.*

Consultationes.

De Lepra. Pro Eleganti Muliere Cretensi.

Cum Juvenis Hebræa Cretensis, annorum 20. temperamenti calidi, & sicci, menstruis parcius fluentibus, totius corporis pruritum divexata fuisset; cum tuberculis, quæ Effere vulgo; iidem prorsus subsistentibus biennio abhinc, universum illi corpus fœdatum est; cum ulcusculis in dies magis, magisque serpentibus, atque ichores acres; & mordaces jugiter effundentibus; quibus non raro accedebant rigores, & febres; iique aliquando exsiccatis, squamosa excrementa emergunt; recrudescentibus tamen paulo post denuò majori molestia ulcusculis eodem

eodem ichore manantibus. Quæ affectio pluribus hætenus in Patria tentata remediis; sanguinis frequenti scil. educatione ex saphena; duobus fonticulis utriusque interno femori inuistis, ac feri lactis caprim usu, cum impermixti, & copiosioris, tum addito rhabbaro. Extrinsecus quin etiam succis refrigerantibus, & aliquando detergentibus applicitis, nec prætermisso balneo universali ex aqua dulci detergentibus alterata. Quæ cum irrita fuerint, Medicam exposcit manum.

Primò itaque hujus affectus essentia, & causæ inquirendæ, atque cum pruriginosarum cutis affectionum plures sint, species duplex tamen potissimum earum genus complectitur, universalium, & particularium, præsens affectus particularibus non est accensendus, ut patet ex ejus historia: proinde, nec herpes nuncupandus, quo laboravit Illustis illa patiens, à Gal. memorata 14 Meth. cum eodem teste, malleolum obsederit. Universalis autem triplex cum sit, Scabies, Lepra, & Elephantiasis, de hac postrema omnis prorsus abest suspicio; quæ cancer est universalis, Galeno, in qua varia in cute prominent tubercula, in fronte potissimum, aures sunt acutæ, resimæ nares, labra crassa, & tumida, cutisque subrubra, & dura torpescit, ex Gal. Lib. de Morb. Causis. 2. ad Glauco. & Libro de Arra bile, quorum nullum in hac Patiente est conspicuum. Quamobrem statuendum censeo, affectum hunc vel esse scabiem feram, & confirmatam, vel Græcorum lepram incipientem, ab Avicenna Albatam nigram nuncupatam, cum squammæ se prodant, lepræ indicio luculento, Actuatio teste, inter Græcos non obscuri nominis 2. Method. Utcunque tamen, cum utriusque affectus eadem sit causa, præter solum discrimen ejusdem gravioris & levioris, censendum est, præsentem ortum ducere à sanguine melancholico exusto, in jecore fervidiori genito, nec per uterum statim circuitu ex temperamento patientis, ætate, vita præterita, & potissimum ex regione ipsa; qui sua crassitie uteri venas prorsus obstruens, atque ad partes cutaneas refluens, tenuiori sui parte solum pruritum antehac inducit; crassiori verò sub illis coacta, altius carnem depascit; inusta quin etiam intemperie calida, & sicca, qua putum sanguinem, qui in earundem partium alimentum cedit, corrumpit; atque affectum præsentem fovet, juxta Pauli, & Aristotelis sententiam, quod scil. lepra non solam cutis superficiem sed & intima absumat.

Quæ cum ita se habeant, quàm difficilis curationis futurus sit hic affectus, patet luculentissime cum sit in habitu, à quo periculum insuper imminet elephantiasis, seu lepræ Arabum. Prout enim Elephantiasis Græcorum in lepram facessere potest, contemperato humore, & expurgato sanguine illo sæculento in visceribus, & venis redundante, & ab iis ad partes cutaneas transmissio, ita non difficili negotio lepra in elephantiasin desciscit, exuberante vicissim atra bile, atque viscera ipsa gravante.

Curatio itaque tentanda, atque humores corrupti cuti impacti detegendi, non sine aliqua adstrictione, & partis corroboratone, fluxio derivanda mensis cientibus, & ad alias partes revocantibus, tum novus hujus humoris proventus prohibendus, jecur refrigerantibus, & humectantibus, atque pars affecta contemperanda. Tandem boni succi alimentis sanguis impurus reparandus, corroboratis visceribus, cum venoso genete, quo humores corruptos à se propulsent, & extrudant, ac partes ipsæ idoneo alimento nutrantur, præmissa

universali corporis purgatione, quam hucusque accuratius institutam missum facimus.

Chirurgica itaque præsidia quod spectat, prout nobis commendatur repetita sæpius sanguinis missio ex partibus inferioribus præmissio uteri fori, ex humectantibus, & modicè attenuantibus, quod sanguis fluidior fiat, adhibitis frequentibus pedum, & crurum frictionibus, ac lotionibus aqua alterata malva, althæa, floribus, chamæmeli, & meliloti: ita temporis progressu, sanguis corruptus in partibus sub cute conclusus, cucurbitulis scarificatis iisdem affixis, vel hiudinibus appositis educendus fuerit, referatis quinetiam hæmorrhoidibus, derivationis causa; quanquam huic evacuationi naturam assuefaciendam non esse censeam, hoc potissimum ætatis flore, ne facta hac materiæ metastasi, in totum supprimatur menstrua purgatio, cum sterilitatis periculo; ut hanc ob causam nubere quàm maxime ipsi consultam censeam, licet non sine præsentis conjugis discrimine, cum affectus sit contagiosus.

Pharmaceutica plura quidem suppetunt interna, & externa, atque in internis duo, me iudice, potissima. Primò quidem viperæ in cibi usum per multos dies, in modum anguillæ, abscisso capite, & interioribus rejectis, ob venenosam harum partium naturam, atque amputata cauda, velut nulli usui, per diem in aqua maceratæ, adeptis exuviis, mox cum oleo anethino in aqua, cum modico sale coctæ, summo opere in hoc affectu commendatæ ab Avic. & Actuatio, atque propriâ experientiâ maxime ex usu compertæ, longè quidem potiori ratione, quàm solum vinum, in quo eadem extinctæ fuerint elephantiasin sanat, ex Gal. Lib. de Subfigur. Empir. & Isagog. Cap. 12. ubi plures memorat hujusmodi historias; cujus propterea potum suaderem. Aliud remedium accommodatissimum erit lactis potus asinini in primis, velut magis detergentis, & tenuioris substantiæ: quotidie manè ad libras duas, cum saccharo, & cremore tartari, quo dejectorium fiat. A quibus, continuare poterit usum jussulorum ex cichorio, cum ejusdem succo, ad unc. 1. quotidie, non prætermittis aliis, aperientibus, & mentes cientibus.

Externa remedia erunt primò valida detergentia; in quibus linimentum ex sulphure vivo, nitro, sale, lapatho, & lupinis exceptis oleo amygdal. in formam linimenti; quo illinendum totum corpus, immergendum primò in Aquis Thermalibus sulphureis; vel aqua marina moderatè calida, tertia qualibet nocte per horam ante cœnam, quintum, aut sextum; quæ excipiant refrigerantia, & humectantia, & potissimum Balneum aque dulcis, inuncto toto corpore oleo amygdalino, contemperandæ cutis siccitati.

Quibus accedat recta victus ratio; in qua abstineat ab omnibus carnibus, & piscibus salitis; quibusvis leguminibus, carne bubula, caprina, cervina; avibus palustribus, atque omnibus aliis melancholiæ feracibus; nec non à vinis generosis, & subastringentibus: quorum loco uti poterit piscibus petrosi, carnibus agnini, yervecinis, cucurbitis, melonibus, lactariis, hujus generis refrigerantibus, & humectantibus, ac vino item albo, tenuis substantiæ, oligophoro, & aliis hujusmodi. Quæ ut ad vota succedant, faxit Deus salutis Author *Benedict. Silvatic. Consil. & Resp. Medic. Cent. 4.*

Elephantia incipiens.

Nobilis annos quinquaginta natus, carnosus quidem, sed tamen squalidus, & ad eum accedens habitum qualis est ictericorum, facie rubicunda, seu ex rubro livescente, sanguine crasso nigroque perfusa, qua maculae nigrae, aut lividae, interdum exoriebantur, ut etiam in reliquo corpore, sensu nullo aut obtuso praeditae, sed sine siti, sine cibi fastidio, & aliis symptomatis gravioribus. Infinitas hic portiones hauserat medicas, & sudoribus corpus exsicaverat in balneis calidioribus, non sine valetudinis iactura. Verebatur ne Elephantia corripereetur, cuius jam videbatur rudimentum.

Rescripsit D. Fernelius hac remedia.

℞. Radicis acetosae, lapati acuti, & Enulae campanae, Polypodii quercini, seminis Carthami, Passularum mundatarum an. ʒss. Endiviae, Cichorii, Plantaginis, Buglossi, Boraginis, lupulorum, Fumariae, Cuscutae, Ceterach. Chamædryos, chamæpityos, an. m. j. florum violarum p. ij. Fiat decoctio ad ʒxv. In colatura infunde per noctem Epithymi ʒss. Foliorum Sennae mundatorum ʒv. agarici albi ʒij. gingiberis ʒij. Manè bulliant parum, & fiat expressio in qua dissolve succorum depuratorum Fumiterrae & Plantaginis an. ʒiv. Sacchari albi lib. j. ʒ. Fiat syrupus perfectè coctus, dosi ʒij. vel ʒijss. cum sero lactis, quinto aut quoque sexto die.

℞. Conservae Buglossi, Boraginis an. ʒj. Rasurae eboris, & cornu cervi, an. ʒj. Mithridatii veteris ʒij. Misce pro duabus dosibus post purgationem, horis iij. ante cibum.

Post tertiam aut quartam purgationem vena secetur interior brachii sinistri, detrahaturque sanguis ad ʒx. Deinde si qua ratione fieri potest, referentur haemorrhoides: primum quidem fortibus emollientibus & alterantibus: deinde suppositoriis ex hiera simplici, cum succo Mercurialis, vel cum felle: aut si foris conspicuae sint, & intumescant, affixis hirudinibus: ut his rationibus sanguis ater & melancholicus emanet. Quum ita corpus diligenter preparatum evacuatumque fuerit, perutilis erit balneatum usus ex aqua dulci potabili usque ad multos dies continuatus, mane jejuno stomacho: sed eâ ratione non admodum calidae sint, verum duntaxat tepidae, ut corpus tantum humectetur, non autem sudores eliciant.

Victus observandus refrigerans, & humectans: Cremor hordei jejuno maximè conducit, cum praesertim non est opus medicamentis. Juscula quoque ex pullis gallinaceis, carne vitulina aut vervecina, cum buglossis, boragine, oxalide, lactuca, & plantagine. Si vinum ætate circumcidatur, ejus vice saluberrima erit aqua hordei, vel alius potus in laborantis gratiam comparatus.

Si quæ partes in cute existunt nigricantes aut lividae, nullo vel obtuso sensu praeditae, his affigantur cornua vel cucurbitae exiguae cum scarificatione, eoque fatis alto, ut sanguis promanet, sensusque revocecur.

De Elephantia.

Quum de his, quæ in facie Io. Bocquirese produnt, non benè inter doctos Medicos conveniat alique affirmant aspectu illum esse horridum: & leoninos oculos, supercilia glabra, rarefcere barbam,

nares humiditas, multisque tuberculis tum intus, tum foris deformes cum incipiente ulcere. Hinc respirationem difficilem, tonsillas ulcerari, cum voce rauca & obscura: alii verò istorum quiddam deprehendi negent, & tubercula, si qua, sunt rubra apparere. Necesse est signa, de quibus inter celebres Medicos certatur, omninò obscura & infida latere neque ab his judicandum quenquam elephanticum, neque si, quæ dicta sunt, omnia compareant judicandum propterea est elephantiae initium, cum praesertim probè corpus alatur, nullusque pedum aut manuum stupor aut refrigeratio subit, qui elephantiam statim initio concomitari solet. Neque si elephantiae initium adsit segregandus idè est laborans ab hominum consortio, quum nondum corpus aut spiritus graveolens, nec putredo ea sit, cujus contagione vicinos labefactare possit. Ita igitur de re controversa & litigiosa nos subsignati doctores Medici censuimus Johannem Bocquiret etiam crasso aut melancholico sanguine suffusum, & tuberculis subrubris deformem nondum esse inter elephanticos numerandum, nec segregandum ab hominum consortio.

At si posthac malum omnem medendi vivendique rationem aspernetur, nullisque cedens remediis ingravescat, & manifestiora de se indicia proferat, tum satis opportune quid agendum fuerit æquiore judicio decernetur. Curatio verè suscipienda. victus refrigeret ac humectet. Purgetur singulis hebdomadis apozemate. Vino potius abstineat. Calida autem omnia, & venenata pharmaca tum purgantia, cum alexipharmaca declinet, cujusmodi sunt scammoniata, mithridarium, theriaca, & utquæ non modò non juvent affectum, sed etiam humores adurant, & morbum conduplicent. *Ioh. Fernelius Consilior. Medicor. 70.*

Observationes.

Cuidam ad elephantiasin vergenti ita consultum est, iussus est in totum abstinere vino, aut eo dilutissimo uti, vescatur carnibus elixis, & pullis nutritis pasta ex carne colubrorum facta, Theriaca bis aut ter septimana utatur ad ʒj. cum aqua melissae, bis mense catholico cum ʒiij. confect. hamech. purgetur, aperiatur vena basilica sinistra, balneis aq. dulcis utatur. *Guil. Ballonius conf. 61. lib. I.*

Praemisso lenitivo aperiatur vena brachii sinistri, & extrahantur sanguinis circiter ʒx. plus minus, tota etiam hac ætate velim singulis mensibus circa novilunium hirudines applicari venis sedalibus, ut inde duæ aut tres sanguinem exugant, quoad sponte sua cadant, etenim ferè ex alio nullo remedio majus juvamentum sperare debet: quare ei Author sum, ne ullo modo hoc remedium post primam purgationem intermittatur, sed hac ætate & sequenti autumnò etiam, singulis ut dictum est mensibus reiteretur. Postquam octo diebus ex ordine usa fuerit syrupo preparante & digestivo assumat hoc pharmacum.

℞. Confect. hamec. ʒss. el. e succo ros. ʒi ʒ. fol. sen. ʒj. polipod. q. ʒij. F. infusio in decocto liquir. flor. & fruct. cordial. cum pauco cinnam. q. s. syr. ros. solut. ʒj. F. potio quæ sæpius prout opus fuerit reiteretur, purgato corpore; volo utatur singulis diebus mane hoc electuario ad quantitatem nucis juglandis.

℞. Conserv. fl. borrag. ros. ana ʒi ʒ. diarrhod. abbat. theriac. opt. ana ʒj. cum syr. de pomis q. s. F. electuar. quo assumpto ingrediatur balneum aq. dulcis egelidae in

in quo incoherint rad. acetos. vel lapath. maj. fumaria, lupini contriti furfuribus mixti, & in panno ligati, quo in balneo sordes abstergi velim; in balneo moretur per horæ spatium, post decumbat, post horam unam aut alteram, absterlo sudore, crura & cæteras partes infectas inungat hoc linamento.

℞. Succ. solani, succ. scabios. acet. rosac. an. ℥j. succ. rad. lapath. succ. rad. enul. an. ℥vi. ol. ros. ℥iv. cortic. helleb. nigr. in peria ligat. ℥ij. coq. omnia ad succorum ferè consumptionem, deinde helleborus abjiciatur, adde butyr. rec. ℥i℥. pingued. viper. si haberi possunt, si non loco ejus teriac. bonæ ℥j. plumb. ust. ℥℥. lithargyr. ceruss. an. ℥ij. thur. ℥i℥. styrac. calam. sal. nitri an. ℥ij. omnia M. & cum succo limonum agitentur tandem in mortario plumbeo donec formam linimenti acceperint. Post balneum absolutum, placeret hoc remedium, quod apud quosdam pro experto secreto in hoc morbo conservatur, accipiunt milvum deplumatum, postea abscisso capite, pedibus, atque eo eviscerato, interiora omnia, caput & pedes in ollam rudem conjiciunt, quam tectam luto oblinunt, & in furnum calidum imponunt. Ubi omnia combusta sunt, extrahunt, quodque in ea inveniunt, pulverant, atque ex eo pulvere manè in aliquo liquore propinant, quod verò reliquum est avis, partiuntur in tres partes, & quomodocunque coctum edendum præbent ægroto, eo ordine, ut tertia die postremam partem avis absumat, quo remedio testantur quidam hunc morbum aliàs novem dierum spatio perfanatum esse. A me verò aliàs in Italia hoc sequenti experimento curatus est hic affectus. Accipio duas vel tres vipersas, si haberi nequeunt, totidem alios serpentes, conscindo vivos & adjecto multo hordeo decoquo in aqua quoad hordeum tumeat aut crepet, hordeo eo & ipsa serpentum carne pullos gallinaceos multos continuò alo, nec aliud alimentum suppedito; solent pulli postquam aliquot dies enutriti sunt, implumes evadere, & tandem rursus plumis vestiri: ubi igitur per multos dies ita aliti sunt, paulatim incipio agrum horum carne, & carniam eorum jusculis alere, hoc remedium comprobatum est experientiâ. *Reinerus Selenander. consil. 25. sect. 1.*

Valescus de Taranta castrationem in hoc casu valde probat, nec ego eam improbandam censeo; testium enim amputatione evitantur homines in morbum proni, sicque in fœmineam naturam degenerant, & hepatis sanguinem assantis ardore restincto, humidi & frigidi evadunt: quæ temperies elephantiorum intemperiei calidæ & siccæ toto est genere contraria, adde quod sublatâ elephantiacis gignendi facultate, tollitur ea hujus mali contagio quæ per prolis propagationem in humanum genus serpit & effunditur. *Paræus lib. 20. Chirurgia cap. 13.*

Elephas lues, venerea & struma aliquid habent cognatum & συγγενές, tres has hydras unus alexicacos *Hercules* hydragyrosis vincit & opprimit. *Guil. Ballonius lib. 1. epid. & ephem. pag. 15.*

Lac asininum arcet elephantiasim, caro asinina proritat & advocat, unde hoc? an quia carnes crassum succum generant; lac autem serosum & tenue? hoc autem videtur absurdum. Nam *Hippocr. lib. 2. De Dieta*, ita scripsit: quorum animalium lac tenue est, & sanguis similiter, eorum etiam carnes sunt consimiles. *Idem lib. 2. epid. pag. 186.*

Neapoli cum subsisterem narravit mihi *Marius Schipan* summus ibidem medicus, Principem *Neapolitanum Caraffam* pro curanda lepra vesci solitum

carne asini pulli. *Thom. Bartolinus. Histor. 33. cent. 6.*

Multi, ut ait *Ætius*, castratione se ab hoc morbo vindicarunt, hac ratione juvenem hoc anno liberavimus, qui incipiebat, & ultra principium fuerat progressus, utatur carne erinacei terrestres, exsiccata in furno, hæc non elephantiacis tantum, sed & cachecticis, nephriticis, convulsionibus obnoxiiis, & iis qui aqua intercute laborant, convenit, ut testatur *Galenus*. Potest in locum carnis viperarum substitui, servetur igitur caro erinacei terrestres quæ si multa haberi potest, ad formam placentæ reducatur, comedat manè ante alia omnia, vel si velit; elixet cum salvia & borrag. & de ea comedat. *Guil. Rondeletius consil. 53. lib. 7. consil. Cratonis, & aliorum medicorum à Scholtzio editorum.*

Tanquam certum remedium ulmi usus in curanda recenti elephantiasis à *Jacobo Doyvino*, lib. 1. cap. 7. prædicatur. Vidit enim adolescentem tali affectu laborantem, & decoctionis, ulmi usu (factis faciendis) convaluisse; ea quidem pro omni potu utebatur in quolibet pastu, cum paucis vino albo, & tanti sudores movebantur graveolentes, ut vix illos custodes ferre possent, ita viscera purgabantur, & magna urinæ copia excernebatur, quibus excretionibus sanus factus est. *Jul. Cesar Baricellus*, in hortulo geniali pag. 306.

Anno 1637. tempore autumnali, Ulmenis lanio in medio fermè Viennensi itinere, à venefica quadam hospite, inque diversorio demortui cujusdam leprosi carnibus coctis mensæque appositis tractatus fuit, quantum esu tota ipsius sanguinea massa infecta brevi temporis interstitio, proradici instar, malignitas pustulas cum defœdatione capitis inprimis, ad superficiem corporis expulit, & percepto rubore, quod scelesti illa fœmina, ob plura alia & varia delicta, publicè flammis combusta fuerit, vultuosus patiens de sanitatis suæ restitutione desperare cepit: Nihilominus tamen ne sibi ipsi deesse videatur, chirurgum aliàs exercitatum in consilium vocavit, qui re non satis ponderata, solis externis unguentis eundem, sed inani spe, restituere attentavit, usque dum, aliquoties in nostris observationibus citatum, Clarissimum Dominum meum Collegam, Doctorem Johannem Georgium Croekelium (ex cujus communicatione & hanc curationem habeo) summis precibus exoravit, ut hæc in parte sibi gratificari, & extrema tenrare velit.

Hic pro sua humanitate, & ægro & chirurgo solidis rationibus demonstrans, absque jure internorum remediorum usurpatione, sanguineæ massæ per præparantia, purgantia & venæ sectionem exacta depuratione; communicatæ malignitatis mediantibus sudoriferis discussione; hepatis corroboratione, & vel tandem, externorum debita, inunctione, huic, etsi nondum, radicato malo, occurri minimè posse. Quare carnatio illi omnem in curando assiduitatem, & diligentiam promisit, modo patiens se in omnibus morigeturum præstare velit, quod dum sanctè sponderet, curam sequenti methodo aggressus est.

1. Ordinatâ victus ratione, præscribendo videlicet cibos optimi nutrimenti ac omni acredine destitutos, ut in morbi gallici cura fieri debet, pro potu decoctum ligni guajaci & sassaffras cum seminibus anisi & fœniculi debite præparati curavit. *Primo, ad sudorem movendum, reservato, altero verò tanquam debiliore ad suum corpescentiam concessio.*

2. Cordus per biduum digestivo hoc ad expurgationem præparavit.

℞. Syrup.

℞. Syrup. de duab. radic. ʒj. mell. ros. col. ʒi. crem. Tart. pulveris ʒj. aq. asparag. fumar. ana ʒij. M. pro dosi una.

3. Vitiosam ventriculi saburram, per sequens medicamentum, vino assumptum, removit.

℞. Mercur. opt. dulcis. ʒj. croc. metall gr. vi. Gutt. Gamand. gr. vii. M. F. Pulvis.

4. Hinc medianam dextri brachii primum aperiri, detractis ʒv. sanguinis, iussit.

5. Per aliquot dies concessa quiete, rursus ad corporis preparationem, quater in iusculo repetitam, accessit.

℞. Pulveris Tartari vitriol. ʒß. dentur doses quatuor & quolibet ad singularem chartam.

6. Felicitissime sanguinis mundificationem molitus est per appositas pilulas.

℞. Panchymag. Croll. ʒij. mercur. dulcis ʒj. Gutt. Gamand. gr. vii. cum aq. ceras. nigr. Form. pilulæ communes, pro una dosi.

7. Accessit ad sudorifera, ubi eger maxime obediens quotidie in prioris decocti sassafras haustu, dosin sequentis hydrotici accepit.

℞. Sulphur. aurat. diaphor. à gr. xi. usque ad grana xv. F. pulvis ad chartulam.

Quare ad quatuor septimanas, tempore matutino solum, in lecto per binas horas commorando, largissimum sudorem movit, exceptos septimo quovis die in quo superius notatas pilulas reiterando assumpsit.

8. Sinistri hinc lateris vena tacta sanguis emanans prior longe purior inventus est. ix. Sordium recrementum laconico absterfa, & caput appropriatis, alterato lixivio, mundificatum fuit.

℞. Radic. bryon. ʒj. lapat. acut. ʒß. herb. marub. menth. crisp. origan. beton. ana M. ß. flor. chamomill. Rad. asar. cum toto ana p. ij. agaric. crud. ʒß. Crassiuscule l. a. concisa coquantur lixivio communi.

9. Remanentes quædam pustulæ in quibusdam corporis partibus & capite, depulsæ, & omnia externa inquinamenta sequenti unguento in fine sublata fuerunt.

℞. Unguent. alb. camphor. ʒj. Mercur. dulc. ʒij. Terendo probe, M. ad vasculum.

Sic divino favore, patiens amicis maxime notus, decem hebdomadibus felicissime restitutus, aliquandiu decoctum sassafras pro potu ordinario usurpavit, ita ut per dies vitæ non amplius malum hoc repullulaverit. *Ioh. Scultetus in observationibus armamentario chirurgico adjunctis.*

De Elephantia Iava nova.

Ante 20. circiter annos incolæ Javæ horrendo quodam morbo affligi cœperunt, qui digitos manuum pedumque consumit, duris atque horrendis tumoribus, qui postea exulcerati in putrida atque cacoëthica ulcera cum carie ossium degenerant, facies defædatur, neque ullis medicamentis vicinæ partes ab hac infectione reddi possunt immunes, nisi membrum infectum extirpetur. Pus tam acre & corrosivum est, ut quando tubercula sponte non aperiuntur, postea fuerit animadversum, illud in ossa subiecta sævisse: in initio morbi, aurium extremitates supra modum intumescunt, calcanei que omni sensu destituuntur, adeo ut sine dolore acus integra possit adigi, illæque partes ut plurimum exulcerantur: in initio lividæ apparent maculæ, omnis sensus experres, capillitium, barba, & supercilia decidunt, quanquam aliquando id non contigisse observaverim. Inter prosatarticas causas est

contagium, Milis, putridis, fœtidis & sale conditis piscibus marinis, aliisque crassi chyli cibis & fructibus incolæ vescuntur, pipæ Indici, Lada Chili dicti, integros devorant manipulos, cibos calidos & aromata sine mensura adsumunt, atque ad libidinis pruritum excitandum Aro quotidie in cibis utuntur, hinc etiam integra terræ jugera herba ista sunt confita: lues venerea inquilina est, adeo ut febre quotidiana sit vulgatio: Utque eo melius morbus hic pateat, icon ex adverso postea inspicienda. Quæritur jam, ad quod morbi genus pertineat, quibusve medicamentis curari debeat, *Ex Arce Batavia Anno 1681. 25. Novembr. ad D. D. Christian. Mentzelium.*

Scholion.) Præter Observationem hanc, à curiosissimo nostro *Dioscoride*, ad Nobilissimum nostrum *Apollinem* præscriptam, ejusdem etiam dilucidatio, quam magni Parentis filius clarissimus, *Dn. Ioh. Christianus Mentzelius*; in Academia Francofurtensis Viadrum, Anno præterito, sub Excellentissimi *D. D. Bernhardi Albini*, &c. per modum Disputationis publicæ, non infeliciter in lucem dederat, digna fuit iudicata, cujus præcipuæ partes hinc recenserentur. Is itaque morbo huic Elephantialis, quæ Arabum Lepra est, nomen comperere arbitratur, cum taliter adfectis digiti in manibus & pedibus; *Celso* teste, sub tumore condantur, præterea exedantur & livida ac fœtida stillent sanie, juxta *Casalsium præx. univ. art. med. lib. 4. cap. 13.* malo etiam incremente sordida ab humorum acrimonia & malignitate plerisque locis excaventur ulcera, notante *Ant. Valetio exerc. 64.* ipsas partes, nasum, digitos, &c. sensum decidere, ex *Aretæo lib. 2. de diut. cap. 13.* ossa interdum fieri cerea; ex *Petri à Castro observ. MS. 40.* plerumque in facie hanc lœnem erumpere, *Jul. Palmario Const. de morb. contur. lib. de elephant. cap. 3.* extuberationes fieri rotundas, & duras sub lingua, palpebris, auribus, *Jac. Hollerio de morb. int. lib. 1. c. 64. in Schol.* aures exulcerari, *Aretæo*, aures extenuari rubereque admixto nigrore, atque exulcerari, *cit. Palmario*, sensum perire extremitatum, & se acu altius pungantur, non sentire, *Hollerio & Francisco du Pont. de Sign. morb. L. 4. c. 25. §. 30.* neque aqua fervente exuri, *Palmario*, pilos passim decidere, ex *Platero tom. 3. cap. 4.* constet: Quæ omnia cum maximè pathognomonica signa, dum hoc etiam in morbo, à viginti saltem annis in Java grassante; ideoque novi morbi nomen ibi pro merito, deprehenduntur, nomen quoque illud mereri, concludit. His ita statutis, fermentum istius morbi in Javam aliunde fuisse illatum inde ostendit, quod sine dubio & ante hæc tempora idem incolis fuerit vitæ, qui tamen elephantiaci non fuerit, aut certe jam ad unum omnes sub hujus mali vexillo militare deberent, & ibidem licet loci, unde apportatum est, adeo non sæviat, fieri id sine dubio, quod massa sanguinea fermentanda hinc aliis imprægnata sit particulis, unde & alius debeat esse effectus. Contagium autem hujus morbi in eo consistere, quod è corpore elephantiaci expiret id, quod abundat, spirituosioribus videlicet partibus ex humoris peccantis fermentatione sursum ascendentibus, & de fermento elephantiaci participantibus. Cujus exigua portione totum inquinari hominem, non sit mirum, dum quotidie magnam massæ farinaceæ molem à paucis fermento, cerevisiæ quantitas à paucis floribus fermentari, integra regna ab uno peste infecto infici videmus; intestina nempe à fermento excitata lucta paulatim mixturam humorum turbante, tandemque ut in sui generis abeat fermentum cogente, adeo ut sanguis elephantiaci postea totus fiat fermentum, fomesque sit inexhaustus &

& lepra immunitarum infectionum. Favere huic morbo ipsam Insulam situm, qui totus in Zona torrida est, magis directos excipit solis radios, multumque ab illius fervore adurit; Piper Indicum, quod manipulatim adsumunt, cibos calidos cum aromatibus, quos sine modo devorant, Arum, quo quotidie in cibis vescuntur, massam sanguineam omnino multis acribus salibus impregnare, illamque valde acrem reddere; pisces marinos, putridos & foetidos, crassichyli cibos, & fructus suo lentore, viscidis terrestribusque particulis, illam incrassare & viscidam facere; luem veneream utrumque indicare, quæ acres volatiles atque fixas particulas tenaci pituitæ junctas esse doceat; nimiam illam venerem, cui supra modum dediti, quidquid in massa sanguinea balsamicum est & spirituosum, omne exhaurire; aded ut sanguis illorum sit crassus, terrestris, viscidus, & simul valde acris: si misceatur jam huic sanguini aliquod fermentum, quod acre è sanguine præcipitet, tunc lentorem stimulo illo orbatum causari obstructions, acridinem verò stamen partium lædere, sicque Elephantiascos causam adesse continentem. Lividas maculas nihil aliud docere, quam illas à reliqua cutis superficie superficies mutatas à fermenti admixtione habere & differentes, adeoque angulos incidentiæ & reflexionis utrobique non esse eodem, unde mens id animadvertens discrimen, de utraque diversas habeat perceptiones, & sic variegata adpareat cutis. Intumescantiam extremitatis aurium & reliquorum membrorum oriri, quod fermentum elephantiacum partium sibi alias mixtarum cohesionem turbet, quæque intestinis iis moribus adeo promptè non obsequuntur, eas ad peripheriam pellat, quæ ingressæ tubulos illos propter crassitiem obstruant, humores præsentis retineant, affluentium transitum impedian, partisque ita causentur tumorem, in primis in auribus, quorum substantia fibris rigidis constans, cartilaginosa, duriuscula & ita obstructionibus magis est obnoxia. Stupere & insensiles esse calcaneos, quia humores viscidi, crassi, terrestres, in his corporibus abundantes, à tubulis nervorum recepti, illos tumere faciant, unde nervi comprimantur, regurgitantibus ita, à clausis hac ratione portis, spiritibus animalibus; hinc nervi illa potio fiat flaccida, & mota licet, motum non propaget, nec mens percipiat quid in illa parte rerum agatur, calcaneum verò & quidem in ipsis morbi principiis adfici, quod sanguis gravior crassiorque deorsum, naturæ legibus, tendat, maximumque illius propter lineæ rectitudinem impetum sustineat calcaneus, vel ipsa cutis duritie & ligamentorum copia commendabilis. Exulcerari istas partes, qui oppellulati tubuli ab humoribus à tergo prementibus, vel claudantur arctius, vel illas rigiditate sua perrumpat acre sal, quo sanguis abundat, perrumpant etiam propter subtilitatem & alii spirituosum humores, qui viribus fracti in ipso tumore nidulantur, unde calor totius corporis, usque affluens, subtiles illas particulas agitet, sal acre commoveat, atque sic impulsus elephantici fermenti juvet, concutiantur hinc fibræ tandemque disrumpantur, quarum pars in cincinnos resiliat, pars utrobique rupta humoribus innatet, & turbato sic fibrarum ordine fiat cavitas, in qua colliguntur humores, sale acri & corrosivo, à pipere, aro, contagio, infecti. Quod acredo puris subjecta potius corrodat ossa, nisi tumor arte fuerit apertus, quam carnem, nihil esse insoliti, prout aqua fortis ferrum, non ceram vel picem adgreditur, stamen ossium carnosum solidius multo esse & rigidius, quiescere ossæas particulas pertinaciter juxta se, & ita excipere ictus & impetus irruentium, cedere nescias; carnosas vero, molliores utpote & flaccidiores, licet percutiantur,

cessione sua ictum absorbere vim quandam, retroagere aliam, diutiusque resistere, perinde ac psillæ immixtæ vim absorbeat arenam, quam efficaciter retroagit murus, & globus sclopetarius trajiciat asseres solidos, quem putre lignum cedendo & resistendo, viribus privat. Hoc modo fieri cacoethica illa ulcera, ruptos esse nervos, ossa cariola, carnes corrosas, humorem adesse causticum, unde pars illa non solum moriatur, sed vicina membra paulatim patiantur eademque, serpatque id malum ulterius, denegato commearu decidant membra, & sic miserrimum hominis fiat spectaculum. Quod si materia morbifica ad glandulas subcutaneas deferatur, radicibus pilorum, quibus hi sunt infixi, resectis, eos decidere, raramque fieri caesariem, si minus, herere suo loco, utut hoc inter rationa numerari debere videatur. His prælatis, & prognosi ex *Hollerio, Casalpino, Platero, Aræto & Aëtio* addita, ad secundæ Quæstionis solutionem progreditur, iteratam primò suadens venæsectionem, cum enim sanguis terrestris & viscidus sit, abundetque multis acribus, volatilibus, & fixis salibus, corrigi eundem debere, innuit, quod quam arduum sit, agrorum diuturnas testari querimonias, ut igitur felicius immutari regique possit, imminuendum esse, ita enim medicamenta hostem viribus fractum superare facilius, & sanguinem cor subire sæpius alterarique, nullo venarum habito delectu, si tamen is observandus, electa in eum finem pedis vena, si magna satis conspiciatur, crasso utpote sanguine magis in truncis artuum inferiorum reperiundo. Hæc dum fiunt, sanguinem corrigi debere internis medicamentis, & quæ incidunt & attenuent, copiose adsumendis, ut omni misceantur sanguini. Hinc Guajaci decoctum commendat, leve, nec nimis crebro, ob acridinem ejus, sumptum; cui ideo præfert Sarsaparillam in mucilaginem, qua acres particulas temperat, resolutam, aut hordei aquæ immaceratam, aliisque etiam, ut liquiritiæ radici, vel passulis permixtam, & mane ac vespere inter stragula calide sumptam, aut interdum urgente siti haustam. Decoctum etiam fieri posse ex cortic. tamarisci, fraxini, rad. cappar. chin. Sarsaparill. lign. sassafr. sant. omnium, antimonii crudi vel cinabaris in peria ligatæ uncia una vel altera, cum tartaro crudo in aqua chalyb. vel sero lactis infusis, addito oxymelite scyllitico & succo limonum; quo per triduum quatrividuumve usurpato, purgationem è mineralibus, quarum particulae sunt solidiores & graviores, adeoque efficacius operantur, instituendam esse; addendo Pilulas de fumaris aut helleboro nigro, Mercurium dulcem, Arcanum corallin. &c. aut, si pituita in ventriculo mobilis suspicio foret, unum alterumve granum Mercurii vitæ, vel sulphuris aurati antimonii, vel Turbæthi mineralis; quo facto, ad apozema per aliquot dies redeundum, deinde rursus purgandum, periodo illa toties reiterata donec sanguis videatur emendatus, corpusque satis præparatum, tunc enim exhibendum potens aliquod ex mineralibus saporiferum, è Mercurio diaphoretico, Tinctura antimonii, Q. E. Antimonii Regulo antim. sine Marte, Sulphure antim. Bezoartico minerali, additis, ut mineralia hæc eo citius in actum deducantur, sale viperarum volatili, croco, tinctura opii, &c. Ut vero sanguis mollior fiat, sal acre infringatur & educatur, præterea laborandum esse; ibi Emulsionem amygdal. dulc. &c. Seminis psyllii mucilaginem, &c. hinc Acidulas naturales, clystium antimonii, scobem eboris, C. C. oculos cancri, corallia exhibenda. Nec usum, cautum tamen, millepedum vel asellorum spernendum, imò nec vermium majalium acri suo sale caustico spoliatorum atque in pilula redactorum, vel etiam simpliciter exhibitorum, ortam hinc stranguriam lactis

dulcis haustu statim sedante; copiosum enim sal ita cum urina educi. Viperas ab *Actio*, *Casalpino*, & *Galemo* dilaudatas, ab *Arcteo* & *Palmario* reprobari notat, ipse verò utrisque, habito diverso respectu, adsentitur, cum enim maximā viperarum efficacia à sale volatili veniat, si illud in copia ad massam sanguineam derivetur nondum correctam, inanes non solum facere imperus judicat, sed sali acri novum insuper addere stimulum, unde necessario exasperentur symptomata. Cum verò massa sanguinea satis præparata, eo devotum sit ut diaphoreticis uti concessum sit, maximo cum fructu mineralibus diaphoreticis, utpote in operando tardioribus, ea addi, neque tunc ullum ab eo sale metum esse posse, cum nullibi hæreat, sed libere transeat, & qua diaphoresi, qua diversi, sal copiosum secum educat. Castrationem à quibusdam, ut infallibile & præsentissimum remedium, magnopere commendatam rejicit, morbi enim causam ab ea non tolli, adsit licet, ab acrium spirituum influxu, inexpugnabile coeundi desiderium, illud tamen non causam, sed morbi effectum esse, unde neque illo remoto morbum curari. Inter externa remedia, ad humorem terrestrem fluidum reddendum obstructions deobstruendas, sal acre educendum, partesque corporis emolliendas, balnea aquæ dulcis tepida reponit, quorum particulæ aquæ in poros sese insinuando, illos aperiant, tenacem pituitam diluant, & sal educant; quæ ipsa tamen noceant, si illud sal morbosum sub densa nimis hæreat cute, ita ut educi nequeat, sed majorem concipiat ab aquæ spiritu motum; quo in casu satius sit aquæ salis balneum, quod aperiendo poros sali latenti viam exeundi parat, & efficacissimum fore sal, quod antimonio, sale communi & tartari igne potentissimo fufis regulo super-narat, vel scorias reguli antimonii cum nitro & tartaro facti. Thermas etiam sulphureas, mere adstringentibus, qualia sunt aluminosa, repudiatis, hic prodesse, quarum defectum suppleant artificialia Balnea, ex fol. & rad. alth. enul. bryon. cyclam. helleb. utriusque, lil. fursure macro, cort. sambuc. sem. lini & fœnugræci, sale ammoniaco, sulphure &c. parata, purgantia studio addendo, ut ab iis excitatis fermentationibus humores incipiant moveri, poris vim faciant, atque sic egrediantur. Tumores esse emolliendos Unguentis &c. notioribus, quæ inprimis Mercurius præcipitatus albus, vel Arcanum corallinum, vel Mercurius dulcis ingrediantur. Quibus non proficientibus, tumoribus vel maculis scarificatis cucurbitas vel cornua suctoria Palmarii superimponendas esse, pro crasso sanguine educendo, vel quod melius, alte discindi & medicamentis catharteticis vel causticis, crystallis scil. argenti, Mercurio sublimato corros. Oleo mercurii, Oleo antimonii, Butyro antimonii, vel quod eo fortius, Butyro arsenici. Arsenico sublimato, aliisque exedi, ulcera verò forti guajaci decocto elui, cicatricemque superinduci; & his nihil proficientibus, ferro extirpari membrum oportere. Tandem si ab ullo medicamento, certe à salivatione sperandum esse remedium, quæ omnibus indicationibus satisfaciatur, glutinosamque pituitam, revera quandoque acerrimam, in copia educat. Denique brevi diætæ enarratione erudito discursui finem imponit. *D. Andrea Cleyeri.*

Hicce omnibus addamus jam quadam de Cute ejusdemque morbis è Clarissimi ac celeberrimi Carol. Drelincurtii Collegiis excerpta, & ab Excellentijs. D. Guyot. M. D. communicata.

1. Matronam, vidi quæ fluorem album astringentibus internis & suffumigio thuris sibi suppresserat,

sed incidit in pruritus jugem, inque cuticulæ scabritiem tantam, ut per plures menses fufures largos atque numerosos interdum, noctuque decorticaverit.

Jusculorum usu è carne vitulina cum chæresfol. agrim. eupator. cannabin. cichor. atque fumar. nec non baln. aq. repid. cum fol. vitis feliciter curata, intermediis V. S. & purgatione.

2. Virum autem quadragenarium frustra curavi per plurimis volatibus, misturis & diætâ tenui atque diaphor. quod cuticulam ejus emendarem universè scabram instar vel leberidos vel elephantini corii, quæque per amplas & spissas squammas hinc & illinc passim decidebat, aliâ protinus succrescente, perinde scabra, spissa arque dura, sed pruritus omnis experte. In Italiam se contulit quo viperarum inungatur adipe, & viperinas carnes edat. Exitum ignoro.

3. Juvenem unum & alterum miratus sum quibus sub morbillorum declinationem salutarem, tota cuticula *manuum* & *pedum* abcessit chirothecarum veludonum instar. Id ipsum tertia vice in viro deprehendi sub finem curatæ febris malignæ:

4. Præprimis autem in admirationem me traduxit decennis puer, cujus mater ideâ piscium, sub initia graviditatis commota, ipsum nonimestrem exclusit pedibus manibusque squamosis, cyprini more, squamis scil. latis, mobilibusque & mutuo ad digitorum moriones sese affricantibus. Imo squamis illis vel sponte, vel imprudenti quovis allisu deciduis, novæ continuè succrescunt.

Quævis autem squama pedunculo nervaceo atque sensili cohæret, sicut mihi patuit earum aliquot apicibus unguium sublatis, atque commotis vel etiam leviter inversis, puer enim, præ dolore nullius evulsionem admittit.

Ab Anno autem 1681. quo ipsius squamosis artubus studui nihil de ipso mihi suboluit.

5. Largissimam porro cuticulam, suis vel unguiculis vel unguibus instructam, & è cadaveribus revulsam meis *adhibere* subpicio. Mirantur omnes quo artificio id præstem, nam tota illæsa & illacera una quæque portio digiti sui refert ideam, sed secretum meum singulos fugit. Extrema prius macero tepida sæpius renovata, donec putredinis initia subodoror, & tunc certè levi industria tantas portiones & taliter figuratas extraho.

6. Coronidis vice cuticulam Æthiopum producam, à me quidem invisam, sed fide Rioli. *Anthropogr. lib. 2. cap. 4. atque Pechlini, in tractatu de nigred. Æthiop. mihi inscripto*, nigricantem unicè, cute verò subjacente candida.

Observatio circa leprosum falso sic reputatum.

Non ita pridem ad cujusdam viri, de lepra non suspecti duntaxat, sed tertium jam à Chirurgis lepræ adjudicati, examen, Magistratus jussu vocatus, cum vidērem bonum virum nihil minus quàm leprâ laborare; licet octo jam annorum curriculis leprosis cohabitare fuerit coactus; jussi, ut prædicti illi Chirurgi suam de hoc leproso prolatam sententiam signis syllogisticis, & rationibus instructam in medium proferrent. Hi vultu quodam superciliosò, & factu, ut ferè sit, plùs quàm ampullosò, illum leprâ laborare instabant, tum quòd nativus faciei color in lividum & fuscum desineret; tum quòd visus hebetudine & vocis raucitate laboraret, tum quòd maximò anhelitus fœtore & mephiti obvios quosque deterreret; tum quòd in crurè fœdum aliquod ulcus habuerit; tum demum, quòd ante aliquot annos ejusdem filiam lepræ adjudicarent, quæ tandem leprosa mortua fuerit. Hicce machinis & argutiis tantum apud Magistratum effecerant, ut bonus vir communi hominum

hominum iocietate exclusus, & leprosis adscriptus fuerit, quibus jam octo annis convixit, citra ullam tamen veræ lepræ signaturam.

Quæ cum audivissem, ipsique Chirurgi nihil ulterius de lepræ naturâ, essentiâ, causis, differentiis, signis syllogisticis seu pathognomonicis, in medium proferrent, statim intellexi, illos lepræ essentiam ignorare, nec inter lepram & non lepram distinguere, nec ullam differentiam inter lepram Græcorum, quam pforam perversam vocamus, & veram lepram Arabum, seu Elephantiasin, facere posse, unde nec mirum, si incautiores, & imperitiores isti Chirurgi in cæco hoc examine decepti, cæcam quoque tulerint sententiam.

Paucis igitur quæ sit inter lepram Græcorum, seu pforam, & lepram Arabum, seu morbum elephanticum, quem & elephantiasin, leontiasin, seu satyriasin & tyriasin vocant differentiam illis aperui, bonum hunc virum, nullis horum affectuum caracteristicis signis laborare, demonstravi.

Cum enim hoc subjectum nulla feræ & siccæ scabiei species turpiter defæderet, nullisque nec tenuioribus squammis obducatur, sed universum corpus incolume, sanum & nitidum, pilosæ tum capitis, tum superciliorum partes puræ, firmiterque fixæ hæreant, conclusi, bonum virum à Græcorum leprâ immunem & saluum esse.

Eundem quoque nec Arabum leprâ, seu vera elephantiasi laborare, ex absentia omnium signaturarum caracteristicarum, aut signorum pathognomonicorum convici. Cum enim hic affectus sit contagiosus, sæpe hæreditarius malignâ & perniciosâ suâ qualitate, pluriumque vitiorum congerie corpus defædans atque membranea solum aliqua involucria, & cutem præsertim inficiens, si tali affectu laboraret bonus vir, haud dubiè octo jam evolutis annis, sese aliquod vitium in apertum dedisset, cum tamen ex sex illis signis syllogisticis nullum hæcenus fuerit observatum: Nec enim unquam in cute vel faciei, vel frontis vel genarum, cubiti, fæmorum, manuum, pedumve tubercula facilè mobilia, indolentia, & ex livore ad rubedinem tendentia, horridumque aspectum præbentia, epullularunt.

Nunquam in eo visa sunt oris tubercula, quæ ore hiant, Linguaque depressa in palato, & faucibus circa linguæ radicem, nunc flavescencia, nunc sublivida, vel visa, vel reperta fuere. Nunquam item vel in pedum digitorum interstitiis, vel in plantis, in crassâ præsertim & durâ illius parte, vel in manibus, juxta cubiti articulum, præsertim in acutiore illius sede, aliisve artuum locis, ulcera effluerunt. Cum enim ejusmodi ulcera & fissuræ veram cutem penetrent, lata sint, & rarerent ulterius serpent, labiis callosis, ac prætumidis consent, atque læsa facilè cruentent, indolentia sint licet, si talia vel adessent, vel adfuissent facilè quoque videri potuissent, & ex iis firmum aliquod judicium ferri. Nunquam insuper in eos visa sunt narium ulcera, earum septum, fungos & ossa, seu cartilaginem depascencia, nasò turpiter delabente, palatum columellamque depopulantia. Nunquam præterea in eo observati tumores, non tumida in aurium ambitu pinna, non crassæscientes auriculæ, non plus justo auctæ, aut dilatatæ narium alæ, non palpebræ, non labia, non pedes, manusve inflatæ, aut tumidæ. Nunquam demum in oculis juxta majorem cauthum nata pellicula, sensim accrescens, quæ sane prædictis jam signatris accederet, magnò argumentò haberetur.

Cum igitur pathognomonica hæc sex signa nunquam in hoc subjecto apparuerint, quis illud leprâ correptum dixerit? Cætera autem signa ab illis Chi-

rurgis allata, quemadmodum & alia quæ addi possent, uti cutis scabrities in pilosa capitis parte, cum squammis & furfuribus, fissuræ item cutis pedum, manuumque & unguium; pilorum item defluvia, sanguinis quoque detracti livor, crassities, cum arenosis seu granulosis quibusdam arenulis; cachectica corporis constitutio, frons cornu instar splendens, fornicatio ac titillatio faciei, palati, lingue, totiusque corporis, sensuum stupor; Hæc, inquam, & similia, non moror, eò quod aliis morbis consecutaria atque communia esse possint, quamvis nec & ipsa in nostro hoc subjecto reperiantur, vel si quædam adsint, tanti tamen momenti non sunt, quin durissimos labores, noctuque dieque familiæ sustentandæ causâ, obire possit.

Filiam quod concernit, quam leprâ mortuam putabant Chirurgi, falsâ morbi specie decepti fuerunt. Dum enim rem ipsam diligenter investigarem, cognovi tandem, ipsam non leprâ, sed inveteratò morbo gallicò correptam obiisse. Et quod notatu dignum est, dum cum leprosis octo annis versaretur bonus vir, prolem ab uxore sana sanissimam accepit; Unde si infectus fuisset pater, haud dubiè jure contagii hæreditariò, vel prolem, vel matrem, vel utrumque infecisset. *Claudius Deodatus apud Guilielmum Fabric. Hild. Epistol. centuria.*

Anatomica Inspectio

Lepra infecta Matronæ cadaver exhibuit viscera, tum vitalia tum naturalia marcore confecta.

Illustris Matrona, Vasconie Proceribus proxima affinitate conjuncta, Burdegalam venit anno 1660. adiitque Dn. *Dezelis* seniore, Chirurgum, apud quem tunc temporis artis tyrocinia ponebam. Lepræ, quæ infecta erat, curationem ab illo exposcens: Lepra fuit, eaque confirmata ex judicio Clariss. Medicorum D. D. *Mingelozeau* & *Emery*, Facultati Medicæ Burdegalensi adscriptorum: Magistrorum item *Dezelis* & *Choves* Chirurgos peritiss. Illius quippe morbi vix ulla desiderabantur indicia: Capillitium omne deciduum tum sponte tum pectine, quod furfureas sordes fœtidas simul decussit: Torvus erat aspectus micantesque oculi, Vultum gutta rosacea fœdabat, & luridus color violaceo proximus; maxime nasum, & labia: Auribus tamen nativa servata conformatio, nec pone ullæ tuebant glandulæ: quæ in parte colli sinistra, juxta clavículas, juglandis nucis magnitudine utrinque eminebant mobiles: Lingua tuebatur, extrema parte & prope venas raninas pustulis obsita: admodum fœtebat anima: Thoracem anticum adhuc candidum nullæ squammæ exasperabant, sed macies illic summa ut & totius corporis habitus: Mammarum nulla vestigia: Vox nequaquam rauca nisi sermonem protraxisset, fusca enim illico fiebat & adeo obscura ut aures vix feriret, subsequente mox potus desiderio ad inductam siccitatem leniendam: Posticibus sua constabat crassities, manus squammas aut furfures nullos dabant, at sensus tactus obtusus erat, ad punctiōnem tantum & fortem vellicationem sensiles: Respiratio qualis phthisicorum anhela; Abdomen, præsertim circa præcordium dextrum durum, & ἀντιτυπον: Lotia effundebat pauca cruda, sæpius & crebro cum foetore turbida: Alvi fœces, quanquam οὐβαλα & πορρὸ ἀναγλυῖς tantum deiceret, terro odore nares feriebant: Cutis color ab imo pectore ad pedes usque fuscus erat, nigro proximis, ubique ea arida & scabra: Femora tibias, non secus ac Gallorum Indicorum, squammæ vestiebant, omni sensu destituta, acus quippe citra sensum alte adigebatur: Genitalibus quod importunum pruritus

pruritus manum perpetuo inferebat: Ea nudata pustulas pisi magnitudine exhibuerunt, è quibus nigricans sanies exsudavit: Tetricis erat moribus, in excandescentiam prona, maxime post scalprum: Narrabat Illustriss. Parentem similem morbum necasse, contagio in legatione ad Lusitanos contractum, imò in matrem, [ante natam Illustris Aegram] transfusum, paulo post puerperium mortuam: Patrem xij. annos illi superstitem fuisse, sed à fœda illa lue tam male exceptum, ut non Aula solum sed & omni consortio se subducere necessum habuerit, quamquam celeberrimi *Garcia à Lopes* Medici Hebræi, opera usus fuerit toto biennio: *Affectus primordia* quatuor ab obitu Illustr. conjugis annis elucescere cœpisse, Ex eo duos liberos, utriusque sexus suscepisse, non diu superstites: Luis immunem fuisse at non scabiei levis, quem phthisis anno ætatis xlij. sustulerit: Confanguineis cæteris pepercisse: Curam Illustris Matronæ suscepunt supra dicti D. D. Medici & Chirurgi, stenuamque operam toto trimestri navarunt, quorum industria, Deum testor, pene salva & incolumis, castellum suum procul diffitum reperit: pleraque enim recensita Lepræ indicia delituerunt: Novo & nativo capillitio ornatum caput, desit fœtor, evanuerunt faciei pustulæ, nisi tamen apice suum servante livorem & crassitiem, imminutam tamen; deposuit & lingua sua tubercula: Sitis non amplius molesta, subsedere quæ circa claviculas glandulæ: Femoribus & tibiis cutis æqualitas restituta, solus pruritus ex intervallis redivivus molestus fuit: liberior fuit Respiratio, oculi non ut ante truces: At ab axillis virosus odor manabat: Si de venereis sermo incideret, recurrebat in os saliva: detumuit quoque abdomen, cessitque hypochondriorum durities: Vegetus ubique erat sensus Tactus, punctiones vel levissimas impatienter ferens: nec excrementorum alvi tantus fœtor comes fuit, liberiusque & liberalius efferebantur: Urinæ colore & consistentia naturalibus erant proximæ, aculeato sale exutæ qui ad crebriorem mictionem excitabat: Sibi tandem omnino dissimilis facta est, cunctis mirantibus qui in ea tam insignem ad statum naturalem reditum, quo xiv. mensium intervallo frui licuit, à quo in priorem, & sex intra septimanas pejorem relapsa est, cui se febris continua adjunxit, quam sitis inexringuibilis consequuta est statim lethalis: Lethum præcessit vultus defœdatio horrorem omnibus incutiens: Crura, quæ in priore morbo excarnia, insigni tumore conspicua erant.

Cadaver à dicto D. Dezelis, me præsentē, prænomina-
tis Medicis & Chirurgis dissectum fuit, cujus imæ & mediæ partes solum evolutæ: Pulmones scirrhusi omnino & aridi apparuerunt, obsessis illorum bronchiis mucoso, crasso & extreme viscido humore: Sanguis vas thoracis conceptus crassus erat & adustus, sero omnino destitutus: Trachæa arteria adeò exsucca & arida ac si sub dio plures dies jacuisset: Cor minimum, parvumque serum in pericardio: Pulmonum lobi ab omni connexu liberi. Iecur scirrhusum lividumque apparuit; imo adacta in visceris interiora novacula, strepitus perceptus ab occurso corporum durorum, quasi lapilli oblatis essent: admodum quoque parvum erat & aridum, cujus minor lobus vix latitudine duos digitos transversos æquabat, & longitudine tres: Major eam sequebatur proportionem: Cystis fellea magna, bile turgens: Splen summe parvus & durus: Pancreas succo quodam ad nigrum vergente turgēbat, & sicco: Mesenterium duris glandulis, magnis & aridis oblitum, succo sebum unguento basilico remixtum, referente tumidis: Inania quoque & arida erant intestina quoad utramque tunicam: Rēnes calculis infarcti, sinapi instar seminis exiguis, duris, solidis, porri semina colore referentibus: quo-

rum plurimi ureteres occupabant: pelvis & earumculæ laceræ erant: In vesica plurimi etiam reperti calculi cum phlegmate; tres item lapilli phaeolum æquantētes ad instar topi molles vel indurati gypsi: Uteri quoque membranæ exsiccatae erant, nec non illius substantia, coarctata etiam & vulva & rugosa, patentibus nihilominus admodum multis vas spermaticis: Incisuris factis in habitus corporis musculis, præsertim artuum inferiorum, reperta pluribus in locis caro scirrhusa, præterquam in tibiis, in quibus paulo minus arida: Venam cruralem implebat sanguis niger & adustus, inanibus pene arteriis: absque vi è digitis pedum ungues abscessere, manuum pressus coherebant: *Theophilus Bonetus, ex communicatione Ludovici Bailly Chirurgi Sepulchreii Tom. 2.*

EM BROCHA. vid. in Bibliothecâ Pharmaceuticâ.

EMPHYSEMA. Vid. sub titulô *Atheroma*.

EMPLASTRA varia vid. in Biblioth. nostra Pharmaceut.

EMPYEMA.

Antecedentia in Empyemate sunt.

P Eripneumonia, pleuritis, pulmonis Vomica, derivatio sanguinis, vel cujuslibet alius humoris, chyli, lymphæ, &c. in pus mutabilis facta in cavitate pectoris à quacunque causa per erosionem, dilatationem, fractionem &c. Sic Hippocrates. *Si in ventrem sanguis præter naturam effusus fuerit, is suppuretur necesse est. Et. Destillationes in ventrem superiorem ad suppurationem perveniunt intra dies viginti.* [ventris autem superioris nomine pectus intelligendum esse, Author est Galenus in Comm.]

Conjuncta.

Pleuritiide, vel peripneumonia non expurgata febris intensior, rigor, pondus, & sensus gravitatis in parte. Ita Hippocrates in Prognosticis, & Galeno teste, fluctuatio, ait enim. *Ubi quis assatim à decubitu transmutatur, idque maxime, si ab uno in alterum latus se convertens defluere aliquid sentiat, puris multitudinem ibi contineri, haud dubia conjectura est.* Hactenus ille. Auditur etiam aliquando fluctuatio, cum scilicet pus est tam liquidum, & copiosum, ut fluctuare, & sonum excitare possit. Respiratio difficilior, sputum aliquando purulentum. Empyema autem jam factum, & confirmatum comitantur febris mitior, & lenra, continuè infestans, quæ partim putrida, partim hectica videtur, interdum mitior, noctu vehementior: sudores multi, sed inutiles, & noctu præsertim supervenientes: tussis frequens, & molesta. Demum maxillæ rubent, oculi fiunt concavi, curvi ungues, tumidi pedes, pustulæ circa pectus, & ut plurimum in latere affecto cutis inflatio, & tumor œdematosus. Ait Hippocrates in prognosticis. *Si Empyema in altera tantum parte existat, hos convertere, ac discere oportet, doleantne in altero latere, & an alterum altero calidius sit, atque cubantem supra sanum latus interrogare, an videatur sibi onus ali-quod desuper suspendi; si enim ita est, in quodcumque latus pondus insit, in altero suppuratio est, quemadmodum si utrinque calor, & pondus sentiat, in tota thoracis cavitate pus continetur.* Et idem primo de Morb. *Applicetur linteam thoraci madefactum secundum utramque partem, dextram, & sinistram; citius enim exsiccabitur illud, quod supra partem pus continentem appositum est.*

Succedentia

Succedentia.

Hippocrates in Prognosticis. *Suppuratorum ii potissimum supersunt, quos febris eadem die dimiserit post ruptionem, ac cibum citius appetunt, & sui liberati sunt, & venter exigua, & consistentia rejicit, & pus album, leve, concolorque est, & vacans pituita, & absque labore, & valida tussi expurgatur. Itaque optimè quidem sic, ac celerrimè judicantur, sin minus quibus ad hac proximè accedunt. Moriuntur vero ii, quos febris non deserit, aut cum videtur deserere, denudò recalescens innotescit, & sitiunt, nec cibum appetunt, alvus humida est, pus viride, lividumve spumant, vel pituitosum, spumosumque. Pereunt, si hac adsint omnia. At quibus alia veniunt, alia non, horum quidam intereunt, quidam in multo tempore incolumes evadunt. Hec ille. Et idem. Qui ex pleuritide empyi sunt, si à ruptione intra dies quadraginta sursum purgentur, liberantur, alioqui transeunt in tabem. Et. Si empyis, cum uruntur, aut secantur, purum, & album pus effluat, evadunt: si verò subcruentum, sœculentumque, & fœtidum, pereunt. Et idem in Coacis. Empyici melius habentes, & qui fere expurgari videntur, si sputum fœtidum excernant, cum recidiva intereunt. Et similiter. Quibus specillum à pure velut ab igne coloratur, ii ferè moriuntur. Et pariter. Ex suppurationibus, quas pulmonum morbi excharunt, ferè senes moriuntur, ex cæteris verò juvenes. Et in Aphorismis. Quicumque empyi, vel hydropici uruntur, aut secantur, si pus, aut aqua universim effluerit, omnino moriuntur. Galenus autem 4. de Loc. Aff. 7. Quibus in magna puris copia intra thoracem, & pulmonem collecta thorax in respiratione attollitur, celerrimè suffocantur.*

Cum empyema sit collectio puris in cavitate pectoris, & in ejus cavitate per membranas exsudare possit etiam ex Galeno, ut ostendimus in iis, quæ ad morbos particulares planè exponendos præmittimus; suppurationis igitur pleuritide, peripneumonia &c. vel humore quolibet in pus mutabili per canales quoslibet in cavitate pectoris derivato, ita ut demum in pus veniant, fiet inde empyema. Cur autem in peripneumonia etiam suppuratione, & quomodo fieri possit, ut pus non per os reddatur, sed in cavitate pectoris abeat, ex qua deindè rursus per os, ac sputum reddi possit, in peripneumonia expositum. Cur autem distillationes in ventrem superiorem intra dies viginti suppurentur, nulla peculiari à causa pendet, sed per solam observationem, atque experientiam didicit Hippocrates, naturam ejusmodi distillationum talem esse, ut viginti dierum spatium exigant ad fermentescendum. Incipientis autem empyematis pathognomonicum signum non crediderim esse febrem intensiorem non repurgatis pleuritide, & peripneumonia, imò verò arguere posset pus nondum factum, cum, dum pus conficitur, dolores, & febres magis fiant, quàm jam confecto juxta Hippocratis aphorismum. Sed neque pondus, & sensus gravitatis in parte, cum hæc omninò esse debeant conjuncta cum ipsis inflammationibus, & augeri, prout illæ augentur: augentur autem mole, dum pus conficitur. Fieri tamen potest, ut pus sibi viam aperiens ad cavitate pectoris, neque adhuc multum fluxile subeat vasa sanguinis, & per corpus derivetur, unde vel obstruendo propter crassitiem, vel agitando, & fermentando febrem intendat, atque interim ejus demum aliquid ad cavitate pectoris à pulmonibus deveniat; in quam tamen cum deductum fuerit, difficillimum erit dijudicare pondus; & gravitatis sensum ab eadem derivata materia pendere, nisi fluctuatio audiatur, vel æger sentiat locum ponderis, & gravitationis non esse permanentem, sed huc illuc dimoveri, & hoc esse poterit argumentum collecti puris certissimum. Rigor ab al-

lapso, & contactu puris, & membranarum erit vellecatis nervorum, seu motus eorum, qualis, dum obstupescunt dentes ab audito sono, ut in rigoris expositione. Quia verò intra cavitate pectoris derivatur pus; prohibet igitur, ne pulmo dilateretur, quantum opus, & ne pectus constringatur similiter, quantum requiritur; dolor igitur, aut molestia, & difficultas major respirationis. Quod si pus possit per suam reunitatem &c. intra pulmonem derivari, per sputum pitulentum reddetur: nisi verò possit, pus non expuetur. Facto autem jam empyemate, vel suppuratione propterea inflammatione admiscebitur sanguini solum pus concoctum, nempe satis fluxile, ac fixum, hoc est, minime obstruens, & minime fermentans: remittetur proinde febris, & cum pus continuè exsudet in vase sanguinis, erit continua, lenta ex humoris placiditate vix intendens se, aut remittens, & ex hoc similis hæctica: cum autem interdum pateant magis pori corporis, perspirare poterit aliquid ejus humoris, & fiet febris mitior: noctu iisdem obstructis fiet intensior. Insuper cum cavitates pectoris, & humores totius corporis infarcti sint, validè autem nitatur pectus in humidum infarciens, validè exprimet tam ipsum, quam humores totius corporis, qui proinde in sudorem abire poterunt; non erit tamen ille sudor ullius levaminis propter puris abundantiam semper remanentem: quia verò noctu pori constringuntur: partes igitur ejusdem puris, quæ interdum expirare possunt propter exiguitatem, & raritatem invisibiles, noctu ad angustias pororum subsistant oportebit, quousque cum aliis succedentibus conjunctæ, & in molem majusculam collectæ resistantiam pori superent conjunctim erumpentes in formam aquæ, seu sudoris. Propter stimulum autem à pure intra pectus proveniente fiet tussis, ut ex iis, quæ de tussi scripsimus, & ex eo quidem molestior, quod pulmonem, & pleuram vellicat, & aliquando quolibet etiam visu molestia minime minuitur. Invalescente morbo pulmo à pure magis comprimitur, sanguis influere non poterit, subsistet in ramis venæ cavæ ad faciem, unde partes ejus rubescunt. Quia verò ingravescente hoc morbo fit gradus ad tabem, nempe corruptionem, & absumptionem partium: igitur vel quia per corruptionem flaccescant, vel quia per absumptionem extenuentur, fiet minor ipsarum moles, & hoc decrementum iis in partibus erit magis observabile, quæ duris, & immobilibus terminis circumscribuntur, cujusmodi sunt oculi dura atque immobili orbita ossea circumscripti, unde oculi fient concavi. Curvi ungues cur facienda, ex iis, quæ de peripneumonia, intelliges. Tumidi pedes, vel quia eò devolvitur pus, humor nempe qui utpote minus mobilis facile ad eos subsistit propter minimam vim pressionis, vel quia corpore jam ad tabem vergente eæ partes similiter citius corrumpuntur, in quibus minor vis pus expellendi, unde tabescunt, hinc fermentescunt, & in tumorem attolluntur. Cum autem pus membranas subeat; per empyematis igitur protractionem poterit ad cutim usque penetrare, & quidem vel in insignem molem collectum, vel huc illuc in minores massulas cumulatum: producet hoc ad cutim pectoris hic illic pustulas: illud tumorem œdematosum propter contentum pus, nisi & hoc contingat propter corruptionem partis, ut in secundo casu tumefactionis pedum exposuimus. Quæ autem recensuimus ex Hippocrate inter conjuncta ad dijudicandum, alterutra-ne, an utraque pars pectoris empyemate laboret, certa esse possunt, si aliunde constare supponatur, propositum agrum empyemate laborare: si verò non constet, pondus, & suspensionis sensus, & calor, & exsiccatio lintei esse poterunt quid necessariò conjunctum cum peripneumonia, aut pleuritide, ut patet ex superioribus, & eorum morborum

expositione: & cum eorundem ratio, ac necessitas statim ex se ipsa pateat, nihil ejus explicationi immoramur. Quoniam verò febris ab admittance puris proveniens, vel ejus nimiam visciditatem, vel vim fermentandi, aut stimulandi arguit; si igitur in expositis pulmonum affectionibus, quorum suppuratione fit empyema, eadem die, qua empyema fit, seu tumor, in cavitatem pectoris rumpitur, febris cesset, argumento erit, pus esse optimæ qualitatæ, non fermentans, non obstruens: ducitur autem in vasa sanguinis, & etiam per sputum excernitur, æger igitur evadet ab empyemate. Cum itaque pus non sit quid summe viscidum, non ita multum resistet abstractioni ab interioribus membranæ pulmonis, quibus allabatur, eaque de causa sine labore, aut valida tussi per sputum reddetur. Eadem de causa pus erit album, leve, concolor, nempe æquabiliter liquidum, & ex eadem materia aque liquata, unde concolor, album, cum hic sit puris perfecti color naturalis. Quia verò pituita est humor crudior, & qui ad empyematis constitutionem in pluribus casibus concurrere potuit, hinc si pus cum pituita mixtum reddatur, adhuc aliquid superesse concoquendum arguet: nihil, si absque eadem. Itaque cum hæc apparuerint omnia, evadet æger plus minus facile, aut tutò, si eorum aliquot: ex quibus fiet, ut æger in melius evadens successive magis ad naturalem statum accedat, unde sitire desinet, cibum appetet, alvi fæces demittet, ac producet non multum absimiles naturalibus, nempe, consistentes, & propter cibi parvitatem, exiguas. Contra se habebunt omnia morituris, quæ recenset Hippocrates, ut ex his patet. Spumofum autem sputum arguet & lentorem humoris, & eundem nondum concoctum esse, & parvam quantitatem ejus, quæ difficile subeat pulmonem, & difficile ab ejus tunicis divellatur, unde magis per minimas partes permiscetur aëri, cujus eruptioni resistens lentore suo spumam producit. Quadragenarius dierum numerus est tempus, quod naturaliter requiri observavit Hippocrates ad hoc, ut per superpurgationem per sputum possit empyicus evadere, quo superato tabes fit corrumpente pure pulmonem, & impediende elaborationem sanguinis. Ratio, cur si ab empyis per paracentesim effluat pus bonum, evadant: moriantur, si secus, patet ex superius dictis. Quod si empyi melius habere, & ferè expurgati videantur, sputum verò fætidum excernant, venient in recidivam, & moriuntur; apparens enim ille transitus in melius arguet, expurgatam quidem esse quantitatem puris, sed sputum fætidum ostendere poterit, genitum esse ulcus intra pectus, aut pulmones, ex quo & novum pus generabitur, unde in empyema relapsus, & mors propter partis corruptionem. Similiter specillum à pure, ut ab igne coloratum arguet pus non coctum, lividum, & fortè cum ulcere partem corrumpente, unde mors. Senes verò præcipuè, & juvenes ab empyemate per pulmonum morbos producto moriuntur, cum in senibus propter pattium siccitatem difficile coalescere possint villi rupti à ruptione tumoris, in juvenibus autem hunc ipsum coalitum impedit tenuitas, & vigor sanguinis: & ex iis adhuc difficilius evadent, qui temperamento sunt aliquanto humidiores; flaccescent enim parres magis, & facilius à sanguinis impetu, & motu respirationis in divulsionem detineri poterunt. *Cur verò pure confertim effluente per paracentesim moriantur empyi*, vide in ejus aphorismi commento, quod seorsim morbis præmittimus. Textus autem Galeni ex se ipso patet, sicut etiam, quid sit Empyema. *Clariss. Laurentius Bellini Tractatu de Morbis pectoris.*

Sequitur jam Clariss. Villisius.

Pleuritin, & Peripneumoniam morbos non tantum affines, sed invicem commutabiles, & alterutrinque

successivos esse, ex superioribus manifesto liquet; porro tum hæc, tum illa, & nonnunquam utraque simul non bene judicata, in Empyema transeunt. Si quando enim phlegmone circa pleuram excitata suppuratur, tandem Apostemate disrupto, pus in thoracis cavitatem decidens, hunc morbum producit. Pariter ex pulmone inflammato interdum succedit: nimirum ichor circa locum affectum aggettus, diutina coctione in humorem crassum & flavum abit, qui nisi per tussim ejicitur, aut pulmonis substantiam interiori sensim labefactans, diathesi phthificam infert, vel unitatem pulmonis totius solvendo, tandemque membranam extimam corrodendo in pectus dilabitur, adeoque empyema parit. Unusquisque pulmonis abscessu aut ulcere laborans, etsi pus copiosum & fætidum, [uti in pulmonis vomica sæpè contingit] expuat, non ideo dicatur Empyematicus. Enimverò vocabuli hujus acceptione communi denotatur, puris intra cavitatem thoracis collectio, quæ scilicet respirationis organa opprimuntur: illuc vero pus istud confluere solet vel ex Pleuritide, vel Peripneumonia [& quandoque forsan ex Angina] suppuratis, & disruptis.

Quandoquidem igitur empyema nunquam primario & ex se incipit, sed aliorum morborum haud rite judicatorum, fere semper effectus sive productum est, circa causas ejus non opus erit multum inquirere. Ratio formalis sive causa conjuncta ejus satis innotescit. Ea scil. est materia purulenta, è pleura, aut pulmone, aut larynge, in thoracis cavitatem effusa. Cause autem reliquæ affectuum præviorum propriæ, ad cujusque istorum Ætiologias pertinent.

Circa materiam morificam quædam disceptatio est; quippe alii hanc merum pus, alii non hoc, sed materiam purulentam esse contendunt, in qua opinione est Joh. Heurnius, qui materiam purulentam pro Empyematis causa conjuncta statuens, inter hanc & merum purumque pus distinguit; asserens hoc fieri, ab humore nutritio sanguineo, hoc est ab ipso sanguine aliquatenus corrupto, sed pepasmi capaci, materiam vero purulentam humorem excrementitium, viz. serum, aut ichorem esse, qui à sanguine inter circulandum alicubi præpedito & obstructo provenit. Hinc observare est de abscessu qui pus verum & laudabile exhibet, eum plerumque compactum, undique conclusum, & vel cysti, vel privatis quasi mœniis obvolutum esse; dein postquam maturatus & disruptus humorem contentum effundit, cito ac facile sanari. Verum abscessus materiam purulentam præbens, nidum suum non ita constipatum & parietibus obseptum, sed plerumque inæqualem & sinuatum obtinet, atque disruptus saniem potius quam pus effundit, dein ob perennem humoris excrementitii scaturiginem egre sanatur.

Porro advertere est, utrumque humorem, scil. tum pus, tum materiem purulentam interdum insigniter fætere, quandoque item odore quovis tetro prorsus immunem esse. Quædam apostemata maturata, & disrupta pus fætidum, alia inodorum effundunt. Pulmonum vomicas, quin & partium aliarum phlegmonas; ita diversim habuisse sæpius notavi. Materies purulenta è plerisque ulceribus effluens grave olet; phthysicorum sputa, quæ multo magis periculosa existunt, ut plurimum inodora sunt. Usitatum est è latere propter Empyema perforato, materiem primo haud insuavem exundare, dein post duos, vel tres dies aëre orificium sæpius subingresso, eam horrendè putuisse, quæ tamen putiditas post injectionem spiritus cujusvis vinosi aut aromatici rursus brevi evanuit. Sed multi tædii res esset, singulorum hujusmodi accidentium & alterationum rationes particulares designare, in quantum perexigua tantum puris, aut materiæ purulentæ alteratio, iis fætorem inducit adimitque. Cum particulæ sulphuræ æqualiter

æquanter coctæ; & salinis subjugatæ in mixto continentur, graveolentia abest; quamprimum verò illæ solutæ avolare incipiunt, secumque salinas (è quibus aculeantur) auferunt, odorem valde tetrum quaquaversus dispergunt. Quod autem ulceri putido, aut Empyematis nido, lotio, vel injectio cum liquore vinoso aut aromatico aliquoties adhibita sæpe fœtorem tollit, in causâ est, quoniam ulceris haud secus ac restæ putentis latera quodam quasi fermento liquorem contentum inquinant, adeoque fœtorem imprimunt: cumque adeo à liquore bene temperato & potente, illud vasis aut visceris fermentum eluitur aut subigitur, deinceps fœtoris propagatio ista cessat. Hinc sequitur indicium non semper malum, nec itaque valde bonum esse; siquando phthysicorum sputa, & empyematicorum abscessus cum, vel sine graveolentia excernuntur, quoniam utriusque generis casus quosdam salubres, aliosque funestos extitisse cognovi. Ad hæc non certius indicium inde sumitur, quod phthysicorum quorundam sputa aquæ injecta supernataut, aliorumque submerguntur.

Quamquam autem istam puris & materiæ purulentæ distinctionem haud multum improbamus, attamen nec solummodo hanc, nec semper istud Empyematis causam conjunctam esse statuimus. Quando hic morbus pleuritidi simplici succedens, ab apostemate in latere suppurato & disrupto oritur, sæpius purum merumque pus est, quod in pectoris cavitatem decidens morbum istum parit. Si vero empyema Peripneumoniæ soboles sit (nili pulmonis vomica intercedat) materies ichorosa, circa phlegmones locum aggesta, & postea mera coctione crassescens, pulmonis unitatem solvit, tandem membranam investientem perforans, inque thoracem exundans, Empyema producit. Ista materia purulenta potius, quam merum pus dicatur.

Empyematis signa, vel ipsum dum in fieri est prænuntiant, vel plane factum indicant. Prioris generis habentur morbi alii, quorum hoc proles esse solet, prægressi; cujusmodi sunt Pleuritis, Peripneumonia, Angina, quandoque item pectoris plaga aut vulnus, quin & alii interdum ejus affectus, non bene judicati, aut solati: è quibus empyematis secuturi major erit suspicio, si post unam aut alteram septimanam sine sputo copioso rigores & febris & spirituum languores superveniant. Dein post xiv. aut xx. dies empyematis plane facti signa erunt, respiratio difficilis, pectoris gravitas, materiæ fluctuatio, & molestiæ sensus è corporis situ mutato, sitis & febricula fere constans, genarum rubor, totius inquietudo & vigiliæ.

Empyema multifariam distingui solet, scil. imprimis juxta affectionem præcedentem cujus soboles est; item quoad sedem ejus in thoracis latere modo dextro, modo sinistro, modo in tota capacitatem ejus; & denique quoad materiam morificam, quæ vel merum & laudabile pus est, vel materia purulenta, atque hæc modo mitis & benigna, modo acris & fœtida.

Morbi hujus Prognosis tum ante, tum post sectionem instituitur; prior determinat utrum latus aperiri debeat nec ne; item prædicit, cujusmodi cum, vel sine apertione morbi eventus futurus sit. Si empyema tardius post primarium affectum, scil. non ante 30. aut 40. diem, quando vires plurimum attritæ, atque pulmones vitati sunt, eorumque conformatio læsa, succedet; ac insimul si febris velut hectica persistet, respiratio brevis ac laboriosa, pulsus debilis & celer, cum sudore frigido, cumque diarrhæa velut colliquativa, & crebris spirituum deliquiis tunc empyici status plane deploratus sectionem minime admittit, medicus eum sinat incruente mori, ne videatur occidere. Si vero è contra, post mani-

ifesta empyematis maturius facti indicia, pulmonum, aut lateris molestia, nec non febris aliæque symptomata remittent, atque pulsus & spirituum robur constabunt, licebit tunc ad sectionem procedere, indeque successum felicem sperare. Sectione facta si pus album, verum bene coctum, aut alias laudabile cum euphoria exilit, & exinde pectoris gravitas, & dyspnœa remittit, & ægrotans quoad alia pathemata melius habet, de therapeia minime dubitandum erit: sin veto pus nullum aut malum, si tenue, subcruentum, aut fœtidum ex latere aperto effluet perexiguam exinde salutis spem concipere licebit.

Hippocrates inter signa empyematis funesti prænuncia recenset specillum à pure velut ab igne coloratum; siue quod sæpe advertimus & nonnunquam absque malo eventu, si specillum argenteum lateris aperti orificio inditum, statim colore tanquam aureo aut cupreo tingeretur: quod certe nihil aliud significat, nisi quod puris aut materiæ purulentæ particulae sulphureæ adeo exaltantur, & à mixtione vinculo laxantur, ut facile abscedentes, corpori cuilibet alteri, & imprimis argenteo, (cui affines sunt) affligantur. Vidi aliquando ferinam à longa & laboriosa venatione occisam statim ob epulas in clibano coctam, non modo tenerissimam ut cochlearibus eximi potuerit evasisse, sed etiam cochlear argenteum nitidum primo contactu deaurasse. Cujus ratio prorsus eadem ac prioris est; nempe carnes istas à nimio dum viveret animal exercitio adeo ad putredinem dispositas fuisse, ut sulphuris particulae à concrezione liberæ, & ad avolandum aptæ, subiecto statim alteri capaci adherent. Verum hæc in parergo.

Quod autem spectat ad Empyematis Therapeiam, imprimis considerare oportet, utrum morbi hujus, utpote jam facti, indicia certa sint vel dubia. In priori casu pharmacia haud multum opus erit, sed tantum corpore præparato, illico ad lateris, apertionem procedatur. Itaque si à pleuritide, aut Peripneumonia non ritè judicatis, aut à sanguine post plagam, casum, aut vulnus intus suffuso, puris, aut materiæ purulentæ, vel sanguine intra thoracis cavitatem fluctuatio, cum sputo nullo, aut diminuto percipitur; non opus erit ut medicamentis maturantibus, aut expectorantibus amplius immoremur; verum alvo soluta, & sanguine ac humoribus per Julapia, Apozemata, & Anodyna rite temperatis, aut nuda sectio instituat; aut in teneris & meticulosis cauterium imprimis inter sextam & septimam vertebrae applicetur; dein eschara excitata, scalpellus oblique posteriora ac superiora versus sensim, ac paulatim adigatur, donec in cavitatem thoracis penetret; dein cannula argentea indita, materies intus contenta per vices emittatur; ita tamen ut quantum vires ferent totius humoris evacuatio acceleretur; nam portio ejus intus relicta intra paucos dies (propter aërem prout supra dictum est sæpius intus admissum,) fœtorem horrendum contrahet, quod malum ut precaveatur aut cito tollatur, liquor traumaticus & abstersivus bis terve in die per syphonem injiciatur. Non opus erit reliqua ad operationem hanc, ejusque processum spectantia particulatim describere; quoniam hæc singula Chirurgis quibusque peritioribus planè innotescunt, & in praxi familiari habentur. Post sectionem ejusque administrationem appendicem rite institutam, medico hanc multum prætereā agendum supererit. Ratio victus idonea, crebra alvi (quoties opus erit) per enemata solutio, insuper & remedia vulgo dicta traumatica, quæ sanguinis dissolutionem, ejusque in serositates pectori injurias profusionem impediunt, præscribere oportebit.

Quod si morbi hujus indicia minus certa, ac (uti à Peripneumonia ac pulmonis vomica præviis pleurumque affolet) prorsus dubia sint, ad sectionem haud cito nimis, aut temere procedatur. Novi enim in aliquibus materiam purulentam, imò pus fœditum cum insigni dyspnœa & pectoris gravitate expuentibus, thoracis paracentesin & frustra, & non prorsus innoxie celebratam fuisse. Itaque dum per signa pathognomonica de empyemate plane factò constabit, medicamentis (qualia pro Peripneumonia curanda supra præscribuntur) expectorantibus, necnon evacuationem per urinas & sudores blande moventibus, aliquandiu insistendum erit: quibus tandem nihil proficientibus, & empyemate adhuc manente, vel aucto (quia dummodo vires constabunt, præstat remedium anceps experiri, quàm nullum) ad paracentesin procedatur.

Quod spectat ad medicamentorum pro empyemate curando requisitorum formulas, ante sectionem eadem remedia quæ ad Peripneumoniam præscribuntur conveniunt; paracentesi autem facta, sequentia potissimum ex usu erunt.

Contra languores, & spirituum deliquia quæ in operatione ista, vel postea contingunt, Julapium sequens præsto sit, subinde ad 4. vel 5. cochlearia sumendum.

℞. Aq. Melissæ, Cerasorum nigrorum ana ℥vi. Aq. mirabilis ℥j. Margaritarum pulv. ℥j. Syrup. caryophyllorum ℥j. Misce, f. Julapium.

Decoctum sequens propinetur ter aut quater de die.

℞. Folior. lingvæ cervinæ, veronicæ, eupatorii, tussilaginis, pilosellæ, faniculæ, ana Mj. Radic. Rubiæ tinctor. chærefoli ana ℥j. hordei ℥ss. cicerum rubr. ℥ss. passul. solis ℥i ss. coquantur in aq. fontan. ℔ iv. ad medietatem,edulcoretur inter sumendum ad placitum cum melle depurato, vel cum syrupo de pilosella. Si absit febris pilulæ seq. sumantur vespèri, & primo mane ad ℔j. vel ℥ss.

℞. Pulv. oculor. canceri ℥ij. flor. sulphuris ℥j. salis prunellæ ℥ss. spec. diarthod. abbatis ℔j. Terebinth. venet. lotæ q. s. f. massa, formetur in pilulas exiguas: vel omiſsa Terebinthina idem medicamentum sumatur in forma pulveris ℥ss. ad ℔ij. bis in die.

Empyematicorum exempla non ita passim & crebro prostant, atque ab eo morbo curatorum multo rarius. Novi duos, lateris sectionem à medicis omnimodo præscriptam admittere nolentes, fatum obiiſse, eorumque cadavera dissecui. Item binis aliis operationem istam adhibitam vidi, quorum unus convaleuit, alter tabidus interiit; cuius tamen ratio erat, quod pulmone insigniter vitiato, & viribus prostratis, lateris apertio serius facta nullum isti juvamen contulit; sed spiritus prius imbecilles depreſſit valde, eorumque copia abſumpſit. Ille cujus latus aperiebatur, pulmonem satis firmum habuit; sed à lateris abſceſſu intus rupto, materies in thoracis cavitatem decidens septum adeò comprimebat, ut vix respirare potuerit. Chirurgus sine caustico, inter vertebra sextam & septimam scalpellum intruſit, & carne penitus perforata cannulam indidit. Ichor cruentus primo effluxit, & dein per vices in modica copia exemptus per triduum sine fœtore quovis effluxit; postea verò quoties foramen aperiretur, odor terribissimus, cloacæ cujusvis maxime putentis fœtorem superans expirabat, totanque cameram graveolentia intolerabili inficiebat: quinetiam adeò per plures dies persistebat, donec per injectiones ex myrrha, & herbis amaricantibus aqua & vino incoctis factas, & sæpius quotidie adhibitas, tandem extingueretur, quorum usu diuturno, materia morbifica, & sorditie omnidum abluta effluxus omnis cessavit; & denique fo-

ramine clauso patiens integrè convaleuit. Illorum, qui, cum lateribus apertione nullo medici aut amicorum suasu admittere vellent, interibant, cadavera dissecui. Unius alibi mentionem feci; cujus summa erat, quod pus ab Apostemate in pleura, & musculis intercostalibus excitato, intusque disrupto emanans, loci affecti & pulmonis contigui partem sphacelo affecerat, indeque diaphragma corrodens, & foramine in dextro ejus latere factò, in viscera imi ventris descenderat: ibidemque toto ductu ventriculi, & intestinorum tunica exteriores, in quas materies purulenta deciderat, corrosæ & discolores apparebant; & demum materies purulenta intestinum rectum corrodens, & perforans, unà cum excrementis per anum; foras prodibat. D. Ægrotans robustus & medicinæ cujusque impatiens, morbi hujus Tyrannidem per duos circiter menses sustinuit; sed interim febriculâ, siti, inquietudine, ventriculi molestiâ, & crebrâ subversione & *ἀγρυπνία* ferè continua miserrime afflictus degebat. Cadavere post obitum aperto, odor fœtissimus cloacam omnem superans per totam cameram diffundebatur. Alterius ab Empyemate defuncti Anatomie, non ita vastam materiæ purulentæ diffusionem exhibebat. Illa quidem in latere nidum habuerat, unde in thoracis cavitatem decidens, ibidemque in copia ingenti aggesta, & pulmones continue immersos polluens, febrem lentam & quasi hecticam, à qua ægrotans valde senex interiit, excitabat.

Hac Thomas Willis Pharmaceutices rationalis parte 2. supersunt jam quadam tum ex Thesibus Discipulorum, tum ex ipsis Collegiis & Diœtæis Clarissimi ac Celeberrimi Viri D. Caroli Drelincurtii in ulteriorem hujusce materiæ illustrationem adjicienda.

Empyematis, Prima ii & Genuini causa est sanguinis intra capacitatem thoracis effusio, ejusdemque inibi diuturnior mora, quam vasorum vel ἀναστόματος vel διαπύκνωσης vel πύκνις, vel διασπύκνωσης prodixerunt, uti certè dignissimi observationum scriptores luculentam nobis quadruplicis illius causæ fidem faciunt, ac proin nullus omnino superest dubitandi locus de Divini Senis Oraculo sect. 6. Aphor. 20. Si sanguis in ventrem effusus fuerit præter naturam necesse est ut suppuretur, cui Sententiæ subscribit & Hippocrates Latinus lib. 2. cap. 7.

Speciatim autem id *Empyematis Primarii* post vulnera in thoracis alveum penetrantia haud insolenter in Castris se vidisse profitetur *Clariss. necnon Celeberr. Vir D. D. Carolus Drelincurtius, Galliarum Regis olim Consiliarius ac Medicus Ordinarius, nunc verò Præceos & Anatomes hæc in Academia Professor dignissimus, Præceptor ac Præses meus æternum colendus.*

Empyema, quod Secundarii nomine indignamus, pro causa Pleuritidem agnoscere elicitur ex hoc aureo sect. 5. Aph. 8. Quicumque pleuritici facti expectorabilem materiam non excludunt intra dies quatuordecim, iis in Empyema degenerat, quia nempe materia illa quæ inter pleuram musculosque huic incumbentes, matureſcit, vel, si magis placet, purulenta sit, membranam pedetentim arrodit, atque sic gliscit in pectus; imò etiam aliquoties impetu factò, locum ampliorem sibi quærit & membranam illam confertim dirumpit; Utrò autem illorum modò accidat per μεταστάσις & quandam veluti μετομοσίαν, deportationem & commigrationem in verum & Legitimum Empyema degenerat, uti Heurnius etiam comprobat in viro annorum 30. qui ex pleuritico Empyicus factus est, sed qui tabidus mortem obiit. Comm. in sect. 5. Aphor. 8.

Quamquam autem rariores sint *Empyici* à Pleuritidis rupta vomica, (*Lutetia præsertim Parisiorum, ubi Medicorum Atlantes suis toties iteratis venosect. necnon & aliis benè multis vel evidente, vel clanculum evacuantibus, Empyematis ortui sese opponunt & illum occupant*) nihilotenus Clariss. noster Præses Honorandus,

loci praxin numerosissimam exercens, Militum Decem veteranum curavit, qui *Epyemate Pleuritidis succedaneo*, liberali puris expectoratione atque solius γαλακτοποσίας & aliquot bechicorum usu integre, *trimestri spatio*, defunctus est. Alteram iridem in practicis suis collegiis, conscriptam à se historiam nobis exhibuit, de Matrona consistentis ætatis, quæ propter ruptam & intrò latam pleuritidis vomicam, synopen primùm perpessa est, *ut fert Aph. 8. sect. 7.* & tandem per alvum atque mictuales ductus largiter profuso pure, dysenteria atque dysuria laboriosissimis divexata fuit; sed ab illis, *ut ab Empyemate*, Artis Æsculapicæ subsidio, *paucos intra menses*, immunis evasit.

Virginem insuper vidi pulmone ulceroso, quæ per os & alvum unicè, citra *dysuriam*, pus suum profudit ad obitum usque.

Aperto cadavere totum pectus pure stagnatum, reperi à dextris & à sinistris, sed nusquam par fui detegendis viis à pectore in alvum purulentiam deducentibus, proximis ob festinationem rei, urgentibus defunctæ consanguineis.

Empyema dextrum periculosius esse sinistro.

Hippocr. lib. 3. de Morb. dextrum Empyema sinistro damnosius esse pronunciat, quia, de mente Præsidis mei, *vena impar* corrosioni magis obvia quam Aorta durior atque compactior. At *Riverius* è contra Lib. Prax. 7. cap. 4. sinistrum Empyema peius esse censet, quod puris edacitate ventriculus cordis sinister periculosius arrodatur. Sed isthæc ratio apud nos ficulnea atque inutilis. Cordi siquidem *pericardium* & *ejus aqua*, vice sunt *propugnaculi*, atque *fossa*. Cor ergo puris mordacitati patet. Imò etsi cor puris injuriis obvium foret undique; annon sinister ejus ventriculus tot illas facilius eluderet? nam plurimis atque validissimis *fibris musculosis* donatus est. Cor siquidem universum ex Hippocr. sententia, *reclamante licet Galeno*, musculus est robustissimus non nervo sed carnis densitate atque compactione. Et profectò veritatem illam Hippocratem firmam & immotam stare adversum Galenicos impetus, Clariss. oculatissimusque Præses meus, partim libris, partim viva voce, partim αὐτοψία me docuit. Is enim nunquam satis laudandus Præceptor, in nuperis suis Collegiis frequentissimis, necnon in Amphitheatro majori, corda nobis, cessit ovilla, vitulina, atque humana in fibras spirales à basi ad conum densè revoluta atque retorta. Imò fibras illas non solum in orbem reflexas, sed & musculosas esse ad oculum probavit, & illas præterea à sinistris, quàm à dextris longè numerosiores atque crassiores replicuit atque retexit. Rationem porò discrepantis structuræ suis demonstrationibus attextuit, densiores scilicet esse sinistri ventriculi fibras, ut systole validiori sanguinem pellat ad extremos usque microcosmi fines; at ventriculo dextro parciore atque graciliores inesse, ut systole leviori in proximam & insertam sibi pulmonum arteriam sanguinem acceptum regerat.

Ex istis itaque liquet sinistrum cordis ventriculum dextrò validiorem, validiùs etiam dextrò omnes à se puris noxas amoliturum, atque adeò non ita periculosum extare sinistram empyema, sed cassos penitus esse Riverianos in Hippocratem insultus.

De latere Empyico internoscendo, ubi memorabile recitatur exemplum de Empyemate inaudita methodo exterius purgato.

Riverius Prax. lib. 7. cap. 4. signum proponit, tanquam suum, quo latus Empyicum à latere sono dis-

tinguatur, tumorem scilicet œdematosum in latere co-
roto. Verùm diagnosim illam genuinis suis observatoribus Præses meus restituit, Hippocrati nimirum, *Guidoni*, *Pigrao* atque *Thevenino*. Videbis præsertim *Duret*. Coac. lib. 2. cap. 16. Coac. 68. Sed præterea Præses meus docet latus Empyicum non modò Oedematis more tumere, verùm etiam ichores quandoque emittere & sero quoquam sanioso atque glutinoso, fætidoque stillare. Imò latus narrat *sudorum poris* tabo quodam purulento hic & illic maduisse, & cum omnia symptomata insinuassent pus esse vel ferio vel igne potentiali educendum, ac interim ager Martem & Vulcanum perinde horreret, frustillum plumbi, instar festucæ, in pororum patentiore unum, tabo crassiori fluxum, turundæ ritu solerter intrusum esse, atque sic in dies crassius illud atque longius plumbum inditum esse, donec tandem intimiùs adactum, pectus ipsum penetrasset, ut ex ejus penetralibus pure deinceps liberiùs manaret & protè deterfo pristina salus redintegraretur.

In Empyematis operatione falsò doceri vasis intercostalibus parcere Chirurgos.

Lippis & tonsoribus notum est ad Empyici pectoris apertionem præcipi ut scalpelli dorsum obvertatur costarum crenis, ne vasa cadantur. Sed cautionem illam futilem & agyrticam esse nos in Amphitheatro docuit Clariss. Præses meus, Anatomix magnus Antistes; Nostis etenim oculis subjecit brevi duntaxat tractu crenari costas, & falsissimum esse intercostalia vasa costarum crenas longè decurrere. Imò vasa isthæc pleurâ suâ ita nudavit, ut luculenter viderimus *superiorem* ubique *venam*, *nervum infimum*, *arteriam* verò *intermediam* esse, idque tam alta à costarum crenis distantia ut nusquam secandus veniat musculus intercostalis interior, quin isthæc intermedia vasa saucientur transversa. Quid igitur nobis obtrudunt, *suam industriam obtenturi Chirurgi*, sese vasa pleuritica longè declinatuos, si modò, inter Empyicum pectus aperiendum, scalpelli aciem in inferioris costæ dorsum obverterint. Apage nanias agyrtis unicè dignas, à Medicis verò genuinis atque cordatis longè abhorrentes. *Atque hac ex Clariss. D. Drelincurtio. Sequuntur jam.*

Curationes, Consultationes, Observationes & Anatomica inspectiones ex variis.

Curationes.

Quoad curam empyematis, seu quando pus factum in cavitate fluctuat, & stagnat, 1. Est evacuandum.

2. Acrimonia ejus noxia corrigenda. 3. Læsio partis inducta restituenda.

Quoad *puris evacuationem*, hæc per convenientes vias instituenda venit. *Via convenientes* sunt vel *naturales* vel *artificiales*: illæ quibus *natura* molitur evacuationes, & quæ subinde per varia loca inimitabili arte purulentias evacuat, ut dum v.g. pleuriticorum; vel alias in thorace suppuratorum purulentias, nunc per *urinas*, nunc per *alvum*, nunc frequentissime per *sputum* evacuat, imò per *purulentiam*, in toto corpore *scabiem*, quo de viro. M. A. N. C. Ann. 2. pag. 230, solvi observatum fuit. Sanè *pus empyici* per *urinam* excretum c. dolore quasi nephritico & stranguria refert *Horst. l. 3. observ. 10.* Simile vid. ap. *Panarolum*, item *Borellum cent. 2. observat. 17.* Ipsemet curavi mulierem gravi pleuritide correptam, suppuratam, cui supervenit fætidissima materiæ purulentæ urina, quæ per 10. vel plures dies continuante cum sensibili alleviatione ipsa sanabatur. *Præcavebam simul phthisin ac tabem* per pulveres

pulveres & antihæctic. Poterii, myrrh. ocul. cancror. antimon. diaph. bals. sulphuris therebinth. &c. Elix. Prop. raro propinabam, quia hoc semper alvi fluxum fitebat, ut necesse esse, eam denuo provocare clymate. Sicut jam supra hujusmodi variæ excretiones circa hepatis & lienis abscessus insinuatæ fuerunt. Facit huc quod refert *Hildan. centur. 3. hist. 39.* Nempe ulcus diuturnum in brachio ex ictûs sclopeti, quod, quia per urinam pus excernebatur, ulcus sicabatur: Quamprimum verò ulcus recenter fluebat, tum patiens rursus urinas laudabiles nullo pure permittas reddebat. Per quas vias materia empyematis in pectore, v. gr. deferatur ad urinam aut alvum, aut etiam ad os pro expuitione, plures autores litigant. *Conf. Senn. lib. 2. prax. ubi de pleurit. quæst. 3. Willis Pharm. rat. P. 2. pag. 150. 201. M.A. N. C. Ann. 3. pag. 393. & Ann. 6. pag. 75.* His in casibus si molliatur aliquid natura, semper minister ejus est Medicus, dum, quò illam vergere videt, eò simul motum illius promoveat. Si verò rupto abscessu & collecto jam empyemate pectoris, eam nil moliri observat, pro copia puris dum vires adhuc constant, evacuanda, imprimis vomitus convenit, cujus insignes utilitates pluribus *Piso de colluvie serosa* declarat. Hinc sputum imprimis promovendum, ut hujus medio ceu per proximas vias, modumque magis ordinarium, puris fiat evacuatio. Pro quo scopo *Nicotiana* est egregia cujus usum supra ex *Ferdinando* declaravimus.

In sputo hoc promovendo habenda simul ratio qualitatum materiæ purulentæ evacuandæ, quæ quò acrior fuerit, ac tenuior, eò magis temperantia simul usurpanda sunt: Quòd si verò non acre sed crassius sit pus evacuandum, incidentia & abstergentia magis in usum vocanda. In specie mel, & ex eo paratum hydromel seu aqu. mulsa, oxymel squilliticum inter expectorantia primatum ducunt; in qua mulsa hyssopus, scabiosa, parietaria, helenium, iris, marrubium, liquoritia, junib. passula pro indicantium varietate simul incoqui & propinari possunt. Vel fiat mistura expectorans.

℥. Aq. hyssop. ℥iij. asthmat. ℥iij. oxymel. squillitic. ℥vi. syr. Nicotian. ℥β. emet. ℥iβ. M. capiatur pro lubitu.

Artificiales via pro evacuando pure sunt paraceneses, quæ ubi priores. illæ naturales vel non suffecerint, vel non suffecturas suspicio est, in tempore intrinseci potest. In tempore dico, ut quando natura empyema non expurgat per urinam statim instituenda Paracnesis, ne pus in saniem convertatur, ne vires frangantur, ac pulmo à sanie corrumpatur.

2. Acrimoniam puris & ejus noxam corrigunt, hoc est, ut aliàs dicunt, ulcus absterunt & mundificant optimè remedia sulphurea, quodcumque acre temperantia & balsamica, quasi vi ulteriorem progressum apostematis & puris inhibentia, uti sunt sulphur & antimonialia fixa, &c.

3. Ea verò, quæ lesionem partis post abscessum suppuratum restitunt, sunt vulneraria, præ cæteris hederæ terrestris, scabiosa, chærefolium, item lignorum & radicum decoctum, &c. Optimè hæc duo junguntur, sed semper habenda est ratio Puris ut hoc vel simul evacuetur. Febris adjuncta, ne hæc plus majus intensa augmentetur. Ad hoc ut evacuetur pus præter evacuationem per vomitum si est in thorace, vel in alio loco, convenientissima sunt omnia antimonialia fixa, v. gr. antimonium diaphoretic. quod ipsum cum decocto chærefolii, vel cum hederæ terrestris, vel quod melius cum decocto radice china propinetur, propinando sæpius cum haustu istius decocti ℥i. Antimonii diaphoresis. Hoc enim mirabiter suppurationes quascunque curat sanguinem congruatum & empyema imprimis pectoris.

Et tunc cum radice China simul coquenda iuxta usum silago, hyssopus, consolida major, capill. veneris & similes: Non opus est multa addere, simplex enim sufficiat decoctum cum quo propinetur Antimonium diaphoreticum.

Post Antimonium diaphoreticum imprimis est Balsamus sulphuris, qui quancunque suppurationem ac internarum partium & viscerum corruptionem, cito, tutò & jucundè curat. Vel simplex vulgaris, cum spiritu terebinthinæ, vel anisatus cum oleo anisi pectoralis, vel succinatus cum oleo anisi pectoralis, vel succinatus cum oleo succini; vel juniperinus cum oleo juniperino. Loco Balsami sulphuris simplicis sumatur Balsamus sulphuris auratus antimonii ex Polemanno, erit balsamus eo magis laudatus.

Denique Arcæus tract. de capitis vulneribus, Egregium modum docet curandi empyemata beneficio decocti ligni Guajaci, cujus methodus est optima, & quâ observatâ aliquot empyematici restituti fuere.

Nec incommodè ligna fantala hîc recipiuntur, verbi gratia.

℥. Rasur. ligni Guajaci ℥j. assafr. ℥β. Macera per 11. horas in aquæ comm. ℔vii. coque ad consumptionem ℔iβ. adde heder. terrestr. comar. flor. hyperici. herb. veronic. an. m. j. ad m. j. rad. glycyrrhiz. ℥β. sem. fœnic. ℥vi. passul. minor. conquassatar. ℥iij. Coqu. ad remanentiam ℔. iv. M. S. decoctum de quo æger ad minimum ter in die capiat, subjungendo & alia remedia.

Hedera denique terrestris omnibus præferenda est speciebus simplicium quæ suppuratos ex fundamento, ut sic dicam, curat: Ejus decoctum seu essentia si assumatur, aut quod melius cum eodem antimonium diaphoret. propinatur, aut denique si ejus succus semper cum decocto Guajaci permisceatur.

Certum est quod hedera terrestris sit inæstimabilis in hoc casu.

Hinc sunt qui maximè æstimant.

℥. Succ. hederæ terrestr. ℥iv. prassii (id est marrubii) ℥ij. thuris, myrrhæ an. 3 j.

Sacchari parum; redigantur ad consistentiam syrupi, & subinde usurpentur.

Denique decoctum brassicæ capitatæ rubræ, cum tantillo sacchari temperatum, est egregium, quia materiam purulentam educit per urinam. Potest etiam dari cum decocto Chinæ, antimon. diaphoret. & similia.

Lac quoque caprillum cum saccharo rosato usurpatum, pro ultimo hoc scopo est egregium. vid. M. A. N. C. an. 1. p. 78.

Confert. cum his Willis. Pharm. ration. p. 2. ubi de phthisi & empyem.

Balsami sulphuris fecit mentionem: si hujus igneus calor pertimesceatur, optimè permisceatur. saccharum Saturni vel Antihecticum Poterii, quæ in his casibus sunt egregia.

Item Balsamus Peruvianus non incommodè potest substitui balsamo sulphuris. Michael Ettmuller. Collegii Medici Part. 1.

Quoniam curantur Empyici difficillimè, consueverunt veteres Thoracem incidere: ut inde purulenta materia promptius educeretur. Monet autem Hippocrates ne pus universum effluat, tunc enim languentes Mors certò excipit, ut experimentis pluries innuit. Partem verò urendam, vel secandam nonnulli eligunt inter tertiam & quartam costam: alii inter quarram & quintam: & alii inter quintam, & sextam. De qua re legendi potissimum Paulus Aegineta, Fabritius ab Aquapendente, Fienus, Scultetus, Barbette, Marchetti, Hippocrates 2. de Morbis utroque latere

latere pure affecto, sinistrum potius aperiendum voluit: minus etiam lethalem dicit factam ibi sectionem. Verum Epiphanius Ferdinandus ex eodem Hippocrate de internis affectionibus tutius putat perforare costam ipsam. Idipsum approbat Martianus etiam in Hydrope Pulmonis ex eodem Hipp. de Natura mulieb.

At longè periculosiorem, quàm vulgò creditur, Paracentesim esse existimat Jo. Van-Horne, & Tulpus pluries infelicitè institutam ait. Quamobrem plerique ad alia remedium generà confugiunt, quæ si non magni iuvaminis, saltem minoris sunt periculi Fumo tabaci per fistulam excepto, ejusdemque decocto calido cum saccharo bis tantum sumpto, pus è cavo Thoracis per tussim excretum memorat Epiphanius Ferdinandus: debet autem illud convenienti digestionè depurari, & castigari. Alii communius diureticis insistant documento Galeni 6. de loc. affect. cap. 4. Nec denique desunt, qui etiam per alvum expurgatum empyema recenseant: nam præterquam quod visum id aliquandò fertur ab eodem Galeno c. 6. de loc. aff. cap. 4. confirmatur quoque à Velschio, qui acceptum à Matthia Baccono refert, Empyemum ex pleuritide sanatum frequenti potione, ex syr. Althææ, oxymelle, saccharo, manna, oleo amygdal. dulcium recenti, & aquâ scabiosæ, pure nimirum, ut ipse inquit, alvo proclivius, quam ore, expurgato. At ductus isti nondum satis perspecti sunt, quamvis illos ostendere adnitus sit Bauhinus relatus ab Horatio, & à Sennerto; ac multò antea Galenus cap. 6. de loc. affect. 4. & 7. Aph. comm. 30.

Profuissè nimirum vidimus Empyicis decocta ex scabiosa, pulmonaria, fanicula, tussilagine, hyperico, hyssopo, carduo benedicto, betonica, iridis Florentine, & lappæ majoris radice, glycyrrhiza, consolida, C. C. C. & majori ex parte ligno guajaco, & lentiscino composita, & exhibita ad plures dies cum balsamo sulphuris, anis. vel terebinth. ad guttas aliquot mane per quinq; saltem horas ante cibum. Efficax quoque observatur elixir proprietatis elicitus cum aqua cinnamomi, cum quo commisceri potest syrupus de tussilagine, de hedera terrestri, de hyssopo, de prassio, si libuerit. Flores Antimonii fixi, & Antimonium diaphoreticum ritè præparatum, miram opem præstirere, sicut pariter illius cerussa descriptione Angeli Salæ, non neglectâ tamen in hanc rem observatione Friderici Hofmanni. Magna etiam vis inest Terebinthinæ albæ Cypriæ, si cum modico vitelli ovi dissolvatur, & cum aqua hedere terrestres stillaritia guttatim infusa tantisper subigatur, quousque cremorem lacteum æmuletur. Capi potest ad unciam unam vel alteram jejuno stomacho. Succus ejusdem hedere utilissimus memoratur à nonnullis, si cum olivano diapenid. redigatur in formam Electuarii, & per vices assumatur, vel in ore detineatur.

Ad Pulmonis vomicam, refert Cardilucius sibi pro secreto communicatum spiritum è pulegio in spiritu vini per octiduum infuso elicitem, vel insensibiliter vel per sudorem, aut urinam illam dissolvere. At Morbus hic sicuti rarissimus, ita difficillimæ curationis; quinimò prius hominem enecat, quàm interoscatur aut opportunis remediis tractetur, cum repente è vivis egros tollere soleat, nisi sponte sua rumpatur vomica & purulenta materia in Thoracis cavum deponatur, vel sensim expuatur. *Lucas Tozzi de Medicin. Practic. part. 1.*

Signa Empyematis sunt gravitas cum fluctuatione (præcipuè cum ab uno latere in alterum decumbant) in thoracis cavitate, si Pleuritis aut Peripneumonia præcesserunt, respiratio difficilis, sputum purulentum & foetens, febris hectica, & aliquando sudores nocturni frigidi.

Indicationes sunt puris excretio per expectorationem, urinas, aut lio quocunque modo, ulceris detersio & consolidatio, & rebris, hecticæ ablatio.

Primò incipientur Clysteres lenientes, emollientes & carminativi, & repetantur, si alvus non respondeat. Purgetur æger potione sequenti.

℞. Rad. enul. 3j. glycyrrhiz. 3ij. sem. anis. fœnicul. dulc. ana 3j. crem. tart. 3ß. fol. sen. mund. vin. alb. odorif. nutrit. 3v. Coque, & Colaturæ 3iv. aut vi. adde diaphœnic. 3ij. syr. ros. solut. cum agaric. 3j. Mf. f. Potio mane sumenda cum regimine.

Si vires ferant & febris urgeat, instituatur venesectio in brachio.

Victus sit tenuis & siccans, ex assaris potius quàm elixis. Sepius comedat pincolas, avellan. amygd. dulc. ficus, passul. &c.

Potus ordinarius sit hujusmodi.

℞. Sarsap. 3vi. fassaf. 3ij. lign. sanct. 3ijß. glycyrrhiz. 3iß. passul. 3ij. aq. hord. 3bxxiv. Infund. & coq. ad tertiæ partis consumptionem. Colatur & aromatizetur 3j. pulv. coriand. ad usum servetur in lagenis lapideis.

Vel ℞. Rasur. lign. sanct. inter. nigerr. 3iv. rad. symphyt. maj. 3vi. rad. tussilag. 3v. scabios. veronic. caryophyllat. botry. an. m. ij. glycyrrhiz. recent. 3ij. Infund. in 3b vii. aq. f. vase probè occluso, mox coq. in alembico superposito capitell. ad 3b ij. consumpt. Colatura sumatur bis terve in die ad 3vi. vel vii. quavis vice longè à pastibus.

℞. Rad. chin. 3ij. enul. 3j. tussilag. 3ij. caryophyllat. totius, scabios. an. m. ij. fol. beton. pulmonar. pilosell. heder. terrest. erysim. an. m. j. summit. marrub. alb. hyssop. an. m. 3. passul. purgat. par. xx. jujub. par. x. dactylor. ficuum an. par. iv. Coq. in hydrom. dilut. lb. vj. ad lb. ij. consumptionem. Colatur. adde syr. capill. ven. 3iv. ol. sacch. 3ij. Mf. f. Apozema. Dos. 3. vi. bis in die longè à pastibus per octiduum.

℞. Rad. enul. rec. 3j. urtic. urént. 3ij. glycyrrhiz. Hispan. 3x. fol. veron. mar. cum toto, heder. terrest. botry. an. m. 3ß. erysim. m. ij. summit. hyssop. marrub. alb. an. m. j. Coq. in hydrom. vinos. defæcat. fiat Colatura, in qua clarificata macera passul. mundat. lbjß. ficuum ping. 3viii. Bulliant, extrahe pulpam, quæ cum liquore residuo lentè coquatur in Electuarium.

℞. Hujus Electuarii 3v. mell. despumat cum phlegmate, ex distillatione olei anis. 3ij. sacch. cand. 3v. vin. de Malaga 3vi. Coq. lentè ad consistentiam eclegmatis, instilla ol. sulphuris per campanam, q. f. ad gratam aciditatem. M. 3. & lambatur instar linctus.

Aliquando oleum sacchari hujusmodi præscribo.

℞. Rad. enul. 3j. ireos Flor. 3ß. glycyrrhiz. 3vi. fol. sic. marrub. alb. hyssop. scabios. heder. terrest. erysim. an. 3v. rad. caryophyl. sic. 3x. cort. rad. fassaf. 3ij. sem. anis. fœnic. dulc. an. 3vii. affund. aque vit. ad iv. digit. supernatationem, infunde per quadriduum: Colaturæ 3b ij. adde sacchar. crystal. pulv. lb. j. flor. sulph. 3j. accende liquorem in paropside stannea, & agita donec inflammatio cessat; cola per linteum, & adde mellis passulat. quartam partem, f. Eclegma.

Si sputa sint purulenta, & tussis urgeat,

℞. Pulp. rad. alth. & passul. in aq. scabios. & hyssop. simul. coct. pist. & trahet. 3ij. pulv. subtiliss. fol. tussilag. glycyrrhiz. Hispan. an. 3iß. ireos Flor. 3ij. lact. sulph. 3ij. sacch. crystal. pulv. 3viii. cum pauca aqua hyssopi f. Pasta pro trochiscis hypoglott.

Si opus

Si opus sit majori deterfione, convenit Lohoch de thure.

℞. Thur. mascul. ʒij. sacch. crystal. ʒij. pulv. includ. cavitate majoris pomi dulcis, quod proprio operculo rectum torreatur, & pulpa bene cocta à superfluitatibus separetur, addendo pulp. rad. enul. in hydromel. ad putrilag. coct. pist. & traject. ʒi. pulp. passul. ʒij. pulv. hyssop. & fol. ruffilag. an. ʒiij. ireos Flor. ʒij. succ. glycyrrhiz. ʒβ. syr. de erysim. heder. terrest. roris solis an. ʒiij. flor. vel lact. sulph. ʒβ. Mf. f. Lohoch.

Potens admodum est remedium Saponæa sequens magistralis.

℞. Rad. enul. rec. ʒij. alth. ʒiv. passul. maj. ʒiij. Coq. ad putrilaginem in hydrom. malvar. pistentur, trajiciantur per setaceum, de pulpa sume ʒij. suc. glycyrrhiz. ʒβ. ireos Flor. ʒij. sem. anis. fœnic. dulc. an. ʒiss. sem. angel. cardam. an. ʒss. mastich. olib. an. ʒj. cinam. inter. ʒij. croci ʒij. Terantur terenda in alcohol, adde duplum saponis Venet. alb. & cum syrupo pectorali f. Electuarium, addend. ol. anis. ʒβ. dos. quant. nusc. moscat. bis terve in die.

Mel Passulatum de quo sæpius supra dictum est.

℞. Passul. lb iv. aq. f. lb xii. macera per hor. 24. dein coq. ad tertias. Colatura coquatur ad mellis consistentiam, & usui servetur.

Tabellæ de Althæa de quibus mentio supra facta est.

℞. Spec. diatrag. frig. pulv. glycyrrhiz. ana ʒivss. sem. papav. alb. ʒiij. ireos Flor. ʒiijss. sacch. alb. ʒiijss. cum pulp. alth. q. s. f. Tabellæ.

Post deterfionem, si opus sit validâ exsiccatione surpètur suffitus talis.

℞. Auripigm. ex cineribus vitis vel cum flor. sulphur. sublimat. ʒss. Tabaci Indici opt. ʒiij. ruffilag. rad. enul. calam. aromat. ana ʒiv. lign. aloës, benzoin. gum. guajac. naturalis ana ʒi ss. f. pulvis subtiliss. & cum tereb. Venet. q. s. vel balsam. Peruv. f. trochisci num. 12. pro suffitu, cujus fumus excipiat cum infundibulo.

Sæpius Tabacum compositum sequens præscribo.

℞. Fol. ruffilag. sicc. ʒss. laur. salv. malabathr. an. ʒij. rad. enul. ʒijss. cort. guajac. gum. ejusdem an. ʒiss. tabac. Indic. ʒiijss. succin. oliban. an. ʒvi. auripigm. flaviss. scintillant. ʒss. Auripigmentum, succinum, oliban. cort. & gum. pulverizentur, & cum cæteris crassiusculè incisis misceantur; & capiat fumum instar Tabaci vulgaris, idque paulò ante assumptionem apozematum pectoralium bis terve in die.

Si Empyema per latus alterutrum viam moliat, latus affectum foveatur fotu seq.

℞. Rad. alth. lil. alb. an. ʒij. brion. ari ana ʒiss. enul. ʒiij. fol. malv. parietar. senecion. ana m. j. scabios. heder. terrestr. marrub. alb. ana m. ij. sem. fœnugrac. ʒx. sem. anis. fœnic. ana ʒiij. Coq. in aq. f. part. xii. mell. part. ij. acet. scillit. part. j. Colaturæ adde ol. violar. ʒj. chamem. rut. ana ʒss. Mf. & cum spongiis eodem madidis f. Fotus mane & vesperi per horam integram.

Post fotum, optimè detersâ parte, applicetur Emplastrum sequens lateri affecto.

℞. Empl. diachyl. ireat. ʒiv. pic. Burgund. ʒiij. ladan. ʒij. gum. caran. racamahac. an. ʒj. pulv. flor. chamem. melilot. trifol. odorat. ana ʒss. pulv. cumin. cut. flor. sulphuris ana ʒvi. croc. ʒij. bals. Peruv. terebinth. Venet. an. ʒvi. cer. flav. q. s. f. Emplastrum. Aut applicari potest Emplastrum Diasulphuris Rulandi.

Si adsit catarrhus, conveniunt fontanellæ, vel in futura coronali, vel in homoplatis.

Aquæ Thermales sulphuræ hîc maximè conveniunt.

Paracentesis antequam vires sint nimis contumptæ semper fere feliciter succedit, aperto latere inter quintam & sextam costam (ab inferioribus numerando) eo in loco ubi sub infimo exortûs pectoralis musculi angulo musculus serratus major & epigastri obliquus externus dentatim junguntur, scalpello acuto panniculo obligato deorsum natante mucrone, servatâ rectitudine fibrarum intercostalis musculi, & cutem ipsam cum subjectis partibus audacter dividat Chirurgus, adactâ in superiorem costæ quintæ partem acie. N. B. Potius antrorsum aliquantulum quàm versus spinam secandi sunt omnes Empyematici, salvis diaphragmate & pulmonibus qui in ista parte vulnerari nequeunt, sumto inter secandum expirationis momento. Dein fiant injectiones vulnerariæ, detergentes, & postea exsiccantes & consolidantes. *Theodor. de Mayerne Prax. Medic. lib. 2.*

Hic in Curatione Empyematis jam addamus quæ de Paracentesi thoracis, habet Thomas Fienus in suo de præcipuis artis Chirurgica controversiis libello, sic autem ille.

Paracentesis est sectio, per quam fit vulnus penetrans in corporis cavitatem. Et si autem per paracentesin intelligatur proprie tantum sectio, quæ fit ferro frigido, tamen volo ego eam hic latius considerare, sic ut sub paracentesin non tantum sectio comprehendatur, sed etiam ustio, qua fit ulcus penetrans. Perforatio enim usque ad corporis cavitatem fit duobus modis, vel ustione, vel sectione. Quia autem utraque est ad eundem finem, ideo utramque sub generali nomine paracenteseos hic comprehendere volo. Dico, penetrans in corporis cavitatem. Corporis autem cavitates duæ sunt; una supra diaphragma, quæ est cavitas intra thoracem contenta: alia sub diaphragmate, quæ est cavitas in abdomine contenta. Ideo duplex est paracentesis; alia pectoris seu thoracis, alia abdominis.

Ufus, & finis utriusque paracenteseos unus est, ut nimirum per foramen sic arte factum aliquid, quod intra illas cavitates contra naturam continetur, & alia ratione à natura excludi non potest, educatur. Quod ibi continetur, vel est pus, vel aqua. Itaque omnis paracentesis est aut ad pus, aut aquam; & vel ex pectore, vel ex abdomine educendum. Pus in pectore colligitur; vel à præcedente anginâ, vel pleuritide, vel peripneumonia suppûratis, & ruptis, & sic affectus vocatur empyema. Vel etiam à vulnere, vel casu ab alto ruptis intra venis & sanguinem multum effundentibus, qui in pus convertitur. Pus intra abdomen colligitur aliqua phlegmone alicujus partis, intra ipsum contentæ, suppûratâ aut ruptâ, ut renum, hepatis, mesenterii, peritonei, aliulve. Aqua colligitur supra Diaphragma in cavitatem pectoris, sic ut pulmo ei innatet, ex pulmonis nimia refrigeratione, pericardii fissura, aut feri ex osculis venarum diapedesi. Et is affectus vocatur hydrops pulmonis. Aliquando colligitur aqua in abdomine, & ille affectus vocatur Hydrops simplex, seu Ascites. In his omnibus affectibus convenit paracentesis. Puto ego, adhuc aliam causam esse, propter quam paracentesis fieri possit; nimirum, non tantum, ut aliquid ex cavitatibus corporis evacuetur, sed ut aliquid etiam in eas immittatur. Sic potest fieri hæc sectio ut decocta aliqua abstergentia, cum syringis injiciantur; interius scilicet ulceribus aliquot difficilibus existentibus, quæ curari non possunt, & ad quæ non possunt alia ratione medicamenta commode pervenire. Sic Harcerus insignis Chirurgus Hispanus docet, ulcera pulmonis, & Phthisim facile esse curatu, & sese sæpius ea curasse, & curæ modum

modum docet hunc; ut nempe in pectore sectio fiat, & per foramen decocta detergentia injiciantur, quibus ulcus eluatur, mundetur, & consolidetur.

Queritur autem: an unquam paracentesis pectoris sit facienda? Videtur autem quod non, autoritate Pauli Aeginetæ l. 6. c. 44. ubi dicit; *aliquos uti sectione, vel unctione thoracis penetrativa usque ad cavitatem. Sed isti, inquit, statim mortem inferunt, vel faciunt, ut fistula remaneat.* Hollerius comment. Sect. 6. Aphor. 27. dicit; *se duos vidisse empyicos, sed unum eorum obisse, alterum fistulosum ulcus reservasse.* Hisce ratio videtur suffragari. Quia si in thorace foramen fiat, per illud externus aer ingreditur, & calor, & spiritus interni egredientur, & cor, & pulmo, principes & calidissimæ partes, spirituque plenæ refrigerabuntur, & debilitabuntur, & mors sequetur. Secundò, quia est communis opinio Medicorum, quod pulmo moveatur fuga vacui, ad motum thoracis. At si in pectore fiat foramen, jam cessabit ratio illa fuga vacui, quia aer, qui potest de foris ingredi per foramen, faciet, ut tunc non sit amplius tale periculum vacui, & ideo debet, motus pulmonis cessare, vel saltem valde minui; pulmonis verò motu vulnere imminuto & pure interius cavitatem opplente, & respirationem impediende, sequitur, quod fieri debet suffocatio; & mors. Saltem, cum in cavitate utrinque thoracis pus continebitur, non poterit sectio talis ulla ratione fieri, quia illa sectio tunc fiet, vel in uno latere, vel in utroque: si fiat in uno tantum, fiet frustra, quia per illam tantum poterit evacuari pus, quod in illo latere est, quod autem est in opposito latere non poterit, & tunc illud poterit adhuc tam bene mortem causare per se, quam antea. Si fiat sectio in utroque latere tunc omnino sequitur, quod non poterit pulmo fuga vacui moveri, ergo necesse erit pulmonem à respiratione cessare, & ægrum mori.

Contra verò quod hæc sectio in empyicis, & hydrope thoracis aliquando fieri possit, docet, Hipp. variis in locis. Nam lib. 3. de morbis docet, quemodo empyemate laborantes sunt urendi, & secandi. lib. de intern. affect. docet costas ipsas perfotare in hydrope pulmonis, quo per foramen aqua valeat exire, & Aphor. 27. l. 6. dicit: quicumque empyici aut hydropici sunt, & secantur, vel uruntur si pus vel aqua confertim exeant, moriuntur. Ubi insinuat, quod illi quidem secari, & uri possint; sed hoc tantum sit cavendum ne aqua & pus confertim exeant. Porro omnes ferè Practici docent in empyemate, si videamus, quod natura intra certum tempus pus ejicere non potest paracentesin esse faciendam. Etsi enim illa absque dubio non sit periculi experta, non est tamen certò lethalis, sed sapissime potest curari, ut experientia docet. Præstat ægro remedium adhibere, à quo sit spes sanationis, etiam si periculi aliquid habeat, quam certæ mori relinquere. Si enim sic relinquuntur vel mox moriuntur, multitudine puris suffocati, vel quia pulmones in eis inflammantur, & corrumpuntur: vel in phthysin abeunt, quæ omnia sunt mala lethalia. Quod autem hæc sectio non sit tam periculosa, ex eo patet, quod omnes singulis diebus experimur, plurimos homines convalescere, qui vulnere thoracis penetrativo læsi fuerunt. Huic accedunt exempla eorum, qui passi talem paracentesin, tamen fuerunt curati. Scribit Plin lib. 7. cap. 50. quod Phileteus deploratus à medicis vomica laborabat. Et cum mortem in acie, inquit, quæreret, vulnerato pectore medicinam ab hoste invenit, & per vulnus erumpente pure fuit curatus. Idem scribit Val. Max. lib. 1. cap. 6. Hipp. in Coacis prænotionibus scribit, se c. impertum habere, unctione aut sectione quosdam evasisse in diuturnis thoracis ulceribus. Paschalius l. 1. c. 39. commendat hanc sectionem, & dicit, quem-

dam nemine Lupum sic ab empyemate fuisse curatum. Velalium in consilio pro vulnere Ducis Terræ novæ, dicit, se hac sectione sapius usum fuisse, & alios uti se vidisse, & se nunquam advertisse ex ea aliquid sinistri, aut contra præcepta artis evenisse, & licet contigerit aliquando, aliquos sic sectos mori, non fuisse tamen mortuos ratione istius sectionis, sed magnitudinis primi mali propter quod sectio erat instituta: scribit Brasagonus in suis comment. in 6. Aphor. 27. se quandam suppuratum misisse, & sanatum fuisse. Saxonia etiam se unum secuisse dicit, & adhuc vivere. Paræus, Harlaus, Guinimæus, alique Chirurghi celebres hanc sectionem commendant, & faciendam docent. Quapropter ad argumenta, in contrarium allata sic debet responderi. Ad autoritates; dubium non esse, quin aliquando secti moriantur, sed id sæpe accidit, ut ait Velalium, ratione Empyematis, quod interna corripit, & non sectionis, scilicet quod sectio mala sit facta, aliquando forte etiam propter ipsam sectionem. Sed non sequitur, quod ideo remedium omnino sit omittendum, quod aliquando obfuit: sufficit, quod possit sapius prodesse, & ad hoc ut in desperatis casibus adhibeatur. Ad rationes, atque ad primam: non propter foramen interius illas partes valde refrigerari, propterea quod parvum sit, & semper emplastris, & aliis linteis bene sit lectum, & clausum. Ita videmus ventrem sæpe esse apertum, cerebrum esse denudatum, thoracem à vulneribus magnis pertusum, & nihilominus tamen adhuc ægros convalescere, nec exinde internas illas partes adeo refrigerari, ut inde mortem sequi sit necesse. Ad alteram dicitur quod respirationis non fiat fuga vacui, etsi communis schola medicorum ita sentiat. Scribit enim Felix Platerus, & alii, sese sæpe egrotos habuisse, qui ab utroque thoracis latere penetranti vulnere affecti fuere, qui tamen non desierunt, propterea commodè respirare, quod tamen omnino necessum foret, si pulmo fuga vacui, ad motum thoracis moveretur, ut asserunt. Scribunt etiam Alex. Benedictus, Nicolaus Piso, & alii, quod cum ab utroque latere pus continetur, quod ab utroque latere sectio sit facienda: quod non facerent, si utrinque vulnerato thorace respirationem cessaturam, aut pulmonem fuga vacui non amplius motum sui crederent. Sed posito, quod ita foret, adhuc tamen posset sectio utrinque fieri, quando pus in utraque cavitate continetur, sed non simul, verum una post aliam, scilicet pure unius lateris per sectionem ejusdem lateris evacuato, & vulnere iterum consolidato. Posset sectio denique in altero seu opposito latere fieri.

Ut hæc paracentesis commodè fiat, ante omnia considerandum est, quis locus ei conveniens sit; Pro quo sciendum est, quod semper sectio fieri debet, in loco, in quo pus continetur, & in illa parte, per cuius foramen potest pus exire. Nam si sectio fieret in eam usque cavitatem, in qua non est pus, frustra facta esset, & frustra periculum tentatum, & Medicus ignominia affectus. In thorace autem duæ sunt cavitates distinctæ; una à dextro latere, à sinistro altera: propterea quod membrana, mediastinum dicta, in medio thoracis sit constituta, & unam ejus medietatem ab altera separet: ex quo fit, quod pus, quod in una cavitate est collectum, non possit ad alteram cavitatem venire. Accidit autem, ut aliquando pus in una cavitate, aliquando in altera tantum, in utraque aliquando cavitate colligatur, quapropter multum refert, in quo latere sectio fiat. Colligitur pus in uno vel altero latere, prout phlegmone vel in uno vel in altero latere est generata.

Quæ in dexterâ parte facta est, in dexteram cavitatem pus deponit; quæ in sinistra, in sinistram. Per

pleuritidem semper in unum tantum latus pus deponi potest, per anginam & peripneumoniam, aliquando in unum tantum, aliquando in utrumque. Nam in angina pus quod effluit, & delabitur in tracheam, interdum potest dilabi in unum ramum tracheæ tantum, seu dexterum seu sinistram: interdum in utrumque. Trachea enim, cum ad pulmonem pertingit, in duos ramos bifurcatur, quorum unus in dextram, in sinistram pulmonis partem alter fertur: & exinde in sinistram aut in dextram cavitatem thoracis vel in utramque. Peripneumonia etiam est aliquando in uno latere pulmonis tantum, aliquando in utroque. Cum est in utroque, potest in utramque cavitatem pus deponere, etsi non necessario: quia etsi in utraque parte sit, non tamen necessario abscessum facit in utraque parte, aut erumpit. In quo ergo latere pus continebitur, in eo erit secandum. Si autem in utroque latere contineatur, quid erit faciendum? Dicit Alex. Bened. lib. 10. cap. 25. & Nicolaus Piso ac alii, tum in utroque latere esse secandam, sed non eodem, aiunt, die. Et cettè, si in utroque latere pus contineatur, vel non erit secandum, propter periculi magnitudinem, vel si secandum erit, secandum in utroque: nam alioqui, quod in opposita cavitate pus continetur, non poterit per oppositæ sectionem evacuari, & sic maneret idem periculum mortis à pure in uno adhuc latere contento, quod antea erat à contento in utroque.

Cognoscendum ergo imprimis exactè latus est, in quo pus continetur. Illius cognoscendi varia signa sunt, tumor, calor, dolor, pondus, & strepitus puris fluctuantis. Imprimis dico, tumor: quia tumet, & sublimius quodammodo est latus, ubi collectum pus est, cum cutis exterioris livore quodam, & calore, quem corrupta evaporatio inducit. Sed & naturæ beneficio pus aliquando extrorsum extruditur, atque in musculos externos erumpit. Calor etiam est signum, quia latus illud, in quo pus est, magis calet. Hinc Hippoc. l. 3. de morbis, ad sciendum, in quo latere pus contineatur, docet, totum thoracem creta liquida, vel terra evictica obducendum esse, & quæ pars primo fuerit exsiccata, in ea pus contineri. Tertium signum est pondus, quia cum aget in oppositum, ac sanum latus incumbit, illi pondus aliquod à superna parte pendere videtur, unde interdum angustia premitur, & tussis fatigatur, & majori dolore infestatur. Denique fluctuatio & strepitus manifestus puris auditur in affecto latere, cum aget convolvitur, nisi forsan puris crassities aut copia, totum spaciū implens, impediat. Hinc Hippocrat. alibi docet, ægrum manibus esse tenendum, & toto corpore concutiendum, & Medicum oportere aures pectori dolenti adhibere, ut audiat, qua parte strepitus puris audiatur. Cognito latere in quo est secandum, locus præcisè est cognoscendus, illum locum aliquando monstrat natura. Itaque si aliqua parte thoracis tumor, aut calor major appareat, ibi est secandum. Extra illum casum artificio locus est inveniendus.

Aliqui dicunt, intra secundam vel tertiam Costam sectionem fieri debere. Aliqui, inter tertiam, & quartam. Alii inter quartam, & quintam. Alii (inter quos est Vidus Vidius.) Inter quintam, & sextam dicunt esse secandum. Plerique omnes, vel inter tertiam & quartam, vel inter quartam, & quintam statuunt. Ego noto famosiores asserere, inter quartam & quintam. Illæ autem costæ debent computari ab infra sursum, à costis nothi incipiendo: unde, cum dicitur, quod debet sectio intra quartam & quintam, non debetis tunc intelligere costas spurias, sed veras & legitimas. Verum adhuc multum refert, an versus pectus an versus spinam locus eligatur. Versus

spinam periculosus est: Imo quia ibi pulmo pleuræ vicinior est. Secundo, quia ibi costæ sibi mutuo sunt viciniore, ad latera autem costarum decurrunt magnæ venæ, quæ sunt venæ azygii propagines. Itaque illæ venæ ibi sibi mutuo sunt vicinissimæ, sic ut difficile sit secare inter costas, quin illæ venæ tangerentur. At sursum versus pectus costæ, & venæ divaricantur, & paulatim fiunt tenuiores, & ided illic minori periculo sectio fieri potest, debet ergo locus eligi, antrorsum, versus pectus; sex aut septem digitis transversis remotus à Spina Hippoc. r. de internis infect. advertens periculum in sectione esse, ne illæ venæ tangerentur. Docet alium modum, qui videtur esse tutior, ut nimirum supra tertiam costam secetur, & tunc ipsæ costæ terebello perforetur, & inde pleura transpugatur. Illa sectio videtur minus periculi habere. Recentiores tamen Medici nunquam eam usurpant: quapropter necesse est, ut illa magnum aliquod incommodum habeat. Illud imprimis est, quod aliqui habeant costas tam parvas, & angustas, ut eas perforare impossibile foret. Secundò, quia etsi habeant costas satis magnas, tamen nemo eas tam magnas habet, ut per eas magnum foramen fieri possit, sed tantum parvum: per parvum autem foramen non possit satis commodè pus & sæpè tam multum, & crassum evacuari, sed tantum aqua. Et ideo in quibus propter aquam in thorace paracentesis fit, in iis hæc costarum perforatio locum habere posset: vel etiam in iis, qui costas habent valdè latas. At verò in iis, qui angustas, vel qui Empyemate laborant, non item, ut Libantius super Aphor. & Paræus in Chirurg. etiam attestantur. Realdus Columbus insignis Anatomicus, alium locum insinuat, & dicit, commodè, & satis tuto hanc perforationem in sterni fieri posse, quam alii quoque nonnulli sequuntur. Sed cum non habeant certam aliquam de illo loco doctrinam, vobis vulgarem intra costas sectionem commendo.

Quo ad modum perforationis. is duplex est: vel enim fit sectione, vel ustione. Alii sectionem, alii ustionem præferunt. Interdum fit utroque modo. Ustio autem dupliciter fieri potest, vel cauterio actuali, vel potentiali. Antiqui solebant ferro candente urere, ut ex Hippocrate. & Paulo manifestum est: Paræus lib. 7. cap. 10. dicit, ustionem quæ cum ferro candente fit magis esse securam. Idem ait Leonus: Ratio, propter quam id dicant est, quia ubique inter costas sunt magnæ venæ, quæ facile tangi possunt, & si sectione tangerentur, periculum adferrent magnæ, & periculosa hæmorrhagiæ: at si ferro candente ranganur non est illud periculum, propterea quod venæ à cauterio claudantur. Vidus Vidius, dicit, debere fieri sectionem cum scalpello, postea ferro candente locum esse inurendum absque dubio ad eandem hæmorrhagiam evitandam; Verum ego imprimis non probo, ut locus ferro candente usque ad cavitatem inuratur. Nam præterquam, quod hoc remedium sit horrendum, & crudele, non convenit etiam corporibus, jam à morbo tam debilibus; & attractu ignis febris augeri, & membrana succingens costas inflammari posset. Ideo Paulus, & Albucasis, cum de ustione usque ad cavitatem loquuntur, dicunt esse remedium; à quo statim mors sequatur. Quod si vero prosectio fiat, & tum videatur sequi hæmorrhagiæ, equidem ut tum insuper ustio fiat, sicut Vidus dicit, esse necessarium. Restat ergo ut perforatio fieri debeat, vel sectione, vel cauterio potentiali; & vel alterutro solo, vel utroque simul. Cauterio potentiali solo inurere, nimis longæ moræ est: sunt enim decem dies, antequam escharam excidat, & interim à pure intus partes corrumuntur. Hodie moderni Chirurgi uruntur vel sectione sola; vel cauterio potentiali, & postmodum sectione per escharam ab ipso cauterio inductam.

Uterque

Uterque modus est bonus. Sed qui sola sectione fit habet interim periculum hæmorrhagiæ conjunctum. Qui verò cum prævio cauterio fit, non item: per escharam enim venæ clauduntur. Quapropter puto ego; hunc ultimum modum esse securissimum, uti etiam Guilimæus attestatur: non tantum, quod per hanc non sit periculum fluxionis sanguinis, sed etiam, quia, cum eschara excidit, magnum fit foramen, quod ultro diu apertum manet, per quod pus potest evacuari. Nam, si sola sectione perforatio fiat, debent ægri continuo cruciari impositis tentis ad foramen apertum retinendum, quod & calorem, & febrem, & inflammationem parit. Si simplex sectio fiat, illa debet fieri, cum novacula angustâ, & acuta, non autem scallo; quia instrumentum debet ab una parte esse obtusum. Sectio debet fieri superne deorsum, sic, ut obtusa pars cultri sit sursum: quia sic cavetur, ne vena quæ sub costa jacet, vulnereetur. Et debet duci oblique secundum ductum fibrarum musculorum, nimirum versus deorsum ut sic facilius postea iterum vulnus conglutinetur. Cum autem potentiale cauterium imponitur, tum post factam escharam sectio fieri debet: non cum novacula, sed lancetta, ad cavitationem usque: & tunc non necessarium est ductum fibrarum observare, sed præstat rectè transversaliter secundum costas incidere. Sectio etiam facienda est, cum æger expirat, propterea quod pulmo tunc contrahatur, & à costis recedat, & sic minus tunc tangi possit.

Sectione facta pus, aut aqua per foramen educenda sunt, sed paulatim. Nam si confertim educerentur, subitæ mortis periculum est, sicut Hippocrat. sect. 6. Aphorism. 27. & aliis libris, toties est attestatus. Tunc suppurantia, quæ crustam excidere faciant, sunt deforis adhibenda, intus verò per foramen, cum syringa, injicienda sunt medicamenta, quæ leniendi, & ad temperiem reducendi corruptas partes simul, & pus detergendi vires habent, ut sunt aqua hordei cum melle rosato, aliaque decocta detergentia. Fuit etiam alius veteribus empyicos curandi modus: scilicet ut multis crustis superficialibus, non autem in cavitationem penetrantibus, circumquaque thoracem uterent, quem docet Paulus l. 6. c. 46. Albuc. l. 1. c. 3. & meminit Gal. l. 7. Aphor. 44. cum ex Platone Comico refert, Lineas Evagere Filium ab Eutiphonte Medico, multis escharis inustum, fuisse curatum. Sed de illo modo nos hic non loquimur: sed tantum de tali unctione, quæ in capacitatem thoracis penetrat.

Quoad tempus paracenteseos faciendæ, illud vel est genetale vel particulare. Quoad genetale tempus, dicunt omnes eam in empyemate esse faciendam ante X. à puris eruptione diem: nam post illud tempus vires ægri nimis debiles sunt, & partes thoracis corrumpi inceperunt. Unde etiam si tum paracentesis fiat, partibus sic corruptis, frustranea esset, & æque bene mors sequeretur. Monent insuper Medici ex præcepto Hipp. in Coacis prænotionibus, ut neque tum statim à puris eruptione etiam sectio fiat, sed usque ad XV dies post illam expectetur. Rationem dicunt, ut pus illud interim concoquatur, quod perpetuo post eruptionem crassescere, ac refrigerari potest. Verum puto ego & aliam rationem esse potiorē, ut interea ex propriis signis certius nobis constet, an ita pus erumpere possit, & an in thorace, & qua ejus parte sit collectum: simulque videatur, an non illud alia aliqua via à naturâ commodius sit expellendum.

Hæc generalis regula esse debet, ut nunquam paracentesis fiat, cum suspicio jam est, partes intra thoracem à pure corruptas esse. Secundo, ut nunquam fiat, nisi adhuc cum mediocriter vires ægro-

tantis constant: nam cum illæ vehementer sunt prostratæ, non sunt tam magno remedio tolerandæ; sed æger succumbit, & moritur. *Hæcenus Thomas Fienus de Paracentesi Thoracis: Plura rursus de ea videri possunt sub titulo Paracenthesis. Sequuntur jam pro Empyemate.*

Consultationes.

Pro quodam Illustri, & Nobili Juvene Emphyemate, seu suppuratione laborante.

Quisnam sit locus affectus in casu Illustris & Nobilis Juvenis apud omnes non ita constat, thoracem tamen ego secundum cavitatem esse existimo; thoracem quidem, ut suadet spiratio valde difficilis, secundum cavitatem, ut gravitas illa, quæ in profundo ejusdem præsentitur, necnon fluctuatio ibidem percepta, demonstrant.

Et quoniam cavitatis morbus proprius est angustia, & hæc multiplex esse solet, puto ego angustiam hanc esse constipationem factam à materia purulenta, quæ ex abscessu anginoso suppurato, atque disrupto in thoracem cecidit, nam cum abscessus ille præcesserit, per os non fuerit expurgatus, & nunc pus cum tussi expuatur, satis apparet thoracis cavitatem dictam à pure constipati; Ex quibus, ni fallor, constat, quæ sit immediata causa constipationis, est enim pus illud, non quidem genitum in thorace, sed in partibus ipsi superioribus, occasione anginæ progressæ productum: Pus namque cum tussi rejectum thoracis actiones necessariò sequitur, expulsionem inquam, atque coctionem expulsionem quidem tantum, quando pus in eodem thorace non generatur (sicuti in casu proposito contrigit) coctionem verò simul; dum generatur in pectore; seu cavitate thoracis occasione materiæ à capite destillantis, quod in patiente nostro minimè locum habet.

Quibus ita breviter constitutis. Dico pus ut est quid à toto genere præter naturam esse eradicandum, ut crassum, & viscidum detergendum, ut acre attemperandum, ut lædit thoracem esse educendum per tussicularia, & convenientia remedia, proportio tamen semper omnium viscerum thoracis est conservanda.

Quod autem in similibus casibus Medicus vix possit ad optatum finem pervenire, de se pater, quinimò nisi spatium 40 dierum materia hæc expuatur, actum erit; Accedit (& hoc in casu præsentis non leve timorem incutit) quod longè pejus est Empyema, ad Anginam, quam ad destillationem subsequi; Quapropter nisi citò succutatur, imminet hæctica imminetque phthisis: Quod tamen aliquid spei pollicetur, est ægri prudentia, & ætas juventutis, nec non & illud quod tota thoracis cavitas haud est repleta, sed tantum dextra ejusdem pars afficitur.

Accedens itaque ad curationem, venæ sectionem improbo, sed aliis non conferentibus judico ad thoracis perforationem in parte dextra unctione, vel sectione faciendam erit deveniendum.

Quoad medicamenta, quæ antequam chirurgus ad perforationem accedat, tentanda sunt, dico quod vel ad pus quiescens; vel motum diriguntur; si ad quiescens, jam oportet materiam attenuare, atque discutere emplastro ex radicibus altheæ, pulvere cimini, radicis ireos, & oleo liliaceo, vel ceratis convenientibus, uti est Diachylon gummatum, Diapiritres, & sacrum.

At si idem pus moveatur; prout ad partes diversas movetur, diversa quoque sibi requirit medicamenta:

Si igitur ad cutim facta perforatione utendum est mulla, & melle rosato simplici cum aqua hordei; At si ad pulmones inclinent, conveniunt oxymel simplex, scillinum, loch de pulmone Vulpis, sanum, & expertum, adjecto modico syrupi violati, vel de liquiritia, vel de farfara, propter puris mordacitatem. At si vias urinæ adeat, decoctum convenit Asparagi, fœniculi cum lacte sem. melonum, si verò ad alvum tendat, licebit uti mel. ros. sol. agarico, & clysteribus communibus.

Quoad victum necesse est patientem cibis uti medicinalibus. Idè pure quiescente, convenit amygdalatum, & pineatum, si moveatur ad cutim mel cum cibariis erit opportunum, si ad renes petroselinum, Asparagus, & lac sem. melonum probantur, si demum alvum petat, jus caulium, mercurialis, & passularum mirum in modum proderit. In materia quiescente convenit vinum odoratum, in materia verò, quæ ad Cutim moveretur vinum cum melle potandum erit, in ea, quæ ad renes à vino medicato cum radicibus aperientibus non est recedendum, ac tandem in materia, quæ ad alvum inclinationem habet, vinum alteratum cum fenna, cum carramo accommodatum existit. In reliquis autem quid sit agendum, unicuique ex medicis etiam trivialibus manifestum esse judico, atque idè reliqua consulo prætermitto. Denique quàm maximè oro, ut sanitatem huic Illustri Juveni miserè laboranti concedere ne dedignetur. *Ju- lius Caesar Claudinus in Consultationib. Medicis.*

De Pleuritide in Empyema degenerante. Pro Reverendiss. Vestali Abbate.

Reverendissima & Religiosissima Vestalis Abbas, ætatis annorum 54. temperamenti calidi, ad humidum vergentis, destillationi obnoxia pituitosæ materiæ à capite ad varias corporis partes, cujus ratione antehac dolores articulares passa est, duobus abhinc mensibus febricitare cœpit, febrisque singulis diebus habebat annotationes quolibet tertio die sibi respondentes, cum levi quadam extremorum refrigeratione; ac deinde incallescencia, vigiliis, & capitis gravitate: cui quarta die supervenit dolor gravis in thorace respirationi molestus, cum difficili decubitu in utrumque latus; tussi, cum excretionem materiæ pituitosæ & aliquando cruentæ, urinis crassis, & pulsus oppressione adeò gravis, ut vix percipi posset motus diastoles: quibus accesserunt animi pathemata, & palpitatio cordis. De agendis propterea consulit.

Quocirca in consultationem acciti, contractatis visceribus naturalibus, exacerbatoque dolore ad compressionem partium utrinque sub costis mendosis, in eam sententiam deveni, quod laboraret inflammatione spuria septi transversæ, cum ipsius Medici clinici, aliique contrarium tuerentur, febre scil. mali moris eam detineri; quæ causa fuit, cur tunc, & antea plurimis cardiacis usi fuerint, atque vesicantia infernis partibus applicuerint, lenita alvo, & præparatis humoribus, sanguineque missò ex salvatella. Ego verò obfirmatus in prima mea sententia, eclegmata præscribenda duxi ex syr. de farfara, acetoso simpl. syr. de hyssopo; atque in dies dolore utrinque invalescente, præscriptum fuit ol. amygd. dulc. ad ʒv. cum ʒij. syr. acet. simplicis, à cujus usu, remittente dolore, cum sensu majoris gravitatis, & difficiliore decubitu in latus dextrum, suspicatus fui inflammationem in abscessum mutari in sinistra parte pleuræ, qua pertingit ad costas mendosas: ac propterea præscripto acii clystere, quod ob virium imbecillitatem dejectoria per os sumpta ferre non posset, moxque fomento parti affectæ ex flor. chamæm. rad. alth. feminib. lini, & meliloto, in vino albo generoso manè, & vesperi, cum

spongia calida applicato, dolor remisit luculentius, ita ut decumbere posset in utrumque latus, pulsus invaluerunt, cordis palpitaio, febrisque remisit, gravitate tamen in parte affecta persistente. Lambitum propterea validius fuit præscriptum, ex oxymelite scillitico, ut & cardiacum, Mithridatica nempe confectio, quam bis sumpsit; ac tandem validiori tussi excitata, abcessuque disrupto, expuere cœpit materiam purulentam, cum quibuldam sanguinis notis: atque ita præsens affectus in empyema degeneravit. Quare tunc ed collinavit consilium nostrum, ut expurgaretur materia illa, prænunciato Hipp. prognostico 5. Aph. 15. quod *quicumque ex morbo laterali Empyi sunt, si 40. diebus purgantur, à qua die sit disruptio, liberantur; alioquin ad tabem transeunt.*

Expurgari autem debet sensibilius, vel per partem affectam, vel per urinam, vel per alvum, vel per os, & sputum. De evacuatione per partem affectam, thoracem, scil. locutus est Hippoc. 6. Aph. 27. cum dicit: *Quicumque empyi uruntur, aut secantur, si totum pus confertim effluat, omnino moriuntur.* Ex quibus patet, quod educi potest, vel per unctionem, vel per sectionem. Ad alterutrum tamen tunc tantum deveniendum esse ait Gal. in commento, quando nulla est spes materiam evacuandi per os, adestque maxima difficultas respirationis, cum periculo suffocationis, In hoc solo casu hæc operatio administranda. Verum in præsentī, quum levior sit spirandi difficultas, quam ante suppurationem, viresque sint robustiores, ideo ipsa supersedendum erit, quin potius procuranda esset prædictæ materiæ expurgatio; vel per vias urinæ, ut non raro fit, Galeni testimonio 6. de Loc. Aff. 4. cui subscripsit Paulus Aegineta, & Aëtius, cum Recentioribus, facta nempe ipsius transmissione per ramum venæ sine pari insertum sub diaphragmate in venam cavam propè emulgentes, per quam ius ad urinas permeare potest, ut inquit Fallopius; non verò per venam arteriosam ad dextrum cordis ventriculum, hincque in venam cavam, jecur, & renes, ut asseruit Mesue; valvule namque venæ cavæ in corde admittunt quidem in ipsum materiam, non autem ejusdem ab eo effluxum ad jecur: per alvum itidem expurgari potest prædicta materia, vel per ramos venæ portæ diaphragma perrepantes à quibus per venam portæ ad intestina; & alvum patet via, ut asseruit Gal. 6. de Loc. Aff. 4. vel tandem per os, tanquam per locum omnium accommodatissimum, ut optimè observat Gal. 5. de Loc. Aff. & sapius experientia comprobatum est. pro ut contigit Reverendiss. nostræ Patienti, quæ singulis diebus extulsiit 8. libras, & quod excedit, purulentæ materiæ; cujus rei causa nos quoque eclegmata præscripsimus parata ex syr. de farfara, de liquiritia, looch de pulmone vulpis, de caulibus, radicibus Ireos & seminibus crvi pulverizatis, syr. acetoso simplici exceptis.

Præscripsimus in primis victum detegentem, & humectantem, cremorem hordei integro cortice. Potus loco mulla fuit diluta aqua hordeacea, cum coriandris præparatis. Atque ita Divina juvante clementia spatio 40. dierum curata fuit. *Bened. Silvatic. Consil. & resp. Medic. Cent. 2.*

De Empyemate ex vulnere thoracis. Pro Nobili Cretensi.

Nobilis Cretensis annorum 30. temperamenti calidi quoad jecur, & totum corpus, frigidi & humidum quoad caput, sub cælo nocturno sapius moratus, computationibus & comestationibus deditus, atque incompotissimè se gerens in omnibus sex rebus non naturalibus, tribus abhinc annis, & quod excedit, gravi dolore correptus fuit in regione mamillæ dextræ, gravitatemque sensit in oecipite, cum aliqua imbecillitate

aliqua imbecillitate motus corporis. His successit tussis, spirandi difficultas, & expulsiō cum tussi pituitosæ materiæ novem mensium spatio: quo tempore pugione confossus fuit in læva parte thoracis, inter quintam, & sextam costas, à superioribus, vulnere spiramam penetrante, inferiora versus, & dorsum, cum aëris exsufflatione per foramen, sanguinisque excretionē per sputum: cui paucis post diebus obducto accessit febris, cum ingenti æstu, magnaue spirandi difficultate, & tussi, atque excretionē sanguinis grumosi, cum pure, & quidem sinceri, graveolentis, 30. menses continuos. Foramine deinde patefacto anno post, ex eo valida exsufflatione, & tussi excernitur paucā puris copia, perseveratque ejusdem excretio singulis diebus per tussim; ad libram. Propterea Patavium se contulit, & de agendis consultit.

Tria itaque in casu præsentī inquirenda veniunt, supposito, vulnus penetrasse ad cavitatem thoracis, prout patet ex præterita exsufflatione, & sputo cruento tunc apparente. Primum est, quanam partes thoracis sint affectæ. Secundum, an pulmones sint exulcerati, cujus rei suspicio est. Tertiò consulendum de agendis, pro præsentis affectus curatione. Et non immeritò quæritur primò, quanam partes thoracis sint potissimum affectæ, cum in thorace contineantur pulmones, cor, cum pericardio, & septum transversum. De singulis harum partium dubium esse potest. Existimo tamen pulmones affectos quidem fuisse antehac ex defluxu materiæ pituitosæ à capite, non solum ad musculōs thoracis circa mamillam dextram, ubi dolorem; nec ad occiput tantum, & principium nervorum, ubi gravitatem, & motus imbecillitatem induxit; sed etiam ad pulmones, ubi spirandi difficultatem, & tussim excitavit, cum excretionē materiæ per tussim. *Morbū enim ostendit sanatio.* Verum quod ex vulnere lesi sint pulmones, verisimile non est. Tunc enim major sanguinis copia, & ipsius quidem spumosi fuisset excreta: qualis non apparuit, ex medici curantis fide. Secundò, facta fuisset inflammatio in pulmonibus, indeque febris statim se prodidisset, eaque perseverans. Tertiò successisset ulcus, ac deinde phthisis, quæ non apparent 30. mensium spatio, quo robustus permanet. Præterquam quod situs loci affecti est declivis, in quo non ratò sit paracentesis in empyemate, absque ulla pulmonum offensa. Minus suspicandum est de essentiali cordis labe. Successisset namque procul omni dubio lipothymia, palpitatio & syncope, nec tandiu superstes fuisset. *Cor namque viscus omnium princeps diu tolerare non potest graves affectus*, ut asseruit Aristot. De septo transverso gravior incidit suspicio, cum vulnus vergat ad inferiora, atque difficilior facta sit respiratio. Verum tamen neque septum transversum vulneratum fuit. Inflammatio namque, delirium, major spirandi difficultas, & motus aliqui convulsi necessario supervenissent; quemadmodum contigit Theoni in obsidione circa Datum sagitta in pectore percusso, ab Hippoc. descripto 5. Epid. Hist. 93. cui statim successit ritus tumultuosus, sive Sardonius; & tertià convulsus obiit: quorum neutrum apparuit. Quod si febris acuta, spirandi difficultas accessit, hanc habet causam: quia obducto vulnere & expurgata materia, decumbens hæc ad septum & putrescens prædicta induxit mala. Quare statuendum censeo, vulnus penetrasse in cavitatem thoracis, ibique sanguinis copiam fuisse collectam, ob intempestivam vulneris curationem, neque inde expurgari potuisse, patefacto licet foramine, atque immissa fistula argentea perforata: quoniam foramen illud fuit altius quàm par erat, adeoque neque valida exsufflatione, & tussi excerni potuit; Et proinde transmissa ad pulmones materia per sputum fuit excreta, jugiterque copiosa excernitur, ob confluxum humorum ad partem affe-

ctam, ubi putrescunt; ideoque & patiens ipse observat eandem materiam per tussim inde expurgari, non sine continuo aliquo murmure. Cum autem triginta menses ferè continuos fluxerit hæc materia ad pulmones, non sine ratione dubitare licet, & de pulmonum erosione, & exulceratione. Si enim exulcerari possunt à catarrho salso, potiori ratione à pure corrupto, & fætido id fieri potest, cum aliquando phthisis fiat ex purulenta materia, absque sputo cruento, aut catarrho salso, ut asseruit Galenus. & experientia sæpius comprobatum fuit. Existimo nihilominus in casu præsentī non esse exulceratos pulmones. Febris namque continua esset, à qua tamen mensibus elapsis erat immunis; corpus esset extenuatum magis, viresque longè imbecilliores. Quare, sum in ea sententia, quod sit potius empyematicus, ex collectione puris in thorace, quàm phthisicus ex ulcere pulmonum.

His sic habentibus, quoad essentiam, & causas præsentis affectus, non desperandum censeo de salutē patientis; quamquam affectus sit antiquus nec dum sanatus. Virium enim robur indicat calidum innatum validum esse, atque posse materiam peccantem evacuari, ac deinde ulcus sanari.

Quod ut fiat, tria occurrunt agenda: primò materia in thorace stagnans est evacuanda, cum per locum declivem magis affectæ partis, tum per vias urinæ, tum & insensibiliter per digerentia. Secundò divertenda est materia confluens ad partem affectam: & tertiò pars affecta exsiccanda, consolidanda, & roboranda.

Primæ intentioni satisfiet potissimum per foramen patefactum in loco declivi ejusdem partis; secundò per aquas nostras Thermales Aponitanas, detergentes exsiccantes, & materiam ad vias urinæ comportantes, sumptas ad lbvi. singulis matutinis horis, cum spiritu vitrioli; & tertiò portione vulneraria, à Pareo descripta in sua magna Chirurgia. Secundam implebunt cauterium dextro brachio inustum, pro majori diversione à parte affecta. Frequentes item alvi subductiones; Caputpurgia per os, & nares: & tandem decoctum paratum ex ligno Indico, salsaparilla, visco quercino, & ligno rhodio, cum radicibus consolidæ, rubiæ, plantaginis, & betonicæ. Tertiò ex usu erunt mulla injecta cum siphone, pro deterfione; pulveres exsiccantes injecti, & balsamica medicamenta. Quorum beneficio patiens Nobilissimus pristinam sanitatem recuperavit, ad laudem, & gloriam Omnipotentis Dei. *Idem ibidem.*

Empyema à Pleuritide.

Reverendissimus Cāonicus annorum triginta septem circiter, temperamenti totius calidi & sicci, fervidi jecoris; humidi capitis, gracilis habitus & proceræ staturæ, dum sanus ruri vitam agebat, mense Octobris proxime præterito, sub nona die extemporaneo lateris sinistri dolore in regione costarum legitimarum correptus fuit, prægressa tantummodo eadem die in prandio inappetentia, sequuris vero horroribus inæqualibus, cum tussi & difficili respiracione acutaque febre. Et cum dolor iste perseveraverit, tertia die in cutsu decumbens ad Urbem se contulit, ubi ab Excellentissimis Medicis sanguis ex brachio lateris affecti, præmisso Clystere, detractus fuit: & congrua præscripta tenui victus ratione, pectorales unctiones & lambitiva, temperata prius & concoquentia, in usum ducta fuere; Quibus tamen non sufficientibus, dolore perseverante, iterum præmisso Clystere die sexta repetita fuit ex altero brachio sanguinis missio: imò & die septima hirudinibus ex venis sedalibus

fuit rursus sanguis extractus, cognita nimirum ab Excellentiss. Viris inflammatione interna; Die veto sequenti puris effusio à secuta intus in latere ruptione ab ipsomet Patientē percepta fuit, cum successerit in eodem latere fluctuatio, & materiæ graveolentis ac purulentæ per tussim exterio, non sine catarrhali copioso à capite defluxa. Quibus omnibus ita perdurantibus, tenui victu à Medicis multis diebus præscripto, Expectorantia plura & varia administrata sunt: quinimo & Exiccantia atque insensibiliter digerentia, necnon per urinam ducentia: parata namque fuerunt Julapia, decoctione prius facta radicis chinæ, salsæ, visci querc. & lentisci aliorumque pectoralium ingredientium, & Terebinthina exhibita: sic aliæ confectioes ac lambitiva. Verum hucusque, nempe ad vigesimam secundam usque Novembris jam administrata non satis profuerunt, cum perseverent sputa purulenta & fœtida, cum macie & insensibili febricula. Verum tamen est quod postquam paucis adhuc diebus paulo pleniorē victum Excell. Viri concesserunt, cum exigua quoque vini portione, Reverendissimus Patiens vires reassumpsisse visus est, ita ut & stare & per cubiculum parumper deambulare possit. Sed à fœtido spuro liberari cupiens de agendis consulit.

Affectum lateralem, eumque pleuriticum fuisse primum dolorem, propter inflammationem ejusdem Pleuræ, & forsan etiam internorum musculorum, ut à Viris Excellentiss. judicatum fuisse ex Curatione apertissime præstita, conjicio, ita talem eundem & ego confirmo; Contigit tamen Reverendissimo Patienti quàm citissima suppuratio, octava die scilicet, forsan quia fervidissimus fuerit sanguis: calor uterque, naturalis scil. & præter naturam validus, nec forsan sputa (de quibus in telatione nulla mentio facta est) inflammationis minorariva apparuerunt. Suppuratæ autem atque disruptæ inflammationis purulenta materia inter pulmones atque thoracem contenta, affectum empyematicum produxit, dum per sputum antea expurgata non fuit: cujus qualitas sicut abunde patet, dum purulenta apparet, & fœtida à Patientē percipitur, ita quantitas mihi non innotescit, cum de fluctuatione, de difficili decubitu in latus oppositum, nulla mentio fiat. Verum tamen est quod quantacumque fuerit, nisi in quadraginta diebus post eruptionem expurgata fuerit, in Tabem incidere Patientes pronuntiavit Hippocrates, cum à pure ipso pulmones inficiantur, & aut erosione aut fraciditate afficiantur. Quare cum hodie quadragesima tertia dies à ruptione transegerit, de Tabē incipiente dubitandum est. Et quamvis Suppurati, sive Empyematici quandoque etiam à catarrhali materia à capite defluente fieri possint, hæc tamen causa in casu nostro locum non habet, tum quia præcessit dolor lateris inflammatorius, tum quia eo modo non nisi diuturno tempore fit, & tandem quia catarrhalis à capite destillatio octava tantum die successit. Et ideo verum atque legitimum pus quod ab inflammatione emanavit, in thorace contineri credendum, cui tamen aliquam catarrhi portionem associari posse non est prorsus negandum. Et quamvis Patiens Reverend. infebriticantem seipsum existimet, hoc tamen impossibile censeo.

Medica intentio potissima in hoc statu debet esse, puris quàm celerrima evacuatio, quæ tanquam per viam regiam, per tussim & per sputa perfici solet: quamvis enim Galenus asserat se vidisse pulmonis vomicas per urinam expurgatas, rejecto nempe pure à pulmone quidem per lævam arteriam ad sinistrum cordis ventriculum: à corde autem per arteriam magnam ad renes: atque illinc tandem per ureteres ad vesicam; rari tamen censendi sunt hujusmodi casus;

sicut impossibiles apud Matthiolum atque Feinelium: Ille enim contra Galenum assert, quod ex materia purulenta & fœtida cor ad Syncopen duceretur: iste verò ait, quod unà cum pure sanguis quoque per urinam educeretur. Verum neutra objectio tenet: non prima, quia syncope sequeretur, si in corde materia ipsa diu hæreret: nec secunda, quoniam expultrix facultas pus expellit, & retentrix sanguinem retinet. Sed revera modicæ materiæ in thorace existentis per sputum expurgatio tentanda: sicut copiosa, sectione aut ustione educenda, ut monet Hippocrates: eoque audentius, cum affecta pars sit sinistra, in qua sectio minus periculosa evadit. Sed pro hac operatione observandum Hippocratis monitum, dicentis quod Hydropicos citius secare oportet. Tabescentes verò statim urere. Quartus quoque modus pro materia purulenta absumenda à nonnullis tentatur, Decoctis nimirum insensibiliter digerentibus & exiccantibus, sed incassum semper, si materia copiosa: & frequenter, si etiam exigua fuerit.

Quibus intentionibus propositis & consideratis, exigua existente materia, per regiam viam, nimirum per sputum erit educenda; At si fluctuatio in latere manifesta percipitur, & decubitus super latus oppositum difficilis Patienti evadat (copiosæ materiæ indicium) tunc satius erit anceps remedium experiri, quàm Aëgrum ipsum certæ Morti relinquere. Interim totis viribus materia per sputum evocanda Lambitivis jam præscriptis: quibus addi poterit oleum sacchari & grana butyri, sive guttulæ aquæ sulphuris. Oxymel quoque parabitur, facta maceratione hyssopi, prassii, enulæ camp. & ireos. Efficacissimum quoque expertum Lambitivum hujusmodi.

℞. Hyssopi, prassii, pulegii, calamenthi an. pug. j. liquiritiæ, iridis, scillæ, helenii, nucleorum pineorum an. ʒ ss. biduo macerentur in aqua tussitagnis & aceto, mox expressioni addatur mellis opt. q. s. ad oxymel. consistentiam. Extrinsecus quoque Discussorium optimum parabitur ex farina lolii, bitumine, addito pulvere iridis, & baccarum lauri, omnibus lixivio dulci reformatis.

Quod si placeat materiam ipsam ad vias urinarias ducere, usus Terebinthinæ aptissimus erit cum succo liquiritiæ condensato; cui potio superpræbeatur ex decoctione chinæ, salsæ, exiguo sassafras, radice fœniculi & apii parata: ita enim unum facere, & alterum non omittere, non inutile erit. Et si dabit Deus, ut materia purulenta tota aliquo ex jam dictis modis excernatur, & Reverendissimus à Tabē præservetur, Vere venturo pulmonum laxitas corrigi poterit potu aquæ nostræ sulphuræ Aponitanæ.

Præscriptis autem omnibus congrua erit addenda vivendi ratio: cibos acres & salitos concedendo: Vini albi tenuis & subdulcis potum in mensa permittendo: & mulsam ireatam pro frequenti oris collutione parando: cæteraque omnia præscribendo, Viris Excellentissimis perquam nota: quibus notissimam quoque hujus casus angustiam esse existimo. *Raym. Joan. Fortis Consult. & Respons. Medicin. T. 2. Cent. 1.*

Empyema & Phthisis.

Admodum Rev. Pater annorum quadraginta quinque, temperamenti totius biliosi & subsanguinei, capitis calidi & humidi, destillationibus obnoxii; duobus jam mensibus ex improvise sanguinis copiam, non sine aliqua purulentia, tussi excernere cœpit, prægressa multo tempore tenui & salsa à capite destillatione cum perenni faucium siccitate. Accersitus Medicus statim missionem sanguinis jussit, victusque rationem refrigerantem & humectantem instituit, pisanani scil.

scil. hordeaceam, & Malvæ succum depur. pro syrupo alterante. Et cum sanguinea & purulenta excretio perseveraverit, quamvis minori copia, unâ cum febrili alteratione à Patiente non percepta, & insigni macie totius corporis, decrevit Excellent. Medicus usum lactis instituere: cujus tamen usus potius molestus erat; ut ideo lacti substitutum fuerit Decoctum in jure pulli paratum radicibus graminis, foliis malvarum; cich. borag. violarum, seminibus melonum, addito cochleari tart. albi; quibus parum aut nihil cessit affectus: quotidie namque purulenta arque cruenta materia excerni non desit. Quare in eadem victus ratione insistendo, Balneum aquæ dulcis aliquot diebus administratum fuit, sine tamen Patientis tolerantia, imo cum virium diminutione; & idcirco hoc quoque remedium genere omisso, & victus ratione refrigerantē & substantiā hūmectante præscripta ab eodem Excellentissimo Medico quid agendum quæritur, & à Patientē Admodum Rev. enixè expetitur.

Empyema duorum mensium ab Excellentiss. Viro in relatione descriptum, sanationem admittere non potest, si Gal. & Hippoc. credimus: etenim sicut Pleurici non expurgati, suppurantur: suppurati verò, si quadraginta dierum spatio post eruptionem non expurgentur, ad Tabem transeunt, cum post jam statutum tempus pulmonum substantia non amplius illæsa servari possit, ut propterea febricula non hæctica tantum, sed phthisica quoque necessario superveniat; ita cum jam sexagesimus dies præterierit, quo sanguis unâ cum purulenta materia per tussim à pectore excretus fuerit, & quotidie usq; in hunc diem excerni perseveraverit, idcirco Tabem sive Phthoem jam subsequutam esse credendum. Sed præterea consideranda sanguinis excretio post diuturnam tenuem, & falsam à capite in pulmones destillationem, quæ non solum flacciditatem & fraciditatem pulmonum, sed erosionem quoque, diæresim & ulcus excitare potuit, sicq; non tantum Phthisim secundam ab Hipp. descriptam, sed primam quoq; Phthisim ab eodem recensitam constituit, præter Empyema quod à catarrhali destillatione in thorace paulatim collectum fuit, ab Hippocrate ipso descriptum.

Quibus ita se habentibus, cum Admodum Reverendi Patris affectiones præter naturam longè superent Artem ipsam, remedia nonnisi ad vitam producendam, nullo modo ad salutem recuperandam proponi possunt. Et quoniam ex una parte purulentia, necnon catarrhalis materia medicamenta exiccantia exigunt: ex altera verò febris & totius corporis gracilitas expetunt humectantia; idcirco unum facere, & alterum non omittere oportet; ut vitam protrahamus, urgentiori semper incumbendo: Et ideo usum lactis Asellæ bene nutritæ confirmo; & præterea Emulsionem in eandem intentionem, seminum melonum mundat. amygdalarum dulc. nucleorum pineorum, in jure cum saccharo; Item carnes pullæ junioris: imo parentur Morcelli ex eadem carne nucleis pineis, pistaciis, cum saccharo & exigua aqua flor. citri. Pro potu verò vinum album dulce, tenue & oligophorum: non omitrendo quotidianas univesi corporis inunctiones oleo amygdalino recenti. Pro altera verò intentione, in usum ducenda erit radix Chinæ, ita ut quatuor aut quinque ejusdem incisæ taleolæ unâ cum carne semper ebulliant: imo & in vino quoq; pro potu infusæ detineantur. In cœna præbeatur ferculum Saxonæ, cui addatur China ipsa in pollinem redacta. Interim materiæ purulentæ expectoratio semper adjuvanda Lambitivis paratis ex Oxymelite, æqua portione sacchari & mellis Hispanici, cum aqua farfaræ & globulo pulveris ireos composito. Aprissimum quoque erit Lambitivum ita paratum.

℞. Julap. acet. syr. de Ibisco, olei de saccharo an. ʒj. m. Nec omittendæ pectorales inunctiones.

Ut ℞. Unguenti malvini, adipis Anseris, an. ʒʒ. ol. lil. alb. amygdalarum dulc. an. ʒss. pulv. ireos Florent. ʒij. m. reformetur. Et hæc sunt quæ in hujus status angustia adducere potui, cum efficaciora ut essent, Decocta exiccantia, Terebinthi usus, & sulphurata alia medicamenta nec admitti, nec tolerari possint: ut propterea nec à Viro Excellent. Adstanti administrata, minusque proposita fuerint. *Idem ibidem.*

Juvenis 26. annorum, post vulnus, in pectoris cavitate penetrans, consolidatum, jam ab aliquot mensibus ad summam maciem reductus, pus quotidie expuit; magnumque dolorem in illo pectoris latere, ubi vulnus fuit inflictum, sentit. Tumor etiam, quatuor digitis à vulneris cicatrice distans, ibidem inter costas observatur, liquorisque alicujus fluctuatio ibi digitis percipitur. Vigiliæ ipsum magnopere affligunt. Febris adest, quæ hæcticam refert. Nili in lecto erectus sedeat, præ respirandi difficultate suffocari metu.

Afficitur in hoc egro totum corpus, quod ex ejus summa macie: item pulmo, quod ex puris sputo & respirandi difficultate: nec non pleura & muscoli intercostales, quod ex dolore lateris, ejusque tumore: præterea etiam cerebrum, quod ex vigiliis: ad hæc quoque cor, quod ex febre est manifestum.

Morbus, qui ipsum affligit, est cavitatis thoracis, à pure, in ea collecto, nimia angustatio; quæ è puris illa collectione, angustiam cavitatis thoracis faciente, Empyema vulgo appellatur.

Causa prima hujus morbi fuit vulneris, in pectoris cavitate usque penetrantis, inflicto; vulneris verò consolidatio, ante justam sanguinis è pectore evacuationem, & vasorum vel pororum, sanguinem in cavitate thoracis emittentium, justam conglutinationem facta, pro secunda ejus causa, est habenda; sanguis autem post intempestivam vulneris consolidationem in pectore retentus, & per vasa pectoris læsa in cavitate ejus descendens, eamque replens, ibique in pus conversus, partesque vicinas vitians, tertiam & continentem, proximamque hujus morbi, ejusque symptomatum constituit causam.

A copia enim ipsius sanguinis, in pus conversi, in cavitate thoracis collectione, facta fuit magna cavitatis thoracis angustia, justam pulmonum expansionem impediens; *respirationemque tam difficilem inducens, ut jam æger, nisi erectus sedeat, suffocari, à magnâ copiâ puris, (jacentes pulmones magis, dum illud sursum attollitur, quàm eos ex aspera arteria, in erecto corporis situ, pus deorsum pellente, recta sive perpendiculariter dependentes; præmentis & gravantis,) metuat.*

Qua autem jam, ab aliquot mensibus, pus illud pulmonum sanguinisque, per os perpetuò transeuntis, temperiem vitiauit; eumque ad corpus nutriendum ineptum reddidit, & pulmonum poros, imo ipsa eorum bronchia, ingressum est, ac cordis ventriculis sese insinuavit, temperiemque malignam ipsius parenchymati impressit, ac membranam pleuram & musculos intercostales suâ acrimoniâ pungit, & jam ab aliquo tempore cortosus, hinc, *summa ægri macies cum hæctica febre & magnis vigiliis conjuncta; dolorque in pectoris latere molestus; item puris sputum; tumor etiam inter costas; circa vulneris cicatricem, cum liquoris fluctuatione perceptibilis, originem duxerunt.*

Morbus hic periculosissimus est; propter febrem, hæcticam referentem, puris sputum, & summam maciem, quæ summam pulmonum & cordis arguunt

corruptelam. Quia tamen experientia docet, nonnullos, ita affectos, fuisse sanatos, ideoque Curationem etiam tentandam censeo.

Eaque in puris evacuatione, per apertum thoracem faciendâ; ulceris mundatione, & consolidatione, & intemperiei pulmonum, per contraria, correctione, consistet.

Quàm primum itaque pectus, circa locum tumoris, scalpello aperiatur, & pus ad quantitatem libræ vel sciquilibræ, pro ratione virium, & sequentibus diebus quotidie paulò minus, educatur, donec totum pus evacuatum fuerit. Partitis autem vicibus educendum pus, ne conferra ejus evacuatio spiritus subito effundat, & ita ægrum valde debilitet, vel enecet.

Pure evacuato, & ulcere mundato, ejus consolidatio erit, more solito, procuranda: quæ ut feliciter procedat, tali æger ab aperto thorace, utatur decocto vulnerario, sanguinem purgante, ulcera detergente, & putredinem inhibente.

℥. Herb. saniculæ, bugulæ, Scabiosæ, betonicæ, Hyperici, card. bened. pilosellæ, pimpinellæ, vincæ pervincæ, agrim. plantag. an.m. j. flor. cord.p.j. coq. in hydromelite ad lb j. f. & colentur pro apozemate, de quo sumat æger ʒ vi. bis in die.

Ex hoc eodem decocto poterunt fieri injectiones, in cavum thoracis injiciendæ, ad puris evacuationem, & deterfionem, & ulceris consolidationem, promovendam.

Velus ratio sit siccans, attenuans, & abstergens. Ideoque cibi condiendi hyssopo, fœniculo: utiles amygdalæ dulces, pineæ, &c. Abstineat æger à leguminibus. Potus conveniens est hydromel, præcipuè hyssopo conditum, item aqua hordei, vel cerevisia saccharata. Vinum obligophorum etiam concedi potest; nisi febris sit magna. *Henric. Regius apud Theodor. Craanen. Medicationum lib.2.*

Pro Empyemate Consultatio.

Viro quadragenario, gravi sinistri lateris pleuritide detento, remedia non ante tertium diem fuerunt adhibita, quibus postea morbus imminutus non est, sed ultra decimum quartum diem excurrit, febre aliisq; magnis symptomatibus comitatus. Ab eo tempore dolor multum imminui, febris mitior fieri, & ponderosa gravitas in latere affecto ad costas sentiri cœpit. Circa vigesimumquintum diem, febre jam valde parva existente, cum exiguo dolore, molestam gravitatem, ad sinistram maximè latus diaphragmati incumbentem percepit æger, & si ab uno in alterum latus se repente devolveret, humorem aliquem defluere sentit, cujus etiam fluctuatio in motu corporis antrorsum manifestè obauditur. Adjungitur tussicula sicca, qua nihil effatu dignum expuitur. Respiratio difficilis est, imprimis si in latere dextro decubitus fiat. Æger anxius & debilis est, facillè & sæpe sudat sine levamine ciborum fastidio tenetur, & magis potum quàm cibum desiderat.

1. Affligitur Æger *Empyemate*, quod est puris in thoracis cavitate collectio.

2. Dignoscitur hic affectus, partim ex signis præcedentibus, partim ex præsentibus. Præcedentia signa sunt, quod pleuritidis præcesserit, quæ ante decimumquartum diem non est imminuta: quod postea dolor cum febre imminui cœperit sine manifesta aliqua evacuatione per sputa, atque hinc gravitas ponderosa ad costas in latere affecto percepta fuerit. Præsentia sunt, quod molesta gravitas diaphragmati incumbat, & in devolutione corporis fluctuatio humoris in pectore sentiat & obaudiat: quod irrita tussis adsit, cum difficili respiratione, anxietate, debilitate, & ciborum fastidio.

3. Causa collectionis hujus puris fuit, membranæ pleuræ & musculorum mesopleuriorum inflammatio mutata in abscessum, è quo rupto, pus illud in thoracis capacitatem delapsum est, cumq; per diaphragma nullus ei daretur transitus, nec per pulmonem commodè evacuetur, ibi detentum & cumulatum est.

4. Quod per sputa pus non fuerit evacuatum, factum est 1. Quia procul dubio hujus ægri pulmo lateri affecto firmiter non adhæsit, ut in multis contingit, in quibus è rupto abscessu pus facillè in pulmonem annexum eructatur. 2. Quia pus in cavitate thoracis contentum, ob suam crassitiem, poros membranæ pulmonem investientis subire, sicque pulmonem ingredi non potuit. 3. Quia fortè pori hujus ægri pulmone angustiores sunt, ita ut hujusmodi crassiores humores non admittant.

5. Dolor cum febre imminutus est, inflammationis acri materia jam in pus conversa, & sic mitiore reddita: cujus puris magna quantitas membranâ adhuc conclusa, ad affecti lateris costas ponderosa gravitate molestiam exhibuit. Tandem circa vigesimumquintum diem, rupto apostemate in thoracis cavitatem effluens, molesto pondere diaphragmati incubuit, ejusque in corporis commotione, manifesta fluctuatio percepta est. Eiusdem etiam pondere depresso diaphragma non satis liberè movetur, hinc difficilior fit respiratio, imprimis si lateri sano incumbat æger, tum quippe, præter diaphragma, etiam dexter pulmonis lobus à puris cum mediastino incumbentis pondere comprimatur.

6. Tussicula procedit à vellicatione pulmonis exteriori tunicæ ab acrimonia puris illata. Hacq; nihil ferè expuitur, quia materia irritans extrinsecus pulmonem attingit, nec ejus quicquam bronchia ingreditur.

7. Æger anxius est ob impeditam respirationem. Etiam debilis, quia ab acuto præcedente morbo vires admodum sunt prostratæ, unde quoque facillè & sæpe sudat sudorem symptomaticum. Ventriculo autem eandem ob causam, unâ cum hepate, valde debilitato, ejus coctio imbecillis, & appetitus dejectus evasit, hincque cibi fastidium processit: adde quod etiam pus diaphragmati incumbens, stomachum ei annexum languidum faciat. Potus tamen magis desideratur quàm cibus, ob aliquam sitim à permanente febricula excitatam.

8. Affectus hic periculosus est. 1. Quia respiratio læditur. 2. Quia subsequitur acutum morbum qui vires admodum imminuit. 3. Quia pus in thoracis cavitate conclusum sponte nusquam commodè evacuari potest, nam quæ per sputa, vel urinas nonnunquam fit excretio, illa aded rara est, ut ex sexcentis vix uni contingat. 4. Quia si pus dicto loco diutius subsistat, putrescet, sicq; pulmonem ei innatantem corrumpet, febresq; auget. 5. Si curatio per medicamenta exhibita instituat, incertum erit de felici eventu, quia pus è thoracis cavitate per purgantia non potest educi, & per alterantia difficulter in pulmonem impellitur. 6. Si ad chirurgiam deveniendum sit, illa etiam non vacabit periculo. Interim tamen quia febris exigua est, vires adhuc mediocriter constant, atque conveniens adhibita medela multos hujusmodi ægros servavit, non est omnino desperandum, sed curatio quamprimum instituenda, quippe quo diutius malum protrahitur, eò magis vires collabuntur, & affectus periculosior evadit, nam corrupto tandem pulmone facilis fieret in phthisin transitus, juxta 5. *Aphorif. 15.*

9. Præmissa igitur clementi evacuatione alvi, mox ad expectorantia devenire suadet tussicula. Sic enim tentandum anne pus per illam viam possit educi, ope talium medicamentorum, quæ partim pulmonis poros laxant & dilatant, partim pus ad faciliorem in istos poros ingressum præparant.

10. Hunc in finem præscribendum tale apozema.

℞. Radicum helenii unc. j. iridis florent. drach. ij. glycyrrizæ rasæ, unc. f. herb. hyssopi, prassii albi, capilli Veneris, violariæ, ana m. j. brassicæ rubræ m. ij. sem. anisi drach. ij. f. 4. frig. maj. ana drachm. j. f. passulatum mund. unc. iij. Aquæ q. s. fiat sart. apozema ad lib. j. f. cui admisce, syrupi de prassio, de hyssopo, oxymelis, ana unc. j. dentur tres quatuorve doses de die.

Per intervalla lambat æger hunc linctum.

℞. Syrupi de prassio, de hyssopo, de jujubis, ana unc. j. croci pulverisati scrup. j. misce, fiat linctus.

Terebinthina cum vitello ovi in aqua hordei ad cremorem redacta & saccharo dulcorata, plurimum quoque proderit. Neque horum medicamentorum aliquis calor propter febrem valde eximescendus est, quia febris exigua est, & causæ ejus major ratio habenda est, utpote qua sublata, facile evanescet febris.

11. Si his & similibus medicamentis æget spatio duarum septimanarum ad puris excretionem non deveniat, ab eorum usu vix quicquam sperandum est, ac proinde, antequam longiore mora vires magis concidant, & pus corruptelam contrahat, eamque pulmoni imprimat, citior illius evacuatio molienda est per Chirurgiam.

12. Igitur in latere affecto, infra axillam, inter quintam & sextam costam, thorax usque ad anteriorem cavitatem cultello perforandus est (cavendo lationem pulmonis, ut & arteriæ, venæ ac nervi intercostalis) foramini non valde lato, sed tali tamen quod tubulum argenteum cavum admittere potest, qui facta incisione statim immittendus est, & ita ligandus ut sponte excidere non possit; anteriore autem parte sit turunda linea obturatus, ut pus præter voluntatem Medici illum effluere nequeat. Per hunc tubulum bis de die, extracta turundâ puris lib. f. vel lib. j. (plus minus, pro puris quantitate & facili tolerantia ægri) extrahenda est, hinc ejusdem effluxus immittâ turundâ rursus sistendus.

13. Ubi tandem pus totum evacuatum videtur, & nihil amplius effluit, pulmo & interior cavitas aliquoties abluatur hac mixtura per vulnus injecta.

℞. Decocti hordei unc. v. spiritus vini unc. iv. mellis rosacei, syrupi de prassio, ana unc. j. misce pro injectione, quæ per aliquot horas intus relinquenda est, & postea per dictum tubulum rursus educenda.

14. Si continua & diuturna puris effluxio indicet ulcus interius nondum esse perlatum, præscribenda erunt decocta abstergentia & vulneraria, necnon injectiones modicè siccantes & abstergentes. Tubulus verò argenteus in dicto vulnere detinendus est quousque nihil puris amplius effluit, tunc demum eximendus, & vulnus secundum artem consolidandum.

15. Victus ratio siccior attenuans & abstergens instituat, cibique condiantur cum cherefolio, hyssopo, brassica rubra, beta, fœniculo, passulis, amygdalis, &c. Potus sit prisana saccharo vel melle dulcorata, aut hydromel. Somnus mediocris sit, & alvus facilis. Ira & tristitia, animi pathemata fugiantur. *Isbrand. de Diemerbr. Medicationum parte 2. de morbis Thoracis.*

Observationes.

Senem curavi qui ex pleuritide empyema est passus, febre assidua, tussi sicca, sputo saniei copiosæ, difficultate spirandi laborabat, & tabidus prorsus factus erat. Medicis jam deploratus videbatur, & mirum erat, ex quo loco tanta puris copia emanabat, nam

quotidie libras duas exercebat. Huic præter alia quamplurima auxilia, lactis asinini potus per tres menses exhibitus miro fuit auxilio, hujus enim ope, puris copia omnino est imminuta, resectum corpus, febricula evanuit, tussis nulla. *Zacutus Lusitanus, observ. 119. lib. 1. præc. admirand.*

Apud nos juvenis quidam à me fuit liberatus, qui per annum pus in thorace collectum post pleuresin gestavit, & quasi absumptus erat, istus fuit, & per vulnus purgatum pus. Multos hoc modo curavi, quorum nomina supprimo. *Guil. Rondeletius, præc. med. cap. 15. lib. 2.*

Puer quidam quinque annorum febre continua laborabat, per duos ferè menses perseverante, cum tussi frequenti ac molesta, ita ut ad tabem vergere crederetur. Tandem vocatis in consilium Medicis, relatum fuit illum conqueri de dolore lateris sinistri, præcipuè cum manu contrigaretur, tum etiam relatum fuit, illum in febris principio persensisse aliquem dolorem in illo latere, qui tamen intra paucos dies delituerat, idcirco pleuriticus non fuit judicatus à Medico ordinario. Suspicio fuit Empyema aliquod ibi latere, atque ut res clarior evaderet, decretum fuit, admovendum esse per aliquot dies Cataplasma emolliens & attrahens, quo per triduum admoto, apparuit elevatio quædam in parte, & in ea fluctuatio subobscura percipiebatur, convocato iterum consilio, de Empyemate nemo amplius dubitavit. Apertione facta pus copiosum effluxit, ejusque vacuatio per duos menses continuata est, donec tota materia evacuata, æger tandem pristinae sanitati restitutus fuerit. *Lazarus Riverius, obs. 75. cent. 2.*

Servus quidam ex curru decidit, læsus est thorace, præsertim dextra in parte. Dolores remediis non cessant, cogitabant de sectione inter quintam & sextam costam. Divisæ sunt sententiæ, tandem vicit pars minor, & periclitandi occasionem caprans ex desperatis penè rebus, applicatum cauterium, fluxit per dies plus minus viginti aut viginti quinque materia saniosa ferè ad pintas 15. ut retulerunt Chirurghi, convaleuit. *Guil. Ballonius, lib. 2. Epidem.*

Cum summus Hippocrates passim hoc remedium usurpet, nunquid satius est aliquo remedio cruento & ancipiti certam mortem (si aliter facias, & id remedii genus omittas) redimere? Humanum est, & officii plenum aliqua ratione miserorum ægtorum dolores levare, atq; id magis si cum aliqua salutis spe. *Guil. Ballonius, consil. 6. lib. 2.*

Enatum ex pleuritide Empyema, cum alia non profuissent, frequenti potione ex syrupo althææ, oxymelite saccharino & manna cum oleo amygd. d. rec. & aq. scabios. feliciter curatum *Roma* accepimus à *Matthia Baccano* Anglo, pure nimirum alvo proclivius quam ore, expurgato. *Geor. Hieronymus Velschius, observ. 29.*

Empyema ex pleuritide, sectione inter quintam & sextam costam, felici successu sanatum, frustra adhibitis ex consilio Medicorum magni nominis, externis medicamentis.

Quæ verò observavi in Empyematicis, nunc in medium producenda, Nobilis Patavinus, ex pleuritide non expurgata, incidit in Empyema, tanta puris copia in cavitate Thoracis conclusa, ut iterum & terriò per diem incideter in Lipothymiam, Syncopi proximam: quem propterea cum decrevissem perforare, neque ejus parens hoc admitteret, vocavit Medicos hujus Civitatis primarios, & potissimum Joh. Veslingium,

gium, meum olim in praxi discipulum, præter alios, quorum nomina non refero, quoniam Patavii res est notissima, cum quibus habita consultatione, proposui sectionem inter quintam & sextam costam, ab omnibus Auctoribus laudatam, atq; propriâ experientiâ sæpissimè felici successû administratam; quam cum Medicus quidam in primis improbarer, hujus loco præscripsit cataplasma, apponendum Thoraci, cujus præsidio materia purulenta discuteretur; quem secutus quinetiam Veslingius, quo tamen præsentè sæpissimè hanc operationem feliciter peregeram, eam & ipse damnavit, metu scilicet læsionis vasorum intercostalium; quorum opinionem miratus, qui hæc in medium afferre ausi, sequenti die mane Thoracem secui inter quintam & sextam costam, immissa turunda crassâ satis, quæ foramen patens servaret, quam sub vespere eduxi, ac simul tres, & quod excedit, puris libras; à quibus Nobiliss. Juvenis à Lipothymia convaleuit, quem postmodum curavi, prout alioqui vulnera Thoracis, educta scilicet quotidie materia purulenta, atque immissa in vulnus paucis post diebus, cannula plumbea, per quam tota sanies penitus exhausta: qua demum educta, ad cicatricem tandem vulnus spatio viginti octo dierum adduxi. *Petrus de Marchettis observat. Medico-Chirurgic. Sylloge.*

Ex vulnere thoracis superius, magna puris copia in ejusdem cavo congesta, sectione inter quintam & sextam costam expurgata; necnon per os, & urinam, diei spatio.

Cujusdam scribæ filius, ex Agiaciorum familiâ, vulneratus parte superiori thoracis, ad ejus usque cavum, ex quò cum pus ægrè expurgaretur, multâ copiâ in eundem congestum, decrevi ipsum secare inter quintam & sextam costam ejusdem lateris, imposita postmodum turunda, ut superius dixi, sequenti die, quâ eductâ, duæ puris libræ effluerunt. Observatione verò dignum, non solum vulneris orificio pus emanasse, sed & per os quinetiam magnâ copiâ, necnon per urinam quoque ad libram unam, & quod excedit, per diem; quæ viæ licet omnibus pateant, non tamen naturæ consuetæ, factâ potissimum sectione, quæ materiam copiosam effudit; cum tamen pateriens esset juvenis 18. annorum, ac robustus, natura propterea has vias communes sibi paravit, ægrò spatio mensis omnino sanato, & adhucnum incolumi ob rationem superius propositam.

Dubium verò nonnullis quâ ratione materia purulenta, supra diaphragma hærens, non impediatur respirationem, cum tamen hoc Galeno instrumentum sit proprium respirationis; quòd scilicet experientia sit ipsis compertum, quendam Nobilem Bellunensem fistulâ laborantem Thoracis, inter sextam & septimam costam, nullâ respirandi difficultate laborasse, cujus morbi causâ consultatione habitâ cum viris hujus urbis præclarissimis, negantibus multam adesse puris copiam in cavitate Thoracis, nullâ potissimum respirationis difficultate ipsi molestâ; illorum tamen opinionem mordicus oppugnavi, materiam scil. purulentam intus concludi affirmans, cujus ratione immisi turundam crassam satis & longam circa horas vespertinas, vocatis sequenti mane multis studiosis, qui consultationi interfuerant, quibus præsentibus, cum turundam educerem erupit ex Thoracis cavo libra, & quod excedit, puris fœtens adeò, ut adstantes præ odoris gravitate excedere coacti fuerint, quod pus eò confluerat ex tumore thoracis, quò sex ante mensibus laboraverat pateriens, superstitè postmodum fistulâ præ-

dictâ. Ex quibus patet, quòd quotiescunque pulmones pus non contingunt, vel motò quinetiam ipsò diaphragmare, tunc respiratio illæsa est. Quòd verò aliquis objicere possit, quâ ratione scil. immorescere possit pus in ipsâ cavitate conclusum, nullâ præsentè respirandi difficultate? Respondeo observandum esse, quòd quando adest minima portio puris in Thorace, id non sit sine febre, quod est signum illius pathognomonicum, præter alia ab Auctoribus proposita; ut propterea superius admonuerim vulnera Thoracis non esse ad cicatricem ducenda, nisi patientes immunes fuerint ab ipsa aliquot dies: quinimò advertendum quinetiam, quòd quando putulenta materia in cavitate Thoracis supra diaphragma decumbens, non superat pulmonum alas, tunc per tussim non expurgatur; quia admittere non possunt, eandem non contingentes. Nobilis verò hic pateriens non solum laboravit fistulâ simplici Thoracis, sed & præterea duabus costis corruptis, quas proinde abraderè opus fuit, non sine quibusdam aliis remediis; qui tamen cum per negotia hîc morari diutius non posset, non integrâ valetudine discessit, illi tantum præscriptis brevi eo temporis spatio, injectionibus ex vino mulso, & aquis thermalibus sulphuris; in quarum usu mirum occurrit, quòd statim infusæ tussi excernebantur, ex vino verò injectò, medicamentis potissimum imbutò, illicò nullâ morâ, maximò impetû rejiciebantur majori copiâ; ut propterea observandum sit, non solum pulmones, raræ utpote substantiæ, sed etiam omnes partes nostri corporis suis poris patere, per quos non solum excrementa communia, sed etiam materiæ saniosæ extruduntur ad communia loca; sicuti contingit in vulneribus thoracis, quibus non solum ex locis omnibus notis materia purulenta fluit, sed etiam per intestina. *Idem ibidem.*

De Empyemate à parotidibus, & Phthisi à Quartana.

Juvenis quidam 22. annorum incidit in febrem continuam; 14. die fit translatio materiæ morbificæ, & fiunt parotides ex utraque parte valde magnæ, & cessat febris; factis faciendis parotides copiosissimè fluxerunt, ita ut ex una ultra lb. pro una vice effluerit, & cum propter copiam materiæ Chirurgus illas sæpius ligare & aperire debuisset, nescio an ex negligentia id de die vix semel aut bis fecit, materia hæc satis copiosa & acris partem ipsam etiam glandulosam & mollem usque ad asperam arteriam corrosit, & factò ibi ulcere ad pulmones & thoracis cavitatem ruit, & in momento loquelam amisit, dispareret tumor parotidis sinistræ, nullum amplius ibi pus apparet, tussit potenter, & propter dejectas vires à priori morbo ejicere non potest, & 40. die post moritur. Vir quidam 43. annorum incidit in quartanam, vadit ad aliquem circumforaneum, qui sexies consequenter illi dedit vinum antimoniatum, emanavit quidem febris, sed ob tot vehementes vomitus fit phthisicus, partim ex translata materia, partim ex rupto aliquo vase ob potentissimos & tories repetitos vomitus, hic ad exemplum sui Domini, cui Phthisico & Hectico cum optimo successu diætam lacteam præscripsi, absq; ulteriori consilio, eâ etiam uti incepit, adhuc continuat, & in tantum se sustentat, ut tamen adhuc sua perficere possit absq; magna molestia. *Joh. Georg. Greiselii.*

Puris sputum Menstruum sine Phthisi.

Nota mihi est matrona quædam Nobilis, quæ singulis mensibus semel puris sputo laborat, adeò, ut sæpissime

interim se habet, & formosa est neque etiam tussi vexatur, nisi quando periodicum hoc imminet sanguinis sputum; menses tamen parce fluunt. Judicent nunc eruditi an semper sputum signum phthileos pathognomonicon existat. Ego sanè in ea sum sententia, ulcus pulmonis tabem non esse, nisi longo temporis tractu degeneraverit, vel in vomitam vel in empyema. Inspectio variorum hoc morbi mortuorum & dissectorum Cadaverum aliud me docuit. *Alnardi Hermanni Cummi.*

Lactis usus in Empyemate.

Si Aquilonia tempestas, tusses vigent, faucium asperitates, alvi duræ, horrores, costarum dolores & pectoris aperuit *Hippocrat. sect. 3. §. 5.* Expertus idipsum Parochus Kosselzenis in Moravia, habitus crassioris, annorum 30. pleuritide exquisita ascendente sinistrae partis ex inflammatione plenæ laborans, cum dolore punctorio, febre acuta, difficili respiratione, tussi ac pulsu duriusculo, quæ inseparabilia exquisitissimæ pleuritidis signa proposuit *Galen. lib. 3. de Loc. Affect. cap. 3. & lib. 2. de Cris. cap. 10. & l. de constit. art. med. cap. 15.* Is septimo die præmissis Universalibus, partim per resolutionem judicatus est.

Patitur post 5. dies ob causam externam, recidivam, & non aderat magnifica intentio adhuc ut sputum facillè fiat, quemadmodum loquitur *Avicen. 10. 3. tract. 5. cap. 2.* adeoque spatio dierum 14. materia pluitima, quæ præ vitium imbecillitate resolvi non potuit, retenta in suppurationem abiit, est enim his terminus acutorum *Hipp. l. 5. §. 8.* quicumque igitur morbo laterali laborantes in 14. diebus non repurgantur, sed ad suppurationem vertuntur. Rupto abscessu Empyicus noster magnam putis diversicoloris copiam exspuit, quæ sputiones ad septimanas 5. perdurabant, ea quantitate, ut die noctuque pelvim 5. & ultra libris putis impleret. Innuimus cum *Hippocr. l. 5. §. 15.* Empyici qui ex morbo laterali suppurantur, si in 40. diebus purgentur à die, qua fit ruptio, liberantur, si verò non, ad tabem transeunt.

Sumpra itaque prima & potissima indicatione à suppuratione, & instituto commodo victus & 6. rerum non naturalium ordine, ea adhibuimus quæ clementer & securè pus educerent, & detergerent, non neglectis quæ febriculam comitantem respicerent, & vires hic apprimè necessarias roborarent.

Sed ob plurimum pus, & sputiones copiosas patiens multum delassatus, somnoque privatus, viribus destitui, & ad Tabem transire cœpit. De salute vix non desperantes venit in mentem quod habet *Galen. 6. §. 27.* Ustione igitur indigent qui plurimum habent pus, ut qui desperent per sputiones posse expurgari, &c. meliusque esse nos in via salutis dubia aliquid agentes periclitari, quam ægrum omni spe adempta certo perire; Sed vires enormiter fractæ ab hoc præsidio generoso avocabant.

Exacto die 49. Patienti Empyico *Lac Caprillum*, cum sacchato rosaceo mistum (deerat enim asininum) proposuimus quod cum per alias septimanas mane calidum, & recens à capra, etiam in majore quantitate quam à nobis præscripta esset, videlicet ab lb ij. hausisset, expurgato ulcere, omnique putrilagine, eoque glutinato perfecte convaluit, & crassior quam ante evasit, prout in hordiernum diem incolumis vivit. *Mauhai Francisci Hertodi.*

De Metastasi humoris per vias occultas; seu, de empyemate post pleuritidem notham per foramen cutaneum, à vena mediana incisa, salutariter soluto.

Rectè sanè *Stephanus Rodericus Castrensis* in eruditissimo tractatu, quæ ex quibus, inscriptio lib. 3. cap. 2. scribit: Metastasis, seu humoris in morbis transmissio, non solum per vias manifestas, sed per occultas etiam fit. Nam præter vias unicuique cognitatas, per quas quicquid fluxibile in corpore est, fertur, sunt aliæ incognitæ, quarum nos contemplario in admirationem deducit. Et libro eodem cap. 3 ita pergit. Cum Metastasin per vias incognitatas fieri audis, intelligito incognitatas nobis, naturæ verò, quæ licet cognitione non utatur, dirigitur tamen à cognoscente, cognitasse unde *Hippocrates 6. Epidem. sect. 5. text. 2. è versione Fœssi*, Natura, inquit, ipsa sibi per se, non ex consilio motiones ad actiones obeundas invenit, partim quidem ut nictare, partim verò etiam quibus lingua subservit, & quæcunque alia id genus. A nullo quidem edocta natura citraque disciplinam ea quæ conveniunt efficit. *Galenus* accessus exponit vias, aut impetus ad agendum, ut scilicet natura ex se in seipsam sine consilio vel edocta in eas actiones feratur, quibus exequendis accommodata habet instrumenta. Hoc argumentum latissimè prosequitur 1. de usu part. cap. 3. & ejusdem operis lib. 15. cap. 7. & 6. de loc. affect. cap. 6. Cæterum *Hipp.* apud quem prius νόσος φύσις ἰατρὴ, natura morborum medicatrix dicitur, adjungit paulò post: adinvenit natura sibi accessus, nempe vias; quapropter non solum loqui videtur de admirandis actionibus, sed de viis etiam, per quas natura ista inedicatrix metastasin humorum efficiens morbis medetur, constat hoc, quia utriusque rei exemplis utitur, &c. Huc usque citatus *Aukor*, cujus verba paulò prolixius hic recensere volui, ut eò melius præsens casus singularis & contemplatione dignus intelligatur.

Vitgo quædam Thorunenſis, Dorothea Kriegerinæ honesti Johannis Georgii Zöbners, civis & negotiatoris apud nostrates non infimæ notæ privigna, annorum septendecim, constitutionis gracilioris, complexionis phlegmaticæ, incidit anno 1675. hyemali tempore in pleuritidem spuriam sinistri lateris à pituitosa causa, cum pauca bile permixta, originem ducentem, sed à causa procatactica, scilicet saltatione longa, & sudore subsequente à frigore externo suppresso in actum deductam, post suppressionem sanguinis menstrui, huc usque inordinatè, utpote pituita copiosa permixti, indeque orta obstructione fluentis: cui jam à longo tempore singulis noctibus gravis fuit sudor oleaginosus, foetidus, coloris crocei, tam in capite, quàm in dorso, etiam induratum tingens, & pinguedine quadam inficiens.

Huic ego perspectis signis, inter quæ urina crassa & tincta erat, dolor cum punctura sinistri lateris gravativus, pulsus celer & validus, respiratio difficilis cum quadam dyspnœa, tertia die morbi è vena mediana dextri lateris sanguinis ultra sex uncias extrahere jussi; qui merè pituitosus erat: dein remisso paulatim dolore laterali, sed calore adhuc superstitente, altera die post è vena poplitea utriusque pedis ad sanguinem magis revellendum, & menstruum fluxum proritantandum (qui etiam postmodum, quamvis in paucâ quantitate apparuit) aliquot uncia ejusdem eductæ sunt: tum statim calor remisit, punctura lateris desierunt, gravativo tantum dolore residuo cum difficultate spirandi manente. Sanguis autem eductus pallidus erat;

erat, tunicaeque quaedam secundinis similes repraesentabat, qualem ego quidem nec vidisse unquam, nec è minoribus vasis extractum fuisse, me legisse recordor. Interim hæmorrhagia narium, ut antea, ita & nunc continuabat, urina concocta apparebat, dyspnœa non remittente, quam mox sputum tenue sequebatur, Aphorismum illum *Hippocraticum lib. 5. Aphor. 8.* qui pleuritidie laborant, nisi intra quatuordecim dies supernè per sputum repurgentur iis in empyema fit transmutatio, verificans. Quanquam *Aretæus* hic interdum vigesimum diem terminum constituat: *Galenus* verò in commentario non solum empyema, sed quamlibet in pus mutationem intelligat. Sed dum nos materiae evacuationem per sputa cocta è pectore expectabamus, Ecce novum emergens intervenit, scilicet puris cocti albi instar lactis, paululum tamen ad colorem croceum inclinantis, per foramen curaneum à vena incisa nondum consolidatum, exetio, quæ quidem metastasis materiae per vias occultas, nobisque incognitas pectoris & lateris dolorem sensibilibiter sustulit, sed cubiti illius manus, ut & homoplatarum dolorem majorem excitavit, sputo liquido, falso per aliquot septimanas continuante: quod tamen postea salubriter secum euphoria cessavit, fluxu menstruo reverso, virgineque ad hanc usque diem feliciter & pancreatice valente. *Simonis Schulzei.*

Ab Empyicis non abducar quin 1. juvenem proferam à pleuritide Empyicum, sed cujus purulentia, costas arrosit, quas mihi conservo; & sponte sua diu manavit extrorsum, & quidem foetidissime & lethaliter.

2. Phthisicam autem curavi annum agentem 30. cujus ulcus pulmonale dextrum tam altos egit cuniculos in pleuram, & in musculos intercostales ut ejus tabum per cutem effluerit, citra pectoris damnum. Pulmonis enim ulcus toti ambitui interno lateris ulcerosi ita accreverat, ut digito intruso, & orbicularim ducto deprehensa sit cohæsiō. Bechichis & injectionibus bis de die iteratis, vitam fœmina protraxit in septennium; nec interea statis mensibus caruit. Imò filium nonimestrem pertulit, & ita vivacem exclusit ut adhuc dum alacer vigeat, stupentibus amicis.

3. Belli ducem curo Empyicum à plumbi globulo. Is jam ab octennio fistulam gerit è Saturno intra fistulam pectoralem dextram, quotidieque manè & vesperti, pus tam feliciter per ulcus excludit, ut nusquam decumbat, sed vitæ muniis fungatur.

4. Id mihi memoriam reficit viri quadragenarii cui à dextris, circa 3. & 4. costam spuriam tumor in suppuratum abiit; & plurimum pus per tres hebdomadas fudit. Quum stuporem ad puris molem horrendam, ulceris fundo studui. Sed profectò iecur esse derexi, cujus purulentia, cuniculis actis, ipsam orbicularim hypochondrio tam stricte agglutinavit, ut puris nihil in abdomen influxerit, sed id omne proruperit extrorsum.

Indicem sæpè sapius in ulcus intrusi, & hepatis sensu profundius excavatum, quasi digitum inderem pmo vieto partim atq; sano; quæ pars enim sana est firmitudinem conservat, dum vieta diffuit nec attracta sustinet. Diætâ vulnerariâ & balsamis injectis & admotis cuncta symptomata eluctatus est æger & salubri nunc vescitur aurâ. Qui in renibus ulcerantur, tam levi cum labore se extricare non possunt, utinis enim stranguriosis divexantur in annos & miseri pereunt, vigiles, febricitantes, sitibundi, *ἀνὸγξι* exlucii, sed lumbis indolentes; & id decipit Medicos falsò jactantes ibi dolorem esse ubi morbus, & è contra. Hic enim dolor in vesica & in urethra calculum mentitur, cum utinis glutinosissimis atq; purulentis. Dolor autem in rene nullus, quia consum-

pta i lius carne, coriaceus evasit & corii bubuli similitudine. Tales oculos renales coriaceos sæpè sapius habui præ oculis, cum uteribus è directo pariter præduris & callosis. Unicum vidi è multis qui lacte, trochiscis Gordon. & Balsamo Lucatelli purulentiam renis superavit. Alii omnes ex indi, inter quos exemplum mihi sine exemplo, renis enim dextri ulcus arrosarat & sibi agglutinaverat ex ulceris directo ileon intestinum; Inde colica immanis & dementans cum excretionibus alvina dysenterica, pauca, frequenti purulenta, sanguinea cui tanquam dysentericæ Medicinam feci. Sed cadaver errorem meum detexit. Non erat enim dysenteria primaria sed à renis tabo transitu suo excoriante & inflammante fistulam intestinale; haud secus ac dejectiones visuntur dysentericæ in Empyemate pectoris; sed ab empyemate renis id nusquam à me vel visum aliàs, vel auditum, vel lectum. *E Collegio Clariss. Carol. Drelincurtii communicante Excellentiss. D. Guyot ejusdem Discipulo Medic. Doct.*

Empyematis curati historia rara; Communicante Clarissimo Virò, Joh. Rod. Bulet, Med. Doct. Celeberrimò, & Collegii Medicorum Genevensium Aggregatò Dignissimo.

Anno 1688. mense Matrio, cum domicilium meum ordinarium tenerem in Pradio meo in villa *St. Simphoriani* supra Morgias; Ægrum nomine *Nicolaum Curnex*, honestum Agricolum, ætatis tunc circiter 25. annorum, invisi in Pagò *VVullerens* à *Sto Simphorianò*, unò milliariò, distitò: Ille autem Æger, post veram Pleuresin acutissimam, licet quater Venæsectio ipsi celebrata fuerit, & varia pectoralia administrata, Empyicus factus est.

Diagnosin illius Empyematis habui, ex eo quòd postquam dolor lateris ex Pleuritide cessaverit circa diem Xam. post primum insultum, & simul ac febris. Alia de novò post duos dies apparuit violentior febris, & cum difficiliore anhelitu quam antea, ita ut Æger, vix spiritum trahens, suffocari identidem videretur. Aliquantulum fluctuationem percipiebam in ejus Thoracis capacitate; Pauca, proculdubio & minor fluctuatio erat quam illa ordinaria in Empyicis, propterea quòd in hoc casu esset maxima puris Copia, totam capacitatem utriusq; lateris replens, & idèò fluctuationem aliquo modo impediens. Metuens ne Æger suffocatus citò periret, ni Materia purulenta è Thorace evacuetur: Quod judicabam facile & tutò fieri posse per Operationem, *Paracethesin* dictam, nempe pungendo & incidendo intra Costas 6 am. & 7 am. usq; ad capacitatem Thoracis; ut jam didiceram ab anno 1670. quò Gradus Doctorales accepi in Illustri Universitate Monspeliensi: Et postea sapius illa Operatio Autopsia mihi nota fuit, tum in magno & celebri Nosocomio Lugdunensi annis 1678 & 79. tum in Castris apud varios Milites, cum annis 1680. & 81. Medici Castrensis Munere fungeret. Idèò, ne ille meus Æger *VVullierensis* misere periret & suffocaretur meâ culpâ, non aperiendo ejus latus; ineunte nocte in urbem Morgiarum, tribus milliariis distitam, ivi, atq; ibi à Chirurgo illius loci, *Dn. Pappus*, lancettam majorem quam habebat ad Abscessum aperturas, accepi. Crastina die, summo manè redii in Pagum *VVullierens* ad Ægrum meum ut Egomet illâ dictâ lanceolâ *Paracethesin* exercebam; ut Puri, in ejus pectore contento daretur exitus. Sed ecce, mirandum! cum ad eum accessi, mihi narravit Ægrum bene se habere, absque febre & libere respirare; scilicet nocte præterita, cum dormiret paulisper Æger, sponte sua, absque ulla arte, aperturam factam fuisse in superiori capacitate Thoracis & ipsius Sterni inter duas Claviculas; & Puris valde laudabilis, nempe albi, lævis, bonæ consistentiæ, & minimè foetidi, prima vice libjs. quantitatem effluxisse.

Potum calidum è Traumaticis nostris vulgaribus sæpius propinari, bis aut ter quotidie; In iis potionibus Veronicæ dosin præ aliis auxeram. Illa præcautione uti iudicavi, ut foramini ex se facto, Turunda ex lineamento latis dura inderetur, ne citius clauderetur, antequam omnis Puris copia è Thorace evacuatâ fuisset, superponendo Emplastrum è Diapalmina ad continendam ne ex se exiret. Quotidie manè & serò Æger ipse Turundam auferbat, ut Puri daretur exitus, inò asserculo Sternum comprimebat, ut puris effluxum cohereret; Primis diebus, Puris quantitas, quæ qualibet vice egrediebatur, erat 3 iij. ad iv. sed quotidie sensim minuebatur, donec nullum Pus amplius prodierit, nempe usque ad quatuor septimanas, & tunc turundâ ablata, facta fuit cicatrificatio illius foraminis. Meo consilio tamen adhuc per quindecim dies, post illam cicatrificationem, potionibus vulnerariis calidis, & bis leni purgante usus est. Ab eo tempore optimè se habuit, & adhuc hodie Incolumis vivit, æt. 68.

Anatomica inspectiones.

Empyema Pleuritidi succedens ante decimam quartam diem.

Advertant juniores, quanquam Hippocr. observatione pleuritis non ante 14. diem ad suppurationem tendit; Nostra tamen observatione, non solum in juvenibus, sed etiam viris constantis ætatis, 7. vel etiam 4. id evenire, & evidentet id detegi rigore & subsequente febre, ab illis diebus invadentibus & singulis diebus recurrentibus: Sic sane in Nobil. adolescente rigor febrisque, 4. 5. 6. 7. usq, repetentes prænuuntiarunt suppurationem.

Dissectio autem cadaveris secundum intra septenarium morbi, in illo factam suppurationem ante perfectam fuisse demonstravit, cum universus thorax pure pragnans repletus esset: Quin memini me vidisse pus in thorace cujusdam Sacerdotis, qui 9. die extinctus obiit, quod præpostero consilio purgante medicamento usus esset, neglecta v. s. & dilata in sextum, quo sum advocatus. *Carolus Piso de morbis ab illuvie serosa sect. 3. cap. 9.*

Empyema insigne Sinistri lateris thoracis, nulla sui signa exhibens.

Suppuratum mortuum secumimus, in quo nulla pulmonis sinistri pars aderat, sed tota cavitas aqua & pure repleta erat: cum tamen per duorum mensium spatium, quo tempore ab hoc morbo vexatus fuit, nullam respirandi difficultatem, & paucam tussim, sine ulla materiæ morbosæ ejectione habuisset, Attamen secto corpore tota thoracis sinistri cavitas aquâ purulentâ referta erat. *Dom. Panarolus Pentec. 1. Observat. 46.*

Empyema pulmonum exulcerationem frequenter sequitur in Phthisicis.

Pas in Pulmonum exulceratione genitum, non solum asperæ arteriæ ramis illapsum exspuitur, sed & tandem quando ex corruptione Pulmonum substantia dividitur, in pectoris cavitatem effuens, illicque sensim coacervatum, atque interdum magnâ copiam congestum, Empyema producit, Quod ab exulceratione hac in phthisicis eo modo prodire Sectio patefacit, per quam in corruptione pulmonum putis semper aliquam saltem portionem, si non magnam, pectori

Bibl. Chirurg. Tom. II.

adhærere vel innatare deprehendimus. *Platerus pract. lib. 3. cap. 5.*

Suppurati pericardium totum ferè corruptum repertum est, & cordis major pars exesa

In suppurato, qui post diuturnam affectionem obierat, observatum est ferè pericardium totum corruptum fuisse, majoremque ipsius cordis, quod adhuc quidem, ob diutius scil. putredinalem in eo asservatum calorem, palpitabat, partem exesam extitisse, ut quidem ulcus diutius tulisse facile credi possit. *Franc. Rota cap. 23. de Tormentar. vulnerum curatione.*

ENCANTHIS.

Encanthis, Græcè *Εγκάνθις* in oculi angulo, unde etiam nomen accepit, exiguum tuberculum est, vel ex fluxione obortum; vel ex ungue parum exciso, ac proinde contracto, conglobato, & in tuberculum converso, conveniunt Celsus & Paulus in Chirurgia, quod excipi hamulo & circumcidi debet. Paulus vossellam, ad apprehendendum usurpat; sed hic quoque diligenter temperata manû utendum, ne quid ex angulo abscindatur; tum exiguum linamentum, aut Cadmia, aut atramento sutorio inspergendum est, Paulus Chalcitidem lævigatam usurpat. Sed mitiora, quæ non irritant, tutiora sunt, ut est tuthia aut pompholyx, aut sief album sine opio. *Hieronim. Fabric. ab Aquapendente in Chirurgic. operation.*

Εγκάνθις est Cornelio Cello, ac Paulo Æginetæ, tuberculum, enascens, in oculi angulo: quem *καρκίνος* nominat, Ruffus Ephesius *lib. 2. c. 5.* dividitur autem in benignam, ac cancerosam. Illa ut occurrit frequenter, sic hæc nonnisi rarissimè.

Vidimus tamen eam, luce clarius in naupego Horiano: cui, ex fluxu lactymali per oleum vitrioli, intempestivè suppresso, usque eò luxuriavit glandula, à natium parte, oculis adposita, ut ejus excrescentia cooperierit, non tantum malam, sed degeneraverit quoque in peniciosissimum carcinoma. Quod tentavit quidem filo, comprehendere; & convenienter ferro excindere Cornelius Sasboutius, Lithotomus, ac Chirurgus satis felix: Sed acquisiverat jam tum eam malignitatem hic tumor: ut vix potuerit attingi, quin proinde, profunderet plurimum sanguinis: ac proinde fuit necesse solis lenientibus uti: quibus exitum ægri magis fuit dilatum, quam ablatum. Viderint itaque illi, quibus actia medicamenta in frequenti usu quàm facilè committatur error: nullâ arte deinceps emendabilis. *Nicolaus Tulpus Observ. Medic. lib. 1.*

Plura vid. sub titulò Oculorum vitia.

ENTEROMPHALOS *Vid. HERNIA.*

ENTEROCELE *Vid. HERNIA.*

EPHELIDES *Vid. CUTIS VITIA.*

EPINYCTIS.

De Epinyctidibus & roseolis, morbis prorsus affinis, sic scribit Clariss. & accuratissimus Marcus Aurelius Severinus in suo, de Reconditâ Abscessuum naturâ, Tractatû.

Mihi invenire aliquid eorum, quæ nondum inventa sunt, quod ipsum notum, quàm occultum esse præster; scientiæ votum ac opus esse videtur.

similiterque & semiperfecta ad finem perducere & absolvere, verba sunt Hippocratis libri de arte principio conscripta, quod ego monitum semper reveritus, in meis de re medica scriptis quidem omnibus, atque in hoc quoque opere de abscessibus, quantum ego judico, ad hunc usque terminum servavi, ac deinceps etiam in hac, quæ superest, parte pro mea virili servabo, averfus & abhorrens ab eorum more, qui priorum excogitatis utentes actam rem agunt. Equidem vidi jam diu vitium hoc extimi habitus corporis, quod epinyctis à Græcis dictum est, apud Latinos non aliud vocabuli nactum, sic à posterioribus medicæ rei scriptoribus aliisque magistris ignorari, ut ex observari numeri viriis hanc facere minime norint, itaque ex eis affectionibus haberi consuevit, quæ jam à longinquo tempore desierit, nomen tantummodo retinens, non aliquam speciem; adeoque sit ex morbis secularibus, id est, aliquandiu vigentibus & fugacibus: veluti lichen atque mentagra, quæ Pompeii magni tempore primum visa, non ad longam posteritatem extitit; vel sit ex his denique morbis, qui nuper eruperint paulo superioribus seculis, ut Syphilis, Plica, Brunnus, & alii: verum longe aliter se res habet, ac nusquam interruptum est malum, nostra etiam tempestate stabile, ut certius equidem reddam, quam quæ fuerunt ad Sagram, & si apud solas ineruditas fœminas vulgari diu sole saltarecciè nomine cognitum. Potrò neque discernendi mali curam Medici susceperunt, neque ejusdem curandi rationem attigerunt, indignum profecto facinus, atque omni, qua licet, animadversione festinaque sollicitudine convellendum, neque enim aut medicinæ amplificandæ aut medicorum auctoritatis tuendæ, aut miseræ mortalitatis adjuvandæ causâ patiendum est, ut error hic protrahatur, qui qualis quantusque sit, ipse cognoveris, tibi mali rationem in libri progressu didiceris, viderisque quantum acerbioris & molestiarum noctu diuque exhibear, quamdiu pertinax, quam sepe intractabile sit, quantum ex medico curæ, ac solertiæ, quantum medicaminum & exquisitorum, tum, quæ exterius exhibentur; expostulet: ad summam tam crudus & inselens affectus est, quantum aliqua Syphilis & strumæ, quæ communem propemodum cum illa curationem habent: quin etiam in arthritim pessimam morbi fortem perperam curata facessit: quemadmodum audies in prognosticis. Quas ob causas omnes visum est, humani ac minime socordis hominis officium, si super eadem re tantisper mentem ac studium adhiberemus; quatenus ad justam suam comprehensionem ac lucem res obscurissima restitueretur & à vulgari medentium turpi præsidio ac putido procuratu vendicaretur. Igitur nos id, quod in terminthis atque aliis plerisque fecimus, in hanc quoque rem diligentem operam navabimus, ut plana tota reddatur si tantum is, qui lucem altam inhabitat, cujus aliquam particulam nostris allabi senâbus concefferit.

Quæst. I. De notione epinyctidis.

Nominum verbis imponendorum ratio varia fuit Græcis autoribus, quemadmodum Galenus explicavit lib. 2. Methodi therapeut. cap. 2. A læsa enim particula dicta est cephalæa, phrenitis, ophthalmia, peripneumonia, pleuritis, arthritis, ischias, podagra, dysenteria. A symptomate verò nomen acceperunt vigilia, coma, palpitatio, dispnoea, paralytis, ilios, tenesmus. A causa dicta sunt melancholia, cholera, aqua intercus, leucophlegmaria. A symptomate simul & parte affecta cephalalgia, odontalgia, cardialgia. A similitudine ad aliquid extra positum alopecia,

ophiasis, polypus, cancer, elephas, myrmecia, sycolis, morus, thymus, uva. Denique ut nonnulla brevi perstringam, à tempore nuncupati sunt ephemera, nyctalops, epinyctis instituti jam nostri sermonis materia, cujus & ipsum etymon diligentius est enarrandum; nimirum alii, quorum uni sunt Celsus & Galenus; ab ea, quod noctu apparet, dictam volunt; alii, quorum est Julius Pollux, Aëtius, Paulus, Plinius ab eo, quod noctu molestiam exacerbant.

Jam verò te non perturbet pauca hæc dissensio, quod hi quidem ad nocturnos exortus, hi ad nocturnos aggressus retulerint nomen; id enim utrumque constare potest autoribus Joanne Gorrhæo Parisiensi definit. medic. E. & Philippo Ingrassia comment. de tumoribus præter naturam 34. ac denique Ludovico Septalio in comment. 2. ad lib. Hippoc. de aer. atque locis P. porro, quo tempore, & quibus vigentibus causis sua primum initia novit affectio, iisdem etiam & quotidie efflorescere, ut loquitur Hippocrates, vel exaltari, quod Paracelsistæ dixerunt, id est, exacerbari verisimile est, quanquam etiam neque perpetuum est, ut ipsa oriatur noctu, sed fere apud Celsum, id est, maxima parte, ut Ingrassias explicavit. Igitur utroque complexim nomine latam epinyctidem opinari licet & quod vesperi primum surrexerit, & quod hoc etiam tempore novos semper insultus instauret, de quibus omnibus causis tum nascendi, tum invadendi proprietatibus posterius inquiremus.

Interim homonymiæ dirimendæ causa non omitenda est altera epinyctidis usurpatio, qua usus est Plinius l. 20. natural. histor. cap. 6. ad notandum ulcus, quo videndi acies hebetatur, in oculi angulo perpetuum humorem manante coarctatum, fortasse autem promptius hoc nomen oculi vitio accommodavit Plinius qui legerat apud Hippocratem lib. 5. & 7. epidem. affectionibus circa oculum dolores ad noctem. Sed enim Plinius, si recte adverteris, etiam per appellationis modum, duarum affectionum discrimen prodidit, quandoquidem oculariam epinyctidem singulariter, alias vero, quæ nocturnam inquietem invehunt, numero plurium extulit: quo numeto nominantur semper Oribasius, Aëtius, Paulus, Actuarius justam quidem hujus rei mentionem professi, modicam enim Hippocrates lib. de aeribus, aquis, locis n. 4. & lib. 2. prœthetorum n. 28. Sunt hæc de etymo, cujus etiam luculentam suam rationem audies suo loco.

Quæst. 2. De genere morbi.

Inquirentibus rite nobis epinyctidis omnem naturam, prima, quæ se offert, generis est quæstio, in qua re statuenda non consenserunt omnes, qui de hac re tradiderunt, sive Græci, sive Latini, ex his primus Cornelius Celsus lib. 5. rei medicæ cap. 28. retulit ad pustulas: atque ita etiam Plinius lib. 20. cap. 6. circa principium: Itemque Julius Pollux Onomastici lib. 4. cap. penultimo: ac Synesius in commentariis, ut est apud Raphaelem Volaterranum Physiologiæ lib. 24. pag. 75. sed à Græcis Oribasius lib. 7. Synopsos c. 37. & post hunc Aëtius l. 14. c. 61. & Paulus lib. 4. c. 9. & Joannes Actuarius lib. 2. meth. medendi c. 11. epinyctidas ulcuscula dixerunt.

Novissimè verò Philippus Ingrassias, ut ejus dissensionis aliquis modus esset, videtur id iudicii interposuisse pag. 283. F. ut ab initio suæ generationis statim pustula quidem sit ista; verum eadem abrupta ulcusculum reddatur. Sed Joannes Gorraeus lib. definit.

lib. definit. med. litera E. sensit nil referre, quod illi quidem pustulas, hi ulcuscula dixerint: sunt enim & ipsæ pustulæ ulcuscula. Mihi vero ipse placidius res utrorumque compositorum vixior; si commonefecerim auditorem, Græcos illos autores neque simpliciter ulcuscula protulisse, verum *φλυκτανοειδῆ*, id est, pustulosa, seu pustuli-formia. Præterquam quod & Celsus, qui pustulas dixit, idem & ulcerari post hæc ipsas affirmavit.

Omniis autem modis, utra prævaleat vis tumoris an ulceris, quæres: mihi quidem cunctos hos interpretes observanti, neutra aut mista ex utriusque videtur, neque admodum apud hos intererit, siue ulcuscula pustulosa, siue pustulæ ulcerosæ, id est, intus exulceratæ dicantur. Sed Philippum Ingrassiam video sæpe in id procedere, ut tumorem vocet: idemque placuit Ludovico Septalio, loco, quem proximo capite recitabo; quod neque displicere cuiquam debet, quando magis omnino tumor, quam ulcus videtur, testimonio autem est, quod celsæ Arabum, quæ simillimæ sunt epinyctidis Græcorum, habitæque à multis etiam ipsæ, inter apostema & exituras descriptæ sunt ab Avicenna, nec non ab aliis, quin & circa hanc pustulam vehementis inflammatio est Cornelio, qui magnitudinem ejus fecit faba non majorem, quid quod has duas vocet patum inter se distare comperies assiduo scribentium usu?

Quæst. 3. De colore epinyctidum.

Diversam quoque coloris faciem epinyctidis tribuerunt Græci, quàm Latini. Ex his enim Cornelio vel sublivida, vel subnigra, vel alba esse consuevit, post quem vitum & liventes etiam colore proposuit Plinius, verum Aetio Pauloque subrupta sunt ulcuscula, quibus diruptis cruenta sanies effluit, quem sanguinis fæctum perhibuit & Julius Pollux. Quæ scribentium omnium dissensio conspectu primo levis quidem videtur; etenim Celsi color est varius, Aetio Pauloque constitutus & unus, qui subruer est ad quam sententiam accessit & Pollux.

Veruntamen hos inter se discrepantes composuit primus Joannes Gorraeus? siquidem sub colore subrubro & subnigra & sublivida comprehendantur, omnis enim sanguis etiam biliosus, sub cutem effusus, in eos colores facile mutatur: Illud autem, quod Gorraeum torset, est quod & album colorem interseruit idem autor. Cui etiam illud additur, quod & circa pustulas vehemens inflammatio relata est: res certe sic explicatu difficilis, ut offensus incompetenti rerum consequutione desciverit à Græcis Ingrassias. Verum enim vero de coloris albi discrimine dicam ego post brevi. Interim, quod ad conciliandos autores pertinent, nulla inde difficultas suadet, si heterogeneus hic tumor statuatur, siue quidem humorum concursu siue partis affectæ varia difformitate; de qua re mox plenior atque evidentior demonstratio parata est, si tantisper attenderis.

Quæst. 4. De morbi materia, secundum priorum opinionem.

AD hæc, de humoribus quorum vitio producit epinyctis, non leves sunt, aut silendi modo memoratorum autorum dissensus: Aetii siquidem & Pauli opinione satis apparet sanguinem esse, qui causa sit mali, tum inde, quod subruer color asseritur, tum quod ulcuscula dirupta sanie cruenta manant. Contra vero Celsus decrevit adaperata pustula mucosam intus exulcerationem reperiri, atque

hanc humori, ex quo facta sit pustula, similem colore. Præterea si color interdum est albus, pituita profecto erit, cui respondeat, & quoniam non sublivida facies ejusdem est & subnigra: bilem atram hæc arguent, qui succi se produnt etiam nocturno motu, atq; ut planius dicam, nocturna exacerbatione, quam ob eundem humorum nocturnum motum atq; vigorem inferunt.

Hoc binorum hominum dissidium visum est tanti Siculo Philippo: ut enodationi diffusus, alteri parti adhærere crediderit præstabilius, quam leves aut infirmas conciliationes comminisci; apparuit autem Cornelii definitio potior, ut quæ magis sibi met ipsi constaret, qua definitione morbi opifex aut pituita, aut melancholia videtur adstrui, qui duo succi nocturnos soli dolores movere possunt. Quantum igitur hanc ob causam Celsiana propositio Philippo probatur; tantundem Aetii Paulique refellitur, per quos sanguis effectrix causa proponitur: cuius vi & naturæ tantum abest, ait, ut epinyctis induci debeat, id est, noctu gravans dolor, ut verius ephemeris, id est, diu molestans appellari debuerit, est autem Philippo succus, qui prævalet ad effectum hunc excitandum præcipuus nitrosa pituita, unde & albus tumoris color existit, & ob quam adaperata intus pustula mucosa, qualis in ceriis & achotibus exulceratio reperitur. Altera post hanc atræ bilis est portio, unde sublividus alter sit color, aut lividus etiam, si plus ejus humoris affinxerit, aut postremo subniger, si plurimus idem accesserit.

Hæc Ingrassiæ sententia & Celsiana tuitio, nam multum sibi visa est efficax; ut vanam etiam existimaverit defensionem eorum, qui vellent adstruere; posse fieri, ut tuberculum principio quidem subrubrum, mox in livens, aut subnigrum ulcusculum immutaretur, quippe firmus in eo Philippus est, ut contendat omnibus modis negari non posse, sanguineam ac biliosam exuperantiam aut utriusque miscellam interdum vexatrices, pituitosam & atrabilariam, noctu graviores esse. Contra quam tamen Ingrassiæ contumaciam est, quod avertere possit quispiam. Nimirum neque subrubra facile sanguinem absolute coargui carnem vitio tactam, & alieno quovis ap-pultu succi computrescentis inflammata, colorem interdum inflammationi consentaneum indipisci: quemadmodum scilicet ex coryza videmus hyerne nares interne atque externe flagrare ac per brumales rigores internodia manuum rubella & gravi pustula tentari.

Neque sit tam difficile Philippo, biliosum humorem noctu moveri, quando febres tertianæ & hemiplegici paroxysmi per noctem haud infrequenter stasis periodicis accedant. Præterea, neque, si bilis aut calidus humoris adstruatur, qui moveat epinyctidas: propterea sit, ut noctu invadere non possit: sed satis est, ut noctu moveatur quippe mutatis humoris sedibus & fluctuante ipso, clara Hippocratis doctrina in lib. de natura humana 23. necessum est; dolorem consequi duplicem, & unde egressus humor est, & ubi redundat. Quibus addidit Galen. re. 21: ejus comm. hoc inptimis evenire per illos humores, qui validas habent vires, siquidem non solum multitudine particulam in quam declinaverunt, aggravantes; sed etiam qualitate dolorem inferunt, cum excalfaciunt aut refrigerent insigniter.

Atqui humor is, quem memoramus (inquam ego Severinus) talis ad unguem est, qualem delineat Galenus, est autem hæc, mea quidem opinione, pituita nitrosa & salsa cum plurima succi melancholici portione commista. Quorum ego duorum humorum concursum, tum ex symptomatis jam indicatis, sed plenius etiam exponendis conjicio: tum ex Oribasii Aetii Pauli testimonio; qui nominatim

acetum & falsa in esum abstinenda monuerunt. porro falsa talem etiam pituitam plane augent, auget etiam acetum melancholiam, aucta videlicet hujus substantia: Præterquam quod acetum & aliam ob causam damnatur, de qua nos paulo posterius dicemus.

Hæc ego de humoribus epinyctida procreantibus habui quæcunque autem adversus Ingrassiam digessimus: eadem etiam disputata putes contra Ludovicum Septalum, qui comm. 2. ad lib. Hipp. de aerib. aquis & locis suffuratum ex Philippo. judicium unum idemque protulit.

Quæst. 5. Utrum calidus, an frigidus sit hic affectus?

DE qualitate affectus non ita promptum est discernere, nam & pleraque suadent frigidum & non desunt, quæ demonstrent calidum, ex frigidorum esse ordine statues utique, si spectaveris nocturnos adscivisse ortus nocturnosque motus. Sed neque colores hujus à Cornelio relati, qui sunt albus, sublividus, & subniger; præterquam humoris subsistentis frigidi sunt facies, & indicia: quæ autem affectionis diurnitas & adversus multas magnasque medelas contumacia; quæ in arthritim artuumque languotes affinitas ac transmutatio? quin, præterquam in frigidas affectiones secedat; sui etiam ipsius natura extremas corporis partes à caloris fonte distitas tentare solita est hæc morbi species. Postremo veterum autorum curatio ad frigidiorum affectum videtur adversa, quæ multa continet calida, quale mel est, brassica, centaurium, ruta, sesamum, calx cum oleo, sulphur, vinum: quæ primus Oribasius & huic succedentes Aëtius & Paulus præcepere.

Ex adverso de calore testantur, & doloris actimonia, & pustulatio, quæ sine fervore non est; adhæc inflammatio vehemens, de qua Celsus, & color subruber, de quo Paulus & Aëtius retulere: quibus factum est fortasse, ut has curandas Actuarius cum phlyctenis, calidis eruptionibus, & iis, quæ à fervore ingenti perizomata nuncupantur, item adustionibus libr. 6. method. medendi cap. 8. voluerit. Sed neque febris abest semper ab hoc morbo, qui potissimum infectatur juniores hoc nostro tempore, quamvis enim Hippocrates lib. de aeribus, aquis & locis, epinyctidas viris nominatim attribuerit: tamen in australibus & meridiei suppositis plagis id statuit: quod neque nostro placito adversatur, ac fortasse etiam adstipulatur, dum à caloris limitibus & hypothési non ablegamus: Sed & crases naturalesque omnium, quas sibi subjicit morbus ad calidiorem notam hæc vergunt omnes: nocent autem his calida, nam inter cætera sol, balnea, fomenta sunt cavenda monito Oribasii, Aëtii, Pauli: ita non dubium apparet, in calidis reponendum hunc affectum. Verum enim vero quid, quod aliud ante fuerat suatum? an igitur in ancipiti judicio consistamus?

Philippus quidem Ingrassias deliberatè professus est, tumorem calidum: quæ quidem opinio minimum est consentanea veteribus, neque rationi, sicuti mox apparebit, enim verò morbus hic heterogenea constat materia, nec simplices sunt humores calidi neque frigidi, seu utriusque modi sunt, aut utramque naturam servantes, certe sanguis non deest, qui fundamentum est humorum omnium, seu secundum naturam; seu præter naturam habentium. Deinde & alio nomine, si græcos sequaris, quod color epinyctidum subruber est, unde & apud Celsum inflammatio vehemens accenditur, verum tamen hic sanguis plurimam adustionem agnoscat oportet, qui sublividum aut subnigrum Cello colorem facit.

At pituita ex intervenientium humorum excludi numero non debet, quæ nocturnam mali generationem architectatur: quemadmodum paulo posterius explicabo; hæc autem ex aliqua parte admitta colorem album, cujus apud Celsum est mentio, facit. verum hæc nocte vigens interdiu dissipari videtur, melancholia vero adusta, de qua modo dixi, persistit firmius ac longe superat, ut ex symptomatis & cacoëthia luculenter apparet, cujus causa Cornelius pessimam pustulam enunciavit, ex qua una materia utramque qualitatem complectente, ut supra de syphilide disputans ostendi, constatus hic morbus tum calidus tum frigidus, aut certe neuter, veluti cancer & canerosa struma dici potest.

Habes jam nostram de vitii qualitate & complexionem sententiam.

Quæst. 6. De dolore nocturno.

NON parum equidem anceps fui, num assistens epinyctidi dolor, periodicus habendus esset, qui nocturno tempore protinus emicat, paratosque suos aculeos defigit obnoxiiis, verum periodi quotidiani, tertiani, quartani, aut alii, suos singuli paroxysmos indiscriminatim tum diu tum noctu complicant, at vero dolor epinycticus nocturnum sibi privatim & peculiariter adsciscit, quam ob causam alia mihi hujus, quam illius recursus ratio videtur afferenda, propterea relicta via vestigandarum periodorum communi, propriam aliam & singularem institutam. Referam autem primum aliorum opiniones, quorum unus Philippus Ingrassias lib. de tumor. præternat. 34. causam omnem retulisse videtur ad condensationem cutis & hujus meatuum obstructionem, quæ à superveniente aeris frigore inducitur: Sic enim non expirantes, sed coacti sub cute halitus mali dolorem, seu simplici sua retentione seu cutis aliqua distentione movent.

Sed hæc Philippi ratio non satisfacit, ad hunc enim modum & diurno tempore, quod nocturno frigidius incideret, facta ejusmodi constipatione dolor vexaturus pariter esset. Adde, quod interdiu ad pluviosos & ventosos nivososque aeris occurus epinyctides expositæ dolitare deberent magis, quam noctu, quo tempore sub tecto, in concluso & igne percussato conclavi contactæ straguli: & tentoriis foventur membra. Quibus omnibus non sic obdorsari atque adeo non sic affligi deberent epinyctidibus obsessæ partes, itaque cutis densatio causa simplex ejus doloris non est, sed certe alia, quæ nobis est hæc.

Meministi causam mali continentem positam à nobis melancholicum humorem ex sanguine scilicet adusto, tales enim ad unguem sunt naturæ & corporaturæ, quæ vitium hoc incurere consueverunt, hic quidem humor, ut nosti, fixus est: cæterum ad hunc accedit pituita non fixa: quæ cum noctu cumulat, causam doloris exhibet ad hunc modum. Notum est, aridam calcem injecta aqua statim exardescere atque fervere, refert autem calcem melancholia, ut quæ cinis & ipsa est; Galeno sepe numero testante tum lib. de atra bile, tum aliis plerisque locis. Præterea refert aquam pituita, ut quæ frigida est & humida: perinde ut illa, itaque si fluxa pituita ad melancholiam nocte mota squallorem ejus irriget ac madefaciat, fieri poterit, ut excandescat melancholia, æstuantque dolorem accersat, sed sic accidit quidem, ut accreta & mota noctu ad melancholiæ sedem, nimirum ad debilem partem, accedat pituita, igitur effervesceat ab hac illuvie melancholia, doloremque in epinyctica compage faciet.

Atque inde quidem est, quod usum balnei fo-
mentique ad epinyctidum curationem tres uno con-
sensu scriptores græci disertis verbis omnino prohi-
buerunt, quin & insolationis usu interdixerunt, eam
ob causam, quantum equidem opinione assequor, ut
ne multus præsentis siccitate fieret accessus; ma-
teria certe mali spectata, quæ sicca est & adusta.
Denique voluerunt abstinendum & aceto, quippe
quod ut *απαιών*, id est, ferveat humor melan-
cholicus, facit Hippoc. autore, lib. de ratione vict.
in acut. atque etiam Galeno magistrum hunc sequen-
to, tum hoc loco, tum lib. 4. aphor. 21. & 23. quod
intelliges ex fermenti definitione tradita per Plato-
nem in Timæo, quæ est; Fermentatio est partis ter-
renæ morio & in aerem conversio, ut enim per aci-
dam substantiam attenuata ac percalsacta panis mas-
sa, sic ista circumtollitur & ampliatur. Jam igitur,
ut ne ab aceto commoveatur & exardescat hu-
mor hic epinyctidis sator, cavere jubemur unice ab
aceto.

Sed enim instabis dicens, & acetum sub sulphu-
re à Paulo Aegineta, cum sesamo verò aut lithar-
gyro ab Aetio proposita. Ad quod quæsitum res-
pondeo, extrinsecus quidem acetum extenuare dissol-
vereque tubercula, id quod adversus lienes facit,
quanquam Oribasius (quod refert Aetius) pro ace-
to teritur cum vino potius. Ita jam plenis vete-
rum omnium suffragiis, comprobatisque lingulis ho-
rum traditionibus, ac nulla relicta prorsus ambigui-
tate, certum ratumque apparet nostrum de epiny-
ctidibus adusta natura nocturnoque dolore decretum.

Quæst. 7. De parte affecta.

Post hæc autem vide, num in affectus sede per-
hibenda consenserint autores omnes modo ci-
tati. Porro primus Hippocrates, mox Oribasius,
Aetius, Paulus nullam epinyctidibus partem corpo-
ris præscripserunt, aut excluderunt, verum totum
huic affluxui corpus patere sunt professi: sed unas
tibias, ac pedes huic malo subiecit Julius Pollux.
Quorum tertius Cornelius Celsus has pustulas emi-
nentibus corporis partibus addixit; quam Cornelii
sententiam Polluci plurimum adversantem credidit
Philippus Ingrassias, qui partes eminentes interpreta-
tus est umbilico superiores, tamquam eminentes sint,
quæ emineant, id est, ad summam corporis partem
spectent, & cæteris incumbant; itaque, ut hos com-
ponat: id quod ad exortum nocturnum Cornelius
addidit (fere) Philippus hoc ad eminentes partes re-
tulit: cum magno scilicet sensu distractu ac enormi
concinuitatis injuria, piget autem Ingrassiæ viri qui-
dem latinarum literarum, nam neque græcarum, non
ineruditi, qui tantum elegantiae non discreverit; quæ
est exporrigi græce *ἐξαιρεν* atque extra corporis,
ut ita dicam, truncum manere: id quod Celsus de-
clarasse videtur, cum explicuit de his raro evenien-
tibus in medio corpore sed sæpe in eminentibus, id
est, extantibus ramorum modo partibus.

Sentit mecum (res, quæ postmodum lecta mirum
in modum placuit) eruditissimus Marcellus Vergi-
lius in Comm. lib. 1. Dioscoridis cap. 122. cujus de
hac ipsa re verba ultro patieris huc afferri; quæ sunt:
vocatque ille (Celsus puta) eminentes partes, quæ
longius à medio homine discedunt & quasi ex trun-
co pendunt, quales ulnæ, manus, brachia, cruraque
& pedes sunt. Hæc ille. Quibus vides, non discre-
pare quidem à Polluce Cornelium, nisi quantum
hic & brachia, manusque videtur comprehendisse.
Rem à Polluce fortasse non negatam, sed qui tibias
sæpius affici compertum habebat. Jam autem hanc

Bibl. Chirurg. Tom. II.

enatrationem partium nudis nominibus definitam,
exactiorem nos alteram ordiemur, qua demonstretur
scilicet particulæ ratio privata, quæ in singulis iisdem
artibus vim morbi suscipit.

Hæc nonnullis iudiciis est periostium propterea
fortasse, quod parte tibiæ anteriore non posteriore
visatur hæc affectio, simul etiam quod acerbè dolet:
membranae autem sunt, quæ non mediocriter dolent.
Verum hæc opinio facile refellitur, primum quod do-
lor epinyctidis minime punctorius, neque sensivus
est; quin potius inflammatorius & incensivus. Dein-
de perspicue videntur affectæ carnes pustulis toleis
undique distinctæ, quod si periostia membrana vi-
tium substitisset in principio, non spectarentur uti-
que tubercula per carnes musculosque fusa: sed co-
lor pustulæ subrubet longe aliud declarat, quam
quod competat periostio. Jam igitur, quando perio-
stium exclusum est malo: nostra est opinio, par-
tem, quæ subluviæ dolorumque malis influxibus sub-
dita est, exteriorem carniū & musculorum faciem
esse; cui cutis intima pars incumbit, hac intercape-
dine stabulatur mucosum illud & semiputre concre-
mentum, in fabæ magnitudinem coactum: quale quan-
tumque Celsus citato loco descripsit. Quoniam au-
tem cutis inficitur subterius, quæ diaphana est, propte-
rea nonnullam vitii speciem in se diffusam ostendit.

Quæst. 8. Definitio ex pluribus una quæ reci- pienda.

Exacta legitima quæque definitio genere proxi-
mo constat ac propria differentia: quorum utrum-
que cum uno plurā non extent; sit inde, ut uni-
us naturæ plures unā definitiones tradere non liceat:
At verò perfectæ definitiones humanitus non dantur
propterea, quod ultimæ sicut philosophi loquuntur,
differentiæ sunt ignotæ: plurimum ergo descriptio-
nibus, id est, definitionem æmulantibus explicationi-
bus, quæ nimirum coagmentatis accidentib. con-
flatae sunt, uti consuevimus, quales quidem & unius rei
plures esse possunt; ut in aliis, inquam, facultatibus
& artibus, ita & in nostra medicina. Itaque epiny-
ctidis non una, sed multiplex ejusmodi declaratio
fuit apud scribentes, quarum omnium optimam mi-
nime promptum est seligi. Sed neque omnes homi-
nes in delectu consentiunt, aut neque omnes rei
enarrationes pariter sunt acceptandæ, quanquam enim
verum vero non dissentit, tamen non æqua singula-
rum apparet veritas. Ideo ne mirum quidem fuerit
cuiquam, si Principum nostrorum autorum doctrina,
nunc à nobis in examen, aut in delectum po-
nantur, præterquam quod cogit nos Philippus Sicu-
lus, qui (Paulum in libro 1. Jatrapol. c. 3. cun-
ctorum præter Hippocratem & Galenum optimum
estimavit) hujus nunc testimonium & auctoritatem;
ut & Aetii videtur renunciasse, quandoquidem hanc
confutatam & falsi redargutam latinis prætulit, quam
nos rem præsertim non antè judicatum, aut dili-
genter expensam procedere non debemus pati; ve-
rum ad dexterum sensum etiam dextere non ex-
plicatas trahemus opiniones eorum, qui tradendarum
nobis aut explicandarum medicinæ rerum curam
sumpserunt, atque eo etiam amplius, quod ab an-
tiquioribus omnia sua scripta compilasse confessi sunt
Oribasius, Aetius, Paulus. Primus igitur, qui citatur
ab aliis, Oribasius lib. 7. synopsis. 37. sic epinyctidas fi-
nivit.

ἀ θηρυκτίδες ἐκλύδρα εἰσιν διὰ τοὺς αὐτομάτως ἐξανθῶν τὰ φλ-
υκτανοειδῆ ὑπερυδρα ὧν ἐκφυκνιμένων ἰχώρ ὑφαίμειν ἀπὸ τῆς
ἐπὶ ταῦτα τῆς μὲν ἡμῶν καὶ πάντων ἐνοχλοῦ νυκτὸς γὰρ ἐπὶ-
δυνά ὅτιν μᾶλλον, ἢ καὶ τὸ ἐκλῦ.

quorum is latine sensus est, epinyctides sunt ulcuscula sponte nature erumpentia pustulis affinia subrubra: ex quibus disruptis ichor subcruentus emanatur, per diem non magnopere excruciant; per noctem verò magis quam pro ratione ulceris dolore torquent.

Appensam hanc definitionem sua lance reprobat Ingassias, quod duo adstruat; alterum quod ex sanguinis exuperantia productus affectus sit; alterum quod noctu plusquam ulceris ratio poscit, indolescat; qui dolor ex sanguinea materia profectus interdiu potius advenire deberet. Sed nos hanc oppugnationem nullam fecimus in Controversia III. Itaque cum sibi res constet, quod ad hoc spectat; nam neque aliud animadvertit Philippus, cæterum superesse videtur, ut græcorum definitio, cum ea, quæ latinorum est & prima Celsi conferatur; quam nos rem hercle sine autorum invidia peragemus.

Ait Cornelius; Pessima pustula est, quæ epinyctis vocatur, ea colore vel sublivida, vel subnigra, vel alba esse consuevit: circa hanc autem vehemens inflammatio est: & cum adaperita est; reperitur intus exulceratio mucosa: color est humori suo similis, dolor ex ea supra magnitudinem ejus est, neque enim ea fabâ major est, arque hæc quoque oritur in eminentibus partibus & fere noctu: unde nomen quoque à Græcis & epinyctis impositum est. Hæc ille: quæ non eo quidem instituta & producta videntur, ut brevi morbum finiant, sed utcunque doceant & exponant, itaque enarratio est diædica potius, quam periodica, ac potius hypotyposis, quam *δαισιμός* atque adeo non cadit in numerum & comparisonem aliarum definitionum. Tamen rectam hanc doctrinam, & cum græcis virisque consentientem, & nunc asserimus, & supra ostendimus. Verum enim vero potest ex tot omnibus una definitio concinnari, quæ sit; epinyctis est pustula vel sublivida vel subnigra, vel alba, circa quam vehemens inflammatio est, & in qua adaperita reperitur intus exulceratio mucosa: perdolens supra virii magnitudinem, oriens in partibus eminentibus fere noctu. Hanc quidem orationem videris ab Oribasiana discrepare in genere, in colore, contentis. Sed dissensus istos omnes nos ad consensum revocavimus. Atque ita liberum est cuiquam, vel hunc vel illos autores sequi.

Sed post hæc examinanda restat sententia definitionisque Julii Pollucis, qui ait; *ἐπινυκτίς πλῆνταίνα ὑποπελιδόν, ὑφυρῆ, ἐναιμὸν περὶ κήμας ἐν νυκτὶ γενομένην*. quæ latine sunt, me quidem interprete, epinyctis est pustula sublivida, humore suffusa, sanguinem referens circa tibias pedesque noctu exorients. Hujus definitionis sensus partim tuetur id, quod Celsus de colore sublivido invaluque nocturno expressit: partim amplexatur sententiam aliorum, qui de materia sanguinea contenta perhibuerunt. Quamobrem errasse comperitur Philippus Ingrassias, qui eandem hanc cum Cornelio convenire, à Græcis vero discrepare judicavit. Quin etiam in eo deliquit, quod hanc ex eodem Polluce recitavit perperam interpretatam ad hunc modum. Pustula sublivida modice extumescens, plena sanguine; in tibiis & pedibus fere noctu infestant. Porro quod *τὸ ὑφυρῆ* modice extumescens redditum sit: hæc non respondent vocabulo, quod sub humida valet. deinde quod *γενομένην* genita noctu infestans versum sit: hoc quoque falsum, in qua re magis accusandus est Philippus, qui, cum in nocturno morbi exortu consentiant Cornelius & Pollux; tamen statuit, contradixisse Celso Pol-

lucem, qui noctu molestantem epinyctidam recerit.

Ad hunc, inquam, modum reliquit Philippus definitionem Pollucis afferens; non tam quidem ipse suo ipsius judicio, quam lexicorum testimonio tre-tus; non minus autem lapsus est Rudolphus Gualterius eruditissimus alioqui Pollucis interpres, qui *ὑποπελιδόν* lividum translulit, nullo inter *πελιδόν*, καὶ *ὑποπελιδόν* lividum & sublividum discrimine facto, quasi vero gratis & libidine temeraria *τὸ ὑπό* præpositum fuerit, non spectato plane, quod in definitionibus nil temere proponatur: quod magis mirum fuerit, quod *τὸ ὑφυρῆ* subhumida est interpretatus, quasi vero retulerit hoc nomine *τὸ ὑπό* reddere, in altero vero nil retulerit.

Quæst. 9. *Epinyctides Græcorum essera-ne sint Arabum?*

Hæc controversia præclaros habuit disceptatores; quales fuerunt Joannes Manardus, Joannes Tagaultius, Philippus Ingrassias: inter quos quidem ausus surgere non fuisset; si disputationem hanc dissimulare licuisset. Verum interpellavit me problema majorem in modum, quam ut silentio prætereire potuerim. Referam igitur qualis qualis sit, opinionem meam, rationibus alioqui pro hac allatis, quæ displicitura non sint, si tantum æquos ac doctos judices nocte fuerint. Tagaultius quidem lib. 1. c. 2. disertis verbis professus est, Arabum esseras epinyctidas esse Græcorum. Sed Manardus lib. 7. suar. epistol. medicinal. 2. Græcorum epinyctidas præcise contulit ad esseras Avicennæ: cuius illa descriptio legitur lib. 4. fen. 7. *effere est pustula parva lata sicut vesica, & ad aliquantulum tendens, rubedinem & pruritum faciens, & angustias; eveniens subito secundum plurimum, & accidit quandoque, ut currat ab ea humiditas, & fortasse est sanguinea, & secundum plurimum fit vehemens in nocte, & ejus angustia fit in ea vehementior & ejus tristitia.*

Quæ magnorum quidem hominum, sed levi collationis examine concepta opinio, haud mihi diligentius expendenti probari potuit: sed neque probabitur fortasse, cui rationes hæ, quæ sequuntur fuerint perpensæ: quas tu quæso purgetis auribus audi. Principio effere videtur affectus ex acutorum genere, quod & modus generationis declarat, qui cito fit, ut Avicenna docuit, & cito etiam dissolvitur, ut recte notat Philippus Ingrassias, qui testatus est experimentis, tum in se ipso, tum in aliis persæpe factis, sola venæ sectione internaue ferventis bilis ac sanguinis, frigida copioso potu, vel cujuscumque alterantis eremoris refrigeratione sanatos; quin interdum sanguinis duntaxat missione corpus adeo refrigerari periculum fecisse asserit, ut extemplo detumuerit cutis, atque ex aspera levis reddita fuerit, extincto enim (aliquanto posterius subjunxit) fervore remotaque illius causa continuo defervescit sanguis.

Quod si Philippi testimonium inficiaberis, en principem Avicennam, qui conceptis verbis ait, & causa est ejus (effere scilicet, quod indeclinabiliter effertur) vapor calidus elevatus in corpore subiro, aut à sanguine cholero aut à phlegmate baurachio: baurachium autem Dinus interpretatur falsum, quod est admistum cum cholera. Huc autem vide, quæ de vaporis materia scripsit Nicolaus ferm. 7. sum.

1. tract. 9. c. 19. Et recte quidem atque constanter, inquam, ejusmodi traditur hic halitus, quando pruritus etiam invadere dictus est apud Avicennam.

Affectus igitur hic apprimè calidus apparet: tum ex his, tum quod angustiam, id est, æstum v. hementem, ut in variolarum eruptionibus, Nicolao teste inducit, febremque tertianam accersit, materiæ scilicet utrobique tervidæ communitate: qua sit etiam, ut nunc præcedant hæc febres, ut dictum est, nunc subsequantur, quod ex Arabum etiam sententia proposuit Ingrassias pag. 189.

Atqui tot & tam multum calidæ notæ neutiquam ab ullo græcorum attributæ sunt epynictidis: quia etiam si recte perspicis, haud ita multus huic impositus fervor est; quando nulla viscerum internorum attemperazione, vel refrigerantium oblatione curata est affectio: verum per exiccantia & horum plurima calida, licet exteriora, quibus & qualibus unis plurimum hæsisse veteres apparet: quando & talia sunt ea, quæ præceperunt omnia, & exiccationem imprimis nominavit primus horum autor Oribasius, mox Aërius, & ipse idem Actuarius lib. 6. meth. med. cap. 8.

Sed extra Græcos Cornelium Celsum etiam requiramus, qui de morbi genere videatur sensisse, accerte continuacem, & longum professus est, cujus colorem lividum, subnigrum, album humori suo similem; deinde mucosam exulcerationem adaperita jam reperiri dixit. Id declaravit & remediis, quæ adhibenda voluit: nimirum, ut qui tentatur hoc morbo vir, desudet in balneo, simulque super eas pustulas nistrum inspergat, oleoque vinum immisceat, & sic ungatur, tum descendat in solium; ulcera vero ex pustulis facta tollet, ait, argenti spuma cum semine fenogræci mista sic, ut his invicem rosa, atque intybi succus adjiciatur, donec mellis crassitudo fiat. Hec ex Celsi doctrina epynictidos est vitiositas: quam vidit, & Ioannes Manardus, id testatus in lib. 7. epist. 2. minime autem naturam ejusdem comprehendisse videtur Philippus hujus auditor, cujus opinio fuit pustulas esse fabiformes, artubus ac toto corpore confectim apparentes, brevique, non diu permanentes, chronicus autem affectus epynictis; siquidem, quæ pessima pustula est, ea melancholica: sed hæc difficilis curatu semper, ac plane refractaria est.

Ex his igitur omnibus, ut ad propositum revertamur, plane perspicitur; acutum hunc epynictidis affectum, quales Arabum effere, non est, sed chronicorū; ac tum propter alia, tum quoniam in ribiis & eminentibus tantum partibus nascitur, & calidioribus remediis vincitur, rigidiorē. Accedit, quod nullam ejusmodi pustulam, ex qua vel sanguis, vel ichor, vel quivis alius humor manaret, conspexisse nobis aliquando permissum est, per habitum namque sensibus occultum diffantur, ait Philippus citato jam dudum loco. Vide autem, ut mihi laborem repetendū leves & quæ idem Ingrassias de Arabum in hac re perplexitate comprehendit pag. 188. & 190. etenim, & si nonnulla sensisse eum Græcis videntur: tamen in cæteris non constituisse sibi se produnt.

Iam ergo postquam effere Avicennæ epynictis non sunt: alios autores exponi tibi petes. Ad quod quaesitum respondeo; Serapionem vetustissimum inter Arabas medicos scriptorem, efferas discrete in duplices; altera forma ducitur à sanguine cholericō, quam materiam atque exortum attestantur vis & acrimonia,

partis exumescens rubor, æstuario magis interdiu quam noctu, ac levamen ex refrigerantibus pharminis, & phlebotomia. Altera species exoritur ex phlegmate salso baurachino: cujus notæ sunt æstus noctu major, dilutusque tuberculi rubor & levamen ex pharminis detergentibus & exiccantibus, & citra sanguinis detractionem perpurgatio corporis ex medicamentis extergentibus, atque emundantibus propria substantia. Hæc ferme Serapion.

An igitur ex duabus his effere modis posterior, qui noctu pravalet, epynictis græcorum est? Hæc sane opinio non parum probabilem se facit his, qui sinceriores Arabum doctrinam sequi velint. Porro præter hunc unum virum videntur cæteri corrupto judicio, & commentitia scripsisse. Sed neque ab his, si modo Philippo credimus, eximitur Avicenna, qui græcorum autorum, & primi Serapionis consultis æque codicibus res utrotumque confusit. Primum enim Serapionem sequutus & diurnas fecit efferas & nocturnas: mox ad græcos latus effere definitionem partim ad epynictidis gæcanicæ modum concinnavit, partim etiam de suo addidit halituosam materiam. Deinde verò curationem, quæ apud græcos tantum ex eria est, spreta ejus, quæ apud Arabas est, diurnæ effere & medicationem internam retinuit, utrique i. nocturnæ, ac diurnæ communem; qua quidem re quid incertius? quid instabilius? quid indignius professori fideli pravique sit, ait Philippus. Verum enim vero non potuerunt ad græcorum dignitatem, ac majestatem succedentes barbaræ scholæ castigatissime ac limpide ex omni parte philosophari; necessum profecto in horum doctrinam nonnulla irreperint, quæ aut sinceritate, aut firmitudine, aut splendore defecerint, ut in anatomica, botanica, & nominum interpretatione plane res est.

Quæst. 10. *Quod epynictides Græcorum non sint Arabum Benat noctis.*

A Vicenna l. 4. fen. 7. tract. 3. cap. 10. quod est inscriptum de Benat noctis, memoriæ mandavit hæc: si quis passus est desudationem cutis & opilationem pororum, & boni atem digestionis, quandoque accidunt in frigore noctis pruritus, & asperitas, & bothor parvæ, quæ nominantur planta noctis; & causa est retentio ejus, quod oportet, ut resolvatur, propter constrictionem pororum in radice quam adjuvat, & in qua addit soliditas frigoris, & proprie in hora, in qua multiplicatur digestio, & sequitur multitudinem ejus multitudo vaporis, & aer noctis, & propter illud nominatur planta noctis, quia plurimum accidentium ejus est in nocte & de dispositionibus hujus passionis est, quod pruritus in ea sit vehemens, & delectat prius, deinde perducit ad dolores vehementes, quos efficit in locis pruritus.

Hunc ita descriptum morbum Philippus Ingrassias sensit græcorum epynictidis esse; primum indicio sumpto à nomine, quod insultum in nocte significat. Deinde argumento ducto à generationis modo, qui est per condensationem cutis; ex qua causa noctu existente plus hoc tempore dolor, quam interdiu accedat, necesse est. Post quæ & definitionem Benat non traditam ab Avicenna ad hujus sententiam conatur tradere Philippus, quam multo scilicet, tam irritō labore; quando gratis & ex suo cunctas definitionis particulas comminiscitur potius, quam ad Avicennæ sensum accommodet. Itaque piget ambages

ejus & vanam confirmationem repetere, præsertim, quando referat magis apud suum auctorem legi omnia.

Interim nos ab epinyctidis opinione Benat longe removemus, vel hoc uno argumento, quod pessima pustula epinyctis est attestante Cornelio, cui super omnes adhæsit Philippus; mitissimæ vero inter omne Benat, quod cum bona sanguinis concoctione conjunctum est. Adde quod Benat, Avicenna autore, principio quidem delectationem, mox dolorem vehementem inducit, at vero nulla unquam ab epinyctide delectatio est. Præterea multo plenius coibit cum epinyctide vel Avicennæ verbis, effere, quam Benat noctis, est autem illa ex hoc ordine rejecta, ergo multo magis & Benat noctis: quare non est hoc nique epinyctis.

Jam igitur quoniam incerta res est epinyctis, & sic obscura nostro sæculo, ut pro morbo jam obsoleto sit habita: nitemur mox ipsi non exoletum & obscurum ostendere, sed eum, qui quotidie cunctis liceat observare. Rem sane difficilem ac plane incredibilem, verum ego plurimum probabilem, & certam omnino reddam, si modo Deus optimus maximus largitor intelligentiæ præsit; in quam rem illud facio sermonis initium.

Quæst. 1. *De Roseolis Vocatis Saltantibus, Primum autem de harum nomine.*

MAjorum nostrorum memoria, vulgo percrebuit affectus, cui roseolæ saltantis nomen; quo per vulgus trito meis hisce sermonibus, quos ad latinos homines scribo, equidem abstinere; siquidem proprium suum, id est, à doctis impositum aliud cognoscerem; verum admitto coactus, quod expedit, ut nil relinquere videar eorum, quæ ad stabilendam comprobendamque futuram nostram sententiam faciunt; facit autem & vulgaris appellatio, seu potius per hanc notata res quæpiam, affectus nempe præter naturam, cui si nostris & amicorum doctrina præstantium fidere licet observationibus, tum quidem est macula subrubra, sæculenta, tumoris intrinsecus non expers; sed sub indicata modo facie recondit tuberculum, quod tactu fabæ vel lupini magnitudinem, ac formam refert, dolore se declarans non mediocri, tum etiam præter tuberculum, interdum etiam ulceratum aliquem præfert ac pustulam. Quæ triplex vitii species non una perpetuo particula corporis insidet, sed per artus omnes manus pedesque varie vagatur, sunt autem & qui testentur à minimo digito ad singulos ordinatim alios, atque ab alterutra manu in alteram propagatam, per truncum vero nunquam visam meminimus.

Quam ipsam tum formæ, tum sedis inconstantiam aliquando advertentibus nobis, ac quemadmodum licet, exprimere studentibus, visum est, ut inconstantis naturæ sit dicendus abscessus, si tamen abscessus nomen non presse, sed laxius, ut in aliis observavimus, factum, accipiatur. Quod ipsum nomen eo accipere debes libentius, quod ab antiqua vulgarium appellatione non discrepat. Roseolas enim intelligo bifariam, vel quod rolarum imaginem & colorem præ se ferunt, vel quod rosidas quasdam insperhiones representant. Dicuntur autem saltantes, seu salturiæ, quod tibiis privatim occupare consuetæ, per dolorem & irrequietem faciant, ut stantes homines salturiant, id est, tibiis alterne sublatis, aut terra pressis crebro agitentur.

Quamquam hujus ejusdem appellationis & altera

ad discernendum est imposita ratio, quam mox exponam, nempe roseolæ simpliciter dictæ, quæ manibus pedibus auribusque defixæ visuntur, perniones sunt alias dicti latinis: saltantes verò, quæ indefinitis & incertis sedibus inhærescunt, vagisque excipiuntur hospitibus. Itaque non abs re per vulgus hominum expertorum additum saltantis est discorniculum, quasi sint hæ quidem inconstantes ac vagæ, perniones vero partium certarum vitia. Quas ob res aperti convincuntur erroris hi, qui roseolas saltantes cum pernionibus confundunt, adeoque multo maxime lapsus est Gabriel Fallopius, qui pernionibus obnoxias fecit virgines, quibus suæ non procedunt expurgationes menstruæ, quasi verò perniones interiores causas agnoscerent, quæ duntaxat ab hyberno frigore ortum habent.

Quæst. 2. *Quod roseola non sint chymethla Græcorum, aut perniones Latinorum.*

HIS etiam si constantibus, tamen non, ut oportebat, adversis, plerique sunt nostrorum hominum, qui motum hunc novum minime patientes, ad chymethla seu perniones retulerunt, nixi tum communi aliqua tumoris, doloris, coloris imagine; tum quod perniones calcaneis insidiantes roseolas appellare vulgo consuevere. Quæ tamen opinio se falsam prodit planis utrorumque discriminibus, causarum & morum. Siquidem perniones non aliter producantur, quam à frigore brumæque rigoribus: quo tempore ad extremas corporis partes, ad internodia scilicet manuum ac pedum, ad horum calces & ad digitorum utrorumque membrorum extrema, atque etiam ad aurium infimas pinnas supremosque lobos & ad omnem earundem ambitum & flexuram excitantur noduli quidam, atque tubercula dolentia, & supra naturalem carnis colorem aliquo rubore, vel livore tincta: unde fortasse roseolarum, aut roseollorum vulgo dictorum est nomen, propterea, quod hi talein aut colorem, aut figuram & formam habent.

Ita jam apparet pernionum externa privatim causa, & non maligna: roseolarum vero saltantium interna & maligna ex aliis, quæ postmodo disputabimus, ostendetur. Interim quænam roseolarum sit natura, & ad quod ab antiquis descriptum vitii genus sint referendæ: an ve d non fuerunt hæ veteribus cognitæ? Difficilis profecto definitu res, ac maxime incerta: præsertim quando doctum nullum in hac re ducem habeamus, ac de nominis quidem pervia conjectura sit. Verum tamen adlaborabimus nos probabilius hac de re iudicium, ac nostrum in re tam obscura studium & industriam desiderari non permittemus.

Quæst. 3. *Quod roseola non sint terminthi.*

HIPPOCRATES 6. epidem. comm. 3. partic. 37. prodidit mariscis laborantes inter cæteros morbos non premi terminthis, qui teste Galeno nigra quædam sunt pustulæ in tibiis maxime orientes, à figuræ, coloris, magnitudinisque similitudine, quam cum terminthorum, id est, cicero fructibus habent, appellatæ. Equidem ejusmodi nostræ roseolæ facile videbuntur, si terminthorum accidentia singula spectentur; primum quidem hi ad atrabilariam materiam relati per mariscas exhausti desinunt; ut phagedæna, ulcus, lepra, vitiligo. Deinde, niger istorum color refertur à Gal. in hoc loco. Tertio tibiis infestare maxime soliti sint. Quarto cicero figuram, colorem & magnitudinem æquant. Quinto universo suo perspecto caractere gravis & contumax terminthorum

thorum affectus videtur præcipue, quod alii græci dixerunt hoc phyma cum adnata pustula, quæ cum extenuata dirumpitur, ulcus parit; ut nos in lib. de novis observatis abscessibus explicavimus.

Quæ quidem singula non dissentiunt à natura vulgarium roseolarum. Quod enim ad communem materiam, contumaciam, & sedem affectam pertinet, haud sane de his dubitaverit aliquis, cætera vero plurimum ad eam naturam accedunt, neque ego de colore ambigo; licet ambiguitatem aliquam exhibuerit Galeno, qui principio quidem statuit nigros terminthos, deinde cicerum dixit colori similes, qui plurimum quidem flavi, vel, ut vulgo dicunt, albi sunt: cæterum non desunt nigri, fortasse igitur nigris animo conceptis, ciceres simpliciter, & absolute protulit, aut subnigros verius & nigro-virides; quales Dioscorides Alexandraus, ac Iulius Pollux terminthos proposuere.

Major hæsitatio est de figura & magnitudine, & omnino de tumoris genere; potro sicut aliquanto posterius ostendam, atque, ut nomen indicat, roseolæ pustulæ sunt latæ potius, quàm phyma ac tuberculum, terminthi verò phymata sunt ac tubercula elata supra cutem & rotunda, non latæ & fusæ, suntque superne pustulata, ut græci designaverunt, qua una re jam constante, & figura, & magnitudo, & habitus terminthorum non is videtur, qui roseolarum. Quid autem si addideris summe repugnantem notam, quæ est, roseolas noctu præsertim molestissimas & acerbissimas esse? id quod utrique de terminthis significatum ab antiquis aut à nobis compertum non est. Ita tam satis apparet, argumentis interim aliis pro tempore missis, diversa plane vitia corporis terminthos, ac roseolas esse.

Quæst. 4. *Quod roseolæ non sint latæ pustulæ ab Hippocrate memorata.*

Alterum nunc problema se offert, quando quidem ex pustularum latarum ordine posuimus roseolas, an has expertus fuerit Simon, cujus meminit Hippocrates l. 6. epid. comm. 2. sentent. 30. per hæc; latæ pustulæ non admodum pruriginosæ, quales Simon hyeme habebat: qui cum ad ignem inungeretur, aut calida lavaretur, iuvabatur, vomitus non iuvabant, puto si quis calida fomenta adhibuisset utilitatem percepturum. Non est, inquam, admodum difficile, ut unus idemque morbus sit, atque ille fuerit, nimirum hoc suadet latæ pustulæ conditio non admodum pruriginosæ. Deinde, quod per hyemem vitium hoc hominem tenuerit, quo tempore vigent roseolæ. Tertio, quod ad ignem inunctus & calida lotus aqua levaretur, non autem vomitu, fortasse quod humor melancholicus, qui vitii autor erat, per eam viam ab inferioribus tractus non vacuaretur. Præterea monstratur humor is frigidus & discussus contumax ex pustularum pustula forma; quippe calidorum acuties est, & celeritas; ut notat Galenus in hoc comm.

Hæc certe singula si contuleris & comprobaveris cum vulgari roseolarum affectu, speciem unam utrorumque feceris. Verum enim vero laxa nimis, & infirma duorum sibi invicem similium est conjectura, imo verò pleraque similitudinis capita non adsunt, & illa quidem plane maxima; & quod ab igne & calidis plurimum irritantur roseolæ, ut quæ atrabiliario succo præcipuo constant; & quod deest his character inquietamenti nocturni, quo privatim ab omnibus aliis secernuntur, quare non crediderit recte quispiam, ut vulgarem hunc nostrum affectum ibi comprehenderit Hippocrates.

Quæst. 5. *De formis roseolarum secundum vulgarium hominum opinionem.*

NON una est apud omnes roseolarum forma, verum aliqui sunt, qui statuunt, macularum modo cutem supremam lambentes & efflorescentes, quorum opinantium alii requirunt dolorem in his & colorem livescentem atque opacum, alii etiam rubescentem, sunt autem & qui florida facie ac levi qualibet molestia sunt contenti; hique ipsi plus loci subterius comprehendentes, plusque tuberculi, quàm maculæ modum volentes: sunt autem & hi, qui putant ad suppuratum easdem venire, typumque habere strumarum, terminthorum autem fortasse dicerent, siquidem hos cognoscerent, à nobis plus uno loco descriptos, atque ita per universum corpus hos dicunt esse & ad ulcerationem etiam deducunt. Præterea, sunt & qui nominant dolores arteticos (interim articulorum, an artuum etymo spectato) dummodo noduli quidam rubei circa manuum pedumque digitos & comprehensionem appareant; ac denique reputant alii symptomatum ejusmodi comitatu calidum, alii frigidum affectum, nec desunt, qui promiscuum faciant etiam.

Hæ sunt multiplices ac vulgares hominum opiniones de roseolarum altantium forma & natura: verum falsi deprehenduntur opinantes, hi cuncti, quod non memorant ulli proprietatem ac diorismum, qui est invadendi noctu, quem nos tam singulariter spectamus, & quam privatam & propriam affectus conditionem affirmamus; quæ autem ejusmodi non sunt, eas à veterum roseolarum numero facile relegamus. Sed ipsi interim istarum formam enucleatius edifferemus.

Quæst. 6. *De characteribus tumoris.*

Infinite pene, sicut in arborum malis omnibus adverterunt Botanici; sic in abscessibus est, seu naturæ fallentis, seu morbi cum suo materiæ comitatu luxuriantis varietas, formas eorum seu verius difformitates inducentis, tam multa horum genera, tot vultuum species, tot figurarum discrimina, tot colorum & maturitatis modos non tam investigarunt, quàm exprompserunt utrique: quæ, ut nunquam satis pro dignitate speculabitur aut comprehendet unus quispiam sic non ad unguem, aut exponet aut graphice delineabit. Quis enim tam solerti sit ingenio, qui singulas suas conformationes methodo comprehenderit? aut qui tam felici sit stylo, ut explicare possit in his sessilem formam, in his extumescentem globum, in aliis ambitus in rotunditatem circumacti, figuram, in aliis informem pulmonis tumorem? qui quidem à mammarum crassiore longitudine, qui à pannaceis rugis describantur; quidam corpore toto vegetius habent, quidam qua parte tantum illustrat calor, sunt tales, qua verò frigidus humor incumbit, emortui. sunt aliqui in varicosum gibbosumque flexum circumducti, aliqui panis instar coacti, non tuberculosi, nonnulli bifiditridique, qui pedunculo nitentes: qui lata basi, sed in turbinem elata sese nulli producant extra prominuli, videbis & reductos, fofulatos & resimos, præterea pyramidis coni, columnellæ, verrucæ, scopuli, grandinis & clavi formam; succurrunt & animantium genus æmulantes talpa, testudo, myoecephalon, polypus, ranula, myrmecia, condyloma, unguis, ala, lichenes, & ex vegetantium ordine lycosis, uva, melon, morus, terminthi, glandulæ, amygdalæ, thymus, lenticula, milium, hordeum, porri; & quis sub compendii præscripto referat omnia.

At equidem

At equidem si recte mentem & oculos per omnia conjicio; non vulgaris & obvia, sed insolens & singularis apparet forma tumoris, qui roseolarum saltantium promeritus est nomen; hunc equidem nulli conferam ex memoratis, nam hi omnes aperti, revulsi que propemodum è corpore; noster hic non tam extra, quam intra sua limina tumor est. Veruntamen observaveris circa sua septa latiusculum, sed uniforme substat tuberculum, quin verius tubercula plurima semet, ut dixi, singula suis quasi latebris occultentia, ob id autem, quod unitate contenta non sint, ob id ipsum à majoribus nostris roseolæ numero plurium sunt nominatæ, sed, ut communi suorum omnium complexu non multum exsuperantem conficiunt turgorem, ita etiam singula pressulam referunt rotunditatem, adeo ut recte quidem fabis contulerit Cornelius, nos quoque lupinis æquiparavimus: itaque si nostra hæc referas ad summam unam, est hoc tumoris genus fustum ita, ut homines nullos lateat duntaxat peritos. In qua ipsius circumscriptione, si quidem oculate perspexeris, visentur & quasi rodii quidam ex albo rubescentes, quas sanguineas ego fibras existimo, per cutem humoris alluvie translucentes, credo autem, & has insignius alterari, luculenterque turgescere, ubi per noctem dolor incurrat; si vel intendantur ipsi, vel rem comprehendere sub maligna luce sentientium oculi possint.

Quæst. 7. De differentiis roseolarum.

AD hæc autem discrimina roseolarum sunt exponenda, ex qua una te plurimam lucem huic universo sermoni manaturam confido. Comperimus tum aliorum audirione, tum observatione nostra duplices esse roseolas, alter modus est nulla non anni parte molestantium, & ad plures etiam annos etiam adversus excellentia medicamenta contumacium, quippe quæ ab adusta melancholia, nitroque pituita proveniunt, ob utrorumque gravitatem crura tibiasque potissimum affligentes, quas privata comprehendit proposuitque nobis Cornelius Celsus, qui colorem sublividum, & subnigrum illis attribuit pustulis pessimis nominatis, item quas definivit Iulius Pollux ad Cornelii sententiam maxime accedens auctor.

Alter roseolarum modus est lenior, brevior & curatu facilior: imo, qua per se ipsas discedunt appetente vere, quæ hyeme fuerant ortæ; superiores autem partes. i. manuum, articulos & internodia tentare consuetæ pruriginosæ, ac de uno in alios digitos, deque sinistra in dexteram manum vagæ, in metacardylis verò natæ ad extremum discessum unguis ab radicibus plerumque divellunt, proprietates nimirum, quæ in alteris non sentiuntur. Hæc ego de utrisque discrimina & observationes collegi: quæ medens usu tuto comprobare possis omnia, si dulci quidem & accurata rerum istarum contemplatione gaudas.

Quæst. 8. Epinyctidas Græcorum roseolas esse vulgi saltantes.

HUjus mihi problematis demonstrationem rite recteque instituenti, necessarium videtur, ut definitionem sive græcorum sive latinorum, & horum præcipui Cornelii comprobem, nostris ad unguem roseolis accommodatam, id autem non fit, nisi per expensas collatasque particulas ejusdem definitionis, ex his autem primum occurrit genus, quod est apud græcos quidem ulcuscula, apud latinos vero pustula.

la. Hæc igitur utraque appellatio nostris roseolis primum congruat oportet, ut cateram ostensionem complere possimus, atque adeo monstrandum est, duas illas voculas discriminis complecti nihil, aut parum.

Primum igitur ne displiceat, quod *ἐπινύκτις*, ulcuscula dixerit Paulus, hoc alioqui nomine non usus exactè. Potrò vocabulum aut ulceri significando non est allatum, aut tubercula denotat. Quod enim ad priorem partem pertinet, quomodo quæso te *ὑπό τὸν πόδα* sponde, quod Paulus ait, *ἐξανθεντα* efflorescunt? nempe ulcera non efflorescunt, præterea quid subrubra dixerit ulcera, quorum nulla unquam ab aliquo dicta sunt rubra? quin neque dici verè talia queunt, quando ruboris catigorema, præterquam solutis sive ulceratis ipsis partibus & carni corio nudatæ non competit.

Attributum igitur aptius tuberculis, quam ulcusculis rubor fuerit, atque ad hunc modum etiam ulcusculi nomine videtur usus auctor libri de virtute centaurii cap. 4. P. qui ait. Iuvat etiam ulcuscula, quæ sunt in capite spissa, & parva, & rubicunda, parvis papillis similia, & phygethila spissa, parva & rubicunda, permixtus cum aqua, & abrafo capiti inunctus succus. Enimvero ulcuscula dixit papillis similia, ac si dixisset tubercula pustulasve, similiter & ulcuscula eminentia in partibus corporis dixit Galenus in l. 5. de compos. medicam. secundum loca cap. 7. Quo autem modo ulcera emineant, quæ natura non eminent, sed cava sunt & abrofa?

Præter hæc & quo pacto calx cum oleo, aut acetum cum sesamo, aut oleo prudenter imponatur ulceribus, quæ maximopere ejusmodi medicamentis irritantur, ergo non ruptis tuberculis hæc instituantur. Confirmatur autem nostra hæc interpretatio, quod Oribasius, ex quo Paulus & Aetius acceperunt, apud Aetium scripta reliquit hæc; Postquam vero epinyctis excoriata fuerit, emplastris liquidis utere, & cave ne acria & acida, & salsa adhibeas, quo igitur, inquam, modo calcem, aut acetum prius proposita sunt, nisi quod haud ulceratæ carni præcepta sunt? distinctum autem explicite (postquam excoriata fuerit,) &c.

Iam vero ne te perturbet, quod ulcuscula, quasi parva ulcera dixerit idem, nempe ulcuscula nomen numero plurium usu medicorum veteri & communi, positum videtur pro tuberculis minutis, licet ulcusculum singulari numero possit usurpari pro parvo ulcere, significetque solutionem continui, non tuberculum verè, qui sensus apparebit aperte per id, quod mox addidit dicens; quibus ruptis, quasi non fuerint ante rupta: similiter & alio hujus ejusdem libri loco, perunctiones definivit quidem ulcera principio, mox ad eadem ulcerata curationem accommodavit hic vir, ergo perunctiones naturam non sunt ulcerata.

Sed ad pustularum nomenclaturam veniamus, ex his, quæ observamus tum apud Cornelium Celsum l. 5. tum apud Paulum l. 4. atque apud alios etiam melioris notæ auctores, quadruplex apparet tumorum omnium ordo: primus, tumorum præcipuæ magnitudinis; ut carbunculus, carcinoma, & his minores struma, furunculus, phyma, phygethilon. Secundus est tuberculorum, è quibus sunt acrochordon, thymium, myrmecia, clavus. Tertiæ sunt pustulæ, de quibus mox dicemus. Quartæ sunt asperitates cutis, ut scabies, impetigo, &c. sed pustulæ triplices sunt Cornelio exanthemata, psydration, epinyctis, quam quidem epinyctidem cum nos tuemur, verè non aliam, quam vulgares nostrorum roseolas, has quid dubitamus in pustularum recensere familia? Est

lia? Est non evidens quidem tumor, neque tuberculum, sed qualia quidem lata exanthemata vocavit Hippocrates lib. 6. epidem. sect. 2. part. quæ est (lata exanthemata) &c.

Neque enim placet opinio Francisci Vallesii, qui argumentatur lata exanthemata tumores esse propterea, quod latum contrarium est acuto. Sed non vidit latum, quod adjungitur, sequi perpetuo naturam exanthematum, quæ non præferunt, neque adstruunt tumorem, sed solam cutis ex humore superfuso tincturam, præter quam quod neque latum adversatur acuto, sed obtrusum, utcumque autem suam opinionem tueatur Vallesius: non erunt lata exanthemata tumores, sed aliquid tumoris habentia. Tales equidem aio roseolas nostras, quæ neque pustulæ simpliciter, neque tubercula absolute sunt, sed mistam ex his naturam habentes. Quamquam est interdum, ut inconspicua quidem, sed acri tactu deprehendendam infra contineant tuberculi speciem, quam lupino vel fabæ forassis æquiparaveris.

Ad hunc modum apparet non absurdum, quod pustulam, id est, pressulam rotunditatem intro forisque delitescentem, simul & eminentem enunciamurimus, rem quippe veteribus non insuetam. Sed Avicenna dixit pustulas glandulosas l. 4. fen. 3. tract. 2. c. 7. & ex hujus viri sententia Leonardus Bertapalia l. de apostemat. cap. proprio, & Ioannes Marnardus l. 7. epistolarum 2. quod durum, & admirabile videri cuiquam non debet, reminiscantibus nobis, quod & Oribasius meminerit terminthorum, qui supra tuberculi faciem adsciscant pustulam, enim vero mutua duorum est affinitas & congressio: ex pustulis, inquam, nonnunquam etiam ulcuscula sunt; licet aridiora, & modo tantum cum prurigne, modo cum inflammatione, aut dolore, eritque aut pus, aut sanies, aut utrumque. Ita quidem Celsus de pustulis ἐκροδῆσι exulceratis, de contrario vero ulcusculorum in pustulas commutata testati sunt indicato sæpe loco Græci tres, qui ἐκρύδου φλυκταινοειδῆ dixerunt; itaque commutatis velut hospitibus, ac vicibus, nunc ulcuscula transmigrant in pustulas, nunc pustulæ in ulcuscula, adeoque non aberraverimus à recto nos, qui roseolas fecerimus ulcuscula simul & pustulas: tuberculum quidem, quod aliquanto subterius abduntumque existit, fabæ vel lupini modo ex crassiore materia coalitum; pustulas vero paulo evidentiores ex tenuioribus succis constatas.

Quæst. 9. *Hypothesis de nocturno roseolarum dolore experimentis, comprobata.*

EST primum roseolarum indicium primumque symptoma discretivum noctu molestantis dolor: quam ante omnia spectari statuique oportet, quo possit ad cæteras comprobationes fieri gradus, qui mihi labor ineundus fortasse nunc non esset; si nostrates medicos nossem hanc rem advertisse: verum quando rem ejusdem omnium & curationem fœminis remiserunt, neque de his rebus observatio per viros doctos ad hoc tempus facta est, necessarium profecto videtur, ut de perpetuo sub noctem epinyctidis dolore disse-ratur; imo verò, ut ejus rei per experimenta fides aliqua proferatur, quandoquidem hæc tractatio magis ad observationem, quam ad subtilem disquisitionem pertinet, quamquam non est, ut aliquam ejus rei rationem comminisci non possimus; est autem ea me iudice, quod humor melancholicus, omnium astronomorum & medicorum consensu vespertinis horis analogus est, igitur hoc tempore vicens & hoc etiam decumbentes exercebit accretus, qui humor

in hoc affectu constando & conservando præcipuus est. Taceo, nam nil repetere necessum est, rationem aliam, quam parte libri priore cap. de nocturno epinyctidum dolore produxi.

Sed hæc apud alios, qui tergiversentur, nulla sint: observationes & experimenta prosequor; quarum, præter quam quod infinitas alii super multis languentibus facere per se ipsos poterunt, has mihi numero non exiguo collegisse, sed verius meminisse licuit: quæ sunt.

Prima inter omnes fortè nominanda Dionora Stephagnola puella colore fuscior, habitu corporis procero, nec male firmo 17. annum natu, parthenophilacii. Spiritus sancti templi Neapolit. una, quæ 4. jam annos id morbi quæsta est sic, ut infirmas contubernales omnes, quas trecentis frequentissima puellis domus hæc sacra alit; inquietet ac vigiles teneat secum. Surgit autem è strato dolore præceps & non conquiescit, nisi plurimum temporis alternè tibias cominoveat sic, ut tripudiare propemodum videatur. Altera ex ejusdem Parthenophilacii virginibus, quæ roseolas utrisque tibiis passa est, fuit Lucretia de Castro puella, contra quam prior, tenuis habitus, & subalbidi. Tertia, filia est obstetricis habitans in angiportu sancti Gregorii Cœnobii Neapolitani, plus semel hoc lib. memorata: quæ nocte adventante protinus acres dolores persentiscere singulis diebus solita est. Quarta puella quindecim annos nata filia Mercularii. in vico, qui ducit ad portam Plagæ, quam unà cum doctore medico Nicolao Angulo ab Eliæis ad observandum à me perducto, viro rerum nobilium curioso, observavimus. Quinta Olympia Cytharella Tryphonis Cytharellæ Amalpanensis auditoris in re medica nostri soror germana, quæ nocturna tempora duriora sentit, hoc vitio diu gravata. Sexta Antonia Moza vivens ad mœnia secus D. Mariæ Gratiarum, quæ exulceratas pariter & tuberculosas eas pustulas annum est experta, fœmina coloris fusci ac prope virago. Septima, quæ postrema quidem omnium se obtulit, ac dignitate prima, Victotia Purpura magnifici viri Andræ Medati conjux, quæ X. jam annos hisce pustulis nigricantibus secundum tibiam sinistram afflicta est, quas ego exulceratas hoc anno detractis nigris crustulis curavi. Hos ego languentes (fœminas ergo maxime vides obnoxias) è quamplurimis memoria servavi paucos. Numerabunt autem vix numerabiles alios id morbi passos Reverendæ sanctimoniales Dini Marcellini Cœnobii Neapolitani: quarum pia jam multis annis est cura, accommodatos hisce langvoribus syrupos parare: hæc quippe nocturnas hujus mali vexationes longis experimentis competere.

Quæst. 10. *Comprobatio coloris, materia, ac reliquorum indiciorum.*

REst ad incœptam demonstrationem postrema comprobatio reliquorum omnium adnexorum: inter quæ prima seminaria sunt humorum, & inde color. quorum hic alteros consequitur, ac refert, si verum sit, quod testatum reliquit Hippocrates l. de humoribus; similis color efflorescit humoribus, nisi intro regurgitaverit: verum quod ad posteriorem enunciari particulam attinet, porro sub hoc vitio se foras exeruit humor: pustulam enim fecit. Atqui hæc multiplex est, quotuplex & epinyctis apparuit, etenim si subrubram quæsieris. qualem græci viri proposuerunt, & ejusmodi per initia nos eam vidimus: quo si tempore nihil diffusus coloris flos (inde enim exanthemata dicta) subrubram illam rosaginis speciem conservare potuit, donec

donec aeris occurrentis refrigeratione & contaminatione obrusus in dies mutatusq; nitor est in faciem opaciorem, atq; aliquantulum livescens, ac deinceps in obscuriorem virorem.

Præter quos ad nigrum accedentes colores, & albus memoratus est à Celso, qualis & ipse visitur in nostratibus roseolis: ubi s. aliqua ipsarum parte vel recurrit humor roseus, vel non totam æque carnem densa coloris aspergine tinxit. Ita quidem seu accedentes, seu collecti sunt uno brevi circumductu varii colorum modi. Neque Hercules injuriâ, siquidem humores substratos spectes; qui in sanguine plurimum abundant, pituita s. & melancholia: quarum quidem adustam hanc, ob pravitatem firmumque ac longum adhæsum; nitroden illam, ob nocturnam præsertim inquietem, & ob exulceratum, quem sæpe facit, opinor, sic calidum simul & frigidum affectum constituto: qualis & uterque succus est, nam pituita nitrosa bilis amaræ non caret admistione, atra verò bilis, quoniam æquiparatur aceto, quemadmodum l. de atra bile docuit Galenus: ob id utique utramque qualitatem servat.

Quæst. II. Dubietates aliqua discussæ.

His ostensis aliquæ nunc ambiguitates supersunt resolvendæ, quæ nostro huic placito suspicionem aliquam injicere possent, una est, quod veteres per externa duntaxat medicamenta curandum hoc vitium professi sunt, atqui nostræ roseolæ, præterquam internis expurgamentis non eximuntur, ut alio loco monstratum fuit, qua de re malum aliud hoc, atque illud apparet: Ad hæc aliud adversari nostræ suasioni videtur, quod nullum contra cacochymiam, aut cacoethiam remedium admoliti sunt autores antiqui, æquum autem fuerat, ut exactius & absolutius suam morbi curationem exposuissent, quod cum non est factum, sua est in promptu conjectatio: quod non tanti momenti morbum fecerint, quanti nos facimus, ac proinde non unum idemque se monstret vitium.

Hæc quidem argumenta in speciem primam videntur rem non obscure confecisse: verum enim vero nil plane faciunt, enim vero fieri potuit, ut græci pharmaca quidem interiora silentio præterierint, at non diæterica tamen auxilia, quibus inter omnia maxime confisi sunt, illa autem quamvis tacuerint, tamen eodem pro confesso velut præceptum perpetuum & universale statuerunt, quod si recte adverteris in aliis plerisque facere consueverunt, neque enim sic sunt hi profusi præceptorum inculcatores, quales hodierna die sunt nostri, sed singuli tres ante citati Synopses & compendia medicinæ ex vastis Galeni latifundiis translata conscripserunt. Præterquam quod superioribus istorum temporibus assueta corpora variis, ac frequentibus exercitationum generibus, exhaustu multo non habebant opus, sed natura in his libera plurimis excrementis longe validiorem ad evincenda mala se exhibebat. Quibus rebus factum est, ut optimi scriptores, & non tanti vitium æstimarint, & multum in his operæ ponendum non judicarint. Quanquam neque sic genus hoc morbi vilipendit Cornelius Celsus, ut non præceperit ambulationes, exercitationes, gestationes, abstinentiam plurimorum, sudationes in balneo, descensus in solium, atque alia; quæ si providerunt aliqui veterum; quid adstruant ulli, quod epinyctidas æstimaverint, quàm nos, certe minoris.

Quæst. 12. De causis roseolarum generatim

Quidam in hac re philosophantes, dum accidentium varietatem spectant, curantque, ut cunctis problematis per suas hypotheses satisfieri facile sit: è quatuor humoribus omnibus, quorum vitio morbus emergat, nullum eximunt, sanguis quidem, cujus sæpe visatur color, aut ad hunc accedens maxime discolor facies. Deinde &, quod hic affectus plurimum in calidis atque humidis ætatibus, habitibus, naturis visatur, quæ maxime ad sanguineam exuperantiam accedunt. Post sanguinem est pituita, quæ non difficile congeritur in scæminis & albidis corporaturis, sed nitrota potissimum illa est, cum glycypticra prurigo male valentem locum inæssit. At neque rejicitur bilis, quæ vellicatum aliquem & acrimoniam præ se ferat. Multo verò maxime deprehenditur melancholica portio, præsertim aliqua parte retortida: cujus & malignus mos, & fuscus color, & pertinacia sæpenumero observantur. Itaque vides in coagmentada Pæcilocace (sic enim appellare nunc licet) nullum excludi vitiosum humorem, sed omnes aut plurimos confluere; sed & multa parte ichores singulorum humorum etiam subsunt, quod sane suadetur eo argumento, quod polypodio curari consuevit hic affectus, quod si & genistæ medicamento corripitur à nostris inhærens humor: id fit propterea, quod admistum sanguini non nihil est viscidæ pituitæ, quo fit, ut curentur sæpe non aliter, ac strumæ.

Quæst. 13. De causis speciatim, & exactius.

Sunt evidentiores hujus morbi causæ, aeres, aquæ, loci; maxime sicut opinor, cum ad frigidam & humidam exuperantiam exorbitant. Ita plerique populis est endemius hic affectus, potissimum verò Neapoli frequens est, in qua urbe propter celsitudinem ædificiorum, quæ se proxime, id est, pauca loci intercapedine spectant, minimus est solis lucisque collustratus, & in qua etiam pluviosa nimium est anni pars & sæpe austrina constitutio: quibus causis accedit & vititatio ex carne bubula & suilla, & ex omni brassicæ genere, capitato præsertim, & ex salis piscibus usitatissima. Est ex hoc genere multorum usus ferculorum à quo morbos ubertim excitari ex omni antiquitate in Nepentes opere demonstravit Petrus La Seine vir multiscius, ut doctæ ejus edita commentaria satis testantur. Additur & causa, labor, qui prope nullus agnoscitur pueris, & puellis: quem utrumque ordinem privatim obnoxios sibi morbus tenet; inde enim sunt cruditates, obstructions, cacochymia, cachexia, quarum vi pollet, exciatur, fovetur ejus vitii cacoethia.

Taceo, quod posteaquam venerea lues exitit, ab illo corrupta est plurima parte salitas integritasque corporum, quæ progignunt, unde melancholica potissimum, & prava malorum sementis est hodie in hac terra: porro tam multum abest, ut παρθένων ὀπώπη sit Parthenope vera vocabuli fide, ut cum puberem, seu dicam potius, cum vix compotem veneris se senserit homo, continuè cum scorticulis commisceri ac provolutari consuescat.

Est & præter hæc suppressio superfluum causa mali præcipua, unde scæminis solennis morbus, quam pueris, ac puellis impuberibus, puberibus, qui prima generationis expurgamenta non abjecere, vel plusquam puritati conveniat, retinere; pædarthrocace nil operata, hoc affine vitium succedit. Sed & scæmellis menses desiderantibus frequentissimus hic affectus est: qualium unam, inter cæteras novi, filiam obstetricis in Divi Gregorii, angiportu; cognosces

cognosces autem facile superfluum hanc suppressio-
nem, quod gens hæc erit languorosa, defædatis colo-
ris, & oculis impuris omnes: quanquam non propte-
rea sit, ut meliorem colore præditis non adveniat hoc-
ce malum, sic modo memorata filia obstetricis utro-
que crure languebat etiam belle colorata, sed hoc
unum exemplum mihi vidisse contigit, neque mirum
quidem est: nam nihil in medicina perpetuum affir-
mavit Cornelius Celsus in operis præmio.

Aliud adhuc explicandum posces; & quid huic
affectioni sint obnoxii juniores, vel accedentes ad
hos annos alii, non seniores & ætatis grandiusculæ
homines hoc mali genere infestentur? Nimirum, in-
quam, quod ætatis primæ mutatio cum calore vegeto
conjuncta vitium intro conceptum non potest mature
non expromere; diducereque in exteriori corporis
habitum, ut in aliis quoque superfluitatibus fieri no-
sti. itaque non restat hæc effusio in grandioribus fa-
cienda, quod si restat tamen magno quopiam impedi-
mento, sive ad expultricem facultatem, sive ad humo-
ris crassitiam, sive ad vias spectante certus eris id
evenisse, vel dic juniores huic vitio subditos & op-
portunos fortasse propterea, quod his primis ætatibus
superfluitatis sanguinis multa redundant, quas vege-
tus & in incremento, & in ætatis mutationibus versans
calor natus in rara corporum textura secernit ac
purgat: quod non ita facile nec sæpe evenit seniori-
bus propterea, quod sunt exucciores, minusque ve-
geti.

Quæst. 14. De modo generationis.

Pustularum in aperto corporis generationem aperit
Galenus in comm. 2. ad lib. 6. epidem. text. 30.
per hæc: Egerminant pustulæ natura corporis altiores
sedes repurgante, ut nonnunquam per excretionem,
ita & per depositionem ad cutaneas partes, subtilio-
res siquidem dilutioresque succos extenuans natura di-
scutit; crassioribus autem cuti, sed potius pelliculæ,
quæ epidermis vocatur, utpote densiori inhærescenti-
bus pustulæ exoriuntur: idque magis incidit, his qui
densiore ac duriore cute sunt; difficilis est enim per
ipsam pinguiorum tenaciorumque succorum transitus.
Hæc ille.

Refertur autem excretio quoquo pacto ad operam
naturæ criticam, ac melioris valetudinis gratiâ insti-
tutam, neque enim prius, quam expultrix vis pol-
leat, fieri solita est. Jam enim quando natura viderit
superfluitates istas & ichores, menstrui sanguinis reli-
quias in corpore congestas, quæ principiis graviter
incommodent, & officiant, protinus, ut aristocratiæ
convenit, lectissima corporis parte vendicata, quæ
cerebrum, cor, & hepar sunt; ad abjectissimas i. ad
extremos artus inquinamentum amandat. quo videas
haud mirum esse, quod prope præcordia aut visceribus
incumbens nusquam visa sit rosea mali facies.

Quoniam autem ex internis venarum conceptaculis
prodit malum, post majora vasa, quæ sarcina levan-
tur, sunt rami descendentes iliaci, à quibus continuo
facto pulsu, jam ad crurales deveniunt minores, per
quorum minimos surculos eructata materia per tibias
antica, postica & omni facie perspersa visitur. Jam
verò cum & per brachia, quod rarius aliquanto fit,
fese proferunt ejusmodi maculæ, verisimile fit; humo-
ris tenuitate aut transmeatu bilis id evenire.

Quæst. 15. Notæ discretrices à consimilibus noxis.

Quoniam autem cum plerisque vitiis extimi cor-
poris conveniunt roseolæ: notas istarum discreti-
va exponam. cætera enim indicia, quæ ad materiam,
formam, figuram, colorem, dolorem, ac reliquas

Bibl. Chirurg. Tom. II.

noxas, & symptomata pertinent; jam credo me satis
in prioribus hujus libri disputationibus explicuisse.
Similis hic affectus est aliis multis i. terminthis, la-
tis exanthematis, esseris, benat noctis, glandulis, à
quibus quantum distent, & per quæ, jam audisti.

Restant syphilia tubercula inflammatoria noctuque
perdolentia, quæ manus pedesque & eminentes om-
nes partes corripere consueverunt, ad has accedunt
maxime roseolæ, accedit & arthritidos quædam fors,
quæ memoratas roseolas, per exuscitatos manibus
pedibusque nodulos rubeolos, & afflictales æmula-
tur. Sunt hi quidem utrique tumores, ac dolores non-
nulla parte similes, verum, ut ne tibi imponant,
adverte causas, quæ in morbo quidem venereo per
alia symptomata se produnt; in morbo verò articu-
lari juncturæ ossium & articuli privatim tentantur,
non artus medii, sicut in roseolis consueverunt.

Adde, quod rosea morbi species peculiaribus &
propriis suis definitur signis; quæ supra jam exposui;
præter quæ nunc describam & alia, quæ spectant
partim ad tempus sui accessus, & ad ætatem homi-
num, qui hoc malo tentantur; partim ad corporis
statum. Porro nos observavimus affectum hunc po-
tissimum advenire pueris, sed multo maxime puellis,
ac fœminis junioribus & omnino ad florentis ætatis
annos, nimirum propterea, quod impuriore sunt
semper mulieres, præsertim quibus statim sui menses
minus rite recteque prodeunt, si grandioribus id tale
eveniat, apparente quidem imagine roseolarum, non
tamen erunt veræ roseolæ, plurimum enim syphilidos
est hoc germen; verrucosam simul & impetiginosam
vitii formam referens, ut dixi: quam ex deleteria sua
causa sedulus inquisitor facile deprehendet.

Hujus ejusdem vitii stabilis ortus ad hyberna tem-
pora, sicut equidem observo, solet esse, quanquam
Cornelius Celsus in libri V. loco alias citato genera-
tim ait, pustulæ maxime hybernis temporibus oriun-
tur, nec injuria quidem ad hyemem est earum acces-
sus, quo tempore calor ad excernendum valentissimus
est, atque humor alioqui crassiusculus diffilari per
compactam cutem facile non potest.

Ad hæc longa observatione comperimus, qui hocce
malo tentantur, his omnibus esse plurimum in san-
guine impuritatis ac superfluitatis, cacochymiam græ-
ci dicunt: qua causa fit, ut longus & pertinax sit hic
affectus, ob quam eandem sanguinis impuritatem non
injuriâ quoque fit, ut mulieres, quibus expurgatio
menstrua non est, etiam grandes, & bene habitæ vi-
tium hoc incurrant, ac tamdiu detineantur ab illo,
quamdiu morantur, & non effluunt iidem menses.

Quæst. 16. De re prognostica.

Futurorum observationes in hoc morbo factæ mi-
hi sunt hæc: neminem ad interitus pericula perdu-
ci, sic Hippocrat. 1. epid. sect. 3. nocturna non ad-
modum lethalis, verum longa. Sed tamen in arthritin
& membrorum languores sæpe finisse visa est curata
perperam affectio; neque me Hercules injuriâ: Siqui-
dem vicens & diu consistens humoris pravitas, ut ul-
terius procedat, tempore obtinet; processus autem à
mediis artubus ad ipsos articulos invalescente morbo
facilis est, quibus locis heret firmitus & hospitatur
imperiosus, in ulcus autem transmigrat sæpe lata
pustula fomentis acerbis & salis fota, nisi tamen id,
quod gravatum erat corpus ope medica mundatum
sit; sunt autem morbi moræ cum obfesso corpore
semper longe propterea, quod humores plurima parte
frigidi crassi multique dominantur.

Via salutis est natura quidem concoquente ac dif-
flante superfluitates, in quibus nimirum corporibus
ipsa præpotens est; veruntamen admodum raro visum
est; aut sponte naturæ sine medicamentorum auxilio

H

discussus

discussus fuerit vitiorum gravidus hic affectus, quæ facit omnia contumax & refractaria humoris, qui morbum fover, natura. Ars igitur accedat oportet, quæ & crassos humores attenuet, obtusosque indicat, meatus expediat & ampliet, & in summa concoquat aut discuriat, tum per interna, tum per externa medicamenta, atque alias medendi rationes, quas brevi tradere jam instituo.

Quæst. 17. Indicationes curandi, ac therapeutica ratio generalis & particularis.

Postrema nunc cura supet est recte medendi, atque omnibus, quæ præter naturam sunt, occurrendi, sic rite nobis agenda proponemus hæc; Primum enim studium erit, ne qui molestat, affectus, in dies augeatur. Secundum, ut, qui concervati jam sunt humores, naturæ pregravantes, ac vitium foventes extrudantur, & hæc quidem adversus causam provisto est. Tertium, quoniam nos admonuit magnus Hippocrates 2. epid. sect. 2. abscessus veluti glandularum signum quidem eorum, quæ germina habent, ob id, & quia significatur inde malignus morbus, ut Vallesius indicavit, propterea partes interiores ac tota viscera medicari diutius oportet, ut tum eximantur, cum castigentur. Quartum, discutiendum quodcumque circa particulam incubuit alienum incrementum. Postrema circa partem dolore levandam, roborandam & in suo statu naturali conservandam, est occupatio.

Jam igitur, ut generales has præscriptas medendi formulas singulatim, & adamussim exequamur: principio cibi parcitas amplectenda, quorum ciborum est & qualitas eligenda, sic, ut hi non salsi, aromatici, acuti, non atrum succum gignentes, non frixi, non exusti capiantur, itemque non legumina, non carnes vetulorum pecudum, non cetaceorum, aut aliorum piscium, non suilla, non pingua & oleosa, non acida, neque acetum usiterur; sed homo contentus esto carnibus juniorum, quæ mactantur, avium montanarum, gallinacei generis, potius elixorum, quam asporum, ovis dudum partis, recentibus caseolis & coacto lacte; ex oleribus esitetur inprimis buglossum, vulgo borrago, post hæc endivia, cichorium, atriplex, condrilla, beta, lactuca memoraris carniū juribus decoctæ, vinum aut olygophorum esto, aut paulo vividius aqua dilutum, à grandi & nigro abstinendum; ut quod exhibet fomentum atro succo, fervorique ejusdem, cui remittendo atque attemperando refrigerante victus ratione utendum admonuit Joannes Huccherius l. de pustulis. Cum alimentorum observatione conjungitur & aeris usura siccioris quidem, quod ad patibiles qualitates, sed temperatioris, quod spectat ad activas.

Accedit secundus scopus, qui bifariam expletur corporis purgatione, qui delinquentem humorum qualitatem expugnat, & sanguinis detractione, quæ plenitudinem exhaurit, si ipsa sit. Sed vulgarem medentium opinionem ac morem non omittam referre, qui minime patiuntur, ut vena pungatur, aut quæ arthritidis dextrimenta, quotidiana molestiarum incrementa solet immittere; quam quidem idiotarum opinionem me iudice contemnere non oportet: Sed reputandum est animo vitium hoc herere succis, quæ potissima parte diffusi sunt à natura sanguinis, i. pituita & melancholia: unde fit, ut & polychronius affectus sit, quales omnes affectus venæ sectione non tractarunt majores nostri, caventes, ne sanguinem amplius refrigerarent. Adde, quod venæ sectio suapte natura mobiliorem & expeditiorem in valis reddit humorem, qua causa fit sæpe, ut podagra vel chiragra aduocetur, quam ob causam credo factum, ut apricarum ac fomentum pro-

hibuerint græci; quanquam balneum probavit Cornelius, quod plenior & calidior hic autor statuerit affectum. Sed neque modico diffident intervallo medicamentum universale ac particulare, hoc quidem fomentum, illud balneum est, omnibus autem modis expertæ nostrates vetulæ & obstetrices roseolarum medicæ, timent à sanguinis detractione; detrimenda fortassis expertæ. Quibus quidem suis eperimentis; & quibus nuper expositis rationibus manus dare non oportet, verum sit, gracilis homo sit, qui malo vexatur, abstinendum est phlebotomæ, quod si plenior corporatura sit & confactior, hanc utique semel inanire multitudine non alienum est; ne scilicet illa facultati stimulus sit expellendi. quod 13. methodi therapeutice ne semel quidem adnotavit Galenus. Sed & absolute phlebotomæ curandas epinyctidas docuit Joannes Huccherius in l. de diætâ, ac therapia pueror. c. de pustulis alias citato. Atque sic brevi controversia composita, est evacuandi locus è brachio, vel ex manu; si mas sit; è pede verò, si fœmina; sunt & qui utriusque sanguinem è venis sedis eximendum velint, quæ tamen vacatio secunda sit aliis phlebotomis oportet.

Sed, ut tertio scopo satisfacias, cathartica non sunt alia deligenda, quam phlegmagoga & melanogoga, ex his autem præcipua sunt mel rosatum solutivum, & Serapium de polypodio, sive apud nostros D. Augustini, & confectio catholica Arnaldi; & Regis Hamech, quæ pro virium, habitus, ætatis, & regionis modo plus minus commiseris & obtuleris: Serapiis præparantibus ad hæc ordinariis è cortice citri; & è succo fumarie cum aqua melissæ vel buglossi. Jam autem, ut quod maximum & præcipuum est, viscera restituas, & malam his habitudinem erueres, non una quidem ratio est. Nostri curatores omnes è vulgo consueverunt offerre genistæ flores saccharo conditas, sunt autem & decoctum lenticulæ cum melle dicant satis bene fecisse. Plurima verò pars polypodium prædicant optime facere, quod Mesuarius lib. de simplicibus cap. 5. calidum fecit ordine tertio, siccum secundo, quod humores crassos lentosque terget, digerit, siccatur; bilem arram & pituitam vel crassam, vel lentam purgat etiam à juncturis: affectibus ob hæc melancholicis prodest, ut quartanis præsertim cum mulsa epithymo, sale indo. Verum nos, ut polypodium probemus, tamen exoticam sennam minoris non facimus. tertium verò, sed in attemperandi facultate primum asserimus. Centaurium majus à divino Chirone primo quidem chirurgiæ, at non secundo pharmaciæ magistro inventum. Adhæc non omitenda similax est aspera, quam pro sparto parili ipso indico, exacte restituit Marius Schipanus singularum medicinarum partium, & botanicæ excellenter peritus; neque quod nodoso sit similax propterea de hac re dubitaveris. quippe id, in quo æquiparantur nostra hæc similax & rubus Indorum viticulosus, fibræ sunt enodes ac longæ, quæ sunt utrisque cum lignosa interna portione pariles ac perpetuæ. Sed de his apud Prosperum Alpinum l. de plantis Ægyptiorum late, non interim revertimur ad institutum.

Quibus medicamentis compositum unum decoctum saccharo, vel melle conditum offeres ad multas, tres minimum, aut duas hebdomadas hauriendum selibræ pondo, Centaurium ad uncias iij. polyp. ad unc. i.; senna ad unc. j. in aq. fontanæ sex lib. decoquantur, primum rhaponticum, mox polyp. extremum senna. Hic dispar admodum non est Serapium dictum majus è fumarie, cujus binas uncias tum polypodij, sennæ, rhapontici decocto ad duplum addito, languens hauriet, ad longum etiam dierum numerum, quorum jam præscripsi.

Sed omnes compositiones superaverit ea, quam mox exponam. Sunt, ut in Pædarthrocace docui, angues, quos à calore cervinos dicunt, ad contumacium gravissimorumque morborum curationem mirum in modum accommodati, qui superfluitates corporis exiccantes eluunt, & naturæ lapsus omnes nativa quadam virium proprietate castigant, itaque & ad luem veneream efficaciter expugnandam hoc præcipue medicamentum voluit utendum Ludovicus Mercatus inter Hispanos omnes medicos experientissimus. Quod ego Serapium sic parare consuevi anguem cervinum vulgo cervonum ætate media, ac bene habito corpore in arcula ligneola, quæ fures ac salem receperit, aliquandiu conclusum capite & cauda podice tenus exectis, excoriatum & exenteratum in multas partes concide, & coque in aqua fontana quanta suffecerit cum his simplicibus medicamentis, i. radicis centaurei majoris vulgo rhapontici succosi in taleolas præfecti unc. iiij. radicis smilacis asperæ contusarum unc. ij. polypodii quercini unc. i. radicis buglossi, endiviæ, cichorii, graminis, asparagorum, adianthi, aspleni, singulorum manip. i. radicis glycyrrhizæ drachmis iiij. eupatorii, chamædryos, scabiosæ, pimpinellæ, coronopi, phyllitidos, hepaticæ, betonicæ, melissæ, singulorum manip. j. plantaginis manip. ij. hordei pug. ij. uvarum passarum exacinatarum unc. — foliorum senæ orientalis unc. i. ferveant omnia simul ordine competenti, & succi colaruta cum saccharo albo condiantur modo, & consistentia syrupi, qui conclarescat ovi albumine despumato S. A. Dosis ab unc. iiij. ad unc. vj. Quod si partito atque multoties decoctum confici certiore conservandarum medicamenti virium, & palati commodo libuerit: consultum huic rei fuerit, ut ante abrasas è spina carnes anguis ad Clibani torrorem exempto pane pastillorum forma paululum exiccaveris s. mox sacchari & mellis pauci conditura obductos eosdem conservaveris, sic ad usum eam materiam in decoctum pro ratione sumpseris & admiscueris.

Post hæc ad pustulosam partem remedia referet; quorum pars medicamenta, pars chirurgia est. medicamenta quidem, ut indicavit Oribasius, exiccantia quidem sunt, sed sine mordicatione, qualia l. 7. synopsis. c. 37. dixit silphii succum aqua solutum, aut cicutam tritam, cujus ejusdem libri c. 42. scripta reliquit hæc; Ad epinyctidas valet apium cum polenta tritum & illitum: brassicæ folia trita imposita: alterci folia ex melle trita applicita. Solanum per se, & cum cicuta viridi, aut olivæ foliis cum aqua coctis utitor, uvæ passas ademptis acinis tritas admisceto, easque splenio illitas imponito, adianthum quoque ex melle tritum facit. His Paulus l. 4. cap. 9. comprobatis omnibus, & integre traductis addidit adianthum ex melle, & capite sequenti argenti spumam & sulphur ignem non expertum pari portione cum aceto applicitum, item myrtus, ait, in lævorem redacta sordium illitione cum oleo & vino benefacit &c.

Sed Cornelius Celsus hæc tradidit, epinyctis post lenticulam, recte herba quoque sanguinali vel viridi coriandro curatur, ulcera ex pustulis facta tollit spuma argenti cum semine fanogræci mista, sic ut his invicem rosa, atque intybi succus adijciatur, donec mellis crassitudo fiat. Hæc ad epinyctidas antiqui: è junioribus verò Joannes Huccherius in l. jampridem citato medicamenti partim refrigerantibus ad ardorem leniendum, partim digerentibus propositis, tradidit adponendum cataplasma ex hyoscyami foliis contusis cum melle mistis, atque ex brassica, apio, & hordei farina concorporatis, vel ex coriandro viridi cum cymis olæ coctis, nostri ad roseolas, ut ipsi dicunt, fel porcinum aut bovinum adhibent hordei farina, vel crassiore item aliqua materia, quæ consen-

tiat, exceptum, interim ad 9. dies oblato plantaginis succo.

Sed omnia medicamenta superat longè chirurgicum experimentum, quod est scarificatio tum ad ipsas roseolas, tum ad tibiæ anteriorem faciem semel aut amplius phlebotomo facta, non alia ferme ratione, quam, quæ à Prospero Alpino 3. de medicina Ægyptiorum, & à Jacobo Manno lib. de scarificatione vulgata est, à barbaris plerisque nationibus & Asiaticis hodierna die feliciter exercita, & à me etiam fere quotidie in sacro Incurabilium nosocomio nunquam sine fructu administrata. hanc autem in hoc eodem vitio curando sentii mire proficuum in utraque memorata virgine Parthenophilacii, & in obstetricis filia, qua miro quodam & incredibili modo visus est dolor sopiri, ut ne talis quidem alias confectis rite corporis expurgationibus persentiretur, qua vacationis exacta opera, vix aliud erit necesse, si fuerint satis intima perpurcata, atque hætenus de roseolis.

De Epinyctide rursus quadam, ex Clariss. Joh.

Muannicks.

I. **A**D Furunculum haud ineptè referri possunt Epinyctis, & Terminthus. Epinyctis, ex C. Celsi, Pauli Æginetæ, & Aërii sententia, est pustula pessima colore sublivida, vel subnigra, vel rubicunda, vel alba, circa quam vehemens suboritur inflammatio cum ingenti dolore, noctu magis affligens, cumque aperta est, intus mucosa reperitur exulceratio. Color est humori suo similis, ab eaque cruenta emanat sanies. Dicta vero Græcis ἐπινύκτις, quia fere semper noctu oritur. Arabes *Effere*, *Sere*, vel *Saire* appellantur.

II. Fit Epinyctis, haud secus ac Furunculus, & sanguine impuro, acri, maligno, criticè in corporis superficiem expulso.

III. Signa verò quibus cognoscitur Epinyctis, sunt quod pustulæ hæc sua sponte proveniant, colore sint rubicundæ, vel sublividæ, vel albicantes, atque gravius noctu quam interdiu affligant. Cæterum dolor in Epinyctide vehementior est, quam pro ejus magnitudine, cum fabâ major non sit: sponte exulceratur, & cum rumpitur mucosam parit exulcerationem, unde subcruenta emanat sanies.

IV. Equidem pustulæ hæc, ex C. Celsi sententia, maximè eveniunt in puerili ætate, rarè in medio corpore, sæpè in eminentibus partibus, & verno tempore, suntque nullius periculi, nisi in curando error committatur, quamvis pravos humores in corpore redundare indicent.

V. In Curatione Epinyctidis, haud secus ac in Furunculo Curando, procedendum; viz. Pustula maturanda, & Puris generatio acceleranda, appositis Uvis passis contrusis; vel imposito Cataplasmate ex Uvis passis, Caricis pinguibus, & Ruta viridi, simul comminutis; vel Emplastro Diachylo cum gummi, cum Unguento Basilicone, vel, ut malignitas si quæ adsit corrigatur, tali Digestivo.

VI. Unguenti Basiliconis ʒj. Therbinrh. venet. ʒʒ. Theriaces Andr. ʒij. Mellis virginei ʒvi. Olei Scorpionum ʒiiij. M. F. S. A. Digestivum. Postea ulcus mundetur Digestivo communi; Unguento Aureo vel Basilicone impleatur; atque imposito Emplastro Diapalma, vel Stypticò tandem cicatrice tegatur.

VI. Terminthus autem Tuberculi species est, & Epinyctidi ferè similis, cui superne & inferne nigra pustula incumbit, qua ruptâ infernè desquamatio apparet: dissecto autem tuberculo pus invenitur. Sed cum Terminthus ex eadem causa, qua Epinyctis, hoc est, ex adusto, acri, & venenato sanguine fiat, eademque pars afficiatur; hinc eadem Curatio ei convenit, idemque Prognosticum, quod Epinyctidi.

EPIPHORA.

Eπιφορὰ (à φέρω fero) est immoderata tenuis humoris fluxio lachrymarum specie in oculos præter naturam facta; humor qui fluit, modò frigidus est & aqueus, nullo dolore molestus, modò acer est aut salus, dolorem; ardorem & ruborem, imò nonnunquam palpebrarum exulcerationem inferens. Symptoma est in excretis. Hujus affectus causa proxima est humor excrementitius, à capite vel aliunde à parte aliqua corporis in angulos oculi influens. Cause disponentes sunt partis affecte imbecillitas, roburque mittentium. *Thom. Burnet. Thesaur. Medico-Practici lib. 5.*

Post evacuantia generalia & particularia, revellentia & derivantia, quibus cerebrum ab humoribus serosis depleatur; ad fluxionem sistendam utatur æger sequentibus.

℞. Nuc. cupress. gallar. virid. rad. bistort. ana ʒβ. pulverizentur, & irrorentur aceto acerrimo, & licentur; add. mastich. sang. drac. sandarach. ana ʒvj. ochræ in aceto lotæ & siccat. ossium human. calcinat. lap. hæmatit. ana ʒiij. bol. Armen. alum. rup. ana ʒiij. Terebint. Venet. ceræ ana q. s. ut fiat Emplastrum, cujus portio extendatur in panno sericeo & applic. arteriis temporalibus & supra supercil. & tota nocte gestetur.

℞. Aloes è vesica ʒi. tutiæ præp. ʒβ. Mac. ʒj. Ireos Flor. ʒj. Mastich. sang. drac. ana ʒij. Vitriol. alb. gr. xv. Sacchar. cand. ʒiβ. Aquæ stillarit. fœnicul. euphras. ros. plantag. ana ʒiij. Mf. insolentur per oëtiduum, mox f. colatura, de qua cap. ʒj. phlegm. alum. q. s. ad contemperandum; instilletur gutta in ocul. sæpius in die. *Theodor. de Mayerne Praxeos Medic. lib. 1.*

Puelle cuidam novem annorum ex uno oculo lachrymæ ultro effluebant, quæ frigide erant, neque oculum corrodebant. Erat autem puella puitosa & catarrho obnoxia, præmissis universalibus ut sequenti collyrio uteretur mandavi, quod omnibus convenit in quibus malum perseverat.

℞. Aloës, nucis cupr. thuris, mastich. myrrh. ana ʒij. tutiæ præp. sarcocoll. nutrit. an. ʒiβ. sang. drac. berber. sumach. ros. rub. ana ʒj. pulverisentur tenuissimè & excipiantur aquâ fœnic. & fiat collyrium, cujus ope ab hoc malo liberata est. *Petrus Forestus, observat. 11. lib. 11. De morbis Oculorum.*

Epiphoram calidam in muliere quadam ita curavi, corpore repurgato & vena secta, collyrio sequenti utebatur.

℞. Troch. alb. rhasis sine opio, ʒj. Aq. ros. vel peculi ros. ʒiij. Aq. fœnic. (ne ob refrigerationem obtundatur acumen visus) ʒij. M. F. Collyrium.

Si illud non juvaret, consului ut sequenti uteretur.

℞. Ceruss. ablutæ, sarcocoll. nutrit. licii, acaciæ, thuris, ana ʒj. ossium myrobal. adustor. corall. alb. rub. ana ʒβ. Margarit. ʒβ. succi mali punici ad dimidium absumptionem cocti, q. s. F. Collyrium. Solus etiam malorum punicorum succus coctus, donec dimidium absumatur, lachrymas calidas curat. In hac Epiphora commendantur etiam cauteria retro aures. *Rondeletius* potius laudat cauterium supra commissuram. Verula quadam in Italia cum oculos haberet lipientes, lachrymantes & saniosos, cum intenso dolore & prurigine, & nullis remediis posset curari, tandem raso capiti emplastrum vesicatorium impositum est; excitatisque vesicis ac ruptis, butyro imposito, ac demum caulis folio, quo præsidio perfectè curata fuit. Vesicatoria etiam in collo egregiè prosunt. *Petrus Forestus, observ. 12. & Schol. lib. 11.*

Pro singulari experimento habetur hoc unguentum.

℞. Arguin. eris, gr. xij. camphoræ, ʒj. tutiæ præp.

ʒj. butyr. rec. quod cum aqua ros. liquefiat, & parum bulliat, ʒvj. M. decenter ut fiat unguentum. Indatur pisi magnitudo in oculi canthum majorem: leviterque inungantur palpebræ. Est ad Epiphoras & pruritus oculorum, singulare experimentum. *Felix Platerus, to. 2. prax. med. pag. 279.*

EPIPLOCELE Vid. *Hernia.*

EPIPLOMPHALOS vid. sub titulo *Hernia.*

EPULIS ET PARULIS.

I. Quæmadmodum Laxa, Fungosæque intra Nares excrefcens Caro *Polypus*, ita *Hypersarcosis* seu *Carnea Gingivarum circum Dentes Excrefcencia* Epulis dicitur. Hæc vehementer aliquando increfcit, atque augetur, ut adeò & loquendi, & manducandi adimat facultatem: viscidam, tenacem, ac fœtidam effundit Salivam, & non rarò in Cancrum quasi degenerat.

II. Solet verò Affectus hic ex *Scorbuto* semper oriri. Enimverò sanguis labe scorbutica infectus, recrementa sua acrisalina tum per arterietas, tum per vascula salivalia, in Gingivas quoque deponit; quæ laxam, fungosamque Illarum Carnem erodunt, hinc & corrumpunt sæpe, ut Dentes stabilire nequeat; aliquando vero Erosam Gingivarum Carnem ultra excrefcere faciunt, adeoque *Epulidem* causant: quæ idcirco in Norvegia, aliisque Septentrionalibus Regionibus, ubi Scorbutus Endemius est Morbus admodum frequenter contingit.

III. Refert *Paræus Chirurg. lib. 7. cap. 4.* sæpius se observasse, carnosam hujusmodi excrefcenciam in cartilagineam, & ossæam vetustate induruisse: quapropter quàm celerrime fieri poterit, *Curationem Hujus* aggrediendam esse suadet. Igitur exilis quum sit Epulis, tentanda Ejus per Medicamenta Curatio; atque Universalibus, ut in Scorbuti Cura fieri solet, haud neglectis, Topica adhibenda sunt Exsiccantia & Adstringentia; viz. *Aluminosa*, aliaque Antiscorbutica, v. gr.

℞. Aq. Plantaginis, Salviæ, Antiscorbuticæ, Vini Albi Gallici ana ʒiβ. Aluminis Crudi pulver. ʒij. Aquæ Cinamomi ʒiij. Misceantur pro Otis Collutione.

Sed Medicamentis si tolli nequeat hic Gingivarum Tumor quàm citissimè Filò, vel Cultrò abscindatur, ne præter modum induretur, vel in Cancrum abeat. Ubi verò abscissa est Epulis, Ægotans frequenter os colluat, atque Gingivas fricet præscriptâ nunc Oris Collutione, vel simili.

IV. Nascitur quoque in Palato Tumor ex viscosa & acris materie, quæ Os inter & Membranam hærens, illud non rarò putrefacit, atque corrumpit, hinc Ulcus grave excitat. Tumor hic Parulis dici consuevit, atque contingit ex Saliva præter modum acris & salsa, simulque glutinosa; quæ per exiles Palati ductus prodiens, & ob suam ipsius visciditatem membranæ poros transcolari nequiens, adeoque inter Os & Membranam subsistens, Tumorem hunc producit. Qui ut Curetur, discissa pinguis Carica apponatur; hinc quamprimum non expectatâ suppuratione, sectione latâ & profunda, ad os Palati usque, incidatur, & acris, viscidus, necnon subcruentus humor exactè exprimatur: secus enim subiectum os facillimè corrumpitur, oriturque fistulosum, egreque sanabile ulcus. Facta verò sectione, evacuatoque concluso humore, absque medicamentorum ope, sola Saliva aperturam sanat. *Joh. Munnicks Chirurgia lib. 1.*

Parulis parva est inflammatio partis alicujus gingivarum cum tumore, quæ si non resolvitur suppurat, & in abscessum vertitur, qui malè curatus in ulcera serpentina sæpè degenerat. Si unà dolor adsit, leniatur ille gargarisimatis è lacte tepido, cataplasmate ex mica panis albi in lacte cocta, misto ovi vitello, croco & oleo rosato. Si non resolvatur tumor, & ad suppurationem tendat, ficus pinguis per medium secta carboni accen-

so super

to superponitur, dum aliquantulum arescat, dein tumori gingivæ apponitur, interdiu atque noctu gestatur dum matura parulide pus sponte aut arte fluat. Abscessus hinc relictus non ad cutem faciei, non ad radices dentium aperiri solet, vel sponte naturæ, vel manu Chirurgi, quo aperto pus erumpit, statimque dolor cessat, & brevi pars redit ad pristinum statum. Si gingivæ citra tumorem inflammantur, id est, si phlogosi laborent, convenit gargarismus ex aqua communi tepida, Aqu. plantag. rosar. addito aceto rosato, vel oxycrato, vel ex succis sempervivi, plantaginis, solani.

Epulis est excrescens gingivarum caro, parulidem matè curatam sæpè consequens. Nisi enim in parulide, quæ suppuraverit, ulcus fuerit probè detersum, luxuriat ibi caro, quæ *Epulis* dicitur, & sensim augeatur, aliquando ovi magnitudinem superans, & sermonem multicationemque impedit. Interdum in cancrum degenerat, quod inde noscitur, quod cum prius esset indolens, nunc lancinante dolore comitata est. Cumque in cancrum degenerat, nec ferro nec manu Chirurgica attingi debet. At quæ nullum dolorem excitat, alligetur filo duplicato, donec excidat, ubi autem excidit, ne repullulet, ejus radix cauterio ignito attingatur, vel potentiâ, vel oleo vitrioli, aqua forti & similibus, cavendo tamen, ne ab iis corrodentibus partes sanæ lædantur. *Autor. Encheirid. Medicor. Practic. apud Fernel.*

Epulis horrenda.

Clariss. Joh. Acoluthi. Miscell. Curiosor. Decur. iij. Ann. 4.

Horrendum jure dixero. Epulidem quâ fœmina, triginta circiter annos nata, misera, ex Polonia 1693. ad nos deferebatur. Maxilla sinistra superior, dentis ineptâ evulsione fissa, primam malo originem dedisse videbatur, unde tumor parvus, ex evulsi dentis alveolo enatus, intra biennium in tantam excreverat molem, ut duplicis pugni magnitudine, totum ferme os occuparet, genâ illius lateris, ad proximè imminentem crepaturam extensâ, magnâque tumoris parte extra os prominutâ, ut à multo tempore labiorum clausura, & dentium commissio interciperetur. Notabili verò à paucis hebdomadis ipsi accesserat augmentum, adcò, ut vel suffocatum, vel fame & siti brevi periturum esset hoc miseriæ humanæ exemplar, nisi subitaneo auxilio subversaretur. Hoc, ut Christianæ charitate moti, pro viribus præstaremus, accuratius inter oris rimabamur, deformem hanc massam durissimam, & maximè palati parti pariter, atque maxillæ superius dictæ connatam, ita ut universi sinistri lateris dentes arctissimè includerentur, ostendemia. Sic omni spatio, quod cultrum admitteret, exclusi, transversa incisione malum dividebamus, ab angulo oris incipiendo, mox falcato cultro denudatum aggredientes tumorem, qui cornea cartilagine (ex qua maximam partem constabat) pertinacissime renitens, omnes ferè chirurgi atque ferri vires exhauriebat. Tandem cedere coactus, tres, quatuorve dentes, firmissimè sibi implicatos, cum carioli ossis maxillaris parte insigni, comites extrahebatur. Hac verò opera, illa tantum Epulidi, dimidietas, quæ extrorsum spectabat, separabatur, plus negotii adhuc facessente alteram, quam cavitas oris circumscribebat. Hæc ineptiore posita loco, quàm ut uno tractu rescindi posset, per partes extrahebatur operatione adcò laboriosâ & crudeli, ut parem omni vitâ non viderim. Quâ vel hæmorrhagia urgebat, vel fungosa caro videbatur, candente ferro probè adurebatur, eo successu, ut brevi omnia lætiores acquirerent vultus, solo loco, qui natales malo dederat, carne fungosa luxuriante. Ferrum ignisque hanc aliquoties in

Bibl. Chirurg. Tom. II.

vanum sustulerant, cum tandem attentissima investigatione deprehensæ relictæ cariosi ossis festucæ ac squamæ, eximerentur, presso pede, felici sanatione, illas insequente.

Epulis praegrandis, singulari encheiresi, feliciter extirpatus.

Clariss. Georgii Abrahami Mercklini; Miscell. Curiosor. Decur. iij. Ann. 5. & 6.

Cum Peritus Chirurgus, Joh. Nicol. Marschalckus, notissimus apud nos Balneator, Anno Christi 1690. mensib. Jun. & Jul. haberet, quod Viennæ Austr. coram Judicio Imperiali in communi Balneatorum Norimbergensium causâ ageret, commodum accidit, ut ab Illustri Sexagenariâ majori & quidem admodum obesâ Matronâ, de satis magnâ, eâque carnosâ excrescentiâ in inferiori maxilla dextri lateris, inter caninos dentes, enatâ, consuleretur. Hæc *Epulis* per quinque ferè annorum decursum in tantam indies accrevit molem, ut jam dimidii ovi gallinacei magnitudinem superaverit, quo factum, ut inde duobus illis dentibus, intra quos primùm, luxuriantis caruncule adinstar, propullulare cœpit, ultra digitalis articuli spatium ab invicem divulsis, suisque ex alveolis excussis, rictus oris indecorè subinde haverit, nec unquam claudi potuerit. In consilium interea vocati sunt diversi iique celebriores cum Medici, tum etiam Chirurgi, quorum plerique, quod Tumorem, præmissis universalibus, aliisque necessariis internis Remediis, corrigere, & causticis exedere stnduerint, tantum absuit, ut iis remiserit Malum, ut potius magis magisque inde exacerbuerit. Hic Marschalckus noster in tempore recordatus, similem *Epulidem* jam patrem suum itidem Chirurgum in plebeio homine singulari encheirisi sustulisse, eandem ipse quoque proponere satagit. Quam verò operatio ista ceu minus nota, nova, insolensque & ambigua videretur, undique conquestis prius, super propolitâ hac encheirisi, plurimorum Medicorum Judiciis, in consilium adsciscere placuit adhuc alium, & quidem ordinarium celebriorem Viennensem Chirurgum, nomine Georg. Schlenzkium, qui re, qua licuit sagacitate, peniculatâ, non potuit non annuere, inque medium allatum procedendi modum approbare, quem uterque præviâ ex Pilulis constante à Medico præscriptâ Purgatione convenientisque Diætæ ordinatione, ardentè implorato DEI adjutorio, hoc feliciter excogitato artificio aggressus est. Nimirum ferreum repetitis excandescentiis ductilius redditum cheleuma, Tumoris radici stricte injecerunt, quod cum in dies arctius ad exhibiti consilii formam singulari forcipe constrinxissent, tandem die nono eo devenit, ut ob illas à maxillari ossè interea sponte semotâs lamellas ulterior restrictio fieri nequiverit, unde reliqua radicis tenuior portio, quæ adhuc cohesit, peculiari ad hunc ipsam usum fabricato instrumento abscindi & debuit, & facile potuit. Hoc facto, in locum ablata *Epulidis* applicuerent *Pulverem Pannie. rubr.* quo, exacto triduo, in conspectum venit ipse Tumoris fundus, ex quo absque ullo dolore novem ossium squamæ prodierunt. Quare visum est, ulcusculum *Unguento fusco Fel. Würzii*, addit tantillo *phlegmatis Vitrioli*, mundare, illudque medicamentum diu adhibere, usque dum eschara excidit, & caro paulatim repullulascere coepit; in usum posthæc porro vocato *Gargarismate adstringente*, nec non exterius, defensionis quodammodo loco, appposito conveniente *Epithemate*, unâ cum *Balsamo Florum Sceletani*. Quibus adcò feliciter successit curatio, ut Nobilissima fœmina non solum integrè convalesceret sed & hodie num optimè habeat, valeatque pacificè.

ERYSIPELAS.

Curationes.

Tumor qui Græcis *Erysipelas*, Latinis Ignis Sacer, seu Rosa nuncupatur, ab Autoribus malè describitur, quòd sit tumor præter naturam ex bile ferè in solam cutem, quandoque etiam in musculos subiectos, effusa, dolorem, calorem aliaque symptomata causante. Si namque sola Bilis in cutem effunditur Herpes, non Erysipelas oritur.

II. Sed quum vera Inflammatio, atque adeò Phlegmonis species sit Erysipelas, potius dicendum videtur, quod sit Inflammatio valde ardens, maximeque circa cutem consistens, & aliquando subjectæ carnis aliquid occupans, orta ab effuso, extravasatoque bilioso, tenuiore, & subtiliore sanguine, cum tumore vel exiguo, vel sæpè, quoad sensum, nullo; cuius color pallidior aut magis flavescentis est, quàm Phlegmonis, & si tetigeris facilè sanguis subterfugit, rursusque illabitur exquisitè tenuis, aspectuque rubens.

III. Est autem Erysipelas duplex; verum seu legitimum, & non verum seu spurium. Verum Erysipelas simplex est, simplici fervore & rubore affectum sine ulla exulceratione, è sanguine bilioso, tenuiore, fervidiore, in quo Acidum volatile prædominatur, genitum. Non verum seu spurium Erysipelas trium vulgo habetur generum: Unum quod oritur ex sanguine bilioso, tenuiore, at acri, pungente, & rodente, qui idcirco latam, & aliquando profundam satis efficit exulcerationem: Alterum Erysipelas spurium est sine partis affectu exulceratione, in eo tamen exigue succedunt pustule & vesiculæ, quæ nonnihil incise, perforatæque Saniei aliquantulum fundunt: Tertium genus est, quod sit quidem è sanguine tenui, fervido, at simul vel copia peccante, vel sero abundante, vel terrestribus, acido-austeris, similibusve particulis redundante, unde Erysipelas dicitur vel Phlegmonodes, vel Oedematodes, vel Scyrrhodes.

IV. Igitur verum seu legitimum Erysipelas è sanguine bilioso, tenui, subtili, fervido, in quo Aciditas volatilis abundat, generatur; qui ex minutissimis capillaribus vasculis exiliens, præ sua tenuitate & subtilitate in interiore carne subsistere nequit, sed per extremam cutem, partesque ei vicinas diffunditur, atque ardentem ibidem excitat Inflammationem.

V. Ardens autem illa cutis, partiumque proximè ei subjectarum Inflammatio, Erysipelas dicta, à Phlegmone distinguitur, 1. Colore; est namque color ruber, Erysipelatis ex rubro flavescentis. 2. Pulsatione; quæ magna adest in Phlegmone, parva vel nulla in Erysipelate. 3. Tumoris magnitudine; Etenim in insignem tumorem Inflammatio partem attollit, cum & cutem & subjectos musculos occupet; Erysipelas verò partem affectam modice elevat, adeo ut vix appareat tumor, cum cutaneas partes solummodo ardens hæc Inflammatio invadat. 4. Calore, qui major est in Erysipelate, quàm in Phlegmone. 5. Dolore; qui in Erysipelate minor est, at pungitivus; in Phlegmone tensivus, & gravativus. 6. Duritie & Mollitie; cum Inflammatio tactui non cedat, sed renitatur; Erysipelas verò si tangatur, tactui cedat. 7. Eo, quod rubedo, quæ in Erysipelate adest, si digito prematur, statim abeat, & cutis sub digito alba evadat, deinde verò mox redeat eadem rubedo, ob tenuem subtilemque sanguinem, à quo fit; in Inflammatione verò hoc non accadat. 8. Quod in Erysipelate nulla tensio, ut in Phlegmone appareat. 9. Loco affecto; Erysipelas namque loco dimovetur, serpit,

& vicinas partes similiter afficit, Inflammatio autem in uno figitur loco, ab eoque nec discedit, nec dimovetur.

VI. Signa itaque, quibus hic affectus cognoscitur, sunt æstus ingens, dolor acris non valdè vehemens, rubedo ad flavedinem tendens, ad tactum ut facilè cedens, ita & facilè rediens, partis intumescencia, ac tensio levis, pulsatio minor; sitque invasio ejus plerumque cum Febre, nisi à causa externa oriatur.

VII. Equidem rarò periculosus est affectus Erysipelas, nisi ab exterioribus ad interiora materies repellatur: periculosior verò, si circa oculos, fauces, aliasve nobiles partes consistat; aut si vulnere, ulcere, fracturæ, luxationi superveniat. Ut autem facilius tutiusque sanetur, resolutione, aut insensibili transpiratione, seu per diaphoresin terminari debet, non suppuratione, quæ in hoc affectu mala admodum est, difficilisque curationis.

VIII. Ut verò Erysipelas ritè Curetur, 1. Conveniens instituenda Diæta, atque eadem sex rerum non-naturalium dispensatio hic observanda, quæ in Phlegmone. Dein Antecedens Materia evacuanda Cholagogis blandioribus, Venæsectione, ac imprimis Diaphoreticis iterandis, reiterandisque.

IX. Tertia Cura erit de Medicamentis Topicis: Quæ in Principio nimis sint validè Repellentia, Exsiccantia, Adstringentia, quod illorum usui Materia acrior intro compulsæ vicinas partes corrodat, & exulceret. Sed si exiguum fuerit Erysipelas, pars affecta à nobilioribus remota; humoresque adhuc fluxerint, applicentur modicè Repellentia, at Resolventibus mixta; ne occlusis nimium poris, hinc radiante nativo calido ferè suffocato, Gangræna accedat.

X. Pessimè quoque Aëgris suis consulunt Chirurghi, qui partem Erysipelate affectam inungunt Unguento Nutrito, de Cerussa, Populeo, Rosaceo, Oleo Rosarum, Violarum, similibusve pinguibus; utpote quæ biliosum, tenuem, fervidum atque in partes cutaneas effusum, extravasatumque sanguinem excitant magis, incendunt, adeoque ardenti huic Inflammationi maxime adversantur, ut rectè monet Galenus lib. 5. de simpl. Facult. Et scribit Fabricius Hildanus, Cent. 1. observ. 82. se observasse, Erysipelas ex Olei Rosacei inunctione in Gangrænam mutatum fuisse.

XI. Modicè ergò Repellentia, at Resolventibus Volatilibusque permixta, quæ simul Acidum volatile infringere ac mitigare possunt, hinc sunt apponenda, v. gr.

℞. Aquæ florum Sambuci ℥viii. Aceti Sambuci ℥ij. Spir. vini ℥i. Sacchari Saturni gr. xv. Camphoræ ℥j. Misceantur pro Epithemate.

Vel ℞. Aquæ florum Sambuci ℥viii. Vini albi Gallici ℥iv. Misceantur.

Vel ℞. Aquæ florum Sambuci ℥vi. Spiritus vini ℥j. Camphoræ ℥j. Troch. alb. Rhalis ℥ij. Misceantur.

Vel ℞. Fol. Malvæ, Altheæ, Parietariæ, Saliæ an. Mj. Flor. Sambuci, Camomillæ an. Mij. Rosarum Rubr. Mj. Coq. in æq. part. aq. comm. & Vini albi Gallici ad ℥xxx. pro Fomento. Vel decoquantur Flores Sambuci in Lacte Dulci, vel Ebutyrato, & applicentur.

Vel fiat Sacculus interfusus ex Floribus Sambuci, isque in Aqua Florum Sambuci, tantillo Aceti Sambucini addito, madefactus iterumque leviter expressus calidè parti affectæ applicetur, & sæpius renovetur.

Vel dissolvatur Sapo Veneris in Aqua Pluviali, vel Florum Sambuci, atque isto lixivio imbuantur panni lanei mundi, qui dein fortissimè exprimantur, & parti affectæ calidi applicentur, ac identidem permutentur.

Sunt qui Stercus ovillum in vino aut aceto decoctum utantur.

Alii laudant Cretam pulverisatam ope chartæ emporicæ parti impositam.

Nonnulli Spiritum Vini, in quo Theriaca dissoluta est, linteis duplicatis aut quadruplicatis imponunt.

XII. Sed remediis hisce si Erysipelas curari nequeat quin potius exulceretur, hoc vel simile illinatur Unguentum.

℞. Troch. albor. Rhasis, Tutia præp. an. ʒi. Lithargyri ʒiʒ. Cerussæ ʒij. Flor. Sulphuris ʒj. Camphoræ ʒss. Olei Rosarum ʒij. Cera albæ q. s. Terantur diu, & exacte lævigentur in Mortario plumbeo, ac F. S. A. Unguentum.

XIII. Sin vero in Facie fuerit Erysipelas, nulla apponenda sunt Repellentia vel Adstringentia, ne quidem Resolventibus mixta; ne materia ad Oculos, Fauces, aliasve partes nobiles pellatur. Sed imponatur Sacculus interfectus ex Floribus Sambuci, in calida Aqua Florum Sambuci, addito Vino albo Gallico, madefactus, leviterque expressus, qui identidem renovetur. Vel calidè applicetur Sacculus, subtilissimâ Tritici vel Hordei Farina repletus.

XIV. Atqui cum Caput occupet Erysipelas, uti Mulieres aliquando experiuntur, nulla omnino humida sunt apponenda; sed lintea munda recenter lora, adeoque vapore Saponis perfusa, calida imponantur, sæpiusque permutentur. Vel calidè applicetur laudatus sacculus, subtilissimâ Tritici vel Hordei Farinâ repletus. Vel Lixivium fiat fortissimum ex Sapone Veneto cum Aqua Florum Sambuci; eò imbuantur lintea munda, quæ dein exsiccata, & calidè apposita, identidemque renovata, mirum in modum Ardentem illam in capitis partibus cutaneis Inflammationem discutiant, resolvuntque. *Joh. Munnick. Chirurgia lib. 1.*

Erysipelas recens quamcunque partem invaserit externa discutientia requirit moderata. Sanguis mens-truus in aceto rosaceo dissolutus & calidè applicatus subito solvit, præsertim si sudores quoque moveantur ex Bezoardico, cum simplici tum composito, vel solari vel lunari in aqua senecionis. Item ex mistura simplici in eodem vehiculo.

Sic decoctum Myrrhæ & Olibani in Vino & aceto calideque applicatum cito dissolvit.

Folia raphani sylvestris conquassatis fibris calidius-cule applicata fervorem sanguinis reprimunt.

Nonnullis aqua spermatis Ranarum, ad extinguendum ignem sacrum familiaris est, sed sæpe malo cum successu. Est nimirum nimis frigidum, hoc est, habet in sese Mercurium cum Saturnina quadam proprietate conjunctum. Itaque percipiens quidem est, sed subsequenter gravium symptomatum causa manifesta. Mortificantur exinde tum partes nervosæ tum venosæ. Ejus tamen particula cum decocto Myrrhæ & Olibani mista laudabilior est ad institutum.

Tibialia linea imbibita aquâ spermatis ranarum & vicissim exsiccata, subindeque eodem opere præparata, pedes & crura ab Erysipelate sæpius recurrente muniant & præservant.

Erysipelatis exulcerati curam vide apud Rulandum centuria 1. curatione 43. Hac curâ feliciter usus sum in mulierculis, (Nasturtium aquaticum singulare.) Item Erysipelatis phlegmonosi curat. 61. cent. 9. *Joh. Hari-mann. in Prax. Chimiatri.*

Febris Erysipelatosa.

Nullam non corporis partem, idque nullo non tempore incessit hic morbus, at præ reliquis faciem, exeunte præsertim æstate; quo tempore sæpe dum sub dio versatur, corripitur æger. Facies siquidem ex im-

provisio in tumorem attollitur, qui subito exoritur cum dolore ruboreque summis, denso minimarum pustularum ordine distinguitur, quæ auctâ magis inflammatione in vesiculas subinde facessunt: hinc per frontem ipsumque caput latius serpit, oculis interim tumoris magnitudine planè obrutis (rusticis *Sydera-tio* audit;) neque multum profectò abludit, nisi quod adsunt pustulæ, ab iis symptomatis quæ inflicta ab apum vesparumque aculeis comitantur vulnera. Hoc se habet modo ac vulgaris.

At verò quamcunque corporis partem hoc vitium obsederit, ut etiam quocunque anni tempore, rigor atque horror, nisi præcesserint (quod nonnunquam pridie, aut nudius-tertius solet contingere,) huic se inflammationi ut plurimum adjungunt, sitis insuper, inquietudo, ac reliqua Februm indicia. Procedente morbo, uti primùm Febris dolorem, tumorem, atque alia peperit symptomata, (quæ indies ingravescunt nonnunquam in *Gangrana* terminantur,) ita hæc invicem haud mediocrem ad Febris augmentum conferunt operam, donec remediis idoneis utraque restinguantur.

Est & alia hujusce morbi species, licet rarius occurrens: Hæc quolibet anni tempore invadit, idque hac ut plurimum *σφοδρασ*, quod scilicet eger vinorum subtilium magis magisque attenuantium potationi paulò liberalius indulerit, aut liquoris similis spirituosi. Febriculam, quæ agmen ducit, mox excipit pustularum per universum fere corpus eruptio; quæ urticarum puncturas referunt, & nonnunquam in vesiculas attolluntur, mox recedentes, tuberculorum more sub cute se condunt cum pruritu mordacissimo & vix tolerando. At quoties levissimam scalpturam subeunt, rursus apparent.

Curatio. Hic ego materiam peccantem sanguini permixtam ritè evacuandam, ejusdemque sanguinis ebullitionem remediis illum contemperantibus sufflammandam censeo; eam denique quæ jam partibus impacta est, materiam evocandam, discutiendamque.

Hæc ut fiant, ubi primùm accedo, satis largam sanguinis quantitatem è brachio extrahi præcipio, qui quidem Pleuriticorum sanguinem ferè semper emulatur. Die sequente blandam illam Potionem Catharticam mihi in Praxi familiarem exhibeo, & horâ somni (si paulò frequentius dejecerit æger) haustum aliquem Paregoricum è. Syr. de Meconio in Aq. flor. Paralyt. vel aliam ejusmodi. Peractâ Catharsi, partem affectam sequenti decocto foveri jubeo.

℞. Rad. Alth. & Lil. an. ʒij. fol. Malv. Sambuc. Verbas. an. M ij. flor. Melilot. summit. Hyper. & Centaur. min. an. Mj. Sem. Lini & Fœnugr. an. ʒss. Coq in f. q. aq. ad lb ij. coletur liquor & tempore usûs adde singulis libris decocti, Spîr. Vin. ʒij. Stuphæ è panno laneo levis texture hoc decocto immersæ ac expressæ, calide admoveantur parti bis in die, quæ post forum quotidie illinatur seq. mixtura.

℞. Spîr. Vin. lb ss. Theriac. Androm. ʒij. Pulv. Piperis longi, Caryophyll. an. ʒij. M. Charta Emporica hæc mixtura madefacta parti circumvolvatur.

Æger insuper ut jusculis tantum hordeaceis atque avenaceis, cum pomis assatis vescatur, volo; tum etiam cerevisiâ utatur tenuissimâ, & per horas aliquot singulis diebus à lecto sibi temperet. Hac methodo tum Febris; tum alia symptomata citissime ut plurimum fugantur. Sin aliter, rursus venam secos, quod & tertium nonnunquam fieri debet, interposito semper die uno, si prava nempe adsit sanguinis diathesis, & Febris intensior. Diebus à Venæsectione liberis Enema è Lacte cum Syr. Violaceo, & Julap. refrigerantia ex Aq. Nymph. &c. in Rheumatismi

curatione jam dictis, qualibet horâ diei usurpanda præscribo. Ut plurimum verò unica Venæsectio & subsequens Catharsis, si tempori adhibeantur, rem expediunt.

Quæ urticarum puncturas, cum pruritu, refert species pari modo est amolienda, nisi quòd hæc remediis ab extra applicandis minùs egeat.

Hic obiter dicam, quòd licet non solùm hic affectus de quo jam loquimur, sed & plerique eorum qui cutim impetunt, & eruptionem aliqualem comitem sibi adjungunt (modo Chronici ii sunt) facile huic methodo cedant, ac proinde sanguinis missione & Catharsi iteratis brevi se proripiant; eorum tamen aliqui viâ planè diversâ tractandi sunt, nec evacuationes modo dictæ quantumlibet repetitæ, nec pulveres testacei sanguini edulcorando destinati quiquam proficiunt; cùm recrementa quædam pravam diathesin adæpta intimiùs cuti impingantur, non nisi remediis quæ sanguini robur ac vim conciliant, proindeque cutis spiraculis deobstruendis apta nata sunt, ullatenus amovenda debellandaque: Cum successu itaque non vulgari sequentem methodum aggressus sum in Pruritu ferino, atque inveteratis id genus cutis eruptionibus. Ut

℞. Theriac. Andromach. ʒβ. electuar. de ovo ʒj. rad. serpent. Virgin. subtiliss. pulv. gr. xv. lapid. Bezoard. Oriental. gr. v. cum. f. q. syr. e Conditurâ Citri f. Bolus, sumendus mane & horâ somni per dies 21. superbibendo cochl. vi. seq. Julapii.

℥. Aq. Card. Benedict. ʒvi. Aq. epidem. & Theriacal. stillat. an. ʒij. Syr. Caryoph. ʒj. Mf. f. Julapium.

Singulis matutinis post assumptum medicamentum sudet horæ unius vel alterius spatio, vel potius pluribus stragulis quàm soleret coopertus in lectulo levi madori indulgeat per dictum tempus. His finitis si pustule adhuc non evanuerint, sequenti linimento partes affectæ inungantur.

℞. Unguent. ex oxylapatho. ʒij. Unguent. pomari ʒj. flor. sulphuris ʒiij. ol. Rhodii ʒβ. f. Liniment. Verumtamen medicamenta præscripta haud usurpentur, nisi Venæsectione atque catharsi solùm adhibita curationem non absolvunt, ægrum tamen contra febriem præmuniant, ob usum medicaminum calidiorum aliàs occurruram.

Est & alia Eruptionis species, etsi minùs frequens, ad cuius medelam nullæ prorsus evacuationes conferunt. Hæc tamen in aliis quandoque partibus, ut plurimum tamen in pectore apparet, loco aliquo determinato se figit, vix cutim supereminens, latiore maculam præ se ferens, nisi quòd aliquantulum porriginosa, ac quasi furfuracea, cum squamulis colore ad flavum vergente tinctis, cernitur. Hæc sive maculâ, sive impetigine vigente, eger bene se habet, eadem verò evanescente, ut sæpe fit, leviculam egritudinem patitur, aque urina ejus turbidior, & rubicundior, sed ad flavedinem accedens, redditur. In hujus etiam affectus curatione eadem via atque iisdem post evacuationes universales, plane remediis insistendum ac in Pruritu ferino modò dicto; ac proinde quòd non omitendum, vini, ut & carniū *εὐρέσιον* usus omnino concedendus, cùm refrigerantia omnia magis officiant quàm profint. Atque ita hæc postrema Eruptionis species curatur, quæ tamen aliquando non nisi Aquis Ferreis diu epotis cedit. *Thom. Sidenham de morb. acutis.*

Consultationes.

De Tumoribus Erypelatosis Crurum, & Pedum, cum Impedimento Motus. Pro Illustriss. & Excellentiss. Marchione Gonzaga.

Ex doctissimis sermonibus præstantissimi Viri com-

peritissimum sic Illustriss. & Excellent. Marchionem laborare tumore pedum, & genuum, qui se profert plurimum œdematis erysipelatodis facie quandoque, sed rarius, erysipelatis œdematodis, pro humore scil. vitioso redundante. Hernia insuper hydrocele testiculum dextrum, labefactatum fuisse, quæ nedum in præsentia detinuit omnino; cum testis affectus sinistro crassescat magis.

Qui tumores dubio procul ortum ducunt à materia heterogenea; cum magis, minusve promineant, ad exercitii modum validioris, aut remissi magis: & quidem serosa potius, quàm aliorum aliquo humorum, hoc indicio; quòd facili admodum negotio fluat, & refluat à parte affecta, nullumque partibus tunrefactis impressum digiti vestigium hæreat. Utrum autem à capite, vel à ventriculo profluat, cùm aliàs à nobis in dubium revocatum fuerit, quòd ab utraque parte manare possit, nedum in præsentia ea de re quicquam nobis constat, ut non inani conjectura censeamus, prædictos humores potissimum à cerebro promanare calido, & humido: quòd proinde facilè repletur; accedente tamen aliqua ventriculi labe; prout & jecoris fervorem prodidere antehac fluentes hæmorrhoides; Patienti Excellent. adolescenti quòd nunc luculentius palam facit erysipelas frequenter recurrens.

Affectus certè difficillimæ curationis, cùm ob inæqualem partium intemperiem, tum ob affectarum partium imbecillitatem. Sperare tamen juvat, fore ut remittant, ope remedium à Viro Excellentiss. præscriptorum.

Inhærens propterea & ego & prædictis intentionibus divertendæ fluxionis, evacuandæ materiæ, quæ fluxit, contemperandæ frigide ventriculi intemperiei usu calidorum, & calidæ jecoris, ac cerebri, refrigerantibus; non sine quibusdam caput exsiccantibus; commendo quam maximè universalem totius purgationem, eamque repetitam, simplicibus primò, & levioribus, mox generosioribus, cùm præparantibus, tum purgantibus.

Mittatur tamen primò sanguis ex jecoraria dextri brachii, mox & ex hæmorrhoidibus. Quòd si interim fluxio aliqua à capite conspicua fiat magis, de qua non levis vigeat suspicio, caput quoque peculiariter expurgandum erit, errhinis, & masticatoriis temperatis. Neque præter rem fuerit fonticulus sinistro brachio inustus, derivationis causâ à capite & revulsionis ab inferioribus partibus.

Inter Pharmaceutica dejectoria illa præferenda censeo, quæ serositates ducunt, hydragoga nuncupata. In quibus potissima sunt, manna electa, radix mechoacan; necnon pulvis ex hermodactylis; aliquot item grana quandoque diagrydii, cum flor. Cassiæ & hujusmodi. Alterantia, & digerentia omnia à Viro Excell. præscripta mihi videntur apprimè accommodata, & decoctum potissimum; paratum tamen ex salsa parilla, lentisco, ligni sancti cortice, visco quercino, & santalis; misso sassafras ligno, ob ejus in caput exhalationem; radice item chinæ, malæ notæ ut plurimum, & cariola. Quòd si in ventriculo evidens noxa deprehendatur, decoctum, parabitur cum columba turricola; alioquin sincerum, præmissa drachi. i. Terebinthinæ laricinæ, cum scrup. sem. ossium combustorum. Si verò dum utitur decocto, sudor manaverit in partibus inferioribus, cum pane siligineo à furno recenti linteis obvoluto, discutiet magis; misso vini usu tempore decocti; cujus loco parabitur mulsa dilutior, ex hordeo, & coriandro; atque pro cibo erunt nucleî pinei potius quàm amygd. dulces; quæ caput tentant magis. Extrinsecus utatur pulveribus capitalibus temperatis, ex cornu cervi, rosæ siccis, ossibus combustis, & pumice. Hepar inungatur unguent. santalino, cum succo cichorii; vel epithema eidem

eidem applicetur ex succo cichorii, cum modico absinthii succo; ventriculus verò oleo mastichino, de mentha & absinthite; superaddito etiam cerato ex mastiche, & tacamahaca. Ab his verò dum utetur pulvere viperino, à Viro Excell. præscripto, & à me summo opere commendato, cruta, & pedes roborentur lutis, & aquis Thermalibus; extrinsecus quinetiam adhibitis spongiis exsiccatæ aqua calida prius imbutis, & fortiter expressis; paratis calceamentis ex pelle canina, tanquam minus sequaci. In quorum tamen localium usu magna religione procedendum erit; cum experientia constet, Excell. Patientem à discutiendis deterius habere, invalescente pedum intumescencia.

Victus ratio sit à Viro Excell. præscripta, quæ constet ex alimentis exsiccantibus, & facilis coctionis; ac vino tenuis substantiæ, non admodum generoso; assumpto medicamento aliquo familiari, quò alvus laxior fiat, & biliosum serum aliorum humorum vehiculum educatur: in quem usum conferent pilul. ex Aloë lota succo ros. quarum ope sanguis quinetiam hæmorrhoidalis nunc cohibitus revocari poterit, non omittis localibus tumentis testiculo applicandis, in primis verò cerato oxelæo. Atque hæc potiora duxi, in salutem Illustriss. & Excell. Marchionis, quæ ut illi usui fiat salutis autorem Deum O. M. enixè precor. *Benedict. Silvatic. Consilior. & Respons. Medic. Cent. 3.*

Erysipelas in facie.

Juvenis 35. annum agens, temperamenti totius & jecoris, ad calidum & humidum vergentis, habitus mediocriter carnosus, comestationibus & computationibus indulgens; quatuor abhinc annis bis per annum, Erysipelate in facie corripitur, quod incipere solet à parte dextera faciei circa nares, indeque ad totum caput se diffundere; cum levi intumescencia, calore insigni, & potius rubore quam flavitie, quod mali genus ipsius quoque Genitor pari solebat. Quoniam autem veris tempore, & ineunte Autumno invadere solet hujusmodi affectio, quæ repetita sanguinis missione, & alterantibus hucusque curata fuit, non tamen sine vitæ discrimine, quia febris acutissima eandem comitatur, & quandoque ad fauces quoque propagetur, ideo hoc Mense Martio, & in posterum, de agendis pro præservacione consulit.

Hujusce affectus per intervalla periodica recurrentis, & hunc Juvenem Nobil. molestantis idea jam notissima est, Erysipelas enim nuncupatur, quod licet vix ad auctam magnitudinem referri soleat, cum corporis potius superficiem, quam intimas partes occupare soleat, attamen quoniam rarissimè datur legitimum Erysipelas, à sincera flava bile productum, ideo Phlegmonosum hoc propriè appellabimus, quod à sanguine bilioso, ut ferè semper, ortum trahit, cujus causa familiare esse solet trigesimo usque ad quadragimum annum, quibus sanguis pletumque abundat, ideo color ejus, cum calore, rubens sive rubicundus observatur, qui roseus dicitur, redundantis sanguinis indicio, cujus effluxus atque proventus facilis in hoc Juvene semper fuit, temperamento calido & humido prædito, & meracioribus computationibus dedito, unde biliosior simul & copiosior genitus, venarum facultatem irritat, ad sui in partem hereditario jure imbecillem, expulsionem, potissimum Veris tempore, quo humores a centro ad corporis peripheriam moveri solent, Autumno ineunte, cum ab ambiente cutis meatus densantur, universa diaphoresis imminuitur, & humores per expressionem, utpote calidi, sursum in caput feruntur, & facilius obsident nares genamque dexteram à directo jecoris, partes scil. quæ

facile tenuissimo sanguine suffunduntur, utpote cæteris molliores atque imbecilliores, à quo inflammantur, & in tumorem elevantur, unde phlegmonosum Erysipelas constituitur, quod necessariò febris acuta, ut symptoma consequitur.

Affectus equidem non spernendus, nam ex levi aliquo errore, aut externa occasione lethalis evadere posset, si ab extra ad intra retrocedat humor, unde Phrenitides nonnunquam succedunt, quandoque etiam Anginæ, quandoque pariter suppurant, ut propterea summa cum ratione egregius hic Juvenis à nobis præservacionem postulet, cum melius sit prævenire quam præviniri. Quod si non statim adeo præservativis remediis arceri possit affectio, ejusdem quoque præsentis curationem exposcit.

Pro præservacione autem intentiones Medicæ erunt, redundantem sanguinem imminuere, ejusdem vitium corrigere, regenerationem inhibere, & partem affectam roborare. Quibus omnibus satisfaciendum partim Mense morbi accessionem præcedente, partim post.

Fontem Chirurgicum spectantia locum habent paucis diebus ante accessionem, sanguis enim omnino educendus, quia vitium in eo est, peccat enim quantitate, ut multus, qualitate, ut acris & biliosus, & motu, quatenus ruit in caput, & ideo aperienda saphena pedis, præcedente tamen hac prima vice Jecorariæ dexteræ sectione. In usum etiam duci debent quotidianæ pedum lotiones aqua calente.

Ex Pharmaceutico reliqua sunt depromenda medica auxilia. Et primò Lenientia erunt, Syr. Ros. sol. cum portione Manna clarif. vel Cassia cum Tart. Præparans esse poterit decoct. Cich. Borrag. End. Acer. Viol. Sonchi, cui præmittat Julap. Acet. ad ʒj. s. Repetatur deinde præscriptum leniens, addita infus. consuetæ Rhabarb. drachma. Inde ad ulteriora præparantia erit progrediendum. Decoct. scil. Cich. End. Acet. Sonchi, Viol. Hepat. Portul. præmittendo Julap. Ros. & Viol. ad ʒij. Præparati humores sunt expurgandi. Rhab. potissimum, cujus ʒij. in Aq. End. infundantur, cum ʒj. Myrob. Citrin. Infus. addendo Syr. Ros. sol. vel præbeat Elect. de succo Ros. ad ʒiij. cum Flor. Cass. quibus superbibat Seri depur. Capr. aut Asin. ʒb ij.

Hæc sequuta humorum biliosorum expurgacione, calida jecoris & venarum intemperies corrigenda venit, in quem finem Aq. Acidulæ ferreæ erunt omnino usurpandæ. Verum quoniam nonnisi sub Cane perficiuntur & assumuntur, ideo interim in usum ducat Aq. stillatitias ad ʒj. de Succo Cich. vel Acer. End. & Cucurb. Anguriæ quoque aqua utebatur Avic. & Arabes, cum Syr. de Acido Cit. & de Succo Lim. ut tandem ad Acidulas, vel Calderianas in Agro Veronensi, vel B. Virginis in Patavino se conferat, 15. aut 20. diebus assumendas. Familiarem inde habeat. Ros. Conf. & 15. aut 20. diebus autumnalem accessionem præmissa Leniente, ex saphena dextera patiter sanguinem sibi mitti permittat, & jam dictis alterantibus suavioribus utatur. Tandem pro partis roboracione, facies matutino tempore abluatur Aqu. chalybeata, interdum madefiant genæ Aqu. Rosar. Hæcque abundè.

A fonte Diæretico magna ex parte pendet hujus affectus præservatio. Etenim primò, nec igitur, nec radiis solaribus caput diutius exponere debet. Secundò computationes evitandæ, merique potus, etiam in mensa, à cibis calefacientibus ac vaporosis abstinendum, à condimentis Aromaticum, Allii, Caparum, & hujusmodi. Somnus diurnus vitandus, vel sit brevis saltem, & capite elato. Exercitium probatur, sed ante cibum. Et semel per mensem assumere poterit ʒj. Pilul. de Trib. cum Rhab. sub cœnam, & in cœna ptisanam hordeæ

hordeac. Alacriter vivat, & intensas applicationes vitet. Quod si jam dictis non obstantibus recurrat affectus, eadem purgatio erit anno proximè futuro peragenda, ut mali radices omnino evelli & extirpari possint.

Erysipelas vero rursus invadens curandum erit ut aliàs, melius enim est, dicebat Avic. Medicamentum expertum non experto. Nihilominus, ut Patienti morem geram, nonnulla peculiararia attingam, quæ in curando Erysipelate Medentibus dubium afferre solent.

Et primo Medicæ intentiones esse solent, humorem ad partem affectam fluentem revellere. Secundo repellere. Tertio eundem expurgare. Et tandem partem roborare.

Quibus explendis, de sanguinis missione dubitari solet, cum Gal. in curatione Erysipelatis, necessariam non esse dixerit. Verum primò sanguinis missionem non reprobavit, sed præterea omitti posse censet in Erysipelate exquisito, quod rarissimè datur. In nostro autem casu de hoc dubitari non potest, siquidem phlegmonosum est, & præterea in capite, quo casu, Celsus & Paulus sanguinem educebant, & ideo sanguis iterum atque iterum ex inferioribus & superioribus venis adducendus, & reliqua omnia genera revulsionum administranda, scilicet pedum lotiones, frictiones, & cucurbitulæ.

Extrinsècus repellentia admoveri solent, quæ tamen cautè valde capiti sunt apponenda. Sufficiant igitur lintea Aq. Ros. tepida imbuta, vel succo sempervivi, qui & repellendi & quodammodo etiam digerendi facultatem obtinet, ab oleosis vero & pinguibus omnino abstinendum, ut quæ partis fervore excalefacta magis inflammare possint. Ab his autem repellentibus tertio aut ad summum quarto die abstinendum, nec quicquam aliud curiosè agendum, sed circa septimam lintea apponantur Aqua, in qua sapo noster Venetus dissolutus fuerit, imbuta.

Interim sanguine prima vice evacuato, post injectum clysterem, medicamentum evacuans est exhibendum, quod esse poterit, Syr. Ros. sol. cum decoct. Pulp. Tamarind. vel Flos Cass. cum eadem pulpa, à quibus bibenda præbeatur Aq. Nocer. ad ℥ ij. & inde usque ad declinationem Clysteribus utendum. Postea alterantia in usum quotidianum revocanda, ex Aq. still. Acer. End. quinimò & Plantag. parata addito Syr. de Succo Lim. & de Acido Cit. Et licet videatur Gal. purgationem electivam approbare, ad hanc tamen valdè cautè deveniendum est, nonnisi in declinatione, ne agitentur humores & in affectam partem irruant. Quare post septimam præberi potest Elect. de Succo Ros. cum Cass. & ab ea serum, aut Aq. Nocer. ad libras.

Et his omnibus congrua addenda victus ratio, in casu nostro tenuis, non autem adeo ut in exquisito Erysipelate, sit autem incrassans, verbo, sufficiat prisana hordeac. vel Lactuca, aut Cucurbita in jure cocta, cui prope septimam Ovum recens addi potest, conceduntur poma & pyra cocta, & cibum claudat Conf. Ros. Pro potu autem hauriatur Aq. stillat. Acer. aut Hordeac. Quibus addendum, quod nil perniciosius esse possit quàm faciem aëri frigido, aut ventis exponere. Quæ pro curatione sufficiant. *Raym. Johan. Forstis Consult. & Respons. Medicin. Tom. I. Cent. 1.*

Puella duodécim annorum, jam à tribus annis, circa mensem Majum, incidit in totius faciei tumorem subrubicundum, oculos pene cludentem. Adest calor & pruritus magnus. Pulsus etiam est justo celerior; appetitus est prostratus; & plus solito sitit.

Afficitur in hac puella facies, ut ad oculum est manifestum: uti & cor, quod pulsus justo celerior; item ventriculus & œsophagus, quod sitis, & appetitus prostratus indicant.

Morbus, qui eam affligit, est tumor faciei, ex bilioso sanguine ortus, qui calorem immoderatum, & pruritus, ac colorem subrubicundum in facie inducens, Erysipelas faciei phlegmonodes appellari solet.

Causa antecedens hujus morbi est sanguis biliosus, ex temperamento sanguineo & diætâ forsân calidiore, tanquam è causâ procatarctica, in toto hujus puellæ corpore, singulis annis genitus. Pars vero ejus circa mensem Majum, ob aeris caliditatem, in corde effervescens, inducit pulsus justo celerior; ad ventriculum vero & œsophagum delata, ibique œsophagum nimium exsiccando, succumque acrem ventriculi, famem excitare solitum, copia sua & qualitate biliosa perfundendo, sitim & appetitus prostrationem excitat: ad faciem vero à corde propulsa, ibique poros vasorum aperiens, & se in cutim vicinasque partes magna quantitate effundens, vehementiusque, ob ulteriorem corruptelam sive putredinem supervenientem, incallescens, ibidem tumoris, ruboris, pruritus, & caloris faciei, causa continens existit.

Metus est, ne hic affectus erysipelas exulceratum faciei, vel, si humor hic ad cerebrum vel alias nobiliores partes feratur, ne inflammationem cerebri, vel pulmonum, vel pleuræ inducat. Diligenti itaque hic morbus erit impugnandus Curatione; quæ in causæ procatarctice, antecedentis, & continentis, item intemperiei, & tumoris ablatione, consistet.

Atque ideo primò tale exhibeatur purgans:

℥. Syr. ros. sol. cum sol. fennæ ℥j. Cremor. tartari ℥j. Scammonii gr. x. Aq. cichor. ℥ ij. Misce, fiat Haustus brevis, mane exhibendus.

Toti faciei deinde imponantur lintea sequenti liquore tepido imbuta, sæpiusque, ubi exsiccata fuerint, renovetur imbutio & applicatio:

℥. Aq. plantag. rosar. an. ℥iv. Lapidis alchymiae ℥j. Misce.

Vel ℥. Aq. flor. sambuci ℥x. Sperm. ranar. ℥v. Spiritus vini opt. ℥vj. Misce.

Si palpebræ oculorum valde etiam intumescant, iis imponantur lintea, solâ aquâ ros. & plantag. tepidâ madefacta.

Ad præcavendum, ne sub sequentem Majum rursus recidivam patiatur, mense Aprili semel atque iterum purgetur, & utatur diætâ tenuiore, & refrigerante. *Henric. Regius apud Theod. Craanen Medication. lib. 4.*

Observationes.

Rusticus quidem Erysipelate phlegmonode in sinistra manu laborans, ex tensoris consilio per aliquot dies manum & brachium oleo rosac. inunxit: unde dolores, inflammatio, aliaque symptomata magis magisque ingravescebant; ita ut tandem gangræna correpta sit tota manus, is cum ad me accessisset, scarificatione aliisque remediis quæ ad gangræne curationem spectant, curatus fuit. Ex quibus perspicuum est, olem maxime inflammationibus adversari. *Guil. Fabrit. Hildan. obs. 82. cent. 2.*

Quidam Erysipelas in seipso & aliis plurimis curavit secreto præstantissimo, quod sic habet, accipiebat folia & ramusculos Sabinæ & in pulverem crassiusculum redactis quodidie ter suffiebat membrum affectum. Si verò exulceratio adjuncta esset, ceram virgineam in aqua calida manibus tractatam, emplastri modo, solam imponebat. *Hieron. Reusnerus. obs. 124.*

Erysipelas cruris

Domino Kelfken, urbis Noviomagi Consuli, dextrum crus erysipelate correptum fuit, cui malo sæpius etiam

etiam antea obnoxius esse consueverat. Sexagenarius erat, & corpore valde cacochoymo. Erysipelati, ex more vulgi, ipsemet imposuerat linthea intincta in aceto & aqua florum sambuci, quibus erysipelas aliquantum quidem minuebatur, sed vesiculæ quædam hic illic excitatæ fuerunt, quales etiam antea ab hujus aceti & aquæ usu sæpius habuerat: his acu pertusis imposuerat folium tabaci viridis (quo præcedentes vesiculas semper curaverat) quod cum per tres quatuorve dies applicatum fuisset, ab acrimonia humorum effluentium cutis magis magisque exulcerata fuit, ac in medio particula quædam nigra & gangrænosæ apparuit, quæ visa, æger sibi metuens, Chirurgum accersiri iussit. Hic particulam istam gangrænosam in sola cute facile excidit, & variis emplastris impositis solutionem sanare conatus fuit, toti cruri propter erysipelas inungens unguentum refrigerans Galeni. Atque isto modo æger per sex septimanas tractatus est. Tandem cum variis & sæpe mutatis emplastris ac unguentis nihil omnino proficeretur, sed malum in dies accresceret, mense Junio etiam ego ad curationem advocatus fui. Animadverti egrum multis aquosis ac pituitosis humoribus abundare, qui salsi ad crus descendentes hujusmodi continuam exulcerationem inducebat: hinc etiam alvum humidam & liberam, imò quatuor vel quinque secessus quotidie habebat. Appetitus mediocris erat: sed à medicamentis tantopere abhorrebat, ut nihil, nisi extrema urgente necessitate, per os assumere veller. Inspecto crure, comperi emplastra in causa fuisse quod vicinæ partes exulcerarentur, cum enim ob pinguedinem & densitatem humores acres & salfos effluentes in se retinere vel exfugere non possent, illos ad circumvicinas partes effluere necesse erat, quæ ab eorum acrimonia exedebantur. Proinde crus illud cataplasmatibus curare præstabilius mihi visum fuit, quæ ob mollitiem humores effluentes imbibere ac in se continere, partemque exsiccare possent. In hunc finem sequens cataplasma absque ulla pinguedine præscripsi.

℞. Corticum granatorum, flor. balaustiorum, an. ℥ss. foliorum quercus, plantaginis, agrimonie, faniculæ, an. m. ij. pimpinellæ, flor. rosarum rub. an. m. j. aquæ communis lb. iv. coquantur ad medias.

℞. Foliorum quercus m. iv. agrimonie, plantaginis, an. m. ss. pulveriscentur simul, tunc adde farinæ fabarum ℥ij. decocti prædicti q. s. coquantur aliquantum, & fiat cataplasma.

Hoc postea aliquoties reiterato, ulcus omnino sanatum fuit. Circiter tertio post sanationem mense, rursus nova defluxio ad crus descendit, magnum ulcus erysipelatodes inducens. Præter unicum haustum purgantem, & unum decoctum ex radicibus chinæ, falsèparillæ, & similibus, nullum aliud medicamentum assumere voluit. Impositum fuit antedictum cataplasma, quo res ad tempus bene successit: tandem verò nova rursus accedente defluxione cum magno erysipelate, dolores valde accreverunt, ulcus multum extendebatur, ac paulo post etiam gangræna partem invasit, & in cruris exteriori latere particula gangrænosæ nigricans, latitudinis daleri imperialis, conspiciebatur. Chirurgus vino tepido partem affectam aliquantum abluit, ac postea unguento mundificativo ex apio inunxit, & prædictum cataplasma superposuit; atque his aliquot diebus continuatis, gangrænosæ particule tandem exciderunt. Tunc ulcere prius mundato, solum cataplasma impositum est. Interea ad humorum descendendum commodiorem evacuationem, libenter fonticulum in suræ exteriori parte fecissem, verum illud permittere noluit æger. Mense Martio ulceribus jam sanatis rursus nova accessit acris defluxio

cum erysipelate, hinc ab utroque cruris latere novum ulcus latitudinis palmæ manus excitatum fuit. Cataplasma impositum nihil profuit, vires cum appetitu dejectæ sunt, & æger adeo debilis evasit, ut amplius incedere non posset. Paulo post gangræna ad palmæ latitudinem subito accessit, æger periclitari nobis visus fuit, tam propter cacochoymiam corporis, quam propter magnam virium debilitatem. Ulceribus gangrænosæ inunctam fuit unguentum mundificativum ex apio, & cataplasma superpositum; si spiritus vini admooveretur, tantus excitabatur dolor, ut illum protinus abjicere necesse foret. Tunc fonticulum in sura fieri permisit æger, quem sectione novaculæ libenter fecissem, verum cum inde nimis abhorreret, cauterium potentiale, holosericum Paræi, impositum fuit; quod sine ullo dolore operationem brevi peregit. Post tres quatuorve dies gangræna in ulcere multum adaucta est, atque etiam invasit locum illum cui cauterium imposueramus, unde eschæra nondum exciderat. Hunc proinde locum cauterisatum ad canem usque vivam scarificavit Chirurgus, ut eschæra citius separaretur, cujus etiam frustula quædam excidit. Sequentibus tribus diebus gangræna magis magisque accrevit ita, ut in loco fonticuli carnis emortuæ pars magnitudinis daleris imperialis, & profunditatis latitudinis pollicis, excindenda foret. Postridie gangrænosæ partes fœtebant instar cadaveris putrescentis, tanto fœtore quem vis quispiam adstantium ferre poterat, & gangræna continuo crescebat. Ut mortificationi ac putrefactioni resisteretur, partes infectas abluimus cum spiritu vini in quo sal commune dissolveramus, & petias eodem liquore madefactas imposuimus, ulcusque ter de die religavimus, quo medio fœtor fere totus intra sesquidiem recessit. Deinde ut gangrænosæ & emortuæ partes à vicinis per suppurationem citius separarentur, & sanæ à corruptela præservarentur, balsamum nostrum Magistrale impositum fuit, quod putredini potenter resistebat, & suppurationem egregie promovebat: atque ita partes gangrænosæ paulatim ceperunt excidere; quibus ablatis, per aliquot dies impositum fuit unguentum digestivum, ac tandem rursus solum cataplasma, quo ulcera progressu temporis, sed admodum lentè, sanata sunt, humoribus postmodum per fonticulum effluentibus. Hoc egro, qui ab omnibus pro desperato habebatur, præter multorum opinionem, sanato, magnum nobis honorem conciliavimus. *Isbrand. de Diemerbroëk in Observat. & Curation. Medic.*

Erysipelas tibia cum œdemate cauteriò in ipsâ parte affecta, ex parte curatur.

Vir Amplissimus, Senator Bernensis, *ἐνδοκρῆς*, καὶ *ὑποπλάγης*, abdominis ampli, validus, ac robustus, florentis ætatis, erysipelate affligebatur in tibiâ sinistrâ, cui succedebat œdema. Medicamenta adhibebant convenientia erysipelati; sed tandem succedebat ulcusculum in parte inferiore tibiæ materiam serosam fundens; cujus influxui ut irem obviam, de cauteriò potentiâ infra genu applicandò cogitavi, quæ operatio successum ex animi sententiâ assequebatur optatum, erysipelasque longè minùs frequens infestabat tibiam. Verum cum Celeberrimus Dnus Wepferus Bernam accessisset, Amplissimumque D. Senatorem inviseret consilium pro erysipelate exoptatum ipsi erogaturus, suavit ut cauterium in alteram tibiâ transferretur, primumque occluderetur. Sed ab eâ occlusionem frequens rediit erysipelas, ulcusque renovabatur: mutatâ igitur rerum vice, pristinum referare satagi cauterium; à quò iterum effluebat materiæ permultum, retardabantur erysipelatis

erysipelatis invasiones, ulcusque sanabatur, cauteriumque in tibiâ dextrâ à prælaudatô D. Wepferô inustum claudabatur, inde per multos annos sanitate gaudens Vir Amplissimus, incedebat pede firmô, donec per hyemem rigentissimam, ac nivôsâ properans ad Senatum, ingruente fortè fortitô erysipelate, intrôque repulsô ab ambiente frigore viâ intercapedine ab ædibus ad Curiam, ad hujus ingressum vehementer perhorrescebat: appropinquabatur idè ad hypocaustum, cui admovebat lumbos, ubi potissimum frigus persentiebat, ac simul dolorem atrocissimum. Domum inde reversus Vir Amplissimus febre corripiebatur protinûs acutâ. Accersiti Medici haud inter se de morbi idea convenientes, apozema nescio quale laxans, aut purgans pro tribus aut quatuor dosibus infaultis præscripserunt avibus, nam quartô ad quintum vergente die è vivis excedebat Vir Perillustris, cum deliriis leviusculis & lipothymiis, remittentibus tamen tum, ut adstantibus apparebat, & febre, & renum doloribus. Illud autem morbi genus, me iudice, non aliud fuit quàm Erysipelas percussum, ad renes translatum, quorum inflammationi successit gangræna quæ virum tam robustum paucos intrâ dies enecuit. *Ex communicatione amica Clariss. Viri D. Antonii Drelincurtii Rerumpublicarum Bernensis et Eriburgensis Archiatři Extraordinarii.*

De Erysipelate raro, Fonticuli naturalis additamento.

Exemplum ejusmodi fonticuli, de quo historia prægressa, seu potius scaturiginis cujusdam sine alveo fonticuli, producam, ut simul erysipelatis tam miri quàm rari fieri possit mentio.

In summitate interstitii, quod est inter digitos pedis sinistri majores, à multis annis ipsemet sensi, sed sine tristi sensu, exsudationem quandam, modò humidam feri vel saniei, modò siccam squamularum vel crustularum, quæ sæpè & facile separabiles.

Aliquando peregrè vocatus, post cœnam finitam appuli, apponebatur serius venienti cyprinus, qui salis & elixationis defectu palato conciliabat nauseam: vitium hoc non satis poterat corrigi vino, quia villo. Lecti ingressum comitabatur horror, hinc curiosè plūmis sepultus dormiebam more solito. Somnus profundior exonerabat massam sanguineam sero per sudorem copiosissimum.

Evigilanti horè matutinæ Bubonis rudimentum ostendebant in inguine, & amaritiem ex bile in palato, & dolorem quendam totius pedis gravativum, inprimis autem in interstitio digitorum pedis superius dicto extensivum.

A meridie domuitionem urgebam & expediebam, quo factò tandem radium seu striam *ερσιπιδαιωδης* digitos duos latam, æquali latitudine & rubore, à biibone usque ad digitorum pedis scaturiginem extensam vidi. Hæc setum consueto copiosius fundebat per aliquot dies, & mox à principio cum insigni levamine.

Ενεσις ejusmodi, tanquam summum prophylacticum, optanda esset Podagricis: sed cùm beneficium hoc naturæ sit rarissimum, an non excretiones artificiales hîc locorum querendæ?

Assentiri videtur Sennertus de arthrit. c. 7. qui & venæ sectionem & cucurbitulas ad pollices pedum laudat rationibus & experientia. Salmuth. cent. 3. obs. 46. commendat suo & aliorum exemplo scarificationes menstruas pollicum pedis circa radices unguium.

Contradictor accertimus est Crato Epist. 152. ad Thom. Jordanum. Dissensiones aliorum Medicorum in scenam non produco. Et affirmantibus & Neganti-

bus non desunt rationes sat prægnantes. Arbitram optimam judicare esse experientiam, quæ tamen fallax & non rarò periculosa. Si quid statuendum; concludo, Artem utut Naturæ ministram & sumiam, rarò tam esse felicem in excretionibus materiæ morbificæ sollicitandis, ac Naturam: & excretiones naturales ut plurimum esse placidas & criticas, artificiales contra violentas & quodammodo symptomaticas. *Sigismundi Grassii.*

De Zona sive Ζώνη Erysipelatis specie, ejusque curatione.

Marcus Aurelius Severinus Philosophus & Medicus celebratissimus lib. de recondita abscessuum natura 4. de novissime observatis abscessibus cap. 9. §. 11. p. m. 194. de Zona Herpetis, sive ignis sacri specie, ita scribit. Zonam quidem ad hoc tempus nemo tradidit, à se observatam; usque adeò, ut veram ejusdem formam ipse, qui vidisset, testificari ceteris posset. Rarissimus sanè affectus hic esse videtur: Nam ex Veteribus, præter Scribonium, Apuleium, Marcel. & Plin. nemo ejus meminit Joan. Langius Epist. Med. l. 1. Epist. 32. sub alterius cujusdam Erysipelatis & quidem perniciosi specie, quæ merito à cingulo Ζώνη appellatur, eundem depingit, & binis exemplis demonstrat. Henr. Smetius Miscell. Medic. lib. 10. ubi rariorum aliquot morborum & Symptomatum Observation. recenset. p. m. 538. sequentibus verbis eum describit. Filiolus civis Francodolensis febricitabat, & Erysipelate corripiebatur, quod totum pectus cum dorso toto occupabat. Inde deorsum per totum abdomen & femora ad genua usque, sursum verò per collum, in faciem & brachia ad cubitos usque sese exporrigebat. Den rooden Umloop vocant Flandri, Supra citatus M. Aur. Severinus loco prædicto p. m. 196. talem Zonæ modum & formam observavit, verba hîc transcripsimus: *Sæpius hac visa posteriore thorace, & secundum superiores lumbos circinata: Quam in Societatis Jesu Sacerdote Sacrarum Collegii adium vidi cum Mario Schipano diligentissimo rerum istarum Observatore: Alteram cum Francisco Nola Medico satis industrio curavi Mario Canello Sacerdoti integerrim. In palma similiter cujusdam Sutoris calceolarij, qui Syphilide fuerat affectus, luculenta nuper fuit observata cum primis Zona; Qui primum dolorem acrem in pectore perpeffus fuerat. Itemque alia pleraque se obtulerunt in valetudinario morbis incurabilibus dicato: Quas omnes explicare longum esset. Hæc Severinus.* Huc etiam referri possunt Maculæ Volaticæ Infantium, Germanicè *der Flug*. dictæ, quas describit Sennertus Pract. Medic. lib. 5. Part. 3. Sect. 1. c. 6. & Melchior Sebizius Manualis sive Speculi Medic. Pract. part. 6. cap. 32. sub titulo Volaticæ. Autotibus hisce inter se collatis apparet, affectum hunc quem singuli describere, unum eundemque esse, proindeque ad Erysipelas referendum: est enim (ut verbis Sebizi citato loco p. m. 1828. utar) utriusque eadem natura atque essentia, unaque causa & una curandi ratio. Discrimen in eo solum consistere videtur, quòd Erysipelas in uno loco plerumque persistat: in Volatica autem seu Zona, rubor priorem locum deferat, ulterius tamen progrediatur, locaque vicina invadat. Deinde quòd sanguis Volaticæ sit calidior, subtilior, & forsitan etiam malignior, quàm Erysipelatis vulgaris; Quo fit ut hîc inde vagetur: & quia sanguis illius acrior est atque mordacior, expultricem partium facultatem irritat, ut non in loco permanere nequeat. Quæ tamen omnia ratione naturarum & ætatum, temporum & locorū sæpissimè variant. Mihi, ut ingenuè fatear, in praxi Medica per Dei gratiam spatio viginti annorum continue occupato,

dignis Autoribus superius descripsimus, (sive Zona, vel *ζώνη* sive Volarica vocetur) tantum bis curandum obtrigit. Primum hoc affectu correptum Vidi A. 1667. Spectabilem p. m. Andream Scidler Jurisconsultum doctissimum & Scabinum Thorunensem Suburbanum dignissimum, quinquaginta sex annos natum, unâ Cancrum ulceratum in dorso foventem, quem dicti Anni, Mensis Septembris die vigesima quinta febris adorta, usque ad tertiam Octobris continuè exercebat, tumor autem Erysipelatodes, incipiendo à scapulis, superiore pectoris parte ad collum serpebat, postea faciem totam & caput occupabat, cum summo dolore, fervore & cordis angustia, ut neque cibum capere, nec somno indulgere potuerit: Sed adhibitis tandem interne Medicamentis partim alterantibus, partim expulsiuis & Bezoarticis: externè verò tumori applicatis linteamentibus, aquis plantaginis & rosarum, cum pauxillo croci tepide madefcentibus, pedetentim circa nonum diem & tumor & rubedo disparere cœperant, donec undecima morbi die, deciditibus simul capillis planè evanescerent. An. dein 1668. die 4. Novemb. eodem morbo affectam observavi puellam septennem, Christinam, plurimum Reverendi Viri Simonis Weissii Ecclesiastæ Mariani Vigilantissimi & Professoris Gymnasii Clarissimi, Compatriis mei admodum colendi, Filiolum: cui malum similiter totum pectus & dorsum ad collum usque cinxerat: hæcque partes paulatim deferendo, ad faciem & caput ascenderat, propinatis autem remediis idoneis, ut in priore casu, denique cum totali pilorum capitis deflavio evanuerat. Refert quidem ex aliorum mente loco supra allegato *Sennertus*, qui affectum hunc se nunquam vidisse testatur; Si maculæ illæ orificium aliquod, os puta, nares, oculos, aures attigerint, & eo usque penetrarint, malum lethale fieri, ideoque ad præcautionem orificia dicta aquâ rosarum cum pauxillo croci mixto illinenda suadet: Verùm nos tale quid animadvertere hand potuimus, sed licet tumor ille totam faciem, labia, nares, oculos & aures, in prædicto utroque casu plene occupavit, morbi tamen latum eventum subsequutum videmus. *Simonis Schultzeii*.

Erysipelas ζώνη.

Inter plura Ignis sacri genera *ζώνη* numerat Plinius N. lib. 26. cap. 11. qui medi in hominem ambiens si cinxerit eum enecat, quo Marchionem Brandenburgensem in Oneslbachio interiisse, Principem verò Palatinum Otthenricum correptum, sanitati à se restitutum refert Langius lib. 1. epist. 32. Corripiebatur eodem honesta Matrona Hildesici Spanmanni Jurium Practici vidua, quod cum præ pudore dissimularet, & tibiam saltem eodem igne inflammata & exulcerata Chirurgus tractandam exhiberet, accidit ut altero illo subito invalescente, & in gangrenam desinente, ægrâ præter spem placide exspiraret, paulò ante mortem & superioris illius inspicendi copiam faciens, deprehendi a. illud inferiorem ventrem tam accurate circumdedit ut cingulum fuscum palmam latum examussim referret. *Joan. Henr. Brechsfeld*.

Ancillam vetulam quandam habui quinquagenariam, Norimbergæ adhuc commorans, quæ triduum dia noctuque inquieta de molestia cum cardialgia circa præcordia quæritans, denique sensit sub præcordiis prope stomachum circumcirca ad latitudinem manus, cinguli instar, pustulas parvas lucidas, cum cutis inflammatione acri prorepere, sed assumpto cathartico leni, & sudoriferis cum cordialibus ac alexiteriis mistis, externe quoque se fomentis modicè refrigeranti-

bus sæpius tepide detergens, & ponte deliccari permittens, intra sexiduum relevavit ea, à tam molesto & periculoso affectu liberata. *Joan. Helwigii*.

ESSE RE Vid. *Pityriasis*.

EXANTHEMATA.

EXanthemata Scorbutica, quorum hinc inde facta mentio, hisce imprimis tetris tam vulgaria sunt atque obvia, ut nemo facile periculum inde ominetur, atque etiam non advocato Medico lubens ea toleret; verùm alia ista, quæ inter morbos exsurgunt corporisque superficiem descendant, magnum statim spectantibus, imprimis fœminis, terrorem incutunt & nescio quid sinistra alere videntur. Atque hinc nulla est mora, quin ad eorum conspectum Medicus protinus accersatur, qui de iis sententiam ferat dubitantibusque metum eximat. Est febris quædam species, Purpura dicta, quæ variis sese maculis & ipsa exferit, nunc pallidioribus, nunc rubicundioribus, tandem etiam nigris; hanc, sive quod Scorbutici falsis ille tractus sit, seu quod intestino & proprio veneno exurgat, malignam esse & periculosam omnino sum pertuasus. Levior autem est species minusque habet discriminis, quam Galli febrem Scarlatinam vocant; hæc fermentationis paulò vehementioris materiamque in cutem evomeris progenies est & ex facili dissipatur. At ego alia quoque exanthemata crumpere vidi, quæ cum istis quidem comparari minimè possint, omni periculo vacua, certè ludicro spectaculo quàm symptomati affiniora. Et primo quidem in duobus ex pectore vulneratis, uni quidem post vomitum ebullitionemque sanguinis, alteri post spata detenta ruborem toto corpore verecundum illum & planè cermelinum efflorescisse vidi, finito intra quatuor horas cum colore leviori paroxysmo. An fortè de eo intelligi debeat Hippocrat. illud in Coacis? *ὅτι ἀλμπρώδεια πίνετα, καὶ βίης ἐπιφύεται, ταῖς ἐοίσιν ὅπως ἐρυσθάνεται*. Alii, & ipsi Asthmatico, Servo à pedibus, cutis tribus quidem diebus continuus elegantissimo rubore perfundebatur tota, periculum metuentibus, qui aderant, omnibus: at verò cum singulis paroxysmis; qui quotidie redibant, remittebat quoque color. Fœminam Nobilem ex febre Tertianâ cum vomitu laborantem iterum cum Paroxysmo invaserant hæc universo corpore maculæ, sed cum uno alteroque paroxysmo etiam ipsæ desiciebant. Magna interim familiarium & domesticorum sollicitudo in corpore obesissimo jam Morbillorum, jam Malignitatis suspicionem moverat; at subita febris ruborisque remissio metum omnem eximere. Virgo venustissima, quæ elapsa hyeme cum Quartana conflictata erat, ad intempestivas mendici male morati preces percussa recidivam ineunte vete sensit, sed quam trës ex ordine Paroxysmi finirent; hanc & ipsam cum primo insultu paulo post terrorem color incessabat toto corpore eleganter roseus inque maculas distinctus, consternatis ad novum spectaculum parentibus; at, quod tertio insultu apparuit, sine ulla admodum offensa corporisque periculo. Sed quid de isto Exanthematum genere, tenendum, quod Morbillorum specie totos sæpe terrarum tractus infestat, & ante hos sex annos, quando superior mihi Germania cum Principe persona decurrenda erat; Palatinum & Sueviam occupabat, cuique tributum ipse quoque cum plerisque iuvenis sociis pendere debebam. Leviculus erat ille morbus, *Rothel* nomine notus, qui nullo habito sexus ætatisque discrimine promiscue omnes invadebat. Paucissimis ille erat funestus, aliquos diem biduumve aut triduum lecto affigebat, aliqui

stando eum vincebant nonnullos impuro corpore diutius vexabat, plerisque tamen molestia quidam & calore paulo intensiore, appetitu dejecto & membrorum segnitie, multabat, quæ vel sponte aut sumto Sudorifero cessabant. In unâ autem Stutgardia simul semelque septingenti cum hoc morbo conflictati sunt, quo etiam in levibus contagium aut sporadicum quid hæere intelligas. Exanthemata verò illa non statim universo corpore, sed variis locis, ut constitutio ferebat, sese ostendebant, plerunque tamen in Carpo erant manifestiora, in aliquibus tamen etiam remissior rubedo attentè quæri debuit. Crediderim ego collectas per hyemem in sanguine sordes aliquas ad initia veris exæstuante sanguine in cutim facile exiisse, quod superficiei massæ potius quàm centro inhærescerent, & sic originem febriculæ populari & criticæ darent, ubi tamen etiam certæ & astralis influxus partes fuisse aliquas non de nihilo quis suspicetur. *Joan. Nicol. Pechlinus Obser. Physico Medicar. lib. 3.*

E X C R E S C E N T I A.

Comprehenditur sub Tumoribus: hîc tantum super ea observationem unam afferemus è Clariss. Godfridi Bidloo Exercitationibus Anatomico-Chirurgicis petitam; quæ hæc est.

Annò hocce 1703. ipsis Kal. Aprilis, duxit ad me Wilhelmus Beaudoux, Watmondæ Chirurgiam exercens, Martytie Korszen, ætatis 45. viduam, quinquies prole beatam, & quidem vice ult. mâ ann. 1700. novembr. 7. ab lex jam nunc annis in inguine sinistro, gestantem cuti concolorem, doloris omnis expertem, in principio pisi; temporis verò tractu minoris castaneæ magnitudinis tumorem subdurum, circa mensis hujus anni Martii initium valdè extuberantem (ad ovi ferè dimensionem enim jam pervenerat) & continuò incrementum capientem: ad hujus inspectionem XIX ejusdem mensis, prædictus Beaudoux vocatus, audita relatione, accrescere nempe, hunc tumorem immensum, quotidie sanguinem emittete aliquando ad quatuor, aut quinque libras, rei mirabatur statum eumque, post octiduum: rustica, pauper enim & ultra duo milliaria ab eo vivebat remota, præscriptis quibusdam stipricis ligaturaque comprimente, iterum vocatus, horrebat: ea enim brevissima dierum intercapedine hunc tumorem ferè rotundum 5. pollicum diametri & 8. longitudinis experiebatur; ego, elapso triduo, perlustrato eocum hocce calu, eocum cum sanè horruui, stupui, maximique momenti & periculi renuntiavi; cum autem hic Chirurgus solus & agræ plures huic visitationi interessent, consanguinei, iis, quantum potui, persuasi, consulerent & alios hoc de negotio Medicos & Chirurgos statuerentque: in mora enim periculum monebam, de rebus peragendis, quantocius.

3tîd; Apr. denuò cum Chir. Alderkerk & Beaudoux, rem examini subjeci observavique tumorem ad oculum quasi continuò augeri, nigredine conspergi, fœtore & putredine superficiali cortumpi; inquisivi sedulò in omnes mali hujus circumstantias, quo, videlicet, modo & pedunculo inguini adhæreret? quo esset de genere tumorum & sic porrò; brevi, convenimus sequente die horâ matutinâ septimâ; Chirurgi Torrenius, Conrenot, Alderkerk, van Loo, Beaudoux & quidam Med. Studiosi; quibus coram mentem meam de hacce excrescentia & methodo, quâ, secundum me, curari aut saltem tractari posset, explicui: esse, nempe, distentionem, excrescentiam glandulæ cujusdam, inguinalis, lato quidem pedunculo inguini inhærentem; sed tamen ad ejus interiora non pergentem; vicinas quidem partes regentem, iis tamen (puta meatui urinario & aliis) non affixam: de causa, ut vocant, proxima, ci-

tissimam, post tot elapsos annos derepente hanc promovente extuberantiam, opinatus sum; glandulam hanc inguinalem, obstructâ arteriâ, primò induruisse & mansisse eo in statu, usque dum magno accedente motu impetuque sanguinis, obstructio illa resolveretur, pertunderetur extensaue protensaue propagataue arteriarum glomeratione, brevi extrueretur, quam videbamus; excrescentia: posse verò hoc modo paucorum dierum spatio formari magnum tumorem liquidò demonstravi & exemplis de bubone pestilentiali, de fungo & similibus, desumptis, illustravi; huic sermoni alia adjeci egique de methodo agendi in hunc tumorem; eum, videlicet, tutò non posse auferri escaroticis, incisione, neque incisione; sed verò in constrictionem omnem esse collocandam spem: hæc & plura hunc casum in genere & specie spectantia, leguntur explicatius inferius.

Prædictis ergo viris mecum sentientibus mihiq; auxiliatrices præbentibus manus, injeci elevatæ undique & annulo ferreo plicabilique coarctatæ & ab abdomine, quantum fieri potuit, avulsæ excrescentiæ decussatim duo, cerâ oblitatâ, vincula linea (sericis enim potuisset fortè periscindi cutis nimium citò) horum finibus adaptavi in utraque inguinis parte, ex levi ligno torcularium, cujus cochleæ manubriolum apponi curaveram; ut, pro re nata, versatili hocce instrumento, ad abdominis & inguinis figuram formato, excrescentiæ pedunculus actari, aut laxari posset ad nutum.

Haccedie, suffulta, ab omni parte, pulvillis (compressulis) excrescentia, de hora in horam constrigebatur, usque dum, ex dolore, judicarem esse ab ulteriore coarctatione abstinendum.

5tîd; Manè experiebat, omnia pro tempore meaque intentione sese habere benè agramque & alvum & vesicam sine molestia exoneravisse; strictius ergo ligavi molem; vesperi autem, ne forsan inflammatione, aut gangranâ partes vicinæ infestarentur, fœtor, planè cadaverosus, abigeretur ipsaque excrescentia desiccaretur, abdomini, addito spiritu vini, femoribus verò ipsique tumori simpliciter sequens, corroborans dicunt & desiccans, inspersi fomentum:

4. Herb. absinth. M. iij.

Scord. M. ij. majoran. M. j.

Rqd. polypod. 3ß. spic. nard. 3ij.

flor. Rosar. Rubr. M. jß.

incid. coq. in vino Rhenan. aut Gall. generos; col. serv. in usum.

6tîd; Inspexit mecum & Chirurgis Alderkerk & Beaudoux (iis enim usus sum ex munere) negotium nostrum Clariss. Med. cus H. Oosterdyk Schacht renuntiavitque, perlustratis discussisque omnibus ad rem facientibus; ab me agi secundum artem exitumque mecum dubium; sed verò hac una methodo premendum urgendumque, statuit.

7tîd; vidi excrescentiam putredine corruptam, gravi magnoque cum fœtore nigrescentem; dormiverat autem agra satis benè constrinxique. iterum vincula firmiter.

8vîd; Accipiebam, agram, præ dolore, hac nocte fuisse inquietam, insomnem, alvum non deposuisse; vesicam verò sapèlapius; sed tamen sine molesto dolore, pulsû itidem, genarumque rubedine febrem denotantibus, injici auro curavi *suppositorium*, quod circa meridiem intentioni meæ satisfecit: sitibundæ quidem aliquid potionis præscribere volui; verum illa ad medicamentorum titulum, eam testata est ab iis aversionem; ut potius iis supersedere, quàm ea, hac hora, urgere, ratum duxerim.

9vîd; Iterum omnia è voto succedebant, urente alimentis, non sine appetitu & hilaritate, agrâ observavique

vique circa vincula pus cutimque perſciſſam, ulceri itaque huic, *ung. digeſt.* calidè applicari curavi.

xmò; Dormiverat in utramque aurem patiens tota ferè nocte: hoc die abſtuli excreſcentiæ flaccidam luridoque-nigerrimam inſignem partem.

ximò; Nobiſcum conyenerunt Chirurghi *Torrenius & Le Mair* tentavique vincula conſtringendo, totam avellere de corpore fatentem molem; ſed ſtillitantibus quibuſdam ſanguiferis vaſculis puri puti ſanguinis aliquot guttulas, me ab hoc propoſito abſtinui; conſtituique ut ab initio, prudentiæ & tempoti rem committendam totam.

ximò; & *xiiiò*; { Agra & omnia ſeſe habebant ad normam artis naſcebaturque mihi jam nunc boni eventus firmior ſpes; affirmavi & non vanus vates prædixi, nos in porru navigare.

xivto; Vidit mecum Doctiſſ: Medicus, *W. Mylius*, quem habuiſſe diſcipulum gaudeo & Chirurg: *Ellinkhuysen*. rotum ad vincula circumſcriptum puro abdomenque femoraque ab naturali diſpoſitione, nullo modo, mutata.

xvto; Et ita duodecimo, ab injectis Vinculis, die, (me abſente) ſolvens, cum ſaſcia, apparatus, Chirurgus *Alderkerk*, unà rotum vidit ſolutam de inguine excreſcentiam inguinique vel minimum quid ejus reſtitare, aut ſanguinis effuſum; ulceri itaque detergens, *mixturem* vocant, adhibuit *unguentum*. Veſperi (fateor ſumma cum voluptate) agram lætitiâ exultantem remque ipſam in vado comperi.

Conſtitueram, poſtero die, in avuſſam hanc molem anatomicum inſtituere examen; ſed tantus ei erat fœtor, quantus, ne per minimam quidem horæ partem ab naribus ſuſtineretur: quod tamen obſervare potui, eſt, maſſam hanc glandoſo carneam, uno conſtituiſſe corpore, ejus excepta parte pudendæ proxima: hæc enim ſulco diſtincta ſingularique circumſcriptione notata videbatur; hinc ſtatui unam majorem, duas porrò, aut tres & quidem temporis interventu, hocce morbo fuiſſe infeſtatas glandulas; duæ tamen minores, verſus ilia & naturaliter conſtitutæ adhucdum inveniuntur.

xvto; & *xviiimo*; { Eouſque ulcus depuratum obſervavi; ut,

xviiiivo; Miſera nuper, pleniffima nunc fruens valetudine ad conſanguineos ſuos, in pago *Voorhout* degentes, abierit: ulcus autem cicatrice obducendum, Chir. *Benudoux*, utpote huic loco proximiori, tradiderimus, quodque eo cum ſucceſſu peregit; ut *xxv*. maxima parte & *3tio*; M. Hujus Maji, illud in rotum conſolidatum invenerimus, adjecto ſolummodò inguini, puro, cum ſaſcia, carpto.

De ſaſciis ab me uſurpatis nihil commemoro: ſuſpenſoriæ enim in initio & retinentes apparatus poſtea fuerunt tantum.

Obſervatum autem volo, egram medicamentorum; ne vel unicum aſſumpſiſſe, per os, granum.

Habes (Lect: Benev:) rei feliciter peractæ hiftoriam; quæ autem (ut ſupra monui) cum Chirurgis & ſtudioſis medicinæ in antecèſſum communicavi, duo erant, nempe, cogitata mea de hocce morborum genere & methodo illud tractandi; profeſſus, me ſtatuerem, triam earum carnearum excreſcentiarum genera darique, hoc ex ſyſtemate, tria carnis genera, muſculoſum, glandoſum & ſpecificum; ſive fibroſum, vaſculoſum, lamellatum.

In muſculoſo obtinere verum *Sorcoma*, aſurgens una & æquali ſuperficie, cujus margo, temporis tractu incurvatur, circumvolvitur, invertitur & tandem oculum læt: in eo curando probè uſui venite

Bibl. Chirurg. Tom. II.

cauterium (quod vocant) actuale; potentiale verò minime: abſciſſione porro, incifione, neque ligaturâ hocce poſſe extirpari malum, affirmavi; niſi (quod in extirpatione mamellæ feci ſæpius, ejus pedunculus unà & ſimul, cum parte muſculi, ex quo ortam duxit, abſcindatur: hoc autem quàm quibundam locis factu ſit difficile, pronuntient veri Chirurghi; addidi, incifione hoc modo non inſtituta, *Sarcoma* citius violentiusque excreſcere & propullulare; inſuper vinculo, ligaturâ, non poſſe auferri, cum infra excreſcentiæ Principium, injici tumoriſque illa adhiberi nequeat.

Glandularum carnearum ſyſtematis excreſcentias duplicis pronuntiavi generis; conglobatarum, nempe, una mole & circuitione; conglomeratarum verò variis ſulcis: protuberantiis fiſſurisque diviſa, erumpere.

Ad hæſce auferendas, reſecto utroque cauterio, commendavi cultrum (incifionem) & ligaturâ, uſus exemplo abſciſſionis mammaram, glandularum, tum axillarum, tum inguinum, uvulæ &c.

Contra hanc doctrinam, ex Chirurgis quidam movit dubia & fortiter & amiciter; contendens, eſcaroticis glandulas carneas ſcirrho; imò exulcerato & carcinomate infeſtas, mammam, papillam, uvulam, &c. poſſe curari; cui ego, me nunquam; niſi in principio morbi & una, aut altera, tantum, glandula laborante, cum oprando eventu, illud tentaviſſe, aut ab aliis tentatum vidiffiſſe demonſtraviſſe eandem illam curationem tutius & citius incifione & ligaturâ potuiſſe fieri & eſcarotica poſt infelicem harum partium incifionem, ſcirrho non probè extirpato & repullulante &c. ſolummodò locum obtinere; retuli porrò me cum famigeratiſſi medic Chirurg: (ſic lect: ben: huic digreſſioni venia) *Burcinac: &c. dynaſt:* ad extirpanda prædicta mala ut plurimum eſcaroticis nunc exterius ad extruendam crenam, ferrum poſtea excipientem, nunc interius & ad finem uſque utente, hoc de lemmate, quondam ſerviſſe ſermones, poſtquam mamellæ ſcirrhoſæ extirpationi, ab me incifione peractæ clanculum & niſi poſt actum faciètenus notus interfuiffet meque eò eum, pro mea cauſa dicendo, duxiſſe & preſſiſſe anguſtiarum, ut pro omni argumento ſolummodò dicet; *age tu pro conſuetudine & methodo tua; ego tamen meam excolam;* quærens tandem omne effugium in aquam ſuam quam (*leſchof biandſtillend mater*) dolores & inflammationes ſiſtentem appellabat, aſſeverans hocce ſuo Arcano, eſcarotici ſui etiam Arcani ſavitiem ad lubitum poſſe moderari, frænari & cum tempore hoc modo, ſine dolore, aut hæmorrhagia, ſcirrhos caneroſque curari; cum autem poſtea hæc aqua cauſticumque hoc Orbi innotuerunt, compertum eſt, fuiſſe lac quoddam (ut aiunt) *virginis*, cujus formula ſatis jam eſt cognita & *mercur: ſublim: corroſiv:* ſed quædam larvatus maſſâ gypſeâ: quapropter multi mecum ſunt ſuſpicari, cum terribili ſub titulo cancri leviores glandularum indurationes &c. (nam de ulceroſo carcinomate, ne unum quidem exhibuit exemplum) hoc remedio excepiſſe & curaviſſe.

Quàm malè eſcaroticis; præſertim ol: vitriol: uvula, tonſillæ &c. & quàm probè ligaturâ & incifione excreſcentes auferantur; primū matrona nobilis hac in civitate experta, adhucdum dolet & ſecundum; *Hagæ comitum* juvencula quædam lætatur;

Tertium carnis genus, quod conſtituit glandem penais, gingivas, &c. cum frequentiffima; imò ab nativitate hominis habeat excreſcentias, docui, pro opportunitate eſcaroticis, ignito ferro, incifione, ligaturâ, verbo, vario modo, poſſe deprimi, coërceri, auferri:

De fungo (excreſcentia ſubitanea in corpore animalis , alio nomine aliquando hyperſarcoſi) ſuſtinui, eſſe ex arteriis læſis, aut ad earum extremitates, tono perditis, ſucci nutritii profluviū, cujus prima guttula tubulo arretioſo adhærens, ſequentē alia, protrudirur; ſed tamen huic adaptata atque cum ea, vivificante ſubtiliore ſucci nutritii portione dotata, vivit & hoc modo inſequentē una effuſione ſucci nutritii alteram, porro fieri hanc excreſcentiæ Pſeudocarneæ ſpeciem.

Pro ulteriore meæ hujus opinionis aſtructione, duxi in medium omnia illa phænomena, quæ in *Fungo* proſtant quibuſque ille ab *Sarcomate*, *Glandofis* & *Tertii Generii Carneis Excreſcentiis*, diſtinguitur, ut; initio digito, linteo, carpto &c. poſſe abſtergi, removeri inſtar glutinis; albescere; quinimò etſi tractu temporis ſubrubrum, vel lividum obrinuerit colorem, induruerit variisſque ab latere, ornatus fuerit ſanguiferis; cum tamen fibris nunquam inſtructum carneis, vaſis ab ortu, aut lamellis apparere. inde collegi fungos, mox deſiccantibus & comprimente ligatura; poſtea verò vinculo (intellige ſimul ligato fonte, arteriâ) aut actuali cauterio debere auferri: de abſciſſione docui eam, minimè convenire, utpote quā morbus potius augetur, quàm corrigeretur: de eſcaroticis itidem, hoc in ſymptomate omne conamen eſſe irritum; nam unâ conſectâ eſcarâ eâque ſeparatâ, ſecundâ opus eſt; propullulante interea de fonte, fungi materiâ & alimento: videntur mihi cum Siſypho ſaxum volvere, qui hoc opus aggrediuntur: problemati huic, aſſentiri nemo negabit, qui ab ulceribus dictis hyperſarcotico-impuris, ab mola &c. fungoſitatis & citiſſimæ excreſcentiæ probam petiit fungi & aliarum excreſcentiarum comparationem: quæ enim materia, fluidum quod, ulcere huic, de hora in horam ex imo adfluit eique adhæret, dicitur quidem (ſed falſò) caro; ſed verò nec genere, nec ſpecie eſt: nullæ etenim carneæ, hacce in pſeudofarcoſi, deteguntur ſtriæ: verum quidem eſt, ulcere neglecto ac diutius ſordeſcente gluten hoc duritie & colore quodammodò carnem, potiùs ſpuriam, carni ſimilem maſſam fingere; ſed tamen ritè examinatum, nihil minus, quàm carnis veſtigia relinquere inſpicienda; ſic de mola, polypo & aliis.

Fungoſitatem hanc, ut curetur, uſque ad ipſa oſſa, cum quibus, ut plurimum, ei commercium eſt, debere abſtergi ſcalproque abradi ipſa oſſa & in totum crudeſcere, notiſſimum novimus: hujus generis ulcerus, ante aliquor meſes, in hujus civitatis noſocomio ſtudioſis conſiderandum propoſui.

De glandulis veſicularibus nihil memoravi; etſi ſui generis potuberantias excreſcentiaſque patiantur frequentiores: de carneis quoniam excreſcentiis agere, pro ſcopo, hac in diſſertatione habui tantum.

De excreſcentiis cutaneis cenſui, eas eſſe de glandoſo-carneo genere atque proinde eodem modo, cum iis hujus generis; quàmvis in aliis corporis locis, tractandas extare: de *Verrucis* tamen aliisſque quibuſdam curaneis tuberculis, cum diverſa, ab communi, mea ſit opinio atque illa meum hoc thema directè ſpectare non videantur, diſſeram brevi ex profeſſo.

Reſtat (Leſt: Benev:) ut enarrem, quid me moverit, quare vinculo, non verò alia methodo, hanc excreſcentiam auferre conſtitui.

Primò; cauterio actuali poſſe deſiccari, perurive eam, ſalvo, cum inguine, abdomine, noſtrum nemo, vel propoſuit: nota nempè, nimium imi ventris renera tendinoſaque diſpoſitione, quàm ut rudiori huic exponi poſſet medicationi.

2dò; Quare eſcaroticis uti ratum non videbatur, ratio non erat una; ſed multiplex. 1mò; major erat excreſcentiâ, quàm ut iis conſumi, ſive in totum ne-

cari poſſet, priuſquam ex ipſa hac methodo toti corpori noxa induceretur & vite periculum. 3tò; accreſcente indies tumore obſervabam eum jam multo latice & ſanguine hîc & illic madere, quapropter de eſcaroticorum vi, hoc in caſu, nulla mihi erat expectatio; adde 4tò; quæ ſupra circa fungi curationem dixi de extruendis & ſolvendis continuò eſcharis.

5tò; Cultro, inciſione ſanè ad excreſcentiam nullus patebat tutò aditus; baſis item excreſcentiæ latior erat firmiùſque inguinis cavitati inhærens, quàm ut inciſione poſſet extirpari; huic rationi adjice instantis hæmorrhagiæ periculum veſtigiaque ejus, ſupra memorata, me terrentia; vinculo itaque deſcripto, Deo adjuvante, opus hocce magnum peregi tutò, citò & jucundè.

Ultimò; ut probem, me verbis non inhære & ſuum Antiquitati ſemper tribuere honorem, concedo facile *Sarcoma* eſſe horum morborum quaſi genus; cæteras verò carneas excreſcentias, ejus ſpecies, aut claſſes: modò meam de curatione doctrinam & agendi methodum approbaverit peritorum calculus.

E Adem illa ſcœmina, cujus ſtupendam Præcticiſ hiſtoriam, mox enarravi: poſtquam duos circiter annos, toto tumore, ablato ejusque ulcere nitidiſſima cicatrice obducto conſumatoque, ab omni inguinis intumefcentia liberata vixiſſetque perfectiſſimè, per omne id temporis, ſana; iterum me convenit, A°. 1705 6tò meſis Martii, tantam, eodem in inguine, denudans excreſcentiam, quantam ne, vel conſtantiſſimus quidem, animo, Medico-Chirurgus, ſine horrore inſpexerit, miſera porro, egena & ad incitas redacta, proſtrepatur lacrymabunda, ſe; utpote, quæ recenter natis infantibus ab cura eſſe ſolebat, obſtetricis vetulæ conſilio obtemperaviſſe & tumorem, ante tres ſeptimanas, oleo obliniviſſe & ſuaſu Chirurgi cujuſdam, compreſſiſſe firmiter; eum verò, feſtinatione ea, eâ violentiâ eoque cum dolore prorupiſſe; ut peractâ imprudentiâ veniam ſimulque, meam implorare opem cogeretur; utramque ei conceſſi facilè, tum quia miſerandus omninò erat mulierculæ ſtatus, tum (ut apertè rem prodam: ſic enim decet virum honeſtum) quia ſollicita quadam agebar dubitatione, an prima excreſcentia radicitùs totaque & omnis, ab me eſſet extirpata? an verò quædam forſitan ejus pars relictâ arque hoc modo, aut meâ incitiâ, aut imprudentiâ, recidivam (ut vocant) pateretur: nam, etſi minimè homo Euripus & de peractâ operatione ſecurus, ab omni videret parte, nunc propter rem, coram multis celeb: Medicis & Chirurgis præſtitam & ab eorum ſuffragiis comprobata, tunc propter temporis intercapedinem, quâ integra exiterit & quæ porro argumenta, de fonte Medico-Chirurgico, pro me militabant, tamen ipſe experiri ſtatui, hæc an præteritæ eſſent excreſcentiæ infauſtæ reliquiæ veſtigiaque, non probè deleta, an verò novum ſymptoma?

Manum ergò, Lunæ 16 Martii, circiter octavam, iterum unâ cum Chirurgo *M. Alderkerk* operi admove; quò (ut ſequi: exhibet figura) hanc excreſcentiam, unicuique, artis Medico-Chirurgicæ fautori & ſtudioſo; quemadmodum & tuto tractationis tempore, inſpiciendam præbui. (Vid. Tab. V.

Explicatio Tabula V.

A. Inguen Siniftrum.

B. B. B. Protuberantia Ipſa De Mole Tumoris eminentes, ſplendentes Atque livescentes.

C. C. C. Sulci. Rimuli excavationeſque, luridi coloris Labiis & Marginibus obſeſſa.

D. D. Partes ſuperficiaria, putredine correpta.

Tale,





Tale, quale ad vivum depictum, proſtabat ſcæus & multo madens latice ſanoſo, ingens & dirum hoc monſtrum; ita ut multi, oculo, inoſtoma habundi, ab horrendo aſpectu terroto, ad eum redierint raro.

Injeci, quod, exercitatione præcedente deſcripſi pag. 100: huic excreſcentiæ torcularium eumque, eodem; ut prædictam, excipere & tractare incepi modo: totum inſuper, oxycrato madefactis, tumorem exornans ſpleniſ & linteamine multo.

Hocce die, conſtricto rerum tumoris pedunculo, potiùs baſi; accipiebam, ab iis, qui ægræ ab officio fuerant,

17 mō. Eam tranſegiffe pervigilem totam noctem, cum frequentiffimis, ac dolore intenſiſſimo & veluti flammula corripiente, querelis; nulla cum tamen ſeſe manifeſtaret febris, paulo, magis coarctavi vincula: poſt meridiem cruciatu deſecta obdormiſcere; ſed non ſine febre incepit, veſperi verò, omnis videbatur ſuppreſſus dolor, ſed tamen utrique inguini, quinimò & pubis regioni impoſitum *Empl. deſenſiv. vignon.*, ne inquinata ab effluente undique, ſætiſſimo latice, corripere: levis etenim jam nunc conſpiciebatur inflammatio; noctem ſatis egit tranquille.

18 vō. Apparentibus veſiculis, gangrenæ prænunciis ægræque, de ſummo dolore circa pudenda totiusque infima regione, conquerente, omni parti, extra vincula, *ung. alb. capſurat.* injeci; ex ſætere tamen cum ægra in levia animi deliquia rueret, præſcripſi ei, quod ſequitur, cardiacum cochlearium uſurpandum;

R. Aq. Meliſſ. Puleg. a ʒij.

Cinnamom. ʒi.

Conſect: Alkerm. ʒij.

Sacch. perlar. ʒb.

Syrup: Paon. ʒij.

Sal: volut: aromat: ʒb.

M.

Tumore, circa meridiem, ſummiter conſtricto, habuerat patiens ſeſe benè; febricula licet intermittente & periodica, per noctem, infeſtata, ut Chirurgi famulus, qui excubias celebraverat vinculaque, ut erat monitus, conſtrinxerat ulterius, referebat.

19 mō. Elevato autem apparatu, mirabamur (multi enim huic viſitationi intererant Medici & Studioſi) tumoris, ſive excreſcentiæ adactam molem; ſuperabat enim capitis hominis magnitudinem longè: propoſitum nihilominus perrexi & ea, qua potui, vi, conſtringere & comprimere vinculis molitus ſum excreſcentiæ fontes; tamen monuerim expreſſe, toto die, non ingravuere ſymptomata; ſed verò,

20 mō. Hautebam ex relatione, tum ægræ, tum ei adſtantium, eam moleſtam ſuſtinuiſſe & omni ſomno expertem noctem: febrim ipſe quoque detegbam inſignem, quam ſymptomaticam ſtatuebam; coarctatis itaque vinculis, exhibui: alvus enim erat adſtricta ab tribus diebus; quam ſolvere tamen; niſi coactus volui: debilis enim & quæ vix juſcula ferēbat, viribus opus habebat miſera, circa meridiem, hanc ei infuſionem;

R. Fol: ſenn: mund: ʒb.

Semin: anis: ʒj.

Ebull: in aq: pur: colatur: ad ʒij.

adde

Mann: Calabr: ʒj.

Cremor: Tartar: ʒj.

detur uſui.

ex qua inſtanti veſpera ſemel alvum depoſuit;

Bibl. Chirurg. Tom. II.

Curavi, ne excreſcentia ſtrictius complicaretur: de tranquilla enim nocte paràm ſperans, paroxyſmo inſuper febrili cum exacerbatione & ægræ de dolore veceritatione, omnem me monentibus prudentiam.

21 mō. Mane mutatum fuit nihil circa apparatus; ægra verò reſecta juſculo &c.; tantus jam in conclavi erat ſætor; ut neceſſum fuerit, odoriſera igit dare tumoremque cannabæ & linteamine multo coſperire: ſenebantur quippe ægræ nares (taceo adſtantium & ei manus exhibentium) ea vi; ut quandoque videretur exanimis.

Circa meridiem, novum torculari eſt appoſitum vinculum, putredine conſecto ſtractoque alto; elevato; hac opporunitate, tumore, apparuit in cute crena & circolare ulcus, pure conſperſum puro & puro, ominis boni præſagium; niſi (L. B.) rem factam enarrare; non verò è longinquo petendis ratiocinationibus de talibus Phænomenis diſerere, mihi propoſuiſſem, habere in hoc loco exſpatiandi ampliffimum campum, quem circumire Philoſophoſtros jubeo: ſub veſperam (primis enim diebus ad minimum ter ægram conveni) dormientem inveni eam; commendavi itaque, juſculi, in quo Raſ: C. C. erat cocta, et brum uſum.

22 vō. Totus grabbatus, impuro latice ſanguineo conturpatus erat, gangrena indies & de momento in momentum irruente: incipiebat tumoris circumferentia ſtaccſcere: ulcere circulari *ung: digeſtivo*; conſperſo, redii circa primam, quæ pandiculutionibus, rigoribus, & nauſea miſerè miſeram vidi agitaram: præcepi propterea crebriorem cardiaci præſcripti uſum ſimulque, per temporis interpolationes (ſed ſine ſoporiferis) emulſionis & hordeacei decocti.

23 vō. Iteratus eſt *hauſtus purgans*, proſpectum ulceri & cæteris.

24 vō. Hoc die memoriæ dignum acceſſit nihil.

25 vō. Pendente jam nunc ex minori pedunculo excreſcentia, multa mihi facta nataque de deciduo hoc & præcoci fructu, ſpes; quia autem alvus adſtricta manſerat, acui purgantis ſtimulem;

Quoniam autem ſphacelo conſectus ex parte tumor, ita ſætere ſuo infeſtabat ægram; ut delirio corripere, ei tinct. ex Aloë, Myrh. &c. Spir. vin. injeci & (uri impoſtarum) veſicâ, qua potui ſedulitate cooperui habuitque patiens ſuccedentem noctem amicam; deponens alvum bis & commodè victumque appetens, quod ei eſt exporrectum ad libitum.

26 vō. Ex lurido nigram excreſcentiam ter, hoc die, complicavi, ulceri *digeſtivo*, inguini & abdomini inferiori *deſenſiv. vignon.*: ſuperiori verò corroborantem hunc forum injeci:

R. Herb. Ruth.

Philandr. a. m. iij.

Flor. abſynth. m ʒ.

Ebull. in vino Gall. colat. ad ʒij.

detur uſui.

ægræque hauſtum vini cum vitell. ovor. &c. propinavi & ut feſtinaretur totius tumoris ab inguine ſeparatio & ſimul relinquendi ulceris tum abſterſio, tum deſiccatio, præſcripſi hoc ung:

R. Ung. Baſilicon. ʒv.

Fuſc. Felic. VVurtz. ʒj.

ter, ſingulis diebus, applicandum.

Habuit ſeſe, toto hujus diei tractu, benè, exonerans tum alvum, tum veſicam; ulla ſine moleſtia; quia partes tumori vicinæ, hîc & alibi locorum exoriata proſtabant, iis *Empl: diapalm: diſſolut:* applicui.

1 3

Veſperi

Vesperī de frigore totius femoris conquesta est ægra & iteratum suprà indigitatum cardiacum: oboriente tussi magnaque, circa escharam, hæmorrhagiâ, noctem valde egit inquietam.

27mò. Præscriptæ; hoc mane, fuere contra tussim ex *sacch. alib.* tabellulæ, bisque arctissimè constricta vincula: phænomenis respondentibus ad votum, præstitis porro præstandis, succedentem noctem ullo sine notabili symptomate, tranſegit.

28vò. De ardore faucium, difficili deglutitione, alvo adstricta & capitis dolore querelas movit: quæ omnia, circa meridiem, evanuerunt, alvo laxata, symptomata; fœtenti tumori spir. vin. injecto optimè dormivit.

29nò. Mane, ut & meridiè, torculario firmissimè compulso, bis hoc die alvum exoneravit; vesperalcente tumori, quasi de novo, præsertim ad partem versus abdomen protuberanti impositum fuit seq. Medic.

R̄. Ung. Basilicon. ℥iij.
Mercur. sublimat. corrosiv. 3j.
M.

nullo insigniore incommodo vexata & nocte usa patata.

30mò. Abscisso altero, novum excreſcentiæ impositum fuit vinculum torculariumque ab una parte novum; quoniam præ putredine ipsa tota nigredine conspurcata & imbuta comperiebatur machina; hoc autem, cum fieret, non levis oborta est hæmorrhagiâ, quæ tamen mox depressa, tum stupis ex canna-be gypso ornatis, tum ligaturis ad partem accommodatis in formam fasciæ.

Totus hic apparatus, ea nocte, non fuit solutus (etsi ægra conquereretur de maximo circa inguen dolore) ob metum hæmorrhagiæ, circa meridiem immisſum suppositorium acutum *troch. albandal.*; alvo tamen medicationi non obtemperanti, præscriptum est, quod sequitur, purgans:

R̄. Resin. Jalapp. gr. vj.
Diagrid. gr. v.
Cremor. Tartar. ʒß.
Dissolv. c. q. s. vitell. ovor.
addendo
Aq. fœnicul. q. s. pro haustu

ejecitque circa vesperam induratas & nigricantes fæces; sed tamen ab febre & faucium dolore liberata fuit minimè, ita ut; ne vel momentum temporis, dormivisset.

31mò. Mane ligaturâ, circa meridiem, toto apparatu seposito, ex voto sese habuerunt omnia.

Primò Aprilis. Qua potuit (secundùm artem) vi compressa est excreſcentiæ basis, quæ jam nunc vix pollicis transversus erat latitudinis: inter agendum cum ægra de dolore non conquereretur, mecum omnem adstantes Medici & Chirurgi judicabant eam penitus & totam extare emortuam; cujus effati veritatem demonstravit dies postera:

2dò. Ab inferiore quippe parte, magna squallidæque excreſcentiæ pars, gangrænâ plane corrupta, cecidit; eo tamen cum fœtore; ut, hoc die, quater putrescenti plagæ prospicere necèssum fuerit.

3tiò. Tumoris superficies parte, quâ dextrum spectat femur, nigerrima apparuit, effluxitque de eo fœtenti liquidi ingens copia; hoc die & animò & corpore patiens erat debilis, nauseabunda & mærore, quasi suffocata; præscripsi ei ex vino Rhenano, croco & pane toſto haustum dixerim, an cardiacum? qui cum ea pernoctaverat, renunciabat eam; postquam sudoris multum ejecisset & media nocte, va-

gi sermonis servisset multum, somno satis alto fuisse oppressam:

4tò. Refectam viribus & in prandio utentem, jussulo vervecino, ægram inveni, hoc die mutationis porro observatum est parum.

5tò. Non probè comprimens solutum abscissum est vinculorum unum, comeditque bono cum appetitu dormivitque post meridiem, per 3. integras horas, deponens commodè alvum ægra.

Ornata tum abdomen inferius, tum inguina, loco, quo excreſcentia, ulcere factò per vincula dehiscibat ab continuitate, ung. Basilicon. eique cum *gyptiac. mixtum* injectum.

6tò. Strictissimè; quin imò; ut ulterius non potuerit, contorto vinculo, conquesta est ægra de rigoribus & totius corporis tremore; febris tamen cum vel vix adesset; rem in vado meque in portu navigare collegi.

7mò. Flaccescere in totum tumor cepit &

8vò. Pendulus est visus; ut eum reliqui, qui

9nò. Totus de inguine cecidit, relicto æquali & tubicante ulcere; sed o! non evanidam artis Chirurgices fiduciam! ceteritudinem & ab utroque proposito demonstrationem! vidimus etenim Medici, Chirugi, Studiosi omnes, omnem, totam, integram hanc, de novo, elevatam & luxuriantem excreſcentiam extirpatam priorisque ablata albidam, contractam, confirmatam cicatricem.

Nunc à posteriore consentiebant omnes, unamquamque inguinalium glandularum, eodem posse laborare ex vitio, neque hanc excreſcentiam fuisse præteritæ ablatæ vestigium, recidivam, vel, eodem de pedunculo, non ritè depressam eradicatamque luxuriam;

Sed ne vel aliquid detrimenti ægra, ars Medico-Chirurgica, aut posteritas ab præcoci hac mea fiducia & assertione caperet, texti solummodò, ab

xmò. Usque in

ximum, Hujus mensis diem, ulcus per se madens puro & sufficiente liquido, carpto; postea verò illi adhibui ung. Basilicon. cum Præcipit: Rubr: quibus ritè paractis absolutisque, minimè festidando, illud cicatrice, priore non deformiore eique à latere, fuit obductum consolidatumque egregiè.

Qui huic actui ab initio usque ab finem, extra omnem lucrispem, interesse non destiterunt hincque Laude, non mediocri, ab me artisque nostræ fautoribus celebrandi veniunt, fuerunt, Clariss: Doct: Med: *Mylius & van Hooren.*

Haslenus Clariss. Dominus Bidloo. Nos in Nosocho-miò quod hinc Genevæ in gratiam Gallorum pro religione profugorum præcipue erectum est; in virgine triginta præter propter annos natâ, menſe Juniò anni 1717. manibus solertissimi Chirugi Dom. Grenier, filii, excreſcentiam amputavimus, seu potius incisione à superioribus ad inferiora, & utrinque tegumentis excorticatis, separavimus, atque ejus radices pollicem circiter crassas & imæ scapulæ adnexas, filâ transfixò utrinque ita colligavimus eâ fortunâ ut brevi exciderent, & grande admodum vulnus pro ejusmodi extirpatione factum, intra sex septimanas occlusum ac cicatrifatum probè fuerit: Excreſcentia autem illa tota carnea, variis eminentiis protuberans, ac maximam dorsi partem occupans, parum dolens, nisi à paucis diebus ex quò lividiuscula evaserat, libras medicas pendebat decem. Totò autem curationis tempore, quod omnino mirum, nulla febris exorta est.

EXOMPHALOS vid. HERNIA.
EXOSTOSIS Vid. OSSIUM MORBI.
EXTIRPATIO MEMBRI Vid. *sub titulo*
GANGRÆNA.

Finis Libri Quinti.

BIBLIOTHECÆ CHIRURGICÆ

LIBER SEXTVS.

*De Affectibus & Operationibus Chirurgicis
à Litera F. incipientibus.*

FASCIÆ & FASCIATIO

Tractatum habemus eximium apud Hippocratem super Deligationibus, Fasciis, Sutura &c. in Libro de Medici Officinâ, cum fusô Galeni in eundem Commentariô, adjectis etiam Tabulis perelegantibus decem, in Editione Operum Hippocratis & Galeni Parisinâ, Charterianâ, illa omnia quàm concinnè exprimentibus. Verùm ab iis hîc inferendis jam abstinemus, ut & ab aliis omnibus generalibus in eâdem materiâ dissertationibus, quia fasciationum variæ ac speciales methodi abundè demonstratæ reperientur, in variarum Operationum Chirurgicarum super Corpore Humanô exercendarum descriptione: Ut & itidem quædam ex iis in Tabulis XVI. XVII. quæ sub titulo *Instrumenta Chirurgica*, afferuntur.

FAVI Vid. *Crusta Lactea*

FERULÆ.

Quandoquidem nostrô hîc tempore deficit copia ferularum Hippocrati propriè sic dictarum, Chirurgi utuntur laminis è lignô factis, è quô fiunt vaginæ ensium, vulgo assulas vocant, quas stupâ obvolvunt. Alii utuntur chartâ, seu papyrô crassissimâ: Alii ligneis frustulis, digitum crassiss. Horum usus est, non solum immobile, sed etiam rectum tenere membrum; quod optimè præstant ferulæ; quæ cum lævissimæ sint, non premunt, nec inflammationem movent; quatenus verò sunt rigidissimæ rectum servant membrum. Assula faciliè incurvatur, ut & charta illa crassissima, oleo præsertim, aut vinô madefacta: Ligna autem crassiora valdè premunt, & movent inflammationem. His utebatur Hippocrates, demùm post septimum; quia ante septimum magis urgebat intentio arcendæ inflammationis, quàm intentio stabilendi fracturam: Post septimum autem contrà accidit. *Hieronimus Fabricius ab Aquapendente.*

FIBULA.

De fibulâ ejusque usû, hæc, habet Hieronimus Fabricius ab Aquapendente. Fibula est instrumentum quô constringitur id quod separatum

est. De harum materiâ, & figurâ auctores discrepant. Oribasius enim cap. 4. lib. de machin. ait fibulas fieri ex ære, aurô, ferrô, & habere formam circuli. Guido fibulas appellat hamos, qui debeant esse parvi, pro ratione membri, & ab utrâque parte curvari, ut labrô, utrinque infigantur. At tales aculeos pungentes infigere in ipsâ carne, & nervosis partibus est pessimum: Unde hæc sententia falsa est, maximè quia hami postea latius esse vulnus permittunt. Fallopius voluit fibulas esse primam futuræ speciem, in quâ filum abscinditur, & qua communiter in vulneribus utimur, & hoc potissimum colligit ex eô, quod Celsus ait fibulam fieri ex aciâ molli; ubi Fallopius per aciam intelligit filum, quod nobis vulgò azza dicitur. At contra hanc sententiam multa afferri possunt. Primum enim acia nusquam in linguâ latinâ invenitur, nisi hîc locô apud Celsum, & proinde non potest probari quod acia latinis significet filum. Secundò in editionibus nonnullis pro *acia* legitur. *acû*. Tertio dicit Celsus, quod fibulæ ferè vulnus latius esse patiuntur: at fibula quæ fit cum filô, secundum Fallopium labia vulneris valde adstringit. Quartò apud nullum probatum, auctorem materia fibularum est filum, sed æs, ferrum, aurum, lignum: Unde Celsus cap. 25. lib. 7. agens de ratione infibulandi, ait exemplô filô fibula additur; ac proinde patet fibulam non esse è filô. Quintò modus loquendi ipsius Galeni, & Celsi, quando mentionem faciunt fibularum, talis est, ut per fibulam nullô modô filum intelligi queat: dicunt enim, additis, impositis, injectis, superdatis fibulis: quæ filo non competunt. His ergò rationibus olim adductus, fibulam credidi non fieri ex filô, sed ex ære, aut materiâ ferreâ, non quidem è materiâ durâ, quæ in vulneribus infingeretur, ut Guido sentit, sed molliore, quæ infingeretur per utrumque labium, & deinde intorqueretur. Postmodum verò meliùs rem considerans, inveni opinionem Fallopii esse verissimam. Nam primum Celsus fibulam, & futuram simul dicit fieri ex aciâ molli, non nimis torrâ, ubi dictio illa, non nimis torta, nullô modô acui potest competere, sed filo, quod duplicatum sumitur, & intorquetur, non tamen nimis, ne evadat durum & inæquale. Præterea, si illa dictio, ex aciâ, intelligeretur, ex acû, nihil faceret ad rem: Sicut enim futura non fit ex acû, sed è filô, ita & fibula. Modus etiam loquendi ipsius Celsi, cum dicit injiciendam esse fibulam, valde respondet illi loco, cum dicit, injectum vinculum morder. Licet autem quædam fibulæ aliàs fierent è ferrô, aurô, lignô &c. in vulneribus tamen nihil prohibet, quin è filô fiant: Pro diversô enim usû, & materia, & figura variari potest. Hæc *Aquapendens in Pentateucho; cum quibus tamen non omnino consentit in Appendice ad lib. de Vulneribus, ut & in libr. de Operat. Chirurg. ubi dum de operatione in labiis leporinis ac divisis exercendâ agit, fibulam facit ex filô quidem, sed circum acus per labii partes utrinque transmissas contor- rât.*

FICUS.

De Ficâ, ac ejus curâ sic specialissime scribit Hieronimus Fabricius ab Aquapendente. Ficus ita dictus est propter similitudinem cum ficu fructu;

fructû; quæ similitudo in tribus spectatur; vel quia habet pediculum tenue, vel quia continet in se grana similia illis quæ continent ficus; vel quia à ficu curetur. Ficus autem vel in capite, vel in aliis corporis partibus viget. De secundò non agemus, quia hic est valdè exiguus, qui actionem ferè nullam lædit, estque flaccidus, & curatur forcipe præcisò pediculò, aut sericò constrictò, ut mortuus decidat. De primò hic est sermo, qui est tumor capitis, ex quo rupto, sanies exit similis granis ficuum. Auctores autem non concordant de ejus naturâ & loco proprio; dum alii ulcus esse dicunt; alii tumorem. Est etenim ulcerosa eruptio, subdura, rubens, cum dolore, secundum Paulum; ast Hippocrati tumoribus annumeratur. Ficus igitur est tumor, qui facilè degenerat in ulcus, ex Galenò 5. de Medic. per loc. cap. 4. Sed dubium restat de locò; dum alii hunc tumorem capitis proprium dicunt; alii, ut Hippocr. palpebrarum, & oculorum; alii, ut Galenus, menti; alii, ut Celsus, partim barbæ, partim capillorum. Est autem tumor maximè in capite, & puerorum præsertim, qui tandem etiam excitatur in aliis corporis partibus, ex Aëtiò lib. 8. cap. 14. Tumor ergo rubens est, rotundus, subdurus; ex quò sanies exit similis semini ficuum, ubicunque sit. Fit autem ficus ex humoribus mistis; sanguine scilicet crasso, pituitâ, & serositate, quia est tumor rubens, rotundus, in capite, qui citò, non ritè curatur, exulceratur, propter serositatem pituitæ admistam; illa enim facilè cutim erodit. Differt ficus à Psydriacò; quia hoc est tuberculum acutum, subalbidum, non dolens; illè verò tumor est major, rotundus, rubens, dolens, ex quò exit sanies coarcevata, propter copiosam ferositatem quæ prohibet quò minùs crassa materia à calore concoquatur, unde fit ut conglobetur.

In curatione ficus, prohibenda exulceratio, quia migraret in alium morbum qui longior est: Exulceratur autem ficus si non rectè curetur; Curatio autem quæ illam exulcerationem prohibet est, quæ purgat totum corpus, ut pilule cochiaz, decoctum salis parillæ cum sudore; ad evacuandam ferositatem; quod fit etiam per curationem capitis: Dura pars affecta verò ficus emollienda; aliàs discutientibus & evacuantibus utendum. Itaque hæ sunt indicationes, ac prohibetur suppuratio in pueris, ut millefoliò contusò, cum paucò sale impositò; aqua sulphuris, & salis per spongiam imposita; aqua marina; & muria apposita; ficus decoctæ in aquâ & emplastri modo impositæ. In durioribus corporibus, valent calchanti nissi, aluminis, glutinis, partes æquales, squamæ æris duplum, gluten in aceto modicò diluatur, & cum reliquis imponatur. ℞. lithargyr. ʒi. v. sal. fossil. ʒij. thuris ʒiij. sandaracæ ʒj. terantur, imponantur. Si exulceretur, adhibendum ceratum citrinum, elaterium tritum, lini semen tritum, cum aquâ impositum. Item detergendus est ficus exulceratus, pulpâ ficus melli admistâ; item ceratò triapharmacò. Convenit etiam unguentum citrinum linamentis obductum.

FISTULA

De Fistulis Pectoris, Abdominis, aliarumque partium, vide Caput de Ulceribus ubi hæc pertractabuntur. Hic tantum de iis quædam in specie ex Clar. Petro de Marchettis ac Theodor. De Mayerne; aliisque.

De fistularum Ani Differentiis.

Licet non me lateat, ab omnibus auctoribus curationem fistularum ani proponi, cum tamen diversi sint à me modo, & ordine eas explicandi, ac curandi, ideo decrevi cum in medium afferre, quo sæpe felicissimo successu has sanavi, à differentiis ipsarum exorsus.

Aliæ itaque fistulæ sunt propè anum, non tamen pervenientes ad ejus orificium; nonnullæ ad ipsum pertingunt, & serpunt exteriùs supra intestinum, quod tamen non perforant: quædam verò ipsum pertundunt; & quidem aliæ in externo mulculo sphinctere; aliæ ad partem usque ejus mediam; quædam propè eundem externum superius, vel etiam ultra, superiori tamen parte: aliquæ inter utramque tunicam intestini recti sursum tendunt, modo ad medium sphincterem, modo ulterius: earum item quædam aliquando ad vesicam defleunt, quæ sunt species fistularum ani, & intestini recti à me observatæ. Præterquam quod aliæ uno tantum sinu, aliæ pluribus perreptant; quædam tortuosæ, quæ differentiæ accuratè recensendæ fuerunt, utpote ad earum curationem apprime necessariæ.

De Causis Fistularum Ani, & Intestini Recti.

Causæ harum fistularum aliæ sunt externæ, aliæ internæ. Externæ, vulnera, in ulcera degenerantia, atque hæc in fistulas: contusiones ex equitatione, ex lapsu, vel aliqua hujusmodi causa anum contundente, cujus ratione oriuntur abscessus; quæ contusiones, propè anum potissimum, ex pure in iis conclusæ, perforant absque dubio intestinum, quæ si longius ab ano recedant, illud non labefactant, sed tantummodo carnem, supra quam exteriùs serpunt.

Causæ verò internæ fistularum ani, & intestini recti sunt humores, hæmorrhoides, exulceratio.

Hæmorrhoides siquidem, ratione doloris sanguinem attrahunt, suborto postmodum tumore, qui in sinum, tandem in fistulam desciscit. Ab excoriatione verò intestini recti suboriuntur, dum ab aliqua materia biliosa, mordaci, vel virulenta, ex Luè potissimum Venerea exulceratur, atque sensim excavato ilcere ab eadem in eo congesta, & diutius hærente, paulatim perfoditur; atque materia inter partes musculosas collecta, progressu temporis suboritur tumor in partibus externis ani, qui disruptus in fistulam facessit, quæ tum partes ejusdem musculosas externas pertundit.

Ab humoribus quinetiam heterogeneis aliquando ad intestinum confluentibus, & musculum sphincterem perforantibus, abscessus, & fistulæ suboriuntur, ratione superius allata.

Atque hæc sunt causæ, & modus generationis fistularum ani, & intestini recti. Ad signa modò progrediamur.

Signa Fistularum Ani, & Intestini Recti.

Si fuerit fistula in partibus externis prope anum, quæ tamen musculum sphincterem non perforaverit, id specillo patebit, prout si penetraverit in intestinum; intruso siquidem digito oleo inuncto in anum, specillum nudum illi occurrer.

Dignoscuntur

Dignoscuntur fistulæ inter utramque tunicam intestini, immisso specillo, si digito non fuerit obvium; sed membrana ipsius intestini rectum. Observandum verò, quod specillo immisso, totam longitudinem fistulæ deprehendimus, quo non pertingit digitus in anum immixtus. An verò eadem fistula perforet intestinum rectum in musculo sphinctere, vel supra eundem, hoc prodit signum; siquidem si digiti in anum intrusi apex ab eodem non constringi, sed in loco veluti vacuo hæreere sentiatur; quo stylus quin etiam in fistulam demissus pervadat ad extremum usque digitum, in illud scilicet cavum, fistulam perforate, intestinum supra musculum indicio fuerit, cuius intestini perforati signo ab omnibus proposito, accedunt flatus, male olentes scilicet ex fistula erumpentes, aut faeces.

Utrum verò fistula fuerit in principio musculi sphincteris, medio, vel sine perbelle patet digito, & specillo, ut supra observatum. Quando verò ad vesicam tendunt fistulæ, situs id nobis demonstrat; oculis siquidem ipsas id patet specillo; in locum vesicæ demisso: si verò vesicam pertulerint, copiosa effluet urina, atque aut per totum vitæ curriculum laborant, aut miserè paucis post diebus ægri moriuntur, si fistula valde dilatetur. Et hæc quoad signa, in quibus Medico Chirurgus multum accuratus desideratur, in iis potissimum, quæ musculum, & intestinum perforatum produunt.

De Fistularum Ani Prognosi.

Omnes fistulæ superius descriptæ à pœrito Medico sunt sanabiles; prout, omni ambitione procul, felicissimo successu earum quamplures, imò sexcentas perfectè sanavi, methodo inferius proponenda: quamquam in his quædam facilius, quædam difficilius; & quidem ægre admodum sanantur, quæ scilicet supra sphincterem musculum intestinum perforant; ut quæ à Lue Gallica subortæ. Facilius verò, & brevi tempore, quæ in orificio ani: minus facile, quæ in medio musculo, ut & quæ intestinum perforant supra musculum, quippe difficillime istæ, nec nisi longo tempore admittunt sanationem.

Majori autem difficultate, si symptoma aliquod grave eidem accesserit, utpote inflammata hæmorrhoides, atque proximus illis subortus abscessus, dolor gravis partis affectæ, ut & callus annosus, ac durus admodum, quæ symptomata licet diutius protrahant earum sanationem, non verò eam prohibent omninò; quin potius his sublaris, facilius eadem contingit.

Dubium verò apud auctores, utrum ani fistulæ occludi debeant, quibusdam id omninò negantibus, utpote quæ insanabiles, ipsorum sententia, qui hanc curandi viam ignorant; quibus refragatus, censeo omnes debere, ac posse sanari, his exceptis, quo casu observandum, an fistulæ post cachexiam sint oborire, an verò fistulas cachexia exceperit: si enim fistulæ cachexiæ succedant, tunc non sunt sanandæ, nisi prius sublata viscerum omnium intemperie, & ad laudabilem redacta: quæ verò cachexiam præcedunt, omninò obducendæ.

Quod verò ex fistulis induci possit cachecticus habitus, facile est probare; sanguis siquidem, dum circulatione partem à fistulis corruptam, ac proinde inquinatam alluit, pravam nescio quam suscipit qualitatem, quam visceribus postmodum impertit, ac cachecticam infert dispositionem, vel saltem, non concessa circulatione, sanguinis terri vapores, elevati à parte fistulosa pure obsita sanguinem contaminant, unde vitiata nutritione oritur cachexia:

Quod verò aliqui obijciunt, quo scilicet putrelenta illa materia, quæ continuò ex fistula effluebat, erumpat, eadem sanata; hanc certè, inquirunt, tetram, & corruptam necesse est recurrere, atque alias partes labefactare; ut propterea pessimo consilio fistularum ani sanatio tentanda sit. Respondemus, nullum exearundem sanatione sequi detrimentum; siquidem prout natura singulis corporis partibus proprium alimentum largitur, ita patri fistula laboranti, cui tamen putridæ cum sanguis laudabilis licet, accedit, corrumpitur, & in pus convertitur; qui propterea est expurgandus, unde sanata fistula, alimentum illius partis non corumpetur amplius; quinimò alimentalis substantiæ particeps in eam facesset, ut non sit opus materiam illam refluere ad partes sanas, atque ipsarum temperiem corrumpere; ut propterea fistulæ ani, & intestini recti possint nullo egrotorum periculo sanari, ut sæpissime observavi præmissa tamen totius corporis cura, expurgantibus materiam morificam; & viscerum nativam temperiem redintegrantibus; atque quo omnis prorsus timor absit materiæ refluxus; fonticulus femori dextro inurendus, expurgandis quotidie excrementis.

Curandæ verò fistulæ ani, periculo gravioris mali, ex puris effluxu, ut sæpissime fit, cohibito, quod acrius, & calidius in varios sinus se diffundit, pertuso intestino, & amplius ulceribus productis, ex quibus quamplures moriuntur; prout exacto biennio accidit Illustrissimo, & Excellentissimo Malipetro, D. Marci Procuratori, non admissa sectione fistulæ ani, quod & in sexcentis aliis observavi; ad quam propterea curationem me accingo.

De Fistularum Ani, & Intestini Recti Curatione.

Curatio fistularum duplex est; alia universalis; causæ, alia particularis ipsi morbo dicata. Universalem quod spectat, si viscera patientis fuerint bene constituta, ut patet ex inculcata valetudine totius corporis, abunde erit corpus expurgare lenientibus, præparantibus, & purgantibus, levioribus tamen, misso sanguine, si opus fuerit, ex brachio, vel pede, quamquam aliqui abhorreant à medicamentis; quibus quidem non refragamur, præsentem optimam corporis constitutionem, qua præditos multos curavi, non expurgato corpore, felici successu, & absque ullo futuri morbi periculo. Quod si patiens fuerit mali habitus, & cacochymicus, purgandus primò semel, & iterum, fluxioni arcendæ, ac tollendæ; tum propinandum decoctum ex ligno Guajaco, falsa parilla, aliisque medicamentis, pro ægri temperamento; præsentem siquidem cachexia, rarè admodum ex toto sanantur fistulæ, nisi sublata viscerum intemperie, iisdemque corroboratis. Quoad curationem topicam, multiplex ea est, pro varietate, & differentiis fistularum: Fistulæ quippe prope anum, quæ non pertingunt ad ipsius orificium, facillimè sanantur, non tamen absque sectione, & quidem si rectæ, non sæpius repetita, si sinuosæ, pluribus.

Primò igitur foramen fistulæ dilatandum turundis; imbutis aliquo proprio medicamento, unguento scilicet ex betonica, mattisylva, & hujusmodi; ac quotidie eadem crassiores immittendæ, donec foramen fistulæ satis ampliatum admittat scalpellum ad sectionem; quod si aliquando non sufficiant, aliæ adhibendæ ex radice gentianæ, aut medullâ sorgi, vel spongiâ filo contractâ: satis verò dilatato foramine; demittendus cultellus rectus, ab Aquapendente delineatus in instrumentis Chirurgicis, atque faciendæ unica sectio ad fundum usque ipsius fistulæ; postmodum

postmodum imponendi globuli imbuti ovi albumine, ad prohibendam inflammationem, superinjectis stupis in eodem madefactis; quibus postero die remotis, diligenter stylo inquirendi alii sinus, qui dilatandi, atque secandi modo jam dicto; tum refrigerantia applicanda, atque supra fistulam primo sectam adhibendum digestivum. Quia verò sæpissime à sectione callus suboritur impedit sanationem, illi tollendo ex usu erit viride æris, vel præcipitatum inspersum; cavendo tamen ne hæc corrosiva contingant labia vulneris, metu doloris gravioris. Quibus frustra adhibitis, deveniendum ad ignem actualem; quanquam observaverim aliquando callum sublatum solo digestivo; quod licet alicui forsan novum, & præter rem videri possit, sæpius tamen experientia mihi est compertum, potissimum verò in muliere quadam laborante antiqua fistula, perfodiente ambas nates, per ossis coxendicis foramina, quæ clauduntur à musculis obturatoribus externo, quæ callo obduruerat admodum duro, ad crassitatem medii digiti, quam curavi amplis utrinque sectionibus, ad ossa usque; postmodum applicato digestivo, concoctionis causâ, quibus callus mollior factus, levi negotio abscessit, instar corticis arboris, spatio quinque mensium, perfecte adeo muliere sanata, atque multis post annis incolumi.

Consumpto verò callo, deterfoque vulnere, caro generanda, non quidem unguentis sarcoticis, utpote humidioribus, sed siccis, de tuthia vel Isidis; atque ita globulis his imbutis vulnus implendum, ut caro è fundo succrescat, priusquam illi imminuantur; nec non supra eosdem applicandum ceratum de chalcitide vel de cerusa, aut de gratia Dei; vel, hyemali potissimum tempore, Barbarum.

Producta æqualiter carne, inducenda cicatrix non pulveribus, nec filamentis aridis, quibus labia vulneris callosa evadunt; & cicatrix non ita facile obducitur, sed eorum loco, medicamentis potentiâ siccis, actu verò humidis, prout supradicta unguenta, Isidis, de tuthia, de plumbo, & similia, quibus dura, ac solida evadet cicatrix, quæ difficilior dehiscat.

Quia verò quandoque succrescit caro, quæ remoratur cicatricem, atterenda hæc lumine ustis, præcipitato, & similibus. Atque hæc de curatione primæ differentię fistularum.

Aliæ verò fistulæ, quæ ad orificium ani pertinent, & serpunt exterius supra intestinum rectum, non tamen ipsum perforant, non ita facile sanantur, ob copiosas humiditates, quæ ab intestinis continuo defluunt. Istæ tamen, prout in aliis diximus, sunt dilatandæ, & secandæ; nullo quippe alio præsidio sanantur.

Hic oritur dubium, an sectio sit faciendâ in interna, an externa parte; si enim externa longior videtur futura, ac nimis profunda, non levi sane periculo sit, ratione magnæ sectionis; si interna, vulnerantur sanæ partes. Id tamen solvitur, quod scilicet sectio internæ partis sit præferenda; quia fistulæ, quæ serpunt secundum intestinum rectum, quamvis ipsum non perforant, nunquam possint consolidari nisi ipso quinetiam secto; nec absque ratione, cum heterogenæ substantiæ sint, intestinum, & caro circumposita, quæ proinde non potest adglutinari, nisi carni substantiæ ope, quod per sectionem curandum.

Quod verò caro intestino coalescere non possit, causa est humiditas ichorosa, quæ ab ejus membranis effluens, humectat carnem ipsam, impeditque quominus possit agglutinari; ut propterea non sit omnino metuenda musculi sphincteris, & intestini recti sectio; hac tamen cautione ut musculus non totus secetur, ne fæces involuntariè excernat.

Facta sectione, omnia præstanda superius præscripta; hoc solum excepto, ut digestivi loco, utamur unguento ex Betonica, vel de matrifylua aliquot dies; adhibitis deinde exsiccantibus paulò validioribus, coercendæ superflue humiditati, atque solidiori carni in fundo fistulæ producendæ; oppleta verò fistula carne firma laudabili, obducenda cicatrix modo supra dicto; quæ tamen mollior sit, non dura, quo musculus perfecte constringi possit; hæc siquidem aliquando dura adeo evadit, ut ille satis non possit coarctari, non sine involuntaria fæcum excretionem, cujus causâ imperiti sectionem musculi à Medico, factam calumniantur.

Quod si contingat callum durum produci, emolliendus erit aqua forti, vel spiritu vitrioli, præter infusus in aquis nostris thermalibus, apprimè utiles, quarum vis non solum callos emolliendi, sed etiam simul & sæmel mirificè corroborandi partes lasas; in quam rem propterea vitanda olea, Unguenta, & cerata, quippe quæ laxando, reddunt partes fluxioni obnoxias; & callo non nisi tardius producendo opportunas.

Succedit modò curatio fistularum, quæ intestinum perforant, sive in externa musculi sphincteris, sive media, sive suprema ejusdem parte; quæ tamen loci diversitas non mutat curationem, sed solummodo ejusdem tempus; extremi quippe musculi fistulæ citius sanantur, medii verò, vel supremi, tardius, propter profundas sectiones, quibus ad perfectam earundem sanationem opus est; quæ, prout aliæ omnes, primùm dilatandæ turundis accommodatis, mox secandæ, idque duplici ratione, vel syringotomo, vel filo sorico, aut seta equina. Urimur filo, patientibus ferrum reformidantibus; licet hæc sectio longa sit, & dolore molesta; frequentius verò syringotomo, quia citius, & minori dolore operatio perficitur.

Parafactâ fistulâ, alterutro modò supra dicto procedendum, cavitasque ex sectione opplenda, globulis imbutis ovi albumine. Notandum tamen, quod hæc fistulæ plures postulant globulos, ut sectio patens sit, ne coalescente denuò intestino, quod facile fit, partibus circumpositis, fistula eodem statû, quò antea vigeat. Factâ coctione, potius unguentò ex Betonicâ, cum digestivò, atque oprimò pure apparente, producenda caro, non quidem ut aliorum vulnerum, ratione superius allatâ, Unguentis de Betonica, vel de matrifylua, quibus, ob actualem humiditatem laxa sit, & mollis, in parte potissimum humidiori, sed adhibitis filamentis siccis, pulveribus tuthiæ præparatæ, terræ sigillatæ, cornu cervi usti, plumbi, & hujusmodi medicamentis actû, & potentiâ siccis inspersis, quin etiam firma obducitur.

Quod si musculi sphincteris multum sit abscissum contraria instituenda curatio, unguentis nempe actu humidis, non verò siccis ne cicatrix, ut jam docui, durior, & solidior evadat, quæ prohibeat constrictionem ipsius musculi, cum fæcum involuntariò exitu.

Modum verò quod attinet curandi fistulas, quæ intestinum perforant ultra ipsum musculum sphincterem, superiori parte, quanquam insanabiles à multis habentur, nisi totò musculò sphinctere præsectò, ex quò involuntaria fæcum excretio; eas tamen sæpius sanavi summâ felicitate, citra illud incommodum, factâ congruâ dilatatione, prout in aliis omnibus præscriptum; musculus siquidem sphincter eoque secandus, ut aliqua ipsius pars, verbi gratiâ, ad latitudinem annuli, integra supersit, ac intacta, quæ suò fungatur officio.

Factâ sectione, superstes fistula erit inurenda, ut callus tollatur, cujus sublata crusta butyro, vel digestivò, implenda cavitas globulis, imbutis unguento de tuthia; hac observatione, ut imminuantur illi donec proba caro æqualiter generetur, & cavitas oppleatur.

Quia

Quia verò plurimum accidit, ut propter redundantem humiditatem partis generetur caro fungosa, & mollis huic absumenda, valet Unguentum Iſidis, cum unguento de tuthia æqualiter mixtum, usque dum caro utilis producta fuerit, cicatrice postmodum obducta.

Succedunt modò fistulæ, quæ serpunt inter utramque tunicam intestini recti, & superius tendunt, modò ultra latitudinem sphincteris, modò infra; quæ tamen raro callosæ fiunt, ut ego observavi, propter affluentem humiditatem intestinum, & membranas continuo alluentem, quæ proinde statim sunt dilatandæ turundis ex panno lineo confectis, vitæ illis ex medulla forgi, radice gentianæ, & spongia præparata, quæ plus satis dilatando, lacerant membranas intestinorum; quib. abunde dilatatis, secandæ illæ sunt secundum longitudinem, absque ullo metu læsionis muscoli sphincteris; ad interna verò faciendæ est sectio.

Dum verò secantur, immittenda intra anum cannula rotunda, altero extremo clausa, altero verò latere, si fissura patefacta, in cuius medio lana mollis, vel gossypium lateat, ne acies scalpelli hebetetur; cuius cannulæ usus est, ut secta fistula, excipiat gladiolum, illæis proinde intestini partibus oppositis.

Curantur faciliè istæ fistulæ sectæ obductæ cicatrice, injectionibus exsiccantibus bis quotidie infusis, nec non immixtis turundis imbutis unguento ex tuthia, atque pulveribus itidem exsiccantibus.

Facta sectione, statim indenda turunda longa ad fundum usque sectionis pertingens, illita ovi albumine, cum bolo armena orientali conquassato, postero die ad deterisionem, injicienda aqua hordei, cum melle rosaceo, & supra turundum, inspergendi pulveres ex bolo armena, terra sigillata, cornu cervi uſto; tum ad exsiccardum, tum ad adstringendum. Norandum verò, quod his fistulis nunquam digestivum adhibendum, ne tennes membranæ intestini corrumpantur. Transactis quatuor, aut quinque diebus, parandæ injectiones ex aquis thermalibus montis ægrotorum; vel harum inopiâ, artificialibus ex vitriolo, nitro, sale, alumine, cum aqua communi, immixta semper turunda imbuta prius unguento ex tuthia, deinde pulveribus exsiccantibus jam dictis; quibus remediis obducenda cicatrix, quæ durior licet, & callosa, nequaquam tamen impedit constrictionem muscoli sphincteris; quinimo si mollior foret, brevi resolveretur de novo ab humiditate continuo partem illam alluente.

Superest curatio fistularum ad vesicam serpentium, quæ differunt: quædam enim perveniunt ad ejus collum; & quidam aut juxta ejus exortum, vel medium, vel finem, nec ipsum perforant; aliæ ipsum percutiunt in ejusdem exortu, aut medio, aut circa finem, qua vesica annectitur suæ cervicī.

De prioribus actum in tractatu de fistulis urethræ de aliis non est differendum, cum omnino sint insanabiles, & solo prognostico relinquenda, ne infametur præsidia, quæ multis fuere salutis, ex Celso, ut proinde earum sola curatio docenda supersit, quæ pervadunt ad cervicem vesicæ, ipsam tamen non perforant, in quibus majori dilatatione opus est, quam in superius propositis, in quam rem, ex usu sunt turundæ ex spongia contorta, & compressa, radice gentianæ, medulla forgi, vel sambuci; atq; dilatata fistula, faciendæ sectio, non quidem scalpello, sed gladiolo in hunc usum parato, admodum recurvo, dorso lævi, ne lædatur collum vesicæ, acuta acie, quod partes illud invadentes sint membranosæ, quæ difficulter secantur. Si sint plures sinus, prout plurimum sit pluribus quinque tiam sectionibus patefaciendi, illæsa semper cervice, ne

Medico infamia innotatur; tutpe quippe, ac fœdum foret, urinam per aliam partem effluere, quam naturalem. Facta sectione, callus removendus, tum absolvenda curatio modo jam proposito in aliis fistulis, à quibus istæ non differunt, nisi ratione situs. Observandum tamen Medico, ut statim ad fistularum ani curationem se accingat, nisi renuente ægro; suppressa siquidem; ut satpe fit, purulenta materia, varii sinus excavantur, unde progressu temporis fistula in plures diffunditur, ex qua materia suppressa suboriuntur aliquando abscessus, non sine magno dolore, & febre satis gravi.

Quod si fistulæ fuerint amplæ, deducunt totum corpus in cachexiam; sanguis quippe, dum circulari motu movetur, & partem affectam permeat, suscipit nescio quam malam qualitatem, & inquinatur; atque à parte fistula excavata elevantur vapores putridi, qui labefactant viscera naturalia & vitalia.

Fistulæ verò, quæ perforant intestinum, ideo statim sunt curandæ, quia ægri plurimum laborant tenesmo, & frequenti deijciendi cupiditate, cum doloribus in excretionem fecum; & quod gravius, cum pars affecta pure semper redundet, accidit sapius, ut in plæra phagedæna faceſcant; quod frequentissime observavi.

De Symptomatibus supervenientibus curationi Fistularum ani, & Intestini Recti.

Præcipua symptomata, quæ in fistulis ani ad se trahunt curationem, sunt, sanguinis fluxus, inflammatio, vehemens dolor, & hæmorrhoides. Dolor sedandus anodynis, ut oleo amygdalarum dulcium, violarum, chamæmelino, lacte, butyro loto aqua rosacæ, & hujusmodi.

Aliquando insignis suboritur inflammatio, præsertim ex sectione, si fuerit magna, ratione scilicet doloris attractis humoribus; tunc vero applicanda repellentia, ut ovi albumen, succus plantaginis, portulacæ, polygoni, myrtillorum; atque si dolor, & ardor urgeant, educendus sanguis è venis superioribus, revulsionis causâ, ad partes longinquas.

Tument verò sæpiſſime hæmorrhoides, sectione potissimum, & applicatione medicamentorum acrim irritatæ, hinc acuti dolores, qui curationem trahunt; quibus ex usu est linteum in lacte tepido expressum, & applicitum, necnon offa panis lacte vaccino imbuta, & apposita; prout optimum unguentum rosaceum; quo casu conveniunt quinetiam stupefacientia, leviora tamen, ut unguentum populeum, vel santalinum, cum portuincula opii. Nullum verò præstantius remedium sectione venæ brachii; i. ratione revulsionis; postmodum ex pede, derivandi causâ, ratione morbi, & virium.

Ultimum symptoma est sanguinis profluvium; secantur quippe aliquando rami venarum hæmorrhoidalium, qui statim sanguinem magno impetu effundunt; qui proinde omni ope sistendus, cum in eo vita consistat; applicandum propterea gossypium uſtum, cum pulveribus adstringentibus; necnon stupæ imbutæ ovi albumine, parte manu opprime compressa per aliquod tempus, donec coerceatur; quo apparatu utendum duos, aut tres dies, quousque sponte à pure alluente defluat. Quibus verò institutæ est aliqua sectio, vel hæmorrhoides fluitant, infusus ex aquis thermalibus non sunt administrandi, utpote qui facultate quadam fluxum sanguinis denno excitant, quorundam chirurgorum gravissimo errore, qui illis utuntur.

*De Observandis in curatione Fistularum Ani
& Intestini Recti.*

Perperam existimant multi Pseudo-Medici, se sanare posse fistulas ani, & intestini recti balsamis, unguentis, injectionibus, aliisque hujusmodi præsiidiis; verum frustra laborant, cum hæ nonnisi sectione, & ustione sanabiles sint. Siquidem ego spatio, quinquaginta annorum, nullam vidi fistulam ani sanatam perfecte; licet observaverim aliquas à barbitonforibus, imperitisq; Chirurgis ad cicatricem deductas, quibusdam arcanis remediis, sed speciem solum, & superficie tenus, in quarum quippe fundo materia purulenta delitesceret, paucos post dies in novas majores fistulas, & graves diffusa.

Quare si ex toto fistulæ sint sanandæ, ferro sunt omnino secandæ; quod licet multi reformident, Anatomices ignari, ejusdem tamen periti nullo periculo, & metu hoc præsidio utuntur, quod tamen cautè administrandum in hujusmodi fistulis; ne lacerentur venę sedales, hæmorrhoides dictæ, cum sanguinis erumpentis magno impetu, qui non adeò facile sistitur. Si itaque hæmorrhoides non tumeant, faciendę sectiones inter unam & alteram ani rugam; si verò apparent, eadem inter ipsas administranda.

Fistulæ profundæ opus habent pluribus, & repetitis sectionibus, metu inflammationis, unica enim, & ampla, ob vulneris magnitudinem, dolorem, & inflammationem excitat; quod observandum etiam in sinibus profundis; ut propterea gravissimo errore quidam imperiti chirurgi, laniones potius, statim post sectiones ani, & intestini recti, ferramento candente urant partes recenter cultro læsas, unde dolor insignis, & curatio longius protrahitur.

Sepissimò verò accidit, ut flaccida caro subcreseat, quæ corrosivis absumenda, alumine scilicet usto, præcipitato, viride æris, trochiscis de minio, & hujusmodi: in quorum tamen usu observandum, applicanda mane potius quàm vesperi, ne ratione doloris, patientibus somnus intercipiatur, magno eorum detrimento; multos siquidem vidi, qui ob vigilias, & dolores à medicamento vesperi adhibito, inciderunt in febres; quod non accidit, si interdum eadem medicamenta usurpentur; quia vis sensiva occupatur, & avocatur à variis objectis externis, præterquam quod possumus eadem remove, & illorum loco, sedantibus dolorem uti, sine ullo incommodo patientis, & somni, quod noctu commode præstare non possumus.

Quod si pars ægra dolore afficiatur, adsitque febris, vel inflammata hæmorrhoides, tunc à sectione abstinendum, donec propriis remediis cedant; contingit verò aliquando dolor à materia purulenta, suppressa in aliquo loco ipsius fistulæ, & potissimum in aliarum partium fistulis, & sinibus flexuosis, in quibus acrimonia corrodit partes subjectas, & dolores infert continuos, quos quibus sanandis statim faciendæ sectio, ut eadem effluat.

Observandum etiam summa diligentia, ut antequam egri hujusmodi dimittantur, sectiones omnino sint carne oppletæ, & cicatrice obductæ; si enim vel minimum quid earum superstes fuerit, non occlusum, progressu temporis puris guttæ genitæ erodunt partes, atque ulcus, & fistula suboriuntur; ejus erroris crimine laborant Medicorum nonnulli.

Observationes.

De Fistulis Ani.

Quatuor fistula perforantes rectum intestinum, in infantulo unius mensis, perfecte sanata.

Curavi infantem unius mensis, Nobilem Patavinum, laborantem quatuor fistulis ani, perforantibus rectum intestinum, parte inferiori.

A principiò exiguis turundis duas tantum ipsarum dilatavi, impositò filò sericò, cui alligavi parvum syringotomum, arte paratum; quas postmodum sanavi modò mox propositò tractatù de fistulis; alias vero duas eadem methodo secui, & ad cicatricem deduxi, ægro firma etiamnum valetudine degente. Quod observasse è re fuit, ut rarum, ratione ætatis.

De Ulceribus Ani.

Quia verò nostrò ævò frequentissimè suboriuntur ulcera in intestinò rectò, ægrè admodum sanabilia, ut quotidianà patet experientia, modum propterea hæc sanandi proponere decrevi, hòc præmissò, quod pleraque horum ulcerum ortum ducunt à Lue Venereâ, & potissimum præpostera, rara verò ab alia causa; licet quædam oriantur à dysenteria, in parte nempe superiori ipsius intestini recti, & coli; alia verò ex hæmorrhoidibus, partis scilicet inferioris ejusdem recti, & circa orificium ani; rhagades verò, vel scissuræ quæ à salso, & acri humore ortæ; facile tamen sanabiles, dummodo mala aliqua qualitate careant. Ulcera autem ex dysenteria facta, detersione aquâ hordei, & melle rosacco iterum, & tertio per siphonem infusis; postmodum nostris aquis thermalibus, brevi spatio temporis sanantur; prout rhagades unguento ex cerusa camphorato, ducto in plumbeo mortario. Ulcera verò Venerea, quæ plurimum supra musculum sphincterem, non adeò facile; ex concubitu quippe semen corruptum, & virulentum in ipso superstes, ulcera ampla excitat, quæ progressu temporis serpunt, aut superius, vel inferius; cum observaverim in cadavere supra triginta ulcera, distincta magnitudine unguis supra ipsum musculum sphincterem, per totum rectum intestinum serpentina, ad coli quinetiam partem aliquam; ex quibus ulceribus duæ, tresve libræ puris per diem evacuabam. Hic autem patiens erat valde emaciatus, cum febre lenta ex ulcere qui à me curatus tredecim, aut quatuordecim dies, tandem obiit. Præter ulcera verò supra musculum sphincterem, adfuit sinus quidam; ab ulceribus superioribus serpens, usque ad ani orificium; quorum ulcerum causa fuit Medicorum incuria, qui duos ante annos ipsum non sanatum dimiserunt, ejusdem salutis prætextu, quod materia à toto corpore maligna expurgaretur; ut propterea miserrimus patiens sine remediis diem obire coactus, quamobrem modum docere decrevi, quo in curatione horum ulcerum uti soleo.

Primò itaque totum corpus ab humoribus expiandum medicamentis propriis, humores redundantes purgantibus; deinde assumendum decoctum ex ligno Guajaco, & salis, per quadraginta dies, cum sudore, prout in Lue Venerea; atque dum hæc fiunt, adhibenda remedia topica, in primis injectiones à principio,

à principio, ex aqua hordei, mista, cum Unguento Ægyptiaco, ad abstergenda ulcera, semper sordida, usquedum dolorem inferunt, atque cum ex ipsis aliqua portiuncula sanguinis effluit, tunc verò abstinendum ab Ægyptiaco, cujus loco erit decoctum Guajaci, scordii, virgæ aureæ, & hujusmodi, postmodum utendum aquis nostris Thermalibus montis Ægrotorum: atque ab injectionibus immittenda semper turunda longa, & crassa, imbuta unguento rubro, Placentini, dicto, aut unguento ex tuthia, misto cum unguento Isis æquali doli, & aliqua semper portione præcipitati, ut Lui Venereæ dicati. Quomodo multa ulcera Venereæ sanavi, & quotidie sano, quamquam ulcera quandoque adeò maligna occurrunt, quæ remediis dictis non cedunt, in quibus deveniendum ad ignem, quo inurenda non semel, sed iterum, & tertio, ac quarto atque ne partes sanæ lædantur, locus primò ulceris inveniendus; in quam rem utuntur quidam instrumento speculo ani vocato, quo lacerant partes, cum dolore, & inflammatione, neque tamen locus ulceris patet. ut propterea usum speculi non probeam, cum facilius quod optamus consequi possimus. Quo itaque ipsum dumtaxat ulcus inuratur sine læsione aliarum partium, hac methodo utor, immittò turundam longam, crassam, aliquo unguento ex prædictis imbutam, quatuor aut sex horarum spatio, quaeducta, observo, quæ pars ejusdem unguento careat, cujus loco aliqua materia purulenta superstes ipsi turundæ inherens patefaciat locum; & magnitudinem ulceris, tum mihi paro cannulam ejusdem longitudinis, quæ possit pervenire ad ulcus, cujus extremum, sit obturatum, & perforatum tantum illa parte, quæ ulceri respondet; deinde munio cannulam linteolo imbuto ovi albumine cum aqua rosarum, ipsamque in anum intrudo, & ferramento eandem immisso, repetitis vicibus inuro ulcus; hac tamen cautione frequentius id fiat, & citius, remoto ferramento candente, potius quam eodem diutius intra cannulam contento, ne scilicet intestinum rectum altius inuratur, & perforetur. Facta inustione, duos aut tres dies utendum turunda imbuta butyro; postmodum deveniendum ad injectiones superius dictas ex aquis thermalibus, vel decoctionibus exsiccantibus, imposita semper turunda imbuta dictis ungueatis, qua methodo multa ulcera Venereæ intestini recti sanavi, quam propterea latere nolui.

Observatio Singularis.

Gravia symptomata ex vi in anum immissa cauda porcina, ejusdem setis ad medium usque sectis brevi omnino sedata, cum salute agra.

Memini Meretricem quandam in vitæ periculum deductam, cui à quibusdam studiosis cauda porcina quæ acri hyemis frigore obriguerat, intra anum immissa fuit hac ratione; scilicet primò setis ejusdem, ad medium usque, valde asperis, postea inuncta eadem oleo, atque in anum ipsius mulieris vi intrusa; cum verò aliqua portio ipsius caudæ, tres digitos, extra emineret, atque eandem Medici tentarent educere, pili inversi defigebantur in intestinum rectum, ut dolorem ægra ferre non posset, cum verò medicamenta postmodum per os exhibuissent, speculumque immisissent, ut anum dilatarent, & educerent caudam, frustra fuerunt, adeò ut sex dies alvus illi suppressa fuerit; accedente vomitu, cum febre, & dolore omnium intestinorum: accitus

verò, cum omnia prædicta intellexissem, arundinem longam duas, aut tres spithamas perforavi, in extremo lævigatam; deinde filo crasso extremum ipsius caudæ, extra anum ptominens arctè alligavi, atque immisso filo in cavitatem ejusdem arundinis, in podicem immisi, per quam filo attracto caudam eduxi, illæso omnino intestino recto, ex quo statim maxima copia fecum effluxit, cum patientis levamine; postmodum injecto, duos aut tres dies, lacte caprino, bis, terve per diem, atque sedato dolore, gravissimo certe, infudi vi vinum nigrum austerum ad corroborationem partis, quibus ex toto convaluit ægra. *Petrus De Marchettis in Sylloge observationum Chirurgicalar.*

De Fistulâ in Ano.

Morbus per se patet, præcipue si instrumentis exploretur ulcus.

Indicationes sunt hæ: sanguis fluxus si adsit sistendus, ulcus sordidum detergendum, carne replendum, per siccantia consolidandum, & cicatrix firma est procuranda: humorum acrimonia obtundenda, & corpus est renutriendum.

Quoad Victum, comedat parcè, vescatur unico cibo, prunis, passulis: bibat cerevisiam medicatam. Conveniunt quoque emulsiones, amygdalata, hordeata, Pasta regia, panis marcius, gelatinæ, lacticia, sed præcipue lac asininum ad humorum acrimoniam temperandam.

Purgetur ter diebus alternis hoc modo.

℞. Calomelan. opt. præparat. gran. xv. vel. xx. diaprun. solutiv. ℥ij. gum. Arab. ʒj. fol. aur. numero 4. Mf. f. Bolus mane sumendus, superbibendo tantillum vin. alb. aut cerevis. medicat, & postea jusculum. Sine ullo dolore operatur aut sanguinis fluxu.

Injiciantur Clysteres ex vulnerarii, & lenientibus, ut sanguis fluxus sistatur, ut in Capite de Diarrhœa Dysenteria & Tenesmo describuntur.

Injectiones fiant primò anodynæ, dein detergentes, & denique astringentes & exsiccantes. Anodynæ supra in Cap. 3. de Tenesmo, &c. describuntur. Detergens sit talis.

℞. Rasur. guajac. ℥ij. rad. caryophyllat. ℥iij. aristol. rot. ʒj. fol. sanicul. prunel. vinc. pervinc. veronic. herb. Robert. pilotell. ana m. j. Coq. in aq. fabror. ferrat. ad ℔j. adde sp. vin. ℥iij. mucilag. sem. psyll. & cydon. in aq. ros. & plantag. extract. ℥iij. tereb. Venet. ʒj. vitell. ovor. numero 2. Mf. f. Injectio. Addi quoque potest mel. ros. aut Tapsimel.

Tapsimel de quo hoc sermo est, nihil aliud est, quam mel decoctis vulnerariis additum & despumatum, ubi basis est tapsus barbarus.

Injectio astringens sit talis.

℞. Sterc. asinin. rec. m. ij. aq. ros. plantag. ana ℥iij. Infunde & decoct. interim. adde succ. plantag. ℥iij. syr. de papav. ʒij. gum. Arab. in aq. spermat. ranar. solut. ʒβ. F. Injectio bis in die usurpand.

Aliquanuo addo phlegmat. alum. uncias aliquot, ol. myrrh. per deliqui: ʒj. trochisc. alb. Rhaf. ʒβ. sacch. Saturn. ʒj. vitriol. Martis ʒβ. Aliquando facio ex calcè viva ʒj. in aq. fabror. ferrat. ℔iv. vase æneo per hor. xij. macerat. vnde sumo ℔j. & mucilagines, ovi vitellos, &c. addo.

Aliquando compono ex aq. calcis & mercurio sublimat. simul commist. & sacch. Satur. edulcorat.

Conveniunt intus Diaphoretica viz. Hartmanni aut commune, cum pulveribus testaceis & terreis commista, viz. ocul. canc. magist. perlar. bezaor. orient. corall. &c.

Perſiſtat in uſu Decocti ſudoriferi ſequentis ad 20. 30. 40. dies, plus minus pro ratione operationis & virium.

℞. Raſur. lign. ſanct. rec. & reſinos. ſarſap. medul-
loſ. buxi ana ℥ij. raſur. quer. rec. rad. caryophyllat. ana
℥iſſ. rad. rapſ. barbat. filipend. ſcrofular. maj. ana ℥j.
rad. ſymphyt. maj. cortic. rad. ononid. ana ℥x. raſur.
corn. cerv. rec. dent. equi marin. ana ℥β. perſicar.
maculat. m. ij. prunell. bugul. ſanicul. veron. utrius-
que, ſcabiol. ana p. iiij. flor. primul. ver. p. viij.
roſism. p. ij. Matraccio indantur, & ſuperaffunde aq.
ſequentis ad ſupereminent. iiij. digitor. Digere in
fimo equino per biduum. Cola pro iiij. doſ. matu-
tin. provocetur ſudor, ſuperpoſitis ſtragulis ſine calore
externo.

Aqua ſudorifica talis eſt.

℞. Rad. petasit. rec. ℥ij. rad. bardan. ℥j. ulmar.
card. bened. calend. bened. ana m. viij. ſcord. m. vj.
ſummit. anth. beton. ana m. iiij. cort. citr. ℥vj. inciſ.
& contuſ. affund. cereviſ. fort. gallon. iiij. macera
in fimo per quattriduum, & vaſe duplici diſtilla ad
uſum.

Poſt quartum quemque ſudorem repetatur bolus
purgans cum mercurio.

Diebus ſudorum, niſi fluat alvus, ſubducatur Ene-
mate.

Poſtea (præcipue ſi tabis ſit metus) deveniat ad
uſum balnei ex aqua & lacte cum multo rapſo bar-
bat. ad 4. 6. aut 8. dies ſemel in die.

Cereviſia medicata ſit huiusmodi.

℞. Raſur. lign. ſanct. ℥ij. ſarſap. ℥vj. rad. ſymph.
maj. ℥v. cort. rad. dulcamar. rad. caryophylli. filic.
ſcemin. ſcrofular. maj. filipend. tormentill. ana ℥iiij.
raſur. dentis equi marin. ebor. ana ℥iiij. fol. rec. ſic-
car. bugul. prunell. ſcabiol. agrimon. pilofell. vero-
nic. utriusque, ſanicul. ana m. ij. nuc. moſchat. per
fructa diſſect. numero viij. cereviſ. lupulat. fort.
cong. xii. bulliant in parte cereviſ. mox ubi refri-
xerint, reliquum addatur cum ſucc. cochlear. ℥iiij.
naſturt. bécabung. ana ℥ij. pomor. redolent. rec. ex-
preſſ. ℥vj. fermentatione peractâ lagenis lapideis inda-
tur pro potu ordinario.

Ad fontem impurum occludendum utiliſſimum eſt
Electuarium ſeq. in cujus uſus diu perſiſtat.

℞. Conſerv. flor. papav. rhœad. ℥j conſerv. roſ.
rub. ℥ij. pulv. rad. ſymph. maj. ℥β. rad. ſcrofular. fili-
pend. rad. marin. ana ℥iiij. magiſter. perlat. corall. lap.
hæmat. præparat. ana ℥iſſ. ſang. dracon. ℥ij. ſpod.
℥j. gumm. Arab. ℥iiſſ. ſyr. corall. q. ſ. f. Electua-
rium.

℞. Hujus ℥ij. terebinth. coctur. indurat. croc.
maris corallin. ana ℥j. Mſ. f. bolus mane ſumendus, ſu-
perbibendo hauſtum lactis aſinini, & veſperi horis
tribus à cœna. Addo aliquando battituram ferri vin.
Hiſpanic. extinct. & in porphyrite lævigat. ad ℥iiij.
aut ℥β. aut ampliùs pro re nata.

Eidem intentioni inſervit Julapium hoc, quod
poſt doſin Electuarii (vel aliàs) ſumi poteſt.

℞. Flor. veron. rub. p. iiij. papav. errat. p. ij.
malv. roſæ p. iſſ. roſ. rub. p. iſ. aq. cichor. fumar.
pomor. redolent. ana ℥β. * aquæ è cordibus anima-
lium ℥vi. ſp. vitrioli q. ſ. ad gratiam; extrahe tinctu-
ram. Cola, & in ℥iv. colaturæ diſſolve ſyr. de ſymph.
℥j. de pomis redolent. corall. ana ℥β. Mſ. f. Julapium
bis in die ſumend. Singul. doſ. adde gum. Arabic. in
aq. plantag. ſolut. ℥β.

Juſcula Medicata fieri poſſunt è rad. chin. raſur.
ebor. dent. equi marin. corn. cerv. rad. ſcrofular.
ſymph. filipend. ſem. melon. paſſul. & herbis vulne-
rariis & adſtringent. ventre galli veteris incluſ. & in-
coct. cum fruſto carnis vitulinæ.

Hydromel quoque ex vulnerariis & ingredientibus
cereviſiæ medicatæ parari poteſt.

Si adſit calloſitas, conveniunt pulveres cathæretici
ut pulv. Vigonis, æruginis; immò ſtercus humanum
ſiccatum, calcinatum, & pulverizat.

Si adſit caro fungoſa, abſumatur ad fundum alum.
uſto, Præcipitato per ſe aut cum alum. miſt. pedeten-
tim alterutrum pulverem augendo, ol. antimon. un-
guent. Ægyptiac.

Baſamum ad ulcus detergendum tale ſit, præcipue
ſi adſit caro fungoſa.

℞. Virid. æris depurat. & ſubtiliſſ. pulv. ℥j. vitriol.
Heſſiac. ℥ij. ol. abiet. lin ana ℥iiij. tereb. Venet. gum.
elem. ana ℥ij. liqueſcant gummata cum ol. & ad-
de virid. ær. & vitriol. & digere ſuper ciner. tepide
per noctem, addendo flor. antimon. mercur. alb.
præcipit. ana ℥j. ſal. Saturn. ℥ij. Mſ. & limpidum à
cratſo ſeparetur. Huic baſamo addi poteſt baſam.
ſulphuris.

Ad omnia ulcera putrida Pulvis ſequens eſt præ-
ſantiſſimus.

℞. Mercurii præcipit. ℥j. vitriol. alb. alum. uſt.
ana ℥β. eſcharam facit profundam. Aut ol. antimon.
cum ol. papav. aut roſ. commiſt. donec ſtanno illitum
id nigreſcere non facit, exedit carnem putridam nul-
lo vel ſaltem exiguo dolore.

Inteſtinum rectum pondere ſuo deorſum tendens
cum dolore, ſuſtentetur ſpongia molli cum idoneo
ſubligaculo.

Poſt injectiones ne coacervetur purulenta materia
cannulam interdiu geſtet, cui apprimatur ſpongia,
ne aër ſubeat.

Suffitus quoque exſiccans huiusmodi fieri poteſt
poſt ulceris deterſionem.

℞. Mercur. ℥j. lap. pyrit. ℥vi. maſtich. thur.
ſandarac. ana ℥iiij. ladan. ℥iiſſ. ſtyrac. calamit. ben-
zoin. ana ℥ij. gum. guajac. ℥β. f. Alchool. & cum te-
rebinth. Venet. q. ſ. f. Trochiſci pond. ℥ij. Reci-
piat fumum in ſella perforata, dein per embolum in anum
ſemel in die; pro euphoria continuetur. Addi poteſt
gum. animæ, benzoin. &c.

Præſunt Aquæ Spadanæ: Aut ſi haberi non poſ-
ſunt, ſubſtituatur Vinum Chalybeatum vulnerarium
ſequens.

℞. Raſur. lign. ſanct. ℥iiij. cortic. ejuſd. ℥iiij. ſarſap.
℥viij. rad. ſicc. ſymph. maj. ſcrofular. utriusque, fili-
pend. rapſ. barbat. ſanguinar. caryophyll. ana ℥iiij.
ſol. ſicc. prunel. bugul. veronic. maris, virg. aur.
hyperic. ana m. ij. androſem. equiſet. pimpinell. agri-
mon. ana m. i. raſur. dent. equi marin. ℥ij. ſpod.
corn. cerv. ad albed. uſt. ana ℥iſſ. croc. Mart. aperient.
℥xv.

Imbibantur vin. albo generoſo ad maceratio-
nem, dein eiſd. vini adde ℥xxx. F. Vinum me-
dicatum.

Si à vino nimis incaleſcat æger, diluatur doſis
viz. ℥iiij.) cum aq. Spadens. ℥ij.

Si ſinus non ſatis ſit apertus, aperiatur turundis ex me-
dulla ſambuci, vel ex ſpongiâ carâ, glutine taurin. aut
iſthyocolla imbuta.

Si exulceretur ipſum inteſtinum rectum, & nullis
cedat remediis, tandem ad exciſionem deveniendum.
Nam ſecundum Hippocratem, Rectum inteſtinum
& ſecans & reſecans, & conſuens ſive ligans, &
urens, & putrefaciens, etiamſi hæc graviffima eſſe
videantur, nihil læſeris. *Theodorus De Mayerne in
Praxi Medica.*

De Ulceribus, & Fiſtulis Vrethra.

Oriuntur ulcera ex gonorrhœa Gallica, plurimum
in

in extremo collo vesicæ, atque urethra; aliquando etiam ab humoribus calidis, acerbis, & corroden-
tibus, licet raro. Ulcerum autem colli vesicæ in
perineo situs; eorum verò, quæ paulo infra ip-
sum, scroto; quandoque verò inter glandem, &
penem delitescunt, in foveola scilicet illa, ubi glan-
dis ortus. Hæc autem non ita facile sanantur, nisi
ex toto gonorrhœa sublata: quæ enim ab aliis hu-
moribus oriuntur, emulsione seminum melonum de-
cem, aut duodecim dies, sponte sunt sanabilia. Si
itaque ex gonorrhœa ortum ducant, curanda hæc
medicamentis accommodatis, ab omnibus propo-
sitis, luem spectantibus, decocto scilicet Guajaci, cum
sudore, & huiusmodi. Sanata gonorrhœa ulcere in-
cumbendum primum; nisi enim sanetur, caro ex ipso
luxuriat, unde affectio, quæ sarcoma Græcis, vulgo
carnositas, quam lithotomi corrosivis medicamentis
atterunt. Hæc itaque ne succrescat, ulcera cum can-
delis quibusdam, compositis ex pulveribus plumbi
usti, cerusæ, ruthiæ preparatæ, mistis cum cera, in
urethram immittendis, & detinendis diu noctuque,
quæ, meiendi pruritu sollicitante, educuntur; quibus
solis hæc ulcera sano. Observandum tamen, non esse
imponendas, fluente gonorrhœa, ne ab iisdem suppressa,
exulceret collum vesicæ, & alias partes proximas; at-
que, si malignitatis aliqua suspicio subsit, eadem can-
dela imbuenda unguento ex cerusa camphorato, misto
cum præcipitato pulverisato, absque alio metu, ne
hoc exulceret partes sanas; tum quia est correctum
unguento ex cerussa; tum propria experientia duce,
hoc scilicet non excoriare partes sanas sed tantummo-
do extinguere malam qualitatem ulcerum, qua sub-
lata, candelis supra dictis postmodum sanantur facil-
limè: in quam rem utor etiam aqua Aponitana,
assumpta per os, ad decem libras, cum spiritu te-
rebinthinæ, aut vitrioli decem, aut duodecim dies,
quatuor horis ante prandium, qua, urinæ meatum
perlabente, ejusdem vi exsiccante ulcera urethræ fa-
cillimè consolidantur, qua methodo quamplurima
huiusmodi sanavi.

Et quia solent perforare urethram cum integumen-
tis, aliquando in perineo, quandoque in scroto, ab
illis, progressu temporis, fistulæ suboriuntur; quæ si
in perineo, absente gonorrhœa, pars callosa circa
urethram, & partes adjacentes, inurenda fermento
candente, quo caro illi accrescat; & ad cicatricem
deducatur fistula; hac tamen lege, ne ille inuratur, at-
que fistula amplior fiat, nec urethra, pars spermatica
amplius instauretur, & refarciatur; ut propterea sat
futurum sit, eidem patri circum circa carnem induce-
re, quæ vice sit urethræ, ut cicatrice obduci possit me-
dicamentis sarcoticis, & epuloticis jam dictis.

Observandum tamen, quod si pars interna urethræ
non solidescit, oritur carunculam superius jam dictam
ac proinde in curatione harum fistularum; parienti
candelam ceream in eadem semper gestandam, ne in
cassum omnia adhibeantur.

Si verò pars urethræ scroto opposita fistula labo-
raverit, urina ex ipsa effluens scrotum corrodit plu-
ribus foraminibus; quæ curatio ardua admodum, & dif-
ficilis, licet felici successu eandem sæpius hac methodo
tentaverim. Expiato prius corpore, & exhibito deco-
cto Guajaci, cum sudore, fluxioni sistendæ; statim ac-
cedo ad partem ipsam læsam, quæ si multiplex fuerit,
omnes fistulas seco: & per candelam propositam om-
nem operam in sananda urethra adhibeo; cum alia ra-
tione fistulæ scroti non omnino sint sanabiles, nisi cura
palliativa, qua denuo recrudescunt: quod si non possit
sanari urethra candelâ, scrotum secundum, usque ad il-
lius fistulam, ipsaque inurenda, modo jam dicto, & car-
ne sectæ partes opplendæ: ac tandem cicatrix inducenda

Bibl. Chirurg. Tom. II.

medicamentis propositis. Contingit verò aliquando,
quod in quibusdam observavi, ut scilicet pertusa ure-
thra ex gonorrhœa, amplo foramine, urina profluat, &
scroto repleat, ad magnitudinem quandoque capitis
pueri, dilatatis nempe partibus ejusdem, unde dolor,
inflammatio insignis; ex qua tandem gangrænâ, &
sphacelus; quorum causa, ferramenti cadentibus,
& incidentibus pars ipsa, alienata, & emortua am-
putanda; quod aliquando observavi, scroto sphace-
lo corrupto, & extirpato, nudatos testes, foramine
amplo in urethram patefacto; quod sanavi modo su-
perius proposito, per candelam scilicet, & usu sarco-
ticorum; ac tandem epuloticis: neque alia ratione
vidi huiusmodi patientes sanatos, quæ licet ab aliis
Medicis forte observata, propriâ tamen experientiâ
confirmata, addere præter rem non existimavi. *Petrus de Marchettis in Sylloge observationum Chirurgica-
rum.*

Consultationes.

*Pro Illustri & nobili equite Simone Merlino
Forolivienſe Ulcere intestini recti fistuloso, & si-
nuoso partem externam natis sinistra vicinam ap-
prehendente detento.*

Sicuti perennis desidendi cupiditas in illustri, &
nobili patiente affectus intestini recti ad finem est in-
dicium, ita & excretio portionculæ ramenti intesti-
nalis idem intestinum paulo supra laborare, præcipuè
verò secundum partem sinistram tum uoxa circa na-
tem ejusdem lateris, tumor inquam, ac inflamma-
tio quædam prægressa, tum immissa tenta, & in
partem ea recepta demonstrant. Verum affectum
præter naturam nullum alium esse, nisi ulcus, quod
intestinum rectum ac partem externam natis sinistra,
vicinam apprehendit, præter fidem oculatam, ichor
saniosus ad flavitiem inclinans, qui continuo ef-
fluit, satis superque suadet, quod & cavum esse ex
tenta immissa, & affectu natis, item & fistulo-
sum ex diuturnitate illius, jugique ichoris tenuio-
ris emanatione. (nam à multis annis talem efflu-
xionem cum pruritu intra, extraque anum passus est
quæ indusia è regione ipsi ano semper infecit) con-
firmati posse mihi videor videte; Atqui ulcus prædi-
ctum per totam intestini substantiam pervasisse, ori-
ficiumque ulceris in eodem reperi intestino, ex vi-
cina nate affecta facile suaderi potest.

Sed quid causæ sit quod dum mingit illustris
patiens, ut plurimum egerat, ac antea inter min-
gendum difficultatem persenserit, fæcesque semper
liquidas excreverit, non erit abs re cognovisse. Ar-
bitror ego postremum ex humore acriori; & copio-
siori tunc temporis ad intestina defluente, eorumque
expultricem facultatem sollicitante, accidisse; diffi-
cultatem verò lotii in aliqualem compressionem ob-
tumescentiam partium affectarum vesicæ proxima-
rum factam, referendam esse cenſeo, atque tandem
dejectionem tempore mictionis aliquando fieri putò
quia intestinum rectum secundum proprium muscu-
lum sphincterem malè habens, facile in redditu uri-
næ afficitur, ac velit, nolit, egressum fæcum admit-
tere cogitur.

Principia autem generationis ulceris propositi sunt
proxima & remota, proxima in unius materiæ
acrioris copiosum affluxum refetre non dubito, ma-
teria namque acredine erosionem, copia vero sanum
& cavitatem efficere valet, & ubi diutius colluvies

saniosa detinetur, callo, ac proinde fistulæ datur occasio.

Principia remota pertinent ad causas generantes materiam prædictam, & genitam moventes, in serie illarum tum intemperiem jecoris fervidam, uti calor flavus exeuntis jecoris soboles docet, tum errata in vita antea facta repono, in harum verò numero nativam imbecillitatem partium ani, ob earumdem laxitatem, & humiditatem, robur autem expultricis partium totius, præcipuè verò jecoris pono.

Ut ex his unicuique facile sit intelligere, ad Medicum pro curatione instituenda attinere, ut ulcus illud fistulosum amoris impedimentis agglutinetur; cæterum cum impedimenta & propria, & communia existant, ratione illorum oportebit ampliare, detergere, & siccare, callum eximere, & quod est deperditum sarcoticis reparare, ratione horum, communium scilicet, humorum affluxum inhibere erit necesse.

Quæ opera ad sælicem exitum perducì posse non dubito, tamen meo judicio cum insigni difficultate, quia medicamenta opportuna prohibentur, aut saltem difficulter admittuntur, & partem affectam undequaque non possunt attingere, parsque demum malè habens suâ naturâ imbecilla existit.

Sed an hæc facienda curatio merito dubitari potest, nam ex una parte ætas patientis ultimi senii) est enim illustris eques septuagenarius) distantia loci affecti à partibus præcipuis, tandemque præservatio forsan à gravioribus malis, quam homines mediis hisce ulceribus fistulosis ut plurimum sibi nanciscuntur, facile quemvis persuadere possent, remedia pro perfecta, & vera sanatione non esse tentanda; Ex altera verò parte, quoniam nobilis patiens viribus est valens, bene habitus, ac in cæteris sanus, sæpiusque hujusmodi fistulæ multiplicantur, & concitata fluxione humorum inflammationem, dolorem, cruciatumque sibi insignes adjungant, tuberculaque dura in intestinis occasione illarum suboriuntur, merito quorum exitus sæcum intercluditur, curatio absoluta videtur ex usu opportuna, & necessaria.

At ego in eâ sum sententia, ut si veræ curationi sese dare voluerit vir illustris, quod possit utiq; curari, sin minus, Medicus in id incumbat oportet, ut præservetur, qua amputatis vel saltem resectis causis remotis, ulcereque continuò detergo, exiccatoque malum non augeatur, sed potius reprimatur, quem curandi modum, tamen fictum, & palliatum, gravissimi nihilominus viri insequuntur.

Deveniens ergo ad prælidiorum materias, & primum chirurgicas, statuo curationem ab aliqua sanguinis missione per sectam venam auspicandam esse, vena idèò in cubito, vel in manu secunda seligatur, sanguis enim in toto redundat, robur vitium adest, & corporis habitus ad crassum inclinat, deinde cautelia in brachio sinistro aut femore dextro, secundum partem domesticam inusta sicuti & perennes frictiones, deligationes, ventosationesque partium superiorum mihi summo purè probantur, apertionem verò loci ab experto chirurgo, medicamentis non conferentibus non improbo.

Postmodum ad pharmaca, primum communia, dein privata devenio, quare si de communibus sit sermo, pro leniendâ alvo syrupum rosatum solutivum, ac de polypodio, pro humoribus concoquendis decoctum cichoraceorum, boraginis, betonicæ, ac passularum cum suis syrupis; pro purgatione infusum Rhabbarbari, Agarici, & senæ, cum manna etiam, atque etiam laudo: Quinimo & catapocia de tribus cum Rhabbarbaro, tempore verò calidiori decoctum, infusumque mirobolanorum citrinorum,

chebulorum, & iadorum ex sero lactis paratum, intervallis quibusdam assumpta profutura propono; Vomitum quoque, si patiens ad eum à natura pronus fuerit, semel in mense habitum à cibo non vitupero. Verum & de medicamentis insensibiliter evacuanti-bus, præmissa purgatione est cogitandum, decoctum idcirco guajaci, & salsæ cum china, & sandalis erit miri usus, & si sudor, modestè tamen, & placidè promovebitur, tanto efficacius reddetur medicamentum; Urinalia quoque medicamenta, non vera (nam vera jecur magis accendunt) huc referenda, quare inter alia mihi tum thermæ frigida, tum serum lactis distillatum, adjecto lacte seminum melonum copiosè bibitum tempore opportuno mihi maximè arrident, verum & ab oxymelle dilutioni ex decocto radice apii recentis, capillorum veneris, scolopendrii, & eritroidis non abhorreo.

Demum de particularibus pharmacis cogitandum, quæ si referantur ad jecoris intemperiem, præter aliqua ex urinalibus dictis, succum quoque cichoraceorum non solum assumptum, sed formâ irrigationis hypochondrio dextro unâ cum aceto, & pulvere sandalorum adhibitum, sicuti & conservæ rosarum cum speciebus confectiois ex tribus sandalis usum continuum non improbo; Quod si medicamenta hæc ad ulcus attingant, non solum à qualitate manifesta, sed & à proprietate, duo sunt, primum est pulvis radice gentianæ, vel aristolochiæ ex vino epotus, alterum est pulvis ranarum adhibitus, verum à quibusdam radix hellebori nigri in fistula tribus diebus dimissa, item & elaterium terebinthinâ exceptum radiceque cucumeris asinini summis laudibus extolluntur. Sed quæ à qualitate nota operantur, sunt detergentia, siccantia, callum absummentia, & agglutinantia; Atqui orificium dilatandum rurundâ vel ex gentiana, vel spongia confecta, deinde ad medicamenta prioris ordinis deveniendum, sunt autem thermæ salsuginosæ, inter quas, velut omnium regina est aqua Tetræcii vocata, quæ non solum in potu per tres vel quatuor dies ante decoctum guajaci assumpta, sed & injecta ac per modum semicupii usurpata plurimum valet; succus quoque apii cum vino Mulso decoctionis hordei, myrrhæ & aloes injectus, est accommodatus, ac pro callo eximendo nil præstantius unquam succo herbæ Reginæ cum Ammoniacæ aceto dilutis, & injectis, sed quod omnibus præferendum, est unguentum Ægyptiacum lixivio dilutum, à quorum usu, si pars nimium irritetur, injiciatur serum lactis, vel ipsummet lac asinum, & si ex voto callus auferetur, ad sarcoticorum usum accedendum, qualia erunt unguentum isidis, vel de tintia vino Mulso dilutum; item & succus pimpinellæ, virgæ aureæ, & Centaurii minoris, omnia injecta. Pro agglutinatione fiat injectio ex vino nigro austero decoctionis plantaginis, rubi, malicorii, hypocistidis, & acaciæ, huc referendum oxaleum Galeni, & ceratum barbarum.

Victus his omnibus undequaque conveniens injungatur, qui erit ut nobilis patiens vescatur bonis cibis, & abstineat à falsis agruminibus, aromatibus, lacticiis, cibis, farina subactis piscibus spaliudosis; atque similibus acrioris, & crassioris naturæ, bibat vinum subrubrum, subausterum, guajaco, ac sandalis medicatum, tempore autem decocti instituatur victus semi attenuans, & vinum interdicator, reliqua his ipsis respondeant, Deusque O. M. faxit, ut cedant in salutem illustris, & nobilis Equitis. *Julius Cæsar Claudinus in Consultationibus Medicis.*

*De Ulcere fistuloso Ani. Pro Nobili
Paciente.*

Quod morbi vel diligentissime curati, aut non fiantur, aut ægrè saltem, modo ob ipsorum contingit pertinaciam, modo ob ægrorum, aut medicorum frequentes errores, modo utramque ob causam, prout in casu præsentis contigisse observo. Subortum enim nobili huic patienti tribus ab hinc annis ulcus fistulosum in ano, cujus ratione frequentem passus est, & patitur deijciendi voluntatem, doloremque, & gravitatem circa podicem. Neque hæcenus ab affectu proposito liberari potuit, variis licet remediis præstidiis administratis. Idque duplicem ob causam, primo quidem ob incuriam cum ipsiusmet ægri incomposite viventis, & affectum ipsum aliquamdiu spernentis, tum medicorum, vel potius circum-foraneorum quorundam, qui generosis catharticiis humorum colluviem à toto ad partem affectam attraxerunt; tum & ob ipsiusmet affectus pertinaciam. Sicuti enim facillime suboriuntur ulcera fistulosa circa anum, ob innatam illarum partium molliem, laxitatem, & humiditatem: ita genita ægrè admodum sanantur, ob continuam ad ipsas fluxionem, & difficilem localium parti affectæ adhesionem, cum præsertim ulcera hæc veteraverint, & dolorifica, putrida, depascentia, intemperata, & tabe Gallica inquinata fuerint; cujus naturæ esse ulcus hoc valde suspicor. Hoc etenim sicuti originem duxit à flava bile, salsaque pituita, genita ob incompositam vivendi normam, & ad prædictas partes, tanquam imbecilliores à tribus annis decumbente: ita fovetur à continua fluxione à cerebro humido, ventriculo imbecilliori, & jecore præcalido, ratione intemperie ipsius. Quod contumax quinetiam factum est, ob virulentiam Gallicam, & alias pravas qualitates propositas: cum præsertim adeo altas egerit radices, ut non immerito suspicati liceat propagatum esse in varios sinus, atque in intestinum ipsum penetrasse. Qua de re certiores erimus, si digito in podicem immisso stylum in ulcus demersum perceperimus: vel si sanies per alvum, & materia sæculenta, & færida per ulcus effluere observabitur: atque hinc febri-cula illa lenta, qua hebdomadas, & menses conflictatur, originem ducere potuit, vaporibus scilicet putridis jugiter ad cor elevatis ab ulcere hoc putrido; quæ invalescit, dum egeruntur fæces duræ, cum rigore, iisdem præterlabentibus partem exulceratam exquisito sensu præditam, atque calore, accensis spiritibus, ratione doloris, hincque tandem carnis excrecentiæ, ex sanguine illo vitioso genitæ, ut propterea ulcus propositum omnium malorum sit fons, & origo, quo non obducto, nec alii affectus cedent.

Hoc autem consequi difficillimum censeo, ne dicam impossibile, si præsertim pertingat ad intestinum ipsum. Non ob id tamen medicis præstidiis superfedendum censeo, quib. saltem ipsius incrementum coerceatur, metu alioquin febris fixæ, quæ ad tabem, & mortem nobilem nostrum patientem tandem deducat; cui nunc satis vires constant, generosis remediis pares. Neque hæc fistulas enim ex illarum censu est, de quibus verba fecit Hippoc. 3. in 6. Epid. 39. dum prodidit, tales fistulas aliquando humores superfluos purgando præservare à gravioribus malis, propterea non curandas. Illæ enim sunt fistulæ callosæ, sine dolore non depascentes; hæc vero est dolorifica, ideo non callosa, depascent & dyssepulota, cacoethes, & maligna.

Ipsius autem curatio absolvetur exsiccatione ulceris.

Bibl. Chirurg. Tom. II.

Quod fieri non potest, nisi sublati impedimentis, quæ in casu præsentis sunt quatuor. Primo fluxio perennis, quæ est avertenda, & alexipharmacis extinguendum inquinamentum. Secundo intemperies calida & humida refrigerantibus, & exsiccantibus removenda. Tertio sinus, qui aperiendus, si fieri potest, vel saltem laxandus. Atque demum detergendum, & exsiccandum est excrementum crassum, & tenue in parte exulcerata.

Ut prædictis indicationibus satisfiat, præmittenda est diligens totius corporis evacuatio, cum educatione sanguinis, tum ex jecoraria dextra, tum ex saphena sinistra, accedente simplici, ac reperita humorum vitiosorum præparatione, & purgatione, atque inustione facta duorum fonticulorum dextro femori, & sinistro brachio, exhibita triduum Aqua Tertutiana, cum syr. ros. Placet quin etiam repetitus usus blandi decocti ex ligno Indico, sarsaparilla, & santalis, cum cephalicis, & aliis quæ hypochondriorum rugitus, & tensiones spectent: à cujus usu 40. dierum spatium, cum blando sudore, commendatur usus Lactis caprilli, tanquam detergentis, refrigerantis, & agglutinantis, 20. dies circiter cum octo, aut decem guttulis olei ex ligno Indico; ac tertio ex usu erit aqua B. Virginis, refrigerans, detergens, & exsiccans, vel ipsius loco aqua Vi lensis in agro Lucensi. Atque hæc de internis. Externa topica varia sint, pro sinuum varia conditione, in magnitudine, & profunditate. Si enim admodum alte descendant, cultro falcato angusto sunt aperiendi, profundiores vero turunda laxandi. blandique erodentibus atterendus levis quidam callus in superficie, non enim censeo totum sinum occaluisse, alioquin non esset dolorificus. His peractis, exsiccandum est ulcus, non omissa ipsius detersione. In quem usum maxime pollent aquæ nostræ Thermæles, in primis Montis agrætorum. Per alexipharmaca deinde ipsi ulceri occurrendum. Tandem ad majorem exsiccationem, & roborationem partis, balsamum occidentale opportunissimum censeo, præter alia leviora cuilibet in arte versato notissima, brevitate propterea gratiâ prætermittenda. Atque hæc potissima pro præsentis affectus curatione proponenda duxi. *Benedictus Silvanicus Consilior. & Respons. Medic. Centur. 3.*

De Ulcere Ani. Pro Nobili Matrona Cremonensi.

Vigesima nunc agitur mensis, cum Nobilissima Matrona annorum 27. ulcus patitur in tota interna parte intestini recti, subortum forsitan ex acri materia biliosa in jecore fervido genita, & à toto corpore ad intestina, tanquam ad sentinam, tunc temporis transmissa, quando diarrhæa biliosa laboravit, non sine confluxu pituitæ salsæ, absque ulla suspicionem alterius corruptionis virulentæ. Ulcus hoc nunc callosum factum est, propter materiam crassam porositatibus partis affectæ infarctam est sordidum, ob defectum caloris nativi; atque dyssepuloton, ac difficilis sanationis, ob ingentem affluxum materiæ pituitosæ, biliosæ, & atrabilis à ventriculo, jecore, & toto corpore ad partem affectam, cacoethes quinetiam, propter intemperiem humidam partis affectæ, cujus indicium evidens caro circa eandem inæqualiter excrecens. Est dolorificum aliquando, cum propter decubitus prædictæ materiæ, tum propter violentam fæcum excretionem, fistulosum fortasse, cum supradictæ partes facili sinuosis ulceribus sint opportuna, propter continuam earum humiditatem.

Difficillimè propterea curationis, ut miram videri non debeat, si ntu tot medicorum præsidiorum ex

methodi lege propositum non cesserit. Non ob id tamen iis supersedendum est, quorum beneficio speramus fore, ut aliquo saltem temporis Nobilissima patiens pristinae sanitati restitatur.

Quoad ut fiat præmissa universali totius cura, relinquentibus, derivantibus, & evacuantibus sistenda est fluxio, & materia fluxa evacuanda, ulcus detergendum, valide exsiccandum, & cicatrice obducendum, administratis interim jecur refrigerantibus, & calidum innatum partis affectu foventibus. Quæ præstabuntur remediis Chirurgicis, Pharmaceuticis, & Diæticis.

Pro totius itaque evacuatione, præscribatur leniens paratum ex mell. & syr. ros. sol. cum manna electa; vel ex electuario lenitivo, & mauno, cum pulpa tamarindorum. Sanguis interim educatur ex vena interna utriusque brachii, longe à menstruis purgationibus: mox sub illorum tempus, ex saphena. Preparantur humores syr. de succo borraginis, & oxymel. simplici, cum decoctione cichorii, sonchi, hepaticæ, borraginis, agrimonie, & seminum citri; ac deinde purgantur rhab. senna, & agarico infusis in decoct. cord. adhito syr. de polyp. compos. ros. solut. & manna. Repetatur deinde prædictorum humorum præparatio syrup. de fumaris compos. de cichorio cum rhabarb. & oxymel. composito, additis aquis beton. fumaris, lupulorum, & cichorii: alternisque diebus prædictarum aquarum loco, addatur unc. ris. decoct. epithymi Mel. & facta humorum præparatione, repetatur purgatio medicamento jam præscripto, vel hujus generis. Validiora namque; traherent humores ad partem affectam. Interim inuratur fonticulus brachio sinistro, ad majorem revulsionem, & deterfionem cum materiae fluentis tum fluxu, & in parte ulcerata contentæ. Exhibeatur aqua Tettutiana quatuor aut quinque dies quolibet mane, ad libras quatuor, cum unc. iij. mel. ros. sol. A quibus ex usu erit decoctum radicis chinæ, falsæ patillæ, & santalorum citrinorum, additis hordeo, & cichoraceis, 40. dierum spatio, excitato sudore cum doliolis lixiulo fervido plenis semel in die: victu modice tenui præscripto, vini oligophori potui concessio. His internis accedant externa localia, & quæ clysterum, & suppositoriorum ope partem affectam attingunt: atque adeo apprime convenient clysteres ex aqua Tettutiana, cum melle ros. vel etiam ex muria, ad majorem deterfionem, tum ex vino rubro, cum pulvere tûrbiz, fabarum, hordei, & thuris. Turundæ parentur ex terebinthina Cypria, & melle, cum ciner. quercus, chalcitide, ostreis ustis, & aristolochia rotunda. Omnium tamen maxime usui erunt aquæ Thermales montis ægtotorum, utpote quarum vis præsens ad ulcera antiqua, admissarum per clysteres, vel incessus formâ; in iisdem tertia tamen quaque die obliniti poterit pars affecto sevo hircino, atque ex ipso turunda parata continenda in ano, ad emolliendum callum, qui deinde atteretur deterforiis validioribus. Quæ si frustra fuerint: deveniendum erit ad ignem, parata cannula undique ferrea pertusa, in podicem inferenda, in quam deinde immittatur ferrum candens, idque ter, & quater in die; nullum enim præstantius, & tutius remedium in ulceribus antiquis putridis intestini recti expertus unquam fui. Aquis Thermalibus propositis, injiciendis addentur aloe, thus, & sarcacolla, ad majorem exsiccationem; tandemque applicentur sarcotica, ut betonica, mattisylva, plantago, & ossa cremata, cum vino. Ad compescendum autem jecoris fervorem absque ventriculi noxa, conferet aquarum Thermalium frigidarum internus usus, decem aut 12. dies, cum diureticis, quo ad urinæ vias perducantur.

Quibus addatur congrua victus ratio prædictis proportionem respondens. Ita namque spero fore, ut pristinam sanitatem consequatur Nobilis Matrona. *idem ibidem.*

*De Fistula antiqua, & Condylomatibus, cum febre.
Pro Nob. Florentino.*

Tot, & adeo refractarii sunt affectus Nobil. patientem divexantes, ut nec ipsius Apollinis manu debellari possint; ex fide Virorum Præclarissimorum, qui ad nos scripserunt, ut propterea medica exposcant præsidia, non pro hujus salute, sed pro vitæ saltem prorogatione. Fistulæ namque antiquæ in podice sunt semper curæ difficilis, ob laxitatem & humiditatem insignem partis affectæ, continuamque excrementorum colluviam; magis verò profundæ, fordidae, verminosæ, & tabo Gallico infectæ; deteriores autem, & magis rebelles, quando perforant intestinum, ita ut fæces transmittat per ulcus; licet tamen vita in longum protrahatur. Avenzoaris testimonio inter Arabes, & Matthæi de Gradi inter Latinos, historiam referentis Medici Ticinensis de Filibertis, qui fæces per ulcus excrevit annos viginti continuos. Quod si ulceri antiquo, fistuloso, profundo, cæcoethi, verminoso, & Gallico accedant condylomata, sive carnis excrescentiæ, longis incurabilem produnt affectum, ob confluxum sanguinis vitiosi, & melancholici; quem sanè in Nobili juvene prædominari conjicere facile est ex descripto ejus temperamento. Quando verò decennio fere integro variis medicis præidiis ritè, & ex lege præscriptis cum assumptis, tum applicitis, non solum non cessit affectus, sed in dies magis invaluit, vesicæ collum erodens, ita ut fæces, & ventris crepitus cum lotio excernantur; quo prorsus modo id à Fernelio proditum est 6. de Partium morbis & Sympt. Cap. 11 vel saltem urinæ crassæ, fœtidæ, & saniosæ sunt conspicuæ, cum ipsius ossis sacri aliqua labe, atque omnium circumpositarum partium. qui locus quæso fuerit ullis medicis præidiis? Accedente verò his omnibus febre hæctica, tabida, marasmode, cum grandi corporis macie, ut ossa sola cute tecta videantur, viribusque adeo prostratis, ut semper decumbere cogatur quæ spes elucescit de vitæ proroganda? Quinimo præsens impendit metus, ne adventante æstate, deteriora fiant omnia, viribusque collapsis, succumbat tandem patiens; ut propterea vix in promptu mihi sit, quo vita quidquam ejus prorogetur, quod à Viris doctiss. & in arte versatissimis hætenus non fuerit præscriptum.

Quare sicuti summopere laudo quoad partem affectam, frequentem ulcerum deterfionem, modò aqua Tettutiana, & melle, modò vino in quo ebullierint scordium, mattisylva, lupini, & fabæ omnis causticis, validioribusque deterforiis; ita non inconsultum censeo eam roborare ferro candente per cannulam ferream longiorem à latere undique pertusam, intra podicem semel ac iterum singulis diebus applicato. Hoc enim unico remedio vidi fistulas Gallicas, putridas, & altas multos annos, absque ulla noxa durasse, nondum tamen ad has calamitates perductas. Ratione autem febris, si vires ferent, ex re erit consilio marasmodum torridum in senilem mutare, per refrigerationem corporis balneo aquedulcis, administrato ex Gal. præcepto in Methodo medendi. Et quanquam alias non admodum profuerit decoctum radicis chinæ, atque lac non fuerit adeo familiare naturæ ipsius; utrumque nihilominus iterum præscribendum existimarem. Omnia enim secundum rationem facienti, licet non

non succedant, non est ad alia transeundum, stante eo quod à principio visum est, ex Hippoc. decreto. Quod licet locum habeat in curativis intentionibus, non autem in materiis remediorum: attamen in casu presenti etiam iisdem præsiidiis medicis utcumque alteratis insisterem, atque aliquot dies decoctum radicis chinæ repeterem, cum carne porcelli, ranis, & caudis cancrorum paratum; ita tamen ut in ipso deinde fiat contusum pulpæ caponis nutriti carne viperina. Sic namque erit medicamentum alimentosum. Quod si in ipso dissolvatur scrupulus magisterii perlarum, vires quinetiam magis instaurabit: exhibito deinde cibo modica quantitate, facilis coctionis, & substantiæ; cuiusmodi erunt ova tremula, expressum vel contusum perdicum, testes gallorum juniorum, gelu ex carne caponis, cum succo citri; & morselli ex pistaciis, nucleis pineis, amygdalis dulcibus, pulpa perdis, & nucis Indicæ, cum saccharo, & aquæ ex fl. citri, cum quibus assumet aliquando unum vel alterum cochlear aquæ vitæ ad instaurandas vires jam collapsas, à Quercetano descriptæ in sua Pharmacopœa Restituta. Post usum autem prædicti decocti aliquot dies, lac præscribetur, primo arte paratum ex nucleis pineis, pistaciis, amygdalis, & seminibus melonum, in jure pinguis caponis, cum saccharo; tandem vero & naturale, idque asininum, si muliebris non fuerit copia, ex mamellis exsuctum, aut cum modico saccharo, & buccella panis, ubi primum emulsum fuerit, dummodo venter flatibus non obmutumet. Quod si redundant, cum aliqua imbecillitate ventriculi, præmitti potest stillicidium supra ejus fundum ex oleo absinthie, amygd. amararum, chamæmelino, & mastych. cum vino albo generoso ad penetrationem; munito deinde toto abdomine summitatē purpuræ prædictis oleis imbutæ; ac deinde lac vel humanum ex ubere, vel asininum, cum quarta parte mellis Hispani, loco sacchari, ex Gal. decreto 7. Meth. medendi præscribetur ad uncias quatuor, vel quinque ad summum singulis matutinis horis in aurora, præmissa parca cœna, quo ventriculus vacuus sit; atque ita quatuor vel quinque dies periculum fiet ejus tolerantia. Quod si nullam noxam inde capiet, & facile feret, continuandus erit usus ipsius aliquot hebdomadas; non omissa interim totius corporis inunctione oleo amygdal. dulcium, facta blanda frictione ad revocandum sanguinem, & retardandam corporis exsiccationem. Et hæc adnotanda duxi Virorum præclarissimorum mandatis obsecundans potius, quam ut magni fore usus sperem. *Idem ibidem.*

De Ulcere antiquo Intestini recti. Pro Illustriss. Equite Maffeo Ferrariensi.

Rogatus ab Illustrissimo Marchione Pio sententiam de Chirurgica operatione pro salute Illustrissimi Equitis Maffei inveterato recti intestini ulcere laborantis, proposita, intestini nempe ejusdem extractione, atque ustione, inficiari sanè non possum, à Chirurgis celebribus solertia, & usu, nonnunquam præstari quædam miraculis perquam similia: quemadmodum & legi ab ipsis ex dorso è regione renis tentatam ipsius cum extractione calculi, patientisque salute sectionem, rem profecto longè difficillimam. Quare & operationem propositam quod attinet, illam eorum peritiæ lubens committo: quam tamen & periculi plenam esse, & male cessuram existimo. Tamen enim non ignorem; intestinum rectum partem esse, quæ loco dimoveri, & foras prolabi possit: quod pueris non rarò accidit, ob laxatos humiditate musculos, nonnunquam & nixu majore parrurientibus,

atque idcirco lubens fatear validioribus emollientibus, aptisque instrumentis intestinum id à Chirurgo extrahi, detergeri ulcus, urique posse: cum tamen semel duntaxat admoto igne subsequi haudquaquam possit usque adeo curatu difficilis, inveterati scilicet, fordidi, profundique sanatio, Chirurgia hæc quid allatura sit emolumenti non video. Foris certè relictum intestinum longè maximum subibit gangrænæ periculum. Eodem vero mox ab ustione intro reducto, quid aliud sperandum, quàm eschara recedente, statu ulceris pristino simillimus? Neque enim de sectione hæc cogitandum. Esto tamen (quod impossibile ego quidem judico) sicari ulcus hoc, sanatiq; modo prædicto possit, non poterunt certè non superesse continuæ ab intestini proidentia molestiæ. Neque enim quamvis exsiccato, ac cicatrice obducto ulcere, tanta unquam esse poterit laxatarum partium corroboratio, ut continuum intestini prolapsum prohibere possit, ni id ipsum continuè globulo idoneo, fasciæque competente coerceatur. Hæc mea super ea re sententia. *Idem ibidem.*

De Ulcere fistuloso in podice: Pro Illustriss. D. Georgio Nani.

Affectum Illustrissimi D. Georgii: etsi minus mihi, quam Viris illis Excellentissimis, qui ad ipsum Venetiis diutius continue inviserunt, cognoscere licuit, Excellentia tamen tuæ Illustrissimæ geram morem, quæque mea sit de mali hujus natura; ejusque futuro successu sententia paucis aperiam. Malum ego hoc ex ulcerum esse genere indubitanter pronuncio; quod & à paucis jam mensibus eram suspicatus; argumento fuerat exeuntis materiæ qualitas. Neque enim id quod effluere solet, simplex pituita est, sed materia quædam cum modica plerumque sanguinis portione permixta. Sed neque ex venis hæmorrhoidalibus, ut censent, manat hic sanguis. Esset enim & copiosus, & floridus, & à qualibet materia sejunctus, fuissetque vel ad mediocrem conatum semper, & à partibus ano circumpositis emanaret. His autem omnibus conditionibus sanguinem, de quo nobis sermo, videmus destitutum. Etenim neque multus is unquam est, neque expers putredinis, neque à reliqua materia separatus; sed & lotis aqua thermalis illis paribus, ejus sistitur fluxio; atque ab altiore loco eundem profluere ipsi nos cum speculi beneficio exploravimus, tum stylo argenteo gossypio involuto altius immisso, neque sine sanie extracto. Accedit, quod quæ speculo adhibito videri potuerunt partes, viderimus nec absque carne superflua exulceratas. Verum non unico ulcere constat malum hoc. Videre enim mox ulcus est in ani extremo sub ipsis hæmorrhoidibus; in ipso dein progressu excoarctatio multa speculi beneficio detegitur, non sine metu ne aliud intus delitescat, quod aut speculo, aut etiam stylo deprehendi non possit. Materiæ enim exeuntis & copia est major, & terminus à quo, quod partem altior, quam ut universam ab iis, quæ videri possunt, ulceribus promanare statuamus. Quare cum neque alicujus momenti adsit dolor, internam quandam adesse fistulam non levi suspitione adducor, tamen hac de re Excellentiam tuam Illustrissimam certam reddere non possum.

Ut sit, non leve sane est hoc malum, cum quod partim sit hæreditarium, quod imbecilli, humidoque naturæ sit loco, atque inveteratum; tum etiam quod continuè ab pravorum universo corpore humorum affluxu foveatur. Quapropter & quid boni augurari possim

possim non video. Neque enim facile crediderim eam fore Illustrissimi Domini Georgii patientiam, quam diuturni adeo, atque pertinacis mali curatio exposcat: quinimo pronunciare aulam, hunc ejus affectum eodem, quo Illustrissimi Domini Antonii ejus parentis, successu finiendum. Quod tamen prognosticon haud diffiteor usque adeo ratum esse, quin sperare liceat fore, ut Illustrissimus patiens diuturno usu præsidiorum, victusque præscripta ratione, sanitati tandem aliquando restituatur, quam eidem à præpotente Deo toto animo enixe precor. *Idem ibidem.*

De Fistulis Ani. Pro Nobili Polono.

Ea est affectuum pertinacia, qui à decennio Nobilissimum patientem excent, ut de ipsis sanandis nulla affulgeat spes; adstipulantibus etiam Viris doctissimis, qui ad nos scripserunt, adeo ut medica solummodo admittant præsidia, quorum ope vita saltem longius protrahi possit. Fistulæ siquidem antiquæ ani semper sunt difficiles, ob fluxionem, imbecillitatemque partis affectæ difficilisque sanantur, quando sunt sordidæ, profundæ, & verminosæ, virulentia Gallicæ participes: potissimum verò, quum perforant intestinum, ita ut fæces ex ulcere effluant; cum quo tamen affectu vitam longius prorogari posse, prodidit Avenzoar, & Matthæus de Gradi, qui refert historiam medici cujusdam de Filibertis Papiensis, qui intestino perforato, & fæcibus per ulcus erumpentibus vitam traxit viginti, & plures annos. Quinimo, intestinis perforatis, & ventre ipso, adeo ut fæces illac transmittantur vivere ægros, prodidit Avic. Prim. 3. Fen. 6. Tract. 1. cap. 1. Neque lethalis omnino esse solet ani fistula, licet vesicam exulcerans, ut succedat mictio fæcum, & puris, crepitusque per pudendum, testimonio Fernelii Lib. 6. de Partium morbis, & symptomatibus Cap. 11. Quod si ulceri antiquo, putrido, sinuoso, Gallico, intestina perforanti accedant carnis excrescentiæ, seu condylomata, longe magis incurabilem exhibent affectum, ob confluxum sanguinis vitiosi, & melancholici quem sane in nobili patiente præpollere conjicere est ex ejusdem temperamento. Verum quum toto ferè decennio variis medicis prædictis præsiidiis, cum internis, tum externis non solum cesserint affectus prædicti, quin potius in dies magis convalescerint, quibus accessit febris hæctica, tabida, & marasmodis, cum corporis macie adeo gravi, ut ossa pelle obducta supersint, viresque adeo prostratæ ut continuo sit ipsi decumbendum, non modo valetudinis adipiscendæ, sed neque longioris vitæ alicui spei locus est, quin potius metuendum ne sub ætatem in deterius omnia labantur, viresque jam collapsæ tandem fatiscant: ut propterea vix mihi supersit quod iis addam, quæ à Viris doctissimis fuerunt hæctenus usurpata ad vitam longius saltem producendam.

Quare sicuti laudo summo opere frequentem ulcerum deterfionem, modo aqua Terutiana, modo vino albo in quo ebullierint matrissylva, lupini, addito modico melle; omissis omnibus causticis, & validioribus detergentibus: ita non inconsultum censeo exsiccare validius, & corroborare partem illam affectam ferro candente, per cannulam ferream pertusam ad latera intra podicem iterum ac tertium in die inserto, nec diutius detento. Ratione verò febris marasmodis, si ferant vires, consultum esset ex Galeni consilio curare ut marasmus torridus in senilem facessat, refrigerato, & humectato corpore balneo aquæ dulcis, ex Galeni præscripto administrato in lib. methodi medendi. Et quanquam alias non magno fuerit usui decoctum radicis chinæ; atque lac

naturâ averfatus fuerit; utrumque nihilominus iterum tentandum existimarem, exhibito decocto radicis chinæ quindecim dies circiter, parato cum carne suilla recenti, ranis, & cancrorum caudis; in quo deinde fiat contusum carnis caponis, nutriti carne viperina. Ita namque fiet medicamentosum. Quod bis in die exhiberi poterit, interposito paucio cibo mediocris quantitatis, & facilis concotionis, puta ovis forbilibus, pullis Indicis, vel testiculis gallorum, aut gelu ex carne caponis, cum succo citri: mortellis etiam ex pistaciis, nucleis pineis, amygdalis ducibus, carne caponis, & pulpa nucis Indicæ à quo lac ipsum erit accommodatissimum, primò quidem arte paratum, aliquot dies, ex emulsionem seminum frigidorum majorum, nucleis pineis, pistaciis, & amygdalis dulcibus, in quo dissolvatur syrup. sem. magistris perlaturum, deinde & naturale asininum, cum modico saccharo, & mica panis, ad uncias quatuor circiter: nisi antea ex usu visum fuerit Viris præclarissimis periculum facere lactis muliebris ex ubere exsucti. In quorum usu cœna parcissima sit, quo usus lactis tempore ventriculus sit jejunos. *Idem ibidem.*

De Fistula lachrymali quamvis suprâ capite de Ægylope fusè satis egerimus, perplacet tamen huc rursus adducere ejusdem historiam satis raram, ac primò responsionem, quam dedi informationi parum accurate mihi super hac re transmissa, cui subnectam morbi integram historiam; qualem scilicet habui postquam Nobilissimam Ægram, Lausannam hac de causâ profectus, adivi.

Ex iis omnibus quæ per epistolam ad me transmissam significata sunt, satis agnosco Fistula Lachrymali affligi Nobilissimam Matronam, at non itidem constat, an eminentiæ omnis jam facta sit experts, sicque fistulam quam Chirurgi Galli *Fistule platte* vocant constituat, & an omni prorsus carie os subjectum careat, nam etiam si specillò exploratoriò observata non sit, non inde tamen concludendum nullam adesse, siquidem specillum commodè, ac pro arbitriò non movetur, ac volvitur hisce in partibus delicatioribus, nec caries ita incisionibus peractis semper subjacet, quin multi sinus arctiores, ac variè contorti sæpius ad eam diutius deducunt viâ. Suppono interim Medicos ac Chirurgos in hanc explorationem adhibitos, nihil quod exquisitoris accuratioris sit omisissè, & ea propter tantum novam meditari operationem, quod per viam sibi primò locò paratam ad morbi penitiores penetrare radices non detur: Verum liceat mihi opponere, 1. quod si fistula de quâ agitur omnis prorsus eminentiæ sit experts, vix concedatur distinguere quò demùm incidenda veniat locò, pro cura perficienda, quòdque etiam si fistula pus multum eructaret, elevationem satis sensibilem præberet. unde innotesceret subjecta cavitas, attendendum foret an ne, cum Domina Ægra junior sit, fistula eò locò ponatur, in quo, carie absente, commodum fuerit deligationem compressivam adhibere, sicque curam, quam non semel expertus sum, peragere. 2. Videndum si fistula ejus fuerit conditionis quæ incisionem necessariò exquirat qua in ipsius deveniatur fundum, fungositatesque ossi adnatæ illius cariem obtegentes remediis absumi queant, videndum inquam, quis locus operationi esse debeat, quò scilicet fructuosior, quam prius celebrata, evadat, quod non levis est difficultatis, dum

pum interim errores in hoc commissi, incisiones sæpius multiplicare cogunt, & vultum non parum deformant; sic aliquando vidi à Chirurgo, quamvis peritò, totam propè oculi circumferentiam ferro violatam, quia dum caries in ipsò oculi angulò partibusque vicinis exquirebatur, inde ad ossis Zygomatis partem remotiorem, ubi posita erat deveniendum fuit.

3. Quamvis mihi non satis perspectæ sint omnes Medicorum assidentium rationes quibus ad apertionem cauteriò potentiali sibi parandam inducuntur, non possum quin regeram ejusmodi applicationem non parum secum vehere periculi, dum scilicet non ita penes nos est illius actionem cohibere, quin sæpius ad ipsum oculi canthi majoris ligamentum pervadat, quò erosò, vel nimium debilitato enascitur morbus qui Rhyas dicitur, quique præter alia incommoda non parvam deformitatem inducit. Adde quòd etiam si tale quid non contingat, semper futurum sit ut turpitudine non mediocris de cicatrice restitante enascatur: quodque tam promptè quandoque molliorem pervadat cutem medicamentum, ut ad os nasi spongiosum levique tantum pellicula indutum liberius perveniat, illudque suâ acrimoniâ carie afficiat, ac inflammationem in viciniam accersat per exagitationem ac fermentationem salium, sero fluxionem facienti innidulantium, quam procurat. Unde patet ad hoc præsidii genus non esse descendendum, donec alia omnia inutilia prorsus videantur; super his autem non est quòd determinatè pronunciemus, priusquam ægritudinis examen diligentius perfecerimus Medicosque ac Chirurgos ordinarios audierimus.

In sequentibus cum Lausannam ivissemus, proprio nostro examine novimus de morbo ea qua jam fufius paulò enarrabimus.

Nobilissima Matrona D. B. annos circiter 23. nata, fistulam lachrymalem juxta dextri oculi angulum majorem gerit, qua coacervatur pus copiosum, illudque crassius aut tenuius, pro ratione temporis quò in parte afflicta commoratur. Per se autem non evacuatur pus aggestum, sed tantum expressione factâ per immisionem indicis inter oculi globum ejusque orbitam, illo spatio quod canthum inter majorem ac minorem medium interjacet; digito verò tum aliqua vi adacto per punctum lachrymale inferius non minori eructatur vehementia humor, quàm si per syphonem truderetur. Imò si materia contenta intactò longius sacco copiosius aggesta sit, quòd ferotius est ac lymphidius sub lachrymarum forma effluit quidem, sed parcè admodum. Præteritis temporibus compressâ parte affectâ per canalem lachrymalem pus trans mittebatur ad nares, verum cum à septem jam mensibus glutinosiores ipsius particule hanc sibi viam clauserint, ad superiora necessariò illud refluit, unde non mirum si canalis superior pars, herniosa facta sit, inque ea quam passus est dilatatione continere valeat humorem ad cochlearis mediocris quantitatem, si modò per octo horas non comprimatur. Originem hujusce fistulæ repetunt ab ictu ex ipsâ infantia oculo inflictò enata est magna inflammatio, quæ eam in glandula lachrymali reliquit alterationem, unde suffectus sit continuò humor, qui per orificium canalis lachrymalis inferioris, seu punctum lacrymale inferius, expurgatus, lymphidus primò visus est, donec alteratione sensim aucta putulentus evaserit; nec hodie totus ab ipsa glandula derivetur, sed etiam à carnibus ac membranis glandulosis superiori prædicti canalis parti assidentibus, in quas proculdubio liquor desuprà elapsus, acrimoniâ suâ eam irritationem ac debilitatem fecit, quæ in causâ sit quòd ea succi nutritii quæ

in eas corrivatur, lymphæque excernendæ etiam portio in pus abeat, & à multiplici hac featurigine tam copiosum promanet. Si per orificium canalis lachrymalis quòd hîc, non parum dilatatum reperitur, nobis licitum fuisset filum argenteum tenue inducere, facilè de carie, an scilicet in interiori orbita forsitan adsit, (quòd aliquando vidimus) constitillèt. Verum quandoquidem præ metu irritationis ac inflammationis molestæ sic procurandæ, ab eo arcebamus tentamine, conjecturaliter tantum hæc in re pronunciamus; scilicet, tum ex qualitate humoris profluentis, qui nec odore, nec colore cariem arguit; tum ex carnibus superstratis quæ nec livent, nec dolent, quantumvis quotidie vehementius pro educendo pure comprimantur tum ex oculi globo ejusdemque musculis, ubi nec rubor, nec ad alterutrum latus illa retractio apparet; tum ex ipsius glandulæ lachrymalis color, qui satis naturalis est, nec aliqua sædatur ulceratione aut erosione. Exinde enim probabiliter admodum deducitur materiam excretam malignioris non esse fortis, aut intensioris acrimoniæ, sicque hæc vasis suis quantumvis dilatatis coerceri potuisse; ac ea minime sic perituisse, ut ad nudum os pervenerit. Quòd etiam facilius deducere est ex eo, quòd humor totus compressò suò sacco per punctum lachrymale effluat; si enim perruptus foret canalis humorque in orbitæ cavum, aut extus ad eam effusus liberius vagaretur, quidni sibi alias pro exitu recluderet vias? Verum quòd hæc magno Ægræ bono, infectum est, non sic imposterum semper persistabit, ni totis viribus & derivetur & mitigetur humor, oculusque cum adjacentibus partibus corroboretur. Caries autem hæc in parte edè periculosior fieret, quòd vix ac ne vix quidem medicamenta aut operationes necessarias pro sui cura admitteret. Pro humore evacuandò proponebatur nasi perforatio juxta oculi majorem canthum, at hæc operatio minùs fructuosa foret, quia etiam si prima mali origo in glandula lachrymali fuerit, illinc ad vicinas & inferiores sibi partes corrivata est, ac earumque constitutionem ita vitiavit, ut copię materiæ quæ jam excernuntur præcipuè faciant. Jam autem quis non videt perforationem propositam sublimiori perficiendam loco, quàm quò ascendere valeat humor inferius infra oculi orbitam aggestus, ut sic commodè exhaustiatur? Itaque donec tumor aliquis exteriùs enascatur quò incisò ad cavitatis fundum pergere detur, (quòd vix possibile credimus) cogemur curæ insistere palliativæ, cujus fructus aliquando latior multò evadit, quàm quòd nobis primò polliciri fueramus. Hæc de causâ ut emissarium aliquod aperiremus humori, setaceum omnino conducibile foret, sed delicatior Nobil. Ægræ constitutio, illiusque pro tam generoso præsidio summa aversatio, nos in cauteriò in nuchâ continuò inuendò jam continebit.

2. Semel singulis septimanis corpus expurgabit Ægræ; & quandoquidem ventriculus purgantia ordinaria tolerare non valet, hoc commodè fiet per infusum rhei & sennæ cum paucò sale prunellæ, quo vice aquæ communis parabitur potus coffè, saccharo edulcorandus, & aquâ naphæ aromatizandus.

3. Serum in genere absumet, & ejusdem acrimoniæ non parum obtundet si in potu ordinario utatur, loco aquæ communis cum vino, decoctò tenui radicis chinæ, salteparillæ, visci quercini & ligni lentiscini.

4. Singulis noctibus cubitum itura oculò affectò, nareque ejusdem lateris excipiet fumum, qui de pugillò unò aut alterò pulveris in carbones immissi elevabitur; qui pulvis ex mastiche, olibanò, myrrhâ, succinò & sanguine draconis, cum paucissima antimonii cinnabari paratus est; continuoque post

pott fumigationem apponet oculo linteola conduplicata liquore balsamico, è myrrhâ, balsamo verò & Tolutanô, extractô. 5. Imponet capiti sacculos cephalicos è succino, mastiche, gummi elemi, benzoin. flor. lilior. convall. salviæ, anth. betonicæ, confectos, addito balsamô verô. 6. Subinde de die attrahet in naves pulverem nasalem catarrhis educendis non parum aptum &c. His D. O. M. benedicat. Datum Lausannæ die 6. Martii ann. 1693.

Remediis præscriptis omnino corvaluit agra, & post multos annos oculô sanâ ex inflammatione pulmonum obiit.

Observationes.

Loës Auf dem Sande Hildenæ, consanguineus meus, vehementissimo dolore cujusdam dentis molaris vexabatur. Adiit barbitonforem, qui fracta dentis eminentia radicem in alveolo reliquit, inde continuato dolore exortus est abscessus circa dentis radicem, quo rupto exterius, paulatim remisit dolor, ulcus verò (quod nullo modo consolidare potuit barbitonfor) in fistulam degeneravit. Diversorum Chirurgorum consilia imploravit: sed frustra, donec ego quinto post anno ad paternos lares reversus, curationem Dei beneficio infra scriptis remediis feliciter absolvi. Instituta optimâ victus ratione sequentem exhibui potiunculam.

℞. Pulver. Passaplianti ℥j. detur cum decocto betonicæ, salviæ, rosmarini & majoranæ. Postridie venam in cubito incidi. Deinde materiam in capite sequenti decocto præparavi, & leniter purgavi.

℞. Herbar. & flor. betonic. scab. veron. cuscutæ, agrimon. an. m. j. summit. rosmar. major. flor. salv. & primul. verisan. m. β. sem. anis. fœnic. an. ℥ij. liquirit. ℥j. Coquant. in aq. ad consumption. tertiar. partis. Hujus colaturæ per triduum in aurora calidè ad ℥iv. melle despumato dulcoratæ, exhibui.

Postea. ℞. Eiusdem decocti colaturæ ℔j. fol. sen. mundat. ℥ij. agar. recent. trochiscat. & rhabarb. elect. an. ℥ij. Maneant in infusione horas 12. deinde iterum leniter calefacta, fortiter exprimantur. Expressioni admisce syrup. de betonica & rosar. solut. compos. cum rhabarb. agar. & sena an. ℥j. M. f. potio pro 4. maturinis. Tandem sumit sequentes pilulas.

℞. Mass. pilul. aurear. & aggregativ. ana ℔ss. trochisc. alhand. & diagr. an. gr. 4. Cum syr. de stœchad. formentur pilul. 5. quæ diluculo sumantur. Præparato satis corpore radices dentis effodi, callositatem verò fistulæ unguento quodam caustico absumsi & ulcus unguento de succo apii mundificavi, tandemque cicatricem emplastro diacalcith. & pulv. alum. usti induxi, sicque curationem spacio 30. dierum feliciter absolvi *Fabr. Hildan. Obser. Chir. Cent. 3.*

Juvenis quidam Coloniensis non ex obscurâ familiâ oriandus, cum simili morbo laboraret, in manus barbitonforis incidit, qui variis & per menses aliquot frustra adhibitis remediis, tandem me consuluit, & quidnam ampliùs agendum esset à me inquisivit, cui præscriptam methodum fideliter communicavi, quâ & brevi sanatus fuit æger. *Idem ibidem*, ubi rursus duo alia adducuntur exempla quibus ulterius confirmatur quid valeat methodus descripta; sed ehen rursus ex Clariss. Hildano aliud exemplum.

In veterata ac deplorata inferioris maxilla fistula quomodo curata.

Nobilis matrona Basileæ, ex morbo acuto sanitate restituta, defluxione ad dentes inferioris maxillæ sinistri lateris, cum per multos menses vexata esset, nec dentem, ad quem catarrhus decumbebat, sibi extrahendum curasset, tandem radicem ipsius exorta inflammatione & dolore maximo generatus est abscessus. Quo exterius rupto remisit dolor: nisi quod inter masticandum & loquendum, molestiam doloremque aliquem semper sentiret, ulcus in fistulam degeneratum per annos quatuordecim apertum remansit. Interim etsi variorum Chirurgorum consilia auxiliaque imploraret, multa tamen frustra tentavit. Nullus enim de extractione dentis cogitaverat, imò potius extractionem omnes dissuaderant. Ego cum ann. 1610. Sereniss. Princ. *Janutio Radzivilio* Lithuanicæ Duci, in difficili ac longo morbo operam meam impertirem, ad matronam quoque hanc (quæ jam sexagesimum annum ætatis prætergressa est) accersitus fui. Tum superiorem partem dentis, ad cujus radicem fistula erat, ad alveolum ferè usque erosum inveni. Semel atque iterum expurgato corpore radicem dentis extraxi. Postea turundam unguento nostro ad callositatem absumendam imposui, erosâ callositate pulverem præcipitatum quotidie inspersi, & emplastr. palmeum applicui, nec medicamenta hæc mutavi usquedum ulcus perfectè sanatum esset, quod intra mensem contigit. Radix autem dentis erosa, inæqualis, & materia quadam lapidosa per laminas disposita, obducta erat.

Pro Fistula in dorso à Scapula ad lumbos pertingente.

Purgato corpore potionem hanc vulnerariam præscripsi.

℞. Rad. consol. maj. ℥ij. rad. bistort. aristol. rot. dictamn. alb. an. ℥ss. herb. pyrolæ ℥ij. consolid. Sarracen. ℥ij. fol. alchimill. agrimon. equiset. beton. fl. hyperic. ros. an. ℥j. sem. hyperic. perfoliat. an. ℥ij. ocul. cancr. ℥ij. F. omnium pulvis: cujus sumatur tertia pars, & coq. in mensuris quatuor vini albi, & mensura una aq. plantag. coletur & servetur ad usum, addendo Sacchari quart. j. aq. cinnam. ℥j. bibat de eo manè jejunos cyathum unum, & sub vespere horis duabus ante cœnam tantundem; ita continuando donec reliquæ pulveris partes consumptæ fuerint. Interea dum hoc decocto utitur, injectionem sequentem per Syringam in ulcus indies infundat.

℞. Succ. apii officin. succ. plantag. & agrimon. an. ℥ij. succ. tabacc. ℥ss. mell. ros. ℥ij. vini rub. ℥j. dissolv. chalcant. alb. aluminis tartari, an. ℥ij. vel plus dum sordidum adhuc est ulcus, ærugin. æris, auripigmenti, an. 3β. F. injectio. Cum supra & infra pateret ulcus, ut siccaretur, fumus per canalem infundibuli in humilior ulcus fuit intromissus, tandiu donec per superius ulceris foramen prodiret, sicque interiores omnes cavitates pervasisset.

℞. Mastich. thuris an. 3β. myrrh. ℥ij. benjoin. storac. an. ℥ij. sarcocoll. pic. resin. pini, gummi elemi, an. ℥j. F. Pulvis carbonibus inspergendus pro fumo. Postquam curam hanc per injectionem & suffumigationem aliquot septimanis continuasset, integrè sanatus fuit. *Felix Platerus obs. lib. 2. pag. 508.*

Studioſus quidam octodecem annorum in pectore diu habebat Fiſtulam, ex qua effluebat multum aquoſum pus. Hæc à me curata ſic fuit, mane & vesp̄i poſtquam exivit omne pus, injeci per Syringam oleum heraclinum, ac poſtea foramini fiſtulæ turundam majorem impoſui, ut maneret aperta, atque tali proceſſu quotidie penitus conſanuit *Martinus Rulandus, curat. 39. cent. 8.*

Domina quædam juvencula fiſtuſis ulceribus pluribus locis prorumpentibus multum debilitata, poſt expertiſſimorum Chirurgorum irritos plane conatus, & cum ab omnibus pro deplorata haberetur, tandem brevi temporis ſpatio ſequentis remedii uſu integre curata eſt.

Absynth. & menth. an. Mi. millepedum bene contuſor. (dempris prius capitibus) 300. Sacculo omnia includantur, qui ſuſpendatur in cereviſ. tenuis pintis VIII peracta fermentatione, capiat hauſtum de ea biſ terve in die, plurimum præſtant millepedes in fiſtulis & mammillis exulceratis, modò non ſint cancroſæ. *D. Rob. Boyle. lib. De Utilit. Natur. Philoſoph. part. 2. ſect. 5. cap. 5.*

Cultri oblongi dimidium lumbis infixum, biennio poſt extractum eſt, reliquæ inde Fiſtula ſanata.

Anno 1591. adiit me juvenis robuſtiſſimus optimique habitus laborans peranguſtâ quidem, ſed profundâ & perpetuò dolorificâ fiſtulâ, ad dextram ſpinæ dorſi partem, circa quartam vertebram lumborum. Is narrabat, ſibi ante biennium culiro illarum vulnus, in quodam tumultu, quod à nemine hætenus curari potuiſſet. Dilatâtâ fiſtulâ trochiſcis de minio & ſpongiis præparatis, item radice gentianæ, inveni in ima parte oblongi cultri dimidium, cujus mucro defixus fuit inter tertiam & quartam vertebram, reliquum callo obductum. Inciſo callo extraxi cultrum. Exin mundificato ulcere, cum pulvere præcipitato, & unguento quod Apoſtolorum vocant, juvenis brevi tempore convaluit. Id autem hic inſigne eſt, quod à vulnere accepto, ad extremam curationem, vix unquam febricitavit; nedum paſſus ſit inflammationem, ſpaſmum, dolorem acutiſſimum, & reliqua ſymptomata quæ ſolent ſancio dorſo accidere graviffima. Anno 1612. Cum Hildinam proſectus eſſem, prædictum virum in arce Neſſelrod prope Duſſeldorpium, apud generoſum Virum Dom. Wilhelmum Ketlrum & c. cujus tum temporis, quamvis ſenex, erat domeſticus, vidi: qui & coram generoſo ſuo, omnia quæ acciderant expoſuit; ſequæ ab eò tempore, quo à me curatus fuit, quàm optime habuiſſe conſtanter affirmavit *Guilhelm. Fabric. Hildan. obſ. Chirurg. cent. 1.*

Fiſtula ex parotide orta.

Studioſus quidam circa annum 12. ſtatis abſceſſu ſub aure dextra (parotis vocatus Medicis) correptus fuit, qui quum paulatim in fiſtulam abiſſet per tres integros annos fruſtra à barbitonſoribus excruciatuſ fuit. Tandem 28. Julii Ann. 1620. cum Bernam veniſſet, & mihi adductuſ fuiſſet, fiſtulam cuniculoſam, inveni; exterius in cute duo ſaltem erant foramina anguſtiſſima, quorum unum ſuſum verſus cranium tendebat, & in duos ſinus dividebatur, alterum deorſum verſus jugulares venas ſcendebat. Sed omnia intus erant calloſa. Optimâ præſcriptâ victuſ ratione, ſemel quin etiam atque iterum expurgato corpore, cauſticò meò cutem quæ

fiſtulis adiacebat, eroſi, & digeſtivum, nec non unguentum baſilicæ ad caſum eſcharæ applicui. Deinde eodem cauſticò, nec non pulvere angelicò, diligenter rectificatò, calloſitates omnes paulatim abſuſi, ita ut intra ſeptimanas ſeptem pleniffimè convaluerit. Porro in ejuſmodi curationibus diligenter attendendum, ne quicquam de cute à muſculola carne ſeparata, & venis capillaribus deſtitutâ, remaneat. Conſolidationem enim impedit. Et quia illa in primâ applicatione in noſtrò ag.ò propter calloſitatem inſignem eroſa non fuerat, applicationem cauſtici aliquoties iteravi; ubi diligenter proſpiciendum eſt, ut quantitas cauſtici, cum cute, quæ erodenda eſt juſtam, & ut dicimus; ad pondus habeat proportionem. Et ita quidem ut partes integræ & ſanæ conſerventur, malè affectæ verò deſtruantur. Id autem rectè ut fiat, neceſſe eſt ut Chirurgus optionem habeat notiſſimam facultatis ſui cauſtici. Deinde etiam ut naturam ſubjecti cognoſcat, hoc eſt, an molle; rarum, humidumque, an verò ſolidum, denſum & ſiccum exiſtat? 2. Quàm periculoſum enim ſit in applicatione cauſticorum medicamentorum errare lector ex aliquot obſervationibus meis obſervare poterit. *Idem Centur.*

Fiſtula Vrachi.

Valentinus Vogel calculum è ſeroto extraxeram; viceſimâ martii proximè præteriti iterum me inviſit, retulitque ſe ab eo tempore quo à nobis diſceſſit, iterum me inviſit, quàm optime habuiſſe, & in ditione Tigurina in pago quodam ludimagiſtrum egiſſe, jam verò propter inſtaos ver, atque æſtatem (quò tempore Ludimagiſtros ſuos ablegant Helvetiæ ruſtici) ut alibi ſe nutrire poſſit, proſpiciendum eſſe. Ante aliquot autem meſes ulcuſ haud procul ſub ipſo umbilicò exortuſ eſt. Ex quo plerumque pars aliqua urinæ, utpote ſubtilior, non tantum guſtatim exſtillat, ſed nonnunquam veluti cum impetu erumpit. Ulcuſ hoc ſine dolore fere, moleſtia, & febre, ex tuberculo ad inſtar furunculi, factuſ eſſe, ſanctè nobis aſſeruit. Ego ſtylum exploratorium per illud ipſum ulcuſ, quod valde anguſtum & calloſum, ad veſicam ipſam immiſi. Ex quibus videre eſt Urachum in viro iſto pervium factuſ eſſe, tam ſagax ac provida eſt natura, in conſervatione ſui individui. Cum enim ductuſ urinary calloſis ulceribus impedituſ eſſet, aliam ſibi pro evacuatione urinæ fabricavit viam. Clariffim. Wierus in ea fuit ſententia Urachum in omnibus pervium eſſe, & proinde diuretica maximo cum fructu umbilico applicari poſſe &c. *Idem Centur. VI.*

Fiſtula lacrymalis in puella, ſanata ſeſſione, cauſticò, aliſque præſidiis, ex artis lege. Accedit, contra multorum ſententiam, vera & ſuta fiſtula lacrymales curandi methodus.

Quamvis omnes Medicinæ, & Chirurgiæ Scriptores, variam præſcribant curationem fiſtularum lacrymalium, ego tamen quædam à me obſervata proponam, licet ab aliorum methodo non aliena. Sanavi itaque puellam ſeptem annorum, Curti mercatoris filiam, ab incunabilis fiſtula lacrymali laborantem, cujus à multis fruſtra tentata erat curatio hac ratione; ſequi fiſtulam ipſam, & quia puella non ferebat diutius hanc operationem, uſque erat corruptuſ, quod ſimplici propterea ſeſſione abra-di non poterat, coactus fui illi adhibere cauſticuſ, mixtuſ

mixtum cum unguento ex betonica, & paulatim fistulam dilatare, quo totum os corruptum eradi posset, quo sublato, applicui supra os superstes filamenta arida, quousque caro laudabilis ab ipso excrevit: præmissa tamen digestionē medicamentis propriis; postmodum supra labia vulneris unguentum ex tuthia, sarcotici loco, propter continuum ichoris fluxum ad angulum oculi; tandem induxi cicatricem cerato ex Diachalcitide, filamentis tenuissimis aridis, qua methodo multos curavi quam occalescente sinu, libentius inustionibus feramento candente utar, si ægri admittant, utpote quæ callum non modo atterant, partemque ipsam corroborarent, sed etiam citius separent os corruptum, quicquid sentiant aliqui, perforandum scilicet os, quo materia illa purulenta per nares effluat & cicatrix exterius obducatur; qui tamen frustra sunt, quia os perforatum inurendum, ex illorum sententia, quo foramen melius pateat, præbeaturque exitus puri; at quando os est corruptum omnino removendum, cum alioquin fistula non possit sanari, neque ad cicatricem deduci exterius, atque ita hæc curatio futura sit palliativa, & intuta; præterquam quod hujus perforationis non alius sit usus, quam ut os perforatum, & inustum citius abscedat, cujus loco natura carnem prius aliquam generat, quæ progressu temporis evadit callosa, & dura instar ossis, qui curationis finis; quia cutis cum carne subjecta, quæ ab ipso osse excrevit, cum ipsa coalescit, atque ita fistula sanatur; non verò foramine superstiti, ex quo continuo emanat materia purulenta, cui antea patebat exitus ex angulo oculorum per foramina, puncta lacrymalia dicta; progressu siquidem viginti, aut triginta dierum circiter, os inustum, & perforatum, abscedit, unde foramen obstruitur à carne, ut dictum est, ex ipso pullulante. Graviter proinde errant, qui existimant, perforationem hoc commodum præstare, ut materia per nares effluat, licet hujus ope os perforatum citius abscedat; observandum tamen, non esse perforandum os, nisi præsentem maximam ipsius corruptionem, quæ perveniat usque ad cavitatem internam ipsius nasi; sola siquidem ejus superficie corrupta, aut alterata, sat fuerit partem læsam scalpro abrasorio abradere, dum pars cutis coalescat ossi, quod tamen, fieri non potest, nisi sanum fuerit, & incolume, ejusdem autem corrupti, & scalpro excisi hoc vobis fuerit indicium, cum spatio, decem aut summum, duodecim horarum, caro illi accreverit, quod nonnisi facta abrasione contingit, coalescente fistula. Quod si post abrasionem nulla caro subcreverit, os corruptum adhuc subesse pronuntiandum, quod proinde denuò abradendum, quousque hæc signa omnino non appareant. Qua ratione feliciter semper, & turò sanavi fistulas lacrymales, non solum puerorum, sed etiam adultorum, qui cum plures sint, eorum nomina referre supersedo, quæ in memoriam revocare difficile est.

Quia verò non omnes fistulæ lacrymales sunt cum corruptione ossis, ideo istæ duobus modis possunt curari; vel incisione sola, & attritione calli, cum generatione carnis; vel secundò, absente callo, per compressionem ipsius partis, instrumento ab Aquapendente descripto, aut aliquo alio simili: quæ, quia à plerisque pertractantur, supervacaneum censeo repetere, cum mihi sit animus, proprias tantummodo in medium adducere observationes, iis prætermittis, quæ passim ab omnibus proponuntur. *Petrus de Marchettis in observation. Medico-Chirurgic. Sylloge.*

Fistula colli anterioris infra laryngem, ex tumore à barbitonsore intempestivè sanato. Observanda in curatione vulnere colli, ne vena jugulares, & carotides arteria ledantur.

Multas sanavi fistulas colli potissimum verò qua laboravit adolescens quatuordecim annorum, in parte ejusdem anteriori, infra laryngem, oborto primum ex contusione tumore, cui à Barbitonsore sanato, superstes fuit fistula inter utrumque anulum asperæ arteriæ, cum læsione utriusque cartilaginis, ex qua spiritus efflabatur. Habira itaque prius rotius corporis ratione, medicamentis humores peccantes purgantibus, deveni ad topica; & primò quidem quatuor integumenta dilatavi, turundâ ex spongia; deinde scalpro abrasorio partes ipsas cartilagineas utrinque læsas accurate abradi; tum filamenta arida supra eadem applicui; postmodum unguento Isidis, quod occalescere cœperat in parte carnosa, attrivi. Tandem globulis ex filamentis imbutis unguento ex tuthia, cum unguento Isidis, cavitatem opplevi; atque sensim & sensim immunitis globulis, cerato ex Diachalcitide, cum filamentis aridis cicatrice fistulam obduxi.

Hic autem observandum, quod si vulnera colli punctim inflicta fuerint, nec statim mortem inferant, pro signo hoc habendum sit, venas jugulares, & arterias carotides illæsas esse, ac propterea maxima cautione curanda; quia licet non pervadant totum collum, turunda tamen non est immittenda longa, & crassa, sed brevissima, quæ integumenta non excedat, quæ principio inobuenda ovi albumine, superinjecto postmodum linteolo duplicato per totum collum, eodem ovi albo intincto, cum bolo armena, & sanguine draconis: educto deinde sanguine, pro virium tolerantia, atque exhibito medicamento leniente postero die; à quibus per duos dies non immutanda remedia parti vulneratæ adhibita, cum solum linteolum ex usu sit sæpissime, quotidie prædictis pulveribus cum ovi albumine inductum. Victus sit solum præparata hordacea bis per diem exhibita; potius verò aqua hordei pauca copia, quod si deinceps inflammationis merus ingruat ex altero brachio sanguis ducendus, justa quantitate, atque urgente dolore, viribusque permittentibus, affigendæ quin etiam cucurbitulæ, scarificatæ: omni quippe ingenio, & arte prohibenda generatio puris, utpote quod venas & arterias corrodat, cum mortis præsentis periculo, prout observavi in quibusdam ab imperitis male curatis, dum intruderent turundas longas admodum, à quibus puris copia congesta, venas, & arterias consumpsit, mortisque causa fuit; ut propterea duobus aut tribus post diebus, removeam turundam illam brevem, applicato deinde linteolo inducto cerato ex cerusa, repetito alio perinde duplicato eodem modo, pulveribus prædictis, cum ovi albumine instructo, quibus spatio octo, aut summum decem dierum hæc vulnera sanare consuevi, servata tamen semper diætâ tenuissima, ne humores ad partem vulneratam conflant, atque in purulentiam materiam conversi vasa erodant.

Quod si vulnus trajiciat collum, hac methodo utor, imposita scilicet brevissima turunda utrinque eodem modo, quo superius proposui. Animadvertendum præterea, hæc vulnera nunquam esse tentanda specillo, ne, quod facile contingere potest, distrumpantur vena, aut arteria, cum vitæ proximo periculo.

Qua

Qua methodo multos sanavi, multosque quinetiam mortuos vidi, diversa ab hac curatos. *Idem ibidem.*

Dua Fistula sub axilla, variis remediis frustra tentata, igne actuali feliciter sanata.

Quidam laborans duabus Fistulis profundis sub axilla me accessit, variis frustra tentatis remediis; quippe, quæ cum ad subjectas ulque costas penetrarent, incisiones proinde non admittebant sine vasorum læsione, ac præsentis vitæ discrimine. Cum autem Medici, fuissent primò usi corrosivis; postmodum verò compressionibus, ligaturis, & hujusmodi præsidiiis, in cassum tamen; ego corpore jam expurgato, statim ad operationem me accingens, utramque fistulam ad fundum usque inussi, ferramento candente, absque cannula, repetitis vicibus, donec omninò, & æqualiter toto fistularum sinu callus attereretur; elcharæ verò detergendæ, turundis primò longis, & crassis butyro illitis, postmodum digestivo usus; Pure verò apparente laudabili, alias immisi, inductas unguento ex Betonica, quas quotidie breviores paravi, quibus omninò remotis, pulvino ex linteolis sub alis, compressa parte ligatura satis arcta, spatio vincti dierum ægrum sanitati omninò restitui. *Idem ibidem.*

Qua ratione curanda fistula thoracis, cum labe ipsius ossis sterni, quod abrasione solum, nonnunquam verò inustione tentandum.

Fistulas sæpissime præ manibus habui, ex abscessu, aut vulneribus superstites, quæ aut corruperant, aut aliqua saltem labe affecerant os ipsius sterni, ex abscessu potissimum, ratione redundantis puris; quo casu, amplianda fistula, aut turunda ex spongia; tota postmodum pars ossis corrupti abradenda, dum caro laudabilis, paucis post horis illi accrescat; tunc verò imponendi globuli ex filamentis imbutis unguento ex Betonica, aut Matrisylva, atque carne inducta, cicatrix, medicamentis exsiccantibus aliàs propositis, obducenda; quod si caro parvo temporis spatio non succreverit, indicio fuerit, totum corruptum os non esse abrasum, ac proinde operationem repetendam, donec caro optima adnascatur, quo illis postmodum remediis detur locus. Nunquam vero deveniendum ad inustionem ipsius ossis sterni, quia non abscedit, aliorum more, quæ licet ex toto corrupta non sint, sed aliqua tantum parte, si inurantur, sola illa labefacta abscedit, superstita alia laudata, quod non contingit ossi sterni, quod lentum satis, non potest ita facile in squamulas dirimi; quin potius inustione ad internam usque ipsius partem pervadente, totam partem corruptam abscedere necesse est, non quidem spatio triginta, aut quadraginta diurnis, prout alia ossa, sed trium aliquando annorum, unde consulo, ut nunquam os sterni inuratis; observavi siquidem in multis non abscessisse, nisi duobus vel tribus annis exactis; ut propterea tutior, & facilius sit curatio per abrasionem, quam per inustionem; quæ methodus curandi fistulam à vulnere; vulneris autem, quod non penetret in cavitatem, principio statim ad mutuam contactum labia adducenda, & quidem si amplum fuerit, per futuram, si verò angustum, per compressionem, prohibita puris generatione, ne os ipsum corrumperet, aut saltem afficiat. quia ratione in his vulneribus non penetrantibus, sed lædentibus tantum os ipsum sterni, progressu octo vel decem dierum illa ad cicatricem perduxi, sola appposito cerato ex cerusa, vel ex Diachalcitide. *Idem ibidem.*

Bibl. Chirurg. Tom. II.

Fistula umbilici ad intestina usque serpens, diu frustra curata, parvo temporis spatio feliciter sanata.

Patrem quendam Theatinum vidi, laborantem fistulâ umbilici, ad intestina usque penetrante, de quorum dolore erant querela, ex demisso statim in eandem specillò: quem hac methodo curavi. Facta scilicet totius corporis expurgatione, inussi totum orificium fistulæ jam callosum, & induratum immissa in illud parvâ turundâ, quo omnis crusta simul callo attereretur, & quidem imbuta à principio butyro, postmodum digestivo, quam facta concoctione eduxi appositis filamentis, illicitis unguento, ex betonica, & superdato & diachalcitide; atque octo post diebus circiter abstinui à filamentis, solò contentus cerato, quò cicatricem induxi, ægrò spatio viginti dierum sanato, qui à Medicis Mutinensibus multos menses in cassum fuerat curatus. *Idem ibidem.*

Quinque fistula femoris ex vulnere sclopeti cum tumore, & osse carioso, malè curata, sublato callo, & accommodatis remediis sanata quidem, ob extremum tamen os fractum supra aliud diutius coalescens, aliorum Medicorum incuria, claudicante ægrò. Quòd antiqua fractura ex vulneribus sclopetorum sint incurabiles.

Memini me curasse Illustrissimum Vincentium Britti, sclopeto vulneratum in femore, novem menses Venetiis frustra curatum. Laborabat autem quinque fistulis femoris, & insigni ejusdem tumore, cum osse carioso. Illustrissimò ægrò adeo emaciato, ut ossa sola cute tecta apparerent, accedente febre fixa ex fistulis orta; quem cum interrogarem de remediis, & methodo curationis antea adhibitis, respondit; sine turundis processisse, applicito quidam cerato & cataplasinare ex farina lupinorum, theriaca & vino malvarico; præscripta à Medicis victus ratione ex pane furfuraceo, & carnis loco; ut pote quæ vulneribus sclopetorum noxia, oleribus, vel saltem aliquando solius vervecinæ concessò usu; quod valde mirari subiit, cum fistulæ, omnium consensu, non farentur nisi sublato callo, qui non solum his accreverat, sed & ossis quinetiam corruptio accedebat: Tumor autem à cataplasmate calidiori, & nimis exsiccante, induratus adeo fuit, ut resolvi omnino non posset. Ego verò hoc modo curationem sum aggressus, præscripta primò victus ratione, ex pane scilicet triticeo purissimo, pullis junioribus, glandulis ac cerebris vitulorum, ovis sorbilibus tremulis, pitana hordeacea. vino oligophoro & hujusmodi; exhibui quandoque ex pharmacina semiunciam floris cassiæ noviter extractæ, præscripto aliquando clystere, aut glande ad alvum ciendam; à quibus quinque fistulas prius dilatavi turundis ex medulla milii indici, seu forgi; aliquando etiam ex spongia, & quia tumor, curationem impediens, illi applicui aliquot dies cataplasma Galeni 2. lib. ad Glaucôn. ex farina, triticea, aqua & oleo communi, quibus brevi temporis spatio ex toto discussus est; expurgata quinetiam sensim materia, prout in omnibus fistulis, in eo congesta, atque in pus conversa earum dilatatione. His peractis deveni ad abrasionem ossis cariosi, atque eadem opera ad calli attritionem; cum verò hæc fistulæ à parte externa ad internam femoris penetrarent, & quedam minutis oculis in se invicem hiarent, his immisi seta-

ceum ex serico imburo unguento isidis, cuius præsidio callus ex toto fuit sublatus; tum ferramentis totum os fistulis subjectum erasi; postmodum setaceis dimissis, sensim turundas imminui, adhibitis medicamentis sarcoticis, mistis cum aliqua portiuncula isidis, ne caro laxa, aut callus denuò succresceret, curationi impedimento futura; applicari quin etiam spongiarum supra femur, madefactas nostris aquis thermalibus montis nempe ægrotorum, atque modicè illud fasciâ constinximus cum spongiis, ita tamen ut in quælibet fistularum orificia brevem cannulam plumbeam immitterem, ne materia aut purulenta, aut serosa, alicubi hærens aliud sibi pararet foramen. Tandem sublatis cannulis, & artius alligatis spongiis, orificiis fistularum adhibita filamenta arida, cum cerato ex diachalcitide, cicatrici inducendæ; cumque Medicorum Venetorum incuriâ extremum ossis femoris fracti supra aliud coaluisset, non potui antiquam hanc fracturam, novem nempe mensium, componere, cum ratione debilitatis virium Illustrissimi ægri à principio curationis; tum quòd fracturæ ex vulneribus sclopetorum, iis quin etiam integris, cum initio non bene committuntur, difficillimè sanantur, quod nec quidem tenendum, ossibus frustillatim fractis, nisi præsentis vitæ descremine; ut propterea nobilis claudicare coactus fuerit. *Idem ibidem.*

Ex Gonorrhæa venerea antiqua variis fistulis pertusum collum vesicæ, prope urethram, cum effluxu urinæ, non solum ex scroti pluribus locis, verum etiam ex inguinibus, præter spem sanitati restituto ægro.

Cæsar Quojetus Rhodiginus, morbo detentus, meæ curæ se commisit, multorum frustra expertus, qui primò laboraverat gonorrhæa venerea, quæ longo temporis spacio sua acrimonia & mala qualitate, collum vesicæ prope urethram utrinque pertuderat, ut non solum ex scroto pluribus locis urinæ, verum etiam ex inguinibus efflueret, variis proinde fistulis subortis, quas in anabiles prædixi, superstitè adhuc gonorrhæa: quarum tamen curationem agteffus, & primò quidem corpore quàm accuratissimè expurgato, illi exhibui decoctum ex ligno, & salsa, cum sudore; turundis interim usus imbutis solo unguento ex betonica, minoribus primò, tum crassioribus, fistulis dilatandis; à quibus earum primò sectionem sum molitus in inguine, non ultra integumenta quanquam pervaderent usque ad collum vesicæ, immixta postmodum turunda ad fundum alterius fistulæ, & quidem sub valis spermaticis ad testes delabentibus, per quorum ductum fistulæ utrinque serpebant, quia verò cultro non poteram, earum quod supererat secare, illævis valis transversis, has propterea quotidie hinc inde diu tractavi, atque patefactis valis sine ipsorum labe, sub ipsis eadem forfice, sensim & sensim dilatatione facta, mihi viam paravi, imposui globulis imbutis unguento isidis, & ex betonica simul mistis; qua methodo multos dies usus, urinæ caput imminui cessante gonorrhæa, atque eadem tres menses continuata, injectionibus scilicet aliquando ex aqua hordei & portiuncula Ægyptiaci, absumendæ carni laxiori in quibusdam locis, atque alibi callo, non tamen valdè duro, ob continuum urinæ & gonorrhææ fluxum; infusiones, & injectiones postea ex aquis montis ægrotorum præscriptis, quibus progressu quatuor mensium circiter, non solum fistulæ inguinum sanatæ fuerunt, sed etiam tres aut quatuor ipsius scroti,

solis immixtis turundis imbutis unguento ex Tuthia & Isidis mistis, quas tandem eduxi sublarâ causâ ipsius gonorrhææ & fluxus urinæ, incolumi multos annos ægro. Quam morbum, cum nunquam antea, nec deinceps observaverim, insanabilem proinde existimaveram. verum cum medicorum sententia in Medicina aliquando nascantur monstra, nunquam propterea salutis ægrotorum desperandum. *Idem ibidem.*

Fistula ani.

Ulcera ani, inquit Doctissimus Professor Hier. Fabr. ab Aqua pendente sæpe solent creare fistulas exterius circa anum perforando intestinum rectum. Interdum verò circa anum oboriuntur fistulæ rectum intestinum haud quaquam perforantes, sed circa anum consistentes, & in carne terminum habentes, quæ ferè non sanantur nisi incisione.

Quàm molesta sint, & dolorifica ani ulcera simplicia, (ne de compositis quid dicamus) optime omnium experimur illi, qui sordida linteamina doloresque graves vestimentis suis occultare, imò toto vitæ tempore tolerare malunt, quàm levem dolorem perferendo curationem expectare, satis licet constet partem eam, quæ ulcerum ejusmodi subjectum, pronam valdè esse, non solum in corruptionem, sed ulcerum propagationem.

Incisio eodem ab Aquapendente authore duobus modis, & duplici Chirurgia, absolvitur, hoc est filo s. lino, & syringotomo.

Ad Chirurgiam antequam deveniamus, notandum nobis, quoties ulcus adest fistulosum variis cavernis præditum sine callositate aut intestini perforatione, Chirurgos varios curationem tentasse usu supposito-riorum ex unguento fusco Felicis Wurtzii, per evaporationem indurato confectorum, sic enim ulcera talia per liquefactionem unguenti mundificari posse, exsiccarivè sibi persuaserunt.

Hæc curandi methodus attider nobis, utpote quæ in non uno subjecto processu, imprimis ubi simplex adest ulcus, idque recens.

At verò ubi ulcerum datur multitudo, maxime quæ occalluere, etiam non perforato intestinò recto, nullo alio medio ea curare nobis licuit, quàm incisione, quæ adeò ab H. Fabr. ab Aquapendente celebratur, ut, etiam intestinò recto non perforato, exemplum aliorum secutus, eam institui debere doceat.

Ipsa Authoris cap. 93. proposita verba hæc sunt; queritur quomodo curanda sit fistula quæ exterius à tuberculo in cutè oborto habeat originem & versus anum permeet, non tamen intestinum penetret, sed ad usque intestinum pertingat.

Ad hoc respondet Vir experientissimus se in ejusmodi ulcerum curatione, etiam non perforato intestino, neutiquam vereri intestinum ipsum incidere, maxime ubi podicis circulo proxima. Extremum enim intestini recti, verba sunt Hippocratis, quæ habentur libro de Hæmorrhoidibus, & secans, & resecans, & consuens, & urens, & putrefaciens, etiam si gravissima hæc sint nihil læteris. Consentit Ætius Ex leonid.

Ad Chirurgiam antequam deveniamus cognoscere Chirurgo interest, intestinum rectum adhuc integrum an sit, an verò perforatum; eadem enim licet sit curandi ratio, læsum sive fuerit intestinum, sive integrum, facillimum tamen conceptu, facilioris operationis perforationem eam esse quæ ubi intestino foramen aliquod adest, per quod instrumentum duci potest, instituitur, quàm ea est ubi eodem

per intestinum sanum viam sibi facere tenetur Chirurgus.

Signa quibus intestini perforatio cognoscatur; Cuius sine dubio cognita; Certum est, si flatus per externum foramen exeat, certius si alvorum excrementorum aliqua particula per exteriora excernatur, certissimum, si Chirurgus digito in anum immisso, instrumentum per fistulam insertum tetigerit.

Instrumentorum ad incisionem usualium primum filum est; hujus ope quæ peragitur Chirurgia licet minus dolorifica, incerti tamen magis eventus est; Celsus ipse lib. 7. cap. 4. ubi incisionem per filum admittit, imo ubi ejus opera eam absolvi posse desperat, fieri posse docet, ut curationis gratia cultellum hinc adsumere cogamur.

Filum quo in hoc casu utimur ex filis crudis, fortioribus, contortis, pilis equinis, & filis sericis rubris crassioribus conjunctis, cerâ flavâ ad eum modum quo sartores fila sua munire ductiliaque magis reddere solent, incrustatis conficitur.

Filum hoc debitæ longitudinis excipimus foramine quod inest extremo uno (simile foramini quod in acu ea notatur, quæ ad setacea efficienda usurpatur) instrumenti exploratorii ex plumbo ad necessariam flexibilitatem parati.

Hinc digitum indicem sinistræ manus, cuius unguis, movente Paræo lib. 13. cap. 24. resectus, in anum immittimus, mox manu dextra instrumentum dictum filo instructum per fistulæ anfractus sensim variis modis intorquendo ad locum eum intestini qui perforatus est deducimus, sic ut auxilio digiti in intestino hærentis incurvari, tandemque per anum exire queat.

Fili utrumque extremum conjunctum alligamus ligno cuidam tereti, sicque ad eum modum, quo cum festuca sua processit ab Aquapendente, contortione continua, fortique constrictione quicquid filo comprehenditur dividimus.

Operatio secunda Syringotomo perficienda certior est, minusque dolorifica, imo breviori absolvitur tempore, ab ea tamen abhorreere magis solent agrotantes. Instrumentum hoc invenit Galenus, delineavit Andr. à Cruce, emendavit H. F. ab Aquapendente; approbavit Schulterus; figura ejus quæ operi quam maxime accommodata est, in qua globalus est, qualis etiam in instrumento exploratorio plumbeo supra indicato requiritur, ne, dum per fistulam, hinc intestinum ipsum, protudatur, nocumentum ei adferat; hinc per fistulam & intestinum ducitur, sic ut per anum exeat usque ad tertiam suæ longitudinis partem ubi acuties incipit instrumenti, cuius dorsum obtusum, similiter ac illud quod est cultri domestici, quo paucem scindimus. At autem totum instrumentum ad instar falcis incurvat.

Instrumentum hoc per fistulam immissum, digito in intestino apprehensum celeri manu extrorsum ducitur, & hac ratione quæcunque attingit imperu uno discindit.

Sincere ut hic agamus, necessarium non modo qualiter instrumentum dictum tractare debeamus cognoscere, sed & quomodo ulcus tale fistulosum incipiat, procedatque, imo quænam de eo prædici queant. Ad hæc casum sequentem exhibere utile erit.

Franciscus Volkert seu vir aliquomodo melancholicæ complexionis, exanimi affectu catharrosum persentiebat destillationem, per dorsum longitudinem ad os usque caudæ, hinc ad narium concursum ubi intestinum rectum ossi dicto accumbit. Brevi tumor hic exortus, qui pinguedinem, marginem musculi glutæi, imo, quod admirandum, intestinum rectum, perforavit.

Accedens agrotantem, præter febrem, doloremque gravissimum, tumoris duritiem, rubedinem, ex-

tenionem, consideravi. Quod symptomata alia, tumori adscribi debere, certum Cataplasma hoc eidem applicari necessarium duximus, quo eo maturatio promoveretur.

℞. Rad. Althææ. Brion. Lilior. alb. an. ʒi. ʒ. Fol. Malv. Bisinalv. Violar. an. M. j. Flor. Chamomill. M. ʒ. Sem. lini. ʒʒ. Coquantur & contendantur, addendo Farinæ fœnugr Semin. lini an. ʒii. axang. porci q. s. Butyr. recent. ʒi. Vitell. ovi n. j. M. F. Cataplasma

Calide hoc applicavimus tumori, secundo die eum aperire consultum duximus, & effluxit materiæ fœtidæ; purulentæ insignis satis quantitas.

Post hæc excrementa alvina, quibus flatus permixti, sonitu se manifestantes, tumorem accedere notabamus, unde perforatum jam se intestinum clarè constabat. Multa equidem adhibebamus, quorum opera consolidare, carnemque r generate nos percredebamus, ast frustraneus omnis labor; ad incisionem adeoque, modo in prægressis indicato perficiendam, devenire coacti, qua & intestini reliquas partes sanas, & cutem musculosamque intestini portionem adhuc integram diffecare necessarium; diffecatione peracta, quod sanguinis fluxus gravis ex Venarum hæmorrhoidalium apertione adesset, medicamentum adstringens ordinarium vulnerato loco applicavimus.

Die sequenti puris minui solito in vulnere reperire licuit, imo omnia sanitatem veram promittere videbantur, quæ etiam brevi tempore, auxilio divino, introducta.

Per animi affectum excedentem in parte dicta humorem collectionem exoriri posse, non est quod mirum alicui videatur; etiam in aliis subjectis similia iis quæ in hoc observare licuit, notabimus; At verò istius principalissima causa hæmorrhoides exulceratæ, ex sanguine aciori ortum ducentes, unde vicinarum partium corruptio. Exemplis variis quæ proposuimus illustrare liceret, nisi ægrotantium plerique impedirent.

Sunt, inquit ab Aquapendente, qui ferrum pertimescant & universi sinus incisionem à filo fieri expetant, quod non laudo, quia nimis molesta & tarda est incisio, & dolor assiduus, & longa curatio.

Per rem hanc, in qua ulcera hæc fistulosa occurrunt, sensilem omnino esse, variis exemplis verum esse comprobimus; testatur idem memorabilis historia, quam Reverendus Pater Augustinus lib. de civit. Dei 22. cap. 8. de Innocentio summè dolores fugiente proponit; hanc rerum Chirurgicarum cultoribus coronidis loco communicare placet, cum voto curationis, similis omnino illi quam sanctus Episcopus adducit.

Quis, inquit, novit, præter admodum paucissimos, salutem quæ facta est Innocentio Advocato Vicariæ præfecturæ ubi nos interfuimus & oculis aspeximus nostris; venientes enim de trati marinis, me & fratrem meum Alippium, nondum quidem clericos, sed jam Deo servientes; ut erat cum tota domo suâ, religiosissimus ipse susceperat, & apud eum tunc habitabamus: curabatur à medicis; propter fistulas quas innumeras atque perplexas habuit in posteriore atque ima corporis parte. Jam secuerant eum; & artis suæ cætera medicamentis agebant. Passus autem fuerat in sectione illa & diuturnos & acerbos dolores; sed unus inter multos sinus fefellerat medicos, atque ita latuerat; ut eum non tangerent, quem ferro aperire deberent. Denique sanatis omnibus, quæ aperta curabant, iste remanserat solus, cui frustra impendebatur labor. Quas moras ille suspectas habens, multumque formidans ne iterum secaretur, quod ei prædixerat alius medicus domesticus ejus, quem non admiserant illi, ut saltem videret cum primum sectus est quomodo id facerent iratusque illum domo

abjecerat, vixque receperat, erupit, atque ait, iterum me secturi estis? ad illius, quem nolistis esse præsentem, verba venturus sum. Irridere illi medicum imperitum cœperunt, metumque hominis verbis promissionibusque lenire, præterierunt & alii dies plurimi, nihilque proficiebat omne quod fiebat, Medici in sua pollicitatione persistebant, non illum sinum ferro, sed medicamentis esse clausuros, adhibuerunt & alium grandævum jam medicum satisque in illa arte laudatum, adhuc enim vivebat, Ammonium dico, qui loco inspecto, idem quod illi, eorum diligentia peritiamque promisit. Cujus ille factus auctoritate securus, domestico suo medico, quod futuram prædixerat aliam sectionem, faceta hilaritate veluti jam salvus illudit. Quid plura? postea tot dies inaniter consumpti transierunt, ut fessi atque confusi faterentur eum nisi ferro, nullo modo posse sanari. Expavit, expalluit nimio terrore turbatus, atque ubi se collegit, farique potuit, abire illos iussit, & ad se amplius non accedere imperavit: nec aliud occurrit fatigato lachrymis, & illa jam necessitate constricto, nisi, ut adhiberet Alexandrinum quendam, qui tunc Chirurgus mirabilis habebatur, ut ipse faceret quod ab illis fieri volebat iratus. Sed posteaquam venit ille, laboremque illorum in cicatricibus, sicut artifex, vidit, boni viri functus officio, persuasit homini, ut illi potius, qui in eo tantum laboraverant, quantum ipse inspiciens mirabatur, curationis suæ sine fruerentur: adjiciens quod revera, nisi sectus esset, salvus esse non posset. Sed valde abhorreere à suis moribus ut hominibus quorum artificiosissimam operam, industriam, diligentiam, admirans in cicatricibus ejus videret, propter exiguum quod remansit, palmam tanti laboris auferret. Redditi sunt animo ejus, & placuit ut eodem Alexandrino assistente, ipsi sinum illum ferro, qui jam consensu omnium aliter insanabilis putabatur, aperirent. Quæ res dilata est in sequentem diem. Sed cum abiissent illi, ex nimio mœrore Domini, tantus est in domo illa exortus dolor, ut tanquam funeris planctus, vix comprimeretur à nobis, visitabant eum quotidie Sancti Viri, Episcopus tunc Usalensis, beatæ memoriæ Saturnianus, & Præbiter Gelosus, ac Diaconi Carthaginensis Ecclesiæ. In quibus erat, & ex quibus solus est nunc in rebus humanis jam Episcopus cum honore à nobis debito nominandus, Aurelius; cum quo recordantes mirabilia opera Dei hac de re sæpe collocuti sumus, cumque valde meminisse, quod commemoramus, invenimus. Qui cum eum, sicut solebant, vespere visitarent, rogavit eos miserabilibus lachrymis ut mane dignarentur esse præsentem suo funerali potius quam doloti. Tantus enim eum metus ex prioribus invaserat pænis, ut se inter medicorum manus non dubitaret esse moriturum. Consolati sunt eum illi, & hortati ut in Deo fideret, ejusque voluntatem viriliter ferret. Inde ad orationem ingressi sumus. Ubi nobis ex more genua figentibus, atque incumbenibus terræ, ille se ita projecit, tanquam si fuisset aliquo impellente graviter prostratus, & cepit orare. Quibus modis, quo affectu, quo motu animi, quo fluvio lachrymarum, quibus gemitibus atque singultibus concutientibus omnia membra ejus, & pene intercludentibus spiritum, quis ullis explicet verbis? Utrum orarent alii, nec in hæc eorum averteretur intentio, nesciebam. Ego tum prorsus orare nil poteram, hoc tantummodo breviter in corde meo dixi, Deus quas tuorum preces exaudis, si has non exaudis? nihil enim mihi videbatur addi jam posse, nisi ut expiraret orando. Surreximus, & accepta ab Episcopo Benedictione discessimus, rogante illo ut mane adessent, illisque, ut æquo animo esset, hortantibus. Illuxit dies, quem

metuebant, aderant servi Dei, sicut se affuguros esse promiserant. Ingressi sunt medici, parantur omnia quæ hora illa poscebat, tremenda ferramenta proferuntur, attonitis, suspensisque omnibus. Eis autem quorum erat major auctoritas, defectum animi ejus consolando erigentibus, ad manus secturi, membra in lectulo componuntur, solvuntur nodi ligamentorum, nudatur locus, inspicit medicus & secandum illum sinum armatus atque intentus inquit; scrutatur oculis, digitisque contrectat, tentat denique modis omnibus, invenit firmissimam cicatricem. *Job. à Meekren. in Observat. Chirurg.*

De Ulcere intestini recti Brasilianis familiari.

Anno 1624. cum ego (Jacobus Lachmund) qui totius classis Bataviæ chirurgus constitutus eram, cum illa in regionem Americæ Meridionalis, Brasiliam, profectus essem, militibus nostris in illa regione ulcus nascebatur in intestino recto, eo modo, quo in nostris oris homines in digitis panaritio corripunt, quod ipsis maximos dolores afferebat, ita ut ferè insanirent propter urentem materiam, antequam matureretur & aperiretur. Brasiliani hunc affectum, seu morbum, quo sæpe infestantur, vocabant Byetos. Remedium autem hoc erat: sumebant citrium pomum, quod in sex vel octo partes longas dissecabant, ex his particulam quandam, instar suppositorii in intestinum inferebant, & hoc sæpe iterabant recentibus pomis citriis; hoc modo statim magni illi dolores sedabantur. Ego, cum Brasilianos hanc medicinam facere viderem, pari modo medicas manus adhibui & dolori & morbo nostrorum militum, qui hoc pacto pariter convalescerunt. *Eriderici Lachmund.*

De Calculis ex Ani fistula extractis.

Civis quidam Uratislaviensis, ob enormem corporis crassitiem, obesitatemque prorsus stupendam tota Urbe famosissimus, nescio ex qua causa fistulam Ani contraxerat, sineque insigni molestia aliquot annis toleraverat. Tandem ægrius eam ferre incipit, doloreque indies magis magisque exacerbato, tumorem inflammatorium fistulæ orificium, à parte sinistra sphincteris ani situm, attollentem sentit, qui ipsum neque sedere, neque ambulare, ægreque cubare permittit. Accersitur Chirurgus Dn. Gottfried Schultz, Vir ob insignem industriam non vulgari peritiæ junctam merito laudandus, qui lanceola tumorem, re sic ferente aperit.

Ex vulnere primò puris copia, mox quoque calculus prorumpit. Evacuata sic doloris & inflammationis causa, vulnus à Chirurgo debite tractatur, ac tandem consolidatur, fistula, monitu Albucasis, intacta relicta, utpote quam patiens non admodum molestè ferret. Elapso autem abhinc circiter biennio, denuo inter deambulandum vexari, atque de die in diem dolores acerbiores sentire incipit, donec tandem nimis ingravescentes iterum Chirurgi manum in auxilium vocare eum cogunt. Hic, denuò paracta sectione, inter sordes varias ex vulnere emanantes, jam non unicum calculum, sed geminum, & utrumque priori illo majorem invenit, ac deinceps vulnus ut antea cogit. Calculos istos, à Patientem magni habitos, Chirurgus mihi videndos examinandosque obtulit; quorum primus redditus asper est & superficiali inæqualis, lupini instar compressus, cinerei coloris, striis splendidibus variè interstinctus, sat elegantis texture, gr. viij. pendens.

pendens. Secundus eorum scilicet qui secunda vice excisi sunt, major, avellanam mediocrem mole æquat, formaque fere refert, lævis est, pallidus, ventris rubentibus hinc inde pictus; fereque silicem mentitur, cui tamen & substantiæ firmitate multum cedit, & pondere, quo gr. xxvi. non excedit, inferior est. Tertius denique postremo inventorum scilicet minor albidior est, colore & substantiâ tartarum; qui dentibus accrescit, exactè refert; lævis maximam partem, nisi ubi sulcis quibusdam, sanguineum quid ostendentibus, quasi incisus est. Uterque horum eâ parte, qua mutuo se tetigerant, detritus est: atque ille in plano ab attritu facto lineolis ellipticis aliquot, quasi in totidem laminas sive tunicas, successivè accretas, dissecitur: hic verò in medio detritæ partis puniceum quendam globulum ostendebat, qui diffracto calculo nucleis cerasinus, circa quem tartarea ista massa concreverat, esse deprehendebatur. Integer adhuc pendebat gr. xiv. diffractus verò & nucleo cassus, vix gr. viij. attollebat. *Gottofredi Schnitzli.*

Fistula sub mamma dextrâ.

Fistularum pertinaciæ causa unde repetenda ostendunt allata exempla: Pertinacissimæ & tandem tamen inferentis, exhausto totius crure, exemplum mihi occurrit anno 1652. cum eo tempore incumbere cura Medica pauperum Gallorum advenarum, vel urbis incolarum, inter illos commissum habui quendam nomine Bourgeois, Prætoris Urbani Apparitorum, Virum raræ texturæ, anno circiter xxx. natum; Malæ illi, bene se habenti, leviter rubebant; vino modice utebatur, in victu temperans: Morbo prehensus utitur calceolarij agyrtæ operâ, qui antimonio exhibito ipsum ad hypercatharsin deducit, unde vir naturâ debilis ad Orci fauces compellitur: Vix recreatum, pravoque victu deinceps sustentatum, pleuro-peripneumonia vehemens adoritur; E qua mea ope emerit, sed superstite in pectore, sub mamma dextra, fistula, quam præcesserat abscessus inibi excitatus, quanquam universam materiam pectore contentam exhaustisse videtur libera & liberalis purulenta anacatharsis: Adeo copiosam crucebat Fistula saniem, ut illius occludendæ omne concideret consilium: Indito tenui stylo & longo, origo ejus superior esse deprehendebatur & inter musculos pectoris deerrare; qua de causa inito cum aliis consilio, difficillima est forfice (quantum alte progredi licuit) secundum longitudinem Fistula; sed cum ad claviculas usque factus esset progressus, nec exortus pateret; ingressus præterea, ob tortuositatem non pateret amplius stylo, res naturæ committenda fuit, & usui decocti traumatici pectoralis, hydromelitis formâ præscripti, à cujus usu vitam per triennium produxit, Apparitoris officio ad ultimos usque dies functus æger. *Théoph. Boneti in Sepulchreto.*

Fistula quintuplex in pene & scrotò feliciter curata.

Clariss. Gustavi Casimiri Gahrliæ Miscell. Curios. Decur. iij. An. 1.

Generosus quidam in Martis æquè ac Veneris castis strenuus & excellens miles, tot quæ commiserat posterioris hujus militiæ præliis solitum promeruerat stipendium, ac alias inter hujus belli manubrias carunculam in urethra satis grandem, quæ naturæ transitum aliquandiu sufflaminarat, unde Natura, ut alia ratione huic necessitati subveniret, quin-

que, præter stillicidium, quod pristinæ viæ adhuc restabat, cuniculos in ambitu Penis atque Scroti generat, eosque callis admodum duris muniverat, qui totum illum ambitum scirrhum planè, imò ferè saxeum, reddiderant. Unde serosus ille urinæ latex è fonticulis quasi quinque, cum illam reddere cogeretur, non sine atroci dolore profiliebat. Torturæ huic remedia præter vernacula hinc inde in Germania, Belgio, Gallia, sed frustra quæsierat, habito hoc malo ab omnibus, quos ubique exploreverat & consuluerat maximè celebres, tam Medicis quam Chirurgis pro deplorato ac incurabili. Redux ab hoc itinere, tandem & Chirurgum quendam ac Chemicum per Germaniæ quasdam præcipuè oras, quam sibi medicamentis nonnullis paraverat, quorum mercaturam diu exercuerat admodum lucrosam, hincque Mercatoris ut nomen habebat sic omen, famâ vix non super æthera notum, adierat. Ille vervecem sibi oblatum ut arietem inde faceret questus, post varia tentamina frustra uno aut altero mense adhibita, eodem illum, si non pejori, in statu constitutum remiserat. Unde de recuperanda sanitate desperans denuò se Chirurgo cuidam, satis aliàs sagaci & experto, Gallorum Refugorum de numero, qui jam ante ipsum, sed & tum frustra tractaverat, ut aliquod saltem mali levamen haberet, commiserat; Qui postquam per aliquot illum rursus septimanas balneis aquæ tepidæ, ptyalismò, diætâ & similibus veneræ huius antidotis exercuerat, sed etiamnum irritò successu, tandem me conveniebat ac consilium efflagitabat, cumque illud dare, antequam ægri ac ægritudinis status mihi satis cognitus esset ac perspectus recensere, ad illum me tandem adducebat; Ubi tale, quale depictum hinc addidi phœnomenon oculis obiciebatur, Priapum in fontem quinque Epistomis salientem Ovidianâ Metamorphosin transformatum dixisses. Difficultate rei detectâ ægroque indicatâ, suadebam ut orificia fistularum oleo Antimonii, quod butyrum communiter vocant, singulari, è minera illius peculiari modo extracto, quod à me factum illi suppeditabam, semel iterumque leviter tangeret, non omnia simul, ne dolore simultaneo adeoque nimio succumberet æger, sed singula seorsim & successivè per intervalla satis longa, utque initium ab infimo faceret. Parebat Chirurgus & quidem optimo eventû; Ægro quidem initio de dolore aliquo non admodum atroci, sed pro rei exigentiâ tolerabili satis, aliquantisper conquerente; sed callo fistularum paulatim ablumto & cum escharâ sublato, cuniculorum parietibus sponte coalescentibus ac consolidatis. Minerâ mali internâ, ut & carunculâ urethra præcipitati rubri Helmoniani, à me parati ac subministrati, atque tam interne exhibiti, quam per turundam urethræ applicari beneficio, sensim imminuta ac sublata, sic naturali urinæ meatu deobstructo; Reliqua scirrhusa partium circumjacentium duritie, Emplastri de Ranis cum Mercurio duplicato Vigonis, applicatione, funditus emollita & edomita, sicque exactissime quinque fortassis aut sex septimanarum spatio persanato. Adèd ut Eques anlam Serenissimi Electoris, quatuor milliariibus hinc runc temporis distans, Pottstami nimirum agentem, invisere, seque sanum & incolumem, præter omnium tam Medicorum quam Chirurgorum ipem & opinionem, sistere posset, imò cum rei fidem omnium omnem superaret, etiam oculari eorundem examini, quos consuluerat submittere non vereretur.

Fistula Ilei extra abdomen pervia.

*Clariss. Joh. Conradi Wepferi, Miscell. Curios.
Detur. iij. Ann. 2.*

Virgo quædam rustica N. N. annorum circiter 35. staturæ mediocris gracilis, capillis nigris prædita, coloris fusci; à juventute constitutionis debilioris; erat In hac ætate jam edentula: laboribus rusticis tamen pro viribus vacavit, quorum promiscuè diætâ etiam utebatur. Anno 1690. in vere, febris continuâ malignâ, tunc ubique ferè grassante, graviter decubuit, nullis medicamentis haud profligare valuit, sitim durante febre maligna molestissimam, solâ aquâ limpida frigidâ compescebat, & aliquando in reconvalescentiæ statu, adhuc tamen æstuante corpore, plenius faucibus assatim aquam frigidam hausit, mox inde instar tympani abdomen inflabatur, ac tumorem durum renitentem, nucis juglandis magnitudine in dextro inguine prorumpentem observavit, qui indies crescens ad magnitudinem ovi gallinacei majoris excrevit. Intestina in hunc prolapsa esse, ipsamet animadvertibat, nam aliquando hæc in abdominis cavum protudere valuit, quæ in quocunque motu rursus elabebantur. Satis diu Enterocolem hanc celavit. Anno 1693. in vere prope hanc Anthrax cum insigni inflammatione enatus fuit, ruptus per multa foramina, ceu ex cribro multum puris fundebat, ac tandem extractâ substantiâ fibrosâ, albâ, crassâ & tenaci ulcus satis magnum post se reliquit, ex quo aliquot dierum spatio ultra 20. Lumbrici magni proruperunt, imò aliquoties tales manè in lecto repentes invenit. Particulæ etiam ciborum ingestorum unâ cum lumbricis & pure sæpius extrudebantur; Hoc ulcus per decem septimanas apertum mansit, ac sua sponte sine ullius operâ sanabatur. Hoc autem sanato, Enterocole multum increvit, duosque pugnos viriles magnitudine excedebat, ac maximos inde dolores pariebatur, anxietates scilicet, tormina &c. nec elapsa penitus in cavam abdominis immittere amplius valuit.

Horum dolorum pertæsa tandem curæ Dn. Balthazaris Zchenderi Herniotomi nostratis expertis, se commisit, qui die 6. Januarii 1694. manè, horam circiter nonam, præsentibus Ext. Dn. D. Screta, cognato ac compatre meo colendissimo, aliisque Chirurgiæ Studiosis sectionem in dextro inguine auspicatus est, feliciterque eam peregit, in reponendis intestinis multum occupatus, quum hæc processui peritonæi firmiter accreta essent; attamen dextrè separata tandem reposuit, vulnusque more solito deligavit, filum iusto tempore excidit, ac vulnus ad sanationem tendebat: nulla symptomata primis diebus superveniebant, excepto broncho, qui tamen adhibitis anticathartilibus, expectorantibus à laudato Dn. D. Screta cessavit. Die 16. Januarii, scil. decimâ post sectionem die, maxillam inferiorem ritè movere nequit, nec ab invicem diducere valuit, deglutitio difficilior etiam reddebatur, liquida facilius quàm solidiora deglutiit. Dn. D. Screta accersitus suasit mixturam antispasmodicam ex cinnab. antimonii, succin. alb. præp. ungu. alc. sal. volat. Succin. aq. flor. Saturei, til. &c. cochlearim sumendam, externè articulus maxillarum in utroque latere, ol. è flor. Slot. lumbr. terrestr. & spir. lumbr. &c. inungebatur, deglutitio indies difficilior evasit. Die 19. Januarii, cum Dn. D. Screta ipsam visitans, reperit inter deglutiendum fauces quasi constringi, jusculeque deglutiendis viam præcludi: vi quadam & nixu satis forti ingesta juncula per isthmum faucium ad gulam protrudit; plerumque inter hanc actionem mucum pellucidum ex naribus

copiosum emisit: maxillas nec sponte diducere, nec vi sive instrumento deutes divelli poterant. Pulsus erat celer & frequens, sudavit multum, appetiit & sitiit, urina justè tinctior, cæterum naturalis. Totam spinam dorso à nucha ad os sacrum usque, punno aspero fricare curavimus, postea inungebatur mixturâ ex oleis laurin. lumbricor. Slotan. euphorb. castor. &c. collo fasciculus ex filis crudis in lixivio coctis circumponebatur. Die 20. Januarii, prægressa nocte nunquam dormivit, decumbenti convulsionones in toto imminebant, propterea ei extra lectum sedendum fuit, & quidem incurvato corpore; erecta enim atrocissimos dolores experta est, us ejulandum fuerit: in abdominis latere sinistro doluit: de Cardialgia etiam sæpius conquesta est: difficultas deglutiendi augebatur; à meridie omnia potulenta abhorruit, ac si Hydrophobica esset, quamprimum siphone jusculem injecturi erant, mox & clamavit & hujus admissionem nixu quodam recusavit. Convulsionones in toto, nunquam in nervum erumpebant; vires singulis momentis deficiebant, mente tamen semper constante, articulatè loquebatur, circa horam 12. noctis, vivere desuit.

Die 21. Januarii, abdominis tegumentis dissectis observavimus omentum macrum & tenue, cujus portio processui peritonæi in latere dextro, & Intestinum Ileum in inguine dextro cum peritonæo ibi, ubi ante annum anthracem passa erat, firmiter accreta; heic etiam non latè, at 3ij. longitudine cum mesenterio portio hujus sphacelata & nigricans erat: ubi sectio peragebatur, hæc Intestini Ilei pars cum peritonæo etiam coaluit: Alibi Colon & Ileum in sinistro quoque latere, peritonæo, mediantibus fibris p. n. accrescebant; in dextro latere coli portio peritonæo prope spinam ossis Ilei fortiter adhæsit. In portione Ilei, ubi exulceratum pridem fuit, lumbricus teres repertus fuit. Intestinum rectum & portio coli scybalis duris referta erant, reliqua intestina satis sana erant, in dextro latere, rubicundiora; Hepar pallidius: Vesicula felle externè albicans & amplissima erat, ac si flatibus rurgeret, ut ab initio portionem Coli putaverimus, tacto percepimus calculos inclusos esse.

Frustum Hepatis cum Vesicula biliaria portioque Duodeni & Jejuni ac Pancreate exemptum fuit, ut per otium Venerandus meus Dominus Parens in ædibus nobiscum has partes accuratius perlustrare videret. Vesicula biliaria à cava parte Hepatis sine ulla læsione, vel sanguinis vel bilis emersione integra separari facile potuit, nihil neque ex Hepate neque per tunicam vesiculæ transsudavit, imò tum Hepar succengens, tum vesiculæ membranæ multò crassiores naturalibus erant, superficies harum quidem madebat, at nihil vel biliosi vel cruenti apparuit. Vesiculæ tunica secundum longitudinem incisa prope sextuplo crassior, densior, tenacior & scissu difficilior erat; Cavum vesiculæ refertissimum fuit humore albumini simillimo: à calore inspissatus, gelatinæ similis evasit; siccatus flammam contraxit instar seri exsiccati. Muci pondus prope 3 iv. erat: in illo natavit unus ex calculis, alter firmissimè ejus collo impactus erat, ut vi extrahendus esset; collumque ita obturavit, ut nec guttula quidem bilis per ductum cysticum ascendere & in vesiculam transfundi potuisset; quod inde manifestè patuit, quia macula flava à ductu communi per cysticum expansa eis calculum impactum substituit, nec quicquam flavi trans illum in reliquo ductu & vesicula apparuit. Ambo calculi magnitudine nucis moschatæ erant, oblongi & rotundi, in utroque extremo obtusi, levissimi, ex albo parum flavescentes, ceracei, Ochra

ochræ similes, sed albicantiores. Mucus erat subsalsus Interna superficies vesiculæ penitus glabra nullibique exulcerata fuit: circa collum visa quidem fuit textura quædam fibrarum reticularis, per tunicam internam transparens integra membrana (ex quibus omnibus manifestum fiebat mucum instar lymphæ vel feri per poros ejus in cavitatem stillasse; ejus extrusioni fortè calculi ansam dederunt, non secus ac calculi in vesica mucosæ, quemque hoc tormento obnoxii copiosè emingunt) inflato ductu choledoco communi. implebantur vena Pancreati affixa, portio Duodeni, ramus venæ Portæ & alia vena Pancreati subtensa: non autem ductus Pancreaticus, cum tamen aqua siphone injecta etiam in ipsius ramulos plures promptè ingressa fuerit ductu communi foris presso, ex ejus porulis aqua exsudavit

Ulcus in cute ut & intestino, ex quo vermes, alimenta & pus pridem prodierant, penitus coa-luerunt adeò, ut nec stylus nec flatus amplius penetrare valuerint. Ibi, ubi Fistula ex Ileo extra abdomen pervia erat, intus in Ileo scrobiculus supererat, apicem parvi digiti admittens, Fistula verò artificissime coaluit, nec vestigium foris in vulnere apparuit. Verisimile est, juxta hanc Fistulam intestina & omentum novam viam pro elapsu illorum factum fuisse. In ulcere foras nihil p. n. apparuit, licèt Ileon ibi accretum sphacelatum esset, pulchrè rubebat & mundum erat, ut & interna Ilei cicatrix.

SCHOLIUM. I. Et hæc foemina exemplum sup-peditat fistulæ ex intestinis extra abdomen perviæ, post inflammationem suppuratam & ruptam, in qua exesis intestini portione, Peritonæo, musculis abdominis & communibus integumentis, contentis in cavo intestinorum exitus paratur extra abdomen cum hac singulari naturæ providentia, ut intestinum cum peritonæo agglutinetur & acutè coalescat; secus enim si fieret, contenta intestinorum in cavum abdominis effunderentur, non sine sæva & fœda ægri sublatione, ut ex aliis historiis medicis notum est.

II. Herniotomiæ in utroque sexu & cuicumque ætati convulsionem plerunque funestam supervenire, frequenter observatum fuit. Idem quoque sectioni & ultioni in coxa profundè factis, demum die decimo Scamandrio contigisse, constrictis maxillis post diem octavum, testis est Hippoc. Epidem. l. 5. An sectio hujus symptomatis d. 10. subsequens & mortis post quintum diem ab ejus invasione causa fuerit? dilceptabatur. Occasionem fuisse, negari non quidem poterat, cum citra sectionem fortè illud nunquam observatum fuerit: attamen & hoc notum est, citra separationem omenti & intestini à processu peritonæi hunc spasmus non rarò evenisse, qua in te Herniotomi causabantur haustus frigidos, exsectionem pedis extra lectum: & rite peractæ sectionis testes erant, vulneris facies pulchra, fistulæ omnimoda consolidatio, ejus vinculi & absentia omnium symptomatum, excepto brôncho, qui tamen quoque sublatus fuerat diu ante obitum, Sphaceli signa in aliis quoque reperta fuerunt in talibus cadaveribus, licèt non necessum fuerit, vel omentum vel intestinum ante obitum separare, & si hæc in culpa fuisset, vix fistula cum ulcere consolidata fuisset, & fortè alia signa periculum minitantiâ apparuissent. Quo consensu nervi musculorum maxillam inferiorem attollentium & pharyngem contrahentium & attollentium ad contractionem talem compulsi fuerint? Judicium meum cum Commentatoribus in Histo-

riam Scamandri suspendo. Foemina istius Hydrophobia verisimilius evincit illam ab animali rabido demorsorum potius convulsioni alicui pharyngis, quàm depravatæ phantasie, & nescio quibus spectris in potulentis apparentibus deberi.

III. In contemplatione vesiculæ biliaris non pauca notatu digna occurrerunt: Primum est, bilem non immitti ex Hepate, vel per poros, vel ductulos peculiares, ibi ubi Hepatis caro adnata erat, nam in hoc cadavere facilè separari potuit ab epate, manente eoque integrâ tum membranâ hepatis cavum succingens, tum tunicâ vesiculæ, adeò ut nec guttula quidem sanguinis profunderetur, nec ullibi vel guttula bilis transsudaret: Superficies quidem utriusque inaduit discissis valorum lymphaticorum sarcnulis, quibus abundat. Mucus, quem vesicula copiosum continuit, prucul dubio feri vel lymphæ soboles fuit, quia pellucidos & sapore salso præditus erat, in vasculo prunis ardentibus subiectis amplius inspissatus, in gelatinam mutabatur, planè exiccatus; flammam contraxit more siccati feri humani. Non influxit ob internam superficiem exulceratam, nam ubique glabra erat; nullibi aspera, etiam ibi circa collum, ubi per membranulam internam superficiem operientem fibræ reticulatim dispositæ transparebat, sed per poros transsudavit, ejus fibris à calculis attritis, & ad aliquam corrugationem & expressionem seu percolationem compulsis, non secus fieri solet in calculi vesicæ affectis, qui magnâ copiâ talem mucum diu emingunt, salvis plerunque renibus & absente ulcere; unde etiam hujus vesicæ tunica multò crassior naturali evasit, quod etiam in vesica urinaria observatur. Per porulos serum transsudare potuit, quis semper inaduit: inflato ductu communi, ipse cum intestino Duodeno & portione Jejuni ligata simulq; vena insignis Pancreati accumbans & rami aliquot venæ Portæ distendebantur, postea discisso ad duodenum ac digito imposito & fortiter presso ex plurimis porulis clara lymphæ exsudavit. Quâ viâ & per quæ foramina flatus ad Portam & illam venam Pancreatis pervenerit, indagare nequivimus, quia ruditer portione hepatis, intestinorum cum Pancreate excisis, vasa maximam partem lacera & detruncata erant: certò tamen constitit flatum, non per osculum ductus Pancreatici, utcumque hians esset, intrasse, quia ductus ab inflatione nec quicquam movebatur, cum tamen aqua siphonem injecta protinus cum multis ramulis impleretur & amplior redderetur. Denique innotuit ductu vesiculari occluso icterum non produci, dummodo communis patulus sit, ac bili per osculum exitus concedatur, nam nec ante nec post sectionem Ictericæ erat, & post sectionem urina propè naturalis mansit; Intestinaque potius rubicunda quàm flava erant, & si tinctior paulò fuerit, illud tamen magis feбри comiti, quàm bili adscribendum erat. Qualia symptomata calculi vesiculæ biliaris patient. Vid. Schenk. L. 3. Observat. Med. de Vesicula biliaria. D. Sorbait Operum Med. Tom. V. c. 5. p. 739. Meermann, Confil. Vid. Cl. Hagendorn. c. 2. Obs. Med. Phys. 8. Miserandam calamitatem Chir. Gôrliz. simul calculis vesicæ & vesiculæ biliaris affecti.

Fistula ossis squamosi sequuta, auris abscessum, ac feliciter curata.

Clariss. Theodori Zwingeri, Miscell. Curios. Decur. iij. Ann. 5. & 6.

Vir annos natus 45. *ῥωσπνος*, labori deditus, victu copioso semper usus, sed, quod vitæ requirebat conditio, humido frigidoque aëri multum expositus, per annum circiter integrum Hemicraniâ lateris dextri laboravit, eâ tamen minùs vehemente, nec nisi exiguum operibus domesticis impedimentum procreante. Tandem verò mense Anni 1691. Dolor capitis acerbior reddi, indeq; noctes inquietæ ac insomnes evadere coeperunt: dolor ille tensivus fuit, & gravativus ad aurem usq; dextram se extendens, ac modò mitius, modò vehementius Agram extrucians. Varia hinc ab ipso primùm remedia epositora in usum trahebantur, sed sine morbi remissione: Vocatus autem ego in subsidium, dum ad Ægrotum accedebam *ἀνέστη* statim eum deprehendi, bene appetentem, digerentem & egerentem: urinas simul monstravit à naturali neque colore, neque consistentiâ, neque enæoremate deflecentes, unice conquestus est de insigni Hemicraniâ per aliquot dies sine intermissione durante, totamque capitis dextram partem occupante, cum aliquali, sed vix adhuc perceptibili retrò aurem tumore. Sitis aderat nulla; pulsus tantum non prorsus naturalis, vires satis constantes. Nares, imprimis dextræ, satis siccæ manserant, mucique naturalem & solidam quantitatem non exhibuerunt. Quibus singulis ritè pensitatis, seri alicujus acris salo-fixi stagnationem in variis tubulis supra aut infra cranium mihi imaginabar à quo fibræ membranaceæ lancinarentur atque dolorificè roderentur. Ad istud ergo serum, partim edulcorandum, partim attenuandum, resolvendum atque dissipandum, cum tota medendi ratio mihi dirigenda videbatur, Curationis initium feci à *Clysmate emolliente & laxante*, ex decocto herbarum emoll. & cephalic. cum *Melle rutac. & Electuar. lenitiv.* parato. Hinc venam in dextro brachio curabam incidi & octo præter propter sanguinis uncias extrahi. Post aliquot etiam dies purgantes à *succino Cratonis pilulas cum Cinnabar. Antimon. Milleped. preparat. Magist. Jalapp. & Oleo stillat. Rorism.* præscripsi. Deinceps quotidie Remedia intus absorbentia, incidentia & dissipantia obtuli, ex *Antimon. Diaphor. succin. alb. prepar. alb. prepar. Ebor. prepar. Corall. prepar. Ocul. Cancr. prepar. Diaphor. fovial. Lumbr. terr. præp. Agagropil. prepar. Cinnab. nat. vel Antimon. opt. sale volatili succin. viperar. vel C. C. & similib.* concinnata, nunc in formæ pulverem, nunc in pilulis cum *Extracto Angelic. Beton. Lign. saphr. ac Oleo destill. Amarac. adornatis.* Quibus subinde Opiata ad leniendam dolorum acerbicatem permiscui, cumque parum levaminis ex usu talium Medicaminum deprehenderem, etiam *Tincturam Antimon. Essent. Beton. Zedoar. Croc. spirit. salis Armoniac. urinosum cum Oleis stillatis. Ruæ, Amarac. Rorismar. Succin. Oleosum redditum ordinavi*, omnibus tandem *Infusum fol. Thee* addidi, utque interea extus primò quidem lintea, accenso *Massichis, Succin. Styrac. calamit. Thur. Sandaraci fol. Menth. Solan. Flor. lil. convall. ac salu.*

pulvere fumigata calidè frequenter dextrò capitis lateri applicanda, postmodum etiam sacculos à *Salvia, Majoran. Solan. Heder. terr. Melissa, serpillio, Ocymo, Flor. Chamomill. Melilot. Primul. Ver. Bacc. juniper. Semin. Fœnicul. Carv. concinnatos*, modò siccòs, modò etiam lacti incoctos, calidosque diligenter admovendos curavi: denum & alia suasi, quibus Lympham ubicunque stagnantem resolvi discuti que posse credidi. Sed his omnibus nihil obstantibus, juvantibusve, tandem Abscessus extra cranium formatus, atque in interiorem Auris dextræ meatum apertus, sanie albam minùs fœtidam, nunc crassio rem, nunc aquosio rem fundere cœpit, non sine insigni dolorum mitigatione. In usu hinc sacculi in lacte decocti perrexit Æger, simul ac meo suasu *Oleum Amygdalarum amarar. Melque rosaceum* Auri sæpiùs immisit, ejusdemque cavitatem sibi extergi curavit. Reiteravi tum etiam purgans ex *mass. pilul. à succino Crat. cum Mercur. dulc. pl ries sublimato*: insuperque *Decoctum Lignorum atque Herbarum traumaticarum* per longum sat tempus bibendum ordinavi. Nihilominus tamen ulceris curatio protrahabatur, dumque fluxus saniei cessabat, Hemicrania statim in affecto latere augebatur, manante dein iterum pure, dolor minuebatur. Tandem verò cum sanies per aliquot dies lentè prodiret, ac interdum prorsus subsisteret; retrò aurem tumor apparere cœpit, quotidie magis dolens, citra tamen mutatum cutis naturalem colorem: dolor verò pulsans fuit, uti in Abscessibus, locus autem durissimus. Cogitans hinc de loci ejusdem suppuratione, atque apertione, pro conciliando faciliiori puris effluxu, peritum in rem præsentem vocari jubebam Chirurgum, *Dn. Joh. Conradum Zachmannum*, cujus experta manus quotidie ulcus tractaret. Accedens ergo Chirurgus, Ægrumque examinatus, mecum animadvertit, tumidam retrò & ponè aurem, cutim; ex auris cavitate tum, sicut ferè continuò manabat quædam aquosa & ichorosa materia, auditum in eadem aure penitus intercipientem: somnus à longo tempore vel perturbatus, vel nullus, vires Ægri atterebat, Dolore lateris, sive Hemicrania nunc remissione nunc intensiore existente? Affecto lateri, minore cum incommoditate quàm sano incubuit; Appetitus valde imminutus fuit: sine tamen febris vel siti quadam molestâ. Accuratius verò locum dolentem examinantes, intumescentiam non levem retrò aurem dextram invenimus, quam licèt primo tactu duram ac renitentem deprehenderemus, nihilominus sanie subrus latentem continere satis animadvertimus, ichoremque ex aure jugiter profluentem inde velut ex fonte suo, scaturire conjecturavimus. Inito postmodum consilio, Abscessum retrò aures rumpendum esse conclusimus, eaque propter intus statim *Laxans ex Infus. fol. sen. atque Khabarb. propinatum*, atque postea *Decoctum traumaticum ex Lign. & Herb. Vinc. pervinc. Pyrol. Alchimill. Beton. Ulmar. Scabios. Sani cul. Anserin. Seminâ. Hyperic. Aquileg. Fœnicul.* ordinatum fuit, de quo Æger manè ac vesperti Cyathum plenum hauriret, si possibile, calidum. Externè verò tumorem retrò Aures emolite, suppurare atque aperire conati sumus primâ nocte, imponendo *Gummi ammoniacum aceto solutum*, formâ Emplastri crassioris alutæ induti. A quo postridie statim vidimus tumorem nonnihil

nonnihil fuisse auctum ; cumque simul appareret mollis , adeoque sic puris intus latentis indicia præberet, lanceolâ , à Chirurgo profundè satis adactâ , fuit apertus , bonamque coctæ sufficienter materiæ quantitatem exhibuit. Ligatum vulnus more solito cum carptis linteis stegmatico pulvere , ad impediendam hæmorrhagiam , resperſis, superimposito *Emplastro Diapalma* , atque *sacculo ex Disjunctis & Traumaticis adornato* , vinoque incocto , ad præcavendam inflammationem. Subsequente nocte Ager quàm optimè dormivit, ac postridie retulit , sibi dolores insigniter lenitos esse. Tumor valde minutus apparuit , ac parum saniei pro tempore reddidit. Immisso autem in ulcus stylo , illud sinuosum deprehendimus, cumque introductum ulteriùs stylum ad cranium usque penetrare , ejusque superficiem asperam offendere deprehenderemus , protinus eò loci cariem, quandam contraxisse credidimus, simul ac vulnus ampliandum magis statuimus , quod cum novâ Chirurgus incisione postero mane effectui daret , iterataque operatione negotium prosequeretur, cranium tandem detexit, sed propter obortam Hæmorrhagiam , nihil tum conspici poterat : quamobrem novum hocce vulnus statim eâ, quâ priùs, ratione tractatum & deligatum fuit , vicinis tamen etiam partibus , *Oleo rosaceo* atque *Chamœmelino calefacto* inunctis. Sequenti die , cum sedata esset Hæmorrhagia , cranium immisso iterum stylo , exploravimus , ac prope futuram squamosam in foramen quoddam incidimus, utramque cranii tabulam perterebrans , per quod stylus cantè transmissus , aliquousque inter Meningem duram & cranium absque Ageri dolore versus cerebellum protundi poterat. Cum autem prima hac vice stylus paulatim extraheretur , notabilis ipsam quantitas feri cujusdam flavescens secuta est , quod tamen hinc copiosius adhuc emanabat , Aegro in strophium exhibitum cum nisu sufflante. Quo quidem sic observato interrogatus est æger , num aliquando ictum in istam capitis regionem qualicunque ratione acceperit, sed negavit , se tale quid intra proximè elapsos quinque vel sex annos passum esse. Quamobrem in hanc tandem conjecturam devenimus, Hydatidem fortè aliquam in crassâ Meninge enatam, vel Lymphaticum quoddam vas crassiusculo sero nonnihil infarctum & expansum, sternutationis fortiore nisu ruptum esse, atque tantillam quantitatem feri salioris inter cranium & Meningem effudisse, quod cum non sufficerit ad Apoplexiam quandam, pressione fortè bascos cerebri ac principii nervosi, excitandam, satis tamen erat ad Hemicranium, atque imbecillitatem quandam attuum dextri lateris inducendam , sæpe enim de hoc conquestus est, quod in dextris artubus longè minùs roboris, quàm in sinistris obtrineat. Sed insimul opinabamur, extravasatum illud serum acrimoniâ suâ teneriorem cranii substantiam in loco futuræ squamosæ inductâ carie perfodisse, sicque factò foramine ulteriùs per exteriores partes molliores perirumpendo, Abscessum illum ponè autem sinuosumque ulcus progenuisse. Ad hoc verò probè detergenlum, osseamq; cranii substantiam ab ulteriore carie præcavendam, spiritus vini dephlegmatus tepide sub qualibet deligatione insperſas, indeque iterum ab Aegro aërem inspiratum in strophium efflante, excussus fuit. Vulnus autem sive ulcus dein filis linteis carptis, *Spiritu vini*, *Essentiaque Myrrhæ* intinctis replebamur, vicinias *Oleis* suprâ dictis illinebamur, *Emplastrum de Betonica* imponebamur, tandemq; omnia sacculo superiùs quoque descripto cephalico traumatico, in vino albo

decocto & expresso tegebamus. Cui sanandi methodo, cum per plures dies, mane atque vespere insisteremus, tumor paulatim omnis, dolorque simul evanuit ac cessavit, sanies ex ante nulla amplius promanabat , appetitus somnusque naturalis redibant, omniaque bene satis cedebant. Accidit interea aliquando, ut dum Chirurgus, more consueto, sub deligatione *Spiritu Vini* ulceri inspergere conabatur, nil prorsus ex siphone proflueret, nesciens, quid causæ subesset, pistillum Siphonis fortius adigit, unde confertim, & in petuose expulſus Spiritus undique diffundebatur ac penetrabat ; Aegrum quasi attonitum subito reddens, vel ita saltem perterritum, ut arrepto confertim strophio totam comprimeret antrorsum nutantem faciem. Sed tetricus magis Chirurgus, qui metuebat, ne qua fortè spiritus per ipsum cranium, Meningesque fortè erosas periruperit, Apoplexiam promptè suscitaturus. Ager autem brevi caput rursus erigens conquerebatur, insperſum Vini spiritum in Palatum & nares usque penetrasse , cujus veritatem vel ipse Spiritus per Nares in strophium penetrans , & odore se prodens, arguebat. Unde colligere necesse fuit, sanie Ulceris adhuc latentis cuniculos egisse , & ad meatum auris usque penetrasse. Ea nocte Ager, à fortiore insperſione dolorem quendam sensit , qui tamen paulatim rursus cessabat. Paucis hinc elapsis diebus , varia cariosi cranii frustula unâ cum pure bene cocto, seroque flavescente prodibant ; cumque ab eo tempore notaremus , ulceris interanea paulatim carne obduci, minoremque in dies quantitatem saniei profundere ; loco *Spiritus Vini*, & *Essentia Myrrhæ*, *Decoctum plantarum traumaticarum cum Tinctura composita*. *Myrrhæ*, *Aloës*, *Crocī*, *Hypericī*, *Pyrolæ* &c. postea insperſum, sicque tandem spatio quatuor hebdomadarum totum ulcus perfectè sanatum , ac cicatrice obductum fuit. Ab isto tempore Ager in hunc usque diem perfectâ sanitate fruitur, recuperato etiam in artubus dextris robore integro.

Anatomicæ inspectiones.

Fistula insanabilis ex inspectione anatomicâ.

Filia Pictoris, Nicolai Aeliæ infesta aliquandiu acerbo lumborum dolore, incidit tandem in moleſtam Inguinis fistulam, quæ perenni suo cursu usque eò consumpsit tenelli corpusculi vires, ut brevè excesserit à vita.

Cujus mortis causam inquisitione Anatome, invenit evidentem cariem in costâ spuria emittentem continenter in subjectas partes tantum actoris ichoris , ut illis erosas prodierit inde fistula , ut longa & anfractuosa ; sic eludens quamcunque opem Medicam.

Quam artis impotentiam non raro quoque videre est fistulis prope anum exortis ; Quarum principium excurrit nonnunquam altissime sive ad Lumbos, sive Thoracis vertebra, imo interdum ad ipsas scapulas , quas scoptula operta vocat Corn. Celsus ; Quibus in locis equidem non semel offendi fontem remotissimarum & immedicabilium fistularum.

Earum inaccessa caries , quo minus exploretur specillo impedit tortuosus ipsarum flexus : qui etiam remoratur clysteres eluendo ulceri dicatos : Excluditque manum exenturam os intus vitiatum : quo tamen minùs mature sublato , tollitur imatura morte homo, & obnixè ne à Medico sanetur Fistula à remotiore

à remotiore carie originem trahens : Cujus oras licet forfice diducas & amplies (quod tamen ad cutaneas fistulas summe utile) operam nihilominus ludes, nec pervenies unquam ad remotissimum sinuorum flexuum principium, à quo descendunt tot ramuli, & tam frequentes rivuli per profundiores musculos ac tendines, ut licet specillum vel dextrissime immittatur in tortuosam ejusmodi fistulam, neutiquam tamen attingat, nedum immutet, vel tollat cariem genuinam perennis ulceris causam. *N. Tulpus lib. 3. observ. 28.*

Ex vulnere Thoracis fistula suborta, spatio aliquot mensium pervadens ad capsulam Cordis, hujus substantiam ad fibras usque cavitatis absumpsit.

Ex vulnere sterni ad quartam costam sinistra parte, suborta fistula in quodam Veronensi, cum per aliquot menses eadem laborasset, ad ejus curationem me vocavit; cujus corpore prius expurgato, nulla licet spe salutis, ratione maciei, qua confectus erat, nec non febris & virium imbecillitatis, immisâ turundâ copiosum pus eduxi, à quo aliquot post diebus syncope correptus æger vitam cum morte commutavit.

Dissecto cadavere, inveni capsulam, & fere totam cordis substantiam ad fibras usque ab ulcere excelsam. Videant igitur an constare possit sententia Aristotelis lib. 3. de part. animal. cap. 4. quod cor nullum vitium grave diu patiatur; siquidem hic patiens diu vixit, quamdiu scilicet. ulcus & fistula penetravit ad cavitatem aut ventriculum sinistrum ipsius cordis. *Petrus de Marchett. in observat. Medico-Chirurg. Sylloge.*

Fistula Lumbaris à rene dextro calculoso &c. cum Cadaveris Anatome.

Clariss. Theodori Zwingeri, Miscell. Curiosor. Decur. iiij. Ann. 7. & 8.

Johannes Burcardus; Pannitonfor ac Civis Basiliensis, staturæ parvæ, cholerico-phlegmaticus, herniosus, *Mense Januario Anno 1693.* qui fuit ætatis ipsius circiter quinquagesimus, consilium auxiliumque meum in gravi, quo laborabat, affectione corporis imploravit. Accedens enim ad ipsum, prolixâ statim narratione mihi exponere cœpit, se ab aliquot jam retro annis, pro tenuioris fortunæ exigentiâ, Victus ratione satis crassâ, crudâ, frigidâ atque falsâ uti coactum fuisse, eaque propter sæpius Nephralgiâ & Calculis laborasse, imò jam aliquoties calculos minores fabulosos cum Urinâ non sine cruciatibus excrevisse. Dum verò in Aëtri præsentem magis inquirerem statum, audiebam innox ipsum de inmani quodam, tensivo, pungente & pulsatorio dolore, dextra Hypochondria sub regione Hepatis occupante conquerentem: hunc verò dolorem jam ultra sesqui annum, nunc intensius, nunc remissius durantem, persensit; nunquam tamen acerbius hominem afflixit, quàm cum Urinæ prodibant claræ, tenues, minus turbidæ vel turbatæ; si verò eadem crassæ admodum ac turbidæ existerent, dolor quidem remissior evasit, neutiquam autem perfecte remisit, atq; tum Urinæ ab Aëgro excretæ mediâ sui parte sedimentum efficiebant crassum, album, purulentum, sed neque fœtidum neque viscidum. Pulsus semper extitit justo debiliior & crebrior: Alvus præterea quotidie respondebat, & appetitus ciborum utcumque laudabilis manebat: Sitis verò modica sæpe urgebat. Somnus

fuit nec diu continuus; nec multus: vires evadebant paulatim debiliores, & habitus corporis diminuebatur. In hisce igitur cruciatibus Ager remediis non caruit sive externis, sive internis, quibus credebatur Ulcus internum ubicunque latens extergi, atque consolidari, eadem simul operâ dolorem leniri posse, ast in cassum singula usurpabantur. Ut proin hac ratione emaciatus extremè & viribus maximè exhaustus, ultimos Vitæ halitus spirare videretur, cum interea in loco cruciatuum hucusque perpefforum inflammatorius appareret Tumor, Abscessum penè maturum referens, atque Regionem Lumborum dextram immediatè sub costis nothis occupans. Tumor hic primò durus fuit, atque parvus, sed auctus, brevi eminentiam non levem acquisivit, molliusculam, sub quâ purulenta colluvies, admotis percipi digitis poterat. Præsentè hoc Tumore, ubi pus jam aliam quætebat exitum, Urinæ & parciores, & clariores mingebantur, sedimento carentes, quod jam validum præbebat affectorum antea Renum indicium. In tumente verò parte dolores acres & pulsatorii immane quantum seviebant, eousque donecetiam Convulsiones, sed lenes primùm illas, mox verò universales graviore excitaret; quæ licet non diu durabant, imminentem tamen mortem facili prælagiebant, nisi anodynis citò remediis eadem anteveriti, proculque adhuc arceri posset. Hoc igitur in Statu cum inviserem Aëgum, ac insimul Abscessus valde jam conspicui locum, magnitudinem atque molliem conspicerem, neque tamen signa deprehenderem ejusdem sponte rupturi; proposui statim illius incisionem minimè differendam, cen Remedium ad præcavenda majora accidentia, leniendumque dolorem præsentissimum. Sed dubius aliquandiu hæsit Ager, utrum mortem seligeret valde propinquam, vel utrum admissâ Apostematis incisione, inferioris vitæ usum diuturniorem præferret. Tandem collecto jam vacillante animo, capràque subsequaturâ incolumitatis melioris spe, præsentem Chirurgum suâ in Arte peritum Dn. Samuelem Braunium, iussit sine morâ lanceolam Abscessui infigere; quo confestim peracto, ingens puris sinceris quantitas effluxit, Aëtroque levamen dolorum insigne conciliavit. Vulnus infictum, Ulcusque subsequens pro more deligatum tractatumque postea fuit, sed, cum sinuosum illud fistulosumque esset, nullis sive internis sive externis detergentibus, siccantibus, consolidantibus, absorbentibus atque traumaticis, quomodocunque diligenter usurpatis, sanari potuit; quin ab ipso adaperiti Abscessus tempore ad ultimos usque vitæ dies, ultra quadriennium semper, nunc purulentus, nunc aquosus, nunc etiam tantillum sanguineus ichor copiosè effluxit: sed ita tamen; ut interea redeunte appetitu integro ad vires paulatim sufficientes, & *usurpatis* tantum non proflus sibi naturalem rursus devenerit, urinasque nunquam amplius purulentas, sed quandoque fabulosas, easque claras reddiderit. Quamquam autem Ulcus in principio statim sinuosum existeret, stylum tamen profundius immittere haud potuimus, propter curvitatē sinuum, in occulto decurrentium. Verosimile tamen nobis ex ulceris situ & conditione visum est, sinum illius ad Renem usque dextrum terminari, præsertim, quoniam à tempore facti Ulceris, nullum amplius pus per Urinam defluebat, quamvis largiter defluentem, & ad vesicam sine incommodo progredientem. Imò licet interdum Fistulæ ostium, superinductâ tenui membranulâ, coalesceret & clauderetur, nullum tamen amplius ferum purulentum cum Urinâ exernebatur, sed illud omne intra sinuosos Fistulæ ductus coacervatum, dolores prius

prius lenissimos denuò fecit acerbissimos, eosque tamdiu durantes, donec Fistolæ orificium, disraptâ membranâ, iterum aperiretur, liberumque puri exitum denuò concederet. Temporis hinc progressu, cum Æger, post elapsum annum ferè semper lecto affixus teneretur, ichorosum serum paulatim subter cutim inter musculos Clavis dextri novos excavavit sinus, tandemque & ibi saccum ulcetosum fecit, quem profundius intra musculos absconditum, cum natura aperire haud posset, scalpello itidem aperiri, pusque omne extrahi curavimus, spemque tum aliqualem concepimus, fore, ut pure jam versus musculos femoris effluxum consecuto, superius Fistolæ in lumbis orificium clauderetur, & perfectè consolidaretur; ast contrarium evenit: etenim ex utroque postea ulcere, continuè purulentus emanavit ichor, ut non tantum commacularet, sed & insinul lecti stragula perpetuis sordibus madefaceret, citra notabilem foetorem, nisi quando diutius in talibus sordibus immundus obhæsit. Interjecto autem tempore iterum emaciari Æger, viribus exolvi, atque circa initium Anni hujus 1698. simul vomitibus affligi coepit, primum quidem continuis, cum Urinæ, Alvique suppressione, anxietate præcordiorum insigni, atque Cordis palpitatione haud vulgari: postea verò rarioribus, & neque tam crebrò, neque tam acerbè excruciantibus. Symptomata verò illa per octidui spatium continuabant, & manifesta Nephritidis indicia præbebant; ab usu autem Nephritico-Cardiacorum paulatim cessabant. Alvus denuò aperiebatur, Urinæque excerni rursus, sed modicè incipiebant, tandem & meliùs profluere: atque ita Æger ferè exanimis ad se redire paulum videbatur: sed cum Appetitus interea nihilominus maneret dejectus, & sitis augeretur, vomitus quoque interdum redierunt; orificia Fistolæ claudebantur, ac ne guttulam quidem Ichoris ampliùs fundebant. Tum verò inductâ noviter macie extremâ, dolores Ægri universales, Pectoris anxietates, sicca tussis, palpitatio Cordis assidua, denique & ardor Interaneorum, cum crebris vomitibus, atque Icturiâ novâ, adeo torquere coeperunt perrexeruntque, ut inde ad desperationem fere adactus miser, nesciret prorsus quid ageret, vel loqueretur, donec assumptâ sæpe Essentiâ narcoticâ, animi tranquillitatem rursus nancisceretur, sub qua dein ad beatam sese analysin præparabat, eamque etiam ex voto, Die 28. Aprilis Anno 1698. consecutus est, postquam suum mihi cadaver lustrandum, vivens adhuc non semel commendasset.

Itaque postridie ad Cadaveris apertionem me contuli, in lustrationis consortium admissis Viris Juvenibus Nobiliss. atque Præstantiss. Dominis, Joh. Henrico Hottingero, Tigurin. Chirurgo. & Medic. Doct. Gabriele Bely à Belfort, Curtâ-Rhato, Medic. Candid. Mauritio Suero, Zoffingensi, & Martino Egdano Bernensi, Medic. Cultoribus. Cadaver autem primo nobis intuitu comparuit undique emaciatum, cum Abdomine depresso penitus atque velut collapsò, in cujus incisione tamen adiposam adhuc tunicam, sufficiente axungia repletam notavimus. Musculi quoque Abdominis haud adeò macilenti fuerunt, quemadmodum antea credebantur; imò aperto in cruceâ Peritonæo, Omentum neque consumtum, neque adipe, qui cineritii fuit coloris orbatum apparuit. Hepar autem justo minore nobis mole præditum videbatur; substantiæ friabilis admodum minusque compactæ, sed sideratæ prorsus, intus extusque similis, coloris variegati. Vesicula Fellis autem valde ampla fuit, bileque fluidâ quidem, sed admodum nigricante repleta. Ventrîcu-

lus Intestinaque prorsus exinanita, hinc inde siderata quoque. Cor, Pulmones, Lienem, Pancreas, Vesicam urinariam omni libe carentia deprehendimus, nisi quod in dextro Cordis ventriculo, crassus satus, longeque in Venas extra Cor protensus extiterit Polypus, sine dubio Palpitationis atque Anxietatis frequentis author, quam Æger ante mortem expertus est validam. Ren verò sinister naturali multò major, in pelvi quidem concretum tenuit Lapidem, inæqualis admodum figuræ, asperum, angulatum, sabulosum, neque adhuc valde induratum, magnitudine Nucis juglandis; per ipsam verò reliquam Renis substantiam, deprehendimus haud contemnendam sabuli calciformis ac friabilis quantitatem; quæ sabulosa materia, viscido interspersa succo, & papyro ad exsiccationem imposita, in Lapides satis duros concrevit. Præterea adeò numerosæ in quamplurimis ejusdem Renis tubulis extiterunt arenulæ, ut substantiam visceris ad tactum fere arenosam redderent. Ren dexter corruptus planè, omnique parenchymate destitutus, non nisi crassas quasdam, duras atque tenaces tunicas, omni cavitare carentes, exhibuit, Integumentis Lumborum internis valde adnatas, atque intra se tamen adhuc quinque lapillos durissimos, siliceos, magnitudine Pisorum majorum continentes. Fistula autem, quâ Æger laborabat tamdiu, ejusdem Renis substantiam transibat, & ad lumbares usque vertebrae progrediebatur, jam jam carie infectas, exterius verò transiens inter binas ultimas costas nothas, obliquo admodum ductu perrexit, ac tandem cutim in lumborum latere dextro penetravit, hincque ultiores agendo cuniculos subter cutim divagata, plures sinus ulcerosos, inter clunium musculos deflecentes, nobis conspiciendos monstravit.

FOETOR *Narium, Oris, Pedum &c. Vid. in Morbis specialibus earum partium.*

FOETVS.

Super eò videri possunt quæ sub titulò PARTUS habentur: Hic tantum singularia quædam afferemus de Fatibus extra uterum locatis, ac enutritis; imò & inde per Chirurgiam eductis; nec non de Fatu mortuò innoxie quandoque in utero per plures menses commorante, aliisque non minus Chirurgo-Medico utilibus, quam curiosis. Veniant itaq; primò historiarum plures fatuum extra uterum locatorum, ibiq; plus minus auctorum, ac etiam ad plenam propè maturitatem vegetantium.

Formationum Fatûs in Ovario Muliebri, Historiarum tres.

Historia I.

Petitur ex Epistolâ à Clariss. Dominò de St. Maurice M. D. ad Clariss. Dominum de la Closure, apud Petrocorios Medicinam facientem, 26. April. Ann. 1682. conscriptâ.

Post id quod modò Nobili Matronæ de S. Mère accidit, de fatûs in mulierum testiculis formatione, ac proinde de Ovorum existentia, vix quenquam dubitare debere crediderim, Vir Clarissime. Matrona illa, cujus eximias novisti dotes, cum jam octies felicissimè peperisset, & ab annis quinque gravida non fuisset, atque propterea ejusmodi periculò defunctam se putaret, in illud iterum se incidisse ante tres circiter menses putavit: quia menstruis, quæ eam nunquam defecerant per mensem integrum & ampliùs,

& ampliùs ; etſi aliàs malè non haberet, deſtituta fuerat. Sed cùm paulò poſt aliquid ſanguinis ex uterò (per duos poſtremos vitæ ejus meſes jugiter ferè, abſque tamen ullò incommodò, ſtillaret, ſe prægnantem non ampliùs credebat. Viceſimâ ſecundâ autem hujus meſis die, poſtquam ſana mane ſurrexiſſet, & per horam præter propter unam ſcripſiſſet, in deliquium, quò pulſus omnino ſupprimebatur, incidit : loquebatur tamen, & cognoſcebat. Dominus *de S. Mère* deliquium illud vaporì cuiſciam mulieribus familiari adſcribens, eò non multùm commotus eſt, donec attrectatò brachiò nullum invenit pulſum. Tum privatio illa, pallorì læthali juncta, eum adèdò terreſecit, ut emiſſò nunciò me feſtinanter accerſiverit. Ad ægram circa octavam veſpertina acceſſi. Eam frigidam & ſine pulſu inveni. Facies decolor, ſudore pingui & frigidò madebat ; rationè tamen & loquelâ etiamnum liberè utebatur. De vehementi dolore colicò ab inguine dextrò ad renes continuatò querebatur ; & tantus ille erat, ut cùm partem dolentem tangere voluiſſem, ea me ne ſe attrectarem, præ ſyncopes metù, rogaret. Momentò poſt imminentis partùs omnia ſenſit præludia. Chirurgum ſuum vocat, atque inter ejus brachia, ſe peperiſſe exclamans moritur, nullò ſanguinis effluviò, aut aliò mali ipſius ſtatùs indicio, extrinſecùs apparente. Lethum adèdò inopinatum attonitos omnes reddidit, & Dominum *de S. Mère* ad cadaveris apertionem, ut ejus cauſa reſegeretur, petendam impulit. Dominus *la Cheſe*, Chirurgus ad id officii, me aſſiſtente, præſtandum, electus fuit. Domini *de Montauſon*, Veſanæ Petrocoriorum Advocatus, *de la Porte*, Eques Domini Comitìs *de Taleran, du Vair*, Pharmacopæus, cum duobus famulis, teſtes fuere. Apertis Abdominis integumentis, inteſtina omnia, parte epigaſtrica, ſanguini immerſa viſa ſunt. Sanguinis illius ultrà duas libras, cochleari, ne ſitus partium mutaretur, extrahi curavi : ita tum prodigioſam ejusdem coagulati quantitatem, in dextrò latere reſtitantem advertens, cum manù auſſerre ipſe tentavi. Quali verò ſtupore percuſus fuerim, cùm inter priores grumos, fatum pollicem craſſitie æquantem, longitudine verò eòdem tertiâ parte breviorẽ, diſtinctè formatum, in quò ſexus masculinus facilè agnoſcebatur, nudum ac ſine integumentis inveni, judicet Vir Clariffimus ? Fatum hunc quadræ impoſitum omnibus aſtantiſibus oſtendi, atque locum unde exiverat reperiendi avidus, vicinas partes diligentiffimè examinavi. Duobus digitis ab eò locò in quò conſiſtebat, diſtare uterì cornu dextrum vidi. At auctus eſt ſtupor, ubi teſticulum ſecundùm longitudinem per medium dilaceratum quâ parte tubæ non obverſus eſt, adverti, ejusque capacitatem ſanguine oppletam notavi. Ibi infantem formatum fuiſſe nullus dubitavi, ſimulq; eum, nimium in eò locò incrementum adeptum, opportùnò tempore excidere non potuiſſe, ſed tandem effractò carcere, erupiſſe cognovi. In meâ ſententiâ confirmatus fui, cùm teſticulum hunc cum ſiniſtrò comparans, eum quadruplò craſſiorem inveni, ovum enim gallinaceum craſſitie æquabat ; ſiniſter verò minorem caſtaneam vix magnitudine ſuâ attingebat. Ille foris & intùs rubebat, & præterea in ſe ſanguinis grumos continebat ; at ſiniſter pallidus & granulìs, ſebo luteo ſimilibus reſertus erat. Tubam dextram examinavi, nec fatum eam unquam ſubiſſe notare potui ; quin ea ſiniſtræ omnino ſimilis erat. Uterum tandem accuratiſſimè luſtravi. Is nullatenus laceratus, ſed in ſtatù merè naturali mihi viſus eſt. Notavi tantùm eum craſſiorem & molliorem, quàm in feminis non prægnantibus in-

veniri ſolet, fuiſſe. Talis omnino erat, qualis ab Harvæo primò graviditatis meſe deſcribitur. Specillum per vaginam in uterì capacitatem introduci, huncque diſtendi curavi, inibique ne vel minimum conceptionis indicium animadverti potuit. Membra- næ interioris vaſa ſanguine turgida, & non parum varicoſa mihi equidem apparuerunt ; atque hinc dubiò procul parvus ille, de quò locutus ſum, fluxus obortus eſt. Quanquam mortis hujus matronæ cauſam aliorſum inquiſitum ire neceſſe non eſſet ; cæteras tamen, tum abdominis, tum thoracis partes conſiderare voluimus, eaſque optimè & naturaliter conſtitutas reperimus, &c.

Hiſtoria 2.

Exſcripta eſt è Diſſertatione de Structurâ & Uſu Uteri, quæ jam à duobus annis mihi fuit peramicè communicata à Præclariffimò Dominò Vieuſſens, Regis Galliarum Conſiliariò ac Medicò Ordinariò, & Illuſtriſſimarum Academiarum Regiarum Pariſienſis ac Londinenſis, Sociò digniſſimò : quamque ego Diſſertationem ultimæ Clariff. Philippi Verheyen Anatomiz Editioni, inſertam tradidi. Hiſtoriæ autem de quâ hic agitur titulus & materia hæc ſunt.

Obſervatio Dn. Dn. Montagnier, Celeberrimo Maſſilienſium Medicorum Collegio Aggregati, ſuper formatione Fætus Humani in locò inſolitò.

Mulier 30. annos nata, temperamentò ſiccò & melancholicò ; triginta ab hinc meſibus nupta, ſælici cum ſucceſſu ineunte meſe februariò anni 1697. filiam peperit. Meſe verò poſt partum elapſò, è domò ſuâ egreſſa, parum adhuc fluentibus lochiis, ipſomet exitùs die, horribus internis corripitur, & biduò rursùs elapſò, in febrem continuam incidit, quam comitabatur pectoris anguſtia, ut & tumor durus in mammâ ſiniſtrâ, à lacte diu intra ipſius texturam congeſtò ortus. Febre hæc cruciata, fuit per 20. dies : tumor autem evanuit poſt longam ſuppurationem, & ineunte tantùm Junii meſe rebus domeſticis vacare potuit. Interim fatum ſuſcepit, quamvis conceptionis illius neſcia ; ſiquidem hemorrhagiâ uterinâ laborabat vites parum frangente. Octo ante obitum diebus, animi deliquium ita vehemens paſſa eſt, ut cadaverofam faciem præ ſe ferret ; artus ſummò algore fuere correpti ; pulſus explorationem omnem fugiebat ; totus corporis habitus ſudore frigidò madebat. Ab his horrendis ſymptomatibus, per remedia à me præſcripta, horâ ſecundâ pomeridianâ liberata viſa fuit. Dein ordinariâ agendi methodò ad ultimum uſque vitæ diem, citra ullum grave ſanitatis diſpendium, inſtitit ; recidivam metuens medicamen purgans ſælici cum ſucceſſu propinavi, quò exhibitò, aquas *de Meyne* dictas, manè jejunò ventriculò per biduum, potavit ; appetitus vigebar, & lautò utebatur cibò ; rebus domeſticis ut antea vacare perrexit ; ſed irritis omnibus meis conatibus, die ſextâ Julii meſis, anni præmemorati, horâ quintâ pomeridianâ, ingens vomitus ipſam torſit, ut & novum animi deliquium. Cardiacæ remedia in uſum adhibita ſenſus externos ſuſcitarunt ; ſed facies cadaverofa videbatur, & artus glaciæ inſtar algidi perſentiebantur ; pulſus digito exploranti ſe ſe quaſi proripiebat : interimque ſummò cum virium languore de aliquibus internis conquirebatur. In caſſum fuere exhibita omnis generis pharmaca, quinque enim horis poſt lypothymiz paroxiſmum elapſis, vitam cum morte commutavit. Hæc tam ſtupenda quæ hætenus memoravi ſymptomata,

symptomata, argumento mihi fuerunt, cur fœminæ illius cadaver aperiri rogaverim, eò sine ut ipsorum causas indagarem. Facta fuit apertio, me præfente, postridie mortis ejus, à Dominò Monginotio, Lambeski peritissimò Chirurgo. Hic autem & ego arbitrabamur polypum aliquem in cordis cavitatibus nidulari: imò & in pulmone sanguinem aliquem nimis condensatum contineri. Sed nos fefellit hæc opiniò; nulla enim in hisce partibus animadversa est alteratio, quæ sub sensum caderet. Cum verò apertus fuisset imus venter, ejus cavitatem vidimus omnino repletam sanguine, partim concretò, partim fluidò. Dum autem plenis manibus illum hinc hauriebat Dominus Monginotius, bimestrem, aut circiter, fœtum in eò natantem deprehendimus, optimè jam efformatum, cum funiculi parte majori umbilico suo annexâ, quatuor digitorum transversam longitudine. Exhaustò totò sanguine in imi ventris cavitare diffusò, & aquâ optimè lotis visceribus, illa omnia ad eò integrâ invenimus, ut nullum vas sanguineum in iis apertum deprehendere potnerimus. Exploratò itaque Jecoris, Stomachi, Epiploi, Lienis, Intestinatorum, Mesenterii atque Renum Statù, Uterum à partibus vicinis separavimus, cum ligamentis suis & Vaginâ. Cum verò viscus illud coram ingenti testium numero attentissimè examinarem, nihil in hujus naturali magnitudine, ut & in figurâ ac substantiæ texturâ; immutatum reperiebamus. Testiculus sinister in naturali existerat statù: dexter verò, qui ab uteri corpore tribus transversis digitis distabat, visus est nobis sexies finistrò crassior; & cum extimam ejus superficiem examinarem, plura inter ejus binas membranas transpeximus ova, illumque quâ parte dexteræ Fallopii Tubæ Tentorio obvertitur prorsus lacerum invenimus. Hujus partes & vasa cum perscrutaremur, inibi carnem quandam mollem, subrubicundam, vasculis sanguineis conspersam deprehendimus; quæ tamen album acquisivit colorem, simul ac aquâ probè fuit abluta. Caro hæc internæ ovarii membranarum superficiem ita adhærebat, ut eam pro pueruli placentulâ habuerimus. Datum Lambeski 17. Quintilis, anni 1697. *Montagnier.*

Præclarissimus postea Dominus Vicussens, Massiliâ Monspelim rediens, cum Lambeski transiret, fœtum in præcedenti observatione descriptum, apud Dominum Monginotium asservatum vidit.

Historia 3.

Habetur in Commentariis Illustriss. Academiæ Regiæ Parisiensis, Anni 1701. & refertur à Præclarissimò Dominò Litte Academiæ illius Sociò dignissimò. Hic etenim inter alia multa in Ovario finistrò mulieris cujusdam reperta, verba facit de speciali quâdam vesiculâ, quam tertiam dicit, quia de duabus aliis jam locutus fuerat; à quibus hæc ultima in eò differebat 1. quòd minoris esset voluminis, seu molis. 2. quòd per membranas vestientes non transpareret. 3. quòd in capsulâ concluderetur rotundâ, è duabus substantiis constitutâ, & per sui fundum ipsi ovario, vasculis multis, ac membranceis fibrillis colligata. Cujus substantia exterior tertiam lineæ partem, exterior verò dimidiam, crassitie æquabat: illaq; præterea rubra & musculosa; hæc verò glandulosa & coloris subflavi erat. Tertia autem illa vesicula, præterquam quòd liquorem diaphanum ac mucilaginosum concludebat; exhibebat etiam fœtulum, lineam unam & dimidiam crassum,

Bibl. Chirurg. Tom. II.

tres verò longum, interioribus vesicæ membranis, per funiculum tertiam lineæ partem crassitie æquantem, & lineam unam ac dimidiam longum, connexum. In quò fœtulò sensibiliter distinguebatur caput, & in capite parvula fissura, ibi loci ubi naturaliter os aperitur: ac præterea ipsò nasi locò minima eminentia, atque utrinque ad hujus latera lineæ insculpta, quâ oculi designabantur. In imi trunci utroque latere aderat eminentia rotundâ, in medio crassitie aciculæ capitis crassitie: Item ad latera supremi ejusdem trunci, utrinque eminentia itidem rotundâ, sed inferioribus minor: quæ eminentiæ procul dubiò rudimenta superiorum ac inferiorum artuum præbebant.

Hactenus de Ovis in ipsis Ovariis fœminarum fœcundatis ac in plenè efformatos fœtus abeuntibus, ex duabus allatis historiis satis. Jam videamus quid de iisdem ovis ex ovarii sui, excidentibus, & à natuli suâ per tubas in uterum viâ in ipsum abdominis cavum decurrantibus per alias historias, plenâ cum certitudine pronunciare possimus.

Ex iis quæ in Theatro nostro Anatomico, sub finem Capitis de Partibus Mulierum Genitalibus, super Matronâ Genevensi Phibiscâ, 21. Junii, ann. 1679. à nobis apertâ observavimus, abundè constat, non raro ova ex ovarii in abdominis cavum delabi, ibique abortiva ac frustranea fieri, sive quòd non satis fœcundata sint, sive quòd in partes non deveniant quibus commodè adherere possint. Verum talis frustratio non est perpetua, siquidem illa ova aliquando in grandiores fœtus in eò abdominis cavò enutrita fuerunt, ut ex sequentibus patebit historiis.

Historia. 1.

Reperitur in Diariò Eruditorum Parisiensis, ex relatione Peritissimi Chirurgi Domini *Javiard*, nec non famosissimæ Obstetricis Domine *de Govei* subscribentibus itidem Solertissimis Chirurgicis Dominò *de Ioui*; Dominò *Hemmeret*, Dominò *Mauriceau* & aliis. In illâ agitur de Muliere, quæ postquam in maximis doloribus extincta fuisset, in suo abdomine referatò exhibuit fœtum incorruptum: cujus sola cuticula detracta erat, cujusque placenta tam validè alligabatur mesenterio ac intestino colo à parte lævâ, ut ab hisce suis adhaerentiis difficulter admodum separari potuerit.

Historia. 2.

Refertur à Præclarissimò Dominò *Courtial*. Medicò Tolosate, in suis Observationibus Anatomicis, & hæc est. Cum Chirurgus quidam Tolosanus accertitus fuisset pro operatione cæsareâ peragendâ in Muliere, quæ ipsò momentò extincta fuerat: incisionem suam instituit in abdominis parte dextrâ, quæ ipsi eminentior visa est, utroque conspectò ipsum aperuit. Ille revera magnus reperitus est, scirrhusus, ac quatuor digitos transversos crassus; sed cavitatis minimæ, sanguine subnigrò & grumosò refertæ, at omni prorsus fœtù vacuæ. Cum interea Parentes mulierem hanc gravidam esse assererent, totum ille abdomen referavit, ac non parum percussus est, cum in latere finistrò sub epiploò fœtum perfectum observaret. Itaque hæc novitate motus ad Scholam Medicam, in quâ de cathedrâ tum temporis docebam, deprecans ut ad se quantocius accederem, continuo dimisit: cumque advenissem casum mihi exposuit. Tum ipse manum operi adinovens, infantis hujus situm exploravi.

M

exploravi. Cubabat capite infra positò super lumborum spinâ ad lævum latus, atque longitudine suâ tres abdominis regiones occupabat. Pedes sub stomachò ac intestinò colò, reliquumque omne corpus omentò contextum, reperiebantur. Funiculus umbilicalis ipsius collum cingebat, totumque corpus è membranìs suis ac involutis excesserat. Funiculum resecai, infantulumque istum de matris sinu, in quò mox extinctus fuerat, retraxi. Observavi autem quòd ille sibi cubile quoddam depressum paraverat, ab ipsò inferioris ventriculi mediò, ad usque dimidium pedem infra renem sinistrum; quòdque ad latus dextrum intestina omnia tenuia, medium abdomen ordinariò occupantia, propulerat. Masculus erat, in omnibus suis partibus perfectè conformatus, bene enutritus, ac maturitatem nonimestris fætus plenè adeptus. Funiculum postea, què in matris abdomine reliqueram diligenter perquisivi, ac secundinas reperi è placentâ & membranìs constitutas. Eam autem placentam sub inferiori stomachò, ipsòque intestinò colò, vasis gastro epiploicis adhærere observavi: verùm cum illam adhæsiònem attentius examinare averem, illud minimè licitum fuit, quia separatio horum corporum ab invicem momentò temporis facta est. Illud reverà percepi, quod placenta, secundùm totam adhæsiònem suâ circumferentiam humiditatibus viscosis maderabat, quòdque inibi vasa sanguinea, & magis dilatata, & sanguine turgidiora, apparetent quàm naturaliter fieri solet. Interea tamen inæqualitatem aliquam notatù dignam, ac sensibiliorem in inferioris ventriculi superficie deprehendere nequivi; etiamsi hoc viscus, eâ in ipsâ parte, cui scilicet placenta adhæserat, paululum crassèfactum animadverteretur. Opinatus sum quòd ille fætus ex uterò, vel ejusdem rubis perfractis excesserat, ac propterea sedulus inquisivi unde demùm elapsus esset. Uterum attentò oculò contuitus sum, in totâ superficie externâ, quam æqualem & prorsus integram observavi: ejusdem uteri cavitas itidem integra visa est, ut & tubæ ac testiculi. Hæc omnia peracta fuere, pluribus assistentibus testibus, tum mortuæ consanguineis; tum aliis, &c.

Historia. 3.

Mihi peramicè communicata est primò die Maii, anni 1714. à Præclarissimò Virò Dominò Johanne Baptistâ Bianchi, Medicò & Anatomicò Taurinensi, magnò sanè suò meritò Celeberrimò. Atque hæc est.

Angela Francisca Marona, mense februariò anni currentis 1714. subobscurò afflicta est in abdomine dolore, ac nobis asseveravit se nonimestris graviditatis tempus complevisse. Quieverunt postea hi dolores; sed vehementius recruderunt die quartâ Martii, unde se partui proximam credens obstetricem accersivit, quæ postquam eam in situ aptò collocasset, ac manum in vaginam introduxisset, sequuta est copiosa hæmorrhagia, vomitus, cardialgiæ ac febris intensa: illisque omnibus, quod notatù dignissimum, adjunctus est dolor divulsivus in regione umbilicali. Verùm & dolores & ipsi vomitus integrè sopiti sunt, eò ipsò momentò quò fætus vivere, seu potius moveri desiit. Interea continuò apparuit tumor in umbilicò è quò stillabat humor fætidissimus. Chirurgus exploratò tumore ac dilatatò ejus orificiò, ex abdominis tandem cavitate, octodecim diebus postquam omnis mótus intus cessaverat, eduxit fætum perfectæ maturitatis, cum suâ pla-

centâ, sed membranìs omnibus destitutum. Mater huic operationi decem dies supervixit, & forsitan integrè evasisset, si illa maturata fuisset, antequam scilicet corruptio à fætù mortuò partibus sibi vicinis per longiorem moram communicata, lethalem ipsis labem impressisset. Fætus ille ut apparuit in abdomine post mortem referatò, superficiei omnium intestinorum incubuerat, iisque alligatus fuerat mediante membranâ, in id à naturâ efformatâ, quâ etiam prædicta intestina veluti novò ac superadditò mesenterio invicem connectebantur; & unde fætus alimentum necessarium trahebat. Fætus hic, ut iam dictum fuit, naturalis erat magnitudinis, ossa cranii per putrefactionem à suis divulsa regumētis reperta sunt, cerebrumque prorsus dissolutum.

Eadem hæc Historia fusè postea descripta fuit, Italicò Idiomate, à Peritissimò, & magni nominis Chirurgò Taurinensi, Dominò Paulò Bernardò Calvò.

Postquam huc usque per historias allatas satis constitit de Conceptione, ac fatuum etiam formatione, tam in ipsis Ovariis, quàm in Abdominis cavò, superest ut jam transeamus ad Conceptiones Tubarias, imò fatuum in hisce canaliculis plenas efformationes; quod iidem pluribus persueimus historiis.

Historia. I.

Proponit transitum ovi ex ovario in tubam dextram, prout describitur à Solertissimò Anatomicò & Chirurgò Gallò, Dominò Bussiére, in Epistolâ Gallicâ, Actis Philosophicis Anglicanis, mense Januariò, anni 1694. insertâ, quæque sic latinè sonat ex translatione Præclarissimorum Collectorum Actorum Lipsiensium.

Mitto Tibi, Domine, descriptionem Tubarum in uterò muliebris corporis, à me non ita pridem dissecti deprehensarum. Mulier erat juvenis, 25. vel 26. annorum, quæ non multò ante fatalem horam fætum fuerat enixa; ut observare mihi licuit 1. ex infimi ventris cicatricibus adhuc dum recentibus. 2. Ex disruptione furcillæ, cujus cicatrix admodum erat nova. 3. Ex uteri magnitudine. Denique ex apertura Ovarii in latere sinistro, ex quâ ovum quod inservierat priori infanti exierat, quæque adhuc dum lata valde erat, & cujus extrema aliquatenus adhuc lacera cernebantur. Ea autem tamen non longò ante tempore peperisset, denuo, sen ex libine, seu quod speraret mortem, ubi gravis facta esset, illatum non iri, cum amico quodam, aut fortè aliquò aliò ex iis qui in publicâ custodiâ erant congressa est, ita ut conceperit. Verùm mortis supplicium antea subiit, quàm ovum à semine virili imprægnatum in uterum deferti potuerit. Eum verò, dum incisione factâ aperiissem, deprehendi tubam dextri lateris versùs extremitatem suam præter solitum distensam, quòdque ea distensio in maximâ suâ latitudine complectebatur paulò plus quàm pollicem unum in diametrò, ac versùs uterum sensim diminuta paulò ultra sesquipollicem procedebat. Ea pars hunc in modum dilatata se incurvabat, totumq; ferè amplexabatur ovarium cujus membranæ tam firmiter adhærebat, ut ab eâ non nisi vi divelli posset. Divulsa verò liquorem præbuit limpidum & pinguem, qui probabiliter isti fuit usui, ut vel membranas tubæ relaxaret, quò distenderentur commodius, spariumq; ovulo concederent quò in uterum progredieretur, vel fortè ut canalem illum, ad

ad parand in ovo faciliorem transitum lubricaret, vel etiam ut utrumque præstaret. Et illicò quidem inquisivi, numquid dignosci in corpore tubæ posset, à quò liquor ille originem traxisset? Sed nihil tale in eâ deprehendi, licet multò crassior esset solitò. Crassitudo autem illa provenerat ex ejus fibrarum intumescentiâ, quæ non minùs carnosæ erant, quàm ipsæ musculorum fibræ. Id quod sine dubiò acciderat, ut satis virium ac motûs illi parti; ad ovulum comprimendum, postquam ab ovario separatum erat, atque illud in uterum propellendum suppeteret. Ego itaque judico, quòd liquor iste in tubâ contentus ex ovario proveniat, quòdque ex fibris, parvisque vasis lymphaticis & aliis, quæ ad transitum ovo imprægnato aperiendum rumpuntur, liquor ille defluat, adeò ut licet laceratio ovarii vulnus sit ac symptoma, utilitatem tamen præbeat, effectusque forsan necessarios producat, seu ad primam ovi nutritionem, seu ad facilitandum ejus ad uterum transitum: ita enim natura novit cuncta ad salutarem usum dirigere. Confirmatur sententia mea ex eò, quòd in femellis brutorum animalium, ex quarum ovario plura ovula simul prodeunt, maxima illic liquoris hujus copia deprehendatur. Tubâ tandem ab ovario separatâ, liquoreq; delapsò, ovum apertè conspectui nostro fuit oblatum. Equabat illud magnitudine avellanam, liquore in mediâ tubæ cavitate dilatatâ conclusò involutum. Tres hujus ovuli quadrantes iam extra ovarium per factum illic foramen exierant, & illi non ampliùs adnexum videbatur. Nihilominus tamen cùm illud auferre eniterer, adhuc adhærere illi deprehendi per petiolum satis durum, per quem decurrebant vasa sanguinea, intra ovulum, & etiam supra illud dispergenda. Per illa vasa fœtus materiam sui nutrimenti ac incrementi recipit, non minùs in ovario quàm in uterò, siquidem petiolus ille placentæ rudimenta procul dubiò continet; (ni eam velis in ovario jam efformatam) ac per illum uteri parietibus adhæret. Atque hinc omnino intelligi potest quòd seminalis maris spiritus ad usque ovulum in ovario ascendat, motumque illi ac fecunditatem inibi conciliet. Uterum quod spectat, nulla adhuc dum sensibilis in eò advertebatur mutatio, nisi quòd humoris mucosi plusculum contineret, quod cum naturali ejus statu multum non disconvenit. Tuba sinistri lateris naturaliter se habebat, ut & ovarium sinistrum, si eam exceperis appeturam per quam exierat ovum unde prior fœtus efformatus fuerat.

Hactenus Peritissimus Dominus *Buissière* circa ovum fecundatum ex ovario in tubam uterinam delabens, quod itidem evidentissime patet ex observatione quam sub finem capitis de Mulierum partibus Genitalibus in Theatrò nostrò Anatomicò, attulimus. Hoc unum subjungimus, scilicet quòd ex magnitudine ovi à Dominò *Buissière* descripti, atque ex vasis quibus illud ovario adhærebat, non tantum constet de ovò fecundatò ex ovario in tubam sibi per corpus fimbriatum intimè connexam decedente. Sed etiam de conceptione non parum auctâ, unde procul dubiò fœtus efformatus in spatiò ovarium inter & tubam intermediò, seu cujus placenta in ovario, maxima verò corporis pars cum suis membranis, in tubæ introitû, exstitisset.

Historia. 2.

Habetur apud Clarissimum Graesium, & reperitur in Theatrò nostrò Anatomicò, sub finem *Ca-*
Bibl. Chirurg. Tom. II.

pitis de Mulierum Genitalibus partibus, cujusque plena explicatio traditur in illius Operis Tabulâ 78. figur. 1. ubi ex observatione prædicti Clarissimi Graessii satis superque apparet conceptionem Tubariam illic describi, seu potius fœtus in tubis efformari, ac non parum aucti delineationem contineri.

Historia. 3.

Commodè peti potest ex explicatione figuræ 3. Tabulæ 78. Theatri nostri Anatomici, nec opus est ut hîc specialius illi enarrandæ immoremur.

Historia. 4.

Grandiorem sistit tubariam conceptionem ex Accuratissimò Anatomicò Dominò *du Verney* peritam; cujus plena descriptio habetur in Theatrò nostri Anatomici, Tabulæ 78. figuræ 4. explicatione.

Historia. 5.

Exhibet fatum in Tubâ efformatum, atque inde matre superstite à Clarissimò Abrahamò Cyprianò, M.D. ac Anatomia & Chirurgia in Academia Franequerana Professore educitum. Illa autem, ipsò celeberrimò Virò referente, hæc est, prout in Epistolâ ad Insignissimum Thomam Millington, Equitem Auratum, Medicum Regium Ordinarium, & Collegii Medicorum Londinensium Præsidentem, refertur.

Cùm tuo rogatu accersituque (Vir Clarissime) calculum è vesicâ tuâ feliciter excidissim currente annò ætatis 68, Tibique post præctam operationem ferè quotidie assiderem, ut sit, inter nos sermo incidit de rarioribus quibusdam casibus, qui inter medendum occurrerant, quique ad Chirurgiam inprimis spectabant; itaque dum inter alia tibi narrarem de Fœtû ex Tubâ Uterinâ exsectò, matre etiam nunc salvâ ac superstite, tuque à me continuo quæreres, quid sit cur hanc historiam adeò memorabilem scriptis nondum mandaverim? Hoc inprimis respondebam, me, tum ob adversam, quâ duos abhinc annos usus sum, valetudinem, tum ob varias peregrinationes vix tantum otii nactum fuisse, ut quæ jam dudum in adversaria retuleram in ordinem quendam redigerem. Statueram enim non solum hunc casum merito inter rariores numerandum, sed & alias quamplurimas observationes & curationes Chirurgicas minùs obvias publici juris facere. Verùm cùm amici quidam doctissimi à me impensius efflagitent, tuque potissimum Vir Celeb. auctor fueris ut hanc Historiam sigillatim typis mandarem tuo inprimis desiderio morem gesturus eam commentariolò illustratam Amplissimo tuo nomini inscriptam voveo, utque quâ soles humanitate æquibonique consulas entxè rogo.

Atqui verò hîc interim dolendum est, Chirurgos plerosque etiam celebres & magni nominis, periculosas & difficiles operationes omni studiò vitæ, haud dubie verentes si res minùs feliciter, & pro ægroti votò non successerit, ne quid detrimenti fama & existimatio apud vulgus ceperint. Hinc fit, ut morbis quotidie occurrentibus medentes, & contenti ire quâ itur, lucrum ex iis quærant unde minus est invidiæ & periculi, difficiliora verò omnia recusent, nimium forsan illius memores quod in

Icholis inculcatur: *Incurabiles non attingendi, ne ars diffametur.* At si quæ difficiliora sunt animosius aggrederentur. profectò multos à faucibus orci ereptos, vitæ valetudinique optatæ restituerent, quos absque omni spe & solatiò deterunt & insanabiles satis temerè aliquando pronunciant. Horum uti plurimis saltem videbatur, insanabilium, tum in Patriâ tum hic Londini à me feliciter, Deo annuente, restitutorum, exempla non pauca, Tibi Vir Excellentissime, haud ignota sunt. Quod non idèò hîc memoro ut inanem gloriam aucupari videar, sed potiùs ut aliis calcar & stimulum addam. Et profectò quantum inter revera incurabiles morbos & tantum putatitios intersit, vel unicus hic casus palam omnibus faciet.

Uti verò corporis humani fabrica jam perfecta & numeris omnibus absoluta meritò omnes naturæ scrutatores in sui admirationem rapit, sic eadem dum *in fieri* est, hoc est hominis generatio, summi videlicet Protoplastæ opus summum, mortali intellectui imperscrutabile, multò magis & attentionem & admirationem nostram meretur; inprimis si devium, extraordinarium & anomalum ejusdem modum, eumque sæpiùs vel matri vel fœtui, vel utrique simul funestum spectemus. Quamobrem & si quas in materiâ adèò obscurâ & difficili conjecturas offeram censoribus quibusdam malevolis minùs probatas iri non dubitem, spero tamen me apud æquos rerum æstimatores veniam facile impetraturum. Cum enim de accretione fœtus historia adhuc manca sit, & à nuperis etiam Anatomicis penè intacta relinquatur; nec non in iis quæ ad humorum theoriam & ad ossificationem spectant coactus sum *Avia peragrarè loca vix ullius ante pedibus trita*; Ecquis in re tam arduâ demonstrationes à me exigat? Si probabiles rationes & verisimiles conjecturas proponam, si denique quod dubitanter tantum adduco, Tibi & reliquis cordatioribus viris, quibus *de meliori luto finxit præcordia Titan*, non displicuisse sciam, erit quòd mihi multum gratuler.

Die 17. Decembris annò 1694. vocabar Franequerâ Leovardiam invissurus uxorem Henrici Levvis sub signò Capitanei Peterson militis Prætoriani *Hermentie ten Boom* vocabulò nostrò belgicò appellatam. Hæc annos circiter 32. nata, & cessantibus menstruis jam tertium imprægnata ad nonum usque mensem se experta est, quò ad omnia ingravitationis signa in eodem statû ac dum alias uterò gereret, hòc unò exceptò, quòd totò illò tempore nihil lactis in mammis apparuerit. Molestior etiam ipsi videbatur & insolita gestatio, inprimis cum fœtus vivacis motum fortiozem & auctum perleret: Crevitque maximè molestia gestationis, cum locò non consuetò sed paulò altiori situm esse fœtum deprehenderet, ubi verò instaret parturiendi tempus tum magnos dolores sensit, tum etiam motus in fœtû vehementiores, adèò ut jam partus appropinquare videretur: verum omnia irritò prorsus successu. Nam præter crebras & magnas insuetò in locò motiones, nullus fœtum egerendi conatus adfuit; neque ulla Aqua Amnii effluxit. Exinde omnis spes partûs legitimi evanescebat, & cessante tunc omni fœtus motû, ac paulatim meliùs sese habente ægrâ, fœtum in hòc instanti fatò cessisse non est quod dubitemus.

Elapsò mense decimò fluxerunt de novò menstrua, per totam gestationem suppressa, neque jam ampliùs motus aliquis in fœtû deprehensus, sed pondus tantum iners & incommodum. Hæc indies agebatur molestia, sed præcipuè circa mensem decimum octavum ea fuit symptomatum ingravescentia

ut lectò decumbere Muliercula rogeretur. Paulò post de dolore acutò circa umbilicum partesque vicinas conqueri cœpit; Huncque dolorem duabus septimanis ante fœtus extractionem ulcus fungosum in regione umbilici subsequēbatur. In consilium vocatis Medicis ac Chirurgis in varias itum est sententias. Aliqui fœtum in uterò latere putabant repugnantibus aliis, quidam de Hydrope; quidam de excrescentiâ internâ loquebantur.

Mensis erat à primâ conceptione vigesimus primus, cum ego advocabar Leovardiam, comitante Cl. Collegâ P. Latané Medicinæ practicę Professore nec non quibusdam Academiae Franequeranæ studiosis, qui unâ cum Celsiss. Principis Nassoviæ Medicò primariò ac Chirurgis, & N. Simonide Chirurgò ægræ clinicò operationis insolitæ, ac præsertim eventûs felicissimi testes fuerunt.

Ego cum primùm ægram conspexissem, & tam præteriti quàm præsentis ejus statûs circumstantias omnes ad examen revocassem, eam fœtum mortuum gestare asserere non dubitavi; neque defuerunt signa assertionis meæ veritatem demonstrantia. Dum enim attentius omnia rimarer; deprehendi ventris intumescētiā inferiùs paulò in acumen desinentem, & corpus gravidum minùs tamen tensum æmulantem. Insuper compressò fortiter utrinque ambabus manibus abdomine magnam sensi duritiem, quæ ad Peritonæum usque pertingebat. Hæc autem durities evidenter magis observabatur circa ulcus inferius, quod fungosum existens stilum facile admisit, quò durum quid attingere mihi videbar. Hinc dilatato tantisper orificiò, digiti minoris apicem immisi, eoque fœtus os parietale me contingere mihi indubitanter suadebam. Ex iis audacior factus, & de situ etiam securus fœtum in tubâ dextrâ uteri latere, nullâ morâ pronunciaui, ægramque admonui, si sectionem admittere vellet, ipsem adhuc aliquam salutis superesse, cum cæteroquin mors miseranda eam præstolaretur. Ipsa interim jam sese movere non poterat, aut alimenta capere, verbò morti vicina: itaque admonitioni meæ faciles præbuit aures, atque constanti animò se quodlibet passuram dixit, ut quamprimùm fœtus eximeretur. Omnibus igitur ad excisionem paratis ægram cum lectulò in mediam cubiculi partem deferri jussi, ut non solum utrinque famulis auxiliatrices manus porrigentibus locus foret, sed etiam ut eò faciliùs omnibus copia fieret novi hujus spectaculi. Et ut obiter hoc notem, cum ego non incurvatus aut sedens, sed pedibus stans atque erectus, operationes Chirurgicas majoris momenti peragere consueverim, utpote quod convenientissimum in similibus casibus multoties expertus sum, lectum in quò ægra decumbebat ita elevati jussi, ut pedibus insistendo sectionem commodè instituerem. Deinde hòc modò procedebam.

Introductò per ulcus stylò abdomen à latere dextrò aperui, ac indicem digitum immisi: ubi verò me intra tubæ fallopiianæ cavitatem pervenisse deprehendi juxta rectitudinem lineæ albæ, forcipe supra digitum positò deorsum versùs scissuram feci, quantam unâ vice poteram. Tunc fœtus illicò in conspectum venit isque justæ magnitudinis. Hunc ut faciliùs absque ullâ vi eximerem, aperturam utrinque produxi ad pedalem usque longitudinem, manûque sinistrâ leviter premendò intestina, aliàs operationem turbatura, si motû diaphragmatis extruderentur, in cavitate detinui, ac fœtum absque multò negotiò integrum extraxi. Quin etiam in majorem cautelam, ne intestina delaberentur, ægram ita collocaveram, ut superiores corporis partes aliquantulum

quantulum essent depressæ; imò in eodem hoc ferè sitû permanfit Muliercula, donec prorsus convalesceret ad vitandam scilicet Herniam Ventralem.

Factâ verò incisione caput fœtus primò sese ostendebat pedibus versus Diaphragma extensis, Mediante Placentâ tenui admodum & maximâ ex parte consumptâ funiculus umbilicalis tubæ fallopianæ etiamnum adhærebat, uti mihi ulteriùs apparuit cum eam à tubâ digitis decorticatam egressissem. Hujus autem cavitas undique mucagine quâdam obducebatur, materiam purulentam æmulante: Verùm illa propiùs examinata non pus sed residuum aquæ amnii fuisse deprehendebam; utpote parte nullâ interiori exulceratâ, ac materiâ nullò pactò fœtidâ existente.

Vacua jam infantis cella nobis se in conspectum dedit peramplâ cavitate magni instar marsupii, larè patens. Hinc operæ pretium duxi spectantibus demonstrare eam partem, unde fœtum extraxeram, petitionæ adnatam ita fuisse ut una quasi videretur membrana: Deinde partem hujus sacci inferioris dextro lateri Uteri circa fundum affixam fuisse; qui tubæ locus cum sit, neque ulla alia reperiretur, manifestum fuit in tubâ dextrâ fœtum hæsisse. Datâ etiam copiâ uterum ipsam inspiciendi ac contrectandi, illum in statû naturali constitutum cum ovario ac sinistra tubâ prorsus illæsis jucandum fuit omnibus ostendere. Hisque conspectis non vanò auguriò, prout eventus docuit, pronuntiavi, si modò ægra sanaretur eam denuò impregnari posse.

Sed ut historiæ finem faciam; madefactam aquâ tepidâ spongiam in cavitate immisi, eaque mucaginem omnem absterxi. Tum probe mundatum vulnus acu curvâ quatuor in locis æqui-distantibus confui, comprehensò, præter integumenta & musculos, ipsò peritonæo. Duplici autem utebar filò cerâ illitò; imò ut firmior esset sutura, laminam ligneam linteò obductam quâ securiùs ora vulneris occiuderentur toti incisioni ab utròque latere applavi, ac fila supra laminas, sed non arctè ligavi. Ab eâ ligaturâ majorem quàm à totâ operatione dolorem passam se fuisse dicebat ægra, quæ aliòquin vix de acutò dolore conquesta est. Cæterum juxta inferiorem partem vulneris aperturam reliqui, eique turundam ingessi, ut materiæ omni secernendæ exitus pateret.

His feliciter absolutis diætâ tenuem ac convenientem præscripsi ex liquidis euchymis, &c. & postquam inter me & N. Simonidem Chirurgum ægætæ clinicum de methodò ægram tractandi convenisset, reliquum curationis ipsi commisi. Paruit omnibus ægra, & sese obsequentiissimam præbuit, summo opere gavisa eò usque perductam esse operationem. Exinde sensim indies meliùs se habuit vires etiam acquirens. Præter Chirugos quotidie eam invisit D. Portius Sereniss. Principis Nassoviæ Medicus; quin & liberalitate Celssiss. Principissæ ex ejus culinâ ægrè alimenta subministrabantur. Ego sæpiùs & pro rei necessitate ad eam accessi, & expertus sum, Vulnus i lud ordinario prorsus modò sanatum, nempe separatione parietis interioris tubæ Fallopianæ. Quodcunque excernebatur non tantum per orificium inferius effluxit, sed etiam per interstitia suturarum. Separatio autem facta fuit non tubæ totius sed membranæ solummodo interioris. Exterior paulatim sese contraxit, & loco incisionis peritonæo coaluit, ac duritie suâ cartilaginem æmulabatur; id quod vulnere nondum clausò digito persentire facillè poteram.

Sic post sectionem quodammodo Cæsaream con-

Bibl. Chirurg. Tom. II.

valuit hæc mulier, & tertiò ab operatione mente 17. nempe Martii 1695. domò exivit. Exinde bene se habuit & huc usque hilariter & pancreaticè vivit.

Postremò ne quidquam desit casui huic extraordinario, postridie Kalendas Januarii 1696. filiam feliciter peperit, iterumque subsequente anno 1697. gemellos filium & filiam enixa est, maximò indicio, sicut antea monui, tubam sinistram integram prorsus, & absque inflammatione remansisse. Quò pactò autem inflammatio post difficilem partum excitari, ac tubæ orificium occludi possit, ex subsequentibus palam fiet.

Ad majorem rei fidem atque certitudinem fœtum ipsum nunc ante quinquennium exsectum, quem in liquore Balsamico etiamnum integrum servo, curiosis omnibus & novitatum studiosis ostendere paratus sum. Iconem interim hic subjungo, quam vide in Theatri Anatomici Tab. LXXVIII. fig. 2. Fœmella autem fuit, eaque ut antea dixi justæ magnitudinis. Mirum est profecto per duodecim menses absque putredine cadaver illud in tubâ latere potuisse; exceptò enim capitis latere sinistro ejusdemque lateris humerò, quæ partes cum è regione ulceris sitæ essent jam à materiâ purulentâ corrodicerant, reliquum corpus adhuc integrum conspicitur.

Cum Epistola hæc de materiâ non adeò communis; sed rariore & verè extraordinariâ tractet; non abs re fore arbitratus sum, partes ejusdem aliquas, quæ majoris esse momenti videntur, ad examen revocare, symptomatum quorundam rationem subjicere, & nonnullis hujus Epistolæ articulis, commentarioli in modum, ulteriùs immorari.

Exempli gratiâ:

Quòd totò gestationis tempore nihil lactis in mammis perceperit.

Plurima non tantum ipsi vulgo, sed & aliis Medico-Philosophis præconceptâ opinione laborantibus videntur esse absurda; eaque imprimis quæ ad statum gravidarum & puerperarum pertinent: quæ tamen si accuratiùs examinentur, reverà non absurda, sed potius verisimilia & rationi consentanea videbuntur.

Sic in præsentî casû vulgo incredibile esse videtur, fœminam fœtum vitalem uterò continere, & tamen lacte semper carere, fœvente hanc opinionem eorum hypothesi erroneâ, qui lac è mammis ad uterum pro fœtû nutriendò confluere statuunt, vel qui ex sanguine menstruò retentò lac generari credunt in mammis, ad stipulanteque quodammodò huic dictæ opinionioni falsò, vel non satis intellectò Aphorismò Hippocratis Sect. 5. 39. ubi inquit: *si mulier quæ neque gravida est, neque peperit, lac habet, ei menstrua defecerunt*; item aliò Aphorismò Sect. 5. 37. ubi inquit Cœs. senex: *si mulieri uterum gerenti mammae gracilescent, abortit*. Quia (inquit Entius) statuens lac è mammis ad uterum ejusque membranam Amnion fluere. Apolog. Digress. 5.) nihil alimenti fœtui suppeditari potest, qui hâc de causâ tunc moritur & per abortum ejicitur. Sic vulgus menstruorum suppressionem in corruptis, signum ingravidationis esse putat: Si motus infantis non percipiatur, ejusdem mortem significari: partus Oclimæstres non vitales esse pronunciat, & multa alia, quæ tamen ratio & experientia clarè satis refutant. Rationibus adducendis & excutiendis inhærere nimis prolixum esset, eæ enim suò locò apud Auctores videri possunt: quid ab experientiâ nobis constet, satis patebit, si saltem Virorum & Virginum lactiferarum exempla consulamus: Ex his enim Apho-

rismum adductum Sect. 5. 39. apertè deprehendetur non esse utrobique verum, Aphorismum autem posteriolem citatum ex Sect. 5. 37. non semper experientiæ respondere, inter alios casus, historia ex relatione Viri cujusdam curiosi & fide digni mihi communicata palam facit. Noverat (inquit is) nobilem puellam, quæ deflorata & etiam ingravidata à suò amasiò, per omnis generis remedia sibi à vetulis suppeditata, Cathartica, inquam, imò & venæsectionem profusissimam abortum facere conabatur, mense gestationis ferè quintò: donec tandem eò res deveniret, ut motus infantis non amplius perciperetur, & pubi moles incumberet iners plumbei ponderis instar; mammæ conciderent, lac dispareret. Hinc fœmina suspensò jam atque anxio animò, & de fœtù, uti putabat, mortuò excludendò sollicita, consilium auxiliumque Medici expetebat, apertè scilicet atque ingenuè confessa suos conatus, quibus usa est ad fœtum enecandum. Ego itaque (pergit ille) jassi ut cibus euchymis & spirituosus reficiatur, porro ut quieti indulgeat & denique abstineat ab omnibus Catharticis & evacuantibus: quò factò infans denuò se movere cœpit, & decimò mense feliciter in lucem prodiit. Ex hóc casu edoctus sum (inquit) & mammarum concidentiam & lactis absentiam, & motum infantis abolitum non usque vera esse abortus, (juxta Aphorismum citatum) vel fœtus mortui signa, atque ex iis nihilo plùs certò argui aut indicari, quàm fœtus languorem & imbecillitatem.

Ut vel hinc pateat falsam esse veterum opinionem, quæ decrevit ex sanguine menstruò retentò lac generari, fœtum lacte nutrirì, nec non lactis defectum abortus esse causam, atque etiam lactis in mammis præsentiam, menstruum absentiam necessariò arguere. Experientià enim constat, fœminas præ terrore vel alià quacunque causà subitanè abortum passas, lacte non privari; Et quamvis mulieres, quæ præ solâ debilitate abortiunt, lac non percipiant generari in mammis, inde adedò hoc fit quod eadem sit causa debilitatis ac consequentis abortus, quæ simul lactis generationem impedit, nempe ariditas quædam & inopià succorum omnibus corporis partibus necessariorum.

Quæ ratio autem in præsentì casu sit, quòd fœmina totò ingravidationis seu gestationis tempore nullum in mammis lac senserit, id videtur ad connexionem quandam intimam & sympathiam uteri cum mammis referendum. Nam antehac his puerpera cum in uterò ipsò fœtum gereret lac ipsi non defuit, quò nunc dum fœtus in tubâ hæreret prorsus caruit. Itaque mihi videtur ad lactis generationem ejusque incrementum & copiam hoc multum contribuere, quòd uterus, imprimis circa finem gestationis, in tantam molem extendatur, ut vasa ad inferiora tendentia magis solito inde comprimantur, iisque compressis sanguinis fluxus versùs superiora uberior ascendit: sanguine autem copiosius affluente major etiam secretio in mammarum cellulis adiposis pinguedinem, & in aliis glandulis lympham separantibus oritur, eaque ipsa secretio vasa magis aperta & ad separationem magis prona reddit, accedente suctione, frictione, & imaginatione matris lactantis circa mammas defixâ, quibus concurrentibus semel aperta & dilatata vasa in statù solito conservantur, etiam uterò jam concidente & vasis non amplius compressis. Hóc, inquam, assertò facile apparet ex quâ causâ in præsentì casu lactis defectus oriretur; nimirum quòd fœtus in tubâ hærens & consequenter à latere situs, vasa sanguinea, versùs inferiora tendentia more solito non compres-

serit sanguinifque fluxum versùs superiora solito majorem non effecerit. Et verò quemadmodum secretio lactis à compressione arteriarum, sic in gravidis intumescencia pedum à venis simul compressis oritur, unde major sanguinis remora circa glandulas & major secretio: præcipuè in cellulis adiposis, ubi ille tardior sanguinis motus superiora versus in causa est quòd locò pinguedinis, in istis cellulis, lymphæ secernatur, sicuti tardior motus sanguinis generalis causa est secretionis lymphæ in cellulis adiposis per totum corpus, uti patet in Anasarca.

Dari quidem lac in mammis extra statum ingravidationis & potest & solet; hinc dantur non solum Virgines & Vetulæ lactiferæ, sed & Viri lactiferi. Notabilis in hanc rem historia est quam recenset Cl. Diemerbroeck lib. 2. c. 2. Anatom. *Illud ipsum (inquit) liquet Viana (quæ est oppidum nobis propinquum) ubi ante annos viginti, praterpropter in diversoriò ante portam sitò, cui caput porcinum pro insigni est, mulier caupona. non diu post obitum mariti peperit, atque statim post puerperium extincta est superstitem relinquens infantem suum sanum: cumque illi res angustissima domi superesset, ejus mater nominata Johanna Wiltuyt, etsi & ipsa egena præ paupertate nutricem conducere non posset, tamen infantis filia sua miserta, eundem enutriendum suscepit, atatis suæ annò sexagesimò sextò; cum, inquam, eum vagientem, summâ cum commiseratione, mammis suis aliquoties apposuisset, eique papillam sugendam obtulisset, per fortem illam imaginationem, continuatam etiam suctionem, & contrectationem, mamma lac dare cœperunt, idque paucis diebus tantâ copîâ, quæ nutriendo infanti abundè sufficeret, ita ut vix aliis alimentis indigeret: atque sic cum omnium admiratione infans lacte hujus vetulæ (cujus mamma à plurimis annis omnino exaruerant & conciderant, jamque rursus, tanquam juvencula de novò intumuerant) optime nutritus fuerit. Causa prædicta veritatem etiam non semel confirmarunt lascivæ ac prurientes virgines, quæ libidinosis cogitationibus totæ intentæ, atque tunc mammas suas sæpe contrectantes, ac cum utillosò pruritû fricantes, interdum virginitate illas, lactiferæ evaserunt, quales indubitata pudicitia lactiferas virgines mihi bis videre contigit.* Hæc prædictus Cl. Diemerbroeck. Viri autem lactiferi hodie adhuc mihi noti, apud nostrates suppetit exemplum. Hic, inquam, alioquin satis obesus & pinguis (in macilentis idem contingere vix possibile est propter humorum defectum) continua illa pressione mammarum ita easdem partes assuefecit ut lac funderent quoties voluerit, sæpe cum adstantium mulierularum risu & admiratione. Est in omnibus his una eademque generationis lactis ratio, & partes ad generationem lactis necessariæ ubique eadem, nempe cellulæ adiposæ pinguedinem per straturam suam glandulosam à sanguine separantes, & glandulæ lympham ab eodem secernentes (statuimus enim lac nihil aliud esse quàm mixturam pinguedinis cum lymphâ) ubi solummodo requiritur tanta istorum duorum humorum secretio, ut omnis quantitas quæ separatur eodem tempore in sanguinem iterum non possit reduci, & cogatur per papillarum tubulos, dum abundat, foras effluere, aut saltem si tantâ copîâ non adsit, ut multò facilius exprimi possit.

Hæc interim omnia non obstant, quin simul vasorum sanguiferorum uteri compressio supra allegata sit vera & sufficiens causa ad lactis generationem tempore gestationis. Possunt enim & solent sæpius dari plures causæ homogeneæ, subalternæ, coadjuvantes & ad unum eundemque finem rendentes, neque sibi mutuo contrariantes.

Fœtum in tuba repertum iri.

Postquam magna illa Analogia observata fuit inter partes generationi inservientes ipsius hominis & aliorum oviparorum, fœtusque in tubis hærentes apertis cadaveribus sæpius reperti sunt, (quod & in hoc casu in muliere vivâ licuit videre) nullus est, qui amplius dubitat rubas uteri esse ductus per quos fœtus ab ovario ad uterum transit; sed quæ sit causa cur fœtus jam in tubam illapsus non semper ad uteri cavitatem usque protrudatur, sed aliquando in tuba hæreat & quidem ibi debitò incrementò augeatur, id quidem examinare opere precium duxi. Hujus itaque rei duplicem statuimus causam, naturalem nempe & accidentalem. *Naturalem* illam nomeno, ubi tuba vitiò connatò malæ conformationis non sit pervia circa uteri introitum, & sæpe ad eò angusta, ut ne quidem flatus circa extremitatem fimbriatam immitti penentare, & ad uteræ cavitatem procedere queant. *Accidentalis* illa est, ubi à casu aliquò, v. g. post partum difficilem, vel aliâ quâcunque de causâ, tuba inflammatione correpta est, unde ejus insertio coarctat, transitusque ad uterum interceptus fuerit. Omnes enim partes & præcipue canales atque ductus corporis nostri, ubi privantur humore eos naturaliter humectante coalescunt. Sic etiam tuba Fallopiana constans tunica interna glandulis referta, eum in finem ut è glandulis hisce continuo, exudante liquore conglutinatio præcaveatur & ductus suus lubricus reddatur, atque sic ovis in eandem devolutis facilis in uteri cavitatem pateat transitus: si, inquam, in tubâ dictâ casu aliquò & violentiâ externa inflammatio oriatur, per inflammationem hanc secretio glandularum debita impeditur & sic coalescentia oritur. Casus autem similis ex violentiâ externâ sæpe numero accidit illorum culpâ, qui manus auxiliares parturientibus præbent, præcipue ubi placentam magis solitò adhærentem per funiculum umbilicalem avellere conantur, ignari interim quis verus sit & maximè idoneus separandi modus. Hinc fit ut totum uteri fundum violenter interdum trahant, & consequenter tubis simulque aliis annexis partibus vim inferant; unde necessariò sequitur inflammatio. Inflammationis autem effectum esse coalescentiam, observarunt haud dubiè illi quibus licuit plurima cadavera aperire; sic semper videmus post pleuritidem pulmones cò loci pleuræ adnatos, ubi pleura inflammatione correpta fuit, sic post frequentia tormina ventris intestina sibi invicem & cum peritonæo sæpius coalescunt. Ratio ubique eadem est, nam sicuti pleuræ ita etiam peritonæi facies interior multis gaudet glandulis, quæ continuo partes irrorant, hinc dum vel pleura, vel peritonæum inflammatione corripuntur, nihil hujus humoris necessarii debitè constituti à sanguine separatur & consequenter partes, ob defectum irrorationis atque lubricationis debitæ, mediæ collabuntur & coalescunt. Idem est de omnibus cavitatibus nostri corporis judicium.

Tubas autem Fallopias non solum circa uteri introitum claudi & cohærescere observamus, sed etiam circa extremitatem earundem fimbriatam, & magis apertam: Id quod licuit mihi observare in fœminâ quâdam, quæ cum quartâ jam vice paret, ex difficili partû, sed multò etiam magis quòd ab imperitâ obstetrice dum Placentam paulò arctius Utero adhærentem extraheret, violentissimè tractaretur, in tantos dolores infimi ventris ac præcipue circa lumbos incidit, ut totos 15. dies jaceret moribunda & pro deploratâ haberetur, verum ipsa sa-

tis robusta cum esset & doloribus ferendis par, adhibitis opportunis remediis, præter spem & expectationem omnium feliciter evasit, & decem post annos superfuit: circa lumbos autem insignem debilitatem semper sentiebat, & exinde sterilis permansit. Ejusdem hujus fœminæ, tandem mortuæ; cadaver cum mihi fortè fortuna liceret aperire ut subitanè mortis causam inquirerem; hanc interim notatu dignam sterilitatis causam inveni nempe coarctationem extremitatis fimbriatæ tubarum, ortam ab inflammatione quâ partes utero conriguæ correptæ sunt post partum ultimum laboriosum & malè administratum.

Ex hoc & similibus casibus abundè liquet, quàm exitiosum sit in partû difficili obstetricibus uti imperitis, aut etiam Medicis vel Chirurgis non satis exercitatis: cum Patientes, etsi fortè superstites manent, hujusmodi accidentia, & quandoque etiam pejora ad mortem usque comitari soleant. Porro ab hac male administratâ operatione alia adhuc Tubis imbecillitas accidit, quæ applicationem partis fimbriatæ ad ovarium impedit, & propter quam Ova nequeunt ad uterum usque protrudere; paralyxis nempe fibrarum morticium exterius Tubam amplectentium earumque motui peristaltico intervientium. Hæc, inquam, ab enarratâ jam causâ facillimè oboritur, nempe ubi nervi in parte inflammatione correptâ concresecunt, & inutiles redduntur.

Perspectis jam causis quarum ratione quandoque fœtus in tuba hæreat neque ad uterum progrediatur: reliquum est ut paulisper expendamus quomodo fœtus interiori tubarum runicæ suæ cum placenta affigatur, ibique æquè ac in uterò suum acquirat incrementum.

Id quod ut facilius intelligatur, primò opinionem meam quomodo id ipsum in uterò contingat tradam, ac tandem analogiam inter uterum & tubas demonstrabo: ubi satis clarè elucescer modus incrementi fœtus in tuba. Postquam ergo tot Viri illustres circa enodandam generationem hominis in ovò laborarunt & illam satis clarè demonstrarunt, nullus videtur dubitandi locus amplius restare, cum manifestum sit, fœtum in ovò omnibus suis partibus absolutum & quidem membranis cum placenta munitum, (quoad primam Ideam & delineationem in germine hæc intelligo) ab Ovario per Tubam Fallopianam ad uteri cavitatem protrudi, ibi remanere & incrementum suum habere. Hoc autem incrementum Ovo accedere ab ipsò locò cui ad incrementum Ovo accedere ab ipsò locò cui adhæret, seu uteri ipsius, seu tubæ, inde sequitur, quia illud Ovum non tantum substantiæ in se continet, quanta requiritur ad nutritionem incrementis fœtus, cujus contrarium quidem observare est quotidie in ipsis propriè oviparis, quorum ova tantum spatii continent, quantum toti materiæ sufficit quæ in incrementum pulli in cicatriculâ hærentis converti debet. Ut ergo Fœtus ab Uterò recipiat humores ad sui incrementum necessarios, debet illi quasi affigi & ut ita dicam quodammodo inclavari, adeò ut deinceps efformentur tubuli aut continui ductus ex uterò in fœtum; quibus mediantibus humores, imò ipse sanguis tandem communicentur.

Quâ autem ratione illud fiat demonstrare, hoc opus hic labor est. Et certè dolendum est à cadaverum apertione populum usque adeò abhorreere ut non liceat satis frequenter inspicere ac perscrutari corpora mortuorum imprimis verò gånvidarum. Neque enim dubito quin multò plura circa generationem possent detegi, si frequentius prægnantium cadavera liceret

examine, & præcipue quidem abortientium, vel aliò quocunque morbo ad uterum gravidum spectante extinctarum. Plerumque enim partium straturam melius observamus in corporum statu præternaturali ac morbosò quàm sanò: cujus exempla hîc plura possent adduci; sed ad rem. Itaque videtur esse explicatû admodum difficile quomodo ante dicta illa infirio sive inclavatio placente in uterò fiat. Sententiam autem meam super hâc re breviter in sequentibus explicabo. Atque imprimis experienciâ teste videmus, postquam ova aliquot dies nondum utero alligata, sed libera ac mobilia fuerint, eorum superficiem externam, præcipue locò placentæ, villosam fieri, ipsisque filamenta quædam fluctuantia, levissimi musci ad instar, adnasci; quæ quidem filamenta, intra superficiem antea compacta, ubi ovum ad majus spatium, uteri nempe cavitatem pervenerit, humiditate ibi contenta lubricantur & quasi evolvuntur ac extricantur. Eadem hæc filamenta pro tubulis esse habenda arbitror ad humorem percipiendum apta, instar tenuissimarum fibrarum in radicibus humores nutritios è terrâ ad corpus plantæ vel arboris deferentium: illos autem tubulos recipiendis humoribus necessariò inservire qui in superficie internâ uteri glandulosâ naturaliter secernuntur: Tunc præcipue ubi ovum motû intrinsecò humorum in se contentorum in tantam magnitudinem excrevit, ut latera vicina uteri premat, utpote quorum interna cavitas fabæ majusculæ dimensionem ordinariò non excedit. Ex hõc mutuò attractu, non sine aliquâ compressione, fit ut superficies externa Ovi quasi detractâ pelle, præcipue locò placentæ, superficiem internâ uteri agglutinetur, & tubulorum in ovò hærentium pars aliqua (nempe quæ ad hanc rem satis sit) cum poris secretoriis glandularum in internâ facie uteri consitarum uniatur, tandemque continui ductus fiant: eodem planè modò quò videmus coalescentiam aliarum partium contingere: ex. gr. malarum cum gingivis ubi earum alterutra est ulcerata vel exoriata; (id quod semper accidet hõc in casû, nisi frequenti lotionè impediatur continuus ille contactus) sed hisce diutius immorari supervacuum est, cum ex pluribus in Chirurgiâ hujus generis exemplis idem elucescat. Hæc verò filamenta vel tubulos, venas placentæ ad venam umbilicalem tendentes subintrare supponimus eodem modò quò vasa lymphatica per poros obliquos foras intrò transeuntes, in venas ingrediuntur, iisque omnes humores in cavitatibus corporis nostri existentes inferunt. Certum enim est ferè omnes humores ad certos usus secretos in massam sanguineam iterum reverti: sic lymphæ ex superficie internâ peritonæi glandulosâ perpetuo stillicidio depluens ad faciliorem partium contentarum motum & earum concretionem impediendam, in venas ubique per cavitatem infimi ventris & superficiem membranarum sparsas reddit: eosque meatus obstructos pro ordinariâ causâ Ascitis habemus; eodem protus modò lymphæ in membranis glandulosis cerebri secreta, & in ventriculis & interstitiis ejusdem contenta, in sanguinem iterum regreditur; quò regressû impeditò in infantibus, quibus propter interstitia membranacea cranium potest dilatari, Hydrocephalos oritur: in adultis autem ubi cranium extendi non potest, hujusce liquoris circulatio impedita apoplexiam insanabilem & mortiferam infert, cerebrò à nimia ejus quantitate compressò. Denique eadem ratione multorum morborum causa & origo ex hõc fonte derivari potest.

Suppositis itaque hisce omnibus quæ superius re-

centita sunt, nempe succum in superficie uteri internâ naturaliter secretum, venas placentæ subintrare, eumque ad fœtus incrementum & aquæ in amniò contentæ generationem inservire, sequitur corpus uteri magis magisque debere extendi, & ipsius substantiam extricari & evolvi, vasaque etiam eidem inhærentia priùs clausa & sanguinem nondum admittentia tum demum aperiri, atque eò pacto circulationem per majorem peripheriam fieri. Omnes enim partes totius nostri corporis ex vasis sunt conflatae, quorum plurima semper humores vehunt, uti majores Arteriæ, venæ, nervi &c. aliqua autem tantum in statu morbosò, ut in inflammationibus partium molliorum & in exostosi ipsorum ossium; ubi non solum vasa membranarum sanguinea, quæ priùs quàm in ossa mutarentur erant aperta, formati autem ossibus clausa & indurata, iterum aperiuntur; sed & ipsi nervi in substantia ossæ oblitterati rursus spirituum influxum admittunt ossibusque sensum eundem reddunt, quò antea sub formâ membranarum ante ossificationem gaudebant; Alia tandem sunt Vasa quæ nisi certis temporibus dilatantur: sic videmus in fœtû nascendo & recens natò sanguinem implere vasa minima cuticulæ, in eaque circulari, & totam rubore perfundere, quæ vasa tamen natò fœtû, paucò posttempore elapsò, ab aère ambiente, eademque compimente ita clauduntur, ut rubor penitus evanescat. Exterior enim hic aër suâ compressione sanguinem cogit versùs interiora, ita ut ille postea in minori peripheriâ circuletur, hinc motus cordis & arteriarum sanguinem ulteriùs protrudere non valet, quod quidem poterat in uterò matris adhuc fœtû hærente, & nullò aère ambiente unde Vasa capillaria comprimerentur. Hic loci etiam observare est, vasa uteri quæ extra statum gravidationis membranam fere exanguem componunt, eadem tempore graviditatis evolutis uteri tunicis aperiri & sanguinem uberiores vehere, eumque tantâ copiâ, ubi menstrua statis temporibus non fluunt, versùs fœtum dirigere propter vasa jam magis patentia, ut major jam oriatur pressura in glandulas uteri, usque adeò ut quæ in principio lympham tantum fœtui communicarant, ab influente sanguine dilatentur, & tandem ipse per eos fluat, perque ductus jam descriptos ad venas umbilicales deferatur, tantâ quantitate quantâ ad fœtus incrementum liquorisque in amniò secretionem est necessaria. Ejusmodi sanguinis transitus per poros secretorios in pluribus partibus corporis nostri, quandocunque est in statu aliquò morbosò, observatur, experienciâ & praxi quotidianâ testante; v. g. in renibus, si fortè exhibeatur nimia diureticorum acrimonia (uti cantharidum &c.) quantitas. Neque enim est quod credamus tunc extremitates vasorum sanguiferorum (quas non admittimus) uti volunt aperiri, sed tantummodo ipsius medicamenti acrimoniâ poros vasorum glandulas componentium, quasi tot cerebris ita dilatari, ut non solum humor secernendus, sed & ipse sanguis transeat. Idem mihi licuit videre in fœminâ cui à lochiis retentis sanguis tantâ violentiâ & tantâ quantitate superiora versùs ruebat, ut per vasa oculorum secretoria locò lymphæ lacrymæ sanguineæ magnâ copiâ effluerent. Idem observabatur in ejusdem fœminæ glandulis ad os pertinentibus & præcipue quidem ad gingivas, quæ instar spongiæ compressæ undique sanguinem emittebant; sic sanguis locò sudoris excernitur, ubi præ nimia anxietate major sanguinis determinatio est versùs corporis

poris peripheriam, quorum omnium eadem est ratio. Hoc tantum differentiæ inter allata exempla & casum nostrum intercedere videtur, quod iste quidem sit naturalis, exempla autem de statu morbosô agant, ubi non tam facile remedia adhibita operantur, inde adeo quod etsi jam causa sit ablata, pori tamen non facile claudantur, & ad pristinum statum reducantur; nulla, inquam, talis difficultas est in puerperis ubi exclusio fœtû & secundinis, brevi tempore uterus rursû ita coarctatur ut vasa illa omnia quæ dilatatio uterô aperta fuerant iterum occludantur, eorumque tubuli & canales ad sanguinem recipiendum inepti reddantur. Plura hîc possem addere de menstruum & lochiorum fluxû; sed cum hæc non sint hujus loci, pergam ad examen tubarum, ut pateat quæ sit analogia earum cum uterô, & quomodo in iisdem fœtus etiam suum habere potest incrementum. Diximus uteri faciem internam esse glandulosam talemque structuram requiri ad inclavationem placentæ, eadem autem ipsissima conformatio reperitur in tuba: diximus exiguitatem cavitatis in uterô multum contribuere & necessariam esse, accedente mutuô illô & continuô contactû ut fiat coalescentia, atqui eadem cavitas paulo minor est in tubâ, ita ut facilis huic placenta possit accrescere: diximus vasa dari in substantiâ uteri, quæ pro ratione dilatationis uteri aperiuntur & sanguinem recipiunt, eadem ipsissima reperiuntur in tubâ, quamvis non æquæ magna, sed interim satis patentia, uti docet experientia in præsentî casû.

Hæc verò vasa tam uteri quàm tubæ sunt innutrimera, quorum paucissima pars in statu non gravidô sanguinem admittit, reliquis tunc non patentibus & vilius fugientibus, quæ tamen ex imprægnatione dilatantur ac per appositionem particularum nutritiarum sanguinis ampliora & firmitiora fiunt, unde in tantam molem in quam hæc tuba excreverat potuerint extendi; cum enim nunquam vasa in corpore nostrô formentur de novô, non possumus sine admiratione observare ex quàm ingenti vasorum imperceptibilium copiâ singulæ partes corporis sint conflata, sicut in hac tubâ naturaliter exigua, sed in hoc statu in immensum extensa, conspicuum est: verum non semper, uti in hóc casû, accidit ut vasa integra maneant & absque disruptione extendantur: dantur enim exempla, teste Vassariô apud Dn. de Graef, ubi tubam (pro aliâ matrice habitam) ruptam fuisse post mortem apparuit, procul omni dubio à nimio impetû sanguinis affluentis in vasa ad subitanam illam dilatationem à naturâ non destinata. Eadem de causâ fœtus in abdominis cavitare repertos subinde fuisse credo; ruptâ enim tubâ, placenta, quamvis adnata, pondus fœtûs non potest ferre; nam & in ipsô uterô, si fœtus ab aquâ amniô contentâ cui innatat non undique sustineretur, continuô fere fœminæ abortum paterentur. Hoc incrementum tubæ, (id quod magis admirandum est) interdum contingere, etiam ubi fœtus in eadem reperitur disruptis licet vasis & destructis partibus fere omnibus ex quibus componitur, non paucis exemplis posset probari: unum tantum instar omnium, hîc operæ precium duxi inferendum.

Filia civis cujusdam mediocris fortis & conditionis, matrimonium inierat cum virô Nobili, sed propter inæqualitatem statûs ab omnibus mariti consanguineis contemptui habita, tandemque ab ipsô maritô deserta fuit, adeo ut per aliquot annos Amstelodami sub parvô lare pauper & mœrore confecta viveret; tandem post aliquod temporis intervallum

redire maritus, sæpius invisit fortunæ prioris restitutionem pollicitus: inter has blanditias ex iteratô concubitô gravidam se esse mulier credidit, suspitione hæc indies auctâ ex ventris tumore & menstruum absentia (etsi ex hæc mensium suppressione nihil certi colligere potuerit, jam enim longè ante à regulari periodô defecerant.) Consanguinei hæc de re interim certiores facti, maritum aggrediuntur, immutant animum & eouique iterum alienant à conjugè ut nec promissis staret, nec miseram unquam amplius mulierem inviseret. Atqui postrema hæc mariti aversatio, priore longè gravior, tantô mœrore uxorem afflixit, ut ipsa totô graviditatis suæ (sic quidem putabat) tempore tristis semper & melancholica videretur, diesque summô cum tædiô teteret; Elapsis tandem novem mensibus nullum successit puerperium; at obstetrix eam invisens gravidam esse credebat, quamvis nullum infantis motum percepisset unquam, opinionis suæ rationem istam afferens, nempe quod fœtus unâ cum matre langueret, & præ debilitate se movere non posset. Cum verò elapsô tempore non pareret, Hydrope laborare putabatur, & quod sequutum est totam biennium, continuô remedia varia contra hydropem incassum tentabat. Cumque jam monstri instar in lecto jaceret, & propter ventris incredibilem molem atque tumorem, vix omnino corporis partes tam superiores quàm inferiores conspici possent, advocabar ego ad paracentesin instituendam, simul autem ac ægram in hóc statu viderem, manus ab operatione consulto equidem abstinui (utpote qui summa pro temeritate semper habuerim in Ascite firmatô Paracentesin attentare. Sed de his alibi) Fœminæ hujus cadaver, cum paucos post dies fatis cessisset, aperui, & vel minimam quantitatem aquæ in ipsa cavitare abdominis nullam reperi, sed totum illum tumorem monstruosum nihil aliud fuisse quàm tubam uteri in immensam molem extensam, atque in se continentem præter propter 150 libras aquæ quas inde exhausimus: sed quò melius omnia & accuratius examinare possem, tubam hanc cum uterô annexo domum, datâ veniâ, mecum retuli & ad vivum delineari curavi, potestque ipsa pictura apud me videri.

Substantia tubæ membranacea exhaustâ aquâ ultra triginta libras pendebat. In ejusdem internâ facie diversi generis substantia conspiciebatur, nempe tumores carcinomatosi à materiâ intra glandulas tubæ contentâ exorti. Nam inter scirrhusum, cancerum seu carcinomatosum & alium quemvis tumorem in abscessum degenerantem, nullam prorsus differentiam agnoscimus, quàm quod materia cancerum efficiens sit liquor secretus adhuc in corpore glandulæ contentus & cum nullô aliô humore mixtus, obstructô vase secretoriô, qui liquor ibi continuô crescens & propter firmitatem membranæ glandulam complectentis non erumpens, nullamque aliam viam in sanguinem redeundi inveniens, non potest resolvi; ibique crassescit & glandulas induratas, nullique amplius emolliitioni aut discussione contentorum auscultantes efficit. Hinc in pus converti non potest; ad puris enim confectionem requiritur mixtura diversorum humorum, ut postea suo locô videbitur. Tumores autem in glandulosis partibus suppurationem subire apti, fiunt ab humoribus jam per vasa secretoria extra glandulas productis, ibique extravasatis, & cum diversæ naturæ humoribus commixtis, de quibus alibi ex professo. Ac præter hosce tumores reperiebatur in eadem cavitare lymphæ in gelatinæ formam mutata, & procul dubio in glandulis tubæ secreta.

Antequam autem hanc historiam deferam, libet insuper quid sentiam de hujus tubæ in tantam molem intumescens causâ in medium proferre, & non dubito, quin in principiô gravida fuerit illa fœmina, & fœtus hæserit in tubâ, ibique non magnum ceperit incrementum, sed brevi post conceptionem extinctus sit, quem tamen propter exiguitatem & substantiæ tubæ perturbatum chaos in dissectione videre non licuit. Mortuô jam fœtû propter inclinationem majorem sanguinis jam factam ad illam partem & valis jam aliquomodo magis dilatatis, tantus sanguinis fuit impetus in glandulas internam tubæ tunicam construentes, ut continua ibi facta fuerit secretio lymphæ, quæ tandem hunc Tubæ hydropem peperit; nimirum quoddam lymphæ illa nullas in sanguinem redeundi vias invenire poterat, & tubæ insertio in uterum erat occlusa.

Placentam exsiccata in membranaceam substantiam mutatam vidimus.

Id quod necessariô debebat sequi: nam post elapsos novem menses, mortuô jam fœtû, nulla amplius sanguinis circulatio continuari potuit; Et quamvis placenta conatû fœtus exitum incassum quærentis non esset separata à rubâ, ut ab uterô fieri solet in partû naturali, sanguis tamen in eâ circulari non potuit, nec ex parte matris, quia sanguis maternus ad venas placentiæ perveniens atque ibi sanguini fœtus jam stagnanti occurrens motum proprium amittere debet: quia quamvis satis magna pressione in ductus communicationis jam descriptos influere conetur, sanguinem tamen fœtus in motum ciere non valebat, sed jam extra peripheriam circulationis tubæ in ductus communicationis derivatus, ibique hærens & regredi nescius, in membranaceam substantiam accessit; eadem prorsus ratione quâ videmus, infante jam natô, simile quid fieri in valis umbilicalibus: ubi nempe sanguis ab ipsô umbilicô (jam scilicet ligatô) usque ad arterias cruales stagnans, cum contra motum proprium per arterias umbilicales regurgitare nequeat, tandem exsiccatur atque in membranaceam substantiam mutatur. Hujusmodi mutatio sanguinis pederentim & gradatim facta in vitulis (præ aliis animalibus) quotidie potest observari. Est porrô quiddam (hîc obiter norandum) quod ex prædictis quàm clarissimè patet, nempe sanguinem ritè mixtum & particularum ipsum componentium debitâ proportionem constantem, quamvis etiam stagnaverit, non solum non mutari in pus, sed etiam non putrescere, de quibus alibi. Hæc placenta maximâ ex parte exanguis facta, & in membranam mutata, ac cum tubæ substantiâ quasi una effecta, non potuit aliàs, quàm ex parte, à tubâ in operatione per me instituta separari, uti eam delineatam videmus. Denique hæc placentiæ & tubæ concretio, atque in unam eandemque membranam mutatio, non obscurè demonstrat vasorum in iis continuitatem: si enim partes istæ tantum essent contiguae (uri multi volunt) & simplici solum suctione placenta aliquid ab uterô vel tubâ reciperet, procul dubiô perfecta hujusmodi in unam membranam mutatio, uti in hîc casû videmus, non oriretur, sed partes istæ potiùs, mortuô infante, sponte secederent, atque etiam in hâc operatione faciliùs ab invicem separari potuissent.

Molestior ipsi videbatur gestatio.

Hanc molestiam à loci angustia & sublatô corporis æquilibriô deducimus; tuba enim in quibusdam diversam plane ab uterô habet structuram, & vasa ipsius non sunt à naturâ disposita ad facilem illam evolutionem quæ reperitur in uterô. Hîc enim lintei complicati & in parvum globum compressi ad instar facilè in planum latius extenditur. Hinc vel minimus infantis in tuba hærentis motus insolitam molestiam inferre debuit. Præterea corporis æquilibrium ablatum non parum molestiæ necessariô creavit; scimus enim quàm molestum sit onus aliquod inæqualiter à quâcunque corporis parte externâ libratum: quâ de re experientiâ quotidie docemur à bajulis, qui incredibile pondus dorso & capiti impositum commodè satis portant absque magnô molestiæ & defatigationis sensû, dummodo illud ipsis ad æquilibrium imponatur, quod si secus fiat impossibile est ipsis vel momentô temporis sustinere. Hinc ergo non est quod dubitemus, corpus infantis non in centrô abdominis sed à latere positum maximè ægræ onerosum fuisse magnamque molestiam ipsi attulisse.

Non est quod dubitemus fœtum tunc mortuum fuisse.

Quæritur hîc: quare infans iste cui nulla exeundi patebat via, cui nihil nutrimenti deerat, nihilque aquæ effluerat, unô verbô, cui nihil dentum erat, non diutius vixit, sed præcisè elapsis novem mensibus mortuus est, cum tamen de partibus decimèstris & undecimèstris &c. satis fide dignæ historiæ extent? Respondeo, ubi partûs tempus ultra nonum mensem protrahitur, certum est fœtum esse debilem, ejusque partium incrementum lentius solito fuisse factum, & hoc ipsum quidem foraminis ovalis tardior in corde diminutionem atque conniventiam arguit. Hujus enim foraminis minorationem pro maximâ maximeque genuinâ causâ motus exitum parantis seu calcitrantis fœtus & dilacerationis membranarum habemus. Ubi nimirum hoc foramen ovale sit minus, tunc & sanguinis fluxus in pulmones necessariô debet esse major, hæcque major sanguinis quantitas non potest transire, nisi vasa pulmonis ab aëre inspiratô comprimantur, sicque in illis acceleretur sanguinis motus & circulatio. Quod si secus contingat, cordis motus perturbatur, & functiones necessariae irregulariter procedunt, tandemque moritur infans, quæ omnia etiam fœtui intra tubam concluso necessariô accidebant.

Mense decimô iterum fluxerunt menstrua.

Cum jam mortuô infante nihil amplius sanguinis ipsi suppeditaretur, ille solitas vias iterum petiit & sese per vasa secretoria more solito menstruatim nempe exoneravit. Quæ autem sit propriè hujus menstrui fluxus causa in fœminis, variæ apud auctores sententiæ proponuntur. Juxta alios, inquam, causa hæc assignatur, quod enim in uteri substantiâ interiore admodum pauca sint venæ, per quas copiarum tantæ sanguinis, arteriarum beneficiô affluentis (supponitur interim uterus plurimas habere arterias) circulatio commodè fieri non possit, & officia tubulorum uteri sint laxa & mollia, hinc sit quod redundans sanguis, qui ob copiam satis citò circulari nequit, per dehiscencia & aperta tubulorum

rum orificia, nec non per fines vasorum in collō uteri herentium ut supervacuum & Naturæ suæ copiā molestus, foras effluat. *Alii fermentum certum mercurium* pro causâ assignant & statuunt materiam quandam fermentariam in liene, hepate, pancreate, glandulis, aliisque partibus progigni quæ unâ cum sanguine per arterias aut per vasa lymphatica ad uterum delata, atque ibi partitè deposita & paulatim coacervata (semper enim in dissectis viscosus seu mucosus quidam humor invenitur) à specificâ quâdam uteri proprietate peculiarem quandam qualitatem nanciscitur, sicut eadem in ventriculō aliam peculiarem qualitatem adipiscitur quâ chylus ex alimentis educitur. Itaque hæc qualitas à calore loci excitata humorem istum cui ut subjecto inhæret, in sanis, mensis spatiō ad tantam volatilitatem perducit ut sponte suâ effervescat, specificam quandam fermentationem sanguini introducat quâ totum mulieris corpus, imprimis partes utero vicinæ (in aliis magis, in aliis minus) conturbantur, & sanguis superfluus turgescentiâ suâ vasorum orificia dilatans, foras proturbatur: qualitate autem illâ, aut dicti humoris fermentarii justâ volatilitate deficiente (uti fit in gravidis, in refrigeratis, aut longō morbo confectis &c. item in brutis) simul deficit ista menstrua evacuatio.

Alii Lunæ influxui menstruorum periodos; Lunæ, inquam, humorum dominæ assignant, unde tritum illud emanavit:

Luna vetus vetulas, juvenes nova luna repurgat.

Sed missis his & aliis opinionibus, ubi quisque suō abundat sensû; sententiam meam paucis subnecto, & judico idem hic fieri quod aliàs tempore gestationis fieri solet, dum fœtus in uterō sanguine matris nutritur. Sicut enim uterō gerentibus per glandulas uteri sanguis locō illius humoris visciidi ibi continuò secerni soliti profluere solet, ita eodem prorsus modō in non gravidis fieri putandum est menstruis fluentibus; ubi portio sanguinis abundans exitum quærit, præcipuè circa illas glandulas quæ naturaliter ita sunt dispositæ, ut earum pori faciliè ab imperiū sanguinis auctō dilatentur, & sanguinis motū iterum diminutō etiam faciliè contrahantur, ita ut tantummodo mucosō humori secernendo transitum præbeant. Sanguinem, inquam, menstruum hoc modō profluere arbitror, non autem per extremitates vasorum apertas. (uti voluerunt veteres) Ea enim vasa semel aperta difficillimè iterum clauderentur: à posteriori verò satis clarè probatur sanguinem hunc menstruum effluere per poros vasorum glandulas componentium, nempe ubi examinamus statum partium v. g. in fluore albō, qui est humor in istis glandulis ordinariō modō secretus, sed majori quàm par est quantitate: Dum enim humores more solito augentur & aliqua pars eorundem debet evacuari, & motus sanguinis est tardior in corporibus istis fluore albō laborantibus, ipse sanguis per poros secretorios non prorumpit ob deficientem aut nimis languidum ipsius motum, sed humor ille ibidem secerni solitus majori quantitate labitur, atque in plurimis ægris non solum certis temporibus sed continuò foras effluit, propter nimis flaccidos & apertos poros, à continuò illō humore acri transfluente & contractionem pororum (quæ naturaliter post fluxum menstruorum contingere solet) impediēte, ita ut continuâ evacuatione, fœminæ fluxu albō laborantes præter modum ener-

ventur, & tantum non ad rabem perducantur. Hæc cum ita sint, satis clarè pater quàm difficile sit dictum fluxum album curare, porosque illos debito vigori restituere, ut sese iterum more solito contrahere possint, cui nemo Practicorum non faciliè assentietur. Potrò ad hujus sententiæ elucidationem multa possent adferri Phænomena quæ observantur sæpe numero in gonorrhæa virulentâ fœminarum, sed de his aliâ occasione. Fermentationem in sanguine aliasque causas ab antiquis recensitas pro verâ fluxus menstrui causâ non admittimus, sed solummodo sanguinis bene constituti nimis magnam copiam exitum quærentis, ubi nempe is ad certam quantitatem naturæ molestam pervenit & per illas vias quæ huic exonerationi idoneæ & destinatæ sunt evacuari conatur, quales sunt ipsæ glandulæ uteri & vaginæ. Hæc exoneratio in fœminis non gravidis est necessaria; nam præter externa quædam conformationis discrimina inter virilis & fœminæ corporis constitutionem, ea maxime naturalis est differentia quod in fœminis, iis præcipuè quæ ad pubertatem pervenerunt, sanguificatio sit copiosior quàm quæ ad nutritionem proprii corporis requiratur, adeò ut tempore graviditatis fœtum suō sanguine ad hunc finem redundante possint nutrire, in non gravidis autem illa nimia sanguinis quantitas, dictō modō debeat evacuari. Si enim hæc facultas plus sanguinis conficiendi tantummodo ubi ingravidantur in fœminis vigeret, eademque mox à partu iterum cessaret, quomodo quæso id fieri posset absque magnâ & inolitâ naturæ fœminæ mutatione? Verum illâ sanguinis superfluentis copia atque ubertas sicuti circa pubertatem primò oritur, ita ingravescente ætate in fœminis senioribus tandem occidit, ubi naturâ jam non sufficit ad pleniorē illam sanguificationem. Dicimus porrò Menses bonō & laudabili sanguine constare & menstrualī illā evacuatione humores corpori suâ qualitate noxios, uti volebant veteres, non excerni, sed verum & incorruptum sanguinem qui sola quantitate molestus sit Si enim qualitate etiam peccaret in gravidis, ubi nulla evacuatio fit, gravissima, ob retentos istos humores (ex hoc suppositō) symptomata, orirentur aut saltem cogemur statuere fœtum impurō nutriri sanguine: cujus contrarium tamen verisimile esse docet experientia:

Iusta magnitudinis absque ulla putredine.

Cum jam semel fœtus mediante placenta suâ tubæ interiori tunica esset affixus, & modō jam dictō sanguinem à matre reciperet, ipsaque Aqua Amnii debitâ quantitate secerneretur, ut tuba necessariō inde deberet vel sufficienter extendi, vel rumpi, nihil erat quod obstatet quin fœtus in debitam magnitudinem excreceret. Angustia loci incrementum fœtus impedire nullō modō potereat, cum non corpus fœtus succrescens, sed aqua Amnii pro ratione augmenti sui, tam quantitate quàm humiditate tubam extendat, impediatque quominus ille à tuba comprimatur. Quod enim partes membranaceæ imprimis à contentō in se humidō facilius extendantur quàm dum eadem siccat, duræ & sibi relictæ sunt, quotidie observatur v. g. in hydrocephalō faciliè & absque ullō ferè dolore dilatantur membranæ cranii & ossificatio impeditur; quia contentum illud humidum vasa membranas illas componentia, laxiora efficit & influxum sanguinis promovet id quod ossificationis impedimentum est. Contrarium videmus in eō casu ubi membranae dilatantur à corpore durō: Ex. gr. à calculo in uretere

utere harente, à quò non solum difficulter extenditur sed intensissimos simul patitur dolores. Quemadmodum autem Aqua Amnii incremento & extensioni partium favet, ita fœtum non eâ sed sanguine matris nutriti, & ipsius vasa quæ corpus ejus componunt, per appositionem particularum humoris quem vehunt ampliari atque sic incrementum corpori accedere omnino credimus, cum satis sanguinis, uti jam vidimus, ad fœtum fluat, & sanguis humoresque ab eò secreti ad omnium partium nutritionem sufficiant. Atque hinc aquæ amnii alium usum & necessitatem assignamus, nempe illam interservite uteri vel loci ubi fœtus hæret extensioni, ut partes absque impedimentò incrementum capiant fœtusque facilius sese movere possit, & à lateribus uteri vel Tubæ non comprimatur, tum præterea quòd suos quoque habeat usus tempore paritûs, lubricando vias exitui fœtus destinatas. Aliquid hujus Aquæ Amnii per os posse intrare non omnino negamus, nempe ad humectanda intestiûs & dilatanda intestina, ne illa nimis contraherentur, (contractio enim intestinorum ab inediâ vel aliâ quâcunque causâ nimis exsiccante oriri potest, quotum quotidiana videmus exempla) vel pro attemperandâ bile, succò pancreaticò, humoreque & fermentò in tunicis ventriculi atque intestinorum secretò. Qui humores cum à circulante omnibusque suis particulis constante jam sanguine separentur, & nihil inveniant in quod agant, haud dubiè majorem indes acrimoniam concipiunt, & hinc opportunè satis à prædictâ aquâ amnii attemperantur. Ab istis etiam humoribus in intestinis fœtus secretis meconium, & non à residuò aquæ amnii oriri statui-

mus. At fortasse quidam hîc quærent, cur fœtum humanum sanguine ipsò nutriti statnam, & non aliò potiùs humore, sicuti pulli in ovò qui nihil sanguinis dum ova incubantur suscipiunt? Porto objicient alii in brutis plerisque animalibus cotyledones ab uterò separari nullò sanguine prorumpente, ideoque minus verisimile esse sanguinem ipsum ab uterò in cotyledones deferri, sed humorem prorsus alium in uteri substantiâ secerni ex quò in cotyledones translatò, reliqua animantium genera nutrantur atque incrementum suum habeant.

Ad hæc autem respondeo, analogiam in omnibus animalibus per omnia similem non dari, sed tantam potiùs differentiam, & tam multiplicem varietatem à summò Protoplastâ in rebus creatis esse constitutam, ut eò majore admiratione afficeremur, & agnosceremus ipsius opera esse sine fine. Et quid quæso tandem obstat quò minus etiam ovum in ovario humanò posset tantam materiæ quantitatem à matre accipere, quâ totus fœtus posset interescere & nutriti, ac postea per ductum tubæ majorem ad uterum delabi & absque adhæsione ibi quasi incubari & suò tempore excludi? Nihil præterea impedit quin fœminæ omnino oviparæ esse possent. Ideoque hoc unum ad prædicta respondere possumus, nimirum Deo placuisse ut imperferutabile generationis opus, in diversis animalibus hòc modò varietur. Quocirca etsi verum esse concedatur bestias non sanguine, sed solò humore à sanguine in substantiâ uteri secreto nutriti, hinc tamen non sequitur idem contingere in homine. Cæteris enim animalibus nec lochia post partum, nec menstrua extra tempus gravidationis fluere solent; at verò in genere humanò separatâ placentâ ante fœtus exclusionem tanta sanguinis profusio ex uteri substantiâ fieri solet, ut brevi moriatur mater ab illâ quam tunc patitur hæmorrhagiâ, & simul fœtus quasi submergatur,

nisi ab aliquò satis peritò statim auferatur infans & in lucem producat. Hòc autem factò, uterus exoneratur datâque copiâ sese contrahendi sensim concidit atque constringitur, denique vasa ejus maximâ ex parte clauduntur, & hæmorrhagia diminuitur. Atqui verò si nullus sanguinis ipsius transitus daretur ab uterò ad placentam, unde hæc tanta hæmorrhagiâ posset oriri, & quare separatâ, placentâ, humor ille alter secretus non solus profluit? Sed puto hinc absque ullâ difficultate posse concludi, fœtum humanum ipsò sanguine maternò nutriti, atque ab eò nutrimentum suum habere. Quomodo itaque fœtus in præsentî casû ad justam pervenire & succrescere magnitudinem potuerit in tubâ aequè ac in uterò jam vidimus: sed quomodo incorruptus & integer absque putredine ad tot menses durare posset multi mirabantur, imprimis illi qui ante operationem factam ullum hîc omnino fœtum fuisse negaverant, eâ potissimum ratione persuasi, quòd fœtus tantò temporis spatiò in corpore materno delitescens necessariò corrumpi soleat ac debeat. Et quidem fatendum est hoc plerumque aut etiam semper accidere ubi fœtus in uterò ipsò continetur, ibique moriens non excluditur, nec datâ occasione extrahitur: idque propter aëris introitum sese per uteri orificium internum insinuantis: cujus plurima exempla passim exstant. Atqui verò huic fœtui in tubâ harenti, idem non contigit ob præclusam omnem aëris introitum, qui si in tubam usque penetrare posset fœtus, corruptionem haud dubie accelerasset. Hujus autem rei veritas quotidianâ fere Chirurgorum observatione comprobatur, nempe partes qualcunque præternaturaliter affectas & in cavitate aliquâ corporis inclusas corrumpi atque suppurari, ubi aër externus illas attingere potest, sicuti contrarium evenire solet ubi aër non potest intrare. Utriusque habemus exemplum in præsentî casû ubi fœtus incorruptus intra tubam usque latuit, donec ulcus ab interiori Tubæ membranâ exortum ad exteriorem usque ipsius cutis superficiem serperet, cujus per fungosam & laxam substantiam particulæ aëreæ sese insinuantibus primam putredinis labem intulerunt; nempe partibus ulceri vicinis atque substratis. Hoc enim ulcus si non exstitisset, procul dubiò fœtus integer atque ab omni putredine immunis permanisset. Sæpenumero enim reperti sunt fœtus in Tubis absque ullâ putredine omnino exsiccati, qui à plurimis annis ibi hæserunt atque in globum omnis externæ figuræ expertem mutati, promolâ vel frustò carnis informi habitî sunt: cum tamen in ipsis hujusmodi molis, si benè examinentur & extricentur, omnes partes fœtus plerumque apparere solent, & quidem debitâ proportionem formæ. Quæ partes suis membranis involutæ post mortem fœtus à contractione tubæ sæpe ita comprimuntur ut figuram tantum irregularem & superficiem inaequalem præ se ferant: id quod frequenter licet observare in vaccis propter sterilitatem sanguinis & mactatis. Idem certè accidisset & in præsentî nostrò casû, si unius lateris os parietale ab inaequali pressione tubæ, idem os alterius lateris non transcendisset, & suò margine serræ ad instar, peritonæum vulnerasset, eâque ratione ulcus fungosum & aëri ad cavitatem tubæ transmittendo idoneum, procreasset.

Nihil aquæ amnii repertum fuit, sed materia quædam mucosa.

Omnes liquores naturaliter in cavitatibus nostri corporis contentos in membranis glandulosis quibus continentur

continentur à sanguine secerni, & pro ratione quâ secernuntur etiam iterum in sanguinem modò suprâ dictò reduci, nullus dubitandi ampliùs restat locus. Sic *aquam pericardii* in internâ pericardii superficie glandulosâ à sanguine secerni & in venas reintrate credimus, eamque sic continuâ quâdam vicissitudine quasi renovari; quæ si eadem semper remaneret ex stagnatione procul dubiò in deterius mutata usui ad quem à naturâ destinabatur minùs apta redderetur, parte scilicet ejusdem subtiliore continuò per poros æquè subtiles avolante. Hinc enim crassior evaderet & cordi ad se faciliùs & liberiùs movendum non tam adjumento quàm impedimento esset. Similiter *humorem aqueum* in oculò generari & circulationis legibus, more aliorum succorum, subjici experientia docet, utpote qui interdum regenerari solet, si quando, fortè casu aliquò effluat & effundatur. Pari ratione etiam *aquam* in amniò contentam totò gestationis tempore non semper eandem esse numerò statuimus, eamque (præterquam quòd aliquid per os intrat) ope venarum, quæ reperiuntur in membranis, in sanguinem fœtus reduci & ab humore ex eòdem sanguine in superficie placentæ internâ ac glandulosâ secretò denuò instaurari, ut utrobique verum sit tam in microcosmò quàm in macrocosmò quod Poëta canit:

Ut vitium capiant ni moveantur aquæ.

Exemplum hujus rei evidentissimum in hóc nostrò casu suppetit, ubi aqua amnii motuò jam fœtû non ampliùs circulans, partem suam subtiliorem per insensibilem transpirationem amisit & quod reliquum erat gelatinæ instar in tubâ concrevit; fœtumque ampliùs à compressione satis tueri non potuit. Porro observamus etiam aquas præternaturaliter in plevisque aliis cavitatibus corporis collectas & stagnantes, colore mutatò turbidas & concretas conspici. Retulit mihi Dn. D. Sylvester Med. Doct. Londinensis se hydropicum quendam apertum vidisse, cujus abdomen gelatinâ quâdam repletum esse observabatur; quinetiam ipse Amstelodami dum curationem palliativam cuidam hydrocele laboranti adhiberem, scrotumque ipsius acû Barbertianâ perforarem, ut aquam ibi contentam emitterem, nihil extraxi præter aquam tenacem, quæ non sponte effluxit, sed manuum ope & pressu quasi emulsa exstillabat, adeò ut eam solâ punctione, quod tamen aliquoties antea in eòdem ægrò cum successû tentaveram, evacuare ampliùs non possem. Quam obrem ipsi curationem eradicativam proposui, quam etsi æger antea recusasset, cum videret tamen se mote solitò sublevari non posse, jam faciliè admisit. Ubi ergo totam scroti cavitatem aperirem ut separationem membranæ istius humorem continuò extillantem expedirem, & recidivam impedirem, inveni aquam diversi coloris, turbidam, eamque tenacem: procul dudiò quia pars subtilior ejusdem transpirasset, ob continuos fortis quibus prædictus æger tunc usus fuerat per menses aliquot, ex consilio Medici sui: quod quidem cum antea non fecerit aqua etiam antehac magis fluida reperta est. Quocirca hinc jam satis clarè patet unde in nostrò hóc casu illa materia mucosa fœtum ambiens totamque faciem tubæ interioris contegens ortum traxerit, quòdque eadem materia mucosa aquæ in amniò secretæ pars crassior fuerit, quæ per insensibilem transpirationem avolare non potuit, non autem materia purulenta, prout primâ quidem fronte à nonnullis adstantium esse credebatur. Sic enim sæpenumero falluntur illi qui materiam similem mucosam in cadaveribus re-

pertam pro materiâ purulentâ habent. Sic memini me aperuisse abdomen cujusdam Hydropici in quò paracenthesi antea fuerat instituta ad evacuandas aquas, sed pessimò (uti solet) cum successû. Inveniebatur, inquam, ibidem similis materia, omnia intestina & reliquas infimi ventris partes regens; adeò ut ex adstantibus aliqui statim omnia intestina & reliquas partes ulceratas pronunciarent, atque hinc mali successûs causam deducerent: ubi verò hæc materia spongiis & aquâ repidâ fuit ablata, nihil in abdomine ulcerosi apparuit, omnisque partium in eòdem contentarum superficies intacta conspiciebatur: quod si nobiscum paulò attentius reputemus, quid propriè & necessario requiratur ad puris confectionem, non tam faciliè decipiemur: quâ in re paucis opinionem meam exponere non gravabor. Statuimus itaque nullos humores corporis nostri, quamvis extravasatos, esse mutabiles in pus, quamdiu illi seorsim absque commixtione aliorum humorum sinceri permanent: Ideoque sanguinem extravasatum & eadem texturâ præditum quâ in vasis fuit, inque interstitiis partium sine mixtione commorantem, non mutari in pus omnino affirmamus; id quod experientia quotidiana nos docet in Chirurgiâ. Sapiùs enim observatur sanguinem extravasatum imprimis in vertice capitis post casum aliquot septimanas incorruptum reperiri, & prorsus immutatum extrahi; ubi nempe fortibus aliisque ad resolutionem topicis frustra applicati, tumores tandem aperiuntur. Omnis mutatio quam solet & potest in tali casu sanguis subire est, quòd is quòdam modò coagulatus interdum apparet, præcipuè ubi continuò fortium usû pars ipsius subtilior avolavit per insensibilem transpirationem: Memini tamen me decimò nonò post casum die extraxisse sanguinem floridum & fluidum in vertice cujusdam nautæ extravasatum, qui cum esset ebrius ex summò navis per operculum apertum, in ejusdem cavitatem vacuum ceciderat. Ille enim quamvis emplastrum de cumulo continuò parti applicatum fuisset, tamen qui capilli non fuerant abrali, sed forcipe tantummodò abscissi, cutemque haberet maximè indurata, inde adeò quòd susque deque habitâ omni aëris inclementiâ, capite apertò temper incedere assueverat; evaporatio partium subtiliorum sanguini facta non est, eaque de causâ sanguis fluidus repetitus est. Aliud exemplum addam de sanguine coagulato incorrupto & inclusò in eadem membranâ unâ cum tumore carcinomatosò glandulæ parotidis, quem Amstelodami extirpavi Anno 1680: Patre meò præsentè. Iste æger postquam tumore carcinomatosò juxta aures sinistram quatuor annos laborasset, qui magnitudine ovum gallinaceum exæquaret, ejusdem acerrimò dolore ex improvisò correptus est, quem dolorem tumoris incrementum satis insolitum sequebatur; adeò ut intrâ sex septimanas ad pugnorum duorum magnitudinem increverit; quò tempore magnum is dolorem tensivum patiebatur, omninò distinctum à dolore lancinante, quem quandoque in tumore antea senserat. Cum jam per annum post incrementum illud subitaneum Chirurgi plurima emplastra & cataplasmata maturantia nullò cum successû applicuissent; sperantes scilicet, nec absque ratione, se tumorem ad suppurationem perducturos, propter subitaneum illud incrementum, extravasationem humorum indicans; tandem ubi humorem non satis fluctuantem & maturum sentirent, ideoque tumorem aperire non auderent, nihil præter extirpationem totius tumoris (si vellent sanari æger) superesse pronunciarunt. Tunc inter alios Chirurgos Pater meus quoque consulabatur, qui cum examinatis

omnibus idem sentiret, nempe nihil præter extirpationem superesse; æger operationi, curæque patris mei se submisit. Cum itaque ego, præfente Patre meo, extirpationem aggredere, & circa basin, tumorem more solito separarem, tanta sanguinis grumosi copia prorupit, ut in mediâ operatione sistere, partemque sanguine scatentem abluere coactus fuërim, quò mihi copia melius videndi fieret quid porro agendum restaret: ablutâ itaque parte tumorem reliquum, ovum magnitudine æmulantem feliciter abstuli, ægerque brevi post sanatus est. Notandum hîc quoque aliquid satis insolitum, nempe quòd sanguis ille grumosus extravasatus & in eâdem membranâ cum tumore carcinomatosô contentus, tam arctè conclusus, & tam crassis integumentis tectus, ut suâ duricie atque inæqualitate ipse tumorem carcinomatosum referret, nihil in se tamen purulentæ materiæ continuerit. Plura hujus generis exempla satis insolita possem adducere, sed cum non dubitem quin allata abunde demonstrare possint, sanguinem extravasatum nullòque cum humore mixtum non mutari in pus, hisce supersedeo. Sic lympham etiam omnis generis non mutari in pus quotidie satis superque observatur in hydropicis, in hydrocele laborantibus, in hydrocephalis &c. neque etiam lympham crassiorem in pus mutari observamus; ut lymphâ intra articulos reperta, ad faciliorem motum ossium, quæ si per accidens detineatur & in tumorem exsurgat, si sola & sincera maneat lymphæ specie apertò tumore effluet. Lympha albuminis ovi instar crassâ Ganglion efficiens, nunquam ad suppurationem perducitur, cum sit liquor secretus in superficie internâ vaginalum tendines amplectentium ad faciliorem tendinum in iis motum procurandum; qui propter crassitiem istarum vaginalum non facile prorumpere potest, nec propter obstructionem pororum iterum in sanguinem redire. Ejusdem generis lympha tenax & crassâ reperitur in ranulâ, tumore sub linguâ ortò, quæ nunquam mutatur in materiam purulentam, etiam si per annum & ultra ibi extravasata contineatur. Nec tantum in supra narratis, sed in aliis etiam corporis partibus similes quotidie occurrunt lymphæ extravasationes, absque subsequente suppuratione.

Pinguedo si extravasata hæreat & stagnet, per se sola & absque aliorum humorum affluxu, nullam ferè subit mutationem; præterquam quòd aliquando durior aut liquidior evadat, sed in pus nullò modò convertitur, uti observare licet in Atheromate, Steatomate, Meliceride &c. qui tumores per annos quamplurimos durant innoxii, nullâ interim subsequente suppuratione. Denique idem de cæteris humoribus in corpore repertis esto judicium.

Ut igitur pus formetur, requiritur ut humores diversæ naturæ extravasati invicem misceantur & simul fermentationem quandam subeant; Hinc pro variâ miscelæ atque humorum diversitate, diversum quoque genus puris formatur. Si humores lymphatici diversæ naturæ colligantur extra vasa & misceantur simulque acescant & fermententur, formatur pus ichorosum, si sanguis cum aliò misceatur humore, dicitur pus saniosum, verum ut pus laudabile fiat, & bonum, requiritur mixtio lymphæ cum pinguedine, qui duo humores si extravasati certâ proportionem misceantur, abscessus ut plurimum efformantur; unde etiam observatur illas partes quæ hisce humoribus abundant, magis abscessibus esse obnoxias, id quod quotidie conspicitur in mammis mulierum. Hæ enim cum præ cæteris partibus, abundant duobus illis humoribus ad lactis genera-

tionem necessariis, frequenter etiam abscessibus infestantur: interstitia musculorum propter eandem rationem sedes ordinariæ abscessuum esse videntur. Quin etiam ipsa ossium medulla, in membranâ glandulosâ ossa interiùs investiente à sanguine secreta, & pinguedinis instar communis circulans in pus mutatur, quoties lympha per ossa porosa facta ad eam penetrat: id quod observare licet in illis qui tophis laborant. Hòc enim in casu ossa dilatantur, molliora redduntur, [apertis iterum vasis eadem componentibus] transitumque præbent humoribus lymphaticis extravasatis & ipsis incumbentibus: id quod sæpiùs mihi observare licuit. Hæc autem puris formatio, & eò loci collectio cum dolore præ cæteris acerbissimò fieri solet: cum enim dolor abscessuum æquè dependeat à partis extensione ac ab humoris contenti acrimoniâ, videmus partes illas quæ difficilius extenduntur majori dolore affici: sic ubi semel pus in ossium cavitatibus formatur, si propter ossium nimiam resistantiam per membranam medullam cingentem non possit foras prorumpere atque hinc per totam ossis longitudinem hæc membrana prematur, necessariò dolor intensissimus debet oriri, qui quidem nullis remediis cedit, nisi os ipsum in cavitatem usque perforetur, ut puri detur exitus. E contra verò partes hisce humoribus, lymphâ nempe & pinguedine non abundantes, abscessus non patiuntur, quale est ipsum corpus musculi carnosum, quod nunquam abscessu infestatum vel pure repletum visum fuit, & si aliquando pus intra membranas scroti collectum observetur, à perinæo id ut plurimum originem suam habere solet, adeò ut si probè hanc rem examinemus, patebit pus propriè dictum solummodò ex lymphâ cum pinguedine mixtâ generari. Quòd si remotis omnibus obstaculis spontè ex ulcere aut vulnere profluere possit, fit pus laudabile sive balsamum illud quò natura in sanandis ulceribus ipsa utitur: adeò ut nostrum tantum sit medicamenti topicis & instrumentis prospicere, ne aliquid hujus puris hæreat, ubi possit suâ morâ acescere, & consolidationem quam natura molitur impedire; quod quidem bestię continuo lambendo ex naturæ instinctu perficiunt, sed de his plura suo locò ubi de iis ex professo agemus, hæc tantum ad elucidationem casus præsentis adducta sunt, & ad demonstrandum materiam illam in animò repertam purulentam non fuisse.

Aperturam perduxi ad pedalem longitudinem.

Duplici de causâ hanc aperturam tantæ longitudinis feci, primò ut ablatò fœtù omnes partes separandæ faciliùs possent foras sese protrudere. Si enim tota cavitas ad imum usque fundum non fuisset aperta, pars certè magna materiæ separandæ simulque pus ex oris vulneris continuo fluens, & propter ægræ situm ad cavitatem illam prolapsus, in ipsius parte infimâ subsedissent, unde à naturâ difficilius superiora versùs rejici aut expelli poterant; donec putredinem ex morâ concepissent, totòque hinc tandem sanguine infectò, certam mulieri mortem attulissent. Alia ratio fuit, ut fœtum commodius absque omni violentiâ per vulnus possem eximere; si enim angustior fuisset hæc apertura, adeò ut hinc coactus essem vi aliquâ vulnere illatâ fœtum extrahere, multa sane & graviora symptomata ex vulneris contusione orta procul dubiò partes vicinas tumefecerant febremque auxerant, quibus ægra resistere tandem ampliùs non posset, cum eadem febre continuâ ante operationem afflictâ, jam summe

summe debilis & morti proxima jaceret. Cæterum aperturas atque incisiones ferè in omnibus operationibus chirurgicis, quoties corpus aliquod magnum extrahendum est, prælargas fieri oportere, nempe ad præcavenda symptomata graviora, quæ certò certius aperturas minores comitantur, exemplis bene multis & observationibus confirmare possem; Atqui unum tantummodo hic proferam, quod pro nominâ esse poterit in reliquis id genus operationibus.

Sclopetarius in urbe Franequeranâ degens & herniâ intestinali jam ab aliquot annis magnâ laborans, quam tamen pro lubitû reducere & ferè omnia intestina in abdominis cavitate ubi vellet reponere posset, negligenter usque sine ullô subligari incescit; adeò ut intestina suo pondere peritonæum magis magisque indies dilatarent. Hic cum die quoddam extra urbem exivisset, frigoreque se correptum sensit, domum rediens intestina non potuit amplius in suum locum reducere, propter inflammationem & tumorem circa annulum, quæ symptomata brevi ita increvere, ut excrementa non solum per intestina, quæ jam in scrotò continebantur transire non possent, sed illa quæ annulum usque pervenerant sursum regurgitarent & ab ægrò eyomerentur. Cum itaque in deploratò hòc statû versaretur & spes vitæ vix ulla superesset, advocabar ego circa undecimam vespertinam, & ægrum agonizantem inveni. Parte affectâ autem examinâtâ maculas quasdam in scrotò vidimus, gangrænæ imminuentis signa infallibilia: Hæc autem omnia symptomata à strangulâ intestinò provenire discipulis meis aliisque adstantibus denunciabam, neque ullam jam remedium præter reductionem intestinorum, factâ prius aperturâ, superesse. Cum fomentationes aliaque ejusmodi remedia incassum fuissent applicata: denique periculum esse in morâ. Annuentibus itaque amicis ægroti, quamvis non magna spes boni successûs jam tandem superesset, ad operationem me accingo, satius esse credens, anceps remedium adhiberi quàm nullum, præsertim cum ægrum si fortè aliis de causis, at contra tamen is ex operatione ipsâ non moriturum satis mihi constaret experientiâ edocto, operationem hanc in Bubonocèle, si rectè fiat, non esse lethalem. Paratis ergo omnibus in hanc rem necessariis ægrum cum lectò super tabulam eò in strû posui ut pedibus stans operationem possem perficere: Itaque à scroti & productionis peritonæi apertione incepti, ut intestina conteuta detegerem; quibus detectis digitum, conductorem omnium optimum, & simul forcipem supra digitum introduxi, scrotumque & peritonæi productionem secundum totam longitudinem aperui: quò factò præter expectationem apparere intestina crassâ æquè ac tenuia; intestinum enim Cæcum cum magna parte Coli & majore adhuc Ilii portione nudum illicò in conspectum venit, colore omnium mutatò, ob gravem & diurnam illam strangulationem. Hòc visò majorem solitò aperturam esse instituendam statim dixi, ut facilè & absque ullâ vi aut pressione intestina in cavitate abdominis reduci possint. Si enim apertura parva tantum fieret & intestina (quæ jam plus debitò antea, ubi reductionem tentabant, compressa fuerant) absque ulteriori compressione reduci non possent, procul dubiò mortificatio (quæ jamjam imminebat) evitari non poterat. Apertò itaque scrotò supra stilum cannulatum à latere intestinorum in cavitatem abdominis introductum, cultellò annulum eò usque dilatavi ut indicem manus sinistræ facilè supra stilum potuerim introducere, quò factò extraxi stilum & supra digitum forcipe tantam aperturam feci per integumenta & tendines musculorum infi-

mi ventris (qui annulum, per quem peritonæum se prolongando unâ cum intestinis in scrotum delabitur, componunt) atque etiam per ipsum peritonæum ipsis subjectum, ut absque ullò impedimentò intestina tam crassâ quàm tenuia reducerem. Verum in reducendis illis difficultas alia inexpectata mihi occurrit, Coli nempe intestini cum productione peritonæi in ipsò annulò coalitio; quam cultellâ separare coactus sum, & quamvis operatio inde retardata multò difficilior redderetur, peregi tamen eò cum successû ut reductis intestinis & futurâ in annulò factâ partibusque reliquis incisis, æger statim sublevati se sentiret, vomitusque cessarent, placideque illâ ipsissimâ nocte dormiret, magnâ cum febris, quæ antea aderat, diminutione, meliusque indies se haberet, & brevi, quamvis jam quinquagesimum ætatis superasset annum, sanaretur.

Ex hac historiâ non obscure colligi poterit, quantâ cum ægrotum utilitate in hujusmodi casibus incisiones amplæ & majores fiant, adeò ut ausim asserere plerumque ob nimiam, hæc in re chirurgorum cautelam curationes ægrotum retardari, doloresque augeri, denique paucos dari casus ubi largius incidere non liceat & profectò non prosit. Hoc interim lubens concedo in facie id esse evitandum propter deformitatem, in collò vesicæ idem prohiberi, propter urinæ incontinentiam, quæ frequenter nimis magnam incisionem eò loci factam consequi solet; ideoque in ani sphinctere (quantum possibile est) pari cautione procedendum. Quocirca singularatem hunc casum eò tantum sine hîc proposui, nempe ut satis clarè pateat, quàm necessarium sit quandoque largius incidere, & non tantum esse periculi ex incisione peritonæi, quantum sibi persuadent illi, qui pro metû hæmorrhagiæ cautè nimis & parcè incidendo symptomata interim alia auxere, non sine infelici operationis successû: Tantum abest ut existimandum sit Peritonæi vulnera esse lethalia; Non possum autem præterire quin hîc addam quod mihi observare licuit in hòc ægrò post sanitatem ipsi restitutam. Nènimpe herniam de novò propullulasse à latere factæ incisionis: cujus tamen cicatrix tam firmiter ossi pubis locò incisionis adhærebat, ut nullus recidivæ metus superesse videretur. Huic tamen ut in posterum caveret subligaculò se munire coactus est, quod quidem ipse antea ferre non poterat propter intestini Coli cohesionem cum ipsò annulò. Cum, inquam, hoc intestinum nullò modò tunc temporis reduci posset, compressionem ejus immediatam tolerare non poterat. Notandum etiam in transitu, quàm inutilis sit operatio quæcumque in adultis, cum post incisionem, licet annulus vel ligatura vel cicatrice occludatur, plerumque tamen vel à latere nova formatur hernia inguinalis vel à superiori parte hernia ventralis; eò nempe in locò, ubi tendines magis laxi reperiuntur. Causa enim herniæ ordinaria est tendinum ad musculos abdominis pertinentium debilitas, qui relaxati, fibrarum suarum separationem facilè admittunt: peritonæum enim quia solum suâ vi pondus intestinorum sustinere ipsisque incumbentibus resistere non potest, paulatim extenditur, & per interstitia fibrarum tendinosarum scrotum versus delabitur atque unâ cum intestinis herniam facit. In infantibus minus adhuc admittenda est hæc operatio, quia hi ferè omnes dum adhuc crescunt ubi robustiores sunt simplici subligaculò sanantur, dummodo hernia à prolapsu tamdiu impediatur, ut fibris annulum componentibus detur tempus sese contrahendi. Sed & hoc obiter notandum, nempe, in Galliâ, Italiâ, Hispaniâ magnam partem hominum herniâ laborare ob usum olei continuum (olei enim apud ipsos idem usus est qui apud nos butyri) &

Frangere in Frisiâ tertiam fere partem incolarum heniâ esse obnoxiam ex continuô lactis ebutyrati sũ. Itali quidem & Hispani utuntur oleô, quia illô abundant, longè magis quàm butyro: Franequerenses autem dum volunt otio indulgere, malunt per desidiam tenui victû & lacte ebutyratô vesci, quàm labore & industriâ victum meliorem querere & mereri. Sicut autem oleum in Italîs, Hispanis & Gallis, ita lacticia in Franequerensibus hernias frequentiores procreare possunt, corporis partes nimis humectando, lubricando, & relaxando.

Tubæ Facies interior sub finem curæ cartilaginæ emulabatur.

Tubam Fallopiam naturaliter constitutam, nunquam in os vel cartilaginem mutari satis liquet. Ergo ut explicetur hoc phænomenon, quomodo nempe in præsentî casû hæc mutatio accidit, vel potius necessariô fieri debuit; demonstrandum erit, quæ partis mutatio hîc facta sit, & quid requiratur ad partium constitutionem quæ in cartilagineam aut ossæam substantiam mutandæ sunt. Constat itaque quò magis humidô abundant partes aliquæ, & quò major in illas humorum copia influit, eò tardius & difficilius easdem concrefcere in ossæam soliditatem, è contra autem quò minùs humiditatis in se continent, & quò rigidiores eunt eò citius illas indurescere. Sic videmus omnes partes secretionibus inservientes, & per consequens magnum sanguinis affluxum, refluxum, humoriquè secreto transitum præbentes in ossa rarò aut vix unquam mutari, è contra observare est membranas istas quæ maximâ ex parte ex tendinibus sunt conflatæ, & tantam solummodò humoris quantitatem admittunt quanta ad nutritionem atque incrementum suum est necessaria semper ferè in ossa mutari. Hæc autem (si ita loqui liceat) ossificatio quatenus vel citius vel tardius fiat tam in ossium conformatione naturali quàm in accidentali, multum à situs, & figuræ diffentiâ dependet. Quoad situm ossificatio retardatur vel acceleratur, prouti membranæ partibus magis aut minùs humiditate abundantibus sunt appositæ vel impositæ, id quod clarè patebit ubi de ossificatione à primâ conformatione ad adultam usque ætatem posthac fortè plenius tractabimus: sed id non est hujus fori. Hoc unicum pro exemplô addam, nempe epiphyfes cartilaginofas substantiam ossis molliorem tantum adipisci; propter humoris magnam quantitatem continuô ipsas ambientem, & eò delatam ad faciliorem motum; quæ tamen cartilagine, si casû fortè aliquò humoris affluxus impediatur, statim in ossa mutantur: id quod quotidie observatur in ossium concrectione & motus abolitione propter illius humoris defectum. Propter humiditatem nimîâ quantitate peccantem, ossificationem in totum impediri in hydrocephalo jam supra diximus. Hinc jam deducimus partium siccitatem requiri ad ossificationem, & omnia quæ siccitatem illam quòquomodò imminuunt, ossificationem pariter impedire. Sic continuus olei usus homines agiliores reddit, & in ipsâ senecture tardior tendinum ossificationem efficit, quia nempe vasa illa sanguinem oleosum vehentia difficilius occluduntur, & diutius mollia, atq; recipiendo sanguini apta permanent.

Figuram ossificationi vel celebriori vel tardiori aliquid etiam contribuere, demonstrant totius corporis nostri ossa, quorum in primâ conformatione ea pars citius in ossæam duritiem concrefcit quæ maximè elevata est atque gibbosa. Sic in craniô videmus in durationis initia eò loci primò apparere, ubi par-

tes magis sunt prominentes & elevatae, non autem in centrô vel mediô (uti olim voluerunt) (cujus ratio est satis evidens ex prædictis: nam ubi circulatio pigrior & difficilior est ibi vasa facilius concidunt atq; occluduntur, & propter defectum humoris eò citius rigescunt atque in duriores ossis substantiam abeunt.

Jam itaque tandem examinabimus quæ mutatio facta sit in hæc nostrâ membranâ tubam adeò dilatam constitutente ut indurationis ejus ratio liquidius elucescat. Hujus igitur membranæ superficies interna olim glandulosa fuerat, quò melius secretioni inserviret majoremq; sanguinis copiam admitteret, ac jam tandem, deficiente humore mutata est in aridam & exuccam quæ sanguinem vix ullum recipiat.

Extractô siquidem fœtû omnis superficies interior glandulosa fuit separata, membranæ autem pars exterior quæ superfuit vasis jam constrictis & propemodum clausis in siccam & ferè exanguem pelliculam mutata sensim exaruit. Quæ quidem siccitas ex humoris defectû necessitate quâdam huic parti duritiem adferre debuit: nempe qualis in plurimis etiam cicatricibus eandem ob causam observatur, quia ubicunq; partes conglutinantur, ibi vasa simul occluduntur usque adeò ut humoribus vix transitus præbeatur. Accedit & hoc quòd cutis instrumenta sudorem secermentia fuerint deleta, unde & minor humoris affluxus & major penuria. Sed ut hæc nostra tubæ facies interior cartilaginis substantiam præ se ferret, requirebatur adhuc partis figura gibbosa: hanc autem magnâ ex parte, ab intestinis aliisque partibus in infimò ventre contentis habuit. Quæ (quia tanta in hóc casû à fœtû crescente ipsiusque humoribus resistentia non obstitit, quin suâ mole pristinum locum facile occuparent) membranam Tubæ ipsorum ponderi & compressioni cedentem in partes contiguas ita impulerunt, ut figuram abdominis gibbosam tanquam à proplasmate acciperet. Hinc major difficultas transeunti sanguini oborta majorque vasorum occlusio & partis rigiditas facta est, quæ tandem cartilagineam hanc duritiem tubæ induxerunt.

Hæc interim tubæ indurata membrana cicatricem præmuniens, & per totam ejus circumferentiam ubique cum peritonæo coalescens tendinum in operatione transissorum defectum utcunq; supplevit. Hæc enim janua cartilaginea nisi à naturâ semper providâ fuisset efformata atq; ante ostium illud collocata; profectò hæc fœmina eâ facilitate fœtus in utero gestare non potuerat, præsertim gemellos quos trienniô post curationem hanc peractam peperit: Abscissis enim tendinibus qui abdominis partes præcipuè continent ac coërcent, vulneris ora sibi invicem ita appropinquare non potuerant, ut absq; ulla intercapedine conglutinantur, obstante partium suppuratum exitû per ipsa futurarum interstitia: ideòque eò loci à fœtû pondere & incrementò tanta extensio acciderat ut vi expultrice omnino abolitâ, hernia ventralis inevitabilis atque immensa succrevisset. Quippe tendinum fines abscissi atque in hæc parte induratâ concreti, nec satis validi fuerant & actioli ad fœtum excludendum, & prolapsui intestinorum insolito certò certius secuturo resistere non potuerant.

Plura adhuc testant, Vir ornatissime, quæ in hóc casû notatû digna commentarium plenius sane & uberius postulent. Sed hæc hæctenus. Nam & ego Epistolæ modum mihi videor excessisse, nec te diutius morari deo gravioribus fortè curis & negotiis districtum. Vale.

*Fœtus mortui, innoxia per duos menses in utero, gestatio.**Clariss. Christoph. Güntheri Schelamammeri, Miscell. Curios. Decur. iij.*

Nobilis quædam Matrona ab E. gravida, cum ad menses VIII. fœtum suum gestasset, accidit, ut conspectu N. subito exterrita, ex illo tempore infantem suum sentiret, sensim debilitari, & post aliquot demum hebdomadas versus noctem, motu violentiore concuti, tremere, & se hinc inde jactare, tandem verò quiescere & in unum locum latere dextro collabi & emori. Nullos ab eo tempore fœtus amplius motus, nulla vitæ indicia, neque tamen symptomata, quæ consequi solent mortuum fœtum, matremque affligere, observata sunt, sed pulchrè valens, ad mensis decimi finem, sine ullo incommodo fœtum portat suum perpetuò in illo loco, ut pondus inutile, cubantem. Completo partûs tempore, dolores sensit consuetos, rumpuntur fœtus membranæ, aquæ effluunt, sequitur ipsum tenelli cadaver, funus in ipso partu repræsentans proprium; Mater nihil mali admodum patitur, sed valens & fœlix deinceps aliquoties adhuc vivos & pulchrè sanos fœtus parit.

Ex quibus colligitur: 1. Nom semper gravia symptomata mortem infantis in utero comitari, nec 2. semper mortuos fœtus putrescere, sed tempus partûs incorruptos præstolari. 3. Falli illos, qui partûs causam in fœtus maturitate quærunt, & vel ejus magnitudinem, locique hinc angustiam, vel alimenti defectum cum ad exitum concitare arbitrantur. Nihil enim horum in nostro apparet, tamen legitimus partus justo tempore secutus est. Unica itaque fortè Naturæ lex est, à Creatore & conditore suo sibi imposita, quæ hæc ut cætera; gubernat, ac moderatur, ut, quorquor naturalem terminum ex causis mechanicis explicare, sagunt, frustra se torqueant, etsi negari non possit turbatum parvulum sanguinis affluxu & tumultu spirituum, & in angustias redactum calcitrare, seque jactare vehementius: At hoc est adjuvare partum non etiam efficere.

*Fœtus in Utero exsiccatus.**Clariss. Joh. Christophori Bauzmanni Miscell. Curios. Decur. iij. ann. 7. & 8.*

Anno MDCLXXXIX, circa tempus Paschale, Uxor Tabellarii nostri Hentici Schrodors suppressis hætenus mensibus & insequente motu Embryonis, gravidam se esse percipiebat. Circa festum autem Pentecostes, per duas noctes insequentes horrores Febriles patiebatur, & motum Embryonis ab eo tempore Mater non amplius sentiebat, tumorque ventris indies subsidebat, adeò ut vestimenta strictiora, hætenus remota, rursus capessere potuerit, ceterum tamen nullatenus malè habebat. Quid sit? mensi Julii fine, partum edebat mortuum, ita exsiccata, ut osseus planè, cure saltem superductus appareret, Lochiis parciùs, aut ferè nihil fluentibus, nec Lacte in Mammis accrescente, nullisque aliis symptomatibus infestis.

*Bibl. Chirurg. Tom. I I.**Fœtus in Vtero materno verminifactus.**Clariss. Ambrosii Stegmanni, Miscell. Curios. Decur. iij. Ann. 7. & 8.*

Ante biennium & quod excurrit, rustica quædam ex proximo pago Helfsta me convenit & retulit: Se octavo mense jam gravidam sentire in infimo ventre motum vermiculantem: *Es sey nicht anders, als wann der untere Leib voller Ameisen wäre.* Gerebat quidem hæc fœmina ventrem prægrandem, sed ex toto marcidum, nec ulla fœtus vivi, vel moventis indicia edentem, hinc potiùs ex obstructione mensium, quàm ex ingravidatione tumefactum esse ventrem hæsiolabar. Ne verò fœtui, si quis adesset, nocerem, corroborantia, uterum respicientia, & alia in ejusmodi casibus dubiis proficua illi ordinabam, & jubebam, ut si quid sinistri acciderit, mecum communicaret. Absoluto nono mense accersitus ad rusticam hanc convulsam sine intellectu & voce deprehendebam, propinabam itaque illi optima quævis, ut aliquo modo refocillaretur. Hinc, cum ad rem ipsam indagandam, tum à patiente, tum ab adstantibus admoneret, tacto abdomine, observabam molem versus pubem prorumpere ingentem, atque admodum mollem, partes vaginæ internas deprehendebam siccissimas, nullamque uteri aperturam vel pariendi conatum alium. Abiens suadebam, ut luteum liliorum incoquerent juri gallinæ, & oleo Amygdalar. pingue redderent, ordinabamque pellentia cum confortantibus mixta per vices adhibenda. Altero die post revisebam Ægram, illamque doloribus partûs insufficientibus, languidis, & per longa intervalla recurrentibus oneratam videbam, hinc fortiora pellentia illi propinanda, itidemque fomenta applicanda & linimenta emollientia ad infimum ventrem, lumbos ac regionem circa os sacrum, pectinem, ossa pubis, pudendaque cum cervice illinenda ordinabam, à quibus parturiens in vehementiores partûs dolores incidebat, quos non longè post hiatura uteri aliaque partûs instantis indicia sequebantur. Cum autem Pariens admodum debilis, nec tanta uteri apertura adesset, ut fœtus ab obstetrice apprehendi possit, hinc illam supinam, reclinato capite, elevatis coxis & posterioribus locandam suadebam: Obstetricem verò instruebam, ut obstetricantem manum oleo delibutam sensim sensimque in uterum immitteret, alteraque Patientis abdomen leniter comprimeret. Dictis obtemperans Obstetrix, referebat: Instare quid quidem utero, sed nulum esse partum, neque manu posse extrahi. Jubebam, ut quale quale unco apprehenderet, illudque leniter & paulatim extraheret. Hinc maximo molimine & longo labore protrahebat sacculum quendam Obstetrix (qui membrana erit exterior fœtum includens *χorio* dicta, admodum densa & p. n. crassa) ex quo innumera vermium progenies figuræ latæ & coloris rubri in conspectum veniebat, qui totum fœtum, exceptos paucis ossiculis, consumpserant. Secundinæ admodum rerorridæ, ac si in fornace pistorio tostæ fuissent, adhærebant firmiter huic membranæ, & vix 3j. ponderabant. Nullam aquam puerperalem neq; ante, neq; cum, neque post partum exclusit hæc fœmina; Lochiâ verò à datis medicamentis demum post quintum ritè excrevit diem, ediditque post annum, incolumis & sana, sanum fœtum rursus in lucem, cum quo iterum, quod mirandum, aliquot viginti ejusmodi suprâ dictorum vermium, absque tam men læsione matris & infantis simul exclusit.

*Fœtus , præter opinionem & intentionem
parentum , admiranda in utero ma-
terno conservatio.*

*Clariss. Gustavi Casimiri Gabrliop, Miscell. Cu-
rios. Decur. iij. Ann. 7. & 8.*

Decadis II. Ephem. Naturæ Curiosorum An-
no VIII. Observ. 565. variæ adducuntur histo-
riæ , quibus frustraneos in exturbando fœtu tam
artis , quàm Naturæ conatus narrando , difficul-
tatem provocandi vel directè vel indirectè abortum
astruere satagit Author. Hand multùm abludens ab
illis , notabile aliquod exemplum mihi quondam
observare contigit.

Anno 1666. ad Juvenulam Professoris enjus-
dam juvenis sanguinei ac torosi uxorem , qui hanc
comprivignam suam paucos ante menses duxerat ,
vocabar , de colicâ & motu quodam , ut aja-
bat , præternaturali , in ventre & sub hypocho-
ndriis ac Iliis conquerentem , ac meum de illis ju-
diciū ac consiliū exposcentem. Re probè pen-
sitatâ , & cū constitutione utriusque Neo-
nuptorum ac tempore nuptiarum collatâ prægnan-
tem illam esse judicabam , motūque à fœtu ori-
ri assereram , sed tam ab ipsâ quàm à marito ,
& quod majus à Socero & Socru , patre ma-
treque nimirum utriusque conjugum , satis , ut
saperent , annosis non sine indignatione explode-
bar , imò , qui aliàs familiæ illius Medicus
eram ordinarius , derelinquebar , atque alius ,
me quidem senior , at in hoc casu vix oculatior vo-
cabatur ; Qui assensum parentibus præbens , illam
strenuè contra colicam , tam carminantibus , quàm
purgantibus , nec venæsectione omisâ , pugnando
exercebat sed frustra. Motus illi & subinde quidam
dolores continuabant nihilominus : Tertius itaque
& huic adjungebatur , & uterque collato consi-
lio nil quicquam , quod vel alterando vel pur-
gando , aut externè etiam applicando ad colicam
hanc , uti illam vocabant flatulentam debellandam
nullo modo facere posse videretur , intermittebant ; sed
haud majoti quàm ante successu. Parentes præterea ipsi
cum marito ex ambubajarum , Medicastrarum & Me-
dicastrorum consilio tentabant quamplurima tam in-
terna quàm externa , eaq; inter quædam satis violenta
& periculosa auxilia ; Alia inter ad compefcendum mo-
tum illum , uti ipsis putabatur præternaturalem , al-
liso & angulo mensæ quadratæ violentè impaeto ven-
tre aliquandiu illam destinebant , donec nimirum las-
satus ac debilitatus hac violentiâ fœtus aliquantis-
per à motu cessaret ; aliàs lumbi , aut in lectum
prostratæ utroque genu incumbentes , alvum depri-
mebant , ut colicam illam exorbitantem cohiberent ,
sed & hæc omnia irritò effectu. Unde suffraganti
Medicorum illorum consilio Berolinum eam dedu-
cebant , atque illic celebriores Medicorum antesigna-
nos in consiliū asciscebant , qui sinistrâ relatione ,
Patientis , Mariti & parentum dementati aliquoties
illam purgarant , & quidem satis largiter & copio-
sè & cum virium non exiguâ jacturâ , ter , nisi om-
nis fallor , venam secuerant , ac sanguinis insignem
copiam profuderant , præter omnem necessitatem in
subjecto gracili ac nil minùs quàm plethorico. Sed
& hoc absque omni , quem intendebant & spera-
bant fructu ; Reverti itaque , post exactum illic fe-
rè trimestre spatium , domum coacti , turgescere jam
magisque utero , ac tempore partus paulatim appro-
pinquante , non intermissâ tamen interea solitâ , quam

ante narravi tragediâ & torturâ , me rursus vo-
cabant , spe fortè mutandæ à me sententiæ , sed ma-
nifestioribus jam in illâ confirmatus indicis , co-
licam illam brevi vitalem fore prædicebam , ideòque
denud cum indignatione demittor. Biduo vix cla-
pso , motuq; validius quàm ante continuante & per-
severante , Matrona quædam è viciniâ , honesta , ac
Lucinæ Mysteriis satis imbuta , Consulis cujusdam
vidua , invitatur , ut suum & illa de Colicâ illâ mo-
lestâ sententiam ferret , hæc re prudenter expensâ ,
scrutatis quoque ipsis Naturæ adytis , obstetricem quan-
toctius advocandam indicat , periculum & quidem
summum tam matri quàm infanti in morâ esse , in-
dignantur & contradicunt & huic adhuc stupidi ;
Illa verò seriis tam maritum quàm parentes affata
terminis , nisi matris & fœtus velint fieri homicidæ ,
è vestigio obstetricem accerant , ad singula enim mo-
menta partum imminere : Hac igitur occasione accur-
rente , vix dimidii quadrantis horæ spatio præter-
lapso , vivum ac vitalem satis grandem fœtum , nil
remorantibus omnibus illis objectis valde violentis
ac periculosus obicibus & obstaculis evixa est. Ma-
nifesto exemplo Denm vitæ nostræ ut Authorem ,
sic fœtus in utero materno Conservatorem esse Om-
nipotentem , quem servatum velit ac vitalem , hunc
contra nulla valere etiam violentissima mortalium
machinamenta.

F O M E N T A T I O .

De ejus variis speciebus , & applicandi ratio-
ne , consuli potest Bibliotheca nostra Pharmaceu-
tica.

F O N T I C U L I .

*De Fonticulis sic scribit Hieronim. Fabricius
ab Aquapendente.*

Fonticuli vulgo appellati , sunt parva ulcera dedi-
tâ operâ facta , ad morbos , qui infestant ,
aut infestaturi sunt tum curandos , tum cavendos ;
id quod præstant tum evacuatione , tum revulsio-
ne , tum derivatione humorum , qui in corpo-
re supervacui sunt. Morbi autem quos præcavent ,
aut curant fonticuli , longi sunt , non breves &
acuti ; ratio est , quia cū evacuatione humo-
rum id præstent , quæ omnino exigua ab exiguo
ulcere provenit , ideo sensim , spatio temporis
commodum præstant , quare neque in phreniti-
de , neque in acutis febribus , neque in aliis ,
& repentinis morbis fiunt , sed in chronicis tan-
tū , tum qui ex abundantia supervacuorum hu-
morum , tum maxime ex fluxione fiunt.

Conferunt autem primò evacuatione , quæ et-
si exigua est , & sensim facta , quia tamen con-
tinua est , & continuo tempore fit , ideò pro-
gressu temporis tantū juvat , quantum quævis
alia evacuatio ; quod aliæ per longa fiant inter-
valla , hæc continuè evacuet , & corpus sanum
conservet. Ideoque Siculorum plerique , etiam si
sani sint , sibi tamen fieri fonticulum volunt , ut
sani conserventur. Propter quam causam , cū
in omni corporis parte fieri possit fonticulus , ad
humores tantū ab universo corpore evacuandos ,
ut plurimum tamen non fit ; propterea quod non
solum in genere evacuandi causâ , sed etiam re-
vellendi , & derivandi administratur , ratio ex his
elicitur , nam cū humores in corpore superva-
cui alii quieti sint , alii in fluxu , & motu ,
cū fonticuli fiant , & evacuationis , & revulsio-
nis ;

ac derivationis causâ, merito non promiscue in omni corporis parte, sed potissimum aut ubi quiescunt, & fluxerunt humores, ut in parte affectâ, ad eos solum evacuandos; aut cum in fluxu sunt, & revulsionis, ac derivationis causâ, ut in contraria parte, aut vicina, nonnunquam etiam interceptiendæ fluxioni fonticuli fiunt, videlicet in parte, ante prolapsum ad partem affectam. Veruntamen potissimum usus invaluit, in contraria parte, fluxione laborante administrantur; propter quam causam fit interdum in occipitio, ad revellendas ab oculis fluxiones, antè, retro; interdum in futura coronali, ad trahendos humores, qui intus sunt, extra; in brachiis, ad revellendos humores, qui à capite descendunt in fauces, laryngem, & pectus; sic in cruribus, ad renes, lienem, uterum, & alia id genus membra juvanda, & humores tum derivandos, tum revellendos. Servatur quoque rectitudo parris affectæ, aut mittentis, ideoque in liene obdurato, in sinistro crure; in jecore affecto, in dextro paratur; sic sinistra capitis parte dolente, aut aliter affecta, in sinistro brachio; dextra verò, in dextro; quæ omnes sunt probæ revulsionis conditiones, ut fiant fonticuli, & in parte contraria, & è directo. Quia verò dictum est, fonticulos derivationis causâ fieri, ideo auribus affectis, non incommodum est in occipitio fonticulum parare. Fonticulum ergo felici successu in eadem parte fluxione laborante, tum ad evacuandum, tum ad interceptiendum humorem influentem, ante decubitus ad partem affectam, paramus, potissimum, cum humor fluens crassissimus est; unde in sene, in tibia valde tumida, & ulcere affecta, facto fonticulo supra genu, in coxa, sanatus est; quod humor propter sui crassitiam, & segnitiam neque revelli ad alterum crus posset, neque interea trahi ulterius ad locum affectum. Ultimò fonticulum aliquando, non quidem paravi, sed reliqui in parte affecta, aut ulcere, aut fistula, quæ esset diuturna, & prope modum incurabilis, ut in fistula pectoris, aut ulcere, cum ossè corrupto, spatio enim temporis locus sanatus est, tota materia noxia evacuata. Itaque conferunt fonticali in genere, & perpetuò, evacuatione: speciatim verò evacuatione, & revulsionem, evacuationem, & derivationem, evacuationem, & interceptionem; denique sola duntaxat evacuationem. Sed hoc adhuc non est satis ad fonticulum recte parandum; sed cum hi fonticuli sint ulcera, quæ indigent custodia, & deterfione, ut plurimum bis in die, matutino scilicet, & vespertino tempore, propterea consueverunt ipsos parare, potissimum quò manus possunt commodè attingere, & oculi prospicere: propterea non in dorso, non in pede, sed in brachiis tantum, ut plurimum, & cruribus fieri solent, hoc est, vel supra cubitum, vel paulo supra, aut infra genu.

Quia verò humores supervacui, quos aut evacuant, aut revellunt, aut derivant fonticuli, in duobus locis consistunt, vel in vasis, vel extra vasa; ut plurimum autem consistunt, humores supervacui in vasis, aut magnis, aut minoribus, aut minimis, præcipue ubi tumor in aliqua parte non est, propterea bonus fonticulus exigit, ut sit propè vasa, quæ quò majora sunt, eò melior est. Ex quibus colligo, quod cum fonticuli fiant tum in brachiis, tum in cruribus, non tamen promiscue in omni parte crurum aut brachiorum

parandi sunt, sed ut paucis comprehendam, ubi & venæ majores sunt, aut propagines earum; & ubi commodè à manibus regi, & mundari possunt; in venis, inquam, hoc est, propè ipsas, non supra venarum corpus.

Rursus altera conditio boni fonticuli est, ut cum brachia, & crura sint ad motum destinata, hæc verò sint ulcera, quæ cutem prætereunt, & in musculos descendunt; & cum diutius ea aperta detinere oporteat, quòd pila, aut ex cera; aut pila, aut ex hedera radice fiat, hæc corpora sæpenumero sua duritie musculos comprimunt, & motum, propter dolorem impediunt; ideo requiritur hæc conditio, ut locus seu spatium, seu interstitium inter musculos eligatur, nequaquam in corpore musculi, & ejus carnosa parte, multò minus in nervosa, ac tendinea, quæ conditione deficiente, multi coacti fuerunt claudere iam factos fonticulos; confert etiam efficere fonticulum in interstitio musculorum, ut humores, qui in spatiis sunt, facilius evacuentur quod sanè interstitium, in brachio quidem, ex cubiti valida tum flexione, tum extensione; in crure autem ex genu, si supra; si verò infra fonticulus fit, ex pedis similiter tum flexione, tum extensione exploratur; interea apice indicis digiti in musculorum interstitio compresso; in brachio quidem, inter deltoidea musculum, & superiorem cubitum flectentem; in crure verò, ubi interstitium digito comprimitur, ut in fovea. Ultima conditio est, ut cum deligare locum fonticuli oporteat, quòd pila seu globulus detineatur, ideo necessarius est locus, ubi deligatura commodè consistat, neque decidat, ideoque vitamus omnes loci declivitatem; quò fit, ut in declivitate musculi deltoidei non detineatur fonticulus; sic supra genu. Itaque ut summam omnes boni fonticuli conditiones referantur, fieri debent, ut plurimum in partibus oppositis partibus affectis; interdum in vicinis; nonnunquam in parte affecta; & hoc dupliciter, vel paulò supra, vel in ipsamet parte affecta; tum in iis, quas oculi, & manus possunt prospicere, attingere, & mundare; tum propè venas majores, tum in interstitio musculorum, ubi deligatura contineri potest.

Propterea usus invaluit, ut fiant in brachiis, & cruribus fonticuli; & ut judicium faciat de exacto, & congruo loco, in brachio fieri consueverunt quatuor locis; vel posterius ad fines deltoidei musculi, vel in medio; vel antè, vel inferius; atque olim ab omnibus fiebant aut in medio, aut posterius, aut in fine. Ego autem locum anteriorem elegi, & substitui, quod alia loca opportuna non sint, ut ex conditionibus deficientibus patet, una tamen primò in omnibus spectatur contrarietas; nam si posterius, deficiunt tres conditiones, prima, quod ligatura, & fascia non consistit, sed decidit; secunda, quia propè venas non est; tertia, quia aspicere oculis, & manibus mundari non potest; si verò fiat in medio musculi corpore, nota non caret, quia non in interstitio musculorum fit, neque propè venas, neque fascia consistit; quod si in fine musculi deltoidei fiat, diu detineri non potest; quod propter pilæ gravitatem deorsum excurrat, & supra musculos veniat, ac tendines, quos cum dolore comprimat, & ita detineri non possit, quod si antè fiat, uti ego soleo, inter deltoidea; & alium, qui cubitum flectit, & vulgo vocatur, *il Peschetto*, hic exactus est fonticuli locus: quod videri, & attingi possit, quod inter musculos;

quod propè venam cephalicam fiat, & deligatura permaneat.

In crure autem effici fonticuli consueverunt tum infra, tum supra genu, tum extra, tum intra; si extra fiant, deest una conditio, quia non habet venas vicinas; in interna verò habet saphenam. Igitur melius est ut fiant in interna aut coxa, aut tibia, ea scilicet parte, quæ deligari potest, & deligatio contineri; nam nimis supra genu, declivitatem regio habet; si nimis deorsum, articulo, & tendinibus nimis vicinus locus est; præterea interna pars non habet latum tendinem; quam vitare oportet, alioqui graves inflammationes superveniunt. In mulieribus sive supra, sive infra genu fiant, perpetuò propter uterum, & menses intus parantur. Atque hæc de loco.

Fiunt fonticuli vel caustico medicamento, vel ferro. Superiori ætate, ferè omnes fonticuli caustico parabantur; sed experientia, tandem docuit, causticum non esse tutum, quod non solum mala qualitate præditum est, sed etiam quòd sæpe magis comburat, quàm est partis spatium, ut non raro vis ejus pertingat ad musculos, tendines, & nervos, ob quam causam, excitati sunt dolores, & inflammationes, inde gangrænæ, & sphaceli, & magna ulcera, ita ut nonnullis fuerit opus crus excindere totum; nonnulli quoque ex ea re interierint; quæ omnia hîc Patavii contigere. Propter has causas, usus jam diu invaluit, ut ferramento candente fiant, sed nonnulli sunt, qui ferramentum ignitum adeo formidant, ut nolint illud admittere, & caustico uti necesse sit; cujus oportet primò vires habere perspectas; inde in loco opportuno poni, cavereque ne spargatur, & majus ulcus quàm oporteat paratur; quod sit operculo glandis supra posito. Sunt qui oleo de sulphure, aut de vitriolo, intincto in eo specilli mucrone, specilloque convoluto, supra cutem fonticulum excitent. Sed quomocunque caustico fonticulus paratur, nunquam postea butyrum apponatis, quod sub caustico putrefacit, & gangrænâ excitat, tum etiam ubi in hydrope in cruribus fonticuli fiunt, à butyro omnino abstinendum, sed solum diapalma utendum, & vino.

Sed potior, ac tutior modus est, qui ferramentis procedit; quæ duplicia sunt, alia candentia, alia incidentia. Sunt qui incidentia usurpant, duplicando cutem, & ita incidendo, & pilam statim imponendo, sed ne dolor excitetur, dum inciditur, ego paravi duas ferreas laminas; quæ in medio scissuram habent. elevatur cutis, & duplicatur, & inter duas laminas, stringitur arctè, ut sensus ferè obstupefeat, tum scalpello ad scissuram inciditur, & ita fit fonticulus per incisionem. Sed cum minori molestia fit fonticulus cum ferramenti candentibus, quàm incidentibus; quia incidendo dolor excitatur, & inflammatio. Ferramenta autem varia sunt; nam tria quidem habentur, quæ tamen ad duo reducuntur; etenim ex duobus sibi ipsis similibus, alterum nota interdum non caret; quod partes circumstantes sub eo vim ignis persentiant, dum ex compressione circuncirca attolluntur, & incalescunt; quod tamen sub altero non succedit. Itaque duo sunt instrumenta, quæ commodè usurpantur. In horum usu, quo præcavere oportet, ne scilicet vis ignis, & dolor persentiantur, aut certè quàm paucissimè contingat. Præterea ne ignitum ferramentum videatur; nam propter hæc duo multi formidant ferramentum ignitum, & propter dolorem, propter aspectum ignis. Tria enim sunt

incommoda, quæ molestant hominem, cui fonticulus inuritur, calor, dolor & ignis aspectus. Ad hæc tria vitanda ars primò excogitavit laminam ferream, latam, & crassam, in cujus medio sit foramen, ejus latitudinis, ut admittat cannulam instrumenti, quod sinistra manu detinetur, & comprimitur; quæ lamina, inferna parte, quæ corpori applicatur, circulum habet cum supercilio tenui, & quadantenus acuto, quæ ponatur supra locum fonticuli signatum attramento. Hæc lamina primò refrigerat partem circumstantem, & consequenter calorem ferramenti candentis; inde dolorem mitigat, obstupefaciendo ipsum; quod facit tum frigiditate, tum compressione marginis acuti circuli; cui postea circulo, si supponatur instrumentum, quod ignem abscondit, erit abundè satisfactum tribus incommodis jam relatis; habetur enim instrumentum, quod aspectum ignis tollit, quod candens ferramentum intrusum, & occultatum habet, in tubulo, aut ligneo, aut osseo, aut argenteo, quod altero extremo orbiculare foramen habet, parti apponendum; ex altero verò, operculum candentis ferro conjunctum, quod deorsum comprimitur.

Modus utendi est, ut ferramento candente cutem uramus, & ipsam tantum attingamus, & leniter comprimamus. Neque in omnibus par comprimendi modus requiritur, sed variat, pro cutis varietate, videlicet mollitie, & duritie, tenuitate, & crassitie. Ideoque in puero minus, in adulto magis, in senè adhuc magis; item in brachio, ubi mollior, & tenuior cutis est, minus; in crure, ubi durior, & crassior, magis comprimendum ferrum est. item variat, prout pars urenda integra est, aut affecta; propter quam causam in hydrope, & cruribus aqua tumentibus, vix attingitur cutis, & à butyro abstinetur. item in cachyma corpore, aut crure fluxione laborante, mitius adigitur ferrum, & butyrum non apponitur; sed diapalma, & linteam vino nigro austero expressum usurpatur.

Combusto loco, si quis velit fonticulum parare, sine ullo dolore, & sine ulla loci alteratione, seu irritatione, quæ interdum causa est, ut fonticuli molestè gessentur, non est festinandum globulum præpropere imponere, sed cerea primum pila tunc imponenda est, cum crusta nigra, & alba decidit, & caro rubra, bonaque apparet, quæ omnino sit expers tum doloris, tum inflammationis, & labiorum, & partium circumstantium, tunc enim ceream primò pilam parvam apponere; & supra, duriusculum pulvinar, ex linteo factum, fascia angusta adstringere, & comprimere oportet, quousque descendat in profundum, & sedem congruam sibi pariet; quo tempore jam hederæ folium, non rotundum, sed fissum, & inter duo linteola aversum ponere supra fonticulum oportet, & quotidie mundare. Sed quæ curatio post factò fonticulo conveniat, scheda mea multos jam ante annos facta dilucidè explicat.

Hiscæ de Fonticulis ab Aquapendente accuratissimè traditis subjungamus jam eâ quæ rursus in hoc ipsò argumentò habet diligentiss. Anatomicus, Antonius Nuck, in suis Experimentis Chirurgicis.

Fonticulò in Sutura Coronali.

Hæc Operatio Italis magis, quam Nostratibus familiaris est, eamq; in Oculorum affectibus, Ophthalmia, Gutta Serena, Catharris, Asthmate, Insultibus Epilepticis,

Epilepticis, aliisque frequenter instituunt, certò si bi persuadentes, noxios humores in Capite collectos, ad inferiores corporis partes descensum minitantes, hanc viâ commodè expurgari posse.

Verum enim verò, pace illorum statuimus humores noxios, Fonticuli beneficio è corpore eliminandos, non speciatim in Capite colligi, ibidemq; solummodo hospitari, sed universæ sanguineæ massæ permixtos, ope circularis ejusdem motus per totum corpus oberare, ac ubicunq; obicem inveniunt pedem figere, variasque morborum species producere. Si itaq; in itinere suo circulatorio ad Fonticulum appellant, ibidemq; poros figuræ suæ proportionatos inveniunt, eos subingrediendo à reliqua sanguinis massa separantur. Quam separationem prolixius explicatam videre licet apud *J. Mays* in praxi Chirurg. Rat. *De usu Fonticuli, ejusque operandi ratione.*

Sequenti autem modo locum Fonticulo huic convenientem certo inveniri posse Veteres contendunt: Abrasis nimirum verticis capillis filum ducunt à naribus ad verticem, deinde aliud à media auris ad mediam oppositi lateris aurem extendunt. Ubi verò hæc fila se mutuo interfecant, ibi foramen cuti inurendum volunt.

Ast per fila tali modo ducta verus sæpe locus non assignatur; Coronalis siquidem Sutura non in omnibus craniis in uno, eodemq; semper reperitur loco, sed in aliis versus verticem elatior in aliis versus frontem declivior non rarò conspicitur, quemadmodum diversorum craniorum frequens inspectio ad oculum demonstrabit.

Verum locus iste digito melius, quàm ullo instrumento explorari poterit: In quovis enim fere subiecto Coronalis Sutura inæqualitate quadam & protuberantiâ leviori se prodit; In nonnullis verò depressa quodammodo persentitur. Unicum proinde filum à naso ad verticem ducendum, quod digito pressum Sutura Coronalis oram, quâ Sagittalem tangit, manifestissimè notabit,

Quoniam autem materia, quam Fonticulus hic plorat non ex cerebro, nostro quidem judicio, sed ex partibus cranium ambientibus proficiscitur, uno eodemque recidet, sive supra, sive infra Suturam Coronalem, sive in eadem cauterium applicetur.

Facili itaque negotio Operatio hæc sequenti instituitur modò: Inuratur loco modo notato profundum satis foramen cauterio quodam actuali, ab *Aquapendente* invento, à *Sculteto*, aliisque, præprimis à *Jobo van Mekeren* in Observationibus Chirurgicis distinctè admodum delineato. Postea escharæ separatio promoveatur *Ung. Basil. Butyr. recent.* & similib. vel.

℞. Unguent. Popul. ʒj.

Sapon. Nigr. ʒj.

M.

℞. Axung. Porc.

Butyr. Insuls.

Sapon. Nigr. aa ʒijß.

M.

Remotâ tandem Unguenti beneficio escharâ, quod ut plurimum tertio quartoyè die observari solet, pisum, globuluseve ex *Hedera arborescenti*, *Corio bovino*, *Arisol. Gentian. Irid. Flor.* & f. confectus cavitati indatur, ut locus apertus servetur, poriq; ulcusculi patentes maneant. Deniq; (superimposito jam Emplastro) fasciâ quâdam *Cancer* dictâ, vel strophiole deligatio instituitur.

De Setaceo, è Fonticulorum Classe.

Præter Fonticulum in Sutura Coronali excitatum, occurrit aliud Fonticuli genus, *Setaceum* dictum (quia

per foramina nuchæ inflicta filum ex fetis contortis olim ducebatur) evacuationis gratia à Veteribus institutum. Hinc in nonnullis Capitis morbis, quibusdam Oculorum affectibus, dolore Dentium, Obstructionibus, Asthmata & f. magnæ utilitatis fuit habitum.

Et licet inter Neotericos non deficiant, qui Fonticulum etiam hunc ut minoris momenti ex Medicina eliminandum volunt: multiplex tamen constat experienciâ magnum (præter expectationem post alia incassum tentata remedia) exinde ægros percepisse levamen.

Est autem *Setaceum* nihil aliud præter ulcusculum, in nucha inter primam & secundam, secundam & tertiam & quartam vertebra excitatum, ex quo indies materia quædam purulenta excernitur.

Hanc Operationem instituendi modus occurrit varius. Veteres magno cum apparatu stringebant cutim *Forcipe alata* ab utraq; parte foramen habente, per quod *acus*, interdum ignita, interdum non ignita, pro vario Medici scopo transmittabatur, unâ cum funiculo è fetis equinis parato.

Nos verò simpliciori, commodiori, & patienti minus dolorificâ methodo utentes, sequenti modo procedendum censemus. Capite dorsum versus paulisper reflexo, abrasisque (si opus sit) capillis locus postea pertundendus aramento tali modo notetur, ut puncta notata non ultra pollicis latitu linem à se invicem distent; mox cutis duplicata alterâ Ministri, alterâ Chirurgi manu elevetur, & cuspidè acûs ab anteriori parte parum incurvatæ, à posteriori rotundæ ligulæque lineæ, vel serico non contorto (*Belgicè Ulosfyde*) instructe perforetur, filumque ea parte, quæ sub cute latere debet, *Oleo Rosaceo*, *Ung. Basil.* aliove *digestivo* inungatur, ac sæpius horum vorsum trahendo moveatur.

Alii *Lanceolâ* cuspidè robustiori donatâ cutim elevatam pertundunt.

Hiscè ita peractis plumaceolum planum utriq; foramini applicetur: dein *Emplastrum glutinosum*, duobus foraminibus pro fili extremitatibus transmittendis donatum, imponatur, filumq; laxè ibidem constriatum linquatur, vel circa collum ducatur, ne ulceris latera dilacerentur, quæ denique compressa impolitæ fasciæ ope alligentur.

Si verò, uti non rarò contingit, hocce Fonticuli genus patienti nimis sit molestum, simplex tantum hanc in parte excitetur Fonticulus, solâ cutis incisione, globuli cerci aliorumque applicatione; quemadmodum Operatione sequenti sumus demonstraturi.

De Fonticulis in Artubus excitandis.

Propositis Sutura Coronalis & Nuchæ Fonticulis, examinandi veniunt illi, qui in frequentiori usu sunt & in artubus excitantur, quiq; ad varios capitis morbos tam internos, quàm externos, infantum & puëtorum motus Convullivos, Ophthalmiam, Tumores strumosos, Cephalalgias, Affectus Soporosos, Verriginosos & Spasmodicos sæpius & cum successu in usum vocantur.

Excitantur istiusmodi Fonticuli in *Brachio* inter musciculum Deltoidem & Bicipitem. In *Femore* interius supra genu ad trium quatuorve circiter digitorum transversorum distantiam (si à genu ipso mensurare incipias) inter Vastum internum & Sartorium musciculum. In *Pedis parte superiori* ad digitorum trium quatuorve latitudinem infra genu circa marginem Solei, vel inter Soleum & Gastrocnemium.

Parantur autem vel *Cauterio potentiali*, vel *Incisione*: Cauteriorum potentialium descriptiones passim extant apud

apud Authores Chirūgos. Si cui verò simplex aliquod arrideat, quod tamen profundè satis & minori quidem cum molestia, quàm quæ magno cum apparatu proponuntur, partes corrodit, utatur Cauterio ex *Calce viva*, & *Smegmate Hollandico* parato.

Admirandum etiam *Cauterium Barbettianum*, quod sequitur, præstat usum.

℞. *Sulph. Crud.*

Arsen. alb.

Antimon. crud. aa ℥ij.

Sulphuri lento igne separatim liquefacto, & Spatulâ agitato adde Arsenicum, & Antimonium pulverisatum, quæ tamdiu agitando misceantur, donec cum Sulphure uniantur & rubescant. Dein

℞. *Hujus Mixtur.* ℥j.

Cap. mort. Vitriol. ℥ss.

M. F. Pulv. aliquoties Sp. Vin. lavandus & sic candus.

Hoc medicamentum non tantum ad Fonticulos excitandos, sed & in mali moris ulceribus, imò Cancrosis, carnisque excrecentiis singularem sapius habet utilitatem.

Cui itaque *Cauterium potentiale* applicare placet, Emplastrum in medio foramine donatum, parti apponat, foramini dein partem caustici admoveat, eamque pulvillo, aliòve Emplastro tegat, tum tribus, quatuor aut quinque horis effluxis emplastra removeat, & escharæ, *Emplastrum Diapalm.* singulis diebus bis, donec separatio perfecta fuerit, applicet.

Nos verò incisionem, cutim videlicet manu elevando, & forfice vel phlebotomo diffecando, præferemus.

Escharâ interim separatâ, vel facto per incisionem Fonticulo, globuli ex plumaceolo formati, medicamentisque detergentibus inuncti, ulceri sunt apponendi, usque dum satis excavatum fuerit. Cavitate itaque satis magnâ existente, *Globulus cereus*, *ligneus* aut *argenteus*, vel *pisum* eidem imponendum, quod sæpius novo substituto auferendum: Hocque tamdiu continuandum usque dum vel morbus curatus, vel virium debilitas ulterius pergere prohibuerint.

Notandum interim dari patientes qui à Fonticulis excusari possunt ac debent: Illi nimirum in quibus hi Fonticulorum rivuli aut nimis aut minus quàm par est excludunt, & quibus intolerabiles dolores excitant.

Quomodo inflammationes, vicinarum partium exesiones, ulcuscula, excrecentiæ carnosæ, aliæque Fonticulis nonnunquam supervenientia mala, tractari debeant, de iis inter alios præprimis consule *Wulstium*.

Quæritur denique an *Fonticuli ad sterilitatem disponant*? Resp. si gravidæ nihil à Fonticulis levaminis sentiunt atque emaciantur, omittendos eos censemus. Si verò materia vitiosa quotidie excernitur, concipere non possumus, cur Fontanellæ in his nocerent, quum tamen experientia nonnumquam contrarium monstraverit.

De Fonticulis frustraneis, & salutaribus.

Clariss. Samuelis Ledelii, Miscell. Curios. Decur. iij. Ann. 1.

Ordinabam virgini nobili, in districtu Grunbergenfi, fonticulum ad brachium; apertum tenebat per annum & ultra, nec ullam sentiebat affectûs, ob quem adhibebamus, remissionem, idèò demùm claudēbamus absque periculo. Fœmina alia, in loco consueto supra genū ob mala uterina gestabat fonticulum, me ordi-

nante, nec hîc scopum attingi quem proposueram. Pastor scorbuticus & succosus in vicina Marchia portabat geminam fontanellam in brachio & pede per plures Annos, & quia absque juvamine servabat, idèò sanabamus. Pannifico Grunbergenfi, ob ulcus pedis instaurabam fonticulum absque euphoria. Idque quotidianum firmè est in foro Medico, ut quod huic prodest, secundo aut tertio nil emolumenti conferat. Hoc ipsum commovit plures ut penitus è campo Medico relegare ausi fuerint, generosum hocce Chirurgicum remedium. Non autem tam rigorosâ hîc opus est sententiâ: Pluribus, si non profecere fonticuli, plures etiam enumerare possemus qui singulari cum levamine aluerunt. Quem corripuerat Apoplexiâ Nobil. adhibito fonticulô, optimè habuit, & per plures annos supervixit: sponte autem exsiccato fonticulo, Apoplexiâ obiit. Alius asthmate seroso correptus, singulari cum emolumento per plures annos sanctè in brachio & pede servabat Infinitos alios non tango. Quemadmodum cum plurimis se res habet medicinalibus, ut huic laudabilia existant, & salutaria, alteri haud quaquam: & ita & hîc esse deprehendes. Occurrit singularis vasorum corporis constitutio, quæ in hoc & illo subiecto se exerit, in aliis non; applicatio quoque in causâ esse poterit, ab imperitâ manu administrata, ut quæsitus effectum non attingamus cauterio nostro: visciditas humorum incusanda itidem, & aliæ plures causæ, ob prolixitatem hîc non tangendæ. Lege si placet Dec. 1. Ephemerid. Curios. Anni 3. Observat. 156. ubi plures, quibus utiles fuere fonticuli, consignatos invenies.

Fonticulorum utilitas.

Clariss. Joh. Ludovici Hannemannii, Miscell. Curios. Decur. iij. Ann. 5. & 6.

Satis mirari non possum, quâ fiat, quod & generosissima præsidia artis Medicæ, quæ gravissimos morbos humani corporis curent, etiam fato calumniæ subjaceant, ut multi ea prorsus è Republicâ medicâ eliminare & proscribere velint, ac si prorsus inutilia humanoque generi damno forent, id genus sunt *vena sectio*, *purgantia*, *clysmata*, *fonticuli*, *setacea* &c. Cum autem, si Medicorum Observationes consulimus, docemur eorum ope & tempestivâ istorum administratione gravissimos morbos fuisse curatos, si secus quid evenit, illud vitium non ipsis præsidiiis, sed præsidiorum istorum abusu tribuendum est. Medicorum ergo est, pro istorum medicamentorum autoritate & dignitate pugnare. Ego jam aliquot exemplis & historiis hætenus dignitatem fonticulorum eorumdemque utilitatem asserui, alii alia defendenda sumant. Fonticuli utilitati asserendæ, ejusdemque commodo, quod in morbis curandis affert, commemorando, porrò meum dicabo laborem. Quidam Generosissimus Dominus oculorum laborabat caligine, capitis imbecillitate, ad hoc malum curandum fonticulum in brachio inuri suo passus est, dicto facto evanuit malum. Curat ergo rursum fonticulum ocludi. Quid sit? Recrudescit malum cum aliqua verrigine & pectoris angustia; patitur hoc malum per aliquod temporis spatium, tandem incidit in iussim cum gravissimo asthmate. Curat ergo rursum emunctorium artificiale fieri in brachio, experitur rursum magnum emolumentum, malo curato, postea rursum claudi fecit. Quid sit? post ejusmodi clausuram fontanellæ, rursum respiratio fit angustior, & rursum procul dubio incidisset in periculosissimum asthma, metuens autem illud, rursum fontanella in brachio aperta est, quæ ipsi jam

jam valde prodest. Sic hic Generosiss. Dominus satis suo exemplo expertus est, quem usum & effectum habeat fontanella in curandis humani corporis morbis, & quod fontanellâ occlusâ, materia peccans sese in pectus infundat. Minime itaque *Excellentiss.* *Moxvelli* opinio, (quem autorem cæterum ob curam *Magneticam* cujus & ego defensor sum, magni æstimo) complectenda; quam fovet in sua *magnetica Medicina*. l. II. c. 4. p. 128. &c. Quem locum quoque citat *Excellentiss.* *Spleissus* in suis aureis annotationibus ad *Zapata Mirabilia*, cap. 52. pag. 440. Sed quid dicendum est quod legatur in *Fortunati Fidelis relationibus*: observatumque est à peritissimis viris (*Picomercat.* 3. de affect. mulierum 5.) eos qui fonticulos in brachiis diu apertos tenuerunt, ut multum inde humoris emanarit, aut qui cervicem trajecto setaceo sauciata gerunt; magna ex parte steriles esse. lib. 3. c. 4. p. 364. Verum respondemus (1.) fallaciam causæ, (2.) à particulari ad universale non valet consequentia, (3.) è contra multi habent fonticulos in brachio apertos, qui tamen copiosâ prole gaudent. Historiam hanc transcripsimus è nostris *philomatheticis* *Chiliade* 2. Cent. 6. Lemmat. 92. quæ publico destinavimus. Similis farinæ historiam commemorat Nobiliss. *Vitus Riedlinus*, in suis *Lineis Medicis*, Mense Martio Lemmate XXX. p. 91. Hæc hac vice in Apologiam & defensionem fonticulorum sufficiant. Et ex hac mea & Nobiliss. *Riedlini* historia quilibet Alger & Medicus hoc capiant monitum, ne temerè ista emunctoria, quæ aliquantum temporis spatium aperta fuere servata & humorem excreverunt, occludant. Et quamvis interdum hæcce emunctoria huic vel illi damno fuerint, non tamen propterea illorum usus tempestivus improbandus vel damnandus. Quippe nullum corpus sub sole, quod non huic vel isti damno esse queat, licet aliàs plurimis maximè utile & proficuum sit. An fonticuli sterilitatem inducant? hoc quæsitum prolixè definimus in nostris *philomatheticis* Cent. 4. *Chiliade* 2. Lemmate 41.

Fonticulorum applicatio, non omni tempore tuta.

Clariss. Joh. Adami Lospichleri; Ephemerid. German. Cent. 1. & 2.

Quales Archeus, modò timore, modò horrore subitaneo concitatus, nec non gaudio, ac ipsâ animi tranquillitate satisfactus, tenerrimis infantium corpusculis, utero adhuc inclusis, susque deque solâ continuatâ inspectione, blandiendo, quasi inurat maculas, vix non integra loquuntur volumina, & quotidianæ testantur experientiæ, sic etiam lumen soli apponatur, & noctuæ Athenas deportantur, enarraudo hunc casum, eundem tamen, ob rei veritatem reticere nolui, estque hujus historia sequens.

Prænobilis quædam fœmina, temperamentis phlegmatico-biliosi, ac corporis obesi, al quarum jam prolium mater noviter impregnata, eodem, quo semper utero gerens, correpta fuit capitis dolore gravissimo, repetitum affligitur, nullo tum temporis medicamento remedibili, quam ob rem præmissis præmittendis, usus fonticulorum proponitur, admittitur unus, & doloris requies sequitur ex hac parte, applicatur & alter, sicque totum caput liberatur, interim tempore debito hora partus instat, & quidem felicissima, parturit etenim feliciter, at infantem fœminei sexûs, cui-

jus nates firmiter aded cohærebant & connectuntur, ut debita partium divisio nulla, loco ani consueti verò in plano nonnisi foramen parvulum ad instar fonticuli signatum observaretur; at observabatur tantum, siquidem hæc ipsissima recens nata jam jam hydropica & summè debilitata inventa fuit, sicque paucas post horas, accepto sacro fonte fati cessit, & vitam cum morte commutavit, hujus matris soror, elapsis, antecederet aliquot annis conjugii fructum & effectum percipiens, de convivio quodam splendidissimo binis milliaribus distante, ac reliquis ferculis laudatissimis, in abundantiam rerum, & limaces apponendas fore, certior facta, eo pruritu & appetitu vix non explicabili esum limacum phantasiæ impressit, ut hunc unicum cibum constanter tum temporis desideraret, ac cum hoc ipsum desiderium occultaverat, & alibi locorum hujusmodi cibus non ad manus erat, filium debitò tempore peperit, cujus membri glandem formosissima limacis figura, quo ad omnia condecoravit: & hæc ob loci ac figuræ raritatem.

FORCIPES, earumque varia genera.
Vid. sub Titulò, INSTRUMENTA
CHIRURGICA.

FORMICA CORROSIVA AVICENNÆ

Est Herpes exedens.

De qua vid. sub titulò

HERPES, in CUTIS VITIIS

FRACTURA.

In Fracturis explicandis adhibebimus *Celeberrimi Hieronymi ab Aquapendente, Librum de Fracturis*; ut & illum quem etiam in eodem argumentò conscripsit, *Clariss. Joh. Munnicks*; Quibus subjungemus varias *Observationes &c.*

Hieronymi Fabricii ab Aquapendente Liber.

De Fracturis:

Cap. I. De Definitione, causis; & signis
fracturarum.

SI Continui solutio in osse fit à causa interna, id est, ab humoribus corporis erodentibus, dicitur Caries; de qua nes capite 10. lib. 3. in ulcerum doctrinâ, agimus; si fit ab externa; dicitur Fractura, de qua jam agemus. Definitur autem à Paulo, c. 89. lib. 6. quod Fractura sit solutio continui in osse; à violentia quadam extrinsecus adveniens.

Differentiæ fracturarum, secundum Galenum cap. ult. lib. 6. Meth. sumuntur à figura, à magnitudine, ab ossium fractorum varietate. A figura, fractura est, vel recta, id est, quæ fit per longitudinem; vel transversa per latitudinem; vel obliqua, quæ è prædictis quasi componitur. Secundò fractura est magna, vel parva. Tertiò, differentiæ sumuntur à subjectis, id est, ab ipsis ossibus fractis; vel enim fractum est femur, vel humerus, vel costæ, & cætera;

Inter causas fracturæ, rarissima est instrumentum erodens, ut ignis actualis, rara pungens; frequens, secans; & frequentissima, tum rumpens, tum contundens.

Fractura sine vulnere existens, cognoscitur primò è cavitate, quæ percipitur, si sub, & supra fracturam pars tangatur. Secundò, si contrectetur membrum fractum, & plerumque solet efficere crepitum, seu fragorem, in loco fracto; ob durorum corporum mutuam affricationem. Tertiò dolor vehemens adest: ob divulsionem nervorum; aut ob distorsionem corporum nervosorum, aut ob puncturam eminentiæ alicujus ossis in nervoso corpore. Quattum signum est impotentia sustinendi membrum fractum, & innitendi in ipsum. Postremum signum est, si præcesserunt causæ fracturarum, & simul proposita signa adsunt. Hæc signa perpetuò comitantur; interdum verò etiam adest membri tortuositas, & brevitæ, sed non semper. Si vulnus adjunctum sit fracturæ, præter signa proposita, digito, aut specillo immisso, ruptura vel asperitas ossis perferretur, & hæc de fractura transversa. Quod si os secundum longitudinem fractum sit, primò adest membri crassities, ultra naturalem statum; deinde dolor, tum membri inæqualitas.

Quoad præsagium, fractura ossium non vacat periculo; quia necessariò solutio continuæ sit magna; in parte quidem carnosa, si sit vulnus; tantum vulneratur, quantum instrumentum incidens vulnerat, non ultra, at si os rumpatur, propter frigiditatem, & continuitatem, non potest frangi, nisi totum frangatur. Fractura etiam periculosa est; quia sit in loco profundissimo, ad quem Chirurgi manus pervenire non potest. Aliæ etiam aliis magis sunt periculosæ: nam fracturæ in osse magno, difficilius curantur, quàm in parvo, multiplex, quàm simplex; cum vulnere, quàm sine vulnere; juxta articulos, quàm longè ab his.

Cap. 2. De arcenda inflammatione in fracturis.

Curatio fracturarum requirit unionem; unio autem fieri nequit, nisi hæmorrhagia præcaveatur, & inflammatio, secundum Celsum, cap. 26. lib. 2. Hæmorrhagia quidem in ossibus non est formidanda, ut in carnosissimis partibus, nisi fracturæ sint cum vulnere; ad ossa enim non feruntur insignes venæ, & arteriæ; cum in durissimo corpore calor exiguus minimus de substantia dissipare queat; inflammationem verò hîc summè formidamus; & quidem magis, quàm in parte carnosa; propter dolorem enim sit attractio, propter imbecillitatem, multa excrementa tum recipiuntur, tum generantur, quæ à parte fracta amplius extrahi non possunt; augetur periculum, quod ossa in multa carne sepulta jacent. Prohibetur autem inflammatio, remotis causis: ut abundè in vulnere carnis simplici, supra cap. 4. lib. 2. ostendimus.

Cap. 3. De curanda fractura transversa; sine vulnere, & primùm de coaptandis partibus ossis fracti.

Accedamus ad ea, quæ tantum ipsius fracturæ curationem respiciunt, & primùm agamus de fractura transversa sine vulnere. In hac fractura indicatur unio ossis, quæ non per primam inten-

tionem, nisi in infantibus, sed per secundam fieri potest, interventu scilicet calli supernati, & fractas partes circum alligantis. Scopi ergo hi proponuntur; primùm fracti ossis partes rectè committere; secundò, commissas servare; tertiò, partium adjacentium saluti consulere; quartò, callo generando studere; quintò, accidentia corrigere.

Ut rectè committantur partes, opus est extensione, & coaptatione; quia enim in fracturis, potissimum transversis, ossa distorquentur, rectitudo membri deperditur, accidit ut quædam partes emineant, & alibi cavitates contrahantur; quoniam verò una ossis fracti pars alteri superponitur, membrum necessariò fit brevius, quia musculi perpetuò membrum trahunt versus suum principium, qua de causa extensio est necessaria, quæ partes fracti ossis, quæ directæ non jacent, in directum agat, & eminentias in suas cavitates recondat. Et quamvis interdum membrum non videtur brevius fieri, ut si è duobus constet ossibus, & alterum tantum frangatur, vel si una pars ossis fracti non superponatur alteri, nihilominus, si proba debet fieri coaptatio, necessariò in omnibus fracturis transversis fieri debet extensio, aliàs enim periculum est, ne eminentiæ frangantur; si absque extensione velimus os distortum dirigere, & circum rotare, aut confricare mutuò partes ossis fracti; nam si eminentiæ frangantur, tunc vel intercidunt inter ossa coaptanda, & sic coaptationem impediunt, vel procidunt extra ossa, & excitant dolorem tum distendendo, tum pungendo partes nervosas; hæc incommoda in *avtíades* vitari possunt. In extensione autem modus est servandus; Si enim validior sit quàm requiritur, oritur dolor insignis, unde febres, & convulsiones & resolutiones, interdum etiam musculos esse divulsos Gal. scribit. Com. 1. lib. 1. de fractur. Si mitior sit extensio, quàm par est, confricabuntur invicem ossis eminentiæ, & aut frangentur, aut in proprias cavitates non recondentur; proinde ossa grandia, & musculi magni, qui membrum robustissimè trahunt versus suum principium, validissimam postulant extensionem, talia ossa sunt, primum femur, deinde humerus, & tibia; tertiò cubitus, post quæ in summa manu, & summo pede sunt. Præterea si utraque ossa sunt fracta, minimam extensionem postulat radius in cubito, id est, os superius; quia hoc os non habet musculos, qui sursum trahant, cum moveatur pronum, & supinum. Oportet etiam observare debitam figurationem, id est, ut membrum extendatur in ea figura quæ minimum facit dolorem, quod sit si fibræ musculorum in rectum intenduntur, & musculus integer in una membri parte conservetur. Pueri, & qui molli sunt corporis habitu, validiorem tolerant extensionem; contrà, adulti, & duri. Denique pendendum est fracturæ tempus, si enim Chirurgus primo die adveniat, validius extendere potest: at si post primam diem, aut non debet extendere, aut mitius, propter influxos humores, & metum inflammationis; secundum Celsum cap. 10. lib. 8.

Instrumenta extensionis sunt triplicia; Primum manus Chirurgi, ad debilem; seu exiguam extensionem. Secundò, funes, & habenæ, ad mediocrem. Tertiò, organa, & machinamenta, ad validam.

Laxatis igitur instrumentis extendentibus, optima fit partium ossis coaptatio; quam factam esse, tribus signis dignoscimus; Primo, si membrum fractum sano in figura respondeat. Secundò, si tactu nulla cavitas, asperitas, vel inæqualitas in osse fracto notetur. Tertiò si dolor mitescat.

Cap. 4. *Quomodo partes ossis fracti unitæ servari debeant.*

Secundus fracturas curandi scopus est, ut partes coaptatæ servantur; quod fit deligatura, quæ ita fieri debet, ut & partes commissas servet, & inflammationem arceat.

Hippocrates tribus utitur fasciis, è linteo non nimis crasso, vel renui, ne vel premat, vel rumpatur. Primam fasciam ter obvolvitur circa fracturam; deinde sursum circumvolvitur, usque ad bonam membri partem; ita ut tres, aut quatuor, vel plures circumvolutiones faciat.

Hoc modo stabilitur fractura, dum ter lintheum obvolvitur; arcentur etiam humores, qui inflammationem facere possunt, tum influxi, unde ter circa partem fractam fascia volvitur; tum qui adhuc influunt, maxime à partibus superioribus; vasa enim inferiora, sensim in nihilum terminantur, unde fascia sursum circumvolvitur. Secundam fasciam, prima duplo longiorem, contrario modo obvolvitur; si enim prior versus dextram, hæc versus sinistram obvolvitur; ut si musculus aliquis, nimirum per primam fasciam, ad partem aliquam sit attractus, restituitur in partem contrariam, per secundam fasciam; quæ semel circa fracturam obvolvenda est; deinde, ut exprimantur humores influxi, deorsum est circumducenda, usque ad aliquam membri partem, factis scilicet tribus, quatuor, aut pluribus circumvolutionibus, si opus sit; postea oportet sursum redire per ipsam fracturam, & præterire, circumvolvendo etiam ipsam fracturam, quousque tandem ventum sit ad finem prioris fasciæ, ubi & secunda fascia terminanda. hæc fascia, vi dixi, primò obvolvitur circa fracturam, ut humores ab hac exprimat; deinde deorsum fertur, ad detinendum humores, qui à partibus inferis ad fractam partem fluere possunt, ceu ad debilem; & quia timor est descensus humorum à parte superiori, ob id Hippocrates non terminat fasciam deorsum, sed sursum eam circumvolvunt, ut finem habeat, ubi prior finitur. Hæc duæ fasciæ inflammationem potius arcunt, quam fracturam stabiliunt; ad hanc enim plures circumvolutiones requiruntur.

His factis, apponit Hippocrates circa fracturam, pannos quosdam triplicatos, aut multiplicatos, ejus longitudinis, formæ, & cujus sunt fasciæ parti obvoluntæ at angusti, ut 5. 6. aut plures possint circa fracturam accommodari; inuncti hi cerato modico, si enim copiosum esset, ceratum disfluerent, non autem continerent, apponuntur per longitudinem, circa partem fractam tot, quot requiruntur, ita ut unius digiti vel duorum spatium inter unum, & alterum intercedat. Dicuntur plagulæ, & splenia, à forma oblonga; suppleant vim glutinantis medicamenti; & præterea leniunt dolorem, dum compressionem fasciarum prohibent. Tertia Hippocratis fascia, plagulas jam dictas firmat; initium circumvolutionis hujus fasciæ fit à fractura; deinde alterum hujus fasciæ caput sursum, alterum deorsum volvitur. Id notandum, fascias ma-

gis constingendi debere in parte fracta, quam alibi, ut pars fracta magis illæsa servetur ab humorum defluxu.

Celsus alium deligandi modum ponit, c. 10. lib. 8. Primum enim circa fracturam injicit linthea; in oleo, & vino uncta; deinde sex ferè circumducit fascias, quarum prima est brevissima, & ter circa fracturam obvolvitur, ter etiam circumvolvitur circa partem membri superiorem, altera d. medio longior, incipit à fractura, & deorsum circumducitur, postea sursum reducta, in parte superiori ultra priorem fasciam debet desinere. et hæc sunt duæ primæ fasciæ Hippocratis. Super has latius lintheum cerato oblitum est obducendum, ut priores fascias contineat, & ubi os eminet, semper enim membrum fractum propensionem habet ad illam partem, ad quam in ipso frangendi actu propensionem habuit, semper apponendus est pannus triplex, vel multiplex, eodem vino, & oleo madens, ei parti, quæ illi contraria est in quam membrum inclinatur. Ego interdum pannis utor, interdum stupâ, quam madefacio in vino nigro austero, si volo roborare, & arcere inflammationem; vel in ovi albumine, si fractura dolore caret, & solum stabilire volumus. Celsus madefacit in vino, & oleo, potissimum rosaceo, si dolor scilicet infestat. Latiore lintheo applicato, circumvolvere oportet quatuor reliquas fascias, ita ut sequens semper priori sit adversa, & tertia in inferiori parte, reliquæ omnes in superiori terminum habeant.

Celsi igitur deligatio ab Hippocratis deligatione differt; nam Hippocrates tribus utitur fasciis; Celsus sex; Hippocrates utitur plagulis, quarum loco Celsus latiora linthea usurpat; Hippocrates cerato utitur, Celsus vino, & oleo. Si dolor aliquis momenti partem infestat, Celsi deligatura magis prodest; at si dolor est vel nullus, vel exiguus, præstat deligatio Hippocratis, quæ maxime à Galeno probatur, cap. 5. lib. 6. Meth. Recentiores statim sumpta fascia, è duplici initio deligant fracturam, non animadvertentes, quæ Hippocrates, & Celsus scripserunt. Nos autem medicinæ principes sequemur.

Terminus adstringendi debet esse bona laborantis tolerantia, ut deligatura leviter premat, & sic tum contineat, & stabiliat fracturam; tum humores exprimat. Sunt etiam alia hujus signa; quæ altero die apparent; si enim æger eo die, quo deligatus est, sentiat se valentius constingendi, postera verò die tumor latus, mollis, & parvus appareat, in manu quidem, si brachium; in pede verò, si crus fractum sit, bona est deligatio; quia jam humores à parte fracta sunt expressi; si verò aut nullus tumor, aut magnus, & durus postredie in manu vel pede appareat; prava est deligatura; quia illa non continet; hæc verò nimis arcta est, & inflammationem movet.

Tertio die; à deligatione factas Hippocrates fascia, resolvit, tunc enim incipiunt laxari, quæ prima causa est, cur solvantur; altera causa est, quod frequentissimè in fracturis intolerabilis pruritus infestat, ob humores, & vapores per deligationem detentos, & aciores redditos; qui pruritus terminari solet in excoriationem cum dolore, & inflammatione; & tunc solvendæ fasciæ, parsque pruritu infestata, sæpe aquâ tepidâ perfundenda, ut sic omnia evaporent; postea rursus membrum

membrum deligandum. Facta bona deligatura, & pruritu non infestante, à tertio usque ad septimum, oportet ægrum deligatum detinere; septimo membrum rursus solvendum, perfundendum tepida aqua, & ligandum.

Sed hoc tempore, vice plagularum, oportet ferulas, ita Hippocrati dictas, apponere, nostro tempore, quia non habemus copiam ferularum, chirurgi utuntur laminis è ligno factis, è quo fiunt vaginæ ensium vulgò assulas vocant, quas stupâ obvolvunt; alii utuntur charta, seu papyro crassissima; alii ligneis frustulis, digitum crassis, utuntur. Horum usus est, non solum immobile, sed etiam rectum tenere membrum; quod optimè præstant ferulæ; quæ cum lævissimæ sint, non premunt, nec inflammationem movent; quatenus verò sunt rigidissimæ, rectum servant membrum. Assula faciliè incurvatur, ut & charta illa crassissima oleo præsertim, aut vino madafacta; ligna autem crassiora valde premunt, & movent inflammationem. his utebatur Hippocrates, deinum post septimum; quia ante septimum magis urgebat intentio arcendæ inflammationis, quàm intentio stabiliendi fracturam; post septimum autem contra accidit.

Cap. 5. *Quomodo Ossis substantia salubris conservari debeat.*

TERTIVS scopus curationis fracturarum est, substantiam partis salubrem conservare; natura enim, id est, partis temperies, os unite nequit, nisi pars sit sana, quia ergo pars fracta debilis est, ut corporis excrementa ad eam faciliè confluant, ut etiam ob coctionem debilem multa excrementa secernantur, & expelli nequeant, & præterea, quia in osse fracto, etiam optimè coaptato, cavernulæ tamen quædam remanent, quæ postea sanie replentur; idcirco ut partem salubrem conservemus, opus habemus medicamentis, quæ materiam influxam desiccant, & influentem repellunt, uno verbo, adstringentibus.

Hujus præsidii materiæ variæ sunt: nam Hippocrates utitur cerato, deinde vino nigro austero. Celsus linteis, oleo, & vino tinctis. Recentiorum quidam sumunt linteum vino nigro austero expressum; quidam stupam pexam, vino nigro austero expressam; quidam vinum, & oleum sumunt, hisque admiscunt pares portiones pulverum boli Armen. sang. dtac. myrtillorum, balauft. rosarum rub. Alii præter hos pulveres, subigunt ovi albumen, & faciunt medicamentum instar mellis crassum, imponuntque supra stupas pexas, aut supra latius linteum. Quidam sumpto ovi albumine, & vino nigro austero, admistis pulveribus propositis, absque linteo, aut stupâ, membrum fractum circuncirca illinunt; et hæc medicamenta, propter ovi albumen, statim siccantur, & valde parti adhærescunt. Nonnulli fascias è vino nigro austero expressas circumvolvunt, ut firmius hæreant.

Quantum ad horum usum attinet; scopi considerandi sunt, nimirum primò, arcere inflammationem; secundo, substantiam partis salubrem conservare; terriò dolorem lenire. Debet

etiam perpendi, tempus anni, habitus corporis, ætas, fracturæ magnitudo. Si ergo dolor urgeat, ceratum Hippocratis supra latius linteum convenit; supra ceratum autem hoc, aliud linteum è vino nigro austero expressum circumponi debet, ad inflammationem arcendam. Si fiat ceratum è cera, & oleo rosaceo, vel myrrino, leniet dolorem, ratione olei, arcebit phlegmonem, & stabiliet fracturam, ratione adstrictionis. Si dolor sit exiguus, non tamen omninò despiciendus, magis incumbimus in id, ut phlegmonem arceamus, & fracturam stabiliamus; unde sumimus oleum rosar. vinum, & ovi albumen, his pulveres dictos, ad mellis crassitudinem miscemus, & cum linteo, aut stupâ apponimus.

Si nullus ferè adsit dolor; tunc totis viribus arcemus inflammationem, & stabiliamus fracturam; ideòque ab oleo abstinemus. Si habitus corporis sit durus, tempus æstatis, fractura magna, ut in femore; ovi albumini miscemus pulveres constingentes propositos, additis corticibus granatorum, gallicis immaturis, succo hypocyttidis, quæ stupis imponuntur; supra stupam autem imponimus latius linteum è vino expressum; aut si non placeat tot linteâ obvolvere, primam fasciam, itemque secundam è vino nigro exprimimus, & circumvolvimus. Et his medicamentis substantia partis salubris conservatur; quæ omnia ante deligaturam sunt imponenda.

Deligaturæ succedit positio, seu collocatio membri, lib. 13. de illis, quæ fiunt in medic. Comm. 51. 52. & 58. lib. 2. de fract. Hæc secundum Hippocratem debet esse mollis, ne premendo dolorem inferat; æqualis, ne distorqueat; sursum versus, ne humores descendant. Hinc chirurgi membrum fractum collocant in lecto, & molli stragulo; vel pulvinar è molli lana, aut pluma, parti fractæ circumligant; vel chartam crassam, chartone vulgò, in canalis modum conformant, & intus stupa subfulciunt, in cubito, & iis ossibus, in quibus æger non cogitur in lecto degere; si autem in lecto decumbat, nil melius est, quàm formare capsulam è tabulis ligneis tenuibus, & stupâ multa, aut lana implere.

Præterea, in positione, sicut etiam in extensione, & deligatione, oportet congruam membrifigurationem considerare; quæ scilicet dolore vacat, & musculos integros servat ex utraque parte; hæc autem est figura media, in qua, dum oriamur, singula membra continere consuevimus; ut in cubito, figura angularis; in carpo recta, &c. ea nimirum, quæ inter extremos cujusque membri motus intermedia est. Hæc figura nisi observetur, exiguo post tempore membrum dolere solet.

Cap. 6. *De Callo in fracturis generando.*

QUARTVS scopus est callum genetate; quod faciendum, postquam timor inflammationis recessit, plerumque circa diem septimum, secundum Galenum cap. 5. lib. Method. Licet interdum citius hoc fiat, interdum tardius, pro magnitudine fracturæ, anni tempore, ætate, habitu corporis, ut supra etiam de simplici carnis vulnere diximus; dum enim affluxum adhuc timemus, non possumus studere generationi calli; quia natura partis læsa non potest callum generare.

Generatur

Generatur autem callus, ex ossis alimento, quod à labiis fracturæ exsudans, circum ossa fracta concrevit; & licet non sit os, ita tamen durus est, ut si membrum illud rursus frangi contingat, potius in alia parte frangatur, quam ubi callus est genitus. Duo igitur hæc indicantur, primum, ut congrua materia suppeditetur. secundo, ut à labiis fracturæ non eluatur, aut foras evocetur.

Quoad calli materiam, cibi debent esse crassi; quia ossis alimentum crassum est, & simul visceri; unde utendum oryza, frumento in aqua cocto, farre, pedibus, ventribus, & capitibus animalium, potissimum vitulorum, & castratorum; dabitur etiam cutis hœdi, & vervecis, crura vaccina. Vinum tunc exhibendum omnino est, idque nigrum, & crassum; debet autem victus è tenui in pleniorē mutari.

Medicamenta etiam per os dari solent, quæ ad callum generandum, & induendum faciunt; ut succus primulæ veris, pluribus diebus potus; pulvis radicis agrimonie, in vino sumptus, aut succus ejus epotus.

Localia erunt emplastica; unde in pueris, & mulieribus, paramus emplastrum è farina volatili, & ovi albumine; in adultis, apponimus hoc emplastrum; R. boli Arm. thuris, myrrhæ, aloes, acaciæ, tragacanthæ, ladani, gallarum, nucum cupressi, ana part. aqu. in pollinem redacta, immiscetur ovi albumini, cum modica farina volatili. Utimur etiam perfusionibus, è decocto granorum, & foliorum myrti, radicis ulmi, radicis, & foliorum fraxini; item è succo foliorum vitis albæ. Hæ perfusiones fiunt, quando ligatura resolvitur, antequam emplastrum apponatur, & deligatura adhibeatur. Inter cerata à chirurgis usurpatur emplastrum Barbarum; item oxycroceum; tempore Hyemis, Veris, & Autumni, quia sunt calida; Diapalma verò, tempore æstatis. Sic ergo materiam paramus aptam ad calli generationem, tum victu, tum medicamentis.

Ne autem materia hæc, è qua callus generari debet, foras evocetur, oportet deligaturam mutare; non enim amplius pars ita deliganda est, ut humores exprimentur, sed ut persistant, & concrevant circa fracturam. non ergo tam frequenter fractura est deliganda, ut prius, sed quinto quoque die; laxiores etiam debent esse circumvolutiones; at in prioribus deligationibus non est tantum intervalli interponendum, sed videndum, quomodo callus in fractura procedat. satis ergo erit, duos dies protrahere deligaturas sequentes, & interim prospicere oportet, num tantus, talisque callus generetur, quantus, & qualis requiritur. Quomodo autem callo minori, vel majori occurrendum, infra paulo post docebitur.

In fractura per longitudinem facta, eadem prorsus curatio adhibenda, quæ in transversa, saltem ut deligatio magis adstringatur; alias enim facile posset decidere. cap. 5. lib. 6. Method.

Cap. 7. De Symptomatibus fracturæ supervenientibus.

QUINTVS succedit scopus, nimirum correctio accidentium, quæ fracturis solent supervenire, & curationem retardare; ea verò sunt, dolor, inflammatio, pruritus, excoriatio, callus justò

Bibl. Chirurg. Tom. II.

major, vel minor. membri debilitas, gracilitas, depravata figura, gangæna, vulnus.

Si ergo dolor infestat, leniendus est anodynis; ut lana succida, infusa in oleo, & aceto simul mistis, & coctis; spongia ex oleo rosarum expressa, & imposita, inunctio ex oleo chamæmelino, & lumbricorum; deinde linteum vino nigro austero imbutum, & impositum, quibus omnibus actu calidis utendum. Hippocrates utitur cerato, quod præstantissimum est, si ex oleo rosato fiat. Convenit fomentum cum spongia expressa in aqua, in qua malva, & chamæmelum bullierint.

Inflammatio nondum orta ut præcaveri debeat, diximus; quod si autem oborta sit, apponimus hoc medicamentum. R. rad. alrhææ, florum chamæmeli, violarum, ana. M. j. coctis in aqua, & contulis. adde farinæ hordei unc. iv. sap. unc. iii. olei ros. viol. ana unc. iii. vini nigri, aut aquæ hordei q. s. Misce pro cataplasmate si calor magis urgeat R. fol. violar m, balaustrorum, plantaginis, an Manip. sem florum chamæmeli Manip. i. decoquantur in aqua, & cum oleo rosæ ac chamæmel aquis portionibus simul mistis, fiat emplastrum, si inflammatio sit in declinatione, utimur fomento è florib. chamæmel. & bet. decoctis in vino albo, item fomento è rolis, & calamintha, similiter decoctis.

Si pruritus infestat, ob detentos humores, perfundatur locus aqua calida, ut poris apertis, flatibus, & vapores disflentur: aut foveatur locus spongia aqua calida imbuta, & expressa. perfusio, & fomentum maxime conferunt, ex aqua marina, quæ propter salem, expurgat, & poros aperit.

Neglectus pruritus terminari solet in excoriationem dolentem, & interdum inflammatoriam, cui occurrendum est exsiccantibus, & refrigerantibus. Aestate igitur, confert unguentum de cerussa, & in calore insigni, unguentum de cerussa caphuratum; si æstas sit, & corpus calidissimum, convenit unguentum populeon; item linimentum simplex dictum, recens; aliis temporibus, prodest unguentum è lithargyro, unguentum de minio. hæc omnia sunt refrigerantia, & siccantia; sed differunt secundum magis, & minus.

Callus interdum justò est, vel minor, vel major. si minor, signa sunt, quod pars ad motum redit debilis, & si pars fracta tangatur, callus aut nullus, aut exiguus sentitur. Fit autem hoc, vel quia æger tenui usus est victu, vel cibis aut non crassis, aut non visceris, sed friabilibus; deinde, quia fasciæ nimis fuerunt adstrictæ. Debet ergo major reddi, per victum pleniorē, fasciæ sunt laxandæ, medicamenta adstringentia mitiora reddenda; attrahendi etiam humores perfusionibus ex aqua calida, non admodum tamen, ne attracti rursus evaporent, donec pars rubescat, & in tumorem attollatur, tunc enim desistendum. Si callus supra modum sit auctus, signa sunt, quod tactu percipitur, & comprimendo musculos, partesque nervosas, dolorem infert. Denique pars redditur inepta ad motum, propter dolorem & compressionem. In hoc casu omnia contraria sunt faciendæ; quo ad victum, fascias, &c. deinde callus molliendus, & digerendus: unde fiunt emplastra è radicibus alrhææ, foliis malvæ, & meliloti, decoctis in aqua cum axungia anatis. Antequam autem emplastrum apponatur, fiunt perfusiones ex eodem decocto. Facta emolitione fiunt postea perfusiones ex aqua, in qua decocta sit betonica, scabiola, scordium, parietaria, & tandiu

& tandiu fiunt, donec non tantum pars rubefiat, & in tumorem attollatur, verum etiam decidat, & corrugetur.

Si gangræna oriatur, statim initio partem debemus perfundere, & abluere lixivio, in quo decocta sint scordium, & plantago, deinde apponendum emplastrum, factum è farina lupinorum, pulvere scordii, & oxymelite, cum modico lixivio.

Si membrum gracile reddatur, vel remaneat, propter nimiam, fasciarum adstrictionem, aut propter nimiam perfusionem, aut nimios motus, aut paucitatem viscosi alimenti; æger nutriendus est; deinde administrandum balneum ex aqua dulci, in qua si aliqua portio carnis decoquatur, erit melius; præterea, picatio efficienda apposita pice, supra linteum ducta, & multoties velociter ablata, ut dolor quidam excitetur, ratione adhæſionis, & pilorum; ob quem dolorem alimentum attrahatur, & pars nutriatur. tandem perfusio facienda est aquâ calidâ.

Post curatas autem fracturas, sæpè membrum in figura depravatum, & distortum manet, quoniam ossa non bene sunt coaptata; id quod fit, aut propter incitiam medici, aut propter motus ægri inordinatos; aut pravam deligaturam. Si ergo læſio membri in suis motibus non sit effatu digna, æger forte sua contentus esse debet. Si effatu digna sit membri læſio in suis operationibus, & æger sit senex, ac debilis, callus vetustus, os fractum magnum; æger similiter forte sua contentus erit, At si æger sit juvenis, & robustus, callus recens, os fractum exiguum, unicum erit refugium fracturam denuo rumpere, ubi tamen prius per multos dies, quantum fieri potest, callum mollire debemus, perfusionibus ex althæa, & malvis, lutis, thermalibus D. Petri & D. Bartholomæi, vel lotuta lanarum, œsypo; multæ frictiones fient, digitis œsypo inunctis; fient perfusiones ex aqua, cui incocta sint folia cicutæ. utimur etiam emplastro è foliis cicutæ, cum axungia porcina. deinde rursus os frangitur, manibus, vel digitis impellendo, seu comprimendo.

Si callus fuerit durior, frango, instrumento attrahente in diversas partes; deinde fano, ut hætenus docui.

Cap. 8. De Curanda Fractura cum vulnere, in qua nec os nudatum est, nec aliquo ossis frustulum abscessurum expectamus.

IN fractura cum vulnere, vel os nudatum est, vel non est nudatum. Præterea, vel frustulum ossis abscessurum esse opinamur, vel non. Nos primum de ea agemus, in qua nec os nudatum est, nec frustulum ossis abscessurum putamus. In hac satisfaciendum est & vulnere, & fracturæ scopis, idque alternatim.

Primo enim coaptanda sunt ossa, per extensionem, ut supra docuimus in primo scopo fracturæ.

Deinde satisfaciendum secundæ, & tertiæ indicationi vulnerum, id est labia vulneris ad mutuum contactum adducenda, & adducta conservanda, quod sit futurâ, aut fibulis.

Postea incumbimus tertio scopo fracturæ, & quarto scopo vulneris, id est, substantiam fractæ, & vulneratæ partis salubrem conservamus, imponendo medicamenta supra vulnus confutum, & fractu-

ram coaptatam, quæ cum dolorem leniant, si adsit, tum inflammationem arceant, id est materiam influentem repellant, influxam exsiccent, & procul à parte exprimant, qualia sunt adstringentia, & glutinatoria, de quibus supra fusè. In præsentia si dolor adsit, & sit hyems, utendum est cerato picato, quod, secundum Hippocratem, dolorem lenit si æstas, cerato rosato aliis temporibus, cerato simplici. Si dolor non adsit, magis est incumbendum stabiliendæ fracturæ, & inflammationi arcendæ, unde superponere debemus stupas pexas, & ovi albumine illitas; vel linteum è vino nigro, & oleo rosato expressum. Si pars omnino sit experta doloris, possumus etiam uti pulveribus adstringentibus supradictis, ovi albumine subacto permistis.

Post hæc, explendus alter scopus fracturæ, id est, deliganda est fractura, sicut supra docuimus. hîc tamen notandum, ut fasciæ sint molliores, & latiores, quàm in fractura sine vulnere, ut oras vulneris utrinque comprehendant, & sic labia vulneris constringant, non comprimant; minus etiam stringendæ sunt fasciæ, quàm si vulnus non adesset, ne compresso vulnere, dolor, & phlegmone oriatur; unde Hippocrates, & Celsus, plures circumvolutiones faciunt, cum melius sit sæpè circumire, quàm adstringere. Debet autem fascia tertio quoque die solvi, & semper minùs comprimi, quamdiu durat timor inflammationis.

Ferulæ vel non apponendæ, ne vulnus comprimant, vel si apponantur, supra vulnus apponi non debent: magisque hoc in casu, multitudo fasciarum probatur; unde Celsi deligatio, quæ fit 6. fasciis, convenire videtur. Et hæc hætenus.

Cap. 9. De fractura cum vulnere, in qua os nudatum non est, aliquod tamen ossis frustulum abscessurum expectamus.

OS recedere, seu abscedere intelligimus, quando ossis portio à reliquo osse separatur, & foras à natura extruditur; quod fit, primum cum è veteri vulnere ossa emarcuerunt, aut arefacta sunt, & marcida effecta; tunc enim à facultate partis expultrice, marcidum os à probro separatur, & sic fit abscessio, seu desquamatio ossis; quæ etiam sine fractura contingere potest, ut in fistulis, & vetustis ulceribus, propter multam sanie diutiùs cum osse commorantem, os corruptentem; potest etiam hæc desquamatio ossis contingere in fractura non conformata, propter multam sanie collectam. Secundò etiam abscedunt ossa, cum ob fracturæ impetum, aliquod ossis frustulum, aut è toto à reliquo est separatum, aut ira concussum, ut parum absit quin sit separatum.

Causæ ergo sunt, vel impetus externus, vel ossis corruptio, aut à sanie diutiùs commorante, aut ab alteratione aeris externi, quæ & ipsa ossa corrumpit, & à naturali temperamento depicit.

Signa verò, quibus os abscessurum significatur, sunt plura. T. 18. lib. 3. de Fract. Primum enim sanies copiosior effluit, non respondens magnitudini vulneris; unde os corruptum, & abscessurum indicatur. Deinde vulnus gliscere videtur, id est ad excitationem incitari, unde labia vulneris non coeunt, sed potius invertuntur, & æger in hanc rem intentus, motionem quandam tacitam in membri parte intima

intima sentit. Tertium signum ponitur T. 44. lib. 3. de Fract. si ossa conformatio frustreretur; enim tunc propter moram saniei os corrumpentis, abcessurum est ossis frustulum. Quartum signum, si os carne nudatum sit, necessarîo abscedit; quia non amplius porrigi potest alimentum, cum venæ, & arteriæ non amplius ad partem nudatam excurrant; quia etiam aerî externo os exponitur, & ab hoc corrumpitur. Quintum signum ponitur à Paulo c. 107. lib. 6. nam caro, quæ accrescit super labia vulneris, est laxa, hebes, vacua, spongiosa; natura enim non sanat vulnus, ubi aliquid iatus habet, quod non potest detinere; ea igitur parte, ubi caro laxa est, os abscedet.

Citissimæ autem abscessionis signa sunt, quando citissima sit suppuratio in vulnere, & citissima, atque pulcherrima carnis excrescentia; non enim alio modo os abscedit, quàm dum natura carnem in labiis ossis sani creat, quæ os superpositum suspendit, & propellit. os quidem magnum, solidum, ætate adulta, tempore hyemali, tardius abscedit, ut totus ejus circulus 60. diebus, at mediocriter, laxum, tenera ætate, & æstivo tempore, citius, ut 40. diebus, sic pars ossis citius abscedit, quàm totus circulus.

Quantum verò ad curationem, si os recessurum omnino à reliquo osse separatum sit, & intra vulnus inciderit, ibique consistat, voissellâ est apprehendendum, & foras trahendum, si autem ossis frustulum, per rimam, undique è reliquo osse sit separatum, in suo tamen adhuc loco detineatur, nihilominus, quoniam nunquam cum reliquo osse glutinari potest, apprehendendum est, & extrahendum, si citrà violentiam fieri potest; si absque vi magna fieri nequit, non debet extrahi; quia excitaretur dolor, inflammatio, febris, convulsio, & ulcus redderetur fistulosum; cum extracto osse, cavitas illa sanie repleatur, quæ corrodendo, carnis generationem impedit; tunc ergo negotium hoc ipsi naturæ permittendum, quæ sensim carnem in labiis ossis, sani gignit, facitque ossa abscedere, quemadmodum in vulneribus capitis diximus.

Considerandum etiam est, num ossis frustulum abcessurum sit magnum, aut parvum, quod è signis propositis intensioribus, & remissioribus cognoscitur; si enim suppuratio tardius fiat, & multa saniei copia conspiciatur, copiosa etiam caro laxa, & hebes generetur, vixius frustulum est abcessurum, si contra, minus. Curationem autem utriusque fracturæ tradit Hippocrates T. 20. & 21. L. 3. de Fractur.

Si parva est ossis portio abcessura, primò cavendum, ne pus collectum diutius moretur, intra vulnus, & os etiam bonum corrumpat; evacuandum igitur pus est, non quidem expressione fasciarum arctè adstringentium, sicut in fractura sine vulnere; sic enim dolor, & inflammatio oriretur, sed ita evacuandum est pus ut ipsum è vulnere fluat. Alter scopus est, ut ossis abscessionem juvemus; quod tamen negotium in osse parvo, ipsi naturæ committendum est; in magno autem, medicamentis juvandum. his de causis, Hippocrates probat deligaturam laxiorem, ac frequentiore; ne pus intercludatur, sed facilè effluere queat; ferulas non apponit, ne comprimendo dolorem excitent; reliquum naturæ committit. Id notandum, licet ossis abcessio expectetur, vulnus tamen consui debere; nec enim natura sanat vulnus ea parte, qua os abcessurum est; stabiliri etiam potest fractura fasciis pluribus, ut supra diximus.

Bibl. Chirurg. Tom. II.

Si os magnum est abcessurum, curatio in duobus differt à prædicta; nam & medicamenta adhibentur, & modus deligandi peculiaris. Indicationes sunt, ut pus non intercludatur, sed effluere possit; stabiliatur fractura, inflammatio arceatur, dolor non excitetur, denique procuretur citissima ossis abcessio.

Ad hæc omnia præstandum, quoad deligaturam, multæ sunt sumendæ plagulæ, è panno lineo duplicato. longiores, quàm ut semel membrum circumdant; nam breviores non conservarent fracturam stabilem; breviores autem, quàm ut bis membrum circumdant, longiores enim non essent commodæ; dum membrum, propter medicamenta renovanda, resolvitur; oportet enim membrum attolli, & dimoveri, ut sic fractura contineatur; & inmoto membro, laxatis ambobus capitibus, ipsum vulnus solvendo appareat. Latitudo plagularum, non minor erit dimidio palmo, in summa; tanta, ut labia vulneris sufficiens apprehendant. circumducendæ sunt è duobus initiis, ut decussatim se interfecerint, crucis modo; vel, ut paulo longius ab extremitatibus se decussent, in opposita parte. Tot autem debent esse plagulæ, quot sunt necessariæ, ne ullus vacuus detur locus, & sæpè ego expertus sum, satius esse plures ponere, quàm pauciores, pro fractura stabilienda; ita tamen, ne gravando comprimant. Madefaciendæ sunt in vino nigro, austero, crasso, sic enim melius adhærescunt, inflammationem arcent, substantiam partis salubrem conservant; quibus de causis, potissimum propter phlegmonem, Gal. non tantum plagulas ita madefacit, sed etiam per totum diem, & noctem, vino illo partem perfundit; aut linteola, & spongas imponit in eo madefactas: ne autem vinum defluens madefaciat rotum cubile, & stratum, subjicit corium, canalis modo figuratum, quod exitum dat vino influenti.

Verum ante admotionem plagularum, necesse est medicamenta apponere; quæ in principio, id est, quandiu durat tempus inflammationis, & dolorem leniant, & inflammationem arceant; ut ceratum rosatum, laudatur etiam ceratum picatum, eo maxime tempore, quo pus conficitur; juvando enim coctionem, & faciendo suppurationem, arcent phlegmonem; quoniam suppurata materia, nihil mali evenire potest; Com. Aphor. 23. Sect. 4. Contra dolorem etiam, & imminens convulsionem, Hipp. interdum utitur linteolis madefactis oleo, & vino, simul mistis.

Si tempus inflammationis præterit, omni industria attendendum est, ut os recedens, citissime foras trudatur, quod licet à natura fiat, hæc tamen medicamentis juvanda. Manifesta qualitate hoc faciunt calida; ut oleum vetus, cera citrina, sorditæ vasorum apum, ad ignem liquata, cui admiscebitur pars una euphorbii, duæ rithymali, tres aristolochiæ; hoc medicamento utendum hyeme, in corporibus adultis, & duris, & laudatur etiam ab Avicenna aliis temporibus, & corporibus prodest Ammoniæ, & Bdellium, dissoluta cum oleo lilacæ. Proprietate quadam occulta, os recessurum extrahit, cinis lumbricorum terræ, melli admistus, & impositus. Ceratum etiam sacrum calore ossa extrahit.

Cap. 10. De Fractura cum vulnere,
in qua os nuda-
tum est.

OS nudatum omnino ab aeris alteratione defendendum est, ne putrescat, & recedat; proinde si os nudatum non eminet extra vulnus, cooperiendum est, non medicamentis abstergentibus, quæ irritant, & dolorem excitant; nec oleosis, & mitigantibus, quæ sordidum reddunt vulnus, t. 43. lib. 3. de fract. sed naturali tegumento, id est cute. Labia igitur vulneris adducenda sunt ad mutuuum contactum futuris, & fibulis, deinde curatio instituenda, ut in fractura simplici, cum vulnere.

Si os nudatum extra vulnus emineat, si quidem facile in propriam cavitatem restitui possit, beneficio debitæ extensionis, citra violentiam, utique restituendum; postea vulnus consuendum, ut paulo ante diximus. Quod si eminentia ossis nudati, ita foras protuberet, ut sine violentia in locum suum reponi nequeat, tunc è duobus malis minus est eligendum; & os præcidendum, vel limâ, ferrâ, aut alio instrumento aliquantulum brevius reddendum; & postea coaptandum, modica facta extensione, hoc enim melius est, quàm hujusmodi ossa non coaptata relinquere; vel extensione violenta ægrum ad convulsionem, & mortem deducere. Si os retusum, & præsectum adhuc difficulter coaptari queat, & metuemus validam extensionem, in qua propter vulnus, multæ fibræ distrahantur, & dolor insignis excitatur, ut convulsio sit expectanda, tunc Hippocrates reponit fracturam, quantum potest, & ferraamenta quædam, vulgò *Scarpelli* dicuntur, altero extremo latiora, & tenuiora, inter ossa fracta imponit, ceu cuneos quosdam, & modo vectis inflectit; ut sic ossa, magis quàm muscoli extendantur, & reponantur.

Hactenus Aquapendens: Sequitur jam Joh. Munnicks de Fracturis Liber.

Cap. 1. De Fracturis in genere.

Quod in parte molli est Vulnus, id in dura & ossea est *Fractura*, propriè Græcis ἀσθμα καὶ κατὰσµα, quæ est ossis divisio seu ruptura à causâ externa violenter irruente. In fracturæ Definitione omnes ferè auctores sunt concordēs, quod sit *Continui Solutio in Osse facta*: in hoc verò differunt, quod Galenus, Paulus Aegineta, & alii Græci, per Fracturam intelligant *quancunque Unitatis sive Continuitatis Solutionem in Osse*, à re extrinsecâ violentiâ factam, tam ab instrumento incidente, quàm contundente, vel rumpente. At verò cum de Fracturis tantum simus dicturi, quæ à re contundente vel rumpente fiunt; idè cum Guidone de Cauliaco *Fracturam* definiemus: quod sit, *Ossis Continui Solutio absque incisione, violenter extrinsecus à re rumpendi, vel contundendi vim habente facta*: vel potius dicamus, *Fracturam esse Continuitatis Ossium Solutionem, à violentiâ quâdam extrinsecus irruente, accidentem*.

II. Sunt autem variae Fracturarum Differentiæ, quas tradit Galenus lib. 6. *Meth. Med. cap. 5*. Franguntur namque Ossâ vel simpliciter, vel cum adjuncto vulnere, extremitatibus acuminatis fractis ossis musculos, cutemque perforantibus. Idem contingit, cum à glande plumbea vulneratur caro, & subjectum os frangitur. Simplex Fractura tribus modis contingit: vel enim franguntur ossa transver-

sim, quæ inprimis & propriè *Fractura* dicitur. Et quidem si ita franguntur, ut nullo pacto extrema cohereant, atque è directo non jaceant; in specie hujusmodi Fractura καυλῶδης, à fracti caulis similitudine appellatur. Dicitur etiam ῥαφανῶδης καὶ σικυῶδης, à similitudine fractæ radiculæ & cucumeris. Vel franguntur ossa secundum longitudinem instar aliqujus asseris; atque hoc Fracturæ genus *Fissura* vulgo, Galeno χιδανῶδης nuncupatur. Vel franguntur cum contitione in plures partes, & talis Fractura σύντριψα *Comminutio* appellatur; quæ & ἀσπυῶδης nuncupatur à quibusdam dicitur, quod sit facta in modum contusarum nucis testatum.

Dein à parte affecta variae petuntur Fracturarum Differentiæ. Alia enim est cranii fractura, alia humeri, alia brachii, alia femoris, alia alijs partis. Insuper alia fractura magna est, alia parva, alia simplex, alia multiplex, alia sola, alia cum carnis contusione & vulnere, alia cum luxatione, inflammatione, gangræna, &c.

III. Causæ autem Fracturarum Internæ nullæ sunt; Externæ verò ea omnia, quæ contundendi, vel ossâ rumpendi, ac dividendi vim habent: sive sit casus, sive ictus quidam violentus, qui suâ vi & violentiâ os frangit & comminuit, ac continuitatis solutionem, quam *Fracturam* appellamus, efficit. Facit tamen ad faciliorem ossium fracturam eorundem constitutio fragilis, ut etiam leviotem impetum sustinere non possit; sive ea sit naturalis, sive à carie (in primis lue veneream, ac inunctiones mercuriales subsequente) acquiratur. Enim verò ex lue venerea, arthritide, aut inveterato scorbutico caries os, levissimâ accedente causâ externâ, fractum fuisse aliquoties notatum est. Memorandæ & raræ fragilitatis historiæ exstant apud Marcellum Donatum de *Hist. Med. Mirabil. lib. 4. cap. 5*. Schenkium *Libr. 5. Obs. 8*. Hildanum *Cent. 2. Obs. 66. 68*. Qualem & nos observavimus in muliere Scorbuto graviter afflicta: cujus historiam adferre haud gravabor. Mulier septuagesimum septimum agens annum Scorbatica, postquam tum brachiorum tum crurum doloribus lancinantibus ac rodentibus diu fuisset afflicta, vasculum quoddam è pavimento attollens, mox vehementissimum in crure sinistro sentit dolorem, ob quem deponere vasculum, & proximo in loco sedere fuit coacta. Dolor hic indies augebatur, variaquæ ei sedando per quinque hebdomadas impo- sita fuerunt remedia: quæ cum nullum adferrent levamen, ecce 2. Junii 1688. per gradus descendens eadem in parte ossium crepitum persentiebat, ab eoque momento omnis incedendi potentia cessabat. 14. Junii vocatus cum Gerardo Dompelaar, Medicinæ Doctore, & Cheirurgo N. Schut, crus omninò diffractum observavimus. Fracturam composuimus, & deligavimus, linteaminibus inadematis Epithemate ex æqualibus partibus *Aqua Pura*, *Aceti Rosacei*, & *Spiritus Vini*, addito tantillo *Salis Communis*. Sed penitus emaciata quum esset Agra, nullæ succrescentis calli indicia unquam apparuerunt: quin potius, labescentibus indies viribus, tandem ad plures abierit.

IV. Ad Dignoscendas Fracturas jubet Hippocrates, partem sanam cum ægra conferre, ut discrimen, si quod sit, facilius intelligatur. Nam si partis affectæ figura fuerit inæqualis, utpotè in loco percusso cava, & in opposito tumida, Fracturam suspicari licet. Insuper transversim vel obliquè facta Fractura faciliè cognoscitur, quia ossis fracti extremitates separatæ tactu deprehenduntur: si membrum fractum contrectetur ac variè dimoveatur, crepitus ac fragor in affecto loco, ob ossium mutuam collisionem, ac affriccionem, auditur; dolor vehemens adest, ob divulsionem ac distortionem partium

partium nervosarum, aut ob puncturam eminentis ossis in periosteo. Adhæc Fractura femoris, tibiæ, aut pedis, omnem incessum tollit, quem aliqualem, admodum licet dolorificum, luxatio concedit: Et hoc certum Signum distinguens Fracturam & Luxationem. Adest quoque interdum membri tortuositas, & brevitās, dum inferiorem ossis partem musculi convulsi sursum trahunt; sed non semper.

Si verò fracturæ Vulnus sit conjunctum, non solum dictis signis ea cognoscitur, sed etiam tactu; digito vel specillo intra vulnus immisso, quibus fractura vel ossis asperitas perferitur.

Fracturæ autem secundum longitudinem factæ difficilior cognoscuntur; deprehenduntur tamen ex membri præternaturali crassitie, inæqualitate, dolore. At Comminutio tactu explorari facile potest: variis enim in locis os digitis cedit, exasperatum valde.

V. Cæterum Ossa Fracta nunquam verè reünuntur, & sicut caro non coalescunt secundum intimas partes; sed ob ossium siccitatem ac duritiem, duntaxat secundum exteriorem superficiem mediante callo, circa oras ipsorum oborto, consolidantur. Facilius autem curatur fractura ossis transversim facta, quàm quæ oblique contingit, quæve inæqualitatibus prædita est; quia neque facile committuntur, & nullo retuso iniriuntur; carnemque, interdum & nervum quoque, & tendinem vulnerant: sunt namque illæ fracturæ, in quibus capita fractorum ossium sunt retusa, minus periculosa.

Difficilior item curatur fractura, ubi os in multa fragmenta divisum est, quoque plura sunt fragmenta. Etiam quò fractura major, & ossa fracta majora, eò difficilior & tardior consolidatur.

In illis partibus, ubi bina sunt ossa, ut in brachio & crure. si alterum tantum frangatur, facilius fractura curatur, quàm si ambo sint fracta, cum minus musculi contrahantur, sed ab altero osse integro tensi servantur, atque integrum os fracto sit veluti sustentaculum. Facilius item consolidantur fracta ossa, quæ suis sedibus mota non sunt.

„Ossa autem minus periculosè in medio franguntur, & facilius curantur, & quò propriior fractura capiti, vel superiori, vel inferiori ossis est, eò pejor est. Celsus lib. 8. cap. 10. „Enimverò & majores adfert dolores ob nervosarum, tendinosarumque partium læsionem, & difficilior curatur. Quæ verò fracturæ articulis spatio trium vel quatuor digitorum proximæ sunt, non solum periculosa, sed & curatu difficiles, cum commodè ligari nequeant, ac ut plurimum tales difficilem juncturæ motum relinquunt; vix ob callosam inter tendines, articulorumque ligamenta concrecentem substantiam.

In genere tamen recens fractura ad consolidationem aptissima est. Si verò tempus protrahatur, curatio difficilior redditur, Arabum Princeps Avicenna inquit: quantò serius fracturæ restaurantur, tantò peiores sunt; cum spatium illud alienâ substantiâ repleatur, & in restauratione, majore extensione egeant, magnæque extensioni sæpè spasmus seu convulsio accidat.

Quæ porro Fracturæ cum Vulnere sunt conjunctæ, periculosa sunt eò periculosiores, quò majora fuerint vulnera; ac sensibiliores partes tetigerint;

cum in hujusmodi fracturis dolores, inflammaciones; ac gangrænæ supervenire soleant, & ferulis, aliisque sustentaculis uti vix queamus.

Demum de tempore consolidationis fracturæ nihil certi prædici potest, cum id variet secundum ætatem, habitum corporis, anni tempus, ac alias circumstantias. Ut plurimum verò nasi, maxillæ, juguli, pectoris, scapularum ossa, costæ, ossa spinæ, tali, calcis, manûs; & plantæ pedis, intra vigesimum, vel vigesimum quartum diem consolidantur. At crurum & brachiorum intra trigessimum quintum & quadragesimum diem, &c.

Circa tempus verò, quo ossa fracta confirmari, ac firmo soleant obduci callo, observavit Fabricius Hildanus Cent. 6. Obs. 68. tibias gravidarum fractas, quamdiu uterum gerunt, mediante callo coalescere non posse, „Tota enim natura, inquit, cum circa formationem fœtus occupata sit, materiam pro calli generatione destinatam ad uterum mittit, & ossa fracta negligit. Cujus rei memorabile exemplum refert Cent. 5. Obs. 87. de matrona gravida, quæ tibiam frangerat; ubi tantas circa generationem calli habuerunt difficultates & labores, adeò etiam, ut tertiâ & vigesimâ hebdomadâ, post contractam fracturam, movendo & circumagendo pedem, ossa contracta adhuc vacillarent. Tandem tamen, scilicet à tertiâ & vigesima ad trigessimam septimanam, fractura fuit confirmata. Causam autem tardioris generationis calli in fœtu quærendam esse judicat. Quamdiu enim in utero fuit fœtus, alimentum pro calli generatione destinatum, ad sui nutritionem per vasa umbilicalia attraxisse putat.

Cap. 2. De generali Fracturarum Curatione.

I. **A**T Fracturarum Curatio, tum in rupti, fractique ossis adunatione ac reductione; tum in illius consolidatione & conglutinatione consistit. Ossis verò Adunatio Chirurgi operâ & dexteritate efficitur: Consolidatio autem & Agglutinatio virtute ac viribus Naturæ, cumque Balsamo suo Naturali; glutinoso nempe humore, ad coadunanda & consolidanda ossa accommodatissimo, efficacissimo. Enimverò cum Fractura sit Ossis Continui Solutio, pro ejus Curatione finis ac prima intentio erit Unitio. Hanc tamen Unitionem Medicus facere nequit, sed solius Naturæ opus est; quæ in junioribus nonnunquam per intrinsecam & omnimodam partium disjunctarum unionem; in adultis verò, in interveniente *πύρω* seu Callo, tanquam Glutine, conjungere fractas extremitates solet. Est autem Callus idoneum ac proprium fracti ossis alimentum quod ibidem effervescebat dum concoquitur, & in tumorem attollit substantiam ossis, haud secus ac in taleolis arborum per insitionem adaptatis contingere solet. Atque hic Porus seu Callus, licet non sit os, ita tamen durus est ut si idem membrum denuò frangi contingat, potius alia in parte frangatur, quàm ubi callus genitus est.

II. Verum enim verò Unitio illa, etsi Naturæ opus sit; tamen ut Ea scopum suum assequatur, plura adhuc necessaria sunt. Nimirum cum ossa fracta plerumque suo loco dimoveantur, si id accidat, ea restituenda, & ad amissam coaptanda. Deinde hoc modo conjuncta servanda. Quæ si dextrè à Chirurgo fiant, Unitio

Unitio postea Ossium seu Calli Generatio opus Naturæ est. Medicus tamen & hîc Naturæ opem ferre debet; quod fit; si partis naturalem temperiem conservet, & Inflammationem, ac omnia symptomata, quæ naturam in opere suo turbare possent, avertat.

III. Primò itaque, ut Corn. Celsus *lib. 8. cap. 7.* docet, animadvertendum & considerandum est, utrum ossa fracta proprio loco exciderint, nec ne, cum non semper, ubi transversim franguntur ossa, suâ naturali sede excidant. Cognoscitur autem ossa suo loco dimota non esse; si in fracturæ loco nulla cavitas percipitur, nec punctiōis sensus adest, nec membrum brevius apparet. In hac ergo fracturæ specie non opus est, ut membrum extendatur, & de ossium repositione ac coaptatione laboretur.

At verò ossa fracta si loco suo exciderint, ita ut unum supra alterum efferatur, prima cura esse debet, ut restituantur. Fit autem hoc duabus Operationibus, quarum altera *Extensio*; altera *Conformatio* seu *Ossium in suum locum Repositio* appellatur.

IV. Igitur in fractorum ossium restitutione opus est membri *Extensione*: cum enim musclicorum fibræ, ossis robore destitutæ sequantur naturalem suam determinationem, & in se contrahantur, necessum est per vim eos, simul cum fracto, tantum elongare, quantum à naturali statu recesserint. Alioquin, si non recta fiat extensio in fracturis, ex attritione rumperentur ossium eminentiæ, quæ dein suas in cavitates reponi non possent; sed vel exterius ad ossium latera hærent, vel inter ossa fracta remanerent, ossisque fracti coaptationem impedirent.

Ut autem iusta fiat Extensio, danda opera ut fiat minimo cum dolore. Fiet verò hoc, si membrum extendendum eâ figurâ collocetur, in qua musculi non agant, sed otiosi, & omnes laxati sint, *hoc est*, membri talis sit situs, qui ipsi sano omnium familiarissimus, quivè nullam ipsi adferat lassitudinem: quo modo & minore extensione opus est, minore cum dolore opus perficitur. Extensio interim fiat neque validior neque debilior, quam requiritur; sed moderata: quoniam ex validiore extensione insignis oritur dolor, ex quo postea febres, convulsiones, & resolutiones sequuntur: in debiliore verò ossium capita committi nequeunt; sed eorum eminentiæ simul confricantur, vel franguntur vel in proprias cavitates recondi ac reponi non possant.

Cæterum fit Extensio hæc aut solis Manibus, idque unius vel plurius; vel Habenis, sive Linteis, Fasciisve circumpositis; vel per Trochleam tracto fune, quale exemplum habet Fabric. Hildanus *Cent. 5. obs. 86.* & ex eodem Scultetus *Armat. Chir. Tab. 22. Fig. 1.* Extensio namque major vel minor requiritur pro diversitate temporis, ætatis, magnitudinis ossis. Fractura recens, Æger debilior, os exile, leviozem exigunt extensionem; vehementiorem verò fractura inveterata, Æger robustus, os magnum. Sic minimam postulat extensionem radius; majorem ossa, quæ in summa manu & summo pede sunt; adhuc majorem ossa cubiti, validiorem humerus & tibia; validissimam femur.

In genere autem cognitâ fracturâ mox instituat Extensio; si namque id non fiat, magnus ob dolorem vehementem fit humorum affluxus, & musculi versus sua principia trahuntur, hinc extensio difficilis evadit, & si instituat, ossa fracta adjacentes partes carnosas pungunt, ac sequuntur inflammaciones, convulsiones, aliaque mala accidentia, „ Quidquid suo loco motum est, ante inflammationem re-

ponendum. Si verò convulsio oriatur, ossibus in suam sedem restitutis, rursus ea (si commodè fieri possit) suis locis propulsabimus, Chalmet. in *Enchir. (Chirurg. lib. 4. cap. 2.* Quod idem docet Hippocrates *Lib. de Fracturis. §. 30.*

Si cum fractura Luxatio incidit, primùm luxatio, modo fieri possit, dein fractura erit curanda; quod majorem vim in restaurando postulet luxatio, quam fractura. Tagaultius *lib. 5. cap. 4.* Anton. Chalmetæus *Enchir. Chirurg. lib. 4. cap. 2.* Oribasius *Lib. de Machinamentiis, Vide Interprete pag. 493.*

V. Extensioni succedere debet *Conformatio*, quæ est ossis fracti in suum locum repositio, & extremitatum recta coaptatio; quam musclicorum legitima figuratio optimè determinat, sic ut nulla in illis contorsio notetur. Ea fit, si postquam membrum eatenus extensum est, ut in reponendo ossa se tangere nequeant, Chirurgus membrum, utraque manu comprehensum; studeat ad pristinam figuram reducere, impellendo hinc, inde, ante, retro, ad latera, donec extantes particulæ in suas cavitates & pristinas sedes fuerint reductæ. Non sunt autem eminentiæ ossium cum impulsu vehementi in suas cavitates intrudendæ, ne rumpantur, sed potius sponte sua, extensione laxatâ, manibus Chirurgi leniter directæ in suas sedes recedant. Repositionem verò probè factam esse, ex doloris cessatione, ossis fracti in superficie æqualitate, & comparatione cum sano membro factâ, elucescit; siquè membrum reductum post fracturam longius appareat, id violentæ extensioni tribuendum est.

VI. Ossa sic probè coaptata exactè conjuncta sunt tenenda, quod præstabit *Deligatio*, quæ ita fieri debet, ut & partes commissas servet, & inflammationem arceat. Sed priusquam Fascia membro facto injiciatur ad humorum affluxum & inflammationem prohibendam, atque partem affectam roborandam, linteum reduplicatum. *Oxycrato* aut *Vino Rubro Adstringente* madidum (omissis *Oleis, Emplastris*, & similibus, utpote inutilibus, ac non rarò admodum noxiis) imponatur; dein Deligatio instituat, quæ nec nimis laxa sit, ne ossa suo loco iterum dimoveri possint; nec nimis acta, ne alimenti affluxum prohibeat, & dolorem excitet. Perficiatur verò duabus Fasciis, paratis ex linteis vetustis, aliisque usibus ex parte attritis, ut sint tractabiliores, validis tamen, nec extentæ lacerentur; nullas confusiones aut extantias habentibus, ut æqualiter, ac sine dolore constringant. Prior Fascia supra fracturam injicienda, & circa eam modicè comprimendo ter involvenda, dein sursum versus ducenda, usque dum ad sanam membri partem, quatuor quinque, vel pluribus circumvolutionibus perveniat, paulatim imminutâ compressione. Ubi autem satis de sana parte fuerit comprehensum, ibi deligationem terminare oportet. Dein altera Fascia, priore duplo longior contrario modo involvenda: si enim prior versus dextram, hæc versus sinistram obvolvatur; ut si forsan musculus aliquis per primam fasciam nimium ad alteram partem sit attractus, restituatur in partem contrariam, per secundam fasciam, quæ primùm fracturæ injicienda, &, unâ vel alterâ circumvolutione factâ, ab ea incipiens deorsum aliquoties circumvolvenda, similiter paulatim compressionem minuendo, iterumq; supra fracturam ducenda, ita ut ultrâ primam fasciam in parte sana terminetur.

Maximâ igitur diligentia opus est in fasciis arctandis, cumquè ex injiciuntur, Patientem interrogare oportet, qualem

qualem circumjectam fasciam sentiat, & si premi se dixerit, laxari debet; sin verò fasciam ita laxam affirmet, ut minime fractum membrum sustineat, adstringere est opus. Moderatè ergò fasciæ adstringi debent, magisque in parte fracta stringi ac coarctari, quam alibi, ut ab humorum defluxu ea defendatur.

VII. Quoniam verò hæ duæ fasciæ, jam circumvolutæ, ad fracturam continendam debiliores sunt, adhibenda insuper *Splenia*, seu panni linei sæpius complicati, oblongi, crassi, splenis brutorum instar. *Compressa* barbaro vocabulo, latino *Pulvilli* vocantur.) Hæc circà fracturam, & torum membrum, per ejus longitudinem adhibenda, ut unum alteri non superponatur, sed inter ea digiti transversi spacium circiter intercedat: quæ firmentur appositis *Ferulis*, ex ligno tenui lævigato, aut potius charta crassiore paratis. Etenim cum fasciæ & splenia inflexibilia non sint, fracturam firmam & directam servare nequeunt; sed faciliè fieri potest, ut tum vigilantibus, tum dormientibus membrum moveatur. Ut igitur in motibus membrum firmum teneatur, opus est iis, quæ rigida sunt, & non flectuntur, & tamen minus ponderosa. Quem in finem Hipp. elegit *Ferulas*, quæ & rigidæ sunt, ac inflexiles, sed læves. Quod si ob membri inæqualitatem ferulæ aptari non possint, partes cavæ spleniis implendæ sunt, ac membrum æquale reddendum, ut ferulæ commodè applicari queant. Desuper Vincula alliganda admodum laxa, sic ut appositæ ferulæ cum spleniis contineantur, nec quicquam partem adstringant, ac comprimant, sed ut tutum, immobile, ac in debita figura membrum servant. At verò in ferularum appositione cavenda sunt ossa prominentia & excarnia; illis namque appositæ dolorem, nec non alia inferrent graviora symptomata.

VIII. Signum autem congruæ deligationis potissimum ipse Æger indicare solet, ubi, num prematur, rogaveris, atque is respondeat, se premi quidem, sed leviter, idquæ præsertim, quæ fractura est. Sin verò Patiens fasciis nimis prematur, eæ celerrimè solvendæ & aptius deligandæ, ne ex arctiori vinculo prava eveniant symptomata. Sin fasciarum circuitus justo laxiores, & nihil se premi respondeat Patiens, arctius vinciendæ, cum laxa vincula non prohibeant membrum, quò minus, quæ fractura est, depravetur.

IX. Congruæ deligationi succedit bona membri *Repositio*, quæ sit mollis, æqualis, sursum vergens, sic ut nec protuberantia, nec sinus in loco fracto notetur, neque dolorem & inflammationem excitet. Præterea in Repositione oportet congruam membri figuracionem considerare; quæ scilicet dolore vacat, & musculos ex utraque parte integros servat: hæc autem est figura media, in qua dum otiamur singula continere consuevimus, ut in cubito figura angularis, in carpo recta, &c. Ea nimirum, quæ inter extremos cujusque membri motus intermedia est. Hæc figura nili observetur, exiguo post tempore membrum dolere solet.

Pars igitur deligata in Capsula Ligneæ, qualem depingit Hildanus *libr. de Ichore & Melicer. cap. 29.* & Sculterus *Armam. Chir. tab. 56. fig. 1. 2. 3.* stipâ linteo involutâ repleta, sive in pulvinari molliusculo deponatur, atque ità in tertium usque diem relinquatur, si Patiens eo, quo deligatus est die, & sequenti nocte sentiat se valentius stringi; postero verò die minus, nec non in parte extrema tumor laxus, mollis, & parvus appareat: si verò aut sit nullus tumor, aut magnus & durus postridie in manu vel pede, prava est deligatura; quia illa non continet; hæc nimis ar-

cta est, & inflammationem movet, atque gangrænam non rarò minatur, unde nullâ interpositâ morâ Æger solvendus, ac deinde, sed moderatè, deligandus est.

X. Igitur si probæ deligationis signa adsint, nullusque dolor insignis, nullavè inflammatio suspecta sit, reliquum opus, quod est callum, per quem fracta ossa conjunguntur, gignere, naturæ committendum, & deligatio ante tertium diem non solvenda. Tertio autem, post primam deligationem, die, quum laxiores videntur fasciæ, solvantur; cumque fuliginibus ac vaporibus ob deligationem exhalare prohibitis, & per moram ac stagnationem acrioribus redditis, ità intolerabilis non rarò excitetur pruritus, ut in dolorosam excoriationem, ac inflammationem terminetur; hinc pruriens pars *Aquâ Tepidâ* aliquoties perfundatur, ut apertis poris detentæ sub cute fuligines evaporari queant: dein membrum ligaturâ, quæ moderatâ paulo arctior sit, constringarur, ac postò ut prius deligetur, inque capsula seu molliusculo pulvinari deponatur in septimum usque diem; nisi pruritus vel inflammatio, vel dolor, vel quid aliud infestet. Septimo die fasciæ iterum solvendæ, membrum *Aquâ Tepidâ* perfundendum, & deligandum, arctius adductis fasciis; ità tamen, ne sanguinis circulatio, spirituumque vitalium ac animalium radiatio prohibeatur.

Membrum ita deligatum derineatur immotum ad duodecimum circiter diem, quo fasciæ deinde solvendæ, & membrum deligandum. Si namque tardius solvatur deligatio, magna sæpè incommoda (qualia sunt, partis exulceratio, putredo, gangræna, &c.) inde oriuntur, quorum exempla notavit Fabricius Hildanus *Cent. 2. Obs. 91.* qui propterea monet, ut secundo aut saltem tertio die semper deligatio solvatur: & quanquam post septimum non sit adeò necessarium toties fracturam solvere, se tamen de quarto in quartum fascias solvere, partemque affectam inspicere solere, scribit. Atque hæc Deligatio continuanda, (paulò laxius tamen fasciis & ferulis indies adstrictis, ut nutrimentum ad ossa fracta magis confluere, & callus gigni, firmusque reddi possit) donec callus genitus, & fracturâ sanata sit; quod triginta aut quadraginta intra dies plus minus fieri solet.

XI. Interim ad Calli Generationem alii exhibent *Juscula*, in quibus bullierunt *Folia Agrimonie*, & *Radices Consolidæ Majoris*. Nonnulli viscidiores *Cibos* præbent. Alii *Lapidem Osteocollam pulverisatum* & cum *Jusculo* exhibent, & cum *Cerata extrinsecus* applicant. Sed cum Calli Generatio, adeoque fractorum ossium mediante callo unitio, solius Naturæ opus sit, hæc omnia, ut inutilia ac planè inepta, meritò rejicimus. Nihilominus tamen, ut omnia quæ Naturam in opere suo turbare possent removeantur, bona Diætæ Ægrotanti præscribenda: Venesectio aliquandò instituenda, & sanguis nonnunquam depurandus: In partium inferiorum fracturis Purgantia rarius, ferè sola Suppositoria usurpentur: in superiorum autem partium fracturis Purgantium atque Enematum usus necessarius admodum est.

XII. Quod si Fractura per longitudinem ossis facta sit, fasciæ arctius stringendæ, quàm in reliquis, ut ossa fracta, quæ secundum latitudinem à se invicem recesserunt, ad mutuum contactum ducantur, & removeari nequeant. Cæterum ea omnia agenda, quæ in transverse fracturæ curatione dicta sunt.

Cap. 3. De affectibus præter naturam, qui fracturis accidunt.

I. **Q**uoniam verò Fracturis non rarò quædam accidere solent, quæ aut curationem remorantur, aut post curatam fracturam remanent; ut sunt dolor, inflammatio, pruritus, excoxiatio, membri debilitas & gracilitas, figura depravata, &c; quæ idcirco Medici operam requirunt, de iis paucis dicendum.

Dolor igitur si adsit, ne in causa sit, ut humores in partem affectam confluant, & inflammationem vel quid aliud excitent, omninò leniendus ac tollendus. Ut verò tollatur, considerandum, à qua causa proveniat; quæ statim tollenda. Perpendendum ergò, an ab osse aliquo pungente Dolor sit, an à fasciis nimium adstrictis, an ex pravo membri situ, an ex humorum affluxu.

Si ex osse pungente Dolor sit, (id quod ex levi partis contrectatione, & pungente dolore cognoscitur) fasciæ solvendæ, & os pungens vel in locum suum reponendum, vel, si fieri possit, eximendum, aut præcidendum. Sin ex fasciarum nimia adstrictione Dolor oriatur, deprehenditur id ex tumore, qui in membri extremitate apparet, Ægerque se vehementer premi conqueritur: tunc quamprimum fasciæ solvendæ, & laxior deligatio instituenda. Sed ob malam membri situationem si Dolor fiat, id Æger facillè indicat, & situs mutationem postulat, quæ ita instituenda, ut jam sine dolore se esse fateatur.

II. Verùm ex humorum defluxu quum pars doleat, *Tumor*, & *Inflammationis* signa apparere incipiunt. In hoc casu si membrum devinctum sit, quamprimum solvendum, & cum linteo duplicato vel quadruplicato calidè imponendum *Oxyeratam*, vel *vinum Rubrum Adstringens*: vel applicetur Fomentum Anodynum, Resolvens, leviterque Repellens, ex *Malva*, *Althea*, *violaria*, *Scordio*, *Floribus Sambuci*, *Camomilla*, fl. *Rosarum Rubrarum*, &c. in *Lacte Dulci*, vel *Cerevisia Tonni decoctis*. At priusquam sedata fuerit inflammatio, pars affecta non deliganda, saltem arctè non stringenda.

III. *Pruritus* cum partem infectet, & Ægrotantem torqueat, cessabit si *Aquâ Tepidâ* pars inter deligandum fovetur, ut apertis poris materia pruritus efficiens dissili possit. Quod si locus affectus *Aquæ Tepidæ* affusionem commodè non admittat, ejus vapori satis utiliter apponitur: prohibenda interim Ægris scalptura, eò quod pessima, & præter excoxiationem dolores excitet graves. Si tamen ex imprudenti scalptura, vel ex fasciarum resolutione diutius quàm par est protracta, dolorosa oriatur *Excoxiatio* sanatur affusione *Aquæ Tepidæ*, uti pruritus; & Litu ex *Unguento de Cerusa*, *Albo Camphorato*, *Nutrito*, vel simili.

IV. Non rarò quoque Fracturis, vel ex attritu, vel ex arctioribus vinculis, vel qualibet alia de causa *Gangrena* accidit. Quæ qua ratione tractanda sit, *libr. I. cap. 17.* abundè dictum fuit.

V. Sed nonnunquam post Fracturam membrum gracile & debile manet: quod sit ob alimenti penuriam, dum à nimia fasciarum strictura partis affectæ vasa & porositates admodum constringuntur, adeò ut sufficiens alimentum affluere nequeat. Id quando fit, pars *Aquâ moderatè Calidâ* fovenda, donec rubescat, eaque laxius deinceps vincienda. Insuper commendatur à nonnullis *Picatio*, quæ fit *Nigrâ Pice* supra linteum duellâ, parvi multoties applicatâ, & violenter, velociterque ablata, ut ratione adhærentiæ, pilorumque evulsionis, ac doloris, alimentum alliciatur, ea-

vendo postmodum strictam fasciarum circumductionem, quæ affluens alimentum iterum repelleret.

V. Etiam contingit, ut postquam Ossa Fracta iterum coaluerunt, pristinam & convenientem figuram non recipiant, sed Distorta sint, unde membri motus impeditur, & claudicatio in pede oritur; vel in brachio apprehensio læditur. Fit autem hoc, vel ob Chirurgi ossa componentis & fracturam deligantis imperitiam aut negligentiam; vel ob Ægrotantis vitium, quandò membrum fractum ante calli confirmationem movet, aut ipsi ianitur: vel ob ipsius Fracturæ culpam, quum ossis frustulum inter ossa fracta continetur, quod mutuam eorum contactum impedit.

Emendatur autem hoc vitium, si quidem læsio membri sit magna, continuoque punctiones, ob acuitatem capitum ossium non rectè compositorum, persentiantur. Pocius sit juvenis & robustus, callus recens, & non diu concretus, os fractum non adeo magnum; si callus iterum frangatur, & ossa rectè coaptentur & componantur. Verùm ut tutius fiat hæc calli fractio, is emolliatur multis dies Fomentis, Balneis & Linimentis. Callo satis emollito, Chirurgus membrum fractum genu suo imponat, & os utrinque utraque manu deprimat, ac denuo frangat; deinde ossis fracti partes manuum palmis coaptet, & fracturæ novæ convenientem curam instituat. At verò si Pocius sit senex vel debilis, callus vetustus & induratus, os magnum, quale est femoris vel humeri; optimum est illi manum non admove, ob periculosa, quæ hanc curationem subsequi solent, symptomata: satius enim est vel deformem vel claudum multos adhuc annos vivere, quàm crudeli curâ, lethaliâ, provocare symptomata. Etiam si læsio membri in suis functionibus non sit admodum magna, Æger sote suâ sit contentus.

Atqui si ossis frustulum membrum totum distorqueat, Incisio fiat ad os fractum usque, & Volsellâ ossis portio glutinationem impediens extrahatur, dein Fractura per extensionem coaptetur, deligetur, & deponatur, eodem modo quo recens fractura.

Cap. 4. De Fracturis cum Vulnere.

I. **S**ed Fracturis non rarò conjungitur *Vulnus*; quando ossium fractorum eminentiæ, acutæ incumbens carnem perforant. Atque in hiscè interdum os fractum nudatum est, interdum non est nudatum; Quumque denudatum est, nunc extrâ vulnus non eminet, nunc verò eminet: deinde interdum os, seu fragmentum aliquod abscessurum esse metumimus, interdum nihil abscessurum speramus. Quæ omnes Differentiæ cum variæ sint, variam sanè expostulant Curationem.

II. Fractura cum Vulnere Simplici, hoc est, in qua nec os à suis tegumentis denudatum est, nec aliqua ossis portio abscessura, duas habet pro sui curatione Indicationes. Prima est, ut Ossa Fracta loco suo restituantur, & jungantur. Altera, ut Vulneris Labia simul reuniantur., Quod si os frangatur, & unâ cum ossis fractura etiam musculi & corpora adjacentia vulnerata sint, tunc curationis intentio oritur duplex, quarum altera quidem, circa ossa fracta, altera verò circa corpora adjacentia vulnerata versatur. Galenus *lib. de Arte Medica cap. 91.*

Primum ergò, cruore sordibusque deterfis, membrum congruè extendendum, & ossium fractorum capita debite coaptanda, haud secus ac in fractura sine vulnere. Hic tamen notandum, ne Extensio sit adeò valida, quod partes carnosæ ac membranosæ admodum laceræ, contusæ,

contatæ, & attritæ plerumque sint; alioquin dolores ingentes nec non convulsiones excitarentur, non raro cum vitæ discrimine. Et quidem Extensio hæc, Ossiumque Repositio statim, & primo aut ad summum secundo die fiat, priusquam parti gravis superveniat inflammatio.

Extensione peracta, Ossique reposito, Vulneris Labia ad mutuam contactum adducenda, adductaque servanda per Linteola Emplastica cruciatim imposita, & Fasciam. Dein Vulneri ea applicentur, quæ conglutinandi ac vulnera consolidandi vim habere suo loco docuimus.

Post hæc Fractura Deliganda est, perindè ac si ossa citrà vulnus essent fracta. Fasciæ tamen hæc sint molliores & latiores, ut oras vulnecis utrinque comprehendant, & sic labia ejus constringant, non comprimant. angustiores namque si essent fasciæ, tunc vulnus cinctum tenerent, & dolorem inferrent. Cæterum minus etiam stringendæ sunt, quam si vulnus non adesset, ne compresso vulnere dolor & inflammatio oriatur: unde Hipp. & Celsus plures faciunt circumvolutiones, cum melius sit sæpius circumvolvere, quam adstringere. Nonnulli autem hujusmodi fracturæ deligationem instituunt per Ascialem Fasciationem, (de quâ Scultetus *Armament. Chirurg. tab. 27. fig. 1. & tab. 28. fig. 8. 10.*) ut crebrior fieri possit partis affectæ inspectio.

Tertio, nonnunquam secundo, à prima deligatione die pars solvatur, iterumque deligetur; ita tamen, ut deligatio paulò magis comprimatur, quamdiu durat timor inflammationis, nisi dolor prohibeat. In secunda verò, & tertia solutione laxior semper fiat deligatio, ut libera omninò sit sanguinis, pro futuri calli materia, circulatio. Reliqua curatio eadem erit, ac fracturæ sine vulnere; nisi quod Ferulæ non sint ad vulnus apponendæ, ne id comprimant: si verò apponendæ, adhibeantur ad vulneris latera & partem oppositam, donec sanatum sit vulnus. Raro autem contingit, simplex vulnus, si fracturæ conjungitur, secundo vel tertio apparatu cicatrice non obduci, vel saltem carne non repleti. Sanato vulnere si nondum confirmatum sit os, eadem agantur, quæ in fractura simplici.

III. Interdum tamen accidit in Fractura cum Vulnere, ut os nudatum non sit; ossis tamen frustulum abscessurum metuamus. Id quod fit, cum ob fracturæ impetum aliquod ossis fragmentum ita à reliquo osse separatum sit, ut cum eo denuò conjungi nequeat. Tum enim natura id quod sibi molestum est, aliisque ossibus uniti non potest, foras protrudere conatur, neque finem facit, donec expulsum sit; id quod longiore demum tempore non raro perficere solet.

At verò abscessurum os indicat sanies, quæ copiosior, quam pro magnitudine & constitutione vulneris, effluit. Deindè labia vulneris non coeunt, & si coiverint, iterum dehisci, & ad excretionem stimulari videntur, & laxa quasi ac spongiosa evadunt; nec non tacita quædam motio in parte vulnerata percipitur: Neque enim natura vulnus integrè sanat, ubi aliquid intus hæret, quod reliquis agglutinari non potest. Adhæc ossa abscessura indicatur, si in plures particulas os comminutum sit: neque enim tunc omnes facile conglutinantur.

Citò autem futuram abscessionem suspicatur, si caro laudabilis in parietibus ossis sani generetur. Enimverò non alio modo os recedit, quam dum natura carnem in labiis ossis sani creat, quæ os superpositum attollit, atque propellit, maturum ossis exitum, præter probabiles quasdam conjecturas, inde cognosce-

re licet; si os semel, iterum, atque tertio quis percussit, percussum enim si clangorem, & vacui resonitum reddit, apertum de maturitate testimonium dabit. M. A. Severinus *Efficac. Chir. part. 2. de iis, quæ ad ossa spectant. cap. 11.*

Tempus verò, quo ossa recedere soleant, varium est. Enimverò ætate tenera, tempore æstivo, siquæ os non adeò magnum sit; viginti, triginta, aut quadraginta dierum spatio abscedit. Si verò sit magnum, ætate adultæ, tempore hyemali, vix sexagesimo die, aut etiam tardius, os separatur. In magnis ossium contritionibus, etiam post multos annos fragmenta ossium prorumperè, exemplo demonstrat Hildanus *Cem. 4. Obs. 97.* Quod & in Praxi frequenter observari solet.

Si igitur os abscessurum suo loco motum sit, & in vulnere consistat, statim volsellâ extrahendum. Similiter si ossis frustulum per rimam undique à reliquo osse sit separatum, in suo tamen adhuc loco detineatur, nihilominus quoniam nunquam cum reliquo osse glutinari potest, apprehendendum & extrahendum; siquidem sine dolore & violentia extrahi possit: atqui magna vi si id fieri nequeat, non debet extrahi, quia facile excitantur dolor, inflammatio, febris, ulcique fistulosum redditur, cum extracto osse cavitas illa sanie repletur, quæ corrodingo carnis generationem impedit. Hinc potius Naturæ negotium tunc committendum, quæ sensim id, quod agglutinari nequit, separat. Interim tamen opus naturæ à Medico juvandum, & propterea deligatio laxior instituenda, sæpiusque (de tertio sc. in tertium solvenda) ne pus detineatur, sed facile effluat. Ferulæ etiam eo loco, quo os abscessurum, non imponendæ, ne dolorem comprimendo pariant. Insuper Medicamenta vulnere admovent, quæ ossa & omne alienum è vulnere expellant. Quem in finem Barbette *Chir. par. 1. cap. 3.* sequentia proponit:

℞. Cineris Lumbricor. Terrestr. ʒiij.

Mellis Virginei ʒiβ.

M. F. Unguentum.

Vel;

℞. Aloës, Myrrhæ an. ʒβ.

Rad. Consolid. Maj. Aristoloch. Rot. an. ʒiij.

Euphorbii ʒj.

Therebinthina, Cera q. s.

Ol. Liliorum Albor. parum.

M. F. Unguentum.

Ossicula tandem omninò separata, ac citrà violentiam extracto, Ferulæ adhibeantur ad latera vulneris, donec id consolidetur. Si autem, vulnere ad cicatricem perducto, fractura nondum fuerit confirmata, Ferulæ undique erunt apponendæ, ut in fractura simplici.

Verumenimverò si ossium fragmenta, quancumque à suo toto separata, periosteo tamen adhæreant & affixa sint, nullo modo sunt educenda, sed potius in suum locum, situmque naturalem aptè reducenda, cum coalescere & conglutinari queant.

Attamen insignis ossis portio si sit abscessura, idè quod ossis fracti partes non potuerint cum aliis componi, tales partes vulneratæ omninò leniter tractandæ sunt. Enimverò propter motum & compressionem dolores accidunt vehementes, pungentibus ossis diffracti particulis non ritè compositis partes vicinas.

Si verò non statim, sed demum postea, os abscessurum appareat, Deligatio hæc (ut membrum quotidie deligari & solvi commodius queat, absque eo quod fractura moveatur) mutetur in Ascialem Fasciationem, donec os abscederit. Osse autem abscesso, ac in conspectum detruso, eoque volsellâ, si citrà violentiam fieri possit, extracto, vulnus consolidandum.

Quod

Quo ad cicatricem perducto, membrum in quiete conservandum, donec fractura consumetur, appositis undique ferulis.

IV. Cæterum in Fractura cum Vulnere si os periosseo suo denudatum appareat, videndum, utrum extrâ vulnus emineat, nec ne. Extrâ vulnus si non emineat, curatur moderata membri Extensione, convenienti Coaptatione, Labiorum Vulneris ad mutuum contactum adductione, apta Deligatione, & congruâ Depositione. In Deligatione tamen denudatum os cute, musculisque quamprimum cooperiendum, sicque ab aëre externo, quantum fieri possit, defendendum, ne alteretur, & postea abscedere necesse sit: hinc considerandum, an aliqua ossis portio sit recessura, vel nulla? nulla abscedet, si os nudatum statim cutis operculo fuerit reiectum: aliqua recedet, si os diutius aëri fuerit expositum, quanquam & hæc regula non ita universalis, quis sæpius observatum sit, ossa propter causas tum externas, tum internas denudata, non fuisse alterata, nec squammam abieciisse. uti variis exemplis ostendit Fabritius Hildanus *Cent. 4. Obs. 95. & 96.*

Si igitur nullum aut parvum os abscessurum sit, Deligatio peragenda, velut in fractura cum vulnere simplici, & in qua parvi ossis expectatur separatio: sin magnum sit abscessurum, Asciali Deligatione pars vincienda, uti in fractura cum osse magno abscessuro.

At verò os fractum, nudatumquæ si extra vulnus emineat perpendendum, an in propriam cavitatem, beneficio debitæ extensionis, citra violentiam & convulsionis periculum, restitui possit, nec ne? si possit, restitatur, sin minus, non restitatur. Periculosam restitutionem indicant, prominentia magna, inflammatio, & pars ob musculorum contractionem dura: facilem verò, os eminens parvum, absentia inflammationis, & partis mollities.

Cum igitur os eminens citrà violentiam & periculum convulsionis reponi possit, primò membrum moderatè extendatur, deinde fractura componatur. Quod si ossa extensione difficulter coaptari queant, ob timorem magni doloris, & periculosæ convulsionis, validior ne fiat extensio, sed Veste seu Scalpro quodam incisorio, inter ossa fracta immisso (vid. Sculter. *tab. 27. fig. 9.*) extensio juvetur, donec ossa è directo collocata videantur: deinde paulatim extensio relaxetur, & vestis extrahatur. Verum enim vero si os, cui innititur vestis, in superiore parte, multa fragmenta, vel aliquod acutum habeat ossiculum, ut vestis non detur commodus locus, illa Scalpro Rasorio auferenda, hoc autem Forfice præcidendum, ut vestis tuta comparetur sedes. Ossis reposito, considerandum, an fragmentum aliquod abscessurum sit, nec ne? si nihil sit recessurum, pars affecta (vulneri appposito conveniente Digestivo) deligetur, ut fractura cum vulnere simplici, sin verò aliquid recessurum, deligatio instituat, ut in fractura cum magni ossis separatione.

V. Quod si eminentia denudati ossis ita foras protuberet, ut sine violentia in locum suum reponi nequeat, tunc è duobus malis minus eligendum, osque eminens & nudum Forfice præcidendum, vel potius subtili Serrâ amputandum, & postea fractura per modicam extensionem coaptanda: hoc enim melius est, quam huiusmodi ossa non coaptata relinquere, vel extensione violentâ Aëgrum in periculosam præcipitare convulsionem, & ad mortem deducere. Fracturâ coaptatâ, membrum deligetur, ut in fractura cum vulnere simplici, ita tamen, ut vulnus quotidie sine cruris com-

motione inspicere possit: atque hinc suadet Scultetus, ut fasciis & emplastris foramen supra vulnus incidatur, ad Medicamenta vulnere magno quotidie applicanda. Rationem porro fasciarum perforationis addit: „ quia vulnus magnum, & „ idè per secundam intentionem curandum, co- „ piofam generat leniem; indequæ crebram re- „ quirat inspectionem; os autem comminutum, „ ob metum novæ musculorum contractionis, fre- „ quentiorem membri elevationem, fasciarumque „ resolutionem prohibet, unde media via, ut „ vulnere & fracturæ satisfiat, incedendum.

Verumtamen cum eminens os refecatur, ita ut os brevius fiat, multi Aëgro prædicendum volunt, partes fractas futuras esse breviores: quæ prædictio ex Hippocrate & Galeno vera est, quando femur vel humerus fractus particulam ossis amiserit, sed cum tibiæ vel cubito portio quædam absindatur, brevitatis membri semper timenda non est: os enim sanum conservat membrum distentum, donec natura defectum abscissæ portionis callo compensaverit. Cujus rei memorabile in Nobili Viro vidimus exemplum. Is è curru, equis in furorem incitatis penitus diffracto decidens, tibiâ cum fibula circiter in medio diffrexit, tanta cum violentia, ut superior tibiæ pars cutem ad duorum digitorum latitudinem perforaret, atque omni periosseo privaretur: vocatus cum Cornelio van Beeft Medicinæ Doctore, & Chirurgis Herberto à Ravenswyay, N. du Prée, suavisimus unanimiter eminentis istius ossis, periosseo penitus denudati, ablationem; dictum factum, & altero die os illud subtili Serrâ amputavimus, crus ad pristinam longitudinem extendimus, & in molli pulvinari æqualiter deposuimus, vulnus quotidie inspiciendo; atque sic ex utroque ossis sine paulatim succrescens callosus tandem coivit, sentinque in osseam duritiem firmatus est, ita ut crus pristinam longitudinem retinuerit, & ubi ablatum sit, nunc videri vix possit. Haud ablimilem historiam recenset Cl. Diemerbroekius *Anatom. lib. 9. cap. 1.* nec non Scultetus *Armament. Chirurg. tab. 28.* ex quibus insuper patet, Aëgrum è duplici fractura cum vulnere & deperditione ossis, restitutum nonnunquam non claudicare. Imò femur licet, vel humerus fractus particulam ossis amiserit, non tamen semper sequitur, partem illam futuram fore breviorē: ita videtur observasse Doctissimus Lindanus, qui *Phy. siolog. cap. 16. artic. 21.* hæc habet: „ memo- „ riâ dignum est, quod meus pater vidit Enchulz. „ Puero sexenni comminutum est os femoris: frag- „ mentis arte & naturâ sequestratis, medio osse exos- „ spatium erat quatuor pollicum. Id visum est ex re- „ liquis partibus ossis sensim adauctis & tandem „ coeuntibus ita impleri, ut dicere non liceret, „ ubi abfuisset, aut quod incommodum haberet ex „ fractura.

Cap. 5. De Fracturis in specie

I. Igitur de Fracturis in genere, cum satis nunc dictum sit, cumque ossa quæ franguntur varia sint, & secundum ossium fractorum varietatem curatio nonnihil variet, haud abs re erit, de iis in specie quædam superaddere; saltem proponendo differentias, quæ à subjecto, & ossium fractorum diversitate sumuntur. Et quia frequentissimè franguntur humerus, brachium, manus, femur, crus, patella, ossa pedis, de iis primò dicemus; postea & reliquorum ossium fracturas subjungemus.

II. Enim verò *Humerus*, cum externis injuriis expositus

positus sit, sæpius frangi solet. Appellatur autem *Humeri Os* id, quod inter Cubitum & summum Humerum interjacet, & superiore ejus capite cum Scapula committitur, inferiore verò Ulnæ & Radio articulatur.

Cognoscitur ossis hujus Fractura non solum ex partis dolore & actione læsa, cum cubitus amplius sustineri & elevari nequeat; sed etiam tactu, cum, si pars hæc prematur, ossium fragor ac strepitus audiat, & inæqualitas persentiat.

Humeri os, ut Hippocrates *Lib. de Fracturis* §. 9. Paulus Ægineta *lib. 6. cap. 100.* & Celsus *lib. 8. cap. 7.* inquit, quadraginta diebus coalescit. Cum autem sit grandius, longiore ad callam generandum opus habet.

Fractum verò Os Humeri ut restituatur, brachium incurvetur, sic ut incumbat pectori, mox humerus circa articulationem inferiorem comprehensus deorsum ducatur: factâ hac extensione, ossa convenienter manuum operâ componantur; quod haud ita difficulter fieri potest. Sedulo tamen hic curandum, ut semper in hoc situ servetur, ne iterum, quod levis mutatio efficere valet eo excidat. Chirurgus interim, post secundam præter propter deligationem, quavis vice brachium in rectum prudenter extendat, ne tendines ab humero ad cubitum excurrentes diuturnâ eâ quiete contrahantur, sique rigiditas accidat brachio. Si verò hæc tendinum contractura relinquatur, haud difficile est eam curare, si quotidie ingens pondus gesserit Æger. Chirurgus autem rigidum membrum frequenter illinat Unguento Emolliente & Relaxante.

Hippocrates *Lib. de Fracturis* §. 8. alium proponit modum, quo humeri os fractum extendi & componi debeat, de quo inspicitur Sculteri Armamentarium Chirurgicum *Tab. 23. Fig. 1.* Vult enim Sapientissimus Senex, ut rotundum lignum cubiti longitudinis vel paulo brevius ab utroque capite habenulis alligetur, quæ trahi, vel alicui sublimi adhæreant, sique æqualiter ac firmiter lignum suspendatur, ne sursum vel deorsum ferri possit: Deinde Æger brachium super dictum lignum imponat, *id est*, ut transversum lignum alæ subjiciatur; tum Patiens sedeat iâ sublimis, ut parum absit, quin suspendatur; interim aliquod aliud paretur, cui brachium inhæreat, pulvinari uno vel pluribus brachio suppositis, ita ut ad eam altitudinem perveniat, ut cubitus ad rectum angulum collocetur, vel à ministro ita detineatur. Deinde cubito valida, mollis, & lata habena circumdetur, cui magnum pondus appendatur; quod extendere convenienter possit, aut robustus aliquis partem inferiorem, cubito cum humero ad rectum angulum figurato, cogat, ac trahat. His factis, Chirurgus stans, altero pede super re quapiam sublimiori collocato, prominentioribus palmarum partibus fractum os componere debet. Alii autem Sclarum gradu suspensi ligni vice utuntur.

At verò Manubus non raro fieri potest hæc Extensio, præsertim in pueris: resupinatô enim Ægrotante, ne molestiâ aliquâ afficiatur, & alligatâ ac suspensâ ipsius manu ex cervice, ita ut angulosa figura servetur, alter ex ministris ambabus manubus humeri superius caput apprehendendo, alter inferius in diversa extendendo. Quod si manuum operâ expediri non possit in adultio-

ribus, ob musculorum crassitiem & robur, laqueis extensio fiat, quorum alterum supra, alterum infra fracturam brachio circumligare debemus, sique duobus ministris (quorum alter ad caput, alter ad pedes Ægrotantis consistat) ut in diversa æqualiter & simul extendant, præbeantur.

Facta quovis modo Extensione, ossibusque convenienter compositis, Fasciæ injiciendæ, incipiendo à fractura; attendendumque, ut semper in ea figura ligetur membrum, in qua manere debet, *id est*, ut cubitus cum humero rectum angulum constituat. Cætera porro agantur, ut in generali fracturarum curatione superius diximus.

III. *Brachium* propriè dicitur illa pars, quæ est à Cubito ad Carpum. Constat duobus ossibus; quorum alterum *Radius*, alterum *Ulna* dicitur. Atque frangitur nunc utrumque, nunc alterutrum tantum.

Fractura Brachii, ubi unum saltem os fractum est, facilius curatur; at utrumque si fractum sit, pessima est, & difficilius curatur; majore namque extensione tunc opus est, cum ossa fracta nullum fulcrum & sustentaculum habeant; atque adeò musculorum fibræ, ossis robore penitus destitutæ, naturalem suam determinationem omnino sequantur, & in se contrahantur. Ut plurimum tamen Brachii Ossa intra triginta præter propter dies coalescunt; quanquam ætas ab ætate, natura à natura differat. Veruntamen si alterum saltem brachii os fractum sit facilius est curatio, cum subjectum habeat alterum, in quo plus opis est, quam in fasciis, ferulisque. Et si Radius tantum frangatur, faciliorem admittit curationem; si Ulna, difficilius curatur.

In Curanda Brachii Fractura haud secus procedendum, ac in aliarum partium fracturis curandis. Ad Extensionem verò minore vi opus est, ubi Radius fractus fuerit, majore, ubi Cubitus seu Ulna; maxima, ubi utrumque os. Et quidem si ambo ossa sint fracta, æqualis Extensio faciendâ: si alterutrum solummodò fractum sit, eâ in parte, ubi fractura est, fortior Extensio, instituenda. Atque hæc actio ex sententia Pauli Æginetæ *lib. 6. cap. 101.* fieri debet inflexa manu ad angulum rectum, sic ut pollex omnium digitorum altissimus, contrâ minimus digitus omnium infimus habeatur. Fieri autem potest extensio Manubus, à duobus ministris in diversa extendentibus, & si vehementiore extensione opus est, utriusque præsertim ossibus fractis, & in valde carnosio, Habenis faciendâ, alligando unam supra fracturam, alteram infra. Extensione factâ, admotis prominentibus palmarum partibus os fractum dirigendum & componendum, atque in pristinam sedem restituendâ, si quæ ossium adsint eminentiæ. Osse fracto reposito, fractura Fasciis circumdanda, & alia, quæ in genere de fracturæ curatione dicta sunt, peragenda, tandemque brachium rectè collocandum ac situandum: quod sit, si incurvatum imponatur pectori, sic ut manus paulò altiore occupet locum, quam brachium ipsum, nec non mitellâ commo- dissimè excipiat, è cervice suspensum in ea figura, *hoc est*, quæ rectum angulum referat in cubiti curvatura ut conjuncta ossa nullo modo dimoveantur. Post hæc singulo biduo aut triduo leniter brachium extendatur, quò affluentes humores non nimis diu in articulis detineantur, adeoque non efficiant harum partium coalitum, & hinc membri rigiditatem. Similiter si superius Ulnæ tuberculum,

Olecranon dictum in ipsa Cubiti flexura fractum sit, qualibet vice, inter deligandum, leniter brachium extendatur & iterum cubitus incurvetur, ne in ipso articulo, vix. inter ejus tendines & ligamenta, callosa concrefcens substantia juncturæ difficilem motum, vel omnimodam rigiditatem relinquit.

IV. *Manus ossa* sunt octo *Carpi*, quatuor *Metacarpi* seu *Palma Adani*, & quindecim *Digitorum*. Hæc ossa, *Digitorum* vix. & præsertim *Metacarpi*, fracturam nonnunquam patiuntur; at verò *Carpi* ossa contunduntur magis, quàm franguntur.

Cognoscitur autem fractura in hisce ossibus facile, visu & tactu; cum hæc ossa fracta vel ad exteriora ut plurimum declinent. Non difficulter tamen, & quidem intra viginti præter propter dies, perfectè coalescunt, & sanantur.

Quandò ergò quoddam *Manus* os frangitur, *Patiens* læsam manum super æqualem & lævem tabulam deponat. Deindè minister ossa fracta extendat: *Chirurgus* verò manu in suam sedem ea restituat; hinc conveniente *Fasciâ* partem obvolvat. Et quidem si *Digitum* fractum sit, excepto pollice, vicinis sanis alligandi, ut ab iis in suo loco, quasi à ferula apposita, contineantur. Tandem *Globo* ex *Linteo* *Convolutum* manus vola complenda, ut hoc modo ossa composita facilius contineantur, & *digitum* in media figura conserventur. *Manus* quoque cum brachio à collo idoneâ fasciâ suspendatur, ac in quiete detineatur, quousque fracta ossa consolidentur; dein tertio vel quarto quoque die vincula solvenda, & pars multâ *Aquâ Calidâ* fovenda ac perfundenda, cum dixerit *Hippocrates Lib. de Fracturis*, „ In omnibus autem, qui juxta Articulos sunt, „ affectibus, liberaliter Calida Aqua perfundenda „ est, deindè Medicamenta applicanda, & rursus „ pars deliganda. Et sane multum hoc modo præcavebitur, ne digitis vel extensis vel contractis callus tam facile generetur, adeoque ne manus officium in comprehendendo lædatur. *Hipp. lib. 6. Epidem.* narræ cujusdâ historiam refert, cui ob fracturam medii *digitum*, exortæ inflammationi gangræna successit, tandemque spâsmo episthotono correptus interiit.

V. *Femoris os*, licet cæterorum ossium, quæ in corpore humano sunt, maximum, crassissimum, & longissimum sit, nonnunquam tamen frangitur, vel in medio, vel in extremis, locisque vicinis.

De *Femoris Fractura* *Hippocrates lib. de Fracturis, ex edit. Lindani*, §. 23. ita scribit: „ at „ verò si *femoris os* fractum fuerit, extensionem „ præ omnibus facere oportet, ita ut ne defectu- „ sius fiat. Amplior enim facta nihil læserit. Ne- „ que enim si quis distantia ex vehementia exten- „ sionis ossa deligaverit, fieri poterit, ut deliga- „ tio ipsa teneat, ut ita distent: sed coeunt in- „ ter se ossa quàm citissimè, ubi intendentes ipsa „ remiserunt. Crassissimæ enim ac fortissimæ quum „ sint hac parte carnes, deligationem superabunt, „ non ab ipsa superabuntur. Hoc confirmare vi- „ detur *C. Celsus*, dum *lib. 8. cap. 10.* id scri- „ ptum relinquit: „ si *femur fractum* est, fieri brevius „ oportet, quia nunquam in antiquam sedem reverti, „ tur summisque digitis postea ejus curis insistit. Sed „ multa tamen femori debilitas est, ubi fortunæ „ negligentia quoque accessit. Et *Avicenna lib. 4. Fen. 5.* tradit, raram admodum esse *femoris* fra-

cti integram curationem. Quibus verbis nos mo- nent, ut integram *femoris fracti* curationem nunquam promittamus, sed omnem potius diligentiam adhibitori claudicationem dubiam prædicamus, ne ex fracturæ natura, aut ex *Ægrotum* impatientia superveniens, nostro adscribi errori, & præmii loco famam minuere possit. Scribit quoque *Fabritius Hildanus Cent. 5. Obs. 86.* se neminem unquam vidisse, qui ex hujusmodi fractura sine claudicatione evaserit, præter unicam puellam, cui novam & peculiarem curandi rationem adhibuit, quæ ibidem videri potest. Id autem præcipue accidit, si femur in loco superiore juxta coxam frangatur. Sin verò genu versus, aut in medio femoris os frangatur, & diligens cura adhibeatur, non adeò difficulter, & sine claudicatione fractura sanari potest.

Ubi igitur femoris os fractum est, valenter omninò extendi debet, & recto tramite, ita ut in neutram partem convertatur: violenta extensio convenit, quoniam maximi sunt musculi, qui femur circumdant, & inagnam versus suum principium contractionem faciunt.

Resupinato ergò *Ægrotante*, & extensis cruribus, valida Extensio fieri debet, vel *Manubus*, vel *Habenis*, ut videre est apud *Scultetum Armam. Chirurg. tab. 26. fig. 1.* vel *Instrumentis* sive *Machinamentis*, *Glossocomo* puta, vel *trochleâ* trajecto Fune, qualem depingit *Fabritius Hildanus Cent. 5. Obs. 86.* nec non *Scultetus tab. 22. fig. 1.* Extensione sufficiente factâ, musculi, utpotè validissimi, facile fracti ossis partem inferiorem ad superiora adducunt. Id tamen ut ritè & decenter fiat, prominentibus palmarum partibus, ut in aliis fracturis, os dirigatur & comprimatur, adeoque ossis fracti capita coaptentur. Interim meminerit *Chirurgus* priusquam operi se accingat, femur anteriore & posteriore parte gibbum esse, interiore & posteriore curvum, ut ad eam figuram femur reducat, ne superveniat claudicatio. *Hipp. de Fract. §. 24.*

Reductum femur aptâ & conveniente Ligaturâ deligetur, qualis est *Fascia Ascialis*, quæ simul & in orbem circa coxam & ilia, ut inguina etiam, & quod inter anum & genitale est, involvatur; cum ob alias causas, tum ne externæ ferulæ nudam partem offendant.

Insuper fractum femur conveniente fasciâ obligatum longo Canali, qui poplitem excedit, imponatur. Nam si canalis femori adaptetur, qui poplitem non excedit, is noxam potius, quàm opem adfert: prohiberi enim non poterit, quin corpore aut crure moto femur quoque moveatur. Popliti etiam molestus erit, & genu curvari permittet: si verò quis genu quodammodo flectat, femoris quoque vincula moveri necesse est, & musculos alio atque alio modo figurari, adeoque & ossa fracta dimoveri. Ideoque utilissimum videtur, femur in canalem conjici, qui à coxa ad pedem usque pertingat; & præcipue, si ad poplitem cum canali fascia laxa circumjiciatur, velut infantes in cunis fasciari solent. Enimverò ubi femur in partem superiorem, aut ad latus distorquebitur, ita cum canali melius continebitur. Canalis igitur à summo ad imum usque, aut nullus adhibendus.

Cæterum imò calci magna habenda cura, ut tum in femoris, tum in tibiæ fracturis aptè collocetur: etenim si pes dependeat, tibiâ reliquâ obfirmatâ, ossa in anteriore cruris parte gibba apparere necesse est, idque eò magis, si hominis calx suapte naturâ grandior fuerit. Hipp. *l. de Fracturis* §. 26.

Sed distortio femoris præcavebitur, si membrum in, ante, & post deligationum instrumento Glossocomo (vide Scultetum *Armat. Chir. tab. 21. fig. 4.*) conservetur extensum, usque ad perfectam fracturæ confirmationem. Ne autem instrumentum hoc partem suâ duritiæ atterendo lædat, idèd aliquid molle subjiciendum, uti est lana carpta, mollis stupa, vel simile.

VI. *Patella* etiam interdum frangitur, & quidem nunc secundum longitudinem, respectu totius femoris, nunc in transversum, nunc in obliquum; & nunc in duas, nunc in plures partes comminuitur; insuper nunc cum vulnere, nunc sine vulnere.

Hujus autem ossis Fractura facillè innotescit ex tactu, cùm partes divise persentiantur, cavitas appareat, & crepitus in contrectatione audiat, nec non omnimoda adit incedendi impotentia.

Patellâ equidem, ut alia ossa rara, facillè coalescit, modo rectè conjungatur, & conjuncta servetur. Et si secundum longitudinem facta sit fractura, sine manuum operâ solâ musculorum tibiâ extendentium contractione, ossa conjunguntur, & conjuncta pulvillis, spleniis, fasciisque non difficulter in suo loco retinentur, ac uniuntur viginti circiter dierum spatio; atque ità nulla calli extuberantia, & hanc subsequens claudicatio, facillè metuenda. Ambrosius Paræus tamen *Chirurg. lib. 14. cap. 22.* neminem sibi visum fuisse scribit, cui os hoc fractum esset, qui non per vitæ reliquam claudicaverit: idque idèd, quod facta calli concreione consolidatio liberam genu flexionem impediat. Verùm etsi hæc de transversa fractura facillè concedi possint: tamen rectè statuit Fabricius Hildanus *Cent. 5. Observ. 88.* non semper, præcipuè in fractura patellæ secundum longitudinem facta, id esse necessarium; cùm non semper callus ità protuberans nascatur, ut motus impedimentum in genu, & claudicationem afferat, videamusque in aliorum ossium fracturis, naturam tam eleganter callum generare, ut sæpe vix fracturæ appareat vestigium; quod in primis accidit, ubi periosteum integrum est, quod materiam calli retinet, ne nimis excrecere, & protuberare queat.

Si verò Fractura transversum vel oblique facta sit, difficulter admodum curari potest, ut incedendi impotentia, vel saltem claudicatio non relinquatur. Enimverò cùm musculi tibiâ extendentes sursum versus, & pedem moventes deorsum trahant patellam, ossa fractæ patellæ ita disjunguntur, ut haud facillè conjungi, aut conjuncta retineri queant, unde callus extuberat, qui cavitatem inter femur & tibiæ os adèd adimplet, ut articuli istius motus impediatur. Nilominus symptoma hoc prudens Chirurgus non raro prohibere solet, si qualibet vice, inter deligandum, fractam patellam digitis (ne fragmenta composita denuò dimoveantur) firmiter apprehendat, & undique loco prudenter moveat.

Itaque in hujus ossis restauratione, crus primò extendendum est; dein à Chirurgo Patella seu in duas, seu in plures partes fracta conjungenda, & secundum naturalem figuram æquanda, nec non conveniente ligaturâ continenda. Totulis verò impositis stramineis, ut in fractura cruris fieri solet, membrum immobile tenendum, & omninò cavendum, ne crus flectatur. Hoc enim si fieret, fragmenta composita suo loco iterum dinoverentur; quem in finem poplitis cavitas rotundis plenius exactè implenda, ut genu curvatura impediatur. Religiosè interim observet Chirurgus, ut inter deligandum fractam patellam prudenter ultrò citroque moveat, ne inter tendines & ligamenta, quibus continetur patella, callus concreascit; hinc & articuli istius motus difficilis, vel omnimoda rigiditas, atque adèd incedendi ferè impotentia, aut saltem claudicatio relinquatur.

VII. *Crus* illa pars appellatur, quæ à Genu ad Pedem extenditur. Constat duobus ossibus, quorum quod crassius est, & internam Cruris regionem occupat, *Tibia*; quod tenuius & exterius, *Fibula* nominatur. Franguntur hæc ossa interdum ambo simul, interdum unum tantum; & Fractura accidit vel in medio, vel in superiore, aut inferiore parte.

Si utrumque os fractum sit, facillimè id cognoscitur; cùm totum crus inflecti possit. Nec difficulter cognoscitur Tibiæ Fractura, si ea tota fracta sit; quoniam totum hoc os in conspectum, utpote in loco excarni, facillè venit. Si verò Fibula sola frangatur, id non ità facillè cognoscitur; quoniam multâ carne tegitur: fracta tamen pars ad interiora inclinare solet.

Si ex ossibus hiscè alterum fuerit fractum, facillior curatio est: præsertim si Fibula tantum sit fracta, curatur facilius, & Ager citius pedi insistere potest; cùm facilius crus extenditur, & tibia maximam oneris corporis partem sustinet. Tibia verò si fracta sit, curatur difficilior, quia crassior, & vice fundamenti totum corpus sustentat: hinc & majore extensione opus est, & homo tardius incedere audet. At utraq; ossa si fracta sint difficilis admodum est curatio, tum quia validior requiritur extensio, tum quia omni fulcro destituta est pars affecta.

Sive ergò utrumque, sive unum os frangatur, crus, quantum opus est, extendendum: ut sine læsione ossa suo loco restitui & conjungi queant. Quod plerumque duo viri robusti (si alter in partem inferiorem, alter in superiorem Crus trahat) manibus præstare possunt. Quod si id exsequi nequeant, Habenis vel Machinamentis utendum. Et ubi satis extensum crus fuerit, ossa fracta reponenda. Deindè Fasciis crus involvendum; quæ & latiores & longiores esse debent, quàm in brachio: & omninò ità situandum ac componendum, ne in ullam partem perverti possit, neque ossa fracta depravari queant. Tandem crus rectum & extensum super pulvinari, aut re molli & plana collocandum, & Ferulæ, ac Canales adhibendi, ut *Cap. 2. de Generali Fracturarum Curatione* diximus. Qua in re observandum, ne supereminentes ossium extremitates applicentur, vel super magnum musculorum Gastrocnemii ac Solei tendinem, qui calcaneo inseritur. Hæ namque partes, cùm sensum habeant exquisitum, compressionem non ferunt, sed compressæ dolent, ac inflammantur. De situ autem tibiæ fractæ hæc habet Fabricius Hildanus *Cent. 1. Observ. 93.* „In fracturis tibiarum

„ tibiæ curandis , nonnulli Chirurghi non levem
 „ committant errorem , quum volunt tibiæ ere-
 „ ctam infistere talo , ex qua situatione hæc se-
 „ quuntur incommoda. Primò quidem fit , ut
 „ Æger temporis progressu majorem dolorem pa-
 „ tiatur in talo , quàm in ipsa fractura , idque
 „ propter tendines magnos & nervosos , qui ta-
 „ lo inferuntur. Dolor autem ille multos ad se
 „ trahit humores , qui in ipsa junctura , & spa-
 „ tiis inter ossa pedis fracta , arque ligamenta
 „ retinentur. Et quia ex hac situatione venæ &
 „ arteriæ comprimuntur , & proinde pars affecta
 „ suo calore quodammodo destituitur , necessa-
 „ riò condensantur & refrigerantur hi humores in
 „ ipsa junctura ; & spatiis inter ossa pedis. In-
 „ de curatâ fracturâ , pes novam adfert molestiam :
 „ ægrè enim & difficulter movetur junctura , se-
 „ quuntur & nonnunquam alia quàm pessima sym-
 „ ptomata. Id quod idem Hildanus memorabili
 „ exemplo confirmat , quando subjungit : prospici-
 „ ciant igitur Chirurghi , ne nimis curiosè situa-
 „ tionem hanc in fracturis tibiæ observent. In-
 „ volutâ autem tibiâ fasciis , spleniis , & stu-
 „ pis , & in capsula idonea collocatâ ; ea eli-
 „ genda est situatio , quæ minimè sit dolorosa.
 „ Itaque modò in hanc , modò in alteram par-
 „ tem collocanda est tibia , ut Æger nunc in hoc , nunc
 „ in illud latus decumbere possit : sic enim multa
 „ accidentia evitabuntur. Hæc ille.

VII. *Hominis pes* , sicuti Manus , ex multis minutisque , nec non duris constat ossibus , magnitudine & figurâ diversis. Sunt autem ea , septem *Tarsi* ossa , quinque *Metatarsi* , quatuordecim *Digitorum*. Ossa verò Pedis & Manûs non frangi scribit Hippocrates *lib. de Fracturis, paragraph. 10.* nisi acutâ vel gravi quapiam re carnosæ partes vulnerentur. Sunt enim duriora : & quæ acuta sunt , & gravia , si ossa hæc frangant , cutem incumbentem salvam non relinquunt. Et Paulus Ægineta *lib. 6. cap. 106.* scribit , Talum nullo modo frangi , non tantum ob durti-
 „ tiem : sed quia undequaque ab ossibus eminentibus est munitus. Similiter Albucasis *lib. 3. cap. 18.* inquit ; ossi Calcis nullo modo accidere fracturam , aliis verò Pedis ossibus fracturam accidere posse , ac etiam ossibus Digitorum ; sed raro hoc evenit , potiusque hæc ossa atteruntur , quàm franguntur.

Si autem Pedis ossa frangantur , visu & tactu id deprehenditur ; cum hæ partes excarnes sint.

Horum ossium Fractura per se periculosa non est ; sed quia non nisi à valida admodum & violenta causa franguntur , partes incumbentes , & vicinæ carnosæ ac tendinosæ simul contunduntur & vulnerantur , unde dolores gravissimi , inflammationes , aliæque superveniunt accidentia. Diebus tamen præter propter viginti conservent & occalescant ; nisi quæ cruri vicina sunt. Ea enim cum sint majora , longius tempus requirunt.

Curatio ferè eadem est quæ ossium Manûs fracturæ. Commoda nimirum facienda Extensio , & ossa , sive in superiorem sive inferiorem partem emineant , in naturalem sedem compellenda : quod commodius fit , si æger pede fracto tabulæ planæ panno obductæ insistat. Deindè fasciis pes involvendus. Et cum pedi Ferulæ ob loci inæqualitatem commodè admoveri non possint , Splenia *Oxycrato* , vel *Vino Rubro Adstringente* madida loco affecto imponenda , Fasciisque locus vinciendus , ut ossa composita in sua sede contineantur. Situatio ramen & collocatio aliter hîc instituenda , quàm in manu. Enim-

verò cum manus data sint ad apprehensionem , curvâ figurâ digiti collocandi sunt. Pedes verò cum ad ambulandum & standum dati , rectâ figurâ situandi , non curvâ , ne eorum actio depravetur.

IX. Insuper & alia nonnunquam franguntur ossa , inter quæ Nasus primo loco occurrunt. Constat autem *Nasus* ex ossibus & cartilaginibus : ossa ejus propriè franguntur ; cartilaginee contunduntur , deprimuntur , distorquentur.

Fracta verò hæc ossa ex signis manifestis innoscunt , quoniam si adversa fracta sint , nares desidunt , & sinus nasus apparet , difficulterque spiritus trahitur : si à latere os sit fractum , is locus cavus apparet : Sin cartilaginee contusæ sint , earum distorsio , & in alteram partem inclinatio adeit.

Commodissimè ex sententia Hippocratis *lib. de Articulis , ex edit. Lindan. §. 31.* restituitur Nasus fractus eodem die , vel certè paulo post , nec differenda curatio , quia in naribus callus citò generatur , intrâ decem dies , nisi corrumpatur. Subjungit tandem sapientissimus Senex : „ Nasus ex „ omnis corporis partibus facillimè componitur , „ & nisi protinus dirigatur , dirigi postea non potest , sed pervertitur.

Itaque si Nasus fractus in inferiorem partem æqualiter dimittatur , sinisque reddatur , quamprimum quicquid in cartilagine incidit , leniter excitandum , ac sublevandum , ut sublatum postea decenter coalescat : viz. in nares aliquid intromittatur , quod dirigat , ut Specillum ad digiti formam fabricatum , ex Buxo , vel Ebore , vel Ferro : aut quod fractum est , elevetur Digito in nares immisso , atque in naturalem sedem restituatur. Extrinsecus etiam ab utraque parte Nasus apprehendatur , ac sursum ducatur. Ubi autem probè conformatus fuerit nasus , ut naturalem figuram conservet , longa linamenta contorta in Nares immittenda sunt , quæ narium cavitatem implent , vel perforata Cannula , aut Penna introducatur , superimposito exterius Emplastro Defensivo , vel simili.

Si verò in uno tantum latere Nasus fractus sit , dirigere etiam convenienter ab ea parte , quæ declinat , & in naturalem sedem restituere oportet , tum Digitum vel Instrumentum commodum in nasum , qua parte lusus est , immittendo , tum extrinsecus dirigendo. Et ne quod compositum est , iterum depravetur , in singulas nares (at crassius in narem læsam) Linamentum , vel Penna Ansetina grandior molli pellicula obducta , vel Fistula aut Cannula è Plumbo vel Argento , iidem pelliculâ obducta , immittatur , ac tamdiu intus relinquatur , donec os aut cartilago satis roboretur. Neque multum refert , quid immittatur , modò præster , ne fractum nasi os subsideat , & molle sit , odorisque gravis expers. Monet tamen Hippocrates , nullo pacto Spongiam esse immittendam , quoniam humorem imbibit , atque sic turgendo , partem distendit , cunctaque dissolvit. Etiam Deligationem improbat , quam C. Celsus proponit , quia magis nocet quam confert , cum similitatem , & majorem amplioremque distorsionem adferat. At de necessitate ligaturæ in Narium Fractura Curanda disputat Guido de Cauliaco in *sua Chirurgia* , qui videri potest.

Si juxta cartilagineum Nasus fractus sit , & in obliquum distortus , post congruam conformationem , Habenula digitorum lata , Glutine aliquo illita , naso ea parte , in quam inclinat , agglutinanda ; postea intendenda , quantum expedit , ut nasus rectè dirigatur. Longa autem sit hæc habena , ut

circa

circà autem obducta circum caput obducatur. Hæc justè dirigit nasum, & remitti ac intendi potest. Et si intra nares impositæ turundæ dolorem excitent, tollendæ, & tandiu nares habenâ directæ servandæ. Post quartum decimum diem habenæ demendæ, & Emplastrum aliquod Catagmaticum imponendum.

Si autem Nasi ossa minutim fuerint confracta, quantum licet, singula in suam sedem reponenda, vel idoneis Instrumentis compellenda, neque facilè, & nisi nullo modo agglutinari possit, os aliquod eximendum; cum semper deformitatem pariat. Postea Ceratum vel Emplastrum ad ossa confirmanda imponendum. Plura de Narium Fractura videantur apud Hippocratem *Lib. de Articulis, articul. 30. 31. 32. 33. 34.*

X. Interdum & *Inferior Maxilla* frangitur, vel transversum; vel in plurima fragmenta, ossibus semper inter se aliqua ex parte coherentibus, rarò penitus disjunctis, & dissolutis, ut in aliis.

Facilè autem Fracta Maxilla cognoscitur, quoniam si tantum extrinsecus ossa fracta sint, tactu apparet, & in interiore oris parte aliqua gibbositas digito per sentitur. Sin verò transversum fracta fuerit, introsum manifesta cavitas sit, & in interiore oris parte ferè dens super proximum dentem excedit.

Maxillæ ossa, si primis diebus inflammatio non accedat, intra viginti præter propter dies consolidantur, & dentes integri remanent. Sin verò cura diutius protrahatur, dentes vitiantur, & inutiles redduntur, auctore Hippocrate *Lib. de Articulis, articul. 29.*

Si igitur Maxilla ita per transversum fracta sit, ut ossa inter se aliqua ex parte equidem cohæreant, digitis utrinque, tam ori immixtis quàm extrà applicatis, os comprimere & in suam sedem compellere oportet: interius namque tuberculum, foràs propellendum, & alterâ manu ossa inæqualia complananda. Maxillam verò in suam sedem esse restitutam, ex ejusdem, nec non dentium æqualitate apparet.

Si verò Maxilla tota transversum fracta sit, quod tamen rarò accidit, sic ut os super os emineat, & dens super proximum dentem excedat, digitis ori immixtis, & extrà manu adhibita, ossa fracta componenda: & nisi simplici compressione id fieri possit, primum exrensis; ministro retrò continente & Chirurgo ante extendente, fieri debet, hinc & ossa inter se componenda. Deinde dentes qui sunt ad fracturam, non tantum bini, verum & plures inter se colligandi, donec ossa ferruminata sint. Hipp. filo aureo utitur: cujus defectu vel filum sericeum, vel seta equina usurpari poterit. Si Maxilla in mento fracta fuerit, qua parte ambo colligantur ossa, ambabus manibus inter se coaptari & dirigi debet.

Ubi autem fracta ossa fuerint reposita, quod ex æqualitate dentium cognoscitur, ut suo loco conserventur, extrinsecus Ferula, ex corio seu alia conveniente materia, maxillæ longitudini correspondens, apponenda, hinc conveniens Deligatura instituenda; quæ fiat Fasciâ duabus extremitatibus fissâ, duos digitos latâ, mediâ quoque sui parte in longitudinem incisâ, ut utrinque mentum completatur. Cum ergò fasciæ in extremitatibus fissæ quatuor sint, capita duo inferiora ad summum caput deducantur, ibidemque deligentur, vel pileolo nocturno assuantur; duo superiora transversum traducta

Bibl. Chirurg. Tom. II.

ad imum occiput deligentur, vel eidem pileo assuantur.

Sin tali fracturæ Vulnus sit conjunctum, Specillo explorandum, an minutim, & in plures partes diffracta sint ossa; & si ossis fragmenta separata inveniuntur, aliisque conferruminari nequeant, idoneo Instrumento eximenda; sicque vulneris orificium angustum sit, ampliandum: deinde vulneris labia ad mutuum contactum adducenda, & apposis Lintheis Emplastice adducta conservanda, atque dicatum cruentis vulneribus Medicamentum superponendum, donec consolidentur. Interim ne decumbat Ager in partem maxillæ fractam, sed in sanam; at non huic, sed capiti innixus, ne ossa composita iterum distorqueantur. Maxilla quoque immobilis servetur; ideoque Ager, non multum loquatur, nec duriores cibos mastice, sed mollioribus & liquidis nutriatur, donec callus obduret. Et si aliquid denudò suo loco motum fuisse observetur, tertio præter propter die deligatio solvenda, & si quid exciderit in suum locum reponendum.

XI. *Clavicula* Acromio & Sterno articulata movetur; qua parte autem jungitur sterno manifestius agitur, obscurius & ferè insensibiliter cum acromio, quia scapulæ motum sequitur. Idcirco fractæ claviculæ pars acromio juncta situm mutat, in anteriorem, vel posteriorem vel inferiorem locum conversa, alterâ ejusdem parte semper immotâ.

Frangitur verò Clavicula vel transversum, vel obliquè, vel per longitudinem. Si per transversum id accidat, vel propè humeri articulum, vel magis versus articulationem cum sterno diffingitur.

Cognoscitur ossis hujus Fractura tactu potius quàm visu; ut & ex dolore.

Si per transversum frangatur Clavicula, facilius curatur; difficilius autem, si per longitudinem. Nam quod transversum fractum est, facilè extensione, & digitorum compressione in naturalem sedem revertitur: reliqua fractura semper quid eminentiæ habet, quod agrè coaptari potest. Perficitur tamen Claviculæ Fractæ Curatio quatuor & viginti circiter diebus.

Igitur ut hæc Fractura curetur, ministri duo ad extensionem requiruntur, quorum unus utraque manu humerum, qui claviculæ fractæ adjacet, ad posteriora, alter caput in latus oppositum ducat; interea Chirurgus digitis id quod prominet propellendo, ima foràs attrahendo, & quæ deorsum tendunt, sursum; & quæ sursum, sunt deorsum compellendo, fracturam componat. Aliqui autem, ut facilius fiat restitutio; Glomum Lineum alæ subiciunt, hinc brachium ad costas comprimunt, atque ita os suæ sedi restitunt. Si verò ossis fracti extremitates ita depressæ sint; ut sursum reduci hoc modo nequeant, Ager resupinandus est in pulvinari duriorè, spinæ inter scapulas subjecto; humeri interim manibus sic deprimendi, ut ossis fracti extremitates depressæ eleventur eoque, ut in naturalem sedem restitui possint.

Compositis fractæ Claviculæ ossibus, Plagulæ tres convenientis crassitiæ & longitudinis, ut cavitate, quæ supra & infra claviculam est, repleantur, quarum duæ lateribus, tertia crassior prominenti fracturæ imponenda. Ità enim & os fractum eminens deprimetur, & nec sursum, nec deorsum, nec ad latera è suis sedibus ossa fractæ composita amoveri poterunt. Hinc Deligatio instituenda; quæ fiat Fasciâ

palmum latâ, debitæ longitudinis, duplex caput habente, decussatim injectâ quæ sæpius circumducenda, & obvolvenda ut brachium ad posteriora deducat: Interim cavitas sub axilla lintheaminibus convolutis replenda; sic namque facilius deligationem sustinet Patiens.

XII. *Scapula* etiam qualibet sui parte frangi potest, rarius tamen in processu illo, qui *Acromium* dicitur; sæpius juxta *Spinam*, & in aliis extremitatibus. At si *Acromium* frangatur, visu & tactu percipitur, præsertim si pars ægra cum sana comparetur: sin verò latior ejus pars, & in extremitatibus frangatur, tactu cavitas quædam deprehenditur, & punctorius dolor in parte percipitur.

Fractura quæ in *Summo Humero* seu *Acromio* est, difficilius curatur, quàm in aliis *Scapulæ* partibus. At in *cervice Scapulæ*, aut circâ articulationem ejus cum humero, quæ est Fractura, ferè incurabilis est.

Si ergò os fractum *Scapulæ* adhuc cohæreat, manu Chirurgi in suum locum restituendum. Quod si non faciliè fiat, & majore vi opus sit, *Pila* ex linteo sub axillâ ponatur, & minister deorsum humerum trahat, cubitum ad costas adducendo, Chirurgus verò manu Fracturam comprimat & componat. Sin os fractum *Scapulæ* non cohæreat, modò ligamentis & periosteo quodammodò adhæreat, & pungendo admodum molestum non sit, etiam suo loco restituendum. At si penitus & ab ossè, & à periosteo ac ligamentis separata sint fragmenta, sic ut carnes pungant, cute incisâ, eximenda, Sin verò non pungant, relinquenda: natura namq; quod reliquis non cohæret, tandem spontè expellit, etsi interdum post longum tempus id fiat; sic refert *Ambrósius Pærus lib. 14. cap. 9.* cuidam *Marchioni* è *scapula* vulnerata ossium quædam fragmenta post annos septem, cicatrice referatâ, erupisse.

Ossibus ritè compositis, Deligatio conveniens instituenda, sicque summum *Humeri* fractum sit, *Pila* sub ala vincienda, & deligatio non frequenter solvenda: Æger interim in opposito latere cubet, & partem in quiete detineat.

XIII. Interdum *Costa* ex causis violentis quocquè franguntur; casu vix. aut contusione. Et quidem fractæ *Costæ* interdum intrò declinant; interdum extrâ eminent. interdum, etsi totæ franguntur, proprio loco non dimoventur; nonnunquam & caro circa costas colliditur.

Si *Costa* & tota fracta, & extremitates loco moræ, quædam inæqualitas & cavitas tum visu, tum tactu deprehenditur, & strepitus auditur. Quibus accedunt & alia symptomata; adest viz. dolor gravis, pleuriticum dolorem æmulans, respiratio difficilis, tussis molesta, & non rarò quoque sanguinis sputum, dum ex vasis ruptis effluentem sanguinem pulmo imbibit, nec non febris. Si tamen *Costa* quidem fracta sit, at fractæ extremitates neque intrò cesserint, neque in exteriorem partem compellantur, pauci febricitant, aut sanguinem spuunt.

Costarum Fractura si simplex sit, absque partium vicinarum gravi contusione, aut inflammatione, periculo vacat, & intrâ vigesimum diem non rarò curatur. Sin verò caro circâ costas atteratur, periculosum malum est, & non rarò lethale, teste *Hippocrate Lib. 1. de Articulis*. Etiam periculosa est Fractura, si *Costa* intrò compellatur, & pleuram pungat vel vulneret, tuncque eadem ferè symptomata, quæ pleuriticis infestare solent, superveniunt, ac longius protrahitur curatio.

Si ergò *Costa* fracta sit, proprio tamen loco non dimota, nec incumbentium, vicinarumque partium contusio adsit, per se faciliè consolidatur. Sin extrâ promineat, manu comprimenda, & in propriam sedem reducenda, ac æquanda. Si intrò vergat, Æger tussit, ac spiritûs, ore clauso, retentione eam extrinsecus compellat; Chirurgus verò Ægrotanti manibus, quantum fieri potest, succurrat. Quod si non succedat, nonnulli *Emplastrum* cuti validè adhærens censent imponendum, idque aliquoties cum impetu auferendum, donec in locum suum *Costa* sit restituta. At quandò *Costæ* fragmentum membranam pungant, atque acerbissimi inde dolores, aliaque prava symptomata oriantur, cutis incidenda, ac pungentia fragmenta vel eximenda, vel præcidenda. Plura de *Costarum* Fractura videantur apud *Hippocratem Lib. de Articulis. §. 51. 52. 53. 54.* Insuper de felicissima curatione fracturæ costarum, in qua nonnulla notatu digna occurrunt, videatur *Fabritius Hildanus Cent. 5. Obs. 85.*

XIV. *Dorsi Spina* est *Vertebrarum* omnium contextus, & sicut quædam corporis carina, quæ constat septem *Cervicis Vertebris*, duodecim *Dorsi*, & quinque *Lumborum*, nec non *Osse Sacro*, & *Coccygis*. *Vertebrarum* Corpora rarò admodum Fracturam patiuntur; earundem tamen Processus à causis externis & violentis nonnunquam franguntur. Id autem tactu faciliè deprehenditur, cum huc atque illuc moveri persentiantur diffractæ *Apophyses*.

Vertebrarum Processuum simplex Fractura simplici lenique manuum operâ restituitur, ac consolidatur viginti circiter dierum spatio: sunt namque Processus hi ossa spongiosa & rara. Sin verò per vim admodum violentam totæ *Vertebræ* frangantur, adeò ut *medulla spinalis* simul patiatur, dehinc *Paralyti* afficiantur brachia, pedesve Ægrotantis, ac *urina* fæcesque alvi retineri nequeant, mors in propinquo est. Interim tamen ne Æger sine auxilio deferatur, nil faciendorum negligendum, & facto Prognostico cutis incidenda, ac libera fragmenta eximenda, hinc vulnus curandum.

Ad Fracturas *Spinæ* pertinet *Ossis Sacri & Coccygis Fractura*; quæ si ita sit, ut & *Spinalis Medulla* lædatur, lethalis est. Sin ea non lædatur, adeoque salutis spes sit, immisso in anum digito usque ad locum affectum, os fractum expellendum; extrinsecus verò alterâ manu ossa æquanda, & in suum locum reponenda. Et si aliquod ossis frustulum abruptum persentiat, facta apertione, id eximendum, ac porrò vulnus ex arte curandum.

XV. *Os Innominatum*, quod ossibus tribus; *Ilio*, *Coxendicis*, & *Pubis*, simul unitis constat, frangitur ut *scapula*, vel in extremitatibus, vel secundum longitudinem, vel in medio.

Cognoscitur Fractura hæc ex dolore, qui tactu, & compressione inprimis exasperatur; nec non cavitate, inæqualitate, punctura, nonnunquam stupore in crure ejusdem lateris.

Exigit autem Fractura hæc celerem restitutionem, perficiturque consolidatio quatuor & viginti præter propter diebus. Interim si sit in *Ossis Innominati* extremitatibus, digitis vel manu ossa fractâ componenda ac æquanda.

Si verò frangatur os per longitudinem, vel ad interiora declinet, ita situetur, Patiens ut super ventrem decumbat, Chirurgusque manibus, uti potest, fracta ossa componat.

Sin os fractum comminutum sit, Apertio facienda, sicque & fragmenta libera auferenda, & alia reponenda. Verùm cum vix sub cute solùm, sed sub ipsis musculis talia fragmenta plerumque

rumque lateant ; sine periculo hinc Sectio non instituitur : hinc omnino cavendum , in facienda hac apertione , tendines , vel vasa quæpiam majore lædantur , sicque graviora excitentur symptomata.

Hælenus de Fracturis Clariss. Joh. Munnicks ; circa eas varia

Observationes.

De fracturis ossium , nulla accedente coalitione.

Contingere non raro observamus , ossium extrema in fracturis haud reuniri , quæcunque etiam externa æque ac interna adhibeantur medicamenta.

Exemplum huc faciens considerabile , non nisi semel (quod in Chirurgo adeo exercitato admiramur) visum proponit Fab. Hildanus obs. 91. cent. 3. his verbis : Ante duos menses ex Germania rediit , Basileæ fracturam observatione dignam in quadragenario vidi. Hujus viri brachium sinistrum cum ante annos decem rota molendina apprehenderet inter cubitum & carpum ossa in transversum adeo contregit ut omnino inter se disjungerentur , cutis quinetiam & musculi mirum in modum dilacerarentur. Doler supervenit maximus inflammatio & intumescit totius brachii , non solum ob magnitudinem morbi , verum etiam quod ossa in suum locum reposita non fuerant , carnemque continuo compungerent. Multum puris per menses aliquot effluxit , multaque ossicula à Chirurgo extracta fuerunt ; tandem remiserunt symptomata , & consolidata fuerunt vulnera , sed ossa disjuncta remanserunt , & ita quidem ut eo in loco veluti alterum articulum constituerent. Manum enim dextram si adhibet , sinistrum brachium antrorsum & retrorsum ducit , non secus ac si naturalis priore in loco articulus esset , idque sine ullo dolore. Ossa se invicem non attingunt , sunt enim extremitates ipsorum callo obducta brachium aliquo modo extenuatum est. Cubitum quidem movet , sed difficulter , quapropter brachium ferè inutile est. Cæterum quid causæ sit cur ossa in hoc viro per callum connexa non fuerint , profecto me latet ; nisi forsitan improprium nutrimentum ossis , ex quo , teste Galeno callus procreatur , in pus conversum una cum pure effluerit , aut caro & membrana aliqua inter utramque extremitatem ossis intercederit. Adeoque natura adeo est diligens atque provida , ut extremitates ossium confractorum , licet levissime se contingant , statim conglutinet , atque conjungat.

Exulcerationes fracturis supervenientes quacunque à causa , primitiva sive fuerit , sive antecedens , sive etiam conjuncta , impedimento esse posse , quo minus ossium detur coalitus , maxime cum alimentum ossium suffocationi , consumptioni , corruptioni , aut cum pure evacuationi animum præbent , haud impossibile nobis videtur ; at quis rationem dabit unde eveniat quod ossa fracta haud reuniantur , ubi exulceratio nulla adest , imo nulla vel in cute vel in musculo continui observatur solutio ; Notare etenim nobis docuit , non solum in ulna & radio , ossibus adjutoriiis , tibia & fibula , sed & (in duobus licet subjectis) ossibus femoris , per infortunium fractis , quæcunque etiam usurpentur media , interna æque , inter quæ considerabilis Ichtyocola , ac externa , emplastra , splenia , ligamenta , nullam securam extremitatum unionem , etiam omni exulceratione absente ,

Causa hujus rei quæ sit cum prædicto Hildano , me ignorare fateor , nisi dicamus , deligationem in fracturis usualem , non urgente dolore , tumore , inflammatione , aut gangræna , frequentius justo fuisse solutam , vel etiam humores ad calli concretionem promovendam necessarios plus debito attenuatos , splenia breviora nimis aut molliora applicata , imo fractam partem , ad arcendam incallescenciam quandoque supervenientem , nimium humectatam. Et harum ultimam calli generationem impedire satis constat. Spleniorum nimis brevium , molliorumque applicationem , hinc deligationem minus arctam efficere posse , quo minus extremitates ossium fractorum coeant , in nauta quodam , cui ex itinere reduci os humeri dextrum diffractum , in quo quod splenia mollia nimis usurpata , nec manus extrema cum ulna extremorum coalitio secuta.

Externis impedimentis sic consideratis , Chirurgo in arte exercitato interna adhuc varia occurrunt , quæ ad id ut extrema ossium fractorum callo nullo obducantur plurimum facere possunt. Tales humores nutritii os accedentes minus pingues , aquosiores , corrupti , imo etiam nonnunquam omnino maligni , habita tamen ubivis consideratione structuræ corporis & ossium.

Observare nobis licuit in aliquo , morbo gallico quasi tabefacto , ossa adeo fuisse exsiccata imo arefacta , ut ad quemvis attractum frangerentur , sic enim claviculam in partes varias confractam in eo vidimus , dum thorace pectus vestire conabatur.

In tali casu ubi ossium extrema uniri recusant , nil convenientius , quam , instrumento quodam aperto , ex ferro confecto , utrinque membrum comprehendere , extremaque conjungere , ne in motu , vel incessu incommodum aliquod ægrótanti adveniat. *Joh. a Makren in observat. Medico-Chirurgicis.*

Pro Fractura Brachii in Seno decrepito.

Curationem hoc modo institui , clementer expurgato corpore , illam victus rationem , quæ multum nutrit (omissis tamen cibis viscosis , qui mihi in fracturis mirum in modum suspecti) languinemque optimumque procreat , calidum nativum & humidum radicale instaurat , præscripsi. Singulis quoque diebus jejuno stomacho , ad 3 ij. sequentis pulveris ex jusculo carnis recentis exhibui.

℞. Lapidis osteocoll. diligenter præpar. ʒij. cinnam. el. ʒiij. sacch. ʒij. M. F. pulvis tenuissimus. Brachium usque ad scapulam sequenti linimento quotidie bis inunxi.

℞. Ol. lumbric. ʒij. ol. gran. junip. ʒij. succi lumbric. ʒj. M. F. linimentum. Sed ante omnia primò ossa in locum suum , ea qua fieri potuit diligentia reposui. Post inunctionem sequens applicui emplastrum.

℞. Empl. Vigonis ad fractur. ʒij. empl. oxycroc. ʒß. lapid. osteocoll. præpar. ʒiß. lumbric. præpar. & in subtilissimum pulverem redactor. ʒj. cum q. s. ol. lumbric. f. emplastr. fracturam de tertio in tertium , aut de quarto in quartum diem solvi , & medicamenta renovavi ; reliquum verò brachium quotidie semel aut bis , ut dictum est , ad scapulam & nucham usque inunxi : hisce adhibitis remediis , callus intra paucos dies , usque adeo procreatus fuit , ut collisio ossium non amplius perciperetur , & brachium intra quatuor septimanas restitutum fuerit : & sic natura in hoc decrepito veluti assopita expergescens , & calor

nativus ferè extinctus in ista parte, iterum beneficio prædictorum medicamentorum accensus fuerit: quantum valeat in fracturis ossium osteocola seu lapis ossifragus non rarò expertus sum: reperitur in campo quodam arenoso prope Darmstadtum. Eligitur qui sub terra absconditus, extra terram prominens est invalidus nulliusque momenti. *Guil. Fabrit. Hildanus Observ. 90. Cent. 3.*

Lapis osteocola, qui & Sabulosus dicitur; singulari quadam virtute & proprietate occulta generandi callum præditus est: idque ego cum in aliis tum præcipue in quadragenario quodam observavi, is quum utraque focilia ad malleolum sibi transversim confregisset, me advocandum iussit. Ossa in situm naturalem reposita, singulis maturinis horis jejuno stomacho ʒj. hujus lapidis in marmore cum aq. rad. lymphit. præpar. exhibui, primis diebus cum prisana, aut jusculo carnis recentis, postmodum verò cum vino: iis quæ fracturæ applicui eundem lapidem pulverisatum & præparatum admiscui: inde factum est, ut spatio triginta dierum plenissimè restituta sit tibia, ut sine adminiculo incedere potuerit. *Guil. Fabrit. Hildanus, Observ. 90. Cent. 1.*

Lapis hic cautè & in senibus tantum, aut extenuatis, & quibus languet calidum nativum adhibendus est, ne aliàs callus superfluous generetur multo labore diminuendus. *Guil. Fabricius Hildanus Obs. 91. Cent. 1.*

Ego jam à multis annis magno cum successu sequenti utor emplastro in fracturis.

℞. Emplastri Slotani ʒvi. ceræ nov. ʒij. coloph. gummi elemi pinguisissimi an. ʒj. dissolv. lento igne. Postea insperge sequentes pulveres, rad. consolid. maj. balauft. nuc. cupress. ros. an. ʒj. mastich. thuris, an. ʒij. M. addendo ol. rosac. q. s. ut F. ceratum. In adultis & extenuatis ad ʒj. hujus emplastri, tantundem osteocollæ præp. admisceo. Singulis quoque diebus manè tribus ante partum horis, de eodem lapide cum jusculo carnis vel vino albo exhibeo: multum enim curationem lapis ille accelerat. In juvenibus verò, & qui optima corporis sanitate fruuntur, lapis ille sive per os datus, sive exterius adhibitus minimè convenit: non autem statim ab initio, neque primis diebus applicandum est prædictum emplastr. multò minùs oxycroceum, ne effluxus humorum ad partem læsam sequatur: ab initio itaque postquam os fractum in situm suum repositum est, sequens applico cataplasma.

℞. Rad. consolid. maj. tormentill. bistort. an. ʒß. boli alb. ʒj. balauft. ʒj. nuc. cupress. gallarum, ros. rubr. an. ʒij. F. omnium pulvis tenuiss. cui admisce farina hordei ʒvi. hujus pulveris accipe quantum opus est pro memb. i fracti magnitudine, ex quo cum posca formetur cataplasma in mortario vel alio vase sine calore ignis, addendo vitellum ovi cum albumine, parumq; olei rosac. applicetur membro fracto & renovetur ab initio, tertio vel ad summum quarto quoque die, donec symptomata non amplius sint metuenda. Tunc emplastr. Vigonis, vel meum applicari poterit, & de sexto vel decimo in decimum diem reiterari. *Guil. Fabricius Hildanus. Cist. milit. classe 15.*

Emplastri palmei sive Slotani qui primus ejus author fuit, hæc est descriptio.

℞. Adipis porcin. rec. & fragrantis, minii, an. ʒxi. chalcitid. ust. sed non ad rubedinem, aluminis usti, an. ʒij. adipis cervini ʒiv. mastich. thuris in tenuiss. pulver. redacti, an. ʒij. fiat emplastr. S. A. agitando bacillis saliceis & succulentis. *Guil. Fabrit. Hildanus. in consilio de conserv. valetudine, in epistola ad Croquerum.*

Curationes illas ossium confractionum per lapidem, quem Erasius fabulosum vocat, quis non penè fabulas esse indicet? Multò etiam magis unguentum illud, quo telorum inunctione, vulnerati sanantur, ridiculum videatur: & tamen fide digni amici nostri utrumque sanctè affirmant. Sunt alia sexcenta, quæ fidem omnem superant, non tamen ideo falsa sunt quare vehementer in iis ενιχω, & ubi ratio repugnat experientiæ, cum admiratione subscribo. *Andreas Dudithius, epist. 25. lib. 6. consil. & epist. Cratonis & aliorum à Scholizio editorum.*

Pro fractura humeri.

Osse per Chirurgum reposito, emplastrum hoc adhibitum est.

℞. Farin. fabar. ciceris, hordei, farin. volatil. molendini, an. ʒss. mastich. tragacanth. gummi arab. mummiæ, bol. armen. myrtill. pulveris. an. ʒiij. album. ovor. v. conquassata in vino styptico nigro: succi plantag. aut vini styptici q. s. ad incorporandum. f. emplastrum. Hoc constringit, repercutit, roborat, & firmat. Deinde stupas longas, latas, aquâ prius balneas & expressas toti brachio circumvolvebat, & fascia latitudine quatuor digitorum, aut quandoque duabus præparatis alligentur dicta, adjectis ferulis quatuor aut sex, interim facta restauratione, etiam pannus lineus infusus in ol. ros. prius apponatur. Deinde aliqua jam dicta, ut emplastr. stupæ & ferulæ injectis fasciis ut moris est: non solvebatur ad quinque dies. Interim brachium inungebat, nec non & spatulam & loca vicina aliquo deterfivo; & sanguis detractus est ex brachio opposito: atque ita Chirurgus procedente, ut in reliquis fracturis, hic tandem curatus est. *Petrus Forestus. obs. Chirurg.*

In principio fracturæ dislocationis & torsionis juxta Jo. de Vigo hoc medicamentum apponi potest.

℞. Album. ovor. nu. 3. ol. rosac. omphac. ol. ros. compl. an. ʒx. ol. myrtilli ʒiss. farin. volatil. farin. hord. an. ʒvi. bol. armen. subtiliss. triti, sang. drac. an. ʒiij. M. F. Emplastr. Est mirabile primis diebus. Transacto autem nono aut decimo die; nullo contradicente symptomate, ut est dolor, apostema, pruritus, tunc supra fracturam & dislocationem utilissimum est, hoc infra scriptum apponere.

℞. Albumin. ovor. nu. 4. ol. myrtin. ol. rosac. an. ʒij. tereb. ciaræ ʒiss. myrrh. alcès, an. ʒij. sang. drac. bol. arm. an. ʒß. far. volatil. ʒiij. m. & utere, in fractura & dislocatione est singulare remedium. *Petr. Forest. obs. 3. lib. 8. Obs. Chirurgic.*

Ubi callus justæ magnitudinis generatus fuerit; medicamentis roborantibus confirmandus est. Ideo tale emplastrum imponendum est.

℞. Ol. rosac. ʒij. ceræ ʒiijß. resinæ pulveris. ʒiij. colophon. mastich. thuris, an. ʒß. nuc. cupress. rad. cithrodan. id est rubiæ tinctor. an. ʒj. croci ʒß. M. F. ceratum, quod super linteum vel alutam extendatur, & applicetur. *Daniel Sennertus, pract. lib. 5. part. 5. cap. 1.*

De situ tibiæ fracturæ.

In fracturis tibiæ curandis, nonnulli Chirurgi non levem committunt errorem, cum volunt tibiæ erectam insistere talo, ex qua situatione hæc sequuntur incommoda. Primò quidem fit ut æger, temporis progressu majorem dolorem patiatur in talo quàm in ipsa fractura, idque propter tendines

tendines magnos & nervosos qui talo inferuntur. Dolor autem ille multos ad se trahit humores, qui in ipsa junctura, & spatiis inter ossa pedis fracta atque ligamenta retinentur. Et quia ex hac situatione venæ & arteriæ comprimuntur & proinde pars affecta suo calore quodammodo destituitur; necessario condensantur & refrigerantur hi humores in ipsâ juncturâ, & spatiis inter ossa pedis. Inde curata fractura, pes novam adfert molestiam; Ægè enim & difficulter movetur junctura; sequuntur & nonnunquam alia quàm pessima symptomata.

Ante annos aliquot cum D. Janô Ant. Saracenô, Marcô Offredi; Andréâ Bonerô Medic. Doct. curandum habui Nobil. Henticum Balbanum. Is ulceribus nonnullis in tibiâ laborans ex erectâ illâ situatione pedis, gangrænâ ad talum correptus fuit, quæ ipsi & nobis non parvas attulit molestias, ita ut tibiam abscindere coacti fuimus. Erecta autem situatio pedis primaria hujus mali causa fuit. Primò enim dolorem tali excitavit, qui ad se humorem & sanguinem attraxit, unde consequuta est inflammatio. Secundò contusus & quassatus fuit talus ex erectâ illâ pedis situatione; Tertiò arctatæ & compressæ fuerunt ex eadem situatione venæ & arteriæ, quæ per ipsum crus & tibiæ pulpam descendunt; ita ut sanguis & spiritus ad talum liberè descendere non potuerint. Assidua quoque tibiæ extensio, non parum huc fecit; distentis enim vasis, innatum calidum & sanguis non possunt descendere in partem affectam, unde tandem ea frigescit & interit. Ea porò extensione vasorum, posse frigescere partem affectam, ex eo intelligitur, quod equitando per frigidam tempestatem, pedes si diutius intra fulcra equestria contineantur, frigeant impensissimè, si extra fulcra propendeant, per se ocyus incalescant. Sanguis enim & calor, patentibus ipsis vasis, illico ad pedes recurrunt.

Prospiciant igitur Chirurgi, ne nimis curiosè (ut hujus artis imperiti solent) situationem hanc in fracturis tibiæ observent. Involata autem tibia fasciis & stupis, & in capsula ad id apta collocata: (ut Galenus docet Meth. Med. l. 6.) eligenda est situatio, quæ minime sit dolorosa. Itaque modò in hanc, modò in alteram partem collocanda est tibia, ut æger aliàs in hoc, aliàs in alterum latus decumbere possit. Sic enim multa accidentia evitabuntur. *Fabricius Hildanus Observ. Chirurgic. Cent. 1.*

Brachii Fractura admiranda.

Vir quidam Lugdunensis sexagenarius ex arthritide pituitosâ in articulis humeri & cubiti dexteri, jam ferè bimestre spatium obtusò dolore torquebatur: nullis utitur remediis. solam sibi partis illius quietem imperat, dum brachium affectum fasciâ obvolutum, & pectori innixum continuo haberet. Is alioquin sanus & valens, in publicum horâ circiter diei octavâ progressus, dum chirothecam in manum affectæ partis induere levissimo conatu adninitur, brachii os quatuor aut quinque digitis infra humerum transversim effregit.

Vocatus ego confestim, rem non sine admiratione conspicio, exploro & per Chirurgum os ipsum restituo, quæ conveniebant remedia jubeo admove. Elapso triduo ægrotum reviso, num appositè restituta essent omnia exploraturus, remotis fasciis & assulis, naturalem ossis situm rediisse vidimus, & appressis digitis persensimus. Sed ecce paulo inferius circa cubiti articulum, nova se & nondum

conspicua obtulit ossis ejusdem fractura, dolores urgent clamosi, restitutioni itidem sedulo incumbimus. Inde placatâ omniâ, & nunc bellè quiescit; nondum tamen ab eò tempore explicatæ fasciæ, nec visum, uti se habeat pars eâ. Miratus sum diu tantam ossium fragilitatem in eò homine, qui se ullis ossium affectibus, vel à lue venerea, vel aliunde contractis, laborasse pernegavit. Percurritum animo meò, quæcunque à veteribus medicis circa fracturas adnotata fuerant, sed nihil quod longè ab simile esset, mihi occurrebat, unâ exceptâ historiâ. quæ apud doctissimum Johan. Schenckium, observationum rararum & admirabilium lib. 5. observ. 7. huic non valdè dispar recensetur. Hanc ab ipso authore tibi petendam relinquo. De hoc inaudito casu quid tui judicii sit, velim si placeat, audire. *Idem Cent. 3, Observat. Chirurgic. ex communicatione D. Saraceni Medici Lugdunensis.*

Reverendus Dominus Wolffbrandus apud Dusbürgenses Cliviorum Verbi Divini Minister fidelissimus ac primarius; homo pietate, virtute & doctrinâ præstantissimus, ætatis consistentis, robustus & obesus, cum anno 1582. (si rectè memini tempore hiemali, terrâ congelatâ in proximum pagum ad agrum quendam invisendum & consolandum ipsi abeundum, domumque redeundo ex aggere quodam tres circiter pedes alto, desiliendum esset, dextrum pedem adedò sibi torsit ac fregit, ut integrum os tali aut astragali, non solum ex suo loco dimoveretur; verum etiam abruptis & abstractis ligamentis, quorum beneficio, reliquis ossibus alligatur, sub interno malleolo per cutem ipsam erumperet, & foris propenderet. Ad ædes suas deportatus, Chirurgus accersitur, is videns os omnino separatum, & fibris nonnullis tantummodo adhærescens, ipsum abscidit, & ea quæ sanguinis fluxum impediunt, applicuit.

Alterâ die Clarissimi, Viri, Domin. Galenus Wierus, Illustriss. Cliviacenſum Juliacenſ. Montensium &c. Principis Medicus ordinarius atque primarius, & D. Colmus Slotanus piæ memoriæ ejusdem Principis Chirurgus, præstantissimus, Præceptor meus plurimum honorandus, in consilium vocati fuere. Qui victum tenuem præscripserunt, corpus à pravis humoribus evacuaverunt, venam inciderunt, vulneri anodyna & pus moventia applicuerunt. Repellentibus item seu defensivis, ut vocant, affluxum humorum prohibuerunt. Curatio difficilis fuit, dolorosa atque longa. Interim tamen amici & quidam viri docti ipsi non defuerunt. Eriſi enim proprium suum Chirurgum Dusbürgensem; nunc & in arte non mediocriter versatum haberet, attamen nunc Johan. Wierus; nunc Galenus Wierus, nunc Reinerus Solenander, omnes prædicti Principis Doctores Medici longè celeberrimi, ipsam inviserunt; omniaque quæ necessaria videbantur præscripserunt. Ego quoque non raro unâ cum præstantissimo Dom. Cosmò Slotano Dusseldorpio, ad ipsum profectus fui. Sic divino solo numine tandem ita convaleuit, ut & sine Scipione incedere posset, uti ego eum incedentem anno 1599. cum Coloniâ Dusbürgum ad pium & honestum virum D. Simonem Engelgraff, à cane graviter morsum, vocatus essem, ipsemet vidi. *Idem ibid.*

Quidam ex domesticis D. Samuelis Morelli, civis Paterniacensis; vir robustus & optimo corporis habitu præditus, ætatis tempore brachium sibi ad cubitum fregit. Et quia tum temporis Basileam profectus eram, rusticum quendam, (qui in hoc tractu præ aliis etiam exercitatus Chirurgis in fracturis ac dislocationibus repōnendis extollitur) ex pago proximo accersiverunt;

Conjux

Conjux quoque mea, quia, non raro, me absente fracturas ac dislocationes reposuerat, & sanitati restituerat, simul vocata fuit, ad meum quoque finem, ut domestici mei vulnus, quod fracturam comitabatur (cujus curam rusticus ille Empiricus aggredi volebat) curarent. In locum suum fracturâ repositrâ, emplastrum ex pice flavâ applicuit, fasciisque, & spleniis omnia deligavit, (relicto tamen foramine pro vulneris mundificatione. & ne ante decimum tertium diem solverentur fasciæ, splenia, & emplastrum amoveretur, jussit, domumque se contulit. Quid sit? Alterâ die post denuo dolor supervenit qui paulatim auctus erat. interim domestici mei, qui vulnus quotidie curabant, ægrum & adstantes, ut emplastrum amoveretur, admonuerunt, sed frustra: Maluerunt enim impostorum quàm in arte versatorum consilium sequi, dolore tamen magis magisque aucto, tandem parere coacti fuerunt. Præsentibus itaque D. Moratello, aliisque fide dignis hominibus, fracturâ à domesticis meis soluta, emplastroque ablato, brachium non solum tribus in locis exulceratum offenderunt, verum etiam fœrens, ut hinc inde vermes, quales in carne putrida generari solent, conspicerentur: Imposito itaque unguento nostro Ægyptiaco, & cataplasmate aliquo, putredini resistente, applicato, curationem feliciter absolverunt, brachiumque pristinae sanitati domestici mei restituerunt. *Idem ibidem.*

Sabaudus quidam, Vir Senex ac decrepitus, Genevæ in ponte Rhodani ex equo delapsus, tibiam sibi paulo supra malleolum fregit. D. Joh. Griffonio mecum advocato, fracturam feliciter reposuimus, omnisque dolor protinus sedatus fuit. Tertio die post, cum fracturam solvere vellemus, æger recusabat: aiebat enim, sibi à quodam amico, & in arte versato (erat autem is empiricus) significatum, fracturam ante septimam diem non esse solvendam. Quinto tamen de morbi, dolore exorto & propter serias admonitiones D. Griffonii, in præsentia D. Jani Antonii Sarazeni Medici Regii, soluta fractura, pustulæ multæ ac lividæ, quæ gangrænâ proximam significabant, conspectæ fuerunt. Scarificata tamen tibia, & medicamentis gangrænæ adversantibus applicatis, tandem convaleuit.

Rusticus ex pago quodam in agro Paterniacensi, sub plastro lignis onusto, pedem aded sibi fregit, ut à juncturâ separatus, & mirum in modum contractus esset. Advocatus ego, antequam manum adhiberem, utque opprobrium omne præcaverem, adstantibus sequentia significare visum fuit. Primum etiam si summa adhiberetur diligentia, curationem nihilominus, propter magnitudinem morbi, ante menses sex vix absolvi posse. Secundò quia fractura ingens, claudicationem impediri non posse. Tertio, quia ego tum temporis cum aliis quoque ægris occupatus, necesse esse, ut ægrum ad me adducerent; Ad hæc cum parentes & adstantes consentissent, fracturam reposui, & demum redii, expectavique donec ægrum adducerent, sed frustra. Tanta enim fuit apud eos negligentia; ut ægrum apud se rerinerent, neque quenquam alium qui fascias medicamentaque mutasset, advocarent. Post itaque dies aliquot, rursus dolore acerbissimo, inflammatione item ac fœtore subortis, miser ille extinctus est.

Ego quoque quum in solutione fracturæ cujusdam Nobilis Belgæ non satis diligens essem, ac à decimo quarto usque ad vigesimum primum diem,

medicamenta minimè mutassem, callus aded magnus procreatus est, ut inde maxima deformitas tibie sequuta fuisset, nisi protinus callum pressissem. Quâ verò methodo id factum sit, lector ex Observat. 91. Cent. 1. colligere poterit.

Ut itaque cautè ac secutè agamus, secundo aut ad minimum tertio quoque die, Hippocrate & Galeno docente, fractura solvenda est, idque in eum finem, ne in membro, præter solitum cooperto, dolor aut pruritus suboriat, neque ejus humoris qui jam parti affectæ infixus est, perspiratio prohibeatur. Post septimum, etiam si, non usque aded necesse sit toties fracturas solvere, partemque affectam inspicere solitus sum. *Idem ibidem.*

Fractura costarum felicissima curatio.

Porro casus, quem in præcedentibus meis ad te litteris promisi, talis est. Decimo nono mensis Decembris, superioris anni, interim dum ego Soloduri apud Dom. Kallenbergium ægrotantem hæsi, quadragenarius quidam hujus urbis, Michael Dilberger nomine, Vir robustus & plethoricus, cum in propugnaculo extra urbem noctu excubias perlustrasset, & fortè fortuna super congelata terra, retrò in capulum gladii cecidisset, nonam decimamque costam lateri sinistri prope spinam confregit, ita ut partes confractæ ad exteriora vergerent. Deportatur à commilitionibus ad ades tuas, quæ extra mœnia sunt: ubi noctem, in maximis doloribus contrivit. Summo mane cum uxor mea accersita esset, hominem in maximis angustiis invenit.

Dolor enim & pungitivus & maximus erat, cum pectoris angustia & respirandi difficultate. Præparatis omnibus quæ ad operationem necessaria erant, confracta ossa feliciter in sinum naturalem reposuit. Totum latus oleo rosaceo inunxit, & cataplasma ex farina hordei, pulvere rosarum, balaustrorum, nucum cupressi, gallarum & tormentillæ, cum posca & ovo integro confectum applicuit; ferulas quinetiam & pulvillos prout ad ossa continenda necesse esse videbantur, apposuit, omniaque convenienti ligatura constrinxit; leviter tamen. Arcta enim ligatura quàm sit periculosa in fracturis costarum aliàs coram ex me intellexisti. Costis confractis sic repositis dolores reliquaque symptomata protinus ex parte remiserunt. Statim quoque post repositionem costarum confractarum, haustum aquæ prunellæ & sionis, partibus aequalibus commixtis exhibuit. Viæ tum quinetiam tenuissimum præscripsit. Sequenti die venam secari jussit, & de tertio in tertium diem fracturam deligavit, & curavit. Interim bis in die haustum de prædictis aquis in octavum usque diem bibendum dedit. Post decimum cum ego domum reversus fuisset, ægrum ab omni periculo liberatum reperi. Tum curationem prædictis remediis & emplastro ad fracturas ossium, spatio quatuor hebdomadarum plenissimè & feliciter, absolvimus.

Cæterum in hac curatione annotatione dignum fuit, quod in cute ne minimum quidem judicium, ut fieri solet, contusionis apparuerit, sed sanguis ille contusus per alvum effluxerit & quidem in copia. Testatur enim æger, testantur & adstantes, uti quoque domestici mei, ad aliquot libras sanguinis contusi & grumosi per secessum effluxisse; idque hoc modo.

Tertio die cum supposito ducenda esset alvus, insurgit natura, & per se alvum illa ter quaterve ducit, ac ultra libras tres humoris viscosi sanguinisque concreti, & excrementis mixti, rejicit, Fluxus

Fluxus iste ad sex ferme dies continuavit, ita tamen ut priori biduo, numero sedium ac quantitate excrementorum viscosorum & sanguinis grumosi paulatim adauctus fuerit.

Biduo autem intermedio fluxus neque auctus neque imminutus fuit, sed in eadem quantitate & numero permansit. Ultimo tandem biduo sensim iterum decrevit, donec ad naturalem excernendi modum rursus pervenisset: vitibus interim satis semper constantibus, neque unquam admodum imminutis, uti nec agro ab ulla febris infestato.

Hæc omnia domestici mei mecum, videlicet. Dn. Joh. Burgoverus, & Dn. Franciscus Monhemius, qui & operationi interfuerunt, diligenter observant. Vides clarissime mi Domine Doctor, quam provida & sagax sic natura in conservatione sui individui, quæ meo quidem iudicio per venas & arterias lumbares, ad intestinum colon, ea in parte, ubi è regione renis sinistri peritonæo annectitur, viam ubi quaesivit.

Secus prociui omni dubio advenisset si in dextro latere fuisset contusio, id enim ante duos annos hic in civitate quodam, *Hans Rust* nomine, vidi. Huic enim ex minori contusione, quam non fuerat hæc, lateris dextri, & sine ulla fractura costarum, talis sequuta est Ecchymosis, ut totum latus ab axilla ad clunem, umbilicum & spinam dorsii occuparet, & multa gravissima symptomata excitaret.

De quibus tamen tandem maxima adhibita diligentia, Deo benedicente remediis curatus fuit & satis commodè vixit, usque ad nonum hujus mensis: tum inter pocula accepto colapho, cum retro in pavimentum hypocausti cecidisset, & posteriorem partem capitis cum nuca contudisset, aliquantisper veluti exanimis remansit: ad se tamen cum rediisset, surgit & ad ædes suas se confert, ubi cibum indigestum evomit. Circa primam noctis apoplexiâ corripitur, & sequenti die debitum naturæ persolvit. Post obitum multum sanguinis & pituitæ vitæ per os rejecit. *Idem Centur. 5. Observat. Chirurgie.*

Quadragenarius quidam, vir robustus & optimo corporis habitu præditus, domesticus perillustri Principissæ ac Dominæ, Dom. Annæ Landgraviæ Hassiæ, &c. Comitissæ in Solens, Labach; ex casu sibi patellam in transversum fregit, cum maxima contusione genu, sine vulnere tamen. Ab initio etsi ex arte curatus fuisset æger, nihilominus tamen dolores acutissimi aliaque symptomata supervenerunt. Tandem dolore, reliquisque sedatis symptomatibus convaleuit quidem, sed claudicatio ac summa imbecillitas rotius cruris sequuta est, ita ut nonnisi maxima cum difficultate ambulare & tibiam, ascendendo, vix sublevare possit. Ego ante paucos dies ex Hassia rediens, cum Fridbergæ in Wetteravia apud Dom. Georgium Fabrum, Landgraviæ Hassiæ, & castri Fridbergensis Imperialis Doctorem Medicum ordinarium; ac longè celeberrimum; amicū meū singularem; per dies aliquot detentus essem; ad prædictam Dominam Comitissam consilii causâ simul vocati fuimus; ubi virum istum vidimus; & quæ ipsi acciderant, ex ipso coram collegimus. Præscripsimus & nonnulla ad partes nervosas roborandas: sed verebar, ne frustra omnia adhiberentur. Occurrebant tunc ea, quæ tua Exc. l. de ossibus parte 4. cap. 4. ex Amb. Paræo recenset, qui l. 15. cap. 22. testatur, se neminem cui patella fracta fuisset, vidisse, qui non claudicaret. Tu cum Domino Baæo ex mamas, causam claudicationis ad callum, cujus beneficio patella

fracta connectitur, referendam esse; cum videlicet capacitatem articuli subter patellam implet, motumque articuli impedit. Etsi verò opinionem hanc rationi consentaneam esse, in dubium revocare minime conabor; unus tamen restat scrupulus, videlicet, in fracta patella; extuberantia colli talis esse possit, ut cavitatem hanc (quæ inter femur & os tibia magna est) adeo adimpleat; ut motum actionemque genu impedire possit? videmus enim ut plurimum in reliquis ossium fracturis; [nisi contusio ossis & periostii fuerit maxima] naturam tam decenter & eleganter connectere ossa, ut raro relinquatur vestigium fracturæ. Periostium enim, quandiu integrum est, materiam calli retinet, quod minus in extuberantiam accrescere possit; nisi ea adhibueris, quæ ex proprietate quadam specifica generationem calli promouent, uti ego adhuc juvenis in Belgio feci, & quidem paucis cum successu; quemadmodum videre poteris centur. primæ Observat. 91. Deinde in hoc nostro agro, callum non fuisse causam claudicationis ex sequentibus apparebit; quapropter distinctione hæc opus est. De quibus plura vide apud *Hildanum Observat. Chirurgicæ Cent. 5. p. m. 485.*

Mira ossium fragilitas.

Sæpiissime cum admiratione legi, Vir Ampliss. ea quæ de mira & ferè incredibili fragilitate ossium, cum apud Marcellum Donatum mihi lib. 5. cap. 1. tribuntur, tum etiam à temetipso, & à Dom. Joh. de Burgo observata, mihiq; communicata, necnon Cent. 2. Observationum mearum inserta fuere. Cum enim ossa partes sint corporis omnium solidissimæ, ex substantia quin etiam crassa & terrestri ita compactæ, ut etiam per multos annos illæsa in ipsa terra remaneant, impossibile mihi videbatur, tam facilè ea dirumpi ac frangi posse: sed experienciâ aliter edoctus, adscribam exemplum unum aut alterum.

Superiore anno 1620. Matrona quædam honesta & robusta, quæ nondum 30. annum ætatis attingerat, Dom. Philippi Thomæ, hujus urbis Senatoris filia, cum quodam die circa rem familiarem occupata esset, & in ipso hypocausto fortè fortuna in pavimentum cecidisset, tibiam dextram circa poplitem sibi fregit. Vocantur Barbitonsores duo, qui quidem fracturam se rectè reposuisse asseruerunt, interim tamen insecutus est dolor adeo magnus, aliaque symptomata adeo sæva, ut quum ego septimo mense post acceptam fracturam, in consilium adhibitus essem, ipsam veluti in agone reperirem. Quapropter manum adhibere recusavi, corroborantia tamen quædam præscripsi, & astantibus significavi, ipsam brevi finem vitæ facturam. Post paucos dies paulatim, & veluti lumen cui deficit fomes, extincta fuit adeo consumpta atque extenuata, ut ossa vix cute obtegerentur. Nec mirum: propter gravissimos enim, continuos ac longos dolores & cruciatus, quos ex inepta deligatione & situatione tibie perpeffa fuerat, propter diuturnum item decubitus, quam de universalibus toto isto tempore morbi, ne semel quidem fietet mentio, calor nativus labefactus, & humidum radicale absumptum, obstructions quinetiam quàm gravissimæ hepatis, lienis, & venarum mesaraicarum sequutæ fuerunt.

Ante annum, sexagenarius quidam Soloduriensis, ex Senatorio ordine, Dn. Ursus Rouchti nomine, ab aliquot annis catarrhis adeo obnoxius

obnoxius fuerat, ut maxima inde virium, totiusque corporis labefactatio, etiam externarum partium, sequuta sit. Die quodam lectum egrediens, cum per cubiculum deambulare, vestesque indueret, nec non inopinato pedem dextrum non satis aptè deduceret, protinus in pavimentum decedit, non sine maximo dolore, aliisque signis, quæ os fractum esse arguebant. Advocato Empirico quodam, cujus consilio & remediis in fracturis ossium plerique isto in loco utuntur, femur seu femoris os, ad quatuor circiter digitos, in latitudinem positos supra genu in transversum fractum esse, repertum fuit. Reposuit quidem fracturam, si Empiricis instantiis credendum: dolor enim verissimum signum, os non satis rectè fuisse repositum, non remisit, sed potius ductus fuit, donec tandem, quum universalia planè neglecta fuissent, exorta esset phlegmone, & ex inde ulcus circa fracturam, quapropter ad menses aliquot decumbere coactus fuit. Tandem cum utcumque restitutus videretur, & in nixu suffulcris per cubiculum deambulare posset, paralyti aliisque gravissimis symptomatibus (de quibus posthac data occasione ad te scribam) correptus fuisset, naturæ debitum solvit. Os autem verissimè fractum fuisse, testis sum ocularis. In postremis enim morbo suo, non diu ante obitum ulcus ipsum adhuc ad os usque apertum, inspexi, osque fractum fuisse, manifestè cognovi. De causis hujus fragilitatis ossium inter se non conveniunt Medici: ego libentiùs tuam intelligam mentem, quàm quicquam hac de re in præsentiarum proferam. Vale Vir Amplissime & cum tuis omnibus æternùmque felicissimè vive. Raptim Bernæ Helvetiorum, 28. Februar. 1621. *Idem ibidem.*

Mira femoris fractura.

Petrus Kerler Ulmenfis, artificii Murarii, mense Novembris, anno 1624. Argentinæ per lapsum femur sinistrum dupliciter transversum fregit, ut postea patebit. Adhibitis adhibendis, per semestre ferè penes Chirurgum decumbit, donec fractura consolidata, nec femore breviori reddito respectu alterius, huc Ulmam pedes sese conferret; ac de abscessu circa locum affectum, nec non ulcere fistuloso conquereretur: adveniens itaque medicam implorat opem, ubi particulam aliquam ossis fracti diuturnioris istius abscessus causam statuiamus. Hinc igitur ulcus fistulosum ampliandum, & naturæ, quò citius ab aliena materia liberetur, succurrendum esse putavimus. His itaque continuatis tandem femoris fracti partem insignem trium digitorum transversorum longitudinem æquantem, Chirurgus noster Boulerus, 18. Augusti 1625. extaxit, non absque singularis naturæ miraculo, quæ callo tanto spatium istud intermedium in femore fracto repleverat, ut etiamnum absque claudicatione, benè restitutus, dictus juvenis ambulet, & in longitudine huic femori nihil quicquam decedat, Hoc pedetentim diuturno isto tempore factum fuisse reor, quo femur ad longitudinem alterius solerter à Chirurgo semper extensum fuit, particula separata interim ad intermedia musculorum spatia per naturam remota quæ postmodum abscessui fistulosisque ulceribus anilam præbuit. *Gregorius Horstius operum medicorum tom. 2.*

Patella fractura à causa notatu digna.

Patellam propter duritiem suam hanc frangi posse nonnulli perversè asserunt. Nos verò, eandem non

solum à casu grandiori in genu frangi, experti sumus; verum etiam sine casu; cujus rei historiam recensere animus est. Ante tres præter propter annos visitavi cum Magistro Petr. Adriani filio, virum satis robustum; qui è ponte descendens interram ferè ceciderat, inò pede lubrico, resistens, tamen quantum potuit in terram non fuerat prolapsus, sed ab illa resistentia transversim fracta ejus patella, & adeo quidem evidenter, ut inter utramque partem locati poruerit manus, una enim supra, altera infra genu sentiebatur. Fracturam, ut artis est, deligavit dictus Magister peritissimus. Quid sit? Patiens, rectius dixerim impatiens, contulit sese secundo die Igispam, unde incurabilis post aliquot septimanas rediit, claudicans in hunc usque diem. Mirabar olim patellæ molliem in cadavere, & duritiem ejus in sceletro, & quantum hæ ab invicem differant, sat accuratè cum Doctiss. Viro Mathæo Slado, Medicinæ Doctore Celeberrim. investigavimus, reperimusque eas duritie toto cælo inter differre. Ansa ergo erroris, quo nonnulli patellam frangi posse negarunt, exinde orta videtur, quòd patellas sceletorum solum inspexerint. Quippe per exsiccationem ita indurantur, ut difficile sit eas frangere, recentes non item; quicumque enim utrasque ritè examinavit, reperiet recentes extrinsecè tantum duriorilamina obductas, intrinsece verò substantiâ osseo-spongiosâ præditas, instat diploës in cranio *Fred. Ruysch. in Observat. Anatomico Chirurgic.*

Fractura ossium duorum carpi post tres annos nondum coalita.

Fracturam magnorum ossium, purè brachii, femoris &c. aliquando talem esse, quæ nunquam ferumminetur, quantumvis in arte tractetur, noto notius est. Ast mirandum, ossa carpi, quæ admodum sunt exilia, fracta ex casu ab alto non iterum coaluisse. Ann. 1681. nebulonem quendam (nomine *Slagertie*) ob furtum ad suspensionem condemnatum, in carcere visitavi, & an ullo morbi genere antehac fuisset vexatus interrogavi.

Vixi, inquit, sat pancratice, & nullus fere morbus me unquam infestavit, præter febrem, quam ante aliquot annos perpeffus fui: Præterea dextram, aiebat, in mensa planam reddere haud unquam potui, postquam semel cecidi ab alto. In hujus suspensioni cadavere reperi membranam lienem ambientem (quæ in naturali constitutione tenerrima) in sui medio, duobus in locis, ita incrassatam, ut maximi scriptorii calami crassitiem adæquaret. Hanc crassitiem à prægressa inflammatione ortam fuisse, dubitandum non est, quia sapissime ab ea ita incrassari membranas observamus. An verò inflammatio isthæc à febre supradicta aut febris ab inflammatione provenerit, me latet. Posthac manum ejus cultro anatomico subjeci, & ex anterioribus carpi ossibus duo fracta inveni, quorum fragmenta, juncturam manûs violentiâ, obstaculo fuerant ut manum in mania planam reddere non potuerit: ut quod magis mirum est, ossa dicta à triennio fracta, nondum erant ferruminata aut conjuncta nec callo obfessa, quemadmodum adhuc videre est in nostro musæo.

De fractura tibia.

Vir, triginta annorum è curru defiliens fracturam passus est obliquam in medio fere ossis tibiæ, ad-

eratque

aderatque cruris inæqualitas, crepitus ossis, dolor & motus imbecillitas.

Una nempe tibiæ extremitas, ob fracturam acuta in hanc, altera in illam partem vergebat, unde cruris inæqualitas, & dum illæ extremitates ad se invicem allidebantur, ossis crepitus exortus est, ac dum periosteum, partesque vicinas acie sua premebant, prima doloris causa prodibat, secunda autem tunc, quando extremitates ossis disrupti pressione sua cogeant humores, ut in tubulis partium vicinarum stagnarent, accrescerent ac fibrillas irritarent.

Dum autem fibrillæ hoc pacto ab ossium acie & humoribus acidis vellicabantur, spiritus animales non poterant potius in hunc quam in illum musciculum determinari, sed sine discrimine proriebant ad omnes partes vellicatas, & si qui adhuc in parva quantitate ad certos musculos accedebant, eosdem tamen intrare & inflare nequibant ob tubulos ipsorum musculorum ab humoribus stagnantibus obstructos, & si qui spiritus eosdem musculos adhuc intrarent & inflarent, tamen nihil agebant aliud, quam ut unam ossis disrupti extremitatem scindentem in hanc, aliam in illam partem moverent, unde nil nisi vellicatio, pressio, novusque dolor proveniebat, atque ex his satis manifestum redditur, quæ causa extiterit imbecillitatis motus.

Ego accersitus ossa fracta statim reposui, atque tum temporis hoc agere præcipue volui, ut restituerem impeditam circulationem humorum & sanguinis, cui absque dubio hæc atque illic etiam stagnavit, ideoque ad acidam peccans temperandum partem affectam lavi spiritu vini, in quo aliquid gummi ammoniaci dissolutum erat, ac in eundem finem imposui emplastrum ex diapalma, bolo, spiritu vini ac oleo camomillæ compositum, tandemque ad ossa reposta retinenda ligaturas, aliaque idonea applicui, atque hæc per intervalla quædam renovavi, atque ita patiens intra sex septimanas iterum incescit.

Non dicam hoc in loco, quod fractura per transversum facta facilius possit retineri, quam obliqua, nec etiam, quod pro signo bonæ restitutionis in fracto tibiæ osse plerumque habeatur, si pollex pedis directe respiciat genu, quandoquidem hæc nimis nota sunt; nec magis causam reddere conabor, cur dolor post os repositum mitigetur, quoniam liquidum est, hoc fieri, quia prima doloris causa, de qua modò locutus sum, aufertur tum temporis, sed antequam finiam explicare decrevi, quo pacto callus producat: qui ossa fracta conglutinat.

Quando sanguinis & humorum circulatio restituitur iterum tam in osse fracto, quam alibi, tunc particulæ quædam ex potis arteriarum egressæ transeunt per tubulos ossis, & cum perveniunt ad extremitatem ossis diffracti, amplius pergere nequeunt per lineam rectam ob tubulos à fractura interruptos, ideoque deflectunt ad latera, ubi ossi & sibi invicem adherentes constituunt tandem callum, qui ossa iterum conjungit.

Callus hic in senibus & debilibus tardiùs generatur ob sanguinem viscosum & crassum, qui per angustos ossium tubulos transire non potest, atque ideo in tali casu crassiores sanguinis particulæ debent attenuari per lapidem osteocollam dragmæ pondere quotidie sumtum, imo nocere non posset, si lapidis ejusdem pulvis commisceretur etiam cum emplastro, quod externe imponitur.

Bibl. Chirurg. Tom. II.

Sed in agroto nostro res longe aliter se habuit, nam callus indecoram molem excrecebat, quomobrem imposui emplastrum de ranis cum mercurio & strictam ligaturam, ut scilicet emplastrum hoc particulas quasdam calli ita attenuaret, ut avolarent, & ligatura callum ita comprimeret, ut nova apponi non possent.

Atque ita finem imponam huic observationi, postquam dixerò, quod crus ægroti semper extensum jacere jussi, & curam gessi, ut calx pedis inniteretur pulvinari parvulo, in cujus medio foramen erat, nam aliàs contingere posset, sicut experientia testatur, ut gangræna invaderet calcem, quia vasa & tubuli partium à longo decubitu vehementer comprimuntur.

Reperiuntur nonnulli, qui in fractura tibiæ commendant viscosa, quæ ego, ut noxia, rejicio, quandoquidem in corpore se non exercente obstructiones non parum augent, quæ contra potius diminuéndæ forent. *Johan. Muys in prax. Chirurg. rationali.*

De Fractura tibiæ cum vulnere.

Virgo 20. annor. ictu scloperi parvis globulis plumbeis onerati & cominus inopinato ac nesciò quo infortunio explosi in interiore cruris parte paulo infra genu vulnus accepit, quod longè lateque egregie patebat, imò in tantum ut palmæ spatium superaret; aderatque ingens ossis tibiæ in valde parva fragmenta diffracti contritio & comminutio, quæ se per totam vulneris longitudinem atque ossis tibiæ crassitiem extendebat; hinc dolor atrocissimus affligebat ægotam, quæ ideo multas noctes insomnes transigebat, aut si per exiguum temporis intervalum aliquando dormiret, mox evigilabat non sine summo terrore, ac quasi cum convulsione cruris vulnerari, unde ossa diffracta non ratò distorquebantur.

Ossa confracta absque magna extensione reponantur, & fragmenta quæ ab aliis partibus prorsus erant separata, soluta & libera, è vestigio blande eximebantur, reliquis adhuc aliquatenus adherentibus relictis, donec progressu temporis separentur.

Tunc digestivum confectum ex theriacanthina, vitello ovi, pulvere radice iridis, aristolochiæ, myrrhæ aliisque imponebatur cum emplastro ac lavamento acidum temperante; deinde adhibebatur communis ligatura, tandemque crus affectum capsulæ ligneæ inclusum concinnè collocabatur in lecto, supra quem funis suspendebatur, quo ægra corpus aliquatenus, ubi necessitas exigebat, posset exigere; ac ad pedes ægotæ in lecto ponebatur erectus semicirculus ligneus, ne scilicet stragulorum gravitas cruri affecto aliquam crearet molestiam.

Venæsectio, quam plures commendare solent in tali casu, omnino omissa fuit, quandoquidem nihil utilitatis inde promanare potest, nec magis secundum methodum vulgarem hæc in usum revocata sunt purgantia, quia hoc in malo quiete nihil operabilius, atque nihil perniciosius quam motus, sed ubi ægra nonnunquam alvum exonerare tenebatur, linteum quadruplex supponebatur natibus, quod alvi excrementa excipiebat.

Patiens interea temporis comedebat cibum concoctum haud difficilem, bibebat cerevisiam recentem ac primis singulis vespers assimebat blandum aliquod

aliquod anodium ad mitigandum dolorem ac tollendum illum terrorem, de quo dixi.

Ossa reponerentur, quotiescunque post terrorem nocturnum reperiebantur distorta.

Vulnus ob magnam puris copiam quotidie bis religabatur, atque ita progressu temporis complura fragmenta separata sunt, tuncque calli generationem ac accretionem quotidie conspeximus propullulantem, non ex medulla, sed ex ossis tubulis, valde angustis, per duos humores nutrientes ex arteriis egressi deferuntur.

Vulnus hoc, periculosum adeo, intra semestris spatium coaluit, ac patiens fere iterum tam belle incessit ac obambulavit, quam fecerat, priusquam hoc vulnus infligeretur.

Simili cum successu aliam fœminam eodem malo decumbentem à patre meo sanata esse recordor; sed hæc duo exempla aliquem adeo securum reddere non oportet, ut fracturam cum vulnere parvi faciat, nam illam plurimis necem intulisse comperit habeo; sic ubi in nosocomio Rotterodamensi aderam cum aliis quotidie per totos ferme dies curandis plurimis vulneratis, qui ex obsidione urbis de Graaf appulerant, omnes, qui fracturâ tibiæ cum vulnere laborabant, è vita abreptos esse novi, ac inter alios unus affligebatur fracturâ tibiæ cum vulnere, in quo plurimos vermes largos, crassos & albicantes non sine admiratione conspexi; sed unde hi vermes suas traxerunt originem? scilicet ab ovis ex aëre in vulnus delapsis, ex quibus exclusi sunt vermes, ubi quædam in humoribus stagnantibus exorta fuit fermentatio. Sic ova non pauca ex aëre decidunt in lac, ex quo postea conficitur caseus, & quandiu hic recens est, ova non excluduntur, sed ubi caseus putrescit, hoc est, ubi fermentatio quædam progressu temporis producit in caseo, tum demum vermes prorumpunt ex ovis.

Sic in valde magna ossis contritione fracturam cum vulnere eo comitante crus paulo infra genu extirpatum esse memini.

In fractura tibiæ cum vulnere quidam adhibere consueverunt ligaturam octodecim capitum, quæ Belgicè nominatur *een boexviiſe ligatuur*, sed nos feliciter usi sumus communi, quam bis quotidie mutavimus ob ingentem puris profluentis multitudinem.

Novi chirurgum, qui loco capsulæ ligneæ, de qua dixi, in usum revocat instrumentum quoddam ferreum, cui crus affectum imponitur, & conservatur ita extensum & immobile, sed illud instrumentum hîc, verbis exprimere non possum.

In simplici fractura tibiæ apponuntur plerunque ferulæ ex charta crassa confectæ; illæ verò in nostra ægrota prorsus mittebantur, quia in vulnere tam vasto minime videbantur convenire.

Digestivo nostro, quod vulnere imponebatur, nulla admiscebatur pinguedo ob ossa denudata, nam quod pinguedo noceat ossibus experientia abunde testatur, ejusque rationem reddidimus antea.

Paræus de praxi chirurgica bene meritus est, multumque habuit experientiæ, atramen perperam in fractura cum vulnere commendat astringentia, quæ quare & quantum noceant, sæpius diximus. Non puto autem aliquem in malam partem interpretaturum, quod tantum virum audeam reprehendere, nam quò clarior est aliquis, eò periculosiores sunt ejusdem errores, quia plurimi sola auctoritate tanti viri permoti, cæco quodam impetu eundem sequuntur, euntes qua itum est, non qua eundum.

Notandum est callum difficillime produci in fracturis gravidarum & lactantium, quia materia idonea à fœtu aut infante callo subducitur. Sic Fabricius Hildanus refert in Cent. 5. Observat. 87. quod hac de causa in fractura tibiæ cum vulnere vigesima tertia septimana ossa adhuc vacillarint.

In fractura tam simplici quam composita, ubi callus ossa confracta iterum conjunxit, ægri plerumque molestiam quandam persentiscunt in motu, quod contingit, quia callus recenter generatus occupat locum musculorum hanc aut illam partem moventium.

Antequam huic observationi finem imponam, duo problemata valde intricata, extricanda superesse mihi videntur; primum est, quare ossa, dum hiems est serena, facilius ac citius diffinguntur, quam alio quovis tempore; alterum verò, unde proveniat terror post somnum brevem ægros tam simplici quam composita fractura laborantes plerumque invadens.

Ad primum aliqui fortasse responderent, glabritiem glaciei efficere ut homines sæpius prolabantur in terram atque hoc pacto facile venire, ut ossa disrumpantur; verum enim verò hoc nodum non solvit, hoc difficultatem nondum tollit, nam ossa non tantum, sed & ferrum, lignum aliaque dura corpora brumali quam alio quovis tempore facilius disrumpuntur. Unde igitur hoc contingit? dicam, ausculta paulisper, Quo partes corporum durorum pertinacius & firmitus conjunguntur inter se, eo difficilius diffinguntur; hoc certum est: sed quodnam est illud; quod in partibus durorum corporum efficit coherentiā? non quies, ut quidam opinantur, quoniam illa non est aliquid positivum in corpore, sed tantum privatio motus, ideoque hoc effectum non producit quies, sed aër comprimendo partes durorum corporum conjungit ac coherere facit, ut patet ex experimento in observatione septima tertiæ decadis citato; aër autem, dum æstas est, magis premir quam media hieme, partim quia tum temporis à calore solis validius agitur, partim quia tunc gravior existit ob admistos plurimos vapores ab ardente sole sursum propulſos; atque hîc jam manifestum evadit, quare ossa aliaque dura corpora hiemali tempore facilius frangantur quam æstate; hinc etiam facile colligi potest, quare ligna in foco multo citius comburantur, cum rigida premimur hieme, quam dum amœna fruimur æstate; nimirum aër brumalis debiliore sua pressione non valde pertinaciter particulas ligni conjungere potis est, unde hæ particulæ à ligni corpore facile separantur, dum vim patiuntur à particulis quibusdam terrestribus soli materiæ mundi subtilissimæ innatantibus, ideoque rapidissime agitantur. Huc accedit, quod aër hiemalis, utpote minus premens & pauciores continens, flammam liberior divagari permittat.

Veniamus jam ad alterum problema, quo quaeritur, unde oriatur terror in somno, non autem in vigilia, ægros ossis fracturam patientes invadens, ac ossa disrupta non raro iterum distortuens.

Paræus magnâ experientiâ in arte chirurgica locupletatus, qui ipse aliquando fracturam tibiæ ac fibulæ cum vulnere passus est, ac in proprio corpore hunc terrorem vivide satis persentit, ut ait, hujus phænomeni rationem reddere conatur in capite vigesimo sexto libri agentis de fracturis, sed misere philosophatur ibidem, non nisi nugas ac chimæras in medium proferens.

Videamus

Videamus igitur, num nos rationem magis verosimilem afferre valeamus; tentabimus saltem. Ubi vigilant ægroti, vident, audiunt, edunt, bibunt, agitant brachia atque hoc modo multum succi nervei consumunt, sic ut ille haud adeo magnâ copiâ profluat in partes irritatas ex cerebro, sed cum somno sua membra demulcent ægri, longe aliter se res habet. Aures non audiunt tum temporis, oculi oclusi sunt, nares consueto negotio non vacant, lingua filet, brachia quiescunt; ubi igitur illo tempore humores circa fracturam tibiæ stagnantes ac accrescentes distensione sua fibrillis afferunt molestiam, ac eadem scissione sua irritant, runc inquam, succus nerveus, qui jam ad negotia in vigilia peragenda non impenditur, magnâ copiâ prolabitur in musculos irritatos, qui hoc pacto inflati crus vehementer movent, ac unam ossis diffracti extremitatem in hanc, alteram in illam partem miserè distorquent, unde dolor satis atrox exoritur, & sic patiens post brevem somnum non sine terrore expergiscitur. Ut autem hujus phænomeni rationi, quam reddidi, facilius fidem adhibeas, consultum judico, ut ad pauca verba sequentia attendas. Dum viges & vigilas, dum vesiculæ tuæ seminatæ multum fecundi seminis continent, imaginare, quàm vividè poteris, pulcherrimam quandam puellam, hoc pacto tamen te semen ejaculaturum non opinor, nisi alia moliaris; verum si tibi somno placido fruente ante imaginationem obversetur haud inelegantis formæ puella, & si interea temporis vesiculæ tuæ semine satis distentæ sint, semen non rarò summa cum voluptate hoc pacto prolabetur, quia scilicet vesiculæ seminatæ valde contrahuntur à succo nerveo, qui magnâ copiâ, dum dormis, a cerebro in vesiculæ seminatæ à semine distentas & valde irritatas defertur, quia jam non impenditur ad alia permulta negotia, dum vigilas, peragenda.

Sic novi duos Epilepticos, qui nunquam, dum vigilant, sed semper, ubi somno sepulti jacent, paroxismo corripiuntur, quod sententiam meam non parum confirmat. *Idem ibidem.*

Fractura tibiæ & fibulæ cum vulnere.

Filius Domini N. N. quatuordecim annorum, cum sociis ludens, tibiā & fibulam dextram confregit, ita ut prostantia hæc ossa musculum Castromemium & suralem cum venis quibusdam pertuderint: pes extensus per ministros fortes & in æquilibrio detentus erat, usquedum utraque manu Chirurgus membrum comprehensum ad pristinam figuram reduxit, & impellendo hinc inde; antè, retro, ad latera extantes partes, in suas concavitates, & pristinas sedes reduxit; quo dolor magna ex parte cessavit, osque fractum in superficie æqualitatem adeptum, & sano membro simile redditum est: vulneri tum imposuit Cerotum Galeni, & desuper emplastrum adstringens, deligavit pedem fasciâ tres ferme ulnas nostrates longâ, ter fracturæ circumvolvendo, & versus genu finiēdo, aliam dein fasciam affecto pedi bis circumduxit, versus malleolum finiēdo; Hisce fasciis imposuit compressas per transversum & juxta membri longitudinem, ut inæqualitas omnis caveatur, & deligatio super fracturam firmetur: propterea compressas has epidesmo retinuit, & Syndesmo theca chartacea munivit; tandem pedem directum, ut calcaneus ab omni compressione liber fuerit, capsulæ lignæ imposuit. Modus hic deligationis per duas hebdomadas continuatus fuit; post instituta ascialis fasciatio octodecim

Bibl. Chirurg. Tom. II.

capitum dicta, ob copiam puris, & crebram partium inspectionem: post tertiam hebdomadam in melius profectus est æger, calloque fracturæ conglutinata, & perfanata.

In fracturis ritè sanandis Chirurgus officio suo neutiquam satisfacisse dicendus est, si ossa ab invicem disjuncta rite iterum coaptaverit, cum & eadem debite ligando ac reponendo, ut concrefcere denuo queant, apta reddere teneatur, non solum coalescentiam aliàs impediturus, sed pluribus etiam aliis incommoda ægrum expositurus; quæ inter sphacelus crudelissime eundem è vita tollere valet, cujus exemplum, præter Ephemeridum nostr. curios. dec. 1. ann. 2. obs. 248. Phil. Hochstetterus decad. 5. observ. med. cas. 7. exhibuit, ubi cruris fracti ab imprudenter facta arctiori ligatura sphacelum descripsit; qualem etiam in alio calcaneus non rite collocatus concitaverat, quem sistit Joh. Hellyvigius observ. med. 154. Prout vicissim à axaminis ligatura coalescentiam ossium impediri, Joh. Mekeramus cap. 68. observ. chirurg. non immerito admonet. Scilicet fasciæ membri partes diffractas iterumque in naturalem situm locatas, conservare in eodem debent, quo ita particulæ glutinosæ exsudantes, ossium alimento aliàs inservituræ, se invicem contingere atque coagulata, callum constituere queant; unde laxiori ligatura extremitates ossium fractorum è loco suo moveri faciliè cum possint, unio sperata impeditur: & è contra si strictiori ligatura, aut inconcinna repositione spiritibus animalibus ac sanguini aditus reditusque; compressis scilicet nervis & arteriis, denegetur, partem tandem emori necesse est, Gluten verò illud nutritium è sanguine deponi, particulæ illæ viscosæ, in ejus sero abundantes probabile reddunt, ut ita à nervis illud sperare; cum aliis, haud opus habeamus. *D. Joh. de Miralto.*

Fractura costæ & cruris in gravida.

Anno Christi 1681. die 29. Decembr. honesta matrona, *Dn. Nauratho*, t. t. Præfetti in *Dirmstein* trans Rhenum, Uxor, in glacie cecidit adeo periculose, ut in dextro latere frangeret costam, in sinistro utrumque focile cruris paullo supra malleolum; nihilominus (ut jam à semestri esset gravida) rite curabatur utraque fractura intra tres menses; donec tandem feliciter enixa esset fœtum, qui adhuc tum ultra triennium superstes est. *D. Georgii Franci.*

De miro effectu tabaci in fractura femoris cum vulnere.

Chirurgus mihi notissimus, & à meâ directione dependens, curationem suscepit cujusdam juvenis Rustici, cui in terram lapso femur dextrum à tota curru onusti ita contusum & contritum fuit, ut caro musculosa denudata ab ossibus quasi divulsa cerneretur. Diu actum fuit mundificantibus, siccantibus, sarcoticis, epuloticis, sed continuus humorum affluxus omnem opem & vim medicamentorum elusit. Pulverem tabaci, utpote herbæ vulnerariæ aspersit parti læsæ, sed vix hoc facto, patiens ad enormem vomitum fuit concitatus. Retulit mihi inopinatum hoc symptoma prædictus Chirurgus, quod ex naturali causa forsitan ortum supicatus, jussi ut inspectionem hujus pulveris

repereret; Dictum factum, semper insperationem immediate sequebatur vomitio. An vellicando nervosum genus, & stomachum in communicando vapores, hæc anacatharsis excitata? utrumque viderat probabile; totum enim corpus, ex doctrina Hippocratis, & ab experientia unguentorum Mercurialium, est conspirabile & conflatile.

Fateor equidem & mihi stomachum moveri, si odorem fumi tabaci naribus etiam à longe exsipiam. Eliminarem sanè & proscriberem ex toto medico hanc herbam; si in mea potestate foret, propter tot nocumenta, quæ à Simone Pauli Commentar. de abusu tabaci allata sunt; sed nolo offendere Clarissimos Viros, Thomam Bartholinum & Diemerbrækium, quos esse tabacophilos testentur; illius Consilium de anatom. pract. fol. 18. hujus verò tract. de peste Cuique placeat fumus odorque suus. D. Adami à Lebernvald.

Herba Ossifraga.

Fertur in Norvvegia nostra plantæ cuiusdam ossifragæ vis singularis emolliendi ossa Jumentorum, quæ illâ vescuntur. Et quod mirum ex eadem incolæ unguentum conficiunt pro ossibus glutinandis. Suspiciatur D. Simon Pauli noster, mercurii vel plumbi subesse mineram, deditque id negotii peritis loci Sereniss. Rex noster, ut de veritate rei inquirant, & quid terra illa, ubi planta nascitur, sinu suo occulti condant. Quicquid rescivero posthac scribam. Vidi plantam siccam apud. Clar. Borrichium Collegam, quæ proprius ad juncum accedere mihi visa est D. Barthol. in litter. ad D. Sachsum missis.

Herbam hanc à nemine Botanicorum descriptam vocat Gramen Norvveg. *πολύρριζον*, ossifragum. Ex D. Simon. Pauli Prof. Regius. Hafnens. in quadripart. novæ edit. clas. 4. pag. 529. Norvvegis dicitur *Benengras*. Herbam istam secum anno 1641. è Norvvegia primum adduxit D. Jacob. Fabricius Med. R. Christiani IV. narravitque eidem Generos. D. Janus Bielke Regn. Norvveg. Cancellarius compertum esse ejusdem herbæ efficaciam, ut si boves eo vescerentur, ipsos usque ad ambulandum fieri ineptos, ut elumbes videantur, nec vestigium facere possint. Imo ut *Georg. Arichvein* Generalis Major Philobotanicus, retulit in litteris ad D. Simon. Pauli, adeo ossa mollescunt, & conteruntur, ut baculo possit quasi circumvolvi animal, non tamen moritur, sed curari potest, si ipsi ossa exhibeantur alterius animalis, hujus herbæ esu perempti. Conjecturam facit D. Simon Pauli pag. 532. delitescere fortè ibi, ubi crescit herba hæc, in intimis terræ visceribus mineram saturni vel mercur. currentis, quia secundum Kircher. art. magnet. l. 3. p. 5. c. 3. omnes plantæ alimentum verè magneticè ex terra trahant & naturam metalli supra quod creverunt assumant. Contrà meminit Jacob Bontius J.V. med. Indor. cap. 33. f. 86. herbulæ, quæ semen fert instar hordei, sed nigrius & hirsutius in Malacca & Continentis quibusdam Indiæ locis crescentis, quæ ossa adeo firmat & roborat, ut si ejus succo solummodo dentes imbuantur, silicem in pollinem redigere possint. *Thom. Bartholini.*

De gramine ossifrago.

Graminis hujus originem Norvvegiæ debemus, quod ea virtute vel malignitate præditum dicitur, ut jumenta, quæ vescuntur, enervet, ad motum inepta reddat, ut velut exossata videantur. Hinc

conjectura ingeniosa suspicatur Celeberrimus noster D. Simon Pauli, magnum illud floræ & anatomes decus, subesse illis locis, ubi germinat herba, fodinas vel plumbi vel argenti vivi, unde vitium hoc ossifraga herba trahat. De quo argumento eruditam epistolam ad me publice laudatus magno suo merito Senex exaravit, ex qua excerptam quæ ad hoc negotium spectant, ut Lectoribus curiosis satisfiat: Ita vero ille:

Porro, Celebratissime Bartholine, vitio minime mihi vortes, si insuper gnaviter ac obstinate, te exorare contendam, consilio, studio, operâ tuis, mihi non desis, sed ut defesso Atlanti, impiger successit Hercules? ita tu mihi in statione mea successor, patriæ in honorem & commodum, suppetias feras; & pluribus te rogarem hæc omnia, nisi scires, Ciceronem à Platone præclare scriptum putare in officiis: quod non nobis solum nati sumus, sed orrus nostri partem patria sibi vendicet, hinc eundem quoque statuere, quod omneis omnium caritates patria una complectatur, pro qua quis bonus dubitaret mortem oppetere, si ei sit profuturus? Quæ cum ita se habeant, egoque complusculis abhinc annis in eam devenerim sententiam, & adhuc in ea permaneam, certo quodam in tractu Norvvegiæ, novo & inaudito exemplo, delitescere fodinas vel plumbi vel argenti vivi; æque ac pridem Deigratiâ omni populo innotuit, argentum aliaque metalla in ea reperiri ac effodi; quæ omnia Celeberrimus Joh. Laurenbergius, popularis meus, qua Poëta ad Maronis, qua Mathematicus ad Euclidis famam pergens, suo Heroico, meo honori dicato, cum floram meam Danico idiomate 1648. publici juris facerem, universo orbi asseverare studuit. Arque interim non immerito, meæ conjecturæ, de inveniendis plumbo ac argento vivo, in Norvvegia & occasionem & rationem prudenter exigis? Nisi ergo grave molestumque tibi, perdocte Bartholine fuerit, quartam partem quadripartiti mei botanici posterioris editionis, & quidem in ea historiam graminis evolvere (heluo aliàs librorum qui es, si tam honesta in re, hoc loquendi modo cum Cicerone uti mihi liceat) uniusque nullus dubito, quin illic loci exacto & perpolito judicio tuò abunde satisfaciam, præsertim cum Nobilissimæ Europæ Nationes (quas inter Gallicam & Britannicam recenséo) studium hoc meum sive collaudent sive tacitè approbent; Sed in fidem priorum omnium Nobilissimi ac maxime strenui Domini Georgii Reichvvein, natione Catti, chiliarchæ literas, Germanico Idiomate ad me datas, ex meo quadripartito huc accersam: quem meritissimo, cum adhuc superesset, redicivum appellasses Dioscoridem, adeo subactus erat, non solum in militari disciplina, sed quoque Botanico studio, ita ut si nonnullis Medicinæ Candidatis, negotium facessere ipsi placuisset, herbam illi ultro ei porrexissent, & quidem pressò pollice. Sed linquam hæc illius verò ad me datarum literarum verba ita habent (Latine versa in gratiam exteriorum.)

Honoratissime Dom. D. Simon Pauli. Quandoquidem editum herbarium tuum pervolvi, intellexique Te D. Doctorem, Herbarum apprimè esse partium, & ex Te ipso audiivi plura meditari hæc illius verò ad me datarum literarum verba de eis in publicam lucem proferendis: reticere non possum multas in hoc regno elegantes & mirandas species inveniri, quarum quædam quidem cum aliis conveniunt, sed singulari figura & colore, aliquæ verò prorsus raræ, & me conscio (qui tamen in juventute mea istius studii maximus cultor fui, plurimisque

cultor fui, plurimisque cum Medicis præclaris familiaritatem contraxi, meque ex parte in iis exercui, & adhuc data occasione & temporis opportunitate summopere oblector & recreo) à nullo descriptæ unquam. Inter alias, duas species tibi enarrabo, & quoad fieri potest describam, & futuro anno, si Deus vitam prorogaverit, & valetudinem indulserit, ad vivum depictas & compactas, vel etiam, si possibile, recentes & vivas me missurum promitto, quia hoc tempore haberi non possunt, cum dissitis abhinc locis crescant, sexaginta circiter lencis, meque alia negotia impediant, quominus illas afferri ad me jubeam, nec enim libenter unicuique revelarem.

Prima species similis est apio risus, sed radices habet crassas & nodosas, instar radicum seu taparum rothfeldianarum. Si bestia, ut equus, vacca, bos, ovis, vel porcus illam devoret, (cujus tamen appetunt esum, unde rustici ubi hæc herba crescit, ista loca circum sepunt in quibus copiose luxuriat) statim moritur, & disrumpitur, venenum ejus quoque tam vehemens, ut avis si cadaver involet, pariter concidat confestim, & si inde repellatur, statim ex aëre decidat moriaturque, hanc plantam incolæ hujus regioni, appellant *Syllewebber*.

Alterius speciei hæc est historia; gramen est, longis acutisque foliis instar iridis. Si eo pecudes vescantur, sicut de priori dictum, confringit & conterit illis statim omnia ossa, ita ut ossa fracta intra pellem circa bacillum circumvolvi possint, non statim tamen expirant, sed curari possunt, si illis exhibeamus ossa contusa alterius alicujus bestię ex usu hujus herbæ mortuæ. Hinc etiam incolæ sedulo provident; ut semper in promptu habeant hanc medicinam. Sæpe hanc plantam beatus Dn. Cancellarius Jan. Bielcke & ego habuimus, qui nomen ossifragi illi dedit & imposuit. Quando ad manus tuas pervenerit ipsa planta, de ea ulterius inquires, ejusque decentem anatomen ipse suscipies. Christianæ 24. Augusti anno 1661.

Posthabita ergo ranunculī venenata specie; contra illa graminis maxime meretur ejus ut hīc loci habeatur ratio, quàm Perillustri ac Generoso Heroi ac Dn. D. Jano Bielcke, Norvagiæ Regni quondam Cancellario dignissimo, eleganti mecastor, ingenioso & effectui illius convenienti Vocabulo, Gramen ossifragum appellare allubuit: ceu qui peritissimus non literarum solū, sed insuper quoque rei herbariæ ac medicæ erat: quin & ille, in utrisque his septem trionibus subjectis regnis; suam senectutem iisdem studiis hoc seculo æque oblectavit, ac multis retro actis seculis Orientales sive Reges sive Reginas se oblectasse accepimus; hinc ego sequutus incomparabilis rerum naturalium indagatoris Athanasii Kircheri, è societate Jesu Concionatoris, aliorumque eruditorum vestigia, aut potius illorum rationes & observationes, scisco; in terræ visceribus profundis in Norvagia delitescere vel plumbum vel argentum vivum, ceu quorum minerales exhalationes, cum utraq̃ue infensissimæ nervis sint, jumenta veluti enervant, dum pascuntur hoc gramine ossifrago eo in tractu, ubi alma mater terra, veluti ex gremio suo, hoc genus graminis, in jugis utri hariolor, profert, ne ergo re, eruditissime Polyhistor, te compello Bartholine, amicorum intime, æque ac me ipsum pro re nata male habet, quod Nob. D. Georgius Reichwein, verbulo non meminerit tractus istius Norvagici, ubi hoc graminis genus pubescit aut pulsulat, sed solum ad me scribat loca illa circiter 60. miliaribus Christianâ distare. Dolendum sanè ob publica commoda, hunc

prisca virtute & fide Virum, ocyus vitæ pausam facisse suæ, quam in rem ea conferre possit, quæ in suis ad me datis literis mihi pollicitus est; adeo verum illud nostri Hippoc. occasionem præcipitem, ac pindari quoque illud; homines quotidie ceu arborum folia cadere. Quæ cum ita se habeant, jam nostrum est, ut pro re nata Christophorum Columbū imitemur. Qui sic inquires? ut enim ille ratione & sagaci conjectura, æterna sui laude Americam sive primus invenit, sive detexit, ita adderet graminis ossifragi subsidio, nondum detectas, sive plumbi, sive argenti vivi fodinas, in musæis nostris lucubrantibus, conjectura, ratione non cassa, indagare ac assequi, mox calamis nostris, Deo fortunante, dicta metalla veluti effodere. Etenim nullus dubito, cum aliquot exemplaria typis expressa hujus meæ epist. nomini ac honori tuo dicatæ, Christianiam, Bergas, Stavangiam, Nidrosiam aut Dronthemium, data in rem oportunitate, mittere mediter; ut in Norvagia & præsertim celeberrimis his emporiis; distrahantur & divulgentur; Quin Reverendi Dn. Episcopi, Pastores, Verbi Divini Ministri, ac alii honesti Viri, passim in Nob. Septentrionali hoc Regno habitantes, ubi intellexerint, quàm pervicaci studio ac opera contendam, alteri huic patriæ, in qua quidem educatus, tu verò Celeberrime Bartholine, natus es, prodesse, nobiscum sagaciter loca illa indagare, aut requirere in istos tractus occipiant, ubi gramen ossifragum germinet; tibi verò amice Bartholine, Domine Collega, Affinis ac Compater honoratissime, cum plures eorum præ me, vel notū vel affinitate juncti sint, proin quaerote, publico hoc in negotio, tradamus operas mutuas, ego publicis his ad te datis literis, tu ad eos privatim dandis. Ego interim hīc loci, priscum aut more majorum, acclamo feliciter! &c.

Plura senis disertī & eruditī D. Simoni Paulli verba, in epistola parænetica publica legi possunt, quō Lectorem amando, ut ad ipsam rem veniam quam nos curare per amicitiam intimam pro publico bono publici amantissimi sategit.

Ne votis tanti Viri deesset, cum ille ad Episcopos Christianiensem & Nidrosiensem literas cum sua parænetica epistola mitteret, ego ad Episcopos Stavagriensem & Bergensem commissum negocium cum officiosis literis detuli, ut & per singulas Regni Norvagiæ dioceses exquiri sedulo posset; an in locis, ubi gramen ossifragum provenit, minera aliqua plumbi vel argenti vivi eruatur. Reiveritate tempus aperiet, quo suspicio Magni Viri roboretur. Certè probabilitate non levi se tuetur, cum plerumque herbæ locorum suorum vim redeo- leant, & qualem ex terra succum trahunt, talem vescentibus præbeant, sibi que associant, apud Achillem Tatium elegans locus occurrit lib. 4. de Clitoph. & Leucip. Amor. de Elephantē bene olente, quia vescitur nigrâ rosā. Autoris verba hæc sunt latine donata: Indorum flos est, quem nigram rosam vocant. Hac elephantēs vescuntur, quemadmodum, gramine apud nos boves. Igitur à primo fere ortu pabulo ejusmodi enutrita bellua cibo similem odorem reddit, halitumque odoratissimum ab imo, ubi ei spiritus fons est, efflat τὰ καυόφυλλα hīc designari Salmasius in notis docet per rosam nigram, quæ in India ex Græco nomine; folia sunt, in Græcia flores nigri. Quale igitur alimentum, talis corporis habitus. Allio vescentes Orientales, hircum olent. Venenatis herbis pasta puella, Alexandrum inficere potuit. Purgantibus usque nutritrix, lac purgativum exhibet. Rosmarino, thymo;

aliisque odoratis herbis pastæ oves in Provincia Narbonensi sapidissimas carnes nobis exhibuerunt. Infinita in eam rem exempla suppetunt. Herbas denique ex terræ visceribus imprægnari tam notum, quam olim Martis lûcus. Hincuvæ Aurelianenses ex sulphureo solo infames cum succo suo ex mensa Regia exsulant. Vinum quoque alsaticum glebæ suæ gravitate noxium calculosos efficit. Ne plura exempla afferam, sufficit, quia de mineralibus sermo est, Pechlini, nuperi de purgantibus scriptoris facundi, observatio, qui ex relatione Nicolai du Pont Medici Colonienfis, scribit ostentatam fuisse Lugduni Batavorum arboris particulam vivo obfitam mercurio: posse quoque pestilentem afflari auram à metallicis partibus ex eo constare, quod in Polonia in graminum radices irrepere vivum mercurium testetur Beguinus, & in Dalmatia arborum truncis instillatum mobile metallum oculorum se judicio agnovisse testentur Chymici. Simile quid in Norvagia metallis fœcunda pari potest gramen Ossifragum, ut non tam ossa pecudum, quàm nervi, quibus mercurius vivus inimicus est, afficiantur, tendinesque contrahantur. Sunt, fateor, etiam ex vegetabilium classe, quæ ossa emolliunt, folia nempe cicutæ vescentibus eapropter exitiosæ, hinc pro callo ossis emolliendo tale remedium proponit Chalmeteus l. 4. Enchirid. Chirurg. c.

℥. Fol. cicut. m. iv. f. decoct. pro fotu. Folia terantur cum axungia suilla vel gallinacea, f. cataplasma post fotum applicandum. An verò ossa pecudum ab esu graminis ossifragi ita emolliantur ut fragilia sint, sicut narrat Reicovveinius, vel potius nervi debilitentur, quod verò sit mihi similis, & suspicatur quoque experientissimus noster D. Simon Paulli, accuratiorum relationes, quas ex Norvagia exspectamus, edocebunt. De his aliisque ad ossifragum gramen spectantibus dum sollicitè cogitavimus, ecce veriorum graminis historiam Bergis Norvægorum ad Amplissimum Virum D. Rotlinum, in Collegio Commerciorum assessorem bene meritum, Hafniam transmisit Excellentissimus Medicus D. Joh. Frid. Treublerus, amicus noster, cujus Viri in Re Medica versatissimi, adeoque fide pleni relationem hîc subjungam, ut ab omnibus intelligatur, latina consuetudine donatam.

Mitto unà caulem graminis desiderati in frustra quod dissectum, ut angustia epistolæ caperetur, quod rustici nostri (quorum non paucos hac de re examinavi) *Storregros*, flores flavos jam amisit, plenum seminibus adhuc tamen immaturis. Locis paludosis & humidis crescit inter alia dumeta prope omnes villas colonorum, Primum gramen est, quod vere prodit, unde avida sunt pecora ad decerpendum, quàm primum verò alia gramina copiosius prodierint, hoc gramen averfantur, forsan propter caulem duriusculum. Ex esu hujus pecora male habent; macie confecta, spina dorsii extra protruberante, (unde rustici dicunt, quod dorsum sit factum,) pedibus ossibusque debilibus, ut ægerri-
mè incedere queant. Quod autem prorsus mollia fiant ossa, vix fieri potest, alioquin omnia animalia perirent, & humi posternerentur. Pro antidoto rustici semper habent exsiccata ossa in promptu, quæ quorannis conservant ad hunc usum, quando carne prius abrafa usi sunt, eadem quoque ossa in plateis & ædibus colligunt, quæ exsiccata in parva frustra confringunt, & mox ab animalibus magno appetitu in minima dentibus comminuta devorantur, unde quasi salivatio subsequitur, multumque aquæ ex ore profluit, ut statim melius habeant pe-

cora, & prorsus convalescant. Aliqui pro remedio in pharmacopolis emunt radicem tormentillæ; plerique tamen & pene omnes ossibus acquiescunt. Videtur (quia rustici rationem nullam dare sciunt) quod pecora plerumque primo vere, terrâ adhuc humoribus nimis fœtâ, ex hoc gramine præcoci tantam in se humiditatem superfluam sorbeant & devorent, quæ deinde per ossa exsiccari debet. Unicuique tamen suum relinquo iudicium. Ad satisfaciendum curiosorum animo, gramen hoc in particula terræ, in qua crescit, servavi, & in vase collocari jussi, idque juveni cuidam Pastori Jano Danielis tradidi, cujus navicula in portu medio milliari hinc dissito hæret Hafniam cogitans, adunxique particulam graminis ipsius in charta consignatam, ut petitioni satisfacerem.

Tandem de gramine ad amicum laudatum perscripsit Dn. Treublerus, magna cum fama medicam Artem Bergis exercens, ut plenam ex illo graminis ossifragi historiam jam habeamus, cui nihil addi potest, nisi uberior subterraneorum investigatio, ut de mercurio vel plumbo forsan latente, certiores simus. Ex salivatione subsequente suspicionem suam de mercurio confirmari credit Dn. Simon Paulli. Quam tamen nimis graminis devorati humiditati ascribit D. Treublerus, per ossa exsiccata. Sola quidem humiditas herbæ ista (symptomata inducere non videtur, quæ patiuntur pecora, nisi alia maligna qualitas adjungatur ex quocunque principio derivanda, quod dies docebit. Figuram graminis integram confeci ex frustis à Treublero misis, & ex aliis non ita pridem mihi à Cl. D. Borrichio communicatis, accuratiorum daturus cum ex condito D. Treublerus vas miserit integra herba terræ suæ immersa conspicuum.

Idem D. Treublerus 14. Octobr. 1673. hæc porro ad amicum laudatum scripsit: de gramine hoc tantum restat ut dicam, copiosum in omnibus villis reperi, mihiq; affuisse duos Chirurgos cum plantam hanc in mensa mea reposuissim, qui existimabant esse Centaurium minus, affirmabantque diu pro ista herba se in usum suum traxisse, nec exinde quidquam mali profluxisse. Unde non video ex gramine vel herba, provenire damnum, sed ex humiditate, sicut antea dictum. *Idem ibidem.*

De Gramine Ossifrago.

Quæcunque de Gramine Ossifrago dici poterant in Actorum nostrorum Volum. II. absolvimus. Pauca hîc residua commemorabimus. Comperimus exinde non in Norvegia tantum istam plantam provenire, sed in Cimbria quoque nostra luxuriare in locis paludosis, & sine ullo damno à jumentis consumi, ut credere fas sit plantæ hujus naturam, sicut aliarum, variare pro locorum diversitate & climatum conditione. Ingentem copiam exsiccata plantæ ad nos ex Cimbria nuper attulit Pharmacopæus Urbis peritissimus Christophorus Herford Senior, ut omnibus curiosis satisfaceret. Forma florum elegantissimorum eadem est, quam figurâ expressimus ad Observ. 43. Volum. II. nisi quod in acumen magis desinant, & densiores sint. Centaurium non malè referunt colore saturato. Experimentum decantatæ virtutis emolliendorum ossium frustra in brutis nostris tentavimus. Forsan in exsiccata planta, qualis ad nos delata fuit, cum sale volatili, vis expiravit, quemadmodum in nonnullis aliis, ut ruta similibusque exsiccatis evenit.

Meminerunt Curiosi Parisienses in Diario Eruditorum, quod *Journal des Sçavans* vocant, Anni 1675. hujus plantæ ex nostris Actis, sed non satis mentem nostram videntur affecuti, digni tamen omni laude, quod tanto judicio seligant ex variorum scriptis quæ & prodesse possint & delectare curiosum Lectorem.

Ita verò illi pag. 192. §. 3. de nostra herba ex nostris Actis scribunt.

Ce qu'il dit (aff. Bartholin.) d'une autre espece d'herbe qui vient aussi de la Norvegue, & qu'il appelle ossifragum, est encore particulier. Car il assure que quand les chats en ont mangé, les os de leurs jambes semblent sortir de leur peau, & ils ne sçauroient marcher en cet état. Pour les guerir on leur donne des os secs & broyez; ce qui leur excite une grande salivation qui les guerit enfin. Et il croit qu'après cette guerison une vapeur mercurielle ou quelque autre vapeur maligne passe dans cette herbe.

H. e. Id quod narrat (*Bartholinus*) de alia specie herbæ ex Norvegia advectæ quam *Ossifragam* appellat, singulare quoque est. Nam ille affirmat si feles eam comedant, ossa pedis videri extra pellem prodire, ut nequeant tali statu incedere. Pro curatione illis exhiberi ossa siccata contrita, quibus salivatio succedit ingens, qua tandem curentur. Creditque peracta hac curatione vaporem quendam mercurialem vel alium vaporem malignum transire in herbam hanc.

Feles) De felibus quæ herbis non vescuntur, nihil dixi, sed aliis pecoribus animalibusque in pascuis herbas decerpere suetis.

Ossa extra pellem) Ossa tantum debilitari usu herbæ scripti, ut ad incessum inhabiliora reddantur.

Vaporem mercurialem) suspicio ingeniosa est *D. Simonis Paulli*, Viri summi, exhalationes minerales seu plumbi seu argenti vivi in terræ visceribus profundis Norvegiæ fortè delitescantis, jumenta enervare. Quam salivatio confirmare videtur. Ante curationem hæc fiunt, neutiquam peracta curatione. An verò talis minera lateat in Norvegia, ubi hæc herba crescit, necdum experientia constat. In *Cimbria*, ubi quoque uberius est ejus proventus, nulla minera observata, nec eapropter illis symptomatibus infestantur pecora innoxie isto gramine vescantia.

In cæteris Eruditi Parisienses rem acu tetigerunt.

e Gramine Ossifrago, Appendix Ex Epistola Illustris & Magnifici Cancellarii Norvegiæ Iob. Friderici Marschalch, Bergis scripta ad D. Simonem Paullum Medicum Regium.

Quandoquidem intellexi Te adhuc sollicitum esse de herba vel gramine, quod ex relatione beati Generalis Majoris *Reichvini*, ossa confringit animalium quæ eo vescuntur; inquisivi diligenter in illam rem, & tandem inveni gramen illud, quod in his regionibus appellatur *Stur*, cujus specimen mitto, forsan minus, quam pro naturali magnitudine, quod hujus anni frigori imputandum. Quando æstas calore suo graminis hujus flores protruserit, vivis coloribus delineari curabo, captaboque occasionem commodam, perfectiorem plantam *Dn. Doctori* transmittendi. Alias intellexi fœminas

quæ pecus custodiunt & curant narrare bestias ossium dolores experiri quando eo gramine vescuntur, sanæque exhibitis ossibus contritis aliorum animalium, non enim audivi exhiberi illis ossa animalium eodem gramine occumbentium, sicut *Reichvini* beatus scribit. Vale. Idem ibidem.

Observatio Fracturæ brachii, in quâ novâ quædam efformata fuit articulatio, communicata à Clariss. Dom. Sylvestro, & ex Diario Reipublicæ Literariæ in Acta Lipsiensiâ transata, ac in iis latina facta.

Anni sunt plures, cum Vir quidam ex casu sibi brachium sinistrum, ad quatuor à carpō digitos ita fregit, ut utrumque ulnæ & radii os transversim diffractum, & omnino disjunctum foret. Mox equidem Chirurgi pro brachiō repōnendō fuere accersiti; Vir tamen hic doloris vehementioris metu tangi ab iisdem plane recusavit, abnuendo unā fascias ipsas, quibus brachium commodè deligaretur. E diverso brachium potius commovere incepit, huicque postea motui tali cum successu assuevit ut brachium vel in ipsō fracturæ flecteret locō. In quō statū, commovendo scilicet manum, ac duobus in locis absque dolore vel incommodō ullō, cubiti os flectendo, satis diu vitam protraxit. Postquam verò esset defunctus, unus è Chirurgis qui ipsum visitaverant, brachium hoc ab ipsius petiit agnatis, musculisque rescissis oppidō novam in fracturâ factam invenit articulationem, sequenti dispositam ratione. Scilicet ex parte flexūs cubiti, in utriusque ossis extremitate, caput quoddam rotundum, apophyseos nomine insignitum, occurrebat; ex parte autem carpi duæ aderant cavitates satis profundæ capitibus ossis cujuslibet excipiendis inservientes. Dehinc ipsum periostium, quod fracturæ tempore fuerat laceratum, circumcirca majori præditum observabatur crassitie, adeo ut ligamenti vicem pro articulatione firmandâ præstaret. Tandem cavitatum harum oræ à parte anteriori multo minus elevatæ advertebantur, quam à parte posteriori; unde duo notabiles producebantur effectus: Quippe ex unâ regione satis erat opportunitatis pro meliori flexionis motu incundō: Ex alterâ verò nimia brachii extensio impediabatur; similem ferè in modum, ac in cubiti flexurâ contingere deprehenditur.

Duo hîc se se offerunt consideratū digna, & quorum rationes accuratam omnino merentur indagacionem. Primum est, quomodo articulatio hæc nova fuerit continuata? Alterum verò quomodo Vir hic cubitum eō in locō flectere potuerit, cum absque dubiō muscoli novi, motui isti inservientes formati essent nulli. Quæ meæ circa utramque quæstionem sint conjecturæ, eâ nunc proferam lege, ut aliorum majori me perspicaciâ pollentium subijciam iudicio.

Quò intelligatur ratio qua articulus efformatus fuit, animo concipiatur oportet, ossium brachii, postquam utrumque transversim fractum ac penitus disjunctum esset, extremitates nihilominus sibi invicem oppositas, unam supra alteram ita mansisse adaptatas, ut calli materies è qualibet ossium extremitate stillans, haud dubiè illas denudò conglutinatura fuisset, nisi brachium in continuâ agitatione permanisset. Hic siquidem motus in causa fuit quod calli materia à fracturæ lateribus diffluens, quandoquidem viscida ac glutinosa

est, ossium fractorum marginibus adhæsit, ubi temporis successu limbi quædam species, cum ad modum qui etiamnum in ossium capitibus cernitur, fuerit efficta. Qui limbus cavitatis loco fuit, ex carpi potius quam cubiti parte, ob declivem carpi situm. Cavitate vetò sic efformatâ; in ipsis ossium extremitatibus ex parte cubiti, capitis seu apophyseos figura necessariò erat recipienda, quoniam calli materies tota exudans, mollis atque fluida, dum motu brachii ad alteras ossium extremitates vehabatur, non poterat non ad eam rationem quâ illæ erant dispositæ, formari, id est propter concavam cavitatis figuram evadere convexa.

Sed priusquam motus qui in nova hac articulatione fiebat enodetur, duo veniunt consideranda. Primò, musculos plerosque ulnæ ac radii ossibus superstratos ubique ferè duobus hisce ossibus annecti & agglutinari: deinde carpum, veluti partem mobilem respectu cubiti, versùs hunc, secundum motus musculorum regulas flecti. Quibus suppositis, si nova quædam formetur pars mobilis, seu quod idem est, si duo ossa penitus frangantur, musculi agentes pro flexurâ naturali cubiti, necessariò etiam agent pro flexurâ novæ partis mobilis efformatæ. Extremitates quippe ossium eorum quæ sunt ex parte carpi, eodem modò ac si nova essent ossa evadunt mobiles respectu cubiti; unde oportet ut ratione adhærentium musculorum flectantur contractionis tempore, quia scilicet illi partes divilæ, quibus adnectuntur, necessariò tum adducunt. Atque hæc motus ratio verè est mechanica, musculorum cum ossibus connexioni tota superstructa. Vetum etiam si talis non daretur connexio, idem tamen motus adhuc procedere posset, quia ossium ulnæ ac radii extremitates, quibuscum carpus articulatur, cum non sint stabiles, carpi motum necessariò sequi debent; idest musculi carpi, dum agunt, trahere omninò debent partes carpum fulcientes, veluti mobiles factas.

Meum non est in consequentias hinc inquirere, quæ ex hac deduci queunt observatione. Chirurghi interim exinde poterunt discere, quàm necessarium sit ossa fracta, ut reuniantur, fasciis deligare, atq; immobilia servare. At alterâ verò parte observabunt inde Physiologi, quòd natura in rebus extraordinariis iisdem semper insistat viis, adeoque minimè credendum esse, quòd omne monstrosum nobis visum, sit fortunæ quidam effectus, aut naturæ aberratio: Sed quòd omnia potius in mundo fiant per constantes motus leges, à Deò pro corporum generatione ac conservatione stabilitas. præterea certus sum alias adhuc inde sequelas, quoad succi ossium nutritii motum, & quoad rationem quâ eorum formantur articulationes, posse inferri: Verum hinc locus non est hanc excutiendi materiam.

Ad nostram jam regredior observationem, quæ rarissima videtur, maximèq; singularis, cui similem apud Auctorum neminem legere licuit. Verum est quod Guilielmus Fabricius Hildanus Centur. iij. Observ. 91. refert, quòd in Virò quòdam postquam brachium sinistrum inter cubitum & carpum fuisset confractum, duoq; ossa prorsus disjuncta, cum insigni carnis contusione, ingens orta sit suppuratio, quâ durante multa prodierint officula: remittentibus verò symptomatibus, ac vulneribus consolidatis, ossa nihilominus remanserint disjuncta, ac ita quidem, ut novum quendam veluti constituerint articulum. Virum etenim hunc, ubi dextram adhiberet manum, brachium sinistrum in ipso fracturæ locò antrorsum & retrorsum duxisse. Unde cernere est, magnam quidem inter utramq; historiam intercedere convenientiam, verum eandem

prorsus rem nullatenus esse. Certum est in Virò de quò loquitur Fabricius Hildanus, ossa haud denuò fuisse conjuncta, quæ fuit ratio cur brachium in fracturæ locò flectere potuerit, verum inde non sequitur articulationem aliquam inibi fuisse efformatam; quia scilicet tali in casu Vir iste absque dextræ manus auxiliò brachium sinistrum movere minimè poterat, ut commodè faciebat ille de quò jam differimus. Quicquid itaque inde inferre licet, huc recidit; nullum callum, cum insignis facta sit suppuratio, nulla; unà prodierint officula, in casu Fabricii Hildani, fuisse generatum, pro ossibus reuniendis, horumq; extremitates exsiccatas induruisse, absq; eò ut invicem essent conjunctæ, vel se invicem tangerent, quemadmodum id expressis ibidem innuit verbis Hildanus, dum addit, ossa se invicem non attingere, quia eorum extremitates callò sunt obductæ. Inde etenim vera quidem parrium ossis arguitur separatio; sed de articulatione subsequente nihil subjungitur.

Fractura ossium cruralium multiplex, cum junctura tali dislocatione feliciter sanata.

Clariss. Theod. Zuingeris Miscell. Curios. Decur. iij. Ann. 7. & 8.

Henricus Plattner Caupo Pagi Laufen in Urbis nostræ ditione, Horreum quoddam ædificaturus, Die 28. Decemb. 1697. à prandio in vicinam excurrit sylvam, Fabros Lignarios in cædendis quibusdam arboribus sibi necessariis adjuturus. Accidit verò tum; ut dum cæsa jam arbor prosternebatur, ejusdem tuncus Cauponis incauti, nec satis celeriter ad latera fugientis, citius dextrum arriperet, atque super integrum ferè simul humi prostrati hominis pedem devolvendo, in Femoris cuidem osse, paulò supra genu, Fracturam transversam sine vulnere, hinc maximam contusionem in Genu; porrò in mediâ Tibiâ Fibulaque contusionem insignem cum vulnere, atque spinarum ossium prominentiâ, tandem & in Tali juncturâ dislocationem atque vulnus, cum Malleoli interni cartilagine obiecti expulsionem, atque prominentiâ visibili extra vulnus suscitaret, sicque Ægrum rigidâ hac anni tempestate, post largam sanguinis & vulneribus profusionem, semianimem relinqueret. Cumq; Locus tanti infortunii dimidiæ propemodum horæ spatio ab ædibus Patientis distaret, bihorium elapsum est, antequam domum reportari, atque Chirurgorum curæ submitti potuerit. Fuerunt autem illi è proximo nostratis Ditionis Oppido Lucis vallensi Martinus & Samuel Giffi, in Chirurgiæ Artis praxi satis bene versati, qui resecto primùm nonnihil per propinata juscula, atque traumaticum Decoctum Ægro, fortibus è Decoctione Herbarum Nervino-Aromatico-Vulnerariorum in vino factâ, lasas undique refrigeratasque partes probè calefecerunt; ac interea, quæcunque ad justam deligationem, tot fracturarum necessaria videbantur, præpararunt. Tandem ad Ægrum accedentes antè omnia elapsum Malleolum, quomodocunque poterant, in pristinum locum reposuerunt, vulnere carpta linteorum filamenta Tincturæ Myrrhæ, Aloë, Absynth. &c. intincta applicuerunt, Emplastroque Opopodeldoch. texerunt. Postea Fracturam Tibiæ, abscissis, quæ prominebant, Spinis ossis, post extensionem debitam factam commodè satis adaptarunt, vulnus uti prius deligabant; ac postmodum Emplastrum discutiens, quod poros minimè infarciret,

infarciret, toti fermè pedi circumposuerunt, hincque Linthea quadruplicata Vino, cui traumaticas atque balsamicas Herbas incoxerunt, immerfa ita applicuerunt undique, ut sine pedis commotione admi atque bis quotidie mutari, simul ac ipsa Vulnera probè mundari, novisque remediis foveri possent. Tandem Splenia Assulasque iniecerunt, & mediocriter ligarunt, ita ut sanguinis circuitus per Vasa commodè fieri pergeret. Quibus ita secundum Artem, & quemadmodum partis multiplex læsio ferebat, institutis, (ubi fascia novem utrinque capitam sic dicta maximum præstabat commodum; ut pote quâ præsentem membri elevatio sub deligatione necessaria non fuit) ad Femoris progressi sunt Fracturam, quæ, licet in transversum contingerat, multum tamen negotii Chirurgis facebat, dum propter genu contusionem, reliquamque adhuc gravio rem pedis læsionem, nesciebant commodè membrum extendere, sicque fractam Os probè adaptare, faciliorem tamen reddebat operationem vulneris absentia, ita quidem, ut extenso tandem quomodocunque membro, fracti Ossis extremitates adaptarent, statimque Membrum Spiritu Vini Camphorato probè lotum; superimposito *Emplastro contra Fracturas* cum *Oleo Rosar.* nonnihil macerato, ac spleniis assulisque probè munirent. Et postquam sic quoque ipsum Genu *Traumatico discutiente decocto vinoso* fovissent, totum Crus longè admodum cavæque Assulæ in rem præsentem accommodatæ imponebant, ac fasciis in genu aliisque locis ita ligabant; ut neutrquam sive vigilans sive dormiens Ager genu flectere posset. Atque ita deligatus probè miser Caupo dolorum, antea propè intolerabilem, levamen insigne percipere, meliusque habere coepit; præcipuis cum jam Lecto suo peculiari impositus fuisset, ita prorsus accommодato, ut affectum Crus per totam suam longitudinem rectâ linæa pulvinari è paleis facta incumbere, & quietum prorsus manere posset.

Peractâ sic primâ deligatione, conciliatoque; ut moris est decubitu, quo minus pes extremus ad quamcunque rem duram allidere valeret, nox inquieta valde successit; & sequenti Die 29. Decembris febricitare jam Ager incepit, sitire, cibos omnes fastidire, malique accepti enormitatem gravius sentire. Quamobrem Chirurgi, præter utum Jusculorum carniū optimorum; Decoctique traumatici, internum, ad Venæsectionem progressi sunt; quam non sine ratione credebant Aegrum quadragenarium, & satis aliàs plethoricum, athleticum, balsamicâ Malsâ humoralis texturâ præditum, probè ferre posse; Sanguinis hinc uncie sex vel septem circiter; ante meum adventum, à venâ brachii dextri secatâ extractæ fuerunt, citrà imbecillitatem Aegrotantis ullam, qui vires per noctem; licet inquietam non parum recollegisse videbatur. Ego verò ad Aegrum hac die, vocatus accedens; eundem satis vegetum adhuc præter spem reperi; sed febricitantem, inspectâque misere affecti Pedis deligatione, omnia secundum Artem; & Mali ipsius conditionem requirentem, instituta peractaque esse vidi; quamobrem Chirugos ad continuandam suam industriam serè admonui externè præter *Tincturam aloëticam* vulneribus continuè immitteendam, adhuc *Unguentum fuscum VVirtzii* digestivi loco, nec non *stypicum Crollii Emplastrum* iisdem superimponendum commendavi. Internè verò præter usum *Decocti vulnerarii* quotidianum, ad plures hebdomadas, imò menses continuandum; simul præscripti blanda *Diaphoretica*, sanguinis circuitum; insensibilemque transpirationem jugiter

conservantia una cum *Mixturâ Cardiacâ-Diaphoreticâ* atque *Antispasmodicâ* per cochlearia sumendâ, sæpiusque repetendâ. *℞. Antimon. diaphoret. Oculi. cancr. ppt. Rasur. ebor. ppt. Ungul. Alc. ppt. aa. ʒss. Cirabar. Antimon. opi. ʒj. Misc. F. Pulvis*; in 6. doses aequal. divid. & aliquoties repetendus. *℞. Aqu. Borrag. Flor. Tilia, Ulmar. Scabios. aa. ʒjss. Syrup. Idæi ʒij. Confect. ALK. inc. ʒiʒ. Corn. C. Philos. ppt. ʒj. Bezoard. min. ʒss. Misc. ad Viur.* & singulis horis aut bihoriis exhibeatur cochlearium. *Decoctum traumaticum* pro interno usu fuit sequens, *℞. Rad. Caryophyllat. ʒj. Herbar. Virga aurea cum Florib. Pyrol. Sanicul. Alchymill. Beton. Card. bened. Veronic. Agrimon. aa. Mj. Incisa probè invicem atque in pulverem grossum redacta, dentur ad Scatul. De hoc pulv. dein pugilli duo sumuntur; atque Vini albi veteris & Aquæ fontan. aa. lbjss. incoquantur aliquandiu in Ollâ probè clausâ; postea de colato decocto manè ac resperi cyathus unciarum quatuor exhauritur. Externæ eadem Herbae una cum *Salviâ, Majoranâ, Absynth. Scordio, Marub. albo* permixtæ; *Vinò albo* semper incoquebantur pro fomentatione pedis. Dietam præscripti tenuem satis, à Vini; Acidorum; Flatulentorum; Salsorum valde, Dyspeptorum usu; à Trinitatib; ab Irâ, commotione corporis noxiâ, prorsus imminuim. Pro potu ordinario concessi *Decoctum Rad. Filic. Herb. Agrimon. & Passular. minor. Alvus libera* servabatur Clymatibus subinde; & interdum suppositoriis, quamquam frequentem ejus solutionem haud procurabamus.*

Usu itaque talium; æque internorum ac externorum medicaminum diligenter continuato; intra spatium quinque vel sex hebdomadarum; quod in talo erat vulnus, cicatrice prorsus obductum sanatumque conspiciebatur, redeunte interea simul ad digitos pedum sensu tactus; qui antea prorsus abs fuerat. Fractura Femoris ternâ vice iterum elapsa reponi debuit, ut pote satis firmam propter mala inferioris pedis ligaturam minime ferens, nihilominus tandem intervallo trium mensium callum nacta est firmum. Tibiæ autem Fractura; propter magnam ossium in minuta frustilla, sensimac sensim prodentia, contritionem, ante elapsum semestrem integrum neque callum satis validum, neque consolidationem perfectam admisit, tandem verò etiam integrè curata, & proba cicatrice obducta fuit, sicque Ager post semestrem demum pedi rantillum insistere; nondum tamen sive in Talo, sive in Genu flectere poterat; quæ tamen flectendi potentia in Talo satis commodè, quod tendines haud essent multum disrupti, in Genu autem rantillum saltem hucusque rediit. Atque ita per Dei Gratiâ, atque inde fessum præsentium Chirurgorum industriam, Crus illud integrum fuit servatum; & vix semipollicis latitudine sano crure brevius remansit, quod certè plures alii Chirurghi, in Galliis præsertim; statim in principio amputatum voluissent.

Anatomica inspectiones.

Vincentius Balduinus; Vir in fractæ ætatis, vixit aliquandiu miserandum in modum, ob humeros intra annos quindecim quater effractum, quod paulatim increfcens, sive ex viscido contusi ossis succo, sive sanguine eo uberius affluente in eam tandem devenit molem; ut nec pectus nec scapula immodicum ipsius pondus fuerit amplius ferendo; excitatis non solum maximis nervorum doloribus, verum etiam summa spiritus difficultate; ob luxuriante pondus

pondus thoracis motum continenter impediens, cum indefatigabili vigilia. Quibus è salebris quo evaderet, usus fuit consilio variorum Chirurgorum, quorum alii tumorem emollire atque in pus convertere: alii contra luxuriam ipsius arctiore fascia coercere: ac nonnulli vitiatum os ferrulâ præcidere adnixi fuere, sed omnes successu infelici: Venæ enim ac arteriæ hujus tumoris latiores erant quàm ut pollice humano potuissent obturari, ac proinde magis impedimento quàm auxilio fuere fasciæ: mortemque adeo non distulisset, quàm maturasset amputatio improvide instituta.

Facto autem vivendi fine, docuit anatome omnia sub cute visci crassitiem ac steatomatis induisse naturam, parumque discrepasse à materia veri canceri, cujus nomen fortassis propterea huic ossis vitio haud male impositum ab industrio Celso. Ipsa verò ossa erant non modò à se invicem sejungata, verùm quasi malleo minutatim confracta, ac præ irriguo madore adeo tenera, flaccida ac mollia, ut instar ceræ scalpello facillime conciderentur. *Tulpius observat. lib. 4. cap. 12.*

Strenuo militiæ duci globulus plumbeus à bombardâ hostili emissus, utrumque os brachii sinistri propè carpum perfregit, & vulnere penetrante fauciatum brachium: Antequam pugnâ excederet, statim intolerabiles sentit dolores, qui frigore hyberno exaucti sunt, cum quatuor horas equitando in via impenderet, antequam in proximam civitatem delatus, Chirurgi manui subiceretur. Sedula opera in hujusmodi casu difficili adhiberi solita, non impedit gangrænâ parti læsæ imminentem, quæ in externa manu & brachio se non prodit sanorum similis, Sed cum intolerabili cruciatu interno interiora pervagabatur, & dolores sensim ad totum brachium & scapulam sinistram diffundebat, cum tumore, sed striis quibusdam lividis sanguinis secundum brachii longitudinem ascendentibus: Ampliato demum vulnere, immissaque manu Chirurgus observavit interiora frigida & sphacelatam manum assistentes vidimus: cumque nihil in medicamentis spei ampliùs superesset, de manuum operatione cogitatum mature fuit, ipso etiam viro generoso urgente, ne serperet ulterius malam, quod interne latius protensum videbatur. Quamquam verò parum profuturam membri læsi amputationem judicarem, anceps tamen remedium cum prognostico dubio experiri statuimus.

Brachium medium ferrâ resectum prognosticon ominosum confirmavit: Primò quippe copiosus ichor flavus effluxit ex musculorum interstitiis, cui tandem sanguis successit ex vasis suis, qui facillè aquâ stypticâ constitit: Septimo hæc die peragebantur, & eodem circa vesperam exspiravit æger.

In amputato brachio vulneris conditionem interiorius rimati, vidimus ulnam fractam, & læsum quoque radius, fragmenta ossium tendinibus musculorum manûs incumbentia & vellicantia, amplum hiatus fœrentem, sphacelata omnia.

Dolorum magnitudo ex tendinum punctura ab osse fracto & aculeatis ejus frustulis, necnon pilis in vulnere latentibus, à tunica pellicea sine dubio abrasis, repetenda est: Sphacelus verò à venenati globuli ictu ortus, sive veneficam qualitatem naturæ suæ debeat globulus à natrato pulvere protrusus, sicut plurimis persuasum: sive globulus iste fatalis veneno per artem fuerit imbutus. Hisce sane vulneribus, præsertim in nervosis partibus,

malignitas ferè semper conjungitur, quod ex partium affectarum decoloratione, mortificatione, leipothymiis, & celeri fato colligimus: imo febris in nostro ægro vel nulla vel exigua, mente sibi semper ad extremum spiritum constante: Ex observatione *Plazzoni* l. de Vulner. sclop. cap. 30. Vulnus à sclopeto unà cum ossis fractura illatum, si minutum sit, certissimum genus fracturæ existit: Nam carnosa & nervosa substantia non solum à qualitate venefica, ustione, contusione & artritio læditur, sed etiam propter ossis fracturam partes magnopere alterantur, hinc & vehementes inflammationes, dolores, convulsiones & gangræna oriuntur, quæ omnia ut plurimum mortem ipsam inducunt: à convulsione tamen noster æger immunis fuit. Cæterum de globulo veneno imbuta magna nobis oborta suspicio, quia statim ab ictu accepto de immodico dolore conquestus fuerat, strenus Dux & miles: & cito ad cor penetravit mali vis: Variis tingi solet, etiam succo allii, ne vulnera admittant curationem. Globulus nobis visus, infortunii causa, aliquod monstri videbatur alere: Incisuris enim multis distinguebatur, arte factis, quo fine nescio, certè non bono: uni incisuræ adhærebat frustulum ossis, ab ulna fracta fragmentum. Ichor verò ille flavus copiosè ex brachii amputati trunco stillans infectarum partium argumentum erat & putredini vicinarum: digito compescere voluit Chirurgus, sed eo remoto fontis instar prorupit serum; Et tale quoque ex vulnere sclopeti, puris loco, stillabat; Quicquid sit, ex levi, ut videbatur vulnere, sed lethali, magna tragœdia excitata: Lethalissima verò hæc vulnera globulorum pronuntiant artis periti, quod non solum nervosæ partes solvantur sed & lacerentur, & affectio non tantum cerebro communicetur, ratione vulneris, sed quod magis est, ratione nervorum venefica qualitas immediate cerebro communicari potest & ægrum subito interficere: Non verò per nervos solos cerebrum inficitur, sed per vasa sanguinea, hinc quoque affecta, cor ipsum infestatur. Hinc in nostro ægro leipothymia anxietatesque frequentes, & ad ultimum halitum recurrentes observatæ, nec cerebrum læsum ex actionibus apparuit. Forasan nisi fatum præcipitasset cor affectum, etiam ad cerebrum serpendo penetrasset venenatus vapor. *Th. Bartholinus in Actis Medicis annor. 1674. 75. 76.*

Anno 1629. sub finem Martii, visitavimus mortuum ex vulnere femoris cum omnimoda ossis fractura. Invenimus os etsi pessime repositum, ex parte tamen coaluisse: Maxima & acutissima ossium fragmina in vulnere relicta, ad minimum corporis motum dolores læso summos concitabant, novamque movebant hæmorrhagiam, unde post longam atrophiam, gangræna totum crus occupante, septimo à vulnere mense mortuus est. *H. ab Heers observ. Medic. xxii.*

Lites sequuntur ingentes, Chirurgi enim ex vulnere mortuum testabantur: Negabant Medici dicentes à perito artis curari potuisse, nec ullum vitæ, sed claudicationis periculum adire potuisse: Ego atbiter à Dom. Scabinis adhibitus, mihi ex tempore qui Hippocr. meum afferret, statimque exhibui textum qui est l. 1. de morb. sect. 5. *Hæc autem cum fiunt ex necessitate contingunt.* In vulneribus quidem si crassi nervi, & musculorum capita in femoribus præsertim vulnus acceperint, necessaria est claudicatio: Moritur etiam si quis vulneratum habet cerebrum, aut spinalem medullam, aut

Fracturæ

jecur, aut septum transversum, aut vesicam, aut Venam multum sanguinem effundentem, aut Cor; Ex vulneribus autem minime mori contingit, si his partibus vulnus acceptum non fuerit. Hæc verba omni luce clariora, quoniam Legulei literarum aucupes torturi sunt, tempus nos docebit. *Idem ibidem.*

Obiit puer annorum 12. in Xenodochio Basileensi 20. Augusti 1673. qui saltando fregerat femur, in quo fissura, facta, Per biduum magno tamen dolore, scalas descendit & ascendit: Non observatâ fracturâ, à quodam Mago male curatus: Tandem Chirurgo accersito, omnia semper in pejus ivere, ut pure collecto febris accesserit lenta; hinc cacochymia, defluxiones ad partem debilem, os ischii & caput femoris, non sine magno dolore; Tandem luxato osse femoris ex acetabulo, & facto ulcere paulo infra trochanterem majorem, dolor mitigatus est: febre non cessante, & materia purulenta in femore multiplicata, tandem obiit.

Sectus fuit à D. D. Glasero, qui ulcus sordidum deprehendit, & secundum ductum vasorum & interstitia musculorum cavitatem magnam, ut & musculos ab osse femoris omnino separatos; In hac cavitate ingens puris copia visa est, quæ à genu, ubi primò tumorem fecit, premendo, ad ulcus ascendit, nec substitit prope genu, sed protraxit se secundum ductum nervorum, & musculorum interstitia ad talum usque, ubi etiam humor & pus observabatur. Separatis à femoris osse cute & musculis, fissuram ossis deprehendimus, secundum longitudinem simul & transversum, ut in margine patet: musculi omnes laxi ex humoribus madefacti erant, imprimis nates constituentes: in acetabulo erat mucosa substantia indurefcens: prope genu sub patella similis mucus erat: In imo ventre nullum ingens malum inventum est, nisi quod à cacochymia viscera essent debilitata & pallidiora, aliàs in statu naturali plane consistebant. *Ex communicatione D. D. Jo. Georgii Mangoldt Basiliensis. in D. Boneti Sepulchreto.*

Hinc ratio datur totius morbi, hic puer hinc inde petulanter saltans fregit os, unde derepente ingens dolor oboriebatur; domum redux intolerabilem dolorem sentit, reticens saltem, per biduum tamen adhuc (quoniam erat fissura, & dimidia pars ossis consistebat) per scalas ascendit & descendit, sed tantum extremis digitis pedis (qui dexter fuit) innixus; Modò decumbebat modò non, dolore interim continuante, terrioq; die adeo intensus est, ut fere amplius consistere non posset, propter solutam unitatem periostrii & tendinum, puncturam ab osse fracto: Ob istum motum autem fissura se magis dilatavit, & musculos pressit punxitque, unde motus læsio & genu incurvatio, quod musculi genu flectentes affecti essent ab osse fracto. Quoniam autem fractura non esset nota, & patentes putassent puero à saga mali quid accidisse, accusarunt sagum, qui talia sanare profitebatur, sed hic nil profecit cum malum ignoraret: adhibuit suæ sortis remedia & malum auxit, si quidem intumuit genu & totum femur usque ad caput femoris, nec dolor mitigatus est. Tandem frustra accersito Chirurgo perito, nomine Schvartz, pure jam presente, dolore aliquatenus mitigato, (nam pure facto omnia mitiora fiunt) & præsentè febre lenta, à materia purulenta excitata, ulcus factum est à natura paulo infra trochanterem majorem, unde puris copia quotidie evacuabatur, hinc tumor prope genu, & dolor plane incepit evanescere, sed diurnitate temporis, & imbecillitate corporis secundum musculos & vasa, pes infra genu ad talum us-

que intumescere capit: propter copiam puris ulcus toto reliquo tempore apertum servabatur; à pure musculi ab osse separabantur & semiputridi erant, quod femur esset fractum, ideo exterius tangendo apparuit duplex os esse, aut instar ossis quædam materia juxta tendines musculosque orra; Interim cacochymia orta fluxiones ad partem debilem fiebant, hinc musculi laxi, & tandem luxatum est caput femoris ex acetabulo; Interim febre omnino consumptus & emaciatus tandem obiit. *Idem ibidem.*

Dominus Marchandus, Jurisconsultus Parisiensis, passus est defluxionem in genu articulum toto octimestri ipsi molestant, qua de causa usus est operâ plurimorum tum Medicorum tum Chirurgorum, at sine fructu, quod malum ab osse duceret originem: Dum quadam die in lecto de latere in latus se convolveret, extractum illi est os tibiæ juxta genu, morte paulo post subsequuta.

Apertum fuit Femur, repertaque fuit fractura & separatio apophysis ossis illius, quod carie & putredine infectum erat, quanquam lue nunquam laborasset. Ideoque recte ab antiquis traditum ossa triplici morborum genere affici posse, Intemperie compositionis & solutæ unitatis.

Notent Tyrones ossium apophyses sæpe divelli, quod luxationis quoddam genus est vix sanabilis, teste Columbo Anat. cap. 2. quod ejusmodi ossium conjunctio & σύμφυσις non fiat ossis unico capite acetabulum subeunte, sed pluribus tuberculis totidem sinus subintrantibus, cujusmodi reductio difficillima est, à causa interna vel externa: externa, quandoque Chirurgi errore, interna humoribus quibusdam illapsis in quæpiam articulum inibique retentis; quod in lue Venerea & Variolis sæpe numero accidere videmus, vel ob alium aliquem humorem lue non inquinatum, quod accidit prædicto Jurisconsulto, *Parvus Operum lib. 15. cap. 21.*

In Fracturis, ut aliorum ossium, ita & femoris curandis sæpe vitia advertuntur, primò in figura, deinde in callo: In figura, dum non ritè extenditur, conformatur, deligatur, deponitur. In Callo, dum ille fit nodosus, ubi conjungitur, & monstroso callo, qui insigni eminentia nodis in arborum ramis subinde comparentibus respondet; similis est. Talis monstrosus callus apparebat in utroque femore Pilæ magistri aulici lusoriæ.

Eo fortè suffocato, & post anatomen, cocto ad sceleti structuram, uterque ab invicem abscedebat callus, *Rolfinkius Dissertat. Anat. lib. 2. cap. 49.*

Scriba rusticanus cum Norvagian, sylvis asperis collibus & montibus horridam, equo circumiret, procul Bergis lapsu graviore Fracturam tibiæ sinistrae passus, dolores sentit gravissimos: Vici ni rustici hominem miserum hospitio exceperunt, & pedem fractum sine extensione instrumento ligneo, excavato firmiter incluserunt, summaque cum diligentia oleo ex cineribus inunxerunt; Hunc in modum lecto affixus inter rusticos annum complevit, & tandem magna cum difficultate ex Septentrione Bergas delatus fuit, Ad consilium vocatus Medicus, deprehendit os tibiæ cum fibula esse fractum, quinque digitorum latitudine supra malleolum, ita ut pars tibiæ inferior fractæ, cum parte superiori callo ad latus firmissime connexa fuerit, latitudine trium digitorum, fibula autem fracta inferior nusquam firmata in musculis oberraret, ut moto pede exacte sentiri posset: ob callum firmiorem extensionem nullam fieri prædixi, at rogatu amicorum instrumentum efformavit, quo utrumque os in diversa

diversa trahebatur, sed frustaneo conatu, cum curis sola eò usque extenderetur, ut jam disruppi videretur, illa præsertim in parte, cui extubetantia ossis superioris fracti adnectebatur. Ideoque & hoc in loco, & alibi, vulnus metuentum esse adstantibus monstravit, jussitque ut Chirurgi instrumentum remitterent, quia nec æger amplius perferre posset: Inflammatio statim oborta, cui sedandæ externa applicabantur, & ad doloris mitigationem internâ propinabantur: Igitur abscissionem pedis suavit Medici, ut ad officium è lecto rediret; Sed æger acerbius credens mutilari quàm extingui, maluit, persuasus quorundam agyrtarum blanditiis, ut instar ossis fracti, jamque in suum locum repositi, pars deligaretur fortioribus adstringentibus, atque emplastro catagmatico, quod absque ulla ratione, aut consensu Medici, approbarunt Chirurgi, unde dolores fere intolerabiles cum tumore novo surrexere: Quibus nihil proficientibus, serò æger à doloris acerbitate & longo decubitu fere insanus, tibiæ magis amissionem optabat quàm cruciatus diuturniores: Die itaque 5. Martii 1655. operatio commissa est Chirurgo peritissimo, qui, carne prius ad os incisa, nudatum os feliciter abscidit.

Peractis deinde peragendis, Dissecti membri cutem cum musculis aperuit Medicus, calli formam illustraturus: Ossa tibiæ fractæ tanta firmitudine connexa erant, ut parvo cultello dissolvere nequiverit: Officulum autem acutissimum cuticula adhærebat tenuissima ossi inferiori: Fibulæ ossa fracta nullo modo conjungebantur, id quod ex commotione persentiebatur antequam essent rescissa; Inferior pars ossis tibiæ, ubi quædam cavitas conspiciebatur, nigricabat & sphacelum minitabatur: Optime inde convaluit æger & artificioso pede amissi damnum compensat. *Th. Bartholinus cent. 3. Histor. 85.*

Nob. quidam Pomeranus annos 44. natus, circa solstitium hybernum anni 1593. gravissimis in dextro humero, nullo vel tumore vel qualitate p. n. affecto, doloribus, nocturno potissimum tempore torquebatur: Quorum leniendorum causâ primum Tonsonis cujusdam operâ usus est, qui neglectâ morbi causâ, parti affectæ multis septimanis medicamenta calida attrahentia, & exulcerantia applicavit: Sed magis subinde auctis doloribus, & succedente insuper femoris dextri dolore, à me consilium petiit: Urinæ tum erant aquosæ & crudæ, appetitus mediocris, mens integra, vires tantæ ut interdum cum doloribus remitterent, in area domus obambulare posset, Et si verò ipsi convenientia quædam remedia adhibebam, tamen parum aut nihil profeci: Cum post me aliorum quoque Medicorum auxilium frustra expertus esset, omnem deinceps recuperandæ valetudinis spem abiecit: Porro Dominica Exaudi anni 1594. matutino tempore è lecto in sellam sublatus, maximo tremore & concussione rotius corporis oppressus, eoque simulac lectum repeteret iterum relevatus est: Eadem die circa vesperam doloribus Femoris ingravescentibus, contenta voce exclamare cœpit halt! halt! halt! Uxor itaque ipsius ad eum in lecto decumbentem accurrens, femur affectum utraque manu comprehendit; idque media parte introrsum, versus sinistram pedem subito inflecti atque incurvari sensit, sic ut genu dextri pedis inguen sinistram respiceret: Visa tum est ægro arbor in pedem decidere, ejusque casu, in quo se manifestum fragorem percepisse aiebat, confringi. Cumque uxor & alij eadem

cum ægro opinione essent, ac femur plane confractum esse arbitrantur, sequenti die Chirurgum pro curatione accersiverunt, qui affectum locum diligentissime inspiciens atque contrectans, præter inflexionem, quæ postmodum in dies magis magisque aucta est, nullum vel fracturæ vel tumoris p. n. indicium in eo deprehendere potuit. Hanc femoris inflexionem octo diebus antecesserunt, & totidem etiam consequutæ sunt urinæ cruentæ, quæ tamen postea ad naturalem statum redierunt: Ratio quoque circa illud tempus ut plurimum turbata fuit, vires prostratæ, dejectio appetitus: Facta inflexione, æger cruciatus in femore sensit intolerabiles ut se loco dimoveri non pateretur, sed quinque septimanis continuis in loco immotus jaceret, donec tandem ipsa solstitii æstivi die vitam cum morte commutaret.

Mortuo ægro femur incurvatum nullo negotio extendi atque in pristinum statum reduci potuit, ac tum deinceps fractura, media ipsius regione, se conspiciendam exhibuit, commissura partium fracti ossis adeo æquali ac si ferrâ esset incisum: Similis fractura, mortuo jam ægro, in medio quoque ossis humeri dextri deprehensa est, cujus tamen nullum ipso adhuc vivente vestigium animadverti potuit, & semihorâ ante obitum amici adstantes utrumque brachium citra omnem difficultatem ab ægro elevari atque extendi videbant. *Jacobus Seidelius observat. Medec. vi.*

Ossis femoris caries ac fractura.

Jurisconsultus de tumore dextri genu querebatur cum dolore ingenti: hocce morbo octo mensibus affligitur. Ad se interim doctissimos Medicos ac Chirurgos vocat, sed nihil auxilii attulerunt. Postea cum lecto decumbebat, ac de latere in latus se vertebat, os femoris in duas partes prope genu diffractum est, & brevi post obiit.

Post mortem femur aperiebatur, ejusque os in duas partes, circa genuum apophyses disruptum cum carie inventum fuit.

Prudentissimus vir circa genu ex obstructione vasculorum quorundam tumorem habuit; liquor obstruens acidus factus periosteum corrodit, unde gravissimus dolor; corrodendo tandem ipsum os invasit, idemque totum carie usque ad intimam consumpsit, cum jam consultissimus vir se de latere in latusolvebat, non difficile fuit concipere, id præ corporis onere, quod sæpe femori innititur, in partes duas rupisse. *Stephanus Blancard in Anatom. Pract.*

Fractura brachii à globulo sclopetari.

Nobilis quidam per os brachii sclopetari globulo ictus. Vulnere accommodato, sine dolore, tumore aut inflammatione se primis viginti diebus bene habuit. Postea febre vehementissima correptus: trigesimo die obiit.

Exenterato cadavere pulmones putridi, & schirrositatibus duris pleni. Ren dexter ulceratus, ejus purulenta in vesicam deposita.

Liquet in hoc nobili morbi causam linæis oculis latitare; non enim vulnere obiit, sed à malo interno. Multa sacro involucri testæ jacent, neq; ullis mortalibus omnia scire fas est. Inest namq; sæpe in incredibili verum, & in verisimili mendacium. *Idem ibidem.*

Fractura costarum, quam subsequēbatur syderatio, hydrops Pulmonum, & Mors.

Clariff. Theodori Zuingeri, Miscell. Curios. Decur. iij. Ann. 5. & 6.

Matthias Lang. Civis Basiliensis, annorum circiter 50. fortunæ tenuioris, obesus quidem, sed ad Cachexiam inclinans die XIII. Junii Anno 1698. Molitoris equum fortè perterrefactum, ac citato admodum cursu per plateas unâ cum alligato sibi curru profugientem, arreptâ ejus habenâ cohibiturus humi prosternitur, & partim equi pedibus calcatur, partim rotam currûs onusti super dorsum suum devolutam experitur, ita ut semianimis in proximam Chirurgi Tabernam deportatus, vix spiritum ducere valeret; paulatim tamen ad se rediens ope *Aquæ Regiæ Hungariæ* Capiti & Naribus applicatæ, conquestus est de contusionibus in Capite, Pectore atque Dorso acceptis, gravibus satis atque dolentibus, ast nihil tamen extus in corpore statim à Chirurgo videri, neque ad primum attactum visumque fractæ potuerunt deprehendi costæ; sugillationes tamen mox cum cutis intumescētia se se conspiciendas præbebant. A Chirurgo hinc confestim vena sinistri brachii fuit secta, & sanguis ad octo ferè uncias extractus; externe verò partes contusæ ubique fomentabantur decocto *Herb. Betonic. scord. Meliss. Scabios. Absynth. Chamomill. Salv. Agrimon. Bacc. Laur. Juniper.* in vino facto; *Emplastrum discutiens* dorso applicabatur, unâ cum fomentis superimpositis Lintheis quoque Fotui calefacto immerfis atque rursus expressis, inspergebatur *spiritus vini Camphoratus spiritu volatili Lumbricor. terrestr. acuat.* & ita admovebantur. Tandem ego accersitus statim sequentem potionem discutientem ordinavi. *R. Aqu. Card. bened. Cherefol. Scabios. an. ʒij. Pulv. contra Casum ʒb. ʒ. diaphor. ʒb. Roob. sambuc. ʒib. M. F. Potio,* quam una vice hausit. Præscripti quoque species pro *Decocto vulnerario*, in media parte vini albi & aquâ coquendas: *R. rad. Virg. aurea. Consolid. maj. an. ʒij. herbar. Sanicul. Pyrol. Alchymill. an. Mj. Semin. Perfoliat. ʒij. Incis. & contus. d. ad chari.* pro decocto, de quo mane & vesperi quatuor vel quinque hauriantur uncia, idque tepidè. Cùmque Ager debilis esset, deque continuâ pectoris anxietate & tussendi quodam conatu querelas moveret, sequentem simul tulit, cochleatimque sumpsit *Mixturam Cardiacam: R. Aqu. Fumar. Cardiac. offic. ana ʒib. Syrup. Rubi Id. ac Jujub. an. ʒiij. Confect. Alkinc. ʒj. spirit. Oleos. ʒj. Antimon. diaphor. C. C. phil. præp. an. ʒb. Misc. ad viir. D. XIV. & XV.* Perrexit in usu præscriptorum diligenter, cum aliquantillo levamine. Pro potu ordinatio sitiens bibit *Decoctum Agrimonie, Liquiritiæ atque Hordei.* D. XVI. cùm de Agrypnia, Tussi siccâ, eâque maximè molestâ, Doloribus pectoris dorsique pungentibus, tussendi conatum impediētibz conquereretur, simul ac febricitaret, præter continuandum *Decocti traumatici*, atque *Mixturæ cardiacæ* usum, simul adhuc sequentem *Pulverem* ordinavi *pectoralem demulcentem, anodynum, diaphoreticum & expectorantem*, singulis bihoriis vel trihoriis dosi scrupulorum duorum circiter assumendum *R. Pulver. Lichen. petr. ʒiij. Pulv. folior. Veronic. ʒib. C. C. Philos. præp. Diaphoret. Jovial. an. ʒj. semin. Papav. alb. ʒij. sacch. candi alb. ʒvj.* *Bibl. Chirurg. Tom. II.*

Misc. F. Pulvis subtil. detur ad scatul. D. XVII. Anxietate pectoris semper urgente, sequens colostrum duabus dosibus noctu scilicet & sequenti mane sumpsit: *R. Axung. canin. ʒj. Spermat. Ceti recent. ʒij. Essent. Croc. ʒj. Misc. detur ad scatile. D. XVIII.* Omnibus in pejus ruentibus sequens tulit *Eclegma Cardiaco-Pectorale* cochleatim sumendum, *R. Aqu. Veronic. Plantag. Syrup. de Erysim. Lobel. Syrup. Bellid. min. ʒj. Confect. Alk. inc. ʒib. spirit. sal. Armon. urinos. ʒj. Diaph. Jovialis, Oculor. Cancr. præp. ana ʒb. Misc. d. ad v. D. XIX.* *Electuarium* confortans *pneumonicum* Aegro magis anisit, in pejus continuè ruenti, & jam Diarrhæâ laboranti: *R. Conserv. Bellid. min. Beion. Resar. rubr. an. ʒb. Rad. symphit. condit. Nuc. Indic. condit. an. ʒj. Confect. Hyacinth. inc. ʒls. Boli. Armen. pp. Unicorn. fossil. ana ʒij. Animon. diaphor. ʒj. Syrup. Papav. rhæad. q. s. M. F. Electuar. ad formam Opiat. d. ad Oll. & inde sumatur sæpe, quantum cuspis largiter cultri capere valet.* *Herba præterea Traumatico-Pectorales* unâ cum *Jujubis & Passulis majoribus exacınatis* in Aquâ solâ per horam decoctæ fuerunt, ut inde manè ac vesperi cyathus unciarum 5. vel 6. calidè biberetur. Externa remedia interim tumorem omnem ubique discusserunt, sed cœruleus tamen sugillationi color adhuc subsistebat. Vulnus nullum in dorso vel pectore comparuit; licet facillè se movere Ager, inque Lecto flectere corpus haud posset, ob dolores thoracis inde acerbiores redditos. D. XXI. Symptomatibus continuè excruciantibus & magis magisque auctis, quanquam sedatâ diarrhæâ, nunc per biduum copiosum phlegma limpidum, cruentum; minimè autem pus coctum cum Tussi expuebat; sequentem denuò præscripi *Mixturam cardiacam* cochleatim capiendam *R. Aqu. cardiac. officin. Scabios. Ana ʒls. Syrup. de Jujub. Rub. Id. ac Anodyn. an. ʒls. Confect. Alk. inc. ʒij. Rasur. Ebor. pp. Antimonii diaphoret. Ana ʒj. Misc. ad Pirr.* Inter usum verò hujus, aliorumque Remediorum, parum levaminis apportantium, Ager D. XXIV. Junii, postquam fortè è lecto surrexisset, inopinata suffocatione prehensus, miseram cum beatâ mortè vitam commutavit. Cadaveris hinc lustrandi facultatem à Viduâ consecutus, eò me contuli, idque cum commensalibus atque Discipulis meis, ut & Rerum Chirurgicarum petito Dn. *Theophilo Freulero Reipublicæ nostræ Senatore.* Extus itaque in cutanea corporis expansione, à scapulâ sinistra usque ad Os innominatum, Inflammatio vel Gangræna certè & fideratio apparuit. Abdomen verò apertum nihil nobis insalubre aut præter naturale obtulit, nisi Hepar schirrhosum, durum, fixabile tamen; & in cujus cavo Cystis fellea densa valde ac omni bile vacua extitit. Pinguedinis interea sat fuit ubique circa viscera: Intestina flantibus expansa apparuerunt; in ossè sterni autem inferiores sinistri lateris cartilagine disrupsas planè notavimus. Thorace post aperto, Lobus sinister Pulmonis maximè, tumidus, expansus, corruptus undique Mediastino, Pleuræ, Diaphragmati, atque Pericardio ita firmiter cohaerebat, ut sine dilaceratione inde divelli minimè posset. In ipsâ verò substantiâ hac Pulmonis vesiculosâ atque corruptâ, postmodum apertâ, plures amplos majores minoresve datum est cernere loculos, eosque omnes sero cruento, pituitoso, fordido purulentoque plenos, quale serum in cavitate ipsa pectoris neutrquam conspeximus. Remoto parum Lobo isto Pulmonis, Spinæ prodibant ossæ, valde acutæ, à fractis tribus Costis superioribus, propè

sinistrum Spinæ dorsi latus introrsum trusus, atque in ipsam Pulmonis substantiam adactis, oriundæ: quam Fracturam, lethalem certè, incisâ postmodum Dorsi cute adhuc meliùs conspeximus, inflictam vel ab ictu pedis equini, vel à contusione per rotam Currûs acceptâ. Intra Pericardium maximè densum ac firmum, ad quinque vel sex uncias feri purulenti invenimus, atque insuper in dextro cordis ventriculo Polypum maximum deteximus tribus appendicibus præditam. Denique Lobus Pulmonis dexter ab omni corruptione liber & immunis extitit.

Fractura dorsi in quinquagenario, post octo demum annos, Anatome detecta.

Clariss. Gustavi Casinari Gahrlied, Ephemerid. Germanic. Centur. I. & 2.

Decuriæ secundæ Ephemeridum Medico-Physicarum, anno decimo Observ. 80. inter alia de Opio singularia, Viri cujusdam eruditione ac prudentiâ politicâ apprimè nobilis mentionem feci, quâ ut & aliis insignibus virtutis togatæ meritis Consiliarii aulici titulo ornatus, ac nobilitatis, à qua prædecessores ejus bellorum Germaniæ diuturniorum calamitatibus aliisque persecutionum injuriis, patriâ exules ac sedibus suis avitis exuti desciverant, instaurationem Regis sui Serenissimi gratiâ, æger licèt & valetudinarius in Equestrem Ordinem paucis ante obitum annis evehi promeruit, qui continuo Opii & opiatorum usu valetudinem admodum afflictam, per plures annos aliquatenus tolerabilem sibi reddidit. Hic paucis ante obitum diebus morti se vicinum animadvertens, seriò aliquoties post obitum cadaver suum aperiri, ac in causas mille malorum, quibuscum valetudo ejus tot annos conflictata fuerat, inquirei mandaverat, imprimis quid dorsi sui spinæ annos ante circiter octo acciderit, & unde dextrorsum ac sinistrorsum obliquata & aliquatenus incurvata, staturam sui corporis tres penè digitos transversos brevior quam antè fecerit. Medio enim sanitatis adversæ studio cæteras inter afflictiones tussi ferinâ correptus, intempestâ aliquando nocte excitus vehementissimè tussiens, violentâ illâ thoracis ac dorsi conquassatione fragorem in dorso cum dolore, quasi baculus aliquis confringeretur, auditu perceperat, sed præter dolorem, quem sanè acutum senserat, quid actum nec ipse, nec quisquam alius vel conjecturâ assequi poterat, quibusdam vertebrarum dorsi exarthrosis in quandam insignem factam suspicantibus, sed asseverare non audentibus. Fatis itaque postquam 20. Augusti An. 1704. cesserat, Ego, qui per plures annos illi, utpote affinitate mihi satis propinquè juncto, Medicus fueram ordinarius, & Dominus D. herch; Aulæ Regiæ Medicus, qui postremis morbi diebus curæ ejus rationem quoque habuerat, ut eviscerationi ejus interessemus, vocato Chirurgo Aulico *Hulspax*, unâ cum filio meo Medicinæ tum Studioso, nunc Doctore manus sectioni adhibentibus. Abdomine primum aperto, Omentum pinguedine flavâ vestitum, intestinis derelictis ac aliquousque detectis, extra naturalem situm, sinistrum versus latus provolutum ac quasi conglomeratum, intestina sa-

tis bene constituta invenimus, nisi quod qua parte Cystidi, felle ferè vacuæ, vicina à bile effusâ flavo colore tincta essent; Verùm cum diutino morbo, ob pronum corporis *staturam*, thoracis regio & costarum unâ cum diaphragmate deorsum solito magis vergeret, ac viscera abdominis potiora, ventriculorum nimirum & hepar, aliquatenus regeret & absconderet, sicque illa ulteriori liberæ lustrationi quadantenus subtraheret, hinc pectus simul aperiendum erat. Quo facto Ventriculus cum Hepate primò se offerens, superficie exteriori præter naturam rubente, inflammatus quasi apparuit, tunicæ ejus admodum erant tenues, chaitæ paulò robustioris crassitiem vix æquantes, interior hinc inde albicans, maculis nigricantibus variata, ac venulis livescentibus hinc inde disseminatis interstinctæ, plicis autem omnino destituta. Quæ facies omnibus ferè Thee potûs helluonibus continuis ac diuturnis, me sapius hoc in cadaveribus illorum exenteratis, ipsius quoque Doctoris Bontekoë, Magni illius, dum viveret, Thee Patroni & Encomiastæ, observante, familiaris & quasi propria est. Epar equidem quoad cætera sanum, nisi quod circa cystidem gilyum, ac parenchyma ejus exiguis sparsim calculis distinctum. Pancreas sine notabili labe; Lien flaccidus ac livido fuscoque colore fœdatus. Renum uterque copiosa pinguedine stipatus, sinister dextro minor, bene aliàs constitutus, paulò tamen flaccidior, dexter debito major & turgidior, plurimis per substantiam hinc inde putulentam disseminatus exiguis candicantibus glandulis fœtus, ejus pelvi, quatuor diversæ magnitudinis calculi, quorum maximus quadratus, sed inæqualium laterum, ad pisi mediocris ferè magnitudinem ascendens, inhærebant. Reliqua contenta absque insigni vitio. Quibus omnibus tandem exemptis, diaphragmate quoque à costis prius, mox & à mediastino & pulmonum Lobis; quibus in dextro præsertim latere firmiter valde coaluerat, ægrè separato, ac sterni perinde ad claviculas usque levato & reclinato, pulmonem tam sinistrum quam dextrum, & coloris exterioris lividi & parenchymatis ratione planè à naturali statu alienatum, duris quibusdam grumis, glandularum instar schirrhosarum refectum; dextro imprimis lateri mediante pleurâ, hîc admodum crassâ, tam validè connexum, ut vix, nisi insigni molimine, scalpelli & digitorum ope, ab illa divelli ac separari potuerit, uterque phlegmate viscido & pene purulento scatens. Tentata in superiori dextri pulmonis regione prope claviculam separatione, cum scalpello, quod digitis non valuerat, perficere Chirurgus anniteretur, ac incautiùs illud profunde nimis adigeret, ex apostemate illic latente & casu hoc aperto, magna puris sinceri copia regurgitare coepit, ejus scaturiginem ulterius indagaturi in sinum incidimus fistulosum, pulmone circa trachææ insertionem continuum, à summitate pleuræ) membranæ aliàs instar satis tenuis, hîc verò & in toto pectoris latere dextro præter naturam admodum densæ ac tergoris bovini mediocris crassitiem æmulantis) ex una parte pulmone, ex alterâ costis firmissimè coherentis, ac quasi duplicatæ, cujus per medium, tumoris laccati specie, supernè ultra pollicem latum, paulatim procedendo capaciorem, sub & à claviculâ ferè, ad diaphragma usque deorsum versus descendentem, ibique infernè palmum

palmum latitudine fermè æquantem , atque spinæ dorſi contiguum , hîc loci & ad medietatem uſque ſuæ longitudinis materiâ ſpiſſâ ac ſebaccâ , quale ſtæomatium contentum eſſe ſolet , inde verò paulò liquidiore , ac ſupernè plane purulentâ aliquouſque reſertum , tuſſis illius contumacis ac diuturnæ , ut & doloris ac ardoris in dextro thoracis , quem inter ſcribendum , qui labor ipſi officio eſſagitante ferè perpetuus , jugiter perpeſſus fuerat , latere menſæ incumbendo moleſti fomitem , & ingentis illius , de quâ mox , rupturæ originem atque cauſam. Cor tandem in mediſtino ac pericardio bene ſatis conſtitutis , magnum , bovinum ferè proportionem æquans , ſed flaccidum patuit. His demùm omnibus ſeparatis ac è cavitatibus thoracis exemptis , ſpinæque dorſi ſimul ab integumentis ac adjacentibus vaſis majoribus , ut & ductu thoracico nudatâ obſtupuiſimus attoniti , dorſi nonam circiter vertebram cernentes non luxatam , ſed in ipſo medio tranſverſim fractam , non exiguâ ſiſſurâ haud ſuperficiali , ſed grandi , rotam vertebræ partem ſuperiorem ab inferiori divaricante , adeò ut earum interſtitiū extremum digiti minimi apicem aut pennam anſerinam facile admitteret , margine utrinque tam ſupernè quàm infernè aſperis & oculatis à rupturæ apicibus armati ac quaſi denſati ; explorantibus ſpiculis ſuis obnoxii , ipſa ſubſtantia interna & ſuperior & inferior cruore à recenti quaſi fracturâ torrens , nullo tot annorum ſpatio ſubnaſcentis calli vel veſtigio apparente , unde præſentium nonnulli catiei aliquod indicium ſuſpicati ſunt , indeque fracturæ initium deducere ſategerunt , meum tamen id hebeſcentem jam viſum eſſingiſſe fateor. Res ſanè ſummè admiranda , & quæ omne ratiocinis acumen eludit , qui calamitoſo hoc ſpinæ dorſi fractæ ſtatu octo circiter annos æger hic vivere ac ſuperſeſſe potuerit , nullo ſpinali medullæ læſæ aut interceptæ manifeſto apparente indicio , nullo externo inſigni incommodo , niſi quod , ut ſuprà relatam , ſtaturâ ob curvaturam ſpinæ parum decurtatâ , cernuus aliquantulum incedere ac ſedere cogeretur , Cæteras tamen tam naturales , quàm animales corporis , ut & animæ functiones & actiones durante valetudine tam enormiter aſſectâ , ut ut patienter admodum toleratâ , rite ſatis , imò valde exactè obire atque exequi valuerit ; Nonnumquam etiam æſtate , ſudo ac ſereno cœlo , liberioris aëris capiendi ergo eſſedo extra pomoeria vehi ſuſtinerit. Num compar huic exemplo Hiſtoria Medica ullum habeat , ego ſaltem valde dubito.

FRENUM PENIS BREVIUS
Vid. *Penis morbi*.

FULMINE ICTI. Vid. *Combustio*.

FUNGUS.

Fungus eſt mollis excreſcentia , ſenſim incrementum capiens ex dilatatione aut laceratione membranarum , & circa has collectis & evaſatis ſuccis , imprimis nutritio , & ut plurimum circa articulos oborta.

Ut plurimum circa articulos apparent fungi , & membranis radicatus inhaerere ſolent. In genu ſæ-

piſſime apparent ejuſmodi tumores , & dum hæc ſcribo infans trium annorum & juvenis 20. annorum iſdem affecti mihi curandi offerebantur.

Per ſe patet huiusce morbi diagnoſis , nam excreſcentiæ fungosæ facilè in viſum noſtrum incurſunt , & ex tractu ab aliis haud difficulter diagnoſci poſſunt , cum ſubſtantiam habeant ſpongioſam ; mollem atque albicantem & impreſſo digito nulla remaneat fovea , nec ægri magnum inde percipiant dolorem. Ut plurimum verò incrementum capiunt , & circa articulos obſervantur , imprimis circa genu , & molam ſeu patellam , hinc genu loco ſuo ſæpe adeo dimovetur ut extensioni ſeu deambulationi obſit pedemque ad ambulandum faciat ineptum. Cum tamen & aliæ partes carnoſiores non ſint ab iis immunes , ſed membranarum quibuſcunque inhaerere queant , & à vulneratione membranæ cranii fungum enatum non ita pridem in milite obſervaviſus. Fungoſi hi tumores ſimiles ſunt ſtrumis glandularum.

Fungi ut plurimum circa articulos oborti , fiunt ex violenta diſtentione , dilatatione ac laceratione membranarum , vel ex luxatione violenta fibrarum tendinoſarum , hincque effluit ſuccus nutritius & quidem in maxima copia , ex quo caro mollis , rara & luxurians ſquamoſa generatur , quæ dicitur fungus , qui ut plurimum poſt vulnera membranarum emergere ſolet ; quod ſi accedat acceſſus & corroſio , fungi exoriantur cancroſi.

Prognofin quod concernit , fungi ſæpe etiam per plures annos afficiunt homines , ſed præter incommodum & dolorem : niſi ſi contingant in articulis , motum ac ſenſum , premendo nervos , aliquo modo tollunt. Ob ſtagnationem verò diuturnam ſuccus acrior redditur , qui facilè tumorem cancroſum producere poteſt. Corpus quoque ad ræbem diſponunt omni ſucco nutritio in fungo deperdito. Aliquando malum hoc lethale eſt.

Quod diætam refert , iſta eò dirigenda , ut ſucci ritè conſtituti abſque ruptione tubulorum circulentur , in quem finem aër eligatur calidus ac temperatus. Frigidus verò admodum nocet , quoniam incræſcit ſuccos noſtros , tranſpirationemque impedit. Alimenta ſint facilis digeſtionis , exulent acida , acria , ſalina , muriatica , corroſiva , exinde enim ſuccus nutritius peſſimus partibus aſfertur , & ſic ruptione tubulorum , & evaſatio ſucci nutritii facilè produci poteſt. Potus ſit calidus , imprimis potus theæ , vel coffeæ , vel ſuccolad. vel vinum Gallic. Hiſpan. aliudque non acidum. Vinum enim Rhenanum , Franconicum , imo ipſum ſæpe Moſellanum , quatenus acido & tartaro abundant , coagulando ſuccos maximè nocent ; eligatur potius cereviſia tenuis ritè defæcata , & herbis volatilibus ac aromaticis maritata. Vigiliæ & ſomnus , item motus & quies ſint moderata , & modum ſolennem haud excedant , motus enim nimius , ſi mox à paſtu ſit , chylum crudum & cum impuritatibus per alvum expellendis , permiſtum , in ſanguinem pellitur , quies verò immodica , ut eſt vita ſedentaria , quam experiuntur ſartores , nocet , quibus propterea verrucæ fungoſique tumores familiares ſunt. Animus ſit hilaris , nullis paſſionibus obnoxius. Animi enim paſſiones vehementiores , ad affectus hos excitandos aſſam dare poſſunt , quæ fulminum inſtar ſanguinem percutiunt , & inter ea potiſſimum quæ ſpiritus

figunt, debitam eorum ex cerebro in partes subiectas emanationem sanguinis ac succorum circulationem impediunt, & per consequens succis crassis ac acidis, imprimis nutritio, corrigendis anſam præbent; cujuſmodi ſunt triſtitia, mœror, curæ immodicæ, odium, terror &c.

Fungi curatio difficilis eſt, eo autem ſtrenne incumbendum, ut obſtructiones referentur & evaſatio ſucci nutritii ante omnia impediatur, quod obtinere poſſumus, ſi particulæ acres, ſcindentes, ac corrodescentes, è ſucco nutritio eliminantur, in quem ſinem conducunt interna ſudorifera, & pro re nata interna laxantia mercurialia. v. g.

℞. Rad. ſcabios. enulæ camp. ana ꝑ℥. ſarſæpar. ꝑ℥iij. herb. ſcord. fumar. nummular. veron. ſcolopendr. ceterach. ana M. ſ. flor. ſambuci ꝑ. ij. hyperic. ꝑ. i. raſur. ſantal. citr. ꝑ℥i. ſaſſafr. ꝑ℥. guaiac. ꝑ℥iij. cortic. ejuſdem ꝑ℥iij. vitr. marr. ꝑ℥iſs. ſal. tart. ꝑ℥iſs. ſem. dauci ꝑ℥. M. pro meſura iſs. vini. Dein exhibeantur Tinct. antimon. tartariſs. eſſent. viperar. eſſent. lignorum, aliaque. Chalybeata hæc præcipuè egregia ſunt, nodulo propterea includenda, & potui ordinario indenda.

Cura autem præſertim externis peragitur topicis. Thermæ præ aliis conducunt, in quem ſinem artificiales facile parari poſſunt. Sæpe etiam ad ferum eſt accedendum & excindendus eſt fungus, in caſu ubi inclinatur ad cancerum, & cum hoc ſit periculolum, pro partis affectæ ratione, pulveribus acidum temperantibus incrementum ejus quantum poſſibile impediendum, in quem ſcopum conducunt omnes pulveres ex ſale ſaturni, camphor. calce viva, tuthia, lapide calaminari, myrrh. ſuccin. thure, C. C. uſto parari. Spongioſis hiſ tumoribus item inſpergi poſſunt, vitriol. alum. uſtum, vel pulvis ex ariſtolocho. rotund. calam. aromat. caryoph. concinnatus. Applicetur etiam ſpir. matricalis, oliban. cum calce viva, imò inſtituantur varia ſuffumigia ex ſuccino, ſabin. oliban. maſtiche &c. Vel ex herbis ſale volatili gaudentibus parentur fotus, cataplaſmata, & calidè fungoſis imponantur tumoribus. Nec negligenda ſunt emplaſtra optimè reſolventia, ut ſunt emplaſtrum de thea, divin. de labdan. de ran. cum mercur. & vitriol. albo parat. vel cataplaſma egregium ex cucumere aſinino, limac. rubr. coctis in vin. gallic. addendo pulver. rad. jalapp. & bryon. ſ. q. Emplaſtr. de cicuta & de cumino itidem conducunt. Frequenter tumores hi non deligandi, nec, quod Chirurgicis notandum, aperiendi ſunt, hinc etiam à cauteriis abſtinendum eſt, quare ex hujusmodi tumore improvidè aperto mors ſequuta eſt. *Joh. Dolans in Encyclopædia Chirurgic. rationali.*

Quemadmodum in ſtupibus arborum humores ſemiputridi per corticem extruſi in fungos coaleſcunt: Sic fracta exemptaque portione aliqua cranii, ac dura matre læſa, ſtatim humores cerebri circa plagam affluunt, qui ſive oſſis (ut Alexander Aphrodiſæus voluit) ſive aëris frigiditate condenſati, inſtar fungi concreſcunt, atque interdum adeò intumeſcunt, ut extra cranium per foramen terebræ factum emineant. Affectus autem iſte Galen. lib. i. de loc. affect. & 3. epidem. fungus ex ſimilitudine nuncupatur; eſt enim caro mollis, levis, pallida & ſpongioſa, quæ quidem citò excreſcit, lento verò pede retrocedit. Poſteſt & ex ſtatu procreari. Si enim calor cerebri imbecillus factus in materiam quæ circa vulnus collecta eſt, aliquid agere intendit, ſtatum procreat qui cum per tenuem meningem expirare nequeat, eam in altum elevat. Obſervavi enim

hactenus in hiſ qui fungis affecti mihi occurrerunt, tenuem meningem, ut plurimum integram, craſſam autem diſruptam fuiſſe. Craſſa enim diſrupta, factaque digeſtione vulneris, natura ſtatim incipit carnem ſupra tenuem meningem generare, quæ loco tegumenti incumbit, ne ex aëris injuria nocumentum contrahat. Si namque humores copioſi, aut ſtatus circa plagam colliguntur tenuem membranam ſimul cum adnata carne facile, inſtar fungi, in altum elevat, quia caro eſt mollis, & radix ſubnixa, fungi inſtar, ſupernè latior, infernè tenuior. Augerur verò & decreſcit pro materiæ affluentis copia, & chirurgi arte incrementum intercipientis. Fœtet valde hæc caro: vulgo ficum ſancti Fiacrii nuncupant, qui Gale- ni ſententiâ, partium quibus adnaſcitur naturam & conditionem redolet; quanquam in genere; ſit de natura verrucarum malignarum.

Ad ejuſmodi fungorum præſtigium admo- venda ſunt remedia quibus ſpecifica facultas inſit abſumendæ carnis ſuperflue, qualia ſunt quæ validiùs exſiccant, & blandiùs atterunt & exedunt, quale eſt quod ſequitur.

℞. Sabin. ꝑ℥iij. ochræ ꝑ℥j. pulveriſentur ſimul & aſpergatur caro excreſcens.

Vel, ℞. hermodact. combuſt. ꝑ℥. fiat pulvis in eundem uſum.

Vel, ℞. Fol. & flor. beton. & chamæm. meſ- lil. roſar. ſummit. major. roſinar. ana Mj. ſem. anis. & ſanugr. ana ꝑ℥j. incidantur & contundan- tur pro fotu. Harum herbarum q. ſ. indatur ſacculo ejus magnitudinis, ut mediam ferè par- tem capitis cooperiat, qui filo intertextus coquat- ur in vini & aq. comm. partibus æqualibus, & applicetur calidè. Poſt fotum abſtergendum eſt caput linteis calidis, deinde ſequentem pulverem inſperge fungo, atque toti vulnere.

℞. Rad. caryoph. angel. calam. arom. ana ꝑ℥iſs. rad. ariſtol. rot. ireos Flor. lign. guajaci an. ꝑ℥iij. flor. ſalv. ſummit. major. & rot. mar. ana ꝑ. i. ſ. omnium pulvis ſubtiliſſimus.

℞. Emplaſtr. de beton. ꝑ℥iij. gumm. elemm. diſ- ſol. in aceto roſac. ꝑ℥j. pulver. roſ. rubr. myrtill. ana ꝑ℥j. maſtich. calam. aromat. ana ꝑ℥iſs. olei ro- ſar. q. ſ. F. emplaſtrum. Quod ſi ejuſmodi caro fun- goſa, eò ut ſæpe fit incrementi veniat, ut ovi magnitudinem æquet, quàm proximè radicem ſe- rico filo ligabis & conſtringes arctiùs, cumque vi conſtrictionis deciderit commemoratis pulviſculis aſ- perges. Sic enim certiùs quàm acciſionibus cathære- ticis proſtigatur. *Joh. Vigierius in Chirurgia ſua ma- gna.*

De Fungis tam carnoſis, quàm oſſeis, in diverſis corporis partibus naſcentibus, ad Clariff. D. Danielelem Sennertum.

Guilhelmus Fabricius Hildanus.

Affectus quos communicavi, tecum fungos ap- pello, & fungos appellari poſſe, non eſt ut quiſ- piam in dubium revocet. Etiamſi enim Authores tantummodò de fungis in capite denudatis mem- branis naſcentibus, mentionem faciunt, attamen diligenter exploratis cauſis fungorum, cur & in aliis corporis partibus naſci nequeant, nondum video. Sed quia id rariſſimè accidit, & ſæpiſ- ſimè ad aliquod aliud genus tumoris hujusmodi excreſcentiæ carnoſæ referri poſſunt, ut poſtea di- cam, viſum eſt Authoribus, illas ſolummodò excreſcentias

excreſcentias carnoſas , quæ exemplo cranio , ex membranis , aut cerebro ipſo propullulant , fungos vocitare , quum tamen , ſi (ut dixi) cauſas & generationem fungorum ſpectare velimus , in aliis quoque corporis partibus , non minùs quàm ex ipſo cerebro , aut ejus membranis , naſci poſſint. Hujus ſententiæ quoque ex antiquis nonnulli ſunt , & quidem præſtantiſſimi Chirurgi , Bruno in primis , Theodoricus & Bertapalia. Quandoquidem Bruno ſub nomine *Nacta* , nihil aliud intelligit , quàm fungoſas hæc excreſcentias. Sic enim verba ejus ſonant. *Plerumque accidit in quibusdam hominibus ſuperfluitas quædam , quæ vulgari nomine dicitur Nacta : & eſt apoſtoma carnosum , magnum , molle ut plurimum ſicut fungus , & non eſt cum eo dolor ; aut ſi eſt dolor in eo , eſt parvus , neque calor , neque pulſatio , &c.* Theodoricus eadem habet verba , non tamen *Nactam* , ſed *Naptam* ; ejuſmodi excreſcentias : Bertapalia verò *Nattam* illas appellat. Et diſertè dicit , eſſe apoſtoma glandulotum ſive carnoſum ; & rectè quidem. Aliquando enim hujusmodi excreſcentiæ (de fungis in capite non loquor) malignam aliquam in ſe continent qualitatem , duræ inæqualeſque ſunt. A glandulis tamen differunt , ut idem Bertapalia teſtatur. Ex ſupradictis itaque deſcriptionibus , hæc deſinitio rectè elici poſſe , mihi videtur , nimirum , Fungum corpus quoddam eſſe carnoſum , ut plurimum laxum , molle , ferè indolens , ex humoribus ſuperabundantibus & flatulentis , ſubitò & parvo temporis ſpatio , progenitum. Ut plurimum ; inquam , ſæpiſſimè enim non laxa aut mollis eſt excreſcentia hæc , ſed dura , & glanduloſa , inæqualisve , non indolens , ſed cum dolore , præcipuè ſi malignitas aliqua adfuerit , quemadmodum in fungis , qui in infimis corporis partibus naſcuntur , ſæpiſſimè adest. In membranis verò cerebri non ita fit , & rariſſimè fungi maligni , niſi inſignis aliqua contuſio adfuerit , & proinde putrefactio , inveniuntur : crasſus enim humor , ex quo fungus malignus generatur , non facilè ſuſum ascendere poſteſt. Materia enim fungi circa meninges , aut cerebrum ipſum ut plurimum benigna eſt , & ut Joh. And. à Cruce refert , ærea , nec non vaporoſa , ideoque excreſcentiam minimè malignam procreat. Excreſcentia autem illa , quia ſæpiſſimè parvo temporis ſpatio prorumpit , mollis eſt , Galeno à ſimilitudine fungus appellatur. Quemadmodum enim fungi qui cælo exiſtente calido & humido , ut plurimum una nocte è terra provenientes , ſpongioſi ac molles ſunt , ita etiam fungi circa meninges aut cerebrum ipſum , ſi humor aliquis benignus copioſè affluerit , citiſſimè exoriuntur , & quidem propter ſummam naturæ providentiæ. Cum enim vix aliquid reperiri poſſit , quod adeò ſit inimicum cerebro ejuſq; membranis , atque aër externus , illa eſt providentia naturæ , ut quamprimùm ipſas tegumento aliquo muniat obtegatq; ideoq; copioſè affluente humore aliquo (non tamen putrido , à quo fungi terreſtres & arborum enaſci ſolent , ſed benigno & laudabili) protinùs & caro copioſè enaſcitur. Quòd ſi igitur aliquis generationem prædictorum fungorum ad humores ſecundarios , rorem , glutem , & cambium referre velit , meo quidem iudicio non multùm à via recta aberrabit. Eandem naturæ induſtriam in oſſibus quoq; denudatis conſpicimus , quibus , cum aër ſimiliter ſit inſenſiſſimus , natura ea quamprimùm fungoſâ quadam carne tegit. Hinc fit , ut fungus nonnunquam , durâ membranâ exiſtente integrâ , enaſcatur , pro ejus ſcilicet præſervatione , ne uti dixi , ab aëre externo lædatur. Si enim natura eadem providentiâ in oſſibus denudatis , quæ corpora ſolida , ſicciffima , pau-

cis venis , arteriſq; prædita , minusq; partes nobiles ſunt , utitur , nonne multò magis in dura menynge , membrana nobiliſſima , innumerisq; venis & arteriis prædita , præſtabit ?

In dura tamen menynge , quamdiu integra fuerit , ratiùs & vix (excepto , ubi contuſio & affluxus humorum ſupra modum fuerit magnus , & revulſiones ab initio non adhibitæ) fit fungus ingens , & qui extra vulnus extuberare poſteſt , quum propter ſpiſſitudinem ſuam difficulter in altum elevetur dura menynx. Rapta verò dura menynge , pia mater , unâ cum adnata carne fungoſa facillimè , ſi fluxus aliquis ſubter membranâ collectus fuerit , in altum elevatur , ut etiam extra vulnus protuberet. Clariffimus atq; doctiſſimus vir Dn. D. *Jacobus Anberius* Vindo , piæ memoriæ , Medicus apud Lauſannenses longè celeberrimus , fautor meus chariſſimus , fungum fieri vult ruptâ dura menynge , & tenui in altum elevatâ , ſubſtantiâq; cerebri repletâ. Sed hæc cum diſtinctione intelligenda eſſe , nec ſimpliciter de omnibus fungis intelligi poſſe , planè mihi perſuaſum habeo. Sciunt enim Practici & in primis ii , qui aliquam in Anatomicis cognitionem habent : cerebri ſubſtantiâ etiamſi mollis & laxa ſit , non facilè tamen ita diſſolvi aut relaxari poſſe , ut fungum hunc implere poſſit. Vilem itaq; fungum cerebri ita diſtinguere , nimirum ſi ſimplicem & compoſitum. Simplicem voco , qui (uti dixi) pro conſervatione membranarum aut ipſius cerebri , ſummo naturæ beneficio atq; providentiâ procreatur. Compoſitum verò , qui aut maximam contuſionem , inflammationem , & intempetiſſimum humorum affluxum , aut ſimile aliquod ſymptoma adjunctum habet. In ſimplici fungo præterea cerebrum ſuo loco non movetur , ſitq; fungus ex adnata carne ſpirituque aëreo , qui membranas ipſamque adnatam carnem in altum elevar. In composito autem , ubi propter inflammationem , & colluviem adfluentium humorum cerebrum circa vulnus veluti corruptum , & in pus converſum eſt , membranæ ipſæ in altum elevatæ , etiam ſubſtantiâ cerebri liquefactâ & diſſolâ impleri poſſunt : ſuntq; ejuſmodi fungi periculoſiſſimi , & ut plurimum lethales. Ideoque horum ſolummodo mentionem fecit author modò citatus. Reliquos verò , quia non uſque adeò periculoſi , faciliùsque curantur , propter brevitatem (quam in iſto libello ſtudioſè obſervavit) omiſit. Hoc quoque modo ; (meo quidem iudicio) locus in Paræo de fœtore fungi intelligendus eſt. Simplex enim fungus in capite , (ut ego ſæpiùs expertus ſum) minimè fœtet , nec uſque adeò (ut Bruno & Theodoricus teſtantur) doler. Quod ſi acciderit putrefactio aut corruptio aliqua , tunc ut fœtor quoque ſuperveniât , necelle eſt. Præterea fungi ejuſmodi ex humoribus ſemiputridis ad inſtar fungorum arborum , originem atque ortum habere , rectè docent. Paræus & alii. Joh. And. à Cruce in fungis duræ menyngis motum naturalem deperdi , ſcriptum reliquit , quam opinionem eſſe abſurdam , aliquis exiſtimare poſſet. Non enim deperditur motus , ſed tegitur atque abſconditur propter adnatam carnem : ſed author hic excellens de eo loquitur fungo , ubi mors eſt in propinquo , ut ex textu illius libri facilè colligere eſt. Hæc ego propterea ſcribo , ne aliquis opinionem horum doctorum virorum , & de Cheirurgia bene meritorum , ridiculoſam eſſe exiſtimet.

Cæterùm de curatione fungorum , circa membranas cerebri naſcentium , ſuperfluum eſt hîc diſſerere ; cum de ea in prima Centuria Obſ. 15. egerim , ex qua reliqua facilè dijudicari ac percipi poſſunt. Hoc tantùm addo , fungos ruptâ durâ menynge difficiliùs curari ; quàm illâ illæſâ : cauſa eſt in promptu. Cum enim dura menynx exquisitiſſimo ſenſu prædita ſit , ac continuo moveatur , ſi diſrupta aut ſauciata fuerit ,

continuo quoque affluunt humores, ex quibus incrementum fungi, nec non symptomata varia oriuntur. Quapropter & majorem requirit diligentiam.

Ante omnia autem prospicere convenit, ut summo studio humores illis qui sursum ascendunt, deorsum trahantur: Deinde quoque, licet Galenus in carnis excrescentia acria præscribat medicamenta, hæc tamen minimè esse applicanda, multò minus excisionem, quæ novaculâ fit, tentandam, imò neque ligaturâ, quæ filo serico fieri solet, tuta est, propter gravia, quæ inde sequi solent, symptomata. Ubi tamen putredo aliqua circa membranam adfuerit, tunc Ægyptiacum applicant Practici, in exigua tamen quantitate, & quidem cum cautione, de qua re consule tractatum meum de Gangræna, Germanicè editum, cap. 28.

Hactenus ostendimus, fungos circa cerebri membranas raro malignos esse: fungorum verò in infimis corporis partibus nascentium alia est ratio: humor enim, qui adfluit, non semper benignus est, sed ut plurimum crassus, sæculentus & malignus, ex quo corpus non molle, sed plus aut minùs durum, prout humor, qui adfluit, plus aut minùs crassus fuerit, procreatur. Nihilominus tamen, possumus ejusmodi excrescentias, cum propter formam, tum etiam, quòd in momento, ut ita dicam, excrescant, fungos appellare, cum illa tamen distinctione, ut alios simpliciter fungos, alios verò, qui duritiem aut malignitatem aliquam adjunctam habent, fungos malignos, aut etiam cancriferos appellemus. Exempli gratiâ: Ante annos aliquot, quinquagenarius quidam mihi adductus fuit, cui membrum virile in tantam molem excreverat, ut magnitudinem capitis infantuli, recens nati, ferè adæquaret. Hæc excrescentia dura erat, & hinc inde ulceribus putridis scatens. Et hanc excrescentiam fungum cancriferosum appello: fungum à forma: cancriferosum verò ab essentia, durus enim, lividus, putridus, malignusque erat. In articulorum quoque vulneribus, nonnunquam substantia quædam modò ex albedine rubescens, modò livescens, subitò excrescit, & fluxum illum ferofi humoris, quem Germanici nostri Cheirurgi, ineptissimo vocabulo, *das Glidvasser* appellant, ut plurimum præcedere, vel etiam comitari solet. Nec solummodò in vulneribus articulorum, verùm & in aliis circa nervos, hujusmodi fungos excrevisse, cum aliàs, tum etiam ante menses quatuor Paterniaci in quadam puella cacochemica observavi. Propter doloris enim vehementiam, sanguis & humores affluunt, qui diversa progignunt symptomata, veluti inflammationes, phlegmones, herpes, fluxum ferofi humoris, & ejusmodi quamplurima. Quod si sanguis benignus, laudabilis & statulentus admixto humore pituitoso affluerit, ac natura, quæ nunquam ociosa est, ex eo aliquid procreare tentaverit, sequitur extuberantia excrescentiaque carnis fungosæ. Ante dies quatuordecim Augusta Vindelica, tediens, Lavingæ à viris Clarissimis & Doctissimis, Dn. D. Bartholomæo Mercklino, atque Valentino Rulando, Medicinæ Doctoribus, juvenis quidam mihi visendus exhibitus fuit, cujus lingua in fungum cancriferosum, qui totum fere os implebat, excreta fuit. Cujus historiam integram, qualisnam tandem exitus erit, à Clarissimo Dn. D. Rulando expecto, eamque in tertia Centuria, Deo volente, videbis.

De Uvula scirrhosa, & veluti in fungum excreta, exemplum in Observatione 19. hujus Centuriæ vidi. Ficus ille cancriferosus, cujus in prima Centuria Observ. 1. fit mentio, nonne poterit quoque fungus cancriferosus appellari? Itaque subjectum fungi non solum cerebrum, ejusque membranas, sed & omnes corporis partes statuendas esse, existimo: imò & circa anum aliquando fungos nasci, testatur Paræus lib. 12. cap. 24.

Differunt tamen primò, quoad causas: circa membranas enim cerebri ut plurimum ex sanguine benigno, aëreo, & minimè maligno generantur, in reliquis verò corporis partibus, unà cum sanguine sæculento quædam imò & aliquando maligna, corruptaque materia adfluit. Differunt deinde in curatione: circa membranas enim cerebri præter universalia, blandè, uti antea quoque monui, fungus tractandus est, nec ullo modo medicamentum acre est applicandum, quemadmodum ex Observ. 14. & 15. Centur. 1. colligere licet. In reliquis verò corporis partibus, præter medicamenta acria & insigniter exsiccantia, imò & erodentia, aliquando quoque & ferrum & ignem applicari posse, sæpissimè cum fructu expertus sum. In vulnere articulorum fungis, quia simul dolor ingens & adfluxus humorum adest, victus tenuis instituendus est, corpus à pravis humoribus expurgandum, vena quin etiam incidenda. Ab initio Topica, quæ dolorem leviunt, sunt applicanda, veluti sequens linimentum.

R. Cera novæ &

Gummi elemi ana ʒiij.

Therebinth. lotæ ʒ ij.

Ol. rosac.

Butyri recent. non saliti

Ol. de vitel. ovar. &

Amygdalar. dulc. ana ʒvj. Liquefiant omnia lento igne, & colentur. Deinde admisce

Croci ʒj.

Vitellum unius ovi. Misceatur & cum filamentis imponatur. Postea applicetur sequens Cataplasma.

R. Micæ panis albi ʒss.

Farinæ sem. cydonior. &

Fœnigræci ana ʒiij. Coquantur cum lacte vaccino usque ad consistentiam cataplasmatidis, tum admisce butyri recent.

& olei rosac.

De vitell. ovar. ana ʒj.

Axung. hum. ʒ. l.

Croci ʒ. l.

Vitellos ovar. N. 2. Misce, fiat Cataplasma, quod calidè unà cum præscripto unguento tantisper applicetur, donec dolor omninò fuerit sedatus, neque interim circa fungum multum laborandum est: quod enim magis urget, ei inprimis & ante omnia incumbere convenit. Sedato dolore, & humorum affluxu, sequens pulvis fungo inspergendus est.

R. Pulv. præcipitati,

Alum. usti ana ʒ l.

Vitrioli usti ʒj.

Pulv. radic. angelicæ

Aristoloch. rotund.

Caryophyllatæ &

Iridis Florentinæ ana ʒj. Misce.

Postea applicetur sequens cataplasma.

R. Farinæ fabar. &

Lupinor. ana ʒiij.

Fini columbini ʒij.

Pulv. rosar. rubrar.

Myrtillor.

Balaustior.

Absynth. ana ʒij.

Salis marini ʒij. cum lixivio fiat Cataplasma.

Si autem durities aliqua aut malignitas, quæ naturam cancri sapiat, adfuerit, tunc reverà levioribus hisce medicamentis non cedit fungus, acrioribus verò, veluti arsenico, oleo vitrioli, & hujusmodi septicis, escharoticis adhibitis; magis irritatur malum, nec non malignius efficitur: quemadmodum Observ. 1. Centur. 1. monui. Quid igitur inquires, faciendum? Profecto quomodo hujusmodi excrescentiæ, nisi radiciter excendantur, tunc, citò, & absque magno dolore, & periculo

& periculo curari possint, nondum video, quum, quemadmodum dixi, ab acrioribus medicamentis irritentur, & majorem malignitatem acquirant. Hoc modo ante annos decem fungum illum malignum ac deploratum, in membro virili existentem, cujus antea memini, feliciter extirpavi, miserumque sanitati restitui, qui & ad hunc usque diem in agro Lausannensi vivit, uti fufius in 3. Centuria declarabo. Sed prospicere convenit, ut hujusmodi fungi radicibus extirpentur, alioquin mox repullulant & recrefcunt, quemadmodum & in puella ista, cujus Excell. T. in prima sua historia mentionem fecit, fungum repullulasse, intelligo, quod & mihi aliquando observare contigit. Clarissimus ac doctissimus Dn. D. *Martinus Chmielecius*, Medicus Basiliensis celeberrimus, amicus meus plurimum honorandus, cum hisce diebus Exc. T. literas vidisset, casum sequentem, annotatione dignum, mihi communicavit. Virgo quædam ex honesta familia Basiliensi oriunda, ulcere in tibia dextrâ, longo temporis spatio laborabat. Ex hoc autem ulcere caro fungosa adeo copiosè erumpebat, ut Chirurgi aliquando illam pondere duarum librarum abscinderent. Quamvis autem funditus abscissa esse videbatur, mox tamen cum impetu denuò proveniebat. Tandem tibia ex consilio Medicorum ad poplitum abscissa fuit. Post operationem abrafa carne, & osse denudato, foramen rotundum, ad medullam usque penetrans, in ipso repertum fuit. Operatio ad votum successit: sed quum cuncti ipsam evasisse sibi persuaderent, ecce fungosa caro, quæ denuò ex trunco ipso propullulat, easdemque ferè, ut antea, molestias parit: ad annos tamen circiter duos post operationem factam supervixit, & quidem utcumque commodè, adèd ut in publicum prodire, atque exercitiis sacris interesse posset. Ex his, quæ dixi, apparet, mirum non esse, si fungi oris, inprimis magni, incurabiles sint, quum neque radicibus exscindi, neq; causticis exedi possint

Atque hæc sunt, Vir Amplissime, quæ in præsens de fungis carnosus ad te scribere potui. Addam & aliquid de fungis ossibus, quæ etiam si omnium partium corporis sint durissima, & paucas venas, ac arterias, easque exiguas habeant, nihilominus tamen interdum ad instar fungorum excrefcere, sequentibus exemplis confirmare tentabo.

Anno 1600. propè Lausannam ad nobilem virum, D. in Goumains vocatus, & per dies aliquot, propter adversam valetudinem filia suæ ibi commoratus, interea temporis ad puellam quandam subditorum suorum 20. circiter annorum ætatis suæ, accersitus fui, eumque unâ cum genere & virtute nobilissima Domina in Goumains invisi. Laborabat autem puella ista, gravissimo in tibia sinistra affectu: pars enim illa subter genu adæquabat ferè crassitiem illam, quam crus in coxa habere debebat, quum tamen à genu usque ad coxam potius extenuatum esset crus, infinitis præterea ulceribus putridis, malignis & dolorosis tibia hæc scatebat. Sed quod admiratione non vacat, in omnibus ulceribus os ipsum denudatum, spongiosum, cariosum, & nonnisi cute tectum cernebatur, adèd ut ulcera in ipsum penetrarent, & manifestè appareret, ossa tibiæ in istam crassitiem spongiosam excrevisse. Causa hujus excrefcentiæ hæc fuerat. Laboraverat puella hæc ante aliquot annos morbo acuto, eoque gravissimo, ex quo naturæ potius, quàm medicamentorum beneficio (nullus enim adhibitus fuit Medicus Rationalis) ut videbatur, curata, de dolore gravativo in tibia conqueri cœpit, paulatimque natura sese in tibiam hancce exoneravit. Ab initio tamen actionem motumque ejus non aboleverat. Tandem verò cum in diversis locis ulcera sese prodidissent, lecto af-

fixa fuit, nec ampliùs incedere potuit. Volebant autem parentes, ut tibiam amputarem, sed cum maximam virium imbecillitatem, ac summam totius corporis extenuationem (tibia tamen hæc excepta) adesse animadverterem, ipsamq; in ipsa operatione interituram vererer, operationem hanc aggredi ausus minime fui. Itaque post paucos dies naturæ satisfecit.

Habeo in Musæo meo, ossa tibiæ, hominis mediocris stature, quæ apud nos in vetusto monumento reperta fuere: sunt illa duplo crassiora quàm naturaliter esse deberent, ita ut omninò appareat, illa præter naturæ ordinem excrevisse. Præterea materia quædam ossea, per laminas disposita, illis adhæret, non aliter ac tartarum doliis adhærescere videmus, sunt tamen ossa hæc satis dura ac solida. Habeo & aliud os tibiæ, similiter duplo crassius, quàm naturaliter esse deberet, sed id spongiosum fungosumque est.

Ante aliquod tempus à nobili viro Dn. *Jacobo de Bruel*, os è pede bovis mihi communicatum fuit. Est id durum, nec ullò modo malè affectum, præterquam quod à latere ejus ossis fungus osseus magnitudine ovi annatis excreverit. Fungus ille ad instar spongiæ porosus est, durus tamen, infinitisque hinc inde ductibus, in quos venulas ad ejus nutritionem insertas fuisse apparet, præditus.

Hæc Basileâ inter multas occupationes circa Serenissimum Principem ac Dominum, Dominum Janurium Radziviliū &c. graviter laborantem, raptim ad te scribo. Quapropter si Excell. T. expectationi minus plenè satisfeci, ut me excusatum habeat, & defectum occupationibus potius meis adscribere velit, etiam atque etiam rogo. Vale vir Amplissime, & me quod facis, ama. Basileæ 17. Junii, Anno 1610.

Fungus Scirrhusus, ex aure propullulans quomodo sanatus.

Clarissimo Dn. Petro de Spina

Guilhelmus Fabricius Hildanus;
S. P. D.

Te Chirurgicis casibus, inprimis raris, Vir Amplissime, non solum oblectari, verum etiam non mediocriter in iisdem versatum esse, cum ex variis nostris colloquiis, Anno supra millesimum quingentesimum nonagesimo quarto, primò Aquisgrani, deinde quoq; Heidelbergæ habitis, tum etiam ex literis, quas ante annos quatuordecim inter nos de rebus Chirurgicis, & præcipuè de vulneribus sclopetorum commutavimus, abundè mihi cognoscere licuit. Atque hæc est causa, cur ad continuandam inceptam nostram amicitiam, sequentem casum chirurgicum, & quidem non vulgarem, tecum communicare constitui; quem ut hilari fronte accipere, & impolito stylo ignoscere velis, obnixè rogo. Animus enim dolet, & tremulenta manu hæc ad te scribo. Ante paucos enim dies, duæ ex filiabus meis, peste (quæ hîc & in viciniâ gravissimè grassatur) obierunt, uxor inea charissima ex ea convaluit, sed filius meus major natu etiam nunc vehementer laborat.

Cæterum, Vir amplissime, in auris meatu varii oriuntur affectus, & quidem gravissimi; omnium verò difficillimus est, si excrefcencia aliqua carnis profundè ex auris meatu excreverit. summamque requirit diligentiam. Cum enim pars sit exquisitissimo sensu prædita, neque caruncula absque causticis & erodentibus medicamentis absumi possint, facillimè ex eorum usu dolores acerbissimi, aliaque graviora symptomata suboriri solent. Hanc ob causam, cum præsentem casum publici juris facere constituissim, illum in artis chirurgicæ studiosorum gratiam, paulò prolixius & diligentius conscribere volui. Tu verò, Vir amplissime, ne prolixitatem ægrè feras, obsecro.

Circiter annum itaque 1594. genere & virtute vera nobilis puella, *Margarita de Martines*, Nobilissimi ac prudentissimi viri *Dn. J. Francisci de Martines*, Domini in *Bourgeon & Pally*, filia primogenita, ætatis annum octavum agens, variolis correpta fuit; ex quibus eò gravius laborabat, quia pustulæ ad extremam cutem nihil ferè eruperunt. Porro quia materia variolarum non satis ad partes externas expulsa, puella quinetiam à teneris annis scabie in capite, & circa emunctoria, parùm obnoxia fuerat, non diu post, nimirum Anno 1595. qui fuit annus 9. ætatis, dolore capitis, eoque acutissimo correpta est. Dolor in meatu auris dextræ præcipuè acutus & pungens erat, ita ut tota illa pars faciei in tumorem elevaretur. Auri oleum Chamomelinum tepidum, doloris leniendi causâ, gossipio imponebant, faciemque eodem oleo inungebant. Post dies aliquot in ipso meatu auris ruptus est abscessus, ex quo primis quidem diebus materia subtilis & loturæ carnis instar, deinde pus crassum spissumque extillabat. Dolor capitis & auris paulatim cessavit, tumefactio quinetiam faciei evanuit. Tribus elapsis mensibus, iterum materia subtilis extillare cœpit, & deinceps continuò extillavit; absque tamen dolore: quapropter nullum ex hoc malo sibi accidere posse incommodum, cuncti arbitrabantur. Circa annum verò 1600. quum auditum paulatim diminui viderent parentes, atque hac de re solliciti essent, meatumque auris inspexissent, in profundo ipsius excrescentiam quandam carnosam, & meatum planè obstruentem deprehenderunt. Interim tamen, etsi quotidie nonnihil materæ subtilis extillaret, quia tamen neque dolor, neque aliud quodpiam adesset symptoma, puella quinetiam ratione ætatis timida esset, & ab operationibus chirurgicis abhorreret, res de die in diem prolata fuit.

Anno verò 1604. quum excrescentiam illam carneam, ex meatu auris propullulantem, viderent parentes, attoniti ac perturbati fuerunt, protinusque Medicos, eosque doctissimos, inprimis vetò *Dn. Marcum Offredum*, & *D. Andream Bonetum*, apud Genevenses Medicinæ Doctores longè celeberrimos, hac de re consuluerunt, illi quum affectum difficilem esse, & manum diligentem requiri cognovissent, ut ego vocarer, suaserunt. Vigesimo itaque tertio Decembris 1604. cum in Perroy, ad lacum Lemannum, ad prædictum Dominum de *Bourgeon* pervenissem, & aurem inspexissem, excrescentiam in ipso meatu auditorio, magnitudinis castaneæ minoris inveni.

Caput externam cavitatem auris ejus, conchulam dictam, planè implebat. Non autem omninò rotundum, sed secundum cavitatum figuram formatum erat: cujus pars amplior extremum, sive posteriorem ambitum auris: minùs verò ampla faciem respiciebat. Dura præterea, inæqualis, lividaque erat extuberantia hæc. Reliqua pars hujus fungi, secundum capacitatem meatus auditorii, tympanum versùs in apicem desinebat, habebatque planè formam fungi, nondum tamen, propter extuberantiam ex parte integer, sed tantummodò conspici potuit.

Superficie sive extuberantiâ hujus fungi, uti postea dicemus, ablata, quod reliquum erat, paulatim usque ad ipsius radicem, quæ prope tympanum erat, in conspectum veniebat: A forma itaque & duritie, excrescentiam hancce fungum scirrhusum appellare libuit.

Propullulabant præterea circa ipsius radicem, alia duo parva germina, ex quibus procul dubio etiam fungi procreari fuissent, nisi angustia meatus auditorii obfuisset. Est tamen notandum, meatum huncce dextrum altero aliquomodo ampliorem apparuisse.

Videbatur enim dura ista excrescentia, interim dum accresceret puella, impedimento fuisse, quominùs proportionem suam observaret meatus ille.

Porro quum ex colore livido & duritie, affectum huncce difficilem esse, & periculo minimè vacare, vidissem, denuò, ut prædicti Medici in consilium adhiberentur, auctor fui. Et quia Nobilis *Dn. de Bourgeon*, aliorum negotiorum causâ Genevam profecturus erat, voluit ut cum prædictis Medicis de affectu filia suæ plenius consulere possem. Convocatis itaque Medicis, & diligenter explorato & perquisito morbo, deliberatum fuit, ut curatio, propter maximum frigus, usque in proximum Ver prottraheretur.

Vigesima itaque septimâ die mensis Martii 1505. cum iterum in Perroy pervenissem, sequenti die hoc minotativum exhibui.

R. herbarum Agrimonie,

Betonice,

Veronice,

Scabiosæ,

Florum primulae veris, ana M. ss.

Sem. Anisi,

Fœniculi ana ʒij.

Liquiritiæ rasæ ʒss.

Foliorum senæ mundat. ʒij.

Fiat decoctio in aqua, ut colatura cum forti expressione, redeat ad ʒiiij. In quibus dissolve.

Elect. diacarthami ʒiiij.

Syrupi rosari solutivi ʒj.

Misc. fiat potio.

Porro quum nihil magis in hoc affectu verendum esset, quàm affluxus humorum, visum est, uti diversione aliquâ insigni & continuâ; Minorativo itaque præscripto expurgato corpore, postridie cucurbitulas scapulis, cum flamma magna, & scatificatione, postero verò die, nimirum 30. mensis, setaceum vertici adhibui. Deinde pro corroboratione cerebri, & in eo humorum superfluatorum desiccatione, sequens præscripti & exhibui electuarium.

R. Conservæ florum rosmarini,

Salviæ,

Betonicæ,

Summitatum majoranæ ana ʒj.

Ligni sassaphras subtiliss. pulver. ʒss.

Specierum Aromatici rosati, ʒij.

Cum syrupo conservationis corticum citri, fiat electuarium: de quo capiebat singulis diebus, tribus horis ante prandium, ad magnitudinem castaneæ. Sequens quoque pulvis quotidie semel capiti inspergebatur.

R. Corticum citri siccatum.

Radicum Iridis Florentinæ,

Radicum Cyperi an. ʒiiij.

Thuris,

Masticis,

Sandaracæ,

Succini,

Granorum kermes.

Rosarum rubearum an. ʒ. j.

Florum betonicæ M. ss.

Storacis calamitæ.

Spicæ nardi an. ʒj.

Fiat ex illis omnibus pulvis, inspergendus suturæ coronali, & quotidie renovandus, deterso pectine priore pulvere, fungo verò bis in die linteam suave reduplicatum, & aquâ nostrâ ad ulcera maligna, (cujus descriptionem pete ex Obs. prima cent. primæ) imbutum, tepidè applicui: neque aliud quicquam usque ad mensem Majum cum fungo tentare volui: quò natura ante omnia ad ablegendas superfluitates cerebri, versùs setaceum sese assuefaceret. Interim tamen, uti & per totum tempus curationis, optimam victus ratione observabat.

His, uti dixi, institutis, iterum in domum con-
tuli, usque ad 13. Mensis Maji, tum denuò ad ipsam
profectus, 14. sequentem exhibui potiunculam.

R. Rhabbarbari electi ℥iij.

Agarici trochiscati ℥j.

Cinamomi ℥j.

Infundantur in aqua Cichorii & Betonicæ, per ho-
ras duodecim. In forti expressione dissolve syrupi ro-
sati solutivi ℥j.

Elect. Diacatholici ℥ij.

De Citro solut. ℥iij.

Decocti laxativi ℥ij.

M. si t potio.

Postridie medianam dextram incidi, sanguinemque
ad uncias septem extraxi. Decimo sexto, 17. & 18.
sequens exhibui apozema.

R. Radicum oxalidis,

Cichorii,

Graminis,

Passularum &

Liquiritiæ, aa. ℥vj.

Boraginis,

Scabiosæ,

Agriemoniæ,

Betonic.

Pimpinellæ,

Melissæ an. M. j.

Capillorum omnium;

Attemisæ an. M. f.

Florum cordialium;

Genistæ,

Hordei integri an. p. j.

Corricum & seminis citri,

Oxalidis,

Melonum an. ℥j. β.

Fiat decoctio ad ℥b. j. in qua colata & clarificata,
dissolve,

Syrupi de fumaria, &

De Cichorio simp. an. ℥j. β.

Misce; fiat apozema pro tribus dosibus maturinis:
aromatizetur ℥j. coriandri præparati.

De ima nona ad drachmas sex sequentis Electua-
rii, quatuor horis ante prandium exhibui.

R. Electuarii diacatholici,

Diafebesten, an. ℥j.

Elect. de Citro solutiv. &

Diapruni laxat. an. ℥vj.

Diacarthami, &

Tabellarum de Rhabbarbaro, an. ℥β.

Cum melle rosato Laxativo q. f. fiat opiatum, de
quo per totum tempus curationis, per intervalla ad
drachmas sex vel septem, pro dosi sumebat; modò
in forma boli; modò in forma portionis, cum de-
cocto aliquo convenienti dissoluto. Singulis quoque
septimanis cucurbitulas magnas scapulis semel ap-
plicui.

Omnibus istis, uti dixi, adhibitis, ad fungi
extirpationem transeundum fuit: ea autem, quia
aut abscissione, aut erodentibus & causticis medi-
camentis, vel ligatura fieri debebat, ante omnia
nobis explorandum, perpendendumque erat, quanam
tutior & securior esset via atque methodus? Excis-
sio adstantibus propter hæmorrhagiam suspecta erat,
& ægra illam abhorrebat. Erodentibus quoque &
causticis medicamentis massam illam fungi, qui
externam partem auris adimplebat, absque pericu-
lo absumi minimè me posse sciebam. Inprimis verò,
quia ex colore livido, duritie, & inæqualitate tu-
moris, malignitatem aliquam subesse apparebat,
verebar, ne ex usu medicamentorum causticorum
magis irritaretur malum, & humor ille acris, qui
post applicationem causticorum ex ulceribus effluere
solet, vicinas partes simul exulceraret. Malui itaque

ligaturam instituere. Singulari enim, & ad hanc ope-
rationem perficiendam commodissimo à me excogi-
tato instrumento quodam, fungum istum satis pro-
fundè in ipso meatu auditorio amplecti & ligare me
polle, sperabam.

Instrumentum autem hoc ex lamina cuprea, aut
argentea fabricatum esse debet, ita quidem, ut per
se apertum sit, extremitates tamen digitis facile com-
primi ac claudi possint. Prædictæ extremitates quo-
que aliquomodo excavatæ esse debent, quò carun-
culam, quæ lubrica est, eò melius amplecti possint.

Vigesima itaque tertia Maji, electo loco splen-
dido, ægram in sedem collocavi, & ita quidem,
ut radii solares in auris meatum penetrare possent.
Posteà caput, sive externam fungi extuberantiam,
filo apprehendi. Hujus enim fili beneficio caput fun-
gi suspensum tenebam. Interim funiculum cum sem-
nodo, intromisi, & cum Stylo quodam explorato-
rio, tam profundè, quantum fieri potuit, intrusi.

Deinde ambas extremitates hujus funiculi, per
foramina, instrumenti mox descripti, traxi.

Posteà instrumento tam altè, quantum fieri po-
tuit, in meatum auditorium, & quidem ad utrum-
que latus fungi intromisso, extremitatibus funiculi,
ambobus indicibus apprehensis, & fortiter tractis at-
que constrictis, fungum arctissimè ligavi, in pedun-
culi sui parte circiter media. Interim aurem dum filum
simul & instrumentum, intrudantur, minister filo,
extuberantiam fungi clementer leviterque in altum
trahet: idque in eum finem, ut funiculus simul &
instrumentum, eò facilius & profundius intromitti
possit.

Factâ ligaturâ instrumentum clementer extraxi: fi-
lum verò suspensum reliqui. Deinde linteum redu-
plicatum, & sequenti liquore G. notatò, insuccatum,
applicui:

R. Aquæ nostræ ad ulcera maligna ℥j.

Aquæ ranarum aquatiliū

Plantaginis,

Rosarum an. ℥. β.

Sem. Cydoniorum subtiliss. pulveri-
sati ℥. β.

Cornu cervi usti & ppt.

Tutiae &

Plumbi usti an. ℥. β.

Misce.

Monitum autem velim lectorem, funiculum in hu-
jusmodi affectibus nullo modo. (ut in aliis quidem
corporis excrescentiis aliquandò fieri solet) aquâ for-
ti insuccandum, multò minùs Arsenico illiniendum
esse; propter gravissima, quæ inde sequuntur sym-
ptomata; Funiculum tamen, ut fungum paulatim
abscinderet, singulis diebus iterum immisso & adap-
tato instrumento, clementer contraxi, nodumque
magis magisque constrinxi.

Cum extuberantia fungi ita ligata esset, paula-
tim flaccescere cœpit: emanavitque ex illa humor
putridus & foetidus, is verò ne in meatum inter-
num auris deflueret, quoridie ter, quaterve peniculis
ex spongiis paratis, absterfi.

Deinde extuberantiæ undique spongiæ, in præscri-
pto liquore madefactas iterumque fortiter expressas,
supposui, idque in illum finem, ut humorem il-
lum putridum foetidumque absorberent exciperent-
que; ita paulatim abscissa est extuberantia fungi,
ita ut 27. ejusdem mensis absque dolore & hæmor-
rhagia excideret.

Sed quia fungum ad radicem ipsius, propter an-
gustiam meatus auditorii ligare non potueram, quod
reliquum erat, erodentibus, ut posteà dicam, absumere
cogebam

cogebat: prius tamen, nimirum 24. ad drachmas sex electuarii superius descripti, & B. notati, exhibui: quo optimè expurgata fuit ægra. Ad maiorem quoque humorum exsiccationem sequens exhibui decoctum.

℞ Radicum sarsaparillæ ʒj.

Ligni sassaphras minutim dissecti ʒiij. Radicum chinæ in tenues orbiculos sectæ ʒj.

Macerentur horas viginti, in aquæ fontis tepidæ lb iij. & coquantur ad duarum partium consumptionem. De colatura moderatè calida ad ʒiij. hora quinta matutina exhibui, interim dum utebar præscripto decocto, victum utcumque tenuem & exsiccantem observabat, à iusculis, & fructibus horariis, humidisque abstinebat, eorum verò loco uvis passulis, & amygdalis tostis utebatur. Pro potu ordinario sequens decoctum præscripsi.

R. Residuum prædicti decocti,

Passularum,

Liquiritiæ an ʒj. ʒ.

Aquæ fontis lb vj.

Macerentur per horas quindecim, deinde coquantur ad unius tertiæ partis consumptionem: paretur potio gustui grata, & aromatizetur pauco coriandro præparato.

Hoc decocto, & victûs ratione, per mensem integrum utebatur, interim quoque decima quaque die, corpus Electuario B. notato expurgavi, cucurbitulasque scapulis, uti dixi, per intervalla, cum levi scarificatione applicari iussi.

Ab initio dixi, extuberantiam fungi usque ad medium ejus pediculum, beneficio ligaturæ excidisse, nunc quibus remediis, quod reliquum erat, usque ad ipsius radicem, (illa autem prope tympanum erat) absumpserim, dicendum est. Statim itaque postquam extuberantia exciderat, iterum ægram ad radios solares in sedile collocavi: mox laminas parvas tenuissimasque, è cera fabricatas, & aliquantulum incurvatas, undique circumcirca carunculam imposui: idque in eum finem, ne medicamenta acria quæ imponenda erant, meatum auditorium attingerent exulcerarentque, deinde penicillis ex spongiis paratis, absterfa humiditate, Escharotici nostri, ad magnitudinem capitis aciculæ imposui. Postea filamentis, & spongiis meatum implevi, & linteam reduplicatum, nec non liquore superius descripto, & C. notato, exterius auri superimposui. Medicamento quotidie bis, nimirum hora septima matutina, & quarta pomeridiana, (ad candelam enim hujusmodi operationes minimè sunt tentandæ) imposito: 28. ac 29. escharam induxi, illa verò ut abscederet, sequens medicamentum filamentis in ipso intinctis, applicui.

R. Mucilaginis sem. cydoniorum, extract. æqualibus partibus, aquæ Arnoglossæ majoris, & ranarum aquatiliū ʒij.

Cornu cervi usti & præparati,

Turiæ pp.

Lapidis calaminaris ana ʒj.

Croci Martis,

Saturni calcinati ana ʒß.

Misce, fiatque medicam. ad instar collyrii utcumque liquidi. Signetur D. Medicamentum hoc, propter meam absentiam usque ad quartum Junii impositum fuit. Tum uti & sequenti die laminis cereis iterum investitâ carunculâ, denuò de prædicto escharotico bis in die applicui.

Sexta die ejusdem mensis, ad drachmas septem Electuarii superius præscripti, & B. notati, cum decocto Betonicæ, Agtinionis, Veronicæ, Rosmarini, Saliæ, & sem. Anisi, exhibui, quo & op-

timè expurgata fuit, nihilominus tamen medicamentum escharoticum ea die bis imposui. Septimo, 8. & 9. ad casum escharæ collyrium D. notatum applicui. Decima eschara denuò exempta, laminâ quæ novâ impositâ, escharoticum ea die ter, undecimâ verò bis iteravi.

Duodecima die mensis, quia eschara satis magna apparebat, neque pingua ut imponentur, consultum mihi videbatur, separatoriò cultellò in cuspide ad instar hami incurvato ipsam excidi.

Excisa eschara, quia propter angustiam meatus auditorii, laminas cereas difficulter imponere mihi licuit, escharoticum applicare ausus non fui: globulum itaque lentis magnitudine, ex filamentis contortum, & sequenti pulvere immersum, carunculæ applicui: & spongiis suavi superiori medicamento D. notato, madefactis, iterumque expressis, ductum auditorium adimplevi. Spongiæ autem in purulentis auribus summoperè conveniunt: materiam enim purulentam ex profundo attrahunt absorbentque, partemque affectam ab injuria aëris vindicant.

R. Pulveris præcipit. optimè rectificati ʒj.

Lapidis Bezoardici diligenter pulveris.

Saturni calcinati & abluti ana ʒ. ʒ.

Misceantur, fiatque pulvis signetur. E.

Decima sexta, cum beneficio speculi auris ad tympanum ferè usque inspexissem, & nonnihil de radice fungi superesse probè cognovissem, sequenti die iterum laminas cereas, eâ qua fieri potuit diligentia, infixi, & medicamentum escharoticum applicui. Verùm decima septima, quum domum proficisci coactus essem, sequentem pulverem præscripsi, & me absente imponere iussi.

R. Croci Martis optimè præparati,

Cornu cervi usti & præp.

Saturni calcinati & abluti

Lapidis calaminaris præp. an. ʒ. j. ʒ.

Misce, fiatque pulvis tenuissimus, qui filamentis Collyrio D. notato madefactis, usque ad tertium Julii impositus fuit. Quarta, quum ad nobilem ægram rediissem, & radicem fungi nondum penitus absumptam esse, imò & præter radicem duo parva germina, in prima figura E. notata, adesse cognovissem, iterum pulverem E. notatum, & spongas madefactas imposui.

Sexta Julii, speculi & radiorum solis beneficio, nonnihil puris in profundo meatus auditorii oculis sese offerebat, in quo motus, veluti diastole & systole arteriarum, conspici potuit. Absterfo pure, quia radicem mali nondum omninò absumptam esse animadverti, iterum laminam ceream, cui ex una parte nonnihil medicamenti escharotici annexeram, ad radicem ipsam applicui, & spongas madefactas super imposui. Radicem præterea fungi cranio adhærentem, imò ex ipso cranio originem traxisse, bellè apparuit. Septima, de eodem medicamento escharotico ad magnitudinem capitis aciculæ bis applicui.

Octava, electuario superius descripto, & B. notato ægram expurgavi, post prandium, cum radiorum solis & speculi auris beneficio meatum auditorium inspexissem, fungi vestigium nullum nobis apparuit: qua de re in posterum nihil, præterquam pastillos Andronis, syrupo de rosis siccis dissolutos, imposui. Post dies tamen aliquot, quum in profundo auris, & illa quidem in parte, qua radix fungi fuerat, os denudatum invenissem, sequentem pulverem catagmaticum, melle rosaceo parumque spir. vini mixtum, per mensem ferè integrum, me absente imponere iussi.

R. pulv. florum Betonicæ

Rosarum an. ʒ. ʒ.

Rad. Iridis Flor.

Angelicæ

Cariophyllat.

Masticis an. ℥. j.

Benzoi.

Styracis calamitæ an. ℥. j. s.

Misce.

Post mensem quum ad ipsam rediissem, nullam amplius ossis denudationem inveni: qua de re ut in posterum pro corroboratione & exsiccatione partis affectæ, linimentum ex pastillis Andronis, & syrupo de rosæ siccis imponeretur, corpusque per intervalla expurgaretur, ac optima victus ratio observaretur, consului. Sic divino aspirante numine pristinae sanitati restituta fuit, qua. & ad hodiernum usque diem 24. Octobris, 1613. (quo hæc scripsi) feliciter utitur, & quidem in matrimonio non infelici, proles præterea aliquot progeniit: & auditum, qui antea per annos aliquot deperditus fuerat, magna cum admiratione multorum recuperavit. Tam provida & diligens est natura: præcipuè si in juvenibus diligentia Medici intervenerit. Plura non adscribo, quandoquidem nobilissimum simul ac doctissimum virum, D. Johannem De Marinis, agræ nostræ fratrem (qui tibi, dum Heidelbergæ vixit, familiaris fuit) integram historiam, & successum curationis aliquando coram te narrasse, non dubito: quapropter ne prolixitate epistolæ metas transgrediar, subsisto, Deumq. Opt. Max. suppliciter oro, ut te tuamque lectissimam uxorem & liberos, quam diutissimè conservare velit. Vale Vir amplissime, & æternum vive, cum tuis, quos tecum ex corde saluto. Dabam Laufannæ Equestrium 24. Octob. Anno 1615.

Ex fungo cranii mors.

Cosmus Slotanus, Chirurgus præstantissimus juvenem nobili familia natum, cui cranium fractum, portioque ejus quædam exempta fuit, unde fungus exortus, curandum habuit. Ille ab omni propemodum periculo levato egro, & sedatis symptomatibus à curatione continuanda desistere coactus fuit, quod aulam Principis sui sequeretur. Barbitonsor cui erat demandata, contempto consilio & medicamentis Slotani, nullaque habita ratione loci affecti pulverem aluminis & vitrioli usti inspersit fungo. Inde exortis statim dolore vehementissimo, febre acutissima, delirio & inflammatione, paucis post diebus mors subsequuta est. Hildanus in Observ. Chirurgicæ.

Legitima fungi curatio.

Anno 1601. 9. februar. Dom. Francisci Croserani Lustriacensis Patricii ac tribuni filius, Petrus nomine, 14. annos natus, vulnus ex casu lapidis, ex alto diruti (cujus pondo librarum duodecim cum uncis decem) in dextro bregmate cum insigni cranii fractione accepit. Ego ad curationem vocatus, puerum invenio sine loquela, visu, auditu, & ut breviter, dicam, semianimem. Vomitus aderat vehemens & continuus, & sanguinem ejiciebat, tum per os, nares, tum etiam per aures. Abrasis crinibus, dilatatoque vulnere, impressum cranium altius in substantiam cerebri & duram matrem disruptam, conspiciebamus. Exemptis eadem nocte cranii fragmentis, curationem aggredior, prout necessitas urgebat. Et quamvis gravissima essent symptomata, ita ut de recuperanda sanitate parum superesset spei, tandem nihilominus paulatim & ante vigesimum diem, morbi ex toto fere remiserunt. Pars quoque duræ matris ab impresso ctanio disrupta, sensim nature & medicamentorum beneficio frustratim exci-

dit, ita ut spe abamus jam procul abesse à periculo. Sed elapso vigesimo die morbi, ecce novum malum, exortus enim est è vulnere fungus insignis qui intra viginti quatuor horas ita excrevit, ut magnitudine ovi gallinacei extra cranium emineret, quem divino favore infra scriptis medicamentis feliciter persanavi.

In principio, deinde alternis, ac tandem tertio quoque die, sequens enema injeci.

℥. Radicum & foliorum altheæ, malvarum, Parietariæ, merc. rialis, florum Chamomill Meliloti, florum & foliorum betonicæ ana m. s. semin. fænigræci, lini, anisi ana ℥i.

Coquantur in aqua ad consumptionem tertie partitis, in ℥b. j. colaturæ dissolue benedictæ laxat. & hietæ pictæ compositæ an. ℥iij. Vitellum ovi, talis p. i. Ol. chamomillæ ℥ij misce fiat enema Bis verò in die fomentationem sequentem vulneri applicui.

℥. Foliorum & florum betonicæ, salviæ, chamomill. meliloti, rosarum, summitatum majoranæ, ros. marini ana m. j. sem. anisi & fænigræci ana m. j. sem. anisi & fænigræci ana ℥i. Incidantur & contundantur pro fotu. Harum herbarum q. s. indatur sacculo ejus magnitudinis ut mediam fere partem capitis cooperiat, qui filo intertextus, coquatur in vini & aquæ communis partibus æqualibus, & applicetur calide, post fotum diligenter abstergendum est caput linteis calidis, deinde sequentem pulverem inspersi fungo atque toti vulneri.

℥. Radicum gariophyllat. Angelicæ, calami aromatici an. ℥b. Rad. anist. rotund. Iridis florent. ligni guajaci ana ℥ij, florum salviæ summitatum majoranæ, ros. marini ana p. i. fiat omnium pulvis tenuissimus & deinde sequens emplastrum applicui.

℥. Emplastri de betonica ℥iij. Gummi elemidissol. in oleo rosaceo ℥i. pulver. rosarum, myrrillo- rum ana ℥. masticis, calami aromatici ana ℥i. cum s. q. ol. rosacei fiat emplastrum.

Hic fungus paulatim & intra quatuordecim dies subsidit. Officula quoque quæ cum aliis prima nocte extrahi non potuerant exierunt, ita ut intra hebdomadas decem plenissime convalesceret. Fabric. Hildanus in observ. Chirurgicæ.

Facis in observationibus tuis Chirurgicis mentionem fungorum, & læsis membranis cerebri, ex humoribus ad locum affectum affluentibus eos nasci doces. Quæ & aliorum Chirurgorum est sententia, ubi in mentem mihi hoc incidit dubium An solum membranæ cerebri affectis generentur fungi? Faciunt quidem, ut vides, Medici solum fungorum in vulneribus capitis mentionem: sed in aliis quoque partis fungos nasci posse, hæc duæ persuadere videntur historiæ, quæ superioribus annis, dum hic VVittebergæ Medicinæ operam darem, acciderunt. Prior hæc est. Puer quidam annos natus circiter decem, ex saltu pedem sinistrum ad terram vehementius allisit, atque in planta è regione minimi digiti, læsit. Hinc tumor primò supra malleolum externum conspectus fuit, qui à Rustico quodam imperito (foran luxationis alicujus reponendæ gratiâ, adhibito) postea deorsum pulsus fuit. Hinc tumor paulatim incrementum sumpsit, ita ut totum pedem prehenderet cutimque insigniter distenderet, & pedes digitorum magno intervallo ob tumorem interjectum distarent. Cutis tamen colore sanæ parti planæ fuit similis. Tentata, ut fieri solet, à variis varia, sed omnia frustra. Tandem ad Chirurgum perventum: qui cum suppurationem ob insignem loci molliem

factam

factam esse crederet, & dolores increverent, aperuit locum. Parum sanguinis, puris verò nihil effluxit: mox verò profuit quasi pinguedo quædam quæ vulnus clauderat. Sequentibus diebus spongiæ, nigro seroso sanguine plenæ copiosius erumpere cæperunt: & in planta pedis versus digitum minorem una nocte quasi *répente* incidit tanta, quæ dimidium thalerum æquaret. Aperta illa nihil tamen putridi decidit, & nihil mortuæ carnis separari potuit, sed fuit caro quasi spongia adusta, cruenta, sanguine turgens & stillans. Cæperunt & aliis in locis, ad latera, & supra talos fungi se efferre sædo & horrendo aspectu, ut pars illa pedis magnitudinem capitis superaret. Tandem ad sectionem ventum, & præcisum est pedium usque ad os naviculare & calcis: quod abscissum est, caro fuit tota fungosa, partim putrida & corrupta, partim coagulata, densa & viscidæ pinguedini porciæ similis, pondere fere lb. iiij. Verum sequentibus diebus spongiosa caro, iterum magna vi prorupit, & quantum interdiu auferebatur, tantum noctu iterum succrevit. Denique tumor magnus ad sinistram inguen loco, quo glandulæ sunt, in femore exortus est, specie plane similis ei, qui in pedio ab initio conspiciebatur, qui & ipse postea, sua sponte ruptus est, ex quo magna spongiosæ carnis copia excrevit. Non ita multò post puer in vivis esse desiit.

Altera historia hæc est: Puer duodecim annorum, dentium dolore graviter vexatus est. Deventum tamen ad extractionem: extractus est unus ex dentibus superioribus. Oritur postea tuberculum in palato prope illum dentem, magnitudine nuclei pruni. Istinc cum esset molle, nec sponte aperiretur, pus subelle creditur: aperitur, sed nihil effluit, nisi aliquot sanguinis guttæ. Postea verò caro spongiosa, nigricans prorumpit; quæ usque adeo increvit, ut non solum per os promineret, sed & per nares excreveret, pueroque tandem mortem afferret. Parentes primam mali causam suspicantur hanc fuisse. Puer ictus fuit pilâ niveâ cui lapillus inclusus fuerat, ad interiorem oculi angulum. Eo loci post menses tres ortum fuit tuberculum, quod postea præsentem illa carne spongiosa in fistulam quasi degeneraret. Hæc eo fine ad te vir Clariss. scribo, ut ex te audiam, quid tibi de generatione fungorum videatur. Faciunt quidem antiqui Chirurghi, Guido, Theodoricus, & alii mentionem excrecentiarum, natarum, seu natarum, ut appellant, quæ apostemata magna, carnosæ & mollia, esse dicunt: fungorum tamen, quantum quidem memini, mentionem faciunt tantum in vulneribus capitis. Itaque ad me perferbas velim, an hi, quos in duabus historiis descripsi, veri fungi fuerint; si non pro fungis habes, ad quod genus tumoris pertineant. Si verò pro fungis agnoscis: quæ sit, quod authores, saltem in capitis vulneribus de iis mentionem faciant? Verum itaque fungorum subjectum scire velim. Quid, si illud sit membrana in genere aut quodcumque corpus membranosum? Sed nihil definire volo: verum tuum ea de re, & aliquid etiam de vera fungorum curatione (si quid præter illa, quæ in observationibus sunt, habes) expecto. *Idem ibidem.*

Fungus ex capitis vulnere pulveribus ex spica, Et schœnantho inspersis sanatus.

In consilium vocatus, vidi patientem vulneratum in syncipite, cujus vulnus ad cranium usque & duram menyngeam pertingebat; cum verò ægrum aliquot post dies à vulnere inflicto reviserem, observavi fungum avellanæ magnitudine. Consulti ut insper-

gerent pulveres ex spica, & schœnantho, quorum usu, sequenti die attritus est, & brevi etiam propriis remediis vulnus sanatum. Quo remedio sæpius fungos sanavi, ac proinde tanquam arcanum vobis propono. *Domin. de Machenis observ. Medico Chirurgic. Sylloge.*

Fungus Palati cum carie, scalpello & cauteriis feliciter extirpatus.

Multi magni morbi sæpius à nobis curarentur, si magis fiderent Medico, minusque mericulosi forent afflicti. Nobiliss. Dominus Coliin, Jurisconsultus, dum viveret apud Amstelodamenses meritissimus (cujus nomen propter raram & inauditam animositatem in admitendis & sufferendis remediis, licet durissimis, præter morem appono) ante aliquot annos me convenit, dicens sese aliquid incommodi in postica & laterali parte palati sentire; quo viso & bene explorato, hæc usus sum verbis, Noli Spectatiss. Domine hoc malum flocci facere, & multò minus unicuique revelare; verebar enim ne in manus incideret eorum, qui omnis generis remedia nil profutura illi præscriberent, imò periculum, quod erat præ foribus, interim angerent. Hæc auditis, rogavit me Dn. Patiens, qualis esset affectus, quomodo & quibus remediis morbo occurrere vellem? Respondi malum consistere in carie posticæ & lateralis partis ossis palati cum carnea excrecentia fungosa eandemque excrecentiam esse extirpandam, & ossis cariem inurendam. Patiens generosissimus hanc curam diu non distulit, ast verò quamprimum vocari jussit Allardum Cyprianum, Petrumque Adriani filium, Chirurgos dexterrimos; qui eandem à nobis propositam commendarunt curationem. Itaque confectis cauteriis loco affecto appropriatis, universalibus præmissis ut & dentibus aliquot molaribus qui nobis in ipsa operatione obstitissent, evulsis, aggrediebamur curam ut sequitur. Omnibus prospectis & ritè preparatis, monuimus patientem, ut digitum elevarer simul ac inustio suffocationis periculum afferret, & diutius non esset ferendo, ipseque respirare vellet; nam experientia eramus edocti tantum fumum oriturum, quantum in renovandis soleis equinis excitatur. Hæc monitis frustum ligneum digiti crassitie inter utramque maxillam immisimus, ne in operatione os clauderet; posthac scalpello acuto, recurvato, & secundum palatum accommodato, abstulit alter Chirur. totum tumorem, alter interim buccarum partem anteriorem spatulâ admodum latâ muniebat, ne à cauteriis nimis læderentur, in quem finem etiam spleniis è linteo carpto confectis & aquâ frigidâ madefactis buccis prospiciebar. Ablato tumore cauteria candentia successivè fortiter unum post alterum adacta sunt, donec videretur sufficere: cum interim patiens digitum attolleret, eduximus dicta cauteria candentia. Hæc peractis composuimus ægrum in lectum, non sine faceris verbis, quibus subsidens non alloquebatur. Interim præscripsimus hordeatum ad ardorem compescendum, ut & oris collutionem dolorem leniendi causa. Sequenti die invenimus afflictum nemini magis esse dissimilem, quam sibi ipsi, ita intumuerat ejus caput, propter inflammationem immanem, unde etiam à febre hæc manerat immunis. Hæc omnia remediis inflammationi resistentibus oppugnantes, brevi inde cessaverunt & inflammatio & febris. Insuper ad escharæ casum promovendum, decoctum malvæ, ficuum &c. usurpavimus, addendo sufficientem quantitatem mellis rosacci, quod pro re nata mutavimus. Post escharæ separationem omnibus rubicundis apparentibus, videbamur in portu navigare.

navigare. Paulò verò post exigua particula carnis fungosæ in conspectum sese dedit, quod nobis antea dedit cogitandi malum non esse in totum eradicationem; Itaque novam inustionem commendavimus, quam æger neutiquam renuebat, dicens: facite quod artis est. Proximo die institimus novas inustiones cum simili ferè eventu, caput enim rursus vehementer intumuit, comite febricula, quæ iisdem profligavimus remediis, brevique post in totum convaluit pariens, qui postea per plures annos incolumis vixit. *Ruyssch. observ. Anatomico Chirurgic. Centuria.*

Similis casus, dissimilis verò eventus ob Medicamentorum inscitiam.

Eodem ferè tempore quidam contra fungosum palati sui sarcoma, junctamque ei cariem, remedia quæsit apud Pharmacopeos, & audaces medicamentos, quorum cæca & stolidi temeritate malum eò ducebatur, ut propemodum esset inexpugnabile. Tandem scilicet istorum nugatoriis remediis fatigatus me aliosque accersivit; Audito verò, sine inustione nil boni esse sperandum, recusavit nobis obedire, eo magis quòd non deessent, qui eum spe recuperandæ valetudinis inescabant, solis scilicet medicamentis loco affecto applicandis, quæ tamquam secreta nec ulli revelanda servabant. Post aliquod tempus me de novo consulere consanguinei, dicentes ægrum inustionem admissurum: quid sit? Chirurgus, qui curationi præerat, inurere partem affectam volens, eum in finem cauterium, quo dentes cariosos inurere solemus, attulerat: Rogatus quid facere vellet, respondit, palati cariem inurere. Quum verò audivisset, qualibus cauteriis indigeret ad opus illud perficiendum, animus ferè illi defecit; & sic patiens defectu requisitorum remedium miserimè per aliquot hebdomadas adhuc vixit, donec vitam cum morte commuret. *Idem ibidem.*

Fungus ex vulva excisus.

Fungum primùm indolentem vident Medici; Sed mox non sine alicujus doloris sensu. Qui eò plerumque fit gravior: quo plus æstu & à præassata bile; Cujus uberior affluxus, excitat in ipso non modò dolorem, pruritum, ac inflammationem, sed interdum utrique livorem, & post illum, veram carcinomatosis naturam. Uti evidenter demonstrant mammae, lingua, labia, guttur, vulva; aliæque partes, vel raræ ac teretes; vel glandulis ita refertæ; ut facilè degenerent in fungos: proximum carcinomatosis subiectum.

Ex cancrolo oris fungo, sequitur præter ardoris, ac doloris sensum, frequens ac molestum illud sputum: quod Hipocrates in coacis prænotionibus, cap. 16. aph. 36. *πτυαλισμὸν* vocat cujus naturam asserit in eo consistere quod præcedat pus, ex thorace eruptum. Sed in uliginosa nostra Hollandia, terminat plerumque, cœu fidissima crisis, febres etiam vehementissimas. Utrique variolas internas, & interdum contumacissimos, obstructi lienis, affectus. In quibus nonnumquam ejusmodi ptyalismus excurrit, ultra mensis curriculum.

Quòd si verò fungus aliquis vulvam occupet: irritat illam continenter, & effundit menstrua ipsius non minùs copiosè, ac si instaret verus partus: à quo tamen fixus hic tumor minimè quum expellatur; necesse est tandem confugere ad scalpellum & ejus ope radicitus evellere: quod nequit extirpare irritus ejusmodi partus.

Bibl. Chirurg. Tom. II.

Sed artis est talem sectionem vel audere, ritè perficere, in tam obscuris tenebris. In quibus tamen illam bis vidi, non minùs securè institutam; & fungum ejus loci à Bernardo Ollulario, Chirurgo dexterrimo: sine ullius partis offensa, non secus ex vulva excisum ac si subdio & in loco maximè obvio scalpellum suum direxisset.

Matrona pia ac verècunda, læcessita aliquandiu ab immodico menstruum profluvio, incidit tamen in urgentem urinæ difficultatem: & ex illa, quasi in verè partus conamina, à quibus licèt nihil expelleretur solidi; dilatabatur tamen inde usque eo angustum vulvæ os: ut obstetrix in auxilium vocata, potuerit illic sentire fungum vulvæ tam firmiter basi suæ, adnatum; ut nulla vi inde dimoveretur.

Qua propterea desperata, itum fuit ad Chirurgum, jam nominatum qui (exploratâ convenienter tumoris naturâ) scalpellum suum nec timidè dimisit in sinum pudoris; nec infelicitè excidit fungum hunc uterum, æquantem magnitudine sua ovum gallinaceum. Mirabantur amici præsentès, hinc fiduciam ægræ, aliàs maxime verècundæ: illinc verò, non minùs audaciam secantis, agredientis tantâ animi præsentia, tam inauditam, ac insolens opus.

Cujus ope ubi exemisset fungosam hanc excrescentiam, cessabant illico dolores, menstrua inordinata, sed præcipue indefatigabiles illi conatus, quibus continenter stimulabatur uterus ad expellendum onus, plus æquo sibi molestum; quod tamen post anni curriculum sensit iterum illic increscere. Sed mutabatur brevi in pus; quo cum, frustulatim ibi excideret, liberavit ipsam à repetenda sectione, sed nequaquam à continuo fœtore, vehementibus angustis, & frequentibus animi deliquiis. Quorum symptomatum ergo, necesse habuit deinceps integrum decennium, immundam hanc vulvæ illuviem, aliquoties abluerè per inequentem clysterem.

℞. Herbarum plantaginis, boni Henrici, singulatum manipulum, Solani, pyrolæ, veronicæ singulatum manipulum medium. Seminum lactucæ, cidoniorum, singulorum dragmas duas. Decoquantur ex aqua hordei, admiscendo novem ipsius uncias, succi sempervi majoris unciam unam, mellis rosæ, uncias duas, myrtæ dragmam mediam, melle, fiat clyster uterinus. *Nicolaus Tulpius observ. Medico-Chir.*

Fungus canerosus in interiori matricis colli parte.

Honestæ quædam Vidua hic Hagæ habitans quadraginta circiter annos habens, temperamentique calidi, ac sicci, nec non atra (quam jam olim dixerè) infestabile de tumore quodam extra corpus præpendente mihi quæstæ est, quem non parum incommodi sibi adferre, quoque velut stimulis assidue se pungi dixit; fœtore insuper ingenti illum abundare, ac instantibus catameniiis, extendi, multòque amplius fieri, asseruit.

Quamobrem non parum sollicita meam imploravit opem. Ipse autem suasi, uti, præparato, prout deceret, corpore, quicquid hoc esset, tumoris (malignum namque perspexeram) Manuali Chirurgi opera tolli juberet. Cum itaque (nec enim alium malum finem videbat) consentiret, rem cum fratre *Joh. Stalpartio vander wiel*, nec non cum tunc quidem Chirurgo, nunc autem & Medico *Cornelio Solingio* communicavi.

Tumorem itaq; hunc exactè perspectum, fungum si ve colli matricis excrescentiam canerosam esse comperrimus, anteriori quidem parte latiore, posteriori verò angustiore. Statuimus idcirco basin hujus excrescentiæ, si contingere daretur, valido cingere filo, ac quotidie paulò atctius vincire, ut siquidem fieri posset, tumor

à sana parte separaretur. Rem itaque aggressi duplici fili circuitu anteriorem, crassioremque excrescentiæ cinximus partem; Chirurgus autem, quod utramque manum eodem tempore vagina non admitteret, digitis sensim eo usque promovit filum, ut basin attigisse crederet: tum verò ob viæ angustias præpediebatur vinculum contrahendi facultas. Id tamen ut perficeretur, nihil consultius duximus, quàm si utramque fili extremitatem crassiori firmiorique alligaremus specillo, ut hoc contorfo, illud contraheretur, coarctaretque excrescentiam; hoc autem ita successit, ut illa intra quatuor, vel quinque dies alimento destituta protinus decideret. *Stalpartius Vanderwiel in observ. Medico-Chirurgic.*

Casum huic nostro admodum similem refert G. *Segerus miscell. med. phys. Germ. dec. 1. an. 2. obs. 21. fol. 200.* de honesta & pia vidua, atque temperamento melancholico prædita, annorum circiter 47. cui excrescentia fungosa, fœtens, & sphacelo postmodum correpta, uterique prolapsum mentiens propendebat è vagina, post cujus extirpationem ægra è vita diceffit, cujus cadavere aperto sphacelosam illam substantiam nihil aliud fuisse compertum est, quàm excrescentiam fungosam ex uteri collo majori prope vesicæ orificium enatam, ac à mensium & corruptorum humorum affluxu procul dubio ampliata, atque dilatata. Ejusmodi ferè excrescentiæ mentionem faciunt dictæ *Ephemerides German. dec. 2. an. 2. obs. 186. fol. 413. &c.*

De maligno fungo scribit. *N. Tulpius in obs. Med.* qui è vagina excisus gallinaceum æquaret magnitudine ovum; ex hoc autem proximè sequenti anno eodem apparente loco temporis tractu malignum, fœtidumque ulcus natum, cui purgando, ablundoque mulieri assidue syphone aquâ repleto opus fuerit, addit, cap. 34. agens de maxima uteri excrescentia, quæ excisa pugno magnitudine par esset; hanc autem crassâ, firmaque exterius cinctâ membrana, at interioriùs albescentem, ac glandulosam fuisse scribit, at postea non rediisse.

Theod. Kerckringius obs. anat. 53. de muliere quâdam memorat Colonia Agrippinæ habitante, cui in interno uteri ore carnosâ fuerit excrescentia, quæ per totam sese diffundens vaginam, atque extra corpus propendens multis uteri procidentia credita sit.

Plura ejusmodi habent *Victor Trincavellus lib. 9. cap. 15. Aretæus acut. lib. 2. cap. 11. Hieron. Fabr. ab Aquapendente oper. Chirurgic. cap. 85. &c.* Idem in Scholiô observationis mox allatæ.

De Fungis Microcosmicis.

Juvenis xvii. annorum in sinistro hypochondrio primum, post circa genu illius lateris leves quosdam ultra mensem incurrit dolores, quos, cum negligeret, à tumore circa genu oborto claudicare incepit, donec dolor & tumor totum femur occuparet, & omnimodum pedis istius usum auferret. Ad parentes suos Chemicium delatus, & acerbissimis doloribus affectus, chirurgi nostri Theophili Voigtii opem implorabat, qui, ut dolori occurreret urgenti, varia cataplasmata, vesicatoria tandem, & potentiale cauterium femori applicuit. His nil juvantibus, ubi & ego vocor, ægrum à continuis doloribus tantùm non exanimatum invenio. E sinistro hypochondrio materiam calidam & acrem ad genu defluere querebatur: tactu locum affectum exploranti humor supra genu fluctuans occurrit.

Præmissis igitur præmittendis, sequenti die, ut aperiatur tumor, jubeo. Effluit cum impetu ad

res fere uncias materia serosa crocei coloris, qua evacuata, & turunda molli vulnuscule occluso, ultra horam quiescebat æger. Redit doloris acerbitas, materia tamen ista evacuata remittit, & exhibitis anodynis patiens placidam transigit noctem. Dolor sequenti die recrudescente turundam iterum remove jubeo, & serum loturam carnis referens, circa vesperam autem portiunculæ fungosæ sero isti junctæ evacuabantur, ex quo causam illius doloris singularem, & vix curabilem affectum, cum à fungis intra cavitates musculorum latitantibus dependere videatur, enuncio. Nec fefellit prognosticum; non tantùm enim singulis diebus notabiles fungos extrahebat Chirurgus, sed & cum post obitum femur illud & genu ipsi Cal. Maii 1673. dissecaremus, musculos omnes emaciatis, & ferè tendinosos invenimus, intra eorundem autem cavitates varios fungos, tumoris & doloris autores: Consumtum præterea in osse femoris conspicebamus periosteum, nec ossis superficiei pepercerat humoris acrimonia, absque tamen nigredinis aut putredinis alicujus notis: ubi caput seu pars femoris inferior cum tibia per *γῆλυμὸν* articulatur, cartilago luxurians tumoris in genu causa deprehendebatur, quæ molam sive patellam genu loco moverat, & extensioni & ambulationi pedem fecerat ineptum. Infimum ventrem aperire erat animus, sed parentes id piaculum reputabant, quo circa mali fontem timari non licuit.

Occurrunt hîc quædam, quæ considerationem utique merentur. Materia è qua fungi generantur, aliquando è loco, in quo propullulant, aliquando è locis remotioribus scaturit, illaque haud rarò acris existit & corrosiva, quod non solum dolor evincit, verùm etiam ossium, solidissimarum corporis nostri partium, absumptio. Favet huic pronuntiato etiam subsequens historiarum biga.

Fœminâ quâdam fungum in pollice pedis dextri gestabat, qui à linimentis & emplastris à balneatore quodam illitis & applicatis irritatus, & sensibilia fumebat incrementa, & dolores inferebat intolerabiles. Hic unciam pendens, unâ cum pollicis anteriore articulo, amputatus, non solum unguem, sed & ipsum os in sui substantiam converterat, immo in osse radices egisse, aut ex osse in mucorem resolutum, aut tabescente, haut secus ac ex C. C. rasi sanie (vid. Verniam. Sylv. Sylvar. cent. vi. n. 546. p. 864.) prognatus videbatur, eo, quod radix illius cartilagineam præ se ferebat duritiem.

Idem mihi videre ante triennium fere contigit in quodam hujus loci pannifice, quem etiam fungus in pollice pedis dextri mirum affligebat in modum, qui unâ cum pollicis articulo dextrè ablatus, eandem totius ossis propalabat consumptionem, ut adeo mirum non sit, si ipsi fungorum substantiæ aliquando officula invacta compareant. Infeliciores erant pannifex illâ fœminâ, quod facta articuli diminutione non tantùm non minuebantur dolores, sed & è vulnere alii nascebantur fungi: illius verò vulnus post duarum septimanarum decursum perfectè consolidabatur. Causa fuit non alia, quàm quod materia fungorum in fœmina in loco affecto delitescerebat; in viro in inguinis dextri glandulis, quas duras tumidasque instar bubonum ostendebat; perinde ac juvenis istius in parte abdominis interna. Referebat Chirurgus se in alio, cui in digito sinistri pedis creverat fungus, inguinis glandulas similiter tumidas observasse, quo unâ cum fungo pedis digito ablato vulnus quidem ad cicatricem perducebatur; è sup-

è suppuratis autem postmodum glandulis erupisse fungulos, mortis lentæ, acerbissimæ tamen, præcursores autoreſque. Agyrtarum præterea, barbitonſorum & balneatorum gloriatio eſt, ſe curaffe, aut curare poſſe, ſi fomenta non juvent aut emplaſtra è cauteriis, immo ipſa ſeſtione illos, quos vocant *die Glid-Schwamme*, genuum tumores Ego verò in his tumoribus ſemper cartilagineam excreſcentiam adverti, qua & patellam loco movet, & pedum uſum ſufflaminat, & proinde illis, qui curari nequeunt, annumeravi. Quadriennnium eſt, cùm in vicinia naſutulus quidam mulieri cauterio potenciali circa genu applicato conſulere conaretur; ſed non multùm aberat, quin inflammatione, tumore & doloribus excitatis gangræna ſuperveniente in vitæ diſcrimen conjeciſſet aliàs miſerrimam. Interim tumores genuum à ſtatibus & humoribus ortos curationem admittere nèutiquam nego. *Chriſtophor. Frider. Gar-manni.*

FURFURES Vid. *Pilorum Vitia.*

FURUNCULVS.

De Furunculò vid. præcipuè ſub titulò Tumor, Hic tantum de eò pauca ex Clariff. Joh. Munnicks.

Furunculus Latinis, *ὄζις* Græcis, Noſtratibus *Een Bloet-hin*, eſt Tuberculum in acumen protuberans, cum inflammatione, duritie, rubore, ac ſummo dolore, ovum columbinum magnitudine non excedens. Similiter C. Celfus lib. 5. cap. 28. Furunculum deſinit, quod ſit, tuberculum acutum cum inflammatione, & dolore, maximeque ubi jam in pus vertitur.

II. Species autem furunculi plures ſunt: Alius enim benignus eſt, ac mitis: Alius malignus, ac vehementiùs dolens. Idem obſervavit Paulus Ægineta, lib. 4. cap. 23. ſic inquiens: Furunculorum alius eſt, clemens, alius maleſicus: Clemens quidem cùm in ſola cute coierit; Maleſicus autem, curatuque difficilis, cùm altiùs radicibus actis in cutem erumpat.

III. Fit verò Furunculus è craſſo, impuro, acidocræci, aliifve modis depravato ſanguine, quem natura à reliquo puriore ſecernens, tanquam infeſum & inutilem in corporis habitum criticè expellit.

IV. Signa quibus cognoscitur hic affectus ſunt exigua inflammatio cum puſtula, & veſicula ſenſim increſcens, cum dolore, duritie, & rubore, cùm Statum attigerit, qui paucos intra dies abſolvitur. Porro tuberculum in acutum tendit, & columbini ovi magnitudinem non excedit. C. Celfus aliud ſignum adiungit, dicens: „Qui ubi adapertus eſt, & exit, ſuper

„apparet pars carnis in pus verſa, pars corrupta „ſubalbida, ſubrubra, quam ventriculum quidam furunculi nominant.

V. Idem Celfus loco citato docet, in furunculo nullum eſſe periculum, etiãſi nulla Curatio adhibeatur. Matureſcere enim per ſe, atque erumpere. Sed dolorem efficere, ut potior Medicina ſit, quæ maturiùs liberet.

Dicendum ergo furunculum periculo vacare, niſi morbo graſſante maligno in Anthracem degeneret. Sed quoniam Cacochymix ſoboles eſt furunculus, hinc raro ſit, quod ſolitarius erumpat, ſed ferè multis corpus ſcateat, atque inquinetur.

VI. In curatione furunculi, quum humor huiusmodi tumorem efficiens craſſus ſit, impurus, acidocræcis, & aliquando malignus, nunquam Repellentibus utendum eſt, ſed ex ſententia Galeni, & Pauli Æginetæ, furunculus coquendus appoſito Pane maſticato, & in Cataplaſmatis formam redacto; vel Diachylo cum gallinaceo adipe; vel ex C. Celfi præſcripto, Gummi Galbano.

VII. Igitur applicandum mox emplaſtrum diachylum cum gummi; vel quid ſimile facile confici poſteſt, ut Puris generatio promoveatur & acceleretur. v. gr.

℞. Picis navalis, liquidæ an. ℥ij. Gummi Sagapæni ℥iſſ. emplaſtri diachyli cum gummi 3℔. M. F. S. A. emplaſtrum.

Vel ℞. Rad. lilior. alb. rec. ℥ij. caparum ſub cineribus aſſatar. ℥iſſ. fol. althææ, flor. camomillæ, meliloti an. Mj. Coctis in aqua pura, vel cereviſia tenui ad mollitiem, & in mortario contuſis adde Farinæ Secaliginis, mellis virginei an. ℥ij. unguenti Baſiliconis ℥iſſ. vitellos duorum ovorum M. F. S. A. Cataplaſma. Furunculo aperto, & expreſſo omni Pure, vix ulla ultra Curatio neceſſaria eſt. Equidem Puris eductio ut faciliùs fiat, imponendum porro emplaſtrum diachylum cum gummi, cum unguento baſilicone, aut alio quodam mundificativo: poſtea emplaſtrum diachylum ſimplex, vel diapalma.

VIII. Sed malignus ſi ſit furunculus, & ex venedata materia excitatus, malignitas illa, priuſquam applicentur remedia, foras trahatur, admotâ cucurbitulâ cum multa flamma.

IX. Cæterùm ut præcaveatur ne ſæpius ejuſmodi tubercula infeſtent, præcipiunt multi ut nux moſchata mas veſtibus inſuatur. Sed qua vi & proprietate amuletum hoc ab iſtis ſatellitibus immune corpus reddere queat, ſagacioribus expendendum relinquo. *Joh. Munnicks in Praxi Chirurgica.*

Finis Libri Sexti.



JOH. JAC. MANGETI

BIBLIOTHECÆ CHIRURGICÆ

LIBER SEPTIMUS

*De Affectibus & Operationibus Chirurgicis à Litera
G incipientibus.*



ALLICA LUES Vid. *Lues Venerea.*
GANGLIUM.

DE eo videatur caput de Atheromate. Hic tantum observationem adducemus de Ganglio Nemausi mense Novembri ann. 1682. morfu viperæ curato, quam benignè nobis communicavit Clarissimus D. Rivalier, qui illic per plures annos Medicam Artem cum magna celebritate exercuit, nunc verò Patria sua Religionis ergo exul, Lausannæ pro tempore commoratur.

Ganglium in sinistro carpo gerens Pharmacopola Nemausensis, Farie nomine, nullius non generis remedia, ad fastidium usq; per sex aut septem annos, importuno tumori adhibuerat. Fermenta, purgationes, thermas, emplastra, gummi, hydrargirum, omnia frustra. Mactandas aliquando vyperas incautè tranctans, in pollice sinistrae manus commorsus est: sed ita leviter ut nullo affectus dolore, oculorum testium fidem vix sequutus, ictum se fuisse crediderit. Sed cum inceptum opus intentiori animo prosequeretur, nocentissimum, tamen pollicis & brachii, innotescens venenum, serò satis sibi consulendum esse docuit. Jam interiora pervadens, humoribus pestifero fermento coinquinatis, vitales partes adoriebatur, spiritibusque, præ animi terrore, aut ob humorum depravationem, in confusionem actis, apertum mortis periculum impendebat. Per multis igitur Medicis certatim Pharmacopolæ saluti studentibus, multaque promiscuè antidota propinantibus, ipse unam aut alteram viperam super craticula tostam devorabat, inciso sæpius vulnerato pollice, haustisque cardiacis, imprimis verò fale viperarum volatili; ganglio penitus evanescente, terribili periculo perfungebatur.

GANGRÆNA.

De Gangrænâ & Sphacelò, sic accuratissime scribit Gulielmus Fabricius Hildanus Tractatû singulari.

Cap. I. *Quid Gangræna & Sphacelus?*

Bene Cicero, *Omni inquit, quæ à ratione suscipiuntur de aliqua re institutio, debet à definitione proficisci, ut intelligatur, quid sit id, de quo disputatur.* Omisssa autem definitione fluctuat tractatio. Est autem definitionum genus duplex, unum quo rei, nomen declaratur, & nonnihil illustratur: velut cum Etymi ratio adfertur: alterum, quo plenius rei natura & essentia absolvitur. Illam Nominis, hanc rei definitionem vocant Dialectici. De Gangrænâ agentis nominis erit definitio illa latior Etymologica: Gangræna est morbus carnem exedens: siquidem Græca vox γὰγγραινα deducta est à verbo γὰνναι, sive ut Hesychius γὰνναι, hoc est, exedere sive rodere. At essentialis Gangrænæ definitiones plures sunt, apud idoneos scriptores Medicos utriusque ævi: quarum tamen nonnullæ descriptiones potiùs, quàm definitiones. Medicarum definitionum Auctor ait: Gangrænâ esse mutationem coloris naturalis, in colorem præter naturam, & mortificationem, sive adsit exulceratio, sive absit. Galenus sic videtur definire, initium mortificationis in parte egra, quæ paulatim sic invadit & occupat partes vicinas, & adjacentes, ut nisi adferatur remedium, perfecta subsequatur mortificatio. Idem Galenus dicit Gangrænâ esse dispositionem mediam inter summas inflammationes, & Sphacelum, eumque inflammationibus tantò detetiozem, quò mixior est Gangræna Sphacelo. Idem Galenus de Gangrænâ,

quæ inflammationibus accidunt, ait: tum credi membrum Gangrænâ affectum, cum propter summam inflammationem tendit ad mortificationem, nec tamen planè mortuum est, & sensu expers. Alibi dicit, locum centeri Gangrænâ affectum, cum propter summam inflammationem incipit mutari color, & perire sensus, tenditque ad mortificationem. Omnes omnium definitiones, aut descriptiones adferre, infinitum fuerit: superiores satis sint, ceu ex quibus etiam reliquæ omnes derivatæ, ac penè transcriptæ videntur. Nos quidem ut eam Gangrænæ definitionem colligamus, quæ & brevis & accommodata sit omni Gangrænæ, ex quacumque causa ortæ, statuimus Gangrænâ esse principium mortificationis, eamque ut plurimum magnas inflammationes sequi, atque corrumpere partes molles corporis humani; veluti cutem, musculos, venas, arterias, nervos. Vel Gangrænâ esse incipientem & imperfectam supra dictarum partium mortificationem.

Similiter & Sphaceli nobis tradenda est definitio, quandoquidè de eo simul acturi; cum haud dissimilis sit affectio, imò in eam superior sæpius degeneret. Sphacelus igitur sive Sphacelismus & Syderatio Latinis, est plena, perfecta & absoluta mortificatio, non solum supra dictarum partium, simul & ossium (uti sæpius usurpantur apud Hippocratem) verum & cæterarum omnium plus minusve solidarum. Itaque in Sphacelo cutis, caro, venæ, arteriæ, nervi, tendines, & ipsa ossa putrefacta sunt, ac magis magisque putrescunt: quemadmodum Galenus & experientia ipsa testatur. Et in summa, membrum Sphacelo affectum planè mortuum & frigidissimum est. Ideoque Gangrænâ & Sphacelus à Clarissimo. Viro Dn. Jacobo Auberto Vindone, olim Amico meo familiarissimo, quem honoris & amicitia causa hæc nomino, non immeritò inter tumores frigidos numerantur.

Cap. 2. *Differentia inter Gangrænâ & Sphacelum.*

Porrò quamvis ex superiori definitione Gangrænâ & Sphaceli differentia satis manifesta sit: attamen quia nonnulli, & præcipuè hi, qui nondum satis sunt versati in cognitione morbi, & praxi, vocabula hæc adeò confundant, ut ne ipsi quidem seie extricare possint: atque nunc Sphacelum Gangrænâ, nunc Gangrænâ Sphacelum; Nonnulli quoque indifferenter, & sine distinctione tum Gangrænâ, tum etiam Sphacelum, aut Gangrænâ, aut Sphacelum vocitent, atque hoc modo non solum nomina, verum etiam (in perniciem damnumque maximum eorum, & sui ipsorum ignominiam) curationem ipsam confundant, visum est, distinctionem horum affectuum paulò prolixius declarare, atque ob oculos ponere.

Licet autem tum Gangrænâ, tum Sphacelum non ex diversis, sed ex iisdem causis originem trahant, nihilominus tamen non exiguam inter se differentiam habent, & requirit uterque propria sua remedia, atque curandi methodum. Primum dum membrum aliquod emoritur, nec tamen planè est mortuum, sed sensu aliquo adhuc præditum, affectus ille à Galeno alibi; Medicis Gangrænâ appellatur. At quia pars affecta in Gangrænâ, ut plurimum maximo ardore, inflammatione, dolore, tumore, reliquisque signis, calorem ac æstum maximum significantibus afficitur, & inflammatio atque inflatio hæc instar ignis adjacentes partes invadit, rectè Gangrænâ Germanico idiomate, Heissen Brand appellare possumus. Quamprimùm verò inflammatio atque incendium hoc innatum ac ipsum calorem humidumque radicale absumperit, ita quidem ut membrum planè sit emortuum, tum ab Hippocrate, Galeno, aliisque Medicis Sphaceli nomē sortitur. Nos verò, quia in Sphacelo membrum in grescit, ac frigidissimum est, nihilominus tamen (propter putredinem) proximas adjacentes partes invadit, erodit, atque devastat, Sphacelum cum quibusdam Medicis celebribus, Germanicè (Kalten Brand) nuncupamus.

Gangrænâ

Gangræna ut plurimum est in superficie, atque (ut superiori cap. declaravimus) cutem, musculos, aliasque partes molles afficit. In Sphacelo verò non tantum hæ partes molles, verum etiam ossa ipsa afficiuntur. In Gangræna cutis rubet propter inflammationem maximam, in Sphacelo verò fit primò pallida, deinde livida, & mox nigra. In Gangræna nullus adest fœtor, in Sphacelo verò putrescit membrum & pestiferum emitit fœtorem. Interim dum Scalpello adhibito æger sensum exquisitum habet, Gangræna, dum verò nullus amplius adest sensus, Sphacelus, appellari debet. Membrum enim planè emortuum est: cautus tamen hac in re ut sit Chirurgus, necesse est: frequenter enim agri existimant, sensu nondum expers esse membrum, digitos quoque & pedem ut plurimum movent, usque dum tibia ad genu ferè planè sit emortua. Sensus autem ille non verus est, sed fit per imaginationem præcedentis doloris, & Sympathiam partis vivæ cum illa, quæ jam emortua est. Digni quoque & pes moventur, quamvis membrum omnino sit mortuum: propterea quod, dum nervi, & musculi fœmoris, & circa genu moventur, nervos digitorum & pedis quoque movent, & ad se trahunt. Sextò & ultimò differunt Gangræna & Sphacelus curatione. In Gangræna enim totum negotium in hoc consistit, ut præcaveamus, ne putredo aliqua membrum invadat, occupetque, aut si jam adfuerit, ulterius non progrediatur. In Sphacelo verò superfluum est in hoc impendere laborem, quandoquidem pars illa, quæ emortua est, reviviscere non potest, ideoque ut proinus auferatur, sive id novacula & ferrâ, sive cauterio actuali aut potentiali fiat, necesse est.

Cap. 3. Gangræna & Sphaceli causa Universalis.

Gangrænam & Sphacelum definivimus mortificatione, hunc quidem perfectâ, illum autem imperfectâ. Cum autem mortificatio sit vitæ extinctio, ac proinde calidi innati destructio, ut pote in quo vita verissimè consistat, videndum quot modis, & quibus extrinsecis contingat innati calidi extinctio & deperditio. Nam eadem cause, si corripiant membrum, aut partem corporis, prout plus minusque sunt efficaces, pari illi vel Sphacelum vel Gangrænam inducant, ac plerumque ut arguentur, Gangrænam quidem prius, deinde verò Sphacelum.

Non potest autem calidum innatum existere sine humido uno radicali, & Spiritibus fixis in omnibus corporis partibus; Adeò ut graviter læso humido radicali, innati calidi fomite & alimno, læsis item Spiritibus, in quibus tanquam in subiecto insidet, ipsum quoque lædatur innatum calidum. Humidum autem radicale resolvitur, dissipatur & absumitur cibo quotidiano non satis reparatum, & restauratum: vel si occurrat illi alienus calor vehemens & diuturnus; Aut erit missi concreseat, & veluti fixetur, cogaturque acutissimo frigore. Sic etiam Spiritus, qui partibus affixi, ipsum tum humorem radicalem, tum innatum calidum comitantur, possunt vel dissipari, vel suffocari, vel infici. Dissipantur negarâ refrigeratione & recreatione; per influentes Spiritus, qui à partibus primariis continenter communicantur, ac distribuuntur reliquo corpori per nervos, venas & arterias. Suffocantur abundante humore, siquidem innatum calidum assidue ventilationis egens, non potest integrè conservari. Inficiuntur deniq; à materia prorsus maligna, venenata & corrupta. Hinc quæcunque causæ possunt exsiccare, aut cogere humorem radicalem, quæcunque item dissipant, suffocant, aut inficiunt ipsos Spiritus, humoris

radicalis comites individuos, eadem sunt interceptandi ac destruendi innati calidi causæ, ac proinde mortis. Et verò interitus omnis, sive naturalis, sive violentus ad aliquam ex his causis revocatur. Nam verbi gratiâ, qui lenta, aut violenta febris, aut igni, aut fame, aut senio intereunt, illi, herclè, moriuntur ex dissipatione & absumptione humoris radicalis, quæ in his subitò & repenti, in illis fit lentius. Sic & qui rigidissimo algore pereunt, dici possunt interire propter congelatum, coagulatumve humorem radicalem. Qui ex ingenti aliquo vulnere, cum insigni hæmorrhagia vel secus pereunt, illi procul dubio extinguuntur propter magnam dissipationem simul & semel factam. Qui strangulantur, aut submerguntur, vel qui ex hydropse, aut ingenti insignique contusione pereunt, eos verè dicimus mori propter suffocatos eisdem spiritibus. Postremò, qui ictu morsive venenato, aut toxico sumpto pereunt, in his maligna spirituum infectio mortem creat. Quod si totum corpus hoc modo interit, innato calido sic affecto, uti suprâ diximus, si ve penuriâ humoris radicalis, sive etiam inopiâ spirituum cum comitantium, haud dubiè quædam illius partes possunt pariter mortificari, ubi similes defectus innato calido accidunt. Tum enim necesse est illarum crasin & harmoniam dissolvi, sive subitò, sive sensim. His ita constitutis, dicimus membra sive partes corporis mortificari, seu potius extingui posse, ab aliquâ ex his tribus causis. Primò quidem ex vehementi alteratione qualitatis manifestæ, qualis est intemperies calida, frigida, humida & sicca. Deinde ex qualitate occulta, hoc est, materiâ malignâ & virulentâ, sive corpori ingentâ, sive extrinsecus contractâ. Omnino enim huiusmodi materia totâ suâ substantiâ corrumpit innatum calidum, & spiritus interficit. Tertio deniq; cum partes corporis pariter afficiuntur, ex spirituum maximeque vitalium suffocatione, aut interceptione. Atq; hæ causæ dum extinguunt innatum partibus illis calidum, prout sunt magis minusve violentæ, efficiunt in eis primò Gangrænam: deinde si eis non satis rectè occurratur, aut occurrere non possit, Sphacelum. Hæ in universum sunt causæ Gangrænae & Sphaceli; Clarioris tamen doctrinæ gratiâ tres hæc eas tribus subsequentibus capitulis ordine, & paulò prolixius declarabimus.

Cap. 4. Prima particularis causa Gangrænae, altera ratio videlicet vehemens ex qualitate manifestâ, puta intemperie calida, frigida, humida, & sicca.

Si quidem res omnes, auctore Galeno, conservantur proprio calido temperato & naturali, contra externo & præter naturam corrumpuntur, utique pars aliqua diuturnâ inflammatione affecta, per affluxum aut congestionem humoris sanguinei, aut biliosi, desinit tandem in Gangrænam, aut etiam Sphacelum. Nimirum quia humor radicalis à calido extraneo, & præter naturam exsiccat & absumitur, unde & ipsius tandem innati calidi extinctio. Ubi venit id quoties phlegmoni temerè adhibentur frigida, & adstringentia, aut etiam emplastica, à quibus spiritus influentes, ipsumque nutrimentum primò arcentur & repelluntur, ut Fernelius & alii docent, à parte affectâ: ipsisque ad id poris eorundem medicamentorum usui constrictis, humores excrementitii parti impinguntur magis, ac veluti inclinantur; Atque ita obruitur præfocaturque quantumluncunque inest innati calidi. Ideoque non immeritò hac de re nos monet divinus Hippocrates, inquiens: *Frysipelas, & aliud quodcunque corporis malum, ab exterioribus & ignobilioribus partibus, verti ad interiora, ut ad partes principales & nobiliores non est bonum, quin vitæ periculum*

periculum adfert. Nam quicquid est illorum, humorum à quibus *Erysipelas* nascitur, ad partes principes, ut cor, jecur, cerebrum propellitur & protruditur. Ab interioribus autem ad extiora converti *Erysipelas*, & aliud quodvis malum interius effusum, bonum est: evocatur enim ad superficiem cutis superfluous & malignus humor. Adstipulatur & *Avicenna*, cum ait: malignos interdum oriri dolores ex reperiuntium usu, ipsumque humorem sapius intrò pelli, unde pars affecta livida & nigricans evadat, denique computrescat. Quidquid enim transpiratione minimè ventilatur, putrescit faciliè, teste *Galeno*. Cum enim phlegmonis antecedens & continens causa sit sanguis calidus & humidus, quantitate aut qualitate peccans, hic alio quovis humore citius putrescit & corrumpitur; Si reperiuntibus, aut Emplastricis intrò pellitur, aut alioqui retinetur in ima parte affecta: hac ex causa inflammationi plerumque Gangræna succedit. Hic nonnullorum Chirurgorum ignorantia, qui in magnis inflammationibus frigida sua, & emplastrica cataplasmata, ex farina hordei, bolo Armeno, albumine ovorum, aceto, & similibus frigidis, frigidè applicant, meritò est notanda. His enim calidum innatum non solum debilitant & imminuunt, verum etiam ut plurimum extinguunt suffocantque: ita ut Gangræna & Sphacelus necessariò sequantur.

Altera causa, cur ex usu frigidorum medicamentorum in magnis inflammationibus Gangræna sapissimè consequi soleat, est, quòd humidum radicale gelatum, & ineptum ad caloris pabulum factum sit: quemadmodum oleum & pinguedinem frigoris vehementià condensari videmus, ut postea fusiùs declarabimus. Ut autem in inflammationibus adstringentia & emplastrica periculosa, sic & præter modum calida, pingua item & oleosa. Olei enim & similium pinguium usus nusquam inflammationi, teste *Galeno*, convenit. Arterià vulneratà, cutis superjecta coalescit, Et arteria propter continuum motum, & duplicem ac duriusculam, quâ prædita est, tunicam seriùs agglutinatur, & coalescit, ita extravenatur sanguis, & fit tumor Medicis Aneurysina dictus. Tum sanguis ille extraventus corrumpitur, auctoque calore putrescit, unde sapius Gangræna & Sphacelus. Id accidit, quoties improvidè Chirurgus tundens brachii Basilicam, non eam modò, sed & arteriam illi subjectam pertundit. In sectione itaque hujus venæ uti quoque medianæ, adhibenda est diligentia: Basilicæ enim arteria, uti diximus, medianæ verò tendo musculi Bicipitis subjacet. Quare periculosa autem harum partium sit punctio phlebotomià factà, ex sequentibus apparet exemplis. Anno 1587. Genevensi cuidam à barbitonsore incisà basilicà, arteria simul pertusa fuit. Non diu post inflatum, dolore item & inflammatione correptum est brachium, Advocato *Johanne Antonio Saraceno* Medico celeberrimo, ac *Joh. Griffonio* Chirurgo longè ingeniosissimo, inventum est Aneurysina quod in Gangrænam degeneravit. Renuente verò ægro amputationem brachii, intra paucos dies naturæ satisfecit.

Ante annos aliquot Colonæ in arduis *Remundi Ringuli* pharmacopolæ vigilantissimi, puellæ cujusdam ex domesticis à juvene barbitonsore, incisà medianâ, subjecta cauda musculi bicipitis simul puncta fuit. Hinc statim exortus est dolor vehemens, totius brachii inflammatio, & convulsionis periculum. Ego cum Clarissimo & Doctissimo Viro *Dn. Henrico Bottero* Illustris. Juliacenſis, & Montens. Ducis, nec non Illustr. Hassiæ Landgravii Doctore Medico ordinario atque Celeberrimo, vocatus, illam purgavimus, brachium Anodynis inunximus, & ca-

raplasmata ejusdem intentionis applicavimus, venam in malleo incidimus, ita, ut tandem Dei beneficio convaluerit. Hæc ea de causa recensere volui, ut Chirurgus in sectione venatum cautus sit & prudens, ut rectè monuit *Celsus*.

In Articulorum & nervosarum partium vulneribus, & si Chirurgus propter imperitiam, aut negligentiam, vulneris simul & corporis rationem non satis diligentem habuerit, oriuntur dolores maximi, sequiturque inflammatio, inprimis si plenitudo ad vasa, aut ad vires adfuerit, Tandem quoque humor acris, subtilis, & indigestus, quem *Celsus* hydropem & meliceriam, nostrates verò Chirurgi ineptissimo vocabulo *Gliedwasser* hoc est, aquam articulorum appellant, & esse arbitrantur, sed falsò, quemadmodum in tractatu nostro peculiari, de hoc affectu scripto fusiùs declaravimus. Effluit autem humor iste aliquando tam copiosè, uti *Langius* testatur, ut pars ita affecta emoriatur, & Sphacelo corripatur. Insignes contusiones quales ex sclopetorum vulneribus, & aliæ undecunque factæ partium carnosarum, inprimis, si ossa simul fracta fuerint, non rarò desinunt in Gangrænam & Sphacelum; præsertim verò si longo tempore adstringentibus curentur, uti fit ab imperitis. Cum enim impeditur digestio, quæ fieri debet medicamentis calidis & humidis, caro confusa, & sanguis coagulatus faciliè corrumpuntur, tandemque putrescentes ipsum innatum calidum extinguunt.

Accidit etiam Gangræna infantium pudendis, si ve obstetrices, dum ex utero prodeunt, eorum lumbos duriùs attrectaverint, si ve in ipso partu nimium compressi fuerint. Pudenda enim, seu mollia & spongiosa, faciliè suscipiunt sanguinem contusum ac livescens, qui inibi corrumpitur, unde dolor & inflammatio, quæ demùm suffocat innatum calidum, id quod non ita pridem mihi apud diversos infantulos videre contigit.

Enormes ustiones interdum excipit Gangræna, vel etiam Sphacelus, quemadmodum accidisse comperi honestissimæ matronæ apud nostrates Hildanos. Illa enim tempore hyemali, quodam die propter domestica negocia defessà, ad focum sedens, & Syncope correpta, in terram, & una quidem tibia in ipsas prunas cecidit, illamque antequam domestici accurrerent, graviter sibi inussit. At quia hæc matrona obesa valdè & pravis humoribus non parum onerata fuit, secutus est adfluxus humorum, dolor, inflammatio, non diu post Gangræna. Illa nihilominus, Dei beneficio, & medicamentis à me adhibitis feliciter curata, & in integrum restituta fuit. Quòd autem magnæ ustiones interdum in Gangrænam terminantur, hisce fit de causis, primò quia vasa cotrugantur ustione, & constringuntur, sicque via obstruitur spiritibus vitalibus, ut nequeant liberè permeare: secundò, quia humor radicalis partis absumitur, & exsiccat ignis vehementià. Cum enim destituatur innatum calidum humore suo radicali, necesse est partem affectam interire. Est & tertia causa, nempe quod tum empyeuma, tum etiam corrugatio cutis summum accendat dolorem, ac proinde humorum affluxum excitet, quibus in parte affecta incalescentibus, & inflammationem concipientibus, exsiccat humor radicalis, ipsumque innatum calidum suffocatur.

Gingivarum inflammatio maximè in infantibus, in gangrænam interdum degenerat: partim propter abundantem oris illorum humiditatem; partim, quòd non possint ad justam morbi necessitatem medicamenta apponi. Morbus enim magnus, vehemens,

& para-

& peracutus, magna quoque requirit remedia: sed quis illa in ore adhibere ulus? Accedit & alia difficultas, nimirum, quod magnâ illâ abundantia salivæ medicamenta protinus abluantur. Hujusmodi Gangrænas non solum in Scorbuto, verum etiam aliis oris affectibus, & præsertim inflammationibus gingivarum laborantibus, me vidisse memini. Inflammationes quoque internæ non raro desinunt in Gangrænam & Sphacelum: cujusmodi vidimus in ipsis etiam cerebri membranis, ut pater ex sequenti historia. Fufis apud Delphinates Helvetiis Anno 1587. quendam ex eo numero curavi, robustum juvenem, bono habitu, ac capite sauciaturum, hunc in modum. Eufis Helvetici ictu secunda illi fuerat pars ossis parietalis, circiter palmam lata: hæc autem cuti musculosæ adhæserat, suoque loco erat reddita: quin & sanguinis & pilorum interventu concreverat veluti crusta, quæ totam illam partem contegens, impederat, quo minus ulla materia sex diebus totis ab accepto vulnere promanaret. Porro abrasis crinibus apertoque vulnere, inventa est inter partem ossis separati, & duram matrem, plurima materies graveolens simul & ossium tenuia aliquot fragmenta; prætereaque, quod majus est, vermes grandiusculi quatuor aut quinque. Insuper & dura mater denigrata & infecta erat putredine, tam diu insidente. Ager nihilominus convaluit, Clarissimi Jani Antonii Saraceni M. D. Consilio, & Joh. Griffonii Chirurgi longè peritissimi operâ atque industriâ: quibus & ego interfui. Uxor Judicis Oberadenensis ad Coloniam 24. annis scirrhus hepatis laborans, tam multa subinde adhibuit emollientia, ut tandem inflammatione, deinde etiam abscessu maximo in hepate facto, abdominis musculi & cutis labem, ac demum etiam exulcerationem sentierit. Adhibitus in consilium cum Domino Arnoldo Mantio Medicæ facultatis in Colonienfi Academia Professore primario, deprehendi maximum tumorem in hepatis regione, paulò ante ruptum, quàm advenissemus, cum tanto fatore, ut nihil supra. Inibi excitatum est ulcus ingens, ex quo plurima materies sanguinolenta, subtilis & graveolentissima, simulque plures omenti particulae, ut & hepatis loborum, planè sideratae: unde paucis post diebus obiit. Ex quibus perspicuum fit, scirrhosis tumoribus emollientia non esse adhibenda, quemadmodum Galenus de simpl. Medic. facultat. lib. 5. c. 1. rectè monuit. Nec solum scirrhosi tumores internarum, verum etiam externarum partium, ex usu emollientium exasperantur, & in caneros convertuntur, ut in meis Observationibus variis exemplis demonstratur.

Filio meo septenni accidit magna ex cerebro defluxio in ureteres: unde urinæ obstructio tanta, ut ne guttula quidem permeare posset, & quantumvis ritè variis adhibitis remediis, sextâ die obierit. Inciso apertoque abdomine coram Clarissimo Joh. Stortano M. D. inventi sunt renes cum vicinis partibus inflammati, & Gangrænâ correpti. Cæterum cum hîc de inflammatione renum sermo sit, sequentem calum exoticum, qui mihi à Clarissimo Domino Dn. Bartholomæo Mercklino Medico Palatino & Laugingano longè celeberrimo, & amico meo singulari studio observando, per epistolam communicatus fuit, in gratiam Studiosorum rerum rararum hîc inferere vilum est. Renum, inquit, frustra, pollicis magnitudine, per virgam maximo tormento & dolore excreta vidi in Archimagiro Dillingano, Seitz dicto, Anno 1593. tandem tamen 14. Julii mortuo. Testes oculati sunt heredes, inprimis Chirurgus peritissimus Dn. Michaël Bechtoldus Dillinganus, qui perpetuò ipsi adstuit. Hact. Mercklinus.

Nobilis quidam sexagenarius Dyfentericus, eum quinta die morbi vitam cum morte commutasset, & venter ipsius à Dn. Claudio Chapusio Cheirurgo celeberrimo apertus fuisset; intestina undique Gangrænosa reperta fuere, procul dubio propter ingentem inflammationem. Historiam hanc ipsemet Dn. Chapusius ad me scripsit Anno 1615. die 25. Februarii. Aperui olim corpora ex Iliaca passione defunctorum, in quibus omentum & intestina tota Sphacelo tenebantur: ex his fœtor gravissimus vetuit penitus morbi causam indagare Breviter; nulli non corporis parti Gangræna potest accidere. Biliosis quoque inflammationibus, ut pote Erysipelati aliquando succedit Gangræna: sed inprimis quando frigidis adstringentibus, & emplastricis medicamentis calor ille adventitius intro repellitur. Hinc extincto calore nativo, & absumpto humido radicali, emoritur pars ita affecta. Pingua quoque & oleosa, ut Galenus testatur, hîc minimè ex usu esse debent, ut antea quoque monuimus.

Hactenus de Gangræna ex intemperie calidâ: nunc de iis, quæ ex altera activa intemperie, nempe frigidâ oriuntur, agendum. Talis ea est, qualis qua sæpè extremæ partes corripuntur, dum summa vi frigoris humor radicalis & spiritus adeò frigescent, ut cogantur atque concrecant, quomodo pinguedo, oleum, & ipsa aqua frigore densantur & congelantur. Humore radicali sic indurato, calido innato suum deficit alimentum: adde quod externum frigus spiritus devios ad interiora pellit. Tum verò natura novos spiritus, parti affectæ subsidiarios mittit, qui quidem malè compositam partis harmoniam nacti, illicò ad suam originem recurrunt: atque ita pars affecta calido proprio destituta, interit. Idem usu venit hyeme iter facientibus per nivem, glaciem, & aquam frigidam, maximè in regionibus algidis, Alpibus inquam, Islandia, Norvegia, Livonia, & cæteris Septentrionalibus, quippe iis in locis frequens, ut Olaus Magnus & alii testantur, hyemè mortuorum ex frigore occurfus. Plurimis extremâ concidunt aurium, narium & digitorum.

Hîc memini, me Anno 1588. mense Decembris cum Clarissimo, & longè celeberrimo Viro Dn. Jano Antonio Saraceno Medico Regio, curasse Comitem Mansfeldium, cui Gangræna ex frigore utrumque pedem invaserat; unde & digiti aliquot perierunt: attamen brevi perfunctus est. Curabam quoque tum temporis supra quinquaginta Equites & milites Germanos, hoc ipso morbo, ex eadem causa contracto, laborantes: ex quibus complures restitui, nec tamen sine tibiarum aut pedum, manuumve detrimento. Eo tempore (proh dolor!) dissipatas magnas illas Germanorum nostrorum in Gallia copias, hostis in Sabaudiam usque ita persequabatur, ut plerique miseri è natis amnibus, aliisque locis nivolis superatis, vitam fugâ redimere cogerentur. Eadem ex causa paulò post obierunt plerimi Lipothymia, Syncope ac sudoribus frigidissimis; alii verò Gangræna & Sphacelo correpti. Hos interim boni Genevenses (quod com memorare juvat) benignè & Christianè amplexi sunt, nonnullos Xenodochio suo, alios privatis ædibus excipientes, illque liberaliter Medicos & Chirurgos suos adhibentes, ac inter cæteros præstantissimos Viros, Janum Antonium Saracenum Med. Doct. & Johannem Griffonium Chirurgum longè præstantissimum: Sed & plerisque sanitati restituri, & in patriam remigrantibus suppeditare tum etiam vestimenta, quoniam spoliati nudatique veniant.

Medicamenta Narcotica, velut Opium, Cicuta, Hyosciamus, Mandragora, temerè inflammationibus adhibita, videntur cogere humorem radicalem, ipsumque adeò innatum calidum extinguere, quod & ipsius aquæ frigore usu venire observavi. Siquidem Anno 1591. sub Canicula Hildenæ in patria, puella, Sophia nomine, laborans febris continuâ, eâque ardentissimâ, dum die Critico sudore & calore summo æstuat, deducitur ab imperita quadam fœmina è lecto ad puteum: hinc haustâ situlâ frigidissimâ (qualis est ferè puteorum id temporis) immersisque manibus ad frigus captandum, statim exortus est dolor, quodcunque aqua attigerat, cum tumore, cui paulatim successit livor. Propinqui neglectis remediis initiò salutariibus, post octavum demum diem, me consuluerunt deprehendi dextram puellæ ad carpum usque vesicis lividis extuberantem, extrema digitorum arida, & ferè siderata: adhibitis tamen scarificationibus aliisque idoneis remediis tantum effeci, Deo sic favente, ut tota propemodum manus conservata fuerit, exceptâ primâ digitorum articulatione. Altera verò manus initiò quidem tumore doloreque affecta fuerat, sed postmodum omnem malignitatem in dextram quasi deposuerat. Vixit puella usque ad annum 1607. mensem Augustum: obiit peste Hildenæ apud Rev. Virum Dn. Joh. Klee Sleidanum, ejus loci verbi divini Ministrum fidelissimum, cujus per annum integrum fuerat ancilla. Is mihi affirmavit, illam omnia opificia rusticana quàm optimè & absque impedimento peragere, imò & nêre potuisse.

Et si qualitas humida patiens potius est, quàm agens: tamen (ut supra cap. 3. attigi) spiritus insiti humorque radicalis, & cum his innatum calidum, possunt ab ea suffocari. Itaque quoties pars aliqua corporis, ac potissimum tibiæ, & pudenda insigni aliqua intemperie frigidâ & humidâ, eâque diurnâ, conflictantur, facilè possunt Gangrænâ & Sphacelo prehendi. Verùm hæc Gangrænæ species vix aliis accidit, quàm qui diutius morbo aliquo laboraverint, velut hydrope aut alio quopiam gravissimo partium internarum affectu. Neque verò existimandum, solam per se id genus intemperiem, partem extimam occupantem, inibi Gangrænâ efficere: at præcipua causa innati calidi, spirituum item & alimenti penuriæ adscribenda. Ista enim morbi diurnitate & acerbitate plurimum imminuuntur, maximè in partibus intimis, & organicis; adeò ut partes remotas iis tandem destitutas necesse sit interire, ut sæpius hydropticis accidisse memini; præcipuè si adsuerit scirrhus tumor in hepate. Is enim, ut rectè docet Valleriola, *Vasa delationis sanguinis ocludit, ita ut sanguis bonus ad partes inferiores deferri minimè possit. Unde fit tandem, ut insigniter refrigerata parte Gangrænâ enascatur.*

Sic & pudenda cum sint vicina hepatis emunctoriis, prætereaque suapte natura, rara & mollia, facilè imbuuntur humoribus serosis, quibus redundantibus suffocatur innatum calidum, haud secus, ut exigua flammâ aquâ copiosâ injectâ facilè restinguitur. Quòd si quis imperitus admo-verit Emplastica, ut fit interdum, tantò citius accidit ipsa suffocatio.

Ex eadem causa Gangrænâ in ore infantium oritur, quotiescunque humor serosus ex capite copiosè extillat, & gingivas palatumque occupat, uti accidit iis, qui cerebrum præter modum humidum habent, aut hydrocephalo tenentur.

Et si sicca difficilè corrumpuntur, est tamen Gangrænæ species, quæ non nisi ad intemperiem siccam revocari potest: & nihil est aliud, quàm absumptio humoris radicalis atque exsiccatio, & quasi marcor venarum & arteriarum, ex eo contingens, quòd nullum accipiant à partibus organicis sanguinem: hinc enim fit, ut cum innatum calidum, & spiritus insiti non alantur & foveantur ampliùs sanguine naturali & vitali, necesse sit partem sensum emori, quomodo lucerna oleo aut ignis ligno deficiente restinguitur. Hæc Gangrænâ solis corporis extremis partibus videtur accidere, præsertim digitis, tibiis, & pedibus eorum, qui morborum vi extenuantur, & contabescunt; verbi gratiâ, febrium tam acutarum, quàm diuturnarum, atrophie, phthiseos, & similia internorum affectuum. Idem senio, aut longâ diuturnaque fame confectis evenit. Nam & his partes intimæ & organicæ, cum extremis sufficientem sanguinem & spiritus suppeditare nequeant, non vasa modò, sed & ipsas integras partes excari necessum est. Sed & partibus destitutis humore radicali innatoque calido, sensum accenditur calor præter naturam, qui quidem eas corrumpit & putrefacit.

Majorum item articulationum, puta scapularum aut coxendicum luxationibus (sive à causa externa & violenta, sive ratione affluxus humorum & viscosorum humorum fuerint) malè restitutis, sequitur atrophia, & macies brachii, aut tibiæ: cum quia mucoris copia frigiditate sua obstructionem parit, atque adeò impedit, ne nutrimentum illuc deferatur, tum etiam, quòd caput ossis suo loco motum comprimat ipsa vasa, prohibeatque, quo minùs sanguis & spiritus ad partes subjectas deferantur, unde atrophia. Quòd si hujusmodi ægri ad senilem ætatem pervenerint, aut longiori morbo confectentur, tandem ferè in Gangrænâ discrimen incutunt. Idem accidit obstructâ venâ cavâ, ut ante aliquot annos observavi. Quidam alioqui bono temperamento præditus, & ætate integra, incidit in Gangrænâ utriusque tibiæ, latente causa, nisi quod antea tibiæ & pedes assidue frigebant, ingravescabant, & quasi stupore tenebantur. Ut ut sit, illi supervenit Gangrænâ, nulla præcedente febre, aut causâ externâ: ita paulò post obiit, oborto ad usque genua Sphacelo. Aperto cadavere, invenimus tumorem scirrhusum circa venam cavam descendantem, nempe intra renes, ubi hæc vena ad utramque tibiâ bifurcatur. Scirrhus in magnitudinem auctus, ita constrinxerat venam cavam & arteriam, descendentes, ut nullus sanguis ad crura nutrienda & vivificanda permeare posset. Hæ igitur duæ posteriores Gangrænæ species possunt quoque ad spirituum interceptionem, seu causam referri. Brevitati studens taceo cætera similis Gangrænæ exempla, quæ habeo. Ex superioribus autem omnibus colligo omnem intemperiem posse esse causam Gangrænæ: nec ita tamen, ut omnis intemperies necessariò in Gangrænâ degeneret, sed ea tantum, quæ & vehemens est, & diuturna, aut contra artis præcepta tractatur.

Cap. 5. *Secunda particularis causa Gangrænâ, nempe alteratio vehemens ex qualitate occulta.*

SUpra de Gangrænâ, quæ oriuntur ex qualitate manifesta, hoc est, ex intemperie aut calida, aut frigida, aut humida, aut sicca: sub quibus etiam compositas complectimur; quando

raro sola & simplex intemperies occurrit, ut annorat *Galenus*. Nunc tradenda est altera causa, qualitas videlicet occulta, idè sic dicta, quod non agat in corpore calefactione, refrigeratione, humectatione, aut exsiccatione manifesta, quemadmodum superiores intemperies, sed modo quodam occulto, & mentibus nostris impervestigabili, subito corrumpat corporum substantiam, ut fit in Gangrænis compluribus. Unde intelligimus, quàm sapienter *Hippocrates* divinum quiddam inesse morbis pluribus dixerit. Quamvis autem in Gangræna à medicamentis septicis, aut à morfu ictive venenato, potest plerumque notari causa aliqua manifesta, nempe intemperies: est tamen præterea quiddam aliud peculiare, & supra naturam ac mentes humanas, quod vel mediocriter in Chirurgia excercitaris licet animadvertere: Quibus optimè cognitum est, quàm sævissima symptomata ex minima portione Arsenici, aut Mercurii sublimati, vix granum hordei adæquante, ulceri alicui in crure, pedibus, manibus, aut digitis imposita, non raro suboriri, omnesque partes corporis, inprimis principes, commovere atque alterare soleant. Ita enim partes nobiles petit, ut in cerebro delirium, in corde lipothymiam excitet: calefactâ deinde à venenosa ipsius qualitate massâ sanguinis intemperies calida in toto corpore & Febris, quin etiam nausea & cibi fastidium, eructationes, aliaque symptomata suboriuntur, ut *capite 13.* fusiùs declarabimus.

Porro materia huiusmodi malignitate comitata, aut corpori innascitur, aut extrinsecus advenit, ex morfu ictive virulenti animalis, aut ex adhibitis septicis. Ingenita causa dici potest, verbi gratiâ, cum grumus aliquis sanguinis extraventus, aut alia quævis materia corruptione tantam venenositatem & malignitatem adsciscit; ut postea, si naturæ vires tulerint, in extremitates excussa & translata, inibi suffocet innatum calidum, adeoque brevi partes eas perdat atque corrumpat. Tale quid observavi in rustica puella, ad Dusseldorpium. Huic enim peste antea conflictatæ, cum persanata videretur ab omnibus suis symptomatibus, puta bubonibus, carbunculis, febris, &c. subito tantus exortus est dolor in utriusque pedis digitis, ut syderati fuerint illicò; adeoque ad ultimam usque articulationem amputandi fuerint. Quo facto, & adhibitis remediis, tandem convaleuit. Verisimile, reliquam illi fuisse à pestilentia materiam quampiam malignam, quam velut per crisi naturam in extremitates excusserit.

Idem vidimus in minùs malignis, ut in Variolis, naturâ cricicè exonerante materiam penitus malignam in extremitates & articulos: unde & ipsa ossa cariola evaserant. Huius rei exemplum singulare videre licet *Observ. mearum Chirurgicarum 80. Centuriæ primæ.* Vidi in sævissima pestilentia, quæ Noviliam Germaniæ, & quidem Archiepiscopatus Colonienfis Oppidum infestavit, aliquot Anthraces, qui, si quam partem carnosam invaserant, uti clunes, femora, scapulas, mammas muliebres, ejus bonam partem intra horas 24. ita stupefacerent primùm, ac deinde etiam planè corrumpere, ut tandem pars tota excideret. Age, quis valeat tantæ malignitatis causam reddere? Et verò omnes pestilentes carbunculi, quoniam momento partis; quam occupant, nativum calorem extinguunt, malignitatem abdiram & occultam, quæ totâ substantiâ agit, in sese continent. Nonnunquam in fine morbi alicujus acuti materia quædam venenosa & maligna ad pedem descendit, ibique

calorem innatum extinguit, harmoniam partis destruit, & Gangrænam inducit, cuius rei exemplum mihi communicavit Clarissimus & doctissimus Vir Dn. Janus de Burgo Medicus celeberrimus, uti lector videre poterit. *Observat. 3. Cent. 3.*

Anno 1587. Nobili cuidam Orbatì Helvetiorum Dn. Johanni Tomaceto, Viro Genere & Virtute, inprimis verò pietate verè Nobili, & mihi famigliari, idem accidisse memini. Is enim, cum ex febre continua & acuta curatus esset, & paulatim vires suas recolligeret, post duos menses dolore acutissimo in ipsa planta pedis sinistri correptus fuit, cui mox inflammatio, Gangræna, & Sphacelus sequebantur. Dn. Jacobo Auberto, & Dn. Abrahamo Marellò, apud Lausannenses Medicinæ Doctoribus longè celeberrimis, in consilium adhibitis, & ad poplitem amputato crure, brevi convaleuit, & ad hunc usque annum 1616. optima valetudine fruitur. Ex ligno autem grallam in formam curris tam elegantem effingi atque fabricari curavit, ut ab altero cruce vix discerni possit, tibialibus enim & caligis grallam illam quoque induit, imò & ocreis quando equum conscendere animus est. Post Dysenteriam puero cuidam idem accidisse, lector in 4. Centuria Observationum nostrarum videre poterit.

Ad hanc quoque causam revocanda Gangræna ex morfu & ictu bestiarum venenatarum. Quamquam enim quarundam venenum est calidum, puta viperæ & pastinacæ Marinæ, quippe quod calidam intemperiem isti parti inprimat: aliarum verò frigidum, proindeque sanguinem in venis congelans, uti Scorpii & Aspidis venenum, habent tamen particularem quandam & occultam vim putrefaciendorum humorum, & inficiendorum spirituum. Idem constat ex rabidi canis morfu. Equi & leonis morsus nonnullis venenatus creditur, ob gravissima, quæ ciet, symptomata: sed dixerim potius has belluas ceu longè robustissimas, vi sua contundere, & conterere musculos, venas ac nervos, imò & ipsa ossa interdum: unde acutissimus dolor & inflammatio, ac tandem Gangræna & Sphacelus, ex vehementissima (uti credo) contusione; non quod venenum ullum latere comperiat. Si enim morsus horum animalium per se venenosi essent, tum parva vulnera, non minùs ac magna, essent periculosa, quemadmodum in morfu canis rabidi fieri videmus; ubi minimum quidem vulnus, si neglectum fuerit, mortem infert. Contra verò in prædictorum animalium moribus, vulnere ingentia, præcipuè ubi ossa simul sunt fracta, tantummodò periculosa, exitiosaque esse, & aliquando in Gangrænam degenerare, experientia testatur: idque præcipuè si fracturæ nimis arctè ligatæ fuerint, ut sequens historia fidem facit. Cuidam in Belgio brachium ab Equo morsum fuit, cum maxima contusione, & ossium fractione. Fractura à barbitonsore repositâ & arctè nimis ligatâ, post paucos dies brachium inflammatione & Gangrænâ correptum fuit, ut in nostris Observationibus fusiùs declaravimus.

Luporum morsus venenatos tradit *Carolus Stephanus* in venatione luporum, quia quæ momorderint animalia ægrè sanentur, ac sæpenumero demorsæ partes computrescant. Hanc opinionem etsi aliàs in dubium vocaverim, rationi tamen consentaneam esse, & morsus hujus feræ aliquid venenosi vulnere imprimere, ac post se relinquere, ante annos aliquot experientia me edocuit, quemadmodum in quartâ Centuria Observationum mearum exemplo quodam memorabili demonstrabo. Deinde leprica, inprimis

Arsenicum,

Arsenicum, Sandarachia, Asiæ petreæ flos, aqua fortis, ol. vitrioli, & hujusmodi, temerè admota locis calidis & humidis, verbi gratiâ, ori, emunctoriis, pudendis, & infantium carni molliculæ, fœminarum itidem & eorum, qui in otio degunt, aut sedentariam vitam agunt, creant interdum Gangrænam & Sphacelum. His enim occulta vis ex tota sui substantia liquandæ & putrefaciendæ carnis, cujus vapor dum ad partes principes fertur, spiritus inficit. Memini, ut antea quoque monui, cum vix granum Arsenici, quantumvis aliorum mistione correctum, applicatum esset ulceri tibiæ, subinde accidisse deliquia, Syncopen, febrem, delirium, & inquietem, ex quibus symptomatis facilè erat conjicere, tres partes corporis primarias, cerebrum, cor & jecur labem aliquam sensisse, transmissâ nimirum Pharmaci malignitate per arterias, venas & nervos. Sic mihi retulit Clatissimus Dn. Janus Antonius Saracenus Medicus Regius, Genevæ intra paucos dies sublatum robustissimum Helvetium, cui, cum tumore cancroso ad carpum laboraret, Chirurgus quidam alioqui doctus, & in arte sua versatus, pulverem ad cancrum, qui recipiebat Arsenici tantillum, quòque aliàs in ulceribus putridis & malignis, non tamen cancroso, feliciter usus, adhibuerat. Liquefactâ enim, & putrefactâ carne vi arsenici, venenum simul & vapores putridi & maligni à carne liquata & putrida per arteriam, quæ in carpo est, ad cor ascendere facilè potuerunt. Monitos etenim velim Chirurgos, ne hujusmodi medicamentis septicis & venenosis, nisi summa cum prudentia & moderatione utantur.

Cap. 6. *Tertia & ultima causa particularis Gangrænæ; nimirum interceptio spirituum.*

Tertia & ultima causa particularis Gangrænæ est interceptio spirituum, sanguinis & alimentari, quoties videlicet arteriæ ac venæ quacunque causa obstruuntur, ita quidem, ut spiritus illi & sanguis nequeant permeare, fovendo partium humori radicali, & innato calido, unde necesse sit eas interire. Tale quid nimiam frequenter accidit, dum Empirici, & cæteri improvidi homines, arctius luxatos artus ossave fracta constringunt. Sic enim dupliciter peccant: Primò, quia majore copia, quam par sit, sanguis & reliqui humores ad locum affectum attrahuntur, quemadmodum videre licet in venarum sectione, nisi enim arcta atque stricta ligatura injecta fuerit, sanguis vix adfluet effluetque. Secundò constringuntur vasa, putà venæ & arteriæ inprimis per istam ligaturam, hinc fit, quòd nihil humoris aut sanguinis in partem affectam influere aut effluere possit. Necesse itaque est, ut sanguis, sive extravenatus, sive quovis alio modo corruptus, aut alteratus fuerit, in parte affecta inclusus atque incarceratus remanere cogatur. Idèd Hippocrates aliique veteres non solum vetant, in his curationibus tam arctis vinculis fasciisve constringere partem affectam, sed & ferulas ante septimum aut undecimum diem apponere. Hoc tempore enim dislocationes & fracturæ ossium, affluxu humorum, dolore, inflammatione, aliisque symptomatis inprimis sunt obnoxia. Prohibetur quoque spirituum & alimenti ad partem quampiam læsam transitus, quoties luxata pars superior perperam restituta est. Tum enim os, quod ex sua sede naturali excidit, vasa veluti venas & arterias, comprimit, impeditque, quo minus spiritus vitalis, sanguis item pro nutritione permeare

possint, sequiturque atrophia, extenuatio, ac sæpissimè Gangræna, atque mortificatio. Idem accidit quotiescunque schirrosi tumores circa vasa magna indurescunt, eaque vasa constringunt. Multò verò facilius pars aliqua Gangrænâ atque Sphacelo corripitur, si vas aliquod insigne, veluti arteria, aut vena, per transversum abscissum fuerit. Immoderato quoque usu adstringentium, quæ practicis Denfensiva dicuntur, interdum adèd constringuntur vasa, ut inhiuantur, arceanturque spiritus & alimentum; refrigeranturque simul & semel insiti parti affectæ spiritus, ut elanguida tandem fiat, & sæpe occupetur Gangrænâ & Sphacelo.

Ex interceptione spirituum animalium, *Avicenna* Gangrænâ oriri statuit. Hunc sequuti neotericorum nonnulli, Gangrænâ paralyticorum ex interceptione spiritus animalis provenire arbitrantur. Verùm Gangrænâ hanc ex interceptione spiritus animalis simpliciter non fieri, in ipsis paralyticis apparet, quos indies videmus paralyti corripì, ac per multos annos laborare, Gangrænâ tamen inde non subsequi. Gangrænâ enim & Sphacelum ex alimenti, & spirituum vitalium penuria, interceptione, corruptione, suffocatione, &c. fieri, luce meridiana clarius est: At alimentum hoc, & spiritus vitalis, à corde & hepate per arterias & venas, non autem à cerebro per nervos partibus infuit. Potest itaque pars aliqua corporis vivere, & calore suo naturali prædita esse, interim tamen sensu, & motu, aut utroque carere; quemadmodum in paralyti fieri cernimus. Quomodo autem in paralyticis fiant Gangræna & Sphacelus, ex sequenti observatione facilè colligere licet: quæ etsi in observationibus nostris commemorata fuit, non erit tamen contra scopum, si eam hîc summatim recensuero. *Jürgen von Bonsuel* vir robustus, altitudine sedecim pedum in terram cadens, paralyti ab umbilico ad pedes ipso momento correptus fuit. Ego tertio die morbi vocatus, invenio ipsum maximis doloribus ventris affectum, quòd à principio morbi neque urinam neque alvum exonerasset. Exhibitis suppositoriis & clysteribus, urinam reddidit, & alvum exoneravit, dolor cessavit, sed urina guttatim extillavit, nec excrementa retinere potuit. Ego ex consilio D. *Cosmi Slotani* Illustrissimi Clivensum, Juliacensium, Montensium, &c. Principis Archirurgi, illam, quam potui, diligentiam adhibui: nihilominus tandem Gangræna nates invasit, quas necesse fuit dissecari, ita ut 25. die à morbo contracto è vita discesserit. Causam autem hujus Gangrænæ non paralytin, sed decubitus, & exstillationem urinæ fuisse, rationi consentaneum est. Urina enim, quæ guttatim effluebat, & quæ propter decubitus in dorsum excalefacta & acris reddita fuit, cutem exulceravit, hinc secuta est inflammatio, atque affluxus humorum. At quia corpus à lumbis usque ad pedes, suo spiritu animali, ac proinde facultate sentiendi destitutum erat, redditum fuit grave & immobile. hinc propter decubitus in dorsum, & molem corporis, nates continuo compressæ, excalefactæ & ab urina & excrementis humectatæ fuerunt, inde Gangræna & Sphacelus; quod mirum nemini videri debet. Vidimus enim sæpissimè in diuturnis morbis, coccygem non solum ulcerari, verùm etiam Gangrænâ corripì, ut *Observatione 3. centur. 1.* fusius atque exemplo declaravimus.

In Enterocæle sive hernia intestinorum fit quoque Gangræna, interceps spiritibus & nutrimento, cum intestini pars aliquantisper intra scrotum continetur, quæ flatuum & excrementorum copiâ plurimum distenditur, in ipsis autem rupti peritonæi relaxati angustis ita arctè comprimitur, ut spiritus & alimentum intercludantur; sic enim necesse locum Gangrænâ & Sphacelo prehendi, quemadmodum sæpissimè mihi videre contigit, præcipuè in Nobili matrona Margarita de Glersse, quæ septendecim annorum spacio insigni hernia laboraverat, Anno 1597. verò torminibus maximis correpta, intestinum in abdominis relaxationem cum doloribus maximis, inflammatione, febre aliisque gravissimis Symptomatibus impulsus est. Ego tandem vocatus, inveni dextrum inguen Gangrænâ affectum: adhibitis tamen remediis convenientibus, caro putrida, & callositas rupturæ exciderunt. Excrementa quoque intestinorum per ulcus excernebantur circiter menses duos; ægra tamen divino favore, mirantibus adstantibus, tum ab ulcere, tum etiam à ruptura optimè sanata fuit, nullâ relictâ fistulâ ut *Obs. 55. Cent. 1.* declaravimus. Recensuimus & alia exempla *Observ. 72. ejusdem Cent.* quæ Lector ibi videre poterit.

Corripit & talum Gangræna, qualem nuper observavimus in Ornatissimo Viro Dn. *Henrico Balbani*. Quoties enim propter fracturam, vulnus ulcusque tibiæ pes diutius erectus insistit talo, inde talus contunditur & comprimitur, atque ex ista contusione & compressione, tandem oritur primò inflammatio, dolor & affluxus humorum; secundò comprimuntur ex ista situatione tibiæ venæ atque arteriæ, quæ ipsum crus & tibiæ pulpam decurrunt, ita ut spiritus & sanguis nequeant liberè ad talum penetrare. Huc quoque facit assidua tibiæ extensio, per quam distensus etiam vasis innatum calidum, & sanguis nequeunt descendere in partem affectam, unde tandem ea frigescit & interit. Eâ porro distensione vasorum posse frigescere partem affectam ex eo intelligitur, quod equitando per frigidam tempestatem, si pedes diutius intra fulcra pedum equestris contineantur, frigent impensissimè: sin extra fulcra propendeant, per se ocyus incalescunt. Sanguis enim & calor nativus patentibus ipsis vasis, illico ad pedes recurrunt: Videat itaque Chirurgus, ne tibiæ confractas aut vulneratas diutius talo insistere permittat; sed nunc in hanc, nunc in illam partem disponat.

Cap. 7. Signa Gangrænæ ex intemperie.

Verissima est sententia ab *Hippocrate* prolata: Medicus si quidem suffecerit ad cognoscendum, sufficere etiam ad sanandum. Tanta enim cognitionis morbi est necessitas, ut sine eâ methodica curatio institui non possit. Si enim prima cuandi indicatio à morbi naturâ sumenda, Medicus ut morbi notitiam habeat, necessariò sequitur: id quod passim *Galenus* in libris meth. med. aliisque in locis fusiùs demonstrat. Quicumque verò Medici aut Chirurghi in hac parte Medicinæ non satis sunt edocti, atque exercitati, multos gravissimosque circa ægros committunt errores, ut in observationibus nostris de quibusdam Chirurgis, qui tumorem cancrosum à Phlegmate, & cicatricem ad papillam cum ungula non distinguebant, aut potiùs inter se non cognoscebant, annotavimus. Sic accidit D. *Elie Banqueto*, Paterniacensi Senatori, is inflammatione hepatis cum maximis doloribus & torminibus ventris correptus, incidit in manus pharmacopolæ, qui eum colicâ laborare arbitrabatur, quapropter furfures avenamque in sartagine calefactam, & in sacculum projectam loco do-

lenti applicuit: hinc dolores, febris, vigiliæ, atque symptomata adeò aucta sunt, ut de vita periclitaretur. Quibus verò remediis Dei singulari beneficio sanatus sit, lector ex 2. centur. observat. 48. Chirurgic. videre poterit. Recensere hæc historias breviter visum est, ut iis tyrones ad studium Semeioticum invitarem. Ut itaque hujus tam magni tamque gravissimi morbi Chirurgus plenior notitiam habeat, signa ordine recensebimus, & quidem à Gangrænâ ex intemperie calida, ut quæ omnium est frequentissima, incipiemus.

Signa autem Gangrænæ ex inflammatione sive intemperie calida sunt hæc: dolor pulsans, qui præcessit cum inflammatione, multò remissior est; Mutaturque rubicundus inflammationis color in pallidum, fuscum; & livescens. Exoriuntur & pustulæ grandiores plenæ ichore, loturæ carniū simili. Hæc autem omnia contingunt, quod locus affectus tendat ad mortificationem, sanguinisque & calor partim recurrant ad centrum & originem suam, cor & jecur, partim corrumpantur. Inde enim pallor in parte affecta, remittitque dolor pulsantis, qui ante exitit, ex elevatis propter conflictum innati calidi cum calido, præter naturam vaporibus humorum putrescere incipientium. Nisi verò superatur præsentis remedio morbus, revocato innato calido ad partem affectam, & expulso eo calore, qui est præter naturam, evacuatisque simul & semel humoribus jam corruptis, tum quoque desinit arteriarum pulsus, quia spiritus non transmittitur, aut si transmittitur, invenit partem tam malè affectam, ut ab ea recipi nequeat. Sic deficiente spiritu vitali, pars oppletur excrementis & humoribus unde ea mollescit & relaxatur; atque adeò si comprimatur, remanet impressum vestigium, ceu à comptesso œdemate; Quod tamen vestigium difficulter, & nonnisi tractu temporis propter spirituum & caloris nativi penuriam in altum elevatur. Denique sensus nervorum minuitur, ut tandem secari, vellicari & uri possit locus absque ægroti sensu, aut perceptione distincta. Hujusmodi res accidit Nobili fœminæ Colonienſi, cuius tibiæ Gangrænâ affectæ tria aut quatuor cauteria actualia applicui, coram Clarissimis Medicinæ Doctoribus D. D. *Heinrico Bottero* Illustrissimi Principis Juliacenſis, Clivenſis, Montenſis, &c. & illud str. Langravii Medico, & D. D. *Job. Kuento Bridbachio*. Tantum verò abest, ut conquereretur de cauteriorum unctione, ut contra subinde exprobraret, à nobis applicatam nivem, glaciem aut frigidissimum quippiam; Erat enim tempore hyemali. Hæc privatio sensus non Gangrænæ tantum, sed & Sphaceli, adeoque imminentis mortis signum est longè certissimum; Eo quod putredo tanta venis, arteriis & nervis concepta est, ut inde non minima portio ad partes principes deferatur. Hanc quoque ob causam febris acutissima cum syncopè; dolor capitis, delirium, vomitus etuctationesque, aliaque & pessima & graviora symptomata, & oriuntur & augentur.

Signa Gangrænæ ex flava bile ortæ, à superioribus non multum discrepant, nisi quod in his inflatio aut tumor non æquè ac in phlegmone sit magnus. Pustulæ quoque minores sunt, sed plures in numero, ex quibus aqua, quæ effluit, multò subtilior, magisque flavescens, quàm in pustulis ex phlegmone ortis, cernitur.

Gangrænæ ex frigore facile est indicium. Ex frigore enim subitò magnus dolor oritur pungens & mordax, ac initio rubor scintillans, eo quod cutis meatibus, frigore contractis, calor abundè concurrat.

concurrit, atque in ipsa parte retinetur: aut paulo post locus ex rubeo fit lividus & frigidissimus, frigore depellente sanguinem, & innatum calidum, adeoque refrigeratis & dissipatis insitis spiritibus. Itaque pars privatur motu & sensu, accedente horrore, sive tremore, qualis solet quartanam præcedere. Præterea ex ipso ægro scire poteris, utrumne nives, aut aquas frigidiores trajecerit, ex quibus frigus contraxerit. At si tam diuturnum sit frigus, ut loci innatum calidum nequeat amplius resistere, superveniet Sphacelus, & omnimoda mortificatio. Frigidum enim ossibus, dentibus, nervis, cerebro, spinali medullæ (utpote quæ sint aut ex semine, aut exiguo calore præditæ) adeoque vitæ nostræ, quæ quidem in calido humidoque temperatis consistit, adversissimum & inimicum esse, nos docet Hippocrates.

Signa Gangrænæ ex intemperie humida sunt hæc: Locus jampridem affectus fuit ingenti tumore, aquis & humoribus serosis, ac œdematosus referto, ita ut compresso digito, relictum sit vestigium atque fovea, quæ tamen paulatim denuo in pristinam altitudinem elevata fuit. Æger præterea est debilis, macilentus, cachecticus, imò etiam plerumque hydropicus. Talis ferè Gangræna pudendis & tibiis accidit, nullum tamen antea dolorem magnum passus est æger. Neque enim humida intemperies dolorem gignit, nisi extensione ob ingentem humorum copiam. Attamen membro extinctioni proximo, dolores acerbissimi, non secus ac in aliis Gangrænæ speciebus, ut plurimum supervenire solent: tum quia humores illicò ex corpore ad partem affectam confluunt, atque sensus organa, membranas scilicet, nervos & tendines distendunt; Tum quia propter putredinem maximam, calor præter naturam exoritur, ex quo dolor augetur. Postremò arteriarum pulsus desinit, livescitque locus, ac sensus paulatim imminuitur, deperditurque. Malum hoc, si faucibus & gingivis acciderit, quemadmodum aliquoties in pueris evenisse observavi, tunc genæ antea simili tumore œdematoso affectæ fuerunt. Puer ut plurimum cachecticus est, aut hydrocephalo laborat.

Gangræna ex intemperie sicca, deficiente videlicet alimento, eò primum cognoscitur, quòd nullus adsit dolor, inflammatio tumore ab initio, deficiente nimirum affluxu sive copia sanguinis, aliorumve humorum, inflammationi conficiendæ paratorum. Deinde hæc Gangrænæ species accidit corporibus macilentis, infirmis, & extenuatis, sive senio, sive diuturno & gravi morbo quorum, vires elanguidæ, alimentumque absumptum est. Tertio, pars statim à principio refrigeratur, ac stupefit, eò quòd spiritus animales, vitales, & nativi in ea minimè vigeant. Quarto hæc Gangræna extremis accidit, puta tibiis & pedum digitis plurimum, aliàs etiam manuum digitis, extremo naso, & auriculis. Interim æger morbum vix sentit: at ubi tandem exoriuntur pustulæ, aut bullæ aquâ rufa plenæ, quarum ima pars, si exciderit, conspicitur livida, nullo aut exili sensu, cum acutissimi dolores, febris aliaque symptomata ut plurimum superveniunt, arteriarumque motus & pulsatio sistitur: ut plurimum, inquam; Aliquando enim totum ferè crus, in hac specie Gangrænæ, quæ ex intemperie frigida & sicca, sive penuriâ alimenti & spirituum, ortum habet, absque dolore emortuam fuisse observavi. Præcipuè autem in Dn. Jacobo Marquardo, Archigrammate Moratenfi, huic cum in decrepita ætate frigus molestum, & stupor in crure sinistro exortus esset; Gangræna secuta est. Ego cum tandem Anno 1611. 5. die

Septembris advocatus essem, tum crus in ipsam suram usque Sphacelatum, & instar carbonis nigrum, frigidum item & rigidum inveni: dolor tamen nullus, neque ab initio morbi ad illud usque tempus adfuerat: & vix alteratio in pulsu percipi potuit, uti fusiùs in 4. cent. *Observationum mearum (chirurgicarum)* declarabitur. Henricus Smetius Comitiss Palatini ad Rhenum, & Electoris Medicus ordinarius; ac longè celeberrimus, mihiq; familiaris, hac de re observationem singularem in suis miscellaneis habet, quam hinc in gratiam lectoris adscribere placuit. Wesaliæ in principatû Clevensi, inquit, coriarii cujusdam Galli uxor, alterum pedem aridum, nigrum, absque tumore emortuum, nempe syderatum, aut sphacelatum, sine ullo motu, aut sensu aliquamdiu gestaverat, absque separatione à parte sana, quam tamen multò post factam intellexi, & speciem linguæ, bovillæ fumo indutæ, præ se tulisse.

Cap. 8. Signa secundæ speciei Gangrænæ, nempe ex qualitate occulta.

Quantum ad Gangrænas ex qualitate occulta, videat Chirurgus, ut eas diligenter, & accuratè distinguat à Gangræna ex frigore aut intemperie sicca: quia, ut dictum est, si intemperies in causa est, symptomata interna, puta febris, syncope, deliria &c. obscura erunt, nec priùs sese patefacient, quàm pars extima corruptionem capefat: At si qualitas occulta, materia videlicet maligna corpori ingenita, quam ab intimo corpore ad extimas partes depellat natura, tum erit ingens naturæ cum morbi causâ conflictus: unde etiam subito febris, alteratio, syncope, nausea, eructationes. Postea verò pars extima, in quam humor malignus atque pestiferus decubuit, primò livida, postea nigra fiet, tandemque emoriatur.

Sin Gangræna fuerit ex morfu, aut ictu bestię venenatæ, aut carbunculo pestilenti, aut septicis alicujus applicatione; Id per se faciliè & ægri, & adstantium sermone intelligi potest. Et ut paucis multa comprehendam: Si Gangrænæ materies innata sit corpori, symptomata interna apparebunt primò, antequam Gangræna sese patefaciat: sin extrinsecus aliunde advenerit venenata materies, contrà eveniet.

Cap. 9. Signa tertiæ & ultimæ speciei Gangrænæ, ex interceptione spirituum.

Signa Gangrænæ ex spirituum interceptione, maximè ex arctiore ligatura in fracturis, & luxationibus hæc sunt: Pars prætumida est, dura & distenta, nempe quia constrictione illa plurimus sanguis, alique humores evocantur, qui vehementes dolores faciunt, & inflammationem. Exoriuntur etiam bullæ majusculæ, ichoris plenæ, loturam carniū representantes. Præterea pars affecta ingra-vescit, & fit immobilis, quia deficiunt spiritus: ex eadem etiam causa impressi digiti vestigium in ipsa parte remanet, ipsaque cutis à carne diduci videtur. Distenditur & nonnunquam pars flatibus, ita ut si contrectes, non aliter crepiter, quàm vitulina caro, quam lanus suo flatu impleverit. Si pungas scalpello, exit flatus, cum humore paucò stridens, haud secus atque cum ex ferrentis ollæ angustio foramine quidpiam effunditur. Hæc omnia sigillatim Colonia Agrippinæ observata Anno 1595. cum à me ipso, tum à clarissimo & celeberrimo Viro Dom. Johanne Kueni, Breidlachio

Breidbachio Med. Doct. in famulo ornatissimi Dn. *Gualterii à Prato*, p. m. compatriis mei longè clarissimi, Denique ex agro ipso etiam poterit resciri, num quod ingens valnus acceperit, ex quo vasa, arteriæ nimirum & venæ, per transversum secta fuerint: aut num luxatio malè fuerit restituta, utrumve adstringentia emplastra diu gestaverit.

Cap. 10. *Signa Sphaceli.*

T Ribus præcedentibus capitibus signa Gangrænæ diversa notavimus, prout ex caulis quoque diversis orta erat: at Sphaceli quantumvis è diversis orti causis, illa planè eadem. Nam sive ex calida, sive ex frigida, sive ex humida, sive ex sicca deniq; intemperie, aut ex ipsa spirituum interceptione oriantur Sphaceli, omnes sunt inter se simillimi, hoc uno excepto, quod in Sphacelo ex qualitate occulta, graviora cernuntur symptomata, febris, inquam, syncope, delirium, &c. quàm ex causâ manifestâ, sive fuerit intemperies, sive interceptio spirituum.

Sphaceli autem signa sunt. 1. Pars affecta multò quàm ante gravior est, ita ut æger etiam vix, aut omnino nihil possit movere; idq; propterea, quòd spiritus, sanguis, & cum eo calor natus & vita, non amplius in partem affectam influant. 2. Rubor & genuinus color depereunt, fitq; pars livida, atra, graveolens, instar cadaveris. 3. Pars antea, dum vigerat Gangræna, mollis, per Sphacelum exiccatur. 4. Cutis apprehensa & digitis in altum sublata videtur à carne deduci. 5. Sensus exquisitus & perfectus nullus amplius adest, ita ut facile sit secare, ligare, urere, & quamlibet operationem moliri, citra sensum ægri. Quod si quid æger sentire videatur, id profectò non aliunde accidit, quàm ex prioris doloris phantasia, aut ex operationum, quæ fieri debent, apprehensione. Præcedentis enim doloris tanta apud ægros est efficacia, ut non solum ante abscissionem membri, quantumvis jam planè emortui, & revera omni sensu destituti, verum etiam per multos menses, imò annos post abscissionem, ingentes pati dolores sibi imaginentur, cujus rei exempla Lector in secunda Centuria Observationum mearum videre poterit.

Quod ad motum extremorum, qui diutissime perstat, prudens Chirurgus propter eum non differet amputationem. Cum enim muscoli caput movetur, ejus cauda nempe tendo motum eum sequitur: Sic cum moventur tibiæ muscoli, pedis insequuntur digiti, quamvis fortè ante quatrimum mortui sint digiti. Prudenter igitur hac in parte ut agat Chirurgus, atque tum saluti ægri, tum existimationi suæ consulat, necesse est. Quapropter quamprimum cognoverit digitos pedum, & manuum emortuos esse, præsentibus adstantibus & familiaribus, agro tamen inscio, emortuas particulas, novacula undique pungere & secare debet, ut nullam amplius adesse vitam, amputationemque pernecessariam esse, cuncti adstantium agnoscere possint. Porro etsi Sphaceli signa quædam cum Gangræna sint communia, veluti color lividus, gravitas, sensus depravatio &c. ea tamen in Sphacelo, quàm in Gangræna evidentiore, & longè vehementiora visuntur.

Cap. 11. *Prognostica Gangræna & Sphaceli.*

Cognitâ Gangrænâ & Sphacelo, antequam Chirurgus curationem aggtediatur, prospicere debet, quis morbi futurus sit exitus, utrumne sanabilis sit, an etiam diuturnus futurus. Omnes enim morbos sanare impossibile, teste *Hippocrate*, quamvis illud optabilius foret, quàm prælagire imposteriorum evenitura. Atque id, cum fieri nequeat, Medicus ut utra-

tur providentiâ necesse est. Significare itaque Chirurgum oportet ægri familiaribus, quis futurus sit morbi eventus. Quia autem malum hoc aded grave, ut plerumque de recuperandâ valetudine, nulla amplius supersit spes, quæstio est, sint ne desperati attingendi, necne? Nonnulli ex antiquis, quibus nomen divinum retrusum, absconditumq; fuit, desperatos relinquendos esse voluerunt: idque illam ob causam, ne infamentur præsidia, quæ multis aliis profuerunt, neve videatur Medicus eum occidisse, quem fors peremit. Ego verò Christianam charitatem aliud nos jubere, planeque inhumanum esse, ægrum sine artis auxilio derelinquere, assero. Quòd si tamen Chirurgus affectum planè insanabilem esse cognoverit, cavere debet, ne ea, quæ præstare non potest, promittat. Hoc enim faciunt non viri boni, artisque periti homines; sed Empirici, atque impostores, qui lucrum proprium potius, quàm salutem ægrorum quærunt. De periculo itaque ac immedicabili malo admonitis amicis, atque adstantibus agro, si illi rogent, invocato prius auxilio divino, suscipienda est curatio, talis quidem, quæ si morbum tollere non queat, ejusdem tamen acerbitatem atque tyrannidem, quantum eudem fieri potest, refrenet, doloratque leniat, demulceatque. Idq; præcipue in eum finem, quò æger in ipsis quoq; mortis angustiis Deum creatorem, atq; Jesum Christum Salvatorem suum acclamare, peccata quin etiam sua, & antea vitam suam miserrimum statum, simul & mysteria salutis suæ, rectè perpendere, tandemq; vitæ suæ finem piè imponere possit. Quis enim hominum hæc præstare poterit, quis peccata sua enumerabit, si corpus doloribus acerbissimis, extorqueatur, si vigiliis, inquietudinibus, nauseis, aestu febrili, aliisque gravissimis symptomatibus, quæ dolorem veluti umbra consequuntur, vires prosterantur, mensque simul & intellectus invertantur? Atque hæc prima & præcipua est causa, cur desperari in nimè relinquendi. Accedit & alia causa, nimirum quod sæpissime observatum sit, derelictos, & pro deploratis habitos, adhiberi diligentiam Medici, in integrum restitutos fuisse. Tertiâ causam addit Amplissimus ac Doctissimus Vir, Dn. Petrus Pavius Anatomicus & Botanicus longè celeberrimus, amicus meus singularis. Nam vel hoc, inquit, mortem accelerare agro possit, à Medico ac Chirurgo se deferi si animadvertat. Sunt itaque attingendi, non autem relinquendi desperati: de eminenti tamen periculo, ut antea quoque monui, prius factâ prognosticatione; quæ hic simul & in omnibus morbis gravissimis necessaria est; quandoquidem quæ ex arte fiunt prælagia, primò Medicum, ut docet *Galenus*, à mortis crimine vindicant. Tanta enim est imprudentia, ne dicam impietas, apud indoctum vulgus, ut si quando res pro voto non successerit, & mala, ut *Hippocratis* verbis utar, malis necessariò superaccidant, omnem culpam, imò & causam mortis in Medicum transferant. Si verò prædixerit Chirurgus, quæ superveniunt egro, tum nihil illi ab egro, aut adstantium turbâ, utpote qui ex arte omnia, quæ supervenerunt, prædixerit, imponi poterit, omnique prorsus culpâ vacabit. Secundò, reddunt prælagia ægros obtemperantiores, & magis atque libentius, ut *Hippocrates* docet, se concedunt Medico. Percipiunt enim egri Medicum penitus agnoscere naturam morbi, ac proinde symptomatibus, quæ ventura sunt, atque periculis obviam ire posse confidunt.

Porro bene prædicturus, atque prognosticaturus Chirurgus, tria consideret, primò Essentiam atque naturam morbi, hoc est, gravis sit, an levis; secundò vires ægri, aut vegetas, aut imbecilles; tertio partem ægram. Nam si levis est morbus, &

quidem in membro à partibus principibus remoto veluti in brachiis, aut tibiis, vires autem vegetæ & firmæ, facillè sanabitur. Sin omnes hæ conditiones, aut earum pars contra sint, æger in vitæ, aut diuturnioris morbi periculo, versabitur. Verùm hæc fusius & accuratius declarantur hunc in modum. Gangrænâ, authore *Celfo*, si nondum planè tenet, sed adhuc incipit, curare non difficillimum est, præcipuè in corpore juvenili. Attamen summa diligentia & industria desideratur; corpus itidem vegetum, ac robustum esse par est; alioquin frustra nūllente Chirurgo desinet Gangræna in Sphacelum & eum quidem insanabilem, authore *Paulo Aegineta*, nisi tota pars vitiata amputetur, atque separetur.

Gangræna in partibus humidis, gingivis, palato, naribus, pudendis, osculo uteri, & intestino recto, rarè sanabilis: in Sphacelum autem degenerans insanabilis: propterea quòd partes illæ sint & humidæ, raræ, spongiosæ, adeoq; plurimis humoribus, & excrementis suscipiendis opportunæ. Præterea verò ipsum innatum calidum, cum facillè succumbat in illis partibus, eo etiam citius suffocatur.

Gangræna partium internarum, jecoris, lienis, renum, &c. non solum periculosa, verùm etiam lethalis est, quemadmodum quarto capite exemplis nonnullis declaravimus. *Quibus cerebrum Sphacelatum est, intra triduum pereunt: Si verò hoc superaverint, sani fiunt*, inquit, *Hippocrates*. Tum enim sperandum est morbum declinare, & vires esse validas, quæ corruptionem vincere possint. Attamen *Galenus* in commentario istius aphorismi negat, *Hippocratem* intellexisse, quem nos Sphacelum vocamus, sed Gangrænâ potius, aut ingentem aliquam inflammationem: atque ita Sphaceli nomine priscis Græcis dictam interdum Gangrænâ testatur. Si enim: inquit *Galenus*, *Sphacelus est corruptio partis cujusque quam is occupat, insanabilis est*: at *Hippocratis* Sphacelus sanabilis est nonnunquam. Non est ergo verisimile eo loco pro priore significato accipi Sphacelum, sed pro Gangrænâ potius verè dicta, quæ est quasi via ad Sphacelum, & illius velut anteambulo.

Gangræna hydropicorum tibiis superveniens, rarè sanabilis, sæpiusque in Sphacelum degenerat. Quod si releverit æger, restabit tamen ulcus, non nisi longo tempore sanandum, teste *Hippocrate*. Cum enim non sanentur ulcera, nisi exactè prius desiccata, quod in hydropicis fieri nequit, propter nimiam humiditatis copiam, necesse est hydropicorum ulcera difficillè sanari, quamdiu saltem eorum corpora ita affecta sunt.

Perniciosa est talis Gangræna, propter symptomata, quæ secum invehit, ratione magni tendinis, acutissimo sensu præditi. Quod si os tali corrumpitur, ut plurimum æger pedis actionibus privatur: tum quia corruptio ea non nisi difficillimè corrigi potest: Os quippe molle & spongiosum cum sit, facillè humores allicit, & combibit, qui cariem augent ac fovent: Tum quod tendo ille à talo veluti solvitur, atque ita divellitur, ut ipsius pedis motum deperdi necesse sit.

Sphacelus à pede, aut tibia ortus, indeque genu ipsum transcendens, lethalis ut plurimum: pars enim illa femotis carnosâ, putredo facillè serpit, & in musculos ita sese insinuat, ut nequeat penitus tolli, quantumvis tibia ipsa amputetur.

Gangrænâ ex causâ primitiva, puta contusione, ulatione, fracturâ, &c. ferè sanabiliores, & minùs periculosæ, quàm quæ ex antecedente causâ ortum ducunt. Hujusmodi enim Gangræna interna viscera testatur adèò malè affecta, ut medicamentis vix ullus sit locus.

Gangræna ex siccitate, & atrophia, difficile & tardè sanabilis: in Sphacelum verò desinens penitus insanabilis est & lethalis; maximè si æger sit proVectioris ætatis, debilis, & macilentus, morbus autem in tibiis sit, & pedum digitis. Id enim extremam siccitatem arguit, quæ insanabilis est, *Galenus*.

Gangræna ex qualitate occulta perniciosissima, ac plurimum deplorata & lethalis, præcipuè si in Sphacelum transeat: siquidem ex partibus Sphacelo affectis virus, sive vapor quidam venenatus attollitur, qui partes nobiles planè inficit.

Gangrænâ ex prohibitione ac interceptione spirituum vitalium, & naturalium, ac potissimum quæ luxationibus malè restitutis superveniunt, & quæ à vasis transversis sectis proficiuntur, difficillimè sanantur; in Sphacelum verò degenerantes, lethales. Rei causam præcedentibus capitibus declaravimus.

Gangræna quoque, uti & alia vulnera, quemadmodum doctè ostendit clarissimus Dn. *D. Pavius*, loco præallegato, pag. 63.) æstate superveniens, periculosior, quàm quæ hyeme. Primò, quòd innatus calor alacrior, & plus possit hyeme quàm æstate. Secundò, æstivi aëris nos ambientis æstus evocat, dissipatque nativum corporis calorem. Tertiò minùs periculi est à calamitosis, quæ æstivo tempore supervenire solent, symptomatibus.

Ulcus in Gangræna & Sphacelo considerandum quoque diligenter. Nam si sit lividum & aridum, aut nigrum & aridum, parum aut nihil egerens materiæ, pro magnitudinis ratione, inclinent autem ægri vires, certa mors intra paucos dies expectanda: quippe adèò immutatur alitrix facultas, ut nequeat amplius transmittere sanguinem, aut alimentum parti affectæ, sed eam siccare sinat. Quod si qua fortè materies corrupta inerat corpori, antea evacuari solita per ulcus, cum sit facultas expultrix infirmior, quàm ut valeat transmittere, & propellere ad partes remotiores, ea manet in corpore, & partes primarias lædit: unde interim & ipsum quoque ulcus siccum & aridum conspicitur.

Ex Gangræna, & imprimis ex Sphacelo moribundis, plurimum adest frigidus sudor universalis: si ve quia totum corpus ita abundat humoribus frigidis, ut neque nativo, neque febrili calore possint incallescere: si ve quia natura vel juxta *Hippocratem*, perquam imbecille est. Accidunt quoque syncope & cordis palpitationes, exhalatis ad cot vaporibus putridis. Interim pulsus obscurissimus & vermiculans est, propterea quòd arteriis vaporum copia oppletis prohibentur diastole, & systole. Adsunt quoque deliria, & paraphrenitides propter vapores copiosos sublatis ad caput, & cerebrum offendentes. Ut autem Gangrænâ variæ sunt causæ, ita & varius est ex ea morientium status. Alii enim veluti sopiti moriuntur, alii etiam inter loquendum: plerosque tamen comitantur acutissimi dolores, spasmi, deliria, &c. Quibus enim Gangræna orta ex intemperie sicca, aut quibus ætas grandior, & extenuatio multa, hos ferè mors opprimit loquentes. Quibus autem Gangræna ex intemperie calida, ferè morte violenta perimuntur, quam comitantur febris, syncope, deliria, paraphrenitides & spasmi, præsertim si juvenis, & robustus æger fuerit. Contrà quibus intemperies humida in causa est, hi somnolenti, & sopiti pereunt. Hujus rei exemplum Anno 1604. Paterniaci in sexagenario Viro Dn. *Philiberto Ruerat* ibidem Patricio, & Senatore Prudentissimo, mihi videre contigit. Is enim desperata hydrope laborans, cum suo & adstantium desiderio, atque efflagitatione maxima, crura (non tamen sine prognosticatione de futuro atque præsentis periculo) scarificassem, ad tempus quidem levamen aliquot

aliquot percepit, quin etiam tussicula, quâ antea laboraverat, multum immutata fuit, tandem nihilominus Gangrænâ correpta fuerunt crura, ex qua 12. Novemb. Anno 1604. quasi somno & sopore correptus, placidissime & pie naturæ satisfecit.

Cap. 12. Gangræna curatio universalis.

P Robè cognitâ Gangrænâ, ac de ea prudenter prognosticatione factâ, ad curationem deveniendum est, ea verò in remediis tum universalibus, hoc est, Gangrænâ, cum aliis morbis communibus, tum particularibus consistit. Universalia sunt; verbi gratiâ, diætâ, evacuatio corporis, adhibitis purgationibus, phlebotomiâ, cucurbitulis, frictionibus, &c. Particularia traduntur scarificationes, cauteria, sive potentialia, sive actualia, & quæcunque hujusmodi putredini & malignitati repugnant, caloremque nativum, ac humidum radicale refocillant, atque instaurant, de quibus *infra* fusiùs. In administrandis remediis universalibus accuratè perquirenda est causa antecedens sive interna; ut ab ea sumatur prima curationis indicatio. Nam si Gangræna proficiscitur ab influxu humorum calidorum, & humidorum, oportet diætâ, & sex rerum non naturalium usum tendere ad refrigerandum, & exsiccandum: si verò adfuerit febris (rarò autem occurrit Gangræna, quæ non sibi adjunctam habeat febrem) tum diætâ paulò humidior præcipienda est ægro, juxta illud *Hippocratis*: Victus humidus, adde & frigidus febricitantibus ut contrariis confert, præsertim pueris, & qui tali victu uti consueverunt, consuetudo enim consimilibus indiget, naturam imitans. Eadem quoque victûs ratio convenit, si materia calida & sicca fuerit. Purgatio siquidem erit necessaria, perficietur Cholagogis, uti electuariis Diascebesten, Diaprunis, solutivo Mesuë, de succo rosatum, syrupo rosato solutivo simplici, & compos. cum rhabarburo, agarico, & sem, casta, manna, & similibus, Phlebotomiâ, & cucurbitulæ, hirudinumque applicatio conducibilis, cum ad revulsionem, & derivationem, tum ad humoris peccantis evacuationem, præsertim in Gangrænâ ex affluxu sanguinis. Venæ sectionem enim, ut docent celeberrimi Medici, præscribimus, ut morborum incrementum impediamus, inflammationes vitemus, meatus aperiâmus, transpirationem liberam reddamus, peccantem materiam minuamus, corpusque refrigeremus. Illa autem vena secanda est, ut *Galenus* docet, quæ ab ipsâ affecta particula sanguinem celeriter avertat: inprimis si præter affectum externum interna inflammatio quoque adfuerit. Cæterum etsi nonnulli etiam in non plethoricis, non secus ac in plethoricis corporibus, venam secare jubent, in ægris tamen Gangrænâ laborantibus, cautè hac in re agendum est. Si enim Gangræna ex intemperie frigida & humida, veluti in hydropicis acciderit, venæ sectio vix locum habebit. Multò minùs adhibere convenit, si Gangræna ex intemperie frigida & sicca, aut propter penuriam alimenti vel etiam propter senectutem decrepitam, originem traxerit. Sin mera bilis flava, hoc est humor cholicus præ aliis abundaverit, phlebotomiâ parcendum est: quippe sanguis veluti frenum humoris biliosus est. Hinc fit, quod *Galenus* in erysipelate & herpete venam minimè secandam, sed corpus à flava bile potiùs purgandum esse doceat. In erysipelate tamen phlegmonoso venæ sectionem rationabiliter adhiberi posse *Tagaultius*, & alii testantur. Sed quia hac de re apud classici auctores variæ sunt opiniones, nec cuivis Chirurgus datum: ut possit distinguere, an sola bilis prædominetur, an verò alios sibi adjunctos habeat humores, perquam necesse est,

Bibl. Chirurg. Tom. II.

ut Medicum in consilium quoque adhibeat æger, quò omnia ritè & cum præmeditatione adhibeantur. Unum tamen ut sciat Chirurgus (non enim semper sibi adjunctum potest habere Medicum) necesse est: nimirum si in facie fuerit erysipelas, & suffocationis periculum, sanguinem detrahendum esse. Cum enim erysipelas, non tantum ratione qualitatis humoris, & sanguinis, verum etiam suæ qualitatis, vehementissimas inflammationes excitet, insignem refrigerationem requirit. At refrigeratio illa, quàm periculosa sit in facie, etiam tyronibus notum est, quandoquidem refrigerantium, & repellentium vi, materia ad partes nobiles, in primis ad cerebrum, protrahitur. Quapropter non solum Topicis, verum etiam victûs ratione, internisque medicamentis corpus refrigerandum est, & enemate exoneratâ alvo, sanguis ex brachio lateris dolentis detrahendus; & quidem copiosè, ne inflammatio in Gangrænâ transeat. Id enim cuidam fæminæ 24. circiter annorum ætatis, in pago Puilli propè Lauhanam habitanti, quin advenerit, parum abfuit. Huic cum anno 1615. mense Aprili materia quædam catarrho-fa in dextram partem faciei decubuisset, & circa labium superius pustula cum ingenti dolore exorta fuisset, octava die morbi me accersivir. Tum totam faciem, imò & ipsam linguam & collum adeò intumefacta inveni, ut vix cibum, aut potum deglutire posset. Febris aderat continua, nausea, & capitis dolor. Inflammatio erat maxima, cum quadam lividitate, & ita quidem, ut nihil aliud, quàm Gangrænâ in proximis esse, & de vita periclitari ægram vereretur. Curationem porro sic institui, laxatâ alvo, venam in cubito dextro pertudi, & ad uncias decem. (erat enim plethorica) sanguinis extraxi, mox sequens cataplasma applicui.

R. Sempervivi minoris
Geranei ana M.j.
Farinæ hordei ℥iiij.

Commisceantur diligentissimè in mortario, fiatque cataplasma, addendo aquæ rosarum q. s. applicetur tepidè. Eadem nocte meliùs habuit: postera die corpus cholagogo expurgavi, tenuissimamque victûs rationem præscripsi. Primam potiunculam propter colleviem pravorum humorum in ventriculo collectorum, cum evomisset, sequenti die illam iteravi; idque maximo cum successu. Intra paucos dies enim summâ cum admiratione adstantium pristinæ sanitati restituta fuit.

In Gangrænâ ex qualitate occulta venæ sectio vix locum habebit. Verendum enim esset, ne maligna illa qualitas ab externis partibus, ad partes nobiles raperetur, mortemque acceleraret. Quapropter sanguis præcipuè in plethoricis, scarificationibus, sanguisugis; cucurbitulisque ex parte affecta potiùs, quàm alibi incisâ venâ, evacuandus est. Quod si Gangrænâ jam in Sphacelum abierit, maximaque putredo adfuerit, eandem ob causam venæ sectionem vix administrare licebit, quemadmodum capite 18. declarabimus.

Porro siderum adspectus, an in venæ sectione observandus, inter se discrepant Medici. Alii enim inquit *Horatius Augenius*, dies quosdam infaustos & infelices observant, tum pro purgatione, tum etiam pro venæ sectione. Quam opinionem ab Ægyptiis proditam fuisse, idem *Augenius*, post *Guidonem* & alios testatur: & *Ptolomæus* hæc habet verba: *Membrum* inquit *ferro ne percussio, cum luna signum; quod ei membro dominatur, obtinet. Hac enim totum corpus humectat; præcipuè verò membrum signo subjectum, quod tunc ipsi percurrit, cuius profectò largiore humectatione magnum illi nocumentum adferatur, si ferro tunc ictum fuerit. Hæc Ptolomæus, cui & nonnulli ex neotericis*

adstipulantur. Apud *Hippocratem* verò & *Galenum* ne verbum quidem de hisce observationibus Astrologicis me legisse memini. Legimus apud *Galenum* suo tempore vixisse Medicos, qui ante tertium diem morbi venam non secabant. Non quidem ratione siderum, sed ut dignotionem aliquam haberent, qualis sit forma & morbus, totaque suâ naturâ morbus. Hi Diatritarii appellabantur contra quos *Galenus* disputat, loco præallegato, tandemque hæc addit verba. Quoniam verò, inquit, temporis progressu in plurimis morbis virtus exolvitur, ideò mittendi sanguinis occasio dierum numero amittitur. Hæc si quis ad observationes Astrologicas quoque referre velit, meo quidem iudicio à via recta minimè aberrabit. Dum enim benignum vultum siderum expectamus, occasionem, quæ præceps est, amittimus. Quapropter non immeritò *Horatius Augenius* loco antea citato hæc protulit verba: Ego, inquit, nihil conferre ejusmodi observationes non rarò sum expertus, & meritò quidem. Primum, quia cælum universalis est causa, quæ non agit, nisi causæ particulares bene dispositæ fuerint: tum etiam deinde quia Astrologiæ judicia plurimum incerta sunt, varia, ambigua, suosque opifices illudentia, ob diversitatem proximarum causarum. Idcirco in agro homine temerè eam admittimus, cum plurimum urgeat occasio. Hactenus *Augenius*. Hujus quoque sententiæ fuisse insignem illum Philosophum ac Medicum *Levinum Lemnium*, patet ex libro ejus 4. de occultis naturæ miraculis c. 15. ubi hæc habet verba: Ceterum cum luna decursus magnâ ex parte damna ac detrimenta corporibus infirmis & valetudinariis inferat, in controversiam, ac disputationem vocari possit. An in ea parte qua consistit ac moratur luna, incidenda: nam in hac re plerique meticolosi sunt, nec tale quiddam tentare audent, etiamsi morbus urgeat, atque hujusmodi præsidium confestim exposcat. Ego verò intrepidè, magnæque subsidii, morbi quoque propulsandi fiducia, maturè id aggreddendum iudico: acuti enim celeresque morbi, nullas admittunt inducias, nullas moras, aut deliberandi spacia: sed ut hostis in bello, ut incendium in adibus, pestis in urbe, in agro ac segete rubigo & depopulatio grassantur atque in perniciem properant. Nec quis etiam deterri debet, aut ab incepto desistere, etiamsi adverso, aut maligno fidere id teneri videatur. Sic in pleuritide; angina, pulmonis atque hepatis inflammatione, neglecta astrorum anxia observatione, ac siderum adspèctu, maturè ad venæ sectionem properandum, etiam in ea membri parte, quam luna occupat. Plura hac de re lector videre poterit apud *Arnoldum de Villa nova*, *Guidonem*, *Ioubertum*, & alios.

In extirpatione morborum Gangrænâ affectorum, cum imperitis de electione signorum cælestium, non rarò mihi certare quoque opus fuit; etiamsi periculum quàm maximum in mora esset. Sed laus sit Deo, qui semper mihi suâ gratiâ ita adstitit, ut etiam in gravissimis operationibus, & in diebus infauis (ut loquitur vulgus) imò & in ipsissimo membro, cujus signum tunc Luna obtinebat, administratis, omnia tamen ad votum successerint. Et sincerè dico, ne minimam quidem alterationem post venæ sectionem, aliasque operationes contra regulas Astrologicas factas, unquam secutam in tota praxi mea me observare potuisse. Videant igitur tyrones, ne ab instituto faciliè deterreantur. Si enim præclara illa lumina *Hippocrates*, *Galenus* & alij, quos citavimus, observationes illas Astrologicas flocci fecere in venæ sectione: quantò, quæso, minùs in aliis quamplurimis gravissimis periculosissimisq; operationibus, ubi minimè procrastinandum, & benignus aspectus siderum expectandus, locum habebunt? In peracutis enim morbis vel purgandi, vel venam secandi opportuni-

tatem à cælo petendam non esse, docent viri docti.

A vino quoque, cerevisiâ generosâ, & calidis omnibus, abstineat æger: bibat verò Prisanam, cui sint incocti Tamarindi, Oxalis, addito syrupo citriorum, aut de succo limonum, de acetosa, aurantium acetosorum, granatorum, & similium. Aut utatur decocto Agrimonie & veronice cum suprâ dictis syrupis, emulsionibus seminum frigidorum, & lac amygdalarum, hinc summopere conveniunt.

Sin ex causa frigida & humida sit morbus, diætâ, & sex rerum non naturalium usus vergent ad mediocrem calorem & siccitatem. Quamobrem addantur in cibis rosamarinus, hyssopus, thymus, majorana, cinamomum, macis, crocus, & similia. Apozemata quoque alterantia, & obstructions opetientia exhibenda sunt. Postea pituita purganda electuario Indico majore, & minore, diaturbith, diaphanico, diacarthamo & similibus, pro ratione ægri, ætatis & virium. Tandem quavis arte corpus à pravis humoribus evacuandum, & exsiccandum. Partes item nobiles, imprimis jecur, trochiscis de thabarbaro, de eupatorio, diatrithod. Abbatis, confectio alkermes, & similibus roborandæ sunt. Venæ sectionem quoque nisi particularis aliqua occasio intervenerit, non usque adeò hinc, propter hepatis ut plurimum imbecillitatem approbare possum.

Prædominante humore melancholico, siue atra bile, abstineat quoque eger à cibariis crassioribus, & concoctu difficilibus, salitis & fumo exsiccatibus carnibus, piscibus, aromatis, leguminibus, ferinâ, avibus aquatilibus & similibus. Ac ubi præparatus fuerit humor syrupis de epithymo, de fumaria, & lupulorum, sumptis cum aquis distillatis, aut decocto earundem herbarum, purgetur diasenna lenit. pulv. senæ præpar. confect. Hamech. aut pilulis de fumo terræ. Dissolventur isthæc electuaria in decoctione fumarie, epithymi, rad. polypodii, lappat. acuti, & corticum radicum frangulæ.

Si Gangræna proficiatur ex siccitate, & ex atrophia; erunt internæ partes humectandæ bono alimento, veluti jusculis carniū, recentium pullorum, gallinarum, caponum castratorum & similium. Totum item corpus oleo amygdalarum dulcium, liliorum alborum, violarum, pingued. gallinæ, & similibus, ut calor natus conservetur, inungendum est. In hac Gangrænæ specie nocet venæ sectio, itemque frictions, & cucurbitæ: nisi fortè ipsi parti affectæ adhibeantur, alliciendorum gratiâ spirituum & sanguinis, quo ipsa alatur. Ætas quoque, ten peries corporis, sexus, regio, & anni tempestas indicant, quid facto sit opus. Amplius enim refrigerantia desiderantur in habitu bilioso, arida regione, tempore, & anni tempestate itidem calida, quàm si omnia secus habuerit.

In topicorum quoque usu habenda erit ratio, nempe 1. causæ. 2. ætatis 3. sexus. 4. virium. 5. partis affectæ. 6. omnium verò maximè vehementiæ, & magnitudinis morbi. A causa morbi, quemadmodum ab initio hujus capitis quoque monstravimus, præcipua & prima sumitur indicatio. Nam si fuerit affluxus plegmonicus, potentiùs refrigerandum est, & evacuandum, quàm si causa in humore pituitoso consistat. Præterea humores arandi sunt defensivis. Si verò causa Gangrænæ intemperies sicca, & defectus nutrimenti, atque sanguinis fuerit, quocunq; modo id fieri poterit, ad partem affectam nutrimentum atque sanguis attrahendus est. Evacuationes quoque corporis, venæ item sectio, & usus cucurbitularum, atque defensivorum hinc minimè conveniunt. Rursus si causa sit arctior ligatura, ea solvenda, & medicamen-
adhibendum

adhibendum incidendis, abstergendis, & desiccandis humoribus retentis circa ligaturam, quod pateat spiritibus via. Si erit luxatio, aut ossium eminentia, suo quoque loco restitui oportet, quod ad fieri poterit. Tumores schirrhosi, aliaque præternaturalia, si circa vasa magna induruerint, sanguinique & spiritibus, ne perfluant, impedimento fuerint emollicendi, & discutiendi sunt.

Secunda indicatio ab ætate desumitur. Nam juveni ægroto caro, & partes omnes mollicule: sunt proinde medicamenta adhibenda minus efficacia, quam quæ provecioribus. Horum enim caro & partes duriores, verbi gratiâ agricolarum, nautarum, venatorum, bajulorum, & aliorum ejusmodi laboriosam vitam agentium. Et ut verbo dicam: necesse est, ut medicamentum cum natura, ætate, ac viribus ægri suam habeat proportionem.

A sexu itidem indicatio. Ferè namque delicatius tractanda mulier, aut puella, quam vir quispiam, aut habilior adolescens: similiter & mollius otiosi, ac delicati omnes: Itemque Eunuchi, quam superiores illi agricolæ alique id genus.

Ab ægri quoque viribus quarta sumitur indicatio. Nam si firmæ fuerint, Chirurgo integrum erit applicare valentia remedia, & necessarias operationes exequi. Sin morbo jam dejectæ vires, vix præstari poterunt, quæ alioqui necessaria forent. Est itaque prudentis hominis, quemadmodum Celsus docet, eum, qui servari non potest, non attingere, ne videatur occidisse, quem fors ipsius peremit.

Quinta indicatio petitur à parte affecta. Nam oculi, os, pudenda, uterus, anus, articuli, vertebrae, & alia id genus, itemque partes exquisito sensu præditæ, sunt mollius tractandæ, quæ sunt inusculosæ, uti brachium, tibia, &c. Ita sese gerat Chirurgus, quoad ~~eius~~ fieri poterit pro ratione indicationum, quæ sese offerunt.

Sexta & postrema superest indicatio, quæ prope modum omnia subvertit, nempe morbi magnitudo. Itaque si recens est morbus, & putredo tantummodò superficialia; sat est, leviter scarificare partem affectam, & adhibere Ægyptiacum nostrum suo loco descriptum, vel simplex vel melle rosaceo temperatum, pro partis affectæ natura, proque ætatis & sexus ratione. Sin gravis sit morbus, mineturque Sphacelum, scarificanda, & incidenda est pars altius, apponendumque Ægyptiacum, aut ruptoria, & cauteria potentialia: aut ipso actuali cauterio, si quidem fieri potest, auferendum quicquid corruptum est. Nihil enim in tam diro morbo, in quo non solum de parte aliqua, verum etiam de toto corpore agitur, clementer agendum; maxime cum degenerat in Sphacelum. Quapropter si superiores indicationes vel tantillam spem faciunt, protinus adhibendum est extremum remedium, juxta Hippocratis Aphorismum: *Extremis morbis & maximis, quales sunt peracuti, quibus periculum impendit, extrema remedia, ut est victus tenuissimus, & alia præsidia maxima, sunt adhibenda.* Interim tamen nihil temerè sed omnia secundum rationem, & non nisi factâ prognosticatione, coram æstantibus facienda sunt. Non enim agitur hic de corio boum, sed de homine, ad imaginem DEI facti. Attamen remedium simul & operatio si cum morbo Analogiam habuerint, non possunt non esse utilia, quantumvis violenta fuerint. Sic Helvetio illi in capite vulnerato, cujus capite quarto mentionem fecimus, vidi præstantissimum Dn. *Johannem Griffonium* Chirurgum longè excellentissimum adhibuisse supra duram matrem syrupum ex unguento

Bibl. Chirurg. Tom. II.

Ægyptiaco, liquidissimam scilicet ipsius unguentum partem quæ pulveribus subsidentibus innatala: unde statim cohibita est putredo, quæ duram matrem occuparat: alioquin remedio imbecilli nihil fuisse effectum, erat verisimile: Sicque extremus morbus extremo curatus fuit remedio. At Ægyptiacum hîc valentissimum; aut extremum appetit remedium, habitâ partis ratione, cui apponebatur, quod alioquin extremum dici non possit. Monitos interim velim Chirurgos, ne hæc aliave id genus valentia remedia adhibeant; cerebri membranis, nisi manifestâ putredine seu corruptione tentatis, qualis in illo Helvetio cernebatur, in qua medicamentum suas operationes cum fructu perficere potuit. Deinde ut iis parcè utantur, ac cum primùm vehementia morbi inhibita fuerit, ab iis desistant. Bis itaque aut ad summum ter membranis cerebri imposito syrupo isto Ung. Ægyptiaci, & quidem in maximis putredinibus, sufficit. Deinde mitiora applicanda sunt. Filamentis autem nequam applicandum est medicamentum hoc, modum enim excederet, & ad partes sanas deflueret, maximaque symptomata excitaret: sed penicillo minimò pictoris, prædicto syrupo intincto superficies membranæ parcè, uti dixi, leviterque illinenda est. Est enim medicamentum summè acre, respectu membranarum cerebri, quæ exquisitissimo sensu sunt præditæ. Quapropter graviter errant barbitonfores nonnulli, quorum nomina studio hîc supprimo, qui oxymel in vulneribus capitis, & quidem detectis membranis, copiosè applicant. Propter acrimoniam enim aceti gravissima excitat symptomata; præcipuè autem dolorem ingentem ac maximum, quem è vestigio membranarum inflammatio, febris, delirium, spasmus, paralytis, tandemque mors sequuntur. Quapropter ego in detectis membranis cerebri vix melle rosaceo per se, nisi cum aliis mixto, uti ausus sum. Meninges enim cerebri, quia exquisitissimo sensu sunt præditæ, nihil acre sufferre possunt.

Porro, quia omnis in universum Gangræna & Sphacelus, putrefactionis ratione, veneni plus minusve particeps est, pro ratione morbi majoris minorisve conservandæ, firmandæque partes primariæ, cerebrum, cor & jecur, ut ne vaporibus & exhalationibus, à putredine ista subortis tententur, idque remediis tum internis, tum externis.

Cor omnesque partes nobiles egregiè corroborat, easque à vaporibus malignis tuetur lapis Bezoar, cum aqua aliqua appropriata, veluti buglossæ, borraginis, cardui benedicti, aut melissæ exhibitus. Ego ut plurimum nonnihil confectiois Alkermes, & aquæ cinamomi destillatæ sine vino addo; non solum, quod cor partesque nobiles roborant, verum etiam ut sint veluti vehiculum lapidis, qui alioquin tardè operatur. De Dosi hujus lapidis authores inter se non conveniunt, cum alii magnam probent, alii verò ipsum in exigua quantitate exhibeant, de quo vide Dn. *Casparum Bauhinum*. Ego à granis quatuor ad sex vel octo exibeo. Sequens quoque pulvis cor partesque nobiles mirum in modum roborat.

R. Lapidis Bezoar

Ossis de corde cervi ana ℥j.

Margaritar. præparat. ℥ij;

Cornu cervi usti, præparat.

Terræ sigillatæ ana ℥j.

Sacchari candi ℥iiij,

Misce; fiat pulvis; de quo drachma una, cum aqua appropriata, ut dictum est, exhibeatur.

Os quod in corde cervi reperitur, insignem habere vim corroborandi cor hominis, indubium vocare

minimè contendam; sed quia in corde boum hujusmodi ossa quoq; reperiuntur, & plerumq; à Pharmacopolis pro ossibus de corde cervi substituuntur; Videat Medicus ne decipiat. Ego expertus loquor, pharmacopolam enim & aromatarium quendam celebrem familiariter cognovi, qui quotquot laniones mactabat boves, eorum corda sibi adferenda curabat: à quibus extracta ossa, pharmacopolis in nundinis pro ossibus de corde cervi vendebat. An autem crudum, aut potius ustum & præparatum exhibendum sit, postea dicam. Quibus non suppetit Bezoar, per intervalla scrupulus terræ sigillatæ, aut boli Armenæ aut cornu monocerotis exhibendus: huic tamen, ut testantur viri docti, cervi cornu haud multum cedit contra venena, & venenatos morbos: à malignis enim vaporibus cor defendit, & ut *Gregorius Horstius* testatur, viscositatem humorum incidit, internorum viscerum obstructions aperit, & vi sua penetrandi putrescentibus humoribus resistit, adeoq; Balsamica quadam virtute malignitatem humorum corrigit: unde *Jouberto* maximè Cardiacum dicitur.

Calcinatum autem & præparatum, teste *Horstio*, loco ante citato, non crudum exhibendum est, cum crudum propinatum frequenter eodem modo, ut fuit exhibitum, per alvum, sine omni alteratione reddatur. Spirituosa enim substantia, omnis actionis causa, per feculentam materiam additam, colligata, impeditur quominus virtutes suas exercere possit, ita ut in crudo vis illa quasi sepulta jaceat: imò sal etiam balsami sui vires exercere nequit, nisi terrestribus suis vinculis expediatur. Cum igitur vis illa diaphoretica, inquit idem *Horstius*, quæ propter salem fixum inest huic remedio, unà cum aliis qualitatibus ab impedimentis suis post calcinationem, & præparationem maximè liberata sit, idè concludimus, magis conveniens esse cornu cervi ustum & præparatum quàm crudum, imò tam tutum & jucundum in gravissimis quoq; morbis hoc medicamentum est, ut omni ætati, ipsis etiam recens natis commodissimè, necessitate urgente præbeatur. Hactenus *Horstius*.

Eadem quoq; methodo in exhibitione ossis de corde cervi (quod hominis cor, ut testatur *Quercetanus*, quadam substantiæ similitudine roborat, & ad cardiacam affectionem, syncopemq; inprimis utile est) procedendum esse existimo. Illud enim nisi prius calcinatum, & præparatum fuerit, propter suprà dictas causas veluti inutile esse, & vires suas minimè exercere posse, sed cum excrementis sine omni alteratione per alvum excerni, quis quæso in dubium vocare poterit?

Hic autem negligentia, aut potius impetitia quorundam Pharmacopœorum notanda est, qui cornu cervinum non in catillis fusoriis, aliisq; vasis ad præparationem medicamentorū aptis, sed simpliciter inter carbonem comburunt: præparatio profectò, quæ uti compendiosa, & Pharmacopœis facilis, ita etiam sordida ægritudine exitiosa est. Quandoquidem carbonem malignum & pestiferum in se continere vaporem, inde manifestum fit, quod accensi in loco aliquo occluso dolorem capitis, nauseam, & lipothymiam excitent, mortemq; aliquando immaturam accelerent, uti *Coloniæ Agrippinæ* circa annum 1593. duobus accidisse memini: qui cum noctu in platea, *die Kloeker Gasse* appellata, vigilias agerent, & in domuncula quadam ad id extructa, carbonem ligneos incendissent, mortui reperti fuere: tertius verò etiam si velut in agone versaretur, ad aërem tamen deportatus, adhibitisq; ipsi, quæ adhibere debuerunt, pristinae sanitati restitutus fuit. Cæterum cornu cervinum, dum in carbonibus istis comburitur, cineresq; undiq; ipsi adhærent, facillè aliquid malignitatis ab ipsis carbonibus retinere posse, ratio suadet.

Succus citriorum cum saccharo, & ptisana, aut decocto agrimonie & veronicæ, in eundem usum ef-

ficacissimus, Theriaca, & Mithridatium laudantur, si solvantur aqua, aut decoctione cardui benedicti, & ægro præbeantur à scrupulo uno ad drachmam unam. Sunt quoq; conservæ rosarum, violarum, buglossi, & nenupharis utilissimæ. Et si vehementior sit febris, cordialibus (theriaca, & Mithridatio) addendum est aliquantum throchiscorum de camphora. Camphora enim inter fortissima alexiteria non immeritò à viris doctis numeratur: putredini enim mirum in modum resistit. Quapropter non solum vapores, qui ex corrupto & putrefacto membro versus cor ascendunt, repellit; verum etiam maximum illum calorem internarum partium temperat. In magnis tamen capitis & ventriculi doloribus hæc cautè utendum esse monet *Mindererus*: *Licet* inquit, *extrinsecus frontis embrocis splenis & perfusionibus indita, semper nobis visa sit plurimum profuisse*. Sequens itaque potiuncula per intervalla ægro exhibenda est:

R. Theriacæ optimæ ℥ij.

Cornu cerviusti & præparati ℥ss.

Syrup. de succo citronum ℥j.

Trochiscor. de camphor ℥ss.

Cum aq. card. bened. fiat. potiuncula.

Pueris delicatulis, qui præscriptam potionem propter saporis gravitatem bibere non possunt, detur sequens potiuncula.

R. Lapidis Bezoardici,

Margarit. præpar. ana gr. iij.

Cornu Cerviusti & præpar. ℥ss.

Cum decocto agrimonie & veronicæ, fiat potiuncula.

Confectio Alkermes quoque per se cor partesque nobiles roborat, & malignos vapores repellit, præcipuè si scrupulum unum, aut alterum cornu cerviusti & præparati admiscueris.

Extrinsecus applicandum est sequens epithema:

R. Aquarum rosarum.

Buglossæ

Borraginis ana ℥ij.

Vini Malvatici ℥j.

Aceti ℥ss.

Specierum diamargar. frigid.

Ligni Aloes.

Corticum citri

Rasuræ eboris ana ℥ss.

Croci gr. vj.

Misce, fiat epithema, applicetur tepidum cordi regioni, cum panno purpureo.

In pauperiorum gratiam æstate accipitur borrago, acetosa, & melissa; contundantur in mortario cum cyatho vini albi & pauxillo aceti rosati, expressioni addatur cinnamomum & crocus, pulverisata, dein applicabuntur, ut suprà.

Contemperandus quoq; vehemens jecoris calor; idq; exhibito ægotanti syrupo citriorum, granatorum, acetosæ, violarum, oxalidis, de agrestia, aut de ribes, cum aqua buglossæ, borraginis, aut acetosæ; Aut dentur cum decocto agrimonie, veronicæ vel cum ptisana. Poterit quoq; parum specierum diamargariti frigidi admisceri. Interim à vino aliisq; calidis prorsus abstineat æger. Extrinsecus jecori sequens epithema tepidè applicetur.

R. Aquarum endiviæ,

Agrimonie,

Cichorii,

Lactucæ,

Abinthii an. ℥ij.

Aceti, ℥ss.

Specierum diarrhod. Abb. ℥j.

Sandali rubri ℥ss. Misce.

Si fueris ruri, desintque aqua destillata, harum loco herbae illae aut omnes, vel pleraeque omnes usurpentur: succus exprimatur, aut fiat earundem decoctio, deinde addito pauxillo aceti, & caphurae, applicetur tepidè jecori cum panno rubro.

Si capitis dolor vehemens sit, nec aeger somnum capiat, vapores clysteribus & suppositoriis revellantur: inungantur tempora, & frons unguento populeo, vel sequente.

R. Ol. rosarum,
Nenupharis an. ʒ. ʒ.

Caphurae,

Opii dissoluti in aqua betonicae an. gr. vj.

Misce, fiat linimentum.

In eundem usum applicato frontale ejusmodi

R. Aq. Rosarum

Betonicae ana ʒij.

Aceti.

Ol. Rosacei.

Misce, applicetur tepidè.

Si dolor capitis, vigiliae, & inquietudines maximae fuerint, detur aegro aliquid laudani, aut tripherae magn. cum opio.

Aeger, uti dictum est, abstineat à vino & cæteris rebus calidis, aut concoctu difficilibus, quippe ex his vapores ad cerebrum copiosi transmittuntur: quos ut inhibeas, post cibum fumere poteris aliquantum ex miva cydoniorum sine speciebus, è conserva rosarum, rob de ribes aut berberis & similibus.

Defensivâ loco affecto applicata impediunt, quoque, ne vapores ad caput ascendant, sed cautè eis uti licet. Ex immoderato enim usu adstringentium, aliquando Gangrenam fieri cap. 6. declaratum fuit.

Cap. 13. Curatio Gangraenae particularis, nempe ejus, quae ex alteratione vehementi per qualitatem manifestam ortum ducit.

IAm proximo praecedente capite attigimus, quæ in genere ad curationem Gangraenae pertinent: sed cum non veniat in Chirurgi manus gravior, aut difficilior morbus, haud erit abs re, eundem paulò fusiùs persequi. Ubi igitur ex ante commemoratis signis perspexeris, oriri Gangrenam ex intempestivo affluxu, & inflammatione sanguinis, perpendendum est, sistaturne materia, an verò adhuc defluat in partem affectam. Materiam autem defluere judicabis, si dolor ingens, inflammatio item magna, ac vehemens febris fuerit, axillarumque, aut ilium glandulae sub-tumidae sint ac dolorificae. Tum quavis arte primò inhibenda est defluxio: deinde eadem aliò derivanda: tertio & evacuandum, quod in loco affecto jam congestum est.

Primum illum scopum assequemur adstringentibus, sive defensivis, quibus defluxio potest arceri à parte affecta. Chirurgus itaque statim ab initio post praescriptam victus rationem, qualis antea proposita est, applicet loco affecto defensivum sequens.

R. Boli armeni ʒiiij.

Terræ sigillatae ʒij.

Cornu cervi nsti &

Rasur. eboris an. ʒij.

Caphurae ʒij.

Cerae ʒij.

Ol. rosati ʒij.

Aceti ʒij.

Aquæ rosar. ʒij.

Album. ovorum num. ij.

Misce, fiat unguentum, quod diu servari potest.

Aut quod parabilius est, impensaque minoris.

R. Farinae hordei ʒiiij.

Boli armeni albi ʒij.

Pulv. gallarum virid.

Nucum cupressi

Corticum granatorum an. ʒj. ʒ.

Caphurae ʒj.

Cum oxymelite, fiat cataplasma.

Alterutro in eundem usum promiscuè, aut aliò quopiam ad arbitrium uti potest Chirurgus: mihi posterius usitatum est. Oleosa enim mihi omnia, aut quovis modo pingua suspecta sunt in Gangrena: poros enim obstruendo, transpirationem inhibent, & vapores putridos in parte affecta retinent. Cessante defluxione, possunt defensiva intermitteri, ut innatum calidum minore negotio penetrare queat in partem affectam, Sin aliquod corruptionis principium sese patefaciet, tum erunt continuanda defensiva, ad arcendos vapores, qui ex putredine ad partes primarias atcolluntur.

Alter scopus est aliò revellere, & derivare humores in partem affectam affluentes, idque quàm citissimè, adhibitis purgationibus, phlebotomia, cucurbitis, hirudinibus, aliisque id genus remediis. Corpus purgandum medicamentis lenientibus, puta bolo sequenti:

R. Cassiae recens extractae ʒij.

Elect. diacathol. ʒ ʒ.

Cum sacch. fiat bolus.

Aut dissolvendo in aqua buglossae, aut decocto endiviae, lupul. scabiosae, cichorii, & florum cordialium, fiat potio. Alvus laxa servanda: lubrica reddetur quoad ejus fieri poterit usu, seu clysterum & balanorum, seu etiam prunorum dulcium decoctorum in infusione sennae, mechoacan. & rhabarb. si animus est purgare validius.

Secunda vena, nisi ætas, tempus, aliudve quippiam obsterit, & multum sanguinis extrahendum, sumpta indicatione à magnitudine morbi, & virium aegrotantis. Vena aperiatur, quæ consensum habeat cum parte affecta. observatâ interim fibrarum rectitudine.

Hic quoque utiles cucurbitae, iis praesertim, qui phlebotomiam ferre nequeunt: Sic & hirudines ad adhibita, ad evacuandum humorem artabulatum. Arctior quoque ligatura remotarum partium utilis: at frictiones, quæ fiunt manu, & linteis calidis, noxiae, sanguinem enim & humores subtiliores & aciores reddunt.

Tertius scopus est, ut pars in pristinum, ac naturalem statum restitatur. Id fiet evacuato accurate sanguine, & cæteris humoribus parti affectae impactis, ac in ea conclusis. Itaque quamprimum prospiciendum est, quid facto sit opus, & scalpelli acie tentandum, sit ne gangraena profundior, an superficialia: tum pro diversatis ratione scarificationes leviùs aut altius imprimendae: dein satis magna sanguinis quantitas sinenda effluere. Quin etiam si quæ sit in parte affecta grandior insigniorque vena, ea audacter, & sine mora incidenda: sic enim sanguis & humores exonerantur, pars affecta refrigeratur, & aperitur pororum obstructio, quæ arteriarum systolen & diastolen inhibeat. Id tamen nequaquam aggrediendum, nisi morbus gravissimus, & aeger juvenis; & vires firmæ fuerint. Nervos autem majores, tendines & arterias, nefas attingere, nisi maxima & insignis adfuerit corruptio: alioquin metuendum à convulsione, motus deperditione, doloribus

doloribus acutissimis, sanguinis profluvio, & spirituum vitalium resolutione, syncope, imò & morte.

Præter scarificationes Avicenna & alii scriptores jubent apponere hirudines, quo plus depleatur sanguinis & humorum: id quod & ipse soleo facere, quoties potissimum sanguis parvus educitur scarificatione. Si desint hirudines, aut si æger eas respuat, soleo tres, aut quatuor cucurbitulas minores applicare: majores enim cucurbitæ vehementius attrahunt. Hirudines tamen aptiores, proposito convenientiores. Evacuato sanguine abluenda pars aceto, & sale marino simul liquaris: hæc enim putrefactioni plurimum repugnant; At si profundior fuerit Gangræna, efficacior adhibenda lotio, qualis ea est, quæ sequitur.

R. Lixivii fortissimi

Aceti optimi ana ℥iij.

Scordii utriusque

Absinthii

Rutæ

Lupinorum contusorum ana M℥.

Rad. Aristoloch. rotund.

Vincetoxici ana ℥ss.

Salis marini ℥iiij.

Coquantur ad consumptionem tertiæ partis, in solatura dissolve.

Aloës

Myrrhæ ana ℥ss.

Aq. Vitæ ℥ij.

Camphoræ ℥ss.

Quoties remedia permutare necesse fuerit, lavare oportebit partem foris illo tepido: nam præterquam quod plurimum resistit putredini, etiam revocat innatum calidum, resolvit & exsiccat corruptos humores inibi conclusos. Insuper toti parti affectæ scarificatæ imponendum unguentum Ægyptiacum Mesues, quod componitur hunc in modum.

R. Æruginis ℥v.

Mellis optimi ℥xiiij.

Aceti ℥vij.

Coquantur omnia simul donec fiat unguentum spissum & purpureum.

Quod si corruptio major est; soleo idem unguentum sic componere.

R. Æruginis ℥v.

Mellis optimi ℥xiiij.

Aceti ℥vij.

Coquantur omnia simul donec fiat unguentum spissum, & purpureum.

Quod si corruptio major est, soleo idem unguentum sic componere.

R. Æruginis ℥iiij.

Mellis optimi, & cum decocto absinthii, & scordii despumati ℥xvj.

Aceti scillitici ℥vj.

Aluminis rochæ

Salis ammoniaci ana ℥j.

Succi rutæ

Scordii utriusque &

Alliariæ ana ℥iiij.

Coquantur ad spissitudinem mellis, deinde admisce

Theriacæ optimæ

Mithridatii ana ℥iiij.

Camphoræ (plurimum enim penetrat, & putredinem inhibet) ℥j.

Sic præparatum unguentum non solum resistit putrefactioni, sed & temperat, ac minuit vaporum malignitatem, qui perpetuo attolluntur à parte obsessa Gangrænâ, & lædunt principes. Breviter Ægyptiacum præstantissimum & primum est in Gangrænæ remediis, separatque mortuam carnem à viva & laudabili

gignens escharam. Ubi tota pars Ægyptiaco correctâ fuerit, insuper applicandum cataplasma sequens, quod & ipsum resistit putredini, exiccat humores excrementitios, doloresque sedat.

R. Farinæ lupinorum

Lentium

Fabarum

Lolii

Salis marini an. ℥iiij.

Pulv. Summitat. absinth.

Scordii utriusque

Alliariæ

Rutæ ana ℥j.

Coquantur in oxymelite simplici, & fiat cataplasma. Refrigerato adde

Aloës

Myrrhæ ana ℥j.

Aq. Vitæ ℥j.

Misce.

Prædictæ autem farinæ, imprimis lupinorum, mirum in modum in Gangrænâ, aliisque putridis ulceribus conveniunt: exsiccant enim, discutunt, & putredini adversantur; Quemadmodum *Dioscorides, Galenus, & alii* testantur. In præparatione autem & usu farinæ, sive lupinorum, sive lentium, aut fabarum fuerit, diligenter prospiciendum est, ne diu cum reliquis pulveribus coquantur. Fieret enim nimis viscosum, glutinosumque, ac proinde inutile cataplasma. Viscosa enim omnia, quia poros obstruunt, vaporesque putridos in parte affecta retinent, in Gangrænâ, omnibusque ulceribus venenosis ac putridis exitiosa esse, aliâ quoque monui. Atque ego hanc autumo causam esse, cur *Nicolaus Goddinus* in Chirurgia militari has repudiat, utpotè ad Gangrænâ inutiles: siquidem emplasticas putat. Quamobrem lævissimè tantum excoquendæ cum pulveribus. Hæc autem remedia omnia, ablutio, cataplasma, &c. tepidè sunt admovenda, linteisque præterea calidis obvolvenda pars affecta, etiamsi Gangrænâ orta sit ex inflammatione. Sic enim penè extinctum, & intermortuum innatum calidum, revocatur, & quasi rursus accenditur in parte affecta.

Chirurgus, quoties ad ægrum accedet, his remediis excitatæ escharæ summam partem tollere conabitur; aut scalpelli acie incidat, usque ad partem sanam, quo detur medicamento quacunque penetrandi via, ad corrigendum, quicquid depravatum, & corruptum est: nec alia procedet methodo, donec videat morbum superatum, & evictum. Id verò ex eo deprehendet, quòd malum non latius serpet: & circa ipsum apparebit circulus exactè rubens, & exquisiti sensus: Separationem enim carnis mortuæ à vivâ naturæ & medicamentorum beneficio fieri indicat: præterea in isto circulo rubro, materia spissa & alba reperitur. Corriguntur etiam corruptio & caro emortua cauterio, tum potentiali, tum actuali. Pro cauterio potentiali *Johan de Vigo*, & quidam alii utuntur arsenico, & sublimato, aut per se, aut cum unguento Ægyptiaco misto, in hunc modum:

R. Floris æris

Aluminis,

Mellis,

Aceti ana ℥ij.

Arsenici pulverisati ℥ij.

Sublimati ℥j.

Bulliant omnia simul, prius pulverisandis pulverisatis, usque ad spissitudinem.

Sed videamus nunc, an arsenicum sive purum, & in pulverem redactum, ut docet *Fallopianus*, loco allegato, sive unguento Ægyptiaco permixtum tutò in Gangrænâ applicari possit? Censetur autem Arsenicum in numero medicamentorum, quæ à *Galeno* & aliis

& aliis septicis dicantur, hoc est, putrefactientia, & ustoriam vim habentia: Colliquare enim, ut *Galenus* loco proximè allegato addit sunt nata, & potissimum carnem tenellam. Hujus quoque sententiæ fuisse *Avicennam*, ipsius scripta testantur, his verbis: Putrefactiva verò est illa, videlicet medicina, cujus proprietas est, ut corrumpat complexionem spiritus, pervenientis ad membrum, & complexionem humiditatis membri ejus cum resolutione, ita quod non est conveniens, ut sint pars illius membri, & non pervenit ad hoc, ut aduratur ipsum, & corrodat, & resolvat humiditatem ejus: imò dimittit in ipso humiditatem corruptam, in qua agit aliud à caliditate naturali, quare putrescit. Et hujusmodi quidem exemplum est Arsenicum. Hactenus *Avicenna*. Quibus verbis quid de Arsenico censendum, & quam periculosus ipsius usus sit in Gangræna, satis superque docet. Gangræna enim cum nihil aliud sit, quam putrefactionis principium, quæ ex calido & humido gignitur, ac similia similibus conserventur, angeanturque, ut *Galenus* multis in locis testatur: non video, quomodo arsenicum, cum putrefaciens sit, & humiditatem corruptam, ut *Avicenna* testatur loco præallegato in membro relinquat, quicquam laudabile hinc efficere possit, cum sit potius putrefactionem promuturum. Ex his apparet, *Fallopium* aliàs virum de Chirurgia optimè meritum, sibi ipsi contradicere: Libro enim de tumorib. c. 26. hæc habet verba: Fit quintò, inquit, Gangræna, cum medicamentum erodens parti applicatur, ut risagallum & similia, cum sine ratione applicantur, tunc introducitur intemperies calida, destruens caliditatem naturalem partis. Hoc in loco applicationem risagalli, hoc est, arsenici, veluti causam Gangrænæ posuit. At paulò post & quidem eodem capite jubet in Gangræna arsenico, & sublimato pari pondere pulveritatis, & commixtis scissuras explere, imò & secundo iterare, & si prima vice non satis operatum fuerit.

Andreas Vesalius institutionum Chirurgicarum lib. 5. de tumoribus cap. 12. eadem habet verba. Verum opinionem illam non genuinam, & *Vesalio Prospero a Burgarvio* falsò adscriptam esse existimo. Utur autem sit, non video, quomodo Arsenicum, si membro alicui corporis, Gangrænâ minimè obfesso, applicatur, Gangrænâ procreare, eamque introducere, & è contra Gangrænâ jam factam evincere atque extirpare possit. Præterea prætici, qui ulceribus, scrophulis, & fistulis applicerunt unguenta & trochiscos ex Arsenico paratos, facillè potuerunt observare, quam gravia exoriantur ab eo symptomata, nempe dolor ingens viginti quatuor horis ad minimum perseverans, febris, delirium, deliquia, & syncope. Hæc autem symptomata ex eo sunt omnia, quòd Arsenicum transmittat vapores suos malignos ad partes principes, liquatâ prius carne in materiam corruptam, quæ illi pro vehiculo est, ad deferendam illius qualitatem malignam, ad eas partes primarias, & quamvis ulcera sint remota à partibus primariis, ejus tamen malignitas ad eas facillè pervadit per medias venas, nervos, & arterias: cujus rei exemplum lector circa finem quinti capitis videre poterit. Hinc intelligimus, Arsenicum nihil ad Gangrænâ conferre: Quapropter *Paracelsus* hujusmodi caustica ex Mercurio sublimato, & similibus parata, artes carnificum appellare consuevit. Itaque si quando applicanda sunt cauteria potentialia, feliciùs & tutius mihi usurpari posse videntur caustica, parata ex fortissimo lixivio, è cineribus sarmentorum, & calce viva. Hujusmodi enim ruptoria operantur præsen-

tissime, & levicum dolore, quippe vix ad horulæ spacium perseverat: contra Arsenico excruciatum æger ad viginti quatuor horas, imò & totum biduum cum symptomatis longè gravissimis. Adhæc cum Arsenico dissolvatur, liqueturque caro, ruptoria contra extenuent, deficiunt, & dissipant humores superfluos: item cum maligna & venenosa qualitas soleat pervadere ad partes principes, ut dictum est, ruptoria, cum sint crassioris substantiæ, in ea tantum agunt, quæ proximè contingunt. In applicatione autem causticorum sive ruptoriorum, magnitudo quoque morbi diligenter perpendenda, & proprius ratio ruptorium aut parce, aut copiosè applicandum est; quapropter Gangræna an profunda, an superficialis sit, imprimis acie scalpelli per vestigare convenit. Factâ escharâ excidenda est ipsius superficies, ut carnem vivam proximè attingat, sin nondum satis profundaverit ruptorium, denudè illud applicare convenit. Deinde medicamenta, quæ escharam auferunt, applicanda sunt, de quibus postea dicemus.

Sequitur nunc cauterium actuale, nempe ferrum ignitum, quod uti supremum remedium, ita quoque maximum putatur, quapropter non inmerito in curatione Gangrænæ & Sphaceli potentiali, ab authoribus classicis, dignitate videlicet & præstantiâ præponitur. Primò, quia potentia ignis, testantè *Albucasi*, simplex, & omnis alienæ qualitatis expellens est: quapropter nihil aliud præterquam calorem, & empyreuma post se relinquit: cum potentiale è contra, imprimis arsenicum, sublimatum, & hujusmodi venenatam & malignam qualitatem habeant, & post se in parte affecta relinquant. Secundò, quia ignis actionem habet determinatam; quapropter ferrum candens non ultra arbitrium Medici operatur: cauterii potentialis verò operatio, nequaquam in potestate Medici, sed in ipsa proprietate medicamenti sita est. Tertiò, præfertur cauterium actuale potentiali, quia propter ignis vehementiam è momento operatur: Potentiale verò, quia ipsius vis atque urendi facultas in potentia tantum sita est, tardè. At cum Gangræna sit morbus peracutus, quique non dat inducias, promptissimum quoque remedium celeriter, & abjectâ cunctatione secundum *Hippocratem*, adhibendum est: tale autem est ferrum candens. Quartò, cum ut plurimum in Gangræna & Sphacelo sit humorum excrementitiorum abundantia, medicamentum in summo gradu calidum requiritur: At tale est ferrum ignitum, non autem cauterium potentiale, præcipue arsenicum. Etiam si enim calidum sit, relinquit tamen post se humiditatem corruptam, ut *Avicenna* loquitur: Quintò, cum pars, quæ Gangrænâ laborat, supra modum sit debilis, & propter excrementitiorum humorum abundantiam, laxa, ut corroboretur; & exsicceetur necesse est. Corroborat autem & exsiccat cauterium actuale, humectat, & debilitat, uti dictum est, potentiale; cum, quia loco affecto malignam infligit qualitatem, tum etiam quia ipsius operatio tarda est, simul & dolorosa: hinc fit, ut humores ratione doloris copiosius affluant, partemque magis magisque laxam ac debilem efficiant. Dolor verò cauterii actualis momentaneus est: quamprimum enim ferrum candens amovetur, desinit, præcipue si sanodynium aliquod applicetur. Quid plura? Cauterizatio (*Avicenna* verbis lib. 1. fen. 4. cap. 29. mihi pag. 156. utor) est medicamen valde utile, juvans ad prohibendum; ne corruptio spargatur & ad confortandum membrum, cujus complexio est frigida, & ad restringendum sanguinis fluxum. His verbis quatuor utilitates, in curatione Gangrænâ

Gangrænæ maximè necessarias, ex cauterio provenire testatur *Avicenna*. Docet enim, 1. cauterium prohibere ne corruptio vicinas partes invadat, 2. ipsum confortare membrum, cujus complexio frigida est. At in Gangræna, etiamsi ex intemperie calida orta fuerit, constitutio tamen partis affectæ frigida est, propter caloris innati defectum atque imbecillitatem. 3. resolvere materias corruptas in membro contentas. 4. & ultimò docet cauterium actuale sistere sanguinis fluxum. Atque hæc omnia in curatione Gangrænæ summopere sunt necessaria. Ex quibus error simul & insectia *Feliciis Wirtzii* luce meridianâ clariùs apparet: Libro enim 1. cap. 4. de hoc à tot seculis, & à tot viis in arte Chirurgica eruditis, approbatissimo remedio loquens, ad illam usque impudentiam devenit, ut illud à carnificibus inventum fuisse, & non nisi latronibus adhibendum esse, scriptum reliquerit. Nullam tamen aliam causam adfert, quàm quod nervi à cauterio actuali lædantur, contrahanturque: quasi Chirurgus rationalis, & in operibus artis exercitatus, confusè, & absque iudicio & ratione operaretur, neque discrimen ullum inter nervos, aut nervosas partes, & venas aut arterias faceret. Venæ & arteriæ ut anatomicis notum est, cuti proximè, nervi verò multò altius jacent: quomodo igitur cauterizando venam, aut arteriam, nervi læderentur. Deinde non utimur cauterio actuali ad sanguinem sistendum, nisi maximâ urgente necessitate, & ubi reliqua medicamenta frustra adhibentur, & æger de vita periclitatur. Sed & ex duobus malis, ut sonat proverbium, minus semper eligendum: Si itaque contractio aliqua nervorum pertimescenda esset, nonne tamen præstaret incommodum hoc, quàm mortem subire? Desinant itaque *Wirtzii* Avorum nostrorum divinam scientiam, quâ tot ægri conservati fuerunt, stultè irridere, desinant inquam, remedium hocce, cujus efficacia talis est, quemadmodum divinus *Hippocrates* docet, ut quæcunque ulcera putrida ab ipso non sanantur, insanabilia putare oporteat, contemnete, & ludibrio afficere.

In Gangræna tamen ex intemperie calida sine affluxu, uti quoque in illa, quæ ex siccitate, & penuria alimenti existit, cauterium actuale mihi suspectum est, ut suo loco fusiùs declarabitur. Escharâ his remediis factâ, curandum quamprimum excidat. Id tamen fieri non debet remediis, applicari solitis ad relaxandum Escharam, puta butyro recenti, basilico, oleo dulci, adipe suis, anseris, caponis, & cæteris id genus; quæ cum sint calida & humida, possunt novam generare putredinem, simulque ulcus sordidum reddere. Itaque ex *Galenii* sententia applicandus est succus porrorum cum sale: hic enim penetrat & exsiccat plurimum, sicque putrefactioni repugnat. Adde quod relaxat, & adjuvat Escharæ casum humectatione sua, ut testatur *Hippocrates*.

Morbi vi superatâ, Paulus Ægineta vult applicari farinam hordeaceam decoctam in hydroleo, aut, (quod magis probatur) farinam orobi cum melle. Utile quoque ad Escharæ casum unguentum sequens, itemque ad ulcus abstergendum, & mundificandum.

R. Farinæ ervi
Rad. Aristoloch. rotundæ
Iridis Florentiæ
Vincetoxici
Angelicæ ana ʒʒ.
Theriaces ʒij.

Cum s. q. mellis rosati, fiat unguentum.

Veruntamen hîc meminisse oportet eorum, quæ supra monuimus, videlicet non expectandum, dum naturæ beneficio, aut medicaminis ope Eschata se-

paretur. Natura enim cum sit debilis, tardior esset, ac interim posset regigni nova putredo sub Eschara. Adde quod Eschara, cum non debeat humectari oleis, pinguedine, & similibus, exiccatur, ac proinde contrahitur & corrugatur, idque non sine dolore.

Si fuerit Gangræna ex erysipellate malè curato, aut ex proprio partis calore incenso, diæta præcipiatur frigida & humida, exhibeanturque sæpè hordeacea aliqua juscula, ex vervecina, aut volatiliū carne, in coctis lactucis, portulacâ, acetosâ, borragine & similibus. Corpus quoque sic purgandum.

R. Catholici ʒvj.

Rhabarbari in ʒiiij. aquæ endiviæ cum paululo cinnamomi & anisi infusi ʒj.

Syrupi rosati solutivi compositi cum Rhabbarbo, agarico & fenna ʒj.

Misce, fiat potio.

Pars affecta scarificetur ad vivum, exin lavetur decoctione sequenti

R. Aquarum endiviæ

Lactucæ an. ʒʒj.

Aceri ʒʒ.

Lupinorum ʒj.

Rutæ

Scordii utriusque

Salis an. M. s.

Coquantur lento igne ad consumptionem tertiæ partis. Parti ad hunc modum lotæ applicandum Ægyptiacum nostrum, deinde cataplasma sequens

R. Farinæ fabarum

Lupinorum

Hordei an. ʒiiij.

Scordii pulverisati ʒij.

Cum oxymelite q. s. fiat cataplasma.

Sin propter doloris, reliquorumque symptomatum violentiam, ac continuationem pars affecta repletur humoribus, quantumvis prima causa fuerit humor biliosus, aut inflammatio sine affluxu, nempe ex proprio partis calore, ad valentiora remedia progrediendum est, nempe cauteria actualia, vel potentialia: Escharæ item casus procurandus ad modum antè propositum. In cauterii actualis tamen applicatione cautè hîc procedendum, ac non nisi summa urgente necessitate replicandum est. Biliosæ enim inflammationes, cum suapte natura sint calidæ & siccæ, eas cauterium magis magisque desiccet, & maligniores reddit. Sin autem quemadmodum antea dixi, propter doloris vehementiam sanguis & humores copiosè effluerint, putredinemque procreârint, tunc cauterium actuale locum hîc quoque habere poterit.

Si ex congelatione sit Gangræna, propter universalialia (quæ judicabit necessaria Chirurgus) videndum est accuratè, incipiatne tantum affectus, an jam aliquantisper perseverarit: id autem ab ægro & adstantibus simul ex sequentibus signis promptum est rescire. Morbus enim potest intelligi incipiens duntaxat, si pars eximio rubore scintillat, dolor autem sit vehementissimus, punctorius & exurens. Sin verò utcumque inveteratus est morbus, pars erit livida & frigida, uti cap. 7. diximus. Ergo si incipiat tantum morbus, non statim adrovensus ignis, aut calida quælibet apponenda: quin potius aquâ frigidissimâ irriganda est pars, aut nive perfricandâ: sic enim ea poterit restitui, & paulatim incalescere. Hoc ipsum quilibet facilè hyeme experitur, si manus frigore propè congelatus fricat nive, aut aquâ gelidâ: sic enim subitò incalescent, at igni admotæ magnum sentient dolorem eumque punctorium. Præterea si quis poma aut rapas congelatas injiciat in aquam frigidissimam, videbis ipsum gelu internum foras quasi allici, ita ut fructus illi redeant ad suam naturam pristinam.

pristinam. Sin verò demergantur in aquam calidam, aut tepidam, confestim flaccescunt, & paulò post nigrore contrácto computrescent. Istiusmodi porrò curatio Livoniæ, Irlandiæ, Norvegiæ, & cæterarum Septentrionalium plagarum incolis usitatissima est. Neque enim vesperi ingediuntur in diversorium aut ad ignem, vel vaporarium accedunt, nisi egregiè perfrictis prius manibus, extremo naso, & auriculis plurimâ nive. Quod si cui vecto trahâ, pro regionis ritu manus pedesque probè congelari fuerint, cum primum diversorium ingressus est, non dubitant illicò immergere partes gelidas in aquam frigidam, aut nivem, & sic eum refovent; frigore enim, quod inest aquæ vel nivi, per antiperistasin repellente, & cogente in unum, quod reliquum est calidi innati in partibus affectis, ipsum innatum calidum ita invalescit, ut frigus ceu adversarium expellat, Generosus Vir *Dn. Bernhardus ab Hatzvelt*, Dominus in *Wildenberg*, Vir pius & fide dignus narravit, se, cum eas regiones peragratet, incidisse aliquando in viatorem secundum viam frigore rigidum, ac penè mortuum: quem plaustrò suo impositum, cum deduxisset in diversorium, holpes illicò demersit in frigidam: quo facto undiquaque erupit gelu, ut ipsius corpus glacie ceu ferro contactum conspiceretur. Tum quoque propinatum illi, ajebat, cyathum ampliorem hydromelitis, quo illi ceu potu ordinario utuntur, addito pulvere cinnamomi, caryophyllorum, & macis, unde sudor in lecto provocatus est: atque ita ægrum ad se rediisse, & convaluisse, amissis duntaxat manuum, & pedum extremis articulis. Hinc intelligimus, hanc methodum sanandi congelatos veram & cutam esse, ac eam etiam probant summi Philosphi, & Medici, inprimis verò *Avicenna* & *Levinus Lemnius*, qui regiones illas frequentavit. Sic enim scribit *Avicenna*: *Sunt præterea, inquit, hominum quidam, qui ponunt in aqua frigida & faciunt utilitatem, ac si nocumentum ab eis removeretur, quemadmodum fructibus accidit congelatis. Cum enim in aquam projiciuntur frigidam, fiunt quemadmodum si ab eis extraheretur congelatio, & ab eis labitur, & leniuntur, & aquantur; & si igni applicatur, corrumpuntur.* Hactenus *Avicenna*. *Levinus Lemnius* verò de hac re scribit: *Paries quoque sic affecta, modò ne prorsus frigore rigescant, ac nonnullus sanguis subsit, aquâ gelidâ immersa, eaque subinde irrigata, in pristinum vigorem restituntur, ac sensim incalescere incipiunt.* Et paulò post: *Sic poma congelata in aquam frigidam demersa ad naturam suam redeunt.* Hæc tamen distinctio diligenter observanda est, nimirum, ut statim ab initio adhibeantur hujusmodi frigida, neve frigore prorsus rigescant partes, ac nonnullus calor subsit. Nam si innatum calidum extinctum, aut extinctioni proximum sit, tum aqua frigida nunquam revocabit, imò vix etiam medicamentum ullum: Quamvis tamen ratione illiciendum erit in partem affectam frictionibus & cæteris, quæ paulò post in medium afferentur.

Conjiciens autem Chirurgus ex sedato dolore pungente, ipsam quoque congelationem magna ex parte mitigatam, missam faciet, aquam frigidam, aut nivem, & lenes frictiones adhibebit: deinde fons è lacte dulci, cui lauri baccæ, rosmarinus, salvia, lavendula, & similia calida incocta fuerint. Jus è capite, pedibus, & intestinis vervecinis, incoctis herbis iisdem, aprissimum est alliciendo sanguini, partique affectæ in pristinum vigorem restituendæ. Rapatum decoctio, aut eadem rapæ coctæ & cum butyro recenti, Ol. Rosac. & vitello ovi in mortario plumbeo contusæ, plurimum juvant, teste *Vigone*. His peractis componendus æger in lecto, probèque conte-

gendus, circumponendæque partibus congelatis vesicæ, plenæ jure illo, modò dicto aut lacte dulci. Deinde per os exhibendum, quod calidum innatum, & sanguinem vitalem partium intimarum ad extimas impellat. In eum verò usum laudatissima theriaca electa, in vino albo, eoque generoso, dissoluta, cui nonnihil conf. Alkermes, lap. Bezoar, & cornu cervi, addi poterunt. Perendie continuandi fons ex jure intestinorum, & herbarum suprâ dictarum. Deinde illinenda pars affecta Ol. de lateribus, de terebinthina, de cera, semine urticæ, nasturtii, &c. Quin & aliquoties theriacæ usut ex vino iterabitur. Sin frigore vehementissimo & diuturno planè suffocatum sit innatum calidum, ipsaque Gangræna multum invaluerit, tum adhibenda est scarificatio, aliæque ante proposita remedia.

In Gangræna ex congelatione, defensiva ab initio morbi locum non habent: nulla enim adest affluxio humorum. Sin repletio sive ad vasa, sive vires in ægro adfuerit, tandemque propter doloris vehementiam affluxio humorum, & inflammatio supervenerint, tunc non tam ad præcedentem causam, quàm ad præsentem affectum respiciendum est. Poterunt itaque tunc quoque applicari defensiva ad repellendos humores, qui affluunt. Interim tamen calidum innatum partis malè affectæ, quia ex præcedenti frigore, & congelatione mirum in modum labefactatum, conservandum & refocillandum est, adhibitis assidue vesicis, plenè sequenti decoctione.

R. Fol. Lauri
Melissæ
Rosmarini
Rutæ
Origani
Scordii utriusque
Absinthii ana M. ꝑ.
Rad. Vincetoxici
Angelicæ ana ʒij.

Coquantur in vino albo ad consumptionem tertie partis.

Quoniam in Gangræna ex intemperie frigida & humida, morbi origo ut plurimum consistit in partibus intimis, hepate, splene & cæteris, habenda est inprimis ratio harum partium, & præcipienda diætæ, purgationes & cætera, prout earundem dispositio postulabit. Hic autem consulendus est doctus Medicus; Gravissimus enim est morbus, & ut plurimum lethalis, quemadmodum ex eis, quæ antea dicta fuerint, satis colligere licet.

Quoad remedia topica, si adsit magnus humorum pituitosorum affluxus, applicandum est defensivum: non tamen ex simplicibus frigidis & siccis, uti in affectibus calidis, sed ex eis, quæ mediocriter calefaciunt, & propter vim suam adstrictoriam, partes roborant, compositum. Ab *Avicenna*, *Vigone*, & aliis variâ proponuntur, ego sequenti utor.

R. Fol. Rosar. rub.
Absinthii vulgaris
Schænanthi
Stæchados ana M. ꝑ.
Scordii M. j.
Baccarum myrtillorum & juniperi
an. ʒj.
Sampsuchi
Anthos ana ʒj.
Nucum cupressi
Aluminis an. ʒj.
Salis marini ʒij.

Incidantur, & contendantur omnia grosso modo: deinde bulliant omnia cum vini & lixivii barbitonici

bitonforis aquis partibus, addito pauco aceto, ad consumptionem tertiæ partis: deinde colentur. Tandem

Accipe farinæ fabarum

Lupinorum

Lentium

Hordei an. ℥iij.

Misce, fiat cum præscripto decocto cataplasma, addendo in fine pulveris cinnamomi opt. ℥. ss. croci ℥. ss.

Iohannes de Vigo præscripto emplastro oleum rosaceum, chamomelinum & spicæ addit: Verùm oleosa & pingua, quia poros obstruunt, & perspirationem impediunt, non sine maxima necessitate, quemadmodum ante quoque monui, in Gangræna usurpanda sunt.

Si affluxus nullus, nihil defensivo opus, nisi putrefactio plurimum progressa fuerit, parsque Sphacelo sit proxima: tum enim defensivo cohibendi vapores putridi, quo minus ad partes principes pervadant. Applicato defensivo, quavis ratione desiccanda est humorum copia ingens, loco affecto inclusa, exhalandusque calor extraneus, qui putrefactionis fuit in causa. Itaque scarificatis locis omnibus suspectis, sive altius, sive superficialiter, prout malum magis minusve altas radices egerit, fovenda est & lavanda calidè pars affecta decoctione sequente.

R. Lixivii barbitonforis ℥ viij.

Calcis vivæ, ℥j.

Coquantur parùm.

In colatura iterum coque Lupin. M. j.

Scordii utriusque

Absinthii

Rutæ

Salis marini an. M. ss.

Tandem coquantur ad consumptionem tertiæ partis. Colaturæ fortiter expressæ admisce

Aquæ vitæ

Aceti scillitici an. ℥iij.

Aloës

Myrrhæ an. ℥ij.

Postea ubique applicandum Ægyptiacum nostrum antea descriptum, aut etiam ruptorium, si sit necesse escharam profundiorē excitare, ac tandem induenda pars sequenti cataplasmate:

R. Farinæ lupinorum &

Lolii an. ℥iij.

Summitatum absinth.

Scordii utriusque

Rutæ an. M. j.

Rad. vincetoxici

Angelicæ an. ℥ij.

Omnia in pulverem redigantur, leviterque cum lixivio jam præscripto coquantur: deinde cum penè refriguerit, admisce

Aloës

Myrrhæ an. ℥. ss.

Aquæ vitæ ℥iij.

Misce, fiat cataplasma.

Pars sic curata calida est in lecto continenda; in idque plurimum laudo fragmenta lapidis molaris calefacta, & parti circumposita. Is enim lapis præterquam quod calidum innatum revocat, exsiccat quoque & resolvit plurimum. Chirurgus dum cataplasma detrahet, conabitur scalpelli acie, aut separatoriis, ad calcem hujus capitis adumbæatis, escharam unguento Ægyptiaco, vel ruptoriis, aut quovis alio modo inductam, separare, deinde abluer denud partem antè dicto fotu, adhibebitque Ægyptiacum & cataplasma, ut antè: nec aliter se geret, do-

nec sisti malum animadverterit. Tandem inter se parare escharam pharmacis antè commemoratis: continuando interim cataplasma, quod putrefactioni repugnet. Quod si Ægyptiacum, aut ruptoria non satis valeant contra vim putredinis; adhibendus erit cauter actualis, qui mihi in hoc Gangrænæ genere probatur, propterea quod egregiè desiccet, resolvit & roborat partem affectam, ejusque calor agens penetrat altius quovis remedio.

In Gangræna ex intemperie sicca, nimirum ex atrophia, & penuria alimenti, quavis ratione humectandum est corpus, tum commodo victu, tum his, quæ sequuntur. Igitur est necesse diætam ægri & aërem, in quo moratur, tendere ad calorem & humiditatem: debet ergò cibus uti, sanguinem & alimentum plurimum gignentibus, concoctu facilibus, & juribus collatis, & restaurantibus, aliisque bonis jusculis, è vervecina, gallinaceis, pullis & capis: hordeo item mundato bene cocto, dein colato, muliebri quoque lacte, vel si desit, asinino. Lac autem summo mane recens emulsum cum pauco saccharo & sale bibendum est, & quidem jejuno stomacho. Necesse quoque est, ut æger per horas ad minimum tres post sumptum lac, neque bibat, neque comedat quicquam. Dum utitur lacte, ab omnibus acidis veluti aceto, succo citronum, aurantiorum, & similibus abstineat æger, ne lac in stomacho coaguletur, putrescatque. Cubiculum meridiem spectet: in summa, humectandum est corpus, vitæ quæ exsiccant, qualia sunt vehementer purgantia, sudorifera, & diuretica omnia.

Extrinsècus inungendum corpus oleo amygdalarum dulcium, liliorum alborum & violarum: ut hoc modo comprimantur pori, & innatum calidum intus conservetur. Partes, quæ sunt supra affectam partem, puta totam tibiā, ad femur usque, si pes æger sit, inungendæ sunt succo lumbricorum terrestrium, ad eum modum parato, qui ad finem hujus capituli describetur. Succus ille longè optimus est, quia calefacit & humectat, aperitque simul & semel valorum obstructions, ut eò liberius sanguis & spiritus à corde & epate ad locum laborantem permeare possint.

Quod ad partem affectam, videndum est, num intemperies sicca, veluti causa futuræ Gangrænæ, solummodo adsit; an verò Gangræna ipsa jam invaserit? Si nihil aliud præter intemperiem siccam adfuerit, quavis ratione humectanda est pars affecta, & alliciendum alimentum in partem agram. Quare fovenda jure tepido intestinorum, capitis & pedum vervecis; quod si manipulum unum aut alterum lumbricorum terrestrium aquâ lotorum, & incisorum admiscueris, majorem efficaciam habebit decoctum. Postquam per quadrantem horæ pars affecta, prædicto decocto ita fota fuerit, cucurbitulæ nonnullæ applicandæ sunt, citra tamen scarificationem. Interim autem, dum adhærent, tegendus est locus linteo duplicato, aut spongiâ, filtro intincto in jure antè dicto; his continuatis, usque dum locus incipiat rubescere, illicò demendæ sunt cucurbitulæ, simulque lintea calentia, ne resolvatur & evacuetur, quod attractum fuerit: dein inungenda pars sequenti unguento.

R. Ol. amygdalarum amararum

Ol. synapi ana ℥ij.

Succi lumbricorum terrestr. ℥iij.

Misce, & applicetur tepidè. Deinde sequens emplastrum applicandum est

R. Picis liquidæ ℥vj.

Farinæ lolii, &

Lupinorum quantum satis erit ad inspissandum.

Si







Fig. 7





Fig. 8



Si Gangræna jam invaserit, & putredinem concipiat locus, duplex aut triplex sumenda erit indicatio, prout erit morborum & symptomatum complicatio. Enim verò, quia totius morbi causa est atrophica, alimentum quavis ratione attrahendum est, frictionibus mediocribus (asperæ enim, protinus desiccant, & evacuant, quod attractum est) vel lintheis calidis, vel manu inuncta oleis supra memoratis, cucurbitulis, &c. Quia etiam jam adest putredo, hæc evacuanda est, sive scarificationibus, sive hirudinibus, & Ægyptiaco applicato: deinde applicandum cataplasma sequens, putredini obsistens simul & nonnihil attrahens.

R. Farinæ lupinorum.
Lolii ana ℥iiij.
Summit. absinth.
Scordii utriusque
Folior. rutæ an. M. j.
Rad. vincetoxici &
Angelicæ ana ℥ß.

Misce, fiatque omnium pulvis, cui admisce picis liquidæ, quantum sufficit ad figendum emplastrum.

Cauterem actualem hîc ex *Albucasis* doctrina improbamus. Cum enim maxima adsit extenuatio & siccitas, ac cauter mirum in modum desiccet, non video, quomodo prodesse possit, nisi quando ad amputationem membri deveniendum est: tunc enim cauterio carere non possumus, ut postea dicemus. Cum autem subito inducenda est eschara, applicanda erunt ruptoria: vel novacula ressecandum est, quicquid corruptum est: deindeque apponendum Ægyptiacum, & procurandus escharæ casus, velut antè monuimus.

Hæc Gangræna species planè abhorret à defensivis, siquidem defensiva adstrictione sua prohibent spiritus & alimentum à parte affecta: in desperata tamen Gangræna, quæ in Sphacelum degeneravit, ubi nulla amplius spes est, ut membrum conservari possit, etiam locum habent defensiva, in eum finem, ut vapores putredinis arceantur à partibus principibus. Amputato verò membro, non amplius conveniunt, nisi de novo symptomata aliquod, quod ea requirant, suboriantur.

Antequam autem pars amputetur, necesse habet Chirurgus ventura pericula prædicere, eaque palam commemorare apud ægri amicos, & adstantes omnes. Nam etsi amputetur altius pars affecta, in ipsa quoque carne viva, tamen malum, ut plurimum truncum iterum invadit atque occupat. Cujus rei lector exemplum habet Observation. 89. Centuriæ 2. item Observ. 92. Centuriæ 4. de sene quodam *Jacobo Marcuardo* nomine. Atque ut paucis dicam, Gangræna omnis ex siccitate, ut plurimum lethalis est, ut ante dictum undecimo c. pite. Idque revera mirum nemini videri debet, morbi enim ex siccitate & humidi primigenii absumptione, insanabiles sunt, quod & ipsemet *Hippocrates* testatur, cum dicit, convulsionem ex helleboro lethalem esse. Indicat enim, humidum radicale à pharmaco absumptum esse: At longum tempus exigitur, ut *Galenus* docet, ad siccitatem nervorum removendam, morbi autem acerbitas tempus non expectat: quin citò vires dissolvit, & subito exitium adfert: Quæ omnia ad hanc speciem Gangrænae optimè adaptari possunt.

Sedatâ Gangrænâ, mundificandum & incarnandum est ulcus. mundificativo nostro, de succo apii infra cap. 18. describendo, aut melle rosato, addito pauxillo aquæ vitæ, & theriacæ, idque citra pinguedinem ullam. Tandem incarnandum & cicatrice obducendum sequenti pulvere.

Bibl. Chirurg. Tom. II.

R. Radicum iridis flor.
Aristoloch. rotund.
Angelicæ ana ℥ij.
Foliorum scordii ℥ß.
Olibani
Masticis ana ℥ij.
Lapidis Bezoardici.
Crocii ana ℥j.
Cornu cervi usti & præp. ℥j.

Misce, fiat pulvis tenuissimus, qui ulceri inspergatur. Si ad cicatricem inducendam majore exsiccatione opus fuerit, addatur parum rutæ, cerussæ, lithargyrii aurei, aluminis usti, lapidis calaminaris, & cornu cervi usti, & præparati.

Succus lumbricorum terrestrium, supra memoratus, variè componitur. *Johannes Wierus* in tractatu de Scorbuto, lumbricos usurpat cœmisteriorum pinguißimos, quos aquâ primùm, deinde vino apprimè lotos, minutim incidit, & phialæ indit, pastâ obvolutæ, hanc furno inserit cum alio pane, hocque cocto phialam simul extrahit pastâ obvolutam, ac ubi refrixit, mergit in aqua, hincque mollescente pasta, ac phialam deferente, lumbrici resoluti in liquorem sese offerunt: percolatus liquor reservetur ad usum, sed alterno quoque die renovandus est; citò enim corrumpitur, præcipuè æstatis tempore. *Nicolaus de Meiri* eodem modo liquorem illum præparat, nisi quòd nonnihil olei olivorum vermicibus affundit. *Cosmus Slotanus* Illustriss. Juliacenßium, Clivenßium, & Montenßium, &c. Principis Archichirurgus, usus hoc succo ad atrophiam, & extenuationes particulares, aut ad Gangrænâ ex sicca intemperie, sumebat eosdem lumbricos, eosque, ut supra mundatos, collocabat in magno recipiente: deinde sat copiosum oleum amygdalarum dulcium & violarum affundebat: demum super cineres calentes resolvebat in liquorem, quo post fortem expressionem colato, utebatur.

Hæc autem mihi longè præstantissima compositio videtur, in siccitate particulari: quoniam hoc modo integrè servatur utraque facultas, & olei & lumbricorum. Succus lumbricorum propriâ & peculiari vi penetrat illicò, permeatque ad nervos; & nervosa omnia, ipsasque adeò venas & arterias, quarum tunica nervosâ constant substantiâ, & eas quidem partes succus ille roborat, alit & calefacit mediocriter, tollendo, quæ in iis sunt, obstructions. Inest præterea compositioni huic qualitas viscosa ab oleis, cujus ratione statim atque succus penetravit, oleum poros claudit & obstruit, atque ita cohibetur innatum calidum, & intra partem affectam veluti concluditur.

Vid. Tab. VI. fig. 1. & 2. ubi reperiuntur

Delineatio cultellorum & hamulorum ad separandas escharas.

Cap. 14. Curatio secunda speciei Gangrænae, ex alteratione videlicet vehementi, per qualitatem occultam.

C Apite 5. diximus, esse Gangrænæ speciem, quæ quidem ortum non ducit ex causis manifestis, intemperie videlicet calida, frigida, humida aut sicca; verum ex qualitate & malignitate occulta, nostrisque mentibus impervestigabili, unde sequitur, non esse instituendam curationem solis pharmacis operantibus per qualitates manifestas, sed illis etiam,

etiam, quæ occultis agunt qualitatibus, siue ore sumantur, siue foris adhibeantur. In his autem excellent Theriaca, Mithridatium, Bezoardicus lapis, dictamnus Cretensis, scordium, radices vincetoxici, angelicæ, & succus citriorum. In hac autem Gangræna summâ vigilantia opus est, quia plurimum lethalis: quippe ilicò appetit, læditque partes principes. Quamobrem Chirurgus aggrediens ad curandam id genus Gangrænam, nec plenè compertam habens, ut sibi à calumnia præcaveat, faciatque, quæ decent, suæ eruditioni diffidens, consulat præstantissimum aliquem Medicum, aliosve doctos, in arte Chirurgica plurimum exercitatos.

Ubi autem Chirurgus ex signis istis, *cap. 8.* enumeratis, cognoverit, Gangrænam ex qualitate occulta ortam, ilicò infundat ægroto, si stipata est alvus, clysterem lenitivum, aut suppositoria subdat, factâ eorum operatione, sequentem potum propinet.

R. Radic. angelicæ
Vincetoxici ana ℥iiij.
Scordii utriusque,
Rutæ,
Dictamni Cretici ana p. j.

Coquantur in s. q. aquæ buglossæ, & cardui benedicti, ut colatura redeat ad uncias duas, in quibus dissolve

Theriace opt. ℥j.
Succi citri ℥ss.

Misce, fiat potiuncula, detur calidè.

Pro pueris & delicatulis, qui prædictam potionem propter saporis injucunditatem bibere non possunt, præparetur sequens:

R. Lapidis Bezoardici gr. vj.
Cornu cervi usti & præp. ℥jss.
Syrupi de succo citronum ℥ss.

Cum aqua cardui benedicti, fiat potiuncula.

Poterit & aliquid confectiōnis Alkermes, & aquæ cinnamomi admisceri, hunc in modum:

R. Lapid. Bezoard. gr. vj.
Cornu cervi usti & præp. ℥j.
Margaritarum præp. ℥ss.
Confect. Alkermes. ℥j.
Aquæ cinnamomi ℥ss.

Cum aqua cardui benedicti, aut decocto suo, pro potu ordinario, cujus descriptio mox sequetur, fiat potio.

Æger sumpto potu tegatur aliquantisper, dum promoveatur sudor, ut hoc modo materia maligna à partibus principibus arceatur. Foris etiam applicetur cordi epithema, quale capite 12. descripsimus: Iterentur item præscriptæ potiones auctâ imminutâve ingredientium dosi pro ægri ætate & habitudine. Quamvis autem ad singulos haustus non procedat sudor, minimè tamen is utilis esse desinet. Quippe hujus ope materia maligna, si qua fuerit corpori ingenta, foras ad extrema detruditur procul à corde, & cæteris primariis partibus: Sin verò extrinsecus propter morsum, aut ictum bestiarum venenatarum adveniat, corroborat etiam ac tuetur partes primarias, dum ab illis malignitatem arcet. Hæc vehementes purgationes minimè conveniunt, uti nec phlebotomia, aut somnus diuturnior, ne fortè retrahatur venenum ad partes primarias.

Quòd ad victus rationem spectat, vitet æger cuncta difficilia, salita, & piperata, aut alioqui actia: sorbeat cremorem hordei ritè cocti, aut juscula vervecina; pullis gallinaceis vescatur, aut caponibus, incoctâ copiosâ boragine & acetosâ. Loco vini bibat ptisanam, in qua acetosa, pruna, aut tamarindi cocti sint, aut sequens decoctum,

R. Herbarum agrimonie M. j.

Veronica M. ss.

Rasuræ cornu cervi crudi ℥iiij.

Coquantur in ℥ss. xij. aquæ, donec quarta pars sit absumpta: aromatizetur cinnamomo & saccharo.

Utatur frequenter succo citri, tum in ptisana, tum etiam in jurelenti. Hujus succi loco potest etiam usurpari syrupus ex eodem succo, item ex succo acetosæ, granatorum acetosorum, & berberorum.

Quòd ad topica, Chirurgus summo studio debet extrahere & evacuare materiam malignam: Itaque scarificabit profundius, quæcunque videtur obrepere Gangræna, & quantum satis, sit sanguinis effluere sinet: vel adhibebit hirudines, vel cucurbitulas: prætereaque abluet partem decoctione sequenti.

R. Radicum angelicæ
Vincetoxici,
Lupinorum ana ℥j.
Herb. Scordii utriusque,
Absinthii,
Dictamni Cretensis,
Rutæ ana M. j.

Coquantur in lixivio barbitonsoris ad consumptionem tertiæ partis, in ℥ss. ij. colaturæ dissolve theriacæ ℥ss.
succi citri ℥j.

Hac decoctione calidè diligenter ablotis scarificationum vestigiis, & unguento Ægyptiaco nostro, præcedenti capite descripto, applicetur cataplasma sequens calidiusculum.

℥ farinæ lupinorum,
fermenti acris.
alliorum sub prunis coctorum ana ℥ij.

Pulv. foliorum rutæ.
scordii, dictamni Cretensis,

Rad. angelicæ,
vinctoxici ana ℥ss.
theriacæ optimæ
mithridatii ana ℥j.

Cum decocto scordii, fiat emplastrum in mortario.

Exinde pergens Chirurgus in ægri curatione, auferat escharam, si adsit, deinde scarificet denud partem affectam, ad educendum sanguinem: & applicet cucurbitas, ac hirudines: locum abluat, & applicet Ægyptiacum cum cataplasmate, & in iis perseveret, donec malum superatum fuerit.

Tandem nitatur escharam remove succo porrorum, vel (quod magis placet) novaculâ, aut cultellis delineatis. Exin ulcus diu apertum teneat, quò materia maligna continuò effluere possit. Ex intervallis quoque ægro præbeatur theriaca, Mithridatium, terra sigillata, cornu cervi usti & præp. cornu monocerotis, Bezoar, confect. Alkermes, aqua cinnamomi, aliaque, quæ partes nobiles corroborant, & à venenatis vaporibus defendunt.

Cum verò Gangræna oriunda est ex materia extra corpus genita, velut à morsu venenato, aut septicis adhibitis, unde periculum, ne malignitas communicetur partibus principibus, necesse est cauterii actualis ope urere & absumere subito, quicquid ejus malignitatis est particeps: aut etiam, (quod magis probatur) abradi potest novaculâ aut cultellis separatoriis, quicquid suspectum est: Et cum sanguis pro virium tolerantia effluerit, adhibendum est Cauterium actuale. Demum abluendum erit ulcus decocto supra scripto: tandemque unguentum Ægyptiacum nostrum, & cataplasma

& cataplasma præscriptum applicandum. Forti quoque defensivo arcendi sunt vapores maligni à partibus principibus. Sin verò Gangræna orta fuerit ex materia maligna, corpori ingènita, quæ ad partes externas feratur, defensivo, hunc quibusvis adstringentibus nullus est locus.

Sedatâ Gangrænâ, superest ut mundificetur, & incarnetur: ulcus mundificatio nostro de succo apii, aut melle rosato, mixto cum pauxillo aquæ vitæ & theriacæ. Deinde incarnetur pulvere sarcotico, ad finem præcedentis capitis descripto, & cicatrice obducatur.

Cap. 15. *Curatio tertiæ & ultimæ speciei Gangrænæ, ex spirituum interceptione.*

IN hujus Gangrænæ curatione, præscriptis universalibus, nempe diætâ, sive usu sex rerum non naturalium, ut & phlebotomia, purgationibus, & cæteris, pro morbi ratione, & ægroti viribus, diligenter inquirenda erit cûsa, ob quam spiritus arcentur à parte affecta, eaque si fieri possit, statim tollenda. Itaque si arctior sit ligatura, laxanda est: deinde adhibenda pharmaca resolventia, exsiccantia, & incidentia quicquid ligaturâ illâ attractum est. Tale est cataplasma sequens:

R. Farinæ lupinorum,
Fabarum,
Lentium ana ℥ij.
Pulv. Summitat. absinth.
Scordii,
Flor. Chamomillæ ana ℥ß.
Cum oxymelite, aut syrupo de succo acetosæ, fiat cataplasma.

Si invaleſcat nihilominus ægritudo, statim scarificandus locus, & apponendæ hirudines, Ægyptiacum nostrum, aliaque remedia, uti dictum est, cap. 13. in curatione Gangrænæ ex intemperie calidâ & humidâ.

Si in causa sit defensivum adstringens, aut emplastrica adhibita, hæc pariter protinus auferenda sunt: deinde frictionibus moderatis & calidis revocandum innatum calidum, aut locus fovendus forti lixivio, cui incoquantur lupini, scordium, & folium rutæ cum pauxillo aceti, sub finem addito, ut hoc modo rursus aperiuntur pori, & detergatur ab emplastrico medicamento inducta viscositas.

Si sint tumores scirrholi, circa majores arterias, venas, & cætera vasa, qui spiritus ipsos arceant & inhibeant, emolliantur si hoc vel simili unguento:

R. Ping. Gallinæ,
Anatis,
Uris ana ℥j
Ol. Liliorum alborum ℥ß.
Succi Lumbricorum ℥ij. Misce.

Deinde applicetur emplastrum ex mucilaginis, aut ex ammoniaco dissoluto in aceto. At si tumor in quapiam parte sit, in quâ tutò possit operatio perfici, præstiterit incidere cutim, deinde separare tumorem, usque ad ipsius radicem, quâ ligatâ filo reduplicato, abscindendus est tumor, ut expeditior spiritibus sit via. Hic autem diligenter cavendum, ne attingantur, aut transversim secentur vasa: id enim aut subitam mortem, aut Gangrænâ insanabilem adferre posset. Verum ut hujusmodi operationes tutius exsequi possit Chirurgus, summopere necesse est, ut in Anatomicis eruditus sit. Anatomia enim, ut Galenus scriptum reliquit, nos docet accuratissimè proprietatem essentia uniuscujusque partis. Quapropter Chi-

Bibl. Chirurg. Tom. II.

urgus, qui hujus scientiæ penitus ignarus fuerit, non nisi summo cum periculo hujusmodi operationes admistrare poterit, ut ex sequentibus historiis videre licet. Anno 1596. unâ cum Clarissimo Viro Dn. Doct. Jano Antonio Saraceno puellam strumâ laborantem vidi. Strumam verò hanc cum asperâ arteriæ, nervis recurrentibus, & venis jugularibus hærentem cognovissem, manum adhibere nolui, etiam si mater maximopere id à me efflagitaret. Non diu post, temerarius operator, cum advocatus esset, & strumam extirpare vellet, puella in ipsa operatione animam, mater verò, quia hanc unicam prolem tantummodò habebat, in longum tempus lachrymas, & quidem copiosè effudit.

Illustri cuidam Germano, cum temerarius Empiricus, & rerum anatomicarum planè ignarus, tumorem scirrholus: ex interna parte femoris excindere vellet, & novaculam nimis audacter, nimisque altè infixisset, ramumque istum venæ cavæ, qui ad poplitem descendit, abscidisset, in ipsa operatione, propter ingentem hæmorrhagiam, & penuriam cauterii igniti, ab hac luce subtractus fuit, ut in 3. Cent. Observat. 82. fusiùs declaratur.

Sin Gangræna ex retentione, & obstructione spirituum animalium fuerit, ut in paralyſi & pascimo accidit, spina dorsi, veluti origo nervorum, simul cum ipsa, parte affecta, sequenti linimento inungatur:

R. Succi Lumbricorum ℥ij.
Ol. Costini ℥j.
Ol. Terebinth.
Ol. Cerae &
de lateribus ana ℥ss. Misce.

Ante inunctionem autem origo nervorum, simul & pars affecta decocto florum chamomillæ, salviæ, betonicæ, primulæ veris, lavendulæ, baccharum juniperi, & similibus vino coctorum calidè fovenda est.

Quod si Gangræna accadat coccygi, aut clunibus, æger decumbet modò in sinistram latus, ad levandam partem affectam. Est & in tali Gangrænâ, si ex alia quapiam causa, pes ita locandus, & ad latus reclinandus, ut ne talus offendatur.

Si sit paralyſis in vesica, & guttatim stillet litium, id diligenter excipiendum est: comparatum in id vasculum, à nobis excogitatum & hîc adumbratum. (vid. Tab. vi. fig. 3.) Nam si tibiæ simul & semel cum vesica fuerint resolutæ, ita ut æger in lecto decumbere cogatur, incalescet litium, tandemque exulcerabit coccygem, qui deinde proclivis erit in Gangrænâ, uti sæpiùs accidisse meminij.

Tab. vi. fig. 3. Denotat

Vasculum ex stanno aut argento fabricatum, ad urinam involuntariè effluentem excipiendam, aptissimum. Hujus autem hæc est explicatio.

A.A. Capacitas hujus vasculi est, quæ tanta esse debet, ut libram circiter contineat: Posterior pars autem D. notata obruta est, paulatimque in acutum definit, quò meliùs inter clunes intrudi & limbus ille C. notatus, parumque elevatus perinæum immediatè attingere, & urina per foramen ipsum B. notatum in vasculum instillare possit.

D. Manubrium est, cujus beneficio vasculum intruditur in clunes, iterumque pro necessitate extrahitur.

In viris sat est, si membrum virile in foramen B. notatum propenderit. In fœminis verò, ut limbus C. notatus perinæum attingat necesse est.

Cæterum si causa Gangræne sit luxatio, ea restituenda est, & os in suo loco fasciis & ptygmatis sive pulvillis ex stupis, aut linteis reduplicatis factis, continendum. In locum suum reposito osse adstringentia parè adhibenda sunt, ac potius inungenda pars affecta succo lumbricorum terrestrium, cui tantillum olei rosati, aut myrtillorum pro corroboratione partis & dolore leniendo addi poterit. Si autem pars infra luxationem sit præsucca, macilentia & extenuata, ea fricanda, & cætera necessaria peragenda, quæ cap. 13. dum de Gangrænæ ex intemperie sicca curatione egimus, commemorata sunt. Conveniunt quoque scarificationes; vehementer enim attrahunt, ut *Galenus* testatur. Prius verò fovenda est pars jure tepido intestinorum, capitis, & pedum vervecis, quemadmodum cap. 13. diximus. Ante scarificationem tamen perpendendum est totumne corpus siccum atque extenuatum sit, an verò pars affecta tantum. Si totum corpus exrenuatum fuerit, frustra erunt scarificationes, sin succulentum utilissimæ.

Cap. 16. *Sphaceli curatio.*

SI quantumvis sedulam Chirurgi vigilantiam & adhibita remedia natura morbo succumbens, ita cludat, ut desinat Gangræna in Sphacelum, sive mortificationem perfectam, tunc non erit amplius sumenda indicatio à causis antecedentibus, aut pro illarum ratione & varietate mutanda remedia. Sive enim Gangræna orta fuerit ex intemperie calida, sive frigida, humida, aut sicca, Sphacelus semper est idem, nempe extinctio caloris nativi, destructio humidi innati, ac proinde mortificatio ejus partis, quam occupat.

Cum igitur Sphacelus (ut sæpius dictum) sit perfecta mortificatio substantiæ partis affectæ, ut loquitur *Galenus*, quæ quidem partes vicinas sensim inficit, & corrumpit, fieri nequit, ut ei, quod plenè mortuum est, vita restituatur. Unica igitur hæc erit curandi Sphaceli ratio, nimirum ut pars sincera & sana conservetur. Id autem fit primò applicatis defensivis, quæ impediunt, ne mortificatio altius serpat, partesque sanas occupet; Secundò extirpato eo omni, quod corruptum est: Ergò paulo supra, aut circa partem jam emortuam applicandum erit defensivum, quale supra cap. 13. præscripsimus. Et quamvis nonnunquam nulla detur spes conservandi partem sanam (sæpius enim Sphacelus adeò vehementer est, ut nullo remedio quantumvis ex arte præscripto, & adhibito cedat) nihilominus tamen defensiva sedulò sunt applicanda; ut hoc modo vapores ex putredine exhalantes arceantur à partibus principibus, veluti à corde, cerebro & hepate.

Cæterum, corrupti extirpationi variis sit modis. Nonnulli scarificationi altius factæ inter sanam partem, & mortuam, inspergunt pulverem ex arsenico, vel unguentum Ægyptiacum induunt, arsenico fortificatum. At nos jam antea docuimus arsenicum in medicamentis septicis censerì, atque dira & periculosa inferre symptomata, ac proinde alienum esse ab hujus morbi curatione.

Loco arsenici mirè placent ruptoria facta ex cinere sarmentorum & calce vivâ: quippe, ilicò, & ferè sine dolore profundam, gignunt, escharam, & cum nulla qualitate maligna sint prædita, nequaquam partes principes, veluti cor, cerebrum, & hepar lædunt, ut facit arsenicum.

Ruptoria autem propè carnem sanam applicanda sunt, nec opus est, prius scarificate carnem; per se enim satis valida sunt, & altè penetrant. Escharâ

verò factâ, non est ejus casus expectandus naturæ, aut medicamentorum ope; sed removenda, separandaque est novaculâ, aliove instrumento idoneo. Tandem, si videat Chirurgus carnem mortuam nondum penitus extirparam, denuò applicabit, ut antè, ruptoria, eaque reiterabit, quoad quicquid est putre, à sana separatum sit.

Alter modus extirpandi, quod corruptum est, cauterio actuali perficitur, dum uritur, quicquid infectum, & corruptum est, removetur eschara novaculâ vel pharmacis, veluti succo porrorum, aliisque antè cap. 13. propositis.

Tertio modo rescamus primùm una eademque vice novaculâ quicquid corruptum & mortuum est; idque quàm proximè accedentes ad sanam & sinceram carnem: deinde cauterio actuali vulnus inuimus, tum sistendi sanguinis gratiâ, tum etiam siccandarum, & absumendarum reliquiarum sanguinis & humorum corruptorum in parte affecta: postmodum aggrediemur, ad removendam, ut antè escharam.

Veruntamen si insit parti vas aliquod veluti arteria, aut vena, operatio tantò erit periculosior, quantò hæc grandiores fuerint. Itaque si metus est hæmorrhagiæ, præstabit cauterio potentiali & actuali operationem exsequi, quàm novaculâ (præcipuè si æger exsanguis & imbecillus fuerit) quamvis hæc ratio tutior, & securior est, tum quia, dum amputatur caro emortua, sit simul & semel sanguinis, & corruptorum humorum evacuatio; unde pars nonnisi plurimùm levare potest, tum quia, dum primùm secatur portio carnis corruptæ, cauterio actualis altius penetrat, adeòque exsiccatur potentiùs corruptionis reliquias: contra verò si relinquatur caro mortua, cauterio subito gignet escharam durissimam, sub qua putredo manebit conclusa, citra perspirationem ullam: itaque res erit loco, quàm antè, peiore.

Hæ operationes possunt exerceri, cum Sphacelus inest parti corporis, quam non sit necesse, aut possibile totam extirpare, verbi gratiâ femori, clunibus, & cæteris id genus partibus. At si sit in manu, pede, brachio, tibia, totumque membrum occupet, id unum restat extremum nimirum remedium, hoc est, ut non solum partes carnosæ, sed ipsum os, totumque membrum extirpetur. Verùm antequam declaremus operationis modum, videamus, quo loco tutius, & commodius ea possit institui.

Cap. 17. *De Amputationis loco.*

Dicturis de loco, in quo amputatio facienda est, consideranda occurrit partis affectæ differentia. Quare si Sphacelus sit in pede, aut tibia, operatio facienda est quatuor quinqueve digitis infra genu, nempe sub poplite. Etsi enim Chirurgus tenetur, quantum potest, corpus quàm integerrimum conservare, amputatio tamen nullo alio in loco, quàm prope genu, uti diximus, fieri debet. Sic enim æger commodius utetur lignæ tibiâ, firmitusque incedet, alioquin reliquus tibiæ truncus impedit, & ita quidem, ut nonnulli, quemadmodum testatur *Paraus*, iterum subire periculum, reliquamque partem trunci ad poplitem sibi amputandam curare coacti fuerint. At si Sphacelus genu superaret, quàm minimam sinceri rescandum, quoad ejus fieri poterit. Primò, quia operatio tantò periculosior, quantò trunco corporis est proximior, propter vasorum, venarum scilicet, & articularum amplitudinem. Secundò, quia lignæ tibiâ difficulter adaptari potest, si crus supra genu abscissum fuerit. Idem de manu judicium; in qua operatio commodè fiet ad carpi articulationem, ut tantum è brachio conservetur, quantum commodè alligandæ & aptandæ manui ferreæ sufficiat.

Cæterum

Ceterum monitos velim Chirurgo rationales fideles, ne in abscessione manuum & digitorum eos (nisi maxima urgente necessitate ut postea cap. 19. fusiùs dicam) sequantur, qui membrum in scamnum collocant, & apposito scalpello, aut securi, ictu malici carnem & ossa simul & semel maximâ cum vehementia, maximoque cum impetu abscindunt. Est enim operatio nimis violenta & crudelis, ac proinde rationali Chirurgo indigna: ægris verò plane exitiosa, propter maxima, quæ ipsam sequuntur, symptomata. Non solum enim hac operatione partes nervosæ, & musculosæ supra modum contuaduntur, & conqvasantur, verum etiam ossa ipsa ad proximam articulationem usque, ut plurimum finduntur: hinc etiam ossa nullum habeant sensum, ratione tamen periostii dolores gravissimi, inquietudines, vigiliæ, inflammationes, convulsiones aliaque pessima symptomata sequuntur, imò & nonnunquam Gangrena de novo suboritur, ægrumque perimit. Sin verò huiusmodi symptomata omnia non supervenerint, ulcus tamen, & non nisi maxima cum difficultate ad cicatricem perducitur, idque propter maximam contractionem, & comminutionem ossium, quæ hinc & inde per partes musculosas remanent, & ad tempus periostio adherent, tandem verò paulatim beneficio naturæ rejiciuntur, atque expelluntur, cujus rei exemplum memorabile hinc in gratiam tyronum inserere non gravabit.

Anno 1578. juveni cuidam propè Novisiam, in Episcopatu Colonensi, cum crepitu bombardæ sinistra perfracta fuisset, Magistro *N. Clout*, barbironfori Novisiensi, se curandum commisit. Is (ad imitationem Leonhardi Botalli,) in scamnum collocatâ manu, securim, quâ rustici findunt ligna, parti, ubi abscindenda erat manus, apposuit. Deinde quendam cordatum hominem ex adstantibus jussit, ut ponderoso quodam malleo ligneo, quo rustici ad findenda ligna utuntur, tergum securis fortissimo ictu percuteret: quod quidem ita ad votum successit, ut manus primo ictu abscissa fuerit. Ab initio gravissimi quidem dolores, vigiliæ, aliaque supra commemorata symptomata supervenerunt: post longum tempus tamen, & ingentes dolores evasit, corporeque convaleuit. Ulcus verò difficulter ad cicatricem perducere potuit, propter ossiculorum fracturam & comminutorum abundantiam, quæ menstruales ferè molestias, novaque symptomata ægro paraverunt.

Ex his manifestum fit, quàm ineptus, quàmque periculosus sit modus abscindendi membra, quem Johannes Schenkius observationum medicinalium libr. 5. mihi pag. 791. ex Leonhardo Botallo lib. de vulneribus sclopetorum proponit, his verbis: Cæterum inquit, major cura est adhibenda in magnis membris amputandis, quàm si digitus tantum sit: nam hic facile demitur: collocatur aut super banco, fultro, aut exiguo pulvillo ex gossipio submisso, mox illi acies gladii, vel scalpelli plani ac lati optimè acuminati, quasi ad perpendiculum aptatur, & instar cunei ligneo malleo adigitur, ut unico ictu opus peragat.

Pro magnis verò membris aliud est modus excogitatus: nempe cultri duo lati, quorum unus intra duas columnas ligneas cippo infixus est, aciem sursum producens, alter verò intra easdem columnas superiore loco ponitur, qui ad amissum descendat, ut aciem acie fricet. Hic autem quo minus labatur, sulco in utraque columna facto recipitur, ut quasi fistuca sursum deorsumque liberè ferri possit, non ultra citroque: & quò suo solo descensu ac pondere totum membrum detruncet, cippo vel plumbo onerandus est, quantum satis esse videbitur, vel ipse quoque cedendus est ingenti & gravi malleo ligneo, ut unica

illisione absolvatur opus: sed melius est si instar fistucæ cadat. Modus autem hic, eo qui ferrâ efficitur, multò tutior est, facilior & celerior, imò etiam fermè citra dolorem: adeò ut Regius Chirurgus Magister Jac. cognomine, Vir in arte suâ cum doctrinâ, tum experientiâ exercitissimus, fateatur, suâ operâ vivere nonnullos, simili instrumento crure mutilatos, qui putabant ex lychnio ignis scintillam super pedem incidisse, cum detruncatum membrum est: quod non evenit, nisi actionis ejusdem instrumenti celeritate, quæ quantum commodum ferat, solummodo prudens artifex novit, & qui in talem calamitatem incidit. Nam præter id, quòd dolor exiguus & momentaneus est, ex arbitrio etiam artificis illico arteria & venâ occluduntur: quod non pauci est momenti. Imò quidem ex iis, qui à cæsis membris intereunt, plures ob effusum sanguinem occidunt, quàm ob aliam causam. Nam interea dum ferrâ ossa secantur (præter id quòd & plerumque multas nervosas partes à novacula relictas hæc miserè lacerat) perpetuò sanguinem & spiritus fundunt sectæ venæ & arteriæ, quare non possum non vehementer hoc locò ferram viruperare, & ex adverso cultros laudare ac commendare. Sed qui vel animi prudentiâ, vel stupore, vel artis imperitiâ non facile ad insueta transeunt, statim opponunt ossium contractionem, vel carnosæ partis contusionem, vel operis crudelitatem. Ast hæc nulla prorsus est, si cum eâ, quæ ferram consequitur, conferatur: & contusio nullâ fit, si cultri acies, prout licet, fuerit adducta: nullius etiam momenti est ossium contractio, cum facile fragmenta hoc loco arte deducantur, vel à naturâ rejiciantur. Cum igitur negotium ipsum obeundum est, candentia cauteria habenda sunt præstò: apponenda ad axillam, vel inguen repellentia, aures obturandæ, oculi avertendi, & in membrum, prout dictum, est ligandum, postea sic inter utramque est collocandum, ut (si intra cubitum vel genu sectio fiat) ambo ossa æqualiter inferiori aciei insistant, non autem unum alteri supersistat, (non idem observandum est, si supra genu vel cubitum secare expediat, quòd unicum tantum os sit) deinde repente à sano segregandum, mox ad cauteria deveniendum est, quibus arteriæ & venæ cohibentur: incepto opere ab arteria: nam sanguinis aliquid effluere utile est: deinde protinus tenuis crusta inducenda, perinde atque alibi jussum est: inde vincula solvenda, & totum ulcus cum adjacentibus partibus obtegendum medicamento confecto ex rosaceo, ovo, & bolo armeno, quòd tepidum applicetur: usurpetur hoc bidentum. Hæc Botallus, quæ quidem, mihi candide lector, non ascribo, ut modum ac methodum illam approbem, quin potius ut tyrones, quibus methodus illa facilis esse videbitur, admoneam, ut diligenter sibi ab ea caveant. Causam, ut multis verbis exponam, supervacaneum esse existimò; Unicum enim illud exemplum, superius commemoratum, de juvene, cui Magister Clout, Barbironfor Novisiensis, manum abscidit; tibi sufficiet. Ego operationi non interfui, eram enim tunc temporis adhuc juvenis, quæ verò recensui, ex viris fide dignis habeo, partim quoque propriis oculis vidi, ægrumque cum in istis miseriis esset, cognovi. Nunc iterum ad institutum nostrum.

Alii membrum, imprimis verò digitos tenaculâ incisoriâ, & ad id aptatâ abscindere tentant. Quæ quidem operatio absque maxima contusione, & dilaceratione nervosarum partium, ossiumque comminutione, ac periculo agri fieri non potest; Huiusmodi enim tenaculâ ferrum, si nilisque materia dura, potius & facilius, quàm nervus, aut nervosum quid, abscindi potest: quòd diligens Chirurgus etiam

etiam in brutis experiri facile poterit. In extractio-
ne fœtus mortui, aliquando ut brachia in ipso hu-
mero abscindantur, necesse est, sciunt practici. Ab
initio itaque cùm operationem illam administrarem,
& abscissionem novaculâ, non nisi summo cum pe-
riculo fieri posse perpenderem, ad tenaculam inciso-
riam confugi, eaque parvo cum negotio abscissionem
brachii perficere me posse sperabam: Verùm fefellit
me opinio, aliaque instrumenta ad operationem il-
lam exsequendam excogitare coactus fui. Quid plura?
cùm contusa vulnere, ut experientia docet, reliquis
semper sint periculosiora, suadeo, ut Chirurgus ab
hujusmodi operationibus ineptis atque periculosis,
ne dicam crudelibus, abstineat. Quomodo autem mem-
bra sint abscindenda, posthac declarabimus.

Porro docent nonnulli ex neotericis, & quidem
magni nominis Medici, partem resecari in ipsa car-
ne mortua, ac corrupti etiam nonnihil relinqui, ad
vitandam hæmorrhagiam, dolorem, & convulsio-
nem: ac nihilominus censent, quicquid putredinis
reliquum est, absumendum cauterio actuali. *Andreas
Vesalius* Institutionum Chirurgicarum lib. 5. c. 14.
eadem habet verba. Quam tamen opinionem falsò
Vesalio adscriptam fuisse, vel solus ipse stylus testis
est. Non enim *Vesalius* illo in loco loquitur, sed
alius, magni tamen nominis Medicus, ex quo *Dn.
Prosperum Borgarutium* qui Chirurgiam *Vesalii*, ipso
defuncto, in lucem edidit, locum illum de verbo
ad verbum transcripsisse, vix unâ voculâ immutatâ,
facile animadvertet, qui verba unius atque alterius
authoris inter se conferre velit.

Opinionem autem hanc ex *Johanne Vigone* decer-
ptam fuisse, verisimile mihi videtur: libro enim 4.
cap. ult. jubet, ut de carne putrida atque corrupta,
propter causas antea recitatas, nonnihil relinquatur.
Verùm locum istum incertiâ amanuensis, aut forsan
ipsius typographi depravatum esse neque hanc fuisse
mentem *Vigonis*; scripta ipsius luculenter ostendunt.
Sic enim scribit lib. 2. cap. 17. de cura Gangræna, a-
schachilos & estiomeni; *Ulimò*, inquit, loco, si ista cor-
ruptio transire videtur ad estiomeni dispositionem qua (ut
superius diximus) corrumpit membrum, in quo talis re-
peritur indispositio, in tantum, quod ossa etiam dicuntur
vitari; Tunc statim pro ejus curatione succurrendum est,
sequestrando à sano totam partem corruptam, nova-
cula bene incidente; Deinde os ferrâ secandum est, &c.
Ubi dictiones totam partem corruptam notandæ sunt:
nullam enim in se continent exceptionem. In com-
pendio verò suo l. 2. c. de curatione Gangræna mihi
pag. 851. Etiam si ipsummet *Vigonem* aliter sentire vi-
deatur, cùm membrum corruptum in carne mortua,
& putrefacta amputandum esse refert: attamen quia
eodem capite, uti & capite 13. l. 8. doctrinam suam
authoritate *Celsi* probat, atque stabilire nititur, cer-
tum est, ipsum cum *Celfo* consentire; Alioqui in
quem, quæso, finem ipsius auctoritatem protulisset;
At *Celsus* potius de parte sana aliquid excindendum
quàm de ægra & corrupta quicquam relinquendum
esse, postea addit. Hinc ita argumentari potest. *Cel-
sus* post *Galenum* membrum Sphacelatum inter car-
nem sanam & corruptam abscindendum esse docet;
Ita tamen, ut potius de carne sana non nihil excin-
datur, quàm de corrupta quicquam relinquatur.

Vigo opinionem suam, de abscissione membri
Sphacelati, autoritate *Celsi* duobus in locis con-
firmat.

Vigonem itaque cum *Celfo* consentire, ac mem-
brum potius in parte sana, quàm in carne mortua
amputandum esse, sequitur. Hæc propterea adscribo,
ne aliquis celeberrimum, atque de Chirurgia opti-

mè meritum virum *Dn. D. Vigonem* hujus contro-
versie primum fuisse authorem existimet.

Quod ad *Galeni* doctrinam attinet, ea videtur
pugnare cum *Celsi*, & complurium antiquorum, &
recentiorum usurpata praxi: sic enim scribit: *Ete-
nim cùm ita membrum affectum est mortuum, ut nec
punctionem, nec sectionem, nec etiam ustionem sentiat,
statim ipsum rescindere oportet, qua vicinam sanam par-
tem attingit.* Verùm intelligendum est, *Galenum* spe-
ctasse, quod præcipuum est potius, hoc est, ad ra-
dicem mali, quàm quæ ex eo consequuntur. Quia er-
gò putredo semper altior est in ima parte, seu ca-
lidior & humidior, ut postea fusiùs dicam, no-
luit *Galennus* inchoari amputationem extrinsecus à ma-
li radice, ita ut relinquatur præcipua radix & pu-
treto in ima parte nimirum inter musculos, & va-
sa; Ibi enim vera putrefactionis radix, non item fo-
ris in cute; ut igitur tollatur radix illa, necesse est,
sinceri aliquid resecari, idque extrinsecus, quemad-
modum *Celsus* & alii docent.

Est præterea modus loquendi passim à *Galeno*
aliis quoque in locis usurpatus. Sic enim scribit, de
arte curativa ad Glauconem lib. 12. c. 10. ubi de
excisione canceri ait: *At scopus, inquit, in hujusmo-
di curatione est, totum, qui circumstat, tumorem præ-
ter naturam, qua partibus sanis adheret, abscindere:*
quibus verbis *Galennus* tumorem propè carnem sa-
nam excindendum esse docet. Alibi verò, nimirum
Methodo Medendi lib. 14. hæc habet verba. *Ubi ve-
rò quod vitiatum est, prorsus excideris, sic ut nulla su-
persit radix, sines effluere sanguinem, &c.* Et libro
de atra bile: *Omnes, inquit, exulcerationes ab atra
bile, sunt insanabiles, nisi quis sanationem appeller, ut
affecta pars tota circumquaque ad partem sanam abscin-
datur.* Hinc manifestum sit, *Galenum* cum *Celfo* con-
sentire; Ac proinde membrum potius in parte sana,
quàm demortua abscindendum esse. Atque hanc fuisse
opinionem atque mentem *Galeni*, *Aëtius* disertè
testatur. Cùm enim curationem Gangrænae & Spha-
celi ex *Galeno* operi suo inseruit, hæc habet verba:
*Proinde, inquit, partem mortificatam celerrimè rese-
care oportet, quatenus contingit vicinam sanam, ita,
ut nihil prorsus putridi ac cariæ relinquatur.* *Bartho-
lomeus Maggius* sententiam *Galeni* & *Pauli*, in ex-
cisione non totius membri, sed partis alicujus cor-
ruptæ, intelligendam esse, testatur, & membrum
Sphacelatum in parte sana amputandum esse, do-
cet.

Sed redeamus nunc unde digressi fuimus, &
videamus, an operatio illa, quæ fit in carne mor-
tua & putrida, secundum tria illa præcepta *Ga-
leni*, quæ lib. 4. cap. 13. meth. med. protulit,
fieri possit: ubi operationes citò, citò & jucun-
dè, hoc est, absque dolore fieri debere præci-
pit.

Extirpationem membri, quæ fit in carne mor-
tuâ, citò fieri non posse, ut demonstrem, illud
Galeni, Sphacelum, scilicet corruptionem esse sub-
stantiæ partis, quam ipse occupat, ita, ut etiam
ossa ipsa labem sentiant, iterùm in memoriam revo-
candum est. Inde enim apparet, quicquid putridum
est, absumendum esse; At non video, quomodo extir-
patio illa citò fieri possit, si toties iteranda erit ope-
ratio. Ad carnem enim putridam ad os usque inci-
dendam: deinde eandem ad vivam carnem usque cau-
teriiis multis ignitis absumendam, & os ferrâ abscin-
dendum, profectò tempus longum requiritur. Et quia
hujusmodi operatio etiam si in carne mortua fiat,
dolorosa, ut postea demonstrabo, ac interim æger
ingenti

ingenti horrore perstringatur, deficiunt vires, si longa fuerit operatio. Abscissio verò quæ fit in carne viva, præcipue si Chirurgus diligens, & manu promptus fuerit, ferè, ut ita dicam, momentanea est, uno enim ictu caro ad os usq; inciditur. Quod si Chirurgus ad carnem incidendam cauterio cultellari, ut postea dicam, uti voluerit, vasa quoque simul constringet, & hæmorrhagiam impediet. Sin novacula carnem absciderit, facile tamen, & parvo temporis spacio, vasa aut ligabit, aut cauterio actuali claudet. Hæc non ex conjectura scribo, sed experrus loquor. Citò itaq; abscissio membri, quæ fit in carne corrupta, fieri non potest.

Nunc an tutò fieri possit, videndum est, ubi verba proxima ex Galeno allegata, iterum sunt perpendenda. Si enim Sphacelus partem, quam occupat, ita corrumpit, ut etiam ossa ipsa labem sentiant, non sat est extrinsecus cutem conspiciari, sed quousq; pervadat malum attendere, ut tota pars affecta extripetur: alioquin futura est inutilis operatio: nempe quia corruptio ossi impressa denuò inficiet partem sanam. Advertendum præterea, quò calidiores & humidiores sunt partes, eò facilius eas putrescere. Est autem certum, musculos & vasa in intimis sita partibus, multò calidiora & humidiora esse, quàm sit cutis externa, ac proinde putredini & corruptioni magis obnoxia. Hinc sequitur, corruptionem & putredinem altiore esse sæpenumero in ima parte, quàm foris in summa cute apparet. Itaq; si juxta id, quod apparet, operationem tuam administraveris, frustra ægrum cruciabis, dum carnis emortuæ plurimum in ima parte relinques; Quemadmodum ex sequentibus historiis manifestum sit. Anno 1586. cum præstantissimo illo Chirurgo, Dn. *Iohan. Griffonio* Genève in Sabaudiam ad virum quendam juvenem robustum Gangrænâ in tibia laborantem, profectus fui. Gangræna ad poplitem usq; ascenderat. Ut igitur genu conservare possemus, tibiam ad ipsam radicem mali abscidimus: deinde truncum diligenter, quoad fieri potuit, ferro candenti decoximus, ut si quid forsan reliquum esset putredinis, id Cauterio absumeremus. Verùm frustra languens æger excruciarus fuit. Abscissâ enim tibiâ, sub genu; ubi vasa magna descendunt, & propè os Gangræna jam multò altius, quàm in cute apparebat, ascenderat. Aliud & quidem recens exemplum satis memorabile addam. Juvenis quidam duodecim annorum ætatis, *Copperi* ad Lacum Lemannum, cum ex Dysenteria curatus esset, Gangræna in dextro pede exorta est, quæ in Sphacelum degenerans, totum crus invasit. Naturæ autem beneficio per se in ipso genu substitit, ibiq; in fœtidissimum ulcus degeneravit, ligamenta erosit, ipsamq; juncturam disjuxit. Ego cum ultima die Januarii Anno 1614. accessitus essem, crus supra genu, & quidem in ipsa carne viva ad duos digitos in latitudine positos abscidi. Alterâ die cum truncum denudassem, os ante carnem prominentem, & musculos versus coxam retractos & longè altius, quàm extra in cute apparuerat, ab ipso osse separatos esse reperi. Sphacelus enim etsi miro beneficio naturæ in ipso genu, ut dixi, substitit: putredinem tamen ulceris longè altius in centro partis affectæ, hoc est, circum circa os seipsisse, ipsumque os carie contaminasse, postea manifestè apparuit, quemadmodum in Centuria quarta Observationum mearum fusiùs dixi. Simile videmus in pomis & pyris, in quibus nonnunquam extra in cortice macula solummodò nigra conspicitur, cum tamen intra ad nucleum usque, aut etiam ulterius, putrida cariosaque sint:

Nunc, quid de hæmorrhagia censendum, & an illa tantoperè in amputatione membri formidanda sit, investigandum est. Ubi constitutio ægri perpendenda est. Æger enim si supra modum debilis, atq; extenuatus fuerit, quemadmodum juvenis ille *Copeti*, cujus jamjam mentionem feci, sanguis, quoad fieri potest, conservandus est. Conservatur autem, si caro ad os, cauterio actuali, & in formam cultri fabricato, abscindatur, & vasa cauterio obturata fuerint. Hæmorrhagiam quoq; impedies, si arctissimè constringas lorum, quod superligatur parti, cui serra adigenda est: Sic enim venarum & arteriarum vasa ita constringuntur, ut vix tres quatuorve sanguinis unciae in amputandâ tibiâ pereant, modò Chirurgus industrium sese gesserit. Tamen etiam si paulò plus pereat, non est existimandum, supernè omnem prodire, sed partem etiam ex ipsâ parte amputatâ manare, quæ quidem quicquid continebatur sanguinis effundit. Sin verò æger juvenis, robustus, & plethoricus fuerit, tantum abest, ut hæmorrhagia sit evitanda, quin potius ex præstantissimorum Medicorum atq; Chirurgorum sententia, operatione facta, sanguinis quantitas aliqua sinenda effluere, neq; absq; re. Enimverò sanguis putredini, siue carni mortuæ contiguus, cum jam quodammodo corruptionem conceperit, nonnisi nocere potest, quàm diu in parte moratur: imò nisi sufficienter evacuatus fuerit, paucis post operationem diebus, Gangræna rursus truncum invadet, aut saltem inflammatio phlegmoneve, aut dolor, & cætera gravia symptomata supervenient; quapropter nonnihil sanguis ut effluat, necesse est; habitâ tamen ratione vitium.

Porro, an operatio in carne mortua facta, jucundè, hoc est absq; dolore, ut illi existimant, fieri possit, nunc quoque perquirendum est; Excitatur dolor in amputatione membri Sphacelati, ratione nervorum; membranarum, & periostii. Quod si itaque volueris operationem absq; dolore fieri, hæc partes ut planè sint corruptæ & emortuæ, necesse est. At verò nervi & nervosæ partes propter suam siccitatem, multò tardius carne corrumpuntur: ubi iterum apparet, aut multum relinquendum esse carnis putidæ; aut operationem dolorosam esse, etiam si in carne mortua fiat. Sæpissimè enim, etiam si cutis, & caro sint emortuæ, nulloq; sensu præditæ, interim tamen nervi majores, & periostium sensu nondum destituti sunt. Quapropter cum os serrâ resecandum venit, tum acutissimi percipiuntur dolores, non quidem ossis ratione, quod insensibile est; sed ipsius periostii, quod acutissimo sensu præditum. Ut igitur operatio fieret citra dolorem, necesse foret totam partem ita corruptam esse, ut illi etiam membranam corruptionis communicaretur: Id, si ita se haberet, annon, quæso, & ipsum os tali imbutum esset corruptione, & ossi adhærens idem corrupta, putris & emortua multò profundius, quàm extimam cutem spectanti videretur? cum caro illa ossi vicina proclivior sit ad corruptionem, quàm quæ cute proxima, sicut ante quoq; monuimus. Sic autem inutilis foret operatio, cum reliqua corruptio nunquam possit caute corrigi.

Isti autem, dum vitare dolorem nituntur, eundem duplo videntur augere. Ubi enim tantum emortuæ carnis absumendum est, quantum relinqui volunt, vix satisficient duo, tresve cauterès; imò etiam quinque, sexve cum ardentissimo igne desiderabuntur, usq; dum, inquam, eos percipiat æger: alioquin irritus labor. Cæterum summo cauteriorum ardore l'quantur adeps; ac reliqui humores, imò & effervescent, atque ita uruntur; & immodicè calefcunt partes sentientes, quales sunt nervi, tendines, & pan-niculi; unde acutissimus dolor, inflammatio, vigiliæ;

febris, convulsiones, adque gravissima symptoma. Hinc *Avicenna* monet; *Cauterizator*, inquit, sibi cavere debet, ne fortitudo cauterizationis ipsius ad nervos perveniat, neque ad chordas, neque ad ligamenta: quod si propter sanguinem, qui fluit, cauterizaverit, oportebit, ut cauterizatio sit fortis, adeo ut crusta grossiorem habeat, & spissitudinem, & cito cadat, &c. Alterum præterea, ex fortissima illa cauterizatione fit incommodum, nimirum quod eschara illa, sive crusta durissima & densa malignorum & putridorum vaporum exhalationem inhibeat, unde fit verisimile, eas ad partes principes ferri. Neque sic possunt omnia cauterere exsiccati, quin remaneat aliquantum novæ quasi corruptionis fermentum, dum eschara putrescit. Præterea carne mortua sic absumptâ, cutique cauterum vi contractâ, magna ossis eminentia relinquitur, ac fortè talis, quæ seræ opus denuò efflagitet. At si perpetuò incidenda pars in carne mortua, quid fiet in pedis Sphacelo? nunquid magna tibi portio tibi relinquenda erit; aut expectandum, dum corruptio aut putredo aliùs pervaserit? Hoc autem ægro erit periculosissimum, illud eidem molestum, ac laboriosum. Sed & arcta ligatura Chirurgis usitata spiritum animalempedit, quo minus vigeat in parte affecta, adeo, ut veluti obstupescat, proptereaque novaculâ optimâ sectio prius absolvitur, quàm ipsam vix animadvertit. Non potest itaque fieri operatio in carne mortua cito, multò verò minùs tui & jucundè, hoc est, absque dolore. Præterea cum ars Medica sit nobilis, subjectum verò Medicinæ nobilissimum, æquum est operationes cum ornatu & splendore quodam fieri. At verò in operatione ista, quæ fit in carne mortua, ubi primò caro & os inciduntur, deinde cauteria ignita toties iterantur, ut non solum domus, verum etiam platea, tetro isto odore impleantur, quemadmodum *Fallopius* de quodam scribit, & ægri in longum tempus mirum in modum tormentis lacerantur, nullum ornatum, nullumque splendorem video. Operatio verò, quæ fit in carne viva, veluti momentanea, securissimaque est, fitque sine magno dolore.

Sed videamus nunc, quid de convulsione censendum sit, anque illâ factâ amputatione in parte viva, potius metuenda, quàm si in parte corrupta fieret? Convulsionem fieri aut à repletione, aut ab inanitione, *Hippocrates* & *Galenus* docent. Neotericis etiam si multas statuunt causas, omnes ad prædictas illas duas ab *Hippocrate* traditas, referri possunt. Verum in amputatione alicujus membri, si convulsio supervenerit, illa erit vel propter immodicam hæmorrhagiam, aut ingenrem dolorem, vel denique ex materia aliqua maligna, ex parte affecta ad cerebrum ascendente. Si ex nimia hæmorrhagia fuerit, periculosa erit, testante *Hippocrate*: sit enim ex siccitate: quapropter Chirurgus, ut sanguis conservetur, diligens esse debet, præcipuè in delicatulis, aut quovis modo extenuatis corporibus. In robustioribus & plethoricis verò, ut aliquid sanguinis post amputationem membri effluat, necesse esse, antea demonstravimus.

Impediet autem Chirurgus hæmorrhagiam, si loco novaculæ cauterio cultellari, ac bene ignito utatur, diligens, & manu promptus fuerit. Anno 1600. Paterniaci brachium ad humerum, præsentem reverendo Viro Dn. *Joh. Merula*, verbi divini ministro, & Dn. *Petro Freuderich*, ibidem Oeconomo, abscidi: in qua operatione vix uncie duæ sanguinis emanarunt. Anno 1614. Coppeti similiter tibiam in ipso femore abscidi, ubi similiter vix uncias tres sanguinis amissimus. Erant autem hi supra modum

extenuari & debiles, alioquin non solco tantopere esse sollicitus, etiam si aliquid sanguinis post operationem effluat.

Ratione doloris supervenit convulsio, cum nihil sit, ut testatur *Galenus*, quod magis profluvium excitet, sanguinemque attrahat, quàm ipse dolor: hinc inflammatio, & convulsio sequuntur, quæ quidem, ut *Hippocrates* docet, lethalis. Non quidem tanquam ex immensitate, ut addit *Galenus* in comment. sed tanquam adeo crebrò. At operationem illam in carne viva factam, ferè absque dolore fieri, ante demonstratum est: est enim dolor ille, ut ita dicam, momentaneus, respectu doloris, qui fit, si in carne mortua abscissio facta fuerit. Adde quoque post operationem dolorem illum, medicamentis mediocriter refrigerantibus, & repellentibus, facile leniri posse. Nervi enim in ipso momento, quo abscinduntur, sursum retrahuntur, & à carne teguntur: factâ verò abscissione in parte mortua, etiam si nervi versus originem retrahantur, propter cauteriorum tamen numerum, & ignis violentiam liquantur, & effervescunt humores in ipsa parte affecta, & circa nervos, nervosæque partes, ac proinde maximos dolores inferunt, quemadmodum antea quoque demonstravi.

A maligno vapore fieri convulsionem, sciunt practici. Interdum, inquit *Joh. de Vigo*, putrescunt nervi, ex qua putrefactione materia venenosa elevatur in fumum, & per nervos rapitur ad cerebrum: quamobrem necessario cerebrum, sentiens nocumentum venenositatis materia, qua causat motionem cerebri, compassione movetur, ad expellendum nocumentum veneni. Hactenus *Vigo*. Cæterum in parte viva abscisso membro, quomodo quæso superveniet convulsio ex malignis vaporibus, ad cerebrum elevatis? cum quicquid putridi est, abscissum sit. Contrà in parte mortua factâ amputatione, remanet tamen pars aliqua putredinis circa nervos, imò & in ipsis venis & arteriis: quæ etiam si à cauterio exsicceetur ex parte; non tamen omninò absumitur, sed ratione ignis effervescit acriorque efficitur. Post dies itaque aliquot affluentibus humoribus, magis magisque incalescit pars affecta, & quia eschara illa spissa, ne effluat materia illa acris, & putrida, obest, malignitatem acquirit, ex qua postea malignus & pestiferus vapor ad partes nobiles ascendit per nervos ad cerebrum, ubi nunc convulsiones, nunc vigiliæ, inquietudines & delirium procreat; per arterias ascendendo ad cor, spiritus vitales inficit, & lipothymias, viriumque prostrationes excitat. Per venas verò majores ad hepar si pervenerit maligna illa qualitas, massam sanguineam inficiet, intempericunque calidam cordi, torique corpori inducet. Hinc videmus, convulsionem potius supervenire posse, si membrum in parte putrida abscindatur, quàm si in carne viva facta fuerit operatio. Ego multa abscidi membra, eaque omnia in carne viva; nunquam tamen (Deo opt. max. sit laus atque gloria) convulsionem ægris meis supervenisse, Deus testis est.

Est itaque amputatio illa, quæ fit in parte viva, securissima, certa ac vera, nec non à *Galeno* & *Celfo* approbata. Hujus quoque opinionis fuisse *Avicennam*, hæc ipsius verba fidem faciunt. Cum autem, inquit, confirmatur corruptio in carne, tunc necessarium est, accipere totum ipsius. Aërium similiter cum *Celfo* consentire, & mentem *Galenus* explicare, ante demonstratum est. *Albucasis* verò de hac controversia sic scriptum reliquit. Si ergò, inquit, corruptio, aut percussio est in extremitate digiti, tunc incide digitum, & non des spatium corruptioni, ut perveniat

perveniatque ad reliquam manum. Et similiter si accidit in manu, tunc incide eam ex radice, nihil de corrupta parte relinquens, &c. Hujus quoque sententia fuisse Theodoricum, Bertapalliam, Guilhelmum de Saliceto, Guidonem de Cauliaco, & neotericos ferè omnes, ipsorum scripta luculenter fidem faciunt. Sic enim Theodoricus, de Sphacelo loquens, scribit: Unde mox, ut sanatio eveniret, ferro secari debet usque ad vivum, & usque ad locum sanum, ita ut nihil de mortua carne remaneat, &c. & eodem cap. Si necesse fuerit amputari, aut secari aliquod membrum corporis, usque ad loca sana abscindas, ita ut nihil carnis putrida derelinquas, sed magis de viva, aut sana carne aliquid auferas: sic enim melius & citius curabis. Bertapallia & Guilhelmus de Saliceto eadem habent verba. Uti & Rulandus lib. 3. c. 31. de cancri & fistulis, & aliis pustulis in genitalibus con-surgentibus. Theodoricus lib. 3. c. 10. Bertapallia de Apoplematibus c. 7. Guilhelmus de Saliceto, c. 58. Guido de Cauliaco tr. 6. doct. 1. c. 8. Gualterus H. Reyf, in Chirurgia sua magna, parte sexta. Felix Platerus, tract. 2. c. 17. de curatione doloris superficiali corporis. Angelus Bologninus lib. de cura ulcerum c. 16. Bartholom. Maggius lib. de vulneribus Sclopetorum cap. de membri Sphacelo affecti & corrupti excisione. Johannes Guinterus Andernacus de Medicina veteri & nova cognoscenda commentario 1. dialog. 8. Paulus Offredus in quadam Epistola ad me scripta, & Cent. 4. Obs. mearum inferenda quæ sic incipit. Non sine voluptate tuas perlegi, &c. Antonius Bussennius comment. in Galeni librum de inaequali intemperie. Antonius Chalmereus Enthiridio Cheirurg. lib. 1. cap. 4. S. Ambrosius Paræus lib. 12. cap. 29. Josephus Quercetanus lib. de Sclopetor. vulnerib. c. 5. Petrus Francus lib. de Herniis c. 95, & 103. Johannes Jessenius à Jossen Instit. Cheirurg. c. 21. Johannes Andréas à Cruce l. 1. tract. 3. c. 18. Stephanus Gormelienus l. 2. cap. de Eccope. Johannes Tagautus Instit. Cheirurg. lib. 1. cap. 10. Laurentius Joubertus l. de Sclopetor. vulnerib. mihi pag. 113. Leonhardus Boitallus de vulnerib. Sclopet. cap. 22. Petrus Piory lib. 1. cap. 9. Jacobus Guillemius lib. 10. cap. 4. Sebastianus Franciscus Ranchinus Tract. de morbis subitaneis c. 29. Cortilion Instit. Cheirurg. lib. 1. c. 3. Johannes Emberriza à Chotieborzen Bohemas Probl. Therapeut. decad. 3. quæst. 10. Rodericus à Castro Lusitanus de Medico Politico l. 3. cap. 18. Jean Vegierensa Chirurgie des ulcères chap. 52. Claude Darioi in versione Gallica Cheirurgia Paracelsi lib. 1. tract. 3. c. 12. Petrus (von der Sulle, im andern Theil seines Handbuchs der Mundwunden im ersten) tractat. cap. 4. (wie auch im ersten Theil) quæst. 23.

Concludemus itaque ex prædictorum Medicorum, atque Cheirurgorum sententia, operationem administrandam esse in parte sana: cum satius sit syncerum aliquid refecare, quam emortuum quippiam relinqui. Neque quicquam interest, ait Celsus, an satis tutum sit remedium, quod unicum est. Et cum morbus sit extremus, quis non fateatur adhibendum extremum remedium? Denique si turò opereris, felicior sperabis eventum, quam si secus feceris. Nullo verò modo tuta operatio est, quæ fit in carne mortua, quoniam mali radix relinquitur. Quid plura?

*Cuncta prius tentanda sed immedicabile vulnus
Ense recidendum est, ne pars sincera trabatur.*

Quod spectat ad eam quæstionem, quæ proponitur: Liceat ne membra Sphacelo affecta in ipsa articulatione amputare, nec ne? Scio quosdam, & quidem magni nominis Medicos esse, qui illam mi-

nimè admittunt. Primò, inquiunt, propterea, quòd vulnera articulorum periculosa, imò & mortalia esse solent, propter gravissima quæ ea sequuntur symptomata, cum sint partes nervosæ, ac proinde exquisitissimo sensu præditæ. Deinde, quia ossa circa articulos lata ac magna, caro verò exigua, ac calor natus imbecillis, difficulter iterum ad cicatricem perducere possunt. Ego verò cum Guidone, Laurentio, Jouberto, & aliis sentio, membrum in ipsa articulatione minori cum difficultate, & citra periculum amputari posse; idque sæpissimè expertus sum. Minore cum difficultate fit amputatio in ipsa articulatione: quia uno ictu novaculâ optimè cadente, præcipue si promptus manu fuerit Chirurgus, fieri potest: nec opus est serrâ, aut quovis alio instrumeto; quapropter dolor non utique adeò magnus: nunquam enim tam præcisè amputes & se-pares nervorum & membranarum portiones, quin aliquatenus serra in eas incidat, easque divellat, cum vehementissimo ægri cruciatu. Citra periculum verò, quia nervi & tendines penitus abscissi larsum contrahuntur, eoque caro operit, unde nec ipsi, nec alius symptomatis metus est. Deinde, quia junctura carne destituta, ac venæ magis conspicuæ, facilius sanguis supprimitur. De cicatrice inducenda nulla est difficultas, satis enim circa articulos est carnis, & calor natus ad cicatricem inducendam satis vegetus est. At hîc rursum pro partis affectæ differentiâ administranda operatio. Nam si malum sit in pede, aut tibia, incisio faciendâ circa poplitem, ut eo commodius aptetur ægro lignea tibia. Sin Sphacelus poplitem superarit, in ipsa genu articulatione incisio faciendâ veniet. Quod si malum totum digitum occupaverit, ad metacarpum in ipsa articulatione abscindendus est. Hanc operationem cum aliâs, tum præcipue Anno 1581. Dñs feldorpii in Viro robusto triginta circiter annorum ætatis, Rutgero Pistore, ex voto successisse observavi. Hunc enim cum bombarda dissiliendo sinistram mirum in modum lacerasset, Dñs Cosmus Slotanus Chirurgus præstantissimus, præsentem Viro Clarissimo atque Doctissimo Dñ. Galeno Wiero Illustriss. Principis Juliaceus. Cliv. & Mont. Doctore Medico, aliisque Viris doctis, manum in ipso carpo feliciter abscidit. Nullum supervenit symptoma molestum, & brevi sanitati restitutus fuit.

Cap. 18. Quomodo corpus ante operationem sit preparandum?

Exploratis ac satis designato loco amputationis membri corrupti, statim ad operationem perveniendum esset. Verum unum obstat, præparatio nimirum corporis ægri. Id enim, nisi probè, & ut decet, ad operationem præparatum fuerit, non video, quomodo operatio ad votum succedere possit. Pravi enim humores, quibus corpus oneratum, ratione doloris ad locum affectum, veluti ad cloacam confluunt, ac gravissima symptomata excitant. Videmus id quotidie in praxi Empiricorum, artisque imperitorum hominum, qui (cum lucrum proprium potius, quam salutem ægrorum quærunt, & vix inter ligna lapidesque ac corpus humanum distinctionem faciunt) tot ægros ad summam miseriam redigunt.

In præparatione autem corporis, iterum indicatio ab essentia & magnitudine morbi sumenda est. Si enim morbus peracutus fuerit, & corruptio partes sanas celeriter invaserit, non dantur induciæ, ut corpus ante operationem, prout necessitas postulat, expurgetur: ab eo enim, quod magis urget, semper inchoandum

inchoandum est. Clystere itaque exoneratâ alvo, jusculo & ovo forbili, nec non haustu vini, exhibitis, & epithemate regioni cordis & carpis applicato, protinus membrum amputandum est. Post operationem verò corpus clementer purgandum est: non tamen secundo, aut tertio die, ne propter motum & agitationem corporis, & præcipuè internorum viscerum, hæmorrhagia de novo excitetur. Interim tamen alvus enematibus, aut suppositoriis lubrica retinenda est. Sin morbus mitior, præstat ante operationem illud præparare, hoc est victus rationem præscribere, pravos humores educere, vires reficere, cor partesque nobiles corroborare, reliquaque, quæ necessaria sunt, ex arte administrare.

In victus ratione à viribus sumenda est indicatio; Si enim æger juvenis, robustus, & plethoricus, morbus verò acutus fuerit, victus ratio tenuis instituenda est, juxta illud Hippocratis: *Ubi morbus peracutus est, statim extremos habet labores & extreme tenuissimo victu utendum est.* Corpus aliquoties à pravis humoribus mannâ, cassiâ, rhabarbaro, electuario lenitivo, diacatholico, de succo rosarum, syrupo rosato solutivo, composito cum rhabarbaro, agarico & fenna, & similibus expurgandum. Si plethora maxima adfuerit, diminuendus est sanguis, ne factâ operatione intempestivè ad locum affectum fluat: circumspectè tamen hac in re agendum est. Nisi enim magna fuerit plethora, missio sanguinis ante operationem locum non habet; sed deperditio illa sanguinis, quæ in ipsa operatione sequitur, sufficit. In Gangræna ex qualitate aliqua occulta, vel ubi putredo jam majora vasa occupaverit, phlebotomia quoque minimè convenit, putredo enim ad partes traheretur. In his sanguis, ut post amputationem membri, si vires adfuerint, effluat, summo perè necesse est.

Si verò æger senex, aut ratione morbi imbecillis fuerit, cibus boni succi, cujusmodi sunt juscula carniū recentium, veluti caponum, gallinarum & similibus, antè & post operationem reficiendus est, ut ante suo loco diximus. In his purgationes fortes minimè conveniunt, corpus nihilominus medicamento aliquo lenitivo, nisi vehementia morbi obfuerit, ante operationem expurgandum est: Id si fieri nequit, alvus clystere lubrica reddenda est. In his venæ sectio quoque minimè convenit.

Omnibus autem, quibus membrum aliquod amputandum est, per dies aliquot (si maturè advocatus fuerit Chirurgus) ante operationem, ut epithemata regioni cordis & corporis quotidie ter quaterve applicentur tepidè, necesse est. Quotidie bis terve nonnihil de sequenti cardiaco exhibendum est.

R. Lapidis Bezoardici

Off. de corde cervi præp. an. gr.vj.

Cornu cervi præp. ℞j.

Margaritar. præp. ℞j.

Confect. Alkermes ℞j.ß.

Aquæ cinnamomi ℞j.

Buglossæ &

Calendulæ an. ℞j.ß.

Syr. de succo citronum ℞j.

Misce.

Fiat potiuncula, de qua detur bis aut ter in die ad ℞j. plus aut minus, ad libitum Medici.

Ea die, qua operatio fieri debet, paulò ante operationem jusculum, item ovum recens & forbile, nec non haustus vini offerendus est. Tandem domesticis & amicis convocatis, & flexis genibus, & ad cælum elevatis cordibus, Deus pro felici successu

operationis (quod & in aliis magnis operationibus soleo facere) suppliciter invocandus est. Deinde iterum factâ prognosticatione de periculo, & an amici & parentes, omnes ad operationem consentiant, postquam perquisitum ac iterato epithemate, operatio eâ, quâ fieri potest, dexteritate exequenda est.

Cæterum in exhibitione cibi & potus, diligenter prospiciendum est, primò, ut cibus, qui ante operationem exhibetur, concoctu sit facilis: deinde, ut paucus sit, & per horam unam, aut alteram ad minimum ante operationem offeratur, idque in eum finem, ut tempore operationis ventriculus sit vacuus: Ventriculo enim cibus onerato, vomitus vehemens (qui partes omnes, cum internas tum externas concurrit) syncopen, viriumque prostrationem excitat, & hæmorrhagiam adauget. Ventriculus enim oneratus, hepar simul & venam cavam comprimit, sanguinemque exprimit. Cujus rei exemplum Anno 1609. 31. Maii, Paterniaci mihi observare contigit. Fœminæ enim cuidam Tomace nomine, quadraginta circiter annorum ætatis, cum propter ulcus inveteratum & incurabile, tibiam ad poplitem feliciter amputassem; interim dum ego in sistendo sanguine, & deligando trunco occupatus eram, in tantum animi deliquium incidit, ut adstantes mecum nihil aliud, quàm ipsam mortem obiisse putarent. Sanguis quoque, etiam si carnem cauterio cultellari & maximè ignito abscidissem, adeò copiosè effluere cœpit, ut nisi alia cauteria in promptu habuissem, de ipsa actum fuisset. Restrictâ hæmorrhagiâ, fasciisque involuto trunco, ac ægrâ veluti mortuâ in grabatum positâ, sequentem potiunculam, quæ in promptu erat, exhibui.

R. Confect. Alkermes ℞j.

Aq. cinnamomi destillatæ sine vino ℞j.

Aq. calendulæ

Buglossæ an. ℞j.ß.

Misce.

Potiuncula hæc quamprimum ad ventriculum pervenisset, vomitus adeò copiosè secutus est, ut pelvim cibo indigesto, quem me absente atque inscio devoraverat, adimpleret. Ventriculo satis exonerato, cum iterum non nihil de præscripta potiuncula lumpsisset, vires recollegit, & ad hunc annum 1616. quo hæc scripsi, vivit, optimeque valet.

Præterea, quæ in & post operationem necessaria esse possent (ne aliquid desit in operatione) ante præparanda sunt. Primò prædicta potiuncula ex confectioe Alkermes, & aquis destillatis, ut in triplo aut quadruplo in promptu sit, necesse est; Serræ item duæ, sed ejusdem spissitudinis, ut si forsan in ipsa operatione una frangeretur, alia ad manus esset, & commodè in tramitem prioris ferre intromitti possit. Ne forsan accadat tibi, quod negligenti cuidam tonsori Neocomi Helvetiorum accidisse memini. Illi enim, cum tibiam ad poplitem amputaret, in ipsa operatione rumpitur serra: ita ut ad Arcularium M. Pierre sans fin nomine, alioquin Roscium in sua arte, excurrere, & aliam repetere necessum habuerit. Accurrit Arcularius ipse, & exprobando Barbitonsori negligentiam, ipsemet sectionem ossis absolvit, ægrumque ex tanta hæmorrhagiâ languidum & penè exanimem feliciter liberat. Hæc non solùm ex ingeniosissimo Arculario, amico meo singulari, verum etiam ex ore aliorum virorum fide dignissimorum habeo. Serra autem, quod quoque notandum, si membrum aliquod magnum, veluti tibia, aut brachium, amputandum est, magna esse debet; Parva, si parvum fuerit

fuerit membrum, veluti digitus, aut tibia, vel brachium infantulorum. Novacula, forcipes, cauteria ignita, pulvis ad sistendum sanguinem, tepacula ad liganda vasa, defensiva, fasciæ madefactæ oxycrato, pulvilli, stuppæ albumini ovi intinctæ, & pulvere ad sistendum sanguinem adpersæ, vesicæ bovinæ, & si quæ alia in opere necessaria esse videbuntur, antè erunt diligenter præparanda.

Instrumenta simul & medicamenta ita sunt collocanda, & ordine disponenda, ut in ipsa operatione, unum alteri minimè sit impedimento, quemadmodum cuidam Chirurgo, cujus meminit Dn. Dn. *Michael Doringius* accidit: ille enim dum crus Sphacelo contaminatum abscinderet, & in medio esset opere, ferra fasciæ (quâ cutem & carnem sursum reducerat) ita involuta fuit, ut ab opere aliquandiu desistere cogeretur, dum ferram è fasciâ iterum extricaret.

Cap. 19. Amputandi membrum ratio.

Corpore omnibusque ad operationem necessariis (uti in præcedente capite declaravimus) præparatis, & ordine dispositis, ad operationem perveniendum est. Quapropter si tibia amputanda occurrat, collocandus æger supra scamnum, quò firmior maneat tibia. Tum Chirurgus sursum retrahet musculos, & cutim, arctissimoque vinculo partem sanam constringet, paulò supra locum amputandum: erit id vinculum è tenui redimiculo, cujusmodi illud est, quo mulieres ad religandos, nodandosque suos crines uti consueverunt. Usus ligaturæ duplex. Primum enim ita comprimet venas & arterias, ut non usque adeò metuenda sit hæmorrhagia. Deinde compressione sua inhibebit spiritum animale, quò minùs per nervos deferatur; Unde reddetur pars quasi stupida, adeoque incisionem faciliùs perferet. *Guido* vult vinculum alterum adhiberi parti mortuæ, ut inter duo illa fiat incisio: nec malè fortassis. Cùm enim adstantes terreatur hæmorrhagiâ, seu sanguinis eruptione, quæ sæpiùs Chirurgum calumniandi occasionem præbet, hujusmodi ligaturâ coercetur sanguis intra vasa partis emortuæ, ne tam copiosè diffusetur. Alii supra genu vinculum adhibent, si sit amputanda tibia, circa popliteum, ac sub cubito, si sit incidenda manus ad carpum, ut sit, inquiunt, obscurior sensus. At præterquam quod nervi ibi sint profundius siti, quàm ut eos ligatura valeat comprimere, contunduntur sæpiùs istiusmodi compressione partes musculosæ, & nova fit spirituum interceptio.

Arctâ ligaturâ sic factâ, Chirurgus ad extremum scamnum locabit tibiam, ita ut illius extremitas perveniat infra genu, & ferè ad locum illum, in quo amputatio fieri debet: tum fasciâ alligabit genu scamno, ne quâ fortè demoveatur. Femur autem & genu, ut scamno comodè annecti possint, necesse est, ut extremitas scamni ex utraque parte aliquantulum excavata sit, quemadmodum sequens figura indicat. (*Vid. Tab. vi. fig. 4.*)

Genu scamno diligenter fasciâ annexo, in promptu sit manica, ex aluta aptata, hunc in modum. (*Vid. Tab. vi. fig. 6.*) Longa sit circiter spithamam unam, lata verò, ut tibiam ea in parte, quâ amputanda est, præcingere possit. Ex utraque parte aperta esse debet, ita tamen ut anterior pars A. notata, ad formam crumenæ duplici funiculo claudatur: quemadmodum sequens figura denotat. Funiculus autem ut lubricus sit, & in actu faciliùs constringi possit, rotundus, & oleo inunctus esse

debet. Superior pars hujus manicæ, quæ A. B. C. notata est, aperta esse debet, nisi quod in utraque extremitate, uti & medio, simplici filo connexa sit, quò abscisso osse, celeriter forcice dissolvi & abjici possit.

Usus autem hujus manicæ triplex est. Primum enim sanguinis impetum cohibet, ita ut Chirurgus multò meliùs videre possit, quo in loco apponenda sit ferra. Secundò æqualiter, & parvo quidem cum negotio, musculos & cutem sursum trahit, quæ facta operatione iterum descendit, extremitatesque ossium cooperit, atque ut truncus faciliùs cicatrice obduci possit, efficit. Tertiò, ne ferra carnem attingat: atque dilaceret, impedit.

Figura autem hujus manicæ hæc est: (Vid. Tab. vi. fig. 6.)

Guido & alii loco hujus manicæ carnem linteò cooperiunt: præstat tamen manicâ uti; ut enim caro ad os incisa, linteis obtegatur, longum requiritur tempus: deinde facillimè ferra in ipsa operatione linteò ita involvitur, ut difficulter extricari possit: quemadmodum cuidam accidisse, ad finem superioris capitis ex Dn. D. *Doringio* declaravimus. Manicæ verò longè alia est ratio: celeriter enim mediantribus funiculis, undique circa os constringitur, cutemque simul & musculos æqualiter in altum, uti dixi, trahit. (*Vid. Tab. vi. fig. 6.*)

Sin verò Chirurgus præscriptâ manicâ uti noluerit, vinculo præscripto superiori ex utraque parte tibie laqueus adaptandus est, quemadmodum proximè præcedens Figura indicat: *Vid. Tab. vi. fig. 7.* idque in eum finem, ut minister, qui genu tenet, indice & medio laqueos illos apprehendere, & factâ incisione carnis usque ad os, illam horum laqueorum beneficio in altum trahere possit. Hoc modo aliquot membra feliciter abscidi, neque manicam, multò minùs linteas, secundum mentem *Guidonis* adhibui. Genu scamno, uti dixi, annexo, inducenda est manica, ita ut inferior pars B. notata, genu cooperiat; altera verò, quæ in modum crumenæ constringitur, ad superius vinculum ita colliganda est; ut factâ incisione carnis usque ad os, minister, qui genu tenet, illam protinus vulnere imponere, & circa os constringere possit. Pars autem illa, quæ aperta & A. B. notata est, ut ex superiori parte tibie sit, necesse est; idque eam ob causam, ut factâ amputatione, prædicta fila ex utraque parte, simul & funiculi, forcipe protinus abscindi, & manica abjici possit.

Ita, ut dixi, indutâ atque adornatâ manicâ, aliud scabellum, quod cum priori scamno ejusdem sit altitudinis, pedi tibieque supponendum, & fasciâ alliganda est. Tandem adhuc tres cordati ministri, quorum unus ad scapulas, alter ut pedem cum scabello contineat, tertius verò ad genu collocandus est, firmiterque teneat ægrum, ne in operatione in hanc vel illam partem vacillet. Qui autem ad genu tenendum constitutus est, ut indicibus, & mediis digitis funiculos manicæ, aut vinculi superius adumbrati apprehendat, pollicibus verò & reliquis digitis, ut annexa figura indicat, genu amplectatur, necesse est. (*Vid. Tab. vi. fig. 8.*)

Quòd si nervi ita retracti, & genu adeò incurvatum fuerit, ut eger illud extendere non possit, in solum conclavis collocandus est æger, tibia verò ita in altum elevanda, ut scamno, eò in loco, quo excavatum est, annecti possit, quemadmodum sequens figura indicat. (*Vid. Tab. vi. fig. 9.*)

Processus

Processus autem ille, meo quidem iudicio, minimè spernendus est. Primò enim tibia, cum jam sit mortua, aut quovis alio modo corrupta, arctissimè scamno absque periculo alligari potest: At sciunt Practici, quantò arctius membrum, quod abscindendum est, scamno alligatur, tanto minori cum difficultate fieri amputationem. Secundò; hoc modo institutà operatione, æger in dorso decumbit, ac proinde liporhymie minùs obnoxius est. Tertiò, minùs metuenda est hæmorrhagia, cum tibia in altum sit elevata. Vinculum tamen sub genu cum suis laqueis non est omittendum; Et ut minister in ipsa operatione carnem & cutem in altum trahat, prospiciendum.

Ceterùm videat minister ille, qui scapulas tenet, ne brachiis suis ægrum amplectatur, aut quovis modo pectus aut ventrem comprimat: si enim pectus compresserit, respirationem impediet; Sin ventrem amplectendo, stomachum, hepar, ceterasque partes contentas, angetur hæmorrhagia propter compressionem venæ cavæ, satius itaque erit, si scapulas & brachia tenuerit.

Monitos autem velim Cheirurgos, ne operationem hanc, in lecto decumbente ægro, incipiant, nisi fortè eo modo, à nobis in proxima præcedenti figura proposito, collocatus fuerit: aut brachium vel manus amputanda sit. Membrum enim, quod amputandum, imprimis femur & genu, nisi firmiter scamno annexum fuerit, operatio vix dextrè fieri poterit. Ante annos aliquot unà cum clarissimis viris D. D. *Jano Antonio Saraceno*, & *Georgio Fenischio* Medicinæ Doctoribus, ad ægrum, cui tibia amputanda erat, vocatus fui. Illum cum Cheirurgus in lecto decumbentem reliquisset, & tibiam scabello solùm annexisset, femur verò simul & genu omninò libera essent, multùm & quidem in longum tempus sustulit æger. Præ dolore enim, cum ex una in alteram partem sese projicere coactus esset, ferra hinc & inde, & quidem aliquoties ossè implicata fuit.

Si verò æger propter imbecillitatem lectum egredi minimè poterit, asserculum spondæ annexendum est, deinde æger ita collocandus, ut totum corpus præter tibiam inter pulvinaria in lecto conquiescat, femur verò & genu prædicto asserculo firmiter annexa sint. Brachium similiter, aut manus, si amputanda occurrunt, æger inter culcitræ manere poterit, brachium verò aut manum extendere, quæ scabello, aut asserculo aliquo spondæ annexo fasciâ alliganda est. Ut autem sive tibia, sive brachium, quod abscindendum, eò firmitus scamno annexi possit, neque ex una in alteram partem vacillet, sequens instrumentum excavatum, scamno annexendum & infigendum est. (*Vid. Tab. vii. fig. 1.*

Femore & genu scamno, ut dictum est, annexo, ministris constitutis, omnibusque, sive medicamenta fuerint, sive alia ad operationem necessaria, ordine dispositis, novaculâ probè exactâ, aut alio quovis cultro incurvato, & ex utraque parte acuto, (*Vid. Tab. vii. fig. 2.*) incidat carnem usque ad os, separans simul & semel periostium, quoad fieri poterit: Si duo sint ossa parallela, veluti infra genu & supra carpum, cultro incurvo & acuminato separanda est caro intermedia, ne quod ferræ obstaculum occurrat.

Inciso autem carnis ex superiori parte ossis tibiæ, & ad latera incipienda, ibique periostium diligenter ab ossè separandum est, semel enim absque impedimento si ferra apposita fuerit, postea non facile ac levi aliquo obstaculo remorari potest. Inferior verò pars tibiæ, sive sura, postremò inciden-

da, & ab ossè separanda est. Ea enim in parte cum majora vasa venarum & arteriarum descendant, si primò incideretur, multùm deperderetur sanguinis interim, dum cutis & caro in superiori parte separaretur. Omnia tamen quàm celerrimè, festinanterq; & tutò perficienda sunt.

Cum primùm caro ad os usque abscissa fuerit, videat minister, qui genu tenet, ut protinus limbum manicæ incisioni imponat, funiculorumque beneficio circumcirca os constringat, carnemque æqualiter in altum trahat, ut Cheirurgus os altius carne amputare, cicatricemque firmiorem, & temporius inducere possit. Tandem ferrâ refecabit os, quantà poterit agilitate & dexteritate. (*Vid. ferra iconem Tab. vii. fig. 3.*) Abscisso ossè, protinus forcipe separanda, & abjicienda est manica, incisus funiculis A. B. notatis, superius in delineatione manicæ.

Deinde ubi sanguinem effluere siverit, pro ratione plenitudinis, & virium ægri, cauteriis vasa inuret ad sistendum sanguinem, ipsumque etiam os, quò citius excidant ejus fragmenta. (*Vid. Tab. vii. fig. 4.*)

Restincto sanguine, solvet vinculum, quod est supra incisionem, & applicabit pygmatione stupis, intinctum prius Oxycrato, dein ovorum albuminibus, & adpersum pulvere sequenti plurimo.

R. Farin. volat. ʒvj.

Sanguinis draconis

Thuris an. ʒj.

Boli armen. orient.

Terræ sigillat. an. ʒß.

Gypsi ʒj.ß.

Ranarum aquatiliū præparatarum (mirificè enim & proprietate quadam occulta sanguinem sistunt) ʒj.

Musci cranii humani ʒj.

Pil. lepor. minutissime incisornm ʒij.

Pulv. albuminum ovorum sole caniculari exsiccatorum.

Spumæ maris

Spongiæ novæ torrefactæ an. ʒj.

Misce, fiatque pulvis subtilissimus.

Ranæ autem quomodo præparandæ, lector ad finem hujus capituli videre poterit.

Postea defensivo applicato, ac trunco vesicæ bovinâ involuto, revinciet omnia fasciis, intinctis in oxycrato, nec mutabit hunc apparatus ante secundum diem, si æstas fuerit, aut tertium, si hyems. Defensivum tale sit, quale descriptum est capite 13. aut etiam hujusmodi.

R. Boli armeni albi

Sang. draconis

Masticis

Gypsiana ʒi.

Ol. Rosacei &

Myrtini ana ʒj.ß.










Albumina ovorum num. ij.

Aceti q.s. Fiat unguentum in mortario.

Defensivum autem non circa ipsum truncum, sed supra genu, si tibia ad poplitem; aut circa cubitum, si manus abscissa fuerit, applicandum est. Impedit enim defensivum, quo minùs vesica trunco commodè adaptari possit. Deinde singulis diebus iterandum est defensivum, quod fieri nequiret, si circa truncum applicandum fuerit.

Inferior autem pars vesicæ bovinæ madida, superior verò ubi aperta est, sicca esse debet: sicca, inquam, ut extensa & aperta remaneat, & facilis, celeriusq; trunco indui possit: madida tamen ex inferiore parte; ut æqualiter ac firmiter stupas cum pulvere contineat.

Nonnulli



Nonnulli, quò securius præcaveatur hæmorrhagia, ligaturæ: aut vinculi, ex superiori parte incisionis, solutionem differunt in secundum apparatusum. At hoc non nisi cum ægri damno fieri potest, quoniam vinculum illud magnos excitat dolores, attractationemque promovet sanguinis, atque humorum, qui accensæ tandem in parte suppurantur; unde nova prætorum symptomatum occasio.

Alii unico tantummodò cauterio, eoque aded lato, ut rotum truncum obtegere possit, utuntur, eoque vasa omnia venarum & arteriarum corrugare tentant: Verùm incerta, ne dicam, inepta est operatio. Venæ enim simul & arteriæ cum primùm abscissæ fuerint, sursum retrahuntur, ita ut cauterium illud larum illas, propter eminentiam ossis, attingere non possit. Interim cutis propter vehementiam ignis comburitur & contrahitur, curationemque difficiliorem, ac cicatricem imbecillem reddit. Præstat itaque ad vasa constringenda cauterio Sphærico, ad os verò lato ac plano, qualia antè depinximus, uti.

Cauteria autem absque manubriis, non sine causa depinxi. Cauteria enim dum calefiunt, relaxantur manubria, ita ut in operatione hinc & inde vacillent, & difficiliorem efficiant operationem: quapropter extremitates cauteriorum stupis involvo, quas interim dum ignescunt, unus ex ministris continuò aquâ frigidâ irrorat.

Porrò ante operationem vires ægri perpendendæ sunt. Si enim æger debilis & extenuatus fuerit, & putredo locum amputationis nondum attigerit, eâ, qua fieri potest, diligentia profusio sanguinis cohibenda est, ne unâ cum sanguine spiritus dissipentur, viresque dissolvantur, & æger periculosa syncope corripatur. Quapropter majora vasa cauterio actuali corruganda sunt, neque pulveri ulli ad sanguinem sistendum, quantumvis probatissimo, fidendum. Imperus enim sanguinis medicamentum repellit, impeditque, quò minus ad vasa apertâ pervenire possit, ut ibi vires suas exerceat. Graviter itaque errant Cheirurgi, qui præstantissimum hocce remedium in abscissione membrorum, aliisque magnis operationibus, in perniciem ægri rejiciunt, illudque præter omnem rationem vituperare, & maledico dente carpere non verentur. Interim verò, dum suis pulveribus in sanguine sistendo occupati sunt, multum sanguinis depeditur, sæpiusque æger in ipsa operatione extinguitur; quemadmodum ante cap. 15. & Centuriæ tertiæ Observ. 82. de Illustri quodam Germano fusiùs declaravimus. Quapropter cum partes animantis non solum ex sanguine alantur, sed & calor natus mansione ex sanguine obtrineat, perinde atque ignis, qui in foco est ex lignis, ad arandum idoneis, à quo rotas ædes calefactas conspiciamus, summo studio, & quantum quidem fieri potest, conservandus est. Quod si tamen corruptio atque mortificatio ad locum, ubi amputatio instituta est, pervenerit, necesse est, ut nonnihil sanguinis effluat, ne sanguine corrupto in vasis relicto, de novo putredo truncum occupet: sensim tamen ut profluat, danda est opera idque optimè fiet cauterio igniro, si vasis leniter leviterque tantisper admovetur, usque dum nonnihil sanguinis effluerit. Tandem verò, ut sanguis omninò sistatur, cauterium fortiter admovendum est. Ne autem interim, dum vas unum cauterio clauditur, ex altero sanguis nimis copiosè profluat, soleo duobus cauteriis, uno dextrâ, altero sinistrâ apprehenso, uno eodemque tempore operari; idque aliàs quàm sæpiissime, tum non ita dudum in puero Copeti ad Lacum Lemannum, cujus antea mentio facta fuit, feliciter mihi successit. Cheirurgus itaque ut ambidexter sit, necesse est.

Cæterum ad impediendam hæmorrhagiam, aut ad minimum ipsius impetum veluti freno compescendum, Cheirurgi cauterium cultellare excogitarunt, quo & ego multoties maximo cum fructu ægiorum usus sum: quandoquidem incidendò carnem usque ad os, venas quoque & arterias simul comburendo corrugat. Dorsum autem hujus cauterii, ut pollicis spissitudinem superet, necesse est, aliquin non satis diu calorem suum conservare possit. Ut autem caro, quæ est inter utrumque os, eo quoque abscindi possit, acuminatum esse debet, quemadmodum sequens figura indicat. (*vid. Tab. VII. fig. 5.*)

Quòd si præter spem atque opinionem, etiam si cutis & caro cauterio actuali abscissa fuerint, sanguis, uti sæpius mihi accidit, profluxerit, protinus cauteriis sphæricis sistendus, tandemque os serrâ abscindendum est, inprimis si æger extenuatus ac debilis fuerit.

Porrò excellentiam hujus cauterii non satis extollere possum. Primùm enim, ne sanguis impetuosè profluat, ac spiritus dissipentur, impedit. Secundò, minus dolorosa est operatio, quàm si novaculâ cutis carnisque amputatio fieret, imò tota curatio minori cum dolore absolvitur, quemadmodum eventus in multis me edocuit. Hujus autem rei causa hæc mihi videtur, quòd nervi partesque nervosæ, inprimis periostium, cum primùm ferrum ignitum sentiunt, protinus sursum retrahuntur, & ita quidem, ut serra illas non attingat. Novaculâ verò, quomodo periostium exactè, & ita quidem, ut serra liberam inveniat viam, separari possit, nondum video. Serra itaque undique offendens periostium, maximos excitat dolores, vigilias; febres, phlegmones, aliaque gravissima symptomata: idque præcipuè propter dilacerationem periostii membranæ, exquisitissimo sensu præditæ. Accedunt præterea & alia, quæ malum adagent. Cum enim calor natus in parte affecta maximè sit labefactus, eum, si caro & nervi cultro frigidò incidantur, & postea medicamenta frigida ad repellendos affluentes humores applicentur, magis magisque debilitari, & dolores insuperabiles, juxta illud *Hippocratis*; *Frigidum ulceribus mordax*, &c. procreari, quis, quæso, in controversiam vocare poterit? Cauterio verò cultellari periostium, uti dixi, omninò separatur. Cum primùm enim ignem perferit, veluti pars nervosa sursum deorsumque retrahitur, & serra tramitem à partibus nervosis liberum invenit. Deinde mediante calore isto simplicissimo, & elementari ignis, refocillatur calor natus, in parte affecta labefactus, ac veluti prostratus. Et quia calidum, ut idem *Hippocrates* docet, ulceribus, ossibus denudatis, nervis; ac omnibus partibus nervosis amicum, doloremque lenit, sequitur mox digestio vulneris, ita ut omnia salva sint. Expertus loquor: multis enim hac methodo membra amputavi, iterumque truncum sanitati restitui, ut vix de dolore conquerebantur, multò minus intumefactio aliqua circa truncum appareret. Sed videtur obstare locus *Hippocratis*, qui habetur libro de *Articulis*, ubi ignem nervis inimicum esse, scriptum reliquit. Sed loquitur *Hippocrates* eo in loco de nervis, non abscissis, aut malè affectis, sed adhuc integris & sanis, quibus revera ignis, ut qui omnium calidissimus & tenuissimus, ac minimo negotio ad illos penetrat; adversissimus; illosque contrahit, & dolores excitat. De nervis verò malè affectis alia est ratio. Cum enim multa ignis commercio reddantur meliora, ut *Galenus* docet, ignisque omnia dissolvat, ut idem *Galenus* author est; quis, quæso, non videt, cauterium in tanta putredine circa nervos collecta;

collecta, multum prodesse posse? Hæc etiam si ita se habeant, non sequitur tamen, methodum illam amputandi membrum in parte mortua, reliquamque putridam carnem cauterio comburendi approbandam esse. Ex maxima enim combustionem illa, non solum nervi supra modum incalescunt, verum etiam (quia adhuc in parte demortua hærent, ita ut quantumvis abscissi, minimè tamen sursum retrahi possint) vi ignis ita comburuntur, contrahunturque, ut maximi dolores, vigiliæ, aliaque, symptomata inde sequantur. Effervescent præterea in parte affecta adeps, cæterique humores, & continuo urendo, de novo affluxum excitant, quemadmodum c. 17. diximus. Alioquin calidum nervis maximè convenit, doloresque sedat, ut antea ex Hippocrate demonstratum est. Cujus rei exemplum non vulgare ante annos aliquot mihi observare licuit. Matriona Paterniacensis à carne rabido in digitum medium morfa fuit: circa septimum dolor acutissimus exortus est: cum verò balsamum abietinum calidè vulnere instillasset, ac ægra maximum levamen inde persensisset, petiit, ut parum calidius illud infunderem; Tandem eò usque, rogante egriâ, gradum caloris auxi, ut ferventi balsamo vulnus adimplerem, quo facto dolor intra paucos dies remisit. Integram historiam pete ex Centur. 3. Obs. 98.

Si verò æger juvenis, robustus, & plethoricus fuerit, viresque constiterint, putredo quinetiam ad locum ferè amputationis pervenerit, necesse est, ut factâ amputatione membri, nonnihil sanguinis effluet: hinc enim totum corpus aliquo modo refrigeratur, & veluti onere quodam gravi deposito allevatur, viresque iterum colligit, omniaque symptomata imminuuntur. In hujusmodi ægris amputato membro, pulvere meo præscripto aliquoties hæmorrhagiam absque cauterio actuali cohibui. Interim tamen ut Cheirurgus cauteria in promptu & quidem ignita habeat, suadeo: ut si forsan propter impetum hæmorrhagiæ pulvis non sufficeret, ad cauterium confugere possit.

Pulvis autem non unico pulvillo magno ex stupis præpararo, ut nonnulli facere consuevere, sed variis applicandus est. Unico enim applicato ad vasa, quæ statim post amputationem sursum retrahuntur, cum vix pervenire possit, veluti inutilis est; impetus enim sanguinis pulverem repellit & abluit. Habeat itaque Cheirurgus multos pulvillos parvos, spissos, bene compactos, albumine ovi madefactos, & pulvere nostro ad sanguinem sistendum copiosè adpersos; quos ad ora venarum & arteriarum trudet, unum post alterum, donec truncus undique sit coopertus pulvillis. Habeat deinde pulvillum ejus magnitudinis, ut totum truncum obtegere possit, qui similiter ovi albumine imbutus, & pulvere adpersus esse debet, quo applicato, protinus omnia vesicâ bovinâ, ut dictum est, madefactâ, obtegenda sunt: deinde fasciis oxycrato madefactis diligenter deliganda, ut pulvis circa ora venarum & arteriarum remaneat.

Galenus, & post ipsum Avicenna, Celsus, & alii, aliam Methodum sistendi sanguinem, & quidem artificiosissimam excogitarunt, vasorum scilicet ligationem. Convenit autem præcipuè in robustioribus & plethoricis corporibus, & in eis, in quibus hæmorrhagia non usque adeò pertimescenda est. Ad liganda enim vasa, unum post alterum (nisi Cheirurgus manu promptissimus fuerit) tempus requiritur: at quia sanguis interim profluit, ac deperditur, non nisi in plethoricis & robustioribus tentanda est: In delicatulis verò & extenuatis, absque periculo administrari non potest: in his enim sanguis propter causas, quas antea recensui, protinus sistendus est. Quod si necessariò membrum circa ipsam radicem carnis putridæ abscindere coacti fue-

rimus, methodus hæc sistendi sanguinem locum quoque non habet: Cauterio enim actuali, ut corruptio illa castigetur, necesse est. Convenit præterea, & in eis, qui animo sunt pusilli, ac ferrum ignitum supra modum metuunt.

Comprimum itaque os ferrâ abscissum fuerit, apprehendat Cheirurgus forcipe hæc adumbratâ, (Vid. Tab. VII. fig. 6.) vas, quod reliquorum erit maximum, & cum aliquantulum illud ad se attraxerit, protinus minister vinculum, ex filo canabino factum & A. notatum, vasi injiciat, illudque arctè constringat. Interim autem, dum Cheirurgus & minister vas unum, uti dixi, amplectuntur, atque constringunt; tertius quidam digitis reliqua vasa obturet, impetumque hæmorrhagiæ, quantum fieri potest, impediatur, & si forsan nonnihil carnis unâ cum vena, aut arteria apprehenderit, nihil nocere potest, & facilius obturabitur vas. Vinculis ita diligenter vasis injectis, ad majorem securitatem pulvilli ex pilis leporinis, aut gossipio factis, ovi albumine madefacti, & pulvere ad sistendum sanguinem adpersi, ad ora vasorum, quemadmodum superius diximus, imponendi: deinde omnia vesicâ bovinâ, fasciisque diligenter vincienda atque deliganda sunt.

Explicatio fig. 6. Tab. VII.

A. Laqueus est ex filo canabino reduplicato, & interlaqueato, quorum Cheirurgus quinque aut sex paratos, & in promptu habere debet. Ad ipsam autem forcicem adaptari debent, quemadmodum ex delineatione videre est, idque in eum finem, ut cum primùm Cheirurgus vas aliquod apprehenderit, minister eò facilius laqueum ad ipsum vas usque detrudere, nodumque conficere possit.

B. Plectrum est, quod forcipem apertam tenet.

Sin verò vena aut arteria sursum retracta fuerit, ita ut præcedenti forcipe, quia lata & in formam rostri anseris fabricata, apprehendi non possit, sequentem forcipem, in formam rostri ciconiæ factam, in promptu habet. (Vid. Tab. VII. fig. 7.)

Nonnulli resecto membro, & restricto sanguine, acu oblongâ, & filo æquali ac levi, quale est sericum, labia vulneris decussatim, quantum fieri potest, contrahunt: Verum methodus illa mihi non probatur. Cum enim truncus post operationem intumescat, futura hæc dolores mirum in modum adauget, filum quoque hoc, intumesciente carne, cutem abrumpit, quapropter futura relaxatur, ita ut planè inutilis sit. Impedit præterea futura hæc, quò minus pulvilli ad ora vasorum commodè applicari possint, si forsan de novo hæmorrhagia superveniret. Præstat itaque, loco futuræ glutino, uti, quemadmodum postea dicam,

Restricto sanguine, fasciisque deligato truncus, in tertium usque diem (nisi dolor obfuerit, quemadmodum cap. 24. dicturus sum) relinquendus est primus apparatus, propter metum hæmorrhagiæ. Interim tamen totum femur, aut brachium, quotidie bis oleo rosaceo, aut myrtillorum inungere, defensivum quin etiam singulis diebus iterare convenit. Postea cum proximum apparatus abjicere voluerit Cheirurgus, iterum tres, aut quatuor pulvillos parvos ex stupis, aut gossipio paratos, albumine quin etiam ovi madefactos, & pulvere nostro ad sistendum sanguinem adpersos, in promptu habeat. Omnia clementer admovenda sunt, pulvilli tamen, qui in primo

primo apparatu vasis impositi fuere, si aliquo modo, quantumvis levissimè adhæserint, propter merum hæmorrhagiæ, in sequentem usque diem relinquendi sunt. Sin verò facilè, & veluti per se deciderint, recentes vasis imponere convenit, ossi filamenta sicca, reliquo vulnere sequens digestivum applicetur.

R. Therebinth. lotæ in aqua plantaginis ℥iij.

Ol. Rosacei.

amygdalarum dulcinum ana ℥j.

Gummi Elemi dissoluti cum prædictis oleis, & colati ℥ss.

Croci ℥j.

Misce, fiat unguentum, addendo vitellum unius ovi.

Neque verò mutabantur hæc remedia ante digestionem factam; in primis defensivum; adspargaturque vasis pulvis noster ad sistendum sanguinem; quoad non sit ampliùs ab hæmorrhagia periculum; Tum remoto digestivo detergebatur ulcus mundificativo nostro de succo apii, cujusmodi infra extremo hoc capite, aut etiam sequente.

R. Terebinth. lotæ in vino ℥iij.

Pulv. rad. aristolochiæ rotundæ

iridis florent.

farinæ hordei ana ℥iij.

mellis rosacei ℥j.

aque vitæ ℥ss.

theriac. optimæ ℥ij.

Misce, & fiat mundificativum.

Interim nitendum deorsum trahere cutem, ac musculos, qui sursum attracti fuerant, ut paulatim denuò contegant ossium incisuram extremam, utque post cicatricem inductam cutis ea, & ipsi musculi pulvini instar extremis illis ossibus substernantur. Quamobrem solent nonnulli decussatim ipsa vulneris labia suere, statim ab ipsa operatione, sicque cutem & carnem appropinquant. Qui modas mihi non probatur propter incommoda, quæ inde sequuntur, quemadmodum antea ostensum est. Placet itaque loco futuræ, quæ sit in carne & cute, uti pulvillis, spleniis, fasciisque, aut glutino ad id apto, & sequenti modo applicato.

Digesto vulnere, & inflammationis exparte, linteam, ejus longitudinis, ut totum truncum ambire possit, induco sequente emplastro, aut glutino, & ad labia vulneris applico; Ita tamen; ut labia minimi ferè digiti sit inter labia vulneris & emplastrum. Posterâ die siccato emplastro, & tenacissimè hærente, acum filo trajectam infero, sicque vulneris labra haud aliter conjungo, quàm si ipsam cutem & carnem perforassem. Glutini, quo ego utor; descriptio hæc est.

R. Farinæ volatilis ℥j.

Masticis

Thuris

Sang. draconis

Pulv. Rosar. rub.

Gummi tragacant. ana ℥ij.

Misce, fiatque pulvis tenuissimus, cui adde albumen unius ovi, aquæ rosarum q. l. ut crassitiem mellis adipiscatur glutinum. Maneant in infusione per noctem: sequenti die si nimis spissum fuerit medicamentum, iterum affunde aquæ rosarum, aut plantaginis quantum satis est: deinde utere quemadmodum dictum est.

Loco glutinis utimur emplastro de pelle arietis, aut aliquo alio ex pice navali, colophonia, & similibus confecto.

Relaxatur autem aliquando glutinum, aut propter abundantiam puris, aut quia Cheirurgus medicamen-

tum aliquod humidum applicat. Si propter abundantiam puris acciderit, inspergatur vulnere sequens pulvis, qui exsiccat absque mordicatione, & casum extremorum ossium procurat.

R. Rad. Aristoloch. rotundæ,

Peucedani

Iridis Florentinæ

Corticum pini

Ligni Guajaci ana ℥ss.

Misce, fiatque pulvis tenuissimus, qui ulceri quotidie semel, aut bis inspergatur.

Linteam glutino obductum si deciderit, novum applicandum est; idque toties, quoties opus fuerit. Est enim tutissimum remedium, minimè dolorosum, & periculi expers, quo in omnibus vulneribus, quæ futurâ indigent, uti possumus.

Tandem dum curatur vulnus, procurandus casus extremorum ossium, quæ aëris & ferræ contactu alterata fuerunt, aspersis pulveribus catagmaticis, cujusmodi est iste, paulò antè descriptus.

Ab omnibus autem humidis & oleaginosus in denudatis ossibus, in quacunque parte corporis fuerint, planè ut abstineat Chirurgus necesse est. Quapropter statim ab operatione filamentis siccis, nec non pulveribus catagmaticis ossa diligenter tegenda, ac munienda sunt. Accelerat quoque casum ossis, si post amputationem cauterium actuale, ut suo loco diximus, ossi leniter leviterque applicatum fuerit. Etenim actualis ignis proculdubio, quod potentialis non potest, absument, ossi robur addet, & plura alia dabit commodam, ut eruditè monet Anatomicus & Botanicus D. PETRUS PAVIUS. Leviter autem ossa cauterio actuali, tractanda; Primò quia nulla adest caries; Sed solummodò alteratio quædam à ferræ, & aëre externo contracta. Secundo ne medulla vehementiâ ignis nimium incalcescat, ac novam inflammationem exciter. Euphorbium quoque (et si, ut verisimile est, genuino & legitimo *Dioscoridis* caryopetrem separar & deturbat ossium cariosorum fragmenta, quemadmodum Obs. 92. Centur. 3. fusiùs demonstravimus: velut & emplastrum de betonica.

Ab initio autem, ut antea quoque monui, diligenter filamentis os denudatum obtegendum est, donec natura carne aliqua spongiosa id obtexerit, quod circa decimum, aut decimum quartum diem post amputationem fieri consuevit. Cum n. aër ossibus denudatis sit adversissimus, ea statim carne aliqua fungosa tegit natura, sub qua nihilominus partem illam ossis ab aëre, aut medicamentis, vel etiam à ferrâ alteratam, paulatim separet, & per carnem illam fungosam expellit: os verò carne solidâ, & laudabili tegitur. Itaque non satis rectè, nec prudenter faciunt nonnulli, qui in ossibus denudatis quotidie ferè (ut ego apud quosdam vidi) scalpris os abradunt; Aut carnem istam fungosam causticis absumunt. Hinc multoties ex recenti vulnere fiunt ulcera maligna atque diuturna. Extrema autem fragmenta ossis minimè vi sunt extrahenda; Sed interdum concutienda & commovenda leviter, reliquum naturæ & pharmacis permittendum. Non est interim expectandus horum casus ante trigesimum vel quadragimum diem ab amputatione. Est & excrescens in truncò ipso caro coercenda pulvere aluminis usti, aut sequente.

R. Aluminis usti ℥ij.

Lapis calaminaris

Plumbi usti

Cerussæ ana ℥j.

Vitrioli calcinati ℥ss.

Misce, fiat pulvis tenuissimus.


Deinde inducenda est cicatrix emplastro palmeo, de cerussa cocta, unguento desiccativo rubro, diapompholygos & similibus.

Manus si sola contaminata fuerit, in ipso carpo amputanda est sequenti modo. Cutis versus cubitum reducenda fortiterque liganda est; Quemadmodum de abscissione tibiæ diximus: Postea circumcirca juncturam linea atramento ducenda est. Tandem minister aliquis cordatus brachium firmiter teneat; Chirurgus verò sinistram manum, quæ amputanda, apprehendat, dextram autem cutem & carnem secundum lineam atramento inductam cultro ante delineato incidat, parumque manum deprimat, sic enim articulus protinus disjungitur & novacula absque ullo obstaculo, & celeriter quidem operationem absolvit. Truncus postea curandus est, quemadmodum de tibiâ diximus.

Sin verò brachium extra articulum amputandum est, cutis & caro usque ad os incidenda est, aut cauterio cultellari ante depicto, aut aliis culttris: Deinde os non scalpris, aut securi, ut nonnulli artis imperiti homines facere consuevere, sed ferrâ præcidere convenit. Operatio autem ut dextrè perficiatur, brachium scamno annectendum est, quemadmodum de tibiâ diximus. Quod si Chirurgo libuerit, poterit quoque applicare & uti manicâ, antè in abscissione tibiæ descriptâ & depictâ.

Digiri, ut capite 17. fusiùs diximus non forcipe incisoriâ, ut vulgus Chirurgorum facit, aut scalpris, sed novaculâ, vel ferrâ amputandi sunt. Novaculâ quidem parvâ, & acuminatâ, si in ipso articulo faciendâ est operatio: ferrâ verò si extra articulationem. Minister itaque brachium & manum teneat, Chirurgus verò forcipe apicem digiti apprehendat, firmiterque sinistram teneat, tandem ferrâ minimâ os abscindat. Operatio hæc cum aliâs, tum Anno 1591. in puella quadam Hildenæ, cui omnes digitos dextræ manus abscidi, feliciter successit, de qua vide historiam capite quarto. Præterea in peregrino quodam Gallo, qui Anno 1600. Româ rediens, & in monte S. Bernhardi à via deflectens, & inter nives pernoctans, tantum frigus passus fuit, ut extremitates omnium digitorum dextræ manus (extinctis in istis calore nativo) Gangrænâ correptæ sint quemadmodum in 2. Cent. Obs 87. fusiùs declaravimus. Porro in abscissione digitorum, talis observandus est ordo, videlicet, si apex pollicis, apud Vesaliū, de corporis humani fabrica *Lib. 1. cap. 25. fig. 1. C.* notatus, abscindendus fuerit, fiet id in prima articulatione, & quidem non forcipe aut scalpro, sed novaculâ. Si verò putredo primam articulationem transgressa fuerit, proximamq; in eadem figurâ T. notatam, nondum contaminaverit in medio, ubi B. notatus, abscindendus est digitus; caro quidem ac reliquæ partes molliores novaculâ, os verò ferrâ exiguâ. Quod si dimidia illa pars ossis B. notati, reservari quoq; non posset, abscindatur in ipso articulo, T. notato. Si pars illa pollicis in prædicta figura A. notata, reservari quoq; non potest, non tamen in medio, ubi os in prædicta figura A. notatum est (id enim Chirurgo in operatione perquam difficile, ægro verò molestum esset, & deformitatem pareret) sed ad quintum brachialis os P. notatum, abscindendus est pollex, sequenti modo. Adsit minister cordatus, teneatq; firmiter sinistram suâ (si abscindendus est pollex, aut alius digitus dextræ manus) brachium ad Carpum, dextram verò digitos omnes arripiat, leviterq; ad se trahat. Dum Chirurgus sinistram suâ pollicem apprehendat, & nonnihil ad se trahendo, videlicet pollice, incisionem ad ipsam articulum T. notatam, novaculâ bene acuminatâ inchoet, & rectâ ad quintum os brachialis ducet, sic ad se

trahendo pollice, primo vel altero ictu ipsum facile abscindet. Si verò pollex sinistræ manus abscindendus est, minister dextrâ suâ brachium ad carpum, sinistram verò digitos teneat, eodemq; modo, uti jam dixi, procedat. Si corruptio, aut caries indicem occupaverit, prædicta methodus non est mutanda, facillimèq; ad meracarpum, sive postbrachiale os, in 1. & 2. figura 1. notarem, hoc est, in tertia articulatione abscinditur, quemadmodum ego in aliquibus expertus sum. In abscissione minimi digiti eodem modo procedendum est: potest ramen ad brachiale os ubi in prædictis figuris N. notatus est digitus, parvo cum negotio quoq; abscindi. In abscissione medii atq; annularis digiti, si corruptio aut caries eo usq; pervenerit, ut ad tertiam articulationem, sive postbrachiale os, abscissio instituenda necessariò fuerit, hæcenus non exigua fuit difficultas: Idq; propter septum digitorum. Tertiò enim iterandus fuit ictus scalpri, vel novaculæ, ut ex adjuncta figura facile colligitur. Primus ictus digitum in postrema articulatione à metacarpo separabat. Secundus, & tertius septum digitorum, ex una atq; altera parte digiti, incidebat, ut sequens figura indicat.



Per septum autem digitorum, intelligo partem illam carneam, quæ sita est inter tertiam sive postremam juncturam digitorum & secundum articulum versus, uti videre licet, & figura 2. cap. 25. lib. 1. Vesalii, à litera R. ad D. Porro in hac operatione ac tertiò repetito ictu scalpri, in uno aut altero angulo, a & b notato, facillimè carnosum aut membranosum quid à scalpro, intactum remanere, & operationem difficiliorē, longiorēque reddere poterit. Hæc apud me perpendens, & quomodo hac in re, tum ægris, tum etiam Chirurgis succurrere possem, nervos intendens, sequens instrumentum excogitavi, quo digitus in extrema articulatione, unâ cum septo, ex una atque altera parte, unico ictu facillimè & sine difficultate abscinditur. In abscissione digitorum pedum eodem modo procedendum est. Est autem scalprum peracuminatum, & alatum, cujus postica pars A. notata semicircularis, ejusque est magnitudinis, ut cum ossē, quod amputandum, justam habeat proportionem. Alæ B. & C. notatæ; pollicem cum dimidio sint longæ, acuminatæque ut ex sequenti figura, ad vivum depicta videre est, (*Vid. Tab. VII. fig. 8.*)

Operatio autem sequenti modo instituenda est, præparato corpore, manus in scamnum aut tabulam collocanda, & à Viro Cordato tenenda est: deinde articulus, in quo amputatio peragenda, diligenter atramento notandus est, & appposito scalpro, malleo id tam validè percutiendum, ut unico ictu digitus abscindatur. Mox quæ sanguinis fluxum cohibent, & dolorem leniunt, applicanda sunt, de quibus suo loco fusiùs.

Cæterum, Candide Lector, etsi antea cap. 17. usum scalpri & tenaculæ in abscissione membrorum improbaverim, in hoc tamen casu, quia aliter fieri nequit, ex duobus malis, minus eligendum, & extremum remedium potiùs adhibendum, quàm ægrum, in periculo constitutum, derelinquendum esse existimo. Cæterum quomodo post curationem lignea tibiâ, aut ferrea manus adaptanda sit, Lector apud Ambrosium Paræum l. 23. videre poterit.

Sunt præterea, qui ægro ante operationem soporiferum aliquod præbent, ut minus sentiat dolorem. At nos ex boni *Guidonis de Cauliaco* sententiâ abstinemus: Quippe ista narcotica perquam periculosa sunt, propter gravissima, quæ inducunt, symptomata, imò & mortem: quemadmodum posthac *cap. 24.* exemplo quodam demonstrabimus. Quare de iis agere supersedebo.

Mundificativum nostrum de succo apii, ad mundificanda & incarnanda Gangrænæ ulcera, aliaque sordida & maligna, sic præparatur:

R. Succi apii,
Scordii,
Arnoglossæ majoris,
Rutæ ana ℥iiij.

Mellis rosati ℥j.

Coquantur ad consistentiam syrupi, tum admisce.

Farinæ lapinorum,
Pulv. rad. Aristoloch. rotundæ,
Angelicæ,
Vincetoxici,
Theriaces ana ℥ß.
Aquæ vitæ ℥j.

Misce, fiat unguentum, quod servetur in vase vitreo:

Ranas, quarum antè in descriptione pulveris nostri ad sistendum sanguinem memini, sic præparato. Accipio ranas aquatiles, suspendo illas in cucurbitam, ita tamen, ut fundum non attingant, ne in carbonem comburantur, & aqua, quæ exstillat, odorem gravem acquirat. Accenso igne aquam in arena clementer extraho, & ad usum reservo. Est enim preciosa in ulceribus malignis & cancerosis, item in polypo, ozena, aliisque pudendorum & sedis ulceribus: inflammationem exstinguit & malignitatem corrigit. Ignem non exstinguo, usque dum omnino exsiccatæ fuerint ranæ, nec ulla amplius exstillet aqua. Illam tamen, quæ circa finem exstillat, separatim colligo; odorem enim aliquo modo graviores habet, & in ulceribus oris & narium minus grata est. Ranas ita exsiccatas in catillum fusorium projicio, ac in albißimos cineres comburo. Valent non solum ad sistendum sanguinem, verum etiam in omnibus ulceribus malignis, & sordidis, si eis inspergantur, mundificant, absterunt, & malignitatem corrigunt.

Cap. 20. De symptomatibus, quæ post amputationem membri supervenire solent, deque eorum causis.

Cæterum, etiam si Medicus & Cheirurgus summam adhibuerint diligentiam, corpusque ante operationem ritè præparaverint: æger tamen non semper à symptomatibus immunis esse potest. Primò, quia Medico non obtemperat & in victus ratione peccat: aut quia adstantes officio suo minimè funguntur. Est enim verissimum, quod *Hippocrates* scriptum reliquit: nimirum non sufficere, si Medicus officium suum circa ægros fecerit, omniaque summâ cum diligentia adhibuerit ad morbi oppugnationem, nisi æger ipse & qui circa ipsum constituti sunt, officio suo quoque fungantur: & quæ à Medico præteribuntur, diligenter observent. Primò itaque, ut æger obediens sit, & in omnibus Medici consilium sequatur, necesse est. Secundò ministros, qui ægro inserviunt, diligentes & vigilantes esse convenit. Tertiò exteriora quoque, veluti aer secundum morbi naturam, victus ratio, & habitatio commoda, requiruntur. Sin verò æger morosus & inobediens, habitatio ægri incommoda, & victus ratio prava fuerint; ratissimè scopum suum attinget Medicus, etiam si diligentissimus fuerit.

Bibl. Chirurg. Tom. II.

Secundò superveniunt symptomata post operationem, quotiescunque corpus pravis humoribus, sanguineque oneratum est. Cum impetu enim ad truncum confluunt, aut symptomata aliquod molestum in corpore excitant.

Tertia causa symptomatum ad morbi magnitudinem referenda est. Si enim membrum aliquod magnum, veluti femur, aut brachium, abscindendum est, aut in vulneribus capitis membranæ, læsæ fuerint, quis quæso à gravioribus symptomatibus securus esse poterit? Tandem imperitia & negligentia Cheirurgi sapissimè multorum gravissimorum symptomatum causa est: nonnunquam enim affectum, causas & symptomata, propter imperitiam non satis agnoscunt, at quis symptomata præcavebit, nisi morbi habuerit notitiam? Alii ab initio affectum negligunt, & flocci faciunt, ac interim dum corpus ægri expurgare, victus rationem præscribere, aliaque ad præcavenda symptomata, administrare debeant, ventri & voluptatibus dediti sunt. Hinc occasionem, quæ, ut rectè *Hippocrates* docet, præceptum est, negligunt, fitque aliquando ex levissimo aliquo vulnere gravissimus affectus, qui ægrum aut exstinguit, aut ad summum periculum perducit, maximaque incommoda post se relinquit.

Vulnus simplex facilè curatur, imò natura, quæ, teste *Hippocrate*, morborum est medica, per se & absque medio aut Cheirurgo, sapissimè vulnera consolidat: symptomata verò cum supervenerint, omnes naturales operationes invertunt maximasque molestias, ac ingentes labores aliquando Medico pariunt. Ut autem Cheirurgus symptomata, quæ vulneribus aliquando accidere solent, præscire, præcavere, vel etiam ex arte curare possit, non satis est, ut nudam solummodò habeat experientiam: ratio (ut rectè monet *Galenus*) atque doctrina quoque requiruntur. Sed pro dolor, quorsum nunc devenit ars Cheirurgica? jacet profecto, & priscus ipsius splendor, apud multos veluti caligine quadam sepultus est. Multos circumforaneos, barbitonfores & castratores cognosco; quos vulgus ad cælum usque extollit; quorum tamen nonnulli maternam linguam legere & scribere ignorant, malvam, aut parietariam vix cognoscunt: Hi nullâ habitâ ratione corporis ægri, herniosis testiculos evellunt, calculos extrahunt, aliasque gravissimas operationes, non purgato corpore, maximo cum detrimento ægrorum perficiunt. Factâ enim operatione, humores ratione doloris, veluti ad cloacam, circa locum affectum confluunt, gravissimaque quandoque symptomata excitant. Illa autem, quia non raro totum negotium invertere, majoresque molestias ac labores, quam ipse morbus procreare solent; necesse est, ut Cheirurgus rationem subjecti sui habeat, morbum, ipsiusque causas, naturam ægri, simul & facultates atque vires medicamentorum rectè agnoscat, eaque ex arte præparare, & adhibere sciat: quæ omnia ex ipsa scaturigine artis, nimirum ex *Hippocratis*, & *Galen*i, *Avicennæ*, *Celsi*, aliorumque antiquorum, ac neotericorum Medicorum atque Cheirurgorum scriptis potissimum haurienda, & ita collocanda sunt, ut ratio & experientia simul conjungantur. Deinde, & quidem potissimum quia omnia bona dona à Deo proveniunt, quemadmodum divus *Apostolus* monet, item quia Medicina à Deo creata & data est, & absque benedictione Creatoris nihil operatur, videat Cheirurgus, ut in omnibus suis actionibus & operationibus Deum invocet, & quantum fieri potest, pie & Christianè vivat. Circa ægros vigilans sit, summamque diligentiam adhibeat. Et quia, ut antea quoque monui, symptomata sapissimè totam curationem prioris morbi invertunt, ideoque quomodo illa removenda, hinc in gratiam tyronum annexere visum est.

Symptomata autem, quæ post operationem potissimum supervenire solent, hæc sunt; Syncope, & virium prostratio, hæmorrhagia, febris, dolor, inflammatio, phlegmone, vigiliæ, phrenesis, convulsiones, atq; Gangræna & Sphacelus de novo. De quibus omnibus ordine & sigillatim, breviter tamen dicturus sum, præterquàm de Gangræna & Sphacelo, quæ si denuo superaverint, præcedens curatio iterùm adhibenda est.

Cap. 21. De syncope, & quomodo ea præcavenda & removenda sit?

Syncope, quæ præceps virium lapsus est, & in hujusmodi gravioribus operationibus non raro accidere solet, periculo non vacat: nonnullos enim in ea extinctos fuisse, observatum est. Videat itaq; Cheirurgus, ut ante operationem eis omnibus, quæ in syncope requiruntur, instructus sit.

Multis variisque de causis præceps virium prostratio oritur, de quibus Lector *Galenum*, aliosq; auctores videre poterit. In gravissimis verò operationibus has potissimum ob causas accidit. Primò, propter maximam dissipationem & deperditionem spirituum vitalium. Hinc enim cor aliquo modo refrigeratur, ac prosternitur, donec cætera viscera iterùm novum prælidium ad ipsam miserint. Hujusmodi autem lipothymia supervenire solent, quotiescunque Cheirurgus in gravissimis operationibus cauterium actuale improbat, & in sistendo sanguine aut negligens, aut tardus fuerit. Cum sanguine enim spiritus simul effluunt, atque dissipantur. Cujus rei exemplum Lector cap. 15. de illustri Germano videre poterit.

Altera causa est, quando sanguis & spiritus repente & nimis copiosè, sive sit propter iram, timorem, vel aliam aliquam causam, circa cor confluent, spiritusque vitales veluti suffocant.

Tertiò supervenit lipothymia, quotiescunque vapor putridus & malignus ex trunco per arterias ad cor ascendit, spiritusque vitales inficit. Quapropter quotiescunque membrum aliquod putridum in parte mortua absconditur, & quod reliquum est carnis putridæ, cauteriis actualibus in escharam comburitur, lipothymia gravissima & mortales pertimescendæ sunt. Vapores enim putridi, vi ignis excalescenti, subtiles & acres facti, facillimè per arterias ad cor ascendunt.

Quibus orificium ventriculi exquisitissimo sensu præditum est, facillimè syncope corripuntur, si bilis flava, aut aliquis alius humor acris sursum regurgitaverit: Uti accidisse memini, cum Empirici, & imperiti barbitonfores hujusmodi, aliasque operationes, non purgato corpore administrant. Civi cuidam Bernensi, *Hieronymo Zobel* nomine, cum Anno 1614. Aventici venam, non purgato corpore, in sinistro cubito incideret barbitonsor, cardialgiâ primò, mox quoque epilepsiâ correptus fuit: finito paroxysmo epileptico, imprudens barbitonsor protinus venam in dextra manu incidit, multumque sanguinis extrahit. Quid sit? iterum cardialgiâ, mox quoque epilepsiâ gravissimâ & periculosâ correptus fuit; uti lector in 4. Cent. Observ. nostrarum fusiùs videbit. Corpus itaque antequam vena incidatur, aut membrum aliquod abscondatur, ab excrementitiis humoribus ut evacuetur, plus quàm necesse est.

Ubi lipothymia invadunt, pulsus languidus, & ita obscurus fit, ut quandoque difficulter percipi possit: Sudor frigidus in facie, aliquando quoque circa pectus erumpit: Nausea, non raro quoque vomitus superveniunt, frequenterque oscitat æger: Sanguis

ex toto corpore ad cor confluit: quapropter extremæ partes frigent: faciei nitor & color vividus aufertur; nasus acutus & oculi cavi apparent. Sanguinis quoque fluor ut plurimum, fluente ad interna sanguine, remittit, nonnunquam, rarissimè tamen, augetur, propter retentricis facultatis labefactionem, atque summam prostrationem; quod & eis, quibus vena secta, & sanguis nimis copiosè extractus fuit, accidisse memini. Corpus, ut semel dicam, prostratum, & sine motu ac sensu jacet, nec quicquam videt, neque audit æger eorum, quæ circa ipsum fiunt.

Cum autem remedia secundum causam morbi sint mutanda, & adhibenda, necesse est, ut Cheirurgus ex sequentibus signis ediscat, an syncope propter dissipationem spirituum, vel ex eorundem oppressionem proveniat? idque primò ex pulsu cognoscere licet. Solutæ enim vires inquit *Galenus*, parvum, languidum, ac valde frequentem pulsum efficiunt: oppressæ verò pulsus mutant, cum in reliquam omnem inæqualitatem, & ordinis confusionem, tum in eam, quæ in vehementia spectatur & magnitudine. Nam inæqualitates hæ oppressarum virium maximè propriæ existunt. Secundò, virium lapsus propter dissipationem spirituum semper post intempestivam hæmorrhagiam accidit. Ex oppressionem verò spirituum etiam ab initio operationis, & antequam sanguis profluxerit, supervenire consuevit. Si syncope circa finem operationis, aut etiam absoluta operatione pervenerit, haud difficulter ex sanguinis, qui effluxit, quantitate conjiciet Cheirurgus, syncope, an ex spirituum vitalium dissipatione fuerit, nec ne? Tertiò, in syncope ex retentione spirituum, item ex magna crudorum humorum copia, præcordia instantur, & totum corpus majorem naturali molem habet: & color aliis in albidior, & aquosior, speciem mutatur; aliis ad nigridior, ac lividior. Quattò, æger, si optimo corporis habitu præditus, cordatus & animosus, nihilominus tamen lipothymia correptus fuerit, verisimile est, malum propter dissipationem spirituum accidere: propterea quod æger ante operationem intempestivè per alvum, aut sudores expurgatus fuerit, aut in ipsa operatione multum sanguinis profuderit. Sin verò æger delicatulus fuerit, stomachum debilem habuerit, intempestivè expurgatus non fuerit, neque hæmorrhagia usque adedò magna supervenerit, certum est, lipothymiam propter retentionem & suffocationem spirituum accidere: propterea quod aut ratione timoris, aut aliquam aliam ob causam, sanguis, humores, & cum ipsis spiritus intempestivè confluerit. Ignosce, candide Lector, si in enumeratione signorum prolixus fuerim. Id enim eam ob causam feci, quò tyrones, junioresq; Cheirurgi hujus affectus plenissimam notitiam habere possint. Quàm grave enim & periculosum sit symptoma, Medicis in confesso est, & sequentes observationes finem faciunt. Duo ex domesticis serenissimi Principis ac Domini, Dn. *Janitii à Radzevil* Lituanicæ, &c. Ducis, cum in decertatione unus ex illis gladio parum supra genu vulneratus fuisset, protinus in lipothymiam incidit, vitamq; posuit, antequam Cheirurgus Principis accurreret: etiamsi nulla supervenisset hæmorrhagia, & vulnus non usq; adedò profundum esset. Hæc ex relatione serenissimi Principis habeo.

Gersheimensis quidam barbitonsor, *Wilhelmus Fix* nomine, cum velitando cum Dûsseldorpeni quodam in via, haud procul ab ipso oppido, circa carpum (si rectè memini) sinistrum, vulnus exiguum recepisset, protinusque syncope correptus fuisset, in ipsa extinctus fuit, etiamsi nulla supervenisset hæmorrhagia.

Ambos

Ambos autem istos viros propter conceptam iram extinctos fuisse, verisimile mihi esse videtur. Dolor enim iraque, ut Pontanus refert, mentem præcipitant: Sanguis enim, & spiritus cum impetu ad cor confluunt, caloremque vitalem extinguunt, quemadmodum videmus flammam in lampade extinguui, si nimium olei affunditur. Adde quoque conturbationis proprium esse, ut idem Pontanus docet, mentem labefactare: at altercatio illa absque conturbatione fieri non potuit. Hæc quædam matrona Hildenæ, cùm An. 1502. 4. Septembris per totam diem in administratione rerum domesticarum occupatissima, ac proinde defessa fuisset, & quoad cœnam ad focum sederet, periculosissimâ lipothymia correpta fuit: quemadmodum lector in tractatu, de combustionibus fusiùs videre poterit.

Quamprimùm itaque Cheirurgus ex supradictis signis cognoverit, lipothymiam in propinquis esse, protinus ut secundùm causas adhibeat remedia, necesse est. Quapropter ne in ipsa operatione longos dolores patiatur æger: aut multùm sanguinis profundatur, viresque dissolvantur; cordatum & manu promissimum convenit esse Cheirurgum. Habeat præterea in promptu pulveres, ad sanguinem sistendum exquisitissimos, simul & cauteria ignita; ut venas simul & arterias protinus obturare possit. Adhuc etiam ægro Ministri divini, qui consolationibus piis ipsi animum erigere possint. Sin verò virium lapsus, propter spirituum circa cor collectorum copiam acciderit, non usque adeò opus est, confestim restinguere sanguinem, imò expedit, ut sanguis & spiritus iterùm ex interioribus ad exteriora, beneficio hæmorrhagiæ, & arctissimis ligaturis evocentur. Verùm enim verò in his omnibus virium inprimis habenda est ratio. Cùm primùm autem supervenerit lipothymia, ægrum protinus in dorsum collocare convenit, ita tamen, ut caput & pectus aliquo modo elevata sint, ne membra nutritioni inservientia, veluti ventriculus & hepatis, diaphragma reprimant, pectusque coarctent. Hanc quoque ob causam vestimenta, & quæcunque circa pectus & ventrem sunt, protinus relaxare convenit: quo membra respirationi inservientia libera esse possint.

Porro si lipothymia propter dissipationem spirituum fuerit; exterius adhibenda sunt ejusmodi, quæ poros obturate, sanguinem quinetiam caloremque nativum simul & spiritus iterùm ad interiora propellere valeant. Quapropter facies, tempora, & carpi, aqua rosarum, plantaginis & aceto rosaceo sunt irroranda: Sin prædictæ aquæ minimè in promptu fuerint, aqua communis, acetum item commune substituendum est. Aqua autem (quod notandum) cum impetu, & ægro nesciente, in faciem projicienda est: sic enim spiritus veluti sopiti excitantur, & ad fontem vitæ recurrunt. Os præterea & nares digitis comprimantur, quo inspiratus aer versus interiora recurrens, excalefactusque cor calefaciat, & spiritus reficiat. Protinus quoque parum vini, aut vini Malvatici, vel nonnihil aquæ cinnamomi, in qua aliquid confectiois Alkermes dissolutum sit, ægro propinandum est: Crines trahendi, & spiritus circa cor sopiti, vociferationibus excitandi sunt. Cùm primùm lipothymia nonnihil remiserit, buccella panis vino aut vino Malvatico madefacta, ovum item sorbile, & jusculum ex optima carne, haustusque vini ægro offerendus est. Sin febris ardens adfuerit, vinum prisanum, aut decocto agrimonie diluendum est. Sequens quoque epithema regioni cordis, temporibus item & arteriis brachiorum applicetur.

R. Aquarum rosarum.

Buglossæ.

Borraginis.

Acetosæ.

Aceti rosarum ana ʒj.

Corallior. præpar.

Santalorum omnium.

Specier. diamargariti frigidi ana ʒj.

Confect. Alkermes ʒij.

Ollis de corde cervi.

Caphuræ.

Croci an. ʒß.

Misce, fiat epithema, ut dictum: Ori præterea & naribus continuò linteam aut spongia epithemate isto insuccata admovenda est. Odores enim suavissimi, ut postea dicam, vires quoque reficiunt, instaurantque.

Quod si syncope propter sanguinis copiam, aut ex putridis & malignis vaporibus, ex membro putrefacto ad cor elevatis advenit, sanguis, ut post amputationem membri nonnihil fluat (secundùm tamen virium tolerantiam) necesse est. Sic enim vapores putridi iterùm ex partibus nobilibus ad truncum trahuntur. Hanc quoque ob causam ut vinculum illud paulò supra locum amputationis, protinus solvatur, non usque adeò est necesse: sed poterit per quadrantem horæ relinqui, ab interioribus enim ad exteriora quoque trahit. Quapropter in maximis & periculosis lipothymias, brachia & crura arctè ligare solemus. In dorsum similiter collocandus est æger, & pectus à vestimentis liberandum. Facies vino, in quo flores spicæ macerati fuerint aut etiam aqua spicæ: labia verò & lingua theriacâ confricanda sunt: parumque theriacæ vino malvatico dissolutæ, ex cochleari exhibeatur. Aut

R. Aquæ cinnamomi

Buglossæ ana ʒß.

Confect. Alkermes ʒj.

Lapidis Bezoar. gr. vj.

Misce, fiat potiuncula.

Naribus suaviter redolentia, veluti aqua cinnamomi, in qua confectio Alkermes dissoluta, aut storax, Benzoi, ambra, moschus, crocus & similia macerata fuerint, admovenda sunt. Hujusmodi enim spiritus recreant, viresque, ut Galenus & alii docent, instaurant. Sin autem lipothymia propter virium aliquod matricis acciderit, aut ægra hysterica fuerit; naribus, non suffitus ex odoratis, sed fœtidis, veluti asa fœtida, fumus item plumarum perdicum combustorum, aut cornu caprarum, aut solearum calceamentorum, corticum caprarum, & id genus aliorum; pudendis verò odorata adhibeantur. Ita etiam, si capitis dolor ingens ac magnus adfuerit, suffitus aromatum naribus admotos minimè convenire, nos docet Hippocrates his verbis: *Suffitus aromatum, & ex odoramentis, muliebria ducit*. Sæpius verò ad alia utilis esset, utpote ad omnia frigida & humida corporis, uteri præsertim mala; nisi capitis faceret gravitatem, quippe vapores suffitu, utpote tenuiores, ad caput feruntur, idque complentes, gravitatem ejusdem efficiunt. Quod si syncope adeò gravis & vehemens fuerit, ut de vita periclitetur æger, extremitatibus, veluti brachiis & cruribus vincula dolorosa protinus injicienda sunt. Naribus pennâ pipere confricatâ, inditâ, aut nonnihil pulveris piperis albi calamo inspirati, sternutamenta cienda sunt, quo spiritus sopiti excitari possint. Hanc quoque ob causam pennâ oleo communi inunctâ, & œsophago intrusâ, vomitus provocare convenit. Nonnunquam enim ob crudorum humorum, vel etiam cibi copiam, in hujusmodi

operationibus lipothymia gravissima accidere solet, quemadmodum cap. 18. exemplo de gulosa quadam ostendimus. Interim autem, dum Chirurgus sternutamenta evocat, aut vomitum excutit, diligentissimè ut prospicias, plusquam necesse est. Quapropter hujusmodi præsidia non nisi maximâ urgente necessitate, adhibenda sunt. Cordi sequens epithema applicetur.

R. Aquarum Borraginis.
Buglossæ ana ℥j.
Melissæ ℥ij.
Vini Malvatici ℥ij.
Electuarii de gemmis ℥j.
Crocij ℥j.

Misce, fiat epithema.

Sequens elixir vitæ quoque mirum in modum in lipothymia, & virium lapsu convenit: quandoquidem cerebrum, cor, ventriculum, omnesque partes internas roborat, spiritus recreat, ac humidum radicale instaurat, noxiosque vapores à partibus nobilioribus ad ignobilia expellit. Detur à drachmis duabus ad unciam semis, per se, aut paucò saccharo, vel confectioe Alkermes dulcorata.

R. Aquarum rosarum odoriferarum.
Melissæ,
Buglossæ ana ℥ij.
Aq. Cinnamomi ℥iij.
Garyophyllorum confractorum,
Nucis Muschat.
Macis,
Benzoini,
Storacis calamitæ,

Cortic. Citronum,
Aurantiorum ana ℥j.

Florum anthos,
Salviæ,
Betonicæ,
Primulæ veris,
Buglossæ,
Borraginis,
Violarum,

Summitatum majoranæ ana M. ʒ.

Incidantur & contendantur, quæ contundenda, deinde cum aquis commisceantur, & digerantur in Sole per dies 24. vase diligenter cerâ obturato. Tandem per alembicum vitrum in balneo Mariæ lento igne destillentur. Aqua excipiatur ampullâ vitreâ. Ex remanentia s. a. extrahatur Sal, & admisceatur aqua, item

Moschi ʒss.
Ambræ gr. vj.
Crocij ʒj. ʒ.

Misceantur omnia, & reserventur in ampulla diligenter clausâ ad usum. Præstans est, ut dixi, si ex cochleari exhibeatur, naribus quin etiam, fronti, & arteriis brachiorum admoveatur.

Sequens quoque pulvis summopere convenit in lipothymia, naribus & ori calamo inditus.

R. Rosarum odoriferarum ʒss.
Storacis calamitæ
Benzoini ana ʒij.
Mosci &
Ambræ ana gr. vj.

Misce, fiat omnium pulvis subtilissimus: reservetur in vase vitreo, cerâ diligenter obturato.

Cap. 22. Qualisnam victus ratio ægro post operationem præscribenda sit.

Peractâ operatione, & remotâ lipothymiâ, si forsitan supervenit, victus ratio talis, quæ reliqua

symptomata partim remove, partim quoque præcave possit, præscribenda est: ubi iterum essentia & magnitudo morbi, simul & vires ægri perpendendæ.

Porro Gangræna cum sit ex numero gravissimorum morborum, extrema & exquisita remedia, juxta Hippocratem, convenire, omnibus in confesso est: Victus itaque tenuissimus præscribendus esset ægro, nisi vires ut plurimum contrarium suaderent. Humidum enim radicale cum propter morbi violentiam, dolorem gravissimum, & sanguinis deperditionem, sit absumptum, & spiritus vitales dissipati, omnesque actiones corporis prostratæ, pleniori victus ratione iterum ut instaurentur, reficianturque, perquam necesse est. Major enim error, ut testatur Hippocrates, in tenui victu intempestivè adhibito sit, & gravius vires læduntur, quam in paulò pleniori victu, præsertim ubi vires prostratæ fuerint. Quâ victus verò ratione id fieri debeat, alibi nos docet Hippocrates, his verbis: Victus humidus aut frigidus actu, aut potentiâ talis, febricitantibus confert; at in hujusmodi gravissimis periculosissimisque operationibus, semper adest febris: quapropter cibi boni succi, qui humectando simul refrigerant, æger nutriendus est. Hujusmodi cibus autem est, jusculum carniū recentium, caponum inprimis, gallinarum, & castratorum, hordei mundati, & avenæ decorticatæ, & similia: conveniunt & panatellæ, ut vocant, emulsiones feminum frigidorum, amygdalata, & ova recentia. Cum carne coquendæ sunt herbæ refrigerantes, veluti borrago, buglossa, acetosa, lactuca, cichorium, spinacia, cerefolium, & flores calendulæ. Spiritus enim vitales redeant. Conveniunt quoque pruna damascena, & uvæ passulæ, aquâ & saccharo coctæ. Aromata, præcipuè piper, zingiber, garyophylli, item alia, cæpæ, raphanus, sinapi, & hujusmodi omnia, quæ insigniter excalefaciunt, summopere nocent. Ab initio vinum, omniaque potulenta calida, omninò interdicens sunt, nisi vires planè prostratæ, lipothymia frequentes adfuerint, tunc enim per intervalla vinum aquâ dilutum exhibere convenit, alioquin bibat ptisanam, in quâ pruna, aut tamarindi incoctæ fuerint: vel detur decoctum agrimonie & veronicæ saccharo dulcoratum, & cinamomo aromatizatum, vel lac amygdalarum. Ptisanæ quoque & decocta agrimonie admisceri poterunt, syrupus citronum, de limonibus, de succo acetosæ, de agresta, de succo berberorum & similia. Loco Syruporum succi quoque conveniunt. Si verò tussis adfuerit, aut æger vitio aliquo pectoris laboraverit, ab omnibus acidis ut absteineat æger, necesse est: præcipuè ab ipitio morbi, ne auctâ tussi propter concussionem corporis, sanguis circa truncum iterum erumpat.

Alvus ut lubrica sit, prospicere oportet, ubi enemata lenientia, suppositoria, & pruna aquâ & saccharo cocta conveniunt. Ita præterea, tristitia, omnesque affectiones animi vitandæ sunt. Gaudium mediocre, uti spiritui recreando convenit; Sic risus inprimis immoderatus supra modum nocet: Ridendo enim cor totumque nervosum genus maximo cum impetu moveri, atque ex una in alteram partem ferri, *Centuria prima Observat.* 23. annotavimus. Hinc perspicuum sit, duabus de causis risum nocere eis, quibus membrum aliquod amputatum est. Primò, quia ridendo nervi contrahuntur, unde dolor, & convulsiones: secundò, quia ex maxima illa concussionem, & agitationem corporis & musculorum, venæ quoque & arteriæ agitantur & commoventur, ac proinde sanguis iterum erumpit, quemadmodum loco jam jam allegato fusiùs monstravimus & exemplo non vulgari

vulgari in Nobilissimo & Strenuo viro Dn. *Imberto à Diesbach*, Domino ad S. Christophorum observato, confirmavimus. Prædicta victus ratio non solum amissas vires instaurat; Verum etiam quàm plurima symptomata, quæ ægris insidias parare solebant, avertit.

Cap. 23. *Quomodo hæmorrhagia, si post primum apparatus iterum supervenerit, prohibenda & compescenda.*

OMnium symptomatum, quæ vulneribus superveniunt, hæmorrhagia meritò periculosissimum est censendum, præcipuè autem, si arteria aliqua aperta fuerit. Ex arteriis enim sanguis longè impetuosius, quàm ex venis profilit; Et propter continuum motum earum, densam duplicemque tunicam, difficulter obturari possunt. Hinc æger in vitæ discrimine versatur. Cum sanguine enim spiritus dissipantur, vires dissolvuntur, humidumque radicale exhauritur: hinc partes nobiles adeò labefactantur, ut sæpissimè obstructions gravissimæ viscerum, ictericia, & hydrops sequantur. Quodd si singultus supervenerit, de ægro actum est. Ubi enim sanguis plurimus effluerit, à quovis loco, sive à naribus, sive ab ore, thorace, ventriculo, utero, hæmorrhoidibus, singultus, qui ventriculi depravatus motus est, aut convulsio superveniens, malum. Fit enim huiusmodi singultus ex inanitione & absumptione humidi radicalis, quapropter ut plurimum lethalis est, ut *Hippocrates* & experientia docent. Hanc ob causam prospiciat Chirurgus, ut diligentes & fideles ministros ægro adjungat, qui omnia, quæcunque necessaria videbuntur, adhibeant: Inprimis autem manu madefacta oxycrato, stupas cum pulvere continuo per vices continuare debent, ne sanguis erumpat. Prospiciant præterea, ne multum se commoveat æger, sterneret, vociferetur, tussiat, rideat, aut corpus culcitris multum oneret. Quid plura? quæcunque corpus commovent, aut quovis modo excalefaciunt, vitanda sunt.

Monitos autem hîc velim juniores Chirurgos, ut interim dum æger dormit, vigilans & diligens ipsi adsit minister: ne æger propter falsas imaginationes, quæ aliquando supervenire solent, truncum commoveat, iterumque sanguis erumpat, quemadmodum cuidam ægrotorum meorum in agro Paterniacensi accidit. Huic cum brachium ad cubitum amputassem, ille verò tertio die, me absente, brachium, (quod minime sibi amputatum esse persuadebat) extendere, & manu, nescio quid, apprehendere veller; denuò apertâ venâ, hæmorrhagia magna & virium prostratio secuta est, ita ut paucos post dies à vita discesserit. De huiusmodi falsis imaginationibus videat *Lector Observ. 14. & 15. Cent. 3. item Laurentii Jonberti tractatum de vulneribus Sclopetorum.*

Quod si hæmorrhagia supervenerit, non illico tamen amovendus est primus apparatus, sed prius tentandum, an aliis remediis retineri possit. Protinus itaque unus ex ministris manu stupas cum pulveribus contineat, fortiterque contra oscula venarum reprimat. Ne autem incalecat manus, sæpissimè oxycrato immergenda est. Alius præterea adsit minister, qui superiorem partem trunci, linteis oxycrato madefactis involvat.

Si amputatum fuerit crus, brachia ad cubitum at-
tissimo vinculo constringenda sunt, erit id vinculum è tenui redimiculo, cujusmodi illud est, quo mulieres ad ligandos nodandosque suos crines uti consueverunt. Sin amputatum fuerit brachium, crura ad poplitem constringere convenit: Ligatura enim hæc sanguinem

protinus attrahit, & hæmorrhagiam sæpissimè impedit. Ad eandem intentionem summopere quoque convenit venæ sectio, in opposita parte facta: hoc est, si crus dextrum amputatum fuerit, in cubito dextro secanda est vena: si verò brachium abscissum, venam in poplite secare convenit. Quod si vena in poplite non apparuerit, in pede secanda est, dummodò id abique immersione pedis in aquam calidam fieri poterit. Quandoquidem in his frigido, frigidaque aquâ utendum, unde fluit sanguis, aut fluxurus est. Immergis enim pedibus manibusque in aquam calidam, totus sanguis incalescit, adeoque effervesceat, ut difficulter restingui possit. Quapropter etiam frictiones eis, quibus sanguis fluit, aut fluxurus est, minime convenire, rationi consentaneum est. Evacuatio autem hæc non solum in hæmorrhagia convenit; verum etiam reliqua symptomata, veluti febrem, dolorem, inflammationem, & similia arcet atque impedit.

Ante venæ sectionem autem diligentissimè perpendere debet Chirurgus, an æger sit plethoricus, juvenis, & robustus. Si enim cacochymicus, senex, aut multum imbecillis fuerit, minime aut in paucissima saltem quantitate detrahendus est sanguis.

Si intemperies maxima hepatis adfuerit, sequenti epithema tepidè applicare convenit regioni hepatis;

R. Aquar. endiviæ,

Cichorii,

Lactucæ,

Abſinthii an. ʒij.

Aceri rosacei ʒ. ʒ.

Specier. diatrhod. abbatis

Diatrion fantalor. an. ʒij.

Caphuræ ʒ. ʒ.

Misce, & applicetur, ut dictum, cum filtro aut spongia, vel etiam linteo reduplicato.

Aër, in quo æger versatur, frigidus ut sit, necesse est: quapropter, si tempus calidissimum fuerit, cubiculum aquâ frigidâ aspergendum & foliis plantaginis, salicis, quercinis, rosarum, gramine, & similibus hinc inde sparsis, calor attemperandus est.

His adhibitis remediis, si sanguinis fluxus non sistitur, fascias, vesicam, reliquaque omnia clementer solvere & amovete; iterumque renovare necesse est. Quod si vena, ex qua sanguis profluit, in conspectum venerit, forcipe apprehendenda, & filo reduplicato liganda est, quemadmodum superius dixi. Si verò impetuosè profluxerit sanguis, ita ut de vita periclitetur æger, sequenti cauterio candente compescendus & restinguendus est. (*Vid. Tab. vii. fig. 9.*)

Tandem stupæ cum pulvere ad sanguinis fluxum sistendum, vesica item, ac reliqua, quemadmodum cap. 16. declaravimus applicanda sunt. Adsit quoque minister, qui manu oxycrato madefacta, stupas cum pulveribus ad oscula venarum reprimat.

Cap. 24. *De dolore, inflammatione, & intumescione, & quomodo huiusmodi symptomatibus occurrendum.*

Post hæmorrhagiam, omnium symptomatum periculosissimum dolor meritò censendus est, cum sit mater, ex qua quàm plurima mala generantur. Quapropter non sine gravissima causa monet *Galenus*, vulnera blandè esse tractanda, ne dolor suboriat. Etiam si enim corpus ante operationem eâ, quâ fieri potest, diligentia expurgatum sit, attrahit nihilominus dolor, maximo cum impetu, sanguinem & humores ex toto corpore ad truncum, iterumque inflammatio, intumescio, phlegmone, convulsiones, aliaque symptomata suboriuntur. Ratione item doloris vigilie, inquietudines

inquietudines, phrenesis, lipothymia, prostratio appetitus viriumque consequuntur. Digestio quoque non tantum ventriculi, verum etiam vulneris impeditur, ita quidem, ut sapissimè Gangræna iterum circa truncum suboriat. Monitos itaque velim juniores Chirurgos, ut in omnibus operationibus illam adhibeant diligentiam, quo omnia, quantum quidem fieri potest, absque dolore perficiant: Id n. verò *Galenus*, cum operationes jucundè fieri debere præcipit. Quapropter omnes meritò vituperandi sunt, qui ægros nulla urgente necessitate, doloribus ac tormentis lacerant.

Dolor autem præcavetur internis externisque remediis. Internis, quæ affluentes humores, & sanguinem, sive is qualitate sive quantitate peccaverit, evacuant: Externis, quæ eosdem humores sanguinemque à parte affecta repellunt, alterantve. Quod si circa truncum aliquid dolorificum à Chirurgo commissum fuerit, hoc est, si medicamentum aliquod acre applicuerit, aut vinculum (uti nonnulli faciunt) ad truncum reliquerit, id protinus quoque corrigendum & removendum est.

Cæterum sedatur dolor tribus modis, 1. auferendo causam, 2. corrigendo intemperiem, quæ partem læsam afficit, 3. stupefaciendo & sensum partis hebetando. Quapropter si dolores ex affluxu humorum acciderint, corpus iterum secundum humoris prædominantis naturam expurgandum est. Id tamen, nisi violentia morbi obsuerit, ante operationem fieri debet: quo facta operatione corpus purum sit, ne forsitan ex motu isto sanguis iterum erumpat. Sin verò corpus ante operationem expurgatum non fuerit, & dolor ac inflammatio supervenerint, post operationem (si vires permiserint) clementer expurgandum est. Ne autem, dum æger è lecto ad exonerandam alvum egredi cogitur, hæmorrhagia iterum superveniat, sequens vasculum ad excipienda excrementa aptissimum ipsi supponatur.

Vasculum autem illud ex cupro, aut stanno fabricatum, & rotundum esse convenit, latum pollices 13. altitudo pollices quatuor non excedat. In superiori parte foramen habeat rotundum, & pollices septem longum, cujus limbus aliquo modo depresso sit; quemadmodum sequens figura indicat. (Vid. Tab. VII. fig. 10.)

Explicatio fig. 10. Tab. VII.

- A.A. Vacuum sive ventrem vasculi denotant.
- B. Foramen rotundum, in superiori parte pollices septem longum, adumbrat.
- C. Limbus est vasculi, nonnihil impressus, idque in illud finem, ne æger ab ipso lædatur, sed commodè ei insidere possit.
- D. Operculum fistulæ E. notatæ, per quam pelvis mundatur, denotat. Est quoque loco manubrii, quo vasculum sub agrum intruditur iterumque extrahitur.

Quò lector figuram vasculi, & imprimis limbi depressionem, eò meliùs intelligere queat, apposita est figura altera; quæ vasculum per medium dissectum repræsentat.

Interim autem, dum æger alvum exonerare nititur, minister, ut manu posca madefacta pulvillos, fasciam & pulveres ad sanguinem sistendum; versus vasa reprimat, necesse est. Clementer tamen omnia faciendæ sunt, ne dolor exciteretur, Viçtus ratio talis præscribenda est, qualem c. 22. & alibi fusiùs indicavimus. Si plethora maxima adsuerit, & sanguis in partem læsam confluerit, doloremque excitaverit, incidenda est vena, dummodò vires consentiant, & æger sit juvenis, neque in ipsa operatione multum sanguinis profusum fuerit: Quandoquidem ve-

næ sectio in omnibus doloribus, præcipue qui ex plenitudine sanguinis proficiuntur, singulare præsidium est.

Solent nonnulli Chirurgorum vinculum ex superiori parte amputationis, in secundum apparatus relinquere: idque in eum finem, ut oscula venarum, simul & arteriarum constringantur: Sed perperam profectò faciunt. Vinculum enim hoc maximos atque continuos dolores, ingentesque cruciatus excitat. Hinc inflammationes, febres, vigiliæ, aliæque Symptomata suboriuntur. Attrahit enim cum impetu sanguinem, atque humores ex toto corpore ad partem læsam. Hanc quoque ob causam primus apparatus, si ullo modo fieri possit, aut ad summum secundo, aut tercio die removendus est. Fasciæ enim & vesica bovina, cum circumcirca truncum exsiccantur, doloresque non spernendos excitare solent. Nonnulli ab initio lintheaminibus, ac culcitris calidis ita solent obvolvere truncum, ut inde (maximo ægrotum damno) præpter modum incalescat, atque ratione suæ caliditatis, sanguinem humoresque ex corpore attrahat. Hæc, si causa doloris fuerint, corrigenda quoque erunt.

Unica superest causa doloris, quæ removeti non potest, nimirum, quæ propter puris præparationem accidit, ac præcipuè tercio, quarto, ac quinto die ægrum infestare solet. Pus enim, *Hippocrate* teste, dum conficitur, dolores fiunt, ratione quâ materia circumstantes partes intendit, ob ipsius fusionem, & spirituum dissolutionem. Febres item accidunt magis corde jam concalescente, quàm jam confecto pure: quippe materia tum attenuata est, & multum spirituum exhalavit, putrida denique concocta sunt, atque effluunt. Hoc itaque tempore æger blandè & circumspectè tractandus est, omniaque, quæ dolorem excitare solebant, evitanda, atque removenda sunt.

Secundò sedatur dolor, corrigendo intemperiem partis affectæ. Ratione enim solutionis continui, pro plenitudine & cacoehymia corporis, humores in partem affectam plus minusque confluunt, & excalescunt, ac partes nervosas extendendo & alterando, dolorem atque intumescensionem excitant. Itaque statim ab initio, quemadmodum antea quoque monui, repellentia applicare convenit. Quapropter totum membrum bis aut ter in die oleo rosaceo & myrrilorum ut inungatur, & defensivum applicetur, necesse est. Pulvilli item & fasciæ oxycrato imbuendæ sunt. Hæc omnia enim non solum affluentes humores repellunt, verum etiam calorem partis affectæ ad temperiem reducant.

Et si autem hujusmodi frigida parti affectæ applicare necesse sit; Ipsum tamen vulnus, ut temperatè sit calidum, prospicere debet Chirurgus. Quamobrem digestivum utcumque copiosè filamentis & pulvillis applicandum, & ne oxycratum aliæque frigida ad ipsum vulnus perveniant, danda est opera. Frigidum enim, inquit *Hippocrates*, ulceribus mordax, non quidem erodendo, quod continuum est; Sed potius divellendo cutem obdurat, substantiam ejus densans & constringens, dolorem importabilem facit, eò quod nativum calorem, qui suppurationis causa est, exstinguit; livorem obducit, & denigrat, rigores febriles, convulsiones, distentiones creat, non quidem per se, ut rectè docet *Lygius*, sed ex accidente: Nam conclusis corporis meatibus putredinem, & subinde febrem excitari, necesse est. Summa, ut verbo dicam, pars affecta ad temperiem, quantum quidem fieri potest, reducenda est: hoc est, ut neque nimis sit calida, frigida, humida, aut sicca: Quandoquidem, nisi pars affecta quàm optimè fuerit temperata, minimè curari posse, *Hippocrates*, & experientia fidem faciunt. Sin verò materia effluens

effluens pituitosa fuerit, victus ratio utcumque calida & sicca instituenda est, uti *cap. 12.* in victus ratione, in causa frigida & humida, fusiùs declaravimus. Truncus non frigida, sed temperatè calida, veluti unguentum basiliconis, aureum, cataplasma item ex farina fabarum, lupinorum, baccarum lauri, floribus chamomillæ, sambuci, meliloti, rosarum, & summitatum absinthii, omnibus vino rubro coctis, applicanda sunt. Truncus quin etiam lintheis & stupis calidis involvatur, & digestio vulneris celetiter promovenda est. Venæ sectio hîc vix locum habebit, quin potius corpus à pravis humoribus expurgare expediet.

His, uti dixi, adhibitis, si præter spem atque expectationem dolor, inflammatio, affluxus humorum & febris iterùm supervenerint, denuò corpus secundum humoris prædominantis modum expurgare, venam secare, & defensiva applicare, & truncum totumque membrum sequenti linimento calidè inungere necesse est.

R. Ol. rosarum.
Myrtillorum.
Anethi.
Lumbricorum an. ʒj.
Misce.

Interim tamen etsi inflammatio aliqua adsit, vulneri tamen, ut omnia tepidè applicentur necesse est. Calidum enim, ut *Hippocrates* testatur, pus movet, curem emollit, dolorem sedat, rigores, convulsiones, & distensiones mitigat. In hunc itaque finem sequens digestivum vulneri filamentis copiosè imponendum est.

R. Terebinth. claræ & aquâ betonica, aut Veronica lotæ ʒj ʒ.

Ol. Rosacei &
de vitellis ovorum ana ʒj.
Gammi Elemi &
Ceræ novæ ana ʒvj.

Dissolvantur lentissimo igne, & percolentur: postea admisce

Crocī ʒj.
Vitellos ovorum num. ij.

Misce, fiat unguentum, quod filamentis tepidè applicetur, & emplastro basilicone cooperiatur. Aut applica sequens cataplasma, quod dolorem mirum in modum mitigat:

R. Medullæ panis lb. j.

Coquatur cum lacte vaccino, ad formam cataplasmatidis; Deinde admisce

Ol. Amygdalarum dulcium,
de vitellis ovorum ana ʒj.
Butyri recentis ʒij.
Crocī ʒj.
Vitellos ovorum num. ij.

Misce, & applica calidè.

Oleum autem de vitellis ovorum, & amygdalarum dulcium, quod diligenter norandum & observandum, non ex vitellis aut amygdalis còbustis (quemadmodum nonnulli seplasiariorum, quo oleum copiosius & minori cum labore extrahere possint, facere consueverunt) sed leviter calefactis, eâ, quâ par est diligentia, extrahendum est. Combustis enim vitellis amygdalisve oleum quidem facilè, sed sordidum, fœtidum, & ad sedandos dolores ineptissimum elicitur.

Sequens item fomentum dolorem lenit:

R. Flor. Chamomillæ,
Meliloti,
Rosarum rubearum,
Absinthii ana M. ʒ.
Rad. Altheæ ʒj.
Sem Anisi.
Fœnigræc. ana ʒʒ.

Incidantur omnia in minutissimas partes, & coquantur in lacte vaccino, in quo spongiâ aut filtro

madefacto calidè applicetur loco dolenti, & cum primum refrigeratum fuerit, iterùm prædicto lacti calido intingatur.

His si non sedatur dolor, ad narcotica transeundum est: à levioribus tamen incipere convenit, hunc in modum:

R. Syr. de papavere ʒj.

Aq. Lactucæ
Papaveris albi, &
Buglossæ

Aq. Cinnamomi ana ʒʒ.

Confect. Alkermes ʒj.

Misce, fiat potiuncula, detur duabus horis post cœnam.

Si ad fortiora transire necesse fuerit, detur Philonium Romanum, Triphera magna cum opio aut Laudanum *Paracelsi*. Vulneri emplastrum ex hyosciamo, floribus nenupharis, sem. papav. albi, opio, & similibus applicetur. Cautus tamen hac in re ut sit Chirurgus, necesse est, præsertim in exhibitione *Laudani*: quamvis enim sit medicamentum præstantissimum, quendam tamen, cum eo abuteretur, mortem sibi intulisse observavi. Fuit is Nobilis, haud procul à Colonia habitans, & quinquaginta circiter annorum ætatis: Is cum dolore Nephritico, simul & Arthritico mirum in modum excrucietur, Coloniam ad Medicum mittit, auxiliumq; ejus exposcit. Præparat Medicus doses aliquot *Laudani*, & ad ægrum transferendas tradit tabellario, cum instructione, quomodo medicamento isto uti deberet. Servus ad Nobilem suum reversus, medicamentum quidem tradit. Ichedam verò in via amiserat: Æger præ maximo dolore cum veluti prostratus esset, neque ut famulus Coloniam rediret, iterumq; instructionem Medici exposceret, expectare posset, medicamentum, quod pro aliquot dosibus miserat Medicus, unâ vice deglutiit. Dolores ita sedati fuere, somnoq; tam profundo correptus fuit æger, ut dormiendo inter homines esse desierit. Basileæ in duobus agris idem accidisse, ex relatione *Dom. D. Caspari Bauhini* habeo. Hasce adscribere volui historias, non in eum finem, ut medicamenta hæc præstantissima utilissimaque improbare velim, quin potius juniores Chirurgos admonerem, ut circumspicte & prudenter ea exhibeant. Ante exhibitionem tamen *Laudani*, aut cujusvis medicamenti arte chymica præparati, prospiciendum est, ut fideliter & ab exercitato artifice sint præparata. Et quia in præparatione maxima difficultas sita (uti alibi fusiùs demonstravimus) caveat sibi Chirurgus, ne facilè præscribar medicamenta chymica, nisi ipsemet, aut exercitatus & peritus pharmacopæus illa præpararit: cautiones præterea, quæ apud *Dr. D. Osvaldum Crollium*, & alios leguntur, in eorum exhibitione diligentissimè observandæ sunt. Atque hæc sunt præsidia, quibus dolores sedentur, inflammatio extinguitur, & intumescitio partis malè affectæ consumatur. Quod si inflammatio in abscessum abierit, sequenti cataplasmate procuranda & acceleranda est suppuratio;

R. Medullæ panis albi ʒvj.
Radicum altheæ ʒij.
Pulv. feminis lini, &
fœnigræci an. ʒj.
Ficuum num. vj.

Cum decocto radic. altheæ, fiat s.a. cataplasma addendo in fine butyri recentis,

Axung. porcîn. recent. an. ʒj. ʒ.

Vitellos ovorum n. ij.

Crocī ʒʒ.

Misce, fiat cataplasma, quod calidè applicetur: lenit dolores, & suppurationem accelerat.

Rupto

Rupto abtcessu, mundificandum & incarnandum est ulcus, ut artis est. Sin verò inflammatio de novo in Gangrænam terminaverit, remedia, quæ in curatione Gangrænae tradita sunt, iterum admove-
re convenit.

Cap. 25. *De immoderatis vigiliis, inquietudinibus, & mentis alienatione.*

Vigiliae inquietudinesque, ex numero quoque sunt gravissimorum symptomatum, quæ post operationem ægros torquere solent. Ratione enim vigiliarum, & inquietudinum, digestio stomachi simul & suppuratio vulneris, impediuntur retardanturque, vires quoque prosteruntur, & humidum radicale absumitur: cuius loco viscera pravis humoribus gravantur. Moxque febris oritur, tandemque mentis alienatio, & quandoque phrenitis, symptoma longè periculosissimum sequitur. Mature itaque ægris prædictis symptomatibus correptis succurrendum est. In primis autem, quàm diligentissimè perquirere convenit, quæ vigiliarum sit causa, eaque auferenda est. Ea si fuerit dolor, sedandus est, quemadmodum in præcedenti capite fusiùs declaravimus. Si febris adfuerit, purgandus est æger; vena item (dummodò vires adfuerint) secanda, & victus ratio præscribenda, de quibus omnibus antè satis prolixè dictum fuit.

Animi perturbationes, inprimis mœrores, apud huiusmodi ægros, quibus membrum aliquod amputatum est, vigiliarum & inquietudinum non rarò in causa esse solent. Quapropter, ut gratissimi amici ægrum adeant, ipsumque blandè alloquantur, animumque ipsius à sollicitudine abducant, perquam necesse est.

Ira similiter summoperè vitanda: impedit enim non solum somnum, & quietem, verum etiam, sanguinem & humores ita incendit, ut febris inde alienatio mentis, & nonnunquam mors sequantur. Quòd si splendor Solis quietem retardaverit, linteis nigris fenestras obscurare, lumenque recludere convenit. Quandoque fluxus alvi ægro adeò est molestus, ut somnum capere non possit: quapropter restringendus est; Cibus quin etiam talis exhibendus, qui non solum facillè concoquantur, multumque nutriat, verum etiam humectet, somnumque conciliet. Cum carne itaque lactuca, folia violarum, borrago, buglossa, portulaca, item hordeum decorticatum, & huiusmodi coquenda sunt. Aut exhibeantur emulsionem sem. frigidorum, & sem. papaveris albi. Mitissimum & optimum remedium, quod potest dari cum debilitate virium, est tale hordeum mundatum refrigerans.

R. Hordei mundati, diutissimè cocti ʒiij.

Amygdalarum dulcium infus. in aq. frig. & rosarum tantundem.

quatuor sem. frig. majorum mund. ana ʒß.

Sem. papav. albi ʒj.

Sacchari rosati q. s.

Fiat hordeum mundum, contundendo omnia simul, & coquendo parum post impositionem sacchari rosati; Detur post cœnam in introitu lecti, nec sit spissa sorbitio. Conciliat somnum humectando & refrigerando, & vires imbecilles reparat.

Sequens quoque portio intemperiem calidam internarum partium mitigat, somnumque provocat.

R. Fol. Lactucæ.

Portulacæ ana M. j.

Flor. Nenuphar. &

Violarum ana M. ß.

quatuor sem. frig. major. ana ʒij.

Papaveris albi ʒj.

Liquiritiæ &

Passularum ana ʒß.

Fiat decoctio in aqua ad consumptionem tertiæ partis. In ʒj. colaturæ dissolve Syrupi de papavere, & nenupharis an. ʒj. ß. Misce, fiat portio, de qua bibat æger bis, aut ter in die, jejuno scilicet stomacho, & duabus horis post sumptam cœnam, ad ʒiiij. pro dosi. Si recentes herbæ in promptu minime fuerint, smendæ sunt aquæ destillatæ cum syrupis.

Laudanum quoque opiatum, triphera item cum opio, philonium Roman. & requies Nicolai, somnum provocant, intemperiemque calidam internarum partium mitigant, sed cum iudicio hæc omnia exhibenda sunt, quemadmodum præcedente capite juniores Chirurgo monui.

Sequens enema somnum quoque provocat, incendiumque renum mitigat.

R. Hordei mundati ʒij.

herbar. plantaginis,

Violarum

Portulacæ ana ʒij.

Quatuor sem. frig. maj. ana ʒij.

Sem. papav. albi ʒj.

Fiat decoctio in aqua ad consumptionem tertiæ partis in ʒj. colaturæ dissolve

Ol. Violarum &

Nenupharis ana ʒß.

Caphuræ ʒß.

Misce, fiat clyster.

Si maximus tamen capitis & ventriculi fuerit dolor, caphurâ cautè utendum esse, monet Dn. D. Raymundus Mindererus, quapropter medicamentis sive per os exhibitis, sive per alvum infusis, aut exterius admotis, camphoram, si dolor capitis adfuerit, minime admiscere soleo.

Frons & tempora bis aut ter in die sequenti Linimento inungere quoque convenit.

R. Ol. rosacei &

Nenupharis ana ʒj.

Opii dissoluti in aqua rosacea

Caphuræ ana ʒj.

Aceti rosacei ʒß.

Misce.

Tempore æstatis nodulus ex sequentibus herbis fieri, & naribus ad moveri poterit.

R. Florum, aut folior. papaveris.

Folior. hyoscyami.

Mandragoræ ana M. ß.

Caphuræ.

Opii ana ʒß.

Aceti parum. Incidantur & contendantur simul in mortario ad usum.

Uno vel altero prædictorum medicamentorum exhibito, fronte item & temporibus inunctis, & nodulo naribus admoto, fenestræ obscurandæ sunt, & ut omnia placidè, & suspensio gradu circa ægros agantur, adstantibus injungendum est.

Si phrenitis causa vigiliarum fuerit, injecto prius enemate, & sectâ venâ in cubito, si vires constiterint, iterum corpus Cholagogo aliquo medicamento, veluti ex rhabarbaro, electuario de succo rosarum, syrupo rosato solutivo, cum aqua cichorii & lactucæ dissoluto expurgare, cucurbitulasque scapulis & nuchæ applicare convenit. Victus frigidus ac humidus præscribendus est. A vino omninò abstineat æger, cuius loco ptisanam, aut decoctum agrimonie, cum succo berberorum, citronum, granatorum, & syrupo violaceo, & de succo acetosæ bibat. Portio somnifera, reliqua; omnia superius commemorata, hîc quoque conveniunt. Topica ab initio sint frigida; & repercutientia. Abrasis itaque crinibus inungatur caput unguento populeonis recenti, antiquum enim calefacit: Deinde,

R. Aquæ

R. Aquæ rosarum,
Nymphaeæ,
Solani,
Betonicae ana ℥ij.

Aceti rosacei ℥j.

Misce, & applica tepidè cum panno. Tempore æstatis, contusis herbis exprimatur succus, & cum paucis aceto applicetur. Ad somnum conciliandum adde capita papaveris albi, aut eorundem stillatitium liquorem. In augmento morbi multis repellentibus pauca resolventia addenda sunt, ut:

R. Ol. violarum &
Rosarum ana ℥j.
Ol. chamom. ℥ss.
succis aut aquæ betonicae ℥j.
Misce, pro linimento.

Vigiliae quamprimum remiserint, & phrenitis in declinatione fuerit, ab omnibus medicamentis, quæ opium, mandragoram, papaver, & huiusmodi recipiunt, abstinendum est, ne temperamentum cerebri, quod frigidum & humidum est, destruat. In declinatione itaque cum resolvendum est, catulus aut columba per medium dissecta, & calida applicata, summopere conveniunt: uti quoque pulmo arietis calidè applicatus. Hæc verò quamprimum refrigerata fuerint, auferenda sunt. Pulmonem tamen aquâ, in qua betonica, rosamarinus, rosæ, & flores chamomillæ incoxerint, iterum excalescere soleo. Sequens quoque pulvis capiti inspergatur.

R. Flor. Betonicae,
Anthos,
Salviæ,
Rosarum odoriferarum ana p.ij.
Rad. Iridis Florentinae.
Caryophyllatae ana ℥iiij.
Styracis calamitæ ℥j.
Misce, fiat pulvis.

Cap. 26. De Spasmo.

Spasmus quoque nonnunquam ægrum post operationem non tantum excruciare, verum etiam non raro trucidare solet: quapropter ipsius curatio minime hic omittenda.

Spasmus autem sive Convulsio, ut docet *Galenus* est, qui nervos & musculos in eum cogit affectum, in quem ab animali facultate, cum naturalem habitum servarent, ducebantur. In hoc enim malo nervi & musculi in eas partes attrahuntur, quibus innascuntur, verum id motu quodam violento, ac præter voluntatem ægri fit.

Convulsio est aut universalis, aut particularis, Universalis triplex est: aut enim caput, totumque corpus in pectus contrahitur, aut caput cervixque ac reliquum corpus ad posteriora, & dorsum convellitur; Aut corpus immobile manet neutramque in partem inflectitur; sed recta in utramque partem intenditur. Convulsio particularis est; quæ partem aliquam corporis saltem occupat. Fit autem hic morbus vel ex repletionem vel ex inanitione, aut propter putridos & malignos vapores, ad cerebrum & originem nervorum elevatos, de quibus vide supra cap. 17.

Omnis convulsio periculosa est, præsertim ea, quæ fit ab inanitione. Nervus enim post immoderatas purgationes, vomitum, hæmorrhagiam intempestivam, & febrem ardentem exsiccatur, non facile humectari possunt, ita quidem, ut morbi acerbitas vires exsolvat, exitiumque afferat, priusquam nervi iterum humectentur, & ad temperiem reducantur.

Bibl. Chirurg. Tom. II.

Quapropter convulsionem ex helleboro lethalem, rectè pronuntiavit *Hippocrates*, fit enim, propter immodicam evacuationem, quam sequitur siccitas incurabilis. Convulsionem ex vulnere lethalem esse; docet *Hippocrates*, accidit enim propter nervosarum partium lationem, & inflammationem, quibus de causis dolor ingens oritur, qui propter consensum cerebri gravissimè afficit. Convulsio ex malignis vaporibus non minus periculosa est. Vapor enim malignus non solum cerebrum afficit, verum etiam per arterias ad cor ascendit, spiritusque vitales inficit.

In curatione causa morbi diligentissimè perquirenda est. Si ex repletionem fuerit convulsio, evacuationem requirit, docente *Hippocrate*. Quapropter victus tenuis instituendus, corpus expurgandum, & vena secanda, parsque affecta, totaque spina dorsæ sequenti linimento inungenda est.

R. Ol. Lumbricorum.
Vulpini ana ℥ij.
Terebinth.
Cera.
de castoreo ana ℥ss.

Axungia humanæ ℥iiij.
Succi lumbricorum ℥j.
Misce, applicetur calidè.

Si verò convulsio ex inanitione & siccitate fuerit; nequaquam purgantia, aut sectio venæ adhibenda, quin potius corpus, quantum fieri potest, cibis euchymis nutriendum, & humectandum est; de quibus abundè cap. 13. ubi de curatione Gangrænæ ex intemperie sicca; & penuria alimenti egimus. Si sitis magna fuerit, sequens portio exhibenda est.

R. Aquar. buglossæ.
Rosarum &
Violarum ana ℥iiij.
Syrup. violacei ℥iiij.

Misce, fiatque julapium, de quo sumat æger quotiescunque sibi libuerit.

Emulsionem sem. frigidorum, & lac amygdalarum quoque conveniunt; uti quoque conserva violarum, florum nenupharis & borraginis.

Alvus si non responderit, clyster injiciendus est. Sit autem emolliens simul & nutriens, veluti ex decocto carnis vervecinæ, caponis, & gallinæ cum vitellis ovorum parumque pulveris croci, macis, & aquæ cinnamomi.

Pars affecta, totaque spina dorsæ sequenti linimento inungenda est.

R. Pinguedinis humanæ,
Ol. violarum &
Amygdalarum dulcium ana ℥ij.
Succi lumbricorum Wieri ℥iiij.
Misce, & applica calidè.

Si convulsio propter consensum, hoc est, ratione doloris, inflammationis & intumescationis trunci fuerit; dolor sedandus, inflammatio extinguenda, & intumescatio membri resolvenda, ac dissipanda est. Quo in casu sequens linimentum mirum in modum convenit.

R. Ol. Salviæ,
Anethini,
Chamomil.
Vulpini,
Succi lumbricorum terrestr. Wieri.
Pinguedinis humanæ ana ℥ij.
Ol. terebinth.
Aquæ vitæ ana ℥j.
Croci ℥j.
Misce, fiat linimentum.

7

Ambrosius

Ambrosius Paræus Cheirurgus æternâ laude longè dignissimus, sequens linimentum in affectibus nervorum præcipuè ex causâ frigida ortis summoperè laudat.

R. Salviæ,
Chamæpithyos,
Majoranæ,
Rosmarini,
Rutæ,
Lavendulæ ana M. j.
Flor. Chamomil.
Meliloti,
Anethi,
Hyperici ana pug. ij.
Baccar. lauri &
Juniperi ana ʒij.
Radic. pyrettri ʒij.
Masticis.
Assæ odoratæ ana ʒj. 6.
Terebinth. Venetæ lb. j.
Ol. Lumbricorum.
Anethi.
Catellorum ana ʒvj.
Ol. Terebinth. ʒ iij.
Axungia humanæ ʒ ij.
Croci ʒj.
Vini albi odoriferi lbj. 6.
Cera q. s.

Contundenda contundantur, pulverisanda pulveriscentur; postea coquantur cum oleis & axungia prædict. in vase duplici, fiat linimentum secundum artem. Adde in fine aquæ vitæ ʒiij.

Quod si convulsio ex pravis & malignis vaporibus, ad cerebrum aliasque partes nobiles ex trunco elevata, fuerit, acceleranda est digestio & suppuratio vulneris. Defensiva aliaque frigida circa truncum applicata, etiamsi elevationem vaporum impediunt, quia tamen suppurationem vulneris retardant, nervisque nocent, non sine maximo iudicio in spasmō uti iis licet. Acceleranda itaque est digestio, uti jam jam dixi, ut cum pare unâ quoque vapores maligni exhalare possint. Id autem fit calidis & humidis temperatis, de quibus suo loco abundè dictum est. Saltem hoc addo; Linimentis, quæ vulnere imponuntur, semper nonnihil theriacæ, Mithridatii & lapidis Bezoar addendum esse. Mithridatium quoque, theriaca, Bezoar, cornu cervi, aliaque alexipharmaca, de quibus in præcedentibus diximus, per os exhibita, summoperè conveniunt. Regioni cordis, uti quoque carpis, epithema applicandum est.

Cap. 27. *Ægri à præcedente curatione victus ratio.*

NEquè verò in curatione tantum eam esse debet ægri diætâ; verum etiam, si favente Deo liberatus fuerit à tam dira & funesta lue, aliquantisper sibi temperabit, laudabili victu contentus, omnem intemperantiam, seu in potu, seu etiam in cibo vitabit, multò magis, quàm antehac, sobrietati studebit, quandoquidem imminuto corpore non tantum alimenti desideratur. Si fuerit juvenis quispiam robustus, & sanguine copioso præditus, purgabitur interdum & venam ad minimum bis in anno, præcipuè autem in Vere tundendam curabit. Venas autem malleoli præ cæteris incidere convenit. Plurimum enim, quibus amputatum est brachium vel crus, accidit, ut dum natura de more transmittit sanguinem alimentarium, ut antè solebat, is obstructâ viâ, cogatur sursum regurgitare, & inflammare partes intimas, hepar nimirum, pulmones, diaphragma, & cæteras id genus partes.

Cuidam ex militibus Germanis, quorum cap. 4. mentionem fecimus, cum utramque tibiam ad poplitum amputassemus, trunci quinetiam cicatrice ob-

ducti essent, ac æger nihil aliud quàm tempus verum, quo ad suos se conferre posset, expectaret, circa principium mensis Aprilis dolore torminibusque maximis ventris, febre continuâ, ac tandem Dysenteria quoque correptus, à qua quinto die morbi extinctus fuit. Causam hujus morbi, regurgitationem sanguinis ad partes Nobiles, hepar imprimis, fuisse, Medici mecum suspicabantur: Cum enim propter lautam victus rationem, & constitutionem temporis, sanguis in hepate auctus esset, eumque natura deorsum ad crura alenda mitteret, sursum regurgitasse, & in ipso hepate, & venâ cavâ propter sui copiam inflammatum fuisse, & acrimoniam contraxisse, rationi consentaneum esse mihi videtur. Humorem porro illum cum vesicula fellea ex officio copiosè attraxisset, & ad intestina effudisset, secutus est dolor maximus, tandemque dysenteria. Quapropter omnes, quibus membrum aliquod magnum amputatum est, admonitos velim, ut in victus ratione omnem excessum, vitamque desidiosam, & quæ viscera interna sanguinemque excalefaciunt, evitent: Econtrâ verò iis, quæ viscera sanguinemque aliquomodo refrigerant; veluti sunt syrupus granatorum, de succo limonum, acetosæ, violarum, rosarum, de succo berberorum, & de agresta, utantur. Corpus per intervalla syrupo rosato solutivo, rhabarbaro, electuario de succo rosarum, lenitivo & similibus expurgandum est, venæ item poplitis, aut malleolorum incidendæ. Si verò utrumque crus amputatum fuerit, venæ brachiorum pertundendæ sunt.

Venus maximè nocua, in ipsâ quidem curatione lethalis, & multos etiam post dies plane periculosa. Ejusce rei fidem faciet historia memorabilis Nobilis cujusdam, cui *Cosmus Slatan* experientissimus Cheirurgus, Valentia lævam amputarat, ex ictu Sclopeti contusam. Ægrotanti juveni voluptatibus dedito, diserte interdictus erat cum uxore congressus: at is vulnere prope modum persanato, & sedatis symptomatibus omnibus, eam interpellavit, quâ renuente propter seria *Slatani* monita, ipse emisit sperma citra coitum, atque hinc recidit protinus in febrem, deliria, spasmos, aliaque gravia symptomata, tandemque obiit quarta post die. Ex his intelligimus, quàm infesta sit Verus nervis & nervorum vulneribus, aequè ac capitis & articularum affectibus. In aliis quoque morbis acutis nocentissimam esse Venæ, cum aliâ, tum in Colonienfi quodam observavi. Is enim ex pleuritide ferè liberatus, cum decima die morbi uxorem amplexus fuisset, iterum in febrem incidit, & decimo tertio naturæ satisfecit.

Super Amputatione partis Gangranosa hîc rursus, subiungamus quod paucis admodum lincis tradit Clariss. Antonius Nuck in suis Experiment. Chirurgic.

Quotiescunque corporis nostri pars vel sphacelata, vel gangrænata, aut alio modò malè affecta, ne vicinis labein inferat, ut inutile pondus tollenda occurrat; toties, aut supra, aut infra articulum, si fieri potest, in parte sanâ Amputatio instituenda.

Cibò itaque potuque, vel spirituosò quodam, aut aromaticò medicamentò roboratus patiens in sedili, ut decet, locetur; hinc sana cutis cum carne subjactâ sursum trahatur; mox ad duorum digitorum transversorum latitudinem supra locum incidendum vinculo fortiori, quod ligneò bacillò, *Torcular* propterea dictò, contorqueatur, pars amputanda arctè constringatur; quibus peractis, cultro falcato celeriter in orbem disseccetur, periostiumque (& si duplex os occurrat caro & ligamentum intermedium simul separandum) ilico ab osse abradendo separetur. Non tamen diu huic separationi incumbendum, quoniam magnæ utilitatis sæpe non est, & Patienti maximam molestiam asferre solet.

Mox *Serrâ acutiori* ossa præcidantur, & hæmorrhagia, si major fuerit, Cauterio Actuali sistatur, dummodo eschara ejus beneficio inducta, postea decidens, novæ hæmorrhagiæ causa non existat.

Nonnulli hæmorrhagiam inhibere laborantes, abscissa vasa *Tenaculâ* apprehendunt, eaque filo deligant; verum cum hic modus admodum sit molestus, & Patienti dolorificus, illum omnino improbamus.

Præstabit itaque *Pulverem stypticum* Albumini Ovorum permistum, cum Plumaceolis, Petiisque applicare: vel Fungum illum *Bovist*, qui in sanguine sistendo non ignavam semper navat operam, partibus sanguinem eructantibus admove-re.

Stypticum interim multoties felici cum successu adhibitum sequens esto:

℞ . Bol. Armen. ℥iij.
Calc. Viv.
Vitriol. Ust.
Alum. Ust. aa. ℥j.
Lap. Hamatit.
Aloës Lucid.
Sang. Dracon.
Terr. Lemn.
Croc. Mart.
Mumie aa. ℥iij.
Massich.
Thur.
Oliban. aa. ℥ij.
M. F. Pulv.

Si verò Hæmorrhagia minor fuerit, sunt, qui statim, factâ Extirpatione, filo cerâ obducto, quatuor in locis cutim cum carne perforant, hinc priori vinculo soluto, eandem deorsum ducunt, atque ita cutis extremitates propius ad se invicem accedentes externum aërem excludendo, subjectum os à corruptione præservant, vulnusque citius curatur. Verum hæc methodus jam apud plerosque inoluit, & modò præscripta familiarior est.

Styptica igitur admota, beneficio *Emplastrî defensorii & gluinantis* in situ convenienti detinentur: quod Emplastrum in crucis formam præparari debet, ut extremitates ejus eo melius parti affectæ adaptari possint; quibus omnibus Vesica bubula superinducitur, & admodò compressâ unâ aut alterâ, *Fasciatio Cruciata* instituitur.

Nonnulli Manum *Sphacelo* correptam aut occulto Cancro affectam (factâ prius ligaturâ) *Scalpro* majori, cum successu amputare solent. Corrupti verò digiti aut pollices, facili negotio vel forfice vel forcipe robustiori abscinduntur.

Fusus hætenus de membrorum, vulgari methodò decurtandorum ratione ex Clariss. Viris Gulielmò Fabriciò Hildanò, atque Antoniò Nuckio, egimus; in illisque merito subsisteremus, ni aliam, eamque & curiosam, & forsan etiam utilissimam in hac operatione perficiendam methodum nobis exhiberet Celeberrimus ac Peritissimus Petrus Hadriani F. Verduin apud Amstelodamenses Chirurgus felicissimus: Cujus propterea Dissertationem Epistolicam cum adiectis figuris, recensetimus, anno 1696. vulgatam, additâ etiam in eodem argumentò, observatione, & animadversionibus quas in Epistolâ suâ Anatomicâ problematicâ decimâ quartâ, Præclarissimus adfert Fridericus Rhuischius, Sit itaque primò,

Bibl. Chirurg. Tom. II.

Illustrissimo, Nobilissimo, & Amplissimo

VIRO

NICOLAO VVITSEN,

Urbis Amstelædamensis Consuli ac
Senatori,

In Concilium Delegatorum Hollandiæ sapius;

In Confessum Ordinum Generalium
quondam Delegato,

*Fœderati Belgii ad Magnæ Britanniæ
Regem*

GULIELMUM

Exlegato Extraordinario.

Societatis Indiæ Orientalis Assessori &c.
&c.

S. P. D.

PETRVS HADRIANI F. VERDUIN.

Diu multumque dubius hæsi, Vir Amplissime, ante, maximis Reipublicæ, ac quidem hoc tempore calamitoso, negotiis occupatum, & non nisi solidiora studia meditantem, levioribus hisce meis interpellare essem aucturus: Verum Tuâ fretus facilitate, quæ omnes, etiam minimos, qui tuum implorant auxilium, audire non dedignaris, haud ægrè Te laturum spero, si à Te modestè petam, ut novum hoc meum, quod vidisti & probasti, de crurum amputatione inventum, Illustrissimo Tuo Nomini inscribi permittas. Promulgandum equidem, cum aliis viris doctis, judicasti, & cum nihil mihi sit antiquius nihilque religiosius, quam Tuis obtemperare mandatis, è re meâ esse credidi, hoc quaecunque inventum, Tuis sub auspiciis, publicum facere. Tu enim, qui apud omnes nationes multis nominibus notus es, fortiter illud tueri, magnumque ipsi pondus adferre potes. Moram minùs hâc in re trahendam putavi, hoc opportunò id experiundi tempore, quò, ex infestissimò inter omnes ferè Christianos bello, multi artubus truncati, multi cruribus orbi redduntur, qui hâcce novâ meâ methodò, brevius non tantum & feliciter restitui possunt, sed ut etiam genui flectere, & ipsâ truncatâ parte inniti, imò ei insistere, maximò commodò queant.

A multis jam annis observavi, plura circa *angustia* desiderari, plura minùs rectè perfici; cum respectu ipsius operationis, tum etiam ratione apparatus ad eam, & maximè quidem fasciarum, quæ magno molimine, & multò majori quàm natura rei requirit, adhibentur: Unde factum est, ut pedetentim novum omnino & succinctum apparatus invenerim, quem facili & procul ab omni periculò quisq; etiam minus in arte exercitatus, imitari posset; cum è contra, vel versatioribus Chirurgis, quandoq; infelicitè contigit, ut ex vulgatâ fascias involvendi normâ, Gangrænâ parti induxerint. Decurtationem ipsam quod spectat; mirum in modum me semper affecit, promptum illud & stupendum naturæ opus, in partibus sibi invicem agglutinandis, licet longissimè diffitis, si abscissâ cute, labra earum vulnerata & sanguine madentia, proximè duntaxat ad invicem jungantur, ac probè conjuncta servantur, cujus rei frequentissima in praxi meâ habui exëpla, inprimis in restituendis

restituendis labiis leporinis, etiam maximè distantibus; unde mihi aliquoties in mentem venit, an non in decurtandis artubus simile quid præstari posset? insignis obstabat difficultas; quòd scilicet animadverterem, partem, in quâ operatio est instituenda, maximè esse ossæam, parum carneam: videram equidem aliquoties in vulnetibus capitis aliisque, denudatum etiam os, si æris inquinamentum subito ob ipsò arceretur, agglutinationem superinductæ carnis tulisse; verùm id in truncatò ossæ, & medullam continente, nunquam fueram expertus: nec etiam sufficiebant, ad illud os tegendum, laxata cutis & caro, solitò more, ante mutilandæ partis constictionem, sursum, quamvis fortiter, attractæ. Hæc meum torquebant ingenium, & tentamen morabantur; præcipuè cum operatio hæc per se esset ambagibus plena & crudelis; in quâ & æger & adstantes, multò terrore perculsi, non faciliè dubium & difficile experimentum in se primis admittunt. Porro dum varios, & primam familiam ducentes Chirurgos consulò; inter antiquos nempe Hippocratem, Cornelium Celsum, Paulum Æginetam; inter recentiores Ambrosium Paræum, Gasparum Taliacotium, Guilhelmu Fabricium Hildanum, Hieronymum Fabricium ab Aquapendente, aliosque præclaros Viros, video sanè illos, etiam de truncandis artubus, & curtorum Chirurgiæ ex professò agentes, tamen ne verbum quidem, de artuum per insitionem curandorum methodò protulisse. Atq; etiam, quanquam in magnis aliquid quoq; tentasse, laudabile est, faciliè quis calumniæ metù nova experiri vereatur, *virtuti enim comes invidia*: & sæpiùs profectò illò metù, me, quæ & artis erant & rationis facere, deterritum atque retentum confiteor. Hic enim dolere possem, quoties, supra vulgus in meâ professione sapere annisui fui, & majora in arte moti (tametsi id masculè fecissem ac feliciter, ut, si Deus siverit, observata mea, ubi in publicum prodierint, aliquando probabunt) nihilominus tales, qui questui ducunt malè loqui de melioribus, illa vel vituperasse vel minoris fecisse.

Dum sic protraho hujus operationis instituendæ desiderium, en mihi literas cujusdam Londinò scribentis amici, olim mei Discipuli, & qui apud me vixerat: ille, qui noverat quantà ego illustrandæ artis arderem cupiditate, scribit Profocerum suum, inter Londinenses Chirurgum dexterrimum, hanc, quam meditabar, methodum ex parte instituisse; scilicet in cruris decurtatione servasse suram, eamq; truncatis ossibus applicuisse, idq; eò successu, ut sibi invicem adhæserint ac coaluerint; parum vel nihil de cæteris circumstantiis. Vereor imperfectiorem fuisse ejus instituendi rationem cum, quantum rescire potui, nullus alius ibi ipsum fuerit imitatus; hodieque in ipsâ Angliâ æquè parum ac in cæteris orbis regionibus hæc Methodus invaluerit. Imò & inter illos nuper Vir Nobilis & in rebus medicis multum versatus, hanc à me peractam operationem per literas cujusdam familiaris edoctus, per eundem petit, ut integram hujus instituendi historiam, ad se transmitterem, quam, tanquam rem novam, raram & scitu apprime necessariam Societatis Regiæ actis inseri volebat.

Verùm, Vir Nobilissime, ne in publica commoda peccem, si longiore sermone tua tempora morer, rem ipsam aggrediar, & primò instrumenta, quibus uti solemus, & plurima à nobis aut excogitata aut emendata, describam: deinde ipsum operandi modum, & in illò observanda, verbis quàm perspicuis, adjungam; postremò utilitates & commoda, quæ ex eò proveniunt, subjiciam: Imò, quò faciliùs & clariùs hæc intelligantur, multa, juxta eorum adhibendi methodum æris incisa, artis Chirurgicæ cultoribus ob oculos ponam.

Instrumenta autem, tam ratione materiæ, quàm temporis, quò applicanda, sunt varia: Alia enim ex

coriò, alia ex terrò, alia ex chalybe vel quâlibet aliâ materiâ idoneâ sunt fabricata: Respectu temporis; alia in operatione, alia post illam, alia denique Sanatione peractâ adhibentur.

In Operatione.

1. Requiritur Cingulum quoddam latum constrictorium, ex coriò vitulinò, quod vulgò pingue audit, fabricatum, & ad crassitiem femoris decurtandi cruris accommodatum, cum tribus eorrigiis & duobus loris appendentibus; juxta internæ externæq; faciei, Tabulæ A. Figurâ primâ & secundâ delineationem.

2. Lamina concava, ex ære, aut aliâ quâvis materiâ ductili, ad mutilandæ partis periferiam complectendam, parata: secundum Tabulæ A. figuram quartam.

3. Zona gracilis ex prædictò coriò confecta; alterò extremò fibulâ æneâ munita, alterò multis foraminulis ex ordine, & exiguis interjectis spatiis, pertusa: quam figura undecima Tabulæ A. denotat.

4. Sex lingulæ, quibus corrigiæ, lora & Zona clauduntur; quas ubique à fibulis liberas reliqui, ne ullus corrigiarum, Lororum, aut Zonæ, inter claudendum, sit retrocessus; qui evitari nequit, si lingulæ, ut solent, fibulis sint affixæ. Harum quinque Tabulæ A. figurâ tertiâ, & una Tabulæ ejusdem figurâ undecimâ literâ A. notata, sunt delineatæ.

5. Duo Splenia teretia & crassa, duos tresve digitos transversos lata, & Spithamam circiter longa; ut figurâ quintâ, & sextâ Tabulæ A. exprimitur.

6. Linteum quadruplicatum, cingulò constrictoriò majus: figurâ septimâ Tabulæ A. demonstratum.

7. Tænia vel vitra lata ac valida; Tabulæ A. figurâ nonâ denotata.

8. Bacillus, ad vittam prædictam contorquendam, ejusdem Tabulæ figurâ decimâ depictus, & eorum usus Tabulæ A. figurâ decimâ octavâ.

9. Sint in procinctu duæ tresve vesicæ bubulæ; quarum una parata & aquâ emollita, figurâ decimâ sextâ ejusdem Tabulæ est delineata.

10. Totidem fasciolæ emplastrò glutinosò (exempli gratiâ Emplastrò Diachalciteos tantillo Therebinthinæ commixtò) illitæ; duos tresve transversos digitos lata, tres, plus minus, spithamas longæ, alterâ extremitatum paululum incisæ; ut eadem Tabulâ figurâ decimâ septimâ denotatur.

11. Sit quoque in promptu fungus orbicularis vernaculè *Bovist*, Linamentum, & Stupa; quorum quædam frusta, plumaceoli & pulvilli, figuræ decima tercia, decima quarta, & decima quinta ejusdem Tabulæ, demonstrant.

12. Ne sit etiam penuria Lintei detriti & mundati; ex quo Splenia, plagulæ & fasciæ requisitæ ac in Iconibus designatæ, parantur.

13. Catillus cum aquâ tepidâ & molli spongiâ; quem Tabulæ ejusdem figura duodecima indicat.

14. Culter falcatus & anceps, quorum duo diversæ magnitudinis, Tabulâ A. figurâ 23. & 26. sunt delineati.

15. Separatorium potest esse paratum, si cui eò uti lubeat, cujus effigiem, ejusdem Tabulæ figura 24. habet.

16. Binæ serræ, tenuissimarum laminarum, acutissimisque dentibus præditarum, quarum Schemata eadem Tabulâ, figurâ 22. & 25. videbis: alteram majorem, in femore, aut crure obelò adhibendam; cujus arcus extremum manubriò, literâ A signatò, munitum est; quò, dum adhibetur, manû arreptò, Serra majori vi reciprocari & adigi potest, ut eò citior ossium fiat dissectio: Alteram minorem, in minoris crassitie extremitatibus idoneam.

Post Operationem, & quidem primò apparatû remouit.

Instrumentum Retentivum, cujus prima pars, femoris postico lateri, lancò pannò, aut linteò complicitò priùs vestito admoveatur; altera pars carnem truncò adjungam, & plagulâ rectam sustineat. Cujus integri Schema, nec non in partes divisi, Tabula B. figuris 1.2.3.4. invenies.

Panniculum, plagulas & fascias, quæ ad ejus applicandi modum requiruntur, eadem habes Tabula, figuris 5.6.7. & 8.

Ipsè verò modus applicandi & usus, ac etiam quæ ad vulnus tractandum requiruntur, Tabulæ B. figuris nonâ, decimâ, undecimâ, duodecimâ, & decimâ, tertiâ describuntur.

Vulneris Sanatione consummata.

Crus artificiale, ex lignò aut alia qualibet materia levi fabrefactum. Pulvillus ex setis equinis contortis aut coctis & alutâ rectis compositus, mutilatæ parti subjiciendus, quorum formas, & usum Tabulæ B. fig. 16. 17. & 18. indicant.

Deniq; caliga ex aluta, ad trunci, genu, & femoris crassitiem & formam accommodata, quæ figurâ 16. Tabulæ B. est depicta.

Hactenus quæ ad hunc actum ex arte perficiendum à nobis necessaria judicantur, enumeravimus arma: Quibus si superesse quid aut deesse quis putet, quippiam addere aut demere, per me integrum erit; quippe quæ faciliè quandam admittunt mutationem: Sæpe etiam pro re natâ, & loci ac temporis opportunitate res sunt disponendæ. Nunc eorum, apertissimis, quantum poterimus, verbis usum trademus.

Si igitur Chirurgo crus offeratur decurtandum, ante omnia ægri examinandæ sunt vires, an operationi ferendæ sint pares: Præterea pars affecta; quæ quò magis integra & carnea, eò aptior: cautè enim prospiciendum, ne Sphacelò in totum affecto crui, aut aliis morbis nimium corrupto, culter adhibeatur; vana enim & inutilis foret operatio. In homine itaq; haud malè habitò, atq; crure torosò, operatio sequenti modò est instituenda.

Ægiò luci clariori opposito, femori denudato, primò Splenia teretia, unum in poplite, inter tendines crus flectentium, alterum ad internum femoris latus, ubi magnâ sita sunt vasa, applicantur. Tegantur hæc, nec non infima pars femoris & genu quadruplicato linteo, quæ fasciolâ, ut suo loco maneant, obvolvi possunt. His cingulum latum constrictorium superimponatur, quod operæ brevium corrigiarum, fibulæ & lingularum, firmiter in poplite clauditur, ut vasorum sanguiferorum fiat coarctatio: Majoris tamen constrictionis gratiâ, Tænia lata ac valida omnibus superinjiciatur, quæ bacillò, inter operandum, à famulò contorqueatur: quod instrumenti genus apud Gallos audit *Tourniquet*, & ab illis subinde hîc loci, subinde circa inguen, femori admoveatur.

His ita præparatis, illa pars cinguli, quæ genu tegit, cum loris dependentibus; retrorsum, ne operantibus obsint, flectantur.

Deinde crus, gracili Zonâ, paulò supra locum, ad amputationem destinatum, arctè constrictum, à duobus viris intrepidis, alterò crus circa Zonam, alterò pedis articulum amplectente, immobile teneatur.

Mox sura, levâ manu arrepta, cultro falcato & ancipiti, ab ipsâ Zonâ crus coarctante inchoando, juxta cruris longitudinem, pone ossâ, deorsum abscindatur. Reliquæ verò curis carnisque partes, ut moris est, transversim incisæ, separatò nunc, eodem cultro, periostiò, unâ cum ossibus Serrâ decurrentur, retròducâ interim, ob læsuræ Serræ metum, prædicta avulsæ carnis portione. Extemplo jam vulnus recens, molli Spongiâ, aquâ

tepidâ uvidâ, abstergendum, ne quid scobis vulnere remaneat, quod sanationem remorari posset. Quò factò, ac Zonâ constrictoriâ solutâ, remota carnis portio dictò citius, autorsum est reflectenda, & mutilatæ parti coaptanda. Vulneris oræ fungò, linamentò, stupâ aut aliò quòvis stipricò idoneò (pauillum enim requiritur) totusq; truncus vesicâ bovinâ, aquâ egelidâ emollitâ, tegantur, quæ fasciolâ, emplastro viscoso oblitâ, circumvolvantur: Necessitate autem urgente, altera vesica, more prædictò, superinjici potest.

Deligatò, hoc modò vulnere, plagula seu linteum complicatum truncò imponi debet, illi verò lamina concava, quæ prolixioribus cinguli constrictorii (cujus pars anterior jam genu est adaptanda) loris decussatim arrepta, sursumq; quadantenus tracta, mediocriter, quamvis arctè etiam satis, in gena duabus fibulis suisq; lingulis claudatur; atque sic, vel copiosior commodè & tutò inhiberi consuevit hæmorrhagia.

Modus hic deligandi Tabulæ A. Figurâ 20. liquidò designatur. Et, ne quicquam suo loco recedat, unde nova hæmorrhagia, aut aliud quid incommodi posset oriri, fasciolam muniendi causâ addere solemus.

Illâ supra genu injectâ & contortâ Tæniâ jam est laxanda, quæ quidem, si novæ hæmorrhagiæ non esset metus, (quam nunquam, adhiberiâ hâc vulneris deligatione, etiam in vulgari amputandi methodò, me vidisse affirmo) mox posset auferri.

Si etiam cingulum constrictorium plus æquò constringere videatur, faciliè tantillum, remissis pauillum corrigiis, laxari potest, quod in fasciarum usu non item; id nihilominus quibusdam horis post operationem fieri, satius est.

Habes hîc, Vir Illustrissime, insolitam hanc, & à nobis excogitam corruptòs, nec ullâ arte redintegrandos, artus demendi rationem ac methodum. In brachiis enim, imò in femoribus æquè ac in cruribus eam adhibendam censeo, si sagax modò Chirurgus, ea quæ ad rem requiruntur, pro partis decurtandæ statû ac conditione scitè mutare atque disponere noscat. Quæ an distinctè satis hisce meis verbis, quantum potui, dilucidis (brevis enim, attamen perspicuus esse laboro) proposuerim, perspicaci Tuo judicio subjiciantur: Si verò descriptioni quid desit, id ex adjunctis iconibus probè Te intellecturum nullus dubito.

Hactenus instrumentorum adhibendorû, vulnerisq; optimum certissimumq; deligandi modum exhibui, quem dexterrimis Chirurgis latius exponere supervacaneum foret, unde, ut in diverbio est, *manum de tabulâ*. Verùm cum & hanc, in tyronum & minus exercitatorum manus incisuram prævideam dissertationem; operæ pretium me laturum putavi, si in eorum gratiam, quî sanari hoc vulnus debeat, adjungam. Sciant ergo tyrones, ejusmodi vulnera, & quidem maximè in principiò, admodum cautè esse tractandâ, ne quâ proxima pars ullo modo lædatur; nedum abscedat, verùm potiùs mutilatæ parti conjuncta servetur, quò faciliùs unitæ jam partes in unum coalescant; quem in finem aliud quoddam, haud contemnendum, excogitavi instrumentum, Tabulæ B. fig. 1.2.3. & 4. delineatum; necnon ejus usus ejusdem Tabulæ Figurâ nonâ; quod, primò apparatû remouit; in usum est revocandum; qui est partes sibi invicem unitas, conservare; ne, vel inter curandum, ullò modò discedant, relictis ad id vulneris oris in totum liberis.

Instrumentum hoc, cui nomen Retinaculi imponere lubet, duas habet partes, altera est lamina ferrea vel cuprea tenuis, ad dimidiâ femoris truncati cruris peripheriam & formam incurvata; hujus extremitatum alteri vagina ex eadem substantiâ obliquè sit affixâ, quæ eminentiam alterius partis capere, & cochleâ, quæ in vaginæ posticâ est parte, clausâ, retinere potest: al-

tera pars rotunda est lamella, cochlearis instar utcunque cava; cui eminentia prædicta sit affixa, ut in Tabulæ B. figuris primâ, secundâ, tertiâ & quartâ videre licet.

Modus applicandi hic esto. Primum panniculus aut linteum complicitum posteriori femoris lateri, & huic prima pars instrumenti accommodetur, tali modò ut truncus vaginæ incumbat: hæc fasciâ femori alligetur, & truncus vaginæ aliâ fasciâ.

Deinde eminentia alteriûs partis in vaginam est immittenda, usque dum lamella cava, carnem mutilatæ parti adjunctam linteoque rectam, suffulciat; postremò cochlea in posticâ vaginæ parte, est torquenda, ne, eâ clausâ, lamella discedat; sed ita carnem mutilatæ partis carni probè coînitam conservet, etiam interea dum vulnus, fasciâ & plagulâ solutis, quotidie curatur; ut in Tabulæ B. figurâ nonâ, ubi ejus usus demonstratur, dilucidè patet.

De Medicamentis ad vulnus sanandum necessariis, non est quod multum dicam, nec non qui vulnus ipsum sit tractandum, quoniam qui artem modò a limine salutarint, faciliè scient, quid ad recens vulnus consolidandum, atque cicatrice obducendum, desideretur; nec eos latebit splenio esse regendum, & fasciolâ obvolvendum.

Ipsas jam varias utilitates atque commoda, quæ ex nostrâ hac profluunt agendi methodò, cognoscere si desideres, Vir Illustrissime, hæc sunt præcipua: Copiosissima, frequens aliàs, sanguinis profusio, debilitatis plerumque causa, è vestigio supprimitur; ut si leam ingruentis nonnunquam Gangrænæ metam exulare. Atque hæc, ut vera dicam, sola in causâ fuere, quare jam dudum, imò in triviali decurtandi modò, antiquum illum fasciarum usum rejicere, ac certiorē morem circumspicere fuerim coactus: Quid enim molestius, quid periculosius, quàm arctissima illa longissimorum involucrorum compressio? unde perfaciliè Gangræna; quæ constrictio si minor fiat, novum sanguinis oboritur profluvium: Quam Scyllam & Charybdim hâc pyxide navigantes turò evitabunt Chirurgi: Et eò magis hâc Operandi methodò, quod carne carni junctâ, hiantia Vasorum oscula ipsâ carne obturentur.

Aliud sanè commodum non minimum videtur, cum aliàs crebrò soleant separari ab osse aëre tactò quædam fragmina, sæpè numero omnimodam sanationem impediētia, aut ad minimum protrahentia; quæ nulla hanc nostram methodum sequentem Chirurgum remoratur. Nec est quod quis timeat superficiē ossis, crudò aëre, aut ferrâ tactæ separationem; cum jam olim multoties observârim, hanc non adeò, ut quidam volunt, esse necessariam. Insuper, quod miratu dignum, & scrupulum injicere posset, ne ipsa quidem supere-minens caro, quâ vulnus tegitur, ut ut magna, quippiam adfert incommodi, tantum abest ut dematur; quandoquidem labia illa ita contrahuntur, ut parva admodum cicatrix, in anteriore, aut, si mavis, superiore tibiæ parte relinquatur; ut in Tabulæ B. figurâ 14. manifestè liquet: Ex quibus etiam multò citior vulneris est Sanatio.

Ex prædictò commodò tertia, quæ si qua alia, ipsi ægro quidem maxima, oritur utilitas: ut scilicet parti, hòc modò mutilatæ percommode adaptari queat, ex quâvis levi materiâ, arte factum, caligâ calceòque ornandum, atque ita naturale mentiens, crus: cujus ope haud secus ac alterò posset incedere: Quapropter hîc monendum est, ut quàm longissimus, in decurtandò, servetur truncus, ut eò firmitus crus factitium illi adjungatur. Nec est quoque quod quis metuat, ne agglutinata illa decurtato artui caro incommodum adferat, cum eâ è contrario resectum crus tanquam pulvinari, sine ullò dolore, innitatur & incessum admittat; remanente quoq; in genû motû voluntatiò, qui, si subinde

inter sanandum genu non moveatur, omnino aboleri videtur.

Deniq; silentiò præterire non possum al'ud quoddam emolumentum, nequaquam pœnitendum; nimirum, quòd hòc modò restituti non conquerantur, ut quidem alii, de dolore Sympathethicò in pede cruris ablati, qui dolor magnus, ut alios multos, idque per diuturnum molestissimè infestat tempus, ita ab his ne minimus sentitur; quòd & denudè me docuit usus in virò paulò post memorandò, qui antea, solitò more, pede truncatus, hòcce dolore admodum infestabatur: jam verò genu propiùs crure decurtatò, ac per insitionem, juxta methodum nostram curatò, dolor ille planè cessavit. Cujus rei causam, licet Philosophis rerumque naturalium abditarum indagatoribus investigare maxime proprium sit, tamen si meam (salvò aliorum judiciò) liceat proponere sententiam, hinc deduci posse arbitror; quòd nervorum extremitates, in vulgari modò truncatis, levi duntaxat cicatrice obductæ, & aëris aliisque injuriis expositæ, facili negotiò tangerentur atque offendantur; unde illicò ex spirituum ad cerebrum recursû, in mente, præcedentis in pede incommodi recordante, antiqui doloris sit perceptio: Quod in his, ubi nervorum extremitates tantâ carnis mole sunt coöpertæ, locum habere minimè potest. Quæ res sanè non exiguum adfert commodum, & quidem ex præcipuis est causis, quòd æger mutilatâ parte inniti & incedere queat; quæ aliàs minimam non fert pressuram.










Plura enumerare non est animus, suffecerit vel hoc unum, quo prædicta confirmare queam, subjicere; quod meus hic agendi modus tam prosperis fuerit institutus avibus, ut hujus Urbis No. locomii Chirurgi, mea vestigia pressè secuti, virum triginta præter propter annorum, secundâ vice, altero pede truncarint, & per insitionem sanarint: & quidem adeo feliciter, ut nullus dubitem, quin iisdem emolumentis brevissimè sit gavisurus æger, quibus noster fruitur adolescens; Truncato enim non tantum insistit ac incedit cruri, verum tam liberè genu flectit, ut internoscere sit difficile, quo crure magis laboret truncato-ne an integro; ut in Tabulæ B. fig. 18. videre est.


Vale, Vir Illustrissime. meosq; conatus, quò soles aliorum, favore prosequere. Ita fiet, ut Spartam hanc, quam nactus sum, Chirurgicam, ulterius, Tuò sub præsidio, sim exornaturus; sumturusq; impetum plura non indigna hâc, cui præes, Republ: elaborandi, & magnò miserorum hominum bonò evulgandi.

Amstelædami Sexto Iduum Junii. cIo lxxcvi.

Tabula A. figurarum Explicatio.

- Fig. 1. & 2. Cinguli lati constrictorii facies interna externaque demonstratur.
- Fig. 1. A. Facies ejus interna, & quidem partis femori applicandæ.
B. Pars genu adjungenda.
- Fig. 2. A. Facies externa partis femoti applicandæ.
B. Eiusdem faciei pars genu adjungenda.
- Fig. 1. & 2. ccc. Tres corrigiæ, quibus cingulum in poplite clauditur.
- Fig. 2. D. Fibula tribus foraminibus oblongis, ad prædictas corrigias transmittendas, pervia.
- Fig. 1 & 2. E. E. Duo lora, quibus lamina concava clauditur.
- Fig. 2. F. F. Fibulæ duæ, quarum foraminibus extremitates lororum sunt trajectæ.
- Fig. 3. Quinque lingulæ, foraminulis tam corrigiarum quàm lororum, transmittendæ.
- Fig. 4. Lamina concava, trunco post decurtatum crus, adjungenda.
- NB. Methodus horum instrumentorum applicandorum hujus Tab. Fig. 18. & 20. ostenditur.








Fig. 1.



Fig. 3.



Fig. 2.




Fig. 5.



Fig. 7.



Fig. 4.



Fig. 8.




Fig. 6.



Fig. 12.




Fig. 13.



Fig. 9.



Fig. 10.



Fig. 11.

Fig. 14.




Fig. 15.




Fig. 16.




Fig. 17.



Fig. 18.



Fig. 5. Splenium crassum, popliti imponendum.

Fig. 6. Splenium paulò latius, interno femoris lateri adjungendum.

Fig. 7. Linteum quadruplicatum, quo totum femur, genu & splenia reguntur.

Fig. 8. Fascia, quâ prædicta quadantenus possunt obvolvi, ut suo locò maneant.

Fig. 9. Vittâ vel Tæniâ.

Fig. 10. Bacillus Ligneus, ad Vittam contorquendam.

Fig. 11. Zona Gracilis, cum sua lingulâ A.

Fig. 12. Catillus cum aquâ & spongiâ.

Fig. 13. Frusta Fungi orbiculatis.

Fig. 14. Plumaceoli ex linamentò.

Fig. 15. Pulvilli ex Stupâ.

Fig. 16. Vesica parata & aquâ emollita.

Fig. 17. Fasciola Emplastrò Glutinosò oblita.

Fig. 18. Femur & partem Cruris, cui altera pars est dissecta, demonstrat; relictâ carnis portione mutilatâ parti adaptandâ.

A. Pars femoris

B. Linteum complicatum femur tegens.

A. Cingulum constrictorium.

B. Ejus pars Genu tegens, cum loris E. E. retrorsum flexa.

C.C.C. Tres Corrigiæ, quibus Cingulum clausum est.

D. Fibula ænea, cui corrigiæ per tria foramina sunt traductæ.

E.E. Duo Lora.

F.F.F. Lingulæ tres, quibus corrigiæ sunt clausæ.

C. Tæniâ vel Vittâ.

H. Manns quæ Vittam, ope bacilli I. contorquet.

I. Bacillus manu arreptus.

K. Genu.

L. Pars Cruris.

M. Zona, crus arctè constringens.

N. Portio Carnis ex Surâ excisa.

Fig. 19. Pars cruris amputata.

A. Locus ubi portio carnis excisa est.

Fig. 20. Totum apparatus, crure jam deligatò, ostendit.

A. Femur.

B. Linteum complicatum,

A. Cingulum constrictorium.

B. Ejus pars antrorsum in genu jam reflexa.

C.C.C. Tres corrigiæ.

D. Fibula ænea.

F.F.F. Lingulæ tres.

G. Vittâ jam laxata.

E.E. Duo Lora, quibus Lamina concava H. decussatim amplexa, & trunco adjuncta est.

H. Lamina concava.

I.I. Duæ fibulæ, per quarum foramina lora traducta, & lingulis suis K. K. clausa sunt.

K.K. Duæ lingulæ prædictæ.

L. Vesica trunco applicata.

M. Fasciola emplastro glutinoso illita.

N. Plagula, trunco ante laminæ applicationem, admota.

Fig. 21. Fascia, quâ lora & totus truncus, ne quid suo locò decedat, obvolvuntur.

Fig. 22. Serra Major, in femoribus aut cruribus obelisis utenda; cujus arcus extremum manubrio, literâ A. signato, est munitum; quò, dum utimur, manû arreptò, Serra majori vi reciprocari & adigi potest, ut eò citior ossium fiat dissectio.

Fig. 23. Culter falcatus major, qui etiam est anceps, quo solo omne quod scindendum & separandum est, exceptâ ossium dissectione, absolute consuevimus.

Fig. 24. Separatorium: Si cui eo uti lubeat.

Fig. 25. Serra Minor, in tenuioribus amputandis artibus idonea.

Fig. 26. Culter falcatus & anceps minor.

Figurarum Tabula B. interpretatio.

Figuræ 1. 2. 3. & 4. Instrumentum retentivum sive Retinaculum, cum annexis, designant.

Fig. 1. Pars prima ex tenni laminâ ferreâ, A. ad dimidiam cruris periferiam incurvata.

B. Vagina ferrea, priori affixa.

Fig. 2. Altera ejus pars, cochlearis instar, utcunq; cavâ C. cui eminentia Æ. vaginæ immittenda, est affixa.

Æ. Prædicta eminentia.

Fig. 3. Cochlea, cujus ope eminentia, in vaginâ premitur, clauditur & retinetur.

Fig. 4. Partes prædictæ conjunctæ.

A. Pars prima.

B. Vagina ejus.

C. Altera pars, cujus eminentia in vaginam est inserta, & cochlea D. clausa.

D. Cochlea, quâ eminentia premitur & ita retinetur.

Fig. 5. Panniculus femori, priusquam prima lamina adjungitur applicandum; cujus loco linteum complicatum adhiberi potest.

Fig. 6. Fascia, quâ femori alligatur.

Fig. 7. Fascia, quâ truncus vaginæ annectitur.

Fig. 8. Plagula seu linteum complicitum, carni adjunctæ prius imponendum: postea lamellâ cavâ fulciendum. Quæ omnia hujus Tabulæ figurâ nonâ demonstrantur.

Fig. 9. Usus Retinaculi, prius designati indicat.

A. Femur nudum.

B. Panniculus posticum femoris tegens latus.

A. Lamina primæ partis, femori applicata.

B. Vagina ferrea, priori laminæ affixa.

C. Lamella concava, carnem suræ trunco conjunctam amplectens & sustentans.

D. Cochlea, mediante quâ eminentia Æ. in Fig. 2. in vaginâ B. premitur & detinetur.

E. Fascia, quâ lamina prima femori annectitur.

F. Fascia, quâ truncus vaginæ alligatur.

G. Plagula, vaginæ imposita.

H. Linteum complicitum, quò caro adjuncta cooperta est.

K. Genu.

L. Pars cruris mutilati.

M. Caro excisa prædictæ parti adaptata.

N. Vulnus crudum.

Fig. 10. Plumaceoli unguento illiti, vulneri applicandi.

Fig. 11. Emplastrum his imponendum.

Fig. 12. Plagula seu splenium ad partem tegendam.

Fig. 13. Fascia, quâ tota pars obvolvitur.

Fig. 14. Tota Pars jam sanata, omnibusq; emplastris ac vinculis soluta & libera:

A. Femur.

B. Genu.

C. Truncus, seu pars mutilata.

D. Caro Suræ, parti mutilatæ adnata.

E. Vulneris cicatrix, in Tibiâ vel cruris antico latere.

Fig. 15. Caliga ex alutâ, trunco & femorî induenda.

Fig. 16. Crus artificiale designat.

A. Pes ligneus caligâ & calceo ornatus.

B. Vagina ex laminâ æneâ. duobus locis, ad truncum immittendum, incisa.

C. Fibula, quâ vagina post immissum truncum, quadantenus clauditur.

D. Locus ubi vagina pedi ligneo est affixa.

E. E. Duæ laminæ ferreæ, quarum ope crus ad Genu latera flectitur.

F. Instrumentum femorale, constans ex laminâ ferreâ anticum femur ambiente, & corio vestitâ : quod restat femoris corio circuitur, & in postico femore ligamine G. notato ordine connectitur.

G. Ligamen prædictum.

H. Flexuræ locus cum crus incurvatur.

I. Caliga ex alutâ, quâ truncus & femur sunt vestita.

Fig. 17. Pulvillus, ex fetis equinis contortis & alutâ vestitus; cui truncus subjicitur antequam in vaginam immittitur, ut eò commodius incumberet.

Fig. 18. Æger jam sanatus & restitutus, crureq; arte factô innitens & incedens.

ADMONITIO.

Sciat Lector benevolus, hocce cruris Schema, non, ut in omnibus casibus sit exemplar, hic esse delineatum; talia autem pro ægrorum statu, conditione ac ætate sunt paranda: In adulto enim, qui cautè & modesto gradu scit incedere, ex ferro, ære aut aliâ qualibet materiâ idoneâ, crus multò aptius fabricari posset; in quo pedis articulus concinnè esset imitandus, qui, vi elasticâ, ex instrumentis chalybeis, adeò mobilis foret, ut, à naturali motû parum differens, rigidus ille incessus, qui, ex pede ligneo & circa malleolos immobili, semper reperitur, admodum corrigeretur. Istiusmodi verò crus velle parare adolescenti (cui, propter enormem motum & continuum corporis incrementum, id sæpius est renovandum) multum requireret laboris, nec minùs sumptus.

Haslenus Celeberrimus Petrus Verduyn, cui commode jam succedet Præclarissimus Rhuischius, Cuius superius indicata Epistola Anatom. Problem. hac habet.

Clarissimo Doctissimoque Viro

FREDERICO RUYSCHIO, &c. &c. &c.

S. P. D.

MAURITIUS à REVERHORST.

Litteræ tuæ nuper ad me datæ gratissimæ fuere præcipuè quum ex adjectis relationibus circa Methodum secandi Fratris Jacobi de Beaulieux, vulgò Eremitæ, intelligere licuerit, qualem successum in suis patientibus, vestrà in civitate, habuerit, quum de illo tam variè apud varios differatur; hi enim Manum ipsius in secando tanquam optimam, dexterimam & quasi cœlitus datam deprædicant; alii contrà ipsam pariter cum famâ ipsius rejiciunt, fœdisque proscindunt convitiis, quum nos ta-

men æque ac illi, quibus Lugduni Batavorum cura illorum patientum mandata fuerat, satis felices in curatione fuerimus; quippe è tredecim diversis sexus & ætatis, tam à Calculo, quàm diversâ Herniarum specie sectis, non nisi duo fati cesserunt, ambo quinquagenariis majores; quorum prior à diuturno Vesicæ ulcere, macie confectus, quin & Calculo ipso satis magno, aspero & inæquali, non nisi cum insigni Hæmorrhagiâ extracto, intra novem hebdomadarum spatium, usque eò pristinæ valetudini fuit restitutus, ut ille, qui antea nimis doloribus, continuisque vigiliis & Vesicæ ulcere attritus, & penè consumptus erat, jam multò oberior appareret, quin etiam jam urinam ad aliquod tempus retineret, & per cubiculum suum obambularer, & munia sua in ipsâ officinâ (faber enim ferrarius erat) utcunque obiret; adeoque, si in ullo patiente salutis spes affulgeret, hic in nostro fuit, qui tamen ex Incendij alicujus terrore è lecto suo profliciens, variisque in diætâ erroribus commissis, incidit primò in Febrem continuam cum tussi, à qua corporis vehementi agitatione, vulneris labia, jam fere coalita, iterum disrupta fuere, & variæ Calculosæ incrustationes, ab urinâ perfluente sese continuè lateribus apponentes, nostræ curationi, remoram injecere, dum interim in urethrâ ipsâ, variis in locis Carunculæ obortæ, liberum urinæ effluxum prohiberent; sic ut reliquis Symptomatibus cum Febri auctis, hic noster patiens vitam cum morte commutaverit: quid autem in corpore ipso latuerit, Cultro Anatomico indagare nobis non licuit. Quid verò notaverimus in altero nostro patiente, itidem ab illo à Calculo secto, cujusque cadaver à nobis inspectum est, à Petro Adriani Verduyn, ejusve Filio absque dubio intellexisti, tam de statu ipsius corporis morbofo, utpotè antea Apoplectico, Mictu cruento, & nonnunquam Urinæ suppressione laborante, nec non Herniâ ejus intestinali, operationis tempore prolabente, ut & altero rene ab ulcere consumpto, cæterisque præter naturam in corpore repertis, & observatis, unde hoc infelix omen satis prævisum fuit: hæc & pleraque alia, hunc casum spectantia, & notatu dignissima, non dubito quin intellexeris, quocirca longiori narratione illâ de re hic supersedebo, cum adhuc ex dictis illis tredecim patientibus, D.T.O.M. sit gloria! undecim qui vivunt valentque, satis de illâ secandi Methodo testari possint. Interim nullus etiam dubito, quin suo tempore aliquis Gal-
lus, aut alius, qui ipsius secandi Methodum per-
noverit, quique politioris styli est ac dictus Eremita, hanc ejus methodum contra sinistros ejus famæ obtrectatores sit defensurus, uti ex nuperis litteris ex Arce Versalliâ ab ipso ad nos missis non obscurè colligere potuimus, ubi simul, sed obscurius, loquitur de novâ Hernias (absque Testis jactura secandi Methodo, quam se jam aliquoties instituisse perhibet, quæq; multas ob causas antiquæ præferenda foret, uti dies docebit: Sed hæc de Eremitâ ejusque litibus, quas uti meas non facio, ita quoque illas componere nolo; progredior ad aliam, & novam quoque, seu nuper propositam in illâ arte (videlicet amputandi) Methodum, quam P.A. Verduyn nuper proposuit, variisque experimentis ab illo tempore, ipsi oblatis, confirmavit, quâ de Methodo tantò lubentius tecum agam, quoniam illam nuper Amstelodami Te præsentem à P.A. Verduyn, ejusque Genero & Filio, præclaris illis Rei Chirurgicæ luminibus, ipsam institutam vidi, eademque Amputatio apud nos quoque paulo post, non in Manu, non in Juvene, non novâ illâ Methodo, sed

sed in Pede, in Virgine, idque antiquo modo instituta fuit à Stephano de Rouvv, & Adolpho Stukery, juvantibus Abrahamo van Kervei, & Everardo van Ourik, Chirurgis apud nostros in suâ arte non parum versatis, spectantibus verò, seu potius patientis curam habentibus, Jacobo de Bye atque me M.D.S.

Casum nostrum prius ego hîc exponam, deinde quid à Te, vestro in Casu, desiderem, addam.

Virgo triginta duorum annorum ante hos decem undecimve annos ab unctione dextri pedis circa tulum diu malè tractata, & ut in adultis nunc his, nunc illis remediis adhibitis, aluit ab illo tempore, hac in parte. ulcus cum Carie tam Apophysius ipsius ossis Tibiæ, Fibulæque, quàm reliquorum adjacentium ossium totius Tarsi, interim jam hæc, jam illâ in parte, aliqua curationis spes affulgebat, sed quod ad cæteras corporis functiones rectè sese habebat, & quamvis usu hujus pedis malè affecti (utpotè plerique Ligamenti, quæ hæc ossa aliàs continent, jam ab ulcere consumptis, digitique versùs terram omninò & præter naturam protractis) destituta esset, tamen beneficiò scipionis satis benè sese movebat, adeò ut Scalas quoque promptè conscenderet, cæterisque suis muneribus alacriter fungeretur; interim nescio quo malo lapsus patitur, ex quò ossa illa, præcipuè Calcis, non tantum fracta, sed & tota corporis mole desuper incidente, omninò comminuta fuerunt, cum tantò Sanguinis profluviò, ut vix evasura videretur, quò tamen sublato, & vulnere pro temporis ratione tractatò, nec ullâ restitutionis spe, nec pedis usui affulgente, unanimi consensu in illud omnes convenire, ut ille pes paulò infra Genu rescinderetur; quæ Operatio quamvis dextrâ pariter atque celeri manu instituta fuerit, quinetiam ipsa Curatio satis feliciter pro tempore succederet, optatumque eventum polliceretur, contrarium tamen videre coacti fuimus; nam præter continuos & ferè intolerandos dolores, tam in parte affectâ, quàm jam ablatâ, de quibus continuo conquerebatur, incidebat primò ante justum tempus in Mensium fluxum, cum magnis intestinorum Cruciatibus, & assiduis dejectionibus; qui simul ac componebantur ac sistebantur, statim conquerebatur de Faucium anxietate, & Respirandi difficultate, quod in principiò pro Passione Hystericâ, utpotè malo ipsi familiari, habebatur; sed Colli dolore, ejusque motu molestiore, & Masticatione æque ac Deglutatione aliquò modò impeditâ, cum aliquâ oris Clausurâ, & Musculorum Faciei distorsione, aliud cogitare cœpere, præcipuè illi, qui unâ nobiscum ex patientibus, ab Herniâ Intestinali ab Eremitâ Sectis, quique jam saluti proximi videbantur, nihilominus lethale ut plurimum extitisse, fuerant comperti; illi, inquam, qui hoc antea nobiscum notarant, non sine ratione utut laudabilia omnia in vulnere apparerent, nihilominus aliquid sinistri ominabantur, præcipuè cum enatrata Symptomata neque externis, neque internis remediis minuerentur, sed contrà febris magis intenderetur, quinetiam jam quoque de difficultate tam in reddendâ urinâ, quàm in excludendis alvi fæcibus conquerebatur, quod malum tamen applicatis Clysteribus aliquò modò levati videbatur; hoc non obstante, doloribus tam in abdomine, quàm in parte jam ablatâ (præcipuè ubi Ulcus fuerat, hæc enim pars continuo ipsi in animò versabatur, utpote nervi, nervosæque partes terminum suum jam in vulnere ipsò obtinentes, & aëris incommodis aliisque injuriis externis obnoxia;

jamque male affectæ, hanc menti ideam obtulere) his, inquam, cum febre & deliriò magis auctis, huic nostræ patienti Mors sæpius optata finem dolorum imposuit.

Quid jam dicemus de dextrâ in operandò manu? Curatione ad tempus satis felici? Si tam tristem eventum obtineant; quare non tantum cum Hippocrate in suis Aphorismis notare debemus *Experimentum periculosum esse*, atque idcirco alia excogitanda media, quibus tam infelici successui, cæterisque Symptomatibus enarratis obviam eamus; hæc enim omnia quis diceret non provenire ex Nervorum Nervosarumque partium consensu atque coactione? Quæ in hac extirpatione, vel continui Solutionem patiuntur, vel alio modo malè affectæ, disruptæ, dilaceratæ, vel ab aëris injuriis minùs sunt vindicatæ; an non illa Methodus, quam P. A. Verduyn nuper proposuit, quamque in Tuâ præsentia ab ipso satis feliciter institutam, vidi, an non illa, & quibus modis, antiquæ præferenda foret, utpotè ubi Curatio non tam diuturna, neque dolor post operationem tantus, nec tum quoque talis Hæmorrhagiæ metus, nec ossis separatio expectanda venit, & Nervi Nervosæque partes, Tendines earumque Fibre & Vasa ipsa jam tracta, & à frigore cæterisque molestiis & incommodis externis ab applicatâ Musculorum partium mole satis conservata videntur: non quòd ego hîc novam illam Methodum, solùm quia nova est, introducere velim, sed quòd in curatione sit minùs dolorifica, paucioribusque Symptomatibus stipata, an non idèò amplectenda, veterique præferenda videretur?

Jam nihil est quod avidius expectemus, quàm ut tua illa Observatio in lucem prodeat, & quid in Curatione ipsâ acciderit, & quot quibusve modis antiquæ Methodo aut præferenda aut postponenda veniat hæc nova, tam respectu doloris, & moræ in Operatione ipsâ, quàm reliquorum Symptomatum post ipsam institutam, nec non intumescentiæ illorum Musculorum, quibus Ossium, & reliquarum partium extremitates tegendæ veniunt; quod ad reliqua non dubito, quin Manum ipsam amputatam dexterimâ tua Methodo contra omnem interitum defensorus, ærique, uti assoles, incidendam daturus sis, idque si fieri possit, formâ naturali, cum aliàs Judicium non tam accuratè fieri possit, uti in Severino Lib. de nov. observ. absq. similem ferè Casum proponente liquidò apparet: certiores sine dubio nos quoque facies de qualitate illorum tumorum, qui sese in manu offerebant, & an Cartilagineæ, an Ossæ, an verò (uti Cl. Pechlin. Obs. lib. III. Obs. XLVI. habet) Glandulosæ indolis fuerint, nec non quibus cum partibus cohæreant, seu potius; unde primùm originem sumpserint, cuique natales debuerint, an propriis vasis ab ipsis primordiis, unâ cum forti imaginatione tempore Gestationis, his tumoribus à naturâ datis, an ex communibus, an ex tendinibus earumque involucris, an ex periostio, an verò ex ipsò, tanquam ex fonte, & primâ Scaturigine principium suum dixerint; unò verbò, quid solita tua solertia in eruendis corporum abstrusissimis mysteriis ulterius detexerit, avidi à Te expectamus; interim ut diu vivas, valeasque, & Artem Anatomicam novis & hætenus inauditis tuis inventis ulterius ornes, ex animo precor.

Hagæ-Com. xij. Kalendas

Maritii, cio 10 cci.

FREDERICI RVYSCHII RESPONSIO,

Ad Clarissimum Virum

MAURITIUM à REVERHORST,

Med. Doct. & Anatomia Professore.

S U P E R

Nova Artuum decurtandorum Methodo.

Litteræ Tuæ, Vir Clarissime, & longè charissime, ad meas quidem pervenerunt manus; arduum autem mihi erit, nodum, in iis propositum, dissolvere: Si enim ulla in re iudicium difficile sit, ut ait magnus ille senex, certè illa, à Te exhibitæ, haud exiguam hæcenus creant Medicorum filiis molestiam.

Quod ad relationem attinet, de operationibus Lithotomicis, Hagæ-Comitis, à Fratre *Jacobo Beaulieux* institutis, jamdiu est quod veram hujus rei relationem desideravi. Gratulor quod inter 13, quos à calculo Vesicæ, Herniaque liberavit, 2. tantum satis concesserint; quot hîc Amstelodami, post calculi sectionem evasere, ex relatione, typis mandata, cernere quoque licuit.

Novam methodum amputandi membra quod spectat, in ea varia consideranda veniunt, quæ, si conferantur cum antiquo extirpandi modò, longè inter se differre, palam erit; Uter horum sit præferendus, Tibi, aliisque in Anatomicis & Chirurgicis versatissimis, judicandum relinquam; ego interim, quid sentiam revelare non detrectabo, postquam succinctè retulero operationem non solum, in juvenis brachio iustitutam, in Tuâ, meâ, & aliorum præsentia, verum etiam quicquid in curatione sese obtulerit, in quâ Te præsentem sistere haud potuisti.

Juvenis quidam, cui nomen Christianus Veldmet, 16. annos præter propter natus, nuper ad nostras venit ædes, correptus non solum tumoribus magnis in dextrâ, verum etiam sinistrâ manu, uti & in utroque pede, eorumque digitis, qui tumores admodum duri, extrinsecus accurate Radices Cyclaminis, aut potius Chrysanthemi Americani, radice tuberosâ, æmulabantur, sicuti in annexis figuris representantur.

Hujus mali causam nobis expiscantibus, retulerunt ægrotus, ut & anus quædam, quæ dicebatur ejus matertera, quod mater imprægnata impensè appetiverat dictas Radices Chrysanthemi Americani, quas tamen impetrare haud potuerat; fœtû jam in lucem editò, reperti sunt, uti aiebat anus, exigui tumores in manibus atque pedibus, qui temporis successu in tantam excreverunt molem, præferim in sinistrâ manû, ut brachium diutius sustinere vix potuerit, imò coactus fuerit dextra sinistram suffulcire. Tandem, cum unus ex istis tumoribus ulcerosus factus, emisisset aliquoties multum sanguinis, & patiens manus ponderositatem, doloresque immanes diutius perpeti haud posset, totius manus extirpationem nobis proposuit. Nos autem, consideratis considerandis, annuebamus quidem ejus petitioni, ast verò absque Magistratûs con-

sensû, variorumque Expertissimorum Medicorum & Chirurgorum adstipulatione, operationem non aggressus est Magister Petrus Verduyn, auxiliantibus ejus Filio, ut & genero Gomaro à Bortel.

Die igitur constitutâ ad dictæ manûs amputationem, præsens fuisti Clariss. Vir, præsentibus quoque sese sistere Medici expertissimi Ulackveld, Smedingh, Schyn, Valentyn, La Grue, Smit, nec non exercitatissimi Chirurghi, Aurick, Deutelius, Pothuysen, &c. Patiens brodiò confortatus, admodum erat animosus, operationemque perpeffus est ferè absque ejulatu, ut omnes, qui operationi interfuere, admirati fuerint.

1. Humeti pars superior circumducebatur spleniò quadruplicatò, superimpositò spleniò longitudinali, lateri interiori brachii & quidem secundum longitudinem, ut hujus & funiculi seu cinguli constrictorii ope, vasa tutius & minori cum noxâ inter operationem comprimi possent.

2. Hòc factò Dn. Smith. Hafniensis injungebatur cingulum constrictorium bacilli ope leniter, & in operatione ipsâ, fortius contorquere, partim ad sanguinis profusionem inhibendam, partim ut pro tempore, brachii stupor excitaretur, & dolor arceretur.

3. Ansâ gracili arctè circumducebatur cubitus infra juncturam. Hisce peractis, Magister van Bortel; gener Magistri Petri Verduyn, partem musculosam sinistrâ arripieus, dextrâ cultellò ancipiti & mucronatò eam perfodit, quàm proximè fieri potuit. ad ossa cubiti & radii. Hæc initiò facta latere interiore Brachii, quem locum quoque occupabat Operator dictus. Perforsâ parte musculoso cultrum ulteriùs adegit, incisionem continuando donec sufficere videbatur pro vulneris tegmine, & sic ulteriùs transversim carnem abscindebat. Porro Magister P. Verduyn cæteram partem carnosam circulariter & celeriter incidebat cultro falcato ad ossa usque, & periostiò abrasò, utrumque os serrâ dividebat: Interim ne caro propendens à cultro aut serrâ offenderetur Mag. Adrianus Verduyn prospiciebat.

Manû amputatâ & spongiâ madidâ rasurâ ossium ablata, vulnus, & per consequens utriusque ossis extremitas tegebatur quidem à dictò Magistrò carne propendente & reservatâ; ast verò propter carnis contractionem, quæ illicò fit post incisionem, totum vulnus ex votò contegi haud potuit: itaque, quod restabat vulneris; ut & totius membri amputati truncus frustrò planò fungi Orbicularis, obducta & contexta fuerunt, superimpositâ Vesicâ madidâ, & super eam alterâ madefactâ, quæ priori aliquantò major erat: Hæ binæ Vesicæ, ut firmiùs cuti adhererent, comprimebantur & stabiliebantur circulariter frustrò Emplastri conglutinantis, cujus latitudo erat unius uncie, longitudo autem Spithamarum duarum.

Hòc factò tertia quoque Vesica madefacta superimposita fuit, hæmorrhagiæ metu. Ist hæc præcedentibus longior & eodem modò stabilita altius brachium coöperuit.


Hisce ita munitis, lamina concava, spleniò quadruplicato intus obducta, membri extremo applicata fuit, ea intentione ut deligatione peracta, famuli manû laminâ comprimeretur truncus, hæmorrhagia inhiberetur, & ligaturas laxius applicare liceret: ut autem dicta lamina cava trunco cohereret, duo frustra empl. conglutinantis cruciatim adhibita sunt, ejusdem naturæ ac supra citatum. Hisce peractis & cingulo constrictorio (Gallicè *Tourniquet*) dissoluto, membri extremo applicatum

Fig. 1



Fig. 3

Fig. 2



fuit alterum splenium ex linteò confectum, præcedenti majus & crassius, illudque firmatum fuit fasciâ simplici capite præditâ.

Deligatione ita peractâ composuit se patiens in lectò ad quietem; quam ut faciliùs acquireret, Emulsio ex hordeo ad Crep. cocto, Sem. Cucum. & Amygdal. præscripta fuit, additâ Syr. Diacodii dimidiâ unciâ; sub noctem sese mediocriter habens & alimentum petens parum dicti brodii exhibitum fuit, & sic sese ad quietem composuit, noctemque transegit satis tranquillam, nullo sanguinis profluvio suborto.

Die insequente brachium bene videbatur constitutum, nullo tumore insigni oblitum, patiens quoque immunis ab omni febre.

Hiscè visis consultum duximus, patientem ex ædibus Magistri Verduyn transfere in locum quietiorem, ubi illum inviserunt Magister van Bortel & Verduyn, qui deligationis exteriora abstulerunt, vulnusque mitiùs deligarunt, id quod levamen patienti adferebat. Tertiâ die sub meridiem integra deligatio simul cum Vesicis ablata fuit, invenimusque separationem Epidermidis, seu Hydatidem onustam humore loturæ carnis æmulo, idque parte anteriore juncturæ cubiti, cæque apertâ, reperimus sublitam cutim nonnihil quoque infectam, & gangrænam ulteriorem mentientem; eodem quoque tempore patiens non immunis erat ab omni febre, & membri extremis, justò magis tumefacta: Vulnus tamen magnâ ex parte carne, quæ in amputatione conservata fuerat, coopertum invenimus, sine sanguinis profluvio. Quia autem omnis hæmorrhagiæ novæ metus nobis nondum erat ademptus, in deligationis renovatione haud omissus fuit Fungus Orbicularis, munitus Empl. Diapalma dissolut. spleniò quadruplicatò & ligaturâ convenienti.

4. Die pulsus invenimus concitatiorem, & vulnus non minùs extumefactum, itaque ablatò fungò leniter tantum adducebatur caro in amputatione conservata, idque fasciolâ Empl. Glutinosò oblinatâ, vulgò futura sicca dicta, porrò totum vulnus tegebatur Empl. Diapalma dissol. plumaceolis, ex linteò carptò confectis, haud neglectis. Die insequente quæ erat quinta ab amputatione, res eodem ferè modò sese habuit, nec febris quoque mitior facta: itaque eodem ritù remissiùs deligatum fuit vulnus, ast verò eò locò, ubi Gangræna metus fuerat, sc. circa juncturam cubiti, Gangræna jam prodiit levis, quapropter consultum videbatur cautiùs prospicere huic symptomati, quam trunci integumento carneo: itaque lenissimè tantum adductâ carne reservatâ, Cataplasma ad Gangrænam sistendam applicatum fuit. Die insequente vulnere prospeximus digestivò Cataplasmate superimpositò: die autem 7. truncus non nihil detumuit & vulnus quoque humidius apparebat; interim locus, Gangræna obsessus, magis magisque intumuit, doluitque, nec patiens à febre immunis, ita ut magis metueremus abscessum quam Gangrænam profundiorē, qui tamen haud supervenit. Altera die, eodem modò res sese habuit, exceptò, quòd nonnihil mollior pars tumefacta nobis obveniret, die autem 9. haud pejus res sese habuit quoad truncum, Gangræna verò in pejorem statum erat redacta: Itaque post ablutionem cum Sp. Vini calefactò factam, applicati sunt plumaceoli, tetrapharmacò cum digestivò permixtò, illiti, nec non in Spir. Vini humectati, superimpositò Cataplasmate, Spirit. Vini aspersò.

10. Autem die febris remissior facta, truncus vulnus pure coctò oblitum, Gangræna tumor quoque minùs durus: hòc tempore nihil immutatum fuit circa deligationem, patiens verò eodem die primâ vice questus fuit de dolore pollicis membri detruncati, & præsertim quidem, cum inopinatò pollicem extendere conaretur aut mentiretur, non autem cum in animò haberet eum flectere; de cæteris digitis nullæ erant querelæ, illud enim distinctè interrogavimus.

Die undecimâ major spes affulgebat, quandoquidem omnia in melius vergebant, pus enim laudabile promanabat de vulnere trunci, tumor diminutus, escaræ periphæria humida cum aliquali separatione: in hac renovatione omissa fuit Cataplasmatæ applicatio supra truncum, non tamen supra partem Gangræna infectam: Caro autem reservata, quæ ob symptomata supra citata, haud satis erat adducta, & propterea retracta, jam denudò fasciolis Emplastrò Glutinosò oblinitis reducta & vulnus maximâ ex parte coopertum fuit.

Die 12. patientis status non erat quidem deterior, sed verò Gangrænam, profundiores egisse radices, videbamus, utpote separatione partim facta; imò tendines musculorum non fuisse immunes à dictâ Gangræna, ita ut varii quoque separarentur. Jam à Cataplasmatæ usû destitimus, dicto loco prospeximus digestivò, & carnem reservatam dictis fasciolis, ut antea, adduximus.

Die 13. patiens immunis erat ab omni febre, placidè dormiverat, cibum appetebat, truncus carnis adductione maximâ ex parte coopertus erat, & quod restabat vulnere, applicuimus Unguentum, fac totum dictum, ut cicatrice citius obduceretur vulnus: quicquid autem emortuum & Gangræna infectum fuerat sub cubiti juncturam, partim forcipe excisum, partim à naturâ separatum erat, adhibitis plumaceolis Ung. Digestivò, basilico permixtò, oblitis. Diebus insequentibus melius atque melius sese habere cœpit patiens; imò paucis post diebus prorsus fuerunt curatæ dictæ solutiones continui, quin etiam quò magis appropinquarunt earum curationes, eò majores erant querelæ de dolore amputari membri, & nunc quidem circa volam manns, nunc verò de dolore totius manûs; & quoties quis leviter tantum comprimeret cicatricem infra juncturam, ubi Gangræna fuerat, summis cruciabatur doloribus; interrogatus, quâ in parte regerebat in digitis amputatæ manus, compressâ autem in parte dictæ cicatricis confiniò, nullum sentiebat dolorem.

2. Consideratione dignum esse censeo, nos nullam sensibilem separationem extremitatum ossium cubiti, & radii in curatione offendisse, quia minùs aëris injuriis expositæ fuerint dictæ extremitates ossium.

3. Comprimento trunci extremum, cicatrice obductum, dolor sursum vergebat versùs brachium.

4. Truncum flectendo, sibi imaginabatur, quod simul quoque digiti flecterentur, idque sine ullò dolore: pollex verò videbatur illi rigidus & sine motu.

5. Quum dextrâ fricaret, supra juncturam trunci, idque parte exteriorē, dicebat nobis, sese non solum sensum morumque, hujus fricationis in digitis membri detruncari percipere, verum etiam cum fricaret sese in latere Thoracis sinistrò: id quod (quamvis non obscure nobis arguere videatur consensum membranarum, nervorumque in corpore nostro,) magis mirandum, quam explicandum.

6. Contractionem singularem præstare poterat in trunci cicatrice; quam quasi corrugabat, dicens, jam mihi videor digitos flectere, jam denuò extendere.

Hicce à nobis observatis, imposterum expiscandum, utrùm dicti dolores, quos videbatur passus in manû extirpatâ patiens, & à quibus haud immunes sunt homines, quorum artus vulgari modò extirpatî sunt semper superveniant patientibus, quibus eò, quò retuli modò, extirpata fuit manus, an verò hicce ansam dederit Gangræna, circa cubiti flexuram prognata, an ex aliâ causâ ortum duxerint, occasione data inquirendum esset, quandoquidem Magister Petrus Verduyn testatur in Epistolari sua Dissertatione, sese quidem bis hanc operationem in pede instituisse, idque eadem methodo, & quòd tales dolores Sympatheticos nondum offenderit. Verba ejus hæc sunt, *denique sententiò præterire non possum aliud quoddam emolumentum, nequaquam penitendum; nimirum quòd hòs modò restituti non conquerantur, ut quidam alii, de dolore sympatheticò in pede cruris ablati, &c.*

Hæc sunt Cl. Vir, quæ nobis in, & post extirpationem, observare licuit. Quid autem de hâc extirpationis methodò sentiam, à me scire cupis, in quâ, ut rectè censes, *curatio non tam diuturna, neque dolor post extirpationem tantus, nec tum quoque talis hæmorrhagia metus, nec ossis separatio expectanda venit, & nervi nervosæque partes, tendines, eorumque fibra, & vasa ipsa jam recta, & à frigore caterisque molestiis & incommodis externis ab applicatâ Musculorum partium mole satis conservata videntur, &c.*

Hicce concessis, ut revera concedenda esse putem, amplectenda videtur hæc nova extirpandi methodus.

Fateor quidem in manûs aut brachii amputatione nos semper sollicitos esse, ut tantum membri conservetur, quantum fieri potest, quia ad nonnulla munera obeunda illud intervire potest, & si velimus truncum membri amputari mole carneâ tegere, quæ in cubiti extremò nimis exigua, quàm ut eâ contegi possit, necesse foret in alio loco membrum decurtare, sicuti, uti fateor, in hòc patiente, factum. Verum enim verò in posterum minùs sollicitus ero, de coopertione trunci carneâ mole; existimo enim sufficere, si truncus tegatur cute manûs, quæ totò dorsò vel vellâ manûs separari & conservari posset; Contrà in pedis exstirpatione necesse est partem detruncatam carne surali integere, uti olim factum à Magistris Exercitatis: Petro Verduyn, VVilhelmo à Vleuten, & Adriano Coenderingh; dico *necesse esse*, sc: si per insitionem curari, & parti detruncatæ, non verò genu insistere atque incedere velint homines: caro enim reservata mutilatæ parti pulvinaris locò est.

Circa hancce hæctenus inusitatam amputandi methodum, non nulla adhuc consideranda veniunt, &

1°. Quidem, si in crure facta operatio, & patienti in animò sit per insitionem ulteriùs curari, an non obstaculo erunt excrescentiæ seu exostoses, quæ in homine vegetò observantur aliquando è truncò emergere.

2°. Si in cubiti extremò instituenda sit operatio, an cutis, quæ in manû est, sufficiens est pro vulneris integumentò?

3°. An in novâ hâc methodò major aut minor gangrænæ supervenientis ansa detur?

Quoad 1um, nempe ossium excrescentiam: Resp: in cubiti aut manûs amputatione non est cur de eâ solliciti simus, membro enim detruncato non incedit homo: verum enim verò in amputatò crure ejusmodi excrescentiæ admodum nocivæ forent, hæ enim carnem conservatam compungerent incedendò continuè, si nempe per insitionem ulteriùs incedere vellet patiens. Hoc incommodum, si Magister Petrus Verduyn inter curandum inhibere valeat, (sicuti affirmat) idque suo apparatu novo, soluta est isthæc difficultas.

Demonstravit quoque nobis puerum, qui crure amputato, crure artificiali incedit, currit, genu flectit, extenditque pro lubitu. Vide ejus dissertationem Epistolarem de novâ Artuum decurtandi ratione, Anno 1696. in lucem editam; in quâ exhibetur Instrumentum retentivum, ut & lamina excavata, quibus factâ amputatione in pede aliquot post diebus, cum dicta excrescentia metuenda sit, trunci extremum ita comprimitur, ut illud incommodum inhibeatur.

Quod ad 2m. attinet, sc: an cutis manus sufficiens sit pro vulneris integumentò, propter retractionem cutis? Resp: si non sufficiat omnino, saltem magnâ ex parte truncum coöperiet, id quod de vulgari amputatione dici non potest, & quò magis nervi, tendinesque abscissi propriò tegmine conteguntur, eò remissiora expectanda symptomata; præterea curatio citiùs quoque absolvetur; imò Auctor essem, ut in eò casû carnosum & cutaneum volæ manus arriperemus, & in auxilium vocaremus, pro trunci nervorum ac tendinum tegmine. Præterea amputato membro Chirurgi applicare assolent pulv: adstringentes, quos inter varii Pulv: Escarotica recipiunt ad sanguinis hæmorrhagiam inhibendam, id quod planè rejiciendum, censeo, propterea quòd illi suâ acredine nervosis partibus nocere valeant: in hâc autem operatione tale quid non adhibetur, sed vulnus tegitur propriò involucrò.

Quod ad 3m. attinet, sc: an in novâ methodò, major aut minor Gangrænæ metus adsit? Resp: si non minùs Gangrænâ minatur operatio isthæc nova, saltem haud major erit hujus symptomatis metus, modò deligatio ritè peragatur. Fateor quidem illam in supradictâ curatione nobis obvenisse, verum circa cubiti flexuram sedem fixit, forsân à ligaturâ, justò arctiùs circumligatâ, id quod multum negotii nobis facessivit, & hoc præcaveri poterit in posterum, præstabitque laxiorem adhibere ligaturam, & per 12. imò 24. horas truncum manû continere & comprimere, & hoc ut æqualius fieri possit, in auxilium, ut dixi, revocanda lamina excavata, quæ ante compressionem applicanda.

Pergam ulteriùs ad ea, quæ Cl. Vir me admonet, sc: brachii amputati conservationem, ut & naturali magnitudine delineationem, cum alias *judicium tam accuratè ferri nequeat, uti in Marcò Aureliò Severinò, de Nov. observ. abscess: similem ferè casum proponente, liquidò apparet.*

Rectè adstruis, objecta naturali magnitudine semper esse delineanda, si quis proposita accuratè demonstrare satagit, & hoc quoque in omnibus meis Epistolis Anatomico-Problematice observavi. Est mihi in animò hanc manum amputatam ita sepelire, ut quicquid in figuris expressum fuerit, semper demonstrari possit. Porro unum ex istis tumoribus in manû existentibus, ut me monuisti, examini subjeci, reperique, illum neutiquam esse Glandulosæ indolis, at Cartilaginosa, imò & Ossea, eratque quasi ex innumeris minoribus tumoribus partim Cartilaginosis, partim

partim. Osseis, compositus; singuli autem eorum denuò ex innumeris minoribus humore succosò, gelatinosò repletis Vid. Tab. D. figur. 2. Impossibile autem mihi fuit indagare, an ex ossibus mantis, tendinibus, aut perioostiò, tanquam ex fonte, & prima scaturigine originem duxerint: Omnia enim ita sunt confusa & connata, ut ulteriores indagini haud fuerit locus; cum illud perscrutaret, sub cute conspicienda sese exhibebant vasa sanguinea, quæ cum ceraceâ materiâ replevissem, distinctè videre licuit eorum cursum, & capacitatem: Venæ per dorsum manûs disseminatæ, calami scriptorii capacitatem adæquant: horum ramuli minutissimi à naturali cursu quoque recedunt; quin etiam circa cutem observatu dignum esse censeo, sc: quòd cutis in hac ingenti tumorum excrecentiâ, tenuior facta aliquid visui offert, quod in cute sanâ non tam accuratè occurrit: Imò cutis de sua integritate & compositione aliquid in viâ amittit, quod cutis incrementum insequi non potest. Id quod jam sese videndum luculenter exhibet, sunt papillæ cutaneæ, extra cutem nonnihil protuberantes: Vid. Tab. C. Fig. 4. ut & Fig. 5. Lit. C. ubi ordine naturali dispositæ: illud autem quod in excrecendò amittit cutis, sunt eadem papillæ cutaneæ, quæ circa basin tumorum, non in apice videri possunt. Plura ob cœli serenitatem non addam, illa enim me invitat, ut hisce diebus æri incidi curem, quæ in stomachi structura, ab aliis nondum sunt detecta. Præterea multum molestiæ mihi creavere hisce diebus, quæ in oculò adhuc sunt ostendenda, putà vasa sanguinea per tunicam humoris crystallini disseminata, &c. hæc enim The-saurò secundo inferere mihi in animò est. Hisce Vale, Vir Celeberrime, & ut artem Anatomicam magis magisque nobiscum promoveas, ex animò optat, Celeberrimi Nominis tui.

Cultor

FREDERICUS RUYSCHIUS.

Amstelod.

10 Junij, 1701.

TABVLÆ C. Expositio.

FIGURA I.

- A. Pars Brachii amputati cum manû, in quâ pars supina videri potest.
B. Pollex.
C. Index.
D. Digitus Medius.
E. Annularis.
F. Minimus.
* Arteriolæ cutaneæ.

FIGURA II.

Digitum exhibet parte supinâ, cum suis papillis cutaneis, ordine debitu sitis.

FIGURA III.

Demonstrat digitum parte pronâ.

- A. Papillæ cutaneæ epidermide destitutæ, & confuso ordine compositæ.
B. Pori cutanei, sitû, nullum ordinem servantes.
C. Papillæ cutaneæ naturali ordine sitæ.

Circa has Papillas considerandum, sc. eas epidermide artificialiosè destitutas, extra cutem nonnihil prominere.

TABULÆ D. Explanatio.

FIGURA I.

Demonstrat partem Brachii supra citati cum annexâ manû, parte supinâ.

- A. Pollex.
B. Digitus medius.
C. Index.
D. Tumor maximus.
E. Ulcus.
* Arteriolæ cutaneæ.

FIGURA II.

Representat Tumoris maximi portionem abscissam, ut constitutio intrinseca compareat, quæ partim cartilaginea, partim cartilaginosa substantia æmula, cellulosa, & mucaginosa.

Hisquæ jam ex Celeberrimis Viris Petrò Verduin, ac Fridericò Rhuischiò attulimus, liceat superaddere, quòd artuum decurtationi, novâ hâc methodò à petitis-simò ac verè industriò apud nostros Chirurgò, D. Sabou-rin felicissimè peractæ, interfuerimus, quòdque non ita pridem viderimus virum utròque crure eadem methodò truncatum per vicos urbis nostræ maximè declives, bacillis quos in utrâque manû gestabat innixum, satis commodè incedentem.

Consultationes.

Gangræna Pollicis sinistra manus lethalis.

Filia Josuæ Hessi, Ecclesiæ Megagestinensis Pasto-ris, ex inflammatione pollicis manus sinistrae gangranam contraxerat, quam quum negligentius haberet in sphacelum degeneravit; accersitus Chirurgus quidam Castrensis Paullus Polt, digitum uno vehementique ictu paullo infra articulum amputavit, utque sanguinis profluvium sisteretur, ferro candenti adussit: hinc dolores acutissimi, vigilæ perpetuæ, animi deliquia, convulsiones, aliæque suborta symptomata, quæ etsi adhibitis idoneis remediis quandoque mitigarentur, subinde tamen recruduerunt, donec tandem è vita decederet egra.

Inflammationes partium insolentes, quandoque in gangranam abire sphacelum; vulgo notum est, quatenus à copia sanguinis humorum calor nativus partis affectæ suffocatur: quæ via autem quibusque remediis præcaveri possit, ne in gangranam degeneret inflammatio, apud auctores passim obvium est.

Curationem verò quantum attinet & in specie quidem sphaceli, nullâ aliâ ratione perfici ea potest quàm amputatione, siquidem quod planè jam corruptum est vitam amplius recuperare non potest ac propterea. Ense rescindendum est ne pars sincera trahatur.

Quibus autem modis & instrumentis hoc fieri debeat, alii aliter sentiunt: quidam carnem mortuam prope sanam multis sectionibus rectis & obliquis scarificant, idque satis profunde usque ad os, postea vulneribus pulverem ex arsenico & sublimato inspergunt, ut pars mortua à sanâ separetur. Alii cautèrio quod corruptum est, adurunt, usque dum dolor percipitur in parte: alii sectione amputant corrupta: Idque vel novacula, vel ferra, aut modiolò, vel securi.

Verùm quàm noxia sit arsenici sublimatique vulneribus scarificatis inspersio: docet Paræus; quàm pernitiola cauterisatio demonstrat Fallopius; quàm periculosa per modiolum aut securim amputatio, exemplis evincit Fabricius, quibus meritò accensetur hoc nostrum, in quo triplex error commissus videtur.

Primus quidem in eo quòd pollicem infra articulum resecurit Chirurgus, cum rectius & cum minori periculo & dolore in ipso articulo fiat amputatio: nervi enim & tendines incisi sursum contrahuntur, carne conteguntur, neque ulla sequitur convulsio.

Alter verò, quòd ictu adeo vehementi & per modiolum pollicem amputavit, id quod novaculâ melius expediri poterat. Fieri enim non potest quin percussione violentia nervi & tendines contendantur, rumpantur, ossaque conterantur & immaniissimi cruciatus, inflammationes, tumores, convulsiones, aliæque prava symptomata excitentur, ut in tractatu suo de gangræna & sphacelo cap. 17. annotavit Guilielmus Fabricius.

Tertius denique in sistendo per ferrum candens sanguine, siquidem ut Paræus monet, ustiones non tantum summum dolorem inferunt, sed & partibus nervosis prava accidentia inducunt, multumque sanæ carnis absument, unde ossa denudantur, & caro ac cicatrix summa cum difficultate vel planè non obducitur.

Quæ cum observare ex usu sit, in gratiam Tyronum hoc loco inferenda duxi, ut cautius de corio humano ludere discant, & sic ubi ferro aut igni agendum est, diligenti cum præmeditatione, & circumspectè hoc faciant. Arduæ enim & difficiles sunt hæ operationes, & quandoque etiam peritorum eludunt conatus, adeoque temere non tentandæ, nisi ubi nullam aliud est præsidium, tunc satis tutum est, ut Celsus loquitur, quod unicum est, modò exquisitè sit comparatum. *Balthassar Timæus in casibus Medicinalibus.*

Gangræna brachii & sphacelus ex ulcere pedis intempestivè occluso.

Vir quidam Consularis ulcere Rheumatico pedis sinistri per multos annos affectus, tandem consolidato ulcere, in vehementissimos capitis dolores incidit, quibus cum per integram hyemem conflictatus, circa æquinoctium vernum anni 1652. subito vehementique dolore brachii ejusdem lateris prehensus est, cum insigni ardore & inflammatione, quæ cum à Chirurgo ejus loci initio negligentius haberetur, in gangrænam & paulo post in sphacelum desit, amputato brachio, æger quadriennio post apoplexia forti extinctus est.

Quàm periculosa sit ulcerum fluentium maxime inveteratorum occlusio, suprâ lib. 2. casu 26. & lib. 6. casu 24. dictum est, ubi enim naturâ longo tempore assuevit humores noxios ad partes ignobiliores detrudere & per ulcus apertum subinde evacuare, fieri non potest, quin præclusa via in partes principales regurgitent, ægroque certissimam perniciem, aliquando inreritum adferant, nisi tempestive sufficienterque evacuentur & exsiccentur, quod cum in præsentī casu neglectum sit, mirum non est quòd à multis annis per ulcus pedis effluens humor exitu denegato, ad cerebrum delatus, capitis dolores, postmodum cum impetu in brachium de-

cumbens, gangrænam & sphacelum excitaverit. Humores enim pravos à natura in membrum aliquod detrusos subitò id mortificare posse multiplici experientia constat & suprâ lib. 5. casu. 8. demonstratum est. Accessit & culpa Chirurgi, qui initio malum hoc plane neglexit, nihilque applicandum sed pannis calidis solummodo fricandum, regendumque suavit, unde proculdubio attractis per frictiones & calorem humoribus exasperatum est, quam & in eo peccatum, quòd postmodum suavit Balneatoris vehementer repellentia, refrigerantia & adstringentia, ut succus sempervivi, acetum vini & id genus alia imposita, quibus pori constipati calorque natus suffocatus est, ut in responsis nostris prolixius docuimus. *Idem ibidem.*

Gangræna scroti,

Nobiliss. D. Petrus Von Sövenhausen cognatus meus ex dysenteria in hydropem ascitem incidit, cui cum scrotum supra modum intumesceret, apertionem urfit. Ego dubii eventus auxilium, quòd paucis, bene, multis malè cesserat animo volvens, tandem ex arbitrio Celsi, melius esse anceps quàm nullum remedium, ratus, ministrante lithotomo, scrotum uno vulnere, coque satis amplo aperui & primo quidem die serosi humoris libras circiter duas per cannâ argenteam vulnere impositam, partitis vicibus, eduxi; secundo tres, tertio quatuor, quarto supervenit gangræna, suavit scrotum illico sectionibus multis undique scarificaretur & postmodum decocto sequenti probè ablueretur.

℞. Rad. vincetoxic. ireos, aristoloch. rotund. an. ʒβ. scordii, absinth. flor. sambuc. lupinor. ana m. β. acet. vini & lixivii fortiss. an. ℥ij. coq. ad tertias; in colatur. dissolv. theriac. andromach. ʒβ. aloes, myrrh. an. ʒij. mell. rosat. colat. ʒj. spir. vin. opt. ʒij. m.

Facta ablutione unguentum Ægyptiacum & supra id cataplasma ex scordio, absinthio, lolio, junipero, myrrha, aloë, farina lupinor. aliisque putredini resistentibus, applicuimus, simulque convenientem victus rationem præscripsimus, corpus per intervalla hydragogis convenientibus blandè purgavimus, nihilque eorum quæ ad viscerum roborationem facerent, intermisimus. Scrotum sphacelatum partim naturæ beneficio sponte decidit, partim novaculâ resectum est, ut testiculi nudi conspicerentur, qui tamen medicamentis resiccantibus & incarnantibus, carne ex inguinibus succrescente quasi novo involucre obducti sunt.

Interea natura multum humoris serosi per hanc viam deposuit, ut brevi tempore totum abdomen detumesceret, nec exigua reconvallescentiæ spes affulgeret, ægro jam ad consueta munia redeunte.

Verùm major erat viscerum labes, ut in cadaveris apertioneprehendimus, quàm ut superari posset, unde cumalato iterum sero & superveniente alvi profluvio, æger fatis concessit, cum paulo ante, multa cruenta ævo & ævo rejecisset. *Idem ibidem.*

Gangræna faciei, palpebrarum & utriusque oculi.

Vir quidam Nobilis & de Patria optimè meritus, erisipelate faciei affectus, postquam ad restringendum ardorem, aquâ frigidissimâ totam faciem repetitum perfuderet, gangrænam primò in genis

in genis, postmodum etiam in palpebris, ipsiq; oculis contraxit, adhibita varia & exquisita comparata remedia, Medicis & Chirurgis dies noctesque excubantibus, sed frustra, malo in dies augescente, donec sphacelatis faciei & palpebrarum musculis, totaque oculorum substantia, misere, pie tamen & constanti in Deum fiducia, interiret eger.

Discant ex hoc Tyrones, quàm periculosum sit humores, quos natura à partibus interioribus ad exteriores protulit, rursus ad interiora repellere, naturamque rectè agentem in munere suo impedire, imprimis verò in erysipelate, ubi materia quam natura expellit, per refrigerantia & repercutientia plerumque in ipsa parte affecta concluditur, unde putredo & suppuratio, non rarò gangræna & membri νέκρωσις oritur, ut docet Hipp. 7. Aph. 2. in rustico quodam observavit Guilielmus Fabricius Cent. 1. obs. 82. *Baltassar Timæus in casibus medicis.*

Gangrana pedis.

Vir 40. annorum robustus, post cœnam, bene potus, media hieme, in stabulo, cujus fenestræ erant apertæ, se ad dormiendum composuit. A somno surgens, pedes vix poterat movere, in iisque exiguus erat sensus, ac color in iis apparebat lividus.

Partes affectæ in hoc ægro sunt pedes; quod eorum stupor, movendi difficultas & livor probant.

Morbus quo laborat, est intemperies frigida & putrida atque contagiosa pedum, quæ sensus stuporem, & movendi difficultatem ac livorem, ex caloris nativi extinctione inchoata, inducens, & ad vicinâ facilè prorepens, gangræna appellari solet.

Causa hujus morbi externa est aëris frigus, in quo æger noctu, corpore non satis adversus aërem frigidiorē munito, dormivit. Frigoris enim vehementia calor nativus in pedibus valde fuit extinctus; quo fibrillæ nervorum pedibus inferiorum, ita fuerunt viciatæ, ut motum pedibus impressum, ad cerebrum, sensationis excitandæ causâ, satis valide transmittere nequeant; partesque insensibiles cutis & vicinarum partium, propter ingentem putredinem & corruptelam, ex frigore illo inductam, ita fuerunt corruptæ, ut pedes jam liveant & stuppeant.

Morbus hic est periculosissimus, cum sit magnus à naturali statu recessus, & magna adsint symptomata: malumque hoc valde prorepere, & brevi in sphacelum converti solet.

Celerrima itaque & prudentissima curatione mox erit aggrediendus eaque in corruptelæ partium ablatione, & intemperiei correctione, & denique in partium, quæ aperientur, consolidatione consistet.

Statim itaque pedibus applicetur tale emplastrum, calefaciens & corruptelam listens.

℞. Rad. raph. hort. rapi ana n. ij. contund. in mortar. addendo sem. sinap. ℥j. pulver. caryophyll. ℥iij. olei sem. lini, jugland. veter. ana q. s. M. & fiat emplastr. calidè applicandum pedibus per unum diem, ægerque in calido loco decumbat.

Si contingat malum ad internas partes extendi, illico scarificationes satis profundæ, usque ad vivam carnem sunt adhibendæ ita ut sanguis egrediatur.

Deinde partes laventur aquâ falsâ, vel spiritu vini in quo unguentum ægyptiacum est dissolutum, & lotio sit valde calida. Postea adhibeatur tale unguentum, quod præstantissimum est ad omnem putredinem, & ulceris malignitatem sistendam & tollendam.

℞. Flor. cris, alum. rochæ, mell. comm. ana ℥iij. aceti acerrimi ℥v. sal. comm. ℥j. vitriol. rom. ℥ss. sublim. pulver. ℥ij. Bulliant & fiat unguentum.

Si ita putredo superetur, escharâ separanda est appposito emplastro ex quinque farinis, fabar. scilic. lini, fænugræci, hordei, lupinorum, vel alio simili.

Quod si neque per hæc sistatur corruptela, ignis utendum.

Eoque nihil etiam proficiente pedes excindendi ex Paræi sententia, in carne viva: ex Fallopii, in parte mortua, in confinio vivæ; quæ deinde post sectionem cauteriis actualibus adurenda, donec æger dolorem cauteriorum sentiat. *Henric. Regius apud Theod. Cramer. Medication. lib. 4.*

Observationes

De Gangræna ex contusione, quæ totum crus, scrotum & inguen, spatio 29. horarum mirâ cum celeritate invasit, atque agrum è medio sustulit.

Die 21. superioris mensis Julii, Stephanus Stoppius, civis Fassaciensis, Oppidi hîc in vicinâ ad lacum Neocomensem siti, quinquagenarius, robustus, & optimo corporis habitu præditus, cum in maximis messis occupationibus, ipsemet plaustrum vacuum ducere tentasset, ac currendo in terram procidisset, rota internam partem sui sinistri cruris dilaceravit, cum tibiæ ossis, à periosio suo ad longitudinem Spithamæ, denudatione; neutrum tamen os fractum aut fissum fuerat, ita ut pedes domum; à qua iter dimidiæ horæ abfuerat, se conferret.

Ego eodem die vocatus, illico totum crus coxamque olei rosar. ℥iss. inunxi. Vulneri prius vino rubello & aqua tepida, à sordibus & arenâ abluto, digestivum sequens imposui.

℞. Terebinth. lotæ ℥j. cereæ ℥ss. gummi elemi ℥ij. ol. de vitell. ovor. ℥j. dissolve lentissimo igne, postea admisce croci ℥ss. vitell. ovor. n. ij.

Ut autem affluxum humorum impedirem, fasciâ intinctâ poscâ, totum crus involvi, victumque optimum ac tenuem præscripsi, & pro potu ordinario decoctum agrimonie & veronicæ ordinavi. Hinc dolor plurimum remisit, noctem tamen eam, utcumque inquietam transegit. Circa scapulam quoque & humerum sinistrum (licet nullum manifestum contusionis indicium apparuerit) quia tamen eo loci de dolore conquerebatur, eodem oleo rosar. inibi bis illum in die inunxi, adeo ut dolor scapulæ intra biduum cessaverit. Die 22. Julii sequens medicamentum ei exhibui.

℞. Syr. ros. solut. compos. cum rhabarbaro, Agarico, & senna ℥iss. pulver. sennæ præpar. ℥ij.

Cum decocto agrimonie & veronicæ fiat potiuncula, qua corpus leniter purgatum fuit. Paulo post deligatione soluta, optima futura digestionis signa apparuerunt. Denuo itaque præscriptum digestivum imposui.

imposui, totumque crus oleo rosar. inunxi, & fascia posca imbuta, omnia colligavi. Circa vesperam eadem reitavi, qua nocte optimè quievi.

Die 23 Julii summo mane basilicam dextram (sinistra enim propter cicatrices ad cubitum nullo modo in conspectum sese dabat) incidi, sanguisque ad ℥vi. extraxi, soluta deligatione vulneris partem illam suræ dilaceratæ & à subjecta carne disjunctæ, quia livebat, ac ad gangrænâ tendebat, abscindere visum fuit. Qua parte in præsentia reverendi D. Johan. du Moulin ejus loci præbiteri, abscissa, eaque aceto & sale abluta, Ægyptiacum nostrum ad radicem putredinis, reliquæ verò parti vulneris digestivum imposui. Postea sequens cataplasma, quod putredini resistit, applicui.

℥. Farinæ fabar. ℥iij. salis marini ℥j. pulver. summat. absynth. vulg. scordii utriusque, rutæ ana ℥j.

Coquantur in oxymelite simplici, fiatque cataplasma, addendo sub finem myrrhæ, aloes, an. ℥ß. fiat cataplasma.

Circa vesperam rursus eadem methodo processit, sed quia nox subsequens ei non admodum quietâ futura videbatur, grana aliquot laudani ei exhibui. Qua nocte nullos dolores per sensit, sed quietè & securè dormivit.

Die 24. Julii mane soluta deligatione, putredinem inhibitam, neque gangrænâ amplius proferpere, certis signis conspiciere licuit. Ad majorem tamen securitatem, unguentum Ægyptiacum, ut antea filamentis complicatis, & ad radicem putredinis, totamque partem læsam, supradictò cataplasmate cooperui. Intemperies nulla neque inflatio aut dolor aderat. Domum itaque me confero; circa tertiam pomeridianam illico, & quidem me absente, in alterius tibiæ, nimirum externa parte suræ dolore acutissimo corripitur.

Ego circa nonam noctis horam ad ipsum veniens, maximis quidem doloribus ipsum vexari facile conjicere potui, absque ullâ tamen intemperie manifestâ, aut inflammatione conspicuâ. Unde Hippocratis sententiam, libro de vulneribus capitis animo volvens, videlicet, carnem contusam necesse esse putrescere, & in pus converti, ab incæptis desistere nolui, sed denuo digestivum imposui, tibiâ oleo rosar. inunxi, ac rursus tempore somni nonnihil laudani ei exhibui. Verùm tantum absuit, ut somnum capeßere potnerit, quin potius circa tertiam horam noctis me accersivit, si fortè aliquo modo dolorem lenire possem. Deligatione ita rursus solutâ, externam partem suræ, & quidem ipsum locum dolentem ex parte lividum deprehendi. At quia dolor magnus, nihilque aliud in promptu erat, illicò cataplasma ex micâ panis in lacte coctâ, additis vitellis ovorum, parumque butyri recentis, calidè applicui. Hinc dolor aliquò modò sedatus fuit, parumque æger quievit.

Die 25. circa septimam horam matutinam solutis fasciis, partem externam suræ palmæ latitudine nigram & sphacelatam offendi. Subitò ergo Paterniacum me recepi, ut ea, quæ pro morbi magnitudine necessaria, videbantur, præpararem. Circa meridiem instructus omnibus necessariis ad ægrum rediens, statim sic exclamat: ô utinam attulisses ferram, tibia enim hæc est amputanda, quò dolore & cruciatu possim allevari.

Solutis ergo denuo fasciis, totam externam partem suræ, & ipsum pedem sphacelatum, vesicis etiam nigris & maximis, nec non aquâ loturæ car-

nis similis, repletis, animadverti. Interea tamen nonnullis in locis, dolores & maximi & continui aderant. Efflagitantibus itaque tum amicis, tum imprimis ægrotò ipsò, ut tibiâ amputarem, denud me domum contuli, & instrumenta cum omnibus ad hanc rem necessariis mecum attuli, atque circa horam secundam pomeridianam ad ægrotum redi, tumque totam tibiâ, præter illam partem vulneris cui præcedentibus diebus Ægyptiacum applicueram, syderatam & in locò sanò non amplius abscindi posse comperi. Supra genu item ad externam partem in quodam locò, crines novacula abradens, sonum quasi vacuum aliquod subfuisse, percipere potui. Inde malum inibi subesse conjiciens, adstantibus atque amicis, significare cæpi, amputationem plane infructuosam & inutilem fore, & ut alios Medicos atque Chirur- gos in consilium advocarent, suasi. Post duas horas iterum soluta deligatione, locus iste, in quo antea sonum audiveramus, prorsus sphacelatus deprehensus est. Circa decimam horam noctis in inguine ad scrotum, vesica ovi magnitudine nigra, & aquâ loturæ carnis simili plena, & sphacelata conspiciebatur. Intra horas duas scrotum in magnitudinem capitis intumuit & syderatum est. Tum æger sudoribus primò calidis, postea frigidis correptus, circa tertiam post mediam noctem horam, quæ quarta dies sui morbi cum undecim horis erat, ab incæptâ verò gangrænâ, hora vigesima quarta, placidè, & inter loquendum ferè expiravit.

Post mortem totum latus & caput paulatim ita intumuerunt, ut sequenti die, cum cadaver inhumare vellent, capulam ampliari necesse esset. Sub hypocondrio sinistro vesica, quæ magnitudinem capitis adæquabat, nigra & aquâ sanguinolentâ plena, exorta est. Ex ore quoque & naribus aqua ista sanguinolenta tam copiosè emanavit, ut per cubiculum instar rivuli deflueret. Ex cadavere item talis fætor expiravit, ut adstantes in fugam converteret. Ab initio morbi usque ad finem vitæ, vix ulla febris in illò cognosci potuit, nullumque symptoma febrile, veluti dolor capitis & renum, sitis, siccitas & ariditas linguæ, aut pulsus à naturali statu recessus, apparuerunt. Urinæ tamen statim ab initio morbi ad finem usque vitæ sanguinolentæ erant.

In istâ autem recitatâ historiâ, nonnullæ occurrunt difficultates quarum aliquæ, quamvis ex Doctissimo tuò Tractatù facile discuti possunt, cupio tamen hac de re Excell. T. judicium atque sententiam, si quando sibi per ocium licuerit ulterius intelligere.

Primò quidem, an gangrænâ hæc tam furiosa, tamque dira & immanis, ut vix unquam similis conspecta, ex contusione sola, vel ex causâ aliqua interna & occulta, orta sit necne?

Ego ex sola illa contusione tibiæ, tam horrendum malum oriri non potuisse, planè sentio.

Primò enim contusio in tibiâ etsi magna pro magnitudine tamen gangrænâ non respondebat: erat enim cutis tantummodò cum carnâ membranâ à subjectò musculò separata: ita quidem, ut ne ramus ille insignis qui per musculum, suræ partem internam constituentem (qui crus moventium in ordine primus) superficie tenus descendit, dilaceratus, aut disruptus fuerit; denudatus tamen, & integer conspiciebatur. Hanc quoque ob causam pars illa cutis dilacerata & à subjectis partibus separata, nutrimentò suò destituta, necessariò gangrænâ & sphacelò

& sphacelò correpta fuerat. Hâc verò parte abscissâ, gangræna protinùs inhibita fuit, quemadmodum antea dixi, neque postea ullum indicium gangræne apparuit, usque dum totum crus invaserat. Secundò, si gangræna ex internâ parte suræ ad externam serpendo penetrasset, vulnus priùs labe ista infectum fuisse, quàm vicinas partes invadere potuisse, luce meridianâ clarius existit: at penetratio illa, quomodo sine dolore, inflammatione & inflatione maxima fieri poterat, nondum video. Post primam autem noctem usque ad 24. mensis diem, quæ fuit tertia morbi dies, nullum (pro magnitudine vulneris) dolorem, nullamque præterea inflammationem adfuisse, sed optima signa digestionis apparuisse, testabuntur & fidem facient adstantes, quorum ex numero erant Rever. Joh. D. du Moulin, ejus loci Presbiter; uti & D. Emanuel Vissitius Philosoph. mag. & Medicinæ Candidatus, convictor meus suavissimus. Adde quòd extremâ suræ parte nullum unquam indicium contusionis apparuerit. Tertiò non potuit gangræna hæc ab externâ parte ad coxam nisi serpendo, ac in transitu partes, unam post alteram inficiendo, pervenire. Ac in hõc casû gangrænam cum tibiam, tum etiam femur, inguen & scrotum, quasi unò eodem momentò (interim tamen hinc inde partes nonnullas illæsas relictas) invasisse, ex præcedenti historia elicere licet. Potuit itaque contusio hæc in crure, meò quidem judiciò, esse causa adjuvans, præcipuum autem materiam aliquam venenatam ex corpore eò propulsam fuisse planè sentio. Quamvis enim antea morbis non adeo obnoxius homo iste, quia tamen rota, totum latus transgressa fuerat (id quod dolor circa scapulam indicat) potuit facillimè sanguis, aliquò in locò concretus ac putrefactus, in pestiferum hocce venenum conversus, postea verò à natura expulsus hocce crudele malum generare. Gravissima enim quandoque ex sanguine coagulato, Ferneliò de abditis rerum causis lib. 2. cap. 15. teste, symptomata oriuntur. Idem testatur Fernelius aliquando se partem sphacelari vidisse sine causâ externâ, sine tumore aut rubore conspicuò, obortò primùm dolore immanissimò, tandemque agrum extinctum fuisse, sine febre, sine symptomatis admodum gravibus, idque in hõc agrò bellè observare licuit.

Ex modò dictis autem oritur secundum dubium, nempe, quomodo natura hancce pestiferam materiam absque symptomatis conspicuis, puta febre, syncope, deliriis & similibus, tam diu retinere, multò magis ad extimas partes corporis propellere potuerit? Tertiò quomodo factum fuerit, quòd caput & totum cadaver, exceptâ tibiâ dextrâ, post obitum in monstrosam hancce magnitudinem intumuerit: Cum animæ facultates, animale extinctò, omnes abolitæ sint ac cessent.

Prolixè & ordine hancce historiam recensere placuit, propter varias & ineptas, quæ hâc dere apud vulgus habentur opiniones. *Guilelmus Fabricius Hildanus in Observ. Chirurg.*

De gangræna gravissima ex morfu equi pro-
genita.

Casum de gangræna, ex morfu equi cujus in via Mildunum versus, mentionem fecimus nunc T. Excell. penitus adumbrare statui, dum tamen de venenositate vulnerum à feris inflictò-

Bibl. Chirurg. Tom. II.

rum prius verbum unum aut alterum præfatus fuero. Percrebuit apud vulgus Chirurgorum opinio morsus equorum, canum, urforum, leonum, ac similibus belluarum, maximum ac exitiosum in se continere venenum. Hujus opinionis in causa sunt symptomata gravissima, quæ hujusmodi vulnera sequuntur, & præcipuè quod sæpissime in gangrænam terminantur. Chirurgum non mediocriter in operibus artis chirurgicæ versatum, familiariter novi, qui hac imbutus opinione, omnes morsus animalium, etiam non venenatorum, aut ferro candenti, aut oleo ferventi, protinus inurebat, atque hac occasione plerumque sibi nomen crudelis parabat. Ego etsi hujusmodi vulnera non nihil malignitatis in se continere profitear, quemadmodum postea dicam, attamen quomodo eorum opinio qui ipsa absolute venenosa esse sentiunt, fulciri possit, nondum video. Si enim morsus horum animalium, per se & absolute venenosi essent, tunc profecto parvum quandoque vulnus, ab ipsis inflictum, non minus ac magnum malignæ qualitatibus particeps esset, quemadmodum videmus in morfu canis rabidi, ubi minimum quidem vulnus, si neglectum fuerit, mortem inferre, potens est. Contrarium in prædictorum animalium; (nisi rabie infecta fuerint) moribus observatur. Ingentia enim ac magna ab ipsis inflicta vulnera imprimis ubi ossa simul sunt fracta periculosa exitiosaque esse, necnon aliquando in gangrænam terminari experientia fidem facit: præcipue si fracturæ arcte nimis ligatæ aut error aliquis in curatione commissus fuerit. Unde igitur, inquires, pessima illa symptomata? Profecto ego plane sentio, ipsa magis ex contusione quàm ex venenosa aliqua qualitate horum animalium accidere. Cum enim sint robustissima, vi sua conrundunt, & conterunt musculos, venas, arterias, imò & ossa ipsa. Hinc dolor, hinc inflammatio, humorum affluxus, tandemque spirituum suffocatio & gangræna. Cujus rei exemplum memorabile mihi videre contigit, quod tibi viro doctissimo & chirurgicarum operationum avidissimo, prout promiseram, communicare non gravabor.

Anno 1579. quum Novisiæ Cheirurgiæ operam darem, civis quidam in oppido Zoons ad Rhenum, ab equo in brachio graviter morfu vulneratus fuit, cum carnis dilaceratione & ossis fractione. Advocatus Barbitonsor, ossa fracta in sedem naturalem reposuit: vulnere digestivum, fracturæ verò medicamentum ex bolo armeno, farinâ & albuminibus ovorum confectum, applicuit. Fascias item ferulasque apposuit, & fenestellam, qua vulnus quotidie absque fasciarum solutione curari posset, reliquit. Sed quia fascias ferulasque nimis arcte constrinxerat, auctus est dolor, auctus est & affluxus humorum. Et quia corpus neque à pravis humoribus, neque ab abundantia sanguinis exoneratum fuerat, sequuta est inflammatio, tandemque gangræna. Magister Joh. Dümgen, apud Novisienses Cheirurgus exercitatus, præceptor meus plurimum honorandus, in consilium adhibitus, brachium scarificavit, unguentum ægyptiacum, reliquaque medicamenta, quæ ad curationem gangræne requiruntur, applicuit; ita ut gangræna remiserit, tandemque brachium sanitati restitutum fuerit: sed curatio fuit & longa & laboriosa, non quòd qualitas aliqua admodum maligna animadverteretur, sed quia os fractum fuerat, & gangræna supervenerat.

Ante paucos annos mulier quædam Bernæ cum urfis, qui continuò ibi in propriis fossis asservantur, escam obtulisset, ac ursus ipsius manum, ni fallor dextram, per cancellos arripuisset, adeo manum & brachium momordit, ut illud abscindere necesse esset. Non quòd medici venosam aliquam qualitatē in morfu isto agnoscerent: sed quia caro simul & ossa penitus contusa, contritaque fuerant.

Cæterum etsi in morfu animalium prædictorum & per se non venenatorum, illam quam vulgus Cheirurgorum ipsis adscribit venenositatem, ut antea quoque dixi non inveniam: non negarem tamen, ab ipsis inflicta vulnera ab aliis, ense & cultro incisis, non nihil differre, imo etiam non-nihil in se continere posse malignitatis, atque proinde peculiarem curandi methodum requirere. Itaque ut omnia rectè, & ut artis est administrantur, morsus beluarum sive equorum, sive urforum, canum, leonum, aprorum (ut & de hominis morfu obser. 84. cent. 1. scripsimus) sic distinguo. Aut enim animal rabiosum est, aut solummodo commotum, & simpliciter iratum, cum morfu violat: (donec enim mansuetum, & minimè irâ percitum, neminem mordebit, ut quidam morsum carnis distinguit.) Unde affectus quilibet, peculiarem requirit curandi methodum. Si enim animal rabiosum fuerit, vulnus sive inurere expedit, reliquaque media, quæ observatione 87. cent. 1. & obser. 98. hujus centuriæ recensentur, applicanda erunt. In morfu verò ab animali non rabioso facto, inustione opus non est, ea tamen remedia quæ ab alto ad superficiem trahunt, usurpanda sunt idque in eum finem, ut si quid maligni subesset, paulatim educeretur. Primò itaque vulnus aceto, in quo theriacâ dissoluta est, ablue: postea si vulnus parvum fuerit, spiritum vini cum theriaca, filamentis impono, & emplastrum Basiliconis applico.

Aut ℥. Pulveris radic. Angelicæ aristoloch. rotundæ, vincetoxici, caryophyllatæ an. ʒi. folior. scordii, rutæ an. ʒss. theriacæ, extract. card. benedicti an. ʒij.

Cum s. q. mellis rosacei fiat mixtura in forma, unguentum hoc in omnibus vulneribus ac ulceribus malignis & venenosis, anthrace & similibus præstantissimum est. Sin vulnus magnum & contusio ingens fuerit, ut quamprimum digeratur, affluxus humorum evitetur, necesse est, alioquin inflammatio, dolor ingens, aliaque pessima symptomata ferenda erunt. Statim itaque victus tenuis instituendus, corpus à pravis humoribus evacuandum, & vena, si nihil est quod obstat, tundenda erit. Membrum verò malè affectum oleo myrtino & rosaceo inungere convenit, Defensivum quoque ut affluxus humorum impediatur, applicandum. Vulneri verò sequens digestivum imponendum.

℥. Cere novæ, colophonix, gummi elemi an. ʒss. terebinth. lotē in aqua cardui ben. ʒj. olei rosacei, Amygdalar. dulcium, de vitellis ovorum an. ʒj. liquefiant lento igne & percolentur, deinde admisce croci ʒj. theriacæ, extract. cardui benedicti an. ʒiij. vitellos ovorum 2. milce fiat unguentum.

Vulnere hoc modo satis digesto, imponatur antea descriptum unguentum ex pulvere radicum Angelicæ, Aristolochiæ rotundæ, tandemque emplastro diapalmeo, aut de cerusa, vel simili aliquo medicamento inducatur cicatrix. Si dolor supervenerit nimius; applicetur cataplasma aliquod anody-

num, ex tractatu nostro de gangræna, vel de combustionibus, excerptum. Si fractura adfuerit elementer & absque violentia reponantur ossa, diligenterque in sede naturali retineantur, absque febrularum tamen nimis arcta ligatione, ne fiat humorum attractio, calorisque & spirituum suffocatio, quemadmodum in viro illo, cujus antea meminimus, accidit. Pura astringentia, uti etiam emplastica hîc, propter insignem contusionem non conveniunt: sed quæ simul digerunt. Inuncto itaque toto membro oleo rosaceo & myrtino, sequens applicetur cataplasma.

℞. Farinæ hordei ʒij. pulv. rosar. rubear. myrtillor. sœnigræci an. ʒss. pulv. scordii folior. rutæ an. ʒij. coquantur cum vino rubro, ad formam cataplasmatidis: tum admisce. Croci pulverisati ʒj. ol. rosacei, myrtillor. an. ʒj. de vitellis ovorum ʒss. vitellos ovor. n. 2. applicetur tepidè singulis diebus semel, præcipuè si contusio magna fuerit, idque usque ad decimum quartum diem, donec vulnus optimè digestum sit, & graviora symptomata non ampliùs sint timenda. Tum in fasciis & tincteaminis quæ fracturæ circumponuntur, fenestella, ut vocant, per quam vulnus singulis diebus mundetur, relinquatur, fractura verò quarto aut etiam sexto quovis die tantummodo deliganda erit. *Idem ibidem.*

De gangrana ex frigore, ac congelatione.

Anno 1600. peregrinus Britannus Româ rediens, & in monte S. Bernardi à via recta deflectens, ac inter nives pernoctans, tantum frigus passus fuit, ut extremitates omnium digitorum dextræ manus, extincto in ipsis calore nativo, gangrænâ correptæ sint. Exorto statim dolore vehementissimo viriisque prostratione, maxima nonnisi cum difficultate Sedunum Valleforum pervenit, ejusque loci Chirurgum quendam diligenter satis in consilium adhibuit. Is videns gangrænâ jam in sphacelum degeneratam, apicesque digitorum plane emortuos esse, carnem digitorum circum circa ossa, prope carpum incidit, necnon ad proximum articulum usque separavit: digitos quin etiam in ipsis articulis novaculâ abscidit. Idque tali artificio & dexteritate perfecit, ut postea gangræna ulterius & partes sanas invadere non potuerit. Sed quia ferrâ ad hujusmodi operationes aptâ, bonus iste vir minime instructus, forcipe verò aut scalpro (ut plerique Chirurgorum facere consuevere) ossa abrumpere, rem nefariam, ac artifice indignam esse censuit, miserum huncce peregrinum Lausannam ad me misit: ubi præsentem viro clariss. ac doctiss. Dn. Alberto Roscio, ejus Reipubl. Doctore, Medico ordinario atque celeberr. Reverendo item viro Dn. Johan. Retherio ibidem linguæ sanctæ professore dignissimo, multisque aliis, ossa omnium digitorum dextræ manus ad metacarpum serra abscidi, quo facto brevi convaluit, & in patriam rediit *Idem ibidem.*

Gangrana ex intemperie frigida & sicca, cum defectu alimenti curata.

Cum senectus (Gal. Teste) intemperies quædam sit, ad frigiditatem & ad siccitatem declinans, mirum nemini videri debet, morbos ex hac intemperie ortos, in senibus vix curari posse: Deficit enim in iis calor nativus, qui omnia vivificat, concoquit & restaurat, deficit & humidum radicale, quod

quod omnes partes corporis humectat, atque calori nativo pabulum subministrat. E contra abundat hæc ætas humoribus excrementitiis, quorum illuvie sæpe numero calidum ionatum paulatim suffocatur, aut ad minimum debilitatur; inde diminuantur vires, ita ut morbi minime resistere possint. Hinc fit ut gangræna ex intemperie frigida & sicca omnium sit periculosissima, præcipuè autem in senibus, & quibus partes principes male afficiuntur: Incipitque hæc species gangrænæ circa extremitates, quum partes illæ prius nutrimento destituantur. Non immerito itaque Benivenius scriptum reliquit, gangrænam à digito pedis (id quod de hac specie gangrænæ intelligendum) incipientem mortalem esse. Ego (ut ingenuè fatear) inter omnes quotquot hæcenus gangrænâ ex intemperie frigida & sicca, vel alimenti penuriâ laborantes vidi, unus tantummodo evasit. Quam historiam hîc in gratiam juniorum Chirurgorum subungere placuit, ut semper in morbis, quantumvis desperatis, de sanitate bene sperent, atque ad eam recuperandam summam diligentiam adhibeant.

Anno 1582. die 20. Augusti, cum essemus apud Illustrissimum principem Cliviacensem, & Iuliacensem, Montensem &c. in arce Beneburgensi, Presbiter quidam homo septuagenarius & decrepitu, Gangrænâ ex intemperie frigida & sicca, vel (ut rectius dicam) defectu caloris nativi & alimenti, in dextra tibia correptus fuit sine causa aliqua externa. Nullus in principio morbi dolor aderat, nullumque inflammationis indicium, sed potius frigus in crure perentiebatur, unde statim ad se accessit Clariss. D. D. Galenum Wierum Archiatrum Principis, ac Cosmum Slotanum, ejusdem principis Chirurgum primum Præceptorem meum summè honorandum. Invenimus autem paulo supra talum pustulam nigram nucis avellanæ magnitudinem vix excedentem, & (ut dictum) sine dolore, inflammatione, & tumore. Qua pustula incisa, non nihil ichoris, coloris flavi effluxit, subiecta verò caro livida, & sensus expers erat, Pustula in fætidissimum ulcus degeneravit, quod intra paucos dies tantâ sævitiâ crus invaserat, ut una ex parte semimortuum conspiceretur. Unde ex consilio Clariss. ac Doctiss. Wieri crus, ubicunque suspicio aliqua gangrænæ aderat, scarificavimus, cataplasmata item, ungenta, aliaque plurima, quæ putredini adversantur, & nativum calorem simul & nutrimentum attrahunt, applicuimus. Cæterum Clariss. D. Doctor Wierus particularibus quibusdam internis medicamentis calorem nativum refocillavit & continuo bonis ac euchymis alimentis instauravit. Sic Dei beneficio & Medici hujus ac Chirurgi diligentiam summâ, atque industriâ, revocato tandem colore nativo, & humido radicali, putredo remisit, reliqua quin etiam symptomata paulatim cessarunt. Mundificato dein ulcere & penè sanato, Clyviæ reversus est æger, ubi domi suæ adhuc ad tempus aliquod supervixerat. *Idem ibidem.*

Quidam cum supra modum incaluisset, & ipsius corpus aquâ frigidâ perfusum fuisset, gangrænâ & sphacelo in tibia corripitur.

Cæterum antequam ad problemata tua respondeam, affectum gravissimum tibi communicare visum est. Superiori ætate, cum Basileæ apud serenissimum Principem ac Dn. D. Janutium Radziviliū Lituaniæ &c. Ducem, per menses aliquot (ut ex præcedentibus meis ad te litteris intellexisti) moram traherem, accidit noctu ut in platea quæ portui proxima est, domus quædam incenderetur.

Cum verò cives accurrerent, ac quidam juvenis, viginti circiter annor. ætatis, robustus, plethoricus, & optimo corporis habitu præditus, rectum proximum conscendisset, ibique cum propter caloris ab incendio vehementiam, tum etiam propter labores, supra modum incaluisset, rogavit socios ut aquâ frigidâ sibi corpus perfunderent: hoc enim nisi facerent, æstus maximum non ampliùs se sustinere posse, sed de vitâ periclitari, aiebat. Affundunt aquam eamque copiosè, ita ut vestimenta omnia ipsūque corpus undique madefactum esset. Quid sit? corripitur horrore, ita ut vix eo recto descendere & ad ædes suas pervenire posset. Postero die, ac deinceps etsi graviter laboraret & maximum incendium internorum viscerum persentiret, morbum tamen neglexit. Circa quartum natura cum per criticam expulsiōem sese exoneraret, crus dextrum quoque intumuit, & inflammatione correptum fuit. Ad Xenodochium itaque deducitur, ubi clariss. ac æterna laude digniss. Viro Dn. D. Jacobo Zwirgero, piæ memoriæ, & Chirurgis commissus fuit. Post dies aliquot, cum inflammationem in tibiâ ad gangrænâ tendere videret Dn. Zwirgerus, rogavit me, ut miserum quoque inviserem, ad ægrum itaque me confere, tibiamque ad poplitem fere usque, gangrænâ corruptam animadverto.

Porro etsi vires prostratas, febrem maximam, tibiam quin etiam ad coxam fere usque supra modum tumefactam, ac proinde rem istam in angustiis positam esse, satis superque videremus, attamen quia sæpissimè, etiam in desperatis, divina clementia atque Potentia, præter spem atque opinionem Medicorum sese patefacere solet; & semper (ut divinus Hippoc. lib. 2. Aphor. 25. nos monet) omnia secundum rationem sint facienda, ejus undique scarificavimus, unguentum Ægyptiacum, aliaque medicamenta quæ putredini adversantur, applicuimus, sed frustra, sequenti enim die, ad coxam regionemque hepatis usque livida reperta fuit, Lipothymia, frigus extremitatum & sudor frigidus aderant, & eadem die vitam cum morte commutavit. *Idem ibidem.*

De gangrænâ & retentione urinæ, historia singularis, in quâ rara nonnulla recensentur.

Cæterum quia statum generosi nostri ægri scire cupis, ipsius jussu paucis, sed ordine ipsum tibi aperiam. Reversus hîc ex magna Britannia sæpissimè de ardore urinæ, nonnumquam quoque de ipsius retentione conquestus est, sed sumptis emulsionibus à te præscriptis Enematisque, adhibitis quoque candelulis facile restituebatur. Ex sinistrâ tamen parte peritonæi à duabus aut tribus mensibus ante morbum, usque dum ruptus fuit abscessus in perineo, ut postea intelliges dolorem pungitivum, non usque adeo acutum tamen continuò persentit. Circa principium verò mensis Aprilis hujus anni, cum præscriptam victus rationem non satis exacte observasset, in exercitiis quinetiam corporis, modum excessisset, fætorem quendam in urinâ percipere cœpit. Fætor ille paulatim adeo auctus fuit, ut mirum sit, quomodo talis putredo absque febre, nausæâ, aliisque gravissimis symptomatibus in corpore tam diu delitescere potuerit. Eodem quoque tempore in fundo urinæ, materia quædam viscida, spermati ranarum non absimilis conspiciebatur. Præterito mense Majo, cum ad Alpes prædia sua invensendi gratiâ, profectus esset & scopulos pedes ascenderet descenderetque, & proinde præter modum ac consuetudinem suam incaluisset, longè vehementiùs quàm antea ipsum invaserunt symptomata. Reversus Bernam cum esset, Emulsionem exhibui, Enema ex

lacte quod præscripsisti, injeci aliquoties: Renes unguentis & oleis refrigerantibus inunxi, post dies quoque aliquot corpus medicamento cholagogo leniter expurgavi, venamque in brachio incidi. Et quia materiam illam fœtidam & viscosam cum urinâ copiose ipsum excernere videbam; suasi, ut per dies aliquot fero lactis cum saccharo uteretur. His per dies quatuordecim adhibitis medicamentis, & exquisitissimâ observatâ victus ratione, cum omnia salva esse videbantur, fœtor quin etiam urinæ nonnihil remittere videretur, Solodurum ad Illustrem Dn. Meronium Christianiss. Regis legatum vocor. Non diu post meum abitum, malum & longè acerbius & crudelius quàm unquam antea, ipsum invasit, non solum enim febris ardentissima & continua, cum urinæ retentione, verùm etiam phlegmone in ipso perinæo exorta est. Quapropter me absente, Dominum Davidem Regem, hujus Reipubl. Doctor. medicum ordinari. & doctiss. appellare coactus fuit. Insistit & ille Emulsionibus Enematibusque & locum affectum oleis convenientibus inungit; semicupio quoque propter doloris vehementiam, uti coactus fuit. Interim ego accersitus adeo anxium ægrumque veluti in agone reperio. Febris enim vehemens, syncopæ frequentes, nausea, cibi fastidium, urinæ ardor & retentio, omniaque fere signa, quæ mortem præsentem præcedere solent, aderant. Phlegmone in perinæo magnitudine ovum anserinum adæquabat cum maximo dolore pungitivo, tumore & duritie scroti & virgæ. Dn. D. Rex ante meum adventum anodynus, & quæ discutunt ac resolvunt simul usus fuerat, sed frustra; quapropter ad pus moventia nobis transeundum fuit: Sequens itaque cataplasma applicuimus.

℞. Radicum & folior. althææ, malvæ, an. m. i. coquantur & pistentur, ut artis est, quibus admisce farinæ tritici, ℥. ii. farin. sem. fœnigræci, & lini. an. butyri recentis, Olei liliorum albor. & unguent. de althæa an. ℥. i. l. croci. ℥. β. vitell. ovor. num. ii. misce, fiat cataplasma, quod calidè applicuimus bis terve in die. Vigesima nona maii cum in medio perinæo & quidem in ipso tauro ruptus fuisset abscessus, pus ad eò putridum & fœrens in copia effluxit, ut totum conclave, incredibili & plusquam cadaveroso suo fœtore adimpleret. Fœtor, ille per dies aliquot continuavit; talis enim erat sphacelosa putredo, ut totum perinæum emortuum excideret, & ulcus ingens post se relinqueret. Interim ego quæ putredini resistunt, applico, ulceri unguentum Ægyptiacum meum in tractatu meo de gangrænâ descriptum, cum filamentis & duabus turundis, quarum una versus scrotum ascendebat, altera deorsum versus podicem descendebat, imposui; postea sequens cataplasma applicui.

℞. Farin. lupinor. fabarum an. ℥. i. β. Pulver. summitat. absynthii, scordii, rutæ, an. ℥. ii. coquantur in oxymelire simplici, fiatque cataplasma: adhuc calenti admisce. Aloes, myrrhæ, an. ℥. i. β. carnem autem emortuam quotiescumque ulcus deligavi, forfice & scapellis ad id aptis, quantum fieri potuit, excidi, pus cum penicillis ex spongiis in decocto scordii, rutæ, absinthii, & lupinorum, addito sale, madefactis absterfi. Sic per singularem Dei misericordiam putredo paulatim, & quidem intra triduum cessavit, nec ulterius serpsit: quapropter usum unguenti Ægyptiaci intermisi, & linimentum ex pulveribus radicum Aristolochiæ rotundæ, Iridis florentinæ, Angelicæ, Aloes item & myrrhæ, cum Extracto scordii, parumque vitelli ovi mixtus, ulceri imposui. Cataplasmate tamen præscripto ultra hebdomadas tres usus fui. In perinæo autem non solum cutis & caro à putredine erosa fuit, Verùm etiam membranæ multæ putridæ, ductus urinarii, procul dubio tunicæ, excidendæ at-

que extrahendæ nobis fuerunt: quapropter omnis fere urina per ulcus effluxit, idque in longum, ut postea dicam.

Circa initium junii in medio virgæ, & quidem in ipso latete dextro tuberculum, quod ab initio fere morbi duriusculum fuerat, in abscessum abiit, qui paulo post ruptus quoque est, non tamen ad ipsius ductum urinatum penetravit: quapropter adhibitis emollientibus, digerentibus, & mundificantibus haud difficilè coaluit. Triduo à rupto in virga tuberculo, humor qui antea per totum scrotum expansus erat, in imam ipsius partem, versus ulcus in perinæo decubuit, ibique extuberantiam quandam duram effecit.

Postquam verò applicuissimus sacculos emollientes, unguentum item de althæâ, & Emplastrum ex meliloro; materia ibidem collecta, per ulcus in perinæo paulatim evacuata fuit.

A carne putridâ & membranis sphacelatis satis mundificato ulcere, decocto Traumatico ex pyrolâ, alchimilla, sanicula, consolida saracenica, artemisia, & beta rubra, cum vino rubro styptico usi fuimus, hoc modo: bibit æger haustum tribus horis ante prandium & totidem post cœnam: cum siphone quoque ulceri illud bis in die calidè injecimus: duabus quin etiam cum turundis eodem decocto madefactis ulceri immisimus, unâ videlicet sursum, alterâ deorsum versus protrus. Tandem linteum reduplicatum in eodem imbutum calidè applicuimus. Non tantum autem ulceri cum siphone decoctum, verùm & ipsi ductui urinario, tam sursum quàm deorsum infundimus. Id verò ut commodè fieret, rostrum siphonis incurvatum fieri curavimus.

Non autem admiratione caret, in hac gravissima maximeque putredine sphincterem semper salvum & incolumen extitisse. Apparet id inde, quod æger etiam in morbi ipsius vigore urinam semper retinere potuerit, nec unquam illa involuntarie effluerit. Ulcus nihilominus quod deorsum versus vesicam tendebat profundum erat, & ad ipsas Prostatas, quas ego à longo tempore male affectas fuisse existimo tendebat. Quotiescumque autem urinam excernebat, partim quoque per ulcus effluebat, absque ulla tamen difficultate & dolore. Prædicto decocto Traumatico, eo modo ut dixi, in tertium mensem usus est, ita ut paulatim ulcus plenissime consolidatum fuerit, nec fistula ulla remanserit. Faxit Deus Opt. Max. ut recuperata valetudine diu ad Dei gloriam frui possit. Porro præter Topica enumerata etiam in universalibus nihil prætermisum fuit. Ab initio vires præter modum labefactatas cibis optimi succi, cordialibus item medicamentis, quantum fieri potuit, instauravimus. Deinde paululum recuperatis viribus, de triduo in triduum, aut etiam alternis diebus, nonnihil Terebinthinæ optimæ exhibuimus, cujus beneficio alvum lubricam fecimus, & vias urinarias simul expurgavimus. Renes unguento rosaceo cum camphora inunximus, & laminam plumbeam ejus magnitudinis ut lumbos & os sacrum cooperiret, applicuimus. Nunc optimâ valetudine, laus sit Deo, fruitur generosus ille, nec ullum incommodum hujus mali gravissimi perferit. Urinam absque ullâ difficultate & impedimento excernit, præterquam quod cum post cœnam ipsam reddit, pruritum quendam dolorosum, eo in loco, ubi antea fuit ulcus, perferat. In urinâ præterea nonnunquam furfures conspiciuntur. Præterea quotiescumque vult ipsam excernere, guttula una materiæ viscidæ, albæ & glutinosæ in extremitate ductus urinarii ante excretionem urinæ apparet. Qualis illa sit materia, & unde

proveniat, ex Te scire, cupit genetolus? Ego materiam illam ex labefactatis & nondum satis corroboratis prostaticis pervenire existimo, esseque veluti excrementum seminis, beneficio naturæ ad extremitatem virgæ projectum. Deinde etiam quærit, cur pruritus ille dolorosus in urinæ excretionem, post cœnam, cum cubitum iturus est, solummodo, non autem mane aut interdiu perferatur? Arbitror ego, naturam locum illum membranâ suâ destitutum, noctu, cum naturales operationes præcipue fiunt, viscosa quadam & glutinosa materia in eum finem, ne ab acrimonia urinæ lædatur, munire: Interdiu verò urinam, quia aliquoties excernitur, materiam illam abluere, partemque adhuc debilem vellicare. Hæc si non probabilia, verisimilia tamen mihi esse videntur. Sed ampliorem declarationem, & quomodo hisce symptomatibus imposteriorum occurrendum sit ex Te nobilissime vir, avidè expectamus.

Generosum ægrum porrò quod attinet, etiam nunc optimam exquisitissimamque observat victus rationem. Per intervalla quin etiam utitur Terbinthinâ. Præterito quoque autumno Apozemate laxativo corpus expurgavimus & venam in brachio sinistro secuimus. *Idem ibidem.*

De admirandâ curatione scroti post gangranam delapsi.

Anno Domini 1616. mense Junio, vir quidam honestus, annorum circiter quadraginta, vino obrutus, cum repente in scroti tumorem cum febre acuta, & virium subita dejectione incidisset, à Chirurgo vocato remedium petiit, qui cum livorem istius partis cum exulceratione penis totius, imo periculum, quod manifestam gangranam deprehenderet, notaret, de cura sollicitus, petiit consilium Medici. Ego vocatus injecto prius clystere, quoniam alvus à biduo non responderat, præscripsi cataplasma ex scordio, ruta, farina lupinorum, orobi cum oxymelite, vino & similibus. Per os exhibui diasenam Hieron. Fracastorii, subinde aquam Theriacalem, quod malignitatem cordi communicatam observarem, sine hac enim vix respirare potuit. Die sequenti deposito cataplasmate super cuticulam, quam Epidermidem vocant, separatam vidimus: tertio die scrotum sponte apertum, circa vesperam vel libras aquæ decem effluxisse. Quarto die testes ex toto nudatos conspeximus, deciderat enim scrotum à prætine usque ad perinæum. Hic quod facto opus deliberavimus, resiccantibus & incarnantibus remediis, quatuordecim dierum spacio tantum profecimus, ut non tantum testes scroto muniverimus; sed & natura scrotum novis pilis vestiverit, glans peni redierit integra, omnia ulcera penis consolidata fuerint, & officium viri deinceps patiens præstare potuerit. Ego nec quicquam Medicorum nostrorum similem nec vidit, nec audivit: luis veneræ nulla suspicio: nunc inculpata fruitur valetudine.

Ego naturam potius in conservatione speciei quam individui sollicitam esse dixi: studet enim perpetuitati, ut cum individuum servare non possit servet speciem, quod præstat partibus, quibus sobolescimus. Si molestum non fuerit, & negotia ferant, iudicium Cl. T. officiose peto, *Idem ibidem.*

De Gangrana Perinæi & scroti admirandâ curatione.

Monstra in morbis fieri, Vir nobilis, Amplissime, Averroem, summum illum Philosophum rectè scriptum reliquisse, indies experimur. Testis est admirandus & fortè inauditus ille casus, quem Clarissimus vir mecum communicavit. Ego infinitos propemodum vidi ægros, gangranâ scroti laborantes, sed, ut ingenuè fatear, ne unus quidem restitutus fuit. Pudenda enim cum partes corporis sint humidissimæ, raræ & spongiosæ. facile excrementitios humores ex corpore descendentes recipiunt, sequiturque gangrana, uti sæpissimè in hydropicis observamus, in quibus gangranam pudendorum, propter cachexiam corporis, & labefactionem viscerum, nec non caloris nativi partis affectæ imbecillitatem, plane insanabilem esse existimo.

Ægrum autem de quo Clariss. vir scribit, non fuisse diuturno aliquo morbo affectum, ex litteris clarissimi viri colligo: scribit enim, ipsum vino obrutum repente tumore scroti cum febre acutâ correptam fuisse. Vires itaque non fuerunt à diuturno aliquo morbo, quemadmodum fit in hydropicis, consumptæ, sed adhuc *intgra*: quapropter morbum facilius debellare potuerunt. Simile quid videre mihi licuit.

Generosus quidam Bernensis, quadraginta circiter annorum ætatis, à multis annis carunculâ laboraverat, quæ ipsi multum negotii facebat. Ante annum, circa principium Aprilis, cum præscriptam à Medicis victus rationem non satis exactè observasset & in corporis exercitiis modum excessisset, primò fœtorem cadaverosum in urina (quæ sedimentum viscidum, spermatis ranarum non absimile habebat) percipere cœpit. Ego quæ renes, viasque urinarias abstergunt & mundificant, præscripsi, interim tamen fœtor ad septimanas aliquot continuavit. Tandem penitus suppressâ urinâ, & exortâ inflammatione, in ipsò perinæo gangrana sequuta est, ita quidem ut totum illud interstitium, quod est inter podicem & scrotum, ductus item urinarius partim exciderit, partim quoque excindendus fuerit. Longa esset ratio, si omnia quæ annotatione digna in hoc ægrò occurrerunt, recensere vellem. Clariss. Vir omnia ordine videbit in v. Centuriâ Observationum mearum, observ. 64. in quâ paulatim progredior. Tandem omnibus admirantibus, veluti ex cymbâ Charontis evasit, & nunc integrâ fruitur valetudine, neque ullam molestiam in reddendâ urinâ sentit. Carunculæ enim omnes, quæ antea ductum urinarium coarctabant, erosæ & ablatae fuerunt. Exigua præterea fistula in perinæo remansit, & maximò quidem cum ipsius commodò; Viscidi enim atque excrementitii humores, qui ex superioribus & labefactatis partibus veluti renibus, vesicâ & vasis spermaticis, descendunt, liberè per ipsam effluunt, non tamen involuntariè sed cum ipsâ urinâ, quam pelvicula, ad id ex industria fabricata, excipit. Observatione autem dignum est, ante menses aliquot, cum ulcus illud in perinæo, ita volente & iubente ægrò, me verò dissuadente, maximâ adhibitâ diligentia, cicatrice obductum fuisset, ægrum retentione urinæ aliisque incommodis, quæ carunculas comitari solent, de novò tantisper afflictum fuisse, donec fistula iterum rupta fuerit. Porro ut redeam, unde digressus fui, nisi juvenis adhuc esset generosus hic æger robustus, optimò quin etiam corporis habitû præditus, vix evasisset.

evalisset. Natura enim ut Clariss. Vir rectè quoque sentit, semper sollicita est in conservatione individui sui, morbisque sese opponit: sed prout valida aut imbecillis fuerit, aut victrix evadit, aut victa succumbit. Memini aliquoties ex Dn. Cosm. Slotano. p. m. Chirurgo præstantiss. intellexisse curationem admirandam, nec absimilem illi, cujus Claritas tua mentionem facit; cujus etiam memini centur. r. observ. 48. Est autem talis.

Quadragenarius quidam Colonienſis, robustus, optimò corporis habitû præditus, cum æstatis tempore supra modum, incaluisse, & maximum haustum frigida bibisset, post dies aliquot febre continua correptus fuit. Ex qua potius naturæ beneficio & industria, quam arte & medicamentis Medicorum curatus fuit: interim tamen intemperies & vitium in hepate remansit, quapropter paulo post in cachexiam incidit. Et ita quidem, ut primò Ictericâ, postea quoque Ascite prehenderetur. Advocatus Dominus Doctor Bernardus Cronenburgius, si rectè recordor Medicus Colonienſis longe celeberrimus, omnia quæ ad morbum debellandum necessaria esse videbantur, adhibuit. Tandem veluti per criticam expulsionem in scrotum delapso humore Dom. Slotanum quoque vocarunt in consili-um. Ambo omnem adhibent diligentiam atque industriam. Interim tumor scroti non cedit, sed paulatim eò in locò, extinctò calore nativò, in gangrænam definit. Scrotum itaque undique phlebotomò scarificant, sale marinò & theriacâ acetò dissolutâ abluunt: Unguentum Ægyptiacum & cataplasma ex farinâ Juniperorum, lolii, aloë, myrrhâ, scordiò, aliisque putredini resistentibus applicant, nec quidquam eorum quæ ad universalia spectant, prætermittunt. Optimam victus rationem præscribunt, corpus per intervalla leniter, leviterque expurgant: Corroborantia & obstructions aperientia, cum intus exhibent, tum carpis, hypochondriis, & ventri applicant. Interim dum aqua copiosè per scrotum effluit, æger meliuscule habere, viresque recolligere cœpit. Demum scrotum sphacelatum, partim naturæ & medicamentorum beneficio decidit, partim quoque quod sphacelatum erat, à Dn. Slotano novaculâ resectum fuit, ita quidem ut testiculi nudi conspicerentur. Ulcus per menses aliquot apertum mansit. Interim natura quidquid humoris excrementitii visceribus inhærebat, per hanc viam ita evacuavit, ut partes nobiles in integrum restituerentur, & à morbo planè liberaretur æger. Circumcirca autem testiculos, quod notandum, natura cicatricem duram, adeoque callosam procreavit, ut ipsos vice scroti; ab externis injuriis vindicare sufficiens esset. Sic Dei beneficiò omninò restitutus fuit æger, & ad multos annos in matrimoniò vixit, liberosque aliquot progenit.

Ante annos aliquot cum Lausannæ Medicinam facerem, venit ad me Sabaudus quidam 41. circiter annor. ætatis, cujus nomini de industriâ parco, huic ulcus ex lue venereâ ortum plusquam dimidiam partem scroti & testiculorum eroderat. Adhibitis à me medicamentis, Deo benedicente restitutus fuit, & liberos ex uxore suâ suscepit. Hanc coronidis loco addo historiam, etsi à præcedentibus diversa sit. *Guilielmus Fabricius Hildanus in observationibus Chirurgic.*

Gangræna Universalis.

Seni fatuo, neque heri, atque hodie, sed diuissime debili fatiscebant tandem usque eò, cum lan-

guidam cor, tum effectus partium calor: ut à nimia corporis offensa, sequeretur protinus perniciosissima gangræna. Dispergens se per iners hocce corpus, tam liberè, ac latè ut id intra paucos dies, consumpserit universum.

Non licebat illi, vel natibus insidere; vel cubito incumbere: nedum calcem pavimento imponere, vel scapulam in parietem inclinare, quin protinus exstingueretur calor: & à gangrænâ obsideretur non minus pars premens, quam pressa. Quæ labe, tam præpete penna, corpus universum, ubi per-volaret: vidimus brevi, vix ullam partem intactam: quin omnia jam emortua, antequam verè emoreretur, miserrimum hocce, lascivientis mortis ludibrium. *Nicol. Tulpus Observationum Medico-Chirurgic. lib. 3.*

Gangræna pedis.

Lucas Sircus, geometer Amstelredamensis; contraxit ex penuria caloris inuati, gangrænam pedis sinistri. Cujus digitis à parte sana jam avulsis, obtulit nonnunquam, homo naturâ jocundus, Chirurgo suò; ubi jam meliuscule ipsi foret, pedem dextrum: quasi recreandi causâ.

Sed eo, eadem labe paulo post, iridem infecto; deseruit illum illico intempestiva hæcce hilaritas, & quasi desperata, jam tum omni salute, credidit firmiter, pœnam hanc cælitus sibi immit-ti: quod tam intempestive joculatus fuisset. Quæ certe tristitia non deseruit ipsum, antequam desereret ipsa vita. Adeò periculosum in seriis nugari.

Infortunium autem, quod ipsum oppressit; circumvenit plerumque, quoscunque à simili gangrænâ detentos. Neque fuit fortassis, ipsius conditio, eo deploratior, quod peccatum hoc, peccasset: sed quia cordis robur fuit imbecillius, quam ut convenienter ab interitu vindicaret pedes; ceu longissime, à se remotos. Quarum partium exitium, propterea judicium facit circumspectis medicis, brevi utique pessum iturum, & totum hominem. *Idem ibidem.*

Gangræna partium naturalium.

Innumera in fœminas cadere incommoda; meritis post partum minus prospere succedentibus; vel Tyroni notum. at cui cognitum, exploratumve? Omnem expurgationis uterinæ impetum confertim propelli, in partes naturales, illasque inde, non tantum extrinsecus protuberare, Verum gangræna etiam obsideri, quorum felicissimorum eventuum duo nobis oblata fuere Exempla, & utrumque puerperis æque exitiale.

Matrona locuples difficillimè enixa, cui nihil post partum, ex naturæ lege, à vulvâ secederet, doluit impense circa naturalia, præ insigni illorum tumore, quem tamen invictissima quum ostenderet, fatigimus quidem cum per clysteres ac poriones; tum per fomenta ac olea opem adferre, sed oleo ac opera deperdiris, maloq; in dies invalescente evicit tandem pudorem, factâ copiâ illius tumoris, quem necessitas non sinebat ulterius celare.

At fluxus uterinus tam liberè, tantoque impetu jam tum, se effuderat, in declives hæc partes, ut erosæ ac distentæ ab anò ac fervido hoc uteri excremento, jam induissent naturam gangrænæ; cum cute nigra, febre ardente, crebro animi deliquio imi ventris dolore, ac summis præcordiorum angustis,

angustis, quorum gravissima symptomatum vehementia, adactus Chirurgus, aperuit non solum scalpello locum, eximitque inde plurimum concreti ac grumosi sanguinis, seu veras infusorum menstruorum reliquias. Verum sategit quoque loca sinceram defendere, & quod induruerat, in pus convertere, cuius voti propemodum compos, conceperat certe non exiguam sanitatis spem.

Sed heu vanas hominum spes & incerta conceptæ valetudinis argumenta. Vix animos fecerat sperata victoria, quin protinus in pejus ruere, atque ante duodevigesimum intervenire puerperæ inexpectatum vitæ exitium, secundum illud Celsi: Adeo in medicina, ubi etiam perpetuum est, quod fieri debet, non tamen perpetuum est id quod sequi convenit. *Idem ibidem.*

Vulvæ Rectique Intestini gangrana & perforatio feliciter curata.

In gravioribus affectibus haud decet Medicum facile desperare; sæpius enim fiunt, quæ fieri posse pernegares. Reperiuntur ardeliones qui non verentur mox exclamare: *Non curabitur, non eluctabitur. Moriendum est agro &c.* Attamen si nomini & famæ cuperent consulere, cautiùs certe prognosticari deberent. Uxor cujusdam Pistoris Amstelodamensis, ob partum difficilem, incidit ante aliquot annos in vulvæ intestinique recti gangranam adeo enormem, ut multi existimarent afflictam brevi è vivis excessuram. Post gangrænæ separationem foramen vulvæ à nobis repertum fuit tantum esse, ut facillimè nux juglans viridi cortice obducta per illud ad intestini recti cavitatem inseri potuisset: unde fœcibus alvinis dabatur locus, ut ex intestino recto ad vulvam nullo negotio transirent, id quod in tali casu admodum familiare, Vulva enim tam arctè cohæret intestino recto, ut quasi continuum sit corpus. Itaque si alterutra pars afficiatur, altera nequit remanere immunis. Chirurgus qui mecum curationem suscipiebat, excogitabat instrumentum è bractea confectum, in forma pefarii excavati, cuius superficiem anteriorem obduerat sarcotico medicamento: quale juxta Theoriam Chirurgicam equidem non erat improbandum, sed tamen in praxi præsentī inutile fuit repertum, neque enim illud perferre potuit ægra. Itaque dictis medicamentis, plumaceolis exceptis, aperturæ dictarum partium prospeximus, quibus brevi in totum reconvaluit hæc puerpera. Ubinam jam sunt scioli, qui effutiunt ejusmodi malum esse incurabile, & sine fistula remanente nunquam curam posse absolvi? sciant non solum hanc puerperam in totum fuisse restitutam, ita ut nulla superesset labe, verum etiam diversas ex eodem affectu à nobis esse curatas. Hoc verò discrimen in gangrænæ partium animadverto: Scilicet, si partes posteriores, nempe, quæ os sacrum respiciunt, tali afficiuntur morbo, faciliùs curantur, propter intestini recti carnositatem; vulvæque dispositionem, quæ versus intestinum rectum non gaudet tor rugis transversis, nerveis & duris, curationi obstaculum inferentibus, sed quod omnia ibidem molliora, curationique magis prona. Præterea in parte anteriore, nempe, quæ meatum urinarium respicit, propter continuum urinæ stillicidium sanatio præpeditur, unde tum sæpius fistula relinquitur incurabilis. *Freder. Ruysch. observ. Anatomico-Chirurgic. Centuria.*

Sphacelus strictiorem ligaturam sequutus.

Patitur puer quidam rusticus ix. annorum in agro Gorlicensi fracturam sinistræ manus in medio cubiti & radii: Ligatur ab imperito edituò istius loci nimis arctè, unde subsequente aurora, rubore nigricante in manu subortò, cum sanguinis eruptione circa apices digitorum manus cæpit gangrænescere cum infelici ejusdem sphacelo, factaque hinc amputatione. *D. Ehrenstrid. Hagedorn.*

Gangrana brachii ab incautâ venasectione

Nobiliss. & magni nominis Jure-Consultus D. Oe. à (. Patricius Norimbergensis, tum juvenis, ex Hispania redux, Monspelii in galliis ex præcipitantia, Chirurgi aliàs percelebris, sanguinis missionem procurantis, in extremum fere vitæ discrimen inciderat. Nam iste, conspecta quadam in medio brachii flexu cicatrice, profundiorē venæ situm conjecturans, cultelli (*Lancette* galli vocant) cuspidē justò longiùs arreptā, non venam tantum infelici ictu pertuderat sed simul nervum quoque sub vena latenti gravissime læsit. Ast Oe. infelici hujus sectionis ignarus, cum subsequente die horrorem febrilem sentiret, in emittendo sanguine ex altero brachio, ejusdem Chirurgi operā, sed feliciore ausu, usus est. Sequentibus diebus, in primis septimo, brachium dextrum supra modum extumescere, inflammabatur, ac tandem in sphacelum converti videbatur, tanto cum patientis exquisitissimo cruciatu & dolore, ut plurima sanguinis & saniei copia excreta, ad interitum fere decumberet; variis quidem medicinis intus & extrinsecus, frustra tamen applicatis. Er quamvis singularis fortificationis beneficio ex catellis & felibus recentissime editis, atque summo studio ad id requisitis dolores aliquantulum mitigarentur, atque calor brachii naturalis nonnihil redintegraretur; ipsum tamen malum à gangrænâ conceptum non nisi cum brachii abscissione, vel funesta totius corporis perniciē, curari, aut deponi posse credebatur. Quapropter totum Medicorum Collegium inclytæ inibi Academiæ in consilium convocatum, præmissa inspectione oculari, unum ex istis tribus agro eligendum pronunciabat, vel brachium ob incidens gangrænæ malum incurabile, amputandum; vel nervum cum amortizatione totius brachii dissecandum; vel vitæ subsidium quodcunque. Is reputans seu sub roga, seu sub sago, se brachio indigere, ultimum eligens, maluit vitam cum brachio amittere, quam sine brachio eandem misere & oriose producere. Ob id in tam desperato casu Medici & Chirurgi abeuntes agrum miserè reliquerunt. Postero verò die ordinis Medicorum illius loci supremus, D. Joh. Hucherus de Bellóvac, ad agrum jam quasi conclamatum accessit, narrans in simili plane casu, olim Carolum ix. Galliarum Regem provida cujusdam Medici ope & arte curatum fuisse, si æger dubio aris eventui se committere, & tam ad gravissimos dolores obduratum, quam ad sumptuum plurium erogationem lubenter paratum præstare vellet, suum quoque scientiæ & operæ studium adhibiturum se fidenter promisit. Annuente agro Hucherus novacula arreptā, in affecto brachii loco novum vulnus cruciatim incidit; & agrò ipso vulneris incisi partes forcipe tenente & dilatanter, fruticula quadam inserta, vulnereque rursus colligato, paucis diebus

diebus id effecit, ut vena perforata & nervus latus conspicerentur. Cum vero fomentationibus præmissis, fervido & bulliente oleo locum affectum Medicus crebro perfunderet, eo ipso parienti tantum cruciatum causavit, ut viribus plane consumptis denuo in mortis vicinia versaretur. Tandem immensis doloribus paulatim remissis, ligatura aperta, notabiliter apparuit, quomodo nervus præcisus infusi bullientis olei beneficio coaluerit, ac quasi conglutinatus fuerit, quo & peracto, vulnereque perfunato, ipsum brachium pristinas vires indices recipere, & patiens præter omnem expectationem in integrum restitui cœpit. *D. Thom. Bartholini.*

*An gangræna pedis ex Sp. C. C. rectificati
innunctione processerit.*

Amplissimi Viri amicæ petitioni satisfacturi, perlegimus justâ diligentia transmissum Casum Medicum, & ad quæstiones propositas brevissimè respondimus. De facto tamen iudicium nostrum suspendere debuimus, quia deficiente Medici Sempronii relatione, circumstantiæ variæ desiderantur de ægræ Viduæ statu, malo præcedente, remediis adhibitis &c.

Interea ad Quæstionem Primam officiosè respondetur, videri pustulam in pede excitatam, fuisse mali moris ante farinarum Medicarum applicationem, alioquin enim cessisset, ad minimum ex parte, post admotas farinas, quin & pravitatis ejus indicium esse, quod totus ille prior dolor, & cordis, & aliarum partium superiorum, desierit velut in punctum aut centrum pustulæ, adeoque ibidem tanto vehementiorem in angusto spatio excitavit dolorem. Putamus autem minus convenienter illitum postea Spiritum Cornu Cervi rectificatum, præsertim si purus ille fuit, & non temperatus misturis aliis, qualem scilicet mitiorem nostri pharmacopœi dividendunt. Opportuniùs adhibuisset Sempronius diaphoretica interna, quàm externum illum vehementem liquorem, qui non potest non, præcipue in affectu non frigido, causari tandem dolores & alia incommoda. Neque spiritus ille in hoc casu salutari potest *Schmerz stillender* spiritus, si accuratè loqui placeat. Solent tamen Medici in Inscriptiōnibus medicamentorum propter diversas intentiones ludere quandoque vocabulis, atque id innoxie.

Deinde, postquam ex superioribus constat, pustulam fuisse pravi & mali moris, non credimus inflammationem illam, & supervenientem gangrænam, in totum Spir. illi Cornu Cervini adscribendam esse, cum etiā sine illo medicamento potuerit sensim ex pustula illa seu fonte infecto manasse, præsertim si corpus fuerit Cacochymicum, & etas in senium declinans. Potuisse tamen dolores accelerare, & aggravare non negamus. In sana autem carne gangrænam ab liquot guttarum illitu, tetque quaterve repetito, excitatam fuisse, hætenus non observavimus.

Tandem, quanquam Theriaca diatessaron succo Sambuci permista cum fructu applicari possit erysipelati incipienti, adultæ tamen inflammationi sistendæ quomodo servire potuerit, non videmus, Solum rob Sambuci applicitum fuisset innoxium.

Conclusum in Collegio nostro Medico, Hassniæ 26. Martii 1710. 1711. lxxix. Th. Bartholin. Er. Bartholin. W. Worm. Ol. Borrichius. Gasp. Bartholin. Th. F. E. Clar. Thom. Barthol. Ad. Hassn.

Remedium innotescens ad Gangrænam

Acceptis Miscellaneis Academiæ vestræ Curiosæ gratias ago, quòd me inter Principes Archivos primum in Scenam producere voluerit. Instituto præclaro Deus annuat, ut tantum opus quod molimini in Reipubl. Medicæ emolumentum cedat. Alias Observationes superadderem, sed Vulcanus omnes turbavit meos calculos. Quia aliis subsidii jam destitutor, prona voluntas inserviendi equi bonique consulenda, donec ad me ipsum rediero, interea tantum unam alteramve mitto historiam, quæ scribenti occurrit. Grassabantur nuper apud nos Morbilli maligni: facies exinde puellæ gangræna adeo defædata, ut labia pene fuerint consumpta. Sedavi statim serpentem gangrænam aqua marina, cui absinthium incoxeram, quod experimentum in aliis quoque gangrænis opposui felici cum successu. Dn. Th. Bartholini in *Lit. Hassniæ Danorum ad D. Sachsum datis.*

Scholion.) Remediorum simplicium maximam esse varietatem, nemo est qui dubitet, habuerunt Græci sua remedia, suppeditarunt Mauritanii maximam eorum sylvam, sed ut Rombæus ait Ep. 28. p. 98. Videmus adhuc alia in usum cessisse, quæ illi ne attigerint aut viderint unquam. Quanta non Remediorum cornucopia inaudita præcis seculis emergit inde ex utraq; India, & ejus adjacentibus Insulis, adeò rectè dixit Comicus.

*Usus, atas, tempus aliquid apportat novi.
Ut quæ te modo scire credas, nescias.*

In Gargarea tali messe plurimi non sine certa ratione Remedia apud nos nata Exoticis præstantiora judicant, ut pote tum ob familiaritatem cum nostræ naturæ constitutione, tum quod frustra foris petantur auxilia, quibus domi abundamus, ut censet Andr. Libav. Ep. ad Schniz. 44. p. 135. in cista Hornung. Agnovit hoc inprimis Exc. Joh. Beverovicus Med. Dordrecht. qui Lugd. Bat. Anno 1614. edidit elegantem tractatum *avtæpæia* Batavia s. introductionem ad Medicinam indigenam, in qua demonstrat cuilibet Populo satis apud se esse ad necessitatem, cuique proinde morbo sua ubivis remedia, & cum Natura *μήτε μινδεν, ποινι μά τιν μίτο* *δπο δεισται & άναγκήων* nec frustra quicquam faciat, nec deficiat in necessariis) cur Orientis illa solum sit mater facunda in superfluis largiendis; reliquarum verò terrarum injusta noverca, quæ cogeret ex alieno orbe advehere remedia. Indigena remedia sane quoad certitudinem, vigorem, puritatem, impensas, convenientiam cum natura incolarum (Beverovic. l. a. cap. 2. pag. 65.) majorem habent, quamvis longe petita plerumque æstimentur. Eandem simplicium defensionem suscepit Primoros, de Error. in Medic. lib. 4. cap. 7. jam suo tempore Plin. (quanquam fere nimis acerbe) L. 24. cap. 1. exoticis indigena prætulit, quando inquit. Ex terra nascentibus Medicina: hæc sola Naturæ placuerat esse remedia, parata vulgo, inventu facilia, & sine impendio, ex quibus vivimus: postea fraudes hominum & ingeniorum capturæ Officinas invenere, in quibus sua cuique homini venalis proponitur vita. Statim compositiones & mixturæ inexplicabiles decantantur. Arabia atque India in medio æstimentur, ulcerique parvo Medicina à rubro mari imponitur, cum remedia vera pauperimus quisque cœnet. Id l. 22. cap. 24. non placent remedia tam longè nascentia, non nobis gignuntur, inò ne illis

illis quidem, aliàs non venderent. Hæc Plinius. Eundem in finem Excell. Thom. Bartholin. conscripserat libellum, cui titulus: Medicina Danica inquilinis remediis proprios morbes sanans, sed in miserando illo elapsi anni Incendio cum reliquorum librorum incomparabili jactura periit. De eodem hæc ipsemet scribit in de Incend. Biblioth. pag. 69. vulgo inservire placui, non doctis, quamquam malam grariam inire videar à Pharmacopæis: Dedit Deus inquilina remedia pro curatione morborum domesticorum, quibus uti potest quisquis ab officinis Pharmaceuticis remotior, nec Medicos habet, quos consultat, nec marsupium, quod peregrinis remediis impendat. Sic Paralysin lateris sinistri curavi Spiritu frumenti cui herba paralytis incocta, Pleuritides populariter grassantes solo decocto hordei sanavi; Scorbuticos folio aquatico in Cerevisia vereri decocto: hydropicos purgavi foliis tenerioribus Sambuci. *Hæc Bartholinus.*

De malo Gangrenoso totius corporis.

Describit tale ferè malum à scorbutico Eugalenus de Scorbuto pag. 191. quale non ita pridem in Xenodochio S. Crucis Goslænsi observavimus, in quodam cœlibe XL. annorum. Hic ab aliquot mensibus rigidior incessit, & quasi immobilis, ut pedes & crura, immo ipsum dorsum non satis ex animi sententia flectere valuerit. Ante aliquot hebdomadas fit clinicus, & in lumbis oritur primo intuitu quasi excoriatio, quæ à diuturno decubitu aliàs oriri consuevit. Hæc primis diebus ab ipso ægro negligitur, post paucos tamen dies advocatur, qui manum Chirurgicam admoveret. Ille pro viribus rem tentat; sed perperam, quippe malum ipsos lumbos & dorsum adeo infece- rat, ut ad interiora serpendo ipsas vertebrae lumborum & os sacrum denudasset, cum insigni & intolerabili putredine: & ipsa caro lumborum plane indolens apparebat, &, quasi carnes dilacerassent, ipsam hanc musculosam carnem. Accedebat *ἀναστροφία* inferiorum partium & abdominis, quippe injussa & excrementa & urina, modò corpus moveretur, effluebant. In pedibus & brachiis utcunque apparet macula nigricans, altera die rumor, tertio die subsidebat tumor, & apparebat ulcus gangrenosum fœtidum, uti & uterque calcaneus brevi spatio sensum & vitam exuit. Hunc, rogatus, miserrimum die ante suum obitum desperato morbo, viscebam, ubi vix intolerabilem fœtorem cum aliis perferre poteram. *D. Joh. Georg. Trumpii.*

Sphacelus fracti cruris.

Ratisbonæ observavi in Viro quodam, ac juvene alio, quod, cum in cura & deligatura fracti cruris calcaneus non ritè & subtus concave ponebatur, hunc brevi sphacelo infestari. *D. C. B. Wincleri.*

Scholion Schrockii.

Calcaneus cum in parte posteriori magis præerere existet ac promineat, adeoque in supino decubitu concavitatem aliquam efficiat, si illa suppositis pulvillis non expleatur, cruris ossa, ob fracturam tono suo & robore orbara, pondere quasi concidunt, adeoque partes circumjacentes molliores comprimendo, vel etiam distendendo, inflammationem faciliè atque sphacelum inducere va-

lent. Siquidem ut Hippocrates in lib. de Officina Medic. scribit, jacerè eo habitu convenit, qui secundum naturam sit; & dolorem minime faciat; quod paulo post calcaneo in specie adplicans, in prominentibus, inquit, corporis positus mollis, æquabilis esse debet, & qui sursum tendat, velut in calcaneo & coxendice, ita ut neque reflectantur, neque evertantur. Et lib. de fract. hæc habet: Ubi devinxeris, supra molle aliquod & æquabile deponere, ut ne in hanc vel in illam partem pervertatur, aut in anteriorem aut posteriorem partem inflectatur. Ad id verò plurimum confert pulvinum lineum, mollem non durum, medium in longitudinem, aut aliud quid tale centri supponere.

Gangrena sanata.

Nobilis à *Grusfchreiber* laborabat Gangrenâ, Chirurgus imposuit jus sive muriam de Brassica acida feliciter.

Brassicam acidam egregiam vim refrigerandi habere, nemo est qui negat. Memini Dominum Capitaneum à Weixel mihi enatrasse, quòd aliquando pulvere pyro adustus felicissime seipsum sanaverit, imponendo Brassicam acidam. Sic *D. D. Sim. Pauli* 4. part. Bot. p. 16. refert: Gangrenam in femore sola applicatione pomorum putridorum contusorum, sine affusione ullius liquoris coctorum sanatam. De Brassica Gal. 1. 2. simpl. med. dicit; Brassica esculenta desiccandi vim habet, tam èlâ quàm foris imposita. Quantum Brassicæ acidæ ad usum usque tribuat *Hippol. Guarimonius ita Grevel der Bernustung. Menschszen Gefcheltis* p. 570. videri potest. *D. C. Wincleri.*

De Natibus sphacelatis.

Glutinosos sphacelatos videre frequentissimum mihi fuit in febribus malignis & chronicis multis à diuturniori decubitu supino. Licet autem ex illis amplæ habenæ atque lamellæ defectæ sint, atque optima quæque antiphagædenica tam intus, quàm extrâ fuerint adhibita, mortis tamen præda fuerunt, uno duntaxat excepto, vegetiore viro; belli duce, purpurata febre correpto; de quo mihi toties à Chirurgis inelamatum, *tuere vitam præsidia, nos externis prospecturi sumus.* Et revera quisque nostrum suas partes feliciter peregit, instaurando salutem Numinis afflatu. *E. Clar. viri Carol. Drelincurtii Collegiis, communicante Excell. D. Guyot Med. D.*

Gangrena ex Elleboro lethalis.

Rustica mulier juvenis, doloribus ventriculi molestata, infusum, è cortice radicum ellebori albi cum vino paratum assumpsit. Hausto pharmaco incidit in Dyspnæam cum strangulationis sensu, cardialgiâ, pulsu debili & frequente, sudatione, extremorum frigore, tussi, sputoque cruento. Ter aut quater alvum deposuit, postridieque cum tribus aut quatuor sedibus, lumbricos deiecit, cum intenso frigore universum corpus obsidente, dolor in dextro crure oboriebatur. Non fomenta ex vino rubro cum herbis nervalibus parata, non spiritus vini applicatio, membri mox emoriturii frigus sustulerunt. Sensim evanescente dolore, qui per biduum misellam cruciaverat, natus cruris color in purpureum lividumque mutatus fuit, membrumque

sensu & vitâ carere compertum est. Nulli fuere auxilio scarificationes, permultaque alia Medicinæ præsidia. Amputata infra genu tibia, nullus manavit sanguis. Interim serpens & interiora pervadens gangræna ægrotantem è vivis abstulit. *Ex communicatione Clar. D. Rivalier Medic. Doct. Celebrissimi.*

Gangræna pedum podagram mentiens.

Clariss. Marci Gerbesii, Miscell. Curios. Decur. iij. Ann. 1.

Egregiè post Galenum de gangræna & sphacelo Hieronymus Fabricius ab Aquapendente Pentat. Chirurgi l. 1. c. 19. dicendo: Gangrænam esse mortificationem partis, quæ inflammatione tentata est; Sphacelum verò affectionem, in qua pars omnino emortua est. Causam verò eorum inter cætera quandoque etiam esse influxum pravorum, & quasi venenatorum humorum, in corpore à pravis cibariis genitorum in partem aliquam. Communiterque incipere solere in digito magno pedis, & mox inde progredi ulterius, ita ut brevi tibiam, & totam coxam apprehendat. Omnem etiam gangrænam quidem esse adedò curatu difficilem, ut nisi quis præsentissimis remediis occurrat, pars continuato quodam motu sensum emoriatur, ac brevi temporis spatio hominem jugulet: eam tamen, quæ ex humorum affluxu contingit, esse omnium deterrimam, & planè rarè feliciter terminari, imò homines senes subinde intra diem necare. Curationem verò tentari posse, (1.) Sanguinis emissionem. (2.) Peccantium humorum correctione. (3.) Eorundem humorum expurgatione. (4.) Doloris lenitione (5.) Caloris nativi in parte affecta resuscitatione, aut si is jam planè emortuus est, quod quidem saltem in malo jam ulterius progresso, & in sphacelum commutato fit, partis affectæ à non affectis omnimoda separatione (6.) Virium conservatione. Quemadmodum hæc omnia unà cum Remediis ad id idoneis, pluribus videre licet loco citato.

Reverendissimus & Illustrissimus Comes Octavius Bucellenius Præpositus Labacensis, hujus inclytæ Provinciæ Carniolæ Deputatorum Præses, vir omni virtutum genere ornatissimus, & patronus olim meus gratiosissimus, ætate sexagesimo anno propinquus, temperamenti cum prædominio melancholici, habitus gracilis, & diætæ aliàs observantissimus, podagricis tamen doloribus, jam à pluribus annis valde obnoxius, circa finem Decembris anni 1691. postquam cum familiarioribus suis præter suum morem in novo vico nobis *Prof. Seckher* dicto, vino, si ejus claritatem excipias circa illud tempus gustuosissimo, nonnihil excessisset, & fortè quoque in aliis deterioris succi cibariis, in alvi quendam fluxum incidit, adedò quidem tolerabilem ut Ordinarius suus Medicus Excellentissimus Dn. D. Andreas de Coppinis, in scientiâ Medicâ aliàs nulli facilè palmam concedens, cum exceptâ probe diætæ observantiâ nullo alio remedio indigere judicaverit, quemadmodum malo in dies decrecente, res tandem etiam eò devoluta est, ut diarrhoea in totum cum ægri levamine cessaverit, sed cum quo tamen eventu, audiamus.

Dum Illustrissimus Patiens se ita planè in salvo esse existimat, nulliusque ulterioris remediis egæ-

re, in pedis dextri extremis digitis dolorem quemdam ardentem percipit; podagricum tamen, cui, uti priùs innui, valde obnoxius erat, defluxionem ratus, nihil minùs, quàm infausti quid inde sibi metuit. At invadit idem ardor & alterum pedem non minori cum furore & pauli post utriusque pedis digitos, immobilitas quædam in aliis podagricis paroxysmus insueta, unde ad scrupulum sibi hac in parte adimendum, mox ordinarium suum Medicum advocari curat, qui, re & sibi suspectâ visâ, author fuit, ut pro re exactius dignoscenda adhuc alii in arte versati viri advocarentur. Et advenimus nostrum tres, qui viso in pedum digitis livore quodam insueto, & immobilitate, mox de gangrænâ præsentè & à materia quadam atrabilari, valde calidâ, acri, & quasi malignâ, ex alvi fluxu fortè residuâ, illuc tanquam ad partes ob toties perpeffos podagricos dolores debiliores à naturâ præcipitata progenitâ, suspicari coepimus, & proinde, quò allegatis superiùs ex Hieron. Fabricio ab Aquapendente in simili casu indicationibus cum aptis remediis tempestivè satisfaciendo, ulteriorem mali progressum satis maturè præcaveremus, omnem quidem lapidem movimus; sed priusquam ferè aliquid, excepto acri clystere, qui mox ab habito consilio injiciebatur, in usum tractum erat, jam actualis sphacelus adfuit: Dolor scilicet cessavit, pedum digiti adedò arefacti, quod quidem fidem superare videtur, conspesciebantur, ut in furno magis exsiccati nequivissent, reliqui verò pedes pallore quodam insueto, frigiditate, flacciditate mollietive ita affecti sunt, ut contrecta cito œdematis ad instar facilè ad intrò cederet, & cutis, quasi à substratis carnibus avulsa esset, digitis elevari potuerit, cum succedente per anteriorem tibiam livore quodam, insensibilitate & immobilitate, ut propterea de actuali sphacelo jam præsentè, nemo nostrum amplius dubitare potuerit, Hinc de quinto superiùs memorato scopo cum emortuarum partium ab adhuc sanis actuali cum ferrâ abscissione exsequendo mox quidem solliciti fuimus, quod vires tamen valde prostratæ, ætas utcuñque provecta, & ferè inevitabilis sub ipsa operatione ingens hæmorrhagia simile remedium nobis dissuadere videretur, evidensque periculum minari, ne æger sub ipsa operatione succumberet, judicatum est, consultius esse mitioribus, & qualia proponit citato loco rursus Aquapendens emortuarum partium istam à sanis separationem tentare. Unde mox applicata fuerant sanis adhuc partibus defensiva, emortuis verò præmissâ profundissimâ scarificatione, putredinem corrigentia & carnem emortuam à sana separantia, at quibuscunque non obstantibus, malum insensibiliter eatenus proserpebat solâ partium immobilitate, & cutis aliquali validitate paulò post verò etiam insensibilitate se prodens, ut Illustr. Dn. Patientem planè interfecit. Sed quàm insueto mortis genere! quasi mors metuisset tantum subjectum palam, & modo aliis mortalibus usitato aggredi, sed potiùs coactus fuisset simile stratagemata studio excogitare, & mutuatâ à podagra larvâ, ab extremis pedibus quasi clam sutum serpendo nobilissimo illam lectissimisque virtutibus ornatam animæ sedem, cor invadere. Usque adedò moriendum esse cunctis certum est, mortis verò genus & tempus incertum.

Gangrena in pede curata.

Clariff. Christiani Helvichii, Miscell. Curios. Decur. iij. Ann. 4. p. 92.

Cum animi relaxandi gratiâ brumali tempore iter in pagum suscepissem, Ruricola quidam me accessit, referens in filiâ 20. circiter annis natâ pede alterutrô primò quidem visam esse inflammationem cum rubore, tensione, deinde verò eam de dolore jam pullatorio, jam scindente, astu quoque & siti graviter conquestam esse, mox visas aliquas vesiculas cum maximo sensu doloris, modò pedem esse lividum & in parte quadam nigrum, foetore putridò ac cadaverosò circumstantibus perquam gravem, ac jam stupidum fieri; motumque perire: ego hisce intellectis periculosissimum affectum esse agricolæ significavi, me ex ore ejus modo audivisse signa gangrænæ, imò sphaceli sive perfectæ cessationis vitæ, jubeo denuò explorare diligenter, an supersit adhuc sensus in organò, si aut pungatur, aut putrescens caro præscindatur, quòd si nihil sentiat, unicum servandæ vitæ modum esse præscissionem scilicet & amputationem, si vires adhuc ægræ consent, ne pars sincera trahatur, & quo modo in vicino oppidò Chirurgus sese gerere debeat, scriptâ Epistolâ doceo, quòd si sensus indicium aliquod se se prodatur, jubeo aquâ calcis partem affectam lavare, & lotæ, Emplastrum Diaphylphuris applicare; recordabatur enim Martinum Rulandum cum felici successu his euporistis triste malum stitisse; ipse extremam causabatur paupertatem, & cum meo sumptu vel Spiritum salis Armoniaci aut oleum Terebinthinæ, vel ex acidis ex fide multorum bene se gerentibus, oleum vitrioli emere vellem, iter etiam detrectabat, instanter orans, ut nominarem vegetabilia Germanicis nominibus: Laudo Scordium, Card. bened. Centaurium minus, Radicem Galangæ, Rutam & alia alcalica ac balsamica non effœta, quia verò Tinct. Bezoardica more Michaëlis parata ad manus erat, imò etiam constituentia eam & spir. vini muneris locò allata amicò, offero homini, usumque Tinct. internum, Specierum verò cum Spiritu vini externum mando, & hac ratione ex loco discedo. Post quinque menses cum reditem, diligenter percontabar, quid post abitum meum contigisset; Rusticus narrabat, sese domum revertentem nullum planè sensus indicium in pede isto amplius offendisse, nec tamen paupertatis suæ sibi concium advocasse Chirurgum, postea in festo memoriæ S. Jacobi sacrò tibiâ & fibulâ citra adminiculum quasi serra, ut loquebatur non procul è genu abscissis, decidisse pedem, nec serpsisse malum longiùs aut genu transcendisse, & cum antea TRam Bezoardicam ad guttas aliquot portexisset, alteri pedi idem malum minanti Species Spiritu vini imprægnatos imposuisse, & sic evanuisse peticulum & filam de nullo amplius morbo conqueri, ac amissò altero pede domestica pro virili negotia tractare. Ex his igitur evidenter patet, Gangrænâ non tantum arteriosum, venosum ac nervosum genus infecisse, sed etiam ossa corrodissse. Quantum verò conjicere ex relatione hominis licebat, ex frigore nimio nuda, enim pedibus obambulaverat savienti brumâ in hoc malum inciderat, frigus verò circulationem sanguinis sine dubio impedit, fibræ

Bibl. Chirurg. Tom. II.

enim & propagines nervæ in corrugationes & spasmus adactæ, Spiritibus in fugam conjectis, aut distractis, vasa languifera ab ipsis circumligata strinxere, hinc orta stagnatio & inflammatio; per hanc autem notabili temporis morâ sanguis acredinem Spiritibus & humoribus inimicissimum & corrodentem videtur acquisivisse; unde negesse est prædicta mala consequi. Hæreo verò anceps, quum malum nullo ab arte impedimento facto in altero pede sese non diffuderit latius, an unius Bezoardicæ T. RÆ usus fortassis obicem posuit?

*Pollex pedis gangranosus feliciter separatus
in septuagenario.*

Clariff. Joh. Pauli Wurffhainii, Miscell. Curios. Decur. iij. Ann. 9. & 10. p. 436.

Hieronymus Schedel, ob formæ pulchritudinem in juventute, Hieronymus formosus dictus, ex eo Textorum genere qui ex stamine lineo, trama verò vel sericea vel bombycina telam conficiunt & quod circa annum. 1488. è Suevia familias suas transfulerint Norimbergam, hodiernum Textores Suevi vocantur. Anno 1700. in pedis pollice dextro, insignem percipit dolorem, nullo tamen sive tumore sive rubore conspicuo, quem Arthritidem credidit eò facilius, quo frater Podagricus constanter hoc affirmavit, remediis tamen nihil applicavit, nisi quod propriâ salivâ jejunos adhuc, pollicem non sine levamine, ut putavit, quotidie inunxit.

Elapto quadriennio rediit dolor, priorem tamen atrociam longè superans, & clavum fortiter adactum, simulans, cum tumore & inflammatione insigni, cui vicinorum suasu Linteamina Lacte caprillo calido madefacta, non sine tumoris decremento, mox pessimo consilio, Terebinthinam ovi albumine mixtam, applicuit, exsudante deinceps materiâ purulentâ, quæ mox copiosius abbreviatò à Balneatore ungue, affluebat, guttulis aliquot sanguineis mixta, sequebatur, elapsis aliquot diebus sanguis grumofus, putridus, nec sine foetore, augebatur dolor indies, ita ut insomnes planè æger consumeret noctes, non sine virium notabili læsione, & quod maximum, livescebat pollex, & sphacelum minabatur præsentissimum; contreritus hæc rerum facie, Balneatoris ad insigne Rosæ beatè defuncti, Minister Gotsfred. Pau Lissâ prope Görlicium oriundus, Medici consilium summe necessarium, & absque ulla mora implorandum esse aiebat. Vocatus ab Ægri filio, d. 22. Maij. Anno 1704. accuratè omnia inspicio, & tam ex pollicis nigredine, quàm striis rubris à pollice ad suram usque jam ascendentibus, gangrænâ cum summo vitæ periculo adesse, Conjugi & adstantibus denuncio, & internè Confortantibus sic dictis fractas resuscitare vires, Gangrænâ verò putredini resistentibus, admixtis simul antiscorbuticis obviam ire intendo, externè verò Spiritum Vini Camphoratum myrrhatum cum plumaceolis ulceri imponere, quàm linteaminibus totum pedem cum Tibia, quoutque nempe se extendebant striæ, involvere jubeo, non sine effectu laudabili, brevi enim striæ modò dictæ imminentis sphaceli prodromi, disperebant, pollex magis quidem nigrescebat & corrugabatur, gangranosis tamen partibus à sanis rubicundo apparente circulo, optimo sanè prælagio se separantibus.

rantibus ac discedentibus; crexi ergo agrum nostrum senem solatio, decurtandum tamen esse pollicem si prolongare velit viram suam, dixi, annuit senex, animo fortissimo, & die 26. Maii Anno 1704. ætatis verò suæ septuagesimo quinto (natus est Anno 1630. d. 6. Maij) sustinet intrepidus; sed delitescabant adhuc bina appendicis Metapedii fragmenta, quæ post aliquot septimanarum effluxum à benignissima Matre natura, non sine admiratione separabantur, & foras protrudebantur (quæ unà cum pollice inter varia curiosa servo) lymphâ hætenus emanante, sensim emanante, carne sana cavitates replente, cutemque omnia debito rursus modo investiente, ut ades pro lubitu perambulare, templa frequentare & pro senii satis aliàs vegeti ratione, vivere queat pancratice.

SCHOLIUM) Naturam in senibus, tantum esse virium, ut ossium fracturas consolidare, fissorum lamellas & squamulas separare, ulcera mundificare, carnem sanam regenerare, cutemque superinducere queat, dubitare omnino licet, cum hæc omnia succum requirant nutritium copiosum & gelatinosum, in senibus verò cutis rigescat, musculi languescant, membra incurvantur, non alia certe ratione, quam quod pleraque viscera succi huius nutritii elaborationi dicata languescant, ut sensim deficiat, vel non satis sit glutinosus, unde non potest non fieri, quin fibræ exsiccantur, vasa contrahantur, pori ductuumque meatus immutentur, corpusque nostrum stirpium instar exarescat; Merito hinc vegetum adhuc Textoris huius senium, succique nutritii & copiam & bonitatem, quem ex effectu hoc satis raro, probamus, miramur, simulque concludimus, Gangrænosos affectus à causa externa, extirpatione Membri vix curari melius, ab interna verò ortos, nec igne curari, nec ferro, sed morte, ut plurimum, & hinc lineam esse rerum ultimam.

GASTRORAPHIA vid. de eâ in *Vulneribus Abdominis*.

GENU immobile quomodo curatum ab Aquapendente. Vid. sub titulò *Articuli*.

GIBBOSITAS.

De Gibbis quadam videri poterunt ex Marco Aureliô Severinô sub titulò Luxatio, in fine, ubi de Luxationibus internis, seu ab internâ causâ.

Hic autem primò trademus quod de ejusmodi infirmitate habet in Dissertationibus Medicis Selectis Clariss. Wolfgangus Wedelius. Sic autem ille.

NE in frontispiciò statim propositi nostri mæandris implicemur, sed succincto & solido tramite procedamus, more recepto à vocis significato initium facturi sumus. Nomina enim sunt *εἰκόνες* sive imagines rerum, quibus in intellectui propositis ipsæ res, uti sunt, exprimuntur, & concipiuntur prout par est. Hinc eleganter Plato in Gorgiâ: *ὅς αὖ τὰ ὀνόματα εἶδεν, εἰσεται ἔτα πράγματα*, nomen gnarus, gnarus rerum. Consistit autem illa nominum cognitio in tribus: *Etymologia, Homonymia, & Synonymia*.

Gibbus itaque, si *etymologiam* spectemus, nomen græcum est & latinitate donatum, descendit enim à *κύπτειν* inflectere incurvare, à cuius præterito medio *κύευθα*, abjecto augmento *τε*, & mutato *α*, in *ο*, dicitur *κυφός* incurvus. Alii hoc nomen derivare allaborant ab *ὕβος* curvus, inflexus. Hinc *ὕβωσις*, *ὕβωμα*, curvamen, tanquam ab *ὕβω* curvo, quod illi, qui hoc affectu afficiuntur, non erecto sed magis depresso & inflexo incedant tergo; quæ tamen derivatio cum priori eadem est. Videri de hac Philologia inprimis meretur Pergamenus l. 6. aphor. comm. 46. Ex quo ipso loco & rei ipsius fundamentis potissimum arguere licet, quidnam sentiendum sit quoad.

Homonymiam, magni momenti quæ est, ut rite procedamus hinc in dicendis. Notandum enim est, sumi gibbi vocem 1. latissime pro omni convexo & extuberante, etiam naturali, unde norum est, non solum montes ab Helmontio & aliis dici gibbos terræ; verum speciatim hepar dividi in partem gibbam & simam, convexam & cavam. Referri huc meretur, quod ipse Cous spinam scribit à sacro osse usque ad magnum verticulum *κυφὴν* gibbosam esse, lib. de ossium natura c. 2. t. 6. Quod repetit lib. de articul. c. 41. t. 8.

2. Late & improprie paulo gibbus notat omne vitium ossium circa ipsam cratem sive spinam, à statu recto in curvum abeuntium, & eminentiam inde consequentem, qualis tum in aliis ex consuetudine observatur, tum frequenter in senibus jam decrepitis, potissimum procerum corpus habentibus, quibus corpus præ siccitate aut imbecillitate nimia in anteriora incurvescit ac inflectitur, quæ tamen potius curvitas, quam gibbositas nominanda, ut quæ nullo pectoris aut spinæ vitio accidat.

3. Strictè magis gibbi dicuntur in universum, quibus luxatæ suoque loco dimotæ prominent spinæ vertebrae. Hæc autem luxatio varia est, &prehendimus illius quatuor vel quinque potissimum annotari differentias, quas communi & recepto ordine recensebimus. Una fit extrorsum, quum foras sive in posteriorem spinæ partem, vertebræ convertuntur, Græcis *κύρτωσις*, sive *κύφωσις* Latinis gibber gibbositas dicta. Altera fit introrsum, quum in partem anteriorem vertebræ luxantur, ita ut in dorso sit cavitas, in pectore circa sternum præcipue tumor Græcis *λόρδωσις*, Latinis repanditas, recurvitas. Tertia ad spinæ latera, quando nempe vertebræ neque ante, neque retro recurvantur, sed in obliquum sive ad latus declinant, Græcis *σκολίωσις*. Latinis obspitas, divaricatio: est autem sic dicta, quod tortuosum vel lumbricum terre reptantem referat spirarum similitudine. Refert etiam Hieronymus Cardanus in Comm. de causis, Signis & Locis morborum part. 3. §. 56. id quod etiam obtigit citanti id. M. A. Severino, l. de gibb. c. 1. p. 324. & D. D. Præsidi, visam sibi puellam, flexa ita spina, ut literam S. referret. Quarta est, quum vertebræ in loco quidem suo manent, earundem tamen compages laxatur, cum æquali magis in sedendo incurvatione, quod in tenellis infantum corporibus speciatim visitur, non item in senibus, exceptis, quibus id vitium incurvatum remansit, qualem sartorem novit D. D. Præsides, qui continuò incurvato & prono fere corpore incedit, non aliter ac si aliquid amissum studio curioso semper quæreret. Græcis dicitur *σείσις*, Latinis commorio sive concussio, qualificatio vertebrarum. De singulis his speciebus videri potest Galenus l. 4. de loc. aff. c. 3. & comment. 3. de artic. t. 2. Quinta est, quando tum vertebris

dorsi, tum lato ossi pectoris, quod sternum dicitur, ut incurventur intus & extus, accidit, fædæque corporis existat figura cum depreffione colli & elevatione humerorum, atque exsiccatione coxarum. Et ista corporis tortura vocatur ante & retro gibbositas.

Ex quibus patet, tum singulas species probe discernendas, tum unamquamque illarum strictissima acceptione venire posse, cum primis verò, & magis καὶ ἐσχάτῃ, gibbi nomine venit, quando, quod frequentissimum est, extorsum sit spinæ protuberantia, qua de etiam in præsentiarum agemus potissimum, ita tamen ut reliquarum hæc ipsa sit velut quædam norma, juxta quam illis opem ferre queamus.

Si Synonymiam spectemus, variis hic affectus gaudet nominibus. Dicitur enim Græcis, præter dicta, κῦφῶσις, κῦψῶσις, κῦψωσις, κῦψωσις, κῦψωσις, Latinis gibbus, gibber, gibbositas, gibberositas, & qui hoc affectu laborant, vocantur gibbi vel gibberosi. Germanis *der hokerode der puckel*. Et hæc de definitione nominali. Plura hac de re scire si quis desiderat, Philologorum consulat oracula. Nos hac vice de nomine non ulterius solliciti, progressum facimus sine ambagibus ad ipsam definitionem realem.

Jam investigavimus Gibberis nomen, ejus denique nominis significationem examinavimus, nunc ipsam quoque ejusdem definitionem producimus.

Definitur autem gibber, quod sit eminentia præter naturam, in dorso cumprimis, vel thorace, cum deformitate & motus impedimentis, sine febre, dependens à spinæ dorsi luxatione vel contorsione.

Genus est eminentia seu tumor, in hoc enim gibberis essentia & formalis ratio consistit, ut sensu teste, id deprehendatur, in omni proprie dicto gibbo esse extuberantiam, etiam quando cavitatem extrinsecus videatur exhibere. Omne siquidem convexum corpus sua gaudet cavitare.

Qui verò per contorsionem spinæ morbum hunc definiunt, causalem definitionem offerunt, neque nobis hinc contrariantur. Præter hinc vitium esse structuræ, tum in conformatione, quoad figuram, quandoquidem quæ recta vel recti æmula debebat esse spina dorsalis, & in longum magis excurrere incurvatur, & actionem naturalem in motu lædit, ac symptomatum diversorum causa existit; tum in compositione, situ & connexione mutata.

Differentiam specificam constituunt reliqua definitionis verba, ut facile γενικὸν τὸ εἶναι tumorem pateat; esse nimirum tumorem ob partes solidas sede sua dimotas. Ut enim ossa loco, suo exidentia partes ad quod contorquentur, intumescere faciunt, illo verò loco, ubi exciderunt, cavitatem efformant, quod luxationis nomine in scholis Medicis venit; ita ad hujus latitudinem etiam gibbus pertinet, & simili contento solido est conspicuus.

Limitatum id speciatim fuit ad dorsum & thoracem, tanquam partes ad hunc affectum recipiendum quàm maxime convenientes. Reliquæ enim partes corporis, præter dorsum, non facile & ferme in totum non sustinent gibbum, ut mox dicemus pluribus. Limitatum etiam ab adjunctis velut individuis comitibus primariis, deformitate & motus impedimentis, aliisque verbis, ut iis conjunctim spectatis facilis oriatur distinctio ab aliis tumorum generibus in dorso evenientibus, siquidem partibus ejus musculosis, seu mollibus in genere, affe-

ctis enormes sæpe tumores, imò nonnunquam scirrhusos quoque & rebelles, ibidem oriri & gestari experientia rerum magistra loquitur.

Sede morbi prius bene perspecta atque perpensa, felicius hinc in ejus notitiam & curationem pervenire quemque posse, monet Celsus l. 4. de medic. c. 1. Cujus monitum ut nos quoque sequamur, in gibberis subjectum seu partem affectam jam inquiremus.

Subjectum Principale gibberis sunt vertebræ spinæ dorsalis enim præcipue affici sensu & ratione patet; Adæquatum verò constituunt vicinæ & connexæ cum iisdem partes ossæ aliæ thorax, sternum, costæ, scapulæ. Neque enim nisi gradibus læsionis & speciali loco different tumores circa scapulas, donum, humeros gibbosi. Remotius subjectum est totum corpus. Unde ossium horum consideratio, quomodo affici possint, multum ad investigationem causarum penitiorem faciet.

Certum enim est 1. effatum generale Hippocraticum, præcipue huic parti conveniens, l. de ossium natura c. 7. t. 1. & 2. (qui de venis in edit. Linden. inscribitur) τὰ ὀστέα τῷ σώματι ἑαῖν, & ὀρθότητι, καὶ εἰδῶ παρέχειν, τὰ δὲ νεύρα καμψῖν & συνῆσαι & ἐκτείνειν, ossa corpori stabilitatem, & rectitudinem, ac formam exhibere, nervos flexionem & contractionem ac extensionem.

2. Constat verò per Anatomicos, spinam non uno osse continuo gaudere, sed pluribus, quæ spondyli sive vertebræ audiunt, à vertendo dictæ, quod harum beneficio spina in omnia motus genera aptari & verti possit, flectendo corpus antrosum, retrosum, dextrorsum, sinistrorsum.

3. Vertebras hæc sibi invicem superponi, foventes in centro suo medullam à cerebro prolongatam, ut velut columna quædam sit, morbi lis tamen, ut & conjunctis iis corporis sustinere moles queat, & iisdem conjunctim & æqualiter inflexis & curvatis motus peragi.

4. Ipsam spinam secundum longitudinem ἐνδοκόλιον rectobliquam, & in quatuor velut sectiones exportam rectam esse, collum, dorsum, lumbos & os sacrum. Ex his verò dorsi vertebræ, quod antica parte thoracem constituit, frequentissime, hinc lumbi afficiuntur cumprimis & gibbum pariunt.

5. Ut motus fluxionis & extensionis possit confici, γηγυλλυμαῖται τὰς σπονδυλάς, copulari sibi invicem vertebras per γηγυλλυμον & motum conspicuum edere; circumfusas cartilagine insigni utriusque extremis, quibus se excipiunt; connexa præter συγχρόνως nexu firmissimo per ligamenta & vincula crassa valida ac dura, implicari processibus, & præcipue vinculum membranæ validis intextum universam spinam extrinsecus obvolvere, à quo robur & firmitudinem acquirit. Connexæ sunt vertebræ (ut loquamur cum B. Rolincio dissert. anat. l. 2. c. 35. p. 278.) dura extrinsecus membrana; intus verò ligamento membranosa, duro & robusto, à summa cervicis vertebra ad os sacrum producto. Elegans connexionis hujus exemplum per speciale membraneum vinculum, à suprema contignatione spinæ protensum, curiosa speculatione videri potest in hælæcibus, modò cetta ἐγχείρησις adhibeatur, ut à carnibus separatam oculis pateat, ad cujus flexionem & spineam cratem curvari oportet. Id verò non nisi in coctis apparet. Neque obstat, non perfectum attribuire alios ossibus hisce γηγυλλυμον, quod non fiat hoc loco mutua duorum ossium insertio,

sed moveri potius eadem per ἀρδρωσιν: Sufficit enim, concedendum omnino esse ut motum quendam & articulationem, ac eundem in finem & vertebrae sibi invicem incumbere, flecti aptas, & articulationi earundem apophyses ascendentes & descendentes inter se.

6. Speciatim etiam vertebrae dorsii, sive thoracicas, costas excipere, firmare, & hinc inde ad vicinas partes nervos emittere, ubivis annexas inflectentibus musculis.

Qua viscera spectant, vertebrae rotundas esse cum substantia tenera magis & rara, extrorsum verò processibus eminere, per σύμφυτον connexis, & aequali positu rectitudinem proportionatam servantibus. De quibus evolvi præter alios possunt. *Archangel. Piccolhom. praelect. Anat. l. 8. p. 367. seqq. Rolsinc. l. c. 7. & 37.*

Ex hisce, ut alias mittamus, clarum esse potest, illi principaliter morbum esse assignandum, ubi læsio contingit, & consequens vitiosa conformatio. Fitque id ipsum modò per essentiam, proprio & domestico vitio, quod frequentius est, modò per consensum aliunde morbo inducto, ita tamen, ut successu temporis essentialis labes fiat.

Ut ut verò sint, qui subjectum hoc latius extendere velint, & præter spinam dorsalem gibbum pati etiam alias partes extra hoc clima medium, uti Severinus l. de recond. abscess. nat. manus & pedes quoque huc refert, cum hæ partes æque distorqueri queant, adducitque exemplum in adolescente, quod videri potest l. c. p. m. 342. Propriè tamen loquendo reliquæ dictæ partes corporis sustinere quidem possunt luxationem perfectam, vel imperfectam, curvatem, eminentiam, at gibbum non item, illa ergo solum competit spinæ & præcipue quidem, quoad dorsum frequentissime, cum annexis thoraci partibus, hinc & lumbos.

Cum itaque plurimum referat causam nosse, & in morbis his conformationis ad oculum pateat, non cognitam eandem nec auferri posse, merito ad hujus inquisitionem provehimur.

Causa immediata est vertebrarum spinæ dorsalis luxatio, laxatio, subluxatio vel διασπορὴ distorsio, seu contorsio nominata Hippocrati l. de art. c. 45. c. 5. ut μετάσασσι τῶν σπονδύλων Galeno l. 4. de loc. aff. c. 3. quibus innuitur articulationem earundem esse læsam, συγχώνδρῳσιν, σπινδύλωσιν σύσάρκωσιν non pristino naturali deprehendi in statu, vel laxata vincula, quod in σπινδύλωσιν potissimum visitur, vel luxatos penitus verticilos. Hisce enim luxatis & non mature repositis, statim aliqua eminentia, aliqua protuberantia conspicitur.

Notari verò meretur, luxationem hinc accipi paulo latius non pro dislocatione omnino perfectâ, violenta, & simul ac semel contingente, quæ majorem vim causarum externarum sequitur, & si vera sit ob spinalis medullæ compressionem, præviâ communiter paralyti nervos inde accipientium partium, & aliis symptomatibus, ut plurimum lethalis esse consuevit, vel alia facie saltem vitanda; qua de re videri potest Celsus l. 8. c. 14. p. 580. sed imperfecta, minus respectivè violenta, & successiva, unde è sede sua sensim sensimque dimotis verticulis nutritiva & auctrix vix à limite suo aberrat.

Causarum Mediarum Proximiorum vicem sustinet quæcunque ἐλκεν τὰ νευρώδη σώματα trahere vel distendere nervosa corpora vertebrarum possunt, quas commodè in externas & internas dividere licet. Internæ, quoad essentiam, sunt vel vaporosæ, vel humorosæ. Vapores quidem concurrunt, quòd vi-

deantur debiliores ex ordine suo dimovendis, vertebrae; si tamen impetum horum respiciamus, etiam suo loco aliquid conferre poterunt, exemplo illorum, qui juxta 6. aphor. 46. ex tussi & asthmae gibbi evadunt, quatenus coactiva expansione thoracis in anxietà illa respiratione etiam vertebrae in dispositis extrorsum coguntur cedere, successivè impressa debilitatis nota, licet magis videatur loqui aphorismus de asthmae & tussi, tubercula latitantia comitante.

Hinc si retento anhelitu comprimatur abdomen, sæpe manifestus hujus rei sensus in dorso se exerit.

Humores verò potissimam absolvunt paginam si peccent, quoad essentiam, serosi cumprimis, luxate & laxare præ reliquis apti nati. Quoad essendi modum verò considerati, si delinquant quantitate, qualitate, & motu.

Quantitate, partim in excessu, tum primario interdum, tum secundario & dispositive, facilitantes dimotionem illam, si male sint dispositi, si humores in articulis & juncturis acerventur, qui articulationis ipsius ligamenta primùm madefaciunt, dein laxiora reddunt & tandem ob copiam os ipsum è sede sua protrudunt; partim in defectu, si sufficiens humiditas desit, ipsaque ligamenta velut magis nuda, minusque investita partibus carnosiss & adiposiss contractioni faciliùs auscultent.

Qualitate peccant, si vel alimentarem blandam, roscidam oleosam deponant naturam, & acidis vel alcalinis particulis scateant, unde aridius corpus consurgit, & tenerius, vel ichorefcant, concepta facili labbe ab extravasatione vel εἰσέσει.

Maxime ergo accusandus venit eorundem motus, tum generationis, tum localis. Generantur sæpe in parte affecta ipsa per σωμαθροισμὸν seu congestionem paulatinam, inductam ob debilitatem nativam vel acquisitam, ob intemperiem humidiorē, vel errores externos, unde non legitime nutriuntur partes teneræ, molles, cartilaginossæ, nec debitam acquirere possunt consistentiam.

Idque ut paulatim magis fit, ita majori cum ἐνεργείᾳ & impetu, si extra locum affectum generati vitiosi humores, seu latex vitiatum ad spinalem medullam ejusque vertebrae per πνευματισμὸν appellat, unde considerabimus, partem mandantem, recipientem, vias & modum.

Partis mandantis vicem obtinet totum aliquando corpus, ob cacochymiam serosam, acetosam, nervisque & ossibus minùs benignam, unde ut ex hoc fonte seri vitiatum εἰσέρχεται, sæpe consurgit; ita speciatim quoque hæc gibbum conjunctum frequenter habet. Plethoricos verò minus vides gibbosos, quòd in iis torosiores musculi minùs læsionibus sint obnoxii. Interdum viscerum διακράσεις concurrunt particulares, ventriculi, hepatis, lienis, cerebri, depuratione & cohobatione sanguinis minùs rite peracta, unde promptus laticis decubitus, & spiritus animales minùs vegeti in nervis decurrunt.

Pars recipiens est spina dorsalis, sustinendo corpori dicata. Cum ergo pars hæc sit spermatica, à sero incrementum sibi capiens, mollis naturâ suâ & frigidior, adeoque ibi jam tum glutinosus humor existat, si huic ipsi alius & quidem in excessu peccans superveniat, haud difficulter vitium & tuberculum aliquod excitari potest.

Viæ sunt arteriæ advehendo, venæ & vasa lymphatica non recipiendo superfluum.

Modus sit ὡς καὶ ἐλκεῖ. Pellit continuo spirituosus sanguinis & succedentium sibi undarum impetus; obice ergo posito, sive concepto calore pori magis rarefiunt,

rarefiunt, seu dolore velut spina infigatur *σάσις* prompta est; verbo, circulatione sanguinis vel lymphæ impedita hoc vel illo speciali loco, promptus affluxus & *ρευματισμός* confurgit, hujusque hinc affectus, tubercula seu abscessus. Sane summi Medicorum proceres Hippocrates & Galenus, binas has precipuas & unas fere causas gibberis laudant, quas verbis Galeni proferemus ex 6. aph. comm. 46. *ὁ δὲ τὸ φαχὺς*, inquit, *ὅτε μὲν ἐδία' τινὰ πλάχην ἢ κατὰ πτωσιν, ἢ ἐξ αἵματος ἢ ἐξ αἵματος, τινὰ φύματι σκληρὰ συσπῆται καὶ τὴν περισσὴν χύμαν.* Gibbositas spinæ fit aliquando propter ictum aut casum, fit etiam propter quæ in parte anteriore consistunt. Et paulo post asserit, omnes qui sponte seu citra externam aliquam causam, sine ictu vel casu gibbosi fiunt, propter dura & concoqui difficilia tubercula tales fieri, *ἐπὶ φύμασι σκληροῖς ἢ δυσπεπτοῖς τοῖς τε γίνεσθαι.* Quæ ipsa mens quoque est, imo verba eadem, divini ienis lib. de artic. c. 37. t. 11. nisi quod *ἀπέπτων* loco *δυσπεπτων* meminuit, additque plerisque propter tales *συσπῆτας*, collectiones, morbum fieri.

Quomodo verò à tuberculis hæc tractio, tensio & consequenter contorsio vertebrarum fiat, indeque modò introsum, si una saltem parte resideant, modò extrorsum, si utrinque, modò laterorum vertebrarum exturbatio contingat, pluribus l. cit. l. 4. c. 3. de loc. aff. & comm. 3. l. de artic. l. 2. Galenus explanat elegantissimè, ibidem videndus. Suffecerit nobis, exemplo tumorum extrinsecus oculis occurrentium idem concipi & illustrari posse. Constat enim v. g. in colli tumoribus inflammatoriis, ea, qua residet malum parte, tensione fibrarum inæquali & laterali magis inflecti caput & curvari velut ad latus, & si in oppositum reclinetur, dolorem mitum quantum augeri, quòd hoc pacto major fiat tensio & consequenter dolor; ab æquali verò & majori in oppositum magis verti. Eadem ratio est, si tumor in inguine confederit, aliisque locis, ubi flexura imprimis opus est. Tacemus exemplum mechanicum corporum flexibilium, bacillorum recentium, & calamorum scriptoriorum, itidem Galeno & ex eo Severino laudatum. Ut in aliis quoque luxationum generibus, quando tendines & ligamenta extenduntur, nimis laxantur, flaccidiora evadunt & hinc dimittunt ex acetabulo suo ossa; ita & in affectu hoc nostro plurimum ipsi ligamentorum & nervorum vitio adscribendum est. Facta horum tensione, necessum est vertebrae etiam unà nunc dextrorsum nunc sinistrorsum, aliàs introsum rapi, sicque sua sede dimoveri & luxati. Et hac ratione tubercula quicquid præstant, quod non exiguum sed plurimum est, præstant vitium affricando illis corporibus, quibus vertebrae alligantur.

Hinc cum molem superpositam ferre non sustineant vertebrae, non firmatae nec ferruminatae; uti prius, sensim fatiscunt, cedunt, & anomalias in figura patiuntur, dimoræ magisque è loco suo. Pro varietate, ergo loci, ex quo dicto modo ligamenti & vertebrae dislocationis intentatur vitium, etiam modò hic, modò illic, idq; iterum variè, conspicuum concitat malum consecutarium. Confer *Mayovr. lib. de rachit. par. 124.*

Præter internas has proximiores, etiam causa externa consideranda venit, cujus vicem obire potest omne illud, quod corpus grave durumque quatit, allidit, percutit, qualia sunt ictus, casus violentus in scapulas vel coxas, nimis compressiones, inflexio nimia & similes causæ violentæ, *ἢ καὶ πῶσις, ἢ ἐν τῷ σώματι ὡς ἐπὶ τὸ πολὺ γίνονται ἢ ἢ τῶν ἐπὶ τῇ, ἢ τῶν ὡς ὡς.* Gibbositates ex causis contingen-

tes pleraque fiunt, si aut in costas innitatur, ac impingat, aut in humores cadat, inquit Cous l. c. 45. t. 2. Quo pertinet etiam nutricum imprudentia, quando infantes fasciis nimis arctè aut inæqualiter constringunt, (quod Hildannus in multis observavit, ob strictiorem scil. involutionem gibbum infantibus frequenter accidere: siquidem ossa adhuc tenera, mollia, cetera quasi & cartilaginosa faciliè retorquentur, extraque sedem naturalem reprimuntur, quæ dein paulatim excrecentiâ indurescunt) aut in brachiis gestant prius, quàm spina tam firmata est, ut erecti sedere possint; ut si dum infantes è cunis elevant, dorsum manu altera non fulciunt. Huc referenda est & vestimentorum nimia constrictio & angustia, dum puellas stultæ matres junceo corpore esse student, tenella enim ista ætate mollia nimium & mucosa spinæ dorsi ligamenta eam rectò & constanti casu continere nequeunt, sed sequacia nimium ejus vertebrae in interiorem, exteriorem aut lateralem partem prorue & projicere se faciliè permittunt.

Est & ex causis externis memoranda consuetudo; corpus quoquoeversum inflectendi, atque inflexum continendi. Quemadmodum enim virgultis & viridibus lignis pondere pressis, assidueque contortis, ita & dorso nostri corporis curvitas accidit sub opificiis diversarum artium & sub institutis vitæ diversis. Ad hanc consuetudinem referendus videtur & indecorus juveniliū & mollium adhuc corporum situs & positus in stando, ambulando, saltando, gesticulando, aut simile quid agendo, de quibus omnibus plura legi merentur apud Severin. l. c. c. 3. p. 327.

Prædictis causarum generibus obstericantur tum *ἀπονημένα* seu antecedentes, tum *ποροκαταρτηναι*; seu occasionales, quas sub naturalium, nonnaturalium & præternaturalium notione complectemur.

Ex Naturalium causarum censu est dispositio corporum, si non hæreditaria, tamen individualis, quæ alii præ aliis procliviores sunt ad hujus mali fomitem recipiendum, nam omne agens requirit patiens dispositum ad agentis energiam recipiendam.

Quoad Dispositionem Hæreditariam; licet gibbus non sit morbus æque seminalis propriè sic dictus, nihilominus tamen multum ad illum producendum conferre valet vitiosa in utero conformatio. Hæc autem faciliè contingere potest ibidem vel interno humorum vitio à matre traductorum, tum quoque, ut colligere non ineptum aliquando est, ex situ foetus mutato, & exantlatis gravioribus in partu angustiis, præcipuè in primiparis. Hinc rectè Helmonr. libro Retenta inscripto p. 497. Ad continentis morbos, ait, spectant quoque spontaneæ excrecentiæ, gibbositates, luxationes & exarthroses; Quæ quia innatam roboris inæqualitatem sequuntur, semini parentum plerumque vel nutrimentum defectibus acceptum ferunt.

Temperamentum frigidum & humidum, ut & frigidum & siccum maximè ad hanc proclives reddit labem. Nec solum totius temperamentum corporis, sed etiam & quidem præcipuè reliquorum corporis nostri viscerum attendendum venit. Ventrículus si non rectè dispositus, non rectè concoquit cibum sed corrumpit; ex quo hand laudabilis fit sanguis; sed cruditatibus cumulat corpus, quod vitium concoctionis primæ non corrigitur in secunda, multò minus in tertia. Cor si non bene se habet, non bonus elaboratur sanguis, & mala fit nutritio; cor enim est primaria sanguinis officina.

Ætas unice huc facit & præ aliis quadrat infantilis & puerilis 3. a. 26. Illa quidem, quando confidere incipiunt, *σείσω* frequentius patitur, hinc & *κύρτωση* quale exemplum XVI. mensium infantis recenset Theodol. ep. 42. p. 250. & similia in praxi sæpe occurrunt, hæc quando jam ambulare cœperunt, anno cum primis quarto, quinto & sequentibus, donec ex ephebis excesserint. Rarius paulo ultra septimum annum provecti gibbosi, ab interna maxime causa, redditi observantur, vel saltem quò serius malum hinc impetit corpus, eò minus incrementum vitiat.

Inprimis verò id fit, si accedat habitus corporis gracilior & textura tenerior ac serosior, unde spina debilior, ex cartilaginibus magis quàm ossibus adhuc constans, pro sustentanda capitis mole fulcrum minus firmum præbet, prompteque si præsertim ictus vel casus superveniat graviori oneri cedit, & rectitudinem suam non sine insigni costarum sternique contorsione amittit. Hinc Hippocr. lib. de articul. c. 6. carnosus minùs contingere luxationes, scribit, & si fiant, difficilius restitui, contrarium verò *λεπτότεροις* & *σπορότεροις* tenuioribus & magis ex carnibus accideret.

Juvenilis verò, crescenti terminum supergressa, ut & media consistens ætas libera ab hoc malo ferè est, nec hujus insultum facilè experiri cogitur, si quidem de gibbositate proprie dicta sermo sit. Talis enim incurvatio æqualis magis etiam in ætate senili & decrepita visitur, seu quod vires sint debiliores, unde imbecillitas corporis in genere multum huc confert, seu nimis exsiccata vincula & contracta, unde minus onus corporis sustinere norunt, quin spina nutet & incurvetur; hæc autem imbecillitas fit partim ex copia pravorum humorum, partim ex penuria succi alimentitii. Sin illud accadat, id magis extraordinariè & à causa graviore fieri putandum est, uti exemplum de coquo recenset lib 5. epidem. c. 22. § 4. Hippocr. de quo inferiùs agemus mox.

Quoad sexum, apprehendit hoc malum frequentius fœminas, & quidem magis urbanas præ ruricolis, quàm viros, fœminæ enim majorem præ viris habent molliem, teneritudinem & serositatem sive fœminæ serosiores sunt viris, unde ipsarum corpora deprehenduntur laxiora, & citius adolefcunt quàm viri.

Nec causæ non naturales suis destituuntur viribus penitus ad gibbositatem juvandam & producendam.

Aër qui inevitabile & perpetuum corporis velut integumentum est, crebris suis mutationibus, cum partium anni, tum ventorum vaporumque putridorum admistorum respectu, in alterando saltim sero maximarum est virium, idque tantò magis, quantò corpora sunt teneriora. Sic frigidus & humidus huc facit, quatenus calorem nativum obrundit, humoresque in corpore auget. Calidior verò æstivus, ob exsiccationem majorem.

Cibus & potus si peccent substantiâ, quantitate & qualitate multum ad hujus affectus *γένεσιν* conferre queunt. Sic commune puerorum vitium *ἀσθενεσθαι* corpus vitiosis replere succis apta nata est inprimis si assumantur, quæ minùs laudabile præbent nutrimentum, sed tantum generant pravos humores, ut sunt lacticia, piscium largior esus, fructus quoque nimis frigidi & humidi *σπαρσι* ut cerûsa, pruna cetera, melones, cucumeres, fungi & similia terræ ulcera aliæque pituitam cumulantia. Tacemus, aquas crudiores, nivolas, usu suo continuato multum conferentes. Cerviliæ minùs defecatae ex aquis palustribus & putridis coctæ nec lupulo bene condita usus huc facit, vini item intempestivus usus tenellis corporibus infantum summe nocet, eferando humores & exsiccando nimis.

Motus summa vis est ad distorquenda ossa tenella, quocunque demum modo excedat, sive tendatur nimis corpus, seu contrahatur, seu tensum & contractum teneatur, unde ligamenta articulorum facile fatiscunt, & ex ordine dimoventur.

Nec quies omnino culpâ vacat, cum videamus etiam adultos sedendo & incurvando dorsum hinc positum corporis obstipum reportare. Multò magis in infantibus id valet, quando erecto corpore superiori immature desidere coguntur, plusque ipsis, ut solet, virium tribuitur, quàm sustinere corpus queat.

Par ratio est somni & vigiliarum in accumulandis vel dissipandis humoribus. Excreta & retenta magni etiam sunt momenti, non solum quando crassiora excrementa per alvum & urinam reddenda restitant, unde vitiosi humores cumulantur, & exinde semina pro morbo hoc excludendo sparguntur in reliquum corpus; verum etiam & potissimum tenuia per habitum corporis exhalari solita. Hinc retentis humoribus & transpiratione prohibita facillime febres & tubercula interna enasci solent. Sin nimis sudoribus fatigentur succosa corpora & depauperetur serum alimentarium ultra sphaeram ætatis, tum nutrimenti tum augmenti defectus oboriuntur necessariò.

Tandem Animi Pathemata ad hunc affectum producendum sua etiam non carent virtute, quo loco saltim memorabimus iram, si, contra Apostoli monitum, irritentur ad exandescentiam infantes & pueri, atque inde in inconditos ploratus, cum pectoris singultuosa quasi concussione, adigantur, facilè noxa ad osium & ligamentorum stimulum redundante.

Nec causæ præter naturales silentio sunt prætereundæ. Intemperies & humida & sicca hinc occurrunt accusanda; illa quatenus ligamenta vertebrarum laxat, distendit & tandem è suo loco dimovet; hæc quatenus ariditate vincula vertebrarum spinæ in anteriora protrahuntur, sicut in ardente potissimum febre visitur.

Pertinet huc exemplum ab Hippocrate visum l. c. τὰς μαγείας, inquit, ἐν ἀνάνδῳ τὸ κύρτωμα ἐκ φρενίτιδος ἐγένετο. Coquo in spina gibbositas facta est ex phrenitide.

Quòd angina ad gibbum facere possit, legi meretur Cous l. 2. epid. l. 2. t. 66. seqq. quòd dolores, idem l. de artic. c. 45. t. 1. Gibbositatem ex longo ventris dolore observavit Epiph. Ferdinand. hist. 84. p. 279. seu ob conjunctam frequentem, longam & diuturnam ventris compressionem, & consequentem vertebrarum dimotionem, sive decubitus humorum ad spinam, uti notum est *παρεσις* aliàs ex colica non rarò oboriri, & tantò quidem magis, quia tumore hoc apparente dolore evanuit.

A palpitatione cordis costas è suo loco motas esse post Fernesium l. 5. pathol. c. 12. observavit Horstius l. 3. obs. 17. p. 139.

Ex dysenteria prægressa gibbum factum in puello quinque annorum notavit D. D. Præses, ubi gravissimo malo succis vitalibus depauperatis cuti vix ossibus hæsit, & hinc vertebræ ex sede sua sensim excreverunt. De aliis externis injuriis jam satis diximus superiùs, hæc verò frequentissimæ sunt causæ.

Si Res Supernaturales addere lubeat, certum est, per veneficia quoque & incantationes ut contracturas & convulsiones horrendas, ita quoque gibbos oboriri posse. Neque opus fuerit immediato damno, satis est per diabolicas artes casus, ictuque in partes osseas halce & consequenter gibbum concirari posse. Aliàs verò ope Diaboli in *αὐτοχέλιος* talia contingere luxationum stupeunda exempla notum est, & tale refert Hildanus Centur. 5. Observat. 68. pag. 158.

Cognitis nunc causis, differentias ut proponamus, ordo postulat: Præter differentias itaque gibberis essentielles, quas repetere denuo non opus est; alias quoque considerare operæ pretium fuerit, quandoquidem hæc & diagnosi & prognosi, adeoque ipsam quoque curationem limitant & modificant.

Ratione Generis, alius gibbus est major, alius minor, unde & minor vel major deformitas: alius in acutum magis, alius in orbem magis versus vertebri.

Refertur huc, & nominatim ad *σπίσην*, etiam à Sennerto l. 2. p. 2. prax. c. 21. p. 294. affectus, quem Germani *das Gehibun* appellant, à tensione membrorum & ligamentorum circa vertebrae itidem ortus.

Ratione subiecti, gibbus alius est in cervice, alius in thorace; alius supra, alius infra septum; alius in lumbis. Quemadmodum enim vertebrae sunt inter se distinctæ pro vario situ, quem in spina obtinent; ita gibbositas, quæ vertebrarum spinæ vitium est, quoque variat, pro earundem inducta læsione, unde & diversitas symptomatum, quæ singulæ secum invehunt.

Ratione Causarum tot sunt differentiæ, quot causas, ex recensitis petendæ. Alius fit à causa interna, alius ab externa; alius à repletionem, alius ab inanitionem; alius ex intemperie frigida & humida, alius ex intemperie calida & sicca. Alius ab humorum influxu citiori, & inflammationem; alius à congestione; alius cum fractura, cum ulcere, alius sine his.

His omnibus missis, advertimus vertebrae interioris rarissime, exterioris frequentissime, ad latus vero frequenter obliquari.

Si ullis in morbis diagnosi opus est, sane in gibbositate quàm maxime id valet; adeoque & hinc quæ Coi verba sunt, solus is, qui signorum horum cognitionem habuerit, rite curationem aggreditur.

Duplicia verò signa Diagnostica sunt ratione Gibberis, alia imminentis, alia præsentis. Indicia incipientis gibbositatis, verba sunt Rolsinc. epit. affect. part. l. 4. c. 2. p. 350. adeo interdum latent musculosis in spatiis occultata, ut etiam peritos fugiant. Augescens omnium exposita est oculis. Illa verò metuere oportet, quando ex jam dicendis minori gradu se *φαινόμενα* exhibebunt.

Spectabimus ergo ordine fontes consuetos, ut demonstrative hinc concludere liceat, gibbum adesse, vel non.

Ex Essentialiter inhærentibus, quæ quidem hoc in casu ipsos in sensus incurrunt, vitium adest in situ, in figura, & rectitudine, cum magnitudine aucta, quoad locum affectum, ita ut non instar carinæ in navi decurrat *ὀρθότητά* ac *εὐρίαν* præbeat spina dorsalis, sed modo extuberent ante & retro vertebrae, ut in gibbere proprie dicto, modò velut excavato dorso intro spectent, ut in *λειτουργίᾳ*, modò sinuuntur in latus, modò viminis in modum incurvantur universæ, ut in reliquis speciebus. Junctim verò reliquæ quoque partes figuram vitiatam exhibent, sternum magis acuminatur, scapulae, costae magis protuberant, prout varia præcessit læsio, caput thoraci arctius insidet, breviori collo.

Ex Essentialiter consequentibus symptomata gibbum præfaciunt varii generis; in actionibus læsis animalibus cum primis motus imminutio evidens fit. Neque enim *ὀρθότητά* stricto sensu possunt, stare diu nequeunt, neque sedere, nisi corpus vel mentum

fulciatur manu, donec confirmato vitio aliud consuetudo & adultior ætas induxerint. Inflecti dorsum renuit versus inferiora, ut si terram contingere manu velint demissis poplitibus id facere cogantur. In sternutando molestiam sentiunt, magis ob angustiam concussis partibus. In vitalibus pulvis celerior, respiratio difficilis, defluxiones frequentes, asthma & tussis succedunt, idque tantò magis angustatur spatium thoracis, & vice versa. Cum enim in thorace cor & pulmo resideant, horum actiones potissimum lædi necessum est. Variant ergo hæc ratione loci, seu partis affectæ specialis, si enim infra septum transversum malum contingat, minus hæc observantur. In naturalibus actionibus nutritio & actio mirum quantum fatiscunt corporis succedit macies & incrementi penuria, ut ad solitam proceritatem non extendatur corpus æqualiter, neque incrementum sumant unæ carnes. Hauriunt hæc ex fontibus Hippocraticis operæ pretium est, ex quibus quippe alii fere hæc sua fecerunt. Quibus inquit divinus senex, gibba fit spina, dum pueri sunt, prius, quàm corpus ad augmentum plenum perfectum fuerit, his corpus juxta spinam *ἐκωλύθη* coaugeri non amat, sed crura quidem ac manus perficiuntur, illæ verò partes defectuosiores sunt. Et quibus supra septum transversum gibbositas est, his & costae in amplitudine augeri non solent, sed in anteriorem partem, & pectus acutum fit, sed non latum ipsique & difficulter spirant & stridulam faucium asperitatem habent l. de artic. cap. 37. t. 4. seqq. Causæ maciei potissimum debentur cum rectitudini vitiatæ, unde in latum magis quam in longum fit extensio; tum sero nutriti magis rarefacto. Aliæ videri possunt apud *Helmont. l. vita brevis p. 388. Barthol. de lact. thorac. c. 14. p. 107.*

Notatu dignum verò est & hoc phænomenon peculiare in gibbositate, quoad thoracem occurrens, quod nempe abdomen superiori parte circa epigastrium contrahatur, & cincturam quasi patiat, durante expirationis actu, quod sine dubio contingit ob diaphragmatis vitiatum unam situm & tractionem. Constat enim per Anatomen, testante Galeno l. 4. de loc. aff. c. 3. septi transversum nervos sub quartâ vertebra emergere. His igitur patientibus necessario motus hujus, uti decet, expediri non potest, sed magis versus superiora trahitur, unde non sola angustationis culpa libera spiratio impeditur, verum etiam plurimum, ut ad respirationem aliâs, confert diaphragmatis consensus hic, ut & musculorum pectoralium & intercostalium ipsorum.

Quandoque & paralysis succedit, sed rarius, quale exemplum notavit. D. D. Præses Ann. 2. Ephemer. Germ. observ. 20. p. 333. & Hildan. cent. 5. obs. 7. eâ tamen differentiâ, quod posteriori casu dolor & affluxus præcesserint, à cujus decubitu & *μετέσσει* successit citrum resolutio; in priori non item. Licet enim non subitanea eque vertebrarum dislocatio in gibbere fiat, ipsa tamen paulatim hæc & pedetentim facta nonnunquam obstructions pororum nervorum causari potest.

In excretis sæpe tentantur hæmorrhagia narium, quod & angustiori spatio decurrere cogatur sanguis, & ob respirationem difficiliorem moveatur velocius, unde quocunque errore externo, vel aliunde rarefactione majori inducta, prompte stillant nares, illic exitum affectante sanguine.

Causæ Prægressæ quoque patefaciunt affectum, sive externæ, præcesserit ictus, lapsus, contorsio violenta, vel alia injuria evidens; sive internæ, quando nil tale deprehendi potest, dolores, pectoris angustia, febris & similia.

Hæc

Hæc ipsa etiam ad signa causarum lustranda faciunt. Si læsæ fuerint æqualiter magis vertebræ, quoad *ἁρμονίαν*, per quam sibi connectuntur secundum corpora, mediante cartilagine non pauca, sit *σείσις*, seu incurvatio æqualis; si versus interiora fiat extensio sit *λόρδωσις*; si versus exteriora, qua processus, ubi per *σύνφυσιν* fit connexio. fit gibbus, & *κύρτωσις καὶ ἐξοχὴν* dicta. Par ratio est costarum, scapularum, versus exteriora protensarum; sin ad alterutrum latus *σκολίωσις*.

Nec Similitudo abluat, sed hæc omnia confirmat magis, si egrī spina cum alterius sani hominis comparatur, si ad priorem sanum statum ipsiusmet cogitatione recurratur.

Signa subjecti specialis, ex visu & sensu patent. Si superiori parte malum hæreat, caput humeris contiguum, cervix & collum brevius deprehenduntur, humeri non depressi, sed velut alati; in inferiori non item.

In morbis etiam externis hisce multum interest, ut munimentum famæ Medici prognos̄is observetur, ne vel temerario promisso desperato malo promittatur salus, vel prognostico relinquatur, cui adhuc mederi licuerit.

Eventus prædictionem quod concernit, illa in salutis & mortis, curationis item possibilis vel impossibilis signa concinne dividi potest. Quoad priorem quidem distinguendum meritò & hoc loco est inter luxationem perfectam ac repentinam, quæ à solo casu externo graviore accidere potest; & imperfectam, successivam, propulsoriam. Illa ut vel lethalis est, vel satis gravis; quando scil. angulosa sit spinalis medullæ luxatio, cum non paulatim sed affatim, perinde ac si frangeretur, pars aliqua curvatur, subjectas partes omnes lædi necesse est, paulatim verò facta luxatione atque in orbem magis, nihil notatu dignum patiuntur partes teste Galeno l. 4. de loc. affect. c. 3. Ita secundariò magis huc spectat. In gibbere verò videnda in se lethalis minus est, licet satis molesta, nam juxta Hippocratem l. c. de artic. c. 45. t. 5. spinalis medulla ejusmodi distorsiones faciliè fert, eo quod circularis ipsi distorsio contingit, non angularis, si ve in acutum.

Id ipsum tamen quoque intelligendum est de violenta magis in angularem seu acutam figuram propulsione. Dari enim casus possunt, ubi, citra illam prægressam, id minus periculum infert. Ita ferulisteribus, ligneis, cavis itidem spinam lumborum in acutum gibbum una aut altera vertebra prominentem in infantibus quinque, sex, septem mensium, quod sepe contingit, aliquoties correxit B. Rolsincius l. 4. *epit. affect. part. c. 2. p. 381.*

Quoad posteriorem, ratione Essentialiter inhærentium *λόρδωσις* omnium difficillimè curatur, imo ferè incurabilis est, ob inaccessam opem medicam, ut extrudi possint & exporrigi vertebræ. Post hanc *κύρτωσις* à casu non faciliè etiam cedere consuevit, nisi læsio fuerit levior & recens. *σκολίωσις* verò & *σείσις* cum primis faciliùs ferè auscultant medicæ arti. Omnibus verò commune est, quod non nisi recenti malo & imminente nondum facto & confirmato, eoque minori & in corpore adhuc molliori, cereo & succulento, ubi flexilis adhuc spina commodiùs tractari & pro lubitu decenter flecti potest, æquè curabile sit malum; sed satis grave, tantoque gravius, quo magis à statu naturali, & *ὑποφύσιν* naturæ facta est mutatio.

Quo magis itaque æqualis fuerit & pluribus vertebris communis distensio, eo levius & facilius curatu est malum judicandum, & contra. In lumbis si extiterit prominentia, facilius curatu est, imo quo magis versus inferiora declinat, eo etiam promptius cedit; quo magis versus superiora pectoris, eo diffi-

cilius, tum ob alias causas, tum quod ibidem commodior & constantior fieri potest deligatio & compressio, hîc verò minus:

In essentialiter consequentibus, quo faciliùs fertur malum in respiratione, motu, incremento aliisque; eo etiam mitius est, & contra. Intuitu causarum, si malum fuerit hæreditarium, diu duraverit, & callum jam contraxerit, desperatum est. Ab externa exortus gibbus curationem magis admittit, tanquam magis evidente & obvia; non item ab interna, nisi mature obviam eatur per discutientiâ & roborantia.

Quoad tempus eventus, seu longitudinem & brevitate, variat id ipsum pro læsionis, pectoris angustia majori vel minori, adeoque tolerantia & respiratione facili vel difficili. Hinc assertum Hippocraticum 6. aphorism. 46: Qui gibbi ex asthma aut tussi ante pubertatem sunt, moriuntur; non alio quàm hoc intuitu videtur intelligendum, quatenus producta sunt hæc duo à tuberculis latitantibus, ut suppurentur, & in bronchia pulmonum effundantur, unde vel suffocationem, vel phthisin post se trahunt, utramvis vitæ insidiantem mature, idque ut plurimum. Confer Galenum in comment. Neque opus est, quod Severinus contendit, ut in græco textu loco *ἐξ* legatur *ἐξω*, cum, quod sciamus, unanimis sit illa lectio.

Et sane anni pubertatis de salute & morte in posterum definiunt ferè prognos̄in in gibbositas quando quidem vel incrementum tunc aliquod capiunt mutatione illa solemnī ætatis, quod eo usque dilatum fuerat, ut hinc ætatem reliquam faciliùs assequantur; vel sensim ad mortem sit transitus, exacerbatis symptomatibus. Hinc diuturnum est malum gibbus, ad plures annos ductus & *σαυαποθνήσκων*, ita tamen, ut præter dicta, etiam *εὐφωρως ἐύμενῶς* facile ac sanorum more degant maxime illi, quibus ad carnositatem ac pinguedinem promotum fuerit corpus. Pauci verò talium sexaginta annos superarunt, plerumque brevioris vitæ, teste Coo l. de artic. cap. 38. t. 5.

Quin & omnis quæ sperari potest curatio, si *σείσις* exceperis in parvulis, lento & paulatino fere gressu fit, non citâ manu.

Modus eventus ad salutem fit repositione vel perfecta, vel quali tali, ut saltem tolerabilius sit malum & ad naturalem modum magis pertingens, cavendo hoc ipso, ne nimis excreseat, majoremque deformitatem acquirat. Inferiorem finitam in nonnullis dysenteria & varicidus memorat Hippocrates l. cap. 37. t. 4. Ad mortem suffocatione, asthma, phthisi omnibus fere pulmonum morbis expositis hisce egris, nonnunquam & apoplexiâ, quod D. D. Præsidi visum est in juvene, terminari consuevit.

Cum Gibbus ex illorum morborum censu sit ubi natura cedit arti, ejusque opem & auxiliares manus unice exposcit, ad curationem devolvimur. Absolvitur hæc ipsa, ex Medendi Methodi regulis, indicationibus, morbis figuræ & situs aliis communibus, & indicatis seu materiis præsidiorum huic fini aptatis.

Curatoria morbum ipsum respicit per repositionem, adæquationem & complanationem partis affectæ eminentis, ut figura naturali conformis, quantum omnino possibile est, consurgat, quorsum solitæ illæ luxatorum indicationes subordinate, extensio, repositio, deligatio & collocatio spectant. Ut enim videmus in vegetabilium genere, quæ curvitate crescendo affectant, facta ad rectos comites deligatione, inflexione blanda vitium corrigi, ita etiam in corpore se res habet. Torum enim & præcipuum artificium curandi gibbi in hoc consistit, ut extuberantia vertebrarum reprimatur retrorsum, seu in locum pristinum, alioquin omnia frustra tentantur.

Præservatoria causas vel internas affluxu suo malum foventes, vel externas, morbum deteriores indies reddentes, removeret, & reposita firmare jubet.

Vitalis denique viribus subvenit, & symptomatibus urgentibus, atrophie, respirationi difficili & aliis occurrit.

Materiæ Præsidiorum ex Chirurgico, Pharmaceutico, & Diætetico fontibus desumuntur.

Maxima spes in Chirurgia sita est, quæ sola suppetias & genuinum juvamen ferre apra est, vel primario saltem, reliquis ministrantibus, tum revera, tum palliative, prout conditio obvenientis mali variat. Cum ergo ἀρθρεμβόλιω, seu reductione vertebrarum læsarum & contortarum in suum locum, opus sit, triplex etiam hic modus utilitatis locum obtinet: palæstrites, methodicus, & organicus, pro apparatu scilicet minori vel majori ita dictus, pro ratione subjectorum, malique majoris vel minoris accommodando.

Primus Palæstrites dictus, præ aliis est ἐμπειρεῖα, sola manûs Compressione, vel Extensione proprie dicta instituendus. Illa in tubere ipso & in plerisque gibbi speciebus, hæc in vicinis quoque locum habet, in λοφώσεσσι, item & luxatione recenti leviori & graviore. Extensio hæc, quorsum & conjuncta concussio pertinet, mature facienda, quod unice prodest, in locum reducendis quoque modo vertebris. Solent id & vulgo frequenter cum successu instituere in quassatione aliquali vertebrarum, de quo consuli potest Sennertus l. c. qui modum vulgi describit, licet ad superstitionem sæpe & accusetur illa & curetur, præsertim in infantibus. Cum verò raro statim in ipso principio factæ læsionis extrinsecæ advocetur Medicus ubi extensio primario instituenda fuerit; facta jam extuberantia, compressio in ejus locum cedit. Τὰ μὲν γὰρ ἐξερῶται, ἐστὶν δὲ χώρην ὠναγκάζει & ἡ ἵππασις ἵεναι, nam ea, quæ extant, ad locum suum redire cogit depresso.

Modus nempe hic est: fota prius parte affecta vel solo vino calefacto, vel cum nervinis mixto, ut cedere facilius & emolliari partes ligamentosæ queant, sinistra manu sterno apposita dextra, interjecto linteamine, vel in pugnum conformata fit intrusio; continuo velut semicirculo per motum ejus facto, vel, quod Hippocrates l. c. 45. vult, imposita inanus violenta supra gibbum; & altera manu insuper alteri superimposita deorsum cogitur, habita ratione loci affecti & status p. n. diversi.

Et hæc coagulatio maxime innoxia & tuta est, cui affinis & altera, cujus meminere etiam laudati medicinæ proceres, quando insidere vel pede inambulare gibbo jubent, quod tamen minus fere usitatum est. Inde verò emplastris, unguentis, fortibus subjunctis, & ex fonte pharmaceutico repetendis, deligatio instituitur, quo magis magisque & intro adigatur. tumor, ut decet, & firmentur repositæ partes, Tali usus est Epiphan. Ferdinand. hist. 84. p. 280. seqq.

Ministrant hinc deligationi fasciæ, splenia & alia, in situ suo detinentia vertebra affectas, adminicula. Et convenit maxime hæc operatio in tenellis & aliis personis, solaque fere sufficit in σείσει, hinc & in reliquis, si cætera consentiant; Præcipue verò in lumbis, ubi fortius comprimere licet. Utiliter adhibetur eadem in σκολιώσει scapulæ & aliis lateralibus eminentiis, in sterni acuminatione ipsâ, redigens in ordinem thoracem.

In cervicis verò gibbere & λοφώσει extensio magis administranda, quæ ipsa & conjuncta concussio etiam in reliquis in principio statim, recenti adhuc malo, spem restitutionis in integrum facit:

Alter Methodicus modus eidem fini dicatus, sed mediis diversis, locum habet magis pro successiva impulsionem. Referemus huc primò Ferulas, quas teretes, cavas seu imbricatas adhibere consultum est, seu ligneas quales l. c. B. Rolfincius utiliter adhibuit, seu æneas, quæ in σκολιώσει sub axillis commodè gestantur, erigentes corpus & rectum tenentes. Sufficiunt illæ sola cum deligatione in climate lumbari, cui paria faciunt etiam alibi, æque ac ferulæ pro re nata applicandæ, laminæ ferreæ plumbeæ itidem imbricaræ, magnitudini gibbi conformatæ, aliaque spleniorum in modum compressioni velificantiæ. Sic M. Antoninus Imperator, cum esset longus & senex, adeoque exacta ætate nimiam ob proceritatem incurvesceret, tiliaceis tabulis infasciabatur, ut rectus incederet, quod refert Julius Capitolinus in ejus vita. Vid. etiam Scaliger. lib. 1. de plantis p. 286. qui thoracem; ait, tiliaceis assulis illum corrigere solitum, potius quàm aliis, propterea quòd calore suo foverent senem. Ipse tamen non tam ob calorem expetitum ad Imperatoris fomentum tiliam addit, quàm quòd mediocritas est inter rigiditatem ac lentitudinem. Valet id quoque in λοφώσει cum primis ipsa.

Deinde in dorsali & thoracis regione eximius est thorax, seu coriaceus utri ex cute humana, præcipue ejus parte crassissima in dorso gestatum costas à gibbo distortas intra limites fidelissime coercere asserit Rolfinc. l. c. p. 381. Seu lineus, firmus tamen & ossibus seu setis balenarum interstinctus; ut firmetur rectitudo & erectum teneatur corpus; seu ferreus quoque, sive postica parte firmandus, si antica compressio magis requiratur, seu antica, si contra. Singuli hi iterum vel minoris vel majoris sunt apparatus, qui posteriores ad tertium magis modum referendi.

Notabile tamen est: 1. thoracem talismodi magis convenite emollitis prius cartilaginibus & ligamentis.

2. Obduci posse commode corio; & leviores cum sint laminæ, per se gestari, vel quoque, quæ leviores sint & perspirabiles magis multis & crebris foraminulis pertusæ, corpori aptæ.

3. Continuandum esse usum thoracis hujus per bene multum tempus, donec imbecillitas membrorum & mollities plenarie cessaverit.

4. Pro corporis incrementis & mali remittentis modulo novum fabricari & aptari posse, exactis aliquot mensibus.

5. Constrictione interim probe facta, ad ἐμψοείαν tamen; & juncto, si opus fuerit pro extensione certis vicis, in thorace postice firmato, capitis elevatorio; gradibus additis, pro majori vel minori intensione vel remissione variandis.

6. Thoraces hi in iis magis usum habent, qui incrementi adhuc magis sunt compotes, qui enim incrementi sui modum maximam partem acquisiverunt; minus ab iis ipsis quoque juvantur, nisi forsan, ut firmetur magis debiliior ossium crates, suadendi illi & tunc videantur. Confer Hildan. cent. 5. observ. 69. pag. 458. Paræum l. 22. c. 8. qui thoraces tales depingit, & alios.

Pertinet huc quoque σκολιόχλιον Fabricii ab Aquapendente, cujus icon antica & postica parte videnda in operibus ejusdem depicta visitur. Consulendus etiam seorsum idem pag. 187. operat. Chirurg.

Porro hæc etiam pertinet suspensio artificialis, quando firmatum sub axillis corpus, capite sub mento seorsum fasciâ excepto, ansisque geminis aptatis manibus, libero in aëre libratur agiturve corpus pendulum una alteraque hora de die, ut hoc pacto pondere suomet extendat & exporrigat curvaturam, id quod non minus, ac reliqua plura, cum primis succedit ex voto quando inferius paulo declinat gibbus, non

non æque quando superiori loco residet. Meminit huius etiam Mayovv. l. c. p. 148. Cujus succedaneum est, si capite manibus utrinque prehenso sustollatur corpus per vices.

Tertius denique mechanicus compressionem extensionemque; expetitam absolvit, vel intendit potius, scalarum, scamnorum, torcularium comprimentium & laqueorum beneficio, de quibus Hippocrates, Galenus, Oribasius alique legi possunt. Memorandum hinc quoque est instrumentum mechanicum, quo aurigæ utuntur ad atollendas rotas & ponderosiora, cuius medianre impulsu gibbositatem curatam refert River. obs. commun. p. 668.

Genuinum tamen & probe attendendum monitum est Hippocraticum aureo libro de articul. c. 39. t. 1. parum sæpe his effici extensionibus, adde & compressionibus, quin sæpe optimum remedium est, graviori malo & frustra tentatis reliquis, remedio non uti, nisi nempe in principio statim adhibeantur, prius quam callo obducto, vel ossibus etiam coalitis, malum desperatum sit. Ita luxationem ipsam vertebrarum dorso introrsum factam hoc modo curatam legere licet Ann. 4. Ephemer. Germ. obs. 77. p. 64.

Pertinet huc extremum illud spinæ reponendæ, in *λοφώσεσσι* puta, remedium quod præviis incisionibus manu in ventrem injecta perficitur, ex interna parte ad externam manu facta retrusione, quod mirum est Hildanum, tam insignem Chirurgum, centur. 5. observ. 69. p. 460 admittere & commendare, imo tenacula manûs loco adhibere velle, quod latius ibidem videri potest, cum tamen divinus Senex l. c. c. 43. t. 6. id in mortuo quidem fieri posse, in vivo autem non item, expressis verbis edixerit. Quin visus fuit aliquando abscessus in dorso ortus, spontaneo naturæ conatu, circa tamen mali ablationem.

Hæc verò proposita hæcenus ut propria quasi sunt parti hinc affectæ; ita communia præsidia chirurgica huc arcessi quoque possunt, si eadem indicata ex usu esse videantur, quod tamen rarius paulo fit. Ita venæsectio non habet locum, nisi forsitan lapsa vel ictu graviore facto statim in principio ad revulsionem.

Sin affluxu feri major & copiosior ad spinam dorsalem fiat, consentientibus reliquis, cauterium potentiale vel fonticulus admoveri potest, quale exemplum recenset Poterius cent. observ. c. 38. p. 136.

Cum chirurgia ipsa ex fonte pharmaceutico sibi mutuatur remedia, etiam ad gibberis curationem, tum ipsa pharmacia non minimam de suo addit momentum, potissimum si ab interna causa ortum suum trahat, si cacochymia conjuncta eundem foveat, si laticis vitium sit extantius, quæ præsidia ordine brevi videbimus.

Ex universalium penu lenientia serosiores & laxiorem habitum corporis, eductis è primis viis quicquid, & omnino respiciunt, ipsaque pro re nata proprie dicta purgantia. Notum quippe est, non solum opime ferre purgantia infantes, contra ac nonnullis visum est, verum etiam non minus ac alias ætates admittere, imo opus habere iisdem, & indicare, siquidem ob *αδυναμίαν* facile cumulant recrementa, & corpus infarciendo vitia in nutritione & actione accersunt. Tacemus mature sese exere salium scorbuticorum vel hereditariam labem, unde expurgari postulant corpora nonnunquam & ut præserventur à morbis, & ut facilius curentur gibberis fientis vitia.

Notabile quin etiam est, in abscessibus internis latitantibus sæpenumero purgantium insignem fuisse virtutem observatam. Cavendum solum, ne hyper-

catharsin patiantur tenella corpora, & hinc exhausto & depauperato nutritio succo nutare occipiant corporis sustentacula, partes ossæ, robur omne suum à spina dorso velut basi quadam derivantes.

Hunc in finem dari possunt seligenda & individuis aptanda purgantia ex gialapa, mechoacanna alba, manna, rhabarbaro. aloe, lena Alex. & exin præparatis, sir. ros. solut. de cich. c. rhab. elect. lenit. resin. scammon. aliisque abunde notis.

Præter hæc, ut potiora saltem libemus, plurimum opis situm est in usu Diaphoreticorum. Cum enim hæc ipsa omnem *σφοδρ* feri & sanguinis, ubi fientem & factam, disjiciant, affluxum arceant, & circulum humorum vitalium in ordinem redigant, merito suo à Serverino l. c. c. 4. p. 35. habentur præcipuum & primarium ad morbi hujus causas aut eximendas & minuendas. Laudari hunc in finem merentur antim. diaph. C.C. phil. bez. martiale cachect. ens veneris Boylei, seu flor. sal. armon. vitriol. seu ex terra vitrioli dulci sublimati, M. S. sp. tart. tinct. bez. Exterius verò æstuarioria, balnea laconica, tepidaria, thermæ, ad tolerantiam habitus corporis, ætatis, naturæ instituenda.

Par ratio Diuteticorum, quæ aperiendi & resolvendi virtute serum superfluum partim imminuunt, partim in ordinem cogunt, ex succin. alb. ppt. magist. oc. cancri arcan. duplic. cujus insignis vis in atrophia ab obstructione glandularum mesentericarum, si à martialibus abierimus, accuratioribus practicis dudum notata est; arcano tartari & similibus

Alterantia specifica interna, licet non adeo prostant, vel ad gibberis curationem venditentur; summo tamen jure huc referri possunt & pro his haberi (1) Resolventia ex lap. cancr. antim. diaph. sperm. cet. matr. perlar. ppt. pulv. absorbente Wedel. pulv. contr. casum; cerefolio, scabiosa, cinnabari nativa, quod divinum ad omnia feri stagnantis vitia remedium laudes omnes superat, & aliis. Non sine causa etiam horum censum subeunt laudata jam diaphoretica & anodina ipsa, singula uni eidemque intentioni debita.

(2.) Aperientia, quorum nomine complectimur, quæ glandulas intestinales obstructas referant, amurcam venarum extergunt, humores acetosos saturant, edulcant, absorbent quin & diluendo temperant, licubi deficiat humor debitus. Talia cumprimis martialia esse queunt, quæ instar omnium sunt, modo humectantia & roborantia in sicciori statu magis eligantur, ut tinct. mart. pomata, cydoniata mart. solar. cum arcano tartari tincta, tartari balsamica, Zvvelfferi; essentia mart. antim. tartar. anima rhabarbari, elixir antiscorbuticum, ut alia antiscorbutica taceamus.

(3.) Nervina & Cephalica, illa præcipue quæ & vincula roborant balsamica virtute, & feri ichorefcentiam & fluxilitatem peregrinam salinam corrigunt, ex chamædr. chamæpit. rosmar. saly. major. stœchad. arab. castor. rad. chin. sarsaparill. essent. succin. lignor. specif. cephal. cinnabarinum, pulv. epil. March. & similibus.

(4.) Traumatica, quæ characterem suum alcalinum vel balsamicum sanguineæ massæ, & latici præcipue impertiunt, ut impedimentis *πυρογενήτος* convenientis ablatis, solidescere magis in cartilaginosa & ossæam darditiem possit, ut decocta, aque & infusa ex plantis vulnerariis, facile cum solventibus & nervinis miscendis, essent. traumat. Rolf. Wedel. quæ omne absolvit punctum, seu per se, seu cum tinct. bez. elix. pector. essent. succin. anod. prout indicantia variant, miscenda; ut lapides cancr. illorumque infusum vel decoctum cum vino non denuo laudamus.

Inter roborantia hæc (5.) reponi merentur & Pe-
ctoralia, tussi, respirationi difficili, phthisi, seu miti-
gandis, seu præservandis, appropriata, non omittis,
quæ calorem hecticum, si quis obrepat, attendunt.
Hinc pulv. pector. D. D. Præf. uterque, elix. pe-
ctor. spec. diamarg. fr. pulv. Haly contra phthisin.
rec. disp. hîc nominari merentur. Quin imo ipsa
quoque pinguedo canina recens jussulis non innu-
liter inferri potest, ad oleosorem reddendum lati-
cem.

Tandem & alterantia externa seu topica recen-
senda veniunt, quæ vi traumatica, nervina, ana-
leptica, emolliente, vel roborante sunt conspicua.
Sic fieri possunt Fodus ex cephalicis & roborantibus
cum vino vel sp. vin. infusis & digestis; ex aq.
anhaltina, essent. rosmar. castor. ejusque spiritu,
sp. lumbric. junip. &c. Unguenta ex oleo momord.
laurino, lumbric. lil. alb. ophiogloss. euphorb. n. m.
petrol. medull. crur. vitul. sev. hircin. pingu. hu-
man. taxi, unguent. dialth. agripp. martiat. ner-
vin. popul. resumptiv. additis quoque oleis destilla-
tis pro lubitu. Sunt qui pinguedinem anseris, mu-
ribus juvenibus pluribus impleti & affati, pro se-
creto remedio habent. Quod tamen præstat, sine
dubio arcessendum est ab emolliendi virtute, cum
aliis communi. Compositum tale unguentum ad
gibbositatem infantum describit Stroberg. tr. de aff.
puer. p. 61. Emplastrum ex cerato citrino, sandal.
empl. ad fracturas & ruptur. usit. oxycroc. emplastr.
ad gibber. Hildan. descripto cent. 5. observat. 67. pag.
458. de rad. althææ, opoteldoeh. Rolf. & additis
adstringentibus, roborantibus & discutientibus, pulv.
lumbric. terr. g. tacamah. carann. &c. Tale quo-
que est à Foresto commendatum l. 29. obs. 23. in
schol. p. 824. simplicius quidem ex gummi ammon.
& ladano, pro pueris, & compositum magis si desi-
deretur.

Ex his verò non difficile fuerit medico rationa-
li & experto seligere pro causarum & subjectorum
diversitate, quod magis ex usu putet, Alia enim
ratio est sicciorum, alia laxiorum vinculorum ha-
benda, unde & emollientia & adstringentia, sed
diverso tempore & respectu prosunt, cujus rei
exemplum videri potest apud *Amat. Lusu. cent. 5.
cur. 47. p. 143.*

Feliciorem tandem curationem præstat victus ra-
tio, seu vivendi regimen, Diæta, quæ in genere ita
comparata esse debet, ut ætatis & corporis temperiei
sit conveniens.

In naturali cibus præbeatur *ἁλὺν & πολὺν σφῶν*,
inprimis si siccitas conjuncta sit major & aridura.
Vitentur verò nimis viscosa, salita, infumata, fixa,
aromatisata, obstructionibus generandis vel rarefacien-
do sanguini magis apta.

Potus sit cerevisia defecata; recens & vetusta ni-
mis noxia. Vinum parca præbeatur manu, inprimis
generosum.

In vitali aër eligendus temperatus. Frigidus cum
nervosis partibus inimicus sit, & tussi ac catarrhis ge-
nerandis aptior, à corpore arceatur. Nocer verò & ca-
lidus nimis, sanguinem ad motum magis ciens ac su-
dorem.

In animali quies cordi habeatur præ motu. In-
firma illa corpora omnia lassantur & læduntur motu;
qui jamdum difficilis succedit, & respirationem adau-
get magis.

Somnus cum humectet; & humidum, quo nu-
trimur, magis ad lentorem debitum disponat, con-
venit præ Vigilis. Opus sæpe est & de die & no-
ctu simul gestare thoraces & ligamenta, ut constan-
tius & reprimantur & reposita firmentur ex ordine

Bibl. Chirurg. Tom. II

diuota. Supinus decubitus, capite tanten paulo
acclivi, hic reliquis modis fere præferendus. Vitandæ
& in lecto, quas vocant, jectigationes.

Alvus & vesica recrementosas, spissas & tenues ali-
mentorum partes justo reddant tempore, ne desidria
vel exiccatione nimia indurata scybala conatum in
egerendo majorem inferant, unaque ossibus laborem
fœnerent.

Animi Pathemata ad rationis justæ normam mo-
derari fas est. Gaudium moderatum infantum &
crescentium ætatum reliquarum temperiei est aptis-
simum. Ita terror, metus & tristitia, quæ exiccant ossa;
absint. Lachrymandi & plorandi occasiones, quantum
licet, vitentur. *Excell. Fridericus Kaseberg. in Dissertat.
Medic. select. Clar. Wedelii.*

*Gibbositatis ab humorum affluxu incipientis cura
propria, quam maximo cum successu sapius adhi-
buimus, hæc est.*

℞. Turbith. gummosi, fol. senn. mandat. radice
mechoacan. hermodacty. cremor. tart. diagrid. cra-
nii hum. extract. liquirit. ana ʒβ. M. F. pulvis
dividendus in doses 12. totidem septimanis assu-
mendas.

2. ℞. Baccar. juniperi ℥β. castor. camphor. ana ʒvj.
rad. imperator. ʒj. flor. chamom. lavendul. ana ʒiβ.
conscindantur & contundant. omnia atq; immittantur
lagenæ vitreæ, superaffusis sp. vini ℥v. insolentur, aut
igne arenæ digerantur per dies 14. post destillentur or-
ganis vitreis.

Spiritu hocce, singulis diebus, bis aut semel gibbus
incipiens prope ignem per horæ quadrantis spacium
perfricetur.

3. ℞. Fol. salv. recent. major. menth. crisp. rutæ
lavendul. paralys. hyperic. chamomill. summit. anethi
ana Mj. baccar. laur. & junip. ana ʒj. rad. pyretr.
ʒii. Conscindantur & contundant. post infund. per
septimanas tres loco calido, in olei lumbricor. hyper-
rolar. anethi ana ʒiij. additis axungie human. catel-
lorum, cati sylvestr. ana ʒj. Infolatione, aut infusione
in locò calidò peracta, coquantur omnia vase clau-
sò ad humidæ absorptionem; post colatis, & for-
titer expressis, adde olei terebinth. ʒj. mastich. pul-
ver. ʒβ. terebint. Cypr. ʒiiij. tinctur. benzoini ʒj. ce-
ræ albæ ʒiij. Coquantur rursus horulæ spacio,
materias continuò agitando, ut fiat balsamus, seu
unguentum.

Eo inungatur Gibbus post perfrictionem factam
ex spiritu mox descriptò.

4. ℞. Emplastr. de gratia Dei; de pelle arietinæ
& consol. maj. ana ʒj. balsami sulphur. tantun-
dem, M. in emplastrum, quod toti gibbo post inun-
ctionem applicetur. Removendo & reapplicando
bis de die, scilic. in singulis perfrictionibus & inun-
ctionibus.

Potus sit decoctum radic. chinæ paucò cinnamo-
mò aromatizatum, & saccharò ad gratiam con-
ditum, illudque vel solum, vel paucò vino ad-
mixtum.

Consultatio.

Gibbositas cum torpore partium infernarum.

Nob. Adolescens vigesimum primum annum
agens, temperamentis & habitus melancholi; à
B b nativitate

nativitate caput Morphæa sive lactumine affectum habuit, quæ affectio progressu in Tineam migravit, quæ decimo sexro suæ ætatis anno Topicis remediis absque diligenti totius expurgatione omnino cessit, sed quinque abhinc annis successit destillatio quædam à capite per dorsum, quæ circa mediam spinalis medullæ partem firmata dolorem quemdam gravativum & obtusum excitabat, ad pectus & costas mendosas sese extendentem, & exiguo temporis spatio curvaturam eidem spinæ induxit, figuram ad instar S. repræsentantem, sicque non exiguam gibbositatem; neque roto jam dicto præterito tempore ullum internum fuit administratum medicum præsidium. Æstate autem proxime præterita remitti cœpit in illa spinæ parte atque costis jam dicta molestia, sed supervenit difficultas quædam deambulandi, cum pedum & crurum imbecillitate, & dolor gravativus atque obtusus qui antea mediam spinæ partem occupabat, lumbos molestare cœpit cum quadam musculorum atque tendonum sub genibus contræctione. Tunc convocati fuerunt Excellentiss. Viri Urbis primates, & consultum fuit Nob. Adolescentem generosis remediis fore curandum, cuius curatio mense Septembri proximè præterito incepta fuit, ad redundantiam excrementorum melancholicorum atque pituitosorum deponendam. In quem finem primis viis expiatis, eductus fuit sanguis, primò ex brachio, deinde ex hæmorrhoidibus; præterea reseratae fuere obstructions quædam in visceribus existentes, inde totum venosum genus fuit diligenter expurgatum, mox caput ipsum, tandem institutum fuit Decoctum ex China, salsa, visco querc. fantalis, necnon cichoraceis & capitalibus herbis paratum, & sudor moderatus in lecto fuit excitatus. Præterea inunctiones partibus læsis administratae. Conservæ capitales cum cranio humano & ungula Alcis atque succino in usum ductæ fuere. Progressu jam dicti decocti melius habere videbatur; verum ambientis invalescente frigore, in deteriore statum quam antea lapsus est; siquidem impotentia ad ambulandum adeo adaucta est, ut fere ex toto motus progressivus ablatum sit cum torpore & stupore in cruribus & pedibus ipsis, quinimo quandoque motus aliquis convulsivus qui contrahit crura ipsa, observatur. Interim de capite nulla adest querela, licet prægressi fuerint timores, animi agitationes ob varia contingentia accidentia. Modo de agendis & quando pro salute consulit.

Mirandum quidem, quod Nob. Viri parentes statum ejusdem morbosum tandiu neglexerint; siquidem licet lactumen seu Morphæa in infantia, progressu in Alopeciam sive Tineam conversa, bona fuerit, ut causa, mala tamen, ut signum, procul dubio semper fuit. Etenim aut totius venosi generis impuritatem, aut capitis insignem intemperiem, aut utrumque nobis significabat, & ideo radicatus extirpanda; quod cum fuerit omissum, ætatis progressu capitis cute cum membrana carnosa crassiori atque densiori reddita, & ideo excrementorum egressum impediens; factum est ut ipsa Tinea evanuerit, sive potius non amplius apparuerit, superstitie tamen humore excrementitio, ejusque reproductione vigente, quem à prædominio pituitosum fuisse in capite genitum, subdominio verò melancholicum atque serosum, à toto ad caput transmissum credendum, qui vias ad egressum sibi impeditas inveniens, quinque abhinc annis per spinam ad vertebrae dorsales decumbere incipit, & sua acrimonia, seu potius aciditate partes nervosas vellicans atque pungens, dolorem quemdam excitavit, sicut

multo magis vertebrarum ligamenta madefaciendo atque laxando, ejusdem spinæ illa parte contortionem, sicque gibbositatem induxit, postremo verò, ut magis compressis nervis ab adaucta gibbositate, aut quia humor redundans inferius ad vertebrae quoque lumbares pervenerit, compressione potius, quam obstructione infernarum partium motum diminuit, imò tandem fere ex toto ademit, præter torporem stupore etiam inducto, diminuto nimirum etiam sensu cum ipso motu. Nec mirum motum convulsivum etiam quandoque observari, qui tamen vera convulsio non est, quoniam non ex nervosæ substantiæ repletionem, sed ex irritamento, vel ab aciditate melancholici humoris, vel ab aliqua molestia, à vertebrae male suo situ dispositis, eidem illata provenire speramus, nisi forsan portio aliqua melancholicæ serosioris à nervorum principio per medullam quoque spinalem sese insinuaverit, ut non semel in praxi à nobis observatum fuit, quod Deus avertat. Deus, inquam, hoc avertat, quoniam non solum infernæ partis, verum & supernæ, futuræ Paralysis rarè curabilis periculum immineret: sicut si extra nervosam substantiam reperitur jam dictus humor mistus, non adeo difficilis evadet curatio: & si causa morbifica immediata adaugeatur, compressio nimirum vel à vertebrae ipsis, vel ab humore multiplicato, motum quoque naturalem infernarum partium abolere, & præter naturam, convulsivum scilicet, frequentiore ac molestiore reddere valebit.

Quoniam verò ex adducta relatione comprehendimus malum hoc quotidie magis ruere in deterius; idcirco quamvis anni tempus vernum exigat ipsa curatio, ad eandem tamen festinandum esse credimus: duorum enim mensium spatio tantam posset vim assumere morbus ipse, ut difficilem curationem non sine vitæ discrimine admitteret. Quare statim repetenda curatio, primas vias mundando. Secundo totum venosum genus depurando. Tertio caput expurgando. Quarto materiam ad vertebrae jam fluxam resolvendo. Quinto intemperies partium mandantium corrigendo. Sexto caput nervosumque genus robotando; & tandem vires totius conservando.

Tribus autem prioribus intentionibus iidem jam administratis remediis erit satisfaciendum, ommissa tantum ex hæmorrhoidibus sanguinis educatione. Quartæ quoque intentioni adimplendæ, decoctum sudorificum erit instituendum, præscripto non dissimile: quod parari poterit in aq. stillat. cich. atque beton. addendo pulv. viperini gr. xv. aut xx. Sed quod omnino necessarium censemus, est sudoris provocatio in hypocausto, ultra horæ dimidium nunquam moretur Nob. Patiens; & in hoc remedii genere supra trigelimum perveniat; ideoque non adeo tenui victu utendum, licet à vino eo tempore sit semper abstinendum.

Terminato sudore, in viperini pulveris usu erit perseverandum, ut diaphoresis ad aperta servetur de quo dicebat Gal. quod extenuantis est facultatis, valde enim exiccat ac digerit, & ad cutem properat; & interim non interpositâ morâ ad Thermas sulphureas Aponitanas sese conferre debet, ut luta prius emollientia, si opus fuerit, deinde ceterò resolutiva spinali medullæ administrari possint: & forsan etiam Balnea sulphurea, ut facilius sulphurea vis emolliens atque resolvens penetrare valeat; quo tempore & capitis stillicidium non parum profuturum credimus; tuncque & de aliquo ferreo instrumento adaptando cogitari poterit, licet forsan & in præsens: quod excellentiss. præsentibus atque videntibus committere debemus. Interim ne humor magis

incrassetur

incrassetur atque exicceretur, quotidie exterso sudore tota. Spina inungenda usque ad os sacrum, inunctione parata ex oleo lil. alb. de lumbricis, vulpino & viperino: non autem crura ubi deficit motus, exemplo Pausaniæ: sub genibus tantum ratione motus convulsi, oleum lil. alb. cum amygdalino conveniens erit.

Quibus jam dictis omnibus congrua victus ratio erit addenda; à vaporosis omnibus, tum calidis, tum humidis abstinendo, vinumque medicarum pro mensa parando, ligno roris mar. visco querc. lentisco & santalis alteratum; cæteraque observando quæ Viris Excellentiss. præscribenda, sicut reliqua omnia dijudicanda atque corrigenda relinquimus. *Raym. Joh. Fortis Consult. & Respons. Medic. T. I. Cent. I.*

Observationes.

Gibbofo cuidam Puero nobili, cui spina dorsi extrorsum admodum extuberabat, thoracem ferreum qualem armati ferre solent, ex tenuissimis laminis fabricatum, atque intus forisque ne nimium illum premeret, pannis sustultum, indurum ut gestaret docui, quo facto, cum eum integri anni spatium, dies noctesq; gressisset, eiq; sic assuevisset ut non magnam inde sentiret molestiam, sensim pressa illa curvatura, spina rectitudinem iterum suam naturalem est adepta, posteaq; semper recto corpore incedens, procerus admodum est factus. *Felix Platerus. observat. lib. I. pag. 164.*

Puellula quædam octodecim mensium exerecentiâ vertebrarum dorsi laborare cœpit. Ad eam vocatus, tertiam & quartam vertebrae lumborum extuberantes inveni ad ovi Anatis magnitudinem, quas secunda & quinta nonnihil sequebantur, ita ut in maximum gibbum excreverit spina, præcipue versus sinistram latem: quapropter sinistram crus dextro longe imbecillius fuit. In curatione sequenti modo processit.

Primò dorsum totumq; crus sequenti aqua ad nervos corroborandos inunxi.

℞. Aquæ gran. juniperi sine vino destillat. aq. salviæ, betonicæ, lavendulæ, an. ℥ ij. pulveris radicis bistortæ, tormentillæ, rosarum an. ℥ ij. M. fiatq; infusio in ampulla magna per dies octo vel decem. Dein per inclinationem à pulveribus separata aqua ad usum reservetur. Post inunctionem, sequens Emplastr. quo etiam in fracturis ossium utor, applicui.

℞. Emplastr. Slotani ℥v. ceræ novæ ℥ij. lapidis ostrocoll. ℥j. pulveris radicis consolid. majoris, terræ sigillatæ an. ℥ij. pulveris balaust. nucis cupressi rosarum odoriferarum an. ℥j. misceantur lentissimo igne, fiatque emplastrum, addendo ol. rosac. aut mastich. quantum satis, totum autem præcipuumque artificium in curatione gibbi, in hoc consistit, ut extuberantia vertebrarum reprimatur retrorsum, alioquin omnia frustra tentantur. In hunc itaque finem laminam ferream, aliquantum incurvatam, & ejus quidem longitudinis & latitudinis, ut totum gibbum cooperiret, in thoracem ex reduplicata tela ita adaptavi ut extuberantes vertebrae reprimere posset. Laminam tamen carbaso obtexi, ut puellæ minus esset molesta: thorax nudo corpori induatur & ita quidem adaptandus est, ut totum ventrem ad muliebria usque comprehendat: Per medium ventrem ligula oblonga constringatur: circa pectus quidem mediocriter, ne metaphrænum & costæ constringantur; post costas verò mendas usque ad imum ventris arctissime, quo lamina

ferrea extuberantes vertebrae reprimere possit. Ne autem thorax à scapulis sursum trahatur, fasciæ duæ transversum digitum latæ, in utroque inguine annectendæ erunt thoraci, quæ descendentes subter nates, in utroque latere thoraci ligulis annectendæ. Emplastrum autem & inunctiones de quarto in quartum, aut etiam de sexto in sextum diem renovavi, coxam verò totumque crus singulis diebus, præscriptâ aquâ inungere jussi, sic divino favore, intra menses sex, gibbus depressus fuit, thoracem verò, laminamque propter imbecillitatem & molliem membrorum in secundum usque annum gestavit. Nunc cum annum ætatis tertium attingit, quàm belle se habet. *Guilielmus Fabricius Hild. obs. 67. cent. 5.*

Anatomica Inspectiones.

Gibbositas ob sinistram Pulmonem & Pericardium firma cicatrice costis adnata

Quidam purulenta tussiens, circa diaphragma sinistram vehementissime doluit, tandem aëritide obiit. Aperto cadavere, parenchyma sinistri pulmonis fere totum consumptum; bronchia verò relicta cum paucis parenchymate, & ipso pericardio firmissima cicatrice, ceu callo, costis adnata coaluere, ita ut propter diuturnum dolorem, hoc latere compresso depressoque, gibbosus altero latere factus fuerit miser. *Sal. Reiselius in miscell. cur. anni 1673. Observ. 191.*

Gibbositatis causa in capite reperta, ob vitiosam ossis Ethmoidis conformationem.

Adolescens à pueritia Gibbo & asthmate vexatus, tandem ex phthisi obiit, circa annum ætatis 16. Hujus cranium aperui, & inveni processum sive interstitium, aut septum illud quod eminet in medio ossis ethmoidis, seu cribrosi (qui processus crassitiem papyri excedere vix solet) in latitudinem & altitudinem ita auctum, ut fere totum os cribrosum obtegeret, adeò ut foramina hujus ossis, per quæ pituita ex cerebro ad nares solebat effluere, plane oppleta viderentur, & quamvis percocto cranium, vix eorum ullum pateret. Denique ossicula superioris maxillæ, quæ in magno oculi cantho conspiciuntur, adeo excreverant, ut septum nasi hinc inde propemodum attingerent: Hanc præcipuam fuisse gibbositatis causam verisimile est: nam cum pituita per nares minime posset expurgari, versus spinalem medullam tendebat, sicque vertebrae, earumque cartilaginee, assidue irroratæ pituita viscida & relaxatæ, tandem excreverunt in gibbum maximum. Nec solum pars illa Dorsi ex hac defluxione & irroratione pituitæ relaxata fuit, verum etiam omnia ossa à collo usque ad pedes præcipue vertebrae, os sacrum, os pubis, ossa pedis, denique omnes epiphyse sive appendices, præter consuetudinem molles ac tenellæ erant, ita ut fere instar ceræ tractari possent. Illud præterea in hoc cadavere notandum visebatur, quod 6. 7. 8. 9. & 10. vertebrae metaphræni, quæ Gibbum efficiebant, exesæ erant carie, præcipue autem 7. 8. & 9. quarum nihil præter exteriores semicirculos, & eorum processus conspiciabantur. Interiores autem partes harum vertebrarum, in quatuor aut quinque fractas partes, non sine admiratione, in ipsa pulmonis substantia invenimus; Pulmo enim in parte, quæ dorsum respiciebat, ulcere magno & calloso laborabat; per quod ea fragmenta, ex continuo pulmonis motu

attracta fuisse, dubium non est: Tantra enim est pulmonis ad se attrahendi facultas, ut nonnunquam turundas ex vulneribus pectoris penetrantibus ad se traxerit. Fabritius Hildanus cent. 1. Observ. xlv. Diximus in Gibbo illo 7. 8. & 9. vertebram metaphreni ita exēlas fuisse, ut nihil præter exteriōres semicirculos & eorum processus repertum sit: ubi admiratione non caret quomodo spinalis medulla conservata fuerit, Erat enim plane denudata; & nonnisi membranā suā cooperta: interim tamen insigni illa putredine ossium cariosorum, & ulceris pulmonis sordidi circumdata, neque tamen sequutum ullum symptoma ex iis quæ spinali medullæ læsæ accidunt. *Idem cent. 5. Observ. 66.*

Gibbositas Pectoris & Dorſi à magnitudine Hepatis extraordinaria, Rachitis Anglis dicta, Tabes Pectoræa.

Pectoræam Tabem appellamus, non quæ intra Pectus sedem habeat, quo facto Phthisis Pulmonia eo nomine comprehenderetur, sed in qua ipsa Pectoris crates vitietur, id quod fit in morbo quem describendum suscipimus. Est autem hic Puerilis duntaxat seu infantilis, & vulgatissimus in Anglia, uti & in Hibernia ab aliquot annis, ubi antea solebat rarissimus esse ac vix cognitus. Invadit autem non grandiusculos rantum infantes, sed & valde teneros ac recens natos: Sicuti contrā rarissime trimis majores adoritur, & ut plurimum intra bimatam se continet. Multæ corporis partes in hoc morbo afficiuntur, pectus, caput, artus, aliæ, sed præ omnibus ac ante omnia pectus, cujus pars anterior, quæ lata esse debebat ac plana, angustior fit, & utrinque acclivis in medio, seu sterni regione, aliū assurgit, tandem prorsus carinatur. Costæ inferiōres, ad latus foveæ ventriculi, introrsum retrahuntur, ac quandam utrinque velut scrobem faciunt, totoque sui ductu, quibusdam velut nodis asperantur ac inæquales fiunt: vitiata pectoris figura respirationem facit impeditiorem ac crebriorem, quam etiam tussicula plerumque sicca, comitatur: Caput grandescit ultra debitum modum, ac inferiōres corporis partes, coxæ, femora, crura, extenuantur & debilescunt, unde infantes incessui inepti redduntur; non modò illi qui nunquam adhuc eo usi fuerant, sed & qui firmiter admodum agileretque incedere ac discurrere cœperant, diu antequam hoc morbo prebēderentur: Dorſi spina in multis curvatur, atque arcus instar in exteriora flectitur: Ossa articulorum in brachiis & cruribus, non omnium, sed carporum ac talorum augentur, ac tantopere protuberant ac si duplicata esset fere eorum moles; unde etiam *Doubling of the joints*, i. e. juncturarum duplicationem id vitium nominant Angli, qui morbum ipsum, hoc symptomate stipatum *Tent* indignant: quum alioquin cum generaliori vocabulo, omnemque ejus speciem includente *The Rickets* appellent; Præter hæc omnia dextrum hypochondrium intumescit totum, tumore æquali, magno ac renitente, sic ut digitos sub costas nothas adigere non possis: Et sane omnis mali vel origo vel fomes lates hoc in loco: Tumor iste cum pectoris aliqua angustia, statim initio morbi apparet, sic ut interdum quidem ambo ista simul, eodemque tempore se prodant, aliàs verò vel hoc vel illud altero nonnihil antè sit: Nodi in costis, ac scrobes istæ in imis oris pectoris postea accedent: quando etiam pectus fit magis magisque angustum: Capitis incre-

mentum illis posterius est, nisi quod pectus toto morbi decursu arctius redditur, donec ad summam angustiam deventum sit, sic ut carinæ instar acutum fiat, ac promineat, quod fere non fit nisi paucis ante mortem diebus: Est enim lethalis hic morbus, si vel negilgatur penitus, vel serò aut prave curetur, plurimosque quotidie absumit, neque ullus est annus quo non aliquot millia infantum pereant: Articulorum granditas fere nonnisi ultimo loco supervenire solet: quanquam multi sunt qui eam nunquam patiuntur, ac moriuntur prius quàm ad eam deveniatur: sicuti rursus ex iis, quibus illa accidit, permulti evadunt, etiam si incuriosius habeantur, quippe haud ita periculosa est illa Tabis Pectorææ species quæ hoc symptoma trahit, quàm quæ eo caret.

Origo hujus labis à Jecore est, persæpe non vitiato ullamve noxam passo, sed supra modum adaucto; ita ut plerumque duplo, imo ferme triplo majus sit quàm par erat, totamque anteriorem epigastrii partem occupet, & ipsum quoque sinistrum hypochondrium attingat, interdum quoque impleat Jecur sic adauctum, cum in ipso ventre non inveniatur spatii satis, ubi se commode explicet, à thorace mutuatur quod ipsi deest, ac versus superiora assurgens, diaphragma longe impellit, adeo ut interdum pectoris cavo vix dimidiam partem spatii ipsi debitis relinquat: Pulmones sic in arctum redacti, contrahunt sese ac in sese colligunt, unde fit ut pectoris quoque crates, ipsorum causa facta, iis se accommodet ac angustior evadat; Quandoque ab ipso pectore & pulmonibus incipit malum, hæctica quadam siccitate, cum nonnullo etiam caloris excessu, obsessis, qua sensim marcescentes illæ partes, ac sese contrahentes, quum vix ullum nutrimentum tunc capiant, sanguinem quem in statu naturali valde copiosum ad se trahere ac absumere solent, Jecori refundunt; quod eò circumfluens, plus justo increſcit, atque in omnem partem sese adauget: cujusmodi nimium Jecoris incrementum principalis hujus morbi causa est, ita in hoc quoque non parum ad eundem fovendum confert, atque in progressu eadem omnia mala importat, quæ modò memoravimus, atque sic morbum, quanquam non ab ipso cœptum, fovet tamen & magnopere adauget: Neque in hac Pectorææ Tabis specie ullum magnopere periculum est, donec ista à Jecore noxa supervenerit: quæ & supervenit semper si diutius trahatur malum, neque statim initio curetur, aut ab alia causa præmortuus infans fuerit. Ego sane, quum plurima corpora, utavis hujus morbi specie extincta secuerim; autopsia deprehendi rem ita se habere; neque unquam mihi adhuc infantis, isto morbo defuncti, corpus aperire contigit, in quo non prægrande ejusmodi Hepar repererim.

Mali hujus originem infantes sæpe in utero matris contrahunt, idque vel mox in ipso concepitu, vel gestationis tempore: Prius evenire solet ubi vel pater, vel uterque parens calida & sicca utriusque visceris, Jecoris & Pulmonum, vel alterutius intemperie laborat: Alterum à sola matre proficiscitur, quando ea in victu multum peccat, interea dum uterum gerit, atque vinum, cerevisiam fortem, aquam vitæ crebrius ac largius ingurgitat: Eodemque vel matris, vel adscititiæ nutricis, vitio, hæc labes accersitur etiam infanti, qui alioquin ei ab ortu obnoxius nequaquam fuerit, si liberaliori cujuscunque Siceræ potui crebrius ac largius indulgeant, istoque pacto lac suum inficiant, ac naturalem ejus bonitatem corrumpant: Quandoque cœcæ huic malo causæ subsunt, infantesque ejus

initia secum ex matris utero deferunt, vel postmodum id contrahunt, absque eo ut ullus ejusmodi defectus vel in parentibus vel nutrice compateat. Sane ut in aliis permultis humani corporis affectibus, ita in hoc quoque astra plurimum pollent, certorumque siderum ictus isti vel procreando vel fovendo magnopere inserviunt: Morbus iste ægrius tollitur si à jecore cœpit, quàm si à pectore; magisque etiam si à primo ortu infans ei obnoxius fuerit: Quando in pectore ipso originem habet, curatio ejus satis facilis est; quin siccitas, etiam hæctica, quæ in corporibus adultis fere immedicabilis, in corpore infantili cum minori difficultate emendetur: Curatur autem balneis unguentisque emollientibus atque chalcasticis, aliisque ad humectanda pectoris ossa pulmonesque accommodatis: inter quæ pellis ovi aut agno recens detracta, & adhuc calens admotâ, atque aliquot horis relicta, mirifice multis profuit: Quod si jam in progressu est morbus, atque jecur superaugeri cœpit, aut si ab ipso jecore processit malum, isti quoque medicatio adhibenda est, omnibusque modis conandum ut incremento ejus obfistatur, atque intra naturalem modum coerceatur: quam in rem, non linimenta modò & unguenta, aliaque topica, sed interna quoque in usum trahenda: sic tamen ut non salubritatis tantùm ratio habeatur, sed & teneræ isti ætati effectus ac sapor medicamentorum attemperetur: Pari quoque prudentia cavendum ne dum refrigerare ac contrahere jecur nitimur, obstructions aliaque mala in eo generemus, nimio adstringentium, aut intempestivo emplastorum usu, atque sic geminam pro simplici labem accersamus, morbumque penitus incurabilem reddamus: Super autem omnia sciendum pro internis & externis medicamentis, ea hîc deligenda, quæ & Jecori privatim amica sint, & præter communes cum aliis multis Refrigerandi & Adstringendi facultates, peculiarem aptitudinem huic operi necessariam, sortita sint: Purgatio hîc nullum locum habet, nec sanguinis quidem missio, nisi morbo longius progresso, ac capite jam nimium aucto: quando sanguifuge venis post aures, atque in fronte & temporibus utiliter admoventur, multùmque ad universam curationem conducunt; ideoque si res ita ferat secundò ac tertio usurpandæ sunt: Victus ratio longe alia in hoc morbo instituenda est quàm imprudentioribus, ac naturam eius non satis perspectam habentibus, videri posset: Non enim Atrophix, qua infantes contabescunt, per se attendendum est, neque conandum ei occurrere plenioribus cibatu ac validius nutriente, quod esset oleum addere camino, sed contrà omnis opera in id adhibenda est, ut exuperans sanguinis copia compescatur, ac nimius ejus fervor, nimiaque tenuitas & acrimonia coerceantur; quod quibus potissimum rebus effici debeat neminem doctum Medicum latere debet: Quod si ita teneri sunt infantes, ut nihil dum præter lac nutritium assumant, matri vel nutrici ea danda sunt quæ prædictis scopis inserviant, ac lac earum debito modo attemperate valeant: In iis verò infantibus qui grandiusculi jam, nondum tamen ablactari, & ubera sugunt, & alios præterea cibos ac potus assumunt, utroque modo agendum est, & tum ipsorum, tum nutricum victus ita ut diximus ordinandus. Hæc curationis via solícite admodum observata, & diu admodum continuata (nihil enim hîc parvo temporis spatio effici potest, præsertim ubi alijs hæsit malum) feliciter curatur iste morbus.

Morbum istum non in Anglia duntaxat & Hi-

Bibl. Chirurg. Tom. II.

bernia, sed & in aliis quoque regionibus grassari verisimile est, & de Gallia quidem mihi certissime constat: diversos enim Parisiis infantes vidi eo laborantes. *Arnoldus Boetius de affectibus omissis cap. 12.*

GINGIVARVM MORBI

Gingivarum caro spongiosa ac glandulosa pluribus morbidis affectionibus sedem præbet, quarum præcipuæ sunt earundem cruentatio, corrosio, ulceratio, (etiam in fistulam abiens, imò & gangrænam) flacciditas, tumefactio, ac excrecentia, abscessio à dentibus, pruritus, ac parulis. De gingivis cruentis, corrosis, ulceratis, flaccidis, tumefactis, vide quæ capite de scorbutis; de fistula & gangræna, vide quæ propriis capitibus; de abscessione à dentibus, vide in dentium morbis; de pruritu, vide de morbis infantum; de parulide, vide in epulide. Hic itaque tantùm pauca.

Consultatio.

Pro egregio quodam viro scirrhus canchroso cum ulcere circa gingivam in inferiori mandibula ad dexteram existente detento.

Tumor præter naturam, qui gingivam in inferiori mandibula ad dexteram occupat, scirrhus existit; nam ibidem cum duritie, atque renixu aucta magnitudo reperitur, & quoniam nullus dolor, nullusque sensus, saltem secundum dextram partem adest: ideo scirrhus secundum hanc legitimus est habendus: verèque scirrhus, ut habetur à Galen. 14. Meth. & 2. ad Glauconem, præterea est immobilis ad Strumæ & glandulæ differentiam, quæ etiam scirrhos dicantur, mobiles tamen existunt; Cæterùm hunc non esse simplicem scirrhum, sed complicatum cum rudimento quodam cancri, ita ut scirrhus cancerosus dici possit, facile est ex inæqualitate, & livore in ore ad partem illam perceptis ostendere, atque adest & ulcus, quia continuò ichor fœtidus graveque olens emanat ab eminentiis quibusdam erosis dolentibus ad tactum aliquo modo secundum partes internas; rursum quoniam ex Paulo, Cancer ulceratus vel est fœtidus, vel purus, hic, de quo agitur, purus profecto est, quoniam cum livore cruor quidam, & materia tenuis excernitur.

Causam scirrhosam immediatam, humorem constituo pituitosum crassum, & lentum per congestionem, non autem per defluxionem à capite (de quo nulla querela à patiente nostro habita fuit) ibidem collectum; item humorem melancholicum naturalem simul mixtos. de humore melancholico fidem faciunt prægressa quartana, nec non subdominium melancholicum in proprio patientis temperamento. Concedo equidem antea tumorem à simplici pituita ortum duxisse, nam veluti meliceris fuit, uti à suppuratione substantiam similem melli reddente colligere potuit unusquisque; sed hunc ob colorem fuscum partis internæ humorem melancholicum admisceri pro certo habeo, ab his autem duobus humoribus & seorsim divisis, & conjunctim unitis scirrhos fieri posse scribitur lib. de Atra bile, & 14. Meth. Cæterùm duritiem acquisivit scirrhus prædictus tum à repletionem partis ob copiam humoris, tum à concretionem à frigiditate ossis mandibulæ facta, imò & ab ipsa

ab ipsa siccatione, qua nimirum celebrata suppuratione, disuptoque apostemate pars tenuior est excreta, & quicquid crassum est remansit. Verum quoniam cancer fit ex melancholia genita per adustionem, vel melancholiæ naturalis, vel flavæ bilis lib. d. Atra bile cap. 3. dico, præsens canceri rudimentum suam habere occasionem ex Atra bile genita per adustionem bilis, quod ætas juventutis confirmat, necnon habitus, ac ægri temperies biliosa, quam pili flavi in toto fere corpore enascentes ostendunt.

Sed & causæ remotæ ejusdem tumoris tum externæ, tum internæ non sunt contemnendæ, priores in errata externa, in quæ juvenes incurrunt, referuntur omnes, posteriores verò, & moventes esse, & generantes non hæreo, moventes ad facultatem expultricem totius, partisque laborantis imbecillitatem refero, nam partes oris laxæ, admodum sunt, & humidæ, ob idque ad suscipiendum aptæ, meritò quarum causarum humores per transmissionem, coagentibus his quæ sanguinem acciunt, usu nempe alimentorum calidorum, motuque corporeo, quibus patiens usus fuit, ad locum confluunt affectum, causæ demum generantes in alimenta ad generandos humores dictos idonea, in jecorisque caliditatem meo judicio referuntur.

Hinc scopos Medicos facillè est elicere, tum præservativos, tum curativos, præservativi in causarum ablatione consistunt, primò scilicet in totius evacuatione. Secundò in prohibenda humorum dictorum per sublationem causarum moventium, & generantium, fluxione, atque generatione, proindeque refrigerandum jecur, ventriculus calefaciendus, & pars affecta attemperanda, roboranda, & constringenda, quibus scopis Morbi tanrum augmentum prohibebitur; Scopi verò curativi in unicam partis affectæ evacuationem reducuntur.

De prognostico ita sentio, quod liceat. s. scopos præservativos obtinere, quoniam patiens est ætatis juventutis aliqua occurreret difficultas, quoniam magnus observatur recessus à naturæ statu, causæ valenter agunt, præsertimque intemperies calida jecoris est in habitu: At scopos curativos abolvere per ea, quæ discutiunt, apud me est impossibile, nam facultas partis est abolita, medicamentaque actuari minime possunt.

An verò possit per recisionem, quæ fit & ferro candenti, & medicamentis corrodenribus malum hoc deleri, merito dubitari potest: nam ex una parte id fieri posse videtur, quoniam pars est ignobilis, cui nulla vasa insignia, alicujusve momenti assistunt; præterea, ibidem aliàs est facta sectio, cujus occasione nil mali fuit subsequutum, & jure quidem: quia contra verum cancerum haud agebatur. hinc non obstat Aphorismus ille sextæ sectionis trigessimus octavus, ut pote qui de veris canceris, intimis, & non ulceratis, adhuc ægros fatigantibus, & magnis existentibus, 2. ad Glauconem, loquatur, non autem (ut notat Gal. ibidem) de his, qui in summa cute exulcerati, & in parte, quæ rescindi possit existunt. Et si aliquis objiceret ex Gal. ulcera ab Atra bile esse prorsus insanabilia, responderi posset pro hac parte, quod Galeni sententia de ulceribus ab Atra bile sincera genitis, venit intelligenda. Ex altera verò parte (quod erat principale institutum) recisio nullo pacto videtur convenire, non quidem per ferrum candens, quoniam aliàs absque fructu tentata fuerit, & summa cum ratione, in similibus namque tumoribus dubio procul vasa materiam continuò suppeditant; adhibito autem igne, insignis à vasis fieri solet attractio, hinc augmento tumoris

perbelle datur occasio; præterea, corrosiva partes penitiores non petunt, quocirca frustra adhiberentur; demum incisio scalpello non probatur, non enim est tuta propter vasa externa.

At quid ego sentiam nunc, ubi de materiis chirurgicis loquar brevibus aperiā, quas materias respicio, primū ut disponentes; quæ sunt sectio venæ in cubito dextro, & hirudines ano applicitæ. Secundò ut curantes, inter quas ego seligo ferrum candens; Ad propositam autem difficultatem respondendo, quod tametsi non possit ita perfecte sanari vitium hujusmodi, potest tamen ea ratione præcaveri, qua saltem ne augeatur, prohibetur, nam aliàs posset ad tantam pervenire molem, quæ omnino intolerabilis existeret; tandem materias chirurgicas ut præservantes intueor, ac inter has unam instar omnium propono, cauterium in brachio dextro.

Medicamenta, quæ totum respiciunt, primū occurrunt, hinc pro lenienda alvo, casia cum electuario lenitivo probatur, pro præparandis humoribus decoctum cicoreaceorum, lupulorum, & fumarie cum suis sirupis, pro quibus humoribus educendis infusum Rhab. & senæ cum manna, pilulæque aggregativæ conveniunt, quinimo statatis quibusdam intervallis non desisterem ab usu syrupi de polypodio Magist. cum syrupo ros. solvente, vel ab infuso Epitimi, ac myrab. citreo. Et pro evacuatione insensibili Chinæ decoctum cum sandalis, cicoraceis, ac liquiritia arbitror præstantissimum.

Atque pro alteratione jecoris thermæ frigidæ Lucenses, vel Beatæ Virginis Patavii, vel Calderianæ, serum, & lac caprinum bibita, balneumque aquæ dulcis sunt admodum accommodata.

De topicis medicamentis ita statuo, ut alterum horum affectæ parti admoveatur; primum est unguentum, quod ex virgæ auræ, seu tabacci succo, cum oleo rosato, & cerâ ductis in mortario plumbeo conficitur; alterum est aqua ex mercurio, & antimonio stillatiria. Tertium est Cinis Antimonii, postremum pulvis ex duabus partibus tutiæ, unâ Arsenici sublimati, pluries lotis, & in aqua plantaginis ebullitis, verum & aquam stillatiriam ex ranis viridibus, vel pulverem ab humano stercore, & anetho crematis, tanquam à proprietate agentia non damno.

Et dum hæc administrantur, studendum est, ut patiens probe, & apposite vivat, utatur inquam probis alimentis, cibis cum simplicibus refrigerantibus medicatis, vescatur prisanâ hordeaceâ, ferculis ex cucurbita, endivia, lactuca, ac similibus, utatur vino oligophoro, aquâ hepaticæ, & boraginis diluto, in reliquisque omnibus modum servet jam dictis respondentem, sic erenim, Deo favente, melius in dies se habebit. *Julius Cæsar Claudinus in Consultationibus Medicinalibus.*

Observationes.

Gingivarum Gangræna, unde mors.

Gangrænam gingivarum & oris præcipuè in pueris raro sanabilem, in sphacellum autem degenerantem, insanabilem esse, quibusdam jam observationibus confirmare operæ pretium existimavi.

Puella 4. annos nata ex morbo acuto sanata catarrho vehementi ad gingivas cum nausea & capitis dolore correpta fuit. Tota facies in tumorem œdematosum elevata fuit. In sinistra malâ tumor rotundus,

rotundus, durus & lividus, non adeo tamen magnus apparebat: gingivæ verò & sinistra pars oris gangrænâ correpta fuit. Multa sed frustra ipsi adhibuimus remedia. Itaque tandem exesis gingivis, labiisque ad nasum usque, è vita discessit.

Genevæ cum Clar. Jano Anon. Saraceno M. D. & Joh. Griffonio Chirurgò præstantissimò in duabus puellis similem penè casum observavi. In curatione, nihil quod necessarium videbatur prætermisum fuit: nihilominus eæ laborantes febre, deliriis, syncope, vomitu & spirandi difficultate tandem è vita decesserunt.

Filius avunculi mei erosione gingivarum propter scorbutum vehementer laborabat, tandem in gangrænâ degeneravit erosio illi; & ut priores è vita decessit cum doloribus maximis aliisque pessimis symptomatibus. Summa igitur adhibenda est diligentia in hujusmodi morbis oris: præsertim in junioribus qui putredini obnoxii sunt: tum quia pars oris per se calida est & humida, tum etiam quod constitutio puerorum talis sit. Ideoque prospiciant tyrones chirurgi ne temerè polliceantur ægris, quæ præstare nequeant, & quæ queant fideliter præstent. *Guilielm. Fabric. Hildanus observat. Chirurgic. Cent. I.*

De Epulide insignis magnitudinis feliciter ablata.

Ut molestum, inquit Nobiliss. Tulpus Observ. 49. lib. I. sic quoque periculosum sanguinem profluere ex oculis, auribus ac dentibus, sive quoad venas arteriales, ex quibus facile plus effluit, quam partes quibus destinantur sunt ferendo. Sive quod remedia hujusmodi profluvio necessaria, ægerimè perducantur ad loca diversorum vasorum, sanguinis ex hac illâve parte affluxus præternaturalis graviter sæpius commovet homines, sic ut deliquium non raro superveniat.

Netrici cuidam, *Emmetie Gerrits*, virgini floridæ ætatis, dens extractus maxillaris cariosus, sequuta maxillæ, dentibusque adnatæ carnis gingivalis ex exulceratione consumptio, illius in primis, quæ oculari maxillariumq, primò adhæret.

Ex loco læso fungosa quædam caro, eaq; satis magna, propullulabat, hanc, quod sanguinem copiosè funderet, loquendique difficultatem induceret, præterquam quod in cancerum commutari posse sibi persuaderet ægra, instrumento apto extirpari conveniens videbatur.

Primum hoc in casu à nobis usurpatum, medium illud erat, cujus meminit Aëtius sermon. 8. cap. 25. At sine successu adhibitum. Consultum adeoque visum, atram bilem præparans expurgansque decoctum, per vices assumendum præscribere.

℞. Rad. cichor. cum toto m. j. petroselin. fœniculi an. ℥j. polypod. quercin. ℥ss. herbar. scolopendr. betonice, scabiosæ an. m. j. becabungæ, buglossæ an. m. ss. flor. borragin. bugloss. beton. an. p. ij. fol. lennæ el. mund. ℥vj. semin. anis. fœnic. an. ℥ij. ss. passular. corinth. ℥ss. decoq in s. q. aquæ comm. in colat. ℥j. dissolve syrup. scolopendr. fumar. an. ℥j. diacnicu ℥iss. f. aposema.

Per quarriduum Apozemate hoc usa fuit, singulisque diebus moderate per alvum deiecit. Eo consumpto instituta à nobis Venæ brachii sinistri, hinc etiam pedis sinistri, ad malleolum, sectio, extractæque quavis vice sanguinis unciz octo.

Hiscæ sic usurpatis, peractisve, quod sanguinis fluxio ex ore continuaret, molesta valde ægrotanti, ad operationem Chirurgicam devenire necessarium duximus; quam ubi aggredi constitutum, Cauteria quædam, igni imposuimus, ne, si fortan vasa quædam abscissa sanguinis nimium effunderent, pulvereque nostro styptico usuali adstrictio debita perfici non posset, omni medio sanguinis fluxum sistendi destitueremur.

Hoc præmisso ægrotantem sedili commodo impostam luci, quo ex debito fungum tractare nobis liceret, oppositam, bono animo esse jussimus, brevi molestant hanc carnem nos ablaturus. Instrumentum ad ejus extirpationem convenientissimum nobis videbatur, quod parte 5. obs. 27. delineavit *Hildanus*.

Instrumenti hujus ope, celeri manu, ablato fungo, sanguinis, rivulosè admodum, eo impietis loco, qui denti oculari ac maxillari interjectus, effluentis impetum sistere coacti; hinc multum effecimus pulvere nostro styptico, beneficio lintei combusti vulneratæ parti applicato, descriptiq; ejus hæc est:

℞. Nuc. Gall. immatur. ℥ij. Boli Armen. ℥ij. Terræ Lemniæ ℥ij. Vitriol. Cypr. ℥ss. Alumin. Crud. ℥j. M. F. Pulv. subtiliss.

Pulveris huius usus in eo consistebat, ut primò conficiatur mixtura quædam ex albo ovi conquisato & spir. vitriol. gut. aliquot, huic imponatur linteam combustum, hinc linteo hoc excipiat pulvis loco vulnerato applicandus debite & per fasciam externam, & per manum ægrotantis in suo situ detinendus.

Cauteriis in hujus fungi ablatione haud indiguimus. Sequenti die adstringentia hæc vulnere applicata aufertur curavimus eorumve in locum substituiimus decoctum hordei, cui aliquid unguenti Ægyptiaci mixtum, pro collutione usurpandum.

Tandem ad omnimodam consolidationem mel rosar. præscripsimus, cui gut. v. aut vi. sp. vitrioli mixtæ, pro linimento. *Job. à Meekren in Observation. Medico-Chirurgic.*

Gingivarum erosio incurabilis à vermium abundantia in intestinis.

Puer quidam Dusseldorpiensis erosione gingivarum à longo tempore gravissimè divexabatur; multa remedia frustra adhibita; tandem vitam cum morte commutavit. Apertò corpore tanta inventa est abundantia vermium, ut aliquibus in locis intestina eroserint, multique in vacuò ventris reperi fuerint. *Guilielmus Fabric. Hildan. observat. Chirurgic. cent. I.*

GLAUCOMA Vid. *Humorum oculi vitia.*

Titulo Oculorum Morbi

GLANS PENIS per Circumcisionem detecta, quâ operatione ex Cellò id fiat. Vid. sub titulò *Penis morbi*.

GLOBULI Plumbei, quomodo extrahendi Vid. sub titulò *Vulnera Sclopetorum*.

GLOSSOCOMIUM Hippocratis Vid. *Instrumenta Chirurgica*.

GONORRHOEA.

Gonorrhœam melioris doctrinæ ergò duplicem facimus, *veram* scilicet & *notham*. *Vera* est, quando vera materia seminalis, aut ipsi saltem proxime similis in testibus tamen elaborata, crebrò nimis excernitur. *Notha gonorrhœa* verò est, quando alia materia vitiosa locò seminis excernitur.

Gonorrhœa vera, est triplex. Fit nempe 1. à nimia copiâ & abundantia seminis; unde non tantum uberius veneris stimulus: Sed etiam ubi serum paulatim turgescere incipit, impetu facto ex vesiculis seminalibus prorumpit; id quod contingit præprimis nocturno tempore, dum supini jacent, ubi scilicet propter sanguinis circa partes dorsi inferiores & posteriores, & istarum partium inferiorum incalcescentiam, semen abundans calefactum turgere & erumpere solet; Id quod fit non tantum in juvenibus, sed etiam in viduis, qui à venere solita abstinere coguntur. Dico fieri in primis nocturno tempore; sin verò cum hac seminis abundantia conjuncta sit laxatio quædam vesiculatum seminalium, aut certè quoddam harum ipsarum meatuum in urethram sunt paulò patentiores facti: in talibus etiam interdum seminis sit effluxus, accedente membri tensione, & aliquali venereo pruritu: quod excernitur semen est copiosum, crassum, spissum & naturaliter coctum. 2. Fit gonorrhœa vera à seminis acrimonia præternaturali. Unde & irritantur partes continuo pruritu venereo, & præterea ista irritatione vesiculæ stimulatæ vicinæque musculosæ partes se contrahere & ita semen stimulantur exprimere incipiunt. Præcesserunt inprimis causæ quæ semen acrius generare valent, ut sunt aromata copiosius assumpta, in specie piperata: Sic enim Schenck. Observationum lib. 4. refert de quodam qui semper quoties voluit, sisimbrio seu nasturcio gonorrhœam provocare valuit, ex acrimonia scil. sal. volatil. assumpti nasturtii, quæ stimulo semen copiosum genitum talem producit gonorrhœam. Imo & purgantia acria assumpta venerem stimulare & interdum gonorrhœam provocare solent. Exempla vid. in Plater. & Timæo, quin & cantharidum abusus hoc ipsum malum, acuendo semen, inducit. Facit & huc constitutio massæ sanguinæ, paulò acrior, aut serò falsiore temperata: quod ipsum serum acrius imminuens chylosam materiam, semen reddit acrius & stimulant: & tales continuo stimulo venerè, ac tentigine, sæpius urgente fortiori titillatione, excernere solent, idque non absque voluptate venerea, die ac nocte. 3. Fit gonorrhœa ex nimia tenuitate & flacciditate seminis, concurrente tunc simul laxitate nimia vesicularum seminalium, non secus ac prostaticarum glandularum: Unde & aquosum semen effluit; & hinc laxatis ac atonia, seu nimia relaxatione affectis vesiculis istud continere, aut retinere nequeunt: unde sine voluptatis insignioris & tentiginis acutioris sensu, interdum non advertentibus effluit tale semen, aut statim ad levem imaginationem veneream, vel ad levem fœminæ contactum hoc ipsum sponte quasi prolabitur, & est tenue admodum & fluidum plus solito. Vitium in primis hæret in testibus in hoc casu eorumque fermento debilitato, quod ineptum est elaborando semini, & hinc vitium est in vesiculis seminalibus nimium laxatis; si nempe illud citò elaboratum, & hinc non convenientem naturam seminis induxerit. Hæc posterior

gonorrhœæ species sæpissime à damnata oritur manu-
stipatione, qua sæpius reiterata, & testes laxantur, & fermentum eorum debilitatur. Exemplum hujus rei habet Timæus cas. 49. lib. 3. de studio juris, qui tali damnato modo gonorrhœam sibi contraxit.

Species gonorrhœæ veræ sunt variæ, sed ex modo dictis facile possunt dignosci. Hoc tantum adeo, quod dum loco seminis effluentis continui novum supplementum ex massa sanguinea suppeditatur, oriatur denique ut defraudata massa sanguinea succo suo chilo corpore tabescat, & in primis tales ægri debiles & pallidi fiunt, oculorum orbitæ excavatæ apparent, & fulgor oculorum deficit, quin potius oculi cornei, & minus lucidi videntur, cum semper cum semine aliquid spiritus animalis simul effluere soleat.

Tales gonorrhœæ ex se quidem non adeo insignis sunt momenti: verum si diutius continuentur hominem contabescere & succumbere lethaliter cogunt. Supervenit inprimis febris hectica similis cum tali atrophie specie, qualis est tabes dorsalis noviter nuptorum. Qualis hectica tunc difficillimæ est curationis. Ulterius: Gonorrhœa diuturna subito nimis non est suppressenda, inprimis ubi nonnihil inclinat ad virulentiam veneream: metus enim est, ne suppressa subito materia antea copiosius affluente, hæc ipsa stagnando in testibus occasionem tumori suppeditet; unde postmodum periculosius malum superveniat.

In hoc in primis sunt causæ removendæ, & ita semen imminuendum, aut ejus fervor temperandus, aut denique testium fermento roborato partium tonus legitimus restituendus, laxusque nimis adstringentibus firmandus.

His scopis quæ satisfaciunt remedia, in primis quæ semen, aut copiosum turgescens, aut acrius stimulantur compescunt, sunt, præ cæteris radix nymphi. albæ & flor. nymphi. item sem. agni casti, seu viticis, uti etiam semen malorum, papaver. alb. lactuc. plantag. in specie semen cannabæ ad inveteratas etiam, & tantum non desperatas gonorrhœas contundatur; si ex eodem, non secus ac ex reliquis feminibus fiant emulsiones; quæ tamen emulsionibus cum cautela usurpandæ propter admixtam vim narcoticam: Convenit præterea urtica mortua, seu galeopsis flore albo, quæ ex signatura commendatur Catrichtero, egregio in hoc puncto botanico, si decoctum propinatur in vino. Præterea res nota est de mentha, item de ruta, de portulaca & similibus. Millefolium item laudatur, si nempe succus millefolii ad ℥iij. exhibeatur cum lacte dulci gonorrhœam totaliter sistere referunt; inprimis ubi simul succus lactucæ cum camphora externè testibus applicetur. Præterea succus limonum & succus citri præ cæteris sunt remedia, licet simplicia, ad gonorrhœas sistendas, siue sint ex acti semine, siue ex abundante, quæ ab omnibus autoribus mirè laudantur. Unde experimentum Sylvatici cent. 4. cons. 1. est hæc non inefficax compositio; nempe.

℥. Aq. rosar. ℥iij. succ. limonum ℥j. album. ovi crud. nu. 1. Et hanc misturam quarta qualibet die propinat non sine sperato successu. Petrus Joh. Faber ad curandam gonorrhœam propinat succum limonum cui instillavit spir. terebinth. unâ cum tantillo camphoræ.

Porro de essent. castit. de essent. absinth. de ejus vino & essent. menthæ &c. nihil dico, quia sunt satis clara & cognita. Terebinthina inprimis conducit, ac in specie spir. terebinthinæ si ipsi addatur sacchar. saturni: hinc enim evadit mistura elegantissima
rubicunda,

rubicunda, quæ crebrius usurpata mirè compescit gonorrhœas.

Deinde etiam succinata sunt commendata ad gonorrhœam, scil. pulvis succin. alb. quotidie propinatus in jusculo calido jejuno stomacho mirè ad gonorrhœam valet, quin & oleum succin. in tali casu usurpari potest, quod tamen est paulò fortius ita ut tutius solus pulvis usurpetur. Trochisci etiam de carabe possunt usurpari; ulterius, ossa sepiae piscis admodum conducunt; præparata specificum fuerunt Harthmanni, ut & etiam D. Michaël, qui sæpissimè ad gonorrhœas compescendas adhibuit pulverem ossis sepiae præparat. unà cum antimon. diaphoretico, quæ mista à ʒss. ad ʒj. propinavit; nam & antimon. diaphoretic. in aq. plantagin. haustum gonorrhœas sistit, sicuti etiam bezoarticum martiale, item bezoarticum venereum usurpari solent.

Pertinet huc electuarium sequens quod à quibusdam laudatur.

℞. Conserv. rosar. & menth. crisp. an. ʒj. vel ʒiſs. ossis sepiae præpar. ʒij. borrac. calcin. ʒj. nucis moschat. ʒss. syr. de tof. sic. q. l. M.F. electuarium, quod quotidie bis vel ter usurpetur. Obiter nota de borrace calcinata, quod instar aluminis adstringat, præcipiter, sistat gonorrhœa, coërceat venerem, dum crudus insigniter venerem, instimulat. Uterius chrystal. mont. præp. etiam compescunt gonorrhœas nimias. Quidam præscribunt pilulas contra gonorrhœam hoc modo.

℞. Extract. rad. torment. ʒij. sperniol. croll. ʒj. (hoc etiam admodum laudatur ad gonorrhœam) pulver. sem. agni casti, plantag. an. ʒss. terebint. coctæ, camphor. an. gr. i. M.F. pilule.

Vel ℞. Extract. tormentill. ʒj. sacch. saturn. camph. an. ʒss. M.F. pil. quæ subinde usurpentur.

Corallia, in primis eorandem tinctura, cum spir. lignor. aut etiam tinctur. corallor. assaffrata egregii est usus in gonorrhœis. Sic etiam martialia, ac in primis tincturam martis adstringentem laudare solent.

Modernorum experimentum est balsamus de Copaiya ex Indiis allatus, cujus 4. aut 5. guttæ haustæ micum sunt experimentum ad gonorrhœas sistendas, propinatur cum vino Hispanico vel alio liquore appropriato, & pro mirabili habetur remedio. Ex modò dictis, misturæ, emulsiones, & aliæ formulæ pro usu prædestinato fieri possunt.

Essentiarum quas vocant castitatis compositio est varia; præ cæteris efficax est, idque propter terebinthinam admistam, aqua ad gonorrh. Riverii, cujus descriptio extat in ejusdem cent. 1. obs. 25. item in cent. 2. obs. 30. Prostat etiam aqua castitatis Mynsicht. sed admodum inepta, multa enim continet quæ nihil per alembicum transmittunt: potius loco ejusdem è seminibus ingredientibus fiat emulsio, cui postmodum adduntur pulveres reliqui appropriati. Dabo exemplum talis emulsionis contra gonorrhœam, in specie si simul fervor quidam adjunctus sit in inguine circa perinæum, & hinc usque ad lumborum principium.

℞. Sem. melon. agn. casti an. ʒij. papav. alb. canab. an. ʒiſs. cum s. q. aq. nymph. & portulac. f. l. a: emuls. cui adde ossis sepiae præp. ʒj. antim. diaphor. succin. alb. præp. an. ʒss. sperniol. croll. ʒj. edulcorat. cum s. q. rotular. man. Christi perlata.

Præterea sunt etiam qui insigniter ad has gonorrhœas commendant sequent. pulv. scilicet.

℞. Folior rut. sic. semin. agn. casti, menth. gallar. pulveris an. q. v. cujus pulver. ʒij. hauriantur in vino chalybeato, repetendo quotidie: ἀπόεισεν hoc

est Hælidei Paduani, qui non tantummodò ad gonorrh. sed præterea ad fluorem album mulierum commendat; ubi simul tanquam expertum specificum extollit succum cetherach, seu scolopendrii, si ad cochleare j. repetitis vicibus adsumatur; idque habet obs. 170. & 171. Quod si verò præter dictas causas semen aquosum, ac vesicularum laxitas inducat gonorrh. in tali casu interne, ex mentha, absinthio, succino, thure, & similibus confecerunt, in specie corall. alb. & thus, essentia item lignor. & essent. lign. assafr. tinct. coral. cum sp. lignor. item tinct. mart. adstringens admodum laudantur in specie succus menth. cum melle coctus & ad consistentiam syr. inspissatus, si ad ʒiſs. usurpetur, commendatur à Foresto. Item thus pulverisat. in aq. plantag. propinatum feliciter has gonorrhœas sistit; sed non est tam sæpe hoc ipsum repetendum, quoniam aliàs etiam urinæ fluxum cohibet.

In genere conveniunt omnia, quæ inspissant & fluxilia coagulant, ut sunt martialia adstringentia, corall. & similia. Externè sunt fomenta adstringentia cum vino austriore in quo decoquantur cortic. granat. balauſt. & rosæ; item radix consolid. major. plantago & similia: aut fiat inunctio perinæ ac radic. penis cum oleo myrtillor. scilicet.

℞. Olei myrtill. ʒij. mastich. destill. ʒj. caryophyll. destill. nucis mosch. an. ʒss. cum paucâ cera fiat linimentum quod vesiculas seminales nimis laxas nonnihil roborabit atq; adstringet.

Quod si necessum fuerit ut etiam interdum purgationes instituantur, præ cæteris in usu erunt terebinthinata, v. g. pilul. de terebinth. Mynsicht. vel etiam pilul. factæ ex sola terebinth. cum rhabarb. pulver. Item pilul. factæ ex mass. pilular. de fumar. & terebinth. cum mercur. dulc. ubi suspicio subest luis vener. Sic namque D. Michaël curavit aliquando militem quendam diuturnâ gonorrh. afflictum per solas pilulas de terebinth. Cypr. cum croco mart. adstring. nullis aliis adhibitis remediis. In genere terebinthinata, cum laxent blandè, & simul vias urinarias ac spermaticas detergant, hîc sunt convenientissima.

Hæ fuerunt species Gonorrhœæ veræ. Quod attingit gonorrhœas nothas, in quibus loco seminis aliud quoddam liquamen vitiosum excernatur; hæc ipsa denuò est duplex, vel benigna, vel maligna, seu, ut aliàs vocatur, virulenta. Benigna est quando citra causam manifestam, v. g. citra prægressum actum venereum suspectum, effluit continuò liquamen, seu materia tenuis aquosa & copiosa, idq; citra pruritum venereum, aut citra membri tentionem: fluxus talis die nocteque diu satis continuatur, aded ut observatum fuerit etiam ad aliquot annos durasse citra ullam intermissionem, & absque insigniori, & tali fluxui (si semen verum esset) proportionata virium prostratione.

Fluxus talis gonorrhœæ nothæ virorum responderet fluori albo mulierum: alia à quibusdam, utut pauci fuerint Autores qui ejusdem fecerunt mentionem, gonorrhœa catarrhalis appellari solet. Autores pauci, ut dico, qui de tali gonorrhœa agnoscunt. Langius in suis epist. lib. 2. epist. 5. item Laurentius in suis consil. p. 60. ac denique Marcellus Donatus, Histor. Medic. mirab. lib. 4. c. 18,

Si pressius examinemus hanc gonorrhœam notham inveniemus quod subjectum seu pars affecta in eadem sint proſtate glandulosæ, seu spongiosæ in radice urethræ circa cervicem vesicæ sitæ, quas ipsas esse subjectum talis gonorrhœæ sufficienter declarat & confirmat

firmat Graësius in novissimo suo tract. de organ. viror. generat. inservient. Sicuti hæ ipsæ prostatae glandulosæ mirabilium morborum proinde sunt subjectum. Scio enim ex iisdem infarctis & insigniter tumefactis; Ischuriam seu suppressionem urinæ lethalem Romæ in quodam Principe fuisse indutam: sicuti è contra hæ ipsæ prostatae glandulosæ nimis laxæ, aut alio modo vitiatae sunt subjectum hujus gonorrhœæ not hæ dicendum. Naturaliter enim præparant & secernunt quandam lympham tenuem & lubricantem, quæ inservit pro vehiculo seminis ex vesiculis in urethram expressi; quod semen, cum fuerit glutinosum, hujus lymphæ indiget vehiculo ad fortiorem ejaculationem. Quod si ergo fiat ut laxatis his ipsis substantiis glandulosis, nimium copiosè, ac frequentius talis lymphæ in urethram excernatur, quæ tunc simul à naturali statu ad quandam viscositatem inclinat, exinde oritur hæc gonorrhœa. Fit hoc quando ipsa mass. sanguin. tali humore aquoso superfluo saturata, qua data porta sese exonerat. Ubi ergo hæ ipsa corpuscula, aut ex equitatione nimia, aut ex lapsu, aut ex alia quacunque ratione, erant lacerata, aut distenta, aut alio modo vitiata, tunc talis latex mass. sanguin. superfluo per has ipsas prostatas glandulosas, tanquam colatorium excernitur, & ita gonorrhœam talem not hæ constituit.

Remotior causa hæret in primis in stomacho, qui non ritè digerens alimenta, sed hæ ipsa in cremorem aquosum pervertens, exinde vitiosum sanguinem etiam generare facit, unde & talia subjecta ad cachexiam sunt disposita. Aut si non mox in principio resolvatur talis gonorrhœa, postmodum cachexia supervenit.

Ex modo dictis signa tam diagnostica quàm prognostica per se patent. Quod attinet curam; in hoc affectu, scilicet ad hanc gonorrhœam, seu superveniens quoddam symptoma minus est dirigenda cura, sed potius prima ratio habenda est stomachi, reficienda ejusdem digestio, & mass. sanguineæ cruditates emendandæ ac corrigendæ, idque quod superest laticis aquosi per vias urinarias est expurgandum: tunc tandem externis adstringentibus prostatae glandulosæ firmandæ & in tonum naturalem sunt restituendæ. Remedia quæ his satisfaciunt scopis ex illis quæ superius de cachexia diximus petenda: præ cæteris conducunt ex ligno sassafras parata remedia ejusque essentia cum spiritu serpilli parata crebrius & in majori dosi assumpta. Huc & ea quæ ex mentha & absinthio parantur, quæ & stomacho & gonorrhœæ satisfaciunt. Item succinata, in specie Sal. volat. quod cachexiam imminuentem tubinde prævertit, ciendo potenter urinam.

Immo observatum fuit acidularum potum, uti in aliis morbis chronicis, ita & in hac gonorrhœa diuturna contulisse; in primis si post bibiras acidulas thermarum externus usus circa partes genitales exhibeatur, pro restaurando tono prostatarum læsarum: aut etiam balnea aluminosa artificialia, aut similia adstringentia externe erunt commode in usum vocanda.

Non citò nimis suppressenda est hæc gonorrhœa, quoniam natura abutitur his viis ad evacuandam massam sanguineam; emendetur saltem prius imminens cachexia & vitium stomachi, & ferè semper sponte cessabit gonorrhœa.

Quod attinet gonorrhœam notam malignam: hæc est ea quæ ex coitu cum fœmina impura, ac Lue venerea infecta contrahitur. Effluit in hac ipsa liquamen aquosum liquidum absque dolore: hinc

successive flavescit, tandem viridescit, in ignita acescit, adeò ut tandem cum acerbissimo dolore effluat, imo non raro pus ac purulenta sanies simul excernitur, & ipsum semen odore fœtido & singulari fœtet: nonnunquam talis gonorrhœa accidit istis qui visitant Galliam & Italiam, interdum fit ut nimia aciditate seminis, seu materiæ profluentis, corrodat ac exulceretur meatus urinarius, ex quibus ulcusculis tandem excreantur carnes sylvestres, ut sic dicam, seu verrucæ, quæ hinc canalem urinarium obstruunt, & vulgò carunculae meatus urinarii appellantur. Affligit hæc gonorrhœa continuò, inprimis, secundum indolem luis venereæ, vespertino aut nocturno tempore cruciat, adeo ut eodem tempore acerbissimi dolores crucient penem, iique eo acerbiores, si forsan se erigat ac extendat membrum: sin malum ulterius procedat, superveniunt crudeles ardores nocturni lumborum.

Causa hujus gonorrhœæ est contagium Gallicum fermentativum, per coitum ex muliere infectatâ attractum, ex tali scil. quæ ulcuscula gallica in vagina uterina habet. Malum enim prolificum est hæc ipsa gonorrhœa gallica; adeò ut referat Ballo- nius Consilior. lib. 1. cons. 92. de quodam viro qui ex coitu impuro gonorrhœam virulentam contraxit. Unde postmodum non tantum propriam uxorem inquinavit, sed cum eadem filium quoque generavit mox à primo ortu eodem malo affectum.

Subjectum hujus gonorrhœæ sunt eadem prostatae glandulosæ quas modò nominavimus: id quod per experimenta anatomica confirmatum dedit Bartholinus Cent. 12. Histor. anatom. 36. ubi, aliquot memorantur hac gonorrhœa affecti, & exinde mortui, in quibus prostatae glandulosæ fuerunt repertæ ulceratæ. Nam dum hæ ipsæ jam excalefactæ in coitu intensius incalescunt, tunc ulcera gallica vaginæ uteri exhalant & expirant miasmata fermentativa, quæ post excretionem seminis virilis se insinuant in urethram penis ibique se affigunt, & per meatus à modò excreto semine patentes se insinuant in prostratas glandulosas & sua fermentativa vi corrumpunt successivè lympham in istis prostaticis elaborandam, ut degeneret in aciditatem corrosivam & virulentam seu malignam; sicuti notum est, quod in lue venerea abundet acidum virulentum corrosivum. Unde postmodum talis succus acris & acidus fluens, non tantum corrodit proprias prostatas, easque exulcerat, sed etiam meatum urinarium excoriât, & exinde tam dira, & atrocia & dolorifica symptomata post se trahit.

Promotum ulterius & altius serpens contagium, ita ut per vasa deferentia testes ingrediatur horum tumorem & dolorificam inflammationem inferat.

Diagnos hujus gonorrhœæ ex primò dictis symptomatis patet. Quoad prognosin, quod citius ei occurratur, eò facilius curatur. In senibus ut plurimum ad mortem terminatur. Nisi brevi ipsi occurratur in perfectam luem Gallicam, inquinata massa sanguinea degenerat: & hic est modus communissimus quo lues venerea contrahitur.

Quod curam attinet; in hac virus Gallicum acidum appropriatis partim mercurialibus, partim acidum destruentibus corrigendum, & qua data porta evacuandum. Quod si cui libeat præservare se ab hac gonorrhœa, quem nempe vexat appetitus venereus, nec tamen interim certus esse potest, an cum infecta coeat. Is præservationis loco, mox ante, aut post coitum, assumat spir. seu olei rebeinth. volatilis gut. 6. 7. vel 8. in haustu vini generosi,

generosi. Hujus enim absterforia vis meatum urinarium abstergit, ac corrigit contagium virulentum forsitan haustum. Quod si verò quis jam infectus sit hoc malo & laboret gonorrhœa, ante omnia præmittendo universalia purgantia mercurialibus mista, succurrendum v. g. Fiant pilulæ ex extracto ellebor. nigri, aut ex extracto catholico Andernaci cum ana mercurii dulcis, his pro stimulo addantur aliquot grana extract. trochiscor. alandhal. Colocynthis enim efficacia mirè commendata est ab Helmontio in cura luis venereæ, prælarata usibus lignorum; etiam loco mercurii dulcis, mercurius præcipitatus viridis venereus cujus descriptio videatur apud Schroderum cap. de mercurio, commodè usurpatur. Aut pilulis de terebinthina misceatur mercurius: vel fiat bolus ex terebinthina Cypria cum rhabarbaro, ac mercuriali remedio dulci, vel alio. Nam licet mercurialia talia in principio videantur augere malum, iisdem tamen audacter insistendum; cum non detur magis appropriatum remedium contra virulentiam Gallicam. His ipsis commodè subjungatur aqua Quercetani contra gonorrhœam virulentam, quam lecenties expertum esse gloriatur. Vid. etiam Scultetus in Armamentar. Chirurg. obs. 79. qui ipse etiam indicat hujus aquæ experientiam. Loco hujus aquæ etiam spir. terebinth. mistus cum saccharo saturni egregie conducit in hac gonorrhœa, non absumentes semen, ut vulgò putatur, sed absorbendo acidum vitiosum in hac gonorrhœa peccans; qua ratione etiam camphora conducit, non quod castræt per nares, ut putant, sed tanquam sal volatile oleosum detergit & corrigit acidum venereum. Ex hoc ipso fonte infusum cantharidum in vino expertum est remedium cujusdam medici Belgæ: quatenus cantharides acerrimo sale volatili abundant. Vid. Bartholinus Cent. 4. Epist. pag. 343.

Decocta lignorum, essentias lignorum ceu per se notas, & ad luen veneream, & ejus prodromum gonorrhœam commendatissimas sicco pede prætereo. Tinctura corallior. cum spir. lignorum parata est egregia, sed crebrius usurpanda: gummi guajacum appropriatissimum est remedium ad hanc gonorrhœam. Commendatur sal ammoniacum, essent. aut extract. gummi. guajac. parat. cum sp. vini tartarificato & in aqua plantag. propinat. Nam in gummi guajac. hoc perfecta consistit cura gonorrhœæ malignæ. Aliàs etiam balsamum de Cobayva ex fida Belgarum experientia ad gutt. 5. vel 6. propinatum singulariter laudatur. Antimon. diaphoretic. bezoartic. miner. ac similia etiam laudantur; item succum limonum cum spir. terebinth. & camphora ex Fabro jam proposui; uti succin. experimentum videre est in Sculteto obs. 79. Armament. Chirurg. Bartholinus loco citato refert curam gonorrhœæ virulentæ per pulverem symphateticum, id quod eatenus verum est quatenus eò processit exulceratio prostatica, ut corrosis vas sanguis quoque efflueret.

Quod si fiat, ut sepius etiam fit, exulceratio meatus urinarii, tunc etiam conducunt injectiones in penem, quæ fiunt ex succo plantaginis cum melle rosato, quæ diluantur aquâ appropriatâ, ipsiisque pro re nata additur mercurius dulcis & aloë rosata: aut si altius processerit malum, injectiones aloëticæ cum modico mercurii præcipitati, aut etiam ubi ferocius fuerit malum, cum mercurio sublimato erunt instituendæ. Singulare experimentum cujusdam Medici est aqua mercurialis hermetica: scilicet accipit mercurium vivum, coquit in aqua communi per sex horas, decantat aquam & remanet mercu-

rius in eodem planè pondere quo fuerat ante ebullitionem, & aquæ hujus singulo mane propinat bonum haustum: Unde successive sedatur gonorrhœa virulenta. *Michael Ettmullerus in Collegio Prædicò.*

In gonorrhœa ℞. Resin. jalapp. scam. an. gr. vi. mercur. dulc. gr. xii. succ. liquir. ʒj. olei lign. guajac. rectif. gutt. 2. M. F. pilulæ num. vii.

Vel ℞. Extract. diacathol. 3ʒ. mercur. dulc. gr. xv. olei lign. sassafr. gutt. iij. & F. pilulæ num. vii.

Seu ℞. Confect. Hamech. 3j. pulver. rhabarb. 3ʒ. oculor. cancri ʒj. M. F. bolus.

Vel ℞. Pulp. cassiæ ʒj. resin. turbith. gran. viii. terebinth. Venetæ ʒij. M. F. bolus.

In India. ℞. Conserv. flor. cassiæ, tamarindor. an. 3j. resin. turbith. gr. xii. mercur. dulc. gr. x. olei ligni ebeni rectificati gutt. 3. M. F. bolus.

Vel ℞. Pulp. cassiæ, conserv. flor. cassiæ an. 3ʒ. resinæ scammon. turbith. an. gr. v. gumm. elem. liquid. 3j. mercur. dulc. gr. xii. M. F. bolus. Qui boli qualibet septimanâ semel exhibeantur. Interim sequentibus unum ex his per diem in emulsione quadam, vel appropriato vehiculo, usurpatur.

℞. Bals. sulph. simpl. 3j. dos. à gutt. x. ad xii.

℞. Bals. sulphur. succin. 3ʒs. dos. à gutt. v. ad viii.

℞. Bals. sulphur. juniperini 3ʒ. dos. à gutt. vi. ad gutt. xii.

℞. Spir. vini terebinthinati 3j. dos. à gutt. x. ad xii.

℞. Spir. vini succinati 3j. Dos. à gutt. xv. ad xx.

℞. Tinctur. succini & tinctur. tartar. antimoniæ an. 3ʒ. M. dos. à gutt. x. ad xx. Ad ardorem urinæ ab ejus acrimonia; spiritus salis per diem bis usurpatus, ægrotum felicissimè adjuvat. In India.

℞. Olei still. gumm. elemi 3j. dos. à gutt. x. ad xii.

℞. Olei baccar. cinnam. 3j. dos. à gutt. v. ad x.

℞. Bals. elemniati 3j. dos. à gutt. 8. ad 12.

℞. Spir. vini elemniati 3j. essent. juniper 3ʒ. M. dos. à gutt. x. ad xv. cui boli magis placent potest usurpare sequentes.

℞. Conserv. rosar. 3j. flor. hyperic. 3ʒ. pulp. cassiæ 3ij. terebinth. Venetæ ʒij. tart. virriol. 3ʒ. oculor. cancr. ʒj. tinctur. succin. 3ʒ. M. F. bolus dos. ʒj. mane & vespere. In India.

℞. Conserv. flor. cassiæ 3j. pulp. cassiæ 3ʒ. lapid. peercat. præp. marris perlar. præpar. an. 3j. pulver. liquirit. ʒiʒ. olei gumm. elemi 3ʒ. M. F. bolus dos. ʒj. emulsiones fiant tales.

℞. Sem. 4. frig. maj. an. ʒj. amygdalarum dulcium ʒj. aq. hord. rosar. an. ʒiv. f. emulsio; huic adde aquæ petroselin. portul. an. ʒij. sal. oculor. cancr. 3ʒ. syr. liquirit. q. s. m. Ægrotò juxta præscriptum modum tractato, curationi tandem finis per sequentes pilulas, pro valetudine plenariò restituenda, imponendus est.

℞. Terebinth. Venetæ in aq. rosar. lotæ & in eadem ad justam consistentiam coctæ ʒj. balsa. Peruvian. 3ʒ. pulver. rad. tormentil. consolid. an. 3j. oculor. cancr. præp. mercur. dulc. an. 3ʒ. M. F. massa pilularis. Dos. sis mane & vespere ʒʒ.

℞. Terebinth. Cypriæ in aq. plantag. lotæ & ad justam consistentiam coctæ ʒj. ball. copaivæ ʒiʒ. resin. guajaci 3ʒ. pulver. liquir. torment. rhabarb. an. 3j. cortic. guajac. pulver. sangu. dracon. lapid. hæmat. an. 3ʒ. M. F. massa pilularis dos. ʒj. in die.

℞. Specier;

℞. Specier. diamarris ℥ij. conservæ rosar. ℥j. m. dos. ℥j. ad ℥ij. manè & vesperi.

Vel ℞. Conserv. rosar. flor. cassiæ an. ℥j. pulv. ad gonorrhæam ℥ij. m. dos. ℥ij. manè & vesperi. Si autem defluens materia coagulatione indurata dolores crearet in viis, & ulcerum atque caruncularum causa est: illa frequenti decoctorum, quæ ex abstergentibus & emollientibus, sine adstringentibus consistunt, injectione abluatur. *Herman. Nicol. Grimm. compendii Med. Chym. lib. 3.*

In principio Gonorrhææ laborandum ut fermentum illud peregrinum, acre corrosivum, per contragium contractum, expellatur vel suffocetur, antequam sanguinis materiam aggredi, eamque malignitate sua inficere queat. Quod porissimum fit per purgantia, sudorifica, diuretica, & acre fermentum energantia.

℞. Extract. cathol. ℥j. mercur. dulcis gr. viii. Trochisc. alhandal. gr. iv. olei juniperi, gut. v. m. f. pilulæ num. vii.

Vel, ℞. Pulp. cassiæ recent. extract. ℥j. terebint. venet. loræ, ℥ij. mercurii dulcis, salis prunellæ, ocul. cancr. præparat. an. ℥j. salis vol. succin. ℥iv. syr. de althæa Fernel. q. s. ad form. conditi. m. f. conditum, multi curantur hoc condito in principio, & hujus capiat æger ad magnitudinem nucis moschatae, bis terve de die.

Corpore purgato, ad diuretica festinandum, ut venenum per easdem expellatur, per quas admissum est vias, ut.

℞. Tinct. vermium majalium cum alkali tartari præparata, â gut. x. ad xv. in aq. petroselinii, vel vino propinentur. m. f. haustus diureticus. Quod si verò post exhibitionem hujus tincturæ, æger conqueratur de intolerabili stranguria, hanc facili superaveris, exhibendo patienti, lac tepidum saccharatum: vel emulsionem ex seminibus frigidis, addito sem. pavonis, temperatoque cum syr. de althæa Fernel.

Ad venenum expellendum, multum conducit aqua Quercerani in gonorrhæa.

Vel; ℞. Olei succini, gut. x. terebinth. lucid. gut. v. balsami peruviani, gut. 3. dentur ex vino calido saccharato, m. f. haustus diureticus.

Balsamum cobaiba non tantum educit venenum, sed postmodum consolidat, & adstringit, hujus balsami dosis à gut. x. ad xv. exhibeantur cum potu calido.

Præ cæteris balsamum sulphuris antimonii terebinthinatum, quod sequenti modo sulphure antimonii imprægnatur.

℞. Scoriarum antimonii in confectioe reguli simplici provenientium q. p. his affunde olei terebinthinæ lucidi ad emin. trium digit. transversor. stent in digestionem, donec oleum terebinthinæ sanguineam extraxerit tincturam, cujus dosis est à gut. v. ad x. in vehiculo convenienti.

Ad evitandum, ne contagium aliquam materiæ nostri sanguinis imprimat labem, & ulterius serpendo glandulas inguinales inficiat, præscribatur sequens sudoriferum,

℞. Resin. ligni guajaci, aut ejus loco gummi ℥j. dissolvatur in l. q. sp. vini. m. f. haustus præservans una dosi exhibendus.

Vel, ℞. Theriac. venet. ℥j. ocul. cancr. præparat. ℥j. salis volatilis succin. gr. xv. camphoræ, gr. 3. olei juniperi gut. v. m. f. bolus præservans.

Si verò malum vel diuturnâ morâ, vel activitate sui veneni testes, vel glandulas inguinales prehenderit, vel urethram eroserit, vel ulcera maligna circum glandem excitaverit, pro ratione loci & veneni, medicamenta sequentia applicentur.

In inflammatione testium.

Si testes inflammentur & tumeant, præparatur sequens fons ad inflammationem auferendam.

℞. Lithargiri auri, ℥iv. flor. sambuci, rosar. pallidar. m. ij. coq. ex l. q. aq. & vini & aceti, an. m. f. Fontus, calideque applicetur. Majoris discussionis gratiâ, si opus fuerit, nobilitari hic fons poterit cum spiritu vini camphorato.

Inflammatione sedata, postmodum tumori & duritiei obviam eatur, partem affectam balsamo sulphuris succinato calide inungendo, applicando postmodum emplastrum diasulphuris Rulandi, cujus præparationem vide in empirica Rulandi.

Vel, ℞. Scoriarum reguli antimonii simpl. q. p. terantur in pulverem antequam humido aeris insinuantur, iisque affunde olei succini, terebint. an. q. s. ad eminentiam duorum digitorum transversorum, digerantur ut arris est; Fiarque balsamum magnarum virium in rumoribus duris emollientis.

In Bubonibus.

Bubones si in inguine appareant, explorandum primò, utrum discuti queant absque suppuratione, illis applicando.

Emplastrum de ranis cum triplicato vel quadruplicato mercurio.

Quod si æger conqueratur de pustulis cutis, hoc cum emplastro misceatur pauxillum sacchari saturni, quo mediante prædictum hoc incommodum evitabis.

Vel, ℞. Mercurii vivi cum aq. fort. ℥viii. soluti, ℥iv. axung. porcinae, ℥viii. coq. simul in fictili vase, continuo sparulâ ligneâ movendo, donec inspissari incipiant, massamque obtinebis mollem, addet. flavæ, ℥ij. mastich. olibani, an. ℥vi. m. f. emplastrum discutiens.

Vel, ℞. Lithargiri auri subr. pulv. q. p. huic affunde aceti stillatit. q. s. coq. simul, donec acetum de acrimonia sua remiserit, & dulcedinem saccharinam acquisiverit, filtra.

℞. Hujus solutionis, ℥vi. mercurii præcipitati albi vulg. ℥ij. lento igne evaporentur ad siccitatem pulveris.

℞. Hujus pulv. ℥j. m. f. unguentum discutiens topis, glandulisque induratis applicandum.

Quod si bubonum discussio ex voto non succedat, ad maturationem festinandum cataplasmatibus ordinariis, vel emplastro diachilo simplici, ulcus porro aperiendo, mundificando & emplastro opodeldoc consolidando.

In ulcere urethræ.

Urethra si ab acri & corrosivo sale corrodat, intolerabilis oritur dolor, ubi urine reddendæ sunt; acre enim sal. urinæ transiens, locum erosum, hunc infestissime mordicat, & pungit, per siringam itaque fit injectio talis.

℞. Lactis tepidi, vel aquæ rosarum ℥ij. sacchar. saturni, ℥i ss. m. f. injectio anodina.

Vel, ℞. Balsami saturni rubicund. gut. xx. aquæ ros. vel lactis tepidæ, ℥ss. m. f. injectio anodina, quæ continuatur, donec pars erosa consolidata fuerit, sed

sed cum à præterfluente urina curatio valde retardetur, patiens, dum ipsi inungendum erit, fistulam argenteam, oleo olivarum illitam, in urethram introducat, ut hujus beneficio præcaveatur, quo minus urina locum affectum attingere queat.

Ulcus, si se manifestaverit, mundificetur sequenti

℞. Vitelli ovi, ad duritiem cocti, nu. i. mell. optimi, ℥j. misceantur exacte, terend. cum pistillo, donec obtineas colorem spadicium, adde mercurii sublim. ℥ij. vel ℥j. m.f. mundificativum.

Sæpius ulcus tangatur oleo ligni guajaci median- te candela cærea.

Quod si summe pertinax fuerit, neque ordinariis cedat remediis, tangatur oleo uiginis, de quo vide Hartmannum in praxi sua chymica, capite de gonorrhœa, vel aqua forti, & postmodum aqua tepida eluatur, & cicatrifetur, cum prædicto oleo guajaco.

Virus ubi expurgatum est, fluxus seminis sponte sedari solet. quod si verò ex debilitate vasorum vel erosione nimia, ex voto medici hoc non succedat, adstringentia, & confortantia sunt utenda, ut.

℞. Trochisc. de terra sigill. ℥j. corall. rubr. præparat. ℥ss. Terebint. cum aq. plant. lotæ, ℥vi. M. F. pilulæ instar pisorum, quarum pro dosi v. vel vi. dentur mane & vespere.

Vel, ℞. Vini rubelli, aq. simphiti, vel consolidæ major. ana ℥v. In quibus infunde per noctem fol. schordei, m. j. cort. granatorum, Bacc. juniperi, an. ℥i ss. Boli armen. ℥ss. Mane leviter ebulliant, & colentur, & post urinam redditam, fiat injectio per seringam.

Vel. ℞. Sem. alkekengi, ℥ij. quatuor frig. major. papav. alb. lactucæ, plantaginis, ana ℥j. agni casti, ℥j. Rhabarb. electi, ℥ss. mastiches, ℥iij. boli armenæ, Gummi Arabici, Succini albi, Gummi tragacant. Amyli, ana ℥ij. ros. rub ℥j. Terebint. q. s. pro matetia pilularum. M. F. pilulæ, dosi à ℥j. ad ℥ij.

In ulceribus malignis glandis.

Ulcuscula maligna si glandem infestent, ordinariamque medendi methodum respuant, medeunt aqua sequenti.

℞. aq. vulgar. q. p. ebulliat in lebeæ ærio, in ea dissolve, calcis vivæ parum, adde vitriol. hungar. tantum, ut cœrulescat solutio, filtretur. M. F. fons, & tepide applicandus. ad hoc suum confert aqua divina Fernelii, vel

℞. Lactis virgin. q. p. in eaque solvatur. Mercurii sublimati paucillum M. F. liquor, quocum tangantur ulcera maligna sæpius.

Vel Axung. porcin. q. p. quocum misce olei tartari per deliq. tantum, donec obtineas unguentum acre, cui si tandem non auscultent, Loco olei tartari per deliq. misceatur oleum vitrioli. M. F. linimentum mundificativum.

Mercurius dulcis, ut & turbith minerale, mixta cum unguento convenienti non inferiores hæc obtinent. *Anonymus Praxeos chymiatricæ rationalis cap. 25.*

Consultationes.

Pro Juvene Perillustri, & Nobilissimo Gonorrhœam patiente.

Quod perillustri, & Nobilissimus Juvenis deti-
Bibl. Chirurg. Tom. II.

neatur gonorrhœa, jam omnibus est perspectum, quæ nil aliud est quam involuntarius seminis exitus. Verum quoniam quandoque semen purum, quandoque mixtum cum bile semen exire, color flavus exeuntis indicat, sed an huic fluori conjuncta sit aliqua malities venerea merito dubitari potest & pro utraque parte rationes non desunt. Primum quidem pro parte affirmativa est ratio desumpta ex commercio, quod habuit cum pluribus feminis suspectis, pro parte verò negativa est ratio desumpta ex consequentibus hunc fluorem, solent enim alia symptomata, ubi est adjuncta malities venerea, fluorem subsequi, quorum nullum observatur in juvene Nobilissimo. Ex quibus utraque pars sustineri posse videtur.

Verum quamquam symptomata alia non appareant, dicerem hoc evenire posse, quia malum est in principio, & urinam non superveniant, nam ut verum fatear ego quasi certus sum de infectione, & eo magis quia novi patientem ultimò rem habuisse cum muliere lue illa venerea obruta & infecta.

Jam igitur causæ hujus floris sunt adveniendæ, qui fluor quoniam est symptoma secundarium necessario in aliquam actionem læsam refertur, hæc autem nulla alia esse potest, nisi retentio vasorum seminalium, quæ cum possint lædi, vel per se, vel ex accidenti, per se quidem vitiatas valis seminariis, ex accidenti verò irritata facultate expultrice ob seminis acredinem, quam accedere puto ex dicta bilis cum semine admixtione, atque forsan à lue illa venerea sanguinem, & semen inficientibus.

Sed utrum seminalium vasorum dilatio aliqua conjungatur, jure quæreret aliquis, cui ego responderem, in hujusmodi vitio fere semper aliquam vasorum dilatationem conjungi, vix enim fieri potest, ut fluor prædictus aliquot diebus perduret, nisi aliqua vasorum relaxatio, ac apertio suboriantur.

Quare ex dictis patet ad medicum attinere seminis acredinem remove per evacuantia, & attemperantia, atque etiam materiam prædictam retrahere, si aliqua adsit qualitas venefica, eandem propriis alexipharmacis domare; Amplius oportebit vasa nimis dilatata constringere, maximeque viribus prospicere.

Quare omnia ardua erunt, ac difficilia, quoniam affectus est satis progressus, & suspicio non levis occurrit venereæ infectionis, ut ex hac immineat etiam defluvium capillorum. Danda tamen erit opera, ut quamprimum affectui præsentī, & huic imminenti, & aliis quamplurimum hunc subsequi solitis occurratur.

Ideo lenita alvo venam cubiti secare, & si opus fuerit cucurbitulas natibus cum lescificatione adhibere oportebit.

De pharmacis ita decerno, ut quàm citò leniatur alvus cum Diasebesten lenitivo, vel Diacasia cum mænna, deinde præparentur humores decocto endiviæ, sonchi, acetosæ, plantaginis, & coriandrorum præparatorum cum syrupis accommodatis, postea deturbentur, cum diaprano lenitivo, & ab hac purgatione uterer ego sero chalybeato cum succo acetosæ, vel thermis frigidis, post quarum usum saccharum rotatum antiquum cum pulvere coralli rubri, seminum cannabis, coriandrorum præparatorum, plantaginis, & similium propinquarem. Sed præter hæc si suspicio luis venereæ præsens erit, nil præstantius decocto salsæ, & chinæ esse poterit.

Externis autem convenit unguentum Comitissæ, infrigidans Galeni, Renibus adhibitum.

Quibus tandem addendus est victus accommodatus, qui erit, ut patiens degat in aëre temperato, vescatur pristinâ, lacte seminum melonis, & cannabis, carnibus optimis in aqua chalybeata decoctis, ovis, piscibus petrosus, oleribus refrigerantibus, & utatur vino paucifero, vel aqua diluto, quod magis expediet, si sandalis, salsa, itemque china medicabitur, somnus sit longior vigilia, alvus proprium officium exerceat adjuta, si opus fuerit, clysteribus emollientibus, ac refrigerantibus, demumque animi, & corporis quies imperetur in quibus omnibus ad majorem efficaciam à D. O. M. auxilium implorandum est. *Julius Cesar Claudius in Consultationibus Medicinal.*

Gonorrhœa ex frequenti masturbatione.

Juvenis quidam Jurium studiosus, constitutionis sanguineæ, & per naturam in venerem proclivis, cæstrò libidinis & coeundi appetentiâ sæpius tentabatur, quam ut compesceret, titillante virilia manu semen eliciebat, idque frequenter, ut ipse fatebatur his, ter & amplius de die: tandem in gonorrhœam incidit cum insigni virium & totius corporis debilitate.

Causam istius gonorrhœæ laxitatem vasorum seminalium esse judico, quatenus ex frequenti masturbatione vesiculæ semen continentes toties inanità iterumque repletæ laxitatem contraxerunt, id quod etiam ab humorum affluxu fieri quandoque solet.

Corporis totius debilitas ab intempestiva & nimia seminis profusione proficiscitur. Quemadmodum enim semen intempestivè retentam corporis totius gravitatem inducit, & si corrumpitur gravissima symptomata excitat: Ita nimium excretum calorem nativum dissipat, cruditates cumulat, nervos lædit, mentem hebetat, & universum corpus debilitat.

Ut itaque facultas retentrix labefactata roboraretur & vasorum seminalium laxitas emendaretur, adstringentia quædam interna & externa præscripsi.

℞. Rad. torment. fragar. bistort. an. ℥ss. flor. rosar. rubrar. m. j. balauft. cortic. granat. an. ℥iij. succi acaciæ ℥ss. sem. berber. ℥ij. cassiæ lign. ℥iij. mixta infunde in vini rubr. styptic. ℔ iv. adde sp. vitriol. gut. xxi. extrahe tinctur. lento calore MB. Colatur. adde syr. corallin. Quercetani ℥vi. M. De hac tinctur. bibat singulis matutinis ℥vi. cum jejuniis trium horarum. Vesperti decumbens confessionem stypticam Mynsichti, vel subsequens electuarium delibet.

℞. Conserv. rosar. veter. ℥iv. carn. cydon. condit. ℥vi. nucis Indic. condit. ℥ij. pulver. tormentillæ, balauftior. an. ℥ij. terr. sigill. corall. rubr. præparat. an. ℥j. C. C. præparat. ℥iij. cum syr. granat. acido f. electuarium. Extra usurpetur tale unguentum.

℞. Olei rosar. myrrh. mastich. an. ℥vi. bol. armen. terr. sigill. balauftior. an. ℥iij. ceræ albæ parum, M.F. unguentum molle.

His per integrum mensem adhibitis à turpi hoc malo liberatus est æger; monui in posterum à tam nefanda libidine abstinere, memor Divinæ comminationis, quâ ab hereditate regni Dei excluduntur molles, Epist. Paul. ad Corinth. i. cap. 6.

Abominandum sanè & homine Christiano indignum scelus, quod etiam Ethnici saniores detestati sunt, ut videre est apud Martialem, qui hoc nomine acriter reprehendit Ponticum.

Pontice quod nunquam futuis sed pollice lavô

Uteris & veneri servit amica manus.

Hoc nihil esse putas, scelus est, mihi crede, sed ingens;

Quantum vix animo concipis ipse tuo.

Nempe semel fuit generaret Horatius, vires,

Mars semel ut geminos illa casta daret.

Omnia perdiderat si masturbatus uterque.

Mandasset manibus gaudia fœda suis.

Ipsam, credo, tibi naturam dicere verum:

Illud quod digitus, Pontice perdis, homo est.

Baltassar Timæus in Casibus Medicin.

De gonorrhœa simplici.

Vir triginta quinque annorum, temperamento pituitosus, diu alimentis humectantibus usus, jam à longo tempore ex urethra inscius & sine sensu frequenter emittit liquorem aquosum, crudum, viscidum. Toto corpore gracilescit: oculi sunt concavi. Vires ejus in dies magis magisque imminuuntur. Cum impura fœmina non consuevit.

Afficitur in hoc ægro totum corpus; quod ex gracilitate & ejus debilitate innotescit. Sed præcipue afficiuntur prostata & aliæ partes, quæ seminis generationi inserviunt; quod testatur involuntarium illud ac imperceptum liquoris istius aquosi crudi & viscidum effluviū.

Morbus, qui hunc ægrum affligit, est intemperies frigida, ac humida & nimis laxa & rara testium, eorumque prostaticarum & parastatarum, quæ frequentem liquoris aquosi crudi & viscidum, ac sine sensu ex urethra effluentis excretionem, magnamque totius corporis extenuationem inducens Gonorrhœa simplex appellari solet.

Causa procatactica hujus morbi est diutinus alimentorum humectantium usus. Inde verò, adjuvante temperamento ægri pituitoso, aquei in corpore copiose geniti humores, antecedentem huic morbo præbuerunt causam. Pars verò ad parastatas, parenchyma testium, & prostaticas delata, iisque partibus intemperiem frigidam ac nimis laxam raramque impartiens, continens hujus morbi, & aquosi crudi & viscidum humoris, per urethram sine sensu copioso effluentis, symptomatumque hinc sequentium, est causa.

Dum enim sanguis à corde in illas partes, intemperie ista laborantes, impellitur, propter ipsarum intemperiem frigidam & humidam relinquitur crudus, ac convertitur in materiam aqueam & viscidam, quæ cum nullis aut paucis habeat spiritus, è partibus istis, ob laxitatem & raritatem earum nimiam, sine ullo voluptatis sensu copiose emittitur. Et quoniam ille fluxus est perpetuus, quo succus alimentarius subducitur toti corpori, hinc totius corporis est extenuatio, oculorum excavatio, viriumque quotidie sese augens debilitatio.

Affectus hic, quia diu duravit, & est in partibus genitalibus interioribus & à ventriculo remotis, ad quas vis medicamentorum difficulter deferri potest, satis difficilis ejus erit Curatio.

Quæ in causæ procatacticæ, antecedentis, & continentis ablatione, & intemperiei correctione, consistet.

Primo itaque ad causæ antecedentis, nempe pituitosorum humorum evacuationem, præscribatur hoc purgans.

℥. El. diacathol. ʒʒ. turbith. pulv. ʒʒ. Rhabarb. ʒʒ. cinamom. gr. iv. Dissolve in aq. card. benedict. ʒij. ʒ. aq. fœnicul. ʒʒ. Misce F. Haustus aliquoties repetendus.

Interim utatur hoc decocto ad intemperiei alterationem.

℥. Fol. menth. absinthii rom. an. m. j. Sem. agni casti, rutæ, myrthi, Cupular. gland. sem. rosar. rubr. an. ʒij. F. decoctio in vino rubro gallico ad lib. j. cum sacchar. q. s. Et fiat Apozema, de quo sumat haustum. ʒvi. omni mane & vesperi.

Et inungatur regio lumborum & perinæ, inter scrotum & anum, hoc unguento.

℥. Ol. mastichini ʒj. rutacei, menthacei an. ʒij. Sem. agni casti, urticæ, rutæ an. ʒj. Menthæ, catiophyll. an. ʒʒ. ceræ q. s. Pulverifatis pulverifandis F. Unguentum.

Postea utatur dragma una sequentis pulvêris, cum haustu vini rubri, vel cum lacte, cubitum iturus.

℥. Gland. quercûs in furno exsiccatarum ʒvi. Sacch. ros. tabellati ʒi. mastiches, thuris an. ʒj. Sem. coriand. ʒij. succini ʒj. Viticis, fol. menth. an. ʒj. Oculor. cancri ʒj. F. Pulvis subtilissimus.

Si hæc & similia parum juvent, poterit per cautarium potentiâle fonticulus excitari in utraque tibia, paulo infra poplitem, in paribus internis, ad humores pituitosos, cum materia seminis ad genitales partes fluentes, easque nimis laxantes, aliò deducendum.

In diætâ alimenta sint exsiccantia & calefacientia, & frequens orizæ usus. *Henric. Regius apud Theodor. Craanen Medicationum lib. i.*

De Gonorrhœâ virulentâ, & Ulcere præputii meatûsque urinarii.

Juvenis 30. annorum, jam à quatuordecim diebus patitur fluxum materiæ cujusdam purulentæ & fœtidæ, ex meatu ejus urinario perpetuò fere effluentis, & indusium ipsius commaculantis. Ardor in fine mictionis adest immensus, præputiumque ipsius extrinsecus est exulceratum. Hæc omnia præcessit coitus, cum fœmina non satis pudica aliquoties peractus.

Morbus, quo æger hic laborat est intemperies prostaticarum, & forsitan etiam vicinarum partium, maligna, contagiosa, acris, & nimis laxa & rara; cum urethræ ulcere & præputii externa exulceratione conjuncta: quæ perpetuum fere materiæ purulentæ & fœtidæ ex urethra effluxum, urinæque, ab ejus excretionem, ardorem producat, vulgo Gonorrhœa virulenta appellari solet.

Morbus hic originem duxit à coitu, cum fœmina impudica & impura aliquoties instigato. Inde enim, per contactum partium genitalium, maligna intemperie laborantium, partes genitales hujus ægri, & in iis præcipuè prostata, similem intemperiem pravam contraxerunt; Eaque humores, ad alituram & seminis generationem eò propulso, in materiam purulentam & fœtidam convertit. Hi verò prostaticas laxantes & acrimoniâ suâ vellicantes, urethramque cum præputio erodentes & exulcerantes, partesque illas ad excretionem perpetuò stimulant, perpetuum materiæ purulentæ & fœtidæ ex urethra profluvium, urinæque magnum, ab ejus excretionem, ardoris, vel potiùs acrimoniæ, sensum producat.

Morbus hic periculosus est: cum lumen veneream & carunculam in meatu urinario, producere possit.

Bibl. Chirurg. Tom. II.

Curatio itaque prudenter instituenda: quæ in intemperiei percontraria correctione, & ulcerum mundatione, consolidatione, consistit.

Primò itaque talibus purgetur bolis.

℥. Rhabarbari pulv. ʒj. Terebinthinæ venetæ ʒiii. Cassiæ recens extractæ ʒʒ. Misce F. Boli mane à jejunio sumendi cum nebulis, qui subinde reiterari poterunt.

Postea mane, & vesperi circa horam 4. sumat cum lacte trochiscorum alkekengi pulv. ʒj. continuando per aliquot dies.

Si malum perseveret, utatur bis in die, de hoc decocto, haustu ʒiiij.

℥. Rad. petroselinii ʒj. althææ ʒj. ʒ. Liquiritiæ, consolidæ an. ʒij. Bistortæ ʒʒ. Herb. plantag. alchimillæ an. m. i. Flor. malv. arborescentis p. i. Sem. lini, cydonior. an. ʒij. glandium ʒj. Nucleor. persicor. ʒʒ. Decoq. in aq. hord. q. s. ad lib. ij. & Co-lentur ad usum.

Dum his utitur, in penem primò talis fiat injectio detergens, syringâ injicienda.

℥. Lithargyr. argent. cerussæ, tuthiæ præpar. an. ʒj. Sacchari candi ʒʒ. camphoræ ʒʒ. aluminis ʒj. Aq. rosar. plantag. an. ʒiv. Misce.

Postea ad cicatricem inducendam, tali injectione utendum.

℥. Trochiscor. alb. Rhasis ʒʒ. Boli armen. ʒʒ. Aq. rosar. plantag. an. ʒiv.

Ulceri in glande adhibeatur hoc Unguentum

℥. Cadmiæ fossilis, sive lapid. calaminaris. ʒʒ. Sulphuris, argenti vivi an. ʒj. Cum terebinthina misceantur in formam Unguenti, addendo parum axungie porci.

Si malum pertinaciùs perseveraret, ʒi. vel ʒʒ. fumatur quotidie de hoc pulvere cum lacte.

℥. Rhabarbari opt. myrobalanor. citrin. Mercurii dulcis an. ʒj. F. Pulvis.

℥. Coralli rubri præp. succini an. ʒʒ. camphoræ gt. v. Terræ lemnis veræ ʒij. nucis muscatæ ʒj. F. s. aut Pulvis subtilis.

Victûs ratio, hic instituenda humorum acrimoniam obtundat. Propterea utilis est præpar. hordeacea cum amygdalis dulcibus & 4. sem. frig. majoribus. Utatur frequenter oryza & lacte. Vitentur acria, fœta, acida, & diuretica, idem ibidem.

Gonorrhœa cum Hyperfarcosi.

Juvenis 27. annorum, postquam per aliquot menses gonorrhœa virulenta, admodum acris & mordaci, ex coitu cum impuro scorto peracto nata, laborasset; ab ea liberatus cœpit laborare magna urinæ difficultate, ita ut ea aliquando penitus supprimatur, nonnunquam paulatim & guttatim magno cum urethræ ardore & dolore emittatur. Immissa in eam candela cerea liberè non transit, sed in medio meatûs urinarii impedimentum invenit, quod tamen paulo fortiore ejus pressione cedit.

Afficitur in hoc agro media pars meatûs urinarii in pene; quod ex urinæ & candelæ ceræ impedimento, & magno urinæ excretionis ardore ac dolore, in eo ibi percepto, patet.

Morbus, quo hic æger laborat, est obstructio meatûs urinarii, orta à caruncula in media urethra nata; urinæ justam excretionem impediens; magnamque dysuriam inferens.

Hæc cum à gonorrhœa virulenta, ex imputa Venere contracta, & carunculam in urethra penis producente, sit profecta, græc. Hyperfarcosis Urethræ Venerea, & latine Caruncula in meatu urinario, à causa proxima & parte affecta, appellari solet.

C c 2

Causa

Causa procatartica hujus morbi est coitus, cum impuro scorto ab hoc Juvene aliquando peractus; quo ejus partes genitales per contactum pravam intemperiem contraxerunt, indeque succus seminalis & alimentarius in iis corruptus antecedentem huic morbo præbuit causam. Pars verò ejus ad prostates delata, ibique in liquorem virulentum acrem & mordacem conversa, antehac suo profluvio gonorrhœam virulentam aliquot menses durantem, & postea acrimoniâ suâ urethram erodens, primò ibi ulcus, & deinde poros ibidem vitians, & nimis laxans, carnem nimis laxam & copiosam sive hyperfarcosin, meatum urinam obstruentem, in urethra genuit; eaque ibi ita genita proxima & continens hujus obstructionis Urethræ, symptomatumque, inde sequentium, nempe urinæ modo suppressæ, modo guttatim cum magno dolore & ardore effluentis, est causa.

Morbus hic periculosissimus est, difficillimæque curationis; propterea quod sit in loco valde angusto, acutissimoque sensu prædito; ad quem remedia difficillime applicari, & applicata ægerrime ferri possint; atque ideo sæpe per totam vitam durare solet. Sæpe etiam, urinam penitus sufflaminando, mortem inducit. Non tamen de sanatione desperandum censeo; quia hoc malum est recens, caruncula est mollis, non callosa, sed pressioni fortiori candelæ immissæ cedens.

Curatio itaque diligentissima hîc est adhibenda. Eaque primò in carunculæ extirpatione & consumptione, & deinde in ulceris, post carunculam ablatam reliqui, exiccatione & cicatrizatione consistet.

Quæ ut recte peragantur primò æger noster blando hoc medicamento purgetur.

℞. Electuarii lenitivi, Cassiæ recent. extractæ an. ʒβ. Dissolve in f. q. aq. hordei, & f. Haustus brevis.

Postridie venæsectio instituatur ad uncias sex.

His peractis, adhibeatur carunculæ in meatu urinario cannula lintea, intus cerâ albâ & foris sequenti erodente linimento oblita, transversum digitum longa, & justa cavitatis latitudine prædita, longoque filo appendente transfixa. Medicamentum illud tale erit ex.gr.

℞. Mellis in cineres usti, Tuthiæ præp. Butyri recent. in aq. plantag. loti, Terebinth. similiter lotæ, Ceræ flavæ. an. ʒβ. Aluminis usti ʒβ. Misce F. Linimentum.

Hoc crebrâ experienciâ teste, carunculas meatus urinarii, absque dolore, & sanarum partium exco-riatione, consumit.

Quidam hoc experimentum summis laudibus extollunt.

℞. Pulv. argenti viv. Merc. præcipit. Viridis æris, Antimonii crudi an. ʒiij. Ceræ albæ ʒj. Misce s.a. in mortario plumbeo ad formam unguenti.

Cannula igitur, cujus jam memini, ubi uno ex his medicamentis foris fuerit oblita, stylo, extra fistulam argenteam ad digiti transversæ longitudinem prominenti, adaptetur, atque unâ cum argentea fistula & stylo inserto, in urinarium canalem immittatur, donec occurrat carunculæ, & cum jam est in loco carunculæ, primùm stylus & deinde argentea fistula retrahatur; quo fiet ut cannula, ex linteo cera inducto parata & immissâ, relinquatur in meatu urinario, ut per eam utina excernatur, eaq. simul prohibeat, ne medicamentum, carunculæ admodum, ab urina elui possit.

Cum volumus renovare medicamentum post unum vel alterum diem, tum ope affixi & propendentis fili cannula extrahenda est, aliaque modo jam explicato adhibenda.

Vel extirpatio carunculæ institui potest sequente unguento, quo extremitas candelæ cereæ inungitur, eaque ad partem affectam per urethram immittitur, ibique noctu diuque relinquitur; & cum menjendi est pruritus, extrahitur, & postea rursus adhibetur.

℞. Præcipitati ʒij. unguenti de cerussâ ʒiβ. Misce. quibus pro magnitudine affectûs aliquid olei vitrioli addi potest.

Consumitâ carunculâ, quod ex facili & libera urinæ excretionem deprehenditur, ulcus erit exsic- candum, & cicatrice obducendum tali medicamen- to.

℞. Butyri recentis ʒij. cerussæ lotæ in aq. ros. ʒj. Camphoræ ʒj. ceræ parum F. Unguentum, quod candela cerea immissa loco affecto adhibetur.

Vel ℞. Aq. fabrilis lib. β. Nucum cupressi, Gal. l. Cort. mali granatiani. ʒiβ. Alumin. rochæ ʒβ. Bulliant omnia.

Ex hoc decocto tepido fiant injectiones in me- cum urinarium syringâ, donec ulcera sanentur.

Vitûs ratio hîc exsiccet, & humorum acrimo- niam etiam obtundat: propterea convenit prisana hordeaca cum amygdalis dulcibus & 4. sem. frig. major. Utatur quoque frequenter oriza & lacte. Viten- tur acrida, salsa, & acida, atq; etiam diuretica. *Idem ibidem.*

Observationes.

Gonorrhœa Virulenta.

Nobilis mulier à marito inita, qui cum prosti- bulo impuro concubuerat, inquinatur: hinc go- norrhœa virulenta male fluorem muliebrem repræsen- tans. Quæ excernuntur, cum virore pallescent. Jam fluxus ille per annos perseveraverat, illam à variis morbis vindicans. Tamen propter contagionem mas- sæque sanguinis labem valetudinaria est; quoniam credo, non satis largiter virulentus ille humor de- currit. Menses plane subsistunt. Atque hinc illinc metus ingruit quidam. Num si supprimatur illud *βγαμωδες* & virulentum, pernicies consequetur? sin fluat, tamen suo exitu commoditatem affert, sic ta- men in maciem ita laborantem conjiciet? Quod plerisque usu venit; siquidem non potest non af- ficere partes per quas traducitur. Ineunte vere quo præsertim tempore omnia repuerascunt, summam in renibus gravitatem sensit. Dejicitur appetentia: languet: munia non obit sua: Dolores in ventre excitantur toto. Quo medicamento exhordeo & sy- rupo laxativo sæpe adjuncta fuerat, eodem occur- ritur: malum recrudescit. Tandem diu noctuque ita vexatur, ut ferendo non sit. Pulsus languidus & sepultus: facultatum omnium fere concussio, ac maxime vitalis. Sursum deorsum fertur materia. Quæritur quid sit opus. Sensim atque sensim cres- cunt dolores pungentes & ferientes, divellentisque membranas. Dolor turgens est, & qualem Gale- nus describit lib. 3. de locis aff. i. e. in partibus quibusdam sentitur dolor veluti à remota alia parte velut radice derivatus; quod notandum est, falsò cre- dunt colicum esse dolorem; proptereaque ut fere sit, liberales

liberales nos esse debere in usu rerum calidarum : imo tali usu ægrefcebat magis ; in eam sententiam ventum est , ut crederemus in provocando illo fluore incumbendum esse, alioqui frustra operam duros. Atque ita provisum est. Primum is clyster injectus.

℞. Malvæ bismal. artemisæ, an. m.j. sem. pœoniæ rubeniæ rubentis ʒj. agripalmæ p.i. rad. petrosel. asparagi. an. ʒj. sem. lini, fœnuagr. an. ʒ. ʒ. fiat decoct. In colat. dissol. terebinth. ʒij. sacchar. rub. ʒj. olei liliorum. Eodem die excitatus vomitus materiei virulentæ & ejus quæ olim per inferiora ferebatur : Non à ventriculo erat, sed ab jecinore & regione Renum, ut conjecturis deprehendebatur. Quæstio an esset sistendus an juvenus. Non placuit juvare, ne materiam quæ per inferiora moveri deberet, aliorum revelleremus. Urgentibus doloribus coacti sumus adhibere balneum, uti succo amygdalar. dulc. cum vino Hippocrat. Cessabant statim dolores : à balneo egressæ redibant. Secta vena in malleolo ; adhibiti pessæ ex hiera diacolocynt. Pulvere hieræ & galyops. addita styrace liquida : & involuti sunt fantalo. Deinde pilulis de hiera cum agarico & rheo consultum est. Tandem repetiti clysteres primò similes. Et præscriptus bolus sequens post balnea.

℞. Terebinth. venetæ ʒij. rhei. ʒi. cum syrup. capill. ven. capiat. Secta vena in brachio ob turgentem in lumbis dolorem. Applicatæ cruribus cucurbitulæ. Tandem ad decoctum sarsaparillæ ventum est ad proliciendos sudores. Provocati sunt atque ii admodum fatigantes, utcumque convaleuit. *Baltonius Consilior. medicor. lib. I.*

Mercator quidam una muliere non contentus. quantum licuit libidinosè vixit : & cum prostibulis versatus, inquinatus est, unde & gonorrhœa & ulcuscula cacoethæa in pudendo manaverunt : Tamen sibi præcavens advocato Medicorum consilio, in suam non incidit. Sed cum rem leviculam putaret, semine illius virulentæ gonorrhœæ intempestivius suppressæ redivivo, sensit dolorem acerbum in spina, & lumborum regione imo in pene ulcuscula repullulant, statimque evanescent difficultatem spirandi nonnullam habet *avergent* est, macrescit in dies. dolet totam spinam, & lumbos. Inito consilio dictum est id totum esse à reliquiis istius virulentæ quæ sensim vites acquirit : immo & rudimentum esse illius affectionis quam Hippocrates in libris de morbis tabem ex dorso vocavit. Itaque tametsi ad oppugnandam vim morbi valeret usus guajaci, tamen de macie erat verendum. Itaque creditur satius corpus reficere, & interea non esse alienum ut interponeretur usus hydropicorum temperatiorum ut non proliciantur sudores, sed ut potius sensim humores desiccantur, & maligna qualitas emendetur. Consilii hæc sunt capita.

Bis hebdomade injiciatur clyster emolliens & detergens. Primo quoque tempore utatur bolo cum rheo barbaro. Aperiatur basilica dextri brachii ad tria vascula.

Vtatur semel paucâ terebinth. cum syrupo de althæâ: Pauca autem sit quantitas, ne hinc alvus solvatur, sed tantum ut vasa munda fiant.

Linatur frequenter spina oleo mastiches, cytonio, rosato cum aceto. Deinde utatur lacte asinino per dies viginti continuos.

In partibus decocto sarsaparillæ diluto satis, idque cum passulis. Tandem cum renutritus fuerit, ad decoctum chinæ, & sarsaparillæ minime dilutum adducetur, si semen mali longius disseminetur. Et cum

Bibl. Chirurg. Tom. II.

perseveraret dolor, & calor summus in renibus, hoc quod sequitur fuit institutum.

℞. Sapæ lib. 5. mucaginis decoctionis malvæ bismal. violarum, feminis psyllii, melonum : adde opii ʒij. & applicetur instar cataplasmatidis regioni renum. *Idem ibidem.*

Mulier quædam cum Gonorrhœâ laboraret, hoc uno decocto. à profluvio seminis, & urinæ ardore post universalia remedia adhibito, ex incontinenti per me curata fuit.

℞. Liquirit. ʒvi. sem. myrtillos. coriandr. præpar. plantag. agn. cast. an. ʒj. sem. papav. alb. ʒij. sem. hioscyam. ʒʒ. hord. mund. M. j. acaciæ, sumac. an. ʒi. semina contund. crasso modo & bulliant omnia in aq. chalybeata pro ʒiij. colat. adde troch. alkikeng. ʒj. M. Sumebat cyathum bis in die, neque aliis medicamentis opus habuit.

Benedictus Faventinus, Præceptor meus hoc in simili casu magno cum successu & experientia utebatur. Si & Gonorrhœæ adesset dolor & ardor, dabat tepide septem diebus lactis ovilli ʒij. aq. plantag. vel succi ejus ʒj. boli. armen. ʒj. *M. Petrus Forestus. observ. 15. lib. 26. De Penis Vitiis.*

D. Bontius in Gonorrhœa, ut J. Heurnius inter secretoria remedia sua, annotavit, usus fuit his Pilulis.

℞. Sem. lactuc. papav. an. ʒij. rad. nymphææ ʒij. ros. rub. ʒj. corall. rub. ʒij. camphoræ ʒʒ. sem. agn. cast. ʒj. cum mucagine tragacanth. F. massa ex ʒj. fiant Pilulæ vii. In Notis ad cap. 13. lib. 6. *Pathologia Joann. Fernelii.*

Vir quidam Gonorrhœâ antiquâ laborans, à me consilium petiit : cui primùm præscripsi purgationem ex Mercurii dulcis ʒj. cum pil. coch. min. eadem quantitate, & sequenti die venæ sectionem. Deinde Bolum ex rhab. pulv. ʒj. cum terebinth. ʒij. quem continuavit per quinque dies, eoque purgabatur ter aut quater in die : iterum sumpsit Pilulas Mercuriales, & prædictum bolam per alios quinque dies : ac tandem aquam sequentem per octo dies.

℞. Menth. sicæ. ʒij. sem. lactuc. rutæ agn. cast. an. ʒiij. ireos fl. ʒii. dictamn. cretic. ʒx. sacch. albi ʒij. omnia pulverentur addendo terebinth. venet. ʒv. vini albi generosi ʒxxx. F. destillatio in balneo M. capiat cochlearia duo mane duabus horis ante cibum. His remediis à contumaci illo affectu liberatus est. *Lazarus Riverius observ. 25. cent. I.*

Juris quidam utriusque Doctor Gonorrhœâ laborans à me consilium petiit : illi bolum præscripsi ex rheo & terebinth. per quinque dies sumendum : & cum nondum fluxus cessaret, postea usus est aquâ ad Gonorrhœam Quercetan. in illius Pharmacopœa descripta : prima exhibitione omnino sublatus est fluxus, & ideo per tres aut quatuor dies tantum illius usum continuavit : neque amplius rediit affectus. *Lazarus Riverius obs. 36. cent. I.*

Vir quadraginta annorum ex impuro concubitu Gonorrhœam contraxit, cui ab initio præscripsi bolum ex cassiæ ʒj. rhei pulv. & crystall. tartar. an. ʒj. Sequenti die volebam sanguinem mittere ex pede, quod ipse æger renuit. Emulsionem præscriptam sunt ad tres aut quatuor dies, quibus urinæ acrimonia temperata est : fluxu eodem modo perseverante. Postmodum ptisana laxante usus est, per septem dies continuos, in hunc inodum præscripta.

℞. Tamarind. ʒij. aq. fontis ʒiv. coq. ad ʒiij. in colat. infund. frigide per noctem sen. mund. sem. coriandr. liquirit. & ros. rub. an. ʒij. capiat cyathum unum mane horâ unâ ante pastum. Hoc remedio fluxus valde imminutus est, ad quem omnino delendum bolum sequentem præscripsi.

Cc 3

℞. Terebinth

℞ Terebinth. vener. ℥iii. rhei pulv. ℥i. F. bolus quem capiat mane per quinque dies deinde aquâ superius descriptâ usus est per septem dies. Hoc modo Gonorrhœa curata est: quia tamen exigua quædam humiditas in extremitate glandis frequenter apparebat, ut in fine hujus morbi plerumque fieri consuevit: ad eam prorsus cohibendam & exsiccandam sequentes pilulæ præscriptæ sunt.

Gummi arabic. tragacanth. carab. mummiæ, bol. armen. an. ℥i. pulverentur, & cum syr. de ros. sic. F. pilul. massa, de qua capiat ℥j. singulis diebus mane, duabus horis ante pastum per octo vel novem dies, & ita fluxus omnino cohibitus est. *Lazarus Riverius. observ. 74. cent. 4.*

Conservâ fructus brusci à ℥ij. ad ℥ß. per aliquot dies exhibitâ Gonorrhœas multas curavi.

Idem præstat aqua ejusdem fructus distillat. *Samuel Formius observ. 47.*

In Gonorrhœa commendatur pulvis sequens.

℞. Fol. menth. mumia, corall. rub. agn. casti, carabes, an. ℥i. M. F. Pulvis: de quo accipiat æger aliquid mane jejuno ventriculo cum ovo tremulo. Vehementius sistit profluvium seminis, pulveris ossis Sepiæ ℥j. cum conservæ ros. ℥ij. bis vel ter sumptus. Excellentissimum est Magisterium ejusdem cum conserv. ros. antiqua à gr. vi. ad ℥ß. sumptum. Tinctura etiam corall. mirabiliter prodest.

In Gonorrhœa virulenta interdum inflammantur testes cum maximo tumore: in eo casu præsentissimum remedium est Cataplasma ex foliis rutæ & ebuli aceto coctum & applicatum *Jo. Hartmannus. Practic. chymiatr. pag. 265.*

Juvenis viginti quatuor annorum, mirus formarum spectator ac verus Veneris alumnus, post coitum cum impura meretricie peractum patiebatur continuum ferme materiæ albicantis ac viscidæ ex urethra profluvium, non tantum absque voluptate, sed præterea etiam cum dolore scindente, qui quoque aderat, cum æger reddebat urinam.

Fermentum nempe acido-corrosivum in partibus genitalibus hujus scorti delitescens per penem hujus juvenis in poros prostaticorum ac vesicularum seminalium à coitu plus solito apertos, sicque acedine sua & semen & humores nutritios alluentes infecit ac ulcuscula excitavit in illis partibus; hinc itaque vellicatio & continua fere contractio prostaticorum ac vesicularum seminalium semen ac humores nutritios corruptos modo prædicto assidue promodum cum dolore fundentium.

Malum hoc gonorrhœa plerunque nuncupatur, estque satis periculosum, quandoquidem sæpius degenerat in luem veneream, si differatur ejusdem medela, tunc etenim fermentum acido-corrosivum abripitur & cum massa permiscetur sanguinea.

Nulla itaque mora interjecta ad curam properavi, ac ad acidum corrosivum temperandum & evacuandum, ut & ad ulcusculorum sanationem sequentia præscripsi.

℞. Extr. cathol. Gr. xxiv. Mercur. dulc. Gr. vi. Sal. prun. antimoniat. Gr. v. M. F. pil. N°. vii. Has pilulas tempore matutino assumpsit patiens, ac sequentibus quinque diebus semel quotidie jejunus devoravit bolum hunc.

℞. Thereb. ven. ℥ij. Rhab. ℥j. M. S. Post iterum mox præscripta purgatione & bolis usus est ut ante, atque hoc pacto pristinam sanitatem adeptus est æger.

Terebinthina à quibusdam tam diu coquitur, donec pilulæ inde formari queant, sed male, quoniam coctio oleum spirituosum in aëre propellit, cum tamen in eodem præcipua therebinthinæ virtus consistere reperiat.

In hoc malo iterum acidum criminor, sed mira fortasse alicui videbitur mea opinio, acidum scilicet in animali vivente adeo noxium existere ac inimicum sanitati, cum interim acetum carnem mactatam conservet integram per longum temporis intervallum, sed ut & hunc amoveam scrupulum, respondeo rem longe aliter se habere in vivo animali ac in mortuo.

In vivo animali ad vitæ ac sanitatis conservationem apprime necessaria est sanguinis ac humorum libera per vasa tubulosque satis patulos circulatio, quæ tamen haud parum impeditur ab aceto aliisque acidis sanguinem ac humores coagulantibus. In mortuo autem animali ad mactatæ carnis conservationem prædicta non requiritur circulatio, sed tantummodo opus est, ut præcaveatur, ne valde parvæ carnis mactatæ particulæ ab aëre nimium agitentur, fermententur, ac è statione propellantur; acetum autem particulis suis crassis ac gravibus ad hunc effectum producendum idoneum est.

Quod autem caro maneat incorrupta, si motus particulatum valde parvarum, aliàs futurus, hac aut illa de causa sistatur vel hinc manifestum evadit, quod caro mactata brumali tempore per multos dies integra servetur, cum tamen eadem æstivo tempore citissime corrumpatur ab aëre tum temporis, in motu valde celeri constituto.

Quod verò acetum constet particulis, crassis ac gravibus, liquet ex destillatione, quæ docet, spiritum vini citius ac prius in alembicum elevari quam acetum.

Præterea dici posset, quod carnis mactatæ sal volatile cum aceto coaguletur, ac ita immotum conservetur & impediatur, ne fermentescat cum aëre, figuram suam mutet, ac avolet in aëra, sicut cernimus sal volatile cornu cervi aut aliud quodvis cum spiritu acido coagulatum non avolare, ut aliàs facere consuevit.

Dum ago hîc loci de gonorrhœa, in memoriam mihi redit haud illepidum alicujus medici responsum; interrogabatur hic aliquando inter pocula, quid foret in causa, quod homines tam facîle supplicium paterentur in pene, ubi cum hac aut illa meretrice concubuerant, dum interim canes masculi cum canibus alterius sexus innumeris coeunt impune, ad quod medicus subridens reposuit, hoc contingere, quia canes, hac in re hominibus longe prudentiores, statim post coitum peractum cultellos suos lingendo bene purgare solent à sordibus, quæ fortè adhærescunt; ex quo responso interrogator illud adhuc didicit, ut postea mox à coitu peracto membrum virile propria semper abluerit urinâ. *Johann. Mays in Praxi Chirurg. rationali.*

Gonorrhœa periodica.

In sexum sequiorem num cadat seminis profluvium jam non disputabimus: Paratæ utrinque rationes: Silentio autem præterire minime decet laborasse apud nos Juvenem Gonorrhœa periodica: Reditum hujus hospitis nunquam non nuntiabant dolorifica labiorum disruptio, nec non præviis, universi corporis

corporis rigor: Prostratis inde notabiliter vitibus ad nos accessit petitem Medicinam, qua faciliè impetrata, brevi convaluit: Præsentaneum auxilium præstitit sal corallorum ac Magisterium Saturni cum aceto nitrato paratum. *Job. Petri Pruckelii.*

In Gonorrhœa affecto balano, insectulum limaciforme fuit inventum. *Petrus Borellus observ. 53.*

Gonorrhœa virulenta cum excrecentiis.

Juvenis quidam temperie biliosus, opulentus & salax, ab impuro & impudico prostibulo numisma venereum pro aureo permutaverat, ut de seminis profluvio dolorifico eoque flavo querelas haberet, monstrando insimul excrecentias verrucosas ad fibulam, unicam principio quidem, postquam verò eandem acu aperuisset, proliferam, nam quousq; sanguis infectus fluxerat, eousq; novarum notaverat exortum, ut etiam numerum tandem sexagenarium transcendere. Huic in antecessum nodulum ex lignis, rhabbaro &c. cum vino ordinavi, deinde Pilul. de Terebinthina cum paucis mercurio dulci præscripsi, tandemque decoct. nigrum Mynsichti composui, exterius applicandum, qui nunc aliquot liberorum pater vivit sanus *D. Christophori Seligeri.*

Anatomica Inspectio.

Gonorrhœa diuturnâ laborantis Glandosum corpus Semine repletum inventum est, cum Testibus eodem refertis.

In involuntario seminis fluxu laborante, quem Patavii dissecuimus, corpus Glandulosum cum divideretur, non minus quàm testes ipsos semine opletum conspeximus: Et si verum fatendum est, inter dissecandum nulla penitus corporis, parte tanta seminis vis usquam atque in hoc glandoso corpore invenitur, quantumvis id à testium substantia, mollitie, æquabilitate differat. *Vesalius de Hum. corp. Fabrica lib. 5. cap. 13.*

Gonorrhœa affecti cadaver vasa semen deferentia in penem maxime dilatata exhibuit.

Vasis semen in penem deferentis insertio conspectum quodammodo fugit, Er coitus, aut aliàs excretionis seminis tantum tempore aperitur; Quod Patavii quidam dissectus facile edocuit, qui ante suspendium involuntario seminis fluxu laborans, hos meatus omnes apertos laxosque habuit: eos potissimum qui ex testibus in Deferentis semen vasis revolutiones gyroscæ pertingunt, & quibus dextrum & sinistrum deferentia semen vasa in vesicæ cervicem terminantur. *Vesalius de humani Corp. fabrica lib. 5. organis cap. 13.*

Gonorrhœa excitata ab ulcèribus orificii vesicæ vicinarumque partium.

Mercatore febre exigua laborante, ut ferè decumbendi necessitas non esset, & fluere Gonorrhœa, ut propterea sectio venæ differretur; tertio post die exacerbatus est dolor, & continua febris tenuit, &c. Nonò mors:

Qui sectioni cadaveris interfuit Chirurgus, retulit reperta esse ulcera in orificio vesicæ & vicinis partibus, Et tamen de his non querebatur. *Ballonius Epid. lib. 2. pag. 160.*

Glandosum corpus [Prostrata,] Gonorrhœa virulenta sedes est.

Gonorrhœa virulentæ protrahuntur interdum ad decem annos, quale exemplum Patavii videmus in viro Bergomense, cætera sano, sed vix ossibus hærente: unde in Gonorrhœa hujuscemodi non excernis semen, sed pus ulceri, ex prostatico verò videtur proximum: Certe in omnibus Gonorrhœa laborantibus in Nosodochio dissectis, ulcera reperimus, seu callum, ulceris præteriti: Impossibile alioqui foret tanto tempore effluvium seminis vita superstite persistisse: Severinus Neapoli in dissectis invenit inflammationem & abscessum in parastatis: *Bartholinus cent. 2. Observ. 36.*

Gonorrhœa muliebris Glandoso corpore affecto excitatur.

Fluor muliebris, si continuus, & Gonorrhœa, ita inter se conveniunt, ut nisi mentem adhibeat Medicus præ similitudine faciliè in errorem abeat, quanquam à diversis partibus procedant & per destinata loca excernantur, quidam Fluor iisdem quibus menstrua fluunt, ductibus ejicitur, quod vel ideo judicamus, quia menstruum cruorem ita subinde immutari cernimus, ut qui primò veluti à vitima, referente Hippocrate, prodibat, nunc minus floridus, postea pallidus ac sensim albus appareat, Fluoremque muliebrem, Album dictum efficiat: Gonorrhœam verò ex Glandoso corpore provenire, & per lacunas circum, & in meatus urinarii exitu collocatas erumpere, Cadaveris cujusdam mulieris hoc vitio infecti palam fecit. Nam utero ejusque vagina innoxii corpus glandulosum sive Prostatas, urethræ circumpositas solum male affectas offendimus.

Dicit aliquis, Quomodo illa Medicus internoscere valebit, si mulier affecta se castam & ab omni virili consortio alienam profiteatur? utcumque dijudicare poterit si ad prolabantem materiam, ægræque querelas diligenter attendat? materia namque Fluoris alteram in Gonorrhœa manantem longe quantitate superat: Querelas si consideret, Fluore fœdatis lumbari dolore cruciati, aliàs verò Gonorrhœa laborantes de oborta circa pudendas partes acerbitate lamentari audiet: Sin minus his contentus certior esse velit, genitalia inspiciat, siquidem meatus urinarii exitum circumstantes partes (in quibus lacunarum exitus terminantur) mucosâ quadam materiâ obfessas, ac interdum ulceratas reperiet, reliquis vaginæ partibus decenter sese habentibus, cujus contrarium in Fluxu albo fieri assolet: Sed hæc vulvæ inspectio non semper necessaria est, cum Medicus haud sit culpandus si medicamenta secundum ægrotantis querimonia præscribat: Si verò illum eludat, nec optatum præscripto medicamine successum contumax mulier consequatur, id sibi imputet: *Regn. Graaf. de mulierum organis cap. 9.*

GRANDO Vid. *Hordeolum.*

GRAVIDARUM MORBI: Vid. *Pregnantium morbi.*

GVRGVLIONIS MORBI.

Gurgulio seu Uvula est corpus glandulosum supra laryngem è regione foraminum interiorum narium inter tonsillas situm, stiriæ instar rotundæ è palati limbo posteriore dependens. Contegitur involucris oris quidem & faucibus communibus, sed paulò crassioribus. Quidam asserunt binis suspendi musculis, interno scilicet & externò pari, ut antrorsum & retrorsum moveatur in deglutitione, sive ut humores contenti sic continuò exprimantur. Alii verò volunt hòc musculorum apparatus rarissimè ornari, & interdum ab involucro processûs ossis sphæroidis ad ejus latera musculosas dimitti fibras, unde etiam quandoque totum ipsius integumentum carneum appareat. Apertò involucro glandulosa partis retegitur constructio, fibris membranosis ac vasculis variis cohærens, quorum vasculorum extremitates inter papillulas ex interiori membrana ipsam investiente assurgentes, hiant, ac segregando cibi liquidiori cuidam salivali, sicut & aliæ omnes glandosæ palati & oris partes, inserviunt. Non tamen in hoc totus uvulæ restringitur usus, siquidem etiam inservit impediendo cibi & potûs in nares ascensui; præterea, secundum aliquot, modulando aëri à pulmonibus propulso pro voce articulanda non parum facit, ut & reprimendò aëris ad pulmones in inspiratione tendentis impetû, ne scilicet in illos liberius irtuens suffocationem inducat.

Variis pars hæc tentatur morbis, qui partim ex congestione in ipsâ factâ, partim ab acrimonia aliunde adveniente nascuntur: Si enim humor salivialis in illa secretus, ac per vasa in faucibus hiantia evacuandus, per orificiorum suorum obstructionem in propria scaturigine diutius contineatur, illicque moras longiores trahat, non tantum partem tumefaciet & prolongabit, sed etiam in acius quid ac corrosivum effectus inflammationes & ulcerationes non parum molestas, procreabit; imò in cancrum abibit. Rursus si virus in sanguine nidulans, vel ex scorbutica constitutione vel ex venerea lue illic copiosius depluat, sine mora inflammationes & ulcerationes aliis non absimiles, progignet; sed quæ curatâ morbi radice, per se, aut saltem paucis adhibitis, aut particularibus ac topicis, evanescent. Ast quid hisce diutius insistimus quum de Curationibus, Consultationibus, observationibus, varia è variis huc adducenda sese offerant.

Curationes

In uvulâ exulcerata commode usurpatur hoc remedium, quod in aliis etiam affectibus oris & anginâ est præstans.

℞. Herb. malv. hort. m. i. flor. rosar. rubr. prunell. veronic. salv. an. m. ʒ. radic. polypod. querc. ʒj. coq. in aq. portulac. ℞. iv. aceti vin. ʒvi. usque ad calum transversî pollicis, postea colentur & colatura leniter exprimatur. Pro uvulæ relaxatæ ac nimis tumentis abscissione singulare describit instrumentum Barthol. Hist. 88. Cent. 2. Aliàs recentem uvulæ prolapsam, ac relaxationem curat fermentum cum spir. vini humectatum & vertici

impositum, unâ cum gargarism. & decocto florum ligustri cum sale prunellæ, aut nitro. Item sal decrepitatum cum pauco pipere applicari potest uvulæ ita prolapsæ. Loco salis communis optimum est sal. armoniacum subinde uvulæ applicatum, spiritum aluminis commendant alii. Quod si simul uvulæ inflammatio adsit, optimum est decoctum herbæ aut radicis taraxaci; succini suffitus ore exceptus specificum est Rulandi. Vel semen cannabisin postcâ parum coctum & colatum, pro gargarismate adhibitum, est unum ex optimis remediis. Vel radix tormentill. & uvulariæ an. coquantur in cerevisia secunda, & cum modico mellis edulcorata exhibeantur pro gargarismate. *Michael Etmullerus Collegii Prædici l. i.*

Laxatur sæpissime gurgulio, & linguæ superincumbens vocis modulationi incommodat, ut in catarrhis; atque adstringentibus siccantibusque remediis in pristinum situm restituitur, præsertim gargarismo ex decocto rorismarini, rosarum punicearum, plantaginis, uvularia baccarum myrtearum cum dianuco, vel diamoro; itemque pulvere ex pipere longò, corticibus myrobalanorum, tormentilla, alumine ustò, bolo Armena, & similibus. Fermentum capiti adhibitum cum succino, & spir. vini purus, optime confert ex *Frider. Hoffmann.* Suffitus etiam ex mastiche, gumm. anime, balsamo Pernvianò & Tolutano, pulvere nicotianæ, rorismarini, betonicæ. Piperis contactus quoque prodest ex *Borello.* De inflammatione uvulæ, vide ubi de Tonsillarum affectibus. *Lucas Tozzi Medic. Practicæ parte 1.*

De Uvula Descensu & Resectione, sic scribit Clariss. Anton. à Nuck, in Experiment. Chirurgicis.

Citca Uvula Descensum, ab humore crasso & pituitoso in ejus tubulis stagnante ortum trahentem, facilis & frequens occurrit Chirurgia.

Restituenda illa astringentibus, incidentibus, obstructionesque referantibus pulveribus, v. g. *Alumine Usto, Pipere, Zingibere, Sale communi & sim.* qui *Cochlearis* beneficio ipsi admovendi, vel *Cochleari, Manubrio Fistuloso & exiguo Folli* donato eidem aspergendi; cujus delineationem vide apud *Hildanum Cent. 2. Obs. xx. Fol. 96.*

Solus quoque *Spiritus Vini* per modum gargarizationis adhibitus, ut etiam *Spiritus Salis Ammoniaci* lintheis carptis relaxatæ Uvulæ aliquoties admotus, præsentaneam nonnunquam tulere opem.

Verbo, quicquid pituitosum incidere, viscidum attenuare, obstructiones solvere, humoribusque per hanc partem circulantibus calcar addere aptum natum est, illud hoc in affectu utramque paginam absolvit.

Verum aliquando tam pertinaces sunt obstructiones, ut *Aquâ Sublimatâ* Uvula sit tangenda.

Quæritur, An capillorum verticalium retractio in Uvula relaxata conducatur? Resp. Aliquando juveni affert, dum major eo tempore quo retractio peragitur spirituum copia Uvulam irradiat, unde expeditis obstructionibus Uvula relaxata restituitur.

Ubi verò prædictis non restituitur, sed relaxatæ manens loquelam & deglutitionem impedit, aut Scirrhus malive moris Ulcere, vel Gangrænâ afficitur, sunt qui imposito supradicto *Cochleari Aureo Nummo*, sed ignito (quamvis minus convenienter) eandem adurunt.

Præstabit

Præstabit in ejusmodi casibus eam extirpare, quod *volfella* & *Forficis*, beneficio haud difficilè peragitur. Quod si patiens Operationem hanc, ob sanguinis nonnunquam subsequens profluvium, ut cruentam nimis abhorreat, extirpatio Annulo cum Manubrio Cannulato & Filo adaptato facilè paratur. Instrumenti delineationem vide apud *Hildanum*, nec non *Scultetum in Armamentario*, cujus ope nuper Operationem hanc cum successu institutam vidimus.

Si cui volupe fuerit Encheiresin hanc minori cum apparatu absolvere, *Instrumento pro Uvula abscindenda* à Rustico quodam Norwægo invento, à *Th. Bartholino Cent. 2. observ. Anatom. Hist. 88.* delineato & descripto, uti potest.

Quo instrumento aliorum quoque in corpore Tumorum, Tuberculorum, Verrucarum &c. extirpatio, singulari celeritate, infcio patiente, nihilque mali cogitante, peragitur.

Si verò resectâ jam Uvulâ immodicus sanguinis fluxus eidem superveniat, haud inconsultum erit depressâ linguâ, admoto *Vurioli Cyprino* (in linguæ vinculo proposito) partem sanguinem fundentem tangere.

Possit tamen aliquando contingere, ut sanguinis impetuosior fluxus eo non sisteretur, quo in casu ad *Canterium ætiale* confugiendum putamus.

Chirurgus itaque *fistulam Annulo munitam* ori intromittat, manu sinistra teneat, Uvulamque fistulæ foramine excipiat: dein stylo ferreo ignito fistulæ immisso Uvulam tangat & cauterizet, probè cavendo, ne vicinæ partes lædantur.

Gargarismis denique convenientibus, vel melle rosaceo admotis, curatio absolvitur.

Consultationes.

Inflammatio Tonsillarum & gurgulionis laxatio.

Serenissimæ Reginæ Sueciæ Consiliarius, Sediti Pomeranorum in solenni quodam convivio præter intentionem; vir alioquin remperatissimus meracioris vini potu inebriatus, postero die molestiam quandam & dolorem circa radicem linguæ sentiebat cum ardore, siti, & quadam deglutitionis & respirationis difficultate.

Tonsillas, aut columellam, vel utrumque aliquid præternaturale pati suspicabar, ac proinde depressâ linguâ fauces inspexi, ubi primo intuitu amygdalas, uti vocant, sive tonsillas ex utroque latere tumidas, rubentes & inflammatas, mox & gurgulionem relaxatam & propendentemprehendi.

Occasionem malo, procul dubio dedit largior vini generosioris potatio, quatenus sanguis ab ea incalescens & tenuior redditus, ad partes has suæ naturâ molles & laxas defluens, tumorem ac inflammationem excitavit.

Confestim itaque apertâ basilicâ dextri brachii sanguinem detraxi; mox ad fervorem sanguinis restringendum julapium refrigerans præscripti.

℞. Aq. fragor. acetosell. endiv. an. ʒvj. rob. ribium fyr. berb. rubi idæi an. ʒij. succ. citri ʒiʒ. M.

Ex topicis gargarismum, vel potius collutionem otis ex repellentibus & astringentibus exhibui.

℞. Fol. plantag. prunell. an. m. i. flor. ros. rubr. m.ʒ. cortic. granator. ʒiʒ. coque ex f. q. aq. simplic. pro tibiʒ. Colatur. adde rob. ribium ʒij. diamoron ʒj. fyr. de agrestia ʒʒ. m. Mixture hæc resupinato

capite in ore continueatur tepide; inflammata enim nec frigus ferunt nec calorem, & valida gargarisatione plus materiæ ad locum affectum attrahitur.

Columellam elongatam sequenti pulvisculo undique conspersi, beneficio instrumenti à *Gulliermo Fabricio Cent. 2. obs. 21.* depicti.

℞. Flor. scabios. balaustr. ros. rub. cortic. granat. an. ʒʒ. rad. bistort. torment. gallar. immatur. an. ʒij. alumin. usti ʒiʒ. M. F. pulvis.

Sedata paulisper inflammatione, repellentibus moderate discutientia admiscui; extra etiam guttur oleo amygdalarum dulcium & liliorum alborum inunxi.

Tandem corpus biliosis humoribus refertum extracto cassiæ & pulvere meo cholagogo purgavi; sicque virum integerrimum, meique amicissimum Dei gratia, bonæ valetudini restitui. *Baldassar Timæus in Casibus Medicinalibus.*

Uvula Relaxatio.

Juvenis viginti sex annorum, plethoricus, postquam aliquot dies liberaliori vini & cervinæ potui indulgisset, incidit in magnum dolorem faucium, quo non nisi cum dolore & difficultate quicquam deglutire potest. In faucibus etiam aliquid, instar boli deglutendi tumens ab ipso perpetuè percipitur. In ore ejus cum linguæ depressione aperta, apparet uvula valde tumida & laxata, vicinæque partes valde tumentes rubentes.

Afficitur in hoc ægro uvulâ, ac præterea fauces, quod ex dolore, deglutendi difficultate, & timore, instar boli fauces prementis; in illis partibus percepto: item, ex ipsa fauces ejus insipientium autopsia, est manifestum.

Morbus, qui ipsum affligit, est faucium, tumor & præcipue uvulæ, à sanguine calidiore & pituitoso ortus; qui partes illas vicinasque suâ copiâ distendens, uvulamque nimium relaxans, atque hic dolorem & deglutendi perpetuam difficultatem, suffocationisque subinde invaturæ metum, inducens, uvulæ relaxatio, à præcipuo hujus tumoris symptomate, reliqua alia symptomata potissimum producente, vulgo appellari solet,

Procatartica hujus morbi causa est potus ille generosus & liberalis, cui hic juvenis per dies aliquot plus justo indulgit; inde enim multi humores sanguinei & pituitosi, in ejus corpore geniti, antecedentem huic morbo præbuerunt causam. Pars verò eorum in corpore incalescens, & poros vasorum circa fauces, uvulam, vicinasque partes plus justo, ex præcedenti potione illas partes præcæteris magis laxante, apertos inveniens, & per eos se in partes illas copiose effundens, continenti hujus morbi, ejusque symptomatum, continuit causam.

Cum enim per illum humorum sanguineorum & pituitosorum, in partes illas copiose illabentium, ibique vehementius incalescentium, influxum, tumor in faucibus vicinisque partibus & uvulâ nascitur, gula & guttur ita arctantur, ut ea, non nisi magna vi, magnum dolorem necessariò inferrent, in deglutendo aperiri queant. Uvula verò hinc justo longior & latior evadens, & fauces suæ nimia mole repleta facit in iis perpetuum, tanquam boli ibi hærentis, sensum. Interdum verò illa plus solito intumescens, & humores quosdam in asperam arteriam

arteriam per rimas epiglottidis copiosius immittens, tantam subinde inducit respirandi difficultatem, ut æger suffocationem metuat. Hæc autem omnia in ore tam sunt evidentia, ut inspicientium oculis cerni possint.

Morbus hic, cum deglutionem & respirationem tollere, & uvulæ corruptelam inducere possit, satis est periculosus.

Diligenti itaque Curatione erit impugnandus. Ea-que in causæ antecedentis, & continentis, item in tumoris & intemperiei, per contraria ablatione consistet.

E vena igitur in brachio dextrò apertâ mox educatur sanguis ad uncias decem, Idque etiam postea repeti potest.

Paulo post talis injiciatur clyster.

℞. Decoct. emollientis lib. i. Elect. diapruni ʒvj. Ol. violar. lilior. an. ʒj. salis ʒj. Misce, F. Clyster.

Cucurbitulæ etiam scapulis & humeris sunt adhibendæ. Et utatur tali gargarismo;

℞. Hordei mundati p. i. Fol. violariæ, portulacæ, plantag. an. m. j. myrti m. ʒ. Cort. malor. granat. ʒiʒ. Flor. ros. rubr. malvæ arbor. an. m. ʒ. Sem. cydon. malvæ an. ʒj. Auricular. judæ ʒj. Decoq. in aq. com. ad lib. iʒ. in colatura dissolve diamori, dianuci, mell. ros. an. ʒʒ. Misce pro gargarismo, quo sæpius in die gargariset.

Et sæpe lambat de hoc linctu.

℞. Diamori, dianuci, Sir. violacei an. ʒʒ. Misce.

In ingenti dolore, interdum gargarisandum cum lacte recenti.

Postridie purgetur tali haustu, si tum deglutire possit; nam alioqui repetendus esset præcedens clyster.

℞. Sennæ ʒʒ. Sem. anisi ʒj. Decoq. in aq. hordei q. s. ad ʒiv. In quibus dissolve el. diapruni ʒij. Misce F. potio, mane exhibenda: & subinde, malo perseverante, iteranda.

Corpore bene purgato, uvula cum pulvere sequenti, cochlearis, ab Hildano centur. 2. obs. 21. descripti, vel alterius convenientis ope, sæpius in die erit sublevanda.

℞. Rosar. rubr. balaustior. cort. granat. an. ʒʒ. Rad. bistortæ, tormentill. gallar. immatur. irid. florent. an. ʒj. aluminis usti ʒij. M.F. pulvis.

In diætâ aer sit temperatus; cibus ex jusculis & ovis forbilibus: vitentur omnia aromata: potus sit tenuis cerevisia: corpus quiescat: somnus sit moderatus: fugiantur animi affectus. *Henricus Regius apud Theodorum Craanen. Medicationum lib. i.*

Ulcus in gargareone cum exesione tonsillarum & uvula.

Vir Illustrissimus, quadragesimum tertium annum. agens, temperamenti totius calidi & humidissimi, jecoris calidioris, boni & carnosissimi habitus jam quintus decimus currit mensis; ex quo præcipiti & copiosa destillatione in fauces correptus fuit cum febre & insigni deglutiendi difficultate. Medicus autem domesticus accersitus sanguinis missionem jussit, gargarismos præscripsit, clysteribus ventrem exoneravit, & victus rationem congruam instituit, quibus equidem melius habere visus est Nob. Patiens. verum duobus transactis diebus, rursus invaluit affectus & præsertim in tonsilla sinistra eum ejusdem

exulceratione: idcirco sanguis rursus extractus fuit & gargarismi deterforii instituti; quibus licet febris, inflammatio, deglutiendi difficultas fuerint omnia remissa, exulceratio tamen progrediebatur uvulam versus, & non obstantibus medicamentis quoque refrigerantibus, & humoris acrimoniam atque aciditatem demulcentibus assumptis, ulcus tamen quotidie serpens, non solum uvulam, sed & dexteram quoque tonsillam occupavit, tuncque Lue celtica humores infectos fuisse Medici adstantes suspicari ceperunt: cum ante inceptam destillationem Gonorrhæas, & caries passus fuerit; propterea ad alexipharmaca ea gallica devenire decreverunt, & Decoctum ex salsa, guajaco, ligno cydoniorum & santalo in aqua fumaricæ atque cichorii præscripserunt, quod solutivum reddiderunt sennâ, polypod. & tartaro superadditis; pro potu verò consueto aqua ex salsa parata utebatur: interim melle ros. & syr. de rosis siccis cum spiritu sulphuris partes affectæ tangebantur. His per mensem adhibitis, non solum levatus, sed ex toto sanatus, videbatur; verum transacto mense, recruduit affectus & ulcus in iisdem partibus apparuit. Causam autem retulerunt in novum commercium cum infecta muliere. Quamobrem repetita fuere quadraginta continuis diebus jam administrata remedia, omnia tamen in cassum tentata, siquidem ulcus serpendo semper magis undequaque sese dilatavit; ob idque Medici decoctum sudorificum instituerunt per plures dies, capite tamen extra sudatorium servato, veriti ne nimium illud incalcesceret, sed frustra omnia & irrita fuerunt; etenim & uvulam, & ambas tonsillas destillatio corrosit vocemque & deglutionem adeo læsit, ut loquendo vocem etiam per nates emitat, atque potus præsertim, nonnumquam etiam potulenta alimenta ad nares regurgitaverint atque prodierint, corpore roto interim valde emaciato. Hoc infausto eventu perterriti medici aeris mutationem consuluerunt; & ad locum quendam suburbanum tanquam ad Tabias Virum Illustrissimum dimiserunt, à qua loci mutatione juvamen majus, quam à medicamentorum administratione Nob. Pat. cognovit. Attamen ad nos perveniens, accuratissime locum affectum exploravimus, & tonsillas, necnon Uvulam ex toto ablaratam atque corrosam invenimus; præterea ulcus tum superius ad os sphenoidæ, & inferius per œsophagum repere cum callositate atque non exigua sortitie observavimus. Et quoniam à nobis auxilium petit, ideo de agendis, ut infra consulimus.

Ad quadragesimum usque annum, vitam incolumem duxit Vir Illustrissimus iste totius temperamento calido & humido præditus, boni & carnosissimi habitus, cum capitis caliditate non valde excedente, & ideo sine sensibili molesta capitis destillatione, quæ ex tempore præceptis ad gulam irruere cœpit, postquam Gallicam Gonorrhæam cum Carie contraxit, sicut eodem tempore totius corporis macies incepit; cujus veritatis ratio facile adduci potest, namque si à calore temperamenti propter ætatem acutiori reddito, sanguis calidior & acrior factus fuisset, qui ut ineptus ad nutritionem, maciem introduxisset, & postea per venam cavam ad cor, indeque per arterias carotidas ad cerebrum circulando perveniens per jugulares venas internas ad fauces atque tonsillas, ut inutilis à natura transmissus affectum anginosum produxisset; id contigisset eo tempore quo magis calor ipse temperamenti viger, nimirum circa trigagesimum aut trigagesimum quintum annum; quod non evenit nisi post quadragesimum; postquam scilicet à Lue Gallica, non solum vas

spermatica

spermatica, sed & hepar unà cum massa sanguinea inquinatum fuit, cujus Celticæ qualitatis impressio & characterismus cum sit exultio, idcirco visceribus & ipsi sanguini gradus caloris p. n. superaddidit, ipsumque sanguinem ad nutriendum ineptum reddidit, unde macies: naturæ autem molestus extra venas detrusus inflammationem in faucibus excitavit, ubi diutius remorans sua prava & exurente qualitate tonsillas primò corripit, & serpens exedendo Uvulam quoque consumpsit. Non igitur mirum, si prioribus medicamentis minime cessasset affectus, & parum quoque alexipharmacis gallicis: etenim cum calida & humida capitis naturalis intemperies non valde excedens, à Lue Gallica magnopere adaucta fuerit, capntque ipsam valde excrementosum redditum, hæc corrigi non potuerat sine sudore, nec sine ipso Gallica qualitas in humiditatibus excrementitiis & partibus solidis fundata extirpari, & propterea nonnihil quidem remissa, at nunquam ablata fuit causa fluxionis & exulcerationis; imò fusi tandem humores in toto à Decocto sisorifico in hypocausto sicco ad caput impetum fecerunt, quod extra hypocaustum existens, nec ideo satis exudans, eosdem infectos humores in seipso retinuit, sicque fluxio necessariò ad tonsillas & gargareon adaucta fuit, simulque adauctum ulcus. Ut autem Uvula impedit quominus alimenta, & potulenta præsertim ad superioriata ascendere possint, & eorundem descensum atque deglutitionem adjuvat, ita eadem dempta atque consumpta in causa est, ut ad superiora regurgitent & ad nares ferantur, præsertim quia ab ulcere dolorem inferente impediabatur iidem alimentis descensus: quod impedimentum tandem cessavit, quoniam ob callositatem ulceri obductam non amplius percipitur dolor; vox tamen ob columellæ defectum ferrur ad nares, & non tota per os emittitur. Utinam verò in præsens ulcus non amplius depasceretur; in parte namque inferiori vix terminus conspici potest, sicut nullo modo in superiori, adeo ut ad os sphenoidæ faciliè pervenire possit, & præterea cum palatum quoque colorem mutare inceperit, ideo & proximas partes brevi infici posse dubitandum: viget enim & abundat, copiosa Gallica destillatio, cujus aliqua portio in pulmones noctu delabens tussiculam excitat, copia vero major per œsophagum in ventriculum descendens subversionem excitat, ciborum amplexum & concoctionem impedit, ac chylosæ, & forsan etiam saniosæ materiæ catarrho immistæ regurgitationem inducit.

His autem ita se habentibus, faciliè videre est statum Illustrissimi Viri adhuc esse periculi plenum, primò quoniam ulceris dilationem & propagationem prohibere difficile erit, cum ejusdem termini non satis oculis patefiant, & præterea quoniam macies invaluit, & à perseverante in pulmones destillatione, & simul ab aeris frigidity ob Uvulæ defectum pulmones immediate feriente, Phthisis faciliè introduci possit.

Quare sedulò agendum etiam hoc incongruo ann. tempore, ne ulcus ulteriùs progrediatur, Topica adhibendo primò, & potissimum Cachectica, mox Sarcotica, atque tandem Epulotica, dum interim expiato ventriculo, acrimoniam humorum demulcentia, & Gallicam qualitatem respicientia, (non tamen fundentia) sunt in usum ducenda. Proximo autem ineunte Vere ineunda quoque erit regularis Purgatio, causarum extirpatio, & ulceris perfectæ Curatio, sine tamen deperditæ partis re-

stitutione; tunc enim primis mundatis viis, massa sanguinea erit depuranda. Caput purgandum. Celticæ lues penitus debellanda, simulque humida capitis intemperies, jecoris calida remittenda. Sanguis temperandus & totum corpus renutriendum; Topicis verò ulceri incumbendum.

In præsens igitur ulceri totis viribus prospiciendum, primò detergentibus & cachecticis quoque, non solum saniem, sed etiam callositatem auferentibus, deinde exiccantibus, ideo gargarismi frequentes instituantur ex aqua Tettuciana, cum melle rosato simpl. cui aqua hordei potest etiam commisceri; verum quoniam jam dictis callositas non adeo faciliè tolli poterit, ideo etiam ad Escharotica & adurentia, ad ignem scilicet erit deveniendum, idoneo instrumento applicandum; vel saltem valde exiccantem gargarismo erit utendum (quod tamen tolerabile sit) ut tinct. rosatum, spiritu virioli extracta & aqua plantaginis, vel aqua Villensi parata.

Interim ventriculus à præsentis infarctu est vindicandus, præbendo primò mel ros. sol. cum manna, cui superbibæ mulsæ dilutæ lib. ij. Mox die sequenti assumat.

℞. Oxymel. simpl. ℥. iij. aquæ flor. citri ℥. i. m. pro syrupo. Tercio vero die assumat crem. tart. ad ℥. β. in jure pullæ, aut vituli, cort. citri alterato. Die postea sequenti rursus assumat oxym. deinde cremorem tartari, & ita alternatim perseveret x. aut xii. diebus, ut ventriculus cum œsophago mundificetur & primæ viæ exinaniantur; repetito superius præscripto Leniente. Qua paracta primarum viarum expiatione, in usum ducat lac hujusmodi artificiale.

℞. Sem. melon. mundat. ℥. j. sem. cucurb. mundat. ℥. β. amygd. dulc. mundat. n. xv. nucleorum pineorum n. xxv. m. contundantur omnia, & cum jure carnis pro cibo consueto extrahatur Emulsio ad ℥. vii. aut viii. cui adde sacch. albi cochlear. & irroretur hujusmodi emulsio ad suavitatem guttulis aquæ ros. aut è flor. citri, & summo mane præbeat quatuor aut quinque horis ante cibum. Jus autem carniarum, tum pro hac emulsione conficienda, tum pro ferculis omnibus parandis, sit semper optima china alteratum. In usu jam dictæ emulsionis perseveret tota Quadragesima, usque ad tempus futuræ eradicativæ Purgationis: poterit enim interservire, tum ad demulcendam humorum mordacitatem, tum ad totum corpus nonnihil enutriendum. Interim decimo quoque die assumat cremorem tart. ad ℥j. cum sacch. in jure, ut supra dissolutum. Et congrua utatur victus ratione, evitando aeris inclementiam & nimis frigidam, & in cubiculo nimis calidam. Vitet quoque alimenta excrementosa, coctu difficilia, calida, vaporosa, sitque cœna parca. Vinum sit album, tenue, aquosum china & santalo albo medicatum, ita ut pro singula situla ingrediantur ℥. ii. dictorum lignorum. Somnus nocturnus, diurnus quoque proderit. Exercitium fiat ante prandium. Venus omnino ableganda, & alvus lubrica servanda passulis aut prunis coctis in prima mensa cum sacch. assumendis. Tandem ab applicationibus & studiis abstinendum, animique alterationes & perturbationes arcendæ. Et hæc pro nunc.

Purgatio autem eradicativa sub finem mensis Martii ineunda, tunc erit à nobis præscribenda, si de statu Illustrissimi Viri tunc temporis certiores facti fuerimus: consilium enim erit in arena capiendum, & supra propositis indicationibus pro viribus

erit satisfaciendum, sanguinis missione, primarum viarum expiatione, humorum præparatione succis depur. cich. borag. betonicæ pluribus diebus assumendis; & non semel elective purgantibus Cacochymia erit tollenda. Caput pilulis capital. Paracelli expurgandum. Lues Gallica Alexipharmacis extirpanda, nimirum Decocto sudorifico, medulla guajaci, falsa, visco quercino & santalis albis in aqua cich. & beton. parato, quo humida quoque capitis intemperies corrigetur. Quibus peractis, ad jecoris atque sanguinis caloris moderationem & totius corporis renutritionem, intrinsecus facile convenire poterit lactis asin. usus, & extrinsecus balneum aquæ dulcis herbis refrigerantibus alteratæ, non omittis Contervis capitalibus, & habita semper ulceris providentia, si opus fuerit. Quæ omnia Illustrissimo Viro à summo Deo salutaria precamur. *Raym. Joh. Fortis Consult. & Respons. Medicin. Cent. I.*

Observationes.

De uvula relaxata curatione.

Nunc quomodo ego rarò maximas quidem & ingentes relaxatas columellas sanaverim, paucis addam. Relaxatur autem ut Hippocr. docet libr. 2. de morbis, quotiescunque pituita à capite ad fauces defluens, à columella excipitur. Id quod facile fieri potest, cum sit pars admodum rara, mollis & spongiosa. Estque affectus hic periculosus: Aliquando enim columella cum tonsillis adeo inflammatur, ut æger neque cibum, neque potum deglutire, imo vix spirare possit. Horum ego nonnullos vidi, ac etiam feliciter curavi. Tranlit & interdum in gangrenam, ut ex præallegato loco. Hippocratis elicere licet. Quod & Forestus lib. 15. Observat. 5. annotavit, mihi tamen videre nondum contigit. Porest & in anginam terminari, ut tu ipsemet mecum hîc in Dno. Joanne Merula, sene omnimodo reverendo vidisti, & procul dubio annotasti. Is enim cum inflammatione columellæ laboraret, me absente, Empirico & homini plane ignaro se curandum commisit. Hic per dies aliquot pulverem calidissimum atque adurentem faucibus insufflavit, unde mox inflammatione & angina sequuta, de vita periclitabatur. Curationem non addo, eum tu ipsemet interfueris. Itaque ut Chirurgus in hoc affectu caute & præmeditate procedere, est necesse. Inprimis autem explorandum, an affectus sanabilis sit, nec ne, ne ægro temere quicquam polliceatur. Deinde etiam, an sit cum, vel citra inflammationem: si enim scirrhotæ fuerit columella, & cancro proxima, quemadmodum ille quarum in præcedentibus observationibus meminimus, prudentis erit Chirurghi, manum non admove, aut si ægri, amicorum aut adstantium precibus obtemperare cogatur, nihil quicquam tamen, nisi de eventu morbi prius facta prognosticatione tentet, ne nomen imperiti Chirurghi sibi acquirat, suadeo. Porro ex quacunque orsum duxerit causa, statim ab initio victus ratio tenuis instituenda est, corpus clysteribus, sæpiusque iteratis, Areteo præcipiente, evacuandum, & materia, quæ ad fauces defluit, deorsum trahenda, ligaturis item extremitatum, sectione venæ in brachio cucurbitulifque scapulis adhibitis. defluxus aliorum revellendus est. Gargarisma ab initio sit repellens, quale hoc ego uti soleo.

℞. Folior. plantag. Mespilor. Caudæ equinæ, Rosar. rubr. an. m. folior. scabiosæ m. f. gallar. ʒ. β. Coquantur in aqua ad consumptionem tertiæ partis. In lib. ij. colatura dissolve mellis rosati, aut diamori ʒ. ij. aceti rosac. parum, misce, & fiat gargarismus. Loco decocti possunt sumi aquæ distillatæ cum melle ros. & diamoran. Aliquando & solâ poscâ feliciter usus sum. Nonnulli statim ab initio pulvere piperis longi gulæ inflato, Uvulæ relaxatæ auxiliari conantur, quod quidem periculo non vacare, tu ipsemet in reverendo Dn. Merula observare potuisti. Collum quoque oleo rosac. inungere solitus sum. Et si affluxus vehemens, sequens applico cataplasma.

℞. Farinæ hordei. ʒij. Pulv. rosar. Myrtillor. nucum cupress. an. ʒij. Coquantur poscâ, fiatq; cataplasma, addendo sub fine olei rosac. parum & vitellum cum albumine ovi.

Os singulis ferme momentis, superiori gargarismate abluendum. Si dolor ingens adsit, gargarismati addo parum seminis fænigræci, cydoniorum & florum chamomillæ. Nonnunquam quoque ut loco gargarismatis lac recens sumat æger, jubeo, videndum tamen, ut quum semel os lacte deinceps quinquies, aut sexies gargarismate abluat: lac enim magis lenit dolores, quam verè affluxum repellat, quod tamen in hoc affectu circa initia præcipuum. Cæterum quotiescunque æger aliquâ de causa per se fauces non satis recte abluere & gargarizare potest, soleo gargarisma ut lac ægro, siphone clementer in gulam injicere. Corpus præterea à pravis humoribus expurgandum: Si bilis abundat, conveniunt electuarium diacatholic. de succo rosar. lenitivum, tyrop. rosac. solut. compos. cum Rhabarbaro, Agarico, & senn. Diaphœnicum. Si verò pituita, Pilulæ cochix, aureæ, & de Hiera cum Agarico, ex usu esse possunt. Si eger pilulas deglutire non possit, potio ex electuario Indo majori aut minori, vel ex diacarthamo cum decocto betonicæ, scabiosæ, semine anisi & fœniculi dissoluto, est; Phlebotomiam (si nihil adsit quod impediatur) in brachio, tum revulsionis gratiâ, tum quod humores omnes simul evacuet, tam in defluxione frigida, (si vehemens & suffocationis periculum fuerit) quàm calida administrare soleo. Cucurbitulas item scapulis, & musculis bicipitibus, cum fructu applico, Hippocrat. lib. de affectionibus, vult ut capiti raso in postica parte applicentur; indeque plurimum detrahatur sanguinis.

Id tamen extra laconium, ut fiat, suadeo. Fabianus Scheurerus lib. de catarrhis, capite de catarrho oculorum, cucurbitulas in Podagricis improbat, ne materia ad spinam, indeque ad articulos trahatur, Recte quidem, sed quia Podagrici sæpiissime hoc affectu corripiantur, morbus item sit gravissimus, suffocationis quin etiam periculum nonnunquam adsit, ad id quod magis urget, Chirurgus præcipue respiciendum est. Interim etsi aliquid ad articulos defluerit, minùs tamen periculosum erit, quàm si ad gulam, & facilè postea corrigi poterit. Affluxus autem impetu sedato, ad ea quæ magis discutiunt, transeundum. Unde sequenti gargarismate magno cum successu utor.

℞. Folior. & flor. betonicæ, salviæ, scabiosæ an. m. f. Rosar. m. j. summitat. rosmarini & florum chamomel. an. p. i. Coquantur in tb ij. aquæ ad consumptionem tertiæ partis. Colaturæ adde mellis rosac. ʒ. iij. etiam aluminis ʒij. misce fiat gargarisma nonnunquam etiam prædicta simplicia vino rubro in

in coque. Exterius collum oleo chamomillæ aut oleo ex floribus solani inungo, & lanam succidam applico.

Aliquando columella propter continuum affluxum materiæ, intumescit adeo, atque relaxatur, ut non minimum negotii, tam ægro quam Chirurgo, facessat, sicuti mihi, tum in multis aliis, tum præcipuè, in viro quodam honesto, ac cive Paterniacensi videre contigit.

Huic uvula ad magnitudinem ferè nucis juglandis excreverat. Quare imperii affluxus sedato, corporeque semel atque iterum purgato, applicatis item cucurbitulis, sequentem pulverem, bis aut ter in die inflavi.

℞. Pulv. ros. rubr. balaustror. cortic. granator. an. ʒi. f. fol. & flor. Scabiosæ & ligustri ana ʒii. aluminis usti ʒi. f. misce, & fiat pulvis. aut.

℞. Radicum bistortæ, Iridis florent. tormentillæ, gallar. immatur. an. ʒii. ros. rubr. & flor. scabiosæ an. ʒi. lapidis calam. præparati ʒi. f. aluminis usti ʒii. misce & fiat pulvis subtilissimus. Modus autem ejusmodi pulveres inflandi, talis est. Lingua speculo oris depressa, mox spatula aut cochleari parvo & ad id apto, pulvis uvulæ admoveatur. Ut autem pulvis undique uvulæ aspergi atque inflari possit, sequens excogitavi instrumentum, quo multoties usus sum.

Est autem cochleare ex capto cujus manubrium fistulosum, octo pollices longum, & inferiori cochlearis parti annexum, Ex altera parte folli culum (ex corio, eo modo, quo anceps fistulis suis ad fallendas coturnices, alligare solet, factum) annexum habet cochleari itaque impleto pulvere, uvulæque admoto follis corrugandus est, quo aer pulverem in altum pellat, sicque uvula ac palatum eo undique aspergantur. Sed quia necesse est, ut minister speculo linguam deprimat, interim dum Chirurgus hoc instrumento pulverem admoveat, ac proinde sic unus alterum impedit, hanc ob causam, aliud instrumentum longè ad hanc rem commodius effinxi, quo Chirurgus interim dum sinistra speculo oris linguam deprimat, dextra pulverem admoveat.

Follis hic similiter alligatum habet cochleare cupreum cum sua fistula, longitudine pollices octo continens. Follis verò longitudo quinque, uti latitudo trium pollicum existit. Ut autem follis depressus per se in altum relevaretur, atque unicâ manu inflatio fieri posset, in interiore parte sua instrumentum veluti plectrum sive elevatorium ex chalybe fabricatum, continet, beneficio cujus, superior pars follis in altum relevatur. Nonnunquam adeo contumacem uvulæ inflammationem, aut relaxationem vidi, ut ultra mensem ejusmodi pulverem quotidie inflare, necessum fuerit. Hæc ideo moneo ut de salute ægri semper bene speres, etiam si ab inirio res per se difficilis appareat. Quod si levioribus hisce remediis morbus non cedit, ad fortiora progrediendum est. Nonnulli aquam fortem per se aut aquæ Plantaginis vel rosarum dilutam, aliaque medicamenta caustica admovent: prudenrer tamen & cautè hac in re agendum est, ne malum ingravescat. Quotiescunque enim malignitas aliqua adest, facillimè malum ab ejusmodi medicamentis acrioribus irritatur: si quis tamen iis uti voluerit, ea quæ à Paulo Æginethâ lib. 6. cap. 31. hac de re traduntur, observet.

Sæpenumero quoque uvulam forcibus abscindere aut filo ligare, vel cauterio inurere coacti sumus. Videat tamen Chirurgus ante omnia, ne aliqua subsit malignitas, vel dispositio ad cancerum, quod facile cum ex duobus proxime præcedentibus

observationibus; tum ex Paulo Æginethâ loco præallegato, elicere licet, ubi monet contractas, rotundas, sanguinolentas & subnigras, Chirurgiâ aggrediendas minimè esse. Quæ vero contrariio modo se habent, nimirum quæ, ut idem Paulus docet, tenues sunt, oblongæ, & in supremâ parte imminutæ, neque nigræ aut sanguinolentæ, sed subalbicantes, Chirurgiam admittere. Tantum autem de uvulâ quantum naturalem excedit modum, auferendum convenit; est enim veluti plectrum rocis, qui ea carent, raro distinctè ac clarè vocem loquelamque proferre possunt, Raro inquam, quandoquidem mihi unum aut alterum videre contigit, quibus licet uvula erosa fuerit, adeo tamen distinctè & articulatè proferebant sermonem, ac si instrumenta omnia integra ac illæsa adfuissent. Alter eorum Ozenicus fuerat noster, cui per annum integrum ozenâ laboraret, uvula plane erosa conspiciebatur, ut suo loco dicemus: sed hæc rara sunt atque infrequentia.

Porro abscissio hoc modo perficitur. Conspectam uvulæ rostrò ciconiæ Chirurgus apprehendat, deinde quod superfluum, forcibus abscindat, parumque sanguinem effluere permittat. Si autem plus æquo effluerit pulvis noster ad sanguinem sistendum cochleari parvo, applicandus est. Postea gargarismis ejusmodi, quales antea præscripsimus, utendum. Quod si æger incisionem abhorreat; aut sanguinis profluvium vereatur, tum sequenti instrumento, à nobis primo invento uvulam absque omni difficultate atque periculo ligare, & abscindere soleo.

Est autem stylius fistularis, longus pollices octo, mihi ex ære fabricatus, cui ex una parte annulus adaptatur, est. Is verò ex inferiore sui parte tantum excavatus, quantum ad recipiendum filum opus. Postea seminodus, faciendus.

Fili deinde una pars per foramen, quod in superiori parte annuli est, similiter traducenda. Tum deorsum angustissimum foramen quod in externa parte annuli existit traducto filo, parti inferiori alligare oportet. Si autem externa pars annuli, similiter non nihil excavatæ, quo filum, ne hinc inde vacillet, continere possit. Quò factò minister speculo oris linguam deprimat, Chirurgus vero partem uvulæ abscindendam, annulo apprehendat, dextraque filum, vehementer attrahat, ac uvulam stringat. Sic enim nodus efficietur. Facto nodo ad uvulam, filum, abscindatur: & extracto instrumento, ut extra dentes propendeat, relinquatur; si enim in ipsa constrictione uvulam non absciderit, eadem tamen, aut sequenti nocte, id præstabit.

Sin verò immodicus sanguinis fluxus supervenerit, cauterium actuale admovendum est, hunc in modum. Habeat Chirurgus duos ministros, quorum unus caput firmiter teneat, & ægroto oculos velet: alter linguam oris speculo deprimat.

Chirurgus viro fistulam æneam, octo pollices longam, linteoque madido, undique excepto foramine excipiat. Postea stylo ferreo ignito fistulæ intromisso, uvulam cauterizet, vicinis tamen partibus illæsis. Tandem gargarismis idoneis, melleque rosaceo curatio absolvenda est.

Putrefactio aliqua si adfuerit, efficacissimum erit cauterium. Sed quia ægri vehementer ab eo abhorrent, & totam, si res ad votum non succedat, Chirurgo adscribunt, ideo prius medicamenta hæc, quæ sequuntur experiri soleo, quibus magno cum successu utor. Instituta igitur optimâ victus ratione, purgato

corpore reliquisque adhibitis universalibus, ut antea monui, sequenti gargarisinate os continuo abluere jubeo.

℞. Hordei integri m. i. Radicum plantag. ʒi. Folio. Scabiosæ, geranii, scordii an. m. f. Rosarum & folior. plantag. an. m. i. Coquantur in ℥. iiii. aquæ ad hordei crepaturam, tum admixtæ mellis rosacei, & diamori, an. ʒij. misce, fiat gargarisma. Ter quoque aut quater in die unguento nostro Ægyptiaco, cujus descriptionem pete ex tractatu de gangrænâ, affectam partem penicillo inungo, idque eo usque continuo donec putredo, ac morbi sævia remiserit, tum ea quæ superius in relaxatione uvulæ tradidi adhibeo, iisque curationem absolvo. *Gulielmus Fabricius Hildanus observat. Chirurgic. Cent. iiii.*

De ulceribus oris, ex lue venerea contractis:

Item de uvula relaxata periculosa curatione.

Nobilis ac strenui viri, Dn. Joh. Held. inclytæ Republic. Freyburgensis Helvetiorum consulis prudentiss. uxor, cum quadam die sub ardentissimo sole equitasset, caputque plus, quam pro conservanda valetudine licebat, excalefactum fuisset, catharro ad uvulvæ & fauces corrupta fuit. Advocatus Barbitonsor, cum uvulam intumefactam esse deprehenderet, pulverem summe calidum & acrem quotidie ter quaterve inflavit. Hinc exorta inflammatione & abscessu periculossimo, non tantum uvulæ, verum etiam cartilagine narium erosæ fuerunt, ulceraque hinc inde in facie eruperunt. Tandem miseram calamitosamque hancce vitam, misera illa ægra (quæ nulla arte sanari potuit) misere, sed constanter & pie finivit, melioremque vitam sibi elegit. Hæc ex ore genere, & virtute nobilissimæ matronæ Dn. prænominatæ, ægræ filiæ, Anno 1561. 6. Martii præsentis clarissimo V. Do. Sebastiano Mejero, Reip. Solodurensis, Do. medico ordinario excepi.

Anno 1612. ex Belgio rediens, una cum viro clariss. atque doctiss. Dn. Georgio Fabro, Castri impetialis Fridbergensis doctore Medico ordinario atque celeberr. matronam piam & singulari virtute præditam, nec non Dn. Fabro sanguine junctam vidi: cui cum propter catharrum uvula relaxata inflammataque fuisset, & Barbitonsor aquam quam Regis vocant, nimis indiscrete applicuisset, talis sequuta est inflammatio, & humorum affluxus, ut per dies aliquot de vita periclitaretur ægra. Tandem, cum Dn. D. Faber (qui peregrè profectus fuerat) advenisset summa suâ & indefessa diligentia restituta quidem fuit: sed uvula & portio aliqua ossis palati & cartilaginum narium exciderunt, maximo cum ipsius incommodo & loquelæ depravatione.

Ex pulvere piperis longi & croci, gulæ faucibusque insperso atque insufflato anginam periculossimam sequutam fuisse, in reverendo viro, Dn. Johanne Merula p. m. Ecclesiæ Paterniacensis pastore fidelissimo, observavi anno 1607. uti in 3. centuria observationum mearum fusius videre poterit.

Quapropter curandum est, ne corpore existente impuro, aut inflammatione & affluxu humorum renatâ parte affectâ hujusmodi. Medicamentis calidioribus & erodentibus facile utamur, uti etiam si maligna aliqua qualitas, ex humore atrabilario progenita, quæque cancerum sapit, adfuerit. Cancrofa enim ulcera à medicamentis erodentibus exasperantur, irritanturque. In his potius medicamentum ex cineribus gammarorum & ranarum, cum

eorum menstruo confectum applicarem. Illud quanto cum successu in egregio isto sene Dn. Claudio Monteilleto ante annum fecerim te non latet. *Idem Cent. vi.*

Pro Columellæ inflammatione.

Præmissis Clystere & venæ sectione, hoc gargarisma (cum essens in principio, ad fluxionem reprimendam præscriptum).

℞. Aqua plantag. ℥i. aqua equiseti. ℥i. fl. ros. rubr. p. j. β. β. gallarum contritarum numero iij. ebulliant unica forti ebullitione colat. adde diamori ʒij. Postea venas sub lingua secari, & uvulam etiamnum inflammata, & propendentem pulvere aluminis usti & boli armeni simul mixtis sublevavi. Hoc deinde gargarismo urens convaleuit.

℞. Plant. g. bellid. min. fl. ros. rubr. an. an. p. j. balauft. ʒij. coq. in aqua ad ℥. adde aqua plantag. ℥i. sem. Cydon. ʒj. sem. malv. ʒβ. rursus bulliant, addendo diamori ʒij. β. Mell. rosat. colat. ʒ. M. pro gargarismo jubebam quoque ut ex dianuco lamberet, quo urebatur Galenus in Hortolano. Petrus Forrestus obs. 1. lib. 15. de faucium, guttur. gulæ, & asperæ arteriæ affectibus.

Mulierem cuidam tonsillæ vehementer tumebant, columella inflammata & valde laxata erat, ut deglutire & respirare vix posset, illam curavi in hunc modum.

℞. Aqua font. ʒij. olei vitrioli tot guttas quo acidam multum reddant. In hac aqua intinctam penam ad fauces tumentes immittebat aliquoties in horas singulas: cujus usu ore permulta phlegmata continuo emittebat & expuebat. Post aquæ immisionem ex præcepto meo Succinum album carbonibus imposuit, & per infundibulum ore fumum excepit, & sic cum multorum stupore intra diei spatium sanitatem obtinuit. Nam mox sine molestia deglutivit, facile respiravit, bene dormivit, tumor & inflammatio protinus sublata fuit. *Martinus Ralandus. cent. 2. cur. 97.*

Pro Uvulæ elongatione.

Fiat rasio capitis super commissura sagittali, & applicetur ibidem ventosa habens orificium satis amplum & oblongum, & teneatur saltem per unam horam, vel mediam, ter vel quater in die reiterando ipsam: violenter etiam sursum attrahantur capilli ejus ita ut cutis capitis exfolietur à cranio suo: per tale enim ingenium statim uvula mirabiliter sublevatur. Vidi ipsum fieri, & instanter profuit: sed non debet fieri nisi in casu arduo magnæ suffocationis. *Barthol. Montagnana cons. 88.*

℞. Gummi gott. gr. vi. tartar. vitriol. g. vi. ol. succin. gr. iij. cum syr. ros. solut. F. pil. v. ante vesperam scarificatione cum cucurbitulis utebatur: & paulo post isto gargarismate usus est.

℞. Aqua verben. plantag. equiset. an. ʒij. fl. ros. rub. cortic. granat. an. p. j. sem. cydon. ʒi. ebulliant omnia simul. in colat. dissolv. diamor. dianuc. an. ʒvi. syr. papav. mell. ros. colat. an. ʒβ. vini granat ʒj. syr. de granat. acid. ʒβ. sal. prunell. ʒj. spirit. vitriol. q. s. ad grat. acciditatem coletur denuo ut F. gargarismus pellucidus.

Tale circa collum inducatur cataplasma.

℞. Rad. alth. ʒj. fl. scabios. sanibuc. ros. rub. melil. chamæm. an. M. j. sem. alth. ʒi. coq. in vini albi q. s. ad mollitudinem & pistentur: adde farin. sem. lini & fœnugræc. an. ʒβ. Pulv. nidi hirundin. ʒj. mell. ros. ʒβ. theriac. el. ʒi. ol. sal. ʒβ. ol. chamæm. amygd.

amygd. d. rec. an. q. f. M. pro cataplasmate.

Contra Uvulæ elongationem hoc etiam proposui.

℞. Rad. bistort. irid. tormentillar. immaturar. an. ʒij. fl. ros. rub. scabios. an. ʒj lap. calamin. præp. ʒiʒ: alumin. usti ʒij. M. F. pulvis subtiliss. lingua speculo oris depressa, cochleari parvulo ad id facto, pulvis uvulæ admoveatur, imo si fieri potest undique insuffletur, Petrus Lotichius obs. 1. & 2. cap. 3. lib. 2.

Ad faucium glandulas tumentes. Io. Heurnius hoc in secretis habuit.

℞. Argentinam coq. ex cerevisia, & fiat gargasimus, notis ad cap. 9. lib. 5. patholog. I. Fernelii.

Columella duplex, vel divisa.

Columellam duplicem, imo potius divisam, vidi in puello, qui Labio Leporino ita deformatus erat ut simul palatum ad imas usque fauces fissum conspiceretur. *Henr. Vollgnadii.*

De Uvula Gemina.

Uvulam ad bene loquendum esse necessariam, ideoque non adeo ineptè vocis plectrum audire, à plurimis Anatomicorum creditur; id quod absentia etiam ejusdem, & prava, eaque vel connata, vel à morbo inducta, constitutio evincit; cen imprimis ab Excell. D. Carolo Raygero in discursu, aglossotomographiæ, Jacobi Rolandi; Anno tertio Ephemeridum curiosarum German. adjuncto, præclare illud ostenditur, ubi adpositum exemplum gargareonis duplicis, in memoriam revocat, quæ simili in materia observare mihi bis licuit.

Prima vice, dum annis duobus abhinc juvenis 24. annorum, curæ meæ subjectus, singularem in Columella naturæ lusum exhibendo, duplicem eam concessisse ostenderet, non quidem immediate palato juncta, tanquam è basi quadam propendentem, cæterum naturali planè situ locatam, ac figura & magnitudine justa præditam.

Alterum exemplum hoc demum anno ancilla annorum 22. præbuit, cujus palatum duæ pariter uvulæ unitæ occupant, quoad figuram insoliti ostendentes magnitudine saltem naturalem illam haud æquant, ita ut ambarum quantitas juncta, si cum hac conferatur, nonnisi parum eam sit superatura.

Revera autem binas in utroque subjecto uvulas adeste, non saltem divisas, quales tum præfatus D. Raygerus l. c. pag. 568. tum D. Henric. Vollgnad. in Schol. ad obs. 239. Anni II. Ephem. laudatarum sibi occurrisse, testantur, ipsa earum conformatio docet, cum ex latiori basi in obtuse acutum mucronem singulæ terminentur. Cæterum rara hæc aberratio in istis personis nullum aliud incommodum affert, quam quod vocem non ea gratia, qua fieri alias solet, edere possint, sed raucam nonnihil, & obscuram, è naribus quasi descendente, eandem emittant.

Similem planè affectum in pluribus utriusque sexus hominibus, quas lues venerea particula hac multavit, vel saltem ex parte mutilavit, in nostro nosocomio Gallico, cujus curam jam per unde viginti annos ago medicam, observavi, ita ut omnes rauca quadantenus voce deturpati fuerint; hinc me illorum in partes abire permoverunt, qui experimentis edocti, Gabr. Fallopio, nullum vocis detrimentum exesæ uvulæ supervenire, in Observ. Anatom. affirmantis, contradicunt, sicque ampla Riolo fides sit habenda;

Bibl. Chirurg. Tom. II.

dum lib. 4. Enchirid. Anat. cap. 11. de gargareone agens, quibus deest, inquit, vox rauca evadit. Cujus veritatem etiam nuper à Nobil. D. Nicol. Guil. Beckers, observatione Anno 4. Ephem. Germ. Observ. 66. inserta fuisse confirmatam vide. Lucæ Schræckii.

Columella absens à nativitate sine noxa.

Beatiss. Dn. D. Johan. Hagendorp patrueles meus, in praxi amplissima observavit absentiam Columellæ in puella quadam à nativitate, quæ nihil inde incommodi passa est, cæterum sana. Ehrenfrid Hagendorp.

De Uvulæ Ablatione.

Perillustis eques Romanus, temperamenti sanæ guineo melancholici, pluribus annis defluxionibus statis temporibus super fauces ruentibus in Italia laborare solitus, Principum dum negotia Cæsarea in Aula pertractaturus. Viennæ moraretur, acri ac ferina circa solstitium hyemale anno præterito super fauces & circumsitæ partes distillatione corripitur, quæ tantæ erat acrimoniæ, ut quanquam medicamentis tam totum, quam partes affectas respicientibus, ex Pharmacia & Chirurgia desumptis abunde ægto prospectum fuerit) Uvulam cum Tonsilla dextra corroserit, ac ex integro sustulerit. Quo facto Perillustis eques, non loquelæ, neque respirationis difficultatem, ut varii opinabantur; Verum cum uvula sit asperatum ac levium arteriarum tanquam operculum, aliam, præter levem vocis raucedinem, nullam sensit molestiam.

(Simillimum exemplum apud nos. h. l. videre est in fœmina primariâ, quæ ob defluxiones salinas corrosivas ante aliquot annos plectro hoc vocis orbata effari quidem omnes literas, & loqui, sed tantum rauca & submissa voce non clara potest: *G. W. Wedelii.*

De hiatu Palati & Uvulæ.

Anno 1674. die 4. Aprilis evocatus sum rus ad quendam Nobilem, cujus Generosa uxor tum ante 21. septimanas fætum masculum pulchre formatum peperit, qui in oris palato quædam insolita ostendit. (1.) magnum hiatum ab anteriori oris parte ad locum uvulæ vergentem, ibi qua (2.) Uvula duplex & in medio divisa videbatur, ita ut quis uvulam geminam diceret. (3.) Labia hujus hiatus in palato ab invicem digitum lata distant, ibique (4.) palatum spurium maxime rubescere in locum naturalis productum cernitur. (5.) liquida benè deglutit, nisi quando importune ingerantur, tum per nares effluunt, si autem placide comedat minimè, quomodo autem solidiora degluriat, tempus docebit: (6.) in ploratu per nares nihil revolvitur, & si quis juxta ploratum judicaret, nihil vitii ori inesse diceret.

Causam hujus affectus ipsa Generosa Matrôna rejicit in hunc casum: contigit aliquando ut quidam Nobilis ephebus cum ancillis nugaretur, strophiumque ad eas mitteret, quo cum forte adveniret generosa Matrôna, in ejus os invasit; hæc idcirco terrore affecta, linguam in ore retrahens, hinc missili strophio hæc insolita accepta refert. An ergo imaginatio hic locum habeat, dicant Naturæ Amasii. Paulus Zacchias hanc vim adimit imaginationi, & cum eo alii. Verum meo judicio difficile & arduum erit contra tam receptam, totque seculis assertam,

Dd 2

tamque

tamque innumerabilibus observationibus confirmatam sententiam, &c. *Job. Ludov. Hannemanni.*

Exsecta prope uvulam carnea excrescentia.

Præsens excrescentia carnea nuper ex collo Conjugis civis nostri Argentinensis prope uvulam antrorsum à Chirurgo fuit excisa, & feliciter, Deo nobis favente, peracta ita operatio, ut nunc fœmina ista nil detrimenti exinde sentiat. *Feb. Schefferi.*

De ablatione Uvulae forcice peractâ.

Uvulae laxitatem ex decubitu mucosi humoris à capite oriri Hippocrates docet l. 2. de morbis.

Affectus hic, per se satis gravis, deterioris sæpius notæ efficitur ab iis, quibus vel morbi, causæque ejus conditio ignota est, vel adhibitorum medicamentorum virtus, qua de materiâ legi possunt quæ Fabritius Hildanus de Anginâ cap. 5. parte 6. obs. 15. parte 2. obs. 21. proponit. Hoc faciunt illi qui in uvulae laxitate & elongatione, accedente illius cum partibus vicinis, amygdalis, palato, aliisque, inflammatione ex sanguinis affluxu, medicamentis utuntur summè calidis, qualia solent esse, eo in casu usualia, piper, zinziber, sal ustum similiaque. Quæ improbat magnus Galenus 6. de sanit. tuenda & 6. de comp. med.

Placet variis in uvulae prolongatione pilos quosdam verticis sursum attrahere, adeo ut sonitum quendam (quem se audire referunt) edant, sic enim eorum opera elevari censent pericranium, cujus ex elevatione locum concedi uvulae sibi persuadent.

Uvula hæc non raro ex sanguine & pituita eam ad magnitudinem increfcit, imprimis ubi pituita malum producit, ut Nuci juglandi æquiparari queat. Hac de re videri possunt quæ adferunt Hipp. lib. de affect. Aetius term. 8. cap. 41. Hildanus part. 2. obs. 21. Quod si longè majorem corpulentiam ipsam quandoque assumpsisse dicamus, vera nos proferre scias.

Paulus ab Uchelen, Mercator celebris, vir temperamenti pituitosi, cui tamen cacochymia biliosa aliquomodo accedebat, Uvulae tumore ex affluxu humorum copiosiore sæpius afficiebatur. Accidit ut ejus magnitudinis evaderet, ut coactus fuerit medicum domesticum, nobiscum, advocare. Primo omnium ad evacuationem humorum biliosorum, pituitosorumque exhibuimus. Purgans conveniens, imo etiam ad sublationem materiæ p. n. in uvula collectæ gargarismus hunc.

℞. Fol. Rosar. rubr. Plantag. caudæ equin. an. Mj. agrimon. vincæ Pervincæ an. P. ij. Cortic. Granator. 3j. β. nuc. gallar. 3j. flor. balauſt. 3℞. coquantur in aq. purâ, & chalyb. an. part. æqual. ad consumptionem tertiæ partis. colaturæ ℥ij. adde syrup. Diamoron. granator. an. 3ij. ol. Vitrioli gutt. v. M. F. gargarismus.

Collo applicabatur linum præparatum [vlas] quod ex thure accenso fumum exceperat; Cervici imponebantur cucurbitulae præmissa scarificatione debita.

Uvulae admovebatur pulvis sequens cochlearis commodi ope.

℞. Gallar. immat. 3j. β. cort. granator. 3j. flor. Rosar. rubr. Fol. caudæ equin. an. 3ij. alum. uſti 3℞. Terræ Lemniæ 3j. M. C. pulvis subtilissimus.

Instrumenta alia quorum opera pulvis hic aut similis uvulae applicari queat, qui desiderat, incipiat quæ

delineari curarunt Fabr. Hildanus, & Joannes Schultetus part. 2. cap. 21. Tab. 9. fig. 8. commodius licet nobis nullum occurrat cochleari nobis usuali. Medicamentorum dictorum usu, & affectus ipse & tristitia ægrotantis plurimum remiserunt.

Tempore aliquo elapto, convivio cuidam quod adfuisset æger, ex immoderato vino rhenani generosis usu, subito uvulae in tumescencia ipsam de novo invasit, pituita plus justo aucta, humiditatibusque superfluis denegato loco satis capaci, consternatos hæc fecit consanguineos, maxime ubi sine ullo levamine incrementum sumebat enorme, adeo ut gangrenam minari videretur, colorem sub nigricantem assumens, qualem uvulam describit Forestus lib. 15. observ. 5.

At usu dextro medicamentorum, prægressis magis calidorum, id effecimus, ut, colore purpureo remittente, flavus inductus fuerit, at ex affluxu flavescentis hujus humoris in eam longitudinem increvit uvula, ut supra linguam ad labia ipsa se extenderit, unde & linguæ motus, ipsaque adeo loquela, deglutitio etiam, & respiratio ipsa, ferè fuerint abolitæ.

Symptomata hæc tollere (nostro judicio) impossibile, nisi per extirpationem; hanc quo convenienter institueremus, luci apppositi ægrotantis linguam sinistra manu ope glossocatochi depressimus, dextra forcicem admovimus acutissimum manubrio longiore præditum; videri possunt quæ hac de operatione habet Ægineta lib. 6. cap. 31.

Thomas Bartholinus cent. 2. hist. 88. delineationem exhibet instrumenti alicujus pro uvula abscindenda à rustico quodam Norvego Canuto Thorberno, ingenio minimè plebeo excogitati; ut omnibus aliis etiam acutissimis, merito forcicem præfero, secutus hac in re magnum Hier. Fabr. ab Aquapendente, qui part. 1. operat. chirurg. cap. 37. volsellam Celsi rejicit, & forcice uvulam male constitutam corruptamve aufert.

Ut redeamus ad ægrotantem nostrum, uvula abscissa expuebatur, quo facto cochlearis ope applicabatur cataplasma ex linteo toſto (Tondel) farina volatili, & Spir. Vitrioli tantillo, utile ad id ut sanguinis fluxus, qui tamen parvus admodum, inhiherentur. Hinc melle Rosaceo absolvebatur curatio.

Modum hunc uvulam auferendi nil periculi habere certum est, nec est quod cum Chirurgis rerum Chirurgicarum minus peritis sanguinis fluxum metuamus; facillimum enim, cochlearis dicti ope, rei necessitate id exigente, ubi calefactum, minime ignitum, parti affectæ applicatur, eum sistere, quale quid fieri posse Hildanus loco citato docet.

Materiæ huic antequam finem imponamus, in gratiam Chirurgicæ artis cultorum, quibus haud grave fuit observationem hanc perlegere, redhostimenti loco medicamentum aliquod communicare placet, cujus vires insignes experti sumus in non uno, quoties exulceratio adfuit uvulae, imo ubi exulcerationi conjuncta ulceratio Amygdalarum, pharangisque siquidem penicelli ope parti affectæ applicetur, præmissa usu gargarismatis ex Decocto Ligni guajacini, Rad. salapatill. similibusque parati.

℞. Mell. Rosar. 3ij. chelidon. 3℞. aqua Mercuriall. 3℞. mercur. præcipit. 3j. s. liquor. Egypt. 3ij. M. F. situs.

Aqua Mercurialis cujus hic datur mentio, descripta est à Carolo Batto Tract. 2. cap. 13. estque Aqua Fallopii. *Job. à Meckren. in observat. Medico-Chirurgicæ.*

GUTTA SERENA.

De ea vid. Bibliothecam nostram Medicam. Item sub titulô *Oculorum Morbi*.

GUTTA ROSACEA.

DE ea fusè admodum scripsit nunquam satis laudandus, accuratissimus Marcus Aurelius Severinus, suò de reconditâ Abscessuum naturâ verè aureò tractatû. Nos hic nihil ipsò iis addimus quæ jam supra ex eò sub titulô *Epinyctis*, ut & etiam aliis quæ in cutis affectibus attulimus; sed tantum observationem unam atque alteram; dabimus quas collegit *Clariss. Burnet* in suò *Medicina Practica Thesaurô*.

Gutta Rosacea, rubeo est Faciei maculosa, seu potius rubor cum tuberculis, quibus tota Facies defœdatur, ac si guttis roseis conspersa esset, cognoscitur visu. Ortum dat sanguis crassus & fervidus, ad faciem delatus. Hoc malum sæpe contrahunt, qui poculis & ebrietati nimium dediti sunt: quibusdam vitio naturæ obtingit.

Pro Gutta Rosacea.

℞. Lithargyr. auri ʒj. ceruss. ʒij. axung. anser. & gallin. an. ʒß. argenti vivi cum saliva extincti ʒij. F. unguentum, cum quo sero inungatur facies, & mane lavetur cum aq. furfuris. Item pineæ nuces recentes pistæ cum crema lactis in modum unguenti coeant, quo inungatur Gutta rosacea. Mirabile habetur.

Vel. ℞. Lithargyr. bene triti & pulveris. ℥ij. aceti fortis ℥iiij. M. Stent. per duos dies. Postea coq. ad consumptionem tertiæ partis: deinde adde aq. fl. fabarum ℥ij. & simul ponantur in alembico & destillentur. Postea isti aq. destillatæ adde gummi tragacanth. & arabic. q. s. ut F. unguentum quo facies ungatur. *Petrus Forestus: schol. observ. 9. lib. 2. obs. Chirurg.*

Pro Gutta Rosacea.

Puellæ núbili facies admodum defœdata erat jam multos annos pustulis siccis flavescentibus serpentibus, accedente rubore, ita ut de lepra suspecta esset. Vocatus ego veris tempore primo venam aperui brachij. Scarificatione postea adhibitis cucurbitulis in scapulis, jussi uti singulis mensibus. Vesicatorium quoque nuchæ applicui, quod magnam illic vesicam excitavit, & quod admirandum, ut aliquandiu sanguinem minxerit, fecit: Bibit aliquoties hoc decoctum.

℞. Summitat. lupul. rec. fumar. rec. an. Mj. fol. sen. ʒij. coque in sero caprino, colaturam bibat uno haustu, & aliquoties repetat.

Unguentum pro facie sequens præscripsi.

℞. Lithargyr. auri, ceruss. an. ʒij. unguenti citrini ʒiß. thuris alb. massich. an. ʒiß. rad. serpentar. offis sepiæ, an. ʒj. ol. tartar. ʒß. succi limonum ʒj. M. Inungat faciem. Mane abluat aqua flor. fabarum: recesserunt hac ratione pustulæ, sed iterum de novo obortæ sunt. Denuo itaque eam phlebotomia uti jussi, alteroque mox die scarificationibus. Purgavi quoque de novo sic.

℞. Fol. lupul. fumar. an. Mj. fl. cordial. p. j. sem. anis. ʒij. fol. sen. anis. ʒij. fol. sen. ʒj. epithymi ʒß. decoq. in sero lactis. bibat duabus vicibus: sed in posteriore dissolvat conf. Hamec. ʒij.

Electuario deinde hoc utatur.

Bibl. Chirurg. Tom. II.

℞. Conserv. fl. cichor. viol. an. ʒj. conserv. fl. bugl. nymphæ, an. ʒß. pulv. trifantal. duplicato rheo ʒij. diarrhod. abbat. diamarg. frigid. an. ʒß. medull. sem. melon. ʒij. Syr. conserv. cortic. citri q. s. F. Electuar. capiat alternis diebus bolum.

Postea illinat faciem singulis noctibus hoc unguento.

℞. Spec. unguenti citrin. ʒß. camphor. ʒß. boracis usi ʒj. offis sepiæ ʒß. rad. serpentar. ʒj. lactis virginal. parati ex lithargyr. cum aceto & aq. fabarum ʒiiij. succi limon. vel arantior. ol. de tartaro, de frumento an. ʒß. fugitivi ʒi. (plus addidissim, sed valde denigrabat) misceantur bene, siccabatur sæpe, sed rursus succis molle reddebatur: mane abluat hac aq.

℞. Cuspid. rosar. p. j. fl. viol. Mj. furfur. ʒij. cicer. rub. conquass. p. ʒ. rad. ireos, ʒi. rad. lilior. ʒij. rad. serpentar. cyclamin. an. ʒß. add. aquæ mensur. ʒ. eliciatur aqua, quam cum faciem ea lavat, aqua fabarum diluat: absumpto semel unguento & denuo parando addidi lithargyri & borac. an. ʒi. & hac ratione curata fuit. *Felix Platerus obs. lib. 3 pag. 619.*

In gutta rosacea faciei sananda cuidam Doctissimo viro, qui jam fuerat purgatus & sanguinem detraxerat, Sequentia jam usurpanda, & autumnî tempore repetenda præscripsi.

Hoc mense Maio frequenter lac caprinum mane bibat, in quo decoq. rad. lapath. fol. Mercurial. fumar. teneritates sambuci & Lupulorum. Ungat faciem unguento sequenti.

℞. Lithargyr. quart. i. infund. in aceto fortiss. sæpe moveatur, & acetum effundatur: residentia sumatur, cui adde camphor. dissolut. in aceto ʒß. pomatæ q. s. F. linimentum. Mane hoc decocto abluat.

℞. Fabar. conquassat. parum, & orizæ an. p. i. decoct. in sero lactis, & eo abluat faciem: quod si non sit satis efficax unguentum: succum granatorum illi permisceat. Reversus ex Italia, cum inspicerem, vix amplius apparebat rubedo, dicebatque imprimis profuisse unguentum ex Lithargyro. *Felix Platerus obs. lib. 3. pag. 617.*

Observationibus ex Burnetò jam allatis, aliam rursum adjiciemus.

Gutta Rosacea Errhini usû curata.

Clariss. Codofredi Davidis Mayeri, Ephemerid. Natur. Curios. Centur. I. & II.

Vir Pellio J. H. victû crudiori, imprimis eû brassicæ muriaticæ & lardi addictus, rubore primò circa nasi radicem, pustulisque passim per faciem conspicuis divexabatur. Cum exantematum horum multitudinem reiteratâ scarificatione tollere laboraret, malum in brachia, dorsum & pectus deducebat, unde Orthopnæa se interiturum credidit. Tandem cum frequentiore cucurbitularum applicationem intermisset, coacervatis in facie varis, nanciscebatur Gutta Rosaceam, quam abusû salitorum & acidorum, quorum cruditas ex stomacho ad massam sanguineam deferebatur, in dies adaugebat. Diætæ convenientioris commonefactus; abstineat à salitis, pinguibus, acribus, & quotidianâ spiritûs vini ingurgitatione; victû potius tenui & refrigerante unâ cum remediis convenientibus utatur: Cujusdam tamen suasû herbam Nicotianam Hanoviensem, communem, siccata, & in pulverem redactam, navibusque sæpius attractam, instar errhini adhibebat; ex cujus assiduò per dimidium annum usû, diætæ legibus non aded accuratè observatis; cum ob alias rationes me postmodum consuleret, omnibus aliis

remediis susque deque habitis, se ab hôc malô feliciter restitutum fuisse. Pellio gloriabatur.

Hanc medendi methodum citra rationes non esse susceptam ex Errhinorum agendi modô colligendum. Etenim eorundem energiæ ratio in sollicitatione, irritatione, ac vellicatione membranæ narium sensili, quis est qui neget? Hanc autem tunicam numerosissimis vasis sanguiferis, intertextam testatur celeberrimus Anatomicus Vieussens, Neurographiæ c. 1. p. 188. Unde occasione errhinorum, vasa hæc cum tunicâ pituitariâ, ntpote fungosâ, spongiosâ & glandulosâ parte, ejûsque productiones vellicantur, solidumque & fluidum in motum rursûs concitatur, sicque massa sanguinea ingenti viscidorum humorum copiâ liberatur, & nova serositatis materia hâc ratione cerebro utilissimè subtrahitur: Quicquid in contrarium de usû hujus excerniculi publicè speculatus fuerit Conrad. Viêt. Schnerderus, in diffusæ Etuditionis Scriptô de Catarrhis, aliique &c. Propterea non inconvenienter Clariss. D. Joh. Chr. Wolfium, in Scholiis ad Observat. Chirurgico-Medicas, Observ. 13. statuisse judico, cum partes quasdam errhinorum arteriarum tunicas penetrare, & sanguini commixtas ad cerebrum devehî ibidem edocuit: Siquidem vi activitatis, humores circa cerebri promontoria collectos, & simul quicquid ibi hæret, attenuare, serumque restitans ad fortio rem motum incitare quàm optimè possunt. Discussio enim stagnantium humorum, inque ordinarium circulum actio, ut in allegatô casû, ita non minùs in aliis similibus, primarius existit Medicamentorum finis.

GUTTURIS AFFECTUS.

Gutturis affectus varii sunt; verum de illis jam abunde diximus; capitibus de Angina, de Deglutitionis vitiis, de gurgulionis morbis, ac in sequentibus ubi de Tonsillarum affectibus. Hic unicum nobis incumbit explicandum, scilicet. quomodo variæ res extraneæ gutturi infixæ, commode extrahi queant; quod per observationes aliquot jam perficiemus.

Pro gula dolore ab officulo illic hærente.

Scriba quidam, cum in artocreate pullos columbinos, confractis ut solent prius officulis, coctos comedens, officulum simul ex parte deglutivisset, illic ubi abruptum fuit, acutum, œsophago infixum hæsit; unde tantus dolor subortus, ut miserè excrucietur, mox sequuta inflammatione & tumore qui etiam foris in collo apparebat. Cum variis instrumentis illud eximere Chirurgus studeret, apprehendere tamen cum non esset conspicuum, minimè potuit, deorsum propellere longè minus, cum tunc dolor admodum exacerbaretur. Vocatus jussi cum jusculis & lacte nutritæ, crassiora enim deglutire minimè poterat, tumori extrinsecus, cum mollis esset, cataplasma maturans apposui, quo, exactis diebus aliquot, maturari, & in abscessum converti cœpit, quo aperto, una cum pure officulum quoque prodiit & exemptum est. Postea sanato ulcere, nihil mali amplius passus est. *Felix Platerus observation. lib. 2. pag. 413.*

Quidam per imprudentiam devorans frustum corii, propemodum suffocatus, tandem convaleuit.

Anno 1594. Mense Maio, civis & sutor quidam

Colonienfis è regione divi Laurentii, inter confabulandum ore continebat corii frustum, quod illo præ risu hianti gutturi se insinuavit & infixit. Provocavit statim vomitum sed neque regerere, neque deglutire potuit: quapropter homo ille propemodum suffocatus est. Vocatus unà cum clariss. Viro Domino Johanne Kuenio Bridembachio Med. D. protinus injeci gutturi decoctum emolliens ex radicibus Altheæ, seminis lini, fœnigræci, cum oleo amygdalarum dulcium: deinde stylo argenteo incurvo corium ad capacitatem stomachi depuli: quod post semestre spatium per alvum egressit, Operationi præter alios quamplurimos interfuit Rev. D. Dn. Sebastianus, Seydelvis, verbi Dei minister fidelissimus, qui & sanationis testis est. *Guilielmus Fabricius Hildanus observ. Chirurg. cent. 1.*

Mulier officulum devoratum, quo pene suffocabatur, septimo tandem die egressit.

An. 1592. *Meizgen auffden Walber* Hildenæ officulum undique peracutum deglutivit. Primo, secundo & tertio diebus provocato vomitu, neque egerere, neque transglutire potuit. Vocatus tandem quarto die, inveni collum intus & extra inflammatum, ita ut vix inspirare aut expirare, vel etiam juscula sorbere posset. Urgebant dolor vehemens, febris, delirium & convulsiones. Quum officulum neque vomitu, neque instrumentis ullis depelli, nedum extrahi posset, sed jam in ipso gutture abscessum procreasset, anodynis quantum potui dolores sedavi: & supurationem procreavi. Intus decoctum ex radicibus Altheæ, semine lini, fœnigræci, & cydoniorum, cum oleo amygdalarum dulcium per syphonem injeci. Exteriori autem collum inunxi oleo anethino, liliorum alborum, & amygdalarum dulcium. & cataplasmata ex farina fabarum, floribus Camomeli, meliloti, semine lini, fœnigræci, coctum in hydræleo adhibui. Interim etiam aliquoties enemata injeci, & vires jusculis conservavi usque ad diem septimum. Tum per os rejecit plurimum puris, simulque officulum sicque liberata, & brevi curata fuit, & per multos annos à curatione feliciter vivit. *Idem ibid.*

Modus eximendi officula, & alias res gutturi infixas.

Nihil præstantius, aut aptius ad eximenda officula, & spinas piscium è gutture, quam instrumentum; quo ego feliciter usus sum, tum aliàs, tum præcipuè anno 1603. 16. Aug. in Ludovicô Tissor Lustriacensi, qui inter cœnandum officulum crassum deglutivit. (*Vid. hoc instrumentum in Tab. nostrâ 8.*) Oleum amygdalarum copiosè infudi posteaque instrumentum intromisi usque ad officulum, eoque modestè circumductô ac retractô, officulum simul extraxi, atque brevi convaleuit noster suffocatus. Post extractionem offis, guttur sæpe abluendum decoctô hordeaceô, aut aquâ plantaginis cum melle rosaceô & diamorone, oleumque amygdalarum ter aut quater de die ad cochleare sumendum &c.

Viro clarissimo ac Doctiss. Dn. D. Petro Offenbachio, Illustrissimi Landgraffii Hassiæ &c. necnon Inclita Reip. Francofurtensis medico ordinario ac celeberr. Amico meo singulari studio observando.

Fabricando nos fabros fieri, vir clarissime, juxta ac Doctiss. ante menses aliquot, in juvene isto viro cujus mentionem feci circa finem observationis 36. cent. 1. reipsa expertus sum. Tam vehementes etenim in ipso

erant

erant convulsiones, & corporis concussiones jam antrorsum jam retrorsum ac sinistrorsum, ut tres viri, quantumvis robusti, ipsum, ne membra distrumperet vix continere possent, donec tandem ossiculum, Oesophago infixum ad ventriculum detruderem, per os enim educi non potuit. Quid sit? In maximis istis convulsionibus, & dentium constrictionibus, instrumentum meum sat forte, & ex aurichalco fabricatum, sub dentibus adeo confregit ut plane inutile factum sit. Sed in quem finem, inquires, proverbium? Dicam sincere in hac operatione me edoctum esse, instrumentum ut à Domino Ryffio inventum, & mihi aliquoties usui fuit, non semper tutum esse. Si enim in ipsa operatione inter dentes ægri frangeretur, & fragmentum ad ventriculum descenderet, quotnam, bone Deus mala? Quotnam symptomata periculosa atque mortalia sequerentur? In prædicta itaque operatione edoctus fui, prædictum instrumentum (quod omnium quæcumque in hoc affectu excogitari poterunt, aptissimum est) quia propter multitudinem foraminum per se nimis imbecille est, corroborativo aliquo indigere. Idque facile fieri potest si stylus ex cupro vel aurichalco, prædicto instrumento ab artifice infixus & ex utraque parte, videlicet manubrium & spongiam versus firmiter annexus plumbatusque fuerit? Cuius ut sit stylus ille, necesse quidem est, ita tamen adaptari debet, ut in medio fistulæ collocatus foramina ne obturentur, & usus instrumenti imminuatur, non attingat.

Porro quia gravissimus & periculosus, imò mortalis est affectus, uti ex observatione 35. cent. 1. apparet, suadeo; ut fidelis ac diligens Chirurgus, prædicto instrumento semper instructus sit, moram enim nequaquam admittit affectus iste, ut in prædicto juvene & aliis observavi. Nisi enim ego instrumentum, quod nullibi in hac urbe, nisi apud me reperitur, in promptu habuissem, de ipso actum fuisset, propter doloris enim vehementiam, statim affluunt humores, intumescit collum, sequiturque suffocatio: plerumque etiam inflammatio & gangræna, uti ex observatione 35. cent. 5. videre poteris. De his, clauissime mi Dn Doctor, quia lectorem admonitum esse cupio, tuam excellentiam etiam atque eriam rogo, ut epistolium hocce observat. 36. cent. 1. antequam apud vos excudatur, ad calcem annectere velit. *Gulielm. Fabric. Hildan. Observ. Centur. 1.*

De modo frustra carnis, casei, panis, aliaque corpora faucibus inhaerentia auferendi.

Quam difficilis eorum sit respiratio, quibus ex Catharro oesophagus angustatus; experientia quotidiana abunde docet. At difficilior longè iis obvenit, qui ex corpore aliquo duriore, pane, carne similibusque angustiam ejus incurrunt. Quandoquidem enim oesophagus asperæ arteriæ firmiter cohæreat, incumbatque, impossibile est, quoties frustum aliquod ei inhæret, aërem pulmones respirationi dicatos accedere posse, aut contra pulmonibus contenta exire.

Quæ de nummis, aciculis, similibusque authores, referunt, non est quod à proposito nos divertant, frustra carnis, casei, panis, aliaque his similia, ex gula auferendi hic est modus.

Ad manus Chirurgus sit stylus ferreus flexilis, cujus extremitas una manubrio gaudeat debito, altera instructa sit spongiæ particula, strictissime alligata, spongiam hanc oleo olivarum madidam, ad faucium posteriora atque inferiora, ubi oesophagi ingressus, dimittat, hinc sensim, ne respiratio magis lædatur, in oesophagum ipsum in hoc ubi ad frustum aut corpus aliud ei inhaerens instrumento dicto devenit, spongiam ad postum premendo, studeat supponere corpori contento, quo simul cum ea sursum retracta id extrahere liceat. Sæpius hæc operatio non raro iterari debet. Quod si corpus gulæ inhaerens hac arte extrahi nequeat, & quidem magis si à ventriculo digeri queat, detrusione blanda ei offeratur.

Ne hic errorem committat Chirurgus, stylum suum in asperam arteriam, non vero gulam dimittendo, quod Chirurgus cuidam contigisse novi, sciat lector gulam à parte postica vertebri dorsi atque cervicis incumbere, asperam vero arteriam ab antica incumbere gulæ.


Hildanus obs. 36. part. 1. instrumentum delineat circa extremitatem foraminibus plurimis præditum, cujus ope spinas, ossicula, ejusque generis alia gulæ inhaerentia extrahi posse scribit: Est hæc ex descriptione authoris fistula argentea aut aenea incurvata, crassitie pennæ oloris, longitudine vero unius pedis cum dimidio aut circiter; est & undique perforata, in sua extremitate vero habet spongiolam novam, avellanæ magnitudine, firmiter alligatam. Hac fistula in oesophagum immissa & sensim modiceque circumducta, postea extracta, ossiculum aut quicquid simile fuerit extrahitur. Si enim accidit, ut foramen aliquod fistulæ spinam aut ossiculum excipiat, tum simul cum fistula extrahitur: sin minus asperitas ossis spongiæ adhærebit, & suo loco amovebitur.

Qualiter gula tractanda materia inhaerente vel extracta, vel in ventriculum detrusa, notum satis Chirurgis. Vel hic usurpari potest gargarismus ex aqua hordei cum Syr. Violar. paratus, cujus etiam portio deglutiri potest, vel litus deglutiendus Oleo Amygdal. dulc. cum syr. viol.

Non est quod hoc loco prætereamus ea quæ in tali casu solius naturæ ope peracta observavimus.

Filius 5. aut 6. annorum Huberti Petri, casu particulam bractæ ore receptam deglutit. Media nulla, quæcumque etiam adhiberentur, hic profuere, tandem particula dicta ex deglutitione fortiore in ventriculum ipsum delata. Hic non nisi continuu usum decocti hordei cui commixtus syrup. viol. & Alch. commendabam; interim excrementorum alvinorum haud neglecta inspectio, nec tamen deglutitum corpus unquam in iis observatum; nulla puerulo uilo tempore gravis cardiagia, nulla iliaca passio. *Iob. à Meecken in observat. Medicæ Chirurgicæ.*

Finis Libri Septimi.



JOH. JAC. MANGETI
BIBLIOTHECÆ
CHIRURGICÆ

LIBER OCTAVUS

*De Affectibus & Operationibus Chirurgicis à Litera
H incipientibus.*

HÆMATOCELE.

Vid.

HERNIA.

HÆMODIA.



UNT qui hoc nomine omnem prorsus dentium dolorem intelligunt: verum propriè sic denotatur stupor ille qui in dentibus gingivisque cum dolore percipitur, vel propter manducatos fructus, aliaque edulia austeriora ac acida, vel propter succorum salivalium per vasa glandulis eorundem secretioni destinatis, appensa in os derivatorum qualitatem etiam austeriorem. De hisce vide in Dentium morbis.

HÆMORRHAGIA.

Super eâ hic afferemus Consultationes & Observationes aliquot, easque præcipuè quatenus Chirurgiam spectant.

Consultatio.

Pro perillustri, ac Excellentissimo Iur. Pekalimense fluorem sanguinis ab ore patiente.

Perillustrem & excellentissimum virum sollicitati à fluore sanguinis ex ore, referunt excellentissimi curantes; Cæterum quoniam sanguis ab ore prodiens potest vel à capite, vel thorace, vel à partibus oris proflire, ea propter locum affectum distinguere interim oportet; quoniam igitur tussi non excernitur, à thorace non potest exire, verum quod à capite, aliqua potest esse suspicio propter hæmorrhagiam, quam alias passus fuit vir perillustis, ac ut quod ingenue sentio liberè fatear, puto ego per palatum sanguinem hunc à capite emanare, quando sanguis usque adeo copiosus excretus ab ore, à thorace minime proveniens, nulla ratione possit à gingivis tantum, vel alia qualibet oris parte prodire, atque hoc eo

magis, quoniam arbitror nobilem patientem absque sputationis occasione, sponte inquam, sanguinem excernere, quem ideo à capite non est dubitandum provenire, sed quod à gingivis idem prodeat, indicio est, præter sensus testimonium, simplex exspitio sanguinolenta.

Quam ob rem ad causas descendens dico, quod cum symptoma hoc sit secundarium in genere excretorum præter naturam, necessario dependet ab actione aliqua læsa, quæ nulla alia interea esse potest, nisi quæ facultatis est retentricis, cumque actio quælibet ex Galeno tercio de sympt. causis, primo lædatur vel facultate læsa, vel propter errorem externum, utrumque in casu nostro locum habet, primum enim læditur facultas retentrix vasorum capitis ob anastomosim illorum, ut patet ex copioso assatim, atque periodice sanguine excreto, læditur pariter & facultas retentrix gingivarum propter diapedesim, quoniam cum nulla fiat in illis corrosio, atque sensu iudice exiguus admodum, calidus, & mordax sanguis excernatur, necessario hunc ipsum per transcolationem exire, est necessarium, quamquam & apertis exiguarum venarum ad illas pertingentium osculis, non sit impossibile sanguinem prodire modo dicto. Error autem externus est vitium sanguinis tum in quanto, unde nascitur Anastomosis, tum in quali, unde diapedesis, nasci etenim illam à copioso sanguine fatetur unusquisque, sicuti & hanc ex calidiori, atque tenuiori, defluit sanguis hic propter jecur à toto corpore in partes prædictas per transmissionem, uti ad locum imbecillum, quem admodum hæmorrhagia prægressa videtur attestari propter jecur quidem; quoniam ut calidum & humidum plurimum sanguinem gignit, ut vero calidius factum ab erroribus externis, & in victu proprietatis sanguinem secundum qualitatem culpatum gignere potest. Quibus ita constitutis; quoniam à qualibet sanguinis evacuatione immodica, spiritus dissipantur, calorque nativus maximam jacturam patitur, non est mirum, si ciborum inconcoctio, flatulentia, cæteraque hujusmodi ventriculi symptomata, & animalis facultatis imbecillitas fiant; Ad hæc quoniam in qualibet sanguinis evacuatione agitatio maxima in ejusdem massa succedit, non mirum si in proposito casu bilis commota in os ventriculi

ventriculi decumbens Cardialgiam, & pro inde lipotimiam inducat

Quare universa medendi ratio tum in præservationem, tum in veram curationem dirigatur oportet, merito itaque illius copia sanguinis est minuenda, bilis ipsi commixta præparanda, ac inde detur banda, tandemque jecur temperandum, caputque, ac gingivæ roborandæ merito vero hujus sanguinis impetus in caput est coercendus, per revellentia, & per adstringentia, sanguinemque incrassantia.

Quos scopos assequi, etsi haud impossibile putem, rem tamen operosam valde, atque difficilem arbitror, necnon sine periculo, nam malum est quasi, in habitu, causæ morbificæ sunt adeò intensæ, plura symptomata, eaque non contemnenda complicantur, plures partes, eaque principes afficiuntur, & denique vires propter morbi activitatem, ætatemque declinantem non resistunt, ut jure graviora longè mala superimoneant, sicuti totius refrigeratio, ac phthisis ipsa, sed non ob id ad materias Medicas non est ut descendam.

Et quantum ad Chirurgicæ spectat, ad præservationem laudo, ut bis in anno secetur basilica dextra per quatuor dies ante tempus illud, quo symptoma hujusmodi prorumpere consuevit; præterea si studendum sit curationi, probo venæ sectionem in ralo, apertionem venarum sedis per hyruidines, siccas cucurbitulas infernis partibus appositas, ac demum lotiones, frictiones, & vincula dolorifica crurum.

Inter medicamenta præservatoria, pro lenienda alvo laudo cassiam cum diacathoco, vel syrupum ros. fol. pro bilis præparatione arridet mihi decoctum in aqua calybeata sonchio, cicorii, acetosæ, hepaticæ cum syrupis de succo cicorii, & acetosæ; purgans verò ex Rhabar. diacatholico, & cassia poterit institui, quibus ad usum deductis cogitandum de secunda præparatione, quæ commode fiet medicamento proposito, additis plantagine, portulaca, atque syrupis ex iisdem simplicibus, & rosis siccis paratis, pro catartico non displicebit Rhab. cum eodem diacatholico cum decocto myrob. citrin. tamarindorum, sem. plantaginis, portulacæ, & acetosæ in aqua calybeata parato dilutum.

Atque ad alterationem jecoris intus probo serum caprinum, vel vaccinum depuratum & calybeatum cum succo acetosæ, & cicorii exhibitum, quo pertinent thermæ frigida tempore debito epotæ, potissimum autem Villenses, Porrectanæ veteres Beata Virginis Patavii, ac tandem Brandulenses, quæ etsi nullum habeant frigoris excessum, summam tamen vim obtinent adstringendi; Exterius commendo jecoris perfusionem cum succo cicorii, hepaticæ, additis speciebus confectiois ex tribus sandalis.

Verum ad capitis robur theriaca recens, saccharum ros. antiquum cum bolo Armena, corallis, & pulvere ophioglossi hora somni decorato plurimi facio sicuti & embrocæ sincipiti admotam ex thermis prædictis vel aliquo decocto ex arte parato, quod eandem cum thermis facultatem obtineat.

Deinde ad gingivas roborandas convenit frequens oris ablutio cum iisdem thermis, vel cum decocto equiseti ophioglossi, nucum cupressi, gallarum, & malicori in aqua calybeata facto, huc pertinet & succus plantaginis, in quo liquetur alumen, vinum etiam cydoniorum, extinctionisque latiniæ aureæ erit opportunum.

Pro curatione laudo diatrachagantum cum bolo in ore detentum, sic & succum plantaginis non solum in ore detentum, verum etiam & epotum, in quem

usum pariter facit theriaca recens cum seminibus hosiæ albi.

Quibus omnibus compar victus ratio est addenda, quare excellentissimus patiens vitet omnem aëris calidioris, atque ventosi inclementiam, abstineat à gestatione granium supra caput, atque demum omnes causas externas caput ipsum calefacientes effugiat; cibum sibi parari curet ad frigidum inclinantem, qui adhuc sit invicans, unde carnes in aqua calybeata cum pedibus vituli decoctæ maximè probantur, sicuti & oriza, millium, ac fructus austeri; Condiuntur autem cibaria cum succo Aranciorum, corallisque rubris, & alterentur seminibus plantaginis, portulacæ, acetosæ, radice consolidæ majoris, & hujusmodi. Potus sit vini nigri subausteris, pauciferi, quod poterit etiam alterari cum sandalis; corpus exerceantur; modeste tamen ac sine sudoris evacuatione, non statim à cibo, sed ventriculo jejuno, somnus devitetur meridianus, fiatque capite humili super pulvinar, non plumeum; sed laneum cum floribus rotarum, & nenufaris, Alvus servetur mollis clysteribus emollientibus, ac postremo studium post cibum, curas, negotia, sollicitudinesque, quantum fieri poterit, sicuti iram, ac excandescentiam evitare proficuum erit, quibus omnibus ut felicem successum D. O. M. benigne largiri velit, exopto. *Julius Cæsar Claudinus in consultationibus Medicis.*

Observationes.

Hæmorrhagia Gingivarum in prægnante, lethalis, cum supervenientibus maculis rubris & sudore sanguineo.

Honestæ fœminæ juvencula, Pastoris in viciniâ conjux, in septimum mensem prægnans, mense Maio ann. 1624. incidit in hæmorrhagiam subitanam gingivarum, sanguine confertim effluente, die noctuque per septimanas tres continuas, tantâ copiâ, ut aliquot mensuras implere potuisset, unde non tantum matri, sed fatui quoque periculum præsentissimum imminebat. Tandem à capite ad calcem usque maculæ succidunt sanguinæ, quas cum sudorifero balneo discutere conaretur, sudor supervenit sanguineus, potissimum circa superiorem corporis partem, iis in locis, ubi ante maculæ sanguinæ sese manifestaverant, quem sudorem postea tanta virium omnium dejectio fuit subsecuta, ut paucis diebus post vitam cum morte commutaret.

Cum 17. Junii 1624. casus hic singularis, à marito prædictæ fœminæ per literas determinaretur, protinus recordabatur lethalis hæmorrhagiæ cujusdam honestæ matronæ, conjugis Professoris Giesseni, quæ anno 1622. sub initium Martii febrim continuam pariebatur, ex qua convenientibus remediis adhibitis liberata, circa tempus mensium instans, sub initium Aprilis, incidebat in gravissimam hæmorrhagiam per nares, quam excipiebat sanguinis continua secretio per gingivas, idque tanta copia per quatrduum continuabatur, ut tandem præeunte alvi quoque fluxu sanguineo viribus exhaustis, 8. Aprilis naturæ debitum solveret. Aderat autem hic constitutio corporis macilenta, sua natura ad actioris sanguinis collectionem disposita, quam præcedens febris adustione plurimum auxerat, unde propter imbecillitatem ex præcedenti morbo relictam, loco menstrualis evacuationis per uterum, fortè viis ibidem reliquis peccantis

peccantis materiæ infarctis, sursum vergebat sanguis actis, sero plurimo dilutus & symptomaticè per nares ac gingivas profluebat. Quanquam verò Dodonæus observ. cap. 15. Virgini cuidam 18, anno mensibus non succedentibus, superfluum sanguinem per oculorum angulos sanguineis lachrymis continuus, aliique per gingivas expulsionem sanguinis moliente natura, segregatum fuisse scribit, eventu salutari quem admodum superius etiam sub finem observ. 3. varios alios modos annotavimus: distinguendum tamen ubi tale quid accidit naturæ robore concurrente, quod in hoc subjecto laborante deerat, ob morbum præcedentem naturæ viribus labefactatis. Similis verò casus nobis videbatur prægnantis illius in qua rectè quidem, propterea quod utero gestaret, mensium defectus aderat, sed symptomaticè tanta sanguinis hæmorrhagia per gingivas superveniebat, idque propter sanguinis acrioris, serosi & aquosi constitutionem præter naturam, cujus ratione non tantum ob denegatam adæquatam nutritionem & refectionem, debilitas omnium virium introducebatur, sed insuper etiam referatis ab acri humiditate serosa sanguinis venarum osculis, præternaturalis, excretio fiebat in gingivis, tanquam partibus mollioribus, aliàs ad sanguinolentiam dispositis, cujus rei exemplum refert Marcellus Donatus lib. 4. hist. Mirab. c. 9. ex Matth. de Grado, qui in Moniali quadam, non ex abundantia humorum, nec propter causam aliquam violentam undequaque per sputum, per nares, per urinam sanguinis educationem ad 18. libras, vidit, licet natura exilis, macilenta & phlegmatica fuerit, quam tamen ab interitu per narcoticum liberatam fuisse dicit. Imò lienoso cuidam Fabro Ferrario per venulam gingivæ spacio diei naturalis ultra octo libras sanguinis evacuatas fuisse Marcellus ipse testatur, ut potè in quibus etiam sanguis acri sero dilutus abundat. Hinc ego in periculo prædicto, frustra suavisimus illa quæ sanguinis effervescentis ὀπραιοῦ lenirent, acrimoniam ejusdem temperarent, & naturam corroborarent, præsertim cum symptoma rarissimum, nimirum sudor sanguineus; cum maxima virium debilitate superveniret. Ut autem Rondeletius lib. de dignosc. morb. c. 11. sudoris sanguinei observati causam in studioso quodam, ad venarum raritatem, illarumque osculorum laxitatem & sanguinis tenuitatem refert; Aristoteles verò lib. 3. de part. anim. cap. 5. & lib. 3. hist. animal. cap. 19. nonnullis *αἱματώδης* accidere dicit, propter vitiatum corporis habitum, scilicet ubi corpus laxum, fluxumque; nec non quòd sanguis propter cruditatem imbecillitate caloris humescit, & ut posterior locus habet, *πύκναι ἰσχυροῦς*, crescit: ita hic etiam accidens istud periculosum primum à sanguinis tenuitate & aquositate, caloris imbecillitate producti, nec non à cuius ejusque pororum laxitate; tandemque retentricis facultatis languore deducimus, unde neglectis ab initio convenientibus mediis, imò adhibitis iis, quæ morbi vehementiam augebant, inter quæ balneum erat sudoriferum, eventus lethalis subsequēbatur. *Gregorius Horstius libro de morbis mulierum.*

Pro Hæmorrhagia ex dente avulso.

Domina quædam cum sibi dentem avulisset, tam copiosa hæmorrhagia successit, ut fermè moreretur, irritis omnibus remediis. Vocatus jussi ut emplastr. contra rupturam satis magnam temporis denti avulso respondentem admooveretur, item ut alveolo è quo dens extractus erat, parum colcothiaris pulverisati adhiberetur cum cotono & digito contineretur.

His factis intra horulam substitit sanguis. *Petrus Pachyus. observat. 28.*

Pro Hæmorrhagia ex Ulcere.

Cum miles quidam vulnus accepisset in brachio, quo radius & cubitus transversim scabatur, tanta secuta est hæmorrhagia, ut post varia astringentia admota, tum etiam caustica & escharotica, fluxus tamen sanguinis per intervalla recurreret, ita ut Medici & Chirurghi de brachio penitus amputando cogitarent. Ego verò cui æger commissus fuerat, linteam complicavi in formam cylindri, longitudinis trium digitorum transversorum, & crassiei pollicis, quod perpendiculariter in vulnus demisi; deinde plumaceolis reliquum vulneris spatium implevi, & quia cylindri extremum extra brachii superficiem pollicis crassitie eminebat, splenia quatuor admovi, quæ cylindrum æquabant firmabantque: ipsi verò cylindro quintum splenium, idque quadratum apposui, ac denique fascia arctè ligavi: & ab eo tempore sanguis amplius non effluxit, vulnus autem non detexi per quatuor aut quinque dies, donec caro intus enata venæ orificium impleverit. *Samuel Formius observat. 1.*

Cum equus commendatori cuidam mordicus digitum abstulisset, sanguinisque fluor, multis frustra tentatis, non sisteretur, jussi eum in pulli gallinæ vulnus, recenter jures podicem sectum, intrudere, & sic quamdiu caleret retinere, fluorque statim substitit. *Felix Platerus. obs. lib. 3. pag. 772.*

Hæmorrhagia à vena secta quam nemo sistere valebat, solo aluminis tactu curata est. *Petrus Borellus cent. 4. obs. 7.*

Rusticus quidam vulneratus in manti, arteriæ læsæ solutionem patiebatur, ubi hæmorrhagia sanguinis arterialis cum saltu frequenter invadebat, nullisque remediis communibus corrigi potuit, hic tandem ad collegam meum D. Stromajerum accedens, auxilium in hac periculosa hæmorrhagia desiderat, cui paxillum magisterii opii ad arteriam vulneratam opoponitur, quo ad miraculum usque contumax hæmorrhagia mox restringitur: vulnere post emplastro stictico Crolliano facillimè consolidato. *Gregorius Horstius. obs. 12. lib. 9.*

Mirabilis Umbilici Hæmorrhagia.

Sanguinem ex umbilico infantulorum recenter natorum aliquando nimis copiosè profluere, multoties observavi, ut ex observat. 52. cent. 1. videre poteris. Vasa enim umbilicalia si post partum obstetrice nimis negligenter ligata fuerint, sanguinem maximo cum infantulorum damno & vitæ periculo profundunt, uti loco præallegato ostendimus. In adultis vero, quia vena umbilicalis contrahitur & in ligamentum transit, sanguinem non amplius per eam naturaliter profluere posse, rationi consentaneum est. Verum naturam materia aliqua morbifica oneratam, aliquando iterum venam illam referare, per eamque serolos humores copiosè projicere, nonnunquam in hydropicis observavimus, qua de re vide obser. 47. cent. 1. Sanguinem vero in adultis ex hepate per umbilicum adeò copiosè, ut in sequenti historia acciderit, profluxisse, hætenus an observatam fuerit, nunquam me legere mihi: ideoque casum ordine recensere non gravabor.

Dn. Daniel Schertler, Apothecarius Solodurensis Helvetiorum, experientissimus, homo pituitosus, obesus & trigessimum sextum annum ætatis agens, amicus meus singularis, cum superiori anno 1612. circa festum

festum Divi Joannis Baptistæ ad Nundinas Argentinenſes, negotiorum ſuorum cauſa profectus, ibique occupatiſſimus eſſet, ac quodam die ſupra modum incaluiſſet, apertus ſibi fuit umbilicus, ita ut ad libram unam & ſemis ſanguinis efflueret, per ſe tamen & nullo adhibito medicamento ſubſtitit. Miratus ſimul & perturbatus hac de re cum eſſet, Medicos eruditos, ſimul & Chirurgetum advocari juſſit; qui hujusmodi medicamenta, quæ ſanguinis fervorem reſſenare ſolent, exhibuerunt, & exterius applicaverunt; ſed exiguo cum fruſtu. Altero enim die & ſubſequentibus, uſque ad undecimum, ex umbilico quotidie bis ſanguis, non quidem guttatim neque in parva quantitate, ſed cum impetu & copioſe erupit. Foramen adeo erat anguſtum, ut vix lentem excipere poſſet. Certis autem horis (quod probè notandum) nimirum præciſe inter ſeptimam & octavam matutinam, & inter ſecundam & tertiam pomeridianam, hæmorrhagia illa accidebat. Ut plurimum quoque hoc tempore ſingulis diebus ſemel hæmorrhagiam narium patiebatur. Medici ſimul & Chirurgeti, etiamſi omnem adhiberent diligentiam, ſanguinem tamen medicamentorum beneficio ſiſtere nunquam potuiſſe, æger ipſemet mihi affirmavit; ſed ſponte & per ſe ſubſtituiſſe. Hoc modo, nimirum quotidie bis, totos undecim dies ſanguinem profluxiſſe, & interim ad libras uſque viginti ſeptem emanari, à Medicis & ipſo ægro obſervatum fuit. Elapſa undecima die, ulcus umbilici accrevit, ex quo loco ſanguinis materia purulenta per menses aliquot extillavit, paulatim tamen iterum coaluit.

Cæterum quia quantitas illa ſanguinis, qui undecim dierum ſpatio, tam ex umbilico quam ex nariſus effluxit, modum excedere videtur, & vix hominem tanta ſanguinis copia præditum eſſe, credibile ſit; adeoque rem fabuloſam eſſe aliquis æſtimare poſſit, quæſtio ſolboritur: nimirum ſanguis an purus fuerit, nec ne? Ego ipſum non purum, ſed aliis humoribus, imprimis ſeroſis ichoribus permixtum fuiſſe, exiſtimo.

Conſtitutio corporis phlegmatica & obſtructiones viſcerum, quibus antea per annos aliquot laboraverat, fidem faciunt. Seroſi enim humores iſti, beneficio naturæ exitum petendos, venam umbilicalem paulatim dilatarunt: tandemque unâ cum portione aliqua ſanguinis per umbilicum eruperunt.

Ex maxima porro evacuatione iſta vires adeo proſtratae fuerunt, ut nonniſi ſumma cum difficultate Solodurum reduci potuerit. Ego 14. Novembris in anno 1612. ex patria rediens, cum ipſum inviſerem, omnia illa quæ recensui, ex ipſius relatione annotavi. Umbilicum extenſum, rotundum & aliquantum elevatum, & inſtar veſicæ aqua impletæ, molem inveniri, nec non fluctuationem quandam in ipſo percepi. Dolorem præterea per intervalla, in primis verò tuſſiendo & noctu decumbendo, ambulando verò nullum aut exiguum ſaltem adeſſe, referebat. Venter extenſus, durus, appetitus proſtratus, & ſitis maxima adeſſe, parumque dormiebat. Poſtea verò quid cum ipſo acciderit, ad meos redeundo, & Solodurum tranſeundo, ſi intellexero, tibi volente Deo, per occasionem communicabo. Nunc propter ſeſtinationem plura adſcribere non poſſum. *Guilielm. Fabricii. Hildanus Obſerv. Chirurgic. Cent. iij.*

De admiranda Hæmorrhagia per Penem.

Aliquoties mihi, vir clariffime, Amice Colendiſſime, cum Lithotomis, rerum Anatomicarum im-

peritis, negotium fuit: Veſicam enim ipſiusque cololum, venis, quæ alicujus momenti centeri poſſint, præditam eſſe, in dubium vocare auſi fuerunt. Atque hanc acceptam eſſe opinionem Lithotomorum Empiricorum in Germania exiſtimo. Ex iſto porro errore multa incommoda, & quidem graviffima ſequuntur; In extractione enim calculi, dum hæmorrhagiæ & ſanguinis, qui in veſicam confluit, ibidemque in grumos concreſcit, rationem non habent, & ut effluat, ſubſidia non adhibent, putreſcit, & graviffima excitat ſymptomata; videlicet dolores graviffimos, inquietudines, febres, inflammationes, Gangrænas, tandemque mortem ipſam. Verum enim verò rem aliter ſe habere, tibi, Vir clariffime, omnibuſque, qui fabricam humani corporis intelligunt, notum eſt. Ut autem ignorantiam horum hominum exemplo quoque reſellerem, rationeſque Chirurgetos cautiores redderem, ſtatu iſtariam illam obſervatione digniſſimam, de Affectu Dn. Anthonii Marionis, Centuriæ meæ inferere. Nequaquam tamen illam publici Juris facere volui, niſi prius ad Virum Clariffimum, ut qui ante me ad ægrum accerſitus fuit, referrem ea, quæ Ego hac de re conſignavi, quod & nunc facio, ſubmiſſe rogans; ut omnia perlegere, caſtigare, & ſi quid à me prætermiſſum fuerit, id adſcribere non graveretur: in primis autem obnoxe rogo, ut excellentia T. quantitatem ſanguinis, ab ipſo rejecti, à Dn. Capitaneo *Meiſter* communi noſtro Amico, qui etiam curationi interfuit, aliſque aſtantiſus explicari, mihiſque ſignificare velit. His Vale, Vir, Clariffime, Conſultiſſime, & cum tuis æternum feliciter vive. Dabam Betnæ 18. Septemb. 1626.

Anno 1623. cum viri nonnulli juvenes Friburgenſes ſaltando ac currendo ſeſe exercerent, accidit, ut quidam ex eis, Antonius Marion nomine, homo viginti circiter annorum, robuſtus, & plethoricus, inter ſaltandum Perinæum contra extremum ſcamni angulum allideret, ſine ulla tamen cutis vulneratione: quapropter etſi dolor protinus ſuperveniret maximus, nulla tamen ſecuta eſt Hæmorrhagia, inde factum eſt, ut de affectu non uſque adeo ſollicitus fuerit: ſed aliquo modo ſedato dolore, cum reliquis ſuis Sodalibus hilaris eſſet. Sequenti verò nocte adaucto dolore, cum ſanguinem copioſe emingere cæpiſſet, & intra paucos dies ad libras aliquot ſanguinis per penem eminxiſſet, ac ita quidem, ut vires mirum in modum imminuerentur, haud parum perturbatus fuit. Quapropter nobilem & clariffimum virum Dn. Franciſcum Proſperum Gottrovium Reipubl. Friburgenſis Medicum ordinarium atque celeberrimum, in conſilium vocare juſſit. Is conſiderato periculo, in quo verſabatur æger, autor fuit, ut ego quoque accerſerem. Quarta itaque Martii, 1623. cum ad S. Albinum, in agro Aventico ſitum, ad ægrum pervenirem, vires, propter copiam ſanguinis, per penem rejecti, mirum in modum proſtratas inveniri: ea quoque die, & ſubſequenti nocte, ad libras circiter duas excrevit. De urina, quæ jam ſeparatim cum ſanguine permixta erat, non loquor. Sed quod admiratione non vacat, vidi his meis oculis, etiam præſente Dno Doct. Gottrovio, ægrum grumos ſanguinis, qui magnitudinem ovi gallinæ excedebant, ſine inſigni moleſtia & conatu per ductum urinarium excreviſſe, tam valida erat in ipſo facultas expulſrix. Inter effluendum autem veluti gelatina erat, è momento tamen in grumos ſpiſſos concrevit. Vix credibile eſt, quantum ſanguinis per penem eminxerit. Interim tamen, divino aſpirante numine, feliciter à nobis Sanitati reſtitutus fuit, & priſtinas vires ita recuperavit, ut ſequenti anno in Galliam profectus ſit, ubi

ubi in hunc usque annum 1626. hæc scribo, castra regia sequitur.

Curationem autem ut sequitur, instituimus: Primo victus rationem, quæ refrigerat, humectat, nutrit, & corroborat præscripsimus. 2. Sequentem portunculam bis in die, videlicet mane & vesperti propinavimus.

℞. Aquæ Fragariæ, Prunell. Plantag. ana ℥. j. β. Syrup. de papavere, Althea Fernel. ana ℥. j. Triphæræ magnæ cum Opio, 3. ij. Misce fiat potio, pro sex dosibus, matutinis, & vespertinis.

Frequenter quoque interdum nonnihil de sequente potione ex cochleare sumebat.

℞. Aqua plantag. Bursæ Pastor. Centumœon. ana ℥. j. Boli orient. veri ℥. j. confect. Alkerm. ℥. iij. Syrup. de papavere, ℥. j. β. misce. Perineo sequens cataplasma applicuimus.

℞. Farin. hordei ℥. j. β. pulv. Balaustior. Nucum cupress. Rad. Bistortæ, tormentill. an. ℥. j. Rosar. 3. β. Cum decocto rad. & Foliorum plantag. parumque acet. rosac. fiat cataplasma, applicetur tepide. Imo ventri, quia de dolore extensivo, propter copiam sanguinis in vesica collecti, conquerebatur, hoc applicuimus cataplasma.

℞. Parietar. malvæ, altheæ, an. m. j. flor. chamomill. melilot. sambuc. an. m. β. sem. lini, fœnigræc. anisi, ana ℥. j. β. misce, fiat omnium pulvis tenuissimus. Hujus pulveris.

℞. Ana ℥. j. β. farin. fabar. ℥. iij. coquantur cum lacte vaccino, fiatque cataplasma, addendo vitellos ovorum num. ij. Butyr. recent. ℥. j. applicetur tepide. Regionem Renum sequente unguento inunximus.

℞. Unguenti refrigerant. Galeni ℥. iij. ol. nymphææ, ℥. j. Camphoræ dissol. in acet. rosac. ℥. j. Miscantur in mortario, fiatque linimentum.

Cæterum, quum propter maximam, & ferè incredibilem sanguinis deperditionem, & proinde hepatis refrigerationem atque labefactionem, secuta fuisset viscerum obstructio, & cachexia, visum nobis fuit, ut sequente uteretur Syrupo Magistrali, qui non tantum viscera referat, sed & internum ulcus circa collum vesicæ, propter casum factum, consolidat;

℞. Rad. fœniculi, petroselini, asparag. ana ℥. j. β. herb. betonic. scabios. agrimon. veronic. Alchymill. Pyrol. sanicul. ana m. j. sem. anis. fœniculi, Urtic. an. 3. ij. flor. trium cordial. Genist. Hispanicæ, an. p. j. liquirit. mundat. uvarum exacinat. ana ℥. j. Fiat s. an. decoctio in aqua fontan. ad consumptionam tertiæ partis: Colaturæ adde Mellis despumat. & sacchari miscellanei an. ℥. j. fiat Syrupus s. an. aromatizetur speciebus aromatici rosat. & Diarrhodon. Abbatis, an. q. s. de hoc syrupo sumebat æger singulis diebus per tres horas ante prandium cochleare unum aut alterum. Sumebat quoque per intervalla ad ℥. j. aut 3. j. β. terebinth. claræ, cum pulvere liquiritiæ. His non sine admiratione multorum feliciter & perfectè sanitati restitutus fuit. Quid non potest Juventus in corpore integris visceribus prædita? *Idem Centuriâ vj. Observationum.*

De periculosa Hæmorrhagia per pudenda, in Puella.

Casum illum gravissimum, quem vidimus una in Dn. Antonio Marione, Vir nobilissime, Amice plurimum honorande, non ita pridem consignavi, & ad T. excellent. misi. Ab eo porro tempore, cum quadam die adversaria mea revolverem, en incido

in casum non longe abfimilem quem tibi communicare volui.

Anno 1522. 5. Decembris, puella quædam ex nobilissima familia Bernensi orta, quinque circiter annorum, cochleate oblongo manubrio, qualibus in Culina aruntur, in manu gerens, cum ex scamno in pavementum hypocaufti decidisset, & mucrone manubrii infimam partem colli matricis, versus intestinum rectum vulnerasset, tanta secuta est sanguinis profusio, ut parens ipsa, & adstantes, non semel ad me dixerint, se nunquam credidisse, corpus tam exile ac juvenile, tanta copia sanguinis præditum. Ad libras enim aliquot effluxisse, ausus sum affirmare. Restricto tamen sanguine pulvere nostro ad sistendum sanguinem, & refocillatis atque instauratis viribus, vulnus, quod ad intestinum rectum fere usque penetrabat, brevi feliciter curavimus, & in hunc usque diem vixit.

Ex hac porro historia, nobilissime & clarissime vir, apparet imprudentia Lithotomorum quorundam, qui Hæmorrhagiam istis in locis esse pertimescendam, negare conantur. Videmus quoque, pueris urgente necessitate, & præsertim in morbis acutis, venæsectionem, quam vulgus tamen Germanorum tanto pere rejicit, sine ullo periculo administrari posse. Si enim in hac puella ad libras aliquot sanguinis, sine vitæ discrimine, effluxerint, quid, quæso, obstat, cur Medicus rationalis ad paucas uncias non extrahat? *Idem ibidem.*

De sanguinis Narium fluxu per oculum sinistrum.

Teste Aristotele solus homo inter omnia animalia hæmorrhagiæ narium subiectus.

Sollicitos hæc non raro facit non solum ea laborantes, sed & adstantes, imo medicos ipsos, media quibus fluxum hunc inhibere studemus guttarum sanguinis ex stillantis numero sæpius respondent, ferè sine ullo successu adhibita.

Heraclides Tarent Galeno authore ablato prius cruore naribus in hærente, ad fluxum hunc cohibendum, turundam lycio contuso immisam naribus intrudere solitus fuit.

Chirurgi Germani, qui castra sequuntur, frustra adhibitis carpionum lapidibus, vel moscho craniis defunctorum innato, vel etiam bufone præparato, ad verba quædam quibus virtutem occultam inesse certo sibi persuadent, plurimumque tribuunt, ipso Borello Cent. 1. obs. 94. asserente, quæ tacite (quod si enim aliquis audiret, vana omnia habent) mustitant: sunt hæc idiomate germanico.

Gelijck Christus stil bleef staan im Iordaan, Also must ook diene bloede staan.

Pro secreto habent alii ex guttis sanguinis ex stillantis quatuor aut quinque vitriolo cyprio pulverisato mixtis conficere unguentum axillæ illi quæ est ejus lateris, cujus nares fluunt, illiniendum.

Missis his similibusque aliis, nullius considerationis & efficacæ merito habendis, haud inutile quantum omni tempore negotii veteribus æque ac recentioribus, medicis, chirurgisve sanguinis hic per nares fluxus creaverit, exponere, cognoscereque.

Hæmorrhagia narium quævis, docente Hildano, parte 2. obs. 14. si moderata fuerit, cum salutaris, subito suppressi non debet, à dolore etenim capitis, variisque aliis morbis gravioribus hominem liberat; confirmat hæc exemplo *Simonis Clericii aurifabri parte 3. obs. 11.*

Critica solutio morborum, salutaris sæpius, variis perficitur causæ morbificæ evacuationibus, per alvum, sudorem, urinam, sanguinis fluxum varium, etiam illum qui per nares fit, quæ de re legi possunt quæ lib. 22. cap. 28. de *Fontan. refert Ambros. Parvus.*

Animus haud est, ea, quæ medicæ considerationis sunt, ut chirurgica proponere, faciunt tamen hæc eo, ut chirurgiæ tyrones attendere discant, quam arduum malum narium hæmorrhagia gravis, quamque necessarium, remediis certis huc confetentibus instructum esse.

Haud ita pridem ex inordinato sanguinis motu non solum largior ejus fluxus per nares, in Wilhelmo ab Erpecom, mercatore hujus loci, à nobis observatus, sed & (quod nunquam antehac notare mihi in praxi chirurgica licuit, ab aliis, ut Barthol. cap. 1. Hist. 2. Schenk lib. 1. fol. 197. & c. propositum) per oculos ipsos, sinistram imprimis, sic ut linteo quoties tolleretur oculo collectus, toties noves eundem illico replet.

Hildano minus notam sanguinis fuisse per oculos excretionem, vel ex eo colligere licet quod *part. 2. obs. 16. de Rever. D. Joanne de l'Osea agens hæc proponat verba: Et quod mirandum, lachryma sanguinolenta ex oculis prorumpabant.*

Hujus conditionis inordinata de ebullitione sanguinis Hild. *part. 6. obs. 77.* exemplum adfert, in Rever. Doctissimoq; Viro, D. Jacobo Blaunero, juvene robusto, observat. hæc verba præponens.

Huic viro sanguis non tantum ex naribus cum impetu promanabat, verum etiam ex gingivis & quidem sanis & incontaminatis exsudabat: ita ut sanguinem non solum responderet, sed & hinc inde circa gingivam, sub lingua & intra dentes in grumos concretum cogeretur digitis extrahere.

Mercator noster consilio Medici domestici venæsectionem admisit, imo potiones varias refrigerandi, sanguinisque motum inhibendi vi pollentes, quin & styptica quædam naribus recepit, ast frustra adhibita omnia, suavis hinc Amici cujusdam lapides sanguinis effluxum cohibere valentes manibus detinuit, etiamsi aliqua jam coagulatio in naso observaretur, & horum usu levaminis aliquid percepit.

Media hæc similiave alia cum successu licet sæpius usurpata, in gratiam nihilominus juniorum placet nobis, antequam huic discuti finem imponamus, quædam eorum, quæ usui nobis fuere, nec unquam fere nisi cum optato successu adhibita, quoties gravis ejusmodi narium hæmorrhagia ex sanguinis excedente ebullitione causata, homini fuit molesta, hoc loco proponete, quod exemplo uno alterove illustrabimus.

Ante aliquot annos Rusticus quidam, juvenis, validus atque carnosus hæmorrhagiæ tentabatur gravi admodum, venæsectione brachii dextri instituta sanguinis libram integram eduximus, mox succum plantaginis commixtum succo limonum naribus recipi curavimus. Vincula itidem brachiis, pedibusque injecimus, lintea frigida madefacta fronti, testibusque apposuimus, adstringentia nostris in locis usualia applicavimus, at nihil his omnibus effecimus frumenti pro cerevisia, aut Sp. vini cocti reliquias, quibus saginantur porci, quibus multum in hoc casu tribuunt varii, cum succo plantaginis mixtas assumeret suavisimus; at frustraneus omnis labor, continuabat fluxio, nec ullo modo imminuebatur. Incidebat *obs. 17. part. 2.* Hildani haberi, sponsum quendam periculosa imo ut videbatur, lethali hæmorrhagiæ narium laborantem suavis Hild. refrigeratione universi corporis, in aqua frigida facta fuisse curatum; hujus ad exemplum etiam author sui nostro ægrotanti ut fluvio vicino se committeret nudum, quod etiam fecit, natationique satis diuturna cor-

Bibl. Chirurg. Tom. II.

pus suum adeo refrigeraverat, ut tremulus prodiret, at nec hoc medio fluxus sedatus.

Hic sic frustra usurpatis Limonis recentis particulas teretes, linteo combusto, pulvereque gallarum, incrustatas naribus imponi jussimus, & quidem ad eam altitudinem, ut vasorum sanguiferorum extremitates, si quæ essent læsæ, attingerent.

Intus assumebat quantum cochlearibus tribus contineri poterat, singulis tribus horis, mixturæ hujus, & quidem frigide.

℞. Aq. plantag. ʒvj. sal. prnell. ʒij. laud. opiat. gr. iij. camphor. gr. iij. syr. papav. errat. ʒ. ʒ. spir. vitriol. gutt. x. misce & detur usui.

Assumpta prima dosi, illico fluxus imminutus, imo sine ulteriore hæmorrhagiæ nox fuit quieta.

Joannes ab Heemstede, juvenis 18. circiter annorum, macilentus valde, & ex diuturno morbo debilis admodum, ex casu incidit in narium hæmorrhagiæ largam; vocatus ego, quo laboranti succurrerem, venam secare haud audebam, quod vires impedirent.

Remedia hinc alia in usum ducere necessarium, styptica nempe naribus imponere ordinaria, vincula pedibus manibusque imponere, lintea frigida madefacta fronti, pudendisque applicare; at irritus omnis labor; coacti adeoque etiam in hoc ægrotante ad usum mixturæ modo præscriptæ, & limonum modo dicto naribus imponendorum devenire, applicato insuper fronti emplastro nobis in tali casu usuali, cujus descriptio hæc est.

℞. Succ. caud. equin. portulac. Solani, plantag. an. ʒij. ol. rosar. myrtill. cydonior. an. ʒiij. coquantur olea succi ad consumptionem succorum, dein adde ceræ flavæ q. s. lapid. hæmarot. boli veri, nucis gallar. cortic. granator. an. ʒiij. F. c. a. emplastrum.

Et horum mediorum usu brevi sanguinis fluxio dicta sedata, licet in deliquium animi grave satis jam bis inciderit æger. *Job. à Mekren in Observat. Medico-Chirurgicis.*

Vermis ex Nare sinistra cum longa Hæmorrhagiâ adductus.

Studiosus quidam ætatis circiter annorum viginti, constitutionis phlegmaticæ sanguinæ à teneris unguiculis catarrhis admodum obnoxius, per biennium & quod excurrit, hæmorrhagiæ narium haud infrequenter exercebatur, sine ullo virium lapsu, quam subinde Cephalagia excipiebat. Morbo temporis tractu adaucto septies de die à nare sinistra copiosissime profundere cœpit sanguinem: hinc variarum pronata symptomatum congeries, dolor & imbecillitas capitis, virium prostratio, sternutationes frequentes, & tristis ac convulsiva quasi nasi circa appendicem sensatio. Non ita pridem iterum in largam narium incidit hæmorrhagiæ, quæ per quattiduum sævire non desinebat; accedente denique quinto, cum sanguis affatim effluxisset, in sinistro naris spiramine aliquid exitum impediens hædere sentit: quod dum fortiter emungit, vermis hirudinis ad instar sanguine turgens, in terram decidit, vixitque per triduum.

Scholion) plura vermium, post vigilias perpeffas, cephalalgias, & mentis aberrationes è naribus excretorum exempla habentur in Anno II. Eph. N. C. *obs. 147.* apud D. Conro. Viçt. Schneiderum de off. cribr. p. 44. & c. D. Joh. Michael Fehr. N. Cur in sua Hiera Picra p. 79. D. Th. Barth. cent. 2. epist. 74. D. Nicol. de Blegny Ann. I. Zed. Med. Gall. Mens. April. *obs. 3.* Theod. Kerkringium *obs. anat. 43.* Nic. Tulpium l. 4. c. 1. Petr. Borellum cent. 3. hist. 45. Jac. Hollerium l. 1. de morb. int. c. 54. in Schol. Guil. Fabr. Hild. cent. 1. *obs. 8.* & cent. 5. *obs. 1.* Nic. Monardem hist. med. simpl. cap. 14. Joh. Georg. Schenk-

kium l. i. obs. med. Marc. Donatum l. 4. de hist. med. mir. c. 26. nec non Vinc. Alfarium Crucium de quæf. per Epist. cent. 3. Nec indictum abire debet, quod excell. DD. Jo. Jac. Harderus non ita pridem per literas mihi retulit, de maleferiata quadam, nuper scilicet vermes quatuor præcedente atrocissima cephalalgia, per nares eam excrevisse, albicantes, oblongos, minimeq; hirsutos. Ipse etiam Ebnusina lib. 3. fen. i. tr. 2. c. 3. ex medicorum quorundam indorum fide, cephalalgiam quandoque generari jam edocuit à verminibus in capite generatis, motu suo, tensione & rosione lædentibus, addens: nam vermes multoties nascuntur in anteriore capite & super locum, qui est in strictura narium; & possibile est, ut nascantur apud velamina, etsi raro contingit. Locum generationis non semper eundem esse, verisimile videtur; interdum enim, licet rarius, à partibus inferioribus, utpote ventriculo, &c. ascendisse, perq; palati foramina sic in nares perrepisse, interdum vero in ipsa nares investiente membrana, aut anfractuosa earum cavitate, quandoque in caverna ossis frontis ad radicem nasi sita, quandoque etiam in ipsis ossis ethmoidis spongiosis cavernis stabulari posse, autumo; quin & si cerebrum ipsum per nares excretum aliquando fuisse perpendamus, quod celeb. D. Georg. Wolffg. Wedelius Physiolog. med. sect. 3. c. 24. se vidisse testatur, cur non ex ipso cerebro, in quo vermes quandoque inventos fuisse D. Th. Barth. cent. i. hist. anat. 64. aliq; memorant, eisdem aliquando prodiiisse, dicere liceat, haud video. Utrum vero ex ovulis insectorum cum cibis, &c. adsumtis atque ad partes illas delatis: an vero ex singulari humorum putredine oriantur, eruditoribus dijudicandum relinquo; uti enim ovula insectorum ejusmodi, præcipue minima cum sint, in remotam illam corporis partem cum massa sanguinea deferri posse, nemo dubitabit: ita tamen argumenta, quæ generationem absque semine isto arguunt, & à Franc. Redi in libello de insect. proferuntur, qua ratione omnimode enervari queant, non perspicio. *L. Schrock. L. F.*

Venæ Sectio spontanea & naturalis.

Helmontius sanguinis evacuationes acerbissime infectatur propemodum omnes. Rationem inter alias adducit hanc: ejusmodi remedii genus à natura nunquam intendi, nec approbari divinitus, sed potius improbari per legem Mosaicam Gen. 9. v. 6.

Ut hoc ridiculum, ita illud experientiæ contrarium. Opponuntur hæmorrhagiæ criticæ narium, fluxus hæmorrhoidales, ut multis Hypochondriacis consuevi, ita maxime proficui; nec non & aliarum venarum diæreses spontaneæ, quæ satis probant naturam nunquam intendere sanguinis imminutionem.

Venam Malleoli in fœmina cruribus varicosis onerata vidi sponte apertam cum tanto sanguinis profluvio, ut adhibenda esset manus chirurgica.

Matronam novi affinitate mihi junctam, quæ Cephalalgia urgente aliquoties venarum sublingualium sectione quæsit lenimen. Hæc aliquando sub furente Sirio faciens iter, dolore capitis ob æstum correpta est recidivo. Domum reversa sub cibi masticatione sublingualem sensit apertam, quæ pro more fluens, feliciter mitigavit dolorem. *L. Sigismundi Grassii.*

De Aquâ Stypticâ pro Hæmorrhagiis sistendis fructuosâ.

Hamburgi à Cl. Viro D. *Michaele Kirstenio* nostri amantissimo accepi, missâ esse Florentia à Fr. Redi ad Fogellum varia experimenta ab Aqua styptica facta;

præterea observatum interdum aqua communi vulnera arteriarum sanata, de quibus per literas idem *Kirstenius* posthac est amice consulendus. Alioquin nuper Hamburgi egregie, ut accepi, probata est aqua styptica in Nobilissimo quodam viro, cui sub brachio sinistro arteria gladio transfixa interitum profluvio sanguinis minitabatur. Mihi etiam ibi delatum est cochlear unum ejus liquoris ipsa Medico Hamburgensi propinatum.

A laudato *Kirstenio* exinde rem uberius expositam 7. Augusti, accepit filius Caspar Bartholinus, & exercitationi septimæ Miscellan. Leiden 1675. editæ inservit huc transferam quæ compendio adducuntur, inhibitum est vasculum, plenum aqua clara limpida, quæ sistit omnem sanguinem ex quocunque loco profluentem, modo tam subito & certo ut nulla opus sit fascia: sufficiat tantum madefacere, aut imponere gossypium aut pulvillum ex panno lineo, aqua madefactum.

Et relatum est etiam ita canem sanatum, cui vena jugularis cum arteria fuit præcisa, & duos vitulos, quorum uni crus abscissum, atque mulierem, cui mamma resecta, denique viros duos, quibus crura amputata.

Franciscus Redi, jussu D. Ducis experimenta fecit; quæ tamen expectationi non respondebant. Anno 1673. d. 10. m. Julii & seqq.

Ovi detecta est vena, cum arteria, jugularis, sive læsione musculorum aut nervorum, deinde arteria cum vena plane dissecta per transversum, & statim adplicitum gossypium, madefactum liquore, & superimpositus pulvillus manibus firmiter tenerentur & apprimerentur loco sauciato, nullo modo sisti poterit, ovisque sit mortua intra quadrantem horæ.

Idem evenit cani, cui præcisa erat arteria jugularis, sine læsione venæ.

d. XI. Julii. Rursus arteria jugularis detecta & separata est in ove, eaque phlebotomo secta per longum, eo modo quo aperiuntur à quibusdam venæ. Non permissum est exire sanguini, quoniam arteria digitis compressa tenebatur. Statimque applicatum gossypium, & pulvillus liquore madidus, per quadrantem horæ. Nihil exiit sanguinis. Hinc ligatum est vulnus fasciis, ovisque demissa. Verum post alteram horæ quadrantem, cum violento cursu ovis fatigata esset, & in sepe incidisset, fascia à collo decidit, & sanguinis copia profluxit, ut mortua sit.

d. eod. Iterum ovi jugularis arteria, & alii vena eo modo aperta est obligataque ut ante. Nihil sanguinis exiit, dimissæ oves ad pascendum ita durarunt spatio hor. 41. Post id tempus vulnus arteriæ incisæ detectum est, & subito erumpente sanguine animal mortuum est. Idem alteri, cui vena secta, evenit. Confpectumque est, venam nullo modo consolidatam.

d. XV. Julii. Tres oves captæ quibus arteriæ jugulares detectæ. Unius arteria dissecta per transversum, digitis comprehensa, ut nihil sanguinis emanaret. Aqua vulnus rigatum & digitis constructum, per 10. minuta temporis. Retractis digitis statim sanguis exiit. Reditum est ad madefactionem & compressionem eam per 10. minuta alia, retractisque digitis similiter secuta hæmorrhagia. Ergo rursus irrigato vulnere & superimposito pulvillo, manu compressum est spatio 20. minutorum. Quo tempore cum exiissent sanguinis uncia quinque vel sex, tandem ille constitit. Obligataque plaga, ovis dimissa statim cepit comedere. Eodem plane modo tractata est altera, eventu quoque eodem, nisi quod loco aquæ stypticæ accepta sit aqua fontana pura, & octo vel decem uncia sanguinis exierint antequam sisteretur. Tertia

ovi arteria dissecta est non per transversum, sed per longum, imposito pulvillo madente aqua stiptica, & detento firmiter per min. 20. Nihil fere sanguinis exiit. Obligata plaga in pratum missa est, in quod etiam priores duæ. Omnes hæ tres recte se habuerunt d. 15. Julii, quo in iis periculum factum, ut & seq. 16. sed circa hujus vespertam primæ caput intumescere cœpit, crevitque tumor usque ad d. 19. mane, quando mortua est. Alteri caput similiter tumere cœpit d. 17. & d. 20. mane, illa quoque mortua est. Tertia ovis se semper bene habuit octo diebus, & tum fascia dempta est. Arteria consolidata inveniebatur, multa carne generata. Vulneri impositus pulvillus ex linteo sicco & rursus fascia constrictum. Post d. 10. deprehendebatur vulnus planè consolidatum cicatrice inducta.

d. XVII. Julii. Secta est in ove arteria cruralis, & eadem aqua stiptica adhibita: sed post triduum mortua est reperta.

Eodem die in alia ove arteria jugularis per longum est aperta, & aqua stiptica adhibita sine ulla sanguinis effusione. Plaga fasciis constricta per continuos d. 8. detenta est, ut ne tangeretur quidem. Quibus elapsis inspectum vulnus est: optimeque habere se deprehensum, ut in aliis d. 10. sit prorsus consolidatum.

d. XVIII. Jul. Secta est arteria cruralis in ove & eodem modo ipsi medicina facta. Reperta est mortua post triduum.

Eodem d. in alia ove aperta est secundum longitudinem arteria jugularis & aqua adhibita eodem modo, ut nihil sanguinis effunderetur. Vulnus obligatum servatum est per octiduum, ut ne attingeretur quidem. Elapso eo se habuit, & intra X. dies prorsus convaluit.

d. XIX. Julii. Arteria jugularis per longum aperta in duobus hædis. Abhibita est pro medicina aqua fontana, & nihil fere sanguinis exiit. Unus mortuus est intra quinque dies. Alter perfecte curabatur d. XV. absque fasciis, quibus vulnus obligaretur.

d. XX. Julii. In ove arteria jugularis secundum longitudinem incisa & vulnere facis longo: in alia eadem aperta angusto foramine. Priori adhibebatur pulvillus madens albumine ovi, & nihil sanguinis emisit; alteri pulvillus madens aqua fontana. Uttaque penitus convaluit sine fasciatum solutione aut mundificatione vulneris.

d. XXI. Julii. Arteria jugularis in duobus agnis secundum longitudinem secta. Statim pulvillus superimpositus ex gossypio imbutus aqua fontana, & appressus manibus per 10. min. hor. Nihil fere exiit sanguinis. Intra d. 18. deprehensum est vulnera perfecte consolidata sine ulla alia providentia. Non vero hi agni tantum, sed omnes oves prædictæ, sub dio relictæ sunt dies noctesque sine ulla custodia.

d. XXII. Aug. Truncata ala dextra in duobus caponibus, in medio ossis superioris, obligatumque vulnus gossypio imbutum aqua puteali, & evaserunt.

Similiter ii evaserunt pulli gallinæ in quibus omnibus truncata alarum una: quorum sex Medicina facta, adplicito gossypio aqua communi madente: sed aliis appositum gossypium siccum, sex reliquis nihil adhibuitur, Naturæ providentiæ relictis. *Caspar. Bartholini Thoma Filii.*

Aqua Stiptica ex quibus constat.

Cum de aqua stiptica nuper incidisset sermo in pharmacopolio Johannis Gottfridi Becker, ipse, quæ est rerum Chymicarum sagacitate, non dubitavit similem aliam aquam sanguini sistendo appropriatam posse componi, quod alios quoque attentasse accepimus.

Bibl. Chirurg. Tom. II.

An vero paria cum aqua illa, quam Philippus Haquart Hafniæ jam componit, & usibus mortalium destinat, facere possit, non ausim dicere. Quanquam enim sapore eandem indicet, potest tamen latere alia simplicis alicujus virtus, quam ignorant qui vera descriptione carent, quæ jam clementia Augustissimi Regis nostri Chirurgo dextertimo Haquardio innotuit, cujus etiam aquæ efficaciam experti sumus non semel, & omnibus quantum possumus commendamus: suspicatur vero Beckerus noscitur ad hujus imitationem posse componi aquam stypticam aliam, de qua, uti & de Vitriolo ipse ad Acta nostra hanc dissertationem misit, quam ex mente illius hic subjungam.

Aliquam partem aquæ stypticæ Gallicanæ nactus sum, eamque diligenti examine deprehendi constare ex vitriolo & alumine, quanquam hic commune vitriolum; non intelligam, sed ex Metallico vitriolo. Licet commune vitriolum, quod vel nativum vel ex terra extrahitur, etiam ex metallis accidentaliter exsurgat, nam si nullum metallum in terræ visceribus reperiretur, nunquam vitriolum exinde produceretur. Sane cogitavi hic locum habere Juris-Consultorum axioma: quo quidque modo ligatum est, eo dissolvitur. Quod axioma ad Chymiam Hermeticam applicari potest, & ab alio hoc modo translatus est, sed alio sensu, quippe ille de vera solutione auri illo loco cum illius homogeneo primo eunte sive vero solvente explicandum judicat, scilicet, aurum debere radicaliter refectari, ut nova regeneratio & plus quam perfectio producat, ita ut imperfecta metalla etiam tingat, & in istam formam commutet. Ego vero hoc modo applicabo, quo commodissime potest explicari: quandocunque quis se læserit, sive vulneraverit, quod solo ferre ferro sive ferreis instrumentis ordinarie, (quanquam etiam vitro aliisque tebus vulnerari possimus, sed ratione vulneris inflati res eadem est) tum optime curabitur eadem materia. Aquæ stypticæ id concedo, plus tum valere, quando in forma liquida adhibetur, quia facilius datur illi ingressus quam formæ emplastri aut unguenti in vulneribus, sympatheticum tale emplastrum ante plusculos annos confeci. At unguenta & emplastra, quæ plerumque ex oleo & cera conficiuntur, prohibent accessum, ut omnes vulneris partes attingi nequeant, & quanquam unguenta mollia omnes particulas attingant, non potest tamen materia ex marte & alumine ita composita, quia aquosa, propter pinguedinem aggredi illas. Hinc, ut dixi, aquæ formam præfero, ita tamen ut vulnera bene claudantur, ne accedant impuritates. Ego meam aquam ita confeci, Recepi partem Limaturæ Martis, additis spiritus vitrioli rectificati tribus partibus. Blando calore quia per se calefit, imposui donec corpus dissolutum & spiritus coagulatus esset. Deinde tantum phlegmatis vitrioli (quod nihil aliud est, quam aqua communis, nisi spiritus aliquis in prima distillatione una adscenderit) additum ut bene solvi potuerit, & filtrari. Mox alumen crudum in sufficienti, pro lubitu, aquæ destillatæ pluvialis quantitate solvi, ne aquam Gallicanam acrimonia superaret, utramque aquas simul miscui, & per duos dies ita reliqui mistam, ut subsideret. Quanquam antea fuerit filtrata, tamen aliquæ fæces remanserunt, per subsidentiam separandæ, quæ nihil aliud sunt quam Sulphur vitrioli. Causa, cur sanguinem sistat & sanet sine eschara, mihi non est, quia simile metallum dissolutum majoris longe est efficaciam, quam si alio modo destruat, quando solum aceto, quo bene omnia dissolvuntur, vel etiam sulphure destruitur, qui spiritus in labore evaporat, & ita Mars sicut caput

mortuum seu scorix remanet; quod ulteriorem nulum vel certe exiguum ingressum habet, quia perit ipsi spiritus, qui ipsum dissolvere debebat.

Existimo etiam aquam istiusmodi vitriolatam solum sufficere sanguini sistendo & curando, sed quia alumen priori aquæ admistum in examine deprehendi, etiam illud addidi, alioquin aqua vitriolata dulci foret sapore, & à priori differenti Quia memoriæ meæ jam occurrit, narrabo quid nuper mihi venerit. D. D. Simon Paulli senior notter medicus, præteritis diebus ad me revisens, allatoque secum vitro aquæ flavæ, quod à Matrona quadam primæ notæ acceperat, quaesivit, anne constare possit qualis sit aqua & ex qua materia composita? Ego quamprimum gustu explorassem, statim divinare potui in his diu exercitatus quid illi subesset, inde duplici processu instituto, inveni primam aquam purpureo rubram eodem pene sapore, quam credo eandem habere virtutem, sed quia fæces per destillationem separatæ non sunt, colorem flavum accipere non potuit aqua, verum purpureo rubentem. Hinc mecum ratiocinari cœpi: si eo modo aquam siveris non credent illi, qui ea usuri sunt, eandem esse. Igitur secundam operationem tentavi, & ita destillatam aquam observavi eodem sapore prædram & colore, adeoque eadem virtute. His finitis ex condito reversus D. D. Simon Paulli visum quomodo successerit operatio mea, qui gustata utraque aqua, meam prorsus eandem esse iudicavit, ideoque earundem quoque virtutum: idcirco utrumque vitrum secum tulit exploraturus eventus veritatem, de quo nullus dubito. Est vero aqua cosmetica ad faciei rubedinem tollendam cutemque levigandam, composita ex fixo & volatili sale unius subjecti. Igitur nisi similem hanc aquam cum altera mihi allatâ effecissem, non habita fuisset pro eadem vel ejusdem virtutis, quanquam nescius non sim, ipsum authorem hujus aquæ ignorare saltem fixum & volatilem ex uno corpore esse. Quia verò hominem non novi; nec Chemiæ peritum credo, hæc relinquo: Sunt enim qui quidem componunt aliquid, idque recte, sed quia fundamenta rerum ignorant, sint licet periti, ulterius non inquirunt: Non facio cum illis, nec ita ego acquiesco.

De Liquore Styptico Experimenta.

Percrebuit hujus aquæ fama inter Gallos Angloque naturæ curiosos, autore & inventore Gallo Dn. Vivient Colonello, & variis experimentis in Anglia confirmata fuit eo successu ut secretum hoc 5000. Imperialibus in usum classis suæ comparaverit Seren. Magnæ Britanniæ Rex, Hafniam nuper idem secretum advexit Dn. Boudet, de quo hoc Programma in vulgus disseminavit.

La véritable & infaillible Essence Styptique, pour arrêter le sang, dans toutes les Playes en un moment.

On doit convenir de bonne foy, que tous les siècles passez ont ignoré la nature & les qualitez merveilleuses de nôtre Essence Styptique; & que jamais on n'a trouvé un remède infaillible, prompt & sans crainte de retour, qui arrêta le sang sortant de toutes sortes de vaisseaux, grands & petits, Arteres & Veines ouvertes, picquées, déchirées ou entièrement coupées; comme le fait cette liqueur, le bonheur & le prodige de nôtre siècle, le trésor abrégé de la vie & de la santé publique: Elle a une qualité très particulière pour le saignement du nez, pour le flux des hémorroides immodéré, & pour le dérèglement des ordinaires des filles ou femmes. Dans les playes on ne sauroit trouver un plus excellent remède; son effet se fait tout sur l'heure, & presque en un moment. Elle ne se corrompt jamais, &

ceux qui la savent à fonds & d'original, la tiennent comme de l'eau commune, en font l'essay sur leurs personnes; ce que les Copistes ou Contrefaisseurs de cette eau n'oseroient jamais entreprendre.

La maniere de se servir de cette Essence, est de tremper un tampon de linge dedans, & l'appliquer sur la playe avec une compresse par dessus, trempée dans ladite liqueur tenant les doigts par dessus.

Ladite Essence se fait par le Sr. Boudet, & on la vend avec permission des Supérieurs.

Ut ab omnibus legatur; eruditorum lingua faciet. Hic igitur verborum Gallicorum sensus est.

Vera & infallibilis Essentia Styptica ad sistendum sanguinem momento temporis in omnibus vulneribus.

Bona fide fatendum est, omnibus seculis præteritis ignoratam esse naturam & miraculosas qualitates Essentiæ nostræ Stypticæ, nec unquam inventum esse remedium infallibile, promptum & sine recidivæ metu quod sistat sanguinem exeuntem ex variis vasis magnis parvisque, Arteriis & Venis apertis, incisis, ruptis aut prorsus discissis, sicut liquor hic facit, felicitas & prodigium nostri sæculi, thesaurus compendiosus vitæ & sanitatis publicæ. Habet singularem qualitatem ad narium hæmorrhagiam, ad fluxum hæmorrhoidum immoderatum, & ad inordinatos menses puellarum & mulierum. Ad vulnera excellentius inveniri non potest remedium. Ipso quasi momento effectum suum proditi. Nunquam corrumpitur, & qui principia ejus & originem norunt, bibunt aquæ instar communis, in se ipso periculum facientes, id quod nunquam ausint tentare qui ad imitationem hujus similem aquam præparare præsumunt.

Modus utendi hic est, ut linea petia eo liquore imbuta applicetur vulneri, super imposito comprimente eadem liquore tincto, digitisque impolitis.

Laudatam Essentiam conficit Dn. Boudet, venditque cum superiorum licentia.

Quantum efficaciam Essentiæ suæ passim probatum à se fuisse affirmaret Boudet, veritatem tamen ejus experimenti ad oculum nobis quoque Hafniæ probare voluit. Igitur ab Illustrissimo Legato Gallico Dn. Terlon Equite invitati complures Medici convenimus cum aliis Magnis parvisque Spectatoribus curiosis, certissimi experimenti testes. Cani majori femur amputatur ferrâ, mox petiam suam liquore styptico imbutam applicat Boudetus, & manu imposita vulnus velut velamine comprimente stringit. Nullus amplius cruor manare visus, nec ulla convulsionum indicia apparebant. Post mediam horam remota manu comprimente & petia, sine eschara visum vulnus nullo sanguine profluente, consolidatum, arteriis quanquam sub membrana tenerrima pulsantibus. Ut porro vulnus crudum curaretur, repetita petia vinculisque, & ligaturis injectis, canis in lecto stramineo quiesci reposuit, sed pede uno murilus; laudantibus Spectatoribus medicamentum attringentis insolitam virtutem. Ex vitriolo confectam esse aquam, gustu divinare potuimus, sed singulari modo præparato, quia sine vomitu bibitur. Narrat ipse Boudet ex senis ingredientibus compositam, & ex illis unum esse venenum, ita tamen attemperatum ut nocere non possit. Credendum illi sine testibus loquenti, quanquam rectius conscientiæ consulere & publicæ utilitati, si sine questu arcanum hoc propalaret, quod aliquando facturum non dubitamus, si Magnatum indulgentiam fuerit expertus. Jam enim in Anglia Serenissimo Britannicæ Magnæ Monarchæ revelatum esse secretum, & ab aliis quoque Medicis in Regia Societate Londinensi experimentum factum nobis narravit Illustris Legatus Anglicus, Hafniæ residens, Dn. Tho-

Dn. Thomas Heushavv, Vir civilis prudentiæ & rerum Naturalium peritissimus, ut cæteras animi doctes, quibus fulget, præteream.

De liquore isto astringente doctia non pauca occurrunt, quorum solutio facilior foret si arcanus non esset. An Chirurgorum nostrorum pharimaca sanguinem supptimentia ex aceto, ovi albumine, vitello, pulveribusque adstringentibus, quibus magnas hæmorrhagias in amputatione artuum, mammarum &c. repressas vidimus non semel, paria facere possint, expendendum illis qui ignota in usum trahere dubitant. In eo tamen nota remedia liquor hic post se relinquit, quod citius vim suam exserat. Vix enim ante tertium diem vulgatæ aliæ aquæ removentur à vulnere, cum liquor iste secretus non quidem momento, sed post semihorulæ moram vasa astringat & membranula obducatur sine eschara. Deinde magicam artem subesse, affirmare non audemus. Cardano si credimus, si ter super vulnus recitentur hæc verba, statim omnis sanguinis eruptio compescitur.

Sanguis mane in te, sicut Christus fecit in se.

Sanguis mane in tua vena, sicut Christus in sua pœna.

Sanguis mane fixus, sicut Christus cum fuit crucifixus.

Nomen Christi morborum esse terriculamentum non ignoramus, sed an bona Dei venia fiat, quod nomine sancto ad hæc abutamur, merito ambigimus. Novi amicum, qui ter repetito nomine Jesu, hæmorrhagiam narium quasi miraculo suppresserit, sine ulla alia, ut fatebatur, superstitione. Opposui oraculum: Non sumes nomen Dei in vanum. Reposuit, vanam non esse sanitatem. Respondi cum Theologis, solos illos recte usurpare nomen Dei, qui illud eo fine usurpant, quo ipse Deus illud usurpari mandavit. Ille vero quotidianas preces urgebat, quibus nos ab omni malo, etiam corporali, munimus, nomine Dei. Sed quo fuco illi factum suum regent qui ignotis verbis hæmorrhagiam sistunt? Ex Schedis Rhodii, olim Prævotii secretum accepi ab illo quidem, non me, probatum. Si re quacunque inventa inscribas parti viciniore unde fluxu manat, in Viris Ophilon, in mulieribus Ophila, hæmorrhagiam cujuscunque partis sedari. Quicquid de his sit, pro magica curatione non pauci traduxerunt unguentum armatum, & pulverem Sympatheticum, quo & vulnera curantur feliciter, & sanguis supprimitur, cum per naturam, quamvis nobis occultam, succedat quotidie operatio sparata. Hujus pulveris symphathetici virtus jam tot experimentis confirmata à vitriolo dependet, quod primas tenere partes in liquore hoc styptico, nulli dubitamus, quanquam de veneno aliquo, aliisque ingredientibus, nebulae quædam oculis nostris objiciantur. Illud sapore quasi forex suo indicio se prodit. Mera solutio vel coctio vitrioli videtur. Difficultas augeatur unica, quod innoxie assumi dicatur. Et hic totum artificium latet, ut vitriolo emetica vis adimatur. Quod ubi successerit, in sanguinis vomitu cohibendo præclarum remedium inventum est.

Aliud experimentum ejusdem aquæ stypticæ Bondæri postea factum est in Arce Regia, me in prædio meo absente, de quo ita ad me pericripit conjunctissimus Affinis & Collega. D. Henricus à Moirichen.

Præsente Serenissima Regia Majestate feliciter heri successit experimentum aquæ stypticæ in cane molosso, cui post acre cum Utso certamen postquam à motu & ira satis effervesce sanguinem constaret, circa horam decimam arteria carotis sinistra transversim dissecta est. Sanguinem ut in arteriarum vulneribus fieri solet, affatim & saltuatim profluentem ex voto suppressit Aqua Styptica. In ea namque tincta linamenta præ-

Bibl. Chirurg. Tom. II.

cisa arteriæ imposuit Philippus Hacquard, ac manu super compressit, ita ut nihil sanguinis amplius ex vulnere elabi visum sit, Quo autem de Experimenti veritate certius constaret, placuit post horulam vulnus detegere, quia vero amotis linamentis novum sanguinem præsecta arteria evomuit, aliis eadem aqua styptica imbutis vulnus denuo impletum est, ac fascia super injecta apte deligatum est, ac canem ad tertiam cum dimidia à meridie reliquimus, At tum vulnere detecto omnibusque linteamentis amotis, nudam sine tegmine conspeximus dictam carotidem arteriam, ne guttulam quidem sanguinis amplius fundentem, unde & simplex tantum linea fascia vulnere injecta, & Canis, ne quiescentem jam sanguinem aliorum incuria iterum commoveret, ligatus ad Dominum suum Leonum custodem deferretur, ubi & hodie ipsum vidi solum & comedentem, & quod magis, ne guttula quidem sanguinis hæc nocte à vulnere stillaverat nec adhuc stillat. Expediit posthac erit magnorum vulnerum curatio, quia post aptam stypticæ hujus aquæ admotionem sanguis statim conquiescit, nec amplius è læsa vena vel Arteria fluit, & quod palmarium, nulla ab hoc medicamento crusta inducitur, sed sole ruentis sanguinis impetu inhibito, vulnere statim prospici potest digestivis ac consolidantibus. Et si ulterior fides adhibenda Bondetto (à quo Serenissimus Rex noster compositionem stypticæ hujus aquæ obtinuit) post ejus admotionem nullus inflammationis, gangrænæ vel convulsionis metus erit: unde cordatiores in posterum habebimus Chirurgos in arteriotomiis in magnorum vulnerum ac affectuum curationibus, in artuum & canis patrum amputationibus; quas ob certissima ingentis hæmorrhagiæ pericula (alia ut fileam) permulti hæctenus subterfugere Chirurgi. Jussu Regio propria manu aquam hanc confecit Philippus Hacquard, ejusque copiam promisit se daturum urbis nostræ Chirurgis, ut ejus vires data occasione ipsimet expetiantur, ita ut non opus sit ad alia peregrina & conquisita & composita medicamenta confugere. *Th. Bartholini.*

Aque stypticæ vis quo usque se porrigat.

Novissimus hodie liquoris illius styptici usus, quem Gallus ante triennium per Europam circumtulit, ubere, ob divenditum hinc inde secretum, marsupii provenit. Est sane cur inventum laudemus in vulneribus cæsim inflatis, sed in punctum non perinde experimur utilem. Quin & in hæmorrhagia narium compescenda sæpe inutilem deprehendi. Scilicet quoties ora vulneris ubique attingere licet, est suus ipsi honos, cæteroquin hebescere vel, quod sequitur exemplum, clare docuerit: Joachimus Nichel civis noster, in duello faucibus ictum gladii excepit interna brachii dextri parte, paulo supra cubitum; penetraverat autem ferrum largo & profundo vulnere ad ipsam usque alam, fissa quoque quemadmodum postea constitit, arteria. Vocatus chirurgus familiaris G. Urstedius, arte vulnus tractavit ad undecimum usque diem, ambiguus tamen futuri ob ichorem tenuem & sanguinolentum quotidie profluentem, nullo puris laudabilis indicio. Sed ecce undecimo die improviso tanta vis artetiosi sanguinis subito prorupit, ut æger in deliquia ageretur, & in metum chirurgus. Scilicet grumus sanguinis, qui jam ante hiatum arteriæ malefido obice clauserat, nunc demum in pus conversus laxaverat januam exituro cruori. Accersitus ego, tentatis jam frustra aliis, quæ ratio & consuetudo in simili casu suggererant; propono aperturam vulneris ad usque locum male affectæ arteriæ; sed renitente ægro, ventum ad aquam stypticam; qua per aliquot dies subinde injecta, licet bis revertentur im-

menſæ illæ ſanguinis profuſiones, noviffime tamen ſtetit rivus in articulos omnes artis exeunte, qui una adfuit Ph. Hacquardo, cui artificium conficiendæ aquæ illius ſtypticæ juffu Regio crediderat Gallus. Viſus ſibi tum deſunctus periculo æger, me omnia alia ſuſpicante tum ob ſuperventum ardentiffimæ febris, tum ob reſpirandi iter anguſtius. Quid plura? Succedunt ſpaſmi, tumores brachii & in manu ſummi dolores: decimo octavo die obit æger, laudatur nihilominus aqua ſtyptica, quod egregie feciſſet officium. Aperitur juffu Magiſtratus cadaver, ut de cauſa mortis conſter: mirum dictu, deprehenditur arteria adhuc quidem aperta, ſed via quam gladius fecerat, circa arteriam grumis ab aqua ſtyptica generatis obſidetur quo minus cruorem profundat. Interea poſtquam arteria per vulnus obſtrictum nihil poſſet effundere, memor tamen ſui officii alio derivarat ſanguinem; ſcilicet vicinorum muſculorum interſtitia opplerat omnia, nec eo contentus liquor proſerperat ad uſque medium pectoris; namque inter coſtas, ſternum & pectoralem muſculum dextrum inventæ nobis vel tres libræ corrupti & ſcætentis jam ſanguinis, unde aſthma, febris; & denique mors ipſa pependèrunt D. Olai Borrichii.

Circa Hafnienſem Stypticum liquorem obſervationes particulares.

Accepinus Hafniâ ſub præcedentis anni 1678. principium, data ſic occaſione per Sereniſſimi noſtri Legatum Dn. Prüſchenck à Lindenhölen, famigeratum illum P. Hoequarti nunc liquorem ſtypticum. Et cum de effectu, externo ſcilicet, ſatis conſtaret, quodque promiſſis, licet experientes nonnunquam deſeruerit, aut aqua ſaltem ſimplice, albumineve (referentibus in Actis Hafnienſibus miſcellaneisque Exercitationibus Magnis illis Bartholinis,) ſuppletus aliquando fuerit, de cætero tamen ut plurimum, ſub competente adhibitione ſatiſfecerit; proinde potius ulteriori ingredientium, minus adhuc tunc ſecundum numerum proportionemque determinatorum perquiſitioni dicare voluimus; in commune poſtmodum collaturû, quæ mihi forte ſpecialius obveniffent: de interna vero exhibitione tantisper ſecuri; non tam ob intermixtæ venenoſitatis cujuſdam traditionem, quam opiatorum ſecuriorumque adſtringentium in ventris pectorisque, (quo modo landati Dn. G. Bartholini obſervatio de Hæmoptoica pertinet,) affectibus præſentiorum (præ hujusmodi ſtrangulatoriis,) ſufficientiam. Nam quod quidpiam, ſeu cochlear ejus, aliquando citra notabiliores intera-
neorum turbas datum foret, præterquam quod oppido ſic minueret venenoſitatis ſuſpicionem, id propter inhærentis vitrioli (mage forte martialis remiſſiorisque) pacitatem, aluminisque reſtrictionem, in robuſtiori forſan ſimul ventriculo, contingere potuiſſe conjiciebamus. Senarius autem numerus in liquore adeo limpido, eaque ſtypticorum diaphanorum, aut perſpicuitatem mixturarum ſaltem poſtliminio non pervertentium paucitate, haut parum hinc fiebat dubius, Pachium in memoriam revocantibus, qui occultationis gratiâ longe plura, quam Hiera ejus requireret olim contudiſſe dicitur. Unde perreximus in ſuſcepta perquiſitione; donec alia quanto poſt D. D. Weherum, Med. Cæſar. librum de liquore ſtyptico, ſub Anchoræ ſauciatorum inſcriptione edidiſſe, in Germanicarum Ephemeridum Anno octavo legeremus. Et cum eodem tempore habitæ paſſim ſuper ingredientia conjecturæ indies magis ſimul confirmarentur; inſuper etiam per ſemestre, Sereniſſimos ſecuti, domo abeſſe teneremur, ſepoſuimus collectas tunc obſerva-

tiones; uſque dum ægre tandem tamdiu deſideratum libellum nuper nanciſceremur, per ſanguinis naturam ac generationem, ad ejus chirurgicam quoque conſervationem, (medium cum applicatione ſua perſpicue tradendo) ducentem. Quod ſi compendio factum hic retulerimus, cum liber hodieque hiſce in locis ſit rarior, operæ pretium videmur facturi.

Conſtat itaque Viri Excellentiff. liquor vitrioli Ung. aluminisque cujuſque libra dimidia: ſolvuntur per ebullitionem in phlegmatis vitri. libris quatuor, remotisque in fundo concreſcentibus cryſtallis, reliquoque filtrato, ſingulis ejus libris drachma una olei vitrioli permiscetur. Applicatur autem quintuplicatis ſpleniis, probe eo madefactis, & ſub competente deligatione per dies aliquot, ne ſanguinis (ſtarim quidem coagulati) cruſta perperam detrahatur, ſic relinquitur, vulnere perfecte ſubtus curato. Intus autem una, ſi placuerit, pro facilitando effectu, exhiberi poſſe putat prælaudatus Author, ſolutionem Terræ ſigill. cum vitrioli, vel etiam aluminis arque vitrioli conjunctim deſtilatorum ſpiritu paratam; utpote tinctura terræ catechu, ſimilibus longe præſentiorum. Hæc ibi Viri experientiſſimus. Quibus & forſan aliis nobis nondum viſis, an noſtras quoque ſuper Hafnienſem ſeorſim habitas obſervationes nunc demum ſuperaddere queamus; equidem diu hæſitavimus: tandem tamen nihilominus particulatiorem potiorum hic circumſtantiarum conſiderationem iis ſaltem, ad quos, remotioribus præcipue in diſtrictibus, iis in ſpecie vix vel nondum pervenit, futuram putavimus hanc plane inacceptam.

Color proin erat diaphaniſſus, ſed aqua ſimplici aliquanto obtuſior; præcipue ſi vitrum ſimile viliuſque foret: non aperte viridis aut cœruleſcens vitrioli cujuſdam præſertim nativi, in ſaturata hinc aqua ſolitarii vel ſupereminentis index.

Odor nec ut recentiorum vel per aſſervationem minus alteratarum ſolutionum vitriolicarum; nec tamen etiam phlegmatis vitrioli vel aluminis (vehementiori denuo calori hanc expoſiti,) inſtar: ſed ut duorum triumve dierum pluvialis. An ulterius roſaceis quid miſtionis initio affricatum fuerit, (ut occultanda odoriferorum tingentiumve pauxillo quoque obnubere ſolemus,) ex emortui jam, & è longinquo quaſi perceptione conjecturali ſaltem, nunc quidem determinare nolimus.

Sapor deprehendebatur nec pure vitriolicus, (martialis aut adverſior venereus;) nihilominus nec pure ſolum aluminosus, ſtypticus interea, & ſub qualicumque vitriolici illius dulcoris nota, mox in auſteritatem acoremque talium metallicum deſinens.

Pondus, ſi lagenula (de meliori luto adeo fere non ficta) aliquid inproportionalius, (quod tamen vel externæ effloreſcentiæ defectu tantisper non exiſtimavimus,) abſorbuerit, erat collata aqua ſimplici in tantum gravior, ut vitrum quinque ejus uncias capiens, dimidiam inſuper liquoris admitteret.

Quod, quibus & quantis è contentis fieret, amplius inveſtigaturi, evaporationem primitus tentavimus, ſex (pro faciliiori computatione) ejus uncia in patella vitrea ſucceſſive, vegetiore tamen ſub finem (cum ægrius nec ſine acidi cujuſdam perceptione ultima expiraret humiditas,) colore exhalantes; ad eam, quæ in ejuſcemodi concrementis haberi poſſe, ſiccitatem. Proveneruntque inde adſtringentis & (inter quaſi cœrulei nonnullibi aliquid) virideſcentis coaguli drachmæ quatuor, fere cum ſcrupulo dimidio.

Exſiccatum è guttis, lateribus vitri fortuito adhærentibus, ſal ochrei coloris; aliud præterea albicanſius, in repletioris adhuc vitri oriſicio interius concreſcens;

crescens, (utrobique primo quidem subdulce, hinc tamen statim stypticum, demumque quasi ferrugineum,) hic tantum inter accessoria sunt: quemadmodum etiam instillati cultro tantilli liquoris concrementum; super mediocrem ignem, post brevem & fere aluminiformem ebullitionem remanens; gustanti ab initio crocum mart. saccharinum; inde satis quid adstringens metallizansque referens.

Quo proin circa pondus constitutivorum essemus certiores, Præcipationem insuper adscivimus: atque hinc sex dicti liquoris uncii, instillabamus unam Alkali (ex ana nitri atque tartari invicem detonatis,) in aqua simplici dissolutam, & filtratione à terrestri sua materia separatam: quo scilicet per alcalium prædominium eo certius securiusque pessundarentur omnia. Exoriebatur sic, si confertim id fieret, ebullitio sat valida cum fatiscentis quasi aquæ regię cuiusdam odore: fundum verò petebat massa, pingue quidpiam, aut aluminis per dictum oleum tartari præcipitati, liquorisve silicum Cl. conglomeratum crassamentum exprimeus; albicans primitus, hinc affusa copiosiori aqua, concussisque inter se omnibus, saturate, (inter tenues quosdam tunc cœrulei gyros) virens; separata demum (per edulcorationem quoque accedente) humiditate, post exsiccationem pulverem relinquens croceum, ipso tamen vitrioli Martis factitii croco longe vividior, mole diffusior quam pondere, quod drachmarum duarum & scrupulorum duorum cum dimidio erat.

Collectam vero prædictam (salinas tam ipsius liquoris, quam præcipitantis quoque alcali particulas continentem) aquam postmodo lente exhalantibus, proveniebant sicci, & tartaro vitr. longe magis lixiviosi coaguli desuper spicei, de cætero ex albo virescentis drachmæ novem cum dimidia; adeoque detractis alcali drachmis septem, duobusque scrupulis, (quia terrestri ejus substantia filtro separata, cum ibidem absorpti salis tantillo, facile scrupulum unum excedit;) particularum salinarum liquori styptico propriarum drachmæ duæ, scrupuli duo.

Quod autem v. g. guttis octo vel decem aquæ simplici tribus unciiis instillatis; invicemque (cum istæ prius in fundo conglomerentur,) concussis, totum lactescentem colorem induerit, parum huc fortasse conferet: singularius erat; quod post semestre demum domum redeuntes; in residuis adhuc quinque; præter propter unciiis invenerimus ad vitri fundum expansum aliquod, liberè natans, crassioribus aranearum telis in molendinis simile, colore griseum: atque post idem pene tempus, (quieto in angulo vitro aquositateque magis consumpta,) simile denuo, in superficie primo collectum, hinc sidens, scrupulorum duorum (cum conjunctim filtro separata & edulcata essent, pondere, odore in prunis satis sulphureo; pondus residui liquoris de cætero porius, quam saporem, nostra quidem opinione, mutantia.

Atque hæc quidem tum temporis successive notavimus. Quo vero eundem, quoad ejus fieri posset, aut æquivalentem saltem liquorem hinc crueremus, post varias ponderum ac putatorum ingredientium, præcipue vitriolorum permutationes, sapore tandem atque pondere (tam separatorum quam conjunctorum) eo ducente, in anaticam incidebamus proportionem aluminis atque vitrioli; non præcise martialis factitii, laboriosi ac præter rem carioris, (licet eadem inde eadem ratione oriantur producta;) vel è venalibus speciebus eo titulo, seorsim selecti; sed Goslarensis tantum alteriusve boni sat virentis. Solvebamus proin utriusque unciam dimidiam contusam moderato calore, & (cum operosum, necessitatibusque tempore vix

requisita quantitate suppetens vitrioli phlegma, in sulphureitate sua, alias facile dissipabili, forte nil, in exigua vero vulgaris destillationis acetositatem parum conferre videretur,) saltem in aquæ simplicis (cui tamen ferrata quoque seu fabrorum sua substitui posset) unciiis quinque: in sex enim color pene fiebat dilutior, sapor remissior, pondus duobus scrupulis minus: in minore autem quantitate, præter proportionis in sapore, pondere atque colore intentionem, tractu temporis salini quidpiam,) quod etiam in proportionem quadrupla supra laudatus D. D. Weherus notavit,) quasi concrescere, (& quidem magis alumini formiter,) incipiebat. Filtrabamus hinc totum, quo ob vitriolum obscurior prius, limpidus nunc prodiret liquor; secedente simul ochræ impuritatibusque vitriolicarum, (cum alumen raro quidpiam deponat,) grano uno ad alterum interdum: variant enim ista ibi exotica. Hæc erat nostra tum imitatio.

Ut autem effectus in oblatiis tantisper tunc fortuito vulneribus, &c. (nam ulterius progredi nec dabatur nec vacabat, similiter quoque statim erat evidens; in hæmorrhagia narium Serenissimi cuiusdam, prius incompefcibili; per siphunculum aliis aquis dilutum,) injiciendo præsentaneus, addito, secundum D. D. Weheri animadversionem, vitrioli spiritu, adstringentior: ita color quoque atque sapor, (de odore enim etiam affricto dicere supervacuum foret,) cum Hafnienfi, (nostra quidem opinione, apparebat idem, aut saltem vix distinguendus. Pondus eodem recidebat; & liquor in vero quinque aquæ simplicis unciarum capaci, ut intermixtas aquositate minerales particulas,) uncia dimidia ad lancem pariter existeret gravior altera dimidia uncia, (quod pristina sex provenirent,) restitante, pro drachmis quidem tribus; in vitro mixturam illam antea continente, pro residua drachma in filtro, utut exiguo & satis expresso.

Dum autem simplex unciarum sex coagulum, eadem methodo collectum, similiter superiori in colore pondere responderet; nec separatus per alcalinam præcipationem crocus, aut productum postmodum salinum coagulum ab istis differre videtur; colore croci ob candicantis aluminis terræ accessum æque diluto; odore vero sub præcipationem talium pariter instar aquæ cuiusdam Regiæ, ob nitrosas adhuc in alcali isto latentes particulas; utinosque in alumine tantillum, de quo alibi,) exurgente: majorem proin potius imitamenti nostri illustrationem experimentorum, circa vitriolum atque alumen, eorumque constitutiva, seorsim ac diversimode (per præcipationes aliasque separationes, coagulationes, proportionales ponderationes, lentas evaporationes, &c.) habituum collatione; indeque instituta suppuratione tum quæsimus; sed tamen (quod petimus,) sub unius alteriusve grani forte latit udine, & salvo quod ajunt, (in ea constitutivorum) variatione, extraneorum dispersionum facilitate, &c.) errore calculi.

Insunt itaque vitrioli, (pro modulo suo sicci, nec impuritatibus externis affluentioris,) uncia dimidia, (secundum prædictorum experimentorum modos atque proportionem,) terræ sat edulcatæ & siccæ drachma una, scrupuli duo cum dimidio; utpote nondum per ignem quid, (ut in colorate) passæ eoque minutæ. Salinarum, hic quasi concentratarum, aquosisque minus (ac in vitriolicis salificationibus artificialisque confectionibus,) complicatarum particularum ad minimum scrupuli duo. Aluminis porro uncia pariter dimidia terræ saturninæ albiissimæ & molis, antequam in tragacanthinum fere

quidpiam coëat, diffusissima, communiter scrupuli duo, grana quatuor; salinæ substantiæ drachma una præter propter: (utroque enim: quod uni parti, pro puritatis siccitatisque ratione, ac metallicarum ab acido absorptarum particulicarum variante quantitate decedit, accedit alteri.) Si tetræ jam; ut dicuntur utriusque, (aluminosæ scilicet ac vitriolicæ) invicem miscentur, proderunt denuo, eodemque colore, supra notatæ binæ drachmæ, scrupulique duo cum dimidio. Sin salinæ: habentur pariter iidem, ejusdem saporis ac coloris quinque scrupuli. Si denique utræque conjungantur, & exurgentes hinc, præter grana quatuor, scrupuli tredecim istis aquæ simplicis quinque uncis, aquosarum (natura sibi adhærentium, & ut simplex ibi phlegma constituunt, ita aquæ simplicis loco pondereque venientium) particularum medio (ceu in crudorum istorum duorum ingredientium dissolutione fit,) copulentur; è dimidia earum uncia (seu scrupulis duodecim) protinus id vitri quincuncialis superpondium, quod semunciam secundum proportionem erat, provenit; residuis granis viginti quatuor in restante liquoris styptici semuncia hærentibus sive natantibus: uti ex adverso absolutæ illæ sex ejus unciam facile habentur, si, (simplici solum additione,) aquæ simplicis unciam quinque, mineralium (inibi gravitantium, & ex alumine vitrioloque profectorum) scrupuli, cum granis quatuor, tredecim, ac utriusque phlegmatis) spontanei quasi nec violento igne, etiam à salina substantia penitus expressi) scrupuli septem, grana sexdecim, (ponamus è vitrioli semuncia drachmam, unam semis, ex aluminis eadem quantitate drach. unam, præter propter cum sex granis,) invicem computentur, sed tantum de liquore hoc. Si interea logistica conjecturæque nostræ circa ingredientia eorumque præcipue proportionem non fefellerint; (verum telæ simile quidpiam in vitro negligentius obturato, sicque per menses aliquot reposito concresecere occipit;) negotiori saltem curiositati, (quod speramus & rogamus,) ignoscet benevolus feliciorque circa talia Lector. Sane licet interea, cum duo faciunt idem, non protinus fit idem: si tamen aliis, saltem aliquantum variato ingredientium, v. g. pulveris laxativi pondere, eundem nihilominus effectum in catharsi adlecutus fuerit, peccasse propterea non creditur. De cætero de renitentissimo, inter salina coagula, alumine, alibi forte agemus: ut & de vitrioli vitriolatorumque (etiam in chirurgi) singulari, (ceu inter recentiores quidem, præcipue quoque notavit in Physica sua subterranea Experientissimus D. Kircherus) vulgo interea minus in usum tracta, efficacia. *Dan. Ludovici.*

Magna dentis hæmorrhagia.

Anno Christ. 1655. Civis quidam Ratisponensis, nocturno tempore in subitam hæmorrhagiam è dente quodam intimo, ac carioso superioris maxillæ in latere dextro inciderat, ubi sanguis subniger, serofus, per horas septem continuas, tanquam ex siphone profiliit; post multa alia medicinalia, adhibitis ventosis siccis sine scarificatione, sæpiusque deorsum in dorso ad lumbos usque deductis, & assumpta oris collutione ex decocto astringentium, sanguis quidem desistit, sed ad horam & ultra serum plane clarum, subalbidum ac salsum adhuc sequebatur. Inde conjecturari licet, quod sanguinis acrimonia cum abundante sero salso hæmorrhagiæ tantæ ansam dederit. *Helwigii.*

Scholion Schrockii. Magnas ex dentibus, vel

gingivis potius, hæmorrhagias alii etiam adnotarunt; potius quales in Scorbuticis non raro observantur, vix aliam ob causam, quam quæ ab Auctore nostro in Casu præsentis à feri acris in sanguine abundantia defumitur. Unde Clar. Gualt. Charleton libr. de scorb. cap. 14. art. 5. diti hujus in scorbutico symptomatis causam in sanguinem, luxuriante supra modum sero dilutum, vel sale volatili acri, à quo debita ejus consistentia pereat, abundantem, sicque orgasmo exagitatam, per arteriolarum oscilla erumpentem, rejiciendam arbitrabatur. Quo etiam referre liceat fabri illius ferrarii lienosi historiam, cui è venula (ut quidem Donatus vocat, cui tamen rectius fortasse arteria substituenda erit, quæ in superiori maxilla à carotide interiore, in inferiori autem ab exteriori ad dentes propagati solet,) gingivæ, ichorosi sanguinis libras amplius octo effluxisse, Marcell. Donatus lib. 4. hist. med. mirab. c. 9. refert. Et Alex. Benedictus lib. 5. de curand. morb. c. 3. ex gingivis profluvia sanguinis incredibilia, supra modum salsa, vidisse se testatur. Tanta nonnunquam illa exoritur, ut ipsam etiam mortem comitem inveniat. Talem Hollerius Comm. 2. ad Aphor. 18. lib. 2. sect. 2. Coac. Hipp. memoravit, scribens. Nos vidimus è loculo dentis longo tempore sanguinem profluxisse, qui nullis remediis cessit ægrumque tandem substitit. Idem accidit juvenculæ in septimum mensem gravidæ, apud Gregor. Horstium par. 2. lib. 1. observ. med. 25. quæ in hæmorrhagiam subitam gingivarum, sanguine confertim & magna copia per tres septimanas continuas effluente, inciderat, maculis sanguineis, ac sudore sanguineo, tandemque morte ipsa subsequitis. In cujus observationis resolutione aliud porro exemplum magnæ sanguinis per gingivas excretionis lethiferæ profertur. Felicioris vidit successum Illustr. D. D. Paulus de Sorbait in Murario, cui sanguis post diuturnam tertianam ad 24 libras ex gingiva effluerat, pulvere tamen chalcanti & cauterio actuali personato, ut ipse obs. 48. Anni 11. Ephem. Germ. Cur. recentuit. Et femina illa apud Nic. Tulpium lib. 1. obser. med. cap. 49. plus æquo poculis dedita, plurimum sanguinis quotidie ex gingivis effundens, difficulter quamvis, sanata perhibetur. Nonnunquam carnosæ gingivas excrecentia defœdans, magnum ibi sanguinis fluxum efficit, qui excisione illius feliciter curatur; ceu ejus specimina apud Joh. Mekerarum c. 16. & 25. observ. chirurg. occurrunt. A dentibus etiam evulsis immodicas sanguinis evacuationes contigisse scimus; qualem Valleriola lib. 5. obs. 3. à dente putrido sine ulla viâ sine ferro, sola digitorum lenissima apprehensione educto, ex arteria subdita, rivuli instar è fonte per triduum manantem, brevi tamen curatam, descripsit. Hæmorrhagia quoque ingens à dente evulso curata habetur in obs. Laz. Riverio communic. à D. Petro Pacheco obs. 28. nec non obs. 22. Achill. Gasserii apud Geor. Hieron. Wellchium in Syllog. curat. & obs. ut & obs. 72. Joh. Udalr. Rumleri apud Eundem. Egregius ille Ulmenis Chirurgus Joan. Sculterus tria remedia part. 1. Armament. Chirurg. tab. 29. §. 11. adnotat, quæ varias hæmorrhagias & deploratam quoque illam gingivarum, extractiones dentium violentas excipienrem, infallibiter compescant, illudque, multa inter alia, exemplo Bractearii cujusdam confirmat, qui ob violentam à Circumforaneo dentis molaris evulsionem, incompefcibilem fere in gingivæ hæmorrhagiam delapsus fuerat. Sed neque in hisce sanguinolentis fluxionibus semper expectanda est salus, dum vel ob sinistram remedium usum, vel aliam ob causam, sanguinis impetus sisti nequit, & mors atra una cum humore

humore illo vivifico ipsam effundit animam : Sic duos eruto dente, ob multitudinem sanguinis obiisse Cardanus de caus. sign. & mor. b. ac Felix Platerus lib. 3. obs. fabrum ferratum, ab extracto dente canino, quem sanguinis saltu quodam exsiliens, subtilis, rubri, & fervidi per triduum eruptio, nullis remediis compescenda, infecuta fuerat, expirasse notarunt. Qua occasione magnam Agyrtarum imperitiam, fraudem & audaciam obiter perstringere licebit, dentium extractionem sæpe non necessariam, inconsideratius, argenti scilicet una extrahendi causa urgentium, quorum inutile officium ut Magistratus auctoritate inhiaberetur, multoties necessum foret, ad Turcas potius ablegandum; Famosa enim illa humanitatis monstra, referente Menavio, scriptore Italo lib. 3. c. 22. Chirurgis suis olim interdicebant, ne sine impetrata Regis licentia dentes extraherent, dubio procul non negligendum sanitatis damnum declinaturi, uti Exc. Goth. Mæbius c. 6. Medic. physiol. loquitur.

Notabilis Gingivarum hæmorrhagia.

Murarius Italus Viennæ, ad aureum Cervum ex gingiva ad 24. libras sanguinis post diurnam Tertianam emisit, & tandem sanguinem pulvere chalcanti & cauterio actuali sedato, ex toto convaluit, nec minimo hydropis remanente vestigio. *Pauli de Sorbait.*

De hæmorrhagia universali, ex ictero nigro lethali.

Sanguis, vivificum flumen, aliquando coacte, nonnunquam velut pertæsus exitum affectat è corpore, & tanquam profugus ad internecionem fœdere rupto conspitat. Vidimus plus simplici vice in febribus ardentibus lethales hæmorrhagias narium, nulla arte compescendas, (quamvis in quibusdam cesserint ordinariis præsiidiis,) donec extremum frigus, sanissima mente vitam exolveret. Ast non una via excidere eundem, & consimilem tamen *ναυσίωσιν*, vel exilium spontaneum, sequenti observavimus historia. Vir primarius, LXXIX. annorum, per plures annos cardialgia, hinc calculo laboraverat, per vices repetitis insultibus, remittente tamen dolore illo, postquam in calculum successive coierat tartarea mucilago, ob hypochondriacum *πάλῃ* consummatum præ se ferebat corpus cachecticum. Non raro tumere pedes, inprimis sinister, consensu laterali solenni, commoda tamen diæta cavere sibi, non minus ac medicamentis. Prædixerat Astrologus, ex infausto Saturn. aspectu mortis genus ex ictero nigro futurum, quod seu conjecturam probabilem casus firmavit, seu archæus ex conceptis ideis morboris sibi exitum hoc struxerit, eveniebat tandem.

Oculi, icteri præcones, flavedinem concipere, urina cum sedimento tartareo, rubro, copioso, croceo olore linteamina tingere, corpus totum concolor reddi, alvi scybala non tingi. Visus alias morbus facile cedere vel unico purganti cholagogo, experimento Galeni & aliorum, imo nostro quoque, visus aperiens generosis martialibus, infusis, nitrosis, hic rebellis restitit. Per duos prope menses durante fabula, color è flavo in fuscum tendens minitari mortem dudum quasi prævisam, terrore tanto majori incusso, quod ceterior credebatur eventus iam jam respondens prædictionis. Tandem, cum obstructa intimius vasa, & sine dubio cœmento tartareo bilis con-

creta negaret effundi consuetis loculis, licet vomitu amaricante os inficeretur nonnunquam leviter; sanguis sreatu meris per os excretus mox excipiebatur hæmorrhagia narium, per alvum quoque concretus multus exibat, & urina cruore tincta ubivis patulas portas seu perruptas potius ostendebat. Ita per omnes vias effusus, nequicquam præstante arte omni, corpus morti tradebat. Denegata anatome nihilominus certum est, hepatis glandulosos acinos æq; ac papillas biliosas, indoratas, obstructas & tantum non scirrho occupatas fuisse, lympham sanguini incoctam omnem successive, bilem granulatam in folliculo suo, sanguinem vero inspissatum, rarefactum tamen biliosa amurca citatum in motum, & præcluso debito spatio pro absolvendo circulo, illapsum laxioribus poris viarum ordinararum erupisse, nulla humana arte corrigendum. Eodem propemodum tempore relationes publicæ narrabant, strenuum quendam virum militarem sanguine per os, aures, oculos, nates seditiose erumpente vitâ functum, *D. Georg. Wolfgang Wedelii.*

Hæmorrhagia penis spontanea.

Longius foret differre de multiplici usu quem corpori nostro scenerat nectar illud vitale, sanguis, qui motu indefesso machinæ nostræ circulari mæandros. Nec levius nobis facesseret negotium, si eundem esset per omnes vias, quibus diffluere potest tam pretiolus latex. Non tamen æque trita sunt hæc semitæ, cum hac eatur frequentius illac rarenter. Tristius, hercle, omen habetur, si profluentem viderimus; ubi ne rivum expectassemus. Quamvis interdum, qui sponte referantur fontes, obserentur gratuito, ipsa se corrigente natura, ne videatur errasse. Cum non ita pridem, per me, post Deum, in gratiam cum sanitate rediisset aliquis cruenta mictione quam gravissime laborans; accidit, ut alius è vicinia meam contra Ophthalmiam efflagitaret operam medicam. Dum autem varios invicem sermones cædimus, narrat sibi, ante aliquot annos, ex insperato largum profluxisse sanguinis imbrem, per membrum illud, quo viti sumus. Nesciebat planissimè quid de Thyrso fieret, alia omnia exspectans potius, quam sanguinem; qui observatus maximum incussit terrorem. Ubi vero per sesquihoram durasset hic æstus sanguineus, inarescens commodum, eadem, qua proruperat, sistebatur indolentia, nullo, ne quidem levissimo, tristioris cujuscumque relicto symptomatis vestigio. Ego varia quæsi huc spectantia; interrogans, numne causas quasdam scire potuisset hujus hæmorrhagiæ? an non, vel calculos ipse, vel equitatio succussans, vel gestatio gravioris oneris, aut aliquis in diæta error præcessisset, vel usus Aloëticorum quorundam medicamentorum, quæ oscula referassent venarum, hanc rupissent cataractam? Verum omnia hæc negavit constanter. Hinc patet ipsam naturam, quasi provido consilio, imminens amoliri gestientem periculum, per hanc sentinam, superfluum tantummodo eructasse sanguinem. Atque ita hæc fidem celeberrimo conciliant Kozakio, dicenti, Tract. de Hæmorrhagia, lib. 1. cap. 11. pag. m. 302. Simplex sanguinis mictio non omnis est æque vel molesta, vel noxia, sed interdum & quædam utilis patientes à multis gravioribus tum liberans, tum præservans affectibus. *D. Georgii Hannai.*

Ex ulcere penis hæmorrhagia enormis orta arte facili quidem, at singulari cohibita.

Chirurgus quidam in affectibus venericis curandis satis

facis bene versatus in noctu ad ægrum accersivit, qui ex aperta arteriola in ulcere inter glandem & præputium penis tantum sanguinis illa nocte profuderat, ut ipse exsanguis propemodum videretur. Imò ausim dicere, me dimidiam cupam lintheaminibus cruentis oppletam in cubiculo, ubi ille decumbebat, invenisse; non aliter ac si fœmina quædam in procinctu puerperii fuisset. Diversi generis styptica applicuerat Chirurgus ante meum adventum, sine ullo tamen levamine, compressioni vix ullus quoque ibi locus erat, propter membri constitutionem: itaque in summis angustiis erant & Chirurgus & æger, quem tamen momenti temporis spatio ab hoc periculo, Dei auxilio, liberavi, idque remedio simplicissimo: scilicet glandem penis præputio strinxi, & sic præputium arctè digitis compressi, unde ne gutta quidem amplius effluere potuit, sicque mihi fuit restitutus. *Frideric Ruysehius in Observationum Anatomico-Medicarum centuriâ.*

Alia in eodem argumentò Observatio.

Non ita pridem cum Hentico Annema peritissimo in hoc civitate Chirurgo vocati sumus ad ægrum, ex cuius membro virili per urethram 14. circiter sanguinis libræ effluxere, idque interdum tanta vi, ut majori urinam excernere non posset. Quod cum sit huius parti vitium dignum ut posteritati ejus historiam hic annectemus.

Jam Haybreckz annos 52. natus, vir robustus atque vegetus, habitans in vicò dictò Vocquestert, ultimò Januarii 1668. onustus sacco tritici, dum per asserem super aquam positam transiret, pedemque versus marginem figeret, alter invertebatur eâ ratione, ut intet ipsius pedes asseris acies existeret, in quam pondere tritici ita comprimebatur ut peritonæi atque testiculorum mira contusio adesset, absque vulnere externo aut hæmorrhagia, donec dimidia post casum elapsa hora urinam emitteret, tunc enim primò tria circiter sanguinis cochlearia effluxere, urina clara & sine sanguine mixta subsequente, quæ acrimonia sua summos in urethra excitabat dolores, nunquam tamen sanguinem effluxisse nobis retulit, nisi dum rursus urinam redderet. Cum itaque per horas 4. dies non nisi exigua quantitas sanguinis per urethram efflueret, operæ pretium non existimabat Medici ejusdam auxilium implorare. Quid contingit? Quinto à casu die, cum supra sedem sese ponens, patres contusâs aliquantulum durius agitatet, sanguis cum pulsatione tanto impetu per urethram effluxit, ut adstantes ipsum jam jam morituum crederent. Ne tam omnis sanguis uno impetu efflueret, aliquis consanguineorum penis partem anteriorem tamdiu comprimebat, donec nostrum auxilium implorassent. Domum intrantes, inter uxoris, filiorum filiarumque ejulatum, imbutum, & sanguineorum suspiria, ægrum in miserrimo illo statu invisimus. Lecti tegumenta & reliqua ipsi vicina non aliter sanguine erant conspurcata, ac si tubos in loco illo, ubi æger decumbebat, jugulatus fuisset. Intelligentes modum quo cecidisset, & quod per 4. dies consequenter exigua semper sanguinis quantitas, solummodo ante urinæ emissionem effluxisset, judicavimus spongiosam urethræ substantiam, ejusque arterias læsas esse, licet tam impetuosi illius sanguinis effluxus causas non sufficienter conciperemus. Præterea explorantes in inferiore abdominis parte, immediate supra pubis ossa, tumorem instar capitis infantis magnum, asseruimus illum propter dictam penis constrictionem à regurgitante in vesicam sanguine ori-

ginem habere, quemadmodum dictum nostrum evenus confirmavit: & explorantes ægrotantis pulsus, cum debilem ac languidum, propter tantæ copię sanguinis effusionem, invenimus; quapropter hærebamus dubii, quibus inter tot ac tanta huic primò occurreremus, cogitantes præsertim, quod à sanguinem sistentibus, sanguis in vesica nimium incrassantur, & ab attenuantibus contra sanguis in corpore fluidior evadens, majori etiam copia per arterias, ob casum internè dilaceratus, efflueret. Tandem aliquando re, ut decebat, examinata, ex arena cepimus consilium, & diximus invicem potiori malo succurrendum esse, quod cum à nimia virium debilitate, propter sanguinis effluxum immineret, similem mixturam qualem magnus Professor noster Franciscus De le Boë Sylvius in praxi sua, nuper edi cœpta lib. 1. cap. 3. proposuit, ægrotanti nostro ad virium corroboracionem & sanguinis fluxum sistendum præscripsimus: quandoquidem propter summam virium debilitatem venæ sectioni non daretur locus, & præterea perinæo, cum partis effectæ compressionem per ligaturas non possemus instituere, medicamentum astringens applicuimus, atque sic ægrotantis vitam per illam noctem conservavimus; sequenti die reversi, cum sanguinis fluxus necdum in totum cessaret, & vires paulo melius constarent, venam ipsi in brachio aperuimus, atque decoctum vulnerarium præscripsimus. Tercio die ægrum nostrum, quem mediocriter pro tempore constitutum dereliqueramus, in pessimo statu invenimus; nam præterquam quod ex nimia inanitione singultus, etiam à sanguine in vesica & aliis partibus corrupto, ingens febris excitabatur. Gravissima hæc symptomata, cum post iteratam enematum ex lacte dulci & electuarii diacatholici uncia cum dimidia injectione minuerentur, decocto vulnerario quædam diuretica addidimus, quæ sanguinis grumos jam semi-corruptos feliciter ex vesica propellebant, cessante sensim cum febre singultu. Paucis, præter ea quæ enarravimus, medicamentis ægrum nostrum in mortis bilance versantem, Deo benignè annuente, parvo temporis spatio feliciter restituvimus. *Regnerus de Graaf libro de Virorum organis &c.*

Vena cruralis spontanea apertio.

Rustica quadrata triginta & quod excurrit annorum, plurium liberorum mater, enim denuo concepisset, sub ultimum circiter gestationis mensem ann. 1685. quotidiano labori vacans, in femore sinistro, non procul ab inguine, è vena crurali turgescente, sed sponte aperta, hæmorrhagiam insignem patitur, cui ligaturis, aliisque vulgaribus album ovi cum aceto rosac. applicatis vicini occurrerunt: quatuordecim ab hinc diebus, cum pratis verrendis sola incumberet, vulnusculum nuperum enormiter recruduit, cui misella aqua frigida, qua corpus tantisper potuit medelam quæsit, postquam binis hi/ce vicibus ultra quatuor libras sanguinis perdidisset, quarta septimana ægra mirum quantum intumescere cœpit, inprimis collum versus, quod instat aque lymphidæ pellucebat. Die 2. August. cum nos convenirent, actaque narrarent, sinistrum eventum prædiximus, in primis si dolores partus ipsam non corripere, huncque ob finem mixturam convenientem præscripsimus, quæ ex parte hausta, ab ipso mane infantulum feliciter enixa est. Sub vesper. cum ipsam inviserimus cum D. Schorhopff, de partu gratulari fuimus, juxta vero ægram pallere deprehendimus, tumore colli quamvis remitt-

remittente, & circa præcordia per intervalla opprimi: exhibita hinc una alterave dosi diaphor. jovial. cum mixtura cordiali additis blandis volatilibus porreximus, commendatis juxta jusculis & prohibito vino: quibus cum ipsa sedulo obtemperasset, licet paroxysmus graviores quandoque intercurrerint, attamen, Deo benedicente, pristinam sanitatem feliciter recuperavit. *Joh. Jacob. Harderus in observationibus Anatomico-Practicis.*

De hæmorrhagia ex ulcere tibiæ varicoso.

Fœminæ quadraginta annorum ulcus in tibia dextra exortum est à causa interna supra varicem satis amplum, quod nullis remediis obtemperabat, aderatque tumor & erysipelas satis grave nullis medicamentis morem gerens.

Post aliquot dies inopinato ab humore acido, corrosivo illic hærente apertus est varix, ex quo ad minimum duæ libræ sanguinis nigricantis ac (ut astantes asseverabant) in effluxu valde fatentis promanaverunt.

Ego placentam illam duriusculam ex medicamentis acidum temperantibus conflatam, quam in Observatione sexta primæ Decadis laudavi, à Chirurgo imponi curavi, & sic varicem non tantum obturavi, verum etiam acidum illud in ulcere hærens temperavi, quod alias cortosione sua varicem facile iterum aperuisset, ac præterea ulceris curationem impedivisset.

Erat visu mirabile, quod, postquam varix inexpectato apertus tantam sanguinis copiam profunderat, erysipelas, aliaque symptomata mox evanuerint, & ulcus, de die indiem melius habens, intra tres septimanas solius prædictæ placentulæ ope prorsus coaluerit.

Ego jam temporis minime mihi proposui originem ac medelam varicis, ulceris, ac erysipelatis tradere, quandoquidem illud in observatione sexta primæ Decadis satis accurate executus sum, & mihi semper, si cuiquam alii, crambe bis cocta mors est.

Sed animus mihi est hic loci per experientiam confirmare, quod dixi & egi in primæ Decadis observatione sexta, quam indubitatum nempe si erysipelas ac ulcus originem suam trahere ab acido, & quam opportune instituerim sectionem varicis in ulcere illo tibiæ varicoso.

Hæc autem sine ullo negotio ex allato exemplo deducuntur, nam nec erysipelas nec ulcus, ullis remediis cedebat, quamdiu varix ille tanta nigricantis & absque dubio mora sua acescentis sanguinis copia repletus erat, & quam primum sanguis ille peccans effluxeat, erysipelas evanuit, ulcusque non longo post coaluit. *Johan. Mnyx Praxeos Chirurgicæ rationalis Decade.*

Ad hæmorrhagiam ex dente evulso, Remedium.

Clariss. Sylv. Samuelis Anhornii De Hartwifs.

Ephemerid. German. Cent. I. & 2.

Hærent dentes aliquando ita fortiter & profundè alveolis suis infixi, ut etiam expertissimis in hoc artificii genere magistris, licet superato feliciter labore, ex hæmorrhagia vix compescibili famæ dispendium quandoque immineat. Non pauci sunt, quibus constringi laceratæ arteriolæ nullâ arte potuerunt, donec cum meliore vitæ thesauro, ipsam vi-

tam exspirarent. Facile & haud unquam fallens auxilium ad reprimendum fatale hocce diluvium, hic addidisse tanto minus lectori displicebit, dum ejusdem pluries in desperatissima hujusmodi sanguinis ad usque deliquia profusione, vires præsentissimas expertus sim. Est verò hoc nihil aliud, quàm nucis juglandis particula accensa, & flagrans alveolo dentis extracti indita. Nî statim voto effectus respondeat, secundâ & terciâ vice est repetendum, & nucleus fortiter alveolo imprimendus, quo læsa arteriola tangi, & calore ejus constringi commodè possit. Sic sine ullo excitato dolore omnis hæmorrhagia in momento cessabit. Patiens verò per horas aliquot quietus manebit, nihil masticabit, minus calidum quid hauriet, potius de aqua ad hæmorrhagiam Sylvii aliquid per horas degustabit, donec vires paulatim redeant.

Plura alia de Hæmorrhagiis videri possunt in Bibliothecâ nostrâ Medico-Practicâ.

HÆMORRHOIDES.

Curationes.

Quamquàm sanguinis omnis fluxus periculosissimus sit, is tamen, qui ab hæmorrhoidibus est, si modum servare videatur, consuevit sæpenumero prodesset. Advertit insuper Hippocrates à diuturnis sanato hæmorrhoidibus, nisi una servetur, aquam intercutem vel tabem imminere: hæc autem certo superveniunt, cum immoderatè fluunt, aut ichores inde exudant, ut pluries experientia comprobavit.

Tument autem & rubent nonnumquam hæmorrhoides, & dolorem acerbissimum afferunt, imò & capiti gravamen cordi, & pectori oppressionem, stomacho nauseam, & alvo duritiem pariunt. Huic incommodo vitiis occurrere consueverunt Medici: conferentiora verò putantur linimenta ex oleo vitellorum ovorum, seminum lini, buxi, balsamo sulphuris Rulandi, lacte aureo, sambuceo, unguento linariæ, populeo, & malorum insanorum. Scribit Hentius ab Heers, seipsum à Castrensi Pastore edoctum, expertum esse, minimum quid scrofulariæ, si ve radicis, foliorum cum cibo aut potu assumptæ, statim dolorem hæmorrhoidum sedare. Hartmannus, & Horstius maximi faciunt linariam, quam in linimentum redigunt cum vitello ovi. Et apud Riverium Pacqueus ex Arnaldo Villanov. summè commendat infusum millefolii in aqua fervente, & per mensem integrum epotum. Chelidonium minus mirabile prædicat in omnibus hæmorrhoidum vitiis Solenander. Millepedes effert Quercetanns, & Hæferus, in oleo nucum excoctos. Aliter ex illis oleum conficit Borellus, illudque sapius in die frigidum admovent dolentibus tumentibusque hæmorrhoidibus. Hartmannus utitur decocto scarabeorum rotundorum in oleo lini; itemque cinere suberis cum axungia cari, vel oleo myrrino. Decoctum rapsi barbati, malvæ, althææ, parietariæ, & quatuor anodynorum efficax aliis dicitur; itemque cæpa alba sub cineribus cocta, & cum butyro recenti subacta instar cataplasmat. Helmontio commendantur annulus dentis equi marini, & morientium sudor, quo hæmorrhoides, & extuberationes quasumque solo contactu compri, & complanari scribit. Oleum ex floribus sambuci, vel ex cortice ejusdem interiori in oleo seminum lini, vel nucum incocto cum modico croci ex voto aliquando feliciter profecit. Cardilucius in Hartmannum, excellentissimum se exper-

tum dicit emplastrum Apostolicum, quod dolorem sedet, & sanguinem effluere sinat.

His præterea inmodice fluentibus medentur millefolium infusum, radix scrofulariæ, tormentilla, bistorta, C. C. ustum, ut & suber essentia mart. in aqua sempervivi stillatitia, & alia sistendo sanguini opportuna superius relata. Conficit Solenander pilulas ex bdellio, trochiscis terræ sigillatæ, & carabe, cum liquore è seminibus cotoneorum ex aq. rosar. expresso; quas mirabiles fatetur: scribit etiam, tribus seminibus genistæ mane quotidie sumptis, hæmorrhoidum, & cujusvis sanguinis profluvium sisti; itemque epota aq. stillatitia chelidonii, aut etiam (quod tutius ait) vino, in quo chelidonium ipsum fuerit maceratum. Externe vero fluentem sanguinem cohibere referuntur fumigationes ex thure, aloë, mastiche, pice, carabe, verbasco, foliis quercus, crepiru lupi, qui solus siccatus, & venis sanguinem fundentibus admotus, remedium est: fluxum quoque inhiberi ex croco mart. infuso testantur alii: & Heurnius pulvere colchotaris, seu vitrioli usti. Si tangantur, inquit Frid. Hofmannus, hæmorrhoides tuberosa radice chondrillæ, siccantur, si chondrilla siccatur, corrumpuntur, si corrumpatur; quare sub camino exiccandam consulit. Cingulum conficit Hartmannus ex foliis hellebori nigri recentibus, quo nudum corpus circumdari ait successu felicissimo: atque hoc etiam cohiberi etiam menses immoderate fluentes. Succus plantaginis injectus cæcas quoque hæmorrhoides sanare fertur. Lotio ex urina propria, mox fumus sulphuris per rictorium exceptus dolori, & fluxui aliquando medela fuit, ex Velschio. Cætera alibi ad sistendum sanguinem descripta ex vitriolo, alumine, marte, opio, hæc etiam adhiberi possunt.

Si denique à suppressis hæmorrhoidibus mala in corpus universum proficiscantur, ac propterea opus sit illas referare, indeque sanguinem elicere, præcipuum erit elixir proprietatis Paracelsi simplici etiam infusione paratum. Conferunt pariter pilulæ Aloëphanginæ, Ruffi, Rhafis, Aloë, croco, & succo absinthii subacta, & quidquid ex Aloë est compositum. Interim adhibenda quæ venas ipsas emolliant, ac relaxent, uti potissimum sunt balnea ex decoctura laxantium herbarum, malvæ, althææ, anethi, violarum, quatuor anodynorum, & similium. Post hæc solent nonnulli foliis ficus, aut frondibus parietariæ illas perfricare, ut sanguinem deponant. Idipsum alii tentant succo cæparum aloë misto. At cavendum ne nimio affrictu partes illæ exasperentur, & inflammationem contrahant quam non raro gangræna comitatur: quamobrem satius erit medicamentis internis sanguinis exitum promoveri, vel ejusdem vitium moderari; exterius verò blandioribus uti. *Lucas Tozzi Medic. Pract. lib. 2.*

De Hæmorrhoidum fluxu.

N.B. Hæmorrhoides diurnæ non sunt statim suppressendæ, metu refluxus ad nobiliores partes; unde phthiseos, hydropis, canceri, mania, epilepsia, aliorumque gravissimorum morborum impenderet periculum. Fluxus itaque non astringentibus illico sistendus est, sed potius revulsione, sanguinis acrimonia correctione, toni partium corroboracione, &c. sensim minuendus.

Victus sit refrigerans & humectans. Vescatur ut plurimum carnibus elixis juniorum animalium. Alterentur autem jacula boragine, buglossò, portulaca, agrimon. plantag. pimpinell. pomis, trifolio, acetosa, sylv. fruct. berber. addit. C. C. eborè, dente equi marini, rad. chin. tormentill. Fiant aut in

aqua sæpissime chalybeata, vel saltem in lebere ferreo. Colatura acidula reddatur cum sp. vitrioli corallat.

Notandum, ea esse in cibo danda quæ non sunt duræ substantiæ, sed facile pertranseant, & mollia reddant excrementa; siquidem durities fœcum maxime noxia in hoc affectu. Ova sorbilia, succus carniū, sorbitiones crebræ maximè conveniunt. Abstineat ab omnibus acribus, salis, præcalidis.

Potus sit prisana cum china, rasura dentis hippopot. ebor. C. C. rad. tormentill. glycyrrhiz. Pomaceum cum iisdem & rad. filipendul. scrofular. major. &c. paratam, ita ut cum iis f. fermentatio. Amygdalata, & emulsionēs ex quatuor frig. sem. maj. in aqua chalybeata, addit. plantag. sem. sophiæ chirurg. & portulac. Julapiæ item v. g.

℞. Ros. Rub. p. iij. flor. veron. rub. p. iv. violar. borag. bugloss. an. p. ij. rad. tormentill. ʒiij. sant. citrin. ʒj. aq. fontan. purissim. ℥ iv. cum sp. vitrioli corallat. q. s. f. tinctura. Colaturæ adde tertiam vel mediam partem pomacei, & saccharo edulcoretur.

Somnus convenit visceribus, ut labor articulis: propterea cavendum à vigiliis & lucubrationibus quæ sanguinem acuunt & fluxum augment. Somnus omnes fluxiones sistit, excepto sudore & feminis fluore.

Exercendum moderatè corpus ante pastus, & abstinendum à vita nimis sedentaria.

Ad fæces ex primis viis eliminandas injiciatur clyster leniens cum cassia vel elect. lenitiv. Decocto autem admiscenda sunt roborantia & astringentia quædam, ut dum liquor enematis fæces educit, qualitas intestino impressa remaneat, verbi gratia, ros. plantag. sophia, alchym. l. &c.

Validiora purgantia noxia: Conveniunt syr. ex cassia, violarum solutiv. de pomis solutiv. cum tammarind. polypod. cass. senn. sem. & rad. violar. Prima laxantia cum manna. Horum ope (si alias alvus non respondeat) toto curationis decursu fæces, antequam nimis induruerint, subducendæ sunt.

Revulsio, præsertim in plethoricis, tentanda est per phlebotomiam brachiorum sæpius iteratam in parva quantitate: in aliis per cucurbitulas sæpissime regioni hepatis applicatas.

Chalybs sive ferrum, specificum in hoc affectu remedium est, obstructions viscerum tollens, atram bilem (nam hoc morbo laborantes plerumque sunt hypochondriaci) domans & plurimum dulcificans, viscera roborans. Incipiendum à syrupo de scoria ferri vel alio chalybeato cum cichor. tormentill. scrofular. filipend. portulac. plantag. prunell. vinc. per vinc. alchymill. &c. Inde veniendum ad vinum vel cerevisiam chalybeatam. Parentur autem ex croco Martis aperient. parato ex ferro, non ex chalybe; vel ex battitura ferri. Tandem f. progressus ad substantiam Martis, inter cujus præparata maximè in hoc casu convenit ferrum cum aceto præpar. Ex hoc fieri possunt Electuarium vel pilulæ, addit. margarit. corall. &c. sumend. mane per longum tempus. Horum medicamentorum formulæ sint hujuscemodi.

Scoria ferri decies ignita & extincta sit in succo plantag. & portulac. addita vin. alb. Rhenan. tertia parte. Pulveris hujus postea exsiccati.

℞. ʒvi. rad. sic. scrofular. maj. filipend. tormentill. an. ʒj. rad. cichor. tapf. barbat. an. ʒiij. sem. sophiæ chirurgor. plantag. an. ʒβ. rasur. dent. hippopot. C. C. ebor. an. ʒiij. santal. citrin. ʒij. Omnia præparata macerentur in q. s. succ. depurat. bugloss.

bugloss. acetosell. sylv. granator. ceras. cydon. & vin. alb. supereminentiam viij. digitor. Postea coletur, & cum sacchar. rosar. q. f. f. syrupus. Sumat cochlear. ij. unoquoque mane ad dies plures ex aqua tapsi barbat. portulac. plantag. & ros. rubr.

Cerevisia medicata ferrata pro potu ordinario in hac forma instituitur.

℞. Rad. chinæ ℥ij. rad. verbasci sic. ℥vi. rad. fœniculi, asparagi, rusci an. ℥iv. rad. scrofular. major. ℥iij. rasuræ dentis equi matini ℥v. battituræ ferri in vino Hispanico sexies extinctæ, atque in porphyrite cum aqua rosarum pulverizatæ, sacculo inclusæ seorsum ℥ij. nuc. moschar. num. vi. cerevis. lupulat. galon. vi. fiat, ut artis est. Bibatur per mensem unum vel alterum.

Si vinum magis arriserit, eadem in vini q. f. infundantur, Colaturæ bibat ℥iv. bis in die.

Electuarium tale sit.

℞. Conserv. ros. rubr. & flor. tapsi barbat. an. ℥iij. flor. papav. rhœad. ℥j. pulv. rad. symphyt. major. tormentill. an. ℥iij. scrofular. maj. rasur. dent. hippopot. an. ℥β. C. C. ℥iij. magister. perlar. corall. an. ℥iij. β. tinctur. corall. chalybeat. & sap. cydon. an. q. f. f. Electuarium. Dosis ℥j. cum chalyb. vel ferr. per acetum præp. ℥j. m. β. f. bolus mane sumendus per dies plures sensim augendo chalyb. aut ferr. ad ℥ij.

Vel ℞. Magister. corall. & perlar. dulcis (forsan satius esset ad dulcificationem ista communi modo præparata) sumere) croci Martis corallini, gumm. arabic. an. ℥j. Excipiantur pauca cons. mororum rubi idæi, f. bolus mane sumendus, & sæpe repetendus.

Vel Pilulæ chalybeat. formari possunt ad hunc modum.

℞. Salis tart. crystallini ℥j. corall. rubr. triti in alkool cum aq. menth. & absinth. gran. xv. succin. alb. præp. bol. Armen. præp. croci Martis corallin. alb. an. gran. xii. gum. Arab. gran. ix. cum succo liquido sive extracto glycyrrhizæ mellagineo f. massa, ex qua form. pilul. deglutendæ mane hor. 4. ante prandium.

Aquæ spadeses & minerales acidulæ multum valent in hoc affectu.

Corallii syrupus sic fit.

Corallia item magnæ sunt efficaciz, ut syrupus, magisterium dulce, & tinctura corallii.

℞. Corall. rub. opt. lævigat. ℥iv. acet. acerrim. succ. limon. an. ℥vi. maceantur in fimo per dies xv. ad tincturæ extractionem, coletur, colaturæ adde succi depurat. cydon. ℥iv. succ. fragor. moror. rub. Idæi sylvest. an. ℥ij. sacchar. ros. dimid. ponderis, f. f. a. syrupus, cui indatur nodulus continens nuc. moschar. ℥ij. santal. citrin. ℥iij. Dosis cochl. ij. mane & vespèri.

Tinctura rosarum rubr. opem haud levem confert, præcipuè si extrahatur in aqua duodecies chalybeata & filtrata, & acidula reddatur cum spiritu vitrioli, addito syrupo iib. berber. moror. corallor. aut julap. Alexand.

Julapium item seq. haud contemnendum est medicamentum.

℞. Succ. urtic. alb. ℥ij. aq. ros. ℥iv. sacchari ℥b. f. julap. utendum bis in die cum aqua hordei.

Hæc sunt medicamenta præcipua quæ internè exhibere soleo, & in quibus curationis symptomatis hujus speim summam colloco. Neutrquam verò omittenda sunt Topica, quæ vel inflatas hæmorrhoidas externas discutiant & earum dolorem tollant, vel

earumdem fluxum nimium sistunt; vel hæmorrhoidum internarum (cæcarum dictarum) dolorem leniant.

Inflatas hæmorrhoidas externas discutiant & earum dolorem tollunt sequentia.

℞. Unguent. popul. (quod potentius præparabitur cum succis hyoscyami, cicutæ, mandragoræ, solani, stramonii spinosi Indici) ℥ij. cochineliz (quam specificam in hoc morbo asserit Rhedus) in alkool lævigatæ in porphyrite ℥ij. plumbum ex mercurios facti, sive mercurii per plumbum odorem coagulati in tenuissimum pulverem reducti ℥β. m. β. & diuturna agitatione f. unguentum applicand. à bombace, & continuo gestandum.

Vel ℞. Ol. lini puriss. & limpidiss. q. v. radic. bulbos. Telephii (Anglicè *Orum* dicti) quantitatem convenientem. Hæ recentes detergæ non lotæ incidantur & terantur in mortar. marmor. mox olla parvulæ fictili inditæ cum oleo, vel potius lapideo vasi apprimè tecto vel obturato immittantur cacabo aquæ ferventis pleno, & bulliant per sex horas continuas; f. fortis expressio olei servandi ad usum, qui erit intincta pluma tubercula lidendo, & sumendo floccos lanæ nigræ circa ovis nates sive podicem crescentes, ex qua lana formetur pulvillus, qui tinctus & imbutus oleo prædicto applicetur.

Si sanguis discuti nequeat, venas opplens, rumpentur, & effluet sanguis; sin minus, detumescant venæ, & cessabit dolor.

Efficacius autem unguentum erit, si aut succum exprimas ex radicibus, & cum oleo mixtum coquas ad succi consumptionem, aut radices novas contrusas eidem oleo ter quaterve indas, coquas & exprimas.

Vernix, qua pictores utuntur, est remedium singulare in curandis hæmorrhoidibus tam apertis, quàm latentibus: at si apertæ fuerint, & nimis tenaciter vernix cuti adhæreat, additur ol. rosatum. In ista autem vernice tingatur pannus lineus & admoveatur. Hujus usu sanatus est Carolus quintus à muliere, cum nulla opè curari posset.

℞. Unguent. popul. ℥j. cass. fistul. recenter è canna extract. ℥iij. mucilag. sem. psyll. & cydon. extract. in aq. tapsi barbar. ℥β. alibi Græci ℥ij. m. fs. & agentur diu multumque in mortario plumbeo; f. linimentum applicandum è bombace.

Vel ℞. Unguent. popul. ℥iij. vernic. liquid. ex ol. sem. lini & gumm. juniper. fact. ℥ij. sacchari Saturni, albi Græci ana ℥vj. opii in aq. scrofular. vel tapsi barbat. dissolut. & inspissat. ad mellag. ℥v. ms. & adde usutempore vitellum ovi crudum.

Fol. scrofular. maj. cum butyro in forma cataplasmat. ano applicata hæmorrhoidas externas purgant & dolorem sedant.

Denique oleum seq. ad hæmorrhoidas est specificum.

℞. Scarabæos in stercore bovis repertos numero 50. asellos vivos numero 200. rad. scrofular. majoran. succulent. per taleolas sect. rad. chelidon. minor. ana ℥iv. succi tapsi barbat. solani hortensis an. ℥vi. succi cicutæ, mandragor. baccar. solan. somnif. an. ℥iij. olei lini recentis ℥ij. mell. crurum bovis ℥iv. sperm. ceti ℥iij. Bulliant. simul ad succorum consumptionem & ingredientium putrilaginem, deinde f. expressio fortis, & servetur pinguedo, quæ cum æquali portione unguent. popul. mixta servetur in pyxide plumbea ad usum. Applicetur ex bombace. Ex isto litu addita

cera poterunt formari suppositoria ad necessitatem.

Ad fluxum immoderatum sistendum utiliter externè admoveri possunt sequentia.

℞. Unguenti populei ℥ij. mucilag. sem. psyll. & cydon. extract. in aqua plantagin. & spermat. ranarum ℥ijss. ossium humanorum ad summam albedinem calcinat. 3vi. bol. Armen. croci Martis astringent. sang. draconis, sang. human. vel bubul. desiccati & subtil. pulverisat. an. 3ss. vitell. ovorum numero 2. sacchari Saturni ℥ij. m. s. & longa agitatione f. *Nutritum* applicandum ano cum bombace molli. Vel.

℞. Plumbi albi (vide de sumenda residemia præcipitata in parando lacte virginali) 3ss. cretæ 3ij. croci Martis astringentis, lap. scissilis (*ardoise*) an. 3j. f. omnium alkool excipiend. unguent. popul. agit, diu in mortario plumbeo, & f. linimentum satis durum applicandum bis in die ex linimento carpto. Posset excipi paribus duabus vernicis pictorum, & una unguenti populei. Vernix autem præparetur ex ol. lini 3xi. terebinth. Venet. 3iv sandarac. puriss. sive gum. juniperi 3ij. Liquentur simul lento igne.

℞. Cochlear. limac. in viribus collect. mundat. & in clibano exsiccatur. 3j. cum 3j. butyr. recentis, agitur tamdiu in mortario plumbeo donec f. linimentum.

Item aselli, vel æs ustum cum ol. rosar. agitur in mortario plumbeum unguenti instar.

℞. Suberis q. v. uratur, & in pulverem redigatur, qui mixtus cum ovi albumine applicetur.

℞. Terr. Sigillat. boli Armen. trochisc. (pod. de carabe an. 3j. succi urtic. alb. ʒss. alb. ovorum q. s. i. litus quo ungatur anus ter in die.

℞. Ros. rubr. summit. rubi, verbasci, caudæ equinæ an. manip. j. cort. granator. balauft. nuc. cupress. aluminis ana 3ij. aqua plantag. ʒij. f. decoctio ad ʒij. Colaturæ adde mell. rosac. 3j. f. fortus.

Experimentum Patris Ortonai. Pulvis quidam instat furfuris qui adhæret filici, cæterach, osmundæ regali; vino alb. vel aqua Rosar. locus humectatur, mox pulvere aspergitur.

Balneario in aqua fabrorum multum juvat.

Anus ablatur decoct. virg. aut. sanguinar. vinc. pervinc. sanguisorb. &c. parat. in aqua chalybeat. & conspergatur Cornu Cervi calcinato.

Suffitus fiat ex eodem decocto cum dimidia parte aceti projectis in scoriam ferri candent. excipiend. in sella perforata.

Cataplasmata lumbis potest applicari ex argilla emollita succis plantag. portulac. sophiæ & aceti. ros.

Si ab hisce fluxus immoderatus sisti nequeat, tunc rebus desperatis veniendum ad ferrum candens quo venæ sunt urendæ & cauterizandæ; quo casu venam unam intactam relinquere sæpe necesse erit, ne fluxu omnimodè simul suppresso pars aliqua ex nobilioribus pœnas luat.

Si sanguis ab hæmorrhoidibus internis immoderate fluat, quæcumque ex prædictis commodè ano injici vel indî possunt, similem his ac externis opem conferunt.

N. B. Ubi aliquid indendum est ano quod partes affectas tangat, sumatur tantum sebum cervinum, damæ, vervecinum, &c. ex quo, ut statim docebitur, preparato poterunt profici in modulos suppositoria variæ magnitudinis, quæ unguento populeo aut vernice liquida delibata immittantur ano.

Sebum sic præparetur.

℞. Tapfi barbati florem album gerentis totius minutim concisi man. ij. foliorum hederæ terrestris, chelidon. majoran. totius ana man. j. rad. scrofular. majoran. & chelidon. m'ior. an. 3ij. rad. hyoscyam. concis. 3ij. capita papav. albi majoran. numero quarto aqua vel succ. rosar. plantag. solan. ana ʒss. axungia suillæ recent. ʒij. sibi cervin. 3iv. Coq. ad herbarum putrilagin. & liquorum consumptionem, f. expressio fortis pinguedinis ad usum dictum.

Quoniam autem hoc genus hæmorrhoides cæcæ dictæ, cum non fluunt, sunt admodum dolorificæ, sedari potest dolor à seq.

℞. Emuls. sem. papav. alb. fact. cum decocto fol. tapf. barbat. 3iv. mucilag. sem. fœnugræc. & psyll. extract. in aqua solan. 3. unguentum popul. cum vitel. ovi dissolut. ʒss. m. s. pro injectione faciendâ, quæ quamdiu fieri poterit, continuabitur bis in die tepide.

℞. Sebi hircini, vel, si desit, alterius q. s. ad formandum suppositorium; huic adde opii ʒss. Alliga filo, immitte ano, dolorem tollit, somnum consequenter conciliat, qui, si sit nimius, extrahatur.

Unguentum anodynum potens sit ex succo stramonii & axungia, formantur veluti suppositoria quæ induntur ano. Compescunt dolorem hæmorrhoidum quasi miraculo. Stramonium autem sumatur spinosum Peruvianum. *Theodor. de Mayerne Præxos Medica lib. 3.*

De Hæmorrhoidibus, ac earum Chirurgiâ hæc habet Hieronymus Fabricius ab Aquapendente.

De hæmorrhoidibus agentes, non Chirurgiam tantum trademus, ut in aliis factum est, sed primò naturalem hæmorrhoidum historiam præmittimus. Deinde quinquam usus hæmorrhoidum in medicina sit, explicabimus. Ultimò Chirurgiam administrabimus.

Ad primum quod attinet, Hæmorrhoids est vox composita, ἡμὴ τὸ αἷμα, quod sanguinem, & ῥέω, quod fluo significat, & sanguinis fluxum, seu effluviū sonat. Quod licet ad venas referatur, sanguinem fundentes, non tamen omnes venæ sanguinem fundentes hoc nomine appellantur, sed tantum Celsus, & Galenus de Theriaca ad Pisonem, Capite 5. venas sedis, & uteri, hæmorrhoidas appellarunt, fortè per excellentiam ita nominantes, quod præ cæteris, venæ tum ani, tum uteri frequenter fundere sanguinem soleant: unde Celsus Libro 6. Cap. 18. idem affirmans, & loquens de venis sedis, dixit; ora venarum, tanquam ex capitibus quibusdam surgentia, quæ sæpe sanguinem fundunt, hæmorrhoidas Græci vocant; & subjungit; idque etiam in ore vulvæ sceminarum incidere consuevit. Idem quoque sensit Paulus Lib. 3. Cap. 59. Quo loco advertendum, Galen. Celsum & Paulum, potius ora venarum hæmorrhoidas appellare, quam venas; & meritò, quia ex oculis sanguis effunditur; & quia ejusmodi ora sanguinem sæpe fundentia sunt potissimum in utero, & sede, ideo in his tantum partibus hæmorrhoidas esse censuerunt. Causa autem, cur in sede capita venarum assurgant, & intumescant atque ora aperiantur, & sanguinem effundant, duplex esse potest; prima est, quando natura à sanguine crasso irritata, cum ad venarum capita propellit, & ora aperit; altera

verò causa explicatur ab Hippoc. Libello de Hæmorrhoidibus his verbis. Cum b̄ lis, aut pituita ad venas recti intestini decubuerit, intelligatis vos, b̄ilem, quæ à poro felleo in intestina eructatur, & pituitam similiter in ventriculo genitam, & quæ ad intestinum rectum transmittitur, & ex mora calefit, & falsa redditur, utraque sanguinem, qui in venis est, calefacit; calescentes autem venæ, ex vicinis venis sanguinem attrahunt; & ubi replentur, interna sedis pars intumescit, & capita venarum supereminent, & partim dum à stercore exeunte comprimuntur, partim dum à coacervato sanguine coguntur, sanguinem ejaculantur; atque hoc maximè quidem unà cum stercore, aliquando verò etiam sine stercore. Hæc ait Hippocrates. Nunc hæmorrhoidum differentia proponendæ sunt. Prima differentia hæmorrhoidum ea est, quia alii habent, alii non habent; quam differentiam posuit primò Hippocrates, dum dixit; Qui hæmorrhoidas habent, &c. & ex ipsa experientia, & rei natura elicitur, quæ etiam differentia observatur, non solum in singularibus, sed etiam in una magis, quam in alia regione; unde qui septentrionalem plagam incolunt, paucissimi solent hæmorrhoidas habere; contra qui Meridionalem. Puto ego id provenire ex frigidityte, & caliditate aëris ambientis, quæ in illis quidem venarum ora adstringit, in his verò humores, & sanguinem exurit, funditque, & ora venarum aperit. Secunda differentia sit illa, quam Paulus innuit Lib. 3. Cap. 59. item Aetius Lib. 14. Cap. 5. & ante ipsum Galenus in Isagogicis Introductionibus, quod aliæ hæmorrhoides sint cæcæ, seu obcæcatæ, aliæ apparentes, & apertæ. Apparentes notæ sunt; etenim sunt venarum ora hiantia, & aperta; cæcæ verò, seu obcæcatæ sunt, ut puto, quarum alias ora aperta fuere, nunc verò obcæcata sunt, & clausa; etenim ejus, qui nunquam hæmorrhoidas habuit, improprie dicimus cæcas esse; Ideò Aetius cæcas hæmorrhoidas appellavit, semper intumescences, nihil aut parum admodum excernentes. Tertia differentia est, quia hæmorrhoides aliæ sunt, quæ sanguinem fundunt, & tumidæ non sunt; aliæ verò, quæ sanguinem fundunt, & tument. Quæ non tument sunt veræ, & inculpatæ, si modò moderatè fluant; quæ verò tument, signum est non omnem sanguinem emitte, sed crassum in se continere. Rursus hæmorrhoidum, quæ cæcæ sunt, & tument, aliæ ichores effundunt; aliæ saniem; quæ saniem, sunt exulceratæ; quæ verò ichores, excoriatæ non sunt, sed ex porositatibus, propter intumescenciam adaperitis fluunt; ideoque in nixu egerendarum fæcum ichores affunduntur. Alias quoque hæmorrhoidum differentias, videlicet quinque adhuc proposuit Gal. Lib. Definitionum Medic. quia à magnitudine, multitudine, figura, loco, & constitutione desumuntur. A magnitudine, cum aliæ magnæ sint; aliæ parvæ, aliæ mediæ. A multitudine, cum plures in aliis pauciores habeantur. A figura, quod nonnullæ angustæ, quædam lata sint basi. Item quædam uvæ acinum referant, tum figura, tum magnitudine, tum atro colore. A loco, quando aliæ in ano, quædam in sphinctere, id est strictore, aliæ in recto sunt intestino. A constitutione, quoniam aliæ mites sunt, aliæ malignæ, carcinodes dictæ; & præterea aliæ gangrenosæ, aliæ non. His propositis hæmorrhoidum varietatibus, & differentiis, ea postremò proponenda est, ut sciamus hæmorrhoidas alias quidem fieri à vena portæ, seu lienis, alia à vena cava. A vena lienis hæmorrhoidas fieri omnes tum antiqui tum recentiores testantur, & ipsa Anatomæ con-

firmat, quæ demonstrat, à vena lienis, à porta deducta, propaginem effatu dignam recta deorsum ad rectum intestinum produci, & retrò magis ad coccygem in ipsum inferi, & propagari; at à vena cava, hoc est, à propaginibus venæ cavæ, quæ in magna cavitate ab osse sacro, & coxendice efformata producuntur, duo effatu digni rami antiquis ignoti, ad anum propagantur, à dextra scilicet, & sinistra parte; qui per intestini, & sedis musculos disseminantur, quæ ipas venas, constituunt hæmorrhoidales, sanguinem fundentes, quæ non sine ratione sanguinem fundunt; nam venarum rectitudo primò confert, inde sanguis suo pondere illuc influens, ac descendens, venas implet, ac distendit, postea sequitur musculorum motus, qui constringendo exprimit; tum dilatio intestini, & musculi à fæcibus succedit. Omitto Hippocratis rationes superius adductas, quæ omnia, aperiunt ora venarum cogunt; & utilem profusionem promovent, ad morbos tum præcavendos, tum debellandos.

Sed antequam id disquiramus, videlicet, quomodo hæmorrhoides morbos tum arceant, tum sanent, non incommodum est, ante omnia, duarum propositarum venarum historiam exactè recensere. Venæ hæmorrhoidales, quæ potius vasa hæmorrhoidalia dici deberent, quod venæ à cava deductæ comitem habeant arteriam, non tamen ab Antiquis vasa, sed venæ dictæ sunt hæmorrhoidales; quod uti opinor, vena hæmorrhoidalis lienis arteriam non habet adjunctam, vel potius dicamus, quia venarum ora non difficulter aperiantur, & sanguinem fundant; arteriarum verò aut nequaquam, aut maxima cum difficultate; quia arteriæ corpus durum est, & ora adstricta sunt; tum verò arterialis sanguis vacuatione non indiget, cum rarè quantitate, aut qualitate peccet, ut venarum sanguis, ideo eum natura quasi thesaurum sibi conservat; hic igitur venarum sanguis, hoc sanè modo primum à porta ad sedem derivatur; etenim à magno portæ ramo, qui ad lienem fertur, quasi ab ejus medietate, propago effatu digna oritur, & recta per mesenterium ad rectum descendit intestinum, quæ longè supra in ipsum pertingit, & discurret, quam ad ultimas intestini oras finiatur. Ultimò, oris sui terminum ad intestini finem habet, multis, non tamen omninò exiguis propaginibus, præsertim cum tument, & sanguinem fundunt. At alia vasa hoc sanè modo à cava venæ, & magna arteria ad anum deducuntur; etenim à magna utriusque bifurcatione, ut sic loquar, in ultimis lumborum vertebra facta, duo maximi rami hinc inde, unus tum venæ, tum arteriæ in crura propagantur, in qua parte privatim arteriæ venæ superstat; ab his duæ effatu dignæ propagines producuntur, & ambæ oblique ad rectum intestinum, non tamen in ejus corpus inferuntur, sed in musculum ipsum cingentem intestinum, sphinctera dictum, applicantur, & per ipsum discurrunt; postea adhuc exterius excurrentes, podicem, & alium sphinctera cutaneum, & ipsam etiam cutem intertexunt, atque in hæc finiunt. Podex enim, seu anus, hoc est, exterior anuli, seu ani pars, ex musculo, & cute constans, utraque pars tenuissima est; nam musculus ex tenuissimis membranis carnosæ fibræ, in orbem ad podicem circumductis conflatur; cutis autem propemodum labiorum cutem imitatur. Tenuissima autem oportuit esse hæc duo corpora, alioqui adstringi adamussim non possent; atque cum hic sphincter, superficialis musculus, conjunctionem habeat cum musculo alio sphinctere interno, qui exterius intestinum obvolvitur,

fit ut propositæ venæ cavæ propagines, quæ ad internum sphincterem prius pertingunt, etiam ad reliquum podicem exterius perveniant; ex quo sequitur, ut sanguis omnis utriusque sphincteris, & cutis, venæ cavæ sanguis sit, & externæ hæmorrhoides jure appellari possint, quod in exteriori superficie appareant, & finiant. Contra, quia vena lienis ad intestini corpus influit, & ipsum irrigat, omnis venæ portæ sanguis sit; tum verò hæmorrhoidales venæ internæ, hæmorrhoides jure debeant appellari, quod ad intestini oram perveniant, quam non ita promptè, nisi digitis eam exterius trahendo, conspicias. Duæ autem sunt hæmorrhoidales venæ, videlicet à porta, & cava deductæ: propter eam causam, quoniam usus venarum, quæ in sede sunt, in genere iidem sunt, qui aliarum venarum, videlicet ad partes sanguine nutriendas. Et quia in sede sunt partes ab invicem multò differenres, crassum intestinum, & muscoli, quæ anum constituunt; nam quamvis Galenus tres partes in sede constituat, anum, intestinum, & sphincterem musculum; quia tamen per anum, fortè musculum in superficie positum, tenuem, & coriaceum, ipsum quoque sphincterem intellexit, propterea verè dictum est, in sede duas partes notari, quas diverso sanguine nutrire natura consuevit, nam intestinum crassum, uti omnia in abdomine, & à peritoneo membra contenta, & conclusa, tanquam primæ, & infimæ animæ, vegetali nimirum, famulantiæ, à portæ ramis, & sanguine, scil. chyloso, neque ita puro, nutriuntur, muscoli verò omnes, & cutis, tanquam perfectiora organa, nimirum sentienti, moventique animæ dicata, à cava nutriuntur, nempe sanguine defæcato, & puro, ut ceteræ corporis partes, propterea consentaneum erat, in sede duplex genus venarum constituere, & portæ, & cavæ.

Notandum autem est, quod rarum vobis videbitur, quod etiam Gal. doct. non consentire apparet, qui omnia membra in abdomine contenta peritoneo obduci voluit, ut ventriculum, intestina, jecur, fellis vesicam, lienem, omentum, mesenterium, renes, vesicam, uterum, vasa, & si quæ aliæ sunt in infimo ventre contentæ partes, cum tamen hoc verum non sit. Sed rei veritas sic se habet, quod omnia membra in abdomine contenta, quæ à portæ ramos habent, & ab ea nutriuntur, tantum à peritoneo comprehenduntur; quæ verò à cava, extra peritoneum sunt, etiam si in abdomine contineantur. Quo circa renes, qui à cava per emulgentes, & uterus, qui à cava, quæ ad os sacrum; & vesica, omnia, inquam, hæc à peritoneo non concluduntur, id quod non difficulter experieris, si peritonei separationem à subjectis partibus, ex Anatome, ipsis digitis tentabis; liquidò enim apparebit, renes, & alia sub peritoneo non consistere. Quæ si vera sunt, nil mirum, si in infimo ventre, & recto intestino duas hæmorrhoidales venas constituamus, portæ, & cavæ, posteaquam & aliæ partes in hoc infimo ventre contentæ, à portæ quineriam, & à cava venas sortitæ sunt, non tamen pari ratione omnes, nam renes ita à cava venas sortiuntur, ut à portæ, nequaquam recipiant; at rectum intestinum, primo intuitu videtur tum à portæ, tum à cava venas admittere; quod tamen verum non est, quia vena hæmorrhoidalis à portæ, ad intestinum solum defertur, à cava verò, ad solos musculos, uti paulò supra dictum est.

Itaque ad rem revertentes, duplex genus venarum hæmorrhoidalium constituere oportet, portæ, & cavæ: & quia ani partes, quæ à cava nutriuntur, & numero plures, & mole majores sunt; etenim quatuor sunt muscoli, unus sphincter, qui crassus est, & in orbem cingit intestinum, & alii duo, hinc inde unus, intestinum attollentes, quartus cutaneus anum constringens, hinc factum est, ut venæ à cava deductæ, duæ sint, à portæ verò una tantum, & à lateribus primæ producantur, qua hinc inde muscoli sunt. Et quia muscoli nobiliores partes sunt, ideo arteriam adjunctam habent; ignobiliores verò, ut intestinum, arteria sunt destitutæ, uti etiam planæ hæc eadem anima præditæ. Patet igitur, cur venæ in sede duorum sint generum, portæ scilicet, & cavæ, & cur una à vena portæ, duæ verò à cava sint transmissæ, & quæ à cava, hinc inde positæ sint, quæ verò à portæ retro magis; denique quæ à portæ, arteria destituantur, quæ verò à cava, arterias habeant.

Ex qua hæmorrhoidum historia, & venæ cavæ nova hæmorrhoidum cognitione, multa licet ex his velut corollaria colligere, & Veterum decretis adjicere; videlicet, venas hæmorrhoidales duplices esse, portæ, & cavæ; utrasque autem ad sedem pertingere, ac propagari, sed portæ hæmorrhoidas ad intestinum potissimum deduci; cavæ verò, magis ad sedis musculos, quod est secundum corollarium. Tertiò, portæ hæmorrhoidas retrò primum in intestinum ingredi, inde per totum disseminari; cavæ verò, ad latera primum porrigi, inde per ambos sphincteres musculos progredi, & incedere. Quartò, sanguinem à portæ hæmorrhoidibus exeuntem crassum esse, nigrum, & feculentum; à cavæ vero, nonnunquam, imò sæpè tenuiorem, & rubicundiorē apparere. Propter quam causam, quintò elicitur, videlicet, insignes sanguinis hæmorrhoidalis profusiones, majores fieri à venis cavæ, quam à venis portæ, ideoque priores cum majori periculo evenire; quod majores, & plures sint rami cavæ ad sedem delati, & dispersi, quam portæ; & præterea, prope cavæ grandiores ramos positi. Sexto elicitur, hæmorrhoidas portæ subvenire morbis à sanguine melancholico, propter ejus communionem, procreatis; cavæ verò, ceteris aliis. Item ubi crassum, & feculentum sanguinem exire videris, à vena lienis, ubi verò rubicundiorē, à cava manare non perperam judicabis. Ultimò, licebit quoque aliquid colligere circa hirudinum applicationem, videlicet utilem, quinimò variam; Nam si intentio est melancholicum sanguinem educere à vena lienis, tum retrò spinam, & coccygem versus, tum intus magis, ad intestinum applicare hirudines oportet, quod ejusmodi venæ propagantur; si verò alium quenquam à cava, tum à lateribus, tum superficie tenus, ubi venæ ejusmodi sunt, applicandæ erunt. Quibus ita de hæmorrhoidibus, tanquam ad naturalem historiam pertinentibus, exploratis, nunc quis usus hæmorrhoidum in medicina sit, & quomodo faciant ad morbos tum præcavendos, tum debellandos, inquirendum.

Certum est, hæmorrhoidibus abuti naturam passim ad sanguinem expurgandum; ut si quid pravi, aut immoderati sanguini insit, tum in portæ vena, tum in cava, extra corpus mittatur, atque ita, osculis venarum adaperitis hæmorrhoides fiant. Quam porro expurgationem, non per aliam partem, quam per anum commodius efficere

efficere natura poterat, tanquam per eam, quæ ab ipsa natura seu sentina, & cloaca omnium excrementorum constituta est; ut propterea non sit mirandum, si venarum osculis apertis, nonnulli inculpata fruuntur sanitate, nonnulli à gravissimis morbis tum liberentur, tum præserventur, ut dicit Galenus. Itaque hoc in præsentia disquirere circa propositas venas opportunum est, nimirum quomodo, & quibus conferant, & ad sanitatem conservandam, & ad morbos tum curandos, tum præcavendos earundem tum apertio, tum occlusio; nam si aperiuntur, ubi sanguis in corpore est vitiosus, aut immoderatus, sanum corpus degit; si occludantur, ubi sanguis in venis purus est, bonus, & moderatus, sanitas similiter consequitur; contra verò, si contrarium accidat; si itidem aperiuntur, cum morbus adest, aut immineat, sanitatem pollicentur; si verò tunc occludantur, morbum præsentem auctum iri, & impendere certum est. Propterea Galenus Libro de Curat. per sang. mis. adversus Erasistratum Cap. 5. dixit, hæmorrhoidas servare hominem sanum; cuius rei ratio 3. de Hum. & de Morb. Vulg. Comm. 3. ab ipso affertur, quia per hæmorrhoidas supervacui humores expurgantur. Ideoque Hippocrates 3. de Humoribus dixit, qui hæmorrhoidas habent, nullis tandem morbis corripì posse; propterea quod, si maximus morborum proventus ex sanguine, & humoribus, qui in venis sunt, provenit, venæ autem duæ tantum in corpore sint, portæ, & cava, si per hæmorrhoidas utraque expurgatur, cum ambæ ad sedem concurrant, omnino universum corpus expurgabitur per utramque, & ita corpus nullis corripietur morbis, ut dicit Hippocrates.

Ut autem hæc omnia luce meridiana clatiora sint, & vobis perspecta; & simul quibus morbis hæmorrhoides conferant, unum ante omnia vos addiscere convenit, & memoriæ mandare, videlicet, Priscos auctores nullam habuisse notitiam venarum hæmorrhoidalium in sede, quæ à cava proveniunt, quod verissimum esse patet ex eorum auctoritatibus, quæ omnes, tantummodo venam, quæ à ramo lienis fertur ad intestinum, à qua sanguis crassus, & melancholicus expurgatur, respiciunt. Una Gal. Auctoritas est 6. Aphorif. 12. & 47. Per hæmorrhoidas, hepatis materia sæculenta vitiosa expurgatur. Secunda, in hæmorrhoidas atram bilem descendere. Secundo ad Glauc. testatur; & ob hanc causam dixit, naturam vas quoddam peculiare à vena lienis ad anum produxisse, per quod atra bilis, & omnino sanguis crassus, & melancholicus evacuatur. Tertia, 4. Aphorif. 21. & 25. Hæmorrhoides sunt maximum remedium melancholiæ, ita ut ipsam etiam futuram prohibeant. Idem quoque dixit 6. de Morb. vulg. Com. 3. & est quarta auctoritas. Quinta, Hæmorrhoides supervenientes atra bile vexato, bonum, 6. Aphorif. 11. idem 21. & 48. Sexta, Hæmorrhoides sanant atram bilem & lienem induratum, sexto in Sextum de Morb. vulg. com. 8. Septima, melancholia fit ex atra bile, sicuti hæmorrhoides, quando ad venas, quæ in sede sunt, cumulatus decumbit, 3. Aphorif. 30. Octava, Atrabiliis cum phrenitide occupatis, si hæmorrhoides oboriantur, bonum est, Libro de Indicationibus, pag. 398. Et breviter, si Hippocratis, & Galeni, Veterumque volumina accuratè evolvantur, nihil amplius inveniemus. Illud autem inficiandum non est, Priscos, ipsa experientia inductos, nonnumquam fecisse morborum mentionem, qui ab hæmorrhoidibus sanantur, aut præcaventur, quorum causa abstrusa illis est, cum ignorent hæmorrhoidales venas

cavæ, ut constat, ex Hippocrat. 2. Lib. de Humor. & 6. de Morb. vulg. utrobique Comm. 3. Qui hæmorrhoidas habent, si neque dolore lateris, neque pulmonis inflammatione, neque furunculis, neque phagedæna, neque terminthis, neque lepra, neque forrè aliis corripuntur; neque enim ullam communionem hæmorrhoides portæ cum pectore habent; & cum pleuritide, & peripneumonia. Similiter cum dicit Hippocrates 6. Aphorif. 11. hæmorrhoides supervenientes renum passionibus, bonum peto, quid renibus cum vena lienis? Neque obstat Gal. in Commento dicere, per hæmorrhoidas, crassum sanguinem evacuari, qui nephritim facit, quoniam crassus ille sanguis ex vena cava per hæmorrhoidas expurgatur, cum qua communionem, & rectum, ac propinquum habet ductum, nusquam ex vera portæ vena, quæ longinqua est, neque cum ea societatem habet ullam. Unde hoc loco ita Galenum excusare licebit, sicuti excusavimus, cum Pleuritidem expurgari per urinam docuit per læves arterias, cor, & magnam arteriam, cum commodiorem viam, tutiorem, & faciliorem ignoraret, quæ est per venam sine pari recta ad emulgentes propagatam, & pertusam. Similiter si hæmorrhoidas febres sanare passim dicant omnes, & id quoque experientia quotidie comprobemus, ac videamus, quomodo ex prædicta vena lienis sanatur, intelligere non possumus. Denique si Hippocr. & Galenus 6. de Morbis vulg. & 6. Aphorif. & alibi passim dicunt, varices furorem curare; aut varices & hæmorrhoidas insanis supervenientes, insanie solutionem sequi, certè, quomodo à vena lienis, natura per varices, quæ in cruribus, & coxis sunt, atram bilem transmittat, non licet ita facile assequi, si modo verissimum esse supponamus, venam portæ, cum vena cava communionem nullam habere, per magnos earum truncos: at nos, qui jam calemus, hæmorrhoidas venæ cavæ, jam promptissime possumus causam reddere, cur hæmorrhoides sanent tum Pleuritidem, tum Peripneumoniam, tum Renum passiones, tum Febres, tum denique alias pleuræque affectiones; & præterea, quomodo varices atram bilem à capite revellendo, furorem sanent, quod evenit propter maximam communionem, quam sedis venæ habent cum cava, cum ab ipsa oriantur, & propter magnos venæ cavæ ramos sint. Similiter, crurum, coxarumque varices omnes à vena cava procedunt, neque ullum cum porta habent connexum.

Quoniam verò hæmorrhoides interdum sanitatis causa sunt, interdum morborum, nonnumquam etiam mortis, ex Gal. propterea videre est, propter quas causas hæc eveniant. Eveniunt autem proculdubio, quia vel fluunt, vel non fluunt; & si fluunt, vel sit moderate, vel immoderate; si verò non fluunt, vel non fluunt naturaliter, vel quia supprimuntur; nam si fluunt, & moderatè, sanitatis causa sunt; ideoque dixit Galenus Libro de venæ sect. adversus Erasistr. Cap. 5. Venæ hæmorrhoidales, sanguinem fundentes, servant hominem sanum, quod si immoderatè fluant, morborum causa sunt; interdum etiam mortis. Idcirco Gale. in Lib. de Curat. per sang. mis. Cap. 19. dixit. Quippe cum hæmorrhoidum evacuationem vereamur, ne in tantam evadat immoderationem, ut hominem vel protinus interimar, vel aquæ inter cutem obnoxium, aut cachexiæ, hoc est, malo habitui reddat. Addit Aetius Lib. 14. Cap. 5. hæmorrhoidas cum deformitatem, tum vitam miseram, tum interdum mortem asferre; deformitatem, quia nimia inanitione universum corpus decoloratur, vitam miseram, quoniam perpetuè imbecillitati occurrendum est;

mortem,

Ef 3

mortem, quia jecinore affecto, aqua inter cutem supervenit. Quod si non fluant, vel non fluunt, quia naturale alicui sit non fluere; quod scilicet sanguis neque qualitate peccet, neque quantitate immodicus sit, tuncque sanus degit homo, etiam si venæ sedis apertæ non sint; uti plurimos videmus sanos degere, sine ullo hæmorrhoidum effluxu. Quod si non fluant, quia aut sanatæ, aut suppressæ sint, & cæcæ redditæ, eo casu, morbi expectandi sunt. Unde Hippocrates, quarto de Morb. Popularibus, ad finem dicit, quod Alcippus, cum hæmorrhoidas haberet, sanatas, insaniit. Ideoque Gal. 4. Aphorif. 25. formidat utramque immoderationem, sive supra modum sanguis excernatur, sive omnino supprimatur; propterea factum est, ut suppressis hæmorrhoidibus, vel scirrhus lienis sit obortus, vel melancholia, vel febris, vel renum dolores, vel alia, ideoque Hippocrates in curatione hæmorrhoidum, præcipiebat, unam esse apertam relinquentiam. Cum verò Galenus, ex Hippocrate, utramque immoderationem suspectam habuerit, videlicet suppressionem, & nimiam evacuationem, ideo 4. Aphorif. 24. dixit, non esse assuefaciendum ei, quæ sit per hæmorrhoidas, evacuationi. Ex quib. Galeni verbis, vidi aliquos Medicos ita formidare usum hirudinum, & sanguinis evacuationis ex hæmorrhoidibus, ut non solum rarissime hirudines affigant, ubi hæmorrhoides innatæ sunt neque fluunt, aut parcè, sed etiam ubi patiens nunquam eas venas aut turgidas, aut fluentes habuerit, nullo modo admittant; dicentes, hanc Galeni fuisse sententiam, non esse assuefaciendum ei, quæ sit per hæmorrhoidas evacuationi. Unde questio hoc loco exoritur ad praxim, & salutem ægrotantium maxime pertinet, utrum patiens, qui hæmorrhoidas in sedis partibus nunquam habuerit, hoc est, cui neque sanguis fluxerit, neque tumidæ fuerint venæ sedis, hinc Medicus debeat per hirudines appostas eam evacuationem tentare in morbis curandis; ut puta, in melancholia, pleuritide, peripneumonia, capitis dolore; febribus, liene affecto, renum passionibus, & aliis affectionibus ab Hippocrate, & Gal. memoratis. Solutionem hujus dubii, ex Galeno petamus, qui 4. Aphorif. 25. in com. hæc habet, sanguis supra, id est, per os excretus qualiscumque fuerit, malum; infra verò, id est, per hæmorrhoidas, bonum, quando nigra evacuantur, hoc est, quando hominis natura multum talem accumulaverit sanguinem, aliter autem non est assuefaciendum ei, quæ sit per hæmorrhoidas evacuationi, ut quæ periculosam habeat utramque immoderationem sive supra modum sanguis excernatur, sive planè supprimatur, Causa hujus à Galen. redditur Libro de curandi ratione per sanguinis mis. Cap. 19. ubi habet; quippe cum hæmorrhoidum evacuationem vereamur, ne in tantam evadat immoderationem, ut hominem, vel protinus interimat, vel aquæ inter cutem obnoxium, aut cachexiæ, hoc est, mali habitus, reddat. Ex his Galeni verbis clarè explicatur, sanguinem melancholicum in corpore cumulatam per hæmorrhoidas esse evacuandum; neque hac in re Galen. ullam ponit distinctionem, sive sint, sive non sint innatæ hæmorrhoides. Huic rei rationes quoque adstipulantur. Prima est verò, Natura per hæmorrhoidas solet sanguinem evacuare, cum evacuat, homines à melancholia liberat, & lienem induratum sanat, & neque Pleuritide neque peripneumonia, neque aliis corripit potest; ergo omnino excitanda, & invitanda natura est ad hanc evacuationem efficiendam. Secunda, natura construxit vas, immodè vasa huic muneri destinata quæ ubi munere suo funguntur, sanum degit corpus; ergo cum munere suo non fungantur, neque sanguinem evacuant, est aperiendum, existente

materia in corpore noxiâ, quod supponendum perpetuò est. Tertia, evacuationes, quæ sunt aut à naturâ, aut à Medicò, quotiescumque adest materia noxia, sunt bonæ, quia morbos tollunt, per Galenum, ex Lib. de Consuetud. Cap. 5. Quarta, si non sunt aperiendæ venæ hæmorrhoidales, quando homo multum sanguinem melancholicum cumulavit, & tumore durò lienis, aut melancholiâ, aut similibus afficiatur, neque etiam in aliis morbis est aut secunda vena, aut medicamentum purgans exhibendum, aut tale aliquid præstandum, quia par ratio est, quinimò illud asseveranter aio, quod major ratio est, ut evacuetur sanguis per hæmorrhoidas, quam per venam sectam, & quòd si non licet aperire hæmorrhoidas, minùs licet venam cubiti aperire, ratio est, quia natura rectè operans in morbis ex se aperit hæmorrhoidas, nunquam autem ex se aperit venam brachij. Item, si natura ex Hippocrate est morborum medicatrix, & iis quidem medetur & curat ad apertis venis sedis, rarò aliis; & nos quoque potius has quam alias aperire debemus. Demum, si natura nasi venas aut frontis, quanquam rarissime aperiens, capitis dolorem è vestigio sedat; item si in crure varicem aperiens melancholiam tollit; multò magis aperiens hæmorrhoidales venas, quas passim solet aperire, morbos sicuti ipsa sic & nos curabimus. Ultimo loco unum audeo adjicere, quod admiratione dignum judicabitis, nimirum cum hæmorrhoides venæ cavæ novum sit inventum, ideo nova erunt omnia, quæ ex his consequentur, præcipuè aut unum, videlicet sanguis evacuationem ex hæmorrhoidibus, conferre magis malignis febribus, quam venæ sectionem ex brachio, quod etsi paradoxum prima fronte videtur, ratio tamen huic adstipulatur, quia in malignis febribus putredo est in vas majoribus, ut constat apud omnes; at venæ hæmorrhoidales magis sunt vicinæ venæ cavæ, ubi maxima est in lumbis, & ad os sacrum, quam in brachio, ubi longius absunt à majoribus ramis, ut puta axillaribus, & venæ cavæ trunco; ergo magis, loco putredinis subvenient. Quod autem appareat interdum non subvenire, & exiguum operam præstare, ea causa est quod fortè Antiquorum tantum consuetudinem insequentes, qui cum ignorarent venas sedis à cava prognatas, alias usurparunt, quæ in artubus sunt; vel fortè quia magis apparentes, & sectioni magis obviæ artuum venæ sint; vel tertio quia non ea sanguinis quantitas ex venis hæmorrhoidalibus extrahatur, quæ ex artubus, ultima hac causa in culpam Medicorum rejicienda, qui si vellent, ex hæmorrhoidibus tantundem sanguinis emitterent, idque cum evidentissima utilitate; quemadmodum non semel, sed iterum, ac sæpius mihi in praxi obrigit; præcipuè autem in nobili muliere, quæ cum ante quinque annos bis concepisset, & puellas duas peperisset, tum mensibus magna ex parte deficientibus, cessavit à conceptione; quam cum curarem, & manè hæmorrhoidas per hirudines aperirem, à prandio cum soli se dorso, ad dealbandos capillos exponeret, copiosum sanguinis per hæmorrhoidas profluvium supervenit, & ab ea hora menstruæ purgationes sufficientes apparuere, quaterve concepit, & quatuor masculos filios peperit, quam historiam paulò infra latius prosequar. Id quod etiam confirmari potest, ex menstrua sanguinis purgatione, quæ sit per venas hæmorrhoidibus venæ cavæ vicinas; quæ ideo omnibus morbis muliebribus succurrunt, & ipsas sanas conservant. Quod si Galenus dixit, non assuefaciendum ei, quæ sit per hæmorrhoidas, evacuationi, huic respondetur, hanc Galeni auctoritatem nihil obstare, quia Galenus,

ex Hippocratis sententia, duo dicit; alterum, quod cum hominis natura multum sanguinem crassum, nigrum, & melancholicum cumulaverit, tunc bonum esse sanguinem per hæmorrhoidas evacuare; cum alioquin, quando hominis natura talis est, ut sanguinem crassum non cumulet, tunc inquit Galen. non sit assuefaciendum ei; quæ sit per hæmorrhoidas evacuationi. Reddit rationem Galenus, quia Hippocrates habet, periculosam esse utramque immoderationem, sive supra modum sanguis excernatur, sive omnino supprimatur. Quorum verborum sensus est; quia si assuefacimus aliquem, qui natura non cumulet sanguinem melancholicum, est evacuationem sanguinis per hæmorrhoidas, alterutrum potest sequi, in progressu ex hac consuetudine; vel quia nimis excernatur, vel ex toto supprimatur; utrumque autem incommodum periculosum habet Hippocrates in jam facta consuetudine. Qui sanè locus nostram confirmat opinionem, quoniam nos si verbi gratia lien sit induratus, aut aliquis melancholia laboret, neque habeat, nec unquam habuerit hæmorrhoidas innatas, volumus esse aperiendas, nos verò hæmorrhoidas cum Galeno loco citato; quia cum supponamus, materiam noxiam esse in corpore cumulatam, igitur ex Gal. aperiendæ sunt, & corpus est assuefaciendum huic evacuationi, at cum corporis ea natura non sit, ut talem sanguinem cumulet, neque etiam nos volumus, esse assuefaciendum corpus huic evacuationi, ne quandoque ad alterum duorum deveniatur, vel ad nimiam excretionem, vel ad integram suppressionem. Quomodo autem una, nimirum consuetudo evacuationi per hæmorrhoidas, possit contrarios producere effectus, videlicet aut nimiam excretionem, aut perfectam suppressionem, non est difficile assignare; etenim ad nimiam excretionem devenitur, ex frequentibus actibus contractam, & excitatam; ad absolutam autem suppressionem, quæ potest contingere, quia ex nimia sanguinis evacuatione vasa exinanita in se ipsa concidunt, & hac ratione omnino supprimatur. Quoniam verò Gal. nullam habuit cognitionem hæmorrhoidum venæ cavæ, ideo semper respexit affectiones à melancholia provenientes, & sanguinem melancholicum à ramo lienis ad sedem transmissum, quem voluit esse per hæmorrhoidas evacuandum, ubi scilicet cumulatus in corpore est; nos verò, qui scimus, hæmorrhoidas duplices esse, & portæ, & cavæ, adjicere oportet morbos à venæ cavæ sanguine provenientes, quibus succurrere hæmorrhoides possunt, videlicet ubi sanguis in cava vena existens immoderatus est, ita ut quantitate, aut qualitate peccet. Unde Galenus 6. Aphor. 47. dicit, per hæmorrhoidas excerni partem vitiosi sanguinis; qui si per se non fluat, est evacuandus per hirudines appositæ; sic enim corpus sanum conservabitur, nam si duæ tantum in corpore venæ sunt, quarum sanguis si probus est, homo inculcata fruitur, sanitate, portæ, & cavæ, & utramque habeamus in sede sanguinem primum expurgantem, omnino ex iis sanitatem totius corporis resultare necesse est, neque incommodum erit cavæ venæ hæmorrhoidas in vitro, menstruis mulierum, seu hæmorrhoidibus uteri in mulieribus, cum & ipsæ à cava proveniant, comparare; ita ut, sicuti per menses moderatè, & naturaliter fluentes, & uteri hæmorrhoidas mulieres sanæ degunt, iis autem suppressis, omnibus sunt morbis obnoxie; sic in viris hæmorrhoides se habent. Ex quo absolute concludendum est, hæmorrhoidas in omnibus

ferè morbis tum præcavendis, tum curandis primas obtinere, & potissimas esse. Denique statuendum est, assuefaciendum esse ei, quæ sit per hæmorrhoidas, evacuationi; propterea quod evacuetur vitiosus sanguis, tum qui in abdomine, & partibus ejus omnibus, & sima jecoris consistit, per venam hæmorrhoidalem à porta deductam; tum, qui in gibba jecoris, & reliquo roto corpore in cava redundat, per venas in sede à cava deductas. Ita tamen tali assuefaciendum est evacuationi, ut uterque vitetur immoderatio, ne nimium fluat, neque prorsus cohibeatur. Est quoque evacuandus sanguis per hæmorrhoidas, quando suspicio est obstructionis, tum in venis meseraicis; tum in sima, & gibba jecoris parte; uti in casu Reverendissimi Abbatis, qui ex arte levatus est per hanc evacuationem. Patiebatur verò decem; aut duodecim dierum intervallo dolores, fluctuationesque ad hypochondria & ventriculum, quæ quadantenus levabantur, tum ructibus emissis, & aliquo sanguinis vestigio ad hæmorrhoidas apparente; tum quæ prorsus recedebant mictione urinæ rubræ, & quasi crocæ, & excitata alvi dejectione biliosa, ac nonnihil ætuginosa; ex quo conjecimus, tum sanguinis melancholici exusti, à quo flatus, & dolores movebantur, redundantis; tum obstructiones in sima jecoris parte, & meseraicis non solum adesse, propter alvi fluorem, & vestigium hæmorrhoidalis sanguinis, sed etiam eadem subesse mala, hoc est obstructiones tum in gibba jecoris; tum in cava vena vitiosi sanguinis redundantiam, propter urinas rubras redditas. Propter quas causas jure consultum fuit; sanguinem potius per hæmorrhoidas evacuare; ut quæ utramque respiciant, & sublevent partem, ab utraque scilicet evacuando, quam per brachii sectam venam, ut quæ tantummodo è cava evacuet, & gibbæ jecoris partis obstructiones referet. Quoniam verò rarò accidit, imò verò nunquam ut sanguis vitiosus, & obstructiones in sima tantum jecoris parte, & abdomine consistent, quin etiam & in cava vena, gibba jecoris, ac toto denique corpore redundant; hinc tanquam corollarium eliciendum est, sanguinis per hæmorrhoidas evacuationem esse magis, quam per venam sectam, tentandam, auspicandam, & explendam; id quod & Antiquiores quoque asseruissent, si non solius portæ, sed utriusque venæ hæmorrhoidalis, portæ scilicet, & cavæ, notitiam habuissent. Libet huc asserre calum, quem supra attigimus, de quadam nobili adolescente, quæ cum frigidi esset, temperamenti, ventriculumque frigidum obtineret, & menstruas purgationes haberet, diminutas, ac duas quinque ante annis peperisset filias, amplius nec concepisset, cupiens non modo concipere, sed mares parere, sese meæ commisit curæ. Ego autem primò totius corporis curationem iniens; medicamenta atque venæ sectiones tum ex brachio; tum ex pede adhibui; ultimò hæmorrhoidas aperui, à qua parte circiter sex sanguinis uncie evacuatæ sunt; sed paulò post incuria adolescentis, quæ statim soli dorsum opposuit, ad capillos dealbandos, rursus ex hæmorrhoidibus excitatum profluvium fuit; & decem circiter uncie sanguinis effluxere, ita ut totæ sexdecim sanguinis uncie, & amplius fuerint evacuata; ex qua sanè larga evacuatione, etsi incommoda potius metuebamus, subsequuta tamen sunt omnia hæc commoda; primò enim cum prius menses non singulo, sed sepe tertio quoque mense fluere

solui essent, jam à larga hæmorrhoidum evacuatione proximo fluxere menses; deinde tribus diebus consuetum tempus præverterunt, tertium commodum fuit, quod cum prius enim capitis dolore, cordis, seu oris ventriculi anxietate, tum verò etiam hypochondriorum molestia, ac rugitu; denique cum d. rsi dolore supervenirent, jam nunc omnia istiusmodi cessarunt. Ultimò cum nulla expectarentur menstrua, propter copiosas sanguinis evacuationes factas; fluxere tamen uti prius fluere solita erant. Ex quibus colligatis hæmorrhoidum evacuationem, enedum menses prohibere, sed provocare, faciliores, promptioresque reddere. Verisimile est autem, hæmorrhoidas sanguinem menstruum provocare, quod à venis uteri, ipsum propter copiam, & crassitiem infarctum, & affixum, & ut sic dicam, incuneatum, ad ora venarum sedis, vi vacui, retrahant, aut potius derivent, & ita uteri venas ab infarctu, liberatas, & vacuas redditas referent. Itaque, ut ad usum omnia referantur, in liene tantum indurato, iussi ut hirudines tum intrinsecus, tum posterius, coccygem versus, tum nonnihil ad sinistram affigerentur. In obstructionibus autem, ac tensionibus, tum in sima, tum in gibba jecoris, ut in Abbate, tum exterius, tum interius, tum posterius, tum ad latera, atque ut summam dicam, undique ad podicem affigere iussi. In renum autem affectione, necnon in pleuritide, peripneumonia, insuper in extremis affectibus, ut lepra, furunculis, & id genus, commodum erit exterius magis; tum verò etiam ad podicis latera hirudines applicare. In febribus verò, in quibus ferè obstructiones tum in meseraicis, & sima jecoris; tum etiam in gibba ejusdem, & cava vigent, tum exterius, tum interius, atque undique, ut supra dixi, hirudines affigantur. In mania tum interius, tum exterius, si exusti humoris redundantia in toto existit. In melancholia similiter. In phrenitide, exterius magis, & ad latera: verbo, prout evacuare supervacuos humores, aut à cava, aut à porta dependent, sic in podice locum eligere congruum oportet, aut exterius magis, & ad latera, aut interius rettoque magis. Quæ omnia ceu nova, etsi experientia comprobati hæcenus exactè non potuerunt, comperta tamen à me utcumque fuere, qui multos passim à qualibet affectione curandos præmanibus semper habeo. Sed jam tempus est, ut ad nostrum institutum revertamur, & Chirurgiam peragamus; quæ sanè hæmorrhoidas respicit, cum non probè suo munere funguntur, quod est, vel cum ex toto supprimuntur, vel immoderatè fluunt; præter alias, videlicet cum nimium tumentes sunt, aut dolentes, aut inflammata, aut gangrenosa facta, & exulcerata, & alia id genus symptomata patientes. Quibus omnibus succurritur vel medicamentis; vel Chirurgia, vel utrisque. Primo autem de tumentibus hæmorrhoidibus agamus, de quibus Hippocr. Chirurgiam proponit in Libello de Hæmorrhoidibus, sed tumorem Hippocrates videtur conjungere cum sanguinis fluxu; tametsi Chirurgia magis ad tumorem spectat, qui intelligi debet neque dolens, neque durus, neque inflammatus, quem vult accidere hæmorrhoidibus sedis, tum propter bilem, tum propter pituitam ad rectum intestinum transmissam; ita ut venis supercalefactis, & repletis tum tumida fiant, tum sanguinem ejaculentur. Tumores autem, seu tumida hæmorrhoides, velut uvæ acini lividi sunt, ait Hippocr. quos hac Chirurgia ferramenti candentibus audacter tollit, cum dicat. Rectum enim intestinum & secans, & resicans,

& consuens, & urens, & putrefaciens, etiam si gravissima hæc sunt, nihil læseris. Primo igitur Hippocr. præparat septem, aut octo ferramenta palmæ longitudine, & crassitudine specilli crassi, cum summa parte reflexa, ac lata, veluti in parvo obolo, tunc facibus prius excretis, & hæmorrhoidibus foras aut per abdominis compressionem, spiritusque cohibitionem, aut sæcum excretionem, aut aliter extrusis, ferramenti propositis candentibus urendæ hæmorrhoides omnes sigillatim sunt, donec resiccati tumores sint; ita tamen urere oportet, notare, ut contingat ait Hippocr. Græca dictio habet, ὑπολειψῆς, quod leviter contingere, vel ἀπὸ τῆ ὑπολειψῆς, significat sub relinquere, quod idem ferè ac non contingere, etiam si non tanges, irritaveris; propterea Hippocrates infra, seipsum declarans, ait; urito, cavendo, ut ne contingas ferro, sed propè admotis ferramenti resiccato, summam, Hippocr. vult ferramenta candentia propè hæmorrhoidas esse admovenda, abstinendo à contactu earum, propterea quod intentio Hippocratis est, tumores resiccare, absque eo quod irritentur; quod fiet, si non tangantur, sed ferramentum tam propè hæmorrhoidas admoveatur, ut non irritentur, sed tamen vim ignis persentiant, ad bonam, ut puto, laborantis tolerantiam, quod hæmorrhoides tumentes resiccentur. Cognoscemus autem, inquit Hippocr. ipsas hæmorrhoidas, propè quas ferramenta admoveere oportet, quia supereminent in interna recti intestini parte, veluti uvæ acini livida, & simul ut sedes extuberat, & foras prorumpit, sanguinem ejaculantur. His resiccatistumentibus hæmorrhoidibus, Hippocr. supra ponit lentem, & ervum in aqua decocta, inde mollem spongiam, ad consummatam exsiccationem, circa imas ilium, seu lumborum partes, qua abdomen in circuitu fascia obvolvit, postea uno capite reflexa inter coxas ad anum, quo usque supra ad obvolutam fasciam applicetur, præcingit. Et notetis quæso, quomodo Hippocr. manuum opera, & ferramenti candentibus, quæ adurentia sunt, non tamen urit, sed tantum exsiccatur, & digerit; tum vero exsiccando, & digerendo, tumentes curat hæmorrhoidas; est quippe modus rarus, & ab Hippocr. tantum excogitatus; qui non solum exsiccatur, & digerit, & tumorem curat, sed partem quoque laxatam roborat, ignis enim vim roborandi habet. Huic similis esse videtur quarta Hippocratis Chirurgia, quam eodem Lib. proponit ad tumentes hæmorrhoidas exsiccandas; sumit arundinem sepiariam, phragmiten appellatam, quæ in sedem inditur; tum ferramentum candens, arundinis cavitati congruum immittitur, ac frequenter eximitur, quo magis calefieri sustineat, & neque ulcus ex calore habeat, & venæ resiccatæ sanæ fiant. Notandus verò error text. Hippocr. qui habet καυστὴν καὶ τριμυοῖδῃ, loco κλυστῆρα, clysterem facere oportet, velut arundinem sepiariam quod est perinde, ac si dicat cannulam, seu tubulum, vel fistulam facere oportet, velut arundinem sepiariam, quasi dicat non ita crassam, seu latam ut communis arundo, sed ut ea, ex qua sæpè fit; & hanc verò cannulam vult esse efficiendam ex ære, ut notat Gale. addo ego, oportere tubulum esse aut in fundo occultum, ne ferramentum altius quam oportet, perveniat; aut obstaculum, ferramentum candens habere, quod eundem præbeat usum. Proponit deinde Hippocrates secundam, Chirurgiam, quæ tumentes hæmorrhoidas, ut ipse dicit, præsecat, non tamen ferro, sed erodente medicamento; ideoque pro-

proponit erodere, s, ad secandum aptum; si in æreum vās meas, & in urinam, eris. florem tostum, tritum, lavem inspergas, deinde diluas, & vās agites, & in sole exlicces; ubi verò siccatum fuerit, eradas, teras, & levigatum ad anum apponas, & splenia oleo imbuta addas, ac spongiā supra deliges. Rursus Hippocrates tertiam proponit Chirurgiam, ad curandas hæmorrhoidas tumentes, hoc modo; adnascitur ad venam sanguisquam; extuberantem, veluti mori fructus; & si quidem valde extra fuerit extuberantia, carnis rectorium circa ipsam nascitur; si igitur molli sit, & sub rectorio cedat extuberantia, digito ipsam auferre oportet; nihil enim plus difficultatis hæc res habet, quam si quis, dum ovicula excoiatur, digitum inter cutem & carnem adigat. Quod si extuberantia penitus intus delituerit, ea per catheterem inspecta, auferre postea ipsam oportet veratro nigro in anum sublito. Huic Chirurgiæ similes sunt duæ aliæ Chirurgiæ ab Hippocrate propositæ, eodem Libro circa finem capituli; quæ neque veteri, & simpliciter Chirurgiæ sunt, sed ex medicamentis compositæ, tumentes hæmorrhoidas extirpant. Ait Hippocrates; si verò neque urere, neque resecare voles, ubi multa aqua proluiisti, & sedem versam extraxisti, myrrham tritam, lavigatam, & gallam, & alumen Ægyptium ustum, una & dimidia, ac reliquā parte, ac melanteriæ tantundem accipe, ac siccis his utere, & dimidiæ chalcitidis mixtæ pars idem efficiet; hæmorrhoides enim ab his medicamentis decedet, veluti corium combustum. Ultimò aliud medicamentum proponit Hippocr. idem præstans, suppositorii formam; inquit enim. Si verò glandulis sanare voles, sepia restam, plumbaginis tertiam partem, bitumen, alumen, florem æris medicum, gallam, æruginem modicam commisceto, & mel coctum affundito, & formatam ex his glandem oblongiorem apponito, donec extirpaveris. Hæc sunt, quæ hæmorrhoidibus tumentibus, nonnihilque sanguinis fundentibus, ex Hippocrate, Chirurgiæ proponuntur; quarum nonnullæ difficiles sunt, nam ego experientia non potui unquam comprobare, rectum intestinum esse secandum, & resecandum, & consumendum, & urendum, & putrefaciendum, sine ulla læsione, ut dicit Hippocrates. Quod si verum est Hippocratis dictum, quod sine ulla intestini læsione hæc peraguntur, non tamen à plerisque tolerantur, & sustinentur, pars quippe anisensu exquisito, imò verò, si aliqua pars corporis est, quæ sensu exquisito prædita sit, hæc una est, propter quam causam ego tumentes hæmorrhoidas potius medicamentis, quam Chirurgiā curavi, ut infessu in aquis thermalibus, & spongiis ex aqua thermalis expressis, & arcetè supra anum alligatis, & compressis. Item radicibus porrorum in oleo communi, aut myrrino decoctis, scrophulariæ radice in aqua decocta, contusa, & imposita; spongia ex aqua calcis expressa, & alligata.

Quod si exulceratæ hæmorrhoides sint, ne in fistulas degenerent, si superficie tenus excoiatae sint, in aquis thermalibus, aut de Apono, aut Diyi Petri, aut Montis ægrotorum infessus eas curat, aut quod his æquipolleat, uti alias dictum est. Quod si exulceratio profundior est, & maior, neque medicamentis cedit, non incommodum est ad Chirurgiam devenire, quæ candentibus ferramentis peragitur; quæ exigua qui-

dem sint, & iis leviter tangere partem exulceratam oportet, quæ neque etiam sensum exquisitum habere debet.

Quod si hæmorrhoides inflammatae sint, tumentes, & dolentes, medicamentis res peragitur, potius quam Chirurgia; de quibus agere ad præsentem locum non spectat; sed tamen unum atque alterum medicamentum expertum asferre nihil vetat, cuiusmodi est plantago, parietaria, & malva, in aqua cocta, & cum oleo rosaceo, cataplasmatibus modo imposita; interdum cum exiccare magis intentio est, farina milii, & hordei admiscetur; si vero dolor urgeat, lac omne adjicitur.

Quod si gangræna jam sint hæmorrhoides affectæ, eadem Chirurgia proficit; sed ferrum, candens valentius imprimitur, propter sensum partis obtusum redditum. Quo loco illud mihi succurrit, aliquando accidisse cuidam Medico non obcuri nominis, qui curans ussit, neque locum affectum unquam perspexit; tandem post aliquot dies Medicus me duxit ad ægrotantem; ego autem statim locum affectum volui inspicere, & conspiciens, inveni ex omni parte multò antea ipsum fuisse gangræna affectum, & nonnihil in superficie sphacelo; quem servavi statim ferramentis candentibus, hoc dico, vos admonens, ut partes affectas, & malum videatis, quando patientes de iis conqueruntur, etiam si obsecræ sint partes; sic etiam in mulieribus. Fuit aliquando mulier nobilis, quæ pepererat, & de vulva conquerebatur, obstetrix, inungebat frequenter oleo amygdalino, & chamæmelino, & quærelæ in dies augebantur, tandem vocatus, & videns locum, inveni labra vulvæ multis in partibus sphacelo obsecta, quæ statim ferramentis candentibus inusta sanavi, quæ alioquin obiisset, si oleis propositis demum esset, & visa à Medico non fuisset, simili modo, ut supra audiisti, alteram nobilem servavi, morti propinquam, inspectione scilicet, quæ hymenem habebat non perforatum. Non oportet igitur esse negligentem in re medica.

Verumtamen quod in hæmorrhoidibus maxime formidatur, ex Hippocr. & Galeno, est earum cum omnimoda suppressio, cum immoderata sanguinis fluxio; utramque autem immoderantiam, tanquam periculosam habuit Hippocrates, fluxum quidem, veluti aut protinus interimentum; vel aquam inter cutem, & cachexiam excitantem, ut dicit Galen. Aerius autem Lib. 14. Cap. 5. ait, nimium fluxum, cum deformitatem, tum vitam miseram, interdum & mortem afferre; deformitatem, quoniam nimia inanitione universum corpus decoloratur; vitam miseram, quoniam perpetuæ imbecillitati occurrendum est; mortem, quia frequenter jejuniore, ob excedentem evacuationem, refrigerato, aqua intercus supervenit; suppressionem verò, tanquam omnem morborum turbam suscitare aptam, scilicet febres, melancholiam, lienis scirrhum, pleuritidem, peripneumoniam, maniam, & alia id genus cum symptomata, cum morbos, qui respondeant vitiosis humoribus detentis, ut dicit Galenus 3. de tumoribus; nimirum humores detentos, symptomata, & morbos parere, eosque, cuiusmodi sunt humores, qui redundant. Et quamvis Paulus, & alii, suppressas hæmorrhoides curare non videantur, quod ab immodicè fluentibus suppressio plerumque

fiat, tamen Hippocrâtes curat, dum præcipit, apertam unam esse servandam. Docet autem perbellè Cel. Lib. 6. Cap. de hæmorrhoidibus, quo signo fluens moderatus ab immoderato sit distinguendus; tum verò, quando supprimendus, quando permittendus enim inquit. Patum tunc supprimitur, iis qui sanguinis profluvio imbecilliores non fiunt, habent enim purgationem hanc, non morbum; ideoque curati quidam, cum sanguinis exitum non haberent, inclinata in præcordia, ac viscera materia, subitis, & gravissimis morbis patientes correpti sunt. Igitur si immoderatus ex hæmorrhoidibus fluxus sanguinis sit, qui noceat, & imbecillum hominem reddat, coercere ipsum oportet primo medicamentis, quæ à Celso Lib. 6. afferuntur; quod si his profusio non sistatur, Chirurgia opus est. Una est, quam proponit Hippocr. in Lib. de Ratione victus in morbis acutis, quæ vinculis procedit, filum lanæ succidæ crassissimum, ac maximum, in acum immissum transmittas, ex una primum parte hæmorrhoidis; inde ea comprehensa, ex altera acum, & filum trajicias, & ab eadem parte extensa fila adstringas, mox medicamentum erodens imponas, donec hæmorrhoides decendant, & semper unam relinquant, ait Hippocr. ne omnibus obstrictis, patiens in contrarium incidat affectum, id est, in omnimodam suppressionem, & accidat, quod dicit Hippocr. 6. Aphorif. 12. Hæmorrhoides sananti diuturnas, si non una servata fuerit, periculum est hydropem, aut tabem accedere; cuius sententiæ reddit rationem Galenus in Commento, quia obstructis ex toto hæmorrhoidibus; per quas hepar transmittibat sanguinem sæculentum, non est mirandum, si scirrhum reddatur, & calor jecoris, à quo sanguis gignitur, extinguatur, unde hydrops superveniat, sanguinis generatione frustrâ. Quod si jecus exustam materiam ad pulmones refundat, & venas rumpat tabes seu phtyfis resultet, ut Hippocrates dicit. Huic tamen Hippocrâtes legi de servanda una hæmorrhoidi aperta, se se opponit Aetius Lib. 14. Cap. 5. qui ex Hippocrate affirmat non esse relinquendam ullam hæmorrhoidem apertam, dummodo servetur congrua victus ratio, & sanguis ex brachio mittatur. Quæ opinio neque Hippoc. neque Galeno consentit; nam licet ager, & cibi paucitate, & aquæ portione detineatur, & alvus subducatur, & vena cubiti incidatur, ut Aetius dicit, tamen quia hæc non possunt semper fieri, servari, aut frequenter repeti, neque viscera corrigi, quo minus superfluous sanguis gignatur, ideo tutius est Hippocratem aliter non exponere quam verba sonant, & Galenus exposuit, ut scilicet una relinquatur aperta.

Sed ad Chirurgiam redeamus. Galenus in Isagogicis, Chirurgiam hæmorrhoidum his verbis tradit, Hæmorrhoides lino duplici per ipsarum basin transeuntes, adstringentesque post horas duas abscindimus, Celsus verò Lib. 7. Cap. 30. de condylomatibus ait; si hæmorrhoidis capitulum exiguum, basinque tenuem habeat, adstringendum lino paulum supra est, quam ubi cum ano committitur; deinde supra nodum capitulum exulcerandum est; ut evacuetur sanguine, ac spiritu ibi contento, & celerius id emoriatur, ac decadat, quod nisi factum est, magni dolores subsequuntur, interdum etiam urinæ difficultas; quod si hæmorrhoidis capitulum majus est, & basis la-

tior, hamulo uno, aut altero excipiendum est, paulumque supra basin incidendum, neque relinquendum quicquam ex eo capitulo, neque quicquam ex ano demendum est; quâ incisum est, acus debet immitti, & infra eam, lino ad capitulum alligari; si duo triavè sunt, immittendum quodque primum curandum est; si plura, non omnia simul, ne eodem tempore undique tenerentur, catrices sint; si sanguis profluit, excipiendus est spongia deinde linamentum imponendum; post quinque aut sex dies auriculario specillo linamenta educenda, si capitula simul non exciderunt, digito promovenda, tum lenibus medicamentis, ut puta ceratis utendum. Hæ sunt Celsi Chirurgiæ, ad sedis venas sanguinem fundentes. Sed idem Celsus Libro 6. Cap. de hæmorrhoidibus, ex Dionysii sententia proponit unctiones per causticum medicamentum, quando alia medicamenta non proficiunt, hoc modo; Inspergenda sandaracha est, deinde imponendum quod ex his constat, squamæ aris auripigmenti, singulorum partes quinque, saxi calcis partes octo; postero die, capitulum venarum acui compungendum; adustis capituli sit cicatrix, quæ sanguinem fundi prohibet. Ultimo non est prætereunda Pauli Chirurgia, quæ ad venas sedis sanguinem fundentes proponitur lib. 6. capite 79. primoque præcipit, clysterem, copiosissimum immittendum, compressione facta, quo anus invertatur, & hæmorrhoides extra anum exeant, & appareant; solent autem non difficulter apparere interdum capita, & ora venarum sanguinem fundentia; interdum venæ nigricantes, & tumidæ; quæ lino, quintuplici vincienda sigillatim sunt; una dumtaxat relicta, qua sanguis superfluous emanet, ut præcipit Hippocrates. At ubi hæmorrhoides vinculo constrictæ exciderint, linamentis vino madefactis cicatrix inducitur. Leonides autem, ut refert Paulus, non lino deligat, sed forcipe prehasas amplè hæmorrhoides scalpello excindit. Alii tandem, inquit Paulus, caustico medicamento repleto concavo instrumento, ad urendam venam accommodato, ipsasque similiter hæmorrhoidas offerunt. Hæc ab antiquis deprompta sunt, qui, uti audivistis, & vinculis, & incisione, & erodentibus, & adurentibus medicamentis usi sunt. Miror quod nullus antiquorum ferramenta candentia proposuerit, cum tamen causticis tutiora esse videantur, quod his urere, quantum opus est, possimus; illis verò legem ullam imponere non valeamus, insuper, caustica partem putrefacere passim videmus, contra ferrum candens corroborare pro comperto habemus, nisi forte. Antiquas ferrum candens silentio præterisse dicamus, quod profusionem potius adaugeat, cum profluenti vasi admovetur, ut patet; sed inducta crusta, jam sanguis cum his quoque coercetur. Propter quas causas ego ferrum quoque candens probò, cuspidatis ferramenti singulis venarum orificiis adaperitis, admotis ut crusta excitetur, satius autem est, gossypii flocculum ad venæ orificium apponere, inde verò inurere, gossypium enim ita inustum duo præstat, & valentius hæret, & minus patientes dolent. Sed ut ingenuè fatear, potior ratio, & tutior ea est, quæ medicamentis pugnat, quæ valenter adstringentia sint ex Galeno 5. de Medic. per genera. Quo casu nihil magis valere expertus sum, immaturis fructibus contusis plantæ ligni guajaci; omitto ovi albumen cum bolo Armena, sanguine draconis, mastiche, thure, & gypso subactum,

tubactum, & golypio usto exceptum, & impositum, omirto præterea, quæ per os assumuntur, aut revulsionis gratia peraguntur, tanquam ad hunc locum non spectantia. *Hactenus Hieronymus Fabricius ab Aquapendente.*

Hæmorrhoides narium, de quibus Marcus Aurelius Severus aureo tractatu de recondita abscessuum natura; ut & hæmorrhoides uteri de quibus alii, hic non describimus, quia si quid in ejusmodi morbis agendum veniat, ejus materia in curationibus, consultationibus &c. ad ani hæmorrhoides facientibus, abundè sufficitur. Jam itaque continuo ad

Consultationes.

Hæmorrhoidalis moles cum Ulcere.

Consultatio I.

Illustrissimus atque Reverendissimus Antistes quadragesimum octavum annum agens, temperamenti totius ad calidum & siccum vergentis, fervidi jecoris atque cordis, habitus gracilioris & fusci coloris, arduis semper negotiis implicitus, & longis itineribus deditus, multis abhinc annis hypochondriacus fuit, eodemque tempore usque in præsentem diem hæmorrhoidalibus affectionibus obnoxius, quæ prioribus annis adolescentiæ dolores eidem Illustriss. inferebant, quia cæcæ tunc temporis erant hæmorrhoides ipsæ, sicut iisdem adaperitis itinerum occasione, dolores infestare cessarunt, semper tamen paulatim earum moles tantum augmentum suscepit, ut modo acini uvæ figuram repræsentent, & quatuor abhinc annis censueræ fæcalis evacuationis occasione, omnes extra mittantur, nec adeo facile mox intromitti possint; quæ interim præterito tempore quandoque etiam sanguinem effuderunt. Verum postquam mense Augusti proximè præterito duplici Tertiana fuit correptus, jam tumefactis hæmorrhoidibus dolor accessit, qui exacerbatur semper post fæcum depositionem, & plures horas, quandoque integrum diem perseverat; qui dolor utpote acutissimus, Virum Illustriss. Patavium ad me impulit, qui, facta loci diligenti inspectione, primo vidi hæmorrhoidas ad prædictam molem perductas, sed lividas & fere nigras, nempe atro sanguine repletas, sicut niger & crassus ex vena antea missus observatus quoque fuerat. Præterea in superiori parte versus coccygem, corrosionem, ulcus præferentem & alias inferius leviores excoriationes observavi.

Quod ab incunre ætate Præsul iste Illustriss. melancholiam dispositionem nactus fuerit, mirum non est: cum à nativitate cor ipsum fervidum, & jecur præcalidum sortitus fuerit, nec mirum pariter quod hujusmodi dispositio majus in dies augmentum suscepit, & ab immodicis exercitiis atque itineribus peractis, & à perpetuis animi applicationibus, quæ omnia viscerum dolorem intendere, sicque sanguinem exustum reddere poterunt.

Quoniam verò provida natura totius massam sanguineam depurare totis viribus conata fuit, hinc factum est ut nigri & adusti sanguinis portionem ad vasa hæmorrhoidalia deposuerit, quibus repletis, hæmorrhoidales dolores distensivos immaturè excitaverit, qui erumpente sanguine, quodammodo cessarunt. Verum quoniam Curatio, nimirum totius massæ sanguinæ

depuratio, fervidæ viscerum intemperiei correctio, & vasorum hæmorrhoidalium roboratio neglecta fuere, idcirco invaluerunt semper quotidie magis & causæ morbificæ, & pravi effectus, quandoquidem & sanguis niger, atque crassus, in vasis mesentericis stabulans, Melancholiam hypochondriacam firmavit, & ab eodem conpurcata massa sanguinea viriatam reddidit totius nutritionem, naturaque stimulata, ejusdem attri sanguinis portionem ad hæmorrhoidas perpetuo, non solum per intervalla sanguinis excretionem tentare coacta fuit, verum superioribus postremis annis tanto cum impetu atque copia fuit sanguis effusus, ut deficiente nutritione, fere ad Arrophiam vir Illustriss. ductus fuerit, qui tamen utpote robustam naturam alioquin sortitus, suppresso sanguine, pristinum habitum recuperavit, semper interim hæmorrhoidum malo quotidie magis augefcente.

Tandem postquam mense Augusti proximè præterito biliosa febre correptus fuit, ab ipso febrili calore visceribus ipsis una cum sanguine super excalefactis, irritata natura ejusdem acriorem & magis acidam portionem per modum crisis ad hæmorrhoidas deposuit, quæ sua activitate vasa ipsa erodere valuit, & ulcusculum in superiori parte versus coccygem, aliasque leves excoriationes extrinsecus excitare: unde dolores atroces procedunt, qui exacerbantur à fæcum depositione, dum à fæcibus ipsis comprimuntur vasa, & exprimitur ichorosa, acris & acida materia, quæ labia ulceris attingens, dolores infert, & ad cæteras hæmorrhoidas extrinsecus expansa, alias, sed leviores, excoriationes inducit.

Est quidem gravissima hæc hæmorrhoidalis affectio, non solum ratione causæ conjunctæ, verum etiam ratione antecedentium: naturales enim sunt viscerum intemperies, tota massa sanguinea atro sanguine infecta, & moles hæmorrhoidalis insignis & pravo colore affecta, quæ omnia ulcus jam contractum & excoriationes fovere valent, imo necessario fovent. Quare Curatione eradicativa opus habet quam anni tempus non permittit, & ideo ad Ver venturum est differenda. Interim urgent dolores, qui attrahendi novos humores vim obtrinent, & præterea vigilias inducendo, corpus extenuandi: ut propterea Hippocrat. Vigilias veraces appellavit: & quod magis ac pejus est, si moles hujusmodi hæmorrhoidalis adhuc à doloribus augeatur, calor naturalis partis, adeo à fronte remotæ, non adeo facile humores ipsos, multos & pravos regere & custodire poterit; ideo usque ad illud tempus diligenti cura & prudenti custodia opus est, ut dolores quidem leniantur, sed calor nativus partis conservetur, & exiccantibus pars ipsa à putredine & corruptione custodiatur.

Pro leniendis doloribus, materia illa ichorosa quæ à fæcum compressione foras exprimitur, omnium primò deterfionem expostulat, ut citius & facilius & ulcus, & erosiones demulceri possint; id autem procuraretur spongiosa madefacta vino tepido dulci, in quo capita papaveris ebullierint; vel aqua hordeacea, in qua pariter papaveris capita & rosæ ebullierint, addita mellis ros. simpl. portione. Illiniri quoque poterit unguento populeo, additis gut. ol. Jusquirami; quod si præsto non fuerit, reformetur unguentum cum ol. nenupharino. Sed in usum quotidianum ducatur balsamus Saturni, ut qui refrigerandi (exiccandi, roborandi & uniendi quoque, imo & demulcendi facultates obtineat. At nullo modo erit omittendus ignis usus, admovendo prope

prope partem laminam ferream omnino ignitam, adeo ut pars ipsa citra dolorem atque molestiam excalefiat & exiccetur. Duæ igitur parentur laminæ ferreæ, ut altera admoveri, altera interim igniri & repeti possit.

Quibus jam dictis congrua erit addenda victus ratio, humectans atque refrigerans, alimentorum boni succi, facilis coctionis & distributionis, ut facilius proximo verno tempore mesenterii obstructions referari, massa sanguinea purificari, intemperies viscerum corrigi, & tandem moles hæmorrhoidalis, aut valde imminui, aut ex toto deleri possit. Interim tamen non erit inutilis usus emulsionis ex amygdalis & seminibus melonum, frequenter, vel summo mane, vel prima mensa assumendæ, ut humorum prava qualitas quodammodo emendetur, eorum nimitum acrimonia & aciditas edulcoretur, sicque minus acutè hæmorrhoidas iplas feriant. *Joh. Raymundis Fortis, in Consiliis Medicis.*

Ab Hæmorrhoidibus Præservatio.

Consultatio II.

Quamvis Melancholiam hypochondriacam tot annis confirmatam & consummatam superare velle vanum videatur, eoque magis, cum tota massa sanguinea eodem humore melancholico sit infecta, adeo ut & hypochondria cum toto, & totum cum hypochondriis communicationem habeant, sibi que invicem materiam suppeditent; nihilominus hanc & illam non parum diminui posse pro certo habeo, ita ut facultas expultrix ab atro sanguine minus molestata, minus quoque impofterum ad hæmorrhoidas expellat atque deponat, sicque Illustr. Vir non parum ab hæmorrhoidali affectu saltem levare, si non omnino vindicari possit; præterquam quod ab aliis quoque plurimis Melancholiæ hypochondriacæ symptomatibus multo minus divexabitur.

In hunc igitur finem primæ viæ à crudis humoribus sunt mundandæ. Secundo Mesenterii obstructions aperiendæ. Tertio Massa sanguinea purificanda. Quarto Jecoris & hypochondriorum fervor contemperandus; atque tandem hæmorrhoidum cura est habenda.

Pro prima intentione, primum Leniens erit potio ex syr. ros. solut. rec. & ex manna clarif. vel flos cassiæ cum lenitivo. Primum præparans erit hujusmodi.

℞. Julap. acet. ℥. iij. aq. florum citri ℥. j. m. pro syr. & sic pro aliis quinque. Quibus succedat hujusmodi Leniens.

℞. Syr. ros. solut. de polypod. an. ℥. iij. aq. florum citri parum, m. f. p. vel præbeatur elect. lenit. cum tartaro, quibus superbibat jus hordei.

Pro secunda intentione, medicamenta aperiencia debent esse humectantia, non exiccantia, non calorifica: siquidem & cruditates jam exiccatae, & sanguis ipse à calore crassior est factus, & in horum usu diutius persistendum: multo enim difficilius est humectare siccum, quam exiccare humidum; quare succi herbarum depur. humectantes & aperiientes sunt in usum ducendi ita.

℞. Succu depur. & per arenam trajecti, cich. borag. pom. dulc. an. ℥. j. decoct. in jure pullæ paratæ malvarum, violarum, lupulorum, sonchi ℥. v. m. pro syrupo. Sequenti vero die assumat summo mane flor. cass. ℥. ij. & post horam superbibat jus

pullæ foliis malvarum, borag. & sonchi alteratum, tribus verò horis ab assumpto jure prandeat. Tertia verò die repetat succos, ut supra, & quarta florem cassiæ cum jure, sicque alternatim perseveret ad decimum quintum usque diem. Quo tempore assumat portionem hujusmodi.

℞. Rhabarb. opt. ℥. j. fol. senæ mundat. ℥. iij. cinnam. integri. ℥. j. aq. cich. q. f. m. f. inf. per hor. xii. deinde f. fortis expressio, & expressioni adde syrup. ros. solut. ℥. v. m. f. potio, cui, tribus transactis horis, superbibat seri capr. depur. aut aq. Nocer. ℥. ij. duabus verò horis ab assumpto sero prandeat. Die autem sequenti repetat usum succorum aperiencium ita.

℞. Succu depur. & per arenam trajecti, cich. borag. agim. an. ℥. j. sal. tart. fixi gr. x decoct. in jure pullæ factæ, malvæ, lupulorum, asparag. capill. Ven. ℥. v. m. pro syr. & sic per integræ hebdomada. Interim hoc tempore Jecoraria dextera erit aperienda, & sanguis modice educendus. Transacta autem hebdomada, succedat talis expurgatio.

℞. Flor. cass. rec. extr. elect. lenit. an. ℥. β. Extracti rhab. ℥. β. m. f. boli, vel repetatur infusum supra descriptum, quibus pariter superbibat serum aut aquam: inde repetat eorundem succorum usum integra altera hebdomada, & tandem quoque idem medicamentum purgans, modo descripto; & toto jam dicto tempore iiliniatur quotidie totum abdomen unguento ros. malvino.

Pro tertia intentione explenda, rursus aliorum succorum usus erit opportunus ita:

℞. Succu depur. fumaris, borag. pomorum dulc. an. ℥. j. salis tart. volat. g. x. decoct. in jure pullæ cich. endiv. agim. fumaris, lupulorum ℥. v. m. pro syr. & pro aliis quindecim; in quorum intermedio assumat hujusmodi medicamentum.

℞. Flor. cass. rec. extr. ℥. v. elect. de succo ros. ℥. j. extracti senæ, polypod. an. ℥. m. f. boli, quibus post horam superbibat seri capr. depur. aut aque Nocer. ℥. ij. quod idem medicamentum repetatur in fine, interim primis diebus dictorum succorum aperiatur vena magis apparens brachii sinistri, & sanguis parce, prout Excell. Adstanti videbitur, educatur.

Quartæ intentioni satisfaciendum aquis stillatitiis potius, quam thermalibus, tum quia exiccantes esse solent, tum quia ab illarum copia facile calor nativus obrui posset; quare sat fuerit.

℞. Aquæ stillat. de succo cich. ℥. x. julap. viol. ros. an. ℥. j. pro potu matutino quindecim diebus summo mane assumendo; cui præmitti quoque poterit Conservæ rosarum cochlear unum. Post hæc nullo verò modo omittendus est usus lactis asinini, ut quod & obstructionum reliquias valde exiccatas humectate & superare possit, & præterea jecur refrigerare, totamque massam sanguineam edulcorare valeat; in cujus usu quadraginta saltem diebus insistendum.

Tandem hæmorrhoidum cura est habenda, quæ præsentente dolore, Anodyna requirunt, jam à me in altera Consultatione satis proposita: absente autem dolore, exigunt exiccantia, non ramen adeo valida ut nimis astringendo & corrugando dolores suscitare possint: stat igitur, quod dum fæces deposuerit, abluatur hæmorrhoides vino nigro tepido, in quo bullierint folia verbasci, ros. rub. myrti & plantaginis; valebit enim earumdem molem imminuere citra serositatum suppressione.

Hisque jam dictis omnibus congrua victus ratio, intentionibus medicis atque medicamentis jam propositis proportionata, necessario addenda erit, ab excellentissimo viro adstanti singillatim præscribenda,

scribenda, ut ad multo meliorem statum redigatur vir Illustrissimus atque Reverendissimus, quem eidem optimum à Deo ex corde precor. *Idem ibidem.*

Plura super Hemorrhoidibus vid. in Bibliotheca nostra Medicò-Practicâ.

HEPATIS MORBI.

Hepar est magna glandula de genere conglomeratarum, ex cujus vasis excretoriis in truncum abeuntibus enascitur vas illud amplum nomine pori biliarii insignitum, imo & vasa alia minora, radices cystidis biliarie dicta: quæ omnia inserviunt abducendæ bili, per viam fermentationis, aut percolationis, vel per utramque etiam simul, in hoc viscere, efformata; vel tantum à sanguine, per varia arteriæ hepaticæ ac venæ Portæ ramificationes, in glandulas ex quibus tota ipsius assurgit moles, accedente, secretæ. Ex hac compendiariâ admodum descriptione, quis non videt, si vel secretio bilis impediatur vitio glandularum viscus componentium, vel vitio fermenti, si ali-quod tale in hac operatione naturæ detur, ut plurimis non mediocris nominis perplacet: vel eadem bilis secreta propter obstructum porum biliarium aut ejus præcipuos ramos, in intestina delabi non valeat: vel viscidior reddita imperfecte tantum illuc defluat: vel actior, fluidior, ac serosior facta colatoria sua canalesque inde assurgentes vellicans, imo etiam corrodens, abundantius decurrat: Quis, inquam, non videt inde procreatum iri multiplices morbos, inflammationes, tumores, ulcerationes, fluxus biliosos, imò fluxus hepaticos &c? de quibus hic particularius quid non adjiciemus, sed continuo ad singularia quædam in hepatis morbis Chirurgiam maxime spectantia, descendemus.

Observationes.

Hepatis abscessus.

Cùm anno 1675. Parisiis Chirurgiæ operam daremus, curæ nostræ commissus fuit Vir consistentis ætatis faciei colore flavescente, pilis subrufis, sed minus lautæ conditionis, qui vulnere à gladii ictu profundiore intra costas nothas inflicto, abscessum hepatis incurrit, ita ut per sex septimanas materia purulenta copiosè manavit, eò majori cum periculò, in hepatis parenchyma stylus profundius adigi potuit. Hic octo circiter septimanarum spatio ab affectu funesto liberatus fuit, medicamentis balsamicis ac vulnerariis, detergentibus ac consolidantibus, internè & externè usurpatis; Nobili aliò, quem simili malò laborantem eodem tempore curæ suæ creditum, D. Morellus Chirurgus peritissimus ter de die invitebat, paucorum dierum intervallò è vivis excedente, adeò abjectioris fortis hortis homines quandoque præ divitiis natura favere dicitur. *Joh. Jacob. Harderus in Observar. Anatomico-Medicis.*

Hepatis durities & suppuratio feliciter finita.

Quantum sufficere possit pars adeò nobilis prout est hepar, Medicorum monumenta testantur. Hic quoque recensēbimus exemplum non inauditum attamen rarum, quod in eadem parte accidit. Juvenis quidam Amsteledamensis qui Chirurgiæ operam dabat, ante tres ferè annos nobis querebatur de epiga-

Bibl. Chirurg. Tom. II.

strii tensione, cum dolore gravativo ad hypochondrium sinistrum sese extendente, tandem tumor durus ibidem orrus, cum aliquali difficultate respirandi & febricula. Hisce exploratis, hepar esse induratum judicavi, diversisque emplastris emollientibus applicitis, tandem cataplasmatibus maturantibus adminiculò tumor mollior redditus ad suppurationem pervenit, quò post cauterii potentialis applicationem, phlebotomo apertò, multum puris effluxit, & brevi post, ulcere purgato, sanatus est. In hoc casu non est dubitandum quin à prægressa inflammatione, gibba hepatis pars fuerit connata peritonæo, unde ulcere aperto, puri denegatus fuit in abdominis cavum decubitus. Ejusmodi exempla reperiuntur quoque in observationibus curiosis Nobiliss. Viri D. De Marchettis, Professoris Patavini, pag. mihi 120. *Frideric. Ruyfchius in Observation. Anatomico-Chirurgicarum centuria.*

Hepatis inflammatio, ac suppuratio vomitu curata.

Mulier quintum completura climactericum, inflammatione hepatis cum tussicula sicca, spirandi difficultate & pungitivo in hypochondrio dextro laborans dolore, phlebotomiis aliisve non obstantibus remediis, juxta effatum Hippocrat. 4. acutor. eodem in latere suppurata est, atque xl. die putis crassioris sanguine striati libras sex sponte evomit & convaluit. *D. Nicolai Gulielmi Beckers.*

Calculi ex Abscessu circa hepar.

Pauci elapsi sunt anni, quod hic Uratislaviæ vixerit, Johannes Groschius, Oeconomus Xenodochii ad Spiritum Sanctum, Vir robustus ac validæ Constitutionis, temperamenti Sanguineo-cholerici. Hunc quondam mense Junio, anno ætatis 60. desubito Rigor vehemens invasit, cui postliminio dolores in Hypochondrio dextro ad regionem Hepatis una cum Tumore, nucem juglandem æquante, accesserunt. Tumor is, doloribus persistentibus, intra semestrem spatium adeo increvit, ut tandem panem siligineum Uratislaviensem quantitate tantum non superaret, sicque induit, ut scirrhum referret. Quamquam vero Affectui huic diligentior adhibenda fuisset cura, ægrotus tamen nec Medico nec Chirurgo usus, sed sui ipse curam suscipere ausus est: interne quidem Balsamum Sulphuris, aliquandiu singulis diebus deinceps bis terve in Septimana, ut nonnunquam pulverem cardui benedicti adhibuit, & pro Evacuatione quandoque, velut pro libitu, Rhabarbarum; Externe vero ab initio ad finem morbi nil nisi Emplastrum Jeusigneri Norinbergense Tumori applicuit. Tandem aliquando contigit, ut circa Festum Nativitatis Christi, dum noctu ægrotus dormiret se haut sentiente, Tumor rumpere-tur, unde magna quantitas materiæ, pulvis instar crassæ, cinericei coloris, integris 4. septimanis profluxit, donec Tumor quasi omnino desideret.

Posthæc ex vulnere, quod interea in fistulam degeneraverat, atque in nonum usque annum, indito in id instrumento argenteo, apertum servabatur, juxta cum humore ichoroso successive plurimi lapilli provenerunt, diversæ magnitudinis, formæ & figuræ, sic ut alii triangulares, alii quadrangulares, alii sexangulares, deprehensi sint, inter quos majores, glandibus faginis, minores vero, granis ericæ similes erant.

Idem Coloris sunt extrinsecus sub-punicei, instar Castanearum nondum omnino maturarum, inducti tenui quodam cortice, intrinsecus lutei instar Rhabar-

G g

bari

bari, quo ægrotus sæpius utebatur. De cætero lapilli dicti sunt friabiles, pondere admodum leves, ac numerum eorum novem annorum spatium excretorum, quingentenarium aut sexcentenarium æquare, hæredes ægroti affirmant: Eorundem etiam lapillorum numerum ad 80. apud me asservo. Quamdiu vulnus apertum conservatum est, & lapilli excreti sunt, cætera vir ille bene valuit, & ad quævis sua munia obeunda, supra morem ætatis, expeditus & alacer; quam primum vero vulnus sua sponte coaluit, in alios Morbos incidit, præcipue vero interdum in Asthma, interdum in Icterus, sæpius in Diarrhœam, quorum morborum unus tandem quoque ipsi vitam exinxit, postquam ad 72. ætatis annum accessisset. *Godofr. Thilesin.*

HERMAPHRODITI.

*De Hermaphroditis, eorumque Chirurgiâ
sic scribit Hieronymus Fabricius ab
Aquapendente.*

Hermaphroditus dicitur qui utrumque habet sexum, olim ἀνδρόγυνος vocabatur, ex Plinio, ut apud Platonem, ita dictus, quia sit Mercurii, & Veneris filius, ut vocis compositio indicat; nam Mercurius Ἑρμης, Venus Ἀφροδίτη, à Græcis dicitur. Ut fabulantur Poëtæ, fuit adolescens formosissimus quem cum esset complexa Salmacis Nympha in fonte, & blanditiis ac precibus in concubitum flectere non posset, illa à Diis petiit, ut ex duobus corporibus in unum redigerentur; quod factum est Plinius lib. vii. cap. 3. ait, quod olim in prodigiis habebatur, nunc in deliciis. Quia verò multam utrique sexui affert deformitatem, idè Paulus ejus Chirurgiam proponit. Primò autem ex Leonide ponit differentias hermaphroditorum, in viris nimirum tres, in mulieribus unam. In viris quidem modò juxta regionem inter scrotum & anum, modò in mediò scrotò muliebris pudendi pilis obstiti forma apparet: Tertia verò ad has accedit, in quâ nonnulli veluti ex mulieris pudendò, quod in scrotò est urnam profundunt. In mulieribus verò supra pudendum, juxta pubem virile frequenter reperitur genitale, tribus quibusdam existantibus corporibus; unò tanquam cole, duobus autem aliis veluti testiculis. Hæc Paulus. Ego autem quid in hac re observârim dicam: Observavi enim in homine inter anum, & testes, statim sub testibus, præter sua genitalia membra, formata quoque fuisse labia vulvæ, sine tamen aliquâ cavitate, itaut videretur naturam voluisse vulvam, & pudendum mulieris efformare, frustratam tamen fuisse: In mulieribus verò observavi nympham productam fuisse, nunc ad duos, nunc ad tres digitos; quæ tamen erat flaccida, neque erigebatur. Nihil ultra fuit hæc in re à me observatum: Audivi tamen, & Perusii, & hic Patavii, mulierem fuisse hermaphroditum, quæ concubitum cum aliis mulieribus habebat, hæc parte erectâ, ut dicit Paulus. Fama quoque est in bellò Ungaricò proximè præteritò, militem peperisse, qui ad intuitum mas, sed clam fæmina quoque erat perfecta. Nec mirum hæc à naturâ fieri; quoniam in generatione, ut puta in naturæ operum maximè natu-

rali, tantum fuit de successione natura tolli citâ, ut potius abundare in superfluis, quàm deficere in necessariis maluerit. Itaque primò fecit conceptum, ad utrumque sexum suscipiendum aptum, ut scilicet unum saltem, vel mas, vel fæmina, quò minus procreatur, fugiat. Sic in ovis quoque per duplicatum vitellum factum est. Propterea sicuti hominem fecit potestate fæminam, sic fæminam marem evadere idoneam molita est. In quò tamen præpollet femina, quod frequentius in femina, maris genitalia, non contrâ; femina in mare posita sunt. Unde Paulus in mulieribus frequenter accidere dixit masculine sexum. Ratio ea est, quia, uti ex Anatome dictum est, natura magis feminarum, quàm marium generationem appetit, & intendit, propter causas in anatome allatas; ad quam hæc fortè magis spectant, quàm ad hunc locum.

Sed nos Pauli Chirurgiam in Hermaphroditis afferamus, & primò in viris femineum sexum habentibus. Paulus dicit quòd tertia virorum deformitas, quâ urina per scrotum excernitur, curationem non admittit, reliquæ tres curantur, corporibus inpervacuis è mediò sublatis, & ulcerum modò curatis. Quæ Pauli verba nihil aliud præcipiunt, quàm ut excidantur corpora mulieris, & pudendum, ac vulvam facientia. Ego verò cum nihil istiusmodi viderim, neque actioni officere, neque incommodum esse, neque deformitatem ullius oculis afferre, satius forte existimavi, ab opere dolorem afferente abstinere, & sine Chirurgiâ ea dimittere.

Sed de Nymphâ solum difficultas est (*sub eâ Chloridem complectitur Autor noster*) de quâ Paulus privatim agit: Tum verò ab Aegyptiis excindi solet in virg'nibus, ubi scilicet multa promineret; quod duabus tribusque de causis factum esse reor. Primò, quòd existimarent hanc partem plus justò prominentem, actu venereo incommodam esse, quòd in vulvæ orificium incidat, & colis ingressum liberum prohibeat. Secundò, quia existimarent nefas & piaculum esse mulierem agere quoque virum posse. Tertiò, ut modestiores feminas redderent, & inextinguibilem libidinem, locis illis æstuosis feminas urgentem, per nymphæ amputationem, quæ Veneris aculeus, & tentigo est, refrenarent: Nam hæc pars, uti Anatome demonstrat, formam colis, & substantiam, corporisque proprietatem exactè refert, proindeque & oblectationem, & omnem penis actionem habere necesse est. Sed jam tempus est ut hujus quoque partis chirurgiam peragamus; quam Paulus, resupinatâ muliere, & nymphâ volvellâ prehensâ, scalpellò excindit; diligentiam adhibetâ ne tam altè ipsam penetremus, ut fluidus affectus, Rhyada vocant, excitetur. Sed melius erit, tum ad dolorem, tum ad rhyada vitandum, forcipe angustiore ipsam apprehendere, sensimque stringere, ut adstrictione sensus hebetetur, inde præcidere.

Observationes

De Hermaphroditâ perfectâ &c.

Abstine ab hoc capitulo lasciva petulantia, & procul hinc, procul estote aures profanæ & salaces. Medicis scribimus, quibus & tangere subinde permittit necessitas,

tas, quæ natura, sollicita pudicitiae conservatrix, velanda curavit. Iis ergo non molestum erit audire, quid circa eas partes etiam extra ordinem aliquando ipsa illa omnipotens mater molitur. Obstupuit mecum Guilielmus de Peny Amstelodamensi nosocomio præfectus Medicus, & aliquot celebres, qui aderant, Chirurgi, dum puellum septennem visitabamus, quæ anno ætatis suæ sexto fluxionem menstruam passa erat diuturnam & vehementem, atque ubi ea delierat, pleuritide correpta fuerat; ac d'u colluctata cum febris eam ordinariè comitantibus, & hic diu etiam sequacibus, tandem in regione pubis vehementissimos sensit dolores: parsque ea paulatim intumescens, anno ætatis septimo, quo hæc oculis nostris usurpavimus, non puerum, sed penem produxit, qui perfectus, & perforatus erat; ita ut urinam commode per eum redderet, testiculi jam etiam sui prodebant initia, nam in sinistro latere tangentibus occurrebat globulus, qui manui cedebat, omnium, qui aderant, iudicio extra omnem controversiam, testiculi latitantis adhuc, sed se foras prorumpere conantis arguementum. Quamquam autem parte recentè adnata urinam redderet, non tamen eandem minus commode, qua antea solita erat via, emittebat. Mirabamur ista tam insolita naturæ molimina, & quo tandem evaderent inter nos quærebat, quod succedentia docebant tempora; vivit enim & valet hæc parva hermaphroditula, quæ non minus obstupuit, credo, quam famosa ista Anna Weylde Angla, quæ ne quidem per umbram suspicans se aliam fore, quam fæminam, sine ullo doloris sensu anno ætatis sexto sensit prodire testiculos, quibus decimo tertio adnatus est penis, ita ut utriusque sexus membra exhibeat, testiculis etiam, quam ordinarii virorum sunt, majoribus, titillabatur utriusque sexus libidine, sed quia penis non erat perforatus, semen, quod eum inflatum impleverat, siquidem id affirmanti fides potest haberi, deorsum per muliebria, effluebat. Curiosa alia de hac perfectissima hermaphrodita referre possem, nisi illa per totam Europam pene vagata, penem & reliqua omnibus videnda, omnibus tangenda obtulisset.

Itaque aliud in hoc genere mirabile referam: quad etiam Amstelodami visendum fuit: puer est rimum annorum, in quo nec testiculi, nec scrotum apparet, sed tantum virgæ cujusdam imperforatæ exiguus tubus, & infra eum foramen, quod caput majoris aciculæ magnitudine non excedit, per quod urinam reddit sine incommodo. Sed hisce stupendis naturæ exorbitationibus tantisper immoratum esse, sit satis. Legat, qui curiosior est hac super re, Ausonii carmen, non unum hujus rei exemplum adferens, quod hic tibi suis admetior numeris.

Vallebana res nota, & vix credenda Poëtis;

Sed qua de vera promittitur historia.

Femineam in speciem convertit masculus ales,

Pavaque de pavo constitit ante oculos.

Cuncti admirantur monstrum; sed mollior agna

Astitit in tenerum de grege versa marem.

Quid stolidi ad speciem nota novitatis habetis?

An vos Nasonis carmina non legitis?

Canca convertit proles Saturnia Consus,

Ambiguoque fuit corpore Tiresias:

Vidit semivirum fons Salmacis hermaphroditum,

Vidit nubentem Plinius Androgynum.

Nec satis antiquum quod Campana in Benevento,

Unus Epheborum virgo repente fuit.

Nolo tamen veteris documenta arcessere fama,

Ecce ego sum factus femina de puero.

Bibl. Chirurg. Toin. II.

Legat Fortunium Licetum de Monstris, & Martinum Delrio in d'squisitionibus magicis, ubi hermaphroditum genuisse & peperisse narrat, alios ex feminis subito in viros mutatos, alias ex aniculis in juvenulas, nec nugatur vir ille, tempus, locum, aliasque assignat circumstantias, quæ solent rebus fidem autuere. *Theodor. Kerckringius in Spicilegiò Anatomicò.*

De Hermaphroditò.

De hermaphroditis nihil omnino dicere statuissem; sed partim, quia Fabricius de iis nonnihil scribit, partim, quia mihi puella hermaphrodita ante biennium inspicenda & post mortem examinanda oblata fuit, non possum, quin aliquid addam. Qui plura de talibus scire desiderat, adeat celeberr. *Casp. Bauhini tractatum* absolutissimum. Infantem illum cum vivum inspiceremus, dijudicare non potuimus, quisnam sexus in eodem præpolleret, habebat enim penem, pro ætatis ratione longiusculum, simul quoque externam pudendi muliebris imaginem. Post aperturam cadaveris inventus est uterus cum testiculis, rubis aliisque vespetilionum, tum & sinu pudoris, in cujus superiore parte meatus urinarius quoque aderat, adeo occultus, ut in viva eundem animadvertere non potuerimus. Cæterum penis nullum habebat commercium cum vesica, eoque transversim dissecto, nulla spectabatur urethra, sed tantum duo corpora nervosa, quæ suis crusculis adhærebant ossibus pubis, ut clitoris mulierum. Potuisset hic sine dubio curari, si longius habuisset vitæ spatium, è medio sublato pene tanquam supervacuo, postea ulcere debite tractato, ut habet *Ægineta l. 6. cap. 69. Clariss. Joh. van Horne in Microtechnè.*

Conceptio Hermaphroditica seu Androgyna.

Fortunius Affaytatus, Physicus atque Theologus Italus insignis, in suis considerationibus Physicis atque Astronomicis, Paulo III. Pontif. Max. inscriptis, & Venetiis Anno 1549. impressis, de conceptu Androgynæ cap. 2. hæc habet. Melinus Britannus, divinus vates, anno à Christo nato 446. ex ea matre natus est, quam constabat sine viro concepisse, cum forte se cum viro jacere somniaret; id Sabellicus scriptor historiarum diligentissimus, alique Historici & Chronologi, præsertim apud Anglos, literis prodiderunt. Averrhoes asserit hujusmodi casum suo tempore accidisse, hoc est, virginem sine virili concubitu concepisse & peperisse. Divus quoque Thomas ait, suo seculo idem evenisse. Nostrates etiam paucis abhinc annis restantur idem Cremonæ contigisse. Vivuntque adhuc tum obstetrices boni nominis, tum probatissimæ quædam matronæ, cum quibus hac de re sæpe longos ipse sermones feci, quæ jurant, se huic spectaculo interfuisse.

Allegatus Autor cap. 5. suam hac de re sententiam ferr, dum dicit: Dari hermaphroditos utriusque sexus munus egregie absolventes, & alterum tantummodo sexum foris ostendentes: fœminea genitalia exterius conspicua esse, virilia intus latere, semine prolifico prædita; & per certum seminis ductum, quotiescunque opus sit, semen ad matriam deferre, vehementi aviditate illud excipientem: illudque penetrare illæsa etiam virginea membrana in loco ad generationem accommodata, illicque residere, & ita conceptionem fieri, eodem modo ac si cum viro rem habuisset: & hoc plerumque solere per somnum usu venire, quo tempore sagax natura ad venerem excitandam varia simu-

lacrâ confingere facile potest. Servatis igitur naturæ legibus, satis constare arbitratur, mulierem sine viro foris adhibito concipere posse: quâ in re providæ & almæ naturæ gratias ingentes agendas esse censet, quæ nullo pacto genus nostrum perdi aut extinguere voluerit: etiam si viri non invenirentur, aut fœminas prorsus odissent. Immo omnia procurasse naturam statuit, ut humanum genus tueretur & conservaret, illudque homine etiam invito latius propagaret.

Rarus hic Tractatus plurima alia paradoxa in se continet non ubivis obvia: Speciosas etiam rationes complectitur, cur magnes se ad polum vertat, in quibus eruendis hætenus plurimi defudarunt. An autem Lectori curioso author hic in omnibus satisfaciât, in medio reliquitur.

Scholion) Aristot. l. 4. de Gen. Anim. c. 4. iudicat, de Hermaphroditis, quibus gemina sunt pudenda, unum ratum, alterum irritum habent. Non verum hoc Aristot. decretum esse statuit Joh. Faber Eynceus in not. ad Hist. Mexic. f. 547. certorum, inquit, mihi fide testimoniorum constat fuisse egregia statura & venusta facie juvenem, qui modo gladium cingebat, modo colum tractabat, & agi parique posset. Nisi Aristotel. intelligat, qui fœcundum virile profundit semen concipere non posse, aut vice versa; quæ gravida sit in alia fœmina generare non posse. Contrarium, ait, ferè foveo, Aristot. sententiam. Exenteravit Theophil. Molitor Lynceus in Fabri æde murem majorem, Rattum, qui Hermaphroditus erat & prægnans, novem masculos utero conclusos gessit, non majores quam aliqua magna formica, vivos omnes, & in quibus cor pulsare visum est: Erant huic omnia fœminam constituentia genitalia & semen præparantia, conficiantia Testes ac deferentia vasa una cum matrice: Altera ex parte aderant omnia vasa semen facientia & jaculantia masculina, cum ipso utero, testibus, vesiculis semine densis & optime concocto onustis. Hætenus Faber: Memorat Wolphius in memorabil. com. 2. Camer. cent. 16. f. 510. fuisse Hermaphroditum Hieronymo Montano Gallo satis cognitum, qui sexus muliebris putabatur, viro nupserat, cui filias aliquot & filios pepererat, sed nihilominus ancillas compresserat, & in his generare solitus fuerat; licet itaque rarum ut Hermaphroditus utroque sexu & incubum & succubum cum aliis agere possit, & utroque fœcunditatem exhibere; ut tamen solus sibi ipsi utroque sexu sufficere possit, res videtur esse valde difficilis quæ & credi & probari satis possit. *Georgii Christ. Perri.*

De Duobus Hermaphroditis.

Inter praxim, quam in castris Brandenburgicis ad Anclamum Pomeranorum locatis, apud multos dysenteria & febre maligna decumbentes, hoc Anno 1676. Mense Augusto, exercui, oblatus mihi fuit infans masculus, vix tertium anni quadrantem ætate superans, dysentericus, ex plebeia stirpe minime oriundus: Puellus hic, cum ultra octiduum laborasset dysenteria, & ea muliercularum medicarum ope jam esset sublata; accedenti videbatur mihi insultibus epilepticis iisque lethalibus decumbere: Cumque inter cætera indicantia Clyster esset applicandus, & nemo in castris adesset, qui manum operationi huic adhibere gnarus esset, ipsemet ego enema paravi, idque instrumento apto infantulo infundi, ne aliquid damni imprudentia alterius administrantis pateretur. Etenim non mihi aut alteri Medico candido turpitudini ducendum existimo, quandoque Pharmacopœi aut Chirurgi vices supplere,

ubi id necessitas efflagitat. Cum itaque canaliculum ol. amygd. dulc. oblitum cauta satis manu ano admovissem, ut sine noxa & dolore posset penetrare: Sphincterem ani (qui in dysentericis quidem relaxari solet) adeo amplum inveni, ut is primo statim intuitu mihi potius membrum muliebre, quam anus videretur. Rima erat oblonga, ampla, labiis septa, quæ rugis quibusdam sed paucis erant plicata, anique partim sphincterem, partim vulvæ labra præsentare videbantur. Præterea cum syringam, hinc inde in ano laxo agitassem, nec tamen illam penitus intrudere possem, cum semper aliquid obstare deprehenderem, quaquaversum canaliculum movebam, & liquor enematis etiam reflueret, paulo superius versus os coccygis reperi ingressum, quo syringa penetrabat & clyster plurimam partem infundi posset. Dubius igitur primo, an aliquid monstrosi & Hermaphroditici subesset in tenero hoc subjecto, an vero secus, & (quod in his morbis familiarissimum est) ani sphincter nimis esset relaxatus, atque intestinum rectum acrimonia humorum dysentericorum exesum foramina acquisivisset, rogavi Parentes, ut infantulum cum muliere, quæ illum à partu curaverat, lectica ad tentorium meum, quod inde ultra dimidium milliare distabat, duci curarent, ut per integrum diem eo melius infantuli curam haberem, quoniam officii Electoralis causa longius abesse non possem. Id autem feci ea de causa, ut præter diligentem curam istas partes exactius perlustrare mihi simul copia daretur. Consensere Parentes, & subsequenti die miserunt ad me puellum cum vetula. Illum ego lethalibus laborantem symptomatibus, quantum opus erat, refeci medicaminibus necessariis, & posticas partes diducendo interiora ani perlustravimus ego & vetula quid lateret post rimam, quam natura loco sphincteris ani produxerat. Diductis itaque labiis externis, rugis quibusdam (ut superius innui) sphincterem ani mentientibus, inveni nymphas & carunculas versus abdomen, inter quas hiatus erat pro vaginula uteri: Paulo superius versus dorsum, sphincter erat intestini recti minime, ut alias, corrugatus, sed tanquam duabus membranarum rubris ex adverso sibi correspondentibus, alvi excrementis exitum præbentibus, compositus: Hic valvularum more aperiebatur, quotiens infans ejularet, & (quod ob dolores internos fere continuo accidebat) vocem raucam minime sonoram ederet. At, quod assequi ego non poteram, supra hunc ani sphincterem internum aliud foraminulum parvum, ad formam meatus urinarii, in mulieribus alias versus abdomen, hic autem versus os coccygis, conspiciebatur. Notabile & hoc erat, quod Perinæum, forma sua futuram exactissime referens, ultra quatuor transversos digitos inter penem & hunc monstruosum anum distabat. Ita satis hisce partibus perspectis, infantulum hunc (Puellum ano-Puellam, vel quomodocunque eam appellare placuerit) cum vetula dimisi, qui etiam subsequenti die epilepticus moriebatur, statimque in proximi pagi templo sepeliebatur, cum Parentes exenterationem, quam sollicitè implorabam ob internam partium structuram, penitus abnegarent. Mulier quæ infantis curam à partu usque gesserat, eandem mecum sententiam circa muliebre membrum fovebat, quæ (ut aiebat) semper observasset, Infantulum circa illas partes sese non bene habuisse, præsertim cum egresserit urinas & alvi excrementa.

Cadaver etiam denudatum militis cujusdam ad propugnacula urbis Anclami occisi, inter aliquos occisos ita cum suis genitalibus utriusque Sexus fuit conspectum à plurimis, in quò membrum muliebre perinæi locum occupabat. *Christiani Menzelii.*

De Hermaphroditō.

Die 12. Julii proxime elapsi, comparuit puella quædam rustica, non imberbis, in nostro Othinienſi Conſiſtorio, cui nihil in voris erat, prius quam ut nuncio & ſexui ſequiori, & ejusdem ſexus habitui, miſſo, ſibi integrum eſſet à Gynæceis ad masculum & ſexum & cultum tranſire. Erat autem

*Mercurio genitore ſatus, genitrice Cythera,
Nominis ut mixti ſic corporis, Hermaphroditus.*

Androgynus hicce natus in pago Tionenſi, *Eſpe*, cum ſalutari Regenerationis ringeretur lavacro, dictus eſt Petrus, teſte ipſo loci iſtius Paſtore; poſtea autem, cum errorem Naturę obſervarent Parentes, ſalutabatur Petronella, ultra annos unum & viginti, in hunc uſque diem, quo captus vel tædio, vel odio ſui generis, ſpreta nobilitate fœminæ ſexus & præcellentia, (quam ſolam laudavit qui omnia vituperabat Agrippa) ad caſtra Virorum redire optabat. Caſum hunc & cauſam ad forum Medicum mox devolvebant Aſſeſſores, ideoque remittebatur ad utrumque Clarifſimum meum Aſſinem Dn D. Chriſtianum Henricum Luja, Dn. D. Chriſtophorum Balſlavv, & me ſimul, ut noſtra, qui una tum temporis aderamus, valeret exiſtimatio. Nos varia primum huc ſpectantia rogantes, tandem ipſum hominem oculis ſubjicimus noſtris. Ubi jam oculi noſtri ad metam perveniſſent, obſervavimus in perinæo, ſive interfœmineo.

Pudendum muliebri, exiguum quidem, ſed non plane clauſum aut impervium, quod tamen otioſum judicavimus, nec omnibus, quod dicitur, abſolutum numeris, cum nunquam vel lotium emiſerit, vel tributum pependerit lunare. Prævaluit autem membrum illud quo Viri ſumus, in quo defectus apparuit nullus, niſi quod Penis brevior videbatur, verum, præ pudore, ni fallor, brevitatem modo mentiebatur, confugiendo in viſcera mille operta tugis. Teſtes adeo accreverant, ut non mereantur nomen Teſticulorum, communem quippe ſupergreſſi magnitudinem, Verve cum pœne adæquant. Atque ita non modo bene teſtantur virilitatem, ſed & ſalacitatem, cujus inſimulatus dicitur (ut cum Plauto loquar,) præſentibus teſtibus petulcas adamaſſe ruſcolas. Percrebuit equidem rumor pamphilam quandam ex ipſo gravidam eſſe, quod tamen ipſe, à nobis interrogatus, negavit conſtanter, ideoque nec temere hoc affirmaveto. Egreſſi hi Teſtes rariffimoteguntur ſcroto, non ad communem Naturæ legem formato, ſed prorſus biſido, & in dextram ſiniſtramque partem exacte diviſo; quippe cum lincola illa, in infima ſcroti parte ſecundum longitudinem communiter excurrans, quam futuram vocamus, heic ſedem ſuam circa Penis elegerit radicem. Atque ſic iterato ſæpius luſerat in hoc noſtro Natura, in longum ſui ludibrium ipſum reſervatura. Immo & varias vices ac viciffitudines experta ſunt hæc membra, ipſo reſte poſſeſſore. Tempore quippe nativitatis, & primis ſtatim annis, tavit Natura potiſſimum Virilibus, progreſſu temporis videbatur ad alteram inclinare partem, quaſi organo muliebri dedititia futura, verum ubi pubeſcere cæpiſſet, rediit ad priorem locum, unde digreſſus fuerat, ſuetus Naturæ vigor, quaſi eandem remenſurus fabulam. Cum vero ſe heic ſentirer diverti commodius, tranſtulit huc ſuas ſedes, maſculo generi futuras hæreditarias. His omnibus rite penſitatis, ductum Naturæ ſequuti, Virorum numero hunc adſcripſimus; jubentes ut, qui hætenus ſub muliebri palla maſ delituerat larvatus, jam, complicato

Bibl. Chirurg. Tom. II.

ſipario, in ſcenam ſine fūco proditer, veſteque fœminea cum virili mutata, maſculeſceret, & faciendū opere ruſtico, jam tum Vir futurus, digno Viro, laſcertos poſthac exerceret ſuos. *Georgii Hannæi.*

Andria, Sive mulier Hermaphroditica.

Emaſculatam fœminam, non caridum luxu aut deſidia pronatam Andriam, non illam Terentii ex Inſula Leſbo ortam, ſed ruſtica gente in ſuperiori Bavaria editam exhibeo, cujus lepidum exemplar Marius Grapaldus lib. 2. Lexic. cap. 5. voce ἀνδρ in Latine redito Epigrammate exhibet.

*Cum mea me genitrix gravida geſtaret in alvo,
Quid pareret fertur conſuluiſſe Deos.*

Mas eſt, Phœbus ait, Mars fœmina. Junoque neurrum.

*Cumque forem natus, Hermaphroditus eram,
Quareni lethum, Juno ſic ait, occidet armis,
Mars cruce, Phœbus aquis, ſors rata quaque fuit.
Arbor obumbrat aquas, aſcendo, decidit enſis,
Quem tuleram caſu, labor & ipſe ſuper.
Pes hæſit ramis, caput incidit omne, ulique
Fœmina, vir, neurrum: flumina, telo, crucem.*

Andria autem noſtrę ruſtica *Martha Lechna* nomine, patriam habuit pagum ſuperioris Bavarię paramœnum Ilmunſter, qui fere medium itineris inter Ingolſtadium & Monachium peregrinantibus exhibet, à præterlabente fluvio Ilne, & Cœnobio, quod circa annum R.S. dccciv. ibidem exſtructum Bavarię annales reſerunt, ita indigitatam, quam corrupto idiomate incolarum dialectus nunc *Idelmunſter* vocat. Parentem habet *Johannem Lechna* mercenarium, matrem veto, ob motum pedibus negatum ægerrime inque ſumma penuria decumbentem. Amor Judicis in egenam hanc decimum quartum annum ætatis nunc agentem literis hiſce commendatitiis pto viri poſſe munivit:

Demnach Mir Vorveifer deſſen mein Unterthan Hans Lechna unterthanig zuvernehmen geben, daſſ er unter ſeinen funff Kindera ein muheſam und armseliges, vvelehes in gleichen Mann und Weib, nicht vveniger deſſen Chevvirrhin vwegen zugestandenem Unglucks an beyden Fuſſen contract. Sintemal er aber vvehen groſſer Wehemuth zu Curirung deſſen keine Mittel, auch mit ſeiner Hand Arbeit, als Tagvwohlen, jedluch zverhaltem nicht vveifs, ſondern ihnen kaum die Lebens Mittel ſchaffen kan, daher gedrungen, gute, fromme, treuhertzige Chriſten umb das vvrurdige Allmoſen umb Gottes vwillen anzuurſſen und zu bitten, hat er mich ihm deſſen Atteſtation und Urkund zvertheilen unterthanig gebeten und angelanget, vvelches Ich der Warheit zu Steur, vvie es auch der Augenschein bezeugt, nicht vvervveigern vvol- lenden nach an alle und iede, vvas Dignitaten und Standes ſie ſeyn, vvelche mit dieſem Urkund erſuchen vverden, mein gebuhr-dienſtvwilliges und freundliches Erſuchen, Sie vvollen gedachtem Lechna außs Chriſtlichem Milleiden die Barmhertz igit erweisen, und ihm mit ihrer Gabe dem vvrurdigen Almoſen befohlen ſeyn laſſen: Solches vvrird Gott der Allmachtige ſeiher Verheiffung nach hie zeitlich und dort ewig be'lohnem, der arme Menſch auch mit ſetnem Gebet gegen Gott furbitend nicht in Vergeſſenheit ſtellen. Der Warheit zu Steur habe Ich auff berubrtten Hanſen Lechna, ſein gebuhrendes Erſuchen und Bitten ihm dieſen Schein verfertigt, zugestellet und geben. Actum Idmunſter 20. Nov. Anno 1670.

(L. S.)

ULRICH VIRDE

Richter allda.

G g 3 Hac

Ilac ratione ostiatim victum quæritante Martha anno hoc P. C. N. & Inc. MDCLXXI. 5. Iduum Iun. quo die Romæ antiquitus Vestalia celebrabantur, ædes meas adiit, pro obtinendo Viatico; lectis l' teris salvi commeatus, copiam videndi ut faceret hanc naturæ aberrationem petii, quæ antequam inspiciendam se præberet, una cum fratre suo Iacobo *Lechna* facta est, se à primis unguiculis & dum sacra initi fœderis cum ea celebrarentur, Hermaphroditias suspitione detentam à potiori membri genitalis efficaciori signo, evirari Caspari impositione fuisse indigitatam: succrescentibus vero annis cum & pudenda muliebris signaculi longiorem rimam evidentius ostenderent, circa decimum ætatis annum, alterum, quod in ipso S. Baptismatis fonte infimul Marthæ nomen acceperat, pro diluendo sexus dubio reassumere parentes anxie laborarunt: bavaro hinc Dialecto nostra *Marthel* vocata, Monachiumque deducta est, atque censuræ & inspectioni prudentissimæ sagacioris Experientiæ Gratioli Ordinis Medici ibidem commissa fuit, horum suasu Marthæ nomen in hunc usque diem retinuit, atque virili exuto habitu, ob perpetuum urinæ stillicidium, muliebre utpote laxiorem vestitum induit. Pendulos vero testes cum scroto vidimus juxta adumbratæ figuræ lit. A. A. quas iuxta figura & proportionem efformatas deprehendimus, supra quas brevior ac natura in viris finxit, præputii ac penis effigies BB. imminabat, siquidem præputii involucrium medii glandis caput C. C. quadantenus obvelabat, nec omnino obtegebat: erat autem glans penis turbinata, ut in aliis viris, cujus basis reliquo membri virilis corpori, abbreviato nimium circuli instar, sive in modum coronæ adhærebat, molli admodum acutie prædita: nec deerat *χαλινὸν κούον* sive *κυνόδεσμον* in glandis inferiori parte, quod quidam ex nervorum extremitatibus conflatum, pro contractione præputii factum, frenum esse autumant D. Hoc suberat discriminis, quod eviratæ hujus penis in summæ glandis medio apice non fuerat pro more perforatus, ac in maritali sexu, sed in superna membri parte rimam obtinuerat satis longam & profundam E. E. quæ se infra præputii partem pubi substram ad dimidii pollicis transversæ longitudinem extendebat: diducta rima alæ pudendorum muliebrium conspiciebantur, quin & bini meatus F. G. horum prior & superior styli mediore magnitudinem admittebat; perpetuo urinæ stillicidio lqualens, inferior & longe minor satis difficulter & cum dolore non ita exquisitè pervestigari potuit: sticta rima, quæ mentibus huic non in apicis medio, sed potius in superna parte sita conspiciebatur, diducto altius præputio, pollicis extimo articulo longior erat; tenellæ lanuginis vestigia in pube pubertatis imminenti indicia dabant. Penis de hinc male conformatæ ex brevitate nimia membri (quia præter glandis solius corpusculum tenellum nil de colli extensa parte residuum cernebatur, quamvis alias pro membrorum proportionem conformatum deprehendamus, & parvi statura quandoque magno eoque pendulo membro conspiciantur) iudicium, quibus alte in mente hærebat, hi corporis proceritatem, macilentiam, vocem & vires viriles, promissiores comas, mammas ad latera minutas, & pudenda, non tamen ut in viris promissa adeo, cum appensis testiculis scroto obductis intuebantur, rimam elongatam cum binis ductibus altius rem ad rationis trutinam examinabant Tribades cum Cœlio Aureliano, & ad nequitias attriectantes subigatrices conici referendam censebant. Hos curiosior Genitalium observatio in

questionem intricatam satis adeo deduxit, ut de futuræ aut imprægnationis aut prolificationis munere sciscitarentur: alios movit Galeni autoritas Comm. in 7. Aphor. 44. *γυνὴ ἀμφοδῆζι ἐγύετα*, mulierem non fieri æquimanum, cum eidem nil virile insit, ex Divi Senis autoritate: alii pro ratione roboris genitalium dimicantes, virili potius habitu incedendum duxerunt: inter utrorumque diverricula alii media incedentes via utrumque veneris exercitium Marthæ nostræ attribuerunt, quoniam juxta Suidam *ὁ τὶ ἀϊόχως καὶ ποιεῖται καὶ πασχέει*, adeo ut merito quærendum,

*Num Dea fœmineum jam negligit Hermaphroditum,
Amplexu teneri sollicitata viri.*

Favet horum sententiæ historia Keckermanni de milite Ungarico, qui in utrisque castris & Marti & Veneri litando assidue strenuum se gerebat, tandem effeminatus puerperii vices subivit. Ut taceam binos Monachos, de quorum altero *Γυτόγραμμα* illud. *Mas, Mulier, Monachus, Mundi Mirabile Monstrum.* Sic Andriam Scoticam herilem filiam in uno lecto accumbentem stuprassè Anno 1461. Boetius auctor est. Et hæc de Andria nostra dixissè sufficiant. *Jo. Sculteti.*

*Annotatio ad observationem præcedentem
De Andria.*

Quam ex cl. Dom. D. Joh. Sculteti relatione exhibuimus Andriam, illius descriptionem fusius tradiderunt alii Dunmviiri Noribergenſes, quorum narrationem nunc subjungo, ita exc. Dn. D. Joh. Georg. Volkamerus.

Puero cuidam Scrotum intra crura sub inguine convenientis formæ propendebat; exinde canalis quasi nullus sursum adhærebat cuti, sub cute glans prominere nullo testæ præputio, antorsum consimilis cum aliis figuræ, ventrem vero versus ubi adhæsit, diffusa, diduci potuit: extremum digiti apicem longitudine sua vix æquabat, connata deinceps pone præputium glandem vulgarem è quercu referebat.

Altera relatio communicata à Dn. D. Georg. Abrahamo Merclino Juniore Medico Norsbergenſi explicat magis magisque Andriæ statum, sic autem ille:

Quam multifariam ac mirabiliter in minimis, in maximis sæpe ludat natura rebus, præter Medicorum annales quotidiana experientia passim abunde docet: ludit quoque haud raro in nobilissimis etiam nobilissimi ipsius humani corporis partibus, sed & vix unquam frequentius quam in generationi dicatis organis, adeo ut ejus arcanarum & occultarum virium ratio non semper subtilius quærenda, sed effectus solummodo cum admiratione spectandus, fatendumque sit cum incomparabili Thoma Bartholino, De insolitis partus humani viis, cap. ult. multa in corporibus humanis quotidie fieri, quorum vim naturamque perspicere non possumus: Hujusmodi Naturæ lusum, dicam an errorem, notare licuit anni hujus 1671. mense Junii in genitalibus cujusdam vulgo, sed ut opinor, minus rectè putari Hermaphroditi, quem puerum, si ita loqui licet, fœmellatum aliqui vocaverunt, xiii. circiter annos natum, in pago prope Bavarorum Monachium sito, infimæ sortis patre Joh. Lechna, mercenario: Sacrum lavacrum nomen ei primum dedit Caspari; at

quod

quod mutarunt, qui de fœmineo sexu aliquid cum participare primitus observarunt, hincque nominarunt Martel, quo & Martham & Martinum subintelligere voluerunt, quo etiamnum audit nomine: muliebri incedit habitu, licet ad masculinum quam fœmininum longe manifestius inclinet sexum; an ut ex vesica continuo scaturientis urinæ molestiam facilius eo fertet, aut promptius declinaret? an ut in curiosorum animis majus se videndi excitaret desiderium? an quod parum curans qua indutus sit veste, quæcunque suppetit posthabito delectu assumat? Noribergam venit, non ob aliam quam ostiati stipem quærendi causam, intercessionalibus literis ab illo illius pagi præfecto instructus, qui pietate erga pauperculum motus testimonium simul ejus infirmitatis ac indigentię impertivit; Mas est, matris enim generationi externa dicata exhibet organa omnia, Testes scroto inclusi ad naturalem alias eorum conditionem rite se habent, nisi quod minus quam par est propendeant, ac paulo latiores compressioresque sint, & pubis ossi atctius adhæreant. Penis præputio quidem, sed retroducto, & glande, sed denudata, instructus in hoc insuper discrepet, quod longitudine vix digiti manus articulum superet, supra cujus regionem pubes quoque sparsum pullulare jam incipit, Mammæ quoque tantum abest ut sororientur, ut potius admodum graciles & puerorum mammillis simillimæ conspiciantur, Fœminum autem nil prorsus habet, nisi quod Penis foramen, per quod è vesica urina consueta Naturæ lege profluit, peramplum sit, sublongum, vulvæ ad instar, labiis, quæ diduci possunt, & internis quibusdam carunculis conspicuæ formatum, satis crassum admittens stylum, equo urina subinde stillat, adeo ut ne momentum quidem continere eam queat: Proluitque hinc subnuculam, & aditam cutim ita irrigat, ut sua acredine eam adurat, inspicientis nares graviter offendentem: Quam urinæ incontinentiam ex sola foraminis amplitudine, hincque rite ac sticte se constriquentis ineptitudine deducerem.

De Hermaphrodita singulari.

Historiam (referam) de hermaphrodita, qualem nec Bauhinus, nec alii, qui hujusmodi meminerunt, admirabiliorem scripserunt; quamque egomet vidi Hagæ-Comitum, & examinavi: Est paupercula, quæ pro nummis lucrandis sese Medicis & Nobilibus quibuscunq; denudat, quare nuper in Hollandia fuit, jam, uti audio, ad Gallos ivit. Historia ipsa Regiæ Societati communicata est, ex qua sequentia transfero. Nomen illi est Hannali Wilde, nata mense Februarii A. D. 1647. in pago Agri Hamptoniensis Ringrood dicto. Sexto ætatis anno inter saltandum cum pueris coætaneis, extuberantiæ duæ, pro herniis bubonocelis habitæ, primum emicuere: quibus in ordinem redigendis, Chirurgi diu operam luserunt: Testiculi enim erant, qui jam præggrandes facti, scrotis duobus cutaneis, parum corrugatis, sed vix prominulis, pilisque obsitis visuntur, ex quibus divisis & elongatis confinguntur vulvæ labia: Adest sinus muliebris, in quo nymphæ, & caruncula una vel alteta myrtiformium loco: Est & membranula, à perionæo sursum tendens, mediam rimæ partem regens, unde non video, quomodo peni virili introitus esse queat. Clitoris non habetur, sed loco ejus penis imperforatus, nisi forsitan is Clitoris dici-debeat: Usque ad decimum tertium ætatis annum pro fœmella habitata est, cum forte pani subigendo strenuam navaret operam, derepente priapus h'c, ad

id tempotis latens, magnò cum impetu foris erupit, accedente non levi corporis metamorphosi. Penis h'c aliquando erigitur, tum quatuor pollices p'ne æquat; præputio & frænulo, ut in viris sit, instructur, sed ubi perforatio fieri debet, adest tenuis membranula foramen obducens, ut nihil inde excerni queat. Uteri vagina, quantum videre contigit, in cæteris à communi sequioris sexus lege non recedit, in quam non pauci digitos intulerunt; quare hymenem, si adfuisset unquam, corruerunt; sed nec hoc edicere potuerunt, sine flexura articulorum propter membranam mediam rimam obvelantem; ob quam etiam non satis explorari potest sive oculis, sive digitis, quomodo se habet uterus ipse, aut cervix ejus: hæc tamen adesse valde verisimile. Cum annorum esset sedecim, menstrua periodico & modo debito fluere cœperunt, & jam nunc fluunt, ut ipsa refert. Barba satis densa erupit, imò totum corpus est pilosum: Vox corporisque habitus viròs æmulator. Mammæ nullæ exurgunt, papillæ perquam exiguæ, pectus valdè latum. Dicit se ad utrumque sexum comparatam esse, cum fœminas concupiscit, penis erigitur, cum viris, flaccidus manet, Oculos aliquando conjiciens in vicum formæ venustioris, illum deperibat adeo, ut insequenti die, præ amoris æstro, in passionem hysterica incidere, quam comprobarunt elevatio abdominis, crepitus, ritus, fletus, uti & juvenia: convaluit enim ex emplastro de Galbano regioni umbilicali applicato, & aliis remediis hystericis exhibitis. Tandem utrum vir vel fœmina sit, nescio; Testiculos adesse mobiles, satis largos, extuberantes, scrotis contentos, uti supra his oculis vidi: priapus, qui erigi & flaccescere capax est, adhuc clarius videtur: quare vir dicatur. Adsumt rima, uteti vagina, nymphæ, foramen intra pudendum pro urinæ exitu, quare ad alterum sexum relegetur, vel ad utrumque vel neutrum.

De Hermaphrodito.

Ludere in humanis rebus Divinam potentiam; ac inter creaturas non raro monstrosa, & contra solitas naturæ vias accidere, singulis, qui æqua rationis lance Physica ventilant, non est incognitum. Similibus extraordinariis contingentibus non immerito adnumerantur homines illi, hermaphroditorum nomine quos insignimus, dum scilicet & virile & muliebre genitalia, bonam tamen partem ut plurimum imperfecta, à natura ludente vel errante talibus insinuat imperiuntur.

Cum horum historiæ in observationibus Medicorum non sint adeo passim obviæ, junioribus autem Medicis, aliisque interest noscere circumstantias hujus erroris naturalis, ob divortium sæpe ideo questum, & alia diversa, lubet heic aliquam proponere; præprimis cum nonnulla ab aliis similibus diversa continer, atque rariora: Civis quidam in vicino aliquo oppido honeste vivens simili, id est honeste proposito matrimonio ingressurus, eligit sibi virginem, parentum honestorum filiam, famæ irident non inhonestæ. Dum conjugii debitum sponsæ suæ persolvere aggredietur, dapes hæc venereas neutrquam experitur ita dulces, veluti quidem eadem sibi promiserat; (prima autem vice, dum vixerat, coitum tunc exercebat.) Rem enim suam in novellæ uxoris rem immissurus; (ignoscant mihi casti oculi, castæ aures; Egomet castus Medicus hæc castis scribo; si quis Genius protervus scandalum inde accipiat, sibi ipsi habeat,) invenit portam hanc nimis angustam

itam, & vix duos digitos transversos amplam; Et quod majus adhuc fortunæ adversæ obtrigit tragicum symptoma, mentula conatu violentiore intrusa sentit aliquid interius contra audentius ire audens, atque ita huic introitum summe dubium reddens.

Misellus iste cœci Cupidinis miles duellum hocce amatorium, præter opinionem ingratum, satis ægrè ferens, ex amicis calculum sciscitatur aphrodisiorum castrorum exercitia, consuetasque circumstantias, atque ita desiderata castelli hujus mirabilis atque miserabilis expugnatione desperat, propterea rem gestam Magistratui Ecclesiastico denuntians, divortium petit, & quod petit, obtinet.

Ocularis enim inspectio, Magistratus jussu à perito Chirurgo instituta, docuit, hominis hujus pudendum muliebri duos saltem digitos transversos esse amplum, atque intra hoc superiore in parte membrum apparere virile, primo intuitu duas ad tres digiti articulationes longum, inter leves autem contactus in æqualem magnitudinem adhuc excrecere, durius insimul redditum: Contrectatione adcuratiore itidem edocente, sub carne adhuc latitare ejus portionem longam: Penem istum glande esse præditum non perforata, ac sine præputio; Labiisque pudendi muliebris diductis solitas non apparere nymphas; Collo item uteri anteriore existente quasi cartilagineo duro.

Cæterum sanguineæ illa erat complexionis, ac satis vegetæ, corpus obtinebat forte, vocem virilem, mammis carens, barbæ rudimentis & visum & tactum eludentibus, & quamvis tunc 26. ætatis suæ annum absolverat, menstruum tamen fluxum nunquam fuit experta. Modo dictis tamen non obstantibus, illa ipsa sese credebat fœminam, pluribus jam annis masculorum inhians amori ac contubernio; imo è congressu mariti matrimoniali deliderans & sentiens, modo monstrosa conformatio, & confusa partium genitalium structura hæc ipsi non invidisset. *D. Gabriel. Clauderi.*

Hermaphroditus.

In hermaphroditis Clitoris est quæ increascens virgam virilem effingit, ut ex eo patet quod nulla manifeste conspicua perforatio in ea observetur, quamvis testes ei foris interius à lateribus adsint. Talem memini me prope Andegavum vidisse, ætatis 28. annorum, qui circum os, instar viri, totus barbatus erat, & tamen muliebri vestitu utebatur, suæque genitalia pro vili pretio conspicienda exhibebat: Huic superiore pudendi parte clitoris excreverat ad medii digiti longitudinem & mentulæ crassitiem, cum glande, frenulo, & præputio, ut in viris esse solet, excepto quod fissura glandis non esset manifeste pervia: Inferius meatus urinaris & vagina uteri adstabant, ut in mulieribus; In singulis pudendi labiis unus testis continebatur. *Clariss. Isbrandi de Diemerbroëck.*

H E R N I A.

Non est quod humores tantum in causa esse imperiti credant, ubi tumidam cutim conspicient; cum circa umbilicum atque inguina ὄχρον haud rarò contingat, idque quod vel omentum, vel intestina, vel utrumque simul illuc decendant: Dicitur autem Latinis morbus hic Ramex, Ruptura,

Hernia à Græco ἑρνη quod ramam innuit, vel à Sabinorum voce Hernia quæ idem quod saxum est. Græcis ἑρνη, δὲ τὸ ἑρνηλέω noceo: Quorum differentias demonstraturi, ab ea quidem initium sumimus, quæ & incompleta, inguinalis, βεβωνοκήλη dicitur, cum intestinum, vel omentum, rupto vel dilatato tantum Peritonæo, in alterutro inguine subsistant.

Initio ne quid sicco à nobis pede prætereatur, Partium infimi ventris structuram & usum, Peritonæum, vasa semen præparantia, Testes cum tunicis & scroto, quæ omnia hernias considerantibus explicanda præcipuè veniunt, paucis repetemus ex Anatomicis. Peritonæum membrana visceribus circumtensa, firmo eadem nexu continet, operit. Pervium subinde conspicitur, ut vasa transmittat, circa uterum imprimis ligamenta rotunda, vermiformia. In Viris Processus, spermaticis vasis exitum præbentes. In utrisque Vesalio teste. Venam cavam, ventriculorum cum nervis, aortam cum aliquot sextæ conjugationis nervis, vasa ad umbilicum, podicem, & in fœminis ad uterum excurrentia, quæque ad musculos majores tendunt. Cohæret vero multis in locis musculis. Vertebra, septo transversa. Spermaticis vasis præparantes adnumerantur venæ, arteriæ, (quarum aliquando defectum vel absentiam observarunt Sebizius, Bartholinus, Kerckringius, & nuper admodum Alardus Hermannus Cummenus, Lunæburgensium Ducis Medicus, Carolus item Raygerus, Physicus Poloniensis, & Joan. Rhodius, cui Epididymides quoque desideratæ visæ in Mantissa Anatomica) ex aorta à dextris, ex emulgente ab altera parte, originem petentes: quamvis ab utroque nonnunquam latere arterias spermaticas ab arteriæ magnæ trunco exortas, Antonius Molinettus, Venetus, Medicinæ Theoricæ & Anatomix in Lyceo Patavino Professor Primarius Insignis atque Celeberrimus observaverit; quæ corpora efformantes pyramidalia, vel pampiniformia dicta glandulosæ inferuntur Epididymidum substantiæ, ut sensus contra testimonium Epididymides testium crediderit tunicas Geierus. Jam testes adsunt Epididymidibus conjuncti ac semini conficiendo destinati, sero nequaquam attrahendo, quæ eorum est temeritas, qui indoctam publicè sententiam in Theatris profiteri, inter partium generationi inservientium demonstrationes ausi sunt, vel argumento inconsiderate stabilire: Si testes non junguntur Epididymidibus, semen neque per testes transmittetur ad Parastatas variciformes. Hoc vero imprudentiam sapit, fortè ignorantiam. At si nostra illis tanti non videatur animadversio, Auctores habeant dissectionis peritæ toto orbe Clarissimos. Veslingius,

--- Cujus solet eloquio florere *Lycum*, Incumbunt inquit Epididymides subjectis sibi testibus, quorum propriæ membranæ quàm plurimis fidris meatibusque conjunguntur. Deprehenditur hic nexus circa utrumque testium extremum. Spigelius, Serum, ait, reperitur in testibus, sed alii usui dicatum, quia, juxta Galenum, serosa arteriarum substantia genitalis est, & ex sero à sanguine separato semen conficitur. Quid elegantius dici, quid clarius poterit? quid & hoc Glissonii paragrapho? Tunica testium nervorum ipsos adeuntium dilatatio quædam est & expansio, à qua nervuli undique emittuntur versus testiculi medium, ubi concurrentes vas nervosum oblongum constituunt, quod in epididymidis canalem manifestè exoneratur. Fernelii quoque habemus ἀντοψιν. In Animante, dicit, quæ à venere diutius abstinerat, dissecta, copiosissimum crassissimumque semen comperitur, quo & vasa,

vasa, & testes; & epididymis turgent. Pergunt autem, si exsectis testiculis semen generatur fecundum, testes nil conferunt. Epididymides eo interdum fungi munere non refragabor, immo semen in illis contineri παράδοξον non est, ut illud, meo quidem arbitrio: Eunuchi semen emittunt, ranæ absque utero, animalia exsecto liene, commode degunt, & canes voraciores redduntur, Politissimis Italo, Anglo adstipulantibus: Testes igitur, lien cultro removendi? Desperatum omnino consilium. At si ex filamentis constant, Aloysii Trissini, Nobilis Vicentini, ingenium suo tempore phœnicis, ratio valet: Cur sanguinis in vasis quibusdam albescit, similisque sit vasorum tunicis albis, in omnibus vero non item? an in quibus tantum diutius moratur, in illis albescit, vasisque similis sit? pars enim omnis alimentum sibi simile facit, ut in vasis seminis, quæ ob multiplices flexus sanguinem diu continent, in nullo autem alio vase accidit, quod in nullo alio ita diu moretur; quanquam & vasis cujusque humidum nativum, à quo ipsorum tunicæ nutriuntur, est ejusmodi: Verum quomodo animalia quædam absque testibus generent, Severinus quoque habet. Testes membranosa circumdantur cute, Scroti nomine insignita. Hujus non simplex structura est, nam præter ὄχιον, albugineam etiam propriam, δαρὸς est, & ἐλυτροειδής sive ἐρυθροειδής, quam unam eandemque contra Thomam Bartholinum, accuratissimum Anatomicum, & alios, notamus.

Accidit igitur, ut vel ex ictu, Celsi sententia, rento quoque diutius spiritu, vel ob læsam in genere facultatem, vel errorem externum, secundum Galenum, (neque prohibitum spermā inter herniæ causas cum Avicenna admittimus. Doctissimo notante Salio) illa abdominis membrana dilatata, ruptave interiori (duplex enim existit,) omentum, extenui extensa membrana, in sacculos & sturias propagata, intus contenta pinguedine, conflatum, Illustris Marcelli Malpighii, Professoris Bononientis Primarii, observatione, vel intestina, cæcum imprimis aut ileon (præter rationem esse, ut velamen sive peritonæum descendat, Salius contra Avicennam disputat) circa inguina subsistant, & tumorem, βεβωνοκήλη dictum, primam Herniæ speciem ab Aquapendente constitutam, efforment. Hic cum sæpe impingant imperiti, signa proponenda erunt, quibus accurate ab aliis discerni queat. Bubonocèle quidem ex eo cognoscitur, quod Tumor æqualis sit, rotundus, compressus etiam facite cedat, vel penitus evanescat ubi Bubo, tensio adsunt, renitentia, aliquando rubor, calor, nonnunquam febris: ut plagiarius merito censerī debeat barbitonsor, cum in tenuioris fortunæ homine Bubonocelen, venereum bubonem credens, sectionem, abnuente ægro, aggrederetur; qua perpetrata, protuberantibus fecibus in lipothymiam incidit pauperculus, sed brevi tamen temporis spatio à Petro Marchettis restitutus, ut habet in Observationum Chirurgicarum Sylloge. Hieronymus Senex Juvenis recenset Historiam, qui, cum circumforaneò testium suam exposuisset elevationem; difficili illum laborare hernia, & brevi, si opem respuerit, fati celsurum prædixit. Credulus homuncio, quo præsentissimum evaderet mortis periculum scilicet, sectionem, barbitonsoris suasu admisit. In eo jam erat carnifex, ut testem extraheret, ubi Pater attonitus cruentas retinuit manus agyptæ acersito Medico, qui nulla puerum detineri hernia afferebat. Joannes Prævotius Professor Medicus Patavinus celebris, rusticum vidit, intestino tenui dissecto à Curione, qui se bubonocelem cu-

raturum profitebatur, ex inguine toto vitæ decursu alvi feces excipientem. Affectus prorsus similis aliam descriptionem Hildanus notavit, qualis etiam decumbentis tustici fuit in valetudinario D. Francisci Patavino, cui intestinum in inguen prolapsum unā cum scroto computruerat, ex Elegantissimis Rhodii Observationibus. Testiculus quoque in inguine latens herniæ fingit speciem, narrante ex Jacobo Æthéo, Joan. Schenckio, & in Spicilegio Theodoro Kerckringio. Brechtfeldus testiculum circa annum ætatis octavum & decimum primum erupisse, in Hafniensium Actis Medicis recensuit. Alia igitur via tentanda Curatio, & prolapsum quidem intestinum digitis, quod si turgeat stercore accepto, vel aëre, balneo, foru, lenientibus; vel imposito, ubi indurata feces, cataplasmate quod recipit, radic. v. g. alth. & lilior. alb. an. ℥iv. folior. mercurial. malv. viol. an. m ij. sem. lin. scænuigr. an. ℥o. flor. chamom. melilot. parietar. an. m ss. coct. contul. ac per setaceum trajectis add. farin. sem. lin. ℥ij. ol. lilior. q. s. vel corporis etiam concussione aut subagitatione, capite deorsum reflexo, id unice agendum, ut situi restituantur in abdomine contenta viscera. Quippe Michelotium quendam, quod imperiti barbitonsoris curæ, qui inguen, intestino ad partes superiores nondum restituto, devinxerat, se commiserit, è vita discedentem idem introducit ex Benivenio Schenckius.

His pro virili peractis, novus intestinorum descensus facile prohibetur, si & diætæ, vitandis scilicet quæ flatus, borborygmus, ac humiditates nimias procreant, & exacta quietis & σεραπειυτιῆς habeatur ratio. Purgantibus imprimis blandioribus opus est, clysmis, medicamentis adstringentibus, agglutinantibus, exsiccantibus, quæ hinc inde ab Auctoribus recensentur prolixius. Fernelius inguen decumbenti supinè fovet decoctione, quæ constat Pisdia, Balustiorum, Nucum Cupressi, Gallarum an. ℥j. Aluminis ℥iij. cum aq. fabarum. Ambrosius Patæus, Primarius Francorum Regis Chirurgus, fortum habet ex corticibus granator. cupress. nucib. gall. alum. cand. equin. sumachio, berberibus, aq. fabror. incoctis, immo, amici fide, magnetem in pollinem redactum commenda, & limacum rubrorum pulverem. Crato, Trium Augustissimorum Imperatorum Medicus, in bubonocèle derafis pilis, tumorem terebinthina inungit, tum pulverem inspergit, qui habet Sang. drac. mast. thur. myrrh. an. ℥j. sumach. balust. an. ℥. j. aloës, torment. inum. coloph. bol. arm. an. ℥i ss. xyloal. spic. an. ℥ ss. Hieronymus propositis Avicennæ, Pauli, Celsi etiam medicamentis, & emplastro, quod ingrediuntur mallicorii, boli armenæ. sang. drac. an. ℥j. regul. pulverat. ℥ij. pulver. bislinguæ ℥i ss. cum ovi albumine, modico aceto & colophon. Agrotantem quadraginta dies in lecto continet, risu, venere, balneo prohibitis, ac bis de die sequentis electuarii dimidiam unciam præscribit. Accipe rhabarb. ass. consol. maj. nuc. mosch. nuc. cupress. cymini, tragacanth. gum. arab. mastich. bol. arm. sang. drac. mum. pic. græcæ an. p. æq. in alcohol. contundantur, & cum melle despumato f. electuarium. Nonnulli pulverem leporis combusti addunt. Propinetur vinum austerrum, vel aqua chalybeata, aut fluvialis cui folia cupressi, myrtique incoxerint. Schroderus, in Pharmacopœa, ad quamvis herniam excepta hydrocele, emplastrum posuit, cujus sunt, gluten ex anguillarum exuviis paratum, lapis hæmatiris, saccharum Saturni stann. ust. gum. ammoniac. in aceto ad solut. & cum myrrh. ol. ℥ij. mist. reperiturve in gedanensium dispensatorio.

Michaël Joannes Paschalius: mihi crede, inquit, quod si juvenis triginta resupinus dies quiescat, & de die 3j. pulveris consolidæ majoris vel minoris cum jure pedum arietis, vel vino adstringente, mane accipiat, recens curabitur hernia. Nec virtute, si Medico fides, inferior vulerianæ radix, succus scabiosæ, pentaphyllonis radice pulvis. Decoctum contra Herniam, Unguentum Herniosum, Emplastrum contra Herniam, Myntichtus descripsit in Armamentatio. Christoph. Roeslerus, Princidis Lignicensis Medicus, Filio, cui intestinum dimidi digiti longitudine a Scroto prominebat, postquam digitis intro adegisset, sequentem pulverem præscribit: Acc. Fol. Conf. Sarac. Sem. & fol. Perfol. an. 3ijß. fol. Pilosell. rad. conf. maj. an. 3ß. Sacch. pen. 3. v. f. Pulv. quo indies usus in juscule, & horas aliquot quievit. Insuper inguina inunxit oleo Momord. & Emplastrum contra rupturam cum subligaculo adhibuit, quibus feliciter restitutus, mortem evasit. Joannes Fridericus Allmacherus, Chirurgus Francofurtensis, desperatam Enterocelen in pago, præter alia hac potione restituit: Acc. Herb. Equil. Mj. rad. Liquir. Sem. anis. Car. an. 3ß. Ebull. in aqua. Joannes Baptista Sironius ad qualemcunque Herniam Emplastrum habet, quod accipit: Rad. Consol. utriusque an. 3ij. Laventur optime, siccantur, pistentur, & in Pulverem redigantur, deinde per horas duas in vase ferreo bulliant, igne lento, & addendo Terebinth. 3vj. optime misceantur, postea Mastich. 3ij. Thur. 3ij. pulver. & per setac. traj. semper agitando, donec bene misceantur, jam adjic. Gumm. Elem. in pollinem redact. & Tacamahac. 3ii. remov. ab. igne, & usui serv. ut distendi urgente necessitate super corium possit. Nicolaus de Blegny hoc habet: Acc. Oliban. Thur. Masc. Gumm. Ammon. Opopan. an. 3ii. diss. in acet. destil. tum acc. piper. alb. sem. sinap. fol. bux. an. 3j. Ebull. omnia in aquæ Fabror. corylis tribus ad 3. part. reman. Coletur Decoctum, & fervens adhuc aff. Gumm. dissol. mixta lento igni impon. & diger. per duas horas, demum aucto igne adde ol. Lumbr. 3ii. & bull. quousque humiditas consumpta fuerit, jam, add. Pic. Nav. 1ßß. & serv. Bernardus Verrascha, Medicus & Scholarcha Basileensis, post Emplastri contra rupturam applicationem, vulnerariam Potionem mane & vespri propinandam præscripsit: Acc. Rad. Torment. Conf. maj. Bistort. an. 3ß. Herb. Sanic. Pyrol. Alchim. agrimon. an. Mj. Fl. ros. rubr. pap. rh. Granat. an. p. ii. Sem. anis. 3iß. incisa & contusa dentur ad sacculum, cui duæ mensuræ vini albi & una aq. font. affund.

At his non obstantibus, ubi neque medicamentis Tumor cedit, neque imminuitur papyro, in aqua quadam adstringendi vi prædita macerata, atque impoluta ex Actii & Paræi consiliis, paratove Aqua pendentis Emplastro, quod recipit: Terebinth. 3jss. Ceræ, Thuris, Myrrhæ, Ichthyocollæ, Carnis cochlear. an. 3j. Quod si, inquam, adhuc conspiciatur, manu curari debet ex Celsi Sententia, atque effato Hippocratis *Ὅσον φάρμακα ἐν ἡνται, σίδηρος ἡνται, ὅσα σίδηρος ἐν ἡνται, πῦρ ἡνται. ὅσα δὲ πῦρ ἐν ἡνται αὐτὰ καὶ νομίζεν ἀνίατα.* Quæcunque non sanant medicamenta, ea ferrum sanat, quæ ferrum non sanat, ea ignis sanat: quæ ignis non sanat, ea incurabilia judicare oportet. Quidam locum inurunt cum Arabibus. Cum Guidone contra alii adductis Petitionæ portionibus Valis Spermaticis, & cremastere masculo ad Ischium usque reliquæ Apophyscos parti Pyrotiticon imponunt, ut contracto callo, omentum à prolapsu vel intestina cohibeantur: sed cum periculo non careant evidentissimo hæ

Curaciones, ideo haud facile à Chirurgo in Utrum introducendæ, Paræo, Chirurgo in arte Exercitissimo consentiente ac adstipulante. Incisionibus Curationem absolunt Celsus cum reliquis, quarum methodum non attinet ex Auctoribus excerptam adjicere, cum nuper admodum prolixior & accuratior earundem Historia Luteciæ, gallico Idiome, Auct. Thevenino, Chirurgo Parisiense Clariss. prodierit. Verum non possum, quin Exercitat. Aquap. consilium quod nobis & prudentioribus omnibus, vel maxime artidet, hic annectam: Quod si dilatio, inquit, aut ruptura ingens sit, eo casu sit Chirurgia cum extractione testiculi, quæ ita periculosa ut quamvis plures evadant, plures tamen aut sub ea, aut paulo post moriantur: propter quam causam ego fui semper hujus opinionis, ut nullo modo ægrotantes hujusmodi periculum subeant, cum præsertim tota vita bracherium gestare possint, idque eo lubentius consulo, quod hisce dieb. Horatius de Noscia, cum ea de re loquerer mihi dixerit, se ante aliquot annos plus quam ducentos singulis annis incidisse, nunc neque viginti, & causam retulerit, quia bracherio & adstringente medicamento imposito, plerique sanantur. Fateor, leve quoddam esse supplicii genus fasciis uti, & bracherium gestare in tumultum usque, & novi aliquos, qui nescio quid præoptarent, cum & quam maxime corporis debeant evitare exercitia, Mercuriali præeunte: Quos Herniæ labor sollicitat, omnem averfari debent exercitationem, quæ majorem, quam ipsa ambulatio, defatigationem parit. Deinde, præter doloris sensum, quem in utroque latere impertiunt musculos comprimendo & cutim, pudoris quandam prætere speciem *ἐπιποκομίσαι* omenti gestatores, plerumque solent. At cum incerta penitus sit atque ambigua Curationis spes, Dodonæi accedente prognostico: Non omnes qui à ramice curantur, in vita servantur, plerique enim eorum moriuntur, cruciatus omittam & maximos dolores: nonnisi serio instituta deliberatione arripiendam esse censeo. Non me movent blandiora Aquapendentis verba; nec Hildani, celeberrimi Chirurgi, exoptatissimi latentis eventus. Hic quidem Rupturæ quiete & decubitu in Senexagenario curatæ exemplum habet in Observationibus Chirurgicis: Ille periculosiorem credit operationem & Empiricis usitatam, quæ cum testiculi ex sectione perficitur; alteram, cum testis relinquitur, Chirurgis summo decumbentium emolumento & sibi summopere probari asserit. Sed, Hieronymi venia, hanc ceu inutilem proseribo, illam cum periculo vitæ conjunctam profiteor, ægri vero cum levamine institui: quod ejusdem plane opinionis *Ἀρχιανδρὸν* Celebratissimum & Experientissimum deprehenderim, qui, post institutam, Hieronymi quoque præcepto ac jussu, hebdomadarum aliquot Curationem, adhibitis etiam, quæ conducere præsertim & è re videbantur, Emplastris, Ceratis, Pharmacis adstringentibus, tum post celebratam Sectionem Seni adeo commendatam nihil quidquam profecit; cum recidivam plerumque decumbentes senserint; ab illa verò, quæ testem eximit, curatione multis revixisse, frequenter annotavit. Mercurialis, ut est Auctor Elegans & Doctissimus, reprehensionem incutit severa nimis approbatione. Verba afferam ut examinentur: Advertendum, inquit, licet facilis sit Cutatio, præsertim in puero, tamen non ita est relinquendum inveteratum malum, nec etiam facile permittendum erit, quod facere amant isti Chirurghi, ut testes auferantur, ut castrati homines sapientissimi pene dimidium intellectus habeant,

Jure Magnus ille Avenzour scripsit, nullum fuisse unquam virum castratum qui esset optimi intellectus & bonorum morum, unde Vos considerate, qua ratione homines tardos & stupidos appelletis testiculos. Næ Eunuchos, Castratos, Spadones iratos sibi habeat Arabs, ob consuetam fabulam, vel Sacra Philosophorum Decreta, propter translatam in testiculos animam. Incomparabili Cartesio, quod in pineali glandula animam quæsierit, vicio vertitur, quæ tamen verisimilior longè, quàm vetus illa de Testibus sententia. Historias taceo, quibus ea, quæ diximus comprobati, Homines altero scilicet orbatos teste, virorum strenue obisse officia, si locus requireret, nullo negotio possent. Sed & alium eadem dealbare fidelia parietem oportet. Novæ de *ἐντεροσφισολῆ* Dissertationis Auctor ad Indos, qui castrant, *ὀρχοτόμους* temere relegat, nullis instructus argumentis, aut aliena, vel sua suffultus fide. Miror Hominis audaciam, qui *ἐντεροσφισολῆς* vulgarem sectionem, iteratis vicibus revocatam, vidit Pariliis, quod miser Perizomatum usum neglexisset. Sapiant tandem cum Phrygibus nasutuli, & exemplis discant, communem operationis methodum in junioribus, si unquam, locum obtinere, quod vicinæ partes facilius coalescant; at in provectioris ætatis Viris, quibus mederi chirurgus aut barbitonsor studet, testiculum eximat. Neque Paræi quidquam objectio infert à barbitonsoribus desumpta inciticia: Castratores dum timent ne Curatione absoluta superstes sit relaxatio, violento tractu Peritonæi processum à paribus divellunt, unde dolor, Convulsio. At Chirurgorum imperitiâ operationi nil detrahit. Quod si neque stillicidium, inquit Crato, ex aquis Montis Orthonis, in quibus res adstringentes bullierint, contulerit, consulimus, ut ad extrahendum testiculum deveniatur, adeo enim dextrè à nostris Ministris hoc munus obitur, ut omnes incolumes evadant. Fredericus Hoffmannus Emplastrum magneticum conficit, quod lumbis impositum intestina sursum trahit & iliaca licet passio adsit (verba sic habent,) tormina juxta sopiendo Ventris atrocissima, intorta, dislocata (ossa rectius dislocata pronunciamus) & incarcerata in scroto intestina quàm primum incaluerit, ad pristinam abdominis transfert sedem, ipsis etiam ægrotis non quidem sine molestia vim ejus attractivam animadvertentibus: si habenda Auctori fides, qui in Clavi Pharmaceutica paginas nobis vitiorum plenissimas obtrudit dictatorie, ut depictæ graphice in frontispicio Tabule correspondeat volumen scilicet. Charraſius, Clarissimus in Galliis Serenissimi Regis Pharmacopœus, inscitia & Gallicæ levitatis memoriam Excellentissimo, si Diis placet, Germano refricabit. Processus facta nobis est copia, cujus tamen inventorem non ita multum à veterum recessisse formulis experimur. Agricola, Hartmannus, ejusdem naturæ malagma ad malignos humores alliciendos, præmissio vesicante, commendant.

Credula multorum superstitio latius serpit, ut posthabitis Prudentum Consiliis aniles fabulas, Magos, Præstigiatores, imprudentissimum vulgi genus, consulant. Doleo vicem plebeculæ: quis enim sanâ mente præditus recta ratione orbatis credat mulierculis? ita me hercle est. Magos ut plurimum non veneficos, non fascinatores, sed insanos, vel supersticiosos credimus. Demonstratione quid facilius? Paterfamilias rudis, nullis instructus Scientiis, credulus, vinoque sepultus, insomnes se transisse noctes inter spectra, larvas, immò flumina, maria transjecisse, & quot nescio confecisse milliaria momento

citius, lustratis pagis, Urbibus, Regionibus, Regnis, infelici fidere natis domesticis, ac pro veris obtrudit historiis. Misera gens, verbis gestivæ senis perterrita, ne dubitare quidem audet: cum subsequenti mox nocte in eadem se versari navè existimet. Hac pro sua ratione incantatricum crescit numerus vel insipientium & sola aliquando carminis violentia homines interemit apud Poëtas. Quod si cum melancholicis imposterum aut maniacis ad Anticyras ablegarent fascinantes, ubi ædepol' genium conspiceretur præstigiatrix? Nemo tamen me adeo securum credat vel impium, ac si nihil posse præter vel supra naturam fieri, assererem: cum potius Deum O. M. posse, quæ & *ἀδύνατα* humano apparent captui, ex S. Codice & D. Augustino didicerim: plerisque tamen ex Veneficis pro deliris habeo. Nec mea hæc est & nova sententia, sed Scripturæ S. & Philosophorum suffulta testimoniis. Quidni Regnum Satanæ destructum? Mundi Princeps in abyssum dejectus, & postquam Christus apparuit, nullam in nos habet auctoritatem Cæli angelus? Coram Deo non inferis expavescimus. Bernierius, Doctor Medicus Montipeliensis, in contracta Gassendi Celeberrimi Philosophia idem sentio. Joannes Schefferus, Vir Eruditus, ac Regius Upsaliæ Professor, specioso fortè Religionis prætextu, contrarium adstruit: Non pauci, ait, qui, ut tapere cordatius quam vulgo alii videantur, Magica omnia pro veris habent somniis, & anicularum credularum nugis ac commentis. Cur negant tandem! an, quod Diabolus non possit talia efficere, an quod nolit? immò vult, regerimus, dummodo possit. Ad Permissionem enim Divinam, in his talibus, statim aut promiscue confugere, res est non simplicitatis tantum pudendæ, sed & insignis impietatis, certè superstitionis. Quid igitur de Curationibus magica ope factis? Ad Hernias quæcum perforant ut *ἐπιπλόροσ* puer aliquoties excavatam subeat arborem: Sunt qui die viridium ovum Gallinaceum è nido adhuc calidum torbent, & testam herniosi urina repletam in camino suspendunt. In Pleuritide, dolore lateris, cultrum lanionis, qui cruore madet, vino imponunt aut potui, ut propinetur: Seri collectionibus sive Catharris induratis medentur: Singultibus, inverso cultro: & quid attinet dementium somnia exponere? Theologum ferunt quærenti circumforaneo, & stolidi sua facinora jactanti, annon adstantium plerique vel lent decipi, applausum dedisse. Idem nos facimus. Vulgus, quo est perverso animo, nullis subinde paret legibus; dissolutis moribus, quousque à scelestissimo seducatur, obtemperant. At quo feror! qui judicio pollent, eò non abripi se sinunt vecordia, ut magicis ac ineptis signaturis vim quandam inesse aut virtutem opinentur.

In *ὄσχεον* si quid decidar, (hinc *ὄσχεονήλη*) vaginali tunica exitum præbente cujus studio supersedemus recensere causas, quod è Practicorum peti queant voluminibus, & levissima sæpenumero occasione eveniant. Naturæ istius calculo, cui, peritonæi processu ob factum naufragium atque aëris acceptam incommoda in inguine relaxato, intestina in scroto devoluta, perhibente Nicolao Tulpio, Amplissimo Amstelodamensium Consule; fungorum esu ex Hildano) duplex oritur Rupturæ species, intestinalis quidem *ἐντεροκήλη*, & ubi omentum descendit, in mulieribus præcipuè, *ἐπιπλοκήλη* dicta. Omentum si quidem ita Vesalius vidit in testis tunica auctum, ut quatuor aut quinque librarum pondus excederet, ventriculumque deorsum ita traheret, ut deficienti munere, multisque abortis singultibus, id pondus mortis

mortis causa fuerit. Intestini prolapsi Signa Cel-
sus habent & Mercurialis: Tumores facti ab omen-
tis & intestinis ubi tanguntur, diversitatem quan-
dam elarionis & dimissionis nec non levitatis ha-
bere videntur. Amplius, qui fit ex omento pror-
sus est sine dolore, & sine multa rotunditate: ite-
rum Tumores facti ab intestinis & omento, dum
ægri balneo se lavant, vel fricantur, vel rebus
emollientibus tractantur, vel corpora motu vhe-
menti movent, incrementum intigne suscipiunt. Ac-
cedit postremo, quod qui fit Tumor ab omento
prorsus digito absconditur, & cedit faciliè sine rugi-
tu: Factus vero ab intestinis, redit cum rugitu, cum
intestina vel plena sint flatu vel fecibus. Hac quam
gravia sequantur symptomata, Hildanus duobus de-
monstrat exemplis, & Meekeranus, quod Tumor ad
genua usque prolapsus fuerit. Verum ut contineri
aliquo modo possint, sacculum idem præscribit Hil-
danus ex ros. rubr. absynth. fol. prunor. sylvestr.
caud. equin. fol. salv. musc. querc. Cort. querc. sem.
fœnic. anis. vino rubro incoctis. Quoad Curatricem,
eadem utriusque quæ inguinalis ratio est, & si
χερσπυρρον morbi initio instituatur, felicem nobis spon-
dere eventum licet: cum hac imprimis ratione Pa-
risiis quosdam in valetudinario à certissimo mortis
periculo liberatos viderim. Senem Hernia laboran-
tem, cui intestina ad scrotum delapsa sævissima ex-
citaverant symptomata emollientibus & relaxantibus
intra paucas horas restitutum, ex Holrzachio Schen-
ckius habet in Observationibus. Enterocelen in qua-
dragenario absque sectione subligaculi solius ope eva-
nuisse, Paræum, Meekeranum fidissimos habemus
testes. Quid de Hollerii herba proferamus aut po-
lygono minori, novem diebus rupturas consolidan-
te, si Hollerio credimus, Fallopio, Matthiolo,
Pisoni? quid de aqua ejusdem stillaritia, cujus
haustu puer sanatus, & emplastro, quod acci-
pit: Emplastro, contra rupturam, & de gratia
Dei an. 3j. Sangu. n. dracon. osmund. regal. olib. an.
3ij. cum ol. myrrill. f. massa apud Vallesium? Si
hariolari fas est, ac d'vinationi locus, temerarios
aut plebeculam gentem Medicis sæpè imponere, sus-
picor. Quis enim rei peritus aquam credat destilla-
tam simplicem, vel succum herbæ expressum, cum
vino albo propinatum, uno eodemque impetu ver-
sus Peritonæum ferri, ut ramici medeatur, ubi Cero-
ti Virtus exulat? Morbus iste nullis mehercle in
adultioribus credit Medicamentis, nullis Medicorum
formulis, omnia respuit, præter manuum operam.
Ubi facta est per fracturam Hernia, Mercurialis di-
cit, in pueris quidem, ob corporis teneritudinem,
osse per medicamenta curari; sed, ubi est in corpo-
ribus adultioribus, nequaquam nisi manuum opera.
Nam, ut habet Hippocrates, Peritonæum ditissimum in
durioribus corporibus non coalescit. Timæus puero
Enterocèle ex rupto in dextera parte, Peritonæo, la-
boranti sequens Electuarium & Emplastrum præscri-
bit, post decoctum Herniaræ ex vino rubello cum
syrupo de symphyro dulcoratum. Rec. Rad. consol.
maj. 3ß. fol. herniar. perfoliat. fanicul. millefol. an.
3ij. in pollinem redacta cum syr. de symphyro q. s. f.
Electuarium. Rec. Pic. Naval. 3ß. Aloes 3ij. lythar-
gyr. colophon. galban. ammon. an. 3iß. visc. quern.
liquid. 3vi. Aristol. rot. myrrh. thur. mastich. bol.
armen. an. 3iij. Conf. major. 3vj. lumbricor. ter-
restr. gallar. an. 3iij. sarcocoll. 3vj. Terebinth. &
Cera q. s. f. Emplastrum. Joannes Uldaricus Rum-
lerus, Medicus Augustanus, in Observationibus, un-
guentum habet Medici cujusdam Viennensis quod in
magno ipsi secreto fuit, eoque infantes plurimos,

nullum autem adultiorem, restitutos, affirmavit:
Acc. Conf. Maj. 3iß. Consol. Saracen. Agrimon.
Caryophyll. fœnic. ped. Peon. Millefol. prim. ver.
plant. an. m iß. mastich. thur. cupul. gland. nuc. cu-
press. gallar. an. 3vi. rad. tormentill. serpent. an. 3j.
butyr. majal. q. s. f. a. ungu. cui adm. vin. subli-
mat. ut fiat fluxile, instar liniment. Hieronymus
Reusnerus, Medicus Nordlingensis hanc Curam pro-
ponit. Acc. Beton. Auric. mur. veron. alchimill. py-
rol. conf. Saracen. agrim. fanic. an. m ß. rad. caryo-
phyll. 3ß. incis. & confus. coq. in mij. aq. ad con-
sumpt. med. bibat manè & vesperi haustum. Postea
acc. Lap. magnet. mastich. an. 3ij. lap. calam. langu.
drac. an. 3j. ferri 3ß. boli arm. 3ß. vin. sublim. quart.
mens. in hoc pannus duplicatus intinctus herniæ forti-
ter adligabatur bis quotidie, manè & vesperi cum su-
bligaculo, ac brevi convaleuit. Monachum Deggin-
gensem in utroque latere ex casu hernia intestinali
laborantem, præter alia Syrupo quoque vulnerario
feliciter sanatum in iisdem habet observationibus.
Ad Syrupum autem conficiendum acc. rad. Ca-
ryophyll. 3j. Dictamn. alb. conf. maj. an. 3ß. H.
Leontopodii Sanic. pyrol. auric. mur. Solidag. Sa-
rac. consol. med. vinc. pervinc. perfoliat. numular.
agrim. an. mß. rhapont. opt. acor. commun. an.
3iij. ros. rubr. p. iv. sant. rubr. 3iij. ß. calam.
arom. 3j. mac. mosch. an. 3ij. aq. font. tb iij. stent.
24. hor. in loco calido vase bene obturato, & pri-
mum lento igne, post vehementiore ferveant ad
conf. med. ubi refrigerint, col. & cum sacch. albiss.
3vii. coq. ac. consist. syrup. Scultetus hoc sibi ha-
bet inter assumenda expertissimum: Accipe con-
serv. lymph. 3ij. ros. antiq. 3j. cort. citr. cond.
arant. cond. an. 3ß. pulv. herb. perfol. herniar.
ling. serpent. rad. consol. maj. an. 3iß. semin. plantag.
Div. cichor. fœnicul. an. 3j. corall. rubr. præp. 3iss.
marg. præp. 3ss. lap. chrysol. præp. 3j. syrup. myrtin. vel
corall. q. s. M. F. electuarium, quatuor ante prandium
& tribus ante cœnam horis nucis juglandis quantitatē
deglutendum, cui vini rubri austeri, suspensis nodu-
lo, haustum superbibat. Acc. herb. fragar. consol.
med. vinc. pervinc. equiset. ling. serpent. perfol. an.
m j. rad. sigill. salom. 3iss. consol. maj. 3j. sem. plan-
tag. 3ss. cichor. 3iij. fœnic. 3ij. cumin. 3j. incis. &
contus. mis. ad sacculum in trib. vin. rubr. vel alb.
mens. suspend. Marcellus Cumanus medulla Citri her-
niæ intestinalis Curationem molitur: Acc. Medullam
Citri subtiliter incisam, bulliat in axungia porci recen-
ti, post coletur per periam, & iterum ponatur ad
ignem, in fine misceatur mastix, olibanum, cera alba,
eritque optimum unguentum Citrinum.

Virum recordor Parisiis eruditum, operam S. Lite-
ris strenue navantem, qui, ut superbissimas quasdam
Aulæ Solemnitates intueretur, equum conscendit,
nullis credo instructus subligaculis, ac si corpusculi
extenuati satis, & ruptura affecti, curam studio post-
haberet. Postridie, si recordor, in scrotum devoluta
erant intestina, devolutum *ἐν πλάσσει*, cum rubore, in-
flammationis principio, ac gangrænæ metu, confiten-
tibus, quibus demandata erat Viri egregii cura. Ade-
rant ex præcipuis & fama inclytis, qui sectionem om-
nibus modis urgebant, è contra sinistram atque lugu-
brem pollicebantur eventum, ac certo certius prædice-
bant: aliis alta voce reclamantibus, feces intestino-
rum induratas cataplasmate vel foru posse emolliiri,
inflammationem facili negotio curari, neque extremis
subito exponendum esse torpusculum remediis. His
relinquebant ægrotantem prognosticis, hæc ad-
stantium erat altercatio, immo, ut, quod res est,
eloquar,

eloquar, quorundam in optimum Chirurgetum invidia accersito, siquidem, paucis interjectis diebus, novo Magistro, sectionem moliebatur funestam, quæ maximam artifici conciliare debuisset ignominiam. Rem, ut accidit, expono ac exitum, quod cadaver postea diligentius ipse inspexerim. Rhasis quoque methodum in curatione rejicio, qui inguinis adurere locum, ubi intestina vel omentum descendunt, ad os usque pubis ferris candentibus, vel caustico medicamento, ex sapone nigro, calce viva & tartaro, vel sapone nigro, auripigmento, sulfure & calcantho, quod potentiale communiter rudiores vocant, consuevit. De puncti aurei administratione, cum factâ super os incisione, speculum juxta Peritonæi processum immittitur, prehensisque cum cremastere musculo vasis spermaticis, acus fila aliquot ducens per reliquum processum ducitur, vel relictis vasis spermaticis, virgula, aut filum aureum, vel è plumbo, per processum adigitur, Paræum consulant, celebrem Auctorem. At verò accuratior nostris temporibus sectio inventa fuit à Chirurgis Parisiensibus, quorum fama & dexteritas multis superant reliquos parasangis, quam ne longior justo sim, ex Thevenino, Operationum Chirurgicarum Scriptore, cuilibet repetere facile admodum erit. De gangrænæ ex herniæ intestinalis ortæ curatione, gangræna itidem & subsequuta morte ex male curatis *επιπλοφόροις*, Hildani evolvantur historia.

Non intestina tantum & epiploon, vel utraque in scrotum delapsa *εντεροκήλη* καὶ *επιπλοκήλη*, sed humores nonnunquam, aqua, flatus, caro, humoralem herniam, *υδροκήλη*, *πνευματική*, *σαρκώδη* καὶ *συσκοκήλη*, constituunt. Haud raro enim evenite solet, ut viscerum quorundam vitio, non hic tenues solum colligantur liquores, sed per universum corpus *λευκοφλεγματώδης* insignis conspiciatur. Sic sanguis in his vel biliosus magis, serosus aut melancholicus, affectus præter naturam varios & symptomata excitat, atque in tumores vel abscessus abit, vel lateralem morbum, ac pus in thorace, *εμπύμω*, producit. Horum eventuum causa evidens: accedunt verò subinde, *προκαταρτικαί*, percussio, valorum disruptio & quæ non? Nec infrequens est limpidam tunicas inter testiculos cooperientes reperire, quam & propriæ inclusam cuticulæ subinde vidimus in cadaveribus, & semel in Leydensium Nosocomio, annuente Illustrissimo Christianissimi Invidissimique Galliarum Imperatoris Consiliario & Medico, Praxeos atque Anatomiae Professore Primario, Carolo Drelincurtio. Discrimen facile deprehenditur: Humoralis Ramex cum calore, tensione, immo inflammatione oboritur: *πνευματική* impositis digitis sonum edit, inæqualis est, lubrica, levis. *Σαρκώδη* colore, duritie, tumore dignoscitur: tumor enim manui resistit: secus in *εντεροκήλη*, gravis est, obscurus, Fernelio docente; *υδροκήλη* opposito lumine distinguitur, & à *πνευματική*, quia obscurior, nec ita levis, interdum *ὄσχεον* obsidet, *ελυτρωσίδην* subinde inter & *σάρκον* repetitur. Quamprimum curationi nos accingimus, evacuationes instituendæ humores ac serosam massam absorbentes, cui intentioni inserviunt purgantia, diuretica, diaphoretica, præmissis tamen ubique ferè clysmis & ad diminutionem ac derivationem, Celso judicante, sanguinis detractione.

Digerentia scroti admovenda, quæ Ætius, Aquapendens, Paræus habent, vel illo suadente, unguentum Comitissæ, vel desiccativi rubri nomine donatum. Hydrocelen instar capitis brevi curatam refert Borellus. Lotichius, loco cum spongia fomentato, emplastrum præcipit: Acc. herb. organ. rut. absynth.

Bibl. Chirurg. Tom. II.

chamom. an. mj. bacc. laur. man. j. sem. anis. fœnic. cum. min. an. ℥ss. coq. in s. q. aq. comm. & acet. pro fotu. Acc. empl. de bac. laur. stercor. capin. an. ℥ij. cochlear. contus. cum testis ℥ss. sem. cumin. sulfur. an. ℥ij. malax. cum ol. rut. cham. an. q. l. f. emplastrum. Rondeletius, Professor Rgius, & Cancellarius, forum habet, qui accipit: lixiv. barb. tonsor. ℥iv. coq. cum cur. in. ℥ij. ceterach. vel petroselin. apii. an. ℥ss. sal. com. ℥vj. Hieronymus Reutnerus Nobilem quendam hernia aquosa laborantem, his liberatum remediis introducit. Acc. vini sublimati quattar. sem. ol. chamæmel. cochl. j. Croci parum M. optinè in vitro, eoque calefacto ungatur quotidie hernia mane & vespere. Postea fac sacculos ex getanio cocto in vino rubro, & inter duos orbis ligneos expressos calidissime applica, semper applicatos vel noctu & interdiu, donec humor omnis omnino abluatur. Ubi ad aquarum effusionem deveniendum, scalpello, vel acu absolvatur negotium. Arabes Caustica introducere, ut vetus ferebat consuetudo, quæ à Posteris rejecta serio. In hydrocele medicamentâ septica sive caustica non sunt tuta, quia gangrænâ excitare possunt. Novacula itaque ima incidatur Scroti pars, & posteaquam omnis humor probe effluerit, cicatrix inducatur. Serum si arri erit, aliquoties de die trahendum filum, ut aqua paulatim destillet, setaceum tamen non est ante parandum quàm aqua per foramen emissa. Dubium mihi præ deo illatum iri, quod à causa *προηγμένη* proveniens aquosus ramex nonnisi sinistrum occupet testem, aut ab hac parte *ὄσχεον*, vel *ελυτρωσίδην*. Manifestum superius dedimus, sinistri lateris feminalem venam non ex magnæ venæ trunco, sed renis emulgente, originem ducere. Rene verò male habente, serum, quod excernitur, cum per consueta demandari loca nequeat *ελυτρωσίδην* incurrit, & hydrocelen in scroto efformat, norante, in Anglo quodam, Dodonæo. Sexagenarium Besantheis vidit Hildanus, cui ob *υδροκήλη* Chirurgus singulis annis *ὄσχεον* perforabat ex inferiori parte, postea ulceri cicatricem inducebat: id quod & mihi in Galliis videre contigit. Habet tamen & idem ille Historias, quibus lugubria multorum fata abunde satis cognoscuntur, Crotelii inprimis Senatoris exemplo. Aquapendens dec. eto salta. cum sudore copioso, aquæ exsiccationem in abdomine molitur & universo corpore. Salus calculum apponit: Turior est Curatio, si impediatur aquarum generatio, ex viscerum malâ dispositione ortum habens, ut hydrocelen, in xv Dietum puero cum gangræna conjunctam curationem admisisse, testetur Binningerus in observationibus.

πνευματική καὶ *πνευματική* Scrotum à flatibus in tumorem elevatum innuit. Affectus cum facile dignoscatur, quoad causas, signa & prognosin. formulas concinnate, *χειρουργικῶς* instituere, nobis etiam tacentibus, in promptu erit: Mercurialis artidet: Fiatuosa dicunt herniam Medicinam non admittere, in qua te non satisfaciunt, quoniam si spectemus hujus rei materiam, cum sit flatus, medicamentis dissolvitur & dissipatur. Si spectemus etiam locum affectum, sive fiat relaxatione, seu fracturâ, non est ita alienum ipsum persanare. At si malum in arteriis, quæ per *σάρκον* repunt, curam respuit. Ceterum pulverem magnificat Geierus: Acc. anis. fœnic. car. dauc. cumin. baccar. laur. contus. an. ℥j. liquirit. ras. zing. alb. galang. an. ℥ss. catyophyll. cubebat. piper long. sem. rut. an. ℥ij. anis. succ. obduct. ℥iij. Sacch. ℥vi. M. F. S. A. Tragea. acc. spec. arom. rosat. dianis. an. ℥ij. ol. fœnic. ℥ss. sacchar in aq. aurantior. solut. ℥iv. f. Tabellæ. *πνευματική* ex vulnere

H b

mamma

mammæ dextræ Curationem Meckeranus proponit in observationibus Chirurgicis. Rondeletius ramicem foveat vino adstringente & lixivio in quo ebullierint cumin. bacc. laur. fesel. rut. an 3j.

Σαρκομήλη à carnea mole, vel fungosa carne dicta quatuor & triginta semunciarum in mercatore Samio, annotante Borrichio, testes aut vasa afficit spermatica, raro quamvis monente Celso accidat, Medicamentis vix cedit ac persanatur nisi amputatione. Salius duram facit & cancerosam, à Medico nullatenus tractandam: Non cancerosam alteram, quæ simplicem admittit scirrhorum curationem, ὁπόσοις προπῶς καρκῖνοι γίνονται, μὴ θεραπεύειν βέλτιον. Θεραπευόμενοι γὰρ ἀπόλλυνται ἑαχέως. μὴ θεραπευόμενοι ἢ πλείω χρόνον διατέλουσιν. Quibus Canceri occulti oriuntur, eos non curare præstat. Curati namque cito pereunt, non curati verò diutius perdurant. Aquam virgæ autææ destillatam præclare agere, ac nonnullis esse in pretio, Patavii accepi à Clarissimo Carolo Offredo. Rolfincius ad herniam carnosam suam, quod Rolfincianum vocat, Emplastrum commendat: Acc. succ. fenulæ galbani feræ resinosi, ammoniaci resinosi an. 3j. infund. per noct. in 4. scillitico solve super igne, & cola, ut à sordibus liberetur. Facta leni aceti exhalatione add. radic. aristol. ro. ireos Fortent. an. p. 5. Marcastitæ saturni 3j. lapid. calamar. myrrhæ an. 3iij. ol. laurin. & ceræ q. s. f. emplastrum. Scultetus pulvere radicum ononidis tumorem resolvit & emplastro, quod habet: Gumm. ammoniac. galban. bdell. an. 3ß. dissolutis in aceto add. adip. anat. liquat. & col. 3iß. ceræ citrin. 3ij. ol. lillior. albor. medull. crur. bovis an. 3x. M. F. Emplastrum. Herniam carnosam fotu testiculorum ex vino sublimato fomitis calore in vaporem resoluta, & imposito cataplasmate ex absynth. malv. chamæm. rad. alth. & sem. lin. an. part. æq. confectis, & in lacte caprillo coctis, curatam, Joannes Uldaricus Rumlerus in observationibus habet. Georgius Hieronymus Velschius, Medicus & Polyhistor. Augustanus Celeberrimus ex Guilielmi Quarræi ad Joannem Prævotium, Professore Patavinum, Literis adfert, visam à se curatam Sarcocelen tam contumacem, ut omnia frustra tentata fuerint, solo emplastro illo Paracelsi, quod in Tractat. de Cur. vulner. Chirurgiæ minori adnexo copiosè describitur & fodicationis alterum appellatur, quo scirrhos etiam durissimos & diuturnos sanatos Prævotius quoque in secretis adnotavit. At, Borrichius, non satis providi rei æstimatores mihi videntur, inquit, qui confirmatam σαρκομήλην vel Medicamentis discussisse se, vel discuti posse evulgant, quod nimirum occalleat massa illa, & mille plexibus nervosis, iisque solidis, contrahat invictam duritiem. Aquapendens in teste, carcinomate affecto, qui pileo inajor erat, vasis prius circa ingueni forcipe prehensis, inde confutis, & vinculo constrictis, eadem transverse abscidit, & universum abiecit testem, postea ferramentis candentibus inussit, hac ratione intra viginti dies sanatus, qui alioquin parum superfuisset. Quidquid sit, periculo non vacat operatio. Studium itaque ac cautionem adhibeat Chirurgus necesse est, ut observato herniæ sive tumoris loco, scrotum ad carnem usque incidat. Quod si firmiter cum annexis partibus coaluerit, vasa cum testibus præcidantur. Hic in illos animadvertimus, qui, peracta sectione, Περσικά καὶ ὀμπνηκτικά temerè præscribunt, ut superflua caro absumatur putredine, cum hac ratione nullam planè admittat curationem, sed symptomata frequentius excitet cane pejus & angue fugienda carnosæ moles. Hervæus faciliorem suggerit methodum:

ad arteriarum, inquit, officium sive circulationem respiciens, ingentes aliquando hernias carnosas, præter omnem spem, perfectè curavi; id solum agens, ut præcisâ, vel ligata arteriola, nihil nutrimenti spiritusve ad partem laborantem accederet, quo factum, ut tumor facile postea vel ferro vel igne extirparetur. Habuit quidam præ cæteris Sarcosin in scroto seu herniam carnosam humano capite majorem ad genu usque deorsum pendulam: indeque sursum carnosæ moles ad catpi magnitudinem, ceu funis nauticus, abdomen ingrediebatur; adeoque malum increvit, ut nemo ferro, vel aliter curam aggredi auderet. Hanc tamen ingentem excrescentiam scrotum tantopere distendentem, testiculumque in medio obvolventem, quod dixi modo, planè abstuli, & curatione perfectè defunctus sum: relicto interea testi vase suo præparante & deferente, reliquisque in scroto per vaginalem tunicam descendentibus, salvis & intactis. Sarcocelen in milite Sectionem, cui testiculus dexter ad capitis puerilis magnitudinem excreverat, Bartholinus describit in actis Medicis Hafniensibus. Pyroticis subinde caro absumitur, & remediis convenientibus vulneris promovetur consolidatio.

Simplices quasdam herniarum species hucusque in medium adduximus. Compositas, quas singularem non exigere Curationis methodum, in propatulo est, silentio involvere satius esset, quàm ingenii imbecillitate deterere. At ne sponte quidquam nobis excidat, vel lubentes quædam transire videamur, nomina dabimus, ad reliquas ramicum differentias progressuri. Dicuntur itaque ἐντερροποπλοκήλη, ὕδροεντεροκήλη, ὕδρωπνευματοκήλη, ὕδρোসαρκοκήλη. Postremum rupturæ genus in valetudinariis vidi in Nosocomiis, sed Curationem cum sinistro plerumque decumbentis fato adhibitam. Fabricius curam aggreditur & modum exponit, cui Rhodii præfero Doctissimi ex Fallopio monitum: Si cum hernia aquosa caro circa testiculum concreverit, operatio periculosa, & in cancerum proclivis. Testis enim corruptius facile inficit, ὕδροεντεροκήλης, ni fallor, Lugduni ad Rhenum meo tempore conspectæ, depictam tabulam, inter chartulas repoluimus.

Zirbus, Velamen, Intestina, βεβωνοκήλη, ἐπιπολοκήλη, ἐντεροκήλη, cum venæ intumescent, κισσοκήλη Græci appellant. Hæ non dilatata tantum, sed intortæ quodammodo ac contractæ, Scrotum cum tunicis obsident. Inter causas προκαταρκτικάς alimenta referunt, terrestrem succum suppeditantia: τροφγόμεναι, viscerum pravam διάθεσιν ac dispositionem: σωματικάς demum sanguinem humore melancholico abundantem aut copia peccantem, Galeni auctoritate: καὶ μέντοι καὶ ὡς ἡ φύσις ἀπτίθειται τὸ σπέρμα αἷμα πολλάκις εἰς τὰς κατὰ τὰ σκέλη φλέβας, ὅφ' τὴ διατεινόμεναί τε καὶ διεγρονόμενα κισσώδεις ἀπτελῆνται. καὶ μελαίνονται γὰρ τῷ χρόνῳ τὸ δ' ἔρμα, τὸ κατὰ τὰς τριὰς φλέβας ἐφ' ὧν δ' αἱμαλὸν πλεῖστον εἶναι τρεῖς ἀνὲρ τὴ μελανχολικὴ ὑπάρχειν, ἀσθενέστερας ἔσας φύσει τὰς τῇ ἡ φλέβας, ἀνευρύνει, κατὰ σκῆπτρον, ἐδενδὸς τοῦτο συμβάνοντι, ὡς ἐφ' ὧν καὶ τὸ μελαγχολικὸν αἷμα τὰς κισσοὺς ἐργάσται, κίνδυνον γὰρ ὑπὲρ τούτων εἶναι, εἰάν ἐντέμενηται τὰς πεπαιθήσας φλέβας, ἀλωναυ μελαγχολία. Accedunt procatactictis, corporis concussio vehemens, cursus, saltus, pedestre iter. Διάγνωσιν indicare, operæ non est pretium. Quoad prognosin, cum Paræo notandum: Inveteratos, vel in hominibus temperamenti ac habitus melancholici, præstate, Curationem omnino relinquere, quia à Curatis, Canceri, mania, suffocatio assentiente illo Hippocratis Genio, Joanne Porti, Celeberrimo Praxeos Doctore atque

Professore

Professore Patavino : Quando Varices , inquit , immaturè & præproperè , Medicorum imperitia , prohibiti fuere , vidi ego atra bile & infania vexatos , immo & intercostali inflammatione , & renali calore , sanguinis sputo attonito morbo , & intercutanea aqua eodem detentos. Quod si vel à violenta provenerint Corporis exercitatione , gestato pondere , & stando nimium , sed eleganter & ad rem mercenialis : Marium scimus omnes , ex Plutarcho in ejus vita , laboriolum virum existisse , ob quod , si quis dicat ei varices quibus afflicto batur , in ambobus cruribus ottos , ob nimios in stando labores , eum minus erraturum , existimarem. Fortunatus verò Fidelis : Proditum , ait , memoriæ est , gignendi facultatem his tolli , qui à vaticibus tenentur. Quod si , inquam , his de causis varices oriantur , auxiliares implorare manus convenit. Veterum mos erat referente Celso ferramentis acutis candentibus scrotum adurere ; tum farinam ex aq. frigida subactam superinijcere , tertio die lenticulam cum melle imponebant ; post ejectis crustulis , ulceta melle purgabant , rosis implebant , & ad cicatricem aridis linamentis perducebant. Similiter , tumentibus mediæ tunicæ venis , inguen incidebant , venas digitis separabant , & , filo utrinque injecto , sub vinculis præcidebant reposito testiculo. Ubi verò inter imam membranam & testiculum generatus varix , testem abscindere veterum doctu oportet. Nostra ætate , cum gigantum humeris insidentes pigmæi longius prospiciant , Magno Angliæ Cancellario , Barone Vernlamio , explicante , vix reperies , qui id perferre supplicii , aut injungere ausus fuerit. Recentiores ramicis curam aggtessuri , ab utraque varicis parte venam hamulo aut digitis elevatam constringunt , ut scalpello incidatur , ac sanguis probe eximi possit. Aquapendens hoc loco , adstringentia componit ex tragacantho cum vino granatorum , bolo armena , mastiche , sanguine draconis , juxta varicis longitudinem conformata.

De βελωνικήλῃ , ἐντεροκήλῃ , ἐπιπλοκήλῃ , ὑδροκήλῃ , πνευματοκήλῃ , σαρκοκήλῃ , rupturis in inguine , scroto , inferioribus partibus conspicuis , verba fecimus , & ad nauseam fortè. Superiora versus herniæ contingunt , Græcis ἐξομφαλῇ καὶ βροτοκοκήλῃ , umbilici procidentia , & cervicis vitium.

Tumor qui umbilicum obsidet , umbilicus prominens , prociduus , umbilici eminentia , hernia umbilicalis , puerorum plerumque morbis accenferi solet : quamvis fœminæ laborioso quoque & difficili partu umbilici herniam incurrant. Mercurialis rupturam vel cum inflammatione facit , vel sine inflammatione φλεγμονώδην ὄγκον. Tumorem auctæ magnitudinis perhibet , cum dolore , & pulsu : ubi scilicet umbilicus in recens natis malè præscinditur. In hernia verò umbilicali , proprie dicta , omentum , intestina , aqua , flatus , caro supercrefcit. Diagnostica , prognostica , ex Celso ac superius adductis repetenda. Quod si φλεγμονὴ Curationem exigat , injungantur refrigerantia , humectantia , anodyna , quæ scopo corresponsdeant. Ad peritonæi vero consolidationem , antequam manu , ferroque utamur ; subducta alvo , Celsus super umbilicum imponit : Cicutæ & fuliginis , singulorum P. I. Cerussæ elotæ P. IV. Plumbei eloti P. VIII. cum ovis duobus , quibus solani succus adjicitur. Auctores , repositis omento vel intestinis , id quod memoria perpetuo tenendum , pilulas , electuaria conficiunt & ceratum umbilico. Habeant tyrones formulas. Acc. limatur. ferr. ʒj. Nuc. cupress. ʒiij. mum. sang. dracon. thur. corall. rubr. an. ʒj. confic. cum melle. dos. ʒss. mane & vesperti , superbibendo medicum vini adstringentis. Acc. radic. consolid.

Bibl. Chirurg. Tom. II.

maj. caud. equin. burs. pastor. rub. canin. an. mss. coq. opt. vin. adstring. add. mastich. corall. rubr. bol. armen. nuc. cupress. an. ʒiss. cinamom. ʒj. cum melle f. electuarius cujus dos. dimid. cochlear. Acc. gumm. Arab. tragacanth. mastich. bol. armen. sang. dracon. corall. pisc. coll. de corio bovis an. ʒij. thur. ʒiij. Pic. græc. ʒj. Pic. nav. ʒij. liq. ad ign. f. Magdaleon. vel. acc. boli armen. sang. dracon. mastich. sarcocoll. an. ʒj. bisling. tegul. pulv. an. ʒiij. resin. pin. ʒiss. Ov. album. & ceræ q. f. puerum exomphalo seu umbilici exitu laborantem , facillimo remedio sanatum Hieronymus vide Reusnerus. H. nempe & rad. fanicul. in aq. cocta & calide applicata. Eodem cum inflammatione & humiditate adflucta filiola , seq. pulvere insperso convaluit acc. bol. armen. ver. ʒj. myrrh. ʒij. pompholyg. ʒiss. f. pulvis. Aquapendens subligaculum ex lintheis componit , in cujus medio globulus intestinum vel omentum protuberans reprimat , & herniæ umbilici fascia sublevatæ exempla afferunt Hildanus , Ulmeniumque olim Physicus Joannes Scultetus Quod si vel in renellis corporibus Medicinam respuat , vitium sectione curare incumbit. Hæc priusquam instituat , repetenda quædam ex Celso erunt , & in limine quidem curationi neque infantem aptum , neque decrepitem exponendum. Quod superest , de χειρουργικῇ nihil adjicimus , cum nemini non , vel primis Artis rudimentis instructo , quam notissima esse debeat. Clariss. Ludovic. Van Hammen Dissertatione de Herniis.

Curationes.

Etiamsi quævis hernia non facile Curam suscipit , in infantibus tamen facilius curatur ; in senibus difficulter , aut nunquam. Quod si intestinum flatibus aut excrementis repletum sit , sequitur dolor , atque hunc , si non illico tollatur , inflammatio , gangræna ; hinc passio iliaca , ac ipsa denique mors succedit. Rarum est , quod refert Fabricius Hildanus Cent. I. Observ. 55. fœminam septendecim annos hernia laborasse , & circa annum ætatis tertium & sexagesimum maximis vexatam fuisse torminibus , intestinumque in abdominis rupturam impulsam ac inibi retentum dolores non leves , simul & inflammationem , aliaque graviora excitasse symptomata. Vocatus ad Curam Hildanus invenit dextrum inguen gangræna affectum : Tumore itaque scarificato , & cæteris quæ ad gangræna curationem attinent adhibitis , caro putrida & callositas rupturæ exciderunt ; unde dolor , inflammatio , febris , tormina , lipothymia , nausea , vomitus , omnia denique symptomata sedata sunt : sed intestinum materia , nondum penitus excrementitia ; velut ilei & cæci , per abdominis rupturam excernebatur , circiter duos menses. Ægra tamen admirantibus omnibus curata , & à ruptura perfecte sanata fuit ; nullâ reliquâ fistulâ.

Atqui ratio curandi Herniam , in primis intestinalem , in hisce tribus consistit : viz. in intestini intra abdominis cavitatem repositione ; in repositi conservatione , ne rursus descendat ; in relaxati peritonæi constrictione.

Verum ante repositionem Cheirurgus diligenter consideret , an hernia sit parva , vel magna ; an recens , vel inflammatione correpta ; an flaccidum adhuc , vel materia aliqua repletum sit intestinum ?

Si hernia parva sit & recens , intestinumque vacuum facillimè reducetur si æger supinus in lecto collocetur , capite declivi , pedibusque elevatis , quoniam

hac ratione intestina sursum ruerint secum trahunt id, quod prolapsum est.

Sin verò magna sit & recens hernia, oportet Cheirurgrum intestinum nulla materia distentum digitis tractare, idque, ægotantis capite declivius posito, sensim tamdiu molliter circumagere, donec paulatim abdominis cavitatem ingrediatur.

Atqui herniæ quum associatur aut inflammatio, quam indicant dolor, calor, febris; aut flatus adsunt, qui cognoscuntur ex eo, quod æger percipiat totum abdomen à flatibus distendi, si flatus emittat, & rugitus in intestinis audiantur, dolorque extendens sit sine gravitate; aut fæces, alvusque supprimitur, tumor sensim increfcit, & pondus majus, majorque durties percipitur: tunc à reductione intestini desistendum est, usque dum inflammatio abierit, fæces egresfæ, & flatus dissipati fuerint.

Igitur inflammatio cum adsit herniæ, scroto vel inguini calidè imponatur cataplasma emolliens, digrens, simulque roborans, ex farina hordei, furfuribus tritici, foliis malvæ, althææ, floribus sambuci, rosarum, vino rubro, &c. idque identidem renoveatur. Etiam ex Fallopio, pars affecta foveri potest lixivio calido, in quo cineres ex ligno fagino ebullierint. Accipiantur itaque duæ fili crudi massæ, indantur cacabo, & coquantur cum m. ß. seminis cumini in lixivio acri; deinde massarum una extrahatur, quæ inter duos discos exprimatur, atque expansa calidè, quantum ferre potest æger, apponatur; verum repescens removeatur, & alia substituatur, eaque repetatur, donec omnino sublata sit inflammatio.

Si cum inflammatione concurrant fæces, quæ repositionem intestini impediant, casus quidem est maxime desperatus: nihilominus tamen fæcum tentetur educio clysteribus lenientibus, identidem injectis; nec non fomentis; aut cataplasmatibus distensionem relaxantibus. v. gr.

℞. Fol. parietariæ, malvæ althææ an. m i ss. flor. camomillæ, meliloti, sambuci, sum. anethi an. m. j. sem. cumini, fœniculi an. ʒi ss. incisa & contusa coq. in l. q. lactis vaccini pro foru.

℞. Rad. liliorum alborum rec. ʒ. ij. fol. malvæ, violariæ, parietariæ, flor. camomillæ, meliloti an. m j. furfurum m ss. coctis in aqua pura ad mollitiem, & in mortario minutim contusis add. farinæ althææ, Hordei, lini an. ʒij. olei rosarum, liliorum alborum an. ʒi ss. m. f. cataplasma. Vel Tumor continuo foveatur mappis calefactis, Oleo camomillæ & Anethino imbutis, atque subinde renovatis.

Sed & flatus non raro absque inflammatione Intestinum replent; quo in casu usurpanda sunt Fomenta ex emollientibus, calefacientibus & discutientibus composita; nec non Clyster calefaciens & carminativus injiciendus est, haud secus ac de Intestino Prolapso, & vel Inflammatione obsessio vel Fæcibus repleto, Reponendo nunc diximus.

Sublata vero Inflammatione, excretis Fæcibus, Flatibusque dissipatis, reponatur in propriam sedem Intestinum. Viz. collocetur Ægrotus capite plurimum demisso, affecta autem parte elevata; deinde manibus Tumor capiendus, tentandumque ut materies paulatim eo, undè exiit, regrediatur; digitum nempe sub tumorem reponendo, repellendoque leniter in ventrem, quod ex eo delapsum est, atque diligenter cavendo, ne contusio livorve intestino adferatur, quod ea pars Gangrænæ obvia sit, & opportuna.

Atqui è contrario cum omnibus frustra tentatis remediis, intestinum prolapsum, & vel, inflamma-

tum, vel fæcibus flatibusve repletum reponi nequeat, adeoque præsens Ægrotus immincat periculum, extrema quoque tentanda sunt. Quo in casu Ambrosius Paræus Chirurg. lib. 7. cap. 15. ad Chirurgiam accedere, & ductum illum, per quem intestina elapsa sunt, Sectione dilatare suadet; sic ut digito reponi queant. Sed ardua est Manualis hæc Operatio; quæ quomodo sit instituenda, videre insuper est apud Pigræum prax. Chirurg. lib. 2. Cap. 41. & præsertim apud Jobum Meckeranum observ. Chirurg. Cap. 45. 46.

Ubi jam intestina reposita fuerint, proximum est cavere, ne iterum excidant. Quem in finem maximi sunt momenti fasciæ seu Subligacula, adeo ut in Herniis recentioribus tota fere Curationis spes in iis sita sit. Parandi autem fascias commodissima hæc videtur ratio. Fiat cingulum seu fascia ex corio, quæ lino molliori seu panno gossypino, atque etiam gossypio nonnihil suffulto inducatur, quæ ligula stringi possit. Atque hæc fascia ventri infra hypochondria supra coxendicem prope inguina applicetur; ita tamen, ne partes quæ sunt supra ilia & ossa lædat, & attretat. Huic autem fasciæ seu Cingulo alia fascia cum splenio seu pulvinari quodam ita adaptari debet, ut quantum opus est constringi possit, ipsumque pulvinar recta loco affecto seu parti ubi intestina excidere solent, incumbat, suoque incubitu intestinorum prolapsum prohibeat. Quod ut rectius præstet, fasciæ, quæ ventrem ambit, nonnulli geminas habenas adaptant, quæ ad humeros ascendunt & collum ambiunt.

Fasciæ loco parari potest Cingulum ferreum cum Scuto ferreo, quod locum ubi Intestina procident arctè tangit, & Intestinorum Prolapsum prohibet. Rationem verò conficiendi omnia hæc instrumenta Praxis docet. Icones habentur apud Paræum Cheirurg. lib. 7. cap. 15. Scultetum Armament. Chirurg. Tab. 39. alioque.

Equidem intestinum postquam repositum est, priusquam adhibetur Bracherium, Adstringens aliquod relaxato peritonæo applicari potest Emplastrum, quale est oxycroceum, seu Emplastrum ad Rupturas in corio extensum, vel simile v. gr. illud Pigræi.

℞. Gummi Elemni ʒj. Mastichis. ʒij. olibani, Sarcocollæ an. ʒj. Emplastri contra Rupturam ʒi ss. Pulv. Boli armeni ʒi ss. Olei therebintinæ. q. s. M. F. S. A. Emplastrum. Emplastri loco nonnulli laudant fofus Adstringentes, adeoque relaxatum peritonæum Roborantes, ex Corticibus Granatorum, balustia, Sumach, nucibus cypressi, floribus camomillæ, alumine, similibusve, in aqua fabrorum, & vino rubro adstringente decoctis. Alii inungunt oleum ovorum. Sed imprimis Quies hic impeianda est, qua sola nonnunquam graves sanantur herniæ; cujus rei memorabile adfert exemplum Hildanus cent. 5. Observ. 54. cujusdam generosi Betnensis sexagenarii, qui viginti annos insigni Hernia Intestinali laboraverat; cui curandæ tum Hildanum, tum alios in Gallia & alibi expertissimos frustra adhibuerat Medicos & cheirurgos: tandem cum de recuperanda sanitate ne quidem cogitaret amplius, & subligaculis, ne malum ingravesceret uteretur, in morbum incidit, quo ultra sex menses lecto affixus fuit. Post morbum hunc ne minimum quidem herniæ, qua tamdiu laboraverat, indicium persensit, nec amplius spleniis aut subligaculis uti necesse habuit.

Igitur fascia intestina, ne rursus prolabantur, contineri possunt: quod ubi factum, danda opera, ut excrementa potius mollia sint, quam dura, alvusque ne supprimitur; atque in egerendis fæcibus observandum,

ut manu inguina & scriptum probe contineantur, ne faeces emittendo intestina extrudantur. Deinceps abstinendum à cibis flatulentis, ne flatus intestina distendentes producantur. Insuper omnis vehementis motus, saltus, cursus, oneris gravioris gestatio, vociferatio, aliaque vehementiora vitentur exercitia. Denique in tussi & sternutatione idem observandum, quod modo in egerendis alvi facibus attendendum diximus.

Hiscæ alii reddunt ad accelerandam relaxati peritonæi confirmationem varia intus sumenda medicamenta & inter alia huic affectui curando specifica, qualia dicuntur Radix consolidæ, osmundæ regalis, herniaria, hypericum, &c. quorum formulæ plures habentur apud auctores.

Verumtamen si integram sanitatem iis æger consequi non possit, bracherio contentus sit, quo solo si rectè contineantur intestina, omnibus vitæ actionibus sine magno impedimento vacare poterit. Atqui hisce qui contentus non est, semetipsum Cheirurgiæ tradat, quæ per ablationem Didymi Herniam penitus curare potis est; de qua videantur Pigræus prax. Cheirurg. lib. 2. cap. 40. Scultetus Armam. Chirurg. Tab. 40. Cl. van Horne in Microtechnæ Sect. 2. part. 1. §. 24.

Quæ autem hæctenus de Cura herniæ intestinalis dicta sunt, quoque applicari possunt herniæ ex omenti prolapsu ortæ. Idem enim in ejus curatione sunt scopi. Primo nimirum reducendum est Omentum manuum opera; deinde prohibendus elapsus, quod itidem bracherio fieri solet. Atqui si omenti prolapsus non exactè prohibeatur, adeo ut frequentius illud elabatur, facile peritonæi processui per fibras arctissimè accrescit, hinc reduci in abdominis cavitatem nunquam potest, manetque immedicabilis epiphœcele.

Hydrocele porro pro Causarum varietate nunc magis nunc minus periculosa est: quæ enim cum Hydrope conjungitur, non curatur, nisi sanato prius Hydrope, ejusdemque causa ablata. Nam licet aquosus humor vel discutiat, vel Scroti apertione evacuetur, novus tamen rursus affluit. Si vero causa Aquam generans minus gravis sit, facilius curatur. Equidem inveterata hydrocele, ne Testes corrumpantur, haud immerito suspecta est.

In Curatione autem herniæ aquosæ, Universalibus ad tollendas Causas Antecedentes haud neglectis, ut de oedemate, nec non de Tumore tum flatulento, tum aquoto curandis dictum fuit, vel Topica Scroto prætumido applicentur calida, Siccantia, resolventia, Digerentia, contentam adeo in eo aquosam absumant; vel Scroti quocunque modo apertione aquosa materies educatur.

Fallopianus tom. 2. tract. de tumor. p. n. cap. 34. haud abs re duplicem statuit herniam aquosam; unam, in qua dilatato nimium peritonæi processu, aqua ex Abdominis cavitatem in Scrotum descendit, adeoque fluere & refluere potest: hæc autem non curatur nisi prius ex Abdomine omnis educatur aqua.

Altera herniæ aquosæ species est, in qua nimium non aperto peritonæi processu, aqua a materies per extrema tum sanguineorum, tum lymphaticorum vasculorum oscula in Scrotum, vaginalem inter & albugineam testiculi tunicam, effunditur. Atque in hac specie Topica Medicamenta calida, Resolventia, & Digerentia adhibita multum prosunt, eaque semper experiri oportet, priusquam ad scroti apertionem veniamus.

℞. Rad. cucumeris asinini ℥j. fol. calamenthæ, abrotoni, rutæ, Sum. Anethi, flor. Camomillæ, ros.

Bibl. Chirurg. Tom. II.

rubr. an. Mj. Sem. cumini 3vj. coq. in aq. puræ & vini albi an. p. æq ad ℥xxx. colatura sit pro Fomento. Magnæ quoque efficaciam talia dicuntur medicamenta; si Aceto incoquantur.

℞. Rad. Cucumeris Asinini Bacc. Lauri, Sem. Cumini, Agni Casti an. ℥ss. fol. lauri, rutæ; ros. marini an. Mj decoq. in aceto ad ℥xxx colatura pars affecta cum spongia foveatur. Vel Fomentum fiat ex lixivio cinerum Sarmentorum vitis, in quo similia cocta sint, nec non sal, sulphur, aut alumen liquatum fuerit. Etiam Litus hic multum prosunt. ex gr.

℞. Olei Cucumeris Asinini ℥j. Rutæ, Laurini an. ℥ss. Cumini stillat. gutt. x. Misceantur pro Linimento. Laudant alii cataplasma ex Stercore vaccino, mixtis cineribus Plantarum Digerentium, aut Seminibus Rutæ, viticis, cumini, baccis lauri, Juniperi, similibus.

Nonnulli imponi volunt Emplastrum de meliloto, de cumino, vel simile.

Scoltzius Consil. Medicin. 131. vehementer laudat, id quod sequitur.

℞. Rad. Cucumer. asin. rec. contus. & in Aceto scil. macer. ℥ij. Mellis despumati lbij. Misceantur, & bulliant in cerati consistentiam, addendo in fine Sem. Cumini sub. pulv. ℥iiij. M. F. S. A. Emplastrum.

Sin his, similibusve remediis Tumor resolvi nequeat, ad cheirurgiam, hoc est, Scroti apertionem veniendum. Quo modo autem & ordine Scroti Apertio instituenda sit, docent Paulus Aegineta lib. 6. cap. 62. & C. Celsus lib. 7. cap. 18.

Nonnulli Scalpello Scrotum aperire solent, cui tamen methodo vix assentimur, quoniam id ex collecta aqua distentum admodum, & flaccidum difficulter consolidatur; atque non raro ob partis affectæ porositates obstructas, spirituumque per eam radiationem valde imminutam Gangræna accedit.

Alii hanc apertionem caustico, vel Ignitis ferramentis efficiunt, atque apertum diu servant foramen cannula immissa Argentea vel plumbea.

Quidam Scrotum aperiunt, Acum filum duplicatum vel quadruplicatum ducentem Setacei in modum trajiciendo, & quotidie bis terve protrahendo.

Avicenna in Inguinis regione candentibus ferramentis inurit, ut pars corrugetur, ne aqua iterum descendere possit.

Sed potius Scrotum aperiatur acu perforata Barbetiana vel Blockiana, sicque aquosa educatur materies. Atque hac methodo sæpius hydrocelen curavimus, eduximusque aliquando ex Scroto tres, aliquando quatuor aquæ libras. Etiam nunc inter mortales versatur Vir septuagenarius, cui singulo præter propter biennio Scrotum perforata acu aperiri solet, ad collectam in eo aquam evacuandam. Similiter Fabricius Hildanus Cent. 4. obs. 66. scribit, se novisse virum Sexagenarium, cui ob Herniam aquosam singulis annis Scrotum ex inferiore parte perforabatur, & serosus humor evacuabatur, ac postea ad cicatricem ulcus perducebatur: additque hominem illum ad summam pervenisse senectutem. Equidem circa Scroti apertionem utiles quasdam admonitiones & observationes proponit idem Hildanus Centur. 4. observ. 65 66 67. 68.

Adesse Sarcocelen cognoscitur ex eo, quod Tumor in Scroto durus sit, sine inguinis tumore, sensimque adauctus; quo signo distinguitur ab hernia Intestinali, quæ mollior est, & subito oritur: insuper major hic molestia est, quam dolor, nisi pravi humores confluant. Indagandum quoque diligenter, ne Hydrocele vel alius Testiculi Tumor pro Carnosa

Hernia habeatur ; quod interdum contingit, si aqua profundius lateat, & foris nulla sui signa exhibeat. Tale exemplum profert Forestus libr. 27. observ. 25. in scolio, de quodam, qui testem unà cum scroto in modum scyrrhi, paulatim majorem in molem auctum, & durum per quinquennium habebat, ut omnes Sarcocelen putarent. Postea tamen cum emollientia & maturantia applicarentur, tumor mollis evasit, & facto abscessu magna aq. copia, quæ intus latuerat, cum impetu erupit, unde scrotum & testiculus detumuit, ægerque penitus curatus fuit.

Equidem medicamentorum ope vix unquam curatur Sarcocela. Sed Cheirurgiæ opera tolli solet, ut plurimum cum didymo, cui adheret, vel inhæret heterogenea hæc substantia. Ad inguina ubi se extenderit, fere incurabilis est.

Quoad Medendi Rationem ; ea duplex est, scilicet ut vel tumoris incrementum prohibeatur, & porro tumor absumatur: vel substantia hæc carnosæ cheirurgia tollatur. Primæ intentioni ut satisfiat, medicamenta interna ad tollendam Sarcocelen quoque commendantur. Et scribit Matthiolus in Dioscoridem libr. 3. cap. 18. se novisse quendam, qui ononidis radice pulvere duntaxat plures menses sumpto, carnosum ramum absumpsit, & sanatus est, licet à Medicis nullo alio remedio, quam sola sectione, unctioneque hunc curari posse esset statutum.

Inter Topica Medicamenta valde hic commendat Rulandus Cent. 9. Observ. 66. sum oleum Sulphuris, hoc est, Balsamum Sulphuris quotidie bis illitum. Alii imponere malunt hoc emplastrum.

℞. Gummi Ammoniaci in aceto soluti ℥ss. Bdellii similiter soluti, pulv. seminis sinapi, urticæ an. ℥j. Aristolochiæ rotundæ ℥vi. Sulphuris ℥ss. theberinrhinæ, Lapidis spongiæ an. ℥j. spiritus vini ℥ss. Cerae ℥vj. olei olivarum ℥iiij. Ex hisce S.A. Fiat Emplastrum. Scultetus post armament. Chirurg. Observ. 74. scribit, plures se curasse, exhibito quotidie pulvere radicum Ononidis, & imposto hoc in Emplastro.

℞. Gummi Ammoniaci, Galbani, Bdellii an. ℥ss. dissolutis aceto adde adipis anatis ℥ss. Medullæ crurum bovis, olei Liliorum alborum an. ℥x. Misceantur in formam emplastri, quod linteo inductum Scroto applicetur, & quarto quoque die renovatur.

Sin hoc modo Carnosa Hernia non imminuatur, sed è contratio augeatur, sequenti methodo tentari potest Curatio. Fiat foramen exiguum in Scroto parte superiore: per hoc petiæ ope medicamenta applicentur suppurantia, quo sic carnosæ hæc substantia tolli possit, quavis deligatione pus expurgando; verum non totum, ad meliorem reliquæ carnosæ substantiæ consumptionem.

Quod si nec hæc successerint, Testiculus extrahendus, & sectione tantum carnosæ excrecentiæ tollendum, quantum sine læsione fieri potest; hinc restituendus iterum in suum locum Didymus, & quod reliquum est carnosæ substantiæ suppuratione auferendum.

Quum verò nulla spes sit, dictis modis sarcocelen tollendi, Didymus, cum adnata ipsi carnosæ substantia, vel tota sua substantia tumefactus excindendus est.

Præterea Venæ spermaticæ in Scroto Varicum ad instar dilatantur nonnunquam, & Tumorem in Scroto efficiunt; quæ Sarcocela seu Varicosa hernia nuncu-

patur. Ea namque nihil aliud est, quam circa Testiculos spermaticæ Venæ dilatatae, & Varicum modo conglomeratae, contortæque.

Hinc & eadem hujus affectus causa est, quæ Varicum; viz. sanguis crassus, ac terrestris; circa valvulas venarum spermaticarum subsistens, atque Varicosum hujusmodi Tumorem in Scroto excitans.

Facile quoque manifestum fit hoc malum; quod in Scroto supra Testiculum circa Peritonæi Processum venæ turgida, conglomerata, & capreolorum modo intorta tangantur; quodque deorsum magis descendat Testiculus.

Cura equidem hujus Affectus facilis non est. Ea tamen ut observatur, commodò aliquo subligaculo, aut fascia convenienter apposita Scrotum cum inclusis testibus sustentetur; hoc namque tam certum est remedium, ut teste Fallopio, quidam eo solo curatus fuerit, quod testes per duos menses fascia suspensos gestaverit, & quotidie aquam è Nucibus cypressi destillatam adhibuerit, eaque Scrotum humecta erit, & per se exsiccati siverit.

Alii emollientibus & discutientibus Curam molliunt, ideoque Balneum usurpant, seu semicupium ex Radicibus althææ, semine Lini, similibus in aqua decoctis; ac deinceps oleo amygdalarum, vel quovis alio locum inungunt. Alii id quod sequitur, imponunt emplastrum.

℞. Picis navalis ℥vi. Colophonix ℥iiij. Gummi Ammoniaci, bdellii, opopanacis, Mastichis, lithargir. therebinth. an. ℥j. bol. armen. thur. sanguin. dracon. sarcocoll. aloës, centaur. symphyti, gallarum, malicorii; nucum cupress. lumbricor. terrestr. an. ℥j. glutin. pellis arietin. dissol. in aq. chalyb. & aceto q.s. M.F.S.A. Emplastr.

Quod si nec istis remediis morbus hic curetur, ad Cheirurgiam deveniendum, & vel, apertura in Scroto facta, varicosæ testium venæ inciduntur; vel simul cum didymo eadem excindantur. *Ioh. Mannicks in Chirurgia ad Praxim hodiernam adornata.*

Omnes illi qui Hernias gerunt, sive veras, sive falsas, si prudentes fuerint, sobrietatem colent, venere immoderate non utentur, ea omnia quæ harum invaletudinum causa esse possunt, vitabunt; & quandoquidem partes quas occupant debiliores evadunt, earum indulgendum imbecillitati, & ad diætam attendendum. Vitanda itaque veniunt omnia ipsis contraria, qualia sunt legumina, fructus recentes, omne artocreatis genus, vel panis butyro conditus, & non satis excoctus, carnes mutria conditæ, pisces, & caseus; interequitandum lorum Scandulatum brevius faciendum; eo latere quod hernia afficitur; in sede humiliori non sedendum, nec brachia nimium elevanda; in extremos præterea assurgendo pedes, pro aliqua re in altiori collocata loco arripienda, caligarum zona non nimium constringetur, alvus servabitur libera, & si aliquando difficilius solvatur, in ipso nisu manus subligaculi pulvillo imponentur, violentiora devitabuntur exercitia; præcipue si herniis laborantes veris aptis & validioribus subligaculis chalybeis aut aliis à filo ferreo confectis, non fuerint instructi. De hisce subligaculis jam mihi verba veniunt facienda.

Subligaculum apud Gallos variis donatur nominibus; siquidem apud plurimos bandage; apud aliquos tamen vetustiori nomine brayer; apud Normanos ceint; apud alios retreintif, ceinture aliique synonymis insignitur, quorum primum est & decentius & convenientius.

Pro conficiendo subligaculo apto vel è chalybe, vel è filo ferreo, attendendum ad ea omnia quæ in superioribus de herniis curandis diximus; indeque indicationes veniunt deducendæ pro subligaculi forma: nam si corpus fuerit macilentum, alia debet subligaculum ratione confici, quam si obæsum foret.

Viri macilenti & obæsi duas constituunt generales differentias formarum subligaculorum, ut & eorundem applicationis, sed aliæ eæque innumeræ particulares dantur, corpora siquidem omnia in sua variant forma, unde necessarium est etiam innumeris modis subligacula variare, ut superius adnotavi. Hoc non parum facit difficultatis ignaris, qui unius tantum generis subligacula conficere norunt, arbitrari satis esse, si pro varia corporis crassitie validè constringant.

Non sic se gerit ille qui ad perfectionem tendit, quàm magna revera inter meam theoriam & praxim quam hic demonstrandam suscipio, intercedit differentia, & quamvis Guido dixerit peritum practicum, operari pro modulo theoriæ suæ, dantur tamen quædam facienda quæ scriptis explicari nequeunt, & quæ in demonstratione oculari posita sunt. Exempli gratia pro aptè flectendo subligaculo, illoque iis proportionibus donando quæ herniis maxime convenient, necessario subjectum inspiciendum venit, alias in aliquibus semper deficit: Itaque multo commodius foret me operantem cernere, quàm docentem audire, sed quandoquidem in omnibus Ditionis Gallicæ regionibus præsens adesse non possum, ut inspicier ab iis quos cupio doctos facere in cura Provincialium, qui tam sæpè ineptis affligi subligaculis Lutetiam adveniunt. Hoc unicum mihi liberum est, scilicet pro ea qua polleo accuratione scriptis edoceam methodum in subligaculis mihi familiarem, cui si adjungatur perspicacia iis necessaria qui Chirurgiæ se dicant, non dubito quin facillimè acquiratur quod summo plurium annorum labore acquisivi.

Primum quod faciendum venit examinatis indicationibus necessariis, positum est in mensura crassitie, sive viri, sive mulieris, sive puelli; hæc autem mensura instituenda est cum iis materiis quæ nec elongari, nec abbreviari facillè valeant, v.g. cum charta pergamena, vel tenia limbo donata validiori, incipiendo ab eo loco, in quo hernia apparet, & toto circumducto corpore ad eandem redeundo partem. Illa autem circumductio variè institui debet, unde non parva tironibus creabitur difficultas; alii quippe subligacula altius collocata, alii inferius, pro corporis forma, gerere debent. Quibus altius sunt applicanda subligacula, sunt illi qui crassiores habent nates, nam secundum earum majorem aut minorem crassitiem subligaculum variè flecti & ad superiora reflecti debet. Iis verò quibus subsident nates minus necessarium est subligacula ad superiora reflexa dare, imo aliquando omnino hac ad superiora flexione abstinendum est.

Subligaculum pro subjecti sui crassitie, debet ut plurimum ad duas suæ longitudinis tertias partes, aut paulo plus, è chalybe aut filo ferreo componi, reliquum verò debet ex corio robustiori confici, si subligaculum duplicem pulvillum lamina armatum ferrea habuerit, pro secundi pulvilli longitudine minuenda erit corii prædicti longitudo.

Chalybs autem debet esse melioris notæ & ejus

generis quo effinguntur lorice, ita ut illud subligaculum non possit abrumpi, etiam si frigidum cudatur, & interim ea flexibilitate & vi elastica polleat, quæ aptæ corporis circumductioni necessaria sit. Hæc Fabrum spectant Ferrarium, cui probe & accuratè significandum quod ab ipso exquiritur, ut qui in Chirurgia instrumentum aliud quod aliud adinvenit, illud operationibus suis instituendis aptum, cultrario cudendum exhibet.

Secundum quod in subligaculi fabrica attendi debet, est validitas necessaria.

Duabus de causis necessarium est subligaculi satis robusta effingere, primo in herniis majoribus atque fluxibilibus, secundo in obæsiotibus subjectis, quod tamen committo prudentiæ chirurgi qui malum attentius examinavit, unum admonendo, attendat scilicet exercitio illius cui applicabitur subligaculum, nam si fuerit homo magni laboris, aut exercitiorum violentiorum, subligaculum debet esse validius, ne herniam patiatur elabi, aut inter utendum abrumpatur.

Tertium quod adnotari debet in eo positum est, quod chalybs aut filum ferreum è quibus effinguntur subligacula, à scuto sive pulvilli lamina, ad suæ longitudinis dimidium, una quarta parte validior & crassior fabricari velit, sensim minuendo ad finem usque, ut sic vis major adsit elastica. Si verò necessarium fuerit pro duabus herniis subligaculum conficere, oportet ut illud scutum quod zonæ seu cingulo continuum est ponatur super molestiori hernia, sive illæ à latere dextro, sive à sinistro fuerint. Observandum autem quod omnium subligaculorum laminæ sint suis pulvillis minores, nam hi illarum oras ad dimidii saltem digiti quantitatem excedere debent, & præterea quo magis elevare velis eosdem pulvillos, eo minores debeant esse laminæ, inguina enim quibus applicantur, nequeunt grandiores laminas pulvillis instructas elatioribus ferre, præterquam quod parum adferant commodi.

Quarta eaque notatu dignior subligaculorum pars, pulvillus est, qui compressæ vices gerere, atque partibus è quibus herniæ elabuntur imponi debet, ut sic impediatur quo minus vel intestinum, vel epiploum vel utrumque simul excidat.

Generalior regula exigit, ut quantum fieri poterit pulvilli effingantur minores, nam sic & utiliores & minus importuni evadunt, & præterea ad peritonæi annulos commodius perveniunt, nec ita facile de loco moventur ac grandiores. Interim necessarium est eos tam variè effingere, ut illud describere sit impossibile, in hoc judicium exercendum, advertendo ad herniarum exitum unde tam multiplices enascuntur effectus. Præcipue vero observandum ut prædicti pulvilli proportionentur parti cui imponuntur, nam aliquando requiruntur depressi & molliores, ut in subjectis macilentis, in quibus hernia non fuerit grandior, nec in inguine cavitas; ubi verò cavitas adfuerit major minorve, pulvillus exigitur plus minusve elatus ac turgens, ita ut cavitas repleatur, nec tamen pars ad atrophiam deducatur, quod evenit quibusdam novis Sectatoribus qui instrumentis utuntur acuminatis, quib. præter dolorem, substantiæ deperditionem, faciunt per impeditam spirituum irradiationem, & nutrimenti appulsam; sic etiam annulos apertos servant, & unioni ad curam quàm maxime necessaria, obstant.

Omnes herniæ contineri debent in eo è quo egrediuntur

diuntur loco, non verò in illo ad quem devolvuntur, itaque semper supra os pubis debent reprimi adque coxam propius, ubi annulorum sedes est, & ubi vasa vitantur spermatica; nam si subligaculi scutum propius ad penem adducatur dolor in prædictis paritur vasis, quæ inter pulvillam & os pubis sic arctius incarcerantur, præterea cum os pubis sit hic elatius quam prope coxam, impedimento est ne pulvillus cavitatem repleat, sicque hernia elabitur, præsertim inter sedendum, aut corpus curvandum, jam verò hoc attentius observandum ut devitentur mala quibus vix mederi valeas pro voto, cum sc. subligaculum elabi sinit intestinum, unde periculosissima enascitur strangulatio.

Regulam generalem flexionis subligaculorum quod spectat, attendendum ut circum totum corpus circumducta illi undique quam accuratissime & immediate applicetur, ne sc. facile de loco moveantur quod ipsorum operationi non parum officeret. Particulares flexionis differentias quod attinet, in variis subjectis, illæ nullatenus possunt edoceri, & etiam, subligaculum quantum ante applicationem possibile, ad perfectionem suam deductum, necessarium est ipso applicationis momento variè flectere, ut corpori aptius commodetur, propterea melioris notæ metallo constitui omnino debent.

Qui subligacula è filo ferreo conficere norunt hoc fruuntur privilegio, quod sc. filum ferreum minus facile in variis sui flexionibus abrumpatur, si fuerit melioris notæ; quod è Germania adfertur inceptum protus est.

Hæc Subligaculorum species inter præclarissima reponi meretur inventa, nam sic omnibus prope in locis, nulla fabri ferrarii adhibita opera, subligacula & apta & firmissima possunt effingi.

Pro condendo hoc è filo ferreo subligaculo eadem quæ in subligaculo chalybeo sunt adnotata observanda veniunt, & quoad mensuram sc. & quoad ferri longitudinem, validitatem verò quod attinet, siquidem variæ crassitie dantur fila ferrea, illud pro prudentia sua seliget artifex, aptum illi firmitati suo subligaculo conciliandæ quam intendit. Observandum tantum quod cujuscunque demum crassitie filo utaris ferreo semper duplicandum sit, ad utrumque sc. subligaculi ut & ejus scuti limbum, & quandoquidem filum ferreum ejusdem est per totam suam longitudinem crassitie, igne temperandum est ut ab ea parte cui corium alligari debet minus firmum evadat.

Conficiendum subligaculum postquam ad corporis modulum exegeris, & ad indicationes necessarias attenderis, validitatis aptæ filum ferreum seliges, ejus longitudinis ut commodè duplicari possit, & ab altera parte manuali aliquo instrumento flectes extremitatem rami ferrei superioris, ut ex ea constituas scutum, vel à dextris, vel à sinistris, ejus figuræ quam aptam videbis pulvillo sustinendo herniæ tuæ continendæ accommodato. Hocce peracto producet mensura usque ad filum ferrei partem igne temperatam, ubi subligaculi futura est extremitas, indeque illud duplicabis. Quando secundus iste ramus duplicatus paulo ultra scutum deductus fuerit, eum priori subjicies, & filo multipliciter complicato subligabis; cum ea extremitas quæ scutum excedet lima corradetur ut depressiorem aliquam acquirat, postea eandem ad interiora contorquebis ad prædicti scuti figuram, ut illud è ferro duplicato construatur, ut ipsum cingulum. Continuabis validam ligaturam duarum extremita-

tum, quæ in unum scuti locum coibunt; postea subligaculum pro lubitu flectes duabus adhibitis manibus, flectere incipiendo quasi ovalem aut aliam aptiorem figuram conficere in animo esset, recurvabis postea cingulum prope aut longè à scuto, prout necessarium fuerit altius illud applicare; reliqua & perfectior flexio mallelo conciliabitur, ramum ferreum interius leviter tundendo ut ad mensuram corporis exquisitè adapteretur.

Quando subligaculum pro voto efformatum habueris, duos ramos simul deligabis, eos invicem complicando, & tænia fidea tres lineas lata circumducendo: Hæc ligatura duplici adhibetur usui, sc. validitatis æqualitatem ramis duobus conciliat, & præterea prima est subligaculi instructio, cui secunda è tela confecta, bombace, aut lana tenui & bene carpta repleta, per totam longitudinem interius adiuitur, ut sic ferrum minimè lædat. Secunda hæc instructio non adsuetur quin prius extremitatem loro coriaceo, clavo adfixo, vel tela spissiori ad aliquam longitudinem producta, armaveris, postquam eandem illam extremitatem lima corrasam depressiorem feceris, ut sic minus crassa fiat atque minime lædat.

Pauci admodum cudendorum subligaculorum chalybeorum sunt periti, nullique in provinciis Gallicis tales reperiuntur, quantumvis aliis instrumentis cudendis; apti interim illud utilissimum foret, cui ego pro virili medebor, dummodo urbium chirurgi attentiori animo & magno cum studio legere velint quæ hætenus à me hic fuere perscripta.

Verum quandoquidem mensura à me descripta fabro pro conficiendo subligaculo est insufficiens, consulo unicuique chirurgo paret sibi exemplar aptum ex unico filo ferreo ejus crassitie quæ facile flecti possit, ut sic apte curvetur ad figuram corporis cui applicari debet, & postquam filum illud ferreum ad corporis mensuram exquisitè exegerit, tum faber viro exemplari facillimè subligaculum cudet, unicum supererit, scilicet præscribatur & crassities latitudo cinguli, cui demonstrandæ cartaceum omnino aptum fuerit: Scutum quod attinet, conficietur ad normam illius quod per flexionem filii in altera extremitate; & quoad magnitudinem & quoad figuram necessariam, descriptum erit.

Habemus subligacula chalybea fracta miræ inventionis, quæ sæpissimè Magnatibus exhibui. Unico aut duplici armantur scuto, prout libuerit.

Quæ duplex scutum gerunt per scuta sua disjunguntur mediante cochlea à dextris vel sinistris posita, hoc est si è duabus herniis quas reprimere necessarium est major à dextris fuerit, cochlea in eodem latere poni debet, & à sinistris, si hernia præcipua in eo fuerit latere. Hæc cochlea insinuat in striarium cavum in altero scuto efformatum. Subligacula hæc, præter scuta sua è quatuor aliis concinnantur partibus, quarum prima, eaque brevissima, cochleæ continuatur, hæc à secunda; secunda à tertia, tertia à quarta, & quarta à quinta concluditur; quintæ autem debet adfigi lorum coriaceum validum pro subligaculo claudendo.

Subligacula fracta unico armata scuto, è quatuor tantum conficiuntur partibus quæ clavo ferreo ita compinguntur, ut ad interiora tantum flecti queant, sic magnum subligaculum in peragestari potest. Eadem ratione muniantur ac alia simplicia, è chalybe aut filo ferreo, & in eo tantum differunt quod pro flectendis partibus clavo compactis,

compactis, necessarium sit tria foramina, seu potius aperturas, in instructione, quæ ipsis adfuitur, conficere.

Subligacula hæc sunt admodum commoda atque præcipue iis, qui de die & nocte ea gerere necessarium habent.

Omnia subligacula chalybea, quæ noctu gerere animus est, latitudine trium aut quatuor pollicum breviora esse debent, quam ferant duæ tertiæ crassitie corporis partes, ut quando super subligaculi extremitate cubatur, minime sic scutum aut ejusdem pulvillus de loco moveatur.

Pro infantulis fasciis suis adhuc dum circumvolutis aut aliis excrementis se inquinantibus, componenda sunt subligacula, quibus urina & sordes adhærere non possint, ut ea putrefaciant; ejus conditionis sunt, quæ è duplici fili ferrei tenuis ramo concinnantur, ad modum quem supra in majorum descriptione enarravi, sed alia instruuntur ratione, rami scilicet duo non simul colligantur ut in majoribus, sed inter eos cartaceum reponitur segmen, duas aut tres lineas latum, circum assuta valida è filo cannabino tænia, in totum cingulum producta, & etiam multo ulterius pro pueruli crassitie, quod ultra cingulum producit, ter replicatur ut sic ligulæ coriaceæ, quæ hamulo, aut productioni ferreæ è scuto ex linteo ad magnitudinem olivarem confecto, assurgit alligatur, vices gerat: mox memoratum scutum parvæ adfuitur lamellæ, quo peracto, intersuatur tænia ramos ferreos inter & cartaceum per totam cinguli longitudinem, post ceræ albæ fusæ per totam sui longitudinem exquisitè immergetur, ut sic ab urina non corrumpatur: frigefacta cera cultello lævabitur, atque ita subligaculum applicationi aptum habebis, quod de die & nocte gestum necessario hernias infantulorum intestinales, curabit, & iis minime molestum erit.

Pro umbilico conficitur etiam subligaculum ex chalybe aut filo ferreo, sed diuidias tantum; pro varia magnitudine corporis variè curvabitur, ut in aliis dixi, in hoc tamen differt, quod scilicet partes, quibus hocce in casu applicatur, sunt omnino dissimiles iis, quibus alia admoventur. Lamina mediæ sit grandior & ovalis figuræ, aliquando rotundæ; vastior conficitur hæc lamina, ut abdomen, quod in obæsiis semper prope acuminatur, contineatur.

Si subligaculum hoc fiat pro intestino, & intestinum integrè reduci valeat, in mediâ hac lamina collocatur mollior globulus ad umbilici formam constitutus, ut cavitas eo repleti possit.

Si subligaculum è filo ferreo construatur, necessarium fuerit, postquam laminam mediâ duplicatâ spissioris textus tela instruxeris, illi adsuas aliam laminam è tenuiori subere Hispanico, aut è duplici carta lusoria confectam, prius appposito atque alligato hamulo ferreo istius laminæ parti mediæ. Hujus subligaculi cingulum latius esse debet, per vaginam laneam aut xylinam, quæ propterea ab utraque cinguli parte frequentibus densabitur punctis.

Subligacula omnia, quantum fieri potest, levia sunt faciendâ, siquidem eorum majus pondus post aliquod tempus molestum est. Si materia è qua conficiuntur melioris fuerit notæ, frigidè facillè cuditur, & subligaculum exhibet leve, quodque eo validius est quo magis cuditur, sicut tenuior lorica malleo probe cula, ictibus fortius resistit, quam quæ è pejoris notæ metallo & ponderosior fuerit.

Subligacula chalybea, ut & è filo ferreo triplici volunt vestiri instructu, tam quoad scuta, quam quoad cingula.

Primus instructus è spissioris textus tela cannabina confici debet, quæ adsuetur tum laminis scuto sustinendo destinatis, tum cingulis; sed super memoratis laminis semper duplicari debet, ut sic scutum sive pulvillus, validius colligari atque uniri possit, ut & hamulus ferreus ipsi commode inhærere valeat in subligaculis è filo ferreo constructis.

In omnibus subligaculis hamulus cui ligula coriacea connectitur in mediâ lamina pulvillo subjecta semper collocabitur; hamulus vero, cujus mucro ad inferiora vergit, commodior erit, & indusium non lacerabit.

Ligula coriacea, cui oscilla inferuntur pro claudendo subligaculo, è corio constituetur validò ne facile elongetur & oscilla confertim inferi possint, ut sic constructio pro libitu fiat, & prædicta oscilla nullatenus lacerentur.

Secundus instructus cinguli vagina erit, de qua mox verba feci, & quæ componitur è fascia lineâ oblique scissâ & gossypio aut lana repleta, post subtus cingulum chalybeum à pulvillo ad oscilla usque confuta. Hic instructus efficit, ut ferrum minime lædat, utque rubiginem non contrahat; ejus loco potest etiam substitui limbus panni lanei tenuioris.

Pulvillorum secundum instructum quod attinet, multipliciter in forma & materia variant; forma pendet ab ipso artificis judicio, superius pronunciaui minimos esse optimos, quod non ita intelligendum, quasi omnes eadem ratione efformari deberent, penes opificem erit magnitudinem aptam seligere.

Si necessarium fuerit pulvillum paulo longiorem conficere, adeo ut usque super os pubis ascendat, quia scilicet intestini eruptio juxta illud os reperitur, parsque macrior est, oportet pulvillus sit mollior, ut prædictum os in illum pulvillum inferi queat, alias vacuum fiet in loco, unde intestinum elabitur, & præterea si durior foret pulvillus hoc in casu, partem cui applicatur læderet; ut autem mollior evadat pulvillus, replebitur lana carpta, aut gossypio.

Quando agitur de duriori conficiendo pulvillo, adhibebitur tomentum panneum malleo contritum, & in sacculum è largioris textus tela cannabina immisum, qui sic melius super lamina ferrea collocabitur; pilus equinus ad id etiam assumitur, qui medias inter lanam & tomentum occupat. Aliquando subere utor Hispanicò pro eâ quam in pulvillo expeto duritie, semper satis lanæ superimponendo, ejusque bene carptæ; ut pars præ pulvilli applicati duritie non atrophietur aut marcescat.

Pulvillus pro Epiplocele, in iis, qui magnum gerunt abdomen, debet brevissimus fieri & obtusus, atque in sui superiore parte depressus, lævis, & inversionis commodæ, ut abdomen non lædat, nec effectum impediat, quem ab arcta compressione exquiris, hæc autem compressio per partem pulvilli inferiorem perficitur, quæ propterea magis aut minus tumebit, pro civitate partis; observandum præterea, quod semper pulvillus à parte coxæ magis turgere debeat, nec durior effici. Jam verò ut qui subligaculum gerit, illud inferius quam par est applicare non valeat, in quo error committitur satis ordinarius, oportet pulvillum magis in transversum deducere, ut immediatè infra os pubis semper remaneat, oportet præterea eum & molliorem & depressiorem à parte vasorum & penis efformare.

Tempus

Tempus mihi deficeret si tot pulvillorum genera, quot herniæ pro sua varietate conficere cogunt describere tentarem, in hoc exercebitor artificis iudicium, nec mirum si qui chirurgiæ genium non satis possident, nihil boni conficere queunt.

Medium omnium pulvillorum, cujuscunque demum fuerint formæ, durius esse debet, quàm ejusdem limbi, excepto eo qui pro testiculo retento adhibetur: Necessarium autem est pulvillos laminis suis probe assuere, & postea corio ovillo albo, aut potius caprino tegere; eadem ratione tegitur cingulum, hicque tertius & ultimus instructus est; futura vero tum pulvillorum, tum cingulorum, debet quantum potest à limbis eorundem removeri, ut sic minime lædat.

Aliquando fascia quæ coxam complectatur opponitur, cujus aliud extremum cingulo appenditur, aliud vero hamulo scuti alligatur; hæc autem fascia ante ligulam coriaceam hamulo debet inseri, ut sic solvi nullatenus possit.

Et quandoquidem sapissimè de vita proximi agitur qui subligaculis in suis herniis confidit, eorum faber per propriam tenetur conscientiam, se in hoc negotio peritum reddere, & omnes herniarum species nosse, propterea si artem cui se vovet dilexerit, in eaque delectetur peritus evadet, sin minus in difficultates multas impinget.

Debet præterea & prudens admodum esse, & in arcano tegendo religiosus, ne scilicet morbi ipsi commissi divulgentur. Inopibus etiam in charitate succurret, ut sic ab omni parte conscientia satisfaciatur, sed potissimum quod ipsi impossibile est nunquam pollicebitur. *Nicolaus Le Quin Tractatû Gallicô de Herniis.*

De Operatione in Herniis aliàs incurabilibus exercendâ.

Herniarum causis cognitis facile intelligi potest in quo consistat curationis ratio. Nam sicut causa herniæ est illius meatus apertio, seu per relaxationem, seu per rupturam: Ita curatio est contra ejusdem est meatus constrictio. Illa constrictio aliquando conficitur per pharmaciâ, nempe per medicamenta astrictiora, vel consolidativa intus exteriusque adhibita, & per Zonam simul gestatam, cujus constrictione impeditur, partium prædictarum exitus extra illum meatum: quo impedit, paulatim meatus consolidatur, præsertim cum tantum est dilatio, & non ruptura, vel cum ruptura est exigua, & in ætate pnetili. Interdum non potest per medicamenta, & Zonam curari, præcipuè cum hernia est non à dilatazione, sed à ruptura, & quidem ruptura magna, ac jam antiqua, & inveterata, tunc enim debet curari per Chirurgiam, nempe, vel sectione, vel ustione. Quando ergo per chirurgiam curatio instituitur, tota ratio ejus in eo consistit, ut illi meatus, seu dilatio seu ruptura dilatati constringantur. Constrictio illa non fit per sectionem, sed sectio præcedere debet, ut postea constrictio fieri possit. Constringi enim meatus non potest, nisi prius sectio ad meatum usque fiat, & talis per quam Chirurgus ad meatum illum possit pervenire, ac eum possit constringere, non enim potest meatum constringere, nisi prius ad eum manibus pervenire possit. Cum ad meatum pertingi potest, tunc ille vel futura, vel ustione, vel strictura fili aurei aut plumbei circumducti coarctatur, de quo latins.

Interim ex præcedentibus & ex eo quod sectio-

nes hæc sint periculosæ colligere potestis, quod non facile, neque temere ad eas sit progrediendum. Nam si tantum sit hernia inguinis, quia illa tantum est incipiens, & incompleta, & tantum à dilatazione peritonæi, & quia ibi omentum vel intestinum facile per Zonam retrudi potest; ideo sectio non est necessaria, sed tantum per pharmaciâ cura est instituenda, nec propter parvum malum debet tam periculosum remedium sustineri. Si etiam sit hernia scroti, & sit parva; sic ut omentum tantum incidat, non est opus sectione; omentum enim quia superius est ligatum, non potest procul, & non nisi exigua sui portione in scrotum incidere, & sic illa hernia non est tam magna, ut tantum remedium exigat. Si sit major, sic ut intestinum in scrotum incidat, sitque parva & recens, & in juvenili ætate, primum tentanda est cura per medicamenta: nam sæpe adhuc curatur, & ideo non est temere ad sectionem veniendum. Sin inveterata sit, & tumor maximus, & pharmacia omnis frustra adhibita, tum primum de sectione debet cogitari: debet autem ea fieri in ætate juvenili, senilis non sufficit tanto remedio ferendo. Est porro hæc sectio omnis valde periculosa.

Verum quia plures ejus differentia sunt, illa quæ fit modo ordinario, quo utuntur Empirici, & circumforanei, hernias secantes, quæ scilicet cum exsectione testiculi fit, omnium est periculosissima: quæ verò fit per punctum aureum vocatum, etli etiam sit valde periculosa, minus tamen est pericula præcedente. Insuper quæ fit modo empirico, exponit hominem periculo sterilitatis, propterea quod fiat cum ablatione unius testiculi: imo, si hernia sit ab utroque latere, & ab utroque latere fiat sectio, facit hominem absolute sterilem, quia talis fit cum ablatione utriusque testis. Punctum verò aureum non aufert testiculos, ideoque hoc periculum sterilitatis non adducit. Sed in universum modus Chirurgicæ curationis est triplex. Unus fit per ustionem. Secundus est ordinarius, & communis empiricorum, & fit cum extractione testiculi; Tertius vocatur punctum aureum, propterea quod fiat cum filo aureo, meatum per quem intestina labuntur, constringente.

Primum modum curandi per ustionem docent, Avicenna, Rhafus, Nicolaus, Theopoticus, Guido, & alii. Alii autem faciunt eam cum cauterio actuali, alii potenciali, qui istum modum docent, dicunt, quod æger debeat collocari supinus, cruribus elevatis, capite depresso, quodque intestina, si exciderint, debeant intra abdomen reponi. Inde, inquiunt, debet aduri, super inguen cum cauteriis ignitis, usque ad os pubis, eo scilicet loco, per quem descendere solebant intestina: & debent fieri ustiones plurimæ, incipiendo à sursum, & descendo per totam regionem rupturæ. Tunc curandum est, ut elcharis collapsis loca usta consolidentur, & cicatrifentur, & ut æger interim 40. diebus maneat supinus, nec moveatur, ut interim intestina non descendant. Cavendum autem est, ne intestinum aliquod vim ignis sentiat, nec vasa quoque spermatica; nam sic virtus generandi læderetur, quamvis, inquit, ægre fieri possit, ut illa non offendantur. Theodoricus, & Guido, docent, ustionem facere cum potenciali composito. Ergo, ut prius, agro & intestinis intra abdomen repositis, laxiorem productionis peritonæi partem, unaque spermatica vasa, & cremasterem musculum ad ilchii os adducunt: tum reliquam processus peritonæi partem caustico medicamento validiore,

validiore, vel debiliore, pro ratione corporis inurunt cauterio recta ad ossis perpendicularia affixo ea parte, qua intestinum procidebat, escharam, quæ inde produceretur, ad vivum usque divellunt. Tum aliud iterum causticum, eidem loco, quod ad os usque exurat apponunt, ut sic processus ille peritonæi aduratur, & in escharam convertatur, tum faciunt medicamentis, ut illa quoque eschara cadat, & in locum escharæ caro, & cicatrix, ac quasi callus succrescat. Nam cum processus ille peritonæi, per quem intestina incidere solebant, sic dura ac solida ac callosa cicatrice est obstructus, fit, ut omentum, & intestina non possint amplius per ipsum in scrotum procidere. Hæ ergo unctiones ea ratione curant herniam, quatenus faciunt talem constructionem, & coarctationem in loco, in quem intestina relabuntur, ut deinceps delabi per illum non possint. Cardanus Comment. ad Aphor. 27. l. 6. Hippocr. ait; quod ille modus sit facilior, & securior quam secundus modus, qui ordinarius, & empiricus dicitur, quippe cum ex sectione testis fit, idemque etiam Paræus. Verum tamen monet, ut ista curandi ratio tunc non tentetur, quando ipsum omentum, vel intestina ipsi processui peritonæi tam fortiter sunt agglutinata, ut inde divelli, & in locum suum compelli non possint: tum enim intestina adustione illa rangerentur & violarentur, unde gravissima mala sequerentur. Secundo etiam, ut non tentetur, cum illius processus dilatio est valde magna, aut cum processus est ruptus, & intestina magna mole excidunt, tunc enim ictio ad curandum non sufficeret; quia satis callosa cicatrix non esset tunc satis fortis ad illam molem incumbentem retinendam; sed effringeretur & malum recideret. Tertio, ut etiam non tentetur, cum ægri adhuc in illa ætate sunt, in qua non possunt se immotos continere, & excrementa alvi ad arbitrium tenere.

Secundus modus, qui est ordinarius, & empiricus, & per sectionem fit, adscribitur à P. Ægineta c. 65. lib. 6. & fit hoc modo. Æger debet collocari supinus super scamnum, aut mensam, cruribus divaricatis, & extensis, non autem curvatis. Tunc intestina reponi intra abdomen, & retrudi diligenter debent: & porro palpandum scilicet ut testiculus sit in bursa, an vero sursum retractus. Si sit in bursa, erit tum atramento faciendum signum, pro vulnere faciendo; vulnus debet fieri in inguine lateris, tam altè aut paulo altius, ac est origo seu radix penis. Obliquum debet esse vulnus, longitudinis ferè duorum digitorum transversorum. Ejus signo sic atramento notato, debet cutis in illo signo apprehendi, & secundum latitudinem transversam plicari, sic ut plicatura, cum linea notata, faciat crucem, & unum extremum plicaturæ tenebit, & attollet famulus assistens: alterum extremum, quod versus se est, attollet sinistra manu, ipse Chirurgus.

Tunc secundum, & supra lineam ipsam, cum rasorio facienda est sectio profunda. In vulnus debent immitti duo digiti anteriores, & cum iis vasa spermatica, & processus peritonæi, illa vasa cingens, apprehendi, & à partibus, quibus adhæret, violenter separari, & separata uno cum testiculo ipsius vasis annexo extrahi per vulnus factum. Cum extracta sunt, & extra vulnus pendent, debent vasa spermatica, & processus peritonæi illa vasa circumdans, altiori, quo possunt loco, ligari serico filo valde longo, & tunc sub locum ligaturæ amputari: alii amputant tantum, alii extrema insuper adurunt. Quod amputatum est, nempe testiculus cum

portione ista vasorum spermaticorum, & processus peritonæi, terræ mandari potest; quod supra amputationem est, ei corpori interius adhæret, reponi per vulnus intra abdomen debet: sic tamen, ut fili oblonga particula extra vulnus pendula maneat, quo postea possit filum extrahi, ut in corpore non remaneat. Per foramen potest olei aliquid rosati immitti: penicillum cum oleo rosato, & vitello ovi imponatur, & desuper stappa cannabina cum unguento stiprico, & repellente, quod sanguinem compescat, & inflammationem arceat, ex albumine ovi, aceto, oleo rosato, bolo, sanguine draconis, &c. Ad latus vulneris lintea multiplicata, quasi pulvinare quoddam ad comprimenda labra vulneris adhibeantur. Postquam intra corpus, quod sub ligatura est computruit, & filum decidit, filum extrahendum est: extracto, vulnus curandum, claudendumque. Interea dum illud quod sub filo est, putrescit, & decidit, generatur caro & callus durus in locum vinculi decidentis, qui callus extremum processus peritonæi abscissum, per quem intestina incidebant, & seminarium vasorum, qui in illo processu sunt, occludit & obturat: Illo extremo sic per callum occluso non possint deinceps per illum processum intestina delabi in scrotum, & illa hernia est curata. Si hernia sit ab utroque latere, quod jam de uno latere dictum ab utroque esset faciendum.

Tertius modus vocatur aureum punctum. Vocatur autem sic, quod fiat stringendo cum filo aureo. Verum est notandum, quod sub hoc puncto acreo comprehenduntur varii modi operationis, qui omnes verè & propriè non deberent dici punctum aureum, cum non fiant omnes cum filo aureo, nec omnia fiant eo modo, quo punctum aureum propriè dictum, tamen impropiè vocentur punctum aureum, & comprehenduntur sub eo per hoc, quod fere sic fiant, sicuti punctum aureum, & in eo cum puncto aureo, ab empirico, & ordinario secandi modo differant. Hac lata puncti aurei appellatione sunt plures aurei puncti modi.

Primus est, Ægro supra mensam collocato, & repositis si exciderint intestinis in inguine, supra radicem virgæ, fiat oblonga, & obliqua sectio, tam profunde, quo usque perveniatur ad vaginalem peritonæi processum. Cum jam ille processus detectus est, debet blande digito à circumjectis partibus paululum separari, ut sub illo aureum filum duci possit. Cum ergo separatus est, tenue aureum filum, crassitudinis aciculæ majoris, subcurvum, sub illum processum duci debet, duplici circumductione, circumducti extrema debent conjungi, ne dissolvantur. Itaque debent per tenacula ferrea sibi mutuo intorqueri; Ab intortis, quod superest debet abscindi, & extrema abscissionis ita deorsum, & ipsi nodo implicari, ut ipsa circumjectas partes non pungant. Hoc est propriè punctum aureum, quo hernia curatur hac ratione, quatenus scilicet per illud filum aureum circum vaginalem peritonæi processum circumductum, ipse processus qui antea laxatus, vel ruptus, & per quam propterea omentum, & intestina in scrotum incidebant, ita constringitur, ac coarctatur, ut illa deinceps non amplius per illum dilabi possint. Verum sciendum est quod cum per illum processum debeant naturaliter spermatica; & deferentia vasa transire, ideo illa restrictio per filum aureum non debet esse nimis arcta; nam si esset arcta nimis, tunc illa vasa ita comprimerentur, quod per ea non posset esse materiæ seminalis transitus; & sic homines imprimis fierent steriles. Deinde, si nimis arcta esset,

testes qui sub loco constrictionis sunt, putrescerent; quia privarentur fluxu sanguinis alimentarii, & spiritu vitali, qui per illa vasa spermatica ad testes debent pervenire. Debet ergo strictio cum filo aureo esse moderata, sed ita arcta, ut nec omenta, & intestina per illum meatum & circulum aureum circumductum ei prolabi possint, & tam laxa, ut commode & sine coarctatione possint spermatica, & deferentia vasa per eum transire.

Notandum propterea, quod in pueris strictio debeat minor esse, quam in adultis, propterea quod pueri adhuc debent crescere, & ille processus & vasa spermatica debent in iis cum ætate adhuc ingrossari. Itaque debet in iis strictura proportionari crassitudini, quam processus, & vasa illa sunt habitura in adulta ætate, ut illa nimirum tunc adhuc sit satis libera & laxa in ætate provecta, quia illa vasa non amplius crescunt. Potest strictio proportionari crassitudini processus, qui tunc est. Filum illud aureum debet ibi tota vita relinqui, & vulnus factum debet desuper uniri, ac consolidari, modo quo alia vulnera curantur. Postmodum debet æger adhuc 20. diebus in lecto contineri, capite demisso, & pedibus in altum elevatis, ne intestina contra partem lauciatam, & à sectione & contractione debilitatam incumbendo, eam dolore, & inflammatione afficiant. Capitur vero ad hanc rem filum aureum potius quam alterius metalli, quia illud est imprimis valde flexile, & ideo apprimè accommodatum, ad ita facile intorquendum. Secundo illud metallum in corpore remanens non corrumpitur, nec putrescit, nec æruginem contrahit, nec maligna qualitate afficit partes, quas attingit. Et hic modus est propriè dictum punctum aureum.

Secundus modus puncti aurei est, qui fit ferè eodem modo, sed non omnino. Differt autem à priore, quod filum, quod circumducitur, processui illi peritonæi, ad eum constringendum, non relinquatur in corpore, sed postea educitur, qui modus à nonnullis ideo est excogitatus, quod putent, malum esse in corpore metallum aliquod, aut aliquod naturæ nostræ heterogeneum, in corpore relinqui. Incidunt ergo in inguine, ut prius, & processui peritonæi seu vaginali, eo modo, quo antea dixi, uno tantum circulo circumducunt, virgulam plumbeam, & quantum sufficit coarctando intorquent, & simul extrema virgulæ, quæ longiora esse debent, extra vulnus propendere sinunt, tum ægrum in lecto continendo expectant, donec naturam in loco coarctato jam callum duxisse verisimile sit. Cum hoc factum arbitrantur, eam virgulam plumbeam iterum evolvunt, & explicant, & blande extrahunt, & tunc vulnus consolidant, & tunc hernia est curata, hac nempe ratione, quatenus in loco illius processus vaginalis, ubi coarctatio à filo plumbeo facta fuit, est à natura productus callus, qui facit quod ille processus non amplius possit dilatari, & intestina non amplius possint per illum (ultra locum, in quo callus generatus est) procidere, qui callus non potuisset à natura produci, si processus ita latus permanisset, & si locus per circumductum ejusmodi plumbeum, filum non fuisset sic coarctatum. Ideo autem hi capiunt filum plumbeum & non aureum, quia plumbeum adhuc est mollius & ideo postea facilius extrahatur, & educitur, quam filum aureum. Verum mihi non placet iste modus, quia imprimis per hoc, quod filum aureum in corpore remaneat, nihil mali potest corpori inferri. Videmus enim aliquos globos plumbeos multos tota vita in corpore line noxa gestare. Secundo, quia non puto per ejusmodi callum inductum, sufficienter herniam curari posse, præcipuè, si magna sit: nam incumbens denovo

magnum illud intestinorum pondus supra calli locum, eum facile effringere potest, neque videtur, quod callus semper tam fortis generabitur, qui possit incumbentibus intestinis resistere.

Est & tertius modus fili aurei, quem ex Paræo vobis tradam, & est talis. Incisio fiat super os pubis, in vulnus imponatur specillum simile cannulæ. Illud specillum per foramen sub peritonæi processu, secundum ipsius processus longitudinem impellatur, tum surrigendo specillum, divellatur eo dictus peritonæi processus, à vicinis, & fibris, nervosisque partibus, quibus adhærescit, mox & spermatica vasa à cremastere, testiculæ musculo, abstrahente. Quibus perfectis, Chirurgus ipsum processum seorsum adducet, ejusque quantum laxius est, exiguis, & laxis tenaculis, foraminibus in medio præviis, comprehendet, atq; acuduplex filum ducente transadiget, proximè prope vasa spermatica, & cremasterem testiculæ musculum, sed & iterum ducenda erit acus in ejus, quod ex processu peritonæi restat medium, una cum prehensis vulneris labris: tum arcto modo filum restringendum est. & postea persecandum: sed ipsius tantum relinquendum est, quantum satis est, ut extrorsum à vulnere pendeat, illud filum putredine sensim ex se dissolvente, nec verò ante abstrahendum, quam natura in ligaturæ locum carnem generaverit & reposuerit, alias frustra omnis labor. Inde vulnus detergendum, carne implendum, & cicatrice obducendum, cujus callosa, durities delapsuro iterum intestino, vel omento obstabit. Hunc modum illis verbis describit Paræus, & ponit in modos puncti aurei, quamvis propriè non sit punctum aureum, sed ab eo multum divisum. Ideo tantum nomine puncti aurei appellatur, quod sit sine exemptione testis, sic ut punctum aureum, & quia in hoc cum puncto aureo convenit, quod sicut in puncto aureo processus ille peritonæi, seu meatus vaginalis, in quem ruptum, vel laxatum, intestina, vel omentum incidit, mediante filo aureo circumducto, constringitur, & moderata strictione coarctatur. Ita in hac operatione, idem processus primo mediante sutura, postmodum verò callo in suturæ locum succedente arctior fit, qua arctione fit, ut omentum & intestina non amplius per eum incidere possint. Verum Paræus hunc modum valde obscure describit, & multa sunt, quæ vix intelligi possunt, nec ipse intelligo. Interim tamen notandum, quod hæc sit summa operationis, nempe ut in inguine oblonga sectio fiat, donec processus vaginalis detegatur: cum est detectus aliquo specillo seu instrumento, à vicinis fibrosis partibus blande abducitur, cum est abductus, videatur quantum processus ille excidat in laxitate, vel ubinam sit ruptus, & quanto sit meatus ille laxior quam debeat esse, aut quam pro transitu spermaticorum vasorum requiretur, in quanta parte laxitatis excedit, in tanta debet mediante sutura conjungi, sic ut sufficiens tantum portio cavitatis restet, per quam liberè spermatica vasa possint deferri, sic ut non sit totus processus suendus, aut sutura occludendus, sed tantum aliqua portio unius lateris ipsius. Ut autem sutura illa commodè fiat, debent vasa spermatica, quæ in isto processu sunt, ad unum latus illius processus seu meatus abduci, nempe ad latus quod non debet sui, ne ab acu pungatur. Tunc portio ejus quæ superflua est in laxitate debet apprehendi, & attolli, & conjuncta una cum labris vulneris, aut cum ipsa cute sui cum filo serico, cujus extrema extra vulnus pendeant. Sutura facta, tam diu æger in lecto detinendus est, donec filum putrescat, tunc in locum suturæ à natura generatur callus. Callus, in illa portione superflua laxitatis ipsius processus productus sit, ut ille processus sit

sit strictior, & quia sic strictior factus est, fit, ut omentum, & intestina per ipsum non possint amplius decidere, callo nempe transitum impediēte. Verum quia totus processus non est sic sutura, nec callo occlusus, sed tantum portio ejus, quæ erat superflua in laxitate, aliqua vero portio ejus est relicta, & non confuta, & consequenter; in ea callus non est factus, ideo per illam possunt vasa spermatica libere transire; Ergo per hanc operationem hoc efficitur, ut ille processus peritonæi pro tanta solum portione restringatur, pro quanta erit nimis laxus, quo fit, ut hernia careatur, & tamen seminariis vasibus transitus non impediatur, atque hi sunt aurei puncti, omnium herniæ sectionum modi.

Modò quæritur, an hæ sectiones in viris tantum, an vero etiam in mulieribus locum habeant? Videtur enim, quod non habeant locum in mulieribus; quia hæ sectiones maxime sunt pro hernia scroti, ea autem mulieres non laborant. Secundo omnes hæ sectiones sunt pro hernia, quæ fit ab omento, & intestinis incidentibus per illa foramina peritonæi, quæ sunt in inguinibus, per quæ vasa spermatica extra peritonæum ad testes extra corpus pendentes feruntur, & sic tantum oro illa hernia, quæ fit ab omento & intestinis in processum illum peritonæi à dictis foraminibus ortum habentem, & usque in scrotum, per modum canalis pendentem, deciditibus: atque illa foramina peritonæi, & illi processus non videntur in mulieribus esse; Ergo illis hæ sectiones, quæ pro tali hernia fiunt, non videntur locum habere. Quod talis processus, & foramina in mulieribus non sint, docet Vesalius c. 2. l. 5. & ratio videtur suffragari; quia illi processus, & illa foramina tantum sunt facta, ut per eos deducantur vasa spermatica, extra corpus ad testes, quia testes earum interiorius latent, ergo non sunt in iis foramina illa aut illi processus. Verum respondeo Vesaliam in eo errasse, ut Colimbus, Fallopius aliique notaverunt, quod mirum est, & ideo dico in mulieribus etiam illa foramina & illos processus peritonæi esse, verum per illos non deferuntur in eis nec spermatica, nec deferentia vasa ad testes, sed uteri muscoli, cremasteres, & sic quia illos processus & foramina etiam habeat, ideo quoque in eis hernia illa, quæ ab omento & intestinis, in illos processus delabentibus, fit, contingit, quæ hernia in illis, tamen non est hernia scroti, cum scrotum non habeant, sed tantum, hernia inguinis. Verum cum hernia inguinis eodem modo, & ab eadem causa fiat qua hernia scroti, & hæ sectiones etiam in hernia inguinis locum habeant, etiam hæ sectiones in curandis mulierum herniis locum habent. *Thom. Fienus de præcipuis Artis Chirurg. controversiis.*

De Herniis sic scribit Clariss. Anton. Nuckius in suis Experimentis De Herniâ Umbilicali.

Vasis umbilicalibus infantis, jam in lucem editi, minùs bene ligatis, aut non ita ut decet, compressulis & umbilicali vinculo munitis, sanguis motu particularum intestinò, vasorum latera tantopere distendit, ut Umbilicus inde genetetur admodum deformis, membrum potiùs virile referens, quàm Umbilicum.

Aliquando ab iisdem causis, quibus Enterocèle ortum debet, Peritonæum extenditur vel dilatur, idque quidem eo in loco, ubi in abdomine concursus vasorum umbilicalium conspicitur. Hinc flatus, vel Omentum, vel Intestini Ilei portio umbilicum subit, eumque distentum repræsentat.

Leviori itaque digitorum compressione, Umbilicum distendentia versus Abdominis cavum (quod facili communiter peragitur negotio) propellantur, Umbi-

Bibl. Chirurg. Tom. II.

licoque prominenti jam compresso, *Emplastrum ad Rupuras* unâ cum lamina plumbea, vel corii crassiusculi particula, cum linteo ter quaterve duplicato, fasciæ ope jejunò ventriculo applicetur, eoque in statu continetur tamdiu, donec fibræ Umbilici viciniore contractiores reddita, umbilici procidentiam impedian.

Hicce nihil juvantibus, Umbilicus comprimendus, & vicina Abdominis cutis portio levioribus scarificationibus vulneranda, labiisque vulnusculorum Emplastris Glutinosi adductis, ad cicatrices perducenda erit, ut ita fibræ laxiores ante, jam contractæ, Umbilici prominentiæ obstant.

Si verò nec his cedat malum, ultimum refugium erit (propulso in Abdomen intestinio aut omento) Umbilicum prominentem, filo serico triplicato cerâ obducto, decenter ligare, ligatumque extra ligaturam relecare. Hemorrhagiæ resectionem subsequens, *Pi-trioto Cyprino* sistitur; quâ sedatâ, leviori styptico unâ cum Emplastro applicato, fili separationem, Umbilicique consolidationem brevi sperare licebit.

In adultis autem & corporibus cachecticis ab hac Operatione manum retrahere.

In obelis *Hernia umbilicalis* notabile aliquando sumens incrementum, nullo melius & rectius comprimitur, quàm (apposito prius cerato) Cingulo umbilicali ex linteo duplici gossipino parato, quod ea parte, quâ umbilicum tegit, scutum duriusculum obtrinet, in cujus centro prominentia apparet, quæ in dilatatum Umbilicum sese insinuando intestini, omenti, flatusve exitum prohibet: quale Cingulum describit *Scultetus in Armamentario.*

Quod si relaxato aut neglecto Vinculo, vel alia de causa ex improvviso major intestinorum portio Umbilicum subeat, & excrementa in eadem hærentia justò duriora restitutionem impedian, Umbilici cutis erit incidenda, & dilatato foramine intestinum reponendum.

De Herniâ Inguinali.

Non rarò casu, saltu, ponderis gestatione, vomitu enormi, tussi gravi, motuve corporis vehementiore, intestina versus inguen prolabantur, unde Herniæ species oritur, quæ *Bubonocèle, Enterocèle* sive *Herniâ intestinalis* appellatur.

Hæc autem vel uno ictu & actu derepentè, vel sensim producit. In priori casu lacerum, in posteriori verò relaxatum & extensum esse Peritonæum, sunt, qui asserunt; nos verò in utroque casu relaxatum solummodò invenimus.

Ubi repentè oritur, & intestina prolapsa durioribus fœcibus flatusve distenta conspiciuntur, intestinum illi cò restitui debet, quod si negligatur, funesta symptomata, dolor videlicet atrox, excrementorum vomitus, inflammatio, gangræna, & subitanea mors plerumque subsequuntur.

Hoc itaque in casu æger supinus, capite declivi, genubusque sursum protensis, collocandus; quo modo suâ sponte prolapsum intestinum aliquando introrsum recedit aut leviori manus compressione in Abdomen repellitur.

Si verò flatus aut excrementa obsint, lenè aliquod alvum laxans offeratur, aut Clyster emolliens injiciatur.

Quibus nihil juvantibus sequens applicetur cataplasmata:

℞. Radic. Alb. ʒ ij ʒ.

Herb. Malv. Mj.

Violar.

Parietar.

Flor. Chamomill.

Melilot. aa. M. ʒ.

1 i

Emfusculi

Furfuris Mj.
Coq. ex Aq. Comm. factique
Expressione, Adde
Farin. Hord.
Fabar. aa. ʒij ʒ.
Lini ʒiʒ.
Ol. Rosar.
Lilior. alb. aa. ʒj.
F. Cataplasma calidè applicandum.

Balnea ex Lacte dulci, Aq. commun. in qua Herbae emollientes sunt coctæ, ut & linimenta varia externè calidè applicata, magnum habent usum.

Intestino jam restituto, *Emplastrumque styptico Crollii*, aut ad *Rupt. Fernel.* applicato, fasciis vinctisque commodioribus, tamdiu detinenda intestina, usque dum Peritonæum aut consolidatum, aut corrugatum fuerit, quod in infantibus ferè semper felici peragitur successu.

In adultis sæpe periculum in mora, potissimum ubi præscriptis medicamentis intestinum non statim restituitur, hinc Manus Chirurgica sequenti methodo Operationem aggrediatur, maximopere erit necessarium.

Ægro decenter collocato, cutisque incisione factâ, extensum Peritonæum, quod intestinum includit, in conspectum prodit, quo itidem inciso, intestinum sensim & prudenter repellendum. Nonnunquam tamen partes trium musculorum Abdominis tendinosæ, transversalis scilicet, obliquè ascendentis & descendentis (quæ in linguine angustum quasi hiatum formant, ut via, sed obliquâ, Vasis Spermaticis transitum præberent) adeo angustatæ sunt, ut sine illarum dilatatione intestinum restitui non possit. Ad viam itaque hanc dilatandam, *Specillum Excavatum* intromittunt, factâque hiatûs incisione, intestinum in abdomen propellunt. Caveridum interim ne intestinum lædatur, nec incisio nimium extendatur, cum alioquin facile vas aliquod arteriosum lædi posset. Tutius idcirco erit annulum digito eo usque dilatare & expandere, ut intestinum prolapsum reponi possit. Si verò contingat, intestinum aëre in tantam molem esse distentum, ut commodè restitui non possit, variis in locis subtiliori acu erit perforandum.

Reposito itaque, ut dictum, intestino, hiatus, ad cicatricem fortiolem obtinendam in circumferentia scarificandus, vulnèturunda vitello ovi illita immittenda, & applicatis plumaceolis atque compressis deligatio instituenda.

Aliquando eodem modo ac intestina, Omentum prolabitur. Qui affectus, Hernia Omentalis sive Epiplocele appellatus, minus est periculosus, ideoque ad aliquot annorum spatium sine notabili incommodo patientes eundem ferè possunt. Alioquin factâ, ut ante Peritonæi dilatati incisione, & ligatura prius injectâ, omenti prolapsi resectione, haud ita difficilè restituitur patiens.

De Puncto Aureo.

Præcedenti Operationi commodè annectitur illa, quæ *Punctum Aureum* dicitur, quæque instituitur, quando intestinum restitutum continuè iterum in scrotum prolabitur. Ægro itaque ut decet locato, & intestino, cutis incisione factâ, ad interiora propulso, instrumento separatorio obtusiori, aut unguibus Vasa Spermatica unâ cum extenso Peritonæo (quod hîc vaginæ instar sese habet) à vicinis partibus separanda, acusque *filo aureo* instructa per ipsius vaginæ latus prope inguen, illæsis Vasis Spermaticis, transmittenda, filumque eo usque adducendum, ut viâ hoc modo angu-

statâ intestinum prolabi non possit. Non tamen nimis constringendum filum, ne simul Vasa Spermatica constringantur, sanguinique per ea circulantia via præcludatur. Factâ constrictione filii extremitates Forcipis ope intorquendæ, ut cuspidibus suis partes vicinas, ipsûmque processum, sive Peritonæum extensum lædere non possint.

Prædictum filum, alio Serico quadruplicato, aut Ligulâ lineâ, cujus extremitates extra vulnus pendulæ relinquuntur, paulo supra Aureum ante nominatum, processum constringere aliquando solent, ut hoc modo Peritonæum ampliatum angustius reddatur, intestinumque alias prolapsurum, duriori tactu patienti principio nec molestiam, nec dolorem creet.

Quo facto Turunda Digestivo quodam oblita immittitur, & appositâ Compressâ Vino albo calido imbutâ, unâ cum Fascia vulnus ad cicatricem perducitur.

Hæc tamen Operatio in adultis tantum locum habet; Infantes enim Fasciarum aut Bracheriorum ope haud difficilè restitui possunt.

De Testiculi Extirpatione, sive Castratione.

Si præcedenti methodo institutâ, minus certa videatur Operatio, vel Testiculorum alter corruptus, Scirrhus aliquo cancroso, aut excrecentiâ carnosâ obfessus fuerit, affectum Testiculum simul & semel auferre, tutissimum erit remedium.

Ægro itaque firmiter ligato, quo minus se moveat, Chirurgus, factâ incisione lentè processum separet, eumque unâ cum tunica vaginali (cui Testiculus includitur) ex scroto extrahat, & acumi, filo serico fortiori & cerato instructam, prope inguen per processum traducat, traductam bis circumducatur, arctè contrahat, & nodum duplicatum (ne decidat) imponat, filii verò extremitates extra vulnus propendere sinat. Tutius autem ut succedat Operatio, alterum filum paulo supra primum circumducatur; Forfice denique Testiculum abscindat, vulnûsque ut supra dictum obliget.

De Hernia Aquosa.

Non rarò contingit aquarum mole Scrotum aut ex parte aut in totum mirificè distendi; quæ distensio vel Ascitem vel Vasa Lymphatica Testium disrupta, antecedentem causam agnoscit.

Dignoscitur hic affectus ex tumore, & transparentia, nonnunquam dolor quoque adest. Si Ascitem comitatur, mane nonnihil Scrotum detumuisse apparet: Si verò à Testium Vasis Lymphaticis disruptis originem ducit, Scrotum æqualiter distentum manet.

Hæret autem aqua vel inter Scrotum & Tunicam vaginalem, vel vaginalem inter & albugineam.

Præmissis generalioribus quibusdam internis remediis, externa quoque conducunt, inter quæ primum locum obtinet *Radix Bryonia* contusa, & *Spiritu Vini* irrorata calidè admota. Vel Fotus & Cataplasmata ex Cephalicis, calefacientibus & penetrantibus parata, Vel seq. Empl.

℥. Emplastr. de Cumin.
Melilot.
Ranis cum
Merc. aa. q. s.
M.

Quibus nihil juvantibus, ad manualet Operationem confugiendum, quæ triplici instituitur methodo: *Acu* scilicet, *Lancettâ*, & *Canterio Potentiali*.

Galli Cauterio magis, quàm Nostrates utuntur, rariùsque Acu Operatio peragitur. Vulgarissima namque methodus est, quæ Lancetrâ absolvitur.

Factâ Lanceolæ ope incisione, aqua statim rivulosè prodit, quam (si in ipso Scroto extravasationis ejus causa lateat) simul & semel extrahere licet: Si verò ab Ascite originem traxit, prudenter procedendum, partisque vicibus aqua evacuanda erit.

Ubi inter tunicam vaginalem & albugineam aquæ collectio observatur, lancetta intimiùs erit adigenda, alioquin ne guttula aquæ exiret.

Evacuatione peractâ, vulnus, immissâ turundâ &c. ad cicatricem perducere oportet.

Quòd si vas lymphaticum, semel disruptum, inductâ cicatrice denuò lympham eructet, singulis sequentibus annis semel operationem reiterare licebit, quemadmodum tales novimus, in quibus cum successû quotannis instituitur. Si verò operationem toties repetendam, ægrè ferat patiens; testiculus necessariò extirpandus erit, quò ablatò lymphæ stillicidium certò cessabit.

Consultationes.

De dolore colicò & herniâ Bubonocèle. Pro Illustrissimâ Matronâ Anglâ.

Dolor ille, quem à multis annis in ventre inferiori non raro recurrentem patitur. Nobilis Matrona cum nausea, vomitu, & adstrictione alvi, quinque aliquando annexum habet tumorem insignem in inguine dextro, eumque valdè dolorificum, & insensibiliter evanescentem, alius non est, quàm colicus, excitatus à flatibus in intestino colo conclusis, & præsertim in regione ejus dextra, ubi facta peritonæi dilatatione, ex prolapsu intestini ilei, illa herniæ spuria species suboritur, quam Græci bubonocelen vocant, quæque plurimum sponte subsideret, ubi primum flatu discusso, inopinatè recurrit in naturalem situm. Flatulentaque hæc materia elevatur ab humoribus crudis in ventriculo genitis, imbecilliore reddito cum ob errores præteritos, tum & magis ob intemperiem frigidam, & humidam ejusdem ventriculi.

Affectus equidem curatu difficillimus, cum sit antiquus, & confirmatus, qui propterea, nisi congruis remediis occurratur, vel in siccum hydropem desinet, ex Hippocrate 4. Aph. 11. vel in paralyin, populis Transmontanis familiarem: vel Iliacam saltem passionem, propter nauseam, & vomitum in dies graviores factos. Propterea medicis præsidii tentandus est.

Ac proinde præmissa universali corporis expiatione blandioribus lenientibus, præparantibus, & purgantibus, attenuandi, incidendi, & evacuandi sunt humores peccantes, flatus discutiendi, ventriculique & intestina calefacientibus sunt corroboranda variis præsidiorum materiis.

Propterea si nobilis Patiens hæserit Patavii, totum hoc negotium absolvetur aquis Thermalibus, primo Tetturanis, cum melle ros. sol. triduum assumptis. Hæ etenim sua falsedine attenuabunt, detergent, & evacuant materiam peccantem per alvum; deinde aquarum Aponitanarum interno usu, & externo forma stillicidii administratis: discutiunt enim flatus, & intemperiem corrigent, calefaciendo, & exsiccando. Quod si alibi locorum curæ Medicorum se commiserit, tunc decoctum præscribi poterit, præmissa semper universali purgatione, quod parabitur ex sassafras, tamarisco, seminibus fœniculi, dauci in jure Galli junioris saliti, præmisso bolo ex castoreo, & Theriaca antiqua, interpositis clysteribus attenuantibus, detergentibus, & discussoriis ex melle ros. sol. electuario de benedicta laxativa & de baccis lauri, cum oleo rutaceo, & de-

Bibl. Chirurg. Tom. II,

coctione cymini, fœniculi, utriusque centaurei, & florum chamæmeli. Conferet quoque summopere familiaris usus specierum Hieræ simplicis, & aliquando Hieræ Archigenis, cum castoreo, additis à proprietate juvantibus; qualia sunt intestinum lupi exsiccatum, avis Galerita usta, & in cinerem redacta, ad unc. i. hac tamen lege, ut ligaturam sibi curet parari herniosis familiarem, cujus beneficio compressa continuo detineatur dextra pars, quæ intumescere solet, metu scil. volvuli, à quo præsens imminet periculum, si ea solutus fuerit. Pro ventriculi corroboratione vinum generosum absinthites, ex usu erit; vel aqua vitæ, cum cinnamomo, si buccella panis prædictis intincta summo mane singulis diebus sumatur, mensis circiter spatio, & alvus continue lubrica servetur pilulis de hiera cum agarico.

Ceterum congrua victus ratio instituat, ommissis placentis, lacticiiniis, limacibus, piscibus palustribus, aliisque omnibus flatulentis, & crassi succi, ac difficilis coctionis. *Bened. Silvaticus Consil. & Respons. Med. Cent. iij.*

De Herniâ Sarcocèle, Tumore lienis, & Dolor ad os Coccygis. Pro Spectabili Mercatore Vicentinò.

Ingenuus juvenis, temperamenti calidi & ficci, gracilis, octo abhinc annis gonorrhœa virulenta menses aliquot laboravit, quæ alexipharmaco extincta; aliud nullum symptoma Gallicum ab eo tempore se prodidit. Nunc vero de tribus aliis potissimum affectibus sunt querelæ, tumore scil. insigni, duro, & doloris experte in hypochondrio sinistro, in totum fere inferiorem ventrem diffuso, & quidem à pueritia, minori licet. Huic accessit ab anno tumor alius in inguine sinistro, propagatus ad sinistrum testiculum, qui sensim ad magnitudinem ovi anserini excrevit, dolorificus antehac, attollens se, & subsidens, nunc vero consistens, durus & doloris experts. Accedit & dolor ab eo tempore in articulo sinistri femoris, mox circa os coccygis, ubi nunc continuo eum torquet, licet non acutus, invalescens tamen per vices, cum potissimum equo vehi cogitur. Copiosa insuper illi fuit elapsis annis exputio materiæ aquosæ, quæ nunc omnino fere nulla est.

Ex enarratis constat tres esse partes affectas, lienem scil. Testiculum sinistrum, & postremas dorsi vertebrae; quarum & varii sunt affectus. Lien siquidem afficitur tumore scirrroso, duro, doloris experte, ad inferiora declivi, amplo, totum fere abdomen oblidente; qui sicuti in pueritia ortum habuit ab heterogenea materia, crassa, & melancholica, à febre diuturna superstita, & cruditate puerilibus annis coarctata, ob errores in victu, ita nunc sensim adeo excrevit, & continuo hujusmodi materiæ pituitosæ & melancholicæ confluxu, ut in scirrhum verum, & legitimum obduruerit; ad inferiora declivem; ea mole, & amplitudine quaquaversum, cujus Hipp. meminit 2. in 6. Epid. 34. his verbis: Lien durus, non superius, sed inferius, latus crassus; ut propterea non comprimat diaphragma, ac proinde respirationem gravem non efficiat, sed decumbente saltem ægro in latus dextrum, pondere quodam sit molestus. Testem autem sinistrum tumor occupat carnosus, sarcocèle à Græcis nuncupatus; vel potius scirrhus, amplius, ad lividum vergens, ab hujusmodi materiæ heterogeneæ decubitu, per vasa spermatica ad partem affectam; præpollente tamen melancholia, ut ex colore patet. Dolor tandem

Ii 2 primo

primo ischiadicus ; mox circa extremam spinam , seu os coccygis , causam habet catarrhum , à capite calido & humido ad partem affectam ex frequentibus equitationibus imbecilliozem decumbentem : qua prorsus ratione Hipp. ævo Scythis contigit , ischiadi opportunis ob equitationem continuam.

Quorum affectuum alii sunt incurabiles , alii difficillimæ curationis ; quam alii admittere possunt. Incurabilis est scirrhus lienis ; quippe antiquus , & confirmatus , ex Gal. 2. ad Glauc. 4. ubi de Scirrhus ; nec solum incurabilis , sed hydropem quin etiam minatur , ob consensum jecoris. Non tamen propterea medicis præsiidiis supersedendum , præservationis saltem causa.

Præmissa itaque totius evacuatione , usurpanda erunt emollientia , attenuantia , & sensibiliter , ac insensibiliter evacuantia , quorum ope dolori quietiam coccygis occurremus , ratione autem sarcocoles putrefacientibus , & sensibiliter evacuantibus utemur.

Leniatur autem alvus melle ros. sol. & syrup. de polypodio composito , cum decoct. cord. Præparentur humores oxymel. simpl. syr. de pomis , & melle ros. simplici , cum decoct. betonicæ , fumariæ , lupulorum , agrimonie , & cetrach. cum decoct. betonicæ , fumariæ , lupulorum , agrimonie , & cetrach. Purgentur demum agarico trochisc. & foliis fennæ ; in decoct. cord. infusis , addito syr. de polyp. compos. & manna electa. Repetatur mox ipsorum præparatio validioribus attenuantibus , incidentibus , & emollientibus , puta syr. de fumaria composito , de pomis composito ; & byzantino cum aceto , addita decoct. radicum fœniculi , asparagi , corticum radicum capparum & althææ , præmissa drachm. i. ammoniaci , boli forma , assumpto alternis diebus decocto epithymi Mesues loco prædictæ decoctionis : quorum usus erit novem dies. Repetatur tandem purgatio extracto hellebori nigri , confect. hamech. & elect. lenitivo. A quibus jus galli antiqui ex usu erit , sic paratum.

℥. Corticum radicum capparum , fraxini , asparagi , an. unc. sem. radicum enulæ campanæ , fœniculi , malvæ , an. unc. i. seminum cardui sancti cymini an. unc. ij. incidantur incidenda , contundantur contundenda , & immittantur in ventrem galli antiqui , flagellati , deplumis , & eviscerati , atque decoquantur in libris xij. aquæ fontis , & tribus libris aceti , lento igne , ad perfectissimam carnis cocturam , addito splene bovis minutim conciso ; factaque forti expressione , subsidencia , & colatura servetur ad usum ; cujus singulis matutinis horis assumantur unc. v. cum decem guttulis chalybis potabilis , præmissa drach. i. ammoniaci , viginti dierum spatio ; usurpatis interim clysteribus ex crassiori juis parte , cum mel. ros. solut. oleo chamæmel. & decoct. carminativa ; præscripto exercitio duabus horis ab epoto jure ; atque applicato lieni cerato ex ammoniaco dissoluto cum aceto & succo herbæ reginæ. Cui parti apprime quinetiam conferrent lura emollientia Divi Bartholomæi in agto nostro ; vel stillicidium ex oleis chamæmel. anethino , liliorum , rutaceo , & laurino. Ceratum Rhasis item 7. ad Almanforem , omnibus scirrhis accommodatissimum , sic paratum.

℥. Bdellii , ammoniaci , galbani an. partes æquales , oleo irino , vel liliorum alb. emolliantur in mortario calido ; deinde adde mucilag. fœnugr. & sem. lini , ad pondus omnium , atque additis caricis pinguibus , fiat emplastrum , applicandum præmissis fomento ex decocto malvæ , althææ , & fœnugræci. Sudor autem tunc temporis excitari poterit in aquis Thermalibus , vel in fovea , ad umbilicum , usquequo discutiatur

materia in extrema spina impacta ; applicato deinde cerato sacro , vel citrino. Sarcocole item difficillimæ est curationis ; ad quam nihilominus commendatur quammaxime à Matthiolo radix ononidis pluribus mensibus assumpta : cui tamen præferrem curationem Hieron. Fabricii ab Aquapendente , libro primo sui Pentateuchii Chirurgici cap. 29. ut nempe altius patefiat tumor in medio scroto , dummodo herniæ carnosæ accedat aquosa , ac deinde immittatur turunda longior , medicamento pus movente oblita , puta Terebinthina , cum thure , ovi vitello , & butyro ; superaddito emplastro de meliloto , vel diachylo , primo cum butyro , seu de pinguedinibus , mox ex gummi parato , idque plures dies , absque puris evacuatione. Hoc enim citabit pus , atque ita per partes putrescet tota caro superflua ; exsiccata deinde , & cicatrice obducta parte. Quod si non observatur aqua , supersedendum erit operatione illa ; siquidem sive sectio fiat , sive non , res periculi plena est , solaque perforatio gangrænam inducere posset. Atque hæc in medium attuli , patientis precibus potius satisfactorius , quam de ægri valetudine ulla spe concepta. *Idem ibidem.*

De Herniâ Enterocèle. Pro Nobili Raguseô.

Tumor ille , quo laborat generosus pater in inguine dextro sex abhinc mensibus , alius non est , quam qui à Græcis *νήλη* , à Latinis verò Hernia nuncupatur. Cujus cum plures assignentur differentiæ , epiplocele scil. sarcocèle , hydrotocèle , phytocèle , & enterocèle ; pro varia materia eam producente , omento scil. descendente ; vel carne adnata , aqua , flatu , vel intestinis ipsis ; hæc species enterocèle censenda est ; cujus utpote causa est intestinum extra peritonæum protuberans , in eam quandoque molem , quæ manum compressam æquet. Est tamen imperfecta ; intestino non prolabente in testem , vel scrotum , sed hærente in inguine : quo nomine à parte affecta , bubonocèle nuncupanda venit.

Cujus causa est flatuum , & humorum pituitosorum copia ; qui antehac in ventriculo coacervati , ejus dolorem , nauseam , & vomitum induxerunt ; atque ad intestina , & peritonæum decumbentes , hoc potissimum dilatato , & laxato , illapsum intestinum ad inguina , tumorem in eo excitarunt , dolorificum , ac sensim incrementem ex incessu ; quod sane non contingeret , ex rupto peritoneo ; quinimo intestinum confertim protuberaret , nec tanto cum dolore. Causæ autem producentes hanc pituitæ copiam , sunt errores in victus ratione ; cum decubitu materiæ catarrhalis à cerebro humido ad ventriculum : quæ vero eandem in ventriculo genitam ad intestina propellunt , sunt magno conamine concitatus vomitus , exercitia violenta , & equitationes , verbo , errores externi.

Quæ cum ita se habeant , quoad essentiam , & causas præsentis affectus , si de prognostico sermo sit ; quanquam herniæ in adultis pletumque sint insanales ; de hoc tamen in bona spe sumus ; nec difficili forsitan negotio , cum quia recens est , tum quia imperfecta , tum potissimum , quia levis , tumore vix conspicuo , compresso licet spiritu , tussi excitata , & adhibitis aliis conatibus , soluto cingulo ; quanquam sensim excreseat , cum aliquandiu ambulavit discinctus patiens.

Curatio autem in eo sita est , ut exsiccetur , adstringatur , & roboretur pars affecta , prohibeatur generatio materiæ , quæ illuc confluit ; vel saltem alio divertatur ; præmissa totius cura , exigente usu : quod ideo monemus , quia fortè abunde fuerint externa , & quidem leviora præsidia.

Nunc itaque sufficiet, ex medicis prædiis, ceratum adstringens magistrale, quod hic prostat, parti affectæ applicatum, obductum membranæ pergamene, aceto imbutæ, superaddito cingulo, continuo gestando, cum accommodata victus ratione, in qua absteineat ab omnibus cibis flatulentis, & crassi succi, quales sunt placentæ, legumina, brassicæ, lactaria, rapæ, castaneæ, carnes bubulæ, liporinæ, suillæ recentes. Vina item crassæ substantiæ, & recentia, aliaque hujusmodi. Quorum loco pane utatur condito fœniculo, aniso; & carnibus avicularum, cum cydoniis, vel diacydonite vel saccharo rosaceo, aut alii hujus census cibis facultate adstringente pollentibus; idque duos, aut tres menses. Quod si eo temporis spatio non cedat affectus, ad generosiora deveniendum erit, de prompta ex Chirurgia, & Pharmacia, una cum recta victus ratione præscripta.

In Chirurgicis convenit missio sanguinis ex vena communi dextri brachii; commendatur & fonticulus in brachio sinistro; & si postulet usus, inustio partis affectæ, ad validiorem ejus exsiccationem, & roborationem, quod tamen fiet irritis cæteris.

Ex Pharmacia, leniatur alvus electuario lenitivo, & speciebus hieræ; vel melle rosaceo solutivo, & manna. Præparentur humores syrupo de mentha, de betonica, & oxymelite simplici, cum decoctione betonicæ, menthæ, seminum citri, & cichorii. Purgabitur demum corpus medicamento jam præscripto; addita portiuncula agarici, & rhabbarbari. A quibus utatur quatuor dies aquis Terutianis, ad libras quinque, cum melle rosaceo solutivo. Hisperactis, localibus internis & externis demum locus erit. Interna erunt decoctum ex radice chinæ, falsa, & visco quercino, addito polygono, consolida minore, baccis myrti, & cuprelli, cum foliis plantaginis, rosarum, & portulacæ: cujus usus erit semel in die, horis matutinis, ad uncias sex; præmisso bolo ex pulvere radice sigilli Salomonis, valerianæ, mumix, & chalybe: tenuissime pulverizato, exceptis syrupo de ribes, citato tunc sudore, cum tenui victus ratione, & continuo decubitu triginta & quadraginta dies. Extrinsecus parti affectæ applicabitur ceratum ex mastiche, olibano, sarcollo, sanguine draconis, mumia, & limatura chalybis, cum aceto, & albumine ovorum, commendatque ætius globulum ex charta pergamena in aceto macerata, supra partem affectam continuo gestatum, non neglectis caputpurgiis, & lorionibus capitis ex lixivio dulci alterato betonica, agarico, falsa, stœchade, roremarino, rosis, & corticibus granatorum.

Victus autem ratio sit superius præscripta. Quibus ad amissam observatis à Nobili Patientē, pristinam valetudinem ipsi spondere audemus. *Idem ibidem.*

Hernia ad Scrotum.

Adolescens XX. annorum, temperamenti sanguineo-phlegmatici, habitus mollioris, cum ante biennium motu fortius agitur & certatim solfam quandam transiliendo fatigatus esset, domum redux sentit in scroto præter gemellos testes tumorem quandam indolentem sinistro latere emergere, primum magnitudine castaneæ, hinc nucis, imo pomi majoris, cum movendi imminuta promptitudine; inde studiis diligentius operam navans rarius motu digessit torporem, cibis delectatus grossioribus, brassicæ, carniū infumatarum, suillarum, leguminum, esu, sola fere cerevisia contentus, ne-

Bibl. Chirurg. Tom. II.

que corpus aquæ à frigore defendens, sentit à pastu ordinariæ dolorem gravativum abdominis, ad locum affectum protensum, inde vero tumor magis inflatur, cum tensione & torminibus circa umbilicum, nec prius conquiescit, quam desidendi vel decumbendi quoque detur occasio. Dolores iidem à diutina sessione & corporis inclinatione ac motu continuato, tumor vero ab iracundia vel motu increfcit. Decubitu longiori retrocedit & quasi nullus est tumor, extraverso vero & caput quandoque dolet. Petit Consilium.

Affectus, historia præsentis expressus hernia est, generali nomine, speciali *σχιονήλη*, seu hernia scroti dicta, quo ipso ab omnibus aliis speciebus, sub uno eodemque genere militantibus, distinguitur. Uti enim hernia, si latinam significationem, Sabinis debitam, spectemus, durum, monticulosum & asperum notat, proprie hoc loco in abdomine, in proprie paulo in gutture ubi bronchocele audit; si originem græcam, ubi ramum significat, qui videtur quasi protrusus à trunco, res eodem recidit. Sic utrumque hic visitur, tumor durus idemque aliunde velut ramus protensus.

Omnis hernia nomen sortitur vel à subjecto, vel prædicato, quo ipso differentiæ specificæ consurgunt & internoscuntur statim. In nostro casu dum herniam scroti, seu enterocelen dicimus, ab hernia quacunque locali alia, non minus ac duritiei modis, ut hernia aquosa, carnosa, flatulenta, varicosa, vel ipso nomine fir distinctio. Id vero ut ad diagnosis sic ad prognosin & curationem quoque multum facit. Ruptura adest, ut Latine alias vocatur ruptura vel in continuitate, vel in contiguitate, ruptura partis continentis *προαιρίσις*.

Demonstrant id ex usitatis fontibus signorum I. Essentialiter Inhærens, seu *παθογνωμονικόν*, tumor mentiri nescius, isque in se indolens & subitaneus, testibus gemellis contra in sinistro latere exortus, de quo & hic valet, ubi tumor, ubi dolor, ibi morbus.

II. Essentialiter Consequentia symptomata idem confirmant, potissimum ex actionibus læsis animalibus, seu imminutam movendi promptitudinem, seu dolorem gravativum ordinariæ à pastu ad locum affectum protensum, seu abdominis circa umbilicum tensionem & tristem sensum, seu hoc ipsum quoque circa meninges capitis expressum spectemus.

III. Causæ prægressæ subscribunt, & præ aliis quidem saltus intempestive institutus & frequentatus, cibi item grossiores & flatulenti, corporis in- frigidatio & alia.

IV. Similitudo denique ultimum momentum addit, cum tali modo decumbentes hoc affectu laborare lippis quoque & tonsoribus notum sit.

Subjectum hujus morbi est scrotum, si quidem herniam ut tumorem reputemus, illud enim intumescit, sicque in dimensionibus suis augetur.

Est vero & scrotum de horum genere, quæ ut membranea contrahi & corrugari, hinc & dilatarī possunt & solent pro modulo contentorum, qualia quidem in aliis varia occurrunt.

Sin subjectum causæ lustrare velimus, non aliud nisi peritoneum est, ejusque processus lateralis sinister. Proprie enim scrotum est subjectum recipiens, cum tumor præsertim hic non sit immanens, non substantiæ scroti proprius, sed transiens, pro illapsu ponderis vel egressu.

Subjectum Adæquatum sunt intestina, proxime huic loco accumbentia & ordinariæ ab his thermopylis seclusa, uti per mechanicam quoque notum

est, per minores canales concedi posse transitum peculiarem, citra adaperitam portam pro aliis quibuscunque. Hic verò ampliori concessio spatii & pondere suo prolabantur mox intestina, & eodem ampliant sibi spatium, cum primis & ipsa magis expansa. Nominandum speciatim hinc Ileum, quod & longissimum omnium & lubricitate magis ad exitum pronum, & quod palmarium est, accubans huic regioni; Illud enim excidit, citra ullam *σποδίστην* quod proximum est, trudentibus vel cedentibus quoque superioribus.

Locus illapsus est processus peritonæi, quo mediante communicant cum reliquo corpore testes, extra mœnia quasi publica locati, latis illac vasis spermaticis, & communi speciei usui & proprio testium dicatis. Processus concedit transitum his canalibus, & per accidens quoque intestinis, facta hic locorum læsione particulari, nam & plura alia dantur, & vicina inguina etiam in viris, ut ut minus constantem, ramicem sustinent non raro.

Causa Immediata est decubitus intestinorum laudatus. Omnes siquidem tumores materiale aliquod possident, quod velut causa continens eosdem fovet, quo ablato rolluntur & ipsi. Triplex talis cum esse possit materia, fluida, vaporosa & solida, posterior hoc loco accusanda est. Omnis enim tumor fovetur ab intestino huc delabente, idque immediate.

Causa mediata Proximiore est extensio peritonæi inæqualis, Extensionem vocamus, ut sic satis fiat, quibus vel ruptura, vel relaxatio saltem in causa videtur. Medium hoc aliquod est præcipue morbo conveniens, & utrumque complectens. Nunquam fieri potest hernia citra extensionem, eamque inæqualem. Inæqualitas hæc proprie herniam facit, seu protuberantiam; in statu enim naturali æqualiter obtensum undique, visceribus infimi ventris visitur. Si que extensio fiat æqualis, sive per ætatem, exemplo adutorum, seu per morbum, exemplo hydropticorum, nulla sit hernia. Ubique vero inæqualitas talis manifesta in extensione observatur, ibi eadem sedem suam figit, seu in umbilico, seu inguine, seu scroto, seu aliis quoque his illis abdominis partibus.

Ita enim cessat munus hoc non infimum membranæ hujus, quo integumentum est proprium intestinorum, quod cum musculis cum habeat commune, nec illi extra omnem culpam sunt, cum aliis in spatiis definitis, relaxatis & inæqualiter tensis eorundem fibris membranis, tum in nostro casu inferius ad pubem, quorsum & moles intestinorum reclinat magis, & ad exitum vasorum pro testibus perforatio datur.

Liceat speciatim & musculos laudare pyramidales, quorum usus inter alia est firmare basin musculorum reliquorum & una processus peritonæi, ne tam facile laxentur vel tendantur.

Inæqualis extensio est tum absolute & considerata in se, ibi facta, quorsum tendentium aliorum vis incubuit, tum respective. Consentiant enim in hoc anatomici & medici, dirumpi in hernia hacce tunicam peritonæi interiorem, externam vero duntaxat relaxari. Id omne extensio inæqualis supplet & comprehendit.

Mediatae causæ Remotioris titulum subeunt omnia ea, quæ quocunque modo extensioni huic & consequenti prolapsui velificantur.

Temperamentum ægri est sanguineo plegmaticum, cum ulandis in corpore cruditatibus & impuritibus serosis aptum natum, & ob id laxitati maxime conveniens, imo partium dispositio mollior &

rarior, concurrente causa violenta, multum ad herniam confert.

Ætas consentit ipsa. Cum omnis ætas huic malo obnoxia esse potest, tum plerumque tamen infantes & pueri, ob texturam teneriorem, adolescentes & juvenes, ob licentiosam vitam & errores diætæ varios, frequentius sibi hoc malum accerunt, quod damno suo expertus non minus est æger.

Habitus corporis mollior fibrarum minus robur ac carniū denotat, unde facilior labes oboriri potest tam ab interna humorum indispositione, quam ab externis injuriis.

Ex non naturalibus accusandus venit Aër frigidus, qui & in genere calorem concentrando, poros cutis occludendo, insensibilem transpirationem prohibendo, sanguinem coagulando, ad varios morbos corpus nostrum disponere potest, & speciatim intestinorum tono infestus est. Inde flatuum proveniens largissimus, ac exacerbatio ramicis. Videas læpe quiete degere herniosos, simul vero aëri frigido exponunt corpus, accendi dolorum faces, tumorem augeri, indurari, incarcerari, & minitari symptomata horrenda alia. Idem longe magis fit in mollioribus, & tali temperamento, quali æger noster gaudet.

Cibus & Potus magnum morbo addidere momentum. Cibi grossiores negotium faceffunt archeo, minus obsequi calori & menstruo, *διάρρυσιν* & *σύνρρυσιν* instituentibus, nec prompte evolvuntur inde alimentariae particulae, multum vero accumulatur recrementitia. Pinguia, oleracea, leguminosa ex hoc censu sunt præcipua, flatibus producendis & gravandis intestinis aptissima. Ex hoc vero inflata magis, non contenta spatio pristino, novum affectant, extuberant, prolabantur magis, ut contra ea si tenuata subsidant, contrahi amant magis secumque habitare.

Intemperantia ergo in victu cum morborum genitrix, tum nutritrix amplissima etiam herniosis onerosa evadit & lugubris. Excessus omnis talis cruditates, cruditates flatus, flatus tumores, tumores dolores, singula obstructions & iliacam passionem facile inducunt herniosis. Accedit, quod non vini potu cruditates corrigere sategit roborando sic calore, & præpediendis flatibus. Tacemus inde quoque laxari magis debuisse vincula.

Motus gemino vitio accusandus venit, excessu & defectu. In promptu affectus causa est potissima, motus excessus, saltus citatus cum violentia conjunctus, quando certatim fossam transilivit plus vice simplici. Vix ex adultis centesimus corripitur hernia, citra hunc tyrannum, ut in tenellis quoque motus sui generis tensivi clamorem, & jectigationum malum hoc toto die producant. Motus talis herniæ autor est, tum nisu illo summo & conatu ad impellendum, unde diaphragmatis socium & sororians paritonæum intenditur magis, facileque laxationem vel rupturam subit; tum pondere & mole corporis gravioris, quod ut non labatur, periculosam tamen quoad hoc concussionem patitur utrobique conjuncto violento impetu, quod sensus ipse testatur, si de loco in locum fossam transiliat quis, vel transilientem videat, abdomine non cincto vel munito, nec corpore alias satis robusto, vel jam dum disposito.

In defectu peccavit vita illa defensoria, quæ affectui quadrat quidem, eo ipso vero excernenda congerit magis, unde nec alvus respondet debite, nec transpirant fuligines serosæ, sed in glandulis stagnant & cum massa sanguinea remiscuntur.

Imo violentia hæc motui conjuncta ad Causarum Præternaturalium classem referri meretur, siquidem actu lædit magis, unde ut tussis, sternutationes vehementes, vomitus contumaces, alvi obstructions pertinaces, indeque orti nifus coactivi, ac plura alia hujus mali certissimi auctores esse solent; sic & ipsa hæc exterior violentia.

A talismodi ac tantis causis productus affectus, non mirandum est, quod sequentia post se traxerit symptomata, quæ signorum loco habita explicanda nunc veniunt.

1. Tumor subitaneus scroti notat præternaturale contentum ibidem non natum, sed factum, & speciatim ab ingressu intestini per processum peritonæi.

2. Tumor sensim increfcens primum castaneæ, hinc nucis juglandis, postmodum pomi majoris magnitudinem assequens, magis magisque dilatatum ductum ab incumbente volumine intestinorum, sicque per ruptum magis parientem designat.

3. Tumor indolens est, ob æqualitatem læsionis majorem. Dolor enim omnis inæqualitatem tensionis sequitur & conjunctam habet; quæ si adsit, minor vel nullus est, quod per solutionem continui in fieri & facto explicant communiter.

4. Imminuta movendi promptitudo adest, partim ob articulationem femoris per accidens ac consensum læsam, ob tumorem sensim sensimque adauctum, qui illam impedit; partim ob tensionem majorem, motu & decubitu gravium inductam, utrobique spiritibus magis fatigatis & impeditis.

5. Sentit ordinariè à pastu dolorem gravativum abdominis, ad locum affectum protensum, ob chyli evolutionem & *διάρκυσιν* & *συσπρίσιν* impeditam, indeque consurgentes flatus dolorificos. Hi cum per intestinorum glomeramina volvuntur, ad locum affectum tanquam debiliorem pertingunt quoque, ibidemque magis exprimuntur.

6. Tumor inflatio major, cum tensione & torminibus circa umbilicum, debetur inflationi & obstructioni; flatus enim adaucti distendunt colon & reliqua intestina, distenta majus occupant spatium & pondere suo fibras intestinales vellicant, sicque tanquam in centro tristem sensum exprimunt.

7. Desidenti vel decumbenti levamen contingit, cessante sic tendente pondere, & motu peristaltico seu circumpressorio liberiori succedente. Imo tumor sic recedit omnino, concessio ob positum hunc corporis pristino spatio, quo pondus extraversum remeat.

8. Exacerbatio dolorum à diutina sessione, corporis inclinatione ac motu continuato, eidem adscribenda tensioni, ponderi ac communioni intestinorum minus æquabili.

9. Tumor à motu animi & corporis increfcit. Illud ob spiritus efforatos, viis minus patulis facilius in motu ordinario turbatis; hoc ob pondus gravius laudatum intestinorum, cæteroqui lubricorum, successione illa magis delabentium.

10. Caput quandoque dolet, extraverso tumore, tum ob vapores illos peregrinos, inæqualiter membranas afficientes, tum consensum nervorum sexti paris.

Perlustrata nunc insigni hac symptomatum turba, ad Prognosin faciendus est accessus.

In se affectus hic nullum lethalitytis metum incutit, intestinis loco quidem alieno exceptis, ibidem tamen non extra archæi foram & imperium penitus latis. Ast in adultis rebellis est, & sæpe incurabilis, ob indolentiam neglectus, sicque pro-

ductus ut plurimum, præcipue vero ob interpolitam hiatui remoram naturalem, ipsis vasis genitalibus ad testes euntibus, & intestino illic p. n. inhærente. Nulla vero solutio continui curari potest, nisi extranea quævis unionem impediencia tollantur vel removeantur. Accedit diuturniore mora velut callus quidam, sive consuetudo potius. Nilominus remoris illis ablati, dicendis remediis, visi sunt etiam adulti curati, eademque spes ægro integra esse potest.

Ab altera vero parte metuendum est, ne vel rupta negligentia reddatur major, sicque ad motum inconueniens dispositio, vel incarcerationa, obstetricante frigore, obstructione alitque cavendis. Incarceratam vero vocamus, quando intestina non tam quoad continentem suam tunicam includuntur huic malæ mentioni, quam quoad contenta stybala, ut provolvi nequeant penitus, occlusa ob tumorem & dutitiem extraordinaria porta, qua eluctari eadem oportet, sicque iliaca passione inducta. Id enim si fiat, lethalis eventus accidere potest, quod tamen aliud est loci.

Si, citra heroicam operationem ad remoram illam tollendam, curatio speranda fuerit, illud quoque longius temporis requirit spatium, unde *συνπροσνέμεν* facile solet & ad mortem usque comitari. Id vero cum variet secundum præsidia proponenda, liberum fuerit ægro, salutis suæ cupido, eligere quod magis ex usu est: Est enim hic morbus ex genere illorum, qui dum facile feruntur, nec periculum intentant majus, servantur in statu tolerabili, cæteroquin parum sanitati vel vitæ officiunt.

Modus eventus erit ad salutem, vel in totum, repositis in pristinum locum intestinis, inque eo desidentis per deligationem & applicationem emplastro, rum fortiter agglutinantium, membranarum tunicarumve tono roborato; vel in tantum, ut cessent symptomata à malo exacerbato oriunda, ipsum vero conquiescat & inducias incolumitati reliquæ præbeat.

Curatio innixa methodo medendi ad indicationum modulum instituenda. Curatoria pro diverso respectu variat; mala enim, quæ molestiam non fecerant, seu non lædunt, suo modo sanitati quasi æquiparantur. Si ergo læsionem hanc intueamur, ex hujus regula vel ablationem completam meditabimur, curando intestinorum prolapsu hocce, vel incompletam, seu quasi talem, repositione & gestatione tolerabili solum procurata.

Præservatoria, causis intenta, omnia illa attendere jubet, quæcunque vel tendere vel ampliare intestina possint, seu præcavendo, ne id fiat, seu auferendo fomitem imprimis flatus.

Vitalis vires attendit dejectas, & tonum viscerum sibi restituit ac conservat.

Hanc in rem si consulamus institutos fontes, Chirurgus imprimis herniosis salutem, si aliqua reliqua, certissimam promittit.

Prima cura sit Repositionis, quæ facilis quidem est, ut in nostro hoc casu, nulla incarceratione præsentente, sed ut constans sit, non æque. Altera, ut repositum maneat, longe potior.

Omnis igitur opera navanda, quo repositio intestini in abdominis cavitatem rite & legitime fiat, alias deligatio ex voto non contingit, nec motus perversus inde corrigitur.

Ut melius illud fiat, æger supinus in lecto vel alio loco conveniente ponendus est, capite quidem decliviori, cæteris vero partibus eminentioribus, unde

clunibus pulvinar subijci potest. Hinc cruribus divaricatis locus affectus inspiciendus, sensim & moliter contrectandus, digitis & vola manus oleo amygd. dulc. momord. vel alio inunctis, donec intestinum prolapsum sensim sensimque in suum locum reducatur. Possunt etiam hoc fine linimenta emollientia, ex unguent. dialth. oleo ovor. aneth. bals. traumat. aliisque illini, ut lubricatis partibus & discussis flatibus facilius fiat intrusio.

Ut vero repositum maneat, suademus 1. Decubitus continuatum per aliquot hebdomadas, ut sic recubans pondere suo domi manere discat intestinum, & tempus concedatur coarctationi & consolidationi, quæ alias fieri minus potest. Facit hoc ad bene esse, si id æger velit & possit.

Observatum est idem non solum inuncto decubitu, verum quoque per accidens & præter expectationem, herniam, sed probe ligatam, curatam fuisse, cum ob fracturam ossis decumbendum esset longius, quod *Helmontius* meminit.

Opus est 2. Roborante emplastro, quale est empl. contr. ruptur. seu de pelle arietin. usit. & imprimis 2. Deligatione, quo per fascias tanquam vincula occludatur aditus, sicque ars levet naturam firmando pariete debito.

Deligationem commendabimus duplicem, unam suspensivam, alteram stringentem. Illa duplex iterum est. Una cingulo constat latiori, ex panno xylyno, cum bombace interpassato, solo, vel ferro simul ad id conformato, quo firmetur hypogastrium circa inguina. Huic vero iterum antèrius splenium in pulvinaris modum compositum, lateri affecto respondens, adhæreat, & à perinæo ad lumbos ipsi cingulo illigetur.

Firmius idem reddit pro re nata culcitra adhuc alia, in medio perforata, ut dimitti penis cum testibus, unoque tegmine subligaculi melius sic deligari & coerceri vagina queat. Variandum hoc pro partium illarum in ægro modulo.

Altera *ἰσχυράριον*, quæ ad modum humeralium, Germ. *ein Tragband*, humeris utrinque suspendatur, sicque gestando onus scroti levet, firmetque.

Ast cum probe quidem hæc se gerant, quando æger deambulat, flexo vero corpore vel ipsa sessione firmitudinis robur cedat, nec par sit occlusioni isti, cogitatum quoque est de alio modo, quem ob firmiorem detentionem stringentem nominavimus.

Stringens hæc deligatio sola fit fasciatione, quando fascia linea aliquot ulnarum, longiorem enim esse oportet, circa lumbos cingitur corpus, affecto vero latere artificiose circumvolvitur & decussatim traducitur extremum, sicque quasi nodum efformat, quo stringitur egregie vagina, repetendo hoc ipsum, ex lumbis ad perinæum utrinque progrediendo, quo pacto & deambulare potest ager sine molestia, aliaque præstare munia.

Proponimus hæc singula ægro, ut commodius eligat, & ex *εὐφορίᾳ* approbet. Ita enim, si consolidatio plenaria speranda non fuerit, præcavere tamen elapsum potest, & supplere illud damnum internum artis hac ope.

Cumque natura sit morborum medicatrix, quod nullo magis quam solutæ unitatis exemplo videri potest, expectandum est, quantum conferre suo loco possit hæc secundum ipsius intentionem administrantibus. Sin pertæsus mali, & tenax sanitatis desideratæ integræ, non contentus palliativa hiacce, graviolem curam non adverteretur, ablegandus fuerit ad *ἄρχυτον* peritum, qui cum exsectione testiculi, citra metum impotentiae, id præstet.

Ex Pharmaceutico Fonte primo loco Lenientia se sistunt, magni usus in herniosis, quandoquidem alvo obstrueta congeruntur & regurgitant flatus, sicque tumorem inflant & augmentant; unde alvum aperiri esse in his consultum est.

Cordi sit ægro, talibus *ἐκκοπρωτικοῖς* benedictis aliquando uti. Omnem vero obstructionem longiorem & dolorificam cumprimis habeat suspectam.

Promovebunt alvum ex lubricantibus butyri assumptio largior, ol. amygdalor. dulc. cum jusculo avenaceo, manna, & passulæ laxativæ. Ex stimulantibus & detergentibus aloëtica, & alia.

℥. Aloës rosat. virgo tartarear. an. ℥j. croc. mart. aper. ℥ss. ol. anis. g. j. c. f. q. elix. prop. laxat. F. l. a. Pilulæ minimæ. *S. Eroffnende Pillen.*

℥. Crystall. tart. ℥ss. tart. vitriol. gr. viij. ref. scam. gr. iij. ol. mac. gr. j. M.F. Pulvis. D. ad chartam. *S. Lind Pulver.*

℥. Eff. fol. senn. rhabarb. antim. an. ℥ij. M.D. in vitro. *S. Lind-Esseniz.*

Ad hunc censum etiam spectant Clysteres sicubi obstructions facessant negotium, vel aliquod minuentur periculum, sine ullo metu, imo certa cum spe prompti auxilii adhibendi. Citra tumultum enim ullum ac molestiam emolliunt duras feces, demulcent tensa intestina ac elutriant, unaque flatibus exitum pacatum monstrant ut mirandum sit, intuta à nonnullis hæc in hernia præsidia haberi.

℥. Rad. althææ, lil. alb. malv. an. ℥ss. fol. rut. ror. marin. meliss. an. m. j. flor. chamom. verbasco. lil. alb. an. p. ij. bacc. laur. juniper. sem. anis. an. ℥j. scæn. græc. ℥iij. Coq. in f. q. aq. f. Col.

℥. ℥ss. add. elect. de bacc. laur. ℥j. mell. rut. ℥ss. ol. lil. alb. ℥vj. vitell. ovor. n. j. M. F. l. a. clyma.

℥. Rad. apii, malv. gram. an. ℥iij. herb. s. emoll. flor. verbasco. melilot. an. m. ss. sem. persol. scæn. græc. bacc. laur. an. ℥ij. caric. ping. n. vj. Coq. ex f. q. ser. lact.

℥. Col. ℥x. elect. diaphœn. ℥ss. ol. verbasco. ℥j. vitell. ovor. n. j. F. l. a. Enema.

Tacemus, in casu tumoris inducti & obstruentis, residuum decocti clysteris in cataplasma aptari posse emolliens, exterius scroto affecto imponendum non minimo cum successu, cum emollientia clysterum sint materia prima.

Respondent his in stimulanda alvo Suppositoria, quorum usus etiam hic locum aliquando habere potest, apparatus vero cum in officinis sufficiens extet, non opus est denuo præscriptionem fieri.

Purgantia tum præservandi fine, verno vel autumnali tempore, ex usu esse possunt, tum curandi, si fors ita ferat. Observatum quippe est, in *εἰλεωδῇ* nihil magis prodesse quam opiata & purgantia, illa compescentia archeum, hæc in viam ducentia cum juvamine.

℥. Spec. diagalap. ℥j. scam. rosat. mag. g. g. an. gr. iij. crystall. tart. ℥ss. ol. anis. gt. j. M.F. Pulvis D. ad chartam. *S. Purgier Pulver.*

℥. Conserv. rosar. c. mann. rob. passular. an. ℥j. pulv. laxativ. veget. ℥j. polychr. gr. iij. crem. tart. ℥ss. syr. de pom. laxativ. q. f. F. l. a. Bolus.

Cumque in laxantibus ejusmodi membranarum lymphæ copia & qualitas plurimum momenti addat, tum ad ipsam lubricitatem, tum affluxum & *σάβον*, huic sufficient Diaphoretica, vi sua haliuosa lympham in motum cientia, rarefacientia, dissipantia & per poros cutis expellentia. Imo hoc pacto depurato sanguine & discussis, ob affinitatem operandi, flatibus, consolidatio non leviter promoveri, symptomata vero arceri possunt.

℥. Bez. martial. gr. xv. mag. C. C. ℥℥. cinnab. nativ. gr. vj. land. opiat. gr. β. M. F. Pulvis D. ad char- tam. S. *Scheuweis Pulver.*

℥. Tinct. bezoard. essentif. M. S. an. 3j. ess. carm. sp. sal. armon. vin. an. 3β. M. D. in vitro. S. *Zertheilende mixtur.*

℥. Rob. ebul. 3j. antimon. martial. cachect. g. xij. conch. opt. ℥℥. cinnab. antim. gr. iij. sacchar. q. f. M. F. Bolus S. *Schveitz-Zucker.*

Diureticis abstergi amat amurca venarum, fluxilitas vero & ferocitas superflua, alendoque corpori inconveniens educi, quo facto, minor pituitæ proven- tus torporem minorem intestinum relinquit, eli- gendo inprimis magis polychresta, v. g.

℥. Magist. oc. cancr. tart. vitriol. an. 3j. sal. onon. 3β. ol. lign. sassafr. gr. j. M. F. pulv. D. ad char- tam. S. *Zertheilendes Pulver.*

R. eff. antim. tartarifat. succin. an 3j. ol. lign. sassafr. gt. iij. M. D. in vitro S. *Eroffnende Essenz.*

℥. mixtur. antiscorb. sp. aper. Penot. an. 3j. M. in vitro. S. *Eroffnende Mixtur.*

Complementum addunt Alterantia & Roborantia, non tam archeum universale attendentia, qui cæteroquin bene habet, & si vacillet, aliunde repetenda, quàm intestinum & processus affectorum. Specifica hinc, quæ puta indicationibus determinatis satisfacunt, esse possunt duplicia, carminativa & traumatica, quibus nervina, paregorica, adstri- gentia, utraque ministrantia & secundaria includimus.

Carminativa sane omnem absolvunt paginam, quatenus & archeum irritatum placant, & discussis flatibus intestina, minori spatio contenta, domi manere discunt. Unde, Helmontiano experimento optimum est in reducendo tumore duro & inflato, vinum leviter bullitum cum sem. 4. carmin. & co- riandri ana.

Traumatica verò lympham alimentarem aptant, ut *λυσζότητι* sua gaudeat, sicque firmari magis laxæ membranæ & stringi possint.

℥. Ess. contr. hern. Mich. 3ij. tinct. mart. D. in vitro. S. *Geilende Tinctur.*

℥. Ess. traumat. Wedel. carminat. an. 3j. anodyn. 3β. M. in vitro. S. *Mixtur.*

℥. Aq. plantag. zedoar. gentian. traumat. an. 3j. magist. corallior. ocul. cant. an. 3β. extr. tor- ment. antim. diaph. an. 3j. syr. de symph. Fern. cort. citr. an. q. f. M. F. l. a. Potio. S. *Starck Trancklein.*

℥. Rad. consolid. maj. aristol. rot. plantag. ul- mar. an. 3ij. herb. herniar. sanic. millefol. chamom. flor. hyper. balauft. an. p. ij. sem. 4. carmin. co- riandr. sand. omn. an. 3j. oc. cancr. Div. nucist. n. j. Concis. contus. g. m. D. in ch. S. *Hellende species.*

℥. Rad. onon. 3β. fol. herniar. 3ij. sem. 4. car- min. perfol. oc. cancr. ana 3j. macis 3j. sacchar. ad pond. omn. M. F. Pulvis D. in scat. S. *Starck Pulver.*

Externa, immediate loco affecto applicanda in- signem ferunt opem, merito hinc commendanda, tum balsamica traumatica, quæ vigorem ar- cheo addunt, bal. Hispanicum; tum oleosa, ut quæ reposicionem adjuvant, ubi præ aliis ol. ovor. & momordicæ optime se gerit; tum emplastica, quæ firmant, conglutinant & roborant.

Facta sunt hinc Emplastra pelle arietina, ad her- nias Fernelii, Weckeri, Empl. ad ramices Agri- colæ, Grülingii, Schtoteri, Jessenii, contra rup- turam Felicis Wurzii, & alia.

℥. Empl. contra hern. Myrs. 3ij. sem. perfol. cu- min. an. 3j. bacc. laur. 3β. pulv. stypt. Croll. 3j. gum. tacamahac. 3ij. ol. ovor. q. f. pic. naval. parum. M. F. l. a. Empl. S. *Bruchpflaster.*

℥. Empl. contra rupt. 3ij. magnet. A. S. 3ij. ol. aneth. carv. chamom. destill. ana gr. iij. momord. q. f. M. F. Empl. S. *Heilpflaster.*

Agmen claudit Diæta, in rerum non naturalium legitimo usu comprehensa, quem merito æger noster attendere debet.

Ex Vitali aër vitandus est frigidus & humidus; nervis enim & membranis simul & intestinis inimi- cissimus est. Eligatur purus, amœnus, tempera- tus, nullis obitus inquinamentis aut aliis miasma- tibus imprægnatus, qui facile sternutationem ex- citare potest, herniosis cane pejus & angue fugien- dam.

In Naturali Cibis, cum suggerat succis vitalibus pabulum, sit *ἐνκόμιον* & *εὐπερίον*, temperatus, boni succi pro optimi sanguinis generatione. Vitentur frigidi, flatulenti, crassi, leguminosi, incoctiles, oleracei, acres, salsi, panis non probe fermenta- tus, carnes fumo induratae, fructus æstivi & omne genus ciborum, quod ventrem constipare & flatus inducere aptum natum.

Potus sit cerevisia, ab omni hererogeneitate fe- culenta libera, non recens, nec acelsens: medi- cata etiam ex herbis traumaticis & roborantibus usum habebit egregium. Vinum, imprimis ru- brum, tam adstringendi, quàm roborandi fine, maxime erit conveniens & stomacho gratissimum.

In Animalis motus quieti oppositus, moderatus & parvus suadendus: ut enim taceamus communes no- xas, in nostro casu nil magis prolapsui intestino- rum velificatur, quàm motus. Quietis ergo potius indulgendum est, ita tamen ne obstructions pariat, atque calorem nativum obruat. Hinc leniter & æqua- liter omnes partes exerceat, & nullo tempore mo- dum excedat. Equitatio, saltatio, cursus per loca declivia, eo, quod corporis viscera quassent, summo vitentur studio. Elevatio oneris gravioris, jaculatio & quicquid musculos & ligamenta extendere & rumpere valet, procul absit. A clamoribus & voci- ferationibus maxime sibi caveat, quæ omnia peri- tonæum tendunt & exercent gravius.

Somnus cum animalium facultatum quies sit, vi- res restauret, & dolores mitiget, ægro commenda- tus esse debet, ut sufficiens sit, non immoderatus, ut sic alterna requies etiam intestinis quietem vel ipso decubitu concedat. Vigiliæ productæ exulare debent.

Excreta assumtis respondeant & curiose inprimis alvi munus cordi habeatur, ut non cesset, vel, si id fiat, admoneatur lenientibus laudatis.

In Animalis, Animi Pathemata omnia dictamen sanæ mentis sequantur. Vitet æger iram, quæ san- guine circa cor effervescente humorum varias com- motiones excitat. Animi sui sit compos & placidus; Pellat timorem, nec dolor adsit. *Joh. Martinus Ehnlich in Dissertationibus Medicis selectis Clar. Wedelii.*

Observationes.

Gangrana ex hernia intestinali, cum intestini erosione curatio.

Nobilis matrona Margaretha à Glersse, septen- decim annis insigni hernia laboravit, qua circa annu-

annum ætatis sexagesimum tertium, mense Decembris Anno 1597. torminibus maximis vexata est. Intestinum in abdominis rupturam impulsus, ac inibi retentum dolores non leves, simul & inflammationem, aliaque graviora symptomata concivit. Vocatus demum K. Januarii 1598. inveni dextrum inguen gangrænâ affectum. Scarificatio itaque tumore & cæteris, quæ gangrænæ curationem attinent, adhibitis, caro putrida & callositas rupturæ exciderunt: unde symptomata, dolores, inflammatio, febris, tormina, lipothymia, nausea & vomitus sedata sunt: sed intestinorum materia, nondum penitus excrementosa, velut ilei & cæci, per abdominis rupturam excernebatur, circiter menses duos. Ægro tamen, multum mirantibus adstantibus, favente Numine, sanata & à ruptura perfecte curata fuit, nulla relicta fistula, aut herniæ indicium.

Curationi sæpius interfuere, qui & sanationis testes sunt, Nob. Gabriel à Bloney, Baro en Chastelart, & Nob. Philippus Ceriarius, Dominus de Denesi, & Reverendus Claudius Merlinus, Villetanæ & Culiceni. Eccles. pastor, Moyse Betretus, & plurimi alii, quorum etiam mentio facta fuit in prima Observatione, vixit autem matrona illa usque ad finem fere anni 1613. obiitque peste. Ex his duabus jam recitatis Observationibus, palam fit, intestinorum vulnera non esse prorsus deplorata. *Guilielm. Fabric. Hildan. observat. Chirurgic. Cent. I.*

Ex epiplocele & enterocèle, gangræna & mors sequuta.

Anno 1585. mense Augusto, robustissimus quidam faber lignarius, quum Genève elevasset pondus ingens, omentum ei prolapsus est in scrotum; & quia reductum non fuit, intumuit, inde dolor acutissimus, inflammatio, febris, vomitus, aliaque graviora symptomata exorta, denique mors sequuta est septimo die. Ego una cum Joanne Griffonio, Chirurgus præstantissimo vocatus, scrotum præsentè Jano Antonio Saraceno, Medico regio, incidimus, & invenimus omentum, imo etiam testes & vicinas partes plane corruptas & gangræna infectas.

Anno 1596. cuidam intestina in scrotum ceciderunt. Unde, quia reducta non fuerunt, exortus est dolor aliaque symptomata graviora. Barbitonforem in consilium advocat æger. Is fomentum ex absynthio & rosæ, vino rubeo coctis applicari jussit: sed ut erant aliena à morbo, sic quoque ingravescebat morbus. Ego vocatus cum clarissimis doctissimisque D. Jano Antonio Saraceno, & Andrea Boneto, apud Genevenses Medic. Doctoribus, scrotum magnitudinem capitis excedens invenimus; febris erat vehemens, syncopæ, & vomitus frequentes.

Statim fomentum ex radicibus althææ, semine lini, fœnigræci, feseleos, floribus chamomillæ, meliloti, foliis malvarum & violarum applicuimus. Deinde capite inclinato & pedibus in altum elevatis, reductum est intestinum. Sed quia propter inflammationem & compressionem, in ruptura abdominis jam cœperat corrumpi intestinum, paucis post horis è vita decessit. *idem ibidem.*

Ex herniâ gravissimâ symptomata & mors.

Nobilis quidam in Cuilly ad Lacum Lemanium,

Daniel de Challon nomine, per annos aliquot Enterocèle lateris dextri laborans, tandem 20. Octobr. anno 1606. cum violento nimis exercitio atque motu usus esset, intestinum in scrotum delapsum fuerat. Unde statim dolor ingens totius ventris exortus, eadem nocte quoque vomitus frequens, inquietudines, urinæ item, & excrementorum retentio supervenerant. Ille vero remediis neglectis, symptomatisque indies ingravescentibus, propter doloris vehementiam, die 2. 3. coactus fuit accersere D. Jacob. Marrionem, apud Lausannenses pharmacopolam exercitatissimum; Qui ægrum in summis angustiis constitutum videns, suavit ut me advocaret, verum ne interea temporis in mei absentia, ociosus ibi degeret, Fomentationes & Enemata emollientia, anodyna & flatus discutientia exhibuit & applicuit. Ego 24. mensis hujus die; qui quartus morbi erat, illum invisens, maximis doloribus & inquietudinibus, vomitu quinetiam continuo infestatum, retentione item excrementorum, & urinæ laborantem, offendi, id tamen, quicquid urinæ excerneret, subrubicundum erat. Atque illa retentio urinæ ad 25. diem usque persistebat, quâ sub crepusculum urinam maximè fursutaceam excernebat. Exinde verò absque omni difficultate, imò quod magis mirandum, ad ipsam horam mortis usque, urinam tum colore, tum consistentia sanorum urinis plane similem reddebat. Scrotum porro inflatum ac durum adeò erat, ut tactui omninò reniteretur.

Statim itaque illi sequens Enema præscripti:

℞. Radic. & fol. malvarum, althææ, fol. violarum betæ, parietariæ an. M. j. flor. chamomel. meliloti; sambuci an. M. f. sem. fœnigræci, lini an. ℥ss. anisi. fœniculi an. ℥j. Coquantur ad tertias. Colaturæ sume ℥v. In quibus dissolve electuar. diacathol. ℥ss. vitellor. ovor. n. ij. ol. chamomel. anethini, butyri recent. an. ℥ij. Misce, fiat Enema.

Scroto verò sacculum ejusdem Enematis radicibus, herbis, floribus & seminibus confectum & aqua coctum, caldè applicui.

Idem quoque Scrotum & ventrem oleò anethinò & chamomelinò inunxi.

Enemate rejectò, aliud denuò exhibui, sacculum præscriptum calidè applicui, scrotumque & ventrem, ut prius, inunxi.

Rejectò verò & hòc enemate, ægrum in lectò capite reclinatò, pedibus verò elatioribus collocavi; atque intestinum in locum suum reponere tentavi, sed frustra. Quamobrem ne quid fortè mihi exprobraretur, si res ex animi sententia minùs succederet, suasi, ut D. Abelem Roscium, apud Lausannenses Medicum celeberrimum ac doctissimum, accerferent, ille, cum advenisset, voluit, ut eadem die denuò de intestinò reponendò periculum facerem, id si minùs succederet, fomentationes, inunctiones & enemata continuarem, quinetiam, ut herbæ, radices, & residuum ex decoctione clysteris in mortariò lapideò contunderentur, postea per cribrum cupreum pistillò ligneò traducerem, ex iisque cum micâ panis, vitellis ovorum, oleò anethinò & chamomelinò fieret cataplasma, quod calidè ac frequentius applicaretur. Idem quoque Medicus, ut æger sequenti nocte ter aut quatuor aliquid olei amygdalar. dulcium biberet, alterâ verò die tempore matutinò potiunculam laxativam sumeret, imperavit. Circa vesperam itaque an intestinum reponi posset frustra cum tentassè, Enemata, fomentationes & inunctiones continuare cogebar. Oleum verò amygdalar. duleium, quia sibi nauseam movebat, assumere non potuit. Alterâ

Alterâ die Potiunculam hanc à Roscio præscriptam illi exhibui.

℞. Expressionem rhabarb. in aq. menthæ infusi 3j. syr. rosar. solut. ʒj. syr. violac. ex infusionibus ʒi. Misce, & dissolve in aqua menthæ & hyssopi, fiatque potior quam horis quatuor ante prandium sumat.

Sed quum potiunculam hanc paulò post cum pituita multa, & nonnihil humoris biliosi evomisset, denuò fomentationibus usus fui. Euemacque ex præscripta decoctione, in quâ parum Electuarii Benedictæ laxat. & hieræ simplicis cum vitellis ovorum, sale & oleis præcedentium clysterum, dissolutum erat, infudi. Cujus beneficiò nonnihil excrementorum induratum ac fœtidorum excernere cœpit. Hinc dolores aliqua ex parte fuere diminuti, inflatio item & tumor nonnihil subsidit, ut scrotum manibus tractando, murmur intestini obaudiretur. Circa vespèram cum denuò simile Enema exhibuissem, multum reddidit excrementorum, intestinum quoque levi compressione manus simul reductum fuit, scrotò tamen adhuc vehementer intumefactò, induratò, ac dolore affectò, adstringentia applicare non licuit, sed sequens Cataplasma emolliens, & flatus discutiens admovi.

℞. Farinæ fabar. ʒiij. Pulv. flor. chamom. meliloti, Sambuci an. ʒij. pulv. sem. anisi, Fœniculi, cumini an. ʒi. pulv. baccar. lauri ʒj. Cum decocto radic. althææ, malvæ, parietariæ, florum chamomel. meliloti, sambuci, & seminis fœnigræci, fiat Cataplasma, quod bis aut ter in die calidè applicetur.

Die 28. mensis hujus circa vespèram, jusculum quod paulò ante sumpserat, cum multâ pituitâ fœtidâ evomuit; cum nihilominus tamen eâ nocte spontè alvum, & quidem excrementum laudabile, beneque digestum exoneravisset.

Vigesima nona die, mane rursus spontè beneficium ventris habuit, sed excrementa livida, aut cinericei coloris instar, & fœtidissima erunt. Eadem quoque die bis juscula illa, quæ assumpserat, mixtâ pituitâ fœtidissimâ revomuit. Nocte verò sequenti vomitus continuus & fœtidissimus cum lipothymia supervenit, unde cordi Epithema aliquod applicui.

Die trigesima mensis, quæ morbi dies decima erat, continuò, & quidem materiam fœtidissimam adeò copiosè evomuit, ut mirum, ubi tanta in corpore copia materiæ retenta fuerit. Assiduò quoque egerendi conatû, cum modicâ tamen egestionem vexabatur, atque excrementa fœtida, nunc solida, sed cinericei coloris, nunc verò liquida, purulenta tamen, aut sanguinolenta excernebat, atque sic totâ illâ nocte, quæ principium erat undecimi, in eodem statû permanebat, ita ut juscula, vinum, & quæcunque offerebantur, recusaret: Sequenti enim die, quæ finis undecimi; circa meridiem placidè ex hac ærumnosâ vitâ ad beatorum sedes demigravit.

Porro nonnulla in hóc morbo observatione digna occurrunt. Imprimis enim urina à sextò morbi die usque ad extremam vitæ horam, sanorum urinæ similis planè conspiciebatur. Contra verò pulsus à quartâ die morbi, quâ primò ad ægrum vocatus, ad finem usque continuò tam debilis, tamque exilis & obscurus, ut hominis jam tum morituri pulsui similis omnino esset, reliquæ tamen facultates & actiones adeò validæ, ut interdum vestes indueret, & in conclavi ambularet. Materiam illam viscidam, pituitosam, ac fœtidissimam, quam evomuerat, non omnino ex intestinis, sed partim aliunde, ubi diu inclusa fuerat, processisse, inde apparet, quod ante morbum aliquandiu valerdinariis adeò fuerat, ut & à pastû anhelitus (qui

gravis ac fœtidus, præcipuè tempore matutinò) aliquâ difficultate laboraret, tussiculâ quoque siccâ, ad mortem usque illum comitante, continuò vexaretur; de dolore item stomachi sepius conquereretur. Ex quibus perspicuum fit, ipsum non solum propter intestinum prolapsum, sed aliam quoque internorum viscerum putredinem extinctum fuisse; facile tamen concessero, intestinum aliquam corruptionis notam præ se tulisse: Quandoquidem fieri non potuit, quin pars illa intestini, in ipsâ abdominis rupturâ, sex dierum spaciò compressa atque coarctata, alimentò suò privata, ac tandem corrupta fuerit, (sicut etiam ex Observ. 72. Centur. 1. colligere licet) ex quâ tamen intestini putrefactione tantus fœtor, quantus hic aderat, promanare non potuit. Utinam igitur Amici post mortem ipsius cadaveris dissectionem concessissent, multa dubio procul rara & notatu dignissima nobis innotuissent. *idem Centur. ij.*

*De nobili Enterocelico. Et Enterocèle curatâ
Divinitus.*

Observatione transmissa, præstantissime Medice, amiceque observande, verum te Hypocraticum exhibes, referisque *ἀντίθετα* singulari, divinum nostrum senem in epidemiis, describendo singula morborum Nobilis Enterocelici tempora

Quantum vero istiusmodi conducant singulares, confirmandis medicinæ catholicis theorematis obviæ, testatur Galen. noster, argumento primi epidemiolorum, verbis hisce notatu dignissimis. Singularia, nquit, autumant Empirici universalis constitutionis esse principium, illaque tandem asserunt vera præcepta esse, quæ constituuntur ab experientia. Nobis multo aliter, adeoque numerosa præcepta inventa esse ratione videntur, quorum ramen de veritate judicium facimus, prout stabiliuntur ab experimentis, & fidem accipiunt. Nam sic quidem, etsi quæ inventa ratione, ac demonstrata sunt, de eo quid magnitudine Sol à Luna distet, his credamus tamen, cum à sensibilibus multis aliis, quæ Geometricæ docent rationes, & ab Ecclesiis singularibus, confirmantur, fidem habemus majorem. Quando igitur ab experimentis singularibus comprobata quæ per Geometriam demonstrantur, accipiunt maiorem fidem, stabiliuntur firmitus: longe magis, quæ ex Medica disciplina sunt in universum inventa, singularibus sunt probationibus constituenda. Quæ nos observari in libris vulgariis morborum docebimus. Hactenus Gal. cum igitur, Præstantissime Fabr. quæ ex medica disciplina in universum sunt inventa, singularibus suis tamque accuratis probationibus constituas atque fulcias, profecto institutum hoc præclarissimum prosequi, tumque sic nomen, & publicam utilitatem amplificare constanter debebis.

Neque vero Pathologicæ tantum parti Medicinæ lumen affert Observatio tua mihi communicata, verum etiam Therapeuticæ, dum remedia reponendo intestino feliciter, & ex arte adhibita Enemata, Forus, cataplasmata, inunctiones, & reliqua commemoras. Quin & illud ex eadem patet, haud solo prolapsu intestini, sed alio quoque interiori affectu, nempe corruptela visceris alicujus extinctum ægrum. Qui viscidam illam, confertamque odore tetram vomitu rejectam materiam, mesenterii profecto sedibus diu conclusam aluisse videtur. Recte item urinæ illæ sanorum similes, observatæ abs te. Quæ declarant eorum de vulgo insipientiam, qui medicos (celato etiam ægroti nomine) ex sola urina de morbo ut pronuntient, cogere volunt (quales & mihi

nonnunquam molesti sunt) cum urina nullius sæpe morbi vestigium præ se ferat, quemadmodum ex hac tua liquet observatione. Ego vero ingratiſſimus ſane erga Deum Opt. Max. cenſeri poſſem, ſi duobus nobilibus Viris commemoratis, enterocele mortuis, ego eodem affectu demum, decimo nempe octavo anno, ſolo Dei nutu abſque ſectiōe liberatus, id beneficium tam memorabile ſilentio præterirẽm.

Anno ſuperioris ſeculi octogefimo quarto, tempore belli Colonienſis, in peramplo Gymnaſiõ, & cœtũ amplius centum diſcipulorum, ideoque contentiore voce docenti mihi, primum ſolã rptione interioris membranæ peritonæi, prolapſũque inteſtini tumor in ſolõ inguine exortus eſt, non longõ verò poſt tempore, cũ dilatatio quoque acceſſiſſet, ejus membranæ, quæ in ſcrotum devolvitur, hoc pariter diſtensum fuit. Adhibeo Emplaſtrum vulgatum ad rupturam, ſed eõ diu fruſtrã uſus, uno cingor perizomate, à dicto jam octogefimo quarto anno ad annum uſque hujus ſeculi ſecundum, meæ verò ætatis quadageſimum primum; hoc eſt, ad annum uſque morbi decimum octavum. Quõ ſpaciõ totõ cũ nec quies curando neceſſaria concederetur, nec orchotomia mihi probaretur, graves perferendæ, ac moleſtiæ (per ventofitates præſertim) elabente ſæpius inteſtino, fuere. Graviffimus ſupremus mali dies exiit. Nam dum Einſhemii, Alſatiæ Urbe, ſtipendiis Cæſ. Majeſt. Rudolphi II. Curiaſe Aultriacæ medicinam facerem, celebri quoque vicino Xenodochio, D. Antonii Eiſenheimenſi ejusque Adminiſtratori Reverendiſſimo Domino Suffraganeo, Francisco Bero, ſummo Viro, ſalario annuo obligatus fuit. Itaque inde Gebvveilerium, Principis Murbacenſ. (qui opera quoque urebatur mea) ſedem, verno tempore proficiſcenti, immani cum dolore, univerſum inteſtinum erupturum videbatur. Nunquam ante, totos octodecim annos tumor major. Reveſtus ab amicis domum, inſeſſũ quõdam anodynõ dolorem paulum lenivi, moxque petitõ lectõ, ſummõ expectectus mane, & reſtituta concinnè ſuõ locõ τὰ ἐντρεπα, & peritonæum ita firmatum atque consolidatum deprehendo, ac ſi nullõ unquam tempore enterocele laboraſſem. Cũque nullo unquam ante die perizomate carere auſus fuiſſem, jam abjicere illud, abſque eõ incedere minimè dubitavi, nec in hunc uſque diem eõ egui, annosque amplius jam quinque, nec quicquam illius affectus (Conditori æternæ laudes ac gratiæ) percipio. Certe tam inveteratus affectus, in homine quadragenario, tempore præſertim, quo ſummum incrementum ſumpſerat, Phyſicis remediis, tamque brevi depelli non potuit. Quare verum ἀλγεῖματόν & liberatorem meum D.O.M. agnoſcam, laudaboque quãdiu fuero, cujus proinde inuſitati, & hæcenus (mihi quidem) inauditi beneficii prædicandi gratia, ac gratitudinis ergo, locõ ut arbitror, non incommodõ, ſub mentione ſcilicet duorum nobilium hõc malõ ſublato- rum, hæc adſcripta volui. Graviffimõ ſub id tempus, per ſummam manifeſtamque injuriam affectus rerum mearum damnõ fuera, quod Majeſtatem Divinam tantõ beneficiõ (quod quidem multis prætulẽrim) compenſare, ſarcireque voluiſſe crediderim. Eademque ab aliorum quoque me adverſariorum machinationibus, quæ denuõ paratæ mihi videntur, paternè tueatur, teque diu incolumem ſervet & ſoſpitet. Fryburgi Aventicor. Calend. Feb. Anno 1607. *Sebaſtianus Meyerus Med. Friburgenſ. ad Fabric. Hildan. obſervat. Chirurgic. Cent. II.*

Inteſtina in ſcrotum prolapſa, quomodo reſoſita?

Quam graviffima ſymptomata, ac tandem mors quoque, ex prolapſu inteſtinorum in ſcrotum ſequuta fuerit, tum præcedenti obſervatione, tum etiam Obſerv. 72. primæ Centuriæ, ſatis ſuperque demonſtravimus. Nunc quomodo iis in ſitum naturalem reductis, ægri convaluerint, exemplis tribus ſequentibus declarare operæpretium erit.

Generoſo cuidam ex familia Hatzfeldorum, à multis annis hernia laboranti, cum quadam die inteſtina in ſcrotum prolapſa, flatuque protinus diſtenta eſſent, dolor maximus totius ventris, vomitus continuus, cibi ſætidium, vigiliæ, inquietudines, præcordiorum anguſtia, & lipothymia exortæ ſunt.

Ego altera die ad ipſum vocatus, quavis graviter, & non abſque mortis periculo ægrotantem offenderim, tamen aliquid tentandum ſuaſi. Quocirca ſtatim ſequens exhibui Enema.

℞. Radicum altheæ, malvarum cum toto foliorum violarum, parietariæ, flor. chamomil. meliloti, ſambuci an. Mj. ſem. ſcæniſci & lini aliquantum contuſi, aa. ℥ſſ. ſem. aniſi, ſcæniculi, carvi, cumini an. ℥j. Incidantur & contundantur omnia, poſtea indantur ſacculo, ejus magnitudinis, quo totum ſcrotum poſſit cooperiri, qui interſutus coquatur in lb 12. aquæ font. Hujus decoctionis.

℞. lbj. In qua diſſolve Electuar. diacathol. ℥j. vitellor. ovor. n. ij. butyri recent. non ſaliti, & ol. commun. an. ℥iij. Miſce; fiat Enema, quod protinus injiciatur. Sacculus vero parum expreſſus calide applicetur ſcrotõ, & recaleſcat in eodem decocto, & applicetur, quotiescunque opus fuerit.

Poſt mediam horam reſecto Enemate, rurfus aliud ejusdem decocti Enematis, cum admixto Electuario, oleo, butyro, vitellis ovorum, parumque mellis inſudi, & ſacculum calide applicui. Quo enemate denovo reſecto, & ſacculo calido inteſtino probe lubricato, ægrum in lecto capite declivi, pedibus vero in altum elevatis, collocaui. Poſtea manu ſiniſtra ſcrotõ apprehenſo, eoque ventrem verſus ſublevato, & aliquo modo compreſſo, dextra vero imo ventris admota, reliqua inteſtina ſurſum verſus pectus retruſi, ſicque inteſtinum prolapſum felici cum ſucceſſu in locum ſuum naturalem reſoſui. Deinde ad inteſtinum ſuo in loco cohibendum, ſacculum hunc adſtringentem applicui.

℞. Roſar. rubr. abſynthii vulgar. folior. prunor. ſylveſtr. caudæ equinæ fol. ſalviæ & muſci quercini an. M. ſ. corticum querc. ℥ij. ſem. ſcænic. & aniſi an. ℥j. Incidantur & contundantur, poſtea indantur ſacculo, qui filo interſutus, & vino rubro incoctus, calide frequentius applicetur. Poſtera die, corpus ſequenti potiuncula expurgavi.

℞. Radic. ſcæniculi. petroſel. gramin. polypod. querc. an. ℥ſſ. herbar. agrimon. veronica, cuſcutæ an. M. ſ. ſem. aniſi ſcæniculi an. ℥ij. folior. ſen. mundat. ℥ſſ. Coquantur in aqua, ut colatura redeat ad ℥iij. In quibus diſſolve Electuar. diacarthami & diaphænic. an. ℥iij. aq. cinamom. deſtill. ſine vino ℥ſſ. Miſce. fiat potio.

Tandem Emplaſtrum aliquod adſtringens applicui, & ſubligaculum adaptavi. Sic divino favore graviffimo hoc periculoſoque affectu liberatus fuit.

Joannes Hoff. Grammateus Hildenæ, compater meus plurimum honorandus, à multis annis Enteroccele graviffime vexatus, cum anno 1593. in itinere aliquo modo deſeſſus, in terram ſomni capeſſendi gratia

gratia decumbens, obdormivisset, intestinum ad magnitudinem ferè capitis infantis in scrotum prolapsum est; quod quia illico repositum non fuerat, ab aëre tum temporis satis frigido in ipso scroto frigidatum & inflatum est. Hinc dolore exorto, ipsoque à somno expergefatto, vix domum (à qua iter unius horæ aberat) præ maximo cruciatu redire potuit. Ego ad illum accersitus, ipsum quasi semianimem cum animi deliquiis, vomitionibus frequentibus, iisque fœtidis, offendi. Dolores item tam maximi, tamque frequentes aderant, ut subinde sese ex una in alteram læsti partem jactare, coactus esset. Statim itaque supra scriptum Enema exhibui, & sacculum loco affecto applicui. Postea pedibus elevatis capiteque declivi posito, intestinum feliciter reposui. Tandem expurgato corpore, & subligaculo applicato, plenissime convaluit, multoque dehinc annos sanus vixit.

Anno 1607. die 26. Augusti, Joannes Nadler, faber sclopetarius, civis Paterniacensis, homo septuagenarius & herniosus, dolore colico cum intestini descensu correptus fuit. Ego quarta die morbi vocatus, ipsum febricitantem, cum maximis doloribus inferioris ventris offendi. Intestinum cum nonnullis excrementis in eo contentis in dextrum inguen prolapsum erat, supraque modum durum percipiebatur. Quapropter cum illud vi reducere, consultum minus fore animadverterem, protinus ventrem, scrotum & inguen, oleo liliorum albor. pinguedine anser. & caponis inunxi, sacculumque ex emollientibus qualem supra descripsi, calide applicui, & enemata infudi. At quia in reductione intestini quæ citra violentiam maximam fieri non potuisset, timendum erat, ne intestinum læderetur, in usu medicamentorum prædictorum, per dies aliquot pergere visum fuit. Interim excrementis in intestino prolapsis inclusis, emollitis, injectis quoque per intervalla enematis emollientibus & attrahentibus, intestinum paulatim in locum suum naturalem retrocessit, ita ut ex maximo illo periculo Dei beneficio liberatus fuerit. *Idem ibidem.*

Sarcocelen ut plurimum dextras occupare partes probatur.

Generosus quidam juvenis, cum amasiam suam amplecteretur, atque cum ipsa in actu venereo esset, & jam semen ejaculare vellet, à quodam cubiculum ingrediente in actu ita deturbatus fuit, ut semen retrocesserit, retentumque fuerit, quapropter dolor in inguine exortus est, & testiculi inrumuerunt. Cum vero morbum propter verecundiam cessasset, dolor in sinistro inguine paulatim per se remisit, intumefactio evanuit, & testiculus ad naturalem statum rediit, circa dextrum verò tumor remansit, qui successu temporis in ingentem herniam carnosam excrevit. Ego cum aliis magni nominis Medicis in consilium tandem adhibitus, non solum carnem circa dextrum testiculum concretam, verum etiam scrotum serosis humoribus ita extensum reperi, ut magnitudinem capitis infantis fere adæquaret.

Ante annos aliquot patritium Coloniensem unà cum clarissimo viro Dn. D. Joanne Slotano Medico celeberrimo inveni: Laborabat & ille maxima hernia carnosæ, eaque ex dextra parte.

Anni elapsi sunt tres, à quibus Bernam Helvetiorum ad virum quendam nobilem unà cum clarissimo viro Dom. D. Paulo Lentulo poliarthro Bernensi vocatus fui. Laboraverat ille per annos aliquot hernia carnosæ ex dextra parte, tandem quoque

Bibl. Chirurg. Tom. II.

hydrocele accessit, ita ut scrotum in illam magnitudinem extenderetur, ut membrum virile planè absconderetur.

Anre menses quatuor Paterniacensis quidam Johannes Comes nomine, viginti quatuor circiter annorum ætatis, Lausannam ad me venit. Huic testiculus dexter in massam carneam durissimam, quæ magnitudinem pugni longe superabat, excreverat. Deliberavimus inter nos, ut ineunte Vere manum adhiberem. Verum cum aliquantisper diutius apud vos moram traherem, & affectus de die in diem mira celeritate accresceret, Freiburgum se contulit, ibique curationi cujusdam Chirurgi sese submitit. Quid vero cum ipso factum sit, nondum intellexi.

Cum ante menses duos apud vos viverem, in pagum Vauxuallançon ad Reverendum Virum Dn. Casparum Perretum, ibidem presbyterum vocatus fui. Illi autem non solum testiculus dexter, verum etiam vasa spermatica veluti in lapidem induruerant, ita ut manu compresso abdomine, duritiem illam in ipso quoque hypochondrio dextro perferre possem. Malum autem ad ipsam originem usque vasorum spermaticorum ascendere, dolor ipse, quem è regione vasorum spermaticorum ad renem usque dextrum continuo perferrebat, indicabat. Aderat præterea vomitus, & appetitus prostratio, non tamen propter herniam, ut quidam, qui ipsum ante me inviserat, statuit, sed ratione tumoris dolorosi & duri, è regione fundi ventriculi existentis, quique compresso abdomine, tactu facile percipi potuit. Quid plura? in tota praxi mea unicum solummodo, ex sinistra parte laborantem hernia carnosæ (quæ tandem in cancerum exulceratum atque insanabilem degeneravit) me vidisse memini. Peculiaris itaque hujus rei ut aliqua sit causa, necesse est. Te, Vir doctissime, ut pro acumine ingenii tui, usu, atque experientia rerum medicarum, illam inquirere, mihi haud gravatim communicare velis, obnixè rogo. Ego quid sentiam hac de re, paucis annectam.

Hernia carnosæ, quam Græci Sarcocelen vocant, teste Galeno, sit testiculo indurato, & ut idem Galenus testatur, cum scirrho convenit. Causam vero, humorum crassorum, ad testiculorum decurrentium abundantiam, atque partis affectæ debilitatem esse, Guido & alii statuunt. Platerus ex contusione vasorum spermaticorum in scroto, item ex succo è vasis illis luxuriante: Petrus Pigray vero ex humore non naturali è venis exsudante, ac paulatim in carnis substantiam transeunte, fieri scribunt. At vero Vigo docet, per affluxum alicujus humoris fieri herniam carnosam, nempe cum hujus materiæ subtilior pars propter calorem testiculorum in halitum resolvatur: quicquid vero crassum & viscosum est, remaneat, in scirrhum tandem illam indurescere. Prædictæ porro causæ, etsi minime rejiciendæ, attamen cur potius in dextro, quam in sinistro testiculo locum habeant, nondum satis manifestum sit. Etenim potius circa sinistram testem herniam carnosam gigni debere; non immerito cuipiam videri possit. Dexter enim testiculus cum propter vasa à magnis vasis eo delata, sit calidior sinistro, ipsum robustiorem quoque esse sequitur. Ad calidum enim & sic cum temperamentum (Galenus verbis utor) quod actionum robur consequatur, omnibus in confesso est. Potius itaque circa sinistram testiculum, qui dextro imbecilior est, sanguinemque impuriorem, ut idem Galenus testatur, ad se trahit,

K k

fluxum

fluxum illum humorum delabi; ac proinde carnosa illam substantiam procreari posse, verisimile esse mihi videtur. Id vero cum rarissimè observatum sit, causam carnosæ herniæ obscuram fesse, cum Paulo Ægineta statuo. Quod si tamen præter prædictas causas, retentionem & alterationem, aut veluti corruptionem quandam seminis hujus mali causam quoque esse, concedere velis, non usque adeo difficile erit causam invenire, cur in dextro testiculo potius quam in sinistro gignatur. Et revera retentionem seminis in Generoso isto viro, cujus ab initio memini, causam totius mali fuisse, certum est. Cum enim vasa omnia semine & spiritibus turgent, & natura ut sese exoneraret, intenta esset, retentionem, ac veluti refluxum illum seminis absque ingenti periculo fieri non potuisse, dolor ille, qui in inguine subortus est, testis fuit. Idem fortassis & in reliquis, quorum facta fuit mentio (qui forsitan causam morbi propter verecundiam celarunt) accidit. Hujusmodi enim herniæ ut plurimum in juvenibus, qui sanguine & semine abundant, & in cœlibatu vivunt, accidere solent. Raro autem fit ex sinistra parte, quandoquidem seminalis vena sinistra non à vena cava, quemadmodum dextra, sed ab emulgente sinistri renis exoritur. Itaque verisimile mihi plane esse videtur, cum semine ex vena emulgente nonnihil falsedinis & nitrositatis, quæ crassos viscososque humores incidat & resolvat, exsiccet, & putredini adversetur, ad sinistrum testem defluere. *Idem Cent. 4.*

De Hernia aquosa, in qua præter spem & opinionem carnosa quadam substantia, vasis spermaticis adnata, reperta fuit.

Argentina discedens, in Alsatia nobilissimum quendam juvenem, hernia aquosa laborantem invisi. Huic quia spatium quatuor annorum varia medicamenta, cum à me ante annum, tum etiam ante ab aliis frustra præscripta & adhibita fuere, petierunt parentes, ut tentarem an aliqua alia via sanitati restitui possit filius, se quoque fore contentos, ut incideretur scrotum, dummodo conservaretur testiculus. Parvi, intra 3. septimanas curationem me feliciter absolovere posse sperabam: quandoquidem exterius nihil aliud præter aquam, quæ sive ad radios solares, sive noctu ad candelam exponerem scrotum, limpidissima, & in vesicula veluti in ampulla inclusa, apparebat: tactu quidem etiam nulla durities percipi potuit, ita quidem, ut nihil præter aquam subesse putarem, uti & ante me ab aliis Medicis & Chirurgis judicatum fuerat. Sed bone Deus, quàm me refellit opinio! quam verissimam esse divini Hippocratis sententiam, *Judicium difficile*, reipta inveniri? purgato enim & præparato prius corpore, cum caustico meo, absque ullo tamen dolore, scrotum perforassem, & tertio die post applicationem escharæ separassem, præter aquam etiam carneam quandam & induratum materiam circumcirca vasa spermatica inveni. Post excisionem itaque escharæ, cum nonnihil humoris serosi effluxisset, dolor ingens in infimo ventre, imprimis in inguine dextro (qui erat locus affectus) subito exoritur, sed momentaneus: antequam enim anodynum præparassem, per se, & nullo adhibito medicamento, remisit. Sequenti nocte scrotum aliquomodo intumuit, & tumor durissimus in superiori parte vaginæ, circumcirca vasa spermatica plenius percipiebatur. Tunc gravissima illa & periculosa symptomata,

quæ ex hujusmodi apertionibus aliquando provenisse sciebam, mihi in mentem venerunt. Ante annos enim aliquot, cum præstantissimus ille atque Excellentissimus Medico-Chirurgus Dom. Johannes Griffonius, piæ memoriæ, Sabauda cuidam Lausannæ scrotum aperuisset, & nihil aliud præterquam de hydrocele cogitasset, carnosa quoque substantia, testiculo & Vasis spermaticis adnata; sed seroso humore velut submersa & resecta, reperta fuit, quæ & paulò post in cancerum malignum degeneravit, ubi medicamenta, ferrum simul & ignem, frustra adhibuit Griffonius.

Ante annos circiter tres Lausannæ idem ferè mihi in quadragenario accidit. Sed ambo isti viri, quod non omittendum, pravis humoribus referti erant. Nobilis verò noster æger sanus est corpore, interim tamen seridè apud me perpendens periculum, anxius fui, præcipue eam ob causam, quod de periculo ab initio nihil prædixeram. Ægri tamen ætas juvenilis, constitutio corporis optima & sana, & quod ad illud usque tempus ab omni dolore, inflammatione, & febre immunis fuerat, obediens præterea, cordatus & ad omnia, quæ agenda & patienda, paratissimus esset, animum meum à sollicitudine abducebant. Iterum igitur expurgato corpore, quæ leviter emolliunt, simul & discutunt, veluti emplastrum de mucilaginibus cum gummis, de meliloto, & de ranis, per dies aliquot applicui. Ex illis cum malum minime ingravescere, quin potius duritiem decrescere, ac nihil maligni subesse (ab emollientibus enim medicamentis, inquit Galenus de simplicibus medic. lib. 5. cancerosi tumores exasperantur, uti quoque in prima centuria observationum mearum exemplis demonstravi) inde cognovissem, ad fortiora perveni. Ulceri itaque pulverem insigniter emollientem, & materiam ex profundo extrahentem quotidie semel inspersi. Exterius linimenta, emplastra, cataplasmata, & similia emollientia applicui, quibus remediis Deus Opt. Max. ita benedixit, ut per singularem Dei misericordiam (cui in omne ævum laus sit & gloria) spacio quinque septimanarum, curatio feliciter ad optatum finem perducta sit. Vides clarissime mi Dom. Schlanovi, quanta in hisce affectibus sit difficultas, quantaque diligentia & vigilantia requiratur, quod si corpus cacochymicum extirisset, procul dubio propter accursum humorum de ipso actum fuisset. Hæc non sine causa, quæ te non latet, ad te scribo, & ut litteras nobilissimo viro, simili affectu laboranti, communicare velis suadeo. *Idem ibidem.*

De Hernia aquosa felicissima sectione.

Hernia aquosa, si ex causa interna ac latente originem habet, ut plurimum sinistram partem scroti occupat, serosusque ille humor in membrana testem involvente, Erythroidæa dicta colligitur; idque præcipue fit rene sinistro, ut Dodonæus rectè annotavit, male affecto: quapropter serosos humores non attrahens, & ad vesicam mittens, per venam seminariam, quæ isto in latere ex emulgente procedit, in membranam Erythroidæam delabatur. Sectio autem herniæ aquosæ, si ex hujusmodi causa originem traxerit, & testiculus simul exemptus fuerit, periculo non vacat, ut idem Dodonæus observat; cap. 39. & 40. annotavit. Itaque ne temere quicquam hac in re tentet Chirurgus, suadeo. Ne tamen Tyrones cum meo in præcedenti observatione exemplo,

tum exemplis à Dodonæo recitatis deterreantur, & ab officio atque instituto abducantur, sequenti exemplo illis animum erigam.

Jacobus Gerbetus, vir pius & illustrissimæ Reipublicæ Bernensis Commissarius dignissimus, quadragenarius, robustus, & bono corporis habitu præditus (cui & in juventute calculus per incisionem ex vesica extractus fuerat) à multis annis hernia aquosa ex sinistra parte vexabatur. Multa ipsi cum à me, tum ab aliis Medicis doctis præscripta & adhibita, tum interna, tum externa fuere medicamenta, absque fructu tamen omnia: ita ut tandem in maximam molem excreveret scrotum. Cum vero æger tumorem in dies augeri vidisset, denuo me advocandum jussit, petiitque, ut extremum sibi auxilium adhiberem; quod etiam si periculo omnino non vacaret, experiri tamen potius malui, quam in hujusmodi miseriis vitam diutius trahere. Quamvis enim dolorem non adeo gravem inferret tumor ille, equitando tamen & ambulando ipsi maximo erat impedimento.

Præparato itaque satis corpore, tum optima victus ratione præscripta, tum purgationibus aliquoties reiteratis, & venæ sectione, septima die Maii Anno 1602, ægrum in sedem collocavi, deinde in superiore parte usque ad tunicam Erythroidæam inciso scroto, ipsum ex anteriori parte ab ipsa membrana aliquantum separavi. At quia tota aqua in tunica illa continebatur, ita ut testiculus ei innatet, ne in posterum denuo descenderet aqua, acu incurvata, ac filo reduplicato universam hanc tunicam (præter vasæ seminalia) apprehendi, & medio-criter constrinxi atque ligavi. Postea ex inferiori parte ligaturæ, membranam jam ante dictam secundum longitudinem incidi, & aquam ad libras aliquot extraxi, paulatim tamen, ne vires deficerent: Deinde turundam satis longam crassamque, ex stupis factam, ex albumine ovi madefactam, ad latus testiculi & inferiorem partem scroti versus infixi. Inguina & inum ventris oleo rosaceo inunxi, & haspum cannabis vitello atque albumine ovi, cum pauca aqua rosacea conquassatum madefactum applicui. Postero die iterum ventre & inguine inuncto, sequens digestivum applicui.

℞. Terebint. lotæ ʒij. ceræ novæ ʒss. gummi elemi ʒj. ol. rosac. & amygdal. dulc. an. ʒss. ol. de vitellis ovorum ʒij;

Dissolvatur gummi lentissimo igne cum oleis, terebinthina, & cera separatim cum & pauxillo olei liquefactis, & additis, fiatque unguentum: tum admisce vitellum ovi, croci ʒss. Unguentum turundis longis & crassis vulnere imposui, & emplastrum Basiliconis applicui. Neque processum huncce, antequam vulnus probe esset digestum, mutavi. Tum pulverem mundificativum ulceri, & turundis quotidie semel aut bis inspersi, & ulcus per menses duos apertum retinui: interimque scrotum omni diligentia mundificavi, corpus item per intervalla purgavi. Tandem vulnus cicatrice obduxi, bonâ ægri cum valetudine, qua etiam ad hunc usque annum 1608. quo hæc scripsi, fruitur. Ab eo tamen tempore optimam victus rationem observat, & singulis annis aliquoties superfluos humores pharmacis expurgat.

Annotatio.

In hac operatione cautus ut sit Chirurgus atque circumspectus, propter pessima symptomata, quæ supervenire solent, necesse est. Inprimis autem

Bibl. Chirurg. Tom. II.

nullo modo operationem hanc, nisi prius bene præparato corpore, incipiat. Quod si intemperiem aut vitium aliquod in rene subesse cognoverit, aut ab ipsa operatione omnino abstineat, aut scrotum in inferiori sua parte tantummodo incidat, ut serofus ille & inclusus humor effluat, via tamen nullo modo (ut fit cum testiculus abscinditur) obstipetur, & serofus humor, qui à rene attrahi non potest, in abdomine retineatur, sed si opus est, denuo illic defluere possit. Vidi ego Bistantis sexagenarium virum piæ ac probæ cui Dom. Johannes Griffonius, Chirurgus præstantissimus propter herniam aquosam singulis annis scrotum ex inferiori parte perforabar, & serolum humorem evacuabat, postea ulcus ad cicatricem perducebat. Pervenit homo iste ad summam senectutem. Sin autem in rene vitium non fuerit, & defluxum planè impedire volueris, incisionem superiori parte scroti prope inguinâ fieri expedit, quandoquidem duplex Chirurgo est scopus, prior evacuare serolum humorem, posterior prohibere, ne tursus de novo aqua in scrotum defluat, coacerveturque. At cum aqua hæc ut plurimum ex corpore in tunicam illam erythroidæam dictam defluat, eamque extendat, necesse est ut incisio in superiori parte scroti fiat: sic enim tunica dilatata corrugantur, & cicatrix impedit, ne aqua postea facile in scrotum defluat. Ut autem hæc operatio rectè & majori cum facilitate administratur, non super scamnum ligandus est æger, nec supinus decumbere, sed in sella sedere debet, ut melius aqua deorsum descendat, & tunica in inguine facilius separari, & acu apprehendi possint. Idem ibidem.

De hernia aquosa periculosa sectione.

Hernia aquosa aut simplex est, aut composita. Simplicem appello, in qua sola aqua scrotum extenditur; Compositam, ubi circumcirca testiculum materia purida collecta, aut denique varices ortæ fuerint. Accedit & nonnunquam, Cameratio teste, aquosæ herniæ, prolapsus intestini in scrotum, quod & ego observavi. Caro item sæpissime testiculis & eorum tunicis adnascitur, serofus enim humor iste nonnunquam acris factus, venas capillares, membranasque leviter erodit: hinc pars illa sanguinis, quæ paulatim exsudat, quæque optima & laudabilis est, beneficio caloris innati in carnem substantiam concretcit. Indurescit autem sensim, propterea quod calor natus paulatim debilitatur: interim tamen in illam aliquando molem augetur atque accrescit, ut magnitudinem capitis humani, Montagnana consil. 227. Foresto lib. 27. scholio, observat. 23. attestantibus, accedat. Reliquum vero sanguinis, quod serolum est, paulatim membranas totumque scrotum adeo exrendit, ut caro ista, quæ testiculo adhæret, digitis palpari non possit. Hujus rei exemplum memorabile clarissimo, ac longè celeberrimo Viro Dn. Johanni Griffonio Præceptorî meo perpetuo honorando observare contigit.

Quadragenarius quidam, natione Sabaudus, à multis annis hernia aquosa laborans, in Hispania à Medico quodam per scrotum trajecto setaceo, parvo cum negotio primo sanatus fuerat. Post annos vero aliquor, cum in victus ratione peccasset, & in Pharmacis sumendis negligens fuisset, denuo in scrotum delapsus est humor serofus, qui non solum membranas totumque scrotum in maximam magnitudinem extendit; verum etiam carnem substantiam procreavit,

procreavit, quæ tractu temporis supra modum indurata, naturam canceri sapiebat, idque eventus demonstravit clarius. Accedens enim Lausannam, ubi Dn. Griffonius rum temporis degebat, nulla in ipso cognosci potuit hernia carnosæ, ita seroso humore exrensum erat scrotum. Inciso scroto plurimum effluxit aquæ. Hinc scrotum primò subsedit; post paucos tamen dies sequutus est dolor vehemens, inflammatio & cancerosum ulcus maximeque malignum, quodque adeo impetuosè adjacentes partes occupavit, ut ipsius malignitas nullo modo arceri posset. Itaque intra paucos dies maximo cum cruciatu à vita discessit.

Admonitio.

Diligenter itaque Chirurgus signa omnia, quæ de herniis à Celso, Paulo Aegineta, aliisque medicis & Chirurgis describuntur, examinet, essentiamque morbi accurate investiget, antequam manus operi adhibeat, ne malum in pejus ruat. Præterea videat, ne corpus multis humoribus pravis scateat, aut vitium aliquod insigne in renibus subsit, quemadmodum fuerunt in istis viris herniosis, quarum Dodonæus Observat. 39. & 40. mentionem facit. Quotiescunque verò Chirurgus una cum aqua carnem circumcirca testiculum concretam subesse cognoverit, præstat scrotum incidere, testiculum, & quicquid circa ipsum concretum, separare atque excindere, dummodo id radicatus fieri possit: Si enim scirrhus illa materia processum sive didymum, ut vocant, jam occupat, & abdomini adhæret, frustra tentabitur incisio, & chirurgus infamiam, ægro vero immaturam mortem inferet. *Idem ibidem.*

Ex hernia aquea in præ sectione immatura mors sequuta.

Dominus Petrus Crottesius, Paterniacensis Senator prudentissimus, Vir genere, virtute & pietate verè nobilis, quadragenarius, robustus, & optimo corporis habitu præditus, cum anno 1606. ex equo in terram cecidisset; scrotum & testes sibi adeo contudit, ut inde exorto dolore, sequuta sit inflammatio, scrotum quinetiam & testes mox in tumorem magnum elevati sint. A principio propter verecundiam malum celavit. Tandem cum me in consilium adhibuisset, victus rationem tenuem præscripsi, corpus purgavi, & venam in cubito incidi. Loco vero affecto ab initio anodyna, discutientia & quæ simul aliquo modo repellunt, quale est seq. cataplasma applicui.

℞. Farinæ hordei ℥ij. farinæ fabarum ℥j. Coquantur posca ad formam cataplasmatum, in fine admisce pulveris rosarum odoriferarum ℥β. & post unicam ebullitionem remotis ab igne, admisce vitellum & albumen unius ovi, olei rosarum parum, fiatque cataplasma, quod scroto per dies tres repide applicui, bis in die. Deinde quæ magis resolvunt adhibui: quale est sequens cataplasma.

℞. Farinæ fabarum ℥iij. hordei ℥j. Coquantur vino rubro ad formam cataplasmatum, postea admisce pulveris rosarum, Florum chamomill. meliloti ana ℥β. Olei rosarum & chamomill. ana ℥j. Vitellum & albumen unius ovi. Misce, fiat cataplasma.

Horum medicamentorum beneficio dolor & inflammatio omnino remiserunt, inflatio quinetiam præcipuè ex dextra parte scroti subsedit. Circumcirca verò testiculum sinistrum in membrana Erythroidæa, tumor quidam ex seroso humore remansit. Denuo itaque corpus per intervalla purgare visum fuit; loco

affecto fomentationes & cataplasmata, quæ incidunt, resolvunt, & discutunt, admovi. Verum enim vero cum frustra hæc omnia esse viderem, suasi ut scalpello aut novacula scrotum incidi permetteret: sic enim inclusum humorem facile & absque periculo evacuari posse, ipsi promittebam. Ille etsi non recuset, quia tamen tunc præ aliis occupationibus ipsi non licebat totum negotium naturæ tantisper, donec tempus esset aptum, committere voluit. Porro etsi tumor scroti paulatim accresceret, & serosus humor magis magisque in membranam Erythroidæam deflueret eamque distenderet, exiguum tamen incommodum inde ipsi sequebatur. Quapropter cum hac de re non usque adeo sollicitus esset, res in annum usque 1608. prolata fuit. Tum me absente, plane imperiti in manus empirici incidit. Is nulla habita ratione corporis, neque quod hesterno die in magnifico quodam convivio fuerat, & præximam præcedentem noctem inter pocula cum amicis absumperat, vigesima tertia Maii, postquam laute jentasset, & vino generoso atque mero iterum incaluisse, ipsum in scamnum collocavit, ac restem vi quadam extraxit. Post operationem mox supervenit & febris ardens atque continua, vigiliæ aliaque symptomata, qui pium ac optimum huncce virum, ad finem usque vitæ suæ continuo ac miserè extorquebant. Et quia artis periti homines in consilium vocati minime fuere, lipothymia quoque & sudores frigidi tandem supervenerunt, ita ut vigesima die morbi animam Deo pie reddiderit, maximo cum luctu civium & reipublicæ dispendio. Post mortem scrotum totumque sinistrum latus supra modum intumuit, nigrum lividumque evasit. *Idem ibidem.*

Pro Hernia Inguinis.

Puella quædam duodecim annorum per dimidium anni hernia inguinali laborans, quum à Medicis quantumvis doctis, quorum opera ula fuerat, sanari non potuerit, ad me accedens, in hunc modum cum ea processit: ut sequentem bolum omnium primo devoraret præcepi.

℞. Cass. rec. extract. ℥vij. sem. dauci. pulv. Diß. sacch. asperso. F. bolus. Deinde hoc fotu usi sumus.

℞. Rad. alth. ℥ij. fol. malv. fl. chamæ. melilot. summit. aneth. an. Mj. sem. lini ℥β. F. decoctio in aq. pro ℥biß. quo fotu sine magno negotio intestina in locum suum reducta fuere. Deinde iussimus, ut quotidie locus affectus inungeretur oleo ovorum, myrteo, & hyperici simul mixtis, & ut mox emplastr. contra rupturam applicaret per plures dies: & ut subligaculis ad hoc aptis utens, recte cincta semper procederet: præterea præcepi, ut interea perpetuo uteretur cerevisia in qua decocta esset radix consolid. maj. adjecto exiguo saccharo ad saporem: istis continuatis hæc tandem rectè curata fuit. Petrus Forestus. obs. 11. lib. 27. *De Scroti & Testiculorum vitiiis.*

Inter arcana Jo. Tiengii Medici quondam amstelodamensis hoc erat, quod quidam potans tribus septimanis ex decocto rad. sigilli Mariæ in vino curatus sit à ruptura. Ego etiam felicissime utor rad. sigilli Mariæ vel Solomonis. Petrus Forestus. obs. 15. lib. 27.

Avenzoar refert de Juvene quodam qui hoc malo laborabat decubuitque duobus mensibus in dorso suo, & cum bono regimine sine medicinarum applicatione liberatus est. *Idem obs. 10. lib. 27.*

Danda opera ut alvus sit lubrica : tumorem totum inungat terebinthina, sed prius foveatur decocto absynth. ex vino : sacculus etiam parvus ex foliis absynthii apponi poterit. 70. *Crato. consil. 17. lib. 7.*

Oleum hyperici compositum, quo utor per se illitum subinde calidum, mirum in modum in hoc effectu efficax atque utile comperi, quemadmodum aliis ruptis, convulsis, recens vulneratis, maxime ubi membranæ aut nervosi generis aliquid oblæsum est. Oleum ita fiat.

℞. Ol. opt. ℥ss. sem. & fl. hyperic. ʒix. vini Hispan. vel malvat. ʒviii. rad. tormentil. ʒiij. myrrh. gummi elemi, sarcocoll. thur. aloës, an. ʒiʒ. lumbric. lotor. vino ʒiij. M. S. A. confusa bulliant ad dimidii consumptionem in duplici vase, deinde exprimendo coletur oleum : in eo dissolve croci ʒiij. ol. abietin. (resinam vel lachrimam abietis ita vocant) vel ejus loco terebinthin. puræ ℥ss. fl. maturor. hyperic. M. j. infunde mista per dies sex aut octo, ad Solem diligenter obtutata, Solis calore deficiente, post panem extractum, imponantur furno, deinde diligenter prioribus floribus expressis infundantur secundo, tertio, quarto, alii recentes hyperici flores, prioribus exemptis; atque ita comparatum oleum servetur in usus.

Emplastrum sequens continuo geratur.

℞. Empl. contra ruptur. ʒj. mastich. glutin. piscium, sarcocoll. an. ʒij. pulv. rad. osmund. regal. sang. drac. an. ʒj. thur. alb. pulv. rad. consolid. maj. mumia, an. ʒʒ. gummi dissolvantur in aceto & cum olei hyperic. supradicti, q. s. F. empl. S. A. *Reinerus Solenander. consil. 14. sect. 4.*

Pro Hernia intestinali oscheocele.

Novimus Illustriss. principem, qui jam annos circiter viginti & tres intestinorum satis magnum ramicem perfert solius fasciæ aptæ beneficio, & tamen sine ullo valetudinis dispendio, omnes principum actiones etiam vehementes & graves in venationibus, equiratione frequenti etiam in succussante equo, in longis & difficillimis peregrinationibus, in intento frigore subire solet. Si quando tussendum erit, item quotiescunque alvus egerenda, maxime si ea durior fuerit, inguen oblæsum retinendum, atque utraque aut saltem altera manu adducendum comprimendumque in cibis cuncta, quæ ventrem flatibus implere nata sunt ac distendunt, vitanda : quod si accedat ut ileum intestinum vel quid aliud procidat & descendat in scrotum, & mora ibidem flatibus aut induratis fæcibus ita distendatur, ut difficulter reduci possit, ex usu erit (quod in ista necessitate subinde factum utile comperi) ut ex stercore ovillo dulci lacte incocto foras adhibeatur, tum etiam idem cataplasmatibus in modum apponatur, reitereturque ut postea blandis manibus contrectatum reducatur. Ego fidem facio me aliquoties isto foru prædicto, cum res alioqui videretur in præcipiti esse, prolapsa & aliquandiu extra corpus existentia intestina reposuisse, antea tentatis frustra aliis remediis, quapropter hoc te celari nolui : quidam ab hernia sanatus fuit perfoliatæ usu, non tamen sine apta fasciâ. Ego non paucos hernia affectos juvenes in quiete degentes fasciâ commode ope percuravi, non admodum multis adhibitis medicamentis : ad hernias probantur tymphytum majus, fanicula, jacea alba & nigra, sigillum Solom. quinque folium, tormentilla, filix, pilosella, cujus integræ herbæ pulverem Maio collectæ, infantibus & pueris herniosis continuo in cibis, in lacticiniis, puerilibusque pulcibus

exhibitum comperi mirum in modum profuisse. Quidam perfoliata ad rupturas sanandas feliciter utuntur. Novi qui hunc affectum novem ex ordine diebus cinere lactantis leporis in vino rubro vel decocto consolid. maj. exhibitio sanarunt.

Caspar Peucerus, Vir & pietate & doctrina insignis narravit D. Adolpho Occonti medico & mihi, se puerorum hernias recentis coagulati & in casum formati lactis impositione curasse. Scribit Hollerius se herniariæ herbulæ succo expresso affuso vino exhibitio novem diebus perfecte hunc morbum curasse, & Antonius Valetius, qui luculentis exercitationibus Hollerii praxin ornavit, testatur aquæ ejus herbæ stillatiæ unico haustu percurtum Parisiis adolescentem, cui citatior saltus insignem herniam induxerat : adhibito tamen, ut scribit, emplastro. Vocatur hæc herba Holleriana, quod Hollerius primus ejus in hoc affectu efficaciam observaverit. Præscripta hæc omnia ex simplici medicina desumpta remedia tam exterius admota, quam intro assumpta in proprie dictis herniis prodesse mirifice possunt : quæ tamen in præsentī casu maxime profutura arbitror, hæc insequentia ex prænominatis selecta notare placuit : itaque reducto intestino applicetur ceratum hoc triquetrum inguini superposito splenio (quod fasciæ annexum inguen ne dehiscat aut laxetur continere debet) ut totum inguen contegat, prius nudato loco pilis.

℞. Nuc. cupress. gallar. an. ʒj. balauft. hypocist. veri, an. ʒij. mastich. ʒiij. rad. consolid. mai. pulv. perfoliat. herniar. an. ʒiʒ. bdell. ʒjʒ. boli armen. ʒij. sang. drac. ʒiij. pic. græc. ʒj resin. pin. ʒvi. cum terebinth. cera & oleo, vitell. ovor. vel hyperic. magistr. q. s. F. ceratum : hoc feliciter usus sum.

Verum usitatum illud commune Arnoldi de Villa Nova ex pelle arietina dictum mihi præ cæteris omnibus maximopere probatur.

Recordor me Medicum exercitatum vidisse, qui assumpto quantum volebat gummi elemi, affundebat acetum, eo macerabat donec acetum in superficie obduceretur, alba pinguedine, tum affusis olei paucis guttis (oleum è vitell. ovor. vel hyperic. magis probarem) coquebat gummi lento igne liquatum ad formam cerati. Quando ego ipsius usum commodum scio, improbare haud queo. Ego hoc in pueris aliquoties feliciter sum usus.

℞. Perfoliatæ viridia folia, & rad. consolid. maj. contero ut plane subacta simul sint & lævigata, addo ceræ novæ vel propolis tertiam partem, vel paulo plus : concorporata & bene commixta induco pittatio, ut inguini affecto sub splenio imponi possint : te autem suadeo, ut hoc quod sequitur simplicissimo utaris.

℞. Consolid. maj. radicem solam ab omni sorde absolutam, munda nihil interim abradens, istam exquisite tritam, & lævigatam, calefactam leviter induc pittatio aliquo lineo albo & impone emplastri modo inguini rupto sub splenio : mutetur bis in die, inducto alio. Observavi intra dies quindecim ista ratione coalescere : possunt consolid. maj. radices saccharo condiri, subindeque exhiberi. *Reinerus Solenander. consil. 13. sect. 4.*

Ætius jubet papyrum (nos charta emporetica uti poterimus) triduo in aqua macerari atque in globum coactum inguini apponi, reposito prius intestino : Solet enim triduanæ adhæsiōe à delapsu vindicare; sed erit efficacius si aqua astringenti, ut puta rosac. myrtac. papyrus vel charta maceretur; hoc remedio ait Paræus se multos sanasse. Rodericus à Fonseca tom. 2. consil. 36.

Filiolus cujusdam pharmacopæi hernia intestinali laborans hac ratione feliciter curatus est.

℥. Beton. auric. muris, veronic. alchymill. pyrol. solidag. sarrac. agrimon. sanicul. an. M.ß. rad. caryophyllat. 3ß. incis. & contus. coq. in M. ij. aquæ ad consumpt. medietatis: bibat manè & vesperi haustum. postea.

℥. Lapid. magnet. mastich. an. 3ij. lap. calaminar. sang. drac. an. 3j. ferri 3ß. bol. armen. 3ß. vini sublimat. quart. j. M. in hoc pannus duplicatus intinctus herniæ fortiter adligabatur bis quotidie, manè & vesperi cum fasciâ: brevi convaluit. *Hieronymus Reusnerus. observ. 95.*

Enterocelen adsumpta limatura ferri atque empl. magnetico appposito in seipso sanatam narrat Thom. Campanella, lib. 6. Medicin. cap. 26. art. 2. quam tamen curandi rationem frustraneam doctissime ostendit Athanasius Kircherus. lib. 3. De Magnete part. 7. c. 2. & contra Paræum urget Vop. Fort. Plempius. schol. in Ebn. Sin. lib. 2. quanquam non magnetismi ratione, sed propter vim siccandi admittat author Enchiridii medic. pract. cap. De Enteroccele. qua ratione hic quoque probari debet. Hieronym. Velschius. *notis ad obs. 95. Reusneri.*

Generosus quidam Bernensis sexagenarius spatio viginti annorum insigni ac maxima hernia intestinali laboraverat, ad quam curandam, tum me, tum alios in Gallia & alibi expertissimos adhibuerat Medicos & Chirurgos, sed frustra: tandem cum de sanitate recuperanda ne quidem cogitaret amplius, & subligaculis, ne ingravesceret malum, uteretur, incidit in morbum, à quo ultra menses sex lecto affixus fuit. Post morbum hunc ne minimum quidem indicium præcedentis herniæ sensit, nec amplius vitur spleniis aut subligaculis. Ex his manifestum fit, quietem & decubitus in dorso, unicam esse panacæam herniarum. Guil. Fabricius Hildanus obs. 54. cent. 5.

In Enteroccele, Bubonoccele & Epiplocele valet balsamus salis gemmæ, arcanum summum in rupturis, qui hoc modo fit

℥. Salis gemmæ ℥ij. fluat in igne (in tigillo) & postea solvatur in aqua pluviali destillata, filtretur, & vicissim coaguletur; has operationes liquefactionis, solutionis, filtrationis, & coagulationis tantisper repete, donec sal gemmæ ad summam subtilitatem fuerit perductum, quod inde cognoscitur, quando ejus particula ad candelam admota, statim liquefit: serva in vitro bene clauso: cura sic fit.

Repositis, si opus est (ut in Enteroccele & Epiplocele) partibus prolapsis, locus affectus lavetur cum aceto destillato acerrimo, vel cum spiritu vini, quotidie bis post fomentationes statim inungatur locus cum arcano salis gemmæ: ad intra exhibe singulis diebus mane jejuno ventriculo essentia consolid. maj. cochlear unum cum gurtis ij. balsami salis gemmæ.

Si intestina & reliqua prominentia difficulter reponi possint, etiamsi emollientia per infusiones & fomentationes fuerint adhibita, ut scilicet absolvatur cura, cæteris non neglectis, sic procede. Post adhibitas fomentationes quotidianas patienti exhibe per tres aut quatuor dies cor talpæ exsiccatum & pulverisatum (quotidie cor unum) mense Maio collectum cum aq. cinnam. & scilicet videbis operationem: inungatur locus cum balsamo sulphuris. *Io. Hartmann. practic. chymiatr.*

Pro Hernia intestinali & omentali.

Post universalium & ordinatorum remediorum usum, exhibeatur cochlear insequentis pulveris,

mane & vesperi, hora una ante cibum, continuando usque ad perfectam sanationem.

℥. Cortic. myrobal. indar. chebul. an. 3jß. nasturt. portulac. plantag. sumach. an. 3ß. corall. rub. lapid. hæmatic. carab. an. 3j. cinnam. el. 3ijj. sacch. rosat. 3ijj. F. pulvis. *Io. Fernelius consil. 66.*

Pro Hernia hydrocele.

Vir quidam herniam aquosam, *ὕδρονήλην*, vocant Græci, patiebatur, quam citissime removi oleo sulphuris: quo totum ramicem perungebat mane ac vesperi, & applicabat sacculum ex calentibus cineribus factum. Martinus Rulandus. *curat. 82. cent. 8.*

Paretur cataplasma ex stercore vaccino rec. & tertia parte pulv. bol. arm. ad idem maxime valer & mihi valde probatum est Cataplasma nunc describendum.

℥. Stercor. capræ 3jß. cochlear. cum suis testis contusis 3j. cumin. pulv. sulph. an. 3ij. M. F. cataplasma, parti affectæ applicandum, & sæpe renovandum: quod si hisce non cedat malum, punctione cum phlebotome vel sectione tandem utendum est. Jo. Zecchius. *consult. 63.*

Infans quidam undecim menses natus, laborabat hernia aquosa dextrum testem occupante, ita ut testis ovi exigui magnitudinem æquare videretur, vocatus ego, sequens præscribo cataplasma.

℥. Farin. 1℔ß. decoq. cum vino generoso ad pultis consistentiam, deinde adde oxymel. simpl. 3ij. F. cataplasma, admovendum sero & mane: intra octo dies hoc solo remedio tumor omnino discussus est. *Lazarus Riverius obs. 4. cent. 2.*

℥. Fol. origan. rutæ, absynth. chamæm. an. M. j. bac. lauri, 3j. sem. anis. fœnic. cumin. an. 3ß. coq. in f. q. aq. & aceti pro fotu, quo foveatur scrotum ter in die cum spongia. Postea applicetur hoc emplastrum.

℥. Empl. de bacc. lauri, sterc. caprin. an. 3jß. cochlear. contus. cum testis. 3ß. sem. cumin. sulph. an. 3ij. malaxentur cum olei rutæ. chamæm. an. q. f. F. Emplastrum. Hisce puer convaluit. *Io. Petrus Lotichius. obs. 10. cap. 3. lib. 6.*

Vir quidam Nobilis hydrocele laborans, ita sanitatem obtinuit, primo, consilio D. Ferrandi peritissimi medici, & meo, jalapio purgatus fuit, postea foras emollientes & discutientes admoti, & tandem lanceola perforatus, in parte decliviori scroti, vitando testiculum, & lineam interstitium inter testiculos facientem, ictus autem transversus digiti profunditatem attingit antequam aqua exiverit, quæ iteratis vicibus extracta fuit, clara & non fœtida, eaque ad libras duas, cura hæc satis rara fuit, cum paucis post diebus ad negotia iverit. *Petrus Borellus obs. 4. cent. 1.*

In Generoso quodam Viro, quam omnis periculi plena sit scroti, & erythroidis membranæ in hydrocele per scalpulum apertio, teste non sublato, compertum est, ab aliquot annis sinistra parte hydrocele huic molesta fuerat; frustra cataplasmatibus, ac aliis remediis crebro usus, tandem temerarii Chirurgi consilio acquiescens, aperiri sibi scalpello tumorem permisit: effluxit cito omnis humor; tumor quoque subsedit; sed cum testis ipse omnino esset corruptus, vicinas partes facile infecit; subsequuta mox scroti universi, ac etiam penis cum tumore & ingenti dolore gangræna. Delirium cum vehementi febre propter doloris magnitudinem supervenit, ac non ita multo post mors accessit; rem hujus sinister corruptus fuit,

fuit, & feminalis in erythroidem descendens valde ampla & multum patens. *Rember. Dodonæus. obs. 40. vide etiam obs. 39.*

De Hernia Omphalocele.

In oppidulo quodam mulierem inspexi, cui ex hernia omphalocele, universa pene intestinorum mole, è peritonæi cavitate procidente, tumor immensus ac velut novus venter, à vero ventre flaccido & depresso, & in hunc tanquam Saccum inanito appensus propendebat, quem & fascia circumducta, ut onus hoc sublevaret, collo suspensum gestabat. *Felix. Platerus. obs. lib. 3. pag. 759.*

Pro Hernia Sarcocoele.

Juvenem quendam hernia sarcocoele laborantem absque incisione facile ita curavi.

℞. Pulv. sen. laxat. ℥ss. vini absynth. ℥ss. macerentur pro infuso. De quotidie bibit ad ℥iij. colatas. Post sufficientem purgationem, utebatur ante & post meridiem balneo aquæ, in qua coquebatur tartarus ad ℥iij. ante & post balneum inungebatur tumor oleo sulphur. nostro, motus rarus erat, quies vero in lecto multa, atque his sine remediis tumor in dies decrevit, & per Dei gratiam spatio quatuor hebdomadum ex toto evanuit. *Martinus Rulandus. curat. 66. cent. 9.*

Chirurgus quidam insignis contra herniam tam carnosam quam aquosam emplastro sequenti feliciter utitur, quod singularis loco secreti mecum communicavit, eoque nobilius aliud in hoc affectu remedium se non habere disertè profitebatur.

℞. Gummi Ammoniac. ℥ss. bdell. ℥j. fatin. sem. sinap. sem. urtic. lap. spong. an. ℥j. aristol. rot. ℥vi. sulph. ℥ss. terebint. ℥j. sp. vini ℥ss. ol. olivar. ℥iij. ceræ ℥vi. M. F. S. A. emplastrum. extend. super alutam, & loco affecto applicetur, continuo gestando. Si hoc non juverit substituatur ceratum de pelle arietina tam à Medicis Augustanis commendatum: intus vero de sequenti pulvere quo alias contra hernias prodesse soleo, aliquot mensibus assumat.

℞. Pulv. rad. consolid. maj. ℥ss. pulv. herniar. ℥j. perfoliat. ℥vi. spong. combust. spongiæ, cynosbat. adnascent. an. ℥iij. lap. spong. ℥ij. spod. terr. sigill. an. ℥ss. cinnam. fœnic. d. an. ℥j. F. pulvis.

Aliquando etiam assumpsit de sequenti pulv. contra strumam, qui Arnoldo de Villa Nova ascribitur.

℞. Spong. combust. pilæ marin. tost. ossis sepiæ, piper. long. nigr. zinzib. cinnamom. salis gemmæ, pyrethr. gallar. lap. spongiæ, an. ℥j. M. F. pulvis. Jo. Petrus Lotichius. obs. 9. cap. 3. lib. 6.

Vir quidam Sarcocoele laborans, quum cataplasma ex althæa, farina fabarum & lacte caprino frustra usurpasset, jussus à Gassero decocto lentium in aceto facto locum fovere, deinde suffire cum thure, & superponere emplastrum de meliloto cum ficibus contusis mixto; cumque non statim resolveretur tumor, thermas ferinas cogitare cœpit, quas ipsi Gasserus dissuadere noluit. Sed his ipsis quoque non satis operantibus, quod unicum supererat remedium, ad sectionem devenit, quam testiculi jactura, tandem admittere coquebatur. Jo. Valerius Rivnerus obs. 91.

Alius quidam hernia carnosa laborans à Chirurgo quodam curatus fuit testiculorum ex vino sublimato, & imposito cataplasmate ex absynth. malo.

chamæm. rad. alth. & sect. lini, an. part. æq. conficissis & in lacte caprillo coctis. Alius etiam eodem affectu laborans, sectionem postulavit, sed Chirurgi præsentia territus, mutavit sententiam, & emollientium ac resolventium usu continuato, ramice in abscessum transeunte, & suppurato, feliciter tandem percuratus fuit. *Idem obs. 92.*

Ileos ex Hernia curatus.

Septuagenarius in scroto vexabatur tumore valde magno ac dolorifico, ejusdem cum cute sana coloris; tormina sentiebat in abdomine ac vomebat quicquid assumebat; jam per viginti quatuor horas hoc in statu constitutus opem meam implorabat.

Æger inter examen à me institutum retulit, se jam per longam annorum seriem laborasse hernia, quæ sæpius eum, intestino in scrotum prolapsa, mirum in modum molestabat, ac iterum nullum afferebat incommodum, cum intestinum in locum suum recessisset; intestinum autem hoc nunquam antea hac tamdiu extra abdomen exulaverat, quam jam, & quicquid moliebatur æger, illud reponere non potuit.

Morbum hunc satis periculosum esse, amicis prædixi, quia tamdiu extra abdomen permanerat intestinum: (Sic vir 40. annorum Ultrajecto Arenacum pedes profectus incidit in herniam scrotum infestantem, cui antea etiam obnoxius erat, sed tantum in inguine, & tamen adhuc per quatuor horas incessit pedibus, unde tumor valde excrevit, eratque valde durus & dolens; æger interrim semper vomebat, ac frigori expositus in stramine per totam noctem jacebat apud rusticum; postero die curru advectus est Arenacum continuo vomens. Mixture ægro propinabatur status discutiens, sed eadem mox vomitu rejiciebatur; tres præterea clysteres injecti sunt, sed sine fructu; æger in bono situ positus est, foras humidi sicci que imponebantur parti affectæ, sed his nihil juvantibus ægrotus quarto agrotationis die è medio sublatus est pulsu sensim diminuto: Aperto cadavere intestinum ileum inventum fuit gangræna affectum spithamæ longitudine, ac situm in scroto cum flatibus & excrementis duris; præterea magna pars omenti continebatur in scroto convoluta instar pilæ cum vasibus sanguiferis valde distentis.) Interea autem amicos ægri admonui, ne animum nimis desponderent, ac eum in finem iis narraui observationem octavam Rivierio communicatam à Domino Ozia Aimar Chirurgo Gratianopolitano, in qua post multa remedia per novem dies in cassum usurpata, intestinum per totidem lucas in scroto commoratum, repositum fuit feliciter incisione facta usque ad productionem peritonæi quæ intestinum strangulabat.

Sed unde provenit, quod in hernia intestinum prolatabatur in scrotum, aliasque partes? Ob relaxationem peritonæi, quæ exoritur ex eo, quod multi ejusdem tubuli obstruantur, inque illis stagnent ac coacerventur humores, qui progressu temporis se insinuant inter fibrillas peritonæi, illudque hoc pacto relaxant.

Cur jam intestinum in scrotum nostri patientis delapsum, non tam facile rediit in abdomen, quam inde egressum est, cum via sit eadem? Hoc præcipue contigit, quia intestinum tamdiu extra abdomen permanerat, ubi minor est calor; nam pori intestini eo modo aliquatenus obturati

obturati impedire quo minus vapores ob minorem calorem etiam aliqua ex parte condensati ex intestino in scroto decumbente libere quaquaversum egrederentur, quapropter illi coacervati sunt in intestino, illudque distenderunt flatibus vulgo nuncupatis.

Hinc igitur manifestum satis evadit, præcipuam hujus mali medelam consistere in eo ut pori intestini extra ventrem exulantis obstructi recludantur iterum, ac vapores aliquosque condensati, majore motus ac agitationis quantitate donentur, ut sic rursus citato gradu circa propria sua centra rotentur.

Utrumque hunc effectum consequutus sum linendo recenter contorto ac nondum coctione depurgato, nam ubi hoc prius in lacte dulci coctum calide per quadrantem horæ fuisset impositum parti affectæ, intestinum blanda manus agitatione, in abdomen ægri in bono situ collocati remigravit.

Æger hoc pacto ex vicinis orci faucibus ereptus postea cum piscatore ictus sapuit, ac gestavit vinculum ferreum externè vestitum ad intestinum intrus retinendum; nam homines provectæ ætatis à tali malo prorsus velle sanare, est oleum ac operam perdere; contingit enim admodum raro, quod Fabric. Hildanus refert in lib. suarum observation. nimirum sexagenarium per 20. annos hernia magna laborasse intestinali, quæ à nullo Chirurgorum aut Medicorum potuit sanari; eumque senem postea sine medicamentis in totum esse restitutum pristinae sanitati, postquam morbo aliquo periculoso decubuerat in dorso per semestre spatium, ideoque optimum contra herniam remedium citatus Autor esse affirmat quietem & decubitus in dorso.

Hernias verò puerulorum sæpissimè sanatas esse vidi, & quidem præsertim circa octavum ætatis annum, bona fascia ex linteo confecta ac emplastro carminante Sylvii extenso super corium, quod reperitur prax. lib. 1. cap. 12. tit. 58. in quo tamen junum errorem, quem neminem securum spero, annotare lubet, sc. quod gummi, galbanum, aliaque solvantur in aceto sale volatilem eorum non parum infringente.

Juramentum Medicorum in Academia Ultrajectina jubet, audita vel visa inter curandum, non enuntianda, involvere silentio, hocque strictè observandum puto in herniis juvenum, quandoquidem hoc malum puellis invisum magis esse solet quam par est, quod, antequam hanc observationem finiam, exemplo declarare mihi proposui.

Recenter nupta virgo, ubi prima vice lectum cum suo sponso esset ingressa intrepida manu mox illas mariti partes contrectat, quas Adamus sibi ficum foliis statim post lapsum contexisse legitur, atque ita eundem hernia divexari ex vinculo quod gestabat animadvertit, unde ferè in furorem acta, hæc in verba erupit: pudeat te conjux quod Amasiam tuam tam impiè deceperis; quid consilii mihi miseræ? Perii profecto; num tam malè conformatum corpus puellæ in flore ætatis constitutæ, ac annum decimum octavum nondum egressæ satisfacere potest. Minimè, actum est de me; emori mallet, quàm tecum amplius habitare.

Maritus, hac super re interea temporis serio philosophatus, placido sermone tandem respondit; bono animo sis, anima mea, vanam ac supervacuum

hanc, meum corculum; depelle sollicitudinem, quoniam polliceor tibi, me pro virili conaturum efficere, ne unquam hac de re conqueraris amplius, ac novem mensibus vix elapsis experientia mariti verba confirmavit gemellis, quos enixa est uxor, postea mutire vix audens de imaginaria conjugis impotentia. *Joh. Mays in prax. Chirurgic. Rationali.*

Hernia inguinalis, cum gangrena.

Thomas Adeler, eques Anglus sexagenarius, herniam in inguine sinistro per multos annos habuerat. Anno 1637. mense Septembri intestinum, quod in herniam inciderat, nimis flatibus distentum, atque huic disruptum fuit, ita ut stercora in herniæ capacitatem prolaberentur. Hæc proluvia gangrenam cum fœtore intolerabili parti statim induxit, quæ inde cito putrefacta & disrupta fuit, atque ita fæces alvi ordinariè per herniam foras profluxerunt, nunquam per anum. Ego vocatus prædixi ægrum evadere non posse; ne tamen incuria mea perire videretur, per Chirurgum applicare jussi spiritum vini cum melle rosato & unguento ægyptiaco, usque dum partes gangrenosæ à sanis separarentur & deciderent. Tunc intestinum non tantum ruptum, sed omnino transversim abruptum esse, ejusque partem superiorem foras propendere, hincque stercora profluere animadvertimus. Hic intestini finis progressu temporis carnosior evasit, & quasi carneum annulum acquisivit; qui annulus cum vicina carne firmiter coaluit; ita ut postea intestinum hoc loco semper fixum & apertum remaneret, atque inde ægro præter voluntatem alvi fæces semper effluerint. Huic parti postea cacabum parvum æneum, commode adaptatum, semper appensum gessit, sic reliqua sanus, quocunque vellet deambulans. Nonus jam agitur annus quo huic molestissimo oneri assuetus nunquam ægrotavit.

Rarissimum hoc est & notatu dignum exemplum. Antehac nunquam credideram intestinum abruptum in inguine cum vicina carne coalescere posse, quod tamen in hoc ægro oculatus testis me vidisse testor, nunquam antea à me observatum, licet hujusmodi intestinorum rupturas in aliis aliquoties viderim. Si forte intestinum abruptum inter carnosos abdominis musculos foras erumpat, tale quid aliquando contingere posse verisimile videtur, cujus rei notabilem casum Platerus observat. lib. 3. sic describit. Capitaneus quidam ante annos multos in ventre vulneratus, stercus per fistulam, quæ sanato vulnere illic remanserat, multos annos incolumis alioquin & superstes, excrevit. Cujus causam investigans ex anatomicis observationibus, certis argumentis collegi, intestinorum vulnera, si illis in locis, ubi carneæ musculorum abdominis portiones existunt, ventrem penetrent, agglutinatis tunc utrinque, & intestinorum & musculosæ carnis, vulnere in ambitu labiis, viam fieri posse, per quam stercus extra corpus educatur, & in abdominis cavum excidere prohibeatur, eaque vulnera licet consolidari nequeant, minimè tamen esse lethalia: quod etsi rarum sit, tamen & in aliis partibus, ut vesica, accidit. Idem Platerus proxime sequenti observatione adhuc alium similem casum enarrat. Joannes Hornung Medicus Heidenheimensis, epist. ad Gregorium Horstium, enarrat historiam rustici cui è vulnere abdominis intestinum rectum vulnere lato apertum exivit, neque à Chirurgo intus reductum est, sed sanato abdominis vulnere, toto vitæ tempore foras propendit, naturalem colorem retinens,

retinens, sed paulatim crassius ac carnosius evadens, per quod propendens intestinum faeces alvi cum magno fœtore excernebantur, neque amplius ab anno prodibant. *Isbrand. de Die merbroeck in Observat. & Curation. Medic.*

Epiplotele cum sarcocoele conjuncta, ex erosione omenti complicati, enata carne in spithamæ longitudinem ex inguine propendente.

Quidam Estensis in Patavino Xenodochio habuit prominentiam longam spithamam, instat priapi ex inguine luxuriantem, ubi processus peritonæi, crassam vero duos digitos transversos, adeo ut non inconcinne æmuleretur formam alterius membri virilis. Cum vero ab ægro quærerem hujus morbi originem, atque negaret esse intestinum prolapsum, ex ejus verbis conjectura affectus sum, esse omentum complicatum, cum prius Bubonocelæ laborasset, postmodum abscessu, quo disrupto prorupit omentum, atque sensum ita convolutum fuit, illique propter erosionem caro quædam inter plicas accreverat in prædictam formam: quem hoc modo curavi. Primo expurgatis humoribus redundantibus, portuunculam dictæ prominentiæ secui, ampliato usque adeo vulnere, ut omentum implicatum se proderet; quod duobus, vel tribus post diebus secui ex toto ad inguina usque, tum digerentibus; demum consuetis exsiccantibus cicatricem obduxi, incolumi adhucnum ægro, & omni molestia vacuo. *Peirus de Marchettis in Observat. Medico-Chirurgicar. Sylloge.*

Bubonocoele loco bubonis Venerei ab imperito barbitonsore secta, prodeuntibus alvi fecibus, brevi temporis spatio sanata.

Villicus quidam Bubonocelæ laborans, barbitonsorem accersit, qui Venereum bubonem cum existinaret, ejus proinde sectionem suadebat; quam æger cum nulla alia muliere, uxore propria excepta, rem se habuisse sancte affirmaret, honesta equidem, ac pudica; cum vero tonsor opinionem suam tueretur mordicus, atque omnino sectione opus esse, eam tandem miser villicus admisit, ex qua cum feces erumperent, statim in lipothymiam prolapsus est, tonsore obstupescente. Ego verò cum casu illac transirem, vocatus, statim digito compuli intestinum in locum proprium, applicato ovi albumine, cum sanguine draconis, atque linteolo quadruplicato compressione facta arctius non nihil constrinxi quatuor dies, à quibus cerato demum ad herniam ab Aquapendente usus, spatium decem dierum, sectæ partes coaluerunt. Tandem meo consilio totum vitæ tempus gestato cingulo, multos annos incolumis vixit. *Idem ibidem.*

De Hernia intestinali.

Filiolus nondum bimulus prænobilis Viri S. P. herniosus, prolapsus per peritonæi processus intestinalis, catarrhis & tussi molestissima gravissime affectus, ægrotavit hyeme jam adulta. Adhibita in rem plurima, Concussio corporis à tussi intestinali, quamvis, reposita & fasciis ac subligaculis constricta, sede tamen sua contineri non est passa. Accessit Lithotomi uxor, adducta à peregrino Chemiatro, quæ ventri Cobi-

tides barbarulas imposuit, ut nescio qua virtute intestina prolapsa retraherentur, & loco suo firmarentur. Sed puer tamen obiit. Unde contentiones haud leves mixtis conviciis inter Medicos utrinque, parum decoræ, magnetismum hinc illo defendente, illinc autem altero mortis causam interminante, quæ quomodo tandem transactæ fuerint, non satis constat. Nos interim interrogati respondimus, curationem ejusmodi mere empiricam, non quidem lethiferam, sed tamen ineptam, & inutilem fuisse, ipso eventu attestante, dum nugis ejusmodi certiora præsidia intermitteri oportebat. *Georg. Hieronymi Velschii.*

Hernia intestinalis cura temeraria lethalis.

I. B. I. F. de K. hernia intestinali, seu bubonocelæ per multos annos laboraverat, cui sæpius intestinorum pars, neglectis fortasse fasciis & decente subligamine, in inguine aliquando valde prominens ac refrigerata dolores acerbos causavit, & nullo modo quam fomentis tepidis emollita in ventrem recessit. Sed cum sexagenario ob flatuum abundantiam iterum accideret hoc malum, intermissa deligatione solita, intestinum diu nimis propendens refrigeraretur & induresceret, circumforaneus quidam perseveranter promiserat, se intestinum propendens facile intrusurum, & herniosum hunc affectum perfecte curaturum; verum ob renixum & contractionem cutis dilaceratæ, ac intestini inflati & indurati magnitudinem, scalpello cutem & peritonæi membranam prolixius dilatavit, intrusoque violenter intestino nec prius emollito nec tepefacto, cutis discissæ ora confibulavit, ab emplastro imposito fasciis deligavit, attamen brevi post patiens febrem ardentem cum animi deliquiis sentiens, & accedente sphacelo intestinorum, paucos intra dies vitam cum morte commutavit. *Helwigii.*

Scholion Schroekii.] Ur Agyrtarum in decipiendo promptitudo temeritate ubique circumvallatur, sic & in herniis eandem multoties spectandam impune exhibent, quas duriter tractare, & absque necessitate crudeliter secando adgredi sunt paratissimi, necessaria partium, quas incidunt, cognitione vacui, nec symptomatum supervenientium medela instructi, sed unico experimentorum, quam morte aliorum sibi comparant, fulcro cæci incedentes, vilissimoque ut plurimum ab ortu ad opus hoc accedentes: qualem herniotomum Guil. Fabr. Hildanus præfat. Oper. Chirurg. delineat, qui subulcus porcos castrare cum didicisset, in hominibus postea idem tentaverat. Sed præstat unum alterumque exemplum in curando & secando temerarium hominum ac imperitorum nebulonum indiguisse: Herniæ omentalis in laniatione, nec non intestinalis in alio perperam, & cum ægrorum interitu curatæ habet Malach. Geigerus Kelegraph. cap. 3. Adolescenti in præpostera herniæ inguinalis sectione, ab agyrta pennato cujus fallax anima sacco holoserico inclusa fuerat, intestinum vulneratum narrat Philipp. Hochstetterus dec. 10. obs. med. cas. 3. Intestinalem agyrta rusticus, sarcocelen forte reputans, suppuratione curaturus, in exitium deturbaverat agrum, ceu refert Henr. Salmuth. cent. 1. obs. med. 11. Contra Gallum agyrta, herniarum curam filo aureo certissimam pollicitum, Henricus ab Heer obs. med. 22. invenitur, quem filo ferreo mercurio crudo oblito, intestinum ileum una comprehendisse, & valida contorsione fecibus per inferiora exitum

exitum lethaliter præclusisse, memorat. Barbitonfort imperitus villico bubonocèle, quam venereum bubonem crediderat, laboranti, ejusdem sectionem persuadens, purulentæ materiæ loco, feces erumpentes obstupuit; ægroto tamen exercitatissimi Petri de Marchettis ope, restituto, quod ipse recenset observat. med. chirurg. 55. Cui consimile exemplum producit Hieron. Fabricius ab Aquapendente tract. de operat. chirurg. cap. de bubonocèle. Sic etiam, quodam Naturæ lusu aut errore, testiculum in inguine reconditum habentes, aut tertio insuper præditos, pro herniosis miserrimè frustra diu vexatos scimus: quales vidisse se testatur citatus Geigerus, nec non Ambros. Paræus lib. 7. oper. chirurg. cap. 16. Notabilis quoque est historia, quam Aquapendens cap. de intest. hern. exhibet, adolescentis nimirum, testiculorum naturalem in magnitudine diversitatem ignorantis, atque ex sinistri majore mole herniam peritimescentis; quam cum herniotomo ostendisset, & nisi testis extraheretur, mortem instare, persuaderi sibi passus fuisset, jam legatus castrationem expectabat, nisi Fabricii consilio à carnificina ista liberatus fuisset. Scilicet quæstiosa cum sit illa sectionis crudelitas, quam præter dolores, testiculi jacturam, ipsiusque vitæ periculum, care satis redimere ægroto coguntur, herniotomi isti inhumani ad persuadendam cum ferro medelam sunt expeditissimi; quamvis plurimi, non pueri tantum, sed adultiores quoque, solo medicamentorum usu, sedulaque deligatione, vel omnino curari, sed saltem minori cum discrimine degere possent. Hinc Bartholinus cent. 4. Epist. med. 22. Herniam, scribit, inguinalem in adultis pro incurabili non habeo; si vel recens sit, non inveterata vel imperfecta tantum sit, tunica vaginali nonnihil dilatata. Utroque enim casu non difficulter primo reponendum est intestinum, deinde pars emplastro adstringente & vinculo munienda. Sic Paulus Ægineta lib. 3. de re med. cap. 53. multos pueros citra manus operam medicaminibus impositis, & convenienti deligatura persanatos refert. Joh. Scultetus innumeros, longo temporis progressu, magna adhibita cura, remediis, bracherio, victusque bona ratione pristinae sanitati se restituisse; quos vero vel ob adfectus magnitudinem; vel ejusdem diuturnitatem integre sanare non potuerat, incrementum saltem enterocèles se prohibuisse, testatur part. 1. Armament. chirurg. tab. 39. Hinc male facere, part. 2. obs. 64. judicat, qui malunt à Castratoribus torqueri, quam Medicis mitiora bene consulentibus per mensem obedire; prout nec illos Medicos laudem mereri, qui ab ægro rogati Orchotomis adstant; & Circumforaneos male operantes non corrigunt. Quod etiam de inguinalibus puerorum herniis Ambros. Paræus l. c. cap. 15. fatetur, remediorum ope multos à se sanatos, & castratorum manibus; testiculorum puerilium avidis, ereptos scribens, quin & de adultioris ætatis homine exemplum proferens. Et præfatus Fabricius ab Aquapendente, Horatium de Norfia, operatorem hac in re maxime exercitatum, & qui plusquam ducentos quotannis castrando curaverat, postea nec etiam viginti sectioni huic subjecisse refert, cum bracherio & adstringente medicamento imposito plerosque sanari observasset. Quin & Nicol. Monardus de simpl. medic. ex Novo Orbe delat. cap. 72. solam ligaturam decentem sufficere posse existimans, nulla herba aliave re imposita, cujusdam Cordubensis mentionem facit, qui omnes herniosos eo modo curaverat. Atque Jo. Bapt. Helmontius herniæ bene ligatæ citra expectationem sanatas meminit tr. Pueril. humorist. vindict.

p. m. 323. cum patiens ex offitragio diu lumbis decubuisset.

Hernia inveterata periculosa.

Dn. V. C. de W. Ann. 1663. die 29. Aprilis ventris constipationes flatulentas & dolores lancinantes sentiebat, & inquiete dormiverat, ideoque sequente diluculo Medicum accersiri jussit, de iis doloribus, præsertim in lumbis ad latus sinistrum ac in inguine dextro, calculum renalem fore putans, querebundus remedia petiit. Sed cum ex gressus & loquelæ difficultate Medicus jamdudum herniam quandam suspicatus, quam æger per viginti septem jam annos tolerans, præ pudore celaverat, nulloque unquam medicamine, nec auxilio, nec ligatura ad sublevandum tam grande pondus usus erat, inde omnium medicamentorum successus difficiles fore hic aperte pronunciavit, nihilominus pro morbi statu & qualitate cautè procedens ad ventrem leniendum, ac dolores flatulentos amolientos, potionem brevem laxativam & carminativam, atque fomentationes externas, itemque alia interna, non omittis cordialibus, præscripsit, per quæ die 21. Aprilis evacuationes tres leves ille habuit, dolorum mitigationem quandam sensit, sine ulla urinæ difficultate, aut suppressione, quapropter patiens bonam revalescendi spem conceperat. Subsequente vero nocte diei 22. Aprilis morbus, seu dolores lancinantes cum corporis in lecto circumjectione magna, recruderunt, quocirca inter alia mitigantia, ad instantiam ipsius ægri, infusus balnei ex decocto emollientium & flatus discutientium, cum bono, quamdiu infederat, sublevamine, quod ipse prædicabat, concessus fuit, sed subinde adveniente ob longiorem moram in balneo, virium prostratione & spirandi difficultate, ventre rursus constipato, circa vespertinam portionem quandam cassiæ extractæ in jusculo sumpsit, suppositorioque sub nocte applicato, quæ tamen præter spem nullam sedem moverant; nox quidem paululum quietior fuit. Mane autem, die videlicet 23. Aprilis circa horam quartam, coram Medico nihil pene quam anhelitum difficilem querens patiens, maturius levamen desideravit, & cum Medicus vix quicquam scriberet, & ad pharmacopolium mitteret, æger ad alvi secessum se propere commovens, administrantes advocavit, tunc subito illi spiratio deficere videbatur, & lente sic inter suorum brachia occubuit. Post obitum hernia inspecta, quam vivens ille valde pudibundus ab aliis conspici & contrectari unquam noluit, inventa est magnitudine caput viri robustissimi excedens, atque pondere aliquot librarum extra corpus dependens, vixit vero ille ad mortem usque in cælibatu. Helvvigii.

Scholion Schroeki.) Ex incuria, pudore & negligentia maximas tandem oriri posse hernias, non est dubium; intestina enim, via ad scrotum inventa, cum pondere gravia sint, sensim magis magisque eo devolvuntur. Tales amplissimas hernias Olaus Borrichius in centur. 4. epist. medic. Bartholini 92. Joh. Mekeranus cap. 5. observat. Chirurg. Felix Platerus lib. 3. observat. pag. 756. & Johann. Freitagius apud Gregor. Horstium lib. 2. Epistol. medic. lect. 19. &c. descriperunt. Quarum sane cura difficillima & ut plurimum frustranea existit; præcipue si quod facile accidit, inflammatione, & quæ eam insequitur, gangræna corripiantur intestina prolapsa sive à frigore externo lædantur, flatibus facibusque distenta compressionem patiantur; adeoque sanguinis

sanguinis liberior ibi transitus inhibeat; sive iusto calidiora interna externavè remedia in usum ducantur, aut etiam violentiori manu tractentur; quatione, alias inter animadversiones, in curatione enterocèles notandas Dominic. Panarolo cent. 2. observat. med. 49. primo loco monere placuit, à Chirurgo sæpius manum haud admoventam esse, cum alias dolor, & cum dolore attractio crescat.

Hernia Curata.

Filium meum Henricum, cum in Patriam meam misissem, ut fugeret pestem Brigæ grassantem, ibidem herniosus factus est, intestinum prominebat in Scroto dimidii digiti longitudine. Postquam id digitis intro adegissem, præscripsi pulverem, qui Rec. Fol. Consol. Sarac. Sem. & fol. perfol. ana. ʒiij. Fol. Pilosell. rad. Consol. maj. ana. ʒß. Sach. penid. ʒv. M. F. Pulvis. De hoc in dies mane usus est in jusculo & quievit aliquot horas. Inunxi etiam inguina Ol. momord. & imposui Emplastrum contra Rupturam. Subligaculo etiam usus est aliquandiu, quod tamen postea amovi, & ita integrè Dei beneficio curatus est. Egit annum fere quintum.

Scholion.) Fuit Enterocèles, Curatio, quam eventus comprobavit, est egregia, & nullus dubito, quin in aliis eundem exitum & emolumentum præstitura sit. Æger fuit Avunculus meus, qui in senium & ad Mottem usque nunquam hoc malo amplius fuit afflictus. Ita ut sane integrè & perfectè restitutus fuerit. *Christoph. Roessleri.*

Enterocèle desperata, curata.

Andreas Nuck, Göttilaviensis, anno 1661. d. 8. aug. hernia intestinali diu laborans, agros sulcandi ergo campum adit, sulcando autem, nimiumque se movendo, intestina in scrotum prolapsa sentit; domum itaque delatus, varia adhibuit remedia domestica. Parum autem istis proficientibus, quin potius symptomatis aliis pluribus irruentibus, in pejus ruit. Obortus enim deplorandus ille affectus Miserere mei, singultus insuper vehementissimus, à vicinis ultra sextam etiam domum auditus. Summo itaque in periculo constitutus æger meum implorat auxilium. Intuito autem misero ægri statu, ipsemet expavi, tum, quod remediis convenientibus non satis esset instructus, tum quod scirem frustraneos esse tali in casu sæpe conatus. Quo autem adstantium, ægri imprimis, votis satisfacerem, de iis, quæ in pago ad manus erant, medicamentis, fui sollicitus, ex herbo itaque prope ædes ipsemet collegi seq. herbas pro clystere fomentoque v. g. herb. malv. alth. viol. alfin. chamom. an. M. ii. coq. in ʒiij. lact vacc. & dissol. butyr. rec. ʒiij. mell. ʒii. diversis vicibus injectus est clyster &c. Species autem sacculis duobus inditas, fomentationis ergo alternatim calidè imposui, totumque abdomen fovi. Coxi & insuper potionem sequentem, quam frequenter assumpsit.

℞. Herb. equil. M. i. rad. liquirit. sem. anis. carvi, an. ʒß. Quamvis autem hæc omnia ritè facta sint, de mortis tamen necessitate nemo non cogitabat. Convocatis itaque amicis, Patrochoque Dn. Schefbero, voluntatem suam intimavit ultimam, viaticoque sacro accepto, & mihi & adstantibus cæteris porrecta manu, vale dixit. Continuantiis autem nobis medicamentorum applicationem, fomenta imprimis diligenter adhibendo, insigni crepitu ac strepitu, intestina in abdomen sunt regressa. Hinc fœcum per

superiora ejectio, singultusque inhibitus. Æger autem paulo post optimè exoptateque restitutus est. Vivunt autem hujus rei in Gottlavv. hodie nunc adhuc & æger, alique adstantium testes veridici plures. *D. Iohannis Friderici Allmacheri.*

Enterocèle enormis dextera manu reducta recidiva metu castratione post feliciter instituta.

Devolvebatur frequenter in scrotum intestinum Mag. N. B. Horologiopæo Genevensi: Anno 1670. tam enormis supervenit illi delapsus, ut omnia intestina illuc devoluta credidisses; Scrotum ad capitis biennis pueri magnitudinem intumuerat; Advocati Chirurgi, iique non imperiti, operam inanem ludebant, nec enim reductionis ullum exordium apparebat: Inflammatio tantum progressum fecerat ut gangræna in procinctu esset, jamque spes omnis salutis agro & affidentibus excidisset. Notus mihi erat peritissimus Herniotomus in proximo districtu oberrans, Coletius Filius; Fortuito & fauste ea die in urbem advenerat; & quanquam de successu dubius essem, ille tamen repositionem intestini aggressus, tam celeri manu eam absolvit, ut duodecima horæ pars interim vix effluerit: Cohibito gangrænae progressu, sedata inflammatione, ac spatio concesso ut æger vires collapsas resumeret, Eunuchismus ab eodem Coletio susceptus, cui non invite se subiecit miser, eadem felicitate & celeritate perfectò, adeo ut intra octiduum planè convalesceret: Eandem Operationem, in non dissimili Enterocèle, ante biennium in consanguineo cognomine, eadem industria eventumque æque felici præstiterat: Ut hinc, aliisque exemplis, colligere liceat affectum hunc hæreditariis adnumerandum esse: Neque tamen artis peritia (præ chirurgorum quorundam tumore & *καυχήν*) jus civitatis comparare illi Herniotomo licuit, etsi apud nos endemium sit id malum. *Th. Boneti.*

Hernia Curata.

Dominus Balthasar à Rotkirch cum jam 50. & aliquot annorum esset, dicebat se curatum Subligaculo & crebro usu Consolidæ saracenicæ & perfoliatæ in jusculo cum axungia gallinæ, melle & butyro majali. Sed per annum his usus est.

Scholion In Pueris quidem cura herniarum non tantum difficultatis habet, quantum in Senibus, cum ipsorum Humidum radicale adhuc inexhaustum, nec humores tanta acrimonia scateant, ut glutinationem impedire possint; tamen aliquando hanc curam etiam in senibus succedere, si in usu medicamentorum perseverent, inter alia & hoc Exemplum testimonium satis luculentum exhibet. Sed in hoc voluptuoso seculo necessum esset ut Medicus Patientiam, si vendibilis esset medicamentis admisceret, nam delicatissimi homines, cum adhuc in primoribus labiis medicamentum versatur, effectum & levamen desiderant. Ad curam quod attinet, Consolidæ saracenicæ vulneraria est, & astringit, ut & perfoliatæ: itaque diutius usurpatæ optimum effectum dederunt. *Christ. Roessleri.*

Enterocèle per tiliam fissam sanata.

Puellus annorum octo hernia intestinorum laborans cum aliquandiu hic Chirurgi alioquin satis periti, opera frustra usus esset, quod sectionem non

admitterent

admitterent parentes, revocatur domum, conferunt consilia vicinæ, exempla narrant feliciæ tiliæ ad urbem Halmeſtadium enatæ, cujus ope plures ab ejusmodi malis liberentur. Quid multis? perſuadetur ſollicita mater, & cum filio iſtue excurrit; quæritur in nemore viribus incluta arbor, & tandem reperitur. Hic puellus exuere ſe omni veſtium apparatu, & in morem Dianæ nudæ (ita enim jufferat arti huic præfecta neſcio quæ Canidia) per rimam tiliæ hujus junioris manibus duorum valentulorum juvenum eo ipſo temporis articulo diffiſæ rer ſaltu celeri ſe propripere: Peracta fabula veſtitur iterum puer, rimæ arboris cera & terebinthina admittis coëunt, & nobilis effectus ſenſim promittitur ſecuturus. Ne longus ſim, convaleſcit paulatim ſaucia arbor, & cum arbore paulatim æger, utque frondere iterum illa incipit, ita firmari ſanitas puelli. Quo audito ſubiit animum conatus Maroniani illius amatoris Eccl. x.

*Certum eſt in ſylvis inter ſpelæa ferarum
Malle pati, teneriſque meos incidere amores
Arboribus: creſcent illæ, creſcetis amores.*

Similia memini ante paucos annos in Harlemoni nemore attentata fuiſſe, & tum quidem in fiſſa ſqueru ſucceſſiſſe experimentum: Scrutentur hic alii occultas rerum abditarum cauſas, Ego nihil video præter ſuperſtitionem. D. Olai Borrichii.

Sarcocele ex operatione inſtituta lethalis.

Vir quidam honeſtus ſeptuaginta circiter annos natus ad nos non ita pridem adveniebat. Is jam dudum Sarcocelen geſtaverat, ejusque grandioris pondus, quantumvis moleſtum, tacito concluſerat pectore; verum dolores ultimò adjuncti, eum tandem ad opem chirurgicam implorandam compulerunt, idque ſanè malò ſuò fatò; nam cum Chirurgus è noſtris alias dexterrimus, ac in miniſteriis ſuæ artis peritiſſimus, ſeparationem ſarcocèles moliretur, nec ſatis exploraveſſet an hæc ſeparatio intractò teſticulo fieri poſſet, incifione ſufficienti factâ, arpectoque tumore per eam extrahendò, teſticulus undique adhærens identidem ſubſequutus eſt, ſicque caſtratio in decrepito peragenda fuit à minus ad hanc operationem præparatò artifice, quæ quidem ſatis bene pro tempore cedere videbatur, at tertiâ die derepente ſuborta eſt peſſimi ominis raucedo, atque mors quinta ſubſequuta. Videant itaque quibus talia committuntur negotia, ne temeriùs rem aggrediantur.

Anatome Sarcocèles.

Sarcocelen variè definiunt Auctores. Cæſus l. vii. c. xviii. Raro, inquit, ſed aliquando caro quoque inter tunicas (teſticuli) increſcit σαρκονήλω Græci vocant. Galenus l. de tumor. præſ. nat. teſticulos vocat induratos, & l. xiv. meth. med. eandem ſcirthis non improvidè comparat. Hodie tamen Medicorum plerique, ut clariùs rem exprimant, Sarcocelen interpretantur, quoties carnoſum quiddam in ſcroto teſtibus adnaſcitur. Atque id quidem nonnunquam contingere, haud inſiciandum, proſtantque apud Hilidanum, & Lotichium exempla; frequenter tamen ſarcocele non tam adnaſcitur teſtibus, quam innasctur, hoc eſt, totum teſtem, ejusque vaſa omnia materiæ novæ accèſſu ita infarcit, & porrigit, ut aliquando etiam vigecuplo ſe ipſo gravior, ampliorque evadat. Hoc ut ſæpè alias, ita ſuperiori quoque hyeme

in mercatore Samio mihi obſervatum, cui ablatus ferro chirurgi ramicoſus teſtis pendebat ſemuncias xxxiv. durus ille quidem toto corpore, & maſſæ carneæ nervoſis hinc inde gyris diſtinctæ ſimilis, ſed neque ad latus, neque in gremio ſuo ullum alium teſticulum naturalem complexus. Diſſecta enim quaquaverſum informi mole, ut teſticulus verus, quem intus deliteſcere quidam ſuſpicabantur, in conſpectum veniret, deprehenſum clariſſimè fuit, totum illud enorme corpus teſtem fuiſſe, ſed teſtem à ſanguine, ut conjicere licet, admiſſo, verum propter vel contuſionem, vel frigus, vel piritum nimiam ad ſuperiores partes non remiſſo, eoque in carnem degenerem coagulato diſtentum. Proinde non ſatis providi rei æſtimatores mihi videntur, qui confirmatam σαρκονήλω vel medicamenti diſcuſſiſſe ſe, vel diſcuti poſſe evulgant, quod nimium occalleat maſſa illa & mille plexibus nervoſis, iſſque ſolidis contrahat invictam durtiem. Crediderit Matthiolus in Dioſcoridem, crediderit Sculterus in Armam. chirurg. ſeſe ſarcocelen pulvere ononidis percuſſaſſe, nihil tamen mihi ſit veriſimilius, quam fuiſſe hydrocelen duriori cortice circumdatam, atque ideo ſarcocelen mentientem. Atque ut id credam, præter jam allata, perſuadent tum ſimilia paſſim exempla apud Foreſtum, Sennertum, alios, docentia artiſces ſæpe aqua profundius in teſticulorum ſinubus latente deceptos pro carnoſis æſtimaviſſe herniis, quæ fuerint aquoſæ; tum docet radix ononidis, quæ cum inter nobiliſſima diuretica ſit, aquas haud dubiè in ſinu teſtium intimo occultatas paulatim eduxit, atque ita concidentibus ſenſim in ſe involucriſ durioribus, ſarcocelen æſtimata fuit ſuſtuliffe. D. Olai Borrichii.

Uſus Catechu in hernia varicoſa.

L. L. Studioſus 24. ann. cum ante aliquot annos laboraſſet hæmorrhoidibus, Spleniticus, in ſiniſtro latere in vaſis ſpermaticis, ubi ex peritonæi proceſſu in ſcrotum inferuntur, tumorem varicoſum mediocrem duos jam annos paſſus eſt, duriuſculum & dolorificum, præſertim, ſi ſtare diutius cogitur. Adhibitis reſolventibus & aperientibus, externis & internis, mollior redditus eſt tumor, à frigore jam recedens, contractis ſc. vaſis, quod etiam decumbenti contingit, tandem dato pulvere terræ Japonicæ præp. tam ſolo, quam cum Antimonio Martiali cachectico remixto, optimum præ reliquis ſenſit levamen, imminui ſcilicet eundem referens, & melius habere. Non dubito, ſi continuaverit, ut eſt affectus chronicus, & pars corporis remotior, plenariè propediem iplum teſtitutum iri. D. Georg. Wolfgang. Wedelii.

De Enterocèle abſceſſu inguinis ſpontaneo ſanata.

Operarius quidam enterocèle laborans ſiniſtri inguinis, reſoſitis inteſtinis, geſtatoque trium menſium ſpatio ſubligaculo, per integrum poſtea triennium abſque ulteriori incommodo vixerat. Quo tempore elapſo, à motu vehementiori, laboribuſque durioribus, denuò in herniam loci illius, maximis junctam ventris doloribus, inciderat, quos variorum caleſcientium fomentorum, ex cumino &c. concinnatorum, applicatione uxor ejus abigere diu, ſed fruſtra tentaverat; tandem à Chirurgo inteſtinum quidem, difficili licet & multo cum labore reſoſitum, atque ſubligaculi ope egreſſui via rursus occluſa fuerat. Paucis tamen poſt diebus, inguinis illius dolor

dolor & inflammatio supervenit, in abscessum denique terminata; quo brevi, ab imposito pharmaco, rupto, copiosum pus evacuatum vulnusque amplum satis & profundum debite tractatum, labia imprimis ejusdem invicem adducta, & in cicatricem ut abirent, curata fuerunt; quæ partes subjectas duritie sua comprimens, ne delapsuro iterum intestino transitum concederet, præcaverunt. Adeoque, quod antea bracherii solius gestatione effecerat, jam callosa cutis duritie periculum feliciter avertit. *D. Luca Schroeckii Luca Filii.*

Sarcocoele.

Sectioni Sarcocoeles in milite in vico Aurigarum interfui cum D. Moinichenio & D. Kolichen, à Lithotomo Laurentio Nicolai feliciter & dextre administrata. Aperta cute inguinis dextri, testiculus dexter, qui ad capitis puerilis magnitudinem excreverat, separato & scroto scroto, extractus & resectis vasis spermaticis, prorsus exemptus fuit, magno militis aliàs cordatissimi ejulatu. Ligatis vasis, confutum scrotum, & cætera, ut vulnus decet, curata. Dissectus hic testiculi dextri tumor, glandulosam substantiam ostendit ea magnitudine auctam, ut oneri esset militi satis valido. Infima vero parte vesiculas intra membranam continebat, sanguine plenas, qua parte de maximo semper dolore, ob distentionem tunicae sensilis, conquestus fuerat. Tormentoribus oblitus ad militares functiones postea rediit. *D. Jacob. Schmid.*

De ossiculis ex Sarcocoele suppurata prodeuntibus.

Quàm varia sæpe & insolita reperiantur in corpore humano, & subortis imprimis in eo abscessibus corpuscula, sive aliunde eo translata, sive in ipsis etiam genita, plurimis observationibus passim extantibus docemur: Imprimis vero Calculos in omnibus fere partibus genitos quis nesciat, qui etiam nec partes generationi dicatas immunes abire permittunt, velut in prostatico lapidem infixum fuisse deprehensum refert M. Donatus lib. 4. H. m. mir. cap. 30. Calculum magnitudine pilum fere superantem describit. I. R. Saltzmanus in observ. anat. ultimis: Ex testiculo quoque ulcerato lapides exemptos habet Pachecus in observ. 1. Riverianis 44. Ipsum semen in vasis ejaculantibus petrificatum legitur in Zodiaco Med. Gall. Anni. m. Mart. Obs. 4. Ast ossa etiam in abscessibus quod reperta fuerint, id revera inter rarissima est connumerandum, Cujus tamen fidem faciet sequens, quam communicare libet observatio. D. P. G. aurifaber, per plurimos annos dextri testiculi tumore ad capitis infantilis magnitudinem tandem adaucto, & ipsum inguen, ut hinc brachii crassitiem æquaret, simul occupante, à variis in consilium adhibitis Chirurgis primo Hydrocelem, postea cum testiculum equo infidens durius ephippio impigisset, Sarcocoelem pati creditus; tandem frustra in usum ductis plurimis remediis, ante septennium à Natura ipsa, optima morborum medicatrice, auxilium invenerat; siquidem in eodem latere sponte aperto scroto, serum primo aliquandiu, tandem plurima, & vel ad quinque uncias quandoque, purulenta materia egressa fuerat, sicque usu mundificantium & traumaticorum per siphonem injectorum, tumore paulatim decrescente, durum quid in orificio ulceris Chirurgis, *Joan. & David Freitagiis*, patri & filio, quorum dexteritate tum curabatur, sese obtulerat; quod volsella extractum, esse ossiculum plurimis eminentiis aspe-

Bibl. Chirurg. Tom. II.

rum, & inæqualem comparuerat; cui dein succellive plura alia diversæ figuræ & magnitudinis insecuta fuerant; usque dum tandem alterum, etiam non sine magno labore exemptum fuerit, consolidatione vulneris mox sponte succedente, & integra cura intra novem septimanarum spatium ad finem perducta; ita ut nunc salvus adhuc, & senio licet pressus, sat tamen vegetus vivat, testiculumque morbosum benè jam constitutum circumferat.

Scholium.) Adfectum hunc ad nullum alium commodius quam ad Hydrocelem cum Sarcocoele conjunctam referri posse, mihi equidem haud est dubium. Quamvis enim (ut de hydrocele, à seroso stillicidio ex vulnere primo observato satis demonstrata, nihil dicam,) sarcocoele testium & vasorum adnexorum in molem insignem à sanguine in eis subsistente & concrecente, factam extensionem, ac in massam quasi carnosam indurationem, ut plurimum denotet, quam ideo discutientibus posse curari negat Excell. D. Ol. Borrichius Vol. 1. Act. Med. Hafn. observ. 97. & si quæ hoc modo sanata perhibeatur, hydrocelem potius fuisse statuit; sicque etiam per suppurationem, salvo remanente testiculo, tolli haud posse, adserere liceat: hic non tam testiculum auctum, quam potius carnosam tantum quandam substantiam fuisse eidem adnatam, statui posset. Licet fortasse, sanguine extra vasa effuso & in eorum interstitiis subsistente, aut alio quocunque modo incrassato & indurato, per succedentem autem suppurationem evacuato, vascula illa & membranas sensim sic denuò contrahi, & naturalem, quam antea habebant, conformationem adipisci, dici posset. Unde vero ossicula illa in locum istum plane exossem pervenerint, magis intricatum esse videtur. Non enim ab osse aliquo per corruptionem abscedente, & in hunc locum depositas fuisse particulas, sanitas cæteroquin sat integra, juxta cum ossiculorum multitudine, persuadet; nec per fascinationem, cujus nulla hic suspicio, injecta fuerunt; nec etiam externa saltem forma osseam substantiam referunt, cum solida admodum sint, rasura in osseam scobem abeant, & igni subjecta, præter odorem, ab ossibus crematis aut etiam congenere cervino cornu exhalanti similem, remanens corpus, ultis talismodi ossibus omnino respondens suppeditaverint. Unde à sero extra vasa effuso eorundem ortum deducere opus erit; quod uti in statu naturali consistens, in membrana cartilaginosa, ossive naturam adsumere aptum esse, sive particulas in ejusmodi corpora coagulari prona continere, nutritio istarum partium nos edocet: ita & hic gelatinosa ejus particula, discussis aquosis, in ossea abire corpuscula potuerunt. *D. Luca Schroeckii Luca Filii.*

De hydrocele à Catharrho orta.

Inveteratam hydrocelem medicamentis externè impositis uti raro & vix curari, celebriores Practici observant, ita recenter exortam iisdem aliquando cedere, notum est, Sic *Laz. Riverius cent. 2. Observat. 4.* in puerulo herniam aquosam per cataplasma ex farina fabarum cum vino generoso coctum, admixto etiam oxymelite simplici, intra octiduum fuisse discussam, memorat. Ingentem quoque testiculi sinistri tumorem aquosum, adhibito ex convenientibus cataplasmate, sanatum refert *Henr. Salmuth. centur. 3. Observ. 93.* Idem & mihi anno præterito observare contigit in Juvehe 17. annos nato, qui dolore capitis insigni & tumore genæ sinistrae, ut & colli, circa mensis Augusti principium correptus, cum ab adhibitis 5. & 6. die dicti mensis, medicamentis

L. I. serum

serum blande per sudorem evacuantibus, externe vero adpositis discutientibus, levamen habuisset, remittente nempe dolore, & subsidente paulatim tumore, eodem tamen tempore per latus sinistrum juxta dorsum descendere aliquid persensit, testiculumque sinistrum non sine dolore in molem ingentem attollere; quod cum vespere d. 6. mihi anxius indicasset, hydrocelem esse deprehendens, Cataplasma ex mastiche, floribus chamæmeli, sambuci, salviæ, & rosarum rubrarum cum lacte paratum imponere jussi, quod non tantum sopiendo dolorem, sed tumorem etiam notabiliter imminuendo; optimè conduxit, ut, cum insuper 7. die Aug. potiuncula ex resina jalappæ parata purgatus fuisset, paulo post planè convaluerit. Mira hæc serosa humoris, copia & stagnatione peccantis, & hinc tristem capiti sensationem inferentis, nec non tumorem genæ collo inducentis, *metastasis* majorem admirationem parit quod serum discutientibus interne in usum ductis, ob copiam non promte cedere valens, non in vasa sanguinea readsumtum, sicque ad scrotum, sed rectiori via per latus sinistrum sensim eò derivatum fuerit. Quod si consideretur, catarrhosas defluxiones non simpliciter deliramenta in posterum esse dicenda, evidenter satis adstruitur. Vias tamen, per quas fluxio hæc processerit, satis obscuras nobis reliquit Natura; nisi forte nervorum, & quidem, si ordinem à Cl. Willisio nervis adsignatum sequamur, quinti paris, buccarum musculis furculos mittentis, & postea una cum sexti paris ramulis, nervum intercostalem, ad testes etiam abeuntem, producentis, id beneficio accidisse dicere liceat, intra quorum membranulas insinuans se lymphæ illa extravasata, per latera eorum sensim usque ad testiculum descenderit. *Idem.*

Monstruosa umbilici procidentia.

Superiori anno Bernæ matronam quinquagenariam, robustam, sanam, obesam & pinguem valde, invisi. Illa ante multos annos in difficili partu relaxationem umbilici contraxerat, ex qua relaxato peritonæo, paulatim exomphalos plane monstruosa facta fuerat, quandoquidem ad magnitudinem uteri, qui fœtum maturum gestat umbilicus propendebat, venter nihilominus suam servabat proportionem. Extuberantia verò illa umbilici, veluti ingens saccus ita propendebat, ut manum faciliè inter ventrem & saccum istum imponere possem. Porro tumorem huncce ex omento prolapso, & sensim in istam magnitudinem aucto, prognatum fuisse, verisimile mihi videtur: absque dolore enim tractuque, mollis & undique æqualis erat, à naturali colore non discrepabat, murmur nullum persentiebatur, ut in hernia sit intestinali: in ventrem retrocedebat nunquam, etiamsi alvum exoneraret, vel in dorsum ægra decumberet, sed semper in eodem permanebat statu. Ex quibus apparet, fuisse omentum, idque in illam molem & magnitudinem auctum, sed hæc obiter, quæ si non probabilia, verisimilia tamen esse videntur.

Cæterum etsi saccus ille ingens & ponderosus esset, ita tamen corpore erat valida atque sana fœmina illa, ut negotia sua domestica ipsamet administraret. De generatione verò tumoris omenti, cujus mentionem facis, nescio quam aliam adferre debeam causam, præterquam illam ipsam, quam tu quoque statuisti. Ludit enim aliquando natura, ut plus nutrimenti ad partem aliquam, quam pro sua nutritione opus, amandet. Hinc accrescentiæ præternaturales & aliquando monstruosa fiunt. *Guilielm. Fabric. Hildan. Obser. Chirurg. Cent. 3.*

De ingenti umbilici procidentia, historia altera.

Ante aliquot annos de quadam monstruosa extuberantia umbilici ad te scripsi, fœminam illam etiam nunc superstitem esse arbitror. Ab eo tempore similem affectum in Germania, in nobilissima & singulari virtute prædita matrona vidi. In illa tamen non umbilicus ipse, sed paulò supra ipsum peritonæum, & pars quædam abdominis, veluti in saccum maximum dilatata propendit. In isto autem sacco non solum omentum, sed & intestinum aliquod continetur, aliquando enim murmur in ipso percipitur, & tunc quoque dolor adest; nunc vehemens, nunc verò remissior, pro flatuum copia. Affectum huncce in difficili partu se contraxisse, mihi affirmavit.

Cæterum quia hujusmodi procidentia umbilici aut abdominis, rarò in ventrem retrudi possunt, aut si retruduntur, difficulter tamen retinentur, maximasque molestias ægris pariunt, dum propter pondus superiores partes secum deorsum trahunt, fasciam quandam sacculatam excogitavi, quæ extuberantia illa tam commodè sursum retrahitur atque sublevatur, ut nullam ferè molestiam aut incommodum pariat.

Primo autem ex tela reduplicata, parandus atque adaptandus est thorax; ita tamen ut ultra primam costam mendozam non descendat. Thoraci porò isti in dorso, & quidem è regione homoplatarum, ex utroque latere fascia, duos digitos in latitudine posita, & undique perforata, annectenda est. Istis præterea fasciis parvis fascia magna & sacculata, beneficio lororum annectenda est. Elevatur autem & delabitur secundum necessitatem & voluntatem ægri, beneficio lororum & foraminum.

Fabricatur fascia illa, ex duabus particulis telæ, in exteriore parte consutæ; ita ut in medio sacculus efficiatur, *Idem ibidem.*

Hernia umbilicalis monstruosa prorsus magnitudinis

Nobiliss. Dom. annos circiter 40. nata, constitutionis ex naturâ admodum laudabilis ac obæssima, Hernia laborabat umbilicali, cujus primordia inde enata fuere quod jam à 14. annis, dum lecticâ veheretur, fluviolumque extra ripas tum excurrentem transfretaret, non parum contentionis adhibuit ne in medio subverteretur fluento. Statim fabæ magnitudinis tumor visus est, qui subsequenter annis, tum ob matronæ obæssitatem indeque productam totius habitus corporis mollitiem, extensionibus admodum aptam, tum ob plures advenientes partus, in eam accrescebat molem, ut tandem capite humano duplò major foret; in hoc tantum ab eo quem mox ex Clar. attulimus Fabriciò Hildanò, diversus, quod umbilicus supra illum esset, ac contra hujus medium occuparet. Peritonæum, musculi abdominis, ac cutis ipsa, inde quasi lacera ac monstruosè expansa, faciliè permittebant ut contractarentur omentum ac intestina contenta, imò etiam illorum motus peristalticus deprehenderetur. Strangulationem tamen nullam patiebantur intestina in tam amplum devoluta saccum, quia ejus orificium non parum patebat, atque itui & reditui eorum non officiebat; nunquam interim ad dimidiam sui partem decrescerebat tumor etiam post longum decubitus, nec omnino in proprium situm reponi valebant intestina, quin ex levi etiam compressione in deliquium animi incurrebat ægra. Continuo præterea dolorem non mediocrem in lumbis persentiebat, quem nec suspensoria Herniam, prout licebat, reprimentia, aliaque artis præsidia, satis mitigare valebant, Propterea

pterea Lutetiam Parisiorum, egregios illic subligaculorum confectores, Herniariosque celebres consultura ivit, sed nihil inde levaminis retulit. Imò amplior ex itinere factus tumor, doloresque colici qui subinde marronam nobilissimam excruciant frequentiores facti, tandem in iliacam abiere passionem quâ trium dierum spatio, postquam per 12. horas alvinas evomisset fæces, magnò nostiùm, omniumque sanè proborum læctu, rari admodum exempli mulier sublata est. Taceo illa omnia quæ adhibuimus auxilia, hicque tantum consultationem adjicio quam Clar. quidam Medicus Germanus Lugduni Gallorum, dum Parisiis reverteretur pro Nobilissima Aegrâ conscripsit.

I. B. Consilium Medicum.

De Nobilissimæ Dom. Morbo & raritate curioso, & curationis difficultate gravi hujusve causâ, amplum ut faciam discursum superfluum ducō, de hisce quoniam Judicium illi haut erit difficile, qui vel primis saltem labris delicias degustavit anatomicas; Omisâ proin rari hujus Casus proluxiore delineatione, ad ipsam statim progredior curationem seu potius allevationem, totalis cum curæ omnis spes non sine ponderosa ratione ab Experimentiss. Chirurgis sit præcisa, palliativa proin quæ restat Cura in hoc consistit, ut quantum possibile & præsens malum demulceatur, & incrementum modis omnibus impediatur, ad quem scopum pervenire licebit, exquisitâ remedium appropriatorum selectione, eorundemve ritâ applicatione; Ordinar ab ipsa Venæsectione, cujus usus non solum proficuum sed & necessarius videtur, vel ob solam mensum fluxus cessationem, addo Nobilissimæ Dom. Temperamentum sanguineum, ut & corporis obesitatem, unde facillimè accidit ut Vasis sanguiferis à pinguedinis mole valdè coangustatis, motus sanguinis necessarius retardetur, qui hinc circa intestina contorta sensimque majori copiâ collectus, stagnatione ve acrior redditus facillè inflammationem causari in illis posset, accedit quod ex ipsâ hac ratione venulæ alicujus capillaris vel in Cerebro vel in Pulmonibus ruptura cum funesto exitu contingere queat, interveniente præprimis à vehementi quadam animi commotione, impetuosiore sanguinis motu, funestus proin hic ne accidat effectus singulis annis ad minimum bis, Vere nempe & Autumno larga Venæsectio celebranda est, ut ita detractâ quadam sanguinis portione sanguinis motus liberior reddatur, hæc verò ut salutaris esse possit, corporis præparatio perquam necessaria, quæ sit vel clystere solummodo, vel purgante leni, si nempe primæ viæ succorum vitiosiorum saburrâ obsessæ sunt, quod sit vel syrup. de cichorio cum rheo ad aliquot uncias in jusculo assumptò, vel si insufficiens sit, infusum rhabarbari convenientissimum erit paratum ex rhabarbaro electo herb. cardui benedicti, cortic. citri siccis, santalo rubro & nitro præparato cum Aqua cichorei, addito sub finem syrup. de cichor. cum rheo, observatâ interim circumspecte rhabarbari dosi, exulent pulveres, extracta, pillulæ &c. utpote quæ sæpe tarde & non sine torminibus operantur, quæ hic omnibus modis evitanda sunt, hanc ob causam manna, folia feniculi, jalapa &c. mihi sunt suspecta, si verò Nobilissima Domina flatibus admodum divexata sit, non abs re erit ante hujus usum clystere carminativo uti, parato ex radice althææ, fœniculi, Herb. malvæ, violariæ, mercurialis, absynth. floribus hyperici, chamomillæ, semin. lini; anisi, additis melle mercuriali & oleo anethino,

Bibl. Chirurg. Tom. II.

omissis omnibus acribus, dissipatis ita flatibus sequentis diei assumptum purgans melius & minore cum dolore operabitur, cavendum tamen probe à frequenti purgantium usu, utpote à quibus læstimatorum tonus destruitur & tota Massa sanguinea acris redditur; Et quia totius hujus curæ palliativæ cardo primario in hoc vertitur ut alvus semper sit libera, hæc proin ut conservetur aperta omni studio allaborandum, quod obtinebitur diligenti Medici in dandis remediis circumspeditione, ut & exacta nobiliss. Dom. præscripti regiminis observatione. Medici capropter ex præsentia molesta & periculosa symptomata pro virili corrigere & mitigare Nobiliss. Domine vero exquisita Dietæ observatione impedire ne eadem mitigata recrudescant; Frequentissimum verò & periculosissimum quod in hocce affectu contingere potest symptoma est Colica passio, cujus præprimis contumacioris Pedissequa sæpe est ut plurimum funesta iliaca passio; Cum verò Colica triplicem agnoscat originem, triplici etiam methodo tractanda venit, vel enim provenit à fœcibus induratis, vel ab acido viscido seu Pituita intestinorum tunica tenaciter adhærente, vel etiam ab acido acri vitriolico, à vitiosa bilis & succi pancreatici constitutione oborto ac tenellas intestinorum fibras vellicante; Illius signum evidens alvi pertinax obstructio; Istius copiosa flatuum inspidorum erupcio, ructus acidi, appetitus dejectus à ciborum viscidorum esu proveniens &c. Hujus verò ardor in intestinis insignis junctus cum exquisitissimo dolore à vitiosa succi Pancreatici cum bile fermentatione, flatuum acrium ejectio, ructus Saporis cuprei, oris siccitas, sitis magna, appetitus adauctus, prægressa vehemens animi emotio, ut & ciborum acrium & aromatibus nimis conditorum usus. Probe hic attendendum, quænam præsentē insultu colico ex dictis tribus peccet species, si prima Fæces sc. induratae remediis humectantibus & emollientibus internis & externis certandum, quæ inter primatum tenent clysteres emollientes parati ex radicibus lilior. alborum, althææ, herbis 5. emollientibus, floribus chamæmel. summitat. anethi, seminibus, lini, fœnogræci, additis oleo lilior. albor. & butyro recenti non talito, quod si constipatio adeò pertinax, ut clysterum ejusmodi reiteratorum, ut & interne assumptorum & externe applicatorum remedium effectum eludat, & metus sit subsequens passionis iliacæ, dictis clysteribus permiscenda fortiora, ut mell. mercurial. scyllitic. Electuar. lenitiv. simplex, de hiera picra Logadii, sal commune, gemmæ. syrup. emetic. Angeli Sal. vin. emeticum, cum hisce postremis summâ cum prudentia procedendum, quæ non in usum sunt vocanda, nisi urgente extremâ necessitate, ubi extremo morbo extremum adhibendum remedium; suppositoria hoc in casu, experientia teste, sapissimè magis obsunt quàm profunt, etenim ab irritatione quam faciunt fibræ intestinorum laceffitæ vehementius constringuntur, fœcibus hinc devenientibus magis induratis, Per os quæ dantur remedia varia sunt, maximè juscula emollientibus herbis alterata frequenter deglutita, Oleum amygdalar. dulc. recenter express. (Si Nobilissima Domina ejusmodi pingua sufferre potest) ad uncias aliquot in jusculo propinatum, vel cum syrup. de althæa Fernel permixtum potatum magni sæpe effectus est, sperma ceti recens & non rancidum ad 3i. in jusculo dissolutum assumptum, item serum lactis caprill. cum cremore tartari præcipitatum & copiose haustum, sæpe acidularum largus haustus pertinacissimas solvit alvi obstructions, conducit & butyrum recens assumptum, quoad purgantia, lenia nullius effectus,

validiorum eventus dubius sæpe auxilio fuerunt, sæpe etiam damno, ego omnibus aliis præferrem mannam Calabrinam elect. ad uncias aliquot in sero lactis caprill. dissolutam, assumptam; externe conducunt linimenta, Fomenta maxime verò Balnea medicata (Gallis demy Bain) hæc parari possunt ex dictis emollientibus, & discutientibus, pro fomentis dictæ herbæ lacti incoquendæ, quo sæpe foveatur pars affecta tepidè imponendo sub finem inter lintea duplicata ipsū malagma; Illa verò parari possunt ex unguento de althæa, martiato, spermate ceti, pulvere florum chamomillæ & oleo lilior. alborum, quibus statim post fomentationes inungatur ventriculi regio calide: si hæc non sufficiant, addi possunt unguentum Agrippæ, de authanita ol. colocyntid: Si verò secunda colicæ species orta ab acido viscido seu pituita peccet, Discutientia & incidentia remedia locum habent, Clysteres carminativi magni sunt usus, paratis ex radicibus althææ, angelicæ, Herbis malv. parietar. origan. rutæ, floribus lavendulæ, sambuci, hyperici, Baccis lauri, feminibus fœnugr. fœnicul. oleis additis Electuar. de baccis lauri, oleis anethin. & hyperici adjectis, oleo destillato chamomillæ guttis aliquot, & si dolor valde urgeat theriacâ optimâ & castoreo, qui pro ratione durationis reiterari possunt; Per os exhibentur Potiones cordiales, Electuaria, Trageæ, Pulveres, essentiæ &c. Potiones parari possunt ex Aq. menth. meliss. flor. tiliæ, pæoniæ, cinamomi cum aqua destillat. syrupi cortic. arantior. spiritu nitri dulci, confectiones de hyacint. &c. cochleatim sumendæ. Electuarium parabitur ex conservis betonic. menthæ, borragin. meliss. flor. pæoniæ, corticibus arantiorum conditis, radice helenii conditâ, speciebus diarrhodon. abbatis, Oculis cancr. præparatis, succin. albo præparato cum syrup. de cortic. citri, de manè & vesperi duabus horis post cænam magnitudine Nucis moscatæ deglutendum superbibendo 3. cochlearia aquæ flor. tiliæ, Tragea stomachica fiat ex pulvere stomachico Birckmanni, herbâ melissæ, flor. arantior. semine pæon. Oculis cancr. præp. cinamom. & saccharo perlato, de quo sub finem prandii & cænæ cocleare unum pani tosto & vino madido inspersum assumat. Pulveres carminativi fiant ex Oculis cancr. ppt. Ebore sine igne præp. Unicornu fossile, antimon. diaphoretic. recenter & bene præparato. corticibus arantiorum siccis, tartaro vitriolato, salibus juniperi, absynth. &c. adjiciendo guttulam unam vel alteram oleorum destillatorum citri vel chamomillæ, vel anis. &c. si materia adeo tenax ut horum remediorum vim respuat, deveniendum ad fortius penetrantia, qualia sunt Essent. corticum arantior. Zedoariæ, Tinctura Castorei cum spiritu salis armoniaci parata, Elixir Proprietatis Paracelsi cum spiritu tartari volatili paratum, spiritus salis armoniaci anisatus, maximam vero meretur laudem spiritus nitri anticolicus sequens, Recipe flor. hyperici & chamomillæ recent. & dimidiâ ex parte siccatorum ana quantum vis, affunde spiritus vini optimi ad eminentiam 2. digitorum, stent in infusione in loco calido aliquot horas in vase probe recto, postmodum eundem spiritum vini affunde aliis floribus repetendo ita tertiâ vice, hujus spiritus Vini & spiritus nitri recipe an. partes æquales, destilla per alembicum lento igne ter repetendo & ita paratus erit spiritus anticolicus; Ejusmodi vero volatilia semper aliis liquoribus permiscenda & cum grano salis præscribenda, probe notandum ne hisce contraria acida scilicet addantur, sæpe enim talia volatilia sinistre exhibita in parva etiam dosi maxi-

mo fuere sæpe nocumento, purgantium loco esse possunt pilulæ de ammoniaco & de tartaro Quercetani, externè conveniunt Balsamum stomachicum flatus resolvens paratum ex ol. absynth. anethin. Nucetæ express. destillato cortic. arantior. anis. Balsamo peruviano & cera, item Fomentationes ex carminativis, ut radic. pæon herb. menth. calaminth. meliss. summitatib. anethi, flor. hyperici, Baccis juniperi, Corticibus arantior. sicc. & semin. anethi, quibus in aquâ & vino decoctis linteis quadruplicatis, foveatur ventriculi regio tepidè, imponendo sub finem ipsas herbas; profunt & Balnea ex iisdem herbis parata; Devenio tandem ad tertiam passionis colicæ speciem, cuius natales sunt acidum acre vitriolicum, quod participat & de bile & de succo pancreatico acidior, in hocce colico insultu eximium apportat solatium nitrum & omnia quæ nitrosæ sunt virtutis, quæ inter admirandi effectus clyster ex fimo equino adhuc calido paratus v. gr. 3. Fimi equini adhuc calidi mij. flor. chamomill. mij. affund. aquæ communis q. s. stent in infusione in loco calido 4. horarum spatio, colatur. expressæ tibi admisce olei violacei & hyperici an. 3iβ. F. clyster, vel si fimus haberi non possit, fiat clyisma ex radic. lilior albor. cichor. Herb. violar. malv. endiv. flor. papav. rheados, chamomill. semin. melon. & fœniculi, fiat decoctio cum sero lactis caprilli, colaturæ admisce olei violac. & chamom. & si uterus compatiatur aliquid de trochiscis de camphora; Interne conducunt juscula alterata herb. violar. cichor. lactuc. flor. papav. rheados, cichor. ut & Julepi parati ex Aquis cichor. violar. flor. tiliæ, cardui bened. syrup. violar. papav. rheados, Corn. cerv. philosophice pp. & nitro perlato per cochlearia sumendi, item Electuarium confectum ex conservis borragin. flor. violar. meliss. radice cichor. condita, corticibus citri conditis, Oculis cancr. pp. Corn. Cerv. philosophicè ppt. & syrup. papav. rheados, de quo manè & vesperi hora somni capiat magnitudine Nucetæ: profunt & tincturæ violar. cichor. papav. rheados & præprimis si magnus æstus præsens sit, nec non serum lactis caprilli succo citri paratum. si Bilis abundat leni purgante supra indicato educi potest, imo si tota Massa sanguinea valdè æstuet, venæ sectio modica negligi haut debet; Quoad remedia externa, Balnea temperata lenimen afferre poterunt, sed cavendum ne nimis sint frigida, eapropter fomentationes ex frigidis paratæ haut magni æstimo, quia ab infira quadam virtute infrigidante fibræ constringuntur, poris hinc strictioribus existentibus, exhalationibus à continua effervescentiâ abortis exitus intercluditur, & ita æstus adaugetur, accedit quod ejusmodi Fomentationes sapissimè schirrhos post se relinquunt. Si verò duæ ex dictis speciebus simul junctæ sint, malum judiciose examinandum & maximè cavendum, ne à remediis nimis violentis propinatis, excitata convulsio funestam post se trahat passionem Iliacam, Medium proin in tali casu renuere beati; Ut vero Nobiliss. Dom. hujus passionis Colicæ frequenter invasionem evitare possit, ut exactissimum observet vitæ regimen, necessarium est; Fugiat proin Aërem calido siccum, ut & nimis frigidum, Tempestatem ventosam, absteineat ab omnibus cibis qui fermentum ventriculi enervare, bilem adaugere, succum pancreaticum corrumpere & flatus progignere valent, ut sunt omnia viscida, dulcia, saccharata, acida & pingua, ex quorum censu sunt legumina omnia, fructus omnis generis, caseus, lac, pisces, acetaria, placentæ farinaceæ, ut & cibi nimis saliti ac nimis aromatizati, panis nimium fermentatus nec satis coctus &c. econtra alimenta assumat boni lucci & facilis digestionis, ut sunt Carnes vitulina,

ovina,

ovina, caponum, gallinarum; jufcula alterentur cerefol. beronic. petrosel. meliff. violar. &c. hordeata etiam profunt, brodio carnis parata; conducunt & poma regia (Gallis Renettes) cocta præprimis si alvus adstrictior fit assumpta horâ unâ ante cœnam, ut & pruna damascena cocta &c. Potus ordinarius sit Vinum album, vel rubellum tenue aquâ (in qua prius frustulum panis tosti fuerit extinctum) dilutum nec nimis frigide haustû, post partum Nobiliss. Domina non statim seriis vacet negotiis, quia spiritibus animalibus alio vocatis, digestio in ventriculo non adeo feliciter peragitur. Ad stomachû confortandû & flatus dissipandos proficuum nec ingratum remedium erit sequens. Recipe Malum aurantium dulce, quod cruciatim incisum indatur vasi terreo, affundendo vini rubri generosi aquâ parum diluti ad eminentiam unius digiti, in quo dissolve sacchari finissimi quantum placet, coquantur invicem lento igne vase probè cooperto ad consistentiam syrupi tenuis, de hocce pomo ita cocto Nobiliss. Domina singulis diebus & horâ ante prandium & cœnam assumat frustulum rotundum superbibendo duo Cochlearia liquoris admixti, quò remediò vero non semper sed certis solummodo temporibus utatur, si nempe flatibus se valde molestam sentit; Omnes dein violentos Animi & corporis motus cane pejus & angue fugiat; Somnum nimis vigiliis hauriturbet; Alvus semper respondeat, si non, dicto modò sollicitetur; Hisce ita rigide observatis Nobiliss. Domina non opus habebit multis remediorum Præsidii, nec approbarem frequentem horum usum, quæ tamen urgente necessitate non sunt negligenda; Remedia proin quæ in hocce meo Consilio medico consignata sunt pro lubitu & circumstantiarum varietate in usum vocari possunt. Verùm cum frustra plantet Paulus, & riget Apollos, nisi Deus det. Benedicere, calidissimum eapropter meum est Votum ut Archiater Cælestis ad cuncta, quibus Nobiliss. Dom. opus habebit, Remedia divinam suam Benedictionem largiri velit; Cujus Divinæ Protectioni Nobilissimam Dominam una cum Tota Nobilissima Familia recomendo.

Periculosa Hernia sanata.

Nihil herniæ intestinali perniciosius est, quam stercus per os reddi. Arguit quippe hæc regurgitatio manifestam motus peristaltici offensam. In quò cum consistat verum intestinorum stabilimentum, mirum non est, si eo labefactato, pessum eat homo. Licet interdum reperiantur nonnulli adeo validi, ut devictâ tam exitiali noxa, adipiscantur iterum pristinam sanitatem. Quod tamen albo corvo rarius.

Nautæ ex hyberno naufragiò diu madido, ac frigido intendebantur tantopere à spiritu intestina, plus æquò refrigerata; ut dilatatò peritonæi processu, descenderint non modo in inguina, verum in ipsum scrotum. Unde difficulter retro compulsâ; sive ob distendentem spiritum, sive ob induratum stercus, læsere non parum motum peristalticum. Et cum non possent se infra exonerare, ejecere supra per os, cum bilem flavam, tum sordida alvi excrementa.

Quæ præternaturalis excretio aliquandiu continuans, licet videretur habere certam desperationem: vidimus tamen die tertio decimo intestina hæc à Cornelio Sasboutio ritè in locum suum reducta, & ægrum quantumvis summè debilem, imò morti jam vicinum, præter omnem spem, enavigasse feliciter periculosa hanc charybdim. *Nicolaus Tulpinus observationum Medicarum lib. 3.*

Similem sane casum vidimus in viro quinquagenario: is enim postquam ex Hernia grandiori in ileon

miserè deductus, & continuis doloribus iisque atrocissimis imò horrendis vomitibus per sex dies excarnificatus fuisset, tandem in totalem æquæ cum steracore materię per os regestione, incurrebat. Cum advocabar jam à 24. horis in tam desperatò statu versabatur æger, nec erat quid consilii illi darem; Quandoquidem tamen opem meam, mente omnino constans, voce admodum languidâ, avidissimè exposcebat, accersiri curavi Celebrem Chirurgum D. Stephanum Dentand, qui cum arte sibi sanè singulari intestinum promptè ac sine violentiâ, reposuisset; cessare symptomata, pulsusque & vita tum prorsus fugitiva, sensim reducebantur. Ex hisce addiscant Medici atque Chirurgi prognostico minimè esse dereliquendos ægros etiam desperatissimos.

De Enterotele in virò sene, lethali.

Inter affectus omnes, qui magnò numero hominibus molestiam adferre solent, haud infimæ notæ intestinales Herniæ, utpote quæ variis exitiales.

Tilemannus Niekerken, Pellio, senex, temperamento siccus, per multos annos Enterocèle molestâ; insciis omnibus, laboraverat. Anno 1653. refrigeratis pedibus, imò totus frigidus, lectui se commisit, ventris hîc subito corripitur dolore, mox vomitu gravi, undè intestini in scrotum securus prolapsus.

Vocatus Chirurgus arte nulla efficere potuit, ut in situm restituerentur intestina; in consilium adductus ego, summo mane, inveni hominem dolore ventris, febris, vomitu, suppressioneque excrementorum alvinorum & urinæ, decumbentem, consultum videbatur Enema hoc præscribere.

℞. Rad. Lilior. Alth. an. ℥ii. Fol. Violar. Maly. Parietar. an. M.i. Flor. Chamomil. Melilot. Anethin. an. M.℞. Semin. Lini, Anis. Cumini, Fœnugr. an. ℥℞. Coquantur in aq. pur. & cerevis. an. part. æqual. q. s. in col. viii. dissolve Elect. Diacarth. ℥v. Vitell. ov. n. i. Ol. chamomil. Verbasco. Aneth. an. ℥i. Anis. g. ii. F. Clyster. Pro fomento Tragæam hanc præscripimus, in lacte dulci decoquendam.

℞. Fol. Parietar. Maly. Verbasco. an. M. i. flor. Chamomil. Melilot. Aneth. Sambuc. an. M. ℞. Sem. Anis. Fœnic. an. ℥℞. Præparata dentur usui in chartâ. Forus antequam applicaretur Litus hic usurpandus.

℞. Ol. Aneth. Melilot. Chamomill. an. ℥℞. Anis. gr. x. M. F. Linimentum. Mediis hisce exiguo tempore adhibitis, cum in intestino sacculo contento non tantum flatus, sed & alvinas fœces reservari, constaret, leniter intestinum manibus nostris tractare, secundum monitum Hieron. ab Aquapendente quod habetur parte 2. de turr. or. præternaturalibus lib. i. cap. 31. aggressi sumus, quod sic, fœcibus emollitis, sensimque ad interiora protrusis, etiam intestinum ipsum reponi suo loco posset. At irritus omnis labor, eo quod partes omnes, duris justo à Chirurgo nocte præcedente tractatas, inflammatas, & non parum contusas, sine dolore gravi apprehendere haut liceret.

In re ejusmodi gravi nobis jungere placuit consan- guineis Virum Ampliss. D. Nicolaum Tulpium qui, ex tempore accedens, habita consideratione affectus perceptisque iis quæ prægresso tempore fuerant peracta, necessarium omnino duxit Enematis admodum à nobis præscriptum præparati injectionem, hinc, pannorum ope Olei sequi applicationem.

℞. Olei Anethin. Chamomill. an. ℔i. m. Usurpetur calide. Imò quo molliter intestinum reponere nobis liceret, consultum judicavit ægrum eo in situ detinere,

nere, ut pedes sursum sint elevati, caput verò inferiora spectet. At ne quidem hoc tempore de novo ad intestinum prolapsum delatæ fœces ad interiora deduci à nobis potuerunt, qaamcunque etiam diligentiam adhiberemus; imo ab opere desisteremus vomitus gravis materiæ pituitosæ, biliosæque, coëgit.

Ita sine ulla doloris in agro anxietatisve remissione tempora nostra trivimus usque in diem tertium, qui, cum doloris equidem decremento, at vero febris incremento, vomitu fœcum fœtidissimarum gravis valde atque molestus fuit, quod ob angustiam intestini descendere inhiherentur. Considerabile enim in hoc agro, intestina scroto detenta convoluta aliquomodo fuisse, unde, impossibile stercore per anum evacuari, quin contra, ad gyrum intestini delata, rettogredi necesse habuerunt.

Ad hujus affectus curationem, quo & dolor & anxietas tollatur, medium aliud hætenus haud cognitum, periculosum licet, incertique exitus, quam quod lib. 2. cap. 40. describit Chirurgus Regius Petrus Pigræus, nec est quod id rejiciat Marcus Aurelius Severinus; nostro sane, imo & Ampl. Dn. Tulpii iudicio facilius longe operatio hæc instituitur, quam sectio cæsarea.

Declarata operationis hujus utilitate, incerta licet, periculosaque, consensu agrotantis, consanguineorumque, die quarto agrotum accessimus, nil obstare sperantes quo minus eam institueremus. At opus hoc inhiuerunt varia, animi imprimis deliria, sudores frigidiores, imo scroti ipsius gangræna, quæ omnia, ad mortem usque, circa meridiem supervenientem, contrinuarunt.

Quo vero junioribus constat, qualis operandi modus in desperato ejusmodi casu à Celeberr. Pigræo describatur, cum semper ex sententia Celsi, aliorumque in morbis gravioribus præstet remedium adhibere anceps quam nullum, & necessario ejusmodi herniosus mori debeat, si nullum adhibeatur medium. Verba Aut horis hæc sunt:

Si, inquit Vir expertissimus, intestina contorta, fœcesque in iis conclusas esse contigerit, nullatenus proderunt quæcunque manibus factæ contrectationes sive contorsiones, aut cujusvis generis exhibita medicamenta, ita ut ad ultimum remedium, peritonæi nempe sectionem confugere sit necesse.

Quæ quidem ut debito modo perficiatur, primum; secandus facie cœlumversus, sive supinus sternendus est; atque adhibenda scissura duorum circiter digitorum latitudine supra eum locum, qui arcte conclusus est; quoniam ipso hoc loco sine manifesto læsionis discrimine jam peragi nequit.

Factâ ad peritonæum usque apertura, in adversum latus componetur secti corpus, quo facilius intestina ab eo loco, in quo peragenda sectio recedere valeant; immissoque in vulnus digito (qui butyro recenti aut oleo Amygdalarum Dulcium inungendus) intestinum molliter ac pedetentim loco naturali restituetur. At vero si tanta intestinotum copia erupisset, ut opus esset apertura latiori, ad conclusum locum usque ea perducenda foret, supposito interim ad intestinorum tutelam digito aut specillo apto, quod si intestina flatibus referta, unde operatio difficilior, acu (res etenim periculo caret) perforanda, quo eisdem exitus præbeatur. Postremo repositis loco suo intestinis, vulnus, si ita res exigat, consuendum, ea methodo quam nos in ventris vulneribus adhibendam præscripsimus, ac tandem vulnere consueta in aliis admovenda medicamenea.

Hætenus Pigræus, cujus accurata descriptio explicatione nullâ indiget, addemus tamen sequentia.

Locus operationi huic accommodus lucidus sit oportet, detineatur eo mensa pulvinaribus variis instructa, his imponatur æger, dorso incubens, adhibitâ, vel, pro rei exigentiâ, neglectâ, artuum mensæque connectione. Hinc cutim abdominis, ad duorum digitorum transversorum à processibus peritonæi distantiam, pollice digirisque manus sinistrae elevet Chirurgus, altera vero dextrâ manu, loco eo, qui ad latus musculi recti, proximus est parti angustiori constrictæque, vulnus cuti partibusque subjæctis infligat, de sanguinis fluxu, qui levior, haud sollicitus; sectione hac institutâ, hamo peritonæum elevet, quod manu levi, sensim dissecet, sedulo cavendo ne intestina subjæcta cultello vulnerentur. Foramine in peritonæo facto, cultellum in extremo, ne partes subjæctæ lædantur, globo donatum, per illud inserat, ejusque ope, sursum, deorsum, ad latus hoc, illudque, pro placitu, peritonæum dissecet. Pigræus loco cultelli dicti aliò instrumentò utitur, per cujus sinum dum cultrum ducit, læsionis partium subditarum nullus metus.

Peritonæo dissecto indicem suum, imò, si possibile, cum eo pollicem, digitumvè alium, oleo lubricatos, dimittat in ventris cavum, ad usque peritonæi processum, ubi inveniet intestinum contortum, sæpius omento nexum, ad scrotum descendisse; hæc, digitorum incurvatorum ope, leviter trahendo, sursum in ventris cavitatem deducat. Operatio hæc feliciter, citiusque absolvetur, si manu alterâ, planiore, scrotum leviter commoveatur, ventrique appropinquetur, sic enim convolutio intestini melius solvetur.

Hæc peractis vulneris habenda ratio; intestina quod si extra vulnus prodierint, adeoque ab externo aëre alterata fuerint, flatu sæpius insuper dilatata, ac acutiore, locis variis, ad flatuum eruptionem promovendam, perforanda, ex doctrina Pigræi, hinc vulnus sutura ea claudendum, quæ Pigræo in vulnere abdominis curâ usualis est, tandem curatio ea obtinet quæ in vulneribus aliis locum habere solet.

Suturam in ventris vulneribus convenientem, quæ Gastroraphia dici solet his verbis describit lib. 3. cap. 2. citatus Pigræus. *Sutura hic instituenda incarnativa etiam est; hic peritonæum una parte acu perforandum est, altera manente integra, mox hac pars perforanda, relicta imperforata ei opposita, & sic procedendum, quo inter quamvis perforationem carnis particula protuberet, sicque incarnatio, interiorque cicatrificatio promoveatur.*

Explicatione prolixâ verba hæc haud indigent, per se satis clara; notari tamen necesse, acum, quæ hic ad vulneris consuitionem usurpatur, falcatam debere esse, filum itidem duplicatum requiri, cera incrustatum.

Carnis cum mentionem facit Pigræus lib. 6. meth. cap. 2. Musculos abdominis intelligit, sutura hic obtinet similis illi quam pelliones instituere solent, ubi alternatim utrinque lateris partes, exteriores, interioresvè, acu perforantur.

Audi quæ Galenus de vulneribus ventris imi proponit. *Ad id, inquit, ut intestina reponantur, vulnus ampliatur necesse est, hinc sutura eo modo instituitur, ut modo musculus cum peritonæo, modo iterum peritonæum cum musculus connectantur.*

Plura huc facientia qui desiderat legat quæ de gastroraphia habent, inter varios alios, C. Celsus, Hier. Fabr. ab Aquapend. Jacob. Guillemeau, alique, qui futurarum species varias, curiosas, facilesque, in vulnere abdominis curatione summe necessarias describunt.

Supereft, ubi, intestinis prolapsis repositis, gastroraphia hæc instituenda, utrinque ventris partes vulnere aditæ manu molli ministri comprimantur, quo minori

nori cum molestiâ sutura perficiatur, eaque sit certior.

Molestam hanc, licet dubiam, operationem ne fugiant Chirurghi, placet, observationem aliquam in canibus annotatam adductis addere. Cl. Henticus Blasii, Medicus, haud ita pridem in cane Lienem excindere volens, peritonæo illius magnitudinis vulnus infixit, similiter ac ventris integumentis communibus; ut intromissorum digitorum ope & intestina miris modis loco suo dimovere, & lienem extra id extrahere, potuerit, hoc facto, instituta suturâ ea quæ pellionum est, vulnus clausum, brevique canis curatus, qui etiam postea sanus vixit, impossibile dixisses, si quidem vulnus dictum, miramque intestinorum agitationem manu operatoris peractam, considerare licuisset, animal ullum, ita constitutum, vivere posse.

Capiti huic ut finem imponamus, Author sum, quoties occasio conveniens se offert, operationem hanc instituendi, nunquam eam fugiat Chirurgus, tanti periculi haud est quanti eam habent varii, in morbo per se absolute lethali, præstatne instituere remedium dubium, quo salvari posse ægrotantes ratio & experientia docent, quam nullum. *Job. à Meeckren in Observ. Medico-Chirurg.*

De Enterocèle ex processu peritonæi laxitate in Viro.

Nec intestina, nec scrotum Herniæ causa unquam dici haberique possunt, sed tenera constitutio processuum peritonæi; his enim, levi ex corporis motu, dilatatis, antrorsumque extensis, imò, ut volunt alii, omni modo ruptis, facilis intestinorum ad aliena loca prolapsus.

Civis quidam Amstelodamensis, siccioris constitutionis, ex inordinato pedum motu, dum ex sedili surgeret, subito contraxit bubonocelem, mox, ex prolapsu intestini in scrotum, Enterocelem. Chirurgo se committere non audens, ex Herbario *Remb. Dodonæi*, qui in promptu erat, herbas floresve dolores mitigandi vi pollentes collegit, ex pharmacopœâ petita hæc medicamenta in lacte decoqui curavit, tumoriq; applicari; benè cessit negotium, dolor remisit, tumor imminutus.

Hoc in statu, sine ullo vinculi s. bracherii usu, solâ oleorum inunctione contentus, aliquandiu vixit. Tandem cum in convivio quodam cibo potuè ventriculum plus justo replevisset, in tumorem inguinis non solum sed & scroti incidit, periculosum non minus quam dolorificum, accedente illico intestini in scrotum prolapsu, horrendo adeò, ut & scroto rupturam, & ægrotanti mortem minaretur.

Vocatus inveni hominem pedibus manibusque ædes perreptantem, quod dolores ex rupturâ dictâ intolerabiles, in scrotum prolapsa intestina manibus tractare permittebat; causarant hæc tumorem magnitudinis immensæ.

Misero nostro ægrotanti quo quantum possibile succurreremus, primo Enema aliquod ex emollientibus & anodynis paratum, ita tamen ut decocti minor adsumpta quantitas quam ordinario fieri solet, oleorum contra, ut Amygd. dulc. verbasci &c. major.

Ad inflammationem ex intestino, flatu, fœcibusque causatam, quæ gravis his aderat, cataplasma hoc præscriptissimus.

℞. Farin. Tritic. hord. an. ℥ss. Furfur. Tritic. ℥iiii. Flor. Chamomill. Sambuc. an. M i. Ol. Myrtill. Rosar. an. ℥ii. Vini rubr. q. s. M. F. Cataplasma.

Hæc interea dum præparabantur, nostrum fuit molliori manu, adhibitis linteis calidioribus, intestino-

rum repositionem procurare, quæ etiam benè successit, magna enim intestini hujus portio jam suo loco restituta, antequam præscripta pharmacopœus adferret.

Injecto hinc Enemate, applicatoque Cataplasmate, (quod post horam, duplici quantitate renovari curavimus) repositio intestini longè faciliior fuit, integreque absoluta.

Repositum suo loco quo reservetur, consultum vinculum processui peritonæi dilatato applicare ad eum modum formatum, quo parare ea solitus Nicolaus Minnebroeder, Chirurgus hujus loci, qui etiam varios simili malo afflictos curaverat. Vinculum hoc haud differt ab aliis, nisi quod duplex fascia, utrinque una, ad majorem firmitatem, ne deorsum decideret, humero incumbat. *Idem ibidem.*

De Herniâ flatulentâ scroti, seu pneumatocèle ex vulnere Thoracis.

Vulnus thoracis non penetrans, Fabr. ab Aquapendente inquit, curatur ut vulnus simplex. In penetrante autem, præmissa corporis totius procuratione potissimum in id incumbendum, ut evacuetur colluvies, & humiditas, quæ in thoracem è labiis vulneris descendit, ne putrescens mortem inferat. Evacuatur autem per tres vias, per vulneris orificium, per os scil. tussiendo, & per urina viam.

Georgius Stouk, discipulus Notarii cujusdam à condiscipulo vulneratur cultello exiguo pectoris latere dextro. Propter exilitatem foraminis & aëri & sanguini transitus omnis denegabatur.

Vocatus febrem adesse reperiebam gravem, cum asthmate, pectorisque duritie. Ministrorum nostrorum aliquis per vulnus sectione notabilem sanguinis quantitatem extraxit, quo facto ad modum ab Aquapendente præscriptum processimus.

Die tertio quartovè scroti pars dextra eam in molem intumuerat, ut caput infantis minoris magnitudine referret. Flatulentus hic tumor, cujus causam cognoscere ut arduum, ita curationem instituere. Haud improbabile nobis videbatur flatus hic collectos ex cavitate pectoris descendere, adeoque diaphragma etiam perforatum esse; in ventre autem hærentes, ubi varii tumores in externis notabiles producere videbantur, per processus peritonæi ad latus vatorum spermaticorum testes accedere.

Curatio difficillima, atrophia aderat, indies magis magisque notabilis, expectoratio materiæ fœdæ continua, cum tussi gravi. Febris continua, cum sudore frigido, vomitus molestus, adsumptorum maximè, vigiliæ diurnæ nocturnæque valdè vexabant.

Tertiâ septimanâ tussi ejecit materiam quandam crassam, longam, rotundam, perosam, impuram, hanc particulam carnosam diaphragmatis habebamus, quod hic vulneratum conjiciebamus. Ea excreta febris, sudor, respirandi difficultas, debilitas plurimum remiserunt, undè consultum visum naturæ operanti succurrere; in locum adeoque apostematis ex Rad Chinæ parati, quo hætenus usus, vulnerarium hoc substituere placuit. ℞. Herb. Tussilag. Mij. Capill. Vener. hyssopi, Sanic. Verben. an. Mj. Vincæ perv. Mß. Rad. Petroselin. ℥ii. Flor. Beton. Liquirit. Oculor. cancri an. ℥ß. Coq. in aq. hord. per. iij. Muli parte. Utebatur hoc quotidie bis terve. Syrupum etiam confici vulnerarium curavimus ex brassicæ rubræ & consolidæ succo.

Et horum usu id effecimus, quod vires corporis indies increverint, purulentæque materiæ per fistulosum pectoris foramen, evacuatio successerit; Hinc plumaceolum planum Oleo ceræ madefactum vulnere

imposuimus, plumaceolo linteum quadratum, quadruplicatum, linteo verò ferrum ignitum, & hac ratione olei dicti virtus interioribus communicata. Tèr quaterve hac methodo ubi in curatione nostrâ processimus, vulneris foramen claudi permisimus, & sanitati restitutum ægrum observavimus.

De aëris ex thorace per diaphragma apertum in scrotum motu in prægressis egimus, haud è re erit exemplo aliquo notabili dicta illustrare.

Petrus Jacobi, Diemenfis, rusticus, ebrius cultro interfecit Cognatum, vulneratur interim à cognato. Vulnus erat abdominis inter costam spuriam secundam & tertiam per quod eo impetu aër extrorsum proruebat, ut vix detineri potuerit. Undè hic aër controversiam inter medicos Chirurgo sive movebat; erant enim qui non nisi in ventris imi cavum penetrare vulnus credebant, at horum opinioni accedere haud poteram, quod & ratio suaderet, & præcedens observatio docuisset, non nisi Diaphragmate læso aëri per vulnus viam concedi; undè oblique hoc vulnus sursum per diaphragma in thoracis cavitatem penetrare credibile mihi videbatur. Post diem tertium quartumve aëris per vulnus dictum egressus haud amplius notabatur. Hic nova quærendi occasio, quid causæ subesset quod flatus haud diutius se exhiberet? ad hoc respondere nobis placuit, probabile omnino nobis haberi, vulnus intra costas & hepatis partem exteriorem penetrare in thoracis cavum, hoc autem ab hepate incumbente hoc tempore claudi.

In aperto cadavere (insidenti enim sellæ carnificis manu caput ablatum) suspicioni nostræ correspondere omnia, visum. Primò enim hepatis partem convexam sursum versus diaphragma elevatam notavimus, undè vulneris in eo obruratio. Secundò non solum vulnus diaphragma penetrasse, sed & pulmonis partem inferiorem fuisse ablata, quam sèro in thorace collecto innatantem vidimus.

In gratiam curiosorum hic loci addere placet, in Cordis ventriculo dextro sanguinis ne guttam à nobis fuisse repertam, in sinistro verò spumolum omninò sanguinem; quod sententiam scriptorum illorum confirmare videtur, qui volunt, in iis, qui violenta morte intereunt, sanguinem spumolum in venis contineri, *Idem ibidem.*

De Enterocèle gravi.

Anno 1652. occurrit nobis vir satis annosus, qui Herniâ scroti laborabat enormi, erectus quoties incederet, tumor se extendebat ultra genua, evadebatque crassitie fati notabilis.

Tumor hic quoties in scroto appateret, venter adedò detumescere, ut etiam manu planâ premendo vertebrae lumborum attingere liceret. Hinc ubi tumorem hunc tollere animus, elevatione leni omnia intestina in scroto prolapsa, per peritonæi patentem valde aperturam facillimo negotio ventrem repetebant, nec ullâ in hac restitutione molestia afficiebatur, nisi quod, ubi intestina reposita diaphragma attingebant, animi deliquium non leve incutreret.

Admirationem omnem superabat, hilari adedò ipsum animo fuisse, atque ad opera navalia promptum, ut etiam mal. conscendere, ea celeritate dexteritateque valuerit, quâ nullus fociorum.

De quo præcipuè conquereretur hoc unum erat, quod urina ad latus scroti distenti stillaret, undè exco-riatio gravis & dolor insignis, membrum etenim virile scroto ita arctè unitum erat, ut impossibile esset urinam ex debito emingere. De curatione hujus

affectus videri possunt quæ in prægressis observatione duplici habentur. *Idem ibidem.*

Hernia exulcerata, unde excrementa alvina prodibant, feliciter curata.

Clariss. Samuelis Ledelii, Miscell. Curios. Decur. iij. Ann. 2.

Decur. 1. Anno 3. Observ. 122. Ephemeridum nostrarum, legimus de hernia exulcerata; unde excrementa alvina sine ulla sanitatis noxa fuere egesta. Simile quid mihi exhibuit pagus noster Wutgenau, in rustici uxore quadragenaria. Hæc eandem patiebatur calamitatem: quia verò ipsi molestum erat, excrementa videre prodire è loco inconsueto, ergo ex consilio vicinarum, succo absynthii expresso, per longam temporis intercapedinem delinit, tandemque claudit, & excrementa ad consuetam exclusionem deducit. Hoc tamen mali inde habet, quod, veluti contracta in sinu, procedit, nec corpus satis extendere, aut caput debite extollere, nec onus gravius sine summa molestia sublevare valet. Aliàs mediciter vivit, non sana, non ægrotans, sed in statu neutro. Docet hæc historia, intestinorum vulnera posse etiam coalescere, quanquam difficulter.

Hernia Inguinalis, cum abcessu, per Naturam curata.

Clariss. Alardi Mauriti Eggerdes, Miscell. Curios. Decur. iij. Ann. 4.

Graves sæpe post se affectus relinquunt Laboriosi partus, quod Mercatoris cujusdam nostratis uxor, non ita pridem est experta; hæc per ejusmodi pattum herniam inguinalem contraxerat, cui post menses tres, dolor acerbissimus supervenit; mulier dolorum perterrita me vocari fecit, cum eam accessissem, de dolore ventris intensissimo conquerebatur, herniam vero ex pudore reticebat, importunis precibus auxilium & levamen flagitanti, mixturam paregoricam, ex v. mastich. menth. syr. Cort. Citr. Spir. Carminat. & paucis gran. Laud. op. præscripsi; Clysterem etiam ex decoct. Emoll. & Carminat. Oleo aureo Ruland. & Sale gemm. acuaturn injici, & abdomini Cataplasma anodyn. imponi curavi. Hisce dolor per noctem ita fuit mitigatus, ut patiens sibi sanitatem persuasisset, nisi odor stercoreus, quem ex stomacho ad os ascendere sentiebat, Ileum jam futurum prænuntiasset. Hoc signo inductus, ex patiente quæsi, utrum præter ventris dolorem nullum aliud sentiret, incommodum? respondebat, se in ultimo partu per violentissimos conatus tumorem durum in inguine sinistro contraxisse, quem cum manu examinarem, duas in illo reprehendi particulas instar farciminis lucanici, oblongas & duras, quas portiones intestinorum illuc in partu per violentam pressuram protrusas judicabam, quare reductionem sedulo adhibitis quibuscunque intrinsecis & extrinsecis, incessanter urgebam, sed cludebat omnem diligentiam pertinax malum. Mulier interim summo cum fastidio focces alvina per os continuo rejiciebat, donec die morbi, nî fallor vigesimâ appateret in tumore illo herniali pustula nigra, quæ paulò post excidua largum relinquebat foramen, per quod, cessantibus omnibus aliis symptomatibus excrementa alvi cum impetu effluebant, & licet dirum hoc accidens instar mon-

Istri horridi patientem perterrefaceret, recipit illa nihilominus intra paucos dies appetitum & vires, quo viso recordabat seniculæ istius, cujus historiam Ephem. nostratum Decur. 2. An. 6. p. 413. retuli, adductoque ex ea prognostico, mortis proximæ timorem à patiente meâ abegi. Sed ecce miram Metamorphosim, quam quis non male miraculum Medicum dixerit. Postquam enim per tres ferè septimanas ex dicto jam foramine excrementa effluxissent, mulier pristinæ integritatis avida, Clysteribus à me ante præscriptis proprio Consilio, alvum sæpius sollicitare, pristinaque fœcibus alvinis viam adaperire tentat, neque vano effectu aut irritato conatu, redierunt enim relicto foramine ad antiquum canalem excrementa, vulnere interrim à Domino *Bauer* eximiæ scientiæ, & experientiæ Chirurgo, ritè deligato percuratoque, Mulier quæ letho jam adjudicata fuerat, per Dei gratiam, integrè convaluit.

Hernia Sectioni, Spasmus Superveniens lethalis.

Clariss. Eberhardi Gockelii. Miscell. Curios. Decur. iij. Ann. 5. & 6.

Anno 1696. Mense Novembri, Joh. Bitterloff Rusticus mediæ ætatis herniosus, ex Pago Pful, propè Ulmam, ad recuperandam per sectionem pristinam suam valetudinem, Ulmam se recepit, ibidemque se manui alicujus exercitati Chirurgi submitit, à quo etiam, in præsentia quorundam Medicorum & Chirurgorum feliciter lectus & decenter tractatus est; Hic Pateriens ad duodecimam usque diem bene habuit, quibus præterlapsis, ex improvviso spasmo laborare cœpit, qui etiam in tantum invaluit, nervosque ac musculos gutturis, temporum, ac genarum ira obledit, ut os ad comedendum vix aperire, nec deglutire vel respirare potuerit, & capite pronus in lecto, ac si fune tensus & ligatus esset, sedete coactus fuerit.

Cujus causa externa, corporis refrigeratio ab aère externo algido, per ineuntes & exeuntes tempore hyemali sæpius in angustum hypocaustum immisso, interna verò humores acrisalini, austeri & aluminosi, nervos infestantes & contrahentes, vel sanies nervos vellicans, & sursum versus suum principium contrahens fuit.

Ego ad hunc Patientem vocatus, ipsi sequentia remedia præscripsi. Et quidem internè. R. Pulv. lumbr. terr. ʒj. C. C. phil. præp. Pulv. Epilept. Marchion. Cephal. Michael August. aa. ʒj. Castor. ʒß. Ol. macis gutt. iij. M. f. Pulv. subtil. de quo, quantum cultri cuspide capi potest, de die aliquoties in aqua Ceras. nigror. patienti exhibeatur. Et ʒ. Aq. Cerasor. nigr. flor. tilia, Pœon. aa ʒß. hirund. cum castor. Epilept. Lang. aa ʒß. Confect. Alkerm. ʒß. Lapid. Bezoard. Or. gr. V. Margarit. præp. Pulv. Marchion. Cephal. Michael. aa. ʒß. sacch. perlat. ʒij. M. Dosis Cochleare unum vel alterum, sæpius repetendo. Ad hæc Clyster etiam sequens fuit applicatus. R. Herbar. 5. emoll. flor. Chamomill. Verbasc. Summit. aneth. aa M. ʒ. Sem. Lini ʒß. Decocti hord. q. l. fiat l. a. ebullitio, Colatur. R. ʒvj. in qua dissolv. Electuar. lenit. Florenz. Diacathol. aa ʒj. ung. Clysmat. ʒj. Axung. anser. Gallin. anatis aa ʒvj. Vitell. ovor. Num. 2. M. f. Clyster. Externè, nucha, collum, genæ, spina dorsæ, & venter tali linimento calidè fuere inuncta. R. Ol. Chamomill. Rosar. Lumbric. terr. de castor. aneth. aa ʒvj. Terebinth. pingued. hominis & Canis aa ʒj. M. d. ad fistile.

Sed omnia hæc remedia sine optato successu tuere adhibita, ac dictus patiens, ingravescente morbo & symptomatibus occubuit, sicque effatum Hippocratis adimpletum est, qui sect. 5. Aphorismorum secundo inquit, Convulsio (vel spasmus) vulneri superveniens lethalis.

Hernia Pubis ab Obstetrice pro Utero habita, pessimè tractata.

Clariss. Joh. Petri Albrechti. Miscell. Curios. Decur. iij. Ann. 9. & 10.

Nocivos inter errores, quos ab imperitis Obstetricibus sæpius committi quotidiana docet Praxis, merito ille, quem jam referendi animus est, locum habet, dignus sanè, cujus hîc aliqua fiat mentio. Mulier quadraginta circiter annorum, venditione Malorum Citriotam hîc loci victum quærens, Anno 1694. incidit in contumacissimam alvi constipationem ac torminibus colicis miserè torquetur, succedente mox continuo vomendi conatu cum anxietatibus præcordiorum. Prout igitur mos obtinuit, ut mulieres in suis morbis prius vetulas ac Obstetrices, quam expertos ad auxilium vocent Medicos, sic & illa, de qua nobis sermo est, earundem quandam accersi curat, remedia ex ea anxie expetens. Obstetrix plurima de utero malè affecto blaterat, ac ipsi unice causam morbi assignat; id quod audaciùs multò affirmat, dum denudato abdomine in inguine sinistro protuberantiam quandam gallinacei ovi magnitudine advertit; quâ conspectâ, uterum à sede naturali discessisse, eumque ob id indignabundum, tormina & alia symptomata ciere, imprudenter exclamat, addens, sui jam officii esse, ut eundem contrario motu ad naturalem redigat locum, quo factò futurum, ut quævis mala iterum evanescant. Quid sit? Agrotata quæstis Obstetricis verbis aures præbens, hujus fidei & curationi se committit, at infansito admodum eventu; Illa enim ter quaterve quotidie infirmam accedit, repositionique putatitii uteri operam dans, tumidam partem premit, fricat, vellicat, trudit pellitque versus interiora, nihil interim remittente malo, quin potius eodem magis magisque in deterius ruente. Hinc permotus matrus, meum efflagitat auxilium; utque citò citius ad ejus me conferam uxorem, summopere perit. Adsum statim ac miseram in deplorando invenio statum, fœridas jam & stercoreas copiosè evomentem sordes. Quæro ex Marito, num in uxore unquam vel umbilici, vel pubis observaverit herniam? Respondet ille, planè sibi ignotum esse, quid herniæ nomine veniat (*Er wisse nicht, was ein Bruch zu sagen sey?*) bene quidem se scire, quòd uxor ab aliquo tempore quandam in pube senserit tumorem, haud tamen se credere, eundem adhuc adesse, cum adhibita Obstetrix, illum nihil aliud, quàm uterum fuisse perhibuerit, qui sede suâ naturali relicta, sinistrorsum versus oberraverit; cuncta præterea enarrabat, quæ ab illa ad reponendum uterum hæctenus peracta erant, annectens, juratò fermè eandem dixisse, quòd ille jam debitum iterum occupet locum, factisque omnibus quæ sui muneris esse putaverit, Medicus jam sit consulendus, qui cæteris Accidentibus idoneò subveniat consilio. Impetratâ tunc licentiâ inspicendi locum affectum, Bubonocèle oculis statim occurrit, omnium malorum quæ hæctenus Agrotam excruciant, vera causa; At, quod maximè dolendum erat, Tumor à pessima obstetricis contrectatione, violentis trophonibus, frictionibusque inflammatus, planè ad suppurati-

purationem tendens, mirum sumserat incrementum ad labia usque pudendorum jam proserpens. Detestor temerariæ hujus vetulæ frivolum omnino facinus, injectisque nonnullis Clysmatibus ac per os exhibitis iis, quæ emolliendi virtute prædita, alvi exonerationem promovere possent: Brevi, Deo sit laus! ejus naturalem iterum obtinuit aperitionem; cum vomitus stercorei notabili remissione meliorique paulò post adspirante sanitatis aurâ. Ulceris interim, quod sponte apertum, puris ingentem eructavit copiam, Chirurgus cuidam commissâ est curatio, cujus dexteritate & diligentia, istud quoque, licet post aliquot demum menses, feliciter consolidatum est. Quot verò molestiæ ac tædia interea Ægrotæ, tum ob dolores exin obortos, tum ob ægritudinem animi, quàm ob partium genitalium quotidie repetitam deligationem, pudor naturalis causabatur, fuerint devorandæ, norunt omnes, qui tum temporis cum illa conversantes, ob puniendam Obstetricis temeritatem, haud adeò fausta huic apprecabantur.

*Sarcocele ingens, variis accidentibus
stipata.*

*Clariss. Gustavi Casimiri Gahrlied. Ephemer.
Germanic. Centur. I. & 2.*

Vir honestus à teneris mihi familiarissimus, dum in Academia Francofurtensi studiis mecum vacaret, ab Ephoro Nobili duorum Comitum Polonorum, quem diutius se vexantem, dum aliqualem vindictæ loco, titillando paulò nimis irritarat, jactu crepidæ sinistram inguen & scrotum graviter non sine insigni dolore læsus, postquam ictus paululum dedoluerat, contusionem illic factam, ut solet juvenilis ætas, sulque deque habens, post satis ingens temporis intervallum, testiculum sinistram læsum sensim ac sine sensu incrementum aliquod notabile coepisse, ac multò majorem suo à dextris vicino factum animadvertit. Quod tamen, cum inde incommodum notabile nullum adhuc sentiret, patienter tulit. Præsertim cum postea anno ætatis 33. contracto matrimonio, generationi prolis utriusque sexûs obicem nullum obtrudere, à nativitate filii primogeniti satis grandis, septimo à partu die Epilepsiâ sublato, & filiarum duarum, quarum prior anno ætatis duodecimo, posterior quintâ à partu septimanâ satis cessare, deprehenderet. Nihilo tamen minus, augmentum continuari, marcescente interea, ob præceptum à compare suo nutrimentum, didymorum altero. Defunctâ post quindecim annorum conjugium priori uxore, liberis orbus, focero suo superstite septuagenario majore, quem hætenus altum, in ea orbitate deferere religioni sibi ducebat, à biennii viduitate ad secunda vota transire coactus, iterato matrimonio, duorum filiorum ac filiarum duarum proliero factus pater. Quorum tres, filius nimirum ex illo connubio primogenitus ac filia duæ adhuc superstites. Unde, ut in parenthesis quasi hoc addam, incertitudo illius asserri Democritici, cujus Columella lib. 6. c. 28. meminit, satis aperire liquet: quo à dextro testiculo mares, à sinistro fœminas derivari ex Democrito asserit, ac ligato (de Caballis agens) sinistro testiculo mares, dextro ligato fœminas generari contendit, cum unicuique hæc, isque læsus & æger, emarcido altero, ad utriusque sexûs generationem pensum contri-

buerit sufficiens. Sublatâ demum & post tredecim annorum connubium & hac alterâ uxore, ac substitutâ illi ob liberorum, filiarumque præsertim educationem, post unius & dimidii anni viduitatâ, Sarcocele jam manifesta sui indicia prodens, ob parcius fortè ætate jam provectâ Veneris exercitium, brevi tempore immensum aucta, ut caput infantis propè biennis facillè æquaret, ac ab ulteriori tandem illius usu planè arceret, interim nec mole prægrandi, nec pondere satis gravi, nec gressui aut incessui eâ ætate satis alacri & expedito, incommodum ullum aut impedimentum ultra septuagesimum annum jam provecto adtulit. Donec 78. ætatis anno, post multas ærumnas simul irruentes corporis animique ægritudines & afflictiones in scorbuto, hypochondriacum malum, febrem quotidianam lentam cum consumptione carnis & spirituum omnimoda incideret, sublato penitus appetitu, cum nausæ assumendum omnium ferè invincibili ac virium totali prostratione, facies Hippocratica in ptoinctu, deque recuperatione sanitatis ferè conclamatum esset. DEO Opt. Max. sic clementer dubio procul, disponente, Natura fidelis ejus serva ac sui conservatrix planè sedula in ipsa Sarcocele abscessum molita, sublato in tumorem coniformem paucis diebus satis grandem monstro illo sarcomatis seroto contenti; verum (quod sanè mirandum) sine insigni aliquo dolore, nisi forte tensivo satis tolerabili, sine ullâ pulsatione, quæ in abscessibus, dum pus sit, rarissimè abesse solet, fortè quia hæc nullum suberat, sine omni molestia aut incommodo admodum sensibili, nec ullo signo ominis sinistri, nisi quod in apice coni illius macula initio parum, successu magis rubescens, vix pisi circulum magnitudine æquans, sensim in pustulam epidermidem elevans, mutata appareret, quæ post unum alterumve, octava tandem Augusti die circa meridiem, præter omnem expectationem, spontè absque ullo sensu ullius doloris rupta, madore solo linteaminum adjacentium aperturam proderet, ac subito tantum, non sanguinis meri, nec cruoris nec saniei vel puris propriè dicti, utpote omni odore aut fœtore destituti, nec ichoris, sed humoris crassiusculi copiam eructaret, ut non solum linteamina circumjacentia omnia contaminaret, sed & ipsas, sit venia verbo, caligas inundaret, & squalore immenso, ut vix esset ferendo, saburraret. Unde tanta illius copia, & qua cavitare collecta, cum tumor supra dictus capiendò illi non sufficisset, meum non est determinare. Triduum fluxus ille copiosus continuavit, qui puri nihil analogum, præter aliqualem consistentiam, ab illius plane difformem habebat, miscelæ potius similis laticis, cui pollen latericinis commixtus, qui linteo exceptus, exhalante paulatim liquore & exsiccatò penitus, minutissimis micantibus salinis quasi crystallis scatere videbatur. Consternabat initio patientem inopinatum illud profluvium, hinc cum diem unum ac alterum continuaret, nec sponte sisteretur, nec plagulis aut Emplastris, nedum difficulter admodum illi plagæ applicandis aut splenis coerceri posset, vocatur tandem & accersitur in subsidium Chirurgus aliàs non inhabilis, qui attonitus phenomenon illud contemplatur & nunquam tale antea sibi visum asserit, tandem ampliandam esse aperturam censet, quo materiæ effluenti liberior pateat exitus, ne fortè partes reliquæ seroto contentæ, à putrilagine illâ (ab acrimoniâ tamen omni, quantum adverti potuit, planè immuni) illic

diutius

diutius morante in partem corruptionis traherentur; turundam itaque applicat paulatim ab humore turgescens, & foramen ad pisi paulò majoris capacitatem redactum, turundulâ è lino carpto paratâ, ac balsamo Arcæi imbutâ obturat, sicque dietim semel deligatum aliquot hebdomadas tractat, nec quicquam fluore indies continuante proficit, sed palliativè inter spem & metum ægri curat. Materia interim, tam quâ consistentiam quàm colorem & copiam subinde variante, ac pulvere illo rufo paulatim magis minusve deficiente, & in liquorem tandem, loturæ carnis aliquatenus similem, mutatâ; quandoque dilutiorem nonnunquam & subflavum, amyli instar diluti linteâ, ubi siccata roborantis colorem & consistentiam induente. Demum Chirurgus à tempore medelam patienter præstolandam præfatus, expectationis curæ malum committit, additò prognosticò ægro nequaquam acceptò, fonticuli vices subiturum illud foramen, ac à multis incommodis ætatem hanc provectam, aliàs sæpius gravaturis, præservandum censet, sicque cum nec consilii nec auxiliî ulterius nil ab illo expectandum, ab ægro corporis sui Chirurgum posthac acturo dimittitur. Ab eo tempore varias subiit abscessus ille mutationes, nunc fluxum aliquot dies continuos servavit, nunc verso quasi epistômio eundem diem unum alterumve ac si plenam sanitatem promitteret, sufflaminavit, ac ne guttam quidem liquoris stillavit. Interea temporis successu papulæ, una prius, mox & altera pisi in medio sectum referentes, à cute emerferunt, haud procul à foramine priori, quæ rectâ ferè lineâ viciniam prioris occuparunt, calami anserini minoris transversî spatio ab invicem distantes, proxima priori nunc rursus paulum coarctato, paulò major tertiâ, colorem cutis initio non mutant, humorem tamen nullum adhuc sudantes. Postmodum media illa papilla major cuticulâ, quâ tegebatur, adrim spoliata liquorem priori similem quoque cœpit fundere, priori quasi oblitteratâ, quæ tamen post unum alterumve diem recruduit, madorem priore tenuiorem exsudans; semel etiam lapillum (an osciculum dicam ambigo) semen sinapi magnitudine æquantem, unâ cum lactice extrusit. Demum & tertia papilla ut ur rarius & parcius lacrymas quasdam sudare cœpit. Nunc quandoque alternant, modò illa, modò altera, rarò tertia, modò duæ, modò omnes, licet rarius lympham suam, nunc rarius nunc parcius aut laticem exstillant, quandoque nunc unâ, nunc duæ, nunc omnes tres rursus ad tempus clauduntur, sicque ægrum inter spem & metum suspensum tenentes, an unquam an nunquam à fonticulis spontaneis liberandus sit, placidam tandem analysin à divinâ gratiâ expectare jubent.

Cum obligatura vulnerum, quæ spleniis ac vinctulis sit, ab initio admodum in hac plagâ molesta, imò ob crebram urinæ redditionem penitus incommoda, coactus est æger loco spleniorum ac vinculorum bursam aut bulgam, aut capsam, vocet quisque, prout ipsi vitum, cupream stanno internè obductam, & externè corio molliori vestitam excogitare, sibi que comparare, quâ reculas suas, patrimonium istud carnosum, imposito foraminibus Emplastro tribus turundulis balsamo Arcæi præmunitis, & applicato desuper pulvillo, ab ulteriori deligatione immunis, bis dietim recondere, sicque hoc adminiculo, à cingulo forti coriaceo, illa ambiente duobus locis connexo ac suspenso, adjutus dies noctesque

gestare, ac sic sat commodè tolerare possit. Plurima eaque non indigna circa hunc casum occurrunt. Unde nimirum abscessus ille sine omni dolore, sine pulsatione in parte adeò sensibili, tam subito congestus & ortus, tam properè auctus; tam inopinatò absque ullo doloris prodromo sponte apertus, tantam saburræ copiam (cui capiendæ tumoris capacitas neutiquam suffecisset) eructaverit? An pro evacuatione critica habendus sit ille fluxus, quo morbum præcedentem gravem in marasimum tendentem solvere Natura sit conata? Annoni Naturæ conatus ille, præcipuè indicationi virium instaurandarum, quæ corporis marcescentis nutrimentum porius & augmentum efflagitare videtur, quàm tantæ humoris copię, in sene præsertim subtractionem, è diametro contrarius sit judicandus? An fluxus ille etiam nunc perseverans, pro infausto an pro salutari indicio sit habendus, an ægro à majoribus incommodis præservando, ut quidam non infimi nominis Medici censuerunt, servire possit? Num verò pro lethifero cum tempore sit habendus perstans ille laticis fluor? Multum humoris, fortassis & nutritii, corpori subtrahendo, eoque exhauriendo potius suoque vigore, satis jam exhausto, ulterius spoliando, aptus sit judicandus? Qualis illa & unde derivanda pulveris illius lateritio pollini similis, rursus ab initio tanta copię, & illius per aliquod tempus continuata eructatio, jam verò sensim deficientis paucitas? Quæ inodori illius ac quantum sensuum iudicio assequi datum, omni penè acrimonia carentis, laticis, cui pulvis hic immixtus, origo? An vas aliquod lymphaticum in scroto per diæresin, vel diapedesin, aut anostomosin apertum illum sensim excernat aut exsudet; Verùm horum evolutio ac resolutio animi mei ac iudicii provectâ hac ætate aliquatenus jam torpentis horizontem transcendunt: Aliis ergo ingenio vegetiori præditis meque sagacioribus lampada trado.

*Berolino Augustam Vindel. die 8. Decembr.
An. 1708. Missa.*

Monuir postea, die 6. Junii An. 1710. Nob. hujus Observationis Author, faciem ulceris descripti quotidie ferè aliam induere faciem, tam quoad exteriorem affectum, quàm quâ redundantem materiam, tum consistentiâ, tum colore, tum copiâ semper variam: ab aliquot hebdomadis præter faciem paulò quàm ante crassiores, frustulatim aliquando cum impetu tanquam è siphone ejaculatas ad distans nonnunquam, proflire particulas carnulentas, pallescentes, diversas tam copiâ quàm magnitudine, seminis papaverini & cannabini, pisi etiam tam majoris quàm minoris, quas ipsam testis esse substantiam suspicatur, paulatim fatiscentem ac secedentem, sed absque omni dolore ac foetore, cum aliqua tamen, sed vix sensibili corporis alteratione, viriumque jactura.

Enterocèle magnetica, seu per Sympathiam curata.

*Clariss. Joh. Georgii Hoyer. Ephemer.
German. Centur. 3. & 4.*

Curas Sympatheticas ad lydium rectæ rationis lapidem

lapidem examinanti; triplicis generis occurrunt. Sunt enim (1.) purè naturales seu rationales, cuius Medico Christiano & rationali concessæ & usitatæ (2.) Superstitiosæ à Medicis rationalibus negligendæ, quando verba vel preces simul proferuntur (3.) Magicæ, animo nocendi, seu proximo damnum inferendi institutæ. Nullus enim dubito, quin plurima veneficia per sympathias & antipathias explicari possint. Scilicet Cacodæmon cum supra naturæ vires agere non possit, abstrusioribus his mediis utitur.

De istis Observatione CXVIII. Centuriæ I. & II. Ephemeridum Nat. Cnr. currente hoc anno editarum, fusiùs dictum. De his inferiùs nonnihil dicemus. Illarum verò exemplum sequens hæc observatio nobis subministrat. Puer quatuor annorum, tenerioris constitutionis, alterutro peritonæi processu, per casum ab alto disrupto herniosus factus. Itaque parentibus ejusdem non sine summo animi dolore animadvertentibus, scrotum à prolabantibus per rupturam intestinis sapiusculæ, mirum quantum intumescere, magnasque sibi molestias, & majores filiolo dolores asferre: quin etiam reposita intestina post levissimum motum denuò relabi, variis remediis, cataplasmatibus, emplastris, ligaturis &c. frustra adhibitis. Deliberantibus, an tenerrimum corpus crudeli sectione periclitari velint, venator quidam herniosum magneticè curate spondet. Quare filiulus in proximam Sylvam apportatur, ibidemque fissâ, mediante cuneo ligneo, quercu teneriori, eoque donec dictus puellus per fissuram trahi posset, ternis vicibus per dictam fissuram trahitur atque retrahitur, superadditis quibusdam verbis nescio qualibus. Postmodum quercus fissâ ligamenti sedulo deligatur, stercus vaccinum vulneri corricis læsi illinitur, cuneusque sub quercu terræ immittitur, superaddito prognostico: Quamprimum quercus fissura fuerit consolidata, & cuneus sub quercu defossus putrefactus, herniosum certò certius sanatum iri. Id quod felicissimus eventus plane confirmabat, hernioso post semestrem spatium perfectè, superstiose ramen curato, & ab hernia adhuc libero existente. Reberat aliquis: Bona verba fuisse, quæ venator mussitavit, & forsan invocationem nominis divini. Sed Nomen divinum in omnibus corporis necessitatibus invocari posse ac debere, dubitò. Cujus quidem dubi decisionem Theologis relinquo, qui cum rationalibus Medicis loquor.

Bubonocèle periculosa.

Clariss. Gustavi Casimiri Gahrlied. Ephemer. Germanic. Centur. 3. & 4.

Philippina honestorum parentum filia proba, natu Palatina, teneræ constitutionis, sexto fortè ætatis anno, Parentibus ob Gallorum, Palatinatum invadentium, tyrannidem, extorribus extra patriam denatis, orba, à cognata quadam Consulis uxore in familiam suscepta, & sat rigide educata, servilibus & pro ætate ac viribus nimis gravibus laboribus exercita, decimo quinto ætatis anno, ab onere nimio, cui tollendo impar, dolorem cum aliquali tumore in inguine sinistro sensit, qui postea in bubonem excrevens, dein inflammatus in apostema transit,

obstructionibus, feбри, torminibus; aliisque symptomatis, superveniente quoque interdum Ileo, horrendis stipatum; tandem post unius alteriusve diei moram, perforato bubonis cacumine, tribus successive inde erumpentibus lumbricis, spithamam & ultra longis, exulceratum, quod diu saniem purulentam cum quibusdam excernendorum indiciis fœtidis eructavit. Herà neglectius, licet illud tractante, remediis quibusdam domesticis, interque ea decocti herbarum quarundam dubio procul vulnerariarum, usu. Dei potissimum gratiæ & ætatis juvenilis, si quid illa contribuere valuit, beneficio, ulcus illud diuturnum ac periculosum tandem coaluit. Ipsa sanitati quidem aliquatenus restituta, variis tamen infirmitatibus ac accidentibus subinde infestantibus obnoxia. Tandem ab herà illà severà dimissa, Berolinum venit, novoque ministerio paulò rolerabiliore mancipata, triennium ferè firmiori valetudine gavisa. A trimestri autem malum illud tamdiu sopitum recrudescere cœpit, occasione nimirum rursus oneris nimii elevati, à quo in dolores colicos aut Iliacos, quantum recordatur, denuò incidit intolerabiles; quibus sub hypochondrio sinistro ad inguen usque vergentibus, & immensum dies noctesque torquentibus, gravissimè afflicta; obstructionibus quoque alvi pertinacibus, in perniciem simul conspirantibus, eodem, quo ante inguinis loco, prope cicatricem ab ulcere priori relictam, tumor rursus bubonem, aut bubonocelen potiùs, mentitus, emerfit. Adhibentur, uti solet, in talibus ab astantibus egenis, graves in Medicos, Pharmacopolas, & Chirugos, erogandas impensas vitantibus, rursus domestica & euporista tam interne, quàm externe, sed frustra: tumor enim ille nequitiam iis cedens, indies potiùs augetur & altius adtollicitur, ac gravia illa symptomata magis ingravescunt, gemente interim & miserandum ejulante ægerima & miserrima patiente: demum & vomitus fœtidi superveniunt, Ilei instantis prodromi haud obscuri. Solicitor tandem, eoque cum deventum, ut opem agræ feram. Symptomati itaque urgentiori, ut aliquomodo saltem occurrerem subventurus, primùm Enema satis validum emolliens ac stimulare, in Pharmacopolio Regio parandum, & protinus applicandum, ordino, sed irritò effectu. Paratur postea, me inscio, à Chirurgo pauperum, ex mera urina, sale & oleo aliud, sed eodem successu; accurritur denuò ad me, præscribo cataplasma, validè admodum emolliens, tumori aliquoties calidè adhibendum, ejus ope cacumen tumoris sub Epidermide aliquatenus attenuatur, quo audito, enemà aliud validius præscribo, paulò post iteratam Cataplasmatum applicationem administrandum, pro alvo pertinaciter adeo adstrictâ, magis lubricanda & ad viam ordinariam sollicitanda. Quo vix dum peracto, Bubo ingenti cum fragore, displosæ instar bombardæ, præsentè & assidente Chirurgo, crepat, atque copia insignis stercoreis liquidis, cum pure admodum fœtido, tandem & injecti enematis liquore succedente, effluit. Unde mox insigne levamen cruciatuum, quibus miserrima hæctenus tortâ, obortum. Detergo tandem sollicitè squalore, ulcere mundato, ac rite pensato vulnere, ut & propinatis interdum vehiculò commodo guttis aliquot Essentiæ traumaticæ D. Wedelii, alvus demum ad officium debitum rediit, consuetâ viâ recrementâ secernens & eliminans. Vulnere itaque medii ferè digiti longitudinem ac transversè latitudinem æquante,

æquante, sicque transversim ab inguine ad pubem descendente, Chirurgorum duorum dexteritati ac sollicitudini commissio, sub spe recuperandæ propediem sanationis, ac integrâ tandem valetudinis ulteriori me ejus curâ subducens, pene restitutum destitui.

(Berolino Augustam Vend. d. 28. Junii
An. 1712. missa.)

Postea inaudiui, illam aliquandiu satis incolumem vixisse; verum haud ita pridem recidivam esse passam, ac malum illud recruduisse, quo eventu, cum in auxilium non fuero vocatus, ignoro. (Idem d. 6. Maji. A. 1713.)

Anatomica inspectiones.

Hernia à ruptura Peritonæi.

Anno 1613. Septembris 24. aperui corpus cujusdam decollati, in quo cum ruptura intestinali laboraret, affectum & peritonæum ruptum ostendi, quomodo per eam rupturam intestina vel omentum decidunt. Modum etiam incidendi & ligandi demonstravi. Plures idem in utroque latere habebat venas & arterias emulgentes, Ioh. Rudolphus Salzmännus *Observ. Anat.* p. 42.

Enterocoele à dilatione sola processus peritonæi citra rupturam dependens.

In Hernioso hydropico secto post mortem, ejusmodi foramen per quod intestinum in scrotum descendens transmittebatur, rotundo margine integrum, nec dum scissum vel ruptum ullo modo deprehendimus. Per quod intestini tenuioris portio illa, quæ supra cæcum est, in scroto, aqua pleni, infimam sedem usque ferebatur, totoque illo ductu huic processui peritonæi hujus aquæ causa, quæ tunicas has erodendo ut conglutinentur facit, firmiter accrevit & adnatum erat, nihilominus sine incommodo excrementa egerente, nec dum de dolore conquerente. *Platerus Practic. lib. 3. cap. 2.*

Vasa Seminalia Peritonæo obvolvuntur ex sectione Anatomica Herniosorum patet.

Notandum quod quando muscoli oblique descendentes tendendo modice relaxantur, fit Herniæ illa species quæ Bubonocoele vocatur: Quando vero valde dilatatur, tunc sunt Herniarum duæ species, Intestinalis & Omentalis: Valent namque corpora hæc in scrotum descendere; Neque si alicui sit mirum si contra opinionem cujusdam Excell. Medici sententiam qui cum Fernelio crederet vasa seminalia à Peritonæo non esse inducta, neque ita de facili tendi hujus musculi perforari posse; cum jam scire, ut vidi, & celeberrimis Medicis ostendi rem aliter se habere, non solum in cadaveribus, sed in vivis, præsertim anno 1596. in quo vidi puerum qui Hernia intestinali afficiebatur, & cum à Chirurgo à Nurfia per incisionem curaretur, Testiculo cum suis vasis avulso manifeste inspexi, atque ostendi vaginam ut ita dicam, testiculo à peritonæo factam, quæ ita erat dilatata in suo exortu, usque ad finem & fundum, ut duo digiti manus meæ facile ingrederentur, quod credo omnibus facile esse visu. *Hippolitus Boschius de Facult. Anat. Lect. 1. p. 9.*

Bibl. Chirurg. Tom. II,

Mulieres Herniis esse obnoxias ostendit dissectio virginis, cui à relaxatō Peritonæi Inguinalis accidit.

Ligamenta uteri Rotunda oriuntur à fundi uteri lateribus, iis præsertim in locis ubi Tubæ Fallopianæ utero committuntur, & inter duplicaturam Peritonæi versus inguina utrinque ascendens, & ut vasa spermatica in maribus, ita hæc Ligamenta in mulieribus extra abdominis cavitatem prodeunt; hinc illæ eadem ratione ut viri Herniis sunt obnoxie, quatenus scilicet Peritonæum eo in loco, ubi ligamenta exeunt, præter modum dilatatur: Quemadmodum hisce diebus observavimus, dum Filiam Hernia laborantem post mortem diffecaremus, eo namque in loco, ubi rotunda uteri ligamenta abdomen deserunt. Peritonæum adeo relaxatum invenimus, ut integram foveam sive bursam efformaret, per quam intestina in inguen descendendo herniam intestinalem producebant. *Regnerus de Graaf. de mulier. organis cap. 10.*

Hernia ope subligaculi solius curata, natura hiatum materia adiposa offarciente.

Sacrificulus in ædibus S. Andreae Artium sacris, nomine Ioan. Moretus, Hernia completa laborans me accessit, operem efflagitans, maximo enim se dolore affici dicens, præsertim ubi officii causa esset canendum: Viso loco laborante, à cantione abstinendum dixi, munere alteri concessio; hinc plurimis morbo congruis præscriptis, inter cætera subligaculo descensum cohibere jussi, quo & quinquennii vel sexennii spatium usus est; atque ex eo quærens quæ valetudine frueretur, se sanum esse asseruit: Quo de rei veritate constaret, in ædes meas eum deduxi, examinatisque genitalibus, nullum Herniæ vestigium comparuit.

Eo autem semestri post ex Pleuritide defuncto, cadaveris apertione concessa, inquisivi sedulus quibus repagulis natura descensuris intestinis obviam ivisset: Fidem testor me circa foramen productionis peritonæi, invenisse substantiam adiposam, magnitudinis mediocris globuli sphaeristerii, tam arctè dicto processui adnexam, ut vix sine dilaceratione adjacentium locorum divelli potuerit: Quæ sanationis causa fuerat: Multos præterea novi qui à pertinaci subligaculi gestatione, eaque sola citra aliud præsidium sanitate consequuti sunt; quibus, prius macilentis, post obesis factis, circa intestina colligitur pinguedo, à qua intumescunt, unde nullus in scrotum patet transitus, relicto postmodum sine recidiva subligaculo: Ex quibus patet temere instituendam non esse castrationem. Res certe admiratione non caret, naturam morbos incurabiles creditos, superare, levi auxilio adjutam. *Pareus Operum lib. 8. cap. 15.*

Extraordinaria Herniarum species per Anatomiam deprehensa.

Hæ sunt simplices Herniæ & compositæ, prout vulgo describuntur, sed nobis plures alias praxis demonstrat, & quæ apud Scriptores non reperiuntur: nam experientia me docuit Peritonæum etiam in parte posteriori versus Dorsum posse dirumpi, & ibi Herniam efficere: Inguina sunt locus Herniis consuetus, verum noli tibi persuadere Peritonæum in aliis locis etiam non posse dilatari aut dirumpi, & ibi Herniam efficere: Supra umbilicum contingit, sed rarissime: Infra umbilicū, & ad ejus Latera, & longe supra Inguina,

Mm

non

non duntaxat ego, juxta alios Hernias vidi, sed cum illis tanquam cum abcessu agebatur, & Chirurgus non aliam sui erroris rationem in medium producebat, quam quod ibi Herniis consuetus locus non esset. *Barbette Chirur. parte 1. c. 7.*

Bubonocoele à descensu Coli in inguen.

Occurrit ante aliquot annos mulier 40. annor. quæ jam à sex annis hernia gravi ex casu laboraverat: sic ut subligaculo forti propendentia, detinere coacta fuerit.

Aperto in cadavere: Intestinum Colon; rupto peritonæo, dilatis externis, cavitatem ventris magna parte reliquisse observabatur, loco eo ubi ad constituendum Rectum flexuosum valde sinistro in latere detinetur. *Ger. Blasius observ. medic. 8.*

Hernia ab intestini Cæci descensu.

Cum Cæcum intestinum prope renem dextrum peritonæo contumaciter adhæreat, non possum adduci ut credam cum Galeno solum hoc intestinum omni vinculo solutum esse, ob idque facile in scrotum decidere: Experientia docet solum Ileum pubi proximum Enterocelen facere; Inveni tamen in puerulis, quibus tum ossi sacro incubat, in scrotum delapsum. Et nuper in Pharmacopœi cadavere juxta inguen provolutum observavi. *Riolanus Anthropogr. lib. 2. cap. 12.*

Hernia à descensu omenti.

In subiecto virili ob cusam monetam strangulato 1638. Parisiis, Omentum in inguen dextrum producebatur: Deinde vero musculo cremasteri ita adnatum viscebatur, ut naturalem nexum diceret: Epiplocele enim laboraverat: Uterque quoque Testiculus Hydrocele infectus. *Bartholinus cent. 2. observ. 85.*

Hernia à descensu intestinorum inter cutim & musculos.

Experimur etiam processum peritonæi in Inguinibus ita posse dirumpi, ut intestina non in scrotum, sed inter cutim & musculos versus femur sese urgeant. *Barbette l. c.*

Hernia ab intestini & omenti prolapsu.

Pagano cuidam viro robusto cum duobus litiganti, & in terram dejecto, adversariorum alter pedem in inguinis dextri regionem adeo impetuose impegit, ut vehementer inde cruciatum mox sentiens, vix iterum potuerit assurgere: Inde in lectum collocato, statim tumor in eo loco amplius apparuit: Chirurgus & Lithotomus vocati, rupturam in peritonæo factam, atque procidentiam intestinorum sequutam judicabant, aliquotque dies in reponendo intestino laborarunt, fomentis, inunctionibus & manuali operatione adhibitis: Quibus cum nihil proficeretur, dolorque in dies augetur, & tumor admodum ruberet, ad nos advectus fuit: Cum vero cognovissem illum totos octo dies, ex quo læsus fuerat, nihil per alvum dejecisse, vomitumque ea nocte excrementorum alvi sequutum, & postmodum omnino intestina procidisse, uti & omenti portionem tumore in inguine persistente, nec in scrotum descendente, intestina ex læsione inflammata, uti & vicinas partes

asseveravi: Et quia tumor mollis, plenus & lividus erat, sanguinem quoque illic collectum ex læsione, eumque ex diutina retensione corruptum esse judicavi. Quibus consideratis, cum nulla alia spes salutis esset & gangrænæ indicia, excitatis jam nigris in inguine postulis, exsudanteque ichore apparent, perfectionem cutis viam patefaciendam & per rupturam peritonæi tunc conspicuam, intestina reponenda, Egro etiam hoc unice rogante, necessarium fuit existimatum. Itaque Chirurgus, cutem tumori instratam attollens digitis, ne dum secaretur, intestina forte læderet, eam novacula aliquotque discedit, egro nullum inde dolorem sentiente, quod emortuæ carnis è gangræna signum erat, statimque status foetidissimi & corruptus sanguis lividus, cadaverosi & abominandi odoris, per foramen peritonæi scissum, è vulnere erupit, tanta copia ut pelvim pene impleret: Inde sectionem longo vulnere continuans, omentum, quod omnino corruptum erat & prociderat cum intestinis, ab his, amplitudine duarum palmarum abruptit, atque hæc eadem admodum rubentia cruenta per rupturam intrudere, rursusque erumpentia retinere studuit, quod dolorem egro pariebat, ut omnino interdum deficeret: Postea pannis duplicatis & involutis, applicatisque cum emplastro, ne erumperent intestina cavit, mortem interim prædicens, uti & ego, cum pulsus in eo deficeret, extremaque frigerent, quare tres tantum horas in agone veratus exspiravit.

Abdomine sectione resecato, intestina intrinsecus livida aliquotusque, uti & peritonæi inferior sedes, carnosaque vicina loca contusa apparuerunt, ex quibus ea inflammata gangrænataque fuisse satis apparuit. *F. Platerus observat. lib. 3. pag. 756.*

Ob Herniam castrati plerique intereunt, vi illata peritonæi processui, nervo sexti paris, & vasis spermaticis.

Et si ea curandarum Herniarum via, quæ aureo puncto fit, dolore ac periculo non vacet, tutior tamen est quam illa quæ fit per castrationem, quæ ægros remedii crudelitate enectos manifesto mortis periculo exponit: Castratores enim, dum timent ne curatione absoluta superstes sit relaxatio, violento tractu peritonæi processum à partibus quibus adhæret divellunt, unaque nervum à sexta conjugatione, qui ad testem pergit: eandem vim spermaticis vasis inferunt, quibus ex rebus dolor excitatur ingens, convulsio, hæmorrhagia, inflammatio, putredo, ac denique mors, ut ego in multis observavi, quos paucis post diebus quam exacti fuerant, exsecui mortuos: Hæc pericula & damna, etsi nonnulli evadant, illi tamen generandi facultate per omnem dehinc vitam privantur. Quare nunquam exsectioni Testium subscribam, nisi forte sarcocoele aut gangræna ipsos invaserit. *Pareus lib. 7. cap. 16.*

Entero-Epiplocele lethalis ob sequutam gangranam. 1. Ob Ileii & Epiploii, cum aqua & flatibus. 2. Ob Epiploon maximam partem devolutum. 3. Ob inflammationem Epiploii & intestinorum. 4.

Accersitus olim fui ad Senem quendam herniosum, cui intestina in scrotum prolapsa erant, & qui variis iisque gravibus ob id molestabatur symptomatibus:

Apud

Apud quem Chirurgum reperi illa in suum redigere locum annitentem, applicatione fotuum & unctio- num, ex rebus magna ex parte adstringentibus apparatum: Ego animadvertens eorum usu impediri potius quam promoveri curationem, confestim ex emollientibus & relaxantibus curavi concinnanda remedia, quorum usu intra paucas horas suo loco fuerunt restituta intestina, & dolores quibus acriter infestabatur sublati: Post aliquod autem temporis spatium, quia fasciæ usum averfabatur, relapsa cum essent, denuo ad illum sum vocatus, ac eadem quæ antea per aliquot dies usurpans remedia, nihil profeci, nec nullo modo intestina potuerunt restitui, & sic me præsentem bonus senex exspiravit.

Ego hærens qua ratione id potuerit accidere, quod usu convenientium remediorum morbus, quemadmodum antea, non cesserit, petii ex uxore defuncti ut liceret dissecto cadavere ejus contumaciæ investigare causam: Illa non refragante, Ego & Chirurgus opus anatomicum mox aggredimur, & reperimus intestina, unâ cum epiploo, admodum livente, in scrotum decubuisse, & eo intestina adeo intricata, ut ob id impossibilis omnino fuerit eorum reductio, Et sic *avççia* in veram ejus contumaciæ pervenimus notitiam. *Ex Observationibus Cosma Holzachii.*

D. N. herniosus erat; In scrotum pars Ileï devoluta erat cum Epiploo, præter aquæ copiam: Colon flatibus rurgidum. *Vide lib. iii. de palp. cordis.*

3. Dom. du Lac, annos circiter quinquaginta natus, ab incunabulis Entero-epiplocele vexatus, cum Tumorem ad immensam magnitudinem devenisse observaret, Tierrio Arvernorum, patria, Lugdunum medelam quærens concessit: Convocati in consilium D. D. à Clansiro, Grassius Ego, Mag. Panthotus & Benoist Chirurgi, exitum lethalem & calamitatis plenum prædiximus, qui sectioni soli cedere possit, evidenti periculo obnoxia, ob debilitatem partibus inductam, gangrænæ & sphacelo expositarum: Objecit æger se ab anno bis vel ter voluoloso affectu affectum fuisse, ob quem in exitum pene deductus esset: malle se remedii aleam subire, quum nihil morte funestius ipsi accidere posset, languoribus finem impositura: Masculus ægri animus assensum Medicorum & Chirurgorum obtinuit: præparato ergo corpore Celotomen peregi, atque Omenti uncias octodecim exsecui, membranis tenaciter annexi, immutato quadantenus illius colore: Operatione peracta curam juxta methodum institui: sed Anima ejusmodi domicilii pertæsa, id atrophia consumptum septima die deferuit.

Præsentibus dictis D. D. Medicis & M. Chirurgis cadaver aperui: Omenti vero tantum portiumculam, ovo columbino magnitudine parem intestino Ileo hærentis, reperi, cujus pars gangrænâ erat affecta, convulsionum & mortis causa:

Inde colligo in affectibus qui minus spei quam timoris præbent, non temere ad operationes accedendum esse, sed demum habito consilio, & petito à viris Artis peritis, quo præcedente matura deliberatione & prognostico, libera sit erga Deum & homines conscientia. *Josephus Covilliard Operationum Iatro - Chirurgic. Gallice editarum 17.*

4. Illust. J. H. Heslerus, ab octodecim annis Herniosus, vehementi correptus tussi, intestinis vi deorsum pulsus & quasi incuneatis, tandem inflammatione & ingentibus doloribus supervenientibus, bis vomuit nigra, cum præ anxietate non posset contineri le-

Bibl. Chirurg. Tom. II.

cto, & omnibus invitis sæpe surgeret, à loci mutatione remedium dolorum sibi promittens, tandem sedili locatus, lethali animi deliquio correptus placide expirabat.

Aperto cadavere scrotum dextrum omento & aliquibus intestinis plenum inventum, ira erant impacta, ut quævis corpus adhuc calerer, vix extrahi sine ruptura potuerint: Inflammata erant, tensa erant quasi: inde biduo ante obitum è lecto surgens, erecto non poterat ambulare corpore: ventrem semper pronus curvare cogebatur. *Rolfinkius Epitomes meth. & cur. cap. 26. lib. 3.*

Hernia à prolapsu partis mesaræ & intestinorum in scrotum, cum putredine.

Nl. Hernia laborans suasu amicorum agyrtam conducit, qui ad suppurationem illam perducere ausus est, (Existimans, ut credo, esse sarcocelem) itaque ad eam stercore utebatur caprillo destillato: circa 14. diem oborta febre, vocor & ego tum propter febre, tum propter urinæ difficultatem: Adveniens igitur & omnia diligenter perpendens, periculum existimo agyræ cura ægro illi allatum: nimium ob febre symptomatam, itemque dysuriæ ex consensu istarum partium ortam, & imprimis quod hernia esset intestinalis, quæ cresceret nonnihil & decrederet: adde decubitus vel ascensum: præterea membranofas illas partes ad suppurationem protus esse inhabiles, & rem nonnisi gravissimis intervenientibus symptomatibus in effectum posse deduci: Quin & ut effectus responderet, tamen corruptis illis membris functiones naturales necessario aboleri: Æger contra malle se periclitari quam cœptam curam intermittere, meque rogare ut febris tantum curam habere non gravaret: Pergit itaque adhuc per tres septimanas: runc redit agyrta iste, rusticus qui erat, & cum phlebotomo incisuras instituit per fundum scroci satis altas, ad materiam exhauriendam, tertio vero die æger moritur.

Aperio cadaver, astante ipsius agnato, & mesaræ partes cum intestinis prolapsas putrescentes jam & corruptas invenio, Itemque in collo vesicæ abcessum quantitatis nucis avellanæ, ut non tantum ratione contentus, sed & abcessus difficultas illa urinæ exorta fuerit. *Phil. Salmuth. centur. 1. observat. 11.*

In consultatione referebat nobis I. Dom. Sala vidisse se mesenterium cum intestinis tenuibus omnibus in scrotum delapsum, abdomenque alterum præ se tulisse, qua mole compresso vesicæ collo, urinæque impedito transitu, necessitatem moriendi ægro esse accitam. *Th. Bartholinus cent. 2. histor. 95.*

Hernia vicennalis, solo pondere molesta, ex decubitu Ileï & Epiploï in scrotum.

Anno 1678. 18. Januar. dissectum est cadaver Caroli Ludovici, in Nosodochio Genevensi, à Mag. Bailly Chirurgo, me præsentem & Dom. D. de Communis, Nosodochii Medico ac Mag. D. Dentand Chirurgo peritiss. Septuagenarius erat dictus Ludovicus, Vir procerus, vino & veneri, dum juvenis, addictus, qui totam Persiam peragraverat: Obiit autem ex Peripneumonia. Ante 20. annos Hernia laborabat, quam præ pondere & magnitudine subligaculis sustentabat, cæterum immunis omnium affectuum quos hernia comites sibi accersit:

Dissecto scroto, primò se obtulit Omentum eo devolutum, paucula pinguedine obductum, flavescens: hinc intestinum Ileum, cum annexo mesenterio, ad

M m 2

ulnæ

ulnæ nostratis longitudinem devolutum, citra ulla læsionis notas: Peritonæi productio, adeo expansa & dilatata, ut nequaquam detractis intestinis & omento, quinque digitos conjunctos admitteret, manum integram, alias excepturum: Omentum autem peritonæo & intestina arcte invicem cohærebant, ut hinc conspicuum sit operationem sine dilaceratione impossibilem futuram fuisse: Testes exigui, compressi, flavescentes, nucis moschatæ magnitudinem vix æquantes: Stentorea voce erat præditus: Diversorium, cui pro insigni appendebat effigies viri sylvestris, in suburbio San. Gervasiano, ejus fuerat: Coma autem & barba hirta, effigiei prototypus videbatur. *Theophilus Bonetus in Sepulchreto.*

Enterocèle nativa. 1. Incurabilis ob substratum scroto adipem, & Ileum vaginali tunica affixum. 2. Ob prolapsum Ilei intorti, cum dilata-tione externa tunica vagina, interna ruptione 3. 4. 5.

1. Joh. le Charron volvulo affectus evasit; exatque aliquot annis alio morbo interiit: Aperto cadavere, observatum est mediam quandam partem intestinorum & mesenterii rupto peritonæo in scrotum amplissimum, & omni fide majus prolapsam, ut etiam inde retrahi nequiret: Et ista prolapsio erat illi naturalis, intestinaque tanquam in loco nativo & augebantur in scroto & nutriebantur: Iac. Thevart Annot. 2. in conf. 24. lib. 2. conf. Ballonii.

2. Cuti scroti naturaliter nullus intervenit adeps, retulit tamen mihi Christ. Riedinger se illum observasse in Dom. Martino Schatio, qui cum intestinali Herniâ laborasset, nullus Chirurgorum unquam ea, quæ in scrotum prolapsa videbantur, ita reducere potuit, quin semper adhuc præter testem, tumor instar ovi gallinacei majoris remaneret.

Aperto mortui cadavere observarunt in scroti fundo multum pinguedinis excrevisse, & intestinum Ileum vaginali tunica plurimarum fibrarum interventu firmiter accrevisse: Regnerus de Graaf, lib. de vivorum organis pag. 20.

3. Anno 1664. Dn. Christoph. Heidenius in Herniam intestinale in carceratam in scroto, cum stercoris vomitibus, obstructionibus alvinis, torminibus ventris, singultibus &c. incidit: Elapso sex-tiduo in consilium vocor, examinantis ante à Dn. N. adhibitis clysteribus emollientibus & humectantibus, infessibus, inunctionibus & aliis remediis, testor nihil amissum fuisse quod ad restitutionem in integrum requireretur: Sed quam operosæ, imo impossibiles herniarum istarum in abdominis cavitatem per hæc media, ut & manualet operationem, sint repositiones, tot lugubria hæcenus facta testantur exempla & in demortais αὐτοψία. Quæ causa etiam est quod dicta præsidia suos sæpe deserant authores, ut ægros postmodum prognostico cogantur relinquere: Proximam curationis attingit metam qui dislocationem & prolapsum intestinorum in scrotum corrigere novit: Hoc me cum Deo & rei veritate gloriari possum me ope Emplastri mei magnetici (propria experientia à me inventi, inque pluribus diversæ ætatis, constitutionis & sexus subjectis, eodem etiam malo plures per vices ad desperationem usque aliorum recurrente, multoties non sine fructu probati, quod satis dilaudare nequeo, Lumbis applicati, tormina juxta sopiendo ventris atrocissima, intorta, dislocata, & incarcerata in scroto intestina, quamprimum incaluerit, ob proximam abdominis

transfert sedem, ipsis etiam ægris, non quidem sine molestia, vim ejus tractricem animadvertentibus.) dicti Domini intestina convoluta, & in scroto incarcerata, in pristinum reposuisse locum: Nam quamprimum die 2. Januar. 1665. hocce Emplastrum ipsius lumbis circa horam noctis nonam fuit applicatum, vix dimidio horulæ elapso spatio tantum exercuit tractum, ut præ cordis angoribus & levibus leipothymiis, nisi adstantes qui tum excubias agerent generosam emplastri virtutem ipsis quasi manibus palpassent, vi abrumpere tantum non commoveretur, donec ipse salutarem extractione ἐκφορίαν tandem percepisset, eo quod intestina sensim ac sensim in abdominis cavitatem serpendo retrocedere sentiret: Dum hæc ita peragerentur, loco vini meri, id quod Divinus Senex inculcat, internorum consortantium usus internus & externus cordialium non fuit posthabitus: hisce per aliquot horas continuatis, optima recuperandæ valetudinis spes affulsit, dum boni volvuli hujus insequuti fuerit exitus, quos Hippocr. 2. Epid. s. 6. in comment. Vallesius recenset, scil. fornus, lassitudo & diarrhæa, quæ ex fæcibus constabat nigris, gangrænâ minitantibus: Ad œsophagi tandem & faucium asperitatem, & læsionem ex stercoris & aliorum acrium humorum transitu causatam, profuere lenientia mucilaginosa & putredini resistantia: Sterno dolenti Empl. Oxycroceum levamen attulit, Et sic D. G. præter omnium expectationem tum temporis ex Acherusia quasi palude liberatus est æger: Sed quid sit? Ne de hujus Emplastri virtute ab aliis frivole ac temere impugnata, ullus dubitationis relinqueretur locus, ecce Idem Herniosus cum anno 1665. 19. Junii, herniam suam sine subligaculo gestasset, in idem malum, sed aliis comitatum symptomatis incidit: Ille illico, idem etiam Emplastrum adferri è mea domo jussit, Lumbis ut denuo imponeret: hoc quidem iterum suam exercuit vim attractivam, sed irritato conatu: Ego elapso jam dum biduo domum revertens, illico ad ægrum accersitus, deveni, habito ultro citroque mentis discursu, ad impediti effectus causam, quæ fuit 1. vis emplastri veteris exantlata; 2. dozis ejus malo expugnando inæqualis, 3. nova symptomatum syndrome, qualia, præter obstructiones alvinas & urinarias, vomitus stercorum, ventris tormina, fuerunt, summa virium diminutio, dyspnœa, nephritis, emphysema ventriculi, cum incipiente tympanitide &c. Ego vero seposita omnium horum affectuum medela, iterum aggressus sum dislocationem & prolapsum intestinorum in scrotum; sine his enim reliqua non insequuta essent symptomata. Emplastro meo renovato, & dozi ejusdem aucta, pristinam institui curam semestrem, quæ licet lente procederet, levibus tamen aliis juxta adhibitis, intestinorum distorsio & dislocatio probe fuit correctæ, subligaculis tamen semper coercenda. Sed tandem anno 1666. 4. Maii dictus D. æger lethalem metam attingit, superveniente ex lapsu prono in terram vasis cujusdam ruptura in scroto eodem affectu defunctus.

Cum corpus ad inspectionem aperiretur, observavi prolapsum intestini Ilei intorti in scrotum cum dilata-tione externæ tunicae peritonæi, & internæ ruptæ & dilaceratæ: Intestina inflata cum peritonæo, omento & mesenterio erant inflammata, & tantum non gangrænosa, ob circulationem sanguinis impeditam & spiritus vitalis oppressionem: Vesicula fellis erat instar ovi anserini in magnitudine: Ad medioris: Ren dexter fuit minor sinistro: scroti sectionem mensura una & circiter feri cruenti

cruentis effluxit; Constitutio Hepatis & Lienis Ulterioriorem cultri progressum adstantes prohibuerunt: Emplastri compositionem libens communicarem, nisi retraxisset quorundam objurgandi audacia, fiet tamen si benevolum aliquem offendero. *Fridericus Hofmannus meth. med. lib. 2. cap. 2.*

4 Mense Dec. 1676. obiit famulus Chirurgi Nosodochii Genevensis, Enterocelæ obnoxius: Eâ tum temporis prehensus, præ vehementia doloris, accedente syncope, intra horas 24. extinctus est. Ante apertionem loci affecti, perpendit Mag. Bailly, Chirurgus peritissimus, vix trium digitorum spatium inter umbilicum & pubem intercessisse, Scrotum vero mire tumeat à fœcibus in intestino conclusis; facta autem hypogastrii dissectione, reperit Intestinum Ileum bis, in formam literæ S conduplicatum; adeo in via coarctatum ut neque hinc impellendo, neque inde trahendo, in sedem naturalem compelli potuerit, etiam ablatis in intestino contentis.

5 Anno 1674. Apparitor Genevensis, nomine Dominice, septuaginta quatuor natus annos, ab Enterocoele extinctus est, post trium septimanarum languorem: In quo etiamnum Ileum intestinum eodem modo conduplicatum deprehensum, atque tam arcte incuneatum ut nulla vi, etiam remotis impedimentis, in abdomen compelli potuerit. *Theophilus Bonetus in Sepulchreto.*

Epiplotele lethalis ob corruptionem Omenti, Testium & vicinarum partium 1. A maxima Omenti parte in scroto. 2. Epiplotele ab Omenti in Testis seminaliumque vasorum tunicam descensu. 3.

Anno 1585. robustissimus quidam Faber lignarius Genevensis; quum elevallet pondus ingens, Omentum ei prolapsum est in scrotum, & quia reductum non fuit, intumuit, Inde dolor acutissimus, inflammatio, aliaque gravissima symptomata, denique mors sequuta 7. die.

Ego scrotum incidi, & inveni Omentum, imo etiam Testes vicinasque partes plane corruptas & gangræna infectas: *Fabritius Hildanus cent. 1. observat. 72.*

2. Conspicatus sum Omenti selibram extra umbilicum; Et in scroto Omenti libram & amplius *Columbus de Re Anatom. lib. 15.*

3 Ego non semel sane Omentum in eam testis seminaliumque ipsius vasorum tunicam (cui peritonæum originem præbet) devolutum, ac miris modis mediocrem omenti aliàs constitutionem adauctam deprehendi: Nam cum tota omenti pars alioquin intestinis incumbens in mediocriter pingui homine vix libræ aut sesquilibræ pondus excederet, Vidi tamen omentum ita p. n. in ea testis tunica auctum, ut quatuor aut quinque librarum pondus penderet, & ventriculū ex sua sede ita deorsum distraheret, ut ventriculi deficiente munere, variisque obortis singultribus id pondus mortis occasionem fuisse inter secandum collegerim, cum in morbo quodam laterali, qui alioquin bene expurgatus fuerat, scrotum ex more ab ægro adstantibusque subligari neglectum fuisset: Quin etiam quo exactius ramicum herniarumque, uti vocamus, rationem perquiro, eo etiam magis omnes illos molles ramicos, quos carnosos vulgus appellat; ac merito à varicosis affectibus distinguit,

ex omenti prolapsu incrementoque progigni mihi persuadeo. *Vesalius Anat. lib. 5. cap. 4.*

Hernia triplex lethalis, ob putrefactionem intestinorum in scroto incipientem:

In quodam magni nominis Viro, vitam sedentariam agente, temperie humida prædito, & diu in viduitate vitam transigente, hernia tum aquosa, tum carnosā ac intestinalis (de qua ultima tamen semper fuit dubium cum nullos dolores sentiret vehementes) excreverat iam tantam magnitudinem ut ultra 40. libras penderet, & ipse amplius hoc pondus propemodum ferre non posset, propter difficultatem spirandi, cum omnia magna vi deorsum traherentur, semperque lecto affictus decumbere coactus fuit: Tandem cum nulli amplius remedio locus esset relictus, & mors illi brevi immineret, de consilio Medicorum & Chirurgorum, prius tamen prognostico indicato, cum omnibus copia aquæ adesse videretur, sectio fuit adhibita in loco inferiore, ubi undans aqua percipiebatur, Quæ adhibita sine magho dolore, effluxit cum impetu illius ad libram 1. sed foramine obstructo tunc, Medici noluerunt plus excerni: Sequentibus diebus tribus plus illius evacuatum est, & æger non male se habuit. Verum quarto die febris supervenit cum erysipellate, quod alioqui illi fuit sæpe molestum, præsertim in pede altero, qui ob scirrhum œdematosum inusitatæ quoque fuit magnitudinis, ac paulatim vires decreverunt ut paucos post diēs placidissime obierit.

Apertum scrotum, quod ex sectione alioqui satis detumuerat, & spem aliquam convalescentiæ præbuerat, Reperta intestina putrescentia, quæ proculdubio mortem accelerarunt. *Observatio Joachimi Camerarii.*

Hernia ex Aquosa, Varicosa & Carnosa conflata.

Nobil. Ramsæus accepit in sinistrae natis partem superiorem & externam introsum & deorsum leviter tendens vulnus, ex quo statim concidit: Huic accessit vulnere, inter alia symptomata, sinistrae testiculi cum tumore & summo dolore inflammatio, quæ tamen post magnam partem sublata, remanente solum levi duritie, rubore & dolore: vocatus deprehendo herniam, non ventosam; ob defectum flatuum; nec simplicem aquosam, quia scrotum nec lucidum, nec aqua turgidum: nec Carnosam simplicem, ob dolorem. Sed Herniam ex Aquosa, Carnosa, & Varicosa conflata: Aquosam quidem inculcat tumor instar ovi oblongus, cum testiculi occultatione quoad tactum & visum. Accedit & hoc quod sinistro lateri aquosæ herniæ valde sint familiares, quod nempe vena spermatica sinistra oriatur ab emulgente: Carnosæ vulnus ad sinistrae natis partem superiorem vergens ansam dare potuit & causam; generatur enim hæc hernia ex sanguine testes & scrotum obruente, ibique in molem carneam mutato: cui affluxui vulnus potuit, ut dixi, ansam dare, ut non solum in principio statim testiculi sinistrae inflammatio, sed & dolor sequutus fuerit: Supperias fert sanguis adustus melancholicus à vitio lienis oriundus, renisque sinistrae debilitas: Varicosam monstrat dolor, qui exacerbat in distensione vasorum spermaticorum, unde erectionem penis cruciatus intensissimi comitantur: Omnia incassum remedia, nam sequenti mense moritur.

Aperto corpore, Renum loco portionem pinguem quasi, Lienis vero loco ovi gallinacei quantitate nigrum frustum, sanguinis coagulati facie, inveniebamus: Cavitas, (circa vesicam) abdominis, aqua erat repleta, ut & scrotum circa sinistrum testiculum potissimum, dextro longe minorem: Vasa testiculorum varicum modo consistebant; Dextri testiculi substantia spongiosa & putrida, tunicæque adnata erat, In dextra scroti parte caro adiposa. *I. D. Horstius observ. Anatom. 6.*

Herniosi calculosa vesica unam scroti partem implebat, Intestina tenuia alteram.

Venetis quendam Herniosum novit I. Dom. Sala, cui omnia signa calculi vesicæ videbantur adesse, nec tamen cathetere aut candela potuit deprehendi: In mortui cadavere calculus cum ipsa vesica unam scroti partem impleverat, intestina omnia tenuia alteram. *Th. Bartholinus cap. 4. observ. 28.*

Hernia à descensu Ilei in scrotum, subsequente Iliaco affectu, irremeabilis ob excrescentiam circa meatum enatam.

Dom. à Charancon, Senator Camberiacensis, cum quodam die in Vineâ aliquid magno cum nisu ageret, repente sibi imum ventrem crepari sensit, atque intestina in scrotum prolabi, quæ cum reponere conaretur, nec posset, in Iliacâ passionem incidit, secunda enim die ructibus & vomitibus assiduus vexatus, alvum habuit penitus suppressam; difficultas etiam urinæ illum comitabatur: Sub vespere febris, sitis, oris amaror ingens, vigiliæ, jactationes, ventriculi subversiones, dolores, seu potius cruciatus, clamores continui illum torquebant, adeo ut nihil per os admittere & retinere posset. Ego accersitus sub vespere secundæ diei, ex pulsus inæqualitate, inordinatione, parvitate & celeritate etiam, ex tot symptomatum vehementia & subitanea virium dejectione, morbum acutissimum & quartum diem non præteriturum pronuntiavi. Atque præscriptis quibusdam topicis, ne nihil fecisse viderer, cardiacis, anodynis, ad discessum me paravi: Sed victus precibus remansi, & protinus enema emolliens & anodynum parandum & injiciendum curavi, post tres horas iterandum: quæ ambo ante diluculum tertiæ diei per os reddidit: Tertium post meridiem injectum, sub vespere adhuc sincerum evomuit, & ea nocte fæces ipsas fœtentes, & iterum bilis copiam cum violentia & cruciatu maximo per vomitum rejecit; sicque viribus & spiritibus exhaustis, corpore prorsus inanito, sub vespere quartæ diei defecit.

Dissecto cadavere, Ileum intestinum, quod in scrotum descenderat, livens invenimus, & supra os pubis, in meatus initio (quod notatu dignum) spongiosam, seu potius fungosam carnositatem reperimus, intestinum circa meatum involventem, membranisque vicinis adeo adhærentem, ut vix manibus & unguibus avelli posset: Eam excrescentiam primo statim die enatam, & à sanguine ob dolorem & rupturam in plagam confluxo, & ad locum laceratum concurrente, genitum fuisse autumo, qua fungositate viam obstruente, facta fuit impossibilis intestini delapsi reductio. *Abel Roscius ad Fabricium Hildanum cent. 6. observ. 70.*

Hernia à vase deferente in scrotum delapso.

Præterea non semel tantum observavimus vas deferens corrugatum in scrotum descendisse & ibi Herniam effecisse, quæ manuum ope facillime reduci poterat: imo quæ, si corpus resupinaveris, sua sponte intro recedit, à qua tamen nihil mali expectandum aut metuendum est. Talis Hernia *Spermatocèle* improprie à me vocatur. *Idem ibidem.*

Hernia ab aqua testiculum replente.

Quidam ex phthisi obiit: Illi Testiculorum alter in magnam molem excreverat, durus, qui aquam fundebat citrinam, ut in hernia aquosa: membrana, quæ aquam continebat, erat plane cartilaginea & quasi cornea: ipse enim testiculus sua propria ab hac diversa cingebatur. *Rumlerus observ. medic. 52.*

Hernia ab aqua inter testiculi tunicas.

Ego in testiculo dextro hydrocelem vidi: Aquosus humor inter nerveam tunicam & erythroidem continebatur: Evidentes erant tres aut quatuor propages vasis deferentis intra testem vitiarum & sanguine sanioso refertum dispersæ. *Riolanus Amphropog. lib. 2. c. 29.*

Scroti apertio inutilis in hydrocele ob corruptum Testiculum.

In Generoso quodam vito, quam omnis periculi plena sit scroti & erythroidis membranæ in hydrocele per scalpellum apertio, teste non sublato, compertum est. Ab aliquot annis sinistra parte hydrocele huic molesta fuerat; frustra cataplasmatibus ac aliis remediis usus crebro, tandem temerarii Chirurgi consilio acquiescens, aperiri sibi scalpello tumorem permisit: Effluxit cito omnis humor, tumor quoque subsedit: sed cum testis ipse omnino esset corruptus, vicinas partes facile infecit: Subsequuta mox scroti universi, ac etiam penis, cum rumore & ingenti dolore gangræna: delirium cum vehementi febre, propter doloris magnitudinem, supervenit, ac non ita multo post mors successit.

Ren hujus sinister corruptus fuit, & feminalis in erythroidem descendens, valde ampla & multum patens. *Dodonaus observ. medicin. 40.*

Tumor, seu Hernia Umbilicalis, lethalis ob Fecoris lobum alterum, extra Peritonæum prolapsum eidem accretum.

Beaverat Deus Illustr. Mariam Henly prole mascula, in hoc infantulo fausta Junone Lucina recens nato, observavit obstetrix quendam umbilici tumorem, nucis moschatae magnitudinem æquantem: Uterque Parens Medicum & Chirurgum in consilium adhibent, & me quoque ad octo miliarium distantiam vocari curant: Convenimus omnes intra 30. horarum spatium, jamque tumor ad pugni magnitudinem accreverat: Quo diligenter examinato, candela admota, conspicienda se præbebant intestina versicolora, in eum prolapsa, rupto peritonæo: desuper verò à dextra

tumoris

tumoris partē, quæ sphacelo correpta erat, nescio quam carneam substantiam, intestina deprimentem deprehendimus: Chirurgus cum altero Medico spem unam in tumoris incisione collocatam esse affirmabant, fore, sic ut intestina in suum locum reponi queant: Ego contra dissuadebam, quod intestina sphacelo correpta viderentur, & infantulum admodum debilem, moritutum dicebam, & præstare eum intactum relinquere, quam artem apud plebem maleficam defamare: Parentes vero, filioli vitæ desideratissimi, iis auscultantes, anceps potius remedium experiundum constituerunt, quam infantulum sine auxilio, etsi dubio, Libitinæ absorbendum relinquere. Facta ergo incisione, cum Chirurgus immisso in vulnus digito intestina in suum locum reponere anniteretur, renitente carne substantia, ipsis incumbente, eademque deprimente frustra laborabat; infantulo mox vitalem auram, quam vix hauserat, in mature effundente.

Aperto à morte corpusculo, ne vestigium quidem omenti conspiciendum erat: Lien præterea exiguus admodum apparebat, intestina tenuia, rupto peritonæo, in umbilicum prolapsa & sphacelo emortua: Hepar verò, quod continuum esse solet, nec in lobos, ut in quadrudedibus, divisum, in duos lobos profunde sectum erat, quorum alter in proprio loco, dextro scil. hypochondrio, sub diaphragmate & costis nothis conspiciebatur: alter vero extra peritonæum prolapsus, eidem adeo firmiter accreverat, ut novacula ab eo separari minime potuerit: Cætera sana. *Fridericus Lossius observat. 30. lib. 2.*

Omphalocèle ab ortu contracta.

Puella modo nata, tumorem immensum in umbilico propendentem secum in lucem attulit. Quem cum vocatus inspicirem, deprehendi tenuia esse intestina per umbilicum prolapsa, globi magni instar convoluta, tenui membrana pellucida, qualis amnion foetum involvens existit, investita, in quam chorda umbilicalis desinebat, & vesica ampla humore plena adhærebat; infans cætera bene habitus erat. Cum autem intestina premendo reponere studeremus, videbantur nonnihil in abdominis cavum ex parte remeare, mox tamen rursus cum murmure egredi: Quæstio erat in vesica aperienda, digitoque immisso, foramen per quod egrediebantur investigandum esset, ut per illud intestina reponerentur? Verum quia mox postea intestina inflammata esse conspiciebantur, atque infans sterco- ra evomens admodum debilis erat, nihil tentare voluimus.

Cum exspirasset, atque abdomen aperiretur, intestina quæ exciderant, membranae amnio qua am- biebantur, adeo connexa invenimus, ut nulla ratione ab ea avelli potuerint.

An hoc situ in utero foetui existente & crescente intestina collocata semper fuerint, vel postea antequam nasceretur prociderint, vel in partu, in dubium vocabatur. Ego procidisse diu antequam in lucem ederetur ex eo collegi, quod dum eum mater utero gestabat, ob excrementorum duriciem, conatibus magnis abdomen premere coacta fuit, & quod amnios membrana illi fuerit adnata: Potuisse autem foetum, dum utero inclusus calore matris fovetur, citra incommoda hoc perferre, quæ postea cum à matre separaretur, supervenerunt, eumque è medio sustulerunt, censui. *Platerus Observ. lib. 3. pag. 75.*

Hernia cystica, cui ex terrore juncta bubonocèle.

Herniam magis esse expansionem, aut extensionem peritonæi, quam rupturam, aut dilacerationem ejus, haud dubito, quin inter medicorum filios satis constet. Hic affectus nomen mutuatur à contento; sic hernia dicitur intestinalis ab intestino in ea contento, & omentalis ab omento, &c. Non minus etiam cum vesica urinaria prolabitur in scrotum, hernia cystica dicenda foret, qualis mihi bis occurrit cum Andrea Boë Kelmano Chirurgo expertissimo. Amplissimus vir, Dominus N. N. Mercator Amstelodamentis, ab aliquot annis in tantam mingendi difficultatem incidit, ut urinam reddere nequiverit, nisi manu scrotum elevando comprimeret. Reticuit hoc malum tamdiu, donec simul, mirum dictu! in Bubonocelen solo terrore incideret: Dolium enim ingens vini de improvviso rampebatur in ejus cella, unde ita obstupuit præsens, ut illico in bubonocelen incideret. Id quod semel mihi adhuc observare contigit in alio, qui solo terrore subito herniosus factus erat, retulitque mihi supra citatus Chirurgus in herniis sanandis versatissimus, se se hoc quoque pluries observasse. Hæc igitur bubonocèle coëgit ægrum aliorum manus auxiliares implorare; vocabar ergo cum D. Bellangerio, Medicinæ Doctore eximio, Andr. Boëkelmanno, Petro de la Non, & Petro Adiani filio, Chirurgis dexterrimis. Verumenimvero bubonocèle tam arctè comprimebatur à tendinibus musculorum adscitis, ut nullus nostrum opitulari ægro potuerit, ita ut brevi diem suum obiret. Multiplicis hujus herniæ apertionem concesserunt nobis consanguinei, in qua notavimus bubonocèle dissecta, intestini ilei portionem inflammata, & gangræna (ut sæpius contingit) obfesa, aperturamque (ut vulgo loquuntur) vel potius dilatationem adeo exilem aut arctam circa tendines musculorum abdominis, ut digitus pertransire vix potuerit; unde dicti intestini portio reponi ne- tiquam potuit. In scroto posthac totam vesicam urinariam prolapsam offendimus. *Fridericus Ruyschius in Observationibus Anatomico-Chirurgicis.*

Hernia intestinalis curata post mortem dissectio.

Cantor quidam quadragenarius, sæpius cantando in herniam intestinalem incidit, non absque dolore, præsertim inter cantandum. Chirurgus advocatus illum à cantilenis abstinere jussit, & brachium inguinibus accommodare, quod sex annis gessit, interea temporis se curatum confessus. Post illud tempus, sex mensibus elapsis à pleuride tollitur.

Aperto cadavete invenit idem Chirurgus multum adipis in eo loci ubi peritonæum fuerat dilatatum, & per quod intestina deorsum premebantur, ad magnitudinem pilæ. Adeps dilatationi ita erat accretus, ut nisi cum laceratione circumjacentium partium divelli quiverit.

Omnia ea quæ peritonæum nimis intumescere cogunt, ad herniam procurandam ansam præbent. Hernia nihil aliud sonat quam dilatatio peritonæi, idque quovis in loco Bracherio postea ita constrictum est, ut dilatatum concreverit: vascula tamen adiposa ob summam dilatationem tantam adipis quantitatem in se collegerunt, ut locum antea dilatatum

dilatatum repleverint. *Stephanus Blancardus in Anatomia Practica.*

Bubonocèle Ileofa.

Puerum curavi quadrimum, dire totminosum, acutè febricitantem & interdium nocturne ejulantem, necnon fusque deque omnia rejicientem alimenta, excrementa, remedia. Quarto die extinctus est. In inguine dextro ileon reperi ab agryta *bubonocèles curanda specie*, scuto ita compressum ut gangræna & sphacelo fuerit occupatum. *E Collegiis Clarissimi Caroli Drelincurtii.*

Epiplocele mira.

Puero saltu inguen sinistrum intumuit. Judicatum est, *ileon* eo delapsus, Retrusum & contentum. Sed rursus ludibundo puero cursibus & saltu non unum inguen, sed & scrotum tumidius evasit. Primis mensibus retrusum est denuo epiploon suas in sedes & scuto fixatum. Sed tandem neglectum est ligamen, specie curati morbi. Verum interjecto tempore præparco tumor majorem in molem surrexit, sed quoniam indolens, in cura fuit nulla per menses plurimos. Tandem vero tumor inguinalis dolorem peperit, & ad ligamen prius impulit. At industria nulla prior artifex omentum repellere potuit. Nihil igitur admotum, sed res naturæ commissa. Puer interim & adolevit & virilitatem attigit. Is vero febre synocha putri cadaver evasit, in quo summa cum voluptate omentum detexi intra scrotum tunica erythroideæ penitus accretum fibrillis scilicet veluti hederaceis in illam tunicam penitus infixis, singulas autem omenti arterias atque venas non modo crassiores detexi, sed elongatas omnino & per modum vegetationis intra scrotum ita radicas, ut non nisi filamentis disruptis illud è crypta tua in apertam lucem protrahere valuerim. Quid miri igitur omentum istud reduci non potuisse. *Ex iisdem Collegiis.*

Enteromphalocèle fœminina virilisque.

Mulier ætat. 35. annor. in laborioso partu ob spiritus contentionem laxatus est umbilici circulus, & ileon leviter erupit. Retrusum est primò facile & contentum per aliquot annos, sed deinceps conamine quodam altius prorupit ileon, nec amplius ita repressum, ut antea. Mansit ergo tumor, primis quidem mensibus æstivis indolens, sed autumno & hyeme sævus, præsertim borea flante. Deinde autem, non ad unius boreæ flatum, sed ad quemvis imbrem dolor repungebat acutior & acutior, donec tandem intercluso chylo tam enormiter tumuerit, ut nec remediis cesserit. Toto demum ambitu livefcente, febris, vomitus, convulsio, sudor frigidus & syncope ægram de medio sustulerunt. Repertum est ileon duplicatum laqueo veluti constrictum intra umbilicalem annulum, livens omnino & sanie olida fluxum.

Id ipsum in Caulidico sexagenario vidi qui ventricosus admodum erat, & per multos annos tumorem illum levi scuto compresserat indemnus. Sed venit tandem suprema dies qua umbilicus dire tortus est, donec accedente sphacelo febrili indolentia supervenerit cum animi deliquiis, sudoribus frigidis & ipsa morte vomitum occupante, alias in procinctu uti patuit è nausea & singultibus. *Ex iisdem Collegiis.*

De Sarcocèle & Hydrocele quadam rursus ex iisdem Collegiis.

Lucripetas exector barbitonfores qui sarcomati testiculorum hydrargyrofin adhibent, quæ loculos emungit, sed de causa conjuncta nihil demit, imò majus exinde & dolentius surrectum vidi sarcoma;

In Hydrocele; tunicam inter erythroideam atque testiculi nervaceam, setaceum notavi utilius longè ad recursum morbi arcendum quàm simplex paracentesis. In Phyocele autem quam in recens natis millies vidi, neutrum convenit; sed cataplasma admotum è rosis rubris, balauistiis, caphura & salis armoniaci tantillo.

Anatome Mulieris Omphalocèle prægrandi, defunctæ.

Clariss. Ioh. Henrici Hottingeri. Miscell. Curios. Decur. iij. Ann. 9. & 10. p. 410.

Mulier triginta sex annos nata, à matrimonio contracto pluribus infestata erat morbis, Febrim acutam, Pleuritide vera altero sublequente anno excipiebat: quas tamen feliciter superabat. Puerperium primùm, in eoque partum laboriosissimum pressio, ut aiunt pede, Umbilici ad pomi majoris magnitudinem procidentia sequebatur, Paupercula, tam ob rem angustam quàm etiam malum haud adeo incommodum reticuit ac neglexit. Alterum puerperium nec minus laboriosum ac diu renitens, quod annis ab hinc duobus erat, protuberantiam mirum in modum auxit, ut globum majoris molis superaret, seu si diametrum ipsius considerasses, pedem vel ultra adæquasset. Reddita hinc ad omnia officia peragenda in idonea, emaciata, anhelosa ac hæctica; Sumptibus ulterius parcere studens, ex linteis, sed minùs dextrè confecit subligaculum, non tamen intestina in locum suum naturalem reprimere valuit. Anno plus hoc contenta, symptomata modò recensita magis increbuerunt, appetitum amisit, sitis accessit, calidos cibos rejecit, frigidos autem in deliciis habuit; Statu miserrimo constituta, malo quotidie magis ingravescente, Opem Chirurgi alicujus experti efflagitare coacta est: Subvenit ipsi statim Emplastro ac subligaculo accommodato, intestina reducere diu, sed frustra laboravit: Levamen hinc haud leve se percipere, ob pondus non amplius ita grave dependens, asseruit. Ob diætam verò minùs convenientem (cùm enim Lacti & Lacticiis frigidis nimis indulisset, frigidam pro siti fallenda copiosè, ingurgitasset, &c.) omnia in perjus ruebant, lancinationibus ac torminibus abdominis vexabatur, clinica & lecto affixa per duorum mensium decursum permanebat, tandem à doloribus exercitata nostra è vita discessit. Subsequente die defunctæ cadaver perlustravimus, tumorem aliquo modo subsidentem deprehendimus, Cutim cruciatim pro more incisam separavimus, Aponeceroles Musculorum oblique descendentium crassas valde extensas, ipsos verò Musculos planè depresso & in Hypochondriis residentes observavimus: Recti verò mirum! ita expansi & totum abdomen obducentes, duas ferè palmas latitudine utrique superabant, sepatati verò ordinarios non mentiebantur. Cæteri Musculi Abdominis, ut obliqui descendentes, corrugati, minusque conspicui in Hypochondr.

Hypochondriis degebant. Peritonæum cutis externæ crassitiem & densitatem æmulans secatu difficile, apertum, internè intestina firmiter adnexa tenebat, livefcebat grandinibus copiosissimis, quasi glandulis duris schirrosis pisum adæquantibus conspersum apparebat: Omenti nulla ampliùs vestigia aderant: Omnia intestina tenuia, æquè ac crassæ abdominis parietibus adnexa erant. Venter, Hepar, Lien ac Renes similibus grandinosis prolibus circumdata conspiciebantur: Cæterum in Hepatis, Lienis, Renumque parenchymatibus, interiorem ipsorum substantiam concernentibus, nihil desideravimus. Uterum, qui humoris caleosi quasi micam condebat, valde parvum & corrugatum, ovaria in utroque latere ipsi appensa putrilaginosa, bis eum separabant; Vesica urinaria corrugata, omni lotio depauperata erat, ceu quæ aliquot ante ipsius obitum dies, urinam absque ulla perceptione de se misit. In thorace, veteris Pleuritidis umbram invenimus, Pulmones putro, sinistro lateri accretos, pleuramque materia quædam cartilagini haud absimilis vestiebat, ejusdemque lateris lobus in putredinem incurrebat; Alter etiam ab aliqua labe infectus, à priore tamen discrepabat. Pericardium porius corium durum, quàm membranam tenuem credidisses, pulmonibus agglutinarum, uti & cordi affixum hærebat, ac carceri quasi angusto ita arctè cor detinebatur, ut ab eo scalpello manu suspensa cautè quamvis absque ipsius substantiæ læsione separari ac avelli nequiverit, neve guttam quidem liquoris continebat. Cor flaccidum planè molle, ac vel solis digitis facile discerpi potuisset, in utroque ventriculo moléculas polyposas recondebat.

HERPES

Vid.

CUTIS VITIA.

HORDEOLUM.

Vid.

PALPEBRARUM AFFECTUS.

HYDATIDES.

De Hydatidibus forsanhic in specie non ageremus, ni de Doctissimi Lectoris utilitatè crederemus, Exercitationem Anatomico-Chirurgicam quam in hóc argumentò conscripsit Clariss. Godefridus Bidloo, saltem jam tradere: quæ hæc est.

Lymphaticorum, qui, cum ortu, dispositionem vicinilque cum partibus, negotium eorumque cum myriadibus, usum observavit, inficias non ibit, vasa hæc, in magnum Reipublicæ Medicæ commodum, ab celebrandis omni veneratione eorum detectoribus, memoriæ typis tabulisque tradita eleganter abundanterque, ut totum perreptitant corpus (quod, ductu ligato thoracico in genere; lienis omni constricto vasorum apparatu, ante eorum in ejus molem, in-et egressum, in specie liquet) ita ubique locorum, tam respectu ipsius machinæ liquorisque in ea contenti, cum illorum officii, ægritudinibus symptomatibusque subjici quàm plurimis concedetque multum nos; si non omne id, quod nobis de eorum revera innotescit structura, hujus & superioris seculi debere diligentiae affirmabitque tamen mecum, rerum si fuerit arbiter æquus, de

eorum morbis, machinam sive, sive contenta horumque respiciat usum, nondum esse dictum distinctè; exemplo sint de aquosorum (quod aiunt) tumorum, hæc vasa respicientium genere Hydatides & cum iis cæteræ analogæ partium distentiones: harumenim de originatione, progressu contentique liquidi dispositione ejusque ab statu naturali mutatione, ea sententiarum est varietas & confusa doctrina; ut de iis differere utile mihi videatur & necessum maximè.

Vasorum lymphaticorum, perspectam Etymologiam historiamque lectoribus benivolis assertaque (ut pinguedine turgere hydatides & quæ porro de iis hallucinata est veterum Medico-Chirurgorum schola) jam dudum esse & abundè refutata; ne quod dictum sit prius & satis, dicam iterum, supponens; contendo; Hydatidum multiplex; sed verò distinctu facile, esse genus.

Primum, ex dilatata, inter valvulas, vasis intercapedine, quæ distentio, vase obstructo superius, pro liquidi contenti majore, vel minore ex glandulis impetu, citò, vel tardè absolvitur.

Distentionem hanc valvulas inter; non autem in earum fieri regione, demonstro ipsius ex vasis dispositione, sive structura; valvularum enim latera hoc vinculo; ne ab sese invicem recedant nimium, eo ornantur loci atque hoc modo, distentioni deest opportunitas.

Secundò; etsi lymphæductus, in genere, ab angusto in angustum tubum propagentur abeantque; multis attamen, inter valvulas, locis, varias obtinent, respectu latitudinis, dimensiones ipsæque valvulæ, varia, respectu longitudinis, dimensione, ab sese invicem distant; ut Mercurio, aliove, ipsis infundendo liquido, apparet liquidè; quinimò pondere, aut vi infusionis, quocunque eruperit loco Mercurius, aut aliud ipsis infusum liquidum, nunquam è regione valvularum vasorum latera franguntur.

Obstrui & quo modo, vasa lymphatica; annidior demonstrare schematibus infra propositis. Primò; loco, quo vasis lymphatici latera, præter ordinem, extenduntur, eo loci excitari quandoque obstructionem, ipsis patet, tum in vivis, tum demortuis animalibus; digito quippe eo loci, vicinæ partes tumentes, induratae & ab obstructionis termino hydatides de majoribus in minores abeunt, exploratu sunt faciles. Illæ sint exemplo, quæ in labiis, palpebris aliisque tenuioribus, quatuor involucrorum toti corpori communium, velamentis ornatis partibus, observantur. Hæ obstructiones in vasorum si accidant, mox ab glandulis, egressu, digito explorari non poterunt eruntque parvi momenti; vas etenim hoc usu jam nunc destitutum, evanescit superius, id est, oculum fugit &, ut multa vasa, in formam membranaceæ striæ ligamentive obliterat, delitescit; si in parte, ab glandulis remotiore, ipsa cum concreti inspissatique liquidi massa hydatidumque serie (ut supra) extrahunt demonstrabiles.

Secundò; si vulneris, ulcerisve cicatrice, vas hoc intercipiatur obtureturque, aut membranæ, cui inhæret (sunt enim membranæ, quotquot & quo sint loco, singulæ & omnes, tendines) convulsione alibi locorum constringatur, vel ipsum vas ab vicinis hoc, illove loco, cum in modum, comprimatur partibus; ut muneri obeundo par non sit, vel parietum coalescentiâ officio destituatur; excitari necessariò vasis interioris partis distentionem formari; que hydatides, nemo negaverit Physico-Chirurgus.

Inde

Inde patet, fungentē, cum arteriis, glandula suo munere, debere primò; intercapedines prædictas inter valvulas, obturationis termino proximās, deinde & cæteras extendi, mutarique vasis, hac parte, longitudinem, principio in ovalem, posteaque plus minusve rotundiorē figuram.

Cum autem vasa hæc variam patiantur, respectu latitudinis, ut & distantie ab sese invicem, valvularum dimensionem; quinimò eorum corpus substantiā, fabricā ubique locorum ejusdem non sit firmitatis, duritiei, mollitiei, resiliatitatis &c. fit, ut hæ hydatides quoque magnitudine, figurā, duritie, resiliatitate &c. differant.

Secundum hydatidum genus istis nascitur locis glandosis, in quibus arteriæ finem venæque initium statuo, nutritiæque ab sanguine separatur materia vasæque initium ducunt lymphatica.

Hujus generis ortus progressusque hi videntur. Liquidum in corporis incrementum ab sanguine segregatum in partes, quibus erat destinatum, ægitudine, sive mala dispositione, correptas, non transiens, sive non oppositum, extendit tractu temporis, (arteriā huic parti propriā laticem continuo effundente suum vasisque recipientibus venosis reducendum sanguinem) ista loca & quoniam illa circumseptione non carent, formam munusque obtinent glandulæ, extruitur sacculus membranaceus tumorque hic, qui non raro multas, primi generis, complectitur hydatides, adeoque tandem incrassatur, ut dimidii digiti quandoque superet latitudinem; membranas autem ægitudine accedentium, ut & contentorum liquidorum, correptas, mole angere semper, verum, quàm quod verissimum est. Huic hydatidum cœtui sanguifera inhaerent vasa copiosè, imò & in parte tumoris interiore conspicienda, quæ in primo genere, ut plurimum, vix deteguntur.

Duorum horum generum tumorum quamvis plurima mihi sint exempla, unum tamen solummodò, sed utrumque comprehendens genus, referre assertaque mea quoque commonstrare practicè deque curatione, juxta animi mei religionem, operæpretium credidi, agere apertè.

Monere autem mihi liceat in antecessum, Primò; hæc & similes hydatides non curari, nisi chirurgicè, id est, comprimendo, deligando, extripando scalpello, forfice, igne; rejicio enim, ni fallor, jure merito de supellectile instrumentorum, hoc in morbo, acum auream cum ferrea. Secundò; causticis (porentialibus ut vocant) nihil effici turò; è contrario, digito, quæ explorari possunt hydatides, instrumentis peti posse tractarique cujuscunque sint magnitudinis, loci, aut figuræ, ullo sine vitæ discrimine auferrique probè. Tertiò; glandosa obidentes viscera hydatides, puta hepar, lienem &c. curari nunquam. Exemplum mox indigitatum, hoc est.

Anno 1699. Octobris 11. post iteratas tumoris uniformis, uni coloris, durioris, parvi doloris, magni tamen oneris: erat enim spithamæ dimensionis, ab auris regione usque in posticam superioremque scapulæ dextræ extenu partem, inspectiones atque cum celeb. medico *van Leenwen*, dexterrim. chirurgis *van Eyk* & *Koeks*, consultationes, abstuli, *Roterodami*, viro mercatori, *Jacobo van Helmont*, statura proceriore & robusta, annorum 32. humero ipsi jam ab sex annis impostam sarcinam, hac methodo.

Dissecui, linea, tumoris parte media, perpendiculari, tria generaliora corporis, manu mea chi-

rurgique *van Eyk* elevata de tumore velamina; verum eo non prodeunte, membranam musculorum, toti systemati universalem perforavi; sed neque & nunc in conspectum assurgente, musculus trapezium, parte qua ab colli vertebrarum spinis descendit, findere non destiti, obliquè hoc modo pertulis recedentibusque hisce fibris motricibus versus tendinum alligationes; erumpi mox tumor, qui, dum eum digito liberum ab vicinis sistere molior partibus, ea rumpitur vi, ut ego & adstantes (inter quos quidam Med. studiosi) ejus latice conspergeremur conspurcaremurque fœdè: eo partim expulso, immitto vulneri digitum superiorque intus monstra ali, tumores, nempe, latitare intus varios; comprimmo itaque cloacæ ima, profluunt illicò variæ magnitudinis, figuræ & distentionis tumores, quidam soli, quidam connexi inter sese invicem, quidam pellucidi, quidam opaci, ad numerum 36. & plures (abstulerat enim mox clanculum discipulus chirurgus quosdam, quorum octo mihi postea tradidit) hisce sepositis, arripio, cui infarcti erant separoque de vicinis partibus, multa non sine molestia sanguinisque effusione, sacculum impleoque hiantis magnique vulneris cavam, carpto gypso consperso propicioque lateribus labiisque compressulis, ligaturis, verbo chirurgicè. Perlustrato ter quaterve postea vulneris statu, committo ejus curationem, cum medico, chirurgis, qui eā diligentia eaque felicitate rem peregere, ut intra quatuor septimanas domo exierit; octavā autem integerrimè exiterit curatus, fruens in hoc usque momentum, ut hujus anni 1707. septimo Martii mensis, mihi tabellis primò; deinde suā præsentia significavit gratulabundus, valetudine prosperima.

Concatenatæ hydatides pondere moleque minores, aut motu non agitatæ violentiore sacculo prædicto, aut parti, in qua excitantur, manent affixæ.

Si verò, tractu temporis, pondus & moles ingravescat, aut motu agitenter violentiore, prædictum in sacculum, aut partes inter vicinas, ratione majoris, aut minoris contiguitatis, mollitiei &c. cedentes, loca quærunt fiuntque eruntque suntque hydatides plus, minusve pendulæ. (1)

Quod si pondus, moles & violentior motus ingravescat ulterius, decidunt in prædictum sacculum, aut partes inter vicinas, quibus recedere facta est opportunitas atque hoc casu unā, aut multæ sunt; sed sine sacculo & liquore cui innatent, hydatides deciduæ. (2)

Quod si excitentur in partibus, cavitate donatis, quibus quædam de corpore rejiciuntur. (3) eruntque inuncupandæ rejiciendæ, videlicet, virtute machinæ corporis, aut medicè; raro chirurgicè.

Trinum harum specierum recitaturus exempla, non possum in antecessum non narrare, quid Amstelædami, simili cum Helmontii tumore acciderit.

Similem cum, forte fortuna, ante aliquot annos, aperisset tumorem Amstelædami, medicaster quidam Valentyn, persuasit agræ, ex incantatione malum hoc traxisse originem, credulum mox spargitur in vulgum fabulæ rumor impostorque lucripeta, famæ quoque inhians, pendulas deciduasque hæc hydatides ei pro ovis obtrudit, eā quidem impudentiā & animi firmitate; ut, non agra, ut non vulgus tantum; sed & non inferioris subsellii cives (taceo quosdam medicastrostos lipposque aliosque imperitos, sed muneribus aliàs

alias spectabiles viros) de tramite rationis prudentiæ & pietatis seducerentur figmentoque fidem adhiberent ipseque ego (fores enim ipsius populi nocte dieque rerum novarum cupidi obsidebat agmen) intrarumpere vix potuerim posteaque fuerim expertus, eorum multos in hoc usque momentum, credulitatis hujus, ne dixerim fidei, servare reliquias & stigmata.

Hæc refero, ut tyrones medico-chirurgi, dum actu quid opus sit, simul & discant resistere præjudiciis, fallaciis impostoribusque, quorum turba medicinam chirurgiamque, pro viribus suis lacessere, deprimere, perdere desisteret nunquam.

Primò; in membranis quæ nascuntur hydatides, vesiculas exstruunt depressas, vel sunt pendulæ tardius, aut citius, magno, aut parvo pedunculo, pro minore, vel majore succi lymphatici in eas impetu, aut minore, vel majore teneritudine, vel densitate ipsius, cui affiguntur, membranæ. Hujus exemplum, ut minora & ab aliis recitata, taceam, vidi ante aliquot annos Amstelædami, cum famigeratiss. Medic. Egb. Veen, in cadavere uxoris tutoris, una quæ hydatidis pendula (nulla quippe alia ei erat infarcta) ovario alligata dextro, libras capiebat liquidi non fœrentis; sed turbiduli xl. ea cum ventris distensione inferioris, ut imprægnatam jurasses & non sine verisimilitudine, quoniam antea trium liberorum extiterat mater, annosque ultra 37. non numerasset.

Huic observationi non imparem videat lect. beniv. quoque apud alios, quibus hæ hydatides, placentæ glandulæ minutissimæ videntur, cum probatu sit facile, eas lymphaticorum systemati suam debere originem.

Secundò; deciduas hydatides, formicarum ovis simillimas, in hepate, multo, variis locis, pure turgente, atque hoc modo locum ipsis in eo latice cedente, quatuor ante annos, auditoribus meis demonstravi in nosocomio.

Tertiò; rejiciendarum hydatidum (prædictæ classis speciem) acervos in naso, stomacho, intestinis, utero, vesica &c. locis excretioni cuidam aptis natis, detexi multoties.

Hæ rejiciendæ hydatides, vel si malueris, dejectæ jam nunc per anum, quæ in corpore fractæ quandoque cum intermixtis membranis gluten album albumenque exprimunt ovorum multasque quandoque expelluntur ad libras.

Quærat quispiam, non immeritò, quid obstet, quo minus teneræ hydatides tumoresque decidui non frangantur succumque inter & in alias partes non effundant suum, multo vicinarum partium motu & allisione agitati semper?

Respondeo: Primò; hydatidum membranas, morbo correptas, nempe, densiores fieri consilioresque, atque contentum in iis liquidum, purum, putum diu posse resistere motui, mutationi putredini atque proinde non frangi semper.

Secundò; fieri & accidere illud sæpius, medicis, vel chirurgis id non observantibus indeque varios latices (respectu commiscendorum, cum hocce vicinarum partium liquorum) forma sub varia varioque sub; sed non vero nomine, nunc medicè, nunc chirurgicè, nunc & virtute organorum, quæ occupant, de corpore eliminari.

De hydatidum porro figura nemini non constabit, eam; videlicet, ut plurimum esse rotundam, vel sphericam; sed verò ratione ipsius vasis lymphatici inter valvulas varia dimensione (vide pag. 12. lin. 5. 6. 7. 8.) quandoque & debere extare

variā, verum globosā, ex parte, semper.

Est & aliud hydatidum (tertium) genus, cognitu apprimè dignum, labiis internè scorbuticorum familiaris morbus: invadit illa ex albo, nempe, livida, sine dolore, quantocyus flaccescens, albescentis ulcerisque formam fingens induensque depressum tuberculum, quod, ni memoranda mox exceperis methodo, cum labiis genas cumque hisce ossa gangræna, sphacelo, carie corrumpit & non raro homini vitam adimit.

Esse principium hujus mali partemque primò affectam, loci in quo nutritionis negotium absolvitur, lymphaticorum vasorum, cum levi eorum eminentia; ex hisce liquet phænomenis.

Primò; prinsquam, hoc tuberculum, vel ejus generis quædam apparent, turgēt languido somnolentoque homini in genere facies, in specie labium, victum respuenti alvumque non deponenti, torpent artus omnique totique deest corpori vigor.

Secundò; tuberculum hoc nunquam in pustulæ formam, rubedine conspersam, sequenti quod in classe plus, minusve pro corporum dispositione, observatur, assurgit; sed ab apparitionis tempore brevi flaccescens, intra biduum ulcusculi impuri, in fundo albescentis, cum labiis duris, obtinet faciem. Fundo pertuso liquidi aliquid; sanguinis verò, nisi profundius ei intruseris scalpellum, emititur nihil.

Si unquam, jam nunc res agitur magna, chirurgus pertractanda; sed confestim; quod si etenim moras neccitaverit, peragenda procrastinaverit, egerit imprudenter: totam itaque hanc, imo & vicinas pertundat, convulneret partes, usque dum sanguinis puri, puti insignior defluat copia, crebris scalpelli ictibus (scarificationibus dicunt) fricetque *viatrioli cyprini solutione*, repetatque hunc actum bis, vel ter ea die agatque, respectu totius corporis, remediis volatilibus medicè: crudescente jam nunc parte affecta, injiciat ei *chelidonii succi saccharati*, vel ejus nominis *mel*, largam portionem genisque maxillæque inferiori sæpius iterandum ex herbis seminibusque fragrantibus &c. forum; caveat autem sibi, ne hoc temporis morbique statu *spiritu* utatur *vini*; ejus enim insperione ulcusculi, vel apertæ hydatidis, cum fundo, margines indurantur: abstineat quoque *mirrha*, *aloë*, &c.

Hac servavi methodo, Deo adjutore! Nobiliss. Juvenem annorum tum temporis vix quinque, hoc jam tempore, nostro in Athenæo Themidem venerantem, in quo hic morbus derepentè, id est, duorum dierum spatio, ab aciculæ capitis magnitudinis tuberculo, ad digiti latitudinis circulum inferiore in labio exspatiatum divagatumque vidi-mus.

Curavi hoc modo, haud ita pridem, Amstelædami, postquam sexto, aut septimo ab morbi initio die, cum deferuerat, ut mortis candidatum, chirurgus, puerum 8. annor. Judæum: curavi, inquam; sed non sine sinistri totius ossis propriè dicti, maxillæ superioris ablatione, quod in rei exemplum possideo; sed non itidem eo in statu morbi, fœrentibus, nempe, squallentibusque partibus mollioribus ossique nigricante, sine *spir. vin. ung. fuscæ Felic. Wurizii* iterata creberrimaque insperione. Quod mirabere (lect. beniv.) tota quanta, tanto, quæ juveni jam nunc de vulnere relicta, vix hujus apppositi circuli circumferentiæ, parva cum faciei deformitate, cicatrix est.

Majoris momenti poterit videri tertium, quod sequitur

sequitur, exemplum; primarios hac in curatione Amstelædamenses medico-chirurgos eo tempore habui consultores adiutoresque, habeoque & hoc tempore rei gestæ testes.

Filius sartoris annos agens circiter novem, Amstelædami hoc morbo adeo corripiebatur violenter: ut quarto, aut quinto die, livido fœtentique ex ulcusculo, totum ferè inferius vitæ extaret destitutum labium. Præstabam, quod potis eram, medicamentis incisionibusque leviusculis (scarificationibus) sed sine fruge. Hoc in casu dubio; si unquam, chirurgico ausu (absit jactantia) forfice partes rescui correptas atque cicatrice, mediis vulgaribus, obduxi facilè. Inter curandum autem observabam, deficiente labio, parte maxima, salivâ madere conspurcarique pueri pectus de die in diem fœdius; ita ut bracteâ tandem capsulâ, mento appentâ, eam recipere adigeretur osque ipsi ringens, nobilioris in artis dedecus, ab me factum videretur; ut non sine indignatione operationis meæ censores & post ictum cum piscatore sapientes nomothetæ quidam medici & chirurgi increpitabant: hoc, etsi stomacho vitæ studio illo valebam; concoquere tamen non valebam: aliud propterea quid aggrediebar audebamque, cultello, nempè, myrtiformi, quod in mento labii reliquum erat, ab conhärentiis resolvi unâque cum angulis superioris labii futurâ intercepti confirmavi- que solidè: en tragœdiæ felicem catastropham libera- vi enim puerum memoratis ab molestiis eò quoque usque, ut applaudendo criticis meis extaret exemplo.

In castris hoc grassari morbi genus vehementer, autumnali præsertim tempore regionibus sub jove frigiodore, prætermittendum hic non videtur, ut & prædicto pede curari ritè.

Hiscè enarratis perceptu concessuque faciliora erunt mea cogitata rationesque, quare hunc morbum, genus speciemve dixerim hydatidum sphacelumque iis alium aliterque constituerim, quàm cæteris corporis partibus, Ut rem extra omnem dubitationis colloca- am, audi (lector: beniv:) multa, quæ doceant propositi veritatem ulterius: unicuique parti corporis, pro sua dispositione, esse específicos morbos, in confesso apud omnes est: ex: gr: arteria, vena, nervus &c. ex morbo an laboret? phænomena indi- gitant specifica, nulli alteri parti tribuenda. Sic in hoc morbo quæcunque apparent, nutritii lymphati- corumque spectitant, cum partis vesiculari elevatio- ne, ut supra & ex ipsa jam liquet curatione, orga- num.

Moriuntur autem, hoc morbo affectæ partes citius, alio quàm quidem aliæ sphacelo corripiendæ; qui partes hæ in antecessum, stagnante liquido nutritio, partim in organo secretionis partimq; in lymphaticis (sanguinis proinde quoque munere destitutis vasis) jam nunc intus ad mortem, ad sphacelum sunt dispositæ proximè; cum in alias partes, puta carnem, vasa sanguifera, glandulas &c. præ- via non sine & in partibus vicinis perseverantè in- flammatione, sphacelus agat eique vitalis mobi- liorque resistat latex sanguineus: esse & sphacelum, ratione dispositionis partium, varium; in nervorum cætu patet distinctè: nervus quippe inferius, pone in manu sphacelo exceptus; separatur, vicinis conser- vatis partibus, usque quandoque in ipsam axillam; hic verò arteriaque venaque &c. conservabuntur sphacelo in totum corrupto musculo eis adhærente quàm pro- ximè.

Ut autem in hoc morbi genere nutritionis lymphati- corumque cum contentis organum & vasa destitu-

untur munere, sanguifera illaque cum iis perdantur; ita in sequenti genere lymphatica per sanguifera pes- fundantur.

Sed vide (lector: beniv:) hunc affectum ne cum ulcere virulento, corrosivo, arrødente, neque cum ulcere in genere, quod Græci *ρῶλον* dixerunt, confundas: omnia enim illa ulcera alia principia, alios progres- sus, alia phænomena aliamque obtinent curationem, de quibus singulatim dicere unius dissertationis; nec pagellæ est; ne autem de verbis lis & in verbis ver- sati hæc videatur doctrina concedo facilè, lymphati- ca in hoc morbo, cum organo secretionis succi nu- tritii, sphacelo vexari sui generis i. e. ab omni spha- celo distinguendo & hac dicendi nuncupandique me- thodo posse renuntiari, hunc morbum esse lymphati- corum & nutritionis organi sphacelum: esto, mo- dò phænomena descripta curatio sequatur præscripta, juxta rationem, semper, sufficiat. Quare aurem hunc lymphaticorum affectum ad hydatidum quoddam re- tulerim genus, monui supra repetoque verbo; quia in eo mox ab initio vas lymphaticum organumque secretionis succi nutritii turget.

Ubi arteriæ & venæ, latice nutritio in partes detru- so lymphaticorum radices, paululum ab earum glan- dolo de organo (supra descripto) progressu, extus implicant, intricant, obambulant, adeo; ut mune- re suo debitè fungi nequeant, nascitur tumor hyda- tico-sarcomaticus, id est, in quo sanguiferis luxurian- tibus, lymphatica opprimuntur citissimè eorumque limpidas latex parum, in initio, postea verò nihil auge- tur: extus itaque sarcomatis ex livido rubentis, intus ve- rò hydatidis, laticem retinentis primum, præbet faciem.

Hoc tumorum genus, labiis genisque frequens, vulgò cancerum; sed malè, vocant; cancer quip- pe glandularum conglomeratarum, non verò lym- phaticorum morbus est.

Horum tumorum, memoriæ mandanda plurima suppeditavit exempla, praxis mihi mea chirurgi- ca; præprimis in viro publicano, Annorum 26. aut 27. cui inferius labium hisce tumoribus, us- que adeo intumescebat, claudi, ut nullo potuit modo, horrendo adspectu nudi prostantes dentes sa- livaque de ore, cum dolore fluitaret acerbiorè continud. Multis incassum ab aliis adhibitis re- mediis, mihi tandem, de vita jam quasi despe- rans, curationem committit, quam scalpelli tor- sificque ope auspicio; quam autem operationem; nisi post integræ horæ intervallum multasque ægri vociferationes, absolvo. Horum tuberculorum, viciæ magnitudinis, quædam racematim coherentia (semina canceri vocant) una vice, quædam verò singulatim, ad insignem numerum, multa sec- tione atque incisione aufero: omnium maximus tumor, dimensionem nucis avellanæ non excedebat; multitudine, non autem magnitudine, conspicui ex- tant. Hæmorrhagiam, restringuo spongiis, gypso au- xiliantisque juvenis digito, carpto obvoluto, vulne- rata vasa comprimendis. Peraçto negotio omnique sin- guloque deposito tuberculo, vulneribus lacerationi- busque prospicio chirurgicè. Sequenti die, apparatu amoto, pendulum video & quasi sine motu & vita labium; videt sentitque illud & æger, heu! quibus me, impatiens iræ dixerim, an furoris, non lacerat scinditque dicteriis scommatibusque! ut me crimina- tur? inticitia, crudelitatis &c. contumeliosè. Sed expe- dio rem: curatur; notissimis ex melle spirituque vini remediis labiumque splenis machinisque ex charta, ligno, linteo, corio, pro re nata, confectis sufful- tum, corrugatur; ita ut, quod patulum invi- tus nuper, jam nunc, si velit, oclusum habeat os.

Non

Non possum satis mirari, Clariss. Solingium, virum mihi amicitia quondam conjunctum, cap. 36. Operat. Chirurg. dictitavisse, *forficem, hac in operatione nullius, acum verò multi esse usus hemorrhagiamque cauterio extirpare deprimendam actuali*. Crediderim ipsi, veteres, hac in parte, inò & nominis hujus morbi respectu, sequenti, veram non innotuisse hujus tumoris dispositionem, nec extirpationis methodum, ab qua tamen tota & omnis dependet rei exitus; videlicet, labium pollice & digito indice ad ejus extrema ora firmissimè arrepto, invertendum extrorsum & nunquam, nisi re peractâ plenè, dimittendum; quinimò quemcunque avuleris tumorem, cum auferendum per alium, cui & sanguinis repressio, ut supra, commendanda. Si æger lassatus tuque digitos remittere cogeris, fac genas intus interim labiumque detergas, perlustres exploresque, an tumoris quid, quod omiseris, transferis, reperiatur & pergas eodem, quo incepisti, modo. Post curationem labium illud tenue cum superiore (& sic vice versa, in superiore si sit) quoniam mole differt, interius solummodò conjungitur clauditurque, eminente atque propendente labiorum altero.

Hisce anatomicè perlustratis tumoribus, eorum, ut supra innui, detexi dispositionem, fabricam, texturam; esse, nempe, hydatides sui generis, habentes, cum tumore *moro*, commune nihil: quod mox tumoribus dissectis ad oculum patet: liquidi in *moro* intus enim nihil, hisce verò in tumoribus pellicula intus duriore obvelatis liquidi purioris, vel post longum temporis intervallum, tenacioris multum; puris tamen, ut hoc obiter moneam, formam induens, nunquam.

Ne postremò vobis (Tyrones medico-chirurgi: quibusdam enim imposuerunt) similitudine cum prædicto aliisque imponant morbis, qui pessima ex consuetudine, irâ, aut furore, ab dentium compressione in labia, exstruuntur tumores, hæc vobis animadvertenda.

Primò; hosce tumores livescere, dolere, extuberare post actum mox; sed secundò; pallefcere, non dolere, flavesccere itidem mox curatique brevi, adhibitis, tertio (dentibus carpto obvolutis, ne de novo inter sese collidantur eundemque compriment locum) *spiritu vini tepidâ diluto*, parti affectæ ipsique labio exterius *defens. Vigon.* quod si avulsi quid vix labio cohæreat, forficem auferendum illicò vulnèrique primò; *aq. lûbarg.* deinde *mel* inspergendum *rosaceum*.

Quamvis (lector beniv.) hac exercitatione de generali specificaque Hydrope tumoribusque symptomatibusque chyli lymphæque organa porro spectantibus; dicendi nata mihi proba factaque videatur opportunitas, subsisto (affinitate etenim non ficta, cum hisce & alia conjuncta incedunt tumorum genera, longum quorum dimetiri syrma, non negligam imposterum) ne ab scopo, mihi hoc temporis momento proposito, avertar, quàm oportet, longius.

HYDROCELE Vid. HERNIA.

HYDROCEPHALUS.

Hydrocephalus Aquosum Capitis Apostema, seu aquositas quæ in Capite reperitur dici consuevit.

Bibl. Chirurg. Tom. II.

„Congregatur autem interdum, inquit Manardus „Epistol. Med. lib. 7. Epist. 2. in capitibus præsertim puerorum aqua in medio aut cutis, aut pericranii, aut hujus & ossis, quam *ὁδρονκεφαλὸν* Græci vocant. Pariter Galenus Aquam in capite extra cranium interdum esse admittit, tuncque mollem apparere tumorem; aut quandoque sub cranio exiliter, neque tum foris conspici; vel nonnunquam utrobique inesse. Afferunt porro nonnulli; ejusmodi morbum nequaquam fieri, neque inchoari, nisi in recens natis puerulis, idque ex morbi hujus causis ritè pensiculatis constare putant; nihilominus tamen observatum fuit, pueros septem, octo, decem, duodecim annorum hoc Affectu laborasse.

II. Est autem Hydrocephalus Tumor aquosus; vel totam anteriorem capitis partem, vel majorem ejus portionem occupans; hinc quibusdam haud immerito Hydrops Capitis appellatur.

3. Causa itaque hujus Affectus est Humor Aquosus in toto corpore redundans, hinc in capitis partes, exteriores plurimum, effusus, qui nonnunquam serosus, aliquando pituitosus, & subcruentus, semper verò lentus ac subvilcidus existit.

4. Cæterum quatuor hujus Affectus enumerari solent differentiæ, desumptæ ex sede diversa. Aliquando namque aquosus humor inter cutem consistit & pericranium, tuncque mollis est tumor, doloris expers, eique impressa digitorum inhaerent vestigia. Nonnunquam pericranium inter & cranium humor colligitur, estque Tumor magno cum dolore, neque tam facile tactui cedit. Aut inter cranium & crassam menynghem; Vel sub menynghibus in ipsius cerebri ventriculis humor continetur, atque tum foris nulla tumoris mollietis est, sed futurarum cranii dehiscencia sentitur, quemadmodum visum fuit in bienni puella, cujus meminit Andræas Vesalius, intra cujus cerebri ventriculos novem prope aquæ libræ deprehensæ fuerunt, ut refert *Humani corpor. Fabric. lib. 1. cap. 5.*

5. Equidem Aquosus Humor si extra cranium hæreat, Hydrocephalus aliquando curatur, nisi ob tenellam patientis ætatem remedia adhiberi nequeant. Sed sub cranio, vel ipso in cerebro si humor collectus sit, lethalis est affectus: hinc rectè ait J. C. „Arantius lib. de Tumor. pr. nat. cap. 1. eorum qui „ab interna causa Hydrocephalo corripiuntur, & præcipue altius latitante malo, neminem evasisse vidi. Si apoplexia aut Lethargus accedat, mors præ foribus est.

6. Ut autem tollatur hic Affectus, Antecedentes Causæ primo sunt removendæ. Quem in finem circa Victum, Resque cæteras Nonnaturales, & circa Remedia Universalia, si ægotans adultus sit, eadem conveniunt, quæ pro Oedemate curando proposuimus. Sin verò infans sit, Nutrix parce tenuiterque vivat, & siccantibus utatur, humectantia fugiat, ac parum bibat; dein curandum ut tum Infanti tum Nutrici alvus semper libera sit.

7. Sed ad Continentem Causam ex parte læsa tollendam, duplex occurrit Curationis Methodus. Altera est, quæ Topicis convenientibus absque manuali operatione omnem humiditatem absumit. Altera vel unica incisione, vel pluribus scarificationibus aquosam materiem educit. Prima Curationis Methodus sane tutior est; in Puerulis præsertim natu minoribus; atque poros cutaneos Aperientibus, Materiamque Conjunctam Attenuantibus & resolventibus perficitur, sub quacunque forma, Capiti applicentur. ex. gr.

Nu

24. Rad

℞. Rad. Calami aromat ℥iij. Fol. betonicæ, majoranæ, Salviæ, rosmarini, Summ. Anethi an. Mj. flor. Stachados Arab. Mß. bacc. Juniperi ℥ß. Sem. Cumini ℥iij. Cerevisiæ tenuis vel vini albi Gallici ℔iij. S. A. in Diplomate pro fotu. Hoc fomentum cum pannis laneis Capiti calide admoveatur, ac identidem renovetur, exacte interim cavendo. ne unquam refrigeretur. Et quia sæpe id prohiberi nequit, hinc fomenti loco Capiti imponatur cucupha ex foliis majoranæ, Betonicæ, Salviæ, calamenthæ, floribus stachados, Lavendulæ, rosæ Rubris Nuce moschata; &c. quæ sæpius permutetur.

8. Malunt alii totum caput linimento inungere.

℞. Olei cucumeris asinini ℥j. Rutæ, anethini an. ℥ ss. Absynthii stillat. gutt. xv. M. F. Linimentum. eique inunctione facta mappam probe calefactam, vel modo laudatam Cucupham imponere.

In adultioribus haud inutiliter Spiritu vini calido caput fricari solet, quod tamen non temere in Infantibus tentandum.

J. B. Cortesius laudat Unguentum à Foresto descriptum & probatum, quo spatio trium dierum, in puero quindecim dies nato Hydrocephalum se curasse refert.

℞. Pulv. Absynthii. flor. Camomillæ aur meliloti an. ℥ij. butyri recent. Olei camomillæ aut Anethini an. ℥iij. Ceræ parum q. s. M. F. S. A. Unguentum. Alii Cataplasma ex Cephalicis in vino coctis compositum, & capiti applicatum multum laudant.

Cataplasma ex Cochleis cum Decocto Cephalico minutim contusis extollit Avicenna, eoque Ægram se sanasse refert Carolus Piso.

IX. Sed remediis hisce si morbus non cedat, ad alteram curationis patrem, Chirurgiam puta, deveniendum est, quæ proponitur ab Aetio & Paulo Ægineta, dicendo: "quod ubi aquosa materia inter cutem & pericranium, vel inter pericranium & cranium continetur, & quando tumor parvus est, apex ipsius unica incisione per diametron à parte postica ad anteriorem ducta incidendus. Si vero materia inter pericranium & cranium contineatur & tumor major sit, duas per medium se mutuo secantes, crucis instar incisiones moliemur, vel triangularis formæ. Sin grandior adhuc sit tumor; ternas literæ H figuram æmulantes, aut etiam plures juxta tumoris magnitudinis proportionem.

10 Equidem Curatio hæc, quæ per Incisionem fit, quamvis à gravissimis descripta sit Auctoribus, cum vix tuta sit, mihi non probatur; atque de periculosa illa Hydrocephali apertione testatur Fabricius Hildanus Cent. 3. obs. 17. imprudenter illos agere, qui in Hydrocephalis multa promittunt, sectionemque tentant, Si tamen per imposita exsiccantia & resolventia medicamenta aquosus humor absumi nequeat, atque adeo Chirurgia requiratur, præstat in pluribus capitis locis maxime tumidis (cavendo à musculis temporalibus) cum Phlebotomo parvas facere incisuras, quales in Venæsectione, aut partis post appositæ cucurbitulas scarificatione fieri solent; Deinde mappæ siccæ ac probe calefactæ imponantur, quæ identidem, quoties à suscepto humore seroso madefactæ sunt, permurentur, usque dum omnis aquositas ablata, & Hydrocephalus sanatus sit.

11 Alii Causticis capitis cutem aperire, vel Actuali Cauterio inurere, quinque, sex, pluribusve in locis suadent: sed videtur talis Chirurgia merito suspecta, & ob Cerebri vicinitatem admodum periculosa. Atqui potius usu venirent Vesicatoria, on ticuli, Setacea.

12 Si sub cranio, viz. crassam menyngem inter & cranium, vel sub menyngibus ipso in cerebro hæreat aquosus humor, nulla tentanda Chirurgica Operatio, sed per sola Topica procedendum, & reliquum opus naturæ committendum: recte namque inquit Ambrosius Paræus Cheir. lib. 7. cap. 1. ex tumore & humore intus sub cranio contento neminem convalescere vidi. At de variis, nec non monstrosis Hydrocephalis videantur Scenkus obs. medic. libr. 1. p. m. 10. 11. 12. Fabricius Hildanus Cent. 1. obs. 10. Cent. 3. obs. 17. 18. 19. Cent. 4. obs. 10. 1oh. Munnicks in Chirurgia ad Praxim hodiernam adornata.

De Hydrocephalo, sic scribit Clariss. Antonius Nuck in Experiment. Chirurgic.

Datur Hydropis species ὑδρεκέφαλον Græcis dicta, ab obstructis aut disruptis Vasis Lymphaticis capitis originem trahens. Hinc Tumores & aquæ collectiones in eo fiunt vel externè vel internè. Externè inter cutem & cranium, Internè inter Cranium & Duram matrem, nonnunquam inter Duram & Piam matrem, subinde inter Piam matrem & cerebri Corticem, vel denique in ipsis cerebri Ventriculis aquæ colliguntur, quibus caput in monstrosam magnitudinem extenditur.

Infantes frequentius hoc malo corripiuntur quàm adulti, quoniam eorum vascula, jussu adhuc molliora, levi negotio extendi, nimis verò extensa faciliè disrupti possunt. Sanguine insuper succisque ab eo dependentibus crassioribus & ad obstructionem magis aptis sunt præditi.

Chirurgus prudenter hinc procedat summopere necessarium putamus; Chirurgiâ enim, incisione & perforatione institutâ, nunquam Hydrocephalum restitutum audivimus, sed omnes, in quibus Operatio fuit administrata, extinctos inde fuisse, Practici fide dignissimi unanimiter testantur.

Si malum internè à lymphâ crassâ & viscidâ, Vasa Lymphatica obstruente, originem traxerit, medicamenta Volatilia atque Sudorifera, Diureticis maritata, internè assumpta, utramque absolvunt paginam.

Externè Cataplasmata, vel Fotus capiti calidè admovenda v. g. Ex Fol. Artemis. Major. Rosmar. Absint. Caph. & Croco cum s. q. Vin. alb. Gall. quodd bis terve de die renovetur. Vel

℞. Pulv. Rad. Cucum. Asinin.

Irid. aa. ℥ß.

Sem. Cumin. ℥j.

Farin. Fabar. ℥ij.

Flor. Meliss.

Anthos. q. pl.

Cum vino F. Cataplasma eodem modo applicandum.

Hoc Cataplasmate Practicus quidam singulari cum successu fuit usus.

Nonnulli fasciæ adminiculo, quam Capitalem Latini, La Capelline Galli vocant, quaque totum caput obvolvunt, Hydrocephalum restituere conantur, sed irritò planè conatu.

Si verò malum fuerit externum, & in principio, vel si leviori humoris extravasati pressione, Sutura à se invicem recedant, imposito prius Emplastro de Cumino, diâ fasciâ patientem aliquando restitutum novi.

Quæritur, an Fonticuli, Setacea, & Vesicatoria aliqujus utilitatis hoc in affectu esse possint?

Resp.

Resp. Si lymphæ acrior fuerit, Vasis Lymphaticis adhuc integris, præter interna medicamenta, eadem profuisse præticis observatum. *Hæc Clariss. Nuckius. Sequuntur jam Curationes aliæ &c.*

Curationes.

In Hydrocephalo limaces cum suis testis pistentur & reducuntur in formam emplastri, quod capiti applicatum & relictum, donec sponte cadat, mirabiliter resolvit. *Iohann. Hartmann. in Prax. Chymiatric.*

Curatio hydrocephali in infantibus adhuc lactantibus admodum difficilis est, quod infantes sint teneri, & medicamenta purgantia non tolerant, quocirca caute admodum & summa cum prudentia cum his procedendum est. Solis topicis fovendum est caput, ut roboretur calor eorum nativus & sic per insensibilem transpirationem materia hydrocephali evacuetur. Topicum autem medicamentum, quo solo tenellorum infantium caput refocillari, & materia hydrocephali evacuari potest, sic componi debet.

℞ Ess. rorismar. & salv. an. ʒj. pulv. cinnam. & nuc. moschat. ana ʒss. caryophyll. ʒj. ceræ ʒij. picis navalis ʒiij. fundatur & liquatur cera cum pice, quibus liquefactis adde pulveres, & ultimo infunde essentias, dum materia saltem tepet, ne essentia evanescant, & lege artis fac cerotum, quod deorsum capillitio semel in die capiti infantium applicetur, donec caput omnino detumeat. Quod si vero infantes sint robusti, ut purgantia medicamenta sustinere possint, mercurio dulci ipagyrice præparato purgentur sequenti modo.

℞ Mercurii dulcis ʒj. diagrid. è succo liquiritiæ dissoluti & rursus exsiccati gr. v. conserv. viol. ʒj. m. f. bolus, detur mane cum regimine & custodia artis. Per capitis purgum nostrum ac sternutamenta etiam expurgari queunt, ut materia hydrocephali per nares educatur, sicuti pariter per sudores & urinas hæc affectio exterminari potest. Sudores sudorifico nostro cum jove & mercurio parato promovenitur.

℞ Milii solis ʒj. faxifrag. & rest. bovis an. m. j. terebinth. Venet. ʒiij. mell. opt. ʒiv. spiritus acet. rectificat. ʒj. f. omnium destillatio per alembicum vitreum in cineribus ad materiarum siccitatem, ita tamen ut caveas, ne materia comburantur: Hujus liquoris destillati ʒss. misceatur cum jusculo pulli, & detur manè semel in die, essent. etiam salv. gutt. 3. aut. 4. in jusculo pulli propinata ad hydrocephali curationem valde cōferunt. *Joann. Petr. Faber in Patholog. Animal.*

Autor hic docet, quid sollicito medico in cura hydrocephali cum primis agendum, ut scopum suum consequi feliciter valeat; Nimirum talia esse adhibenda dicitur, quæ calorem nativum specifica virtute (medicamenta cephalica, eaque calida dubio procul hic subaudit) exhilarare ac recreare ita queunt, ut refocillatus denuo functiones suas exserere, ac potissimum collectam aquosorum recrementorum copiam expellere auspicetur: Hoc enim nisi fiat, prognosticum mali ominis instituit Autor, & infantulis hinc moriendi necessitatem imminere non immerito prædicit: Exinde enim non tantum calor nativus penitus demum extinguatur aut suffocari potest, verum etiam tenelli cerebri violenta ob pondus retenti copiosissimi feri compressio, vel lethalis ejusdem obstructio ac per consequens aut apoplexia aut lethargus pertimescendus erit. Duo

Bibl. Chirurg. Tom. II.

sunt in Arte Medica juxta Epiphan. Ferdinandum ardua, quæ difficultatibus scatent non contemnendis, ac titubantem proinde Medicum, gravidis nempe & infantibus mederi. Infantes enim quod attinet, ipsi sanè secundum ipsius Galeni confessionem quàm maximè intractabiles existunt, præsertim quod medicamenta convenientia, prout par est, insinuati ipsis nequeant; & quod tanto insuper robore non polleant, ut remedia illa & ex illis quidem purgantia, quæ tunc eaque fortiora medendi methodus requirit, tutò porrigi possint. Ergo ut in dubiam aliam hic utique, itur, & valde anceps propterea infantilium morborum curatio deprehenditur, quapropter cuncta prudenter & caute hic peragenda erunt; ne conscientia suæ Medicus injuriam faciat, hoc est neque temerarium nimis, neque formidolosius etiam se in hoc casu exhibeat: Hac ratione enim penitus vitanda non adhibebit & usurpanda non expavescet aut abhorrebit. Tutò autem hic tua progredi circa renellorum lactentiumque hoc malo afflictorum curam se existimat Autor, si ad sola topica tunc refugiat: Unde etiam hujusmodi formulam remedii seu ceroti adposuit, quod tamen ut ut juxta componendi leges se recte omnino habeat, nostro quidem animo nisi universalia hoc est clysteres ad minimum ac sudorifica debite præmittantur, non tantum nequaquam secure, sed cum exitio potius applicabitur, quoniam eo ipso pori potius (qui nihil aliud sunt, quàm quædam insensibilis transpirationis ac sensibilis pariter seu sudorum portæ) ob admotam undique cum pice ceram, conglutinabuntur aut obstruentur, adeoque materia peccantis vigium quo minùs excerni queat; citius retardabitur, verum etiam quum topicum istud vim calefaciendi ac fundendi habeat, sic confortato calore nativo aut spiritu, ac proinde exstimulata infimal expultrice colluvies serotina deorsum citius pelli, atque ad vitalia seu præcordia præcipitari poterit, ut vehementissima rursus, gravior anhelandi difficultas aut catarrhus suffocativus facilè hinc succrescere valeret. Nos itaque hujusmodi characteris topica, nisi balsamica & secretè habenda virtute (sic namque efficaciam præstabunt aquosam seu ferrosam hanc colluviem quasi magnete extrahendi) singulariter dotata sunt, nisi in forma liquida præferbantur, nullo modo commendare possumus: Aut si nihilominus cuipiam hic curandi modus vel hoc ipsum Autoris topicum arriserit, suademus ut in antecessum clysteres supra à nobis designati & postmodum sudorifica nobiliora pariter superius laudata præmittantur: Hac enim ratione tutius quodammodo Authoris methodum sequi licebit. Quid faciendum cum robustioris constitutionis infantibus hydrocephali sarcina onustis nunc subjicitur, & propterea purgans iis porrigendum, utpote cujus vim sustinere sic valebunt, absque hæsitazione ulla consuetur. Verum nec forma cathartici illius nec dosis approbanda nobis videtur, siquidem tam in forma boli medicamenta infantibus vix ac ne vix quidem insinuari posse ex praxi constet, quàm ipsam dosin mercurii dulcis videlicet ad ʒj. pro hac ætatula esse evidenter nimiam, vel quilibet statim conspiciat. Verum instabit fortassis quispiam primò, remedia ex mercurio præparata tutius exhiberi non posse, quàm in formula pilularum aut boli vel etiam electuarii, quod mercurialia exactius sic subigi ac commisceri queant, ut in deglutendo faucibus vel œsophago non adherere, adeoque salivariones aut hujusmodi incommoda alia exinde alioquin provenientia oppido sic præcaveri possint: Deinde in hujus

Nr 2

mali

mali cura mercurium dulce nequaquam negligendum esse, quod is serositates & humores noxios præ reliquis omnibus purgantibus masculè sed sine perturbatione ulla ac blandè educat, & proinde infantibus etiam securè præbeatur. Respondemus his omnibus nos etiam nullatenus contradicere; sed tantummodo in dosi hujus mercurii primò desiderare, quod tunc gr. v. vel vi. ejusdem & diagrid. gran. 3. vel 4. (acuuntur enim mercurialia purgantia non absque ingenio cum fortioribus purgantibus, ut eo citius nactò hoc stimulo operationes suas perficiant, nec diutius in corpore permaneant) sufficere possint. Dein; de quod formam pharmaci concernit; rectius electuarium liquidiusculum hinc conficietur, addendo scilicet conserv. viol. ʒj. & parum insuper de syrupo viol. admiscendo, quo modo sicut nec minus vel cum syrupo solo purgans illud facilius insinuari posse infanti hydrocephalico non desperamus. De caputpurgiis sen sternutatoriis, quorum quidem usus præmissis itidem universalibus in hoc affectu plurimi valoris est, dum materia peccans per nares velut per propiorem viam & confertim sic educi potest, adnotamus, quod infantes valde inepti existant ad applicandum sibi remedii genus, dum fortiter id naribus attrahere, prout requiritur, non calent, nisi pulvis cannulæ beneficio naribus insufflatur, aut si liquidum sit per armicum per siphunculum immitatur. Ideoque tunc balsamus majoranæ commodius substituetur, qui narium interioribus inunctus suaviori modo ac pedetentim sternutationem concitabit. Deinde circa sudorificum maximum seu joviale nullum est dubium, quin id cum fausto successu tunc adhiberi poterit, præsertim si ad gran. 3. cum aqua sudorifica ac cephalica propinetur, sicuti etiam diuretica sed pariter præstantiora multum auxilii præstare id poterunt, quorum mentio & catalogus alibi plenius oblata occasione examinabitur. Illud verò diureticum, quod in præsentia ab Autore adscriptum concernimus, tenellorum constitutioni itidem valdè ingratum ac horridum erit, cum primis in tanta dosi ad ʒß. nempe cum jusculo porrigendum: Cui accedit, si ingredientia nullo præoccupati affectu æstimare non vereamur, quòd singularis aut nobilis tantoque Chymiatro digni remedii titulus huic diuretico nulla ratione attribui queat. Præstantiora ergo quum habeamus hodierno seculo hujusmodi efficaciarum medicamina, & quum ipse Autor & alibi in hoc tractatu suo excellentiora diuretica nobis communicaverit, quorum dosis ad quasdam guttas dumtaxat aut grana se extendit; non injuriâ levioris conditionis medicamenta prescribimus, aut sicco pede præterimus. Specifica cephalica, quorum numerum adornare etiam possunt essentiarum rorismar. & salv. spagyric. aut peculiari menstruo paratæ non penitendam operationem exserent; modo præmissis universalibus curæ hujus primordium fuerit institutum. Quod autem tam frigide hujus affectus curatione tractaverit Autor; forsitan deficienti occasione, & dum malum hoc (prout rarum id est, ac proinde Medicorum paucis hujusmodi observatio contigit,) ipsi curandum non occurrat, non male adscribemus: Unde & nobis consultius videtur hic nostro quoque loco abstinere manum, quod sub scuto experientiæ de hydrocephalo testatum dare parum aut nihil valeamus: Interim tamen hoc saltem adjicimus: Medicos illos non aberraturos, qui ad nobilissimum emeticum aliquod in paucâ dosi datum in principio mali, ubi vires adhuc constant, præmissis tamen convenienti enemate, confugiunt, utpote, cujus beneficio ex capite

(factam exindè concussionem compatiente) ferorè hæc materia commodiusculè & moveri & promoveri, hoc est evacuari poterit: Deinde cum spiritum nostrum cephalicum in percurando hydrope tanquam singulare & probatissimum specificum fuerimus experti, quantò magis is & quidem duplici ut patet vel multiplici potius (viscera enim mirè confortat, calidum innatum recreat, sudorem & urinam suaviter provocat, imò cruditates digerit, ac superfluitates omnes potenter consumit,) nomine ad hydrocephalum ex sententia tollendum conducet, videlicet in aq. quadam cephalica v. g. salv. vel ceras. nigr. vel flor. tiliæ &c. ad gut. vi. vel vii. sedulò exhibitus. Ad extra tandem aquam nostram salutarem nunquam non feliciter in sublevandis omnis generis tumoribus calide adhibitam usurpavimus. *Christianus Langius in Animadversionibus ad Joh. Petri Fabri Pathologiam.*

Medicamentis absumentibus aquosum humorem, simulque etiam affectam partem roborantibus utendum, qualia sunt sequentia:

℞. Ros. rub. furfur. melilot. an. m. j. flor. anth. chamæmel. salv. beton. stæch. an. p. j. bulliant in f. q. aq. addita vini austeri quarta parte, quo decocto modice calente, infantis caput singulis saltem octo horis irrigetur quinque vel septem diebus continuis; dein.

℞. Ol. chamæm. aneth. an. ʒj. pulv. absinth. ros. rub. an. ʒvi. sulphur. exacte pulverat. ʒij. ceræ, q. l. f. linimentum, quo ter in die caput infantis liniatur, & lanâ succidâ obtegatur: interposito interdum præscribendi nunc cataplasmatibus usu.

℞. Mell. ths. origan. m. j. sal. ʒss. cum modico vini austeri & croci gr. iv. vel v. f. cataplasma capiti infantis de more adhibendum. De Chirurgia nihil proponendum duco, quod tumorem hunc præfidiis præscriptis ex arte administratis omnino cessurum putem; verum si punctione seu incisione pro educenda aqua opus erit, aqua sensim ac paulatim, non autem tota simul evocetur, ne infantis vires deiciantur. *Jo. Zecchius consult. 64.*

Hier. Fabrit. ab Aquapendente, in hydrocephalo infantium maximo, ut remedium efficacissimum; laudat aquam calcis vivæ, si ea calida spongia imbuatur, & capiti imponatur, ac hoc solo remedio se hydrocephalum curasse scribit. Idem commendat spiritum vini primæ destillationis, cum parte quarta aq. scabios. cum spongia impositum. Monet autem hic spongiam novam esse recipiendam, & arctè fasciâ capiti alligandam, ac ne refrigeretur, calido linteo superposito moderate calefaciendam esse. Exsiccant & thermæ sulphuræ, ubi earum est copia, si spongia in iis madefiat, & capiti imponatur; in defectu vero coquantur in aqua sal. sulphur. & alumen, & eodem modo applicentur. Avicennas usurpat cochleas, quas coquit in decocto artemis. stæch. calamenth. vel ebul. easque ita coctas contundit, & calide capiti raso applicat. Sed ante usum discutientium & exsiccantium medicamentorum evacuanda est aqua è toto corpore (si per artem fieri possit) hydragogis, sudores & urinam moventibus. Adultioribus pil. coch. exhiberi possunt, vel succus iridis, vel gr. ij. elaterii cum pil. convenientibus: per sudorem serosum humorem evacuant decoctum lign. guajac. sarsaparill. sassafras, vel balneum laconicum, & sudatorium: per urinam evacuant decoct. betonic. rad. fœnicul. asparag. sem. anis. & alia. *Daniel Sennertus præct. lib. 1. part. 1. cap. 28.*

Consultatio.

Puello unius & dimidii anni, per sex menses ablato, cum à parentibus pauperioribus fere negligere-
tur, nec ei alimenta convenientia, sed lac pressum,
crudum, fructus horarii crudi, aliaque similia daren-
tur, & caput etiam hyberno tempore non satis te-
ctum servaretur, caput in parte capillata & fronte
usque ad oculos cœpit intumescere, qui tumor spa-
tio unius mensis in tantum adauctus est, ut fere ad
virilis capitis magnitudinem excreverit: facies tamen
non intumuit. Et autem tumor ille mollis & albi-
cans, eique alte impressa digitorum vestigia inhæ-
rent. Puer interea mediocriter edit & bibit, non fe-
bricitat, sed somniculosus est, & totius corporis
membra languide movet. Nares præter consuetudinem
sicciore sunt & saliva paucior ab ore profluit, Uri-
na & liquidæ alvi dejectiones satis copiosè proce-
dunt.

Hujus pueri affectus Medicis hydrocephalus appel-
latur, qui est tumor capitis, quo caput à serosi humo-
ris collectione intumescit. Hic serosus & pituitosus
humor collectus est extra cranium, & latet sub cute,
quod tactu percipitur, quia nulla ossis durities sen-
titur, sed tantum mollis tumor. Serosus, pituitosus
& copiosus, esse humorem qui colligitur, patet
ex colore cutis albicante, & quod alte impressa di-
gitorum vestigia capiti inhæreant sine dolore. Cau-
sa antecedens hujus mali sunt humores frigidi & hu-
midi in toto corpore, & imprimis in cerebro col-
lecti, qui extra cranium elati, & sub cutē conden-
sati, causam continentem constituunt. Humores hi
generati sunt, tum ob pravum victum pituitam, cru-
dosque humores producentem, tum ob frigidam &
humidam totius corporis constitutionem, quippe
horum ratione viscerum coctiones debiliores evasere,
unde multi pituitosi & serosi humores generati sunt:
qui partim per urinas & alvi liquidas dejectiones
evacuati, partim ad caput delati fuerunt, cumque
per nares & palatum more solito non effluerint,
à cerebri calore in crassos vapores attenuati, cranii
poros & futuras transierunt, atque sub cute rursus
condensati, ibidem constiterunt & collecti sunt. Per
nares & palatum evacuati non sunt, quia sua cra-
ssitie ductus eò tendentes obstruxerunt. Sub cute
aurem collecti sunt, quia ab externo frigore ejus
pori angustiores & humores ipsi densiores evaserunt,
ita ut ob crassitiem per contrictos poros permeare
non potuerint. Cumque quotidie novi humores ad
prioros accesserint, & nulli vel admodum pauci per
poros dissipati fuerint, hinc factum quod caput spa-
tio unius mensis in tantam magnitudinem intumue-
rit. Ager alimenta adhuc assumit, quia ventricu-
li appetitus à cruditate saburra non multum im-
peditur, cum illa per copiosas urinas & liquidas al-
vi dejectiones satis evacuetur. Non febricitat, quia
humores non putrescunt, nec caloris est nimius
excessus aut malignitas. Somniculosus est ob frigi-
dam & humidam cerebri intemperiem, cujus ratio-
ne non tantum nervi sensorii flaccidi, & ad spiri-
tuum animalium transitum, atque objectorum sen-
sibilium receptionem minus apti sunt, verum etiam
pauciores spiritus animales generantur, cum à fri-
gida humiditate angustiores seu strictiores factæ sint
arteriolæ in plexu choroide, atque hinc pauciores
spiritus vitales transmittantur, qui quandoqui-
dem materia sunt à qua animales conficiuntur,
sequitur si illa materia pauca sit, necessario quod

inde generatur paucum esse debere. Hæc spirituum
animalium paucitas etiam in causa est, quod ager
totius corporis membra languide moveat; cum enim
dicti spiritus pauci ad partes & musculos influant, ne-
cessario motus animalis languidus est. Alvus liquida
est ob copiam serosorum & pituitosorum humorum,
qui in corpore generantur, & magna parte ad inte-
stina defluunt, quorum tenuior pars sanguini per-
mixta, & in renibus ab eo separata, urinas quoque
facit copiosas.

Hic affectus admodum periculosus est; licet enim
collectio feri sit extra cranium, atque hinc magnam
sanationis spem promittere videatur, tamen pericu-
lo non vacat, cum capitis intemperies, totiusque
corporis cachexia magna sit, serosus humor copio-
sus, & ætas tenella, quæ fortia remedia non fert.
Quia tamen in re dubia adhuc spes apparet, cura-
tio quamprimum est instituenda antequam affectio
pejor fiat.

In curatione serosus & pituitosus qui in toto cor-
pore redundat humor, in primis ille qui in capite
colligitur, quocunque modo clementer evacuandus,
& viscerum corroboracione ac intemperiei sublatione
ejus copiosior generatio, & in capite collectio im-
pedienda.

Primò cum cochleari exhibeatur syrupi de cichori
laxativ. ℥ β. cum pulver. jalappæ gr. v. vel vi. vel
passularum solutivarum ℥ v. vel vi. comedendæ den-
tur. Postea subinde exhibeatur pauxillum theriacæ ve-
teris, & si fieri possit, sudor provocetur. Offera-
tur etiam ter quaterve de die pauxillum conserv. an-
thos; melissæ, aut florum salviæ. His præmissis
sequenti fomento tepido caput sæpe foveatur.

℥. Herb. betonic. rosmarin. organ. thymi;
flor. chamomill. melilor. stæchad. an. m. j. fol. laur.
m. β. sem anis. scenicul. cumin. an. ℥ ij. vini alb. q.
s. coquantur ad ℥ ij. pro fomento, cum magnæ
spongia aut panño laneo admovendo, diligenter
cavendo ne refrigeretur. Postquam usu hujus fomen-
ti tumor capitis maxima ex parte dissipatus est, ad
ulteriorem intemperiei sublationem, iungatur ca-
put mane & vesperi hoc ungento calido.

℥. Olei chamæmel. unguent. alabastrin. an. ℥ j.
olei nucis moschatæ express. ℥ iv. pulv. castor.
styrac. calam. benzoin. an. ℥ j. misce; f. unguentum.
Post inunctionem imponatur capiti tale capitium.

℥. Fol. rosmarin. majoran. flor. chamomill. me-
lilot. an. m. β. benzoini, gariophyllorum, nucis
moschatæ, an. ℥ iβ. f. pulvis grossus, è quo in se-
rico rubro conficiatur secundum artem capitium in-
tersutum. Postea relicto etiam linimento, hoc so-
lum capitium diu in capite gestare debebit. Interea
etiam ad viscerum corroboracionem bis terve de die
exhibeatur cochleare hujusmodi mixturæ.

℥. Aq. flor. tiliæ, liliorum convallium, ana ℥
ij. aq. cinnam. ℥ vi. syrup. de stæchad. ℥ j. mis-
ceantur. Vel hujus loco detur subinde pauxillum me-
licrati. Regioni ventriculi, hepatis & lienis hoc li-
nimentum iungatur.

℥. Olei laurini, chamæmelin. unguent. marti-
al. an. ℥ β. olei nucis moschatæ expressi ℥ iβ. mis-
ce fiat linimentum. Si hæc non profuerint, in capi-
tis tribus quatuorve locis maximè tumidis lanceolâ
perforatio exigua per cutem facienda est, non ma-
jor quàm in venæ sectione fieri solet, ut per illa fo-
raminula serum paulatim exstillare possit, quod map-
pis calidis impositis excipiendum est, usque dum flue-
re desinat, postea antedictum capitium capiti im-
ponendum est.

In victu sit aër calidus & siccus. Cibi offerantur paulò sicciores quam ordinarie huiusmodi puel-
lis exhiberi solent: ut panis biscoctus masticatus: of-
fæ ex pane albo cum decocto passularum, aut jus-
culo gallinæ humectatæ, ac cinnamom. & sacchari
pauillo conspersæ: Pulcullæ etiam conficiantur ex
farina tritici cum decocto passularum, iisque aliquan-
tulum vini addatur. Bibat æger subinde lac amygda-
larum cum pauillo aquæ cinnamomi. Abstinendum
ab usu lactis pressi acidi, feri lactis, cerevisiæ te-
nuissimæ, fructuum horariorum, & pomorum, licet
coctorum. Somnus sit mediocris, non nimis longus.
Excreta naturalia si non procedant, arte provocen-
tur. *Isbrand. de Diemerbroeck de morbis Capit. Me-
dicat. 25.*

Observationes.

Quamvis in ventre ut plurimum sese manifestat
hydrops, eum tamen in omnibus fere corporis par-
tibus nasci posse experimur. Præter abdominis enim
hydropem, sive ascitem, pectoris etiam datur hy-
drops, capitisque ac testiculorum, tam virilium quàm
muliebrium, nec internis tantum, sed & in externis
corporis partibus, cujus veritatem demonstrabo obs.
28. hic loci saltem acturus de hydrocephalo, quem
mihi videre licuit 4. Decembr. ann. 1685. in filiolo
Chirurgi cujusdam Hagienfis bimulo, cujus ca-
put latitudinem adulti capitis multum excedebat,
hoc enim totum ambiens, à syncipite videlicet ad
occiput, linteum tres spithamas, sive ulnam longi-
tudine æquabat. Infans ille sano quamvis, & bene
disposito corpore in lucem fuit morbo, à quo usque
tempore caput primo incrementum, visusque sensum im-
minui cœpit, tandem omnino sublatus.

Quemadmodum diversus admodum est abdominis
hydrops, ita etiam hydrocephalus, qui tam partium
capitis aqua distentatur, quam causarum intuitu
multiplex est. Collectio enim aquarum contingit,
vel in toto capite vel in aliqua parte; siquidem non-
nunquam in externis tantum advertatur partibus, in-
ter cutem videlicet; & pericranium, vel inter peri-
cranium, ac cranium, quandoque & internis tantum
partibus inter cranium, & meninges, inter dupli-
caturam duræ meningis, falciſve, vel ipsas inter
cerebri membranas, aut inter piam matrem, & ce-
rebrum, imo aliquando in dimidia tantum capitis
parte, interdumque simul tam in internis, quam ex-
ternis. Attestante Vesalio lib. 1. de humani corp.
Fabrica cap. 5. Ut & Fabrit. Hildano cent. 1. observ.
10. in ipsa interdum cerebri cavitate reperitur aquæ
quantitas, hydrocephali sæpius causa. Dionys. van-
der Sterre tract. de partu fol. 168. se duos hy-
dropes in embryonum partibus capitum exteriori-
bus vidisse narrat, è quibus, aperta tantum cute,
aqua profluxerit. Similis rei mentionem facit Caro-
lus Piso de morb. à serosa colluvie sect. 2. part. 1. c.
1. fol. 49. Puellæ, inquit, cuidam frons, pal-
pebræque supra admirationem tangebant adeo de-
pressæ, & conniventes, ut eas tollere, oculo-
losque aperire nequaquam posset: sed & calanti-
cam, sive redimiculum capitis abjicere à me
jussæ, universum pariter caput immaniter cons-
picatus, in eodem sapiusculæ manu contrectato
mollitiem deprehendo insignem, & humorem
sub cute fluctuantem, qui tactum subterfugiens
quidem, sed mox refluens, recurrensque evidenter
se proderet. Hoc malum, cum ad menstruam
purgationem, hætenus omnino suppressam, tum ob

assiduam sub sole moram, cui ejus loci incolæ maxi-
mam vitæ in hortorum, vitiumque cultu transigen-
tes vivunt obnoxii, ortum fuisse autumo. Non
multum differt quod habet Epiphan. Ferdinand. hist.
21. fol. 66. & Joh. Baptist. à Lamzuverde append.
obs. ad armament. Chirurg. obs. 33. fol. 253. Henri-
cus Regius Prax. med. cap. 13. fol. 57. Pueri memi-
nit trimuli, cujus caput contractum molle erat, & di-
gitis pressum subsidebat in fossulas, radiisque solis,
vel candelæ expositum pellucebat; quamvis ille ju-
dicaverit malum intus in cerebro latuisse, quia puer
sensibus erat stupidioribus, & somnolentus, reliquo
corpore, licet sufficienti cibo, potuque frueretur,
macilentus, pallidusque. Credidit Riolanus humo-
rem in externis hydrocephalis transire ad cerebri
ventriculos, verum Joh. Jacob Wepferus exercitat.
de Apoplexia fol. 20. statuit ipsum non primo ex-
terne congregari, posteaque versus interiora pro-
rumpere, sed vice versa originem habere in cerebri
ventriculis, interdumque versus exteriora adeo ex-
pelli, ut ibidem animadverti queat. Andr. Vesalius
lib. 1. cap. 5. de non exiguo agens hydrocephalo
humorem nonnisi in cerebri ventriculis reperiri ait.
Humorem illum omnium primo in iis provenire
ventriculis G. Fabrit. Hildan. etiam cent. 3. obs. 17.
scribit: alias enim (inquit) nonnullæ post mortem
viæ reperirentur, per quas ille è partibus externis
deductus fuisset ad cerebri ventriculos, quas tamen,
etiamsi diligenter indagaret, reperire non potuit.
Zacutus Lusitanus prax. admir. lib. 1. obs. 5. hu-
morem invenit inter duplicaturam duræ meningis.
Theoph. Bonet. Anatom. pract. lib. 1. sect. 2. obs.
45. fol. 112. ejusmodi liquorem lymphaticum à Chi-
rurgo Baylly non tantum inter duram meningem, &
cranium, sed & in falce, & duræ meningis duplica-
tura, ad quinque circiter libras Medicas repertum
fuisse refert. Expertiss. Steph. Blancardus col-
lect. phis. med. cent. 1. obs. 73. fol. 65. se in sep-
tem mensium abortu inter duram, & piam matrem
magnam aquæ sanguinæ latentem quantitatem ani-
madvertisse memorat, cujus forsan causa, ut ait,
fuerit præcedens matris lapsus: cerebrum autem ejus
molle & aquosum erat. Johannes Jacobus Wepferus
exercitat. de Apoplexia histor. 13. fol. 376. & histor.
14. fol. 398. se non cavitates tantum cerebri, sed
& locum illum inter duas meninges plerunque va-
cuum sero repleta invenisse narrat.

G. Fallopius obs. à Francisc. Michino edit. indi-
cat se intra pueri cujusdam sexennis piam matrem,
& cerebrum, ut & inter hujus gyros aquam conspe-
xisse. Andr. Vesalius lib. 1. de hum. corp. fabrica,
bimulæ puellæ meminit in cujus cerebri ventriculis
septem mensium spatio novem aquæ libræ collectæ
fuerint. Quamvis autem cerebrum ejus juxta verti-
cem ita pressum, & in se contractum reperiretur, ut
membranam aliquam crassiorem referret, & genui-
næ cerebri membranæ sibi adeo essent contiguæ, ut
unum, idemque corpus viderentur, cerebellum ni-
hilo secius, ejusque basis, & nervorum processus
naturaliter se habebant, quare puellæ ad finem us-
que vitæ mens sana fuit. G. Fabrit. Hildan. cent. 1.
obs. 10. fol. 19. pueri cujusdam mentionem facit,
cui caput in tantam excreverat molem, ut ejus ro-
unditas ulnam & quartam ejus partem, altitudo
autem ab aure ad aurem totidem æquaret longitu-
dine: is autem non ita natus fuerat; sed cum sep-
timum ætatis mensem vix attigisset, caput mirum
in modum ei tumescere cœperat. Intra triginta
autem menses paulatim ad dictam magnitudi-
nem excreverat, unde puer in lethargum inciderat,

nec ira diu post obierat. Diffecto cranio in duobus anterioribus cerebri ventriculis aqua crystallo lucidior ad libras Colonienſes 18. apparuit. Hæc autem non ventriculos tantum, ſed & ſubſtantiam cerebri diſtendebat, ita ut totum cerebrum (cerebellum excipit Hildanus) in ſacculum extenderetur, unde circumvolutiones, gyrove cerebri, turgentibus omnibus, non apparuere. Dura & pia matres integræ erant, atque ita dilatatæ, ut totum cerebrum cooperirent: cranium ſimiliter dilatatum erat, ſed paſſim membranolum potius, quàm oſſeum, nec reperiabantur meatus, per quos ſeroſus illè humor ad caput delatus fuerat, quantumvis accurate diſpicerentur omnia. Cur autem, dicit quiſpiam, hoc, quidquid eſt liquoris, in cerebri ventriculis apoplexiam non producit? Reſp. Quia aliquo modo eſt ſpirituofa reſpectu aliarum aquarum, & coagulationis expers, adde quod ſenſim in cerebro colligatur, & non ſubito; ſenſim enim ibi collecta ſenſim quoque poros, tubuloſque cerebri dilatat, & non comprimit, vel obſtruit, ut quidem fieret, ſi uno imperio fuiſſet collecta. Idem Hildanus cent. 4. obſ. 10. fol. 294. pueri cuiuſdam quintum ætatis annum nondum prætergreſſi meminit, cujus capitis circumferentia continebat pedes Geometricos duos, cum ſeſquipede, & pollice, altitudoque eadem erat: cranium utcumque durum erat, & nonniſi quibuſdam locis membranolum, reliquæ vero corporis partes proportionem pueri ejus ætatis obſervabant, non ita, ut hydrocephalorum ſolent eſſe corpora, extenuata. Ingenio puer ſtupidus admodum erat, viſu, audituque, nec non loquela deſtitutus: Id vero malum ex eo provenerat, quod circa annum ætatis ſuæ primum morbo laboraſſet graviffimo, & acuto. N. Tulp. obſ. med. l. 1. c. 24. fol. 49. de puero memorat quinquenni è cujus capite poſt mortem educatæ fuerint quinque aquæ libræ, quibus effuſis omnia adeò vacua apparuerint, ut plerique Medicorum præſentium, ſed præpropere, hic caput ſine cerebro conſpici judicaverint. Tale autem hydrocephali exemplum aſſert. Theod. Kerckring. obſ. Anat. 46. fol. 102. & Zacut. Luſitan. prax. Med. admir. lib. 1. At oculi acie illuc penitus directæ, ſatis perſpicue liquebat non deſuiſſe cerebrum, ſed amiſſa figura globola, formam convexi forniciſ induiſſe, ut inſtar membranæ craſſioris undique arcuatæ diſſolutorum oſſium circumferentiæ adhæreſceret, quali etiam modo ſe habuiſſe puellam Andr. Veſalii, de qua loco adducto, idem aſſeruit.

Demonſtravit an. 1666. D. Joh. Hornius Anat. Profeſſor Leydenſis hydrocephalum pueri anni unius è quo aq. $\frac{2}{3}$ 36. hauriebantur. Th. Bartholin. cent. 1. hiſt. 20. fol. 40. exemplum habet pueri quinquennis hydrocephalo laborantis, cui caput tantæ molis erat, ut tria adultorum ſuperarit, circumferentia ulnam æquans cum quadrante, duasque ſpithamas altum, fronte ita elevata, ut oculorum orbitæ mediam faciei partem occupare viderentur. Sutura laxatæ omnes à ſummo capite ad occiput, & in utroque capitis latere. Nulla verba articulata proferre, nec ciborum quicquam manducare potuit, quia ſuperior dentium ſeries longè ab inferiori propendebat. Os perpetuò madebat ſero copioſo aſſatim è capite profluente. Pedes ſuſtinendo corpori impares erant. Hoc autem malum inde ortum arbitratur Barthol. quod matri pauperculæ, quæ undecim ſine labe tali pepererat liberos, quum hunc utero gereret, præter conſuetum morem gravia omnia eveniſſent, uterusque adeò intumuerit, ut prono in terram corpore

progredi fuerit coacta. Plura hujusmodi habent M. Aurel. Severinus de noviff. obſ. abſceſſ. c. 9. Schenck. pag. 11. & 12. Paulus Æginet. lib. 6. c. 3. Ætius tetrab. 2. ſerm. 2. c. 1. Philip. Ingraſſ. lib. de tumor. præter naturam tr. 1. c. 1. fol. 380. Nonnunquam dimidiam tantum capitis partem occupat hic hydrops, cui rei bina proferunt N. Tulp. obſ. Med. lib. 1. c. 25. fol. 50. liquorum, vel in dextro, vel in ſiniſtro cerebri ventriculo hærentium exempla: in quorum alterutro ſe ultra duas aquæ libras tam ſtriçtè uni iſti parti incluſas vidiffè ait, ut altera illæſa planè eſſet, & integra.

Differunt autem hydrocephali ratione temporis, vetuſtatis, & magnitudinis. Nonnulli ſe ante partum in utero materno manifeſtant, ſive ex imaginatione, ſive lapſu matris, aut ipſius fœtus incommodo intra uterum ſitu orti, vel etiam matre nimis craſſis alimentis, aut fructibus, aliſve refrigerantibus utente, unde ſanguis ejus nimis evadit craſſus, & tardus, vel etiam, quando illa tempore gravidationis aliis obnoxia fuit morbis. Bald. duinus Ronſſæus de extraçt. fœtus c. 23. Goudæ anno 1562. ſe puerum quendam vidiffè hydrocephalo laborantem ſcribit, cui mortuo in lucem prodeunti caput toto corpore fuerit gravius; cuiuſmodi plura extant apud Helvvigium obſ. phyſ. med. 3. fol. 9. Joh. Lechel. ephem. German. decur. 1. ann. 1. pag. 138. necnon Stephan. Blancard. collect. med. phyſ. ut de morb. pueror. fol. 208. Nonnulli poſt natiuitatem demum ſerius, citiuſve ſe manifeſtant hydrocephali, quamvis raro, vel non adeo magni conſpiciantur in illis, quorum crania jam omnino clauſa ſunt, quia oſſa tunc ſolidiora evaſere, & per conſequentes intus contento liquori non facilè cedunt. Hujusmodi autem pueri prius obirent, quàm ſemel occluſa crania dehifcerent, quamvis G. Fabrit. Hild. cent. 3. obſ. 19. exemplum habeat juvenis cuiuſdam 18. annor. cui monſtroſum valdè erat caput; rotunditas enim ejus duos pedes Geometricos, & pollices decem contingebat, altitudo capitis ejusdem erat magnitudinis; reliquum corpus, imprimis pedes (qui contorti erant, & retracti) & crura extenuata erant; cranium autem non membranolum, ut plerumque hydrocephalorum eſſe ſolet, ſed durum; ſolidumque Mente non uſque adeo conſtabat: loquebatur tamen ſatis diſtinctè, comedebat avidè, & multum; ſed mirum in modum ipſum à morbo epileptico vexari referebant Parentes. Caput verò accreſcere inceperat tertio ætatis anno, cum morbo quodam liberatus eſſet acutiore. P. Borellus hiſt. & obſ. rar. cent. 1. obſ. 38. fol. 43. de puella quadam 12. ann. nata narrat, quæ maximo continuoque verticis, futuræque coronalis diu laboraverat dolore ſine febris tamen, rumoreve, aut rubore, cuique remedia omnia utiliora incaſſum admovebantur, ita ut tandem mors finem miſeriis, & doloribus ejus impoſuerit. Aperto autem capite, abſceſſus repertus fuit natibus, & infundibulo cerebri inhærens, è quo aq. clariffima cum impetu ad libras duas exivit quaſi è fonte ſcaturiens, & in altum proſiliens: cauſa verò hujus mali fuerat, quod quinque vel ſex ante morbum menſibus ſcabiem capitis, ſive achores paſſa à Monachis quibuſdam malè curata fuiſſet remediis repellentibus, frigidifque unguentis, unde caput refrigeratum, ſeroſitateſque in eo cumulatae fuerint. Zacutus vidit hydrocephalum in puero decem annos nato. Roget quiſpiam cur magis affectus ille in infantibus quam

adultis observetur? Ratio est, quia tunicae arteriarum iis sunt molliores, atque pori, tubulique angustiores, nec motus sanguinis tam efficax. Interim quoque arteriarum facilius dilatantur, & particulae crassiores in cerebrum deponuntur. Quæritur autem, anne & in brutis reperiantur hydrocephali? Eos in vitulis, bobus vaccisque observavit Joh. Jacob. Wepfer. exercito. de Apoplexia fol. mihi 69. & Thom. Barthol. act. Hafn. tom. 1. pag. 249. indicat quæ idem Wepferus, Colonos id animadvertere posse in bruris, quando in pratis vertigine corripiuntur, testaturque se audivisse apud Subsylvanos in Helvetia frequentem hunc boum esse morbum, ac se vertigine prodere. Addit & bubulcos esse, qui ipsi medeantur. Hi primo malleolo post cornua pulsant, ubi ex sono aliud vacuum spatium, ac vulgo sunt in craniis bubulis, percipiunt, eumque mox perterebrant, ac foramini pennam inducunt, & attracto spiritu vesicas huiusmodi extrahunt. Si in superficie existat prompte suctioni cedit; si autem profundior, & cerebrum immersa sit, successu frustrantur. Ac tum quidem quantocyus bos mactandus est. Idem hoc modo multa animalia curata fuisse ait, memoratque quum juvenca in pascuis crebrius vertigine corriperebatur, se mactatae caput, in quo causa mali latuerat, forte fortuna obtinuisse, quo aperto, ac cerebro denudato, sinistram latus sub lyncipite tumidius & mollius reperisse; quod cum durius attrectasset, profuissse aquam limpidissimam, faciemque ei conspurcantem. Post quod, inquit, tumor subsedit. Divulso autem cerebro ad corpus usque callosum ventriculum sinistram aperuit, invenitque vesicam tenerrimam, totam anteriorem ejus partem occupantem, quam citra ulteriorem lacerationem integram extraxit, ovum gallinaceum magnitudine superantem. In ventriculo, verticem versus superius, & infra, asperitas leviuscula ubi vesica annata erat, apparuit, ac si seminib. papaveris albi aspersus fuisset; Ventricleus autem sinister duplo major erat dextro: in anteriore parte superior ejus pars, & lateralis tempora versus, propter extensionem, tenuis vix cuticelli dorsum æquavit: cætera omnia in cerebro sana erant. Similem, at paulo minorem vesicam idem Wepferus in bovino cerebro, dextri ventriculi anteriori parti undique accretam se invenisse ait, in cujus fundo mucus instar sedimenti crassioris, atque candidi lapilli, tanquam creta friabiles, subsederant. Si quis quærat, quo pacto liquor ille in cerebri cavitates perveniat: dicendum est, varias circa illud phenomenon occurrere considerationes, litemque adhuc sub iudice esse. Existimant Riolanus, Regiusque poros in dictis cavitatibus existere, humoremque illum à circumferentia cerebri ad punctum, hoc est, ad cerebri cavitates transire, hæc tamen opinio à Wepfero fol. 60. refutatur. Thom. Bartholinus lib. 3. cap. 6. anatom. reform. negat ibidem poros esse conspicuos, & etiam si darentur, facillimè, utpote minimi, obstruerentur, unde hic illic defectus in sensibus, aut etiam apoplexia oriretur. Statuunt alii malum hoc internè ex debili cerebri calore originem ducere, quia hoc valdè refrigeratum, humectatumque nutrimentum suum debite præparare, humoresque ab infernis partibus illapsos sufficienter transpirare non potest. Quidam autem arbitrantur vitium hoc externè à quadam violentia, lapsu, allisione, contusione, dura, imperitaque obstetricum contrectatione in partu, vel alio quodam violentiori modo provenire, unde cerebrum puerorum lædatur rum-

panturque lymphatica vascula, sicque magna tandem lymphæ colligatur copia, qua nondum occlusum, tenerumque cranium sensim extendatur; unde etiam fiat (ut aiunt) ut morbus iste in pueris magis, quàm adultis reperiat. Nonnulli etiam vasis lymphaticis obstructis, hydrocephalum produci autumant, unde lymphæ, cessante circulatione, aquosi causa sit tumoris. Nonnulli quoque opinantur aquam illam ex arteriolarum extremitatibus, vel etiam per modum transudationis ibidem colligi. Hydrocephalus autem externus meo quidem iudicio, quod tamen meliori nihil derogare opinioni velim, à superfluo plerumque quodam humore provenit, qui ex arteriarum extremitatibus, vasisque lymphaticis procedit, vel propter illorum abundantiam, vel obstructionem, vel etiam tardioris sanguinis intra arterias motum à viscoso, crassoque humore sanguini mixto ortum, unde hic necessario minori vi in vasa lymphatica propellitur: quamvis etiam fieri possit, ut tenerum necnon porosum valde infantis caput ab aëre frigido non bene defensum fuerit, unde humores in vasculis lymphaticis facilius condensantur, sicque ad motum evadunt ineptiores vasis ipsis magis, magisque intumescuntibus. Hydrocephalum huiusmodi externum provenire posse ab arteriarum extremitatibus vel hinc magis patet, quod tales hydrocephali non tantum à violentia, aliave causa externa nascantur, sed & quod in iisdem limosa quædam, vel sanguinolenta, turbulentaque semper reperitur lymphæ, cum tamen in internis hydrocephalis ea clara temper, & limpida appareat, hanc sententiam confirmat præter alios Epiphan. Ferdinandus hist. 21. fol. 66. Si verò quispiam dubius roget, undenam contigerit; ut in cane Richardi Louveri tr. de corde c. 2. pag. 123. ligata vena jugulari, omnes suprasit; musculi, & glandulæ liquido, pellucidoque repleti fuerint fero? Id forsitan conigit, quia sanguine per ligatam venam jugularem versus inferiora non retrogrediente, sed in ipsa arteria manente, per poros tunicarum arteriolarum, quæ in extremitatibus non duplices, sed simplices sunt, non nisi purum serum transcolatur; illarum enim arteriolarum textura transcolationi tenuis ejusmodi humoris satis idonea est. Quantum autem ad internum attinet hydrocephalum, lymphæ in cavitates cerebri, alimve capitis locum eodem defertur modo, quo ille humor, qui in aliis corporis partibus producit hydropem, ut in tunicis viscera circumcingentibus, testiculis tam virilibus, quàm fœmineis, peritonæo &c. in quibus ultimis partibus multoties quidem centum, & quod excedit, aquæ libræ fuerit repertæ. Verosimile est hoc, quidquid est lymphæ, per arteriolas in glandulas cerebri corticales delatum, ibidemque separatim per canaliculos (eodem planè modo, ac in renibus aliisve corporis partibus humores sequestrantur) ad cerebrum deduci, estque hæc hydrocephali lymphæ ejusdem planè naturæ, cujus est illa, quæ in ventriculis cerebri sanorum hominum semper reperiri solet, quemadmodum abunde è sapore & colore colligitur; qui humor naturaliter semper à subsequente novo inde propelli solet. Verum quorsum ille, cavitatibus cerebri irrigatis, in sanis deferatur, an scilicet ad nasum, sive oculos, auresve, aut oris cavitatem, non adeo exploratum est. Joh. Lechellius Ephem. Germ. decur. 2. an. 2. obs. 178. fol. 363. exemplum habet pueri masculi, cui recens nati caput hydrocephalo obsidebatur, cujusque non multo post mortui totus cerebri cortex non excedebat

debat calami scriptorii crassitudinem, quo separato, loco ventriculorum offendisse se ait amplam quasi vesicam limpidiſſima, & inſipida aqua repletam, quantitate uncias 50. excedente, neglecta ea, quam ſpongiæ, & lintamina imbibérant; effuſa autem hac collapſi cerebri ventriculi manifeſto docuere illam in utrumque ventriculum per corticis quosdam tubulos, à recentioribus Anatomicis paſſim deſcriptos deſtillaffe, ac undique ſui copia cerebri ſubſtantiam, cranium, pericraniumque extendiſſe, atque capiti illam deformitatem produxiſſe. Fieri etiam poteſt, ut abſceſſus, ſive veſiculæ aquoſæ in cavitatibus cerebri tam brutorum quàm hominum repertæ primo ex aliis parvis veſiculis plexui choroideo annexis conſentur: quia glandulæ illæ tunc etiam tumidæ ſunt & induratæ, quæ ſucceſſu temporis ita accreſcunt, dum ſuperfluus humor propter obſtructionem reveli nequit. Ita Williſius glandulas illius plexus sæpe ſe vidiſſe teſtatur tumidas. Scribit etiam Franc. Sylvius diſput. 4. ſe glandulas illas in ſolis morboſis reperiſſe; forſan quia tunc temporis ſuperfluo humore tumefactæ melius conſpici potuerint. De glandulis hiſce agit quoque Wharthon. Adenogr. cap. 24. fol. 142. ut & Theodorus Kerckringius obſerv. 10. pag. 29. Teſtatur D. Fred. Ruysch. Medicus, & Anatomicus Amſtelodamenſis expertiſſimus ſe in diſſectione cadaveris cujuſdam ſœminei glandulas copioſas magnitudine ſem. milii reperiſſe plexui illi annexas Joh. Jacob. Wepferus pag. 375. ſe non cerebri tantum cavitates humore plenas, ſed & ipſum plexum ſanguinis ferè expertem vidiſſe ait, in quo multæ conſpectæ fuerint glandulæ, ſed albicantes, limoſæ, tactuque duræ; fol. autem 415. ſe obſervaiſſe tradit varias hydatides tam in ſiniſtro, quàm dextro plexu choroideo, necnon fol. 410. ſe varias in plexu dextro hydatides animadvertiſſe ſcribit, quarum quædam piſo majores fuerint, ut & pariter in ſiniſtro, quarum una avellanæ nucis magnitudinem exceſſerit. Quando itaque liquor hic vaſculorum lymphaticorum præter conſuetudinem, & naturam viſcoſa quadam ſanguinis materia incretaſatus eſt, obſtructionemque ibidem produxit, vaſa lymphatica continua ſubſequentis lymphæ preſſione tandem rumpuntur, ſicque liquorem ſuum inter membranas effundunt, & receptaculum quoddam ibidem efficiunt, vel etiam inter vaſorum lymphaticorum valvulas hydatides producant. Conſtingit etiam, ut extremitates arteriarum à viſcoſo quodam humore ſint obſtructæ, vel vaſculum quoddam alicubi tumore quodam prematur, unde ſanguinis circulum ſuum per arterias abſolvere non valentis tenuis, & aquoſus liquor extra ipſas per poros tranſcolatur, qui ita hydrocephali interni cauſa eſt. Sunt qui dubitent an in cerebro vaſcula dentur lymphatica, verum teſtatur epiſtola quadam Steno ſæpius ſe vaſcula quædam lymphatica circa glandulam pinealem animadvertiſſe, quæ, ut ait, totidem forſan viæ fuere lymphaticæ humectationi ventriculorum cerebri deſtinatæ. Et, ſiquidem eadem in pectore, abdomine, aliſque externis membris reperiuntur, non ita erraverit forte an, qui nec caput ipſis deſtitui dixerit, hoc enim inſtar gazophylacei cujuſdam humorum, utpote lymphatico liquore, arteriſque liquorem iſtum advehentibus abunde ditatur. Ita ut dubitare non liceat, quin caput aquæ, ac thorax, venterve, aut alia corporis exteriora membra, ſuis ſcateat vaſculis lymphaticis. Ac quamvis nulla adhuc cerebro reperta ſint huiusmodi vaſcula, non tamen non exi-

ſtere dicendum erit. Sed quænam quæſo; fuit cauſa, cur inſimæ corporis partes illius, de quo retuli, ut & in aliis, quæ adduxi, exemplis, adeo fuerint macilentæ? Nos cauſam fuiſſe putamus, quod durante hydrocephali accretione, ille parco admodum, imo sæpe nullo uſus fuerit alimento, ſolo matris lacte contentus. Accreſcente itaque capite, reliquæ corporis partes decreſcebant, quod nutrimento deſtituerentur, quemadmodum aliis partibus, nutrimento alio delato, accidit. Conferatur obſ. 49. tom. noſtri primi, ubi de magno liene. Sic etiam refert Thom. Barthol. Act. Med. Haſſn. vol. 1. obſ. 92. Quomodo D. Borrichius duarum gallinarum, quas macreſcere quotidie & ſine manifeſta cauſa, ſuppetente licet ſagina largiori, oppido attenuari videbat, in conſpectum prolata viſcera omnia flaccida, & exſucca, præſertim quæ in abdomine continebantur, reperit. Solum ibi hepar præter morem imminens, adeo non videbatur imminutum ut plus, quam decuplo auctius cerneretur, & quod accedit, pinguiſſimum: quale quid etiam obſervarunt. Joh. Læſel, in renum ſcrutinio, Olausque Rubecq. obſ. anatom. Quod autem in gallinaceo genere vitium deprehendit, id in anſeribus delitium loco in canis antiquorum æſtimatum fuit. Hinc *Martialis lib. 13. Epigram. 58.*

*Aspice quam tumeat magno jecur anſere majus!
Miratus dices, hoc, rogo, crevit ubi?*

Juvenalis Satyra. v.

Anſeris ante ipſum magni jecur anſeribus par.

Certum autem eſt liquorem hydrocephali è ſucco quodammodo conſtare nutritio; idem enim ſatis lentor, qui poſt ejus evaporationem animadvertitur, demonſtrat. Infirmarum partium marcor forſitan inde quoque ortus fuit, quod ſanguis iſtarum partium craſſior plerumq; minusque ſpirituosus exiſtat quam ſupremarum, nec non quia ille per ſecretionem magnæ copię tenuis liquoris in capite aliquanto craſſior factus, obſtructione inde in vaſculis ſuborta, infernas partes tam bene nutrire nequeat, vel denique, quia tubuli nervorum aliquomodo preſſione lymphæ ſunt obſtructi, unde ſpiritus ſatis abunde in partes, pro circulatione humorum nutrientium propaganda influere nequeunt. Puer autem ille ſenſim viſum amiſit, quod tubuli nervorum opticorum paulatim magis, magisque materia viſcoſa intus contenta obſtruerentur, vel etiam nimia ejus quantitate comprimerentur.

De ſignis, prognofique hydrocephalorum legi poterunt Paul. Ægineta lib. 6. cap. 3. D. Sennertus lib. 1. prax. part. 1. cap. 28. necnon Ambroſ. Paræus lib. 7. oper. Chirurg. cap. 1.

Dicendum reſtat, an hydrocephalus queat curari? externus quidem facilius curatur, ſed internus, præſertimque locum habens in ipſis cerebri ventriculis, nulla eſt ſanabilis arte, teſte etiam Galeno lib. med. introduct. Quum autem medico conſiſtat in medicamentorum internorum uſu, longoq; tempore ea aſſumi debeant, difficile ad eorum aſſumptionem adducentur infantes. Balth. Timæus lib. 5. de morbo infant. caſ. 5. fol. 144. dicit ſe puellam biſtreſtem ſanaiſſe, quæ tumore capitis inſigni, & pellucido ejusdem undique coloris afficiebatur, tumor in altum elevatus tactui cedebat, ruſusque aſſurgebat; compreſſus aquæ fluctuantis motum prodebat ſine dolore. Ab humore autem ſeroſo extra cranium, in-

ter cutem, & pericranium collecto, tumorem hunc excitatum fuisse signa modo enumerata satis ostendisse ait, sensim autem, & in utero materno coarctatum esse serum exinde collegit, quod mater alioquin valetudinaria, & ad hydropem disposita, toto gestationis tempore potu cerevisiæ tenuis, sive secundariæ usa, multum aquosi, & serosi humoris cumulavisset. Quare nutricem sanam, & boni habitus substituendam suavit, cumque infanti tenello ex medicamentis internis nihil adhiberi posset, externis agendum esse censuit, imposito sequenti cataplasmate, cujus solius usu aliquandiu continuato sensim disparuit tumor. ℞. Pulv. rad. cucum. asinini, iridis an. ʒβ. sem. cumini ʒi. far. fab. ʒij. mell. anthos. q. s. f. cataplasma capiti raso calide applicandum. Laz. Riverius obs. med. à Sam. Formio communicat. pag. 350. infantis recens in lucem editi, hydrocephalogue laborantis meminit, qui totum caput, cum magna futurarum dilatatione occupabat, dicique sine ullo impedimento, aut alio remedio hunc se curasse, sola scilicet fascia Guidonis in formam cucuphæ concinnata, qua totum caput obvolutum fuerit. Hæc autem fascia, Gallis *Capeline de Guidon*, quotidie renovabatur, & intra 15. aut 20. dies tumorem prorsus evanuisse tradit. Circa hydrocephali curationem inquit Steph. Blancardus lib. de morb. puer. fol. 208. optimum esse existimo, ut caput valde calidum fervetur, sique infantes in cunis decumbant, calidus aliquis lapis, vel arena calida circa caput ponatur, unde obstructions iterum referantur, & lymphæ liberum acquirit transitum; sudorifera quoque, ut censet ille, hoc casu utilia sunt. Idem collectan. med. phys. cent. 3. obs. 47. fol. 248. exemplum habet hydrocephali cujusdam in futura lambdoide siti, magnitudinem æquantis panis albi, quales binos argenteorum nummorum minimo nostrates emunt, qui foris quodam ab eodem descripto, præmissa corporis debita evacuatione, sublatus fuit. H. Monruius Pueror. Pragmat. cap. 8. Opifici cuidam instar bovini caput intumuisse memorat, ita ut eo tota facies, nasusque contegeretur. Huic autem consulere, ut ligneum in os immitteret frustum, quo facilius respiraret. Atque ita quidem porro avertentibus à capite remediis, sobriaque vivendi lege percuratus est. De puero sexenni sanato vide Ephem. Germ. ann. 1. pag. 137. Quæritur porro, an hydrocephalum, curandi gratia, incidere fas sit? N. Tulpius obs. med. lib. 1. cap. 25. fol. 51. binis hydrocephalis dimidii capitis, de quibus supra, Chirurgum varia inussisse ulcera, cutemque non uno dissecuisse loco, sed utrumque, æquè improspere cessasse ait, exstillante humore magis guttatim, quam tam effusè, ut levaret cerebrum & exhaustet fontem, vitalem calorem alioquin certo extincturum. Deinde, etiamsi aq. majori copia ex cerebri cavitate simul effluxisset (quod tamen isto modo fieri nequit) alia tamen in effusæ locum successisset: adde, si malum diu duraverit, crania valde distenta, & aucta esse, unde postea collabi nequeunt. Non minus infelicem eventum habuit infans quidam, de quo Schenk. obs. med. lib. de monstros. cap. conformat. Ex Joh. Franc. phys. Camicensi fol. mihi 11. G. Fabrit. Hild. Cent. 3. obs. 17. fol. 198. exemplum habet infantis cujusdam, cui cum tertium ætatis mensem vix absolvisset, caput paulatim accrescere cœperit, ita ut infantuli caput antequam ipse octavum ætatis mensem attigisset, magnitudinem capitis cujusvis

hominis longe excederet; usque adeo namque aqua limpidissima extendebatur cranium, ut cutis, omnesque subjæctæ partes pellucidæ redderentur, & posita ex adversa parte candela, aut ad radios solares collocato capite, aqua facillime conspiceretur: Interim Chirurgum juvenem, ingeniosum tamen satis, in consilium adhibuerant, qui, inciso bregmate dextro, aquæ claræ ad libram unam circiter, prima vice extraxit, mox turundam imposuit, & emplastro quodam vulnus obturavit, sed quia caput aqua valde turgebat, ita ut ea continue, & copiosè efflueret, vires infanti adeo fuere debilitatæ, ut intra horas 36. è vita discesserit. Periculosa itaque valde est cranii apertio, & aquæ evacuatio, nec sine ratione; continetur enim, inquit ille, aqua ipsis cerebri ventriculis, ideoque si quis illam educere tentet, meninges simul, & substantiam cerebri incidat, necesse est: cerebrum etiam, præsertimque partes ejus internæ, liquore isto, præcipue si diutius ibidem hæreat, adeo debilitantur, ut materia nutrienda illuc deducta in laudabile mutari nequeat nutrimentum. Hanc quoque ob rationem Cæs. Arant. lib. de tumor. sectionem in hydrocephalis internis non admittit; ut nec P. Aegineta lib. 6. c. 3. neque M. Aurel. Severinus Chirurg. effic. part. 2. fol. 135. Nonnisi externi itaque incidendi erunt hydrocephali, nec quicquam aulibet exterioribus, interioribusque remediis, approbante ipsomet Galen. lib. med. introduct. c. 12. dum dicit hydrocephali pericranium duabus, vel tribus, prout scilicet id magnum fuerit, incisionibus aperiendum esse, quæ tres lineæ secundum Aeginet. l. 6. c. 3. instituendæ sunt ad figuram literæ H. Idem Paræus affirmat lib. 7. c. 1. necnon Epiph. Ferdin. hist. med. 21. fol. 67. ut & M. Aurel. Sever. G. Placentinus, Forest. &c. Carol. Piso sect. 2. part. 1. de morb. cap. ext. ab illuvie serosa c. 1. fol. mihi 52. se ejusmodi hydrocephalum senis cujusdam multis tam internis quam externis remediis incassum adhibitis, fonticulo occipiti inusto percurasse scribit. Joh. Bapt. de Lamzverde obs. ad armament. Chirurg. obs. 33. fol. 253. hydrocephalum quendam in muliere quadrageneria curatum fuisse ait, cui diu crudeli capitis dolore interno detentæ, tandem media hyeme caput extrinsecus tumore œdematoso in tantum excrevit, ut duplo fere majus videretur, & oculi amplius aperiri non possent, auresque ad pollicis crassitiem intumescerent. Per quam humorum metastasin internus, acutusque dolor externus evasit, multoque levior. In curatione autem caput variis vulnusculis lanceola factis hic illic perforari se jussisse dicit, è quibus serosus liquor copiosè exstillavit, sicque caput paucis diebus multum detumuit; adhibitis etiam fuere fomentationes, & cucuphæ è cephalicis calidis, ac discutientibus confectæ, & sic ægram convaluisse affirmat. Hoc autem malum infantibus, inquit, raro, sed adultis rarissime accidit. *Cornel. Stalp. obs. rarior. cent. 2.*

De periculosa hydrocephali apertione.

Aquileæ ad Rhodanum fluvium, in ditioe Reip. Bergenensis superiori anno 1668. puellus ex parentibus honestis, corpore quinetiam satis bene constitutis & temperatis natus fuit, nisi quod mater quæ antea, si recte memini, bis utero gestaverat, etsi natura satis robusta, totum tamen gestationis tempus præter consuetudinem corpore aliquo modo imbe-

imbecillior fuerat. Nihilominus, nato infantulo, nulla deprehensa fuit in ipso deformitas, aut vitium in conformatione, omniaque ut videbantur, secundum naturam sese habebant, præter oculum sinistrum, qui aliquo modo depressior altero videbatur. Quum vero tertium mensem ætatis vix absolvisset, caput paulatim accrescere cœpit, ita ut antequam infantulus octavum mensem ætatis attigisset, magnitudinem capitis cujusvis hominis longe excederet, ita enim aqua limpidissima extendebatur cranium, ut cutis omnesque subjectæ partes pellucidæ redderentur, & posita ex adversa parte candela, aut ad radios solares collocato capite, aqua ista facillime conspiceretur in capite. Interim etsi infans continuo valde morosus esset, lactabat nihilominus, & alimenta infantium more sumebat, quibus tamen corpus minime nutrebat; sed nutrimentum totum ad caput differebatur. Porro cum genere & virtute vere nobilissimus vir, Dn. Antonius ab Erlach, ejus loci nomine Reip. Bernensis pro tempore præfectus prudentissimus, fautor meus omnimode observandissimus, hujus rei inspectionem ocularem ipsemet habuisset, meque rerum rararum curiosum agnovisset, mense Martio proxime elapso, ut ad se proficisceretur, per literas me monuit, idque ad eum finem, non solum ut infantulum suum hernia laborantem, quemque tunc sub curatione habebam, inviterem, verum etiam casum huncce infrequentem annotarem, ac consilium imo & auxilium meum adderem. Sed quia Burgum Segusianorum, Galliæ Provinciam; ad nobilem virum Dn. Jacobum Walley istu Sclopeti graviter læsum, tum vocatus fueram, puerum huncce adire mihi non licuit.

Cæterum, interim dum per menses aliquot Burga & Lugduni hæsi, Chirurgum juvenem, ingeniosum tamen satis, in consilium adhibuerunt. Is inciso bregmate dextro, aquæ claræ ad libram unam circiter pro prima vice extraxit; mox turundam imposuit, & emplastro quodam vulnus obtinavit. Sed quia caput turgebat aqua, ita ut & continuo & copiosè efflueret, vires adeo debilitatæ fuere, ut intra horas triginta sex à vita discederet, cum menses novem, & dies quatuor vixisset.

Hæc ex relatione ipsius parentis habeo. Quum enim vicesima die mensis Junii, Aquileam ad prædictum generosum virum vocatus essem, parentem defuncti infantis, Jean Baptiste Petraux nomine, advocari jussit, qui coram generoso viro Dom. Præfecto, omnia quæ acciderant, narravit.

Vides itaque, vir clarissime, quam periculosa sit apertio cranii & evacuatio aquæ hydrocephali, idque non immerito. Continetur enim, ut ego bis in hydrocephalorum dissectionibus observavi, aqua in ipsis cerebri ventriculis, ideoque si quis illam evacuare tentat, meninges simul & substantiam cerebri ut incidat, necesse. Hæc autem absque mortis discrimine fieri non posse, etiam tyrones norunt. Quid igitur, inquires, erit agendum? Profecto ut ingenue fatear, morbum hunc planè incurabilem esse, cum ratio tum etiam experientia mihi suadet. Quoad experientiam, scio clarissimum atque doctissimum Dn. Johan. Slotanum, apud Colonienfes Doctorem Medicum longe celeberrimum, in infantulo suo, cujus ad calcem observat. 10. Cent. 1, fit mentio, non solum omnem curam, diligentiam, industriam, atque scientiam suam adhibuisse, verum etiam aliorum in re medica clarissimorum virorum per Germaniam, con-

filium auxiliumque implorasse, sed olem, ut dici solet, & operam perdidit. In altero præterea infantulo, cujus in eadem observatione fit mentio, similiter multa variaque medicamenta à viris doctis frustra adhibita fuere. Quod ad rationes spectat, nullus negare potest, morbum hunc magnum esse, ideoque juxta Hippocratem extremis indigere remediis. Extrema autem remedia sunt sectio, ustio, evacuationes irem fortes, & exquisita victus ratio. Sed quis quæso hujusmodi remedia in tenellis istis infantulis adhibere ausus esset? Adeest præterea tanta cerebri labefactio atque imbecillitas, ut non solum major pars nutrimenti sui proprii in serum convertatur, verum etiam excrementa serosa ex infinis partibus corporis recipiat: solent enim membra fortiora continuo ad imbecilliora demandare. Hinc accidit, quod reliquum corpus hydrocephalorum minime nutriatur, etsi membra nutritioni inservientia, optime & secundum naturam sese habeant, ut in istis dissectionibus, quarum observ. 10. Cent. 1. fit mentio, observavimus imprudenter itaque agunt illi, qui in hydrocephalis multa promittunt, sectionemque tentant. Tibi quid videatur rescribere. *Gulhelm. Fabric. Hildan. Obs. Chirurg. Cent. 3.*

Artificiosus Hydrocephalus.

Anno 1593. Lutetiæ Parisiorum puer quindecim aut octodecim circiter mensium ætatis visus est, cui capitis ita extensa erat cutis, ut magnitudinem caput infantulorum, quorum observatione decima Centuriæ primæ fit mentio, excederet, Parentes autem hujus infantuli ipsum de oppido in oppidum circumvehabant, ac ut monstrum videndum exponerent, indeque maximum lucrum quæstumve recipiebant.

Tandem vero cum concursus hominum esset magnus, & magistratus Parisiensis pro singulari sua prudentia dolum malum & fraudem subesse suspicaretur, parentes in vincula conjecit. Quæstione adhibita, delictum crudele atque impium facti sunt, nimirum se cutem capitis infantuli sui, circa verticem ad musculos usque incidisse foramine parvo, ac per illud ipsum (intra cutem & musculos immissa fistula) inflasse, ac paulatim, & intra menses aliquot (inflando singulis diebus aliquoties) cutem capitis infantuli in istam extendisse altitudinem, cunctisque hinc inde per Galliam, quæstus faciendi gratia, visendum exhibuisse.

Foramen autem ea industria fecerant, ut extracta fistula, cera aut simili aliqua materia illud facile obturare possint. Nefando ac immani scelere satis explorato ac cognito, parentes ambo morte multati fuerunt.

Historiam hanc nobilissimus Dn. Ludovicus Wallier, (qui se puerum huncce Parisiis vidisse affirmat) præsentem nobilissimo Viro Domino Philippo Destavaye, Domino de Molondins, mihi anno 1609. 23. Maii communicavit, eamque hic adscribere visum est. *Idem ibidem.*

Hydrocephalus Incipiens Curatus.

Anno 1667. Hannoveræ curæ meæ submittebatur puer sex annos natus, huic in tantum caput auctum erat, ut mole vel Juvenis 18. annorum caput æquaret: totam verò cum naso faciem occultaret, artus è contra & venter tæbescabant. Ego primò omnium suadeo, ut quantum fieri posset, baculo

baculo in os immisso illud apertum tenerent : hinc capite raso singulis diebus, bis aut ter, caput oleo chamemelino in quo stachas Arabica, spica, lavedula &c. per aliquot dies infusa erant, inungo, inde aqua vitæ Anhaltina abluo. Nonnunquam quoque aquam St. Elisabethæ Regina Hungariæ applico, lintheisque madefactis frequenter foveo. Utrique Cruri cauterium applico, corpus quater singulis septimanis cum Syrupo diacnici purgo, in potu semper aliquid de oleo tartari per deliquium facti exhibeo, in cibo sæpius aniso, cumino, aneto ut utatur suadeo. Hoc modo, sensim caput detumuit, venter & artus nutritionem suam recipiunt, adeo ut intra duos menses puer integræ sanitati fuerit restitutus. *Alardi Herm. Cummii.*

Anatomica Inspectio.

Bogislaa Nicolai, &c. Sexto mense gravida abortum rejecit, cætera non inelegantem, sed à temporibus & fronte nucham versus tumore ingenti deformem, qui mitræ Turcicæ similitudinem gerebat: Mox tamen sponte aperta propè sinistram aurem cute, evacuataque inde aqua loturæ carniū simili, concidit & flaccida cute quasi disparuit, nisi quod immisso flatu eandem figuram turbinatam & ovalem nancisceretur. Resecta ista in particulas membrana crassiore, calvaria ostendebatur naturali forma, sicut in puerulis solet: E jugularibus autem venis, intra processum ossis jugalis temporum, ambiens & suturas mendosas; ad os frontis usque sese ostendebat, proximeque cum pericranio copulatus cernebatur, qui crassitie stilum ferreum intortum referebat: Iconem non addo, illi hydrocephalo similem, quam dedit M. A. Severinus de Abscess. cap. 9. ut ovum ovo similis non sit. Th. Bartholin. tract. de Cometa, pag. 97. ex communicatione Frideric. Hammerici Med. Helsingorensis.

Augustæ Vindelicorum puellæ bienni caput in mensibus plus minus septem ita increverat, ut nullum viri unquam viderim quod non mole illi cederet: fuitque is affectus quem veteres hydrocephalum vocarunt, ab aqua quæ in capite asservatur, sensimque colligitur: Quamquam ea non inter calvariam & exterius ipsam succingentem membranam, aut cutem, (ubi alias aquam reponi Medicorum libri docent) huic puellæ fuerit collecta, verum in ipsius cerebri cavitate, adeoque in dextro sinistroque illius ventriculis, quorum cavitas amplitudoque ita increverat, ut novem fere aquæ libras, aut tres Augustanas vini mensuras continuerint: Adhæc, ut cerebrum in capitis vertice, membranæ quasi modo erat & quodammodo continuum cum tenui sua membrana corpus, ita quoque calvaria fuit prorsus membranæ, tantaque duntaxat sede ossæ, quanta calvariæ puellæ erat amplitudo, priusquam caput extra modum incretueret: ea ferè ratione qua in super natis pueris frontis os & verticis ossa constare cernimus, ubi illa alioquin mutuo sunt contermina, & in admodum pueris insigni intervallo amplitudineque visuntur membranæ: Cerebellum interim, cerebrique universa basis secundum naturam habebant, uti & nervorum productiones: dein nullis prorsus sedibus quàm in cerebri ventriculis, adeoque atque dixi adhaerentis, aquam reperi, & puella ad mortem usque sensibus omnibus integris est usa: Et quoties caput, quum illum paucis ante mortem diebus conspexi, ab adstantibus movebatur; & nonnihil, quantumvis etiam leviter, erigebatur, gravis illico rursus puellæ molesta fuit, cum

difficili respiratione & totius faciei mito rubore, sanguinisque suffusione & lacrymarum proventu: Reliquo corpore mediocriter habuit, etiam laxis infirmisque, sed non resolutis tamen fuerit articulis, neque præsentem etiam insigni macie, aut etiam seroso in membris tumore, aut morbo comitiali, aut tremoris alicujus notis. Jecur cum paulo post mortem spectaretur, subpallidum, & nonnihil naturali alias jecore contractius duriusque occurrit: Liene interim maximo & molli conspicuo, perinde ac si jecoris vices aliquandiu obivisset: Adeo ut cum præsentibus Medicis nihil æquè admiratus fuerim ac tantam aquæ vim in cerebri ventriculis, absque majoribus symptomatibus tamdiu collectam fuisse. *Vesalius Fabr. corp. hum. lib. 1. cap. 5.*

Dissecabatur Lugduni Batavorum ann. 1666. Infans unius anni, à puero hydrocephalus: Ex hujus capite D. Van Horne extraherebat uncias 36. aq. limpidæ subsalsæ: quibus extractis adeo apparebant cuncta vacua, ut quis existimare potuisset cerebrum hic planè deficere: sed oculi acie eò penitus directæ, apparebat cerebrum nequaquam deesse, sed amissa saltem figura globosa, induisse formam convexi forniciis & ab exuperante aqua sequacem ejus medullam adeo fuisse distentam, ut instar alicujus crassioris membranæ, adhæresceret undique arcuatæ ossium circumferentiæ, ita tamen ut tam exterior cinereus cortex, quàm interior albicans medulla optime discerneret. Præterea 1. sub cute nulla conspiciebatur pinguedo. 2. In thorace notabilis aquæ quantitas, illi quæ in capite continebatur similis. 3. renes adhuc inæquales. 4. glandulæ pituitariæ & pinealis nullum vestigium, in pavimento tamen cerebri notabantur aliqua filamenta nervorum, materia quadam mucilaginosa obtecta, quæ credita sunt esse filamenta seu propagines nervorum sexti paris. Ex observationibus Alardi Hermanni Cummii, Archiatri Brunsvicensis in Miscell. curios. ann. 1670.

Infantis octimestris hydrocephalo affecti à Cl. Hornio dissecto capitis perimeter erat 1½. ulnæ: Tumor digito prementi cedebat, non remanente vestigio; Cranii ossa, quamvis hiabant ab invicem, eo quo pueris solent loco, solito tamen ampliora erant, magis tenuia, ita ut cultro commode secari possent; non multum absimilia cornubus ex quib. lucernæ fiunt. Dura meninx cranio æctissimè annexa, aqua, nec inter cutem & pericranium & cranium, nec inter hoc & duram meningem, nec, quantum observari poterat, inter meninges, sed intra ventriculos cerebri laterales continebatur; ejus quantitas octo pintas Leidenenses, sive 156. uncias medicinales, h. e. tredecim libras excedebat: aqua erat limpidissima, nullo notabili sapore prædita, nisi quod aliquantulum ore detenta, salugine quadam linguam feriret: Cerebrum implum, & pueri cerebro densius duriusque. Ejus anfractus omnes penitus oblitterati, contra cerebri laminæ egregie distinguebantur, Cerebellum totum cerebro minus affectum, vasa quadam per superficiem cerebri serpentina sanguine turgida, sinus falcis superior planè sanguine vacuus: Cerebri sinus laterales, quibus aqua continebatur, pro quantitate aquæ distenti, adeo ut totum cerebrum nonnisi saccus videretur. Glandula pituitaria flaccida & satis magna; glandula pinealis nulla inventa, nescio an errore dissecta ablatave: In plexu choroide glandulæ nullæ observatæ: radix spinalis medullæ quasi in filamenta fissa, quod memini in cerebris ovium aliquando observasse. Omnes ferè corporis glandulæ solito majores, mesenterium totum plurimis glandulis rubentibus, lentisque parvas æquantibus consutum. *Mathias Paisenius in miscell. cur. ann. 4. & 5. obs. 197.*

Solutio continui contingit aliquando in cerebro à causis internis &c. Vera autem tanta est aliquando ut capitis juncturae solvantur magno spatio: quod vidimus an. 1598. in filio Dom. Merindoli Aquensis, è cujus capite dissecto effluxit ingens copia ferrosi humoris, qui in ventriculis & tota cerebri substantia inclusus manebat: Distabant autem futurae 4. ferè digitis à se invicem. *Jacobus Fontanus pract. lib. I. cap. 3.*

Vidi quatuor infantes hoc capitis affectu laborantes, è quo numero unum mortuum dissectui: Et sanctè testor cerebrum me reperisse pilam palmariam vix mole æquans: neque sanatum vidi cui aquosus humor partibus internis conclusus est magna copia: si verò partes exteriores obsidet, sanationem non respuit: si ergo humor inter cutem musculosam & pericranium, aut inter hoc & cranium, si pauca infit quantitate, res solventibus tentanda ejus discussio. Si non succedat, ad incisionem transitus fiat, vitato musculo temporali, expresso inde humore loturæ carniū simili: ater aliquando sanguis concluditur: si contusionis soboles sit, sanguinis grumi humori permisti aderunt: humore vacuato, linteis disceptis inflatum vulnus oppleatur, factaque idonea ligatura, eaque arcta ad cicatricem deducatur. *Pareus oper. lib. 8. cap. 1.*

Decennis puer percussus est cum ense in patte superiore capitis; hic passus est vulnus satis magnum, cum incisione ossis, velaminum, & deperditione substantiæ cerebri, nam hæc exivit quantitate nucis juglandis: curatus convaluit citra noxam. Hic post tres annos, confluentibus succis ad partem debilem, hydrocephalo correptus emoritur.

Apertum caput sine cerebro est inventum: dura meninx in conspectum apparuit duplicata, habebat tamen in se aquam limpidissimam, bonique odoris, quæ ab adstantibus gustata, insipida videbatur: at in præsentia putrilaginis tantæ jucundum odorem persentiri monstruosum est, cum ingens corruptio graveolentiam ex se prodat. manifestam. *Zacutus pract. admir. lib. I.*

Coloniæ multoties in visi puerum robustissimis parentibus natum, cui caput in incredibilem molem increverat, ita ut ipsius rotunditas ulnam & quartam partem ulnæ Coloniensis, ejusdemque altitudo, ab una aure ad alteram, ulnam cum quarta parte excederet, non autem sic natus erat, sed cum septimum mensem ætatis vix attigisset, cœperat ei caput monstruosè excrescere: nullus præcesserat morbus, reliquum tamen corpus vitiose nutriebatur: verum caput intra menses 30. paulatim in illam magnitudinem accrevit, ac tandem puer in soporem lethargicum incidit, nec ita multo post obiit.

Cranio dissecto, invenimus in duobus anterioribus cerebri ventriculis aquam crystallo clariorem, ad libras Colonienses 18. illa autem non solum ventriculos, sed & substantiam cerebri distendebat, ita ut totum cerebrum (cerebellum excipio) in sacculum extenderetur: hinc fiebat ut circumvolutiones & gyri cerebri non conspicerentur, sed turgerent omnia, dura & pia matres integræ erant, atque ita dilatatae ut totum cerebrum operirent; cranium similiter dilatatum erat, sed passim membranosum, potius quam osseum: tertius ventriculus anterioribus confusus non apparebat: in quarto viscidam quandam materiam, parva tamen quantitate invenimus, reliqua in cerebri basi secundum naturam erant, nec reperiebantur meatus per quos ferrosus ille humor ad caput delatus fuerat, quantumvis accurate dispiceremus omnia: Partes vitales & naturales perquam sanæ erant, unde

earum functiones parum lædebantur, ita ut vix febre unquam laboraverit, quinimò edebat, bibebat, excernebat, & dormiebat ut sanus, ipsa tantum decrat nutritio; totum enim corpus (excepto capite) perexiguum & extenuatum remansit; actionibus autem animalibus, quæ ex cerebro prodeunt, puta ingenio, loquela, visu, &c. destitutus fuit, brachia autem & tibiae, labia, palpebras, oculos voluntarie vix movebat, at involuntariè sæpius h.e. contrahebantur & convellebantur continuo, absque tamen dolore. *Fabrit. Hildannus Cent. I. Obs. 10.*

Humor capitis hydropem induciturus, inflat, & extendit interdum tam late nobile hoc mentis palatium, ut in ætate tenella, nonnunquam excedat magnitudinem virilem. Delitescente aqua, non minus extra, quam intra calvariam: & utrobique, modo supra, modo infra membranas obvolventes, vel cerebrum, vel calvariam ipsi circumpositam.

Puer quinquennis, dissectus in valetudinario publico, congesterat in capite tantum liquoris ut viriata naturali figura, tantopere inter se desciscerent dissoluta ossa: ut dilatata ipsorum compages, haud parum discreparet à virili magnitudine. Cui oneri impar cum foret exile corpusculum, cogeatur, vel perpetuo desidere; vel assiduo incumbere cubili: saltem eousque, dum finem miseriæ imponeret mors.

Qua defunctus ostendit, in capite suo detineri, quinque aquæ libras: quibus effusis, fuere omnia adeo vacua, ac inania, ut plerique Medicorum præsentium, sed præpropere, judicaverint hic conspici, caput sine cerebro. At oculi acie, illuc penitus directæ, vidimus satis perspicue cerebrum non defuisse: sed amissa figura globosa, induisse formam convexi fornicis: & ab exuberante aqua, sequacem ipsius medullam adeò fuisse distentam, ut instar alicujus crassioris membranæ, adhæresceret undique, arcuatæ, dissolutorum ossium circumferentiæ. Mirabantur autem summopere, qui sectioni intererant Medici, qui, ex tam deformi cerebro, & medulla adeo extensa, ac irrigua, prodierint (quod tamen sanctè adseverabat pueri pater) integra mentis munia. Quum in aliis, vel solius figuræ vitium, inducat, sive morbum attonitum, sive lethargum, vel fatuitatem, vel insanabilem aliquam amentiam. Aliis vero suggessit, confusa hæc intricati cerebri congeries, inexpugnabile argumentum, adversus distincta illa loca, quæ nonnulli adsignant, cui libet animæ facultati. Alii vicissim credebant, hic confirmari dogma Aristotelis, afferentis cerebrum, non mentis ergo, sed refrigerandi cordis causa, constructum. Et prout quisque, vel amore, vel studio fuit, in hanc illamve partem, pro eo, etiam extulit ejecitve, vel hujus, vel illius sententiam. Sed exercitiores, confugiebant ad ingenuum illud: Quantum est quod nescimus! velut namque in aliis, sic certè credibile est, potissimum nos cæcutire, in genuino cerebri regimine: cujus opera multo fortassis sunt diviniore, quam quispiam hætenus, suo comprehendit capto.

Sicuti autem priori puero, totum caput: ita protuberat aliis, duntaxat media ipsius pars: hærente liquore, vel in dextro, vel sinistro cerebri ventriculo. In quorum alterutro, memini me bis vidisse, ultra duas aquæ libras, inclusas tam strictè uni isti parti; ut altera foret planè illæsa ac integra. Inusserrat quidem hisce capitibus, ulcera chirurgus; & dissecurat non uno loco, cutem: sed utrumque, æque improspere; exstillante humore magis guttatim, quam tam effuse, ut levaret cerebrum, & exhauriret

fontem, vitalem calorem; alias certò extincturum. Nicol. Tulp. *Observ. Med. lib. 1.*

Anno 1676. Calendarum Januarii decimo septimo dissecui Leovardiæ septem mensium abortum. Mater gravida ac paupercula desiderabat comedere carnem vaccinam salitam, quam præ egestate ad libitum habere non potuit, tandem à vicinis vel ab aliis civibus eandem nacta est. Cum porro ferre satiebatur, quidam cornice fores pulsavit, quas ut aperiat, à mensa surgit & per gradus descendens, cecidit, frustum istius carnis adhuc buccā tenens. Postea abortivit. Abortum paulo post præsentente Augustino Reilnaldo aliisque Chirurgis aperuimus. Caput permagnum, intra spatium crassæ & tenuis meningis duæ circiter libræ lymphæ cruentæ continebantur, glandula pinealis solito major & lymphæ turgida. Cerebrum aquosum & molle. In ore habebat vesicam lividam & carni salitæ, coactæque similem: primo intuitu carnosum quid esse putabam, sed incisione facta, lymphæ uncia ferè triginta ad laqueare vi quasi adactæ saliebant: hæc vesica totum os implebat ac linguam adeo premebat, ab interiore gingiva oriri videbatur, cum alias ortum multo posterius habuit. Cystis aquosa videbatur mihi esse partem œsophagi posteriorem, & hinc liquet cur ventriculus adeo parvus erat, hujus vesiculæ constituendæ gratia, ventriculus sursum trahi debuit.

Porro quoad hydrocephalon ex lapsu matris ortum, dicimus matrem unā cum fœtu eadem quasi vita frui, eodem modo ac surculus arbori insertus: omne enim quicquid patitur mater gravida, idem patitur embryon; matris terror fuit & embryonis; vascula lymphatica matris, satis rigida ac tenacia erant ne à terrore rumpantur, sed in fœtu nondum excluso mollia admodum, ac faciliè fragilia, unde vascula lymphatica, cerebro contenta, ruperunt; liquorque effusus, cranium necdum coalitum, imminensum dilatarunt, hinc hydrocephalos seu capitis hydrops. Sed unde vesicula ori contenta? Experientia satis docuit, quid non possit matris imaginatio. Fibræ nempe œsophagi adeo à liquore exruptis lymphaticorum vasculis dilatatae fuerunt, ut vesicula extrorsum quasi propendere coacta fuit: interim vascula quædam sanguinea, cruorem reducere impotentia, rubedinem & livorem vesiculæ induxerunt, eo modo ac si carnem salitam, voraciter à matre ingestam representaret. Steph. Blancard. *Anatom. pract.*

Hydrocephalus cum vesica carnosâ circa suturam sagittalem.

Anno Christi nati 1666. die 7. Martii, Noribergæ, uxor J. W. textoris ferici, juvenula, & anno præterito nupta, filiulam peperit facie quidem formosam, sed capite monstruosam, in cujus apice circa futuram sagittalem excrescentiâ vesicæ instar, aqua repletæ, multo major puellæ capite prominuit, rotunda, rubicunda, tactu mollis & pellucida, maculas aliquot habens nigricantes, putredinis accedentis indices; circa radicem cutis apparuit naturalis & pilosa. Tertio post diē noctu vesica hæc multo quam ab initio minor, sponte per vesiculas hinc inde exortas & apertas multum humoris ferosi & rubicundi instar loturæ carnis exsudavit: Ideo 10. Martii Fridericus Kuhne, Chirurgus celebris, accersitus statim hanc vesicam monstruosam in parte anteriore versus radicem aperuit, cumque multum humoris ferosi instar loturæ carnis effluisset, totam vesicam jam semiputridam, ad cutem

usque naturalem abscidit, absque illo puellæ ejaculatu, Digito cavitatis superficiem explorans, ad magnitudinem ovi gallinacei, cranium nullum, sed loco illius cuticulam expansam reperit. Adhibitis postea emplastris suppurantibus aliisque remediis convenientibus, effecit ut cutis ad radicem vesicæ abscissæ posita sensim abscesserit. Infans inde lactem quidem maternum sugens & pulres pro more comedens, valde tamen debilis, die decima denique vitæ suæ mortem obiit. Posthinc accuratiori facta inspectione in loco concavo excrescentiæ abscissæ, subtus cranium nullum, sed meningis apparere, nec intus in latere dextro cerebrum, sed loco hujus carnosâ & glandulosa moles, in sinistro vero latere cerebri substantia naturalis inventa fuit. Ex communicatione D. Pauli Freheri.

Schellon Helwigianum. Practici communiter statuunt Hydrocephalum esse tumorem, seu collectionem humoris ferosi, vel in toto capite, vel in parte aliqua capitis, scilicet nunc inter cutem & pericranium, nunc inter pericranium & cranium, nunc inter cranium & cerebri membranas, nunc inter membranas & cerebrum, itemque, Vesalio attestante lib. 1. de corp. human. fabric. cap. 5. & Fabricio Hildano cent. 1. obs. 10. in ipsa interdum cavitate cerebri. Causam autem hujus morbi constituunt duplicem; internam, nempe cerebri calorem debilem, cum cerebrum nimis refrigeratum ac humectatum, alimentum rectè elaborare, vel humores ab inferioribus partibus transmissos discutere nequit: vel cum vasa capitis rarefcunt, & aquosam illam substantiam, quæ sanguini mista, in locum aliquem effundunt; Externam causam atque evidentem, plagam seu contusionem, quæ præsertim ab Obstetricibus fœtui in partu, vel alibi rudius contrectato & appresso capite infertur. Indè morbus hic in infantibus, quàm in adultis, ob calvariæ teneritatem, frequentior, periculosior, ac ut plurimum lethalis. De diagnosi, prognosi, & curatione hujus affectus latè satis scripserunt Daniel Sennertus lib. 1. Prax. part. 1. c. 28. & Ambrosius Paræus lib. 7. Oper. chirurg. c. 1. Hydrocephalum nostrum in utero ex interna causa ortum suum habuisse, historiarum series demonstrat, ac paucos dies vixisse. Alioquin cognovi Ratisponæ uxorem cujusdam vigilum Præfecti, temperamenti frigidi & humidi, corporis obesi, fere quadragenariam, quæ sæpius singulis pene annis, accrescente Lana, calvariæ suturis se dilatantibus & adactis capitis tumore, hydrocephalæam singulatam paritur, sed malo huic mature hydragogis, præsertim gargarisinate quodam certo occurrit. Duorum hydrocephalorum etiam meminit Thom. Bartholinus observat. anatomic. cent. 1. observ. 28. Curationem & anatomiam hydrocephali ab Alhardo Hermanno Cummio conscriptam lege in Miscellaneis Anni primi Academ. Naturæ Curiosor. obs. 46. & 47. Nicolaus Tulpus habet etiam lib. 1. observat. medicar. c. 25. historiam hydrocephali, ac ejus curationis infelicitis. Jo. Petrus Lotichius lib. 2. consil. & observat. medic. capit. 1. obs. 7. refert, sibi Anno 1633. Mindæ puellum ejusmodi semestrem consilii causa oblatum fuisse, sed noluisse quicquam tentare, ac sub prognostico illum dimisisse.

Additamentum Schroekii. Omnis morbus monstruosus quid in se continet, cum præter Naturæ ordinem & intentionem generentur. An verò Hydrocephalus proprie sic dicta inter Monstra referri queat, merito dubitatur. Communiter non monstrorum, sed morborum in catalogo ponitur; & Illustriss. Thom. Bartholinus in tract. de Cometis, abortum,

abortum Helingorensē hydrocephalum, quem pro monstro vulgus habuerat, morbis, non monstris, adnumerandum fuisse, decernit. Hydrocephalus utique, dum non nisi hydrops capitis existit, semper morbus est. Quandoque tamen revera monstrorum numerum augere probabile est. Id quod patebit, si monstri definitio ei adplicetur, quod juxta Licetum aliosque, est Vivens subcœleste, membrorum constitutione enormi, videntibus horrorem cum admiratione incutiens, raro admodum nascens, ex secundo naturæ instituto genitum, propter aliquod impedimentum in principiis suæ conformationis. Fœtus enim, cujus caput ab ingenti feri copia in immensam molem extensum est, deformi illo & improporcionado capite, videntibus, non tantum vulgò, sed & Medicis horrorem cum admiratione facile incutere potest, inprimis cum rarus admodum sit, paucisque Medentibus videre tales contingat, ac fœtum magnopere deformet. Cæterum ex secundo Naturæ instituto semper generatur varias ob causas, interdum etiam propter aliquod impedimentum in principiis suæ conformationis. Hydrocephalum itaque & morbosum, & interdum quoque monstrosum dari, dici posset. Ille non tantum embryonem, sed & adultos invadere valet, collecto nimirum p. n. in capite aquoso humore; præterea intra cranium quandoque consistit, latetque, qualem Petr. Borellus cent. 1. histor. 8. describit: unde nec deformis nec horridus videntibus adparere potest; interdum in fœtu sine errore formatricis in utero, abundantis, & vel ibi sponte stagnantis, vel ob externam aliquam violentiam, ubi percussione, casum &c. cum primis in partu contrectatam durius & compressam ab incauta vel imperita obstetricis manu tenellulam calvariam, collecti feri soboles esse potest. Hic autem, scilicet monstrosus Hydrocephalus quod detur, ipse Bartholinus laudatus non planè contradicit, dum à morbo illo Helingorensi actionem sympatheticam excludi haud posse, cum Cl. Friderico Hammerito affirmat; hæsisse enim, refert, mulieri hoc fœtu gravidæ in fixa memoria infotunium, quod pridem ejus culpa infanti Chirurghi acciderat, qui in lebete ferventis aquæ demersus paulo post exiraverat. Sic etiam Guil. Fabric. Hild. cent. 5. obs. 3. puellam ætatis undecim aut duodecim circiter annorum, ob intempestivam curiositatem, continuo circa infantulum hydrocephalicum fuisse versatam, caputque ejus tractasse commemorat, tam altæ memoriæ ejus idea hydrocephali impressa, ut aliquot post annos viro cum nupsisset, toto gestationis tempore monstruosum illud caput continuo ferè ante oculos ipsi observaretur, fœtumque pariter hydrocephalicum enixa fuerit. Imaginationem itaque hujus mali præcipuam fuisse causam apud me, sic Hildanus subjungit, nullum est dubium. Idem confirmare posset historia à Levino Lemnio lib. 1. de occult. natur. miracul. cap. 4. descripta, si internam etiam capitis, stupenda magnitudine, à phantasia matris ex conspecta hydrocephali pictura attonitæ, deformati constitutionem traderet; ubi quidem serum copiosum non defuisse, suspicari licet. Et cur phantasia carnosas, aliasque præternaturales excrecentias embryonis capiti sæpius adnectens, humoris serosi cursui uberiori ad partem illam pariter ansam præbere nequeat? Quidquid sit, præsens casus, ob miram, quæ post mortem comparuit, capitis constitutionem, monstra inter referri utique poterit. *Alardi Hermannii Cummi.*

Bibl. Chirurg. Tom. II.

Hydrocephalus vitio spinæ bifidæ.

Anno 1683. d. 22. Febr. natus est infans masculus Parentibus quibusdam magni nominis; non sine magno gaudio. Sed ubi statim post partum tenelli infantis corpus paulo exactius examinatum, duos tumores, unum in occipite, alterum in spina dorsi offenderunt. Ille in medio occipitis juglandem magnitudine æquavit, tactu mollis, colore fusco, multis pilis obsitus, similibus murium pilis. Mater hujus tumoris causa fuit, uti postea dicitur. Alter tumor in spina dorsi, magnitudinem ovi anserini habuit, initium sumens ab ultima thoracis vertebra, tendens usque ad os coccygis, colore sanguineo, tactu mollis, instar fungosæ carnis. Ad latera vero tumoris spinæ dorsi divisæ, margines utrinque satis luculenter digitis tangi & distinguere potuerunt. Medicos & Chirurgos consulere, quid circa istum tumorem agendum? Chirurgorum intempestiva suppuratio rejecta, Medicorumque opinio admissa, nempe & naturam tumoris & conditionem corporis infantis requirere lenia exsiccantia ex variis herbis & floribus, quæ etiam adhibita, & sæpe quotidie tumori calide imposita.

Secundo à partu die apparuit totalis utriusque pedis paralysis à coxendice usque ad plantam, non sine suspitione illum morbum ortum vitio spinalis medullæ. Varii spiritus & aquæ spirituosæ membro affecto adhibita, sed incassum, uti etiam exsiccantia pro curando tumore.

Interea caput sensim sensimque in molem præternaturalem extensum, ossa calvariæ nec dum ferruminata ad pollicis latitudinem & amplius ab invicem distare observata, pericranium pellucidum & reliquum corpus macie consumi deprehensum. Lacte interea vite tenellus nutritus, excrementa debite reddidit, somno resectus & cæteræ mediæ & infini ventris functiones integræ repertæ, nisi quod rursus quandoque & difficulter respiraret, quæ rursus eo aucta, ut sub initio. Maii usque ad finem vitæ cum stertore & sonitu clangosum duxerit spiritum.

Interea moles capitis adeo aucta, ut truncum corporis præponderaret, cum summa miseri infantis molestia.

Die 28. Maii placidissime hic infans absque motibus convulsivis animam efflavit.

Die 29. Eiusdem, permissu Parentum, corpus examine disquisitioni anatomicæ subiectum.

Aperto abdomine, nullum fere omentum, nisi tantillum, quod fundo ventriculi adhæsit; intestina verò laudabiliter constituta reperta. Ventriculus, hepar, lien, renes, optimè, in pectore pulmones & cor absque omni culpa.

Exemptis his, spina dorsi ab altera parte tumorem supra descriptum, obtulit.

Quo dissecto duo cochlearia aquæ insipidæ & limpidissimæ, crystalli instar effluxere, nihil cruoris, nihil substantiæ fungosæ vel peregrinæ; nihil, quod magis, spinalis medullæ, repertum, filamenta quædam alba & tenuissima si excipias; rudera potius membranæ investientis spinalem medullam, quam nervorum.

Vertebræ vero ipsæ, ab ultima thoracis usque ad os coccygis supputando, in utramque partem dilatata, admodum deformes, quarum structura depravata spinæ bifidæ, quam Tulpus obs. 38 l. 3. exhibet, tam similis est, quam ovum ovo. Per foramen ultimæ thoracis vertebræ hians in apertum tumorem

& explicatas lumborum vertebrae, stylo Chirurgus penetravit, usque ad tertiam colli vertebrae.

Medullæ spinalis in utrumque crus nulla divisio, quare tota in liquorem limpidum resoluta, cruribus nihil virium afferre potuit.

Porro caput in tantam molem cretum insolita promisit.

Pericranio facili negotio in crucem dissecto, ossa cranii infantum more nullibi conglutinata, in naturali statu omnia apparebant, nisi quod longius quam solent, & latum pollicem ab invicem sejungerentur.

In medio quoque occipitis osse, rotundum foramen, crassum digitum admittens, in conspectum veniebat, omnino præternaturale, pericranio eo in loco, ut principio dictum, in levem tumorem elevato, ac pilis confito.

Meninx dura piaque, ut & cortex cerebri, quoad externam faciem, erant sanissima. Cum vero in cerebri corticem ad ventriculos ejusdem explorandos culter fixus, viderunt corticem non excedere calami scriptorii crassitudinem, quo separato, loco ventriculorum offenderunt amplam quasi vesicam, repletam limpidissima & insipida aqua, quantitate uncias quinquaginta excedente, neglecta ea quam spongiæ & linteamina imbibebunt.

Hac effusa collapsi cerebri ventriculi manifesto docuerunt, illam in utrumque ventriculum per corticem, mediantibus tubulis, à recentioribus Anatomicis passim descriptis, destillasse, undique sua copia cerebri substantiam, cranium, pericranium extendisse, atque capiti illam deformitatem conciliasse.

Reliquas cerebri partes, glandulam pinealem, nates, vulvam &c. examinare non permisit præceps aquarum affluxus, & hunc insegura partium illarum confusio. Ex cerebello tamen adhuc integro, & naturaliter constituto pars in spinam dorsii pro medulla deferabatur, quæ solummodo unam & alteram thoracis vertebrae affecuta in brachia dimittebatur pro motu illis conciliando. In reliquis thoracis vertebrae medulla sensim deficiebat, & in prima lumborum erat planè nulla: Altera pars cerebelli in aquarum cerebri per occipitis ossis foramen inusitatum supra descriptum, propulsa, ibi tumorem illum pilis confitum formabat, qui signatura muriformis ante obitum credebatur.

Mater infantis quæsitæ, an tempore gestationis terrorem ex re aliqua adversa passa sit, unde signaturam illam muriformem fœtus acquisivisset? Respondit, se quidem à muribus ordinario non moveri, sed accidisse ante 4. menses, ut maritus parvulum sacculum herbarum odoriferarum plenum, lusus ergo ipsi ex improvviso in occiput jacuerit, quo perterrita sibi imaginatam esse, murem ab alto in occiput cecidisse, & citius locum affectum digitis parum fricuisse.

Cui verò tumorem spinæ adscribere deberet, nescivit: Nisi quod cecidisset aliquoties graviter, & semel cervi cujusdam vertebrae ad usum æconomicum in longum diffundere paulo attentius intuita sit. *D. Joh. Lechellii.*

In Hydrocephalo, qui puerilis & jam pridem natorum, forte etiam nascentium, est morbus, serosa colluvies nunc cerebrum atque membranas, nunc membranas & Cranium, Periostriumque & cutim inter, sæpius tamen in Cerebri cavitatibus, ut quæ natura excipiendo sero sunt destinata, deprehenditur. Unam ego Hydrocephali anatomiam, quod rara sit minusque pro sui pretio descripta,

curiosius exponam. Anno vertentis seculi sexagesimo sexto à B. D. van Horne, Anatomico celeberrimo, Infantem disseccari vidi fere septimestrem, cujus caput jam inde à nativitate ex Hydrocephalo tumescens tandem cæteri corporis staturam enormi magnitudine infamare & vitam copia inundantis feri obruere cœpit. Utrum septenarius Criticus tantopere nonnullis & ipsi M. A. Severino, in Hydrocephalo Hildani & ipso septimestri, formidatus, an secretior impetus tempus hoc definiverit, superstitioni oculi cultoribus interpretandum relinquo. Certè Infanti nostro statim à partu secundum omnes dimensiones caput in majus augeri cœpit, invalescente tumore ad mortem usque, adeo ut peripheria capitis æquaret ulnam fere & dimidiam. Reliqui corpusculi & ipsius vultus proportio longè pro isto capitis ossi tumore minima; jurasses universo trunco vultuique detractam humiditatem in unum caput concessisse, adeo macra omnia atque strigosa. Tensa quam maxime capitis cutis, nec Periostrium, ullis aquis rigabantur, ubi tum ossium compages alia apparuit, quàm esse solet. Hiatus ille rhomboides, Fontanellam vocant, longè patentior quam oportet, continuato etiam per suturas, sagittalem & coronalem, plus quam digitali divortio, satis ostendebat subjectam Cerebri molem in dies auctiorem coalitum impedivisse, atque hinc in illo suturarum divulsarum spatium cutis ipsa cum dura meninge arctissime concreverat, adeo ut laboriose secerni potuerit. Tenuiora adhuc videbantur Bregmatis ossa & cornea fere, in oris etiam quæque suis cartilaginosa ad notabile intervallum; ubi radiantium fibrarum ossæarum lusus pulchrè animadvertere licuit. Nulla interim aqua, neque cranium inter & crassam membranam, neque hanc & tenuem, superficies duntaxat cerebri solito humidior; hic vero ingens cerebri tumor complanata undique superficie, mæandrorum, qui alias distinguere corticem solent, vestigia aboleverat, adeo & venæ, quæ copiose irrigare cerebrum debebant, paucae apparuere, & in ampliata propulsæque Cerebri convexitate exiles. Itaque, cum intus ali monstrum videretur, acum admovit Anatomicus, qua in Paracentesi vii solemus, cerebrumque, cujus passim crassitudo vix digitum æquabar, pertudit. Fluere statim limpidissimi feri rivus cœpit, quem, quod deliquium metuendum non erat, ad uncias Clxiii. non numerato, quod in anfractus cerebrique basin se diffuderat, excepit. Subsistebat interim Cerebrum pro ratione & modo fluentis aquæ, jamque formam & magnitudinem subsidendo amiserat, cum interiora ejus cultro rimari curiosa manus cœpit; reperit autem ipsam illam Cerebri substantiam tenuem admodum, intus etiam rarissimis sanguinis permeantis vestigiis perfusam. In Ventriculorum fundo lehta reliqua erat & pituitosa Lympha, quæ se glutinis instar parietibus cerebri medullaris & ventriculorum limbis applicaverat. Quid quod radix Cerebri à perpetuo illo diluvio & feri incubitu in fibras diffluxisse videbatur, quibus alias constare naturaliter solet. Loco suo quæsitæ Glandula Pinealis non apparuit, sive avulsa seu deliquio soluta. In plexu Chorioide nullæ etiam glandulæ conspectæ. Cerebellum autem plane integrum & nulla sui parte labefactatum, nulla etiam aqua in Ventriculo ejus, adeo &, quod mirandum, gyri anfractusque illæsi & lætiore sanguinis colore perfusi. Et hæc quidem erat Hydrocephali historia, cujus causam si altius repeto, non ambigendum,

quin sæva Obstetricis manus intempestiva compressione ossium Bregmatis plurimum eo contulerit, & coarctato insimul venarum spatio lentæ Circulationi & hinc ortæ secretioni Aquosæ occasionem dederit, quæ deinde laxatis fibrarum medullarium intervallis se in Ventriculos, ordinarias humidi lymphatici officinas, stillando effuderit. Vulgato experimento jam olim cognovi, ligatis venis jugularibus internis in vitulo semimortuo cerebrum copiosè à stagnante sero inundatum fuisse; adeo & à remissa circulatione lentiusque eunte sanguine idem fieri probabile est. *Ioh. Nicol. Pechlinus in Observat. Physico-medice.*

Hydrocephalicus & hydropicus.

Sigmund Biermann adolescens 27. circiter annor. in tenella ætate, ut sciscitantibus nobis confessus est, motibus convulsivis valde obnoxius, à cathartico toto reliquæ vitæ decursu nunquam immunis extitit. In Nosotrophium, propter summam imbecillitatem, sex circiter ante obitum septimanis advectus præcipuè tum de diarrhœa querelas movit & appetitu prostrato, cum siti, quæ tantum non ad finem vitæ usque duravit: manus erant tremulæ, pulsus nunquam naturalis, sed tremulus & creber, tractu temporis, seri effusionibus magis magisque urgentibus, & infimo ventre plenius intumesciente, æger Creatori spiritum reddidit.

Præsentibus Medicis aliquot inter quos tum erat Clariss. D. D. Stokerus Scaphusianus, sub vesperam operi sectionis nos accinximus Ann. 1677. mens. April. Curæ præcipuè fuit cerebrum, unde cranio ablato illud studiosius lustravimus. Dura mater densissima fuit, & Pia ipsi parum absimilis, si non densior, sanguine præterea corrupto ac putrido penitus spurcata. Cerebrum, quasi mera gelatina obductum esset, per hanc ipsam transparuit, ejus substantia tota flaccida fuit, & aqueis humoribus irrigua, qui pia meninge ablata copiosè in fugam dabantur. Ventriculi anteriores, una cum tertio & quarto, ichore aquoso erant repleti; in plexu choroideo glandulam utrinque reperimus duriusculam, nisi magnitudine. Aperto abdomine, aliquot mensuræ feri putridi, summè fœrentis eruperunt. Epiloon putruit, pancreas albicans & durum, hepat parte cava inflammatum & corruptum fuit. Ex vesicula fellea, cujus facies exterior gelatinosa videbatur, distensa effluxit humor, qualis ex ovo putrido prodire consuevit. In Mesenterio lympham in vasculis stagnantem animadvertimus, in quam vero, uti nec in thoracem media urgente nocte, studiosius inquirere non licuit. *Ioh. Jacob. Harderus in Observation. Anatomico-Præclis.*

Jacobi Calvas Mercatoris Nemausensis filius, tertium ætatis annum agens, vegetus & elegans, sine causa manifesta soporatus & torpens, ἀνύπνους, post multa valida & confertim sine fructu adhibita remedia, pulsu & respiratione paulatim deficientibus, è vivis excessit.

Aperto capite cerebrum sero è vasis scaturiente inundabatur.

Filius Causidici Nemausensis primi nominis, in eadem ætate constitutus, acris ingenii, haud multum absimili, verum iniquiore fato functus est; etenim ophtalmia & Lippitudine frequenter laborans, per dies quindecim sustinuit convulsivos motus, quos excepere veternus & mors.

Apertum caput, fontanellam oppido hiantem, futuramque sagittalem os coronale interseidentem,

& ad nasi usque radices protensam exhibuit. Dura meninx admodum densa fuit, ejusque vasa, quæ sub osse parietali sinistro sita sunt, fuere turgida sanguine, & inflammatione occupata. Paucissimus adfuit sanguis in vasis cerebri, quod ut & fistula spinalis, vasto seri gurgite stagnabat. Dum viveret misellus, meatulum infra sinistram aurem situm, lymphæ perpetuo madentem, verum post mortem prorsus oblitteratum, gessit. Malè huic se habuerunt pancreas & mesenterium; magnaque fuit ipsi vesicula fellea, quam limpidus, sed fusci coloris succus adimplebat. Ann. 1679. *Ex communicatione Clarissimi Viri Domini Rivalier Medici Nemausensis &c.*

Sutoris Nemausensis filiolus ab ipso ortu laboravit Hydrocephalo, ex quo caput in molem immensam, & solita quadruplo majorem, creverat, cranii suturis quatuor fermè transversorum digitorum spatio dehiscens; Hebes & sensibus propemodum orbatus, oculisque mire inversis, ad omnia, præterquam ad exsiccandas nutritis mammas, male se habens, per sesquiannum vixit. Tandem moribus convulsivis fractus fatalem diem clausit. Ann. 1680. *Ex eadem communicatione.*

Historia Anatomica Hydrocephali 1665.

Mulier staturæ mediocris, sana, bene colorata, secundò gravida d. 14. Dec. stato tempore & absoluta quadraginta septimanarum periodo mane stimulus ad pariendum pati cœpit, post meridiem nixus increscuerunt, ac vesperi horis tribus vehementissime ipsam affligerunt; quibus elapsis prodiit fœtus podice & sensim reliquo corpore ad collum usque: caput diu in utero persistit; post multos & validissimos conatus tandem fœtum mortuum totum exclusit, cujus motum toto hoc die non ampliùs animadvertit. Fœtus erat masculus aspectu monstrosus: caput enim virile æquabat atque in dorso gibbus videbatur. Circa quintam vespertinam. Parens vocatus fœtum hunc cum chirurgo diligenter perlustravit. In capite Frons, Tempora & Occiput protuberabant admodum & Sinciput in fastigium monstrosum attollebatur: Facies reliqua bene conformata & parva erat sc. oculi, nasus, genæ, labia à venustate matrem referente prorsus nihil abscedebant. Omnes futuræ sc. ossis frontis, coronalis, sagittalis, Lamdoides & temporum plurimum hiabant, aded ut ossa plerunque ultra unciam distarent: In dextro latere sc. in fronte & bregmate sub cuti capillata, ut & ibi, ubi futurarum hiatus tangebatur, fluctuantem humorem sensit: in sinistro autem latere cutis capillata arctius ossi adhæserat. Totum caput albicans erat, exceptis bregmate dextro & futurarum divulgatarum sedibus lividioribus incisa cuti in sincipite dextro profiliit aqua loturæ carniū similis, fœtoris expers copiosè atque inclinato capite ad libras tres circiter emanavit. Hinc ampliato vulnere & euti antrorsum usque ad frontem, retrorsum usque ad nucham & in latere usque ad aurem dextram incisa, invenit ossa sincipitis & frontis prorsus non solum à cute sed etiam pericranio foris denudata ac imprimis os sincipitis avulsum ab osse temporis prominebat inferius pertenuè & quasi pectus lateris & in acumen desinentibus Stylum dentibus: Intus verò ossa hæc dura matre naturali crassitie arctissime obducebantur atq; ea intermedia circa hiantes futuras uniebantur excepto illo loco, ubi os sincipitis pectinatim quasi protuberavit. Dura matre ad latus dextrum corporis falciformis à fronte ad occiput & in latere ad aurem incisa

incisa, reclinatis ossibus occurrit cerebrum, cujus superficies anfractibus ferme destituta, rugosa tamen, instar bursæ, capacioris semivacuæ atque hinc inde aqua loturæ carniū simili inundata. Spatium inter duram & piā matrem in hoc latere amplissimum erat. Inciso cerebro ad interiora ventriculi dextri, deprehendit illum capacissimum, spatium namque ejus antrorsum, retrorsum atque ad latera expansum fuit ab aqua: Fornix & paries ejus dexter tempus versus crassitie parvi digiti multo minor fuit: continebat adhuc aquam cruentam, & quamvis cerebri substantia intus, extusque ab ista aqua madefiebat & continuè abluēbatur, nihilominus tamen multo densior, firmior & tenacior erat quā aliās in hac ætate imò adultioribus observatur: speculum lucidum robustius erat solito, nec faciliè rumpebatur. Plexus choroideus in glomerem quasi contractus, totus posticam partem occupavit, præditus copiosissimis & amplissimis vasis sanguine nigro turgidis, pendebant ex ipso aliquot corpora atro-rubentia, quorum tria papillas unciam semissem longas referebant, gracilia & in apicem acutum desinentia, ex quibus pressis stillavit aqua subcruenta; alia minora insuper aderant. Præter hiatum naturalem hujus ventriculi circa crura medullæ, vidit in latere dextro posteriora versus ipsum lacerum fuisse, adeo ut foramen facile digitum admitteret: quod tamen recenter vel in ipso difficili partu factum fuisse conjecit, quia ejus labia inæqualia & prorsus albicantia erant, similia scilicet illis quæ fecit dum ventriculum istum studio perrupit.

Tota interna superficies hujus ventriculi lævis subflava & firma fuit ac si membrana debito densiore investita fuisset. Incisa dura meninge in sinistro latere ad latus corporis falciformis & ad latus secundum ductus futurarum, nullam aquam inter cutim capillatam & ossa invenit, nec uti in dextro latere cutis ab ossibus secesserat, verum quoque plurimum hujus aquæ subcruentæ in spatio itidem amplo inter duram & tenuem meningem deprehendit, non tamen tam copiosam ut in dextro latere. Aperto ante ejus sinistro ventriculo ac vulnere ad occiput usque dilatato invenit quoque aquam subcruentam absque ullis grumis: parietes itidem medulloso hunc ventriculum constituentes, longè graciliores erant, quam in sanis videtur: Spatium quoque illorum amplum erat, minus tamen quam dextrum, prout quoque aqua in minori copia quam in dextro supererat, quamvis plurimum quoque ad dextrum ventriculum inclinato dextrorsum capite defluxisse videtur. Interna superficies hujus ventriculi undiquaq; lævis & albidior quam dextri fuit. A cruribus plexus choroidei in parte postica pendebant quoque corpora atro-rubentia papillaria nec pauciora nec minora quam in dextro ventriculo, vasaque ejus sanguine turgidissima erant, adeo ut glandula pinealis his prorsus obvolveretur. In ventriculo tertio eadem aqua, sed minori quantitate pugnavit. Circa glandulam pituitariam quoque vasa sanguifera capillaria conspectiora erant; ipsa verò & Infundibulum à naturali constitutione non multum descivisse videbatur. Cerebellum in suo antro delituit atque ab aquæ hujus illuvie immune servabatur beneficio sepimenti à dura matre inter cerebrum & cerebellum existentis. Flaccidius multum erat cerebro uti solet. Spina dorsi ab ultima cervicis vertebra ad os sacrum usque manifestè duplex erat. Vertebrae lombares in gibbum attollebantur: ibique cutis multo sanguine, ob partum difficile suffusa erat. Incisa cuti in dorso circa primam vertebram lumbarem sub illa invenit substantiam me-

dullarem cerebro similem, subflavam ad nucis juglandis magnitudinem: qua remota nullum foramen nullumve aditum alium ad spinalem medullam deprehendere potuit, nihilque aliud quā cavernula huic substantiæ destinata apparuit. An verò per utramque spinam medullæ descenderit? Per morositatem parentis indagare non licuit. *Ex communicatione Clariss. Viri Antonii Drelincurtii Rerum Publicarum Bernensis & Friburgensis Archiatri Extraordinarii & Antistitis.*

Hydrocephalus apertus.

*Clariss. Ambrosii Stegmanni. Miscell. Curios.
Detur. iij. Ann. 1.*

Meretrix quædam infantem Wettmi enitebatur hydrocephalo laborantem, qui post mensem in tantam molem crescebat, ut mater impar esset infantem ex cunis attollere. Hinc, cum sic in sua miseria periisset infans, ex curiositate & petitis quorundam amicorum aperiebam caput, ex quo plus ultra XII. mensuras vel lb. XXIV. ichoris profluebat (velut hoc Chirurghi & omnes alii attestantur, qui huic apertioni intertuerunt) Cerebrum exiguum erat, instar oculi bovini ad 3 lb. accedens, & simul torum putrefactum & corruptum.

*Hydrocephalò laborantium Anatomia. Clariss.
Ioh. Conradi Brunneri, Miscell. Curios.
Detur. iij. An. 1.*

Henrici Slatteri filia, nata Beringæ prope Scaphusiam die 24. Febr. Anno 1688. capite bene conformato matri & obstetrici visa fuit. In dorso, ad latus vertebratum dextrum, macula livida apparuit uncias quinque longa & tres lata, quæ in dies aliquantulum augebatur, nunquam tamen ad altitudinem & crassitiem parvi digiti assurgebat; tam splendida evasit ut mater faciem & speciem vestium intueri in ea, ceu in speculo potuerit. Pes dexter à vitæ primordio semper immotus fuit. Circa decimum ætatis diem, cum aqua per tenuissimam maculæ membranam, transpareret; à Chirurgo vulnusculum inflatum fuit, profiliit aqua limpidissima, ac si puellus, ut mater loquebatur, mingeret: Vulnusculum brevi coaluit, quod mater sexies adhuc diebus insequentibus refricuit: qualibet vice aqua ex vulnere ad 3 iij. effluxit: hac emissâ, sinus amplus, & in hoc caro cruda per cutim conspiciebatur: secedente tenerrima cute ulcus mansit, quod à Chirurgo paucorum dierum intervallo consolidatum fuit. Quamprimum ulcus cute obductum fuit, nihilque feri amplius exstillavit, sin ciput dextrum primum, postea & sinistrum in fastigium attolli cœpit, ac intra quartam ætatis septimanam hydrocephalus vastæ molis emerfit. Interea semper edit, luxitque infans, alvi fæces & urinam ritè excrevit; habitus autem qui ante plenus, sensim emaciari cœpit.

Die 1. Maii caput vastæ molis apparuit, altum tres palmas & ferme totidem latum; Sinciput mirè in utroque latere fastigiatum, in duos quasi colles divisum, intermedia convalle: tempora summo opere prominebant: frons depressa, planè non prominula, & occiput depressum erat. Ossa sincipitis ad duas palmas à se invicem, & temporum palmam à sincipitis ossibus distabant. Attactu molle

molle totum caput fuit & manifestè fluctuatio percipiebatur exceptò ubi ossa cuti affixa erant. Vasa sanguifera in temporibus & sincipite rutilabant sanguine distenta. Caput tepebat, alicubi frigidum erat. Vertebra prima dorsi magis debito protuberabat; ubi macula olim, ibidem cutis depressior, & rubicunda cicatrix remansit. Famelica & siticulosa mirè linguam vibravit, & labia lambit: Postquam mater lac in infantis osculum emulsit, avidè illud abligurivit, posteaque suxit; secus si fecit, non suxit. Pultriculam avidè comedit & sitiit. Aiebat mater nycthemeri spatio præter lac maternum (quo non abundabat) ad 3viiiij. aquæ bibissè. Vagiit, brachiaque movit, oculos item, quorum tamen non nisi album conspiciebatur, nisi deorsum ductis palpebris inferioribus. Excrementa alvi & urinam ritè excrevit. Diaphragma ordinatè movebatur, hypogastrium inæqualiter intumescibat, mox iterum subsidebat; intumescens intestinis tormina pati videbatur; nam præsentibus illis intumescens subinde vagiit. Habitus multùm extenuatus erat, non tamen tantopere, ut in hæcticis & tabidis observatur. Illam audire ex nullo indicio constitit, at tactum integrum esse manifestò patuit. Mirè lacte materno delectari ex linguæ vibratione & lambiorum lambitione colligere licuit, quæ alacrius fiebant ex ejus suctione, quàm aquâ ori instillatâ. Cutis capitis non prorsus depilis erat. Capilli erant subfusi. Inter sugendum & bibendum inter aliquid convulsivi patiebatur in faucibus, propter quod deglutitio impediiebatur. Hæc omnia abundè contemplatus literis consignavit *Venerandus Wepferus noster*, parentesque ut infantis obitum indicarent, præmiis instigavit.

Die 15. Maii misella diem suum obiit. Absente Venerando Wepfero in me secandi munus recidit. Percepto nuntio, eodem die ad dissecandum cadaver properavi, meque è vestigio secutus est Excellentissimus Dn. D. Scretæ. Mirati sumus ambo stupendam capitis molem atque figuram insolitam; quam cum superius jam sit descripta, hic repetere supervacaneum duco: Anatome autem sequentia nobis exhibuit: Incisa decussatim cute capillata, quatuor ejus lobos detraxi, inter separandum multum feri exsudavit; ex incisis autem & dissectis venis sanguis aquosus effluxit. Separata cute, petiocranium cum dura matre coaluisse observavimus: utrumque Cerebri hemisphærium mirè fastigiatum erat, corpusque falciforme intermediam formabat convallem. In summitate cerebrum erat pellucidum, ceu vesica aquâ plena eidem incumberet. Ossa cranii longissimè à se invicem mira membranatum entensibilitate abscefferant. Sinus longitudinis utrique hemisphærio arctè immersus, nonnisi à parte postica, qua sanguis pellucebat, fuit conspicuus: hunc incidi, stylumque immisi, qui in profundum ibat inter utrumque hemisphærium ad trium digitorum transversorum longitudinem: Corpus falciforme secundum longitudinem & latitudinem extensum & extenuatum fuit. Abhinc vulnusculum in summitate cerebri papyro madido, quem examissim referebat, nec tamen prorupit aqua, donec vulnusculum alterum infixi: tunc nempe profiliit aqua limpidissima. Instrumentis idoneis destituebamur, quibus aqua ponderari potuisset, octo autem librarum pondere, tum Excellentissimo Dn. D. Scretæ, tum mihi quoque visa fuit. Ejus in cochleari ferreo nonnihil prunis imposuimus; sensim evaporavit, & bulliendo spumam concitavit; non in gelatinam concrevit; uti aqua in ventre

hydropicorum reperta solet, sed post evaporationem sal acre reliquit; Effluente aquâ, utrumque cerebri hemisphærium unâ subsidit; tandemque hac penitus emissâ, usque adeo capitis moles concidit, ut modo conspici caput sine cerebro dixisses. Dilatato vulnusculo, intus specus nitidus & ingens caverna apparuit, cujus interiora vasis sanguiferis ornabantur. Remoto corpore falciformi, quod profundè cerebrum sulcabat, corpus callosum candidissimum, sed mirè extensum & extenuatum in conspectum venit: Speculum lucidum & in hoc cavitatem, quàm duplicatura constituit, intuiti sumus. Nullam autem ruptionem ultra modum distentatum partium reperimus. Corpora striata depressa erant & interiori cerebri superficiei adæquata. Luci exposita exhibuerunt *innumeras papillas, acicularum capitellorum magnitudine prominentes*; attractu nec asperæ nec inæquales, nec nisi radiantibus luci obversæ conspiciiebantur. Processus, qui crura medullæ oblongatæ conjungit transversus, brevis aliàs ad unciam unam cum dimidia vi aquarum diductus erat. Thalami nervorum opticorum cum protuberantiis orbicularibus ritè sese habuerunt. Glandula pinealis parva & mucaginea inter contrectandum diffluit. Plexus choroideo utrique tuberculum phaseoli magnitudine erat innexum, testiculos fœmineos examissim referens, circum circa hydatides ceu ovula in ovariiis mulierum conspiciiebantur. Processus mammillares dicti, exigui, cæci & impervii fuerunt; reliqua nervorum paria omni vitio caruere, nisi quod aquis erant submersa. Infundibulum rescissum inflare frustra conatus fui, quippe flatum non transmisit. Glandulam pituitariam diligenter examinavi; nihil tamen præternaturale in hac offendi, nisi quoddam humor unctuosus, pellucidus tamen stylo, visci instar adhæsit.

Cerebellum flaccidum fuit; ventriculus quartus peramplus, emissâ aqua subsidit. Spinalis medulla in medullio perforata fuit & aquâ referta. Stylus immisus mergebatur sponte sua ad palmæ longitudinem versus maculam; quæ juxta spinam dorsi visa fuit. Hanc incidi; cavitatis adhuc, & spinalis medulla nuda apparuit; verberæ ibidem ad pollicis distantiam hiabant. Tubulo exploravi atque flatu, si quis forte meatus exinde versus cerebrum & vice versa daretur; frustra autem fui, nullum quippe flatum transmisit. Circa primam dorsi vertebra (de qua supra) tuberculum apparuit; incisa cute, ossiculum inæquale & informe subfuit. Longiorem pervestigationem importune muliercularum fletus prohibuerunt; loculo proin nos, alii terræ mandarunt cadaver.

II. Michaëlis Flor, Civis Heidelbergensis filius, natus die 24. Octobr. Ann. 1688. omnibus bene conformatus visus fuit; in dorso supra os sacrum macula, seu substantia tendinosa & coriacea apparuit; suxit infans & bellè valere visus fuit; brachia movit, pedes autem ferè immoti manserunt; postquam ad eam pervenit ætatem, qua alii infantes, quorum plures peperit mater, pedibus consistere valebant, penduli manserunt erecto infante, & urina sponte effluxit; anus insuper ad trium unciarum longitudinem excidit, ut repetita reposicione opus fuerit. Alvus plerumque fuit lubrica. Macula dorsi in dies augebatur, & in majorem molè, quin tumorem tandem insignem excrevit; ut præ hoc nec cubare nec quiescere liceret infanti nisi in alterutrum latus devoluto. Tandem de abscissione tumoris monstrofi cogitare cœperunt Patentes, voca-

runtque Chirurgum Circumforaneum, qui decimâ quartâ ætatis septimanâ extirpationem ausus fuit. Tumorem circumcidit temerarius, & filo, acutraducta comprehensum protraxit, mox abscondit & extirpavit funditus. Inter abscissionem plus libra aquæ limpidissimæ effluxisse, saporis salis, relatum fuit. In medio tumoris radix seu pedunculus apparuit cavus, qui inflatus in varias ramificationes, tandemque expansiones membranaceas abiit, ceu cellulas & concamerationes, in quibus dicta stagnavit aqua. Post amputationem caput infantis confidere statim & mole minui observatum fuit; indicio haut obscuro, aquam ex ventriculis & cerebri cavitatibus promanasse. Pedunculus nonnisi congeries fuit, seu fasciculus nervorum è spina dorsis exorbitantium, in medio pervius, ut stylum facile admiserit. Circumcirca alii nervi non eodem fasciculo comprehensi ad tumorem tendebant: vasa quoque sanguifera è spina dorsis emergentia eodem appellebant: Subtus membrana spinalem medullam aliàs involvens apparuit inanis; adeò ut vel omnis medulla spinalis hæc exorbitans, in dictum tumorem terminari visa fuerit. Anus propendit ad unciam unius cum dimidia longitudinem. Caput collapsum fuit eo usque, ut fonticulus pollicem meum facile ceperit, & ossa temporum sibi invicem impenderint. Cæterum nihil vitii foris apparuit; interiora perlustrare vetuit supersticiosa matris pietas.

Scholium. Qui ventriculos cerebri tantum levitatis gratiâ conditos esse existimant, nimis leves mihi Naturæ contemplatores; neque ad rem satis attendisse illi videntur, qui non ex primariâ naturæ intentione, sed secundariò tantum & accidentaliter ex cerebri complicatione hos resultare existimant. Sed & insuper mirari subit eorum sententiam, qui cerebri ventriculos spirituum domicilia statuere non dubitant. Certè si attentius pensiculerent, quæ crebrius diffecanti cerebra obtingunt phænomena, modò aquarum illuvies & stagnationes in hisce cavitatibus, etiam in sanis (uti in capite vituli hodie dum mactati, quod præ manibus est, videre licet) modò earundem vacuitates glandulæ pinealis (quæ in lepore mira est & visu lepida, in homine etiam sano modò mucaginea, modò sabulosa, modò etiam lapidea; in canibus verò intricatissima) dignitatem non tantopere extollerent, dum in hac ceu folio sedenti animæ circumstans spirituum satellitium famulari, glandulæ motui obedire, mandata audire & fideliter exequi ingeniosè fingunt. Mihi vero pro nobilissima functione stabilis ac certa in microcosmo fabrica, non variâ aquarum illuvie turbata, condita & assignata videtur. Tandem verò qui cerebri ventriculos meram cloacam nominant, minùs decenter de sacra Palladis arce sentire postea patebit. Aliter autem sentiet, qui miram concamerationem cerebri structuram, mirabilem in hisce, Plexuum choroideorum expansionem, ipsam denique convallem, qua inclinant & sponte sua ruunt in iis contenta, attentius consideraverit; nec potest non horum usum hariolari, & ad experimenta conversus ipsis quasi oculis usurpare. Alibi laticis lymphici, per totum corpus ubertim manantis historiam pro modulo tradidi, & experimentis fretus in ipsa quoque ditione animali hunc contemplatus sum. Spiritus nempe, seu particulæ sanguinis subtilissimæ, sub lymphæ involucri, ceu Schemate fluido ad penitissima cerebri penetralia deducti, crassius involucrum exuunt & diversum ab eo iter instituunt. Probabile est (quod deinceps clariùs patebit) lympham suo functam

munere, ceu phlegma spirituum, partim per venas remeare, partim verò ad intima penetralia postquam pervenit venarumque superavit regionem, ubi remeare non datur, ulterius progredi, & in ipsos cerebri ventriculos tanquam in cisternam conflueret: Ad quid enim tantus ventriculorum cerebri apparatus & admirabilis structura, nisi humorem quem etiam in sanorum cerebris sat uberem videre est, susciperent, susceptumque aliò derivarent? Nec verò excrementitius censeretur debet, quippe per mirabiles vasorum & serpentinos flexus ad ipsam Palladis arcem perductus, purissimus censeretur merito & defæcatissimus audire potest: nobili insuper hoc functus munere, plura adhuc corpori elargiri potest commoda, cujus generis recrementa, natura nunquam immediatè eliminare solet. Quapropter rem minùs attentè pensitasse videntur, qui per processus mammillares hunc in narium cavernas excerni putant; siquidem pro narium humectatione, qui secundarius ipsi tribui posset usus, sat glandularum suppetit, adeoque superfluous & inutilis in his foret. Validum in Doctissimi Lovveri de catharris argumentum, cum autem non in omnium manibus versetur elegantissimum scriptum (cujus exemplar mihi in Anglia agenti, Author humanissimus dono dedit) textum ipsum apponere, operæ pretium erit: „Humorem, inquit, „intra processus mammillares (de bructis sermo „est) contentum ipsos non permeare aut pertrans- „ire meliùs innotescet, si ipsorum substantiam, „conformationem & usum paulò accuratius per- „pendemus: duplici enim substantiâ, non secus „ac reliquæ cerebri partes, medullati scilicet & cor- „ticali constant; in medullari autem ipsi spiritus „animales hospitantur, unde in nervos ab ea ex- „ortos, & in nares implantatos excurrunt; si au- „tem aqua in cavitatibus processuum contenta, „per medullarem ipsorum substantiam in nares „transeat & extillet, necesse est ut per nervos „finat, & ipsorum corpora pervadat. At quid „inde de olfactu fiet, si ipsa ejus organa conti- „nuò humore excrementitio scateant? In huma- „no cerebro processus isti sunt exigui, imò cæci & impervii, nec à ventriculis cerebri, sicut in quadru- „pedum pleisique, sed à substantia medullari sub „corporibus striatis ubi nulla datur cavitas, utrin- „que oriuntur, nervosque ex amissim, interdum „nervorum fasciculum referunt, nervorumque proin, „nec alio officio fungi credam tantisper, dum alii „me perspicaciores cavos hos mihi ostenderint in homine.

Viam, qua excernantur humores contenti, monstrabit sedulò natura contemplatori, vel unicâ concamerationum structurâ, quæ eò inclinate videtur, ut humor ex omnibus recessibus cerebri confluis versus infundibulum sponte fluat & subjæctæ glandulæ instilletur pituitariæ. Huic operi velificantur plexus choroidei; Alibi demonstratum fuit, quàm facile lymphicus humor à frigore lentorem contrahat, suamque fluiditatem amittat. Ne id in his cerebri cavitatibus eveniret, mirabili vasorum plexu cautum est, ut igne hoc jugi perpetim calerent ceu hypocausta, & humor in his contentus liquefcens commodè in infundibulum devolutus ulterius proveheretur, de quo Willis ingeniosè differit. Accedit motus cerebri succussorius, articularum pulsatione & vibratione concitatus Quemadmodum autem cribra artificiosè agitantur, & in molendinis percutiuntur ut materia contenta cribretur & ejiciatur: ita & in cerebro humoris redundantis excretio

excretio ceu mechanicè perficitur. Ipsum denique infundibulum inter binas carotides continuò pulsantes & verberantes reperitur constitutum, quæ motu atque calore suo lympham in infundibulum defluentem liquant, ejusque excretionem promovent. Ex hisce ulum retis mirabilis in brutis perdiscere licet. Etenim quæ pendula gestant capita, & ad demetendas herbas in tetram defixa, pleraque reti mirabili donantur & in suo genere gaudent bruta animantia. Facile quippe latex in cerebro stagnaret, lentorem conciperet, & ad excretionem minus aptus fieret: pulsatili autem hac & caloricâ plexûs arteriosi machinâ, tum fluiditati ejus, tum motui atque excretioni consultum videtur. Homini, cui erectus ad sydera vultus, generoso equo, & ut nuper vidi lepori, animali crebro sedenti erecto capite, eodem machinamento fortè opus non erat; humor enim in cerebro resultans, elato capite facile, quin sponte sua depluit: sufficit proin carotidum, tum verberando, tum calefaciendo lymphæ motum juvantium vicinia.

Diu mihi hîc cum aliis hæsit aqua. Vidi equidem ceu meridianâ luce clariùs humores in ventriculis cerebri collectos in infundibulum confluere, & ad subjectam glandulam pituitariam decumbere, viam autem, qua exeant aut excernantur, nullam reperire potui. Doctissimus Lovverus duplicem describit in homine ductum & icone illustrat: „Duo, „inquit, vasa ex utroque sellæ turcicæ latere confita sunt, quæ hiantibus quasi oculis, aquam omnem à glandula pituitaria destillaram excipiunt, „quorum ductus facile patebunt, si aqua aut lac „è siphone in venam jugularem utramvis propè „calvariam injiciatur, mox enim conspicietur prope glandulam pituitariam erumpere atque scaturire. Idem experimentum Clariss. Thomas Willis ante perfecit, qui cum diligentissimo Lovvero meritorè curiosissimus hujus glandulæ scrutator audire potest. Sed pace tantorum virorum dicam, quæ ego circa hanc observavi. Vasa, seu ductus, quos illi detexerunt, certè nonnisi veparum sunt propagines. Foramina quippe in capite vitulino ossi cuneiformi insculpta ducunt ad subjectum, ossi ipsi immersum vas sanguiferum, quod in binos rivulos divisum reflectitur utrinque ad venas jugulares. In capitis humani Anatome injeci olim, ope syphonis, ceram rubicundam in alterutram venarum jugularium, penetravit hæc usque ad glandulam pituitariam quam undique alluit & coronavit pulchrè, ipsam verò glandulam non subire, sed tantum alluere clato hoc experimento didici. In scrutinio glandulæ pituitariæ è calvaria vituli exemptæ, cautiissime membranam qua investitur separavi, nullum autem vasculum excretorium, quod ipsum subingrediatur, bibatque infusum laticem deprehendere, nec vel minimum hujus vestigium observare potui. Adeo, ut ex Anatomia, tum aliorum, tum propriâ, parum mihi de excretionis modo in hac glandula constet. Nec tamen probabilis mihi videtur Clariss. Diemerbroekii sententia, dum glandulam pituitariam penum suam supernè versus cerebrum effundere statuit: quippe per processus mamillares nihil humoris saltem in homine excerni ex suprâ dictis abundè constare arbitror; quo autem concederet tandem humor in cerebrum effusus, fateor me non concipere. Quin structura hujus glandulæ contrarium innuere videtur, quippe insigni hæc cavitate prædita est, saltem in homine, quâ humorem supernè infusum excipit. Verisimile est laticem ex omnibus

cerebri partibus confluum in infundibulum devolvi, glandulæque pituitariæ infusum ejusdem porulos trajicere ac perreptare, osculis vasorum reducentium ad hoc configuratis hiantibus infundi, juvantibus hoc opus pluribus machinamentis perquam ingeniosis, & ita (more totius corporis lymphæ) in massam sanguinis derivari: hujus enim conservationi, ceu humoris utilissimi naturam mirè studere alibi demonstratum fuit. Ne autem ἀσύνετον in abstruso hoc, sed scitu perquam necessario naturæ artificio; fert sententia, vasa lympham in hæc glandulâ absorbentia non esse sanguifera, qualia depingit ingeniosissimus Lovverus, sed revera lymphatica existere, quæ etsi ob loci asperitudinem Anatomicorum diligentiam nondum fuerint detecta adeoque invisâ, eadem tamen existere nullus dubito.

Quemadmodum nimirum reliquæ glandulæ conglobatæ in capite lympham sive circa nervorum expansiones in membranis (uti dudum observavit Venerandus Senex noster Wepferus) scaturientem & ad glandulas conglobatas per vasa lymphatica transfusam, sive ab ipsis immediatè arteriis iisdem suffusam filtrant, percolant, & per alia in parte sima exorientia vasa lymphatica ad commune lymphæ receptaculum remittunt; ita quoque cum glandula pituitaria comparatum viderur. Experiundo enim didici, in capitibus præsertim boum, lympham in partibus nutriendis resultantem, glandulas, tum maxillari tum parotidi tum aliis conglobatis, per peculiaria vasa lymphatica advehi, earumque parti convexæ fusis ramificationibus infundi (cujus elegantissimum argento vivo experimentum cepi) quæ posteaquam glandulæ substantiam pervaserit, ab aliis parte sima oriundis vasis lymphaticis excipitur, & ad commune lymphæ receptaculum deferitur. Cum itaque glandula pituitaria ex conglobatarum genere videatur, lymphæque supernè instilletur, quid obstat quo minus vasa lymphatica supponamus, quæ percolatam lympham absorbent, & more aliorum, ad commune receptaculum retrahant? Nec enim fas erat, lympham à cerebro refluxam, immediatè in sanguinis massam redire, quin more totius corporis lymphæ suo caractere in glandula conglobata insigniretur, de quibus forsitan alias pluribus dicendi erit occasio. Plura sunt in nostro Hydrocephalo, quæ hanc Theoriam confirmant Phænomena; inter quæ illud in primis enucleandum est, cur in recens natis præcipuè cadat hydrocephalus? Equidem nullum est dubium quin humores in cerebri ventriculis collecti apud plures frustrentur exitu, & alios quoque ætatis homines pessundent; unde meritorè Carolus Piso Caput castellum seu labrum feri appellavit. In adultis autem non hydrocephalum sed Apoplexiam, uti subsequens Observatio testatur faciet, aut alium affectum soporosum inducit: nimirum ab exundante perperam sero in adultis corpora medullaria ob soliditatem & resistantiam cranii cedere nescii comprimuntur, spirituumque animalium effluxus per nervos intercipitur: in tenera autem ætate cedit exterior cortex, integumenta membranosa humiditate scatentia dilatantur, & mirum in modum diducuntur. Recens autem natos præcipuè manet hoc fatum (uti videre est apud Fabric. Hildan. Forestum & alios) quia prono plerumque capite & inclinato, nonnunquam planè demisso, præsertim circa tempus partûs, in utero reperiuntur, quo situ restagnat humor in cerebro: lentorem forsitan concipit, hinc percolationi per glandulam

dulam pituitariam minus idoneus ; infarctis ejus potulis congeritur in ventriculis & accumulatur, donec caput in immensum exereſcat ; tandemque obruatur aquis. Præterea dum eluctatur infans per uteri clauſtra ; caput ejus mirè comprimitur , ut interdum vel terrorem incutiat inexpertis primiparis : ex iſta coarctatione fibrillæ cerebri non poſſunt non violari , nec mirum ſi humorem nimium admittant in cerebri ventriculos exſudantem , minusque proportionatum , quam ut filtri ſui porulos trajiciat atque pervadat. Nullum eſt dubium , quin in memorato caſu affectûs primordia jam in utero facta fuerint , antequam lucem aſpexit miſella , nimirum poſtquam aqua in ventriculis cerebri collecta exitum per glandulam pituitariam , ſive propter lentorem , ſive aliud vitium non obtinuit , regurgitavit verſus cerebri ventriculos , quos adimplevit , inde verſus quartum redundans ventriculum , ſpinalem medullam perforavit , cuniculumque per medium hunc egit : eò autem loci , quò vertebræ hiant adhuc in tenella hac ætate exitum molita eſt , cutim autem denſam dum perrumpere non potis erat , ſaltem maculâ lividâ notavit , quæ ſtatim poſt partum animadverſa fuit. Illud verò attentionem metetur , nimirum quòd intra decem dies conſueque cumulata fuit aqua in ventriculis cerebri , ut non modò per ſpinalem medullam cuniculum egerit , cutimque firmam in tumorem elevârît , ſed & inſuper conſueque extenuarit , ut aqua intus conſpici potuerit , quæ vulneratâ cute , tantâ vi proſiliit , ac ſi puellus , ut mater loquebatur , mingeret : ſex in ſequentibus diebus poſtquam vulnuſculum refricuit mater , qualibet vice ʒiij. aquæ limpida effluerunt. Conſolidato ulcere , intra menſem caput in tantam molem excrevit , quanta in Hiſtoria morbi deſcribitur. Duplicem autem hujus colluviei in diſſectione capitis , videtur mihi videre ſcaturiginem , Sunt equidem , qui omne ſeri depluvium glandulis plexuum choroïdeorum tumefactis tribuerunt. At verò ventriculi cerebri , quos ad recipiendos hujus ſuperfluitates conditos eſſe tantum non omnibus probatur , non ſolum propter hæſce glandulas facti videntur ; quippe latius patent , adeoque etiam aliundè , quàm ex hiſce glandulis humores in illos confluere videntur ; Diſſecui olim caput vituli vertiginofi : inveni in ipſa cerebri ſubſtantia tres hydatides , ovi columbini magnitudine , humore limpidò plenas : indicio , etiam in ipſa cerebri ſubſtantia fluere humores & epidermide obduci poſſe. Id effecti autem meritò tribuimus papillulis , quæ in corporibus ſtriatis , lævibus aliàs ac perpolitis , capitulorum acicularum magnitudine prominebant numeroſiſſimæ , ut ſerum copioſius eructarint in cerebri ventriculos : ſanè ſimiles in aliis quoque cerebris morboſis obſervavi , præſertim in colluvie ſeroſa , de quibus in poſterum mecum viderint alii , ſi quidem naſcatur occaſio ; interim admonitos velim , nonniſi ad radios ſolis conſpici hæſce papillulas. Nec tamen omni culpæ eximimus glandulas plexuum choroïdeorum , quippe humidiores repertæ fuerunt , eaſque vitioſas ut plurimum obſervavi in hydrope cerebri Clariff. Thom. Willis. Utrum primariò & per ſe , an huic immerſæ lacunæ fuerint vitiatæ , dubito. Certum tamen eſt , in hydropicorum ventre glandulas plerunque corrumpi , tandemque quaſi elixari. In plexibus choroïdeis glandulis id muneris delegatur , ut , cum vix detur immediatus ex

arteriis in venas tranſitus , ſanguis arterioſus (qui calore perfundit hæſce cavernas) venis per dictas glandulas committatur. Si quis autem has glandulas propterea tantum conditas , & plexibus choroïdeis intertextu exiſtimet , ut ſerum ſeu lympham ſcernant , huic reſponſo , non opus fuiſſe tantâ venarum & arteriolarum luxurie ac frequentia. Nec ad depurandum ſanguinem deſtinatæ videntur , quippe is ex arteriis plexuum choroïdeorum , non ad ſubſtantiam cerebri corticalem , ut ſpiritus inde elaborentur , progreditur , ſed proximis redditur venis ad totular reducentibus.

Quantâcumque autem copiâ cumulata fuiſſet aqua in cerebri ventriculis , hydrocephalum non produxiſſet , niſi viâ , qua aliàs excerni ſolet aut infarctâ , aut alias obſtructa fuiſſet. Sed unctuoſus circa glandulam pituitariam humor , qui ſtylo viſci inſtar adhæſit , index fuit farcientis intus , & colatorium , ſeu glandulam pituitariam obſtruentis mucilaginis Interceptâ ita & intercluſâ excretionis viâ , ſtagnante & regurgitante verſus cerebrum aquâ caput infantis non potuit non brevi temporis ſpatio in vaſtam excreſcere molem.

Exemplum Hydrocephali , in quo glandula pituitaria planè deſuit , videre eſt in Colleg. Curioſ. An. 2. Decad. 1. Obſerv. 47. Aliud apud Doctiſſimum Lovverum in tractat. de catharris , ubi glandula pituitaria , qua infundibulum infeſtebatur gelatinâ quâdam viſcidâ ad magnitudinem minoris fabæ penitus opplera fuit. Uſque adeò verum eſt , humiditates cerebri per glandulam pituitariam tranſcolari & in maſſam ſanguinis derivari. Ex hiſce quoque inferitur , impropriè cerebri excrementa dici , quæ natura nunquam in ſuum ſinum recipere ſolet. Cur verò non immediatè per apertos tubulos , ſed mediante glandula hac lymphâ in cerebro reſultans venis inſtilletur , ratio videtur , quia quemadmodum lymphâ ubi in corpore , ſaltem , quod compertum habeo in capite reſultans , antequam in maſſam ſanguinis reſunditur , glandulas conglomeratas alluit , ut in iis aliquid deliberet (nec enim fruſtra has conditas fuiſſe exiſtimare fas eſt) ita etiam cum lymphâ in cerebro redundante comparatum videtur , nec enim priùs in maſſam ſanguinis reducitur , quàm in glandula pituitaria caractere ſuo inſignita fuerit , de quibus alibi forſan pluribus.

Hydrocephali Anatome.

Clariff. Joh. Davidis Maucharti. Miſcell. Curioſ. Decur. iij. Ann. 4.

Anno 1691. d. 18. Maii , obiit Mothingæ , Eſlingeniſis Diocœſeos pago puer octennis , per annum integrum Hydrocephalus , octiduo ante mortem mihi monſtratus , ut ſi quid opis in me eſſet , conferrem ; Quem tamen cum prognſtico brevi moriturum eſſe , dimiſeram. Obtinui verò à parentibus , quibus à veneficis afflictum eſſe , perſuaſum erat , ut calvariam ſaltim aperire liceret , uti adſtantibus Chirurgis duobus ſequentia à me detecta & obſervata ſunt.

1. Totum corpus ad ſceleti formam matre conſumptum puſtuliſque ſiccis plurimis conſperſum.

2. Caput maximum , quatuor ſpithamarum exten-

extensione circumferentia sua superans, undique durum & tactui nullibi cedens, cutis post capillos ablatos livida, nunquam læsa fuisse videbatur, hæc vero cum pericranio sublata.

3. Cranium undique integrum, omnes futuras, sagittalem totam, coronalem & Lambdoideam fere integras duplices exhibebat, ita ut suspicio non vana sit, postquam puer ex alto, per 5. nimirum gradus lapideos; lapsus esset, & suturæ ab invicem ob violentiam externam discessissent, novum os in spatiis ab illis relictum generatum fuisse, & hujus futurarum duplicaturæ, causam extitisse, erat verò binarum sagittalium futurarum distantia sesquipollicatis.

4. Serrâ ablato superiore Cranii hemisphærio, totam hujus cavitatem cerebro repletam, nullam verò aquam inter hoc & matrem duram reperii.

5. Durâ matre, vasis sanguinehis ad rupturam turgidâ dissectâ, inter hanc & cerebrum ne guttulam aquæ inveni.

6. Cum ergo cerebri magnitudinem admirarer, & ut penitiùs inspicere queam, quod in cadavere fieri incommodus ejus situs prohibebat, extrahere illud anniterer, vi non adeò magnâ adhibitâ, aquæ plurimum, & ultra dimidiam mensuræ Wittembergicæ partem profluxit, quam ex anterioribus cerebri ventriculis oriundam, horum maxima cavitas, & cum dolore nostro ruptura docuit.

7. Cum verò nihilominus in extractione cerebri pergerem, hoc quidem cessit, cerebellum verò erat immobile & cum dura matre, hæcque cum cranio firmiter coaluerant.

8. In cerebro ergo solo extracto, præter cavitatem anteriorum ventriculorum maximam, cerebrique substantiæ tenuitatem plexus choroideos magnos, rumidos, glandulis plurimis, milii grano non nihil majoribus, duris resperfos conspexi.

9. Cerebellum deinde magna vi evulsum, totum induruerat, in dextra tamen parte & majus & durius, ita ut dextra medietas ℥iiij. sinistra ℥iij. saltem pondere æquarent, ad bilancem examinatæ, interim totum cerebellum erat solidum, nullamque cavitatem habebat.

Cætera perlustrare non licuit.

Hydrocephali 24. Annor. Anatome.

Clariss. Viri Riedlini. Ephemer. German.

Centur. I. & 2.

Decem præterierit anni, quod Augustæ Vind. vocatus fui ad virum quendam ex haud ignobili, quin sic sat clarâ familiâ ortum, qui tum arthritide decumbens meum desideravit consilium; hujus quærelis dum aures præbeo, & medicamenta præscribo, obtutui meo se obtulit puer, horrendæ magnitudinis capite instructus, manuum pedumque usu destitutus, & sedendo decumbendoque tempus consumens. Hydrocephalo itaque hunc laborare statim statui; & vel hac de causa eductiùs in quævis ejusdem facta inquisivi, quia

tum multa quidem de hoc morbo laborantibus legeram, hætenus tamen nullum unquam videram; quantum verò memini, tum mater recensuit, se hunc filium sanum atque incolumem fuisse, nisi quod interdum catharris (quorum originem parietibus tum recens incrustatis & dealbatis adscripserat) laborarit: Hisce verò tum suadente insigni quadam Matrona se unguentum quoddam opposuisse, quod catharrhos quidem exsiccavit, at caput ab illo tempore semper excrevisse sic ut anno ætatis tertio magnitudinem consuetam jam longè excesserit, quæ ab hoc tempore semper majus incrementum sumserit, donec anno ferè septimo increfcere desierit, & tam diu quidem puerum incessisse; nec manuum usu destitutum fuisse, ac supervenisse tum apoplexiæ quendam insultum, qui cum sic debilitarit, ut ex illo tempore artuum usu continuò fere destitutum vivat: intellectu tamen semper sic gaudebat, ut tandem & ad S. Synaxin admitti potuerit: Jam tum verò statim in votis habui, ut aliquando post mortem caput hoc aperire liceret, ut vera tam diu instantis hujus mali causa innotesceret; hocque votum meum non uni solùm amicorum meorum detexi; ex quibus Pharmacopœus industrius, Dn. Joh. Bierman, mei memor, cum nuper Ann. 1703. d. 1. Januar. beatè defunctus fuisset, à matre superstite impetravit, ut hæc sequenti die monstrofi capitis apertionem concesserit, ubi primò quidem circumferentiam externam exploravi, hancque undecies hujus lineæ

longitudinem æquasse, inveni; remotis hinc integumentis communibus, uti in aliis hoc morbo defunctis, futuras minus firmiter cohærentes, quin hiantes repertæ fuere ita in hoc cranio tam arctè clausæ conspiciebantur, ut in quibusdam locis illarum vix vestigium quoddam notari potuerit; serrâ mediante hinc non absque labore, remota eâ, quæ eminet cranii parte, per felicem Chirurgum Samuëlem Sturmium, hoc duplo crassius ubique ferè comparuit, & quoniam cerebrum arctè eidem conjunctum fuerit, absque hujus læsione, ubique ferra penetrare non potuit; unde sub apertione adhuc non parva feri limpidissima copia profluxit, quod vase ad id destinato excepimus; licet verò hujus feri semper plus effluerit, quo magis cranii superior pars remota fuit, ubi tamen sedem suam habuerit? ea seposita non statim patuit; donec cerebrum in duo sua hemisphæria divisum fuit, ubi statim tanta cavitas in utroque oculis patuit, ut in ea omnem liquorem contentum fuisse nemo dubitavit; qui nempe ventriculos utrinque sic distenderat, ut facillimè duos pugnos quilibet admisisset; cerebrum verò ad cranium sic compresserat, ut nullibi digito transverso crassius extiterit; & feri quidem, quantum vase subtus posito excipi potuit, mensuræ quatuor cum dimidia evacuata fuerunt; utque de cranio insigni extensione judicare possis, pars serrâ resecta duas cum dimidia Augustanarum continebat mensurarum: Ante septem annos, cum & visum perdidisse, mater ejusdem postmodum retulit; & quod notatu dignissimum, cum per aliquot annos, per quinque vel sex hebdomadas alvum obstructam habuisset, & tum quidem nonnihil parum admodum secum excrevisse; sique vel ex Fol. senn. paratum laxans eidem exhibuerit, hoc statim convulsiones excitasse, eadem narravit: In quorum contingentium causam plus otii me nacti,

finē

sine dubio non absque quadam utilitate inquirent: quotquot verò ego hac de re consului Auctores, qui tam diu Hydrocephalo laborantem descripsisset, mihi quidem non obvenit. Natus enim hic noster An. 1678. Mense Maio, & eo tempore, quo supra memini, vivis subtractus fuerat, per integros viginti quatuor annos itaque cum tanto hoc malo conflictatus est; adeoque inter rarissimos hic casus meritò locum obtinebit.

HYDROMPHALOS.

Vid.

HERNIA

HYDROPHOBIA.

Vid. sub titulò *RABIDI MORSUS.*

H Y M E N ejusque Chirurgia.

Hymenis Chirurgia in eò tota est, ut cum hæc membrana in anteriore sinûs pudoris sede posita, solito crassior, ac densior est, nullòque foramine prædita reperitur, sectione per novaculam incidatur, & immisâ turundâ plumbeâ foramen apertum ad plenam cicatrificationem teneatur. De arctiori tantùm foramine, nihil hîc addimus, quia ipsius dilatandi methodus omnibus satis nota est.

HTHOPIUM. Vid. sub titulò *CORNEÆ VITIA.*

Finis Libri Octavi.

BIBLIO.

JOH. JAC. MANGETI
 BIBLIOTHECÆ
 CHIRURGICÆ
 LIBER NONUS

*De Affectibus atque Operationibus Chirurgicis à Literâ
 I incipientibus.*

ICHOR & MELICERIA CELSI.



*E hâc morbô articulos variis de causis
 affligente, tam accurate pro more agit
 Tractatû speciali Experientissimus Gui-
 lielmus Fabricius Hildanus, ut illum
 integrum hic legendum tradere commo-
 dum omnino credamus. Sic autem*

Vir Eximius.

Cap. I. *Quid sit Ichor & Meliceria,
 aut Hydrarthros, & quomodo inter
 se differant.*

Quia affectum, de quo in hoc libro scripturus
 sum, antiquis & rationalibus Medicis & Chi-
 rurgis, imò & qui superiori seculo floruerunt, in-
 cognitum fuisse, inde nobis conjicere licet, quod
 apud Hyppocratem, Galenum, Avicennam, Pau-
 lum Æginetam, Oribasium, Aetium, Albucasin,
 Lanfrancum, Theodoricum, Rogerium, Guido-
 nem, Vigonem, Tangantium, imò ne quidem
 apud Ambrosium Paræum, quem tamen diligentissi-
 mum scriptorem, & longè præstantissimum & exer-
 citatissimum Cheirurgum fuisse scimus, nihil de
 ipso legimus, quare ut rectè intelligatur, pri-
 mò quid sit Ichor in corpore humano, dice-
 mus, eumque duplicem, Mitem videlicet & Acrem
 esse, ostendemus. Postea quid Ichor & Meliceria
 acris, sive Hydrarthros sit, differemus, causas præ-
 terea, signa, pronostica, & curationem, tum Em-
 piricam, tum Methodicam addemus. Tandem quo-
 que quomodo symptomatibus, quæ subsequun-
 tur, occurrendum sit, objiciemus, & sparsim
 Medicamenta empirica, & quæ in hoc affectu præ-
 ter rationem applicantur, refutabimus, Omniaque
 observationibus, exemplis, & historiis utilissimis
 illustrabimus.

Ichor autem, sive, ut loquitur Hippocrates, se-
 rosum excrementum in corpore humano (ut post Ari-
 stotelem testatur doctissimus Casparus Hofmannus;
 libro de Ichoribus) est sanguis crudus, aut quia
 nondum concoctus est, aut quia seruit. Et alibi,
 Ichor est aquosum scilicet sanguinis, sive id fiat, quod
 sanguis nondum perfectè sit coctus, sive quòd post
 coctionem corruptus sit. Ex quibus colligere licet,
 duplicem esse Ichorem sive serum in corpore huma-
 no, Mitem videlicet & acrem.

Ichor mitis, est excrementum serosum chyli; ab
 hepate ex venis lacteis attracti, ad nutritionem qui-
 dem corporis destinatum, sed à calore nostro innato
 nondum satis coctum, & in sanguinem conversum.
 Converteretur tamen paulatim in sanguinem, nisi
 suum quoque haberet usum, & diutius moram in
 hepate traheret. A summo itaque Architecto hujus
 Microcosmi, in hepate à sanguine segtegatur, hoc
 modo, ut quicquid crassum & viscidum est, ad
 renes & vias urinarias descendat, & excremen-
 titios humores hepatis secum vehat. Hinc plerum-
 que in morbis urinas spissas, turbulentas, multisque
 excrementis refertas profluere videmus. Subtilissima
 verò & purissima pars hujus Ichoris, sanguini per-
 miscetur, & ex hepate per-venas in totum corpus
 spargitur, in hunc finem, ut sit veluti vehiculum
 sanguinis, qui alioquin ad venas capillares, præ-
 fertim minutissimas, permeare non posset: in nutri-
 mentum tamen corporis non transit, sed tandem ut
 excrementum per sudorem exhalat evacuaturque.
 Est & serum biliosum, amarum & acre, quod in
 hepate à sanguine segregatur, & in vesicula fellea
 congregatur, in hunc usum, ut ad intestina descen-
 dat, & quotidie excretionem alvi promoveat. Est
 etiam quartum genus Ichoris qui in splene, à san-
 guine, pro nutritione splenis destinato, veluti ex-
 crementum (non tamen planè inutile) per vas bre-
 ve ad ventriculum mittitur. Estque frigidus & au-
 sterus, ad appetentiam ventriculi excitandam.

Ex his perspicuum fit, ichorem sive serum (lo-
 quor autem de ichore miti, sive mansueto) quam-
 vis sit excrementum sanguinis, ad conservandam
 tamen optimam valetudinem, non exiguum usum
 habere. Si verò acrimoniam, aut qualitatem ali-

quam malignam adeptus fuerit ichor ille, harmoniam istius partis, in qua decumbit, destruit. Verbi gratia, si ichor crassus & pituitosus, propter intemperiem aliquam præter modum calidam hepatis, & admixtionem bilis, acrimoniam contraxerit, sequitur incontinentia & stillicidium urinæ, cum maximo ardore & dolore, nonnunquam quoque ulcera renum & vesicæ procreat. Si ichor ille subtilis & purissimus, qui cum sanguine ad venas capillares fluit, acrimoniam & malignitatem aliquam acquisiverit, sequuntur ulcera, scabies, & hujus generis vitia in externis partibus corporis, in quorum numero quoque affectus, de quo in sequentibus acturus sum, collocandus est. Non tamen ubivis corpus infestat, sed articulos nervosasque partes saltem, propter causas, quas posthac recensabo, occupat.

Est autem Ichor & Meliceria Celsi, feri acris ad lætos, & dolore magno & inflammatione tentatos articulos, ex reliquo corpore copiosa affluxio, & cum ingentibus doloribus, inquietudinibus, febre, viriumque prostratione effluxio, aliorumque symptomatum scaturigo. Dixi ab initio, affectum huncce antiquis incognitum fuisse, Celsum tamen, quem merito Hippocratem Latinum appellamus, ejus notitiam aliquam habuisse ex libr. suo 5. cap. 26. sub titulo de sanguine & sanie & pure, & eorum speciebus, quando meliora deteriorave sint, colligere est, hæc enim habet verba. Est, inquit, quædam sanies, quæ vel Ichor vel Meliceria nominatur. Et paulò post, Ichor tenuis subalbidus ex malo ulcere exit, maximeque ubi nervo læso, inflammatio sequuta est. Meliceria crassior, & glutinosior, subalbida mellique albo subsimilis fertur. Hæc quoque ex malis ulceribus, ubi nervi circa articulos læsi sunt. Et inter hæc loca maximè ex genibus &c. hæcenus Celsus. Hæc quia ad institutum nostrum faciunt, & affectum huncce Celso cognitum fuisse indicant, placuit illum Celso adscribere, & Ichorem & Meliceriam Celsi appellare.

Apud Germanos, quia frequens est affectus in articulorum vulneribus, Chirurghi nonnulli de eo scripserunt, imprimis Paracelsus, Felix Wirtzius, Hans von Gersdorf genandt Schilhans / Petrus von der Stille / Christoph Wirsung. Johan. Colerus, forsitan & alii, qui mihi ad manus non venerunt, sed pace eorum sit dictum, haud appositè rem tetigerunt, ut posthac fusiùs ostendamus. Cur autem symptoma hoc antiquis & etiamnum rationalibus Medico-Chirurgis veluti incognitum (nullus enim ex professo quicquam de hoc quod sciam scripsit) Lector posthac videre poterit.

Diximus superius, Ichorem & Meliceriam Celsi, serosum, crudum, indigestum esse serum, testatur id Celsus, loco præallegato, & ipsa experientia fidem quoque facit. Est præterea acris Ichor iste, propter doloris vehementiam, inquietudinem & internorum viscerum intemperiem calidam, calor nativus adeò debilitatur, ut serosum huncce humorem in pus laudabile concoqui non possit. Quapropter ab intemperie illa calida acrimoniam acquirit, nervos, ligamenta, imò & plerumque ossa ipsa erodit, & cuniculosa ulcera hinc & inde perfodit. Læsis præterea articulis sequitur Ichor acris, tum propter nervorum abundantiam & exquisitissimum sensum, quo præditi sunt, tum etiam propter caloris nativi imbecillitatem, & sanguinis penuriam, quæ omnia ad concoctionem ichoris desiderantur. Non omnes autem læsi articuli Ichore, & Meliceria acri tentantur, sed hi tantum, in quibus dolor maximus, & inflammatio supervenit: nisi enim superveniret dolor, nulla fieret attractio humorum excrementitiorum & sanguinis, & proinde nulla subsequen-

retur inflammatio, aut membri læsi intumefactio, multò minùs copiosa illa ichoris profluxio. Calor enim nativus partis læsæ sufficiens esset, ad concoquendum ichorem, qui ab initio mitis est, & cum vulnere proportionem habet. Quia autem propter inflammationem partis affectæ, & totius corporis intemperiem calidam, propter doloris item vehementiam, vigiliæ, aliaque gravissima symptomata, calor nativus destruitur, & quodammodo extinguatur, ideò affluens ichor in pus converti non potest, sed crudus & indigestus affluit, sed & propter maximam inflammationem acrimoniam acquirit, ex qua symptomata omnia ingravescunt, & plerumque non tantum partem læsam, sed totum corpus destrunt. Dixi antea, læsis articulis symptomata, hæc præsertim supervenire, vulnera enim, & contusiones carnosarum partium, propter nervorum paucitatem, minus sunt dolorosa, & proinde affluxui humorum, & inflammationibus minus obnoxia. Abundant præterea his in partibus, sanguis & spiritus vitalis & naturalis, simul & humidum radicale, quorum beneficio mox ab initio, nisi error in curatione à Medico & Chirurgo commissus fuerit, affluens ichor in pus laudabile convertitur.

Ex toto præterea corpore ad articulum læsum Ichorem sive serum hoc confluere dixi, contra falsam & ineptam barbitonorum & Anatomiarum impetitorum hominum opinionem, qui ichorem illum articulo læso ingentem esse, & nequaquam aliunde profluere statuunt, hancque ob causam ineptissimo, ut Joh. Langius Epistolarum Medicinalium lib. 1. Epist. 3. & alibi testatur, vocabulo, Das Gliedwasser / hoc est, aquam articulorum appellant, & esse arbitrantur. Quod tamen falsissimum esse, etiam mediocriter in dissectionibus Anatomicis versatis Medicis atque Chirurgis, notum est. Sciunt enim, in omnibus articulis totius corporis, non tantum humoris serosi contineri, quantum ex digito uno vulnerato nonnunquam una die & nocte profluere videmus. Addam exemplum unum aut alterum.

Nobilissimus & Prudentissimus Vir, Dn. Johannes à Wattenwil, Inclytæ civitatis & Reipublicæ Bernensis, Consul prudentissimus, Patronus & Amicus meus observandus, felicissimæ memoriæ, cum vulnus quamvis exiguum in digitum medium recepisset, illudve à barbitonfore malè curatum fuisset, exorto dolore, ichor extillare cœpit, & quidem tam copiosè, ut intra paucos dies plus quam mensuram integram Bernensem effluxisse sæpissimè mihi affirmaverit: idque tanto cum dolore, febre, virium prostratione, aliisque gravissimis symptomatibus, ut parum abfuerit, quin vitam amitteret. Tandem quidem convaleuit, sed articulus fauciatus suo motu destitutus fuit: uti hiisce meis non rarò vidi oculis: reliqua ex relatione nobilissimi ægri habeo.

Ante annos aliquos, cum Lausannæ Equestrium Medicinam & Chirurgiam facerem, in suburbio Marteres, civem quendam quadragenarium Claudium nomine, doliarium, curandum habui. Ille findendo ligna sibi met ipsi vulnus ad rotulam dextram secure inflixerat. Id cum ab initio non usque adeò magni momenti esse arbitraretur, & proinde expertos Chirurgos non adhiberet, sed nescio quo Balsamo semetipsum curare veller, & labia vulneris intra dies quindecim uniret, collectus fuit ichor in profundo vulneris; quapropter exorto dolore intensissimo me advocare jussit. Tum totum crus supra modum intumefactum inveni, imprimis genu, quod & inflammatione adeò erat obsessum, ut Gangrænam in proximis esse, mihi videretur. Aderat præterea febris continua & ardentissima, capitis & lumbo-

Cap. 2. De Causis Ichoris & Meliceria Celsi.

rum dolor maximus, sitis inexhausta; nausea, eruptiones, cibi fastidium, Inquietudines, Vigiliæ; Lipothymia, & tanta virium prostratio, ut sibi vix in alterum diem usque vitam transigere posse putaret, parumque superesset spei. Ex ipso autem vulnere caro fungosa & livida, ad magnitudinem ovi gallinæ excreverat, quæ pelliculo obducta esse videbatur: In illam cum stylum exploratorium immissem, (quod facile & sine ulla violentia præstiti) Ichor tam copiosè effluxit, ut prima illa vice ultra sesquilibrium in scutellam colligerem, sequentibus quoque diebus continuo & sine intermissione exstillavit, ita ut sanctè affirmare possim; intra paucos dies ad multas libras effluxisse. Tandem summa à me adhibita diligentia utcunque convaluit, utcunque inquam, genu enim suo motu privatum fuit, totumque corpus propter morbi violentiam & diuturnitatem cacochymicum, languidum, & ad vitæ suæ finem imbecille remansit.

Exempla hæc (quorum nisi Lectori tædiosum esset, infinita habeo) adscribere placuit, ut barbitonfores eorum ineptiam ex eis videant, continent quidem articuli in se humorem viscosum, & veluti mucilagineum, à natura (ut docet Hippocrates lib. de locis in homine, & libro de fracturis ossium) in hunc finem procreatum, ne continuo motu excreverent, sed lubrica persisterent: verum tantam copiam, ut plerumque effluere videmus, in se continere posse, absurdum est dicere. Secundò, ut indigitarem, Ichorem hunc ex reliquo corpore ad articulum læsum confluere. Quod & post Damocratem testatur Langius, loco superius allegato, his verbis. Quamvis, inquit, bona pars Medicorum causam phlegmonis vulnorum, in corporis Cacochymiam referunt, Damocrates tamen (me iudice) rectius in dolorem refert, qui ex musculorum nervis & tendinibus vulneratis, oboritur circa articulos, sensus & arbitrarii motus organa: quæ cum ferè nulla carne sint cooperta, acutiùs sentiunt, & ob id majori dolore quàm Epigastrii muscoli carnosissimi affliguntur: qui velut cucurbitula omnifariam humorum alluviem ad vulnus pellicit, quod tandem vulnus intumescens, tertio aut ad plurimum quinto die phlegmone & aliis symptomatibus corripitur. De his videat Lector plura apud doctissimum Langium loco citato, & in epistola ad Lectorem libri primi Epistolarum. Tertio patet ex prædictis observationibus & historiis, affectum huncce scaturiginem esse quamplurimorum gravissimorum symptomatum, uti sunt Cacochymia, ictertia, Atrophia, hydrops, & infinita alia, de quibus in fine hujus libri sigillatim & fusiùs agemus.

Distinguit quidem Celsus loco citato affectum huncce in Ichorem & Meliceriam, sed distinctio hæc solummodo in colore & consistentia materiæ, quæ effluit, consistit, nec usque adeò magni momenti esse arbitror. Si quis tamen accuratum observatorem, & diligentem Chirurgum se præbere voluerit, videbit materiam, quæ ab initio morbi effluit, verum & subtilissimum Ichorem plerumque instar aquæ limpidissimæ esse, tandem verò in Meliceriam abire, & crassiorem & glutinosiorem fieri. Mutatio illa materiæ effluentis, optimum signum est, & naturam circa concoctionem ichoris occupatam esse, & in victricem morbi evadere posse, spem facit.

Est alius affectus Meliceris dictus, de quo Galenus libro de tumoribus præter naturam, sed cum Ichore & Meliceria Celsi nullam habet affinitatem. Est enim abscessus mollis, flaccidus, & indolens, ex materia frigida, melli albo non absimilis, & membrana inclusa, genitus. De quo institutum nostrum non est hîc tractare.

HActenus quid sit ichor acris, sive hydrops articulorum, breviter exposui, sequuntur nunc causæ. Sunt illæ externæ & internæ, adeò tamen concurrunt, ut una sine altera vix reperiatur. Externa est vulnus aut contusio, fractura vel dislocatio. Interna est Cacochymia, & redundantia pravorum humorum: plerumque etiam plethora. Paracelsus tertiam addit causam, videlicet negligentiam vel potius inscitiam Chirurgi, quam ego causæ internæ præfero. Etiam si enim corpus Cacochymicum, vel etiam plethoricum fuerit, rarè tamen Ichorem consequi videmus, si vulnus à rationali Medico aut Chirurgo ex arte curatum fuerit, uti postea fusiùs dicam.

Non autem omne vulnus hujus mali causa existit, sed illud præcipue, quod aut in ipso articulo, aut prope ipsum infixum est: idque propter sequentes causas, Nervi, qui, ut testatur Galenus de usu partium lib. 12. corpori motum & sensum largiuntur, hinc inde per musculos dispersi, in ipso articulo tam copiosè concurrunt, ut vix detur vulnus in articulo, ubi non sit læsus nervus, aut nervosum quid. Hinc protinus sequitur ingens dolor, dolorem (quia humores ex vicinis locis ut cucurbita ad se trahit, ut idem Galenus docet) sequitur inflammatio, quæ calorem ejus partis ita debilitat; ut influentium humorum impetui resistere non satis sit potens: quapropter tanto cum impetu, tantaque in copia circa vulnus confluunt, ut cum beneficio naturæ in pus laudabile converti non possint humores isti, indigesti & crudi effluant, necesse est. Ichor ille propter maximam intemperiem calidam partis læsæ, mox acrimoniam acquirit, partesque nervosas pungit & erodit: hinc dolor magis magisque exacerbatur, morbusque augetur, donec dolor sedatur.

Sunt præterea juncturæ respectu aliarum partium propter carnis, venarum item & arteriarum penuriam imbecilles, & frigidiores, & proinde minus idoneæ ad digerendos serosos hosce humores. De contusionibus & fracturis, quæ circa juncturas fiunt, idem statuendum est. In his enim si error in curatione commissus fuerit, dolor, affluxus humorum, & inflammatio supervenerit, facile hydrathros sequetur, ut postea exemplis ostendam.

Non sufficit autem externa sive primitiva illa causa, nisi interna, quam Medici antecedentem vocant, concurrat. Si enim repletio sive ad vires, sive ad vasa, non adfuerit in agro, non facile vulnus inflammatione tentabitur. Non facile meritò adscribendum est: nonnunquam enim affectum huncce in corporibus robustissimis, sanis, & puris accidisse memini; addam exemplum unum aut alterum.

Rusticus quidam sanus optimoque corporis habitu præditus, Hans Schlichter nomine, subditus Nobilissimi Viri Du. Petri à Watenvuil, Domini in Weil &c. Cum Anno 1617. ab alio quodam rustico in conflictu, ad secundum articulum medii digiti manus sinistrae morsus fuisset, & ab inexperto quodam barbitonfore curari posse, credidisset, non diu post sequutus est dolor maximus, inflammatio & tantus affluxus humorum serosorum, ut vix credibile sit. Tandem exilis & putrefactis ligamentis & appendicibus, à me, divino aspirante auxilio feliciter restitutus fuit, nisi quod junctura illa rigida & immobilis permanescit, quemadmodum prolixè dictum fuit in quarta Cent. Observ. 87.

Anno 1583, Mercatori cuidam in Langenberg, prope Dusseldorpium, Girhard Munch nomine, post

morsum hominis in dextrum indicem idem accidisse memini. Is quamvis esset Vir juvenis, robustus, & optimo corporis habitu præditus, nihilominus tamen, exorto prius dolore, tanta sequuta est humorum affluxio & inflammatio, ut Chirurghi, quibus curatio commissa fuit, manum ad carpum amputare decreverint. Industria tamen & arte Viri præstantissimi, Dn. Cosmi Slotani p. m. (apud quem ego tum temporis artem meam exercebam) non tantum manus, verum etiam digitus conservatus fuit. Propter erosionem tamen tendinum & ligamentorum primus & secundus articuli rigidi permanserunt. Longa quidem ac laboriosa fuit curatio hæc, adeo tamen ad votum successit, ut in toto isto tractu, tam à nobilibus quam plebeis, laudibus veluti ad cælum extolleretur Dn. Slotanus.

Hæc in eum finem scribo, ut manifestum fiat; tantam doloris attrahendi esse potentiam, ut etiam serum & veluti nutrimentum ipsum pro nutritione constitutum, ex toto corpore ad se trahere, & in excrementum convertere possit. Hinc sequitur atrophia illa maxima, quam plerumque hydrarthrum sequitur. Vidi id plenius Novissæ in Belgio in puella quadam sana, & optimo corporis habitu prædita, Magistri Anthonii ben Dem Kan / p. m. barbitonforis filia. Illa die quodam deambulando per urbem, pedem sibi aliquantum contorsit: verum cum dislocationem nullam adesse, mater, rerum Chirurgicarum non ignara, cognovisset, non usque adeo hac de re sollicita fuit. Post dies aliquot cum pes intumuisse, & dolor accrevisset, accedit ad ipsam barbitonfor quidam, qui antea artem suam apud prædictum M. Anthonium didicerat. Is ultro se offert, se velle & posse intra paucos dies pedem in pristinum statum restituere. Mater itaque concedit, filia patitur, barbitonfor ex parte viro oneratus, crudeliter pedem extendit, & hinc inde detorquet: quid sit? Exoritur dolor immanis, & longè acerbissimus, ut sincere & veluti testis ocularis affirmare auctus sim, intra paucos dies ad multas libras aquæ aut Ichoris ex pede, multis in locis exulcerato, effluxisse; at quis non videt ichorem aut humorem huncce serosum & indigestum ex toto corpore, doloris vehementia attractum fuisse? Reliqua enim membra intra paucos dies ita exaruerunt, ut ossa vix cute obregerentur. Statim quoque post crudelem ac nullo modo necessariam illam extensionem, febris, lipothymia, nausea, inquietudines, delirium aliaque gravissima symptomata supervenerunt. Tandem post infinitos dolores, arte & industria Domini Johannis Duings, ejus urbis Chirurghi non vulgaris, utcunque restituta fuit, utcunque inquam. Ligamenta enim, cartilaginee & appendices articuli, quia ab humore illo acri erosæ fuerant, rigida & immobilis permansit junctura, ita ut per rotam vitam claudicaret. Anno 1622. simile exemplum vidi Bernæ in juvene quodam, cujus historiam vide circa finem hujus libri cap. 29. de ulcere cum osse carioso.

Duplicem autem esse materiam effluentem ex articulo hydrarthro obfesso, suo loco dicitur, nimirum aut tenuis aut subtilis, quæ propiè Ichor dicitur, aut aliquantum spissior, & Meliceria appellatur, quæ diversitas ratione humoris, in corpore redundantis, accidit. Si enim pituitosus fuerit æger; materia quæ effluit, ichorosa, alba & veluti serum lactis existet: nonnunquam quoque aliquomodo viscida, glutinosa, ac si albumen ovi concussum permixtum esset, effluit. Si biliosum fuerit corpus, aliquantum flavescet; sin artabilaris, obscurus erit. Rubescet verò, & cruenta erit, si æger plethoricus, aut vena aliqua capillaris erosa fuerit.

Secundum porro caloris innati partis affectæ conditionem, & humoris effluentis copiam ichor, qui affluit, nunc subtilissimus, nunc verò aliquo modo spissior erit. Si enim ad summam imbecillitatem reductus fuerit calor innatus, tum partis affectæ, tum totius corporis, serum, quod effluit, subtilissimum erit, præsertim si in copia effluerit. Quantum vero prædictus calor robustior fuerit, tantum ichor erit spissior. Calor enim natus virulentam illam materiam digerit, concoquit, & paulatim in pus convertit. Hinc evenit, quod in dydrarthro ichor primò subtilissimus effluit, post impetum verò morbi, & sedatis doloribus, cum natura vires suas recolligit, paulatim incrassatur materia illa acris, fitque instar mellis albi: deinde quoque oleaginosa, donec vi naturæ in op. in. um pus redacta fuerit.

Tertiam causam hydropis articularum, ignorantiam Chirurghi esse, ab initio hujus capituli diximus. Paracelsus hujus quoque fuisse sententiæ, & synoviam suam sæpissimè propter incuriam & inscitiam Chirurghi accidisse, diversis in locis testatur, Bertheoneæ lib. 1. cap. 7. mihi tomo. 3. pag. 347. inter alia hæc habet verba: Wann das Gliedwasser gehet / so ist es ein Zeichen eines unverständigen Artztes: hoc est, quando aqua articularum fluit, ignorantiam Medici denotat. Faretur Paracelsus, ignorantiam Chirurghi quidem esse causam, interim tamen quomodo aliquis huic malo præcavere, vel methodice illud amovere & curare possit, suos non ex arte instruere, ex eis, quæ in scriptis suis continentur, satis apparet.

Joh. Langius lib. 1. Epistolar. Medicinalium, Epistola 3. de ineptis & ineruditis Chirurgis scribens, rem veluti acu tetigit, his verbis. *Quam*, inquit, *teste Galeno in curando vuln. rum n. bil. su. prius, providere ne phlegmone corripiatur, hi.* (videlicet barbitonfores) *non modo quid phlegmone sit, ignorant, sed nec musculorum aut tendinum, aut articularum compaginem, aut situm noverunt, &c.* Quibus verbis magnus ille vir, præcipuum illud, quod in Chirurgo rationali desideratur, Theoriam videlicet, sive fundamenta artis Chirurgicæ, comprehendit; ut enim fidelis ac diligens architectus primò fundamentum ponit, deinde superædificat: ita etiam vult Langius, ut Chirurgus primò imbutus sit Theoria, hoc est cognitionem habeat principiorum artis. Ubi enim Theoria deficit, praxis incerta & labilis est, omniaque experimenta Empiricorum periculosa sunt, attestante Hippocrate lib. 1. aph. 1. Contra, si Chirurgus ingeniosus & diligens in Theoria versatus fuerit, facile in excellentissimum practicum evadet, in gravissimis quin etiam affectibus, quæ facienda, facile cognoscet.

Theoria autem in se comprehendit cognitionem subjecti Chirurgicæ, hoc est, structuram corporis humani, notitiam item morborum, eorumque causarum, accidentium, & hujusmodi. At quia hæc plerumque in Chirurgis Germanis, prohi dolor, desiderantur, ut quorum major pars studiorum, quibus fundamenta artis acquiruntur, contemptores, mirum non est, si symptoma hoc inter ipsos tam frequens est, & vix reperiat barbitonfor, cui non sit notissimum. Quamethodo verò sit evitandum, aut quibus remediis curandum, ipsos ignorare fidei facit quotidiana experientia, imò & remedia ipsa, ut cap. 12. fusius ostendam.

Vult præterea Langius in prædicto loco, Chirurgus notitiam habeat structuræ corporis humani, & meritò. Quemadmodum enim nullis artifex, quamvis rudis, in sua arte perfectus esse potest, nisi habeat notitiam subjecti suæ artis, ita etiam nemo perfectus esse Chirurgus, nisi Anato-

miæ scientiam aliquam habuerit. Præcipuum autem in curatione vulnerum est, scire; quænam pars sit læsa, inde enim quænam symptomata expectanda, facile conjiciet Chirurgus. Si enim venæ aut arteriæ sectæ fuerint, hæmorrhagia expectanda est, nervo verò aliisque nervosis partibus læsis, dolor ingens, inflammatio, convulsio & hujusmodi symptomata metuenda sunt: quibus omnibus diligens & in Theoria versatus, Chirurgus; tam victus ratione, quam evacuationibus, aliisque præsidiiis maturè resistere potest, hæc verò quia puri Empirici ignorant, mirum non est, si vulnerati etiam ex minimis vulneribus gravissimo hocce symptomate corripiuntur, Paracelsum quin etiam ignorantiam & inscitiam Chirurgi synoviae causam esse, statuisse.

Præter prædictos errores alios quoque nonnullos vulgus Chirurgorum, propter inscitiam committit, dum alii decocto vulneratio, alii Emplastro stiptico, sive fodicationum Paracelsi, vel balsamis quibusdam, vulnera omnia, sine distinctione statim ab initio, protinus occludere, & ad cicatricem perducere tentant. In vulneribus carnosarum partium, ubi neque nervus, neque nervosum quid lauciatum, neque contusio adest, etsi id locum habere polle videatur, quia tamen periculo non vacat methodus illa Empirica & irrationalis, & doctrinæ Galeni adversatur, idèd à rationalibus Medicis non probatur, sed ut periculosa & incerta rejicitur. Non enim sufficit, ut citò curemus ægotum, nisi id tutò quoque & jucundè, hoc est, sine dolore fiat. At hujusmodi medicamentis, quæ vulnus protinus claudunt, sine periculo ab initio uti nos non posse, docent quotidiana exempla & ratio ipsa. Dum enim superficies vulneris, quæ carnosa, calida humidaque est, & sanguine abundat, citò coalescit. Nervosæ verò partes, quæ frigida & sicca, paucoque sanguine præditæ sunt, confestim ac simul consolidari nequeunt, colligitur materia serosa in profundo vulneris, quæ mox actimoniam acquirit, nervos nervosæque partes pungit & vellicat, hinc dolor gravissimus, & plerumque hydrarthros sequitur, sed de his plenius suo loco dicturus sum. Rectè itaque dicit Seneca: *In morbis nihil magis periculosum est quam immatura Medicina.* Vidi id Anno 1620. Mense Junio in juvene quodam Bernensi, 12. circiter annorum, & Magistri Matthiæ Keller Arcularii filio. Is sibi ipsimet cultro infligens vulnus in sinistri indicis articulum, qui medius est in ordine, ubi sola cutis in transversum incisa fuit. Superficiem vulneris decocto vulnerario, intra paucos dies consolidavit. Verum collecta materia in profundo vulneris, digitus totaque manus mirum in modum intumuerunt, dolor maximus exortus, & hydrarthros sequutus est, ut capite 7. fusius dicam. Quæ incommoda & horrenda symptomata ex Emplastro stiptico, & balsamis ab idiotis & theoriæ artis imperitis, applicatis, sequuta fuere, Lector suo loco quoque videre poterit. Hinc curationes hujusmodi, quæ citò fiunt, tutò tamen, sed & multò minus jucundè, fieri non posse, videmus. Quapropter doctrinam, quam magnus Hippocrates lib. 1. Aphor. 22. de internis Medicationibus nobis reliquit, ad externa vulnera haud inepte & malè quoque referre, & accommodare posse mihi videtur, de quo plura cap. 6. Dedante.

Alium & gravissimum profectò errorem Felix Wirtz, Chirurgus Basileensis, alioquin diligens, sed in theorica arte parum versatus, inter Chirurges Germanos introduxit, qui & plerumque Ichorem & Meliceriam provocat, dum in digitorum & manuum vulneribus, usum turundarum improbat. Hinc cutis, quia membranosa est, protinus contrahitur, vulnusque

clauditur. Natura enim partes nobiliores, veluti venas, arterias, nervos; nervosæque omnia, cute ab injuria aëris vindicate studet. Porro caro, multo magis membranæ, partesque nervosæ, quia tam citò coalescere nequeunt, colligitur materia in fundo vulneris, (præsertim si angustum fuerit) incalescit, & dolorem, inflammationemque primò, deinde quoque hydropem in articulo sauciato procreat, uti lector videre poterit in quarta Centuria observationum nostrarum, Observ. 76. ubi errorem Wirtzii paulò prolixius refutavimus.

Inter Empiricos, & theoriæ artis imperitos barbitonfores, & hujus fatinæ homines, maximo in pretio habetur unguentum, quod vocant armarium, eoque cultrum aut gladium, quo vulnus inflictum fuit, inungunt, sed ut plurimum patum feliciter, dum enim gladii aut cultri curam habent, vulnus verò negligunt, contrahuntur ipsius labia, gravissimaque subsequuntur symptomata, uti capite 10. prolixè scripsi.

Nonnulli inter Empiricos & Theoriæ ignaros, ulterius & magis ad Diabolica progrediuntur, & vulnera hi characteribus & signaturis, alii conjurationibus diabolicis, aliisque mediis, Christianis illicitis, sanare student, & justissimam Dei iram provocant, ægroque suos plerumque in maximum periculum deducunt. His omnibus consideratis & ponderatis, quis quæso non videt, ignorantiam barbitonforum, aliorumque imperitorum Empiricorum hominum, ut rectè Paracelsus scriptum reliquit, præcipuam esse causam hydropis articularum, live synoviae.

Cap. 3. De nomine hujus morbi.

A Pud Methodicos & rationales Medicos Ichorem & Meliceriam rarum quid esse, imò & antiquis Medicis, præter Cellum, incognitum fuisse morbum, capite primo ostendi. Ut igitur essentia morbi rectè intelligatur, visum est adscribere nomina, quæ Germani Chirurghi ipsi imposuerunt. Paracelsus variis in locis hujus affectus mentionem facit, eumque synoviam *Glidwasser* appellat. Felix Wirtz eisdem vocabulis utitur. Vulgus quoque Chirurgorum Germanorum, dictionem *Glidwasser* / aut, ut aliis placet, *Glutwasser* retinuerunt.

Videtur autem Paracelsum appellationem suam ab ovo deducere voluisse, cum enim Ichorosa materia, quæ ex læsis articulis fluit, albumini ovi non multum sit absimilis, synoviam ex Græco vocabulo *syn* & *genitivo* ovi, formare voluisse (similitudinem quasi cum ovi albumine habentem) verisimile est. Sic enim alio in loco affectum huncce definit: *Glidwasser* / inquit, *ist / wann der Klar des Geaders ausrinnet / zähe wie ein geschlagen Eyerklar* / hoc est, synovia est, quando humidum nervorum viscidum, veluti albumen ovi concussum, effluit. Utitur quoque Paracelsus vocabulo isto Synovia in alia significatione, sed de hac institutum nostrum non est hoc loco agere. Videat Lector Scholia sua in libris Paragaphorum, Commentarium de Gutta, mihi tom. 2. p. 189.

Nonnullos affectum huncce *Glutwasser* appellare diximus, & rectè quidem. Vocabulum enim hocce à prunis & carbonibus accensis Germanicè *Glut* / & aqua Germ. *Wasser* / deductum est. Quemadmodum enim prunæ corpus nostrum adurunt, dolorem maximum pariunt, partemque; nisi maturè arroveantur, destruunt, ita etiam ingentibus doloribus & tormentis affliguntur hi, quibus ichor acris, & aqua illa corrosiva ex vulneratis articulis profusa. Deinde quemadmodum Carbores igniti, insigniter exsiccant, omniaque comburunt, ita etiam

ichor iste, propter acrimoniam, quam habet, non tantum humidum radicale exsiccat, verum etiam ut plurimum venas, arterias, nervos, ipsaque ligamenta & ossa erodit, & sæpissime calorem nativum penitus exstinguit, ita ut Sphacelus, in quo pars affecta nigra, veluti carbo cernitur, subsequatur. Præterea uti ex carbonibus ignitis, vapores calidissimi sursum tendunt, ita etiam in hoc morbo ex parte affecta vapores calidissimi exsurgunt, partesque nobiles, inprimis hepar, cor & cerebrum ferunt, gravissimaque symptomata excitant, de quibus in sequentibus fusius.

Cæterum quantum ad appellationem Germanicam *Glidwasser* / hoc est, aqua articulorum, si simpliciter & in ea significatione ponitur, in qua vulgus Chirurgorum illam sumit, ineptissimum vocabulum esse, cum Joh. Langio, lib. 1. *Epist.* 3. sentio. Volunt enim, aquam hanc in articulis naturaliter contentam esse, id verò falsissimum esse, in præcedentibus ostendi. Non potest enim vox illa *Glidwasser* / quicquam aliud, quam naturalem articulo insitam aquam significare. Adjuncto verò vocabulo Germanico *sucht* / perbelle ad hunc morbum accommodari posse existimo. Appellarem itaque affectum huncce Germanicè *Glidwasser-sucht* / hoc est, morbofa articulorum aqua. Vocabulum enim *sucht* / dispositionem morbosam denotat. Sic rectè dicitur Germanicè *Wassersucht* / *Geelsucht* / *Fallendesucht* / *Lungensucht* / &c. Latine unico vocabulo eleganter appellamus affectum huncce hydrarthrum, hoc est, hydropem articulorum. Etiam si enim in ipsis juncturis tanta copia aquæ naturaliter non contrineatur, ut antea demonstratum est, in ipso tamen articulo læso recipitur, colligiturque. Sic quoque dicimus, hydrocephalus, hydrocardia, hydrops uterinus, quando aqua in capite, circa cor, aut in matrice, præter naturam copiose colligitur. Hujus sententiæ quoque fuisse Dn. Johan. Langium, ex epistola paulò antea allegata apparet. Ubique enim Celsus (loquor autem de editionibus Dn. Henrici Stephani, & Dn. Johan. Furnessii, quæ mihi ad manus sunt) Ichorem scribit, Langius hydropem ponit. Adscribam verba Langii, multum enim ad curationem vulnorum rectè instituendam, & hydrarthrum præcavendum faciunt. *Quum inquit (teste Galeno) in curando vulnere nihil sit prius, quam providere, ne phlegmone corripitur. hi (videlicet imperiti barbitonsores) non modo quid phlegmone sit ignorant, sed nec musculorum & tendinum, aut articulorum compaginem & situm noverunt. Nec principio nervorum, ne spasmo corripitur, provident: nec febris, quatorum corpus tabescit, rationem habent, quam vulneratis merum bibere vinum, cibariisque aromatatum conditura preparatis, liberè vesci permittant: nec vulneris apostemationem agnoscunt, donec pro sanie bene cocta, liquorem faculentum, oleagineum, & instar feri lactis tenuem, ubertim emanare viderint, quem Democritus perbelle appellat ichorem, irigodynepton, Cornelius vero Celsus hydropem & Meliceriam appellat. Est, inquit, quadam sanies, qua velut hydrops tenuis, subalbidus, ex malo ulcere exit, maxime ubi nervo læso, inflammatio subsecuta est.* Hactenus Langius.

Non male autem vocabulum hoc hydrarthros, sive hydrops articulorum, & Germanicè *Glidwassersucht* / huic morbo, propter sequentes rationes, convenire mihi videtur. 1. Quemadmodum in hydrope aqua in partibus carnosissimis totius corporis, ut in Anasarca, vel in abdomine, scroto, & cruribus tantum, ut in Ascite, colligitur, ita in hydrarthro in hanc vel illam juncturam læsam confluit. 2. Quando calor nativus hepatis ita languescit, ut chylus in sanguinem converti non possit, generatur hydrops, ita

quoque ubi in articulis propter doloris vehementiam, inflammationem, & abundantiam humorum excrementitiorum, calor nativus veluti suffocatus, prosternitur, aqua ita concoqui non potest, sed cruda & indigesta effluit. 3. Quotiescunque insignes obstructions viscerum, præsertim hepatis, adsunt, hydrops plerumque oriri consuevit. Si in articulis vulneratis, Medicamenta quæ insigniter exsiccant, constringunt, & poros claudunt, uti sunt, pili capreolarum, de quibus vide Langium loco citato, aut pulvis Ostreorum, Cranei adulti, ossis sepiæ, spodii &c. applicas, aut vulneris labia protinus, & antequam vulnus probè sit digestum, & mundificatum balsamis, portionibus vulnerariis, aut emplastro Stictico, sive fodicationum Paracelsi, claudis, Ichorem acrem sive hydrarthrum excitabis. Clauso enim vulnere in superficie, & putrescente materia in profundo, incalcescit, fitque acris, dolorem excitat, & serosos humores ex proximis adjacentibus partibus, vel etiam ex toto corpore attrahit, sequiturque hydrarthros periculosissimus, quemadmodum capite primo de cive Lausannensi dictum fuit.

Cap. 4. De signis Ichoris & Meliceria Celsi, hoc est hydropis articulorum.

Etiam si inter Germanos adeò frequens sit hydrops articulorum, ut etiam plebeis hominibus, & ipsis barbitonsorum tyronibus notissimum, antea dictum fuit, & proinde ut de signis aliquid scriberem, superfluum esse videatur. In gratiam tamen aliorum, quibus affectus ille adhuc incognitus, observationem singularem, ex qua omnia ferè signa hujus affectus colligi possunt, adscribam.

Anno 1616. patricio cuidam Bernensi Dn. Philippo Kilchberger nomine, in conflictu vulnus ad sinistrum carpum ense inflictum fuit, ubi vix cutis ad ligamentum obliquum usque fauciatur. Advocatur Chirurgus, qui suo more vulnus curat, & ut parvum, parvo quoque spacio rempotis cicatricem obducere tenrat. Ab initio quidem ex voto succedere omnia, & nullum adfuit symptoma, præterquam quod in digito annulari & auriculari de stupore quodam molesto conquereretur æger, quod in vulneribus nervosarum partium, brachiorum videlicet ac manuum, crurum item pedumque, veluti symptoma inseparabile esse consuevit. Dum enim illico post ictum humores circa partem læsam confluent, facile impeditur spiritus animalis, quo minus liberè ad extremitates confluere possit. Ex hoc porro stupore (quod monendum est, antequam ulterius progredior) facile cognoscet diligens Medicus & Chirurgus, non solum quæ pars sit læsa, verum etiam læsionis magnitudinem. Nervum enim aut nervosum quid læsum esse denotat: & prout major fuerit stupor, eò majorem quoque nervosarum partium esse læsionem, argumentum est. At si nervus omninò fuerit abscissus, non stupor tantum, verum etiam sensus & motus abolitio sequitur. Sed hæc obiter. Redeo nunc unde paulisper digressus eram. Diximus, vulnus tam exiguum fuisse, ut ligamentum obliquum vix læsum, quapropter ab initio neglectum, & tum in victus ratione, tum in reliquis omnibus erratum est. Porro circa tertium diem morbi, cum æger ipse simul & Chirurgus omnia jam in tuto esse arbitrarentur, paulatim exortus est dolor, qui intra horas 24. ita adauctus fuit, ut incredibile sit dictu. Ego quinta die morbi advocatus, ægrum præsummo dolore ejulantem, & alta voce exclamantem inveni. Febris maxima, ardens & continua, cum

linguæ

linguæ ariditate, capitis dolore continuo, & sitis inexhausta aderat. Vigiliis quoque, inquietudinibus, nausea, eructationibus, cibi fastidio, & vomitu vexabatur, & lipothymia frequenter superveniebant cum ventris constipatione, renum & lumborum dolore intensissimo. Manus simul & brachium mirum in modum erant tumefacta & inflammatione obfessa. Vulnus carne spongiosa, & aliquo modo livida, aut ex pallido livescens, repletum: ex quo non pus coctum, sed humor turbidus, & veluti serum lactis copiosissime extillavit. Hæc etsi gravissima essent symptomata, cum bono Deo tamen feliciter à me restitutus fuit, nullo remanente manus incommodo.

Cæterum etsi ex prædicta historia signa omnia hujus symptomatis colligere possint, in gratiam tamen tyronum paulò prolixius ea explicare visum est. Primum itaque signum est, quod non pus, sed Ichor, hoc est, serosa & viscida materia ex vulnere effluat, ab initio quidem parca, paulatim tamen copiosior. Sed hic notandum est, in omnibus ferè vulneribus nervosarum partium, ab initio serosum & crudum quid effluere, etiamsi omnia rectè & ad votum succedant, quapropter ex solo isto signo, aquam articulorum ut ita dicam, fluere, nondum est judicandum, donec & alia advenerint symptomata.

2. Circa tertium & quartum diem, pars affecta intumescit, ex reliquo enim corpore humores circa vulnus confluunt.

3. Eodem quoque tempore propter affluentium humorum copiam, inflammatio subsequetur, & æger vapores quosdam calidos, (*fliegende Hitz*) ex ipsa parte læsa sursum ascendentes, percipit.

4. Oritur dolor intensissimus. Materia enim in parte affecta collecta & acris reddita, nervos nervosque partes pungit, atque vellicat.

5. Labia vulneris in aliquibus contrahuntur, ut plurimum tamen, & ferè in omnibus, elevantur & intumescunt, & vulnus carne quadam spongiosa, & ex pallido livescens, repletum conspicitur: Quæ omnia ex serosi humoris abundantia & malignitate, nec non caloris nativi ejus partis labefactione procedunt.

6. Febris adest continua, quæ in aliquibus ardens, in nonnullis remissior existit, prout dolor intensus aut remissior, & abundantia humorum in corpore adfuerit. Ex febre postea linguæ asperitas, sitis, capitis, lumborumque dolor, inquietudines, & vigiliæ, nausea, & cibi fastidium, vomitus, alvi constipatio, aliaque symptomata supervenire consueverunt. Hæc breviter de signis; Quæ præterea symptomata expectanda, lector ex sequenti capite colligere poterit.

Cap. 5. De Prognosticis Ichoris, sive Meliceria.

Quid sit hydrops articulorum, ipsiusque causas & signa breviter exposuimus, nunc quæ ante curationem perpendenda, & ægro adstantibusque prædicenda, paucis ut annectam, ordo tractationis postulat. Inprimis autem scire expedit, omnem Hydropem articulorum, gravem atque periculosam esse affectum, etiamsi in minimo fuerit digito. Talem enim esse morbum, ut omnes partes principes ab ipso alterentur, sæpissime vidi. Idque præcipue fit ratione doloris. Dolor enim quotiescunque partem aliquam infestat, humores ex toto corpore cum violentia, & veluti cucurbitula ad se trahit: testatur id Galenus multis in locis, & ipsa experientia fidem facit. Inde cacoëthem, ut testatur Gal. meth. me-

dendi lib. 5. statim fieri, quæcunque in articulis accepta vulnera sunt, omnes ferè sciunt. Humores enim serosi, qui ex toto corpore ad articulum confluunt, incallescunt, putrescunt, maligni & acres fiunt, tandemque ligamenta, appendices, cartilagine, nonnunquam & ipsa ossa erodunt. Porro cum omnes partes corporis arteriis, venis, & nervis præditæ sint, propter doloris vehementiam, & in parte affecta collectam materiam acrem & malignam, per venas hepatis, per arterias cor, inficiuntur & incallescunt, & hepatis quidem propter venarum multitudinem & magnitudinem primo, mox quoque cor mediantibus arteriis, sic febris, sitis inexhausta, dolor capitis & lumborum, multaque alia symptomata, quæ febres comitari solent, oriuntur. Si dolor diu duraverit, Lipothymia quoque superveniunt, primò, quia dolor vires dissolvit, deinde etiam quia vapor putridus & malignus ex ipsa parte affecta per arterias ad cor ascendit. Delirium quoque nonnunquam supervenire consuevit; Idque tam propter consensum, quem cerebrum cum parte affecta, mediantibus nervis habet, tum etiam, quia vapores multi calidi & sicci, sive biliosi & putridi, ad caput ascendunt. At si delirium diu infestaverit ægrum, phrenesis quoque periculosa consequi solet. Diu durante dolore, spasmus tandem invadit ægrum. Accidit ille ut plurimum aut propter Sympathiam sive consensum, quem pars læsa cum cerebro & spinali medulla habet, aut quia vehementia doloris & continuis vigiliis, nervi præter modum exsiccati & arefacti fuerunt, tum etiam quod præter maximam copiam serosorum humorum, qui ex vulnere effluerunt, totum corpus, & per consequens nervi extenuati & exsiccati sint.

Gangrænam in aliquibus consequuram fuisse hydropem articulorum, observavi. Johan. Langius Epist. 3. lib. 1. id quoque testatur. Accidit illa propter ingentem inflammationem, præcipue si frigida medicamenta, uti mos est quorundam barbitonorum, applicantur, ulceribus enim frigidum frigiditasque mordax cutem obdurat, substantiam ejus densans & constringens. Dolorem insuppurabilem facit, eò quod nativum calorem, qui suppurationis causa est, exstinguat, livorem obducit, & denigrat, rigores febiles; convulsiones, distensiones creat. Hæc faciunt frigida medicamenta, præcipue in vulneribus nervosarum partium, ut alibi testatur Hippocrates. Est igitur summo studio procuranda & acceleranda suppuratio, sive digestio vulneris, quæ quidem in aliquibus citò, in aliis tardè perficitur ut cap. 6. fusius dicemus.

Ut plurimum autem sic in copia, uti sæpissime antea dictum fuit, affluentibus humoribus (qui propter intensissimam intemperiem calidam partis affectæ, acrimoniam, & quidem malignam acquirunt) ligamenta & appendices articuli corroduuntur, quibus exesis, ossa, mediante callo validissimo connectuntur, & junctura fit rigida atque immobilis, nec ulla arte aut industria (quod tyronibus artis diligenter notandum est, ne inconsideratè ea, quæ nemo præstare potest, ægris aut adstantibus promittant) restitui potest, quod ego in multis observavi, etiam in nobilissimo viro Dom. Johanne à Wattenvil, cujus mentio facta fuit cap. 1. & in rustico quodam, cujus memini cap. 2. Habeo inter rara mea anatomica, ossa brachii sinistri, in sepulchro quodam reperta, quæ in ipso cubito validissimo callo, & quidem tam eleganter sunt connexa, ut an antea ibi fuerit junctura, vix appareat. Accidit id procul dubio propter hydropem istius articuli. Os enim humeri supra cubitum fractum fuisse, etiam nunc ex callo evidentissime apparet. Hinc conjicio, fra-

duram non satis rectè curatam, inflammationem & affluxum humorum ad cubitum, ejusque hydropem sequutum fuisse. Hominem autem huncce multos annos cum hoc affectu vixisse, nec unquam brachium sursum elevare potuisse, & ad pectus semper gestasse, ex capite cubiti apparet: illud enim non sphaericam habet figuram, sed obtusum & depressum est.

Anno 1618. Basileæ in Cœmiterio ad S. Elisabetam os femoris sinistri inveni, quod in Musæo meo etiam nunc reservo. In hoc osse caput femoris cum capitula sua callo tam arctè & validè cohæret, ac si unicum esset os, vixque apparet, juncturam ibi fuisse. Vulnus autem globulo plumbeo vel sagitta ossi ipso femoris infixum fuisse, non longè à capite femoris in osse perbellè apparet, sed de his plura cap. 25. Placuit exempla hæc addere, ut ex eis juniores Chirurghi & Medici discant, se oleum & operam perdituros, quotiescunque post hydropem articulorum, amissum motum articuli restituere student.

Sæpissimè quoque in ipsa curatione propter doloris vehementiam & inflammationem, nervi & tendones retrahuntur, & incurvatur membrum, illæsis tamen ligamentis, & appendicibus, quo in casu adhuc aliqua spes restitutionis superest, quemadmodum postea dicemus cap. 26. Cacochymiam quoque, uti & icteritiam & Ascitem, post Meliceriam sequutam fuisse, observavi, sit id præcipuè, quando malum inferiores articulos, veluti pedes, genua & coxas occupat. Tunc enim dolor vehemens est, & ægrum ut plurimum per multos menses vigiliis & inquietudinibus mirum in modum excruciat, vires prostermit, omnesque actiones corporis impedit, retardatque. Dormiendo enim concoctiones omnes perficiuntur. Contra si somnus doloribus & inquietudinibus interrumpitur, tunc chylus ex ventriculo & venis mesaraicis semicoctus & veluti cridus ad hepar pervenit. Hinc obstructions, & labefactatio caloris nativi, & gravissimi morbi sequuntur. Si verò hydrops articulorum manus aut brachia occupaverit, minus est periculum: humores enim in tanta copia, uti ad crura, non adfluunt, & æger postquam impetus mali cessaverit, deambulando corpus exercet, calorem innatum excitat, & concoctionem promovet. Contrarium fit in affectibus crurum, in quibus propter diuturnum decubitus in dorso, renes, præcipuè autem sanguis in vena cava & hepate incalescit, inde internarum partium perpetua intemperies calida, febricula, sitis, vigiliæ, tandemque icteritia & hydrops sequuntur, renum quoque & vesicæ calculi generantur. Interna quoque viscera & ipse sanguis in vena cava & hepate quando ita æstuant, vapores multos ad caput mandant, sitque inde catarrhis obnoxium.

Si æger natura cacochymicus fuerit, aut illam in morbo ipso contraxerit, difficulter sanabitur, præcipuè si humores acres ad ligamenta & ossa pervenerint, eaque carie contaminaverint. Hydrops articulorum (uti & alia gravissima vulnera, quemadmodum Clarissimus ac doctissimus Vir Dñ. Petrus Pavius Anatomicus & Botanicus longè celeberrimus p. m. amicus meus sincerus ostendit) ætate superveniens, periculosior est, quàm qui hyeme, innatus enim calor alacrior, & plus potest hyeme quàm æstate, morbo resistere, siquidem æstivi aëris non ambientis æstus, evocat dissipatque nativum corporis calorem.

Porro cum in vulneribus magnis & pravis ut tumor adsit, natura ipsa postulat, sequitur, evanescente tumore, protinus circa vulnera articulorum convulsionem, & delirium in proximis esse, uti

docet Hippocrates lib. 5. aphor. 65. & 66. Quippe, uti testatur Galenus, indicium est, humores noxios ad principes partes transmitti, qui tamen propter dolorem, quem prava & magna ulcera sequi par est, ad vulnera ipsa potius confluere deberent. Quippe dolor attrahit, & fluxiones concitat. Sæpissimè quoque meliceria in ulcus magnum & insanabile degenerat, quando videlicet ligamenta eroduntur, & caries in osse consequitur. Propter doloris vehementiam & diuturnitatem, propter vigilias item & appetitus prostrationem, in nonnullis vires ita dissolvuntur, & humidum radicale adeò absumitur, ut etiam animam efflent. In iis autem qui morituri sunt, ulcus ante mortem lividum & aridum, aut nigrum & aridum fit, parum aut nihil egerens materiæ. Id autem accidit propter summam alteratricis & expultricis facultatum labefactionem & imbecillitatem. De quo vide Hippocratem prænotionum lib. 1. cap. 8. & tractatum nostrum de Gangræna & Sphacelo cap. 11.

Cap. 6. De curatione vulnerum in genere, ubi ab initio vulnus cruentum digerendum & suppurandum esse, ostenditur.

DEbebam nunc recta ad curationem methodicam Ichoris acris, sive hydropis articulorum progredi, sed quia multi Chirurgorum decocto vulneratio, balsamis, emplastro stictico, aut unguento armario, aliisque medicamentis, præter rationem adhibitis, gravissimum hocce symptoma plerumque excitant provocantque, operæ pretium esse duxi, nonnulla de curatione vulnerum in genere, & quibus intentionibus incipienda & absolvenda sit curatio, præponere. Addam quoque suo loco, quid de prædictis Medicamentis sit censendum, & quomodo eis cum fructu & secundum rationem utendum.

Omnem autem solutionem continuitatis, unitionem requirere, etiam idiotis notum est, & post Galenum, Guidonem, omnes, qui de re Chirurgica scripsere, docent. Unitio autem hæc, sive consolidatio vulneris, à natura tanquam à principali agente, à Medico verò veluti Naturæ instrumento & ministro perficitur. Natura enim illa est, quæ per se sufficit consolidare vulnera, modo Medicus obstacula, quæ illam in suis operationibus impediunt atque retardant, auferat. Impeditur autem natura consolidare vulnus, si ossa fracta, & à periostio penitus separata fuerint, si telum, globulus plumbeus, ferrum, lignum, aut simile quid extranei, vulnere inhæserit.

Summa itaque diligentia in hoc laborandum, primò ut sanguis, si profluxerit, sistatur: quia enim thesaurus vitæ est, multos ex ipsius profusione animam simul profundere, videmus. Deinde diligentia adhibenda, ut quicquid extraneum vulnere inhæret, dum adhuc cruentum est, extrahatur. Ossa confracta in locum reponantur, vel si à periostio separata fuerint, extrahantur. Impeditur quoque natura, & sanatio sive unitio vulneris retardatur, si dolor, tumor, vel inflammatio, aut affluxus humorum supervenerint, & partem læsam infestaverint. Hæc omnia diligens ac exercitatus Medicus & Chirurgus faciliè avertet, si optimam victus rationem instituerit, corpus à pravis humoribus expurgaverit, venam, si plethora adfuerit, & vires permiserint, inciderit. Sed nec illa omnia sufficiunt, nisi topica ex arte quoque adhibita fuerint.

Porro doctrinam, quam Magnus Hippocrates de Medicationibus internis, nobis reliquit, ad externa vulnera haud ineptè quoque referri atque accommo-

accommodari posse, mihi videtur. *Concocta*, inquit, *Medicamento purgare ac movere oportet, non cruda neque incunte morbo, nisi materia turgeat, plurimum verò non turget.* Vult Hippocrates in hoc aphorismo, materiam peccantem primò concoquendam & digerendam, deinde movendam atque expurgandam esse, non tamen ab initio, dum adhuc cruda & indigesta est. Quandoquidem nihil crudi, in quacunque parte corporis id latuerit, commodè evacuati posse, experientia fidem facit. Hæc quoque in vulnere curationibus locum habere, exemplis monstrabo.

Anno 1620. Mense Majo Reverendi & doctissimi Dn. Stephani Ecclesiæ Bernensis Ministri primarii filius, decem circiter annorum, vulnus contusum ad dextram palpebram recepit. Chirurgus, cui curatio vulneris demandata fuit, cum digestionis vulneris curam nullam haberet, decocto suo vulnerario & insigniter constringente, vulnus intra paucos dies cicatrice obduxit. Cum verò durities & tuberculum scirrhosum & deforme remansisset, advocatus fui, purgato prius corpore, ea quæ insigniter emolliunt, primò per dies aliquot, deinde quæ dissolvunt & discutunt, simul applicui, quibus & quàm optimè restitutus fuit. Quàm infelix fuerit usus decocti vulnerarii in puella quadam, ad cilium dextrum vulnerata, Lector posthac cap. 7. videre poterit.

In tumoribus præter naturam, si quis materiam peccantem, crudam adhuc, nec satis concoctam & emollitam, in halitum resolvere, & per insensibilem transpirationem, ut loquuntur Medici, evacuare studet, is profectò subtiliores partes quidem resolveret, reliquum autem in scirrhum coagulabit. Addam exemplum. Nobilis quædam puella in arce serenissimi Principis mei, Guilhelmi, Ducis Juliæacensium Clivensum & Montensium &c. felicissimæ memoriæ, cum ab adolescente in transitu ictum digiti ad papillam sinistram accepisset, & exinde dolor, postea quoque intumefactio totius mammæ exorta fuisset, ac puella propter verecundiam malum celasset, & illa ipsamet, quæ inflammationem extinguunt & insigniter repellunt & discutunt, nequaquam tamen digerunt, sibi applicuisset, resolutis subtilioribus partibus materiæ peccantis, crassa in scirrhum concrevit. Ego literis nobilissimæ matronæ, Dominae ab Hal, Architriclinæ Illustrissimæ Principissæ, Hildenæ Dusseldorpium accersitus Anno 1590. scirrhum durissimum, dolorosum & cancrum, magnitudinem nucis juglandis non multum excedentem, ad latus papillæ, versus Sternum inveni. Consului, ut præparato satis corpore, cutis superficietenus (non enim in profundo latebat scirrhus ille) secundum longitudinem incideretur, & scirrhus cum sua membrana extraheretur, vulnusque, ut artis est, curaretur. Cum verò manualet hancce curationem, longè facilem & securissimam, respuerent, cum ipsa ægra, tum etiam adstantes, nihil cum ipsa tentare volui, sed ad meos me contuli. Post meum abitum cum alius quidam, ipsam absque manuali operatione sanare vellet, & primò emollientia, deinde erodentia applicuisset, in horrendum cancrum degeneratus est scirrhus ille, ex quo tandem miserè periit puella illa. Quod si ab initio morbi, materia circa papillam confluxa, digesta, postea, ut artis est, resoluta fuisset, procul dubio gravissimum hocce malum non supervenisset.

Redeo nunc ad Aphorismum Hippocratis, ex quo Methodica & artificiosa vulnerum curatio quoque colligitur. *Concocta* inquit, *medicare atque movere oportet*, quasi diceret; si tu materiam peccantem probè concoquis, postea moves atque evacuas, omnia, quæ circa ægrum facienda sunt, præ-

stabis, & natura, quæ præterea requiruntur, facile perficit. Cæterum etsi ad vulnerum curationem hæc quatuor requirantur, digestio videlicet, mundificatio, carnis generatio, & cicatricis procreatio, priores tamen duæ præcipuè arte, posteriores naturæ beneficio fiunt. Vulnus si statim ab initio probè digestum, deinde mundificatum fuerit, natura facile per se carnem generat, & cicatricem inducit, modò Medicus illa, quæ naturam in suis operationibus, ut antea quoque dixi, impediunt, amoveat.

In abscessibus eodem ordine procedendum est, ante omnia enim materia in parte affecta contenta, emollientibus & anodynis digerenda & concoquenda est, tum vomica aperienda, & pus evacuandum. Tandem mundificatis sinuositatibus (dummodò Orificium abscessus tutundis apertum retineatur, symptomata quin etiam, si supervenerint, removeantur) natura per se sinuositates carne adimplebit, tandemque cicatricem inducet. A digestionem itaque, secundum doctrinam Hippocratis, Curatio inchoanda est.

Porro cum omne vulnus ab initio sit crudum & indigestum, & ex se, præcipuè vulnera nervosorum partium, materiam serosam emittere scimus, statim secundum mentem Hippocratis digerendum est; Digesto enim vulnere, & optimo ex se emittente pure, non facile symptomata aliquod ægrum molestat, nisi error vel à Chirurgo vel ægro commissus fuerit. Quandoquidem humores, qui propter solutionem continuitatis, subitamque mutationem, ad partem læsam decumbunt, & symptomata excitant, digesto vulnere effluunt, non digesto verò, in parte læsa retinentur, pessimaque symptomata excitant. Deinde perpendendum est, vix occurrere vulnus, etiam si instrumento scindenti factum fuerit, in quo non aliquid sit contusionis, Ecchymosis, quæ sæpissimè in ambitu vulnerum esse factorum conspicitur, satis superque fidem facit. Cum itaque caro contusa, docente Hippocrate, ut putrescat, & in pus convertatur, necesse sit, iterum manifestum sit, curationem vulnerum ab eorum digestionem auspicandam esse. Nisi enim venæ capillares, & meatus in ambitu vulneris, qui statim ab initio propter affluentium humorum copiam occluduntur & adimplentur, repleti fuerint, & materia præternaturalis, in ipsis contenta, digeratur & concoquatur, putrescit in ipsis vasis, & acrimoniam acquirit. Ex qua sequuntur extensiones vasorum, intumefactio, dolor, aliaque commemorata symptomata. Ex quibus satis superque apparet, quàm periculosa sit eorum methodus, qui decoctionibus vulnerariis, balsamis, aliisque similibus medicamentis, vulnera statim ab initio, & antequam digesta fuerint, occludere tentant. De quibus suo loco fusius.

Ut igitur symptomata evitentur, ab initio relaxantia, emollientia & mediocriter calefacientia sunt adhibenda, vulneribusque imponenda, Hujusmodi autem sunt unguenta à practicis Digestiva appellata. Præparantur illa ex Cera, Therebintina, Colophonia, Gummi Elemi, oleo rosaceo, amygdalarum dulcium, liliorum alborum, oleo de vitellis ovorum, butyro recentissimo, croco, & similibus, ut suo loco dicetur. In universalibus quoque nihil omitatur, & quæ affluentes humores reprimunt, calorem innatum conservant, præter digestiva, loco affecto applicentur.

Cæterum, antequam hujus capitis finem faciam; monitos esse velim tyrones, de tempore, quo digestio vulneris perficitur, nihil certi statui posse. Vulnerum enim hæc citò, illa verò tardè suppurantur, idque secundum conditionem vulneris, ac naturam partis læsæ.

læsæ, constitutionemque ægri; Citiùs suppurantur vulnera, instrumento bene scindenti facta, confusa verò tardè; in illis enim vasa omnia ita sunt aperta, ut materia absque impedimento effluere possit, in his verò, propter contusionem, sanguis extravenuatus, & humores, qui affluunt, diutius retinentur, & propter contusionem putrescunt, hinc calor innatus, cujus beneficio digestio perficitur, aliquo modo prosternitur. Citò digeruntur & suppurantur vulnera carnosarum partium, propter sanguinis & caloris nativi abundantiam: tardè verò in juncturis & partibus nervosis succedit suppuratio, propter caloris nativi eis in locis penuriam, & dolorem, qui sequitur, actionesque naturales retardat, dum humores noxios ex universo corpore ad se trahit. Quapropter sapissimè ex vulneribus articulorum ulcera cacoëthica fieri, Galenus ipsaque experientia testantur. Citò suppurantur & consolidantur vulnera, quæ in corporibus puris, & optimo succo refertis, occurrunt, tardè verò cacoëthycorum, propter caloris nativi imbecillitatem, & humidi radicalis defectum.

Hæc, candide Lector, non sine gravissima causa adscribo. Vidi enim Chirurgos non vulgares, qui sibi certum tempus ac dierum numerum, ad digestionem perficiendam, fingeant. Elapso hoc tempore, ad mundificantia & abstergentia transierunt, etiamsi vulnus non satis digestum & suppuratum esset, idque maximo ægri cum damno. Non enim in omnibus subjectis æquabiliter perficitur digestio, ut jamjam dixi, sed in his citò, in illis verò tardè: Si itaque ante perfectam digestionem vulneris, & symptomatum remissionem, mundificantia & abstergentia (quæ acrimonia quadam prædita sunt) applicueris, vulnus irritabis, dolorem excitabis, de novo affluxum humorum ad partem læsam provocabis, tandemque naturam in suis operationibus ita perturbabis, ut ex simplici vulnere fiat ulcus cacoëthicum & malignum. Hanc ob causam digerentibus & dolorem sedantibus, plerumque ad finem uique curationis feliciter procedo, præsertim in vulneribus nervosarum partium. Hoc modo enim ab omnibus symptomatibus, modò in universalibus nihil omisum fuerit, securus sum.

Cap. 7. De decoctò Traumaticò, sive vulnerariò, & an ab initio in vulneribus articulorum conveniat, nec ne?

Quia permultos atque gravissimos errores, magnæque symptomata, & præcipuè hydropem articulorum, ex usu decocti traumatici sive vulnerarii, quotidie consequi, in præcedentibus dictum fuit, necesse est investigare, an symptomata illa ratione decocti, an potius propter imperitiam barbitonorum, aliorumque theoriæ artis Chirurgicæ imperitorum hominum, superveniant, nec ne? Omne vulnus cruentum crudum esse, & digestionem, sive supurationem requirere, primam & præcipuam intentionem in curatione vulnere esse, proximo præcedenti capite demonstratum fuit. Suppurationem quoque medicamentis, quæ modicè calefaciunt & humectant, fieri, diximus, quapropter nunc investigandum est, an decoctum vulnerarium hæc habeat facultates, anque digestio ulla vulnere ex ipso petenda aut expectanda sit? id verò ut commodè & rectè fiat, ipsius ingredientia examinanda sunt. Decoctum autem Halvilianum, & plerumque omnia, præcipuè ex pyrola, sanicula, consolida taracénica, Artemisia

(quam rothe Bockeln / appellant) vinca pervinca (Halvilianis Streiten vocatur) Alchimilla & si galaria præparantur. Addunt sabinam, si aliquid præter naturam, spinæ videlicet, festucæ, fragmenta ossis, globulus plumbeus, aut simile quid corpori inhæserit, Herbas primò in umbra, dein in clibano exsiccatas, in pulverem redigunt, unamquamque seorsim. Postea æquali pondere simul commiscunt, & ad usum reservant. Hujus pulveris accipiunt cochleare plenum (sic enim habet eorum recipe) quem in mensura una vini optimi tam diu coquunt, quantum ad ova duriusculè coquenda requiritur temporis. De hoc decocto, una cum incocto pulvere prædictarum herbarum, ter in die ægro exhibent. Adultis cyathum unum, hoc est, ad quinque aut sex uncias, pueris verò & delicatioribus minus. Linteam quin etiam in ipso madefactum vulnere applicant. Hoc solo medicamento, neglectis omnibus aliis remediis, imò & universalibus, vulnera omnia, quantumvis maxima & periculo plena, sanari posse, sibi persuadent, sed eventus plerumque contrarium ostendit, uti ex eis, quæ sequuntur, videre est. Sed videamus nunc ordine ingredientia omnia. Pyrola exsiccatur, astringit, & agglutinat, *Matthiolus in Dioscor. lib. 4. cap. 16. Hieron. Tragus lib. 2. cap. 53.* Collocatur autem in tertio gradu siccitatis, *Fuchsus plantarum historia cap. 176. Trbernamontanus tom. 2. sect. 11. cap. 39.*

Sanicula non est simplicis naturæ, sed ut indicio est gustus, astringit, similis & amara est, ut hoc nomine calefactoriam & exsiccatoriam esse, nulli dubium sit. Statuunt autem calidam & siccam ordine secundo, *Fuchsus plantarum historia cap. 261. Tragus lib. 1. cap. 173.* Sanicula refrigerat & siccatur, cohibet, reprimit, glutinat & roborat. *Matthiol. in Dioscor. lib. 4. c. 38.*

Consolida Saracénica, sive consolida aurea, Germ. *Hendnisch Wundtraut* / exsiccatur. *Tragus lib. 1. cap. 164.* Constringendi vim quoque habere Tabernamontanus testatur, *Tom. 2. sect. 6. cap. 18.*

Artemisia calefacit, & modicè desiccatur, quod ad calefactionem attinet, ordinis secundi, quod verò ad resiccationem, aut primi intensi, aut secundi remissi, est etiam modicè tenuium partium. *Galenus de simplicium med. facultatibus lib. 6. Dioscor. & Matthiol. in commentariis lib. 3. cap. 111. Fuchsus histor. plantar. cap. 13. Hieron. Tragus lib. 1. capite 113.*

Vinca pervinca sive Clematis, alvi profluvii & Dysentericis prodesse, *Dioscorides lib. 4. cap. 6. Galen. de simp. medicamentorum facult. testantur.* Refrigerat, Matthioli verbis utor, siccatur, roborat, cohibet, sed siccitate prevalere reliquis qualitatibus, ex Paulo Aegineta recenset *Fuchsus Histor. plantar. cap. 135.*

Beta nitrosæ facultatis est particeps, quæ tum digerit, tum extergit, & per nares expurgat, cæterum cocta nitrositatem exuit, evaditque leniter digerens, ad detergendum tamen digerendumque calidior est beta alba. *Galenus de simp. medic. facult. lib. 8.* Nigram verò, sive rubram, adjunctum habere astringentis quippiam testatur *Matthiolus in Dioscor. lib. 2. cap. 116.*

Alchimilla exsiccatur, cohibet atque conglutinat, *Matthiol. in Dioscor. lib. 4. cap. 115.* Folia & radix adstrictione vehementi participant, atque adeo exsiccant. Recentiores idipsum in secundo efficere ordine tradunt. *Leonhard. Fuchsus historia plantarum cap. 234.*

Sabina tertiæ est ordinis excalefacientium & desiccantium, & ex numero eorum, quæ vel maxime tenuium sunt partium *Gal. lib. 6. de simp. medicam. facultatibus. Fuchsus historia plantarum capite 54.*

Fragaria refrigerat ordine primo, siccatur secundo

do Marthiol. lib. 4. cap. 38. in Dioscor. Radices & folia astringunt. Cordus historia plantarum lib. 9. cap. 186. Fuchsius historia plant. cap. 328.

Vinum nostrates eligunt generosum, quale est Valdensium aut Equestrium, de la couste appellant, Germani vino Rhenali aut Neccarino utuntur. Sunt illa plerumque omnia calida & sicca in secundo gradu. Quod si admodum vetus fuerit vinum, ex tertio ordine calefacientium & siccantium erit. Ut Galen. de simplic. medicam. facultatibus lib. 8. testatur.

Ex his luce meridiana clarius elucet, decoctum vulnerarium insignem exsiccandi, constringendi, & agglutinandi facultatem ex præscriptis herbis acquirere, calefacit quoque propter faniculam, Artemisiam, & in primis propter sabinam, quæ in tertio ordine excalefacientium & siccantium, ut antea dictum fuit, collocatur. Vinum præterea calefactoriam vim adauget, estque veluti vehiculum, quo reliquæ facultates ad viscera vehuntur. Non promouet itaque digestionem aut suppurationem vulnerum, sed eam impedit retardatque. Deinde quoque, quia calidum est, uti ex ingredientibus videre licet, sanguinem & humores incendit, & symptomata omnia inprimis verò dolores & inflammationes excitat. Digesto verò & satis suppurato vulnere, nec non ab omnibus symptomatibus liberato, cum intentio Medici est abstergere, mundificare & consolidare, insigne & longè excellentissimum esse medicamentum, omnibus rationalibus Medicis in confesso est. Hinc videmus, non esse, propriè loquendo, decoctum vulnerarium per se, quod dolores, inflammationes, & hydropem articulorum excitat, sed inscitia atque ignorantia barbitonforū aliorumque hujus farinae hominum, illotis, ut dicitur, manibus, sacrosancta Dei dona sine methodo & contra naturæ ordinem tractare, & ut Plinius loquitur, *experimenta per mortes ducere non erubescunt*. Quàm infelicitè autem hæc aliaque plerumque succedant, exemplis nonnullis declarabo.

Anno 1616. gladiator quidam Bernæ, M. Conradus nomine, gladio acuto in brachium sinistrum inter carpum & cubitum vulneratus fuit: Restricta hæmorrhagia, decoctum Halwilianum ter in die bibit, eoq; per barbitonforem vulnus abluere jussit. Ab initio curatio ad votum successit, circa tertium verò exorta est inflammatio, dolor ingens, febris, nausea, & appetitus prostratio. Ego cum in consilium vocatus essem, manus totumque brachium intumefactum, & ad cubitum usque inflammatum reperi, muscoli quoque pectoris per consensum afficiebantur, hinc quoque de angustia pectoris conquerebatur, propter vapores quoque ex inflammato brachio ascendentes, cor nonnunquam veluti lipothymia afficiebatur, vulnus exterius veluti crusta obductum & clausum erat. Accepto stylo exploratorio, cum anguem in herba latentem detegere vellem, ecce adstantes, qui criminari me incipiunt, meque admonent, ne rale quid tentarem, ne vulnus refricarem, cutem enim superficicentus, tantummodò scissam esse, ægrumque decoctum vulnerarium ab initio bibisse. Imaginantur enim sibi nostrates homines, decoctum hoc consolidationem externam vulnerum non concedere, nisi ipsa concavitate prius consolidata. Immisso stylo exploratorio cum vulnus spithamam ferè profundum esse, & versus cubitum ipsum penetrans vidissent, obstupuerunt ferè, & supra modum admirati fuerunt. Quibus remediis autem ipsum curaverim, Lector in quarta Centuria Obs. 83. videre poterit.

Anno 1619. Nobilissimi ac strenui viri, Dn. Nicolai à Mullinen, inclytæ Reipublicæ Bernensis Consilarii prudentissimi, & Ducis exercitus apud

Rhætos fortissimi, ancillia, cum vulnusculum contusum ad Cilium inferius dextrum recepisset, illudve intra paucos dies nulla præcedente suppuratione aut digestionem vulneris, decocto Halviliano consolidatum fuisset, iterum in profundo collectum fuit pus. Ego cum advocatus essem, oculum insigni inflammatione tentatum inveni. Dolor capitis aderat maximus, simul & Febris atque vigiliæ. Suppurativis & pus moventibus per diem unum aut alterum applicatis, in ipsa cicatrice vomicam scalpello incidi, deinde abstergentibus & mundificantibus per dies aliquot adhibitis, ulcus feliciter consolidavi, nulla relictæ oculi aus visus læsione.

Anno 1620. Juvenis quidam 13. circiter annorum ætatis, & Magistri Matthiæ Keller, arcularii filius, cum sibi ipsimet vulnusculum in sinistri indicis articulum, qui medius est in ordine (ubi sola cutis in transversum incisa fuerat) infligisset, & decocto traumatico vulnus, ut videbatur cicatrice obduxisset, iterum collecta fuit materia in imo vulneris, quapropter exorto dolore intensissimo & acutissimo, in consilium me adhibuerunt parentes. Tum juveni manum & brachium ad cubitum usque intumefactum, febris quoque aliaque cap. 4. commemorata symptomata aderant, inprimis verò Lipothymia, quam prius vulnus obligare vellem, ipsum infestabant. Dolores adeo erant magni, ut nullis ferè anodynis sedari possent, tandemque propter vigiliarum vehementiam ad soporifera mihi confugiendum fuit. Ex quibus quàm maligna & acris sit materia, in parte hoc morbo affecta contenta, apparet, dum enim non tantum partes nobiles, veluti cor, hepar, & cerebrum, malignis suis vaporibus afficit, verum etiam proximas adjacentes partes erodendo invadit. Vidi id in hoc puero, in quo quamvis nihil eorum, quæ facienda erant, prætermitterem, obstare tamen non potui, quin materia sinum, versus postremum articulum & metacarpum, sibi faceret, Tandem nihilominus feliciter sanitati restitutus fuit, & ita quidem, ut digitus suo motu nullatenus privatus fuerit.

Porro quemadmodum tempus morbi, quo decocto traumatico usurpari convenit, perpendendum, ita etiam subjectum ipsum, hoc est, corpus ægri, ipsiusque constitutio, diligenter examinanda & investiganda est. Cum enim insigniter astringant & exsiccant, ut antea quoque dixi, & temperamentis ingredientium videre licet. Omnibus qui obstructionibus viscerum, veluti hepatis, lienis, & venarum lactearum laborant, adversissimum esse medicamentum, nullus in controversiam vocare poterit. Quandoquidem constringendo & exsiccando excrementitios humores in visceribus retinent. Hinc dolores, tormina hypochondriorum, inflationes, scirrhi viscerum, tandemque virium & appetitus prostratio, aliaque incommoda sequuntur, quemadmodum ego in diversis agris observavi. Inprimis autem in nobilissimo viro Dom. Jacobo Wallier, qui cum ætatis annis obstructionibus viscerum obnoxius fuisset, & anno 1609. propter gravissima ulcera decocto Halviliano usus fuisset, omnia illa incommoda, quæ recensui, ex usu decocti prædicti in se expertus est. De his videat lector observationem & curationem singularem, de vulnere gravissimo sclopeti, à nobis editam.

Nobilis quidam prope Lausannam cacochymicus, & obstructionibus viscerum, simul & ulcere circa costas laborans, cum ex consilio imperitorum hominum decocto vulnerario uteretur, in tertianam incidit, quæ diu periculose labora-

ravit, Videat itaque Chirurgus primò, ne decoctum adhibeat nisi vulnus sit digestum, suppuratum, & ab omnibus symptomatibus liberum. Non enim solummodò impedit digestionem & suppurationem vulneris, verum etiam dolores & inflammationes adauget, dum ratione vini aliarumque herbarum, quæ ingrediuntur calidarum, sanguinem & humores incendit, calidamque intemperiem in visceribus inducit. Deinde prospiciat, ne viscera excrementitiis humoribus sint referta, aut obstructionibus obnoxia. Decoctum enim vulnerarium astringendo & siccando, meatus obstruit, transpirationem prohibet, & proinde putredinem inducit, ex qua cachexia, febris, ictertia, & huiusmodi gravissimi morbi subsequuntur. *Quæ enim perspiratione carent, inquit Galenus, facili putrescunt.* Quapropter ante usum decocti, & dum eis utitur æger, corpus diligenter ab omnibus humoribus excrementitiis expurgandum, & vena, si plethora adfuerit, & vires permiserint, incidenda, optimaque victus ratio observanda est. Hæc verò quia vulgus barbitonorum, propter inscitiam theoriæ, non observat, quis quæso non videt, eorum ignorantiam, non autem medicamentum, hydropis articulorum, aliorumque gravissimorum symptomatum causam esse præcipuam. Est itaque verissimum divinum oraculum à Galeno prolatum: *Auxiliorum nimirum dextrum usum, partem artis esse præcipuam.* Plura qui de decocto Vulneratio videre cupit, illudque ad Vulnera externarum partium pervenire non posse, & proinde vulneribus non prodesse, internis verò visceribus mirum in modum obesse, scire desiderat, is doctissimum Virum Dom. D. Johannem Matthæum, quæstionum nobilium, qu. 30. legat.

Cap. 8. De Balsamis, tam naturalibus, quam artificialibus, num & quando in vulneribus articulorum conveniant?

QUum ab omni ævo Balsamum veluti singulare donum Dei exiterit, & ad plerosque, tam internarum quam externarum partium corporis morbos sanandos, medicamentum fuerit laudatissimum, ne dicam planè divinum, factum est, ut eo quoque abutantur empirici & irracionales Chirurgi, quasi medicamentum adeò universale esse possit, ut in omnibus morbis, in omnibus quæ etiam ægris, ætatibus, nativis, & temporibus anni aut morbi, eundem & sine ulla distinctione applicari possit. Hinc ex hoc tam optimo & pretioso medicamento, tot tamque gravissima symptomata, & ipsum hydropem articulorum, consequi videmus. Habent morbi interni, ut Medicis notum est, sua tempora, ut vocant. Principium videlicet, augmentum, statum & declinationem. At quis unquam fuit tam insulsus Medicus; ut uno eodemque medicamento per totum cursum morbi uteretur? De vulneribus eadem est ratio. Habent vulnera sua quoque tempora, secundum quæ medicamenta sunt mutanda. In principio sanguis est sistendus, & quæ res extraneæ, veluti plumbum, ferrum, lignum, festuca, ac ossa planè separata, vulnere inhæserint, extrahenda sunt. Hæc disertè quoque docet Hippocrates lib. 2. aphor. 29. inquit: *dum morbi inchoant, si quid movendum videtur, move, dum verò consistunt & vigent, melius est quietem habere.* In augmento cum propter solutionem continui, subitamque mutationem, humores ex toto corpore, veluti cum impetu af-

fluunt, dolores, inflammationes, aliaque gravissima symptomata excitant, eis, quæ repellunt, refrigerant & astringunt, ad alia loca repellendus est humor affluens, & ex parte affecta repellendus, dolor leniendus & inflammatio sedanda est, id verò ut commodè & ex arte fiat, digerendum est vulnus, quemadmodum capite. 6. demonstravimus, in statu, hoc est, non amplius affluentibus humoribus, sedato item dolore, & remissa inflammatione, optimèque digesto vulnere, clementer abstergendum & carne implendum est. Materia quin etiam in parte affecta collecta, emollientibus & solventibus discutienda est. In declinatione cicatricem inducere, & partem affectam, propter solutionem continui labefactatam, corroborare convenit. At quia scioli, ac ineptissimi barbitonores, de una eademque fidelia omnes volunt curare ægros. mirum non est, si gravissimos errores circa ægros committant. Hæc autem ut dilucidiora evadant temperamentum ac facultates balsamorum consideremus.

Balsamum hodie habemus duplex, naturale, & artificiale, naturale est aut veterum aut recentiorum. Naturale veterum, cujus Dioscorides lib. 1. cap. 17. Galenus de simplicium medicament. facult. lib. 6. Plin. lib. 12. cap. 25. Avicenna lib. 2. Tractatu 2. Paulus Aegineta, Oribasius & Aetius meminere. Olim, ut testatur Dioscorides, in Judæa & Ægypto nascebatur. Hodie an arbores, ex quibus profluebat liquor iste, exstant, & si exstant, ut ut sit, scimus, ex præscriptis aliisque probatissimis authoribus Balsamum antiquorum summè calidum fuisse medicamentum. Scenim habet Dioscorides. *Efficacissima, inquit, vis inest ferro, & quàm maximè calfaciens:* Galenus Balsamum siccare & excalfacere in secundo gradu & tenuium esse partium scribit. Avicenna verò Balsamum in principio tertii gradus esse calidum testatur.

Balsamum recentiorum quadruplex est, Indicum, Americanum, Balsamum novum ex Insula Hispaniola, & Tolutanum. I. Indicum seu Occidentale, quod ex Occidentali India in Hispaniam adfertur liquor est arboris, Indis Xilo dictæ, punico malo majoris foliis urticæ similibus ferratis, & tenuibus, cujus cortice, qui tenuis est, vulnerato, liquor tenax subalbidus, paucus, quem incolæ sibi reservant, effluit. Sed ex ramis & truncis assulatim & minutatim concisis, & cum aqua in lebetè decoctis, ubi refrixerit, conchis oleum supernatans colligunt, quod ex nigro rubet, odoris suavissimi, gustus acuti & aliquantum amari, calidum & siccum est gradu secundo, sumitur in corpus, foris illinitur, & Chirurgis remediis permiscetur. II. Balsamum Americanum, quod ex Americæ sive novi orbis continente adfertur, seu Peruvianum, liquor est arbori hastæ magnitudinis, ad radicem ramosæ, duplicique cortice, quo vulnerato ex medio spacio alba, lymphidissima & odoratissima lachryma effluit. III. Balsamum novum, quod ex Insula Hispaniola adfertur, succus est plantæ sponte nascentis, arboris magnitudine ad duorum hominum proceritatem interdum assurgente, caulibus cinereis, foliis supernè viridioribus, acutis, costa per medium divisis, foliis sex digitorum longis, quatuor cum dimidio latis, pediculis rubescentibus, fructu racemoso longo, acinis rubentibus, ex asparagis & summitatibus, ut etiam racemis, expressus succus in aqua ad medias coquitur, ad mellis crassitudinem, quod ad ulcera & vulnera utuntur Balsamo, efficacius. Plura apud authorem generalis Indorum historiæ. IV. Tolutanum, quod ex continentis quadam provincia inter Cartha-

Carthaginem & Nomen Dei sita, Tolu ab Indis appellata, liquor est arboris pumilæ pino similis, ramosæ, foliis instar Ceratiæ perpetuò virentibus, cujus cortice inciso, arboris veluti quibusdam cochlearibus è terra nigra confectis, adnexis; liquor colligitur ex rubro ad anreum tendens, dulcis, odore limonum fragrantiam referens, quod præstantius eo, quod ex nova Hispania adfertur; & ad omnia ad quæ & Balsamum Ægyptium efficax. Plura vide apud Bauhinum, Nicolaum Monardem, & in appendice historiæ Lugdunensis.

Cæterum etsi balsamum sit Medicamentum laudatissimum, & in vulneribus approbatissimum, quemadmodum ab initio hujus capituli diximus, & ego ipsemet à multis abhinc annis in ægris meis expertus sum, & in dies experior, quin tamen adedò universale censeretur non potest, ut in omnibus vulneribus & quovis etiam tempore tutò applicari possit. Videntur primò in quibus vulneribus convenient balsama; deinde etiam quo tempore applicanda. Conveniunt autem in simplicissimis vulneribus, hoc est ubi nullum symptoma, veluti dolor, inflammatio, affluxio humorum, aut simile quid concurrat; testatur id quoque Nicolaus Monardis, in sua, quam de Medicamentis ex novo orbe delatis, scilicet historia. Cum enim calidum sit medicamentum, quemadmodum antea dixi, inflammationem & affluxum humorum, & proinde dolorem adauget, gravissimaque symptomata excitat. Conveniunt præterea, ubi nihil extraneum vulnere inhæret. Quia enim balsamorum vis atque potentia est, protinus labia vulneris contrahere, consolidationemque accelerare, remanente re aliqua extranea & pure in profundo vulneris, suboriuntur mox symptomata gravissima. Sunt itaque in vulneribus carnosarum partium, si simplices & à re incidente facta fuerint, uti etiam in ulceribus, post eorum mundificationem adhibenda. In vulneribus autem contusis non tutum est eis uti, nisi digesto, & satis suppurato & mundificato vulnere. In vulneribus faciei à re incidenti factis, excellentissimum est medicamentum, præcipuè Balsamum Tolutanum, quod mihi familiarissimum est, nullam enim ferè cicatricem post se relinquit. In aliis verò capitis vulneribus nonnisi cautè in applicatione balsamorum procedendum est. Cranium enim si læsum, aut contusio & concussio aliqua cerebri adfuerit, ab initio morbi ab eis abstinendum est, ne propter immaturam consolidationem vulneris, & retentionem sanguinis extravasati aut puris, grave aliquod symptoma incidat. Eadem est ratio, cur in vulneribus juncturarum mihi semper suspectus fuit usus balsamorum, quemadmodum postea, cum de balsamis artificialibus dixerò, agam fusiùs. Si quis tamen à principio Balsamo Tolutano (cujus ego præcipuè experientiam habeo, quodd & hodiè præ reliquis ad nos affertur; cum fructu in articularum vulneribus uti voluerit, ut in universalibus nihil prætermittat, necesse est, deinde etiam ut vulnus, ne ipsius labia protinus contrahantur coalescantque, pulvillis duriusculis ex filamentis paratis, adimpleat, res ipsa postulat.

Sequitur nunc, quo tempore morbi sint applicanda balsama? Nullum enim medicamentum, quod planè sit universale, exstare. Medicis notum est, vulnera quin etiam sua habere tempora, non minus ac morbi, ab initio hujus capituli diximus. Deinde quidnam in unoquoque circa vulnus moliendum sit, adscripsimus, ex quibus satis superque apparet, balsamum neque ab initio, neque in augmento applicandum esse, nisi vulnus fuerit simplex, & in parte planè carnosæ. In augmento enim, ut dixi suppu-

randum est vulnus & pus movendum; suppuriatio autem fit calidis & humidis medicamentis, veluti sunt unguenta digestiva, de quibus suo loco, non autem calidis & siccis, ut sunt balsama. Sciunt præterea practici, vulnera ab initio affluxu humorum doloribus, inflammationibusque esse obnoxia, quæ propter medicamenta lenientia & anodyna sunt adhibenda, non autem quæ acrimoniam aliquam obtinent, ut sunt balsama. Quantum ad vulnera articularum, in quibus tantoperè celebrantur balsama, vix reperies quod planè sit simplex, propter exquisitissimum enim sensum, quibus juncturæ sunt præditæ, statim exoritur dolor, dolorem sequitur affluxus humorum; quandoquidem dolor veluti cucurbitula ad se trahit ex toto corpore humores, & sanguinem, hinc inflammatio, abscessus & hydrops articularum, aliaque gravissima mala. Sed estne in causa Balsamum? Nequaquam. Est enim medicamentum planè divinum, ut antea dixi. Sed in causa est inscitia & ineptia barbitonorum, aliorumque artis Medicinæ imperitissimorum hominum, qui illud indifferenter & absque judicio in omnibus vulneribus, veluti panacæam applicant. Concludemus itaque, Balsamum in principio & augmento ex arte applicari non posse, nisi vulnera fuerint simplicissima, & nullius ferè momenti. Digesto autem & satis suppurato vulnere, excellentissimum esse medicamentum. Mundificat enim, abstergit, carnem generat, humidum radicale adauget, calidumque innatum refocillat, & partem affectam, propter solutionem continui labefactatam, corroborat, cicatrices quin etiam planas & pulchras efficit. Ossa cariiosa & fracta balsamo extrahere volunt aliqui, quod ego tamen non observavi, nec videtur mihi rationi consentaneum esse, medicamentum quod insigniter conglutinat, labiaque vulneris contrahit coniungitque, simul quoque ossa (nisi forsitan id facultate quadam occulta fieret) extrahere posse, cum ad ossis excretionem vulnus apertum ac hians requiratur. Hactenus de Balsamis naturalibus, sequitur nunc de artificialibus.

Quum à multis jam annis, ut testantur viri docti, Balsamum illud, quod ex Judæa & Ægypto olim proveniebat, perierit, & Balsamum recentiorum nonnisi superiori seculo ad nos, ex regionibus istis à Christophoro Columbo, Americo Vespurio, Magelano, Francisco Pizarro, Francisco Draco, Thoma Candilo, & aliis noviter inventis, allatum, ac tanto pretio à Mercatoribus æstimatum venditumque sit, ut nonnisi locupletissimi homines eo uti possint, cogitare cæperunt viri docti, quidnam ipsius loco substitui possit. Nec inutilis, profectò, fuit ipsorum labor atque industria. Exant enim balsama artificialia, quæ balsamis naturalibus tam in internarum quam externarum partium morbis, haud multum cedere videntur. De quibus lector videre poterit Johannem de Vigo, Andernacum, Gesnerum, Evonymum, Fallopium, Weckerum, Quercetanum, Paracellum, & alios, apud quos varias & diversas compositiones inveniet. Parantur autem Balsama aut ex vegetalibus, veluti ex radicibus, herbis, floribus, seminibus, corticibus, succis, ex gummis item, Resinis, Terebinthina, Cera & aliis. Aut ex mineralibus, ut Mercurio, Marte, sulphure &c. De quibus vide Quercetanum & alios, qui artem Chymicam excoluerunt. Nos, ne quid hîc desiderare posset lector, compositionem unam aut alteram ex vegetalibus, ex Johanne Vigone, Chirurgo præclarissimo, & æterna laude dignissimo, qui sub Julio secundo Pontifice Max. circa annum 1503. Romæ floruit, hîc adscripsimus, plura qui videre cupit, præ-

scriptos autores consulat. Descriptio quæ existat lib. 18. cap. 19. sic habet.

R. Ol. Omphacini ℥ij.
 Styracis calamitæ.
 Laudani.
 Croci.
 Olybani.
 Gummi Arabici.
 Rubia tinctorum.
 Gummi hedera.
 Aloes.
 Masticis.
 Caryophyll.
 Galangæ.
 Cinamomi.
 Nucis muscatæ.
 Cubebe an. ℥ij.
 Gummi Elemi ℥ij.
 Myrrhæ.
 Bdellii an. ℥j. s.
 Galbani ℥vj.
 Spicæ.
 Ligni Aloës. an. ℥j.
 Serapini.
 Ammoniaci.
 Opoponacis. an. ℥x.

Omnia pulverisanda pulveriscentur, & permisceantur cum dicto oleo: deinde ponantur in alembicum cum suo capello & recipienti, & arte & igne elambicentur, & omnia sint bene inlutata & obturata luto sapientiæ. In principio per horas duodecim ponendo alembicum ad ignem lentum, & ipsum meliorando in sex horas, donec elambicatum fuerit, quo facto, statim residuum specierum iterum pulveriletur, & cum prædicto oleo elambicato, iterum ordine ante dicto per tres vices reiterando elambicetur, & tandem habebis oleum, quod verè est sicut balsamum, stat enim ad omnem balsami probationem.

Valeat autem (ut idem Vigo testatur sequentibus verbis) *oleum hocce benedictum sive Balsamum, ad multas corporis passiones, videlicet contra spasmodum de repletionem, contra paralyin, contra iuncturarum dolores, à materia mixta causatos, facta universali purgatione, & valet etiam contra discrasiam cerebri, facta à materia frigida. Et propterea cerebrum frigesactum confortat. Valet quoque contra morbum caducum, unctum parum supra coronalem commissuram. Valet præterea ad fistulas desiccandas, facta prius mundificatione cum medicamine forti. Valet insuper ad magnas plagas recentes sanandas, Catarrhum etiam frigidum, & omnem cerebri humiditatem extraneam destruit, & spiritus cerebri confortat, aperit venas oppilatas, causa humorum frigidorum. Et si in aure cum bombyce imponatur gutta una, auditum devastatum emendat, præsertim quando à causa frigida causatur. Item pannum rosatum madefactum cum dicto oleo, & applicatum temporibus, dolorem hemicranium & vertiginosum tollit, & scotomiam, & venæ oppilationem cerebri multum iuvat. Et si bibatur de dicto oleo uncia semis cum modico vini odoriferi, in aurora per tres dies, animam, cor, pulmonemque renovando mirabiliter confortat. Item adversus quartanarios, si sumatur cum modico vini odoriferi, mirum in modum valet, & si ad quantitatem cochlearii, & hic ordo per quem terminos servandus est, sumendo quotidie prædictum oleum per horam ante diem, in diebus, in quibus non expectatur paroxysmus; item sumptum per triginta dies cum modico vini, & parum pæonia, ad quantitatem jam dictam, morbum caducum sanat; item adversus unamquamque animalium morsuram*

venenosam mirabiliter valet, denique ad omnem debilitatem nervorum (crede mihi) magna est Medicina. Uterius adversus dolores morbi Gallici, est præsentaneum remedium, & istud oleum est sicut Balsamum, & tanta virtutis & potentia super jam dictas aggritudines, quod nec Auro nec Argento emi posset. Hactenus Vigo.

Porro cum in præparatione hujus balsami aliquo modo obscurus sit author, sciant tyrones, non esse, propriè loquendo, distillationem, de quo loquitur, sed potius fermentationem sive digestionem. Oleum enim Omphacinum, multò minus gummata, per alembicum simplicem, de quo hic utitur Vigo, ascendere non posse, sed remanere in fundo alembici, cum reliquis ingredientibus, & nihil præter phlegma, ut vocant, extillare, eis, qui in arte distillatoria verati sunt, notum est. Ad quid igitur, inquires, labor iste? Respondeo, ipsum summopere necessarium esse. In hac enim distillatione, quæ veluti fermentatio, maceratio, aut digestio est, beneficio caloris activi partes subtiliores à crassis & excrementitiis separantur & utile ab inutili, ut dicunt, ita segregatur, ut postea diversæ qualitates ingredientium sensim ita inter se commisceantur, ut inde fiat medicamentum temperatum, & ad prædictas operationes aptum. Ut enim in ventriculo, beneficio caloris nativi, & facultatis concoctricis, ex diversis, & quidem facultate inter se contrariis, ciborum generibus chylus, pro nutritione corporis aptus, conficitur, ita & in hac distillatione. Rectè itaque ab initio per duodecim horas lento igne procedit. Quemadmodum enim violentus corporis motus, statim post sumptum cibum digestionem destruit retardatque: ita quoque violentus ignis, ab initio admotus, ne diversa corpora probè ad invicem copulari atque conjungi possint, impedit. Tandem verò agendus est ignis, ut vi caloris tota vis ex medicamento extrahatur.

Cæterum absoluta prima distillatione, quæ spacio 18. horarum perficitur, non protinus aperendum est alembicum, ne inclusi spiritus evanescant, & in halitum abeant, sed expectandum usque dum omnia se è sint refrigerata; ferè inquam: Oleum enim dum adhuc tepidum, percolandum, fortiterque exprimendum est. Residuum quod in colatorio remanet, contusum, denuò in alembicum projiciatur, & affundendo oleo percolato, & phlegmate extillato, reiteranda est distillatio & expressio, eodem planè modo, ut ab initio, idque tertio repetendum est. Tandem percolatum & expressum oleum in vasis vitreis diligenter clausis, seu balsamum pretiosum reponendum & conservandum est. Atque hanc esse mentem Vigonis, existimo. Si quis tamen non tantum phlegma, imò & ipsum oleum extillare voluerit, ille ut loco alembici, de quo loquitur Vigo, rero tam accipiat, necesse est, sed balsamum erit acre, insigniterque calidum, ut vix in internis affectibus ulurpari possit.

Aliam descriptionem balsami in vulnibus, ulceribus, aliisque externis affectibus ne vorum, ex causa frigida oris, efficacissimi eodem libro & capite describit Vigo hunc in modum.

R. Terebinthina ℥ij.
 Thuris albi
 Laudani an. ℥iij.
 Masticis
 Galangæ
 Caryophyll.
 Cinamomi
 Zedoaria
 Nucis muscatæ
 Cubebe

*Ligni aloës. an. ℥ij.**Gummi elemi 3vj.**Olei rosati Omphaciri lb. l.**Olei masticeini ℥ij. l.**Vermium terrestrium lotorum cum vino ℥iij.*

Omnia simul misceantur & elambicentur in vase vitreo; more jam dicto in superioribus receptis. Hæc Vigo.

Ego ex sola terebinthina & gummi elemi conficio Balsamum longè excellentissimum, cujus præparatio exigui laboris est, interim tamen in vulneribus, post ipsorum suppurationem & digestionem: in ulceribus & fistulis, post ipsarum mundificationem, præstantissimum est medicamentum.

Fundo libras tres terebinthinæ purissimæ in retortam vitream, diligenter lutatam, eamque in fornacem aptam impositam. Primò oleum (sive ut vocant spiritum) limpidissimum lentissimo igne, sex circiter horarum spatio, quem separatim refervo. Deinde parum adaucto igne, oleum rubicundum, & veluti rubinus lapis, pellucidum profluit. Tandem ad summum ferè gradum accenso igne, oleum ad mellis circiter spissitudinem exstillat. Primo oleo, sive spiritu in internis affectibus utor, secundum & tertium oleum in affectibus nervorum, à causâ frigida ortis, præstantissimum est, si partes malè affectæ eo inungantur, sive id per se fuerit, sive cum aliis oleis, veluti lumbicorum, vulpino, & similibus mixtum. Postremo, quod veluti balsamum est, in vulneribus & ulceribus utor hoc modo. Accipio hujus olei sive balsami ℥iij. Gummi Elemi purissimi & pinguis 3b. commisceo ambo in sartagine, lentissimo igne, donec guttami dissolutum sit, tunc percolo, & in vase vitreo refervo. Quod si nimis spissum fuerit balsamum, addo parum de tertio oleo. Et si autem Balsama præscripta artificialia, uti quotidiana experientia docet, præstantissima sint, cautè tamen in vulneribus jenturarum cum eis procedendum est, & omnia, quæ de Balsamis naturalibus scripsimus, in applicatione eorum observanda sunt. Nequaquam autem, nisi vulnus probè digestum fuerit, conveniunt. Si enim ab initio morbi applicentur, gravissimum hocce symptoma, Hydropem videlicet articulorum, excitare solent. Vidi id in cive Laufannensi, Claudius nomine, de quo lector videat historiam Capite primo. Possem & alia exempla in medium proferre, nisi id forsân lectori esset tædiosum. Omnia itaque secundum rationem sunt facienda, quemadmodum docet Hippocrates.

Cap. 9. De Emplastro Stiëtico, sive fodicationum, an & quo tempore in vulneribus articulorum conveniat?

Liberales artes omnes, imò & Mechanicæ, in Germania ad summum gradum perfectionis & splendoris pervenisse, omnibus notum est. Chirurgia tamen succumbit & planè vilescit. In causa est, quod illa imperitis, & plerunque in theoria indoctis barbitonforibus, sine contradictione, & examine à Principibus & Magistratu, maximo mortalium damno, concreditur. Hinc fit, ut theoriam non tantum spernant, verum etiam in ipsa versatos Medicos atque chirurgos contemnere & flocci facere non erubescant. At quia Magistratus amplissimus illis non interdicat, quin potius connivet & hujusmodi garrulos & inflatos superbos præ aliis nonnunquam promovet, mirum non est si omnia in deterius ruant, & nobilissima ars eò perveniat, ut etiam in multis locis plerique locorum in Ger-

Bibl. Chirurg. Tom. II.

mania (horribile dictu) ipsam carnifices exerceant. Ad hunc autem contemptum artis, & ignorantiam barbitonforum propagandam & augendam, anam dederunt nonnulli, qui superiori seculo multa variaque remedia Empirica, in medium attulerunt, quibus (spreta theoria) mirabilia, ne dicam impossibilia, se præstare affirmant. Hinc fit, ut cum illi decocto vulnerario, sive balsamo aut Emplastro aliquo, vel unguento armario, omnia curare posse sibi imaginentur, ut studium theoriæ negligant, ac juvenilem ætatem in puerilibus ac futilibus rebus consumant.

Porro inter Medicamenta empirica, à modernis & præcipuè à Paracelso aliisque Germanis inventa, non postremum locum obtinet Emplastrum Stiëticum sive fodicationum (*Stichpflaster*) quo nihil præstantius in rerum natura exstare, nonnulli affirmant, inter quos etiam fuit *Oswaldus Crollius*, alioquin in arte Chymica vir excellens & præclarus. In praxi verò Chirurgica ipsum haud multum versatum fuisse, ex eis, quæ Emplastro suo Stiëtico adscribit, satis superque apparet. Scribit enim in Basilica sua Chymica, mihi pagina 269. *Vires sui emplastri Stiëtici innumeras esse, nec sub lunari globo reperiri efficacius*. Præstantissimum esse emplastrum Stiëticum Crollii, uti & alia emplastra Stiëtica, quæ à Paracelso in Chirurgia sua, à Felice item Wirtzio & aliis proponuntur, in controversiam non voco. Sed tantum hoc dico: sæpissimè quoque affectum, de quo hic agitur, Ichorem videlicet acrem, hoc emplastro excitari. Non quod emplastrum per se causa sit, sed quia sine ratione applicatur. Est enim certa, & firmissima regula, ut suo loco dicam, nullum esse remedium adèd generale, ut in omnibus morbis, omnibusque ægris, & per totum cursum morbi applicari possit. Sed aliud in principio morbi, aliud in augmento, aut Statu & declinatione applicandum esse. Quapropter dum Chirurghi suo emplastro Stiëtico, ab initio vulnerum nervosarum partium, & ad finem usque curationis utuntur, gravissima symptomata excitant. Addam exemplum unum aut alterum. Aulicus quidam Illustrissimi Principis Juliacensium, Clivensium, & Montensium &c. circa annum 1580. vulnus circa cubitum accepit, ubi axillaris vena, & nervi nonnulli abscissi fuerunt. Incidit in manus empirici, qui hoc solo emplastro (acriter tamen dissuadente Cosma Slotano, ejusdem Principis Medico-Chirurgo primario, Præceptore meo plurimum honorando) vulnus se feliciter curare posse gloriabatur. Brevi quidem cicatrice obductum est vulnus, sed brachium mox intumuit ac doluit, tandemque exorta est febris, hinc affluxus & inflammatio nova, & collectum fuit pus in profundo vulneris, ex illo demum putrefactio. Exesa & denuò aperta vena, tanta sequuta est hæmorrhagia, ut vulneratus interierit. Idem & in aliis advenisse observavi. Juvenis quidam robustissimus prope Hildenam, in duello vulnus cultro ad dextram spinæ dorsæ partem, circa quartam vertebra lumborum recepit. Incidit in manus barbitonforis, qui cum vulnus solo emplastro Stiëtico curare vellet, brevi ex vulnere satis lato facta est fistula angustissima, profunda, & summè dolorifica.

Anno 1591. & biennio post acceptum vulnus, venit ad me Hildenam, ubi tunc Chirurgiam faciebam. Immisso Stylo exploratorio, (*vid. Tab. viii. fig. 1.*) in profundo vulneris corpus quoddam durum sese obtulit, cum verò lateret, an pars esset cultri, an verò os ipsum, stylum exploratorium fabricandum curavi, cujus cuspis fabricata est in forma rocularis. Instrumentum hoc ad fundum usque vulneris leniter immisso & circumducto, cum illud corpori isti præduro infigere non possem, ægro audacter dixi, cultri cuspidem

vulneri adhuc inhærere. Si enim pars vertebræ sese obtulisset Stylo exploratorio sine dubio torcular admisisset. Præparato corpore, tum optima victus ratione, tum purgationibus, & venæ sectione, dilatata fistula, spongiis præparatis, & radicibus gentianæ, aliisque convenientibus remediis in ima ulceris parte cuspidem cultri inveni, cujus longitudinem & formam depictam lector in prima Centuria Observat. 62. videre poterit.

De infelici successu emplastri Stictici aliam historiam, annotatione dignissimam, Lector videre poterit in tertia Centuria Obs. 24. de juvene quodam, qui gladio (non tamen districto) in sinistram maxillam prope nasum graviter vulneratus fuit, adeoque ut illum ipsum gladium tanta vi faciei infixum, manubrio atque nodo in terram delapsis, sibi ipsimet ambabus manibus totisque viribus tandem extrahere coactus fuerit. Quo facto & extracto, nullum planè vaginæ vinculum, sed nudum tantummodo gladii mucronem conspiciere licuit. Hic quum Chirurgus, qui hoc vulnus solo emplastro nigro, sive fodicationis (Germanicè (*Stichpflaster*) nullis injectis turundis, spatio sex septimanarum cicatrice obduxisset, sequutus est affectus longè gravissimus, qui ægrum in quartum usque annum mirum in modum excruciauit, uti lector prolixè videre poterit loco præallegato.

Cæterum quum emplastra Stictica suum quoque usum habeant in praxi Chirurgica, maximarumque virium sint, si rectè & methodicè adhibita fuerint, visum fuit hic inferere ea, quæ post Paracelsum *Oswaldus Crollius* de suo emplastro Stictico scriptum reliquit, simul & descriptionem suam, quæ mihi inter reliquas compositiones præstantior esse videtur. *In cuiusvis*, inquit *Crollius*, *salutaris emplastri Stictici compositione, secundum Paracelsum, quatuor diversorum generum ingredientia consideranda veniunt.*

1. *Sanatio, quæ fit ratione Cera & Colophonia.* 2. *Accidentia, quæ tolluntur & impediuntur beneficio gummatum scilicet Opopon. Galb. Sagap. Bdell. Ammon. Elemi.*
3. *Putredo (quodlibet enim vulnus, etiam sine accidenti putredini est obnoxium, generat vermes, & carnis mala excrescentiam) quæ tollitur & præcavetur ope magnorum consolidativorum, Mastiche scilicet, Myrrha & similibus.* 4. *Ut præservet à mucore, scabie, aridura, contractura, Synovia, & similibus accidentibus, quod fit per mineralia, scilicet, lithargyrum, Minium, Antimonium, Cerussam, Marcasitam, Calaminarem, & similia.*

Vulnerum Ulcerumque telo inflictorum, Sticticum emplastrum præstantissimum.

1. R. Minii

Calaminaris.

Lithargyri auri & argenti an. ℥iij.

Ol. Lini.

Olivarum an. lb. i. s.

Laurini lb. s.

Cera

Colophonia an. lb. i.

Vernicis

Terebinth. an. lb. s.

2. R. Opoponacis

Galbani

Serapini

Ammoniacy

Bdellii an. ℥iij.

Carabe citrini

Olibani

Myrrha Alexandrina

Aloë epatica

Viriusque Aristolochia, longa & rotunda an. ℥j.

Mumia Transmarina

Magnetis

Hamatius an. ℥j. s.

Corallorum alborum & rubeorum

Matris perlarum

Sanguinis Draconis

Terra Medicata Strigensis

Vitrioli albi an. ℥j.

Flor. Antimonii ℥ij.

Cruci Martis tanundem.

Camphora ℥j.

Modum parandi talem servavi.

1. Gummata quinque in aceto macerata & cocta exprimantur per linteum crassum, bis repetendo cocturam (dosis gummatum potest augeri, propter faeces ab expressione remanentes & abjiciendas) postea super lentum calorem in munda sartagine usque ad consistentiam mediocrem inspissentur.

2. Oleum lini & olivarum imponatur alteri sartagini; & addatur lithargyrium auri & argenti, coquantur agitando, donec oleum coloretur, postea addatur Calaminaris, & paulò post Minium, Omnia illa agitando ferè per duas horas, coquantur simul ad sufficientiam, cujus proba est, si supra unguem gutta concresecat & condensetur, nec amplius diffuat.

3. Tandem etiam addatur circa finem vernix, oleum laurinum, Cera, Colophonia, omnibus bene invicem mistis & liquefactis, & ab igne sepositis, postea da operam, ut sartago cum gummatibus paulatim calefiat, & successive affunde liquorem è secunda sartagine, gummatibus diligentissima agitatione incorporando supra lentissimum calorem (cave ne bulliat, alioquin, gummata in grumos coeunt, & oleo difficulter miscentur) postea agitando addantur pulveres, & diligenter per horam omnia agitentur. Ultimo Camphora resoluta in oleo juniperino addatur; Si fortè nimis durum esset, addatur adhuc aliquid Cerae & Colophoniae.

Proba justæ decoctionis hæc est; bacillo intrinsecto guttulas aliquot in aquam stillare finito, si digitis adhæserit materia mollis, coquatur diutius, donec duresecat. Tum demum ab igne deponatur, & in magnam pelvim aqua plenam infundatur, ac manibus [Oleo Chamomelino, Rosarum, juniperino, lumbricorum, Hypericonis ana q. sufficit, mixto] perunctis pinlere, ac instar malagmatis subigere convenit, totis tribus vel quatuor, servetur ad usum, efformatis inde prius magdaleonibus alutæ includendis.

Vires huius emplastri, inquit Crollius, sunt innumera, sub Lunari globo non reperitur efficacies.

1. Contra inveterata ulcera, nec non recentia vulnèra, & ictus, ubicunque sunt in corpore, etiam in capite.

2. Siccat & mundificat vulnera, carnem bonam producit, consolidat, ac sanat una septimana efficacius quam aliud mense integro.

3. Putrescere non sinit bonum, insuper corruptionem, malæque carnis excrescentiam impedit.

4. Nervis truncatis aut contusis optimum est remedium.

5. Ferrum, lignum, plumbum, & alia quæque de vulneribus extrahit, superpositum eis tantum.

6. Venenosorum animalium curat morsus ictusque, attrahit enim venenum.

7. Maturescere facit apostemata cuncta, superpositione sola.

8. Contra Cancrum, fistulam, scrophulas, ignem persicum, est remedium excellens.

9. Mitigat omnes dolores cujuscunque vulneris, aut ictus.

10. Contra

10. Contra rupturam.

11. Ubi caput inflatum est, radantur capilli, & imponatur emplastrum.

12. Dolores dorsi, impositione tollit.

13. Ficus cutis extra & intra sanat imponendo.

Vires suas servat integras annos quinquaginta, quo tempore æquè efficax est ac recens compositum. Eadem ferè verba habet Paracelsus in fragmentis de morbo Gallico, mihi pag. 673. Atque hæc sunt quæ Oswaldus Crollius de suo emplastro Strictico scripta reliquit. Paracelsus & alii sua non minus ad cælum usque extollunt. Sed quia nudo, hoc est, solo emplastro ista omnia adscribunt, & universalia negligunt, caveant sibi tyrones, ne splendidissimis istis encomiis, & laudibus hujus emplastri seducantur. Si enim tantis virtutibus præditum esset hoc emplastrum, tunc ars Chirurgica non amplius esset ars, imò unusquisque idiota, etiam subulcus hoc emplastro instructus, optimus esset Chirurgus. Olim impudentissimus *Thessalus*, ut refert Galenus, Method. medendi lib. 1. se totam artem Medicam sex tantum mensium curriculo traditurum pollicebatur, citra ullam aliarum artium institutionem. At si illa omnia, quæ huic emplastro adscribuntur, vera essent, non menses sex, imò ne quidem dies sex, ad discendam artem Chirurgicam requirentur; sed quemadmodum doctrina *Thessali* olim in perniciem humani generis cessit, ita fit & hodie cum hujusmodi medicamentis empiricis, & præter rationem adhibitis; dum enim horum medicamentorum facilitate alliciuntur barbitonfores, Theoriæ artem respuunt, negliguntque. At cum nullus commodè curare potest, nisi prius naturam corporis universi perspexerit, ut docet Galenus loco præallegato, mirum non est, si hi, qui nudis istis medicamentis empiricis procedunt, gravissimos committant errores.

Porro omissis reliquis proprietatibus hujus emplastri, videamus, an in vulneribus articulorum, nervisque truncatis & confusis, optimum & securum sit remedium? Ubi illa omnia, quæ in præcedentibus, de Balsamis, & decoctis traumaticis sive vulnerariis, in medium adduximus, in memoriam revocanda sunt. Nimirum circa curationem vulnerum, non minus ac circa internarum partium morbos, quatuor consideranda esse tempora. Diximus præterea, in augmento vulnera affluxui humorum, & inde nascentibus inflammationibus, maximè obnoxia esse. Etenim in incipientibus inflammationibus, referente Galeno libro de venæ sectione, avertere, quod influit, expedit: idque ut alibi docet Galenus, commodè astringentibus & refrigerantibus fieri posse, omnibus in confesso est. Sed videamus nunc, an gummata illa, *Opoponax* videlicet, *Galbanum*, *Sagapenum*, *Bdellium*, & *Ammoniacum*, illam habeant facultatem, ut affluentes humores, qui omnium symptomatum causæ sunt, repellere, partemque affectam ab accidentibus, ut *Crollius*, & alii volunt vindicare possint? Id verò ut commodè fiat, ea quæ *Dioscorides* & alii de ipsorum facultatibus scripta nobis reliquerunt, ordine perpendemus.

Opoponax, inquit Galenus, de simplicium medicam. facult. lib. 8. tum mollit, tum digerit. At calefacit quidem in tertio ordine, in secundo autem siccatur.

Galbanum, docente *Dioscoride* lib. 3. cap. 81. excalefacit, urit, extrahit, discutit, menses ac partus extrahit, appositum vel suffitu. Galenus *Galbanum* ordine tertio incipiente, aut secundo completo excalefacere, siccate verò secundo ordine incipiente testatur, de simp. med. facultatibus l. 8.

Bibl. Chirurg. Tom. II.

Serapinum Officinis, sive *Sagapenum*, ut *Dioscorides* lib. 3. cap. 79. ferulaciæ herbæ succus est, quæ in Media nascitur, gustu acri. Calidum & tenuium esse partium, Galenus quoque de simplic. Med. facult. lib. 8. testatur.

Ammoniacum tantam vim calefaciendi & attrahendi habet, ut etiam partus extrahat, testatur *Dioscorides* lib. 3. cap. 82.

Bdellium Lachryma est *Saracenica* arboris, calefacit & emollit, partum quoque extrahit. *Dioscorides* lib. 1. cap. 69.

Cum itaque prædicta gummata sint calida, & ut jam jam demonstravimus, facultate attrahendi prædita, tantum abest, ut in principio & augmento applicata, partem læsam ab accidentibus vindicare possint, ut potius partem affectam excalefaciendo, & humores copiosè attrahendo, symptomata omnia vehementiora & periculosiora efficiant. Hæc evidenter testatur lumen illud Chirurgiæ, *Joh. de Vigo*, cum emplastrum oxicroceum in fracturis ossium rejicit, illudque propter accidentia, quæ excitare solet, Diabolicum appellat, *Sunt enim*, inquit, *aliqua ingredientia, quæ virtutem habent attrahendi materiam ad locum, cum molificatione non parva, veluti sunt Ammoniacum & Galbanum*. Hæc *Vigo*. Sunt & alia ingredientia hujus emplastri, quæ ipsius facultatem calefaciendi adaugent, *Therebinthina* nimirum, ol. *Laurinum*, lini, *colophonias* &c. Ex quibus perspicuum fit, emplastrum hoc ab initio, & in augmento, è diametro contrarium esse in articulorum vulneribus, quæ quia, propter exquisitissimum sensum partis læsæ, doloribus & affluxui humorum maximè obnoxia, potius anodyna requirunt.

Inprimis autem, ad evitanda symptomata, vulnera ab initio digerenda esse, antea ostensum fuit. Digestio autem & suppuratio non calidis & siccis, veluti gummata prædicta, aut frigidis & siccis, uti *minium*, *lapis calaminaris*, *lithargyrium*, sanguis *draconis*, terra *Strigenis*, & quædam alia, sed calidis & humidis perficitur. Ceram quidem & oleum olivæ, lini, & *Terebinthinæ*, vim digerendi, & pus movendi habere scio, sed eorum vis à reliquis ingredientibus, videlicet calidis & siccis, simul & frigidis & siccis, obtunditur. Alius præterea committitur error circa vulnera, cujus erroris autor fuit *Paracelsus*, & ipsius sectatores, inprimis *Felix Wirtz*, dum usum turundarum in vulneribus rejiciunt, non sine maximo damno ægrorum. Vulnus enim nisi tutundis munitum fuerit, contrahuntur ipsius labia (membranosa enim omnia facile, & naturaliter quidem, contrahuntur) gravissimaque symptomata inde sequuntur. Pus enim in profundo vulneris colligitur, incalescit, putrescit, ac inflammationes, apostemata, spasmodum, gangrænas, aliaque ulcera insanabilia excitat. De quibus lector exempla & observationes singulares, in quarta Centuria observationum nostrarum 66. videre poterit. Hæc verò omnia facile evitabit rationalis Chirurgus, si turundis aut filamentis contortis, secundum vulneris conditionem, apertum illud conservaverit. Ex his omnibus manifestum fit, emplastrum hoc ab initio & augmento applicatum, symptoma, hydropem videlicet articulorum, provocare posse. Circa finem verò status, uti quoque in declinatione, remissis symptomatibus omnibus, præstantissimum esse medicamentum reor. Partem enim affectam ex vulnere labefactatam corroborat, & si quid humoris præter naturam, aut durities aliqua in ipsa remanserit, resolvit, carnis generationem promovet, tandemque cicatricem inducit.

Cap. 10. De Unguento armario, ejusdemque auctore, & quomodo Ichorem & Meliceriam procreet?

HUc usque de abusu & vero usu decocti traumatici, de Balsamis item naturalibus & artificialibus, uti quoque de emplastro Stictico, quantum ad institutum nostrum necesse esse videbatur, egimus, ubi quoque demonstratum fuit, errores & symptomata, quæ ex usu prædictorum medicamentorum sequuntur, illa non medicamentis, quæ sua natura optima sunt, sed ignorantia potius & inscitia Chirurgi adscribenda esse. Sequitur nunc de unguento Armario, quod & stellatum, & sympatheticum, Germanicè Wassen-salb vocant. Plerumque enim non solum affectum, de quo in hoc libro agitur, verum etiam alia quàm plurima symptomata gravissima excitat, optimamque valetudinem corporis destruit, Conscientia quin etiam maculam inurit. Hæc autem ut rectè intelligentur, ejus inventorem & propagatores eorundem, item compositiones & usum, ordine & paucis hic inferam.

Inventorem hujus unguenti esse Diabolum, testantur viri Doctissimi, in primis Petrus Holtzemius, Medicus doctissimus, & in Academia Colonienfi Professor Celeberrimus, libro de essentia Ellebori Extracta Capite 2. Johannes Georgius Godelmannus, de Sag's & Veneficis lib. 1. cap. 18. Ioh. quoque Roberus, in eis, quæ de hoc unguento contra Goclenium scriptis, diversis in locis, præsertim sectione undecima, id manifestè ostendit.

In officina porro Diaboli unguentum hoc pestiferum nocumentum, non medicamentum, culum, ex scripto Empirici cujusdam, Germanorum celeberrimi, liquidum est, qui de hujus unguenti compositione, usu, atque præstantia scribens, insania & impietate summa dactus, docere non erubescit, quomodo quis unguento hoc adhibito, ægrum suum possit tormentis, doloribus, ac cruciatibus, lacerare, & eundem ab iisdem liberare vicissim. O hominis inaudita impietas? ô sæva inhumanitas? Diaboli autem instinctu à Paracelso superiori seculo introductum fuisse, nemo negare potest. Quod & ipsemet in libro quodam de Podagra fatetur, his verbis. *Hoc verum est*, inquit, *Multæ sunt in Medicina artes, quæ à Diabolo, & spiritibus patefactæ sunt. Vides, addit Erasius, quem habeat sua Medicina auctorem? Vox auditu impia, quæ & sacro S. Scripturæ è directo repugnat. Omne enim munus bonum, & omne donum perfectum, inquit Divus Jacobus, supernè est, descendens à Patre luminum.* Diabolum quoque aliquando per præstigiatores & incantatores, homines & bestias sanare videmus. Fit hoc permittente Deo, Alioquin (Libavii verbis, libro de Impostor. vulnerum, per unguentum armarium curatione, utor) *qui malus est; & malorum effectuum causa, aliquid boni per se produceret?* Si quem curat, ad confirmandam de se opinionem curat, id profectò longè pejus est; sublato enim corporis vulnere, animæ inurit morbus gravissimus, & plerumque extremum interitum afferens. Morbum autem levem, graviore inducto curare, bonum esse nequit.

Cæterum cum virtus eorum, quæ cultro, telo, aut alio aliquo instrumento, quod sauciavit, insperguntur, aut applicantur, naturaliter ad vulnus pervenire non possit, cum inter agens & patiens mutuus contactus requiratur. Et proinde neque vulnus curare, multò minus dilacerare, aut ægrum doloribus

doloribus excruciare possint, necesse est, id arte & industria Diaboli fieri, qui cum artifex sit longè astutissimus acutissimusque; & jam à primis seculis exercitatissimus, id perficere difficile sibi non est, ubi apud doctos & fide dignos viros exemplū notatu dignissimum habemus, quod quia ad institutum nostrum magnopere facere video, hic annectendum duxi. Sic enim Godelmannus post Hectorem Boëtium & Cardanum de Duffo Scotorum Rege. *Duffus Scotorum Rex novo affligebatur genere morbi, ita ut quotidie sub primam vigiliam, lecto decumbens, insignes cruciatus per universum corpus sentiret, & in sudorem resolveretur, vigilque totam noctem anxius peragebat, sine ullo aliquo signo, vel febris vel vitiosorum humorum; Interdum verò à sudore liber quiescebat, & ita sensim quasi tæbe consumebatur; plurimis quidem à variis Medicis exhibitis remediis, nihil prorsus juvabatur, tandem populari rumore, incerto tamen auctore, increbuit. Regem in Moravia, Regione Scotia apud Ferros, à Veneficis mulierculis ita torqueri & cruciari. Distabant autem Ferres quinquaginta milliaribus à regia sede. Hac cum ad Regis aures pervenissent, misit Rex clancularios exploratores, si qua muliercula veneficiis aut incantationibus essent suspecta, quæ ubi ex diligenti inquisitione præfecti Ferrorum essent explorata, noctu circumdatis adibus cujusdam vetula, fores eruperunt, ac vetulam cum mereivricula filia ad ignem sedentes, & ceream imaginem Regis Duffi veru circumligatam, ac ad ignem circumvolventes invenerunt, ac comprehenderunt. Altero die tortura subiecta muliercula, confessa sunt, Regis mortem, nisi fuissent rapta, paucos post dies, sensim torrendo ejus imaginem, continuò subsequuturam fuisse. Ue enim imago ejus certis carminibus admurmuratis, ab igne, quotidie liquefieret, ita ipsum Regem quotidie tæbe consumptum fuisse. Exustis his veneficis, unà cum cereâ imagine Regis, protinus Rex pristina sanitati restitutus est. Hactenus Boëtius. Si cerea imagine, quæ prorsus nihil commune cum Rege habuit, arte diabolica hic affectus sequutus, quantò magis id fit cultro, aut instrumento, quo vulnus inflictum. Cum vulnere enim confortii aliquid habet, cum sanguine id aut ichore, ex vulnere profluente, illinitum maculatumque sit. Verum detestanda impietas est, docere, quomodo æger sit torquendus & doloribus afficiendus, cum Medici boni officium sit, ægrum à dolore levare, non excruciare. Vulnus sanare, non novis symptomatibus dilacerare. Dolorem enim vulnere supervenientem, omnium gravissimum esse symptoma, & Ichoris causam primam, jam sæpius ostensum est, itaque mirum non est, si supersticiosam hancce magneticam curationem plerumque sequatur, ut postea fufius. Hæc de inventore ac præcipuo auctore unguenti armarii, quod postea industria Paracelsi primò propagatum & à superstitionis hominibus Diaboli instinctu arreptum. Ante Paracelsum enim unguentum hoc inventum non fuisse, ostendit Iohannes Robertus in libro suo de Ungu. Armario contra Goclenium sectione 8. & scet. 11. Post Paracelsum Oswaldus Crollius, Iohannes Ernestus Burgravius, & nonnulli alii, miris modis hoc extulerunt. Variæ hujus unguenti apud auctores descriptiones. Paracelsus Tom. 2. in Archidoxis Magicis, libro primo, mihi pag. 549. hanc posteritati reliquit.*

℥. Musci cranii humani ℥ij.

Mumia ℥℔.

Pinguedinis humana ℥ij.

Sanguinis humani ℥℔.

Ol. lini ℥ij.

Ol. rosarum ℥j.

Boli Armeni ℥j.

Misceantur in Mortario & agitentur tam diu, donec redigantur in unguentum.

Eadem

Eadem pagina aliam habet descriptionem, ubi præcedenti compositioni addit Mellis ʒj.

Sævi bovis ʒj.

Rudol. Goclenius hujus Curationis Magneticæ hanc habet descriptionem.

R. Usneæ concretæ in calvaria furis suspensi, & in aëre derelicti.

Mumia vere,

Sanguinis humani adhuc calentis, singulorum unciam unam.

Adipis humani uncias duas

Ol. lini.

Terebinthin.

Boli Armeni sing. ʒij.

Misceantur omnia simul in mortatio, serventurque in vitro, vel urna oblonga & angusta.

Alii, addit, recipiunt usneam abrafam à cranio hominis violenta morte perempti, duarum avellanarum pondere.

Adipis verris aprugni,

Ursini sing. uncias vj.

Lumbricorum terrestrium ex vino lotorum, inque pistoris fornace olla tecta torrefactorum (non adustorum): uncias iij. horum in pulverem redactorum, uncia uni adjiciunt

Cerebri aprugni siccati,

Santali rubri odorati, Mumia, & hæmatitis, singulorum unciam j. omnibusque mixtis cum adipe faciunt unguentum. Hæc, inquit, descriptio optima esset, si succo & nervis, hoc est sanguine & adipe humano (in quibus maximè dominatur spiritus ille vitalis, vegetabilis, & balsamicus) non careret. Itaque in vera hujus unguenti compositione, sanguis & adeps humanus non sunt omittenda, quo etiam modo confectum apud me quovis ut tempore possit haberi (quoniam Chirurghi sæpe vel non sunt præsentis, vel etiam à vulneratis remotiores) nunc operam quantum possum impendo. Conficiendum autem est, inquit Goclenius, sole existente in libra, Usnea verò colligetur cum Luna crescente, inque Veneris existente Domo si fieri potest, non Martis aut Saturni. Si in Veneris domo locum habere luna non potest, diligenter attende, ut possit abradi usnea, luna versante in piscibus, hoc enim signum est omnium convenientissimum. Propter Iovis domicilium, & Veneris exaltationem, proximum huic est taurus & libra. Hactenus Goclenius.

Hæc, quantumvis sufficere possent, descriptiones & compositiones unguenti armarii. Quia tamen Crollius maximus habetur patronus Magneticæ hujus curationis, ejus descriptionem, quæ in sua basilica chymica, mihi pag. 278. exstat, quoque hîc apponam.

R. *Adipis Verris aprugni*

Ursini ana lotones octo.

Quo seniores animalia, eo melior adeps. Utriusque animalis adeps prius in vino rubro per dimidiam horam lento igne bulliat, postea effunditur super aquam frigidam & cochleari colligitur pinguedo innatans, quicquid fundum petit, abjiciatur.

Postea recipe lumbricorum ex vino vel aqua lotorum sextarios duos, torrefiant in olla tecta in fornace pistoris, cavendum tamen, ne adurantur, postea terantur in pulverem.

R. *Hujus pulveris*

Cerebri Aprugni siccati.

Sandalirubri odoriferi,

Mumia

Hæmatitis ana unciam unam.

Demum accipe usnea à Cranio hominis, violenta morte perempti, abrafæ, lunâ crescente, & in bona domo existente, Veneris, si fieri possit, non Martis aut Saturni, ad pendus duarum avellanarum circiter. Ex omnibus tritis & invicem mixtis, cum adipe secundum artem unguentum fiat, in vitro clauso, vel pixide, diligenter ad suos usus reservandum.

Si forsan temporis successu unguentum exsiccaretur, dilato adipe vel melle virgineo humectari & emolliri de novo poterit. Paretur unguentum sole in libra existente; Hæc Crollius. Proprias quoque suas descriptiones & deliramenta habet Iohannes Colerus lib. 18. cap. 145.

De viribus ac usu hujus unguenti Goclenius, Crollius & alii, hæc habent, sanantur inquit Goclenius, hoc unguento sic confecto, omnia vulnera, quæ ferro, idu, vel jactu infliguntur. Excipiuntur tamen illa vulnera quæ sunt in arteriis, & uno è membris principalioribus, ut corde, cerebro &c. Modò telum aut instrumentum, quod sauciavit, haberi possit, etiamsi patiens multis milliaribus à nobis absit.

Usus hujus unguenti docent Goclenius, Crollius, & alii, his verbis: Immergendum ferrum seu telum est, quod sauciavit (vel in hujus defectu lignum, seu ramus salignus in apertura cruenta madefactus) in unguentum & ita relinquendum: ager quotidie suâ urinâ vel purâ aquâ vulnus eluat, deligatque mundo panno lineo semper pus extergendo, vulnusque aurora mundificando, & absque ullo dolore sanabitur. Hoc Maximilianum Imp. comprobasse, in confesso est. Si instrumentum, quo vulnus inflictum est, haberi nequit, aliud ducatur per vulnus, & loco veri teli id inunge utroque latere, reponatur loco mundo & temperato. Si enim aëri vel frigori nimio exponatur, excitabitur dolor. Attendendum est etiam casum-ne aut punctum factum sit vulnus. In punctura enim telum inungendum est à cuspide Capulam versus, in Casura ab acie versus tergum. Meminisse præterea oportet obligare tela. Si non apparet quam altè sint infixæ, tota sunt inungenda, sin apparet, pars illa tantum, quæ fuit in vulnere. Cuius sanaturus sæpe illine (præsertim verò si vulnus est magnum & profundum): si maturatione opus non est, necessitasque non urget, intermitteri quidam dies poterunt, imò sufficit, si senis diebus id fiat bis, vel ad summum ter, semper tamen vulnus mane ablundo, extergendo, iterumque deligando. Hactenus Goclenius. Crollius & nonnulli alii eisdem ferè utuntur verbis: quæ quidem prolixè, & ut apud ipsum leguntur, adscribere volui, non in eum finem, ut Chirurgos in Magica atque superstitiosa curatione erudire aut instruere, meus animus sit, atque intentio mea, quin potius ut cognoscant, à Diabolo esse inventam & ab hominibus superstitionibus addictis, propagatam, & proinde homini Christiano nullo modo licitam. Præterquam enim quod conscientiam piam ac Christianam offendit læditque, cum neglectis naturalibus, & à multis seculis approbatis remediis, ad supernaturalia & superstitiosa transeamus, etiam periculo non vacat, quicquid dicant Goclenius, Crollius & alii, uti sequens Exemplum observatione dignissimum fidem facit. Genere & virtute nobilissima matrona, ANNA SIDONIA BREMSERINA de Rôdesheim, Nobilissimi ac Strenui Viri Dn. HERMANNI à CRONBERG, conjunx, cum Anno 1613. feliciter peperisset, nescio quonam infortunio factum, quod decima die post partum, vulnus ad latus papillæ acceperit. Vulnus etsi non usque adeò profundum esset, sanguinis tamen copiosè effluxit. Tentarunt quidem sanguis fluxum beneficio unguenti armarii cohibere, sed frustra. A Chirurgo itaque restricto sanguine, non vulnus, sed cultrum, quo inflictum fuerat, summâ diligentia curabant &

tractabant quōtidie ; citō quidem & sine dolore ferē curatum fuit vulnus , verūm vix inducta cicatrice, obruso in profundo oborto dolore , febre cum rigore , aliisque symptomatibus correpta fuit , & mamma cum tanto dolore intumuit , ut dies noctesque ejulare coacta esset ægra. Tandem 19. Aprilis 1613. cum ego Wormatiā (ubi tunc ad Generosum ac strenuum Virum , Dominum Eberardum Kemerer von Wormbs / genannt von Dalberg / vocatus fueram) ad ipsam Oppenheimium accersitus essem, in maximis angustiis ipsam inveni. Mamma enim supra modum tumefacta & indurata fuit. Dolor maximus & pungitivus , & febris ardentissima , nausea, eructationes , & Lipothymia aderant , cicatrix tamen præcedentis vulneris vix apparebat. Circa papillam livida erat cutis , ita tamen mollis , ut fluctuatio puris facilē deprehendi posset , quapropter suasi, ut incideretur vomica , id cum à me factum esset, dolor reliquaque symptomata remiserunt , pristinaque sanitati restituta fuit , & per multos annos supervixit. Integram historiam vide Centur. 3. Observat. 25.

Sed objiciet aliquis , quidnam in causa fuerit, cur matrona hæcce curata non fuerit, cum tamen multi alii ex eadem pixide , & ab eodem vulnerario præstigioso curati fuerant ? Causa in promptu est. Erat matrona illa pia , fidelis & superstitionibus minimē addicta, ideoque fidem, quæ unā cum fortissima imaginatione in hujusmodi & similibus curationibus (ut multis in locis testatur Paracellus) requiritur , non habebat : hinc Diabolus , qui potens est in infidelibus , in illa operari , curationemque absolvere non potuit. Contractis itaque & conglutinis labiis vulneris, pus, quod evacuandum erat , in profundo vulneris collocatum fuit.

Ex hac historia patet , quā periculosus sit usus hujus unguenti , quomodo autem hyarthros sive hydrops articulorum ex ipsius usu consequi possit, paucis dicam. In curatione vulnerum diversas intentiones ut habeat Medicus, necesse est, videlicet : 1. Ut fluxus sanguinis sistatur : 2. Ut affluxus humorum & inflammatio arceantur , & dolor evitetur. 3. Ut labia vulneris , si magnoperē inter se disjuncta fuerint , ad mutuū contactum deducantur, relicto tamen foramine , per quod pus commodē evacuari possit : 4. Ut vulnus , si profundum simul & angustum fuerit , apertum retineatur usque dum satis digestum, & à pure mundificatum sit. 5. Ut pus bonum generetur. 6. Ut malignitas vel venenum, si quod vulnere simul illatum, uti fit in morsuris & ictibus bestiarum, extrahatur. 7. Ut caro restituatur & generetur. 8. Ut vulnus cicatrice obducatur.

Porro ut uno eodemque medicamento omnibus istis intentionibus satisfacere possit Medicus , absurdum & ridiculosum est dicere ; Ad sanguinis enim fluxum cohibendum frigida & sicca requiruntur. Talia quidem sunt usnea, hæmatitis, bolus Armenus, & santalum, verūm hæc qualitates suas in mixtione amittere, doctē ac evidenter ostendit *Ioannes Matthæus* Quæstione 29. Id quoque verissimum esse, prædicta matrona experta fuit, ut ex præcedentibus videre licet. Affluxus præterea humorum ut impediatur, quæ restringunt & repellunt , vulnere sunt applicanda quæque frigida , ut portulaca, sempervivum; lactuca, albumen ovi, acetum, bolus Armenus, terra sigillata, rosa, & alia quamplurima. Tertia porro & quarta intentio manum Chirurgi experti requirunt. Id verò quia in nobilissima illa matrona neglectum, vulnus protinus clausum , iterumque pus in profundo collectum fuit, inde dolor ille gravissimus , reliquaque

symptomata. Quod si in articulo aliquo exstiteret vulnus , procul dubio hydrarthros sequutus fuisset. Quinto, ut vulnus digeratur, & pus optimum generetur, sua quoque requirit medicamenta particularia, ea autem modicē sint calida & humida, veluti, cera, colophonia, terebinthina, crocus, oleum Amygdalarum dulcium, vitellum ovi, & ejus oleum, de quibus suo loco plura ; Sextæ indicationi ut satisfaciat , ea quæ virus potenter extrahunt , & vulneris labia hiantia servant, applicanda sunt, uti cepæ, allium, sal, dictamnus, ruta, Theriaca, Methridatium, radices gentianæ, Angelicæ, & hujusmodi conveniunt. Septimò, ut caro restituatur & generetur, danda est opera, idque fit sarco-ticis, hoc est quæ modicē detergunt & siccant, uti sunt Aloës, Thus & Aristologia rotunda, ex quibus cum cera, terebinthina, & gammii Elemi fit unguentum præstantissimum, addito parum olei rosacei. Octava & ultima intentio est, ut cicatrix inducatur, sitque eis, quæ refrigerant & siccant, ut galla immatura, Tutia, Alumen ustum, lapis calaminaris, cerussa, & hujusmodi. Hæc sunt, quæ rationales Medici in curatione vulnerum observant : idque maximo cum fructu ægri. Qui verò aliter faciunt, & prædictis intentionibus omnibus spretis, hocce unico unguento Armario satisfacere putant, ægrum in maximum periculum adducunt, propter ingentia symptomata, quæ empiricam hanc curationem ut plurimum sequuntur, præsertim in vulneribus magnis, profundis, angustis, & quæ ci ca a ticulos sunt. Ludibio præterea piis & bonis sese exponit Medicus, qui neglectis medicamentis, à Deo hominibus concessis, & à majoribus nostris longo usu comprobatis, & ad præstigiosa à Diabolo inventa & introducta confugit.

Sed objiciet aliquis, jam olim experientia & exemplis comprobatum, vulnera multa, tam in brutis quam in hominibus, hoc unguento sanata fuisse ; Nihil horum inficior, multa vulnera, præsertim in corporibus sanis, optimoque succo præditis, & in partibus muscularis existentibus, per se, & sine medicamento, si quōtidie, ut jubet *Goclenius*, pus panno mundo abstergatur, persanantur. Diabolus autem, ut astutissimus & fraudulentissimus, per suos vulnerarios semper dolo malo agit. Quōtidie enim vulnus, ut docet *Goclenius*, vel urina ægri, vel aquā purā abluunt, mundoque panno lineo pus abstergunt, deligantque. Porro urinam extergendi, mundificandi, & consolidandi vim obtinere præter experientiam testantur *Galenus lib. 10. de simpl. Medicam. facultatibus*. Ubi inter cætera hæc quoque habet, *Nonnulli, inquit, Medici, eā videlicet urinā, psoras & lepras detergunt, persunduntque ulcera præhumida & sordida: multoque magis computrescentia*. Aqua præterea, propter facultatem suam frigidam, cum in nonnullis vulneratis affluentes humores repellere; vulnusque à pravis symptomatibus vindicare sufficiens sit, ac vindicat, natura per se vulnus consolidat : hæc de unguento armatio. Plura qui cupit, leget tractatum Clarissimi & Doctissimi Viri D. Andr. Libavii, de Impostoria vulnerum per unguentum armarium sanatione.

Cap. II. De dolore , & quibusnam præsidis sit tollendus ; ubi de anodynīs in genere ; & quibus facultatibus ea prædita esse debeant , agitur.

DOlorem, qui vulneratis articulis supervenit, præcipuam esse causam Ichoris & Meliceris acris, antea sæpe demonstratum fuit ; quapropter quā citissimē tollendus & sedandus est ; sic enim ablata causa tollitur quoque effectus ipse. Variis autem præsidis

præfidiis sedatur dolor, quæ aut interna sunt, aut externa & topica. Internis veluti eis, quæ humores ad partem læsam fluentes per alias vias evacuânt, & à membro læso avertant, sive id per alvum, aut per vomitum; sudorem; vel vias urinarias, aut alia loca convenientia, fiat, uti sunt venæ sectio, scarificatio, sanguisugæ. Sedatur præterea dolor per eâ, quæ acrimoniam humoris peccantis ex corpore ad locum affectum fluentis temperant atque refrenant. Deinde etiam quæ vires à dolore prostratas instaurant. Nisi enim vires adfuerint, parum aut nihil efficient medicamenta; etiamsi ex arte præscripta & adhibita fuerint. Sunt enim vires, quæ medicamentum ex potentia in actum convertunt. Hæc tamen, propriè loquendo, verè anodyna non sunt, testante Galeno de simpl. medicamentor. facult. lib. 5. cap. 18. Quandoquidem universalis sunt, & in omnibus morbis particulatibus externarum partium, à Medicis & Chirurgis rationalibus topicis præmittuntur.

Externa remedia, dolorem lenientia, duplicia sunt: alia enim verè sunt anodyna, alia impropiè ita dicuntur. Sunt illa, referente Galeno, loco præallegato, quæ suo ingente frigore partem stupefaciunt ipsiusque sensum imminuunt, veluti papaver, Solanum, Mandragora, Hyosciamus, Opium, ex quibus unguenta, olea, cataplasmata, & huiusmodi præparantur, de quibus institutum nostrum non est, hoc loco agere. Monitos tamen velim esse tyrones; ut sibi caveant; ne huiusmodi medicamentis narcoticis, facile, & nonnisi maxima urgente necessitate utantur: quandoquidem summa eorum frigiditate calorem nativum mirum in modum debilitant.

Vera anodyna, ut docent Galenus, Avicenna; & alii, temperatè calida & humida ut sint, necesse est. Sic enim habet Galenus de simplic. Medicam. facultatibus lib. 5. cap. 18. *Quæ itaque, inquit, revera sunt anodyna, partium sunt tenuium: & calidiora sunt, est necesse, ut scilicet evacuent, digerant, rarefaciant, extenuent, concoquant, & equabile reddant, quicquid partibus doloris est causa. Quare nihil prorsus astringentis habeant oportet. Astringentia siquidem, ut alibi docet Galenus, & contrahunt, constipantque & condensant substantiam nostram, hæc Galenus. Debent itaque anodyna esse calida, propterea quod calor temperatus naturæ nostræ familiarissimus, & calorem nostrum innatum similitudine quadam fovet, & demulcet. Humida præterea ut sint, necesse est, ut partes propter inflammationes aut affluxum humorum extensæ, relaxentur; denique ut facultas medicamenti altius penetrare, & ad nervos pervenire possit. Varia autem anodyna ab authoribus ponuntur, Ego sequentibus in meliceria maximo cum fructu utor, ex quibus diversa conficio medicamenta, uti lector postea capite de Curatione videbit.*

Rad. *Altheæ, liliorum alborum, Malvæ.*

Herb. *Altheæ, Betonica, Origani, Calathi.*

Malvæ

Anethi, folior. violarum.

Flor. *Chamomilla, betonica, primula veris, salvia*

Meliloti, croci.

Sambuci

Rosæ.

Sem. *Lini*

Fenigraci

Anethi

Cydoniorum

Meliloti

Ol. *Liliorum alborum*

Anethi, chamomilla

Lumbricorum

De vitellis ovorum, Vitellum item ovi,

Croci, Rosarum.

Oleum ex floribus Stolorum.

Oleum de Ranis.

Ping. *Humana*

Ursi,

Caponis, anseris.

(anis, felis, muris alpini

Buhyrum recens, non salinum.

Gummata & similia:

Cera

Terebinthina.

Colophonia

Gummi Elemi.

Farinæ:

Tritici

Hordei

Fabarum.

Lupinorum

Mica panis.

Liquores.

Aqua simplex

Lac muliebre

Vaccinum.

Caprinum

Asininum.

Ex his confici possunt, Emplastra, Unguenta, Linimenta, Cataplasmata, & fomenta, uti Lector suo loco videbit. Nunc ut curationem Empiricam, quâ Paracelsus & vulgus Barbitonforum in Ichore vel Synovia utitur, videamus, ordo tractationis postulat.

Cap. 12. De Curatione Empirica Ichoris & Melicerie, inter barbitonfores Germanos usitata, ubi eorum Medicamenta examinantur.

Insiciam barbitonforum, aliorumque theoriæ artis Medicæ imperitorum hominum, præcipuam esse causam Ichotis sive hydropis articulatorum, testatur Paracelsus, ubi capite secundo & alibi dictum fuit; quibus præterea Medicamentis præcipuè id perficiant, adscripsimus. Sunt illa veluti decoctum traumaticum, balsama, Emplastrum Sticticum sive fodicationum, & similia, perperam & sine ratione Empiricorum more adhibita, de quibus cap. 7. 8. & 9. prolixè. Videamus nunc, quibus medicamentis intempestivum maximumque illum confluxum crudorum & indigestorum humorum compescere, ac gravissimum illud symptoma removere; nervos intendant: quicquid præterea de eorum medicamentis, quibus in Ichore & Meliceria utuntur, censendum sit, anque tutò adhiberi possint, paucis quoque aperiâ.

Paracelsus lib. 1. Tract. 2. cap. 5. Chirurgiæ suæ magnæ, mihi pag. 6. Meliceriam (das Gliedwasser) Emplastro Stictico, & aceto rosaceo calido curandam esse docet. Prælectionum Chirurgicarum de vulneribus cap. 7. mihi in Chirurgia magna pag. 160. & 466. inter alia hæc quoque proponit medicamenta.

R. *Ostreorum ʒj.*

Cranci adusti.

Offis

Offis sepiæ

Mandibula lucis usta an. ʒij.

Spodii

Tetræ Sigillatæ an. ʒj. s. fiat pulvis. Tollit, inquit, *aquam articulorum ex imperitia Medici. Stercus porci, si coquatur cum sanguine ex vulnere, & superponatur, tollit aquam articulorum. Item Cochleæ, ut faciunt rasores.* Hæc & quædam alia hujus farinæ medicamenta, hinc inde à Paracelso præscribuntur.

Felix Wirtz Basileensis, unguentum suum fuscum (*sein braunes Gälblein*) pro summo secreto in Meliceria habet, nec quicquam præstantius inveniri posse, ausus est affirmare, Videat lector lib. suum Chirurgicum, in quarto editum parte 3. cap. 5. & 6. item parte 4. cap. 1. Conficitur autem unguentum hoc ex aceto, in quo per dies octo macerata fuerint sequentia, nimirum radices scrophulariæ, centinodia, Chelidonium, & Veronica. Hujus aceti unciiis tribus addit vitrioli calcinati ad rubedinem, & præparati ʒij. phlegmatis vitrioli tantundem, Mellis despumati ʒvj. florum sulphuris ʒj. s. Omnia simul coquit lento igne ad spissitudinem Electuarii.

[*Hans von Gersdorff genannt Schylhans,*] Chirurgiam Castrensem Germanica Lingua in lucem dedit, in qua Gualteri Ryffii Argentinenſis Doct. Medici longè celeberrimi nomen præfixit. In hoc libro mihi pagina 35. Meliceriam sequentibus curari posse asserit.

R. Alumen, cineres Isatidis & lithargyrium, combure omnia simul, pulverisa & insperge vulnere, postea de eodem pulvere cum albumine ovi commisce, & vulnere superpone.

Aliud.

R. Vitrioli, hoc est, aqua vitrioli, coque cum paucis alumine, parumque sulphuris, fiat lavamentum, quo vulnus abluatur.

R. Sandaracam adulterinam, lithargyrium, & acetum, coque omnia simul.

Aliud.

Accipe micam panis filiginis, vinum, mel, & rasuram cornu bovis, coquantur omnia simul in olla nova, extendantur super linteum, & applicentur more cataplasmatibus.

Aliud.

Accipe mel, farinam volatilem & fuliginem, ex his confice emplastrum, & applica, cum oleum vulnere instillatum fuerit. Oleum sic confice.

Accipe Olei lini lb. s. adde flores verbasci, expone oleum ad radios solares dies 14. postea adde pinguedinis taxi ad ovi magnitudinem, & vulnere calidè impone, gossipio oleo madefacto.

Petrus von der Stille, alioquin Chirurgus non ineruditus, in Ichore & Meliceria hæc proponit remedia.

Accipe Albumen ovi, parumque croci, concute, & commisce omnia, addendo aluminis ad magnitudinem nucis avellana, & cum filamentis vulnere impone.

Aliud.

R. Olibani, sanguinis Draconis, Boli electi, Terra sigillata an. ʒij. fiat omnium pulvis tenuissimus, qui cum albumine ovi mixtus, filamentis applicetur vulnere.

Aliud ejusdem Authoris.

R. Oleum olivarum, & terebinthinam, misceantur in sartagine lento igne, postea adde farina lentium exsiccatarum q. sufficit, ut formam unguenti acquirat, quod filamentis vulnere applicetur.

Atque hæc sunt præcipua arcana, quibus barbitonſores gravissimum hocce symptoma debellare

tentant. Hisce tamen si curatio ad votum non successerit, suadet *M. Hans von Gersdorff*, loco antea allegato ex consilio cujusdam *Corn. Jacobs* nomine, nervos & venas causticis erodendas, aut cauterio actuali comburendas esse. Ille omni procul dubio à Paracelso, edoctus fuerat, qui tractatu secundo cap. 10. mihi p. 497. Curationem Ichoris sive Synoviae (*die Heylung desz Gliedwassers*) cum hæmorrhagia eandem esse statuit, eademque adhibenda esse remedia docet. In hunc quoque finem stercus porcinum præscribit Paracelsus in meliceria. Illud enim vim sistendi sanguinem habere, *Christophorus Landreus*, Medicus Gallus asserit, si cum sanguine ex nate aut vulnere coquatur, & ab ægro devoratur. Sed videant Juniores Chirurgi, ne splendidis ac fastuosis istis Encomiis hujus stercoris à Landreo proditis, nimium confidant. Memini enim, olim in vitrico meo, *Petro Krantzio*, cum hæmorrhagia narium periculosè laboraret, medicamentum hoc ex stercore porcino frustra adhibitum fuisse.

Christophorus Wirsung, ne curatio hujus morbi gravissimi, in libro suo desideraretur, maluit ex aliis Empiricis quædam inferere, quàm planè tacere. Idem de Johanne Colero affirmare possum, qui farraginem medicamentorum Empiricorum, nec ullo ad morbum huncce debellandum accommodatorum, compilavit & Calendario suo perpetuo lib. 18. cap. 172. inseruit. Imò ad illam quoque impudentiam devenit, ut fluxum hujus Ichoris spatio quadrantis unius horæ se restringere posse, ausus sit affirmare, his verbis: *Ut aqua articulorum spacio quadrantis horæ sistatur. R. Medullam panis recentis, & si alicui aqua articulorum cum impetu fluit, accipe guttulam unam vel tres sanguinis, hominis istius, cui aqua profluit, easque pani affunde, ægroque comedendum exhibe, & statim sistetur.* At quis quæso non videt, hæc deliramenta esse, hominemque nullam habuisse notitiam morbi, sed ex aliis absurda sua compilasse, & sibi adscripsisse, Hæc in eum finem scribo, ut videant Chirurgi, ne Empiricorum scriptis seducantur.

Porro gravissimè Paracelsum à via recta aberrare, cum curationem Meliceriæ cum restrictione sanguinis eandem esse docet, eademque requirere remedia, scribit, manifestum fiet, si negotium paulò exactius examinaverimus & consideraverimus. In hæmorrhagia unicam intentionem habere Medicum, nimirum ut oscula venarum & arteriarum occludantur; Quibus autem remediis, id commode fiet, docet Hippocrates inquiens. *In his frigido uti oportet unde sanguis copiosè profluit, aut profluxurus est.* Quæ enim refrigerant, sanguinem crassiorem adeoque ad profluendum minus idoneum reddunt. Præterea, quæ egregiè exsiccant absque mordicatione, si apertis venarum & arteriarum osculis inspergantur, sanguinem sistunt. At hæc omnia si in Ichore & Meliceria adhibita fuerint malum adaugere, ex præcedentibus facillè colliget rationalis Chirurgus. Quæ enim exsiccant & astringunt dolorem non leniunt, quin potius ipsum exasperant: dum materiam in parte affecta confluentem retinent includuntque. In periculosa hæmorrhagia oscula nervorum & arteriarum (nisi vulnus fuerit prope membrum nobile) causticis, aut etiam ferro candenti obturari posse, Medicis notum est, sed quid quæso hæc in Meliceria efficient? In hæmorrhagia corrigent causam mali, videlicet apertionem vasorum, Meliceriæ verò causam, dolorem nimirum adaugent.

Præterea in hæmorrhagia vulnere nihil præter solutionem continui, & fluxus sanguinis, consideranda sunt. Non solum enim adest solutio continui

& affluxus crudorum humorum, verum etiam febris, inflammatio, dolor maximus, labefactatio vitium, nausea, vigiliæ, & huiusmodi, quæ omnia diversa requirunt medicamenta, quorum in hæmorrhagia nullum adest. In hæmorrhagia applicamus quidem frigida, juxta doctrinam Hippocratis, non tamen supra ipsas partes, unde profluit, sed juxta ipsas. *Frigidum enim, ut alibi docet, ulceribus mordax, cutem obdurat, & dolorem insupportabilem facit.* At Paracelsus ad eam quoque insaniam devenit, ut in Ichore & Meliceria, in qua tot tantaque graviora symptomata, quibus frigida sunt inimicissima, concurrunt, ulceribus ipsis acetum rosaceum applicat, & quia insignis adest inflammatio & intumefactio in Meliceria, propter copiam humorum qui ad partem læsam confluunt, idè exiguus ille calor innatus facilè à medicamentis istis frigidis ac siccis, uti sunt, acetum, Ostrea, Terra sigillata, bolus, albumen ovi, lithargyrium, & similia, à Paracelso ejusque sectatoribus præscriptis, facilè suffocatur: quapropter Gangræna nonnunquam consequitur Meliceriam, ut testatur Langius Epist. 3. lib. 1. Sequuntur quoque ulcera maligna & insanabilia, propter erosionem ligamentorum & cariem ossium, quæ à materia illa acri contaminantur.

Cæterum ut ad institutum revertar, Dolorem præcipuam esse causam Meliceriæ, antea persèpe demonstravimus. Est igitur tollendus. Id præterea anodynus, hoc est medicamentis, quæ temperatè calida & humida sunt, fieri debere, ab initio hujus capitis demonstravimus.

Videamus itaque, an medicamenta à Paracelso aliisque prodita, hæc habeant facultates, ut dolorem huncce tam gravissimum lenire possint.

Inter Medicamenta à Paracelso in Ichore & Meliceria celebrata, primum locum obtinet emplastrum Sticticum, sive fodicationum. At nos illud ipsum emplastrum Meliceriam provocare posse, capite nono rationibus & exemplis demonstravimus. In ipso enim, quæ insigniter excalefaciunt, & proinde attrahunt, uti sunt Oppoponax, Galbanum, Ammoniacum, Bdellium, Colophonia, Ol. Laurinum & huiusmodi, aliis ingredientibus præcellunt.

Acetum refrigerare & astringere, tenuiumque esse partium, docent Dioscorides, Galenus & alii, acre quoque est, & proinde ulcera vellicat, mordet, doloremque excitat. Ex quibus videmus, acetum in Meliceria adversissimum esse. Testatur id quoque Avicenna inquiens, *Acetum est ex iis, quæ nervis sunt nocibiliores.* Nervi enim, ut partes spermaticæ, cum frigidi sint, calida requirunt. Si enim aqua frigida ulceribus inimica & mordax, ut testatur Hippocrates lib. 5. Aphor. 20. ac proinde dolorem excitat, quantò magis id faciet acetum, cum sit non solum frigidum, sed & acrimoniâ quadam præditum. Astringit præterea; at anodyna, ut nihil adstrictionis habeant, necesse est, quemadmodum antea ex Galeno lib. 5. de medic. facult. cap. 18. demonstravimus, Gravissimè itaque hallucinatur Paracelsus, dum acetum in Ichore & Meliceria applicat.

Ostrea, etiam si ulceribus cavis, fistulosis, & humidis conveniant, ut testatur Galenus de simplicium medic. facultatibus lib. 11. Inde tamen non sequitur, in Meliceria quoque ex usu esse posse. Loquitur enim Galenus de ulceribus, ubi sola intentio est exsiccare, quod Ostrea præstare possunt. At in Meliceria prius tollendus est dolor, quam curatio vulneris instituenda.

Os sepia cum Ostreis easdem habere facultates, Dioscorid. lib. 2. cap. 23. & Galenus de simpl. Med. facultatibus lib. 11. testantur.

Mandibulae lucii, uti reliqua ossa combusta, vim digerendi & exsiccandi habere, quis dubitat?

Spodium, ut docet Cordus in Dioscoridem lib. 5. cap. 81. nihil aliud est quam extinctæ metallorum favillæ, quæ propter pondus rursus decidunt, & circa fornacem ejusque pavementum colliguntur: Spodium autem easdem habere facultates cum pompholyge, medicamento omnium, quæ citra morsum exsiccant, præstantissimo, Galenus de simplicium Medicamentorum facultatibus lib. 9. testatur.

Desiccandi vim quamvis terram possidere testatur Galenus, de simplicium medicamentorum facultatibus lib. 9. Ergo & terra sigillata, & bolus Armenus desiccant, & proinde ex numero Medicamentorum, quæ in Meliceria adhibentur, meritò excluduntur.

Quid dicam de vitriolo, alumine, cineribus Istidis & sulphure, quibus nonnulli in Meliceria quoque utuntur, affectumque adaugent. Huiusmodi enim acrioribus, dolores magis magisque excitant, affluxionemque humorum ad partem læsam.

Felix Wirtz, Basileensis Chirurgus, unguentum suum fuscum (*sein braunes Selblein*) in Meliceria mirum in modum extollit. Conficitur illud ex aceto, vitriolo, ipsiusque phlegmate, melle & floribus æris, uti antea dictum fuit. At hæc omnia, ut acria, in hoc affectu dolores exacerbare, & proinde perniciose esse, quis non videt? Eriam si enim in aliis ulceribus putridis & sordidis suum quoque habeat usum prædictum unguentum, in ulceribus tamen articulorum, inprimis tantis doloribus obsessis, propter acetum, vitriolum, & mel, quæ omnia acria sunt meritò rejiciendum est. Morbi enim curantur non eis, quæ ipsorum causam adaugent, sed quæ ipsam tollunt, at dolor causa est Meliceriæ. Ergo eis, quæ ipsam leniunt, est curanda. Atque hæc sunt Medicamenta, quibus morbum huncce tam gravissimum Paracelsus, & post ipsum barbitonfores, & empirici in Germania, debellare volunt. Interim tamen de causa antecedenti, ut vocant Medici, de victus ratione, de evacuationibus per pharmaca & venæ sectionem, multisque aliis symptomatibus removendis, de quibus postea fusiùs nihil adscribunt, præter decocta nonnulla, veluti sequens à Johanne von Gersdorff genant Schylhans, præscriptum loco præallegato.

R. *Centaurei*

Origani

Radiceis Gariophyllata

Pimpinella

Auricula muris

Summitatum Canabis

Brassica

Tanacetum

Pentaphylli an. Mj. Coquantur in vino & melle. Hujus decocti exhibent agro cochleare unum, bis in die, mane videlicet, & vespere. Si decoctum, addit Dn. Schylhans, in corpore remanet, ne per urinam aut vulnus effluit, signum est, agrum vix evasurum.

Porro non possum silentio hinc præter audaciam Gersdorffii aut Schylhans, qui ausus fuit Chirurgiæ suæ Castrensi, in qua inepta hæc quoque habentur, nomen istius viri tam celeberrimi, tamque docti Dn. Gualterii Ryffii præfigere, procul dubio in eum finem ut libro suo splendorem afferret, eumque vendibiliorem redderet. Cum tamen verisimile sit, Dn. Ryffium de huiusmodi nugis, atque ineptiis ne quidem cogitasse. Cognoscet id facile, qui reliqua ipsius

ipſius ſcripta perlegerit. Ex eis enim manifeſtum ſit, ipſum fuiſſe Medicum & Chirurgum rationalem, & in arte Medica veſariſſimum. Sed & fucam facile deprehendēt, qui librum Gersdorffii, cum opere illo magno Chirurgico, Dn. Ryſſii, ex Guidone & Tagantio excerpto, & Germanico idiomate impreſſo Francofurti partim Anno 1545. partim quoque 1562. conferre voluerit. De his Lectorem admonere volui, quia ego ipſemet in hac fui opinione, prædictas nugas à Dn. Ryſſio prolatas fuiſſe, tandem verò ex præfatione Gersdorffii Chirurgiæ ſuæ Caſtrenſi, & collatione Chirurgiæ magnæ Dn. Ryſſii, fallaciam cognovi. Simile delictum in Veſalium, Anatomicorum Principem, commiſit olim quidam, *Proſperus Borgarutius*, nomine. Ille enim cum mortuo Veſalio, ipſius ſcripta Chirurgica in lucem emittere vellet, ea, quæ Veſalius propter inſperatam & inopinatam mortem nondum abſolverat ex Fallopio adſcripſit, præcipue ex libro de humoribus præter naturam ex quo multa de verbo ad verbum deſcripſiſſe Borgarutium facile videbit, qui unius atque alterius librum perluſtrare voluerit. Inter alia quoque, ut Lector in tractatu meo de Gangræna cap. 17. videre poterit, Veſalio adſcribit longè pernicioſiſſimam illam opinionem, nimirum, Membrum ſphacelatum in parte mortua eſſe abſcindendum, Error qui omni procul dubio Veſalio nunquam in mentem venit, & cui acerrimè ſe oppoſuiſſet, ſi ipſo vivente tale quid de ipſo prolatum ſparſumque fuiſſet. Borgarutium præterea hæc ex Fallopio decerpſiſſe, & Veſalio adſcripſiſſe, ſtylus ipſe luculenter indicat.

Non abſimile furtum Gallus quidam, Medicus, *Antoine du Four, Perrotin* nomine, Excellentiſſimum ac longè humaniſſimum Virum Dn. Jacobum Aubertum Vindonem, apud Lauſannenſes Medicinæ doctorem longè celeberrimum, amicū & præceptorem meum æternum honorandum, perpetravit. Is enim libellum Gallicum de Peſte Lauſannæ in 8^o. impreſſum, Anno 1571. deſuncto D. Auberto de verbo ad verbum deſcripſit, & Anno 1588. Lugduni ſub ſuo nomine in quarto excudi curavit, ſyndicisque & conſiliariis Cameriacenſibus in Sabaudia dedicavit, quibus (vide impudentiam hominis) Epistolam ipſam dedicatoriā, quam Dn. Aubertus Conſuli ac Senatoribus Lauſannenſibus inſcripſit, paucis immutatis v oculis ſibi accommodavit. Hæc profecto & ſimilia furta homini docto, præcipue Chriſtiano, planè indigna, à Magiſtratu meritò mulctanda eſſent.

Cæterum antequam finem faciam huius capitis, ineptia & inſcitia illa Gersdorffii tribus verbis refutanda eſt. Sunt hæc ipſius verba pagin. 35. *Si decoctum* (videlicet antea ex centaurio, Origano, Rad. Gario-phillatæ &c. præſcriptum) *in corpore remanſerit, nec per urinam aut vulnus effluxerit, ſignum eſt, agrum vix evaſurum.* Porro exhibet ſingulis diebus cochlearia duo ſui decocti, inum manè, alterum vesperti. At quis quæſo obſervare poterit, an exigua illa quantitas cum urina aut ex vulnere effluat?

In Meliceria enim ſeroſi humores tam copioſe per vulnus effluunt, ut is lynceis oculis opus haberet, qui videre noluerit, ſit ne decoctum, aut aliquis alius humor excrementitiuſ, qui per vulnus aut vias urinarias effluit. Per vulnus enim, uti & per vias urinarias, nihil effluit, niſi prius in ventriculo fuerit concoctum, in inteſtinis quinetiam ſegregatum, ut ſi quid excrementitii adfuerit, per alvum evacuatur, parum verò per venas meſaraicas & portam ad hepar deferatur. In hepate præterea iterum ſit concoctio atque ſegregatio, ut inutilis & ſeroſus humor per renes viasque urinarias effluat, utilis verò & laudabilis, qui eſt

ſanguis ipſe, per venas in totum corpus abeat. Ubi demum tertia & ultima ſit concoctio atque ſegregatio. Purus enim ſanguis admiranda atque ſingulari naturæ induſtria, in nutritionem partium corporis cedit, excrementum verò per ſudores, nec non inſenſibilem tranſpirationem evacuatur. Peracta itaque tertia concoctio, ſaltem ad vulnus perveniet decoctum. Judica itaque, dico iterum, an decoctum ſit, quod per vulnus effluit, an aliquis alius humor? Sed reſpexit Gersdorffius ad eventum eorum, quæ fieri ſolent, magis quàm ad cauſam ipſam, Ulcera enim eorum, qui morituri ſunt, ut teſtatur Hippocrates prænotionum lib. 1. ante mortem livida & ſicca, aut etiam pallida & ſicca fiunt. Facultas enim expulſrix adeò eſt infirma, ut materiam antea per ulcus evacuari ſolitam, ad partes remotiores propellere non ſit potens, remanet itaque in corpore, & partes primarias magis magisque lædit. Hinc ipſum vulnus ſiccum & aridum conſpicitur. Etiamſi huiusmodi, aliaque decocta copioſiſſimè ſorbeſcit æger.

Cæterum cum *de mortuis*, ut prudenter monet Solon, *nil niſi bonum*, vitio forſan aliquis mihi vetret animadverſiones hæſce in Paracelum, Gersdorffium & alios. Is ſi perpenderit Errores, qui in perniciem humani generis cedunt; detegendos potius, magisque utilitati viventium, quàm famæ deſunctorum conſulendum & proſpiciendum eſſe, facile mihi condonabit.

Cap. 13. De curatione methodicâ ichoris, ſive hydropis articulorum, & primò de victus ratione, quæ prima eſt intentio.

Cum varia atque diverſa ſymptomata, & quidem graviffima Ichorem & Meliceriam comitentur, quemadmodum in præcedentibus obiter quoque monui, & poſthac capite 16. fuſius dicam, neceſſe eſt, ut Medicus aut Chirurgus rationalis ſummam adhibeat diligentiam in curatione, eamque ſic inſtituat, ut omnia ex arte expurgare poſſit. In primis autem ſciat lector, totum negotium curationis Meliceriæ in hoc conſiſtere, ut dolor ſedetur. Eſt enim præcipua & principalis cauſa omnium reliquorum ſymptomatum, quemadmodum ſæpius dictum fuit. Sic itaque inſtituenda eſt curatio. Primò præſcribenda eſt victus ratio. 2. Proſpiciendum, ut humor peccans concoquatur & expurgetur. 3. Ut topica convenientia applicentur. 4. Ut ſymptomata corrigantur: de his ordine & ſuccinctè dicam.

Circa victus rationem conſiderandum eſt ſubjectum; hoc eſt agri conſtitutio, ſi enim fuerit juvenis & optimo corporis habitu præditus, atque robuſtus, inorbuſque gravis, & ſymptomata peracuta, victus, docente Hippocrate lib. 1. aphor. 7. tenuis & exquiſitus convenit. Sin fuerit ſenex & imbecillis, aliquo modo plenior eſſe convenit victus ratio, ut vires ſimul & humidum radicale, quod facillimè doloris vehementia abſumitur, conſervari poſſit, ſit præterea frigidus & humidus: talis enim febricitantibus, uti ſunt, qui ichore aut Meliceria laborant, convenit, ut teſtatur Hippocrates, talis præterea victus ratio acrimoniam humorum ad partem læſam fluentium obtundit, eoſque manuſciores efficit. Aër ſit temperatus ad calorem vergens, frigidus verò diligenter vitandus, frigidum enim cum nervis ſit inimicum, facillimè exacerbatur dolor, ſi vulnus aëri frigido expoſitum aut in loco aliquo frigido detectum & curatum fuerit. Quapropter aëre exiſtente frigido, interim dum vulnus cuto, ſartaginem prunis repletam, à miniſterio è regione vulneris,

vulneris, aut supra illud ipsum tenendam jubeo. In vulneribus capitis, præcipue ubi cerebrum detectum est, idem facio. Hoc modo enim aer corrigitur, Frigus præterea digestionem vulnerum, in Meliceria tantoperè necessariam, retardat atque impedit. Aer præterea intense calidus fugiendus est, Æstus enim ambientis nos aeris, calorem nativum corporis nostri evocat dissipatque. Hepar quoque & massam sanguinis, ipsosque spiritus incendit. Hinc humores, qui ad partem læsam fluunt, omniaque symptomata graviora reddunt. Quapropter cubiculum ægri aqua frigida sæpissimè aspergendum, & herbis frigidis, veluti foliis quercinis, salicis, rosæ, & similibus, sternendum est.

Cibus sit subtilis & concoctu facilis, pane ex optimo tritico bene fermentato & probè cocto, non calido, neque nimis duro & sicco utatur. Facile concoquitur caro castratorum, agnina, gallinarum, caponum, perdicum, turdorum, columbarum, avium in arboribus degentium, item ova recentia, aliaque quàm plurima edulia, quæ ex prædictis carnibus & ovis cum butyro parantur. Cum carne coquantur lactuca, portulaca, acetosa, cichorium, endivia, & similia, quæ vim humectandi & nutriendi habent. Ex prædictis quoque herbis, cum aqua parumque butyro & tale parata juscula, summoperè conveniunt, uti quoque ea, quæ ex avena & hordeo decorticato fiunt. Ab eis, quæ difficulter concoquuntur, absteineat æger, sunt illa, veluti caro bubula, porcina, ferina, & in genere quicquid sale conditum & fumo exsiccatum est, sive caro aut pisces fuerint. Legumina, veluti lentes, fabæ, pisæ, & phaseoli, quia difficulter digeruntur, ventriculum gravant, & obstructions viscerum pariunt, fugienda sunt. Brodio tamen, in quo lentes & pisæ incoxerint, quia abstergit, urinam ducit & obstructions viscerum tollit, uti poterit æger. Usus piscium rarus sit atque paucus. Eligendi sunt saxatiles & mediocres, veluti trutæ, lucii parvi, percæ, & hujusmodi. Caseus quoque, quia difficilè concoquitur, & ventriculum gravat, fugiendus, uti quoque fructus horarii (citò enim putrescunt & in bilem convertuntur) acetaria & similia. Ab omnibus, quæ insigniter excalefaciunt viscera, sanguinem comburunt, & humorem biliosum augent, absteineat æger, sunt illa veluti aromata, in primis piper, Zinziber, gariophilli, cardamomum, allium, sinapi, raphanus, capræ, salsa omnia, & fumo exsiccata, atque hujus generis alia; Cinamomo tamen, croco, nucibus muscatis, & mace, uti poterit æger in cibus.

Quantum ad potum, necesse est, ut interim dum morbus in suo vigore consistit, hoc est, dum Ichor fluit, febris & dolor adest, à vino planè absteineat æger. Vinum enim, præterquam quod natura sua nervis inimicum, etiam interna viscera excalefacit, incendit, & dolores adauget, quapropter ab eo cavendum est, ut monet Galenus ubi phlegmonis suspicio adest. Loco itaque vini utatur æger Cerevisia simplicissima, lacte amygdalarum dulcium, aut sequenti decocto.

R. *Florum & foliorum betonica*

Agrimonia

Veronica an. p. ij. Liquiritia mundata & concisa ℥. ss.

Mellis despumati ℥ij.

Coquantur cum libris sex aquæ ad consumptionem tertiæ partis, Decoctum adhuc fervidum in poculum stanneum affundatur, & addatur Cinamomi minutissimè confracti ℥. ss. quàm diligenter cooperito, & recto poculo relinquatur, donec per se refrigeratum fuerit. De hoc decocto bibat æger ad libi-

Bibl. Chirurg. Tom. II.

tum, & quidem dum dolor est ingens & magnus per se, præcipue si fuerit juvenis, senes verò quamprimum febris, dolores, inflammationesque remiserint, & vulnus ad optimam digestionem pervenerit, aliquid vini admiscere poterunt. Sitis verò, si ingens & maxima fuerit, ad ea, quæ magis refrigerant, & fervorem humoris biliosi effrenant, transcendendum est, de quibus postea capite 16.

Porro quum morbus in suo vigore consistit, maximique dolores adsunt, diligenter prospiciendum est, ne nimis gravetur corpus cibis, ubi enim morbus peracutus est, statim extremos habet labores, & extremè tenuissimo victu utendum est, inquit Hippocrates lib. 1. aphor. 7. *Melius enim est, addit Galenus in commentario, naturam permittere vacare circa morbi coctionem, quam distrabere ipsam ad cibos recentè assumptos conficiendos.* Nutriatur itaque æger, quamdiu dolores fuerint acerbissimi, tantum jusculis ex prædictis herbis paratis, cremore hordei, & avenæ decorticatæ, panatellis, & eis, quæ facilè concoquuntur. Si æger juvenis, robustus, & nondum à morbo absumptus fuerit, imperetur ipsi inedia, juxta illud Hippocr. *extremis morbis extrema conveniunt remedia.* Sin contrario modo omnia sese habuerint, paulò plenior ut sit victus ratio, necesse est, quo vires conservari possint.

Passiones præterea animi sunt fugiendæ, præcipue ira. In ira enim sanguis & spiritus in ipsis visceribus excalefactis, veluti cum impetu ad externas partes, & præcipue ad membrum læsum effunduntur. Humores præterea in ira & excandescencia acres & fluidiores efficiuntur; quapropter cum impetu ad vulnus ruunt, dolores reliquaque symptomata omnia adaugent. De his poterit lector videre observationes singulares in Centuriis nostris. Diligenter quoque prospicere convenit, ut alvus quotidie semel suo fungatur officio. Ex tetentis enim excrementis symptomata omnia ingravefcunt, ut capite 19. fufius dicemus. Hæc de prima intentione, victus videlicet ratione.

Cap. 14. *Quomodo in Ichore corpus à pravis humoribus sit expurgandum, quæ altera est intentio.*

Quia propter doloris vehementiam humores ad partem affectam trahuntur confluuntque, necesse est, eos per alias vias educere, & à vulnerato membro avertere. Fiet id quamprimum & statim ab initio, quum Chirurgus ad egrum convocatus fuerit, & quidem antequam vires à doloris vehementia prostrentur, nervique & ligamenta putrilagine contaminata fuerint. Evacuantur autem humores noxii per pharmaca laxativa; per venæ sectionem, cucurbitulas, Menses, hæmorrhoides, & sudorem, de quibus ordine. Et primò de purgatione, prius tamen præparato & concocto humore peccante; Concocta enim medicanda atque movenda sunt, non cruda, ut docet Hippoc. Ante omnia autem alvus si constipata fuerit, movenda est, fiet id suppositoriis, aut clystere. Si æger ab usu clysterum alienus fuerit, dentur ipsi pruna laxativa, aut sequens minorativum,

R. *Rhabarbari electi ℥j.*

Fol. Senna ℥j. s.

Flor. Tartari

Sem. Anisi an. ℥ ss.

Infundantur in aqua Cinamomi sine vino distillata, & aqua Cichorii ana q. s. Colaturæ fortiter ex-

R.

pressa

pressæ adde syrûpi rosati solutivi simplicis ℥j. Misce; fiat potio. Sic purgatis primis viis præparetur humor peccans sequenti apozemate.

R. Rad. Cichorii,

Polypodii

Lapatii acuti

Corticum interiorum

Rad. Frangula

Asparagi an. ℥j.

Fol. & Flor. Betonica

Primula Veris,

Scabiosa

Agrimonia

Veronica

Acetosa, an. Mj.

Trium florum cordialium &

Genista Hisp. an. p. i.

Sem. Anisi & fœniculi an. ℥ij.

Liquiritia mundata

Uvarum passularum exacinarum an. ℥j.

Coquantur in s. q. aquæ ad consumptionem tertiæ partis. De hoc apozemate accipiet æger semel aut bis in die ad uncias tres, quibus admisce unciam syrûpi de succo acetosæ, citronum, granatorum, aut berberorum. Vel detur sequens Julepus.

R. Aq. Cichorii

Acetosa

Endivia

Primula veris

Iva arthetica an. ℥j.

Syrûpi de succo citronum & acetosa ana ℥j.

Syrûpi de succo berberorum ℥℥.

Misce, fiat Julapium pro tribus dosib.

Sic preparatis humoribus

Accipe de prædicto apozemate ℥iiij.

Foliorum senna ℥ij.

Seminis anisi ℥j.

Coquantur ut colatura redeat ad uncias duas, in quibus infunde:

Rhabbari electi ℥j.

Cinamomi optimi &

Florum tartari an. ℥j.

Maneant in infusione per noctem, & quidem in loco tepido, facta expressione fortissima admisce elect. de succo rosarum ℥j.

Syrûpi de Cichorio cum rhabarb. ℥℥.

Misce, fiat potio, detur in aurora cum custodia. Aut detur in forma boli, sequenti modo.

R. Pulveris de hermodactylis

Pulv. senna Brassavoli an. ℥ij.

Electuarii de succo rosarum ℥j. s. cum suff. q. Syr. de Cichorio cum Rhabarb. fiat bolus, involvendus saccharo. Solus quoque pulvis de hermodactylis mirificè confert in Meliceria affectibusque articularum, sive cum syrûpo de Cichorio aut rosarum in forma boli, sive cum liquore aliquo convenienti exhibitus. Ego sequenti modo ipsum præparare soleo.

R. Hermodactylorum

Turbihi ana ℥vj.

Diagridii & florum tartari

Foliorum senna mundat. an. ℥ij.

Zinziberis

Cinamomi

Masticis an. ℥j.

Sacchari ℥vj.

Misceantur fiatque s. a. pulvis tenuissimus, cujus dosis est à ℥j. ad ℥j. & s.

Sic purgato corpore reiteretur apozema per dies aliquot: iterumque expurgetur corpus, si opus

fuerit. Frequenter autem propter ingentes dolores, quibus corpus ægri & præsens atque futurum peticulum, quo animus extorquetur, etiam flava bilis in atram convertitur. Hanc ob causam quæ humorem atrabilarium respiciunt, præscriptis admiscere convenit; sunt illa veluti fumaria, Tamariscus, scolopendrium, lingua cervina, herbæ capillares, cortic. capparorum, summitates lupuli, cuscuta, epithymum, Syrupus de fumaria, de polypodio, syr. de pomis, capilli veneris, de bizantiis, conf. Hamech. Electuar. diacatholici, pilul. item de fumaria, de lapide lazuli, aggregativarum, de hermodactylis, Extractum quoque Esulæ arborescentis, Ellebori nigri, & hujusmodi infinita alia conveniunt.

Phlebotomia & cucurbitulæ hirudinumque applicatio conducibilis, cum ad revulsionem & derivationem, tum ad humoris peccantis evacuationem, præsertim si affluxus sanguinis ad articulum vulneratum magnus fuerit. Venæ sectionem enim, ut docent celeberrimi Medici, præscribimus, ut morborum incrementum impediamus, inflammationes vitemus, meatum aperiamus, transpirationem liberam reddamus, peccantem materiam minuamus, corpusque refrigeremus. Illa autem vena secanda est, ut Galenus docet, quæ ab ipsa affecta particula sanguinem celeriter avertat, inprimis si præter affectum externum interna inflammatio quoque adfuerit. Rectitudo autem fibrarum in venæ sectione observanda; quapropter si affectus in brachio aut manu fuerit, vena in poplite, aut pede, ejusdem lateris, secanda est, sin pes aut genu vulneratum, venam in cubito secamus; sanguis autem secundum magnitudinem morbi & virium tolerantiam extrahendus est, ubi necesse, ut Chirurgus Medici alicujus eruditi consilio utatur. Uti etiam in reliquis, quæ ad internas medicationes spectant. Cum enim gravissimus sit affectus, temerarius esset Chirurgus sibi metipso adeo fidere, ut Medici consilia aspernentur. Plura de venæ sectione, hic quoque scitu necessaria, videat lector in tractatu nostro de Gangræna, postrema editione in quarto.

Ulus cucurbitularum quoque in hoc affectu minimè aspernendus est. Si enim humor peccans ad partem aliquam cum impetu fluir, cucurbitulis ad alias partes commodè trahitur. De mensibus atque hæmorrhoidibus idem intelligendum est, ubi enim hujusmodi purgationes naturales supprimuntur, vulnera simul & ulcera externarum partium contumacissima efficiuntur: quemadmodum ego sæpissimè in praxi expertus sum, imò & quandoque insaniabilia evadunt. Sunt itaque, si fieri potest, provocandæ hujusmodi purgationes suppressæ. Per sudores & frictiones quoque etiam si evacuantur humores superflui, in Meliceria tamen non temerè sunt provocandi. Cum enim id fieri nequeat, nisi excalefactis visceribus, simul ac massa sanguinea incenditur acriorque sit humor biliosus, omniaque symptomata adaugentur: Quapropter in vigore morbi eos nunquam provocare ausus fui, in fine verò si symptoma aliquod remanserit, in quo sudor proficuum esse possit, audacter provocandus est, de quibus posthac.

Cap. 15. De topicis medicamentis in Ichore adhibendis, tanquam tertia intentione.

E Tiamsi curationem Meliceriæ, diversis capitibus comprehensi fuerimus, non propterea tamen mens est, præsidium unum post alterum adhibere, hoc modo enim curatio in longum tempus

tempus protraheretur, & occasio, quæ præceps est, amitteretur, uno itaque tempore præcipua præsidia simul præscribenda sunt, ut periculum quod ex mora provenire posset evitemus. Quapropter cum primum Chirurgus ad ægrum Meliceria laborantem vocatus fuerit, eodem tempore dum victus rationem præscribit, de reliquis quoque præsidiis administrandis, sollicitus ut sit, necesse est, ideoque ut humorem peccantem concoquit, evacuat & ad alias partes tam per pharmaca, quam etiam per venæ sectionem & cucurbitulas trahit: ita quoque in topicorum medicamentorum applicatione nihil prætermittet.

In usu autem horum medicamentorum hæc præcipue sunt observanda. 1. ut medicamenta, quæ vulneri ipsique parti affectæ (quamdiu dolor infestat) applicantur, omnia sint anodyna & dolorem sedantia. Dolor enim cum præcipuum & principale sit symptoma, inprimis sedandus est. 2. ut intemperiem partis affectæ corrigamus 3. ut materiam ad partem læsam cum impetu fluentem, repellamus. 4. ut confluxam evacuemus, & ulcus mundificemus. 5. ut id carne adimpleamus, tandemque cicatrice obducamus. De quibus omnibus hoccapite breviter differemus. Et primò de anodynis. Cum primum itaque ad ægrum hoc symptomate laborantem vocatus fuerit Chirurgus, vulneri sequens unguentum filamentis tepidè imponet.

R. Cera nova

Colophonie ana ʒj.

Gummi Elemi.

Terebinthina Veneta ana ʒiiij.

Ol. lumbricorum

Amygdalarum dulcium

Ol. de vitellis ovorum,

Rosarum ana ʒvj.

Misceantur lentissimo igne in sartagine, & per pannum percolentur, postea admisce pulv. lumbricorum terrestrium tenuissimi ʒij. Croci ʒj. Misceantur, reserveturque unguentum in vase vitreato. Ad uncias duas hujus unguenti admisce vitellum unius ovi, & magis fiet anodynum. Deinde Emplastro basilicone tege vulnus, toti verò membro malè affecto sequens cataplasma anodynum applica.

R. Farina hordei

Fabarum an. ʒiiij.

Pulv. florum chamomilla, betonica, Iva arthetica.

Meliloti

Rosarum an. ʒ. ʒ.

Croci ʒ. ʒ.

Coquantur cum lacte recens emulcto ad formam cataplasmatum, tum admisce

Vitellos ovorum numero duos

Ol. rosacei &

Butyri recentis an. ʒj. ʒ. Misce & applica calidè. Aut

R. Mica panis albi ʒvj.

Pulveris florum betonica

Rosarum

Iva arthetica an. ʒiiij.

Pulv. fœnigraci

Seminis cydoniorum, anethi;

Et Meliloti an. ʒij.

Pulveris lumbricorum exsiccatorum ʒ. ʒ.

Croci ʒij.

Butyri recentis & ol. lumbricorum

Ol. rosarum ʒj.

Cum lacte vaccino aut caprino recens emulcto fiat cataplasma, addendo vitellos ovorum numero duos, applicetur calidè. In maximis & ingentibus

Bibl. Chirurg. Tom. II.

doloribus Ichoris & Melicerie sequenti sacculo aliquando cum fructu ulus sum.

R. Radicum althea

malva an. ʒj.

Foliorum althea

Florum chamomilla

Meliloti

Sambuci

Hypericonis

Iva arthetica

Rosarum rubearum

Lumbricorum recentium an. Mj.

Foliorum malva M. f.

Seminis anethi ʒj.

Lini &

Fœnigraci an. ʒ. ʒ.

Incidantur & contundantur omnia grosso modo; pro sacculis ejus magnitudinis, ut totam partem affectam cooperire queant. Coquantur in aqua, vel, si dolor ingens fuerit, in lacte vaccino, applicentur calidè, & iterentur quotiescunque necesse esse videbitur. Ante applicationem autem cataplasmatum aut sacculi, totum membrum oleo lumbricorum & rosarum inungendum est. Aut

R. Ol. rosacei ʒj.

Ol. lumbricorum

Amygdalarum dulcium

De vitellis ovorum

Pinguedinis humanae an. ʒ. ʒ.

Misce fiat linimentum, quo repide inungatur pars affecta. Quod si inflammatio aliqua ingens partem affectam infestaverit, olea & pingua non temere sunt applicanda, inflammationibus enim suar adversissima easque adaugent, herpes & exulcerationes excitant, ut testatur Galenus de simplic. Medicamentorum facultatibus lib. 2. cap. 21.

Ad intemperiem itaque calidam corrigendam præter universalia sequens applica cataplasma;

R. Farina hordei ʒiiij.

Pulveris florum & foliorum betonica

Rosarum rubearum

Myrtilorum

Balaustriorum an. ʒij.

Cum decocto betonica, Iva arthetica & rosarum fiat cataplasma, addendo sub finem vitellos ovorum numero duos, applicetur calidè, aut preparetur cataplasma ex mica panis hoc modo:

R. Mica panis albi lb. ʒ.

Pulveris rosarum

Myrtilorum

Balaustriorum an. ʒij.

Seminis cydoniorum

Fœnigraci

Anethi &

Meliloti an. ʒj.

Pulv. lumbricorum exsiccatorum ʒ. ʒ.

Croci ʒj.

Cum aqua betonica & lactuca, vel harum herbarum decocto, fiat cataplasma, applicetur calidè. Si adfuerit herpes miliaris, uti sapissimè fit in maximis inflammationibus, & post intempestivum usum olei, & pinguedinum, poterunt pustulae inungi unguento albo Rasis cum camphora. Aut

R. Seminis cydoniorum subtilissime pulveris

ii. ʒj. ʒ.

Aqua rosarum

Plantaginis an. ʒij.

Aqua betonica ʒiiij.

Corni cervi usi & preparati

Cerussa lota

R. 2

Tapidis

Lapidis calaminaris ℥ij.

Misce, fiat instar collyrii, quod linteis eo intinctis pustulis calidè applicetur, & reiteretur ter aut quater in die, ne exsiccatis pannis præter modum incallescant & maiorem copiam humorum ad se trahant. Interim medicamenta, quæ ipsi vulneri imponuntur: quæque superius à nobis præscripta fuere, uti est unguentum ex cera, colophonia, gummi Elemi &c. Item emplastrum Basiliconis, mutanda non sunt, usque dum dolor omninò remiserit, & vulnus quàm optimè digestum fuerit, sed de his posthac prolixius.

Tertiò in usu topicorum observandum est, ut materiam, quæ ex corpore ad partem læsam fluit, aut potius doloris vehementia trahitur, in aliam partem repellamus. A patiente autem loco, inquit Galenus in arte medicinali cap. 19. astringendo atque refrigerando humores affluentes repellemus. Repellentia autem sunt vel frigida & humida, vel frigida & sicca; frigida & humida aqueæ substantiæ sunt succi, & aqueæ destillatæ, veluti

Lactuca, succus granatorum

Portulacæ

Sempervivi

Solani

Plantaginis

Rosarum

Equiseti

Acetum, aqua frigida simplex

Albumen ovi, & infinita alia.

Frigida verò & sicca terreæ substantiæ sunt, veluti

Terra sigillata

Bolus armenus

Sanguis draconis

Balaustria

Nuces cupressi

Cortices granatorum

Rad. Bistortæ

Tormentilla

Tutia

Alumem, & similia. Ex quibus varia ac diversa componuntur medicamenta, hodie à practicis Defensiva appellata.

Non autem ipsi vulneri applicanda sunt repellentia, aut defensiva, sed regioni suprapositæ ulceri, testatur id quoque Galenus de compos. medic. secundum genera lib. 2. Ulceribus enim sunt inimicissima; primò quia frigida, quandoquidem ulceribus frigiditas mordax, & dolorem facit, inquit Hippocrates. Frigus præterea condensat contrahitque cutem, quæ in melicetia emollienda atque relaxanda est. Quapropter si vulnus in pede fuerit, totum pedem quidem & tibiam oleo rosaceo & lumbricorum inunges, defensivum verò ad popliteum applicabis. Sin genu vulneratum, ad inguen usque crus prædictis oleis inungendum, sed defensivum in medio ferè inter genu & coxam applicandum. Idem etiam de digitis, earpo, cubito, & humero intelligendum est. Applicetur itaque sequens defensivum.

R. Boli Armeni ℥iiij.

Terra sigillata ℥ij.

Cornu cervi usti, &

Rasura eboris an. ℥ij.

Caphura ℥iiij.

Cera ℥iiij.

Ol. Rosacei lbj.

Aceti ℥iiij.

Aq. Rosar. ℥ij.

Album ovorum numero 2.

Misce, fiat unguentum, quod diu servari potest.

Ego sequenti frequenter utor, parabilius est, & minoris pretii, efficax tamen.

R. Farina hordei ℥iiij.

Boli Armeni albi ℥iij.

Corticum granatorum

Pulv. Rosarum

Balaustiorum

Rad. Bistortæ an. ℥ij.

Cum posca fiat defensivum in forma cataplasmatum, applicetur tepide. In castris si prædicta medicamenta in promptu non fuerint, Expressus succus sempervivi, portulacæ, plantaginis, foliorum salicis quercici, lactucæ, & similia, aut eorum decocta summo perè conveniunt, si parum aceti, & albumen ovi admixtum fuerit. Linteum autem reduplicatum prædictis succis intingatur, & tepide applicetur. Si affluxus humorum maximus, æger juvenis & robustus, quinetiam corpus probè expurgatum fuerit, in decocto prædictarum herbarum, vel earum succo aut aqua destillata & acetò, fasciam intingere, & membrum ad truncum corporis ferè involvere soleo. Hoc enim modo affluxus humorum quàm maximè impeditur. Vulnus tamen ipsaque pars affecta unguentis, emplastris, cataplasmate diligenter munienda atque involvenda est, ne humiditas fasciæ vulnus aut ipsius circumferentiam attingat. Acetum enim omniaque frigida hujusmodi vulneribus adversissima esse, antea ostensum fuit. Interim autem dum circa repellentia occupati sumus, corpus, etiam si ab initio expurgatum fuerit, alvus tamen ut quotidie respondeat, necesse est. Virium præterea diligenter habenda est ratio: Si enim imbecillis, senex aut decrepitus fuerit æger, in usu repellentium prospiciendum est, ne modus excedatur, neve calor natus intempestivo usu refrigerantium ita labefactetur, ut ex vulnere sequatur ulcus malignum & incurabile. Quapropter prædictis, calida nonnunquam, præcipuè si humor, qui affluit, ex parte pituitosus fuerit, addamus hoc modo.

R. Farina hordei

Lupinorum ana ℥ij.

Pulv. rosarum rubearum.

Absinthii

Scordii an. ℥ij.

Radicum torment. &

Bistortæ an. ℥ij.

Salis marini ℥ij. cum decocto betonicæ; salviæ, parumque aceti, fiat cataplasma. Cum primum affluxus humorum remiserit, ab usu repellentium desistendum est, quo calor natus liberè affluere, digestionemque ulceris ac curationem promovere possit.

Quartò in usu medicamentorum localium observandum est, ut omnia eò dirigantur, quo materia præter naturam post usum repellentium in ipsa parte affecta relicta, collecta, & impacta, evacuari possit. Idque duobus efficitur modis. Primò medicamentis vulneri impositis, quæ non tantum mundificant, verum etiam proprietate quadam specifica, materiam circa articulum partesque nervosas collectam, attrahunt, & sensibiliter, ut vocant Medici, evacuant. At secundò, quæ materiam circa vulnus impactam resolvunt, in halitum convertunt, & insensibiliter per poros evacuant. De illis primò, de reliquis postea. Hæc tamen simul eodemque tempore applicantur remedia. Illa videlicet vulneri imponuntur, hæc verò toti membro malè affecto applicantur, sive id in forma cataplasmatum, sive fons &c. fuerit. Diligenter tamen prospicere convenit, ne præposterè, sed decenter & opportunè id fiat. Quapropter in memoriam

moriā revocanda sunt ea, quæ capite 8. monuimus, videlicet vulnera non minus ac morbi interni, sua quoque habere tempora, principium nimirum, augmentum, Statum & declinationem. Circa finem itaque Status abstergentia & mundificantia sunt admovenda, hoc est, non amplius affluentibus humoribus, sedato item dolore & quā exquisitissimè digesto vulnere, reliquisque remissis symptomatibus pravis, febre nimirum, vigiliis, inquietudinibus, nausea & similibus, antea commemoratis. Abstergentia autem & mundificantia sunt calida, & plerumque amara & nonnihil actia, quapropter in vulneribus ac ulceribus sordes potenter ad se trahunt, expurgantque.

Ne tamen dolores excitent, semper aliquid quod dolorem lenit, uti est crocus, Ol. de vitellis ovorum, & huiusmodi addendum est. Johannes de Vigo, Chirurgus longè celeberrimus, sequens mundificativum præcibit in vulneribus capitis, quo etiam in vulneribus articulorum maximo cum fructu utitur.

R. *Terebinthina clara* ℥ij.

Mellis rosati

Succi Apii ℥ss.

Bulliant simul parum. Deinde addatur vitellum unius ovi, farinæ hordei bene cribellatæ ℥ss. croci parum. Et si in prædicta formula, inquit Vigo, adderentur Mirrhæ ℥ij. & tantundem Aloes hepaticæ, parumque sarcocollæ, esset huiusmodi vulneris optimum incarnativum. Legendum autem esse existimo, drachmæ duæ Mirrhæ, & tantundem Aloes, non uncia, alioquin Mirrha, & Aloes pondus reliquorum omnium excederent, nec sufficerent terebinthina & mel Rosarum, ut medicamentum consistentiam acquireret requisitam. Si præter modum sordidum fuerit ulcus, ex usu esse poterit mundificativum nostrum de succo Apii, cujus sequens est præparatio.

R. *Succi Apii*

Scordii

Arnoglossæ majoris

Ruta an. ℥iiij.

Mellis rosati ℥j.

Coquantur ad consistentiam Syrupi, tum admisce farinæ lupinorum

Pulv. radic. Aristoloch. rotunda

Angelica

Pincetoxici

Theriaces an. ℥ss.

Aqua vita ℥j.

Misce, fiat unguentum, quod servetur in vase vitreo. Applicetur per se, vel Unguento anodyno, ab initio hujus capitis descripto, mixtum.

Pulvis præcipitatus, diligenter præparatus & rectificatus præstantissimum esse Medicamentum in vulneribus Articulorum, sæpissimè expertus sum, non solum enim mundificat, verum etiam materiam viscosam & circa partes nervosas collectam, specifica quadam facultate ex profundo ad præcavendum dolorem ad se trahit, clementer tamen & sine dolore. Materiam præterea Ichorosam & subtilem inspissat, tandemque carnem laudabilem procreat, & ita quidem ut frequenter eo ad finem usque curationis usus fuerim. Non autem ab initio inspergendus est pulvis, sed circa finem status morbi, quemadmodum de reliquis mundificativis paulò ante quoque monui. Poterit autem pulvis ille aut per se inspergi, aut aliis medicamentis permisceri hunc in modum.

R. Unguenti ex cera, colophonia, gummi Elemi, &c. ab initio hujus capitis descripti, unciam i. pulveris præcipitati ℥ss. Misce & ulceri filamentis impone.

Bibl. Chirurg. Tom. II.

Atque hæc de iis, quæ materiam circa articulum collectam sensibilibiter evacuant, sequitur nunc de reliquis.

Interim autem dum huiusmodi mundificativa & viscosam materiam ex profundo attrahentia ulceri imponuntur, Cataplasmata quoque & sacculi, qui dolores leniunt, nervos roborant, materiamque circa partes nervosas collectam resolvunt, applicare licet. Ubi sequens cataplasma convenit.

R. *Farina fabarum*

Lentium an. ℥iiij.

Pul. rosarum

Camomilla

Absinthii

Baccarum lauri

Foliorum & florum salvia

Primula veris

Iva arthetica

Sem. Anisi an. ℥iiij.

Pul. lumbricorum ℥j.

Fimi caprini pulverisati ℥ss.

Cum decocto betonicæ, Iva Arthetica & florum Camomillæ q. s. fiat Cataplasma, sub finem adde olei rosati & lumbricorum an. ℥ss. applicetur calidè. Ani fiat sequens sacculus.

R. *Fol. & flor. betonica*

Salvia

Rosmarini

Iva Arthetica

Primula veris

Origani

Hyperici an. M. ss.

Flor. Camomilla

Meliloti

Sambuci an. M. j.

Sem. Anisi

Fœniculi

Carvi an. ℥j.

Incidantur & contundantur omnia grosso modo pro sacculis ejus magnitudinis, ut partem affectam cooperire possint. Coquantur in aqua fontis & applicentur calidè, prius tamen testò vulnere emplastro aliquo appropriato, veluti est emplastrum de Ranis sine Mercurio, aut Emplastrum Diapalmii, vel (quo ego utor) Emplastrum Slotani, cujus descriptionem postea adscribam.

Antequam autem Cataplasma aut sacculus applicetur, totum membrum malè affectum inungendum est oleis, quæ nervos corroborant & materiam impactam resolvunt, qualia sunt ol. & succus lumbricorum, ol. vulpini, ol. betonicæ, de Ranis, ol. ex floribus Slotani, & huiusmodi. Si durities aliqua insignis circa nervos adfuerit, addatur pinguedo humana, caponis, Ursi, felis, ungu. de althea, ol. liliorum alborum, ol. amygdalarum dulcium, & similia, de quibus sequenti capite fusiùs.

Sic satis mundificato ulcere carne implendum, & cicatrice obducendum est. Etsi autem generatio carnis opus sit naturæ, Chirurgus tamen sua industria aufert ea, quæ naturam in suis actionibus impediunt retardantque. Sarcotica autem, inquit Galenus, detergendi vim, sed sine erosione possident. Prospiciendum tamen, ne eorum vis detergendi & siccandi primum gradum excedat, alioquin excitaretur dolor, & de novo suboriretur affluxus humorum, & inflammatio. Ego, uti antea dixi, sæpissimè ad finem curationis pulvere præcipitato, diligenter præparato & rectificato, ad finem curationis usus fui, diversas enim facultates in se continere pulverem istum sæpissimè expertus sum, dum sordidum ulcus mun-

dificat primò, deinde quoque carne implet. Unguento quoque anodyno, ab initio hujus capitis descripto, frequenter usque ad finem curationis usus sum, aut per se, aut paucò pulvere præcipitato admixto. Nonnunquam quoque ad unciam unam prædicti unguenti, myrrhæ & sarcocollæ an. ʒj. admisceo, & addo vitellum ovi, estque sarcoticum optimum; egregiè quoque hujusmodi ulcera, ex meliceria relicta incarnantur, plenissimeque consolidantur balsama, tum naturalia tum etiam artificialia, de quibus superius capite octavo satis dictum fuit. Plura qui videre voluerit, legat Galenum, Aëtium, Guidonem, Vigonem, Hollerium & alios. Ego enim nihil præter ea quibus cum successu usus fui, hîc in medium proferre constitui.

Cicatricem generat natura per se, nisi humiditas ulceris obfuerit. Tollatur itaque eis, quæ insigniter exsiccant, sine mordicatione tamen. Hujusmodi sunt Alumen ustum per se, aut cerussa lota, calx decies lota, lapis calaminaris, litargyrium, plumbum ustum, cornu cervi ustum, tutia, corallis præparatis, & similibus mixtum, & ulceri inspersum. Inter unguenta conveniunt ung. album Rhasis, camphoratum, unguentum pompholigos, unguentum de minio, unguentum de cerussa coctum, & diapalma; sequens quoque aqua insigniter exsiccatur, & cicatricem inducit, præcipuè si intemperies aliqua calida partem læsam occupaverit.

R. Aq. *Plantaginis*

Rosarum

Cauda equina an. ʒij.

Tutia preparata, calcis decies lota

Cornu cerviusti & præparati

Lapidis calaminaris an. ʒj.

Misceantur in mortario & linteis reduplicatis, & in ea madefactis applicetur tepidè.

Qui in castris, medicamentis destituti, degunt, sequenti decocto uti poterunt.

R. Fol. & Rad. *Plantaginis*,

Fol. Salicis, Quercus

Pruni silvestris

Cauda equina an. Mj.

Incidantur in minutissimas partes, & cum lbij. aquæ coquantur ad consumptionem tertiæ partis, applicetur tepidè linteis eo madefactis.

Cap. 16. *De symptomatibus Ichoris & Meliceria corrigendis, & primò de Febri.*

Meliceria cum affectus sit adeò gravis, ut plerumque symptomata plus negotii facessant Medico, quàm morbus ipse, operæ pretium esse duxi, si de eorum curatione in gratiam tyronum & præcipuè eorum, qui in locis à Medicis remotis vivunt, aliquid hîc annecterem. Inter symptomata autem nonnulla sunt acuta, reliqua minus acuta & veluti Chronica, & morbum ipsum comitantur, & subsequuntur. Comitantur morbum dolor ingens, inflammatio, febris, vigiliæ, lipothymia, constipatio alvi, aut ipsius relaxatio immodica, ardor urinæ, & cacochymia. Externa sunt, veluti fungus ex læso articulo erumpens, atrophia totius corporis, vel partis læsæ, retractio nervorum, ulcera sordida, vel etiam cum carie ossis, labefactatio & imbecillitas partis affectæ, de quibus omnibus ordine & succinctè dicam, & primò de febre, dolor enim quomodo sedandus & inflammationes compescendæ sint, capite undecimo & decimo quinto ostensum fuit. Accidit febris præcipuè propter vehementiam atque diuturni-

nitatem doloris, propter vigilias item, & quæ dolorem sequuntur, inquietudines, quibus de causis paulatim spiritus & humores circa cor incalescunt, intemperiemque calidam & præternaturalem in universo corpore, mediantibus arteriis & venis, excitant. Ex his faciliè videre est, quomodo febre sit occurrendum, nimirum si causa ipsius tollatur & dolor sedetur. Sed ut decenti ordine fiant omnia, victus illa ratio capite 13. præscripta, exactè observanda est, corpus quoniam etiam à pravis humoribus expurgandum, & si plethora adfuerit, venam secare licet, de quibus quia capite 14. satis superque dictum fuit, ne actum agam, nihil hîc addam. A vino, uti in præcedentibus sæpius monuimus, abstinere æger, & bibat pro potu ordinario lac amygdalarum, aut decoctum Agrimonie & Veronicæ, Saccharo & Cinamomo aromatizato, sequenti quoque Julepio ardor febrilis arcetur:

R. *Aqua boraginis*

Buglossa

Acetosa ana ʒij.

Syrupi de succo Citronum, &

Granatorum ana ʒj.

Misceantur pro duabus dosibus, addendo spiritum Vitrioli guttul. duodecim; in castris loco prædictarum aquarum.

Accipe Agrimonie

Veronica

Acetosa an. Mj.

Florum boraginis &

Buglossa, si haberi poterunt, ana p. j.

Mellis ʒj.

Coquantur in libris VI. aquæ ad consumptionem tertiæ partis, Colaturæ adde succi berberorum ad saporis aciditatem. De hoc Julapio sumat æger bis terve in die. Quod si tussis aut angustia pectoris adfuerint, acidis abstinendum est, præcipuè à spiritu vitrioli, bibat itaque lac amygdalarum, aut sequens decoctum.

R. *Agrimonie*

Veronica ana Mß.

Flor. scabiosæ &

Tussilaginis ana p. j.

Liquiritia ʒiiij.

Mellis despumati ʒj.

Coquantur in lb. 6. aquæ fontanæ ad consumptionem tertiæ partis. Colatura aromatizetur drachmis tribus Cinamomi contusi. Carpis applicetur sequens epithema.

R. *Aqua buglossa*

Boraginis.

Melissa

Rosarum ana ʒj.

Aceti rosacei ʒjß.

Specierum diatrion santali, ʒj.

Caphuræ ʒj. Misce; & linteis reduplicatis & madefactis applica. In castris accipe buglossam, boraginem, portulacam, lactucam & hujusmodi herbas refrigerantes, ex quibus prius cum aceto contusis, succum extrahe, & loco prædicti epithematis carpis applica.

Regio hepatis & renum inungenda est sequenti linimento.

R. Ol. *Nymphae,*

Rosarum ana. ʒj.

Cerati sandalini ʒjß.

Caphura dissol. in aceto rosac. ʒß.

Misce.

Cap. 17. De vigiliis & capitis dolore.

Solent quoque ægri capitis dolore, & vigiliis torqueri, propter maximum enim æstum febrilem, vapores, qui ad caput ascendunt, membranas cerebri vellicant, dolores excitant, & somnum maximo ægri cum damno impediunt. Vigiliæ enim, ut testatur Hippocrates, si modum exceſſerint, malum. Quandoquidem intempestivæ vigiliæ concoctionem impediunt, cerebrum siccant, mentem & ingenium perturbant, & debilitant, nativum calorem humidumque radicalem consumunt, & nonnunquam morbos peracutos veluti delirium, phrenesin, mortem quin etiam inducunt. Quapropter summo studio in hoc laborandum est, ut causæ vigiliarum quamprimum tollantur. Ablata enim causa, tollitur etiam affectus, sunt autem illæ inprimis dolor, uti etiam ardor febrilis & acrimonia vaporum. Dolor quomodo sedandus, & æstus febrilis arcendus, antea satis dictum fuit, sequitur nunc quomodo vapores benigniores & mansuetiores reddantur, & deorsum trahantur. Fiet id tam internis quàm externis præſidiis. Internis veluti victus ratione & purgatione humoris peccantis, de quibus in præcedentibus. Vapores præterea benigniores reddunt & incrassant, somnumque clementer provocant sequentia.

R. *Aqua lactuca*

Et portulacæ ana ʒj.

Syrupi papaveris ʒ.

Syrupi de succo acetosæ ʒss.

Specierum Diamargar. frigidæ ʒj.

Misce, fiat potio, detur per duas horas post Cœnam. Aut

R. *Aqua Nymphae*

Cichorii ana ʒj.

Laudani grana tria

Conf. Alkermes ʒj.

Syrupi papaveris Erratici ʒss.

Misce, fiat potiuncula, detur ut dictum. Acrimoniam quoque humoris peccantis obrundunt & somnum conciliant lac amygdalarum & emulsiones ex seminibus frigidis addito sem. papaveris albi. Item sequens Electuarium

R. *Conserva flor. Nymphae*

Buglossæ, Boraginis, violarum an. ʒj.

Seminis papaveris albi

Portulacæ an. ʒss.

Diamargariti frigidæ ʒ.

Confect. Alkermes an. ʒj.

Margar. præparatarum ʒj.

Misceantur & cum s. q. Syrupi de papavere, fiat s. a. Electuarium quo æger sæpè utatur ad castaneæ magnitudinem, & superbibat de suo decocto ex agrimonia & Veronica vel lacte amygdalarum. Enematis præterea & suppositoriis vapores qui ad caput ascendunt, deorsum trahendi sunt, ubi sequens Clyster convenit.

R. *Foliorum Malva*

Beta

Lactuca

Helxines ana M. i.

Hordei mundati ʒij.

Sem. anethi ʒ.

Anisi

Fœni graci an. ʒij.

Coquantur in s. q. aquæ ad consumptionem tertiæ partis in lb. i. colaturæ dissolve.

Elect. Diacathartici ʒj.

Vitellos ovorum numero duos

Salis ʒij. Olei violarum ʒij.

Misce, & fiat Enema. In castris ubi Elect. Diacatholiconis in promptu non est, augetur dosis salis, loco quoque Ol. violarum butyrum recens substituitur. Suppositoria fiant ex melle cocto cum sale aut sapone. Hæc de internis. Si internis istis præſidiis dolor capitis & vigiliæ non remiserint, externa quoque sunt adhibenda, inter quæ venæ sectio, cucurbitulæ & sanguisugæ numerantur. Quapropter si vires permiserint, & plethora adfuerit, secunda est vena, hæmorrhoides & menses si præter naturam suppressi fuerint, provocandi. Scapulis & applicentur cucurbitulæ primò siccæ, ut vocant, deinde etiam cum scarificatione. Ne id tamen fiat in Laconico prospiciendum est. Ad divertendam materiam ad caput ascendentem adhibent nonnulli frictiones, sed malè meo quidem iudicio. Sanguis enim & humores, ex frictionibus magis magisque incalescunt, & aciores redduntur. His si dolor capitis non remiserit, inungenda sunt tempora & frons, Oleo Rosaceo. Aut

R. *Unguenti populeonis*

Olei rosacei ana ʒss.

Opii dissoluti in aceto gran. iij. Misce.

Cap. 18. De Lipothymia.

Accidit lipothymia sive deliquium animi in Ichore & Meliceria, propter doloris vehementiam atque diuturnitatem: propter vigilias item & inquietudines. Hæc enim & spiritus vitales, humidumque innatum absumunt, facultatemque cordis prosternunt. Accidit & nonnunquam lipothymia propter vaporem aliquem malignum & putridum ex parte affecta per arterias ad cor ascendentem facultatemque vitalem labefactantem, vidi id in multis, præcipuè juvene quodam Bernensi, Filio Dn. Matthæi Keller, cujus mentio facta fuit capite septimo.

Curationem quod attinet in primis instituenda est victus ratio ex cibis euchymis & plurimum nutritivis, uti sunt juscula ex vitellis ovorum, cum paucis vini albi & generosi, nisi febris vehemens fuerit. Item dentur juscula carniū recentium, caponum, gallinarum, & pullorum, cum quibus coquantur flores buglossæ, boraginis aut calendulæ, Cinamomum, Macis & hujusmodi. Si propter Cachymiam totius, vapores putridi ad cor ascenderint, clementer expurgandum est corpus, quibus remediis id fieri debeat, in præcedentibus satis superque dictum fuit. Exhibenda quoque sunt medicamenta quæ cor partemque nobiles roborant, & à malignis vaporibus defendunt, qualia sunt lapis Bezoar, cornu cervi usti & præparati, coralli & margaritæ, confectio Alkermes, de hyacintho, Theriaca, Mithridarium, aqua Cinamomi & similia. Aut pareretur sequens potiuncula, de qua exhibetur frequenter ex cochleari.

R. *Aqua buglossæ*

Melissæ

Rosarum an. ʒj.

Aq. Cinamomi sine vino distillatæ ʒss.

Confect. Alkermes ʒij.

Cornu cervi usti & præparati ʒj.

Syrupi papaveris Erratici, (mirum enim in modum vitales spiritus recreat.)

Syrupi de succo citronum ana ʒj.

Misce, fiat potio. Carpis sequens applicetur Epithema.

Rr 4

R. *Aqua-*

R. *Aquarum Calendula.*

Boraginis

Melissa

Rosarum an. ʒiʒ.

Aceti rosacei, &

Vini Malvatici an. ʒj.

Spec. Diarrion santal.

Diamargariti frigidi an. ʒʒ.

Caphura &

Croci an. ʒʒ.

Misce, fiat Epithema.

Libentius enim Epithemata carpis quam regioni cordis applico. Quandoquidem facultas medicamenti carpis applicati, facilius per arterias ad cor pervenit, quam si regioni cordis, ubi vasa satis sunt exigua, admotum fuerit. Deinde frequenter ex incuria adstantium linteamina Epithemate madefacta refrigescunt, maximo cum damno ægti: præsertim in peste, aliisque morbis venenosis. Frigus enim illud externum præterquam quod pectori adversissimum, etiam materiam acrem, & vapores malignos, ad perspirationem paratos, retrorsum pellit, fontemque caloris facultatisque vitalis destruit. Labia quoque, nares, & tempora eodem Epithemate fricentur. In maximis præterea & frequentibus vitalium spirituum labefactionibus, Regioni cordis & ventriculi sequens Emplastrum applicari poterit.

R. *Mica panis triticej ʒiij.*

Pistaciarum &

Amygdalarum dulcium an. ʒj.

Specierum Lenificantis Galeni

Et diamoschi dulcis an. ʒij.

Croci ʒj.

Misceantur, & probè pistentur in mortario, addendo aquæ Cinamomi & aquæ rosarum ʒj. jusculi caponis q. s. fiat pasta, quæ extendatur super alutam & applicetur tepidè.

Qui in castris artem exercent, & medicamentis destituti sunt, Æstatis tempore sequens Epithema præparare poterunt.

R. *Foliorum & Florum boraginis*

Buglosa

Melissa ana quantum volueris. Incidantur & pistentur, addendo parum aceti & aquæ rosaceæ, si in promptu est. Exprimantur validè, Colaturæ adde parum Cinamomi & nonnihil croci. Applicetur tepidè carpis.

Cap. 19. De Alvi constipatione.

Alvus constipatur in ichore & Meliceria laborantibus, tum propter diuturnum decubitus in dorso, & æstum febrilem, tum etiam propter facultatis expultricis imbecillitatem, quæ sæpius in hujusmodi ægris concurrere solebant. Propter decubitus enim & calorem maximum febrilem non solum excrementa exsiccantur, verum etiam facultas expultrix ita labefactatur, ut suo officio fungi non possit. Porro cum ex hujusmodi constipatione alvi reliqua symptomata, veluti febris, dolor capitis, vigiliæ, delirium, nausea, cibi fastidium, & hujusmodi, mirum in modum exacerbantur, propterea quod viscera, hepar inprimis, & sanguis in ipsis venis incalescit, & proinde vapores ex infimo ventre sursum elewantur, partesque nobiles feriunt, videat Chirurgus, ut alvus sit lubrica, conveniunt itaque juscula, in quibus spinachia, atriplex, beta, folia rhabarbari monachorum, mercurialis, & similia coxerint, quibus butyrum recens, & sal q. s. addantur. Aut accipe pruna Damascena nu-

mero sex, coquantur in aqua admixto saccharo ad libitum ægti, inter coquendum adde foliorum sennæ in linteo mundo ligarum drachmam unam, cremoris tartari, & sem. anisi an. ʒj. sumantur cum jusculo suo duabus horis ante prandium. Conveniunt quoque suppositoria ex melle & sale, aut sapone Veneto, vel infundatur Enema sequens.

R. *Radicum & foliorum althea*

Malva

Violarum

Mercurialis an. M.ʒ.

Florum Chamomilla

Meliloti

Sambuci an. p. j.

Seminis anisi

Fœniculi

Lini an. ʒʒ.

Coquantur in aqua ad consumptionem tertiæ partis in ʒ. j. Colaturæ dissolve Elect. diacathol. & sacchari rubri ana ʒj.

Vitellos ovorum numero duos

Ol. Chamomill. Et

Anethini an. ʒij.

Misce, fiat enema, quod iteretur quotiescunque necesse videbitur.

In castris, ubi plerumque medicamenta omnia deficiunt, præsertim hyemali tempore,

R. *Decocti brassica subrubra ʒ. j.*

Butyri aut ejus loco axungia porcina vel Ol. nucum aut raparum ʒij.

Salis pugillum unum.

Vitellos ovorum numero duos. Hoc enemate sepius ruri maximo cum fructu usus fui. Quod si nonnulla ex supra dictis, veluti flores aut semina carminativa, in promptu fuerint, addantur quoque, & præstantius erit medicamentum. Ubique itaque locorum, imò quovis etiam tempore, Deus suppeditat medicamenta, quo urgente necessitate ægris opem ferre possimus. Sed nonnunquam instrumentum, quo infundi possit Clyster, desideratur, uti aliquando mihi contigit. Ubi tamen parvo cum negotio ex ligno sambucino, aut nuceo, mihi cannulam paravi, & vesicæ bovinæ aut porcine alligavi.

Cap. 20. De immodico alvi fluore.

Propter vehementiam symptomatum, quæ ægtos excruciare solent, inter quæ præcipuum & omnium maximum est, dolor, quemadmodum antea sæpè dictum fuit, viscera omnia, & inter alia quoque nutritioni inservientia, nonnunquam ita labefactantur, ut cibum, usque dum à calore innato & facultate concoctrice probe sit coctum, retinere non possint, sequiturque fluxus alvi immodicus, qui plerumque in Lienteriam, nonnunquam quoque in Dysenteriam periculosam transit. Propter Febris enim vehementiam, maximamque intemperiem calidam hepatis, major pars sanguinis in flavam bilem convertitur, & singularem acrimoniam acquirit. Si itaque hujusmodi bilis ad intestina decumbit, facultatem expultricem præter modum irritat, intestina quin etiam nonnunquam erodit, & dysenteriam procreat.

Si ab initio morbi, cum vires adhuc constant, fluxus alvi supervenerit, non illicò, nisi in dysenteriam transierit, sistendus est. Hoc enim modo multi humores prævi simul evacuantur, maximo cum fructu ægti. Si verò in statu, aut quovis alio tempore, cum vires propter doloris vehementiam & diu-

turni-

turnitatem sunt prostratæ, & humidum radicale à calore febrili exhaustum, supervenerit, periculò non vacat; vires enim magis magisque absumuntur; tandemque planè prosteruntur, præcipuè si febris quoque adfuerit. Digestio præterea & consolidatio vulneris retardatur, omniaque symptomata ingravescent, & ut plurimum cachexia, Icteria, vel etiam hydrops sequuntur. Diligentia itaque adhibenda est, ut fluxus ille immodicus sistatur. Fiet id si Principalis, dolor videlicet, ablatns, victus quin etiam ratio conveniens, ac reliqua omnia debito modo adhibita fuerint. Dolor quibus sedandus, capite 15. & alibi satis superque dictum fuit. In victus ratione præter ea, quæ cap. 13. tradidi, hæc sunt observanda; videlicet, si tormina & dolores intestinorum ingentes fuerint, uti fit, si fluxus alvi in Dysenteriam transit, eum sedandum esse addito jusculo butyro recenti, & oleo amygdalarum dulcium, aut pinguedine castratorum liquefacta, lumbricos terrestres, lotos & concisos, cumque carne castratorum coctos; si ægro eorundem juscula exhibita fuerint, mirum in modum dolores & tormina ventris, præcipuè dysentericorum compescere, sæpissimè expertus sum, de quibus videat lector tractatum nostrum de Dysenteria cap. 7. Poterunt quoque cum carne coqui radices tormentillæ, bistortæ vel eryngii marini. Pro potu bibat lac amygdalatum, aut ptisanam, in qua radices tormentillæ, aut bistortæ coxerint, vel

R. Agrimonia M. j.

Veronica M. β.

Rid. Bistortæ, Liquiritiæ &

Rasura cornu cervi ana ʒβ.

Coquantur in lb. 9. aquæ fontanæ, donec tertia pars sit absumpta, idque fortissimo igne & in vase aperto. Herbæ autem & radices ut sint exsiccatæ, necesse est. Recentes enim decoctum reddunt ingratum. Decoctum aromatizetur Cinamomo, in poculo stanneo, quemadmodum dictum fuit cap. 13. Post pastum utetur æger conservâ rosarum antiquâ, aut Mivâ Cidoniorum pro corroboratione ventriculi, & partium nutritioni inservientium, aut paretur sequens Electuarium.

R. Conservæ rosarum.

Consolidæ majoris ana ʒj.

Cornu cervi usti præp.

Corallorum preparatorum an. ʒj.

Tormentilla subtilissimè pulv. ʒj.

Confectionis Alkermes, mirificè enim partes omnes nobiles roborat, & vires instaurat ʒβ. Miscèantur in mortario, addendo syrupi de rosis siccis q. s. fiat conditum, de quo sumat æger frequenter ad nucis juglandis magnitudinem. Cum jusculis exhiberi poterit sequens pulvis.

R. Terra sigillata

Cornu cervi usti & preparati

Corallorum preparatorum

Radicum bistortæ ana. ʒj.

Genitale Cervi exsiccatum, & scalp pro aut lima abrasum & comminutum ʒj.

Misceantur, fiatque pulvis, de quo detur à scrupulo uno ad drachmam, vel drachmam unam & semis.

Si vires permiserint, & fluxus alvi ex materia acri ad intestina delapsa originem traxerit, expurgandus est ante omnia. Ubi sequens potiuncula ex usu esse poterit.

R. Rhabarbari Electi ʒij.

Myrobalanorum Cuirinorum ʒij.

Syrupi de Cononeis ʒj.

Aquæ Cinamomi ʒij.

Cum decocto radicum & foliorum plantaginis fiat potiuncula.

Si verò fluxus alvi ex prostratione virium, & facultatis retentricis imbecillitate fuerit, purgantia nullum habebunt locum. Dolor ventris si magnus fuerit, emulsiones seminis papaveris albi, & amygdalarum dulcium, syrupus quin etiam de papavere, Laudanum & hujusmodi conveniunt. Venter inungendus est oleo Cydoniorum, rosarum, aut Myrtillorum. Plura videat Lector in Tractatu nostro de Dysenteria.

Cap. 21. De Ardore urinæ,

EX maxima illa intemperie calida hepatis, multum humoris biliosi in hepate generari, præcedenti capite dictum fuit. Ille si per Cholodochum ad intestina defluit, fluxum alvi excitat, sin cum sero ad renes & vesicam pervenerit, ardor urinæ, sive mixtio ardens sequitur, quæ intolerabiles quandoque cruciatus, & inter mingendum præcipuè, excitat, & ita quidem, ut febris, vigiliæ, inquietudines, reliquaque symptomata omnia inde adaugeantur; summa itaque adhibenda diligentia, ut ardori isti ptotinus occurratur. Fiet id tam internis quàm externis medicamentis. Interna sunt, veluti victus ratio, evacuantia; & alterantia, de quibus ordine. In victus ratione omnia illa, quæ cap. 13. commemorata fuerunt, hîc quoque diligenter sunt observanda. Inprimis autem cremor hordei, avena decorticata. Juscula item carniū recentium, in quibus alterantia & refrigerantia, veluti acetosa, borago, buglossa, folia violarum & malvæ, portulaca, lactuca, cichorium, agrimonia, & similia cum butyro recenti) aut oleo amygdalino incoxerint, summopere conveniunt. Interea quæ ardorem urinæ leniunt, vitellum ovi, non infimum locum obtinet, quapropter jusculis admisceri convenit. A vino planè abstineat, cujus loco lac amygdalinum, ptisanam, aut decoctum betonicæ, agrimonix, veronicæ & liquiritiæ, antea capite 13. præscriptum, bibat, loco tamen mellis nonnihil syrupi de althea Fernelii admisceri poterit: serum lactis quoque convenit, humorem enim biliosum contemperat & hepar refrigerat. Aër sit temperatus. Figidus enim etsi in hoc symptomate convenire videatur, vulneribus tamen nervorum, ut superius quoque dictum fuit, mirum in modum obest. Interim tamen ab aëre calido, omnibus quæ corpus, humores & sanguinem vehementer possunt accendere, uti & à vehementi motu corporis, omnibusque accidentibus sive perturbationibus animi, & inprimis irâ, abstineat æger. Propter iram enim, calor qui juxta cor est, ut testatur Galenus lib. de causis morborum, & proinde sanguis ipse in venis, effervescit, acrimoniam acquirit, & cum impetu ad partem exulceratam, veluti debiliorem, & proinde defluxionibus magis obnoxiam decumbit. Vidi id Anno 1623. Mense Januario, in Generoso quodam 40. circiter annorum ætatis, constitutione planè bilioso, & ulcere fistuloso in perinæo à longo tempore laborante, cui (cum in tota præscripta victus ratione peccasset) bilis adeò ad vias urinarias defluxit, ut cum ipsi venam in cubito secuissem, & ad uncias sex aut septem sanguinis extraxissem, ne guttula quidem bilis in sanguine confecta fuerit. Dolor erat maximus, qui inter mingendum incœpit, & ad duas circiter horas post mictionem continuavit, deinde ad p.oximam usque mictionem nullus ferè erat dolor. Tandem ex infima parte

parte scroti rupta interius vomica, & per priorem fistulam copiose evacuata materia purulenta, plenissime convaluit præter fistulam, cujus consolidationem non exposcit. Cum urina enim quotidie multi humores excrementitii, ex superioribus partibus maximo ipsius commodo evacuantur.

Duo autem in hoc casu annotatione digna occurrerunt. Primum, quod diutius, quam in ardenti mictione fieri solebat, urinam retinere potuit, ipsamque nonnisi bis in die, videlicet circa sextam matutinam & quintam vespertinam excernebat. Deinde quoque, quod neque doloris vehementia, neque puris generatione in perinao ulla excitata fuerit febris.

Potio evacuantia omnia leviora esse debent, fortiora enim purgantia, uti sunt, qui ex copioso scamonio, colocynthide, & huiusmodi præparantur, qui viscera & humores inflammant, malum exacerbare solent. Laudatur Cassia, reliquisque medicamentis in ardore urinæ à practicis præfertur; verum propter vim diureticam, qua prædita est, persæpe dolorem augeri, ab ægtis observatum est. Retulit mihi aliquoties Illustri ac Generolus Dn. Zacharias Geizcoffer à Geilenbach &c. p. m. cum Anno 1610. Haunsheimii in extractione calculi operam meam ipsi præberem, se persæpe Cassiam in affectu suo sumpsisse, sed nunquam cum fructu. Testatur id quoque in epistola quadam ad me scripta, & Centuriæ primæ Epistolarum mearum inserta. Petrus Pigray Chirurgus Regius, Vir eruditione & experientia insignis, idem de Cassia observasse, ex capite quarto lib. 7. Chirurgiæ suæ apparet, ubi Cassiam calculosis advenissimam esse scribit, loco itaque Cassiæ ægro sequens potiuncula exhiberi poterit.

R. Radicum polypodii, Acetosa,
Liquiritia an. ʒij.
Passularum enucleatarum ʒß.
Prunorum numero 6.
Trium florum cordialium an. p. j.
Seminis anisi ʒj.
Foliorum senna ʒij.
Hordei p. j.

Coquantur in aqua, donec colatura redeat ad uncias tres, in quibus infundantur & macerentur per noctem

Rhabbarbari electi ʒj.
Turbiti electi &
Cinamomi an. ʒij.

Mane post unicam aut alteram ebullitionem fortiter exprimantur, addaturque syr. rosati solutivi simpl. ʒj. Misce, fiat potio. Aut

R. Radicum Cichorii, corticum interiorum radicum frangule an. ʒß.
Foliorum Agrimonie
Lactuca
Cichorii an. p. j.
Tamarindorum &
Passularum enucleatarum an. ʒß.
Foliorum senna ʒij.
Sem. Anisi, &
Sem. Carthami an. ʒj.

Coquantur in aqua, ut colatura redeat ad uncias duas, in quibus infunde Rhabbarbari ʒß, Cinamomi & cremoris tartari ʒj, mancant in infusione horas octo, expressione fortiter facta, adde Syrupi de cichorio cum rhabbarbo ʒj.

Pueris & delicatioribus detur syrupus rosatus solutivus, compositus cum rhabbarbo, agarico & senna per se, aut addito scrupulo uno Electuarii de succo rosarum.

Aut

R. Manna Electa ʒvj.
Elect. de succo rosarum ʒij.
Syrupi de Cichorio cum rhabbarbo ʒß.
cum jusculo carnis rec. fiat potiuncula s. a.

Aut

R. Guttæ Gamand. à granis quatuor usque ad octo, secundum tolerantiam ægri, cremoris tartari subtilissime pulverisati ʒß. coquantur parum in jusculo carnis, aut aquæ lactucæ & cichorii, & fiat potiuncula, addendo parum syrupi rosati solutivi simplicis, ad libitum ægri. Convenit quoque vomitus, præsertim eis, qui ad vomendum parati sunt, potenter enim bilem ad superiora repellit. Provocetur itaque aqua tepida, cum oleo vel butyro, & gulæ immisso digito vel penna.

Aut

R. Decoctionis radicum raphani ʒx.
Syrupi acetosi simplicis ʒj. Misce fiat vomitorium, sumatur repide & provocetur vomitus, gulæ immisso digito, ut dictum.

Aut

R. Rad. Asari ʒj.
Agarici ʒj. ʒ.
Decoquantur parum in aquæ hordei ʒx.
Colaturæ adde oxymelitis simp. ʒj. Sumatur ut dictum.

Prodest etiam venæ sectio; si vires adfuerint. Hippocrates in dysuria interiores venas malleoli incidere jubet. Illud tamen, inquit Varandæus lib. de affect. Renum & vesicæ cap. 7. fit potius vacationis particularis causa, ex parte jam inflammata, quam refrigerationis totius corporis, & revulsionis, quæ hic valde est necessaria, fitque ex vena cubiti dextræ, propter situm hepatis. Hæmorrhoides quoque in consuetis provocandas esse, suadet Platerus Tract. 3. c. 10. mihi pag. 851.

Purgato corpore alterantia, quæ refrigerando intemperiem calidam hepatis, & acrimoniam humoris biliosi ad renes viasque urinarias defluentis, corrigunt, propinanda sunt.

Laudatur ab aliquibus lac recens emulsum, admodum enim lenit, & si excoariatio aliqua facta sit ab urina, eam sanat. Diligenter tamen in exhibitione lactis observandæ sunt regulæ, quæ Hippocrates nobis reliquit lib. 5. Aphorismo 64. sic inquit. Lac dare caput dolentibus, malum; malum verò & febricitantibus, & quibus hypochondria suspensa murmurant, & siticulosi, &c. Facile enim acefcit & corrumpitur in ventriculo promptèque in bilem vertitur, & caput ferit. Præstat itaque exhibere lac amygdalarum & seminum frigidorum majorum, quibus addatur sem. papaveris albi. Dolorem enim & ardorem urinæ compescit. Aut:

R. Aq. Lactuca,
Portulacæ
Cichorii an. ʒj. ʒ.

Syr. de papavere, &
Syr. de althea an. ʒj. Misce, fiat julapium pro duabus dosibus, in aurora, & duabus horis post coenam sumendis.

Aliud.

R. Fol. Agrimonie
Veronica an. Mß.
Flor. Cordialium an. p. j.
Flor. Violarum
Malva, &
Althea an. p. j.

Coquantur in sero lactis optimè depurato, ad tertiæ partis

partis consumptionem. In libra una colaturæ dissolve Syrupi, violarum,

Syr. de Alibea, &

de Papavere an. ʒj. Misce, fiat Julapium, de quo æger bibat frequenter & quidem ad libitum, in maximo ardore urinæ, ubi dolor intensus est, sæpius ad narcotica confugere coactus est Medicus, ut

R. Laudani grana tria

Syr. de Althea ʒʒ.

Confectionis Alkermès (spiritus vitales, propter doloris vehementiam labefactatos, instaurat) ʒj. Cum s. q. aquæ lactucæ fiat potiuncula, detur duabus horis post cœnam.

Regio renum ac lumbi inungantur ol. rosaceo, violarum, amygdalarum dulcium, Nymphæ, ungu. rosato & similibus, Aut

R. Ol. Violacei &

Nymphæ an. ʒj. ʒ.

Ung. Rosacei ʒj.

Mucilag. sem. Cydoniorum. extr. aq.

rosac. ʒʒ.

Caphura dissol. in aceto rosac. ʒj.

Misceantur in mortario fiatque unguentum, quo regio hepatis & renum inungatur. In maximo ardore hepatis.

R. Aqua Agrimonia

Veronica

Cichorii an. ʒij.

Aqua Absinthii

Aceti an. ʒj.

Specierum Diamargariti frigidi &

Diatrion santali an. ʒj.

Caphura dissol. in aceto rosac. ʒj.

Misce, fiat epithema, quod tepidè regioni hepatis applicetur linteis in eo madefactis. Carpis quoque, ad temperandum cordis calorem, simul applicari poterit.

In maximo ardore urinæ & cruciatu inter mingendum, ardorem compescit, & dolorem lenit infessio, siue semicupium hunc in modum factum.

R. Radicum & foliorum malvæ, althea,

Violarum, florum Chamomilla,

Meliloti an. m j.

Sem. lini,

Fœnigraci,

Anethi an. ʒj.

Incidantur, contundantur & coquantur in aqua pro semicupio.

Cap. 22. De Cacochymia, & ejus curatione.

Duplicia esse symptomata in Ichore vel Meliceria, videlicet acuta & chronica, antea cap. 6. dictum fuit. Acuta morbum comitantur: subsequuntur Chronica. De illis in præcedentibus breviter dictum fuit, sequitur nunc de reliquis, inter quæ cacochymia primum occurrit. Quæ nihil aliud est, quàm vitiosa humorum qualitas, Testatur id Galenus lib. 13. Meth. Med. c. 6. Ubi cacochymiam ita describit, ubi inquit, flava bile, vel nigra, vel pituita, vel serosis humoribus refertum corpus est, eum habitum cacochymiam vocant. Non solum autem in quantitate humores isti in cacochymia abundare; verum etiam in qualitate, iterum docet Galenus lib. 3. de temperamentis, cum in multis cacochymiam ex pravis & vitiosis cibis, aliis ex corruptela & putredine fieri scribit.

Causa primaria & principalis hujus mali, est ventriculi summa imbecillitas, item viscerum natura-

lium, hepatis, lienis, & venarum mesaraicarum obstructio, atque labefactatio, quæ omnia ægro accidunt, in Meliceria præcipuè, propter doloris vehementiam atque diuturnitatem, inprimis si malum partes corporis quæ sub umbilico sunt, occupaverit, quemadmodum capite quinto dixi. Propter doloris enim vehementiam non tantum vigiliæ, & inquietudines superveniunt, verum etiam operationes omnes naturales, quæ dormiendo perficiuntur, retardantur. Somnum enim ad concoctionem plurimum conferre, testatur Galenus multis in locis, præcipuè lib. 1. de alimentis cap. de tritico, ubi hæc habet verba. Quod autem eorum plerique, qui se confecerunt laboribus, minus à pravis cibis læduntur, in causa est, quod iis somni sunt profundiores, quæ res ad coctiones multum ipsis adfert momenti. Et lib. 4. de tuenda sanitate. Nihil æquè concoquit, aut malos succos discutit, ut somnus, inter dormiendum itaque non solum cibus in ventriculo concoquitur, & in chylum convertitur, verum etiam fit separatio & transmissio chyli ad hepar. Ubi secunda perficitur concoctio, segregatio item excrementorum & ad omnes partes corporis sanguinis distributio. In quibus demum fit tertia & ultima concoctio & segregatio, ita ut optimus sanguis in nutrimentum partium cedat, excrementitius verò humor veluti excrementum, per poros, emuntoria, aliqua ad id destinata loca expellatur. Ex his manifestum fit, dolorem præcipuam esse causam, cur pravi humores in ægris, Ichore laborantibus generantur. Cum enim propter ipsius violentiam, & vigiliarum diuturnitatem, concoctiones, segregationes & distributiones non perficiantur, corrumpitur cibus in ventriculo, & Chylus semicoctus ad venas mesaraicas, & hepar ipsum à chylo isto crudo, crasso & semicocto obstruuntur, inde febres, scirrhi hepatis, & lienis, calculi renum, vesicæ, aliarumque corporis partium, ictericia item & hydrops subsequuntur.

Cocochymiam quoque procreat & adauget prava victus ratio. Inprimis autem adversissima sunt omnia, quæ difficulter coquantur, & chylum viscosum reddunt, qualia sunt extremitates animalium, caro salita & fumo exsiccata, legumina, caseus & similia. Cacochymiam quoque adaugent decocta traumatica siue vuneraria; propter insignem enim vim exsiccandi, quæ prædita sunt, materiam viscidam in visceribus exsiccant & indurescunt, uti cap. 7. fufius dictum fuit.

Cacochymia autem semper præcedit cachexiam, de qua Cælius Aurelianus lib. 3. de morb. Chron. c. 6. hæc habet verba. Cachexia nomen sumpsit à corporis habitu malo, Cacia enim vitium vel vexationem Græci vocaverunt, hexin habitudinem. Quum enim viscera naturalia ut antea dixi, officio suo fungi non possunt, sanguinem quinetiam ad nutritionem aptum, procreare non possunt, fit ut excrementa & superfluitates quamplurimæ generentur, sequiturque primò Cacochymia, hoc est, humorum vitiosa qualitas, quæ si non tollatur, in cachexiam transit, quæ sic cognoscitur. Calor cutis subalbidus, aliquando etiam plumbeus est, tardus ac piger fit motus corporis, cum inflatione inani. Aliquibus etiam ventris fluor, cum febricula latente, quæ circa vesperam magis augetur, supervenit, pulsus crebet ac densus, angustia pectoris & cibi fastidium adest, & plerumque omnes à carne recentè abhorreere solent. Nonnulli vinum, alii magis aquam puram appetunt. Urinæ ut plurimum crudæ conspiciuntur.

Porro

Porro quum cacochymia principium sit gravissimorum morborum, & plerumque in icteritiam & hydropem transeat, uti superius dictum fuit, videat Chirurgus, ne quicquam eorum, quæ necessaria sunt, intermittat, ut itaque Medicum aliquem doctum, & in operibus Medicis exercitatum, in consilium advocet, etiam atque etiam necesse est. Id tamen quia ubique locorum & præsertim in castris fieri non potest, in gratiam & ægrorum & Chirurgorum pauca hæc adscribere volui, quæ ut benevolus lector benignè interpretari velit, summopere rogo.

A victus autem ratione curatio inchoanda est, quæ talis esse convenit, ut non solum corpus nutrire, verum etiam loco medicamento inservire possit. Aer, si fieri potest, temperatus sit, ad calorem & siccitatem aliquo modo vergens, adversissimus est frigidus, non solum enim poros claudit, & perspirationem impedit, sed & membrum, nervosque omnia, quæ antea ab Ichore excruciatæ fuere, debilitat. Præcipuè si ulcera adfuerint. Testatur id Hippocrates multis in locis, præcipuè l. 5. aph. 17. 18. & 20. Aer præterea summè calidus, quia sanguinem & humores acres efficit, & insitas facultates & vires partium dissolvit, viscidamque materiam visceribus inclusam exsiccatur, obstructionsque magis magisque adauget, vitandus est. Quoad cibum, perpendendum est primò, ventriculum, omniaque viscera nutritioni inservientia propter præcedentes dolores, vigilias, & æstum febrilem, ad summam labefactionem & imbecillitatem redacta esse. Abstineat itaque æger ab omnibus, quæ difficulter concoquuntur & succum crudum crassumque generant, qualis est panis sine fermento, omniaque in sarragine, butyro aut oleo frixa. Noxia quoque est caro bubula & porcina sale condita & in fumo siccata, caro item ferina præcipuè leporina, Cervina, Ursina, aprina, & avium in aqua viventium, caseus item, lac & lacticia omnia, præter butyrum. Pisces salsi, & qui in stagnis & limo vivunt. Adversissima sunt legumina omnia, jure tamen lenium & pisorum uti poterit æger, ut postea dicam. Ab acetariis quoque & fructibus crudis & horariis abstineat. Nutrienti enim nihil, multum verò excrementi procreant.

Secundò abstineat æger ab omnibus, quæ insigniter & præter modum sanguinem & humores excalescunt & adurant, hujusmodi enim, sive medicamenta sive alimenta fuerint, non solum alvum siccam reddunt, verum etiam humores viscosos in venis mesaraicis, & hepate infarctos exsiccant, omniumque viscerum obstructions magis magisque adaugent. Sunt autem illa inprimis sarramenta omnia, uti quoque aromata, & præcipuè calida usque in tertium & quartum gradum, qualia sunt piper, zinziber, garyophylli, cardamomum, piper ut vocant Hispanicum, allium quoque, porrum, cepæ, raphanus, & sinapi, nisi in exigua quantitate fuerint sumpta, nocent, inter aromata conveniunt cinnamomum, macis, nux moschata, & crocus.

Tertiò consultè caveat æger, ne glutinosus utatur cibus, ex viscosis enim cibus viscosus provenit chylus, qui postea venis tam lacteis, quam hepatis includitur, omniumque viscerum obstructions adauget. Extremitates itaque & intestina animalium omnium, uti quoque caro vitulina & agnina (mucilaginoso enim succo prædita sunt) pisces absque squammis, aut qui in stagnis vivunt, caseus, lac & lacticia, præter butyrum in omnibus morbis longis, minimè conveniunt. Quapropter non video, quomodo hujusmodi alimenta viscosa, præcipuè extremitates animalium, absque insigni detri-

mento in fracturis ossium ægris offerri possunt. Ex eis enim chylus viscosus generatur, qui venas Mesaraicas & hepar ipsum obstruit. Sanguis verò, qui ex ipso producit, quia viscosus est, nonnisi cum difficultate pro nutritione partium distribuitur, immixto itaque calore nativo propter penuriam alimenti, sanguis ille viscosus in venis putrescit, variaeque symptomata procreat. Cujus rei exemplum annotatione dignum vidi. Nobili cuidam Juveni, & optimo corporis habitu prædito, ex familia Helvetica haud obscura oriundo, cum anno 1608. in Galliis os femoris in medio confractum & comminutum fuisset, cum ingenti contusione & dilaceratione musculorum, per multos menses lecto affixus permansit. Interim à Medico quodam docto, Chirurgo quin etiam doctrina & experientia claro, curatus fuit, & quidem ex arte, & eâ quâ potuit, diligencia. Interim tamen, ut de gravissimis symptomatibus, quæ ab initio morbi supervenerunt, taceam, post multos etiam menses, ne dicam annos, propter obstructions gravissimas hepatis & lienis, quas in morbo contraxerat, diversis & gravissimis affectibus, scirrhis videlicet hepatis & lienis, febribus tertianis & quartanis, icteritia & similibus excruciatu fuit. Ego tandem cum in consilium adhibitus fuisset, & multa tam externa quàm interna præsidia adhibuisset, & thermis piperinis alia quoties usus fuisset æger, restitutus fuit, & in hunc usque annum 1630. bona valetudine fruitur. Præcipuam autem causam obstructionis viscerum tantorumque gravissimorum symptomatum, ad usum alimentorum viscosorum referendum esse arbitror. Per menses enim novem & decem quotidie cibus viscosus usus fuerat. Quapropter ægris meis nutrimentis viscosis semper interdixi, nihilominus tamen fracturas multas & quidem maximas, etiam in magnatibus, feliciter, & cum laude curavi. Hæc obiter, & præter institutum, in gratiam tyronum monere visum fuit. Plura videat Lector Obl. 92. Cent. 1.

Quartò videat æger, ut ab omnibus cibus, facile putrescentibus abstineat, uti sunt fructus horarii, videlicet Cerasa dulcia, pruna recentia, persica pomma, cucurbitæ, melones, uvæ recentes, mustum, & hujusmodi, qui concoctionem ventriculi impediunt, calorem nativum debilitant & imminuunt, succumque crudum & putridum procreant.

Postremò danda est opera, ne cibus aut potus cacochymicorum sit astringens & exsiccans, hujusmodi enim non solum alvum siccam reddunt, verum etiam vias constringendo, materiamque viscidam in visceribus exsiccando, obstructions adaugent, hujusmodi autem sunt legumina, caro ferina, de quibus in prima classe quoque dictum fuit, Noces quin etiam, amygdalæ, castanæ, mespila, Corna, pruna sylvestria, sorba, uvæ, & fructus omnis immaturus. Farina quoque avenacea, apud nos usitatissima, propter torrefactionem, quia insigniter exsiccatur, minimè convenit. Cotonea autem etsi astringunt, post partum tamen sumpta summopere conveniunt, Ventriculum enim corroborant, & digestionem promonent. Utatur itaque æger cibus, quæ facile concoquantur, succum quin etiam laudabilem procreant, neque excrementorum proventum faciant. Hujusmodi sunt carnes recentes, veluti bovina, vervecina, item caro Gallinarum, pullorum, alaudarum, columbarum, perdicum, ficedularum & avium in arboribus degentium. Conveniunt quoque ova recentia & ex ipsis præparata edulia. Cum carne coquendæ sunt herbæ, quæ intemperiem hepatis corrigunt. Quapropter si intemperies internarum partium ad-

fuerit

fuerit calida, tunc lactuca, endivia, Cichorium, spinachia, Cerefolium, & portulaca conveniunt. Sin calor natus viscerum propter vehementiam ac diurnitatem morbi prostratus fuerit, refocillandus est eis, quæ mediocriter calefaciunt, quapropter salvia, rosmarinus, Majorana, folia, & baccæ lauri, mentha, betonica, & hujusmodi cum carne coctæ; conveniunt, Macis quoque, Crocus, Cinamomum, nux moschata, cortices arantiorum & citronum cibis additæ, calorem ignatum refocillant. Instaurant quoque calorem innatum, & humidum radicale adaugent Vitella ovorum, si in jussulo carnis dissolvantur. Etiam si legumina nutrimentum crassum reddant, jussulo tamen pisorum & lentium, cum butyro recenti, sale, & nonnihil macis vel croci, cocto, uti poterit æger, uti quoque cremore hordei, & avenæ decorticatæ. Conveniunt & sorbitiunculæ ex vitellis ovorum, cum vino & aquæ præparatæ, addito saccharo, Cinamomo & croco; tempore Veris holuscula herbarum recentium, veluti Cerefolii, fœniculi, spinachia, betonica, foliorum urtica, & summitatum sambuci, præparata maximo cum fructu ægro in prima mensa aut (quod magis mihi probatur) per horam unam aut alteram ante prandium exhiberi poterunt. Diuretica enim sine damno cibis vix permisceri posse, alibi demonstravimus. Summoperè quoque convenit succus, qui ex perna vervecina, in veru percocta, & cultro hinc inde pertusa & compressa, effluit. Vires enim labefactatas instaurat, & humidum radicale adauget, præcipuè si nonnihil vini, parumque aquæ Cinamomi sine vino distillatæ, admiscueris.

Si æger magnoperè acetaria appetit, poterit per intervalla uri cichorio, cerefolio, fœniculo, asparago, lupulo, mentha, gemmis genistæ conditis, & caparibus. Ab eis verò quæ insigniter refrigerant veluti sunt lactuca, portulaca, & cucumeres & melones abstineat.

Bibat vinum album, tenue & quàm optimè defecatum. Si generosum fuerit, diluatur aquâ aliquâ appropriata, aut quod efficacius, decocto veronica, saccharo, & Cinamomo aromatizato. Si Cerevisia uti voluerit, aut eis in locis, in quibus nihil præter Cerevisia pro potu utuntur, constitutus fuerit æger, videat ut illa sit bene cocta & defœcata, non nimis generosa, vetusta vel acida. Vinum secundarium, uti quoque potus qui ex prunis & pomis sylvestribus, uvis immaturis, & granis oxyocanthæ sit, propter astrictiōnem mirum in modum nocet, si sitis maximè & vires prostratæ fuerint bibat æger lac amygdalarum, non tantum enim sitim restinguit, verum etiam viscera humectat & egregiè nutrit. Renerus Solinander magni nominis Medicus in consilio 6. sect. 3. pro cachectico, vult ut quarta vel quinta, vel etiam sexta pars amygdalarum sit amara, & rectè quidem, ita enim lac magis fiet medicamentosum, quandoquidem abstergit & mundificat præcipuè, si, ut suadet Solinander, cum jure fursurum mactorum præparatum fuerit. In fine mensæ pomis aut piris coctis saccharo, aniso, aut fœniculo aspersis, uti poterit. Conveniunt quoque Cydonia cocta, & saccharo parumque Cinamomo aromatizato aut Miva Cydoniorum sine speciebus, vel sumat cochleare unum pulveris nostri peptici statim à pastu.

R. Panis albi tosti ʒij.

Pulpa Cydoniorum exsiccatorum

Cinamomi optimi

Pellicularum interiorum ventric. gallinarum

Seminis anisi &

Coriandri preparati an. ʒij.

Misce, & fiat pulvis. Hæc de cibo & potu. Porro Bibl. Chirurg. Tom. II.

quia exercitatio digestionem promovet, exiguos meatus expurgat, & excrementa expellit; utilius est, teste Galeno de tuenda valetudine lib. 2. eam ante cibum administrare, dummodo mediocris sit, nec laboriosa. Vult autem Galenus duplicem concoctionem; videlicet eam quæ fit in ventriculo, & eam quæ fit in vasis sanguinis peractam esse, ac denuo tempus cibandi instare. Post pastum tamen modicè quoque corpus exercere convenit. Modica enim exercitatio, post sumptum cibum calorem nativum excitat & adauget, & concoctionem promovet. Si verò æger propter debilitationem partium, corpus deambulando aut equitando exercere non potest, frictions sunt administrandæ. In somno & vigiliis modus quoque est servandus. Intempestivæ enim vigiliæ concoctiones omnes impediunt, cerebrum siccant, mentem perturbant, & humidum radicale absumunt. Contra somnus immoderatus calorem nativum obtundit, & multos humores crudos gignit, corpusque ignavum reddit. Passiones animi quoque veluti sunt ira, metus & mœstitia, æger quantum fieri potest, vitabit. Præter hæc operam quoque dabit, ut alvus quotidie ad minimum semel respondeat, id si naturæ & ciborum beneficio non fiat, sollicitanda est prunis laxativis vel clystere lenitivo cap. 19. præscripto. Vel imponatur suppositorium ex melle & sale coctum. Summoperè quoque conveniunt pilulæ sequentes. Partes enim nobiles corroborant, obstructions viscerum tollunt, materiam viscidam incidunt, attenuant & alvum lubricam reddunt.

R. Aloes purissimæ & ter aut quater succo gratiola imprægnatæ iterumque exsiccata ʒj.

Rhabbarbari Electi ʒij.

Turbith. gummosi

Cremoris tartari an. ʒj.

Gummi Amoniæ purissimi & dissoluti in aqua cinamomi ʒiiij.

Confect. Alkermes ʒj.

Ol. Cinamomi ʒß.

Syrupi rosati solutivi compositi cum Rhabbarbaro, Agarico & Senna q. s. Milce fiatque massa, de qua æger (si tantummodo alvum durum lubricam reddere cupit) sumat à granis 12. usque ad ʒj. aut drachmam semis, per duas horas post cœnam. Sin amplio rem evacuationem habere cupit, ad ʒij. aut ʒj. deglutiet, ut postea dicetur. Hæc de victus ratione.

Sic instituta optima victus ratione corpus quantum fieri potest à pravis humoribus expurgandum est, verum enimvero quia materia peccans in cacochymia tenacissimè visceribus inhæret, difficulterque suo loco movetur, juxta mentem Hippocratis lib. 1. Aphorismo 22. coquenda & præparanda est apoze mate aliquo convenienti, ante omnia tamen vias communes sequenti lenitivo expurgabis.

R. Radicum polypodii q. Liquiritia

Cichorii an. ʒß.

Corticum interiorum radicum frangula ʒj.

Veronica

Florum cordialium. an. p. ʒ.

Sem. Anisi ʒij.

Foliorum sennæ ʒi. ʒ.

Incidentur, contundantur, coquanturque in aqua, ut colatura redeat ad uncias duas in quibus dissolve

Elect. diacarthami, &

Diaphanici cum Rhabbarb. an. ʒij.

Cremoris tartari ʒj. ʒ.

Syr. de cichorio cum Rhabbarbaro ʒs.

Misce fiat potio, detur in crepusculo matutino, cum costodia;

custodia. Posttridie, aut tertio die à purgatione, si plethora adfuerit, & vires permiserint, vena incidenda est, idque ex cubito ejusdem lateris de quo æger præcipue conqueritur. Si menses, aut hæmorrhoides suppressæ fuerint, venæ ad malleolos incidendæ, aut applicentur sanguifugæ venis hæmorrhoidalibus. Sin tamen maxima adfuerit virium omnium prostratio atque imbecillitas, venæ sectio omittenda, & ad humorum concoctionem progrediendum est, ubi sequens convenit apozema.

R. *Carticum interiorum, & flavarum*
Radicum frangula ℥j.
Radicum polypodii q. Liguiriæ
Lappatii acuti an. ℥iij.
Asparagi
Cichorii
Fœniculi, & petroselini an. ℥ij.
Herbarum & florum betonica
Veronica, Cuscuta, scabiosa an. M. ℥.
Trium florum cordialium &
Geniste an. p. j.
Seminis anisi
Fœniculi an. ℥ij.

Coquantur in s. q. aquæ purissimæ, ut Colatura redeat ad lb. iij. Clarificetur & dulcoretur Syrupo de quinque radicibus q. s. hujus apozematis bibat æger per dies tres ad uncias duas in aurora, totidemque per horas duas ante cœnam.

Postea accipe de eodem apozemate ℥xij. In quibus infundantur, macerentur & coquantur s. a. sequentia.

Foliorum senna ℥j.
Rhabbarbari ℥iij.
Agarici recent. trochiscati
Cremoris tartari ℥j. ℥.
Cinamomi electi ℥ij.

Maneant in infusione & loco tepido per horas XII. deinde post unam aut alteram ebullitionem fortiter exprimantur addanturque,

Syrupi de Cichorio cum rhabarb. ℥ij.
Aquæ Cinamomi sine vino destillate ℥j.

Misce fiat potio purgans pro quatuor dosibus in aurora sumendis, cum custodia. Si primus haustus sufficienter operatus fuerit, alternis saltem diebus medicamentum sumatur, aut dosis diminuatur, ut vires conservari possint. Quod si nimis segniter successerit operatio, postrema dosis acuenda est drachmâ unâ Diacarthami, aut Diaphœnicone cum rhabbarbaro. Sic satis purgato corpore, poterit æger per dies aliquot quiescere, post pastum tamen nonnihil de suo pulvere peptico sumere, deinde apozema præscriptum iterandum est. Quod si apozema ingratum fuerit ægro, soleo sequens præparare jusculum; quod propter singulares operationes tum in morbo regio, tum in reliquis omnibus obstructionibus viscerum, Jusculum Regium appello.

R. *Rad. Apii* ℥ij.
Petroselini
Fœniculi an. ℥iij.
Passularum exacinarum ℥j.
Croci ℥j.

Macis ℥ss. Incidantur omnia & caponi aut Gallinæ, cui collum, pedes & alæ abscissæ sunt, infarciuntur. Coquantur in aqua, donec caro ab ossibus separata, & jusculum ad doses sex consumptum fuerit. Caro cum suo farcimento fortiter exprimatur, & fiat Colatura, addito sale, quantum satis est; sumat æger per duas horas ante prandium, quantum libuerit. Addo quoque nonnunquam nonnihil Cremoris tartari, aut salis nostri deoppilativi, ex Cichorio, fœniculo, pe-

trofelino, Hypericone, Eupatorio, & similibus herbis & radicibus aperitivis confecti. Si subacidus sapor ægro gratus fuerit, nonnihil vini aut aceti sambucini admisceri poterit. Si prostratio virium fuerit maxima, addatur nonnihil aquæ Cinamomi sine vino destillatæ. Jusculum hoc Excellentissimum est medicamentum, simul & nutrimentum in cacochymicis, quo ego sæpissimè maximo cum fructu ægrorum usus fui. Sin ægro vinum aliquod aperitivum gratius fuerit, sequenti uti poterit.

R. *Rad. Asparagi*
Brusci
Ebuli
Fœniculi an. ℥j.
Cinamomi electi ℥ij.
Macis ℥j.

Herb. Betonica
Agrimonia &
Veronica an. M. ℥.
Centaurii minoris,
Absinth. Pontici,

Card. benedicti an. p. j. Incidantur & contundantur fiatque nodulus, cui affunde vini albi & optimè depurati lbij. De hoc vino bibat æger ad uncias tres aut quatuor, tribus horis ante prandium. Interim autem dum æger utitur aperitivis prædictis, subinde leniter leviterque expurgandum est corpus. Ubi syrupum de Rhabbarbaro à Solinando tantoperè celebratum, convenire, sæpissimè vidi.

R. *Rhabbarbari optimi* ℥vi.
Fol. Senna Alexandrina drach. 10.
Mechoacan. albiss. ℥ss.
Flor. Violarum recentium,
Fl. Prunorum sylvestrium, si haberi possunt,
vel cotoneorum an. p. ℥.
Cinamomi acuti interioris ℥j.
Zinziberis albi ℥ij. ℥.

Aq. Betonica
Cichorii

Buglos. destillata in balneo Mariae an. ℥4.

Rhabarb. & Mechoac. pulveribus itroratis aqua Cinamomi, infundantur omnia s. a. per noctem. Manè ebullitione & expressione facta, colentur & cum sacchari albissimi ℥. quinque vel sex Syrupi rosar. solut. ℥ij. Misce fiat s. artem syrupus. Detur ad uncias duas in exiguo haustu juris pulli non pinguis, cui pauca passululæ demptis gigarris, pauca folia rosmarini & macis tantillum incocta sint, bibat.

Cæterum præter victus rationem & purgationem pravorum humorum, partes nobiles summo studio corroborandas esse, ratio ipsa suadet. Quia enim in præcedenti morbo propter vehementiam & diuturnitatem doloris, æstum item febrilem, vigilias & decubitus, humidum radicale absumptum, calor quin etiam nativus prostratus, & proinde facultates omnes mirum in modum imminutæ fuerunt, nisi refocillentur, frustra medicamenta adhibentur. Est enim robur naturæ, quod medicamentum ex potentia in actum vertit. Corroborabis autem inprimis viscera, si præscriptam optimam victus rationem, observaveris, & pravos noxiosque humores (ex quibus continuò putridi vapores ascendunt, facultatesque omnes afficiunt) uti antea satis dictum fuit, evacua-veris: sine quibus corroborantia omnia nullius erunt momenti. Corroborat ventriculum & viscera nutritioni inservientia pulvis pepticus, antea præscriptus. Aut:

R. *Diacurcumie*
Diarrhodonis Abbatis
Aromatici rosati an. ℥j.

Sacchari dissoluti in aqua Cichorii ℥iij.

Misce, fiantque tabellæ addendo ol. Cinamomi ℥ß. de quibus utatur æger aliquoties in die, præcipuè ante & post prandium & coenam, ad drachinam unam aut duas. Aut detur sequens Electuarium.

R. Spec. Aromat. rosati.

Diacurcumæ an. 3j.

Cinamomi electi 3j. 8.

Corticum Citronum &

Rad. Cichorii conditarum an. 3j.

Cum s. q. Syrupi conservæ Corticum Citronum fiat Electuarium, de quo sumat æger ad magnitudinem nucis juglandis, ter aut quater in die,

Aut:

R. Conservæ florum betonica

Rosmarini

Salvia,

Majorana an. 3ß.

Specierum Dianthos ℥iij. cum Syrupo de betonica fiat Electuarium.

Aut:

R. Spec. de gemmis

Latifantis Galeni an. ℥ij.

Confectionis Alkermes &

De hyacinto an. 3j.

Conservæ florum buglossæ

Borraginis & Melissa an. 3ß.

Cum Syrupo Conservæ Corticum Citronum fiat Electuarium. Sumatur ut præcedentia. Hæc de Internis. Nec omittenda sunt externa; ideò si propter dolorem & vigilias caput labefactatum, & defluxionibus obnoxium factum fuerit, præter optimam victus rationem & purgantia, etiam per intervalla cucurbitulæ scapulis applicentur. Quod si catarrhus ut sæpissimè fit, cum impetu ad oculos aut pulmones deflexerit, setaceum in Vertice, aut fonticuli in brachiis efformandi sunt, Cucupha quoque ex sequentibus parari poterit.

R. Rad. Iridis Florentina 3j.

Syracis Calamita,

Benzoini,

Masticis,

Olibani an. 3j.

Rosarum rubrarum,

Summitatum Majorana &

Flor. Betonica, an. ℥ij.

Moschi 8ß.

Incidentur & contundantur omnia grosso modo pro cucupha intertexta, ut artis est.

Corroborat sequens linimentum, si carpi, & regio cordis eo inungantur.

R. Ol. Rosacei fragrantissimi 3ß.

Ol. Cinamomi 8ß.

Ol. Corticum Citronum 8j. Misce. Aut:

R. Aq. Boraginis

Buglossæ, rosarum & Melissa

Aq. Cinamomi an. 3j.

Acet. rosacei 3ß.

Confect. Alkermes,

Spec. Diamoschi dulcis an. 3j.

Croci &

Caphura an. 8j. Misceantur, fiatque Epithema, Carpi autem tantummodò in eo imbutis pulvillis, applicetur tepidè. Mediantibus enim arteriis, vis ipsius facilè ad cor perveniet. Si quis tamen de hoc epithemate regioni cordis applicare voluerit, non errabit, videat tamen, ut linteis calidis cooperiatur, frigus enim pectori & spiritibus vitalibus no-

Bibl. Chirurg. Tom. II.

centissimum esse, omnes sciunt practici. Ventriculum roborat & concoctionem promovet sequens linimentum.

R. Olei masticis, & mentha an. 3vj.

Gummi tacamaaca 3j.

Terantur lentissimo igne & percolentur. Postea admisce olei nucis Muscatæ per expressionem 3j. 8.

Ol. Caryophyllorum 8j.

Misce, fiat linimentum, quo regio ventriculi usque ad umbilicum quotidie bis inungatur, & lin-teum calidum apponatur, aut applicetur sequens emplastrum supra alutam extensum.

R. Gummi Tacamaaca 3j.

Ol. mentha & masticis an. 3ß.

Dissolvantur lentissimo igne, & per lin-teum colentur, postea admisce pulv. nucis muscatæ 3j. Caryophyllorum.

Macis an. 3j.

Misceantur & cum cera nova q. s. fiat ceratum, applicetur ut dictum est.

Hepar corroborat, obstructionesque insigniter tollit sequens linimentum.

R. Unguenti deoppilativi Foëssi, Ol. lumbri-corum an. 3j. Misceantur, fiatque linimentum, quo regio hepatis, totusque venter præter regionem ventriculi inungatur bis in die. Secundam enim concoctionem mirum in modum promover. Unguentum deoppilativum Foëssi sequenti modo præparatur.

Capit. succi Apii,

Endivia,

Mentha,

Absinthii,

Petroselini vulgaris,

Valeriana an. 3ß.

Olei absinthii,

Mentha ana semilibram, Cera citrinæ quantum satis sit. Misce, & ad ignem fiat unguentum s. a. Viscerum obstructiones liberat, coque crebrò in jecorarijs utimur, additur quandoque pulveris calami Aromatici, spicæ nardi, ling. drachma una & olei cappatum aliquid.

Sunt qui hoc modo etiam parant:

Succi Ebuli 3vij.

Succi Apii,

Petroselini sing. 3iij.

Succi Absinthii, &

Iridis singul. 3v.

Ol. communis semilibram,

Ol. Absinth. &

Chamomelini sing. 3vj.

Axungie anatis, &

Gallinae sing. 3ij.

Fervefiant omnia simul ad consumptionem succorum. Postea colentur, & cum cera alba & pauxillo acetæ paratur unguentum. Hæc Foësius de unguento suo aperitivo, quæ hic inferere libuit, tum (expertus loquor) propter medicamenti præstantiam, tum etiam quod optimus ille vir & de re Medica tam bene meritus, olim mihi cognitus fuerit. Ego ceram non addo, ut facilius altiusque ad subjectas partes penetrare possit.

Lien, si propter vehementiam atque diuturnitatem morbi labefactatum, & obstructum fuerit, hypochondrium sinistrum inungendum est sequentibus.

R. Ol. de capparibus &

Rutacei an. 3vj.

Ol. amygdal. dulcium 3j.

Misceantur.

Aut

R. *Succi cochlearia* &
Nasturtii aquatici an. ℥ij.
Ol. liliorum, amygd. amararum an. ℥ij.
Pinguetinis caponis & *ursi* an. ℥j.

Coquantur lentissimo igne ad consumptionem ferè succi, in colatura dissolve Amoniacy purissimi, & aceto scillino dissoluti ℥vj. Ol. nucis Moschatæ ℥β. Misce; si intemperies calida renum adfuerit, inungantur lumbi, os sacrum, & regio renum linimento, antea capite de ardore urinæ descripto. Hæc de cacochymia, de qua nonnihil prolixè agere nolui. Est enim veluti scaturigo, ex qua Icteria, febres erraticæ, quartanæ, & quamplurima alia symptomata profluunt, de quibus omnibus si sigillatim agere vellem, opusculum hocce meum in immensum opus excresceret, & multa jam antea dicta, repetenda essent, quod lectori ingratum foret. Itaque ubi diligenter quis curaverit cacochymiam, reliqua symptomata faciliè evitabit. Quod si tamen advenerint, Medicus consulendus est.

Cap. 33. *De fungis in vulneribus articulorum crescentibus.*

HActenus de symptomatibus internis, tam acutis quàm minus acutis agimus. Nunc de externis aliquid quoque annexam, inter quæ fungus imprimis sese offert, plerumque enim in ipso vigore morbi accidere solet. Estque corpus carnosum, laxum, & ferè indolens, ex ipso fundo vulneris erumpens. Bruno affectum huncce *Nactam*, Theodoricus *Naptam*, & Bertapalia *Nattam* appellat. Ego cum Galeno lib. 1. de locis affectis, & 3. Epidem. affectum huncce fungum rectè appellari posse, existimo. Quemadmodum enim fungi ut plurimum una nocte ex terra prorumpere solent, ita etiam excrescentia hæc subito, imò etiam plerumque una nocte ex ipso vulnere propullulant atque excrescunt. Præterea quemadmodum fungi sunt laxi, molles & porosi, veluti spongia. Fungi propter maximam humiditatem terræ crescunt, ita etiam excrescentia hæc carnea, propter ingentem affluxum humorum ex toto corpore ad partem læsam subito propullulat, & quidem in tantam molem, ut plerumque non tantum totum vulnus adimplere, verum etiam ipsius labia & margines obtegere soleat, uti ego in aliquibus vidi. In hoc, tamen differunt, quod fungi ex putridis & corruptis terræ excrementis, hæc verò excrescentia ex benignis ut plurimum humoribus nascantur, quemadmodum fusiùs dixi observatione 36. Centur. 2. Porro nascuntur fungi in vulneribus articulorum, propter maximum quidem confluxum humorum, ex toto corpore, sed summâ naturæ providentiâ & beneficio Dei. Cum enim nihil magis inimicum sit nervis, quàm injuria aëris, præsertim frigidi, natura, quæ semper studet, ut conservare possit suum individuum, excrescentiâ hacce nervos, aliasque partes nervosas sauciatas & detectas, veluti culcitrellâ plumæâ tegit atque cooperit, ne videlicet nervi, uti dixi, tum ab aëre, tum etiam inter curandum & abstergendum vulnus, lædantur. Idem in vulneribus capitis, ubi membranæ cerebri detectæ sunt, sæpius accidisse memini, ut lector videre poterit Obs. 14. & 15. Cent. 1. Solent autem fungos hosce comitari dolores ingentes, inflammationes & plura alia symptomata, de quibus antea cap. 4. dictum fuit. Hinc Chirurgi nonnulli commoti (existimantes excrescentias hæc causas esse symptomatum) eas forficibus, aut novaculâ abscidère, vel

causticis abrodère, non sine ingenti damno & periculo ægri. Adaucta enim fuerunt symptomata omnia, præcipuè ab erodentibus, quorum acrimonia fungosam hancce substantiam ad nervosas partes detectas, faciliè penetrare, easque lædere potuit. Ab initio itaque horum fungorum præscripta Methodus, ratione hujus fungi, non est mutanda. Sed in debellandis reliquis symptomatibus, veluti sunt dolor, inflammatio &c. progrediendum. Cum enim, ut ex præcedentibus colligitur, summo naturæ beneficio excrescentia hæc in commodum ægri sit procreata, non est absumenda ab initio, donec nervi partesque nervosæ carne satis fuerint tectæ, ut amplius ab externis injuriis lædi non possint. Sedato dolore, remissaque inflammatione, reliquisque symptomatibus, si fungosa excrescentia non remiserit, eis quæ exsiccant, deprimenda est, à lenioribus tamen incipiendum. Primò itaque sequens pulvis, qui exsiccat, citra omnem tamen mordicationem, inspergendus est,

R. *Rad. Iridis Florent.*
Angelica an. ℥iiij.
Aristoloch. rotunda, &
Corticum ligni guajaci an. ℥ij.

Misce, & in copia fungo insperge, postea sequens applica cataplasma.

R. *Farina fabarum* & *Lupinorum* an. ℥iiij.
Fimi columbini ℥ij.
Pulv. Rosarum rubearum
Myrtilorum
Balaustiorum
Absinthii an. ℥ij.

Salis Marini ℥ij. Cum lixivio simplici, fiat cataplasma, applicetur calidè bis in die, insperso prius pulvere prædicto, & filamentis adeò contexto, ut nihil humiditatis à cataplasmate ad fungum pervenire possit, ne propter acrimoniam Cataplasmatidis fungus irriteretur. Hoc per dies aliquot applicato pulvere, si fungus non flaccescit atque imminuitur, accipe prædicti pulveris ℥ij. cui admisce Aluminis usti ℥j. vitrioli usti, & pulv. Mercurii præcipitati, rectificati, & loti an. ℥β. Misce & insperge, uti dictum, cum applicatione Cataplasmatidis. His remediis semper fungos in articulorum vulneribus feliciter sanavi. Quomodo verò in fungis cerebri sit procedendum, videat lector Obser. 15. Centur. 1.

Monitos autem velim esse Juniores Chirurgos, fungos in articulis, uti etiam qui ex denudatis meningibus cerebri prorumpere solent, etiam si non illicò & subito, sed pedetentim retrocedant, nequaquam tamen erodentia, multò minus septica applicanda esse, ea enim in vulneribus capitis mortem accelerarent. In vulneribus verò articulorum, dolores, inflammationes, aliaque gravissima symptomata de novo excitarent, curationemque retardarent.

Cap. 24. *De atrophia post Ichorem aut Meliceriam acrem articulorum exulceratorum, ejusque curatione.*

Quia plerumque Ichorem & Meliceriam acrem articulorum exulceratorum, atrophiam sequi videmus, non abs re esse duxi, si in gratiam tytonum Chirurgiæ, de ea hîc quoque aliquid annexerem. Est autem Atrophia, ut docet Galenus, de symptomatum causis libr. 3. privatio circa nutritoriam actionem, ac deficiens nutritio. Etique vel universalis vel

vel particularis. *Universalis* est, quando totum corpus contabescit, extenuatur & absumitur: *particularis*, quando aliqua saltem pars ita afficitur: utramque post Ichorem accidere posse, sæpissimè mihi in praxi videre contigit, uti postea exemplis demonstrabo. Fit autem quando vel totum corpus, vel saltem pars aliqua, sanguine, succo & spiritibus ad sui nutritionem & vitam requisitis privatur, idque in Ichore acri, ex articulis profluente, hoc modo fit. Quotiescunque propter doloris vehementiam ac diurnitatem, propter vigilias item, inquietudines & febris vehementiam, interna viscera, intemperie calida vehementer diu (uti sæpissimè fit in hoc morbo) molestantur, afficiunturque, ventriculus, hepar, lien, ac reliquæ partes, concoctioni primæ inservientes, imbecilles fiunt, ita etiam, ut plerumque propter diurnitatem morbi & prædictorum symptomatum vehementiam, mesenterium, hepar ac lien, non solum imbecilles fiant, verum etiam plerumque in scirrhum indurescant. Ex imbecillo itaque ventriculo chylus semicoctus, crassus & imperfectus sequitur, is cum ad venas mesaraicas & hepar pervenit, obstructions sanguinemque crassum, viscosum, & ad nutritionem partium ineptum gignit, propter crassitatem enim & viscositatem, quam habet, ad vias illas angustissimas, venas capillares, & partes textas & musculosas permeare inon potest; contabescunt itaque partes, sequiturque atrophia universalis, uti videmus accidere tum in morbis Chronicis, tum etiam in acutis, & Ichore acri articularum, si in longum tempus profluxerit. Vidi id in quadragenario quodam cive Lausannensi, Claudius nomine, cujus mentionem quoque feci capite primo. Ille enim cum ab initio morbum neglexisset, tandem propter doloris reliquorumque symptomatum vehementiam in maximam cacochymiam incidit. Inde sequuta est atrophia universalis, ita ut ossa vix cure obtegerentur. Ex qua nunquam perfectè sanari potuit. Erat enim pauper, non habens unde requisitam victus rationem observare potuisset. Vixit quidem per annos aliquot, sed miserè claudicans per totam vitam.

Anno 1622. juvenem Bernensem 12. annorum, Jacobum, Dn. Jacobi Habreuteri p. m. Filium, Ichore acri circa talum tam graviter laborantem, ut barbitonsor, cui curatio demandata fuerat, ipsum pro deplorato reliquerat, curandum habui. Ille similiter propter symptomatum vehementiam in tantam atrophiam incidit, ut corpusculum suum universum potius skeleton, quàm vivum corpus præ se ferret. Maximo cum labore tandem à me sanitati restitutus fuit. Ex atrophia quoque propter juvenilem ætatem, optimamque, quam observare potuit, victus rationem, convaluit, & nunc sine ulla ferè claudicatione incedit, currit ac saltat. Quid non potest juvenilis ætas? Sed de hoc ægro alibi fusiùs. Fit quoque atrophia universalis, quando pancreas indurescit. Impedit enim quo minus chylus ex mesenterio per venam portam ad hepar pertransire possit, uti Lector videre potest Obs. 70. Cent. 1.

Atrophia particularis propter defectum atque penuriam sanguinis & alimenti, membro quoque aliqui peculiari accidere potest, reliquo corpore existente integro, varias ob causas, inprimis verò si dislocationes circa magnas juncturas, veluti coxas & humeros, sive ex causa internâ, sive externa acciderint, & in situm naturalem repositæ non fuerint. Tunc enim caput ossis, extra locum suum delapsum, venas, per quas sanguis defluere solebat, comprimit, inde brachium aut

crus, nutrimento suo destituitur & contabescit. Si tuberculi duri, aut scirrhi circa majora vasa, vel si inflicto vulnere abscissa aut præter modum arctè ligata fuerint, idem accidere solet. Atrophia verò post Ichorem acrem articularum accidit, non quidem ob dislocationem, sed primò, quia vena aliqua magna ab ichore isto acti, ex vulnere circa coxam aut humerum effluxo, erosa fuerit. Secundò, quando serosa illa materiâ ex corpore ad genua, pedes aut manus, cum impetu & in copia fluit, fit plerumque ut subtiliores partes ultrò ad pedes, vel manus perfluant, quicquid autem crassum, vel viscosum est, circa humores aut coxas remaneat, viasque, per quas alimentum fluere solet, obstruat. Tertiò fit atrophia post Ichorem acrem, quando pars affecta propter summam imbecillitatem nutrimentum non attrahit, attractum non satis rectè concoquit, minus in nutrimentum convertit. Quartò accidit atrophia, quando pars aliqua corporis, puta brachium, aut crus, uti sæpissimè fit hoc morbo, diu non movetur, motu enim partes corporis impinguescunt. Testatur id Hippocrates lib. de Artic. his verbis: *Omnia quæ in corpore ad usum facta sunt, si quis moderate ipsis utatur, & in his laboribus exerceat, ad quos singula sunt assuevit, sic quidem sana sunt, & augefcunt, & probe confenscunt, si verò quis non utatur, sed quiescat, morbosiora fiunt, & non augefcunt, & cito confenscunt.*

De signis ut quicquam commemorem, supervacaneum est, Morbus enim per se satis manifestus, omnibusque cognitus est, minimè tamen negligendus, præsertim si atrophia universalis fuerit. Arguit enim, ut ex præcedentibus manifestum fit, internorum viscerum, præsertim ventriculi, partiumque concoctioni inservientium, hepatisque (quod officina & scaturigo & sanguinis & alimenti, quo totum corpus nutritur) summam adesse imbecillitatem atque labefactionem, imò tantam, dico, adesse, labefactionem, ut sanguinem pro nutritione corporis sufficienter generare, multò minus ad partes longinquas mittere, minus sit potens. Si senex post Ichorem acrem fit claudus, vix ab atrophia curabitur, præsertim si victus rationem exactè non observaverit, uti ex præcedenti historia de Lausannensi, colligere est. In juvenibus verò non ita est periculosa.

Atrophia ex inveterata dislocatione in senibus incurabilis est, in juvenibus non item. Vasa enim ab osse compressa, quia nondum induruerunt, paulatim aliquo modo prolongantur, ita quidem, ut sanguis ac spiritus pro nutritione partis commodè perfluere possit.

Atrophia si propter majorum vasorum, articularum videlicet & venarum erosionem, uti sæpissimè fit in Ichore, fuerit, insanabilis est. Sin propter tumores duros & scirrhosos, vel denique propter retentam aliquam materiam crassam & viscosam circumcirca vasa majora, aut in ipsismet vasis fuerit; nonnisi maxima cum difficultate sanabitur: præsertim in senibus.

In curatione atrophie tam universalis quam particularis, semper ad causam respiciendum est. Ablata enim causa, tollitur quoque effectus. Si itaque propter obstructionem atque labefactionem viscerum, & appetentiam prostratam, fuerit atrophia, ut sæpissimè fit post Ichorem acrem articularum, viscera sunt referenda & corroboranda; idque fit medicamentis, tum per os sumptis, tum

etiam exterius adhibitis, non neglecta victus ratione; de quibus omnibus capite præcedenti satis dictum fuit, superest itaque de cibis insigniter nutriendis, qui in hoc affectu magnopere requiruntur, aliquid adscribam. Ante omnia autem sciant juniores Medici & Chirurgi, dandam esse operam, ut corpus, quantum fieri potest, sit mundum. Impura enim corpora, à cibis etiam optimis & insigniter nutriendis, non nutriuntur, sed magis magisque prævis humoribus replentur. Quicquid enim boni ingeritur id à prævis & vitiosis humoribus, visceribus inclusis, corrumpitur. Testatur id Hippocr. lib. 2. aphor. 10. quibus autem medicamentis corpus leniter sit expurgandum, capite de cacochymia dictum fuit. Nutrimenta omnia sint talia, quæ concoquantur digeranturque facile, & bonum succum procreant, quod natura eis substantiam corporis exsiccatam atque extenuatam, partes etiam procul à fonte caloris nativi sitas, sine magno negotio itrorare, humectare atque reficere possit. Inprimis conveniunt juscula carnis boum juniorum, vervecum, gallinarum, caponum, perdicum, columbarum & similibus, in quibus vitella ovorum dissolvantur, poterunt quoque cum prædictis jusculis amygdalæ aut pistaciæ dissolvi, & veluti amygdalatum exhiberi, hujusmodi juscula faciliè concoquantur, & in nutrimentum transeunt. Cavendum tamen, ne extremitates animalium, siue fuerint quadrupedum, siue volatiliam, addantur. Continent enim in se succum ac nutrimentum nimis viscosum, quod obstructions parit. Capite de cacochymia jusculum, quod Regium appello, præscripsi, quod ego sæpissimè maximo cum fructu in eis, qui propter cacochymiam vel hydropem extenuati erant, usus sum, quod & hic summo opere convenit; non tantum enim nutrit, verum etiam obstructions simul aperit, & proinde chylus atque nutrimentum, quod ex eo provenit, faciliè etiam ad longinquas partes corporis pervenit. Insigniter nutriunt cremor hordei, & avenæ decorticatæ: præsertim si gallinam, caponem, aut frustam carnis vervecis jusculo simul incoxeris. Cavendum tamen, ne præter modum coquatur hordeum aut avena, ne nimis viscosum reddatur jusculum. Convenit quoque usus lactis in atrophia, inprimis autem lac muliebre, uti & vaccinum, ovium, & asininum. An. 1597. matronam 63. annorum curandam habui, illam, quum propter herniam intestinalem, in gangrænam degeneratam, præter modum extenuata & emaciata fuisset; remissa febre, beneficio lactis muliebris post Deum in integrum restitui, & in 15. usque annum post curationem supervixit. De gravissimo hocce affectu videat Lector Obl. 55. Cent. 1. Singulis autem matutinis, absoluto somno, maximum haustum lactis ex juvencula; & optimo corporis habitu prædicta, rustica, ad lectum ægræ emulctum, ægræ propinavi. Deinde circa decimam prandebat. Aliud habeo exemplum memorabile de præstantia lactis muliebris. Dn. Jacobi de Tribus Paterniacensis filiolus, 4. annorum ætatis, post Dysenteriam gravissimam Lyenteria correptus fuit, quam secuta est periculosa atrophia, ita ut ossa vix cute obtegerentur. Juscula & quicquid assumebat, indigestè iterum per secessum excernebat. Suasi ut mater infantem semestrem, quem lactabat, nutrici alicui committeret, periculumque faceret, an atrophiam hancce ac summam extenuationem corporis, cum labefactione virium, lacte suo reficere posset. Mater consilium, infans vero papillas celeriter arripuit, & cum aviditate exfluxit, omnemque cibum in posterum respuit. Hæc

cum ego viderem, & de salute ægri spem aliquam conciperem, singulis diebus regionem ventriculi, totumque abdomen sequenti unguento bis calidè inungere jussi.

R. *Masticis* &

Mentha an. ʒj.

Ol. nucis Muscat.

Gummi Tacamaaca pinguiissimi ʒj.

Terantur omnia lentissimo igne, percolentur & reserventur in vase vitreo. Hisce prædiis convaluit, & permultos annos supervixit; Egrègiè quoque nutriunt vitella ovorum, & quæ ex eis conficiuntur edulia, modò ne sint dura cocta. Instaurativum longè excellentissimum hoc modo præparo, ægrisque ex morbo præter modum extenuatis, maximo cum fructu exhibeo. Accipio caponem, vel eo deficiente gallum aut gallinam exenteratam, extremitatibusque abscissis, carnem ossaque nonnihil contundo, postea in vas stanneum amplum atque spaciosum projicio, addo nonnihil cinamomi, & si in promptu est, perdicem. Poculum siue vas stanneum, vesica bovina madefacta, linteove forti diligenter claudio, & in duplici vase coquo per horas sex; per se refrigerato ferè poculo, siue vase, carnem per pannum colo, succumque carnis ægro exhibeo. Est enim præstantissimum nutrimentum. Adjiciunt nonnulli aurum, corallia, lapidesque preciosos. Id unicuique integrum est, ea vel adiacere vel omittere. Ego cum doctissimo D. Sennerto & aliis sic sentio, ea ita fixa & compacta esse, ut eorum vis hoc modo extrahi nullo modo possit. Nonnulli quoque carnes, adjectis coralliis, margaritis & auro per alembicum distillant, sed revera parum nutritæ aquam, quæ exsillat, expertus sum. Nam alimentosa pars carniū viscota & stabilis est, difficulterque transpirat, ut Galenus lib. de Marcore cap. 9 scribit, quapropter addit Sennertus, glutinis instar habet, seu ut Chymici loquuntur, minus volatilis, sed fixior est, quàm ut calore balnei in altum attolli possit. Quicquid verò in altum balnei illo calore elevatur, maxima ex parte vapores aquei sunt, qui nullam nutriendi vim habent.

Aliud instaurativum longè excellentissimum phthysicis extenuatis, & atrophia laborantibus, hoc modo conficere soleo; Accipio carnem illam musculosam, quæ sternum caponis vel gallinæ opplet, probè coctam, & minutim concisam, projicio illam in mortarium, & adjectis nucleis pinearum, pistacearum, & amygdalar. dulc. ana. ʒss. Omnia pistillo contundo, cum jure caponis, quantum satis, addo nonnunquam aliquid sacchari, vitellum unum aut alterum ovi, parumque aquæ rosaceæ, & inter duos catillos super carbones coquo ad consistentiam pulvis. Nutrit quoque plurimum caro perdicum, turdorum & avium nemoralium, caro gallinaginis siue rusticulæ, non tantum nutrit, verum & in obstructions convenit. Pisces parum nutriunt, si quis tamen per intervalla eis uti voluerit, saxatiles, veluti trutam, percam, salmonem, lucium; item carnem caudarum & chelarum, gammarorum, & hujusmodi eligat.

Pro potu utatur æger lacte amygdalarum ducium, aut emulsionibus pistacearum, & pinearum, vel decocto hordei, Liquiritiæ, & uvarum passularum exacinaratum, saccharo, vel quod melius est, melle despumato, parumque Cinamomi, aromatizato; Vinum, si æger bibere voluerit, subdulce, album, bene defacatum, vetus, minimeque generosum sit.

Qui

Qui cerevisiâ utuntur, eligant sibi cerevisiam quàm optimè defæcatam, bene coctam. nec nimis recentem, crassam item & spissam. Crassa enim cerevisia quia plurimum frumenti habet, plurimum quoque nutrit. Hæc de cibo ac potu. Quoad exercitium, sit illud modicum; Sin verò propter imbecillitatem corporis deambulando aut equitando æger sese exercere non poterit, fiant frictiones, primò cum linteis calidis, postea cum succo lumbricorum, cujus modum præparandi petat Lector ex tractatu meo de Gangræna & Sphacelo capite 13. in fine. Frictiones bis in die fiant, præcipuè tempore matutino, antequam æger Lecto egrediatur. Tunc enim quia pori sunt aperti, medicamentum facilius penetrat. Aër sit temperatus, calidus & humidus; somnus & vigiliæ mediocres conveniunt.

In Atrophia particulati, commemorata omnia, videlicet victus ratio, exercitia & frictiones, inprimis verò succus lumbricorum, & oleum nostrum de ranis, uti & aqua, quæ in præparatione colligitur, mirum in modum conveniunt. Oleum meum de ranis sequenti modo præparo.

R. *Ranarum viventium num. XII.*
Lumbricorum in aqua lotorum M. iiij.
Florum & foliorum betonica
Ivæ arthetica an. M. ij.
Rosmarini
Majorana
Florum primula Veris
Salvia
Chamomilla
Meliloti an. M. j.

Omnia cum ranis & lumbricis incidantur, & in mortario conquassentur, projectis postea in cucurbitam affunde.

Aqua Juniperi sine vino distillata lb. vj.
Olei olivarum lb. vij.
Axung. humana
Felis
Canis &
Muris Alpini an. ℥ij.

Maneant in infusione horas 24. postea cucurbita suo capitello testâ, ponatur in arenam, & tam diu coquantur, donec tota ferè aqua sit exstillata. Oleum adhuc tepidum per prælum exprimatur, & reservetur ad usum. Odor, qui aliquantum gravis est, additione nunc olei salviæ, nunc Olei granorum Juniperi, spicæ, vel ol. ex floribus Slotani, emendari poterit. Aquæ, quæ exstillavit, & in ampulla spaciola collecta fuit, sequentia adde.

Cinamomi optimi
Gariophyllorum
Nucis Muscata
Zinziberis
Curcumæ
Macis
Cardamomi
Piperis ana ℥ij.
Croci ℥ss.

Contundantur grosso modo, misceantur fiatque infusio in prædicta ampulla, per Mensem integrum. Aqua hæc per inclinationem & expressionem separata, præstantissima est in affectibus nervorum & nervosarum partium: dummodò inflammatio aut intemperies calida non adfuerit. Manifestè enim

corroborat, & circa nervos & articulos humores frigidos absumit. Odor ipsius aliquo modo gravis additione aquæ granorum Juniperi, spicæ, aut Cinamomi castigatur. Oleum similiter, ut dixi, coctum, postea per prælum expressum, in articulorum nervosarum partium doloribus, & proinde in Ichore & Meliceria Celsi summum est remedium.

In præparatione autem & coctione hujus olei id observandum est, totam illam aquam Juniperi, quæ herbis affusa, simul & succum ranarum & lumbricorum nequaquam elici posse. Oleum enim, quod aquæ supernatat, & in opere spatula in alembico deturbari & agitari non potui, impedit, quo minus tota aqua exstillet. Post distillationem itaque expressum oleum à subsidentia separandum, & seorsum conservandum est. Idem de subsidentia Olei intelligo, quæ separatim quoque in ampulla per annos aliquot conservari potest, dummodò oleum commune sit affusum; Subsidentia hac utor in cataplasmatibus, linimentis, aliisque medicamentis dolorem sedantibus, discurrentibus, & resolventibus. Propter succum enim ranarum & lumbricorum, præstantissimum est medicamentum, quapropter etiam in colicis doloribus, ubi & Dysenteria utiliter Clysteribus admiscetur.

Si oleum de ranis in promptu non fuerit, paretur sequens linimentum.

R. *Ol. lumbricorum ℥ij.*
De piperibus de Euphorbio
Castorii an. ℥j.
Ol. granorum Juniperi ℥ij.
Misceantur, vel
R. *Axungia Equi Ramschmaltz*
Axungia humana
Ursi
Muris Alpini an. ℥j.

Misceantur & addantur Lumbricorum exsiccatum, & subtilissimè pulv. ℥j.

Euphorbii
Piperis longi
Pyretri an. ℥j.

Misceantur, fiatque linimentum, quo tota pars affecta quotidie bis calidè inungatur, donec ruborem concipiat.

Si durities aliquo in loco partis affectæ adfuerit, & transitum nutrimenti & spirituum retardaverit, emollienda & resolvenda est sequenti fomento.

R. *Radicum althea*
Liliorum alborum
Bryonia &
Ebuli ana ℥ss.
Foliorum althea
Malva
Betonica
Florum Chamomilla
Meliloti
Sambuci ana M. ℥ij.
Seminis lini
Foenigraci an. ℥ij.
Anisi ℥j.

Incidantur & contundantur omnia grosso modo pro sacculo intersuto, qui aqua coquendus & calidè applicandus est, ter quaterve in die; post fortum inuncto loco affecto oleo lumbricorum, liliorum alborum & ungu. de althea, emplastrum de

Mucilagibus, vel Oesypi Philagrii aut de ranis sine Mercurio; convenit & emplastrum de Cicuta, minus enim in modum emollit & resolvit.

Cap. 25. *De rigidis & in unum concretis articulis, post curatum Ichorem & Meliceriam.*

FRequenter post curationem Ichoris & Meliceriae, juncturam adeo rigidam & induratum remanere videmus, ut neque in hanc, neque in alteram partem deflecti possit. Hinc plerumque in longum tempus Chirurgus diu multumque laborare vidi, quo juncturam, nervos & ligamenta emolliiri possint, sed oleum atque operam perdiderunt. Ichor enim ille, qui ex toto corpore ad articulum vulneratum fluit, & ut antea dixi, acrimoniâ contrahit, primò ligamenta & vincula, quæ articulum cingunt, deinde etiam cartilagine, quibus junctura incrustata est, erodit & absorbet. Hinc fit, ut ossa à suis cartilaginibus & vinculis denudata, inter se per callum (quod ante me nullus, quod sciam, observavit) tam firmiter coalescant, ac si nunquam ea in parte fuisset articulus. Hoc multis paradoxum esse videbitur. Ego verò expertus loquor. Habeo enim in Musæo meo ossa in Cameteriis & osuariis reperta, in quibus id evidenter apparet: & primò ossa brachii sinistri, hominis consistentis ætatis, quæ in cubito mediante callo tam firmiter & eleganter sunt connexa atque concreta, ac si continuum esset os, ac nunquam adfuisset junctura. Hoc quia, ut dixi, à Medicis nondum, quod sciam, observatum fuit, figuram horum ossium annectere placuit. (*Vid. Tab. VIII. Fig. 2.*)

Hujus connexionis ossium in cubito causam fuisse fracturam ossis brachii, & fracturam non satis rectè repositam fuisse, extuberantiæ, & prominentiæ Calli A. & B. notatæ, fidem faciunt. Propter asperitatem itaque & prominentiam fragmentorum ossis fracti, sequutum fuisse dolorem maximum, inflammationem & affluxum ingentem humorum cubitum versus, verisimile est, inde in cubito hydrarthros ortus fuit, à quo primò erosa fuerunt ligamenta & vincula, quæ articulum cingunt, ita ut humor ille lentus ac viscidus, qui articulis naturaliter inest, affluerit. Postea à prædicto Ichore acri crustulæ illæ cartilagineæ, quæ appendices ossium regunt, erosa quoque fuerunt, & ita quidem, ut partes spongiosæ apophysium tam ossis humeri, quam etiam radii minoris, & facilius majoris invicem attingerent: inde factum est, ut ex nutrimento, ad utrumque os dilato, callus productus fuerit. De miranda hacce concretionem ossium videat lector Obs. 77. Cent. 3. & Epistol. ad Dom. D. Pavium Anatomicum celeberrimum.

Habeo præterea in Musæo meo os ilei, hominis ætate provecti, in osuario repertum. In hoc osse caput femoris suo acetabulo tam firmiter simul & eleganter innatum est, ac si cum osse coxendicis unum & quidem continuum esset os, ita ut an unquam ibi fuerit junctura, non nisi artis peritis notum sit, uti ex annexa figura apparet. In qua partem sanam ægræ opposui, ut affectus eò melius cognosceretur. (*Vid. Tab. VIII. Fig. 3.*)

Ex oculari autem inspectione etiamnum manifestum fit, femur à majore, sive exteriori processu, usque ad interiorem, sive minorem, ubi os signatum est, olim glande plumbea trajectum, mirumque in modum confractum, & quamplurima ossicula ex-

tracta fuisse, hinc femur brevius altero evasit, ut ex figura apparet. Globulum autem plumbeum prædicto modo os perforasse, inde conjicere licet, quod foramen in osse circa processum majorem parvum, ex adversa verò parte notata, magnum exstat. Experientia enim docet, globulum in suo ingressu parvum, in egressu verò magnum relinquere foramen. Porro cum femur tam prope juncturam perforatum, mirumque in modum fractum comminutumque fuisset, dolores ingentes, & affluxus humorum supervenissent, erosa fuerunt ligamenta & cartilagine, ita ut caput femoris cum suo acetabulo mirando quodam modo in unum concreverint. Vidi id quoque in aliis corporis juncturis & præsertim in digitis. Habeo præterea in Musæo meo crus integrum, hominis consistentis ætatis, in quo femur cum osse tibiæ in genu ipso tam eleganter connexum est, ut ne Vestigium quidem juncturæ appareat. Imò & rotula ipsa, mediante callo tam rectè annexa est genu, ut nullo modo separari possit, sed ita incurvatum genu ut certum sit illum gralla incessisse. Addidissem effigiem hujus cruris, sed vereor lectori odiosum esse, librum figuris minus necessariis onerare. Mirum autem, verissimum tamen est, plerumque ex connexionem hæc ossium, membrum non debilius, sed robustius, quam non fuit antea, evadere, dummodò in curatione, membrum, ut postea dicam, insitum aptum collocatum fuerit. Exempla vidi primum in rustico quodam in agro Bernensi, de quo vide Cap. 2. hujus tract. Item Cent. 4. Obs. 88. Ille enim aliquoties sanctè mihi affirmavit, se in hac manu post curationem plus roboris, quam antea habere. Aliud exemplum annotatione dignissimum vidi Colonia Agrippinæ, in nobilissimo quodam viro, ad quem una cum Clarissimo viro Dom. Henrico Seapedio, Medicinæ Doctore celeberrimo, & Reneo Slotano, pharmacopæo excellentissimo, vocatus fui An. 1612. 6. Septembris. Ille ante aliquot annos ad dextrum cubitum vulnus ense receperat. Ex quo gravissima symptomata orta fuere, tandem quoque Ichor gravissimus, ossiumque in cubito connexio sequuta est, & ita quidem, ut junctura rigida & immobilis facta fuerit. Infinitorum propemodum Medicorum, Chirurgorum, atque agyrtarum, consilio usus fuerat, sed frustra. In hunc itaque finem accersitus fui, ut ex me intelligeret, an Medicamento aliquo apto atque idoneo, durities atque rigiditas illa articuli tolli, ac membrum in integrum restitui possit. Quum verò ipsi significarem, ossa ipsa in cubito per callum connexa esse, non tantum ipse eger, verumetiam adstantes omnes non parum admirati fuerunt & de hac connexionem articulorum, se nunquam audivisse, neque apud auctores legisse, affirmarunt. Commemoratione autem dignum est, nobilem huncce virum hoc brachio aliquantum incurvato, tam robustum, tamque validum fuisse, ut cuiusvis etiam robustissimo viro, in certationibus, par propemodum fuisset. Ante omnia autem necesse est, ut Chirurgus perpendat, an articulum prædicto modo coaluerit nec ne? Si enim per callum connexus fuerit, frustra erunt omnia, quæ adhibebit. Vidi id Anno 1618. in Basileensi quodam viro juveni, cui propter Ichorem & Meliceriam cubitus connexus, & ita concretus fuit, ut junctura nullo modo moveri, flecti, aut extendi posset. Ego cum una cum clarissimo & doctissimo viro Dom. Joh. Friderico Wartenbergio, Doctore Medico Celeberrimo, in consilium vocatus essem & coalitionem hancce juncturæ observassem, etsi omnia frustra futura prædiximus,

Fig. 1.




Fig. 2.



Fig. 3.




Figure 4. & 5.




Fig. 10.




Figure 8. & 9.






Figure 6. & 7.



mus, rogarunt tamen parentes, ut tentativam, ut vocant, curationem institueremus. Corpus itaque purgavimus, fomenta, olea, emplastra, & Cataplastmata Emollientia per mensem ferè integrum applicuimus. Deinde ad Instrumenta sequenti capite delineata perveimus, omnia quæ tentari potuissent, tentavimus, verum laboris nostri fructu & industria privati fuimus. In hujusmodi itaque affectibus nihil aliud tentandum est, quàm ut membrum corroboretur, de quibus posthac capite 30. dicturus sum.

Interim autem dum Chirurgus circa articulos, hoc morbo affectos, occupatus est, si de concretionem ac coalitione juncturæ dubitaverit, necesse est, ut maturè perpendat, quisnam situs membri aptior commodiorve futurus sit ægro? Si enim brachium in cubito malè affectum fuerit, præstat ut sit incurvatum potius, quam rectum & extensum. Idem de digitis censendum est. Sciat tamen Chirurgus, digitos hoc modo affectos, non semper incurvari posse. Si enim ulcus ex interna parte digiti; & nervi digiti flectentes erosi & putrefacti fuerint, digitum verò extendentes illæsi permanerint, vix fieri potest, ut digitus incurveretur. Sin verò nervus digitum extendens erosus fuerit, facilè incurvabis digitum. Cum crure verò longè alia est ratio: si enim in alium genu, aut coxam infestaverit, longè commodius erit ægro, si crus extensum, quàm si incurvatum fuerit. Incurvato enim crure, æger absque gralla vix incedere potest, uti ego in aliquibus vidi. Apparet id quoque ex præcedenti figura, ubi caput femoris non solum acetabulo suo adhæret, sed & in transversum detorsum est, ita ut ægium nunquam incedere imò nec gralla uti potuisse, ex situosis saris appareat. Videat quoque Chirurgus ut ossa, interim dum per callum connectuntur, rectè se attingant, ne unum ad latus alterius extuberantiam deformitatemque faciat, & imbecillitas perpetua istius membri sequatur.

Cap. 26. *De retractis nervis, & incurvatis juncturis, post Ichorem & Meliceriam.*

Retrahuntur plerumque nervi in hoc affectu, & incurvantur juncturæ, sine coalitione tamen ossium. Cum enim, propter dolorem maximum ac diuturnum, æger membrum extendere non potest, retrahantur nervi, & à calore isto præternaturali ac inflammatione, quæ membrum læsum infestat, exsiccantur, & aridi fiunt, ita ut postea non nisi maxima cum difficultate extendi possint.

Diligenter autem hic affectus cum præcedenti distinguendus est, ne error in curatione committatur; si enim articulus per callum concretus fuerit, frustra adhibebuntur omnia, sin minus, curatione sequenti modo instituat. Primò observanda est optima victus ratio. 2. Corpus clementer expurgandum, de quibus in præcedentibus abundè dictum fuit. Tertiò, omnibus modis humectandi, & emolliendi sunt nervi, partesque nervosæ, ubi sequens convenit fomentum.

R. *Radicum alibea*
Lithiorum alborum
Brionia &
Ebuli an. ʒss.
Foliorum & florum betonica
Iva arthetica
Rosmarini
Majorana an. M. ss.
Florum chamomilla

Melilori

Sambuci an. M. j.

Seminis lini

Fenigraci an. ʒ. j.

Anisi &

Anethi an. ʒij.

Incidantur & contundantur omnia grosso modo, coquanturque in jure capitis & pedum vituli aut vervecis; in hoc decoctum immergatur membrum malè affectum bis aut ter in die, per horam unam aut alteram, prout ægro libuerit. Aut fiat sacculus ex præscriptis herbis, qui in prædicto jusculo coquatur, calidè applicetur, & per noctem relinquatur. Abstracto sacculo, & linteis calidis absterse membro, inungatur sequenti linimento calefacto.

R. Olei nostri de ranis, cujus descriptionem habes cap. 24.

Ol. *ex floribus an. ʒj.*

Ol. *Lumbricorum*

Vulpini

Amygdalarum dulcium

Pinguedinis Muris Alpini an. ʒss. Misce.

Aut

R. *Ungu. de alibea ʒj.*

Pinguedinis humana

Anseris & caponis an. ʒss.

Ol. *Lumbricorum ʒj.*

Ol. *Granorum juniperi ʒij. Misce.*

Post inunctionem applicetur emplastrum aliquod insigniter Emolliens, uti est Empl. de Meliloto, de Mucilaginibus cum gummis, vel Emp. Oesypi Philagrii. Hoc modo bis in die curandus est affectus, donec satis emolliti fuerint nervi, & junctura ipsa. Tum adaptandum est membro unum ex sequentibus instrumentis (*Vid. Tab. VIII. Fig. 4. & 5.*) stupis, gossypio, linteisque munitum, quod dies noctesque relinquatur, & pro arbitrio, & secundum tolerantiam ægri extendatur & incurvetur. Singulis tamen vel alternis diebus instrumentum amovendum, membrum inungendum, Emplastrum quinetiem renovandum est. Horum instrumentorum beneficio membrum incurvatum extendatur, lente tamen, ne dolores oriantur, & gravissima symptomata de novo subsequantur. Omne violentum enim periculosum. Interim autem dum genu appositum est instrumentum, deambulando blandè se se, si ullo modo fieri potest, exerceat æger. Sin brachium incurvatum fuerit, nunc autor sum, nunc retrorsum, sursum aut deorsum moveatur.

Cubitos incurvatos nonnunquam, sine prædicto instrumento, in pristinum statum reduxi hoc modo: Jussi ægro, ut præter prædicta Emollientia singulis horis manu ponderosum quid, veluti ahenam lapidibus oneratam, arriperet, & deambulando hinc inde portaret. Est quidem extemporaneum sed non spernendum præsidium, quo in multis feliciter cum successu usus sum, etiam hoc Anno 1632. in filio nobilissimi ac strenui viri Dom. Jodoci à Diesbach &c.

Instrumenta ad cubitos & genua incurvata, ex magna Chirurgia Gualteri Riff deprompta.

Aut utere sequenti Instrumento, ex nostra inventionem, quod quivis parvo cum negotio & sumptu habere, & tam ad genua, quàm cubitos incurvatos, adaptare potest: (*Vid. Tab. VIII. Fig. 6. & 7.*)

Instru-

Instrumenti præfigurati Explicatio.

Capfulam ex ligno fabricatam, tam in prima, quam in secunda figura denotat.

Annulus est ex lamina ferrea, ejus latitudinis, ut genu totum possit amplecti, fabricatum. Is autem in prima figura apertus, in altera verò clausus, & genu amplectens conspicitur. Ut autem eò melius adaptari possit, pars illa, quæ rotulam respicit, aliquantum excavata sit, necesse est.

Torcular existit, beneficio cujus annulus capsulam versus trahitur, aut quantum opus est, in altum elevatur.

Tam in primæ quàm secundæ figuræ parte una claviculum, altera verò foramina denotat, quorum beneficio annulus tantum, quantum necesse est, constringitur vel laxatur.

In prima figura cardines, quibus annulus clauditur aperiturque, denotat. Aperto itaque annulo, collocataque tibia in capsulam, annulus circumcirca genu adaptandus est, stupisque undiquaque & linteis muniendus: postea clavis & foraminibus, D. D. D. notatis claudendus. Habet præterea fibulas duas, F. F. F. F. denotatas, & lorâ duo G. G. G. G. signata, quorum beneficio tibia capsulæ alligatur. Circumducto præterea torculari C. C. notato à dextra in sinistram, annulus, simulque genu, capsulam versus trahitur, extenditurque tibia tantum, quantum Chirurgo opus esse videbitur. Porro torcular ut liberè in annulo circumvolvatur, necesse est; ideoque ex interiori sua parte nodum habet H. notatum.

I. Lamina est ferrea, quæ capsulæ mediantibus duabus claviculis firmiter annexa est, ut in ea torcular commodè circumvolvatur.

Cap. 27. *De ulcere sordido, post Ichorem & Meliceriam, ejusdemque curatione.*

GRavia sunt symptomata præcedentia, quæ verò sequuntur videlicet ulcus sordidum, putridum, & cum ossè corrupto, periculo quoque non vacant; plerumque enim hominem vel interimunt, vel per totum vitæ suæ cursum miserè affligunt. De ulcere sordido, de quo in hoc capite acturus sum, exemplum singulare habeo.

Nobilis quidam in Ducatu Brunswicensi, *Conradus à Steinberch*, Vir juvenis, robustus, optimoque corporis habitu præditus, cum in Belgio militaret, & quadam die in acie contra hostem strenuè pugnaret, ictu sclopeti ad sinistram rotulam vulnus recepit. In proximam urbem quidem conductus, ibidemque à Medicis & Chirurgis curatus fuit. Interim tamen propter doloris vehementiam atque diurnitatem hydrarthros sequutus est, quapropter in patriam deportatus fuit. Ubi per multos annos ingentes dolores & cruciatus perpeffus est. Ichor enim acris cum ad tempus fluxisset, in sordidissimum ulcus degeneravit, cum tanto dolore, ut vix suffulcris incedere posset. Tandem Anno 1582. Dn. Cosmas Slotanus Medico-Chirurgus longè præstantissimus, præceptor meus æternum honorandus (apud quem tunc temporis artem meam exercebam) in arcem *Bodenberg* in ducatu Brunswicensi, prope *Hildesheimium*, ad prædictum nobilissimum Virum vocatus fuit, ad quem cum pervenissemus, genu mirum in modum intumefactum, reliquum verò crus extenuatum invenimus. Genu variis in locis ulceribus sordidis scatebat, cum ossibus cariosis, & doloribus

maximis, qui dies noctesque ipsum exercebant. Hinc viscera omnia interna mirum in modum labefactata & obstructa fuerant. Mansit Dominus Slotanus apud ægrum in arce *Bodenberg* per menses aliquot, ubi illam adhibuit diligentiam, ut æger non parum sublevatus fuerit, omniaque ad optatum scopum tendere videbantur, quapropter ut in curatione progredi vellet Slotanus, sedulò contendebat æger. Cum verò Dn. Slotanus à Principe suo Dn. *Dusseldorpium* vocatus esset, nec ægro amplius adesse posset, camerato vehiculo *Dusseldorpium* se vehi curavit, ubi per menses aliquot in ædibus Dn. Slotani decubuit, interim a tribus istis præstantissimis Medicis, videlicet Dn. *Renero Solinandro*, Dn. *Galeno Wiero*, ac prædicto Dn. Slotano, ea qua fieri potuisset, diligentia curatus quidem, non tamen sanatus fuit. Propter maximam enim obstructionem labefactionemque internarum partium, tandem, & quidem in ipsis vigiliis Divi Michaelis, piè placideque obdormivit Anno 1582. Sequenti die, cum coram prædictis Medicis, itém Dn. *Hermannio Hagio*, Med. Candidato, & Dn. *Wilhelmo Flodorpio*, cadaver aperisset Slotanus, interiora viscera omnia, præsertim hepar, mirum in modum à naturali statu decessisse vidimus, & in vesica fellea lapidem nucis muscatæ magnitudine & figura invenimus. Genu cum inspexissemus, ligamenta, cartilagine ipsaque ossa putrilagine infecta & consumpta erant. Cadaver *Dusseldorpiæ* à nobis conditum, & ad suos in patriam deportatum fuit. Hujus lapidis in vesica fellea reperti, meminit *Renerus Solinander* Consiliorum Medicinalium sect. 5. Consil. 16.

Historiam hancce non tantum in memoriam optimi ac nobilissimi hujus Viri Dn. *Conr. à Steinberch* adscribere volui, verumetiam, ut Chirurgus magnitudinem hujus morbi inde videat, eumque præcavere ediscat. Si enim ab initio à Medicis & Chirurgis instituta fuisset, tam gravia symptomata procul dubio non supervenissent. Hydropem enim articulorum, sive Synoviam, ut *Paracellus* testatur, ex ignorantia Medici aut Chirurgi provenire, ab initio Cap. secundo demonstratum est, Ichor enim acris non fluit, nisi error in curatione, sive à Medico, sive ab ipso ægro commissus fuerit. Ego jam in quinquagesimum annum ferè usque praxiæ Chirurgicæ exerceo, ac interim sæpissimè articulos fauciatis curandos habui, per Dei tamen gratiam, nunquam symptoma hoc ægris meis supervenit, benedictus sit Jehova. Apud Dom. Slotanum quoque, cui in sextum annum inservivi, neque apud alios rationales Medico-Chirurgos, illud vulneratis supervenisse memini. Nunc, quomodo instituenda sit curatio, annectam.

Ante omnia præscribenda est optima victus ratio, expurgandumque corpus secundum humoris peccantis naturam, partes quin etiam nobiles corroborandæ sunt, de quibus cap. 22. de *Cacochymia* satis superque dictum fuit. Post hæc ulcus diligenter explorandum est, si enim angustum fuerit, inprimis dilatare operæ pretium est, idque fit turundis, vel ex spongiis præparatis, vel radicibus gentianæ factis, & mundificativo aliquo inunctis. At si citra periculum fieri potest, caustico ex solo capitello facto, cautè tamen agendum est, ne nervi partesque nervosæ lædantur, & dolores de novo excitentur. Satis aperto atque dilatato ulcere, si sordidum saltem & sine carie ossis fuerit, non ulque adedò laboriosa erit curatio, imponatur itaque sequens mundificativum.

R. Mellis

R. *Mellis rosacei* ℥j.
Terebinth. non lota ℥. s.
Pulv. radicum aristolochia rotunda
Myrrha
Aloes
Thuris an. ℥j. s.

Misceantur in mortario, addendo Croci ℥j. Vitellum unius ovi, ad sedandos dolores, si supervenerint.

Aut :

R. *Pulveris radicum gentiana*
Iridis Florentina
Ligni Guajaci &
Farina Lupinorum an. ℥ij.
Summitates centaurei, hyperici &
Scordii an. ℥j.
Terebinth. non lota ℥s.

Mellis rosacei q. s. fiat in mortario unguent. Mercurium præcipitatum præstantissimum esse medicamentum in omnibus ulceribus, indies experior; Inspergo ipsum per se, vel hoc modo in forma unguenti filamentis impono,

R. *Mercurii præcipitati, rectificati, & aqua rosacea* & *plantaginis loti* ℥ij.
Unguenti rosati. Mes. ℥j.
Cera ℥j.

Misceantur diligenter in vase vitreo, spatulâ lignea. Mundificant quoque ulcera sordida ac putrida, unguentum Aegyptiacum nostrum, in tractatu de Gangræna & Sphacelo descriptum, uti & ungu. Apostolorum, & Mundificat. de succo Apii. Præter pulverem autem vel unguentum, quod ulceri imponatur, sequens quoque applicatur Cataplasma:

R. *Farina fabarum*
Lupinorum
Hordei an. ℥ij.
Pulveris florum betonica
Iva arthetica,
Origani
Hyperici
Centaurei
Rosarum odoriferar. an. ℥ij.
Salis commun. ℥iiij.

Coquantur cum decocto salviæ, Absinthii Vulgaris, & granorum Juniperi, fiatque Cataplasma addendo sub finem sapæ ℥iiij. vel, in ejus penuriam, mellis tantundem. Applicetur calidè.

Aliud.

R. *Farina lentium*
Lolii, an. ℥iiij.
Fimi caprini ℥iiij.
Pulveris florum Chamomilla;
Sambuci, betonica an. ℥s.
Ligni Guajaci ℥j.
Salis Marini ℥s.

Cum Lixivio tonsorum fiat Cataplasma, addenda sapæ, vel mellis ℥iiij. Cataplasmata hæc corroborant, & insigniter exsiccant, quapropter diligenter perpendat Chirurgus, adsit ne durities aliqua præter naturam circa nervos, vel in ipso articulo: tale enim quid si adfuerit, plerumque autem adest, non pura exsiccantia, sed quæ simul emolliunt, ex usu sunt, uti est sequens Cataplasma.

R. *Farina tritici*
Fabarum
Hordei an. ℥ij.

Pulv. florum & foliorum betonica
Iva arthetica,
Origani,
Rosarum an. ℥ij.
florum Chamomilla
Meliloti
Sambuci
Radicum althea an. ℥iiij.
Farina fœnigraci
Lini an. ℥s.

Coquantur cum decocto radicū & foliorum malvæ, fiatque Cataplasma, addendo ol. liliorum alb. & lumbricorum ana ℥j. vitellos ovor. num. 2. Aut applicetur Emplastrum ex Mucilaginis vel de melilotio, aut Oesypi Phlagrii. Præscriptis remediis plerumque usque ad finem curationis usus sum. Commemorata enim unguenta non solum mundificant ulcera sordida, verum etiam incarnant, & cicatricem inducunt. Quod si tamen circa finem caro aliqua laxa atque spongiosa excreverit, alumen ustum inspergito, & Emplastrum Diapalmeum, aut Slotani, vel de cerusa cocta, de minio, vel simile quid, applicato.

Cap. 28. De ulcere putrido & sphacelato, post Ichorem & Meliceriam.

Inter ulcus sordidum & putridum aut sphacelatum, maximum est discrimen; In ulcere enim putrido, calor nativus, (qui concoctionis humorum in corpore, & digestionis saniei in vulneribus opifex est) propter doloris vehementiam ac diuturnitatem, propter affluentis item humoris serosi copiam, vel ex toto, vel ex parte exstinguitur, de membro actum est, ut videre licet ex historia, quam postea ex Johanne Langio annectam. Si verò ex parte extinctus fuerit, pars saltem aliqua membri morietur, & in escharam abscedet. Secus accidit in sordidis ulceribus, in quibus calor nativus quidem ad maximum languorem ac imbecillitatem, reductus est, non tamen extinctus. Humidum quin etiam innatum in sordido ulcere; non absumptum, sed aliis pravis humoribus inquinatum ac depravatum est; hinc fit ut quum operationes naturales circa ulcus segniter perficiantur, excrementitii verò humores (qui sine intermissione affluunt) propter partis læsæ labefactionem, excipiantur, ut ulcus præhumidum ac sordidum sequatur.

De ulcere putrido & sphacelato, post Ichorem & Meliceriam sequuto, exemplum nullum me vidisse memini, facile tamen membrum Ichore & Meliceride affectum in sphacelum transire posse, non absurdum est dicere; uti quoque in tractatu nostro de Gangræna & Sphacelo c. 4. demonstratum est. Johannes Langius lib. i. Epistola. 3. de Ichore vel hydrope articulorum loquens, exemplum singulare habet; illud, quia commemoratione dignum esse censeo, hic annectere non gravabor. Audi, inquit, obsecro illorum, videlicet Chirurgorum, dementiam. Ne talis Ichor, quem ipsi congenitum articulis humorem arbitrantur, effluat incassum: pilis capreolarum, quibus Ehippia Equorum infarciuntur, osculum vulneris, appposito spleniorum fasciculo obstruunt, quo fit, ut sanies illa effluere non possit, ut subtercutanea totum perreptet membrum, tandem hoc semiputridum, obstructis vitalis spiritus meatibus, sphacelo emoritur. Dicere me pudet, sed dicam quod hisce oculis vidi. Amberga Chirurgum unguentum populeonis in patella servesactum, bulliens

bulliens adhuc ; vulneris osculo infundentem , à quo cum remediis rationem sciscitarer , malis mala curari oportere , respondit ; tum patiens effusus lachrymis. Certè inquit , tua remedia non mala tantum , sed pessima esse sentio ; cui ego post biduum abscisso serra brachio medebar. Hactenus Langius. Ex quibus colligere est , dolorem omnium esse gravissimum symptomata , & hujus morbi causam præcipuam.

Superesset nunc , ut de curatione quoque aliquid adderem , perficitur illa optima victus ratione , evacuationibus , tum per pharmaca , tum etiam per venæ sectionem , & topicorum administrationem ; de quibus omnibus quia in tractatu nostro de Gangræna & Sphacelo satis superque dictum fuit , illa ut hic repetam , supervacaneum esse existimo. Unum tamen lectorem commonefacere volui , videlicet , ut mollius tractet hujusmodi ulcera , quàm si in aliquâ parte musculosa essent ; ne aucto dolore vires penitus prosternantur.

Cap. 29. *De ulcere cum osse carioso , ejusdemque curatione historica.*

Tanta est Ichoris , qui ex læsis articulis fluit , acrimonia , ut non tantum carnem partesque molles , verùm etiam cartilagineas & ipsa ossa erodat atque contaminet , ut in nobilissimo ac strenuo viro Dom. *Conrado à Steinberch* , & in aliis vidi. Longè præterea lateque serpit , & ulcera subcutanea & cuniculosa fodit , uti ex sequenti historia videre licet , quam in gratiam tyronum hic inferere volui. Est enim veluti compendium atque exemplar totius curationis hujus affectus.

Anno 1622. decima Augusti , Juvenis quidam Bernensis 14. annorum , Reverendi & doctissimi viri Dn. *Jacobi Habereuteri* p. m. quondam hujus urbis verbi divini Ministri filius , cum inter deambulandum pedem dextrum leviter contorsisset , & ab initio malum neglectum fuisset , post dies aliquot exorto dolore , barbitonsor vocatus fuit , qui dislocationem adesse , constanter asseruit ; Id tamen falsum fuisse , inde apparet , quod æger in tertium & quartum diem per urbem ambulaverit , scholam visitaverit , & cum condiscipulis suis currendo & saltando se exhilaraverit. Quid sit ? temerarius ille tonsor , nulla habita ratione doloris , aut inflammationis , dislocationem à se falso fictam reponere tentat , pedem violenter extendit , & ex una in alteram partem detorquet , ac miserè ægrum excruciat. Hinc aucta fuit inflammatio , auctus quoque fuit dolor , ita ut dies noctesque ejulare coactus esset. Febris quoque ardentissima , sitis inexhausta , lypothymia , eructationes , cibi fastidium , urinæ ardor , omniaque symptomata , quæ affectum huncce comitari solent , supervenerunt. In mortis itaque agonem ferè cum redactus , & à barbitonsore suo pro deplorato derelictus esset æger , ac ego in consilium vocatus essem , pedem totumque crus ad coxam usque mirum in modum intumefactum , omniaque symptomata , quæ capite quarto recensui , adesse observavi. Pes in suo ambitu octo habebat ulcera , sordidissima , quorum nonnulla in ipsam juncturam penetrabant. Ex quibus ichorosa materia ram copiosè effluebat , ut mirum sit , unde in corpore extenuato ac debili tanta colluvies humorum provenire potuerit. In medio tibiæ ulcus erat profundissimum , & cuniculosum. Ex una enim parte ad poplitem & versus flexuram ferè genu ascendebat : ex altera verò parte ad talum & articulum pedis descendebat.

Vix autem (quod annotatione dignum est) reperitur ulcus in hoc affectu , quod non sit cuniculosum , & maximè circa vasa vanarum & arteriarum. Sanguis enim & humores , qui doloris vehementiâ ad locum affectum trahuntur , propter ingentem inflammationem incallescunt , & in ipsis valis acres fiunt , proximasque partes erodunt : quemadmodum itaque prædicta vasa in diversas partes sparguntur ; ita etiam ulcera cuniculosa efficiuntur. Hæc diligens Chirurgus diligenter observare , & cuniculosa hæcce ulcera maturè detegere debet : ne materia in eis retineatur , & adjacentes partes devastentur.

Curationem à victus ratione (quam imperitus & temerarius ille tonsor neglexerat) inchoavi , illamque propter summam imbecillitatem atque extenuationem corporis , insigniter nutrientem , ratione febris aliquo modo refrigerantem institui. Et quia alvus non respondebat , suppositorio ipsam laxavi. Eadem quoque die , circa decimam noctis sequentem potiunculam exhibui.

R. *Maconii calore solis preparati* ℞.
Confectionis Alkermes ℞j.

Syr. *de pomis* ℞j.
De succo citri ℞ss.

Aq. *Cinamomi sine vino distillata* ℞ij.

Aq. *Buglos. & boraginis q. s. Misceantur* , fiatque potio. *Carpis Epithema* hoc modo præparatum applicui.

R. *Aq. Rosarum*

Buglossa ,

Boraginis

Acetosa an. ℞ij.

Aceti rosacei , &

Aq. *Cinamomi sine vino distillata an.* ℞j.

Confectionis Alkermes ℞j.

Caphura ℞j.

Misce , fiatque Epithema. Applicetur carpis ; & singulis horis renovetur.

Eadem quoque vespera totum crus à genu usque ad coxam sequenti linimento inunxi , pedem verò ac tibiæ propter maximam inflammationem inungere ausus non fui.

R. *Ol. Rosarum*

Violarum , &

Amygdalarum dulcium an. ℞j.

Ol. ex floribus ℞ss.

Misceantur.

Tibiæ & pedem , ut dixi , non inunxi. Pingua enim inflammationibus adversissima esse ; Galenus docet , & experientia fidem facit. Ulceribus , quorum novem , omniaque angusta erant , filamentis imposui.

R. *Cera nova* ℞j.

Colophonia

Gummi Elemi an. ℞vj.

Therebinth. Aq.

Betonica lota ℞ss.

Ol. Lumbricorum

Amygdalarum dulcium

Ol. de vitellis ovorum

Rosarum an. ℞ss.

Misceantur lentissimo igne & percolentur ; Postea admisce croci pulverisati ℞j. Vitellos ovorum num. 2. Pedi ac tibiæ usque ad genu sequens cataplasma calidè applicui.

R. *Farina hordei , &*

Mica panis albi an. ℞iiij.

Pulveris radicum Altheæ &

Sem. *Fœni græci* an. ʒʒ.Sem. *Cydoniorum**Anethi* &

Meliloti an. ʒj. Cum lacte vaccino fiat cataplasma; addendo ol. Lumbricorum, butyri recentissimi an. ʒj. Croci ʒʒ. vitellos ovorum N°. 3. serventur in vase vitreato, bene clauso, appliceturque calidè. Hic error Chirurgorum quorundam notandus est, qui cataplasma, quotiescunque illud applicant, in sarragine ad ebullitionem ferè calefaciunt, sed perperam: dum enim illud secundo vel etiam tertio ebulliunt, virtus ipsiusevanescit, aut saltem multum imminuitur. Hæc cum ego in juventute mea perpenderem, aliam institui methodum. Antequam enim fascias solvo, & vulnus aut ulcus detego, omnia prius præparo medicamenta necessaria. Cataplasma supra linteam extendo, turundas, aut pulvillos adapto, & unguento inungo. Tandem fascias solvo, Medicamenta abstraho, protinusque ulcera abstergo; non tamen tela, ut vulgus Chirurgorum, sed penicillis ex spongiis, hunc in modum bacillis annexis. (*vid. Tab. VIII fig. 8. & 9.*)

Tela enim plerumque aspera est, nec sordes ulcerum, uti facit spongia, excipit. Absterfo vulnere aut ulcere, protinus turundam aut pulvillam appono, partemque, si opus est, inungo. Interim dum hæc facio, cataplasma impositum typhoro cum prunis sensim & ad libitum calefit, Typhorum si in promptu non fuerit; tegulam vel rutabulum calefacere jubeo, eoque cataplasma impono. Hæc autem ea propter sic instituo, ut vulnus illicò claudatur. Aër enim, præsertim si frigidus fuerit; vulneribus & ulceribus omnibus, inprimis capitis, pectoris, & partibus nervosis, adversissimum esse, docet experientia. Methodum hanc in omnibus ægris meis observo, quam in gratiam tyronum artis, simul & ægrorum, hic annectere visum fuit. Nunc iterum ad institutum.

Prædicta Medicamenta bis in die, epithema verò singulis horis iteratum, renovatumque fuit, & sequens mox quietior existit, quapropter cum prædictis medicamentis in decimum quartum usque diem processu, singulis quin etiam, vel alternis diebus, aut de tertio in tertium diem, præscriptam potiunculam cordialem ex Mæconio &c. postcœnam propinavi. Hisce remediis dolor intra paucos dies sedatus fuit, & ulcera ad optimam digestionem pervenerunt: vires quin etiam recolligete capit. Erat enim adolescens vividus, & optimo corporis habitu præditus: quapropter sequenti potiunculâ clementer ipsum purgavi.

R. *Pulveris nostri Laxativi* ʒj.*Syrupi rosati solutivi compositi* ʒʒ.

Cum decocto pectorali fiat potio, quam in crepusculo matutino sumpsit, & clementer expurgatus fuit. Symptomata quoque ab eo tempore paulatim remiserunt.

Statim autem ab initio (quod notandum, & in omnibus ulceribus ichorosis, si angusta, sinuosa, & cuniculosa fuerint, observandum) superficies ulcerum nonnihil dilatavi, clementer tamen, ne dolores excitarem, Dolor enim cum sit causa hujus morbi, ut antea per sæpe dixi, evitandus est, Ulcus verò, ut ichor ille acris, indigestus, & corrosivus, effluere possit, dilatandum. Dilatatio porro hæc turundis, jam ex carbaso, jam ex spongiis præparatis, & superscripto digestivo inunctis, facta fuit.

Impetum mali, cum jam devictum esse viderem, & Stylo argenteo ulcera explorarem, bone Deus quot ductus cuniculosos, sinuositates, imò & in ipsam juncturam usque penetrantes inveni? Ex interna parte tibie in medio, inter genu & talum, circa ramum

Bibl. Chirurg. Tom. II.

venæ cavæ descendente, ulcus erat sordidum, quod ex una parte ad genu ascendebat, ex altera ad talum & juncturam descendebat, circumcirca juncturam pedis ulcera octo angusta, & ad juncturam penetrantia erant. Hæc omnia spongiis præparatis, & nunc digestivo, antea descripto, nunc mundificativo ex pulvere præcipitato illinitis, paulatim dilatavi.

Dilatatis ulceribus, membranas & ligamenta putrida inveni, quæ quum paulatim beneficio naturæ à partibus sanis separata essent, os calcis ex utraque parte non saltem cariosum, verum etiam (quod dicam admiratione non vacat) ex uno in alterum latus perforatum inveni, non aliter ac si aliquis terebello hujus O magnitudinis illud perforasset. Foramen hoc non statim ab initio, sed successu temporis cum detectum esset, funem sericum mundificativo, capite de ulcere sordido, ex radicibus gentianæ, Iridis Florent. ligno Guajaco &c. præscripto, insuccatum, ex una parte pedis ad alteram per ipsum os Calcis perforatum traduxi. Quod & multi etiam Medici nostri, & Dn. D. Ioh. Burgawer Medicus celeberrimus, qui tunc temporis commensalis meus fuit, non sine admiratione aliquoties viderunt. Funiculis enim istis per multos dies, ne dicam septimanas, ad perfectam ulceris mundificationem usus fui. Tandem squamma ossis in forma tubuli excidit, foramenque ossis callo, & ulcus cicatrice obductum est.

Ceterum quia perforatio hæcce rara, forsân & à paucis observata, reliqua quæ exempla habeo, hic annectere non gravabor. In tribus autem diversis ægris illam vidi. Primus fuit æger noster, de quo hic agitur. Secundò illam vidi in quadragenario quodam Genevensi, *Stephano Iuvononio*. Ille cum anno 1602, undecima Decembris, in acie adversus hostem pro patria acriter pugnaret, vulnus ictu sclopeti ad humerum dextrum recepit. Chirurgus cum ab initio glandem plumbeam ad sinistram homoplatam, ubi cuti erat proxima, excidisset, & nescio quo balsamo artificiali empiricorum more vulnus curare vellet, & intra paucos dies labia vulneris contracta essent, in gravissimum affectum evasit. Ulcus hocce quum in decimum mensem usque Genevæ curatum fuisset, & pro deplorato, ac insanabili haberetur, venit ad me Paterniacum, ubi tunc temporis Medico-Chirurgus ordinarius eram, ubi ipsum feliciter, per Dei gratiam sanitati restitui. Laboriosa quidem ac longa fuit curatio, in qua & varia annotatione digna occurrerunt, & inter alia furculam in medio ferè ex una in alteram partem perforatam inveni; ex hoc foramine squammam ossis quoque in forma tubuli suo tempore extraxi, resprofectò mira, cum sit unum ex ossibus totius corporis durissimum.

Tertium exemplum vidi Paterniaci Anno 1605, in puero quodam novem annorum, *Iohanne Dom. N. Pennini*, verbi divini ministri in præfectura Ebtodunensi, filio, qui mihi ex ædibus parentis Paterniacum adductus fuit. Laborabat autem puer iste ulcere fistuloso & inveterato ex interna parte tibie dextræ. Illud quum spongiis præparatis dilatatem, (exteriùs enim angustum, interius verò cavum & cuniculosum erat) & mundificarem, foramen rotundum ac magnum, ad medullam usque penetrans, in focili majori inveni. In hoc foramine, & quidem in ipsa medulla motum arteriarum, quotiescunque ulcus curabam, observare potui. Curatio quamvis laboriosa & longa fuerit, multa enim ossa cariosa extraxi, ad optatum tamen finem ipsam per Dei misericordiam reduxi: neque ab eo tempore usque ad annum 1629, circa festum divi Martini, quo me Betnæ invisit; de hoc malo amplius conquestus est.

T

Curatio

Curatio autem hujus ulceris eapropter laboriosa, longa, ac difficilis fuit, quod prope talum extabat. Et proinde ulcus & circumjacentes partes inter deambulandum, currendum & saltandum (puer enim præter modum vividus erat) continuò contrahebantur. Venit mihi tunc in mentem curatio, cujus fit mentio Cent. I. Obl. 38. quapropter ut pedem immobilem facerem, capsulam inferius depictam ex ligno fabricavi, (*vid. Tab. VIII. fig. 10.*) in quam pedem tibiamque ad genu usque linreis, stupis ac fasciis tam concinnè adaptavi, & tam arctè inclusi, ut pedem neque in hanc, neque in illam partem movere posset. Etiam si propter ipsius vivacitatem, suffulcris incedendo continuò corpus exerceret. Capsulam hancce per menses aliquot dies noctesque gestavit. Interim ulcus ab ossibus cariosis mundificatum & cicatrice obductum fuit. Ex his videat Chirurgus diligens, quàm novicus sit motus in vulneribus & ulceribus articulis proximis.

A. Foramen est in fundo capsulæ excavatum, ad excipiendum calcaneum.

B. Asserculus capsulæ è regione ulceris parum excisus, ne ulcus comprimatur.

Tria hæcce Exempla, uti dixi, in ægris meis vidi. Habeo quoque in Musæo meo ossa nonnulla tibiarum, quæ olim in ossuariis inveni, quæ eodem modo perforata sunt. Ex quibus perspicuum fit, ossa in ulceribus propter Ichoris acrimoniam sæpissimè perforari. Mirum itaque non est, plerumque ulcera ad finem vitæ durare, quando videlicet foramina hæcce cariola à Chirurgo non deteguntur. Sed hæc obiter, nunc ad institutum.

Dilatatis ulceribus, quæ sordida erant, mundificativo ex Mercurio præcipitato & unguento rosato, Capite de Ulcere sordido descripto, vel etiam pulvere ipso præcipitato, parcè insperso, mundificavi. Ubi verò os cariosum & denudatum fuit, jam pulverem Euphorbii per se, jam verò sequentem inspersi.

R. *Rad. Aristolochia rotunda*
Angelica
Iridis Florent. an. ʒij.
Ligni Guajaci &
Corticum ejusdem an. ʒiʒ.

Misce, fiatque pulvis tenuissimus, qui ossibus cariiosis copiosissimè inspergatur. Interim tamen danda est opera, ne labia ulcerum concidant, & ulcera claudantur, quapropter spongiis preparatis diligenter aperta sunt conservanda, donec ossa cariola naturæ beneficio excidant, nullo enim modo vi sunt extrahenda, quemadmodum sæpissimè juniores Chirurgos in scriptis meis monui. Caro si in ulceribus præter modum excreverit, pulvis præcipitatus, rectificatus & lotus, carni inspergendus est; Luxuriantem enim carnem reprimat, & malignitatem ulceris corrigit. Circumcirca juncturam Cataplasma corroborans ex farina fabarum, lupinorum, hordei, betonicæ & similibus, Capite de ulcere sordido descriptum, applicui. Et hoc modo ad finem usque curationis processit. Longa fuit ac laboriosa curatio, & per aliquot menses duravit, ita ut numerus turundarum, tam ex spongiis preparatis, quàm ex carbaso preparatarum, & in usum adhibitarum (ut æger ipse diligenter observavit, notavit, & etiam heri 20. Septembris 1630. coram me & aliis constanter affirmavit) numerum mille & quingentarum excedat: officula quoque multa extracta fuerunt, interim tamen ita convaleuit, ut incedendo, deambulando, vix claudicatio ulla

appareat. Calcaneus tamen nonnihil retractus est, & junctura pedis planè coaluit, & per callum eodem planè modo, ut antea Capite 25 de coalitione cubiti & coxæ dictum, concrevit. Hac methodo ac Medicamentis in ulceribus cum osse corrupto procedendum est.

Nonnulli ossi carioso oleum vitrioli, vel aquam, quæ aurum ab argento separatur, quam vulgus *fortem* appellat, applicant. Maximam enim exsiccandi vim habere, referunt; Quod quidem verum. Cariem tamen ossis non corrigere, sed adjacentes partes sanas destruere, in juventute mea apud praticos observavi, præsertim Dusseldorpii in nobili quodam viro, cui in levissima & superficiali carie ossis tibiæ, à Chirurgo suo applicatum fuerat oleum vitrioli, hinc tanta sequuta fuit caries in osse, ut Dom. D. Galenus Wierus, Medicus longè celeberrimus, illam vix tribus cauteriis benè ignitis castigare atque emendare potuerit, cujus rei ego sum testis ocularis. Quapropter caveant sibi Chirurgi, ne hujusmodi Medicamenta ossi applicent, sunt enim subtilissimarum partium, ita ut ad proximas partes longè latèque perfloant, & quæ sana sunt, destruant. Requirit quidem os cariosum medicamentum, quod insigniter exsiccet, sed necesse est, ut simul sit crassarum partium, tale autem est Euphorbium, quod cariem ossis, ut alibi dixi, & in multis meorum ægris vidi, corrigit, carnem tamen, ut hæcenus Practici voluerunt, non adurit, aut inflammationes excitat, quapropter eo etiam in pueris uti possumus.

Pharmacopæi autem, quod notandum, quando Euphorbium in pulverem redigunt, gutturulam unam aut alteram olei affundunt, ne eorum vires feriat, aut exulceret, sed malè; oleum enim ossibus denudatis adversissimum esse, sciunt Practici, & facultatem exsiccandi Euphorbii infringit. Loco itaq. olei Euphorbium spiritu vini irrorare convenit. Hæc de ulcere cum osse corrupto, videlicet quando superficie tenus cariosum est.

Si verò corruptio, aut caries ossis in ipso articulo fuerit, ita ut Euphorbium ad cariem pervenire non possit, de salute tamen ægri desperandum non est. In prædicto enim ægro non ubique ossibus cariiosis Euphorbium inspergete mihi licuit, nihilominus tamen feliciter sanatus fuit. Ulcera enim beneficio turundarum ex spongiis preparatis aut radicibus gentianæ, aperta retinui, & mundificativum sequens quotidie imposui.

R. *Corticum ligni Guajaci*
Sassafras
Rad. Angelica
Rad. Aristologie rotunda an. ʒiʒ.
Mirra
Aloes an. ʒj. Fiat omnium pulvis tenuis-

simus, in mortario admisce extracti scordii ʒj. Mellis rosacei quantum sufficit. Misceantur, fiatque mundificativum, quod præstantissimum est in omnibus ulceribus sordidis, putridis, & cum ossibus corruptis, quo & in nostro ægro tanto cum fructu usus fui, ut natura ligamenta, vincula & cartilagine putridas paulatim ejecerit, & juncturam per callum connexerit, eodem planè modo, ut antea de cubitu & coxa dictum fuit. Interim autem dum circa ulcera, ut illa aperta retinerem, mundificarem, & ossa cariola extraherem, occupatus eram, in universalibus nihil omisum quoque fuit: optimam victus rationem observavi, corpus per intervalla blandè expurgavi, & ne dolor excitaretur, operam dedi.

Prædicta Methodo & Medicamentis ita restitutus fuit pes, ut inter deambulandum per urbem vix claudicatio observari posset, ulcera etiam clausa permanferint; quapropter

quapropter scholam iterum frequentavit, tandemque artificium Mechanicum didicit, idque exercendi gratia, post annos aliquot ad exterarum regiones profectus est. Quum verò Anno 1629. in ipsis turbis bellicis in Germania opificium suum exerceret, multosque labores & molestias sufferret, cibus quinetiam sale conditis, & fumo exsiccatis vesceretur, & corpus ab eo tempore, quo Bernâ discesserat, purgatum non fuisset, usum quinetiam fasciarum neglexisset, humores iterum ad pedem defluerunt, & inflammationes, pruritus, aliaque incommoda, quæ ulceribus præcedere consueverunt, excitârunt. Hæc cum iterum floccifaceret, ad utrumque talum exortum est ulcus, tum quibus denuò per menses aliquot occupatus fui, iterum tamen, laus sit Deo, convaluit.

Cap. 30. *Quomodo pars affecta post curationem Ichoris & Melicerie, corroboranda?*

Postremum quidem, sed non minimum symptoma Ichoris, est labefactatio & imbecillitas partis læsæ, post curationem ulceris; inde fit, ut plerumque haud paucas ægro pariat molestias. Propter imbecillitatem enim pars affecta defluxionibus fit obnoxia, præsertim si malum in pede fuerit: humores enim ad locum decliviorum facile decumbunt, facillimè verò propter summam imbecillitatem partis malè affectæ recipiuntur.

Imbecillitas autem hæc propter caloris nativi ac humidi innati diminutionem procedit. Quandoquidem intemperies illa maxima & calida, quæ partem læsam non raro per dies multos, ne dicam septimanas, aut menses, infestat, calorem innatum, & humidum radicale absument immineatque, ita ut ad repellendos humores, qui affluunt, non satis sit valida: & præsertim si vasa arteriarum & venarum erosa fuerint, uti in adolescente illo, cujus cap. proximo de ulcere cum osse corrupto memini, accidit. Hinc fit, ut plerumque (si æger de conservanda valetudine non satis sollicitus fuerit,) ulcera circa talum sequantur, quæ & difficulter sanantur, uti in prædicto adolescente vidi. Ille enim quum in quartum annum post curationem Bernæ in patria substitisset, ac ego totum illud tempus de ipsius valetudine sollicitus fuisset, sana ac integra permanisset tibia: quum verò ad externas regiones profectus fuisset, molestias atque labores multos sustinisset, in victus quinetiam ratione peccasset, & corpus in quartum annum purgatum non fuisset, humores frequenter ad tibiam defluerunt, ac ulcera circa talos excitârunt, quæ mihi, cum Anno 1630. Mense Septembri Bernam reversus essem denuò labores multos procrearunt, ut in fine præcedentis capitis dictum est.

Ponamus itaque casum, pedem Ichore fuisse affectum, juncturam quin etiam per callum (ut in præcedenti juvene accidit) coaluisse, hæc ægro observanda sunt. Primò utatur cibus bene nutrientibus, & optimum succum ac sanguinem procreantibus, à salis & piperatis abstineat, ne excalescat hepate, sanguis incalescat, & ad tibiam præter modum debilitatam defluat. 2. Corpus per intervalla pharmaco aliquo benigno evacuandum est. 3. Si plethora adfuerit, venam quoque brachii incidere convenit, de quibus in præcedentibus suo loco abundè dictum fuit. Superest igitur ut de topicis, quæ calorem nativum corroborant & foveant, aliquid adscribam. Eorum autem nonnulla ex cap. 24. de atrophia, uti est succus lumbricorum, oleum item & aqua ranarum, petenda sunt. Aut fiat sequens aqua:

Bibl. Chirurg. Tom. II.

R. Flor. & Fol. *Betonica*

Iva arthetica

Flor. *Primula Veris*

Granorum juniperi an. M. iij.

Lavendula

Hyperici

Calamenti

Rosmarini

Majorana an. M. ij.

Oculorum populi arboris lb. j.

Incidentur & contendantur omnia grosso modo, quibus affunde aquæ betonicæ, ut supernatet quatuor digitos. Maneant in infusione dies quatuor aut quinque, postea destillentur per vesicam s. artem. Aqua hæc præstantissima est in affectibus nervorum ac nervosarum partium, etiam in defluxionibus ad articulos; modò intemperies calida non adfuerit. Succus lumbricorum si cum prædicta aqua præparatus fuerit, præstantissimus erit. Totum autem crus ad dorsum usque prædicta aqua aut succo lumbricorum inungatur. Articulo malè affecto Emplastrum Stolani (cujus descriptionem alibi in scriptis meis habes) applica. Aut

R. Empl. *Diapalmei ℥iij.*

Cera nova ℥ij.

Gummi Elemi, &

Tacamahaca an. ℥j.

Masticis,

Olibani an. 3x.

Pulv. Lumbricorum terrest. ℥i℥.

Pulv. Rosarum odoriferarum

Myrtillorum,

Balaustiorum

Iva arthetica, &

Flor. *Hyperici an. ℥ij.*

Dissolvantur gummata lentissimo igne, cum Ol. lumbricorum q. s. & percolentur per linteum. Postea commisceantur omnia cum Emplastro prædicto & cera liquefacta, fiatque massa, addendo nonnihil ol. granorum juniperi, aut spicæ. Emplastrum hoc præstantissimum est in affectibus juncturarum & nervosarum partium, si intemperies calida non adfuerit.

Tibia à digitis pedum usque ad genu fascia ex tela semitrita & suavi singulis matutinis involvenda est, ne sanguis & humores cum impetu ad pedem defluant. Fascia hæc, ut majoris sit efficacię, cerâ hoc modo præparatâ imbuenda est.

R. *Cera nova, ℥vj.*

Gummi elemi pinguis. ℥ij.

Pulv. Masticis,

Olibani, an. ℥j.

Olei rosacei q. s. Misceantur lentissimo igne in sartagine.

Si verò affluxus humorum vehemens fuerit, fasciam singulis matutinis, antequam æger è lecto surgat, sequenti decocto insuccare convenit.

R. *Foliorum & florum betonica*

Iva arthetica

Salvia

Absinthii vulgaris.

Rosarum rubearum

Florum chamomilla &

Sambuci an. m. ℔.

Salis comm. ℥. ℔.

T. 2

Gum

Cum Æviij. fiat decoctio usque ad consumptionem quartæ partis. Fasciâ hoc decocto insuccatâ utimur interdiu, quando necessitas maximè urget, & cœlum est calidum, aut æger lecto vel hypocausto non egreditur. Si verò tempus frigidum fuerit, fascia humida nonnisi noctu utor, interdiu verò siccam applico. Modus ille, fasciis ligandi tibia, mihi frequens est & usitatissimus, eoque maximo cum successu in ulceribus tibiæ utor. Affluentes enim humores retinet, partemque affectam exsiccat corroboratque.

Vulgus, etiam multi ex Chirurgis vulgaribus, methodum hanc improbant, nulloque modo humores ex corpore ad ulcera tibiæ fluentes (quos parvos & corruptos esse dicunt,) fascia repellendos, retardandosque esse volunt. Si enim inquit, in corpore retinentur, quidnam expectandum, quàm totius interitum? Respondeo, humorem, qui ad ulcera fluit, duplicem esse, naturalem & excrementitium. Natura enim sagax atque prudens, etiam si individuum suum ut conservetur, semper occupata atque sollicita, fieri tamen non potest, quin unâ cum excrementitiis humoribus, laudabile quid ad ulcera fluat, facit id loci malè affecti declivitas & imbecillitas, quapropter excrementitios simul & bonos recipit, qui cum reliquis in parte affecta corrumpuntur, non aliter ac si in doli humore aliquo putrido imbutum, generosum vinum infuderis. Sed ponamus casum, partem aliquam humoris excrementitii propter ligaturam in partibus supra genu sitis retineri, id tamen sine ullo incommodo ægri fieri, & quotidiana experientia fidem facit, & ars ipsa medica docet. In partibus enim istis musculosis, supra genu positis, calor natus vegetus est & fortis, quapropter si quid excrementitii humoris in partibus istis remanserit, non tamen in corpus remeat, sed beneficio caloris nativi corrigitur, & per insensibilem transpirationem evacuat. Habes candide Lector, meam de gravissimo hocce affectu sententiam, quam ut candidè interpretari, & ad DEI Opt. Max. gloriam, commodumque ægrorum, in usum converti velis, ex corde opto.

IMPERFORATI.

De cura eorum quorum penis podexve clausus, similiter ac earum quarum vagina non aperta.

IN recens natis non rarò podicem imperforatum observari, exclusionem fœcibus denegante membrana quadam crassiore, orificium intestini recti claudente, varia ab authoribus variis proposita exempla declarant, legi hac de materia possunt quæ habent *Fabr. Hildanus parte 1. obs. 3. Antonius Benivenius lib. 1. cap. 30. Ambrosius Pareus lib. 24. cap. 17.*

Membranam hanc anum claudentem unguibus lacerari posse Paulus Ægineta lib. 6. cap. 6. docet Hier. Fabr. ab Aquapendente; orificia clausa instrumento secante aperiri vult, imò unguibus venenatis imperitæ obstetricis apertionem hanc minimè permitti debere; addit insuper monitum hoc: Nullam sectionem perficiendam esse aliqua in parte corporis apertionem alio loco, quam ubi veri foraminis vestigium, digito obvium, notari potest. Ubi enim, inquit, vestigium nullum occurrit, cultri usus non obtinet. Exemplum huius rei apud *Hildanum part. 1. cap. 75. invenire licet.*

Honestâ, inquit, quædam Matrôna Genevensis filium peperit, qui clauso ano excrementa per ductum urinarium simul & urinam excernebat, accersito itaque Medicorum & Chirurgorum collegio, nullus in ea fuit opinione, ut de ani incisione quicquam tentaretur. Tandem cum excrementa induruerent, nec per ductum ullum amplum amplius permeare possent, inflatus est venter, exorta febris, aliaque symptomata, ita ut decimo septimo ætatis die à vita decesserit, aperto cadavere inventum est intestinum rectum vesicæ fundo adnatum. Admonitionem hanc consideravimus in recens nato filio alicujus aurifabri, cujus glans non perforata, nullo præsentis meatus vestigio. At subtus glandem insculptum observabamus foraminis vestigium, membranaceo quodam velamento tectum, hoc loco instrumento à nobis noviter invento, in hypopio usuali, apertionem fecimus, & effluxit urina insigni satis copia, satisque rivulose.

Infantes nobis occurrerunt varii, quorum anus imperforatus; integumento membranaceo incrustatus, similiter ac puellæ diversæ, quarum vagina uterina velamento simili oclusa. In omnibus felici successu instrumentum modo indicatum usurpavimus, nec unquam foramini facto turundas aut alia ejus sortis imponere coacti sumus, cum nullus metus sit modo dicto aperta conglutinari subito iterum posse, quale quid sibi persuadet Paulus, continuus enim materiæ affluxus unionem hanc non potest non impedire; in puellulis tamen cum larga, continuaque adeo; imò nulla excretio humoris excrementive liquidioris per vaginam, non inutile observavimus Emplastrum Diapalma liquefactum plumaceolis exceptum, turundæ forma vaginæ imponere, quo inhibeatur conglutinatio, *lob. à Meckren in observation. Medico-Chirurgicis.*

De imperforatâ quadam, Epistola ad virum celeberrimum D. Jaannem van Horne, Anatomes Profess. Lugd. Batavum.

Domine; Ultimas nostras ad te missas, quibus dubia quædam curiositatis gratiâ solvebantur his concludebamus verbis:

Quod si quædam rarius occurrentia in arte nostra se exhibuerint, haud intermittam quin eorum te participem reddam.

Accipe igitur, Vir Celeberrime, haud adeo admiratione dignum, quam rarius occurrentibus annumerandum quod civitas nostra mulieres tales qualem hic proponimus rarius exhibeat.

Propositum minime nobis de puellis agere, sed virginem exhibebimus adultiorem.

Rensje Eeltjens, ex Frisia oriunda, Amstelodami licet natâ, virgo robusta, annorum viginti duorum, & alvi & utinæ excrementa legitima quantitate, debitoque tempore, deponebat, menstrua vero necdum observaverat, satis licet annosa; urinæ tamen excretio tandem valde interrupta fuit, forsân quod materia serosa ventris cavo colligeretur, brevi enim abdominis tensivo tumore correpta. Accedebant pressiones dolorificæ gravissimæ circa pudenda, vehementes adeo fuerunt, ut vestimenta lacerare, omniaque turbare coacta fuerint, imò desperatione mota violentas sibi intulisset manus, nisi sotor impedimento fuisset.

Quæcunque ipsi præscripta fuerant medicamenta plus noxæ quam commodi attulerant.

Dissentientium medicorum Chirurgorumque ingens satis

fatis hic numerus, unde factum, quod quæcunque usurparentur nihil omnino effecerint, adeoque an-
sa data fuerit vulgo, Medicorum Chirurgorumque
inscitiam magis accusandi, quàm statum ægrotan-
tis desperatum deplorandi.

Fuerunt qui causam horrendi symptomatis men-
struorum suppressionem constituerunt, ex vasorum
uterinorum præternaturali angustia ortam.

Alii graviditatem subesse suspicabantur; rari de-
nique veneficio rem totam adscribere haud detre-
ctant.

Petrus Potgieter, Chirurgus, publico salario ad
id obligatus, ut parturientibus pauperibus in casu
necessitatis succurrat, uterum ad orificium externum
prolapsum statuebat, quod vitium manuale opera-
tione corrigere tentabat, sic tamen ut capiti insi-
steret ægrotans.

His aliisque sic frustra usurpatis, vaginam ute-
rinam imperforatam esse, sic ut ingressus æque ac
egressus negaretur excludendo æque ac admitrendo,
eo quod membranâ validâ orificium clauderetur, in-
notuit.

Membrana hæc Medicis variis excrescentia habe-
batur carnea, aliis carcinoma, aut aliud incurabile
malum, in re adeo dubia certi aliquid quo consti-
tueretur, Medici Chirurgique alii prioribus jun-
cti, inter hos & me accedere voluerunt consan-
guinei.

Inspectione conveniente habita portam eam an-
gustam per quam Cæsares, reges, mendici, omni-
que ordinis homines, mundum hunc intrant mem-
brana quadam incrassata clausam invenimus, cui si-
mile exemplum Hildanus part. 3. observ. 60. & 61.
proponit; Clausura hæc arcta adeo observabatur,
ut digito nullus concederetur introitus, unde factum
quod menstruus sanguis, in dies acrimonia, mense
quovis quantitate, auctus, ad locum angustatum
fuerit collectus, quæ causa repletionis, tensionis, in-
tumescentiæ, dolorisque summi.

Hoc in casu medium nullum excogitari posse in-
dicabam, quàm instrumento commodo vaginam
aperire, & quidem ad modum eum quem in an-
cilla fere mortua exercuit Fab. ab Aquapendente part.
1. oper. Chir. cap. 82. & Wierus lib. de præst. Dæ-
mon. cap. 38. in virgine Craneburgensi. Assentiebat
ægrotans, suadebant idem Chirurgi Medicique præ-
sentes.

Operationis modus quis fuerit, antequam propo-
namus, duo hæc consideratione nostra digna occur-
rebant. 1. Annon exiguo quodam foramine mem-
branam dictam perforare necessarium, ne materia in-
tus collecta confertim nimis effluat, cum vitium pro-
stratione summa, quale quid in apertione abscessuum
magnum observamus.

2. Annon sectio quædam hic institui debeat, cru-
ciata, quam commendat Corn. Celsus lib. 7. cap. 28.
ne lædatur via urinaria.

Ad primum respondebam, vix eam humoris copiam
hic collectam esse, quæ æquiparari queat ponderi
fœtus recens nati cum annexis, nec tamen puerper-
as calore, spiritibus, roboreque præter modum
semper destitui.

Ad secundum, sufficere hic sectionem simplicem,
quæ à parte inferiore deducatur ad superiorem, quo,
etiam jam effluente materia, apertio continuari queat,
nec humor exiens eam inhibeat.

Operatio ipsa hoc modo instituta. In dorsum pro-
stratæ virginis crura utrinque primo ad latera depres-
sa, quo labia pudendi magis distarent, hinc lanceola
dissectio membranæ obliquo ductu ne orificium vesicæ

urinariæ læderetur, peracta, illico materiæ impuræ,
aliquomodo fœtentis, colore & consistentia hepatis
comminuto similis quantitas ita effluxit, quæ libra-
rum quatuor cum dimidia; nocte sequenti ejusdem
humoris quantitas major se exhibuit; parcius hinc ast
alterius conditionis.

De eventu suo tempore certior te faciemus, in-
terim tuum erit Hymen, an membrana incrassata im-
perforata vitium hoc appellari debeat, determinare.
Operationi dictæ adfuerunt. *Arnoldus Tholinx. Fran-
ciscus van der Schaagen. Ioannes Deyman. Simon Dille-
man; Adriaen Reyniers, Medici. Georgius Van Lotn,
Chirurgus.*

Vale vir magne in commodum Reipublicæ Medi-
cæ, & nominis gloriam æternam; favereque perge
in nullo non intervire tibi paratissimo Jobo à Mee-
kren. *Idem ibidem.*

Atresia accidentalis, & una menstua.

Non temerè statim omnem atresiam, quæ infanti-
bus puellisque evenit (pro periculosa habendam esse
sequentibus exemplis persuadeor. Puella erat annicula,
intertigine aut excoriatione copiosa ob urinæ acrimo-
niam, ut fieri solet, affecta, huic tandem Vulvæ oræ
coalescunt interveniente membranula alba, nonnihil
etiam dura, quippe quæ initio immissi specilli apicem
repellere videretur. Mira inde Parentum sollicitudo,
non statim in hoc casu ad Medici aut Chirurgi operas
peroperantium; sed, dum interim animi pendent locum-
que iterum iterumque inspiciunt, veriti, ne longiore
mora magis induresceret valvula & tandem sero negli-
gentiæ pœnam luerent, auxilium Medici implorare
constituunt: Nutricula autem, cum Medici Chirur-
give manum crudelem ominaretur, effusissimis preci-
bus fere & floribus Parentum propositum Medicique
præsentiam si non avertit, certè dilationem aliquot die-
rum impetravit. Illa interea locum quotidie diligen-
tius inspectat, nec, quod ante sæpe & liberali ma-
nu tentaverat, partes illas sevo obducit. Octavo
inde die foraminulum, quod forè seyum ante oc-
cluserat aut oclusum solidaverat, apparet; magna in-
de Nutricula, majora etiam Parentibus tripudia. Jam
vero patulum foramen non inspicere tantum sed
& tractare ausa Nutricula, balenatiam alterius fæ-
minæ consilio immittit virgam, lenteque ad justæ
magnitudinis proportionem dilatat, ex qua nihil
tale in adolescente virgine conspectum. Adeo etiam
initio leviculis adjuta natura magnos prævertere
morbos solet. Crediderim ego hic ab urinæ acri-
monia exesos interiores labiorum naturalium mar-
gines purulenti quid sudasse; hinc deinde saniem,
conjuncta in illo membrorum positi superficie utra-
que, exsiccatam membranulæ quandam præbuisse
speciem, non aliter atque excoriatæ partes coire
invicem, aut jungi per lympham saniosam glutino-
samque solent. Aliud menstruæ *atresias* genus puel-
læ jam nubili & octodecim annis majori evenisse me-
mini, cui quories menstrua fluxere, fluxerant au-
tem ab anno quarto decimo, toties tribus qua-
tuorve diebus ante fluxum nymphæ per membra-
nam coalescebant gelatinosam, adeo ut aditus pe-
nitus obstrueretur: hanc illa adventante iam sangui-
ne molliorem digitis facile resolvebat, patente hunc
in modum fluxui via. Certè hic etiam à lymphâ ute-
rina & vaginali, quæ sæpe acris & copiosa præire men-
sibus solet, membranulæ valvulosæ speciem enatam
arbitror, sed quæ à sanguine emollita, digitis fa-
cile cederet, nec ante rediret quàm eadem illa sa-
nies, quod tribus quatuorve diebus ante menses

fieri solebat, angustias subiret menstruumque *φαινόμενον* repeteret. *Ioh. Nicol. Pechlinus in observationibus Physico-Medicis.*

Infantis penis non perforatus.

Sicuti puellæ quandoque clausis nascuntur vaginis (quod pluribus probaverim testimoniis) ita pueri interdum oclusis prodeunt virgis. Huiusmodi exemplum vidi cum Chirurgus Adriano van der Cruys, in nautæ cujusdam filio, cujus masculi membri anterior pars non erat perforata, vel minimum saltem aperturæ indicium solito gerebat loco, quæ tamen transmittendo lotio non esset apta. Ita ut procedente tempore aliam sibi aperuerit urina prorumpens viam, sub freno videlicet penis. Infans tamen, quoniam recens natus erat, fideli Chirurgi opera hoc incommodo fuit liberatus.

Varia clausurarum virgarum exempla passim habent scriptores nostri; quibus, solito deficiente transitu, urina sibi alium aperuit, vel infra glandem penis uti præcedenti observatione patet, ac mox de ad alio die dicetur) vel in media urethra; aut etiam circa penis radicem probe pubem, ipsove quandoque in perinæo.

D. Melchior Fribe obs. 98. *Miscell. Medico-Physicorum*, Ann. 3. p. 158. virum quendam se novisse tradit, cui penis non solito loco, sed infra prope frenum perforatus esset; per quam aperturam idem non urinas tantum, sed & genituram egeret. Duxerat bis uxorem ille, ac sex genuerat liberos, nec minus quam alii coitu delectabatur. Nec dissimile est quod tradit G. Samuel Polissius obs. 106. *Miscell. Medico-Phys. Decur. i. ann. 9. p. m. 265.* de senescente, qui ejusmodi male formato pene prodierat, ac licet hic solito loco foraminis quoddam gereret vestigium, seminis tamen urinæque excretioni non sufficiebat; hæc tamen ille per aperturam infra glandem absque incommodo egerat. Uxorem duxerat, liberos autem non procreabat.

Apud Benivenium cap. 90. p. m. 259. de puerulo legere est, qui obstructa anteriore penis parte, per angustum foraminulum infra glandem urinas ejiciebat, quod earum vi paulatim eo loci factum erat, quamvis non sine lachrymis, membrisque illius timore procederet ejectio. Idem quoque de puero refert, qui, licet pene perforato, meatum tamen urinæ hinc fune media in virga, insciis patentibus ne noctu lectum permingeret, præcluserat. Ita ut vinculum istud, quanquam impete ferretur, removere nescia urina duobus in locis tumentem admodum aperuerit penem, quæ foramina, nonnisi hac via transeunte urina, atque oris etiam temporis processu callo obductis, sanari nunquam potuerit. Meo quidem iudicio, nisi cutis forsan fuerit minus tenuis, foraminis labia incidi & abradi potuissent, inducta interim antrosum in penem plumbea vel argentea cannula, donec medicamentis idoneis cicatrix nata fuisset, remanens.

Simile præclusi fune penis exemplum Bierlingus obs. 204. p. 305. *Ephemer. Medico-Physic. German.* se vidisse ait in puero, cujus virga supra locum quo præclusa erat tota sphacelo corrumpebatur, ac putrescebat. Ille autem per factam, qua proximè ventri adhæret, penis aperturam, postea semper absque incommodo lotium excrevit.

De infante bimulo scribit Amatus Lusitanus *Curat. 27. Cent. 1. p. 42.* cui pene non perforato, nec ullo foraminis loco debito existente signo, prope testiculos per aperturam egredereur urina.

Pueri trimuli meminit Geih. Blasius obs. Med. 5. p. 39. qui rectè alioquin se habens, locum per foramen in perinæo excieverit prope penis radicem, hic enim nullum omnino permittebat transitum, nec ullo tegebatur præputio.

Casus ejusmodi meminit Theod. Kerkringius obs. 54. p. 115. de egeno quodam, cujus in cadavere infra scrotum fistula fuerit reperta, per quam multos annos, perforata etiam ipsa vesica nec non transitum negante virga, urinas emisit. *Cornelius Stalpart. observationum rariorum Cent. 1.*

Anus imperforatus, Ejusque Anatome.

Ancilla ex illicito concubitu prægnans, xv. Octobris 1779. Viennæ fœtum; quoad externam masculum ad initium noni mensis, aliàs quidem vivum (sed cum pedibus prius in partu venisset, ac collo diutius inter sinus muliebris latebras hæsisset, deinceps suffocatum, enixa est; Qui cum à Medicinæ Studio ad me delatus esset, convocatis aliis Collegis studiosis, partes externas, examino, in quibus alias nil præter naturale observatum; nisi quod dextra manus duobus tantum digitis prædita esset, Metacarpus etiam ita contortus, ut potius plantam pedis referret, addita portione callosæ pellis circa extremam plicaturæ partem, quæ non inconcinne calcem repræsentabat. Pedes etiam nisi quod mirè contorti, nil insoliti habebant: converso verò fœtu in abdomen in dorsi spina *σπωλίσσις* seu obliquatio observata tum & anus desiderata, loco cujus eminentia quædam callosa ad lineam usque, scrotum dirimentem, protensa erat, contrectatisque à me digitis iis partibus, Meconium per penem prodit; unde, statim conjectatum, naturam viam pro alvinis excrementis per membrum affectasse: quæ ut melius pateret, abdomen decussatum, illæsis tamen Umbilicalibus vasis, aperio; inter quæ arteria Umbilicalis sinistra, tum & Urachus desiderabantur, dextra etiam non rectè deorsum in iliacum ramum descendente ferebatur, sed paulo altius ante divaricationem Aortæ inferebatur. Hepar mole vastum, & uti fieri in nuper natis assolet, utrumque Hypochondrium occupans: sub eodem stomachus latitabat, qui admodum contractus, ac multum protensus potius intestinum quoddam referebat; Scætebat is præterea mucosubpalescente, qualis & in ore reperiebatur. Lien naturaliter se habebat, intestinum duodenum verò, ubi cholodochus, seu potius communis ductus inferebatur, summopere dilatatum, ita ut novum quasi ventriculum repræsentaret. In jejuno & ileo nil. p. n. observatum; Cæcum vero, licet protensus, contractum tamen & vacuum. Colon ab initio satis tenue, sed in progressu dilatatum, nec multis cellulis exaratum, versus rectum copiosissimo Meconio turgescerebat, ac tandem in rectum terminabatur, quod etiam eo loci, ubi aliàs vesica locari solet, in appendicem vesicæ æmulam (hæc enim etiam in hoc fœtu deficiebat, dilatabatur, ac tandem non per anum, sed antrosum, membrum virile pendulum præputio suo munitum referens, extra corpus finiebat, cujus structuram, ut melius innotesceret, propria manu delineatam transmittere lubuit. Jam admirabar naturæ industriam, quam putabam loco vesicæ dilationem seu appendicem recti substituisse, sicque compendiarie via utrumque excrementi genus excretum voluisse; sed cum in Renes inquirerem, hi non glandulosi reperti, sed eorum loco glandulæ tantum Renales, irregularis figuræ, substantia solito solidiori præditæ,

præantæ, & compressæ admodum conspectæ, adhærescebant ex insuper ramusculis ex Aortâ & cava descendente oriundis, quæ emulgentes venas & arterias supplebant, nulli etiam Ureteres ad appendicem recti, vesicæ æmulam, vixebantur: unde in opinione mea superiori me falsum deprehendebam. Ex iisdem Aortæ & cavæ truncis vasa exoriebantur spermatica utrinque in testiculos minutos ciceris magnitudine, & compressos, sæmineos fere æmulantes, ac vasis seu capreolis suis pampiniformibus insignitos, terminata, qui testiculi non in Scroto, sed ad latera pelvis in abdomine (qui locus aliàs muliebrium est) situabantur. Scrotum verò vacuum erat ac darto crassiori præditum. Inquirebam in testiculorum deferentia vasa, ac vesiculas seminales, & prostates, sed præter confusio-nem vasorum quasi gangræna tactorum, ob comprimens rectum meconio admodum turgescens, nil observare licuit, neque aliud in abdomine præternaturale visum. Unde ad examen medii & tumini ventris progressum, qui nil p. n. etiam in se recondabant. Dubium tamen ex hisce moveri posset, utrum fætus hic enixus) in utero enim vixisse supra relatum) supervivere potuisset? & num ad generationem aptus? Putarem ego salvo meliori iudicio, nec vivere illum stante hac constitutione partium potuisse, nec enim locus erat p. o. excretionem Urinæ, nec generationi aptum (cum & locus pro excretionem seminis desiderabatur) fuisse, tum corpora nervola penem non constituiebant, quæ ad rigiditatem illius in generatione necessaria; involuntariè etiam fæces alvinas deturbasse, inde colligere licuit, quod Musculi ani tum levatores, tum sphincteres deficiebant, *D. Wolffstriegel in Litt. Vienna datis ad D. Sachsum.*

De Ano clauso.

Anno 1672. d. 7. Jani. Vocatus fui ad Civis cuiusdam primarii filium vix viginti quatuor horas natum, inveni misellum illum fasciis involutum in gremio obstetricis jacentem & quasi animam agentem, ut ab adstantibus etiam mortuus crederetur: à fasciis ergo ipsum liberari jussi, & linteis calidis debile illud & pene emortuum corpusculum involvendum curavi; hoc facto, quamprimum ex proximo pharmacopolio asserri potuit exhibui cochleare aquæ ex typhis C. C. recens destillatæ, inde sensim ad sese rediit pusio, inquisivi postea ulterius in causam istius debilitatis & lypothymie; anum ergo guttur illud inferius impervium esse comperi, observans præterea quoties misellus ille respiraret, materiam excrementosam in ano latentem, exitum vi quadam moliri: meo jussu advocatus fuit Chirurgus expeditæ manus, qui instrumento incisorio tunicam illam quæ anum claudebat, perforavit, exiit illico materiæ excrementosæ atramenti crassioris instar satis magnæ copia; sublevatus inde paulum bonus ille pusio liberius respirare cœpit, sequenti tamen die satis concessit, quia quamprimum anus pervius esset, etiam per vias materia purulenta effluebat, fortè abscessus ibi latentis signum: sic Ars nisi naturam adjutricem habeat frustra sæpe tentat auxilium. *D. Casp. Kolichen.*

Anus imperforatus.

Anno 1669. Mense Octobri in Suburbana Uratislavia Villa, Fabro cuidam lignario nascebatur puel-lus cætera optimè conformatus, præterquam quod anus penitissimè clausus esset. Obstetrix id vel ex

negligentia non observaverat, vel nescio qua ex timiditate rem parentibus revelare distulerat. Tandem quarta post partum die anxia ad me venit, consilium petens; cui respondi periculum hinc vix impendere, nisi ocyus a Chirurgo perito clausa potra aperiatur, opus tamen fore ut ante ipse infantulum viderem, cum certum curationis modum determinare possem; properat obstetrix & patri responsum meum denunciat; qui haur cunctanter filiolum ad me deferri curat, ipse spectator curationis futurus. Sublatis ab infante linteolis comperio anum ritè quidem locatum, nonnihil tamen prominentem præter solum, & penitus coallitu veluti confutum, nec nisi levissimum, ac vix ab acutiori oculo ritè discernendum indicium Foraminis, quod lineola subtilissima, veluti calamo inscripta, designabat. Digito etsi comprimeretur anus, in intestino tamen recto quicquam detineri excrementum, neutiquam dijudicari poterat. E contra guttatim semel atque iterum, aliquando etiam paulò longius feces alvinas modo tenuiores modo crassiores, prout paucior copiosiorve urina ipsas diluebat, per mentulam excernebantur, ex qua non rari etiam flatus cum sibilo prorumpebant. Jam quoque venter ab excrementis retentis manifestè intumescerebat. Interea serio pensatis, quæ in tali casu, Sennertus, Riolanus, Mercurialis atque Minadous consulunt, atque insuper in consilium adhibitis viris aliquot ex Praxi Medica celebribus, Fautoribus & Amicis meis omni cultu & honore observandis, vitium hoc non sine ratione pro inemendabili habitum est: Nihilominus ut parenti, tam enixè flagitanti ut quodvis auxilium tentaretur, etiamsi frustraneum foret, satisfaceret, indultum fuit Chirurgo, aliàs satis solerti, ut periculum faceret, quoad aperiri clausura posset. Hic quidem Lineolæ supra memoratæ, atque ab ipsa natura in prominentem anum inscriptæ, Lanceolam dextrè infigit, verumtamen sive ob profunditatem coalescentiæ, sive ob laxitatem corrugatæ in extimo Sphinctere cutis, acies instrumenti etiam valentius & bis adacta, profundius penetrare non potuit quàm ut locus superficie tenus cum paucarum guttarum sanguinis profusione, vulneraretur, quemadmodum laudatus Sennertus satis clarè & fideliter *lib. 5. institut. p. m. 1005. prædixerat.*

Cum ergo melius esset, ut ab operatione hac manus detraheretur, quàm ut infantulus porro & frustra torqueri deberet, statueretur, patri spe omni curationis excluso filiulus domum reportandus redditus est. Infantulus vero, abdomine toto à Genitalibus usque ad sternum, miram quantum intumescere, ut tantum non inclusa ibi viscera, præprimis tamen ventriculus, transparenter, die abhinc tertia (quæ septima à partu erat) miserrimo adstantium parentum spectaculo, suffocatus obiit.

Cadaver, sectione dignissimum, nec prece, nec promissis, nec comminationibus à matre nimium supersticiosè obstinata impetrari potuit. Infantulum hunc spectantur Consilioque & operationi interfuerunt Viri Nob. & Experientiss. DD. *Godofredus Tiesius, Physicus Reip. DD. Philippus Jacobus Sachs à Leutenheim, D. Gasparus Feldnerus, D. Ioh. Janissus, Practici Vratislavienses, nec non Dn. Daniel Schmied, Chirurgus.*

Scholion. Tres occlusorum Podicum potissimum dari species ex practicum traditione & quotidiana Experientia comprobata facile; videlicet Angustiam sive Conniventiam intestini Recti, Ani Clausuram per membranam, & Coalitum, propter

quem patientes propriè Atretæ sive imperforati dicuntur.

Illam observavit Scultetus in Armamentario Chir. obs. 77. (vel 71. secundum exempl. German. Francos. edit.) ibique curationem per immisos penicillos ex radice Gentianæ, ad intestinum dilatandum, exhibet.

Istius descriptionem & curationem Sennert. Instit. l. 5. p. 1. S. 2. c. 7. p. m. 1005. Fabritius Hildanus C. 1. obs. 73. Ronseus Epist. 14. p. m. 45. nec non Borellus C. 1. obs. 77. & C. 3. obs. 9. fideliter communicarunt; unde elucet Eandem contingere triplicem, videlicet, in aliis inveniri membranam tenuem, quæ facile digito dilacerari potest; in aliis membranam densiorem, quæ scalpello opus habet; quale exemplum Nobiliss. Dom. D. Sachs à Levenheimb, Fautor & Amicus, inter præcipuos ob singularia benevolentiae suæ testimonia merito habendus, communicavit; nimirum quod Anno 1663. mense Maio vocatus fuerit ad Fabri cujusdam Lignarii recens natum puellum, cujus anum membranula contextum invenit, subtus latente colostro nigro. Is, sectione membranulæ adhibita, & suppositorio abstersivo & dilatante, operationem faciente Chirurgo Henrico Neugebanero, feliciter restitutus est, & aliquot annos vixit. Similem huic historiam *Oethens observavit, referente Schenck. lib. 4. pag. m. 383.*

In aliis denique foramen ani membrana prædura, in qua nullum fere vestigium ani, præter maculam (quam lividam in suo infante spectavit Hildan. l. modo citato) apparet. Nec dubiro quin ad hanc classẽm reduci debeat Sculteti obs. 77. ubi refert, se novissè obstetricem Patavinam, quæ anum totaliter occlusum acicula communi perforare, & foramen turundis ex Gentiana ampliare solita est.

In hac ultima, sive tertia specie foramen podicis omninò occluditur sive carne, uti Ronseus Epist. cit. existimat, sive etiam cute densiore, vel, quod fortasse sæpius conringere potest, utroque modo. Neque etiam à vero absõna videtur conjectura naturam in his duplici modo aberrare, vel in Conformatione intestini recti, quando illa hoc vel fundo vesicæ vel ipsius corpori, recto ductu (quemadmodum oblique ureteres inferuntur) implantavit, quod Anatomia pueri Genevensis apud Hildan. C. 1. obs. 75. & filioli lapicidæ Scaphusiani, ap. Schenck. l. 4. obs. 6. de intest. recto. p. 383. itemque Lauremberg. Process. Anat. l. 1. c. 16. confirmat vel quando collo vesicæ inestinum inferitur, uti in scemellis in pudendum, ut plurimum solet desinere.

Vel II. in Conformatione Ani, quando intestinum rectum quidem rectè conformatum est, Sphincter verò connascitur vel carne oppletur, quod Beniven. c. 30. d. Abdit. observavit. Hinc minimè mirum, si quandoque unà cum fecibus alvinis Urina quoque supprimatur, quale exemplum Garnerius Schenckio communicavit, & ab Hoc recensetur l. 3. obs. p. m. 383. vel etiam si intestinales feces per Urethram excernantur, citra insertionem intestini recti in vesicam; siquidem pluribus exemplis compertum est, materiam retentam sua sponte sibi viam ex intestinis ad vesicam per exulcerationem ac fistulam quævisse, videlicet ex morbo intestinali, ut Scirrho, Calculo, Vulnere, Ulceribus venereis, &c.

Hoc tamen miratu dignum videtur adeo tenella infantum corpora tamdiu sub tormento tam atrocis morbi durare posse; nam ut noster infans septimum, sic Ronsei undecimum, Garnerii ap. Schenckium decimum tertium, & Hild. decimum septimum diem

attingit. Observatum quoque dignum, quod imperforatis, strictè nobis sic dictis, Puerulis hoc vitium semper lethale sit, quod è Riolano c. 33. lib. 2. Enchir. Anat. p. 220. non obscurè innuitur & plurimis exemplis alibi, præcipuè tamen ap. Tulpium l. 4. c. 35. p. 50. & Plater. l. 3. obs. p. 565. confirmatur; scemellis verò non item, certè non tam subito, aut frequenter funesta est ani occlusio, quod à Minadoo lib. 5. d. Ext. Aff. c. 18. p. 27. col. 3. exemplo puellæ, comprobatur, cui cum anus imperforatus esset, & intestinum rectum in pudendum desineret, per id feces nunquam non excernebat, vitam ad annos sex & forte ulterius producens: cum quo conferatur *Fr. Sanchez. obs. p. 375. & alii.*

Denique verbo notamus, quod non aliud exemplum imperforati ani, quod nostro magis simile sit, in lectione Practicorum obrigerit, quam quod Platerus in obs. p. 564. habet, excepto eo, quod ibi præputium quoque coaluerat, & nota in Ruga figuram rotundam obtinuerat. *Henr. Volgnadi.*

De intestini recti perfectæ & profunda coalescentia.

Pellionis filioli altero demum post partum die imperforato ano deprehenditur: instituta proin inspectione, & collecta hinc intima coalescentia, prodeplorato habitus est. Cum autem parentes quidvis experiri vellent prius, quàm innocens pusio propriis excrementis quasi suffocaretur; cordatus quidam Chirurgus interveniens, facto tamen denuo prognostico, lancetta aperturam aggressus est, loco rimulæ non tam oculis, quàm conjectura qualicunque concepto, puello interim, quasi bene secum ageretur, quietissimo, imò conatum fere quendam egerendi adversus Chirurgi manum ostendente. Postquam ad articuli pene longitudinem lente sursum pergendo pervenerat, nil vero exiret, destitimus, donec elapsis aliquot horis, rogantibus denuo parentibus, insertaque iterato lancetta (exigua semper cruentatione) sensim ac sensim ad finem coalitus, qui longitudine sua duos Auricularis digiti articulos (in mediocri viro) facillè æquavit, perveniretur, & excrementa nuper natis consueta, cuspidi occurrerent, satis liquida. Unde inserta turunda prælonga meatus amplius dilataratus, indeque circumcirca utualibus medicamentis cicatrifatus est: infante bene ingerente, bene egerente vegetoque. Demum anniculus, ni fallor, (affectu maligno tum, an epileptico? mihi nunc incertum,) diem suum insperato obiisse dicitur. *Danielis Ludovici.*

De Pudendo Muliebri naturâ clauso, arte adaptato.

Quemadmodum sæpe infantes orificio ani occluso nascuntur: ita nonnunquam & sceminis sinus muliebri in Utero Matris membrana quadam obducitur, ceu plurimi Authores annotarunt, quorum observationes congeffit Schenck. lib. 4. observ. Medic. observ. 12. 13. 14. Præter eos Guil. Fabr. Hildcent. 3. observ. 60. & 61. & Dan. Sennertus Institut. Medic. lib. 5. p. 1. sect. 2. c. 7. similium casuum tractationem proposuerunt. Nos quicquid hac in materia Antonius Stadlander Chirurg. nobis communicavit, tibi benevole Lector candide impertiemus. Vocatus est prædictus Chirurgus ad Scabinum Veteris Civitatis H. B. mihi bene notum, cujus filiola quatuor annorum à primo statim

statim ortu hucusque urinam guttatim & cum summa difficultate atque maximo dolore reddebat. Parentes calculum suspicantes ad eum depellendum varia remedia quæsierunt, sed frustra. Chirurgus autem naturalia puellæ inspiciens, invenit eadem membrana valida obducta, vix conspicua rima, quasi aculeviter facta versus intestinum rectum apparente, per quam urina in vagina cumulata non stillabat, sed vix transfudabat: Ulterius instrumento illuc intruso, invenit membranam admodum crassam, circumcirca cum carnosa parte firmiter connexam, imo cum ipso meatu conjunctam, unde puella gravissimum dolorem in emissione urinæ percipiebat. Tum Chirurgus Parentibus indicavit, naturale hoc vitium nullo alio remedio præterquam Sectione corrigi posse: Sed hæc demum tertia die, illis perterritis, instituta est, ubi Chirurgus in præsentia Parentum & Consanguineorum, puella decenter disposita, sectionem ab inferiore parte versus superiorem aggressus, benedicente Deo, feliciter peregit, primum quidem scalpello, dein forcipe acuta ad id singulariter formata: separatim itaque singulis urinæ liberum transitum hucusque prohibentibus, partes vulneratæ Medicamentis, partim dolorem, partim sanguinem sistentibus, à prædicto Chirurgo undique secundum artem circummunitæ, & tandem unguento Diapompholygos perfectè sanatæ sunt. Puella ista per Dei gratiam in totum restituta in hunc usque diem optime valet. Notandum autem in ejusmodi operationibus magnam diligentiam adhibendam esse, ne vel partes versus collum lædantur, vel, quæ separari debent, intactæ maneat, neve foramen nimis angustum fiat, quod postea in matrimonio constitutis nocere poterit, & tandem ne partes divisæ iterum coalescant: Cui plura exempla talium casuum apud authores inveniuntur. Singularem casum de partium Genitalium coalitu videat benevolus Lector apud Gregor. Horst. Epist. Med. lib. 1. Sect. 19. Faciliorem Sectionem & Curationem instituit dictus Chirurgus in Nobili quadam Virgine, cui Genitalia naturaliter membrana, tympani crassitie, obducta erant, relicto à natura foramine ad pisi magnitudinem per quod tamen urina liberè effluebat. Similia exempla & operationes vide apud Hier. Fabr. ab Aquapend. Oper. Chir. pag. 1. cap. 82. 83. & 84. Joh. Andr. à Cruce Offic. Aur. lib. 5. cap. 47. Guid. de Cauliac. Tract. 6. cap. 7. Beverevic. Chirurg. cap. 3. de Paracent. Henr. van Roonhuyfen obl. P. 1. pag. 102. 103. Paul. Barbet. Part. 1. Chirurg. cap. 13. tum etiam apud Franc. Peccet. & Pigræum in Chirurg. &c. D. Simonis Schulzii.

Rustica imperforata.

Par conjugum ex plebe rusticana se invicem Ratisbonæ coram Consistorio Episcopali, de impotentia maritali coarguentes, divortium petebant. Præses consistorialis, post multas altercationes ad certiore litis decisionem, per certas personas, more veteri, utrorumque conjugum inspectionem corporalem decreverat. Qua facta, culpa in uxorem recidit; hæc etenim præter naturam, licet vicennali major ætate fuerit, imperforata inventa est. Igitur per Chirurgum ex artis lege incisio facta, posthinc concordēs satis in conjugio isto vixerunt atque liberos progeneraverunt. D. Joh. Helwigii.

Anus imperforatus.

Clariss. Samuelis Ledelii Miscell. Curioſ.
Decur. iij. Ann. 2.

Obstetricum incuriam plures fœtus mortis faucibus intrudere, experientia probat. In accessu meo Grünbergenſi Obstetrix jurata Puellam, quarto à partu die apertabat in musæum, & mensæ imponebat, consilium quærens. Perilustro fœtum, & abdominis inflationem intueor, cum levi convulsione faciei & vomitu. Interrogo, an alvus sit aperta? respondet nondum; applicata fuere suppositoria, sed invito conatu. Ano viso, jubeo per Chirurgum clysterem applicare, & dum canalem intrudit, resistere aliquid animadvertit, inde concludo anum esse clausum. Expono parentibus, necesse esse membranam, aut quicquid sit, lancettâ perforare ut exitus detur stercoribus: deliberant biduum, & tandem conuunt. Discindimus membranam, applicamus Clysterem, hinc aliquid feri excernitur, cum enemate & paucæ sanguinis guttulæ, nulla autem excrementa, id quod pro malo reputabam signo. Propino oleum amygdalarum dulcium ad lubricanda intestina, verum omne vomitu rejicit, ut & Clysteres ano injectos, cum lacte matris cochlearim infuso. Vitam protrahabat hic fœtus ad 12. diem quo obibat. Non dubito, si statim à partu viæ fuissent referatæ, quin vitam puella protraxisset ad longius tempus: septimo namque demum die operatio instituebatur, fibris intestinorum jam convulsis. Viam tamen ordinariam fuisse apertam, monstrabant Clysteres, ano injecti, & per os exclusi. Sic in tempore venire omnium rerum est primum. Legē sis Dec. 1. Anni 1. Observat. 2. Item ejusdem Decuriæ Anni 3. Observat. 2. Pertinet autem ad Obstetricum officium, statim à partu omnes fœtus partes examinare, & an aliquid desit, an superflue adsit, aut quod debeat apertum esse, oclusum deprehendatur, & vice versa, sine mora parentibus intimare, ut maturè prospiciant, ne fœtui ulla noxa affricetur.

Infans imperforatus natus, cum defectu intestini recti.

Clariss. Laurentii Heisteri. Ephemerid. Germanicæ.
Centur. 3. & 4.

Quamvis non desint Auctores, qui exempla infantum ano clauso natorum (vulgo atretorum) annotaverint, & Amstelodami jam duos ipse viderim; ob singulares tamen circumstantias, observationem quæ hic in vicino pago Palatinatus superioris, Ehlsbach dicto Anno 1714. d. 24. Febr. sese obtulit, hic describere utile pariter ac curiosum arbitratus sum. Accersitus sum ad infantem masculini sexus die quarto à nativitate, de quo obstetrix illius loci ad me transmissa referebat, infantem hunc carere aperturâ ani, eum jam fœcēs nigras sive meconium vomitu rejecisse, summaque virium prostratione laborare, & propterea parentes auxilium à me desiderare. Qua de causa me mox cum multis Medicinæ studiosis in viam contuli, & offendi infantem debilem vomituriens, cutis colorem ex viridi & flavo attum, anum clausum, & loco ani vestigium quoddam firmam cicatricem repræsentans, introtractum, tactui non vel parum cedens. Ex quibus circumstantiis parum spei infantem

in vita conservandi superesse, Parentibus & adstantibus indicavi, quia ex duritie vestigii suspicabar intestinum rectum deficere, sicut cum Celeberr. Ruyfchio jam olim Amstelodami observaveram, & propterea etiam si apertura sive sectio institueretur, tamen ad locum fœcum me pervenire non posse; Nam in casibus sanabilibus, ubi intestinum rectum tantum cute vel membranâ clausum est, vestigium molle & protuberans ostendi solet; attamen ne quid in casu tali anticipi & desperato, ubi mors certa imminabat, à me omitteretur, unde auxilium adhuc quoddam expectari vel sperari possit, me aperturam moliri velle proposui, quam & parentibus annuentibus tentavi. Nimirum cruribus infantis divaricatis lancettam majorem, quali pro abscessibus aperiendis Chirurghi utuntur, in cicatrice sive vestigio illo ani sensim ac blandè secundum situm intestini recti intrusi ad quatuor transversorum digitorum longitudinem, sed sine cavitatis sensu ac sine fœcum effluxu (quæ aliàs cavitare repertâ per vulnus effluunt) verum perpetuò cultellus in densa massa carnea hærebat, nihilque nisi guttæ quædam sanguinis effluebant. Sed ne quid omitterem, quod prodesse posse existimarem, mox loco lancettæ longiorem acum triangularem (quam Galli *trocar* appellant) immisi profundius, sed frustra quoque & sine effectû. Inmissis tandem digitis accuratè exploravi, an intestinum aut cavitas ejus explorari queat, verum nihil reperiri licebat.

Cum itaque nihil auxilii superesse videbam, facto suo infantem relinquendum esse annunciavi, & infante mortuo ejus dissectionem à parentibus expectii: Moriebatur nocte sequenti post multos vomendi conatus & convulsiones horribiles, proximoque die dissectionem & explorationem suscepi; ubi observavi intestinorum crassorum cavitatem tantum usque ad recti principium sive ad supremam ossis sacri partem se extendisse, reliquum ad anum usque spatium densâ quadam carneâ substantiâ repletum erat. Ex qua Observatione discere licet, quòd non omnes atreti unius ejusdemque sint naturæ, & quòd illi, quibus anus tenuiori tantum substantiâ clausus est, curationem facilem, tales autem sicuti hic noster casus, nullam admittant.

IMPETIGO Vid. CUTIS VITIA.

IMPRÆGNATIO.

De eâ vid. sub titulô *Pregnantium Morbi*.

INFLAMMATIO seu PHLEGMONE.

Antiqui omnem calorem, naturæ modum excedentem appellabant. Inflammationem, & hanc duplicem faciebant, φλόωσιν καὶ φλεγμονήν. Igitur sicca illa inflammatio, in qua citra ullius humoris defluxum calor parri insitus excitatur, φλόωσις Græcis, Latinis Exatfio appellatur, estque prope incipiens inflammatio. Sed Phlegmone dicitur, 1. de quovis tumore calido, & eo respectu est calidorum humorum defluxio, sanguinis nempe puri, volatilis, aut biliosi, tenuis, fervidi, ut complectantur erysipelas, herpes & similes tumorum species. 2. De ea inflammationis specie, quæ nomine generis absolute & usitate recentioribus dicta est Phlegmone; tumore nimirum à sanguine puro, eoque mediocri, seu temperato.

Est ergo Phlegmone seu inflammatio rubescens, renitens, dolorificusque tumor. Vel potius dicatur, tumor præter naturam è sanguine in cutem & subjectos musculos effuso, calorem, rubedinem, dolorem, pulsationem, & tensionem excitans.

Distinguitur porro Phlegmone in exquisitam & non exquisitam seu spuriam. Exquisita dicitur, quando purus sanguis extra sua vasa in aliquod membrum effusus est, eique inhærens alteratur, & incenditur. Non exquisita appellatur, quæ fit ex sanguine minus puro, sed hoc vel illo humoris genere abundante, unde Phlegmone Erysipelatodes, Oedematodes, Scyrrhodes.

Ideoque Phlegmonis causa habita temper fuit, vel purus sanguis extra sua vasa effusus, vel permixtione aliûs humoris inquinatus, qui non solummodo in cutem, sed in subjectam quoque carnem tandem confluit. Quum enim venæ arteriæque majores immodica sanguinis copia distenduntur, gravatæ in minores quasi onus deponunt, atque hædemum in minimas, tumque per minima illarum oscula sanguis, qui cohiberi nequit, effluit, ac in vacua illabitur spatia; quæ inter fibras sunt primorum organorum, præcipuè musculorum, arteriarum, venarum, nervorum, atque membranarum. Quæ partes dum fluxione perfunduntur ac implentur, copia distentæ quasi divelluntur, ferventisque sanguinis ardore incallescunt, ac dolorem excitant: sanguis quippe extra vasa collectus, nec libere circulare potens necessario putrescit, ac incenditur.

Verum enim verò sanguinem licet veluti causam tumori huic enodando plerique assignent auctores, tamen fiendi modum plurimi tacent; quem inter veteres aliquatenus exprimit, Doctissimus Fernelius l. de extern. corpor. affect. c. 2. quando dolorem ex calore, hunc ex vehementi inflammatione, illam à sanguine non in solam cutem, sed & in subjectam carnem impacto, & ex venis eo confluyente oriri contendit, &c. Hic quanquam causam attribuat fluxioni vasa distendenti, quæ distentio à plethora ad vasa oritur; equidem credendum non est, omnem omnino inflammationem à sola sanguinis copia fieri, cui ratio & experientia quoque contrariantur. Enimvero in plethora cruor tali modo vasa distendit, permeatque, ut sua sponte carceres suos non perfringat, nisi aliud quid accedat, quod sanguinis motum retardet, quodque stagnationem, effusionem, atque adeo inflammationem molietur. Cl. Sylvius Praxeos Medicæ l. i. c. 40. incendi sanguinem, & inflammationem oriri arbitratur, quatenus ex ipso in vasis suis valde distentis, & aliis quibusvis partibus subsistente, hoc est, stagnante mox incipiunt evanescere partes spirituosæ, magisque volatiles & subriles, tum acidas, tum salinas temperate solitæ, unde utrique aciores factæ acius in se mutuo insurgunt, effervescentiamque ob particulas sanguinis oleosas calidam excitant, quin paulatim sanguinem ita corrumpunt, ut in pus vertatur, & quidem pro sanguinis corrupti varietate plane varium: ubi satis clarè acidum accensat minus temperatum, partibusque spirituosissimis volatilibus illud temperantibus privatum.

Ex dictis itaque constare videtur, sanguinis in minoribus vasis stagnationis, hinc ejus effusionis, indeque ortæ inflammationis, primam esse causam Plethoram ad vasa, vel ex obstructione vel compressione. Enimvero venæ cum nunc à sanguine, nunc à pituita in ipsis coagulatis ac concretis obstruuntur; vel ab aëris externi frigore, aut potenter adstringentibus, medicamentis admotis constringuntur, tunc plus sanguinis per arterias influit, quàm per venas nunc obstructas vel compressas reflueri potest; hinc cruor

cror paulatim collectus, eadem vascula magis, magisque distendit, & ita quidem, ut referatis eorundem osculis, exitus ipsi pateat; unde tunc (quoniam sanguis ex arteriis in venas non per anastomoses, sed per intermediam partium substantiam, hoc est, carniū tubulos seu poros circulatur) is necessario extravasatur, ac in vicinarum partium substantiam effunditur; ubi copia mediocri saltem collectus, modo nunc exposito, mox excandescit, & caloris sensum molestum in parte sensili producit; quæ mutatio inflammatio vocatur.

Sequuntur nunc ordine symptomata pluribus tumoribus communia, qualia sunt dolor, tensio, pulsatio, rubeo, febris, perpendenda. Et sane inflammationi plerumque conjunctus est dolor, propter peccans acidum acidius ac volatilius, effervescentiam inordinatam primo sanguini, dein membranosas partes vellicando dolorem inducens. Dolorem excipit tensio ab affluxu sanguinis in partem subjectam, quem venæ recipere nequeunt effervescentia præternaturali, obstructis vel compressis vasis, incipiente, tandemque ebullitione sanguinem in pus præcipitante, quæ postmodum cessat. Rubeo oritur ab extravasato & excandescente sanguine per cutem ac cuticulam transparente; altius enim impressus per musculos, cutemque vix transparet, ac minorem inducit ruborem, qui tamen pro ratione ebullitionis vel effervescentiæ sanguinis vel accrescit, vel decrescit. Cæterum febris, quæ non raro adest, vel primaria est, vel symptomatice; Viz à sanguine acido, vel aliter depravato atque hinc in parte inflammata stagnante, unde motus ejus viciatur, ac inordinatur fit.

Signa porro, quibus dignoscitur hic affectus sunt membri inflatio, rubor, calor, dolor, profunda pulsatio, molestaque tensio, & alia ejusmodi, quæ sanguinis abundantiam & extravasationem aperte arguunt.

Hæc verò partium externarum inflammatio à multis morbis liberat partes internas, adeoque salutaris plerumque; nisi extensione gangrænam produxerit. Periculosa equidem & difficilis curationis est inflammatio, quæ Oculos, Fauces, Penem, Muliebre pudendum, Articulosve occupat. In juvene, & Ætate brevius curatur: tardius in corpore pingui, quam macilento.

Ut autem rectè perfectèque phlegmone curetur, duo imprimis sunt observanda: primum ut causæ antecedenti occurramus: secundum ut causam continentem evacuemus: quibus tertium adjungi potest, ut emendentur symptomata; quæ aliquando tam sæva superveniunt, ut omnem Medentis curam ad se neglecto etiam morbo, convertant.

Repellimus ergo, & corrigimus causam antecedentem recto rerum nonnaturalium usu, & humoris in partem influentis Revulsione.

Rectus rerum nonnaturalium usus in bona Diætâ, seu debita ac ordinata illarum rerum dispensatione consistit. Aër eligatur serenus. Cibus Potusque modice sumantur, iique refrigerantes: calida quævis, dulcia, pingua, ut Zinziber, Piper & similia nocent. Nocet etiam corporis motus, imprimis parti læsæ. Conducit somnus moderatus. Obsunt Alvi durities, Venus.

Quod si bona Diætâ, hoc est, recta rerum nonnaturalium dispensatio ad humorem, qui in partem affectam influit advertendum, nec satis idonea, nec satis valida fuerit, venæsectio quamprimum instituatur, utpote summopere necessaria, vel ad evacuandum, vel ad revellendum, vel ad derivandum.

Interim vero dum hæc fiunt, cum ratissime corpus vitiosis non abundet humoribus etiam per clysteres, atque purgantia leviora tunc usurpata, sæpe æque ac venæsectio iteranda, multum efficere possumus.

Alterum autem Medici ac Chirurgi de evacuanda conjuncta materia consilium versatur in recta Topicorum applicatione, & commoda administratione, hoc est, in debita & tempestiva eorundem ad partem affectam appositione, diligenter considerando, quod sit tumoris initium, quæ progressio. &c.

Remedia igitur quibus in inflammationis initio uti oportet, sint modice repellentia, quibus aliquid discutientium admisceatur, ut influens materia arceatur, & quæ nunc influxit leviter interim resolvatur. Quem in finem conducunt aq. plantaginis, solatri, spermatidis ranarum, rosarum, florum sambuci, acetum rosarum, sambuci, vinum rubrum adstringens, saccharum Saturni, camphora, & similia: abstinendum verò à vehementer adstringentibus, Bolo sc. armeno, sanguine Draconis, Acacia, Gallis, Alumine, omnibusque oleosis & pinguibus, utpote valde noxiis. Quæ omnia poros obstruendo, adeoque diffusionem prohibendo dolorem, calorem, hinc & inflammationem augent.

Sed quanquam incipienti inflammationi sint imponenda Repellentia, ab iis tamen abstinendum, 1. ubi juxta partes nobiles est inflammatio, vel in glandulis, 2. Quando humores maligni sunt. 3. Quando critice expelluntur. 4. Quum sit inflammatio in corpore Cacochymico, quumque pars affecta debilis admodum sit.

In incremento, hoc est, increfcente Phlegmone, quoniam & repellere, & digerere tum oportet, habenda magis ratio humoris influentis, & ejus qui jam influxit. Sic nimirum repellentia admixtis solventibus & lenientibus erunt temperanda, ut solventia prævaleant. Fomentum ver. gr. applicetur ex Malva Althæa, Violaria, Absynthio, Scordio, Ruta, Floribus Camomillæ, Meliloti, Sambuci, Rosarum rubrarum, Baccis juniperi, similibusve in aqua, vel Cerevisia tenui decoctis.

In statu verò solventium pondus augeatur, admixtis unâ anodynis, si dolor molestus admodum sit. Cum autem ad declinationem vergat inflammatio, vehementius discutere convenit, adeoque sola discutientia & solventia sunt imponenda. Quem in finem applicetur sequens, aut simile Cataplasma.

℞. Fol. malvæ, althææ an. Mj. summ. absynthii, flor. camomillæ, meliloti an. Mss. Coq. in cerevisia tenui ad molliem, dein in mortario contundantur; contusis adde farinæ hordei, fœnigræci an. ℥i. olei anethini ℥ij. pulv. croci ℥ss. M. F. Cataplasma. Cataplasmatibus loco non minore cum fructu apponatur fomentum ex superscriptis discutientibus, additis & aliis, decoctum, cui vel Vinum Gallicum, vel spiritus vini, pro re nata, admisceri potest.

Quod si inflammatio ægrè resolvatur, tendatque in suppurationem, promovenda erit & accelerata puris confectio ac generatio. Hoc verò præstant omnia medicamenta emollientia & Maturantia vulgo dicta, Rádices puta & folia Althææ, Malvæ, Liliorum alborum, Branca ursina, Flores Camomillæ, Meliloti, Farinæ Lini, Fœnigræci, Fabarum, Caricæ, Capæ sub cineribus assatæ, Unguentum Basilicon, Emplastrum Diachylum, & similia. Ex quibus commodissime parari solent cataplasmata. ex. gr.

℞. Rad. liliorum albor. recent. ℥iij. caparum sub cineribus assatar. ℥ij. fol. malvæ, althææ, flor. meliloti an. Mj. Caricarum ping. consciss. N.x. coq. in aqua pura vel cerevisia tenui ad mollitiem; tunc in mortario contusis adde farinæ seminis lini, fœnigræc. an. ℥iij. unguenti basilici ℥ij. M. F. Cataplasma.

Si autem Aëgris arrideant magis unguenta vel Emplastra, nec à pinguibus lædantur; inungi poterit semel aut sæpius pars dolens litu, ex unguento Agrippæ, Althææ simplicis vel composito, Oleo liliorum alborum, similibusve parato; moxque ei imponi emplastrum Diachylum cum gummi, ut & Mucaginum.

Igitur ubi Calor, Febris, & alia accidentia remiserint, quando in mucronem tumor attollitur, quum pressione digitorum fluctuantis velut humoris inundatio percipitur, tum intelligere licet pus confectum esse. Quare sine procrastinatione tumor aperiendus erit, ne pus diutius conclusum mora reddatur acrius, ideoque nocentius, atque ab ipso partes vicinæ magis magisque corrumpantur, sicque ulcus majus, sinuosum, & fistulosum fiat. Aperiendus autem est loco commodissimo, hoc est, in loco tumoris maxime molli & declivi. Fiat vero apertio aut cauterio, aut Scalpro: equidem Scalprum Cauterio præferendum puto, præsertim quum tumori inest rubor, atdor, atque purulenta materies calida est.

Sed patiens si admittere nolit apertionem, danda opera, ut versus corporis superficiem alliciatur pus, quo citius ab ipso perforetur corrosa cutis; cui usui Cl. Sylvius prax. Medic. lib. 1. cap. 40. §. 58. sequens emplastrum valde extollit.

℞. Mellis optimi, farinæ fecaliginis an. ℥j. vitellum unius ovi; imponantur blando igni, & agitentur ad emplastri consistentiam. Emplastrum hoc extendatur supra linteam densum, & applicetur parti affectæ, in dies renovando.

Possunt etiam Ficus contundi, & cataplasmatibus modo calidè applicari loco tumoris maxime molli & eminenti, quo sic facilitetur ac promoveatur abscessus apertio.

Ubi autem multum puris continetur in abscessu, sedulo cavendum, ne omne una vice educatur, sed partitim; quoniam Aëgrorum vires aliàs non parum prosternuntur. Ubi verò parum puris adest, nil nocet omne effluere, quod aptum est paratumque ut effluat; omiſſa pressione forti & diutina multis Chirurgis familiari, à qua nunquam aliquid commodi Aëgris evenit, at sæpius multum incommodi.

Cæterum facta & aperta puri via, ad ulceris mundationem & consolidationem pergendum; in quem finem conducit digestivum ex Therebinthina, Melle, & Ovi Vitello, petiis impositum; vel applicetur unguentum Basilicon, vel unguentum Aureum, vel si magis detergendum sit.

℞. Therebintinæ venet. Mellis optimi, vel Rosacei an. ℥j. Vitellum unius ovi, Farinæ Hordei ℥ij. Thuris ℥ij. M. F. S. A. Digestivum. Nonnulli laudibus extollunt Detersivum ex Apio, cujus hæc est descriptio.

℞. Succ. apii, plantaginis, betonicæ an. ℥j. Mellis optimi ℥v Terebinth venet. ℥iij. farinæ hordei, orobi an. ℥ij. pulv. aloës myrihæ, iridis Florent. an. ℥j. Coq. atque mel cum succis, quibus confectis addantur farinæ & pulveres, & omnia misceantur ad formam unguenti. Sin adhuc validius detergere fuerit consilium, utendum unguento Apostolorum vel solo, vel unguento Basiliconi admixto.

Ubi verò satis detersum est ulcus, carne oppletur, & cicatrice obducatur, adhibitis Medicamentis variis nunc expositis, & porro exponendis lib. III. de Ulcerum curatione. Hunc tamen in finem vehementer laudat Balsamum sulphuris therebinthinatum Cl. Sylvius prax. Med. l. 1. c. 40. §. 61. 62. cujus effectus mirabilis ac fere incredibilis est, si ejus aliquid ulceri instilletur, aut illinantur. „ Mox enim, inquit, „ novi puris generatio ita fuit inde diminuta, ut non „ raro hujus unius Balsami ope intra paucos dies ple- „ ne curata fuerint & in Mammis, & alibi excitata „ post inflammationes Apostemata notabilia.

„ Ex hoc autem experimento, haud parvi penden- „ do, censui Ulcerum Apostemata consequentium „ Mundationem ac consolidationem consistere in „ Correctione puris acidi, rodentisque ulceratæ par- „ ti adhærentis, atque sanguinem ipsi nutriendæ dica- „ tum ex parte saltem corrumpentis, ac in novum „ pus vertentis: Corrigi verò illud pus parti affectæ „ adhærens à sulphuris Balsamo laudato, imprimis „ ratione Olei Aromatici, adeoque sale volatili oleo- „ so abundantis, à quo spiritus acidus in pure luxu- „ rians, quin sanguinem in pus indies corrumpens „ non tantum obtundatur, sed insuper mitigetur, „ emendeturque ita, ut affluens sanguis partes prius „ consumptas brevi reparet, consolidationemque ul- „ timam expediat.

Ultimus tandem curandæ inflammationis scopus est, ut symptomata, illam nonnunquam comitantia placentur. Sunt autem ea ut plurimum quatuor, dolor, Durities, Gangræna, Febris. Inter hæc primum locum dolor obtinet, in eoque sedando diligentem esse Medicum oportet, Nam præterquam quod vires prosternit, functionesque debilitat, etiam fluxiones ciet, adeoque inflammationem auget. Igitur imponatur cataplasma ex mica panis albi & lacti dulci, addito croci pulvere, confectum. Vel

℞. Flor. camomillæ, meliloti, sambuci an. Mj. coctis in lacte dulci, & in mortario contusis adde farinæ seminis lini, fœnigræci an. ℥ij. vitellos duorum ovorum, olei rosacei ℥iij. M. F. catapl.

Quod si dolor perseveret, nec his cedat remediis, ad validiora confugiendum erit, usurpatis etiam Narcoticis; ea tamen cautione, ne inde parti inferatur Necrosis. In hoc casu itaque cataplasmati addantur folia Hyosciami, Papaveris, Solani, &c.

Durities vel Gangræna quomodo curari debeant, suis locis sumus dicturi.

Ad curam Febris quod attinet, ea ad Medicum potius, quam Chirurgum spectat: Tolli tamen ut plurimum solet Diæta, venæ sectione, & Medicamentis, quæ in phlegmonis curatione observanda modo docuimus. Ioh. Munnicks Præxeos Chirurgicæ lib. 1.

Consultatio.

Inflammatio erysipelatodes cubiti in viro quodam Reverendo.

Maximi in Medicina momenti est, Vir Reverende, non tantum similia à dissimilibus discernere atque morborum naturam exploratam penitusque cognitam habere; sed & perspicuè morbi ideâ & vero schemate remedia cuique affectui debita prudenter assignare. Hoc opus, hic labor. Quod affectus qui Te affligit, sit phlegmone erysipelatodes in cubito oborta, ut scribis, facile crediderim. Venarum eminentia & tumor rubeus in parte affecta, atque in dolore fervor ac pulsatilis dolor, quæ graphice admodum in

in literis tuis delineasti, id ipsum manifeste evincunt. Methodum vero in curatione susceptam probare nullus possum. Vidi plures ægros periisse magis debitorum remedium neglectu, quam intempestiva & temeraria sæpe eorundem administratione. Venæsectio, ut fecisti, nullo modo omittenda erat, quæ in corpore plethorico, quale tuum est, omnino requiritur, & præcipuus scopus est in morbis à plenitudine obortis, ne scilicet sanguinis copia ad affectam partem confluens malum adaugeat, dummodo in principio instituat. Inchoantibus enim morbis ex Hippocratis decreto, si quid movendum videtur, movendum. Gignitur enim phlegmone ex sanguinis copiosioris influxu quam pars postulat, undecumque etiam inffuat, aut si qualitate præter redundantiam molestus sit. Requirebat eandem febris; quæ accessit, non quidem acuta, quod materia phlegmones in parte externa, longe à corde diffusa, hærebat, magna tamen, quod inflammatio fuerit magna & profunda. Huic generationi in Te proculdubio, si præincipientem causam respexeris, magnam ansam præbuit, nimius concionandi labor & ardor immodicus, quo factum ut per æstum attenuato sanguine & concalescente, exagitante motu & in fervorem sanguinis massam deducente, propulso foras sanguine è vasis majoribus ad minora; & inde ad minima, donec tandem è venis quasi expressus & ad inania musculorum spacia delatus, in phlegmonem degeneraverit. Ex quibus paret, quam male & quanto damno tuo neglecta fuerit venæsectio. Nec obstabat, quam prætendis, virium imbecillitas, tanquam contra indicans, cum illa à gravante sanguinis & humorum copia, minime vero resolutione aliqua evenerit. De purgatione omissa itidem es culpandus, præsertim in corpore cacochymo & sedentariæ vitæ assueto. Etsi enim inflammationes maxime à sanguine natales ortus derivent, attamen ansam iis præbent humores vitiosi & calidi qui sæpe sanguinem secum rapiunt. Hi itaque expurgandi, quod commodè effeceris infuso rhabarbari cum corrigentibus in decocto tamarindorum, addita uncia una syrupi rosarum solut. & de cichor. cum rhabarb. Quod phlegmonem ipsam attinet, cum jam suppurata sit nihil habeo quod addam. An sponte sua aperta fuerit, an verò ferro vel medicamentis, de eo nihil in literis tuis. Illud tædiosum, diuturnum & sæpe minus tutum. Hoc non sine dolore. Ut ut sit, pus diligenter evacuandum, non una vice, sed pluribus; dolor mitigandus; & si reliquæ quædam non suppuratæ apparuerint; in pus concoquendæ; vulnus mundificandum, ut ejus fieri possit agglutinatio, & alia, quæ Chirurgus tuo ex artis lege administranda relinquo. Tu his frue in commodum tuum uberrimum, meque, ut facis, amare perge vale. *Fredericus Lossius in Consiliis Medicis.*

Observationes.

Rustica quædam mulier magnam phlegmonem in brachio habebat, huic cum menses deficerent, facta est phlebotomia in crure ex loco opposito. Postea applicuimus parti affectæ quæ repellerent.

℞. Aceti opt. ℥iij. album ovi ℥i. aq. rosar. ℥i℥. rosar. rub. pulv. ℥℥. M. & perias lineas in hoc liquore madefactas loco affecto applicato. Hoc utebatur Benedictus Faventinus Præceptor meus.

℞. Unguent. de cerussa ℥ii. succi plantag. & semperv. an. ℥i. aq. rosar. ℥ii. M. & cum petiis lineis apponito. At cum hæc valde repellentia ob insignem dolorem minus juvarent, apposui emplastrum ex

Bibl. Chirurg. Tom. II.

mica panis cribellati cum oleo rosac. & lacte; quod in omnibus inflammationibus cum rubore sæpe experti sumus, & dolorem sedare, & fluxum materiæ inhibere; dolor vero illo appposito mitigari cepit, & inflammatio cessare. Interim statim post sanguinis missionem corpus purgavimus.

In alia, ad inflammationem brachii inunximus primò unguento rosaceo. Postea cum dolor intenderetur, cataplasma sequens imposuimus.

℞. Malv. m. iiii. pistentur ad molliitudinem, add. farinæ hordei ℥i℥. ol. viol. ros. unguenti popul. an. q. s. F. cataplasma: septies fuit reiteratum. Postea etiam brachium inunximus unguento populeo, oleo viol. amygd. d. ros. an. part. æq. imposito deinde iterum cataplasmate superscripto, tandem bene habuit & à phlegmone curata est: alteri hoc cataplasma egregie profuit & dolorem sedavit.

℞. Farin. tritic. q. s. coq. in aqua, addendo ol. rosac. q. s. & parum croci; hoc etiam maturat: hoc item emplastro commodè sæpe usi sumus ad dolorem sedandum, & tumorem & tensionem remolliendam, & materiam insensibiliter resolvendam.

℞. Farin. sem. lini, fanugr. sem. aneth. fl. chamæm. melilot. bisinal. coq. pistentur & corporentur cum mucilag. sem. althææ & butyro recenti, potest addi in processu farina fabarum. *Petrus Forestus. obs. 5. lib. 1. obs. Chirurg.*

Ubi cognoveris resolventia non complere opus suum, statim debes sollicitare ipsius phlegmones supurationem, quam complebis sequenti emplastro.

℞. Rad. malv. fol. viol. an. M. i℥. rad. alth. minutim incis. ℥ii. rad. lil. alb. ℥i℥. bulliant omnia in aq. ad medietat. consumptionem: deinde adde mucil. sem. caulium ℥i℥. farin. frumenti ℥i. pingued. porc. butyr. rec. lact. mulier. an. ℥i. ol. lil. alb. amygd. d. an. q. s. ad impinguandum emplastrum, quod calidum loco dolenti apponatur. Ad idem egregie maturans & suppurans.

℞. Lactis vaccin. ℥bi. medull. panis subtiliter trituratæ ℥bi. succi caulium ℥iii. croci ℥℥. ol. lil. alb. ℥iii. M. & calide apponito: maturata vero phlegmone (cujus indicia erunt mollities cum undositate apparens, carentia doloris, & tensionis privatio;) debes te præparare ad illius disruptionem, quod si patiens ferro vel igne terretur, disrumpatur sequentibus.

℞. Diachyl. simpl. ℥ii. fermenti ℥i. ol. amygd. d. ℥℥. M. grosso modo, extend. supra corium, in medio pone stercor. columb. subtiliter pulver. ℥i. & phlegmoni applicato; stercore appposito in loco in quo habilior erit ejus disruptio; secundum ingenium est hoc ruptorium.

℞. Fermenti ℥℥. salis ℥i. aceti opt. ℥ii. pulv. cantharid. div. omnia simul bene misce, & in mortario bene ducantur, quousque fiat pasta, cujus ℥℥. vel secundum quantitatem phlegmone disrumpendæ applicabis apostemati, superposito emplastro superscripto: rupto apostemate, sic ut plurimum medicaberis.

℞. Terebinth. ℥ii. vitell. ov. numero 1. optime agentur simul, quousque F. forma unguenti, in quo tentam factam ex pecia vel ejus filis ad quantitatem foraminis affecti intinges, & foramini impones; tum vero ipsum unguentum extends supra peciam, & totum apostema teges: factaque idonea ligatura non multum stricta, ne prohibeatur eventatio spiritus & caloris ad membrum, & materiæ residuæ maturatio: sic continuabis per dies, donec materia fuerit sufficienter evacuata, & labia

vulneris optime digesta. Postea ad maiorem mundificationem & absterfionem, appones unguentum sequens, & tentam intinctam in eo.

℞. Terebinth. ℥ij. mell. ℥i. M. & usui setva; semper superponendo unguentum digestivum pr. us. factum: mundificata phlegmone, quod poteris videre ex privatione generationis sanici & alterius malæ materiæ currentis ex ulcere & sufficienter absterfa, indigebit tunc ulcus incarnatione & consolidatione: ideo cum sequenti unguento procedes.

℞. Terebinth. ℥ii. mell. ℥iβ. thur. mastich. myrrh. aloes; an. ℥i. sarcocoll. ℥β. pulverizanda pulver. & omnia in mortario bene ducantur & agitentur, quousque F. unguentum: & sic continuabis usque ad veram ipsius consolidationem: hæc Præceptor meus Faventinus admonerat: si vero vehementis dolor inflammationi accesserit, modis omnibus is mitigandus est, quod si anodynis non demulcetur ad narcotica transeundum erit: inter hyoscyamum admitandam opem sæpe contulisse frequenti experimento præter quorundam auctoritatem comprobatum est: itaque folia ejus sub calidis cineribus coquito, recenti axungia misceto & admoveo; hoc vehementer dolores mulcet, & phlegmonosos tumores ad suppurationem perducit. Petrus Forestus. schol. obs. 5. lib. 1. obs. Chir.

Vir quidam vexabatur in metacarpio & gibbo manus phlegmone seu apostemate calido: exhibui balsamum sulphur. ut eo mane meridie ac vespere apostema probe illiniret, & linteola superimponeret cum levi ligatura; quod fecisset, statim maturationem, mox disruptionem & tandem per paucis diebus consolidationem & optatam curationem consecutus est. *Martinus Rulandus. curat. 90. cent. 1.*

Plurimos, cum paterentur apostemata, seu phlegmones, sanos feci intra paucos dies solo emplastro diasulph. (cujus descriptionem, vide lib. 18. sect. 22. subsect. 4.) admovi autem illud mane & vespere, unde citissime ad suppurationem venerunt. Deinceps ultra rupta, & indies his mundificata, mox ad consolidationem perducta sunt: quia in hoc emplastro miranda & celeris inest vis emolliendi, suppurandi, rumpendi, abstergendi & conglutinandi. *Martinus Rulandus. curat. 94. cent. 1.*

Cuidam laboranti phlegmone erysipelatode in facie, folia hederæ arbotæ in aqua quæ à testis regulatis cæruleis defluit cocta, & humida supra faciem posuimus: hoc experimentum habuimus à Chirurgo quodam seniore, quod in seipso, tum sua uxore sæpius, ad guttam quoque rosaceam in facie expertus fuerat: & ego in quamplurimis: semper enim mihi foeliciter successit applicatio fol. hederæ post universalia adhibita remedia: eodem modo & fol. ruffilag. cocta in aqua & apposita egregie prolunt, ut expertus sum; quanquam in herpere magis conveniant. *Petrus Forestus. obs. 6. lib. 1. obs. Chir.*

Plantæ pedis inflammationes periculose.

Cum plantæ pedis partes sint nervosæ, ac proinde exquisitissimo sensu præditæ, atque in parte decliviori sita, non leviora symptomata ex ipsarum inflammatione oriri solent, cujus rei exempla aliquot in gratiam tyronum hic in medium adferre non gravabor. Juveni cuidam Colonia viginti circiter annorum ætatis, ex domesticis generosi Viri Dom. Guilielmi de Flodorff. Dn. in Leud. & Wel. &c. cum ex nimis violenta deambulatione dolor in ipsa

planta pedis exortus esset, & ab initio remedia nulla adhibita fuissent, auctus est dolor, & mox sequuta inflammatio. Ego vocatus totum pedem in tumorem elevatum, & phlegmone occupatum inveni. Dolor aderat maximus, & ad coxas usque sese extendens; febris continua & ardens; inquietudines item, delitium & lipothymia. In curatione autem hunc in modum processi. Instituta victus ratione tenui, sequenti potiuncula corpus purgavi.


℞. Electuar. de succo rosar. ℥β. pulver. Passavanti cum rhabarb. ℥iβ. syr. rosar. sol. ℥i. cum decocto agrimon. veronic. radic. lapath. acuti, cortic. inferior. radic. frangul. & sem. anisi, fiat potiuncula. Qua clementer expurgatus fuit, Eadem die post carnem per duas horas ipsi ad gr. vi. laudani exhibui; quievit ea nocte, viresque aliquo modo refocillatæ fuerunt; quapropter postridie venam brachii lateris laborantis incidi, & sanguinem ad ℥x. extraxi, erat enim plethoricus & robustus, hinc febris, dolores & inflammatio multum imminuta sunt. Statim quoque ab initio, coxam, genu, & quicquid ab inflammatione liberum, sequenti linimento inunxi.

℞. Olei rosac. ℥ii. olei lumbric. & axung. human. an. ℥ii. M. loco vero affecto, quia pingua ex Galen. doctrina lib. 5. de simpl. medic. facultatib. admovenda non erant, sequens applicui cataplasma.

℞. Sem. cydonior. sænigr. alth. an. ℥ii. pulveriscentur & macerentur aqua calida per duas horas, deinde admisce fatinæ hordei ℥iii. pulver. rosar. ℥β. coquant. cum s. q. aq. ad formam, cataplasmatas, postea admisce vitellum ovi cum albumine; applicetur & renovetur quotiescunque opus videbitur. His adhibitis medicamentis dolor multum cessare capit, & locus materiæ apparuit, cui emplastrum basiliconis, toti vero pedi cataplasma præscriptum applicui. Et quia pars illa pedis maxime callosa, lacte calenti, in quo semen sænigræci, folia malvæ & violarum incocta erant, diligenter fomentavi, deinde novacula callositatem illam abradi, quemadmodum obs. 97. cent. 1. in curatione paronychiæ scripsimus. Sic brevi in ipsa planta pedis rupta vomica, feliciter evasit. Interim dum circa curationem atque sanationem hanc occupatus eram aliquoties mihi narravit Generosa Dom. de Leud. quendam ex suis consanguineis ex simili morbo intra paucos dies extinctum fuisse. Quod mirum nemini videri debet; cum locus iste, ut antea dixi, sit nervosus, & exquisitissimo sensu præditus, ut proinde gravissima symptomata accelleret. *Guilielm. Fabr. Hildanus observat. Chirurgicar. cent. iii.*

INSTRUMENTA CHIRURGICA.

PLura hinc inde in toto opere dispersa repetiuntur. Verum non sic minus præcipuam ipsorum partem sub hoc ipsò titulo tradere necessariū credimus: Ac propterea sequentes tabulas super iis exhibemus.



TABULA NONA.

Offert varia instrumenta pro cauteriis inurendis, ut & illa omnia quæ in Tripani Operatione, ut in ossium cranii fracturæ levigatione adhibentur.

Fig. 1. **E**xhibet cannulam ferream, per quam fonticulis loco in suturâ coronali inurendo, & prius atramentô adnotatô, fortiter impositam, trajicitur subsequens cauterium solidum Figurâ 2. expressum, hocque bene ignitum.

Fig. 3. Denotat itidem cannulam ferream, superiori paulò profundior, excipiendo cauteriô Fig. 4. expresso destinata. Hoc ultimum cauterium non est solidum ut prius, sed cavum ac incidens, adhibeturque cum animus est in fonticulô prædictô applicando, non tantum locum applicationis inurere, sed etiam incidere.

Figura 5. 6. 7. 8. 9. 10. & 11. Depingunt totam illam machinam quâ utebatur Casserius pro fonticulis applicandis iis qui ad visum ferri, vel cupri ignis perhorrescebant. Hic scilicet stylus ex cuprô solidus 6. immittitur in tubum ab inferiore parte cæcum, qui descendit de lamina superiori ad inferiorem Figurarum 5. & 7. totumque hoc machinamentum in pixidem ligneam, cum suô operculô Figuris 8. & 9. delineatam, & ab inferiore parte apertam reponitur, ut sine aspectu ignis tubuli ignitum stylum continentis extremum loco cui fonticulus inurendus venit immediatè applicari, imò per pistillum 10. per pixidis operculi medium tractum, fortiter ad validiorem impressionem comprimatur. Videant jam nostri an operosô ejusmodi instrumentô opus habeant.

Fig. 12. Exhibet cauterium incisivum quô pars aliqua non tantum rescinditur, sed etiam vi igniti instrumenti in id adhiberi hæmorrhagia sistitur.

Fig. 13. & 14. Sistunt illa cauteria quibus internodia eximuntur, ac putredine accedente commode uruntur, imò ob gangrænâ emortua eradicantur.

Fig. 15. Oblongum ac convexum præbet cauterium, putredini ossium quorundam inurendæ accommodatum.

Alias non addimus cauteriorum figuras, illa enim siquidem variare debent & in formâ, & in magnitudine, ut & etiam in metalli crassitie; pro ratione & figurâ partium quibus applicanda, veniunt, ut & pro amplitudine vulnerum, ulcerum, ac ossium cariosorum quibus imponi debent; item etiam pro ratione gradus ignis in illâ applicatione requisiti. Hæc omnia ingenio ac industriæ operatoris committi debent, qui nosse debet quomodo apta confingenda veniant instrumenta, variis suis applicationibus facientia.

Fig. 16. Est instrumentum, quod ab Hipp. lib. 2. de morb. cap. de suppurata peripneumonia, *μαχαίρη σκωδεδής* à Celso autem & Paulo passim *Spatha* appellatur: Scalpellus nimirum anceps, utrinque acutus, & in superiore parte paululum latus, qui in extremitate sua unam cuspidem coit. Hoc vulnera capitis in crucem vel triangulum dilatantur, & paracentesis in thorace tutò peragitur.

Bibl. Chirurg. Tom. II.

Fig. 17. Est *culter rasorius*, sive scalpellus rectus, ex una tantum parte incidens, ex altera verò retusus, quo utuntur, quando partium subjectarum non est habenda ratio, videlicet in cute capitis incidenda usque ad cranium, & gummatibus Gallicis, in tibia præsertim vel alibi, aperiendis: deinde ubi utraque acies aliquid lædere potest, ut in fœtu mortuo intra uterum in plures portiones diffecando, & vulvæ carunculis incidendis. *Italica* vocatur *Scodeghino*.

Fig. 18. Est *Modiolus mas*, seu instrumentum ex optimo chalybe paratum, cavum, teres, imis otis ferratum & quatuor alis præditum: Illa scilicet pars Trypani, quæ circa os circumvolvenda est, & dicitur Græcis *χωνίον*, Celso verò l. 8. c. 3. *modiolus*: qui in medio clavum habet, ut, in principio circumvolutionis, *calvaria à pericranio denudata*, firmiter insistat, & partes circumpositæ, labia nempe vulneris & pericranium, ut maxime sensibiles, ab offensione tutiores reddantur. Quod si modiolus in principio adhibendus clavum non haberet, summo cum periculo, & vehementi dolore fieret perforatio calvaria.

Fig. 19. & 20. Sunt *Modioli femina*, ejusdem magnitudinis cum præcedenti masculo, neque aliter differunt hi & ille, nisi quod clavo careant, unde *femina* nuncupantur. Antequam his fœminis utimur, beneficio masculi cranio aliquod vestigium imprimendum, ut ei fœminæ firmitus insistere possint. Pro perforatione autem Craniis *administrato ad minimum tres, sed exactissime aequales modiolos in promptu habeat, unum nimirum masculum & duas fœminas*, ut aliquoties mutari, & in aquam frigidam, aut oleum rosaceum immergi queant, ne vel scobe pleni operationem retardent, vel ex crebra circumrotatione calefacti, cranium ipsique subjectas membranas inflamment.

Inventio alarum, quæ modiolos in cerebri membranas, vel propriam substantiam immergi prohibent, summum Hieronymo Fabricii ab Aquap. ingenium arguit: nam quamvis ex recentioribus nonnulli, ut Vid. Vid. lib. Chir. 4. c. 10. & Joan. Andr. à Cruce l. 7. de instrum. etiam alarum in modiolis mentionem faciant, eas tamen nullus eorum tam exactè & accuratè fabrefieri curavit, quàm Fabricius. His modiolis nunquam non felici successu sum usus, utunturque hodierna tempestate (omnibus veterum instrumentis, quæ olim ad perforandam calvariam excogitaverunt, & quorum schemata apud citatos modò Autores & Paræum l. 9. c. 18. inveniuntur, rejectis) chirurgi, præcipue Patavini, Fabriciique in praxi & professione chirurgica successores; inter quos superstes est celeberrimus ille Medicus, Chirurgus & Professor Patavinus, Petrus de Marchettis, Eques Divi Marci Venetorum, meus olim in Anatomia & Chirurgia, per plures annos, respectivè condiscipulus, cujus mirificam operandi dexteritatem (qua ferè omnibus Italis palmam præripit) tota non tantum Italia, & undique concurrens studiosorum cohors stupet, sed ea innumeri felicissimè restituti quasi ad cælos usque extollunt.

Fig. 21. Est Trypani altera pars, quæ manubrium seu *vertibulum* appellatur, & excisum habet foramen, quo mediante *modiolorum apex gossipio involutus* promptè excipitur & extrahitur; quotiescunque commutatio *χωνίον* fuerit necessaria.

Hac ratione ex modiolis & vertibulo componitur *Tripanum*, quod citò, tutò & jucundè perforatur cranium.

Fig. 22. Moderniores Chirurghi aliud manubrii genus adinvenerunt, figurâ hâc notatum. Illud est arcuatum, & commodè postquam nodò seu globò in superiori suò extremò positò, fronti operatoris fuit applicitum, ejusdem manû vertitur sic, ut perforatio promptius perfici queat per modiolum inferiori extremo insertum.

Fig. 23. Est instrumentum compositum ex scalpro (ob lenticulam in extremitate) lenticulari dicto, & vecte. In fine perforationis cranii, hic *Vectis* inter labia excisi ossis immittitur, ad ossiculum hinc inde movendum, ut vacillet, & volsellæ (Tabul. hujus Fig. 32.) parte dentata auferri possit. Confert quoque ad modicas cranii depressiones elevandas, firmitatem suam in manu sola chirurgi obtinens. Lenticula inservit ad asperitates (quæ post terebrationem, & ossis excisi remotionem relinquuntur) abrascendas & levigandas, ne cerebri membranæ, ob continuum earum motum, illis allisæ offendantur.

Fig. 24. Est instrumentum *Lenticulare* solum, quod oras facti foraminis, veluti modò dictum, levigat, ne membranas pungendo, dolorem & inflammationem inferant.

Fig. 25. Est lamina argentea (ex ferro enim nunquam parari debet, ob ipsi ingenitam frigiditatem, quæ tam crassa quàm tenui membrana cerebri nocet) firma, paulum relinqua, & ab exteriori parte lævis, quâ utimur in magnis cranii depressionibus & fracturis, ubi ter quaterve cranii os tripanò perforare; atque foraminum interstitia excindere necessarium est; tunc enim lamina inter calvariam & duram matrem demittitur, ut ejus pars exterior cerebro propior sit, ne acumine forcipum & ferrularum, membranæ cerebri vel pungantur, vel incautè incidantur. Hinc membranæ custos dicitur, Græcis *μωρυσόφυλαξ*.

Fig. 26. Est instrumentum decussorium, quò dura mater modicè depressa, cranio exactè applicatur, ut purulenta materia inter cranium & membranas collecta, per foramen modiolis factum faciliè egrediatur.

Fig. 27. Est malleus plumbeus, quem olim usurpârunt, quando scalpris incisoriis particulam cranii separare voluerunt, ad prohibendum strepitum & cerebri commotionem. Recentiores Chirurghi utuntur ad hanc operationem forcipibus & ferrulis.

Fig. 28. Est terebra triformis, instrumentum scilicet merè ferreum, tribus, iisque diversis terebris constans, quarum usus in puncturâ cranii, quæ ambas laminas non penetrat, est necessarius, ut iis vestigium calvariae impressum deleatur.

Fig. 29. Est vectis qui in depressionibus cranii elevandis usurpatur, quique valentior attollit robore, quàm qui figurâ 23. delineatur.

Fig. 30. Est instrumentum, ob triplicem basim quam habet *Triploides* appellatum. Si depressio cranii tam magna est, ut præcedentes vectes ob infirmitatem non sufficiant, *Triploidis* vectem B. (si spatium adest) submitto, & os depressum perpendiculariter attollo. Si autem locus huic vecti non conceditur, media depressio, triploidis terebrâ A. ultra diploidem perforari debet, & dictò elevati modò, unicè cavendo ne terebra ambas cranii laminas perforet, & duram matrem pungat.

Fig. 31. Est vectis, quò utuntur alii in maximis calvariae impressionibus, imitando viatores, qui doliorum assulas intus depressas simili vecte solent re-

trahere. Inditâ igitur vectis aduncâ extremitate a. sub os depressum, alterum vectis brachium rectum b. ossi sano inniti debet, ut, dum manubrium dextrâ deprimitur, aduncâ instrumenti parte id quod depressum est erigatur.

Fig. 32. Est instrumentum ad operationes manuales valdè necessarium, quod Celsus volsellam, Paulus Aegineta *ἀνασπαστὸν* vocat. Hujus parte duplicatâ & dentatâ a. frustulum ossis corruptum ac mobile, spicula item & globuli, eorumque fragmenta, turundæ atque pili, & quæ idgenus alia in vulneribus extranea reperiuntur, extrahunt. Famulatur præterea medicinæ comptoriæ, eâ namque fœminæ pilos in superciliis & aliis corporis partibus radicibus extirpant. Latiore sui parte b. ad ceratorum conducit extensionem, item ad pericranii ab osse separationem antequam modiolus admoveatur.

Fig. 33. Est forceps excisoria, cum rostrò psittacè a. cui superius cochlea umbellata b. affigitur, quæ rostrum ad duram matrem immergi vetat. Inferiùs habet manubrium c. quod cochleæ d. fig. 34. circumvolvitur.

Fig. 34. Est rostrum psittaceum extra suam cannulam e. Figuræ 33. positum.

Fig. 35. Est forceps alia cum rostrò vulturinò, cannulata, ad cujus cochleam circumducitur clavis.

Fig. 36. Est rostrum vulturinum sine cannula depictum. His forcipibus ossis aliquod frustulum in curatione vulnerum capitis, partim rumpendo, partim incidendo, aufertur.

Fig. 37. Est ferrula versatilis, tympanis ductibus, iisque dentatis prædita, utilis maxime ad intercідenda duorum vel trium foraminum, modiolis factorum, interstitia: Ubi enim vectes ob rimæ angustiam spatium non habent, interdum opus est ut in craniò duo vel plura foramina modiolis conficiantur, quorum interstitium hâc ferrulâ, sine ullò læsionis periculò intercідitur, quò vectis ad elevandum commodus submitti, & ossis frustulum, quod non rarò membranas pungit, eximi possit. Hujus instrumenti partes conjunctæ literis minusculis, separatæ verò majusculis notantur.

Fig. 38. Est lamina ferrea A. in mediò secundum longitudinem excisa, quæ superius manubrium B. habet, & foramen C. in flexurâ laminæ, inferiùs autem utrinque aciem acuminatam D. quibus cranio nudato firmiter insistit.

Fig. 39. Est claviculus umbellatus asteriscò notatus, per foramen C. Fig. 38. transiens, unde capsulæ E. infigitur. Hæc capsula laminæ ferreæ foramini A. Fig. 38. beneficiò orichalceæ lamellæ Fig. 40. regulariter annectitur per duas cochleas quas capsula in parte aversâ obtinet, correspondentes orichalceæ lamellæ, totidemque nodulos, ut Chirurgus beneficiò claviculi, capsulam in ipsò operandi actû, sursum & deorsum, pro libitû movere valeat. Foramini H. axis rotulæ imponitur, ut ex Fig. 41. & rotulæ centrò apparet. Lamella I. superiùs dentata est, & ibi excipit rotulam; inferiùs L. utrinque æqualis, ut ferrula K. in capsulâ, & Figuræ 41. fissuris M. beneficiò rotulæ & capuli, regulariter dextrorsum & sinistrorsum moveri apta sit. Lamina orichalceæ N. in mediò cava est, & duas habet cochleas O. hujus laminæ beneficiò ferrula, cum instrumentum planè fuerit compositum, æqualiter hinc inde ducitur.

Fig. 40. Est lamella orichalcea, cum duabus materculis, quæ suprâ noduli vocantur.

Fig. 41. Est rotula semidentata P. & dimidia capsula Q. unâ cum tribus foraminibus R. quibus tres cochleas Fig. 39. recipit, cum nodis, seu materculis S. firmatas.

Hæc




Fig. 42. Est clavis, quâ instrumentum in suas partes dividitur, & iterum ex iis componitur. Litera T. axim notat, quæ capsulam & rotulam in parte aversâ perforat: V. verò ejus manubrium indicat.

Hæc machina à Scultetò excogitata; admodum operosa est, & paulò obscurius explicata; sed ea facile carere possumus, quandoquidem ad pompam magis quàm veram utilitatem, excogitata videtur.

TABULA DECIMA.

Hæc Tabulâ delineantur rursus quedam alia instrumenta pro Tripani operatione, ut & alia varia in fracturis Cranii adhibenda: Item pro setaceo in nuchâ consciendo; Pro diversis oculorum & palpebrarum morbis; ac tandem pro polypô narium extrahendo, uvulâ excindendâ, cum oris dilatatoriô, & rostro gruinô obtusô.

Fig. 1. **D**emonstrat Tripanum minoris apparatus, quod Chirurgi qui Martem sequuntur facile possunt sibi comparare. Formam habet circini, & commodè contrahi ac dilatari potest, pro vulneris, aut puris super durâ matre collecti majore aut minore extensione. Hic autem,

- a. a. Pedem terebelli exhibet.
- b. Parvam cochleam.
- c. c. Duas diversas acies quæ pedi a. imponuntur, prout occasio exigit.
- d. Majorem cochleam, quam incurvatus clavus c. sustinet, quô terebellum extenditur & retrahitur, pro occasionum varietate.

Fig. 2. Est defensorium, quod in modum cranii incurvatur: Multis hoc & variis foraminibus 1. 2. 3. 4. 5. 6. non tamen penetrantibus, pertusum est; pes autem tripani in iisdem firmatur. Nam in illius cranio impositi, foramine aptiori, immititur tripani pes alter terebræ a. & postquam locus in nudatô cranio perforandus attramentô delineatus est, terebellum ad eius mensuram per cochleam d. laxatur vel contrahitur: Quibus peractis & acie c. alteri pedi infixâ circumvolvitur in circulum donec ossis partem auferendam exciderit.

Fig. 3. Idem quod prior repræsentat, sed simplici extruêctum methodô.

Fig. 4. & 5. Representant ferrulas rectas, quibus interstitia foraminum modiolis in cranio factorum interciduntur, & scissuræ capillares, non penetrantes abolentur, craniique exterior caries abraditur.

Fig. 6. 7. 8. 9. 10. 11. 12. 13. Exprimunt scalpria varia; cava scilicet, semilunario, acuminata ac plana, quibus in fissuris capillaribus, & ubi penetratio dubia est, Chirurgus uti potest. Illa itaque semper parata habeat, ne ex indigentia occasionem operandi, quam præcipitem esse nemo non ignorat, cum patientis periculô, & famæ propriæ naufragiô, perdat. Cum os cariosum in partibus extremis, femore, tibiâ, humerô & cubitô, deradendum est, scalpria majora & validiora confici debent; eaque omnia ex chalybe optimè depuratô, ut acies promptissimè abradat, parentur necesse est, ac manubriis instruantur ad formam illius, quod in *Fig. 6.* depingitur.

Fig. 13. Forceps est, cujus extremitates duæ su-

periores foraminatæ, per anulum mobilem ad inferiora depictum, stringuntur. Quique tum necessarius est quando Chirurgus famulum non habet qui sibi acum optimè ignitam ad parandum in nuchâ setaceum porrigat.

Fig. 14. Alius est forceps qui digitis Chirurgi in annulos inferius positos immissis stringitur, quibusque commodè utitur quando pars occipitis perforanda valdè carnosa est ac pinguis: Sic enim cutis apprehensa, cum crassa sit, circulum ingreditur superiorem, unde minimè elabi potest.

Fig. 15. Forceps est qui neque cavitatem habet circularem in superioribus, nec annulos ad sui inferiora, quoque Chirurgus macilentorum nucham facile apprehendere potest, donec acû candefactâ, sibi à ministrô porrectâ, cutim perforaverit.

Fig. 16. Est acûs pro setaceo quæ palmam æquare debet longitudine, & crassitie suâ paulò minor esse foraminibus in superiori forcipis extremitate sitis, ut per ea pro inurendo setaceo facile transmitti possit.

Fig. 17. Est puntale longum & angustum, funiculum rotundum ex sericô purpureo adstrictum habens, qui ad medietatem tr ductus in cutis foramine relinquitur. Puntali huic affixus est globulus cereus, ut sine dolore transeat.

Fig. 18. 19. 20. & 21. Sunt ferramenta sine manubriis varia, quibus bene candentibus occipitium in infantibus & puerulis comburitur. Quæ operatio in adultis etiam non rarò peragitur.

Fig. 22. Est forceps per se stringens, quâ apprehenditur cutis, si setaceum simplici parandum venit sectione, seu perforatione per acum scindentem.

Fig. 23. Duas monstrat acûs ad suffusionem deponendam aptas, quæ manubrio octogono argenteo ab utroque extremô insertæ sunt.

Fig. 24. Exprimit manubrium prædictum ab utrâque parte apertum, & in quô acûs in alterô quidem extremô inserta conspicitur, in alterô verò cochleam tantum exhibet.

Fig. 25. Est acûs ad curationem cataractæ accommodata, cum manubriô & vagina argenteis.

Fig. 26. & 27. Exhibent acûs, tum ad eandem postea deprimendam utiles, à Clariss. Antoniô Nuckiô inventas. In *Fig. 26.*

- A. Est acûs ex chalybe.
- B. Manubrium ex lignô, argentôve.
- C. Mucro excavatus pro excipiendâ acû sequentis *Fig. 27.* ubi,

- A. B. Representat acûm cum suô manubriô
- C. Verò extremitatem ejus obtusam, quam fovea suâ excipit acûs prior, ut sic commodè introduci queat in interiora oculi per corneam, & ex eô quodd obtusa est, minùs facile discerpat atque diffingat cataractam.

Fig. 28. Est annulus æneus, quem alii plumbeum volunt, utilis ad firmandum oculum in excisione pterygii, aliisque operationibus in illô peragendis.

Fig. 29. Est specillum oblongum, teres & argenteum, quod pro necessitate inflecti potest. Ejus alterum extremum latius est, alterum verò globulum rotundum & politum. Latâ specilli parte palpebrarum curatur coalitus, & pulveres ac plagule unguentis illitæ earum ulceribus applicantur. Globosam autem

aliam extremitatem Chirurghi adhibent ad perscrutandum vulnere & fistularum statum.

Fig. 30. Est specillum compositum ex latâ extremitate ad prædictos usus; & cochleâ in alterâ ejus parte acuminatâ, quæ gossipiô obvolvitur, pro deterfione sordium in vulnere, ulceribus, ac præsertim fistulis oculorum.

Fig. 31. Est scalpellus falcatus ex unô tantum latere incidens, cujus mucroni argenteus affixus est globulus. Hôc utebantur Veteres pro separatione palpebrarum quæ coiverant cum tunicis oculi.

Fig. 32. Est hamulus auctus, ac in mucrone recurvatus, qui tam ad palpebram attollendam, quam ad oculorum unguem levandum maximè est idoneus.

Fig. 33. Est vasculum oculare vitreum, ex crystallô ita conficiendum ut exactè oculi orbitæ respondeat, & medicamenta per infundibulum de eô exurgens immissa continere valeat ne defluant. Ab Aquapendente inventum est hoc instrumentum, forsitan minus necessarium.

Fig. 34. Est instrumentum rectum, seu potius tenacula recta, pro polypô è naribus extrahendô, ex chalybe constructa, extrinsecus convexa, intrinsecus concava, aciem habens introsum recurvatam, quâ nihil prorsus incidi potest præter apprehensum polypum.

Fig. 35. Est instrumentum incurvatum, quô itidem inciditur & extrahitur polypus qui per narium foramina interiora ad fauces tendit & suffocationem minatur.

Alia plura instrumenta pro eadem polypi extractione excogitata fuere, quæ hîc non recensemus, quia unusquisque pro occasionum varietate, ea faciliè variare novit.

Fig. 36. Cannula est ex ferri solida, quæ naribus tam altè immittitur, ut ulceris, quod ozænam vocant, longitudinem adæquet. Postea cannulæ huic omnino integræ, nullibique perforatæ, inditur stylus ferreus bene ignitus, quô cannula calefit, & ulcus exsiccat.

Fig. 37. Est cannula ad latus perforata, pro callô prædurô ulceris in naribus existentis, per cauterium actuale consumendô, aut ossè corruptô maximè exsiccandô, idonea.

Fig. 38. Est cannula in summitate foramen habens, quæ naribus inditur, quando post excisionem & extractionem polypi, sanguis nimium profluens, Chirurgiâ per inunctionem sistendus est. Præterea usurpatur, cum summitas narium, pro ossis corrupti remotione aduri debet.

Fig. 39. Est Stylus ferreus, qui benè candens dictis cannulis immittitur, statimque retrahitur: quæ immissio & retractio toties repetenda est, quoties necessarium fuerit. Ad operationem hanc citò perficiendam. Chirurgus ad minimum duos in promptu stylos habeat, quos alternatim candefactos cannulæ immittat. *Notandum* verò, quod vasculum oculare atque hæ cannulæ naribus immittendæ, in justâ magnitudine depingi nequeant, quoniam pro ratione ægrotum & magnitudine locorum affectorum debent confici.

Fig. 40. Est instrumentum, quo abscinditur uvula, orichalceum, quod in parte superiore circum habet nonnihil excavatum *A.* in inferiore fistulam *B.* per quam fili (postquam in seminodum circumvolutum *E.* & in concavum annuli, ne hinc inde vacillet, repositum fuerit) extremum *C.* mediante stylo superius perforato *D.* trahitur: alterum fili extremum, per duos circuli annexos annulos ducitur, & inferiori fistulæ annulo alligatur. Hoc instrumentum

primus invenit & descripsit Guilhelm. Fabricius Hildanus cent. 2. observ. 21. quô correctio uvulæ militis Cæsariani, à Lue Gallicâ infectam & corruptam, absque negotiô ligavit Sculterus, & bonô cum successu abscidit, Ulmæ die 8. Junii anno 1637.

Fig. 41. Est instrumentum uvula relaxata admoventum, pariter orichalceum, cochlear nempe parvum (dimidio autem majus debet parari, quam delineatum est) cujus manubrium fistulosum, & novem pollices longum, inferiori cochlearis parri annectitur. Hoc cochlear pulveribus adstringentibus & digerentibus mixtis repletur, & uvulæ relaxatæ submittitur: deinde Chirurgus ore arripit fistulæ batin, & inflando pulveres collumellæ & palato undique aspergit.

Fig. 42. Est instrumentum oris dilatatorium cum cochlea, ex Paræi l. 9. c. 25. delineatum, quo dentes constricti, valideque commissi diducuntur, ut cibus præberi possit, ne fame pereat æger.

Fig. 43. Est rostrum gruinum, dentatum, & in angulum obtusum directum, globulis, & peregrinis corporibus, arripiendis, & è vulneribus extrahendis, idoneum.

TABULA UNDECIMA.

De Instrumento volsellæ simili, cannula faucibus immittenda, forcipe pelicano, rostro corvino, vectibus trifidis pro dentibus evellendis, infundibulô, item aliis variis in paracenthesi abdominis adhibendis &c.

FIG. 1. Est instrumentum Acanthabolo simile, forceps nimirum in semicirculum recurvata, dentata, & in apice nodulô donata, quâ ossicula, spinæ, aliæve res extraneæ, imis faucibus infixæ solent eximi. Quando Clariss. Hieron. Fabricius ab Aquap. in *faucium Chirurgia* acanthaboli mentionem facit, intelligit instrumentum aliquod oblongum & tenue, quod duplex, alterum rectum, alterum recurvum, quale hoc est: utrumque tamen ob arripiendi & extrahendi facultatem volsellæ nomen meretur.

Fig. 2. Est cannula argentea ut faucibus immitti queat, incurvata, crassitie pennæ oloræ, & longitudine unius pedis, cum dimidiô vel circiter. Est undique perforata, & in sua extremitate spongiam, magnitudine avellanæ, novam & firmiter alligatam habet, quâ ad spinas è faucibus & mediô œsophago trahendas felici successu utitur Guilhelm. Fabricius Hildan. Cent. 1. Obs. 26. ubi docet operandi modum per cannulam hîc depictam.


Exhibent ferramenta Figuræ 3. 4. 5. 6. 7. 8. 9. & 10. quæ usurpantur ad dentes perforatos, aut mobiles, vehementissimè per intervalla dolentes, sub acerbissimô doloris paroxysmô eximendos: unde

Fig. 3. Est forceps, pelicanus dicta, quoniam rostro pelicani volueris assimilatur: eô autem utuntur ad extrahendos dentes molares.

Fig. 4. Est forceps dentaria communis, Italis cagnolo appellata, quod firmum canis morsum imitetur.

Fig. 5. Est forceps rostrum cervinum referens: qua dentium radices extrahuntur: de qua Cornel. Celsus (quem veluti in omnibus Chirurgiis mirabilem, nocturna versare manu, versare diurna consulit Fabric. ab Aquap.) l. 7. c. 12. de dentibus ita scribit: Quotiescunque dente exempto radix relicta est, protinus ea quoque ad id facta forcipe, quam Græci *πίδαρξον* vocant, eximenda.

Fig. 6. & 7. Sunt forcipum dentariarum effigies, quæ



quæ valent ad dentes evellendos, quibus neque pellicani, neque forcipis communis opera potest opitulari.

Fig. 8. & 9. Sunt *velles trifidi* appellati, quod plerumque tres cuspides habeant ad protrudendos & excutiendos dentes incisivos, & caninos, qui maxillarum alveolis simplici radici infiguntur.

Fig. 10. Est *dentiscalpium*, quo separatur gingiva à dentibus, ut minori cum molestia & periculo evellantur.

Fig. 11. Est infundibulum seu fistula argentea, cujus pars angustior inter gingivas ægri, qui arctè constrictos habet dentes, extremas ponitur: latior verò cibum liquidum & potum excipit, atque ad œsophagum demittit.

Fig. 12. Cauterium ad dentagram demonstrat ex Clariss. Antoniô Nuckiô; in quo

A. Est vagina ex cuprô facta.

B. Ansa ejus.

C. Cauterii manubrium.

D. Cauterii extremitas, ad lineæ dimidiæ mathematicæ latitudinem caput exserens, ne intimiùs, quàm decet, cauterium penetret.

Fig. 13. 14. & 15. Sunt limæ diversæ aciei & formæ, quibus dentes nimis acuminati ac prominentes abraduntur; putredoque inter eosdem, interjecta; ne ulteriùs serpat, separatur.

Fig. 16. Est forceps cum rostrô psittacinô, quâ utuntur in fracturis cranii, quando frustulum ossis, quod membranas cerebri vel pungit, vel deprimit, auferendum venit.

Fig. 17. Est instrumentum, cum rostrô corvinô in eundem finem affabrè factum.

Fig. 18. Quid sit ex Tabulæ X. Fig. 43. colligi potest.

Fig. 19. Est speculum oris, quô deprimitur lingua & maxilla inferior, ut oris vitia exactè perspici, idoneis tam instrumentis, quàm medicamentis tractari possint.

Fig. 20. Est instrumentum incisivum instar forcipis, quô excinduntur tumores & carunculæ oris.

Fig. 21. Est forceps cum rostrô gruino, dentata & recta, quæ voltellæ vices agere potest.

Fig. 22. Est commune oris speculum, quô lingua à Chirurgis sæpius deprimitur ad affecti oris vitia saltem inspicienda. Hujus speculi annulus acie præditus est, quâ absterguntur crassiora linguæ excrementa, quæ ipsi in febribus ut plurimum tenaciter adhærent; quamvis præstet ea abstergere linteô imbutô liquore aliquô appropriatô.

Fig. 23. Est instrumentum argenteum, quô Chirurgi infantum recens natorum linguam faciliè elevant, elevataque vinculum acutissimâ forficulâ turò incidunt.

Fig. 24. Est canalis ex ferrô obliquus, & ad extremitatem f. perforatus, qui faucibus immittitur, ne partes vicinæ lædantur, quando post abscissionem uvulæ corruptæ, vel nimium auctæ sanguis enormiter profluens inustione est compescendus.

Fig. 25. Est cauterium actuale, quod præcedenti cannulæ immissum, instar catenæ pro Chirurgi lubitû & necessitate affectûs, potest incurvari, vel ad tangendum saltem uvulam corruptam, vel ad sistendam diuinuræ hæmorrhagiam.

Fig. 26. Est scalpellus separatorius, quô tumores in ore tunicati radicitiùs excindi queunt.

Fig. 27. Est *scapellus*, *Σκολοπομαχαίριον* à Græcis nominatus, ob rostrum illius vis, quæ Latinis *Galilino*, & Græcis *Σκολόπαξ* dicitur, nempe longus,

& ad cuspidem paululum incurvatus veluti rostrum scolopacis. Hoc scalpello dilatantur vulnera thoracis nimis angusta, & aperiuntur abscessus magni. Eundem laudat Fabrit. ab Aquap. pro apertione abscessus hydropicorum infra umbilicum ad aquam emittendam. Nota, hic scalpellus pro dilatatione vulneris in thorace requirit globulum ferreum in mucrone, ne pulmones cuspidem scalpelli offendantur.

Fig. 28. & 29. Sunt *scalpelli ad mucronem recurvati*, & scolopomacharii Græcorum formam referentes, quibus fistulæ in habitu corporis mediocres commodè inciduntur, unde etiam *συνεχόμενοι* appellati solent.

Fig. 30. Est *scalpellus falcatus*, qui Italis vocatur *gammaut*, & incidit ex parte cava, retusus in parte gibba est. Hoc frequentissimè utuntur ad omnem incisionem, quæ passim fit in omni apostemate; præcipuè verò in parvis incisionibus. Hic scalpellus habet manubrium osseum, quod commodum est, ad dividendum ac separandum aliquid ab aliquo: unde Celsus. l. 7. c. 16. *de tumoribus tunicatis* dicit: tum scalpelli manubrio tunica (quæ post incisionem cutis protinus alba & intenta se ostendit) diducenda à cute & carne est, ejiciendaque cum eo; quod intus tenet: hoc diducitur quoque pericranium à craniô, & unguis ab oculô.

Fig. 31. Est *scolopomacharium* sine manubrio.

Fig. 32. & 33. Sunt *scalpelli ancipites*, qui ad extremitatem referunt formam foliorum myrti: iis utimur ad mammas mulierum cancro affectas abscindendas.

Fig. 34. Est *acus acutissima*, longa & anceps, quæ mammarum auferendæ trajiciuntur in basi.

Fig. 35. Est *canalis ex auro Ungarico* paratus, & plurimis foraminibus perforatus.

Fig. 36. Est *stylus* ex eadem materiâ confectus, qui cannulæ priori immittitur, ut ex duabus figuris unicum fiat instrumentum, quod in vulneribus thoracis pro Siphone utiliter applicatur, & sanguinem ex thorace non concretum, aut pus tenue, trahit. Instrumentum hoc tractorium in angulum rectum vel obliquum flecti, & thoraci per vulnus, casu vel studio factum, immitti potest, ut sanguinem nondum concretum vel saniem contingat: Chirurgus extrahat stylum ex canali, & statim profluat de canali materia in thorace contenta. Hic trahendi modus ex thorace materiam tenuem, ubi sectio inter 5. & 6. juxta Paulum, vel inter tertiam & quartam costam, juxta Hipp. propter virium debilitatem, vel aliud prohibens non conceditur, optimè succedit.

Fig. 37. Est *scalpellus* ille recurvus, qui annulô aureô potest abscondi, inciduntur hoc apostemata in facie aut gena puerorum & in mammis sceminarum timidarum, ne conspicientes scalpellum perterrescant, & ita incisionem abscessus prohibeant.

Fig. 38. 39. 40. & 41. Sunt *cannulae* magnitudine differentes, *alata*, & pluribus foraminibus perforatae, ut vulnus thoracis teneant apertum. Sunt *alatae*, ne vulnere immixtae, dum æger spirat, thoracem ingrediantur: tot verò foramina habent, ut ea ex omnibus, prout opus erit, possit exire coluvies.

Fig. 42. Est *fistula* ex aurô Ungaricô fabrefacta; quæ ante excretionem urinæ *meatui urinario* immittitur, ut per eam exeat urina, atque ita leniatur sævisissimus ille dolor & ardor, quem sentiunt ægri, quando urinam sine cannula reddunt, ob ulcus ex Gonorrhæa virulenta subortum in meatu urinario.

Fig. 43. Est *instrumentum acû tricuspidè* (a) & cau-

nulâ alatâ (b) constans, quo hydropicorum umbilicus, & in herniâ aquosâ scrotum perforatur, ad emittendam aquam. Hoc instrumentum intruditur usque ad cannulæ asterismum, postea acus retrahitur, & cannula sola ad alam intrusa in abdomine relinquitur, absque omni periculi metû.

Fig. 44. Est cannula sola, & sine acû depicta.

Fig. 45. Est acus sola extra cannulam posita.

Fig. 46. Est acus rotunda cum suô tubulô, quâ, in defectû acûs tricuspidis, pari securitate perforatur hydropicorum umbilicus, & herniosorum scrotum aquâ repletum.

Fig. 47. Est solus acûs rotundæ tubulus.

Fig. 48. Est sola acus rotunda.

Fig. 49. Est acus Magistri Jacobi Blokii; in quâ

A. Exprimit cannulam argenteam cuspide rotundâ.

B. Foramen per quod aqua è ventre in cannulam fluit.

C. Stylum, sive ferramentum, cannulæ mundificationi, post operationem inservientem.

D. Clariss. Pauli Barbette, cannulam exhibet chalybeam, cujus cuspis lanceolæ in modum est acuminata.

E. Eiusdem foramen exprimit, quale videtur in superiori Blokii cannulâ.

F. Idem ferramentum quod suprâ.

Fig. 50. Ea describuntur acus & cannula à Dnô. Thevenot, in paracenthesi Abdominis instituendâ, usurpatæ. In quâ

A. Prima acus est simplex, & ex chalybe.

B. Eiusdem cannula ex argentô, quæ superiùs est alata.

D. Est secunda acus simplex rursûs ex chalybe, cum suô manubriolô argenteô.

E. Est ipsius cannula, cum capite, seu alâ in superiori parte, quæ duplici organô elasticô, & cochleâ est munita.

F. Est clavis inserviens occludendo & referando magno organo elasticô.

G. Est retinaculum secundi organi elastici.

Hæc autem cannula confici potest ex aurô vel argentô.

H. Est acus simplex ex chalybe cum suô manubriolô argenteô.

I. Est præcedentis acûs cannula argentea, cujus caput ab aliis est diversum. Hic etenim reperitur cochlea 3. figuræ peculiaris supra quam locatur processus quadratus 2. cujus M. clavis est. I. verò in specie operculum striatum, occludendo prædicto capiti 2. & 3. destinatum.

TABULA DUODECIMA:

Exhibet Siphones cum tubô rectô, ac incurvatô, matriculari & auriculari: Item fistulam enematum, pileolum argenteum pro mammarum papillis, candelas cereas, syringotomos; ut & varia in castratione, calculi vesicæ extractione, ac glandibus è sclopetorum vulneribus educendis, usurpanda instrumenta.

Fig. 1. **E**ST siphon ad extrahendum & infundendum aliquid sæpe necessarius, qui hic tubum annexum habet curvum, ut & rectus Fig. 2. videri potest.

Fig. 3. Est tubus curvus plurimis foraminibus

perforatus, quem Metrenchyta nominant. Hæc siphoni adaptatô utuntur tæminæ quæ negotium injectionum in uterum immittendarum aliis præ pudore facillè non concedunt; quæque sibi ipsis liquores pro curatione variorum uteri, aut ejus vaginæ affectuum, commode satis applicant. Hic tubus confici etiam potest capite globosô, & ad amplitudinem nucis juglandis minoris extensô, per cujus foramina liquores protrusi, vaginam atque uteri interius collum cum impetû irrigant sicque eas partes eluunt.

Fig. 4. Est siphon auricularis Otrenchyta dictus, quô liquores in auditûs organa, pro ulcerum detersione & consolidatione, infunduntur.

Fig. 5. Est Euterenchyta, canalis nempe orichalceus, in formam catheteris recurvatus, quem parari curent illi qui sibi ipsis clysterem infundere maluit, quàm ab aliq. quòquam accipere, præsertim, si ob intestinorum, ac præcipuè recti vitia, creber eorum usus requiritur.

Fig. 6. Est dicti canalis, seu fistulæ incurvatæ clavis, per literam B. in figurâ præcedenti expressa: Cujus beneficiô enematis liquor in vesicâ vulgari modô alligatâ, ad ægrotantis libitum retinetur; quandoquidem illius ope canalis vel clauditur, vel aperitur.

Fig. 7. Est claviculus umbellatus, in Fig. 5. per literam C. adnotatus, qui clavi B. ejusdem figuræ intorquetur, ne aliquid de clystere in circumrotatione clavis possit elabi quod lintheamina inquinet.



Fig. 8. Est pileolus argenteus, vel etiam plumbeus, undique perforatus, qui exulceratis mammarum papillis applicatur, ut nutrices infantem cum minori molestiâ lactare possint. Usurpatur insuper hic pileolus in thoracis vulneribus: Postquam etenim cannulatum priùs depictarum aliqua thoraci fuerit immissa, & spongiæ particula orificio cannulæ propè alam indita, superponitur pileus, ut materia, omni quasi momento, per ejus foramina paulatim, & sine vitium jactura, transludet.

Fig. 9. & 10. Sunt *candelæ* ex filô forti duplicatô & *cera* albâ (cui modicum terebinthinæ additum sit, ne tam facillè fragantur) *parandæ*, quæ usurpantur ad suppressionem urinæ ex carunculâ in meatû urinariô existente, curandam. *Candela* fig. 9. *fracta est*, ne in extractione *candela* *frustulum* *cera*, *que non nunquam in medio filum non habet*, in meatum relinquatur, & *ischuria* augeatur: quare portionem fractam ad ellychnii extremitatem chirurgus forcipe abscindat, deinde meatui urinario, quantum opus erit, immittat candelam, oleo amygdalarum dulcium illitam.

Fig. 11. Est scalpellus recurvus, qui parte interna (a) aciem habet, & externa (b) est retusus, *Syringotomus* scilicet, ex altera extremitate (c) pungens & incidens, quo utimur in fistulâ quâvis unum foramen habente, ut finis fistulæ perforetur, & postea ab unô ad alterum foramen incidatur interstitium: ad hujus cuspidem infigere oportet globulum ex cera alba formatum, quo fistulæ immissus scalpellus, sine omni obstaculo, dolore & noxa, ad fundum perveniat.

Fig. 12. & 13. Sunt scalpelli *syringotomi*, quorum uterque ex alterâ extremitate obtusus est, & globulum ex ferrô levigatum obtinet: His inciditur fistularum penetrantium totus ductus.

Fig. 14. Est *scalpellus Syringotomus*, quo dilatantur *vulnera abdominis*, ut intestina prolapsa & flatibus turgida commodè reponi possint. Globum habet in alterô extremô multò majorem, quam scalpelli duo



duo priores, ne vulnere intrusus intestina lædat.

Fig. 15. Est *acus*, seu *instrumentum* ferreum, aciem ancipitem habens, quod Nursini meo tempore in Italiâ hæc in Chirurgiâ (qua *hernias curat cum excisione testiculi*) maximè exercitati, eoque nomine celeberrimi castratores, per inguinis vulnus ad scroti fundum demiserunt, quem instrumenti cuspidem (cui perpetuò *cera alba exiguum globulum annectere oportet*, ob rationem supra allatam) perforant, quo purulenta materia, quæ per inguinis vulnus ad scrotum descendit, expurgetur. Hæc operatio, quoniam satis est horribilis, & maximo vitæ periculo non vacat, (quod illius auctores optimè norunt, unde curandos suscipiunt ut moruos) Chirurgiæ studiosis alium eumque tutum hujus instrumenti usum aperiam. Inciduntur eo feliciter fines sinuum declives, quorum causâ fistulæ expurgari nequeunt, nisi æger ita situetur, ut pedes sursum & caput deorsum convertat, ac materia dein proprio motu emanet. Notum enim est, sinus illos, qui callum nondum contraxerunt, de quibus etiam hic sermo est, medicamentis solum agglutinantibus, & fascia convenienti posse curari, modò materia in sinu collecta exitum quotidie habeat. Cum autem situs iste sursum conversis pedibus & capite deorsum, satis sit importunus, hòc instrumentò, cujus cuspidi globulus ex cerâ debet annecti, sinuum fundus perforatur (intactò foraminum interstitiò) ut pus per inferius foramen egredi possit, & sinuum parietes agglutinari.

Fig. 16. Indigitat forficem quâ filum plumbeum, apprehenditur & circumgiratur in eâ herniæ desperatæ operatione, quam punctum aureum vocant, & in quâ multò satius est plumbò quàm aurò uti.

Fig. 17. Est forceps quâ filum prædictum abscinditur: C. autem demonstrat forcipem ipsam; d. verò arcum quò clauditur.

Fig. 18. Tradit acum lunatam, unâ cum filò plumbeò, quæ pro prædictò filò apprehendendò & transmittendo in acumine perforata est. Hic a. demonstrat acum, b. filum plumbeum.

Fig. 19. Est scalpellus rectus, & instar novaculæ ex unâ tantum parte incidens, ex alterâ verò retusus, quò solò lithotomus quidam Ulmenfis cutim inguinis & scroti, ad longitudinem duorum, trium, aut quatuor digitorum transversorum, pro separatione peritonæi, & extractione testiculi, dexterè solebat incidere. Alii prædictam inguinis incisionem scalpellò falcatò tentant, eamque, si nimis angusta fuerit rectò instrumentò versùs scrotum sufficienter producant.

Fig. 20. Est instrumentum orichalceum, quod castratores non immeritò retinaculum vocant: prohibet enim ne intestina extra abdomen, in peritonæi processum, à scrotò separatum, & acù perforandum, filò constringendum, & forfice abscindendum, prolabantur.

Fig. 21. Est acus filum validissimum trahens, quò castratores in curâ enterocèles, herniarumque aliarum, processum peritonæi, à scrotò separatum, sufficienter attractum, & elevatum, immediatè supra applicitum retinaculum tutissimè perforant.

Funiculus hic (a) non est filum simplex, sed ex viginti ad minimum filis simplicibus compositus, & cerâ leviter obductus, quo processus peritonæi perforatus ante abscissionem arctissimè constringitur.

Fig. 22. Est *Forfex communis*, quo processus peritonæi à scroto separatus, acu perforatus, filoque constrictus, conclusò cum testiculò abscinditur.

Fig. 23. Est *catheter*, seu *Syringa tentativa*, quâ in canalem virgæ & vesicam politâ exploramus intimos vesicæ anfractus, in quibus latitare solet lapillus, quo humana natura sæpè numero cruciatur: Græcis appellatur *καθετήρ*, & usurpatur ad urinam suppressam reddendam. Est argentea, ut inflecti possit, omni asperitate vacat, ne pars exquisitissimo sensu prædita in transitu catheteris afficiatur, & ut sine dolore vesicam ingrediatur. Pluribus in extremo foraminibus perforata est, ut retracto stylo, urina in vesica contenta, per fistulam liberè, & sine difficultate exeat. Notandum, quòd stylus fistulæ non immititur, ut quasi vi vacui urinam suppressam secum trahat, sed ne urina statim effluat, dum Lithotomus vel Medicus lapillum expiscatur occultum.

Fig. 24. Est *stylus argenteus*, qui inflecti debet, ut fissuram, quam in medio sui usque ad extremum obtinet, in dorso vel gibba parte habeat: Latinis vocatur *Itinerarium*, eò quod virgæ immissum fidelissimè collum vesicæ monstret, & super ipsum incisio facienda sit, pro extractione calculi vesicæ.

Fig. 25. Est *instrumentum* orichalceum, quo extrahitur calculus, qui in meatu urinario resedit; specillum scilicet, quod parte, qua ad cochlearis auricularis similitudinem excavatum est, in canalem colli demittitur, ita ut lapillum prætereat & superet, ipsumque suo labro & cavo comprehendat: quo facto, per stylum specilli cannulatum, & latò orificiò donatum, uretræ, ut lubrica fiat, immittitur oleum amygdalarum dulcium, postea specillum sensim extrahitur, & canalis post lapillum digitò comprimitur, donec is è meatu urinario foràs deducatur.

Fig. 26. Est forceps prædita rostrò corvinò, quare hoc instrumentum Corvinum rostrum nominatur, ad excipiendos & trahendos calculos ex vesicâ, paratum. Principium ejus notatum a. est forceps, in quâ duæ sunt cavitates e. e. ut calculi commodius apprehendantur. b. est cochlea armata c. ne calculus apprehensus in extractione forcicis exiliat.

Fig. 27. Est instrumentum eandem figuram ac nomen habens ac prius; cujus forceps a. dentibus a a a a. munita est: ut calculum, si eâ magnitudine foret, ut nec forceps eum apprehendere, nec vulnus ei transitum dare posset, in minimas partes frangeret. Ala e. ob dictas causas, est cochleâ f. munita.

Fig. 28. Repræsentat speculum vesicæ apertum, quod in Figurâ 29. clausum exhibetur, utile ad collum vesicæ (per quod instrumentum pro capiendò calculò ad fundum vesicæ transmittitur) dilatandum.

Fig. 30. & 31. Sunt forfices quarum una clausa; altera aperta exhibetur, rostri anseris similitudinem referentes, unde ipsis nomen. Sunt illæ in dilatandis vulneribus mediocribus aptæ, ut aliis instrumentis, si quod in cavitatem vesicæ per vulnus transmitti debeat, transitus præbeatur.

Fig. 32. & 33. Sunt *Unci*, quibus in minori apparatu extrahitur calculus, digitis ultra vesicæ collum protrusis, & scalpellò detectus. Ambo ab externâ parte, quâ corpori junguntur, læves sunt, ab interiore verò, quâ calculum attingunt, asperi. Posterior in medio divisus post immisionem beneficio cannulæ (f) retractæ dilatari potest, ut calculum eximendum melius comprehendat.

Fig. 34. Est *Forceps*, quæ extrâ lævis, & intus aspera est, & requiritur, quando vulgaris calculi extractio uncis modò delineatis perfici nequit.

Fig. 35.

Fig. 35. Est Scalpellus instar spatulae anceps, quo Lithotomus C.R. sectionem suam supra calculum, digitis ultra collum vesicæ protrusum, instituere solet.

Fig. 36. Est instrumentum globulis ex vulnere trahendis maximè idoneum, ex optimò chalybe fabricatum, & tribus constans partibus, duabus nempe cannulis & terebellò. Cannula externa a. cannulam internam, quæ in alterâ sui extremitate in duo divisa est cochlearia ferrata b. claudere potest; ut globulum firmet, ne cum terebellò, quod ipsi infigendum est, circumvolvatur. Terebellum autem c. acutissimum est, & duabus suis cannulis paulò longius, quod per foramen capuli d. cannulæ immissum cernitur.

Fig. 37. Est Terebellum extra cannulas suas depictum.

Fig. 38. Est idem instrumentum cum illò quod Figurâ 36. depingitur, nisi quod terebellò careat; & eò extrahuntur globuli minùs inhaerentes.

Fig. 39. Est instrumenti præcedentis cannula sola.

Fig. 40. Est instrumenti stylus, ad dimidium solidus, in extremitate alterâ cochlearium dentatorum effigiem referens.

TABULA DECIMA TERTIA.

Varia rursus depingit instrumenta globulis & vulneribus educendis apta, atque illud in specie quod Alphonsinum vocatur. Item cannulas, tum foraminibus destitutas, tum iis ad latera perforatas, cum stylò propriò, quibus in anum immisissis exsiccari queunt intestini recti ulcera, ac comburi hæmorrhoides. Hic præterea reperitur vitrum extrahendis mammarum papillis occultatis idoneum, ac describuntur omnia instrumenta, tum quæ pro anò aut uterò explorandò, tum quæ pro fætû extrahendò adhibentur, additis etiam pessariis variis &c.

Fig. 1. **R**epresentant instrumentum quod Alphonsinum vocatur, quodque extrahendis & vulneribus sclopetorum glandibus, accommodatum est. Illud describit Alphontus Ferrius, Medicus Neapolitanus, lib. 2. de Vulneribus sclopetorum. Ut autem commodiùs ac valentiùs manû teneri possit, atque ita globuli ac cætera extranea in vulnere certiùs explorari valeant, annuli forcipibus adjiciuntur; qualis est ille notatus A. in Fig. 1. qui ad anteriorem instrumenti partem protrusus, illud claudit. B. in Fig. 2. qui ad manubrium retractus, idem instrumentum aperit; quò in Fig. 3. globulus jam apprehensus depingitur.

Fig. 4. Est forceps anserina, quæ circa manubrium cochleam habet, ut globulum firmiter comprehendat.

Fig. 5. Est hamulus ferreus, educendis glandibus inserviens.

Fig. 6. Est forceps anserina, quæ si cochleam haberet, priori similis esset.

Fig. 7. Est terebellum acutissimum, cannulâ munitum, quò educuntur globuli sclopetorum.

Fig. 8. Est idem terebellum extra cannulam positum.

Fig. 9. Est spatula rostrò anserinò prædita, ad ex-

cipiendos & trahendos globulos parata.

Fig. 10. Est instrumentum ad resiccandas hæmorrhoides internas, quæ vel tument, vel superficialiter intestinum exulcerant, idoneum; cannula nimirum ferrea, quæ ano inditur: Est illa alata, & in fundò occlusa, ne ferramentum candens Fig. 13. quod ejus cavitati sæpius immittitur, altius quàm oportet perveniat.

Fig. 11. & 12. Sunt tubuli ano pariter immittendi, sed in latere (secundùm situm ulceris callosi, aut profundi, quod topicis non cedit medicamentis) perforati, quibus intruditur ferramentum ignitum Fig. 13. depictum. His tubulis partes sanæ ab immediatò ignis contactû defenduntur, quò solum ulcus tutissimè, bis vel ter, ferrò ignitò tangi possit.

Fig. 13. Est stylus ferreus præmemoratus, qui ignitus in cannulas, ad usus mox assignatos immittitur.

Fig. 14. Est vitrum vacuum ad formam propæ cucurbitulæ fabricatum, cujus altera extremitas os habet papillæ magnitudini respondens: Altera verò foramen parvum cum longâ fistulâ, per quam patiens ipsa suctû foràs trahit papillam occultaram, ut ipsam infans ore postea commodiùs apprehendere, sicque lac maternum sugere queat.

Fig. 15. Est instrumentum, quod speculum ani ac etiam vaginæ uteri appellant, eò quòd hujus beneficiò speculentur ulcera intestini recti, & vaginæ uteri. Pars speculi A. notata aperta, & masculus dicta, maribus applicatur: Pars verò clausa, & B. signata, fæminis adhibetur, unde fæmina appellatur.

Fig. 16. Monstrat ejusdem speculi partem quæ maribus convenit, clausam, ac eam quæ fæminis applicari solet, apertam.

Fig. 17. Est forceps deceptoria, quia ægrorum decipit, dum in dilatandis, juxta anriquorum sententiam sinibus impenditur.

Fig. 18. Est magnum matricis speculum, quod mulieribus adhibetur, solùm; quando incidendus est fætus mortuus, aut inspicienda matricis exulceratio. Videant periti an commodè ac tutò ejusmodi speculum ultra vaginam intrudi queat, pro collò interiori uteri dilatandò, & an sic conspici faciliè queant uteri exulcerationes &c.


Fig. 19. Est instrumentum duobus uncis donatum, quâ olim utebantur pro extrahendò fætû mortuò, vel in frustra incisò. In hoc autem, quandoquidem unci ex catenis dependent, vix possibile est ut illud satis tutò dirigatur, & in extractione satis firmum sit, ut omnis variatio præcaveatur.


Fig. 20. 21. 22. 23. Exhibent instrumenta quæ hodie in fætus extractione adhibentur: scilicet.


Fig. 20. Cultellum qui in uterum inter digitos occultatus inducitur pro exsectione partium liberam fætus educationem impediendum.


Fig. 21. Uncum duplici acumine seu cuspidè præditum, quique aliàs etiam simplex adhiberi potest. Ille itidem manû coopertus, ne partes per quas trajici debet lædat, in uterum introducitur, & in solidiorem aliquam capitis partem, fætû mortuò existente, ac ad pedes nullatenus convertibili, intruditur, sicque rotum illius corpus educitur, in id adhibitò vel unò tantùm unco, vel duobus, ab utroque scilicet capitis latere unò, si ita requirat necessitas.

Fig. 22. & 23. Cochlearia duo, quorum alterutrum pone caput fætus, ab ejus corpore in educatione separatum, & in utero restitans, demittitur; pro









pro ejus sitû firmando, & impediendo ne varietur dum per uncum intrusum educitur.

Fig. 24. Instrumentum nobis depingit quod figuram refert pedis gravis, & inservit extractioni capitis infantis in puerperæ uterô remanentis. Constitat autem in sui extremitate quatuor dentibus seu uncis, qui per cochleam in inferioribus positam dilatantur aut contrahuntur, pro commodâ ejusdem capitis apprehensione & educatione.

Fig. 25. Gravis unguem delinear simplicem, quô molæ medicamentis minimè educibiles, detrahuntur. Hic cochlea ut in priori, & in eundem usum adest.

Fig. 26. Candelam ostendit latissimâ basi præditam, ex cerâ flavâ & paucâ assâ fætidâ confectam, crassitie uterinæ respondentem cervici, quâ prolapsus uterus in proprium ac naturalem suum retruditur situm.

Fig. 27. & 28. Exhibent pessaria, quorum primum ex pyriforme, secundum verò simpliciter globosum. Illa ex subere cerâ illitô confecta, & in sui mediô tubulata pro humoris ex uterô stillantis evacuatione, in vaginam ad usque uteri collum intruduntur, pro eô retrusio in propriô sitû firmandô. Iis appenditur funiculus, ut commodè pro deterfione identidem repetendâ, retrahi queant.

Fig. 29. 30. 31. & 32. Sunt itidem alia pessaria, seu circuli uterini, ex lignô buxô fabrefacti, qui in eodem usus ac priores adhiberi possunt. Hi autem circuli ab ea parte quâ in vaginam introducuntur, debent esse paulô minoris circumferentiæ, quam in aliâ quæ ipsorum quasi basis est, ut sic scilicet commodius introduci queant.

TABULA DECIMA QUARTA.

De instrumentis, quibus pes contractus paulatim extenditur; cubitus rigidus sensim & sensim flectitur, arteria carpi vulnerata comprimitur; De Machinâ quâ scarificationes omnes in curvitarum applicatione unô ictû imprimuntur; Et tandem de brachiis, manibus, pedibus, & membro virili arte factis.

Fig. 1. **E**ST instrumentum ex ferrô fabricatum, incurvato & convulsô crure, genu adaptandum, quod constat ex diversis partibus, nimirum capsulâ A. ferrea, quam transit cochlea B. & affigitur annulo ex lamina ferrea in latitudinem, ut genitorum complectatur, fabrefacto. C. fibulis D. ut claudi & aperiri possit: foraminibus in extremitate E. ut gossipio & linreo instruat: & tandem clavicula ferrea F. cujus beneficio attrahitur annulus, & crus in rectitudinem tendit.

Fig. 2. Est dimidia & inferior pars cochleæ B. Fig. 1. depictæ.

Fig. 3. Est cochleâ B. Fig. 1. extra locum, duabus constans partibus, quarum superior (a) post attractionem annulo affixa relinquatur, altera (b) extrahitur. Hoc instrumentum non parum differt ab eo, quod Guilhelm. Fabricius Hildanus in libellô suo de combustionibus c. 15. se invenisse scribit.

Fig. 4. Est instrumentum ex variis è ferrô laminis confectum, plurimisque foraminibus perforatum, ut gossipio & linteo induci, ac cubito instar manicæ adaptari, claudi atque aperiri possit. Cochleâ umbellatâ, quam habet instrumentum, comprimitur arteria carpi, consiliô aut fortuito aperta, ne vitam cum sanguine profundat.

Fig. 5. Est instrumentum ferreum, quo utimur, quando cubitus inflecti nequit: Hôc instrumentô paulatim, mediante cochleâ, flectitur.

Fig. 6. Est forfex, quâ abscinduntur non solum ossa, quæ in fracturis cum vulneribus eminent, & reponi non possunt: verum etiam ea quæ suô acumine cerebrum pungunt. Hæc forfice etiam abscinduntur digiti manuum & pedum, superflui, sphacellô & carcinomate affecti.

Fig. 7. Est forceps incisoria, ad partes cartilagineas & callosas facta.

Fig. 8. Est cultellus falcatus, quô caro usque ad os ferrâ resecandum inciditur, ante amputationem cruris, aut brachii necessarius.

Fig. 9. Est scalprum, quô non tantum digitorum verum etiam cubiti & radii capita amputantur.

Fig. 10. Est malleus ex lignô durissimô fabrefactus.

Fig. 11. Est truncus ligneus rotundus & altus, in quô partes scalprô auferendæ collocari debent.

Fig. 12. Est scapellus rectus, ex utrâque parte incidens. Lanceolam, seu Lancettam vocant; & est instrumentum Chirurgis omnium maxime usuale, quod in sanguine è venis educendô adhibent. Illius autem cuspis, vel est acutissima, quæ vas cum minori dolore pertundit, vel in modum grani hordei se dilatat, unde incisio venæ paulô amplior efficitur, unde trombi non ita facillè generantur. Verum manus dexteritas hæc omnia corrigit, ac commodè prævertit.

Fig. 13. Machinam Scarificatoriam in partes divisam depingit. In superiori scilicet parte,

B Operculum est pixidis, quâ machina scarificatoria continetur.

b Pixis.

o o o o Orbis, in quo phlebotomi figuntur, prout se ab inferiori parte visui præber.

..... Puncta hæc indignant foramina circuli, in quo firmanentur phlebotomi.

A A A Scarificatoria machina.

d d Est axis rectus, cui annectitur orbis, in quo lanceolæ hærent.

f f Lignum transversum.

g Circulus est, quem quadratus axis perforat, atque sub eô Offendiculum, ne axis ulterius prolabatur.

h Arcus, quo machina deprimitur.

i Foramen, in quo arcus globus globo axis infigitur.

kk Duo transversî stili, qui orbem in æquilibrio renent.

ll Orbis, cui imponuntur phlebotomi.

c c Phlebotomi.

nn Phlebotomi extra orbem, quorum numerus augeri & minui potest juxta arbitrium medici.

o o Obstacula, quibus impeditur, ne phlebotomi profundius secare possint.

m Arcus extra machinam, ut alia Figura.

D Axis.

G Lignum transversum,

KK Stili.

In inferiori parte.

B. Depingit machinam quâ pars gangrenatâ, vel aliâ de causâ scarificanda, unô ictû scarificatur.

ooooo Inci-

o o o o o Incidentes rotulas.

C Clavem, quâ rotulæ circumgirantur.

A Operculum.

Hæc omnia non ita distincta sunt, quin ulteriori opus habeant explicatione, quam Lector industrius facile supplebit.

Fig. 14. Est ferreum brachium, in quô a a. est ferrea corolla, quæ brachii formam exhibet,

b. Est clavus, qui in majore cavitate continetur, quô brachium extenditur.

c. Est major cubiti cochlea; quæ ex chalybe temperatâ, & trium pedum longitudine, vel circum circa esse debet.

d. Sunt dentes.

e. Est clavus.

f. Est cochlea, quæ clavum premit.

g. Est pessulus, qui cochleam claudit.

h. Est interior lamina brachii super cubitum.

i. Est apex ferreæ manicæ cum fistula carpi, cujus subfio manus sursum deorsumque movetur.

kkkk. Sunt subligacula, quibus ferreum brachium connectitur.

Fig. 15. Artefactam manum exhibet, quæ imposita trunco deperditæ manus, ita movetur, ut calamô scribat: hæc conficitur ex coctô coriô, quæ, si patiens, cujus manus detruncata est, litteris scribendis se det, per foramina o o o trunco sive brachio alligatur.

a. Manum denotat.

b. Metacarpum, in quem patiens truncum suum, quousque poterit, intrudet, ut motus eò melius periciatur.

c. Est penna ænea, quæ digitis erecta teneretur.

d. Pluma calami est, quæ æneæ imponitur: ut si quis æneâ scribere non posset, ob gravitatem ejus calamus cygni, ad hoc paratum, æneæ imponat.

Fig. 16. Artificiosum pedem exhibet.

a a. Est ligaculum, quô annulus fibulæ sursum trahitur ad flexuram pedis.

b. Est coxæ ligaculum, cum cochleatis clavis, clavorumque foraminibus, quô coxæ incurvantur vel eriguntur.

c. Est nodus, quem manu comprimendo contorquebimus.

d. Est minor annulus ante coxam, ad motum pedis juxta arbitrium compescendum.

e e. Sunt fibulæ anteriores, & posteriores ad pedem thoraci annectendum.

f. Est minor inferior basis, in qua coxa quiescit.

g. Est cochlea, ad movendum clavum, qui pedem sustinet.

h. Est clavus, qui baculum pedis rectum tenet.

i. Est annulus, cui funis annectitur, ad clavum retrahendum; ut baculus eò melius in sessione flexuram suscipiat.

k. Est pars, quæ conducit motui patellæ.

l. Est minor fibula, quæ impedit, ne clavus coxam prætergrediatur.

m. Est ferrea fistula, quâ baculus includitur.

n. Est vertex, in extremitate baculi, qui membrum sustinet, quô pes movetur.

o. Est Clavus, quô pes reducitur.

p. Est metapedium clavi, ad pedem ad inferiora pellendum.

Fig. 17. Est vestis præscripti pedis.

a. Laminas, quæ ornamentum, & motum genuum præstant, demonstrat.

b. Laminam tibiæ, ut pes debitum retineat situm.

c. Laminam suræ.

d. Laminas articulationis pedis, ut situs motusque conservetur.

Fig. 18. Est erectior manus, qui, tendonibus & nervis metacarpi præcis, ægro usu venit, hæc machina ex bractea confecta, & serico, lana aliæque re molli referta manui subponitur, prope primam digitorum conjunctionem. Posteaque aptis ligulis ligatur! Hujus instrumenti præsidio manus erecta tenetur, ut ægro usui veniat: unde huic instrumento Erectoris manus nomen convenit. Rotunda instrumenti extremitas applicanda est a. articulationi primæ digitorum, extremitas altera b. spectet carpum, hocque instrumentum ligulis c. per foramina o o. trajectis magis, aut minus constringatur.

Fig. 19. Interiorem ostendit machinam, quâ manuum digiti moventur, & numerus.

1. Exhibet rotulas singulorum digitorum, motui utiles.

2. Demonstrat ferreum axem, qui dictas pertransit rotulas, & circa quem moventur.

3. Sunt cochleæ, quibus singuli digiti sustinentur.

4. Sunt clavi, quibus singuli clavi sustinentur.

5. Est major cochlea, quâ minores quatuor aperiantur, pro digitorum clausione procurrandâ.

6. Est globulus in extremitate majoris cochleæ, cujus pressurâ aperitur manus.

7. Est clavus sub magnâ cochleâ situs, quâ manus clauditur.

8. Sunt digitorum axes.

9. Sunt digitorum conchæ.

Fig. 20. Exteriorem manû apparatus exhibet, & modum quô brachio & thoraci annectuntur.

Nus. 1. Demonstrat conchas digitorum articulos referentes.

2. Sunt laminæ manû formam exhibentes, in quinque distinctæ, ut motui commodiores sint.

3. Sunt fasciæ.


4. Sunt ferrei stili, quibus fasciæ annectuntur.

Fig. 21. & 22. Ochreas delineant, quibus curvati puerorum pedes, paulatim ad naturalem situm restituntur. In Fig. 21. apertæ; in Fig. verò 22. clausæ apparent. In illis autem.

a a a. Sunt unci, qui foramina b b b. apprehendendo ochreas claudunt.

Fig. 23. Erectorem pollicis indicat, quô pollex, si tendo aut nervus abscissus sit, in suô sitû retinetur; utque manus apta foret digladiationi, aliorumque instrumentorum apprehensioni; hic erectior pollicis ex bractea conficitur: superius in articulatione cum manû coriaceis ligulis a a. firmatur annulis duobus e e.

Fig. 24. & 25. Exhibent penes arte compositos, qui usu veniunt stantibus pro urinæ excretionem, quando ob tenebrosa furta improbæ Deæ in panam membrum virile dederunt, ne more sexûs fæminei incurvari mingere cogerentur. Hæc cannula urinaria principiô notatô d. ductui urinario apponi debet, ex aurô, lignô, laminâ plumbeâ, coriô, vel aliâ materiâ confecta, a. Est corpus cannulæ. c. exterius ejus foramen.





TABULA DECIMA-QUINTA.

Hic demonstratur Sutura quam siccam vocant, ac præterea ea sutura quæ in Labiis leporinis curandis adhibetur. Item artificiosi oculi, nasi, & linguae, ac varia instrumenta in membris luxatis reponendis maximè utilia.

Fig. 1. Exhibet methodum exsiccantis suturæ, in quâ

LL. Denotat longitudinem vulneris, in facie fiti.

MM. Lintea glutine instructa quæ ab utraque vulneris parte agglutinari debent.

a a a a a. Demonstrant fila per illa duo lintea quorumque nodatione vulneris labia invicem approximantur.

NN. Emplastra conglutinantia depingunt, a vulnere abstracta ac separata.

a a. Sunt fila quæ duos ex eorum finibus perforant

O. Est acus per quam filum traducitur.

Fig. 2. Offert caput hominis Labiis Leporinis deforme; in quâ,

E E. Sunt ambo fines acûs.

a a. Sunt Labia acûs beneficiò combinata.

c c. Filum demonstrat, quod circum acum giratur.

In Figurâ, jam explicate proximâ.

a a. Exhibet labia separata ac divisa.

b b. Locum inter illa medium, seu locum divisionis.

o o. Designat loca quæ perforari debent.

d d. Extremitates labiorum, postquam acû conjuncta fuere.

f f. Circumvolutionem fili.

Fig. 3. 4. 5. & 6. Repræsentant artificiosos oculos ex aurò, vitrò, cristallòve confectos, naturalem colorem mentientes. Figuræ 3. & 6. exhibent exteriorem seu convexam oculi artificialis partem: 4. & 5. interiorem, seu concavam.

Si oculus artificialis orbitæ imponi non possit; curandum ut ille fiat ad modum qui in Figuræ 7. depingitur: Qui scilicet ferreum filum curvatum habet adnexum, cui appenditur teniola quâ circum aures giratâ in situ firmatur.

Fig. 8. Demonstrat perspicillum infantibus applicandum, quando in strabismum incidunt. Ejus autem foramina accuratissimè oculis supponi debent, ita ut pupillæ directè respondeant.

Fig. 9. & 10. Delineant artificiosos nasos, ex aurò, argentò, lignò, vel conglutinatò linò compositos, & ita pictos, ut nasum naturalem deperditum aliquatenus reparare queant. In figurâ autem 10. characteres r i i i. barbam exprimunt, aptam illis qui magnam prius aluerunt.

Fig. 11. & 12. Designant instrumenta quibus loquela perficitur, si pars linguæ deperdita sit. Superior pars a. quæ crassitiem dimidii imperialis æquat, dentibus incisoribus adhærere debet: inferior verò b. quæ tenuior est, directè ac proximè truncatæ linguæ apponitur. c. autem est filum quò instrumentum collo annectitur.

Fig. 13. 14. & 15. Sunt obturamenta quibus palatum venereâ ulceratione corrosum, pro voce articulatione faciendâ, obstruitur. Ex argentò

conficiuntur, ac crassitiem coronati Gallici, & iis alligantur spongia, quâ palatò adhærere possint.

Fig. 16. Instrumentum itidem præbet ejusdem quæ priora naturæ; sed in quò locò spongiæ reperitur appendicula, seu protuberantia, quæ corvinò rostrò Figurâ 17. expressò, ita giratur ut in palati foramen introducat pro sustinendò instrumentò.

Fig. 18. Modum depingit, quo luxatus humerus beneficiò communis luxatoriæ machinæ Hippocratis, in locum suum repositus, custoditur.

A A A Est extensum brachium.

B Annulus luxatorii Instrumenti.

c c c Sunt sustentacula, quæ brachium in pixide tenent.

D D Columna, in qua luxatoria machina quiescit.

E E E Pedes columnæ.

FFF Cochleæ sunt, quibus pedes columnæ sustinentur.

G Machina luxatoria Hippocratis, ambe nominata, dissoluta.

E E Annuli, quibus superior pars brachii interponitur.

I Extremitas Instrumenti luxatorii.

K Sinus seu rima columnæ, cui machina imponitur.

F Stilus, qui Instrumentum & columnam conjungit.

D Columna ipsa.

O O O Ejus pedes.

Fig. 19. Delineat, quâ methodò luxatus humerus reponatur.

Fig. a. Exhibet machinam à Peritissimò Chirurgo Parisiensi, Dno. J. L. Petit inventam, pro humeri luxati reductione. In eâ autem.

A A A A. Sunt quatuor columnæ sedilis, quod nullâ disuariatâ crepidine fixâ donatur, quia pro latere sinistrò æquè ac pro dextrò usurpari debet. Verùm illa tempore usus conficitur, trajectis ab alterutrà parte bacillis D D. per columnas scilicet, vel M. N. vel O. P. C C C C. Est ipse ipsum sedile in quò reponitur æger dorsò ad columnas P. O. conversò, ubi dexter humerus fuerit luxatus: at verò ad columnas oppositas M. N. ubi sinister.

E. Alius est bacillus quò semper trajiciuntur columnæ P. & N. idque altiori, vel minùs altò locò, pro varietate patientis staturæ. Ille culcitulâ laneâ instruitur, ut super eò reponatur ac colligetur brachium sanum, ne suis motibus Chirurgum operationis tempore inturbet.

K K. Est machina ferrea ad modum lunæ crescentis, vel semicirculi, in sui mediò paululùm compressi, efformata, cujus duæ extremitates X X. latissimæ sunt, earumque altera instar manus scapulam complectitur, dum altera anteriorem itidem pectoris partem amplexatur. Illa machina lanâ debet semper esse instructa ac præcipuè in sui mediò, quò luxatum humerum recipit, ut scilicet patientem lædat, & extremitatibus suis inducitur in foramina literis R. & I. designata. Præterea eadem machina, in sui mediò grandiori pertunditur cavò per literam F. expressò, quò cardinem excipit in extremitate ligni S S. situm. Hoc autem lignum trochleis instruitur T T. at-

X x quæ

que instrumentô in earum mediô positô , ac ipsarum cordas versante V. Aeger autem sedebit v. g. si sinister humerus sit luxatus , dorsô ad columnas M. & N. conversô , ponetque prædictum humerum luxatum super medium machinæ K K. quæ est pars ejus crassior , lignumque trochleas concludens cardine suô in cavum ejusdem machinæ inducetur , ut per cordas laqueo brachio injecto connexas pars illa sufficienter extendatur , idque per gradus mediante instrumentô cordas versante quod rotulâ armatur dentatâ , reversionem omnem motûs cordarum præpediente. Postquam autem extensio perfecta est , deprimitur lignum cum suis trochleis , quarum tum cordæ laxantur , & repositio seu reductio facta est.

Fig. 20. Luxatoriam cochleam depingit , absque ligulis , ex ferrô & chalybe fabrefactam.

A A A. Est tora cochlea quâ machina circumgirtur , crassitiem habens unius pollicis.

B. Pixis est cui unitur cochleæ extremitas , & quæ debet habere crassitiem duorum pollicum.

a a. Sunt duo unci divisi , de pixide nati , quibus funes connectuntur.

b b. Sunt funes ipsi , ex densô cannabe confecti.

C. Globum delineat quem bacillus ferreus

D D. Trajicit , ut eô cochlea circumgirtetur.

E E. Demonstrat aliam cochleæ machinam , cujus ope tota luxatoria machina mensæ affigitur.

o o. Ultimæ hujus prædictæ machinæ cochleam exhibet.

b. Est globus in hujus cochleæ extremitate positus.

F. Stylus ferreus quô cochlea circumagitur.

G G. Sunt instrumenta duo ferrea , quorum alterum mensæ insidet , alterum verò sub eam firmiter per cochleam inducitur , ut sic tanquam per fabrorum ferrariorum forcipem comprehensa utrinque mensâ cochlea super eam commota seu potius vehementius tracta , vacillare nequeat.

H. Est aliud instrumentum annulo in quo cochlea A A A. contorquetur circumvolutum , indeque ad inferiora descendens ac instrumenta G G. ac cochleam o o. prius descriptam sustinens ; ut eô tora machina mensæ firmiter annexi possit.

Fig. 21. Ostendit capsulam , seu pixidem cochleæ suprâ descriptæ in operatione quidem unitam ; sed jam ab eâ separatam , cum duobus suis uncis , & fune appensô.

Fig. 22. Coriaceum exhibet ligamentum , quod brachio , aut pedi , pro eorum extensione annexitur. In quo ,

A A. Sunt hami prædicto ligamento appensi , quibus connectuntur funes uncis suprâ per a a. designatis colligati.

O. Est fibula quâ clauditur coriaceum vinculum.

Fig. 23. Idem vinculum in longum extensum delineat : Ibi autem ,

A A. Est prædictum coriaceum vinculum duos pollices latum , ac pedem unum & sex pollices longum. Ex densô hoc confici debet coriô , & ab utraque superficie persui , ut ab earum unâ indicant literæ o o o o. & puncta ipsis interjecta. Sic erunt melius vim cochleæ in extractione sustinent. Puncta autem crassiora quæ utrinque per totam longitudinem adnotantur , foramina designant , quibus styli 1. 2. affiguntur , ut ferrei hami firmen-
tur , dum per vinculum , unde dependent , mem-

brum extrahendum , stringitur.

O. Est fibula quâ vinculum membro circumvolutum , colligatur.

NN. Sunt ferrei unci mobiles , quibus funes ex uncis pixidis suprâ descriptæ prodeuntes , annexuntur.

Fig. 24. Funem depingit uni ex vinculi hamis appensum.

Fig. 25. Est pixis quæ cochleæ luxatoriæ pro membri extractione unitur. Illa autem hic unicô unicô planô donatur , qui secundum aliquos multò melius per lineas parallelas membrum adducit , quàm unci divisi , quandoquidem funes firmius in planô quiescunt , nec ita vacillare possunt , ac in uncis divisis facile est. Sic itaque tractio magis ordinata perficitur.

Fig. 26. Patientem offert , cujus humerus luxatus reponitur.

Fig. 27. Chirurgum ostendit , qui molli linteô membrum reponendum , quod cochleæ giratione trahitur , lentè in naturalem suum locum premit.

Fig. 28. Repræsentat famulum , cochleam pro extractione circumgiramem.

Fig. 29. Mensam , aut aliud fulcrum aptum demonstrat , cui cochlea mediante suâ appendice , firmiter annexitur.

TABULA DECIMA SEXTA.

Exhibet Tubam sonoriſeram pro gravi auditu ; Torquen ad collum incurvatum ; Torcularem (Gallis Tourniquet) ad constringenda vasa sanguinea in membrorum amputatione ; Bracherium ad urinæ incontinentiam ; Postomen ad eundem affectum. Item applicationem aliquorum ex instrumentis suprâ descriptis super corpore humano : Sed præcipuè totum apparatus , instrumenta , ac fasciationes quæ adhibentur , in illâ Chirurgiâ quæ Curtorum dicitur , & de quâ sub titulô Caro ablata quomodo restituenda , ex Taliacotiô.

Fig. 1. Tubam sonoriſeram proponit , ex Clariss. Nuckiô ; ubi ,

A. Tuba.

B. Pars illa tubæ quæ meatui auditorio admo-
vetur.

C. Os tubæ amplum , in quod adstans lo-
quitur.

D. Manubrium quod patiens manû alterâ tenet.

Fig. 2. Torquen depingit ad collum incurvatum , ex eodem. Ibi autem ,

A A. Hemisphærium est ex ferrô confectum.

B. Annulus in parte elatiori , per quem trajicitur chorda trabi adalliganda.

C C. Extremitates , quibus alligatur corium crassiusculum lanâ investitum.

Fig. 3. Torcularem ostendit (Gallis Tourniquet) pro constringendis vasis sanguineis , ubi membra amputanda veniunt.

A A. Chorda.

B B. Duo bacilli , quibus circumagitur chorda , ut vasa constringantur.

Fig. 4. Bracherium ad urinæ incontinentiam offert , ex eodem.

A A. Bracherium.

B. Fibula



B. Fibula.

C. Pars pendula corii perforata, quâ constrigitur bracherium.

D. Cochlea, cujus ope comprimitur pulvillus, cum annexo capitulô E. compressulâ instructo.

Fig. 5. Postomen ex eodem tradit, ad eundem affectum.

A A. Postomis ex argentô cuprôve confectus.

B. Clavis instrumento affixa, quâ pro lubitû claudî & aperiri potest.

Fig. 6. * De fundâ Galeni, cancro labiorum, arteria incise compressione, pedis contracti distensione, cubiti rigidi inflexione, sinus in femore magni apertione, locis & fasciis fonticulorum, glandium & vulneribus sclopetorum extractione, varicum sectione, labiorum vulneris per fibulas adductione, tibiæ cariosæ abrasione, & deligatura pectoris, quam Galenus Cataphractam vocat; agit ex Sculterô.

A. Est funda Galeni l. de fasc. c. 62. fascia scilicet in quatuor partes scissa, ad labrum inferius deligandum accommodata, cujus descriptionem in gratiam studiosorum chirurgiæ, in primis verò barbitonsorum, quibus rarò iste liber de fasciis est ad manus, transcribere volui, ut hanc fasciam, ejusque applicandi modum, ad curandos labiorum affectus, præcipuè verò cancerum exulceratum, utilissimum pariter, ac chirurgiam exercentibus scitu summè necessarium, addicerent. Medium, quod integrum est, injicito super labium inferius, superiores verò partes ad mentum adducto, atque inde ad occipitium, ibique in speciem literæ X. altera super alteram excedente, ad summum caput, & inter ipsum & frontem attrahito, ministroque tradito, reliquas verò binas partes sub infimis auriculis ad occipitium porrigite, atque ad formam literæ X. ad frontem attrahito, & has & quæ à ministro continebantur inter se devincito.

Æ. Indicat labium exulceratum, fascia fundæ ad mentem Galeni deligatum. Pateriens erat Gallus Sigmam, Rusticus Langenaviensis, ex Territorio Ulmenfi, cancro labiorum exulceratô affectus, qui postquam à multis chirurgiæ peritis dolens percipisset, se ab istô malô liberari non posse, nisi sectione radicibus extirpetur: pateriens ob difficultatem domesticam, quâ premebatur, ab Inclytô Reip. Patr. Senatû suppliciter impetravit, ut in Xenodochium reciperetur, & cancer ferro ac manu chirurgi exercitati Georgii Riedlin abscinderetur. Abscissione per forcipem facta, & ulcere ad cicatricem ferè ducto, malum repullulavit. Senatus Inclytus hujus recidivæ certior factus patientem meæ curæ tradidit. Hic ob dolores capitis & artuum nocturnos, mihi valdè suspectus, in Nosocomium Gallico morbo affectis destinatum translatus, decoctum ligni Guajaci sumpsit, unde dolores capitis & partium extremarum cessarunt. Cancer verò interim topicis tractatus nihilominus pauperculum vehementissimè cruciavit. Deinde corpus, per sudoriferâ nimis calefactum, usu feri caprini depurati refrigerandum, & ab atrabiliariis humoribus per epicrasin purgandum existimavi, decocto Magistrati sequenti.

Bibl. Chirurg. Tom. II.

R. Aq. fluvialis lib. XV.

Hord. integr. p. j.

Bulliant in vase obturato ad crepaturam hordei, tunc adde,

Fol. Borragin.

Cichor.

Bethon.

Cardui b.

Sonch. ana Mj. & iterum bulliant ad remanentiam ℥xij. abjectis herbis, in colatura infund.

p. 24. hor.

Rad. Polypod. ℥iij.

Pulv. colocynth. in petias ligat. ℥ij

Rad. hell. nigr. præp. ℥ss.

Ireos nostratis.

Agaric. crud. ana ℥j.

Uvar. Passar. ℥vj.

Semin. anis. ℥ß.

Misce omnia & ebulliant ad consumptionem mediæ dietatis, & in fine pro unica ebullitione adde.

Cinamom. optim. ℥ij.

Nuc. Mosch. incis. ℥j.

Fol. sen. s. stipit. ℥js.

Colatura dividatur in x. doses, ut una dosis sint ℥viij. servabatur in phiola quælibet, superaffuso oleo ad digiti latitudinem, & dabatur alternis diebus summo mane, à qua pateriens jacuit in lecto benè coopertus, donec madorem corporis sentiret, atque post horam jusculum sumpsit, & quia, ob colocynthidem decoctum amariusculum fuit, statim post assumptionem deglutivit aliquid de pomo asso, aut ℥ß. passularum. Purgans hoc facile trahit non solum humorem, qui influere potest, sed eum quoque, qui jam influxit. Et notandum, hujus solius decocti crebro usu, multos ab exulceratâ carcinomatâ doloribus liberatos, pluresque à nondum exulcerato fuisse curatos. Hac obiter de decocto.

Præparato corpore, precibus pauperculi devictus labium forcice abscidi, primo intuitu bono cum successu. At sequenti die observavi tuberculum, quod forfex, utpote quæ ad talem chirurgiam valdè est incommoda, reliquit.

Hoc tuberculum pulvere illo caustico, quem ab Empyrico acceptum Aquapend. describit lib. I. pentateuch. cap. de cancro, consumere frustra tentavi, indeque de certa curatione dubitare, & imminuentem recidivam timere cœpi. Pateriens autem meo jussu, repetiit usum decocti purgantis, singulis quaternis diebus, & cum ulcus beneficio Ung. de Tutia sequentis

R. Ol. ros. complet.

myrt. anatb.

Sevi vinl. castr. ℥vj.

Succi solat. hortens.

plantagin. ana. ℥x.

Vini granatorum ℥iv.

Bulliant ad succ. consumptionem, factâ colaturâ.

R. Ceruss. pulver. ℥x.

Lithargyr. præp. ℥iis.

Plumbi usti & loti, Antimon. præp. ana. ℥v.

Tutia Alexandr. ℥ss.

Camphor. ℥ss.

Misce omnia in mortario plumbeo, &

F. Ung.

fere ad cicatricem duceretur, remanebat enim solum illud tuberculum, bona victus regula, internis

Xx 2

externisque

externisque remediis instructus, spe citissimæ restitutionis latissimus domum redire festinavit. At quod supra timui, elapso semestri etiam evenit; recidiva scilicet altera, malum prioribus multò pejus. Has recidivas autem foisci, qua operatio peracta, unice adscribendas existimo. Hæc enim ad tentatam chirurgiam ineptissima fuit: Si igitur cancer totum labium occupat, Chirurghi, meo & Riedlini erroribus docti eum forfice abscindere caveant, ferè enim impossibile, quin ea aliquod vestigium relinquat ex quo malum recrudescere queat. Memini quod aliquando in publicis lectionibus ab Excellentissimo Adriano Spigelio, hanc cautionem audiverim, quam tamen pro nihilo habui, usque dum in rustico hoc & alio expertus ea non observata, patientes de vita, & de fama chirurgum periclitari. Ager secundam recidivam passus, etiam tertiam chirurgiam à me petiit, quam moneta ex argento confecta, acuta, & aqua forti intincta, juxta Aquapend. placitum, administrassem absque dubio majori cum fructu, nisi vasa circumcirca maxime tumida, laborem frustraneum fore indicassent.

B. Est usus & applicatio illius instrumenti, quod in vulneribus, vel potius puncturis, arteriarum carpi, quæ in duello facile contingunt pro sistendo sanguine, utilissimum expertus sum ut infra ex singulari observatione patebit. Alii sumunt monetam argenteam, quam vulnere superligant: quia tamen ligatura ista satis stricta esse debet (*laxior enim sanguinis fluxum nequiquam cohibet*) ob imminuentem manus extremæ gangrænam, & subsequenter sphacelum (*comprimuntur enim vasa ut alimentum & spiritus vitales & animales influere nequeant.*) valde periculosa videtur; unde hominum saluti melius prospectum judico, si omnes chirurgi simile instrumentum in promptu habeant, ut tempore necessitatis eo uti valeant. Patavii, ubi exercitium Anatomicum & Chirurgicum à plurimis seculis maxime floruit, meo tempore reperiebatur exercitissimus Arteriotomus, qui ad curandos capitis atrocissimos dolores suavis medicorum arteriam carpi non raro incidit, factaque sanguinis evacuatione ordinata, vulnus prædicto instrumento ita compressit, ut ne gutta quidem sanguinis citra chirurgi voluntatem profunderetur neque ullum ex compressione alias metuendum symptoma superveniret. Sæpius Ulmæ accidit, ut ab imperitis balneatoribus, & chirurgi titulo certè indignis, pro vena basilica arteria comes aperiretur, unde plerumque vel nimia sanguinis profusio, vel aneurisma magnum quod malè curatum mortem intulit. Si itaque in futurum præter spem talis error committatur, pro correctione hujus (præter remedium, quod Clariss. Colleg. D.D. Gregor. Hortsius observationum chirurgicarum prima, lectu certe dignissima proponit) simile instrumentum, quod arteriam comprimendo sanguinis fluxum sistit, aut arteriæ cubiti læsæ adaptetur, meo judicio non erit alienum. In Helvetia artériæ temporum casu vel arte ruptas & incisas, parte corticis mediæ nucis juglandis convexa feliciter comprimunt.

C. Indicat applicationem ferri inservientis ad genu contracti extensionem. Jacobus Murdel Jacobi Lanionis filius 5. annorum, in terram silicibus stratam patrem currendo insequens, & cespitans cecidit, sine doloris querela usque in quartam diem ambulavit, quo claudicare, & de genu contuso conqueri cæpit: Mater de puero satis solli-

cita vocat barbitonsorem, Johann. Andrean, qui statim cataplasma contra cruorem Felicis Wirzen, altera die (pro discussione ut reor) linteum triplex ex vino calido expressum applicuit. Puer ita tractatus corripitur febre acutissima, quæ remediis convenientibus à Medico rite adhibitis, die quodam critico per abscessum pedis affecti, inflammationem scilicet erysipelatousam solvebatur, quæ totum crus & femur ad inguinâ usque occupavit calore, rubore, & dolore puerum vehementer affligens. Curata inflammatione supererat in genu ante febrem contuso tumor ingens, quem, cum omnia resolutentia explosisset, ad suppurationem ducere tentarunt, & genu tam in parte domestica quàm externa medicamine caustico aperuerunt, materia nulla, vel certe paucissima effluente. Re ita se habente, Medicus ordinarius discessit, & totum curandi negotium Andreæ Barbitonsori reliquit; hic pro arte & Matre puerum tractavit, ulceraque caustico inusta consolidavit, & tumorem planè induravit. Mater magis quàm unquam sollicita, & observans, bonum virum huic malo esse insufficientem, & propterea etiam anxium, me consilii causa vocavit. Hæc ex relatione. Accedens inveni tumorem in genu haud absimilem iis quos vulgò *Glidschvum* appellant, puerumque contractum, crus enim extendere non potuit. Facto prognostico, affectum hunc esse ancipitis & quidem diuturnæ curationis, rem ita aggressus; pro emolliatione & discussione tumoris, quotidie per quadrantem horæ cum spongia adhibui fomentationem ex sequentibus.

℞. Herbar. Malv.

Verbasci.

Beihon. ana. Mjß.

Flor. malv. Mj.

Semin. lim. ʒij.

Rad. Alth. ʒij.

Incis. & contus. ad chartam

Post fomentationem apposui ceratum diasynapi, quod Hieron. Fabrit. ab Aquapend. cap. de melicerid. descripsit, & D. Spigelius ita correxit.

℞. Salis gemm.

Lithagryi aur.

Ceruss. ana. ʒij.

Cera & Terebinth. ana. ʒijj

Galbani.

Opopon. ana ʒß.

Sinapi bulv. ʒij.

Ol. veter. ʒix.

acet. acerr. q. s. F. l. a. ceratum molle

Sub poplite & ad latera inunxi genu seq.

℞. Unguenti Eva ʒij. ß.

Nervin. ʒ. vj.

Cerati citrini. ʒj.

Ol. lumbr. terr. ʒvj.

vulpini. ʒij.

M. pro Unguento

℞. Ol. olivar. lbß.

medul. crur. bovis

cera flava.

Resin. Pin. ana. ʒij.

Butyr. rec. ʒijj.

M. F. Ung. Eva. seu Anodynum, quod Foscarinus ex Turcia secum attulit.

℞. Succ.

℞. Succ. Nicotian. ℥vj.
Cera citrin. recentiff. ℥iv.
Resin. ℥iij.
Terebinth. ℥ij.
Ol. Myrtin. q. s. F. cerat. molle.

cujus descriptionem habeo ex l. i. Pentateuch. chirurgic. Hier. Fabr. ab Aquapend. cap. de herpet. miliari.

Uſu fomentationis & cerati continuato, genu detumuit: ex inunctione verò poplitis pro extensione nullum juvamen patiens percepit; quare instrumentum hoc applicui, quo paulatim crus extendi poſſit, ferreum: quod patiens (prius applicato genu corroborationis ergo, cerato barbaro, cum Magiſtrali diaſinap. mixto, & facta inunctione poplitis, cum ſuperpoſito ſparadrappo ſeq.

℞. Citrini mod. deſcr. ℥ij. s.
Cera flavæ noviff. ℥ij.
Resin. Terebinthin.
Pin. ana. ℥j.

Miſce ad ignem & intingatur tela.)

Continuè, noctes dieſque portavit, ſingulis diebus cochleam instrumenti parum attrahendo, donec crus in rectum duceretur, ut ſpatio unius anni patiens ſine baculo ambularet.

Anno 1636. Die 10. Octobris vocatus fui ad puerum Martinum Gravium Leipheimenſem, qui mihi oſtendit crus ex ganglio in genu verſus poſteriora caſtractum, quod præmiſſis univerſalibus, eodem instrumento iſdemque topicis octo menſium ſpatio, in directum extendi.

D. Instrumenti Tab. XIV. Fig. I. deſcripti uſum oſtendit: Nam ſicut ad extensionem brachii nil melius, quàm lapidis ponderoſi in manu geſtatio, ita ad ſectendum illud paulatim nihil conducibilius ſum expertus, quàm hoc instrumentum: patiens erat puer militis, qui luxationem cubiti paſſus, ob malam ſituationem, cum ſectere non potuit: hunc ut pueros præcedentes, inunxi quotidie, ſparadrappum applicui, & instrumentum geſtare juſſi: hic duorum menſium ſpatio convaluit, & pro neceſſitate cubitum, ſine doloris ſenſu & impedimento, flexit. *Obſervent igitur juniores chirurgi, ut membra fracta aut luxata commodè collocent: non rarò enim præter membri contrakturam, ſequitur inflammatio malam figuram.*

E. Anno 1626. die 19. Novembris me vocat frater meus Martinus, ad ſocerum Joann. Wolventer, Nantam Ulmenſem, & in Danubio navigando verſatiſſimum. Is ipſe, quem Clariff. Collega, D. D. Greg. Horſtius in ſuar. obſerv. Chirurgic. IX. curavit, oſtendit mihi ſinum in femore ſiniſtro (qui ex contuſione ad ſuppuratorem ducta, & negligenter tractata, originem duxit) petiitque medelam. Ego ſinus magnitudinem ſpecillo explorans ſuperficialem tantum, at ſatis longum & latum inveni. Cum autem huiusmodi ſinus declives, ut notum, rarò agglutinentur, ſeq. die forſice deceptoría, inſcio patiente eum incidere reſtavi, poſtea carne replendum: ſed nimis tarde per forſicem iſtam fieret operatio, nauta instrumentum animadvertens, femur movit, manibusque mihi dextram repulit. Unde ſepoſita curatione per ferrum parumper (ut ex Fi-
Bibl. Chirurg. Tom. II.

gura patet) dilatatum, albumine ovi conquaſſato & ſtuppâ pexâ, obligavi: ſubſiſtente ſanguine tertio & quarto die per ſiphonem infundebam hydromel pro eluenda cavitare: quinto, ſexto & ſeptimo vinum nigrum auſterum, in quo coquebantur Baulanſtia, cortices granator. &c. injeci, & ſpongiam novam eodem liquore madefactam & expreſſam faſciâ longâ, & trium digitorum tranſverſorum latâ, (latior enim non ita ſtringit) ſuperligavi ligaturam ab inferioribus incipiens, & ſupra ſinum in parte ſana finiens; his medicamentis, in quibus magna gluſtinandi virtus poſita, & deligandi modo, intra ſeptimanam, fratris ſocer feliciffimè curatus fuit. Ab eo tempore nunquam ad Chirurgiam deveni, niſi remedia pharmaceutica fruſtra fuerint adhibita: Neque poſthac amplius forſice deceptoría (quia Chirurgum, non ægrum decipit) ad ſinum dilatationem ſum uſus.

F. Indicat locum fonticulorum in brachio. Variis in locis conficiuntur fonticuli, hi tamen in brachiis inuſti reliquis utiliſſores, &, accommodatiores eſſe videntur: Unde etiam à Medicis præcæteris eliguntur, pro evacuatione ſcilicet, omnium eorum humorum, qui caput humanum offendere ſolent; cum inter partes inferiores ſuperioresque exactè medium ſitum obtineant, humorum in caput alcenſum impediunt, eoſque influentes à capite, ob convenientem diſtantiã, commodiffimè revellant, atque derivent. Nec ſolùm in capitis, oculorum, autium, narium, oris, faucium & gulæ vitiis, verùm etiam in thoracis, cordis, & pulmonum affectibus, magnum & mirandum præſtant auxilium. Quanquam autem hi fonticuli in prædictis morbis multum juvent, & ægris ſint accommodatiſſimi, idque propterea, quod ipſos videre, propriisque manibus gubernare poſſint. Nihilominus tamen non pauci repetiuntur, qui fonticulos in genere, ut qui diligentiam & laborem requirunt ſpernendo ſanitatẽ, planè vituperant: alii ob fœtorem deteſtantur: reliqui verò ob timorem ignis ſibi inuri recuſant. His reſpondeo, quod neque veſtimenta ſine labore, manè & veſperi, induantur & extrahantur, neque excrementa abſque fœtore reddantur. Sicut autem hoc vel illud ad vitam humanam eſt neceſſarium; ita hi ad benè vivendum, & integrâ ſanitate fruendum, ſummè utiles. Et quemadmodum nullum pœnitet ullius laboris, quem induendo & exuendo impendit, ita nemo de his conqueritur, imò dum ipſos tractat, magnam voluptatem ſentit, ſive propter dulcedinem, quam ex pruritu percipit, ſive quod de die in diem manifeſtè cognoscit illius materiæ evacuationem, quæ ſecundùm errores commiſſos genita, & in corpore retenta grave malum attuliſſet: aut potius quod beneficio huius ſanitatẽ amiſſam adipiſcatur. Unde ſæpius uno fonticulo non contentus, ſibi facilè duos, interdum etiam plures, prout opus erit, parari curat: adde quod Fonticuli, ſi arte regantur, non fœteant, & facti in debito loco non doleant.

Locus fonticulorum quatuor conditiones requirit, 1. ut patiens ipſum videat 2. ut ad ligaturam ſit idoneus 3. ut habeat venam 4. ut ſit in muſculorum duorum interſtitio, ad prohibendum dolo-
rem, quo impeditur facilè motus.

Locus hic in brachio invenitur, ſi chiturgus cubitum patientis, vario modo, volvit, ſectit,
X x 3 &

& extendit, usque dum debitam musculi deltoidis & bicipitis separationem invenit. Multi conficiunt fonticulum in ipso deltoide, quidam in fine hujus, alii in parte posteriore ipsius. Ego tamen, ob dictas conditiones, locum lit. F. notatum eligo, interstitium scilicet musculi deltoidis & bicipitis, idque potius in parte superiore, quæ minus sensibilis, quàm inferiore, ad quam brevi temporis spatio decurrit.

Invento fonticuli loco, modus erit considerandus. Paratur fonticulus scalpello, caustico potentiali, & ferro ignito. Cum verò ferrum ignitum hujus chirurgiæ invenoribus magis usitarum, caustica potentialia non probo, utpote quæ tardè, & ut plurimum cum dolore magno operantur; nec ita securè adhibentur, quoniam eorum agendi vis nobis non ita exacte est cognita, sed interdum prater expectationem nostram efficaciora, non raro impotentiora inveniuntur. Missum quoque facio ferrum secans, sive scalpellum, propter rationes modò recensitas, quibus addo, quod sectio fonticuli sanguinem profundat, quem plures videre nequeunt. Magna dexteritate veteres utebantur ferro ignito, quod erat incurvatum, & longum habebat manubrium: Sed cum vidissent, quod illud instrumentum non solum carnem à chirurgo signatam inurat, sed etiam partes vicinas calefaciat, præter hoc excogitarunt aliud instrumentum cannulatum, quod partes vicinas defendat. Per cannulam hanc non ignitam, & cuti fortiter impressam intrudunt solidum candens, ut penetrer secundum Medici intentionem nunquam magis & minus profunde. Julius Casser. Placentinus invenit instrumentum supra descriptum, & hic Lit. G. signatum, quod ignem occultat, partes vicinas à lætione defendit, & præ cæteris instrumentis ad omnes fonticulos extra caput inurendos accommodatissimum est. Hoc me plus quàm sexcentos fonticulos, cum admiratione adstantiam, & risu patientis fecisse, testantur illi, qui adhuc vivunt, & fonticulos à me paratos gestant.

H. Est fascia pro fonticulis in brachio ligandis commodissima, quia facilimè ab ægro adaptatur; utilissima, quoniam conservat fonticulum in suo loco & pulcherrima, eò quod ex tela alba parata potest lavari; neque hæc, ut reliquæ fasciæ, tam facile visus aut tactus sensu deprehenditur.

I. Locus fonticulorum in femore est (quatuor digitis transversis supra genu, inter musculum sartorium & vastum internum; quærendus) ad ligandum aptissimus, & comitem venam saphenam, ubi fonticulus in hysterice affectionibus efficacissimus, revellendo & derivando. Curavi eo mulieres quorum nomini parco, quæ ob suppressionem mensium, uteri furores, aliaque symptomata sunt passæ: plures etiam quæ ulcera in tibiis habuerunt dysepulotica; illic revellendo, hic intercipiendo & derivando.

K. Est fonticulus, quem mihi inter principia musculi gastrocnemii, contra dolorem Ischiadicum summo & felicissimo cum successu paravi. Laudat quidem Excellentiss. Adrian Spigel. in hum. corp. fabric. l. 5. c. 9. ob transitum venæ popliteæ inunctionem fonticuli in sutâ, seu musculi gastrocnemii principiorum coitu, quem Daniel Bucretius in Jul. Casser. Placentin. Tabul. Anatomic. (quos ego ære emi Spiegeliano ab Hæredibus Casserii) lib. Tab. 2. lit. Græc. π. notavit. At quoniam locus ille ob suam declivitatem ad deligandum valdè est incommodus, ego juxta Andr. Vesal. in corp. hum. fabric. l. 2. Tabul. 10. de musculis locum pauldò superiorem elegi, eumque

non sine ratione: habet enim hujus loci fonticulus omnes boni fonticuli, quas supra recensui conditiones; venam popliteam, quam antiqui & recentiores in Ischiade, aliisque morbis pleribus, quos Aurelius Severinus lib. de angeologia cap. 26. collegit, magno certè cum successu aperiebant. 2. Interstitium principiorum gastrocnemii: neque enim metuendus ille nervus satis insignis, qui sub genu transcurrit, ut lædatur, nam ubi fonticulus conficitur, nervus progrediendo, jam jam profundiora petit, ut ferro candente offendi nequeat. 3. Deligaturam firmiter consistentem. 4. Pateriens ipse ipsum regere, & gubernare potest. Notissimum est, qui semel Ischiadicis doloribus vexatur, non facilè ab iis liberatur, ita ut sibi polliceti possit, se in posterum ab ejusmodi cruciatibus fore immunem. Sanctè tamen testari possum, memetipsum post usum balnei Thalfengensis, vulgò Besundbrun / in agro Ulmano, fuit, beneficio hujus fonticuli, per novennium, à paroxysmo præservasse, & si vixero forsitan ulterius, venæ Ischiadicæ sectioni, omnibusque purgantibus, sudoriferis, & topicis medicamentis, quæ per annum integrum, ex clarissimorum Medicorum consiliis, assumpsi & adhibui, valedicens. Quare si in futurum in tali cruciatu Ischiadis diuturno, tam interna, quam externa remedia sine successu usurpata fuerint, meo consilio & bona spe salutis ad hanc chirurgiam, tanquam ad sacram anchoram confugiant, inunctionem scilicet fonticuli in loco signato; non dubito enim, quin pateriens sanitatem, Chirurgus vero maximam laudem deportaturus sit.

L. Est fascia pro fonticulis in femore & sura deligandis, omnium optima.

Quomodo fonticuli jam parati conservari, recteque gubernari debeant, ex scheda Aquapendentis, qui ejus mentionem facit in opere suo operationum chirurgicarum, & titulo de Fonticulis, discere potuissimus, nisi illa incutiâ typographi, cui Autor schedam tradidit, ut typis in lucem daret, amissa fuisset. Hac igitur destituti legant elegantissimum tractatum, quem scripsit Hieron. Capivacius, de recta cauteriorum administratione, & Dominicus Galvanus Medicus Athesinus (cui acceptum refero sparadrapp. meum).

R. Cerati de ceruss. seu Albi colli Aug. ℥xij.

Pul. ceruss. ℥iiij.

Thuris.

Tragacanthi ana ℥vj.

Ireos. Flori.

Benz. ana ℥v.

Storac. liquid.

Ol. spic. odorati ana ℥ij.

Saponis Veneti. ℥ij.

Cera q. s. vel ℥ij.

Veronenses Chirurghi, in viris usurpando addunt parum moschi ad gratiorem odorem.

Misce s. art. & cum tela nova F. sparadrappum, quo per annos viginti & duos, plus quam fonticulos mille summa cum utentium admiratione, ab omni symptomatum incursum præservavi) de fontanellis, lib. 2. cap. 13. 14. 15. 16. & 17. quæ ad mentem Aquapendentis, sui Præceptoris, accuratissime scripta esse certus scio, stylo tamen Italico, qui dignus esset, ut Latinitate donaretur.

Nonnulli miris laudibus deprædicant Ceratum, quo Dux Hetturiæ fonticulos suos ab omni symptomatum incursum præservat.

R. Succi Hederae. ℥iiij.

Nicotian. ℥j.

Tere-

Terebinthin.

Resin. pin.

Ung. ros. Mes.

Cer. citrin. ana ℥j.

Ol. N. Mosch. ℥ij.

Pulv. cyper. odor. ℥j.

Ceruss. elect. ℥j.

M. F. Ceratum.

M. Forceps in vulneribus scelopetorum, pro extrahendis globulis in profundo sitis, assabre facta.

N. dictæ forcipis usum, & applicandi modum ostendit, qui talis est: extrahatur terebellum, & exterior cannula demittatur versus cochlearia, ita ut instrumentum claudatur: hoc facto exterior cannula oleo rosato inungatur, & instrumentum dextra chirurgi vulnere clementer immittatur, usque dum cochlearium extremitas denticulata globulum amplectatur: tunc pollice atque indice sinistro, instrumentum chirurgus teneat, eoque quantum æger tolerare poterit, globulum premat ne forcipi cedat: postea digitis manus dextræ, terebellum, per foramen capuli rotundi immittat usque ad globulum, illudque circumvolvat, & globulo paulatim infigat. Quam primum vero Chirurgus terebellum globulo sufficienter inhætere cognoverit, cannulam anteriorem sursum parumper & sensum trahat, eamque statim deorsum remittat, ut cochlearia divisa globulum recipiant, & receptum firmissime tenendo terebelli operam adjuvent: quibus ritè peractis, terebellum & ambæ cannulæ, adeoque totum instrumentum cum affixo & recepto globulo, extrahatur eo modo, quem figura designat.

O. Indicat sectionem varicum, juxta Aquapend. sententiam, quæ tamen, ut nostris Germanis est horrenda, ita facile ex ea oriri possunt prava symptomata. Dum Patavii literis operam dedi, vidi rusticum in Nosocomio D. Francisci sub Excellentiss. Spigellii manu, summa cum utilitate, chirurgiam delineato modo institutam, sustinere.

Ego, ad imitationem, hunc operandi modum in patria semel tentavi: sed errore patientis, motu scilicet nimio, qui nullus esse debuisset, sequebatur inflammatio ægrum vehementer affligens, & prohibens, ut voto non potuerit respondere exitus: unde patiens cum suis parentibus, ea ut me corripere & torqueret inflammatio, optarunt. Hoc famæ naufragium semel passus, varicibus in extremis affectos, deinceps solis topicis, sub tibialibus ex pelle canina confectis tractavi.

P. Ostendit vulnus acinace femori profunde inflatum, quatuor futuris seu fibulis unitum, & in decliviori loco foramen habens, cui turunda Q. immittitur, ut, pro materiæ exitu, apertum conservetur.

R. Ostendit modum deradendi tibiam cariosam scalpris Tabula VI. depictis.

Martinus Schmidt / Oellingensis, puer undecim annorum conqueritur de vehementissimo dolore tibie dextræ, & duobus foraminibus materiem puris fœtidam fundentibus, quorum unum erat circa malleolum internum, alterum circa externum. Hunc affectum Barbitonsor pagi illius ordinarius tractavit pro luxatione pedis. Anno 1640. Die 16. Decembris æger receptus est in Xenodochium Ulmense, quem jussu Incl. Senatus visitavi, & statim animadverti affectum non esse luxationem, sed corruptionem & erosionem totius tibie, quam curare institui. Primis itaque diebus bonam victus rationem præscripsi, & sequentem potiunculam.

R. Symp. ros. sol. ℥is.

Elect. lenitiv. ℥vi.

Decoct. fl. & fr. q. s.

M. F. Potio br.

à qua quinquies deiecit materiam valde serosam, 22. Decembris, à tibie capite usque ad malleolum internum sine læsione venarum, articularum, nervorum & tendinum scalpello incidi crus, digitorum unguibus periosium à ribia separavi, vulnusque stappa cannabina, medicamento stegnotico (ex albumine ovi, aqua rosarum agitato, & pulvere adstringente Galeni) & fascia duobus capitibus prædita obligavi. Die 23. subsistente sanguine, vulnus re-ligatum inspexi & inveni, quod mea me opinio minimè fefellerit: nam non solum pars anterior tibie in superficie, verum etiam posterior usque ad medullam corrupta fuit: mox etiam aliquot corruptæ tibie particulas volsella exemi, & vulnus denuo, ob vehementem patientis clamorem, medicamentis & fascia obligavi. Die 24. os corruptum scalpris derafi, & caput tibie inferius integrè corruptum, & valdè fœtens inveni. Quapropter os tibie decocto Divino purgavi, ipsique pulverem aristolochiæ & Iridis Florentinæ inspersi, & vulnus cerato diapalme contextum fascia obligavi. Die 25. & 26. propter magnam corruptionem os derafi, & multas corruptæ tibie partes volsella extraxi. Die 29. ab inferiori & interno tibie capite magnam portionem corruptam forcipe abscidi. Die 30. fœtor ossis ab ulu decocti divini nonnihil remisit. Die 31. postquam dolor pedis & fœtor remisit, ægrum glutinosa victus ratione nutriti ad generandum callum, & vulnere ceratum divinum applicui ad inducendam cicatricem. Ab hinc usque in diem 4. Jan. Anni 1641. ex inferiore ribie capite, seu malleolo externo materia purulenta. Die 6. circa hoc foramen apparuit caro solida. Die 7. vulnus benè habuit & natura os tibie, à capite inferiore usque ad mediam partem, erosum, integrè separavit. Osse separato, vulnus mensis spatium consolidatum fuit.

S. monstrat deligaturam cataphractæ, quæ nomen habet à similitudine thoracis Romani, & prodest iis, quibus deligare juxta jugulum convenit latum scapularum os, pectus, dorsum, aut latera. Fascia autem unius capitis ita obvolvitur. Alæ primò circumdatur (Galen. l. de fasciis 79.) tum oblique per pectus ducitur, propè illam regionem, ubi jugulum cum osse pectoris committitur, inde per cervices, ad latum Scapularum os humeri contrarii, atque ad alam subjectam, ab eaque ad cervicem, super partem prius injectam, ita ut propè cervicem, similitudo X. literæ fiat, posthac obliqua datur, ad latum scapularum os ex altera parte, atque ad alam, ab ala ad cervicem, ut invertebra colli X. liter. figuram accipiat, deinceps sub ala, & oblique propè eam regionem ubi jugulum cum osse pectoris committitur, sic ut hinc quoque similitudo X. literæ fiat, & juxta cervicem, & super latum scapularum os, & sub ala, ut quater X. literam representet, nimirum semel à priore parte, semel à posteriore, bis propè jugulum. Ad eandem autem rationem, quoties opus est, circuit, deinde in orbem attrahitur circa pectus & latera sic, ut tota junctura thoracem referat. Numeri autem undique dispersi denotant rationem atque ordinem convolutionum.

Figura omnes quæ in hac Tabulâ sequuntur, representant instrumenta, fasciaciones ac totum apparatus, quæ adhiberi debent in eâ Chirurgiâ exercendâ, quam Curtorum vocant, prout à Taliacotiô depinguntur.

Fig. 6. *Bicipitem exhibet forcipem & cultros.*

- c. Lamina forcipis.
- a a. Labium infernum.
- o o. Labium superum.
- d d. Linea forcipis.
- i i. Arcus biceps.
- k. Conjunctio.
- f. Conjunctio clavus.
- l. Manubrium ferratum.
- h. Manubrium annulare.
- g. Serra Manubrii.
- f. Annulus Manubrii status.
- e. Annulus mobilis.
- q. Culter.
- c c. Cultri acies.
- b. Manubrium.

Fig. 7. *Forcitem tricipitem habet, cum delineatione longiori cutis propaginis, & cultros ad id operis necessarios.*

- R a. Forceps triceps delineationis cutis propaginis.
- m m. Lamina forcipis.
- d d. Linea ipsius laminæ, per quam cultro admissio cutis inciditur.
- e e. Laminæ infernum labrum, & brachium tangens.
- c c. Laminæ superum labrum, & cutim propaginem respiciens.
- o o o. Arcus triceps forcipis, à quo nomen sumpt.
- i i. Conjunctio forcipis.
- S. Conjunctio clavus.
- h h. Manubrium ferratum.
- f. Manubrii serra.
- n n. Manubrium annulare.
- o. Manubrii annulus status.
- g. Manubrii annulus mobilis.
- Culter delineandæ cutis propagini necessarii, est idem qui in præcedenti Figurâ, per litteram q. denotatur.

Fig. 8. *Acus, & fasciarum typum habet pro deligatione faciunda.*

- a a a. Acus.
- b b b. Linum.
- o o o. Fascia, quæ regia dicitur.
- e e. Fascia cubitalis.
- f. Fascia pectoralis.
- g. Fascia brachialis.
- c c. Fascia axillaris.
- l l. Foramina funiculorum.
- c c c. Funiculi.

Fig. 9. *Forcitem ad inserendam columnam, & cultros, & incurvas acus continet.*

- S S. Forceps columnaris,

- t t. Forcispis columnaris laminæ.
- a a. Forcispis laminarum complexus. Nam illam clausam depingimus.
- b b. Arcus forcipis.
- V. Conjunctio forcipis.
- X. Clavus conjunctio.
- c. Manubrium ferratum.
- d. Serra manubrii.
- n n. Manubrium annulare.
- f. Annulus manubrii status.
- e. Annulus manubrii mobilis.
- o. Culter pro excoriatione inserendæ columnæ.
- g g. Cultri acies.
- h. Cultri manubrium.
- l l. Acus incurvæ.
- m m. Funiculi, ut ante.

Fig. 10. *Cultros configurationis habet & tubulos.*

- e. Culter in mirthi figuram eductus ad efformandas rythonas.
- g. Cultri hujus manubrium.
- f. Culter alius instar olivæ, peræquè necessarius ad excavandas rythonas.
- h. Eiusdem manubrium.
- a a a. Tubulorum pars superna longior & nares contingens.
- 1, 2, 3. Tubulorum pars inferna brevior & maxillæ injectæ.
- g g g. Tubulorum partes laterales.
- o o o. Tubulorum cavum ad capita.
- S S. Tubulorum cavum ad fines.
- d. Tubuli capitis apex interior, quò cavum spectat.
- e. Tubuli capitis apex, exterior quæ globulum & alarum principia amplectitur.

Fig. 11. *Tectoria, annulos & funiculos, ex quibus colligandi modus comprehenditur, continent.*

- a a a. Tectorium.
- b b b. Tectorii summa pars, quæ perforanda est, & funiculus ille, quem ajugum dicimus, transmittendus. Annulô non opus est. Nil enim ex nodô incommodi emergit.
- c c. Tectorii dorsum.
- o o o. Apex globuli.
- a a a. Columna tectorii.
- e e. Alæ tectorii.
- h h h. Tectorii latera.
- d d. Annulus superior pro superna deligatione.
- c c. Annulus centralis Regius, pro regia deligatione.
- f f. Annuli laterales regii, pro regia & catholica deligatione.
- k o. k p. Funiculi deligationis regię.
- k t. k s. Funiculi catholice seu oblique deligationis.

Fig. 12. *Vestitum universum, præter deligationis fascias, clarissimè demonstrat.*

- N L K H. Cucullus.
- A. Cuculli pars anterior quæ facies erit.
- B B. Cuculli pars dextra.
- O O. Cuculli pars sinistra.
- C C. Foramen, quæ patet auribus exitus.

D D. Tho-

D D. Thoracis, vel diploidis pars anterior.
 M M. Thoracis, vel diploidis pars posterior.
 E E. Locus quò brachia exeunt.
 F F F. Funiculi
 G G. Caligæ.

Fig. duæ 13. & 13. *Exhibent agros, quorum labium inferius & nares decurtatæ sunt. Item propaginem delineat, cum linteolò injectò.*

a a. Curtæ nares ex adversò positæ.
 a g. Curis propago delineata, & à subjectis musculorum corporibus, secundum domesticam, ac interiorem illius superficiem sejuncta.
 H q. Pars illius superior.
 D c. Pars illius inferior.
 B E. Linteolum.
 g. Labium supernum decurtatum.
 d a c. Cutis propago ex quâ labium restauratur.
 d. Radix propaginis.
 a. Corpus ejusdem.
 c. Apex illius, & pars insititia.
 l. Area, & locus nude propago educta fuit.

Fig. 14. *Anticam, ac dextram deligationis partem ostendit.*

L. Cutanei traducis apex, ubi adest insitio.
 I. Cutanei traducis radix.
 y. Areæ vulnus medicamentis obductum & deligatum.
 a b c. Fascia regia.
 D d. Fascia cubitalis.
 c c c. Fascia pectoralis.
 m. Fascia brachialis.
 b b. Fascia axillaris.
 o. Cucullus.
 n n. Foramen auriculare cuculli.
 g. Thorax, sive diplois anterior.
 h. Thoracis disjunctio, insimul funiculis conjuncta.
 a. Funiculi, quorum opera fasciæ cum cucullò, vel diploide junguntur.

Fig. 15. *Hæc propaginis in supernum labium insitionem jam factam, & ejus deligationem demonstrat.*

C. Cutaneus tradux labio insertus.
 n. Insitio ipsa traducis cum labiò.
 e g. Area, unde tradux fuit eductus.
 a a a. Fascia regia, cui cæteræ innituntur.
 D e. Fascia cubitalis.
 B. Fascia brachialis.
 A. Fascia pectoralis.
 F. Fascia axillaris.
 O O. Cucullus.
 E. Foramen cuculli ad aures.
 a e o. Diploidis sive thoracis pars anterior.
 b b b. Thoracis divisio, quæ funiculis constringitur.

Fig. 16. *Tum posticam deligationis partem, tum lateralem sinistram exhibet.*

D. Cutaneus tradux.
 C. Cutanei traducis radix.

G. Areæ vulnus medicamentis obductum & obligatum.

a e o. Fascia regia.

E. Fascia brachialis.

A A. Fascia cubitalis.

F. Cucullus.

a. Foramen cuculli ad aures.

H H. Thoracis sive diploidis pars postica.

G. Principium fasciæ axillaris.

Q. Subligaria.

Fig. 17. *Nares monstrat deligatas pro consequenda efformatione.*

a a. Fasciarum infra & supra nares applicitarum basis.

B. Fasciæ ductus alter, qui ab imis naribus incipiens, supra per aurem ad occiput decurrit.

D. Fasciæ ductus alter, qui supra ab narium dorsò, per aurium inferna in cervicem defertur.

Fig. 18. & 19. *Utriusque labii deligationem, & ea jam efformata demonstrat.*

A B E. Fascia deligans supernum labium.

A. Fasciæ basis.

B. Fasciæ ductus superior.

C. Fasciæ ductus inferior.

E. Finis & innodatio superioris ductus.

F. Finis & innodatio inferni ductus.

A. Deligatio inferni labii uno fasciæ ductu.

Fig. 20. *Aurium deligationem, post insitionem factam ostendit.*

O D E F G. Fascia.

O. Fasciæ basis, quæ gutturi subjicitur.

D. Fasciæ ductus anterior.

E. Fasciæ ductus posterior.

F. Posterioris ductus innodatio.

G. Anterioris ductus innodatio.

C. Cutis propago auri decurtatæ jam insita.

Figuræ 21. & 22. *Aures jam efformatas, & traducis aream exhibent.*

A. Area traducis supra aurem.

B. Auris pars superior ex hæc traduce efformata.

C. Auris pars inferior itidem jam efformata.

D. Area traducis infra aurem, unde pars hujus inferior efformata fuit.

TABULA DECIMA SEPTIMA.

Recollectionem seu repetitionem, quandam proponit aliquorum instrumentorum, eorumque maximè usualium; ac quibus carere minimè potest Chirurgus in Artis suæ exercitiò. Item Turundarum, ac Cannularum, ut & Plumaceolorum, Emplastrorum atque Compressarum, in vulneribus & ulceribus adhibendorum varias Figuras ac formas tradit. Imò tandem Fasciationum præcipuarum super corpore humano, applicationem exhibet.

Fasciationum aliarum paucarum rationem ac methodum hic adjecissemus. Verum præterquam

terquam quòd dum illas quas collegit Clariss. Joh. Baptista Lamzverde, in suâ ad Sculteti Armamentarium Chirurgicum Appendice, pro iisdem huc transferendis, attentius considerarem, vidimus omnes quæ ibi continentur, sine ordine è Tabulis, Tomo XII. Operum Hippocratis & Galeni, Editionis Charterianæ insertis, excerptas esse, ac obscurè nimis, imò prorsus erroneè ut plurimum explicatas: Unde ab illis consultò abstinuimus: Maxima pars earum aliarumque plurium, jam omnino est obsoleta; quæque verè necessariae sunt in totò hujus Bibliothecæ decursu identidem occurrunt, aut satis commodè Chirurghi operantis industriæ indicantur.

Fig. 1. *Instrumenta, si ita loqui licet, universaliora, seu omni prorsus Chirurgo, in Artis suæ exercitiò maxime necessaria ostendit, qualia à Peritiss. Chirurgò Gallò Dom. Dionis depinguntur.*

- A. Forfices communes.
- B. Forfices pro incisionibus, quarum alter apex, seu cuspis in globulum desinit, pro commodiori & minùs dolorificâ in partes incidendas insinuatione.
- G. Forfices incurvæ.
- D. Novacula
- E. Scalpellus
- F. Alterius formæ scalpellus.
- G. Instrumentum pes araneæ dictum, quod vas inter dissecandum sublevandis, inservit.
- H. Scalpellus, Gallis *Lancetta*.
- I. Scalpellus major, pro abscessibus aperiendis.
- K. Specillum, in vulneribus ac ulceribus explorandis adhibendum.
- L. Specillum aliud planum.
- M. Specillum sinuatum, seu in sui mediò excavatum.
- N. Cultellus incisori, Gallis *Bistouri*.
- O. Idem instrumentum rectum.
- P. Idem rursus instrumentum incurvum.
- Q. Spatula.
- R. Folium mirthi, seu instrumentum Figuræ myrthi folii.
- S. Aliud instrumentum ejusdem naturæ: sed paulò aliter conformatum.
- T. Elevatorium, per duas suas extremitates, quarum altera rotunda, altera quadrangularis, incurvum ac dentatum, sub ossa elevanda insinuandum.
- V. Volsella.
- X. Acus recta.
- Y. Acus recurva.
- Z. Serra.

Fig. 2. *Varias turundas, seu penicilla, ut & cannulas, atque acum ad setaceos conficiendos, seu potius vulneribus & ulceribus ab unò extremò ad aliud trajiciendis aptam; ex eòdem exhibet.*

- A. Parvula turunda, seu specillum ex linamentò confectum.

- B. Turunda major.
- C. Turunda rursus crassior, ex linamentò parata.
- D. Specillum majus ex linteò complicatò ac convolutò confectum.
- E. Cannula major, taniolâ per annulos in sui alterâ extremitate politos armata, ut in locum in quem intruditur commodè contineri possit.
- F. Cannula in sui alterâ extremitate alâ latiori donata ut in cavitaem in quam alterò suò extremitò intruditur, illabi nequeat.
- G. Cannula depressa.
- H. Cannula incurva.
- I. Minor cannula.
- K. L. Acus pro setaceis, cujus acumen ad formam capitis allii confectum est, ut scilicet dum adhibetur pro vulneribus aut ulceribus ab unò extremò ad aliud trajiciendis, per eorumque longitudinem linteolis longioribus unguentis imbutis, deducendis intersit, faciliè non lædat ac pungat.

Fig. 3. *Plumaceolos varia formæ & magnitudinis ex eòdem Autore tradit.*

- A B C. Plumaceorum oblongorum tres variæ magnitudines.
- D E. Duo plumaceoli in sui mediò, filò ad firmiorem consistentiam colligati.
- F. Magnus plumaceolus dupl. ci filò ad caput colligatus, ut commodè è vulnere in quod intruditur, retrahi possit.
- G H. Duo plumaceoli plani figuræ rotundæ, magnitudinis variæ, pro vulnerum & ulcerum quibus applicantur exigentiâ.
- I K. Plumaceoli magni plani ac ovaes, qui ad latera vulneris vastioris exterius applicantur.

Fig. 4. *Varias emplastrorum formas proponit.*

- A. Emplastrum rotundum, quod est omnium maximè commune.
- B. Emplastrum quadratum.
- C. Emplastrum figuræ ovalis.
- D. Emplastrum quadrangulare longum.
- E. Emplastrum ad formam lunæ dimidiatæ, vel crescentis, quod in fistulis ani lateralibus, & in palpebrarum ægritudinibus adhibetur.
- F. Emplastrum triangulare, in bubonocèle, ut & itidem in lacrymalibus fistulis usurpandum.
- G. Emplastrum ad formam crucis Malthenis, quod in vestiendis extremitatibus artuum decurtatorum impenditur.
- H. Emplastrum fenestratum, in sui scilicet mediò perforatum, in bronchotomiâ aliisque casibus applicandum, ubi sine ejus sublatione vulnus curandum venit.
- I. Emplastrum quod trapesiale dicitur. Utrumque illius extremum per medium est resectum, ut commodè membræ inæqualis magnitudinis applicari possit.
- K. Emplastrum scutiforme dictum; quod in spatiò inter homoplatas præcipuè adhibetur.
- L. Emplastrum ypsiliforme, perinaeo præprimis in lithotomiæ operatione applicandum.
- M. Emplastrum ad formam T. majoris exsectum, incisionibus ejusdem figuræ imponendum.








Fig. 5. *Compressas super emplastris applicandas, earumque itidem varias formas delineat.*

- A. Compressa quadrata, emplastro quadrato superimponenda.
- B. Compressa splenica dicta. Ea si recta à summis ad ima imponatur, longitudinalis; si ab unò partis latere ad aliud, transversalis; si oblique, obliqua vocatur.
- C. Compressæ longitudinalis alia magnitudo.
- D. Compressa quæ circularis vocatur. Illa quandoquidem ad usque sui medium per longitudinem discissa est, facilius accommodatur partis cui applicatur inæqualitatibus.
- E. Compressa triangularis, quæ semper crassissima fieri debet.
- F. Compressa ad formam crucis Malthenis.
- G. Compressa fenestrata.
- H. Compressa trapezialis.
- I. Compressa ad scapulam: quæ in humeri luxationibus adhibetur.
- K. Compressa sexangularis: hæc figura rotunditati præfertur, quia partibus quibus imponenda venit, commodius multò applicatur.
- L. Compressa obliqua, è pluribus compressis longitudinalibus ac angustis, se invicem decussantibus composita. Illa aneurismati præcipuè deligando apta est.
- M. Compressa rotunda, quæ ad formam integri globi, vel ejus tantum medietatis conficitur. Illa sub axillis post reductionem humeri luxati præcipuè imponitur, ante ejusdem deligationem.
- N. Sunt parvulæ compressæ, quadratæ.
- O. O. Aliæ compressæ parvulæ, figuræ cylindricæ.
- P. P. Aliæ itidem rursus minores, quæ in futuris præcipuè tendinum usurpantur.

Fig. 6. *Varias fasciationum super corpore humano, applicationem commonstrat.*

- A. Fasciatio cucullata, Gallis *Couvrechef*, quia totum caput contegit. Conficitur è parvò mantili duplicatò, cujus medietas super capite; extremorum verò angulorum super facie pendentium, duo ad posteriora reflexi, super nuchâ constringuntur ac nodantur; alii verò sub mentò, colligantur.
- B. Fascia frontalis, circum caput, à fronte scilicet ad occiput convolvendo.
- C. Scapulare, quod ex linteo longiori & crassò conficitur. Illud in sui mediò discissum est, ut per ejusmodi fissuram caput intromissum, hoc genus fasciæ super humeros devolvatur, ut per extrema suâ ad anteriora ac posteriora dependentia suspendere possit varias fasciationes quæ vel abdomini, vel [etiam thoraci applicantur.
- D. Mantile quò triplicatò, vel quadruplicatò, totum corpus cingitur in vulneribus tum pectoris, tum imi ventris.
- E F G. Sunt fasciolæ & compressæ in venæsectionibus adhibendæ.
- H. I. Designant ejus fasciationis genus quod repens dicitur, quodque ab imis ad summa membri deligandi, in spiram deducitur.

L. Fascia simplicissima, eam tantum longitudinem habens quæ pro unâ aut alterâ membri fasciandi circumvolutione necessaria est.

M. Fascia alia simplex, quæ contentiva vocatur.

N. Delineat eam tibiæ fasciationem quæ validior est, & non propriè differt ab eâ quam repentem mox diximus.

O. Fascia ab utròque suo extremò ad medium usque convoluta, ut prædictò mediò parti fasciandæ applicatò, fasciatio ad inferiora & superiora produci queat, imò etiam pro necessitate ad suam originem reduci.

P. Fascia in unò extremò discissa, quæ incarnatiua vocatur. Extremitas integræ post partis circumvolutionem per alterius scissuram traducitur, ut sic commodè vulneris labia ad se invicem adduci queant per extremitatum prædictarum artificiosam retractionem.

Q. Fascia quæ quadriceps vocatur, Gallis *Bandage à quatre chefs*. Si pluribus capitibus doneatur, numerus capitum denominationem faciet. Inservit autem ejusmodi fasciâ reuendiis labiis vulnerum alicujus partis transversalium; ac pro futuris in ejusmodi casibus devitandis non parum facit.

R. Est fascia ad formam literæ T confecta. Hujus autem cauda, seu pars inferior, vel simplex est, vel in duas discissa partes, qualis hic exhibetur. Inservit hæc fascia in variis operationibus, sed præprimis in lithotomiâ, atque ani fistulâ.

INTERTRIGO

Vid.

CUTIS VITIA.

Hic uno tantum verbo de ani intertrigine, quæ nihil aliud est quam partium ano vicinarum, ac inter femora etiam sitarum, attritus ac excoriatio; à motu vehementiori & equitatione orta. Curatur sevo cervino & hircino, nec non pulvere ex floribus Balauft. ros. sant. rnbr. & camphora, parato ac insperfo. Alii farinam nucis juglandis inspergunt, sicque dolorem mitigant. Alii partem affectam aqua ros. in qua aliquid salis saturni sit. dissolutum fovant. Alii laudant adipem anseris, anatis, gallinæ, chalcitidem aqua subactam, mucilaginem semiu. cydonior. & tragacant. ex aqua rosarum, vel malvæ paratam, item oleum amygdalar. dulc. myrtin. rosar. vitel. ovor. item plumbaginem cum aceto & vino mistam, pulverem gallarum oleo vitell. ovor. exceptum, mista plumbagine myrrha & alumine, unguentum de cerussa, de lithargyr. cum pauxillo mercur. vivi, item gryseum ac sambucinum. Tandem remedium Foresti est si intertrigini argentina herba contusa apponatur, vel hujus herbæ succo partes affectæ liniantur.

INTESTINORUM MORBI.

DE intestinorum fabrica, membranis, vasis, glandulis, de eorundem differentiis, situ, connexionibus, actione ac usibus fuse agitur ex Clar. Glissonio & aliis in Bibliotheca nostra anatomica; & præcipuè in Theatrò nostrò Anatomicò. Morbos quod

quod attinet; illi sunt inflammatio, Angustia, lævitas, rumores, flatus, motus imminutus, intussusceptio, vermes, hernia, vulnus, ulcus, ac intestini recti affectus speciales, qui sunt inflammatio illius specialis, verrucæ, rhagades, ulcus & fistulæ. De inflammatione, angustia, tumoribus, intussusceptione actum capite de ileo, ac etiam de colica & de alvo adstricta, de lævitate, capite de diarrhæa: De vermibus, hernia, vulnere, ulcere, verrucis, rhagadibus, fistulis, propriis capitibus. Hic itaque spicilegium tantum aliquod eorum prope omnium per consultationes, observationes, & anatomicas inspectiones hinc inde excerptas, exhibebimus.

Consultatio.

Pro Illustri, & nobili Mirandulano, tumore scirrhus intestini recti à sanatis hæmorrhoidibus exorto laborante.

Postquam satis perspectum est tumorem ad sinistram sedis partem in nobili; & illustri viro ab hæmorrhoidibus olim immodice fluentibus per incisionem, ablationemque sanatis subortum latitare, ipsum idcirco rectum intestinum obsidere pro certo habendum; & quoniam tumor durus, ac tenitens existit, inter tumores ideo scirrhosos, eosque potissimum qui ex minera melancholica mixta prædominante sunt, est reponendus, in ea siquidem parte contextæ sunt venæ prædictæ ejusdem minere receptacula, patiensque habitus melancholici proponitur: atqui succum pituitosum subesse ex his vel facile persuaderi potest, & primo quia occasione cujuslibet hæmorrhagiæ calor nativus valde depauperatur, unde insignis pituitæ proventus fiat, necesse est; secundo ubicumque succo melancholico pituitosus commiscetur, unaque ad cutem demandatur, colorem subrubrum suboriri contingit, qualis in tumore nostro conspici scribitur, pituitosus ergo succus melancholico subdominatur, in cuius rei confirmationem facit, & illud, quod pater laborans imbecillior facta quam pro naturæ statu conveniat, proprium haud bene conficit alimentum, proindeque excrementa pituitosa cruda coacervare cogitur, ut minimè interea dubitandum sit, scirrhum hunc illegitimum esse, non solum quia ex minera mixta ortum ducit, verum etiam quatenus ob dolorem adjunctum non est immunis à sensu, quamvis dolorem partes adjacentes magis, quam tumidam excruciare putem: ut ex his etiam pateat, scirrhum hunc esse de genere eorum, qui non incipiendo, sed qui ex alterius morbi permutatione fiunt, patet adhuc à natura canceri liberum existere, quando neque venosus, neque lividus, nec inæqualis existat, continuoque non doleat, sed ubi tantum ab excrementis crassioribus descenditibus, fluxioneque humorum irritatur.

Scirrhus igitur hic (ut modus generationis ejusdem clarius innotescat) à succo melancholico peccante, pituitosoque subpeccante ortum ducit, & ex eisdem incrementum suscipit; an vero ab illis per repletionem, siccationem, vel concretionem fiat, & an humores eundem efficientes per fluxionem, vel congestionem colligantur, meo judicio non est difficile decernere, nam quoad primum cum non sit dubium, corpus egregii viri succo melancholico plurimo scatere, minime fieri potest quin scirrhus per repletionem fue-

rit subortus; pariter quoniam locus affectus, minera morbifica, ac usus olim medicamentorum adstringentium in unicam frigiditatem (à qua concretio) conspiciant, ea propter in hujus tumoris generatione concretionem locum habere sentio, siccitas autem, quoniam causæ ipsum inducentes, uti nimis calefacientium, ac dissipantium usus, similiæque non præcessere, meâ sententiâ omnino secludenda. De secundo, & postremo statuo, succum melancholicum per fluxionem, pituitosum vero per fluxionem, & congestionem (ut ex supra dictis liquet) in parte laborante, & per transmissionem, ac attractionem colligi; Per hanc quidem primum ob maximum in alvo deponenda conatum, qui ab angustia intestini recti per constipans tuberculum facta procedit, deinde ob doloris subsequenter acerbissimam: per transmissionem vero ob partis imbecillitatem tum nativam, tum adscititiam, & à morbo, & à remediis adhibitis acquisitam, quam transmissionem sicuti respectu humoris melancholici à toto, vitio jecoris fervidioris (quod succi melancholici ferax esse solet) necnon forsitan lienis haud bene massam sanguineam defæcantis, fieri non dubito, ita & respectu pituitosi ab eodem toto ob errorem fere triplicis coctionis totius nutritioni destinatæ prodire certum habeo; Error autem hic non nisi ex caloris nativi jactura, ac labe dependet, merito cuius in parte quoque laborante succus idem, ut statum fuit, ex parte coacervatur.

Doloris vero generatio sicuti & cujuslibet alterius ex objecto improporcionato tactus organo oblato dependet, ex intemperie videlicet frigida inæquali, & soluta unitate à copia materiæ partes sentientes distrahende producta. Dolorem autem augeri modo, modo imminui contingit, quoniam minera peccans à debili calore in spiritum flatuosum interdum aliqua ex parte resoluta majorem infert distensionem, unde doloris augmentum, atque sævities; at spiritu illo dissipato distensio minuitur, sicque dolorem mitescere contingit; idem deinde dolor est periodicus, quoniam causa illius, fluxio inquam, & spiritus flatuosus quibusdam intervallis accedunt, & agunt, ubi scilicet alvus in proprio fuerit munere; causam vero propter quam per unam, vel alteram horam ab excretionem, & non statim dolor insurgat, ac insæviat, nullam aliam esse existimo, nisi quod fluxio sine temporis aliqua intercapedine materiam in ea copia, quæ vincat, & ob id tristern sensum exciret, suppeditare non potest, ut non sit mirum post unius, vel alterius horæ spatium ab alvi conatu, atque secretionem dolorem accedere, ad quod etiam spiritus illius flatuosi generatio, quæ subito fieri nequit, non parum conducit, tandem dolor est uniformis, quia causa operatur, & ad operandum uniformiter promovetur. Ex quibus ita constitutis facile sit intellectu ad Medicum curantem attinere materiam absorptam, replentem, & concretam evacuare discutientibus, ac emollientibus, calefacereque moderate calefacientibus, prius tamen danda opera, ne hæc eadem de novo generetur per alterantia viscera in contrarium, quod ubi Medicus obtinere non poterit, saltem materiam genitam ab affecto loco deflectat, sed inter cætera caloris nativi jacturam ut reparet omnino conabitur.

Sed ut verum fatear horum vix sælix eventus est expectandus, quoniam sicuti scirrhus illegitimus difficulter admodum ob materiæ pervicaciam curationem admittit, ita ab eodem graviora longe mala superimminent, primum quidem in casu nostro

ſæcum retentio, quæ facile ob ipſius incrementum (ut ego ſæpius vidi) ſuccedere poteſt, unde omnis poſtmodum occaſio volvuli non exquiriti; ſecundo imminet carcinoma non ſolum propter id, quod ſcirrhi melancholici à medicamentis quàm facile irritati in cancerum degenerant, ſed ea potiſſimum ratione; quod patiens in ea eſt ætate conſtitutus (agit enim trigefimum ſeptimum annum) in qua ut plurimum ſucci atrabiles gigni conſueverunt; At quod curationis difficultatem auget, ut fere ex hoc impoſſibilis evadat, eſt quod ſcirrhus veluti internus exiſtit, atque vix topicorum uſu gaudere poteſt, quibus & illud accedit, quod purgatio ſucci peccantis per medicamentum catharticum ſummopere neceſſaria per locum fit affectum, à quo maxime abhorret vera medendi methodus; In id igitur ſaltem incumbendum, ne aliquid deterius contingat, & quod nunc infeſtat magis quam fieri poteſt imminuatur.

Quod aſſequi materiis præſidiorum Medico licebit, atque primum Chirurgicis, ex quarum ordine præter venæſectionem prius medianæ dextræ, deinde ſalvatellæ ſiniſtræ: hoc tempore adminiſtrandam & fonticulos in brachio dextro, femore ſiniſtro, tandemque ad ſpinæ caudam quamprimum inuſtos propono, atque ut fonticuli magis, ac magis prodeſſent, pilas in iſdem geſtari juberem ex pulvere hellebori nigri, & agarici ſimplicis cum cera excepto paratas, extrema quoque fricari, vinciri, lavari aqua actu calente, ac jugiter ventofari vellem.

De pharmacis autem ita ſentio, ut ad univerſalia, ac particularia redigantur, in genere priorum primo occurrunt quæ materiam genitam reſpiciunt, & ſunt præparantia, & evacuantia. Priora erunt; quæ ex betonicæ decocto, boraginis, bugloſſi, fumariæ, lapulorum, agrimonii, cichorii paſſulatumque & ſyrupis appropriatis ſunt; Poſteriora vero, ſi ſint evacuantia ſenſibiliter, ac primum lenientia, occurrunt tanquam accomodatiora ſyrupus de polypodio magiſtralis, & mel roſatum ſolvens; ſi ſint purgantia per alvum, ab infuſo hellebori nigri, & agarici cum electuario lenitivo, aut decocto Epit, aut ſyrupo de polypodio dicto, non eſt recedendum: quinimmo non ſemel, ſed pluries hoc vel ſimili medicamento uti proderit, quocirca hellebori ejuſdem præparati, cum pulvis ſucco roſarum pluries irrigatus, in umbraque ſiccatus, tum extractum ejuſdem mihi plurimum arrident, huc infuſum myrobolanorum Indorum, & chebulorum in vino ſubdulci, necnon epitimi in ſero caprino depurato, prout Dioſcorides perhibet, eſt ut referatur.

Nec ab horum uſu me abducit illud, quod, ſcilicet, per locum affectum non ſit evacuandum, quoniam id ipſum in Medicina (ut dicunt) regulari, non autem coacta, qualis eſt, quæ nunc facienda proponitur veritatem habet: Accedit, quod utique per partem affectam evacuare conveniens eſt; ubi materia medicamento purgante deducta in ipſa non detineatur, ſed ſtatim educatur, eo purgantis genere, cui medicamentum aliquod robur addens ſit annexum, & idcirco myrobolanos, Rhabarbarum, ac ſimilia addere ſi opus fuerit, expedit.

Sed purgantia per ſudorem, urinas, ac vomitum non deſpicienda, pro ſudoribus ergo movendis præter ſyrupum Sancti Ambroſii vocatum, extractum cardui benedicti, decoctum chinæ, & ſal-

læ, modicique guajaci, aliquot ſimplicibus diureticis temperatis, ac emollientibus, cicoreaceis, que temperatum, inſtrumentum ligneum ad ſudores movendos paratum ſummiſis laudibus extollo: Prociendis autem urinis ab uſu ſeri caprini infuſionis anitorum deſtillati adjecto lacte ſem. melonum non recederem, quo non conferente ad pulverem ruberæ tinctorum, ad ſpecies electuarii Juſtini adſcendere non dubitarem. Vomitus ſi modo ad ipſum pronus, facilitæ patiens fuerit, copia cibi ſæpius moveatur.

At ſi medicamenta evacuantia inſenſibiliter agant, Medicamentum aliquod ex viperis paratum, item jus galli antiquioris, ſimplicibus fere omnibus commemoratis medicatum, necnon ammoniacum cum lacryma terebinthi, utramque antidotum magnam, ac ſalem theriacalem ex conſerva boraginis propinatum omnibus præfero.

Verum ſi medicamenta reſpiciant materiæ morbiſicæ generationem, potiſſimum ad viſcerum alterationem diriguntur, quare gratia jecoris præter lac aſininum, atque caprinum ſerum cum ſucco cicoreaceorum aſſumptum, thermas etiam frigidas bibicas de more probo, ſicuti & perfuſionem ſadam ad hypochondrium dextrum cum ſucco prædicto adjecto aceto, ac tandem balneum aquæ dulcis non improbo; gratia vero lienis forſan læli uſum tum troſcorum de capparibus, vel de agno caſto, item & medicamenti ex chalybe aſſumendorum, tum ammoniaci in aceto diſſoluti cum ſucco radicis cyclaminis, & oleo capparorum admovendi propono proſicuum; poſtremo gratia ventriculi maſtiche, nucem myſticam conditam omnibus præfero, urgenteque neceſſitate thermas calidas non vitupero, à quarum uſu ſi aliqua noxa timeatur, licebit ex oleo communi, atque butyro elyſteres injicere; Exterius pro eodem ventriculo convenit ceratum ex maſtiche cum ſpeciebus diambær, aut etiam ſtillicidium ſtomaticum, prout decet paratum.

Topica poſt hæc occurrunt, & primum ſub forma inſeſſus, qui commode ſatis, vel ex oleo ſem. lini, vel ex lotura lanarum, vel ex decocto herbarum emollientium, adjectis pinguedinibus, ac mellis poterit parari, quibus in progreſſum addere licebit olenum rutaceum, iſinum, ac laurinum, licebit & incoquere herbam Nicotianam, radicem peucedani, cucumeris agreſtis: pariter injicere prædicta medicamenta vel primo medicamentum filii Zacchariæ, ceratum ex Oſipo, & diachilone gummatum, deinde ceratum ſacrum diſſoluta in vino decoctionis ſœnugræci erit opportunum; ſed mihi maxime placet injectio, quæ fit ex mucilaginibus altheæ, ſœnugræci, ſem. lini cum ſucco rabaci: Tentæ etiam ex lana, quam ſuccidam dicunt, prædictis imbuta uti & glandes factæ ex pinguedine capræ, leonis, utſi: Medulla cervina, & gummi ammoniaci, bdellioque, ac pulvere radicis cucumeris agreſtis, & ſorum tabacci indi non ſine fructu uſurpari poterunt; lura quoque Paravina, primum Divi Bartholomæi, deinde Sanctæ Helenæ quomodo-cumque adminiſtrata meo judicio mirifici erunt uſus, quinimmo cum ſciam ex his olea chimicè parari, illa propterea (ſicuti & baſamum verum) injecta maxime efficacia futura prædico. Et quantum ad ſuffitum attinet ſtatuo, dum frequens eſt uſus patienti jam dictorum, licere etiam ſibi per anum ſorum recipere, qui tum ex lapide pyrite; vel molari ignitis ac aceto accerrimo aſperſis, tum ex decocto actu calente ſimplicium dictorum facto in lotura lanarum, &

aceto, in quo lapides igniti fuerint extincti, excitatur.

Vivendi modum appositum non propono, quoniam ab excellentissimo curante apposite satis superque poterit institui, solum illud admoneo, ut continuo patiens bibat vinum aliquod cum china, guajaco, boragine, buglosso, ac similibus medicatum, & alvum sibi lubricam clysteribus emollientibus, passulis, ac prunis præparatis conlervet; Atque hæc sint satis à me nunc proposita pro salute nobilis viri, cui Deus utinam faveat. *Julius Cesar (Caudinus in Consultationibus Medicinalibus.*

Observationes & Anatomica Inspectiones.

De Alvi excrementis per genitalia ejectis.

Martini Jenneri, mercatoris apud nos, filia sexennis manibus pudenda continuo fricabat, quæ ob rei turpitudinem à parentibus sæpius corripiebatur, tandem ex fructuum horæorum intempestivo usu in malignam incidit dysenteriam, qua de causa vocor in consilium, propino contra malignitatem & humorum acrimoniam pugnancia remedia, non neglectis subinde cordialibus & roborantibus, enema etiam ex abstergentibus & consolidantibus injici curo, quod dum applicatur, liquor enematis per pudenda rursus effluere conspicitur, territus ad insolitam rei hujus visum parens, me advocat, & ut inquirerem & edicerem causam obnixè rogat; accedens puellam tabulæ imponi jubeo, pudenda inspicio, & velamento aliquo carnosio illa subducta, licque clausa esse animadverto, ita tamen ut superne & inferne stilus exilis intromitti possit, ubi exilia foramina, per quæ urina impetuosè extrudebatur, conspiciebatur; cum autem liberum effluxum urina non haberet, moram circa velamentum trahere opus habebat; acrimonia autem seri retenta loca obscæna rodebat, & vellicabat, quæ causa erat frictionis pudendorum, erosum tandem per moram longam sine dubio ex illa acrimonia intestinum rectum est, unde per alvum excernenda, per genitalia communi facto meatu exire conspiciebantur. Licet autem natura viam apertionis & sectionis monstraret, nolui tamen propter instantia fata, ne accelerasse me eadem jure culpari possem: nam summa virium debilitas, & extremorum refrigeratio, quam sudor colligativus excipiebat, postero die in felicem *ἀναλυσιν* terminabantur. *Joannis Schmidii.*

De Excretionem fecum per umbilicum.

Vocatus Haynam Misnicorum, & Medicinam ad hunc usque diem ibi faciens, Anno 1668. ex Gemellis ibidem natis, alter erat masculus, qui duodecimo à nativitate die insultu epileptico tentatus, idoneis tamen medicamentis restitutus, post tres aut quatuor præter propter Septimanas, circa umbilicum rubor quidam inflammationem minitans, sine tumore tamen, in eo se prodidit. Applicarat Chirurgus emplastrum quoddam defensivum, cotidie bis renovatum: Hoc tertio die remoto, umbilicus simul excidebat, & postea: præprimis alvo segniori, stercora per umbilici foramen patiens excernebar, nihilque per anum deiciebat. Externis consolidantibus umbilico læso impositis, simul in-

terna, nempe syrupi & clysteres emollientes, laxantes, & intestina rupta consolidantes alternatim adhibiti, consociabantur. Hisce continuo adhibitis, non solum excrementa per emunctorium ordinarium deiciebat, verum etiam intra paucas septimanas, coalescente iterum umbilico, infantulus restituebatur, excepto, quod cottidie guttulæ quædam aquosæ in loco affecto ad hunc usque diem, quo hæc scribo, exsudent; sine ulla tamen læsione, rubore aut dolore. *Melchioris Fribe.*

Lapis in Intestinis.

Petillustis & Generosissima Matrona Hildesie vivens (cujus nomini consulto parco) à pridie assumptis ex meo præscripto pilulis è gummatis Nobilissimi Sylvii præceptoris honoratissimi; altero mane cum excrementis lapidem exturbat ovi columbini formam referentem, in exteriori superficie subcinereum, & dum à me clavo ferreo in duas æquales partes diffingitur interius instar crysalli albicantem & rutilantem, ita ut qui olim ex Ennii stercore aurum, hic colligere potuisset gemmas *Joh. Henr. Brechfeldi.*

Intestina Sphacelata.

Viduus quidam literatus, J. S. Uratislaviæ degens, quadragenario major, melancholicæ, & dum viveret, valetudinariæ constitutionis, M. Februario Anni 1670. solito plus conquestus est de ructibus austeris, inappetentia & dolore Ventriculi, nec non Renum & dorsi. Subsecutæ dehinc sunt obstructions alvi, noctes inquietæ & sæpe insomnes, doloresque obscuri, gravativi circa ilia, iique in sinistro latere supra Ventriculum quasi adscendentes. Febris apparuit nulla, major tamen nonnunquam sub vespere, quam interdiu, Lumborum dorlique incallescencia. Urinæ pallidiores plerumque & crassiores deprehensæ, cum sedimento copioso, nonnunquam rartareo rubro, sæpè us albo, mucoso, pulsus indies debiliior, ab initio tardior, versus interitum celerior. Supervenit his omnibus Vomitus sanguinis nigricantis in grumos majores tenacissimos maximam partem concreti; qui cum intra triduum copiosior aliquoties rediisset, Aegrotò, exhausto virium thesauro, lipothymias frequentiores, ipsamque demum mortem, quam die 6. Aprilis beate obiit, accersivit.

Ut itaque tot Symptomatum causa inquireretur, permisso ipsius Agnatorum, cadaver aperire concessum fuit, quod etiam factum præsentibus Viris Excell. D. Godofredo Tilezio, Ph. & Med. D. & Physico Uratislav. meritissimo, & Dn. Phil. Jacobo Sachs à Leuvenheimb, phil. & med. D. & Practico famigeratissimo, Amicis meis honoratissimis, qui ambo ultimis diebus mecum Aegri curam habuerant, Sectore Dn. Franzio, Chirurgo nostro industrio.

In aperto Corporis demortui Abdomine atque Thorace sequentia ad partem affectam, causasque morbi & mortis inprimis facientia, occurrerunt notatu digna.

- (1) Pinguedo quidem sat multa sub cute per totum corpus diffusa;
- (2) Musculi vero Abdominis & Thoracis excarnes;
- (3) Cor nihilominus obesum satis, duriusculum, compactum, beneque constitutum, Sanguine vacuum,
- (4) Pul-

- (4) Pulmones quoad colorem quidem à naturali statu parum differentes, flavi tamen & exsanguis, horumque lobus dexter interior versus dorsum Thoraci annexus.
- (5) In Ventriculo nullus Sanguis, tunica bene constituta.
- (6) Lien justæ figuræ, magnitudinis & coloris.
- (7) Mesenterium non glandulosum, sed una cum Pancreate naturaliter constitutus.
- (8) Hepar admodum magnum, totum obvolvens ventriculum, admodum pallidum, totum licet sanguine vacuum, ponderans tamen ponder. Medic. lib. iii. 3. viii.
- (9) Vena portæ versus hepar sanguinis exhausta.
- (10) Intestina in sinistro latere ferme bene constituta, quæ vero in dextro, livida, nigricantia, sphacelata, Vasaque metæraica in intestina desinentia sanguine nigricante turgida.
- (11) Intestini coli pars superior in sinistro latere supra Ventriculum inflata, qua vero deorsum vergit incisum, sanguine concreto faculento, nigerrimo, instar picis, quale vomitu rejecerat Ægrotus, admodum repletum.
- (12) Renes pallidi & flavi, inque dextro horum materia multa tartarea, & circa infundibulum calculus instar fabæ minoris.
- (13) In sinistro vero major & albicans calculus, prodere scrup. V. fig. & magnitudine cordis avium oblongiore tornata, multæ materiæ seroso-lactæ, quæ una cum plurimis particulis tartareis, instar calcis, per totam Renis substantiam dispersa erat, quasi innatans.

Mirum, quod viscera lienis, pancreatis, Hepatis cum suo felle, Ventriculusque in hoc corpore omnia deprehensa fuerint sana & naturaliter constituta, cum tamen Ægrotus per totum vitæ spatium, pallidus, & tristis incellerit, solitariamque & sedentariam vitam amaverit, omniumque Medicorum consultorum sententiâ Hypochondriacus audiverit.

Nec minus mirum, intestina illius sphacelata fuisse sine præviis dolotibus Abdominis, sine prævia Febre manifesta. Conjectura est, Sanguinem melancholicum, acido austerum inhabilem quidem ineptumque fuisse ad concipiendum subitam & magnam fermentationem & exæstuationem febrilem, nihilominus tamen, forte ab errore diætæ excalefaciente intra morbi decursum commisso, in tantum irritari & commoveri potuisse, ut per vasa metæraica (hæc enim versus intestina repleta, versus hepar vacuata apparuerunt) ad intestina successive conflueret, hisque sphacelum, misello vero mortem attulerit. *Friderici Ortløbii.*

Vulnus Intestinale periculosum feliciter curatum.

Anno 1676. Dominicus Simeoni Patavinus, annos natus xxvii. unus ex palatii apparitoribus, amicum quemdam suum litibus obrutum è castello Baldo, Patavium inter & Ferrariam sito, educere cupiens, quem à lictoribus conquistum noverat, breviori via summaque diligentia eo concessit. Supervenientibus lictoribus quatuordecim, inclusi tres,

portas apprime obserarunt, adunque fortiter negaverunt. Explosa utrimque sclopeta lictori uni vitam eripere, duos alios graviter vulneravere. Castelli dominus & ipse globo transfixus occubuit: Noctis beneficio aufugit amicus ille, ob quem exorta erat rixa. Solus remansit Dominicus, qui pulvere pyrio destitutus, hostium numero cedere coactus est, in latens & corpus antrosum submittentis abdomen, sclopetum majus (quod archibugio Itali nuncupant) explosum. Lictores actum esse de illo opinabantur, quem paulo post spirantem adhuc cernentes, in curru collocatum, Patavium reducerunt. Magistratus indulgentia, Dominico sancio in ades suas deportari concessum est, quem brevi in carcere periturum magna erat conjectura. Medicorum habito consilio, desperata fere omnia censebantur. Vulnus maximum in epigastrio dextro non procul ab umbilico, disrupti, præter tegumenta, tendines musculique, rectus, transversalis & obliqui, ingens *αιμορραγία*, dejectiones supernæ infernæque, frequens syncope, prostratæque vires, ut ægro, sic Medicis spem omnem præcindere videbantur. Nunquam tamen omnino desendum esse ægotantem, dubiamque spem certa desperatione potior, & hoc confirmat exemplum. Quippe quinto morbi die, per alvum una cum fecibus à clystere sollicitatis, in pelvim excidit globulus, tragædiæ instrumentum. Longior non ero in enarranda cura: Sævia abhinc cessare symptomata; atque post unius mensis periodum plane liberatus est æger. Non deficientibus miraculum esse censentibus, benefici erga amicum animi pretium: At Medicis opera Naturæ curiosius scrutantibus alia via procedere expedit.

Perpendatur imprimis quæ à deciso globulo oritur maxima difficultas: Quo modo is in intestinum penetravit? quo modo & hoc sanatum est? Qui enim fieri posset per podicem deici quod intestina non subisset? si subierit, intestino perforato quænam fuit Medicina? Hanc cælo delapsam interpretentur qui ulterius inquirere fastidiunt. Intestinorum qualiacunque illa sint, sectionem periculosissimam esse docent Authores, ratio & experientia. Crassa vix sanantur, Tenuia nunquam; ita Hipp. aph. 18. & 28. sect. 6. *ἢ τὸ ἐντέριον τὴν τὴν λεπτόν.* Nulla prorsus facta fuit *ἐντεροτομία*. Ergo concludere licet profundum vulnus; Naturæ providentia agglutinatam fuisse, ut non immerito corpus nostrum innato balsamo sibi proprio refertum credatur. Quod majus est, nihil consutum fuit, neque cutis, neque muscoli, neque tenuis illa membrana, nervosa atque exanguis, quæ vix araneæ telam mole superat, *περετομία* nuncupata, sed omnia tam cito coiere, ut fidem superet. Nihil perinde incommodi reliquum fuit. Observatum in omnibus Galeni præceptum, Meth. l. 6. c. 4. excepta sutione, quæ inutilis censita est: Excisa intestina cum omento, in suum locum recondita sunt, medicamenta imposita, & ne quæ præstantior pars simul afficeretur, quantum fieri potuit, prospectum.

Multos audio dicentes globum præter musculos non penetrasse, ac inter adiposam abdominis molem latuisse, donec tum suo pondere, tum etiam Naturæ vi, in imas ejus partes collapsus fuerit. Esto, nec tamen patet ad exitum via: An deinde globulus in capacitatem intestini penetravit, absque substantiæ deperditione? quo modo reparata illa fuerit? Qui feces, ne foras profiliarent, coercitæ? Quid factum de sanguinis copia in abdomine sparsa, disruptentis concutientisque globuli vi? An & hæc per disruptum intestinum

effluxerit ? Observationes huc referat quamtumvis curiosius, à Schenckio scriptas, l. 3. de acu, cultro, aliisque per diversas à naturali vias excretis, aut alienis humoribus per intestina deductis: Naturam continuo beneficam innumera producere liquet arti non expectanda, imo ne speranda quidem. Hinc Gal. monente, l. 3. de crasibus, Generosus Medicus neque difficillimis casibus terreatur. Celsus ad id. temeritatem aliquando efficere docet in morbis, quod prudentia nullo modo tentare deberet.

Ego quidem ad hujus rei conjecturam nec à temeritate præsidium invenio. Si Dominico superstes fuero, ab eodem vitam adhuc agente, venia jam accepta, scrutabor in ejus intestinis, si forte tam prodigiosa valetudinis latentem modum dignoscere poterō. Interea si vobis, viri Etuditissimi, aliquid occurrat quod propositæ difficultati satisfacere queat, pro vestra & in Collegam benignitate & in rem medicam studio, mihi palam esse facturos & spero & rogo.

Intestinorum aliquod à globuli explosi impetu fuisse hic læsum, vix dubitandum est; neque enim credibile eundem tam parvo temporis spatio, nec singulari aliqua violentia externa protrusum, cuniculos per tot illæsas partes, etiam satis crassas & membranas: agere potuisse, ut quinto morbi die jam intestinum rectum ingressus fuerit: Symptomata etiam gravissima non levius aliquod vulnus cutem tantum penetrans, sed altius progressum, & in specie dejectiones illæ supernæ infernæque &c. ipsorum intestinorum aliquod læsum satis indicare possunt. Neque ullo modo obstat Hippocratis auctoritas, multiplici ejus experientia procul dubio firmata, in aphorismo 18. sect. 6. ab Exc. D. Authore citato: uti enim Coum nostrum lethalia sæpe dicere vulnera, quæ ut plurimum, non ex necessitate & semper sunt talia, alibi in hoc Libro ex Galeno fuit notatum, atque ipse etiam lib. 2. Prorhet. vulnera, quæ magnam quidem perniciem adferunt; non eam tamen, ut, ceu ipse se explicat, nemo ex his servari possit, recensens, intestinorum quoque, nullo inter tenuia & crassa facto discrimine, quæ sunt, eis adnumerat. Dum vero Coac. prænot. 503. & sect. 6. aphor. 24. ex tenuibus si quod dissectum fuerit, non coalescere scribit, partim de vulneribus ut plurimum, ceu dictum, taliter se habentibus, partim etiam de magnis dissectionibus interpretari debemus; prout ipse quoque §. seq. 509. Coac. prænot. cum mortem prædixisset in intestino aliquo, sive crasso sive tenui, vulneratis, si nempe per transversum fiat plaga & magna: si vero parva & recta, quosdam evadere edicit. Nemo itaque amplius, intestina vulnerata mortem simpliciter inferre ex Hippocrate evincet. Neque aliud nos variorum docent observationes, qui tam crassorum, quam tenuium intestinorum, vulnera sanata viderunt; illorum ex gr. specimen suggerentibus Nicol. Tulpio lib. 3. observ. Med. cap. 20. & Joh. Riolo in app. Sim. Pauli tr. de febb. horum Ephemeridibus nostr. Curios. Ann. 111. obs. Jacob. Seidelio obs. Med. 5. Joh. Heurnio in comm. sect. 6. aph. 18. Hipp. & Jacob. Hollerio obs. propr. 17. nec non Comm. in cit. aphor. Conferatur etiam historia ab Ambros. Paræo lib. 24. Oper. cap. 19. memorata, nec non alia huic Authoris admodum similis, quam Franc. Dalleriola lib. 4. obs. 9. consignavit. Unde etiam quodcunque tandem intestinum in hoc casu globulus transfixerit, licet vel ipsum jejunum id fuerit, ceu quidem ex denominatione loci percussus, scil. epigastrii dextri non procul ab umbilico, quo nempe in loco illud naturaliter situm obtinere solet, nobis conjecturare licet, saluum

evadere potuisse ægrum, non adeo est incredibile. Videri quidem hîc posset, scrupulum injicere metuendam chyli ex vulnere isto in cavitatem abdominis effusionem, quam olim non nemo pro stabilienda similium in tenuibus intestinis vulnerum lethalitate publice in medium protulit, ita ut æger necessario nutrimento, in sanguinem & ad singulas partes derivando, orbarus petire necesse habeat: ast (ut taceam, quod ipsa læsæ partis glutinatio, de cujus utpote impossibilitate nullum penitus argumentum producit, exitum illum chyli impediatur, si quem vero egredi detur, sicque consolidationem is retardare queat, eandem tamen omnino inhibere minime valeat, cum chylus non continuo à ventriculo suppeditetur, perque intestina permeet,) si in superiori parte intestini, & quidem ita in corpore à natura locati, ut transversum situm obtineat, plaga infligatur, ille chyli ex cavitatem istius prolapsus non adeo prompte aut copiose continget, ut mortis periculum. ob defraudatum corporis alimentum, inde sit metuendum. Galenus quidem lib. 6. Meth. Med. cap. 4. jejunum omnino incurabile esse adserit, tum propter magnitudinem multitudinemque vasorum, tum quod tunica ejus prætenus nervosaque sit, bilemque insuper sinceram universam recipiat, & jecinori omnium maxime sit vicinum. Verum quod attinet 1. magnitudinem multitudinemque vasorum, scrupulo huic satisfacit Heurnius, plerumque calamitosum esse, l. c. scribens, si intestinum tenue ea parte vulneretur, qua mesenterium attingit, ob venarum eo venientium magnitudinem, quæ plurimum sanguinis fundunt; id quod in parte opposita non adeo est metuendum. 2. ipse Galenus Comm. 6. aph. 18. tunicæ tenuitatem & nervosam naturam quodammodo impugnat, dum verba faciens de omnibus tenuibus, intestinorum tenuium naturam non parum participare ait carnosæ substantiæ, ideoque in summa parte vulnerata sæpius conglutinari, tota autem discissa usque ad eorum cavitatem, non quidem nunquam, sed tantum rarissime; hoc autem, addens, non tam propter eorum substantiam mihi videtur accidere, quam quod non possimus æque intrinsecus sicut extrinsecus medicamenta vulneribus imponere. 3. Bilis in intestino jejuno jam acredinem suam, qua vulneris unionem impedire posset, deposuit, videlicet tam à lymphâ pancreaticâ &c. quam ipso imprimis chylo acidulo alterata, atque ita in sincera sua natura multum immutata; sic ut humorem viscidum, è glandulis intestinalibus egressum, aut etiam ferum nutritium ex discissis arteriolarum oscillis stillans impedire minime valeat, quo minus tenacitate sua vel glutinositate, sive balsamica, si ita loqui liceat, virtute, ceu sarcocolla aliqua, vulneratæ partis labia, ab aere externo improporcionado, vulnerum sanationi non parum contrario, ob intimiorem, quem occupat, in corpore situm, sic satis immunia, & post vulnerationem, dum aer in cavitatem intestini prius contentus ex hiatu egreditur, concidentia, sicque propius ad invicem accedentia, conjungat, istamque continui solutionem ita reuniat; quod denique 4. de vicinia hepatis dicitur, quomodo in considerationem venire hîc queat, penitus non video. *Caroli Patini.*

De Ilei vulnerati curatione.

Vocatus ante decennium ad Sartoris conjugem; cui maritus cultro vulnus infixerat in hypochondrio dextro supra Os Ileon intempestiva nocte.

Vulnus

Vulnus obligatum est, mane dum Chirurgus, Nicolaus Reinhard, Emplastrum remover, fœces alvinæ subsequuntur, dilato parumper vulnere apparet Intestinum Ileum læsum, placuit in casu desperato periculum facere, nec ægra 25. annorum dolores recusabat, modo vita donaretur, intestinum caute acu alligari curo cuti, recentisque latidi lamella interposita, ut fœcibus alvinis pateret transitus cutem jungere jubeo, quod & factum, portiones præscribo vulnerarias, quibus ad stuporem curata est, binosque enixa est liberos annis sequentibus: cum de valetudine ipsius nuper quærerem, fatis cessisse anno proxime præterito accepi. *D. Maichanquez.*

De Intestino Colò vulnerato cum Hypogastrio vulnerato coalescente.

Quod Natura sit morborum medicatrix, nemo nescit, & in hoc exemplo manifeste apparet. Anno M. DC. Lxxi. die 12. Februarii, Servus à stabulis Illustrissimi Dn. Dn. Comitès Schillhard, &c. temperamenti sanguinei in taberna inter comportandum à quodam studio, circa tertiam lumborum vertebram ex parte dextra à tergo, gladio quadrangulari per initium intestini colì & hypogastrium versus illa sinistra transfixus, in domo ejusdem Illustr. Dn. decubuit. Curam ejus sedulam Chirurgus suspiciens illum deligavit: altero die amota ligatura, excrementa per vulnus hypogastrii exivere, & hac via alvi instar natura se per dies novem exonerare conabatur, quod in quavis deligatione apparebat: quo etiam tempore, alvus suam, nonnisi per glandes sollicitatâ, præstitit officium; tandem decimo ab accepto vulnere die, per alvum copiosa deiecit, animo alias præhens; ad omnia oblata bene se habere visus est, nihilominus decimo sexto die fatis cessit. Ut lustrationi adesset, Chirurgus ex me petiit, quod etiam lubens præstiti. Apertum abdomen tetrum odorem spiravit, nam fœces per vulnus intestini colì in cavitatem illapsæ, intestina corrupta & gangrænosa reddiderant; vulnus vero intestini colì, sive labia illius, cum labiis vulneris abdominis in unum ita concreverant, ut cultello ad separanda ab invicem opus fuerit: & si cavitas abdominis ab hac sentina libera & expurgata primis diebus fuisset, ægrum evadere potuisse, una mecum adstantes affirmabant, nec desunt tales casus. Similem fere casum proponit DD. Franciscus Bouchardi, Anno rii. Ephem. German. Observ. 8. qui videatur. *Simonis Aloysii Tudecii.*

Intestini colì pars per triennium & amplius ab abdomine pendula, ambulationem non impediens.

Mihi Lutetiæ Parisiorum anno 1661. degenti, juxtaque Theatinorum Templum fortuito progredienti, Mendicus occurrit quidam, è cujus abdomine prominens intestinum cum animadvertissem; illum propositæ stipi plus satis audientem, seorsum exegi, remque tunc ad libitum explorans, è sinistri Renis & Umbilici loco propemodum intermedio, pendulam intestini Colì partem semipalmo longiorem comperi, cujus fœcibus identidem excipiendis appensam ille lateri scutellam aptarat; hic peristalticum ipsius intestini motum multoties observare licuit, adeo ut palmi longitudine modo

protendi, deinde vero crassiores in trunculum coegi, fœcibus nimirum excretis; videretur, nulla tamen ex parte (quod ego peculiariter de mirabar) introrsum recondebatur: Interrogatus homo num ullis adhuc muniis anus fungeretur? num multis torminibus afficeretur? peculiare quid aliud in se ipso pateretur? ubinam gentium & quo pacto fuisset ita confossus; respondit, anum quidem omnino vacare; colicis vero dolouribus, primo frigidioris alimenti, vel aeris occursum se torqueri, (unde luridus illi, mehercle, vultus) proindeque tegumento quodam ad id efficto scutellam ac intestinum, pro renata, accingere & obvallare; nec nisi in dorsum paulo magis erectum commode decumbere posse; quoad alias functiones belle se satis habere. Cæterum in Anglica nave jam ante triennium militanrem, majoris catapultæ glauco, sinistram circa Renem (ubi magna supererat cicatrix) rejectum ita fuisse. Rem hancce Clarissimo unde quaque Viro domino Guidoni Patino Doctore Medico Parisiensi; Professorii Regio, Præceptori olim meo amicissimo; præsentibus, qui necum viderant, aliis compluribus postidie narravi. *Franc. Bouchardi.*

De Gangrænâ intestini recti.

Anno 1673. die Augusti 10. vocatus sum una cum Antonio Statlender, chirurgus ad Magnificum Dn. Burgravium Regium & Proconsulem I. N. annos natum 65. qui de dolore ani seu intestini recti, maxime circa dejectionem fœcum alvinarum jam à sesquiseptimana continuante conquerebatur: hic autem quotidie intensior factus, cum prædicta die lecto affixum domi detinuit. Eadem die & 11. Augusti, hora quarta vespertina febriculam percepit: urina erat admodum tincta & nonnihil confusa, pulsus celerrimus, calor ad tactum intensissimus, sitis maxima, hinc dolor partis affectæ, qui noctes dielque durans, omnem cibi appetitum prostravit & somnum cum magna inquietudine ademit. Chirurgus affectum locum cum inspexisset, invenit inflammationem insignem cum tumore ab intestini recti parte circa orificium vesicæ ad exteriora vergentem, sed cum speculum ob dolores Magnificus admittere nollet, iste omnia manibus tractare necessum habuit. Cum vero ante tres septimanas Magnificus Proconsul purgatione solita, hucusque ob publica negotia dilata, usus esset, & ante duodecim dies venæ sectionem satis largam instituisset, viriumque languor insignis adesset, julepis tantum & aliis alterantibus atque corroborantibus, tam internis, quam externis pro virili optime ei succurrimus: sed inflammatio indies majus incrementum sumpsit, viribus inter corporis summe deficientibus. Die 14. Augusti, post applicationem enematis (cujus emolumentum jam semel expectus est, ejusque repetitionem ideo petiit (gangræna ex interiore intestini recti parte versus scrotum; (quam ominabamur) in conspectum veniebat. Ista, licet linimento magistrali Hildani & spiritu vini camphorato ei satis prospiciebatur, in horas crescente & scrotum occupante, naturaque succumbente die 15. Augusti hora media sexta vespertina Magnificus Dn. Burgravius placide in Christo expiravit. Notandum hic, quod jam à tribus circiter annis Magnificus Proconsul à dolore atrocissimo in sinistra parte faciei circa maxillam & oculum maxime infestabatur, qui quidem assumptis quolibet vere & autumno medicamentis purgantibus solitis aliquantisper remittebat, sed iterum mox revertebatur: qua de causa ipsi

suasi, ut fonticulum in brachio ejusdem lateris admitteret, sed frustra. Præterea sapissime eidem molestus fuit totius corporis, præsertim autem superiorum partium, pruritus cum pustulis quibusdam, cujus gratia frequentes scarificationes, & quolibet vere semel venæ sectionem adhibebat: quæ autem symptomata, post inflammationem in intestino exortam, penitus evanescebant; scilicet metastasi acrium humorum à capite ad inferiora & imprimis intestinum rectum facta. De quibus vide sis Stephanum Rodericum Castrensem in libello. Quæ ex quibus, dicto, cum primis libri 2. cap. 2. 3. &c. pulcre & docte differentem. *Simonis Schultzii.*

De osse maxillæ Rhombi piscis ex intestino viri alicujus extracto.

Jacobus Joosten, vir mediæ ætatis, dolore sensim aucto, afficiebatur circa intestini recti extremum, cum suppressione alvi & febris gravissima, pluribus, hinc inde ministratis, frustra usurpatis, quod hæmorrhoidibus internis ipsum vexari persuasissent alii, nos advocari voluit.

Accedentes, in parte ipsam, quam doloris, summi subjectum dicebat, nec inflammationis, nec tumoris indicia ulla observabamus, ne, in re licet incerta, nihil egisse videremur, linimentum hoc præscripsimus.

℞. Unguent. popul. rosar. an. ℥ss. olei raparum ℥i. M. F. linimentum.

Nihil hujus usu effecimus; quod excretio alvina tarda valde atque molesta, imò materiæ purulentæ cui sanguinis plurimum commixtum, hoc enema injici curavimus, ad doloris mitigationem valde conveniens.

℞. Decoct. emollient. ℥ix. olei mucag. amygdal. dulc. an. ℥i. unguent. popul. mell. rosac. an. ℥j. M. F. Clyster.

Podici applicatum hoc cataplasma.

℞. Micæ panis albi, farin. hord. an. ℥ii. mucagin. cydonior. ℥i. unguent. popul. ℥ss. croc. Britann. gr. xxii. vitell. ovi num. i. M. F. Cataplasma.

Tantum hæc profuerunt, quantum profuissent si quidem pulvinari fuissent applicata: Febris interim, dolor, vigilæque, hinc quærelæ, magis magisque crescebant. Pharmacopœi servus qui applicaverat Enema, aliquod corpus durum occurrisse sibi, ubi fistulam arte imponere laborabat, per quam injiciendus clyster, referebat; hoc audito necessarium duximus digito in anum immisso an aliquid loco eo hæreret aut præternaturalis quædam constitutio intestini recti adesset, explorare; quamprimum digitus in anum immissus occurrebat substantia illa dura, cujus mentionem fecerat pharmacopœus, hæc extracta mandibula erat piscis illius quem Belgæ vocant Eenschol, bronchi sub branchiis hærens: eam ante occiduum se avidius pisces tales comedentem deglutiisse, ante actorum jam memor, referebat æger, imo cum dolore ventriculi, intestinorumque gestasse.

Ablato hoc officulo (quæ ablatio non sine dolore peragebatur, eo quod transversum non solum situm obtineret, sed & utrinque lateribus intestini firmiter inhæreret, unde symptomata dicta exorta) illico symptomata omnia remiserunt, febris scilicet, dolor, excretionis alvinæ suppressio, vigilæ continuæ, somnus econtra inductus placidus.

Parti affectæ applicavimus turundam melle rosaceo cui Aloes aliquid mixtum, inunctam. Et in-

tegre convaleuit.

Similis fere casus occurrit aliquando Medico hujus loci celeberrimo Dn. Arnolfo Tholinx, nisi quod hic intestini recti circa plicaturam exulceratio accederet, & Chirurgus frustulatum, duas scilicet in partes forficis ope divinum officulum, extrahere coactus fuerit.

Gravius obvenit ægrotanti illi, qui referente nobis Collega nostro Dn. Daniele Floriano, curæ Rogerii Bernardi olim Nosocomii chirurgi ordinarii subfuit, in quo officulum simile, gravissimo cum dolore, per lumborum inferiora, ulcere intercedente magno, prodibat. *Joh. à Meekren in Observat. Medico Chirurgicis.*

De intestini tenuis vulnere.

Anno 1678. Vir nobilis *ύδακ* & robustus, annos circiter natus 21. cum Galli & Lotharingi, aliquandiu excubias contra invicem agerent, gravi vulnere gladii punctum ictus; ex illorum exercitu, ad nos advectus fuit, ut pristinae sanitati restitueretur, sedulam hunc ob finem operam ipsi locante chirurgo solerti Claudio Passavantio: denudato & ampliato tantisper vulnere; quod admodum angustioris primum fuit, in abdominis cavum illud vergere deprehensum fuit, medicamentisque hac convenientibus illi prospectum: mox suspicio de intestini tenuis læsione Medicorum Chirurgorumque, quos ad ejusmodi vulneris spectaculum ille invitavit, animis inhæreere cepit, nec fefellit evenus, subsequenter enim diebus quoties fere vulnus denudabat, materia chylosa evidentissime profluxit, & in lintheis vel plumaceis conspici poterat, adeo ut una de vasculi lactei punctura, chylo puro ita extillante, indicia certissime depromere potuerimus; Instituta exactissima diæta, qua Ægrotus ipse pejorum symptomatum adventum elusit, & adhibitis vulnerariis convenientibus, singula feliciter cesserunt. *Joh. Jacob Harderus Observationum Anatomico-Præcticarum libro.*

Intestini à lumbricis perforatio cum tumore subitaneo in inguine dextro.

Vir 50. & quod excurrit annorum, sanus & incolumis, uti sibi quidem videbatur, d. 11. Aug. 1683. cum tota d. strenue desudasset in vineis, domum rediit de atrocissimis torminibus ventris conqueritur, quæ excepit illico horror & calor inguinisque intumescencia, paulatim ita adaucta, ut femoris partem anteriorem & superiorem maximopere occuparet tumor, qui primum remitebatur, aliquot autem dierum spatio, instar vesicæ humore distentæ sua sponte ruptus fuit, ichoremque primum subatrum, hinc viridem, & deinceps purulentum, s. magis fæculentum copiose fudit, transudante primum sero tenui glandularum, mox hinc viis magis apertis, una materia fæculenta: materia quoque saniota inter musculorum femoris interstitia collecta, illis pressis acervatim, erupit: accersitus Chirurgus illius loci, medicamentis putredini resistentibus ac detergentibus sedulo pugnavit, nostram autem mox implorare jussit operam: Vocati d. 25. ejusd. sub vesp. mali faciem intuiti sumus, quam satis horridam deprehendimus: ex inguine enim dextro, pone scrotum, materia fæculenta, ubi tantillum premebamus, tenuis & graveolens, profiliit, retulitque satis

Chirurgus, ex eodem antro (quod vulnus dilatatum satis non erat) triduo ante lumbricos sex se extraxisse: pridie etiam cum uvas comedisset ægrotus, semina earum per foramen dictum excrevisse, atque ab hoc tempore fæces per alvum dejecisse amplius: nec minus femoris interiora à massa serpente fuerunt erosa, foraminibus sinuosis hinc inde conspicuis: Facta incisione scrotum versus, ut mali exitus pateret magis, fæces liquidæ, cum sibilo & strepitu ex intestino evidentius prorumpabant, hujusque perforationem labiis vulneris sensim remotis, postridie magis patulam fore prædiximus, interim seq. usum præcepimus: Chirurgus ter de die vulnus calidiusculæ lavet cremore & sero lactis caprilli, cui immista sint sangu. dracon. subtiliss. & myrrha cum mastich. inde balsam. vulnerar. quod præscripsimus, moderato caloris gradu vulnere instillet: plumaceolisque eodem irrotatis intestinum obmuniat pro viribus: ægrotus autem singulis diebus m. hauriat cyat. lact. caprill. cui fanicula consol. sarac. veron. & alchimill. fuerint incocta: horula v. post ut & sub 4. vespertin. dosim capeffat pulv. vulnerar. ex radic. lymph. fl. hyperic. corall. sangu. dracon. v. &c. paratum: Extractum quoque veron. cum sanguin. dracon. in pilul. concinnatum sæpius exhibuimus. Postridie nuntiari iussit Chirurgus vulnus jam magis patere, & post discessum meum sub vesp. lumbricum denuo se extrahisse: triduo post cum ægrum inviseremus, satis bene habebat, appetitus constabat, non nauseabundus erat, nec siticulosus, pulsus blandus & æqualis, fæces etiam per alvum jam excernebantur, at non diu substituerunt ista, quia pristina symptomata ingruerent, ægerque viribus fractis lenta morte consumeretur.

Notatu dignissimum est Venerandi Hippocratis l. VI. Aphorism. 18. & 24. effatum: *κύριον διακοπέντι ἢ ἐγκέφαλον, ἢ καρδίαν ἢ φρενας, ἢ ἐντέρων τι τ' λεπτῶν, ἢ ἥπαρ θανατῶδες*: item *ἐντερων τὴν διακοπὴν τ' λεπτῶν, οὐ συμφύεται* quæ ipsa confirmat Coac. 509. istius modi autem periculum imminet, non modo quod intestina tenuia membranæ partes sunt, & nervæ sensiles, quæ facile non consolidentur, sed subsequenter gravissimis symptomatis enecent, verum quia cum valis sanguiferis tenuia copiose instructa sunt, quibus hinc à vulnere profundiore læsis, hæmorrhagia nociva succedit, tum etiam ob motum peristalticum, cui ob chyli absorptionem sollemniter vacant, latera vulneris difficiliter agglutinantur; enim vero uti beneficio succi nutritii, sive particularum balsamicarum agglutinabilium, seu balsamo quodam partes separatæ reuniuntur, ita vicissim mora & quies pariter ad isthoc operis feliciter perficiendum requiritur, ne dictæ nutritiæ particulæ distraherentur & in cavum inaniter effundantur: atque hinc esse potest, cur vulnera crassorum intestinorum ita periculosa non sint, curamque facilius forte admittant, crassiore eorum substantia non rejecta: nec enim ea vasorum copia est, neque etiam jugis ita ipsorum motus, non nisi fæcibus blande versus anum protrudendis emancipatis, cum contra illa motu sursum deorsumque officio suo defungi necesse habeant, istis aliquandiu feriantibus: Docet nihilominus experientia, vulnera tenuium leviora, fuisse curata, idque ipsum historia prior confirmat, quæ vasculi lactei puncturam simul commonstrat: gravioris certe hæmorrhagiæ, aliorumque symptomatum, de quibus in histor. altera) absentia vulnus ibi superficialium magis fuisse persuadent: Excellentiss. vero Patinus Anni 1. Dec. 2. Ephemerid. Observ. 20. meminit Dominici Simeonis Patavini à vulnere inte-

stinali, globulo sclopeti inflictio periculosissimo feliciter liberati, solent quoque in gravioribus vulneribus, aliqui *ἐντερορραφὴν* instituere, labiaque intestini separata ad invicem adducere: commodum autem ista non semper succedit: atramen si de corpore & massæ præprimis humoralis *ἐνδοσία*, atque intestini crassi robore certi fuisset, ejusmodi quid in quinquagenario nostro tentassemus, contrarium verò nobis faciei colore, copiosis lumbricis &c. imperantibus, remedium istud reluctantibus adstantibus ultro adhibere nolimus: Felicius isthoc fuit Muliercula, cujus mentionem facit Clariss. D. D. Haesbaert, Societ. nostr. Rhafes, cui post atroces cruciatus ex aperto in inguine tumore, lumbrici duodecim prodire, & quamvis adjectum non sit utrum ex intestino perforato proruperint, tormina nihilominus & abdominis cruciatus, de istius labe satis testari posse videntur: quandoque etiam labia vulneris exterioris clauduntur, interioris necdum consolidatis, indeque funesto cum exitu tumore recrudescente: interdum ex tumore in inguine suppurato, & materiæ acrimonia, ulcus fistulosum subnascitur, cujusmodi historiam heic inferere operæ pretium faciemus, puella 14. annor. circiter, quam cum B. m. Glafero in nosotrophio sæpius invitimus, adhuc in tyrociniis constituti, tumore in inguine dextro vexata, ex materiæ suppurantis acrimonia, tandem ulcus fistulosum incurrit: cum totius corporis cachexia & emaciatione paulatina: plurima tum in usum vocata fuere remedia vulneraria, antihectica & analeptica, sed in cassum: sæpius quoque de intestini crassi erosione (quod materia effluens gravi fœtore nares feriebat) præfat. Vir Celeberr. Chirurgus ordinario verba fecit, quia autem fæces ejusmodi, nec semper nec æque distinctæ videbantur, lis indecisa persistit, donec rore vitali prorsus absumpto, ac spiritibus extinctis, ægra inter vivos esse delit: sectioni, cum ob negotia urgentiora Beatus Præceptor noster adesse non posset, aliquot nostrum, è quibus Excellentiss. D. D. Matthæum Harderum nominamus Amicum honoratiss. cum Chirurgus vacavit, deprehendimusque præter viscerum omnium labem ac corruptelam, intestinum dictum, reapse erosum, effluente simili, cum premeretur, materiâ, quam cum viveret missella, ulcus reddidit, Non raro etiam Bubonocèle, ejusmodi sub tumoris in inguine specie occultatur, cujusmodi in ancilla quadam vetula notavit læpe laudatus Sponius, quæ præ pudore affectum diutius celans, eum tandem Chirurgus communicavit, qui hinc Bubonem præsto esse ratus, suppurantia imperite adhibuit, locumque paucis post diebus imprudentius scalpello aperuit, unde ichores & fæces alvinæ ubertim primo eruperunt, ægraque paucos intra dies, superveniente necrosi, è vivis erepta fuit: ejusdem, si non-gravioris mali, sed felici successu curati historiam nobis aliquando perscripsit Excellentiss. Hortingerus Medic. Tigurinus, veteri amicitia junctissimus quam ipsiusmet verbis heic commemorabimus: Digitum, inquit, nuper leviter intendi in curam Viri vel pro desperato relinquendi, ni charitas Christiana aliud juberet, hic cum annorum 56. herniâ à multis annis affligeretur, curam palliativa certiore, magno suo damno non admisit, sed apud artificem de tumore inguinis conquestus est, qui sive ex imperitia de tumore inguinis conquestus est, qui sive ex imperitia de tumoris specie minus sollicitus, hunc pro rato habuit, & tanquam materialem bubonem tractavit, medicamentaque emollientia lacti incocta imposuit, ex quo tumor cum intestino intra

se contento, vi medicamentorum ad putredinem & subsequenter *νίγροσιν* tendebat: Ego omnium ignarus & absens, unice rogatus de remedio sitim sedaturo, pro more iudicium eoque suspendi, donec mentione facta tumoris & singultus observati, non sine Dei providentia pejora suspicatus sum, atque *ἐντροπιδί-σολω* aliquam ab hernia oriundam subsequi posse & periculum in mora esse dixi, ac *σώτο-ρίαν* cum manu periti Chirurghi huc requiri summopere: Chirurgo viam incunte & ægrum jam invisente, gravissima comperimus, non visu tantum, sed etiam olfactu: partes interiores putrefactæ à sanis protenus erant liberandæ: partes adhuc sanæ à contagio vindicandæ ac defendendæ, cum jam colon ipsum in hoc incendium contribuerit, putredine infectum eatenus, ut per hujus aperturam ex inguine, crassiora alvi excrementa, neque per unam, neque per duas solas hebdomadas fuerint excreta: & tamen tota hæc mali dicta tragœdia tam felici cursu absoluta est, ut post sex septimanarum intervallum, sanitas fuerit reducta, sine fistula vel alio incommodo post relicto: hæc ille. *Idem ibidem.*

Interioris intestinorum tunica ejectio.

*Clariss. Godefridi Thomasi Miscell. Curios.
Decur. iij. Ann. 3.*

Cum una jam atque altera in hoc Ephemeridum volumine comprehensa habeatur Observatio de intimâ fistulæ intestinalis tunica frustillatim unâ cum sordibus excrementitiis egestâ, visum fuit Exc. Viro, qui Directorium in Academia nostra munus summâ cum laude sustinet, haud incongruum fore; si quæ mihi de hac ipsa re ante annos duos, & quod excurret, comperta fuere, compendio heic enarrarem. Cujus, conjunctissimi Collegæ, Amicique plurimum merito suo æstimatorum monitis obtemperare, uti jus ipsum atque fas postulat, ita veniam mihi abs lectoris spondeo descriptionis subitariæ & ob festinationem nullâ limâ expolitæ. Mulier plebeia quinquagenarium egressa, cum variis à victu satis tenui neque salubri malis fuisset conflictata, tum in primis peritines alvi obstructions ferebat molestius, quod cætera inde exasperari haut leviter viderentur. Cui malo ut remedium quæreretur, pilulas dejectionis devorat, nescio unde acceptas, quarum reliquias cum mihi post ostenderet, apparebat ex affixo capsulæ titulo pilulas, Opilionis apud nos dictas, fuisse, quæ ex metis purgantibus crudioribus constantes optimum præbent robustioribus & biliola inprimis colluvie divexatis catharticum, quod ad grana præter propter duodecim assumptum magnâ vi per inferius guttur exturbat noxias sordes. Illa igitur abs earum usu dejectiones habuerat ex voto & expectatione crebras nec ab hypercatharsi multum abludentes; ast remanebant post eas turbas utcumque sopitas tormina atrocissima, quæ & lancinarent continuè intestina, maximè circa umbilici regionem, & caloris atque æstuationis intensissimæ sensu misellam noctu dieque divexarent. Meam igitur sibi opem expetit, quam paregoricis tam externis quam internis, & acrimoniam altius infixam demulcentibus ad artis normam exhibeo, unde non-

nihil quidem solatii, pleni tamen auxilii nequidquam se fuisse expertam referebat: donec post aliquot hebdomadarum intervallum, nescio quas à se membranas varie convolutas & in copia intetrescendum, non sine molestia excerni clamitat, cum tenacissimo quasi glutini sint immersæ, & partim quidem intestinis in minora frustula discriptis videantur similes, partim pelliculæ crassioris ac magis extensæ præ se ferant speciem. Monita ut ejectiones adeò miras servaret curiosus, ac ad me deferret probè lotas mundatasque à sordium adhærentium purgamentis, parat sine tergiversatione, atque altero mane bina pellicularum fibrosarum ac spissarum satis frusta, quæ præterita nocte excluserat, offert mihi miranti & attonito. Erant enim quinque pollicum, & ultra, longitudine, binos admodum pollices lata, & in extremitate subinde atro colore notata, ut de summa, quæ has corrosiones faceret, acrimoniâ constare posset satis. Eas ego membranaceas formas Musæo Wurffbaimiano, laudatissimi nostri Directoris dedicavi, quod & naturæ & artis mirabilium copiam in se continet, ad selectum minimè adspiciendum. Mulierem ipsam jubeo esse bono animo, brevi enim futurum, ut eliminatis, quæ ab acore infesto exelæ secesserint, tunicæ intestina interius succingentis particulis proxima salutis spes affulgeat, sublatis torminum dirissimorum causis, novæque adeò tunicæ in corruptæ locum excrecente. Perinde enim uti exterior hominis atque animalium pelliculis, sive abscessu separata, sive resecta cultello, promptè satis repullulat denuò, ita uti scroti bursum omnem maligni ac virosi acoris vi consumptam viderimus, & Chirurghi forcice rescissam, testiculis prorsus nudis miserabili sane habitu propendentibus, qui tamen mox per sanato malo nova pelle fuere vestiti, ut nullos hac in parte defectus agnosceres; eodem pariter modo in membranis, quæ corporis cavitates succingunt interius res habere videtur, cum plura prostant passim exempla neutiquam minus quàm hoc, quod modo recensuimus, miranda, & in dysenteria cumprimis atrociori pellicularum tenuiorum ex intestinis abscedentium speciem videri testentur, quibus commodum est laureolas in hoc etiam quærere mustaceo. Prædictioni eventus respondit perquam salubris atque exoptatus, nullis enim aliis posthac usa mulier præsidii, nisi spermate ceti in lactis calentis haustu propinato, decoctisque cicerum, nonnumquam aut pisorum absterisivis, & balsamo Saccharo Peruviano pulveribus acidum absorbentibus atque attemperantibus immixto, de die in diem melius habere visa est, donec dejectionibus membranaceis sensim imminutis, sopitisque torminum & lancinationum doloribus, pristina restitueretur sanitati ad hoc usque tempus quo hæc scribo, vegeta atque incolumis, neque quidquam amplius morbi aut gravioris mali experta. Ejectamenta verò ista si quis consideret oculis curiosioribus, facile videbit esse membranæ interioris intestinorum particulas, quæ intra rugas suas recepto ac asservato diutius humore acri, secesserunt denique non sine exquisitissimi doloris sensu. Cujus autem intestini fuerint soboles, haut obscurum erit perspectu iis, quibus notus est interaneorum situs, quique ex ante dictis cognoverint dolores maximè circa umbilicum graves post-

hac ad sinistrum hypochondrium tendisse in declinatione affectus gravissimi.

Graviores intestinorum perforationes sponte naturâ curatæ.

Clariss. Alardi Mauriti Eggerdes. Miscell. Curios. Decur. iij. Ann. 4.

Intestinorum perforationes, læsionesque etiam graviores, non omnes, neque semper lethales esse præter superius enarratam historiam, sequentes casus demonstrant. Rusticus in Patria Luxemburgensi post ingentem cæcorum unâ cum nucleis devoratum copiam, in alvum tam adstrictam incidit, ut nullo eam negotio resolvere posset. Et cum ex arte nullum superesse videretur subsidium, illud natura suppeditavit. Nuclei enim isti, hospitii sui pertæsi exitum sibi inde quærentes, abdomen in inguine dextro perforarunt, atque uno impetu quâ datâ portâ proruperunt: Foramen à lapillorum egressu sponte sua coaluit, neque ullum inde rustico remansit incommodum. Anno reparatæ salutis 1682. sequens casus Paduâ Romam, ad congressum Medicum, apud D. Brassavolam sub protectione Reginæ Sueciæ haberi solitum examinandus mittebatur. Homo fortis mediocris postquam Paduæ bene jentasset, rus tetendit; medio itinere ex insidiis bombardulâ impetitur, & globus non procul ab umbilico abdomen penetrat, non autem transit, fauciatus ad Chirurgum defertur, qui vulnus stylo explorat, globi autem nulla sentit vestigia, vulnere deligato patientem quieti & diætæ committit; Die ab hinc tertio infirmus ad sedem cogitur, globumque unâ cum excrementis egerit, ac brevi dein convalescit. Post varias super hunc casum agitatae quæstiones, tandem hæc placebat resolutio, sclopetum quo globus fuit jactus, erat parvum, ideoque ad transfodiendum non satis efficax, instrumentum lædens fuit globus rotundus, qui postquam abdomen transiit, allisit ad intestinum excrementis spissioribus referum, illudque cooperante leni fœcum resistentia non disrupit, sed fibras & funiculos ejusdem nervos à se inuicem disjungendo in illud penetravit, tandemque in crassioribus excrementis quievit; ac demum cum his per anum exiit, fibris interim sese iterum contrahentibus, factumque foramen absque sanitatis dispendio occludentibus.

Intestini tenuis pars per anum exclusa.

Clariss. Georgii Franci de Frankenau, Miscell. Curios. Decur. iij. Ann. 5. & 6.

Nihil tam absurdum, quod Corpori non eveniat humano. In solidorum fluidorumque texturis tanta est varietas, ut nemo, nec assequi, nec recensere omnia possit, ut loquitur Illustris, deque re Medica optimè meritis D. Joh. Nicol. Pechlinus Observ. Phys. Med. lib. II. Obs. 32. mirabilem ibidem corporis tremorem in rustico Hol-

fato eleganter exprimens. Et quis est, qui nescit, nova quotidie enata prodigia vel editos casus mirabiles non fuisse à tot seculorum decursu, qui curioso rerum Naturæ scrutatori non præferrent facem, ad penetrandum facilius in abstrusos ejus recessus, ni plurimum injuriâ vel malitiâ potius illis omnibus carere jam & interciderere deberet posteritas. Idem & ego facile de funesto nuper non minùs quàm mirabili casu sentire potuissem, quando domesticorum notitiâ vel conscientia potius tempestivè accitus, ubi agebatur illud novum & quasi absurdum, simul cum prælaudato D. D. Wagnero non insoliti ejus phænomeni me constituissem & testem & spectatorem; singulare enim videre erat prodigiis prodigiosè, per consuetam fœcum alvinarum portam modo integram tenuis intestini partem spithamæ longitudine & ultra cum annexa mesenterii adhuc portione manifestè satis conspicuâ, acerbos inter infimi ventris dolores & multas sedes cruentas, ita ut animo linqueretur atque exsolveretur æger penitus, cujus & supremus vitæ terminus paulò post eadem die 22. Augusti noctu appropinquavit. Suspiciari autem non immerito licet explicationum seu Valvularum conniventium Anatomicis dictarum, præsentia, quas obtinebar intus materia subflava, tenax, quasi restarent ibidem exhibitis purgantibus Gummi Gotti (de quo mox acturi) splendentes particulae, fuisse rejectam intestini jejuni partem illam qua terminatur in Ileum. Ordinariè intestinum quidem hoc cæteris paulò rubicundius, ob vasorum sanguineorum copiam apparere solet, tale tamen nunc non exitit, fortè quod æger in sella multum ante sanguinis perdiderit jam, vel alio modo intra corpus exhaustus fuerit. Contra tunicæ intestini illius nigricantes & sublividae magis visæ, non corruptæ vel erosæ, sed unitæ adhuc; solitus intestinorum inucus interior sive villosa crusta aberat, alterum saltim principium, ubi abruptum vi interna censebamus, valde tenue, divulsam & discerptum videbatur. Ita verò accidisse tristem hunc in viro juvene, quippe 26. tantum annorum, exitum, dum sponsalia contrahere meditabatur, certò comperi. Laborarat is quatuordecim prope modum diebus febre continua, non admodum sensibili, contumaci alvi obstructione & doloribus multis colicis, siti &c. an vitio Diætæ, an alio modo contractum fuerit hoc malum? ignoro: Ingravescente morbo indies, Medicum prætereuntes, anum Medicaltram consulunt; quod genus hominum, uti alias nunquam otiosum esse solet, ita statim operosam se exhibuit, catharticum ex officina petendo, cujus non minima basis fuerat Gummi Gottæ, pharmacum potenter hydropicorum aquas evacuans, & colicis doloribus maximè adversum, isti cumprimis morbi syndrome, tantum ut ipse sibi malum cacaret æger, pessimè sanitati suæ consulens. Quemadmodum verò malum consultori pessimum esse solet, teste Hesodo, & ex eo Gellio, ita & hic mentiri potuit minimè regula, nam dato uno absurdo pharmaco, absurdi plures & periculosiores subsequuti sunt errores. Alvus bis, (ut aiunt) commota fortiter & dolenter, simul vomitiones continuas, biliosas enormes accersivit, vitam & vires in præsentissimum adducentes periculum.

Nunc demum Medica implorabatur manus, ubi vires omnes attritæ resque versatur in angusto,

ut citissime ferret opem, motusque illos intestinos & hypercatharſes cohiberet; ſed nimis ſerò Medicina parabatur; ægritudo enim auctior omnem Medici eludebat ſpem & operam, cum vitam poſtero die cum morte commutaret, poſtquam paucis ante obitum horis, dolore Epigaſtrii immani, ſedibus copioſis cruentis, & cum iis abſcedente intestini tenuis ſimul parte, affligeretur, unde jam ſe mox liberatum iri clamaret, ſed fruſtra, nam ſuperueniens graviffimum animi deliquium, optimi ſanguinis & nativi caloris perditio cum motibus convulſivis pauſam vitæ impoſuit.

Jam quæret fortasſe quiſpiam, nec ſine ratione; quomodo tam notabilem intestini tenuioris rupturam vel ſeceſſionem facere potuerit natura in corpore? quomodo, quod magis adhuc ſuſpicio & admiror, factam talem ſeceſſionem ſolidæ partis in alvum demittere, ut per alteram ſuperſtitem intestini in corpore oram reſorberi unâ cum ſanguine & dein per ordinarium locum excludi potuerit? Quod cum affirmare omnino quidem auſim, quatenus in ſe verum eſt, modum tamen ejus mirabilem invenire; aut evidentiores circa hunc exponere cauſas prohibeor, donec accuratior accedat internorum perluftratio & cadaveris apertura, quam multis etiam precibus impetrare à ſponſâ & agnatis non potuimus; ad ſepulturam igitur ocius properant, antequam ad Magiſtratum vel publicum impiæ hæc deferantur cædes, felices præ reliquis Veterinariarum fraudes exiſtimantes, quod adverſos harum caſus tellus, oblivio hominum & taciturnitas tegant.

Intestinum Ileum innoxie ulceribus perforatum.

*Clariff. Reinoldi Wagneri. Miſcell. Curioſ.
Decur. iij. Ann. 5. & 6.*

Intestinorum tenuium vulnera eſſe lethalia: non tantum Hippocratis Sect. 6. Aph. 18. & 24. ſed & C. Celſi, Lib. 5. cap. 26. & Lib. 17. cap. 16. Galen. Lib. 6. de Meth. Med. 4. aliorumque veterum eſt ſententia. Atque cum hæc humani corporis partes ſint tenuiſſimæ, minusque carneæ; præterea; cum motu periltaltico perpetuò exercentur, vulneratæque chylum neceſſariò effundant, facillimè inflammantur, vixque remediorum topicorum admittant applicationem, mirum non eſt cur ejuſmodi læſiones communiter ſint incurabiles atque lethales. Nihilo ſeciùs tamen, non tantum vulnera, ſed & ulcera ejuſmodi nonnunquam eſſe ſanabilia exempla ſubinde teſtantur. Sic Intestinum Ileum cultri ſtriſturâ læſum per artiſcioſam ſuturam reſtitutum commemorant Ephem. Germ. Nat. Curioſ. Dec. I. Ann. 3. Obſ. 176. Item Glandorpius Obſ. 32. Ileum quoque, iſtu tranſverſim diſſectum, & extra vulnus prolapſum, intetcedente tandem ſuturâ cum vulnere conglutinatum refert Blegny Zodica Med. Gall. Ann. 2. Obſ. 4. M. Junii. Ita & de Intestinorum tenuium à lumbricis perforatorum curatione conferantur Ephem. Germ. Nat. Curioſ. Dec. I. Ann. I. Obſ. 145. p. 321. & Dec. II. An. V. Obſ. 45. p. 87. &c. Item Blegnyus Ann. I. l. c. Nec hæc, nec alia Intestinorum gracilium ulcera abſolutè lethalia & incurabilia pronuncianda eſſe, niſi vel majora fue-

rint, vel cum vaſorum inſignium læſione conjuncta, unâ atque alterâ Hiſtoriâ nuper edoctus, calculum adjicio. Nimirum, mulier quædam quinquagenaria; in oppido Kôge in Seelandiâ; quatuor lapidibus à Metropoli. Regiâ Hafniâ: doloribus in ſiniſtra pubis regione, eodemque in loco abſceſſu inguinali corripiebatur, ex quo decimò die ſuâ ſponte ruptò, cum Chirurgus ejuſdem loci Dn. Fiſcher lumbricum unum atque alterum prodire audiret, ipſeque unâ cum ingenti quantitate materiæ purulentæ & fœtidiffimæ, ipſiſſima alimenta paulò ante aſſumpta, cruda partim & ſemicocta, imprimis aniſi ſemina integra prodire animadverteret, conſilium meum petiit. Ego verò animum haud abjiciendum, quin potiùs remedia balſamica & aloëtica adhibenda ſuaſi; atque factum, ut ſolius eſſentiæ Myrrhæ, & alterno quandoque Elixirii P. P. dulcis externo & interno uſu; cibi magis digeſti prodirent, ſicque ulcere debito modo mundificato ægra priſtinæ ſanitati, auxiliante Deo; fuerit reſtituta. Simili abſceſſu in Regiâ hac Hafnienſi, Lanionis uxor ſexagenaria; quæ ultra octennium Ompholocalem, tandemque diuturnam & pertinacem alvi ſuſtinuerat obſtructionem, laborabat. Hic abſceſſus circa regionem umbilicalem ſiniſtram ſphacelatus; foramine thaleri magnitudine abdomen perforabat, ubi non tantum copioſum & fœtidiffimum pus; ſed & varia alimenta variæque ſemina effluxere; imprimis autem memorabile, quod e. g. carvi ſemina rarò integra, dimidiatim verò concifa multâ in copiâ è vulnere egrederentur; ægrâ intra duorum Menſium ſpatium, per ſolius D E I gratiam ſimiliter reſtituta. Hæc igitur cum dubitare non permittant de eroſione & ulceratione intestini cujuſdam, quod ut ut viſu deprehendi haud potuit, Ileum tamen affectum fuiſſe vero videtur ſimiliſſimum. In priori enim Hiſtoriâ Ileum; lumbricorum illud domicilium, perforatum occaſionem dediffe Apoſtemati inguinali, patet ex variis Naturæ Curioſorum obſervationibus. In poſteriori verò Hiſtoriâ, idem Ileum ulcere læſum confirmant partim eſculenta brevi è vulnere reſecta, partim ſuus, partim quoque Anatomica ſectio, quam Regiomonti Boruſſorum Parens Chirurgus Anno 1693. mecum inſtituit: In uxore enim Pellionis cujuſdam Domini Nâherin (ſimili omphalocèle ſphacelatâ defunctâ) Intestinum Ileum in ipſo hoc loco herniâ affecto ſacculum oſtendebat, in cujuſ cavitare pugni magnitudine tria vel quatuor prunorum damascenorum reperiebantur putamina integra, quibus diſſectis nuclei erant omnino carioſi atque fœtidi. Atque adſtantes bona fide affirmabant, defunctam jam ultra trium Menſium ſpatium pruna degluſiſſe integra. Quod verò talis præternaturalis quandoque in Ileo ſtatus contingat, nuperrimum quoque monſtrum biceps in agro Hafnienſi editum, confirmavit, quod prioris Anni Menſe Aug. à Conſiliario & Archiatro Regio, Illuſtri Domini no D. Georgio Franko de Frankenau, cultro anatomico ſubjectum, conſpicuum ſatis utricularem intestini Ilei, exhibuit ſacculum; hujus verò Anatomici prolixiori & eruditiori ſermone Eruditus Orbis propediem expectabit.

Intestinalis tunica abscessus glandulosus.

*Clariss. Joh. Ludovici Apini. Miscell. Curios.
Decur. iij. Ann. 9. & 10.*

Vir annorum quadraginta novem, temperamentum Sanguineo-cholerici, castra à prima juventute secutus, & Locumtenentis officio functus in turma Equitum Cataphractorum, sanus aliàs & incolumis, laborum tolerans, sine dubio ob mutatum vitæ genus, quod olim in Hungaria, Rascia, Danubii Rhenique tractibus fuit occupatissimum, tum temporis autem, feriente Bellona, desidiosum erat & ignavum, accedente etiam victu crudiore & vi-liore, paulatim cœpit floridum faciei colorem amittere, oculosque cavos ac trucem ostendere vultum, qui mihi juxta ac aliis suspectus erat. Sed ut robore naturæ pollebat, ita nil opis flagitavit, donec d. 5. Februar. 1699. rigore vehementissimo & omnimoda virium prostratione corripitur, ita ut d. 6. summo mane vocatus, valde debilem & velut à se ipso mutatum deprehenderim. Non ambigebam ex prægresso rigore & subsequente caloris intensiore gradu, febre acuta continua laborare ægrum. Igitur ex methodo mihi familiari seq. præscripti Mixturam.

R. Aq. flor. sambuc. cortic. antifebr. n. ana ʒß. aceti theriac. ʒij. Extr. antifebr. n. ʒj. Theæ bezour. ʒj. sirup. de cort. citr. ʒß. Hinc sudor erupit, quamvis non sine anxietate, & peracto sudore levia quædam intercurrerant animi deliquia, cujus gratiâ seq. Epithemate ad pulsus & tempota fuimus usi.

R. Spir. Vin. camphor. aceti rutac. aq. carbunc. ana ʒj. Jactabat etiam ob caloris vehementiam hinc inde corpus & haud raro per axillam dextram puncturas acutissimas transire sentiebat, ut universum corpus veluti terrore aut Epileptico insultu comprehensum elevaretur in altum, hincque facile colligerem, occultum quid subesse.

Consumpta horis antemeridianis Mixtura Antifebrili. in eundem scopum Pilulæ seqq. præscriptæ. R. Extr. antifebr. 3ß. Camphor. ʒß. cum s. q. Extr. Myrrh. f. Pilul. Numero XL. D. S. *Ade 4. Stunden 5. Stuk zu nehmer*, sumat 5. singulis quatuor horis.

Hinc tamen ex voto ceu aliàs solent, æger haud sudavit, alvus verò bis solvitur, quæ qualis fuerit, nemo observavit. A meridie igitur horâ tertiâ, cum sudor non satis responderet, dedi ʒj. salis cujusdam Antimonialis bezoardici, utpote quo difficiles ad sudandum plerumque soleo & deart-requies reddere. Nec eventus fefellit, sudavit enim euφώρως. Horâ nonâ nocturnâ jussi deinceps binas assumere pilulas è jam memoratis, quæ sine operoso regimine facilem moverunt sudorem. Hoc ipso verò manè multò melius habebat æger, pulsum ostendens vegetiorem cum habitu & vultu pleniore ac rubicundo. Horâ septimâ matutinâ pilulæ binæ iterum præbentur unde jam, solutâ semel habitu externi stricturâ, & æqualiter circulante Massâ humoralî, largiter sudavit. Interim bene spirabat, dolorem neque ventris neque pectoris querebatur, nullâ tussî vexabatur, & tamen cœpit post levem sreatum sputum viscidum cruore tinctum, laceritium revera, exspuere ac rejicere sine laboriosa commotione, sine ulla tussî, quasi sponte sua veluti per ebullitionem in os redundaret & assurgeret. Vo-

micam proin alicubi in pectore ruptam non dubitavi, & proin pectoralia Antifebrilibus remisui seq. in modum.

R. Aq. Cort. antifebr. n. Cherefol. an. ʒij. Extr. Antifebr. gr. X. bals. Sulph. anis. grt. ij. Sirup. flor. pap. errat. ʒij. laud. cydon. grt. ʒ. M.

Hujus Mixturæ dimidium horâ nonâ nocturnâ dedimus, reservantes reliquum in crastini auroram. Nox superioribus quietior. D. 18. 99, æger, quàm aliàs pacatior, jamque ad sudorem perfacilis, multum adhuc spuens viscosi phlegmatici sanguine tincti. Mixturâ consumptâ pilulæ pectorales & simul Antipyreticæ seqq. præscriptæ.

R. Succ. Liquir. depur. Extr. antifebr. n. ana ʒß. laud. cydon. gr. ʒ. c. s. q. Ess. antifebr. F. Pil. num. LX. D. S. *Alle 6. Stund 10. Zu nehmen*, sumat 10. singulis sex horis.

Sub vesperam etiam Mixturam pectoralem resolventem talem ordinavimus.

R. Aq. Veron. Scabios. an. ʒij. cinam. aceti destillat. an. ʒß. sangu. hircin. pp. Ocul. Cancror. ppt. ana ʒij. Sir. fl. pap. errat. D. S. *Alle Stund ein Löffel. vol zu nehmen*, sumat singulis horis cochlear unum.

Hæc eo sumebantur successu, ut cum phlegmate sanguinolento nunc etiam pus rejiceretur. Potus ordinatius erat ex speciebus pectoralibus. Herb. Cherefol. fl. papav. errat. & rad. lapp. maj. D. 9. continuetur expectoratio mixti cum pitre cruenti sputi incredibili copiâ, paulatimque rursus nunc accedit & ingravescit, quasi ex profundo majori conatu exantlanda esset sputi materia. Pergitur in iisdem. Nox autem valde inquieta ob tussim perpetuò urgentem, cujus irrequieta sollicitatione d. 10. mane particula quædam membranacea sputo rejecta, aquæ, cui injiciebatur, innatans. Omnia hæc Vomica & abscessum intra pulmontes loquebantur. Secus tamen fuisse eventus docuit. Cum enim alvus ultimo hoc triduo obstructa esset, & æger tensionem quandam in abdomine perciperet, Clyster ex meris emollientibus injectus. Unde alvo soluta, pus statim & sanguis, seu materia illi, quæ avas rejiciebatur, similis conspiciebatur. Sequuntur paulò post tormina & iterum alvi solutio, quam cum d. 11. mane inspicere, inter excrementa integras tunicas intestinales conspici sibi videbantur, ad quod spectaculum ego vocatus, sanctissimè affirmare possum, integras tunicas intestinales, tubulosâ formâ exactissimè præditas. Hisce meis manibus me tractasse, & super baculum teretem expansas adstantibus & ad rei novitatem concurrentibus vicinis monstrasse. Erant autem utraque sine laceræ, pure & sanguine conspersæ, alicubi etiam punctulis rubicundis notatæ, quasi acu factis foraminulis, longitudinis diversæ, ita ut portio quædam spirhamæ longitudinem æquaret. Accuratior inspectione adhibitâ, patuit fuisse frusta tunicae interioris glandulosæ, quam vulgo peristroma villosum dicunt, & Malpighius ex glandularum nervæ tunicae tanquam basi insistentium ductibus pilosis excretoriis componi asserit. Ruyschius verò in Epistola Problematica XI. ostendit, nihil aliud esse quàm vasorum sanguiferorum extremos molliores sinus & fasciculos, instar penicillorum detritorum concipientes, secluso sanguine mucidiorem saltem lympham & pituitam intestinalem transmittentes. Manifestè enim rugæ illæ ac plicæ, in tunica interiore aliàs notabiles, conspiciendæ erant. Clari-

riſſimè igitur intelleximus, laborare ægrum abſceſſu tunicæ intestinalis glanduloſæ, quate curationem dubiâ licet eventûs expectatione ſpemque metumque inter, vulnerariis ſimul in auxilium vocatis contrinuavimus, & primùm pro febre penitus evincenda ac putredine arcenda, præſcripſi denuò 3ß. Extr. antiſebris, hoc addito præcepto, ut quinas mane ac vèſperi pilulas acciperet, deinde pro ſcopo vulnerario ſeq. ſpecies in juſculo caponum partitis vicibus decoquendas.

℞. Herb. Chærefol. fl. Verbasc. Hyperic. an. Mj. roſar. r. Mß. lign. ſaſſafras ſantal. alb. ſem. plantag. an. ʒij. Conciſ. D. ad Charr.

Situm ſolabatur ſeq. Julapium. ℞. Aqu. Veronic. Scabioſ. card. bened. an. ʒij. Tinct. fl. papav. err. ʒj. Conf. alk. compl. ʒj. ſir. fl. pap. err. ʒß. M.

Dum hæc aguntur, Æger, quod mirum, nunquam animo linquitur, liberè ſpirat, nihil ferè vel parum ampliùs per ſuperiora ſputi cruenti rejicit, nullam circa præcordia anxietatem paſſus, animoque conſtanti & imperterrito præditus, ſuos ſolatio erigebat, pulſu etiam plus quàm ante valens. Febris in horas remiſſior. Nox etiam præter opinionem quæta trahitur, ut ut alvus ſemel iterumque ſolveretur cruenta illa & purulenta ſine tamen tunicaceis excretis.

D. 12. itaque evidens convaleſcentiæ ſpes emicat. Continuata eadem uſque ad 14. Februar. quo tempore alvus bis terve intra Nycthemerum ſoluta cum pure & ſanguine intermixtis. Hinc d. 15. ad abſtentionem & mundificationem tale præſcripſimus.

℞. Ol. Amygd. dulc. ſyr. dialth. an. ʒj. ſperm. ceri ʒß. balſ. Sulph. anif. ʒß. M. D. S. *Heibalsam alle 6. ſtund 1. Löſſel vol zu nehmen.* Baſſamus Vitæ de quo ſumat cochlear unum ſingulis ſex horis. Conveniens etiam videbatur ſeq. Emulſio, unguinoſa ſua dulcedine intestinalia abſterſura ac delibatura.

℞. Amygd. dulc. ʒß. ſem. 4. frig. maj. papav. alb. an. ʒj. c. f. q. aq. fl. acac. & veron. F. Emulſio, add. Sacch. perl. ʒij. aq. cinam. ſpirit. ʒß. M.

Horum uſu vidimus nihil ampliùs cruoris oſendiſſe excrementa, quamvis alvus valde lubrica eſſet ob uſurpata ſine dubio oleoſa.

D. 16. igitur, cum obſervaremus juſculum cum voluptate comestum, dicto citius, nihil pene mutatum fuiſſe redditum alvo, ad lientericum fluxum iſtum compenſendum ſequentes pilulas præſcripſimus.

℞. Extr. tormentill. theriac. cœleſtis ana ʒß. c. f. q. Eſſ. Traumat. Wedel. F. Pil. n. XX. D. ad pyx. p. nuc. m. conſperſ. S. *Stillende-Pillens alle 6. ſtund 2. Struck zu nehmen.* Pilulæ Anodinæ quarum duæ ſumantur ſingulis ſex horis.

Hinc per diem non niſi bis alvus depoſita eaque incruenta, ſimul verò mane ac vèſperi cochlear unum prædicti baſſami ſumitur. D. 17. & 18. alvus moderatè fluit, appetituſque paulatim reſurgit. Conſumto baſſamo, cœpit d. 18. in juſculo vulnerario cochlear axungię canis junioris caſtrati, qua valde delectabatur. Pilulis verò ſuperioribus tales ſubſtitutæ.

℞. Extr. torment. Liquir. tereb. coct ana ʒj. c. f. q. balſ. peruv. f. Pil. num. LX. D. S. *Balsamiſche Pillen, Früh und Abends 5. Stück zu nehmen.* Pilulæ Baſſamicæ de quibus quinque ſumantur mane & vèſperè.

Harum uſu nondum abſoluto conſtitit Lientericus alvi fluxus, & Æger cum viribus appetitum recepit. D. 1. Martii jam tum in publicum prodiens, & ſub cura noſtra à primo morbi inſultu non niſi 19. diebus verſatus,

Poſſent ad hanc Obſervationem multa utiliſſima notari tam phyſiologica quam pathologica. e. g. Quî factum; quòd ablata tunica interiore glanduloſa inteſtinorum, nihilominus mors non ſupervenit? Cum tamen caruncularum ſaltem excretionem in Dyſſenteria lethalem pronunciarit Hippocrates 4. Aphor. 26. ubi quæſtioni ſatiſſeri poſſe credimus, diſtinguendo inter exulcerationem inteſtinorum benignam & malignam, qualis ultima plerumque accuſanda venit in Dyſſenteria. Noſtra in præſenti caſu benigna fuit, orta occasione abſceſſus genuini qui ferè ordinariè periculo carent. Item qua de cauſa ruptus intra inteſtina abſceſſus cœperit ſe evacuare per excretionem anotericam, ſuperato valvulæ quæ in Coli principio eſt, robore, & occasione demùm clyſteris ad inferiorem portam appulerit, quod factum putamus ex inverſo motu periltaltico, occasione repentinæ conſternationis in ipſo principio vitali ex rupto intra inteſtina abſceſſu; Ruptiones enim hujusmodi introrſum factas difficillima conſequuntur ſymptomata uti, jam olim notavit Hippocrates 7. Aph. 8. *Ἐπὶ φύματι εἰς τὸν ῥιζῶς ἑλλοις καὶ ἐμειν καὶ λεπτοψυχῇ γίνεται.* Ex ſola ſcilicet principii vitalis perturbatione omnes illæ turbæ. Hæc aliaque miſſa nunc facimus, in vetam potiùs abſceſſus hujus inteſtinalis cauſam inquirentes. Circa quam investigationem notandum, hunc ægrum, antehac valetudine inculcata gaudentem, diverſis vicibus præſertim in Hungari & Rheni Nicarique oris ob diætam vinoſam Hæmorrhoides externas fluentes ſenſiſſe, quemadmodum mihi in hæc alia multò poſt inquirenti, faſſus eſt æger. Unde poſtquam legi, quæ Excellentiffimus Georg. Ernſt. Stablius in Diſſert. de Motu ſanguinis Hæmorrhoidali rationi ſanè & experienciæ conformiter ſcripſit, non dubitavi, à reſtagnante ſanguine Hæmorrhoidali intra tunicas inteſtinales, intimam ac mediàm parvos abſceſſus fuiſſe obortos, & ab his ſenſim tunicam intimam à proxima media muſculoſa fuiſſe ſeparatam, prout in variolis ipſa interdum cutis à ſubjectis reliquis corporis integumentis ſecedit, propter ſaniem ſubtus latentem & fibrillarum intermediarum nexum ſolventem. Vixit ab illo tempore æger perbellè, niſi quod æſtate ſubſequenti ſemel iterumque Colicos dolores fuiſſe paſſus, qui nihil erant niſi conatus hæmorrhoidales intentati. Ex quo enim ſubſequentis Anni tempore verno aperire ſe cœperunt Hæmorrhoides triplici oſculo, & non parum ſanguinis inde manavit, vivit noſter pancreaticè venæ ſectione prophylactica bis in anno uſus. Pater verò etiam ſingularis efficacia Extracti noſtri febrifugi, tum in febre hac, vulnerariæ affini, proſtiganda, tum etiam in reſolvendo cruore coagulato, plurium febrium Autore, quem quaſi ad *παρασύν* ducit & tanquam hoſtile quid è vitalitatis dominio proſcribit & expellit, prout idem in ducendis lochiis aliſque caſibus; ubi cruor extravafatus & coagulatus præſto eſt, cum admiratione præſtat. Neque reticenda eſt principii & baſſami interni vitalis efficacia in reſtaurandis hujusmodi partibus interioribus læſis. Dummodo enim bene ſit homini in vitæ radice, dummodo baſſamicam humores Craſin retineant, nil ita arduum eſt aut læſum, quod non Natura ſit ſanando, quæ una ratio eſt, cur interdum miraculoſa hujusmodi eveniant in arte Medica, quæ nonniſi gloriator ineptus aut thraſo garrulus ſuz

suæ adscripserit arti. Nam & sic αἱ τῶν νεώτων ἰατρῶν φήσιν. Erat in ægro, dum alvi illo fluxu purulento laboraret, facies revera Hippocratica, atque τὰ αὐτῶν præcipuè ψυχρὰ διαφανέα εὐνεκλμένα non aliter atque folia arborum præ nimia siccitate arentia. Animus tamen semper præsens, respiratio libera & pulsus sibi constans. Unde calamitosissima illa & δανατωδὲς αὐτῶν mortis tamen significationem non habebant. Sunt enim illa prædicta minùs gravia ἡσόντων αὐτῶν, eadem Hippocrate teste in Prænot. 11. versic. 13. & 14. Si alvi excrementa valdè liquida fuerint, nec quicquam celerius faciei vigorem tollit quàm alvus concitior quod in Praxi versati non ignorant.

Intestini Coli portio abscissa minimè lethalis.

Clariss. Sylv. Samuelis Anhornii. Ephemer. Germanic. Centur. I. & 2.

Crassorum intestinorum vulnera, quamvis passim occurrant apud Authores vel spontè natu.â, vel per futuram consolidata atque curata, intestinum tamen per medium sectum, abscissâ ejusdem portione curam admisisse, inter rariora meretur poni, quæ occurrere possunt observationum monumenta. Casus hic obrigit in Joanne Kressenbuchur, Turgoviâ Utvillanô, juvene 26. annorum. Hic An. 1694. mente adhuc & corpore sanus, ex annonæ caritate famis miseriam expertus, clibano pistoris adstans, & paniculum inibi relictum videns, jubentibus sociis clam irrepit: panem petiturus & stomachum latrantem placaturus: verum seu vapore seu fornacis calore mox inibi obmutuit: diuturniore morâ perterriti circumstantes, vocato Pistori rem exponunt: hic sine morâ pedibus extractam frigidâ largiter perfudit; ex quo motus convulsi totum corpus prehenderunt; in habitum exinde Caducus erupit, & per paroxysmos modò semel, etiam bis de die miserum concussit, interdum unius & duarum hebdomadum inducias concessit; perversis tandem cerebri poris fatuitatem induxit. Die 16. Maii 1700. per septimanæ spatium totus amens cum furore fuit, nudus ubicunque aufugere potuit, excursabat, & ne vim sibi inferret, custodiri debuit. Ex institutâ venæ sectione placabilior factus de dolore in latere hypochondrii sinistro magnas querelas mover; quem atrocius sævientem paroxysmi Epileptici prodromum expertus est; precibus non raro institit, ut sibi cultro venter aperiretur. Die Mercurii ante Festum Pentecostis Anno 1700. Cui hoc cum totâ casus historiâ consignatum mihi tradere placuit plurimum Reverendq loci Parocho, Dn. Joh. Henrico Erni, Tigurino) solus in hypocausto relictus cultrum arripuit; ventrem, palmam supra umbilicum, magno ictu non modo perfodit, sed & portionem intestini trium circiter unciarum è vulnere præpendentem abscidit, & ceu quid actum sit cecaturus infra mensam projecit, seque ad fornacem proripuit. Pater superveniens conspecto cultro, deterius quid sibi illic ominatus, filii manus cruentas de ventre abripit, & rem attonitus videt. Vocatus loci Chirurgus, Dn. Joh. Conrad Vogt, portione intestini abscissi conspectâ mortis prognosticon tulit, & Cardiacis refocillato Patientē, utramque intestini partem ex vulnere propendere permisit, donec de illa certus esset, per quam fordes exirent. Res satis exploratâ, post plu-

rium dierum decursum, inferius intestinum in ventrem intrusit. Superioris verò extremitatem probè observari jussit, ne simul ad interiora recederet, & excrementa in cavum abdominis deponerentur. Sic tandem salius benignæ conservatricis naturæ providentiâ, nemine hoc per artem intendente factum est, ut extremitas intestini lauciati cum vulneris orificio coalesceret, & sexto jam anno tamquam ex podice equino expressis priùs rutilantibus rugis, excrementa alvina & flatus sine ullâ molestiâ hac viâ reddantur, per anum verò ne minimum quid excernatur, nisi quod primis diebus liquaminis cruenti secessit. Ante quinquennium circiter in viciniam vocatus, nolui occasionem ipsum visendi negligere: fatuus erat, moribus incompressis & vultus torvi, ligamenta detracta sero maduere; ex miro hoc podice palmam supra umbilicum existente compresso, serum fermentans spumofum & graviter nares ferrens, cum granulis hordeaceis & avenaceis exibat. Sic viribus valuit, ut negotia rusticana in campis & pratis obiret; à triennio verò, dum in piscinam suffocaturus sese profiliit, jussu Magistratus vinculis domi custoditur, ubi fila ducendo vitam agit. Paroxysmum Epilepticum si frequentius patiatur, & sitim extincturus largius bibat, plurimum aquæ potæ per locum hunc exit. Jam viribus fractus & emaciatus haud multum à fati limine abesse dicitur, quod cum ipso Parentes uni- cè vovent.

Intestinali tunica similes pelliculæ excretæ.

Clariss. Joh. Melchioris Verdries. Ephemer. German. Centur. I. & 2.

Interiorem intestinorum superficiem mucosâ quoque dam viscidior obliniri, nemo Physiologiæ atque Oeconomix animalis non planè rudis nescit; atque hunc mucum præternaturali modo in lentam duramque pituitam intestinorum parietes incrustantem, obducentem, gravissimaque hac ratione symptomata producentem, concrefcere, plus simplici vice solentes rerum Medicarum Observatores annotarunt. Hinc illæ pelliculæ diarrhææ excretæ, de quibus lumen ac decus viri Excell. Heliodorus noster Ephem. Dec. III. An. 9. & 10. Obs. LX. Nec adeò ignota est de celeb. Lipsio historia, qui quum multum diu gravi eum malo esset colluctatus, atque pharmaco sumpto materiam cohærentem intestinulo similem excerneret, consternatus atque aliquid intestinorum effudisse se ratus, confestim Medicum vocari jubet, actum esse de vita sua exclamans; cum tamen re curatius perspecta, deprehensum fuerit, esse id ipsum nihil aliud, quàm viscidior pituitam in intestinis sensim coacervatam, eorundemque superficiei cohærentem, atque hinc intestini figuram retinentem, insigni corporis emolumento exterminatam, brevi enim pristinae sanitati restitutus est. Non multum absimilis fuit sequens quem paucos ante annos hîc locorum observavi, casus satis profectò curiosus. Videlicet Vir quinquagenario paulò major, temperamentî cholerico-melancholici, febris biliosa sat graviter decumbebat, torminibus eundem simul miris modis excruciantibus, ego cum accersitus nihil non tentarem, quod ratio officii postulare videbatur, brevi meliori loco res ipsius esse cœperunt, utroque malo multum à rigore suo remittente. Vix tamen id, quicquid erat levaminis, bona spe repleverat;

pleverat adstantes, cum icturus ex improvise superveniens novâ eisdem sollicitudine, detinere. Ego verò fretus LXV. *Hippocratis* aphorismo Lib. I V. bonum id esse signum pronunciaui, atque huic quoque nodo convenientem cuneum quæsi. Accidit verò, ut cum Infusum Anti-Ictericum laxativum obtulissem, post dies aliquot me properanter accersiri juberet, cumque mei fecissem copiam, & quid rei esset interrogarem? hoc quoque medicamine se aliquantum quidem levare dicebat, co tamen loci venisse res suas, ut satius sit medicamentis abstinere. Nihil spei esse reliquum, intestina atque viscera putredine esse infecta, (*er sey faul in Leibe* quod sit putridum in corpore) nec audere se usum Medicamenti continuare, integra enim intestinorum frustra id ipsum expulisse. Ego facile suspicabar, quod res erat, atque frustra hæc aquâ abluta afferri curabam, penitius contemplantur nihilque esse aliud quàm ejusmodi pelliculas concretas & ad continentis intestini figuram accommodatas manifestè deprehendebam, quàmobrem bono eundem esse animo, jubebam, & ut in usu optimi Medicamenti pergeret, seriò hortabar; ita excretâ singulis diebus magnâ fistulosâ pituitâ & pellicularum copiâ, ex voto tandem convaluit atque postea à crebris morborum insultibus, quibus subinde antea divexabatur, immunis vixit.

Plura hóc in argumentò vide in Bibliothecâ nostrâ Medico-practica, sub titulò Colicâ & aliis; ut & in hoc ipso Opere, sub titulis variorum *Tumorum, Vulnerum ac Ulcerum*.

ISCHIAS.

Ischias, Barbaris *Schiatica* dicitur, & est dolor vehementissimus cujus sedes non est propriè aut semper in eò articulò qui femur cum ossè innominatò conjungit; sed aliùs ad summam propè natem, ubi nervi à lumbis & ab ossè sacro emergentes in crura feruntur, sæpius figitur. Causæ non multum differunt ab iis quæ arthritidem, item quæ rheumatismum faciunt: Siquidem oritur à serò acerrimò, undecunque demùm illud advehatur, quod partes membranosas ac nerveas, in quas depluit ac decumbit violentius pungit, ac quasi dilacerat.

Hic morbus à multis cum arthritide confunditur, ac pro unò eòdemque habetur. Verùm præterquam quod multi arthritici ischiade nunquam infestari fuere, & contra maxima ischiadicorum pars podagrâ immunis vixit: Quis nescit quod arthritidis nunquam in verum eumque purulentum terminetur: Ischias verò sæpe: Quòdque præterea in ischiade, sicuti in plerisque aliis juncturarum doloribus, tumor & rubor oculis perspicui non appareant; in arthritide autem contrà.

Verùm disceptationes hæ minùs pertinent ad institutum Bibliothecæ nostræ Chirurgicæ, in quâ practica præcipuè sectamur, & ad quam pertinet propriè ischias, quatenus in abscessum quandoque abie, ut ex observationibus mox adferendis videbitur, postquam iis præmiserimus historiolum Ischiadis facili remedio curatæ à Cla. iss. Josepho Lansonò, Miscell. Curiosor. Decur. iij. Anno 1. insertam, quæ hæc est.

Adolescens quidam diu ischiade laborabat, & cum multis ac diversis, à variis quoque Medicis, præscriptis frustra usus fuisset remediis, rusticum medicastrum vocavit ad sui curam, qui asseruit salutem ejus sumi debere ab urticâ, si eâ locus affectus ad rubedinem quæ cederetur, & vinò albò

generosò postea ablueretur; quò peractò sanatus est non sine adstantium admiratione. Tale verò remedium mihi novum non fuit, nam simile quid me legisse recordor apud Wolfgang. Hæferum lib. 4. Hercul. Medic.

Scholiū Clariss. Viri Lucae Schrak. Luc. Filii.

Cornel. Celsus lib. 3. cap. 27. membris paralyticis etiam prodesse censet, summam cutem exasperasse urticis cæsam, usque dum rubere cæperit. Quod num tali alicui acredine insigni prædito, quò nempe morbosum illud acidum contemperare, & enervare valeat, adscribi mereatur, valdè hæreo, cum præsertim nec linguæ judiciò tale tal in urticâ se manifestet; illud verò quod ei inest blandum existere per experimentum à Tackeniò in Hippocr. Chemic. cap. 19. adductum, evincatur. Unde potius in spiculis urticam undique cingentibus, & acumine suo dum penetrant fibrulas cutis nerveas pungentibus, medelæ causam quærerem; quæ dum à molestis his corpusculis convelluntur, motum etiam sanguinis pervertunt, sicque unâ subsistentes in parte adfectâ particulas agitare, atque in naturalem motum reducere possunt.

Ischias cum carie ossis ischii & femoris lethalis.

Mulier conspicua Staviacensis atroci dolore ischiadicò discruciat. Varia ac varia à Chirurgis adhibita sunt auxiliorum genera; calidæ essentia, emplastra validiora parti roborandæ idonea, ut & etiam discutientia: verùm omnia sine fructu. Unde cum ego adverterem dolorem per somnum augescere, febremque simul ac indefinenter ægram vexare, pus in ischii parte interiore delitescere meritò suspicatus sum, illudque sine apertione inde minimè esse educibile. Sed cum pulposus esset clunis ille, nec nisi cum ingentissimò dolore sectio peragi posset, consului ut cauteria aliqua potentialia inibi applicarentur; per quorum escharam cum sectio institueretur, multum puris cum violentiâ eructabatur, remittentibus inde utcumque & dolore & febre. Verùm cum pus istud per diuturniorem moram periostrium erosisset, & ossis ischii partem carie effecisset, simulque femoris os non parum corrupisset, sphacelus ac mors brevi accessit; & doloribus ac vitæ finem dedit. *Ex communicatione Clariss. Viri Antonii Drelincurii Rerumpublicarum Bernensis & Friburgensis Archiatri extraordinarii ac Antistitis.*

Ischias refrigerantibus sanatur.

Vir Illustrissimus; Bernensis Consul, staturæ proceræ, macilentus, temperamenti sanguineo-biliofi, incidit in violentissimum dolorem ischiadicum, quo cum per dies multos distorqueretur, noctesque insomnes ageret; urgente præterea siti, appetitu prostrato, viribusque prorsus dejectis: Medicus clinicus multa adhibuit remedia externa, olea, essentias, ac emplastra calida ischiadica dicta, frictions præterea calidas ac vehementiores. Verùm sic non lenitur dolor; quin potius in dies exacerbatur, & febris accenditur. Vocatus ego in consilium, reperio Virum Consulem quasi de salute desperantem, ac propterea methodum curatoriam in illo infaustis avibus usurpatam ex asse permutandam in

in animum induxi. Clysteres itaque refrigerantes adhibui, emulsionem anodynas propinavi, à quarum vel primâ dosi placidam transegit noctem, cum prius à quatuordecim diebus somno & omni prorsus requie orbatus fuisset. Hinc suadeo balneum aquæ tepidæ, illudque simplex & nullis medicamentis herbis; quo per dies circiter octo usus, non neglectis interim & emulsionibus & clysteribus suprâ memoratis, remittebat febris, minuebatur dolor, cessabat, viresque in dies resocillabantur. Tunc pristinam præscribebam laxantem, dietamque ideæ morbi ac ægri temperamento accommodatam instituebam. A phlebotomiâ autem, quia ab eâ summopere abhorrebat Vir Illustris abstinere coactus fui: Verum sic non minus per eam prædictam intra quindecim dies & stare, & etiam ambulare Vir Consul valuit; indignabundus contra Medicum clinicum mihi gratias dulcissimas agens. *Ex eadem communicatione.*

Ischias Cucurbitulæ & Vesicatoriis curatur.

Vir strenuus Bernensis Dux legionis in Cataloniâ militans sub diô pernoctare coactus, uvidâ nocte, sub tegmine fagi humi recubans, primâ aurorâ expergetactus & irrequietus de dolore ossis ilii & sacri conqueritur, & vix erectus & stans in pede incedere quivit; unde ubi primùm ab exercitu discedere ei copia dabatur Monspelium se contulit, opem à Medicis inibi erogitans, variis autem atque variis exquisitoribus quidem adhibitis ad sanationem remediis, sed sine successu, tamque atroci & pertinaci dolore excruciatu rectâ Parisios tendit.

Ad Medicam dubius confugit ager opem.

Auxilium querit à primoribus ibidem Medicis, diversisque adductis triplici ab armamentario auxiliis, doloris levamen nullum affertur, & sic animo despondens Nobilis æger, Luteriâ relicta, patrios lares repetit, longumque per iter, ossifragum quasi dolorem perpeffus, Medicos Poliatros accersit

*Scilicet ut victus repetit gladiator arenam,
Et redit tumidas naufraga puppis aquas.*

Auxilium promittunt junctisque manibus remedia, ut ipsis videbatur appropriata tum externa tum interna citò & diu admovent; sed incassum jussuque Nobilis patientis à me consilium expostulant; sed ne crambem recoquere viderer, citò ad externa præsidia confugio, armaque præscribo ab armamentario Chirurgico desumpta, scilicet hirudines, vesicatoria, cauteria, aut parentalia, aut actualia, ex ferro candente, videlicet ex Hippocratis consilio, ad extremos quippe morbos extrema exquisitè remedia conveniunt. Verum id consilii Bernensibus Medicis non arridet, flocci faciunt spondentque iterum sanationem aliundè quæsitam, sed frustaneam, unde æger defatigatus ac tædiosus ab usu remediorum tam futili, Verbigenum se contulit manus auxiliatrices meas efflagitans. Idcirco sine morâ, convocato Chirurgo experto, aliquantulâ nobili ægro concessa quiete, ante focum sedere jubeo, fortibusque frictionibus in regione ilii, ossis sacri, & circumstantium partium ad rubedinem adhibitis, cucurbitulas tres admoventi curo, duas quidem superiores ad ilii regionem, tertiam verò inferiorem super osse sacro, quibus post attractionem detractis, hirudines applicari satago, his autem sanguine saturatis, cruoreque plenis, atque spontè delapsis,

Bibl. Chirurg. Tom. II.

iterum cucurbitulæ tres admoventur, removenturque roties quoties ichorem à profundo extrahere valent, hinc vesicatorium forte & per amplum hisce partibus applicari jubeo, ac reliqui inibi loci aliquot per horas; quo detracto vesicatorio, quasi à referato latice largo, serum copiosum erumpit, ad uncias ad minimum duas; serum inquam, falsum atque bile tinctum, hinc linimentum dulce applicatur, atque ab illo fortunato momento erectus æger incedere valuit, liber ab atroci cruciatu, atque crastinâ die sequenti, eques ad suos latus se recepit, immunisque à tanto dolore exegit vitæ curriculum. *Ex eadem amicâ communicatione.*

Ischias lethalis, ubi mesenterium purulentum repertum.

Vir incliti stemmatis, Bernensis ordinum militarium Dux, lustrum vitæ sextum peragens, Nobilem ducebat sponsam Lausannensem, à mensibus autem nuptiarum aliquot ischiadico dolore molestabatur, consulebatque & Chirurgum & amicos ad doloris levamen, quo paululum sedato, Bernam se recipit cum dilectissima sua conjuge, ibique dolore renovato opem expostulat à Medicis & Chirurgis, à quorum ope iterum ad tempus dolor obscuratur. Verum verò cum revivisceret atrociorque fieret dolor, accersit à Lausannâ Chirurgum urbis illius incolam, qui junctis manibus cum Medicis poliatis, Chirurgoque pariter illius urbis primario, auxilia pro virili quæsitâ admovent sed sine successu, febris ingruit lenta; dolor in dies acutior excruciat Nobilem patientem, undè nec immeritò abscessum in parte latitantem suspicantur, apertionemque ad exitum materiæ judicant summopere necessariam, ad quem finem deveniendum, rebus domesticis consultis, Lausannam devehunt Nobilem agrum lecto pensili, comitantibus & Nobili Matrona uxore, & Chirurgis, tum Bernensi, tum Lausannensi prædicto; ubi ut consilium inirent pro casu tam arduo, accersunt Genève Doctorem Medicum expertissimum, Philosophiæ Professore, suadente Nobili ægrotantis fratre D. D. Præfecto Nividunensi prælaudati Doctoris Medici Mæcenate; convocant & aliunde expertissimos Chirurgiæ Magistros Gallos è quorum omnium unanimi consensu, sectio instituitur à Chirurgo Bernensi antiquiore, ad spithamæ semissis circiter longitudinem & ultrâ, dilatatoque vulnere ex arte viginti post quatuor horas ex eo aperto, pus effluit copiosum: vulnus curandum committitur clinico & domestico Chirurgo Lausannensi: hinc post dies aliquot elapso à prædicto D. Doctore remediis internis & convenientibus, insistentes Nobilem patientem revehunt Bernam, eodem lectulo pensili, iisdem comitantibus, & Matronâ, & Viris, adjuncto Domino Doctore Genevensi præfato, ubi cum degerem ego convocatus ante ab amplissimo & Nobilissimo illius Reipublicæ senatore, accersor à Nobili decumbente ad consilium ineundum cum supra nominatis viris poliatisque Dn̄is. Dbus. uno aut altero, qui unanimiter conveniunt febrem quam dicebant hecticam, à materia tam diu hospitante supra osse ischio, ejusque periostium corrode, doloremque atrocem diu excitante, originem ducere, in remediisque antihecticis intus assumendis pergendum, ad febris hecticæ dictæ extinctionem non omissa præ cæteris à D^{no}. Doctore præscriptâ rhei tincturâ, extractâ cum aquâ Cichorii stillatiâ, quâ quotidie utebatur ad laxandam alvum. Ego autem febrem illam non hecticam nominabam,

sed lentam; non à prædictis causis ortam, sed ex abscessu, ut opinabar, in mezentério latitante, idcirco mutanda fore interna remedia, vinumque tam arctè prohibitum ægro viribus fracto concedendum, ut in dies magis ac magis macilescens, appetitum dejecto, ejus usu refocillaretur, alvusque spontè excrementa expromeret, sollicitata à vini bilisque simul aculeis, quandoquidem evacuatâ arte bilis quotidiana rhabarbari tincturâ, pigresceret alvus; nullus autem mecum convenit, Nobilisque æger dejerat se se satis demirari non posse me. Medicum Gallum & quidem Parisinum, vini usum suadere posse (quantum non merum dixissem, sed aquâ aut decocto appropriato probè dilutum) Præterquàm quòd si in Mezentério hospitaret abscessus, de suis rebus actum foret: prædictum consilium igitur prætermittitur, curaque vulneris Chirurgus familiari & domestico committitur; hinc prælaudatus Dñs. Doctor Genevam se recipit, nullusque juxta ægiotantem relinquitur quam Chirurgus ille qui summo mane me conveniebat die sequente, ad invisendum Dum. decumbentem, qui me adveniente exclamabat, bone Deus! quantam noctem turbulentam in me excitasti, vir amice? Revera etenim amicus erat ille mihi, quem ante annos aliquot à febre quartanâ vindicaveram: quam truculentam, inquietabat, noctem, bone Deus, excitasti mentionem faciens de febre lentâ mesentericâ ab abscessu inibi latitante? Fallar aut utinam ego reponebam: sed vini usum, aiebat, mihi suadere hecticâ laboranti? At vereor vehementer dicebam, salva ne sit sententia mea de mezenterii abscessu. Fortè autem fortuitò cum Chirurgus incumberet grabbato ad tractandum vulnus, cubito in abdomen patientis relaxato, inclamat subito, heus me occidisti, effluebat quippe sanguis è vulnere, statimque Chirurgus materiam effluentem explorans, videt summo cum stupore, pus uberantius è vulnere emanare, premitque tunc manu admodum forti abdomen, regionemque potissimum mezenterii, unde pus ubertim magis ac magis extrudit, hinc me citius accersunt, ægerque tunc inclamat ad me, nunc te bonum vatem, me invito ac dolente, te nomino & reapse, inquit, abscessus est in mezentério, indeque tota ad vulnus confluitat materia; cura igitur subito mutanda, traumaticas poriones ad usum revocant, vinumque exhibent, probè dilutum decocto Chinæ; utuntur & decoctis guajaci, sarsæ parillæ, chinæ & aliis variis aperientibus & detergentibus remediis; valedicunt usui decocti rhei; fit alvus libera; remittit in dies febris; paulatim redeunt vires; reviviscit appetitus, exhilaratur æger; interea per sedes materia purulenta ejicitur, vulnus persanatur, ac occluditur; stare incipit æger, deambulat scipione nixus per cubiculum, & post menses aliquot à senatu decernitur Paterniaci præfectus quo rheda deVectus dolor utcumque ischiadicus renovatus mesenteriique simul labores obtusi, prostratur æger & mesenterii sordes alvus deponit, totisque tunc ac universis cum mesenterio contumpris glandulis, languescit æger moribundus, ac animam Creatori tandem committit. *Ex eadem communicatione.*

ISCHURIA.

Vid.

URINÆ VITIA.

JUNCTURARUM MORBI.

DE Juncturarum varietate vide capite de Offibus, in Bibliotheca nostra Anatomica, idque præcipuè ex præclarissimo Dom. Havers, qui de Offibus tractatum sanè elegantissimum composuit, in quo de glandulis ipsis articulationibus adfixis, serumque pinguius, ad motus facilitatem vomentibus verba facit; à quo succo degenerare, non pauca mala derivantur. Atthritis quæ præcipuum ex iis, aliaque quæ ex vulneribus, laxationibus, incurvationibus ac fracturis fiunt, propriis explicantur capitibus. Hic propterea tantum de apostemate schirrhoso digitorum, de contractura, rigiditate ac Synovia articulorum, per Curationes & observationes aliquot, pauca trademus.

De Apostemate schirrhoso Articulorum digitorum.

Nascuntur circa juncturas digitorum quandoque apostemata phlegmatica seu potius schirrhosa, dura, coloris fusci, in quorum circuitu venæ attolluntur: ulcerantia & corrodentia ossa, & ligamenta: currentia & mutantia sedem, aliquando à membro ad membrum. Illorum causæ, iudicia, & cura sunt sicut strumarum malignarum & diffusarum per corpus: præmissa purgatione, diætâ sarsæ parillæ, usu aquar. vitriolar. & aluminosar. carnis viperar. & serpentium præpar. In principio ungendus est tumor oleo de spica, & de lilio, & superponendum emplastrum diachilum iteatum. Quod si contingat ea ulcerari, mundificentur unguento Apostolorum & pulvere asphodelorum, vel mercurii præcipit. vel trochiscor. de minio, & si necesse sit arsenicum adhibeatur, ut in scrophulis dictum fuit. Si autem os fuerit corruptum, uratur & removeatur ab eo corruptum: nam cauterium omnem corruptionem removet, postea vero curatione aliorum vulnerum curetur. *Ioh. Vigierius Chirurgia lib. 1.*

Contractura membrorum.

Manuali opera membra contracta si diduci possunt, tunc etsi mobilia non rursus fiant, (quod tamen interdum venit) nihilo secius forma alia illis quæ minus in motu impedimentum affert, accommodari potest. Ut si digiti extensi sistantur, tunc si contrahantur paulo minus in apprehensione incommodant: Si pes sursum tractus hæreat, ad terram usque retractus, etsi articulus genu fixus maneat, tamen incessum, qui prius sublatus erat, restituit.

Hoc autem manibus, vel instrumentis adhibitis, non magna vi, sed sensim in dies aliquantum impellendo, successu temporis, astricto, tendines & ligamenta ita magis magisque relaxando, in quibusdam locis aliquando id possumus efficere. Idque pro membri contracti ratione, variis modis. Ut si propter genu articulum fixum, ut sæpe fit pes sursum tractus sit, calceo induto, & alicubi adligato, continuo dum sedent & aliquid agunt, eum detrahendo; vel pondere appenso sæpe eum deprimendo. Quod & eleganter perficitur, si laminis duabus oblongis, in medio cavis, tibiæ & coxæ posteriori sedi accommodatis, & juxta articulum junctis interposita cochlea, eam invertendo quamdiu ferre

ferre potest, pes è superioribus deorsum sensim pro-
pellatur. Uti & in aliis locis, eadem ratione coch-
lea strias habente, commode perficitur: cum si ver-
ratur, sensim ex quibus inferitur premendo mem-
brum fixum impellat, & cum cochlea inversa sic
immota maneat, eadem membrum quousque pro-
trudit, sustentet & retineat. Quod ego in multis cum
successu, ingeniosè fabricatis instrumentis tentavi.
Sicuti quoque, si digitus extensus maneat, annulo
illi inserto, qui alii annulo, vicino digito adhibito
contiguus & affixus sit, dum hic digitus movetur, al-
ter fixus continuo impulsus, tandem cedere & flecti
nonnihil cogitur. *Felix Platerus Praxeos - Medica
lib. 2.*

De Cubito rigido, immobili, subito curato.

Ex incommodo quoties in arte Chirurgica com-
modum aliquod resultat & Chirurgus & ægrotanti
gaudii ansa sapius præbetur; evenit hoc in Helvetio
illo, cujus his verbis meminit Hildan. cent. 5. obs.
89. Helvetius quidam adolescens Lausannæ studiis
dans operam, ex arbore cadens, brachium sibi ad
carpum frangit. Ego in consilium adhibitus fractu-
ram feliciter sanitati restitui.

Ante annos autem aliquot contusionem talem cir-
ca carpum ejusdem brachii ex casu quoque contraxe-
rat, ut eo tempore manus veluti resoluta & impo-
tens permaneret: postrema autem curatio tam felici-
ter successit, ut manus penitus in integrum resti-
tuta fuerit, causam hujus sanationis hanc esse, mi-
hi videtur: Primus affectus sive contusio carpi, cum
ab imperito male curata esset, & imprimis plurima
medicamenta refrigerantia applicata fuissent, materia
quædam viscida inter ossa carpi remanserat, quæ
post fractum brachium, ab humore affluente veluti
irrorata, emollita, & excalescens esset, postea me-
dicamentorum emollientium & resolventium, à me
summa, qua fieri potuit diligentia exhibitorum be-
neficio, resoluta & dissipata fuit. Quæ exitiosa no-
bis videntur, frequenter commodum maximum af-
ferunt.

Petrus Jacobi Amstelodamensis anno 1661. utrius-
que brachii laboraverat aliquamdiu abscessibus, ul-
ceribusque, circa articulationem humeri & ulnæ,
Chirurgus, quo usus fuerat, ad veram eorum fi-
guram, convenientemque usum haud attendens, non
incurvata sed rigida ea reliquerat, unde ori ali-
quid iis admovere impossibile ipsi.

Curæ nostræ ubi subjectus, Fomenta varia, Ca-
taplasmata, Emplastra, applicata, diversæ brachio-
rum fricationes, extensionesque institutæ, ast nihil
hæc omnia effecerunt, nec humor glutinosus artic-
ulos fere accedens, nec mucus articularis, articu-
lorum motui dicatus, ullo modo resolvi po-
tuit, ut mobilitas aliqua adferretur membris
dictis.

Cibum ori admovere quod haud valeret, coch-
lear ipsi parari curavimus similiter ac cultrum ex-
cedentis longitudinis. Quid sit, panis dissecti particu-
lam cultri apici impositam ori admovere laborans, ea
privatur, procidens enim in terram à cane præsentem
aufertur, iratus ille pedibus percutere canem dum
laborat, in humum prolabitur, hoc ubi sit, eo quod
brachiorum uno resistentiam pavimento lapidei per-
ciperet, soluta materia ad dictum articulum hucul-
que detenta, & quod hætenus rigidum immobileque
fuerat membrum, ex improvviso mobilitatem debi-
tam acquisivit, sic ut eo ad modum pristinum uti
potuerit.

Joh. Henrici Wolvegad, bajulus, ex violentia ex-
terna pedis utriusque fracturam non solum, sed om-
nimodam comminutionem contraxerat. Hujus cura-
tio nobis committitur, quæ etiam ex voto successit.
Ex lecto surgens, non modo fracturam dictam cura-
tam notavit, sed & herniam intestinalem inveteratam;
ad cujus tamen curationem nihil à nobis adhibitum.

Plura huc facientia qui desiderat, quomodo nempe
ex incommodis commoda producta, adeat Fabr. Hilda-
num part. 1. obs. 29. & part. 2. obs. 8. *Joh. à Meckren in
Observationibus Medico-Chirurgicis.*

De Synovia.

Synovia nihil aliud est quam liquor chylosus nu-
tritius in parte vulnerata degenerans in liquorem sa-
niosum & aquosum, sub qua degeneratione acorem
occultum contrahit, & exinde vulnera istarum par-
tium insigniter contumacia ac simul periculosa sunt:
partes vero istæ interea, dum destituuntur conve-
nienti nutrimento, necessario arescunt. Unde fibræ
exsiccatæ & contractæ poros partis internos angustant
eosque connivere, seu quasi subsidere faciunt. Itaque
sanato licet vulnere nihilominus tamen difficillime &
tardissime pars denuo nutrirî potest, quin potius sapius
pertinax aut contumax aridura sequatur. Quin & cum
debilitata dicto modo pars minus robusta sit, atque
alia ipsi respondens, (id quod robur inæquale vocat
Helmont.) propterea facilius ac sensibilius fere exter-
norum objectorum impressiones recipit; unde tales
ægrî restituti licet, tamen quasvis aëris mutationes in
loco antea læso mox præsentiant.

Ut autem hæc Synovia, periculosum sane vulne-
rum in partibus tendinosæ articulationum symptoma
compescatur.

℞. Ostrearum, nempe testarum, ʒj. cranii adusti,
ossis sepiæ, mandib. lucii piscis calcinat. an. ʒij. spodii
terræ sigill. an. ʒiʒ. quæ mista inspergantur: Sic nam-
que cito evanescit.

Optimum quoque est unguent. fusc. Wurtzii, quia
tamen præparatio est laboriosa, & propterea difficulter
potest parari.

℞. Loco ejus vitriolum toties calcinatum spir.
vitr. dulc. speciatim ex vitriol. mart. & dicto modo
cum hoc procedatur atque vult Autor; nempe im-
mittantur in acetum destill. quoddam vulnerarium
& ita addatur mel, flores æris, sicque porro mis-
ceantur.

Vel ℞. Unguent. Ægyptiac. simplex, & adde ter-
ram vitriolatam Dulcem in aceto destillato dicto per-
mixtam, quantum postulat ingredientium proportio,
hoc potest esse loco unguenti fusc. Wurtzii, & un-
guent. Ægyptiac. magistr. compos.

Alias singulare experimentum est, si stercus porci-
num cum sanguine vulneris invicem mistum coquatur,
& ita vulnere externè applicetur instar cataplasmati;
hoc enim compescit synoviam.

Quin & linteum sanguine primo menstruo virgi-
nis tinctum humidum sive siccum applicatum cer-
tissimum habetur remedium ad compescendam syno-
viam. Polychrestum est si destilletur aq. ex cancr.
fluviatilib. contusis: hæc enim cum linteis duplica-
tis imposita, non tantum synoviam sistit, sed præ-
terea omnes inflammationes, erisypelata, dolores
partium vulneratarum; ac NB. quod cancri flu-
viatiles multum profunt in casibus Chirurgicis. *Michael Etmullerus Collegii Prælici parte 2. cap. 1.
Item in Chirurgia Medica.*

*De Synovia Venæ sectionem infaustam in brachio
factam subsequente.*

Victori nostri oppidi Barbarossæ venam medianam Balneator scalpello vehementiori cum talitro adaucto pertruderat, tendine musculi bicipitis subjacente simul læso, quod ipsum sicuti ab imperitis Chirurgis sæpius magno cum agrorum periculo fieri jamdudum notavit Adrian. Spigelius lib. IV. de humani corporis fabrica cap. 15. ita eventus in dicto Victore comprobavit; is namque primo derepente brachii stuporem perpressus est, quem, paulo post redeunte sensatione, dolor insignis & inflammatio exceperunt, post elapsam autem triduum ichor flavescens, sive meliceria aut synovia Paracelsi, ex labiis vulnusculi intumefactis atque ex pallido livescentibus emanare cœpit, cujus fluxione ultra octiduum in notabili copia perennante, miser victor in febriculam continuam ac totius corporis atrophiam manifestam cum inappetentia & vigiliis continuis incidit, frustra interea à balneatore, quem cum Terentio imprudentem harum rerum ignarumque omnium merito dixero, unguentis emollientibus pinguibus divexatus. Vocatus igitur tandem ego in consilium, exhibitis prius ægro medicamentis internis convenientibus, pulverem stypticum ex sanguine draconis, bolo armena, mastiche. rad. bistortæ & flor. rosar. rubrarum concinnatum cum albumine ovi exceptum Venæ sectæ admovi, quo facto mox Synovia imminui visa est, ast cum labia vul-

nusculi unionem admittere adhucdum repuerent, iis ad propiorem contactum adductis Emplastrum sequens admovi; quod ubi per 24. horarum spatium affixum permansisset, desit emanare Synovia atque consolidatio ex voto successit. Emplastrum tale erat præscriptum.

℞. Empl. de plumbo ʒj. diapalm. ʒij. Pulv. bol. armen. ʒiv. M. F. Magdal. trad. chart. incerat. ʒgr. *Pfaster zum bevyssen Gebrauch.*

Scalpellum, quo finitiæ usus est Balneator, nostratibus communiter dicitur *eine Flute* frequentissime olim in universa Germania, & hodie in quibusdam locis; propter vanam securitatis melioris persuasionem, usitatum, idemque depingitur a Botallo in Tr. de modo incidendæ Venæ p. 94. ac verbis describitur sequentibus pag. 87. Autoris *επεκρυσιον* simul continentibus Scalpellum aciem habet ad inum spectantem & manubrium, quod inter indicem est, pollicem ministræ manus, dum pulsanda vena & prehenditur, & accommodata acie obliquo modo super locum venæ eminentiorem, dorsum ejus vel pollice illiditur, vel adverso medio vel indice digito talitro intro pulsatur. Quod instrumenti genus & utendi ratio non admodum approbanda sunt: eo quod in ejus usu fallacia multa sit, & periculum non exiguum ferendi nervi, aut tendinis aut arteriæ, si venis tundendis hæreant; propterea quod ad unguem nulla repentina impulsio moderari possit. *D. Joh. Mauritiï Hoffmanni.*

Quædam rursus hoc in argumento videri possunt sub titulo *Articuli.*

Finis Libri IX.



